



3 1761 09704033 1



Toronto University Library

Presented by


The British & Foreign Bible Society

through the Committee formed in

The Old Country

to aid in replacing the loss caused by

The disastrous Fire of February the 14th 1890



Digitized by the Internet Archive
in 2014

*Bible
Ladin. Europ.
Rheto. Romanich*
Bible
Romansh LA
1870

Bible. Roma
"

SANCTA BIBLIA

QUAI AIS

LA SANCTA SCRITTÜRA

DEL VEGL E NOUV TESTAMAIN.

TRADÜT IN LINGUA LADINA D' ENGIADINA BASSA.

STAMPÂ A COLONIA.

SÜN UORDEN ED A CUOST DELLA SOCIETÀ BIBLICA BRITTANNICA ED EXTERNA.

ANNO M.DCCCLXX.

5

10410

3/12/90

Tabla dels cudeschs della sancta scrittüra; con il number da lur chapitels.

1. Ils cudeschs del vegl Testamaint:

	chap.		chap.
Genesi	50	Ecclesiaste, o Predgiader	12
Exodo	40	Chanzun dellas chanzuns	8
Levitico	27	Esaja	66
Numeri	36	Geremia	52
Deuteronomio	34	Lamentaziuns da Geremia	5
Giosua	24	Ezechiel	48
Güdischs	21	Daniel	12
Rut	4	Osèa	14
I. Samuel	31	Gioel	3
II. Samuel	24	Amos	9
I. Rais	22	Obadia	1
II. Rais	25	Giona	4
I. Cronica	29	Michèa	7
II. Cronica	36	Nahum	3
Esdra	10	Abacuc	3
Neemia	13	Sofonia	3
Ester	10	Aggèo	2
Giob	42	Zaccaria	14
Psalms	150	Malachia	4
Proverbis	31		

2. Ils cudeschs del nouv Testamaint:

	chap.		chap.
Evangelii seguond S. Matteo	28	Epistola da S. Paulo I. a Timoteo	6
S. Marco	16	II. a Timoteo	4
S. Luca	24	a Tito	3
S. Gioanne	21	a Filemone	1
Fats dels apostels (actor.)	28	als Ebreers	13
Epistola da S. Paulo als Romans	16	Epistola da S. Giacobò	5
I. als Corinters	16	I. da S. Petro	5
II. als Corinters	13	II. da S. Petro	3
als Galaters	6	I. da S. Gioanne	5
als Efesers	6	II. da S. Gioanne	1
als Filippensers	4	III. da S. Gioanne	1
als Colossensers	4	da S. Giuda	1
I. als Tessalonicensers	5	Apocalipse	22
II. als Tessalonicensers	3		

Tabella delle antichità della civiltà etrusca

con il numero dei loro capitoli

I. Le antichità del vero Etruscismo

1. Le antichità del vero Etruscismo	1
2. Le antichità del vero Etruscismo	2
3. Le antichità del vero Etruscismo	3
4. Le antichità del vero Etruscismo	4
5. Le antichità del vero Etruscismo	5
6. Le antichità del vero Etruscismo	6
7. Le antichità del vero Etruscismo	7
8. Le antichità del vero Etruscismo	8
9. Le antichità del vero Etruscismo	9
10. Le antichità del vero Etruscismo	10
11. Le antichità del vero Etruscismo	11
12. Le antichità del vero Etruscismo	12
13. Le antichità del vero Etruscismo	13
14. Le antichità del vero Etruscismo	14
15. Le antichità del vero Etruscismo	15
16. Le antichità del vero Etruscismo	16
17. Le antichità del vero Etruscismo	17
18. Le antichità del vero Etruscismo	18
19. Le antichità del vero Etruscismo	19
20. Le antichità del vero Etruscismo	20
21. Le antichità del vero Etruscismo	21
22. Le antichità del vero Etruscismo	22
23. Le antichità del vero Etruscismo	23
24. Le antichità del vero Etruscismo	24
25. Le antichità del vero Etruscismo	25
26. Le antichità del vero Etruscismo	26
27. Le antichità del vero Etruscismo	27
28. Le antichità del vero Etruscismo	28
29. Le antichità del vero Etruscismo	29
30. Le antichità del vero Etruscismo	30
31. Le antichità del vero Etruscismo	31
32. Le antichità del vero Etruscismo	32
33. Le antichità del vero Etruscismo	33
34. Le antichità del vero Etruscismo	34
35. Le antichità del vero Etruscismo	35
36. Le antichità del vero Etruscismo	36
37. Le antichità del vero Etruscismo	37
38. Le antichità del vero Etruscismo	38
39. Le antichità del vero Etruscismo	39
40. Le antichità del vero Etruscismo	40
41. Le antichità del vero Etruscismo	41
42. Le antichità del vero Etruscismo	42
43. Le antichità del vero Etruscismo	43
44. Le antichità del vero Etruscismo	44
45. Le antichità del vero Etruscismo	45
46. Le antichità del vero Etruscismo	46
47. Le antichità del vero Etruscismo	47
48. Le antichità del vero Etruscismo	48
49. Le antichità del vero Etruscismo	49
50. Le antichità del vero Etruscismo	50

II. Le antichità del nuovo Etruscismo

1. Le antichità del nuovo Etruscismo	1
2. Le antichità del nuovo Etruscismo	2
3. Le antichità del nuovo Etruscismo	3
4. Le antichità del nuovo Etruscismo	4
5. Le antichità del nuovo Etruscismo	5
6. Le antichità del nuovo Etruscismo	6
7. Le antichità del nuovo Etruscismo	7
8. Le antichità del nuovo Etruscismo	8
9. Le antichità del nuovo Etruscismo	9
10. Le antichità del nuovo Etruscismo	10
11. Le antichità del nuovo Etruscismo	11
12. Le antichità del nuovo Etruscismo	12
13. Le antichità del nuovo Etruscismo	13
14. Le antichità del nuovo Etruscismo	14
15. Le antichità del nuovo Etruscismo	15
16. Le antichità del nuovo Etruscismo	16
17. Le antichità del nuovo Etruscismo	17
18. Le antichità del nuovo Etruscismo	18
19. Le antichità del nuovo Etruscismo	19
20. Le antichità del nuovo Etruscismo	20
21. Le antichità del nuovo Etruscismo	21
22. Le antichità del nuovo Etruscismo	22
23. Le antichità del nuovo Etruscismo	23
24. Le antichità del nuovo Etruscismo	24
25. Le antichità del nuovo Etruscismo	25
26. Le antichità del nuovo Etruscismo	26
27. Le antichità del nuovo Etruscismo	27
28. Le antichità del nuovo Etruscismo	28
29. Le antichità del nuovo Etruscismo	29
30. Le antichità del nuovo Etruscismo	30
31. Le antichità del nuovo Etruscismo	31
32. Le antichità del nuovo Etruscismo	32
33. Le antichità del nuovo Etruscismo	33
34. Le antichità del nuovo Etruscismo	34
35. Le antichità del nuovo Etruscismo	35
36. Le antichità del nuovo Etruscismo	36
37. Le antichità del nuovo Etruscismo	37
38. Le antichità del nuovo Etruscismo	38
39. Le antichità del nuovo Etruscismo	39
40. Le antichità del nuovo Etruscismo	40
41. Le antichità del nuovo Etruscismo	41
42. Le antichità del nuovo Etruscismo	42
43. Le antichità del nuovo Etruscismo	43
44. Le antichità del nuovo Etruscismo	44
45. Le antichità del nuovo Etruscismo	45
46. Le antichità del nuovo Etruscismo	46
47. Le antichità del nuovo Etruscismo	47
48. Le antichità del nuovo Etruscismo	48
49. Le antichità del nuovo Etruscismo	49
50. Le antichità del nuovo Etruscismo	50

IL PRÜM CUDESCH DA MOSE,

NOMINÂ

GENESI.

CHAP. I.

L' universa creaziun da tuot il muond, compli-
da in ses dis.



NEL PRINCIPI ereet Deis il *
tschel, e la terra.

* Ps. 33, 6. 102, 26. 136, 5.

Ger. 10, 12. Act. 14, 15. 17, 24. Ebr. 11, 3.

2. Ma la terra eira üna chosa
sainza fuorma e vöda; e schürezzas
eiran sur la fatscha del abiss; ed il
Spiert da Deis as movaiva sur la fat-
scha dellas auas.

3. E Deis dschet: Saja la glüm! E
la glüm füt.

4. E Deis vezzet, cha la glüm *eira*
buna, e Deis separet la glüm our
dallas schürezzas.

5. E la glüm nomnet Deis di, ma
las schürezzas not. Usche füt saira,
lura füt la daman, il prüm di.

6. Davo quai dschet Deis: Saja üna
distaisa tanter las auas, la quala se-
para las auas our dallas auas.

7. E Deis fet quella distaisa; e se-
paret las auas suot la distaisa, da
quellas chi *sun* sur quella. Ed usche
füt.

8. E la distaisa nomnet Deis tschel.
Usche füt saira, e *lura* füt la daman,
il segund di.

9. Lura dschet Deis: * Tuot las
auas, *chi sun* suot il tschel, sajan ras-
spadas in ün lö, ed appara il süt. Ed
usche füt. * Giob 26, 10. 38, 8. Ps. 33, 7. 104, 6.

10. Ma il süt nomnet Deis terra; e
la raspada dellas auas mâr. E Deis
vezzet, cha *quai eira* bön.

11. Davo quai dschet Deis: La terra
prodüa erba manüda, erbas chi

fetschan sem e boſcha früttaivla, chi
porta früt, seguond lur specie; seis
sem *saja* in quel sur la terra. Ed
usche füt.

12. La terra dimena prodüet erba
manüda, erbas chi fan sem, seguond
lur specie; e boſcha chi porta früt,
seis sem eira in quel, seguond lur
specie. E Deis vezzet, cha *quai eira*
bön.

13. Usche füt saira, e *lura* füt la da-
man, il terz di.

14. Lura dschet Deis: Sajan *
glümêras nella distaisa del tschel,
per disferenziar il di dalla not; e
quellas sajan per signals, e per
distinguer las stagiuns, e 'ls dis, e 'ls
ans,

* Ps. 136, 7.

15. E sajan glümêras nella distaisa
del tschel, per portar la glüm sur la
terra. E füt usche.

16. Contuot fet Deis las duos gran-
das glümêras; la granda per gover-
nar il di, e la pitschna per governar
la not; e las stailas.

17. E Deis las mettet nella distaisa
del tschel, per portar la glüm sur la
terra;

18. E per governar il di e la not,
e per separar la glüm dallas schü-
rezzas. E Deis vezzet, cha *quai eira*
bön.

19. Usche füt saira, e *lura* füt la
daman, il quart di.

20. Lura dschet Deis: Las auas
prodüan abundantamaing limargias
chi 's strozian, *cha sajan* animals vi-
vaints; ed ils utschels svoulan sur
terra, e vi alla distaisa del tschel.

21. * Deis dimena creet las grandas balênas, ed ogni animal vivaint chi va 's stroziand; da quals animals las auas briclan, seguond lur specie; ed ogni *sort* d'utschels chi *han* alas, seguond lur specie. E Deis vezzet, cha *quai eira* bôn. * Ps. 104, 26.

22. E Deis ils benedit, dschand: * Früttai, s' adampchai, ed impli las auas nels mârs; ils utschels medem-mamaing as multiplichan sün la terra. * Gen. 8, 17.

23. Usche füt saira, e *lura* füt la daman, il quint di.

24. Lura dschet Deis: La terra produa animals vivaints, seguond lur specie; bestias domesticas, vermiglia, e bestias solvadias della terra, seguond lur specie. E füt usche.

25. Deis dimena fet las bestias solvadias della terra, tenor lur specie; ed ils animals domestics, tenor lur specie; ed ogni *sort* vermiglia della terra, seguond lur specie. E Deis vezzet, cha *quai eira* bôn.

26. Davo quai dschet Deis: Fain il crastian a noss' * imagna, seguond nossa sumgenscha, ch' el haja il domini sur ils peschs del mâr, e sur ils utschels del tschel, e sur las bestias, e sur tuot la terra, e sur ogni reptil chi 's strozia sur la terra.

* Gen. 5, 1. 9, 6. 1 Cor. 11, 7. Ef. 4, 24. Col. 3, 10.

27. Deis dimena creet il crastian a sia imagna, all' imagna da Dieu il creet el; * maſchel e femna ils creet el.

* Matt. 19, 4. Marc. 10, 6.

28. Lura ils ha Deis benedit, e dit ad els: * Früttai, e 's multiplichai, ed impli la terra, e fat quella a vus soggetta, e dominai sur ils peschs del mâr, e sur ils utschels del tschel, e sur scodüna bestia chi chamina sur terra. * Gen. 9, 1.

29. Meglinavant dschet Deis: * Mera, eu dun a vus tuot las erbas chiproduian sem, chi sun sur tuot la terra; e tuot la boſcha früttaivla chi fa sem. *Quaistas chosas* as dessan esser per spaisa.

* Gen. 9, 3.

30. Ma a tuot las bestias della terra, ed a tuot ils utschels del tschel, ed a tuot las limargias chi 's strozian sur la terra, nellas qualas

ais orma vivainta, dun eu ogni erba verda per mangiar. Ed usche füt.

31. E Deis guardet tuot quai ch' el avaiava fat, e mera, il *eira* fich bôn. Usche füt saira, e *lura* füt la daman, il sesavel di.

CHAP. II.

Vain dat üna repetiziun del prüim chapitel; Item il sabbat e pos del Segner; ils quatter flüms del paradis; la creaziun dad Eva; e l' instituziun del sanct matrimonium.

USCHE füttan complits ils tschels, e la terra, e tuot l' exercit da quels.

2. Ma, aviand Deis compli nel settavel di sia ouvra, ch' el avaiava fat, * schi ha el il settavel di posâ da tuottas sias lavurs, ch' el avaiava fat.

* Ex. 20, 11, 31, 17. Deut. 5, 14. Ebr. 4, 4.

3. E l' settavel di ha Deis benedi, e l' ha santificâ; perche el avaiava in quel posâ da tuottas sias ouvras, ch' el avaiava creâ, per *las* far.

4. Talas *sun* las origines del tschel, e della terra. Cur quellas chosas füttan creadas, nel di cha Deis il Segner fet la terra, ed il tschel,

5. E scodün bösch, e boſchaglia della champagna, ant ch' ün sul füss sur terra, e scodün' erba della cutüra, ant ch' *alchüna* füss dschermügliada; perche *amo* non avaiava Deis il Segner fat plover sur terra, e non *eira* alchün crastian chi lavuress la terra.

6. Ma üna vapur giaiva sü dalla terra chi sauaiava tuot la surfatscha della terra.

7. E Deis il Segner formet il crastian our dalla puolvra della terra, e soſlet ad el nellas fouras del nas ün flâ da vita, * ed il crastian füt ün' orma vivainta. * 1 Cor. 15, 45.

8. Lura implantet Deis il Segner ün zardin in Eden, davart del oriaint, e mettet in quel il crastian ch' el avaiava formâ.

9. E Deis il Segner fet dschermügliar our dalla terra da tuotta *sort* da boſcha dalettaivla da guardar, e buna da mangiar, ed il bösch della vita in mez il zardin, ed il bösch della cognoschenscha del bôn e del mal.

10. Ed ün flüm giaiva our dad Eden,

per sauar il zardin, e dalander as partiv' el in quatter capos.

11. Il nom del prüm *ais* Pison. Quaist *ais* quel chi va intuorn tuot il pajais d' Hevila, ingio *ais* l' or.

12. E l' or da quel pajais *ais* bun; qua *naschan* eir las perlas, e la peidra Onich.

13. E l' nom del seguond flüm *ais* Gihon. Quaist *ais* quel chi va intuorn tuot il pajais da Cusch.

14. E l' nom del terz flüm *ais* Hid-dekel. Quaist *ais* quel chi cuorra dalla vart orientala dad Assur. Ed il quart flüm *ais* l' Eufrat.

15. Contuot, aviand Deis il Segner tut il crastian, l' ha el tshantâ nel tiert Eden, per lavurar quel, e l' perchürar.

16. E Deis il Segner comandet al crastian, dschand: Mangia pür da scodün bösch del zardin;

17. Ma del bösch della cognoschen-scha del bön e del mal non mangiar; perche, qual di tti gnissast a mangiar da quel, schi vainst sgür a morir.

18. Ma darcheu disch Deis il Segner: E non *ais* bön cha l' hom saja sulet; eu al vögl far ün agüd sumgiant ad el.

19. Aviand dimena Deis il Segner formâ tuot las bestias della cuttüra our dalla terra, e tuots ils utschels del tshel, schi 'ls manet el via pro Adam, per vair, che nom el dess ad imminchüna da quellas; e da che sort nom Adam gniss a dar a scodüna bestia, cha quel dovess esser seis nom.

20. Ed Adam det il nom ad ogni animal domestic, ed als utschels del tshel, ed a tuottas bestias solvadias della champagna; ma per il crastian non as chattaiva agüd ingün ad el sumgiant.

21. Lura fet Deis il Segner erodar ün chafuol sön sur Adam, dal qual el s' indormenzet; e, pigliand *Deis* üna da sias costas, serret el lura aint la charn nel lö da quella.

22. Ed our da quella costa, ch' el avaiva tut ad Adam, Deis il Segner formet üna duonna, e la manet pro Adam.

23. Ed Adam dschet: Pür quaista uossa *ais* * ossa da mi' ossa, e charn

da mia charn; quaista vain a gnir nomnada homessa, per causa ch' ella *ais* tutta our dal hom. * 1 Cor. 11, 8.

24. Per quella chaschun * vain l' hom a bandunar seis bap, e sia mamma, e vain as rantar v' a sia muglier, e vegnan a dvantar ün' istessa charn. * Matt. 19, 5. Marc. 10, 7. 1 Cor. 6, 16. Ef. 5, 31.

25. Ma amenduos, Adam e sia muglier, eiran nüds, e non as turpi-aivan bricha.

CHAP. III.

La serp surmaina il crastian; la maledicziun vain declarada sur la serp ed il crastian; il messia vain impromiss; Adam vain vesti e şchatschâ dal paradis con Eva sia muglier insembel.

MA la serp eira * astuta plü co qualunque *otra* bestia della cuttüra, cha Deis il Segner avet fat; ed ella dschet alla duonna: Ha propri dit Deis: Non mangiarai *del früt* da tuot la bösch del zardin? * 2 Cor. 11, 3.

2. E la duonna dschet alla serp: Nus podain mangiar del früt della bösch del zardin;

3. Ma del früt del bösch, chi *ais* a mez il zardin, ha Deis dit: Non mangiarai, e non il toccarai, cha vus non morat.

4. E la serp dschet alla duonna: Vus non gnis zuond bricha a morir.

5. Ma Deis sa, cha qual di vus gnissat a mangiar da quel, schi gnissan voss ögls a gnir averts; pel qual vus gnissat ad esser seo Deis, cognoschand bön, e mal.

6. Veziand dimena la duonna, cha l' früt del bösch *eira* bun da mangiar, e dalettaivèl da guardar, [e cha l' bösch *eira* desiderabel per acquistar intellet]; schi piglet ella del früt, e mangiet, * det eir a seis marit, ed el mangiet. * 1 Tim. 2, 14.

7. Lura füttan averts ils ögls dad amenduos, e cognoschettan cha eiran nüds; pel qual els cusittan insembel föglias da figs, e s' fettan cuvertas da s' tshintar intuorn.

8. Davo quai, all' alva del di, udit-tan els la vusch da Deis il Segner, chi chaminaiva per il zardin. Ed Adam, con sia muglier, as zoppet dalla fatscha da Deis il Segner intanter la bösch del zardin.

9. E Deis il Segner elamet Adam, e dschet ad el: Ingio est tü?

10. Ed el dschet: Eu udiva tia vusch per il zardin, e 'm ha tmü, perche eu sun nüd, e 'm ha azzoppâ.

11. Ma Deis dschet: Chi t' ha mossâ, cha tü sajast nüd? Hast tü mangiâ del früt del bösch, del qual eu t' avaiva seomandâ da mangiar?

12. Ed Adam disch: La duonna, cha tü 'm hast dat *per esser con mai*, ella m' ha dat *del früt del bösch*, ed eu ha mangiâ.

13. E Deis il Segner disch alla duonna: Perche hast tü fat quai? E la duonna respondet: La serp m' ha surmanada, ed eu manget.

14. Lura disch Deis il Segner alla serp: Siand cha tü hast fat quai, *schi sajast* smaledida ouravant tuot oter animal, ed ouravant tuot oter bestia della cuttüra; sün teis vainter dessast tü chaminar, e tuot ils dis da tia vita mangiar la * puolvra.

* Es. 65, 25.

15. Ed eu vögl metter disamicizia tanter tai e la duonna, e * tanter teis sem e'l sem da quella. *Il sem* da quella vain at smachar il cheu, e tü vainst al sputar il chalchagn.

* Matt. 3, 7. Gioan. 8, 44. Fat. 13, 10. Ps. 132, 11.

16. Alla duonna disch el lura: Eu vögl grandamaing adampehar las dolurs da teis part, e da tia gravidezza; con dolurs vainst tü a parturir infants, e teis * desideris *dessan as reportar* a teis marit, ed el vain a signorar sur tai.

* 1 Cor. 14, 34.

17. Ma ad Adam disch el: Siand cha tü hast tatlâ la vusch da tia muglier, ed hast mangiâ del früt del bösch, del qual eu t' avaiva dat quaiست comandaint: Non mangiar; schi *dess* la terra * *esser* smaledida per causa tia; con travaglia dessast tü mangiar del früt da quella tuot ils dis da tia vita.

* Rom. 8, 20.

18. E spinas e charduns dess ella prodür a tai, * e tü dessast mangiar l' erba della cuttüra.

* Ps. 104, 14.

19. Nellas süurs da tia vista dessast tü mangiar il pan, fin tü tuornast in terra, siand est tut da quella; perche puolvra est tü, ed in puolvra dessast tü darcheu turnar.

20. Ma Adam nomnet sia muglier Eva, perche ella dvantet mamma da tuot ils vivaints.

21. E Deis il Segner fet da pels rassas ad Adam, ed a sia muglier, ed ils vestit.

22. Lura disch Deis il Segner: Mera, il crastian ais dvantâ sco ün da nus con quai, ch' el cognoscha bön e mal. *Ans stovain* uossa dimena *proveder*, ch' el non stenda our il man, e piglia eir del früt del bösch della vita, e mangia, e viva in eterno.

23. Perquai Deis il Segner tramettet il crastian our dal üert Eden, per lavorar la terra, our dalla quala el eira tut.

24. Usche schatschet el our il crastian, ed avant l' üert Eden tschantet el cherubins, con la spada chi sflammiaiva, e s' volvaiva intuorn, a perchürar la via pro'l bösch della vita.

CHAP. IV.

Cain ed Abel, figls dad Adam, offeran al Segner; per causa da quai nascha grand' invilgia, cha Cain mazzet ad Abel, e vain severamaing da Deis chastiâ. Lura vain descrit la descendenza da Cain, e lur exercizis mondans. Item vain eir fat menziun del sem elet.

MA Adam cognoschet Eva, sia muglier, ed ella concepit, e parturit Cain, e dschet: Eu ha acquistâ ün hom con il Segner.

2. Lura parturit ella eir Abel, frar da quel; ed Abel füt ün pastur da nuorsas, ma Cain füt lavuradur della terra.

3. Ma dvantet cha Cain, davo qualche temp, offerit al Segner offertas dels früts della terra.

4. Ed Abel * offerit eir el dellas primizias da sias nuorsas, e del grass da quellas. Ed il Segner guardet * sün Abel, e sün sia offerta. * Ebr. 11, 4.

5. Ma sün Cain, e sün sia offerta non guardet el; perquai Cain s' adiret grandamaing, e sia vista füt sbassada.

6. Lura disch il Segner a Cain: Perche est tü adirâ, e perche ais tia vista sbassada?

7. Non aise usche? Cur tü fast il bön, schi vain elevaziun; ma scha tü fast il mal, schi giascha il pucha avant la

porta. Usche schi sun seis desideris vi' a tai, ma tû hast il govern sur el.

8. Lura disch Cain ad Abel, seis frar: Giain oura sün la champagna. E dvantet, siand els oura sün la champagna, * schi stet sù Cain conter Abel, seis frar, e 'l mazzet.

* Matt. 23, 35. 1 Gioan. 3, 12. Giud. 11.

9. E 'l Segner disch a Cain: Ingio ais Abel, teis frar? Ed el disch: Eu non sa; *sun* eu guardian da meis frar?

10. Ed *il Segner* disch *ad el*: Che hast tû fat? *Mera*, * la vusch del sang da teis frar bragia a mai our dalla terra!

* Ebr. 12, 24.

11. Schi *sajast* tû nossa smaledi, e schatschâ davent dalla terra, la quala ha avert sia bocca per retschaiver da teis man il sang da teis frar.

12. Cur tû vainst a lavurar la terra, schi non dess ella plü continuar at contribuir sia virtù; vagabund e fùgitiv vainst tû ad esser sün la terra.

13. Ma Cain disch al Segner: Mia iniquità *ais* plü granda, co ch'eu la poss portar.

14. Mera, hoz m' hast tû schatschâ davent dalla fatscha della terra; avant tia fatscha vegn eu am stovair azzoppar, e vegn ad esser vagabund e fùgitiv sün la terra; *dinwonder* dvainta cha, chi'm chatta, vain am mazzar.

15. Ma il Segner dschet ad el: Perquai, quel chi mazza Cain, *vi' a quel* dess esser fat vendetta set voutas tant. Ed il Segner tshantet in Cain ün signal, cha non il dess mazzar, chi il chatta.

16. Usche tret via Cain, davent dalla fatscha del Segner, e dmuret nel pajais da * Nod, da vart del oriaint d' Eden.

* Ger. 33, 39.

17. E Cain cognoschet sia muglier, ed ella concepit, e partorit Enoch. Lura's mettet el ad edificar üna città, e la nomnet davo il nom da seis figl Enoch.

18. Ad Enoch lura naschet Irad; ma Irad genuit Mahujael; e Mahujael genuit Metusael; e Metusael genuit Lamech.

19. Ma Lamech as piglet duos donans; la prùma avaiva nom Ada, ma l'otra avaiva nom Silla.

20. Ed Ada partorit Iabal; quel dvantet bap da quels chi dmuran in tendas e *sun pasturs* da muaglia.

21. Ma seis frar avaiva nom Iubal; quel dvantet il bap da tuots quels, chi sunan la citra, e l'orgel.

22. Ma eir Silla partorit Tubalcain, il qual fuschinaiva tuottas sorts d'instrumaints d'aram e da fier. E la 'sour da Tubalcain füt Naema.

23. E Lamech disch a sias mugliers: Ada e Silla, tadlai mia vusch; o mugliers da Lamech, sporschai l'uraglia a meis tshantschar! Tschert, eu ha mazzâ ün hom, per mia ferida, ed ün giuvnal, per mia botta.

24. Vain Cain a gnir vindichâ set voutas tant, schi vain Lamech a gnir vindichâ settant' e set voutas tant.

25. Ma Adam cognoschet darcheu sia muglier; ed ella partorit ün figl, e 'l nomnet Set; perche Deis, disch ella, m' ha tshantâ ün oter sem in pè dad Abel, il qual Cain ha mazzâ.

26. Ma eir a Set naschet ün figl; ed el il mettet nom Enos. Lura as coman-zet a clamar il nom del Segner.

CHAP. V.

Vain descrit la geneologia, l'età e la mort dad Adam e da seis successurs fin sün Noé e seis figls. Enoch ün hom da Deis vain transportâ.

QUAISTA ais la descripiun * del-las generaziuns dad Adam. Al di cha Deis creet il crastian, il fet el suainter sia sumgenscha; ¹1 Cron. 1, 1. Luc. 3, 36.

2. Maşchel e femna ils schaffit el, e 'ls benedit, e lur nom clamet el * CRASTIAN, al di cha füttan creats.

* Eccl. 6, 10.

3. Ed, aviand Adam vivü tshient e trenta ans, schi genuit el *ün figl* a sia sumgenscha, suainter sia imagna, e seis nom nomnet el Set.

4. Ed il temp cha Adam ha vivü, davo genui Set, ais ottshient ans, e genuit figls e figlias.

5. Ais usche tuot il temp cha Adam ha vivü nouv tshient e trenta ans, cur el morit.

6. Ma Set, aviand vivü tshient e tshinch ans, genuit el Enos.

7. E Set, davo genui Enos, schi vivet el ottshient e set ans; e genuit figls e figlias.

8. Ais usche tuot il temp cha Set

ha vivü, nouv tschient e dudesch ans, eur el morit.

9. Ed Enos, aviand vivü novant'ans, genuit el Chenan.

10. Ed Enos, davo genui Chenan, schi vivet el ottschient e quindesch ans, e genuit figls e figlias.

11. Ais usche tuot il temp cha Enos ha vivü nouvtschient e tschinch ans, eur el morit.

12. E Chenan, aviand vivü settant'ans, genuit el Mahalaleel.

13. E Chenan, davo genui Mahalaleel, schi vivet el ottschient e quarant'ans, e genuit figls e figlias.

14. Ais usche tuot il temp cha Chenan ha vivü nouvtschient e desch ans, eur el morit.

15. Ma Mahalaleel, davo vivü sesanta e tschinch ans, genuit el Iared.

16. E Mahalaleel, davo genui Iared, schi vivet el ottschient e trent'ans e genuit figls e figlias.

17. Ais usche tuot il temp cha Mahalaleel ha vivü ottschient novant' e tschinch ans, eur el morit.

18. Ma Iared, aviand vivü tschient sesant' e duos ans, genuit el Enoch.

19. E Iared, davo genui Enoch, schi vivet el ottschient ans, e genuit figls e figlias.

20. Ais usche tuot il temp cha Iared ha vivü, nouvtschient e sesanta e duos ans, eur el morit.

21. Ma Enoch, aviand vivü sesant' e tschinch ans, genuit el Metusala.

22. Ed Enoch, davo genui Metusala, schi chaminet el con Deis, il spazi da trajatschient ans, e genuit figls e figlias.

23. Ais usche tuot il temp cha Enoch ha vivü trajatschient sesanta e tschinch ans.

24. E, * daspö cha Enoch da contin avet chaminâ con Deis, schi non † *il vazzet ün plü*, siand cha Deis il avaiva tut davent. * Ebr. 11, 5. † Giud. 14.

25. Ma Metusala, aviand vivü tschient ottant' e set ans, genuit el Lamech.

26. E Metusala, davo genui Lamech, schi vivet el setttschient ottant' e duos ans, e genuit figls e figlias.

27. Ais usche tuot il temp cha Me-

tusala ha vivü nouvtschient sesant' e nouv ans, eur el morit.

28. Ma Lamech, aviand vivü tschient ottant' e duos ans, genuit el ün figl.

29. E nomnet quel Noè, dschand: Quaist vain ans cuffortar da nossas lavurs, e dalla fadia da noss mans, per causa della terra cha 'l Segner ha smaledi.

30. E Lamech, davo genui Noè, schi vivet el tschinechtschient novant' e tschinch ans, e genuit figls e figlias.

31. Ais usche tuot il temp cha Lamech ha vivü setttschient settant' e set ans, eur el morit.

32. Ma Noè, siand vegl da tschinchtschient ans, genuit el Sem, Cham e Iafet.

CHAP. VI.

Siand Deis offais tras ils puchats e surpassa-maints dels seis, per causa della conversaziun con l' infidel muond, schi avis' el a Noè dal diluvi, il qual vegna a gnir; eir delineesch' el l' archa, con comand ch' ella vegna fatta, per conservar il salvà our dal diluvi.

DAVO quai dvantet, comanzand ils crastians as adamephar sur terra, ed a nascher figlias ad els,

2. Schi, veziant ils figls da Dieu, co las figlias dels crastians eiran bellas, las pigliaivan els per mugliers, quellas chi 'ls plaschaivan our da tuottas.

3. Perquai disch il Segner: Meis Spiert non vain saimper a perseverar nels crastians, causa lur misfat; els non sun oter co charn, schi cha sajan dimena lur dis tschient e vainch ans.

4. Da quel temp eiran gigants sur terra; ed eir davo quai cha 'ls figls da Dieu gettan aint pro las figlias dels crastians, als partorivan quellas *infants*. Quels *sun* ils possants, chi *sun stats* nel avanttemp homens famus.

5. Ed il Segner vazzet, cha la malizia della gliend *eira* granda sur terra, * e cha tuot l' intent ed impis-samaint da lur cour non *eira* oter, co mal da tuot temp, * Gen. 8, 21.

6. Schi s' impentit il Segner d'avair fat il crastian sur terra, e 'l dolaiva in seis cour.

7. Schi dschet il Segner: Eu vögl il crastian, ch' eu ha creâ, sdrür dalla

terra. *Schi*, dal crastian inavant fin sün la muaglia, e vermiglia, e sün l'utschlamainta del tschel; perche eu m' inrügl da 'ls avoir fats.

8. Ma Noè chattet grazia avant ils ügls dels Segner.

9. Quaistas *sun* las relaziuns da Noè. * Noè eira ün güst, real hom in seis temps, el chaminaiva con Deis.

* Ez. 14, 14. 20. Ebr. 11, 7.

10. El genuit trais figls, Sem, Cham, e Iafet.

11. Ma la terra eira corruotta avant Deis, e plaina eira la terra da violenza.

12. E Deis guardet la terra, e mera, ell' eira corruotta; perche scodüna charn avaiva corruot sia via sur terra.

13. Lura disch Deis a Noè: La fin da tuotta charn ais gnüda avant mai; perche la terra ais plaina da violenza da quaists; e mera, eu ils vögl far perir con la terra insembel.

14. Fà a tai ün' archa da lain da rascha; fà l'archa con *bleras* stanzas, ed inrasch la dadaint e dadoura, con pieula.

15. E quaista *saja la fuorma*, co tü la dessast far: La lungezza dell' archa saja trajatschient bratschs muots, e la ladezza tschinquanta bratschs muots, e l' otezza trenta bratschs muots.

16. Üna faneistra dessast far nell' archa, e la trar fin all' otezza d' ün bratsch muot da sura; ma l' üsch dell' archa metta d' üna vart da quella; fà quella da *trais* plans, il bass, seguond, e terz.

17. Perche mera, eu vögl far gnir il diluvi dellas auas sur terra, per pìrantar scodüna charn suot il tschel, nella quala ais flà da vita; tuot quai ch' ais sur terra dess morir.

18. Ma con tai vögl eu confirmar mia lia, e dessat intrar nell' archa tü e teis figls, e tia muglier, e las mugliers da teis figls con tai.

19. E da tuottas sorts da quai chi viva, da scodüna charn, saimper duos per sort, dessast tü metter nell' archa, per ils cussalvar in vita con tai; e dessan esser maşchel e femna.

20. Dell' utschlamainta suainter lur

specie, dellas bestias suainter lur specie; da tuotta vermiglia della terra suainter lur specie. Da quai tuot, saimper duos, dessan ir aint pro tai, per esser cussalvats in vita.

21. Tü dimena, piglia da tuotta sort spaisa chi's mangia, e raspa quella pro tai; per cha tü e quellas *bestias tuottas* hajat da mangiar.

22. Ed *usche* ha Noè fat; tenor tuot quai cha 'l Segner l' avaiva comandà, fet el.

CHAP. VII.

Noè con ils seis, e con las bestias da Deis ordinadas, intra nell' archa. Lura vain il diluvi, chi stenschainta tuotta charn, resalv quai chi eira nell' archa.

DAVO quai dschet il Segner a * Noè: Intra tü con tuot tia brajada nell' archa; perche eu t' ha vis güst da quaist temp avant mai.

* Matt. 24, 38. Luc. 17, 26. 1 Petr. 3, 20.

2. Da tuotta *sort* d' animals nets piglia pro tai a set e set, il maşchel e sia femna; ma dels animals chi non sun nets ün pèr, il maşchel e sia femna.

3. Dell' utschlamainta del tschel piglia medemmamaing a set e set, il maşchel e sia femna; per conservar in vita *lur* sem, sur tuot il crês della terra.

4. Perche, da qui a set dis, vögl eu far plover sur la terra quaranta dis, e quaranta nots, e vögl sdrür davent dalla terra tuot quai chi ha vita, il qual eu ha fat.

5. E Noè fet tuot suainter quai cha il Segner l' avet comandà.

6. Ma Noè *eira* vegl da sestschiënt ans, cur füt il diluvi, e las auas sur terra,

7. E Noè get, insembel con seis figls, e con sia muglier, e con las mugliers da seis figls nell' archa, ant las auas del diluvi.

8. Dels animals nets, e dell' utschlamainta, e da tuot quai chi's strozcha sur terra,

9. Gettan saimper duos a duos, maşchel e femna pro Noè, nell' archa; seo cha Deis avaiva comandà a Noè.

10. E dvantet in *termine* da ses dis, cha gnittan las auas del diluvi sur la terra.

11. Nel seitschientavel an della vita da Noè, il seguond mais, e deschesettavel di del mais; sün quel di rumpettan oura tuot las fontanas del grand abiss, e las faneistras del tschel s'avrittan;

12. E la plövgia füt sur terra, il spazi da quaranta dis e quaranta nots.

13. In quel medem di intret Noè nell'archa, insembel con Sem, Cham, e Iafet, seis figls, e con sia muglier, e con las trais mugliers da seis figls;

14. Els, e las bestias da tuottas sorts, e muaglia da tuottas sorts, e vermiglia chi 's strozcha per la terra da tuottas sorts, ed utschels da tuottas sorts, e da tuottas sorts utschlamainta, con da mincha sort alas:

15. In summa, e gnittan pro Noè nell'archa, a duos e duos da tuotta charn, ingio ais aint flâ da vita.

16. E quai chi intret, *eira* maschel e femna da tuotta charn suainter cha Deis avaiva comandâ a Noè. Ed il Segner serret l'archa davo el.

17. Ed il diluvi düret sur terra quaranta dis, e las auas creschettan, ed alvantettan l'archa, ch'ella füt ozada ot sur la terra.

18. Lura las auas piglettan suraman, e creschettan fich sur terra; e l'archa nodaiva sur l'aua via.

19. Alla fin las auas piglettan zuond fich suraman sur terra, e gnittan cuverts tuots ils ots munts, chi sun suot il tschel.

20. All'otezza da quindesch bratschs muots sur quels munts ascendettan las auas; e 'ls munts füttan cuverts.

21. Qua morit scodüna charn, chi 's movaiva sur terra, dell'utschlamainta, della muaglia, dellas limargias solvadias, e della vermiglia, chi 's strozcha sur terra, insembel con tuot la glieud.

22. Tuot quai, nel nas del qual *eira* flâ da vita, tuot quai chi *viva* sül sütt, morit.

23. Useche gnit sdrüt tuot quai ch'avaiva vita, chi *eira* sur il crês della terra, dalla glieud fin alla muaglia, vermiglia, ed utschlamainta del tschel; els gnittan sdrüts, davent dalla terra; * ma Noè sulet restet,

con quai *chi eira* nell'archa con el.

* 2 Petr. 2, 5.

24. E las auas füttan fermas sur terra il spazi da tschient e tschinquanta dis.

CHAP. VIII.

Siand la terra süttâ dal diluvi, schi va Noè con ils seis, tras comand da Deis, our dall'archa, e sacrificand, ingrazch'el al Segner. Deis, pigliand sül quel ingraziamaint, instorescha con ferma impromissiun il coers del muond.

LURA 's regordet Deis da Noè, e da tuottas bestias solvadias, e da tuot il muvel, chi con el *eira* nell'archa, e Deis tramettet ün vent sur la terra, e las auas as balchettan.

2. E siand serradas las fontanas del abiss, e las faneistras del tschel, e la plövgia del tschel retgnüda,

3. Schi 's retiraiva l'aua dal crês della terra plü e plü; cha quella in termine da tschient e tschinquanta dis sümiet via.

4. E nel deschesettavel di del settavel mais as fermet l'archa sün il munt Ararat.

5. E las auas continuettan a chalar, fin al deschavel mais; al prüm di del deschavel mais, as vezzaiva la pizza dellas montagnas.

6. Ma e dvantet davo quaranta dis, qua avrit Noè la faneistra dell'archa, ch'el avaiva fat,

7. E tramettet oura ün corv, chi svolet saimper vi'e nan, fin cha l'aua süjet dalla terra.

8. Davo quel lura tramettet el oura üna colomba, per vair, scha las auas füssan sümadas davent dal crês della terra.

9. Ma, non chattand la colomba da podair pozar la planta da seis pè, schi turnet ella nell'archa pro el; perche las auas *eiran* amo sur tuot il crês della terra; ed el tenschet oura il man, e la piglet aint nell'archa pro el.

10. El spettet amo oters set dis, e tramettet la colomba da növ our dall'archa.

11. E via intuorn saira turnet la colomba pro el, e mera, in seis piccal üna manzina fraischa giò d'ün olivêr; da quai Noè savet, cha las auas füssan süttas davent dalla terra.

12. Ed el spettet oters set dis, e tramettet oura la colomba; e quella non turnet plü pro el.

13. Siand dimena nel an sestschient ed ün *da Noè*, al prüm *di* del prüm mais las auas süttas davent dalla terra, schi Noè piglet via il tet dell' archa, e guardet intuorn, e mera, il crêš della terra eira sût sù.

14. E nel vainch e settavel di del seguond mais eira la terra tuot sütta.

15. Lura tshantschet Deis con Noè, dschand:

16. Vå our dall' archa, tû e tia duonna, e teis figls, e las donans da teis figls con tai.

17. Tuot las bestias chi *sun* con tai, da qualunque charn, dell' utschlamainta, e dellas bestias, e da tuotta vermiglia, chi 's strozcha sur terra, fâ ir oura con tai, e *lasch'* las scuorer per la terra, e früttar e s' adampchar sur la terra.

18. Usche get oura Noè con seis figls e con sia duonna, e con las donans da seis figls;

19. *Lapro eir* tuot las bestias, e tuotta vermiglia, e tuotta utschlamainta, e tuottas limargias chi 's movan sur terra, suainter lur generaziuns, gettan our dall' archa.

20. E Noè edifichet lura ün utêr al Segner, e piglet d' ogni *sort* da muvel net, e d' ogni *sort* d' utschlamainta netta, e sacrifichet offertas da fö, sün l' utêr.

21. E l' Segner savuret quell' odor grata, e dschet in seis cour: Da quinder invia non vögl eu plü smaledir la terra per causa del crastian, * perche l' impissamaint del cour del crastian ais mal da sia giuventüna in sù; e tuot quai chi viva non vögl eu batter plü, sco ch' eu ha fat. * Gen. 6, 5.

22. Dad uoss' invant, usche lönch cha terra vain ad esser, ma non dessan mancar il semnar e la mess, fraidüra e chalur, stâ ed inviern, di e not.

CHAP. IX.

Deis cufforta Noè con bleras benedicziuns, ch' el al imprometta e fa; e per ün' insaina da sia lia ordain' el l' arch S. Martin; item dall' improbità e maledicziun da Cham.

E DEIS benedit Noè e seis figls, e dschet ad els: * Früttai,

e 's multiplichai, ed impli la terra.

* Gen. 1, 28. 8, 17.

2. E temma e stramizzi da vus saja sur tuot las bestias della terra, e sur tuot l' utschlamainta del tselch; *quai* ais dat in vos man, insembel con tuot quai chi 's strozcha sur terra, e tuot ils peschs del mâr.

3. Tuot quai chi 's mouva, ed ha vita, saja a vossa spaisa; quaiſt tuot dun eu a vus, * sco eir la ravitscha verda.

* Gen. 1, 29.

4. Impero * non dessat mangiar la charn con si' orma, *quai* ais, seis sang.

* Lev. 17, 14.

5. Ed eu tshert vögl domandar vendetta *da* vos sang per vossas ormas; * eu vögl domandar *quint* dad ogni bestia, e dals crastians; eu vögl domandar *quint* dalla vita del crastian da qualunque seis frar.

* Ex. 21, 28. Ps. 9, 13.

6. * Il sang da quel chi vain a spander sang uman dess gnir spans dal crastian; perche Deis ha fat il crastian a si' imagna. * Matt. 26, 52. Ap. 13, 10.

7. Contuot * früttai vus, e 's multiplichai sün quella.

* Gen. 1, 28. 8, 17.

8. Plünavant tshantschet il Segner a Noè, ed a seis figls con el; dschand:

9. Quant sta a mai, mera, eu * stablesch mia lia con vus, e con vos sem davo vus;

* Esaj. 54, 9.

10. Il medem con ogni animal viv, chi ais pro vus, tant dell' utschlamainta, co del muvel, e da tuottas bestias della terra con vus; usche con quellas, chi sun gnüdas our dall' archa, sco con ogni *otra* bestia della terra.

11. Eu dimena driz sù mia lia con vus, cha ogni charn non dess gnir sdrütta plü tras las auas del diluvi, ne dess gnir plü da quinder invia a dazipar la terra.

12. Ultra quai dschet il Segner: Quaiſt ais il signal della lia, ch' eu dispon intra mai e vus, e tuots animals vivaints, chi *sun* con vus per tuottas generaziuns, asaimper.

13. Eu tshaint meis arch nellas nûvlas, e quel dess esser l' insaina della lia intra mai e la terra.

14. E dvanterà, cur ch' eu vegn ad

avair cuvernâ con nûvlas la terra, schi vain l' arch as palantar nellas nûvlas ;

15. Ed eu am vögl lura regordar da mia lia, chi ais intra mai, e vus, ed ogni animal vivaint, da qualunque charn, acio non vegnan plü las auas a far diluvi, per sdrür ogni charn.

16. E cur l' arch starà nellas nûvlas, schi vögl eu guardar sün quel, per am regordar della lia perpetua intra Deis, ed ogni animal vivaint, da qualunque charn, chi ais sur terra.

17. Uschet dschet Deis a Noè: Quaist ais il signal della lia, ch' eu ha stabi- li intra mai e scodüna charn, chi ais sur terra.

18. Ma ils figls da Noè, chi gnittan our dall' archa, eiran Sem, Cham e Jafet. E Cham füt il bap da Canaan.

19. Quaists sun ils trais figls da Noè; e da quels, siand rasats per tuot la terra, ais ella dvantada popu- lada.

20. E Noè comanzet *ad esser* ün la- vuradur della terra, ed implantet üna vigna.

21. E bavand del vin, s' inavriet el e s' scovernet in mez sia tenda.

22. Ma Cham, il bap da Canaan, vezzet la tuorp da seis bap, e fet quai a savair a seis duos frars our dadoura.

23. Qua piglettan Sem e Jafet üna chappa, e la mettetan amendus stin lur givella, e giand inavo, cuver- nettan els la tuorp da lur bap, e lur fatschas *eiran voutas*, ch' els non vezzetan la tuorp da lur bap.

24. Ma, cur Noè as sdasdet our da seis vin, e savet quai cha seis figl il plü giuven avaiva fat con el ;

25. Dschet el: Smaledi saja Canaan, ün servaint dels servaints saja el a seis frars.

26. Lura dschet el: Benedi saja il Segner, Deis da Sem, e Canaan saja seis famagl.

27. Dieu slargia oura Jafet, ch' el avda nellas tendas da Sem; e Ca- naan saja seis famagl!

28. E Noè vivet davo 'l diluvi traja- tschient e tschinqant' ans,

29. E tuot il temp cha Noè vivet ais nouv tschient tschinqant' ans; lura morit el.

CHAP. X.

Vain descrit la posterità dels trais figls da Noè, e l' origen dels pövels.

MA las generaziuns dels figls da Noè *sun* quaistas: Sem, Cham, e Jafet. A quels naschettan figls davo 'l diluvi.

2. * Ils figls da Jafet *sun*: Gomer, e Magog, e Madai, e Javan, e Tubal, e Mesec, e Tiras. * 1 Cron. 1, 5.

3. Ma il figls da Gomer *sun*: As- chenas, e Rifat, e Togarma.

4. Ed ils figls da Javan *sun*: Elisa, e Tarsi, Chittim, e Dodanin.

5. Da quaists, tras lur famiglias, in lur naziuns, sun partidas oura las inslas dels pövels, in lur pajais, tenor la lingua da scodün dels.

6. Ma * ils figls da Cham *sun*: Chus, e Misraim, e Fut, e Canaan.

* 1 Cron. 1, 8.

7. Ed ils figls da Chus *sun*: Seba, ed Havila, e Sabta, e Raema, e Sab- tecca; ed ils figls da Raema *sun*: Seba e Dedan.

8. Chus lura genuit Nimrod. Quel comanzet ad esser ün possant sur terra.

9. Quel füt ün potent chatschader avant il Segner; quandernan as disch: El ais sco Nimrod, ün potent chatschader avant il Segner.

10. Ed il comanzamaint da seis re- ginam eira Babel, ed Erec, ed Accad, e * Calne, nel pajais da Sinear.

* Amos 6, 2.

11. Our da quel pajais get Assur; e fabrichet Ninive, e la città * Reho- bot, e Cala.

* Gen. 36, 37.

12. E tanter Ninive e Cala ais Resen, quella granda città.

13. Ma Misraim genuit * ils Ludim, ed Anamim, Lehabim, e Naftühim.

* Ger. 46, 9.

14. Eir * Patrusim, e Caslühim, (dals quals sun gnüts ils Filistim) e * Caftorim. * Es. 11, 11. Deut. 2, 23. Amos 9, 7.

15. Ma Canaan genuit seis primoge- nit Sidon e Het.

16. E Jubesì ed Amori, e Gergesi.

17. Ed Hivi, ed Arci, e Sini.

18. Ed Aravadi, e Semari, ed Ha- mati; e davo quai as rasettan oura las schlattas dels Cananeers.

19. Ed ils confins dels Cananeers

ciran da Sidon inavant, giand conter Gerar, fin a Gaza; e giand vers Sodoma, e Gomorra, ed Adama, e Seboim, fin a Lesa.

20. Quaists *sun* ils figls da Cham, seguond lur famiglias, e linguas; lur pajais, e naziuns.

21. Ma eir a Sem, al bap da tuot ils figls dad Eber, e plü vegl frar da Jafet, naschettan *figls*.

22. * Ils figls da Sem *sun* Elam, ed Assur, ed Arfacsad, e Lud, ed Aram.

* 1 Cron. 1, 17.

23. Ma ils figls dad Aram, *sun*: Uz, Hul, Geter e Mas.

24. Ma * Arfacsad genuit Sela, e Sela genuit Eber.

* Gen. 11, 12.

25. Ma ad Eber naschettan duos figls; il nom del ün *ais* Peleg; siand da seis temp gnit partida la terra. Ed il nom da seis frar *ais* Joctan.

26. Ma Joctan genuit Almodad, e Selef, ed Asarmafet, e Jera,

27. Ed Hadoram, ed Uzal, e Dicla.

28. Ed Obal, ed Abimael, e Seba.

29. Ed Ofir, ed Havila, e Jobab; quaists tuots *sun* figls da Joctan.

30. E las abitaziuns da quaists eiran da Mesa inavant vers Sefar fin al munt del oriaint.

31. Quaists *sun* ils figls da Sem, seguond lur famiglias e linguas; lur pajais, e lur naziuns.

32. Quaistas *sun* las famiglias dels figls da Noè, seguond lur generaziuns, e lur naziuns. E da quaists, davo 'l diluvi, as rasettan oura ils pövels sur terra.

CHAP. XI.

La tuor da Babilon e confusien dellas linguas; la posterità da Sem fin sün Abraham.

MA tuot la terra avaiva lura üna favella, ed ün medem linguach.

2. E dvantet, cha 's partind ils crastians dal oriaint, schi chattettan els üna planüra nel pajais da Sinear, ingio els as luettan.

3. E dschettan tanter pêr: Via sün, fain quadrels, e 'ls coschain bain. Ed usche lura als servittan ils quadrels in pê della crappa, e l'arschiglia in pê della molta.

4. Lura dschettan els: Via sün, ans edificain üna città, ed üna tuor, il

piz della quala *tenscha* fin al tsel, ed ans volain far ün monumaint, cha nus non vegnan derasats per tuot la terra.

5. Lura il Segner gnit giò, per vair quella città, e la tuor, cha 'ls figls della gliend fabrichaivan.

6. Ed il Segner dschet: Mera, l' ais in sul pövel, ed *els* tuots han ün medem linguach, e quaist ais il comanza-maint da lur lavur; ed uossa dimena non als gnarà inguotta obvià da quai ch' els han desegnà da far.

7. Via sün, giain giò, * e confondain lur favella; cha l' ün non inclegia il tschantsehar del oter.

* Ps. 55, 10.

8. Ed usche ils deraset il Segner da là sur tuot la terra; ed els refüdettan d' edificar la città.

9. Landernan ais ella nominada Babel, siand cha 'l Segner qua confondet las linguas da tuot il pajais, ed ils deraset da là sur tuot il crês della terra.

10. * Quaista *ais* la posterità da Sem: Siand Sem vegl da tschient ans, schi genuit el Arfacsat, duos ans davo 'l diluvi.

* Gen. 10, 24. 1 Cron. 1, 17.

11. E Sem vivet, davo avair genui Arfacsat, tschinechtschient ans, nels quals el genuit figls, e figlias.

12. Ed Arfacsat, aviand vivü trent' e tschinch ans, genuit Sela.

13. Ed Arfacsat vivet, davo ch' el avet genui Sela, quattertschient e trais ans, nels quals el genuit figls, e figlias.

14. E Sela, aviand vivü trent' ans, genuit Eber.

15. E Sela vivet, davo avair genui Eber, quattertschient e trais ans, e genuit figls, e figlias.

16. Ed Eber, aviand vivü trent' e quatter ans, genuit Peleg.

17. Ed Eber vivet, davo avair genui Peleg, quattertschient e trent' ans, nels quals el genuit figls, e figlias.

18. E Peleg, aviand vivü trent' ans, genuit Regu.

19. E Peleg vivet, davo ch' el avet genui Regu, duatschient e nouv ans, nels quals el genuit figls, e figlias.

20. E Regu, aviand vivü trent' e duos ans, genuit Serug.

21. E Regu vivet, davo ch' el avet

genui Serug, duatschient e set ans, nels quals el genuit figls, e figlias.

22. E Serug, aviand vivü trent' ans, genuit Nahor.

23. E Serug vivet, davo ch' el avet genui Nahor, duatschient ans, nels quals el genuit figls, e figlias.

24. E Nahor, aviand vivü vainch e nouv ans, genuit Tera.

25. E Nahor vivet, davo ch' el avet genui Tera, tschient e deschnouv ans, nels quals el genuit figls, e figlias.

26. E * Tera, aviand vivü settant' ans, genuit Abram, Nahor, e Haran.

* Gios. 24, 2. 1 Cron. 1, 26.

27. E quaiſt' *ais* la posterità da Tera: Tera genuit Abram, Nahor, Haran; e Haran genuit Lot.

28. Lura morit Haran, in presenza da seis bap Tera, in sia patria, in Ur da Caldea.

29. Ed Abram e Nahor as piglettan donans; il nom della duonna da Abram *eira* Sarai, e 'l nom della duonna da Nahor Milca; la quala eira figlia da Haran, il bap da Milca ed Isca.

30. Ma Sarai eira sterila, e non a-vaiva infants.

31. Lura piglet Tera seis figl Abram, e Lot, il figl da seis figl Haran, e Sarai sia brüt, la muglier da seis figl Abram, e trettan our d' Ur da Caldea * per ir nel pajais da Canaan; e siand rivats fin in Caran, schi dmurettan els là.

* Neh. 9, 7. Fats 7, 4.

32. E 'l temp della vita da Tera füt duatschient e tschinch ans; lura morit el in Caran.

CHAP. XII.

Abraham vain clamâ, ed inviâ vers la terra da Canaan; davo quai causa charestia tuorn' el in Egipto, ingio sia muglier al vain tutta dal rai, ma träs providenza da Dieu bod resignada.

Ma il * Segner dschet ad Abram: Vâ our da teis pajais, e da tia parentella, e dalla chasa da teis bap, nel pajais, ch' eu vegn at mossar.

* Fats 7, 3.

2. Ed eu at vögl far ün grand pövel, e 't benedir, e magnifichar teis nom; schi, tü dessast esser üna benedicziun a tuot.

3. Ed * eu vögl benedir quels chi 't

benedeschan, e smaledir quels chi 't smaledeschan. Ed † in tai dessan gnir benedidas tuottas schlattas della terra. * Gen. 27, 29. † Gen. 18, 18. 22, 18. Gal. 3, 8.

4. Ed Abram get via, sco cha 'l Segner l' avaiva dit, e Lot get con el. Ma Abram eira vegl da settant' e tschinch ans, eur el as partit da Canaan.

5. Abram dimena, aviand tut sia muglier Sarai, e Lot, figl da seis frar, e tuot lur facultà, ed eir las persunas, chi 's avaivan acquistâ in Caran; schi as partittan els per ir nel pajais da Canaan; ed altandem rivettan els nel pajais da Canaan.

6. Ed Abram giret tras il pajais fin al lö Sichem, fin alla planüra da * More. Ils Cananeers *eiran* da quel temp nel pajais.

* Dent. 11, 30.

7. E 'l Segner comparit ad Abram, e dschet *ad el*: * Quaiſt pajais vögl eu dar a teis sem. E là edifichet el ün utêr al Segner, chi 'l eira apparü.

* Gen. 13, 15. 26, 4. Deut. 34, 4.

8. Lura 's retret el da là vers il munt dalla vart del oriaint da Betel, e tendet sü sias tendas, aviand dalla vart occidentala Betel, e dall' orientala Ai; e là edifichet el ün utêr al Segner, e clamet in agüd il nom del Segner.

9. Lura 's partit Abram, plan a plan trand vers mezdi.

10. Qua gnit üna fam nel pajais; ed Abram as retret in Egipto per dmurar là; perche la fam *eira* granda nel pajais.

11. E siand el strusch ad intrar in Egipto, schi dschet el a Sarai sia muglier: Mera, eu sa, cha tü *est* üna duonna bella da vista.

12. Dinuonder dvanterà, cha, eur ils Egipters at vèzzan, schi vegnan els a dir: Quaiſta ais sia duonna ed usche gnaran am mazzar, ma tai a conservar in vita;

13. Schi tü, * di *cha sajast* mia sour; acio cha 'm giaja bain per causa tia, e per amur tia la vita am saja conservada.

14. Ais dimena dvantâ, siand Abram gnü in Egipto, schi guardettan ils Egipters quella duonna, perche ella eira fich bella.

15. Ed ils princips da Farao la vez-zettan e la lodettan avant Farao; e la duonna gnit tutta, e *manada* in chasa da Farao.

16. Ed ad Abram fet el del bain, per amur dad ella; ed el surgnit nuorsas, e bovs, ed asens, eir famagls, e fantschellas, ed asnas, e chamels.

17. Ma il Segner * battet Farao e sia chasa con grandas plajas, per causa da Sarai, muglier dad Abram.

* 1 Cron. 16, 21. Ps. 105, 14.

18. Pel qual Farao clamet ad Abram e dschet ad el: Che *am* hast tū fat quai? Perche non m' hast tū declarà, ch' ella *saja* tia muglier?

19. Perche dschaivast: Ella ais mia *sour*; pel qual eu la piglet per duonna? Contuot, mera qui tia duonna pigl-la e vā davent.

20. Lura Farao det comand a qualche homens per el; e quels accompagnettan ad el ed a sia duonna, e tuot quai ch' *eira* sieu.

CHAP. XIII.

Qui vain descritt la seguonda vocaziun dad Abram, e sia separaziun d'avent da Lot; sco eir l' impromissiun da sem innummerabel.

USCHE gnit sū Abram our d' Egipto, con sia duonna, e con tuot quai chi *eira* sieu, e con Lot, trand vers mezdi.

2. (Ma Abram *eira* fich possant in muvel, in argient, ed in or.)

3. Ed el, proseguind seis viadi, get da mezdi fin a Betel, fin al lō, * ingio il prüm eira statta sia tenda tanter Betel, ed Ai.

* Gen. 12, 8.

4. Nel lō ingio eira l' utēr, ch' el il prüm fet là; e qua clamet Abram il nom del Segner in agüd.

5. Ma eir Lot, chi giaiva con Abram, avaiua nuorsas, bovs e tendas.

6. E * cha abitessan amenduos insembel non podaiva il pajais comportar; perche lur facultats eiran grandas; ed els non podaivan star insembel.

* Gen. 36, 7.

7. Usche creschet dispitta inter ils pasturs del bestiam dad Abram, ed ils pasturs del bestiam da Lot. Ma ils Cananits e Feresits abitaivan da quel temp nel pajais.

8. Lura dschet Abram a Lot: Cha

non saja dabat inter mai, e tai; neir tanter meis pasturs, ed ils teis; nus *eschän* * pür frars!

* Gen. 11, 27.

9. Non *ais* tuot il pajais avert avant tai? At separa dimena da mai; scha *tū vast* dalla sneistra, schi vögl eu ir dalla dretta; e scha *tū vast* dalla dretta, schi vögl eu ir dalla sneistra.

10. Lura Lot ozet seis ögls, e guardet tuot la planüra del Giordan, * chi eira tras e tras richa dad aua; ant co cha 'l Segner sdrüess Sodoma, e Gomorra, sco il zardin del Segner, e sco la terra d' Egipto, fin vers Zoar.

* Ezech. 16, 49.

11. E Lot as tschernet tuot la planüra del Giordan, ed as partit dal oriaint; ed usche as separettan els l' ün dal oter.

12. Abram dmuret nella terra da Canaan, e Lot dmuret nellas cittats della planüra, e get con sias tendas fin *vers* Sodoma.

13. Ma la glieud da Sodoma *eira* fich scelerata, e pechadra conter il Segner.

14. Il Segner lura dschet ad Abram, davo cha Lot s' avaiua separà dad el: Oza nossa teis ögls e guarda dal lō, ingio tū *est*, vers il settentrion, vers il mezdi, vers l' oriaint e vers l' occidaint.

15. Perche tuot il pajais, cha tū vez-zast, * vögl eu dar a tai, ed a teis sem per asaimper.

* Gen. 12, 7.

16. * Ed eu vögl far teis sem sco la puolvra della terra; cha, scha qualchün po nombrar la puolvra della terra, poss' esser nombrà eir teis sem. * Gen. 15, 4. 5. Ex. 32, 13. Num. 23, 9. Es. 48, 19.

17. Stà sū, vā intuorn quaist pajais, in sia largüra, ed in sia lungezza; perche a tai il vögl eu dar.

18. Contuot Abram get inavant e drizzet sū sias tendas; ed abitet nellas planüras da Mamre, * chi *sun* sper Hebron, ed edificet là ün utēr al Segner.

CHAP. XIV.

Lot vain manà d'avent preschunēr; e deliberà; Abram, siand venschadur, retschaiva la benedicziun da Melchisedec.

MA dvantet dal temp d' Amrafel, rai da Sinear, d' Arioc, rai d' El-lasar, da Kedorlaomer, rai d' Elam, e da Tideal, rai da pajans,

2. Ch' els fettan guerra conter Bera, rai da Sodoma, e conter Birsar, rai da Gomorra, e conter Sineab, rai d'Adama, e conter Semeber, rai da Seboim, e conter il rai da Bela, quai ais * Zoar. * Gen. 19, 22.

3. Quels tuots as colliettan in lia, e gnittan insembel nella val Siddim, *chi ais* il mâr insalâ.

4. Il spazi da dudesch ans eiran els stats soggets a Kedorlaomer, e nel tradeschavel as rebellettan els.

5. Perquai nel quattordeschavel an gnittan Kedorlaomer ed ils rais *chi eiran* con el, e battettan ils * Ra-feits ad Astarot-Karnaim; ed ils † Susits a Ham; ed ils ** Emits nella planûra da Chiriataim;

* Gen. 15, 20. † Deut. 2, 20. ** Deut. 2, 11.

6. Eir ils * Horits sün lur montagnas da Seir, fin alla planûra da Paran, *chi ais* sper il desert. * Deut. 2, 12.

7. Lura, siand vouts, gnittan els in Enmispat, *chi ais* Cades, e battettan tuot il territori dels Amalecits; ed amo lapro ils Amorits *chi* dmuraivan in * Hasason-tamar. * 2 Cron. 20, 2.

8. Lura tret oura il rai da Sodoma, e'l rai da Gomorra, e'l rai d'Adama, e'l rai da Seboim, e'l rai da Bela, ch' ais Zoar, e's ordinettan in battaglia nella val da Siddim conter quaiats,

9. Contra Kedorlaomer, rai d'Elam, e Tideal, rai da pajans, ed Amrafel, rai da Sinear, ed Arioc, rai d'Ellasar; quatter rais conter tsehinch.

10. Ma la val da Siddim *eira* plaina da puozs d'asfalt; ed ils rais da Sodoma, e da Gomorra as mettettan alla fûgia, e crodettan in *quels puozs*, e'ls oters scampettan via, fûgind sün il munt.

11. E quels rais piglettan tuot la richezza da Sodoma e da Gomorra, e tuot lur victualia, e trettan davent.

12. Els piglettan eir Lot, il figl del frar d'Abram, il qual abitaiva in Sodoma con sia roba, e trettan davent.

13. Ma ün, *chi eira* smütschâ, gnit e rapportet il fat ad Abram, l'Ebreer, il qual dmuraiva nella planûra da Mamre, l'Amoreer, il frar d'Escol, e d'Aner, ils quals *eiran* colliats d'Abram.

14. Ma, cur Abram incelet, cha seis frar füss manâ d'avent preschunêr, schi inarmit el trajatschient e deschedot da seis famagls, nats in sia chassa, e det davo a tshels fin a Dan.

15. Ed el con sia servitü in partits ils sursaglit la not, da diversas varts, e'ls battet, e'ls det davo fin in Hoba, *chi giascha* da sneistra da Damasco.

16. Ed el recuperet tuot la roba, spendret eir seis frar Lot, con sia roba, seo eir las donans, e'l pövel.

17. E davo quai, turnand el dalla battaglia da Kedorlaomer, e dals rais *chi eiran* con el, schi 'l get oura incoenter il rai da Sodoma, nella val della planûra, *la quala ais* la val da rai.

18. E * Melchisedec, rai da Salem portet oura pan, e vin. Ma el *eira* ün sacerdot da Deis, l'otissem.

* Ps. 110, 4. Ebr. 7, 1.

19. Ed el il benedit, dschand: Benedi *saja* Abram da Deis, l'otissem, il creatur del tshel, e della terra!

20. E benedi *saja* l'otissem Deis, *chi teis* inimis ha dat in teis mans! Ed Abram al det la deschema del tuot.

21. Qua dschet il rai da Sodoma ad Abram: Dà a mai las persunas, ma la roba salva per tai.

22. Ma Abram respondet al rai da Sodoma: Eu oz il man al Segner, l'otissem Deis, il creatur del tshel e della terra:

23. Ch'eu da tuot quai ch'ais tieu non pigl ün sul fil, ne la curaja d'üna şcharpa; acio tü non diast ünsacura, eu ha richantâ Abram;

24. Arsalv quai sulet cha quaiats giuvens han mangiâ, e la part dels homens *chi* sun trats con mai; cioè Aner, Escol, e Mamre; cha quels vegnan a tour lur part.

CHAP. XV.

Deis fa üna lia con Abraham, conferma las impromissiuns della blierûra da seis sem, e descedenza.

DAVO quaiats chosas füt il pled del Segner *indirizzâ* ad Abram, in visiun, dschand: Abram, non at tmair: Ün * şchüt at *sun* eu, tia fieh granda mercede; * Ps. 3, 4, 5, 13, 119, 114.

2. Ed Abram disch: Segner Deis, che 'm voust tü dar? Già eu viv

sainz' infants, ed Eliezer da Damasco *ais* quel chi ha il guvern sur mia chasa.

3. Eir disch el: Mera, sem non am hast tū dat, ed ün *famagl*, nat in mia chasa, vain ad esser meis ertavel.

4. E be sün quai füt *indrizzâ* il pled del Segner ad el, dschand: Na quaiست dess esser teis ertavel; ma quel chi vain a gnir da tias avainas dess esser teis ertavel.

5. Ed el il manet our dadoura, e dschet ad el: Guarda uossa vers il tschel, e * nombra las stailas, scha tū las poust nombrar. E'l disch lura: † Usche vain ad esser teis sem.

* Gen. 13, 16. † Rom. 4, 13.

6. Ed * el crajet al Segner, ed il Segner il quintet quai a † güstia.

* Rom. 4, 3. Gal. 3, 6. † Ps. 106, 31.

7. Ed el disch ad el: Eu *sun* il Segner, chi t' ha fat gnir our d' Ur da Chaldea, per dar a tai quaiست pajais, acio cha tū quel possedast.

8. Ed Abram respondet: Segner Deis, giò da che poss eu cognoscher, ch' eu haja da possedair quel?

9. Disch il Segner ad el: Piglia üna vacha giuvna da trais ans, ed üna chavra da trais ans, ed ün botsch da trais ans, ed üna turdella, ed üna colombetta giuvna.

10. Ed el * il manet pro quellas chosas tuottas, e las partit per mez, e la mità da scodüna tschantet el güst incooter all' otra *mità*; ma ils utschels non partit el.

* Ger. 34, 18.

11. Ed utschels da rapina svolettan giò sopra quels corps morts, ma Abram ils spüvantet davent.

12. E, pro 'l tramuntar del solai, erodet ün chafuol sön sur Abram; e mera, ün stramizi, üna granda obscurità erodet sur el.

13. Ed il Segner disch ad Abram: * Sapehast pür, cha teis sem vain seo ester a dmurar in ün pajais, chi non ais seis, e vain a servir a *quel pajais*, e quel vain als † anguschiar il spazi da quattertschient ans. * Fat. 7, 6. † Ex. 1, 11.

14. Ma quel pövel, al qual els vegnan ad avair servi, vögl eu eir güdichar; lura vegnan els * a trar oura con granda ricchezza. * Ex. 12, 36. Ps. 105, 37.

15. Ma tū vainst ad ir in pasch pro

teis babuns, e * vainst a gnir sepuli in bella vegldüna.

* Gen. 25, 8.

16. E nella quarta generaziun vegnan els a turnar qua; perche la non ais amo complida l' iniquità dels Amorits.

17. Ma, siand it giò il solai, e gnüda la schürezza; schi mera, qua *eira* ün fuorn fümant, ed üna sfagliada da fö, la quala passet tras quellas parts *dels animals*.

18. In quel di fet il Segner üna lia con Abram, dschand: * Quaiست pajais dun eu a teis sem, dal flüm d' Egipto fin al flüm grand, *chi ais* il flüm Eufrat;

* Ex. 23, 31. Num. 34, 3. Deut. 1, 7. Gios. 1, 4. Es. 27, 12.

19. Il *pajais* dels Chenits, e dels Chenesits, e dels Cadmonits,

20. E dels Herits, e dels Feresits, e dels Rafeits,

21. E dels Amorits, e dels Cananeits, e dels Gergesits, e dels Jebusits.

CHAP. XVI.

Aviand Agar concepi, vain ella superba, pel qual ella vain schatschada, e lura s' ümiliescha ella, e parturescha Ismael.

MA Sarai, la duonna d' Abram non al parturiva *infants*; ma ella avaiva üna fantschella d' Egipto, con nom * Agar.

* Gal. 4, 24.

2. Schi dschet ella ad Abram: Mera, * il Segner m' ha fatta sterila, dasort ch' eu non port infants: Intra tū pro mia fantschella, † forse ch' eu dad ella vegn ad avair sem. Ed Abram consentit alla vusch da Sarai.

* Ebr. 11, 11. † Gen. 30, 3.

3. Sarai dimena, muglier d' Abram, piglet Agar, l' Egipziaisa, sia fantschella, il spazi da desch ans, davo ch' Abram abitaiva nella terra da Canaan, e la det ad Abram seis marit per muglier.

4. Ed el get aint pro ella, ed ella concepit, e veziaand ch' ell' avess concepi, spredschet ella sia patruna.

5. Pelqual Sarai disch ad Abram: L' ingiuria, ch' ais fatta a mai, vegna sur tai. Eu det mia fantschella in teis ravuog; ed ella, veziaand ch' ella ha concepi, am spredscha; il Segner güdicha tanter mai e tai!

6. Ed Abram respondet a Sarai: Mera, tia fantschella ais in teis man:

Fa-la tenor tei beneplacit. *Sarai* dimena l'affliget, dasort ch' ella fùgit d'avent dad ella.

7. E l'angel del Segner la chattet sper üna fontana dad aua, nel desert; sper la fontana *sün* la via da Sur.

8. Ed ella disch: Agar, fantschella da Sarai, dinuonder vainst tüt? Ed ingio vast? Ed ella respondet: Eu mütsch d'avent da Sarai, mia patruna.

9. Ma l'angel del Segner la disch: Tuorna pro tia patruna, e t'ümiliescha suot seis man.

10. Daplü la disch l'angel del Segner: Eu vögl multiplichar tei sem, e per la blerüra * non vain ün al podair nombrar. * Gen. 17, 20.

11. E l'angel del Segner la disch: Mera, tü est gravida, e vainst a parturir ün figl, il qual tü dessast nominar Ismael; perche il Segner ha udi tia afflicziun.

12. Ed el vain ad esser ün hom, *ün* asen solvadi, seis man *vain ad esser* conter tuot, ed il man da tuot conter el, ed el * vain ad abitar avant il conspet da tuot seis frars. * Gen. 25, 18.

13. Agar lura nommet il nom del Segner chi tschantschet con ella: Tü est il Deis della visiun; perche ella disch: Quia pür vez eu amo, davo avair gnü la visiun?

14. Pelqual quel puoz ais stat nomnà: Il * puoz del vivaint chi'm vezza. Mera, el *ais* tanter Cades e Bered.

* Gen. 24, 62. 25, 11.

15. Ed Agar parturit ün figl ad Abram, ed Abram nommet seis figl, parturi dad Agar, Ismael.

16. Ed Abram *eira* d'età dad ottanta e ses ans, cur Agar al parturit Ismael.

CHAP. XVII.

Sünd müdats ils noms dad Abraham e da Sara, schi vain instituida la circoncisiun; ad Abraham vain improviss ün figl da Sara. Abraham circoncida sai, e tuot ils seis dachasa.

E cur Abram eira vegl da novant' e nou ans, schi l'apparet il Segner, e dschet: Eu sun il Deis omnipotant; * chamina avant mai, e sajast prus;

* Gen. 5, 22. Ps. 16, 8.

2. Ed eu vögl stabilir mia lia intra mai e tai, e t' vögl creschantar fieh.

3. Lura crodet Abram sün sia vista, e Deis tschantschet con el, dschand:

4. Mera, *eu fetsch* mia lia con tai; e tü dessast dvantar bap d' üna blerüra da naziuns;

5. E tei nom non dess esser plü Abram, dimpersai Abraham dess esser tei nom; perche * eu t' ha constitui bap d' üna blerüra da naziuns.

* Rom. 4, 17.

6. Ed eu at farà multiplichar fieh, e t' farà * gnir naziuns, e rais vegnan a gnir da tai.

* Gen. 35, 11.

7. Ed eu conferm mia lia intra mai e tai, e tia descendenza davo tai, in lur generaziuns; per üna lia in asaimper dad esser tei Deis, e da tei sem davo tai.

8. Ed eu dun * a tai, ed a tia descendenza davo tai, il pajais, nel qual tü avdast sco forestêr, tuot la terra da Canaan per üna ð possessiun in asaimper; e vögl esser lur Deis.

* Gen. 12, 7. ð Gen. 13, 15.

9. Darcheu disch Deis ad Abraham: Ma tü salva mia lia, e tia descendenza davo tai, in lur generaziuns.

10. Quai^t *ais* mia lia, la quala vus avais dad observar intra mai e vus, e tei sem davo tai; scodün maşchel intanter vus saja circoncis.

11. E vus dessat circoncider la charn da vossa pelluotta, e *quai* dess esser * per ün' insaina della lia intra mai e vus.

* Fat. 7, 8. Rom. 4, 11.

12. Ed * ogni maşchel intanter vus dess gnir circoncis nell' età dad ot dis, in vossas generaziuns; tant il famagl, nat in chasa, co il comprà con danêr, scodün intanter qualunque *pövel* ester, chi non ais da tei sem.

* Lev. 12, 3. Luc. 2, 21.

13. Del tuot dessast tü circoncider, tant il nat in tia chasa, co il comprà con tei danêr, e mia lia dess esser in vossa charn per üna lia in asaimper.

14. Ma, quant al maşchel non circoncis, la charn della pelluotta del qual non ais circoncisa; üna tala persuna saja ragischad' our da seis pövel; el ha ruot mia lia.

15. Ultra quai disch Deis ad Abra-

ham: Tia muglier Sarai non la clamar plü Sarai, anzi Sara dess esser seis nom.

16. Ed eu la benedesch, ed eir dad ella at dun eu ün figl; eu la benedesch, ed ella dess dvantar naziuns, e * dad ella dessanguir rais da pövels. * Gen. 35, 11.

17. Lura Abraham crodet sün sia vista, e riet, e dschet in seis cour: Dess ad ün hom da tschient ans nascher ün figl? E vain Sara, vain la veglia da novant' ans, a parturir?

18. Lura disch Abraham a Deis: Pür cha viva Ismael avant tai!

19. E Deis disch: Schi, eir Sara, tia muglier * vain a parturir ün figl, e tü 'l dessast nominar Isac, ed eu vögl confirmar mia lia con el per üna lia perpetua a seis sem davo el.

20. E quant ad Ismael at exod eu; mera, eu il benedesch, e 'l adampch, e 'l fetsch crescher fieh; ed el vain * a genuir dudiesch princis, ed eu il fetsch gnir ad ün grand pövel. * Gen. 25, 12, 16.

21. Ma mia lia confirm eu con Isac, il qual Sara vain at parturir da quaist medem temp l'an vegnand.

22. Ed, aviand il Segner fini da tschantschar con Abraham, schi 's partit el davent dad el.

23. Lura piglet Abraham Ismael, seis figl, e tuots nats in chasa, e 'ls comprats con seis danêrs, tuot ils maşhels da sia brajada, e circoncidet la pelliotta da lur charn, in quel istessdi, sco il Segner l'avaiva dit.

24. Ma, cur Abraham circoncidet la charn da sia pelliotta, schi eira el vegl da novant' e nouv ans.

25. Ed Ismael, seis figl, cur ad el füt circoncisa la pelliotta da sia charn, eira vegl da traidesch ans.

26. In quel medem di gnittan circoncis Abraham e seis figl Ismael.

27. Eir gnittan circoncis con el tuot ils homens da sia chasa, tant ils nats in chasa, co ils comprats con danêr dals esters.

CHAP. XVIII.

Abraham retschaiva ils angels; vain dat ad incler davart la sdrütta dellas cittats; el prova d'interceder, rovar grazia in favur d'alchiuns buns, chi podessan esser.

PLÜNAVANT al apparit el Segner nella plantüra da Mamre; el sez-

zaiva all' intrada della tenda nel chod del di.

2. Ed el ozet seis ögls, e guardet, e mera, trais homens as presentettan avant el; ma, ils *aviand* vis, * als currit el incounter all' intrada della tenda, e s' inclinet vers la terra,

* Ebr. 13, 2.

3. E disch: Segner, sch' eu ha chattâ grazia avant tai, schi 't rouv eu, cha tü non passast via davant teis famagl.

4. Pigliai da grazia, ün pa d'aua, e 's lavai ils peis, e posai suot quaiست bösch.

5. Intant vögl eu portar üna fletta da pan, ed as confortai il cour, lura podais ir inavant, siand vus perquai eschat passats via davant vos famagl. E quels dschettan: Fà usche seo tü hast dit;

6. Lura Abraham get in prescha nella tenda pro Sara, e dschet: Piglia bain lest trais masüras flur da farina, ed impast-la, e fà fuatsebas!

7. Eir currit Abraham pro 'l muvel, e piglet ün vadè zarti e bun, e 'l det al famagl, il qual festinet a'l apparecchar.

8. Aviand lura tut painch fraiŝch, e lat, e quel vadè cha 'l *famagl* avaiva apparechâ, schi als mettet el *quai* avant, ma el stauva avant els suot quel bösch, ed els mangiaivan.

9. Ed els dschettan ad el: Ingio ais tia muglier Sara? Ed el respondet: Mera, nella tenda.

10. Ed el dschet: * Eu vögl darcheu l'an vegnand turnar pro tai, e mera, tia muglier Sara vain ad avair ün figl. Ma Sara tadlaiva pro l' üsch della tenda, la quala eira davo el.

* Gen. 17, 19. Rom. 9, 9.

11. Ma * Abraham, e Sara *eiran* vegls, ed avanzats da temp; ed a Sara eira refüdâ d' ir seo soulan avair las donans.

* Gen. 17, 17. Rom. 4, 19. Ebr. 11, 11, 12.

12. E Sara riet in sai sves, dschand: Vegn eu uossa, siand veglia, ad avair dalet; ed eir meis segner *ais* vegl.

13. Lura dschet il Segner ad Abraham: Perche ria Sara e disch: Vegn

eu eir propi a parturir, siand agià veglia?

14. * Ais qualchosa greiv al Segner? Eu vögl turnar darcheu pro tai, da quai temp nel an vegnand, e Sara vain ad avair ün figl.

* Ger. 32, 17. Luc. 1, 37.

15. E Sara sneet e dschet: Eu non ha ris; perche ella avaiva temma. Ma el la disch: Na! tü hast ris.

16. Lura ils homens stettan sü da qua, e s' indrizzettan vers Sodoma; ed Abraham giaiva con els, per ils compagnar.

17. Ed il Segner dschet: Dess eu tgnair azzoppâ ad Abraham, quai ch' eu sun per far?

18. Abraham a tuotta via dess dvantar ün grand e possant pövel, ed in el dessan gnir benedidas tuot las schlattas della terra.

19. Perche * eu l' ha cognoschü, acio ch' el ordaina a seis figls, ed a sia chasa davo el, cha observan la via del Segner, per far güstia e güdizi; acio cha 'l Segner lascha gnir sur Abraham quai ch' el l' ha impromiss.

* Ex. 33, 12. 17. Ger. 1, 5.

20. Contuot dschet il Segner: Il * bragizi sur Sodoma e Gomorra ais tschert grand, e lur pucha fich greiv.

* Gen. 4, 10. Giac. 5, 4.

21. * Schi vögl eu ir giò, vair, scha sun gnüts a quella, tenor bragizi gnü avant mai, o bricha; eu vegn a savair.

* Gen. 11, 5.

22. Quels homens dimena partittan da là, e s' inviettan vers Sodoma; ma Abraham restet amo avant il Segner.

23. Ed Abraham s' approsmet e dschet: Voust tü far perir eir il güst, con l' infidel?

24. Forsa sun tschinquanta güsts in quella città; ils voust tü eir far perir, e na plü bod perdonar a quel lö, peramur dels tschinquanta güsts, chi sun laint?

25. Saja dalönsch da tai, da far üna tala chosa, da far morir il güst con l' infidel; cha 'l güst saja a pêr con l' infidel, quai saja dalönsch da tai. * Non dess il güdisch da tuot la terra far güstia dretta?

* Giob 8, 3. 34, 17. Rom. 3, 6.

26. E 'l Segner disch: Sch' eu a Sodoma chat tschinquanta güsts, nella città, schi perdun eu a tuot il lö, peramur da quels.

27. Ma Abraham respondet, e dschet: Mera, eu m' ha intramiss a tschanschar con il Segner, combain ch' eu sun puolvra e tschendra.

28. Forsa cha mancan tschinch a quels tschinquanta güsts: Voust tü sdrür tuot la città per ils tschinch? E 'l Segner disch: Sch' eu chat quaranta e tschinch, schi non la vögl eu sdrür.

29. Continuand lura a tschantschar con el, disch Abraham: Forsa cha 's chattessan là quaranta. E 'l Segner disch: Peramur da quels quaranta non il vögl eu far.

30. Ed el disch: Ah, cha 'l Segner non as grittainta, ch' eu tschantsch: Forsa as chattessan là trenta. E 'l Segner disch: Eu non il vögl far, sch' eu chat là trenta.

31. Darcheu disch Abraham: Mera, eu m' ha prestümâ a favlar con il Segner: Forsa as chattessan là vainch! E 'l Segner disch: Peramur dels vainch non la vögl eu sdrür.

32. Sül davo disch Abraham: Ah, * cha 'l Segner non as grittainta, amo sul quaista vouta vögl eu tschantschar: Forsa as chattessan là desch. Disch il Segner: Peramur dels desch non la vögl eu sdrür.

* Güd. 6, 39.

33. Ed aviand il Segner glivrâ da tschantschar con Abraham, schi get el inavant; ma Abraham turnet in seis lö.

CHAP. XIX.

La città da Sodoma con sias sours vain ruinada suotsura. Lot vain deliberâ. Moab ed Ammon naschan.

E quels duos angels la saira rivettan in Sodoma; ma Lot sezzaiva nella porta da Sodoma. E 'ls veziaand, schi alvet el sü per als ir incoenter, e s' inclinet con sia vista vers la terra,

2. E dschet: Via, meis signurs, eu 's rouv, * volvai aint nella chasa da vos famagl, e stat quaista not qua ad albiarg, e 's lavai ils peis, e daman manvagl lura alvai, ed it vos viadi inavant. Ed els dschettan: Na, ma

sün la piazza volain nus star quaista not.

* Ebr. 13, 2.

3. Ma el als fet granda forza, tant ch'els volvettan aint pro el, ed in-trettan in sia chasa. Ed el als fet ün convivi, e coschet pans azims, ed els mangettan.

4. Ma ant co chi's mettesan giò, incrasettan ils homens della città da Sodoma la chasa, dals giuvens fin als vegls, tuot il pövel da tuots chantuns della città.

5. E clamaivan Lot, dschand ad el: Ingio sun quels homens, chi sun gnüts quaista not pro tai? * Main' els oura pro nus, cha nus ils cognoschan.

* Güd. 19, 22.

6. Lot lura get oura sün porta pro els, e serret l'üsch davo sai.

7. Ed el disch: Meis frars, non farai del mal.

8. * Mera, eu ha duos figlias, chi non han cognoschü hom; eu las vögl manar oura, e fat con ellas tenor vos plaschair. Solum a quaists homens non farai inguotta; perche per quai sun els gnüts suot la sumbriva da meis tet.

* Güd. 19, 24.

9. Ma els dschettan: Davent da là. Lura dschettan els: Quaist sulet ais gnü qui sco eister, ed impero vöul el far il güdisch; uossa volain nus far pê con tai, co con quels. Fettan dimena granda forza a quel hom Lot, e's chatschaivan nan per rumper l'üsch.

10. Qua stendettan quels homens oura lur man, e trettan Lot pro els aint in chasa, e serrettan lura l'üsch.

11. Ed ils homens chi eiran avant la porta della chasa battettan els con surbantüm, dal minim al plü grand in möd, ch'els as stanglantettan a chattar la porta.

12. Lura dschettan quels homens a Lot: Chi dels teis ais amo qui? fà ir davent da quaist lö, dschenders, figls, e figlias, e chi ais dels teis in quais-ta città;

13. Perche nus volain sdrür quaist lö; perche il bragizi sur el ais * grand avant il conspet del Segner; e'l Segner ans ha tramiss qui per il sdrür.

* Gen. 18, 20.

14. Uossa Lot get oura, e tschan-

tschet con seis dschenders, chi volai-van tour sias figlias, e dschet ad els: As fat sü, it our da quaist lö; perche il Segner vain a sdrür quaista città. Ma ad els paret, ch'el buffness.

15. E, cur apparet l'alba del di, faivan ils angels prescha a Lot, dschand: Stà sü, piglia tia muglier, e tias duos figlias, chi sun avant man, cha tü non gjajast a perder tras l'iniquità della città.

16. Ma s'intardand el, schi piglettan quels homens per ils mans ad el, a sia muglier, e sias duos figlias, siand cha'l Segner il volaiva schan-niar, e'l fettan ir, e'l tschantettan dadour la città.

17. E l'aviand manâ oura, dschet il Segner: At salva per tia orma; non guardar inavo, e non at fermar sün la plantira: Scampa vers il munt, cha tü non perast.

18. E lura disch Lot: Ah na, Segner!

19. Mera, teis famagl ha chattâ grazia avant tai, e tü hast dovrâ granda benignità vers mai, da con-servar mia vita; ma eu non vegn a podair scampar via vers il munt ant cha'l mal am sieua; pelqual eu gniss a morir.

20. Hei mera, quaista città ais da-strusch, ch'eu poss mütschar là, ed ell' ais pitschna, lascha ch' eu am salva via là; non ais ella pitschna, cha mia persuna resta in vita.

21. Ed el al disch: Mera, eir in quel fat t'ha eu exodi, da non ruinar la città, dalla quala tü hast dit.

22. Festina, scampa via là; perche eu non poss far inguotta, fin tü non est rivâ via là. Perquai ais quella città * nomnada Zoar, q. a. pitschna.

* Gen. 13, 10. 14, 2.

23. Il solai alvaiva sur la terra, cur Lot intret in Zoar.

24. E'l Segner * fet plover suolper e fö sur Sodoma, e sur Gomorra, dal Segner, giò da tschel;

* Deut. 29, 24.

Es. 13, 19. Ger. 49, 18. Ezech. 16, 49. Os. 11, 8.

25. E subvertit quellas cittats, e tuot la plantira, e tuots ils avdadurs da quel-las cittats, e las plantas della terra.

26. Ma * la duonna da Lot guardet inavo, e dvantet üna pütta da sal.

* 2 Pet. 2, 6. Giuda 7. Luc. 17, 32.

27. Ed Abraham as fet sù la daman a bun' ura oura 'l lö, ingio * el eira stat ferm avant il Segner. * Gen. 18, 22.

28. E guardet via vers Sodoma, e Gomorra, e vers tuot il pajais della planüra, e vezzet, — ün füm giaiva sù dalla terra, simil al füm d' üna chalchêra.

29. Usche dvantet, cur Deis sdrütet las cittats della planüra, ch' el as regordet sün Abraham, e manet Lot our da mez da quella subversiun, qua ch' el subvertit las cittats, nellas qualas Lot avaiva abità.

30. Ma Lot tret davent, ed abitaiva sün il munt, insembel con sias duos figlias, perche el as tmaiva da star in Zoar, e dmuret in üna spelunca, el e sias duos figlias.

31. E la veglia disch alla giuvna: Nos bap ais vegl; e non ais alchün hom plü sur terra, chi intra pro nus, suainter l' üsanza da tuot la terra.

32. Schi vè, dain vin da baiver a nos bap, e dormin con el; ed usche gnin nus a conservar in vita alchün sem da nos bap.

33. Quell' istessa not lura dettan ellas vin da baiver a lur bap, e la veglia gnit, e s' tschantet pro seis bap, e quel non s' inacorschet, ne cur ella's mettet giò, ne cur l' alvet sù.

34. Ma la daman davo, disch la veglia alla giuvna: Mera, la not passada ha eu dormi con meis bap; al dain vin da baiver eir quaista not; lura và e't metta pro el; usche gnin nus a conservar alchün sem da nos bap in vita.

35. Usche dettan ellas eir quella not a lur bap vin da baiver, e la giuvna alvet, e s' tschantet pro el, ed el non as inacorschet, ne cur ella's mettet giò, ne cur l' alvet sù.

36. E las duos figlias da Lot concepitan da lur bap.

37. E la veglia parturit ün figl, e nominet seis nom Moab. * Quel ais il bap dels Moabits fin hozindi.

* Ps. 83, 7.

38. E la giuvna parturit eir ün figl, qual ella nomnet Ben-ammi. Quel ais il bap dals Ammonits, fin al di d'hoz.

CHAP. XX.

Sara stat tutta davent, inviolada vain darcheu restituida ad Abraham. Abimelec lura tras las oraziuns dad Abraham vain guari, con tuot sia famiglia.

ABRAM lura get davent da là, vers il pajais da mezdi, e dmuret tanter Cades e Sur, ed abitet seo forestêr in Gerar.

2. Ingio Abraham disch davart sia muglier Sara: * *Ella ais* mia sour. Ed Abimelec, il rai da Gerar, tramettet per la tour.

* Gen. 12, 13.

3. Ma la not gnit Deis pro Abimelec nel * sön, e disch ad el: Mera, tü stoust morir per causa della duonna, cha tü hast tut, essendo ella maridada ad ün marit. * Ps. 105, 14. Giob 33, 14.

4. Ma Abimelec non s' avaiva ap-prosmâ ad ella. Ed el disch: Segner, voust tü mazzar eir gliend gûsta?

5. Non m' ha el dit: *Ella ais* mia sour? Ed eir ella ha dit: El *ais* meis frar. Eu fet quai in integrità da meis cour, ed in innozenza da meis mans.

6. E Deis al disch nel sön: Eir eu sa, cha tü hast fat quaist in integrità da teis cour; pelqual t' ha eu eir impedi da pechar * conter mai; perquai non t' ha eu permiss da la toccar.

* Gen. 39, 9. Lev. 6, 2. Ps. 51, 6.

7. Pertant schi restituïscha la muglier a quaist hom; perche el *ais* ün profet, ed el vain a rovar per tai, cha tü vivast. Ma non la restituïschast, schi pel tshert sapehast da morir tü, e tuot ils teis.

8. Contuot alvet Abimelec la daman, e clamet tuot sia servitü, ed in lur presenza requintet el tuots quaists peds; e quels homens as tmettan zuond fïch.

9. Abimelec lura clamet Abraham, e'l disch: Che ans hast tü fat? Ed in che t' ha eu offais, cha * tü hast fat gnir sur mai, e sur meis reginam, ün usche grand pucha? Invers mai hast fat chosas chi non as convain da far.

* Gen. 26, 10.

10. Eir disch Abimelec ad Abraham: Sün che hast tü guardâ, cha tü hast fat quaist?

11. Ed Abraham disch: Eu m' impïsaiva, sgür in quaist lö non ais ingüna temma da Dieu, e per causa da mia muglier vegnan els am mazzar.

12. E pür da tshert *ais* ella mia sour, la figlia da meis bap, be na la figlia da mia mamma; ed *ais* dvan-tada mia muglier.

13. E dvantet, cur il Segner am fet ir our dalla chasa da meis bap, schi la dschet eu: Quaista favur fà vi' a mai, ingio nus gnin a gnir, schi di da mai: El *ais* meis frar.

14. * Lura piglet Abimelec bescha, bovs, famagls e fantschellas, e 'ls det ad Abraham, e 'l restituit sia muglier Sara. * Gen. 12, 16.

15. Ed Abimelec disch: Mera, meis pajais sta avant tai, avda ingio a tai bainplasha.

16. Ed a Sara disch el: Mera, a teis frar ha eu dunâ milli *siccals* d' argient; mera, quai *ais* per tai üna coverta dels ügls, pro tuot quai chi *ais* dvantâ con tai, e con tuots; usche füt ella arpraisa.

17. Ed Abraham fet oraziun vi' a Deis, e Dieu guarit Abimelec, e sia muglier, e sias fantschellas, ch' ellas parturittan.

18. Perche il Segner avaiva serrâ ogni matrice nella chasa d' Abimelec per causa da Sara, la muglier dad Abraham.

CHAP. XXI.

Isac nascha da Sara, e vain circonceis, e zavrâ dalla tetta. Agar con Ismael vegnan tramiss our chasa. La lia intanter Abimelec ed Abraham.

MA il Segner visitet Sara, * seo ch' el avaiva dit; e 'l Segner fet a Sara, seo ch' el avaiva tshantschâ.

* Gen. 17, 19. 18, 10.

2. Ed usche concepit ella, * e par-turit ün figl ad Abraham in sia vegl-düna, dal temp cha Deis l' avaiva dit.

* Gal. 4, 23. Ebr. 11, 11.

3. Ed Abraham mettet nom a seis figl, chi l' eira nat, il qual Sara al avaiva parturi, Isac.

4. Ed Abraham circoncidet Isac, seis figl nell' età dad ot dis, * tenor cha 'l Segner l' avaiva comandâ.

* Gen. 17, 10.

5. Ma * Abraham *eira* vegl da tshient ans, cur Isac seis figl naschet.

* Gen. 17, 17.

6. E Sara disch: Deis m' ha fat rir: Chi mâ vain ad udir, rierà da mai.

7. Da plü disch ella: Chi avess dit

ad Abraham, Sara vain a lattentar infants? Ch' eu in sia vegldüna al ha parturi ün figl.

8. Siand lura l' infant creschü, schi gnit el zavrâ, e sün il di ch' Isac füt zavrâ, fet Abraham ün grand convivi.

9. Qua vezzet Sara, cha 'l figl d' Agar l' Egipziaisa, il qual quella a-vaiva parturi ad Abraham, faiva * beffa, * Gal. 4, 29.

10. Schi dschet ella ad Abraham: * Chatscha davent quaista fantschel-la, e seis figl; perche il figl da quaista fantschella non ha dad ertar con meis figl, con Isac. * Gal. 4, 30.

11. Ma quaist pled displaschet fich ad Abraham peramur da seis figl.

12. Lura al disch il Segner: Non hajast displaschair per il mat, ne per tia fantschella; consainta a Sara in tuot quai ch' ella vain at dir; perche * seguond Isac dess gnir clamâ teis sem. * Rom. 9, 7. Ebr. 11, 18.

13. Impero vögl eu eir il figl da quaista fantschella * far dvantar ün pövel; perche teis sem *ais* el.

* Gen. 17, 20.

14. Contuot alvet Abraham la da-man a bun' ura, e piglet pan, ed ün vaso d' aua, e det *quai* ad Agar, la mettand sün *las* spadlas; *la* det eir il mat, e la tramettet davent. Ed el-la's partit, e get ad erramaints per il desert da Beerseba intuorn.

15. Ma cur l' aua del vasognit almain, büttet ella il mat suot ün böschet,

16. E get lura davent, e 's mettet là a zer in vista, lontan il trat d' ün balaister; perche ella dschaiva: Eu non poss vair, cur il mat moura; e sezzand usche in vista ozet ella sia vusch, e eridet.

17. Qua udit il Segner la vusch del mat, e l' angel da Deis clamet ad Agar giò da tshel, e la disch: Che hast tü, Agar? Non at tmair; perche il Segner ha udi la vusch del mat, là ingio el ais.

18. Stâ sü, piglia il mat, e spor-scha 'l il man; perche eu il vögl far üna granda naziun.

19. Lura Deis l' avrit ils ügls, ed ella vezzet ün puoz d' aua, e get, ed implit il vaso con aua, e det al mat da baiver.

20. E Deis eira con quel mat, ed el gnit grand, e dmuret nel desert, ed eira ün tirader da balaister.

21. Ed el dmuret nel desert da Faran, e sia mamma al piglet üna duonna dalla terra dad Egipto.

22. Ma dvantet in quel temp, cha * Abimelec, e Ficol, il capo da seis exercit, tschantschettan con Abraham, dschand: Deis ais con tai, in tuot quai cha tü fast! * Gen. 20, 2.

23. Schi güra'm dimena tras il nom da Dieu acqui, da non mentir a mai, ne a meis figl, ne a meis abiadi; cha tü vögliast dovrar vers mai, e vers il pajais, ingio tü hast abitâ sco forestêr, quella medema benignità, la quala eu ha dovrâ vers tai.

24. Ed Abraham disch: *Schi*, eu vögl gürar.

25. Ma Abraham s'almantet con Abimelec per causa d'ün puoz d'aua, cha la servitü dad Abimelec avaiva tut our da man per forza.

26. Ed Abimelec disch: Eu non sa, chi haja fat quai. Ne tü non m'hast laschâ a savair, ne non l'incelet eu, oter co hoz.

27. Ed Abraham piglet bescha e bovs, e ls det ad Abimelec, ed amenduos fettan lia insembel.

28. Ma Abraham avaiva miss dvart set agnellas della scossa.

29. Qua dschet Abimelec ad Abraham: Che *vöglian dir* quaistas set agnellas qui, cha tü hast miss dvart?

30. Ed el dschet: Cha tü quaistas set agnellas pigliast da meis man in testimonianza per mai, ch'eu haja chavâ quai puoz.

31. Perquai as nomna quel lö Beerseba, siand cha amenduos avaivan qua güra.

32. Usche han els fat lia *insembel* in Beerseba. Lura Abimelec e Ficol, il capo da seis exercit, stettan sü, e turnettan nel pajais dels Filistins.

33. Ed Abraham implantet ün god in Beerseba, e clamet qua in agtîd il nom del Segner, del Deis etern.

34. Ed Abraham abitet sco forestêr nel pajais dels Filistins, blers dis.

CHAP. XXII.

Qui vain comandâ ad Abraham, dad offerir seis figl Isac; obedind Abraham vain süil davo Isac deliberâ.

DAVO quaists fats dvantet, cha Deis provet Abraham, e dschet ad el: Abraham! Ed el dschet: Mera'm qui!

2. *E'l Segner* al disch: Pigl' uossa teis figl, teis sulnascüt, il qual tü amast, cioè Isac, e vâ via nel pajais da Moria, * e l'offerra là per ün'offerta da fö, sün ün da quels munts, ch'eu vegn a dir a tai.

* 2 Cron. 3, 1. Ebr. 11, 17. Giac. 2, 21.

3. Abraham dimena alvet la daman a bun'ura, e mettet il bast sün seis asen, e piglet duos da seis serviturs con el, ed Isac, seis figl. Ed, aviand fess oura laina per l'offerta da fö, schi stet el sü, e get nel lö, il qual il Segner l'avaiva dit.

4. Nel terz di, qua ozet Abraham ils ögls, e vezzet quel lö da lontan,

5. E disch a seis serviturs: Restai vus qui con l'asen; ed eu e'l mat volain ir fin via là per adorar, lura volain nus darcheu turnar pro vus.

6. Ed Abraham piglet la laina per l'offerta da fö, e la mettet adöss a seis figl Isac, e piglet il fö in man, ed il curtê; usche gettan els amenduos insembel.

7. Ma Isac disch ad Abraham seis bap: Meis bap! Ed el respondet: Mera'm qui, meis figl. Ed Isac disch: Mera, qui ais il fö, e la laina; ma ingio *ais* l'agnê per il sacrifici da fö?

8. Ed Abraham disch: Meis figl, Deis vain a proveder per l'agnê pro'l sacrifici da fö; ed els gettan amenduos insembel.

9. Siand lura rivats al lö, cha Deis avaiva dit ad Abraham; schi drizzet el là ün utêr, louet sü la laina, ed aviand liâ seis figl Isac, e miss quel sün l'utêr sur la laina,

10. Schi stendet oura Abraham il man, e piglet il curtê per schanar seis figl.

11. Qua bragit l'angel del Segner giò da tschel, e disch: Abraham, Abraham! Ed el disch: Mera'm qui!

12. *El angel* disch ad el: Non metter il man adöss al mat, e non al far

inguotta; perche uossa cognosch eu, cha tü temmast Deis, daspö cha tü non am hast tschunc giò quel teis figl, teis sulnaschü.

13. Ma Abraham ozet seis ögls, e guardet, e mera, ün botsch staiva davo el, rantâ per las cornas vi' ad ün spinatsch. Ed Abraham get, e piglet quel botsch, e l'offerit per ün' offerta da fö, in pè da seis figl.

14. Perquai nomnet Abraham quel lö: Il Segner vain a proveder. Ed ais quel, chi 's disch hozindi: Sün il munt del Segner vain a gnir provedüt.

15. Plünavant clamet l' angel del Segner ad Abraham giò da tschel, la seguonda vouta,

16. E disch: * Eu gür pro mai sves, disch il Segner, cha, daspö tü hast fat quai, e non m' hast denegâ teis figl, quel sulnaschü, * Luc. 1, 73. Ebr. 6, 13.

17. Schi 't vögl eu benedir, e granda- maing multiplichar teis sem, * sco las stailas del tschel, e sco 'l sablun alla riva del mâr; e teis sem vain a possedair las portas da seis inimis.

* Gen. 13, 16.

18. E * tuots pövels della terra vegnan ad esser benedits in teis sem; siand cha tü hast obedi a mia vusch.

* Gen. 12, 3. 18, 18.

19. Ed Abraham turnet lura pro seis serviturs, ed els stettan sü, e gnittan insembel a Beerseba, ingio Abraham abitaiva.

20. E, davo quaiats fats, füt refert ad Abraham: Mera, * eir Milca ha parturi figls a teis frar Nahor.

* Gen. 11, 29.

21. Uz, seis primogenit, e Buz seis frar, e Chemuel, bap d' Aram.

22. E Chesed, ed Hazo, e Pildas, ed Idlaf, e Betuel.

23. E Betuel ha genui * Rebecca. Quaiats ot ha Milca parturi a Nahor, il frar dad Abraham.

* Gen. 24, 15.

24. E sia concubina, seis nom *ais* Reuma, parturit eir ella Teba, e Gaham, e Tabas, e Maaca.

CHAP. XXIII.

Vain descritta la mort, e sepultüra da Sara.

MA la vita da Sara füt da tschient e vainch e set ans; ils ans della vita da Sara.

2. E Sara morit in Kiriath-arba *quai ais* Hebron, nella terra da Canaan; ed Abraham gñit nan, per planscher Sara, e la eridar.

3. Abraham lura alvet sü dalla vart del mört, e tschantschet con ils figls da Het, dschand:

4. Eu *sun* ester, e gñü nanpro; dat a mai la possessium d' üna sepultüra pro vus, acio ch' eu sepulescha meis mort, e 'l *alvainta* davent da mai.

5. Qua respondettan ils figls da Het ad Abraham, e dschettan ad el:

6. Taidla 'ns, meis segner! Tü *est* ün princip divin in mez nus, sepulescha teis mort nella plü tscher-nüda da nossas sepultüras; ingün da nus non vain at denegar sia sepultüra per sepulir teis mort.

7. Lura stet sü Abraham, e 's inclinet avant il pövel del pajais, ils figls da Het,

8. E tschantschet con els, dschand: Scha vus avais in sen, ch' eu sepulescha meis mort, e 'l *alvainta* davent da mai, schi taidlâ 'm: Intercedai per mai pro Efron, il figl da Sohar;

9. Ch' el am detta la spelunca da Macfela chi *ais* sia, ed ais alla fin da seis champ; ch' el la 'm detta per seis plain pretsch, per possessium da sepultüra tanter vus.

10. Ma Efron avdaiva in mez ils figls da Het. Qua respondet Efron l' Hetit ad Abraham, in presenza dels figls da Het, e da tuot quels chi intraivan per la porta da sia città, e dschet:

11. Na, meis segner, taidla 'm: Eu at dun il champ, at dun eir la spelunca chi *ais* in quel; eu at fetsch ün dun, in presenza dels figls da meis pövel; sepulescha *qua* teis mort.

12. Qua s' inclinet Abraham avant il pövel del pajais;

13. E tschantschet con Efron, in presenza del pövel del pajais, e dschet: Be cha tü am taidlast! Eu dun ils danêrs per il champ; piglia 'l da mai, ed eu vögl sepulir qua meis mort.

14. Qua respondet Efron ad Abraham e dschet:

15. Meis segner, taidla 'm: Üna terra

da quatter tshient sieccals d'argient che ais quai fra mai e tai? Sepul-escha pür *qua* teis mort.

16. Contuot sgondet Abraham ad Efron, e 'l pajet ils danêrs ch'el l'avaiva dit, in presenza dels figls da Het, quatter tshient sieccals d'argient, corrents tanter merchadants.

17. Usche gnit fixada * l'acquisiziun del champ d'Efron a Macfela, vers daman da Mamre, insembel con la spelunca in quel, e con tuot la boscha chi *eiran* in quel champ, in tuot seis confins intuorn;

* Gen. 25, 9. 50, 13.

18. Füt confirmâ ad Abraham in presenza dels figls da Het, e da tuot quels chi intraivan per la porta da sia città.

19. E davo quai, sepulit Abraham sia muglier Sara nella spelunca del champ da Macfela, vers daman da Mamre, chi *ais* Hebron, nella terra da Canaan.

20. Usche gnit fixada l'acquisiziun da quel champ, e della spelunca in quel ad Abraham, per possessiun da sepultura, dals figls da Het.

CHAP. XXIV.

Rebecca vain manada da Mesopotamia tras Eliezer, ed Isac la piglia per sia muglier.

MA Abraham eira vegl, e bain da temp; e 'l Segner l'avaiva benedi in tuots fats.

2. Qua disch el a seis famagl, il *plü* vegl da sia chasa, * il qual avai-va il govern da tuots seis fats: Ah tû, metta teis man suot mia cossa,

* Gen. 15, 2.

3. Ed eu 't vögl far gürar pro il Segner, il Deis del tshel, e Deis della terra, cha * tû non pigliast a meis figl üna duonna dellas figlias dels Cananits, tanter ils quals eu dmur;

* Gen. 26, 35. 27, 46. Ex. 34, 16, Deut. 7, 3.

4. Dimpersai in meis pajais, e pro mia parantella dessast tû ir, e *da quella* tour üna duonna ad Isac, meis figl.

5. Lura disch il famagl ad el: Forsa non plascha a quella duonna da gnir con mai in quai pajais, dess eu lura darcheu turnantar teis figl nel pajais, dal qual tû est gnü davent?

6. Ed Abraham al disch: T' inguar-

da, cha tû non turnaintast darcheu meis figl allà.

7. Il Segner, il Deis del tshel, * il qual m'ha tut our dalla chasa da meis bap, e da meis pajais nativ, e tshantschâ con mai, e gürâ, dschand: Eu vögl dar quai pajais a teis sem, quel vain a frametter seis angel avant tai, e tû dalander dessast tour üna duonna per meis figl.

* Gen. 12, 1. 7. 15, 18.

8. Ma, scha alla duonna non plascha da gnir con tai, schi dessast tû esser sliâ dal saramaint fat; solum non turnantar meis figl darcheu allà.

9. Contuot mettet il famagl seis man suot la cossa dad Abraham, seis segner, e 'l güret da quel fat.

10. Lura piglet il famagl desch chamels dels chamels da seis patrûn, e 's partit, *portand* d'ogni *sort* roba da seis segner; e s'aviand miss in via-di, get el in Mesopotamia, alla * città da Nahor.

* Gen. 27, 43.

11. E la saira fet el as metter giò ils chamels dadour la città sper ün puoz d'aua, dal temp cha van oura quellas chi la tiran sù.

12. Ed el dschet: Segner, Deis d'Abraham, meis patrûn, fâ cha'm in-seontra hoz bön; e dovra benignità invers meis segner Abraham.

13. Mera, eu stün quia sper la fontana dell'aua, e * las figlias della gliend della città vegnan oura per trar sù aua;

* Gen. 29, 9. Ex. 2, 16.

14. Cha dvainta dimena, la giuvna, alla quala eu di: In grazia, abbassatia sadella, ch'eu baiva; e chi disch: Baiva, ed eir teis chamels vögl eu bavrantar; quella possast tû avair preparâ ad Isac, teis famagl; ed in quai cognosch eu, cha tû hast dovrâ benignità vers meis segner.

15. Ma dvantet, ant ch'el avess glivrâ da tshantschar, mera, qua gnit oura Rebecca, la figlia da Betuel, figl da * Milca, muglier da Nahor, il frar d'Abraham, sia sadella sün sia spadla.

* Gen. 11, 29.

16. E la giuvna *eira* zuond bella d'aspet; vergina, ed ingiün hom non l'avaiva cognoschüda. Ed ella get giò pro la fontana, ed implit sia sadella, e turnet darcheu sù.

17. Qua la currit il famagl in-conter, e *la* disch: Ah lascha 'm bai-ver ün pa d' aua our da tia sadella!

18. Ed ella disch: Baiva meis segner! E subit ozet ella giò la sadella in man, e 'l det da baiver.

19. Ed, al aviand dat da baiver a vuonda, disch ella: Eu vögl tenscher sü eir per tei chamels, fin cha hajan bavü a sufficienza.

20. E dalunga svödet ella oura sia sadella nella bavradoira, e currit danöv pro 'l puoz per tenscher sü, e tenschet sü per tuot sei chamels.

21. Quel hom dintant s' instupiva d' ella, considerand, per vair, scha 'l Segner avess fat prosperar sei viadi, o na.

22. Ma dvantet, cur ils chamels avettan glivrâ da baiver, schi piglet quel hom ün * anè d' or, d' ün mez siccal paisa, ed ün pèr manins d' or, la paisa da desch siccals, e 'ls mettet intuorn sei mans,

23. E la disch: Da chi figlia *est* tü? Di 'm quai! Aise in chasa da tei bap lö da 'ns albergiar?

24. Ed ella respondet: Eu *sun* figlia da Betuel, figl della Milca, il qual ella parturit a Nahor.

25. Ed ella disch ad el: Nus avain stram, e pavel avuonda, ed eir lö da 's albergiar.

26. Lura 's inclinet quel hom, ed aduret il Segner.

27. Ed el dschet: Benedi saja il Segner, il Deis d' Abraham, meis segner, il qual non ceda con sia benignità e vardà invers meis segner! Il Segner m' ha condüt per la *dretta* via alla chasa dels frars da meis segner.

28. E la giuvna currit, e rapportet quels fats nella chasa da sia mamma.

29. Ma Rebecca avava ün frar, con nom * Laban, e quel currit oura pro l' hom alla fontana.

* Gen. 29, 5.

30. E dvantet, aviand el vis quel anè, e quels manins intuorn ils mans da sia sour; ed aviand inelet ils plets da sia sour Rebecca, chi dschava: Quel hom ha tschantschâ usche con mai, schi gnit el pro quel hom; e mera, el staiva pro sei chamels sper la fontana.

31. Ed el *al* disch: Intra tü benedi del Segner; perche stast tü quioura? Eu ha perdert la chasa, e 'l lö per ils chamels.

32. E quel hom get aint in chasa, e *Laban* scharget ils chamels, e 'ls det stram e pavel; *eir* aua, per lavar ils peis al hom, ed a quels chi *eiran* con el.

33. Lura al füt portâ avant da mangiar, ma el disch: Fin ch' eu non ha dit meis plets non vögl eu mangiar. Ed el al disch: Tschantscha.

34. Qua disch el: Eu sun servitur d' Abraham;

35. Ed il Segner ha zuond fieh benedi meis segner, ch' el ais gnü grand; e l' ha dat bescha, e bovs, ed or, ed argient, e famagls, e fantshellas, e chamels, ed asens.

36. E Sara, la duonna da meis patrùn ha parturi ad el ün figl in sia vegldüna, al qual el ha dat tuot quai ch' el ha.

37. Ma meis segner am fet gürar, dschand: Non tour a meis figl üna duonna dellas figlias dels Cananits, nel pajais dels quals eu dmur,

38. Dimpèrsai vâ pro la chasa da meis bap, e pro mia naziun, e piglia üna duonna a meis figl.

39. Ed eu dschet a meis segner: Forsa cha quella duonna non vould gnir con mai;

40. Schi 'm dschet el: Il Segner, * avant il qual eu sun chaminâ, vain a trametter sei angel con tai, ed a prosperar tei viadi, e tü dessast tour per meis figl üna duonna da mia naziun, e dalla chasa da meis bap.

* Gen. 17, 1.

41. Lura dessast esser sliâ dal saramaint fat, cur tü vainst pro mia naziun; e, sch' els non at vöglian dar, schi dessast esser liber dal saramaint fat.

42. E qua ch' eu hoz rivet alla fontana, schi dschet eu: Segner, Deis d' Abraham meis patrùn, scha a tai plascha da prosperar il viadi, ch' eu ha avant mai;

43. Mera, schi stun eu quia, sper quaista fontana dad aua, e cha dvainta, la giuentschella chi vain oura per tenscher sü, alla quala eu

vegn a dir: Ah lascha 'm baiver ün pa d' aua our da tia sadella;

44. E chi vain am dir: Baiva pür, ed eir per teis chamels vögl eu tenscher sü; quella *saja* la duonna, cha'l Segner ha preparâ al figl da meis segner.

45. Schi ant ch' eu avet glivrâ da favlar in mai, mera, qua gnit oura Rebecca, sia sadella sün sia spadla, e get giò alla fontana, e tensehet sü; ed eu dschet ad ella: Ah tü, da 'm da baiver.

46. E dalunga laschet ella sia sadella giò dal givè, e dschet: Baiva, ed eir teis chamels vögl eu bavrantar; ed eu bavet, ed eir als chamels det ella da baiver.

47. Lura la domandet eu, dschand: Da chi figlia *est* tü? Ed ella am dschet: Eu *sun* figlia da Betuel, figl da Nahor, il qual Milca al parturit. Ed eu la mettet l'anè in seis nas, e 'ls manins intuorn seis mans.

48. Eir m' inclinet eu, ed aduret il Segner, e benedit il Segner, il Deis d' Abraham, meis patrun, il qual m' ha condüt per la dretta via, a tour al figl da meis segner la figlia da seis frar.

49. Ed uossa, ingio vus volais dovrar benignità, e fideltà vers meis patrun, schi dat-am ad incler; non briecha, laschâ 'm asavair, acio ch' am volva, o alla dretta, o alla sneistra.

50. Qua respondettan Laban e Betuel, dschand: Quaist fat vain dal Segner, nus non at podain dir, ne mal, ne bain.

51. Mera, Rebecca sta avant tai; pigl-la, e vâ, ch' ella dvainta muglier del figl da teis patrun, sco 'l Segner ha tschantschâ.

52. Contuot, aviand il famagl d' Abraham udi lur parola, s' inclinet el sün la terra, ed aduret il Segner.

53. Lura il famagl piglet oura clinöts d' argient, e d' or, e vestimaints, e det a Rebecca, ed al frar; ed a sia mamma dunet el chosas preziasas.

54. E lura mangettan e bavettan, el, ed ils homens chi *eiran* con el, ed albergettan quella not; e la daman seguainta, siand alvats, disch el: Lascha 'm turnar pro meis segner!

55. E 'l frar e la mamma dschettan: Lascha la giuvna star pro nus amo *alchüns* dis, almain desch; lura des-sast podair ir.

56. Ed el disch ad els: Non m' intardarai, il Segner ha dat ventüra pro meis viadi; dat-am licenza, acio eu giaja pro meis segner.

57. Ed els dschettan: Clamain la giuvna, e domandain ad ella s vess.

58. Usche clamettan els Rebecca, e la dschettan: Voust tü ir con quaiست hom? Ed ella respondet: *Schi*, eu vögl ir!

59. Qua congediettän els Rebecca, lur sour, * e sia bêla con il servitur d' Abraham, e con sia glieud.

* Gen. 35, 8.

60. Ed els beneditän Rebecca, e la dschettan: Tü est nossa sour; at multiplichescha in milli milliêras, e teis * sem possedescha la porta da seis inimis!

* Gen. 22, 17.

61. Qua stet sù Rebecca, insembel con sias donzellas, e muntettan sün ils chamels, e gettan davo quel hom. E quel servitur, aviand tut Rebecca, get inavant.

62. Ma Isac turnaiva * dal puoz del vivaint chi'm vezza; perche el abitaiva nella contrada del mezdi.

* Gen. 16, 14. 25, 11.

63. E la saira eira el it oura sülla champagna per far oraziun; qua ozet el ils ögls, e guardet, e mera, e gnivan chamels.

64. E Rebecca ozet ils ögls, e vezett Isac, e 's büttet giò dal chamel.

65. Ed ella dschet al servitur: Chi *ais* quel hom, chi sün la cuttüra ans vain inonter? Ed el dschet: El ais meis segner. Qua piglet ella il sindal, e 's cuvernet.

66. E 'l famagl requintet ad Isac tuot las chosas, ch' el avaiva fat.

67. Ed Isac manet Rebecca nella tenda da sia mamma Sara; e la piglet, ed ella dvantet sia muglier, ed el l' amet. Ed usche 's cuffortet Isac davo *la mort* da sia mamma.

CHAP. XXV.

Ils infants d' Abraham con Chetura; e sia mort.
Ad Isac naschan Esau e Jacob.

ED Abraham piglet * darcheu üna muglier con nom Chetura. * 1 Cron. 1, 32.

2. La quala al parturit Zimram, e Joesan, e Medan, e Madian, ed Isbac, e Sua.

3. E Joesan genuit Seba, e Dedan; ed ils figls da Dedan: Assurim, e Letusim, e Leomim.

4. Ed ils figls da Madian: Efa, ed Efer, ed Enoc, ed Abida, ed Eldaa. Quaists tuots *sun* figls da Chetura.

5. Ed * Abraham donet tuot il sien ad Isac. * Gen. 24, 36.

6. Ma als figls da sias concubinas det el duns, e l's tramettet davent da seis figl Isac, in tant ch'el eira in vita, vers il levant, nel pajais del oriaint.

7. Ma il temp della vita d' Abraham *ais* tschient e settanta e tschinch ans.

8. Ed Abraham morit e spartit in buna * vegldüna, bain da temp, e sazi *da viver*; e füt raspâ pro seis pövel. * Gen. 15, 15.

9. E seis figls Isac ed Ismael il sepulittan * nella spelunca da Macfela, nel champ d' Efron, figl da Sohar, l' Hetit, vers daman da Mamre; * Gen. 23, 17.

10. Il champ cha Abraham avaiva comprâ dals figls da Het. Qua fütan sepulits Abraham, e Sara sia muglier.

11. Daspö lura Abraham mort, benedit Deis Isac seis figl, ed Isac abitet sper il * puoz del vivaint, chi 'm vezza. * Gen. 16, 14.

12. E quaistas *sun* las generaziuns dad Ismael, figl d' Abraham, il qual Agar avaiva parturi ad Abraham, l' Egipziaisa, la fantschella da Sara.

13. E quaists *sun* ils noms dels figls dad Ismael, con lur noms seguond lur generaziuns. * Il primogenit d' Ismael Nabajot, lura Chedar, ed Adbeel, e Mibsam. * 1 Cron. 1, 29.

14. E Misma, e Duma, e Massa.

15. Ed Hadar, e Tema, e Jetur, e Nafis e Chedma.

16. Quaists sun ils figls d' Ismael, e quaists lur noms, in lur vihs, e chastels, * dudesch principals intanter lur pövels. * Gen. 17, 20.

17. Ed ils ans della vita d' Ismael sun tschient e trent' e set, lura morit el e spartit e gnit raspâ pro seis pövel.

18. E seis figls abitaivan da Havila

fin a Sur, chi ais vi' avant Egipto, vers l' Assiria. Vers daman da * tuot seis frars ais el tschantâ. * Gen. 16, 12.

19. Ma quaistas *sun* las generaziuns dad Isac, figl d' Abraham; * Abraham genuit Isac. * Mat. 1, 2.

20. Ed Isac eira d' età da quarant' ans, cur el piglet Rebecca per duonna, la figlia da Betuel il Sirer, our da Mesopotamia, e la sour da Laban, il Sirer.

21. Ed Isac fet oraziun vi' al Segner per sia muglier; perche ella *eira* sterila; e l' Segner l'exodit, * e sia muglier Rebecca concepit. * Rom. 9, 10.

22. Ed ils figls as chatschaivan l' ün l' oter in seis vainter. Ed ella disch: Scha usche *ais*, schi perche sun eu quai? E get a domandar il Segner.

23. Ma il Segner la disch: Duos naziuns *sun* in teis vainter, e duos pövels as separan our da teis ravuogl, e l' ün pövel vain ad esser plü possant co l' oter; * e l' grand vain a servir al pitschen. * Rom. 9, 12.

24. E cur il temp da parturir a quella füt compli, duos gemels *eiran* in seis vainter.

25. Ed il prüm gnit oura, cotschen, tuot *plus*, * sco üna rassa da pails; ed al gnit miss nom Esau.

* Gen. 27, 11. 16, 23.

26. Lura gnit oura seis frar, e seis man tгнаiva * il chalhagn dad Esau, ed † al gnit miss nom Giacob. Ma Isac *eira* vegl da sesant' ans, cur els naschettan. * Os. 12, 4. † Gen. 27, 36.

27. Ed ils infants creschettan, ed Esau gnit hom da s' ineler süin la chatscha, hom da champagna; ma Giacob gnit hom prus, chi staiva nellas tendas.

28. Ed Isac amaiva Esau, perche sulvaschina *eira* a seis gust; ma Rebecca amaiva Giacob.

29. Ma, coschand Giacob üna minestra, schi rivet Esau dalla cuttüra, ed eira stangel.

30. Ed el disch a Giacob: Ah tü, lasha 'm mangiar ün pa da quaista *minestra* cotschna; perche eu *sun* stangel; per il qual el gnit nomnâ Edom.

31. E Giacob dschet: Venda 'm avant tia primogenitura!

32. Schi disch Esau: Mera, eu vegn

inconter alla mort, che 'm *po güdar* la primogenitura?

33. E Giacob disch: Güra 'm avant! Ed Esau al güret, e vendet sia primogenitura a Giacob.

34. Ma Giacob det ad Esau pan, ed üna minestra da lantiglias; qua manget el e bavet, lura alvet el sü, e get inavant. Usche spretschet Esau la primogenitura.

CHAP. XXVI.

Las peregrinaziuns d'Isac tanter ils Filistins; e dalander vain el in Beerseba, e retschaiva la confirmaziun della benedicziun; eir las donans d'Esau.

MA e füt üna fam nel pajais, ultra * la prüma fam chi ais statta dal temp d'Abraham. Pelqual Isac tret pro † Abimelec, il rai dels Filistins, in Gerar.

* Gen. 12, 10. † Gen. 20, 2.

2. Ed il Segner al comparit, e disch ad el: Non trar giò in Egipto; dmura nel pajais, ch'eu vegn a dir a tai!

3. Dmura in quai pajais, ed eu vögl esser con tai, e't benedir; perche * a tai, ed a teis sem vögl eu dar tuot quai pajais; e tuot † quai ch'eu güret ad Abraham, teis bap, vögl eu salvar.

* Gen. 13, 15. † Gen. 22, 16.

4. E teis sem * vögl eu multiplichar, sco las stailas del tsel, e tuot quai pajais vögl eu dar a teis sem; † ed in teis sem dessan gnir benedidas tuottas las schlattas della terra;

* Gen. 15, 5. † Gen. 12, 3. 22, 18.

5. Peramur cha Abraham ha obedi a mia vusch, ed ha observâ quai ch'eira vers mai d'observar, meis comandaments, meis statuts, e mias ledschas.

6. Ed usche dmuret Isac in Gerar.

7. E cur il pövel del lö il domandaiva davart sia muglier, schi dschava el: * Ella *ais* mia sour; perche el as tmaiva da dir: Ella ais mia muglier; per cha brich il pövel del lö il mazzessan per causa da Rebecca; perche bella d'aspet eir' ella.

* Gen. 12, 13. 20, 2.

8. Ma dvantet, qua ch'el dmuret là alchün temp, schi guardet Abimelec, il rai dels Filistins, tras la faneistra, e vazzet Isac, chi faiva spass con Rebecca sia muglier.

9. Pertant clamet Abimelec ad Isac,

e dschet: Mera, sgür, quai? *ais* tia duonna; e co dimena podaivast tü dir: Ella *ais* mia sour? Ma Isac dschet ad el: Eu pensaiva, ch'eu stovess morir per causa sia.

10. Abimelec lura disch: Che ans hast tü fat quai? Facil, cha qualchün del pövel s'avess miss giò pro tia duonna, e tü * avessast fat gnir sur nus üna *granda* cuolpa.

* Gen. 20, 9.

11. Ed Abimelec comandet a tuot il pövel, dschand: Chi vain a toccar quai hom, o sia duonna, dess a tuotta via gnir fat morir.

12. Ma Isac semnet in quel pajais, e quel an redschvet el tshient * *per ün*, a tal sort il benediva il Segner.

* Mat. 13, 8.

13. Usche gnit quel hom grand, e continuaiva a crescher, fin ch'el füt grandamaing adampehä.

14. Ed el avaiva scossas da muaglia mantüda, e d'armaints gross, e blera brajada, pelqual ils Filistins al portavan inviglia.

15. E tuots ils puozs, * cha la famaglia da seis bap avaivan chavâ dal temp d'Abraham, züglettan els, e 'ls implittan con terra.

* Gen. 21, 30.

16. Abimelec dschet eir ad Isac: At parta da nus; perche * tü ans est gnü bler massa possant.

* Ex. 1, 9.

17. Contuot as partit Isac da là, ed aviand tais sias tendas nella val da Gerar, dmuret el qua.

18. Ed Isac chavet sü danöv ils puozs d'aua, chi dal temp da seis bap Abraham eiran stats chavats, ils quals ils Filistins davo la mort d'Abraham avaivan zügliâ, e det a quels ils noms istess sco cha seis bap ils avaiva dat.

19. E chavand la famaglia d'Isac in quella val, schi chattettan els qua ün puoz dad auva viva.

20. Ma ils pasturs da Gerar as dispittavan con ils pasturs d'Isac, dschand: Quai? auva *ais* nossa. Ed el nomnet quel puoz Esec; siand ch'els avaivan moventâ dantigl con el.

21. Chavand lura ün oter puoz, schi s'han eis dispittats eir per quel; pelqual Isac nomnet quel puoz Sitna.

22. Ma el passet inavant da là, e chavet ün oter puoz, per il qual els lura non as dispittettan; e quel puoz nomnet el Rehobot, e disch: Uossa ans ha pür il Segner slargiâ *ils terms*, per ans multiplichar in quaist pajais.

23. Davo quai trèt el da là sü a Beerseba;

24. Ingio il Segner al comparet in quell' istessa not, e dschet: Eu *sun* il Deis d' Abraham, teis bap; non tmair; perche eu *sun* con tai, e vögl benedir, e multiplichar teis sem per amur d' Abraham meis serviaint.

25. E * qua edifichet el ün utêr, e clamet in agüd il nom del Segner, e drizzet qua sias tendas, e qua chavettan sia famaglia ün puoz.

* Gen. 12, 7. 13, 18.

26. Ma Abimelec * gnit da Gerar pro el, insembel con Ahuzat, seis familiar, e con Picol, il capo da seis exercit.

* Gen. 21, 22.

27. Ed Isac disch ad els: Perche eschat vus gnüts pro mai, già cha vus m' üdiais, e'm avais tramiss d'avent da vus.

28. Ed els dischan: Nus vezzain, cha'l Segner *ais* con tai; perquai avain nus dit, cha saja uossa ün saramaint intanter nus; intanter nus, e tai, e fain lia con tai,

29. Cha tü non ans vögliast far alchün mal, seo eir nus non t'avain toc aint e non t'avain fat oter co del bain, e t'avain laschâ trar d'avent in pasch. Tü *est* uossa benedi dal Segner!

30. Qua fet el ad els ün convivi, ed * els mangettan e bavettan.

31. Ed els alvettan la daman a bun' ura, e gürettan l'ün al oter. Lura Isac ils laschet ir, ed els sun partits dad el in pasch.

32. In quel istess di dvantet, cha gnit la famaglia d' Isac, al referit dal puoz cha avaivan chavâ, e dschettan ad el: Nus avain chattâ aua!

33. Ed el nomnet quel puoz * Siba; dalander il nom della città Beerseba, fin al di d' hoz.

* Gen. 21, 31.

34. Ma Esau eira vegl da quarant' ans, * e piglet per duonna Judit,

figlia da Beerì, Hetit, e Basemat, figlia dad Elon, Hetit;

* Gen. 36, 2.

35. Las * qualas ad Isac e Rebecca causettan pitrezza del cour. * Gen. 27, 46.

CHAP. XXVII.

Vain descrit, co cha Jacob, tras cossagl della mamma, piglia d'avent la benedicziun ad Esau; dinuonder sieua l'ira d' Esau vers seis frar; ed il cossagl da trametter d'avent Jacob.

DAVO quai, cur Isac agià eira gnü vegl, e seis ögls inuschürts, ch' el non vezzaiva, dvantet, ch' el clamet Esau, seis figl il vegl, e disch ad el: Meis figl! Ed el al disch: Mera'm qui!

2. Ed Isac disch: Mera, eu sun uossa vegl, e non sa il di da mia mort.

3. Schi piglia dimena teis instrumaints, tia taja da frizzas, e teis balaister, e vâ sün la champagna, e piglia m' qualcha sulvaschina;

4. E perderscha m' alch spaisa saporida, seo ch' eu l' ha gugent, e porta m' aint, ch' eu la mangia; acio cha mi' orma't benedescha ant ch' eu mora.

5. Ma Rebecca staiva per tadlar, intant cha Isac tschantschaiva con Esau, seis figl. Esau usche get sün la champagna, per tour qualcha sulvaschina, e la portar *a seis bap*.

6. E Rebecca dintant tschantschet con Jacob, seis figl, e disch ad el: Mera, eu udit cha tei bap tschantschaiva con tai frar Esau, e dschet:

7. Porta'm della chatscha, e perderscha m' alch damangiar saporì, ch' eu mangia, e't benedescha avant il Segner, ant ch' eu mora.

8. Uossa dimena, meis figl, taidl' a mia vusch, in quai ch' eu't comand.

9. Vâ via pro la scossa, e maina'm da là duos buns bocets, ed eu vögl perderscher d' els alch spaisa saporida a tei bap, seo ch' el ha gugent.

10. E tü la dessast portar aint a tei bap, ch' el mangia, e't benedescha ant sia mort.

11. Ma Jacob disch a Rebecca, sia mamma: Mera, meis frar Esau *ais* plus, ed eu *sun* sainza pails;

12. Forsa cha meis bap vain am palpar, lura gniss eu dad el quintâ per ingiannadur, ed el maness sur mai maledicziun, e na benedicziun.

13. Ma sia mamma al disch: Meis

figl, tia maledieziun saja sur mai, *pür* taidl' a mia vusch, e vâ, e maina'm *quels bocceets*.

14. El get dimena, e'ls piglet, e'ls manet a sia mamma; e sia mamma perderschet üna spaisa saporida, seo seis bap la amaiva.

15. Lura Rebecca piglet la plü bella vestimainta d' Esau, seis figl vegl, ch'ella *avaiva* in chasa pro ella, e vestit con quella Jacob, seis figl giuven.

16. E con las pels dels bocceets covernet ella seis mans, e'l colöz, ingio l'eira sainza pails.

17. Ed ella det a Jacob, seis figl, in man la vivanda saporida, e'l pan, ch'ell' *avaiva* aparechâ.

18. Gniand usche pro seis bap, al disch el: Meis bap! Ed el disch: Mera'm qui; chi est, meis figl?

19. E Jacob disch a seis bap: Eu sun Esau, teis primogenit, eu fet, seo tü m'hast dit; stâ sü dimena, sezza e mangia da mia chatscha, acio cha ti' orm' am benedescha.

20. Ed Isac disch a seis figl: Co hast tü chattâ usche bod, meis figl? Ed el respondet: Il Segner, teis Deis m'ha fat inscontrar.

21. Isac lura disch a Jacob: Vè nanpro, meis figl, ch'eu at palpa, scha tü *pür sajast* meis figl Esau, o na.

22. Jacob dimena's fet via pro seis bap Isac, e l'aviand palpâ, dschet quel: Quaista vusch *ais* la vusch da Jacob, ma quaists mans *sun* ils mans d' Esau.

23. Ed el non el cognoschet; perche seis mans eiran plus, seo'ls mans d' Esau, seis frar, e'l benedit.

24. Ed el dschet: *Schi est* tü meis figl Esau? Ed el disch: Eu *sun quel*.

25. Ed el disch: Sporscha'm nan, acio ch'eu mangia della sulvaschina da meis figl, e cha mi'orma't benedescha. E Jacob al sporschet via, ed Isac manget. Eir vin al sporschet *Jacob*, ed el havet.

26. Isac lura, seis bap, dschet ad el: Vè nan uossa, e bütscha'm, meis figl.

27. Ed el get via, e'l bütschet. Ed *Isac* savuret l'odur da sia vestimainta, e'l benedit, e dschet: * Mera

l'odur da meis figl *ais* simila all' odur d' ün champ cha'l Segner ha benedi.

* Ebr. 11, 20.

28. Deis dimena at detta del ruschè del tschel, e del grass della terra, ed abundanza da furmait e da most.

29. * Cha'ls *pövels* servan a tai, ed avant tai s'inclinan las nazions! Patrun sajast tü da teis frars, ed avant tai † s'inclinan ils infants da tia mamma; ** *smaledi saian* quels chi't smaledeschan, e benedits quels chi't benedeschan.

* Gen. 9, 25. 25, 23. † Gen. 49, 8. ** Gen. 12, 3.

30. Ma dvantet, aviand Isac fini da benedir Jacob, e siand Jacob malapaina it oura d'avent da seis bap Isac, schi rivet Esau, seis frar, da sia chatscha.

31. Ed eir el perderschet spaisas saporidas, e *las* portet aint a seis bap, e dschet ad el: Meis bap, leiva, e mangia della chatscha da teis figl, acio cha ti'orma am benedescha.

32. Ma dschet ad el seis bap Isac: Chi *est* tü? Ed el dschet: Eu *sun* Esau, teis figl primogenit.

33. Lura Isac füt strami d' ün grand stramizi, e disch: Schi chi *ais* quel chi ha fat chatscha, e la m'ha portata, ch'eu manget *da tuot*, ant cha tü vegnast, ed il benedit; e benedi vain el eir ad esser!

34. Ma, cur Esau avet inclet ils plets da seis bap, schi * 's mettet el a bragir surmöd lamentusamaing, e dschet lura a seis bap: Benedescha eir a mai, meis bap!

* Ebr. 12, 17.

35. Ed el dschet: Teis frar ais gnü con ingian, ed ha tut d'avent tia benedicziun!

36. Süsura disch *Esau*: * Non ais el nominâ Jacob? El m'ha agiâ duos voutas ingiannâ; † ma primogenitura m'ha el levâ via, e mera, uossa m'ha'l tut eir mia benedicziun. Lura disch el *a seis bap*: Non m'hast tü reservâ ingüna benedicziun?

* Gen. 25, 26. † Gen. 25, 33.

37. Ma Isac respondet e dschet ad Esau: Mera, eu l'ha constitui per teis patrun, e l'ha dat tuot seis frars per serviaints, e l'ha furni con furmait e con most; che poss eu uossa far a tai, meis figl?

38. Ed Esau disch a seis bap: Hast tū üna *sula* benedicziun, meis bap? benedescha eir a mai, meis bap. Ed Esau ozet sia vusch, e eridet.

39. Qua respondet seis bap Isac, e dschet ad el: Mera, * tia stanza *vain ad esser* in lous na da grass terrain, e na bagnada da suringio con il ruschè del tsel; * Ebr. 11, 20.

40. E con tia spada vainst tū a viver, ed a servir a teis frar. * Ma e dvainta, cur tū at distachast, cha tū vaint a squassar seis giuf giò da teis colöz. * 2 Sam. 8, 14. 2 Reis. 8, 20.

41. Ma Esau piglet ödi a Giacob per causa della benedicziun, con la quala seis bap l'avaiva benedi, ed el disch in seis cour: Dis da lèd s' approssman a meis bap; perche eu vögl mazzar Giacob, meis frar.

42. E gnand referi a Rebecca ils plets d'Esau, seis figl il vegl, schi fet ella clamar Giacob, seis figl il giuven, e disch ad el: Mera, Esau teis frar as svendicha vi' a tai, ch'el at voul mazzar.

43. Contuot, meis figl, taidl' a mia vusch; at fà sü, e mütscha pro Laban, meis frar in Charan,

44. E stà pro el qualche temp, fin cha l'ira da teis frar saja balchada;

45. Fin cha la furia da teis frar vi' a tai saja quietada, e ch'el invlida quai cha tū l'hast fat, e lura vögl eu trametter e't turnantar da là; perche dess eu gnir privada da vus amenduos, in ün medem di?

46. Ma Rebecca disch ad Isac: La vita m' ais molestusa * per causa da *quaistas* Hetiteras; scha Giacob pigless üna duonna dellas figlias dels Hetits, seo *quaistas*, dellas figlias del pajais, schi a che'm serva da viver? * Gen. 26, 35.

CHAP. XXVIII.

Vain miss nan la peregrinaziun da Giacob in Mesopotamia, e la vision della schala celestia sün la via, tras la quala al vegnan fattas bleras impromissius divinas.

QUA clamet Isac a Giacob, e'l benedit, e'l comandet, e dschet ad el: * Non tour üna duonna dellas figlias da Canaan. * Gen. 24, 3.

2. Stà sü, và * in Mesopotamia,

nella chasa da † Betuel, bap da tia mamma, e da là at piglia üna duonna dellas figlias da ** Laban, il frar da tia mamma. * Gen. 25, 20.

† Gen. 22, 22. ** Gen. 24, 29.

3. E l'omnipotaint Deis at benedescha, e't fetscha * früttavel, e't creschainta dasort, cha tū dvaintast üna raspada da pövels; * Gen. 12, 2.

4. E't detta la benedicziun d'Abraham; a tai, ed a teis sem con tai, * acio cha tū possidessat il pajais da tia dmura, il qual Deis ha dat ad Abraham. * Gen. 17, 8.

5. Usche inviet Isac a Giacob; ed el get in Mesopotamia, pro Laban, il figl da Betuel, Sirer, il frar da Rebecca, la mamma da Giacob e d'Esau.

6. Ma, veziaud Esau, cha Isac avaiava benedi Giacob, e tramiss in Mesopotamia, acio ch'el pigless dalander üna duonna, e cha, il benedind, el l'avaiva scomandâ e dit: Non tour üna duonna dellas figlias da Canaan;

7. E cha Giacob avaiava obedi a seis bap, ed a sia mamma, ed eira it in Mesopotamia;

8. Ultra quai vezzaiva Esau, cha las figlias da Canaan displaschaivan a seis bap Isac:

9. Schi get el pro Ismael, * e piglet Mahalat per duonna, la figlia d'Ismael, figl d'Abraham, sour da Nebajot, ultra las otras sias donans. * Gen. 36, 3.

10. Impero * Giacob as partit da Beerseba, e get in Charan. * Os. 12, 12.

11. Ed el capitet in ün lö, e stet là sur not; perche il solai eira *agià* tramontâ; ed el piglet üna peidra da quel lö, e la mettet per seis plü-matsch, e dormit in quel lö.

12. Qua s'insömget el, e mera, üna schala staiva in terra, il piz della quala tenschaiva fin al tsel, e mera, * ils angels da Deis giaivan per quella sü e giò. * Gioan. 1, 51.

13. E mera, * il Segner staiva sur quella, e dschet: Eu *sün* il Segner, Deis d'Abraham, teis bap, ed il Deis d'Isac; eu vögl dar a tai, ed a teis sem il pajais, sün il qual tū posast.

* Gen. 35, 1. 48, 3.

14. * E teis sem gnarà ad esser seo

la puolvra della terra, e tū vainst at raser oura vers l'occidaint, e vers l'oriaint, vers il settentrion, e vers il mezdi, † ed in tai vegnan a gnir benedida's tuottas las schlattas della terra, ed in teis sem.

* Gen. 13, 16. † Gen. 12, 3. 22, 18.

15. E mera, eu sun con tai, e t' vögl perchürar ingio tū vast, e t' turnantar in quaist pajais; perche eu non at bandun, fin ch'eu non haja fat tuot quai ch' eu t' ha dit.

16. Ma Jacob, siand sdruvagliâ da seis sön, dschet: Peltschert, il Segner ais in quaist lö, ed eu non il savaiva.

17. E's tmet, e dschet: Quant stramantus ais quaist lö! Quaist non ais oter co la chasa da Dieu, e quaist' ais la porta del tshel!

18. E la daman a bun'ura alvet Jacob, e la peidra, la quala el avaiava gnü miss per seis plümtsches, piglet el, e fet üna * coluonna, e spandet üli süsom quella.

* Gen. 31, 13. 35, 14.

19. E * quel lö nomnet el Betel; ma quella città viavant avaiava nom Luz.

* Güd. 1, 23.

20. Da plü fet Jacob ün vut, dschand: Scha Deis ais con mai, e'm perchüra sün quaist viadi ch'eu fetsch, e'm da pan da mangiar, e vestimainta da'm vestir;

21. E sch'eu tuorn san e salv nella chasa da meis bap, schi dess il Segner esser meis Deis.

22. E quaista peidra, con la quala eu fet üna coluonna, dess * dvantar üna chasa da Dieu; e per tuot quai cha tū'm dast at vögl eu render la deschma.

* Gen. 35, 7.

CHAP. XXIX.

Vain miss nan, co cha Jacob serva a Laban per Rachel; ma tras frod al vain dat Lea. Lea ais frütaivla, ma Rachel sterila.

LURA's mettet Jacob in viadi, e get nel pajais dels orientals.

2. Ma el guardet, e mera, ün puoz in champagna, e qua eiran trais scossas da bescha, chi giaschaivan sper quel; perche da quel puoz as bavrantaiva las scossas, e sün la bocca del puoz eira üna granda peidra.

3. E qua's raspaivan tuot las scossas, lura rodlaivan els quella peidra davent dalla bocca del puoz, e bavrantaivan la bescha, e turnantaivan darcheu la peidra in seis lö, sün la bocca del puoz.

4. Lura disch Jacob ad els: Meis frars, dinuonder *eschat* vus? Ed els respondettan: Nus *eschan* da Charan.

5. Ed el disch ad els: Cognoschais Laban, il figl da Nahor? Ed els dischan: Nus il cognoschain.

6. Lura disch el ad els: Va que bain con el? Ed els dischan: Que al va bain, e mera qua vain Rachel, sia figlia, con la bescha.

7. Ed el disch ad els: Mera, l'ais amo l'ot del di, ed amo bricha il temp, da raspar il bestiam; bavrantai la bescha, ed it e paschantâ-la.

8. Ma els dischan: Nus non podain, fin cha tuot las scossas sajan a mantun, lura as roudla la peidra davent dalla bocca del puoz, e nus bavrantain la bescha.

9. Amo ch'el tshantschaiva con els, schi gnit Rachel con la bescha da seis bap; perche ell'eira beschèra.

10. E, cur Jacob vezzet Rachel, la figlia da Laban, frar da sia mamma, con la bescha da Laban, frar da sia mamma, schi's fet el inavant, e rodlet la peidra davent dalla bocca del puoz, e bavantet la bescha da Laban, frar da sia mamma.

11. E Jacob bütschet Rachel, ed ozet sia vusch, e eridet.

12. Eir det Jacob ad incler a Rachel, ch'el saja paraint da seis bap, e ch'el saja figl da Rebecca. Ed ella currit, e referit quai a seis bap.

13. Aviand dimena Laban udi las novvas da Jacob, il figl da sia sour, schi'l currit el incoenter, e l'abbratschet, e'l bütschet, e'l manet in chasa sia. E Jacob requintet a Laban tuot quaistas chosas.

14. E Laban disch ad el: Vairamaing tū est mi' ossa, e mia charn. Ed el restet pro el il temp d' ün mais.

15. Lura disch Laban ad el: Dessast tū, chi est meis paraint, am servir per inguotta? Declera'm, che dess esser tia paja!

16. Ma Laban avaiva duos figlias; la veglia avaiva nom Lea, e la giuvna Rachel.

17. E Lea avaiva ils ögls tenders; ma Rachel eira bainformada, e da bel aspet.

18. Jacob amaiva Rachel, e disch a Laban: Set ans vögl eu servir per Rachel, tia figlia, la giuvna.

19. E Laban disch: Megl aise, ch' eu la detta a tai, co ad ün oter hom; pür stà pro mai!

20. Usche * servit Jacob per Rachel il spazi da set ans, ils quals, per l' amur ch' el la portaiva, al parrettan pacs dis.

* Os. 12, 13.

21. Ma Jacob dschet a Laban: Da 'm mia duonna; perche meis term ais compli, e lascha ch' eu intra pro ella.

22. Qua Laban redunet tuot la glieud del lö, e fet ün convivi.

23. Ma la saira piglet el Lea, sia figlia, e la manet pro Jacob; ed el intret pro ella.

24. E Laban det Zilpa, sia fantschella a Lea, sia figlia per fantschella.

25. Siand lura gnüda la daman, mera, qua eira Lea. E Jacob disch a Laban: Perche m' hast fat quai? Non at ha eu servi per Rachel? Perche m' hast tü dimena giannà?

26. E Laban disch ad el: E non as soula qui pro nus far usche, da dar davent la giuvna ant co la veglia.

27. Pür complescha l' eivna con quaista, e lura at volain nus dar eir quell' otra, per il servezzen d' oters set ans, cha tü vainst a far in mia chasa.

28. Ed usche fet Jacob, e complit l' eivna con quella; lura al det Laban eir sia figlia Rachel per muglier.

29. E Laban det Bilha, sia fantschella, a sia figlia Rachel per fantschella.

30. Jacob intret usche eir pro Rachel, ed amaiva Rachel plü co Lea, e servit amo oters set ans pro Laban.

31. E 'l Segner, veziland cha Lea eira malvoglüda, all' avrit sia maritree; ma Rachel eira sterila.

32. E Lea concepit, e parturit ün figl, al qual ella det il nom Ruben;

perche ella dschaiva: Il Segner ha guardà sün mia afflicziun; uossa vain bain meis marit am amar!

33. Lura concepit ella danöv e parturit ün figl, e disch: Il Segner ha pür inelet, ch' eu sun ödiada, e m' ha dat eir quaist figl, per quai il nomnet ella Simeon.

34. Ed ella concepit darcheu, e parturit ün figl, e disch: Quaista vouta vain bain meis marit a star colliâ con mai; perche eu l' ha parturi trais figls; perquai gnit a quel figl miss il nom Levi.

35. Ed ella concepit darcheu, e parturit ün figl, e disch: Quaista vouta vögl eu celebrar il Segner. Perquai mettet ella nom a quel figl Giuda; lura refüdet ella da parturir.

CHAP. XXX.

Vain descritta la gelosia dellas sours; e divers pats da Jacob con seis sör, nels quals Jacob vain divinamang agüda.

MA Rachel, veziland ch' ella non parturiva infants a Jacob, invilgiaiva sia sour, e disch a Jacob: Da 'm infants; non bricha, schi mour eu!

2. Ma Jacob s' invüdet con ira conter Rachel e disch: Non stun eu suot Deis, il qual t' ha denegâ il früt da teis vainter?

3. Pertant disch ella: Mera Bilha, mia fantschella; vâ aint pro ella, schi vain ella a parturir sün mia snuoglia, ed eir eu vegn ad avair sem dad ella.

4. Usche det ella sia fantschella Bilha per muglier a Jacob, ed el get aint pro ella.

5. E Bilha concepit, e parturit ün figl a Jacob.

6. Lura disch Rachel: Deis m' ha fat rasehun ed ha tatlâ eir mia vusch, e m' ha dat ün figl; perquai il nomnet ella Dan.

7. Darcheu concepit Bilha, la fantschella da Rachel, e parturit ün seguond figl a Jacob.

8. E Rachel disch: Eu ha lottâ con mia sour la luotta da Deis, e darcheu ha eu vint; perquai nomnet ella quel figl Naftali.

9. Ma, veziland Lea, ch' ella avaiva refüdâ da parturir, schi piglet ella

sia fanteschella Zilpa, e la det per muglier a Giacob.

10. E Zilpa, la fanteschella da Lea, parturit ün figl a Giacob.

11. Pelqual Lea disch: La buna ventüra ais gnüda; e nomnet quel figl Gad.

12. Darcheu parturit Zilpa, la fanteschella da Lea, ün seguond figl a Giacob.

13. E Lea disch: *Quaist ais* per am far beada; perche las donans vegnan am clamar beada. Perquai nomnet ella quel *figl* Asser.

14. Ma Ruben get oura dal temp della raccolta del furmaint, e chattet mandragoras per ils champs, e las portet a sia mamma Lea. E Rachel disch a Lea: Da 'm, eu 't rov, dellas mandragoras da teis figl.

15. Ma ella la disch: *Non basta*, cha tü 'm hast tut meis marit, cha tü uossa am voust tour eir las mandragoras da meis figl? E Rachel disch: Schi ch' el dorma quaista not con tai, per las mandragoras da teis figl.

16. Gnand dimena Giacob la saira dalla cuttüra, schi 'l get Lea oura incoiter, e disch ad el: Intra pro mai, perche eu t' ha tut per il pretsch dellas mandragoras da meis figl. El usche dormit quella not con ella.

17. E Deis exodit Lea, tal ch' ella concepit, e parturit a Giacob il tshinchavel figl.

18. Ed ella disch: Deis m' ha dat mia merceda, ch' eu det mia fanteschella a meis marit; e nomnet quel Issaschar.

19. Lura concepit Lea darcheu, e parturit il sesavel figl a Giacob.

20. E Lea disch: Deis m' ha dotta da con üna buna dotta; quaista vouta meis marit vain ad abitar con mai, perche ch' eu l' ha parturi ses figls, e mettet nom a quel *figl* Sebulon.

21. Lura parturit ella üna figlia, e la nomnet Dina.

22. Ma Deis as regordet da Rachel, e l' exodit, ed avrit ad ella la matrice;

23. Perche ella concepit, e parturit ün figl, e disch: Deis ha tut via meis spretsch!

24. E mettet nom a quel *figl* Giosef,

dsehand: Il Segner am metta pro ün oter figl.

25. Ma dvantet, aviand Rachel parturi Giosef, schi disch Giacob a Laban: Da 'm licenza, ch' eu giaja in meis lö, ed in meis pajais!

26. Da 'm mias donans, per las qualas eu t' ha servi, e meis figls; acio ch' eu giaja, perche tü sast la servitü ch' eu t' ha prestâ.

27. Ma Laban disch ad el: Sch' eu pür ha chattâ grazia pro tai; * eu ingiavin, cha 'l Segner m' ha benedi per causa *fia*.

* Gen. 39, 5.

28. Disch dimena: Declera 'm che salari eu at dess dar, ed eu il vögl dar.

29. Ed el al dschet: Tü sast, co eu t' ha servi, ed in che stadi teis bestiam ais gnü pro mai;

30. Perche pac avaiavast tü, ant ch' eu gniss; ma uossa ais quel grandamaing adamphâ; tras meis govern t' ha il Segner benedi; schi uossa, cura dess eu proveder eir per mia famiglia?

31. E Laban dschet: Che at dess eu dar? E Giacob disch: Non am dar inguotta; scha tü am fast quaist, schi vögl eu darcheu paschantar, e perchürar tia bescha.

32. Eu vögl passar hoz tras tuot tias scossas, e zevrar oura ogni agnè taclà e sprinzlâ, intanter la bescha, ed ogni agnè con color müscha; ed intanter las chavras, las giaglias, e las tacladas, e *quai* dess esser meis salari.

33. Usche, da quaist di in via, eur tü vainst am contrastar meis salari, schi vain mia giüstia a responder per mai avant tai; tuot quai chi non ais taclà, o giagl intanter las chavras, e da color müscha intanter la bescha, *chi gniss chattâ* pro mai, dess esser ladranetsch.

34. E Laban disch: Mera, seo tü hast dit, *usche* saja.

35. Ed in quel di mettet el d' üna vart ils boes, ed ils bümatschs taclats, e sprinzlats, e tuot las chavras tacladas, e giaglias; tuot quellas, vi' allas qualas eira qualcha *tach* alb, e pro las nuorsas tuot quai *ch' eira* da color müscha; e las det in man a seis figls.

36. El laschet trais dis da chamin spazi tanter sai, e Giacob. E Giacob paschantaiva il rest dellas scossas da Laban.

37. Ma Giacob piglet perchas vendas da salsch, e da nitschoulas, e da castagnas, e scorset oura strivlas albas, seovernand l' alb vi' allas perchas.

38. E lura implantet el las perchas, ch' el avaiva scorsâ, avant las scossas, nellas chanals dell' aua, e nellas bavradoiras, ingio la bescha gniva a baiver; e la bescha intraiva in chalur, cur ella gniva a baiver.

39. Las nuorsas dimena intraivan in chalur, *veziaud* quellas perchas, e portaivan *früts* sverslats, taclats e sprinzlats.

40. Aviaud lura * Giacob separâ ils agnells, schi faiv' el volver ils ôgls la bescha dellas scossas da Laban, vers las tacladas, e *vers* tuot quellas, *chi eiran* da color müscha; sias scossas mettaiva el d' üna vart, e non las mettaiva pro la bescha da Laban.

41. Ed ogni *vouta* cha las nuorsas da prümavaira intraivan in chalur, mettaiva Giacob las perchas nellas chanals, avant ils ôgls dellas nuorsas, acio cha intressan in chalur *in veziaud* quellas perchas.

42. Ma, cur las nuorsas eiran tardivas, schi non las mettaiva el avant; ed usche *eira* la bescha tardiva da Laban, e quella da prümavaira da Giacob.

43. E quel hom creschet granda maing in facultà, ed avaiva bleras scossas, e famagls, e fantschellas, e chamels, ed asens.

CHAP. XXXI.

Giacob s' impaissa da turnar, ma Laban il perseguita; aviaud lura fat lia da pasch, schi va el davent.

MA, aviaud el udi ils plets dels figls da Laban, chi dschaivan: Giacob ha tut a nos bap tuot quai ch' el avaiva, e da quai *chi eira* da nos bap s' ha el acquistâ tuot quaista ricchezza;

2. Eir vezzet Giacob, cha la tshèra da Laban non *eira* vers el tenor ch' ella *solaiva* esser pel passâ,

3. Schi disch alla fin il Segner a

Giacob: Tuorna nel pajais da tei babuns, e pro tia parantella, ed eu vögl esser con tai.

4. E Giacob tramettet oura sün la cuttüra, pro sia scossa, a clamar Rachel e Lea;

5. E disch ad ellas: Eu vez, cha la tshèra da vos bap non *ais* vers mai, seo ch' ella *solaiva* esser pel passâ, ma il Deis da meis bap *ais* pür stat con mai;

6. E vus savais, ch' eu ha servi a vos bap da tuot meis podair;

7. Ma el m' ha ingiannâ, e desch voutas ha el cambiâ meis salari; ma Dieu non al ha dat pro, da 'm far dan.

8. Sch' el dschaiva usche: Las tacladas dessan esser tei salari, schi portaiva tuot la scossa *früt* taclâ; e sch' el dschaiva usche: Las sversladas dessan esser tei salari, schi portaiva tuot la scossa *früt* sverslâ.

9. E Deis ha tut il bestiam davent da vos bap, e l' ha dat a mai.

10. Perche dvantet, dal temp cha las nuorsas intraivan in chalur, ch' eu ozet ils ôgls, e vezzet nel sön, cha 'ls boes, chi muntaivan sün las nuorsas, eiran sverslats, taclats, e sprinclats.

11. Ma l' angel da Deis am. dschet nel sön: Giacob! Ed eu dschet: Mera 'm qui!

12. Ed el disch: Oza uossa ils ôgls, e guarda; tuot ils boes, chi muntan sün las nuorsas, *sün* sverslats, taclats, e sprinclats; perche eu ha vis tuot quai cha Laban at fa.

13. Eu sun * il Deis da Betel, ingio tü onschettast *quella* coluonna; ingio tü fettast *quel* vut a mai: † Uossa stâ sül, e 't parta da quai pajais, e tuorna nel pajais da tia parantella.

* Gen. 28, 18. † Gen. 32, 9.

14. Lura respondettan Rachel e Lea, e dschettan ad el: Avain nus plünavant part, o ierta nella chasa da nos bap?

15. * Cur el ans vendet, non fütan nus dad el quintadas per estras? Ed ultra quai ha el eir consumâ tuot nos danêr.

* Gen. 29, 15. 27.

16. Perche tuot quaista facultà, cha Deis ha tut a nos bap, füss nossa

viavant, e da noss infants; schi fà pür tuot quai cha Deis ha dit a tai.

17. Usche stet sü Giacob, e mettet seis infants, e sias donans sün ils chamels.

18. E tuot seis bestiam, con tuot la facultà, ch'el s'avaiva acquistâ, manet el davent; il bestiam ch'el s'avaiva acquistâ in Mesopotamia per gnir pro seis bap Isaac nella terra da Canaan.

19. Ma Laban eir' it a tuonder sia bescha, e Rachel involet ils idols da seis bap.

20. Ma Giacob as fet davent, sainza sapchüda da Laban, il Sirer, non l'aviand laschâ a savair inguotta, per che causa ch'el mütschess.

21. Usche mütschet el, con tuot quai ch'el avaiva, e's fand sü, passet el il flüm, e's drizzet vers il munt da Gilead.

22. Ma e gnit intuorn il terz di refert a Laban, cha Giacob füss mütschâ.

23. Qua piglet el seis frars con el, e'l det davo set dis da chamin, e'l sieuet sün il munt Gilead.

24. Ma la not gnit Deis * nel sön pro Laban, il Sirer, e disch ad el: T'inguarda, cha tü non vegnast a tschantschas con Giacob, ne in bain, ne in mal.

* Giob. 33, 15.

25. Usche assieuet Laban a Giacob. E Giacob avaiva tais sias chammannas sün il munt; Laban, con seis frars, tendet medemmamaing las sias sün il munt Gilead.

26. Lura disch Laban a Giacob: Che hast tü fat, at partir da mai adascus, e manar via mias figlias, seo preschunêras da guerra?

27. Perche, tü est mütschâ secrettamaing, e t'hast involâ davent da mai, e non m'hast fat a savair; ed eu t'avess compagnâ con allegrezza, e con chanzuns, con tamburs e con citras;

28. Ne m'hast laschâ bütschar meis figls, e mias figlias? Tü schi, hast fat narraischamaing.

29. Quai stess in mia possanza, da's far del mal; ma il Deis da vos bap m'ha favlâ la not passada, dschand: T'inguarda, cha tü non

vegnast a parolas con Giacob, ne in bain, ne in mal.

30. Contuot, schi pür it, siand cha vus dasort bramais la chasa da teis bap; ma, perche hast tü involâ meis deis?

31. Ma respondand, disch Giacob a Laban: Eu avaiva temma; perche eu pensaiva, cha tü sdrappessast tias figlias davent da mai.

32. Quel, pro'l qual tü vainst a chattar teis deis, non dess viver! Tscherecha, scha qualchosa del tieu saja pro mai, in presenza da noss frars, schi piglia. Ma Giacob non savaiva, cha Rachel avess involâ quels deis.

33. Contuot, siand intrat Laban nella tenda da Giacob, e nella tenda da Lea, e nella tenda dellas duos fantschellas, schi non ils chattet el; e, gñand our dalla tenda da Lea, get el nella tenda da Rachel.

34. Ma Rachel avaiva tut quels idols, e'ls avaiva miss suot la sella d'ün chamel, e sezzaiva sün quella; qua sduvlet Laban tuot la tenda suot sura, e non ils chattet.

35. Ed ella dschet a seis bap: Meis segner non haja displaschair, ch'eu non poss star sü avant tai; perche eu ha quai cha soulan avoir las donans. El dimena tscherchet tras e tras, e non chattet impero quels idols.

36. Lura s'invüdet l'ira da Giacob, ch'el dispittet con Laban, tschanschet con el, e dschet: Che manchamaint, o pucha ha eu commiss, cha tü m'hast persegüittâ usche furiusamaing?

37. Aviaand tü sduvlâ tuot meis mobels suotsura, schi che hast tü chattâ da tuots ils mobels, chi saja da tia chasa? Metta'ls nan qui, avant teis e meis frars, ch'els güdichean, qual da nus duos haja raschun!

38. Eu sun agiâ vainch ans pro tai; tias nuorsas, e tias chavras non han guastâ, ed ils bümatschs da tia scossa non ha eu mangiâ.

39. * Quella chi eira schartatschada non t'ha eu portâ; eu l'ha pajada, tü am l'hast domandada; seo eir, scha eira stat involâ qualchosa da di, o da not.

* Exod. 22, 10, 13.

40. Usche m' ha eu deportâ, cha da di am consümaiva il chod, ed il fraid la not, e 'l sün passaiva da meis ügls.

41. *Eu sun* agià vainch ans in tia chasa; quattordesch ans t' ha eu servi per tias duos figlias, e ses ans per tia scossa; ma meis salari hast tü müdâ desch voutas.

42. Scha con mai non füss stat il Deis da meis bap, il Deis d' Abraham, e la terrur d' Isac, schi m' avessast uossa tschertramiss inavo vöd. Deis ha vis mia afflicziun, e la lavur da meis mans, e la not passada ha el fat sentenza.

43. Qua respondet Laban e dschet a Giacob: Quaistas figlias *sun* mias figlias, e quaists figls *sun* meis figls, e quaista bescha *ais* mia bescha, e tuot quai cha tü vezzast ais mieu; e che dess eu hoz far a quaistas mias figlias, ovvero a lur infants, ch' ellas han parturi?

44. Schi dimena, vè nan, fain üna lia insembel, tü ed eu, ch' ella serva per testimonianza tanter mai e tai.

45. Contuot * piglet Giacob üna peidra, e la drizzet sù *per* coluonna.

* Gen. 28, 18.

46. E Giacob disch a seis frars: Clegiai nan peidras; ed els piglettan peidras, e fettan üna muschna, e mangettan qua.

47. E Laban nomnet quella muschna Jegar-sahaduta; ma Giacob la mettet nom Galed.

48. E Laban disch: Quaista muschna *serva* hoz *per* testimoni tanter mai e tai; pel qual ella ais nomnada Galed.

49. * Sco *eir* Mispa; perche *Laban* dschet: Il Segner vaglia sur tai e mai, cur nus non ans podain vair l' ün l' oter.

* Gäd. 11, 29. 1 Sam. 22, 3.

50. Scha tü anguschajast mias figlias, ovvero, scha tü pigliast otras donans ultra mias figlias, schi non *ais* ün crastian *testimoni* tanter nus; vez-zast, Deis *ais* perdüta inter mai e tai.

51. Ultra quai disch Laban a Giacob: Mera quaista muschna ch' eu ha mantunâ, e mera quaista coluonna tanter mai e tai,

52. Quaista muschna *saja* perdüta, cha, ne eu vögl passar quaista muschna *per ir* pro tai, ne tü dessast passar quaista muschna, ne quaista coluonna, per gnir pro mai, per mal.

53. Il Deis d' Abraham, ed il Deis da Nahor, il Deis da lur babuns, *saja* güdisch intanter nus. Ma Giacob güret tras quel, il terrur d' Isac, seis bap.

54. Lura sacrificet Giacob ün sacrifici sün quel munt, e clamet seis frars per mangiar del pan. Ed els mangettan il pan, e stettan quella not sün il munt.

55. La daman lura alvet Laban a bun' ura, e bütschet sias figlias, e seis figls, e 'ls benedit. Lura get el d'avent, e turnet in seis lö.

CHAP. XXXII.

Giacob inscuntra ils angels, as temma da seis frar, luotta con Deis, e vain deliberâ dalla temma.

MA Giacob get inavant seis viadi, qua l' inscontettan angels del Segner.

2. E 'ls *vez*and, dschet Giacob: Quaist *ais* il champ da Deis; perquai nomnet el quel lö, Mahanaim.

3. Lura tramettet Giacob mess avant sai pro Esau, seis frar, nella terra da Seir, territori dels Edomits.

4. E det ad els quaist comand: Dit usche ad Esau, meis segner: Usche ha dit teis famagl Giacob: Eu sun stat forestêr pro Laban, ed ha dmurâ là fin uossa.

5. Ed eu ha bovs, ed asens, e bescha, e famagls e fantschellas, e tramet a laschar a savair a meis segner, per chattar grazia pro tai.

6. Ma ils mess turnettan inavo pro Giacob, e dschettan: Nus eschan its pro teis frar Esau, ed el * at vain eir incooter, e quatter tschient homens con el.

* Gen. 33, 1.

7. E Giacob tmet grandamaing, ed eir' in anguscha. Pertant partit el il pövel chi *eira* con el, e las scossas, ed il muvel gross, ed ils chamels in duos troppas.

8. Perche el dschet: Scha Esau vain pro ün tröp, e 'l batta, schi vain l'oter a scampar via.

9. Da plü disch Giacob: O Deis da

meis bap Abraham, e Deis da meis bap Isac, Segner, chi hast dit a mai: * Tuorna in teis pajais, e pro tia parantella, ed eu at vögl far del bain;

* Gen. 31, 13.

10. Eu sun massa pac per tuot la benignità, e tuot la fideltà, cha tū hast dovrà vers teis famagl; perche con meis bastun *sulet* sun eu passà sur quaiet Giordan, ed uossa sun eu dvanà duos troppas.

11. Delibra 'm our dal man da meis frar, dal man d' Esau; perche eu am tem d' el, ch' el forsà vegna, e 'm batta, la mamma insembel con ils infants.

12. Ma * tū pür hast dit: Eu per tshert at vögl far del bain, e vögl far, cha teis sem saja sco 'l sablun del mâr, il qual non po gnir nombrâ per blierûra.

* Gen. 28, 13. 14.

13. Ed el rumagnet quella not là, e piglet da quai chi 'l eira a man, *per far* ün presaint a seis frar Esau.

14. Cioè duatschient chavras, e vainch boes; duatschient nuorsas, e vainch bümatschs;

15. Trenta chamellas chi daivan tetta, con lur puleiders; quaranta vachas, e desch muois, vainch asnas, e desch puleiders d' asen.

16. E mincha tröp det el separâ in man da seis famagls, e disch ad els: Passai via avant mai, e laschai ün pa spazi tanter l' üna scossa e l' otra.

17. Ed al prüm det el quaiet comand: Cur meis frar Esau vain at insontrar, e domandar: Da chi est tū? Ed ingio vast, e da chi *sun* quaiets *animals* avant tai?

18. Lura di: Eu sun da teis servitur Giacob. Quaiet *ais* ün presaint tramiss a meis segner Esau, e mera, *eir* el sves *vain* davo nus.

19. Il *medem* comandet el al seguond, ed al terz, ed a tuots famagls chi gnivan davo con ils tröps, dschand: In tal maniera tshantschai con Esau, cur vus gnis al chattar.

20. Ma dit-al eir: Mera, teis servitur Giacob vain davo nus. Perche el pensaiva: Eu vegn al abuniar con il presaint, chi va avant mai, e lura vögl eu vair sia vista, forsà ch' el vain am retschaiver.

21. Usche passet quel presaint avant el, el però restet quella not nel èchamp.

22. Lura stet el sù quella not, e piglet sias duos donans, e sias duos fantschellas, e seis ündesch figls, e passet la rivêra da Jaboc.

23. El las piglet, e las fet passar sur l' aual, eir fet el passar tuot il *ri-manent* chi eira con el.

24. Ma Giacob restet sulet, ed ün * hom lottet con el fin al alvar della brünetta.

* Os. 12, 4. 5.

25. E, cur quel vezzet, ch' el non il podaiva venscher, schi 'l toccet el la lisüra della cossa, e la lisüra della cossa da Giacob füt sluada, intant ch' el lottaiva con quel.

26. Lur' al dschet *quel hom*: Lascha 'm ir, perche l' alba del di va sù fingià. Ma *Giacob* disch *ad el*: Eu non at lasch ir, o pöja tū m' hajast benedi.

27. Pertant dschet el: Co *ais* teis nom? Ed el disch: Giacob.

28. Lura disch *quel hom ad el*: * Tū non dessast gnir clamâ plü Giacob, dimpersai Israel; perche tū est stat giaglard, e valent con Deis, e con la gliud, e 'ls hast vints.

* Gen. 35, 10.

29. Qua il domandet Giacob, dschand: * Declera 'm eir teis nom. Ma el disch: Perche domandast d'avart meis nom? Ed il benedit a là.

* Güd. 13, 18.

30. Pertant nomnet Giacob * quel lö Pniel; perche *el disch*: Eu ha vis Deis da fatscha a fatscha, e tantüna am ais conservada la vita.

* Güd. 8, 8. 1 Rai. 12, 25.

Ex. 24, 11. 33, 20. Deut. 5, 24. Güd. 6, 22. 13, 22. Es. 6, 5.

31. Ma, passand el davant via Pniel, alvet il solai, ed el zoppiaiva da sia cossa.

32. Quandernan non mangian ils infants d' Israel fin al di d' hoz del nerv della rudella del gialun, chi *ais* sur la lisüra della cossa; perche *quel hom* toccet la lisüra della cossa da Giacob, fin al nerv della rudella del gialun.

CHAP. XXXIII.

Vain descrit, co Giacob s' haja reconciliâ con Esau, e riva lura in Siehem, ingio el as compra la part d' ün champ.

DAVO quai ozet Giacob seis ögls, e guardet intuorn, e mera, Esau

gniva, * e con el quattertschient homens. Qua partit el ils infants *in trais tröps*, suot Lea, suot Rachel, e suot las duos fantschellas.

* Gen. 23, 3.

2. E las fantschellas con lur infants mettet el ouravant, e Lea con seis infants davo; ma Rachel e Giosef l' ultim.

3. Ma el s'vess passet avant els, e s' inclinet set voutas in terra, fin ch' el gnit strusch pro seis frar.

4. Ed Esau al currit incoiter e l' abbratschet, e l' crodet intuorn colöz, e l' bütschet, ed *amenduos* cri-dettan.

5. *Esau* lura, ozand seis ügls, e veziand las donans, e 'ls infants, disch: Che *sun* quaists a tai? E *Giacob* dschet: *Els sun* ils infants cha Deis ha dunâ a teis servitur.

6. Qua gnittan nan pro las fantschellas con lur infants, e s' inclinetan.

7. Lura gnit nan eir Lea, con seis infants, e s' inclinet. E davo gnit nan eir Giosef e Rachel, e s' inclinetan.

8. Ma *Esau* disch a *Giacob*: Che voust far da tuot quella troppa, ch' eu ha insontrâ? Ed el disch: *Eu l' ha tramissa* per chattar grazia avant meis segner.

9. Ma *Esau* dschet: Eu ha avuonda, meis frar; salva quai ch' *ais* tieu.

10. E *Giacob* dschet: Ah na! sch' eu uossa ha chattâ grazia avant tai, schi piglia meis presaint da meis man; perquai ch' eu ha vis tia fatscha, *il qual m' ais stat*, seo sch' eu avess vis la fatscha da Dieu, e tû 'm fast adachar.

11. Piglia in grazia meis presaint chi t' ais condüt; perche Deis m' ais stat ün liberal donatur, ed eu ha da tuot; e l' sforzet, fin ch' el piglet.

12. Lura disch *Esau*: Ans partin da qui, e giain inavant, ed eu 't vögl compagnar.

13. Ma *Giacob* al dschet: Meis segner sa bain, cha quaists infants sun zartis, e mias nuorsas, e mias vacas sun plainas, e scha gnissan surchatschadas solum per ün di, schi gniss tuot la scossa a perir.

14. Eu rov, cha meis segner passa avant a seis servitur, ed eu vögl gnir plan davo, al pass da quaist bestiam, chi *ais* avant mai, e da quaists infants, fin ch' eu riva pro meis segner in Seir.

15. Lura disch *Esau*: Schi lascha ch' eu fetscha star con tai del pövel chi *ais* con mai. Ma *Giacob* dschet: Perche quai? *Lascha ch'* eu obtegna *quaista* grazia da meis segner!

16. Contuot turnet *Esau* quel di darcheu vers Seir, sia strada.

17. Ma *Giacob* as partit vers Succot, e fabrichet per el üna chasa, ma per seis bestiam fet el chamannas; usche nomnet el quel lö Succot.

18. Lura rivet *Giacob* salv e san nella città da * *Sichem*, nella terra da Canaan, turnand da Mesopotamia, e tendet sü sias chamannas avant la città.

* Gen. 12, 6.

19. * E compret dals figls d' Hemor, bap da *Sichem*, la part del champ, ingio el avaiva tais sü sias chamannas, per tschient pezzas monaida.

* Gios. 24, 32. Fat. 7, 16.

20. E drizzet sü ün utêr, e l' * nomnet da Deis, il Deis d' Israel.

* Gen. 35, 7.

CHAP. XXXIV.

Dina vain sgiamgiada. Ils figls da *Giacob* sur-siglian ils *Sichemits*, e pajan lur fal con la mort.

* **D**INA lura, la figlia da Lea, la quala quella avaiva parturi a *Giacob*, get oura per visitar las donans del pajais:

* Gen. 30, 21.

2. Ma, l' aviand visa *Sichem*, il figl d' Hemor, il Hevit, princip dels pajais, la clapet el, e 's tshantet pro ella, e la sforzet.

3. E seis cour eira rantâ vi' a Dina, figlia da *Giacob*; ed el amaiva quella giuvna, e tshantschet con ella ami-aivehmaing.

4. Lura disch el a seis bap Hemor: Piglia'm quaista giuvna per duonna.

5. Intant inleet *Giacob*, cha *Sichem* avess sgiamgiâ sia figlia Dina; ed essendo seis figls oura sün la champagna con seis bestiam, schi tashet *Giacob* fin cha füssan gnüts.

6. Ma Hemor, il bap da *Sichem* gnit pro *Giacob* per il favlar.

7. E eur ils figls da Jacob avettan incelet *il fat*, gnittan els dalla cutüra; e quels homens eiran in dolor, e grandamaing adirats, cha *quel* avess commiss üna vilania in Israel, dormind pro la figlia da Jacob; il che non as convgniva da far.

8. Hemor dimena tschantschet con els, dschand: Siehem, meis figl, ha rantà sia amur vi' alla figlia *da vossa chasa*; schi dat-la ad el per muglier!

9. E fat parentadi con nus: Dat a nus vossas figlias, e pigliai per vus las nossas;

10. Ed abitai con nus; il pajais dess esser a vos comand; dmurai qui, e traffichai, e 's acquistai possessiuns in quel.

11. Eir disch Siehem a seis bap, ed a seis frars: Fat ch' eu chatta grazia avant vus; ed eu 's vögl dar quai cha vus gnis am dir.

12. Pür mettâ 'm sü granda dotta, e presaints, ed eu s' il vögl dar, tenor cha vus gnis am dir, ma dat-am la giuvna per muglier.

13. Ma ils figls da Jacob respon-dettan con ingian a Siehem, ed a Hemor, seis bap, e 'l tgnettan via con pleds, perche el avaiva sgiamgiâ lur sour Dina.

14. E dschettan ad els: Nus non podain far quaist, dar nossa sour ad ün hom noncirconcis; perche tal * ans *ai's* üna chosa vituperusa.

* Gios. 5, 9.

15. Impero con quaist as volain nus complaschair, cha vus sajat seo nus, circoncidand ogni maşchel intanter vus;

16. Lura as volain nus dar nossas figlias, e nus tour las vossas, e volain abitar con vus, e gnir ün medem pövel.

17. Ma, ingio vus non acconsentis da 's circoncider, schi pigliai nus nossa giuvna e giain inavant.

18. E lur pleds plaschettan ad Hemor, ed a Siehem, il figl d' Hemor.

19. E quel giuven non surtret a far quaista chosa; perche el portaiva affeziun alla figlia da Jacob. Ma el eira il plü onorâ da tuot la chasa da seis bap.

20. Lura gnittan Hemor e Siehem,

seis figl, alla porta da lur città, e favlettan con ils homens da lur città, dschand:

21. Quaists homens vivan pacifica-maing con nus, schi cha vegnan ad abitar nel pajais, ed a traffichar qua, e mera, il pajais ais ampel *avunda* per els, e nus volain tour lur figlias per donans, e las nossas dar ad els.

22. Impero a quaists pats vegnan els as complaschair d' abitar con nus, per dvantar ün istess pövel, cha ogni maşchel tanter nus saja circoncis, seo ch' els *sun* circoncis.

23. Lur bestiam, e lur facultà, e tuottas lur bestias, non *vegnan ellas ad esser* nossas? Als complaschain dimena, ed els vegnan ad abitar con nus.

24. E tuot quels chi giaivan our dalla porta da lur città acconsentivan ad els, ed ogni maşchel, intanter tuot quels, chi giaivan our dalla porta da lur città, gnit circoncis.

25. Ma al terz di, intant ch' els eiran nella dolor, piglettan ils duos figls da Jacob, * Simeon e Levi, frars da Dina, scodün sia spada, e sursagittan la città con ardimaint, e mazzettan tuots ils maşchels. * Gen. 49, 6.

26. Eir mazzettan els Hemor, e seis figl Siehem, *ils mettand* a fil da spada; e Dina piglettan els our dalla chasa da Siehem, e trettan via.

27. Daspö quels mazzats, gnittan nanpro ils figls da Jacob, e butinettan la città; siand lur sour eira sgiamgiada.

28. Lur scossas e lur muvel gross piglettan els, e lur asens, con tuot quai chi *eira* in città, e sün la cutüra.

29. Usche piglettan els tuot la facultà dels Siehemits, e tuot quai chi *eira* nellas chasas, e manettan davent preschunêrs lur pitschens infants e lur donans.

30. Pelqual Jacob dschet a Simeon, ed a Levi: * Vus m' avais miss in conturbraziun, am fand abominabel avant ils avdadurs da quaist pajais, ils Cananits, e Feresits; ma eu ha pac pövel, schi vegnan els as raspar conter mai, e 'm batter, e sarâ sdrüit eu, e mia famiglia. * Gen. 49, 6.

31. Ma els dischan: Dessan els far con nossa sour seo con üna pitana?

CHAP. XXXV.

Vain descrit co Giacob saja gnü a Betel. Nashind Benjamin, moura Rachel. Giacob sepulescha seis bap Isac.

MA Deis dschet a Giacob: Stà sü, và in Betel, resta là, e fà ün utêr al Segner, * chi t' ais comparü, cur tü per temma mütschaivast da teis frar Esau.

* Gen. 28, 13.

2. Pertant disch Giacob a sia brajada, ed a tuot quels chi *eiran* con el: Mettai davent ils * esters deis chi *sun* intanter vus, e 's nettai, e † müdai vestimainta.

* Gen. 31, 19. 34. Gios. 24, 2. † Exod. 19, 10.

3. E nus volain alvar sü, ed ir in Betel; e qua vögl eu far ün utêr al Segner, chi m' ha respus sün il di da mia anguoscha, ed ais stat con mai sün il viadi ch' eu ha fat.

4. Els dimena dettan a Giacob tuot ils deis esters, chi *eiran* in lur mans, ed ils anels ch' *avaivan* nellas uraglias, e Giacob ils zoppet suot il ruver, chi *ais* sper Sichem.

5. Lura's partittan els. * E la terrur da Dieu eira sur las cittats, chi *eiran* intuorn els, cha non dettan davo als figls da Giacob.

* Ex. 23, 27. 34, 24. Deut. 2, 25. 11, 25. Gios. 2, 9.

6. E Giacob, con tuot il pövel chi *eira* con el, rivettan in * Luz, chi *ais* nella terra da Canaan, la quala *ais* Betel.

* Gen. 28, 19.

7. E qua drizzet el sü ün utêr, * e nomnet quel lö: Del Deis da Betel; perche qua al comparit il Segner, cur ch' el per temma mütschaiva da seis frar.

* Gen. 33, 20.

8. * Ma Debora, la bêla da Rebecca, morit, e gnit sepulida giò suot Betel, suot ün ruver, il qual *Giacob* nomnet ruver del pland.

* Gen. 24, 59.

9. E Deis comparit darcheu a Giacob, cur el eira gnü da Mesopotamia, e 'l benedit.

10. E Deis dschet ad el: Teis nom *ais* Giacob; * tü non dessast plü gnir nominâ Giacob, ma Israel *dess* esser teis nom. Ed el il mettet nom Israel.

* Gen. 32, 28.

11. Ultra quai disch Deis ad el: * Eu *sun* Deis, l' omnipotaint; crescha,

e 't multiplicha. † Üna naziun, schi üna raspada da pövels vain a gnir da tai, e rais sortiran our da teis flanes.

* Gen. 17, 1. † Gen. 17, 5. 6. 16.

12. Ed a tai, ed a teis sem davo tai vögl eu dar il pajais, * ch' eu ha dat ad Abraham, ed ad Isac.

* Gen. 12, 7. 13, 15. 26, 3. 4.

13. Lura il Segner get sü davent dad el, da quel lö, ingio el avaiva favlâ con el.

14. Ma Giacob drizzet sü * üna coluonna da crap, nel lö, ingio Deis avaiva tschantschâ con el, e spandet sün quella ün' offerta da spander, e sprinzlet öli sü sura.

15. Giacob dimena mettet nom a quel lö * Bet-El, ingio Deis avaiva tschantschâ con el.

* Gen. 28, 19.

16. Lura as partit *Giacob con ils seis* da Betel, e restaiva amo ün pitschen toc per rivar in Efrata, qua parturit Rachel, ed avet ün dürr part.

17. Ma, intant ch' ella martriaiva da parturir, disch la duonna da part ad ella: Non tmair; perche mera, tü hast darcheu ün figl.

18. E 's partind dad ella sia orma ch' ella morit, schi mettet ella nom a quel figl Benoni; ma seis bap il nomnet Benjamin.

19. Usche * morit Rachel, e gnit sepulida sün la via vers Efrata, chi *ais* Betlehem.

* Gen. 48, 7.

20. E Giacob drizzet sü üna coluonna sur sia sepultüra. Quaist' *ais* la coluonna della sepultüra da Rachel, * *chi subsista* fin hozindi.

* 1 Sam. 10, 2.

21. Israel lura as partit, e tendet sias chamannas vidvart * Migdaleder.

* Mich. 4, 8.

22. E dvantet, intant cha Israel abitaiva in quel pajais, get * Ruben, e dormit con Bilha, la concubina da seis bap; il qual Israel gnit ad ineler.

* Gen. 49, 4. 1 Cron. 5, 1.

23. Ma ils figls da Giacob eiran du-desch.

24. Ils figls da Lea *eiran*: * Ruben, il primogenit da Giacob, e Simeon e Levi, e Giuda ed Issaschar e Zabulon.

* Gen. 46, 8. Ex. 1, 2.

25. Ed ils figls da Rachel *eiran*: Giossef e Benjamin.

26. Ed ils figls da Bilha, la fantsehella da Rachel, *eiran*: Dan, e Naf-tali.

27. Ed ils figls da Zilpa, la fantsehella da Lea, *eiran*: Gad, ed Asser. Quaists *sun* ils figls da Giacob, ils quals al naschettan in Mesopotamia.

28. Allura rivet Giacob pro seis bap Isaac, *in* * Mamre, nella città d'Arba, ehi *ais* Hebron, ingio Abraham ed Isaac avaivan dmurà. * Gen. 13, 18, 23, 2.

29. Ma il temp della *vita* d' Isaac eira tsehient ottant' ans.

30. Lura spartit Isaac, e morit, * e gnit raspà pro seis pövel, vegl, e saduol da dis. Ed Esau e Giacob, seis figls, il sepulittan. * Gen. 15, 15, 25, 8.

CHAP. XXXVI.

Quia vegnan missas nan las schlattas d' Esau, dal qual vegnan ils Idumeers, con il number dels rais.

MA quaistas *sun* las generaziuns d' Esau, il qual *ais* Edom.

2. * Esau piglet sias donans intanter las figlias dels Cananeers: Ada la figlia d' Elon, Hetit, ed * Ahalibama, la figlia dad Ana, della figlia da Sibon Hevit; * Gen. 26, 34. Gen. 36, 25.

3. E * Basmat, la figlia d' Ismael, sour da Nabajot. * Gen. 28, 9.

4. Ma * Ada parturit ad Esau Elifaz, e Basmat parturit Reguel. * 1 Cron. 1, 35.

5. Ed Ahalibama parturit Jehus, e Jaclam, e Cora. Quaists *sun* ils figls d' Esau, chi 'l naschettan nella terra da Canaan.

6. Ma Esau piglet sias donans, e seis figls, e sias figlias, e tuot las persunas da sia chasa, e sias scossas, con tuot seis bestiam, e * tuot sia facultà, ch' el s' avaiva acquistâ nella terra da Canaan, e get in ün pajais, dalönsch da Giacob, seis frar.

7. * Perche lur facultats eiran massas grandas, da podair dmurar insembel; * e 'l pajais, nel qual els abitaivan sco forestêrs, non ils po-daiva comportar, per causa da lur bestiam, * Gen. 13, 6. 17, 8. 28, 4.

8. * Esau dimena abitet sün la montagna da Seir. Esau *ais* Edom.

* Gios. 24, 4.

9. Ma quaistas *sun* las generaziuns d' Esau, il bap dels Idumeers, sün la montagna da Seir.

10. Quaists *sun* ils noms dels figls d' Esau: Elifaz, figl dad Ada, muglier d' Esau, e Reguel, figl da Basmat, muglier d' Esau.

11. Ma ils figls d' Elifaz eiran Teman, Omar, Sefo, Gaetam e Chenaz.

12. Ma Timna eira concubina d' Elifaz, il figl d' Esau, e 'l parturit Amalec. Quaists *sun* ils figls d' Ada, la duonna d' Esau.

13. E quaists ils figls da Reguel, Nahat, e Zera, e Samma, e Mizza. Quaists *sun* ils figls da Basmat, la duonna d' Esau.

14. Lura eiran quaists ils figls d' Ahalibama, della figlia dad Ana, della figlia da Sibon, duonna d' Esau. Ella parturit ad Esau, Jehus, Jaclam, e Cora.

15. Quaists *sun* ils ducas dels figls d' Esau: *Dels* figls d' Elifaz, del primogenit d' Esau, il duca da Teman, il duca d' Omar, il duca da Sefo, il duca da Chenaz.

16. Il duca da Cora, il duca da Gaetam, il duca d' Amalec. Quaists füttan ils ducas d' Elifaz, nel pajais dels Idumeers. Quels ils figls d' Ada.

17. Ma quaists füttan ils figls da Reguel, del figl d' Esau: Il duca da Nahat, il duca da Zera, il duca da Samma, il duca da Mizza. Quaists füttan ils ducas da Reguel, nel pajais dels Idumeers. Quaists ils figls da Basmat, della duonna d' Esau.

18. Lura *sun* quaists ils figls d' Ahalibama, della duonna d' Esau: Il duca da Jehus, il duca da Jaclam, il duca da Cora. Quaists eiran ils ducas d' Ahalibama, della figlia dad Ana, della duonna dad Esau.

19. Quaists *sun* ils figls d' Esau, chi *ais* Edom, e quaists *sun* ils ducas *intanter* els.

20. * Quaists *sun* ils figls da Seir, il Horit, ils quals abitaivan in quel pajais; *cioè* Lotan, e Sobal, e Sibeon, ed Ana. * 1 Cron. 1, 38.

21. E Dison, ed Eser, e Disau. Quaists *sun* ils ducas dels Horits, dels figls da Seir, nella terra dels Idumeers.

22. Ma ils figls da Lotan *sun* Hori, e Heman, e la sour da Lotan Timna.

23. Ma quaists sun ils figls da Sobal; cioè Alvan, e Manabat, ed Ebal, e Sefo, ed Onam.

24. E quaists sun ils figls da Sibeon, Aja, ed Ana. *Quaist ais* quel Ana chi chattet fontanas chodas nel desert, intant ch' el perchüraiva ils asens da seis bap Sibeon.

25. Ma quaists sun ils figls dad Ana: Dison, ed Ahalibama, la figlia dad Ana.

26. E quaists sun ils figls da Dison, Hemdan, ed Esbam, e Jetran, e Charan.

27. Quaists sun ils figls dad Eser, cioè, Bilhan, e Zavan, ed Aran.

28. Quaists sun ils figls da Disan, cioè, Us ed Aran.

29. Quaists sun ils ducas dels Horits: Il duca da Lotan, il duca da Sobal, il duca da Sibeon, il duca dad Ana.

30. Il duca da Dison, il duca dad Eser, il duca da Disan. Quaists sun ils ducas dels Horits, lur ducas nella terra da Seir.

31. Ma * quaists sun ils rais; chi regnettan nella terra d' Idumea, ant cha rais regnessan sur ils figls d' Israel. * 1 Cron. 1, 43.

32. Bela, il figl da Beor regnet in Idumea, e 'l nom da sia città *eira* Dinhaba.

33. Ma, siand Bela morit, *schì* regnet in seis pè Jobab, il figl da Zera, da Bosra.

34. E, siand Jobab morit, *schì* regnet in seis pè Husam, del pajais dels Temanits.

35. E Husam morit, *schì* regnet in seis pè Hadad, il figl da Bedad, il qual battet ils Midianits sün il territori da Moab, ed il nom da sia città *eira* Avit.

36. E, siand mort Hadad, *schì* regnet in seis lö Samla, da Masreca.

37. E, siand Samla mort, *schì* regnet in seis lö, Saul da * Rehobot sper il flüm. * Gen. 10, 11.

38. E, siand mort Saul, regnet in seis lö Baalhanan, il figl d' Achor.

39. E Baalhanan, il figl d' Achor morit, lura regnet in seis lö Hadar; il nom da sia città *eira* Pagu; ma il nom da sia duonna *eira* Mehetabeel,

la figlia da Matred, della figlia da Mezahab.

40. * E quaists sun ils noms dels ducas d' Esau, in lur famiglias, seguond lur lous, seguond lur noms: Il duca da Timna, il duca d' Alva, il duca da Jetet. * 1 Cron. 1, 51.

41. Il duca da Ahalibama, il duca d' Ela, il duca da Pinon.

42. Il duca da Chenaz, il duca da Teman, il duca da Mibsar.

43. Il duca da Magdiel, e 'l duca da Iram. Quaists sun ils ducas dels Idumeers, seguond lur abitaziuns, nel pajais da lur possessiun. Usche *ais* Esau, il bap dels Idumeers.

CHAP. XXXVII.

Qui vegnan descrits ils sömmis da Giosef; e l' inviglia ed ödi da seis frars, sia vendita, e co ch' el saja manà davent giò in Egipto.

MA Giacob abitet nel pajais, ingio seis bap eir' it intuorn peregrinand, nel pajais da Canaan.

2. E quistas sun las generaziuns da Giacob. Giosef eira giuven, d' età da deschet ans, cur ch' el perchüraiva la scossa con seis frars, ils figls da Bilha, ed ils figls da Zilpa, las donans da seis bap. Ed el referiva a lur bap lur mala fama.

3. Ma Israel amaiva Giosef, plü co tuots seis oters figls; perche quel al eira nat in sia vegl düna, ed el al fet üna rassa sverslada.

4. Vezand usche seis frars, cha lur bap l' amaiva plü co tuots seis frars, schì l' ödiaivan els, e non podaivan tschantschar con el con pasch.

5. Pro quai as sümget Giosef ün sömme, e 'l requintet a seis frars, ed els l' ödiaivan amo plü fieh;

6. Perche el dschet ad els: O vus, udi quai sömme, ch' eu m' ha sömgiâ.

7. * Mera, nus liaivan mannas in ün champ, e mera, mia manna as drizzet sü, e stet sü dret, e mera, vossas mannas as volvettan, e s' inclinetan avant ella. * Gen. 42, 6. 9. 43, 26. 44, 14.

8. Lura dschettan seis frars ad el: Dessast tü regnar sur nus? Dessast tü signorar sur nus? Els dimena l' ödiaivan amo plü, per seis sömmis, e per seis plets.

9. Davo quai as sümget el amo ün oter sümmi, e 'l requintet a seis frars, dschand: Mera, eu m' ha sömgiâ amo ün sümmi, e mera, il * solai e la glüna ed ündesch stailas s' inclinai-van avant mai. * Gen. 46, 29.

10. Ma el requintet quai a seis bap, ed a seis frars. E seis bap il repren-det e dschet ad el: Che sümmi ais quai, cha tü t' hast sömgiâ? Gninus, eu e tia mamma, e teis frars, per ans inclinar giò avant tai sün la terra?

11. Contuot al portaivan seis frars inviglia; ma seis bap * cussalvaiva quels plets. * Dan. 7, 28. Luc. 2, 19.

12. Ma seis frars partittan, a paschantar la scossa da lur bap in Sichem.

13. Qua disch Israel a Giosef: Non perchüran teis frars in Sichem? Vè nan, ed eu 't vögl frametter pro els. Ed el disch: Mera 'm qui!

14. Lura 'l disch el: Vâ uossa via, e guarda, scha teis frars, e la scossa stan bain, e referescha 'm. Usche il tramettet el our dalla val da Hebron, ed el get vers Sichem.

15. Ma ün hom il chattet, ch' el giaiva ad errur sün la cuttüra, e quel hom il domandet, e disch ad el: Che tscherchast?

16. Ed el disch: Eu tscherch meis frars: O tü, mossa 'm ingio ch' els perchüran?

17. Ma quel hom al disch: Els sun partits da qui; eu ils udit, dschand: Giain vers Dotan. Giosef dimena get davo seis frars, e 'ls chattet in * Dotan. * 2 Reg. 6, 13.

18. Ed els il vezzettan dalönsch, ed ant ch' el s' approssmess pro els, as cosglettan els conter el, da 'l amazzar.

19. Els dschettan l' ün l' oter: Mera, là ans vain il sömgiader!

20. Uossa dimena stü, il mazzain, e 'l büttain lura in ün da quaiests foss; lura volain nus dir: Üna mala bestia l' ha magliâ, e guardain che vögla gnir our da seis sümmiss!

21. Ma Ruben, udind quai, il salvet our da lur mans, e dschet: * Nus non il volain batter a mort!

* Gen. 42, 22.

22. E Ruben disch ad els: Non span-darai sang; büttâ 'l in quaiest foss nel desert; ma il man non al mettarai adöss; per il tour ad els da man, e per il manar *pro* a seis bap.

23. Contuot, siand Giosef gnü pro seis frars, schi 'l spoglettan els sia rassa, quella rassa sverslada, ch' el *avaiva* in döss.

24. Lura il piglettan els, e 'l büttet-tan in quel foss; ma il foss eira vöd, ed ingiün' aua laint.

25. Lura 's mettettan els giò a man-giar, ed, ozand ils ögls, vezzettan els üna compagnia d' Ismaelits, chi gni-van da * Gilead, ils chamels dels quals eiran chargiats con chosas pre-ziusas, balsam e mirra; e quels giai-van per portar quai in Egipto.

* Gen. 31, 47. Ger. 8, 22.

26. E Giuda disch a seis frars: Che guadagn fain nus, a mazzar nos frar, e zoppar via seis sang?

27. Gni nan, il vendain a quaiests Is-maelits, e non mettain man vi' ad el; perche el ais nos frar, nossa charn. E seis frars consentittan.

28. E eur passettan ils merchadants Midianits, schi trettan els Giosef sù da quel foss, e 'l vendettan als Is-maelits per vaine *siccals* d' argient; ed * els il manettan in Egipto.

* Ps. 105, 17. Act. 7, 9.

29. E eur Ruben lura turnet pro 'l foss, schi mera, Giosef non *eira* plü. Ed el sdratschet sia vestimainta.

30. El turnet pro seis frars e disch: Il giuven non as chatta *plü*, ed eu ingio dess eu ir?

31. Lura piglettan els la rassa da Giosef, e şchanettan ün boccet, ed intenschettan quella nel sang;

32. E tramettettan quella rassa sverslada a lur bap, al fand dir: Nus avain chattâ quaiesta *rassa*; cognoscha uossa, scha la *saja* la rassa da teis figl, o na?

33. Ma el la cognoschet, e dschet: La rassa da meis figl; * üna mala bestia l' ha magliâ; pel tshert, Giosef *ais* şcharpâ.

* Gen. 44, 28.

34. E Giacob sdratschet sia vesti-mainta, e 's mettet ün sach intuorn ils flanes, e salvet cordöli per seis figl blers dis.

35. E tuots seis figls, e tuottas sias figlias, stettan sü per il cuffortar; ma el s' ostet da retschaiver cuffort, e disch: Tschert eu vegn ad ir con cordöli giò pro meis figl nella sepultura! E seis bap il eridet.

36. Ma quels Midianits, *aviand manâ Giosef* in Egipto, il vendettan a Potifar, l' eunuco da Farao, chapitani dellas guardias.

CHAP. XXXVIII.

Vain miss-nan davart ils figls da Giuda con sia duonna Cananea, e lur mals costüms. Incest con Tamar, ed ils infants nats dad ella.

MA dvantet in quel temp, cha Giuda tret giò d'avent da seis frars, e s' volvet aint ad albergiar in chasa d' ün hom Adullamit, il nom del qual eira Hira.

2. E qua vezzet Giuda üna figlia d' ün hom Cananeer, il nom del qual eira * Sua; ed el la piglet, e get aint pro ella. * 1 Cron. 2, 3.

3. Ed ella concepit, e parturit ün figl, al qual *Giuda* mettet nom * Ger. * Num. 26, 19.

4. Lura concepit ella darcheu, e parturit ün figl, e l' mettet nom Onan.

5. Davo quai parturit ella darcheu ün figl, e l' mettet nom Sela; ma *Giuda eira* in Chesib, cur ella il parturit.

6. Ma Giuda piglet üna duonna a Ger, seis primogenit, il nom della quala eira Tamar.

7. Ma Ger, il primogenit da Giuda displaschet al Segner, e l' Segner il fet morir.

8. Lura disch Giuda ad Onan: * Intra pro la duonna da teis frar, e spus-la per drets da consanguinità, e sdruvaglia sü sem a teis frar. * Deut. 25, 5.

9. Ma, saviand Onan, cha quel sem non gniva ad esser seis, schi cur ch' el giaiv' aint pro la duonna da seis frar, il corruipaiv' el sün la terra, per non dar sem a seis frar.

10. E quai ch' el faiva displaschet al Segner; ed el fet morir eir quel.

11. Pertant dschet Giuda a sia brüt Tamar: Resta vaidgua nella chasa da teis bap, fin cha meis figl Sela saja gnü grand; perche el pensaiva, cha quai podess eir morir seo seis

frars. Tamar dimena get, e dmuret in chasa da seis bap.

12. Ma, davo blers dis, morit la figlia da Sua, la duonna da Giuda. E daspö cha Giuda füt cuffortâ, get el sü a Timna, con seis ami familiar Hira, l' Adullamit, pro quels chi tondaivan sia bescha.

13. E quai füt refert a Tamar, e dit: Mera, teis sör va sü a Timna, per tonder sia bescha.

14. Qua tret ella our döss seis abits viduals, e s' covernet con ün sindal, e s' zoppet la vista, e s' mettet a zer sün üna cruschada della strada, *chi va vers Timna*; perche la vezzaiva, cha Sela eira gnü grand, ed impero ella non al eira datta per duonna.

15. Ma, la veziand Giuda, schi penset el, ch' ella füss üna pitana, siand ch' ella avaiva zoppâ aint sia vista.

16. Contuot, as volvand vers ella sün la via, la disch el: Schi tü, conceda, ch' eu intra pro tai; perche el non savaiva, ch' ella *füss* sia brüt. Ed ella al disch: Che m' voust dar, cha tü intrast pro mai?

17. Ed el *la* dschet: Eu t' vögl trametter ün boccet della scossa. Ed ella disch: Am voust dar ün pain, fin tü m' l' hast tramiss?

18. Lura disch el: Che pain at dess eu dar? Ed ella disch: Teis sagè, e tia binda; e teis bastun cha tü hast in man. Ed el la det * e get aint pro ella, ed ella concepit dad el. * Lev. 18, 15.

19. Lura alvet ella sü, e get d'avent, e mettet giò seis sindal, e tret aint seis abits viduals.

20. Ma Giuda tramettet il boccet per man da quel Adullamit, seis ami familiar, per turnantar il pain da quella duonna; ma el non la chattet.

21. Ed *el* domandet ils homens del lö, ingio ell' eira statta, dschand: Ingio ais quella pitana, *chi eira sün la cruschada sper la strada*? Ed els respondettan: Qui non ais stat ingüna pitana.

22. Pertant turnet el pro Giuda, e disch ad el: Eu non l' ha chattada; schi eir ils homens da quel lö *m'* han dit: Qui non ais stat ingüna pitana.

23. E Giuda disch: Ch' ella *pür salva il pain*, cha nus non dvaintan ün spretsch. Mera, eu ha tramiss quaiست bocceet; ma tü non l' hast chattada.

24. Lura intuorn trais mais *davo*, füt refert, e dit a Giuda: Tamar, tia brüt ha commiss pitanögn, e mera, da pitanögn ais ella eir grossa. E Giuda disch: Manâ-la oura, ch' ella vegn' arsa.

25. Siand manad' oura, tramettet ella a dir a seis sör: Eu sun grossa da quel, al qual quaistas chosas *ap-pertegnan*. E dschet eir: Cognoscha uossa, da chi *saja* quaiست sagè, e quaiста binda, e quaiست bastun.

26. Qua cognoschet quai Giuda, e disch: Ella ais plü güsta co eu; *quaiست ais* per causa ch' eu non l' ha datta a Sela, meis figl *per muglier*. Ed el non la cognoschet plü da quel di inavant.

27. Ma dvantet dal temp ch' ella dovaiva parturir, mera, duos gemels *avaiv'* ella in *seis* büst.

28. * Ed, intant ch' ella parturiva, sporschet l' ün il man, la duonna da part il piglet, e liet intuorn *ün fil* da şcharlatta, dschand: Quaiست ais gnü oura il prüm. * 1 Cron. 2, 4.

29. Ma, aviand el trat inavo il man, schi mera, seis frar gnit oura, e la duonna da part disch: Che rottüra hast tü fat? La rottüra *saja* sur tai; ed el füt miss nom * Fares. * Matt. 1, 3.

30. Lura gnit oura seis frar, chi a-vaiva *il fil* da şcharlatta intuorn il man, ed el gnit miss nom Zara.

CHAP. XXXIX.

Vain descrit la servitü da Giosef, castità, preschun, e guvern sur ils preschuners.

CONTUOT, Giosef * essendo stat manâ in Egipto, schi l' compret Potifar, l' eunuco da Farao, chapi-tani dellas guardias, hom Egipter, da quels Ismaelits, chi l' avaivan manâ. * Gen. 37, 23. 36.

2. Ma il Segner * eira con Giosef; ed el eira hom chi prosperaiva, e stet in chasa da seis patrun, l' Egipter. * v. 21. Act. 7, 9.

3. Veziand dimena seis patrun, cha l' Segner *eira* con el, e laschaiva prosperar in seis mans tuot quai ch' el faiva,

4. Schi chattet perquai Giosef grazia pro el, e l' serviva; ed el il constituit sur tuot sia chasa, e l' det in man tuot quai ch' el avaiva.

5. * E da quel temp invia, cha l' E-gipter l' avet constitui sur sia chasa, e sur tuot quai ch' el avaiva, benedit il Segner la chasa da quel, per amur da Giosef, e la benedicziun del Segner füt sur tuot quai ch' el avaiva in chasa, e sün la cuttüra. * Gen. 30, 27.

6. Ed el remettet nels mans da Giosef tuot quai ch' el *avaiva*, e non tgaiva nota d' alchüna chosa vers el, resalv seis mangiar. Ma Giosef *eira* bel da fuorma, e da vista.

7. Dvantet dimena, davo quaistas chosas, cha la duonna del patrun da Giosef büttet l' ögl sün el, e dschet: Dorma con mai.

8. Ma el refüset, e disch alla duonna da seis patrun: Mera, meis patrun non tegna nota vers mai, che *saja* in chasa, e 'm ha dat in man tuot quai ch' el ha.

9. Ingün non ais in quaiста chasa plü grand co eu, ed oter non am ha l' interdit inguotta, co a tai; siand tü *est* sia muglier. Co dimena dess eu far quaiست grand mal, e pechar conter Deis?

10. E, conbain ch' ella ogni di tshantschaiva con el, schi non ac-consentit el però da dormir, e star pro ella.

11. Ma dvantet ün di, ch' el get in chasa per far sias fatschendas, e, non siand ingün della gliend da chasa qua in chasa,

12. Schi l' piglet ella per il vestimaint, e dschet ad el: Dorma con mai. Ma el la laschet seis vestimaint in man, e mütschet, e get our dad-oura.

13. Contuot, veziand ella, ch' el l' a-vaiva laschâ seis vestimaint in man, e ch' el eira mütschâ oura,

14. Schi clamet ella la gliend da sia chasa, e dschet ad els: Guardai, el ans ha manâ in chasa ün hom Ebreer, per ans metter in verguogna. Quel gnit pro mai per dormir con mai; ma eu bragit ad ota vusch;

15. Ed udind el, ch' eu avaiva ozâ la vusch, e bragiva, schi ha l' laschâ

seis vestimaint sper mai, ed ais mütshâ, ed it oura.

16. Ed ella tshantet il vestimaint da Giosef sper ella, fin cha seis patrun turness a chasa.

17. Lura tshantschet ella con el in tal maniera: Quel serv Ebreer, cha tû 'ns hast manâ, ais gnü pro mai, per am svergognar.

18. Ma, ozand eu la vusch a clamar, schi ha 'l laschâ seis vestimaint sper mai, ed ais fûgi d'avent.

19. Ma, cur il patrun da Giosef avet inclet ils plets cha sia duonna 'l dschaiva, cioè: Teis famagl m' ha fat tal e tal chosa, schi s' invüdet sia ira.

20. * Pertant il patrun da Giosef il piglet e 'l mettet nella tuor, il lö, ingio ils preschunêrs del rai *eiran* preschunats, ed allà füt el nella tuor.

* Ps. 105, 18.

21. Ma il Segner eira con Giosef, e stendet oura *sia* benignità sur el, e 'l fet chattar grazia avant il guardiant della preschun.

22. Il guardiant della preschun dimena det in man a Giosef tuots ils preschunêrs chi *eiran* nella tuor; ed el faiva tuot quai cha qua eira da far.

23. Il guardiant della preschun non guardaiva davo ingüna chosa, ch' el avai' in man; perche il Segner *eira* con el; ed il Segner laschaiva prosperar tuot quai ch' el faiva.

CHAP. XL.

Vegnan miss nan ils sömmis dels famagls da Farao, ils quals Giosef interpretescha, e quai ais stat la strada da gnir in libertà.

DAVO quaistas chosas, dvantet lura, cha 'l copier del rai d' Egipto, e 'l pastrinêr, falettan conter lur patrun, il rai d' Egipto.

2. E Farao s' iritet fieh conter quels seis duos servaints da cuort; cioè, conter il prüm copier, e conter il prüm pastrinêr;

3. E 'ls fet metter in preschun in chasa del chapitani dellas guardias, nella tuor, nel *istess* lö, ingio Giosef *eira* impreschunâ.

4. Qua ordinet il chapitani dellas guardias a Giosef pro els, per ch' el als serviss. Ed els fütan ün temp in preschun.

5. Ma amenduos, il copier ed il pastrinêr del rai d' Egipto, chi eiran nella tuor impreschunats, as sômgettan scodün ün sömni, nella *medema* not, conveniaint all' interpretaziun, chi gnit datta ad iminchün *dad* els.

6. Contuot, siand Giosef gnü la daman pro els, schi 'ls guardet el, e mera, els *eiran* conturblats.

7. Ed el domandet quels servaints della cuort da Farao, chi *eiran* con el in preschun, in chasa da seis patrun, dschand: Perche *sun* vossas fatschas hoz usche conturbladas?

8. Ed els dischan ad el: Nus ans avain sömgia *minchün* ün sömni, e non *ais* ingün chi 'ls mett' oura. Ma Giosef disch ad els: Las explicaziuns non *appertegnan* quellas a Dieu? Ma pür, ils raschunai nan a mai.

9. Il prüm copier dimena requintet a Giosef seis sömni, e disch ad el: E 'm *paraiva* in meis sömni, ch' eu vezzess avant mai üna planta da vit.

10. E vi' a quella planta *eiran* trais manzinas, e paraiva, ch' ella dscher-mügless, *lura* ch' ella floriss, ed alla fin, cha seis zocs d' üjas as madüres-san.

11. Ma eu *avaiva* la coppa da Farao in man, e pigliaiva quellas üjas, e las squitschaiva oura nella coppa da Farao, e daiva la coppa a Farao in man.

12. E Giosef disch ad el: Quaist' ais *sia* interpretaziun: Las trais manzinas *sun* trais dis.

13. Da qua a trais dis, revedand Farao *sia* brajada, vain el at nombrar, e 't turnantar in teis stadi, e tû vainst a sporscher a Farao *sia* coppa in man, tenor *teis* prüm offizi, cur tû eirast seis copier.

14. Ma 't regorda da mai, cur tû vainst ad avair bön; schi, dovrà benignità vi' a mai, e fà menziun da mai avant Farao, e fà, ch' eu giaja our da quaista chasa;

15. Perche eu in vardà sun involâ our dal pajais dels Ebreers; e neir quia non ha eu fat inguotta, pel qual eu dovess esser miss in quaista foura.

16. Ma, veziaand il prüm pastrinêr,

cha *Giosef* avaiva declarâ in bain il *sömmi da quel*, schi disch el a *Giosef*: Eir a mai paraiva in meis sömmi d' avoir sün meis cheu trais chanasters albs.

17. E nel plü süsom chanaster eiran da tuottas sorts spaisas da Farao, lavur da furnêr; e 'ls utschels las mangiaivan our da quel chanaster sün meis cheu.

18. Qua respondet *Giosef* e disch: Quai^t ais sia declaranza: Ils trais chanasters sun trais dis.

19. Da qua a trais dis, revedand Farao sia brajada, vain el at chassar, e 't tour teis offizi, e vain at far pender vi' ad ün lain, ed ils utschels vegnan a mangiar la charn da tai.

20. Ma inscontret al terz di *davo*, al di della natività da Farao, ch' el fet ün convivi a tuots seis serviturs, e chattet nombrats intanter seis serviturs il prüm copier, ed il prüm pastrinêr.

21. Ed el restituit il prüm copier in seis *offizi da copier*, ed el sporschet a Farao la coppa in man.

22. Ma il prüm pastrinêr fet el appichar, tenor l' interpretaziun cha *Giosef* als avaiva dat.

23. Ma il prüm copier non as regordet da *Giosef*, dimpersai l' invlidet via.

CHAP. XLI.

Il sömmi da Farao, *Giosef* el declera, e vain tschantâ in granda dignità nel reginam, e provveda per la charestia chi avaiva da gnir sur Egipto ed oters pajais.

MA dvanter, in temp da duos ans intêrs, cha Farao as sômget, e 'l paraiva d' esser sper il flüm.

2. E mera, our dal flüm gnivan set vachas da bell' apparenza, e grassas, e tschernüdas, e pasculaivan nel erbaduoir.

3. Lura mera, set otras vachas gnivan sù our dal flüm d' apparenza trida, e maigras, e şcharnüdas, e 's fermettan sper quellas *otras* alla riva del flüm.

4. Ma las vachas da trid' apparenza, maigras, e şcharnüdas, maglettan las set vachas d' apparenza bella, e grassas. E Farao as sdruvaglet.

5. Lura 's dormenzet el via, e 's

sômget danöv, e mera, our d' ün stram gnivan set spias prosperas, e bellas.

6. Ma mera, da quellas dschermügliaivan set otras spias, manüdas, ed arsas dal vent oriental.

7. E las spias manüdas travondettan las set spias prosperas, e plainas. E Farao as sdruvaglet, e mera, l' eira ün sömmi.

8. E, siand daman, füt seis spiert conturbâ, ed el tramettet a clamar tuots ils * magis, e sabis d' Egipto, als quals el requintet seis sömmis; ma e non eira ingün, ch' ils podess declerar a Farao.

* Dan. 2, 2.

9. Lura tschantschet il prüm copier con Farao, dschand: Hoz am vegnan meis fals in memoria!

10. Farao s' iritet *ünsacura* contra seis famagls, e mettet a mai, e 'l prüm pastrinêr in preschun, in chasa del chapitani dellas guardias.

11. El ed eu, nell' *istessa* not ans sômgettân minchün ün sömmi. * Nus ans sômgettân scodün seis sömmi, conveniaint all' interpretaziun chi' ns füt datta.

* Gen. 40, 5.

12. Qua lura con nus *eira* ün giuven Ebreer, servitur del chapitani dellas guardias, al qual nus requintettan noss sömmis, ed el ils mettet oura, dand la declaranza a minchün seguond seis sömmi.

13. E dvanter, seguond l' interpretaziun, ch' el ans avaiva dat, cha *Farao* am tschantet in meis stadi, e quel *oter* fet el appender.

14. * Lura tramettet Farao a clamar *Giosef*, il qual füt bainbod trat our dalla preschun, ed el as tondet, e müdet vestimainta, e gnit avant Farao.

* Ps. 105, 20.

15. E Farao disch a *Giosef*: Eu m' ha sômgiâ ün sömmi, e non *ais* ingün chi 'l mett' oura. Ma eu ha udi dir da tai, cha tü inleaste ils sömmis, per ils declerar.

16. Qua respondet *Giosef* a Farao, dschand: *Quai non sta a mai*; Dieu vögliâ responder alla prosperità da Farao.

17. Disch dimena Farao a *Giosef*: In meis sömmi am paraiva, ch' eu stess sper la riva del flüm.

18. E mera, our dal flüm gnivan sü set vachas grassas, e charnüdäs, e d' apparenza bella, e pasculaivan nel erbaduoir.

19. Lura mera, set otras vachas gnivan oura davo quellas, maigras, e da fìch trid' apparenza, e scharnüdäs; miseras usche zuond *mâ* non ha eu vis in tuot il pajais d' Egipto.

20. E las vachas maigras, e povras maglettan las set prîmas vachas grassas.

21. E quellas gettan in lur vainter; ma tant e tant non s'inacorschaiva inguotta; siand cha eiran d' usche trid' aspet, seo viavant. Ed eu am sdasdet.

22. Am sömgiand lura darcheu, *paraiva*, ch' eu vezzess set spias plainas, e bellas, chi gnivan our d' ün stram.

23. Ma mera, set otras spias, sechas, manüdäs, arsas dal vent oriental, dschermüglettan davo quellas.

24. E las spias manüdäs travondettan las set spias bellas. *Quaists sömmis* ha eu dit als magis; ma non *ais stat* ün, chi 'm *ils* haja declarâ.

25. Lura disch Giosef a Farao: Quai cha Farao s' ha sömgiâ ais ün *istess* fat. Il Segner ha dat ad incler a Farao quai ch' el voul far.

26. Las set vachas bellas *sun* set ans, e las set spias bellas *sun eir* set ans, l' ün e l' oter sömmi *sun* üna chosa.

27. Similmaing las set vachas maigras e tridas, chi gnivan sü davo quellas, *sun* set ans, e las set spias vödas, arsas dal vent oriental vegnan ad esser set ans della fam.

28. Quaist ais quai ch' eu dschet a Farao: Deis ha mossâ a Farao che ch' el voul far.

29. Mera, e vegnan a gnir set ans da grand' abundanza, in tuot la terra d' Egipto;

30. Ma lura, davo quels vegnan a gnir set ans della fam, e tuot quell' abundanza vain ad esser smanchada nella terra d' Egipto, e la fam vain a constimar il pajais.

31. E da quell' abundanza non as vain a savair nel pajais, per causa da quella fam; perche la sarâ fìch düra.

32. E siand cha 'l sömmi per duos

voutas ais replichâ a Farao, *voul dir*, cha 'l fat *ais* da Deis determinâ, e bod vain il Segner al esequir.

33. Contuot cha's proveda uossa Farao con ün hom inelegiantaivel e sabi, il qual el constituescha sur il pajais d' Egipto.

34. *Quaist* fetscha Farao; ch' el ordaina commissaris nel pajais, e's fetscha dar üna quintavla *dels früts* della terra d' Egipto, nels set ans dell' abundanza.

35. E ch' els mettan a mantun tuot la victualia da quels set ans buns chi vegnan, e raspan insembel il gran suot il man da Farao, per victualia nellas cittats, e 'l conservan.

36. E dess quella victualia esser üna provisiun per il pajais nels set ans della fam, chi vegnan ad esser sur la terra d' Egipto, cha 'l pajais non vegna desdrüt tras la fam.

37. E quel discuors plaschet a Farao, ed a tuot seis serviaints.

38. E Farao dschet a seis serviaints: Podain nus chattar fün al pèr da quaist, ün hom, nel qual ais il Spiert da Dieu?

39. Lura disch Farao a Giosef: Daspö cha 'l Segner t' ha manifestâ tuot quaist, schi non *ais ingün* inelegiantaivel, e sabi seo tü.

40. * Tü dessast esser sur mia chasa, e tuot meis pövel vain as drizzar seguond tia bocca; be per il trun vögl eu esser plü grand co tü.

* Ps. 105, 21. Dan. 2, 48. Act. 7, 10.

41. Ultra quai disch Farao a Giosef: Guarda, eu at constituesch sur tuot la terra d' Egipto.

42. E Farao tret seis anè da seis man, e 'l mettet in man da Giosef, e 'l fet vestir con vestimainta da biss, e 'l mettet üna colana d' or intuorn colöz;

43. E 'l fet muntar sün il seguond charr *da seis reginam*, e clamar avant el: Ogniün s' inclina; perche el l' ha constitui sur tuot il pajais d' Egipto.

44. Eir disch Farao a Giosef: Eu *sun* Farao; e sainza tai non dess ingün ozar il pè, ne 'l man in tuot la terra d' Egipto.

45. Ma Farao mettet nom a Giosef,

* Sannatfaneach, e 'l det Asnat per muglier, la figlia da Potifera, il governatur dad On. E Giosef get in-tuorn per il pajais d'Egipto.

46. E Giosef *eira* vegl da trent' ans, cur el as presentet avant Farao, il rai d'Egipto. Giosef dimena as partit dal conspet da Farao, e passet tras tuot la terra d'Egipto.

47. E la terra portet nels set ans dell' abundanza a man plain.

48. Pertant raspet *Giosef* tuot la victualia da quels set ans, chi eira nella terra d'Egipto, e mettet nellas cittats. El mettet in scodüna tuot la victualia della contradia circonvicina.

49. Usche raspet Giosef gran in grandisma quantità, sco 'l sablun del mâr; fin tant ch'ün rafüdet da nombrar; perche l'eira innumerebel.

50. * Ma a Giosef naschettan duos figls, ant cha 'l *prim* an della fam gniss, ils quals Asnat, la figlia da Potifera, il governatur dad On, al parturit.

* Gen. 46, 20. 48, 5.

51. E 'l primogenit nomnet Giosef Manasse; perche *el* dschet: Dieu m'ha laschâ smanchar ogni fadia, e tuot la chasa da meis bap.

52. Ma il seguond nomnet el Efraim; perche *el* dschet: Dieu m'ha laschâ früttar nel pajais da mia afflicziun.

53. Lura finittan ils set ans dell' abundanza, chi füt nella terra d'Egipto.

54. * E comanzettan a gnir ils set ans della fam, sco cha Giosef avaiva dit, e füt fam in tuots ils pajais; ma in tuot Egipto eira pan.

* Ps. 105, 16. Act. 7, 11.

55. Alla fin avet *eir* tuot la terra d'Egipto fam, e 'l pövel bragiva pro Farao per pan; ma Farao dschaiva a tuot ils Egipters: It pro Giosef, e fat quai ch' el vain as dir.

56. E, siand la fam in tuots ils pajais, schi avrit Giosef tuot il granêrs, e vendet als Egipters. E la fam eira greiva nella terra d'Egipto.

57. E da tuots pajais in-tuorn gnivan pro Giosef in Egipto per comprar *gran*; perche la fam eira greiva per tuot la terra.

CHAP. XLII.

Vain descrita la vgnüda dels frars da Giosef in Egipto, e l'inquisiziun da Giosef vi'ad els, e co con la rigur ais eir stat masdada umanità.

VEZIAND Giacob, chi l'eira da vender gran in Egipto, * dschet el a seis figls: Perche stais as guardand l'ün l'oter?

* Act. 7, 12.

2. Lura disch el: Mera, eu ha incelet, ch' in Egipto saja gran da vender; it giò, e comprai a nus dalander; schi gnin nus a viver, e bricha a morir.

3. Contuot gettan ils desch frars da Giosef giò in Egipto per comprar gran dalander.

4. Ma Giacob non tramettet Benjamin, il frar da Giosef, con seis frars; perche el pensaiva da *guardar*, cha non l'incontra qualcha disgrazia.

5. Usche rivettan ils figls d'Israel *in Egipto* per comprar granezza con *oters* insembel, chi giaivan giò; perche la fam eira nella terra da Canaan.

6. * Ma Giosef, il qual *eira* rector del pajais, vendaiva la granezza a tuot pövel della terra. Essendo dimena rivats ils frars da Giosef, s' inclinettan els avant el, con la fatscha sün la terra.

* Gen. 37, 6.

7. E, cur Giosef vezzet seis frars, schi 'ls cognoschet el; ma as simulet strani invers els, e tschantschet as-pramaing con els, e dschet ad els: Dinuonder gnis vus? Ed els dischan: Dalla terra da Canaan per comprar victualia.

8. E Giosef cognoschet seis frars, ma els non il cognoschettan.

9. Qua's regordet Giosef dels * sömmis ch' el s'avaiva sömgia dad els, e disch ad els: Vus *eschat* spiuns; vus *eschat* gnüts per guardar ils lous scoverts del pajais.

* Gen. 37, 5, 6.

10. Ma els dischan: Na, meis segner; dimpersai teis serviturs sun gnüts per comprar victualia.

11. Nus *eschan* tuots figls d'ün *medem* hom; nus *eschun* reals; teis serviturs non sun spiuns.

12. Ed el disch ad els: Na, ma vus *eschat* gnüts per vair ils lous scoverts del pajais.

13. Ed els dischan: Nus, teis serviturs, *eschan* dudiesch frars, figls d'ün *istess* hom nella terra da Canaan; e mera, il * plü giuven *ais* uossa pro nos bap, ed ün non *ais plü*.

* Gen. 44, 20.

14. Disch Giosef ad els: Quaist *ais pür* quai ch'eu s'ha dit, vus *eschat* spiuns.

15. Ed in quaist dessat vus gnir provats: *Usche vaira co* cha Farao viva, vus non dessat partir da qui, fin cha vos frar il plü giuven *sajagnüqua*.

16. Tramettai ün da vus, ch'el giaja per vos frar, e vus restai *qua* impre-schunats, ed *eu vögl* provar voss plets, scha vardà saja in vus, o na; *sco* Farao viva, vus *eschat* spiuns.

17. Ed el ils serret in preschun, per trais dis.

18. Ma al terz di disch Giosef ad els: Fat quaist, cha vus vivat; eu tem Deis!

19. Scha vus *eschat homens* reals, schi cha ün da voss frars rumagna impreschunâ, nella preschun cha eirat miss, e vus *oters* it, portai granezza, seguond la necessitâ da vossas chasas,

20. * E manâ'm vos frar il giuven; ed usche vegnan voss plets ad esser verificats, e vus non gnis a morir. Ed els fettan usche.

* Gen. 44, 23.

21. Lura dschaivan els l'ün l'oter: Tschertamaing, nus *eschan* culpants a reguard da nos frar; perche nus vezzaivan l'anguoscha da si'orma, cur el ans supplichaiva, e nus non l'exodittan; perquai *ais gnüda* sur nus quaist'anguoscha.

22. E Ruben respondet ad els, dschand: Non as dschaiv'eu: Non * pecharai conter il giuvnet! Ma vus non am volettat tadar. Perquai mera, vain domandâ quint da seis sang!

* Gen. 37, 21.

23. Ma els non savaivan, cha Giosef *ils* incegess; perche tanter els *eira* ün interpretadur.

24. Ma Giosef as volvet d'avent dad els, e cridet. * Lura turnet el pro els, e tschantschet con els, e piglet Simeon our dad els, il qual el fet metter in preschun in lur presenza.

* Gen. 43, 13. 22.

25. E Giosef comandet, cha s'impliss lur sachs con gran, e cha'l danêr da minchün d'els gniss miss in seis sach; e cha'ls gniss dat provisiun sün il viadi. Ed usche füt fat ad els.

26. Ed usche chargettan els il gran, cha avaiavan comprâ, sün lur asens, e's partittan da là.

27. Ma ün *dad els* avrit seis sach per dar flöder a seis asen nel albi-erg, e vezzet seis danêr, *chi eira* süsom la bocca da seis sach.

28. Ed el disch a seis frars: Meis danêr *am ais* restitui, e mera, l'ais in meis sach! Qua als crodet l'anim, e füttan stramits, *dschand* tanter pêr: Perche ans ha il Segner fat quaist?

29. Ma els gnittan pro Giacob, lur bap nella terra da Canaan, e'l raschunettan tuots ils fats, chi'ls eiran inscontrats, dschand:

30. Quel hom, *chi ais* rectur del pajais, ha tschantschâ aspramaing con nus, e'ns ha trattats da spiuns del pajais.

31. Ma nus l'avain dit: Nus *eschan homens* da bain; nus *mâ* non eschan stats spiuns.

32. Nus eschan dudiesch frars, figls da nos bap; l'ün non *ais plü*; ed il plü giuven *ais* uossa pro nos bap, nella terra da Canaan.

33. E quel hom, il rectur del pajais, ans dschet: Giò da quaist vögl eu cognoscher, scha vus *sajat* reals; laschai pro mai ün da voss frars, e pigliai quant fa bsögn per la necessitâ da vossas chasas, ed it.

34. E manâ'm vos frar il plü giuven, ch'eu possa cognoscher, cha vus non *sajat* spiuns, dimpersai homens da bain. Ed eu's vögl lura turnantar vos frar, cha vus possat ir intuorn nel pajais, traficand.

35. * Ma, cur svödettan lur sachs, mera, il sachet del danêr da minchün *eira* in seis sach. Ed els, e lur bap, veziand ils sachets da lur danêr, as tmettan.

* Gen. 43, 21.

36. E lur bap Giacob disch ad els: Vus am dsorfuais! Giosef non *ais plü*, Simeon non *ais plü*, ed eir Benjamin *am* volais vus tour; tuot quaist vain sur mai!

37. Ma Ruben disch a seis bap:

Tü post far morir meis duos figls, sch' eu non il turnaint; confida 'l in meis man, ed eu t' il vögl turnantar.

38. Ma *Giacob* dschet: Meis figl non dess ir giò con vus; perche seis frar ais mort, ed el ais restâ sulet. E, scha 'l scontress qualcha disgrazia sün il viadi, schi gnissat vus a far ir giò meis chavels grischs con cordöli nella sepultura.

CHAP. XLIII.

Vain descrit il return del frars con Benjamin, Giosef ils retschaiva con ün convivi.

MA la fam eira greiva nel pajais. Contuot, aviand glivrâ da mangiar il gran, manâ d' Egipto, dschet lur bap ad els: Turnai a comprar per nus ün pa victualia.

3. Ma Giuda disch ad el: Quel hom ans ha expressamaing protestâ, e dit: * Vus non dessat vair mia fatscha, o pür cha vos frar *saja* con vus.

* Gen. 44, 23.

4. Scha tü tramettast nos frar con nus, schi volain nus ir giò, e 't volain comprar victualia.

5. Ma ingio tü non il tramettast, schi non giains giò; perche quel hom ans dschet: Vus non dessat vair mia fatscha, o pür cha vos frar *saja* con vus.

6. Lura disch Israel: Perche m' avais vus usche zuond offais, a declear a quel hom, cha vus hajat amo ün frar?

7. Ed els dischan: Quel hom domandet mantidamaing da nus, e da nossa parantella, dschand: Viva vos bap amo? Avais vus amo ün oter frar? E nus tenor quels pleds al dettan contentezza. Podaivan nus in qualcha möd savair, ch' el gniss a dir: Fat gnir giò vos frar?

8. Da plü disch Giuda ad Israel, seis bap: Lascha gnir il giuven con mai, schi volain nus star sü ed ir, e gnin a viver, e bricha morir, nus, e tü, e nossas famiglias.

9. * Eu t' il sgür; domanda 'l inavo da meis man; ingio eu non t' il turnaint, ne 'l preschaint a tai, schi vögl eu esser culpant avant tai per saimper.

* Gen. 44, 32.

10. Perche, scha nus non ans avessan intardats, schi füssan nus uossa

tschertagiâ turnats la segonda vouta.

11. Lura dschet Israel, lur bap, ad els: Scha pür as *sto far* usche, schi fat quaist: Pigliai dellas plü exquisitas robas da quaist pajais in voss sachs, e portai ün preschaint a quel hom; ün pa da balsam, ed ün pa da meil, e spezias, e mirra, nuschs da terebinta, e mandels.

12. E pigliai oter danêr in man; portai eir il danêr *con vus*, chi s' ais stat turnantâ süsom la bocca da voss sachs; forsa aise stat ün errur.

13. Pigliai eir vos frar, e 's fat sü, e turnai pro quel hom.

14. E l' omnipotaint Dieu fetscha, cha vus chattat grazia avant quel hom, ch' el as largia l' oter vos frar, e Benjamin; e sch' eu pür dess esser dsorfnâ dad infants, saja.

15. Contuot piglettan quels homens quel preschaint, piglettan eir oter danêr, e Benjamin, e 's fand sü, gettan els giò in Egipto, e 's preschantettan avant Giosef.

16. Ma, cur Giosef vezzet Benjamin con els, dschet el a seis factur da chasa: Maina quaists homens aint in chasa, e mazza giò charn, e perderscha pro; perche quaists homens dessan a mezdi mangiar con mai.

17. E quel fet, sco cha Giosef avet dit, e manet quels homens aint in chasa da Giosef.

18. Ma quels homens as tmettan, perquai cha eiran manats aint in chasa da Giosef, e dschettan: Nus eschan manats *quaint* per quels danêrs, chi la prüma vouta ans füttan turnantats in noss sachs; acio cha 's büttan sur da nus, e vegnan nan conter nus, e 'ns piglian per servs, insembel con noss asens.

19. E, siand approsmats pro 'l factur da chasa da Giosef, il favlettan els sün l' intrada della chasa,

20. E dschettan: * Ah, meis seigner! Nus gnittan giò plübod per comprar victualia;

* Gen. 42, 3.

21. Ma dvantet, siand rivats ad albiereg, ed avrind noss sachs, mera, cha 'l danêr da scodün da nus *eira* süsom la bocca da seis sach; nos danêr apunto segund sia paisa, e nus l' avain turnantâ con nus.

22. * Ultra quai avain nus eir portâ in noss mans oter danêr per comprar victualia. Nus non savain, chi ans haja miss noss danêrs in noss sachs.

* Gen. 42, 27, 35.

23. Ed *el* dschet *ad els*: As dat bun anim; non as tmarai! Quel vos Deis, ed il Deis da vos bap ha miss ün tesor in voss sachs; vos danêr am gnit in man. Lura manet el Simeon oura pro els.

24. E 'ls aviand manats aint in chasa da Giosef, fet el portar aua, ed els as lavettan ils peis; ed a lur asens det el da magliar.

25. Ma, spettand cha Giosef gniss a marena, perderschettan els quel preschaint; perche els avaiavan inclet, cha gnissan a restar qua a mangiar.

26. Ma, cur Giosef gnit in chasa, al sporschettan els quel preschaint ch' avaiavan in man, aint in chasa, e s' inclinettan avant el giò stin la terra.

27. Ed el ils domandet da *lur* bainstar, e dschet: Vos vegl bap, dal qual vus am dschettat, sta quai bain con el? Viva el amo?

28. Ed els dschettan: E sta bain con nos bap, teis servitur; el viva amo. Ed els s' inclinettan, e 'l fettan reverenza.

29. Qua ozet *Giosef* ils ögls, e vezzet seis frar Benjamin, il figl da sia mamma, e disch: * Ais quaist vos frar il plü giuven, dal qual vus am dschettat? Lura disch el: Deis saja a tai favoraivel, meis figl! * Gen. 42, 13.

30. Ma Giosef as retret dandetta maing; * perche sias avainas as reschodaivan vers seis frar; e tscherchand ün *lô* † da cridar, get el nella chambra dadaint, e eridet là.

* 1 Reg. 3, 26. † Gen. 45, 2.

31. Lura as lavet el la vista, e gnit oura, e s' artgnet a forza, e dschet: Portai sü las spaisas.

32. *La spaisa* lura gnit portada ad el dvart, ed ad els dvart, ed als Egipeters chi mangiaivan con el dvart; siand cha 'ls Egipeters non pon mangiar con ils Ebreers; perche quai *ais* als Egipeters üna chosa abominabla.

33. Ed els sezzaivan avant seis conspet, il primogenit seguond seis *uorden* da primogenit, e 'l giuven se-

guond *l' uorden* da sia età giuvna; e quels homens, as smüravgliand, as *guardaivan* l' ün l' oter.

34. Ed el pigliaiva dals trats da spaisa avant el, e 'ls tramettaiva ad els; ma la part da Benjamin füt tschinch voutas plü granda da quella da qualunque oter d' els. Ed els battettan, e gnittan legers pro el.

CHAP. XLIV.

Vain miss nan, co Giosef va astutamaing intuorn con seis frars, e 'ls travaglia in bleras guisas.

LURA comandet *Giosef* e dschet a seis factur da chasa: Implescha ils sachs da quaists homens con victualia, tant co chi pon portar, ed il danêr da scodün d' els metta süsom la bocca da seis sach.

2. Eir meis bachêr, il bachêr d' argient, metta süsom la bocca del sach del plü giuven, insembel con il danêr da seis gran. E quel fet sco Giosef l' avet dit.

3. Al scelarir della brünetta füttan quels homens licenziats con lur asens.

4. Siand els passats our dalla città, e non siand els amo dalönsch, dschet Giosef a seis factur da chasa: Stà stü, dà davo a quels homens, e cur tü 'ls hast sieuüts, sehi di ad els: Perche avais vus rendü mal per bain?

5. Non *ais* quel *il bachêr*, our dal qual meis patrun soula baiver? Quai podaiv' el ingiavinar! Malamaing avais fat *in quai* cha vus avais fat.

6. El dimena ils assieuet, e dschet ad els quels plets.

7. Ma els dschettan ad el: Perche disch meis segner tals plets? Dieu saj' all' avant, cha teis famagls fetschan üna tala chosa!

8. Mera, nus at portettan inavo dalla terra da Canaan il danêr, cha nus avettan chattâ süsom la bocca da noss sachs; co dimena dessan nus avoir involâ our dalla chasa da teis patrun or, o argient?

9. Cha quel da teis famagls moura, pro 'l qual *quel bachêr* vain chattâ; ed eir nus volain esser famagls da nos segner.

10. Ed *el* disch: Schabain *füss* raschun *da far* tenor voss plets, *pür* quel *sulet*, pro 'l qual el vain chattâ,

dess esser meis famagl, vus oters dessat esser libers.

11. E minchün d' els mettet giò seis sach in terra, e 'l avrit.

12. *E 'l factur da chasa tscherchet oura tuots*, comanzand dal *sach del* plü vegl, e glivrand pro *quel del* plü giuven. E 'l bachêr gnit chattâ nel sach da Benjamin.

13. Lura şarpettan els lur vestimainta, ed, aviand minchün chargiâ seis asen, turnettan els in città.

14. Usche intret Giuda, con seis frars, nella chasa da Giosef, il qual *eira* amo là; ed els as büttettan giò avant el sün terra.

15. Ma Giosef disch ad els: Che act *ais* quel cha vus avais fat? Non savais vus, ch' ün da meis pèr po render pel tschert?

16. Lura disch Giuda: Che dessan nus dir a nos segner? Che plets dessan nus dovrar, e co ans dessan nus güstifichar? Dieu ha chattâ l' iniquità da teis famagls; mera, nus *eschân* famagls da nos segner, tant nus, co quel, pro 'l qual il bachêr ais chattâ.

17. Ma *Giosef* disch: Dieu saj' all' avant, ch' eu fetscha quaist; quel, pro 'l qual il bachêr ais chattâ, saja meis famagl; e vus turnai in pasch pro vos bap.

18. Ma Giuda get via pro el, e disch: Ah, meis segner; admetta cha teis famagl dia ün pled a meis segner, e tia ira non as invüda conter teis famagl; perche tü est egual a Farao:

19. Meis segner domandet a seis famagls, dschand: Avais vus ün bap, o frars?

20. E nus dschettan a meis segner: Nus avain ün vegl bap, ed ün pitschen giuven frar, nat *a nos bap* in *sia* vegldüna, e seis frar ais mort; tal ch' el ais restâ sulet da *sia* mamma, e seis bap l' ama.

21. Tü lura dschettast a teis famagls: Manâ 'm il giò, ed eu vögl sporscher meis ögl vi' ad el.

22. E nus dschettan a meis segner: Il giuven non po bandunar seis bap; perche, sch' el il banduness, schi muriss il bap.

23. E tü dschettast a teis famagls: * Scha vos frar il plü giuven non vain

giò con vus, schi non dessat vus plü vair mia fatscha. * Gen. 42, 15.

24. Daspö nus lura turnats pro teis famagl, meis bap, schi 'l referittan nus ils plets da meis segner.

25. Davo quai disch nos bap: Turnai a comprar ün pa da victualia;

26. E nus dschettan: Nus non podain ir giò là; scha nos frar il giuven ais con nus, schi volain nus ir giò; perche nus non podain vair la fatscha da quel hom, scha nos frar il giuven non *ais* con nus.

27. E teis famagl, meis bap, ans disch: Vus savais, cha mia * muglier am parturit duos *figls*, * Gen. 46, 19.

28. Dels quals l' ün partit davent da mai, ed eu dschet: * Tschert, el ais dafatta şarpâ; ed eu non l' ha vis plü fin in uossa. * Gen. 37, 33.

29. E scha vus eir quaist pigliais davent da mai, e scha 'l scontress qualche disgrazia, schi gnissat vus meis chavels grischs a far ir con afflicziun giò nella sepultüra.

30. Uossa dimena, cur eu vegn pro teis famagl, meis bap, scha 'l giuven non ais con nus, vi' all' orma del qual si' orma sta rantada,

31. Schi dvanterà, sch' el vezza cha 'l giuven non *ais qua*, ch' el vain a morir; ed *usche* avessan teis famagls fat ir ils chavels grischs da teis famagl, nos bap, giò nella sepultüra con dolor del cour.

32. *Uossa*, siand teis famagl ha sgürâ a meis bap, per quaist giuven, *il manand* davent dad el, dschand: * Ingio eu non t' il turnaint, schi vögl eu esser culpant avant meis bap per saimper, * Gen. 43, 9.

33. *Schi lascha* uossa, cha teis famagl resta serviaint da meis segner in pè del giuven, e cha 'l giuven tuorna con seis frars;

34. Perche, co podess eu turnar pro meis bap, non *siand* il giuven con mai? Ch' eu non stöglia vair l' afflicziun chi gniss ad inscontrar a meis bap.

CHAP. XLV.

Giosef as da da cognoscher a seis frars, ils cuforta, e 'ls trametta per condür seis bap in Egipto.

GIOSEF lura non as podet plü artgnair, e clamet in presenza da

tuot quels chi staivan intuorn: Fat ir oura tuots davent da mai. Ed ingün non restet pro el, cur el as det da cognoscher a seis frars.

2. * Davo quai cridet el ad ota vusch; ed ils Egipters l' uditan; schi eir *quels della* chasa da Farao l' uditan.

* Gen. 43, 29.

3. E Giosef disch a seis frars: * Eu *sun* Giosef; viva meis bap amo? E seis frars non al podaivan responder; perche els eiran tuot smarits in sia presenza.

* Act. 7, 13.

4. Perquai disch Giosef a seis frars: Gni nan pro mai; ed els gettan via *pro el*. Ed el disch: Eu *sun* Giosef, vos frar, * il qual vus vendettat in Egipto.

* Gen. 37, 28.

5. Ma uossa non as conturblarai, e non as lascharai increscher, da 'm avair vendü aqui, * siand cha Deis m' ha tramiss avant vus a *vossa* conservaziun;

* Gen. 50, 20. 21.

6. Perche quaist ais il seguond an della fam nel pajais, ma *e vegnan* amo tschinch, nels quals non *vain ad esser*, ne arar, ne tschuncar.

7. Ma Deis m' ha tramiss avant vus, per far, cha vus restat sur terra, e per as conservar in vita tras üna granda deliberaziun.

8. Uossa dimena, non m' avais vus tramiss qui, ma Deis; ed el m' ha constitui per bap a Farao, e per patrün sur tuot sia chasa, e per rector sur tuot il pajais d' Egipto.

9. Festina! e turnai sü pro meis bap, e dit-al: Usche disch teis figl Giosef: Deis m' ha constitui rector da tuot l' Egipto, vè giò pro mai, non contriar.

10. E tü dessast avdar nella contrada da Gosen, e dessast esser sper mai, tü e teis figls, ed ils figls da teis figls; e teis muvel manü, e gross, e tuot quai ch' *ais* tieu.

11. E qui at vögl eu strategner, perche e sun amo tschinch ans della fam, per cha tü non hajast d' indürar necessità, tü e tia brajada, con tuot quai ch' *ais* tieu.

12. E mera, voss ügls vezzan, ed ils ügls da meis frar Benjamin *vezzan eir*, cha mia bocca tschantsha con vus.

13. Efat a savair a meis bap tuotta mia gloria in Egipto, e tuot quai cha vus avais vis, * e bain bod fat gnir giò meis bap aqui.

* Act. 7, 14.

14. Lura erodet el intuorn colöz a seis frar Benjamin, e cridet; ed eir Benjamin cridet vi' a seis colöz.

15. Bütschet eir tuots seis frars, e cridet vi' ad els; e davo quaist tschantsettän seis frars con el.

16. E la fama füt udida nella chasa da Farao, chi 's dschaiva: Ils frars da Giosef sun gnüts. E quai plaschet bain a Farao ed a seis serviturs.

17. E Farao disch a Giosef: Di a teis frars: Fat quaist: Chargiai vossas bestias, ed it inavant, e, rivats nella terra da Canaan,

18. Schi pigliai vos bap, e vossa brajada, e gni pro mai, ed eu 's vögl dar il megl del pajais d' Egipto, e vus dessat mangiar il grass della terra.

19. Ed a tai *Giosef* ais quaist ordinâ: Fat quai; pigliai charra del pajais d' Egipto per vossa brajada, e per vossas donans, ed alvantai vos bap, e gni.

20. E non as lascharai increscher *da* voss mobels; perche 'l megl da tuot il pajais d' Egipto dess esser vos.

21. Ed usche fettan ils figls d' Israel, e Giosef als det charra seguond il comand da Farao, e 'ls det provisiun sün il viadi.

22. Als det *eir* a minchün vestimainta da festa, ma a Benjamin det el trajatschient siccals d' argent, e tschinch vestimaints da festa.

23. Ed a seis bap tramettet el quaist: Desch asens, chargiats con las meldras chosas d' Egipto, e desch asnas, chargiadas con gran, e con pan, e con victualia per seis bap sül viadi.

24. Usche licenziet el seis frars, ed els gettan inavant. Ed el disch ad els: Non as dantigliarai sün la strada.

25. Ed els turnettan sü d' Egipto, e gnittan nella terra da Canaan, pro Giacob, lur bap.

26. Ed els al requintettan *ils fats*

dschand: Giosef viva amo, ed ais eir rectur sur tuot il pajais d' Egipto. E seis cour eira flaivel; perche el non als erajaiva.

27. Ma els al dschettan tuots ils pleds cha Giosef als avaiva dit, ed el vezzett la charra da Giosef, tramissa per l' alvantar; lura il spiert da Giacob, lur bap gnit darcheu viv.

28. Ed Israel dschet: Basta, Giosef, meis figl viva amo; eu vögl ir e 'l vair, ant ch' eu moura!

CHAP. XLVI.

Giacob vain giò in Egipto; Giosef il recreescha, e proveda per tuot sia famiglia.

USCHIE * partit Israel con tuot quai ch' el avaiva; e gnit in Beerseba, e sacrifichet sacrificzis al Deis da seis bap Isaac. * Gios. 24, 4.

2. E Deis tschantschet con Israel in visiuns da not, e dschet: Giacob, Giacob! Ed el disch: Mera'm qui!

3. E Deis disch: Eu *sun* * Deis, il Deis da tei bap, non at tmair † d' ir in Egipto; perche eu't vögl far gnir qua ** üna granda naziun.

* Gen. 26, 24. 28, 13. † Gen. 15, 13. ** Gen. 48, 4.

4. Eu vögl ir con tai giò in Egipto; e't vögl sgür darcheu manar sü, e Giosef dess metter seis man sün tei ögls.

5. Usche partit Giacob da Beerseba, ed ils figls d' Israel manettan Giacob, lur bap, e lur pitschens infants, e lur donans sün la charra, cha Farao avaiva tramiss, per alvantar Giacob.

6. Ed els piglettan lur bestiam, e la facultà, cha's avaivan acquistà nella terra da Canaan, * e gnittan in Egipto, Giacob e tuot seis sem.

* Ps. 105, 23. Es. 52, 4.

7. Seis figls manet el in Egipto con el, ed ils figls da seis figls; sias figlias, e las figlias da seis figls, e tuot seis sem.

8. * E quaists *sun* ils noms dels figls d' Israel, chi gnittan in Egipto: Giacob, *el*, con seis figls; † il primogenit da Giacob ais Ruben.

* Ex. 1, 1. 6, 14. † Num. 26, 5. 1 Cron. 4, 5. 6. 7.

9. * Ed ils figls da Ruben sun Hano, e Pallu, ed Hesron, e Carmi.

* Ex. 6, 14. 1 Cron. 5, 3.

10. * Ed ils figls da Simeon sun Jemuel e Jamin, ed Ohad, e Jachin, e Sohar, e Saul, figl d' üna Cananea.

* Ex. 6, 15. 1 Cron. 4, 24.

11. * Ed ils figls da Levi sun Gerson, e Cahat, e Merari. * 1 Cron. 6, 1. 16.

12. * Ed ils figls da Giuda sun Ger, ed Onan, e Sela, e Fares, e Zera. Ma † Ger ed Onan morittan nella terra da Canaan. ** Ed ils figls da Fares sun Hesron, e Hamul.

* 1 Cron. 2, 3. † Gen. 38, 7. 10. ** 1 Cron. 2, 5.

13. Ed ils figls d' Issaschar sun Tola, e Puva, e Giob, e Simron.

14. Ed ils figls da Zebulon sun Sered, ed Elon, e Jaleel.

15. Quaists *sun* ils figls da Lea, ch' ella parturit a Giacob in Mesopotamia, ultra Dina, sia figlia. Tuot las persunas da seis figls, e da sias figlias, *eiran* trent' e trais.

16. * Ed ils figls da Gad sun Sifon, e Haggi, Suni, ed Esbon, Eri, ed Arodi, ed Areli. * 1 Cron. 5, 11.

17. * Ed ils figls d' Asser sun Imna, ed Isva, ed Isvi, e Bria, e Sera lur sour. Ed ils figls da Bria sun Heber, e Malchiel. * 1 Cron. 7, 30.

18. Quaists *sun* ils figls da Zilpa, la quala * Laban det a sia figlia Lea, ed ella parturit quels a Giacob, saidesch persunas. * Gen. 29, 24.

19. Ils figls da Rachel, della muglier da Giacob, sun Giosef e Benjamin.

20. * Ed a Giosef naschettan, nella terra d' Egipto, Manasse, ed Efraim, ils quals Asnat, la figlia da Potifera, del governatur dad On, al parturit. * Gen. 41, 50.

21. * Ed ils figls da Benjamin sun Bela, e Becher, ed Asbel, Gera, e Naaman, Ehi, e Ros, Mupim, e Hupim, ed Ard. * 1 Cron. 7, 6. 8. 1.

22. Quaists *sun* ils figls da Rachel, ils quals naschettan a Giacob, in tuot quattordesch persunas.

23. Ed il figl da Dan ais Husim.

24. * Ed ils figls da Naftali sun Jaseel, e Guni, e Ieser, e Sillem.

* 1 Cron. 7, 13.

25. Quaists *sun* ils figls da Bilha, la quala Laban det a sia figlia Rachel, ed ella parturit quels a Giacob; in tuot set persunas.

26. Tuot las persunas *appertinentas*

a Giacob, chi gnittan in Egipto, procedüdas da seis flane, sainza las donans dels figls da Giacob, sun in tuot sesanta e ses.

27. Ed ils figls da Giosef, chi'l naschettan in Egipto, sun duos persunas. * Tal cha tuot las persunas della famiglia da Giacob, chi gnittan in Egipto, sun settanta.

* Deut. 10, 22. Act. 7, 14.

28. Ma *Giacob* tramettet Giuda avant el pro Giosef, per l'avisar da gnir in Gosen. Ed els rivettan nella contrada da Gosen.

29. Giosef dimena fet metter ils chavals suot seis charr, e get incenter a seis bap Israel, in Gosen, e cur el as fet vair ad el, al crodet el intuorn colöz, e cridet lönch vi' a seis colöz.

30. Ed Israel disch a Giosef: Al presaint vögl eu morir, daspö ch' eu ha vis tia fatscha, cha tü vivast amo!

31. Lura disch Giosef a seis frars, ed alla brajada da seis bap: Eu vögl ir, e far a savair a Farao *vossa vgnüda*, e'l vögl dir: Meis frars, e la famiglia da meis bap, ils quals *eiran* nella terra da Canaan, sun gnüts pro mai.

32. Ma ils homens *sun* pasturs da scossas; perche eis sun gliend da bestiam, ed han manâ lur muvel manü e gross, e tuot quai cha han.

33. As incontra uossa, cha Farao 's clama, e 's dia: Che *ais* vos manstêr?

34. Schi dit: Teis serviaints sun *saimper* stats gliend da bestiam, dalla giuventüna in sü fin uossa, tant nus, co noss babuns; acio cha vus possat dmurar nella contrada da Gosen; perche tuots pasters da muaglia sun ün abomini als Egipters.

CHAP. XLVII.

Giosef maina il prüm seis frars, lur' eir seis bap pro 'l rai, e 'ls obtegna üna commoda abitaziun.

ED usche gnit Giosef, e laschet a savair, e dschet a Farao: Meis bap, e meis frars, con lur muvel mantü e gross, e con tuot quai ch' els han, sun gnüts dalla terra da Canaan, * e mera, els *sun* nella contrada da Gosen.

* Gen. 45, 10.

2. Eir piglet el üna part da seis frars, *cioè* tschinch, e 'ls presantet avant Farao.

3. Lura disch Farao als frars da Giosef: Che ais vos manstêr? Ed els dischan a Farao: Teis serviaints *sun* pasturs da scossa, nus, seo *eir* noss babuns.

4. Daplü dischan els a Farao: Nus eschan gnüts per dmurar in quai pajais; perche nella terra da Canaan non *ais* paschüra per las scossas da teis serviaints, siand cha la fam *ais* greiva; schi conceda, cha teis serviaints possan uossa avdar nella contrada da Gosen.

5. E Farao disch a Giosef: Teis bap, e teis frars sun gnüts pro tai.

6. La terra d'Egipto *ais* a teis comand; fà, cha teis bap, e teis frars avdan nel melder *lò* del pajais; cha dmuran pür nella contrada da Gosen; e scha tü sät tanter els homens valerius, schi tschaint' els per survagliar meis bestiam.

7. Lura manet Giosef, seis bap Giacob, avant Farao, e 'l presantet a quel. E Giacob benedit Farao.

8. Lura disch Farao a Giacob: Quants ans hast da tia vita?

9. Respondet Giacob a Farao: * Il temp dels ans da mia peregrinaziun *ais* tschient e trent' ans; ils dis da mia vita sun stats cuorts e mals, e non rivan al temp della vita da meis babuns, nel qual els gettan peregrinand.

10. Aviad lura Giacob salüdâ Farao, get el davent da seis conspet.

11. E Giosef det a seis bap, ed a seis frars, stanzas e possessiuns nella terra d'Egipto, nel melder *lò* del pajais, nella contrada da Ramses, seo Farao avaiva comandâ.

12. E Giosef tratgnet seis bap, e seis frars e tuot la chasa da seis bap, *provedand ad els* con pan, seguond las boccas da *lur* brajadas.

13. Ma e non *eira* pan in tuot la terra; perche la fam *eira* fieh greiva, e 'l pajais d'Egipto e da Canaan gniva almain, causa la fam.

14. E Giosef raspet insembel tuot il danêr, ehi 's chattaiva nella terra d'Egipto, e nella terra da Canaan, per la granezza, cha 'l *pövel* da quels

pajais compraiva; e quel danêr portet Giosef nella chasa da Farao.

15. E, mandand usche il danêr nella terra d' Egipto, e nella terra da Canaan, gnittan tuots ils Egipters pro Giosef, dsehand: Da 'ns pan, perche dessan nus morir avant tei^s ögls, per manchamaint del danêr?

16. Ma Giosef disch: Dat-*am* vos bestiam, e per vos bestiam as vögl eu dar *pan*, siand cha 'l danêr manca.

17. Usche manettan els lur bestiam pro Giosef; e Giosef det ad els pan per chavals, e per scossas da bescha, e per troppas da bovs, e per asens. Ils sustentet usche quel an con pan per tuot lur bestiam.

18. Ma, siand quel an passâ, turnettan els pro el l' an seguaint, e dischan ad el: Nus non podain tgnair azzoppâ *nos bsögn* a meis segner; ma ils danêrs mancan, e *nos* bestiam ais *gnü* pro a nos segner, e non ans resta inguotta, cha nos segner possa tour, resalv noss corps, e nossas terras.

19. Perche dessans perir, nus e nossas terras avant tei^s ögls? Cumpra nus e nossas terras per pan, e nus e nossas terras volain esser famagls da Farao; e da 'ns sem, acio cha nus vivan, e non mouran, e cha la terra non saja deserta.

20. Usche acquistet Giosef a Farao tuot las terras d' Egipto; perche ils Egipters vendettan minchün sia possessiun, siand la fam eira greiva sur els, ed usche füttan las terras acquistadas a Farao.

21. Ma *Giosef* transportet il pövel nellas cittats, dad ün cheu dels confins d' Egipto fin al oter.

22. Solum las terras dels sacerdots non compret el; perche *üna* provisiun eira *assignada* da Farao als sacerdots; ed usche mangiaivan els la provisiun cha Farao als daiva, e perquai non vendettan els lur terras.

23. Ma Giosef disch alpövel: Mera, hoz ha eu comprâ per Farao vus, e vossas terras, mera, qui *avais* sem, semnai la terra.

24. Ed, al *temp* della raccolta, dessat vus dar a Farao la quintavla *da quella*, e las otras quatter parts sun vos-

sas, per sem dels champs, e per vos mangiar, e da quels chi *sun* in vossas chasas, e per il mangiar da vossas famiglias.

25. Ed els dischan: Tü 'ns hast conservâ la vita, *scha* nus pür chattain grazia avant meis segner, schi sajan nus serviants da Farao.

26. Giosef dimena, tras ün statut, *il qual düra* fin hozindi, fet üna imposiziun sur las terras d' Egipto, cha la quintavla *dels früts* saja per Farao; solum las terras dels sacerdots non eiran da Farao.

27. Ed ils Israelits abitettan nella terra d' Egipto, nella contrada da Gosen, e dvantettan possessurs da quella, as multiplicettan, e creschettan grandamaing.

28. E Giacob vivet nella terra d' Egipto deschet ans. Sun usche ils ans della vita da Giacob tschient e quarant' e set.

29. Ma, s' approsmand il temp della mort d' Israel, clamet el seis figl Giosef, e disch ad el: Sch' eu ha chattâ grazia avant tai, o schi metta * tei^s man suot mia cossa, *impromettand*, cha tü vögliast dovrar vers mai benignità, e realtä; bain, non am sepulir in Egipto.

* Gen. 24, 2.

30. Anzi, eu vögl dormir pro meis babuns, schi porta 'm our d' Egipto, e sepulescha 'm in lur sepultüra. E *Giosef* disch: Eu vögl far tenor tei^s pled.

31. Ma dschand *Israel*: * Güra 'm! Schi güret el. S' aviand Israel lura † inclinâ vers il dacheu del let, aduret el.

* Gen. 25, 33. † Ebr. 11, 21.

CHAP. XLVIII.

La malatia da Giacob, adopziun dels figls da Giosef, la benedicziun.

MA, davo quaistas chosas, füt dit a Giosef: Mera, tei^s bap *ais* amalâ. Qua piglet el con sai seis duos figls, Manasse ed Efraim.

2. E füt laschâ a savair, e dit a Giacob: Mera, tei^s figl Giosef vain pro tai. Ed Israel as fet ferm, e 's mettet a zer sün il let.

3. E Giacob disch a Giosef: Deis, l' omnipotaint comparet a mai in * Luz, nella terra da Canaan, e 'm benedit,

* Gen. 28, 13. 35, 6, 7.

4. E dschet a mai: Mera, eu 't vögl multiplichar, e creschantar, e 't vögl far üna raspada da pövels, e dar quaist pajais a teis sem davo tai *per* üna possessiun perpetua.

5. Ed uossa teis duos figls, * chi 't sun nats nella terra d' Egipto, avant ch' eu gniss pro tai in Egipto, els sun meis; Efraim e Manasse dessan esser meis, sco Ruben e Simeon.

* Gen. 41, 50. 46, 20.

6. Ma ils infants, cha tü davo quels vainst a genuir, dessan esser teis; seguond il nom da lur frars dessan els gnir nomnats in lur ierta.

7. Quant a mai, eur eu gniva da Mesopotamia, * morit Rachel sper mai nella terra da Canaan sün il viadi, pae spazi dalönsch d' Efrata, ed eu la sepulit qua sün il viadi d' Efrata, chi *ais* Betlehem. * Gen. 35, 19.

8. Ma, vezand Israel ils figls da Giosef, dschet el: Chi *sun* quaists?

9. E Giosef disch a seis bap: Els sun meis figls, ils quals Deis m' ha dat quia. E *Giacob* disch: Schi fa 'ls gnir nan pro mai, ch' eu ils benedesch.

10. Ils ögls dad Israel eiran lura greivs per vegldüna, *tal ch' el* non podaiva vair. E *Giosef* ils fet ir via; ed el ils bütschet, e 'ls abbratschet.

11. Lura disch Israel a Giosef: Eu non pensaiva da vair *plü* tia fatscha, e mera, il Segner m' ha *uossa* fat vair eir teis sem.

12. Giosef lura, ils aviand levats davent da sia snuoglia, s' inclinet avant sia fatscha in terra.

13. Ed el piglet amenduos, e mettet Efraim da sia vart dretta, dalla sneistra d' Israel, e Manasse da sia sneistra, e dalla dretta d' Israel, ed *usche* ils fet el ir via.

14. Ma, standand Israel seis *man* dret, il mettet el sün il cheu d' Efraim, il qual eira il giuven, ed il sneister mettet el sün il cheu da Manasse, e, * combain cha Manasse *eira* il primogenit, schi inguotta tant main mettet el apost a ils mains usche. * Gios. 17, 1.

15. * E benedit Giosef, e disch: † Deis, avant il conspet del qual han chaminâ Abraham ed Isac, meis babuns; Deis, chi m' ha paschantâ

dall' ur' innan ch' eu sun nel *muond*, fin a quaist di, * Ebr. 11, 21. † Gen. 24, 40.

16. * L' angel, chi m' ha deliberâ d' ogni mal, benedesch quaists infants, els sajan nomnats da meis nom, e del nom da meis babuns Abraham ed Isac, ch' els as multiplichan abundantamaing sur terra.

* Gen. 31, 11. 42. 32, 1.

17. Ma vezand Giosef, cha seis bap avaiva miss seis man dret sün il cheu d' Efraim, al displaschet quai, el piglet il man da seis bap per il volver davent dal cheu d' Efraim, e *l* metter sün il cheu da Manasse.

18. E Giosef dschet a seis bap: Na usche meis bap, perche quaist *ais* il primogenit; metta teis *man* dret sün seis cheu.

19. Ma seis bap refüset *da far quai*, e disch: Eu sa, meis figl, eu sa; eir quel vain a dvantar ün pövel, ed eir quel vain a gnir grand; impero seis frar il giuven vain a gnir plü grand co el, ed il sem da quel vain ad esser üna plainezza da pövels.

20. Usche ils benedit el sün quel di, dschand: Israel vain a benedir *oters*, pigliand *exaimpel* da tai, e dschand: Deis t' fetscha esser sumgiant ad Efraim, ed a Manasse. * Ed *Israel* mettet Efraim avant Manasse.

* Gen. 31, 9, 20.

21. Lura disch Israel a Giosef: Mera, eu mour, e Deis vain ad esser con vus, e vain as condür darcheu nella terra da voss babuns.

22. * Ed eu at dun üna part plü co a teis frars, la quala eu ha † congüstâ dal man dels Amorits con mia spada, e con meis balaister.

* Gios. 13, 7. 16, 1. 17, 1. † Gios. 32, 24. 8.

CHAP. XLIX.

Il testamaint da Jacob, il qual contegna in sai da bieras sorts profezas, con il comandamaint davart sia sepultüra.

LURA clamet Jacob seis figls, e disch: Gni insembel, ed eu 's vögl declarar quai cha con il temp vain a dvantar.

2. As raspai e tadlai, *vus* figls da Jacob: Dat audienza ad Israel, vos bap.

3. RUBEN, tü *est* meis * primogenit, mia virtù, e principi da mia vigor,

excellent in dignità, ed excellent in forza.

* Gen. 29, 32. Deut. 21, 17

4. *Quai tuot* scula sura sco l' aua; tû non dessast avair la preminenza; * perche tû est muntâ sül let da teis bap; lura, cur tû avettast impalâ meis let, sparit *quai tuot*.

* Gen. 35, 22. 1 Cron. 5, 1.

5. SIMEON E LEVI *sun* frars; lur spadas *sun* armas da violenza.

6. Cha mia orna non intra in lur cossagl secret; ne mia gloria s' u-nescha con lur raspada; * perche homens han els mazzâ in lur ira, e tenor lur vögla han els strupiâ ils bovs.

* Gen. 34, 25.

7. Maledetta *saja* lur ira, perche ell' *ais* violenta; e lur furia, perche ell' *ais* aspra. Eu ils vögl partir intanter Giacob, e 'ls * rasar intanter Israel.

* Gios. 19, 1. 24, 5.

8. GIUDA, * tai celebreschan teis frars; teis man *vain ad* esser sün il colöz da teis inimis. Ils figls da teis bap vegnan as inclinar avant tai.

* Gen. 29, 35. 1 Cron. 5, 2.

9. * Giuda *ais* ün liun giuven. Meis figl, tû est turnâ dalla praja; el as metta giò, ed *ais* giaschantâ sco ün liun, schi sco ün liun grand; chi 'l voul alvantar sü?

* Num. 23, 24.

10. * Il scepter non vain a guinchir *davent* da Giuda, ne 'l legislatur *davent* da seis peis, fin cha non saja gnü il portadur da pasch, vi' al qual vain ad esser l'obediencia dels pövels.

* Luc. 2, 1.

11. El lia seis asnel vi' alla vit, ed il poleider da sia asna vi' alla manzina della nöbla vit; seis vestimaint lav' el nel vin, e seis pans nel dsü dellas üjas.

12. Ils ögls ha el cotschnaints per il vin, e 'ls daints albs per il lat.

13. * ZEBULON vain ad abitar nel port dels mäs; el *vain ad* esser sper il port dellas navs, e seis confins sarà fin a Sidon.

* Gios. 19, 10.

14. ISSASCHAR *ais* ün asen ferm dad ossa, chi giascha intanter scossas.

15. Ed, aviand el vis cha 'l lö da pos *ais* bun, e cha 'l pajais *ais* dalettaivel, schi vain el ad inclinar la spadla, per portar *la sama*, e vain a dvantar tributari.

16. * DAN vain a güdichar seis pövel, sco üna dellas schlattas d' Israel.

* Güd. 13, 5.

17. Dan vain ad esser üna serp sün la strada, üna vivra sün la senda, la quala morda il chalhagn del chaval, cha quel ch' il munta da inavo.

18. Eu ha spettâ, o Segner, teis salüd.

19. *Quant a* GAD, troppas vegnan al stracuorrer; ma el al incontra vain a stracuorrer oters.

20. Dal pajais dad ASSER vain a gnir la grassezza da sia victualia, ed el vain a prodür delizias regalas.

21. * NAFTALI *ais* üna tshierva sliada, el porta avant bels pleds.

* Güd. 4, 5.

22. GIOSEF *ais* il ram d' üna vit früttaivla, il ram d' üna vit früttaivla sper üna fontana, las manzinas del qual as stendan via sur il müir.

23. E combain ch' el saja stat pitramaing affliczionâ, e cha 'ls balaistrêrs l' hajan sagettâ, ed ödiâ,

24. Schi *ais* impero seis balaister restâ in *sia* forza, e sia bratscha e seis mans sun fats fermes, tras l' agüd del possant da Giacob. Quindernan *ais* el stat il paster, la peidra d' Israel.

25. Il Deis da teis bap vain amo at güdar, e l' Omnipotaint vain amo at benedir con las benedicziuns del tschel sur ingio, con las benedicziuns del abiss chi giascha giò suot, con las benedicziuns dellas tettas, e della matrice.

26. Las benedicziuns da teis bap han avanzâ las benedicziuns da meis geniturs, e sun rivadas fin süsom las muottas eternas. Quellas vegnan ad esser sur il cheu da Giosef, e sün la versch del cheu da quel, il qual *ais* stat miss dvart intanter seis frars.

27. BENJAMIN *ais* ün luf rapace, la mattina vain el a magliar la praja, e sün la saira a partir oura il bufin.

28. Quaists tuots *sun* ils capos dellas dudiesch schlattas d' Israel, e quaist *ais* quai cha lur bap disch ad els, cur el ils benedit, benedind scodün d' els seguond sia propria benedicziun.

29. Lura comandet el, e disch ad els: *Bod vegn eu a gnir raspâ pro*

meis pövel, * sepuli 'm pro meis bap-
buns, nella spelunca chi ais nel
champ d' Efron il Hetit, * Gen. 15, 15, 25, 8.

30. Nella spelunca, chi ais sün il
champ Macfelah, vers l'oriaint da
Mamre, nella terra da Canaan, la
quala insembel con il champ Abra-
ham * compret d' Efron il Hetit, per
üna possessiun da sepultura. * Gen. 23, 16.

31. Qua füt sepuli Abraham, e sia
muglier Sara; * qua füt sepuli Isaac,
e sia muglier Rebecca; qua ha eu eir
sepuli Lea, * Gen. 35, 29.

32. Sün il champ comprâ, con la
spelunca chi ais in quel, dals figls da
Het.

33. Ed, aviand Jacob glivrâ da dar
quels comands a seis figls, schi retret
el seis peis in let, e spartit, e gnit
raspâ pro seis pövel.

CHAP. L.

La mort da Jacob, e condüta da seis corp.
Giosef cufforta seis frars, ed, als aviand coman-
dats da transportar sia ossa, schi mor' el.

LURA as büttet Giosèf *via* sün la
fatscha da seis bap, eridet per
el, e 'l bütschet.

2. Ed el comandet a seis serviaints,
ils meidis, ch'els imbalsamessan seis
bap, ed ils meidis imbalsamettan
Israel.

3. E gnittan miss quaranta dis in-
têrs; perche tant temp as solaiva
metter *ad imbalsamar*. Ed ils Egip-
ters il eridettan settanta dis.

4. Ma, daspö passats ils dis del pland
chi's fet per el, favlet Giosèf con la
brajada da Farao, dschand: Ah vus,
sch' eu ha chattâ grazia avant vus,
schi tschantschai bain con Farao, e
dit-al,

5. Cha meis bap m' haja fat gürar,
dschand: Mera, eu mour; * sepu-
lescha 'm in mia sepultura, la quala
eu m' ha chavâ nella terra da Cana-
an. Dimena, schi *lascha* uossa ch' eu
giaja a sepulir meis bap; lura vögl
eu turnar giò.

6. E Farao disch: Vâ, sepulescha
teis bap, seo el t' ha fat gürar.

7. Usche get Giosèf sù a sepulir seis
bap, e con el gettan tuots ils seniurs
della chasa da Farao, seis serviaints,
e tuots ils seniurs del pajais d' Egipto.

8. E tuot la famiglia da Giosèf, e

seis frars, e la famiglia da seis bap.
Els laschettan nella contrada da Go-
sen sulettamaing lur brajadas, e lur
muvel manü e gross.

9. Con el get eir charra, e chaval-
giaints, tal cha la compagnia füt
grandisma.

10. Ma, siand els rivats pro l' iral
d' Atad, il qual *ais* vidvart il Gior-
dan, fettan els qua ün fich grand e
greiv pland. *Giosèf* fet cordöli per
seis bap set dis.

11. Pertant, veziaand ils Cananeers,
ils avdaders da quel pajais, il cor-
döli *chi's faiva* nel iral d' Atad,
dischan els: Quaist *ais* ün greiv pland
dels Egipters; perquai gnit a quel
iral miss nom Abel-Misraim, chi *ais*
vidvart il Giordan.

12. Ed ils figls da Jacob fettan,
seo el ad els avaiva comandâ.

13. * E 'l portettan nella terra da
Canaan, e 'l sepulittan nella † spe-
lunca del champ da Macfelah, vid-
vart Mamre, la quala Abraham avai-
va comprâ, insembel con il champ,
d' Efron il Hetit, per possessiun da
sepultura. * Act. 7, 16. † Gen. 23, 16.

14. Giosèf lura, aviand sepuli seis
bap, turnet in Egipto, con seis frars,
e con tuots quels chi eiran stats con
el, per sepulir seis bap.

15. Ma, cur ils frars da Giosèf vez-
zettan cha lur bap eira mort, pensai-
van els: Forsa vain Giosèf ans portar
ödi, e non mancerà da 'ns * render
tuot il mal cha nus l' avain fat.

* Gen. 37, 27.

16. Pelqual tramettettan els *alchüns*
pro Giosèf per *al* dir: Teis bap, ant
co morir, ordinet e dschet:

17. Dit usche a Giosèf: O schi per-
duna uossa a teis frars lur surpassa-
maint, e lur pucha, ch' els t' han fat
del mal. Schi perduna uossa als ser-
viaints del Deis da teis bap lur sur-
passamaint. E Giosèf eridet, cur els
tal tschantschaivan con el.

18. Lura gnittan eir seis frars sves, e
's büttettan *in terra* avant el
dschand: Mera, nus eschan teis fa-
magls!

19. Ma Giosèf disch ad els: * Non
as tmarai, perche *sun* eu in pè da
Deis?

* Gen. 45, 5.

20. Vus tschert s'avaivat impissats mal conter mai; ma Deis s'ha impissâ da *volver* quel mal in bain, per far quai ch' *appara* hoz, per cussalvar in vita bler pövel.

21. Uossa dimena, non as tmarai; eu vögl sustentar vus, e vossas brajadas. Ed el ils cuffortet, e favlet amiaivelmaing con els.

22. E Giosef dmuret in Egipto, con la famiglia da seis bap, e vivet tschient e desch ans;

23.* E vezzet d'Efraim infants fin alla terza *generaziun*. Eir naschettan ils infants da Machir, del figl da Manasse sün la schnuoglia da Giosef. *Num.32,39.

24. Lura disch Giosef a seis frars: Bod vegn eu a morir,* e pel tschert, Deis vain as visitar, e vain as manar davent da quaist pajais, nel pajais, il qual el güret ad Abraham, ad Isaac ed a Giacob.

* Ebr. 11, 22.

25. E Giosef fet gürar ils figls d'Israel, e dschet: Deis vain per tschert as visitar;* lura transportai mi' ossa sü da qui.

* Gios. 24, 32. Exod. 13, 19.

26. Ed usche morit Giosef,essendo in età da tschient e desch ans, e gnit imbalsamâ, e tschantâ in Egipto in üna chascha.

IL SEGUOND CUDESCH DA MOSE,

NOMINÂ

EXODO.

CHAP. I.

Per il grand number dels Israelits comanda qui Farao da mazzar ils infants.

E quaists *sun* * ils noms dels infants d'Israel, chi gnittan in Egipto; quels gnittan con Giacob, scodün con sia famiglia. * Gen. 46, 8.

2. Ruben, Simeon, Levi, e Giuda.

3. Issaschar, Zebulon, e Benjamin.

4. Dan, Naftali, Gad ed Asser.

5.* Etuot las personas procedüdas dal flanc da Giacob eiran settanta. Ma Giosef eira agià in Egipto. * Gen. 46, 27. Act. 7, 14.

6. E Giosef morit, e tuots seis frars, e tuotta quella generaziun.

7. Ed ils infants d'Israel * früttetan, e s' multiplicettan abundamment, e creschettan, e gnittan fich possants, tal cha 'l pajais eira plain d'els. * Deut. 26, 5.

8. Lura alvet sü ün nouv rai sur Egipto, il qual non savaiva inguotta da Giosef.

9. Quel disch a seis pövel: Mera, il pövel dels infants d'Israel *ais* * plü grand, e plü possant co nus. * Ps. 105, 24.

10. Contuot, procedain con prudenza, ch' el non s' adampcha, e, scha gniss qualcha guerra, el non as gion-

scha con noss inimis, e fetscha guerra conter nus, o ch' el ans gaja d'avent del pajais.

11. Füttan pertant constituits * sur il pövel d'Israel commissaris da tributs, per ils affliczionar con gravanzas. Ed il pövel fabrichet a Farao cittats da munizium, cioè, Pitom, e Ramses. * Deut. 26, 6.

12. Ma, tant *plü* ch' il squitschaivan, tant *plü* creschaiv' el, e tuot *plü* ch' el s' adampchaiva our da möd; pelqual *ils Egipters* portaivan grand fastidi dels infants d'Israel.

13. Ils Egipters faivan dimena servir ils infants d'Israel con asprezza.

14. Els ils faivan viver in pitrezza, con düra servitü, *ils dovraivan* intuorn l' arschiglia, e 'ls quadrels, e pro ogni servezen da champagna, sper tuotta servitü, alla quala els ils sforzaivan con asprezza.

15. Pro quai disch il rai d'Egipto allas duonnas da part Ebreas, dellas qualas il nom dell' üna eira Sifra, e quel dell' otra Pua:

16. Cur vus gnis a retschaiver ils parts dellas *donans* Ebreas, ed a vair sün il schabell; scha 'l part ais ün

figl, schi mazzâ 'l; ma sch' el *ais* üna figlia, laschâ-la viver.

17. Ma quellas donans da part tmettan Deis, e non fettan seguond cha 'l rai d'Egipto allas avaiva dit; dimperse laschaivan viver ils mattets.

18. Ma il rai d'Egipto clamet las donans da part, e dschet ad ellas: Perche avais vus fat quai, a laschar viver ils mattets?

19. E las donans da part dschettan a Farao: Las donans Ebreas non *sun* sco las Egipziaisas; perche ellas sun viguras; ant cha la duonna da part vegna pro ellas, han ellas parturi.

20. E 'l Segner fet del bain a quellas donans da part, e 'l pövel creschet, e dvantet fiek possant;

21. E per causa cha las donans da part tmettan Deis, edifichet el ad ellas chasas.

22. Lura comandet Farao a tuot seis pövel, dschand: Büttai nel flüm ogni figl chi vain a nascher, ma las figlias laschai viver tuottas.

CHAP. II.

L'educaziun regala da Mose, sia zelosia eroica, fügia, e matrimuni.

MA, e get * ün hom della chasa da Levi, e piglet *per duonna* üna figlia da Levi. * Exod. 6, 20. Num. 26, 59.

2. E quella * duonna concepit, e parturit ün figl, e, veziant, ch' el *eira* † bel, il tgnet ella azzoppâ *spazi* da trais mais. * Act. 7, 20. † Ebr. 11, 23.

3. Ma, non il podiand plü tgnair azzoppâ, piglet ella üna chaschetta, fatta con channa, e l'implastret con bitume, e pieula, e tschantand il mattet laint, la mettet ella nel erbaduoir, sper la riva del flüm.

4. E la sour del mattet staiva dalönsch, per savair quai cha 'l insecntress.

5. Lura gnit giò la figlia da Farao, per far bagn nel flüm, e sias donzelas spassiaivan alla riva del flüm, ed ella vezzet quella * chaschetta a mez l'erbaduoir, tramettet üna sia fantschella, e la fet tour. * Act. 7, 21.

6. E l'aviand scoperta, vezzet ella quel mattet, e mera, il mattet cridaiva, ed ella avet compassiun, e dschet: Quai *mattet ais* dels infants dels Ebreers.

7. Lura disch la sour da quel alla figlia da Farao: Dess eu ir a't clamar üna bêla dellas *donans* Ebreas, chi 't lattainta quai mattet?

8. Ma la figlia da Farao la dschet: Vâ! E la giuvna get, e clamet la mamma del mattet.

9. E la figlia da Farao disch: Porta via quai mattet, e 'm il lattainta, ed eu at vögl dar ün salari. Qua piglet la duonna quel mattet, e 'l lattantet.

10. Ma, cur il mattet füt grand, schi 'l manet ella pro la figlia da Farao, ed el alla füt *seis* figl, ed ella il nommet Mose; perche, *disch ella*, eu l'ha trat our dall' aua.

11. Ma dvantet in quel temp, * siand Mose *agià* gnü grand, ch' el get oura pro seis frars, e vezzet lur grevezzas; e vezzet ün Egipter, chi bat-taiva ün hom Ebreer, da seis frars.

* Act. 7, 23. Ebr. 11, 24.

12. Ed, aviand guardâ intuorn qua e là, e vis cha non *eira* ingün, schi * battet el quel Egipter, e 'l zoppet nel sablun.

* Act. 7, 24.

13. Lura get el oura eir il seguaint di, e mera, duos homens Ebreers as dispittaivan. Ed el dschet a quel del tort: Perche battast tü teis prossem?

14. E quel respondet: * Chi t'ha constitui princi, o güdich sur nus? Pensast da 'm mazzar, sco tü hast mazzâ quel Egipter? E Mose as tmet, e dschet: Pertschert il fat ais conschaint!

* Act. 7, 27.

15. E Farao udit quel fat, e tscherchaiva Mose per il mazzar; ma Mose mütschet dal conspet da Farao, e 's fermet nel pajais da Midian, ingio el as mettet a zer sper ün puoz.

16. Ma il sacerdot da Midian avaiva set figlias; quellas gnittan, e piglettan sü *aua*, ed implittan las bavraduoiras, per bavantar las scossas da lur bap.

17. Ed ils pasters gnittan nanpro, e las schatschettan; ma Mose alvet sü, e las succurrit, e bavantet lur scossas.

18. E, cur ellas gnittan pro Reguel, lur bap, disch el ad *ellas*: Perche eschat vus hoz turnadas usche bod?

19. Ed ellas respondettan: Ün hom

Egipter ans ha defaixas dals mans dels pasturs, e 'ns ha eir tenschü sü *ana*, e bavrantâ las scossas.

20. Lura disch el a sias figlias: Ed ingio *ais* el? Perche avais laschâ là quel hom? Clamâ 'l, ch' el mangia!

21. Alla fin acconsentit Mose da d'murar pro quel hom, ed * el det a Mose sia figlia Sippora. * Ex. 18, 2.

22. Ed ella parturit ün figl, ed el al mettet nom Gersom; perche el dschet: Eu sun stat forestêr in ün pajais ester.

23. Lura dvantet, cha in quel lung temp morit il rai d' Egipto, ed ils infants d' Israel suspiravan causa la servitü, e bragivan, e lur bragizi causa la servitü get sü pro Deis.

24. Ed il Segner inceget lur bragizi, e 's regordet da * sia lia con Abraham, con Isac, e con Giacob.

* Gen. 17, 1. 26, 3. 46, 3. 4.

25. Ed il Segner risguardet ils infants d' Israel e 'ls piglet in imaint.

CHAP. III.

Il fruschêr arand non vain consümâ; la vocaziun, investitura, ed instrucziun da Mose.

MOSE lura perchüraiva la scossa da Jetro, il sacerdot da Midian, seis sör, e, guidand la scossa via davo il desert, gnit el pro la montagna da Dieu, in Horeb.

2. E l' angel del Segner al comparet in üna flamma da fö, a mez ün fruschêr. Ed el guardet, e mera, il fruschêr ardaiva con fö, ed impero il fruschêr non as consümaiva.

3. Disch dimena Mose: Uossa vögl eu ir via là, vair quaista granda visiun, perche causa il fruschêr non arda.

4. Ma, cur il Segner vezzet, ch' el eira it là per vair, il clamet Deis, our da mez il fruschêr, e disch: Mose, Mose! Ed el respondet: Mera 'm qui!

5. E *Deis* disch *ad el*: * Non t' approsmar nan qui, tira las scharpas our dals peis; perche il lö, sün il qual tü stast, ais terra sancta.

* Gios. 5, 15. Act. 7, 33.

6. Lura disch *el*: * Eu *sun* il Deis da teis bap, il Deis d' Abraham, il Deis d' Isac, e 'l Deis da Giacob. Ma Mose as zoppet la fatscha; perche el as tmaiva da guardar vers Deis.

* Mat. 22, 32. Marc. 12, 26. Luc. 10, 87. Act. 7, 32.

7. Ed il Segner disch: Eu ha bain vis l' afflicziun da meis pövel, chi *ais* in Egipto; ed ha udi lur bragizi, per causa da lur agitatur; perche eu ha tut cognoschenscha da sias dolurs.

8. Perquai sun eu gnü giò, per il deliberar dals mans dels Egipters, e per il manar sü da quel pajais, in ün pajais bun, e larch; in ün pajais chi scula lat e meil; nel lö dels Cananits, dels Hetits, dels Amorits, dels Feresits, dels Hevits, e dels Jebusits.

9.* Uossa dimena, mera, il bragizi dels infants d' Israel ais gnü sü pro mai, ed eu ha eir vis l' oppressiun, con la quala ils Egipters ils chalchan. * Act. 7, 34. 35.

10. Pertant, vè uossa, ed eu at vögl trametter pro Farao, e tü dessast manar meis pövel, ils infants d' Israel, our d' Egipto.

11. Ma Mose disch a Deis: Chi *sun* eu, ch' eu giaja pro Farao, e main' our d' Egipto ils infants d' Israel?

12. E *Deis* al disch: Eu vögl esser con tai, e quaist at saja l' insaina, ch' eu t' ha tramiss: Cur tü vainst a manar il pövel our d' Egipto, schi gnis vus sün quaist munt a servir a Deis.

13. Ma Mose disch a Deis: Mera, cur eu vegn pro 'ls infants d' Israel, e di ad els: Il Deis da voss babuns m' ha tramiss pro vus; sch' els am dischan: Qual *ais* seis nom? Che als dess eu dir?

14. E Deis disch a Mose: Eu sun quel ch' eu sun; lura disch el: Usche dessast dir als infants d' Israel: *Quel chi 's nomna* EU SUN, m' ha tramiss pro vus.

15. Darcheu disch Deis a Mose: Usche dessast dir als infants d' Israel: Deis, * il Segner da voss babuns, il Deis d' Abraham, il Deis d' Isac, e 'l Deis da Giacob, m' ha tramiss pro vus; quaist *ais* meis nom in eterno, e quaist *ais* meis memorial per ogni età. * Ebr. 11, 16.

16. Và, e raspa insembel ils seniurs d' Israel, e di ad els: Il Segner Deis da voss babuns, il Deis d' Abraham, d' Isac, e da Giacob m' ais comparü, dschand: Eu s' ha tschert visitats, ed *ha vis* quai cha 's dvainta in Egipto.

17. Ed eu di: Eu 's vögl manar our dall' afflicziun d' Egipto nella terra dels Cananits, dels Hetits, dels Amorits, dels Feresits, dels Hevits, e dels Jebusits; in üna terra, chi seula lat e meil.

18. Ed obedeschan els a tia vusch, schi dessat intrar, tü con ils seniurs d' Israel pro 'l rai d' Egipto, e dir ad el: Il Segner Deis dels Ebreers ans ais inscontrâ; schi *lascha* uossa, cha nus gïajan trais giornadas da chamin nel desert, e sacrificchan al Segner nos Deis.

19. Ma eu sa, cha 'l rai d' Egipto non vain as conceder da trar, sves con man potaint.

20. Ed eu vögl stender oura meis man, e batter Egipto con tuottas mias müravgliusas oubras, ch' eu vegn a far in mez quella, e davo quai vain el as laschar ir.

21. E lura * vögl eu metter quai pövel in grazia avant ils Egipters, e dvanterâ, cur vus gnis a trar via, non gnis ad ir vöds; * Ex. 11, 3. 12, 35. 36.

22. Anzi, scodüna duonna dess giavüschar da sia vashina, e da quella chi l' albergia, vashella d' argient, e vashella d' or, e vestimainta, e vus mettai quai adöss a voss figls, ed a vossas figlias, ed *usche* spogliai ils Egipters.

CHAP. IV.

Mose al tandem retschaiva la vocaziun divina, e dvalta canceller da Deis. El ed Aaron sun üna figüra della concordia intanter il magistrat e pasturs della baselgia.

MOSE lura, respondand, disch: Ma mera, els non vegnan am crair, ne ad obedir a mia vusch; perche els dscharan: Il Segner non at ais comparü.

2. E 'l Segner disch ad el: Che *ais* quai in teis man? Ed el respondet: Üna bachetta.

3. E 'l Segner disch: Bütt'-la per terra. Ed el la büttet per terra; ed ella dvanter üna serp, e Mose mütschet avant quella.

4. Ma il Segner disch a Mose: Stend' oura teis man, e pigl'-la per la cua. Ed el stendet il man, e la piglet; ed ella dvanter bachetta in seis man.

5. *Usche, disch Deis, dessast far, acio*

cha crajan, cha 'l Segner, il Deis da lur babuns, il Deis d' Abraham, il Deis d' Isac, e 'l Deis da Giacob, saja comparü a tai.

6. Darcheu al disch il Segner: Metta uossa teis man in teis sain. Ed el mettet il man nel sain, lura il tret el oura, e mera, seis man *eira* levrus, *alb* sco la naiv.

7. Lura *al* disch el: Turnainta il man nel sain; ed el turnantet il man nel sain; e 'l tret lura our dal sain, e mera, el *eira* turnâ sco sia charn.

8. Sch' els uossa, *disch il Segner*, non at crajan, e non obedeschan a *tia* vusch sün il prüm signal, schi vegnan els ad obedir a *tia* vusch sün il seguond signal.

9. E scha dvanteress, ch' els pür non volessan crair a quaiests duos signals, ne obedir a *tia* vusch, schi piglia lura dell' aua del flüm, e spand-la sün il süt; e l' aua cha tü hast tut dal flüm vain a dvanter * sang sün il süt.

* Ex. 7, 20.

10. Ma Mose disch al Segner: * Ah Segner, eu pel passâ *mâ* non *sun stat* hom eloquent, e neir uossa brich, davo tü hast tschantschâ con teis famagl; ma eu sun tard da bocca, e da lengua.

* Ger. 1, 6.

11. Lura al disch il Segner: * Chi ha fat la bocca al crastian; ovvero, chi fa esser müt, o suord, o da vezzüda, o orb? Non *sun* eu *quel*, il Segner?

* Ps. 94, 4.

12. Vâ uossa dimena, ed eu * vögl esser con *tia* bocca, e t' intraguidar, che tü hajast da dir.

* Ger. 1, 9. Mat. 10, 19. Marc. 13, 11. Luc. 12, 12.

13. Ma *Mose* dschet: Ah Segner, trametta, eu 't rov, chi tü voust trametter.

14. Qua lura s' invüdet l' ira del Segner conter Mose, ed el al dschet: Non sa eu, cha teis frar Aaron, il levit, ais *hom* eloquent; e mera eir, el vain oura, at inscontrar, e 't vezziand, vain el as allegrar in seis cour.

15. Contuot, * tschantscha con el, e metta 'l quaiests plets in bocca, ed eu vögl esser con *tia* bocca, e con sia, e 's vögl intraguidar, *che* vus hajat da far.

* Ex. 7, 2.

16. Ed el dess per tai favlar con il

pövel; ed el dess usche esser a tai in pè da bocca, * e tū ad el in pè da Deis.

* Ex. 7, 1.

17. E quaista bachetta piglia uossa in teis man, acio cha tū fetschast con quella ils signals.

18. Contuot get Mose, e turnet pro Jetro, seis sör, e disch ad el: Ah tū, *lascha* ch' eu giaja, e tuorna pro meis frars chi *sun* in Egipto, e vezza, scha sun amo in vita. E Jetro disch ad el: Vā in pasch!

19. Il Segner eir disch a Mose, nella *terra da Midian*: Vā, tuorna in Egipto; perche tuots quels, chi tscherchaivan tia vita, sun morts.

20. Dimena piglet Mose sia duonna, e seis figls, ils mettet sün asens, e turnet in Egipto. E Mose piglet la bachetta da Deis in seis man.

21. Lura disch il Segner a Mose: Siand tū vast per turnar in Egipto, guarda, cha tū fetschast avant Farao tuots ils miraculs, ch' eu t' ha miss a man; * ma eu vögl indürir seis cour, tal ch' el non lascherà ir il pövel. * Ex. 7, 3.

22. E tū dessast dir a Farao: Usche disch il Segner: Israel *ais* meis figl, meis primogenit;

23. Ed eu at comand: Lasch' ir meis figl, ch' el am serva, e scha tū rechüstast da 'l laschar ir; * mera, schi maz eu teis figl primogenit. * Ex. 12, 29.

24. Ma, *siand Mose* sün il viadi, in ün albiereg, al inscontret il Segner, e tscherchaiva da 'l far morir.

25. E Sippora piglet ün curtè tagliaint, e taglet la pelluotta da seis figl, e la büttet via pro 'ls peis da Mose, e dschet: Tū tschert m' *est* ün spus da sang.

26. Ed il Segner il laschet star. Ella dschet, spus da sang per causa della circonciasiun.

27. E 'l Segner dschet ad Aaron: Vā incoenter a Mose, vers il desert. * Ed el get, e 'l scontret sper il munt da Deis, e 'l bütschet. * Ex. 4, 14.

28. Mose lura declareret ad Aaron tuots ils plets del Segner, ch' el al avaiva surdat, e tuots ils signals, ch' el l' avaiva comandà *da far*.

29. Dimena gettan Mose ed Aaron, e raspettan tuots ils seniurs dels infants d' Israel.

30. Ed Aaron annunciet *ad els* tuots ils plets, cha 'l Segner avaiva dit a Mose, e fet ils signals avant il conspet del pövel.

31. E 'l pövel crajet, ed inceleand, cha 'l Segner visitaiva ils infants d' Israel, e ch' el avaiva vis lur afflicziun, schi s' inclinettan els giò, ed adurettan.

CHAP. V.

Farao, gñand avisà da Mose e d' Aaron, multiplica lur gravanzas.

DAVO quai intrettan Mose ed Aaron pro Farao, e dschettan ad el: Usche ha dit il Segner, il Deis d' Israel: Lasch' ir meis pövel, ch' el am celebrescha üna festa nel desert.

2. Ma Farao disch: Chi *ais* il Segner, ch' eu dess obedir a sia vusch, per laschar ir Israel? Eu non cognosch il Segner, e neir Israel non lasch eu ir!

3. Ed els dschettan: Il Deis dels Ebreers ans ais incontrà! Ah tū, *lascha*, cha nus giajan traisgiornadas da chamin nel desert, e sacrificchan al Segner nos Deis, acio ch' el non vegna sur da nus con pestilenza, o con la spada.

4. Lura disch il rai d' Egipto ad els: O Mose ed Aaron, perche traivat il pövel davent da lur lavurs? It pro vossas fatschendas!

5. Da plü dschet Farao: Mera, il pövel nel pajais *ais* uossa in grand number, e vus il fais posar da lur in-chargs.

6. E quel istess di comandet Farao als commissaris *constituits* sur il pövel, ed a seis directurs, dschand:

7. Non continuari plü a dar stram a quai pövel, per far ils quadrels, seo *avais fat* pel passà; ch' els giajan, e 's raspan pro stram *sness*.

8. E tant e tant mettà 'ls sù l' *istessa* masüra da quadrels seo cha faivan pel passà; diminuir *inguotta*; perche els *stan* a plaz, e perquai brajan els dschand: Giain, sacrificchain a nos Deis!

9. Saja la lavur aggravada sur quaista gliend, ch' els lavuran in quella, e non taidlan a plets d' ingian.

10. Qua gettan oura ils commissaris del pövel, e lur directurs, e dschettan al pövel: Usche ha dit Farao: Eu non as dun plü stram.

11. It vus *svess*, e pigliai stram ingio vus gnis a chattar; però da vossa lavur non vain diminui inguotta.

12. Ed il pövel s' araset per tuot la terra d' Egipto, per raspar stubla, in *pè da stram*.

13. Ed ils commissaris tgaivan pro, dschand: Furni vossas lavurs, di per di, sco cur eira qua stram.

14. Ed ils directurs dels infants d' Israel, ils quals ils commissaris da Farao avaiavan constitui sur els, gniavan battüts, ed als gnit dit: Perche non avais vus furni her ed hoz la somma dels quadrels chi s' ais missa sü, sco pel passâ?

15. Qua gnittan ils directurs dels infants d' Israel, e bragittan avant Farao, dschand: Perche fast usche con teis serviaints?

16. E non vain dat *ingün* stram a teis famagls, e tant e tant ans dischan els: Fat quadrels; ed uossa *vegnun* teis serviaints battüts, e teis pövel ha la cuolpa.

17. Ed el disch: Vus *stais* a plaz; laschantivs *eschat vus*; perquai dschais: Giain, sacrificain al Segner!

18. Contuot it via, lavurai, e stram non as vain dat, impero la somma dels quadrels dessat dar nan.

19. Ma ils directurs dels infants d' Israel vezzettan, *ch' els eiran* a mal term, siand ad els dit: Non diminui inguotta dels quadrels a vus miss sü, di per di.

20. Cur cha gnittan oura da Farao, incontrettan els Mose ed Aaron, chi 's preschantettan avant els,

21. Ed els dschettan ad els: Il Segner guarda sur vus, e fetscha il güdizi, cha vus avais fat spüzolenta noss' odor avant Farao, ed avant seis serviaints, dand ad els la spad' in man per ans mazzar.

22. Contuot turnet Mose pro 'l Segner, e dschet: Segner, perche hast fat *tant* mal a quai pövel? Perche m' hast tramiss?

23. Perche, davo ch' eu sun gnü pro

Farao, per favlar con el in teis nom, schi ha 'l maltrattâ quai pövel, e tû non hast amo deliberâ teis pövel.

CHAP. VI.

Il nom Segner vain manifestâ con il fat *svess*; item amo ün' otra excusaziun da Mose; ed üna summaria descripziun del sem da Ruben, da Simeon e da Levi.

MA il Segner disch a Mose: Uossa vainst a vair *quai* ch' eu vögl far a Farao; perche *sforzâ* tras ün man potaint vain el als laschar passar; * e *sforzâ* tras ün man potaint vain el als chatschar our da seis pajais.

* Ex. 12, 33.

2. Ultra quai tsehantschet Deis con Mose, e dschet ad el: Eu *sun* il Segner!

3. E suot il *nom del* omnipotaint Deis comparet eu ad Abraham, ad Isac, ed a Giacob; ma suot meis nom, da QUEL CHI AIS, non füt eu cognoschü dad els.

4. Contuot, sco ch' eu confermet eir mia lia con els, da 'ls dar la terra da Canaan, la terra da lur peregrinaziuns, nella quala els dmuraivan sco forestêrs;

5. Usche ha eu eir udi il bragizi dels infants d' Israel, ils quals ils Egipters sforzan da servir; e m' ha regordâ da mia lia.

6. Perquai di als infants d' Israel: Eu *sun* il Segner, e 's vögl trar our suot la grevezza dels Egipters, e 's vögl deliberar da lur servitü, e spender con bratsch stendü, e con grands güdizis.

7. Ed eu as vögl tour sü per meis pövel, e vögl esser vos Deis; e vus gnis a cognoscher, ch' eu *sun* il Segner vos Deis, chi 's tir oursuot la grevezza dels Egipters.

8. Ed eu as vögl condür nella terra, davart la quala eu ozet il man, ch' eu la vögla dar ad Abraham, ad Isac, ed a Giacob; ed a vus la vögl eu dar per üna possessiun ereditaria; eu il Segner.

9. Ed in quella guisa tsehantschet Mose con ils infants d' Israel; ma els non sporschettan uraglia a Mose per l' anguoscha da *lur* spiert, e per la düra servitü.

10. Ed il Segner tschantschet con Mose, dschand:

11. Và, tschantscha con Farao, il rai d' Egipto, ch' el lascha trar ils infants d' Israel our da seis pajais.

12. E Mose tschantschet avant il Segner, dschand: * Mera, ils infants d' Israel non m' han sport uraglia, schi co vain Farao amsporscher uraglia, † siand eu noncirconcis da lefs?

* Ex. 4, 10. † Ex. 6, 30.

13. Ma il Segner favlet con Mose e con Aaron, e comandet ad els, *dad ir* pro 'ls infants d' Israel, e pro Farao, il rai d' Egipto per manar ils infants d' Israel our dal pajais d' Egipto.

14. Quaists sun ils capos da lur famiglias paternas: * Ils figls da Ruben, il primogenit d' Israel, sun Hanoc, e Pallu, ed Hesron, e Carmi. Quaistas *sun* las famiglias dels Rubenits.

* Gen. 46, 8. Num. 26, 5. 1 Cron. 4, 5. 6, 23.

15. Ed ils figls da Simeon *sun* Jemuel, e Jamin, ed Ohad, e Jachin, e Sohar, e Saul, figl della Cananea. Quaistas *sun* las famiglias dels Simeonits.

16. Ma quaists *sun* ils noms dels figls da Levi seguond lur generaziuns: Gerson, e Cahat, e Merari. E 'ls ans della vita da Levi *sun* tschient e trent' e set.

17. Ils figls da Gerson *sun* Libni, e Simei, partits in lur generaziuns.

18. Ma ils figls da Cahat *sun* Amram, ed Ischear, ed Hebron, ed Uziel. E 'ls ans della vita da Cahat *sun* tschient e trent' e trais.

19. Ma ils figls da Merari *evran* Mahali, e Musi. Quaistas *sun* las famiglias dels Levits, *partidas* in lur linguas.

20. Ma Amram piglet Jochebed, sia amda, per muglier, ed ella al parturit Aaron, e Mose. E 'ls ans della vita d' Amram *sun* tschient e trent' e set.

21. Ma ils figls d' Ischear *sun* Cora, e Nefeg, e Zicri.

22. Ma ils figls d' Uziel *sun* Misael, ed Elsafan, e Sitri.

23. Davo quai piglet Aaron Eliseba per duonna, la figlia d' Aminadab, sour da Nahasson, ed ella al parturit Nadab, ed Abihu ed Eleazar, ed Itamar.

24. Ma ils figls da Cora *sun* Assir, ed Eleana, ed Abiasaf. Quaistas *sun* las famiglias dels Coraits.

25. Eir Eleazar, il figl d' Aaron, as piglet per duonna *una* dellas figlias da Putiel, ed ella al parturit Pinehas. Quaists *sun* ils capos dellas *famiglias* paternas dels Levits, in lur schlattas.

26. Quaist *ais* quel Aaron, e quel Mose, als quals il Segner dschet: Manai ils infants d' Israel our dalla terra d' Egipto, suainter lur truppas.

27. Quels, *cioè* Mose ed Aaron, *sun* stats *quels*, chi tschantschettan con Farao, il rai d' Egipto, per manar ils infants d' Israel our d' Egipto.

28. Dyantet dimena, nel di cha 'l Segner tschantschet con Mose, nella terra d' Egipto;

29. Cur il Segner dschet ad el: Eu *sun* il Segner, di a Farao, il rai d' Egipto, tuot quai ch' eu di a tai;

30. Cha Mose dschet avant il Segner: * Mera, eu *sun* noncirconcis da lefs; schi co vain Farao a sporscher a mai uraglia? * Ex. 4, 10. 6, 12.

CHAP. VII.

La prüma plaja d' Egipto.

IL Segner lura disch a Mose: Guar-
da, eu 't * constituisch *dad* esser
Deis a Farao, e tei frar Aaron dess
esser tei profet. * Ex. 4, 16.

2. Tü dessast dir tuot quellas chosas, ch' eu vegn a comandar a tai, e tei frar Aaron las tschantscha a Farao, ch' el lasch' ir davent da seis pajais ils infants d' Israel.

3. * Ma eu vögl indürir il cour da Farao, e multiplichar meis signals, e mias müravaglias nella terra d' Egipto. * Ex. 4, 21.

4. Impero Farao non vain as sporscher uraglia; ma eu vögl metter meis man sün la terra d' Egipto, e manar meis exercits our dal pajais d' Egipto, quel meis pövel, ils infants d' Israel, con grands güdizis.

5. E 'ls Egipters dessan cognoscher, ch' eu *sun* il Segner, cur eu stend oura meis man sur Egipto, e main ils infants d' Israel our da mez els.

6. E Mose ed Aaron fettan quai; sco cha 'l Segner als avaiva comandà, usche fettan els.

7. Mose *eira* d' età d' ans ottanta, ed Aaron d' ottant' e trais, cur els tschantschettan con Farao.

8. Ed il Segner favlet con Mose, e con Aaron, dschand:

9. Cur Farao vain a tschantschar a vus, ed a dir: Fat miraculs; *schì* di tū *Mose* ad Aaron: Piglia tia bachetta, e bütt' la avant Farao, ch' ella dvainta üna serp!

10. Lura gettan Mose ed Aaron avant Farao, e fettan sco 'l Segner avaiua comandâ. Ed Aaron büttet sia bachetta avant Farao, ed avant seis serviaints, ed ella dvantet üna serp.

11. Lura clamet Farao eir ils sabis, ed ils inchantadurs; ed ils * magis d' Egipto fettan eir els similmang tras lur inchantaziuns. * 2 Tim. 3, 8.

12. E scodün dels büttet sia bachetta, e quellas dvantettan serps; ma la bachetta d' Aaron travondet lur bachettas.

13. Impero restet indüri il cour da Farao, ed el non tadlet a Mose ed ad Aaron; seguond cha 'l Segner avaiua tschantschâ.

14. Il Segner lura disch a Mose: Il cour da Farao ais aggravâ; el rechüsa da laschar ir il pövel.

15. Vâ quaiста daman pro Farao; mera, el vain ad ir oura vers l' aua; e 't preschainta avant el sper la riva del flüm, e piglia in man la bachetta, chi ais stat müdada in üna serp,

16. E di ad el: Il Segner Deis dels Ebreers m' avaiua tramiss pro tai, dschand: * Lasch' ir meis pövel, ch' el am serva nel desert, e mera, fin qua non hast tū obedi; * Ex. 3, 18.

17. Usche ha dit il Segner: Da quaiста dessast tū cognoscher, ch' eu *sun* il Segner: Mera, eu vögl dar üna botta con quaiста bachetta, ch' eu ha in man, sün las auas nel flüm, e quellas vegnan as müdar in sang.

18. E 'l pesch chi *ais* nel flüm vain a morir, ed il flüm a spüzir, ed ils Egipters averan fadia a baiver dall' aua del flüm.

19. Ed il Segner disch a Mose: Di ad Aaron: Piglia tia bachetta, e stenda teis man sur las auas dels Egipters, sur lur flüms, sur lur torrents, sur lur lais e sur ogni raspada da lur

auas, ed ellas vegnan a dvantar sang, e vain ad esser sang tras tuot il pajais d' Egipto, eir aint nella *vaschella* da lain, e da crap.

20. * Contuot fettan Mose ed Aaron sco 'l Segner als avaiua comandâ, ed Aaron ozet la bachetta, e battet las auas chi *eiran* nel flüm, nel conspet da Farao, e nel conspet da seis serviaints, e tuot las auas chi *eiran* nel flüm füttan müdadas in sang.

* Ps. 78, 44. 105, 29.

21. Ed il pesch, chi *eira* nel flüm, morit, e 'l flüm spüzit, tal cha 'ls Egipters non podaivan baiver dellas auas del flüm, e füt sang per tuot la terra d' Egipto.

22. Ma similmang fettan *eir* ils magis dels Egipters tras lur inchantaziuns, e 'l cour da Farao restet dürr, e non sporschet uraglia a Mose ed ad Aaron, * sco il Segner avaiua tschantschâ; * Ex. 4, 21. 7, 3.

23. Perche Farao 's volvet, e get a chasa sia; e non piglet neir quaiста a cour.

24. E tuots ils Egipters lura chavai-van intuorn il flüm, e *tscherchavian* aua da baiver; non podiand baiver dell' aua del flüm.

25. Usche passettan set dis intêrs, davo cha 'l Segner avet battü il flüm.

CHAP. VIII.

La seguonda, terza, e quarta plaja d' Egipto.

LURA disch il Segner a Mose: Vâ pro Farao, e di ad el: Usche ha dit il Segner: * Lasch' ir meis pövel, ch' el am serva; * Ex. 7, 16.

2. E scha tū rechüsast da 'l laschar ir, mera, schi vögl eu batter tuot teis pajais con rannas.

3. Il flüm vain a prodür ün' abundanza da rannas; e quellas vegnan a gnir oura, ed ad intrar in tia chasa, e nella chambra ingio tū dormast, e sün teis let, e nellas chasas da teis serviaints, e tanter teis pövel, ed in teis fuorns, ed in teis zaivers.

4. E sün tai, e sün teis pövel, e sün tia famaglia tuotta vegnan a gnir las rannas.

5. * Lura dschet il Segner a Mose: Di ad Aaron: Stend' oura teis man

con tia bachetta sur ils flüms, sur ils torrents, e sur ils lais, e lascha gnir las rannas sur la terra d' Egipto.

* Ps. 78, 44. 45. 105, 29. 30.

6. Contuot stendet oura Aaron seis man sur las auas d' Egipto, e las rannas gnittan, e covernettan il pajais d' Egipto.

7. Ma similhaing fettan ils magis con lur inchantaziuns, e fettan gnir rannas sur la terra d' Egipto.

8. Qua elamet Farao a Mose ed Aaron, e dschet: * Rovai il Segner, ch' el leiva quaistas rannas davent da mai, e da meis pövel, ed eu vögl laschar ir il pövel, ch' el sacrificha al Segner.

* Ex. 9, 28. 10, 17.

9. E Mose disch a Farao: Desegna pür a mai; cura dess eu rovar il Segner per tai, e per tia famiglia, e per teis pövel, ch' el sdriua las rannas davent da tai, e da tias chasas; e cha restan nel flüm sulet?

10. E quel dschet: Per daman. E Mose disch: *Sarà fat* tenor teis plets; acio tü sapchast, ch' ingün non ais a paragl da nos Deis!

11. E las rannas dessan partir da tai, e da tias chasas, e da teis serviaints, e da teis pövel, e dessan restar nel flüm sulet.

12. Usche gettan Mose ed Aaron davent da Farao; e Mose elamet vi' al Segner per il fat dellas rannas, ch' el avaiva tramiss conter Farao.

13. E l' Segner fet seguond la parola da Mose, e las rannas morittan; e las chasas, con ils curtins, e la champagna, füttan deliberadas.

14. Ed ün las raspet insembel in mantuns, e la terra spüziva.

15. Ma, veziaand Farao, cha eira *gnü* surlevgiamaint, * aggravet el seis cour, e non sporschet uraglia a Mose ed ad Aaron; sco l' Segner avaiva tschantschâ.

* Ex. 7, 13.

16. Pertant dschet il Segner a Mose: Di ad Aaron: Stend' oura tia bachetta, e batta la puolvra della terra, ed ella vain a dvantar pluogls in tuot il pajais d' Egipto.

17. Ed usche fettan els; perche Aaron stendet oura seis man con sia bachetta, e battet la puolvra della terra, e gnittan üna blerüra da

pluogls sün la gliעד, e sün las bestias; tuot la puolvra della terra dvantet pluogls, in tuot il pajais d' Egipto.

18. Ma ils magis similhaing as fadiettan eir els, da prodür pluogls con lur inchantaziuns; ma non podettan. Usche restettan ils pluogls vi' alla gliעד, e vi' allas bestias.

19. Ed ils magis dschettan a Farao: Quaiست ais il daint da Dieu! Ma il cour da Farao restet dür, e non sporschet ad els uraglia; * sco l' Segner avaiva tschantschâ.

* Ex. 7, 3.

20. Lura disch il Segner a Mose: Leiva daman mamvagl, e't preschainta avant Farao; mera, el vain ad ir oura vers l' aua, e di ad el: Usche ha dit il Segner: Lasch' ir meis pövel, ch' el am serva!

21. Perche, ingio tü non laschast ir meis pövel, mera, schi vögl eu trametter sur tai, sur teis serviaints, sur teis pövel, e sur tias chasas, üna sort da muoschas, e las chasas dels Egipters, e la terra, sur la quala *els avdan*, dess gnir plaina da quella sort.

22. Ed in quel di vögl eu laschar dvart la contrada da Gosen, nella quala sta meis pövel; tal cha là non dess esser inguotta da quella sort, cha tü cognoschast, ch' eu *sun* il Segner in mez la terra.

23. E tanter meis pövel e teis pövel vögl eu metter üna salvaguardia. Daman vain a dvantar quaiست signal.

24. Ed usche fet il Segner, e qua gnit in quantitâ quella sort da muoschas nella chasa da Farao, e nellas chasas da seis serviaints; e la terra füt devastada da quella sort da muoschas, tras tuot il pajais d' Egipto.

25. Lura elamet Farao a Mose ed Aaron, e dschet: It, sacrifichai a vos Deis nel pajais.

26. Ma Mose disch: E non ais conveniaint da far usche; siand nus avain da sacrifichar chosas al Segner nos Deis, cha l's Egipters * abomineschan; mera, scha nus sacrifichesan avant ils ügls dels Egipters quai ch' els abomineschan, non gnis-san els ans accrappar?

* Gen. 46, 34.

27. *Lascha 'ns* ir trais dis da chamin nel desert, e sacrifichar al Segner nos Deis, * seguond ch'el vain ans dir. * Ex. 3, 18.

28. Qua dschet Farao: Eu's vögl laschar ir nel desert, cha vus sacrificat al Segner vos Deis; solum cha vus non gijat plü dalönsch; rovai per mai.

29. E Mose dschet: Mera, dalunga pass eu davent da tai, e vögl rovar il Segner; e la sort da muoschas vain daman as partir da Farao, da seis serviaints, e da seis pövel; ma cha Farao non continua a far beffa, a non laschar ir il pövel, per sacrifichar al Segner.

30. Mose dimena get oura, davent da Farao, e rovet il Segner.

31. E'l Segner fet seguond la parola da Mose, ed alvet via da Farao quella sort da muoschas, da seis serviaints, e da seis pövel, e non restet brich üna.

32. Ma eir quaista vouta aggravet Farao seis cour, e non laschet ir il pövel.

CHAP. IX.

La quinta, sexta e settavla plaja d'Egipto.

LURA disch il Segner a Mose: Intra pro Farao, e di ad el: Usche ha dit il Segner Deis dels Ebreers: *Lasch'ir* meis pövel, ch'el am serva!

2. Perche, scha tü rechüsast da'l laschar ir, e darcheu il reternast:

3. Mera, schi vain il man del Segner ad esser sur teis bestiam chi *aïs* sün la champagna, sur ils chavals, sur ils asens, sur ils chamels, sur ils bovs, e sur la bescha, con üna grandisma mortalità.

4. Ma il Segner vain a far üna separaziun tanter il bestiam dels Israelits, ed il bestiam dels Egipters, ed inguotta non dess morir, da tuot *quai chi appartegna* als infants d'Israel.

5. Ed il Segner tschantet ün term, dschand: Daman vain il Segner a far quaista chosa nel pajais.

6. Contuot fet quai il Segner il di seguaint, ed ogni bestiam dels Egipters morit, ma del bestiam dels infants d'Israel non morit nemain üna.

7. E Farao tramettet *a vair*, e mera, del bestiam dels Israelits non eira mort üna sula *bestia*. Impero s'aggravet il cour da Farao, ed el non laschet ir il pövel.

8. Pelqual dschet il Segner a Mose, ed ad Aaron: As pigliai puogns plains fulia da fuorn, e Mose la bütta vers il tschel, avant ils ögls da Farao.

9. E quella vain a dvantar puolvra sur tuot la terra d'Egipto, dinuonder vegnan a nascher bignuns sur la glieud, e sur las bestias, e quels vegnan a rumper oura in vashias, in tuot la terra d'Egipto.

10. Els dimena piglettan fulia da fuorn, e's presentand avant Farao, la büttet Mose vers il tschel, e da quella naschettan bignuns sün la glieud, e sün las bestias, *chi rumpettan oura in vashias*.

11. E'ls magis non podettan star in pè avant Mose, per causa da quels bignuns; perche quels bignuns eiran sur ils magis, seo sur tuots ils Egipters.

12. Ma il Segner indürit il cour da Farao, ed el non sporschet uraglia a Mose ed ad Aaron; * seo il Segner avaiva favlâ con Mose. * Ex. 4, 21. 7, 3.

13. Lura disch il Segner a Mose: Leiva daman manvagi, e't preschaina avant Farao, e di ad el: Usche ha dit il Segner Deis dels Ebreers: * *Lasch'ir* meis pövel, ch'el am serva. * Ex. 8, 1.

14. Perche quaista vouta vögl eu trametter tuottas mias plajas sur teis cour, e sur teis serviaints, e sur teis pövel, cha tü cognoschast, ch'alchün non *aïs* al pèr meis in tuot la terra.

15. Perche, sch'eu avess stais oura il man, avess eu podü avoir battü tai, e teis pövel con la mortalità, e tü füssast stat ragischâ our dalla terra.

16. Impero t'ha eu constitui per quai, * cha in tai as vezza mia possanza, e cha meis nom saja predgiâ per tuot la terra. * Rom. 9, 17.

17. Amo t'adozast conter meis pövel, per non il laschar ir?

18. Mera, daman intuorn quai'st'ura, vögl eu far plover üna zuond greiva tempesta, üna, somgianta alla

quala mâ non füt in Egipto, dal di ch' ell' ais sögliada, fin uossa.

19. Schi trametta uossa, e fà raspar tuot teis bestiam, e tuot quai *chi ais* tieu per la cuttüra. La tempesta vain a crodar, e tuot la gliend, e tuot las bestias chi's achatteran per la cuttüra, chi non sun raspadas in chasa, vegnan a morir.

20. Quel chi tmet il pled del Segner, intanter ils serviants da Farao, fet mütschar seis famagls, e seis bestiam, a chasa;

21. Ma chi non piglet a cour il pled del Segner laschet seis serviants, e seis bestiam per la cham-pagna.

22. Contuot disch il Segner a Mose: Stend' oura teis man vers il tschel, e tempesta vain a crodar in tuot il pajais d' Egipto, sur la gliend, e sur las bestias, e sur tuot l'erba della cuttüra, nella terra d' Egipto.

23. Mose dimena stendet oura sia bachetta vers il tschel, e l' * Segner fet tunar, e *crodar* tempesta, e'l fö saggettaiva giò sün la terra; e'l Segner fet plover tempesta sur il pajais d'Egipto.

* Ps. 78, 47. 105, 32.

24. Ed eira tempesta, masdada con fö in mez la tempesta, ed *eira* fich ferma, a pèr alla quala mâ non füt in tuot la terra d' Egipto, dall' ur' innan, ch' els eiran dvantats nazium.

25. E la tempesta battet in tuot la terra d' Egipto, tuot quai chi *eira* sün la cuttüra, tant gliend co bestias; battet eir tuot l'erba della cuttüra, e spazzet tuot la boſcha della cham-pagna.

26. Solum nella contrada da Gosen, ingio *eiran* ils infants d' Israel, non füt tempesta.

27. Pertant tramettet Farao a clamar Mose ed Aaron, e dschet ad els: * Quaista vouta ha eu pechâ, il Segner *ais* il güst; ma eu, e meis pövel *eschän* ils culpabels.

* Ex. 10, 16. 17.

28. * Rovai il Segner, cha basta, cha non sajan plü tuns, e tempesta; ed eu 's vögl laschar ir, e non dessat restar plü.

* Ex. 8, 8.

29. E Mose disch ad el: Cur eu vegn our dalla città, schi vögl eu stender oura las palmas dels mans

vers il Segner, ed ils tuns vegnan a tschessar, e la tempesta non sara plü, acio tü cognoschast, * cha la terra *ais* del Segner.

* Ps. 24, 1.

30. Ma eu sa cha, ne tü, ne teis serviants non avais amo temma da Deis il Segner.

31. Ma il glin e l' üerdi füttan battüts; perche l' üerdi *eira* agià in spia, e'l glin avaiva fat chamma.

32. Ma il furmaint, e la spelta non füttan battüts; siand *sun* plü tardivs.

33. Mose dimena get our dalla città, d'avent da Farao, e stendet oura las palmas da seis mans vers il Segner, ed ils tuns con la tempesta cedettan, e la plövgia non füt plü spansa sur terra.

34. Ma, vezvand Farao, cha la plövgia eira cessada, con la tempesta ed ils tuns, schi continuat el a pechar, ed aggravet seis cour, el e seis serviants.

35. Dasort s' indürit il cour da Farao, ch' el non laschet trar d'avent il pövel d' Israel; sco 'l Segner avaiva tschantschâ tras Mose.

CHAP. X.

L' ottavla, e novavla plaja d' Egipto.

LURA disch il Segner a Mose: Intra pro Farao; perche eu ha aggravâ seis cour, e'l cour da seis serviants, acio ch' eu detta quaistas mias insainas in mez seis pajais;

2. Ed acio cha tü requintast a teis infants, ed als infants da teis infants quai ch' eu ha operâ in Egipto, ed ils signals ch' eu ha fat tanter els; cha vus cognoschat ch' eu *sun* il Segner.

3. Mose dimena ed Aaron intrettan pro Farao, e dschettan ad el: Usche ha dit il Segner Deis dels Ebreers: * Infîn cura rechüsast tü a t' ümiliar avant mia fatscha? Lasch' ir meis pövel, ch' el am serva.

* Ex. 7, 16. 8, 1. 9, 13.

4. Perche, ingio tü rechüsast da'l laschar ir, mera, daman fetsch eu gnir salips in tias contradas,

5. E quels vegnan a cuvernar la fatscha della terra tal, cha non as poderà vair la terra, e vegnan a magliar il rimanent scampâ, quai ch' ais restâ dalla tempesta; e vegnan

a magliar ogni bösch chi dsermüglia oura sün la champagna;

6. E tias chasas vegnan els ad implir, e las chasas da tuot teis servaints, e las chasas da tuot ils Egipeters; il che, ne teis baps, ne ils baps da teis baps, *mâ* non han vis, dal di cha fütan sur quaista terra, fin in hoz. *Dit quaist*, as volvet el, e get davent da Farao.

7. Lura al dschettan ils servaints da Farao: Infin cura ans dess quaist esser qui per ün latsch? Lasch'ir quaista gliend, cha servan al Segner lur Deis. Non sast tü amo, cha Egipto ais dazipâ?

8. Contuot Mose ed Aaron gnittan turnantats pro Farao, ed el disch ad els: It, servi al Segner vos Deis. *Ma* chi tuot *sun* quels chi vöglian ir?

9. E Mose disch: Nus volain ir con noss infants, e con noss vegls, nus volain ir con noss figls, e con nossas figlias; con nos muvel manü, e con nos muvel gross; perche nus avain *da celebrar* üna festa al Segner.

10. Ed el disch ad els: Saja il Segner usche con vus, sco eu's lasch ir con vossas brajadas. Guardai, il mal sta *a vus* avant ils ögls.

11. E non *saja* usche! It uossa vus homens, e servi al Segner, siand quaist *ais quai cha* vus tscherchais. E Farao ils chatschet davent da seis conspet.

12. Qua disch lura il Segner a Mose: Stend'oura teis man sur la terra d'Egipto, pet *far gnir* ils salips; e quels vegnan a muntar sur la terra d'Egipto, ed a magliar tuot l'erba della terra, tuot quai cha la tempesta ha laschâ vanzar.

13. E Mose stendet oura sia bachetta sur il pajais d'Egipto; e'l Segner fet gnir ün vent oriental sur il pajais, tuot quel di, e tuotta la not; e cur füt la mattina, avaiva portâ il vent oriental ils salips.

14. Ed ils * salips muntettan sur tuot il pajais d'Egipto, e's luettan giò per tuot las contradas d'Egipto, in grandisma quantitâ. Avant quels non sun stats, e davo quels *mâ* non gnaran salips da quella sort.

Ps. 78, 46. 105, 34.

15. E quels cuvernettan la fatscha da tuot il pajais, dasort cha'l pajais füt inſchüri, e maglettan tuot l'erba della terra, e tuots ils früts della bösch, quels cha la tempesta avaiva laschâ vanzar, e non restet alchüna verdüra sün la bösch, ne sün l'erba della cuntüra, per tuot il pajais d'Egipto.

16. Lura Farao fet clamar con prescha Mose ed Aaron, e dschet *ad els*: * Eu ha pechâ conter il Segner vos Deis, ed inçonter vus, * Ex. 9, 27.

17. Ma uossa, perduna'm, eu't rouv, sul quaista vouta meis pucha, * e rovai il Segner vos Deis, ch'el volva davent da mai be quaista mort. * Ex. 8, 8.

18. E *Mose* get oura, davent da Farao, e rovet il Segner.

19. Ed il Segner volvet il vent in ün zuond ferm vent occidental, il qual portet via ils salips, e'ls fondet nel mâr cotschen, e non restet ün sul salip in tuot ils confins d'Egipto.

20. Ma il Segner indürit il cour da Farao; ed el non laschet ir ils infants d'Israel.

21. Lura dschet il Segner a Mose: Stend'oura teis man vers il tschel, e vegnan ad intrar ſchürdüms sur il pajais d'Egipto dasort, ch'ün las po palpar *con ils mans*.

22. E Mose stendet oura seis man vers il tschel, e gnittan ſchürdüms nairas in tot il pajais d'Egipto, il *spazi da* trais dis.

23. L'ün non vezzaiva l'oter, ed ingün non alvet sü da seis lö, *il spazi da* trais dis; ma tuot ils infants d'Israel avaivan clarità in lur stanzas.

24. Lura clamet Farao a Mose, e dschet: It, servi al Segner; * sul vos muvel manü, e vos muvel gross dess restar qui; cha vossas brajadas gïajan eir con vus. * Ex. 12, 32.

25. Ma Mose disch: Tü ans concederast pür da tour eir sacrificzis, ed offertas da fö per offerir al Segner nos Deis.

26. Schi eir nos bestiam sto gnir con nus, sainza cha rumagna inavo ün'ungla; perche da quel avain nus

da tour a servir al Segner nos Deis ; e nus non savain, che nus hajan d'offerir al Segner, fin cha nus eschan rivats là.

27. Ma il Segner indürit il cour da Farao, ed el non ils volet laschar ir.

28. E Farao disch a Mose : Và d'avent da mai ; t'inguarda cha tü non vegnast mâ plü avant mia fatscha ; perche quel di cha tü vainst avant mia fatscha, dessast morir.

29. E Mose disch : Tü hast bain tschantschâ ; e non vegn plü avant tia fatscha.

CHAP. XI.

La deschavla plaja vain annunziada a Farao.

El Segner disch a Mose : Amo üna plaja vögl eu far gnir sur Farao, e sur Egipto ; e lura vain el as laschar partir da qui ; eir el vain as laschar partir, schi vain el dafat a şchatschar vus tuots d'avent da qui.

2. * Tschantscha uossa con il pövel, cha scodün hom domanda da seis vaschin, e scodüna duonna da sia vaschina, vashella d'argient, e vashella d'or.

* Ex. 3, 21. 12, 35. 36.

3. E'l Segner fet cha'l pövel surgnit grazia avant ils Egipters ; schi, eir quel hom Mose, eira fich grand nella terra d'Egipto, avant ils servians da Farao, ed avant il pövel.

4. Plünavant disch Mose : Usche ha dit il Segner : * Intuorn mezza not vögl eu ir oura, e passar per mez l'Egipto.

* Ex. 12, 12. 29.

5. Ed ogni primogenit vain a morir nella terra d'Egipto, dal primogenit da Farao, chi sezza sün seis trun, fin al primogenit della fantschella, chi ais davo il muglin ; seo eir ogni primogenit dels animals.

6. E vain ad esser ün grand bragizi per tuot il pajais d'Egipto, cha da quella sort non ais stat, ne sarà mâ plü.

7. Ma conter tuot il pövel d'Israel, tanter la gliend, seo tanter ils animals, non vain brich' ün chan a moventar la lingua ; acio cha vus sapchat, cha'l Segner fa separaziun dels Egipters, ed ils Israelits.

8. * Lura vegnan quaists teis servi-

aints tuots a gnir giò pro mai, ed as inclinar avant mai, dschand : At parta tü, ed il pövel chi ais suot tai ; e davo quai am vögl partir. E Mose get oura d'avent da Farao, invüda d'ira.

* Ex. 12, 33.

9. Ma il Segner dschet a Mose : Farao non vain as sporscher *uraglia* ; acio ch'eu multiplicha mias müravaglias nella terra d'Egipto.

10. Mose dimena ed Aaron fettan tuot quaistas müravaglias nel conspet da Farao ; ma il Segner indürit il cour da Farao, ed el non laschet ir our da seis pajais ils infants d'Israel.

CHAP. XII.

La pasqua vain instituida, e la deschavla plaja vain tramissa ; e sestschiev voutas milli hommens passan our d'Egipto.

Ed il Segner tschantschet con Mose, e con Aaron nella terra d'Egipto, dschand :

2. Quaist mais as *dess esser* il princip dels mais ; el as *dess esser* il prüm dels mais del an.

3. Tschantschai con tuot la raspada d'Israel, dschand : * Nel deschavel *di* da quaist mais dess scodüna chassa tour ün † agnè, o ün boccet, ün per chasa.

* Ex. 23, 15. † Gioan. 1, 29. 36.

4. Ma, scha la brajada ais massa pitschna per podair *mangiar* quel agnè, o boccet, schi cha *'l bap da chasa* il piglia in compagnia da seis vaschin il plü prossem da sia chasa, con ün tschert number da persunas, quintand sur quel agnè, o boccet seguond ch' iminchün po mangiar.

5. Pigliai quel agnè, o quel boccet * sainza defet, maşchel, d' ün an, our dalla bescha, o our dallas chavras.

* Lev. 1, 3. 22, 21. Mal. 1, 8. 1 Petr. 1, 19.

6. E salvâ 'l in chüra fin al quattordeschavel di da quaist mais ; e lura il şchanai tuot la raspada comunanza d'Israel vers saira.

7. E pigliai dal sang e 'l mettai sün las duos chassas, e sün il glim sura *della porta* nellas chassas, ingio as vain a mangiar.

8. E's dess mangiar quell' istessa not la charn ustrida a fö, * con *pans* sainza alvamaint, ed erbas aschas.

* Num. 9, 11.

9. Vus non dessat mangiar da quel *inguotta* crü, o cot nell' aua; anzi ustri pro 'l fö, il cheu, con las chammas, e l' interior.

10. Eir vanzar non dessat laschar *inguotta* fin la daman; e quai cha gniss a restar fin la daman, arдай con fö.

11. Ma vus il dessat mangiar in quaiста maniera: Hajat ils flancs tshintats, e vossas *şcharpas* nels peis, e vos bastun in män, e mangiai in prescha. El *ais* la pasqua del Segner.

12.* E quella not vögl eu passar sur la terra d' Egipto, e mazzar ogni primogenit nella terra d' Egipto, tant della gliend, co dellas bestias; e sur ils deis d' Egipto vögl eu eir far güdizi; eu il Segner.

* Ex. 12, 21. 27. 43. 48. Ebr. 11, 28.

13. Ma quel sang as dess esser per ün signal vi' allas chasas ingio *vus gnis ad esser*; e, cur eu vez quel sang, schi vögl eu passar inavant, sainza's toccar, e pro vus non dess esser ingüna plaja e destrucziun, intant ch' eu bat la terra d' Egipto.

14. E quel di as dess esser ad üna regordanza, e vus il dessat celebrar sco festa solenna al Segner; celebrar il dessat vus sco festa solenna, *per* ün etern statut, tras vossas etats venturas.

15. * Set dis dessat vus mangiar *pans* azims, schi, al prüm di dessat metter davent l' alvaint da vossas chasas; perche sch' alchün mangia alchüna chosa alvada, dal prüm di fin al settavel, quella persuna dess esser ragischada our d' Israel.

* Ex. 23, 15. 34, 18.

16. Ma al prüm di dessat vus avoir raspada saneta; similhaing saja a vus il settavel di raspada saneta. In quels dis non dessat far ingüna lavur; solum quai cha vain mangiâ da seodüna persuna dessat vus perderscher, ed oter bricha.

17. Tgnai dimena l' *observaziun dels pans* azims; perche in quel istess di ha eu manâ vossas truppas our dal pajais d' Egipto. Pertant observai quel di tras vossas etats venturas *per* ün etern statut.

18. Mangiai *pans* azims, * dal quattordeschaval di del prüm mais la saira, fin al vainch ün di da quel mais la saira.

* Lev. 23, 5. Num. 28, 16.

19. Set dis non dess gnir chattâ alchün alvaint * in vossas chasas; perche, sch' inchün mangia chosa alvada, schi dess quella persuna esser ragischad' our dalla raspada d' Israel; el saja forestêr, o nativ del pajais.

* Deut. 16, 3. 4.

20. Non mangiarai *inguotta* con alvaint; mangiai *pans* azims in tuot-tas vossas stanzas.

21. Qua lura clamet Mose tuots ils seniurs d' Israel, e dschet ad els: Trat oura, e pigliai ün agnè, o ün boccet, per vossas brajadas, e *şchannai* la pasqua.

22. Pigliai eir ün *püschel* d' isop, e tenschâ 'l aint nel sang nel batschigl, e sprinzlai con il sang nel batschigl il glim sura, e las duos chassas *dellas portas*, e ningün non giaja our dal üsch da sia chasa fin alla mattina.

23. Perche *cur* il Segner vain a passar tras, per batter ils Egipters, schi vezza el il sang sün il glim, e sün las duos chassas, e vain *usche* a sursaglire la porta, e non vain a permetter al perentader d' intrar in vossas chasas per plaja.

24. Vus dimena observai quaiст fat sco ün statut *miss sü* a vus, ed a voss infants, in asaimper.

25. E, cur vus gnis nel pajais, cha 'l Segner vain a dar a vus, sco ch' el ha tshantschâ, schi observai quaiст servezzen.

26. * E, cur voss infants as dscharran: A che *fais* quaiст servezzen?

* Gios. 4, 6.

27. *Schi* dit: Quaiст *ais* il sacrifici della pasqua del Segner; quel sur-saglit las chasas dels infants d' Israel in Egipto, cur el battet ils Egipters, e cussalvet nossas chasas. E 'l pövel s' inclinet, ed aduret.

28. Contuot gettan ils infants d' Israel, e fettan plainamaing, sco il Segner avai a comandâ a Mose ed ad Aaron.

29. * Ma intuorn mezzanot mazzet il Segner tuots ils primogenits nel pajais d' Egipto, dal primogenit da

Farao, chi sezzaiva sün seis trun, fin al primogenit del preschunêr nella tuor; seo eir tuots ils primogenits dellas bestias.

* Ex. 11, 4. 5. Ps. 78, 51. 105, 36. 135, 8.

30. Qua alvet sù Farao la not, el, e tuots seis serviants, con tuots ils Egipters, e füt ün grand bragizi in Egipto; perche e non eira ingüna chasa, ingio non eira ün mort.

31. E Farao elamet da not a Mose ed Aaron, e dschet: * As fat sù, parti our da mez meis pövel, vus ed ils infants d'Israel, ed it, servi al Segner, tenor cha avais dit.

* 1 Sam. 6, 6. Ps. 105, 38. Ex. 10, 9. 26.

32. Pigliai vos muvel manü, e vos muvel gross, seo vus avais dit, ed it inavant, e benedi eir a mai.

33. Eir ils Egipters sollicitaivan fiek il pövel, fand prescha da 'ls trametter via dal pajais; perche els dschaivan: Nus *eschän* tuots morts!

34. Contuot piglet il pövel lur pasta, ant ch' ella füss alvada, plajand lur zaivers in lur vestimainta, sün las spadlas.

35. * Ma ils infants d'Israel fettan seguond la parola da Mose, e domandettan dals Egipters vaschella d' argient, e vaschella d' or, e vestimainta.

* Ex. 3, 21. 11, 2. Ps. 105, 37.

36. Ed il Segner fet, cha 'l pövel survgnit grazia avant ils Egipters, pelqual els als imprastettan *quellas chosas*; ed usche spoglettan els ils Egipters.

37. * Ed ils infants d'Israel as partittan da Ramses, e rivettan a Sucot, intuorn sestschient milli homens a pè, ultra las famiglias.

* Num. 33, 3.

38. Schi, eir ün grand number *dad* esters tret oura con els, ed ün grandissem number da bestiam, manü e gross.

39. Ed els coschettan la pasta, cha avaivan portà our d'Egipto, e fettan fuatschas dutschas, siand la non eira alvada; perche els gnittan schatschats dals Egipters, e non avaivan podü surtrar, e non s' avaivan neir perdert ingüna vivanda.

40. * Ma la dmura cha 'l pövel d'Israel fet in Egipto füt da quattertschient e trent' ans.

* Gen. 15, 13.

41. Ed al temp dels quattertschient e trent' ans, al istess di *cha quels finivan* dvantet, cha tuot l' exercit del Segner passet our dal pajais d'Egipto.

42. Quaist' ais üna not d'observaziun, *consecrada* al Segner, ch' el ils infants d'Israel manet our dal pajais d'Egipto; quaist' ais la not consecrada al Segner, con tuotta osservanza da tuots infants d'Israel, tras lur etats venturas.

43. Ed il Segner disch a Mose ed ad Aaron: Quaist' ais il statut della pasqua. Ingün forestêr non la dess mangiar.

44. Ma qualunque famagl, comprâ con danêrs, daspö cha tü l' hast concis, dess lura mangiar.

45. Il tratnanpro e 'l mercenari, non dessan mangiar.

46. La mangia nella medema chasa; non portar della charn da quella our da chasa, * e non rumperai alchün öss.

* Num. 9, 12. Gioan. 19, 36.

47. Quai salva tuot la raspada d'Israel.

48. E, cur ün forestêr dmuress pro tai, e voless salvar la pasqua del Segner, schi dessast il prüm circondider ogni maschel da sia *chusa*, e pür lura ch'el vegna nan per la salvar, e saja seo quel, chi ais nativ del pajais; ma ingün noncironceis non dess mangiar.

49. Üna *medema* ledscha saja per quel chi ais nativ del pajais, e per il forestêr chi dmura in mez vus.

50. E tuots ils infants d'Israel fettan usche, seo 'l Segner avaiva comandâ a Mose ed ad Aaron.

51. Ed in quel istess di dvantet, cha 'l Segner manet ils infants d'Israel our dalla terra d'Egipto seguond lur truppas.

CHAP. XIII.

Obligaziun del pövel tras dablera sort ledschas, e lur direcziun e protecziun tras la coluonna della nüvla, e da fô.

E'L Segner favlet con Mose, dschand:

2. * Consecrescha 'm ogni primogenit, tuot quai chi avra la matrice intanter ils infants d'Israel, tant della

gliend, co dellas bestias. Quai *ais* mieu.

* Ex. 22, 29. 30. Num. 3, 13.

3. Contuot dschet Mose al pövel: As regordai da quaist di, nel qual vus eschat its our d'Egipto, our dalla chasa del servezzen; perche il Segner s'ha trat oura con man potaint; perquai non dess gnir mangiâ alchüna chosa alvada.

4. Hoz giais vus oura, nel mais d'Abib.

5. Cur il Segner dimena vain at avair introdüt nel pajais dels Cananits, dels Hetits, dels Amorits, dels Hevits, e dels Jebusits, * ch'el ha gürrâ a teis babuns da dar a tai, *chi ais* ün pajais chi scula lat e meil, schi observa quaist servezzen, in quaist mais.

* Gen. 15, 18.

6. Per set dis mangia *pans* azims, ed il settavel di *saja a vus* üna festa solenna al Segner.

7. *Pans* azims dessan gnir mangiats set dis, e pro tai non as dess vair chosa alvada, ne alvamaint, in tuots teis confins.

8. Ed in quel di dà ad ineler *quaista chosa* a teis infants, dschand: *Quaist* vain fat per causa da quai, cha'l Segner fet a mai, cur eu gnit our d'Egipto.

9. E *quai* at saja per signal sün teis man, e per regordanza intanter teis ügls; acio cha la ledscha del Segner saja in tia bocca; perche el t'ha trat con man potaint our d'Egipto.

10. E salva quaist statut d'an in an, a seis temp.

11. Da plü, cur il Segner at introdüa nella terra dels Cananits, sco el ha gürrâ a tai, ed a teis babuns, e vain at dar-la;

12. * *Schi* rasseгна al Segner tuot quai chi avra la matrice; similmaing, d'ogni prüm portar da teis bestiam, ils mašchels *appertegnan pro* al Segner.

* v. 2. Num. 18, 15.

13. Ma ogni prüm portar del asen spendra con ün agnè, o con ün boccet, e scha tü non il spendrast, schi rum-pa'l il colöz; spendra eir ogni primogenit della gliend intanter teis infants.

14. E cur teis infant at domanda da quinderinvia: Che *voul dir* quaist?

Schi di ad el: Il Segner ans ha manats our d'Egipto, our dalla chasa del servezzen, con potenza da man.

15. E dvantet, cha's demossand Farao dür a non ans laschar ir, cha'l Segner mazzet tuots ils primogenits nel pajais d'Egipto, dals primogenits della gliend fin als primogenits dellas bestias; perquai sacrifici eu al Segner ils mašchels d'ogni prüm portâ, e spendr ogni primogenit da meis infants.

16. Contuot at dess quai esser per ün signal sün teis man, e per ün frontal intanter teis ügls, cha'l Segner ans ha manats our d'Egipto con potenza da man.

17. Ma, cur Farao laschet ir il pövel, schi non il condüet Deis sün la via vers il pajais dels Filistins; combain cha quell' *eira* la *plü* cuorta; perche Deis penset, afin cha'l pövel non as inrüglâ forsa, cur el vain a vair la guerra, e non tuorna in Egipto.

18. Ma il Segner manet intuorn il pövel tras la via del desert, *vers* il mâr cotschen. Ed ils infants d'Israel traivan sü dal pajais d'Egipto in tuot uorden.

19. E Mose piglet con el l'ossa da Giosef; * perche el avaiva expressa-maing fat gürrar ils infants d'Israel, dschand: Deis vain del tschert as visitar, lura transportai mia ossa *davent* da qui, con vus.

* Gen. 50, 25.

20. * Contuot as partittan *ils Israelits* da Sucot e mettettan champ in Etam, alla fin del desert.

* Num. 33, 6.

21. * Ed il Segner giaiva vi'avant els, da di in üna coluonna da nüvla, per ils inguidar sün la strada; e da not in üna coluonna da fö, per als far cler, ch'els possan chaminar di e not.

* Ex. 40, 38. Num. 14, 14. Deut. 1, 33.

22. E non s'alvaiva via dal conspet del pövel la coluonna della nüvla da di, ne la coluonna da fö da not.

CHAP. XIV.

Farao da davo als Israelits, e, giand tras il mâr cotschen, vain el miss suot, e stenscha.

Ed il Segner favlet con Mose, dschand:

2. Di als infants d'Israel, ch'els as volvan, e's mettan a champar avant

la elüsa da Hirot, * tanter Migdol e l' mâr, avant Baal-sefon; mettai il champ sper il mâr, vidvart quel lû.

* Num. 33, 7.

3. Ma Farao vain a pensar dals infants d'Israel: Els sun intriats nel pajais; il desert ils ha serrats aint.

4. * Ed eu vögl indürir il cour da Farao, dasort ch' el vain as perseguittar, ed eu vegn ad esser glorificâ in Farao, ed in tuot seis exercit, ed ils Egipters vegnan a cognoscher, ch' eu *sun* il Segner. Ed usche fectan els.

* Ex. 4, 21.

5. Ma e füt refert al rai d'Egipto, cha l' pövel saja mütschâ, ed il cour da Farao, e da seis serviaints as müdet conter il pövel, ed els dischan: Che chosa avain nus fat, da laschar ir ils Israelits, ch'els non ans servan *plü*!

6. Qua fet Farao metter ils chavals suot seis charr, e piglet seis pövel con el;

7. E piglet sestschient charra tschernüda, e tuot la charra d'Egipto, sün tuot quella *eiran* chapitanis.

8. Perche il Segner indürit il cour da Farao, rai d'Egipto, ed el det davo als infants d'Israel, * ils quals traivan oura con man adoçâ.

* Num. 33, 3. Gios. 24, 6.

9. Ils Egipters dimena als dettan davo, e tuots ils chavals, e la charra da Farao, e seis cavaliers, e seis exercit, ils assieuetan, aviand els lur champ sper il mâr, pro la elüsa da Hirot, avant Baal-sefon.

10. E *cur* Farao füt dastrusch, schi ozettan ils infants d'Israel ils ögls, e mera, ils Egipters gnivan davo els; pelqual els tmettan grandamaing, e bragittan vi' al Segner.

11. Ed els dschettan a Mose: * Ans hast tü manats nel desert a morir, per causa cha mancaivan sepultüras in Egipto? Che ans hast tü fat, da'ns far gnir our d'Egipto?

* Ps. 106, 7.

12. Non *ais* quaist quai cha nus at dschaivan in Egipto, con dir: Lascha'ns star, cha nus servan als Egipters? Perche megl *eira* per nus da servir als Egipters, co da morir nel desert!

13. Ma Mose dschet al pövel: * Non as tmarai, restai, e guardai la deliberaziun del Segner, la quala el hoz vain as far; perche quels Egipters, cha vus hoz avais vis, non † vezzerat vus mâ plü in eterno.

* 2 Cron. 20, 15. † Deut. 28, 68.

14. Il Segner vain a combatter per vus, e vus dessat star quieti.

15. * Ed il Segner disch a Mose: Perche clamast vi' a mai? Di als infants d'Israel, cha chaminan.

* Neh. 9, 9.

16. E tü oza tia bachelta, e stend' oura teis man sur il mâr, e fenda l'; schi passan ils infants d'Israel tras il mâr sün il süt.

17. Ma mera, eu vögl indürir il cour dels Egipters, ch' els vegnan ad ir aint davo vus; ed eu vögl esser glorificâ in Farao, ed in tuot seis exercit, ed in sia charra, ed in sia cavallaria.

18. Ed ils Egipters dessan savair, ch' eu *sun* il Segner, cur eu m' ha glorificâ in Farao, ed in sia charra, ed in sia cavallaria.

19. L' angel da Deis lura, chi giaiva avant il champ dels Israelits, as partit, e gnit davo els; * similmang la coluonna della nüvla as fet sü davant els, e s' fermet davo els,

* Ps. 105, 39.

20. E gnit tanter il champ dels Egipters, e l' champ dels Israelits; ed *all' üna part* eira nüvel e schürezza; ed *all' otra part* iglümnaiv-la la not; l' ün *champ* non as approsmet nan pro l' oter in tuot quella not.

21. E Mose stendet oura seis man sur il mâr; ed il Segner con ün po-taint vent oriental fet as retrar il mâr tuot quella not, e redüet il mâr in süt, e las auas as spartittan.

22. * Usche passettan ils infants d'Israel per mez tras il mâr sün il süt, e las auas als *eiran* üna müraglia, alla dretta, ed alla snestra.

* Gios. 4, 23. Ps. 78, 13. 1 Cor. 10, 1.

23. Ed ils Egipters *als* dettan davo; e tuots ils chavals da Farao, e sia charra, con seis cavaliers, gettan davo els aint in mez il mâr.

24. Ma e dvantet nella vigilia della mattina, cha l' Segner guardet sün il champ dels Egipters nella coluonna

da fö, e della nüvla, e'l mettet in deruotta.

25. Ed, aviand sreglâ las roudas da lur charra, fet el stantus d'ir inavant; ed ils Egipters dschettan: Mütschain our davant als Israelits; * perche il Segner combatta per els conter ils Egipters! * Deut. 23, 14.

26. Lura disch il Segner a Mose: Stend'oura teis man sur il mâr, schi vegnan las auas a turnar sur ils Egipters, sur lur charra, e sur lur cavaliers.

27. Mose dimena stendet oura seis man sur il mâr, ed al far della mattina turnet il mâr in seis cuors violent; ed ils Egipters al mütschaivan incounter, ma il Segner ils cupichet in mez il mâr.

28. Perche * las auas turnettan, e covernettan la charra, ed ils cavaliers da tuot l'exercit da Farao, ils quals eiran intrats davo'ls Israelits aint nel mâr; e ne ün sul d'els non restet inavo. * Ps. 78, 53.

29. * Ma ils infants d'Israel chaminettan süin il süit in mez tras il mâr, e las auas eiran ad els üna müraglia alla dretta, ed alla snestra.

* Ps. 106, 9. Es. 11, 15.

30. Usche salvet il Segner süin quel di ils Israelits dal man dels Egipters; ed ils Israelits vezzettan ils Egipters morts alla riva del mâr.

31. Ma Israel, aviand vis quel grand man cha'l Segner als avaiva mossâ conter ils Egipters, tmet il Segner, e crajet al Segner, ed a Mose, seis serviaint.

CHAP. XV.

La chanzun triomfala da Mose, d'Israel e da Miriam; ils prüms bruncels del pövel pro las auas da Mara.

MOSE lura, con ils infants d'Israel, chantet quaista chanzun al Segner, e dschettan usche: Eu vögl cantar al Segner; perche el ais grandamaing elevâ; chavals e charra ha el cupichâ nel mâr.

2. * Il Segner saja mia forza, e mia chanzun, el ais stat meis salüd; el ais meis Deis, eu il vögl glorifichar; il Deis da meis bap, eu il vögl adozer. * Ps. 18, 1.

3. Il Segner ais grand guerrier; seis nom ais Segner.

4. La charra da Farao ha el cupichâ nel mâr, e seis exercit; e la letta da seis chapitanis fondet nel mâr cotschen.

5. Ils abiss ils covernettan; tant * seo üna peidra sun els its a fuond. * Neh. 9, 11.

6. Teis man dret, Segner, chi t'adozast con forza; teis man dret, o Segner, ha ruot l'inimi.

7. In tia majestusa grandezza hast sdrüt teis adversaris; tia ira hast tramiss, ella ils constüma tant seo stoppa.

8. Con il sofflar da tias fouras del nas s'han las auas mantunadas sü; ils torrents s'han fermats seo ün mantun; ils abiss sun saldats nel sain del mâr.

9. L'inimi dschaiva: Eu vögl dar davo, assieuer, partir il butin; mi'orma vain as saziar dels; eu vögl trar oura mia spada; meis man vain als sterminar!

10. Tü hast sofflâ con teis vent, e'l mâr ils ha covernats; * seo plom sun els fondats in auas grossas. * Ps. 106, 11.

11. Chi ais sumgiant a tai, o Segner, tanter ils deis? Chi ais sumgiant a tai, magnific in santità, reverend in lod, e chi fast miraculs?

12. Tü hast stais oura teis man dret, e la terra ils ha travus.

13. Tü hast condüt tras tia benignità il pövel, cha tü hast spendrà; tü l'hast manâ tras tia forza pro l'avdanza da tia santità.

14. Ils pövels l'han udi, e tremblettan; terror ha surprais ils abitants della Filistea.

15. Qua sun stats smarits ils principals d'Edom; tremblöz ha surprais ils possants da Moab; tuots ils abitants da Canaan sun alguats.

16. Spavent, e stramizi crouda sur els; per la grandezza da teis bratsch stan els enargits, seo peidras; fin teis pövel saja passâ, o Segner, fin saja passâ il pövel, cha tü hast acquistâ.

17. Tü vainst al introdür, e l'implantar süin il munt da tia ierta, nel

lò, *cha* tū hast perdert per tia stanza, o Segner, nel sanctuari, o Segner, cha teis mans han stabili.

18. Il Segner vain a regnar in asaimper.

19. Perche ils chavals da Farao, con sia charra, e con seis chaval-giaints eiran intrats nel mâr; e sur els avaiya il Segner fat turnar las auas del mâr; ma ils infants d'Israel eiran chaminats a pè sût per mez il mâr.

20. E Miriam la profeta, sour d'Aaron, piglet ün tambur in man, e tuot las donans gettan davo ella, con tamburs, e con saglir:

21. E Miriam respondaiva a Mose, ed als *oters homens*, dschand: Chantai al Segner; perche el as ha granda-maing adoza; chavals, e charra ha el cupichâ nel mâr.

22. Lura fet Mose partir ils Israelits davent del mâr cotschen, ed els gettan inavant vers il desert da Sur, e chaminettan trais giornadas nel desert, sainza chattar aua.

23. * Lura rivettan els a Mara, e dallas auas da Mara non podettan els baiver; perche cha eiran amaras; perquai gnit quel *lò* miss nom Mara.

* Num. 33, 8.

24. Ed il pövel brunclet conter Mose, dschand: Che dessan nus baiver?

25. Ma el bragit vi' al Segner, * e'l Segner al mosset ün lain, ed el il büttet nellas auas, e las auas gnittan dutschas. Qua ordinet il Segner statuts, e ledscas al pövel, e qua il provet el eir.

* 2 Reg. 2, 20.

26. Ed el dschet: Schâ tū del tuot obedeschast alla vusch del Segner teis Deis, e fast quai cha plasch' ad el, e sporschast uraglia a seis comandaints, ed observast tuots seis statuts; schi non vögl eu far gnir sur tai ingünas dellas infirmitats, las qualas eu ha tramiss sur ils Egipeters; perche eu *sun* il Segner chi't guarescha d'ogni mal.

27. Lura gnittan els in Elim, * e qua eiran dudiesch fontanas d'aua, e settanta *plantas da* palmas; e qua sper las auas s'acchampettan els.

* Num. 33, 9.

CHAP. XVI.

Il pövel bruncela la segnonda vouta, e vain spissiantâ con quaeras, e manna.

LURA as partit d'Elim tuot la raspada dels infants d'Israel, e gnit nel desert da Sin, chi *ais* tanter Elim e Sinai, nel quindeschavel di del segund mais, davo sortits our d'Egipto.

2. * E tuot la raspada dels infants d'Israel brunclet conter Mose, e conter Aaron, nel desert. * Num. 11, i.

3. Ed ils infants d'Israel dschaivan ad els: Ah, füssan nus pür morts tras il man del Segner nel pajais d'Egipto, cur nus sezzaivan sper las avnas della charn, cur nus mangiaivan pan a saduolezza; ma vus ans avais manats in quai desert, per far morir da fam tuot quaiста raspada.

4. * Qua dschet il Segner a Mose: Mera, eu as vögl far plover pan giò da tsel; ed il pövel dess ir oura, e eler sū quant ch'el vain ad avair bsögn per ün di; acio ch'eu il prova, sch'el chamina in mia ledscha, o na?

* Ps. 78, 24. 105, 40. Gioan. 6, 31.

5. Ma *ogni* sesavel di dessan els perderscher quai cha portan aint, e quai sarà il dobel da quai cha clean aint per scodün di.

6. Dimena dschettan Mose ed Aaron a tuots ils infants d'Israel: Quaiста saira gnis vus a cognoscher, cha'l Segner s'haja manats our dalla terra d'Egipto.

7. E daman gnis vus a vair la gloria del Segner, siand ch'el ha udi voss bruncels conter il Segner; ma quant a nus, che *eschân* nus, cha vus bruncels conter nus?

8. E Mose dschet: *Quai vain a dvan-tar*, as dand il Segner quaiста saira charn da mangiar, e daman manvgl pan a saduolezza; siand cha'l Segner ha udi voss bruncels, con ils quals vus avais bruncelâ conter el; ma, quant a nus, che *eschân* nus? Voss bruncels non *s'indrizzan* conter nus, ma conter il Segner.

9. Lura disch Mose ad Aaron: Di a tuot la raspada dels infants d'Israel: S'approsmâ nan avant il Segner; perche el ha udi voss bruncels.

10. Ed, intant cha Aaron tschan-tschaiva con tuot la raspada dels infants d' Israel, volvettan els la fatscha vers il desert, e mera, la gloria del Segner comparet nella nùvla.

11. Ed il Segner tschantschet con Mose, dschand:

12. Eu ha udi ils bruncels dels infants d' Israel; tschantscha con els, dschand: Vers saira gnis a mangiar charn, e daman manvagl ad esser saziats con pan, e dessat cognoscher, ch' eu *sun* il Segner vos Deis.

13. * E dvantet la saira, cha las quacras gnittan sù, e covernettan il champ, e la daman füt üna rasada da ruschè intuorn il champ.

* Num. 11, 31. Ps. 73, 27.

14. E *cur* la rasada da ruschè füt sparsa, mera, sün la fatscha del desert *eira* üna * chosa manüda, raduonda, stiglia sco braina, sün la terra.

* Num. 11, 7. Deut. 8, 3.

15. Veziand quai ist infants d' Israel, dschaivan els l' ün l' oter: * *Quaist aia la manna?* Perche els non savai-van che chosa cha quai füss. Ma Mose disch ad els: Quaist *aia* il pan, cha 'l Segner as da da mangiar.

16. Quaist *aia* quai, cha 'l Segner ha comandâ: Cha minchün raspa, a raschun da seis mangiar, ün * omer per testa, tenor il nomber da vossas persunas; cha minchün piglia per *quels* chi *sun* in sia tenda.

* Ex. 16, 36.

17. Ed usche fettan ils infants d' Israel e clegettan aint, chi bler, e chi pac.

18. Ed els masürettan con l' omer, e * chi avaiva elet aint bler, non avaiva davantach; e chi avaiva elet aint pac, non avaiva damain; scodün avaiva elet aint quant ch' el bsögnai-va per seis mangiar.

* 2 Cor. 8, 15.

19. E Mose disch ad els: Ingün non lascha vanzar fin alla mattina!

20. Ma alchüns non obedittan a Mose, e laschettan vanzar fin la mattina, e quai fet verms, e spüzziva; pelqual Mose s' adiret conter els.

21. Usche cleaivan els ogni mattina, minchün a raschun da seis mangiar, e *cur* il solai daiva chod, schi al-guaiva que.

22. Ma il sesavel di cleettan els da

quel pan il dobel, *cioè*, duos omers per ün. Ed ils principals della raspada gnittan tuots, e reportettan *il fat* a Mose.

23. Ed el disch ad els: Quaist *aia* quai cha 'l Segner ha dit: Daman *aia* il sabbat, il sanet pos del Segner; coschai quai cha vus avais da coscher, a fuorn, o a fö, e mettai d'vart tuot quai cha sopravanza, per salvar sù fin daman.

24. Contuot il mettettan els d'vart fin alla daman, sco Mose avaiva comandâ, e quai non spüzziva, e non eira *neir* ingün verm.

25. E Mose dschet: Mangiâ 'l hoz, perche hoz *aia* sabbat del Segner; hoz non gnis a 'l chattar sün la cut-türa.

26. Cleai aint ses dis; ma il settavel di *aia* sabbat; in quel *di* non vain el ad esser.

27. Ma dvantet, ch' alchüns del pö-vel gettan oura il settavel di per cleer aint, e non chattettan inguotta.

28. E 'l Segner disch a Mose: Fin cura volais rechüsar d' observar meis comandaments, e mias ledschas?

29. Guardai, siand cha 'l Segner s' ha ordinâ il sabbat, schi as da el il sesavel di pan per duos dis. Scodün da vus stetta a chasa sia; il settavel di non giaja ingün oura d'avent da seis lö.

30. Usche fraiva il pövel il settavel di.

31. E quel *pan* nomnet la chasa d' Israel, manna, * e quella *eira* simila al sem da coriander, ed alba, e seis sapor *eira* sco da vaischlas *fat-tas* con meil.

* Num. 11, 7.

32. In ultra disch Mose: Quaist *aia* quai cha 'l Segner ha comandâ, impli ün omer da manna, acio ch' ella vegna salvada sù per vossas etats venturas, ch' ellas vezzan il pan, con il qual eu s' ha spissiantats nel desert, cur as manet our dal pajais d' Egipto.

33. Contuot disch Mose ad Aaron: * Piglia ün vaschè, e mett' aint ün omer plain manna, e tschainta 'l avant il Segner, acio cha *quai* vegna salvâ sù per vossas etats venturas.

* Ebr. 9, 4.

34. Sco 'l Segner avaiva comandâ a

Mose, usche mettet Aaron quella *manna* avant la testimonianza, per gnir salvada sù.

35. * Ma ils infants d' Israel mangettan la manna *il spazi da quarant' ans*, fin cha rivettan nel pajais d' abitar; mangettan la manna, fin cha rivettan als confins del pajais da Canaan.

* Gios. 5, 6. 12.

36. Ma ün omer ais la deschavla part d' ün efa.

CHAP. XVII.

Il pövel bruncila la terza vouta; vain l' aua our d' ün spelm. Las oraziuns da Mose obtegnan la victoria conter Amalec.

DAVO quai as partit tuot la raspa da dels infants d' Israel dal desert da Sin, giand inavant dal ün lö al oter, seguond il comandaint del Segner, e s'acchampet * in Rafidim; ma qua non *eira* aua da baiver per il pövel.

* Num. 33, 14.

2. E l' pövel dispittet con Mose, e dschet: Dat-ans aua da baiver! E Mose disch ad els: Perche dispittais con mai? Perche * provais il Segner?

* Num. 20, 4.

3. Contuot avaiva là il pövel sait dad aua, e brunclet conter Mose, e dschet: Perche ans hast tti manats our d' Egipto, per far morir della sait, nus, e noss infants, e nos bestiam?

4. Pelqual Mose bragit vi' al Segner, dschand: Che dess eu far a quaist pövel? Bod bod vegnan els am accrappar.

5. Ma il Segner disch a Mose: Passa via avantnan il pövel, e piglia con tai dels seniurs d' Israel; piglia eir la bachetta in man, con la quala tü hast * battü il flüm, e vâ.

* Ex. 7, 20.

6. * Mera, eu vögl star là avant tai sün ün spelm sün Horeb, e tü dessast batter il spelm, schi vain a gnir oura aua, cha l' pövel possa baiver. Ed usche fet Mose avant ils ögls dels seniurs d' Israel.

* Num. 20, 10. Ps. 78, 15. 105, 41. 1 Cor. 10, 4.

7. E quel lö as nomnet Massa e Meriba, per la contaissa dels infants d' Israel, e siand els avaivan provâ il Segner, dschand: Ais il Segner in mez nus, o na?

8. * Lura gnittan ils Amalecits e

combattettan conter ils Israelits in Rafidim.

* Num. 24, 20. Deut. 25, 17.

9. E Mose disch a Giosua: Tscherna 'ns homens, e vâ oura, e combatta contr' ils Amalecits; daman am vögl eu presantar süsom la muotta, la bachetta da Deis in meis man.

10. E Giosua fet sco Mose l' avaiva comandâ, da combatter conter ils Amalecits. E Mose, Aaron ed Hur, gettan süsom la muotta.

11. E dvantet, cur Mose ozaiva seis man, schi venschaivan ils Israelits; ma cur el il laschaiva erodar, venschaivan ils Amalecits.

12. Ma ils mans da Mose gnivan greivs, qua piglettan Aaron ed Hur üna peidra, e la mettettan suot el, ed el as tschantet sü sura, ed Aaron ed Hur, l' ün dall' üna, e l' oter dall' oter vart, al tgaivan ils mans in ot, ed usche füttan seis mans ferms fin al tramontar del solai.

13. E Giosua büttet ils Amalecits, e seis pövel, e l's mettet a fil da spada.

14. Qua disch il Segner a Mose: Scriva quai fat per regordanza nel cudesch, e metta ad uraglia a Giosua * ch' eu la memoria d' Amalec del tuot vögl chassar suot il tschel.

* Num. 24, 20.

15. E Mose edificet ün utêr, al qual el det il nom: Il Segner *ais* mia bandêra,

16. E dschet: Il man ais vi' alla bandêra del Segner; il Segner dess avair guerra con Amalec, da schlatta a schlatta.

CHAP. XVIII.

Jetro visita Mose, ed al da ün salüdaivel, bun cossagl.

MA * Jetro, sacerdot da Midian, il sör da Mose, inleget tuot quai cha Deis avaiva fat a Mose, ed ad Israel, seis pövel; cha l' Segner avaiava manâ Israel our d' Egipto.

* Ex. 2, 16. 3, 1.

2. E Jetro piglet Sippora, la muglier da Mose, davo ch' el l' avet tramissa inavo;

3. Ed ils duos figls da quella, * dels quals il nom del ün *eira* Gersom; perche Mose avaiva dit: Eu sun forestêr in pajais ester;

* Ex. 2, 22.

4. Ed il nom del oter eira Eliezer, seguond il *dit*: Il Deis da meis bap m' *ais stat* in agüd, e 'm ha deliberà dalla spada da Farao.

5. Jetro dimena, il sör da Mose gnit pro Mose, con seis figls, e con sia muglier nel desert, ingio el avaiva seis champ sper il munt da Dieu.

6. E laschet dir a Mose: Eu, teis sör Jetro, vegn pro tai, con tia muglier, e con teis duos figls.

7. Lura Mose get incoenter a seis sör, e s' inclinet, e 'l bütschet, e 's domandettan l' ün l' oter da lur bainstar, e gettan in la tenda.

8. E Mose requintet a seis sör tuot quai cha 'l Segner avaiva fat vi' a Farao, e 'ls Egipters, peramur d' Israel, e tuot las travaglias chi als eiran incontradas sün la via, e co il Segner ils avaiva deliberats.

9. E Jetro s' allegret da tuot il bain, cha 'l Segner avaiva fat ad Israel, l' aviand spendrà dal man dels Egipters.

10. E Jetro dschet: Benedi *saja* il Segner, il qual s' ha deliberats dal man dels Egipters, e dal man da Farao; il qual ha spendrà quai pövel oursuot il man dels Egipters.

11. Uossa cognosch eu, cha 'l Segner *ais plü* grand co tuots ils deis, *in quai*st, * siand ch' els superbiamaing avaivan procedü conter els.

* Ex. 1, 10. 5, 7. 14, 18. 16, 22.

12. Jetro lura, il sör da Mose, piglet offertas da fÜ, e sacrificis *d' offerir* a Deis; ed Aaron con tuots ils seniurs d' Israel gnittan a mangiar con il sör da Mose, avant il Segner.

13. E dvantet il di seguint, cha Mose sezzet per tgnair raschun al pövel, ed il pövel staiva avant Mose in pè, dalla mattina fin la saira.

14. E cur il sör da Mose vezzet tuot quai ch' el faiva con il pövel, dschet el: Che chosa fast tü vers quai pövel? Perche sezzast tü sulet, e tuot il pövel sta avant tai in pè, dalla mattina fin la saira?

15. E Mose respondet a seis sör: Il pövel vain pro mai per domandar a Deis.

16. Sch' els han qualeh' affar, schi vegnan els pro mai, ed eu güdich

tanter l' ün e l' oter, ed eu deeler *ad els* ils statuts da Deis, e sias ledscas.

17. Ma il sör da Mose disch ad el: Quai cha tü fast non sta bain.

18. Peltschert tü vainst almain, tü e quai pövel chi *ais* con tai; perche quai sta fatschenda *ais* * massa greiva per tai; tü non poust far tuot quai sulet.

* Num. 11, 16. Deut. 1, 9. Act. 6, 3.

19. Contuot taidla mia vusch, eu 't vögl cosgliar, e Deis vain ad esser con tai! Stà tü avant Deis per il pövel, e porta ils fats avant Deis.

20. Ed ammosa il pövel davart ils statuts e las ledscas, e declera 'l la via ch' el ha da chaminar, e las ouvras, ch' el ha da far.

21. Ma tü tscherna intanter tuot il pövel homens valerus, chi temman Deis, homens da vardà, chi hajan in ödi l' avarezza, e constituescha 'ls sur il pövel; capos da milli, capos da tschient, capos da tschinquanta, e capos da desch.

22. E quels dessan tegner raschun al pövel d' ogni temp; e tuots fats grands dessan els portar avant tai; ma ogni chosa pitschna dessan els güdichar. Usche vainst tü at schargar *dal* pais, ch' els il portan con tai.

23. Scha tü fast quai chosa, e *scha* Deis la 't comanda, schi vainst a podair dürar, ed eir tuot il pövel vain con pasch a gnir in seis lö.

24. E Mose acconsentit al dir da seis sör, e fet tuot quai ch' el avaiva dit.

25. E Mose tschernet our da tuot Israel homens valerus, e 'ls constituit capos sur il pövel; capos da milli, capos da tschient, capos da tschinquanta, e capos da desch,

26. E quels tgnai van raschun al pövel da tuot temp; ils fats difficils portaivan els avant a Mose, ed ogni pitschen fat güdichaivan els sves.

27. Mose lura licenziet seis sör, ed el get in seis pajais.

CHAP. XIX.

Deis compara sün il munt Sinai, e comanda a Mose da santifichar il pövel per inder la ledscha.

NEL terzavel mais, davo cha 'ls infants d' Israel füttan sortits our

dal pajais d' Egipto, * in quel di rivettan els nel desert da Sinai.

* Num. 33, 15.

2. Siand dimena partits da Rafidim, rivettan els nel desert da Sinai, e s'acchampettan nel desert. Ed Israel s'acchampet qua via vers il munt.

3. Però Mose muntet sù pro Deis, * ed il Segner al clamet giò dal munt, dschand: Di usche alla chasa da Giacob, e declera *quaist* als infants d' Israel:

* Ex. 24, 1. Act. 7, 38.

4. * Vus avais vis quai ch' eu ha fat als Egipters, e co ch' eu s' ha portats sco sün alas d' aglia, e s' ha manats pro mai.

* Deut. 29, 2.

5. * Uossa dimena, scha vus del tuot obediss a mia vusch, ed observais meis pat, schi dessat esser meis tesor, miss in salv ourdvar tuots pövels; † perche tuotta la terra *aïs* mia.

* Deut. 5, 2. Ps. 81, 9. † Ps. 24, 1. Deut. 7, 6. 14, 2.

6. E vus am dessat esser ün reginam sacerdotal, ed ün pövel sanct. Quaists *sun* ils plets cha tü dessast dir als infants d' Israel.

7. Contuot gnit Mose, e clamet ils seniurs del pövel, e 'ls proponit tuots quaists plets, cha 'l Segner l' avaiva comandâ.

8. E tuot il pövel respondet da per-üna, e dschet: * Tuot quai cha 'l Segner ha dit volain nus far. E Mose reportet al Segner ils plets del pövel.

* Ex. 24, 3. Deut. 5, 27. 26, 17.

9. Lura disch il Segner a Mose: Mera, eu vögl gnir pro tai in üna nüvla grossa, acio cha 'l pövel oda, cur eu vegn a favlar con tai, sco eir cha 't crajan in eterno. E Mose reportet ils plets del pövel al Segner.

10. E 'l Segner al dschet: Vâ pro 'l pövel, e santifica 'l hoz e daman, e *fâ* cha lavan lur vestimainta;

11. E cha sajan perderts sün il terz di; perche al terz di vain il Segner a gnir giò sün il munt Sinai, nel conspet da tuot il pövel.

12. Ma *tü* metta terms al pövel intuorn intuorn, dschand: S' inguardai, cha vus non giajat sün il munt, o toccat dech l' extremità da quel; * quel chi vain a toccar il munt sarà del tuot fat morir.

* Ebr. 12, 20.

13. Ingün man non tocca ün tal;

anzi saja del tuot accerrappâ, o saget-tâ, chi cha saja, o crastian, o bestia, el non dess viver. Cur il corn vain sunâ alla staisa, lura giajan els sün il munt.

14. Mose dimena gnit giò dal munt pro 'l pövel, e santifichet il pövel, ed els lavettan lur vestimainta.

15. Ed el dschet al pövel: Sajat perderts sün il terz di; non s' approssimarei a duonna.

16. Ma al terz di, cur füt la mattina, dvantettan tuns, e lütschaiders; ed üna nüvla grossa *eira* sün il munt, insembel con ün sun da tüba fich ferm, e tuot il pövel, chi *eira* nel champ, tremblaiva.

17. * E Mose manet il pövel incontro a Deis, ed els as fermettan al pè del munt.

* Deut. 4, 10.

18. Ma * tuot il munt Sinai fümava, causa il Segner eira gnü giò sün quel in fò; e seis füm giaiva sù a guisa del füm d' üna chalchèra, e tuot il munt tremblaiva fich.

* Deut. 4, 11.

19. Ed il sun della tüba giaiva s' inforzand pür plü grandamaing, e Mose tschantschaiva, e Deis al respon-daiva tras il tun.

20. Lura gnit giò il Segner sün il munt Sinai, sün la sommità del munt, e clamet Mose sün la sommità da quel; e Mose get sù.

21. Ed il Segner disch a Mose: Vâ giò, protesta al pövel, ch' el non rumpa tras *ils terms*, ne s' *approssima* via pro 'l Segner per vair, e blers d' els erodan morts.

22. Eir ils sacerdotes, chi s' approssiman via pro 'l Segner, dessan as santificar, cha fors' il Segner non vegna sur els.

23. Ma Mose disch al Segner: Il pövel non po ir sün il munt Sinai, siand tü 'ns hast protestats, dschand: Metta terms a quai munt, e santifica 'l.

24. * E 'l Segner disch a Mose: Vâ, descenda, lura vè sù, tü ed Aaron con tai; ma ils sacerdotes e 'l pövel non dess rumper tras *ils terms*, per gnir sù pro 'l Segner, acio ch' el non als detta adöss.

25. E Mose get giò pro 'l pövel, e dschet quai ad el.

CHAP. XX.

Qui vegnan dats ils desch comandamaints.

LURA pronunziet Deis tuots quaists pleds, dschand:

2. * Eu *sun* il Segner teis Deis, chi t' ha manâ our dalla terra d' Egipto, our dalla chasa della servitù.

* Deut. 5, 6. Ps. 81, 11.

3. Tü non dessast avair oters deis avant mia fatscha.

4. * Tü non at dessast far alchüna figura intagliada, ne alchüna imagna, *da chosa* chi *saja* in tschel süsura, ne *da chosa* chi *saja* in terra giosuot, ne *da chosa* chi *saja* nellas auas suot la terra.

* Lev. 26, 1. Ps. 97, 7.

5. Quellas non adorar, e non allas servir; perche eu, il Segner teis Deis, *sun* ün zelus Deis, chi visit l' iniquità dels baps sur ils infants, fin alla terza e quarta *generaziun*, da quels chi 'm vöglian mal;

6. E dovr benignità vers millis da quels chi 'm aman, ed observan meis comandamaints.

7. * Non dovrar il nom del Segner teis Deis vanamaing; perche il Segner non vain a tgnair per innozaint quel chi vain ad avair dovrâ seis nom vanamaing.

* Lev. 19, 12. Mat. 5, 33.

8. At regorda del * di del pos, per santificar quel.

* Ezech. 20, 12.

9. Ses dis dessast tü lavurar, e far tuot tia lavur;

10. Ma il settavel di *ais* il di da pos del Segner teis Deis; in quel non far ingiüna lavur, ne tü, ne teis figl, ne tia figlia; ne teis famagl, ne tia fant-schella, ne teis armaint, ne teis forestêr chi *ais* dadaint tias portas.

11. * Perche in ses dis ha il Segner fat il tschel, e la terra, e 'l mâr, e tuot quai ch' *ais* laint, ed ha posâ il settavel di; perquai ha il Segner benedi il di del pos, e 'l ha santificâ.

* Gen. 2, 2.

12. * Onura teis bap e tia mamma; acio cha teis dis sajan prolungunats nella terra, la quala il Segner teis Deis da a tai.

* Mat. 15, 4. Ef. 6, 2.

13. * Non ammazzar.

* Mat. 5, 21.

14. * Non commetter adulteri.

* Lev. 20, 10.

15. * Non involar.

* Lev. 19, 11, 13.

16. * Non dir fosa testimonianza conter teis prossem.

* Ex. 23, 12.

17. * Non giavüschar la chasa da teis prossem; non giavüschar la muglier da teis prossem, ne seis famagl, ne sia fant-schella, ne seis bov, ne seis asen, ne alchüna chosa chi saja da teis prossem.

* Deut. 5, 21. Rom. 7, 7.

18. Ma tuot il pövel vezzaiva ils tuns, ed ils lütschaiders, e 'l sun della tüba, e 'l munt fümant; e, vezziand *quaist*, tremblaivan els, e staivan dalönsch.

19. Ed els dschettan a Mose: * Tschantscha tü con nus, e nus volain tadlar; ma na cha Deis tschantscha con nus, acio cha nus forse non moran.

* Deut. 18, 16. Ebr. 12, 19.

20. Ma Mose dschet al pövel: Non tmarai; perche Deis ais gnü per as provar, ed afin cha sia temma saja avant voss ögls, acio cha vus non pechat.

21. Contuot as fermet il pövel dalönsch, e Mose get viapro nel schür, nel qual *eira* Deis.

22. Ed il Segner disch a Mose: Usche di als infants d' Israel: Vus avais vis, ch' eu ha favlâ con vus giò da tschel.

23. Non farai *alchiün deis* sper mai; non farai deis d' argent, ne deis d' or.

24. * Fà 'm ün utêr da terra, e sün quel sacrificha tias offertas da fö, e teis sacrificizis d' ingraziamaint, tias nuorsas, e teis bovs. In qualunque lö ch' eu vegn a far regordar a meis nom, vögl eu gnir pro tai, e 't benedir.

* Ex. 27, 1.

25. * E pür, scha tü 'm fast ün utêr da crap, schi non il fabbrichar da peidras intagliadas; cur tü fast passar il schalpen süsura, vainst a las impalar.

* Deut. 27, 5.

26. E non ir sü per schaluns pro meis utêr, cha tia nüdezza non as scoverna pro quel.

CHAP. XXI.

Ils drets politics, e ledschas güdicialas comainzan.

MA quaistas *sun* las ledschas güdicialas, las qualas tü dessast proponer ad els.

2. * Cur tū vainst ad avair comprà ün famagl Ebreer, dess el at servir ses ans; ma nel settavel dess el ir oura franc, sainza pajar.

* Deut. 15, 12. Ger. 34, 14.

3. Sch' el ais gnü sul con seis corp, ch'el giaja con seis corp; sch'el avai-va duonna, cha sia duonna gïaj' oura con el.

4. Scha seis patrun l' ha dat duonna, ed ella al parturisch a figls, o figlias; la duonna ed ils infants da quella dessan esser del patrun; ed el gïaj' oura con seis corp.

5. * Ma, scha pür il famagl disch: Eu am meis patrun, mia duonna e meis infants; eu non vögl ir oura franc;

* Deut. 15, 16.

6. Schi cha seis patrun il fetscha * comparair avant ils güdischs, e l' fetscha s' approssmar pro l' üsch, o pro las chassas *della porta*, e l' foura l' uraglia con üna sübla, ch' el al serva asaimper.

* Ex. 22, 8.

7. E cur alchün avess vendü sia figlia per fantschella, *schì* ch' ella non gïaj' our *da chasa*, seo van oura ils famagls.

8. Sch' ella displascha a seis patrun, al qual *il bap* l' avess spusada; cha quel la fetscha franca, ne haja autorità da la vender ad ün pövel ester, daspö l' avair ruot la fai.

9. E sch' el l' ha spusada a seis figl, ch' el la tratta seguond ils drets dellas figlias.

10. Sch' el al piglia ün' otra, schi non la dess el diminuir il nudriamaint, ne l' vestir, ne la coabitaziun.

11. Ed ingio el non la fa quaistas trais *chosas*, ch' ella gïaj' oura per inguotta, *sainza* pajar danêrs.

12. * Chi avess battü ün hom, ch' el moura, saja a tuotta via fat morir.

* Lev. 24, 17. Mat. 5, 21.

13. Ma, quant' a quelchi non l' avess guetâ sü; e Deis per cas l' avess fat crodar nels mans, schi t' vögl eu * definir ün lö, ingio l' possa fügen.

* Num. 35, 11. Deut. 19, 2.

14. Ma, cur alchün per temerarietà avess guetâ conter seis prossem, da l' ammazzar con ingian; * tira l' davent da meis utêr, ch' el moura!

* 1 Reg. 2, 28. Deut. 19, 11, 12.

15. Chi avess battü seis bap, o sia mamma, saja a tuotta via fat morir.

16. * E chi avess involâ üna persuna; e l' avess vendüda, o retgnüda, saja a tuotta via fat morir.

* Deut. 24, 7.

17. * E chi avess smaledi seis bap, o sia mamma, saja a tuotta via fat morir.

* Lev. 20, 9. Prov. 20, 20. Mat. 15, 4. Marc. 7, 10.

18. E cur alchüns as dispittessan insembel, e l' ün avess battü l' oter con üna peidra, o con il puogn, usche ch' el non moura, ma giascha in let;

19. Sch' el leiva sü, e chamin' oura vi' a seis bastun, schi quel chi l' ha battü saja absolt; solum ch' el al paja quai ch' ais stat intardâ, e l' fetscha medgiar fin a guarischun complida.

20. E cur alchün avess battü con ün bastun seis famagl, o sia fantschella, dasort ch' el al moura suot il man, schi dess a tuotta via gnir fat vendetta;

21. Ma sch' el pür resta ün di, o duos, schi non dess gnir fat vendetta; perche l' *ais* seis danêr.

22. E cur alchüns, as dispittand insembel, avessan battü üna duonna gravida, dasort cha l' part crouda, ma non intra cas da mort; schi saja quel chi l' avess battüda condannâ per falla, seguond cha l' marit della duonna al metta sü, e dess pajar avant ils güdischs;

23. Ma, scha l' ais cas da mort, schi dessast metter vita per vita,

24. * Ögl per ögl, daint per daint, man per man, pè per pè,

* Lev. 24, 20. Deut. 19, 21. Mat. 5, 38.

25. Arsüra per arsüra, ferida per ferida, buolla per buolla.

26. E cur alchün avess battü l' ögl da seis famagl, o l' ögl da sia fantschella, e l' avess guastâ; ch' el il lascha ir liber per seis ögl.

27. Medemmamaing, sch' el ha fat crodar oura ün daint a seis famagl, o a sia fantschella; ch' el il lascha ir liber per seis daint.

28. * E cur ün bov avess feri ün hom, o üna duonna, dasort ch' el moura, quel bov saja a tuotta via accerrappâ, e la charn non as dess

mangiar, ma 'l patrun del bov *saja* absolt.

* Gen. 9, 5.

29. Ma scha 'l bov nel passâ eira üsâ a ferir, e *scha da* quai ais stat protestâ a seis patrun, ed el non l' ha perchürâ, e 'l bov ha mazzâ ün hom, o üna duonna; schi saja il bov accrappâ, ed eir seis patrun fat morir.

30. Schi 'l vain miss sü qualche pretsch da spendranza, ch' el paja la spendranza da sia vita interamaing, seo cha vain al esser miss sü.

31. Scha 'l bov fera ün figl, o üna figlia, schi cha 'l fetschan seguond quaista ledscha.

32. Scha 'l bov fera ün famagl, o üna fantschella, schi cha paja il *patrun del bov* trenta siceals d' argient al patrun da quel, e 'l bov saja accrappâ.

33. E sch' alchün scovernâ üna fossa; ovvero, aviand chavâ üna fossa, non la covernâ, e scha crouda laint bov, o asen,

34. Schi dess il patrun della fossa refar il dan, pajand ils danêrs al patrun, e 'l mort saja seis.

35. E scha 'l bov d' alchün fera il bov d' ün oter, dasort ch' el moura, schi ch' els vendan il bov viv, e partan il danêr per mitâ; partan eir il mort.

36. Ma, scha ais notori, cha quel bov peravant eira üsâ a ferir, e 'l patrun da quel non l' ha perchürâ, schi ch' el a tuotta via restituescha bov per bov; ma il mort saja seis.

CHAP. XXII.

Üna continuaziun dellas ledschas güdicialas.

CUR alchün avess * involâ ün bov, o üna nuorsa, o üna chavra, e 'l avess mazzada, o vendüda; schi ch' el paja tshinch bovs per quel bov, e quatter nuorsas, o chavras per quella nuorsa, o chavra. * 2 Sam. 12, 6.

2. Scha 'l lader nel rumper aint vain chattâ, e battü ch' el moura, schi non aise cuolpa da mort.

3. Scha però 'l solai ais alvâ cur el gniss clappâ, *schi aise* cuolpa; e 'l lader satisfetscha del tuot; e sch' el non ha da *satisfar*, ch' el saja vendü per seis ladranetsch.

4. Impero scha l' invöl vain chattâ

viv in seis man; o bov, o asen, o nuorsa, che cha saja, schi *ch' el* restituescha il dobel.

5. Sch' alchün fa pascular ün champ, o üna vigna, e trametta seis bestiam nel champ d' ün oter, e paschainta laint, schi ch' el satisfetscha il dan col megler da seis champ, e col megler da sia vigna.

6. Cur ün fö va oura, ed impizza las spinas, dal che vain consümâ il gran in mantuns, o früas, o champ, schi cha quel chi ha invüdâ il fö, satisfetscha del tuot il dan.

7. Cur alchün avess dat insalv a seis prossem danêrs, o vascHELLA, e quai gniss involâ our dalla chasa da quel; scha 'l lader vain chattâ, schi ch' el restituescha il dobel;

8. Non vain chattâ il lader, schi cha compara il patrun della chasa * avant ils redschadurs, *per gürar*, ch' el sves non haja miss il man sur la roba da seis prossem. * Ps. 82, 1.

9. In ogni causa da misfat supra bov, asen, nuorsa, chavra, vestimainta, o *otra* chosa persa, dalla quala *ün* disch: Quai^t *ais* quella; schi vegna la causa d' ambas *parts* avant ils redschadurs, e quel cha 'ls redschadurs vegnan a condannar, paja a seis prossem il dobel.

10. Cur alchün avess dat a seis prossem a perchürar asen, o bov, o nuorsa, o qualunque otra bestia, e quella moura, o soffra dan, o vain chatschada davent, sainza ch' alchün vezza;

11. Schi cha 'l saramaint del Segner intervegna tanter las duos *parts*, per savair, sch' el non haja miss il man sur la roba da seis prossem; schi cha 'l patrun accetta *quai*, e l' oter non saja obliâ da pajar.

12. Impero scha *quai* l' ais stat involâ davent dad el, * schi ch' el detta satisfacziun al patrun da que. * Gen. 31, 39.

13. Ma, scha l' ais statta scharpada *da bestias solvadias*, schi ch' el la porta *per* testimonianza, e non saja obliâ da pajar il scharpâ.

14. E cur alchün avess tut ad impraist *üna bestia* da seis prossem, e quella pigless dan, o moriss, cha 'l patrun non *ais* presaint, schi cha quel del tuot la paja.

15. *Ma*, scha 'l patrun *ais stat* pre-saint, schi non saja *quel* oblià da la pajar; scha la bestia cira tuta a ftüra, *schì* eir' ella gnüda per il pretsch da sia ftüra.

16. * E cur alchün avess surmanâ üna vergine, chi non ais spusada, ed avess dormi con ella, schi ch' el a tuotta via l' indotta, *e la piglia* per muglier. * Gen. 34, 1.

17. Impero scha 'l bap da quella rechüsa a tuotta via da la dar, schi ch' el paja con danêr, seguond la dotta dellas vergines.

18. * *La duonna* inchantadura non laschar viver. * Deut. 18, 10.

19. * Chi 's congionsecha con üna bestia, saja a tuotta via fat morir.

* Lev. 18, 23.

20. * Chi sacrificha ad *oters* deis, ourdvar al Segner sulet, saja sterminâ sco smaledi.

* Deut. 17, 2.

21. * Al forestêr non far forza, e non il squitschar suot, siand vus eschat stats forestêrs nella terra d' Egipto.

* Lev. 19, 33.

22. * Alchüna vaidgua, ne orfan non affligarai.

* Zac. 7, 10.

23. Guarda da non l' affliger in ingüna maniera; perche, sch' el clama pro mai, schi vögl eu a tuotta via exodir seis clamar.

24. E mia ira vain as invüdar, e con la spada vegn eu as ammazzar, e vossas mugliers vegnan a gnir vaidguas, e voss infants orfans.

25. * Cur tü vainst ad imprastar danêrs a meis pövel, al pover sper tai, schi non proceder vers el in guisa d' usurari; non al mettarai sü usura.

* Lev. 25, 36.

26. * Scha tü pür pigliast in pain il vestimaint da teis prossem, schi renda 'l fin al tramontar del solai;

* Deut. 24, 13.

27. Perche quel ais sia suletta coverta, l' ais seis vesti *per covernar* sia pel. In che dess el dormir? Con-tuot dvainta, sch' el clama pro mai, schi vegn eu al exodir; perche eu *sun* grazius.

28. Non dir mal dals redschadurs, * e non smaledir ün princip da teis pövel.

* 2 Sam. 16, 13.

29. Non surtrar a *pajar la primi-*

zia da tia vendemia, ne del gottar da teis ölis. * Dà a mai il primogenit da teis figls.

* Ex. 13, 2, 12.

30. * Fà il sumgiant con teis bov, e tia nuorsa, e chavra; *il prüm portar da quels* stetta set dis pro sia mamma, ed al ottavel di da 'l a mai. * Lev. 22, 27.

31. * E sajat a mai gliend sancta, e non † mangiarai charn *şcharpada* dallas *bestias solvadias* sün la cüt-türa; büttâ-la avant ils chans.

* Lev. 11, 44. † Lev. 22, 8.

CHAP. XXIII.

Las ledschas giudicialas, o civilas glivran, e vegnan missas pro eir otras ceremonialas e morales.

NON alvantar üna fosa fama; non metter man con l' empi per esser fosa perdüta.

2. Non seguitar als blers per far mal, e non dar sentenza in üna lite, * inclinand a favorir als blers, per far tort.

* Lev. 19, 15.

3. Non hajast resguard neir del pover in sia lite.

4. * Scha tü inconstrast il bov da teis inimi, o seis asen, it ad erramaints, schi condüa 'l a tuotta via pro el.

* Deut. 22, 1.

5. * Scha tü vezzast l' asen da quel, chi 't voul mal, giaschand suot seis charg, volessast tü laschar sainza 'l güdar; a tuotta via fà con el, ch' el poss' ir plünavant.

* Deut. 22, 4.

6. * Non far tort al manglus in sia lite.

* Deut. 27, 19.

7. At fà dalönsch davent del tshan-tschar fos; e non far morir l' inno-zaint, ne 'l güst; perche eu non vegn ad absolver l' empi.

8. * E non tour presaints; perche il presaint sorbainta quels chi vezzan cler, e ruversa ils plets dels güsts.

* Deut. 16, 19.

9. * E non squitschar il forestêr; perche vus savais *il stadi* dell' orna del forestêr, essendo stats forestêrs nel pajais d' Egipto.

* Ex. 22, 21.

10. * Ses ans semna tia terra, e clea aint il früt da quella;

* Lev. 25, 3.

11. Ma ogni settavel *an* lasch-la vöda, ed a bandun, cha 'ls manglus da teis pövel mangian ils früts da quella, e quai ch' els laschan vanzar,

dessan magliar las bestias della champagna. Il sumgiant fà con tia vigna, e con tei olivêrs.

12. * Ses dis fà tias fatschendas; ma il settavel di at reposa; acio cha tei bov, e tei asen hajan pos; e'l figl da tia fantschella, e'l forestêr as possan remetter. * Ex. 20, 8.

13. E's fat bain surasen sün tuot quai ch'eu s'ha dit, e * del nom dels esters deis non as regordarai; cha quel non vegna udi our da vossa bocca. * Gios. 23, 7.

14. * Trais solennas festas al an dessat am celebrar. * Ex. 12, 3.

15. Observa la festa dels azims; mangia set dis *pans* azims, sco eu t'ha comandâ, al temp ordinâ del mais abib; siand tü in quel mais est trat our d'Egipto; * ed ingün non compara vöd avant mia fatscha. * Ex. 34, 20.

16. Similmaing *observa* la festa della mess, dellas primizias da tei früts, cha tü hast semnâ in tei champ; e la festa della raccolta, al ioura del an, eur tü fast la raccolta da tei früts sün ils champs.

17. Tuots tei maschels dessan comparair trais voutas l'an avant la fatscha del Segner, *chi ais* l'Etern.

18. Non sacrificar pro pan alvâ il sang da meis sacrifici; ed il grass *del agnè da mia solennità* non saja salvâ la not fin alla mattina.

19. * Porta nella chasa del Segner tei Deis las primizias dels prüm früts da tia terra. Non coscher l'usöl nel lat da sia mamma. * Ex. 34, 26.

20. * Mera, ün angel tramet eu avant tai, per at perchürar sün la via, e t'condür nel lö, ch'eu ha perdet. * Ex. 33, 2. 14.

21. T'inguarda bain a sia presenza, ed obedesch' a sia vusch, e non il grittantar; perche el non vain a perdunar voss misfats; perche meis nom *ais* in el.

22. * Ma, scha tü pür obedeschast a sia vusch, e fast tuot quai ch'eu vegn a dir, schi vögl eu esser inimi da tei inimis, ed adversari da tei adversaris. * Gen. 12, 3.

23. Perche meis angel dess ir avant a tai, e t'introdür nel *pajais* dels

Amorits, dels Hetits, dels Feresits, dels Cananits, dels Hevits, dels Jebusits; e quels *pövels* vögl eu destrüir.

24. * Non adurar lur deis, e non als servir, e non far seguond las ouvas da quels *pövels*; anzi sdrüa quels dafat, e del tuot spazza lur statuas. * Num. 33, 52.

25. * E servi al Segner vos Deis, ed el vain a benedir tei pan e tia ana, ed *ogni* infirmità vögl eu tour via our da mez tai. * Ex. 15, 26.

26. E non dess esser in tei pajais femna chi disperda, ne sterile; eu vögl complir il number da tei dis.

27. * Meis spavent vögl eu trametter avant tai, e metter in diruotta ogni pövel nel *pajais*, nel qual tü vainst ad intrar; e far, cha tuot tei inimis volvan lur spadlas avant tai. * Ex. 14, 24.

28. * Eu vögl eir trametter vespras *malas* avant tai, las qualas *schatschan* da tei conspet ils Hevits, ils Cananits, ed ils Hetits. * Deut. 7, 20.

29. Our da tei conspet non ils vögl eu *schatschar* in ün an; cha forza il pajais non vegna desert, ne cha las bestias solvadias della champagna as multipliechan conter tai;

30. A pac a pac ils vögl eu *schatschar* da tei conspet, fin cha tü sajast creschü, ed hajast tut possessiun del pajais.

31. E tei confins vögl eu metter dal mâr cotschen, fin al mâr dels Filistins, e dal desert fin al flüm; perche eu vögl dar in voss mans ils abitants del pajais, e tü vainst als *schatschar* davant tai.

32. * Con els non far alchüna lia, ne con lur deis. * Ex. 34, 12. 15.

33. Els non dessan avdar in tei pajais, ch'els non at surmainan a pechar conter mai; * perche scha tü gnissast a servir a lur deis, schi gniss *quai* at esser ün latseh. * Num. 25, 3.

CHAP. XXIV.

La predgia da Mose, sia devoziun e vocaziun sün il munt, con la dmura da 40. dis.

LURA dschet el a Mose: * Vâ sül pro'l Segner, tü ed Aaron, Nadab

ed Abihu, e settanta dels seniurs d'Israel, ed adurai dalönsch.

2. Mose lura vegna sulet nan pro 'l Segner, ma quels *oters* cha non s'approsmän, e 'l pövel non giaja sü con el.

3. Contuot schi gnit Mose, e quintet al pövel tuots ils plets del Segner, e tuot las ledscas. E 'l pövel respondet tuot per üna vusch, e dschet: * Tuot las chosas cha 'l Segner ha dit volain nus far. * Ex. 19, 8.

4. Lura scrivet Mose tuots ils plets del Segner, ed alvand la mattina, * edifichet el suot quel munt ün ütê, e drizzet sü dudiesch coluonnas, seguond las dudiesch schlattas d'Israel;

* Gen. 28, 18. Ex. 20, 4.

5. E tramettet ils ministers dels infants d'Israel ad offerir offertas da fö, e sacrificar al Segner trims per sacrificis d'ingraziamaint.

6. E Mose piglet la mità del sang, e 'l mett in batschigls, e l'otra mità sprinzlet el sün l'ütê.

7. Lura piglet el il cudesch dell'alianza, e 'l leet in presenza del pövel; ed els dschettan: Tuot quai cha 'l Segner ha dit volain nus far, e volains obedir.

8. * Mose lura piglet quel sang, e 'l sprinzlet sün il pövel, e dschet: Mera, il sang dell'alianza cha 'l Segner fa con vus sopra tuots quels plets.

* Ebr. 9, 20.

9. Lura Mose ed Aaron, Nadab ed Abihu, e settanta dels seniurs d'Israel gettan sü,

10. E vezzettan il Deis d'Israel, e suot ils peis da quel *eira* sco ün lavurêri da peidras da saffir, sumgiant al tsel istess in clarità.

11. Ma el non mettet seis man sur ils elets dels infants d'Israel; anzi els vezzettan Deis e mangettan e bavettan.

12. * Lura disch il Segner a Mose: Vê pro mai sül munt, e 't ferma qua, ed eu 't vögl dar tablas da crap, cioè la ledscha, ed ils comandamaints ch'eu ha scrit per mossar ils infants d'Israel.

* Ex. 31, 18.

13. Mose dimena, con Giosua seis serviaint, alvet sü; e Mose get sün il munt da Deis.

14. Ed als seniurs d'Israel dschet el: Rumagnai qui, e spettai fin cha *nus* turnain pro vus; mera, Aaron ed Hur *sun* pro vus; minchün chi ha qualche affar giaja avant els.

15. Mose dimena get sül munt, e la nüvla covernet il munt,

16. E la gloria del Segner as tschan-tet sün il munt Sinai, e la nüvla il covernet il *spazi* da ses dis; ed al settavel di clamet il Segner Mose our da mez la nüvla.

17. E l'aspet della gloria del Segner *eira* * simil ad ün fö cosümänd, sün la sommità del munt, avant la vista dels infants d'Israel. * Ebr. 12, 29.

18. E Mose intret in mez la nüvla, e get sül munt, * e dmuret sün il munt, quaranta dis, e quaranta nots.

* Ex. 34, 28.

CHAP. XXV.

Deis comanda a Mose da far üna collecta da diversa materia per fabricar il tabernacul, e seis furnimaint. E lura al da el il modell dell'archa, della maisa, e del chandallêr.

LURA favlet il Segner con Mose, dschand:

2. * Di als infants d'Israel, cha 'm fetschan offertas; mi'offerta pigliai d'ogni ün, il cour del qual vain moventâ lapro.

* Ex. 35, 5.

3. Ma l'offerta cha vus dessat tour dad els *ais* quaista: Or, ed argient, ed aram;

4. Violet, e purpur, e scharlatta, e glin fin, e *pails* da chavra;

5. E pels da bümatsch tittas a cot-schen, e pels da tass, e lain da sittim;

6. Öli per la glümêra, speziarias per l'öli dell'uncziun, e per il fument dellas speziarias;

7. Peidras d'onix, e peidras d'inchavar, per l'efod, e per il pectoral;

8. E ch'els am fetschan ün sanctuari, ed eu vögl avdar in mez els.

9. Fat quel interamaing seguond il modell del tabernacul, e 'l modell da tuot sia üsaglia, ch'eu at moss.

10. * Cha fetschan dimena ün'archa da lain sittim, la lungezza da quala *saja* duos bratschs muots e mez, e la ladezza ün bratsch muot e mez, e l'otezza ün bratsch muot e mez;

* Ex. 37, 1. Ebr. 9, 4.

11. E surtir-la con or net dadaint e dadoura; e fà sur quella ün ur d'or intuorn.

12. E cula landervia quatter anels d'or, e metta *quels anels* süls quatter chantuns da quella, duos d'üna dellas varts *dell'archa*, e duos dell'otra.

13. Fà eir stangas da lain sittim, e covern-las con or.

14. E quellas stangas metta aint nels anels allas varts dell'archa, per la portar con quellas.

15. * Las stangas dessan restar nels anels dell'archa, e na gnir trattas oura. * 1 Reg. 8, 8.

16. Lura metta nell'archa la testimonianza ch'eu vegn at dar.

17. Fà eir *all'archa* ün * vierchel d'or net, la lungezza *saja* da duos e mez bratschs muots, e la ladezza d'ün e mez bratsch muot. * Ex. 37, 6.

18. E fà duos * cherubins d'or; fa'ls con lavur battüda col martè, sün ils duos cheus del vierchel.

* Ex. 37, 7.

19. Fà dimena ün cherubin sün ün dels cheus da quaista, ed ün oter sün l'oter dell'otra *vart*. Fat quaists cherubins sur il vierchel istess, sün ils duos cheus da quel.

20. Ed ils cherubins dessan sladar las alas suravia, covernand con lur alas süsur il vierchel, ed hajan lur fatschas voutas l'ün vers l'oter; sajan drizzadas las fatschas dels cherubins vers il vierchel.

21. * E metta il vierchel sün l'archa süsura, e nell'archa metta la testimonianza ch'eu vegn at dar. * Ebr. 9, 4.

22. * E qua vögl eu am chattar presaint con tai, e tschantschar con tai giò dal vierchel, in mez ils duos cherubins, chi sun sur l'archa della testimonianza, e't vögl dir tuot las chosas, ch'eu vegn at comandar *da proponer* als infants d'Israel. * Num. 7, 89.

23. * Fà eir üna maisa da lain sittim, sia lungezza *saja* da duos bratschs muots, e la ladezza d'ün bratsch muot, e l'otezza d'ün e mez bratsch muot. * Ex. 37, 10.

24. E covern-la con or net, e fà-la ün ur d'or intuorn.

25. Fà-la eir üna lista intuorn, ota d'üna palma, d'or net, ed a quella sia lista fà ün ur d'or, intuorn intuorn;

26. Ultra quai fà-la quatter anels d'or, e metta *quels anels* sün ils quatter chantuns, vi'als quatter peis da quella;

27. Ils anels sajan via conter la lista, contgnand las stangas, per portar la maisa;

28. E las stangas fà da lain sittim, e surtir-las con or, a portar con quellas la maisa.

29. Fà eir sias *schüdellas*, seis sduns, sias chantas, e seis batschigls, con ils quals as fan las sparsiuns; quellas chosas fà con or net.

30. * E metta sün la maisa il pan del conspet, da contin. * Lev. 24, 5, 6.

31. * Fà eir ün chandallêr d'or net; fa'l con lavur battüda con il martè, usche sia chamma, e seis vuorgs; ils vashels da quel, seis poms, e sias bozzas sajan d'üna pezza col chandallêr. * Ex. 37, 17.

32. E *sajan* ses vuorgs chi vegnan our dallas varts da quel; trais vuorgs del chandallêr da sia üna vart, e trais da sia otra.

33. In ün da quels vuorgs *sajan* trais vashels, in fuorma da nusch da mandels, ed ün pom, ed üna bozza, e sumgiantamaing nel oter vuorg, trais vashels in fuorma da nusch da mandels; ed ün pom, ed üna bozza; ed usche nels ses vuorgs del chandallêr.

34. E vi'alla *chamma del chandallêr sajan* quatter vashels in fuorma da nusch da mandels con seis poms, e con sias bozzas.

35. E vi'als ses vuorgs, chi vegnan our dal chandallêr, *saja* ün pom suot ils duos *prim*s vuorgs, d'üna pezza col chandallêr; ed ün pom suot ils duos *oters* vuorgs, *darcheu* d'üna pezza col chandallêr, ed ün pom suot ils duos *ultims* vuorgs, *darcheu* d'üna pezza col chandallêr.

36. Sajan ils poms, e lur vuorgs d'üna pezza col chandallêr; *saja* tuot il chandallêr d'üna pezza d'or net, battü con il martè.

37. * Fà eir las set glümêras da quel,

ch' ün las invüda, e cha fetschan glüm vers la part davant del chandallèr.

* Ex. 27, 21. 37, 23.

38. E *sajan* sias moccettas, e seis receptaculs d' or net.

39. Impuonda intuorn quel, ed intuorn tuot quaists instrumaints ün talent d' or.

40. * Equellaschosas tuottas guarda da far seguond il modell chi t' ais mossà sün il munt.

* Act. 7, 44.

CHAP. XXVI.

Deis informa Mose, co ch' el haja da far il tabernacul, e la vela.

FÀ eir il * tabernacul our da desch tailas da glin fin stort, da violet, da purpur e da scharlatta, e fà quellas con cherubins in lavur da smaliadura.

* Ex. 36, 8.

2. La lungezza d' üna taila *saja* da vainch ot bratschs muots, e la ladezza da quatter bratschs muots; quellas tailas tuottas *sajan* d' ün' istessa masüra.

3. Tschinch tailas as dess gionscher l' üna con l' otra, e tschinch *otras* tailas *sumgiantamaing sajan* güttas l' üna con l' otra.

4. E fà latschets da violet vi' al ur d' üna dellas tailas, *chi sarà* ourasom d' üna dellas gionschadüras; fà eir il sumgiant vi' al ur della taila davo nella segunda gionschadüra.

5. Fà tschinquanta latschets in üna da quellas tailas, e sumgiantamaing tschinquanta latschets ourasom la taila chi *ais* alla segunda gionschadüra; *sajan* ils latschets l' ün contrapost al oter.

6. Fà eir tschinquanta crotshets d' or, e congionscha las tailas con quels crotshets, l' üna con l' otra; cha usche saja il tabernacul ün intèr.

7. * Ultra quai fà sur il tabernacul tendas con taila da pail da chavra; fà ündesch da quellas tailas.

* Ex. 36, 14.

8. La lungezza d' üna taila *saja* trenta bratschs muots, e la ladezza quatter bratschs muots; las ündesch tailas *sajan* d' ün' istessa masüra.

9. E gionscha tschinch da quellas tailas a part, e ses a part; ed ardubla

la sesavla taila sün la part davant del tabernacul.

10. E fà tschinquanta latschets vi' al ur d' üna dellas tailas, *chi sarà* ourasom la prüma gionschadüra, ed il medem tschinquanta latschets vi' al ur della taila davo la segunda gionschadüra.

11. Fà eir tschinquanta crotshets d' aram, e metta ils crotshets nels latschets, e maina insembel la tenda, acio ch' ella saja gütta in ün intèr.

12. Ed il super plü, chi vain a vanzar vi' alla taila della tenda, cioè, quella mezza taila chi sarà superplü, dess supravanzar vi' alla part davo del tabernacul.

13. E' l bratsch muot da quaista, e' l bratsch muot dall' otra vart, chi sarà da superplü nella lungezza dellas tailas della tenda, dess supravanzar da quaista e dall' otra vart del tabernacul, per il covernar.

14. * Fà alla tenda eir üna coverta da pels da bümatsch tittas a cotschen, ed ün' otra coverta da pels da tass da mâr, süsura.

* Ex. 36, 19.

15. * Ultra quai fà assas per il tabernacul, fà-las da lain sittim, *per las metter* dret sü.

* Ex. 36, 20.

16. La lungezza da minch' assa *saja* desch bratschs muots, e la ladezza ün e mez bratsch muot.

17. Minch' assa haja duos chassas d' inchastrar ün toe nel oter; usche fà con tuot las assas del tabernacul.

18. Fà dimena las assas per il tabernacul; vainch assas dalla vart australe, vers mezdi.

19. E fà quaranta sostegns d' argient, per metter suot las vainch assas; duos sostegns suot minch' assa, pro sias duos chassas.

20. E vainch assas per l' otra vart del tabernacul, vers l' aquilone,

21. Con lur quaranta sostegns d' argient, duos sostegns suot scodün' assa.

22. E per il fuond del tabernacul, vers l' occidaint, fà ses assas.

23. Fà eir duos assas per ils chantuns del tabernacul, nel fuond.

24. E *sajan* quellas a duos fatschas, dal fuond in sü, e tuottas *sajan* bain

inglittas insembel al cheu *da quaistas assas* con ün anè; *quellas duos assas, chi vegnan ad esser* per ils duos chantuns sajan fattas d' üna medema maniera.

25. Cha sajan dimena ot assas, con lur sostegns d' argient, in number da saidesch sostegns; duos sostegns suot scodün' assa.

26. * Fà eir tschinch stangas da lain sittim, per las assas dell' üna dellas varts del tabernacul. * Ex. 36, 31.

27. Il medem tschinch stangas per las assas dell' otra vart del tabernacul, e tschinch stangas per las assas della vart del fuond del tabernacul vers occidaint.

28. E la stanga da mez *saja* in mez las assas, e riva d' ün cheu al oter.

29. E coverna las assas con or, e fà lur anels d' or, per metter aint las stangas; coverna eir las stangas con or.

30. * Drizza lura sü il tabernacul seguond il desegn da quel, chi t' ais stat mossâ sün il munt. * Act. 7, 44.

31. * Fà eir üna vela da violet, e da purpur, e da scharlatta, e da glin fin stort; fà-la con lavur da smaliadüra a guisa da cherubins. * Ex. 36, 35.

32. E pend-la vi' a quatter coluonnas *da lain* sittim, covernadas con or, con lur testettas d' or, *tschantadas* sün quatter sostegns d' argient.

33. E metta la vela suot ils crotsehs, e porta là, dadaint la vela, l' archa della testimonianza; e quella vela fetscha separaziun intanter il *lō* sanet e 'l sanctissem.

34. E metta il vierchel sur l' archa della testimonianza, nel *lō* sanctissem.

35. E la maisa metta dadour la vela, dalla vart settentrionala, e 'l chandallêr dretvia la maisa, dalla vart da mezdi del tabernacul.

36. * Fà eir per l' intrada del tabernacul ün tapet da violet, e da purpur, e da scharlatta, e da glin fin stort, da lavur da richamadüra.

* Ez. 36, 37.

37. E fà tschinch coluonnas *da lain* sittim, per *pender sü* quel tapet, e surtira *las coluonnas* con or, e *sajan* lur testettas d' or, e *dessast cular* a *quellas tschinch sostegns* d' aram.

CHAP. XXVII.

La fuorma del utêr, e da tuot seis uorden chi oda pro.

ULTRA quai fà * ün utêr da lain sittim, la lungezza *saja* tschinch bratschs muots, e la ladezza tschinch bratschs muots; *ch' el saja* quader, e l' otezza da trais bratschs muots.

* Ex. 38, 1.

2. E fà sias cornas sün seis quatter chantuns, las qualas sajan vi' al utêr istess, e coverna 'l con aram.

3. E fà 'l eir chüderas, per raspar insembel sias tschendras, e palettas, e batschigls, e furchettas, e chazzas; tuot ils instrumaints da quel fà d' aram.

4. Fà 'l eir ün giatter d' aram, in möd da rait, e sün quel giatter fà quatter anels d' aram, sün ils quatter chantuns da quel.

5. E metta 'l nel circuit del utêr giò bass, cha *saja* quella rait fin a mez l' utêr.

6. Fà eir stangas per l' utêr da lain sittim, e cuvern-las con aram.

7. E las stangas da quel as dess metter nels anels, cha sajan las stangas allas duos varts del utêr, eir l' ais da portar.

8. Fà 'l con tablas, vöd; fà quel seo sül munt at ais stat mossâ.

9. * Fà eir il cortil del tabernacul; dalla vart australa, vers mezdi, *haja* il cortil tschient bratschs muots lungezza da velas da glin fin stort; *tant* d' üna vart; * Ex. 38, 9.

10. Con sias vainch coluonnas e lur vainch sostegns d' aram, e *sajan* las testettas, ed ils corduns dellas coluonnas d' argient.

11. Usche eir dalla vart settentrionala per lung, *haja* 'l la lungezza da tschient bratschs muots da velas; con lur vainch coluonnas, e lur vainch sostegns d' aram, e *sajan* las testettas ed ils corduns dellas coluonnas d' argient.

12. E per lad dalla vart occidentala *haja* il cortil tschinquanta bratschs muots da velas, con lur desch coluonnas, e desch sostegns.

13. E per lad dalla vart orientala, vers il levante, *haja* il cortil *il medem*, tschinquanta bratschs muots *da velas*;

14. Cioè in ün chantun quindesch bratschs muots da velas, *con* lur trais coluonnas, e trais sostegns.

15. Ed al oter chantun, il medem, quindesch *bratschs muots* da velas, *con* lur trais coluonnas, e trais sostegns.

16. Ed al introit del cortil *saja* ün tapet da vainch bratschs muots, da violet, e da purpur, e da şcharlatta, e da glin fin stort, lavur da richamatur, *con* lur quatter coluonnas, e quatter sostegns.

17. Tuot las coluonnas del cortil *hajan* intuorn corduns d' argient, e *sajan* lur testettas d' argient, e lur sostegns d' aram.

18. La lungezza del cortil *saja* tschient bratschs muots, e la ladezza, d' üna vart e l' otra, tschinquanta bratschs muots; e l' otezza tschinch bratschs muots; *las velas sajan* da glin fin stort, ed ils sostegns dellas coluonnas d' aram.

19. *Saja* d' aram tuot l' üsaglia del tabernacul, per qualunque seis servezzen; seo eir tuot sias claviglias, e tuot las claviglias del cortil.

20. * Comanda eir als infants d' Israel, cha 't portan üli d' oliva net, vergin, per la glümêra, per invüdar da contin las lampas. * Lev. 24, 2.

21. Cha las mettan in uorden Aaron e seis figls, *per arder* dalla saira fin la mattina avant il Segner nel tabernacul della raspada, dadour la vela, chi *ha dad esser* avant la testimonianza. *Quaist saja* ün statut per asaimper, d' *observar* dals infants d' Israel tras lur etats.

CHAP. XXVIII.

Deis ordaina Aaron e seis figls per seis sacerdots, e che vestas els as dessan far.

E tüt fà gnir nan pro tai, intanter ils infants d' Israel, * Aaron, tei frar, e seis figls cón el, chi 'm exerciteschan il sacerdotadi; Aaron, di eu, e Nadab, ed Abihu, ed Eleazar, ed Itamar, figls d' Aaron. * Ex. 40, 12.

2. E fà ad Aaron, tei frar, * vestimainta sancta, a gloria, ed ornamaint. * Ps. 132, 9.

3. E tschantsha con tuots ils homens industrius, ils quals eu ha impli

con il spiert d' industria, cha fetschan la vestimainta d' Aaron, per il consacrar, acio ch' el m' exercitescha il sacerdotadi.

4. Ma quaists *sun* ils vestimaints ch' els han da far: Il pectoral, e 'l efod, e 'l mantel, e la rassa traponshüda, la binda, e la tschinta. Cha fetschan usche la vestimainta sancta ad Aaron, tei frar, ed a seis figls, per m' exercitar il sacerdotadi.

5. E piglian lapro or, violet, purpura, şcharlatta, e glin fin;

6. * E fetschan l' efod d' or, da violet, da purpur, da şcharlatta, e da glin fin stort, con lavur da smaliadüra. * Ex. 39, 2.

7. Cha sajan duos güvlêrs chi 's tanchan insembel dels duos cheus da quel; ed *usche* saja l' efod lià insembel.

8. E saja il desegn della tschinta, chi *sarà* sün l' efod, con la quala el vainas tschintar, della medema lavur, tratta dal efod stess, d' or, da violet, da purpur, da şcharlatta, da glin fin stort.

9. Piglia eir duos peidras d' onix, ed intaglia in quellas ils noms dels figls d' Israel.

10. Ses da lur noms nell' üna peidra, ed ils oters ses noms nell' otra peidra, seguond lur nascitas.

11. In quellas duos peidras intaglia ils noms dels figls d' Israel, con lavur d' intagliadur da peidra, *seo* cha s' intaglia ils sagels; fà-las intschercladas intuorn con or;

12. E metta quellas duos peidras sün ils güvlêrs del efod, acio cha sajan peidras da regordanza per ils figls d' Israel; ed Aaron porta lur noms avant il Segner, sün sias duos spadlas, per memoria.

13. E fà intschercladüras d' or.

14. E duos chadainettas d' or net; fà-las a corda, con lavur intarscholada, e tacha quellas chadainettas intarscholadas vi' allas intschercladüras.

15. * Ultra quai fà il pectoral del güdizi, con lavur da smaliadüra; fà 'l dalla lavur del efod, d' or, e da violet, e da purpur, e da şcharlatta, e da glin fin stort; * Ex. 39, 8.

16. Cha 'l saja quader e dobel, ed haja in lungezza üna palma, ed üna palma in ladezza.

17. Ed inchastra in quel peidras *preziusas*, in inchavadüras, in quatter lingias; nella prüma *saja* ün sardonix, ün topasi, ed ün smaragd.

18. Nella seguonda, ün carbuncel, ün saffir, ed ün diamant.

19. E nella terza, ün ligurio, ün agata, ed ün ametist.

20. E nella quarta, ün crisolit, üna peidra onichina, ed ün jaspis. *Quellas peidras* sajan inchastradas in lur inchavadüras d' or.

21. E quellas peidras sajan in number da dudiesch, tenor ils noms dels figls d' Israel. *Hajascodüna* seis nom *intagliâ in möd*, cha 's intaglia sagels, seguond las dudiesch schlattas.

22. Fà eir vi' al pectoral chadainettas sün ils cheus, con lavur intarscholada, d' or net.

23. Fà eir vi' al pectoral duos anels d' or, e metta quels duos anels sün ils duos cheus del pectoral.

24. E metta quellas duos chadainettas d' or intarscholadas in quels duos anels, sün ils cheus del pectoral.

25. Ed attacha ils duos cheus da quellas duos chadainettas intarscholadas vi' a quellas duos intschereladüras, e metta *il pectoral*, e *sias chadainettas*, sün ils duos güvlêrs del efod, sün la part davant da quel.

26. Fà eir duos anels d' or, e metta 'ls sün ils *oters* duos cheus del pectoral, al ur da quel, chi *sarà* dalla vart del efod, aint dadaint.

27. Fà il medem duos anels d' or, e metta 'ls vi' als duos güvlêrs del efod, giosuot, nella part davant da quel, dalla vart della gionschadüra da quel, sün la tshintina lavurada del efod.

28. E gionscha il pectoral serrâ con seis anels vi' als anels del efod, con ün bindel violet, acio ch' el stetta süsur la tshintina lavurada del efod, e non saja il pectoral alvâ via davent dal efod.

29. Cha porta dimena Aaron ils noms dels figls d' Israel sün il pectoral del güdizi, sün seis cour, cur el vain ad intrar nel sanctuari, per re-

gordanza nel conspet del Segner da contin.

30. Lura metta * l' urim e tummin sün il pectoral del güdizi; cha sajan sün il cour d' Aaron, cur el vain ad intrar nel conspet del Segner; ed Aaron porta il güdizi dels infants d' Israel sün seis cour, da contin. * Lev. 8, 8.

31. * Plü fà il mantel del efod, tuot da violet; * Ex. 39, 22.

32. E saja in mez quel üna *şchalvadüra da metter tras il cheu*; quella sia *şchalvadüra* haja ün ur intuorn, da lavur tessüda; in guisa d' üna *şchalvadüra* d' ün guaret, *acio* cha non as *şcharpa*.

33. Ma giosuot, intuorn intuorn l' ur da quel *mantel*, fà poms granats da violet, da purpur, e da *şcharlatta*, e sunagls d' or in mez quels pertuot intuorn.

34. Ün sunagl d' or, lura ün pom granat; ün sunagl d' or, lura ün pom granat, giò dipè nel ur del mantel pertuot intuorn.

35. E *quel mantel* haja Aaron adöss cur el vain a far il servezzen divin; cha 's oda il sun da quel, cur el vain ad intrar nel lö sanct, nel conspet del Segner, e cur el vain a gnir oura; acio ch' el non moura.

36. Fà eir üna lama d' or net, ed intaglia sün quella, in möd cha 's intaglia sagels: * LA SANTITÀ DEL SEGNER. * Ex. 39, 30.

37. E metta quella in ün bindell da violet, ch' ella saja usche sün la binda, nella part davant da quella;

38. E saja sün il frunt d' Aaron; cha Aaron porta l' iniquità dellas offertas sanctas, las qualas ils infants d' Israel vegnan ad avair consacrâ in tuot las offertas ch' els consacreschan; e saja da contin sün il frunt da quel, per ils render grats nel conspet del Segner.

39. * Fà eir la rassa da glin fin, traponschüda; fà il medem la binda da glin fin, e fà la tshintina da lavur da richamadur. * Ex. 39, 27.

40. Ma als figls d' Aaron fà rassas, e tshintas, e chapütschas, a gloria ed ornamaint.

41. E da quaiests *vestimaints* vesta Aaron, teis frar e seis figls; ed onscha 'ls, e consacrescha 'ls, e

santificheia 'ls, acio cha 'm exerciteschan il sacerdotadi.

42. Fà eir ad els suotbrajessas da glin, per covarnar la charn della verguogna, cha tenseschan dals flanes fin giò suot las cossas.

43. Ed Aaron e seis figls las hajan in döss, eur han d'intrar nel tabernacul della raspada, ovvero eur han da s' approssmar al utêr, per far il servezzen nel lö sanet; acio cha non portan paina d' iniquità, e non mou-ran. *Quaist ais ün statut in asaimper per el, e per seis sem davo el.*

CHAP. XXIX.

La santificaziun, o consacraziun dels sacer-dots.

E quaist ais quai cha tü con els des-sast far per ils consacrar, acio cha 'm exerciteschan il sacerdotadi: * Piglia ün trim, e duos bümatschs, sainza defet,

* Lev. 8, 2.

2. E pans sainz' alvaint, e fua-tschas dutschas, impastadas con öli, e patlanas sainz' alvaint, üttas con öli; quaist fà our da flur da farina da furmoint.

3. E mett'-las in ün chanaster, e preschaint'-las in quel chanaster, con il trim, e con ils duos bümatschs.

4. * Ed Aaron e seis figls fà gnir nan pro l'intrada del tabernacul della raspada; e lava 'ls con aua;

* Ex. 40, 12.

5. Lura piglia quella vestimainta, e fà trar aint ad Aaron la rassa, e 'l mantel del efod, e l' efod, ed il peccotal; e tschinta 'l con la tschinta lavurada del efod.

6. Lura metta 'l sün cheu la binda, e sün la binda metta il sanet * diadema.

* Lev. 8, 9.

7. * E piglia l' öli dell' uneziun, e spand'-la sün seis cheu, ed onscha 'l.

* Ex. 30, 23. 25.

8. Lura fà gnir nanpro seis figls, e fà 'ls trar aint las rassas.

9. E tschinta Aaron, e seis figls con las tschintüras, e lia 'ls sü las chapütschas, e saja dad els il sacerdotadi per ün statut in asaimper. Usche consacrescha Aaron e seis figls.

10. Lura fà gnir nanpro quel trim avant il tabernacul della raspada, *

ed Aaron e seis figls tschaintan ils mans sün il cheu del trim. * Lev. 1, 4.

11. Schanna lura il trim avant il Segner, all' intrada del tabernacul della raspada.

12. E piglia del sang del trim, e metta 'l con il daint sün las cornas del utêr, lura spanda tuot il sang al pè del utêr.

13. Piglia eir tuot il grass chi coverna l' interiur, e la rait *chi ais* sur il niram, ed ils duos ranuogls, con il grass *ch' ais* sur quels, ed arda *quai* sur l' utêr.

14. * Ma arda con fö, dadour il champ, la charn, la pel, e l' aldüm del trim; l' ais ün sacrifici per il pucha.

* Lev. 4, 12.

15. Piglia lura ün dels bümatschs; e cha Aaron e seis figls tschaintan ils mans sün il cheu del bümatsch.

16. Lura schanna il bümatsch, e piglia il sang, e sprinzla 'l sün l' utêr intüorn intüorn.

17. Taglia lura il bümatsch in pezzas, e lava seis interiur, e seis peis; e metta 'ls sün las pezzas, e sün il cheu da quel.

18. Ed arda il bümatsch tuot intêr, sur l' utêr; el *ais* ün' offerta da fö al Segner, el *ais* ün' odor amabla, ün' offerta fatta con il fö al Segner.

19. * Lura piglia l' oter bümatsch; e cha Aaron e seis figls mettan ils mans sün il cheu del bümatsch.

* Lev. 8, 18. 22.

20. Schanna lura il bümatsch, e piglia da seis sang, e metta 'l sün il tender dell' uraglia dretta d' Aaron, e da seis figls, e sün il polsch da lur man dret, e sün il polsch da lur pè dret; lura sprinzla il sang sün l' utêr intüorn intüorn.

21. Ultra quai piglia del sang chi sarà sün l' utêr, e del öli dell' uneziun, e sprinzla sün Aaron, e sün sia vestimainta; ed il medem sün seis figls, e lur vestimainta. Usche vain ad esser consacrâ el, e sia vestimainta, e sumgiantamaing seis figls, e lur vestimainta con el.

22. * Del bümatsch piglia lura il grass, e la cua, e l' grass chi coverna l' interiur, e la rait del niram, ed ils duos ranuogls, e 'l grass *chi ais* sur

quels, e la spadla dretta; perche l' *ais* il bümatsch della consacraziun.

* Lev. 8, 25.

23. Piglia eir dal chanaster dels azims, chi sarà avant il Segner, üna fletta da pan, ed üna fuatscha *impastada* in öli, ed üna patlana,

24. E quaiastas chosas tuottas metta süin las palmas dels mans d' Aaron, e süin las palmas dels mans da seis figls, e fà-las smanar vi' e nan, seo *offerta* smanada avant il Segner.

25. Piglia lura quellas chosas giò da lur mans, e las arda süin l' utêr sur l' offerta da fö, per odor amabla avant il Segner. Quaiast' *ais* ün' offerta fatta con fö al Segner;

26. * Piglia eir il pet del bümatsch della consacraziun, chi *ais* per Aaron, e fà 'l smanar avant il Segner per *offerta* smanada. E *quella* saja tia part.

* Lev. 8, 29.

27. Santifich' usche il pet dell' offerta smanada, e la spadla dell' offerta adoçada, chi sarà smanada ed adoçada, del bümatsch della consacraziun, e da quai *ch' ais stat offert* per Aaron, e per seis figls.

28. * E *quai*, tenor ün perpetual statut, appartegna ad Aaron, ed a seis figls, cha 's *piglia* dals figls d' Israel; perche l' *ais* ün' offerta adoçada; ma las offertas adoçadas as dess tour dals figls d' Israel, da lur sacrificiz d' ingraziamaint; lur offertas adoçadas *dessan appertgnuir* al Segner.

* Lev. 7, 34.

29. E 'ls vestimaints sanets, chi *sun* per Aaron, saran per seis figls davo el, per esser üts, e consacrats in quels.

30. * Per set dis ils dess trar aint quel, *chi sarà* sacerdot in seis lö intanter seis figls; il qual intra nel tabernacul della raspada, per far il servezzen nel lö sanct.

* Num. 20, 26.

31. Lura piglia il bümatsch della consacraziun, * e couscha sia charn in lö sanct.

* Lev. 8, 31.

32. E cha Aaron e seis figls mangian all' intrada del tabernacul della raspada la charn del bümatsch, e 'l pan *chi sarà* in quel chanaster.

33. Cha mangian quai, con il qual *ais* fat la purgaziun del pucha, per

ils consacrar, e per ils santifichar; ma ün ester non il mangia; siand l' *ais* chosa sancta.

34. Impero, scha vanza della charn della consacraziun, e del pan fin la daman, schi cha 's arda con fö quai chi sarà vanzâ, e non as mangia; perche l' *ais* chosa sancta.

35. Fà dimena ad Aaron, ed a seis figls plainamaing seo ch' eu t' ha comandâ; consacrescha 'ls per il spazi da set dis.

36. Ma sacrificha ün trim per il pucha, ogni di, per la purgaziun del pucha, e fà sacrifici da pucha per l' utêr, cur tü per quel fast la purgaziun; ed onscha 'l, per il consacrar.

37. Set dis fà la *purgaziun* per l' utêr, e consacrescha 'l, e saja 'l chosa sanctissima; * quel chi tocca l' utêr saja sanct.

* Mat. 23, 19.

38. * Ma quaiast' *ais* quai cha tü desast sacrifichar süin l' utêr, duos agnells d' ün an al di, da contin.

* Num 28, 3.

39. L' ün sacrificha la daman, e l' oter la saira,

40. Con la deschavla part d' *ün efa* da flur da farina, temprada con la quarta part d' ün hin d' öli vergin; ed ün' offerta da spander, la quarta part d' ün hin da vin, per l' ün dels agnells;

41. E l' oter agnè sacrificha vers saira, fand con quel la medema offerta spandüda, seo con quel della daman per odor amabla, *per* offerta fatta tras fö al Segner.

42. Quaiast' *ais* la continua offerta da fö, tras vossas generaziuns, da far all' intrada del tabernacul della raspada, avant il Segner, * ingio eu am chat con vus, per tschantschar qua con vus.

* Lev. 1, 1.

43. Eu dimena vegn am chattar qua con ils infants d' Israel, ed *Israel* sarà santifichâ tras mia gloria.

44. Il tabernacul della raspada vögl eu eir santifichar e l' utêr; il medem vögl santifichar Aaron e seis figls, acio ch' els m' exerciteschan il sacerdotadi;

45. * E vögl abitar in mez ils infants d' Israel, ed esser lur Deis.

* Ex. 25, 8. Lev. 26, 11.

46. Ed els dessan cognoscher, ch' eu *sun* il Segner lur Deis, chi 'ls ha manats our dal pajais d' Egipto, per abitar in mez tanter els, eu, il Segner lur Deis.

CHAP. XXX.

Deis ordaina la fabrica del utêr da fûment. Comanda, cha tuots maschels da 20. ans in sù dettan mez siccal per testa pro l' ouvra del tabernacul. Item da far il batschigl.

FÀ eir ün* utêr a far ils fûments; fà 'l con lain sittim. * Ex. 37, 25.

2. *Saja* 'l quader, da lungezza ün bratsch muot, e da ladezza ün bratsch muot, e sia otezza *saja* duos bratschs muots; sias cornas *sajan* trattas our da quel.

3. E surтира 'l con or pür, seis vierchel, sias varts d' intuorn, e sias cornas, e fà 'l ün ur d' or intuorn intuorn.

4. Fà 'l eir duos anels d' or suot quel seis ur, in seis duos chantuns; fà 'ls da duos da sias varts, cha *sajan* per metter aint las stangas, a portar l' utêr con quellas.

5. E las stangas fà da lain sittim, e surtir'-las con or.

6. E quel utêr metta avant la vela, chi *sarà* sper l' archa della testimonianza, avant il vierchel, chi *sarà* sur la testimonianza, ingio eu vegn am chattar con tai.

7. Ed Aaron fetscha sün quel fûment da speziarias; fetscha quel fûment ogni daman, cur el vain ad avair perdet la glümêras.

8. E quel medem fûment fetscha Aaron, cur el vain ad avair invüdâ las glümêras vers saira. *Saja* quaiست ün fûment da contin avant il Segner, tras vossas etats venturas.

9. * Non offeri sün quel alchün fûment ester, ne sacrifici da fö, ne offerta, e sün quel non dessat spander offerta spandüda. * Lev. 10, 1. 2.

10. * Ed üna vouta l' an fetscha Aaron per las cornas da quel purgaziun dels puchats; ch' el fetscha quella purgaziun üna vouta l' an, tras vossas etats venturas, con il sang del sacrifici della purgaziun. *Quaiست* utêr ais al Segner üna chosa sanctissima. * Lev. 16, 18. 34.

11. Ed il Segner favlet con Mose, dschand:

12. * Cur tü farast la rassegna dels infants d' Israel, da quels chi vegnan nombrats; schi cha detta scodün al Segner la spendraschun da si' orma, cur els vegnan nombrats, acio cha sur els non vegna qualeha plaja, cur els vegnan nombrats. * Num. 1, 2.

13. Quaiست dessan els dar, tuots chi passan tanter ils nombrats, ün mez siccal, * tenor il siccal del sanctuari, il qual *ais* da vainch geras, per offerta al Segner. * Ex. 38, 24.

14. Minchün chi passa tanter ils nombrats, d' età da vainch ans e sura, dess dar *quell'* offerta al Segner.

15. Il rich non dess dar plü, ne 'l pover main d' ün mez siccal, sco offerta al Segner, per la spendraschun da vossas ormas.

16. E piglia ils danêrs della spendraschun dels infants d' Israel, ed impuonda 'ls nell' ouvra del tabernacul della raspada, cha *sajan* per regordanza als infants d' Israel, nel conspet del Segner, a spendraschun da vossas ormas.

17. Il Segner favlet eir con Mose, dschand:

18. * Fà ultra quai ün batschigl d' aram, con seis pè d' aram, per lavar; e metta 'l tanter il tabernacul della raspada, e l' utêr, e mett' aua in quel. * Ex. 38, 8.

19. Ed Aaron e seis figls dessan as lavar ils mans, ed ils peis.

20. Cur han d' intrar nel tabernacul della raspada, ovvero da s' approssimar al utêr, per far il servezzen divin, o per far arder qualeh' offerta fatta con fö al Segner, schi cha 's lavan con aua, acio cha non mouran.

21. E cha 's lavan ils mans, e 'ls peis, acio cha non mouran. *Saja* quaiست ad els ün statut perpetual; ad Aaron ed a seis figls tras lur etats venturas.

22. Il Segner favlet eir con Mose, dschand:

23. Piglia a tai speziarias eccellentas da mirra schetta, *il pais* da tschinchtschient siccal, da chanella savurida la mitâ, cioè duatschient

ttschinquanta, e da channa savurida, il medem duatschient ttschinquanta.

24. E da cassia ttschinchtschient siccaals, tenor il siccal da santuari, * ed ün hin d' öli d' oliva, * Ex. 37, 29.

25. E fà l' öli per l' uneziun saneta, ün unguent compost per art d' unguentari. *Quaist saja l' öli dell' uneziun sacra.*

26. * Onscha con quel il tabernacul della raspada, e l' archa della testimonianza, * Ex. 40, 9. Lev. 8, 10.

27. E la maisa, e tuots seis instrumaints e l' chandallêr, e tuots seis instrumaints, e l' uter dels fûments,

28. E l' utêr dellas offertas da fö, e tuots seis instrumaints, e l' batschigl, e seis pè.

29. Usche dessast consacrar quellas chosas, cha sajan sanctissimas; tuot chi las tocca ais sanet.

30. Onscha sumgiantamaing Aaron e seis figls, e consacrescha 'ls, acio cha 'm exerciteschan il sacerdotadi.

31. E tschantscha con ils infants d' Israel, dschand: *Quaist öli am dess esser ün öli d' uneziun sacra, tras vossas etats venturas.*

32. La charn d' ingün crastian non as dess onscher, e non al farai chos' alchüna sumgianta in sia composiziun; el *ais* sanet, e saja a vus sanet.

33. Chi gniss a far del sumgiant, ovvero chi gniss al metter sün persona estra, quel saja ragischâ our da seis pövel.

34. Ultra quai disch il Segner con Mose: Piglia speziarias, stacte, ed ungia savorida, e galbano, ed incens pür; scodüna *spezia* a part, d' eguala paisa.

35. E dessast far ün fûment, üna composta da spezias, fatta per art d'apotecar, confettada, pûra e saneta,

36. E pestar quella ün *pa* manü, e la metter avant la testimonianza, nel tabernacul della raspada, ingio eu vegn am chattar con tai. *Quaist fûment* saja a vus chosa sanctissima.

37. E non as farai alchün fûment, compost sumgiant a quel cha tû vainst a far. At saja quel chosa sacra al Segner.

38. Chi 's farà del sumgiant, per il savurar, saja sdrüt our da seis pövel.

CHAP. XXXI.

Il Segner nomna ils principals maisters a far il tabernacul, e renova la ledscha del sabbat, e da a Mose las duos tablas.

IL Segner favlet eir con Mose, dschand:

2. * Guarda, eu ha clamâ con nom Bezaleel, il figl d' Uri del figl d' Hur, della schlatta da Giuda, * Ex. 35, 30.

3. * E l' ha impli con il spiert da Dieu, in industria, ed in inschign, ed in savair, ed in ogni artifizî,

* 1 Reg. 7, 14.

4. Per far desegns da lavurar in or, ed in argient, ed in aram,

5. E nell' art da peidras da liar aint, e nell' art da lavurar con lain, ed in qualunque ota lavur.

6. E mera, eu l' ha dat * Oholiab per compagn, il figl d' Ahisamac, della schlatta da Dan. Ultra quai ha eu miss industria nel cour d' ogni hom industrius, acio cha fetschan tuot las chosas ch' eu t' ha comandâ.

* Ex. 35, 34.

7. * Il tabernacul della raspada, e l' archa per la testimonianza, e l' vierchel chi *ha dad esser* sur quella, e tuot l' üsaglia del tabernacul,

* Ex: chap. 30. 35. 36. 37. 38.

8. E la maisa, e seis instrumaints, e l' chandallêr d' or pür, e tuots seis instrumaints, e l' utêr dels fûments.

9. E l' utêr dellas offertas da fö, e tuots seis instrumaints; e l' batschigl, e seis pè.

10. E la vestimainta del servezzen divin, e la vestimainta sacra del sacerdot Aaron, e la vestimainta da seis figls, per exercitar il sacerdotadi.

11. E l' öli dell' uneziun, e l' fûment dellas speziarias per il sanctuari; interamaing usche, seo eu t' ha comandâ faran els.

12. Il Segner favlet eir a Mose, dschand:

13. Ma tû, tschantscha con ils infants d' Israel, dschand: * A tuotta via observai meis sabbats; perche il sabbat *ais* ün signal tanter mai e vus, tras vossas etats venturas, acio cha vus cognoschat, ch' eu *sun* il Segner chi 's santificha.

* Ex. 20, 8. Deut. 5, 12.

14. Contuot observai il sabbat, perche el as *ais di sanct*; * chi 'l profanerà, saja del tuot fat morir; qualunque persuna, ch' in quel farà üna lavur, sarà desdriüta intanter seis pövel.

* Num. 15, 35.

15. Ses dis as dess lavurar, ma il settavel di *ais* il * di del repos, di sacrà al Segner; chi farà sün il di del sabbat üna lavur, saja del tuot fat morir.

* Gen. 2, 2.

16. Contuot dessan observar ils infants d' Israel il sabbat, per il celebrar tras lur etats venturas, per pat perpetual.

17. El *ais* ün etern signal intanter mai ed ils infants d' Israel; * perche in ses dis ha il Segner fat il tshel, e la terra, ed il settavel di ha el interlaschâ, e s' ha reposâ. * Ezech. 20, 12.

18. E daspö cha 'l Segner avet glivrâ da tshantschar con Mose sün il munt Sinai, schi 'l det el las * duos tablas della testimonianza, tablas da crap, scrittas col daint da Deis.

* Ex. 24, 12. 32, 15.

CHAP. XXXII.

Ils Israelits fan il vadè d' or, e l' aduran. Las tablas vegnan ruottas. Ed ils idolaters mazzats.

MA, veziand il pövel, cha Mose intardaiva a gnir giò dal munt, as raspet el via pro Aaron, e dschet ad el: * Stà sü, fa'ns ün deis, chi giaja avant nus; perche quanto a quel hom Mose, chi 'ns ha condüts our dal pajais d' Egipto, non savain nus che al saja insontrâ.

* Act. 7, 40.

2. Ed Aaron disch ad els: * Trat giò ils pendems d' or, chi sun nellas uraglias da vossas mugliers, da voss figls, e da vossas figlias, e portâ 'ls nan a mai.

* Güd. 8, 24.

3. E tuot il pövel tret giò ils pendems d' or cha avaivan nellas uraglias, e 'ls portettan pro Aaron.

4. Ed el ils piglet da lur mans, e daspö fat il modell con il schalpen, * culet el ün vadè. Ed *ils Israelits* dschaivan: O Israel, quaiست *ais* teis deis, chi t' ha trat our dal pajais d' Egipto!

* Ps. 106, 19.

5. Veziand quaiست Aaron, schi edificet el ün utèr avant quel, e fet clamar oura, dschand: Daman *ais* festa al Segner!

6. Contuot alvettan *ils infants d' Israel* la mattina seguainta a bun' ura, e sacrificettan offertas da fö, ed offerittan sacrificis d' ingraziamaint, * e 'l pövel sezzet giò per mangiar, e per baiver; lura alvet el sü per far tramagl.

* 1 Cor. 10, 7.

7. * Ma 'l Segner disch a Mose: Vâ, tira giò; perche teis pövel, cha tû hast trat our dal pajais d' Egipto, s' ha corruot!

* Deut. 9, 12.

8. Spert sun els guinchits dalla via, ch' eu als avaiva comandâ; els s' han fat ün vadè culâ, e l' han adurâ, e l' han sacrificâ, ed han dit: * Quaiست, o Israel, *ais* teis deis, chi t' ha trat our dal pajais d' Egipto.

* 1 Reg. 12, 28.

9. Il Segner disch eir a Mose: * Eu guard sün quaiست pövel, e mera, l' *ais* ün pövel da dür colöz.

* Ex. 33, 3.

10. Uossa dimena, lascha far a mai, e mi' ira vain as invüdar conter els, ed eu ils vögl consümar, e tai vögl eu far dvantar üna granda naziun.

11. * Ma Mose supplichet al Segner, seis Deis, e dschet: Perche, o Segner, as dess ti' irâ invüdar conter teis pövel, cha tû hast trat our dal pajais d' Egipto con granda forza, e con man possant?

* Ps. 106, 23.

12. * Perche dessan dir ils Egipters: El ils ha manats oura pro mal, per ils far morir in quels munts, e per ils consümar davent dalla terra? Quieta tia furia invüdata, e t' inrüglâ da quaiست mal vers teis pövel.

* Num. 14, 13.

13. At regorda d' Abraham, d' Isac, e d' Israel, teis serviants, als quals tû hast gürâ tras tai svess, ed als quals tû hast dit: * Eu vögl multiplichar vossa posterità, sco las stailas del tshel, ed a vossa posterità vögl eu dar tuot quaiست pajais, dal qual eu ha tshantschâ, acio ch' ella il possidescha in perpetuo.

* Gen. 12, 7. Deut. 34, 4.

14. Lura s' impentit il Segner del mal, ch' el avaiva dit da far a seis pövel.

15. * E Mose as volvet, e gnit giò dal munt, aviand in man las duos tablas della testimonianza, tablas scrittas da duos varts, da qui, e da là.

* Ex. 31, 18.

16. E las tablas eiran lavur da Deis, e la scrittüra eira scrittüra da Deis, intagliada nellas tablas.

17. Ma Giosua udit la romur del pövel, intant ch' el bragiva, e dschet a Mose: *L'ais ün bragizi da battaglia nel champ.*

18. E *Moses* disch: *Quaist non ais il sun d'ün bragizi da victoria, ne il sun d'ün bragizi da strage; eu od ün sun da chantar.*

19. Ma, siand *el* nan strusch al champ, vezett el quel vadè, e las traishas. E si' ira s' invüdet, ed el büttet las tablas our da seis mans, e las rumpet al pè del munt.

20. * Lura piglet el il vadè, cha 'ls *infants d'Israel* avaiavan fat, e 'l ardet con fö, e 'l smazüchet, fin ch' el füt ardüt in puolvra, e quella puolvra raset el süin l' aua, e la fet baiver als *infants d'Israel.*

* Deut. 9, 21.

21. E Mose disch ad Aaron: Che t' ha fat quaist pövel, cha tü l' hast trat adöss ün grand pucha?

22. Ed Aaron dschet: L'ira da meis segner non s' invüda; tü cognoschast quaist pövel, co *l'ais ardat* al mal.

23. Els dschettan a mai: Fa 'ns ün deis, chi giaja avant a nus; perche quanto a quel hom Mose, chi 'ns ha condüts our dal pajais d' Egipto, non savain nus che al saja insconträ.

24. Ed eu dschet ad els: Chi ha or, il piglia giò. Ed els am dettan quel or, ed eu l' ha miss nel fö, ed usche ais gnü oura quaist vadè.

25. Contuot, veziand Mose, cha 'l pövel eira sfranâ; perche Aaron l' avaiava dat liber il frain, per *esser* in vituperi avant quels, chi gnivan als sursaglr;

26. Schi as fermet el alla porta del champ, e dschet: Chi *ais quia* per il Segner *vegna nan* pro mai! E tuots ils infants da Levi as rassetan via pro el.

27. Ed el dschet ad els: Usche ha dit il Segner Deis d' Israel: * Sco düin da vus metta sia spada a gialun; passai, e turnai tras il champ dall' üna porta all' otra, e mazzai scodün seis frar, seis ami, e seis prossem paraint.

* Num. 25, 5.

28. Ed ils infants da Levi fettan

seguond il pled da Mose, ed in quel di erodettan morts del pövel intüorn traja milli homens.

29. E Mose dschet: As consacrai hoz al Segner; anzi scodün *as consacrescha* in seis propri figl, ed in seis frar, e *quai*, afin da trar hoz benedicziun sur vus.

30. Ma 'l seguaint di disch Mose al pövel: Vus avais commiss ün grand pucha; ma uossa vögl eu ir sü pro 'l Segner; forse poss eu far, cha vos pucha as saja perdunâ.

31. Mose dimena turnet pro 'l Segner, e dschet: Ah, *Segner*, quaist pövel ha commiss ün grand pucha, as fand ün deis d' or.

32. Ma uossa, perdun' ad els lur pucha; non bricha, * schi chassa 'm uossa our da teis eudesch, cha tü hast scrit.

* Ps. 69, 28.

33. Ma 'l Segner disch a Mose: Quel vögl eu chassar our da meis eudesch, il qual ha pechâ conter mai.

34. * Ma al presaint vâ, condüa il pövel nel lö, ingio eu t' ha favlâ; mera, meis angel vain ad ir avant tai, ma süin il di da mia visitaziun als vögl eu chastiar lur pucha.

* Ex. 23, 20.

35. Contuot battet il Segner il pövel; perche el avaiava fat il vadè, cha Aaron avaiava fabrichâ.

CHAP. XXXIII.

La respiscenza dels Israelits, e benignità da Dieu.

Ed il Segner disch a Mose: Vâ, tira sü da qui, tü ed il pövel cha tü hast manâ our dal pajais d' Egipto, vers il pajais, dal qual eu ha giürâ ad Abraham, ad Isaac, ed a Giacob, dschand: * Eu il vögl dar a tia descendenza.

* Gen. 22, 17. Ex. 32, 13.

2. * Ed avant tai vögl eu trametter ün angel, e schatschar ils Cananits, ils Amorits, ils Hetits, ils Feresits, ils Hevits, ed ils Jebusits.

* Ex. 23, 20.

3. *E quel vain at condür* nel pajais, chi cula da lat e meil; perche eu non vögl ir sü in mez da tai, * siand tü *est* ün pövel da dür colöz, ch' eu forza non at consüma süin il viadi.

* Ex. 32, 9. Deut. 9, 13.

4. Ed aviand il pövel udi quaists

dolorus plets, avet el cordöli; ed ingün non mettet intuorn el seis fittamaint.

5. Perche il Segner avaiva dit a Mose: Di als infants d'Israel: Vus *eschat* ün pövel da dür colöz; sch'eu gess sü in mez tai, in ün momaint t'avess eu consümâ. Uossa dimena, piglia d'avent da tai teis fittamaints, ed eu vögl vair, quai ch'eu ha da far con tai.

6. Ed ils infants d'Israel as trettan oura lur fittamaints, dal munt Horreb d'avent.

7. Ma Mose piglet la tenda, e la drizzet dadour il champ, dalönsch sü da quel, e la nomnet il tabernacul della raspada; e minchün chi tscherchaiva il Segner, giaiva oura pro'l tabernacul della raspada, chi *eira* dadour il champ.

8. Ma, cur Mose giaiv'oura vers' il tabernacul, schi staiva sü tuot il pövel, e scodün as fermaiva all'intrada da sia tenda, e guardaiva davo Mose, fin ch'el füss intrat nel tabernacul.

9. Ma dvantet, cur Mose intraiva nel tabernacul, schi s'abbassaiva la coluonna della nüvla, e's fermaiva all'intrada del tabernacul, e tschantschaiva con Mose;

10. E tuot il pövel, veziaand la coluonna della nüvla, as fermand all'intrada del tabernacul, alvaiva sü, ed aduraiva, scodün pro l'intrada da sia tenda.

11. * Mail Segnertschantschaiva con Mose da fatsch'a fatscha, sco ün hom tschantscha con seis compagn. Lura turnaiva *Mose* nel champ; ma Gio-sua, il figl da Nun, hom giuven, serviaint da Mose, non as partiva our dal tabernacul.

* Num. 12, 8.

12. Lura disch Mose al Segner: Guarda, tü dist a mai: Main'oura quaist pövel, e tü non m'hast fat a savair, chi tü vegnast a trametter con mai, ed impero m'hast tü dit: Eu t'ha cognoschü per nom, e tü hast chattâ grazia avant meis ögls.

13. Uossa dimena, sch'eu pür ha chattâ grazia avant teis ögls, schi at rov eu, fa'm a savair tia via, e fâ ch'eu cognoscha tai; acio ch'eu

chattâ grazia avant teis ögls, e guarda, cha quaista naziun *ais* teis pövel.

14. E'l *Segner* disch: Mia fatscha vain ad ir avant, ed eu at vögl dar pos.

15. Disch *Mose* al Segner: Scha però tia fatscha non va con nus, schi non ans manar d'avent da qui.

16. E giò da che vain ün a cognoscher, cha uossa eu, e teis pövel hajan chattâ grazia avant teis ögls? Na usche, cur tü vainst a gnir con nus, ed eu, e teis pövel dvantain admirabels sur qualunque pövel chi *ais* sur la terra?

17. Il Segner disch ad el: Eu vögl far eir quaist, cha tü dist, siand hast chattâ grazia avant meis ögls, ed eu t'ha cognoschü per nom.

18. Da plü disch *Mose* al Segner: Ah, fa'm vair tia gloria!

19. E'l *Segner* al dschet: Eu vögl far passar avant tai via tuot mia bellezza, e vögl clamar oura il nom del Segner avant tai; * eu fetsch grazia a chi eu fetsch grazia, ed ha compassiun, da chi eu ha compassiun;

* Rom. 9, 15.

20. Ma *el dschet*: Mia fatscha non poust tü vair; * perche il crastian non am po vair e viver.

* Deut. 5, 24. Gioan. 1, 18.

21. Lura al disch el: Mera ün lö qui pro mai, at ferma dimena qua sün quel spelm.

22. Ma, cur mia gloria vain a passar via, schi't vögl eu metter in üna fessa del spelm, e't vögl covernar con meis man, fin ch'eu saja passâ via.

23. Lura vögl eu alvar d'avent meis man, e tü vainst am vair davovart; ma mia fatscha non as po vair.

CHAP. XXXIV.

Duos novas tablas; confessiun ed oraziun da Mose; da blera sort ledschas; Mose vain giò dal munt con sia fatscha splendurainta.

Ed il Segner disch a Mose: * At taglia duos tablas da crap, sco las prümas; e sün quellas tablas vögl eu scriver ils plets, chi eiran sün las prümas, cha tü rumpettast.

* Deut. 10, 1.

2. E sajast perdert la daman, e vè la mattina sül munt Sinai, e t' pre-sainta qua avant mai, süsom il munt.

3. * E ningün non vegna stü con tai, e ningün non as lascha vair sün tuot il munt, e ningün bestiam, manü, o gross, non dess pascular via vers quaiست munt. * Ex. 19, 12.

4. Contuot taglet Mose duos tablas da crap, sco las prümas, e la daman seguainta stet el sü a bun' ura, e get sül munt Sinai, sco l' Segner l' avaiva comandâ, e piglet in seis man quellas duos tablas da crap.

5. Il Segner lura gnit giò nella nùvla, e s' fermet qua sper el, * e clamet oura il nom del Segner.

* Ex. 33, 19.

6. Ed il Segner passet avant el via, e clamet: Il Segner, il Segner, il Deis compassionaivel, e misericordiaivel, tard all' ira, e grand in benignità, e vardà;

7. * Il qual conserva la benignità in milli *generaziuns*; chi perduna l' iniquità, il surpassamaint, e l' pucha; il qual però non absolve in ogni möd il *culpabel*; anzi chastia l' iniquità dels baps vi' als infants, e vi' ad infants dels infants, fin alla terza ed alla quarta *generaziun*. * Ex. 20, 6.

8. Ma Mose subit as inclinet in terra, ed aduret,

9. E disch: Ah Segner, sch' eu ha chattâ grazia avant teis ögls, schi cha l' Segner vegn' uossa in mez nus; vairamaing *quaiست ais* ün pövel da dür colöz; ma tü perduna 'ns nossas iniquitats, e noss puchats, * e possidescha nus. * Ps. 33, 12.

10. E l' Segner disch: Mera, eu fetsch ün pat; nel conspet da tuot teis pövel vögl eu far müravaglias, da quallas non füttn mâ creadas sün tuot la terra, ne tanter ingüna naziun; e tuot il pövel, in mez del qual tü est, dess vair l' ouvra del Segner; perche *quai ch' eu vögl far con tai ais* chosa tremenda.

11. Observa quai ch' eu hoz at comand. Mera, eu vögl schatschar avant tai ils Amorits, ed ils Cananits, e l' Hejets, ed ils Feresits, e l' Hevits, ed ils Jebusits.

12. * At inguarda, cha tü non fet-

schast lia con ils abitants del pajais, nel qual tü vainst ad intrar; ch' els forsa non at sajan ün latsch in mez tai;

* Ex. 23, 32.

13. * Anzi, disfat lur utêrs, e spazzai lur statuas, e tagliai giò lur gods;

* Ex. 23, 24.

14. Perche tü non dessast adurar ün oter Deis; perche il nom del Segner *ais* il zelus; el *ais* ün Deis zelus.

15. Contuot t' *inguarda*, cha tü non fetschast lia con ils abitants del pajais; cha, cur els fan pitanögn davo lur deis, ed als sacrifican, els non at claman qualvoutas, e tü mangiast da lur sacrificiz,

16. * E pigliast da lur figlias per teis figls, e cha quellas, fand pitanögn davo lur deis, fetschan far pitanögn eir a teis figls davo lur deis.

* 1 Reg. 11, 2.

17. Non at far deis culats.

18. Observa la festa dels azims; set dis mangia ils azims, * sco eu t' ha comandâ, al temp ordinâ del mais abib; perche nel mais abib est uschi our d'Egipto.

* Ex. 12, 15, 23, 15.

19. * Tuot quai chi avra la matrice *ais* mieu, e da tuot teis bestiam dess gnir offeri per regordanza *cioè*, del prüm portâ da teis bestiam manü, e del gross.

* Ex. 13, 2.

20. * Ma spendra con ün agnè, o con ün boccec il primogenit del asen, e scha pür tü non il spendrast, schi rumpa l' il colöz. Spendra ogni primogenit intanter teis figls, ed ingün non compara vöd avant mai.

* Ex. 13, 13.

21. * Lavura ses dis, e reposa al settavel di; al temp del arar, e del tshuncar dessast posar.

* Ex. 20, 9.

22. * Celebrescha la festa dellas eivnas, *chi ais la festa* dellas primizias del tshuncar il gran; ed il medem la festa della raccolta *dels früts*, nella fin del an.

* Ex. 23, 16.

23. * Trais voutas l' an compara ogni teis maşchel avant la fatscha del Segner, del etern Segner, Deis d' Israel;

* Ex. 23, 17.

24. Perche eu vögl schatschar ils pövels avant tai, e slargiar teis confins, e cur tü vainst ad ir per comparair avant la fatscha del Segner teis

Deis, trais voutas l' an, ingün non sarà moventâ da desiderî *per assaltar* teis pajais.

25. * Schannand meis sacrifici, non *spander* il sang da quel con *pan* d'alvamaïnt; e'l sacrifici della festa da pasqua non dess restar la not fin alla daman. * Ex. 23, 18.

26. * Porta nella chasa del Segner teis Deis las primizias dels prüms früts da tia terra. Non couseher il boccet nel lat da sia mamma. * Ex. 23, 19.

27. Lura disch il Segner a Mose: Scriva quaists plets; perche sün quaists plets fetsch eu lia con tai, e con Israel.

28. * E Mose stet qua pro 'l Segner quaranta dis, e quaranta nots, saïnz mangiar pan, e baiver aua, ed el scrivet sün quellas tablas ils plets del pat, ils desch plets. * Ex. 24, 18.

29. Ma, cur Mose gniva giò dal munt Sinai, aviand las duos tablas della testimonianza in man, intant ch' el gniva giò dal munt, schi non savaiv' el, cha la pel da sia vista eira * splendurainta, siand elavaiva tschanschâ con il Segner. * 2 Cor. 3, 7.

30. Ed Aaron, e tuots ils infants d'Israel guardettan sün Mose, e mera, la pel da sia vista splenduriva, pelqual els as tmettan d' ir via pro el.

31. Ma Mose ils clamet; ed Aaron e tuots ils principals della raspada, as volvettan vers el, e Mose tschanschet con els.

32. E davo quaist gettan tuots ils infants d'Israel viapro, ed el comandet ad els tuot quai, cha 'l Segner l'avaiva dit sün il munt Sinai.

33. Ma, cur el avet glivrâ da tschanschar con els, * as mettet el üna coverta sün la vista. * 2 Cor. 3, 7. 13.

34. E cur Mose giaiva aint avant la fatscha del Segner, per favlar con el, alvaiva el via la coverta, infin ch' el gniv' oura; ma, siand it oura, dschaiv' el als infants d'Israel, quai chi 'l eira comandâ.

35. E guardand ils infants d'Israel la fatscha da Mose, vezzaivan els, cha la pel da sia vista splenduriva; el lura turnaiva a metter la coverta sün sia vista, fin ch' el giaiv' aint a favlar con il Segner.

CHAP. XXXV.

Repetiziun dellas ledschas ceremonialas, ed offertas voluntarias del pövel, con la vocaziun da Bezaleel, ed Oholiab.

MOSE fet gnir insembel tuot la raspa spada dels infants d'Israel, e dschet ad els: Quaistas *sun* las chossas, cha 'l Segner ha comandâ da far.

2. * Ses dis as dess lavurar, ma il settavel di saja a vus *di* sanet, il repos vel sabbat, *consacrâ* al Segner; chi in quel fa alchün' ouvra, saja fat morir. * Ex. 20, 9.

3. * Non invüdarai fö al di del sabbat in alchüna da vossas stanzas. * Ex. 16, 23.

4. Lura disch Mose a tuot la raspada dels infants d'Israel: Quaist *ais* quai cha 'l Segner ha comandâ.

5. Pigliai da *qua* cha vus *avais* pro vus, a far ün' offerta al Segner; chi vain ad esser d' anim * volontari, porta *quell'* offerta al Segner; or, ed argient, ed aram, * Ex. 25, 2.

6. E violet, e purpur, e şcharlatta, e glin fin, e pail da chavra.

7. E pels da bümatsch, tittas a cotschen, e pels da tass da mâr, e lain da sittim,

8. Ed öli per la glümêra, e speziarias per l' öli dell' uneziun, e per il fument dellas speziarias,

9. E peidras onichinas, e peidras da liar, per l' efod, e per il pectoral.

10. E tuots ils homens industrius *chi sun* tanter vus, cha vegnan, e fetschan tuot quai cha 'l Segner ha comandâ:

11. Il tabernacul, sia tenda, e sia coverta, seis crotsehs, sias assas, sias stangas, sias coluonnas, e seis sostegns;

12. L' archa, e sias stangas; il vierchel, e la cortina da tender *davant sîi*.

13. La maisa, e sias stangas, e tuots seis instrumaints, e l' pan del conspet;

14. E l' chandallêr della glümêra, e seis instrumaints, e sias glüms, e l' öli per la glümêra;

15. E l' utêr da fuments, e sias stangas, l' öli dell' uneziun, e l' fument dellas speziarias, e l' tapet dell' intrada, l' intrada del tabernacul;

16. L'utêr dellas offertas da fô, e seis giatter d' aram, sias stangas, e tuots seis instrumaints, il batschigl, e seis pè;

17. Las velas del cortil, sias coluonnas, e seis sostegns, e 'l tapet dell' intrada del cortil;

18. Las claviglias del tabernacul, e las claviglias del cortil, e lur cordas;

19. La vestimainta del servezzen, a far il servezzen nel lô sanct, la vestimainta sacra del sacerdot Aaron, e la vestimainta da seis figls, per exercitar il sacerdotadi.

20. Lura as partit dal conspet da Mose tuot la raspada dels infants d' Israel.

21. E gnittan tuots quels, il cour dels quals füt moventâ, e 'l spiert dels quals ils chatschet voluntariamaing, e portettan offerta al Segner per l'ouvra del tabernacul della raspada, e per ogni servezzen da quel, e per la vestimainta sacra.

22. E tuot las personas da cour voluntusas gnittan, homens e donans, e portettan fiblas, e manils, ed anels, e tschintas pendentas, d' ogni *sort* instrumaints d' or, e tuots quels chi offerittan al Segner offertas d' or;

23. Ed ogni hom, pro 'l qual as chattaiva violet, o purpur, o şcharlatta, o glin fin, o pail da chavra, o pels da bümatsch tittas a cotschen, o pels da tass da mâr, il portet *eir*.

24. Scodün chi volaiv' offerir offertas d' argient, e d' aram, il portet per l'offerta del Segner; il medem scodün, pro 'l qual as chattaiva lain sitim, per qualunque ouvra del lavurêr, portet *eir*.

25. E tuot las donans industriusas filettan con lur mans, e' l filâ portettan ellas, da violet, e da purpura, e da şcharlatta, e da glin fin.

26. Eir tuot las donans, il cour dellas qualas füt moventâ da lavurar con industria, filettan ils pails da chavra.

27. E'ls principals *del pövel* portettan peidras onichinas, e peidras d' intagliar per l' efod, e per il pectoral,

28. E speziarias, ed ôli per la glü-

mêra, e per l' ôli dell' uneziun, e per il fument dellas speziarias.

29. Usche tuots quels intanter ils infants d' Israel, tant homens co donans, il cour dels quals ils moven-tet, a portar voluntariamaing *quai cha faiva bsögn* per tuot il lavurêr, cha' l Segner tras Mose avaiva comandâ chi' s fess, portettan offertas voluntarias al Segner.

30. Lura disch Mose als infants d' Israel: Vezzais, il Segner ha clamâ per nom Bezaleel, il figl d' Uri, del figl d' Hur, della schlatta da Giuda,

31. E' l ha fat plain del spiert da Dieu, in industria, in inschign, in savair, ed in ogni artifizî;

32. Eir per far desegns a lavurar in or, ed in argient, ed in aram,

33. E nell' art da peidras d' intagliar, e nell' art a lavurar da lain, per far qualunque lavurêr inschignaivel.

34. Ed eir l' ha el miss in seis cour *il savair* mossar *ad oters*; e con el ad Oholiab, il figl d' Ahisamac della schlatta da Dan.

35. E'ls ha implits con industria, a far qualunque lavurêr da maister, e da designatur, e da richamatur in violet, in purpura, in şcharlatta, ed in glin fin, e da zuns, ad artifizî in qualunque lavurêr, e disegn.

36. Bezaleel dimena, ed Oholiab, ed ogni hom industrius, nel qual il Segner ha miss industria, ed inschign da savair lavurar, faran tuot il lavurêr dell' ouvra del sanctuari, tenor tuot quai cha' l Segner ha comandâ.

CHAP. XXXVI.

Vain comanzada la fabrica del tabernacul.

MOSE dimena clamet Bezaleel, ed Oholiab, ed ogni hom industrius, nel anim del qual il Segner avaiva miss industria; ogni hom il cour del qual il moventet as proferir pro quell' ouvra, per la far;

2. Ed els piglettan our davant Mose tuot quellas offertas, cha' ls infants d' Israel avaivan portâ, acio cha' s fess l' ouvra del lavurêr del sanctuari. Ma' ls infants d' Israel als portaivan

amo ogni daman qualch'offerta voluntaria.

3. Qua gnittan tuots quels maisters artificius, chi faivan tuot il lavurêr del sanctuari, laschand scodün sia lavur cha faivan;

4. E dschettan a Mose: Il pövel porta massa, plü co cha's bsögna per la lavur dell'ouвра, cha'l Segner ha comandâ da far.

5. Pelqual Mose comandet, cha's fess clamar oura nel champ, dschand: Ne hom, ne duonna non fetscha plü offerta d'alehüna roba per il sanctuari. Usche füt obviâ, cha'l pövel non portess oter.

6. Els avaivan vi'allas robas *agià portadas* cha bastaiva per far tuot quel lavurêr, ed eir cha vanzaiva.

7. * Usche tuots ils maisters inschignaivels intanter quels chi faivan la lavur, fettan la chamanna, desch tailas da glin fin stort, e da violet, e da purpura, e da şcharlatta. *Quellas tailas* fettan els con cherubins, lavur da smaliadüra.

EX. 26, 1.

8. La lungezza d'üna taila *eira* da vainchot bratschs muots; e la ladezza da quatter bratschs muots; tuot quellas tailas *eiran* d'ün'istessa masüra.

9. E tachettan insembel tschinch tailas l'üna con l'otra; il medem tachettan els tschinch *otras* tailas l'üna con l'otra;

10. E fettan latschets da violet nel ur dell'üna dellas tailas, ourasom dell'üna dellas gionschadüras; fettan eir il sumgiant nel ur della plü davo taila, nella seguonda gionschadüra.

11. Fettan tschinquanta latschets in üna da quellas tailas, e *fettan* il medem tschinquanta latschets alla fin della taila chi *eira* alla seguonda gionschadüra; quels latschets *eiran* l'ün contrapost al oter.

12. Fettan eir tschinquanta crotschets d'or, e con quels crotschs tachettan els las tailas l'üna con l'otra, ed usche füt il tabernacul *güt in ün intêr*.

13. Ultra quai fettan els tailas da * pails da chavra, per tenda sur il tabernacul; fettan ündesch da quellas tailas;

* EX. 26, 7.

14. La lungezza d'üna da quellas *eira* trenta bratschs muots, e la ladezza quatter bratschs muots, quellas ündesch tailas *eiran* d'ün'istessa masüra.

15. E tachettan tschinch tailas a part, e ses tailas a part.

16. E fettan tschinquanta latschets nel ur della plü davo taila dell'üna dellas gionschadüras, ed oters tschinquanta latschets al ur della medema taila della seguonda gionschadüra.

17. Ultra quai fettan els tschinquanta crotschs d'aram, per gionscher insembel la tenda, acio ch'ella füss *gütta in ün intêr*.

18. Fettan eir alla tenda * üna coverta da pels da bümatsch, tittas a cotschen; ed ün'otra coverta da pels da tass da mâr süsura.

* EX. 26, 14.

19. Lura fettan els per il tabernacul las * assas da lain sittim, *per esser dret sü*.

* EX. 26, 15.

20. La lungezza da scodün'assa *eira* desch bratschs muots, e la ladezza ün e mez bratsch muot.

21. Ed in scodün'assa *eiran* duos chassas d'inchastar l'ün *toc* con l'oter; usche fettan els con tuot las assas del tabernacul.

22. Fettan dimena las assas per il tabernacul; vainch assas per la vart australa, vers mezdi;

23. E quaranta sostegns d'argent, *per metter* suot quellas vainch assas; duos sostegns suot scodün'assa, per sias duos chassas;

24. E per l'otra vart del tabernacul, vers l'aquilone, vainch assas,

25. Con lur quaranta sostegns d'argent, duos sostegns suot scodün'assa;

26. E per il fuond del tabernacul, vers occidaint, fettan els ses assas.

27. Fettan eir duos assas per ils chantuns del tabernacul, nel fuond da quel.

28. E quellas *eiran* a duos fatschas dal fuond in sü; e tuottas *eiran* bain ingüttas insembel, al cheu da scodüna da *quaistas* assas, con ün anê; fettan *quaistas* duos assas, *chi eiran* per ils duos chantuns, d'üna medema maniera;

29. Eiran dimena ot assas, insembel

con lur saidesch sostegns d'argient; duos sostegns suot scodün' assa.

30. Fettan, ultra quai, tschinch stangas da lain sittim, per las assas dell' üna dellas varts del tabernacul.

31. Il medem tschinch stangas per las assas dell' otra vart del tabernacul; e tschinch stangas per las assas del fuond del tabernacul, vers l' occidaint.

32. E fettan la stanga a mez, per traversar per mez las assas, d' ün cheu al oter.

33. E surtrettan las assas con or, e fettan lur anels d' or, per metter aint las stangas; surtrettan eir las stangas con or.

34. Fettan eir la * vela da violet, e da purpura, e da scharlatta, e da glin fin stort, con lavur da smaliadüra; la fettan con lavur da smaliadüra con cherubins. * Ex. 26, 31.

35. E per quella fettan els quatter coluonnas da lain sittim, e las surtrettan con or; e lur testettas eiran d' or, e per quellas coluonnas culetan els quatter sostegns d' argient.

36. Fettan eir per l' intrada del tabernacul ün * tapet da violet, e da purpur e da scharlatta, e da glin fin stort, con lavur da richamadur; * Ex. 26, 36.

37. Con lur tschinch coluonnas, e lur testettas, e surtrettan las testettas con or, ed ils corduns da quellas, e las fettan tschinch sostegns d' aram.

CHAP. XXXVII.

La fabrica del tabernacul continua.

BEZALEEL fet eir * l' archa, con lain sittim, sia lungezza eira duos e mez bratschs muots, e la ladezza ün e mez bratsch muot, e l' otezza ün e mez bratsch muot. * Ex. 25, 10.

2. El la surtret con or pür, dadaint e dadoura, e la fet ün ur d' or intuorn.

3. E culet quatter anels d' or, e quels anels mettet el vi' als quatter peis da quella, duos dell' üna dellas varts da quella, e duos dell' otra.

4. Fet eir stangas con lain sittim, e las covernet con or.

5. E mettet quellas stangas aint nels anels, dellas varts dell' archa, per la portar.

6. Fet eir il * vierchel d' or pür, e sia lungezza eira duos e mez bratschs muots, e la ladezza d' ün e mez bratsch muot. * Ex. 25, 17.

7. Ultra quai fet el duos cherubins d' or; ils fet da lavur battüda con martè, vi' als duos cheus del vierchel;

8. Ün cherubin nel ün dels cheus da quai da qui, ed ün oter nel oter da là; fet quels cherubins vi' al vierchel istess, vi' als duos cheus da quel.

9. Ed ils cherubins stendaivan las alas sura via, fand coverta sur il vierchel con lur alas, ed avaiavan lur fatschas voutas l' üna vers l' otra; las fatschas dels cherubins eiran drizzadas vers il vierchel.

10. Fet eir la * maisa con lain sittim, sia lungezza eira duos bratschs muots, e la ladezza ün bratsch muot, e l' otezza ün e mez bratsch muot. * Ex. 25, 23.

11. El la covernet con or pür, e la fet ün ur d' or intuorn.

12. La fet eir üna lista intuorn, lada üna palma, ed a quella sia lista fet el ün ur d' or intuorn.

13. E culet vi' a quella maisa quatter anels d' or, e quels anels mettet el nels quatter chantuns, chi eiran nels quatter peis da quella maisa.

14. Quels anels eiran via sper quella lista, per metter aint las stangas a portar la maisa.

15. Ultra quai fet el las stangas con lain sittim, e las covernet con or.

16. Fet eir con or pür la vashella da metter sün la maisa, sias schü-dellas, e sias coppas, e seis batschigls, e seis sduns, con la quala as dovaiva far las sparsiuns.

17. Fet eir il * chandallêr con or pür; el il fet da lavur battüda con il martè; usche eir sia chamma, seo eir seis vuorgs, seis vashels, seis poms, e sias bozzas eiran d' üna pezza. * Ex. 25, 31.

18. Ed eiran ses vuorgs, chi gnivan our dallas varts da quel; trais vuorgs dall' üna dellas varts da quel, e trais dall' otra.

19. Nel ün da quels vuorgs eiran trais vashels in fuorma da nusch da mandels, ün pom, ed üna bozza a

scodün vashè; il medem trais vashels in fuorma da nusch a mandels, ün pom ed üna bozza a scodün vashè nel oter vuorg; ed usche in tuots ils ses vuorgs chi gnivan our dal chandallêr.

20. E nella *chamma del* chandallêr *eiran* quatter vashels, in fuorma da nusch a mandels, con seis poms, e con sias bozzas.

21. E nels ses rams, chi giaivan our dal chandallêr, *eira ün* pom suot ils duos prüms rams, d' ün toc con il chandallêr, ed ün pom suot ils duos oters rams, d' üna pezza con il chandallêr, ed ün pom suot ils duos oters vuorgs, d' ün toc con il chandallêr.

22. Ils poms dels vuorgs, e lur vuorgs, *eiran d' üna* pezza con il chandallêr; tuot il chandallêr *eira d' üna* pezza d' or pür, trat oura con il martè.

23. Fet eir las * set lampas da quel, sias moccettas, e seis receptaculs d' or pür. * Ex. 25, 37. 38. Num. 8, 2.

24. Intuorn il chandallêr, e vi' a tuots seis instrumaints impondet el ün talent d' or.

25. Lura fet el * l' utêr dels fûments, con lain sittim; sia lungezza *eira ün* bratsch muot, e la ladezza ün bratsch muot, *usche ch' el eira* quader; e sia otezza *eira* duos bratschs muots, e sias cornas *eiran vi' a* quel.

* Ex. 30, 1. 2.

26. E l' surtret con or pür, seis vierchel, sias varts d' intuorn, e sias cornas; eir al fet el ün ur d' or intuorn.

27. Al fet eir duos anels d' or, suot quel seis ur, in seis duos chantuns, da duos da sias varts, *ils quals eiran* per metter aint las stangas, per portar l' utêr con quellas.

28. E quellas stangas fet el da lain sittim, e las covernet con or.

29. Lura fet el * l' öli sacro dell' uneziun, e l' fûment dellas speziarias, net, con lavur d' apotecar. * Ex. 30, 25.

CHAP. XXXVIII.

La fabrica del tabernacul vain finida, e missan la somma del or, argent ed aram, impondida intuorn quel lavurêr.

LURA fet el * l' utêr dellas offertas da fö, con lain sittim; sia lungez-

za *eira* tschinch bratschs muots, e la ladezza tschinch bratschs muots, *tal ch' el eira* quader, e l' otezza trais bratschs muots. * Ex. 27, 1. 2.

2. Cornas fet el in seis quatter chantuns, las qualas *eiran vi' al* utêr, e l' surtret con aram.

3. Eir fet el tuots ils instrumaints del utêr, las chüdêras, las palettas, ils batschigls, las furchettas, e las chazzas; tuots ils instrumaints del utêr fet el d' aram.

4. Fet al utêr eir ün giatter d' aram, con lavur da rait, nel circuit del utêr giò bass, ed *eira fin* mez l' utêr.

5. E culet quatter anels, ils quals el mettet nels quatter chantuns del giatter d' aram, per metter aint las stangas.

6. Ultra quai fet el las stangas con lain sittim, e las covernet con aram.

7. E quellas stangas mettet el aint nels anels, dellas varts del utêr per il portar con quellas; *l' utêr* fet el con tablas, vöd.

8. Il batschigl fet el eir * d' aram, e seis pè d' aram, dals spejels dellas donans, chi a tshert temp ordinâ gnivan a servir nell' intrada del tabernacul della raspada. * Ex. 30, 18.

9. Ultra quai fet el il * cortil; dalla vart australa, vers mezdi *eiran* tshient bratschs muots velas da glin fin stort, per il cortil, * Ex. 27, 9.

10. Con lur vainch coluonnas, e lur vainch sostegns d' aram; *ma* las testettas dellas coluonnas, e lur corduns *eiran d' argent*.

11. Usche eir dalla vart settentrionala *eiran* tshient bratschs muots velas, con lur vainch coluonnas, e lur vainch sostegns d' aram; *ma* las testettas dellas coluonnas, e lur corduns *eiran d' argent*.

12. E dalla vart occidentala *eiran* velas, tschinquanta bratschs muots, con lur desch coluonnas, e lur desch sostegns; e las testettas dellas coluonnas, e lur corduns *eiran d' argent*.

13. E dalla vart orientala, vers il levant, *eiran* velas da tschinquanta bratschs muots;

14. Cioè, nel ün dels chantuns *eiran*

cortinas da quindesch bratschs muots, con lur trais coluonnas, e lur trais sostegns.

15. E nel oter chantun, *cioè*, tant da qui, sco da là dell' intrada del cortil, quindesch bratschs muots da cortinas, con lur trais coluonnas, e lur trais sostegns.

16. Tuot las velas del cortil dintoorn *eiran* da glin fin stort;

17. E 'ls sostegns, e las coluonnas *eiran* d' aram; ma las testettas dellas coluonnas, e lur corduns *eiran* d' argient; tuot las coluonnas del cortil avaiavan las testettas covernadas con argient; *ma* lur corduns *eiran* d' argient,

18. All' intrada del cortil *fet el* eir ün tapet con lavur da richamadur, da violet, e da purpur, e da şcharlatta, e da glin fin stort, da vainch bratschs muots lungezza, e da tschinch bratschs muots otezza, nella laდება correspondand alla cortina del cortil,

19. Con lur quatter coluonnas, e lur quatter sostegns d' aram; ma lur testettas *eiran* d' argient. Ellas avaiavan lur testettas covertas *con argient*, e lur corduns *eiran* d' argient.

20. E tuot las claviglias del tabernacul, e del cortil dintoorn, *fet el* d' aram.

21. Quaistas *sun* las sommas *del or*, *del argient*, e *del aram* impondü intoorn il tabernacul della testimoniianza, las qualas füttan quintadas tras uorden da Mose, per opera dels levits, suot la condotta d' Itamar, il figl del sacerdot Aaron;

22. Our dallas qualas Bezaleel, il figl d' Uri, del figl d' Hur, della schlatta da Giuda fet tuot quellas chosas, cha 'l Segner avaiva comandâ a Mose;

23. Insembel con Oholiab, il figl d' Ahisamac, della schlatta da Dan, ed *oters* maisters, e disegnaturs, e richamadurs in violet, ed in purpura, ed in şcharlatta, ed in glin fin.

24. Tuot l' or chi füt impondü nell' ouvra, in tuot il lavurêr del sanctuari; l' or da quell' offerta *fütt* vainch e nouv talents, e setttschient e trenta siccais, * tenor siccais da sanctuari.

* Ex. 30, 13.

25. E l' argient dels innombrats intanter la raspada füt tschient talents, e milli setttschient e settant' e tschinch siccais, tenor siccais da sanctuari;

26. *Pigliand* ün didramma per testa, chi ais la mitâ d' ün siccal, tenor siccal da sanctuari, da minchün, chi passaiva tanter ils innombrats, dall' età da vainch ans in sü, cha *füttan* * sestschient e trajamilli, tschinchtschient e tschinquanta. * Num. 1, 46.

27. Del argient as dovret tschient talents per cular ils sostegns del sanctuari, ed ils sostegns della cortina; tschient talents per tschient sostegns, ün talent per sostegn.

28. E con quels milli setttschient e settant' e tschinch *siccais* fet el las testettas per las coluonnas, e covernet lur testettas, ed allas fet ils corduns.

29. E l' aram dell' offerta füt settanta talents, e duamilli e quattertschient siccais.

30. Ed our da quel fet el ils sostegns dell' intrada del tabernacul della raspada, e l' utêr d' aram, e seis giatter d' aram, e tuots ils instrumaints del utêr;

31. Ed ils sostegns del cortil dintoorn, ed ils sostegns dell' intrada del cortil, e tuot las claviglias del tabernacul, e tuot las claviglias del cortil intoorn intoorn.

CHAP. XXXIX.

Ils maisters fan la vestimainta sacra, ed, aviand finî tuot la lavur, portan els tuottas chosas pro Mose, ed el ils benedescha.

LURA our dal * violet, e dalla purpura, e dalla şcharlatta fettan els la vestimainta del servezzen, per far il ministeri nel sanctuari; eir fettan els la vestimainta sacra per Aaron; sco 'l Segner avaiva comandâ a Mose. * Ex. 28, 4. 5. 31, 10.

2. El Fet dimena l' * efod d' or, da violet, e da purpura, e da şcharlatta, e da glin fin stort. * Ex. 28, 6.

3. Ed els battettan oura stigl las platinas d' or, e las taglettan in fils per las metter in opera per mez il violet, e la purpura, e la şcharlatta, e 'l glin fin, in lavur da smaliadüra;

4. Ed a quel fettan els güvlêrs chi liaivan *insembel*, ed *usche l' efod* eira congüt da seis duos cheus.

5. E l' disegn della tschinta, chi *eira* supra l' efod, *eira* vi' al efod stess, e da medema lavur, d' or, e da violet, e da purpura, e da şcharlatta, e da glin fin stort; sco 'l Segner avaiva comandâ a Mose.

6. Lavurettan eir las peidras onichinas intscherecladas intuorn con inchavadüras d' or, nellas qualas eiran tagliats aint ils noms dels figls d' Israel, con lavur d' intagliar sagels;

7. E las mettettan sün ils güvlêrs del efod, *ad esser* peidras da regordanza per ils infants d' Israel; sco 'l Segner avaiva comandâ a Mose.

8. Ultra quai, fet el il * pectoral, con lavur da smaliadüra, e dell' istessa lavur del efod, d' or, da violet, e da purpura, e da şcharlatta, e da glin fin stort.

* Ex. 28, 15.

9. Il pectoral eira quader, ed els il fettan dobel; sia lungezza *eira* üna palma, e sia ladezza üna palma, ed *eira* dobel.

10. Ed in quel in chastrettan els quatter lingias da peidras; *nella prima eira* ün sardonix, ün topas, ed ün smaragd;

11. E nella seguonda lingia *eira* ün carbuncel, ün saffir, ed ün diamant;

12. E nella terza lingia *eira* ün ligurio, ün agata, ed ün ametist;

13. E nella quarta lingia *eira* ün crisolit, üna peidra onichina, ed ün jaspis. Quaistas *peidras eiran* liadas in or, scodüna in sia inchavadüra.

14. E quellas peidras eiran in nomber da dudiesch, seguond ils noms dels figls d' Israel. In scodüna *da quellas eira tagliâ aint con lavur* d' intagliar sagels, seis nom, tenor las dudiesch schlattas.

15. Fettan eir vi' al pectoral las chadainettas d' or pür, sün ils cheus con lavur intarscholada.

16. Ultra quai, fettan els duos inchavadüras d' or, e duos fiblas d' or; mettettan eir duos anels nels duos cheus del pectoral.

17. Lura attachettan els quellas duos chadainettas d' or intarschola-

das vi' a quels duos anels, süls cheus del pectoral.

18. Ed ils duos cheus dellas *otras* duos *chadainettas* intarscholadas attachettan els vi' a quellas duos inchavadüras, las qualas els mettettan sün ils güvlêrs del efod, sün la part davant da quel.

19. Fettan eir duos anels d' or, ils quals els mettettan vi' als *oters* duos cheus del pectoral, al ur da quel, *chi eira* dalla vart del efod, aintdaint.

20. Ultra quai, fettan els duos anels d' or, e 'ls mettettan vi' als duos güvlêrs del efod, giosuot, nella part davant da quel, dalla vart della gionschadüra da quel, sün la tschinta lavurada del efod.

21. E serrettan il pectoral con seis anels vi' als anels del efod, con ün bindell violet; in möd ch' el eira süsur la tschinta lavurada del efod, e non podaiva esser alvada davent dal efod; sco 'l Segner a Mose avaiva comandâ.

22. Eir fettan els il * mantel del efod, con lavur tessüda, tuot da violet.

* Ex. 28, 31.

23. Ed in mez quel mantel eira ün şchalv, simil al şchalv d' ün guaret, aviand ün ur intuorn, *ch' el* non as şcharpess.

24. E giosuot, intuorn l' ur da quel mantel, fettan els poms granats da violet, e da purpura, e da şcharlatta, con fil stort.

25. Eir sunagls fettan els d' or pür, e quels sunagls mettettan els in mez quels poms granats, sün l' ur del mantel intuorn intuorn, intanter ils poms granats;

26. Ün sunagl, lura ün pom granat; ün sunagl, lura ün pom granat, sün l' ur del mantel per tuot intuorn, per far il ministeri; sco 'l Segner a Mose avaiva comandâ.

27. Eir las * rassas fettan els da glin fin, da lavur tessüda, per Aaron e per seis figls.

* Ex. 28, 39.

28. Il medem *fettan els* la binda * da glin fin, ed ils ornamentals dellas chapütschas, darcheu da glin fin, e las suotbrajessas da glin fin stort.

* Ez. 44, 18.

29. Eir la tschinta *fettan els*, da glin fin stort, e da violet, e da purpura, e da *şcharlatta*, con lavur da richamadur; sco 'l Segner a Mose avaiva comandâ.

30. * Fettan eir la lama, la destineziun sacra, d'or pür, e scrivettan sün quella, in scrittüra, sco s' intaglia sagels: LA SANTITÀ DEL SEGNER.

* Ex. 28, 36.

31. E mettettan vi' a quella ün bindell da violet, per il metter sün la binda, sù survart; sco a Mose il Segner avaiva comandâ.

32. Usche füt finì tuot il lavurêr della chamanna, e del tabernacul della raspada, ed ils infants d'Israel fettan plainamaing seguond cha 'l Segner avaiva comandâ a Mose.

33. Lura portettan els a Mose la tenda, il tabernacul, e tuots seis instrumaints, seis crotschs, sias assas, sias stangas, sias coluonnas, e seis sostegns;

34. E la coverta dellas pels da bümatsch, tittas a cotschen, e la coverta dellas pels da tass da mâr, e la cortina a tender davantsü il lö sanctissem;

35. L' archa della testimonianza, e sias stangas, ed il vierchel;

36. La maisa, e tuots seis instrumaints, e 'l pan del conspet;

37. Il chandallêr pür, e sias lampas, *missas sù* in uorden, e tuots seis instrumaints, e l' öli per la glümêra;

38. E l' utêr d' or, e l' öli dell' uneziun, e 'l fument dellas speziarias, ed il tapet dell' intrada del tabernacul;

39. L' utêr d' aram, e seis giatter d' aram, sias stangas, e tuots seis instrumaints, il batschigl, e seis pè;

40. La vela del cortil, sias coluonnas, e seis sostegns, ed il tapet per l' intrada del cortil; las suas da quel *cortil*, e sias claviglias, e tuot las üsaglias dell' ouvra della tenda del tabernacul della raspada;

41. La vestimainta del servezzen, per far il ministeri nel sanctuari; la vestimainta sacra per il sacerdot Aaron, e la vestimainta da seis figls, per exercitar il sacerdotadi.

42. Tuot il lavurêr fettan ils infants

d' Israel, plainamaing seguond cha 'l Segner avaiva comandâ a Mose.

43. E Mose vèzzet tuot l' ouvra, e mera, els l' avaivan fatta sco 'l Segner avaiva comandâ. E Mose ils benedit.

CHAP. XL.

Il tabernacul vain drizzâ sù, ed impli con la majestâ da Dieu.

MA 'l Segner favlet con Mose, dschand:

2. Nel prüm di del * prüm mais drizza sù la tenda del tabernacul della raspada,

* v. 17.

3. E metta laint l' archa della testimonianza, e tenda la cortina avant l' archa sù;

4. * Lura port' aint la maisa, ed ordaina sün quella che dess esser ordinâ; port' aint eir il chandallêr, ed indirizza sias lampas;

* Ex. 26, 35.

5. E metta l' utêr d' or per ils fument avant l' archa della testimonianza; metta eir il tapet pro l' intrada del tabernacul.

6. E metta l' utêr dellas offertas da fö, avant l' intrada della tenda del tabernacul della raspada.

7. E metta il batschigl tanter il tabernacul della raspada e l' utêr, e metta laint aua.

8. Dispona eir del cortil intuorn, e metta il tapet all' intrada del cortil.

9. Piglia lura l' öli dell' uneziun, * onscha il tabernacul, e tuot quai chi a'is dadaint, e consacrescha 'l, con tuottas sias üsaglias, e vain ad esser chosa sancta.

* Ex. 30, 26.

10. Onscha sumgiantamaing l' utêr dellas offertas da fö, e tuots seis instrumaints, e consacrescha l' utêr, e sarà chosa sanctissima.

11. Onscha eir il batschigl, e seis pè e consacrescha 'l.

12. Lura fà gnir nan Aaron, e seis figls, pro l' intrada del tabernacul della raspada, e lava 'ls con aua.

13. E fà trar aint ad Aaron la vestimainta sacra, ed onscha 'l, e consacrescha 'l, ed usche am dess el administrar il sacerdotadi.

14. Fà eir gnir nan seis figls, e fa 'ls trar aint las rassas.

15. Ed onsch' els, sco tû vainst ad avair üt lur bap, ed usche ch'am administreschan il sacerdotadi, e lur uneziun vain ad els ad esser per sacerdotadi perpetual, tras lur generaziuns.

16. E Mose fet plainamaing sco 'l Segner l'avaiva comandâ.

17. * E nel seguond an, nel prüm di del prüm mais, füt drizzâ il tabernacul.

* Num. 7, 1.

18. Contuot drizzet sù Mose il tabernacul, e, tschantand seis sostegns, disponit el sias assas, e mettet las stangas pro, e drizzet sù sias coluonnas;

19. E tendet la tenda sur il tabernacul, e tschantet la coverta della tenda sün quel sù suravia; sco 'l Segner l'avaiva comandâ.

20. Piglet lura la * testimonianza, e la tschantet dadaint l' archa, e mettet las stangas all' archa, e tschantet il vierchel sün l' archa, suravia;

* Ex. 25, 16.

21. E portet l' archa dadaint il tabernacul, mettet la cortina chi s'avaiva da tender avant sù, e la tendet davant l' archa della testimonianza sù; sco 'l Segner l'avaiva comandâ.

22. Mettet lura la maisa nel tabernacul della raspada, dalla vart settentrionala del tabernacul, dadour la vela.

23. E mettet per uorden sün quel-la ils pans, chi s'avaiva da tgnair in uorden avant il Segner; * sco 'l Segner l'avaiva comandâ.

* Ex. 25, 30.

24. Lura mettet el il chandallèr nel tabernacul della raspada, dret via incoenter la maisa, dalla vart australa del tabernacul;

25. Ed invüdet las lampas avant il Segner; sco 'l Segner l'avaiva comandâ.

26. Mettet lura l'utêr d' or nel ta-

bernacul della raspada, avant la cortina;

27. Ed ardet sün quel il fument dellas speziarias; sco 'l Segner l'avaiva comandâ.

28. Mettet lura il tapet all' intrada del tabernacul,

29. E tschantet l'utêr dellas offertas da fö all' intrada della tenda del tabernacul della raspada, ed offerit sün quel il sacrifici da fö, e l'offerta; sco 'l Segner l'avaiva comandâ.

30. E tschantet il batschigl tanter il tabernacul della raspada e l'utêr, e mettet laint aua da * lavar.

* Ex. 30, 19.

31. E Mose, ed Aaron, e seis figls, as lavettan ils mans, ed ils peis.

32. Cur els intraivan nel tabernacul della raspada, e cur cha gnivan via pro l'utêr, schi's lavaivan els; sco 'l Segner a Mose avaiva comandâ.

33. Lura drizzet el il cortil intuorn il tabernacul e l'utêr, e mettet il tapet all' intrada del cortil. Usche furnit Mose l'ouвра.

34. * E la nüvla covernet il tabernacul della raspada, e la gloria del Segner implit il tabernacul.

* Num. 9, 15. 1 Reg. 8, 10.

35. E Mose non podet intrar nel tabernacul della raspada; perche la * nüvla posaiva sur el, e la gloria del Segner impliva il tabernacul.

* Lev. 16, 2. Es. 6, 4. Apoc. 15, 8.

36. Ma, cur la nüvla s'adozaiva sù dal tabernacul, schi's partivan ils infants d'Israel, *qua' dvantaiva* in tuot lur viadis.

37. Ma, cur la nüvla non s'adozaiva, schi non as partivan els, fin al di ch'ella s'adozaiva.

38. * Perche la nüvla del Segner eira da di sur il tabernacul, ed ün fö eira da not in el, alla vista da tuot la chasa d'Israel, in tuot lur viadis.

* Ex. 13, 21. Num. 9, 15.

IL TERZ CUDESCH DA MOSE,

NOMINÀ

LEVITICO.

CHAP. I.

Ledscha del olocausto voluntari, da muvel gross e manü, e d'utschels.

ED il Segner clamet Mose, e tschantseth con el our dal tabernacul della raspada, dschand:

2. Tschantscha con ils infants d' Israel, e di ad els: * Cur alchün da vus vain ad offerir ün' offerta al Segner, *ais quella* d' animals, schi offeri vossas offertas, da bov, o da bescha, o da chavras.

* Lev. 22, 18.

3. Scha sia offerta *ais* ün olocausto da bovs, schi ch'el offerra *quel animal* maschel, sainza defet; ch'el offera all' intrada del tabernacul della raspada; acio cha quella saja accetta per el avant il Segner.

4. * E ch'el tschaint' il man sün la testa del olocausto, schi vain ella ad esser accetta, per far purgaziun del pucha per el.

* Ex. 29, 10.

5. Lura dess quel bov gnir schännà avant il Segner, ed ils figls d' Aaron, sacerdotes, dessan offerir il sang, e'l spander sül utêr, chi *ais all'* intrada del tabernacul della raspada, intuorn intuorn.

6. Lura dess l' olocausto gnir scorcâ, e tagliâ in pezzas;

7. Ed ils figls del sacerdot Aaron dessan metter il fô sün l' utêr, e luar la laine sül fô;

8. E lura ils figls d' Aaron, sacerdotes, dessan luar quellas pezzas, il cheu, e la coraglia, sün la laine, chi *vain ad esser* sül fô, il qual *sarà* sur l' utêr.

9. Ma l' interiur, e las chammas da quel *bov* as dess lavar. E tuot quaistas chosas dess il sacerdot far arder sül utêr, *in* olocausto, *in* offerta amabla fatta tras fô, d' amabl' odur al Segner.

10. E, scha l' offerta da quel per l' olocausto *ais* da bestiam manü, da bescha, o da chavras, schi ch'el of-

ferra quel *animal* maschel, sainza defet.

11. E ch'el il schanna dalla vart settentrionala del utêr, avant il Segner; ed ils figls d' Aaron, sacerdotes, spandan il sang sün l' utêr intuorn intuorn.

12. Lura ch'el taglia in pezzas, las qualas, insembel con la testa, e la coraglia, il sacerdot dess metter in uorden sün la laine, chi *vain ad esser* sün il fô, qual *sarà* sün l' utêr.

13. Ma l' interiur, e las chammas as dess lavar con aua, e tuot quaistas chosas dess il sacerdot offerir, e las far arder sün l' utêr. Quaist *ais* ün olocausto, ün' offerta fatta tras fô, d' amabl' odur al Segner.

14. Ma, scha sia offerta al Segner *ais* ün olocausto dad utschels, schi ch'el offera sia offerta da * turdellas, ovvero da culombs giuvens. * Lev. 5, 7.

15. E quel *olocausto* dess il * sacerdot offerir sün l' utêr; e'l storschand il colöz, al piglia el giò il cheu, e'l fetscha arder sün l' utêr, ed il sang squitsch' el oura dall' üna dellas varts del utêr.

* Lev. 5, 10.

16. Lura as dess tour il gosch, e las pennas, e quellas chosas büttar dalla vart del utêr vers l' oriaint, nel lö dellas tschendas.

17. Lura fenda il sacerdot *l' utschè* tras sias alas, sainza il partir in duos, e'l dess far arder sün l' utêr, sur la laine, chi *vain ad esser* sül fô. Quaist *ais* ün olocausto, ün' offerta fatta tras fô, d' amabl' odur al Segner.

CHAP. II.

Ledschas davart offertas voluntarias da chosas da farina, crüas, o cottas in divers möds.

MA, cur alchüna persuna vain ad offerir offerta da spaisa, schi saja sia offerta flur da farina, e spand'

öli sur quella, e metta sün quella incens.

2. E la port' als figls d' Aaron, sacerdots, ed il sacerdot piglia ün puogn plain da flur da farina, e del öli da quella, insembel con tuot seis incens, e fetsch' arder quellas chosass, *chi sun* la regordanza da quell' offerta, sün l' utêr. Quaist' *ais* ün' offerta fatta tras fö, d' amabl' odur al Segner.

3. Ma il * rimanent da quell' offerta saja d' Aaron, e da seis figls; *ais* chosa santissima intanter las offertas chi s' ardan al Segner.

* Lev. 7, 6. Num. 18, 9.

4. E, cur tü vainst ad offerir, per offerta da spaisa, alchüna chosa cotta in fuorn, *schì offerra* fuatschas sainza alvamaint, da flur da farina, pastadas con öli, o patlanas sainz' alvon, üttas con öli.

5. E scha tia offerta *ais* da chosa da spaisa, *cotta* nel test, *schì* saja da flur da farina, pastada con öli, sainza alvamaint.

6. Part-la in tocs, e spand' öli sur quella; ella *ais* offerta da spaisa.

7. Ma, scha tia offerta *ais* da chosa da spaisa, *cotta nella* padella, *schì* fa-la da flur da farina, con öli.

8. E quell' offerta chi sarà fatta da quellas chosas port' al Segner, e presehaint-la al sacerdot, ed el la metta via sül utêr.

9. Ed il sacerdot alvainta via la regordanza da quella, e la fetsch' arder sün l' utêr, in offerta fatta tras fö, d' amabl' odur al Segner.

10. Ed il rimanent dell' offerta *saja* d' Aaron, e da seis figls, *ais* chosa santissima, intanter las offertas chi s' ardan al Segner.

11. Ingün' offerta da spaisa, cha vus gnis ad offerir al Segner, non as dess far con alvamaint; perche vus non dessat far arder alchün alvamaint, ne alchün meil, in offerta fatta tras fö al Segner.

12. Quellas chosas dessat * bain podair offerir per offerta da primizias al Segner; ma non sajan tshan-tadas sün l' utêr, per odur amabla.

* Lev. 23, 17.

13. Ma ogni tia offerta da spaisa *

insala con sal, e non laschar mancar il sal del pat del Segner sün tias offertas; offerra sal pro ogni tia offerta.

* Marc. 9, 49.

14. E scha tü offerrast al Segner offertas da primizias da spaisa, *schì* offerra spias fraischas ustridas al fö; granella sfrislàda da flur da furmaint, *per* offerta da tias primizias.

15. E sur quella spand' öli, ed incens: Ella *ais* offerta da spaisa.

16. Ed il sacerdot fetscha arder la regordanza da quella, insembel con tuot seis incens, in offerta fatta tras fö al Segner.

CHAP. III.

Ledschas davart sacrificiz d'ingraziamaint da muvel gross e manü.

E scha l' offerta d' alchün * *ais* sacrificiz d' ingraziamaint, *sch' el* l' offerra da bestiam gross, *cha quella* bestia *saja* maşchel, o femna, *schì ch' el* l' offerra sainza defet, nel conspet del Segner.

* Lev. 7, 11. 29. Lev. 22, 21.

2. E * tshaint' il man sül cheu da sia offerta, e schanna quella all' intrada del tabernacul della raspada, ed ils figls d' Aaron, sacerdots, span-dan il sang sün l' utêr intuorn intuorn.

* Ex. 29, 10.

3. Lura offerr' il sacerdot, del sacrificiz d' ingraziamaint, quai chi s' ha dad arder al Segner, cioè: * Il grass chi coverna l' interior, e tuot il grass chi *ais* sur l' interior.

* Ex. 29, 13.

4. Ed ils duos ranuogls, e l' grass chi *ais* sur quels, sur ils flanes, e la rait chi *ais* sur il niram alvainta via, insembel con ils ranuogls.

5. Ed ils figls d' Aaron la fetschan arder sün l' utêr, sur l' olocausto, chi sarà sur la laine, la quala *vain ad* esser sül fö; in offerta fatta tras fö, d' amabl' odur al Segner.

6. E scha l' offerta d' alchün per sacrificiz d' ingraziamaint al Segner *ais* da muvel manü, maşchel, o femna, *schì ch' el* l' offerra sainza defet.

7. Sch' el offerra per sia offerta ün agnè, *schì ch' el* l' offerra nel conspet del Segner,

8. E tshaint' il man sül cheu da sia offerta, e schanna quella all' intrada del tabernacul della raspada,

ed ils figls d'Aaron spandan il sang sün l'utêr, intuorn intuorn.

9. Ed offerra *il sacerdot* da quel sacrifici d'ingraziamaint, quai cha s'ha dad arder al Segner, *ciòè*: Il grass, e la cua intêra, la quala el piglia via strusch al spinal della rain, e'l grass chi coverna l'interiur, e tuot il grass chi *ais* sur l'interiur.

10. Ed ils duos ranuogls, e'l grass chi *ais* sur quels, e sur ils flanes, e la rait chi *ais* sur il niram alvainta via, insembel con ils ranuogls.

11. Ed il sacerdot fetsch' arder quel grass sün l'utêr, in spaisa d'offerta fatta tras fô al Segner.

12. Ma, scha l'offerta d'alchün ais da chavra, schi ch'el l'offerra nel conspet del Segner,

13. E tshaint' il man sün il cheu da quella, e la schanna avant il tabernacul della raspada, ed ils figls d'Aaron spandan il sang sün l'utêr, intuorn intuorn.

14. Lura cha 'l *sacerdot* offerra l'offerta, chi dess esser fatta tras fô al Segner, *ciòè*: Il grass chi coverna l'interiur, e tuot il grass chi *ais* sur l'interiur.

15. Ed ils duos ranuogls, insembel con il grass ch' *ais* sur quels, sur ils flanes, ed alvainta via la rait chi *ais* sur il niram, insembel con ils ranuogls.

16. E quaistas chosas fetsch' il sacerdot arder sün l'utêr, in spaisa d'offerta fatta tras fô, d'amabl'odur. Ogni grass *appertegna* al Segner.

17. Quaist *saja* ün etern statut, tras vossas generaziuns, in tuottas vossas abitaziuns. * Non mangiarai alchün sang, ne alchün grass. * Gen. 9, 4. Ez. 44, 7.

Lev. 7, 23. 26. Deut. 12, 16.

CHAP. IV.

Ledschas davart sacrificiz per tuottas sorts persunas, chi our d'ignoranza han pechâ.

IL Segner favlet eir con Mose, dschand:

2. Tschantscha con ils infants d'Israel, dschand: * Cur alchüna persuna vain tras ignoranza ad avair pechâ, ed avair fat alchüna da quella chosas cha'l Segner ha scomandâ da far;

* Num. 15, 22.

3. Scha 'l sacerdot onschü ais quel chi avess pechâ, del qual il pövel füss dvantâ culpabel, schi ch'el offerra al Segner per seis pucha, il qual el avess commiss, * ün trim, sainza defet, *per sacrifici* per il pucha.

* Lev. 9, 2.

4. E ch'el maina quel trim nan all'intrada del tabernacul della raspada, avant il Segner, e tshaint' il man sül cheu da quel, il schanna nel conspet del Segner.

5. Lura cha 'l sacerdot onschü piglia del sang del trim, e'l port'aint nel tabernacul della raspada.

6. E cha 'l sacerdot tensch' il daint in quel sang set voutas, nel conspet del Segner, avant la cortina del sanctuari;

7. E cha 'l sacerdot metta da quel sang sün las cornas del utêr dels profüms, chi *ais* nel tabernacul della raspada, nel conspet del Segner, e spanda tuot il *rimanent* del sang del trim al pè del utêr dels olocausts, chi *ais* all'intrada del tabernacul della raspada;

8. Ed alvainta via dal trim del *sacrifici per il* pucha tuot il grass da quel, il grass chi coverna l'interiur, e tuot il grass ch' *ais* sur l'interiur.

9. Ed ils duos ranuogls, e'l grass chi *ais* sur quels, sur ils flanes; alvainta via il medem con ils ranuogls la rait *chi ais* sur il niram.

10. * Seo quellas chosas s'alvaintan via dal bov del sacrifici d'ingraziamaint, e las fetsch' il sacerdot arder sün l'utêr del olocausto.

* Lev. 3, 3.

11. * Ma, quant alla pel del trim, e tuot sia charn, insembel con il cheu, con las chammass, e seis interiur, e seis aldüm,

* Ex. 29, 14.

12. E tuot il trim, ch'el il port'our dal champ, in lö net, ingio * chi 's spanda las tshendras, e'l arda col fô sün la laina; ch'el vegn'ars là ingio as spanda las tshendras.

* Lev. 6, 11.

13. E scha tras ignoranza ha pechâ tuot la raspada d'Israel, sainza ch'ella s'haja fat surasen, ed ha fat alchüna da tuot quellas chosas cha'l Segner ha scomandâ da far, del che ella füss erodad' in cuolpa;

14. Cur il pucha, ch'ella avess

commiss, vain ad esser gnü a notizia, schi cha la raspada offera ün trim, per *sacrifici per il pucha*, ed il maina nan avant il tabernacul della raspada;

15. Ed ils seniurs della raspada tschaintan lur mans sül cheu da quel trim, nel conspet del Segner; e vegna quel trim şchannâ avant il Segner.

16. Ed il sacerdot onschü porta del sang del trim aint nel tabernacul della raspada;

17. Ed il sacerdot tensch' il daint in quel sang, e sprinzla set voutas nel conspet del Segner, davant la cortina;

18. E metta da quel sang sün las cornas del utêr, chi *ais* nel tabernacul della raspada, avant il Segner, e spanda tuot il *rimanent del sang*, al pè del utêr dels olocausts, chi *ais* all'intrada del tabernacul della raspada;

19. Ed alvainta via da quel trim tuot il grass, e'l fetsch' arder sün l'utêr;

20. E fetscha con quel trim sco ch' el ha fat * con l'oter trim, chi *ais* offert per seis pucha; usche dess el far la purgaziun del pucha della raspada, e vain alla esser perdonâ.

21. Lura ch'el port' il trim our dal champ, l'arda, sco ch'el ha ars il prüm trim; el *ais sacrifici per il pucha* della raspada.

22. Scha dels principals alchün ha pechâ, ed ha tras ignoranza fat alchüna da tuot quellas chosas, cha'l Segner, seis Deis, ha scomandâ da far, del qual el füss erodâ in cuolpa;

23. Cur seis pucha, ch'el vain ad avair commiss, vain al esser dat da cognoscher, schi ch'el maina nan per sia offerta ün boc, ün maşhel intanter las chavras, sainza defet;

24. E tschaint' il man sün il cheu da quel boc, e şchanna quel nel lö, in gio as şchannan ils olocausts, avant il Segner; el *ais sacrifici per il pucha*.

25. E cha'l sacerdot piglia del sang da quaist *sacrifici per il pucha*, col daint, e'l metta sün las cornas del utêr dels olocausts, e spand' il *rima-*

ment del sang da quel al pè del utêr dels olocausts.

26. E fetsch' arder tuot il grass da quel boc sur l'utêr, sco'l grass del * sacrifici d'ingraziamaint; ed usche vain il sacerdot a far la purgaziun del pucha da quel, e'l sarà perdonâ.

* Lev. 3, 5.

27. E scha tras ignoranza alchün del comün pövel ha pechâ, ed ha fat alchüna dellas chosas cha'l Segner ha scomandâ da far, del qual el füss erodâ in cuolpa;

28. Cur seis pucha, ch'el avess commiss, vain al esser fat a savair, schi ch'el, per sia offerta, maina nan üna femna intanter las chavras, sainza defet, per *sacrifici per seis pucha*, ch'el ha commiss;

29. E tschaint' il man sül cheu da quel *sacrifici per il pucha*, e şchanna quel nel lö dellas offertas da fö.

30. Lura cha'l sacerdot piglia del sang da quel, col daint, e'l metta sün las cornas del utêr dels olocausts, e spanda tuot il *rimanent del sang* da quel al pè del utêr;

31. Ed alvainta via tuot il grass, * sco chi s'alvainta via il grass del sacrifici d'ingraziamaint, ed il sacerdot fetsch' arder quel grass sün l'utêr, in amabl'odur al Segner; ed usche vain il sacerdot a far la purgaziun del pucha da quel, e'l sarà perdonâ.

* Lev. 3, 3.

32. E pür, sch'el maina nan ün agnè per sia offerta, per *sacrifici per il pucha*, schi ch'el maina üna femna, sainza defet;

33. E tschaint' il man sün il cheu del *sacrifici per il pucha*, e şchanna quel *sacrifici per il pucha*, nel lö, in gio as şchanna ils olocausts.

34. Lura pigl' il sacerdot del sang da quel *sacrifici per il pucha*, col daint, e'l metta sün las cornas del utêr dels olocausts, e spanda tuot il *rimanent del sang* da quel al pè del utêr.

35. E ch'el alvainta via tuot il grass, sco chi s'alvaint' il grass del agnè del sacrifici d'ingraziamaint, e fetsch' il sacerdot arder quel *grass* sün l'utêr, sur las offertas chi's fan tras fö al Segner; ed usche vain il sacerdot a far purgaziun del pucha da quel,

il qual el vain ad avair commiss, e l' sarà perdunâ.

CHAP. V.

Da bieras sorts cass da puchats, ed il möd da purgiar quels.

E cur alchün avess pechâ, per causa ch' el avess udi la vusch d' üna denunziasiun con saramaint d' alchüna chosa, del qual el füss perdütta; o ch' el l' haja visa, o ch' el uschiagliö l' haja savüda, e non l' avess declarada; schi vain el a portar sia iniquità.

2. Il medem, * cur alchün vain ad avair toc alchüna chosa malnetta, il chastör d' üna bestia solvadia malnetta, o l' chastör d' animal domesti malnet, o l' chastör da quai chi's strozia malnet; conbain ch' el avess fat tras ignoranza, schi ais el impero malnet, e culpabel. * Lev. 11, 24. 28. 31. 39.

3. Usche, cur el gnis ad avair toc * alchüna malnettischa del crastian, seguond ogni sia malnettischa, tras la quala el ais impalâ, combain ch' el non l' avess fat saviand, sch' el vain fat a savair, schi ais el culpabel.

* Lev. 12. 13. 15.

4. Similmaing, cur alchün avess gürâ, proferind leivamaing con seis lefs da volair far mal, o bain, seguond tuottas chosas cha la gliend leivamaing soula proferir con saramaint, ed el non ha *plü* cognoschenscha; schi l' vain fat a savair, schi ais el culpabel in üna da quaistas manieras.

5. Contuot, cur alchün vain ad esser culpabel in üna da quaistas manieras; schi ch' el fetscha * la confessiun del pucha ch' el avess commiss;

* Num. 5, 7.

6. E maina nan pro l' Segner *il sacrifici per* sia cuolpa, per il pucha ch' el avess commiss, cioè, üna femna da bestiam manü, o nuorsa, o chavra, per il pucha; ed il sacerdot fetscha la purgaziun del pucha da quel.

7. Impero, * seha la possibilità da quel non podess furnir üna nuorsa, o üna chavra, schi ch' el maina nan al Segner, *per sacrifici per* sia cuolpa, in quai ch' el avess pechâ, duos * tur-

dellas, o colombs giuvens, l' ün *per sacrifici per* il pucha, e l' oter *per olocausto*;

* Lev. 14, 21.

8. E dess ils portar al sacerdot, e quel offerra il prüm quel chi *vain ad esser per* il pucha, ed als storschand * il colöz, als tshunca el giò il cheu strusch al colöz, sainza però partir in duos.

* Lev. 1, 15.

9. Lura ch' el sprinzla del *sang del sacrifici per* il pucha sur üna dellas paraits del utër, ed il rimanent del sang squitsch' el oura al pè del utër. El *ais sacrifici per* il pucha.

10. E del oter cha fetschan olocausto, * seguond ch' ais ordinâ. Ed usche vain il sacerdot a far purgaziun del pucha, cha quel vain ad avair commiss, e l' sarà perdunâ.

* Lev. 1, 14.

11. E sch' el impero non po furnir duos turdellas, o duos colombs giuvens, schi ch' el porta *per* sia offerta, per quai ch' el avess pechâ, la deschavla part d' ün efa da flur farina, *per offerta per* il pucha, e * non metta süsura, ne öli, ne incens; perche ell' ais *ün' offerta per* il pucha.

* Num. 5, 15.

12. Ch' el dimena porta quella *farina* al sacerdot, ed il sacerdot piglia ün puogn plain per regordanza da quella, e la fetsch' arder sur l' utër, süin l' offerta fatta tras fö al Segner. Ella *ais ün' offerta per* il pucha.

13. Ed usche vain il sacerdot a far la purgaziun per el, del pucha, ch' el vain ad avair commiss in üna da quellas manieras, e l' sarà perdunâ; ed *il rimanent da quella farina* saja del sacerdot, sco * l' offerta da spaisa.

* Lev. 2, 3.

14. Ultra quai favlet il Segner con Mose, dschand:

15. * Cur alchün avess surpassâ, e pechâ tras ignoranza, *pigliand* dellas chosas consacradas al Segner, ch' el maina nan al Segner, *per sacrifici per* sia cuolpa, ün bümatsch sainza defet, da pretsch da tants siccals d' argient, † a siccals da santuari, cha tñ vainst a l' avair ** taxâ per la cuolpa.

* Lev. 22, 14. † Ex. 30, 13. ** Lev. 27, 17.

16. E restituescha quai, in che el avess pechâ, *pigliand* dellas chosas

consacradas, * e metta pro la quinta part; e la detta al sacerdot, ed il sacerdot fetscha, con quel bümatsch del *sacrifizi per* la cuolpa, la purgaziun del pucha da quel, e'l sarà perdunâ.

* Lev. 22, 14. 27, 13. 15. 27. Num. 5, 7.

17. *In somma*, cur üna persuna avess pechâ, ed avess fat alchüna da tuot-tas quellas chosas cha 'l Segner ha seomandâ da far, bain ch' el non l' haja fatta saviand, schi ais el impèro culpabel, e dess portar sia iniquità.

18. Ch' el maina nan dimena al sacerdot ün bümatsch del pretsch cha tti vainst al avair taxâ per la cuolpa; ed il sacerdot fetscha la purgaziun del errur, ch' el avess commiss tras ignoranza, e 'l sarà perdunâ.

19. Quai *ais* cuolpa; el s' ha del tuot rendü culpabel vers il Segner.

CHAP. VI.

La paina da quel chi sneja qual ch' el ha tut; che offerta el saja obliâ per seis pucha. Ledschas davart l' olocausto, e dals sacrificis per il pucha.

IL Segner favlet eir con Mose, dschand:

2. Cur alchün avess pechâ, e * commiss ün surpassamaint conter il Segner, aviand menti a seis prossem *üna chosa datta* in deposit, o roba recomandada in seis man, o üna chosa rapta, ovvero, aviand fat frod a seis prossem; * Num. 5, 6.

3. Ovvero eir, aviand chattâ alchüna chosa persa, ed aviand menti davart quella, e girâ fosamaing, ed in qualunque *otra* chosa, la quala il crastian soula far, pechand in quella;

4. Cur alchün dimena avess pechâ e füss erodâ in cuolpa, schi ch' el restituescha la chosa, ch' el al avess rapi, o defrodâ; o il deposit, ch' al füss stat dat in salv, o la chosa persa, ch' el avess chattâ.

5. Ovvero qualunque *otra* chosa, dallas qualas el fosamaing avess girâ, ch' el restituescha il chapital, e metta pro la quinta part, e detta a quel, al qual appertegna, nel istess di *del sacrifici per* sia cuolpa.

6. E ch' el maina al Segner *per sa-*

crifizi per sia cuolpa ün bümatsch sainza defet, del pretsch cha tti vainst al avair taxâ per la cuolpa, e 'l maina al sacerdot.

7. Ed il sacerdot fetscha la purgaziun per quel, nel conspet del Segner, e 'l sarà perdunâ; qualunque chosa ch' el haja fat da tuot quellas, las qualas as soulan far, per las qualas il crastian erouda in cuolpa.

8. Eir favlet il Segner con Mose, dschand:

9. Comanda ad Aaron, ed a seis figls, dschand: Quaist' *ais* la ledseha del olocausto; quel olocausto stetta sur il fö invüdâ, chi sarà sün l' utêr, tuot la not, fin alla daman, ed il fö del utêr arda sün quel *da contin*.

10. Ed il sacerdot as dess * trar aint seis vestimaint da glin, e vesta sia charn con las suottabrajessas da glin, ed † alvainta via las tschendras, nellas qualas il fö vain ad avair redüt l' olocausto, il cösumand sur l' utêr; e las metta dalla vart del utêr.

* Ex. 28, 40. 41. 43. † Lev. 1, 16.

11. Ch' el lura tir' oura sia vestimainta, e 's vesta con otra, e porta la tschendra our dal champ in lö net.

12. Ed il fö chi vain ad esser sün l' utêr saja *da contin* tgnü invüdâ sün quel; ch' el non il lascha *mâ bricha* stüdar, ed invüda il sacerdot ogni mattina laina sün quel, e dispona l' olocausto süsura, ed arda * sün quel il grass dels sacrificis d'ingraziamaint.

* Lev. 3, 3. 9. 14.

13. Cha 'l fö arda da contin sün l' utêr; ch' ün *mâ bricha* il lascha stüdar.

14. * Ma quaist' *ais* la ledseha dell' offerta da spaisa: Ün dels figls d' Aaron la dess offerir, nel conspet del Segner, avant l' utêr.

* Lev. 2, 1. Num. 15, 4.

15. * Ed alvainta via ün puogn da flur da farina, e del öli da quell' offerta, insembel con tuot l' incens chi vain ad esser sur l' offerta, e fetsch' arder sün l' utêr la regordanza da quella, in amabl' odor al Segner.

* Lev. 2, 2.

16. E cha Aaron, e seis figls * mangian il rimanent da quella; cha la mangian sainz' alvainta, in lö

sanet, nella cuort del tabernacul della raspada.

* Lev. 10, 12.

17. Cha non la cousehan con alva-maint; eu l' ha ad els datta per lur part dellas offertas, chi 'm sun * fattas tras fö. † Ais chosa sanctissima, sco il *sacrifizi per il pucha*, e per la cuolpa.

* Num. 18, 9. 10. † Lev. 2, 3.

18. Ogni maschel, intanter ils infants d' Aaron, po quella mangiar, per perpetual statut tras vossas etats, dellas offertas chi 's fan tras fö al Segner. Chi quellas chosas vain a toccar saja sanct.

19. Eir favlet il Segner con Mose, dschand:

20. * L' offerta cha Aaron, e seis figls, han saimper d' offerir al Segner, ais quaista; nel di ch' *alchün dels* vain ad esser onschü, cioè üna offerta da spaisa d' üna deschavla d' ün efa da flur da farina, per offerta perpetua; la mità la daman, e l' otra mità la saira.

* Ex. 20, 2.

21. La dess gnir perderta con öli nel test; port'-la *usche* cotta nel test, ed offerr'-la per amabl' odor al Segner, quell' offerta cotta, in tocs.

22. E fetscha il sacerdot, chi * vain ad esser üt in lö d' Aaron intanter seis figls, quell' offerta, per statut perpetual, ch' el † arda tuott' intèra al Segner.

* Lev. 4, 3. † Ex. 29, 25.

23. E *generalmaing*, ogni offerta da spaisa del sacerdot dess interamaing gnir arsa, sainza mangiar *inguotta*.

24. Il Segner favlet eir con Mose, dschand:

25. Tschantscha con Aaron, e con seis figls, dschand: La ledscha del *sacrifizi per il pucha* ais * quaista: Vegn' il *sacrifizi per il pucha* schannà avant il Segner, nel istess † lö ingio as schanna l' olocausto; ** ais chosa sanctissima.

* Lev. 4, 2. † Lev. 1, 3. 5, 11. 4, 24. 29, 33. ** Lev. 21, 22.

26. Il sacerdot, chi vain a far quel sacrifici per il pucha, il dess mangiar; el il mangia in lö sanct, nella cuort del tabernacul della raspada.

27. Chi vain a toccar la charn da quel saja sanct, e scha del sang da quel as sprinzla sur alchün vestimaint, schi 's dess lavar quel, sur il qual vain ad esser sprinzlà, in lö sanct.

28. * Ed il vaschè da terra, nel qual el sarà stat cot, dess gnir ruot; impèro, sch' el füss stat cot in ün vaschè d' aram, dess quel gnir struschà, ed arseantà con aua.

* Lev. 11, 33. 15, 12.

29. Ogni maschel intanter ils sacerdots dess podair da que mangiar; ais chosa santissima.

30. Ma alchün *sacrifizi per il pucha* non as dess mangiar, * il sang del qual as dess portar nel tabernacul della raspada, per far purgaziun da pucha nel sanctuari; el † vegn' arsa col fö.

* Lev. 4, 7. 18. 16, 27. Ebr. 13, 11. † Lev. 4, 12. 21.

CHAP. VII.

Ledschas davart tschertas observanzas nels sacrificis per cuolpa e d' ingraziamaints, con ün comandamaint, da non mangiar grass d' animal, ne sang.

MA la ledscha del *sacrifizi per la* * cuolpa ais quaista; ais chosa † sanctissima.

* Lev. 5, 6. † Lev. 21, 22.

2. Il *sacrifizi per la* * cuolpa dess gnir schannà nel istess lö, ingio vegnan schannats ils olocausts; ed il sang dess gnir sprinzlà sün l' utèr, intuorn intuorn.

* Lev. 1, 3. 5, 11. 4, 24. 29, 33.

3. E vegna offert * tuot il grass, la cua, ed il grass chi coveina l' interiur,

* Ex. 29, 13. Lev. 3, 4. 10. 4, 8. 9.

4. Ed ils duos ranuogls, e l' grass chi ais sur quels, e sur ils flancs; e la rait, ch' ais sün il niram, vegn' alvada via, insembel con ils duos ranuogls.

5. Ed il sacerdot dess far arder quellas chosas sün l' utèr, per offerta fatta tras fö al Segner; ais *sacrifizi per la* cuolpa.

6. * Ogni maschel intanter ils sacerdots dess da que podair mangiar; cha vegna mangià in lö sanct; ais chosa sanctissima.

* Num. 18, 9. 10.

7. E dess gnir fat col *sacrifizi per la* cuolpa, * sco col *sacrifizi per il pucha*; saja a vus ün' istessa ledscha per l' ün e per l' oter; quel *sacrifizi* saja del sacerdot, il qual vain con quel ad avair fat purgaziun del pucha.

* Lev. 6, 25. 26.

8. Sumgiantamaing haja per el il sacerdot, chi avess offert l' olocausto d' alchün, la pel del olocausto, ch' el vain ad avair offert.

9. Usche eir ogni offerta da spaisa,

ch' ün vain a couseher nel fuorn, o a perderscher nella padella, o nel test, saja del * sacerdot chi'l vain ad offerir.

* Lev. 2, 3. 10. Num. 18, 9.

10. Ma ogni offerta da spaisa pastada con öli, e quella chi ais sütta, saja da tuots ils figls d'Aaron indifferentamaing.

11. * E quai' *ais* la ledscha del sacrifici d'ingraziamaint, chi's dess offerir al Segner.

* Lev. 3, 1. 22, 21.

12. Sch' *alchün* l' offerra per *sacrifici da lod*, schi ch' el, ultra quel sacrifici da lod, offerra fuatschas azimas, pastadas con öli, e flur da farina cotta nel test, e patlanas azimas, üttas in fuatschas pastadas con öli.

13. Ch' el *eir* offerra per sia offerta, ultra quellas fuatschas, pan con *alvamaaint*, insembel con seis sacrifici da lod, ed ingraziamaint.

14. E da quel *pan alvâ* as dess, da tuot l' offerta, presantar ün, in offerta adoçada al Segner, e quel saja del sacerdot, chi vain ad avair spans il sang del sacrifici d'ingraziamaint.

15. E la charn da seis sacrifici da lod ed ingraziamaint, as dess mangiar l'istess di, ch' el vain ad avair fat sia offerta; ne as dess laschar vanzar *inguotta* fin la daman.

16. * E scha'l sacrifici, ch' el vain ad offerir, *ais per vut*, o volontari, schi dess el gnir mangiâ l'istess di, ch' el l' avess offert; e sch' *alchüna* chosa rumagna, as dess mangiar il di seguaint.

* Lev. 19, 6.

17. E col fö as dess arder quai chi vain ad esser vanzâ della charn da quel sacrifici, al terz di.

18. Impero, schi 's mangi' al terz di della charn del sacrifici da quel d'ingraziamaint, schi non vain ad esser accet quel chi vain al avair offert; quel non vain a gnir ad el imputâ; ma vain ad esser üna malnettischa; e la persuna chi vain ad avair mangiâ, vain a portar sia iniquità.

19. E da quaiста charn, quai cha gnis ad avair toc qualunque chosa malnetta, non as dess mangiar; ella dess con fö gnir arsa; ma, quant a quaiста charn, dess chi ais net la mangiar.

20. Ma la persuna, chi avess mangiâ della charn del sacrifici d'ingraziamaint, *offerta* al Segner, aviand sia malnettischa adöss, saja ragischad' our da seis pövel.

21. Il medem la persuna, la quala gnis a mangiar della charn del sacrifici d'ingraziamaint, *offerta* al Segner, aviand toc qualunque chosa malnetta, *sco* * malnettischa da crastian, o d' *alchün* † animal malnet, d' *alchün* reptil malnet, saja ragischad' our da seis pövel.

* Lev. 12, 13. 15. † Lev. 11, 24. 28.

22. Il Segner favlet eir con Mose, dschand:

23. Tschantscha con ils infants d'Israel, dschand: * Non mangiarai *alchün* grass, ne da bov, ne da bescha, ne da chavra.

* Lev. 3, 17.

24. Dovrar dessat bain podair in qualunque *oter* adöver il grass d'üna bestia morta da sai s vess, o il grass d' üna bestia *scharpada dellas bestias solvadias*; ma non mangiarai quel in *alchüna* maniera;

25. Perche, sch' *alchün* mangia del grass d' *alchün* animal, del qual s' offerra sacrifici fat tras fö al Segner, la persuna chi gnis al mangiar vain ad esser ragischad' our da seis pövel.

26. Sumgiantamaing, * non mangiarai, in ingüna da vossas abitaziuns, *alchün* sang, ne d'utschels, ne da bestias.

* Gen. 9, 4. Lev. 17, 10.

27. Qualunque persuna chi avess mangiâ *alchün* sang, saja ragischad' our da seis pövel.

* Deut. 12, 16. Ez. 44, 7.

28. Ultra quai favlet il Segner con Mose, dschand:

29. Tschantscha con ils infants d'Israel, dschand: Sch' *alchün* offerra al Segner ün seis sacrifici d'ingraziamaint, schi ch' el s vess port' al Segner sia offerta del sacrifici d'ingraziamaint.

30. * Cha seis istess mans portan quellas chosas chi sun dad arder al Segner; ch' el port' il grass, insembel col pet; il pet, † per esser smanâ per offerta smanada, nel conspet del Segner.

* Lev. 3, 3. 4, 9. 14. † Ex. 29, 24. 27.

31. Ed il sacerdot fetsch' arder il

grass sün l' utêr; e 'l pet saja d' Aaron, e da seis figls.

32. Dat eir al sacerdot, per offerta adozada, la spadla dretta da vos sacrifici d' ingraziamaint.

33. Quella spadla dretta saja da quel dels figls d' Aaron, chi vain ad avair offert il sang, ed il grass dels sacrificis d' ingraziamaint, per sia part;

34. * Perche eu ha tut dals infants d' Israel il pet e l' offerta smanada, e la spadla, e l' offert' adozada da lur sacrificis d' ingraziamaint; ed ha dat al sacerdot Aaron, ed a seis figls, per statut perpetual, quellas chosas, cha dovaivan tour dals infants d' Israel.

* Ex. 29, 28.

Lev. 10, 14. 15. Num. 18, 18. Deut. 18, 3.

35. Quaist' *ais la regla dell' uneziun, cha's dess tour* dellas offertas fattas tras fö al Segner, *la qual chosa ais ad els statta assignada* nel di, cha'l Segner ils ha fat approssmar, per administrar ad el il sacerdotadi.

36. Il qual il Segner ha comandâ, cha saja dat ad els dals infants d' Israel, * nel di ch' el ils ha onschüts, per statut perpetual, tras lur generaziuns.

* Exod. 40, 13. 15. Lev. 8, 12. 30.

37. Quaist' *ais la ledscha del olocausto, dell' offerta da spaissa, e del sacrifici per il pucha, e del sacrifici per la cuolpa, e del sacrifici* dellas consacraziuns, e del sacrifici d' ingraziamaint,

38. La qual' il Segner det a Mose, sün il munt Sinai, nel di ch' el nel desert Sinai comandet als infants d' Israel d' offerir lur offertas al Segner.

CHAP. VIII.

Consacraziun dellas chosas e persunas ecclesiasticas.

MEGLINAVANT favlet il Segner con Mose, dschand:

2. Piglia Aaron, e seis figls con el, e la vestimainta, e l' öli dell' uneziun, ed il * trim per il *sacrifici per il pucha*, ed ils duos bümatschs, e'l channaster dels azims,

* Ex. 29, 1.

3. E fâ gnir insembel tuot la raspada, all' intrada del tabernacul della raspada.

4. E Mose fet sco'l Segner l'avaiva comandâ, e la raspada füt gnüd' insembel all' intrada del tabernacul della raspada.

5. Lura disch Mose alla raspada: * Quaist' *ais* quai cha'l Segner ha comandâ chi's fetscha.

* Ex. 29, 4.

6. Mose dimena fet gnir Aaron nanpro, e seis figls, ed ils lavet con aua.

7. * Lura mettet el in döss ad Aaron la rassa, e'l tshintet con la tshintina; lur' il vestit el con la chappa, e'l mettet in döss l' efod, e'l tshintet con la tshintina lavurada del efod; ed usche con quell' al serret el las vestas intuorn.

* Ex. 28, 4.

8. Lura mettet * el sur el il pectoral, nel qual el poset urim, e tummim.

* Ex. 28, 30.

9. Lur' al mettet el sün cheu la * binda, sün la quala, nella part davant da quella, el mettet la lamma d' or, il diadema da santità; sco'l Segner avaiva comandâ a Mose.

* Ex. 28, 37.

10. Lura piglet Mose, * l' öli dell' uneziun, ed onschet il tabernacul, e tuot las chosas chi *eiran* in quel, e las consacret,

* Ex. 30, 30. 29, 7.

11. E sprinzlet l' utêr set voutas; ed onschet l' utêr, e tuots seis instrumaints, e'l batschigl, e seis pè, per consacrar quellas chosas.

12. Lura spandet el del öli dell' uneziun sül cheu d' Aaron, * e'l onschet, per il consacrar.

* Ps. 133, 2.

13. Lura fet Mose gnir nan ils figls d' Aaron, e'ls * vestit con las rassas, e'ls tshintet con las tshintas, e'ls liet sül las chapütschas; sco'l Segner l'avaiva comandâ.

* Ex. 29, 10.

14. Lura fet el manar nanpro il trim del *sacrifici per il pucha*, ed Aaron e seis figls tschantettan ils mans sül cheu del trim del *sacrifici per il pucha*.

15. Lur' il schannet Mose, e'l piglet il sang, e'l mettet col daint sün las cornas del utêr, intuorn intuorn, e nettajet l' utêr; ed il *rimanent* del sang spandet el al pè del utêr; ed useche consacret el *l'utêr*, per far purgaziun del pucha sur quel.

16. *Da* plü piglet el tuot il grass, chi *eira* sur l'interiur, e la rait del

niram, ed ils duos ranuogls, con lur grass, e Mose fet arder *quellas chosas* sün l'utêr.

17. Ma * dadour il champ ardet el il trim con fû, e sia pel, e sia charn, e seis aldüm; sco 'l Segner l'avaiva comandâ. * Ex. 29, 14.

18. Lura fet el manar nanpro il bümatsch del olocausto; ed Aaron, e seis figls * tschantettan ils mans sül cheu del bümatsch. * Ex. 29, 15.

19. E Mose il schannet, e spandet il sang sün l'utêr, intuorn intuorn.

20. Lura taglet el il bümatsch in pezzas, e fet arder il cheu, e las pezzas, e la coraglia.

21. E l'interiur, e las chammas lavet el con aua, e fet * usche arder tuot quel bümatsch sün l'utêr, *sco* olocausto d' amabl' odor, ed offerta fatta tras fô al Segner; sco 'l Segner l'avaiva comandâ. * Ex. 29, 18.

22. Lura fet el manar nan il seguond bümatsch, il bümatsch dellas consacraziuns; ed Aaron e seis figls * tschantettan ils mans sün il cheu da quel. * Ex. 29, 19.

23. E Mose il schannet, e piglet del sang, e 'l mettêt sül ur dell' uraglia dretta d' Aaron, e sül polsch del man dret da quel, e sül polsch da seis pè dret.

24. Lura fet el gnir nan ils figls d' Aaron, e mettêt da quel sang sül ur da lur uraglias drettas, e sül polsch da lur man dret, e sül polsch da lur pè dret; ed il *rimanent da quel* sang spandet el sün l'utêr, intuorn intuorn.

25. * Lura piglet el il grass, e la eua, e tuot il grass chi *eira* sur l'interiur, e la rait del niram, ed ils duos ranuogls, con lur grass, e la spadla dretta; * Ex. 29, 22.

26. Ed our dal chanaster dels azims chi *eira* avant il Segner, piglet el üna fuatscha azima, ed üna fuatscha da pan fat con öli, ed üna patlana, e *quellas* mettêt el sün quel grass, e sün la spadla dretta;

27. Mettêt lura *quellas chosas* tuotas sün las palmas dels mans d' Aaron, e sün las palmas dels mans da seis figls, e las fet smanar, per offerta smanada, nel conspet del Segner.

28. Lura piglet Mose *quellas chosas*

giò da lur mans, e las fet arder sül utêr, sün l'olocausto; sco offertas da consacraziuns, d' amabla odor, offerta fatta tras fô al Segner.

29. Lura piglet Mose * il pet *da quel bümatsch*, e 'l smanet vi' e nan per offerta smanada, nel conspet del Segner; e Mose avet quel per sia part del bümatsch dellas consacraziuns, sco 'l Segner l'avaiva comandâ. * Ex. 29, 26.

30. Ultra quai, piglet * Mose del öli dell' uneziun, e del sang chi *eira* sün l'utêr, e 'l sprinzlet sün Aaron, e sia vestimainta, ed ils figls da quel, e lur vestimainta, e consacret usche Aaron, e sia vestimainta, e seis figls, e la vestimainta da seis figls. * Ex. 30, 30.

31. Davo quai disch Mose ad Aaron, ed a seis figls: * Fat couseher quaista charn all' intrada del tabernacul della raspada, e qua la dessat mangiar, insembel col pan chi *ais* nel chanaster *dell' offerta* dellas consacraziuns; sco 'm ais stat comandâ, dschand: Aaron, e seis figls, dessan mangiar *quellas chosas*.

* Ex. 29, 31. 32. Lev. 24, 9.

32. E quai cha vanza della charn, e del pan, dessat arder con il fô.

33. Ne's dessat * partir dall' intrada del tabernacul della raspada, per set dis, fin cha sajan complits ils dis da vossas consacraziuns; perche vus avais da gnir consacrats in vos offizi *per il spazi da set dis*. * Ex. 29, 30, 35.

34. Sco 's ha fat hoz, usche avai' il Segner comandâ, cha's fess per purgaziun da voss puehats.

35. Contuot, dmurai all' intrada del tabernacul della raspada per set dis, di e not, ed observai quai cha 'l Segner ha comandâ cha's observa, acio cha vus non mourat; perche usche m'ais stat comandâ.

36. Ed Aaron, e seis figls fettan *quellas chosas* tuottas, cha 'l Segner avaiiva comandâ tras Mose.

CHAP. IX.

Il ministeri ecclesiastic vain comanzâ ed aprobâ da Dieu da suringìo.

MA l'ottavel di davo, clamet Mose Aaron, seis figls, ed ils seniurs d' Israel.

2. E dschet ad Aaron: * Piglia a tai ün vadè per *sacrifizi per il pucha*, ed ün bümatsch per olocausto, *amenduos* sainza defet, e preschainta 'ls avant il Segner, * Lev. 4, 3.

3. E tsehantscha con ils infants d' I-srael, dschand: * Pigliai ün boc per *sacrifizi per il pucha*, ed ün vadè, ed ün agnè, *amenduos* d' ün an, sainza defet, per olocausto, * Lev. 4, 23.

4. Ed ün bov, ed ün bümatsch, per sacrifici d' ingraziamaint, per *ils* sacrificar avant il Segner, ed ün' offerta da spaisa, pastada con öli; perche hoz vain a comparair a vus il Segner.

5. Els dimena piglettan las chosas cha Mose avaiva comandâ, e *las marnettan nan* avant il tabernacul della raspada, e tuot la raspada gnit nanpro, e stet in pè avant il Segner.

6. Lura disch Mose: Fat quai, cha 'l Segner ha comandâ, e la gloria del Segner vain as comparair.

7. E Mose disch ad Aaron: * At fà via pro l' utêr, e fà teis *sacrifizi per il pucha*, e teis olocausto, e fà la purgaziun da teis puchats, e quels del pövel; offerra eir l' offerta del pövel, e fà la purgaziun da lur puchats, sco 'l Segner ha comandâ.

* Lev. 16, 6. Ebr. 5, 1, 7, 27.

8. * Contuot as fet Aaron via pro l' utêr, e schannet il vadè del *sacrifizi per il pucha*, chi eira per el.

* Lev. 4, 3.

9. E seis figls al sporschettan via il sang, ed el tenschet il daint nel sang, e 'l mettet sün las cornas del utêr, ed il *rimanent del sang* spandet el al pè del utêr,

10. * E fet arder il grass, ed ils ranuogls, e la rait del niram del *sacrifizi per il pucha*, sün l' utêr, sco 'l Segner a Mose avaiva comandâ.

* Lev. 4, 8.

11. Ma la charn, e la pel * ardet el col fö dadour il champ. * Lev. 4, 11.

12. Lura schannet el l' olocausto, e seis figls al sporschettan via il sang, ed el il spandet sün l' utêr, intuorn intuorn.

13. Al sporschettan eir l' olocausto *tagliâ* in pezzas, insembel col cheu, ed el il fet arder sün l' utêr;

14. E lavet l' interiur, e las chammas; e las ardet sur l' olocausto, sün l' utêr.

15. * Lur' offerit el l' offerta del pövel, e piglet il boc del *sacrifizi del pövel per il pucha*, e 'l offerit per sacrifici per il pucha, sco 'l vadè precedaint. * Lev. 4, 13, 14.

16. * Lur' offerit el l' olocausto, e fet sco cha eira ordinâ. * Lev. 1, 3, 10.

17. Lur' offerit el * l' offerta da spaisa, ed implit la palma da seis man, e la fet arder sün l' utêr; ultra l' olocausto della daman.

* Lev. 2, 1, 2. Es. 29, 38.

18. Da plü schannet el eir il bov, ed il * bümatsch sco sacrifici d' ingraziamaint per il pövel, seis figls al sporschettan via il sang, ed el il spandet sün l' utêr, intuorn intuorn. * Lev. 3, 1.

19. Al *sporschettan* eir il grass del bov e del bümatsch, la cua, e 'l grass chi coverna l' interiur, ed ils ranuogls, e la rait del niram.

20. E mettetan il grass sül pet, ed Aaron fet arder quels tocs grass sün l' utêr,

21. * E smanet vi' e nan per offerta smanada quels pets, e quella spadla dretta, avant il Segner, sco Mose avaiva comandâ.

* Lev. 7, 33, 34. Ex. 20, 24, 26.

22. Lura ozet Aaron ils mans vers il pövel, e 'l benedit, e daspö ch' el avet fat il *sacrifizi per il pucha*, l' olocausto, ed ils sacrificiz d' ingraziamaint, schi gnit el giò.

23. Dopo quai eiran Mose, ed Aaron intrats nel tabernacul della raspada; lura, siand gnüts oura, avaivan els benedi il pövel, * e la gloria del Segner comparit a tuot il pövel.

* Num. 6, 23, 14, 10, 16, 19, 42.

24. * Ed ün fö eira gnü our dal conspet del Segner, ed avaiva consumâ l' olocausto, ed il grass sün l' utêr. E tuot il pövel il vazzet, e bragit d' allegrezza, e 's büttet a terra sün sia fatscha. * 1 Reg. 18, 38. 2 Cron. 7, 1.

CHAP. X.

Nadab ed Abihu offeran con fö ester, e tras fö vagnan els consumats e mouran.

MA * Nadab ed Abihu, figls d' Aaron, piglettan scodün seis turibul,

bul, e mettettan fö laint, e mettettan incens stüura, e presantettan † fö ester avant il Segner; il qual el ad els non avaiua comandâ.

* Num. 3, 4. 1 Cron. 24, 2. † Ex. 30, 9.

2. Ed ün fö get our dal conspet del Segner, il qual ils consümet, ed els morittan avant il Segner.

3. Lura disch Mose ad Aaron: Quaist *ais* pür quai cha 'l Segner ha pronunziâ, dschand: * Eu vegn ad esser santificâ in meis ils *plü* prossems, ed esser glorificâ in presenza da tuot il pövel. Ma Aaron taschet. * Ez. 28, 25.

4. E Mose elamet Misael * ed Elsafan, figls d' Uziel, † barba d' Aaron, e disch ad els: Gni nan qui; portai voss frars our davant il sanetuari our dal champ.

* Ex. 6, 22. † Num. 3, 19.

5. Ed els gettan via, e 'ls portettan davent con lur rassas, dadour il champ, sco Mose avaiua dit.

6. Ma Mose disch ad Aaron, ed ad Eleazar ed ad Itamar, seis figls: * Non giarai col cheu scouvert, ne sdra-tshecharai la vestimainta; acio cha vus non mourat, ch' el non s' adira conter tuot la raspada; ma voss frars, tuot la chasa d' Israel, dessan planscher l' arsüra cha 'l Segner ha fat.

* Lev. 13, 45. 21, 10. Dent. 33, 9.

7. * E non as partirai dall' intrada del tabernacul della raspada, afin cha vus non mourat; perche l' öli dell' unenziun del Segner ais sur vus. Ed els fettan seguond il pled da Mose.

* Lev. 21, 12.

8. Ed il Segner favlet con Aaron, dschand:

9. * Non baiver vin, ne gervosa, ne tü, ne teis figls, cur vus avais d'intrar nel tabernacul della raspada; acio cha vus non mourat. *Saja quai*st ün perpetual statut tras vossas generaziuns.

* Ez. 44, 21. Tit. 1, 7.

10. E *quai*, * per podair disferenziar intanter la chosa sancta e la profana, e tanter la chosa malnetta e la netta;

* Ger. 15, 19. Ez. 22, 26. 44, 23.

11. E per ammassar als infants d' Israel tuot ils statuts, cha 'l Segner ha dat ad els tras Mose.

12. Lura favlet Mose con Aaron, e con Eleazar e con Itamar seis figls, chi eiran restats, dschand: * Pigliai

l' offerta da spaisa, chi ais vanzada dell' offerta fatta tras fö al Segner, e mangiâ-la in *pans* azims sper l'utér; perche quai ais chosa sanctissima.

* Ex. 29, 2. Lev. 8, 2. 6, 16. Num. 18, 9. 10.

13. Contuot mangiâ-la in ün lö sanct; perche l' *ais* la part ordinada per tai, e per teis figls, dellas offertas, chi 's fan tras fö al Segner; * perche am ais usche stat comandâ.

* Lev. 2, 3. 6, 16.

14. * Mangiai eir il pet dell' offerta smanada, e la spadla dell' offerta adoziata, in ün lö net, tü e teis figls, e tias figlias con tai; perche a tai sun quellas dattas, ed a teis figls, per *vossa* part dels sacrificzis d' ingraziamaint dels infants d' Israel.

* Lev. 7, 31. 34.

15. * Els dessan portar la spadla dell' offerta adoziata, ed il pet dell' offerta smanada, insembel cols tocs grass, chi 's ha dad arder, acio cha *quellas chosas* sajan smanadas avant il Segner, per offerta smanada, e sajan tias, e da teis figls con tai, per ün statut perpetual, sco il Segner ha comandâ.

* Lev. 7. 29. 30.

16. Lura tscherchet * Mose, e retscherchet il boc del *sacrificzi per il* pucha, e mera, el eira ars, per il qual el greivamaing s' adiret conter Eleazar e conter Itamar, figls d' Aaron, chi eiran amo, dschand:

* Lev. 9, 3.

17. Perche non avais vus mangiâ il *sacrificzi per il* pucha nel lö sanct? Perche l' *ais* üna chosa sanctissima, e 'l Segner l' ha datta a vus per portar l' iniquità della raspada, per far purgaziun dels puchats da quella, nel conspet del Segner.

18. Mera, il sang da quel non ais stat portâ aint dadaint il sanetuari; contuot il dessat vus a tuotta via da *quinderinavant* * mangiar nel lö sanct, sco eu as ha comandâ.

* Lev. 6, 26.

19. Lura disch Aaron a Mose: Mera, hoz han els offert lur *sacrificzi per il* pucha, e lur olocausto, avant il Segner, e talas chosas am sun incontra-das; sch'eu hoz dimena avess mangiâ del sacrificzi per il pucha, füss quai stat a plaschair al Segner?

20. E, cur Mose avet udi *quai*st, schi füt el containt.

CHAP. XI.

Le schas davart la distincziun da bestias nettas, o malnettas, circa la spaisa, ed il toccher quella.

DAVO quai favlet il Segner con Mose, e con Aaron, dschand ad els:

2. Tschantschai con ils infants d' Israel, dschand: * Quaists *sun* ils animals, dels quals vus dessat podair mangiar intanter tuot las bestias chi *sun* sur la terra. * Deut. 14, 4. Act. 10, 12. 14.

3. Intanter las bestias *da quatter peis* dessat podair mangiar da tuot quellas bestias, chi han il pè fess, e l'ungla spartida in duos, e chi rumaglian;

4. Ma tanter quellas chi han il pè fess, o chi rumaglian, non mangiarai da quaistas: Il chamèl; perche ch' el rumaglia, ma non ha il pè fess, saja a vus malnet;

5. Il cunigl; perche el rumaglia, ma non ha il pè fess; saja a vus malnet;

6. La leivra; perche ella rumaglia, ma non ha il pè fess; saja a vus malnetta;

7. Il porch; * perche ch' el ha il pè fess, e sparti in duos parts, ma non rumaglia; saja a vus malnet.

* Es. 65, 4. 66, 3. 17.

8. Non mangiarai lur charn, e non toccarai lur chastörs; sajan a vus malnets.

9. Mangiar dessat vus podair da quaistas species intanter tuots ils animals dellas auas, cioè da tuot quels chi han alettas, e squammas nellas auas, tant nels mârs, co nels flüms.

10. Ma saja a vus in abominaziun tuot quai, chi non ha alettas, ne squammas, tant nels mârs, co nels flüms, intanter tuot quai chi s' strozia nellas auas, e tanter tuots ils animals chi *vivan* nellas auas.

11. Sajan a vus dimena ün' abominaziun, non mangiarai da lur charn, ed hajat lur chastörs in abominaziun.

12. In summa, ogni *animal* chi non ha alettas, ne squammas, nellas auas, saja a vus üna chosa abominabla.

13. Ed intanter ils utschels hajat quaists in abomini; ne 'ls dessat

mangiar; sun chosas abominablas; l'aglia, il falcun, l'aglia marina;

14. Ogni specie del nibbio, e del avoltorn;

15. Ogni specie del corv;

16. Il püf, la tschuetta, la folica, ed ogni specie da sprêrs;

17. Il gufo, il smergo, e l' alocco;

18. Il cigno, il pellican, la giazella;

19. La cicogna, ed ogni specie da papagals, l'upupa, ed il utschè mez-mür.

20. Il *sumgiant* saja a vus in abomini ogni reptil chi svoula, e chamina sün quatter *peis*.

21. Impero, intanter tuot ils reptils, chi svoulan e chaminan sün quatter *peis*, dessat vus podair mangiar da quels chi han giarlets sù sur ils *peis*, per saglir con quels sün la terra.

22. Da quels dessat vus podair mangiar quaists: d' ogni specie d' * arbe, d' ogni specie da solam, d' ogni specie d' argol, e d' ogni specie d' agab.

* Mat. 3, 4. Marc. 1, 6.

23. Ma ogni *oter* reptil chi svoula, ed ha quatter *peis*, saja a vus ün' abominaziun.

24. * E tras quaistas *bestias* gnis vus as far malnets, scodün chi toccherà lur corp mort, sarà malnet fin la saira.

* Mat. 3, 4. Lev. 5, 2.

25. E scodün chi averà portâ da lur corp mort dess lavar sia vestimainta, e sarà malnet fin la saira.

26. Da tuot las bestias domesticas sajan a vus malnettas tuot quellas, chi han l'ungla fessa, ma na spartida in duos parts, ne chi rumaglian; chi averà toc tals *animals* saja malnet.

27. E da tuot las bestias chi chaminan sün quatter *peis* sajan a vus quellas tuottas malnettas, chi chaminan sün lur tschattas; chi averà toc il corp mort da talas *bestias*, saja malnet fin la saira.

28. E chi averà portâ lur corp mort, lava sia vestimainta, e saja malnet, fin la saira; quellas *bestias sun* a vus malnettas.

29. Eir dels reptils, chi van as stroziand sur la terra, sajan a vus malnets quaists, cioè: ogni specie da müstaila, e * da mürs, e da ruöschs.

* Es. 66, 17.

30. Ed il miseragn, e l'cameleon, e la lüscharda, e la tarantola, e la talpa.

31. Intanter ils reptils tuots, sajan quels a vus malnets; chi 'ls averà toc, siand morts, saja malnet fin la saira.

32. E qualunque chosa, sur la quala füss crodâ alchün da quels *reptils*, essendo mort, saja malnetta; qualunque vascchè da lain, vestimaint, pel, o sach, o qualunque *oter* instrumaint, con il qual as fa alchün servezzen, saja el impero miss nell' aua, e saja malnet fin la saira, lura saja net.

33. * E sch' *alchün* da quels *reptils* füss crodâ aint in alchün vascchè da terra, tuot quai cha laint *sarà, saja* malnet, ed il vascchè rumpai.

* Lev. 6, 28. 1, 5, 12.

34. Qualunque vivanda chi's mangia, sün la quala's *metta* aua, saja malnetta, e qualunque bavranda chi's baiva, in che sort vascchè *ch' ella füss*, saja malnetta.

35. Ed ogni chosa, sün la quala crodess da lur corp mort, saja malnetta; il fuorn, o il test da couscher, saja disfat, els *sun* malnets; tgnai quels per malnets.

36. Impero la fontana, o il puoz dad aua raspada, saja netta; ma chi averà toc lur corp mort saja malnet.

37. Ma, scha da lur corp mort croda sur qualunque sem chi's semna, schi *saja* quel *sem* net.

38. Ma, scha aua ais statta missa sur il sem, e cha süsura crouda da lur corp mort, schi *saja* quel *sem* a vus malnet.

39. E, cur alchüna da quellas bestias, chi sun a vus per spaisa, sarà morta da *sai svess*, chi averà toc il corp mort da quella, saja malnet fin la saira.

40. * E chi averà mangiâ della charn morta da quella, lava sia vestimainta, e saja malnet fin la saira; il medem, chi averà portâ il corp mort da quella, lava sia vestimainta, e saja malnet fin la saira.

* Lev. 17, 15. 22, 8. Deut. 14, 21. Ez. 4, 14. 44, 31.

41. Ogni reptil chi's strozia sur la terra saja malnet, ne's dess mangiar.

42. Intanter tuots reptils chi's strozian sur la terra non mangiarai ingün da quels chi chaminan sün il pet, o saja cha chaminan con quatter *peis*, o cha hajan plüs *peis*; perche e sun chosa abominabla.

43. Non * farai vossas persunas abominablas per ingün reptil, chi's strozia, e non s' impalarai con quels, cha vus sajat malnets tras els.

* Lev. 20, 25.

44. Perche eu *sun* il Segner, vos Deis, * contuot as santifichai, e sajat sanets; perche ch' eu *sun* sanet, e non impalarai vossas persunas con alchün reptil chi's strozia sur la terra;

* Lev. 20, 7.

45. Perche eu *sun* il Segner, chi's ha trats our dal pajais d' Egipto, acio ch' eu saja Deis a vus; contuot sajat sanets; perche eu *sun* sanet.

46. Quaist ais la ledscha davart las bestias, e 'ls utschels, ed ogni animal viv chi's mova nellas auas, ed ogni animal chi's strozia sur la terra.

47. Per discernen intanter il malnet e 'l net, ed intanter ils animals chi's po mangiar, e quels cha non as dess mangiar.

CHAP. XII.

Ledscha davart la purgaziun della duonna davo il part.

DARCHEU favlet il Segner con Mose, dschand:

2. Tschantscha con ils infants d' Israel, dschand: * Cur üna duonna averà concepi sem, e parturi ün maschel, schi saja ella malnetta set dis: malnetta dess ella esser † sco dal temp ch' ella ais separada per causa da sia menstruziun.

* Luc. 2, 22. † Lev. 15, 19.

3. * E nel ottavel di dess gnir circoncis la charn della pelliotta del mattelet.

* Gen. 17, 12. Luc. 1, 59. 2, 21.

4. Lura dess *quella duonna* star trent' e trais dis as purifichar del sang; alchüna chosa sacra non dess ella toccer, ne vegn' ella nel sanetuari, fin cha 'ls dis da sia purificaziun non sun complits.

5. Ma, sch' ella parturescha üna femna, schi saja ella malnetta *il spazi da duos eivnas*, sco dal temp ch' ella

ais separada per sia menstruaziun; lura stett' ella sesant' e ses dis as purifichar del sang.

6. * E, cur ils dis da sia purificaziun vegnan ad esser complits, per figl, o per figlia, schi ch' ella port' al sacerdot, all' intrada del tabernacul della raspada, ün agnè d' ün an, per olocausto, ed ün colombet, o üna turdella, *per sacrifici per il pucha.*

* Luc. 2, 22.

7. E quellas chosas offerra *il sacerdot* avant il Segner, e fetscha la purgaziun del pucha da quella, ed ella sarà purifichada da seis flüss da sang. Quaiست' ais la ledscha della duonna chi parturescha maschel, o femna.

8. * Impero, sch' ella non averà il möd da furnir ün agnè, schi ch' ella piglia duos † turdellas, o duos colombets, l' ün per olocausto, l' oter per *sacrifici per il pucha*, ed il sacerdot fetscha la purgaziun del pucha da quella, ed ella sarà purifichada.

* Lev. 5, 7. † Luc. 2, 24.

CHAP. XIII.

Ledschas davart la malnettischa dellas perunas, per levrusia da qualunque sort; sco eir levrusia da pannamainta.

IL Segner favlet darcheu con Mose, e con Aaron, dschand:

2. Cur cha nella pel della charn d' alchün sarà ufladüm, o ruogna, o buolla, o tach tralüschaint, e *quai* dvantess nella pel da sia charn sco plaja da levrusia; schi dess * quel gnir manà pro 'l sacerdot Aaron, ovvero pro ün da seis figls, sacerdotes.

* Deut. 17, 8. 24, 8. Mat. 17, 14.

3. Ed il sacerdot dess guardar la plaja nella pel della charn *da quel*; e scha 'l pail della plaja ha müdâ *colur*, ed *ais gnü* alb, e la plaja para plü chafuolla co la pel della charn da quel, schi aise plaja da levrusia; pertant, davo cha 'l sacerdot vain al avair guardâ, schi 'l dess el declarer malnet.

4. Ma, schi 'l ais ün tach tralüschaint, ed alb, nella pel della charn da quel, sainza parair plü chafuol co la pel, e sainza cha seis pail haja müdâ *colur*, ne saja *dvantâ*

alb, schi dess il sacerdot serrar aint *quel chi avess* quella plaja, per set dis.

5. Lura, scha guardand il sacerdot, al settavel di, paress cha la plaja füss restada, ne's avess sladada nella pel, schi 'l serra el aint danöv per set dis.

6. Il guardand lura il sacerdot danöv al settavel di, vezz' el cha la plaja ais stretnida, e na sladada nella pel, schi 'l decler' el net; *perche ed ais* ruogna, e quel dess lavar sia vestimainta, e sarà net.

7. Ma, scha quella ruogn' ais sladada nella pel, davo ch' el füss stat vis dal sacerdot, per esser declerâ net, e füss stat guardâ la seguonda vouta dal sacerdot;

8. E 'l guardand, il sacerdot, vezza, cha la ruogn' ais sladada nella pel, dess il sacerdot quel declerar malnet; ed ais levrusia.

9. Cur in alchün füss plaja da levrusia, schi vegn' el manà pro al sacerdot;

10. E, scha 'l sacerdot, *il* guardand, vezza, cha nella pel ais alchüna ufladüm alba, e 'l pail da quella ha müdâ *colur*, ed *ais gnü* alb, e *ch' il ais* qualcha rimanent da charn viva nell' ufladüm;

11. Schi aise levrusia invetrada nella pel della charn da quel; perquai il sacerdot il dess declarer malnet; bricha il serrar aint; perche el ais malnet.

12. Ma, scha la levrusia largia-maing dschermuoglia nella pel, e coverna tuot la pel da *quel chi avess* la plaja, dal cheu als peis, ingio cha 'l sacerdot poderà vair con ils ögls,

13. Lura, scha 'l sacerdot, il guardand, vezza cha la levrusia ha covernâ la pel da quel tuotta, schi 'l decler' el net; la plaja ais tuotta gnüd' alba, el *ais* net.

14. Ma nel di, ch' in el vain a parair alchüna charn viva, schi saja el malnet,

15. Ed il sacerdot, aviand vis la charn viva, il dess declarer malnet; la charn viva ais malnetta; *l' ais* levrusia.

16. Ma, scha la charn viva's müda danöv, e *vain* alba, schi vegna quel pro 'l sacerdot.

17. E scha 'l sacerdot, il guardand, vezza, cha la plaja ha müdâ *colur* ed *ais gnüd'* alba, schi declar' el net *quel chi avess* la plaja; l' *ais* net.

18. Cur nella pel della charn d' *alchün* sarà stat ün bignun, il qual füss guari;

19. E cha nel lö del bignun naschess uffadüm alba, o tach tralüschaint alb cotschnaint; schi vegna que mos-sä al sacerdot.

20. E scha 'l sacerdot, il guardand, vezza, cha quel paress plü bass co la pel, e 'l pail da quel ha müdâ *colur*, ed *ais dvantâ* alb; schi 'l dess el declarar malnet; ed ais plaja da levrusia, la quala ais dschermügliada nel bignun.

21. Ma, scha 'l sacerdot, il guardand, vezza, cha non ais alchün pail alb, ed el non ais plü bass co la pel, ma ais artrat insembel; schi cha 'l sacerdot il serr' aint per set dis.

22. Ma, scha quel ais sladâ nella pel, schi 'l dess il sacerdot declarar malnet; ed ais plaja *da levrusia*.

23. Ma, scha 'l tach tralüschaint ais restâ in seis lö, e non ais sladâ; schi aise la natta del bignun; perquai il sacerdot il dess declarar net.

24. Il sumgiant, cur nella pel della charn d' alchün sarà arsüra da fö, e ch' in quella part guarida dell' arsüra sarà üna macla tralüschainta alba cotschnainta, o solum alba;

25. Ed il sacerdot, la guardand, vezza, cha 'l pail nel tach avess müdâ *colur*, e *füss gnü* alb, e cha quel para plü chafuol co la pel; schi aise levrusia, chi ais dschermügliada, nell' arsüra; perquai il dess il sacerdot declarar malnet; l' ais plaja da levrusia.

26. Ma, scha 'l sacerdot, il guardand, vezza, cha pail alb non ais alchün nel tach, ed el non ais plü bass co la pel, e s' ha artrat; schi dess il sacerdot quel serrar aint per set dis.

27. Impero scha, guardand *quella macla* il sacerdot il settavel di, ella s' ha sladada nella pel; schi cha 'l sacerdot quel declera malnet; ed ais plaja da levrusia.

28. Ma, scha la macla füss restad' in seis lö, ne's avess sladada nella pel, plübod ch' ella füss artratta; schi aise üna buolla dad arsüra; perquai il dess il sacerdot declarar net; perche ed ais üna cruosta dad arsüra.

29. E sch' ün hom, o üna duonna ha alchüna plaja, nel cheu, o nella barba,

30. E, guardand il sacerdot la plaja, vezza, ch' ella para plü chafuol la co la pel, e ch' in quella ais alchün pail gialv stigl; schi 'l dess il sacerdot declarar malnet; ed ais tegna; ais levrusia da cheu, o da barba.

31. Ma scha, guardand il sacerdot quella plaja della tegna, el vezza, ch' ella non para plü chafuolla co la pel, ma cha non ais alchün pail brün; schi cha 'l sacerdot serr' aint *quel chi averà* la plaja della tegna, per set dis.

32. E scha, guardand il sacerdot quella plaja al settavel di, el vezza, cha la tegna non s' ha sladada, ne ais creschü alchün pail gialv, e la tegna non para plü chafuolla co la pel;

33. Schi vegna quel rajâ, ma non rajar la tegna; lura cha 'l sacerdot il serra danöv aint per set dis.

34. E scha 'l sacerdot, guardand la tegna il settavel di, vezza, cha la tegna non s' ha sladada nella pel, e non para plü chafuolla della pel inguotta; schi dess quel il sacerdot declarar net, ed el dess lavar sia vestimainta, el sarà net.

35. Impero scha, davo ch' el sarà stat güdichâ net, la tegna as sladess in *sia* pel;

36. Ed il sacerdot, il guardand, vezza, cha la tegna s' ha sladada nella pel; schi non dess il sacerdot tscherchar pails gialvs; quel *ais* malnet;

37. Ma, scha ad el para, cha la tegna saja restada, e cha pail brün ais creschü, schi ais la tegna guarida; quel *ais* net; contuot il dess il sacerdot declarar net.

38. E sch' ün hom, o üna duonna ha alchüns tachs tralüschaints albs nella pel da sia charn;

39. Ed, il guardand, il sacerdot, chat-ta nella pel da lur charn tachs albs

tralüschaints, artrats insembel; schi aise brüschella, *chi aïs* dschermügliad nella pel; quella persuna *aïs* netta.

40. Ma, scha 'l cheu d' alichün aïs tuot sainza pails, schi aïs el chalv, ed aïs net.

41. E sch' el ha la testa sainza pails nella part incounter la fatscha, schi *aïs* el chalv del frunt; el aïs net.

42. Ma, scha 'l cheu tuot sainza pails, o chalv del frunt, aïs plaja alba cotschnainta, schi aise levrusia, chi dschermügliad nel cheu tuot sainza pails, o chalv del frunt.

43. Scha dimena, il guardand, il sacerdot chatta ün' ufladiüm da plaj' alba cotschnainta nel cheu, tuot sainza pails, o chalv del frunt, in parütta sco la levrusia della pel della charn;

44. *Schi aïs* quel levrus; el *aïs* malnet; del tuot il dess il sacerdot declear malnet; el ha sia plaja nel cheu.

45. Ma 'l levrus, nel qual *sarà* plaja *da levrusia*, haja sia vestimainta sdratschada, e 'l cheu scovert, e 's coverna il lef sura, e giaja clamand: Il malnet, il malnet!

46. * Malnet saja el tuot il temp cha quella plaja *sarà* in el, el aïs malnet, el dess abitar d'vart, sia stanza *saja* our dadour il champ.

* Num. 5, 2, 12, 14. 2 Cron. 26, 21.

47. E scha plaja da levrusia füss in alichün vestimaint da lana, o da glin;

48. Ovvero in stam, o in tromma da glin, o da lana, o in pels, ovvero in qualunque lavur da pels;

49. E scha quella plaja aïs verdainta, o cotschnainta, nel vestimaint, o nella pel, o nel stam, o nella tromma, o in qualunque chosa *fatta* con pels; schi aise plaja da levrusia; dess contuot gnir mossad' al sacerdot.

50. Ed il sacerdot, davo l' avoir guardada, dess *quai, in che* la plaja *sarà*, serrar aint per set dis.

51. E sch' el vezz' al settavel di, cha la plaja s' avess sladada nel vestimaint, o nel stam, o nella tromma, o nella pel, in qualunque lavur chi 's dovra pels; schi *aïs* quella plaja *üna* levrusia chi maglia; quella *chos' aïs* malnetta.

52. Perquai dess el far arder quel vestimaint, o quel stam, o quella tromma da lana, o da glin, ovvero qualunque chosa fatta con pels, nella quala quella plaja füss; perche cha aïs levrusia chi maglia, e dess gnir ars col fö.

53. Ma scha, la guardand, il sacerdot vezza, cha la plaja non aïs sladada nel vestimaint, ne nel stam, ne nella tromma, ovvero in qualunque chosa fatta con pels;

54. Schi comanda el, cha vegna lavâ quai in che la plaja *füss*, ed il sacerdot la dess serrar aint per set oters dis.

55. Ma scha, davo cha *quai in che sarà stat* la plaja füss stat lavâ, e guardand, il sacerdot vezza, cha la plaja non ha müdâ colur, combain ch' ella non füss sladada; schi aïs quella chosa malnetta; col fö la dessast arder; ed aïs ün magliar chi fa chava, o dalla dretta, o dalla snestra da quella chosa.

56. Ma scha, la guardand, il sacerdot vezza, cha la plaja aïs restada, davo esser statta lavada, schi sdratscha el dal vestimaint, o dalla pel, o dal stam, o dalla tromma, *quella part*, ingio la plaja *sarà statta*.

57. E sch' ella amo paress nel vestimaint, o nel stam, o nella tromma, ovvero in qualunque chosa fatta con pels; schi aise *levrusia* chi dschermügliad; col fö dessast arder quai in che la plaja *sarà*.

58. Ma 'l vestimaint, o il stam, o la tromma, o qualunque chosa fatta con pels, dalla quala, davo cha tü averast lavâ, la plaja sarà dispersa, schi dess quai danöv gnir lavâ; e sarà net.

59. Quaist' *aïs* la ledscha della plaja della levrusia, nel vestimaint da lana, o da glin, o nel stam, o nella tromma, o in qualunque chosa fatta con pels; per declearar, o netta, o malnetta.

CHAP. XIV.

Ledscha da nettiar ün chi aïs stat levrus; e davart la levrusia dellas chasas, ed il möd da las purifichar.

IL Segner favlet darcheu con Mose, dschand:

2. La ledscha davart il levrus ais quaista sül di da sia purificaziun.

* Pro 'l sacerdot dess el gnir manâ.

* Mat. 8, 4. Marc. 1, 44. Luc. 5, 14. 17, 14.

3. Ed il sacerdot gïaja our dal champ, e scha *quel*, aviand bain guardâ, vezza, cha la plaja della levrusia ais guarida nel levrus;

4. Schi dess el comandar, chi 's piglia per quel, chi dess gnir purifichâ, duos utschlins vïvs, nets, * e lain da ceder, e † şcharlatta, ** ed isop.

* Num. 19, 6. † Ebr. 9, 19. ** Ps. 51, 9.

5. Lura dess il sacerdot comandar, cha vegna mazzâ l'ün dels utschlins, *spandand il sang* aint in ün vascchè da terra sur aua viva.

6. Ed el istess piglia l'utschlin viv, e 'l lain da ceder, e la şcharlatta e l'isop, e tenscha quellas chosas, insambel con l'utschlin viv, nel sang del utschlin şchannâ sur l'aua viva.

7. E set voutas dess el sprinzlar quel chi 's purificha dalla levrusia, e davo l'avair usche purifichâ, schi 's dess laschar ir l'utschlin viv liber sün la cuttüra.

8. E quel chi 's nettaja, dess lavar sia vestimainta, e 's rajar tuot ils pails, e 's lavar con aua, ed el sarà net; lura dess el podair intrar nel champ; ma ch'el avda set dis our da sia chamanna.

9. Ed al settavel di 's dess el rajar tuot ils pails, il cheu, e la barba, ed ils tshagls dels ögls; insomma, el as dess rajar tuot ils pails, e lavar sia vestimainta; il medem dess el lavar la charn con aua, ed el sarà net.

10. E l'ottavel di *davo* piglia el duos agnels sainza defet, ed ün'agnella d'ün an, sainza defet, e trais deschavlas flur da farina pastada con öli, * per offerta da spaisa, ed ün log d'öli.

* Lev. 2, 1.

11. Ed il sacerdot chi vain a far la purificaziun, dess presentar quel chi 's dess nettïar, insambel con quellas chosas, avant il Segner, all'intrada del tabernacul della raspada.

12. Lura pigl' il sacerdot l'ün dels agnels, ed il * offerra per la cuolpa, insambel col log d'öli, e smaina quellas chosas per offert' avant il Segner.

* Lev. 5, 6.

13. Lura dess el şchannar l'agnè nel * lö, ingio as şchannan ils *sacrifizi per il pucha*, e l'olocausto, nel lö sanet; † perche sco 'l *sacrifizi per il pucha* tocca pro al sacerdot, usche eir *al tocca il sacrifizi per la cuolpa*; ** ais chosa sanctissima.

* Ex. 29, 11. Lev. 3, 8. 4, 4. 24. † Lev. 7, 7. ** Lev. 2, 3. 21, 22.

14. * Ed il sacerdot piglia del sang del *sacrifizi per la cuolpa*, ed *il metta sül ur dell'uraglia dretta da quel chi dess gnir nettïa*, e sül polsch da seis man dret, e sül polsch da seis pè dret.

* Ex. 29, 20. Lev. 8, 23.

15. Lura pigl' il sacerdot öli da quel log, e 'l svöda sün la palma da seis man snester;

16. E tensch' il daint *da seis man* dret aint in quel öli, chi *sarà sün la palma da seis man snester*, e col daint dess el sprinzlar da quel öli set voutas, nel conspet del Segner.

17. E del rimanent del öli, ch'el averà sün la palma del man, dess el metter sül ur dell'uraglia dretta da quel chi vain as nettïar, e sül polsch da seis man dret, e sül polsch da seis pè dret, sur il sang del *sacrifizi per la cuolpa*.

18. E del rest del öli, ch'el averà in man, dess il sacerdot metter sül cheu da quel chi vain as purifichar. Ed usche dess far il sacerdot la purgaziun per el, avant il Segner.

19. Lura dess il sacerdot offerir il *sacrifizi per il pucha*, e far la purgaziun per quel chi vain as nettïar da sia malnettischa, e lura davo dess el şchannar l'olocausto.

20. E l'olocausto dess el offerir, insambel con l'offerta da spaisa, sur l'utër. Usche dess il sacerdot far purgaziun per quel, ed el sarà net.

21. * Ma, scha quel *ais* pover, e non po furnir *quellas chosas*, schi ch'el piglia ün agnè *per sacrifizi per la cuolpa*, *per esser offert* in offerta smanada, per far purgaziun per el, ed üna deschavla da flur da farina pastada con öli, per offerta da spaisa, ed ün log d'öli;

* Lev. 5, 7.

22. E duos turdellas, o duos colombets, seguond ch'el poderà furnir; dels quals l'ün dess esser *per sacrifizi per il pucha*, e l'oter per olocausto.

23. E quellas chosas, ch' el port' al sacerdot, all' intrada del tabernacul della raspada, avant il Segner, l' ot-tavel di davo sia purificaziun.

24. E piglia il sacerdot l' agnè *per sacrifici per la cuolpa*, ed il log öli, e smaina quellas chosas avant il Segner, *in offerta smanada*.

25. Lura ch' el schanna l' agnè del *sacrifici per la cuolpa*, e piglia del sang da quel, e metta sün l' ur dell' uraglia dretta da quel chi vain as nettiar, e sül polsch da seis man dret, e sül polsch da seis pè dret.

26. Lura ch' el svöda da quel öli sün la palma da seis man snester.

27. Ed il sacerdot sprinzla da quel öli, ch' el averà in seis man snester, con il daint da seis *man* dret, set voutas avant il Segner.

28. Ch' el metta lura da quel öli, ch' el averà sün la palma da seis man, sün l' ur dell' uraglia dretta da quel chi vain as nettiar, e sül polsch da seis man dret, e sül polsch da seis pè dret, sur il lö, *ingio sarà stat miss il sang del sacrifici per la cuolpa*.

29. Ma l' rest del öli chi ais in sia palma dess il sacerdot metter sül cheu da quel chi dess gnir nettiâ, per far purgaziun per el avant il Segner.

30. Lura ch' el sacrificha l' üna da quellas turdellas, o l' ün da quels colombets, seguond cha quel averà podü furnir.

31. Da quai ch' el averà podü furnir, o *turdella*, o *colombet*, saja ün *per sacrifici per il pucha*, e l' oter per olocausto, insembel con l' offerta da spaisa. Ed usche fetsch' il sacerdot la purgaziun avant il Segner per quel chi's dess nettiar.

32. Quaist' *ais* la ledscha davart quel, nel qual plaja da levrusia füss statta, il qual non podess furnir *las chosas sudettas* per sia purificaziun.

33. Ultra quai favlet il Segner con Mose e con Aaron, dschand:

34. Cur vus gnis ad esser intrats nel pajais da Canaan, il qual eu dun a vus per possessiun, sch' eu in alchüna chasa del pajais da vos-sas possessiuns tramet plaja da levrusia,

35. Schi vegna quel, del qual la chasa *sarà*, e significha al sacerdot, dschand: In mia chasa para sco üna plaja da levrusia.

36. Lura dess il sacerdot comandar, cha's svöda la chasa, ant ch' el intra per guardar la plaja, acio cha non saja malnet tuot quai ch' in quella chasa *sarà*; davo quai dess ir aint il sacerdot per guardar la chasa;

37. E scha el, aviand guardâ la plaja, vezza la plaja nellas paraits della chasa, fourettas verdaintas, o cotschnaintas, chi paran plü bassas co la parait;

38. Schi dess il sacerdot ir our dalla chasa, alla porta da quella, e serrar la chasa per set dis.

39. E l' settavel di davo, dess il sacerdot turnar, e scha el, la guardand, vezza cha la plaja s' ha sladada per las paraits della chasa;

40. Schi ch' el comanda, cha's dess chavar oura las peidras, nellas qualas la plaja *sarà*, e ch' ün las bütta our dalla città in ün lö malnet.

41. E fetscha sgrattar giò la liadüra della chasa, aint dadaint pertuot in-tuorn, e la puolvra della liadüra, chi ais sgrattada giò as dess bütta da-dour la città in ün lö malnet.

42. Lura dess ün tour otras peidras, e las metter aint in lö da quellas; as dess eir tour otra malta, e liar giò la chasa.

43. Ma, scha la plaja tuorna a dschermügliar nella chasa, davo cha las peidras füssan stat chavadas oura, e davo cha la chasa füss statta rajada giò, e *danöv* smaltada;

44. Ed, intrand il sacerdot, e guardand, sch' el vezza cha la plaja s' ha sladada nella chasa; schi aise levrusia, chi maglia nella chasa; la chasa ais malnetta.

45. Perquai as dess quella disfar chasa, sias peidras, e seis lainam, e tuot la liadüra da quella, ed ün dess portar quellas chosas our dalla città in ün lö malnet.

46. E chi in quella chasa sarà intrat, in tuot ils dis ch' ella sarà serrada sù, saja malnet fin la saira.

47. E chi avess dormi in quella chasa, lava sia vestimainta; il medem,

chi in quella averà mangiâ, lava sia vestimainta.

48. Impero il sacerdot, essendo intrat ed aviand guardâ, vezza cha la plaja non as ha sladada nella chasa, davo ch'ella ais statta smaltada; schi dess el quella chasa decelerar netta; perche la plaja ais guarida.

49. Ch'el piglia lura per nettiar la chasa duos * utschlins, e del lain da ceder, e scharlatta, ed isop;

* Lev. 14, 4.

50. E schanna l' ün dels utschlins, *svödand il sang* in ün vaschè da terra, sur l' aua viva.

51. Lura ch'el piglia il lain da ceder, e l' isop, e la scharlatta, e l' utschlin viv, e tenscha quellas chosas nel sang del utschlin mazzâ, e nell' aua viva, e sprinzla la chasa set voutas.

52. Ed usche ch'el nettaja la chasa col sang del utschlin, e con l' aua viva, e col utschlin viv, e col lain da ceder, e col isop, e con la scharlatta.

53. Lura ch'el lascha ir liber l' utschlin viv, our dalla città, sün la cuttira; e fetsch' usche la purgaziun per la chasa, ed ella sarà netta.

54. Quaist' *ais* la ledscha davart qualunque plaja da levrusia, o da tegna;

55. E davart la levrusia da vestimainta, o da chasas;

56. E davart l' ufladüm, o buolla, o macla tralüschainta.

57. Per intragnidar, in qual di alchüna chosa ais malnetta, *ed in qual l' ais* netta. Quaist' ais la ledscha davart la levrusia.

CHAP. XV.

Ledschas davart tschertas otras malnettischas corporalas, per infirmità d' homens, e donans, e dal möd da 's purifichar.

IL Segner favlet eir a Mose, ed ad Aaron, dsehand:

2. Tschantschai con ils infants d' Israel, e dit ad els: * Cur ad alchün gniss a seular la charn, schi ais el malnet per sia flussium. * Num. 5, 2.

3. E quaist sarà sia malnettischa per sia flussium; saja cha sia charn

seula a guisa da sbava, o cha sia charn retegna sia flussium; quai *ais* sia malnettischa.

4. Ogni let saja malnet, sur il qual sarà giaschti quel chi averà la flussium; sajan il medem tuottas chosas malnettass, sur las qualas el averà sezzü.

5. E quel chi averà toc il let da quel, lava sia vestimainta e sai stess, con aua; e saja fin la saira malnet.

6. Il medem, chi sarà sezzü sur alchün mobil, sur il qual avess sezzü quel chi averà la flussium, lava sia vestimainta e sai svest, con aua, e saja fin la saira malnet.

7. Sumgiantamaing, chi averà toc la charn da quel, chi avess la flussium, lava sia vestimainta e sai stess, con aua, e saja malnet fin la saira.

8. E scha quel chi averà la flussium spüda sur alchüna persuna netta, schi dess *quella persuna* lavar sia vestimainta e sai svest, con aua, e saja fin la saira malnet.

9. Il medem saja ogni sella malnetta, sün la quala quel chi averà la flussium, sarà sezzü.

10. E minchün chi averà toc alchüna chosa chi saja statta suot el, saja malnet fin la saira, e chi portess quellas chosas, lava sia vestimainta e sai svest, con aua, e saja malnet fin la saira.

11. E chi sarà stat toc da quel, chi averà la flussium, sainza ch'el *il priüm* haja bagnâ seis mans nell' aua, lava sia vestimainta e sai sai svest, con aua; e saja fin la saira malnet.

12. * Ed il vaschè da terra saja ruot, il qual quel chi averà la flussium averà toc, ed † ogni vaschè da lain, saja chatshâ nell' aua.

* Lev. 9, 28. 11, 33. † Lev. 11, 33.

13. E cur quel chi averà la flussium vain as nettiar da sia flussium, schi dess el quintar set dis per sia purificaziun, e lavar sia vestimainta; dess il medem lavar la charn con aua viva, ed el sarà net.

14. E l' ottavel di dess el tour * duos turdellas, o duos colombets, e gnir avant il sacerdot, all' intrada del tabernacul della raspada, e sporcher quels al sacerdot. * Lev. 14, 22.

15. Ed il sacerdot ils dess offerir, l'ün *in sacrifici per il* pucha, e l'oter in olocausto, ed usche fetsch' il sacerdot la purgaziun per el avant il Segner, per sia flüssiun.

16. E * cur our d'alchün füss corrit sem genital, schi dess el lavar con aua tuot la charn, ed el saja fin la saira malnet.

* Deut. 23, 10.

17. Saja eir lavâ con aua ogni vesti, ed ogni pel, sur la quala füss sem genital, e saja fin la saira malnetta;

18. * E sch' ün hom chi ha il flüss, giascha charnalmaing con üna duonna, schi 's dessan amenduos lavar con aua, e sajan malnets fin la saira.

* Lev. 18, 19.

19. * E cur la duonna averà seis flüss, cur la sculerà sang our da sia charn, schi dess ella dmurar separada set dis, e scodün chi la toccherà saja fin la saira malnet.

* Mat. 9, 20. Lev. 12, 2.

20. Ed ogni chosa, sur la quala ella sarà giaschüda, tant ch' ella sarà separada, saja malnetta; saja il medem malnetta ogni chosa, sur la quala ella averà sezzü.

21. E chi averà toe il let da quella, lava sia vestimainta, e sai stess, con aua, e fin la saira saja malnet.

22. Il medem chi averà toe alchün mobil, sün il qual ella averà sezzü, lava sia vestimainta, e sai sves, con aua; e saja fin la saira malnet.

23. Schi eir, sch' alchüna chosa ais sül let, o sün alchün' üsaglia, sün la qual' ella saja sezzüda, cur alchün toccess quella chosa; schi saja el fin la saira malnet.

24. Scha 'lechün eir giaschess con ella, tal ch' el avess da seis menstuo adöss, schi saja el malnet set dis, ed ogni let, sül qual el avess giaschü, saja malnet.

25. Il medem, cur la duonna averà il flüss da sang plüs dis, ourdvar il temp da seis menstuo, ovvero cur l'averà quel flüss, ultra il temp da seis menstuo; schi saja ella malnetta tuot il temp del flüss da sia malnettischa, sco dal temp da sias periodas.

26. Saja ad ella malnet ogni let, sül qual ella averà giaschü in tuot il temp da seis flüss, sco 'l let sül qual ella vain a giaschair, aviand seis menstuo; sajan il medem tuot ils mobels, sün ils quals ella gnis a zer, malnets, per la malnettischa da sias periodas.

27. E chi quellas chosas averà toe, saja malnet, el lava sia vestimainta, e sai stess, con aua, e saja malnet fin la saira.

28. Ma, cur ella ais nettiada da seis flüss, schi dess ella quintar set dis, e lura vain ella ad esser netta.

29. E l'ottavel di dess ella tour duos turdellas, o duos colombets, e 'ls portar al sacerdot, all' intrada del tabernacul della raspada;

30. Ed ün dess il sacerdot offerir *in sacrifici per il* pucha, e l'oter in olocausto, e fetsch' usche il sacerdot per ella la purgaziun del flüss da sia malnettischa, nel conspet del Segner.

31. Fat usche, cha 'ls infants d'Israel as guardan da lur malnettischa, impaland meis tabernacul, chi ais in mez els.

32. Quaist' ais la ledscha davart quel, dal qual cuorra sem genital, pelqual el ais dvantâ malnet.

33. E davart la duonna chi ha l'infirmità della menstruaziun, e davart chi ha flüss, maschel, o femna, e davart l'hom chi sarà giaschü con duonna malnetta.

CHAP. XVI.

Ledschas davart la purgaziun annuala, cha 'l grand sacerdot dess far, per sai, e per sia chasa, e per tuot il pövel; e davart la purgaziun del sanctuari, del tabernacul e del ütèr.

Ed il Segner favlet a Mose, * davo cha 'ls duos figls d' Aaron füttan morts, siand approssmats avant il Segner, con els morittan.

* Lev. 10, 1.

2. Il Segner disch dimen' a Mose: * Tschantscha con Aaron, teis frar, ch' el non intra da tuot temp nel sanctuari, aintdaint la vela, avant il vierchel, chi ais sün l'archa, acio ch' el non moura; † perche eu vegn a comparair nella nivla sül vierchel.

* Lev. 23, 27. 1 Reg. 8, 12. † Es. 40, 35.

3. Con quaist dess Aaron infrar nel sanctuari, cioè con ün * trim per

sacrifici per il pucha, ed ün bümatsch per olocausto. * Lev. 4, 3.

4. * El as dess vestir con la rassa sacra da glin, ed avair las brajessas da glin sur sia charn, ed esser tschintâ con la tschinta da glin, e s' plajar intuorn il cheu la binda da glin; quella *ais* la vestimainta sancta; el as vesta dimena, † davo s'avair lavâ la charn con aua.

* Ex. 28, 39. 42. 43. † Ex. 30, 20.

5. Ma dalla raspada dels infants d'Israel piglia el duos boces *per sacrifici* per il pucha, ed ün bümatsch per olocausto.

6. Ed Aaron dess offerir il trim del *sacrifici per il pucha*, chi *ais* per el, * e fetscha purgaziun per sai, e per sia chasa.

* Ebr. 7, 27.

7. Davo lura, ch' el piglia duos boces, e'ls preschainta nel conspet del Segner, all' intrada del tabernacul della raspada.

8. E sur quels duos boces dess Aaron trar la sort; üna sort per il Segner, ed ün otra per Azazel.

9. Ed il boc, sur il qual sarà crodâ la sort per il Segner, dess Aaron offerir, e' l dess sacrificar per il pucha;

10. Ma' l boc, sur il qual la sort sarà crodada per Azazel, saja presentâ viv avant il Segner, per far purgaziun con quel, per il trametter nel desert, sco per Azazel.

11. Dess dimena Aaron offerir il trim del *sacrifici per il pucha* chi *ais* per el, e far purgaziun per sai, e per sia chasa. E davo ch' el averà schannâ il trim da seis *sacrifici per il pucha*, chi *ais* per el;

12. Schi ch' el piglia il turibul plain da braschlas invüadas giò dal utêr, avant il Segner, * e duos puogns plains da fument dellas spezias fat-tas in puolvra, e porta que dadaint la vela,

* Es. 30, 34.

13. E mett' il fument sur il fô avant il Segner, e la vapor del fument dess covernar il vierchel, chi *ais* sur la testimonianza, afin ch' el non moura.

14. * Lura ch' el piglia del sang del trim, e sprinzla col daint la part d'avant del vierchel, vers l'oriaint;

sprinzla medemmamaing col daint da quel sang set voutas avant il vierchel.

* Lev. 4, 5. Ebr. 9, 13.

15. Schannar dess el eir il boc del *sacrifici per il pucha*, chi *ais* per il pövel, e portar il sang dadaint la cortina, e fetscha col sang da quel, sco ch' el averà fat col sang del trim, e dess sprinzlar sur il vierchel, ed avant il vierchel.

16. Ed usche dess el purgiar il sanctuari, il purifichand della malnettischa dels infants d'Israel, e da lur surpassamaints, seguond tuots lur puchats; il sumgiant fetsch' el eir col tabernacul della raspada, il qual ais stanziâ sper els, per lur malnettischas.

17. E non dess esser alchüna persona nel tabernacul della raspada, cur el vain ad intrar nel sanctuari, per far qua purgaziun, fin ch' el saja gnü oura. E, davo ch' el averà fat la purgaziun per sai, per sia chasa, e per tuot la raspada d'Israel;

18. Schi dess el gnir oura vers l'utêr, chi *ais* avant il Segner, e far purgaziun per quel, e ch' el piglia del sang del trim, e del sang del boc, e' l metta stin las cornas del utêr, intuorn intuorn.

19. E sprinzla da quel sang col daint set voutas sur l'utêr, ed *usche* il purificha e santificha el della malnettischa dels infants d'Israel.

20. E, davo ch' el averà compli da far la purgaziun del sanctuari, e del tabernacul della raspada, e del utêr, schi dess el offerir il boc viv.

21. Ed Aaron dess tschantar seis duos mans sur il cheu del boc viv, e far confessiun sur quel da tuot las iniquitats dels infants d'Israel, e da tuots lur surpassamaints, seguond tuots lur puchats; e metter quels sur il cheu da quel boc, e' l dess trametter nel desert per man d'ün crastian apostata.

22. E quel boc vain a portar sur sai tuot lur iniquitats in terra solitaria, e *quel* il dess laschar ir per il desert.

23. Davo quai dess Aaron intrar nel tabernacul della raspada, e s' trar oura la vestimainta da glin, la qual' el s'avaiva trat aint, intrand

nel sanctuari, e la dess tschantar qua.

24. Lura dess el in lö sanct lavar la charn con aua, e 's revestir con sia vestimainta; lura dess el ir oura, e sacrifichar seis olocausto, e l' olocausto del pövel, e dess far purgaziun per sai, e per il pövel.

25. * E dess arder il grass del *sacrificzi per il* pucha sur l' utêr. * Lev. 4, 60.

26. E quel chi averà manâ via il boc per Azazel dess lavar sia vestimainta, e sia charn, con aua, lura turnar nel champ.

27. * Ma our dal champ as dess portar il trim del *sacrificzi per il* pucha, e 'l boc del *sacrificzi per il* pucha, il sang del qual sarà stat portâ dadaint il sanctuari, per far purgaziun, † e lur pels, e lur charn, e lur aldüm, as dess arder col fö.

* Lev. 4, 12. 21. † Lev. 6, 30.

28. E quel chi 'ls averà ars, dess lavar sia vestimainta, e sia charn, con aua, e lura dess el gnir nel champ.

29. * E saja *quaist* a vus per ün statut perpetual, nel settavel mais, nel deschavel *di* del mais, dessat affliger vossas ormas, e non farai lavur alchüna, ne quel chi ais nativ del pajais, ne 'l forestêr, chi dmur' intanter vus;

* Ex. 30, 10. Num. 29, 7.

30. Perche in quel di vain as far purgaziun per vus, per as purifichar; purifichats gnis vus ad esser da tuots voss puchats nel conspet del Segner.

31. Repos da sabbat saja *quel di* a vus, ed *in quel* dessat affliger vossas ormas, per statut perpetual.

32. * Ma 'l sacerdot, chi sarà stat onschü, e consacrâ, per exercitar il sacerdotadi, in lö da seis bap, dess far la purgaziun, siand vesti con la vestimainta da glin, con la vestimainta sancta.

* Lev. 4, 3. 5, 16.

33. E dess far la purgaziun per il sanct sanctuari, e per il tabernacul della raspada, e per l' utêr, far dess el il medem la purgaziun per ils sacerdots, e per tuot il pövel della raspada.

34. * E *quaist* saja a vus per statut perpetual, per far purgaziun per ils infants d' Israel, da tuot lur puchats,

üna vouta l' an. Ed usche as fet, sco 'l Segner avaiva comandâ a Mose.

* Ex. 30, 10. Ebr. 9, 7. 25.

CHAP. XVII.

Tuots sacrificzis as dess offerir al sul vair Deis, e non mangiar alchün sang.

ULTRA quai favlet il Segner a Mose, dschand:

2. Tschantscha con Aaron, e con seis figls, e con tuots ils infants d' Israel, e di ad els: *Quaist ais* quai cha' l Segner ha comandâ, dschand:

3. Sch' alchün della chasa d' Israel schanna bov, o agnè, o chavra, dadaint il champ; o sch' el eir il schanna dadour il champ,

4. E non il maina nan all' intrada del tabernacul della raspada, per l' offerir in offert' al Segner; schi saja *quai* imputâ a quel per *spandüda* da sang; el ha spans sang, e *pertant* saja 'l exstirpâ intanter seis pövel;

5. Acio cha 'ls infants d' Israel mainan nan lur sacrificzis, ils quals els sacrificchan per la champagna, e 'ls preschaintan al Segner, all' intrada del tabernacul della raspada, *ils dand* al sacerdot; e 'ls sacrificchan al Segner, per sacrificzis d'ingraziamaint;

6. Ed acio cha 'l sacerdot spand' il sang da quels sacrificzis sur l' utêr del Segner, all' intrada del tabernacul della raspada, e fetseh' arder il grass * in amabl' odor al Segner.

* Ex. 29, 18.

7. E cha non sacrificchan plü lur * sacrificzis a demunis, davo 'ls quals els soulan ir spitinand. *Quaist* saja ad els ün statut perpetual tras lur generaziuns.

* Ps. 106, 37.

8. Di eir ad els: Sch' alchün della chasa d' Israel, o dels forestêrs chi vegnan a dmurar intanter vus, offerra olocausto, o sacrificzi;

9. E non il maina nan all' intrada del tabernacul della raspada, per il sacrifichar al Segner, schi saja quel hom exstirpâ our da seis pövel.

10. E sch' alchün della chasa d' Israel, o dels forestêrs chi vegnan a dmurar intanter els, * mangia alchün sang, schi vögl eu metter mia fatscha conter quella persuna, chi

averà mangiâ il sang, e la vögl sterminar intanter seis pövel.

* Lev. 19, 26. 1 Sam. 14, 33. Ez. 44, 7.

Gen. 9, 4. Lev. 7, 26. Deut. 12, 16. 23. 15, 23.

11. Perche * la vita della charn ais nelsang; e pertant ha eu ordinâ a vus, ch'el saja miss sur l'utêr, per far † purgaziun per vossas ormas; perche cha 'l sang *ais* quel, *con che* e's fa purgaziun per la persuna.

* Gen. 9, 4. † Ebr. 9, 22.

12. Perquai ha eu dit als infants d'Israel: Ingün da vus non dess mangiar sang; il forestêr istess, chi dmur' intanter vus, non dess mangiar sang.

13. Ed eir, sch' alchün dels infants d'Israel, o dels forestêrs chi vegnan a dmurar intanter els, pigl' alla chatscha alchüna bestia solvadia, o utschè chi 's po mangiar, * schi dess el spander il sang, e'l covernar con puolvra.

* Lev. 7, 26.

14. Perche *quel ais* la vita d'ogni charn; il sang al ais in lö dell'orma, e pertant ha eu dit als infants d'Israel: Non mangiarai sang d'alchüna charn; perche il sang ais la vita d'ogni charn; chi gniss a mangiar, saja sterminâ.

15. * E qualunque persuna chi averà mangiâ charn da bestia morta da sai svess, o scharpada *dallas bestias solvadias*, nativ, o forestêr ch'el saja, dess lavar sia vestimainta, e sai svess con aua; e saja fin la saira malnet; lura saja 'l net.

* Ex. 22, 31. Ez. 44, 31. Lev. 22, 8.

16. E, sch'el non lava *sia vestimainta*, e sia charn, schi vain el a portar sia iniquità.

CHAP. XVIII.

Grads matrimonials seomandats.

IL SEGNER favlet eir a Mose, dschand:

2. Tschantscha con ils infants d'Israel, e di ad els: Eu *sun* il Segner vos Deis.

3. Non farai seguond las ouvras del pajais d'Egipto, nel qual vus avais dmurâ; non farai neir bricha seguond las ouvras del pajais da Canaan, nel qual eu as main, e non procederai seguond lur costüms.

4. Mias ledschas dessat metter in uorden, ed observar meis statuts, per chaminar in quels. Eu *sun* il Segner vos Deis.

5. Observai, di eu, meis statuts, e mias ledschas, las qualas imminch' ün chi las metterà in effet, * viverà tras quellas. Eu *sun* il Segner.

* Ez. 20, 11. Gal. 3, 12. Luc. 10, 28. Rom. 10, 5.

6. Ingün non as dess approsmar via pro alchüna sia charnala parainta, per scovernar *sia* verguogna. Eu *sun* il Segner.

7. * Non scovernar la verguogna da teis bap, ne la verguogna da tia mamma; ell' *ais* tia mamma; non scovernar *sia* verguogna. * Lev. 20, 11.

8. * Non scovernar la verguogna della muglier da teis bap; quella *ais* la verguogna da teis bap. * Gen. 49, 4.

9. * Non scovernar la verguogna da tia sour, figlia da teis bap, o figlia da tia mamma, genuida in chasa, o genuida ourdvar.

* Lev. 20, 17. 2 Sam. 13, 12. Ez. 22, 11.

10. Non scovernar la tuorp della figlia da teis figl, o della figlia da tia figlia; perche quellas *sun* tia propria tuorp.

11. Non scovernar la tuorp della figlia della muglier da teis bap, genuida da teis bap. Ella *ais* tia sour.

12. * Non scovernar la tuorp della sour da teis bap. Ell' *ais* la charn da teis bap.

* Lev. 20, 19.

13. Non scovernar la tuorp della sour da tia mamma; perche ell' *ais* la charn da tia mamma.

14. * Non scovernar la tuorp del frar da teis bap; non t'approsmar via pro sia muglier; ella *ais* tia anda.

* Lev. 20, 20.

15. * Non scovernar la tuorp da tia brüt; ella *ais* muglier da teis figl; non scovernar *sia* verguogna. * Gen. 33, 18.

16. * Non scovernar la tuorp della muglier da teis frar; quella *ais* la tuorp da teis frar.

* Deut. 25, 5.

17. * Non scovernar la verguogna d'üna duonna, e da sia figlia *insemel*; non tour la figlia da seis figl, ne la figlia da sia figlia, per scovernar lur tuorp; quellas *sun* üna medema charn; quai ais üna sceleratezza.

* Lev. 20, 14.

18. * Non tour neir üna duonna, insembel con sia sour; per esser *sia* compagna nell'amur, scovernand la verguogna da sia sour, insembel con ella, in vita sia. *Ex. 26, 3. 1 Sam. 1, 6. 8.

19. * E non t'approsmar via pro üna duonna, intant ch'ella ais in zavranza per sia malnettischa; per scovernar sia verguogna.

* Lev. 20, 18. Ez. 18, 6. 22, 10.

20. * E non giaschair charnalmaing con la muglier da teis prossem, t'impalad con ella. *Ez. 20, 10.

21. * E non dar da tia generaziun, per far passar *tras il fò* a Molec; e non profanar il nom da teis Deis. Eu *sun* il Segner.

* Lev. 20, 2. Deut. 18, 10. 2 Reg. 17, 17. Ger. 32, 35.

22. * Non giaschair charnalmaing con *maşchel*; quai *ais* chosa abominabla. *Lev. 20, 13. 1 Cor. 6, 9. 1 Tim. 1, 10.

23. * Medemmamaing, non at congionser charnalmaing con alchüna bestia, per t'impalar con quella; e la duonna non as dess presentar avant alchüna bestia, per as far co-venar; quai ais confusiun. *Lev. 20, 15.

24. Non s'impalarai in alchüna da quaistas chosas; * perche cha'ls pövels, ch'eu schatsch our davant vos conspet, sun impalats in tuot quaistas chosas. *Mat. 15, 18. 19, 20.

25. Ed il pajais ais stat impalâ; pelqual eu visit sur quel sia iniquità, e'l pajais svung'oura seis abitants.

26. Ma vus, observai meis statuts e mias ledschas; * e non farai alchüna da quaistas chosas abominablas, ne'l nativ del pajais, ne'l forestêr chi dmura intanter vus; *Lev. 20, 22.

27. Perche la gliend da quel pajais, chi *sun stats* avant vus, han fat tuot quaistas chosas abominablas; pelqual il pajais ais stat impalâ;

28. Acio cha'l pajais * non as svung'oura, scha vus gnissat al impalar; seo el averà svungâ our' il pövel chi *eira* avant vus.

* Ger. 9, 19. Ez. 36, 13. 17.

29. Perche sch'alchün fa alchüna da quaistas chosas abominablas, las personas chi *quai* averan fat, saran sterminadas intanter lur pövel.

30. Contuot observai quai ch'eu comand, cha's dess observar, per non

far *alchiins* da quels costüms abominabels, *seguond* cha sun stats üsats avant vus; e non s'impalarai in quels. Eu sun il Segner, vos Deis.

CHAP. XIX.

Diversas ledschas davant l'oblig d'observar pietà, santità, güstia e charità, vers Dieu ed il prossem.

IL Segner favlet eir a Mose, dschand:
1. Tschantscha con tuot la raspada dels infants d'Israel, e di ad els:
* Sajat sanets; perche eu il Segner, vos Deis, *sun* sanet.

* Lev. 11, 44. Lev. 20, 7. 1 Petr. 1, 16.

3. * Scodün dess portar reverenza a sia mamma, ed a seis bap; † ed observar meis sabbats. Eu *sun* il Segner, vos Deis. *Ex. 20, 12, † Es, 20, 8. 31, 13.

4. * Non as volverai vi' als idels, e deis culats non as dessat far. Eu *sun* il Segner, vos Deis.

* Ex. 20, 4. 34, 17. Deut. 27, 15.

5. E, cur vus gnis a sacrificar al Segner sacrifici d'ingraziamaing, schi'l dessat sacrificar seguond vos bainplasechair.

6. * L'istess di cha vus l'avais sacrificâ, il dessat mangiar, ed il di seguaint; ma quai cha füss vanzâ fin al terz di, saja ars col fò.

7. Ma, sch'el gniss mangiâ pür il terz di, schi aise abominabel; ne sarà accet.

8. E chi averà mangiâ, porterà sia iniquità; perche el averà sconsacrâ üna chosa sacra al Segner; e pertanto saja quella persuna exstirpada da seis pövel.

9. * E, cur vus gnis a tschuncar la raccolta da vossa terra, schi non tschuncar dafat las varts del champ; e non spielar dafat sü las spias laschadas davo da tia raccolta.

* Lev. 23, 22. Deut. 24, 19.

10. E davo tia vigna non dessat eler, ne eler sü ils grans dels zocs; lascha 'ls als povers, ed als forestêrs. Eu *sun* il Segner, vos Deis.

11. * Ingün da vus non dess involar, ne mentir, ne far frod a seis prossem. *Ex. 20, 15. Ex. 22, 1. 7. 10. Lev. 6, 2.

12. * E non dessat fosamaing gürar tras meis nom, cha tü quattras sconsacra il nom da teis Deis. Eu *sun* il Segner. *Ex. 20, 7. Lev. 6, 3. Deut. 5, 11.

13. Non squitschar suot teis prossem, e non al sbundriar *il sieu*. * Il pajamaint della lavur da teis mercenari non dess restar pro tai sur not, fin la daman.

* Deut. 24, 15. Giob. 24, 10. Mal. 3, 5. Giac. 5, 4.

14. Il suord non smaledir, e non metter impedimaint avant * al orb; ma temma teis Deis. Eu *sun* il Segner.

* Deut. 27, 18.

15. * Non farai iniquità in güdizi; non hajast resguard alla qualità del pover, e non portar onur alla qualità del grand; ma güdicha güstamaing a teis prossem.

* Ex. 23, 3. Deut. 1, 17. 16, 19. 27, 19. Prov. 24, 23.

16. * Non ir straparland *d' oters* intanter teis pövel, e non at far sü conter il sang da teis prossem. Eu *sun* il Segner.

* Ex. 23, 1. Ps. 15, 3. 50, 20. Prov. 11, 13. 20, 19.

17. Non * ödiar teis frar in teis cour; impero teis prossem dessat reprender, e non at chargiar con puchats per el.

* Mat. 18, 15. 1 Tim. 5, 20.

18. * Non far vendetta, e non salvar *ödi a* quels da teis pövel; dimpersai ama † teis prossem sco tai sves. Eu *sun* il Segner.

* Mat. 5, 39. 44. Rom. 12, 19. † Mat. 5, 43. Gal. 5, 14.

19. Observa meis statuts; non far governar tia bestia ad ün' otra da diversa specie; * non semnar teis champ con diversas species *da sems*, e non portar in döss vestimainta tessüda da diversas materias.

* Deut. 29, 10.

20. Sch' alchün charnalmaing dorma con duonna, la quala, essendo fant-schella, füss statta spusada ad ün hom, sainza esser statta spendrada, ne d'esser statta missa in libertà, schi sajan *amenduos* chastiats con bottas, non sajan fats morir; perche ella non ais statta missa in libertà.

21. E * *quel* maina nan al Segner all' intrada del tabernacul della raspada ün bümatsch *per sacrifici* per sia cuolpa.

* Lev. 5, 15.

22. Ed il sacerdot fetscha col bümatsch del *sacrifici* per la cuolpa purgaziun avant il Segner, per el, del pucha ch'el ha commiss, ed il pucha ch'el ha commiss al saja perdunâ.

23. Item, cur vus gnis ad esser intrats nel pajais, ed avair implantâ qualeha bösch früttaivel, schi piglia'l la pelliotta, *cioè* seis früt; tgnai *quel* bösch per incirconcis *per* trais ans; *del früt* non as dess mangiar.

24. Ed il quartavel an saja tuot seis früt chosa sacra al Segner, *per al render* lod.

25. Ma'l tschinchavel an mangiai da seis früt, clejand sia rendita per vus. Eu *sun* il Segner, vos Deis.

26. Non * mangiarai inguotta col sang; * auguris non dessat dovrar, ne prognostics. * Deut. 18, 10. 1 Sam. 14, 32. 33.

27. * Ils *chavels* non as dessat tagliar in raduond *dallas* varts del cheu, e las varts della barba non as dessat guastar.

* Lev. 21, 25.

28. Medemmamaing, * non as farai alchün tagl nella charn per ün mort, e non as farai alchün buol sün vus. Eu *sun* il Segner.

* Deut. 14, 1. Ger. 16, 6.

29. Non impalar tia figlia, la fand far pitanögn; ne'l pajais dess far pitanögn, ne s'implir da scelera-tezzas.

30. Observai * meis sabbats, e meis sanetuari dessat reverir. Eu *sun* il Segner.

* Lev. 26, 2.

31. * Vus non as dessat volver vi' als spierts da piton, e vi' als ingiavina-durs, e non ils domandarai, per s'impalar con quels. Eu *sun* il Segner, vos Deis.

* Lev. 20, 6. 27. Deut. 18, 11. Es. 8, 19. Act. 16, 16.

32. * Leiva sü avant il chanuoss, ed onura l'aspet del vegl, e't temma da teis Deis. Eu *sun* il Segner.

* 1 Tim. 5, 1. Prov. 20, 29.

33. * E, cur alchün forestêr vain a dmurar con vus in vos pajais, schi non al farai alchün tort:

* Ex. 22, 21.

34. Il forestêr chi dmura con vus, dess a vus esser sco ün da vus, *chi ais* nativ del pajais; ama'l sco tai sves; perche * vus eschat stats forestêrs nel pajais d'Egipto. Eu *sun* il Segner, vos Deis.

* Deut. 10, 19.

35. In güdizi non dessat far iniquità alchüna, ne in masüra da spazi, ne in paisa, ne in masüra chi tegn'aint.

36. * Hajat güsta balanscha, pais güsts, efa güst, e hin güst. Eu *sun*

il Segner, vos Deis, chi as ha trats our dal pajais d' Egipto.

* Deut. 25, 15. Prov. 11, 1.

37. Contuot observai tuots meis statuts, e mias ledschas tuottas, e metta-las in effet. Eu *sun* il Segner.

CHAP. XX.

Deis metta sü painas capitalas als trangressurs da sudets comandamaints.

ULTRA quai favlet il Segner a Mose, dschand:

2. Di eir als infants d' Israel: * Chi dels infants d' Israel, o dels forestêrs chi dmuran in Israel, averà dat da seis sem a Molec, saja a tuotta via fat morir; il pövel del pajais il dess accrappar.

* Lev. 18, 21.

3. Ed eir eu vögl metter mia fatscha conter quel hom, e l sterminar intanter seis pövel; perche el gnis ad avair dat da seis sem a Molec, per impalar meis sanctuari, e per profanar meis sanct nom.

4. E scha'l pövel del pajais serra del tuot ils ögls, per non vair quel hom, cur el gnis ad avair dat da sia generaziun a Molec, per non il far morir;

5. Schi vögl eu metter mia fatscha conter quel hom, * e conter sia famiglia, e vögl sterminar intanter lur pövel, el, e tuot quels chi vegnan al ir davo, a far pitanögn davo Molec.

* Ex. 20, 5.

6. * E sch' alchüna persuna as volva vi' als spierts da piton, o vi' als ingiavinadurs, per far pitanögn davo els, schi vögl eu metter mia fatscha contra a quella persuna, e la sterminar intanter seis pövel.

* Lev. 19, 31.

7. Vus dimena * as dessat santifichar, e sajat sanets; perche eu *sun* il Segner, vos Deis.

* Lev. 19, 2.

8. * Ed observai meis statuts, e mettà'ls in ouvra. Eu *sun* il Segner chi santificha vus.

* Deut. 26, 16.

9. * Sch' alchün smaletescha seis bap, o sia mamma, saja el a tuotta via fat morir; el ha smaledi seis bap, o sia mamma; seis sang *saja* sur el.

* Ex. 21, 17. Prov. 20, 20. Mat. 15, 4.

10. * E sch' alchün commetta adulteri con la muglier d' ün oter; con la muglier da seis prossem; schi cha fet-

schan morir l' adulter, e l' adultera;

* Lev. 18, 20. Deut. 22, 22. Gioan. 8, 5.

11. * E sch' alchün dorma con la muglier da * seis bap, schi ha el scovert la verguogna da seis bap; amenduoss dessan els a tuotta via far morir; lur sang *saja* sur els.

* Lev. 18, 8. Deut. 27, 20.

12. * E sch' alchün dorma con sia brutt, schi dessan els far morir ad amenduoss a tuotta via; els han fat confusium; lur sang *saja* sur els.

* Lev. 18, 15.

13. * E sch' alchün charnalmaing dorma con maşchel, schi han amenduoss fat üna chos' abominabla, e 'ls fetschan a tuotta via morir; lur sang *saja* sur els.

* Lev. 18, 22.

14. * E sch' alchün piglia üna duonna, e la mamma da quella *insembel*, quai *ais* sceleratezza; col fö dessan els arder, el ed ellas; acio cha non saja alchüna sceleratezza in mez vus.

* Lev. 18, 17. Deut. 27, 23.

15. * E sch' alchün charnalmaing as congionscha con üna bestia, saja el a tuotta via fat morir; mazzai eir la bestia.

* Lev. 18, 23.

16. Medemmamaing, sch' alchüna duonna s' approsma via pro alchüna bestia, per as far covernar, schi mazzala duonna, e la bestia; del tuot ils fetschan els morir; lur sang *saja* sur els.

17. * E sch' alchün piglia sia sour, figlia da seis bap, o figlia da sia mamma, e vezza sia tuorp, ed ella vezza la tuorp dad el, quai *ais* chosa vituperusa; contuot sajan amenduoss sterminats alla vista dels infants da lur pövel; quel ha scovert la verguogna da sia sour; el dess portar sia iniquità.

* Deut. 22, 27.

18. * E sch' alchün dorma con duonna menstruanta, e scovernar sia tuorp, schi ha el scovert il flüss da quella duonna, ed ella ha scovert il flüss da seis sang; perquai sajan amenduoss sterminats our da mez lur pövel.

* Lev. 19, 18.

19. * E non scovernar la tuorp della sour da tia mamma, o della sour da teis bap; perche *sch' alchün* scovernar lur charn, schi vegnan *amenduoss* a portar lur iniquità.

* Lev. 18, 12. 13.

20. * E sch' alchün dorma con sia anda, schi ha el scovert la tuorp da seis barba; *amenduos* vegnan a portar lur pucha; sajan fats morir, e non hajan infants.

* Lev. 18, 14.

21. * Medemmamaing, sch' alchün piglia la duonna da seis frar, quai *ais* chosa illicita; quel ha scovert la tuorp da seis frar; sajan sainza infants.

* Lev. 18, 16. Mat. 14, 4.

22. * Observa meis statuts tuots, e tuot mias ledschas, e mett' las in ouvra; acio † cha' l pajais, ingio eu as main per abitar in quel, non as svung' oura.

* Lev. 18, 26. † Lev. 18, 25, 28.

23. E non procederai seguond ils costüms della naziun, ch' eu schatsch davent da vos conspet; * perche els han fat tuot quaistas chosas; per quai ils ha eu tgnüts in abomini.

* Lev. 18, 24, 30.

24. Ed eu 's ha dit: Vus gnis a possidair lur terra, ed eu la vögl dar a vus per la possidair; terra chi cula lat e meil. Eu *sun* il Segner vos Deis, chi 's ha separats dals *oters* pövels.

25. * E pertant mettai differenza tanter la bestia netta, e la malnetta, e tanter l'utschè net, e'l malnet, e non farai vossas persunas abominablas per quellas bestias, o per quels utschels, o per alchün reptil chi as strozia sur la terra, ils quals eu a vus ha separâ per ils avoir per malnets.

* Lev. 11, 2. Deut. 14, 4.

26. E sajat a mai sanets; perche eu il Segner *sun* sanet, e's ha separats our dals *oters* pövels, acio cha vus sajat meis.

27. * Sch' alchün hom, o duonna ha il spiert da piton, o ais ingiavinadur, saja 'l a tuotta via fat morir; saja 'l accrappâ; il sang da talas persunas *saja* sur els.

* Deut. 18, 10. 1 Sam. 28, 9.

CHAP. XXI.

Ledschas della purità ceremoniala dels sacerdots.

ULTRA quai disch il Segner a Mose: Tschantscha cols sacerdots, figls d' Aaron, e di ad els: * *Alchün sacerdot* non as dess impalar tanter seis pövel, per ün mort,

* Ez. 44, 25.

2. Scha non ais per alchün seis

prossem charnal paraint; per sia mamma, per seis bap, per seis figl, per sia figlia, e per seis frar;

3. O per üna sia sour germana, *chi saja* vergina, e ch' ella non haja gnü marit; per üna tala's dess el podair impalar.

4. El non as dess impalar tanter seis pövel *sco* marit, in maniera ch' el dvainta malnet.

5. * Els non as dessan tonder il cheu, ne as rasar dallas varts della barba, ne 's far tagls nella charn.

* Lev. 19, 27, 28. Deut. 14, 1. Gerem. 16, 6. Ez. 44, 20.

6. Sajan sanet a lur Deis, ne profaneschan il nom da lur Deis; perche ch' els offerran ils sacrificiz chi 's fan tras fö al Segner, las vivandas da lur Deis, per quai sajan els sanets.

7. Üna duonna pitanna non dessan els tour, ne üna sgiamgiada, ne duonna repudiada da seis marit; perche els sun sanets a lur Deis:

8. Contuot santificha 'ls; perche els offerran las vivandas da teis Deis; sajan a tai sanets; perche eu il Segner, chi sanctifich vus, *sun* sanet.

9. E scha la figlia d' ün sacerdot s' impala, fand pitanögn, schi impal' ella seis bap; saj' ella arsa col fö.

10. Ma 'l sacerdot, il plü grand tanter seis frars, sur il * cheu del qual sarà stat spans l' öli dell' unziun, e'l qual sarà stat consacrâ per trar aint la † vestimainta sacra; el non as dess scovernar il cheu, ne sdratschar la vestimainta.

* Ex. 29, 30. † Ex. 28, 2. Lev. 16, 32.

11. El non dess intrar in *ün lö*, *ingio saja* alchün corp mort; ne as dess impalar, nianca per seis bap, ne per sia mamma.

12. El non giaja our dal sanctuari, ne impala il sanctuari da seis Deis; perche il * diadema del öli dell' unziun da seis Deis ais sur el. Eu *sun* il Segner.

* Ex. 28, 36.

13. * Ed üna muglier dess el tour, chi saja amo vergina.

* Ez. 44, 22.

14. Quaistas non dess el tour: Ne vaidgua, ne repudiada, ne sgiamgiada, ne pitanna; dimpersai, ch' el piglia per duonna üna vergina da seis pövel.

15. E ch'el non impala seis sem in seis pövel, perche eu sun il Segner, chi'l sanctifich.

16. Il Segner favlet eir a Mose, dschand:

17. Tschantscha con Aaron, e di ad el: Sch'alchün da teis sem, tras lur etats, ha in sai alchün defet, schi ch'el non s'approsma nan per offerir las vivandas da seis Deis.

18. Perche ingün hom, nel qual *saja* defet, non dess *qua* s'approsmar, ne l'orb, ne'l zop, ne quel chi ha il nas splattà, o smasürà *grand*;

19. Ne quel chi ha ruottüra nel pè, ne ruottüra nel man;

20. Ne'l gob, ne quel chi ha flüss, o macla nel ügl, ne chi ha ruogna secha, o con marscha; ne il deruot.

21. Ingün hom dimena, dal sem del sacerdot Aaron, nel qual *saja* alchün defet, non as dess approsmar, per offerir ils sacrificis fats tras fö al Segner; defet *ais* in el; perquai non as dess el approsmar per offerir las vivandas da seis Deis.

22. Mangiar dess el bain podair dellas vivandas da seis Deis, tant dellas sanctissimas, co dellas sanctas,

23. Ma ch'el non vegna pro la vela, ne s'approsma nan pro l'utër; perche defet *ais* in el; ne dess impalar meis lous sanets; perche eu sun il Segner ch'il sanctifich.

24. E Mose disch quaistas chosas ad Aaron, ed a seis figls, ed a tuots ils infants d'Israel.

CHAP. XXII.

Las qualitats dellas chosas d'offerir a Deis.

IL Segner favlet eir a Mose, dschand:
2. Di ad Aaron, ed a seis figls, ch'els as artegnan dallas chosas sacras dels infants d'Israel, e cha non profaneschan meis nom, *nellas chosas* chi'm consacran. Eu *sun* il Segner.

3. Di ad els: Sch'alchün da tuot vos sem, in vossas generaziuns, s'approsma via pro las chosas sacras, cha'ls infants d'Israel vegnan ad avair consacrà al Segner, aviand sia malnettischa sur el; quella persuna saja tagliada giò our da meis conspet. Eu *sun* il Segner.

4. Ingün del sem d'Aaron, chi saja * levrus, o chi haja il flüss, non dess mangiar dellas chosas sanctas, fin ch'el saja net. Il medem, sch'alchün ha toc qualunque persuna malnetta † per ün mort, ** o scha our d'alchün ais corrü sem genital,

* Lev. 14, 2. 15, 13. † Num. 19, 11. ** Lev. 15, 16.

5. O * sch'alchün ha toc qual reptil cha poss'esser, per il qual el saja dvantà malnet; o † alchün crastian, per il qual el saja gnü malnet seguond qualunque sia malnettischa;

* Lev. 11, 24. † Lev. 15, 7. 19.

6. La persuna chi'l averà toc, saja fin la saira malnetta, ne dess mangiar dellas chosas sacras, fin ch'ella il *prüm* haja lavà sia charn con aua.

7. E, siand quai fat, davo cha'l solai sarà tramuntà, ella sarà netta, e dess lura podair mangiar dellas chosas sacras; perche e sun sia spaisa.

8.* Il sacerdot non dess mangiar alchüna charn da bestia morta da sai sves, o *dellas bestias* scharpadas per dvantar malnet. Eu *sun* il Segner.

* Lev. 17, 15. Ex. 22, 31. Ez. 44, 31.

9. Contuot dessan els observar quai ch'eu ha comandà, cha s'observa, ne as chargian da pueha; e cha non mou-ran per quel, scha profaneschan quaista *mia ordinaziun*. Eu *sun* il Segner chi'ls sanctifich.

10. Ed ingün ester non dess mangiar dellas chosas sacras; il forestêr del sacerdot, ne seis mercenari; dellas chosas sacras non dessan els mangiar.

11. Ma, cur il sacerdot averà con seis danêr comprà üna persuna, quella dess podair mangiar; il medem il *famagl* nat ad el in chasa, quels dessan podair mangiar della spaisa da quel.

12. E la figlia del sacerdot, sch'ella ais *maridada* con ün ester, schi non dess ella mangiar dell'offerta dellas chosas sacras.

13. Ma, scha la figlia del sacerdot ais vaidgua, o repudiada, sainza avair infants, e tuorna a star nella chasa da seis bap, sco in sia giuventüna, schi dess ella podair mangiar dellas vivandas da seis bap; ma ingün ester non dess mangiar.

14. Impero, sch' alchün per ignoranza mangia alchüna chosa sacra, schi dess el metter pro la quintavla part, e la dar al sacerdot, insembel con la chosa sacra.

15. Contuot non dessan els sconsacrar las chosas sacras dels infants d' Israel, las qualas els averan offert al Segner;

16. Ne dessan as chargiar d' iniquità da cuolpa, mangiand las chosas d' els consacradas; perche eu *sun* il Segner ch' ils sanctifich.

17. Il Segner favlet eir a Mose, dschand:

18. Tschantscha con Aaron, e con seis figls, e con tuots ils infants d' Israel, e di ad els: * Cur alchün della chasa d' Israel, ovvero dels forestèrs chi sun in Israel, offerirà sia offerta, seguond tuot lur vuts, e lur offertas voluntarias, chi vegnan ad offerir al Segner per olocausto, * Lev. 1, 2. 3. 10.

19. Acio ch' ella saja accetta per vus, *sch' dess esser ün maschel sainza defet*, intanter ils bovs, o tanter la bescha, o tanter las chavras.

20. * Chi haja defet non dessat offerir inguotta; perche e non gnis ad esser accet per vus.

* Deut. 15, 21. 17, 1. Mal. 1, 8.

21. Medemmamaing, cur alchün offerirà al Segner sacrifici d' ingraziamaint, o per vut singolar, o per *offerta* voluntaria, schi saja quel da * bovs, o da bescha, o da chavras, sainza defet; acio ch' el saja accet; non saja a vus alchün defet. * Lev. 3, 1.

22. Al Segner non dessat offerir alchüna *bestia* * orba, ne chi haja alchün member ruot, ne manchuossa, ne sainza pail, ne ruognusa, ne da gruscha, e non presentarai alchüna tala sün l' utèr al Segner, per offerta chi 's fa tras fö. * Deut. 15, 21. Mal. 1, 8.

23. Per *offerta* voluntaria dessat bain podair offerir bov, o nuorsa, o chavra, chi haja alchün member manchuoss, o superfluo; ma per vut non vain ella ad esser accetta.

24. Alchün *animal* non dessat offerir al Segner, chi haja *ils members* smachats, o squitschats, o scharpats, o tagliats oura, e da quellas sorts non farai in vos pajais.

25. Dal man dels esters non dessat tour alchüns, per ils offerir in spaisa al Segner; perche lur vizi *ais* in els, defet *ais* in els; ne gnissan ad esser accets per vus.

26. Il Segner favlet darcheu a Mose, dschand:

27. Cur sarà nat ün vadè, o ün agnè, o ün boccet, schi dess el star set dis * suot la mamma; lura dal ottavel di inavant sarà l' accet per offerta d' arder al Segner.

* Ex. 22, 30. 23, 19. 34, 26. Deut. 14, 21.

28. Ed in ün istess di non dessat schannar la vacha, o la nuorsa, o la chavra, con seis figl.

29. * E cur vus gnis a sacrificar al Segner sacrifici da lod, schi l' dessat sacrificar in maniera, ch' el saja accet per vus. * Lev. 7, 15.

30. Nel istess di as dess il mangiar; ne lascharai vanzar *inguotta* fin la mattina seguainta. Eu *sun* il Segner.

31. Ed observai meis comandaments, e metta l's in ouvra. Eu *sun* il Segner.

32. E meis sanct nom non dessat sconsacrar; perquai ch' eu santi-fich mai sves in mez ils infants d' Israel. * Eu *sun* il Segner chi 's; santi-fich, * Ex. 20, 2.

33. Chi 's ha trats our dal pajais d' Egipto, per esser vos Deis. Eu *sun* il Segner.

CHAP. XXIII.

Ledschas davart las festas solennas, e da lur temp, ed otras observaziuns.

ULTRA quai favlet il Segner a Mose, dschand:

2. Tschantscha cols infants d' Israel, e di ad els: Quant allas festas solennas del Segner, las qualas vus dessat clamar oura per raspadas sanctas, quaiastas sun mias festas solennas.

3. * Ses dis as dess lavurar; ma il settavel di *saja a vus* repos da sabbat, üna raspada sancta; *in quel* non dessat far alchüna lavur; quel *di ais* il sabbat del Segner, in tuottas vos-sas abitaziuns.

* Ex. 20, 8. Lev. 23, 12. 31, 13. 34, 21. Deut. 5, 12.

4. Quaiastas *sun* las festas solennas del Segner, raspadas sanctas, las qualas vus dessat publicar in lur stagiuns.

5. * Nel prüm mais, il quattordeschavel *di* del mais, intanter duos sairas *ais* la pasqua del Segner.

* Ex. 12, 2. 23, 15. 34, 18. Num. 28, 16.

6. Ed il quattordeschavel di del istess mais, *ais* la festa dels azims, *consacrada* al Segner, set dis dessat mangiar *pans* azims.

7. Il prüm di saja a vus raspada sancta, e non farai *in quel* alchüna lavur servila.

8. * Ed offeri offertas d' arder al Segner set dis, e *saja a vus* il settavel di raspada sancta; non farai *in quel* alchün' ouvra servila. * Num. 28, 24.

9. Ultra quai favlet il Segner a Mose, dschand:

10. Tschantscha cols infants d'Israel, e di ad els: Cur vus sarat intrats nel pajais, il qual eu dun a vus, e gnis a * tshuncar la raccolta; schi portai al sacerdot ün puogn dellas primizias da vossa raccolta.

* Ex. 23, 16. 34, 22. Num. 28, 26. Deut. 16, 9.

11. Ed *il sacerdot* dess smanar quel puogn vi' e nan avant il Segner, in vossa favur; il di davo quel sabbat la dess il sacerdot offerir.

12. Ed il di cha vus gnis ad offerir quel puogn, schi sacrificai ün agnè d' ün an, sainza defet, in olocausto al Segner.

13. E sia offerta da spaisa *saja* da duos deschavlas da flur farina, masdada con öli, *per* offerta d' arder al Segner, in amabl' odur, e sia offerta da spander *saja* dalla quarta part d' ün hin da vin.

14. E non mangiarai pan, ne gran ustri, ne spias fraiſchas, fin a quaiſt istess di, fin cha vus hajat portâ l' offerta da vos Deis. *Quaiſt ais* ün statut perpetual tras vossas generaziuns, in tuot vossas abitaziuns.

15. * E dal di davo quel sabbat in-avant, del di cha vus gnis ad avair portâ il man plain dell' offerta smanada, quintai a vus set eivnas complidas. * Deut. 16, 9.

16. Quintai a vus tschinquanta dis, fin al di davo la settavla eivna, e *lura* offeri üna nouva offerta da spaisa al Segner.

17. Portai our da vossas stanze, per * primizias al Segner, duos pans

per offerta smanada, ils quals sajan da duos deschavlas da flur farina, cots con alvamaint.

* Ex. 23, 16. 19. Deut. 26, 2. Num. 15, 19.

18. E con quels pans offeri set agnels d' ün an, sainza defet, ed ün trim, e duos bümatschs, e sajan per olocausto al Segner, insembel con lur offertas da spaisa, e da spander; *per* sacrificizis d' arder, d' amabl' odur al Segner.

19. Ultra quai, * offeri ün boc *per sacrifici* per il pucha, e duos agnels d' ün an per † sacrifici d' ingrazia-maint. * Lev. 4, 23. † Lev. 3, 1.

20. Ed il sacerdot ils dess offerir per offerta smanada avant il Segner, insembel cols pans dellas primizias, e con duos agnels; *quellas chosas* * sajan sacras al Segner per il sacerdot.

* Num. 18, 12. Deut. 18, 4.

21. Ed in quel istess di clamai oura *la festa*; quel saja a vus *di da* raspada sancta; *in quel* non farai alchün' ouvra servila. *Quaiſt ais* ün statut perpetual in tuot vossas abitaziuns, tras vossas generaziuns.

22. E, cur vus gnis a tshuncar la raccolta da vossa terra, schi non * tshuncar dafatta ils chantuns da teis champ, e non spiclar las spias da tia raccolta; lasch' las al pover, ed al forestêr. Eu *sun* il Segner vos Deis.

* Lev. 19, 9. Deut. 24, 19.

23. Darcheu favlet il Segner a Mose, dschand:

24. Tschantscha cols infants d'Israel, dschand: * Il settavel mais, il prüm *di* del mais, celebrai ün sabbat, üna regordanza con sun da trombetta, üna sancta raspada. * Num. 29, 1.

25. *In quel di* non * farai alchün' ouvra servila, ed offeri al Segner offertas d' arder. * Num. 29, 2.

26. Il Segner favlet eir a Mose, dschand:

27. Ma l' * deschavel *di* da quaiſt settavel mais, *chi ais* il di da purgaziuns, celebrai üna raspada sancta, e vossas ormas dessat affliger, ed offerir offertas d' arder al Segner.

* Ex. 30, 10. Lev. 16, 29. Num. 29, 7.

28. Ed in quel di non farai alchüna lavur; perche ch' el ais il di dellas purgaziuns, per far purgaziuns per vus, avant il Segner vos Deis.

29. Perehe ogni persuna, chi non sarà statta afflicta in quel di, * sarà ragischad' our da seis pövel.

* Gen. 17, 14.

30. E sch' alchüna persuna fa in quel di alchüna lavur, schi la vögl eu far perir intanter seis pövel.

31. *In quel di* non farai lavur alchüna. *Quaist ais ün* statut perpetual, tras vossas generaziuns, in vossas abitaziuns tuottas.

32. *Quel di saja a vus* repos da sabbat, ed affligiai vossas persunas, *comanzand al novavel di* del mais, sün la saira; celebrai vos sabbat dall' üna saira all' otra.

33. Il Segner favlet eir a Mose, dschand:

34. Tschantscha cols infants d' Israel, dschand: * *In quaist istess settavel mais, il quindeschavel di del mais, as dess celebrar al Segner la festa solenna dels tabernaculs, set dis.*

* Ex. 23, 16. Deut. 16, 13. Num. 29, 12.

35. Il prüm di *saja a vus* raspada sancta; non farai *in quel* alchün' ouvra servila.

36. Set dis dessat offerir al Segner * offertas d' arder, e † l' ottavel di *saja a vus* raspada sancta, ed offeri al Segner offertas d' arder; *quel di ais di da* raspada solenna; non farai in quel ouvra servila alchüna.

* Num. 29, 13. † 2 Cron. 7, 9. Gioan. 7, 37.

37. Quaistas *sun* las festas solennas del Segner, las qualas vus dessat clamar oura, *acio cha sajan* raspadas sanctas, per offerir al Segner offertas d' arder, olocausts, offertas da spaisa, sacrificis ed offertas da spander; in scodün di, quai chi 's convain.

38. Ultr' ils sabbats del Segner, ed ultra voss duns, ed ultra voss vuts tuots, ed ultra vossas offertas voluntarias tuottas, cha vus gnis a presentar al Segner.

39. Ma l' quindeschavel di del settavel mais, cur vus gnis ad avair cletaint la rendita della terra, schi dessat celebrar la festa solenna del Segner per set dis; il prüm di *saja a vus* sabbat, e l' ottavel di *saja il medem a vus* sabbat.

40. * Ed il prüm di dessat tour a vus del früt da ceder, dels rams da

palmas, dellas fruoschas del bösch mortella, e da salschs da riviera, e dessat s' allegrar nel conspet del Segner vos Deis per set dis. * Num. 8, 15.

41. E celebrai quella festa per set dis al Segner, ogni an. *Quaist ais ün* statut perpetual, tras vossas generaziuns; celebrâ-la il settavel mais.

42. Set dis dessat dmurar in tabernaculs; scodün chi ais d' Israel nativ dess abitar in tabernaculs,

43. Acio cha vossas generaziuns sapehan, ch' eu ha fat dmurar ils infants d' Israel in tabernaculs, cur eu ils ha trats our dal pajais d' Egipto. Eu *sun* il Segner vos Deis.

44. Usche ordinet Mose als infants d' Israel las festas solennas del Segner.

CHAP. XXIV.

Il chastiamaint da quel chi blastem' il nom da Dieu. La paina del omicider.

IL Segner favlet eir a Mose, dschand:
2. * Comanda als infants d' Israel, cha portan a tai del öli d' oliva, net; vergin, per la glümêra, per tgnair da contin las lampas invüadas.

* Ex. 27, 20.

3. Aaron las dess metter in uorden nel tabernacul della raspada, our dadour la cortina della testimonianza, dalla saira fin la mattina, da contin avant il Segner. *Quaist ais ün* statut perpetual tras vossas generaziuns.

4. Metta da contin in uorden * las lampas sül chandallêr d' or pür, avant il Segner.

* Ex. 31, 8.

5. Ultra quai piglia flur farina, e fà * dudiesch fuatschas, e las couseha; scodüna fuatscha saja da duos deschavlas d' efa.

* Ex. 25, 30.

6. * E las dessast metter in duos lingias, ses per lingia, sur la maisa püra d' or, avant il Segner.

7. E sur scodüna lingia dessast metter del incens pür, e *quel incens* saja per regordanza da quels pans, per offerta chi 's fa tras fö al Segner.

8. Per uorden dessan els metter quellas fuatschas *tuttas* dals infants d' Israel, ogni di da sabbat, da contin nel conspet del Segner, per pat perpetual.

9. * E quellas sajan per Aaron, e per seis figls, ed els las dessan mangiar in lö sanet; perche cha sun chossas sanctissimas, *appertgnand* ad el dellas offertas, chi 's han dad arder al Segner, per statut perpetual.

* Ex. 29, 32. 1 Sam. 21, 6. Mat. 12, 4.

10. Ma ün hom, figl d' üna duonna Israelita, ma da bap Egipzier, chi *staiva* tanter ils infants d' Israel, get oura, ed el, ed ün Israelit dispittet-tan insembel nel champ.

11. E 'l figl della duonna Israelita blastemmet * il nom, e 'l smaletit; perque füt el condüt pro Mose; ma 'l nom da sia mamma *eira* Selomit, figlia da Dibri, dalla schlatta da Dan;

12. E füt miss in preschun, fin cha Mose avess declerà *quai chi 's avess da far*, tras comandaint del Segner.

13. E 'l Segner favlet a Mose, dschand:

14. Maina quel blastemmadur our dal champ, e tuots quels chi 'l han udi tshaintan lur mans sün il cheu da quel, lura tuot la raspada il dess accrappar.

15. E tshantscha cols infants d' Israel, dschand: Chi averà smalet-di seis Deis, dess portar seis pucha.

16. E chi averà blastemmâ il nom del Segner, saja a tuotta via fat morir; in ogni möd il dess tuot la raspada accrappar; saja fat morir tant l' ester, co quel chi ais nativ del pajais, cur el averà blastemmâ il nom.

17. Il medem, * chi averà battü alchüna persuna a mort, saja a tuotta via fat morir.

* Ex. 21, 12. Num. 35, 31. Deut. 19, 11.

18. E chi averà battü alchüna bestia a mort, la dess pajar; animal, per animal.

19. * E cur alchün averà fat alchüna lesiun corporala a seis prossem, schi 's dess far con el il simil da quai ch' el averà fat;

* Ex. 21, 24. Deut. 19, 21. Mat. 5, 38.

20. Rottüra per rottüra, ügl per ügl, daint per daint; ad el as dess far tala lesiun corporala, quala el averà fat al oter.

21. * Chi averà battü *a mort* üna bestia, la dess pajar; ma chi averà

battü *a mort* ün crastian, saja fat morir.

* Ex. 21, 33.

22. Hajat ün' istessa raschun; saja il forestèr, sco quel chi ais nativ del pajais; perche eu *sun* il Segner vos Deis.

23. E Mose favlet als infants d' Israel, ed els trettan quel blastemmadur our dal champ, e 'l accrapettan con peidras. Ed ils infants d' Israel fettan sco 'l Segner a Mose avaiva comandâ.

CHAP. XXV.

Davart il repos del settavel an; e dal giubileo ogni tschinquantavel.

PLÜNAVANT favlet il Segner a Mose sün il munt Sinai, dschand:

2. Tschantscha cols infants d' Israel, e di ad els: * Cur vus gnis ad esser intrats nel pajais ch' eu dun a vus, schi dess la terra avair seis repos, in guisa da sabbat, al Segner. * Ex. 23, 10.

3. Ses ans *contins* dessast semnar teis champ, *sco eir* tia vigna ses ans *contins* la tagliar e cler aint sia rendita;

4. Ma 'l settavel an saja a vus per la terra repos da sabbat; *saja a vus* sabbat al Segner, *in quel* non semnar teis champ, e non tagliar tia vigna.

5. * Non tshuncar quai cha da sai svests sarà naschü dals grans crodats in tia raccolta, e non vendemiar las üjas della vigna cha tü non vainst ad avair tagliâ; *quel an* saja an da repos per la terra. * Deut. 15, 1. 2 Reg. 19, 29.

6. *E quai cha sarà prodiüt nel an del sabbat* della terra dess esser per mangiar a tai, ed a teis famagl, ed a tia fantschella, ed a teis mercenari, ed a teis giasts, ils quals dmuran pro tai;

7. Ed a tias bestias domesticas, ed allas bestias solvadias chi *saran* in teis pajais; tuot la rendita da quel an saja per mangiar.

8. Eir quintar dessast set eivnas dad ans, set voutas set ans; in maniera cha 'l temp dellas set eivnas dad ans saja a tai *il spazi da* quarant' e nouv ans.

9. * E nel settavel mais, nel deschavel *di* del mais, fà passar ün sun da trombetta; fat passar la trombetta

tras tuot vos pajais, nel di dellas purgaziuns.

* Lev. 23, 27.

10. E santifichai il tschinquantavel an, e clamai oura libertà nel pajais, a tuots seis abitants; quel saja a vus il giubileo, e *lura* scodün da vus dess turnar in sia possessiun, e pro sia famiglia.

11. Quaist *ais* il giubileo; celebrai quel ogni tschinquantavel an; in quel non dessat semnar, ne cler aint quai ch' in quel sarà naschü da sai s vess, e non dessat vendemiär *las vignas*, chi non saran stattas tagliadas.

12. Perche quel *ais* il giubileo; *saja* el a vus sacro; mangiai quai cha 'l champ vain a prodür, *tut* dal champ istess.

13. In quaist an del giubileo dess scodün da vus turnar in sia possessiun.

14. E cur tü vainst a far qualcha vendita a teis prossem, ovvero qualcha cumpra, schi non dess ingün da vus rapir il bain da seis frar.

15. Cumpra da teis prossem a raschun dels ans passats davo 'l giubileo, ed el at dess far la vendita a raschun dels ans della rendita.

16. Seguond cha saran plüs ans, o main, schi dess crescher, o challar il pretsch da quai cha tü vainst a cumprar dad el; perche el at venda ün tschert number dellas renditas.

17. Ingün da vus dimena non dess rapir il bain da seis prossem; ma hajast temma da teis Deis; perche eu *sun* il Segner vos Deis.

18. Ed esequi meis statuts, ed observai mias ledschas, e metta'-las in effet, schi gnis in sgürezza ad abitar nel pajais.

19. E la terra vain a prodür seis früts, e vus gnis a mangiar con saduollezza, ed ad abitar in quella sgüramaing.

20. Ma, scha vus gnis a dir: Che gnin nus a mangiar il settavel an, scha nus non semnain, e non elegiain aint nossas renditas?

21. Schi vögl eu comandar a mia benedicziun, ch' ella vegna sur vus il sesavel an, e quel an vain a prodür früt per trais ans;

22. E l' ottavel an gnis vus a semnar, e mangiar del veider da quella

raccolta, fin al novavel an; del veider gnis vus a mangiar, fin cha vegna la raccolta da quel *an*.

23. Ma las terras non dessan absolutamaing gnir vendüdas; perche mia *ais* la terra; perche vus *eschat* forestêrs e fittadins pro mai.

24. Fittant, permettai la slubgiaschun *della terra* in tuot il pajais da vossa possessiun.

25. * Cur teis frar sarà gnü pover, ed averà vendü da sia possessiun; scha seis prossem paraint, il qual per consanguinità averà il dret da slubgiaschun as presainta, schi dess el podair slubgiar quai cha seis frar averà vendü.

* Rut. 4, 4. Ger. 32, 7.

26. Ma sch' alchün, non aviad paraint, chi per la consanguinità haja il dret della slubgiaschun survain da sai s vess il möd, e chatta quant ch' il fa bsögn per sia slubgiaschun;

27. Lura dess el quintar ils ans davo sia vendita, e restituir il superplü a quel, a chi el la vendita averà fat, ed intra in possessiun.

28. Ma, sch' el non chatta quant ch' il fa bsögn per al far seis pajamaint, schi dess restar quai ch' el averà vendü in man da quel chi l' averà cumprâ, fin al an del giubileo; e nel giubileo giaja oura *il cumprader*, e *quel* tuorna in sia possessiun.

29. E, cur alchün averà vendü üna chasa d' abitar, in città da mürs, schi saja a vus autorità da slubgiaschun fin al an compli davo sia vendita; saja il term da sia slubgiaschun ün an intêr.

30. Ma sch' ella non ais slubgiada infra 'l complir d' ün an intêr, schi dess quella chasa, chi *ais* in città da mürs, restar absolutamaing per proprietà a quel chi l' averà comprada, *ed ais seis*, d' età in età; el non dess esser obliä d' ir oura nel giubileo.

31. Ma las chasas dels vihs, chi non han müraglia intuorn, sajan quintadas seo possessiuns da terra; saja a vus dret da slubgiaschun per quellas, ed *il cumprader* dess ir oura nel giubileo.

32. Ma, quant allas cittats dels levits, dessan ils levits in perpetuo avair dret da slubgiar las chasas dellas cittats da lur possessiuns.

33. E quel dels levits, chi averà slubgià *alchüna chasa*, dess ir our dalla chasa vendüda, e dalla città della possessiun *del vendader* nel giubileo; perche las chasas dellas cittàs dels levits sun lur possessiuns in mez ils infants d' Israel.

34. Ma la champagna chi ais in tuorn lur cittàs non as dess vender; perche *ell' ais* ad els üna possessiun perpetua.

35. E cur teis frar sarà gnü pover, e sias facultats sun erodadas pro a tai, schi 'l dessast sporscher il man; saja ch' el saja forestêr, o trat nan pro; acio ch' el possa viver pro tai.

36. Non tour * usura dad el, ne profit, ed hajast temma da teis Deis, e fà cha teis frar possa viver pro tai.

* Ex. 22, 25. Deut. 23, 19.

37. Teis danêr non dessast dar ad el sün usura, ne tia victualia sün profit.

38. Eu *sun* il Segner vos Deis, chi s' ha trats our dal pajais d' Egipto, per dar a vus il pajais da Canaan, per esser vos Deis.

39. * Ma, cur teis frar sarà gnü pover pro tai, e s' averà vendü a tai, schi non il dovrar in servitü da selav.

* Deut. 15, 12. Ex. 21, 2.

40. Pro tai dess el star a guisa da mercenari, o d' ün forestêr; pro tai dess el servir fin al an del giubileo.

41. Lura as dess el partir d'avent da tai, insembel con seis infants, e dess turnar pro sia famiglia, ed intrar darcheu nella possessiun da seis babuns.

42. Perche els *sun* meis serviants, ils aviad eu trats our dal pajais d'Egipto; e pertanto non sajan vendüts nella maniera dels sclavs.

43. * Non il signorar con asprezza; ma hajast temma da teis Deis.

* Ef. 6, 9. Col. 4, 1.

44. Ma, quant a teis famagl, ed a tia fantschella, chi han dad esser teis *proprios*, cumpra famagls e fantschellas, intanter ils pövels chi saran in tuorn tai.

45. Schi eir dels infants dels forestêrs, chi vegnan a dmurar con vus, dessat podair cumprar, e da lur brajadas chi *saran* pro vus, las qualas els averan genui in vos pajais, e quels saran voss propriis.

46. E tals dessat podair possidair, e *laschar* a voss infants davo vus in proprietà ereditaria, e 's podair eir servir d' els in perpetuo; ma, quant a voss frars, infants d' Israel, non dess ingiün *da vus* signorar seis frar con asprezza.

47. E, scha 'l forestêr, o l' ester, chi sarà pro tai, acquista facultats, e teis frar pro el vain pover, e 's vend a al forestêr, o al ester, *chi sarà* pro tai, o a *qualunque ün* da stirpe d'etra naziun;

48. Schi dess el avair autorità da slubgiaschun, davo ch' el as havendü; alchün da seis frars il dess spendrar.

49. Seis barba il dess spendrar, o il figl da seis barba, o alchün *oter* seis charnal paraint da sia famiglia, ovvero, ch' el as slubaja sves, sch' el chatta il möd;

50. E fetscha rasehun con seis cumprader, dal an, ch' el as ha vendü, fin al an del giubileo, ed ils danêrs da sia vendita giajan per il nomber dels ans ch' el averà servi; pro el dess el star seo a giornadas da mercenari.

51. Scha *sun* amo blers ans *fin al giubileo*, schi ch' el restituescha, a rasehun da quels, del danêr da sia cumpra, per sia slubgiaschun;

52. Ma, scha pacs ans reistan fin al an del giubileo, schi ch' el fetscha quint con el, e restituescha il pretsch da sia slubgiaschun, seguond il nomber dels ans chi *restan da servir* ad el.

53. Pro el dess el star a guisa da mercenari annual; ne 'l dess signorar con asprezza in teis conspet.

54. Impero, sch' el non ais spendrà in alchüna da quaistas manieras, schi dess el ir oura l' an del giubileo, insembel con seis infants,

55. Perche cha 'ls infants d' Israel *sun* famagls a mai; meis famagls sun els, ils aviad eu manats our dal pajais d' Egipto. Eu sun il Segner, vos Deis.

CHAP. XXVI.

Idolatria ais proibida. Impromissiuns da benedicziun a quels chi salvan ils comandaments, ed innatschas da smaldischun a chi non ils salva.

NON farai * a vus idols, e non drizzarai sù a vus imagna intagliada,

ne statua, ne metterai alehüna peidra figurada in vos pajais, per l'adorar; perche eu *sun* il Segner vos Deis.

* Ex. 20, 4. Deut. 5, 8. 27, 15.

2. Observai meis sabbats; e reveri meis sanctuari. Eu *sun* il Segner.

3. * Scha vus chaminais in meis statuts, ed observais meis comamaints, e 'ls mettais in ouvra;

* Deut. 28, 1.

4. Schi vögl eu dar a vus vossas plövgias in lur stagiun, e la terra vain a prodür sia rendita, e la boſcha della champagna vain a prodür seis früts.

5. * Ed il seuder il gran vain a vus a tenscher fin alla vendemia, e la vendemia vain a tenscher fin al semnar; e vos pan gnis vus a mangiar con saduollezza, ed ad abitar sgüramaing in vos pajais.

* Am. 9, 13.

6. Ed eu sarà, chi farà pasch nel pajais, e vus gnis a posar, ne sarà ingün chi 's stramainta; e las bestias noschaivlas nel pajais * vögl eu far gnir almain, e la spada non dess passar tras vos pajais.

* Es. 35, 9. Ez. 34, 25.

7. Ed a vos inimis gnivat a dar davo, e tras la spada vegnan els a crodar avant vus.

8. * E tschinch da vus vegnan a dar davo a tschient, e tschient vegnan a dar davo a deschmilli; e voss inimis vegnan a crodar tras la spada avant vus.

* Gios. 23, 10.

9. Ed eu am vögl volver vers vus, ed as vögl far crescher e multiplichar, e meis pat vögl eu stabilir con vus;

10. E vus gnis a mangiar del veider, salvà sü per bler temp; e gnis a manar oura il veider, per dar lö al novell.

11. * Ed eu farà cha meis tabernacul vain a star in mez vus; e mi' orma non vain as sdegnar.

* Ex. 29, 45.

12. * E vögl chaminar in mez vus, ed as vögl esser Deis, e vus gnis am esser pövel.

* 2 Cor. 6, 16.

13. Eu *sun* il Segner vos Deis, chi s' ha trats our dal pajais dels Egipziers, acio cha vus non füssat lur servaints, ed ha spazzà ils timuns da vos giuf, ed as ha fat chaminar con cheu in ot.

14. * Ma, scha vus non am obedis,

ne mettais in ouvra tuots quaists comandamaints;

* Deut. 28, 15. Mal. 2, 2.

15. E scha vus spredschaïs meis statuts, e scha voss'orma sdeгна mias ledschas, per non esequir tuots meis comandamaints, per annullar meis pat;

16. Schi as vögl eir eu far quaistas chosas; conter vus vögl eu trametter il stramizi, l' etesia, e l' arsüra, chi vegnan as consümar ils ögls, ed as tormentar l' orma, e per inguotta gnis vus a semnar vos sem; perche voss inimis vegnan al mangiar;

17. E mia fatscha vögl eu metter conter vus, e battüts gnis ad esser da voss inimis, e quels chi 's ödi-eschan vegnan as signorar, * e vus gnis a fügen, sainza ch' ingün as detta davo.

* Prov. 28, 1.

18. Ed impero, scha vus davo quistas chosas amo non am obedis, schi vögl eu continuar as chastiar per voss puchats set voutas plü;

19. E vögl rumper la superbia da vossa forza, e far cha vos tschel sarà seo da fier, e vossa terra d' aram.

20. E vossa forza vain per inguotta as consümar, e vossa terra non darà sia rendita, ne la boſcha della champagna seis früts.

21. E scha vus procedais con mai con contrast, ne 'm volais obedir, schi as vögl eu gionscher pro set voutas tantas plajas, segnond voss puchats.

22. * E conter vus vögl eu trametter las bestias della champagna, las qualas vegnan as orfnar dels infants, e disfar vos bestiam, ed as depopular, e vossas † stradas dessan gnir desertas.

* Deut. 32, 24. Ez. 5, 17. † 2 Cron. 15, 5. Es. 33, 8.

23. Ed impero, scha per quaistas chosas vus non as meldrais amo vers mai, ma procedais con mai con contrast;

24. * Schi vögl eir eu proceder con vus con contrast, ed as vögl batter amo set voutas plü, per voss puchats.

* 2 Sam. 22, 27.

25. E vögl far gnir conter vus la spada, chi farà la vendetta del pat, e vus gnis as raspar in vossas cittats; ma eu vögl trametter la pesta in mez vus, e gnis a gnir dats nel man dels inimis.

26. Cur eu as averà ruot il * sosten-tamaint del pan, schi vegnan desch donans a couseher vos pan nel *istess* fuorn, e vegnan as render alla paisa vos pan, † e vus gnis a mangiar, ma bricha as saduolar.

* Es. 3, 1. Ez. 4, 16. 5, 16. 14, 13. † Mic. 6, 14.

27. E scha tras quaist *amo* non am obedis, ma procedais con mai con contrast,

28. Schi vögl eir eu proceder con vus con ira, e con contrast, ed eu as vögl chastiar amo set *voutas plü*, per voss puchats.

29. * E gnis a mangiar la charn da voss figls, e la charn da vossas figlias.

* 2 Reg. 6, 28. Lam. 4, 10. Ger. 19, 9. Ez. 5, 10.

30. E voss lous ots vögl * eu disfar, e desdrür voss idels, e voss corps morts vögl eu metter sur ils chastörs da voss idels, e mi' orma vain as avair in abomini.

* Ez. 6, 4. 5. 13.

31. E vögl vossas cittats redür in desolaziun, e * desertar voss sanctuaris, ne sàvurà vossas amablas odurs.

* Ps. 74, 7. Lam. 1, 10. Ez. 21, 7.

32. Ed eu istess vögl far il pajais desert, e voss inimis, chi vegnan ad abitar in quel, vegnan as instupir.

33. * Ma, quant a vus, as vögl eu de-rasar intanter ils pövels, ed as vögl esser davo con spada tratta, e vos pajais sarà desert, e vossas cittats sdrütas.

* Deut. 4, 27. 28, 66.

34. Lura vain la terra as complaschair in seis sabbats tuot il temp, ch' ella resterà deserta, e cha vus gnis ad esser nel pajais da voss inimis; lura vain la terra a posar, ed as complaschair in seis sabbats.

35. Ella vain a posar tuot il temp ch' ella starà deserta, da quai ch' ella non ha gnü posà in voss sabbats, tant cha vus eschat dmurats in quella.

36. * Ma, quant a quels chi da vus saran restats, vögl eu trametter ad els üna deblezza da cour nel pajais da lur inimis; tal cha la romur eir d' üna föglia moventada vain als dar davo, e vegnan a mütschar, seo our davant la spada, e vegnan a cro-dar, sainza ch' alchün *als* detta davo.

37. * E vegnan a trabüchar l' ün sur

l' oter, seo *scha mütschessan* avant la spada, sainza però ch' alchün *als* detta davo, e vus non gnis a podair dürar avant voss inimis;

* Es. 10, 4.

38. E gnis a perir intanter ils pövels, e'l pajais da voss inimis vain as constimar.

39. Impero, scha quels chi da vus vegnan a restar, vegnan * ad alguar via nel pajais da lur inimis, per lur iniquità, e per quella da lur babuns insembel;

* Deut. 4, 29. 30, 31. Ger. 3, 25. Ez. 4, 17. 20, 44. 36, 31.

40. E cha confessan lur iniquità, e l' iniquità da lur babuns, in lur surpassamaints, cha avessan commiss, conter mai, ed eir in quai cha procedüts füssan con mai con contrast;

41. *Il qual* eu eir con els füss procedü con contrast, e 'ls avess condüts nel pajais da lur inimis; scha lura lur cour noncirconcis s' ümiliescha, e sch' els da bun anim recognoschan lur iniquità;

42. Schi m' vögl eu amo regordar da meis pat *con* Giacob, ed eir da meis pat *con* Isac, ed eir da meis pat *con* Abraham; eir del pajais am vögl eu regordar.

43. Contuot, davo cha la terra sarà statta bandunada dad els, e ch' ella as ha complaschüda in seis sabbats, tant ch' ella sarà statta deserta, essendo els landroura, e ch' els da bun anim avessan recognoschü lur iniquità, peramur ch' els han gnü spredschià mias ledschas, e lur orma ha gnü sdegnà meis statuts;

44. Impero inguotta tant main, tant cha sun stats nel pajais da lur inimis, * schi non ils ha eu sbüttats, ne 'ls ha gnüts in abomini, per ils redür ad inguotta, annulland meis pat con els; perche eu *sun* il Segner lur Deis.

* Deut. 4, 31.

45. * In lur favur am vögl eu regordar nel pat da *lur* vegls, ils quals eu manet our dal pajais d' Egipto, nel conspet dels pövels, per esser lur Deis. Eu *sun* il Segner. * Rom. 11, 28.

46. Quaists sun il statuts, e las ordinaziuns, e las ledschas, las qualas il Segner ha stabili intanter el, e 'ls infants d' Israel, sün il munt Sinai, per man da Mose.

CHAP. XXVII.

Ledschas davart la slubgiasehun dellas persunas e chosas a Dieu consacradas, e dellas deschmas.

L Segner favlet eir a Mose, dschand:
2. Tschantscha cols infants d'Israel, e di ad els: Cur alchün averà fat qualche singolar vut; el averà fat vut da persunas al Segner, suot tia estimaziun;

3. L'estimaziun d'ün maschel d'età da vainch ans, fin a sesant' ans, cha tü dessast far, saja da tschinquanta siccais d' argent, a siccais da sanctuari.

4. E d'üna femna saja tia estimaziun da trenta siccais.

5. E scha 'l *ais üna persuna* d'età da tschinch ans, fin vainch, saja tia estimaziun da vainch siccais per il maschel, e da desch siccais per la femna.

6. * E scha 'l *ais üna persuna* d'età d'ün mais, fin tschinch ans, saja tia estimaziun da tschinch siccais d'argent per la femna.

7. E scha 'l *ais üna persuna* d'età da sesant' ans in sü, saja tia estimaziun da quindesch siccais per il maschel, e da desch siccais per la femna.

8. E scha quel *chi averà fat il vut* füss usche pover, ch'el non podess pajar tia estimaziun, schi dessast presentar la *persuna invuttada* avant il sacerdot, il qual fetscha l'estimaziun; la fetscha seguond la possibilità da quel chi averà fat il vut.

9. Ma, scha 'l *vut ais da bestia*, della quala s'offerra offerta al Segner, tuot quai ch'el averà da quella specie dunà al Segner, saja sacro.

10. Cambiar non la dess el, ne la barattar, üna buna per üna noscha, ne noscha per buna; e sch'el impero baratta quella bestia con ün'otra, schi tant la bestia vuttada, co la bestia missa in seis cambi dessan esser sacras.

11. Ma, scha 'l *vut ais da qualunque bestia malnetta*, della quala non s'offerra offerta al Segner, schi dess el quella bestia presentar avant il sacerdot.

12. Ed il sacerdot dess far l'estimaziun, seguond ch'ella sarà buna, o noscha; e dess gnir fat seguond

l'estimaziun cha tü, o il sacerdot, avessat fat.

13. Impero, sch'el la vuol spendrar, schi dess el metter pro la quinta part *del pretsch da quella*, ultra tia estimaziun;

14. E, cur alchün averà consacrâ sia chasa, *per esser chosa sacra* al Segner, schi la dess il sacerdot pretschar, seguond ch'ella sara buna, o noscha; *seis pretsch* dess restar ferm, il qual il sacerdot averà taxâ.

15. Impero, scha quel chi averà consacrâ sia chasa la vuol slubgiar, schi po el metter pro a tia estimaziun la quinta part del pretsch da quella, e saja sia.

16. Ma, sch' alchün consacrescha al Segner dels champs da sia ierta, cha saja tia estimaziun a raschun del sem da quel; il sem d'ün omer üerdi *saja stimâ* a tschinquanta siccais d'argent.

17. Sch'el consacrescha seis champ fin al an del giubileo, schi dess *il pretsch da quel* star ferm, seo tü vainst al avair taxâ.

18. Ma, sch'el il consacrescha davo'l giubileo, schi fetscha il sacerdot quint da danêr *col cumprader*, seguond ils ans, chi vegnan a restar fin al an del giubileo, e *seguond il number da quels* as dess defalchar da tia estimaziun.

19. E, scha quel chi ha consacrâ il champ, il vuol pür spendrar, ch'el metta pro la quinta part a tia estimaziun del danêr da quella, *e'l champ* resta seis.

20. Ma, sch'el non spendra il champ, ed il champ ais vendü ad ün oter, non dess el plü podair il slubgiar.

21. E cur *il cumprader* vain ad ir oura al giubileo, schi saja el chosa sacra al Segner, seo champ d'interdit; quel dess pertgnair pro al sacerdot per propri.

22. E, sch' alchün ha consacrâ al Segner ün champ dad el cumprâ, il qual non saja dels champs da sia ierta;

23. Schi dess il sacerdot far quint *col cumprader* della somma da tia estimaziun, *seguond il temp cha sarà* fin al an del giubileo; e quel dess dar in quel istess di il pretsch da tai

miss sù; *ais* chosa sacra al Segner.

24. Ma nel an del giubileo dess il champ turnar a quel, da chi quel l'avverà cumprà, e quel, del qual sarà la proprietà del terrain.

25. Ma ogni tia estimaziun saja a * siccals da sanctuari; il siccal saja da vainch obols. * Ex.30,13. Num.3,47. Ez.45,12.

26. * Ma consacrar non dess ingiün alchün primogenit da bestias, ils primogenits dellas qualas s' offerran al Segner; o vadè, o agnè, o boccet, co ch'el saja, *el pertegna pro tuot* al Segner.

* Ex. 13, 2. Num. 3, 13. 8, 17. Ex. 22, 30. 34, 19.

27. Ma, sch' *l'ais* dels animals malnets, schi 'l dessast slubgiar seguond tia estimaziun, e metter pro la quinta part da quella; impero sch'el non ais spendrà, sch' il dessast vender tenor il pretsch da tai miss sù.

28. * Ma ingiüna chosa consacrada per interdit, cha 'l crastian haja consacrà al Segner per interdit, da tuot quai cha sieu *ais* tant della gliëud, co del bestiam, e dels champs da sia ierta, non as dess podair vender, ne spendrar; ogni interdit ais chosa santissima, *pertgnand pro* al Segner.

* Gios. 6, 17.

29. Ingün interdit, consacrà intanter la gliëud, non as dess podair spendrar; saja a tuotta via fat morir.

30. Eir * tuot las deschmas della terra, *tant* del sem della terra, *co* dels früts della boſcha, *dessan pertgnair pro* al Segner; *sun* chosa sacra al Segner.

* Gen. 28, 22. Num. 18, 21. 24. Malac. 3, 8. 10.

31. Ed impero, sch' alchün voul spendrar da sias deschmas, schi metta el la quinta part pro 'l pretsch da quellas.

32. Medemmamaing saja chosa sacra al Segner ogni deschma da bovs, e da bescha, e da chavras; ogni deschavel *animal* da tuots quels chi passan suot la percha.

33. Intanter il bun e nosch non as dess discernir; ne barattar *l'ün con l'oter*; ed impero sch' *alchiün* baratta *l'ün con l'oter*, schi dess quel deschavel, e quel oter miss in seis cambi esser chosa sacra; non as dess podair spendrar.

34. Quaists *sun* ils comandamaints, cha 'l Segner det a Mose sün il munt Sinai, *per ils proponer* als infants d' Israel.

IL QUART CUDESCH DA MOSE,

NOMINÂ

NUMER I.

CHAP. I.

Comandamaint, da nombrar quels chi sun suffiziants a portar las armas, e sun gnüts our d' Egipto il number da 603550; except ils Levits.

IL SEGNER FAVLET eir a Mose, nel desert Sinai, nel tabernacul della raspada, il prüm di del seguond mais, nel seguondavel an, nel qual *ils infants d' Israel* fütan its our dal pajais d' Egipto, dschand:

2. Pigliai sù la somma da tuot la raspada dels infants d' Israel, seguond lur naziuns, e las famiglias da lur babuns, quintand per nom, da testa in testa, ogni maſchel,

3. * D'età da vainch ans in stl, tuots quels chi pon ir alla guerra in Israel; nombrar ils dessast tü, ed Aaron, per lur truppas. * Ex. 30, 12. 38, 26.

4. E con vus dess esser ün hom da scodüna schlatta, chi saja capo da sia chasa paterna.

5. Quaists *sun* dimena ils noms da quels chi dessan esser presaints con vus; da Ruben, Elisur, figl da Se-deur;

6. Da Simeon, Selumiel, figl da Surisadai;

7. Da Giuda, Naesson, figl d' Amiadab;

8. D' Issaschar, Natanael, figl da Suar;

9. Da Zebulon, Eliab, figl d' Helon;

10. Dels figls da Giosef; d' Efraim, Elisama, figl d' Ammiud; da Manasse, Gamliel, figl da Pedasur;

11. Da Benjamin, Abidan, figl da Gideon;

12. Da Dan, Ahiezer, figl d' Ammisa dai;

13. D' Asser, Pagiell, figl d' Ocran;

14. Da Gad, Eliasaf, figl da Deguell;

15. Da Neftali, Ahira, figl d' Enan.

16. Quaists *ëiran* quels, clamats dalla raspada, principals da lur schlattas paternas, e capos della miliera d' Israel.

17. Mosedimena, ed Aaron, piglettan con els quaists homens, chi *ëiran* stats nomnats per *lur* noms.

18. E la chalenda del seguond mais fëttan els gnir tuot la raspad' insembel; e las generaziuns *dels infants d' Israel* füttan descrittas per lur naziuns, e per lur famiglias paternas, ils quintand per nom, l' età da vainch ans in sü, test' in testa.

19. Sco 'l Segner a Mose avaiava comandâ, el ils nombret nel desert Sinai.

20. E dellas generaziuns dels figls da Ruben, primogenit d' Israel, per lur naziuns e famiglias paternas, quintats per nom, da test' in testa, *intanter* tuots il maschels, dall' età da vainch ans in sü, tuot quels chi podaivan ir alla guerra;

21. Ils nombrats della schlatta da Ruben *füttan* quarant' e sesmilli, e tschinchtschient.

22. Dellas generaziuns dels figls da Simeon, per lur naziuns, e famiglias paternas, quintats per nom, da test' in testa tanter tuots ils maschels, dall' età da vainch ans in sü, tuots quels chi podaivan ir alla guerra;

23. Ils nombrats della schlatta da Simeon *füttan* tschinqant' e novmilli, e trajatschient.

24. Dellas generaziuns dels figls da Gad, per lur naziuns, e famiglias paternas, quintats per nom tuots quels chi podaivan ir alla guerra, dall' età da vainch ans in sü;

25. Ils nombrats della schlatta da

Gad *füttan* quarant' e tschinchmilli, e sestschient tschinquanta.

26. Dellas generaziuns dels figls da Giuda, per lur naziuns, e famiglias paternas, quintats per nom quels tuots chi podaivan ir alla guerra, dall' età da vainch ans in sü;

27. Ils nombrats della schlatta da Giuda *füttan* settant' e quattermilli, e sestschient.

28. Dellas generaziuns dels figls d' Issaschar, per lur naziuns, e famiglias paternas, quintats quels tuots per nom chi podaivan ir alla guerra, dall' età da vainch ans in sü;

29. Ils nombrats della schlatta d' Issaschar *füttan* tschinqant' e quattermilli, e quattertschient.

30. Dellas generaziuns dels figls da Zebulon, per lur naziuns, e famiglias paternas, quels tuots quintats per nom chi podaivan ir alla guerra, dall' età da vainch ans in sü;

31. Ils nombrats della schlatta da Zebulon *füttan* tschinqant' e setmilli, e quattertschient.

32. Dels figls da Giosef; dellas generaziuns dels figls d' Efraim, per lur naziuns, e famiglias paternas, quels tuots chi podaivan ir alla guerra, quintats per nom, dall' età da vainch ans in sü;

33. Ils nombrats della schlatta d' Efraim *füttan* quarantamilli, e tschinchtschient.

34. Dellas generaziuns dels figls da Manasse, per lur naziuns, e famiglias paternas, quintats per nom tuots quels chi podaivan ir alla guerra, dall' età da vainch ans in sü;

35. Ils nombrats della schlatta da Manasse *füttan* trent' e duamilli, e duatschient.

36. Dellas generaziuns dels figls da Benjamin, per lur naziuns, e famiglias paternas, quintats per nom quels tuots chi podaivan ir alla guerra, dall' età da vainch ans in sü;

37. Ils nombrats della schlatta da Benjamin *füttan* trent' e tschinchmilli, e quattertschient.

38. Dellas generaziuns dels figls da Dan, per lur naziuns, e famiglias paternas, quintats quels tuots per nom

chi podaivan ir alla guerra, dall'età da vainch ans in sù;

39. Ils nombrats della schlatta da Dan *füttan* sasant' e duamilli, e settschient.

40. Dellas generaziuns dels figls d' Asser, per lur naziuns, e famiglias paternas, quels tuots chi podaivan ir alla guerra, quintats per nom, dall'età da vainch ans in sù;

41. Ils nombrats della schlatta d' Asser *füttan* quarant' ün milli, e tschinchtschient.

42. Dellas generaziuns dels figls da Neftali, per lur naziuns, e famiglias paternas, quintats per nom tuots quels chi podaivan ir alla guerra, dall'età da vainch ans in sù;

43. Ils nombrats della schlatta da Neftali *füttan* tschinquanta trajamilli, e quattertschient.

44. Quaists *füttan* ils nombrats, ils quals Mose ed Aaron nombretan, insembel con ils principals d' Israel, *chi* eiran dudiesch homens, ün per famiglia paterna.

45. Usche, tuots ils nombrats tanter ils figls d' Israel, per lur famiglias paternas, dall'età da vainch ans in sù, chi podaivan ir alla guerra,

46. *Füttan* * ses voutas tschientmilli e trajamilli tschinchtschient e tschinquanta.

* Ex. 38, 26.

47. Ma'ls levits non *füttan* nombrats tanter els, seguond lur schlatta paterna;

48. Perche il Segner avaiva dit a Mose:

49. La schlatta da Levi suletta non nombrar, e non tour sù la somma intanter ils figls d' Israel.

50. Ma'ls levits ordaina sur il tabernacul della testimonianza, e sur tuot sia üsaglia, e sur tuot las chosas a quel *appertinentas*, ed els dessan portar il tabernacul, e tuot sia üsaglia, e far il servezzan da quel, e s' metter intuorn quel a champ.

51. E cur il tabernacul vain as partir, schi'l dessan ils levits metter insembel; cur el darcheu vain as tschantar, schi 'l dessan ils levits drizzar sù, e sch' alchün ester s' approsma nan, saja el fat morir.

52. Ma'ls figls d' Israel as dessan ac-

champar, scodün in seis quartier, e scodün pro sia bandêra, per lur truppas.

53. Ma'ls levits as dessan acchampar intuorn il tabernacul della testimonianza; acio cha non saja ira conter la raspada dels infants d' Israel; ed ils levits dessan far la funcziun del tabernacul della testimonianza.

54. Ed ils figls d' Israel fettan interamaing, sco'l Segner avaiva comandâ.

CHAP. II.

Dieu ordaina, co ils Israelits han da s'acchampar e mouver nel desert.

DAVO quai favlet il Segner a Mose, ed ad Aaron, dschand:

2. Ils figls d' Israel as dessan acchampar, scodün sper sia bandêra, *disferenziats* per las insainas da lur famiglias paternas; acchampar as dessan els via incoenter il tabernacul della raspada, per tuot intuorn.

3. E quels chi as dessan metter a champ dalla part davant, vers il levant, *sajan* *quels della* bandêra del champ da Giuda, *disferenziats* per lur truppas, e Naesson, figl d' Amminadab *saja* lur capo.

4. La truppa del qual, ed ils nombrats, *sun* settant' e quattermilli, e sestschient.

5. Ma quels chi's dessan acchampar sper el *sajan* la schlatta d' Issaschar, e Natanael, figl da Suar, *saja* capo dels figls d' Issaschar.

6. La truppa del qual, ed ils nombrats, *sun* tschinquant' e quattermilli, e quattertschient.

7. E la schlatta da Zebulon, e'l capo dels figls da Zebulon *saja* Eliab, figl da Helon.

8. La truppa del qual, ed ils nombrats, *sun* tschinquant' e setmilli, e quattertschient.

9. Tuots ils nombrats del champ da Giuda *sun* tschient ottant' e sesmilli, e quattertschient, *disferenziats* per lur exercits. *Quaists* dessan as mouver ils prüms.

10. La bandêra del champ da Ruben *saja disferenziada* per sias truppas, vers il mezdi, e capo dels figls da Ruben *saja* Elisur, figl da Sedeur.

11. La truppa del qual, ed ils nombrats, *sun* quarant' e sesmilli, e tschinchtschient.

12. Ma quels, chi's dëssan metter sper el a champ, *sajan* la schlatta da Simeon, *saja* Selumiel, figl da Surisadai.

13. La truppa del qual, ed ils nombrats, *sun* tschinquant' e nouvmilli, e trajatschient.

14. E la schlatta da Gad, e capo dels figls da Gad, *saja* Eliasaf, figl da Reguel.

15. La truppa del qual, ed ils nombrats *sun* quarant' e tschinchmilli, e sestschient tschinquanta.

16. Tuots ils nombrats del champ da Ruben, *sun* tschient tschinquant' ünmilli, quattertschienttschinquanta, *disferenziats* per lur truppas. *Quaists* as dëssan mouver ils seguonds.

17. Lura as dess mouver il tabernacul della raspada, essendo l'armada dels levits in mez ils *oters* champs; sco els *sun* miss a champ, usche dëssan els as mouver, scodün in sia ordinanza, seguond lur bandêras.

18. La bandêra del champ d'Efraim *saja* *distinta* per sias truppas, vers l'occidaint, e capo dels figls d'Efraim *saja* Elisama, figl d'Ammiud.

19. La truppa del qual, ed ils nombrats, *sun* quarantamilli, e tschinchtschient.

20. E sper el *as* *dess* *acchampar* la schlatta da Manasse, e capo dels figls da Manasse *saja* Gamliel, figl da Pedasur.

21. La truppa del qual, ed ils nombrats, *sun* trent' e duamilli, e duatschient.

22. E la schlatta da Benjamin, e capo dels figls da Benjamin *saja* Abidan, figl da Gideoni.

23. La truppa del qual, ed ils nombrats, *sun* trent' e tschinchmilli, e quattertschient.

24. Tuots ils nombrats del champ d'Efraim *sun* tschient ed otmilli, e tschient, *disferenziats* per lur truppas. *Quaists* as dëssan mouver ils terzs.

25. La bandêra del champ da Dan *saja* *distinta* per sias truppas, vers settentrion, e capo dels figls da Dan *saja* Ahiezer, figl d'Ammisadai.

26. La truppa del qual, ed ils nombrats, *sun* sesant' e duamilli, e settschient.

27. E quels chi's dëssan acchampar sper el *sajan* la schlatta d'Asser, e capo dels figls d'Asser *saja* Pagiel, figl d'Ocran.

28. La truppa del qual, ed ils nombrats, *sun* quarant' ünmilli, e tschinchtschient.

29. E la schlatta da Neftali, e capo dels figls da Neftali *saja* Ahira, figl d'Enan;

30. La truppa del qual, ed ils nombrats, *sun* tschinquant' e trajamilli, e quattertschient.

31. Tuots ils nombrats del champ da Dan, *sun* tschient tschinquant' e setmilli, e sestschient. *Quaists* as dëssan mouver ils ultims, *disferenziats* per lur bandêras.

32. *Quaists* *sun* ils nombrats intanter ils figls d'Israel, per lur famiglias paternas. Tuots ils nombrats dels champs, per lur truppas *füttan* ses voutas tschientmilli, trajamilli, e tschinchtschient tschinquanta.

33. Ma 'ls levits non *füttan* nombrats intanter ils figls d'Israel; seguond cha 'l Segner a Mose avaiua comandâ.

34. Ed ils figls d'Israel fettan interamaing sco 'l Segner avaiua comandâ a Mose; usche as mettaivan els a champ, *disferenziats* per lur bandêras, ed usche as movaivan els, scodün seguond sia naziun, e seguond sia famiglia paterna.

CHAP. III.

Descripziun del number dels levits, cioe, 22000; e dels primogenits, cioe 22273.

MA quaistas *sun* las generaziuns d'Aaron, e da Mose, dal temp cha 'l Segner favlet a Mose, süin il munt Sinai.

2. E quaists *sun* ils noms dels figls d'Aaron: * Nadab il primogenit, ed Abihu, Eleazar, ed Itamar. * Ex. 6, 23.

3. Quaists *sun* ils noms dels figls d'Aaron, sacerdots, ils quals *füttan* onschüts, e consacrats per exereitar il sacerdotadi.

4. Ma * Nadab ed Abihu morittan avant il Segner, cur els offerittan fû ester avant il Segner, nel desert Sinai,

e non avaiavan infants; ed Eleazar, ed Itamar exercitaivan il sacerdotadi, nella presenza d' Aaron, lur bap.

* Lev. 10, 2. Num. 26, 61. 1 Cron. 24, 2.

5. Ed il Segner favlet a Mose, dschand:

6. Fà approssmar la schlatta da Levi, e fa-la comparair avant il sacerdot Aaron, acio ch' els *servan* ad el;

7. E cha fetschan la fatschenda da quel, e la fatschenda da tuot la raspada, avant il tabernacul della raspada, fand ils servezzens del tabernacul.

8. Ed hajan in chüra tuot l' üsaglia del tabernacul della raspada; ed *in somma*, cha drizzan oura la fatschenda dels figls d' Israel, fand ils servezzens del tabernacul.

9. Dà usche ils levits ad Aaron, ed a seis figls; quels al sun * dats per dun intanter ils figls d' Israel.

* Num. 8, 19.

10. E dessast ad Aaron, ed a seis figls constituer, a far la fatschenda da lur sacerdotadi, e sch' alehün ester s' approssma, saja el fat morir.

11. Ultra quai favlet il Segner a Mose, dschand:

12. Mera, * eu ha tut ils levits intanter ils figls d' Israel, in lö da tuots ils primogenits chi avran la matrice tanter ils figls d' Israel; perquai des-san ils levits esser meis. * Num. 8, 16.

13. Perche * ogni primogenit *aïs* meis; nel di ch' eu battet tuots primogenits nel pajais d' Egipto, consacret eu a mai tuots ils primogenits d' Israel, tant della gliend, co dels animals; els han d' esser meis. † Eu *sun* il Segner. * Ex. 13, 2, 12. 22, 29. 34, 19.

Lev. 27, 26. Luc. 2, 23. † Ex. 13, 15.

14. Il Segner favlet eir a Mose, nel desert Sinai, dschand:

15. Nombra ils figls da Levi, per lur famiglias paternas, e per lur naziums; nombra ogni maschel intanter els, dall' età d' ün mais in sü.

16. E Mose ils nombret, seguond il comandamaint del Segner, seo ad el eira stat miss sü.

17. Ma quaists * fütan ils figls da Levi, seguond lur noms: Gerson, e Cahat, e Merari.

* Ex. 6, 16. Num. 26, 57. 1 Cron. 6, 1. 23, 6.

18. E quaists *sun* ils noms dels figls da Gerson, *disferenziats* per lur naziums; Libni, e Simei.

19. Ed ils figls da Cahat, *distincts* per lur naziums, fütan Amram, ed Jesehar, e Hebron, ed Uziel.

20. Ed ils figls da Merari, *disferenziats* per lur naziums, fütan Mahali, e Musi. Quaistas sun las naziums dels levits, *distinctas* per lur famiglias paternas.

21. Da Gerson füt la naziun dels Libnits, e la naziun dels Simeits. Quaistas fütan las naziums dels Gersonits.

22. Dels quals ils annombrats, quintats ils maschels tuots, dall' età d' ün mais in sü, fütan setmilli, e tschinchtschient.

23. Las naziums dels Gersonits fütan davovart del tabernacul, vers l' occidaint.

24. Ma l' capo della famiglia paterna dels Gersonits füt Eliasaf, figl da Lael.

25. E la fatschenda dels figls da Gerson, nel tabernacul della raspada, *eira* * il tabernacul, e la tenda, la † coverta da quella, e l' ** tapet dell' intrada del tabernacul della raspada.

* Num. 4, 24. † Ex. 26, 1. 26, 7. 14. ** Ex. 26, 36.

26. E * las cortinas del cortil, inssembel † col tapet dell' intrada del cortil, d' intuorn il tabernacul, e l' utêr, e sias cordas, per tuots seis servezzens.

* Ex. 27, 9. † Ex. 27, 16.

27. Ma da Cahat füt la naziun dels Amramits, e la naziun dels Jeseharits, e la naziun dels Hebronits, e la naziun dels Uzielits. Quaistas sun las naziums dels Cahatits.

28. Ils quals, quintats ils maschels tuots, dall' età d' ün mais in sü, fütan otmilli, e sestschient, chi faivan la fatschenda del sanctuari.

29. Las naziums dels figls da Cahat as daivan metter a champ dalla vart del tabernacul vers mezdi.

30. Ma l' capo dellas famiglias paternas dellas naziums dels Cahatits füt Elisafan, figl d' Uziel.

31. E lur fatschenda *eira* * l' archa, e la † maisa, e l' ** chandallêr, ed ils utêrs, e vashellas del sanctuari, con

las qualas faivan il ministeri, e la vela, e tuots seis servezzens. * Ex. 25, 10.

† Ex. 25, 23. ** Ex. 25, 31. 27, 1. 30, 1. 26, 31.

32. Ma Eleazar, figl del sacerdot Aaron, *eira* capo dels capos dels levits, *essendo* superintendent da quels chi faivan la fatschenda del sanctuari.

33. Da Merari *füt* la naziun dels Mahelits, e la naziun dels Musits. Quaistas sun las naziuns dels Merarits;

34. Dels quals ils nombrats, quintats ils maschels tuots, dall' età d'ün mais in sü, *fütan* sesmilli, e duatschient.

35. Ma 'l capo dellas famiglias paternas dellas naziuns dels Merarits *füt* Suriel, figl d'Abihail. Quels as dovaivan acchampar dalla vart del tabernacul, vers settentrion.

36. E l' oblig dels figls da Merari *eira*, las assas, e las stangas, e las coluonnas, ed ils sostegns del tabernacul, e sias üsaglias *da quella sort* tuottas, e tuots seis servezzens *da quella sort*.

37. E las coluonnas del cortil our d' intourn, e lur sostegns, e lur claviglias, e lur cordas.

38. Ma quels, chi as dovaivan metter a champ avant la tenda, vers il levant, dalla part davant del tabernacul della raspada, vers l' oriain, *eiran* Mose, ed Aaron, e seis figls; ils quals faivan la fatschenda del sanctuari, in pè ed a nom dels figls d' Israel; in maniera, cha sch' alchün ester s' appromaiva, dovaiva el esser fat morir.

39. Tuots ils nombrats intanter ils levits, ils quals Mose ed Aaron, tras comandamaint del Segner, nombretan per lur naziuns; *cioè* tuots ils maschels, dall' età d' ün mais in sü, *fütan* vainch e duamilli.

40. Davo quai disch il Segner a Mose: Nombra tuots ils primogenits maschels intanter ils figls d' Israel, dall' età d' ün mais in sü, e piglia sü la somma da lur noms.

41. E piglia per mai, eu *sun* il Segner, ils levits, in lö da tuots ils primogenits intanter ils figls d' Israel; il medem piglia il bestiam dels levits, in lö da tuots ils primogenits del bestiam dels figls d' Israel.

42. Contuot nombret Mose tuots ils primogenits intanter ils figls d' Israel, sco 'l Segner l' avaiva comandà.

43. E tuots ils primogenits maschels, seguond cha fütan nombrats, quintats per nom, dall' età d' ün mais in sü, fütan, vainch e duamilli e duatschient e settanta trais.

44. Il Segner favlet eir a Mose, dschand:

45. Piglia ils levits, in lö dels primogenits tuots intanter ils figls d' Israel; ed il bestiam dels levits, in lö del bestiam da quels; ed ils levits sajan meis. Eu *sun* il Segner.

46. E *per* la spendraschun da quels duatschient settant' e trais, dels primogenits dels figls d' Israel, chi supravanzan *il number* dels levits;

47. Schi piglia tschinch siccals per testa, * a siccals da sanctuari, ch' ais da vainch obols. * Ex. 30, 13. Lev. 27, 25.

48. E dà ad Aaron, ed a seis figls il danêr della slubgiaschun da quels, chi supravanzan tanter ils primogenits.

49. Mose dimena piglet il danêr della slubgiaschun da quels, chi eiran supravanzats da spendrar per ils levits.

50. El piglet quel danêr dels primogenits dels figls d' Israel, *chi fütan* milli trajatschient sesant' e tschinch siccals, a siccals da sanctuari.

51. Ed il danêr della spendraschun det Mose ad Aaron ed a seis figls, seguond il comandamaint del Segner, sco 'l Segner l' avaiva comandà.

CHAP. IV.

L' offizi e number dels Cahatits, Gersonits, e Merarits, ed usche tuot il ministeri levitic.

Il Segner favlet eir a Mose, ed ad Aaron, dschand:

2. Pigliai sü la somma dels figls da Cahat, intanter ils figls da Levi, per lur naziuns, e famiglias paternas;

3. Dall' età da trent' ans in sü, fin a tschinquanta; cioè tuots quels, chi pon intrar in offizi, per far l' ouvra nel tabernacul della raspada.

4. Quaist *ais* il servezzen dels figls da Cahat, nel tabernacul della raspada, nellas chosas santissimas.

5. Cur il champ vain as mouver, dessan gnir Aaron e seis figls, e

tschantar giò la * cortina chi 's tenda davanti l'archa sü, e coverna l'archa della testimonianza. * Ex. 26, 31.

6. Lura dessan metter süsura üna coverta da pels da tass, e stender sura via ün pann tuot da violet; e metter las * stangas all'archa. * Ex. 25, 13.

7. Lura sur la maisa della presenza dessan rasar ün pann da violet, e metter las schüdellas süsura, ed ils sduns, e las scuettas, e las coppas da far las spersiuns; il medem saja il * pann sur quella da contin. * Ex. 25, 30.

8. E sur quellas chosas dessan stender ün pann da scharlatta, e quel covernar con üna coverta da pels da tass; lura metter las stangas alla maisa.

9. Lura dessan tour ün pann da violet, e covernar il chandallêr della glümêra, e sias lampas, e seis smoccadurs, e sias zangas, e tuot la vashella del üli da quel, con la quala as fa seis servezzens.

10. Lura dessan metter il chandallêr, con tuots seis instrumaints in üna coverta da pels da tass; e 'l metter sün ün pêr stangas.

11. Lura dessan stender ün pann da violet sur l'utêr d'or, e 'l covernar con üna coverta da pels da tass; lura metter las stangas al utêr.

12. Lura dessan tour tuot l'üsaglia del servezzens, con la quala as fa il servezzens nel sanctuari, e la metter in ün pann da violet, e la covernar con üna coverta da pels da tass; e la metter sün ün pêr stangas.

13. Lura dessan tour las tschendras our dal utêr, e sur quel stender ün pann da scharlatta;

14. E metter sur quel tuots seis instrumaints, cols quals as fa il servezzens sur quel, las chazzas, las furchettas, las palettas, ils batschigls, e tuots ils oters instrumaints del utêr; e dessan stender sur quel üna coverta da pels da tass; lura metter las stangas al utêr.

15. E, davo cha Aaron e seis figls vegnan ad avair fini da covernar il sanctuari, e tuot l'üsaglia da quel, cur il champ vain as mover; schi dessan gnir ils figls da Cahat, per portar *quellas chosas*; ne dessan toccar il sanctuari, cha non mouran. *

Quaistas *sün* las chosas cha 'ls figls da Cahat dessan portar del tabernacul della raspada. * Num. 3, 31.

16. Ed Eleazar, il figl del sacerdot Aaron, haja il pissêr per l' üli della glümêra, e pel * profüm della speziaria, e dell' † offerta continua, e del ** üli dell' uneziun; ultra la superintendenza sur tuot il tabernacul, e tuot quai chi *ais* in quel, per il sanctuari, e per sias üsaglias.

* Ex. 25, 6. † Ex. 30, 34. ** Ex. 29, 40. 30, 23.

17. Il Segner favlet lura a Mose, ed ad Aaron, dschand:

18. Vus non dessat far usche, cha la schlatta dellas famiglias dels Cahatits saja desternada intanter ils levits;

19. Ma quaist fat ad els, acio cha vivan, e non mouran, cur els vegnan as approssmar allas chosas santissimas; Aaron e seis figls dessan gnir, e prescriber a scodün seis servezzens, e quai ch' el dess portar.

20. Ma, cur chi 's covernerà las chosas sanctas, schi non dessan els gnir nan per guardar, cha non mouran.

21. Il Segner favlet eir a Mose, dschand:

22. Piglia stü medemmamaing la somma dels figls da Gerson, per lur famiglias paternas, e naziums.

23. Nombra 'ls dali' età da trent' ans in sü, fin a tschinquanta; cioè tuots quels chi pon intrar in exercizi d' offizi, per servir nel tabernacul della raspada.

24. Quaist *ais* il servezzens dellas famiglias dels Gersonits, in administrar, ed in portar.

25. Els dessan * portar las † tailas della tenda, e 'l tabernacul della raspada; sia ** coverta, e la coverta *da pels* da tass, chi *ais* süsuravia, e 'l tapet dell' intrada del tabernacul della raspada, * Num. 3, 25.

Ex. 26, 1. † Ex. 26, 7. ** Ex. 26, 14. 26, 33.

26. E las * velas del cortil, e 'l tapet dell' intrada della porta del cortil, il qual *ais* intuorn il tabernacul, e l' utêr, e las cordas da quellas, e tuot l'üsaglia per lur servezzens. E quels dessan † servir in tuot quai cha *ais* da far intuorn quellas chosas.

* Ex. 27, 9. † Ex. 27, 16.

27. Tuot il servezzen dels figls da Gerson, in tuot quai cha dessan portar, e nels servezzens cha dessan far tuots, saja seguond l' uorden d' Aaron, e da seis figls, e vus dessat dar ad els oblig da tuot quai cha dessan portar.

28. Quaist *ais* il servezzen dellas famiglias dels figls da Gerson, nel tabernacul della raspada; e lur fatschenda *dess esser* suot la superintendenza d' Itamar, del figl del sacerdot Aaron.

29. Ils figls da Merari dessast *eir* nombrar, per lur naziuns, e famiglias paternas.

30. Nombra 'ls dall' età da trent' ans in sü, fin a tschinquanta, *cioè* tuots quels chi pon intrar nel servezzen del tabernacul della raspada.

31. E * quaist *saja* quai cha dessan portar per lur fatschenda, insembel con tuot il serverzzen cha dessan far nel tabernacul della raspada; *cioè* las assas del tabernacul, e sias stangas, e sias coluonnas, e seis sostegns.

* Num. 3, 36.

32. E las coluonnas del cortil our d' intuorn, e lur sostegns, e lur claviglias, e lur cordas, insembel con tuot lur üsaglia, per tuot lur servezzens; e consignai ad els per nom l' üsaglia, cha han da portar per lur fatschenda.

33. Quaist *ais* il servezzen dellas famiglias dels figls da Merari; ultra tuot il servezzen, cha han da far nel tabernacul della raspada, suot la superintendenza d' Itamar, figl del sacerdot Aaron.

34. Mose dimena, ed Aaron, ed ils principals della raspada, nombrettan ils figls da Cahat, per lur naziuns, e famiglias paternas;

35. Dall' età da trent' ans in sü, fin a tschinquanta; *cioè* tuots quels chi podaivan intrar in offizi, per servir nel tabernacul della raspada.

36. Ed ils nombrats intanter els, *disferenziats* per lur naziuns, füttan duamilli e settschient tschinquanta.

37. Quaists *sun* ils nombrats dellas naziuns dels Cahatits; *chi eiran* tuots quels chi servivan nel tabernacul della raspada, ils quals Mose, ed

Aaron nombrettan, tras comandamaint del Segner, *dat* per man da Mose.

38. Ed ils nombrats intanter ils figls da Gerson, *disferenziats* per lur naziuns, e famiglias paternas,

39. Dall' età da trent' ans in sü fin a tschinquanta; *chi eiran* tuots quels chi podaivan intrar in offizi, per servir nel tabernacul della raspada;

40. Ils nombrats, *di eu*, intanter els, *disferenziats* per lur naziuns, e famiglias paternas, füttan duamilli settschient e trenta.

41. Quaists *sun* ils nombrats dellas naziuns dels figls da Gerson, *chi eiran* tuots quels chi servivan nel tabernacul della raspada, ils quals Mose ed Aaron nombrettan, per comandamaint del Segner.

42. Ed ils nombrats dellas naziuns dels figls da Merari, *disferenziats* per lur naziuns, e famiglias paternas;

43. Dall' età da trent' ans in sü fin a tschinquanta; *cioè* tuots quels chi podaivan intrar in offizi, per servir nel tabernacul della raspada:

44. Ils nombrats, *di eu*, intanter els, *disferenziats* per lur naziuns, füttan trajamilli e duatschient.

45. Quaists *sun* ils nombrats dellas naziuns dels figls da Merari, ils quals Mose ed Aaron nombrettan, tras comandamaint del Segner, *dat* per man da Mose.

46. Tuots ils nombrats, ils quals Mose ed Aaron, ed ils principals d' Israel nombrettan, intanter ils levits, *disferenziats* per lur naziuns e famiglias paternas;

47. Dall' età da trent' ans in sü fin a tschinquanta, *cioè* tuots quels chi podaivan intrar in servezzen, tant per servir, co per portar nel tabernacul della raspada.

48. Ils nombrats, *di eu*, intanter els, füttan otmilli, e tschinchtschient ottanta.

49. Els ils nombrettan tras comandamaint del Segner, *dat* per man da Mose, scodün seguond ch' el dovaiva servir, o portar; ed ils nombrats dad els füttan *quels* cha 'l Segner avaiava comandâ a Mose.

CHAP. V.

Quals dëssan gnir büttats our dal champ. Dalla restituzion dellas chosas malacquistadas; e dalla prova della purità dellas mugliers, suspettas als marits.

LURA favlet il Segner a Mose, dschand:

2. Comand' als infants d' Israel, cha tramettan our dal champ ogni * levrus, ed ogni hom † chi ha la flussion, ed ogni *crastian* ** malnet per ün mort.

* Lev. 13, 46.

† Lev. 15, 2. ** Lev. 21, 1. Num. 9, 6. 10. 19, 11.

3. Trametta 'ls oura, tant maschels, co femnas; trametta 'ls our dal champ; acio cha non impalan lur champ, in mez ils quals eu abitesch.

4. Ed usche fettan ils figls d' Israel, e tramettettan quels our dal champ. Seo 'l Segner avai a dit a Mose, usche fettan ils infants d' Israel.

5. Il Segner favlet eir a Mose, dschand:

6. Tschantscha con ils infants d' Israel, e di ad els: * Cur ün hom, o üna duonna, averà fat alchün dels puchats dels crastians, commettand surpassamaint conter il Segner, quella tala persuna ais culpabla.

* Lev. 6, 2.

7. Sch' ella confessa seis pucha, ch' ella averà commiss, schi dess-la restituir il chapital da quai, ch' ella ha surpassâ; e metter pro la quinta part, e dar a quel, conter il qual ella averà surpassâ.

8. E scha quel non ha alchün prossem paraint, chi haja raschun da recuperar quai cha füt sieu, per il restituir quai, in che il surpassamaint sarà stat commis; gnand a restituir quai, schi dess quai appertgnair al Segner, cioè al sacerdot, ultr' * il bümatsch della purgaziun, col qual il sacerdot farà purgaziun per el.

* Lev. 6, 6. 7, 7.

9. Saja il medem del * sacerdot ogni offerta adozada, da tuot las chosas consacradas dals infants d' Israel, las qualas els al presanteran.

* Ex. 29, 28. Lev. 6, 18. 26, 7, 6. 32. Num. 18, 8. Deut. 18, 3, 4.

10. E las chosas consacradas da chi saja, sajan del sacerdot; saja sieu quai cha qualunque persuna al averà dat.

11. Ultra quai favlet il Segner a Mose, dschand:

12. Tschantscha cols infants d' Israel, e di ad els: Cur la muglier d' alchün sarà sviada, ed averà fallâ conter el;

13. Ed alchün averà charnalmaing dormi con ella, adascus al marit; ed ella füss azzopadamaing impalada, sainza ch' alchün testimoni *saja* conter ella, ne ch' ella saja statta surpraia *sün il fat*;

14. Scha 'l spiert della zelosia intra nel marit, dasort ch' el dvainta zelus sün sia muglier, essendo ella impalada; ovvero eir, scha 'l spiert della zelosia intra in el, dasort ch' el dvainta zelus sün sia muglier, non essendo ella impalada;

15. Schi dess quel hom manar sia muglier pro 'l sacerdot, e presentar per ella si' offerta, *chi sarà* la deschavla part d' ün efa da farina d' üerdi; öli non dessast spander süsura, ne metter incens süsura; perche l' ais offerta da zelosia, preschaint da regordanza, chi maina l' iniquità in memoria.

16. Ed il sacerdot fetscha approssimar quella duonna, e la fetscha star in pè nel conspet del Segner;

17. Lura dess il sacerdot tour dell' aua saneta in ün vaschè da terra; piglia eir della puolvra chi sarà sül fuond del tabernacul, e la mett' in quell' aua.

18. E fand star quella duonna in pè avant il Segner, la dess il sacerdot seovernar la testa, e la metter sün las palmas dels mans l' offerta della regordanza, *chi* ais l' offerta della zelosia; ed il sacerdot haja in man quell' aua pittra, chi porta maledicziun.

19. Ed il sacerdot fetscha gürar quella duonna, e la dia: Sch' ingün hom non ha dormi con tai, e scha tü non at hast sviada tras malnettscha, *redschevand ün oter* in lö da teis marit; schi quai aua pittra, chi prodüa maledicziun, non at fetscha alchün dan;

20. Ma, scha tü at hast sviada, *redschevand ün oter* in lö da teis marit, e t' hast impalada, ed ün oter co teis marit ha dormi con tai charnalmaing;

21. Lura fetsch' il sacerdot gürar la duonna con saramaint d' execraziun,

e la dia: Il Segner at metta in maledicziun, ed execraziun, in mez tei pövel, at fänd crodar la cossà, e scuflar il vainter;

22. Ed intra nel interiur quaiſt' aua, chi porta maledicziun, per at far scuflar il vainter, e crodar la cossa. E la duonna dia: Amen! Amen!

23. Lura scriva il sacerdot quaistas maledicziuns in üna zedla, e las chassa con quell' aua pittra;

24. E detta alla duonna da baiver quell' aua pittra, chi porta maledicziun, dasort cha quell' aua, chi porta maledicziun, intra in ella, per aua pittra.

25. Ma dal man da quella duonna piglia il sacerdot l' offerta della zelosia, e la smaina vi' e nan avant il Segner, e l' offerra lura sur l' utër.

26. Piglia eir ün puogn da quell' offerta per sia regordanza, e l' arda sur l' utër, e detta lura quell' aua da baiver alla duonna.

27. E cur el l' averà datta da baiver, schi vain a dvantar cha, sch' ella as ha impalada, ed ha commiss turp-chenscha conter seis marit, cur l' aua chi porta maledicziun sarà intrat' in ella, per aua pittra, schi vain alla scuflar il vainter, ed alla crodar la cossa, e quella duonna sara in execraziun in mez seis pövel.

28. Ma, scha quella duonna non as ha impalada, anzi ais netta, schi non averà ella mal alchün, e poderà portar infants.

29. Quaiſt' *ais* la ledscha della zelosia, cur la duonna d' alchün sarà sviada, *redschevand ün oter* in lö da seis marit, e sarà impalada.

30. Ovvero, cur il spiert della zelosia sarà intrat nel marit, ed el sarà gnü zelus sün sia duonna; schi ch' el la fetscha comparair avant il Segner, ed il sacerdot la dess far tuot *quai ch' ais ordinâ per* quaista ledscha.

31. Ed il marit saja innozaint da cuolpa, ma la duonna porta sia iniquità.

CHAP. VI.

Ledschas del vut dels nazireers, e della fuorma della benedicziun publica.

ULTRA quai favlet il Segner a Moſe, dschand:

2. Tschantscha cols infants d' Israel, e di ad els: Cur alchün hom, o duonna averà fat singolar vut da nazireer, per as far nazireer al Segner;

3. Schi as dess el retgnair da vin, e da gervosa; ne baiver alchün aschait, ne da vin, ne da gervosa; ne alchün dſtü d' üja; ne dess mangiar alchün' üja, ne fraischa, ne secha.

4. Tuot il temp da seis nazireat non dess el mangiar ingüna chosa prodüta da vit chi fa vin, dals grans fin als fols.

5. Tuot il temp del vut da seis nazireat * non dess il rasnoir passar sur seis cheu; saja sanct, fin cha' l temp, per il qual el as ha vutâ nazireer al Segner, saja compli; laſchand crescher la comma dels chavels da seis cheu. * *Gäd. 13, 5.*

6. In tuot il temp, per il qual el as averà vutâ nazireer al Segner, non dess el ir in *alchün lö*, *ingio saja* ün mort.

7. * El non as dess impalar per seis bap, ne per sia mamma, ne per seis frar, ne per sia sour, cur alchün dels sarà mort; perche il nazireat da seis Deis *ais* sur seis cheu. * *Lev. 21, 1.*

8. *Saja' l* sanct al Segner, tuot il temp da seis nazireat.

9. Ma, sch' alchün moura sper el, subit all' improvista, schi ha el impalâ il cheu da seis nazireat; perquai as dess el rasar il cheu * al di da sia purificaziun; il settavel di il dess el rasar. * *Num. 19, 11.*

10. * E l' ottavel di dess el portar al sacerdot, all' intrada del tabernacul della raspada, duos turdellas, o duos colombets.

* *Lev. 5, 7. 14, 22. 15, 14. 29.*

11. Ed il sacerdot ils dess sacrificar, ün per il pucha, ed ün per olocausto, e fetscha purgaziun per el, da quai ch' el averà pechâ vi' a quel mort, ed in quel istess di dess el sanctificar seis cheu.

12. Ed al Segner dess el consacrar ils dis da seis nazireat, e manar nan ün agnè d' ün an * per la cuolpa, ed ils dis precedaints sajan tgnüts per inguotta; perche cha seis nazireat ais stat impalâ. * *Lev. 5, 6.*

13. Ma quaiſt' ais la ledscha davart

il nazireer: Nel di cha'l temp da seis nazireat sarà compli, schi dess el quai portar all'intrada del tabernacul della raspada.

14. E dess offerir sia offerta al Segner; cioè ün agnè d'ün an, sainza defet, per olocausto, ed ün' agnella d'ün an, sainza defet, * per il pucha, ed ün bümatsch sainza defet, per † sacrifici d'ingraziamaint.

* Lev. 4, 2, 27, 31. † Lev. 3, 6.

15. Ed ün chanaster fuatschas da flur farina, azimas, pastadas con öli, e patlanas azimas, üttas con öli; insembel con las offertas da spaisa, e da spander da quels sacrificis.

16. E *quellas chosas* dess il sacerdot offerir nel conspet del Segner, e sacrificar il *sacrifici per il pucha*, e l' olocausto da quel.

17. Lura dess el offerir quel bümatsch al Segner, per sacrifici d'ingraziamaint, insembel con quel chanaster d'azims; offerir dess eir il sacerdot l'offerta da spaisa, e l'offerta da spander da quel.

18. Ed il nazireer as dess far rasar il cheu da seis nazireat, all'intrada del tabernacul della raspada, e tour ils chavels da seis nazireat, e'ls metter süil fö, chi *sarà* suot il sacrifici d'ingraziamaint.

19. Lura piglia il sacerdot üna spadla da quel bümatsch cotta, ed üna fuatscha azima da quel chanaster, ed üna patlana azima, e las metta süin las palmas dels mans del nazireer, davo ch'el averà fat rasar seis nazireat.

20. E *quellas chosas* dess il sacerdot smanar vi' e nan *per* offerta smanada avant il Segner; sun chosa sacra, *appertinenta* al sacerdot, sco eir il pet dell'offerta smanada, e la spadla dell'offerta * adozada. Davo quai, il nazireer poderà baiver vin.

* Exod. 29, 28.

21. Quai' *ais* la ledscha del nazireer chi averà vutà sia offerta al Segner per seis nazireat; ultra quai ch'el poderà furnir da plü seguond sia facultà, fetscha seguond il vut ch'el averà fat, ultra la ledscha da seis nazireat.

22. Il Segner favlet eir a Mose, dschand:

23. Tschantscha con Aaron, e con seis figls, dschand: Benedi ils infants d'Israel in quaiста maniera, dschand ad els:

24. Il Segner at benedescha, e't perchüra;

25. Il Segner fetscha splendurir sia fatscha sur tai, e't saja grazius;

26. Il Segner adoza sia fatscha vers tai, e't stabilescha pasch.

27. E metta meis nom sur ils infants d'Israel, ed eu ils benedirà.

CHAP. VII.

Ils sacrificis da scodün dels principals del pövel d'Israel, nella dedicaziun del tabernacul.

MA nel di cha Mose avet glivrà da * drizzar sü il tabernacul, e ch'el l'avet onschü, e consacrà, con tuot sia üsaglia, e l'utër, con tuots seis instrumaints;

* Ex. 40, 17. Lev. 8, 10.

2. Ils * principals d'Israel, capos da lur chasas paternas, ils quals *eiran* ils principals dellas schlattas, ed eiran stats sur las rasegnas *del pövel*, fettan ün' offerta.

* Num. 1, 4.

3. E la manettan avant il Segner; cioè ses chars coverts, e dudesch bovs; ün char per duos da quels principals, ed ün bov per ün, ed offerittan quels avant il tabernacul.

4. Ma'l Segner favlet a Mose, dschand:

5. Piglia 'ls dad els, e sajan impondüts nels servezzens del tabernacul della raspada, e da'ls als levits; *acio ch'els as inservan*, scodün seguond seis servezzens.

6. Mose dimena piglet quels chars, e quels bovs, e'ls det als levits.

7. Als figls da Gerson det el duos da quels chars, e quatter da quels bovs, *per as inservir* seguond lur servezzens.

8. Ma als figls da Merari det el ils quatter *oters* chars, ed ils *oters* ot bovs, *per as inservir* seguond lur servezzens; suot la * superintendenza d'Itamar, figl del sacerdot Aaron.

* Num. 4, 28, 33.

9. Ma als figls da Cahat non det el inguotta; perche il * servezzens del sanctuari eira miss sü ad els; els avaivan da'l portar süin lur spadlas.

* Num. 4, 15.

10. Ultra quai, quels principals fettan ün' offerta per la dedicaziun del

utër, nel di ch'el füt onschü, e l' offerittan avant l' utër.

11. Ed il Segner disch a Mose: Da quaists capos dess ün per di offerir sia offerta, per la dedicaziun del utër.

12. E quel chi offerit sia offerta il prüm di, füt Naesson figl d' Amminadab, della schlatta da Giuda.

13. E sia offerta füt ün * plat d' argient, da paisa da tschient e trenta siccals; üna tazza d' argient da settanta siccals, a siccals da sanctuari; amenduos plains da flur farina, masdada con öli, † per offerta da spaisa.

* Ex. 30, 13. † Lev. 2, 1.

14. Ün turibul d' or, da desch siccals, plain da profüm;

15. * Ün trim, ün bümatsch, ün agnè d' ün an, per olocausto; * Lev. 1, 2.

16. * Ün boc per sacrifici per il pucha. * Lev. 4, 23.

17. E * per sacrifici d' ingraziamaint ün pèr bovs, e tschinch bümatschs, tschinch boes, e tschinch agnèls d' ün an. Quaista füt l' offerta da Naesson, figl d' Amminadab. * Lev. 3, 1.

18. Il seguond di Nataneel, figl da Suar, capo d' Issaschar, offerit sia offerta;

19. Chi füt: Ün plat d' argient, da tschient e trenta siccals da pais; üna tazza d' argient da settanta siccals, a siccals da sanctuari; amenduos plains da flur farina, masdada con öli, per offerta da spaisa.

20. Ün turibul d' or, da desch siccals, plain da profüm;

21. Ün trim, ün bümatsch, ün agnè d' ün an, per olocausto;

22. Ün boc per sacrifici per il pucha;

23. E per sacrifici d' ingraziamaint, ün pèr bovs, tschinch bümatschs, tschinch boes, e tschinch agnèls d' ün an. Quaista füt l' offerta da Nataneel, figl da Suar.

24. Il terz di offerit sia offerta Eliab, figl da Helon, capo dels figls da Zebulon,

25. Chi füt: Ün plat d' argient, da tschient e trenta siccals da pais; üna tazza d' argient da settanta siccals, a siccals da sanctuari; amenduos plains da flur farina, masdada con öli, per offerta da spaisa;

26. Ün turibul d' or, da desch siccals, plain da profüm;

27. Ün trim, ün bümatsch, ün agnè d' ün an, per olocausto;

28. Ün boc per sacrifici per il pucha;

29. E per sacrifici d' ingraziamaint, ün pèr bovs, tschinch bümatschs, tschinch bovs, etschinch agnèls d' ün an. Quaista füt l' offerta d' Eliab, figl da Helon.

30. Il quart di offerit sia offerta Elisur, figl da Sedeur, capo dels figls da Ruben,

31. Chi füt: Ün plat d' argient, da pais da tschient e trenta siccals, üna tazza d' argient da settanta siccals, a siccals da sanctuari; amenduos plains da flur farina, masdada con öli, per offerta da spaisa;

32. Ün turibul d' or da desch siccals, plain da profüm;

33. Ün trim, ün bümatsch, ün agnè d' ün an, per olocausto;

34. Ün boc per sacrifici per il pucha.

35. E per sacrifici d' ingraziamaint, ün pèr bovs, tschinch bümatschs, tschinch boes, e tschinch agnèls d' ün an. Quaista füt l' offerta d' Elisur, figl da Sedeur.

36. Il quint di, Selumiel, figl da Surisadai, capo dels figls da Simeon, offerit sia offerta;

37. Chi füt: Ün plat d' argient, da pais da tschient e trenta siccals, üna tazza d' argient da settanta siccals, a siccals da sanctuari; amenduos plains da flur farina, masdada con öli, per offerta da spaisa;

38. Ün turibul d' or, da desch siccals, plain da profüm;

39. Ün trim, ün bümatsch, ün agnè d' ün an, per olocausto;

40. Ün boc, per sacrifici per il pucha;

41. E per sacrifici d' ingraziamaint, ün pèr bovs, tschinch bümatschs, tschinch boes, e tschinch agnèls d' ün an. Quaista füt l' offerta da Selumiel, figl da Surisadai.

42. Il sesavel di, Eliasaf, figl da Deguel, capo dels figls da Gad, offerit sia offerta,

43. Chi füt: Ün plat d' argient, da pais da tschient e trenta siccals, üna tazza d' argient da settanta siccals, a siccals da sanctuari, amenduos plains

da flur farina, masdada con òli, per offerta da spaisa;

44. Òn turibul d'or, da desch *siccals*, plain da profüm;

45. Òn trim, òn bümatsch, òn agnè d' òn an, per olocausto;

46. Òn boc per *il sacrifici per il pucha*;

47. E per sacrifici d' ingraziamaint, òn pèr bovs, tschinch bümatschs, tschinch boes, e tschinch agnèls d' òn an. Quaista *füt* l' offerta d' Eliasaf, figl da Deguel.

48. Il settavel di Elisama, figl d' Ammiud, capo dels figls d' Efraim, offerit sia offerta;

49. Chi füt: Òn plat d' argient, da pais da tschient e trenta *siccals*, òna tazza d' argient da settanta *siccals*, a siccals da sanctuari; amendus plains da flur farina, masdada con òli, per offerta da spaisa;

50. Òn turibul d'or, da desch *siccals*, plain da profüm;

51. Òn trim, òn bümatsch, òn agnè d' òn an, per olocausto;

52. Òn boc per *sacrifici per il pucha*;

53. E per sacrifici d' ingraziamaint, òn pèr bovs, tschinch bümatschs, tschinch boes, tschinch agnèls d' òn an. Quaista *füt* l' offerta d' Elisama, figl d' Ammiud.

54. L' ottavel di Gamliel, figl da Pedasur, capo dels figls da Manasse, offerit sia offerta;

55. Chi füt: Òn plat d' argient, da pais da tschient e trenta *siccals*, òna tazza d' argient da settanta *siccals*, a siccals da sanctuari; amendus plains da flur farina, masdada con òli, per offerta da spaisa;

56. Òn turibul d'or, da desch *siccals*, plain da profüm;

57. Òn trim, òn bümatsch, òn agnè d' òn an, per olocausto;

58. Òn boc per *sacrifici per il pucha*;

59. E per sacrifici d' ingraziamaint, òn pèr bovs, tschinch bümatschs, tschinch boes, e tschinch agnèls d' òn an. Quaista *füt* l' offerta da Gamliel, figl da Pedasur.

60. Il novavel di, Abidan, figl da Gideon, capo dels figls da Benjamin, offerit sia offerta;

61. Chi füt: Òn plat d' argient, da paisa da tschient e trenta *siccals*, òna tazza d' argient da settanta *siccals*, a siccals da sanctuari; amendus plains da flur farina, masdada con òli, per offerta da spaisa;

62. Òn turibul d'or, da desch *siccals*, plain da profüm;

63. Òn trim, òn bümatsch, òn agnè d' òn an, per olocausto;

64. Òn boc per *sacrifici per il pucha*;

65. E per sacrifici d' ingraziamaint, òn pèr bovs, tschinch bümatschs, tschinch boes, e tschinch agnèls d' òn an. Quaista *füt* l' offerta d' Abidan, figl da Gideon.

66. Il deschavel di, Ahiezer, figl d' Ammisadai, capo dels figls da Dan, offerit sia offerta;

67. Chi füt: Òn plat d' argient, da pais da tschient e trenta *siccals*; òna tazza d' argient da settanta *siccals*, a siccals da sanctuari; amendus plains da flur farina, masdada con òli, per offerta da spaisa;

68. Òn turibul d'or, da desch *siccals*, plain da profüm;

69. Òn trim, òn bümatsch, òn agnè d' òn an, per olocausto;

70. Òn boc per *sacrifici per il pucha*;

71. E per sacrifici d' ingraziamaint, òn pèr bovs, tschinch bümatschs, tschinch boes, e tschinch agnèls d' òn an. Quaista *füt* l' offerta d' Ahiezer, figl d' Ammisadai.

72. L' ündeschavel di, Pagièl, figl d' Ocran, capo dels figls d' Asser, offerit sia offerta;

73. Chi füt: Òn plat d' argient, da pais da tschient e trenta *siccals*; òna tazza d' argient da settanta *siccals*, a siccals da sanctuari; amendus plains da flur farina, masdada con òli, per offerta da spaisa;

74. Òn turibul d'or, da desch *siccals*, plain da profüm;

75. Òn trim, òn bümatsch, òn agnè d' òn an, per olocausto;

76. Òn boc per *sacrifici per il pucha*;

77. E per sacrifici d' ingraziamaint, òn pèr bovs, tschinch bümatschs, tschinch boes, tschinch agnèls d' òn an. Quaista *füt* l' offerta da Pagièl, figl d' Ocran.

78. Il dudeschavel di, Ahira, figl

d' Enan, capo dels figls da Naftali, offerit sia offerta;

79. Chi füt: Ün plat d' argient, da pais da tschient e trenta *siccals*; üna tazza d' argient da settanta *siccals*, a siccal da sanctuari; amenduos plains da flur farina, masdada con öli, per offerta da spaisa;

80. Ün turibul d' or, da desch *siccals*, plain da profüm;

81. Ün trim, ün bümatsch, ün agnè d' ün an, per olocausto;

82. Ün boc per *sacrifizi per il pucha*;

83. E per sacrifici d' ingraziamaint, ün pèr bovs, tschinch bümatschs, tschinch boes, e tschinch agnèls d' ün an. Quaista füt l' offerta d' Ahira, figl d' Enan.

84. Quaista füt l' offerta della dedicaziun del utèr, nel di ch' el füt onschü, fatta dals capos d' Israel, cioè dudesch plats d' argient, dudesch tazzas d' argient, dudesch turibuls d' or.

85. Scodün plat d' argient eira da pais da tschient e trenta *siccals*, e scodüna tazza da settanta; tuot l' argient da quella vashella *eira* da duamilli, quattertschient *siccals*, a siccal da sanctuari.

86. Scodün da quels dudesch turibuls d' or, plains da profüm, *eira* da deschs *siccals*, a siccal da sanctuari; tuot l' or da quels turibuls *eira* tschient e vainch *siccals*.

87. Tuots ils bovs per olocausto *eiran* dudesch trims; con dudesch bümatschs, e dudesch agnèls d' ün an, e lur offertas da spaisa; *eiran* eir dudesch boes, per *sacrifizi per il pucha*.

88. E tuots ils bovs del sacrifici d' ingraziamaint *eiran* vainch e quatter trims; con sesanta bümatschs, sesanta boes, e sesant' agnèls d' ün an. Quaista füt l' offerta della dedicaziun del utèr, davo ch' el füt onschü.

89. Ma da quel di inavant, cur Mose intraiva nel tabernacul della raspada, per favlar il Segner, schi udiv' el la vusch chi tshantschaiva con el, dal * vierchel chi *eira* sur l' archa della testimonianza, our da mez ils duos cherubins, ed el tshantschaiva con el.

* Ex. 25, 22.

CHAP. VIII.

Disposiziun del chandallèr; consacraziun dels levits; lur età nel servir.

IL Segner favlet darcheu a Mose, dschand:

2. Tschantscha con Aaron, e di ad el: Cur tü vainst ad invüdar las lampas, schi dessan las set lampas * sporscher la glüm vers la part davant del chandallèr. * Ex. 25, 37.

3. Ed Aaron fet usche, ed invüdet las lampas in möd, cha sporschaivan la glüm vers la part davant del chandallèr; seo 'l Segner a Mose avaiva comandà.

4. Ma * tala *eira* la lavur del chandallèr; el *eira* tuot d' or, battü col martè, tant seis pè, co seis bratschs; Mose l' avaiva fat, † seguond la fuorma cha 'l Segner l' avaiva mossà.

* Ex. 25, 31. † Ex. 25, 40.

5. Il Segner favlet eir a Mose, dschand:

6. Piglia ils levits intanter ils figls d' Israel, e purificha 'ls.

7. E per ils purifichar fà usche con els: sprinzla 'ls * con aua da purgaziun, ed il rasuoir dessan els far passar sur tuot lur charn, e lur vestimenta lavar, e 's purifichar. * Num. 19, 9.

8. Cha piglian lura ün trim con sia * offerta da spaisa, *chi saja* flur farina, masdada con öli, e tü piglia ün oter trim per *sacrifizi per il pucha*.

* Lev. 2, 2.

9. E fà approsmar ils levits avant il tabernacul della raspada, e fà gnir insembl tuot la raspada dels infants d' Israel.

10. E cur tü vainst ad avair fat approsmar ils levits avant il Segner, schi tshaintan ils figls d' Israel lur mans sur ils levits;

11. Ed Aaron dess presentar ils levits avant il Segner, per offerta smanada da part dels figls d' Israel, e sajan per exercitar il ministeri del Segner.

12. Lura pozzan ils levits lur mans sün las testas da quels trims, e tü dessast sacrificar l' ün per *sacrifizi per il pucha*, e l' oter per olocausto al Segner, per far purgaziun per ils levits.

13. Ed ils levits fà star in pè avant

Aaron, ed avant seis figls, ed offerr' ils per offerta al Segner.

14. Ed ils levits separa intanter ils infants d'Israel, ed ils levits sajan meis.

15. E, davo quaist, dessan gnir ils levits, per exercitar il ministeri nel tabernacul della raspada. Usche ils dessast purifichar, e 'ls offerir per offerta.

16. Siand ch' els del tuot am sun appropriats, intanter ils infants d' Israel, * eu ils ha tuts a mai, in lö da tuot quels chi avran la matrice, d' ogni primogenit da scodiün dels figls d' Israel.

* Num. 3, 12.

17. Perche * ogni primogenit dels figls d' Israel, tant della gliend, co dellas bestias, *ais* meis; eu ils consacret a mai nel di, ch' eu battet tuots ils primogenits nel pajais d' Egipto.

* Ex. 13, 2. 12, 15.

18. Ed ils levits ha eu tut in lö da tuotsils primogenits dels figls d' Israel.

19. Ed ha dat ils levits * per dun ad Aaron, ed a seis figls, intanter ils infants d' Israel, per far il ministeri dels figls d' Israel, nel tabernacul della raspada, e per far la purgaziun dels figls d' Israel; acio cha plaja non saja a vus intanter ils infants d' Israel, ch' els forsa as fessan via pro 'l sanctuari.

* Num. 3, 8.

20. Mose dimena ed Aaron, e tuot la raspada dels infants d' Israel, fettan interamaing cols levits, sco 'l Segner a Mose davart els avaiva comandâ.

21. Ed ils levits as purifichettan, e lavettan lur vestimainta. Ed Aaron ils presentet per offerta avant il Segner, e fet purgaziun per els, per il purifichar.

22. E, davo quaist, gnittan ils levits, per exercitar lur ministeri nel tabernacul della raspada, avant Aaron e seis figls. E 's fet invers ils levits, * sco 'l Segner davart els a Mose avaiva comandâ.

* Num. 4, 4.

23. Il Segner favlet eir a Mose, dschand:

24. Carica *ais* quai chi appartain alla carica dels levits: *Ils levits*, dall' età da vainch e tsehinch ans in sü, dessan intrar in offizi, nel ministeri del tabernacul della raspada.

25. Ma da tsechinquant' ans in sü as dessan els retrar dal exercizi del offizi, e non servan plü.

26. *Ün tal* dess bain podair servir a seis frars nel tabernacul della raspada, a far lur * fatschendas, ma els non fetscha plü il servezzen. Cols levits fà usche in lur fatschendas.

CHAP. IX.

La pasqua dels nets, e malnets; la nüvla covernand il tabernacul maina l' exercit.

IL Segner favlet eir a Mose nel desert da Sinai, nel prüm mais del an seguond, davo cha 'ls infants d' Israel füttan gnüts our dal pajais d' Egipto, dschand:

2. Ils infants d' Israel dessan far la pasqua, in sia stagiun.

3. Fat'-la in sia stagiun, * il quattordeschavel di da quaist mais, intanter duos sairas; fat'-la seguond seis statuts tuots, e seguond tuots seis uordens.

4. E Mose favlet als infants d' Israel, acio cha fessan la pasqua.

5. Ed els fettan la pasqua, il quattordeschavel di del prüm mais, tantter duos sairas, nel desert Sinai. Ils infants d' Israel fettan plainamaing, sco 'l Segner avaiva comandâ a Mose.

6. Ma qua füttan alchüns, ils quals, siand * malnets per causa d' üna persuna morta, non podettan far la pasqua in quel di; perque as presentettan els avant Mose, ed avant Aaron, in quel di istess;

7. Edschettan ad els: Nus *esch*an malnets per causa d' üna persuna morta; perche dessan nus esser impediti d' offerir al Segner l' offerta, in sia stagiun, intanter ils infants d' Israel?

8. E Mose disch ad els: Spettai, ed eu vögl udir, quai cha 'l Segner vain davart vus a comandar.

9. Ma 'l Segner favlet a Mose, dschand:

10. Tschantscha cols infants d' Israel, dschand: Cur alchün da vus, o da vossas generaziuns, sarà malnet per causa d' üna persuna morta, ovvero *sarà* in viadi dalönsch; non dess el però laschar da far la pasqua al Segner.

11. * Els la dessan far il quattordeschavel di del seguond mais, tanter duos sairas; mangiar la dessan els con azims, e con erbas pittras.

* 2 Cron. 30, 2. 15.

12. * Inguotta non dessan els laschar restar fin alla mattina, e non dessan rumper os alchün; la fetschan seguond tuot ils statuts della pasqua.

* Ex. 12, 10. Gioan. 19, 36.

13. Ma, sch' alchün ais net, e non ais in viadi, ed interlascha però da far la pasqua; üna tala persuna saja exterminada da seis pövel; quel crastian dess portar seis pucha; perche el non ha offert in sia stagiun l'offerta del Segner.

14. E cur' alchün * ester, dmurand con vus, farà la pasqua del Segner, la dess el far seguond ils statuts, ed ils uordens da quella, ün medem statut saja intanter vus, tant per il forestêr, co per quel chi ais nativ del pajais.

* Ex. 12, 48.

15. Ma * nel di cha 'l tabernacul füt drizzâ sü, covernet la nüvla il tabernacul, süsur la chamanna della testimonianza, e † sün la saira eira sur il tabernacul in apparenza da fö, fin alla mattina.

* Ex. 40, 34. † Ex. 13, 21. 40, 38.

16. Usche eira da contin; la nüvla il covernaiva *da di*, e da not *eira ün'* apparenza da fö.

17. Ma, seguond cha la nüvla as adozaiva sü dal tabernacul, schi ils infants d' Israel chaminaivan davo; ed ingio la nüvla as fermaiva, qua s' acchampaivan ils infants d' Israel.

18. Tenor il comandamaint del Segner as movaivan ils infants d' Israel, e tenor il comandamaint dei Segner as mettaivan els *eir* a champ, e staiavan acchamps tuot il temp cha la nüvla as fermaiva sur il tabernacul.

19. Ma, cur la nüvla continuaiva a star per blers dis sün il tabernacul, lura attendaivan ils figls d' Israel allas fatschendas del servezzen del Segner, e non as partivan.

20. E cur la nüvla staiva pacs dis stül tabernacul, schi tenor il comandamaint del Segner as acchampaivan els, ed *eir* tenor il comandamaint del Segner as movaivan els.

21. Ma, seha la nüvla staiva dalla

saira fin alla mattina, e lura s' adozaiva sün la mattina, schi 's movaivan els; o sch' ella, siand statta ün di, ed üna not, lura s' adozaiva, schi 's movaivan els *il medem*.

22. Tant temp cha la nüvla continuaiva as fermar stül tabernacul, saja cha füssan duos dis, o ün mais, o ün an, tant staivan ils infants d' Israel acchamps, e non as movaivan; lura, cur la nüvla s' adozaiva, as movaivan els.

23. Tenor il comandamaint del Segner s' acchampaivan els, e tenor il comandamaint del Segner as movaivan els, e tenor il comandamaint del Segner, *dat* tras Mose, attendaivan els allas fatschendas del servezzen del Segner.

CHAP. X.

Las trombettas d' argient, e l' adöver da quelas; e regla cha 'ls infants d' Israel han tgnü in lur partenza dal desert da Sinai.

IL Segner favlet eir a Mose, dschand:

2. At fà duos trombettas d' argient, con lavur battüda col martè, e ch' at servan per far gnir insembel la raspada, e per far mover ils champs.

3. E, cur as vain a sunar con amenduos, schi dess tuot la raspada as far nan pro tai, all' intrada del tabernacul della raspada.

4. Ma cur as vain a sunar *sulamain* con üna, schi 's dessan raspar pro tai ils principals, ils capos della millièra d' Israel.

5. Ma, cur vus gnis a sunar con sun ruot, schi dessan mover ils champs, tschantats vers il levant.

6. E cur vus gnis a sunar la seguonda vouta con sun ruot, schi dessan mover ils champs, tschantats vers il mezdì. Con sun ruot dess gnir sunà ogni vouta, cha 'ls *champs* han da mover.

7. Ma, cur vus gnis a far gnir insembel la raspada, schi sunai, ma bricha con sun ruot.

8. E con quellas trombettas dessan sunar ils figls d' Aaron, sacerdots, e dovra' las per statut perpetual, tras vossas generaziuns.

9. E cur * vus gnis in vos pajais a trar in battaglia conter l' inimi, chi vain as assaglier, lura sunai con las

trombettas con sun ruot, ed il Segner vos Deis vain as regordar da vus, e gnis a gnir cussalvats da voss inimis.

* Num. 31, 6. 2 Cron. 13, 14.

10. Medemmamaing, * ils dis da vossas allegrezzas, ed in vossas festas solennas, ed in vossas chalendas, sunai con las trombettas, offerind voss olocausts, e voss sacrificzis d'ingraziamaint, e quellas saran a vus per regordanza, nel conspet da vos Deis. Eu sun il Segner vos Deis.

* 1 Cron. 15, 24. 2 Cron. 5, 12. Ps. 81, 4.

11. Ma nel seguond an, il seguond mais, il vainchavel di del mais, dvan-tet, cha la nüvla s'adozet sü dal tabernacul della testimonianza;

12. Ed ils infants d'Israel movettan * seguond l' uorden da lur moventadas, our dal desert da Paran.

* Num. 2, 9. 16. 24, 31.

13. Usche movettan els la prüma vouta, seguond cha 'l Segner tras Mose avaiava comandà.

14. E * la bandèra del champ dels figls da Giuda movet la prüma, *distinta* per sias truppas; *essendo* Naesson, figl d' Amminadab, capo del exercit dels infants da Giuda.

* Num. 2, 3.

15. E Nataneel, figl da Suar, capo del exercit della schlatta dels infants d' Issaschar.

16. Ed Eliab, figl d' Helon, capo del exercit della schlatta dels infants da Zebulon.

17. Ma, davo * cha 'l tabernacul füt miss giò, schi movettan ils figls da Gerson, ed ils figls da Merari, † portand il tabernacul.

* Num. 1, 51. † Num. 4, 24, 31.

18. Davo *lura* movet la bandèra del champ da Ruben, *disferenzià* per sias truppas; *essendo* Elisur, figl da Sedeur, capo del exercit da Ruben.

19. E Selumiel, figl da Surisadai, capo del exercit della schlatta dels infants da Simeon;

20. Ed Eliasaf, figl da Deguel, capo del exercit della schlatta dels infants da Gad.

21. Lura * 's movettan ils Cahatits, chi portaivan il sanctuari, ed intant ch'els rivaivan, schi 'ls *oters* drizzaivan il tabernacul.

* Num. 4, 4.

22. Davo *lura* * movet la bandèra

del champ dels infants d'Efraim, *disferenzià* per sias truppas; *essendo* Elisama, figl d' Ammiud, capo del exercit dels infants d'Efraim.

* Num. 2, 18.

23. E Gamliel, figl da Pedasur, capo del exercit della schlatta dels infants da Manasse;

24. Ed Abidan, figl da Gideon, capo del exercit della schlatta dels infants da Benjamin.

25. Davo *lura* * movet la bandèra del champ dels figls da Dan, *disferenzià* per sias truppas; fand davo-guardia a tuots ils champs; *essendo* Ahiezer, figl d' Ammisadai, capo del exercit da Dan;

* Num. 2, 25.

26. E Pagiell, figl d' Ocran, capo del exercit della schlatta dels infants d' Asser;

27. Ed Ahira, figl d' Enan, capo del exercit della schlatta dels infants da Neftali.

28. Quaistas *eiran* las trattas dels infants d' Israel, *disferenziats* per lur truppas, cur els movaivan.

29. Ma Mose disch a Hobab, figl da Reguel, Midianit, seis sör: Nus ans partin *per ir* nel lö, dal qual il Segner ha dit: Eu il vögl dar a vus; vè con nus, * e nus at volain far del bain; perche cha'l Segner ha impromiss del bain ad Israel.

* Gäd. 1, 16.

30. Ed el al disch: Eu non vögl ir; anzi vögl eu ir in meis pajais, e promia parantella.

31. Ma *Mose* al disch: Char tü, non ans bandunar; perche, cognoschand tü ils lous, ingio nus avain da 'ns acchampar nel desert, schi 'ns poust tü servir per ögls;

32. E scha tü vainst con nus, cur quel bain, cha'l Segner ans vögl far, sarà dvan-tà, schi at volain nus far del bain.

33. Usche 's partittan els dal munt del Segner, e fettan il chamin da trais giornadas, giand l'archa del pat del Segner trais giornadas avant els, per * spiar ad els ün lö da re-pos.

* Deut. 1, 33. Ger. 31, 2. Ez. 20, 6.

34. E cur els as movaivan dal lö, ingio els eiran stats acchampats, schi *eira* la nüvla del Segner sur els, da di.

35. E, cur l'archa 's movaiva, dschaiva Mose: * Leiva sü, o Segner, e sajan teis inimis dispers, e quels chi t'ödieschan fùgiran per tia presenza.

* Ps. 68, 2.

36. Ma, cur ella as tschantaiva, dschaiv' el: O Segner, turnainta las deschmilli millièras dellas truppas d' Israel.

CHAP. XI.

Il pövel bruncla conter il Segner, ed ais chastià; la manna co la saja; Mose interceda per il pövel; vegnan ordinats 70. seniurs; e Deis in sia ira trametta quacras al pövel.

MA'l pövel mosset da 's almentar avant las uraglias del Segner, sco per avoir suffri anguosa. E'l Segner l'udit, e sia ira s'invüdet, ed il fò del Segner ardet intanter els, e consumet üna part del champ.

2. E'l pövel bragit a Mose. E Mose rovet il Segner, e'l fò as stüzzet.

3. Ed a quel lö füt miss nom Tabera (incendi); perche il fò del Segner eira invüda in mez els.

4. * Ma'l tröp della gliend raspada, chi eira intanter il pövel, as moventet pro cuvaida, ed ils figls d' Israel turnettan eir els a cridar, e dischan: † Chi'ns darà charn da mangiar.

* Ex. 12, 38. † Ps. 78, 18. 196, 14. 1 Cor. 10, 6.

5. E * nus ans regordain del pesch, cha nus mangiaivan in Egipto per inguotta, dels cocomers, dels melons, dels puorvs, dellas tschiguollas, e del agl.

* Ex. 16, 3.

6. Ma nossa bocca *ais* uossa secha, e nus non *avain* inguotta; *nus* non *podain volver* ils ügls vi' ad oter, co la manna.

7. Ma la manna eira simile al sem da coriander, e sia color simile alla color dellas perlas.

8. Ed il pövel as deraiva vi' e nan, e la clejaiva sü; lura la movaiv' el con las moulas, o la sputtaiva nel moscher, e la coschaiva in cudèras, o faiva fuatschas, ed il gust da quellas eira sco'l gust d'öli fraisch.

9. E, cur il ruschè crodaiva da not stül champ, schi crodaiva eir la manna sur quel.

10. E Mose inceget, cha'l pövel cridaiva in sias famiglias, scodün

all'intrada da sia chamanna. * E l'ira del Segner s'invüdet greivamaing. Quai displaschet eir a Mose.

* Ps. 78, 21.

11. Ed el disch al Segner: Perche hast tü fat quai mal a teis servaint, e perche non ha eu chattà grazia pro tai, cha tü m'hast miss a colöz il fasch da tuot quai pövel?

12. Ha eu concepi tuot quai pövel? L'ha eu genui, cha tü 'm dist, ch'eu il dess portar nel sain, sco la bèla porta l'infant chi tetta, nel pajais cha tü hast gürà a lur babuns?

13. Dinuonder poss eu avoir charn, per dar a tuot quai pövel? Perche ch'el crida davo mai, dschand: Da'ns charn da mangiar!

14. Eu non poss * redscher tuot quai pövel sulet; perche il *pais ais* massa greiv per mai.

* Ex. 18, 18.

15. E scha tü pür voust far in tala maniera con mai, schi mazza 'm, eu 't rov, sch'eu ha chattà grazia pro tai, e non far ch'eu vezza meis mal!

16. Contuot disch il Segner a Mose: Fa'm gnir settant' homens insembel dels seniurs d' Israel, ils quals tü cognoschast, essendo quels seniurs del pövel, e seis redschadurs, e maina'ls al tabernacul della raspada, e qua dessan els comparair con tai.

17. Lura vögl eu ir giò, e qua favlar a tai, e metter d'art del spiert chi *ais* sur tai, e'l vögl metter sur els, ed els porteran con tai il fasch del pövel, e tü non il dessast portar sulet.

18. Ma di al pövel: As santifichai per daman, e vus gnis a mangiar charn; perche vus avais cridà avant las uraglias del Segner, dschand: Chi vain ans dar charn da mangiar? Tschert, nus staivan bain in Egipto. Il Segner dimena as darà charn, e vus gnis a mangiar.

19. Vus non gnis a mangiar *sul* ün di, ne duos, ne tschinch, ne desch, ne vainch;

20. *Ma* fin ad ün mais intèr, fin cha as giaja tras las fouras del nas, e cha vus l'hajat in abomini; daspö

cha vus avais spredschâ il Segner, chi *ais* in mez vus, ed avais eridâ avant el, dschand: Perche eschan nus gnüts our d' Egipto?

21. E Mose disch: * Quaist pövel, intanter il qual eu *sun*, *ais* da ses-tschient voutas milli homens a pè, e tû hast dit: Eu vöglad els dar charn, ed els vegnan a la mangiar ün mais intêr.

* Ex. 12, 37. 38, 26. Num. 1, 46.

22. Vain ün ad els a schannar bescha, e bovs, tant cha hajan a sufficienza? Vain ün ad els a raspar tuots ils peschs del mâr, tant cha hajan quant ad els basta?

23. Lura disch il Segner a Mose: * Ais fors' il man del Segner seursni? Uossa vainst a vair, scha meis pled dvainta, o na.

* Es. 50, 2. 59, 1.

24. Ma Mose get oura, e rapportet al pövel ils plets del Segner, raspet settant' homens dels seniurs del pövel, ils quals el fet star in pè intuorn il tabernacul.

25. E'l Segner gnit giò nella nüvla, e tschantschet con el, e mettet d'vart del spiert chi *eira* sur el, e'l mettet sur quels settant' homens seniurs, e dvantet, cha cur il Spiert poset sur els, ch' els profetizettan, e da quel di inavant interlaschettan els da far que.

26. Ma duos *da quels* homens eiran restats nel champ, e'l nom del ün *eira* Eldad, e'l nom del oter Medad, e'l Spiert as tschantet sur els. Ma els *eiran intanter quels chi* eiran stats rasegnats; ma non eiran its oura, per ir pro'l tabernacul. E profetizettan aint nel champ.

27. Ed ün giuven currit, e rapportet il fat a Mose, dschand: Eldad e Medad profetizeschan aint nel champ.

28. Giosua lura, figl da Nun, chi avaiva servi a Mose da sia giuventün in sü, respondet a Mose, e disch ad el: Scomanda'ls!

29. Ma Mose al disch: Est tû zelus per mai? Anzi * füss pür tuot il pövel del Segner profet, ed avess pür il Segner miss seis Spiert sur els.

* 1 Cor. 14, 1.

30. Mose lura as retiret nel champ, insembel cols seniurs d' Israel.

31. Ed ün * vent alvet sü, *moventâ*

dal Segner, † e transportet quacras nan dal mâr, e las büttet sün il champ, ad üna giornada da chamin our d'intuorn da qua, ed üna giornada da chamin da là, intuorn il champ, e l' *otezza* eira strusch *da* duos bratschs muots sün la fatscha della terra. * Ps. 78, 26. † Ex. 16, 13. Ps. 105, 40.

32. Ed il pövel stet sü, e tuot quel di, e tuot quella not, e tuot il di seguint, cleget el sü quacras; chi cleget il main, *cleget* desch omers; lura las rasettan els da larch intuorn il champ.

33. * Els avaivan amo la charn intanter ils daints, ed ella non eira amo maschada, cur l' ira del Segner s' invüdet conter il pövel, e'l Segner bat-tet il pövel d' üna grandisma plaja.

* Ps. 78, 31.

34. Ed a quel lö füt miss nom Cibrottaava; perche qua füttan sepulits quels del pövel, chi eiran moventats pro cuvaida.

35. Da * Cibrottaava il pövel as partit, *trand* in Haserot, e 's fermet in Haserot.

* Num. 33, 17.

CHAP. XII.

Miriam ed Aaron bruncan conter Mose; Miriam vain battüda con levrusia, e guarida tras l' oraziun da Mose.

MA Miriam ed Aaron tschantschet-tan conter Mose, per chascun della duonna Cusita, ch' el avaiva tut; perche el avaiva tut üna duonna * Cusita.

* Ex. 2, 21.

2. E dischan: Ha vairamaing il Segner favlâ sul tras Mose? * Non ha el eir tschantschâ tras nus? Ed il Segner udit *quaists plets*.

* Mic. 6, 4.

3. Ma quel hom Mose *eira* zuond bandus, plü co qual *oter* hom chi *füss* sur terra.

4. Pertant disch il Segner in quel dandet a Mose, ed ad Aaron, ed a Miriam: It oura tuots trais, e gni pro'l tabernacul della raspada. Ed els tuots trais gettan oura.

5. Ed il Segner gnit giò nella coluonna della nüvla, e's fermet all' intrada del tabernacul, e clamet Aaron e Miriam. Ed amenduoss gettan oura.

6. Ed *il Segner* disch: Tadlai uossa meis plets: Scha tanter vus ais alchün profet, schi dun eu, il Segner,

ad el da cognoscher in visium, o tsehantsch con el in sömmi.

7. Ma usche non *fetsch* eu *vers* meis serviaint Mose, il qual ais * fidel in tuot mia chasa. * Ebr. 3, 2.

8. Con el tsehantsch eu * bocce' a bocca, ed a vezzüda, e na in maniera schüra, ed el vezza la sumgenscha del Segner; perche dimena non avais vus tmü da favlar conter meis serviaint, conter Mose? * Exod. 33, 11.

9. E l'ira del Segner s'invüdet conter els, ed el get davent.

10. E la nüvla as partit dal tabernacul, e mera, * Miriam *eira* levrusa, alba sco naiv, ed Aaron guardet Miriam, e mera, ell'eira levrusa. * Deut. 24, 9.

11. Contuot disch Aaron a Mose: Ah! meis Segner; char tü, non ans metter pucha adöss; perche nus avain fat narramaing, ed avain pechâ.

12. Eu 't rov, ch'ella non saja sco ün *part* mort, la charn del qual, cur el vain our dal vainter da sia mamma, ais agià mez consumâ.

13. E Mose bragit vi'al Segner, dschand: O Deis, eu 't rov, guaresch-la uossa!

14. E'l Segner disch a Mose: Scha seis bap l'avess spüdata in vista, non gnis ella ad esser set dis in tuorp? Ch'ella saja serrad' aint set dis our dal champ; lura saj'-la pigliad' aint.

15. Miriam dimena füt serrad' aint our dal champ set dis, e 'l pövel non as partit davent, fin cha Miriam füss pigliad' aint.

CHAP. XIII.

Davart ils spiuns, tramiss nella terra da Canaan.

MA davo quai's partit il pövel da * Haserot, e s'acchampet nel desert da Paran. * Num. 11, 35.

2. E'l Segner favlet a Mose, dschand:

3. Tramet' * homens, chi spian il pajais da Canaan, il qual eu dun als infants d'Israel; tramettai ün hom per schlatta da lur babuns; tuots capos dels figls d'Israel. * Deut. 1, 22.

4. Mose dimena tramettet quels homens dal desert da Paran, seguond il comandamaint del Segner, e tuots eiran capos dels infants d'Israel.

5. Ma quaists *sun* lur noms: Sammua, figl da Zaccur, dalla schlatta da Ruben;

6. Safat, figl da Hori, dalla schlatta da Simeon;

7. Caleb, figl da Jefunne, dalla schlatta da Giuda;

8. Igal, figl da Giosef, dalla schlatta d'Issaschar;

9. Hosea, figl da Nun, dalla schlatta d'Efraim;

10. Palti, figl da Rafu, dalla schlatta da Benjamin.

11. Gaddiel, figl da Sodi, dalla schlatta da Zebulon;

12. Gaddi, figl da Susi, dall'*otra* schlatta da Giosef, cioè dalla schlatta da Manasse;

13. Ammiel, figl da Gemalli, dalla schlatta da Dan;

14. Setur, figl da Micael, dalla schlatta d'Asser;

15. Nabi, figl da Vafi, dalla schlatta da Neftali;

16. Geuel, figl da Machi, dalla schlatta da Gad;

17. Quaists *sun* ils noms dels homens, cha Mose tramettet per spiar il pajais; ma Mose avaiva miss nom Giosua, ad Hosea, figl da Nun.

18. Contuot ils tramettet Mose a spiar il pajais da Canaan, e disch ad els: It da qui, vers mezdi, lura muntai sül munt.

19. E guardai, co quel pajais saja, e co saja il pövel chi avda in quel, sch'el *ais* ferm, o debel; sch'el *ais* in pitschen, o in grand number;

20. E co *saja* la terra, nella qual' el avda, sch'ell' *ais* buna, o noscha, e co las cittats *sajan*, nellas qualas el avda, sch'el *avda* in tendas, o fortezzas.

21. E co'l terrain *saja*, sch'el *ais* grass, o mager, e scha boscha saja laint, o na; e 's deportai valerusa-maing, e portai dels früts del pajais. Ma lura *eira* il temp dellas prümas üjas.

22. Els gettan dimena, e spiettan il pajais, dal desert da Sin fin a Rehob, all'intrada da Hemat.

23. Lura muntettan els vers il mezdi, e gnittan fin in Hebron, ingio *eiran* * Ahiman, Sesai, e Talmai,

nats d' Enac. Ma Hebron ais statt' edifichada set ans avant Soan d' Egipto.

24. E, siand * rivats fin al flüm d' Escol, schi taglettan els giò dalander üna vit con ün toc d' üja; e duos la portettan con üna stanga; insembel con poms granats, e figs. * Deut. 1, 24.

25. E, per chaschun da quel zoe d' üja, cha 'ls figls d' Israel avettan tagliâ giò, füt miss nom a quel lö, Nahal-Escol.

26. Ed in cheu da quaranta dis turnettän els da spiar il pajais.

27. E gettan pro Mose, e pro Aaron, e pro tuot la raspada dels infants d' Israel nel desert da Paran, in Cades; ingio, essendo rivats, rapportettan els ad els, ed a tuot la raspada il fat, e mossettän ad els quels früts del pajais.

28. E requintettän *lur viadi* a Mose, e dischan: Nus rivettän nel pajais, nel qual tü 'ns hast gnü tramiss, e tsehert, *el ais ün pajais*, chi cula da lat e meil, mera quia da seis früts.

29. Solum *quaist aise*, * cha 'l pövel chi avda in quel *ais* potaint, e las citats † *sun* fich fermas e grandas, ed eir avain nus vis là ils figls d' Enac.

* Deut. 2, 10. † Deut. 1, 28.

30. Ils Amalecits avdan nella contrada meridionala; ils Hetits, ils Jebusits, ed ils Amorits avdan süil munt, et ils Cananits avdan sper il mâr davo 'l Giordan giò.

31. E Caleb taschantet il pövel invers Mose, e disch: Giain pür in quel pajais, e 'l conquistain; perche nus per tsehert gnin al podair ans suot-tametter.

32. Ma quels homens, chi eiran its con el, dischan: E non ais in nos podair da muntar conter quel pövel; perche ch'el *ais* massa potaint per nus.

33. E disfamettän il pajais, ch' els avavan spiâ, avant ils infants d' Israel, dschand: Il pajais, tras il qual nus eschan passats, per il spiar, *ais* ün pajais chi consüma seis abitants, * e tuot il pövel, cha nus in quel avain vis, *sun* homens ots, e grands. * Am. 2, 9.

34. Eir gigants avain nus vis là, ils figls d' Enac, *dalla schlatta* dels gigants; *avant ils quals* ans paraiva,

cha nus füssan salips, e tals eir paraivan nus ad els.

CHAP. XIV.

Il pövel, siand stramanfâ tras la relaziun dels spiuns, bruncla conter il Segner; desch dels spiuns mouran; Amalec batt' il pövel.

LURA ozet tuot la raspada la vusch, e fet grand bragizi, e 'l pövel cri-det quella not.

2. Ed ils infants d' Israel brunclettan tuots conter Mose, e conter Aaron, e tuot la raspada disch ad els: Füssan nus pür morts nel pajais d' Egipto, o füssan nus pür morts in quaist desert!

3. E perche 'ns main' il Segner in quel pajais, acio cha nus restan morts tras la spada, e nossas mugliers, e nossas famiglias sajan per praja? Non *füss* que megl per nus, cha nus turnessan in Egipto?

4. E dischan l' ün al oter: *Ans* constituin ün capo, e lascha 'ns turnar in Egipto.

5. Mose lura ed Aaron as büttettän giò in terra süin lur fatschas, avant tuot la raspada della comünanza dels infants d' Israel.

6. Ma Giosua, figl da Nun, e Caleb, figl da Jefunne, *chi eiran stats* da quels, chi avavan spiâ il pajais, as sdratschettän la vestimainta,

7. E dischan a tuot la raspada dels infants d' Israel: Il pajais, tras il qual nus eschan passats per il spiar, *ais* ün bunissem pajais.

8. Scha 'l Segner ans ais favorabel, schi vain el ans introdür in quel pajais, e 'ns il dar; *chi ais* ün pajais euland da lat e meil.

9. Solum non as rebellarai conter il Segner, e non hajat temma del pövel da quel pajais; perche ch' els *sun* nos pan; lur protecziun as ha partida davent dad els, e 'l Segner *ais* con nus; non hajat temma.

10. Lura disch tuot la raspada da 'ls acerappar; ma la gloria del Segner comparet a tuots ils infants d' Israel, nel tabernacul della raspada.

11. E 'l Segner disch a Mose: Infin cura vain quaist pövel am far dispet? Ed infin cura non vegnan els a erair in mai, per tuots ils miraculs ch' eu ha fat in mez els?

12. Eu il vögl batter con mortalità, ed il disperder, ed eu t' vögl far gnir üna * naziun plü granda, e plü po-
tainta co quel.

* Ex. 32, 10.

13. E Mose disch al Segner: * Ma ils Egipters udiran quai, perche tü hast trat quaiست pövel our da mez els, con tia forza.

* Ex. 32, 12. Deut. 32, 27.

14. E dscharan als abitants da quaiست pajais, * *ils quals* han inelet, cha tü Segner *sajast* in mez quaiست pövel, e cha tü comparast ad el a vista d' ügl, e cha tia nüvla as ferma sur els, e cha tü chaminast avant els in coluonna da nüvla da di, ed in coluonna da fö, da not.

* Ex. 15, 14. Gios. 2, 9. 5, 1.

15. Scha tü, *di eu*, fast morir quaiست pövel, seo ün sul hom, schi gnissan ils pövels, chi averan inelet tia fama, a dir:

16. Perquai cha l' Segner * non ha podü far intrar quaiست pövel nel pajais, ch' el avaiava gürâ ad els, schi l's ha el mazzats nel desert.

* Deut. 9, 28.

17. Uossa dimena saja, eu t' rov, la potenza del Segner magnifichada, e *fà* seguond cha tü hast tshantschâ, dschand:

18. * Il Segner *ais* tard all' ira, e grand in benignità; el perduna l' iniquità, e l' surpassamaint; ma eir chi non absolve adüna *il culpant*; anzi chi chastia l' iniquità dels baps sur ils infants, infin alla terza, ed alla quarta *generaziun*.

* Ex. 34, 6.

19. Ah! perdun' a quaiست pövel sia iniquità, seguond la grandezza da tia benignità, e seo tü l' hast perdunâ d' Egipto infin a qui.

20. Ed il Segner disch: Eu al ha perdunâ, seguond teis pled.

21. Impero, *seo* eu viv, e seo tuot la terr' ais plaina da mia gloria:

22. * Ingün da quels homens, chi han vis mia gloria, e meis miraculs, ch' eu ha fat in Egipto, e nel desert, e m' han impero provâ agiâ desch voutas, ne han obedi a mia vusch;

* Deut. 1, 35. Ps. 95, 11. Ebr. 3, 17.

23. Non dess vair il pajais, il qual eu ha gürâ a lur babuns; ingün da quels chi m' han fat dispet non il dess vair.

24. * Ma, quant a Caleb, meis servi-
aint, perche in el ais stat ün oter

spiert, e m' ha seguittà plainamaing, eu il vögl introdür nel pajais, nel qual el ais it, e seis sem il possederà.

* Gios. 14, 8. 9.

25. Ma ils Amalecits, ed ils Cananits avdan nella val, e *pertant* volvai daman la fatscha, e chaminai vers il desert, trand vers il mâr co-
tschen.

26. Il Segner favlet eir a Mose, ed ad Aaron, dschand:

27. Infin cura *dess eu soffrir* quaiста mala raspada, chi brunela conter mai? Eu ha udi il brunelar dels infants d' Israel, col qual els brunelan conter mai.

28. Di ad els: *Sco* eu viv, disch il Segner, eu 's vögl far seo vus avais tshantschâ avant mias uraglias.

29. Voss corps vegnan a crodar morts in quaiست desert, e quant a tuots ils * nombrats intanter vus, seguond tuot vos number, dall' etê da vainch ans in sü, chi avais brunelâ conter mai,

* Num. 26, 64. 65. 32, 11.

30. Vus non intrais nel pajais, sur il qual eu ozet il man, ch' eu a vus qua laschess abitar; resalv Caleb, figl da Jefunne, e Giosua, figl da Nun.

31. Ma qua vögl eu far intrar voss pitschens infants, dals quals vus avais dit, cha vegnan a gnir per praja, ed els vegnan a cognoscher *che chosa* *saju* il pajais, il qual vus avais sdegnâ;

32. Ma da vus vegnan ils corps a crodar morts in quaiست desert.

33. E voss infants vegnan ad ir perchürand nel desert, per quarant' ans, e vegnan a portar *la paina* da vos pitanögn, fin cha voss corps morts sajan consumâts nel desert.

34. Vus gnis a portar *la paina* da vossas iniquitats per quarant' ans, seguond il number dels * quaranta dis, cha vus eschat stats a spiar il pajais, ün an per ün di, e vus gnis a cognoscher, co eu rump mias *impro-*
missiuns.

* Num. 13, 26.

35. Eu, il Segner, ha tshantschâ. Eu fetsch quaiست a tuot quaiста mala raspada, chi ais gntid' in-
sembel conter mai; in quaiست desert vegnan els a gnir almain, e qui a morir.

36. Quels homens dimena, cha Mose avaiava tramiss per spiar il pajais, ils quals, siand turnats, avaiavan fat brunciar tuot la raspada conter el, disfamand quel pajais;

37. Quels homens, di eu, chi avaiavan spars üna mala fama da quel pajais, morittan da plaja, avant il Segner.

38. Ma Giosua, figl da Nun, e Caleb, figl da Jefunne, restettan in vita, intanter quels chi eiran its a spiar il pajais;

39. Ma Mose referit quels plets a tuot ils infants d'Israel, e 'l pövel fet ün grand cordöli.

40. E la daman seguainta alvettan els sü, e muntettan sü la sommità del munt, dschand: Mera qui; nus volain ir sü nel lö, cha 'l Segner ha dit; perche nus avain pechâ.

41. Ma Mose disch: Perche surpasseis vus il comandamaint del Segner? Quai non vain a prosperar bain.

42. Non giarai sü; perche il Segner non *ais* in mez vus; cha, scha vus forsà s' affruntais con voss inimis, vus non vegnat miss in daruotta.

43. Perche là via avant vus *sun* ils Amalecits ed ils Cananits, e vus gnis ad esser morts tras la spada; perche vus s' avais vouts inavo, davent dal Segner, ed el non sarà con vus.

44. Inguotta tant main provettan els temerariamaing da muntar alla sommità del munt; ma l' archa del pat del Segner, e Mose non as movettan our da mez il champ.

45. E 'ls Amalecits, e 'ls Cananits, chi abitaivan in quel munt, gnittan giò, e 'ls battettan, e 'ls rumpettan, *als dand davo* fin in Horma.

CHAP. XV.

Il sacrificis, cha 'l pövel dovaiva offerir nella terra da Canaan. Ün, aviand clet sü laina süil sabbat, vain acerrappâ.

DAVO quai favlet il Segner a Mose, dschand:

2. Tschantscha cols infants d' Israel, e di ad els: Cur vus gnis ad esser intrats nel pajais, ingio vus avais d' abitar, il qual eu as dun;

3. E gnis a far alchün sacrifici d' arder al Segner, *sco* olocaust, o *oter*

sacrifici, * per singular vut, o per spontanea voluntà, o in vossas † festas solennas, per offerir amabl' odor al Segner, del bestiam gross, o del manü;

* Lev. 7, 16. 22, 18. 21. 23, 8. 12, 36.

Deut. 16, 10. + Num. 28, 16. 27. 29, 2. 8. 13.

4. Schi dess offerir quel, chi farà si' offert' al Segner, ün' offerta da spaisa, della deschavla part d' ün *efa* da flur farina, temprad' aint con la quarta part d' ün hin d' öli;

5. E vin la quarta part d' ün hin per offerta da spander. Quaist dessast offerir per scodün olocaust, o *oter* sacrifici *cha saja* d' ün agnè.

6. E scha tü fast offerta da spaisa per ün bümatsch, schi offerr' la da duos deschavlas da flur farina, temprad' aint col terz d' ün hin d' öli.

7. E per offerta da spander dessast offerir il terz d' ün hin vin, *in* amabl' odor al Segner.

8. E scha tü offerrast al Segner ün trim per olocaust, o per *oter* sacrifici, per singular vut, o per * sacrifici d' ingraziamaint;

* Lev. 7, 11.

9. Schi offerr' insambel col trim ün' offerta da spaisa, da trais deschavlas da flur farina, temprad' aint con la mità d' ün hin d' öli.

10. E per offerta da spander offerra la mità d' ün hin vin, *quai* tuot in offerta d' arder, d' amabl' odor al Segner.

11. Usche as dess far per scodün bov, per scodün bümatsch, e per scodüna bestia manüda, nuorsa, o chavra.

12. Fat usche per scodüna *da* *quellas bestias*, seguond il number cha vus gnis a sacrificar.

13. Chi ais nativ del pajais dess quaistas chosas offerir in quaista maniera, per presantar offerta d' arder, d' amabl' odor al Segner.

14. E cur alchün ester, chi dmu-rerà pro vus, o qualunque *oter* sarà intanter vus, per vossas generaziuns, chi farà offerta d' arder, d' amabl' odor al Segner, schi ch' el la fetsch' usche sco vus gnis a far.

15. Cha saja ün medem statut per vus, e per il forestêr chi dmura *con* vus, chi eschat della raspada. Cha *saja* quaist ün statut perpetual tras

vossas generaziuns. Avant il Segner sarà il forestêr sco vus.

16. Òna medema ledscha, ed ùna medema rasehun sarà per vus, e per l' ester chi dmura con vus.

17. Il Segner favlet eir a Mose, dschand:

18. Tschantscha cols infants d' Israel, e di ad els: Cur vus gnis ad esser intrats nel pajais, ingio eu 's condüi;

19. Cur vus gnis a mangiar del pan del pajais, schi dessat offerir ün' offert' al Segner.

20. Offeri ùna fuatscha per offerta dellas primizias da vossas pastas; offeri-la nella medema maniera, sco * l' offerta *tutta* dal iral.

* Lev. 2, 14. 23, 10. 16.

21. Dat al Segner, tras vossas generaziuns, ün' offerta dellas primizias da vossas pastas.

22. Ma, * cur vus per ignoranza avessat fallâ, ne avessat esequi tuots quaists comandamaints, cha 'l Segner ha dat a Mose;

* Lev. 4, 2.

23. Tuot quai cha 'l Segner s'ha comandâ tras Mose, dal di ch' el s' ha dat comandamaints, tras vossas generaziuns;

24. * Scha l' errur ais stat commiss sainza sapchüda della raspada, schi dess tuot la raspada offerir, per olocaust, in amabl' odur al Segner, ün trim, con sia offerta da spaisa, e da spander, seguond l' ordinaziun, ed ün boc per *sacrifizi per il pucha*. * Lev. 4, 13.

25. Ed il sacerdot dess far la purgaziun per tuot la raspada dels infants d' Israel, e sarà ad els perdunâ; perche ed ais ignoranza, ed els han manâ nan avant il Segner lur offerta d' arder al Segner, e 'l *sacrifizi per il pucha*, per lur ignoranza.

26. Usche sarà perdunâ a tuot la raspada dels infants d' Israel, ed il medem als forestêrs, chi dmureran intanter els; perche tuot il pövel ha *part* da quell' ignoranza.

27. Ma, sch' ùna * sula persuna ha pechâ per ignoranza, schi dess ella offerir ùna chavra d' ün an, per il pucha.

* Lev. 4, 27.

28. Ed il sacerdot fetscha la purgaziun per quella persuna, chi per igno-

ranza averà pechâ, pechand per ignoranza nel conspet del Segner, e cur il sacerdot averà fat purgaziun per quella, sarà ad ella perdunâ.

29. Òna medema ledscha saja a vus, per chi averà fat *alchiuna cosa* per ignoranza, *tant sch' el füss* dels infants d' Israel, del pajais nativ, *co sch' el füss* forestêr chi dmura tanter els.

30. Ma la persuna, tant il nativ del pajais, co 'l forestêr, chi farà *alchiin act* con man ozâ, quella vituperesch' il Segner, e pertant saja ùna tala persuna ragischad' our da seis pövel.

31. Perche ch' el ha spredschâ il pled del Segner, ed ha ruot seis comandamaints, dafat saja quella persuna ragischad' oura; sia iniquità saja sur ella.

32. Ma, siand ils infants d' Israel nel desert, schi chattettan els ün hom, chi elegiaiva sü laina ün di da sabbat.

33. E quels chi 'l chattettan, elegiand sü laina, il manettan pro Mose, e pro Aaron, e pro tuot la raspada.

34. E 'l mettettan in preschun; perche declerà non eira stat quai cha con el s' avess da far.

35. Ma 'l Segner disch a Mose: Quel hom saja a tuotta via fat morir; tuot la raspada il dess accrappar dadour il champ.

36. E tuot la raspada il manet our dal champ, e 'l accrappet, dasort ch' el morit, sco 'l Segner a Mose avaiva comandâ.

37. Il Segner favlet eir a Mose, dschand:

38. Tschantscha cols infants d' Israel, e di ad els: Cha 's dessan far * franzlas vi' als urs da lur vestas, tras lur generaziuns, e cha mettan sün quellas franzlas dels urs ün cordun da violet.

* Deut. 22, 12. Mat. 23, 5.

39. Ed hajat *quel cordun* sün las franzlas, acio cha, cur vus las guarderat, vus as regordat da tuots ils comandamaints del Segner, e 'ls mettat in ouvra, e non giarai guetand davo vos cour, e davo voss ögls, davo 'ls quals vus solais ir spitanand;

40. Acio cha vus as regordat da metter in ouvra tuots meis comandamaints, e sajat sanets a vos Deis.

41. Eu *sun* il Segner, vos Deis, chi 's ha trats our dal pajais d' Egipto, per esser Deis a vus. Eu *sun* il Segner, vos Deis.

CHAP. XVI.

La rebellun da Core, Datan, ed Abiram; ed il brunciar d' oters 14700 vain chastia.

MA Core, figl d' Jesehar, figl da Cahat, figl da Levi; e Datan, ed Abiram, figls d' Eliab; ed On figl da Pelet, figls da Ruben, aviand tut *dels oters con els*,

2. As fettan sü, in presenza da Mose, con duatschient tschinquant' homens dels figls d' Israel, *chi eiran* dels principals della raspada, chi solai-van clamar nella congregaziun del pövel, homens da reputaziun,

3. E * 's raspettan insembel conter Mose, e conter Aaron, e dischan ad els: As contentai; perche tuot la raspad' *ais* sancta, e'l Segner *ais* in mez els; perche dimena s' adozaivat vus sur la raspada del Segner? * Ps. 106, 16.

4. Cur Mose avet incelet quai, as бүттет el giò a terra sün sia fatscha,

5. E tschantsethet con Core, e con tuot sia raspada, dschand: Daman mamvagl farà il Segner cognoscher chi *ais* seis, e chi *ais* sanct, e'l farà ir via pro el; el farà ir via pro el, chi el averà elet.

6. Fat quaist, tü Core, e tuots *vus, chi eschat* da seis seguit, pigliai turibuls.

7. E daman mettai fö in quels, ed as mettai a vus sü profüm nel conspet del Segner; e quel cha'l Segner averà elet, sarà il sanct. As contentai, figls da Levi.

8. Ultra quai disch Mose a Core: Ah! tadlai, figls da Levi;

9. *Aise* massa pac per vus, cha'l Deis d' Israel s'ha * separats dalla raspada d' Israel, per as far ir via pro el, a far il servezen del tabernacul del Segner, e per as presentar avant la raspada, a *far* seis ministeri?

* Num. 8, 14.

10. E ch' el in effet ha fat ir via tai, e tuots teis frars, figls da Levi, con tai, cha vus tscherchais eir il sacerdotadi?

11. Perquai, tü, e tuot teis seguit, *eschat* quels, chi sun gnüts insembel

conter il Segner; e che ais Aaron, cha vus brunciais conter el?

12. Mose tramettet eir a clamar Datan, ed Abiram, figls d' Eliab; ma els dischan: Nus non volain ir;

13. *Aise* paca chosa, cha tü 'ns hast trats our d' ün pajais, culand da lat e meil, per ans far morir nel desert; cha tü vögliast eir absolutamaing far il princip sur nus?

14. Ma *laschain*, tü non ans hast condüts in ün pajais, culand da lat e meil, ans avessast dat *almain* qualcha possessiun da champs, o da vignas; t' impaissast tü da chavar our' ils ögls da quaists homens? Nus non volain ir!

15. Lura s' adiret Mose zuond fich, e disch al Segner: Non guardar sün lur offerta; * eu non ha tut inguotta da quai d' alchün dels, niane' ün asen; e non ha offais alchün dels.

* 1 Sam. 12, 3. Fats. 20, 33.

16. Lura disch Mose a Core: Comparai daman, tü, e quels da teis seguit, avant il Segner; Aaron *vain* eir el a *comparair*.

17. E scodün da vus piglia seis turibul, e metta profüm laint, e scodün porta seis turibul avant il Segner, *cha saran* duatschienttschin-quanta turibuls. Tü eir, ed Aaron, *hajat* scodün seis turibul.

18. Contuot piglettan els scodün seis turibul, e mettettan fö, e profüm laint e 's fermettan all' intrada del tabernacul della raspada. Il sumgiant fettan eir Mose, ed Aaron.

19. E Core fet gnir tuot la raspad' insembel conter els, all' intrada del tabernacul della raspada; e la gloria del Segner comparet a tuot la raspada.

20. E'l Segner favlet a Mose, ed ad Aaron, dschand:

21. As separai our da mez da quaista raspada, ed in ün momaint ils vögl eu consümar.

22. Ma els, siand бүттats giò in terra sün la fatscha, dischan: O Deis, * Deis dels spierts d' ogni charn, aviand quaist hom sulet pechâ, gnis-sast tü at adirar conter tuot la raspada?

* Num. 27, 16. Giob. 12, 10.

Ec. 12, 9. Es. 57, 16. Zac. 12, 1. Eb. 12, 9.

23. Il Segner lura favlet a Mose, dschand:

24. Tschantscha con la raspada, dschand: As retrat our dintuorn las chamannas da Core, da Datan, e d' Abiram.

25. Contuot alvet Mose sü, e get pro Datan, e pro Abiram; ed ils seniurs d' Israel gettan davo el.

26. Ed el favlet alla raspada, dschand: Eu 's rov, as parti davent dallas chamannas da quaists mals homens, non toccarai alchüna chosa lur, cha forse vus non perat per tuots lur puchats.

27. Ed els as partittan davent dallas chamannas da Core, da Datan, e d' Abiram, our dintuorn dapertuot; ma Datan ed Abiram gettan our, e 's fermettan all' intrada da lur chamannas, con lur mugliers, e lur infants, e lur famiglias.

28. Lura disch Mose: Our da quaist gnis a cognoscher, cha'l Segner m' ha tramiss, per far tuot quaistas ouvas; perche ch' eu non *las ha futuras* da meis sen.

29. Scha quaists mouran in maniera da tuot la gliend, e vegnan chastiats sco tuot l' *otra* gliend, schi non m' ha il Segner tramiss.

30. Ma, scha'l Segner fa üna chosa nouva, tal cha la terr' avra sia bocca, e 'ls travuonda, insembel con tuot quai chi *appertain* ad els, dasort cha gijajan vivs giò nel infern, schi gnis vus a cognoscher, cha quaists homens han spretschâ il Segner.

31. Dvantet dimena cha, aviand el fini da proferir tuots quaists plets, * la terra, ch' eira suot quels, as fendet.

* Num. 26, 10. Deut. 11, 6. Ps. 106, 17.

32. Ed avrit sia bocca, e 'ls travuondet, insembel con lur chasas; ed il medem tuot las persunas, *appertinentas* a Core, e tuot la roba.

33. E gettan giò vivs in infern, con tuot quai cha *appertgnaiva* pro ad els; e la terr' ils covernet, ed els perittan intanter la raspada.

34. E tuots ils Israelits, chi *eiran* intuorn els, fuggittan süin lur bragir; perche e dschaivan: Cha la terra non ans travuonda!

35. Ultra quai ün fö get our dal

Segner, il qual constimet quels duaschienttschinquant' homens, chi offerivan il profüm.

36. Davo quai favlet il Segner a Mose, dschand:

37. Di ad Eleazar, figl del sacerdot Aaron, ch' el piglia sü ils turibuls our da mez l' incendi, rasand via il fö; perche els sun sanets.

38. Ed our dals turibuls da quels, chi han pechâ conter lur proprias ormas, as dess far plattas staisas oura, a covernar l' utêr; perche els ils han presentats avant il Segner, e sun sanets, e sajan per signal als infants d' Israel.

39. Contuot piglet il sacerdot Eleazar quels turibuls d' aram, ils quals quels chi eiran ars avaivan presentâ, e füttan distais in plattas, per covernar l' utêr,

40. *Per* regordanz' als infants d' Israel, ch' ingün hom ester, chi non *ais* del sem d' Aaron, non s' approsma per far profüm avant il Segner, e non saja sco Core, e sco quels da seis seguit; sco'l Segner avaiva comandâ ad Eleazar, tras Mose.

41. Ed il seguaint di brunclet tuot la raspada dels infants d' Israel conter Mose, e conter Aaron, dschand: Vus avais fat morir il pövel del Segner!

42. E dvantet cha, as raspad la congregaziun conter Mose, e conter Aaron, schi guardettan *ils infants d' Israel* vers il tabernacul della raspada, e mera, la nüv' il covernet, e la gloria del Segner comparet.

43. E Mose ed Aaron gnittan avant il tabernacul della raspada;

44. E'l Segner favlet a Mose, dschand:

45. As alvai our da mez quaista raspada, in ün momaint la vögl eu consümar. Ma els as büttettan giò in terra süin lur fatschas.

46. E Mose disch ad Aaron: Piglia il turibul, e metta fö laint giò dal utêr, e metta profüm laint, e vâ in prescha pro la raspada, e fâ purgaziun per els; perche üna grev' ira ais id' oura, our davart il Segner; la plaja ais *agiâ* comanzada.

47. Ed Aaron piglet *il turibul*, sco Mose avaiva dit, e currit in mez la raspada, e mera, la plaja eira *agià* comanzada intanter il pövel, ed el mettet il profüm *sül turibul*, e fet purgaziun per il pövel.

48. E 's fermet intanter ils vivs e 'ls morts, e la plaja füt tgnüda sü.

49. Ed ils morts tras quella plaja füttan quattordeschmilli e setttschient persunas; ultra quels chi eiran morts per il fat da Core.

50. E siand la plaja fermada, schi turnet Aaron pro Mose, all' intrada del tabernacul della raspada.

CHAP. XVII.

Il Segner, per il miraculus dschermügliar della percha d' Aaron, il conferma in sia vocaziun.

DAVO quai favlet il Segner a Mose, dschand:

2. Tschantscha cols infants d' Israel, e piglia dad els üna percha per scodüna naziun paterna; dudesch perchas, da tuots ils capos da lur naziuns paternas; e scriv' ils noms da scodün *dels sün* sia percha.

3. Ma 'l nom d' * Aaron scriva sün la percha da Levi; perche *e dess esser* üna percha per scodün capo da naziun paterna.

4. Lura tschainta quellus perchas nel tabernacul della raspada, avant la testimonianza, * ingio eu am lasch chattar con vus. * Ex. 25, 22.

5. E dvanterà, cha la percha da quel ch'eu averà elet, vain a dschermügliar; ed usche vögl eu quietar intuern mai ils bruncels dels infants d' Israel, con ils quals els bruncelan conter vus.

6. Mose dimena favlet a tuots ils infants d' Israel, e tuots lur capos al dettan üna percha per scodün capo da lur naziuns paternas, *chi füttan* dudesch perchas, e la percha d' Aaron eira in mez lur perchas.

7. E quellus perchas pozet Mose avant il Segner, nel tabernacul della testimonianza.

8. Ed il seguaint di, essendo intrat Mose nel tabernacul della testimonianza, mera, la percha d' Aaron, *chi eira* per la naziun da Levi, eira dschermügliada, ed avaiva büttà oura

butuns, e prodüt flur, e madürâ mandels.

9. E tuot quellus perchas tret Mose our avant il Segner, *e las portet* pro tuot ils infants d' Israel, ils quals *las* vezzettan, e scodün piglet sia percha.

10. Ma 'l Segner disch a Mose: * Porta la percha d' Aaron darcheu avant la testimonianza, ch' ella saja salvada sü per signal als rebels, e fà usche star inavo dintuern mai lur bruncels, afin cha non mouran.

* Ebr. 9, 4.

11. E Mose fet usche; sco 'l Segner l'avaiva comandà, usche fet el.

12. Ed ils infants d' Israel dschettan a Mose: Mera, nus eschan morts, nus eschan pers, nus tuots eschan pers.

13. Chi va via pro 'l tabernacul del Segner moura; gnin nus tuots affats a morir?

CHAP. XVIII.

Davart ils offizis dad Aaron, da seis figls, e dels levits, ed all' ün' ed all' otra part assegna el lur nudriamaint sur las offertas e deschmas.

PERTANT disch il Segner ad Aaron: Tü, e teis figls, e la chasa da teis bap con tai, gnis a portar l' iniquità, *chi's vain a commetter* circa il sanctuari, e medemmamaing, tü e teis figls, gnis a portar l' iniquità, *chi's vain a commetter* in vos sacerdotadi.

2. Ma eir teis frars fà gnir nan con tai, la schlatta da Levi, *chi ais* tia schlatta paterna, e sajan a tai adgiunts, e 't servan; ma tü, e teis figls con tai, *stat* avant il tabernacul della testimonianza.

3. Ed els dessan far la funcziun, cha tü ad els vainst ad ordinar, e la funcziun da tuot il tabernacul; ma cha non s' approsman via pro l' üsaglia del sanctuari, ne pro 'l utêr, per ch' els non mouran, e vus eir.

4. At sajan els dimena assistents, e fetschan la funcziun del tabernacul della raspada, in ogni seis servezzen; ingün ester non s' approsma a vus.

5. Contuot fat vus la funcziun del sanctuari, e del utêr, acio cha non saja plü ira conter ils infants d' Israel.

6. E, quant a mai, mera, * eu ha tut voss frars, ils levits, intanter ils infants d' Israel; *els* † as sun dats in

dun dapart del Segner, per far ils servezzens del tabernacul della raspada.

* Num. 3, 12, 45. † Num. 3, 9.

7. Ma tti, e teis figls con tai, fat l' ofizi da vos sacerdotadi, in tuot las chosas, *chi 's dessan far vi' al utêr*, e dadaint la vela, e fat il servezzen; eu as dun vos sacerdotadi *per ministeri*, dat sco propri dun, ed *impero* as dess l' ester chi s' approsmerà, far morir.

8. Il Segner favlet eir ad Aaron, *dschand*: Mera, eu t' ha dunâ mias offertas adoçadas, *per ün' ordinaziun* da las observar; da tuot las chosas consacradas dals infants d' Israel, dun eu quellas a tai, ed a teis figls, per ün statut perpetual, in virtù dell' uneziun.

9. Quaist dess esser teis dellas chosas sanctissimas, *restadas* dal fô; tuot lur offertas da lur * oblaziuns da spaisa, e da tuot lur † *sacrifizis per il pucha*, e da tuot lur *sacrifizis per la* ** cuolpa, chi am presentaran per satisfaziun, *chi sun* chosas sanctissimas, dessan esser tias, e da teis figls.

* Lev. 2, 2, 3. † Lev. 4, 22, 27.

** Lev. 5, 1, 7, 7, 10, 12, 14, 13.

10. In lö sanctissem las dessast mangiar; * ogni maşchel las dess mangiar; sajan chosa sancta.

* Lev. 10, 14. Deut. 18, 3. Lev. 22, 2.

11. Eir quaist saja teis; *cioè las offertas* adoçadas da tuot las chosas, cha 'ls infants d' Israel averan presentâ per dun, e da tuot lur offertas smanadas; quellas dun * eu a tai, ed a teis figls, ed a tias figlias, con tai, per ün statut perpetual; † chi *ais* net in chasa tia las dessan mangiar. * Lev. 10, 14. † Lev. 22, 2. Deut. 18, 3.

12. * Eu at dun *il medem* tuot la flur del ôli, tuot la flur del muost, e del formaint, da lur primizias, cha presentaran al Segner. * Deut. 18, 4.

13. Sajan teis tuots ils prüms früts, da tuot quai chi *vain a nascher* in lur terra, * ils quals els presenteran al Segner; chi ais net in chasa tia ils dess mangiar.

* Ex. 22, 29. Lev. 2, 14, 23, 19. Deut. 26, 2.

14. * Saja tia ogni chosa proibida in Israel. * Lev. 27, 28.

15. Saja teis tuot quai chi avra la matrice d' ogni charn cha 's offerr' al

Segner, tant della gliend, co dellas bestias; ma a tuotta via fà cha 's * spendr' il primogenit del crastian; fà il medem cha 's spendr' il primogenit della bestia malnetta. * Ex. 13, 13, 34, 20.

16. E fà spendrar *ils primogenits dels crastians*, chi convain da spendrar, dall' età d' ün mais, segund tia estimaziun, * *chi sarà* da tschinch siccaals d' argient, a † siccal da sanctuari, *chi ais* da vainch obols.

* Num. 3, 46, 47. † Ex. 30, 13.

17. Ma non laschar spendrar il primogenit della vacha, ne' l primogenit della nuorsa, ne' l primogenit della chavra; sun chosas sacras; spanda lur sang sün l' utêr; ed arda lur grass, per offerta d' arder, in amabl' odur al Segner.

18. E lur charn saja tia, * sco 'l pet dell' offerta smanada, e sco la spadla dretta.

* Ex. 29, 28. Lev. 7, 34.

19. A tai dun eu, ed a teis figls, ed a tias figlias, con tai, per statut perpetual, tuot las offertas adoçadas dellas chosas consacradas, cha 'ls infants d' Israel vegnan ad offerir al Segner. *Quaist* ais üna convenziun da sal, perpetua avant il Segner, per tai, e per tia descendenza, con tai.

20. Il Segner disch eir ad Aaron: * Tü non dessast avoir alchün' ierta in lur terra, e non dessast avoir part tanter els. Eu *sun* tia part, e tia iert' intanter ils infants d' Israel.

* Deut. 10, 9. Gios. 13, 14, 33.

21. Ma als infants da Levi, mera, * eu dun tuot las deschmas in Israel, per ierta, per recompensa da lur servezzen, cha fan intuorn il tabernacul della raspada.

* Lev. 27, 30.

22. Ed ils infants d' Israel non as dessan plü approsmar al tabernacul della raspada; acio cha non portan pucha, e mouran.

23. Ma 'ls levits dessan far il servezzen del tabernacul della raspada; ed els porteran lur iniquità; *quaist* ais ün statut perpetual tras vossas generaziuns, ed els non dessan possidair alchüna possessiun intanter ils infants d' Israel.

24. Perche ch' eu per ierta ha dat als levits las deschmas, dellas qualas

ils infants d' Israel dëssan offerir offer' al Segner. Perquai ha eu dit dad els, cha non dëssan possidair alchün' ierta intanter ils infants d' Israel.

25. E 'l Segner favlet ultra quai a Mose, dschand:

26. Tschantscha eir cols levits, e di ad els: Cur vus gnis ad avair ardschvü dals infants d' Israel las deschmas, ch' eu 's dun *da tour* dad els, per voss' ierta, schi dëssat eir vus offerir ün' offert' al Segner, las deschmas dellas deschmas.

27. E voss' offerta as sarà inquinada, sco gran *tut* dal iral, e muost dalla tinna.

28. Usche dëssat vus eir offerir offert' al Segner da tuot vossas deschmas, cha gnis a retschaiver dals infants d' Israel, e dëssat dar l' offerta del Segner al sacerdot Aaron.

29. Offeri da tuot las chosas, chi as saran dunadas, l' offerta del Segner tuot intëra; *offeri* da tuot il megler da quellas chosas, la part chi ha d' esser consacrada.

30. Di eir ad els: Cur vus gnis ad avair offert il megler da quellas chosas, schi vain quel ad esser inquinat als levits sco rendita d' iral, e rendita da tinna.

31. Lura poderat mangiar quellas chosas in qualunque lö, vus, e vossas famiglias; perche *e sun* vossa mercede, in recompensa da vos servezen nel tabernacul della raspada.

32. E cur vus gnis ad avair offert il megler da quellas chosas, schi non gnis vus a portar pucha per quellas, ne a sconsacrar las chosas consacradas dels infants d' Israel, e non gnis a morir.

CHAP. XIX.

Davart il sacrifici della trimma cotschna; e la maniera da far e da dovrar l' aua della purificaziun.

IL Segner favlet eir a Mose, ed ad Aaron, dschand:

2. Quaist *ais* ün statut e ledscha, cha 'l Segner ha dat, dschand: Di als infants d' Israel, cha 't mainan nan üna trimma cotschna, intëra, sainza defet, la quala non haja amo portà giuf.

3. E dat-la al sacerdot Eleazar, ed

el la main' our dal champ, e la fetscha schannar in sia presenza.

4. Ed il sacerdot Eleazar piglia del sang da quella con seis daint, e 'l sprinzla vers la part davant del tabernacul della raspada, set voutas.

5. Lura dess gnir ars quella trimma avant ils ögls da quel; sia pel dess gnir arsa, sia charn, seis sang, insèmbel con seis aldüm.

6. Lura piglia il sacerdot del lain ceder, del isop, e della scharlatta, e bëtta *quellas chosas* in mez il fö, nel qual la trimma vain arsa.

7. Davo quai as dess il sacerdot lavar la vestimainta e la charn con aua, e lura ch' el tuorna nel champ, e saja fin la saira malnet.

8. Il medem, quel chi averà ars la trimma, dess lavar sia vestimainta e la charn con aua, e saja fin la saira malnet.

9. Ed ün hom net dess raspar * la tschendra della trimma, e *la* tschantar our dal champ in ün lö net; e quella tschendra saja salvada sü per la raspada dels infants d' Israel, per far l' aua da purificaziun; *quel ais* sacrifici per il pucha.

* Ebr. 9, 13.

10. E quel, chi averà raspà la tschendra della trimma, as dess lavar la vestimainta, e saja fin la saira malnet. E saja *quaist* ün statut perpetual als infants d' Israel, ed al forestër chi dmura intanter els.

11. * Chi averà toc il corp mort da qualunque persuna, saja malnet per set dis.

* Lev. 21, 1.

Num. 5, 2. Ag. 2, 13. Lam. 4, 14.

12. Il terz di as dess el purificar con quel' *aua*, ed il settavel di sarà el net; sch' el non sarà purificà il terz di, nianca non sarà 'l net il settavel.

13. Chi averà toc il corp mort d' üna persuna chi saja morta, e non as averà purificà; schi ha * el impalà il tabernacul del Segner; perquai saja quella persuna tagliada giò d' Israel; perche cha l' aua da purificaziun non ais statta spansa sur el, el sarà malnet; sia malnettischa vain a *rumagnair* da quel di inavant in el.

* Lev. 15, 31.

14. Quaist' *ais* la ledscha, cur ün crastian sarà mort in üna chamanna;

chi intrarà nella chamanna, o sch' el *füss* laint, saja per set dis malnet.

15. Il medem saja malnet ogni vascchè scevert, sur il qual non sarà vierchel bain clos.

16. E chi sün la champagna averà toc ün mazzâ con la spada, o ün *crastian* mort da *sai sves*, o alchün oss da *crastian*, o alchüna sepultura, saja malnet per set dis.

17. E per il malnet as dess tour della tshendra del fö da quel sacrifici per il pucha, e metter suringiò aua viva in ün vascchè.

18. Lura dess ün hom chi saja net tour del isop, e 'l tenscher in quell' aua, e sprinzlar quella chamanna, e tuot quels vascchels, e tuot llas persunas chi saran laint; il medem *dess el sprinzlar* quel chi averà toc l' oss, o il *crastian* mazzâ, o *il crastian* mort da *sai sves*, o la sepultura.

19. Quel hom net dimena dess sprinzlar il malnet, il terz ed il settavel di; e l' aviand purificâ al settavel di, schi dess quel lavar sia vestimainta, e sai stess con aua, e sarà net la saira.

20. Ma, sch' alchün, essendo malnet, non as purificha, schi saja quella persuna tagliada giò our da mez la raspada; perche ch' el ha impalâ il sanctuari del Segner; l' aua da purificaziun non ais statta spansa sur el; el *ais* malnet.

21. E *quaist* saja ad els ün statut perpetual, e quel chi averà sprinzlâ l' aua da purificaziun, as dess lavar la vestimainta, e chi averà toc l' aua da purificaziun, saja fin la saira malnet.

22. Saja eir malnet tuot quai cha 'l malnet averà toc; e la persuna chi averà toc ad el saja fin la saira malnetta.

CHAP. XX.

La mort da Miriam; aua our d' ün spelm; Mose ed Aaron non dessan intrar in Canaan; la mort d' Aaron, ed Eleazar il succeda.

MA, essendo tuot la raspada dels infants d' Israel rivada al desert da Sin, nel prüm mais, schi's fermet il pövel in Cades, e qua morit, e füt sepulida Miriam.

2. Ma qua non eira aua per la ra-

spada; *perquai gnittan els insembel conter Mose, e conter Aaron. * Ex. 17, 2.

3. E 'l pövel dispittet con Mose, e disch: Ah! füssans pür morts, * eur noss frars morittan avant il Segner!

* Num. 11, 1. 14, 37. 16, 32. 35, 49.

4. E * perche avais vus manâ la raspada del Segner in quaist desert, acio cha nus, e nos bestiam mouran qui?

* Ex. 17, 3.

5. E perche ans avais trats our d' Egipto, per ans manar in quaist nosch lö, *chi* non *ais* lö da semnar, ne da figs, ne da vignas, ne da poms granats, e non ais nianc' aua da baiver?

6. Mose lura ed Aaron gnittan davent dalla raspada, all' intrada del tabernacul della raspada, * e 's büt-tettan giò in terra sün lur fatschas, e la gloria del Segner comparet ad els.

* Num. 14, 5. 10. 16, 4.

7. Ed il Segner favlet a Mose, dschand:

8. * Piglia la percha, e tü ed Aaron, teis frar, fat gnir insembel la raspada, ed in lur presenza tshantscha con quel spelm, ed el darà oura sia aua, e tü farast gnir ad els aua our dal spelm, e darast da baiver alla raspada, ed a lur bestiam. * Ex. 17, 5.

9. Mose dimena piglet la percha our davant il Segner, sco el l' avaiva comandâ.

10. E Mose, ed Aaron fettan gnir la raspad' insembel avant quel sass, e dischan ad els: Tadlai uossa, o rebels: Qui our da quaist sass gnin nus bain as far gnir aua?

11. E Mose, aviand ozâ il man, battet il spelm con sia percha, duos voutas, * qua gnit oura bler' aua, e la raspada, e seis bestiam bavettan.

* Ex. 17, 6. Ps. 78, 15.

12. Il Segner lura disch a Mose, ed ad Aaron: Perquai cha vus * non m' avais cret, per am santifichar in presenza dels infants d' Israel, perquai non gnis vus ad introdür quaista raspada nel pajais, ch' eu als ha dunâ.

* Num. 27, 14. Dent. 1, 37. Ps. 106, 33.

13. * Quaist *ais* l' aua del dantigl, della qual' ils infants d' Israel dantiglettan col Segner, ed el füt santifichâ intanter els.

* Num. 27, 14. Dent. 32, 51. Ps. 106, 32.

14. Mose lura tramettet ambaschadurs da Cades pro 'l rai d' Edom, *a dir ad el*: Usche disch Israel, tei frar: Tü sast tuot las travaglias chi 'ns sun incontradas;

15. Co cha noss babuns gnittan giò in Egipto, e *co cha* nus avain dmutà in Egipto lung temp, e co 'ls Egipters han maltrattà nus, e noss babuns.

16. Perquai, aviand nus* bragi vi' al Segner, schi ha el udi nos bragizi, ed ha tramiss l' angel, e 'ns ha trats our dal pajais d' Egipto. Uossa mera 'ns qui in Cades, città *ch' ais alla fin* da tei confins. *Ex. 3, 7.

17. Eu 't rov, *lascha* cha nus passan tras tei pajais, nus non volain passar tras champs, ne tras vignas, ne baiver alchün' aua * da puoz; nus volain chaminar per la strada regala, ne 'ns volver, ne dalla dretta, ne dalla snestra, fin cha nus sajan passats tei confins.

18. Ma 'l Idumeer tramettet a dir ad els: Non passarai tras meis pajais, ch' eu non gياج' our' incounter vus con man armà.

19. Ed ils infants d' Israel al responentan: Nus volain chaminar tras la strada publica, e scha nus, e nos bestiam, bavain da tia aua, * schi 't volain nus pajar il pretsch; sul üna chosa 't *rovain nus*, cha nus possan passar con nos seguit.

20. Ma el disch: Vus non dessat passar. E l' Idumeer get our' incounter els, con bler pövel, e con man potaint.

21. L' Idumeer dimena rechüset da dar ad Israel il pass tras seis confins; perque 's volvet Israel da seis pajais.

22. * E tuot la raspada dels infants d' Israel, siand partits da Cades, gnittan al munt Hor. *Num. 33, 37, 38.

23. E 'l Segner favlet a Mose, ed ad Aaron, al munt Hor, strusch als confins del pajais d' Edom, dschand:

24. Aaron sarà raspâ pro seis pövel; perche el non vain ad intrar nel pajais, ch' eu ha dunâ als infants d' Israel; siand cha vus eschat stats rebels a meis comandaint pro l' aua del dantigl.

25. * Piglia Aaron, ed Eleazar, seis figl, e fa 'ls ir sül munt Hor.

* Num. 33, 38. Deut. 32, 50.

26. E snüd' Aaron da sia vestimainta, e vesta Eleazar, seis figl, ed Aaron sarà qua raspâ, e vain a morir.

27. E Mose fet, sco 'l Segner l' avaiava comandâ, ed els muntettan sül munt Hor, alla vista da tuot la raspada.

28. E Mose snüdet Aaron da sia vestimainta, e la fet trar aint ad Eleazar, seis figl; * ed Aaron morit qua sün la sommità del munt. Mose lura, ed Eleazar gnittan giò dal munt.

* Deut. 10, 6.

29. Ma, aviand vis tuot la raspada, cha Aaron eira trapassâ, schi 'l eridettan tuot las famiglias d' Israel per trenta dis.

* CHAP. XXI.

Ils Cananits sdrüts; il pövel bruncela conter Mose; il Segner trametta las serps arsiusas; la serp da bruonz; victoria conter ils Amorits.

MA, aviand inelet il Cananit, * rai d' Arad, chi abitaiva vers il mezdi, cha Israel gniva inavant tras il chamin dels spiuns, schi combattet el conter Israel, e manet alchüns preschun.

* Num. 33, 40.

2. Israel lura vutet ün vut al Segner, e disch: Scha tü be am dast quaist pövel in man, schi vögl eu sdrür lur cittats in maniera del interdit.

3. Ed il Segner exodit la vusch d' Israel, e 'ls det *in man* quels Cananits, ed el sdrüet quels, e lur cittats, in maniera del interdit; perquai mettet el nom a quel lö Horma.

4. *Ils Israelits* * lura 's partittan dal munt Hor, trand vers il mâr cotschen, per ir intuorn il pajais d' Edom, e l' ardimaingnit almain al pövel sül chamin.

* Num. 33, 41.

5. Ed il pövel tshantschet conter Deis e conter Mose, *dschand*: Perche ans avais vus trats our d' Egipto, acio cha nus mouran in quaist desert? Perche *qui* non *ais*, ne pan alchün, ne aua, e noss' orma ais tuot sazia da quaist pan tant ligèr!

6. * Lura tramettet il Segner conter il pövel serps arsiusas, las qualas

mordaivan il pövel; perque morit bler pövel d' Israel.

* 1 Cor. 10, 9.

7. Pertant gnit il pövel pro Mose, e disch: Nus avain pechâ; perche nus avain favlâ conter il Segner, e conter tai; rova il Segner, ch' el alvainta via da nus las serps. E Mose rovet per il pövel.

8. Ed il Segner disch a Mose: At fà üna * *serp* arsiusa, e mett' - la sün ün pal; e vain a dvantar cha, chi sarà mors, guardand sün quella, scampirà.

* Gioan. 3, 14.

9. E Mose fet üna * *serp* d' aram, e la mettet sün ün pal, e dvantaiva cha, sch' üna serp avaiva mors alchün, ed el guardaiva sün la serp d' aram, schi scampaiv' el.

* 2 Reg. 18, 4.

10. * Lura movettan ils infants d' Israel, e s' acchampettan in Obot.

* Num. 33, 43.

11. E, siand partits d' Obot, s' acchampettan els a Je-Abarim, nel desert chi *ais* incontro il *pajais* da Moab, da solai alvand.

12. * Lura movettan els da là, e s' acchampettan nella val da Zared.

* Deut. 2, 13.

13. Lura as partittan els da là, e s' acchampettan davo 'l flüm Arnon giò, chi *ais* nel desert; il qual euorra inavant davent dals confins dels Amorits; perche Arnon *ais* * il confin da Moab, intanter Moab e 'ls Amorits.

* Güd. 11, 18.

14. Perquai aise dit nel eudesch dellas battaglias del Segner: Vaheb in Sufa, ed ils flüms d' Arnon,

15. Ed il let del flüm, chi 's volva là, ingio Ar giascha, e toc' ils confins da Moab.

16. E da là *rivettan els* in Beer; quai *ais* il puoz, dal qual il Segner disch a Mose: Raspa il pövel, ed eu al vögl dar aua.

17. Lura chantet Israel quai chanzun: Siglia sü, o puoz! Chantai a quel!

18. Puoz, cha 'ls principals han chavâ; cha 'ls nöbels intanter il pövel han tagliâ nel *spelm*, con il legislatur, aviand lur bastuns *in man*; — lura dal desert *rivettan els* in Matana.

19. E da Matana in Nahaliel, e da Nahaliel in Bamot;

20. E da Bamot nella val, chi *ais* nel territori da Moab, in cheu da Pisga, e guarda vers il desert.

21. Lura tramettet * Israel ambascadurs pro Sihon, rai dels Amorits, al dir:

* Deut. 2, 26. Güd. 11, 19.

22. *Lascha* ch' eu passa tras teis pajais; nus non volain volver aint, ne in champs, ne in vignas, e non volain baiver alchün' aua da puoz; nus volain chaminar per la strada regala, fin cha nus sajan passats teis confins.

23. Ma Sihon non concedet ad Israel, da passar tras seis confins; anzi el respet tuot seis pövel, e get oura incontro Israel, nel desert, e gnit in Jahas, e combattet con Israel.

24. Ed * Israel il battet, e 'l mettet a fil da spada, e conquistet seis pajais, *chi eira* d' Arnon fin a Jabboc, *fin al pajais* dels infants d' Ammon; perche 'ls confins dels infants d' Ammon *eiran* fermes.

* Gios. 24, 8. Ps. 135, 11. Am. 2, 9.

25. Ed Israel piglet tuot las cittats chi eiran in quel pajais, ed abitet in tuot las cittats dels Amorits; *cioè* in Hesbon, ed in tuot las terras da seis territori.

26. Perche Hesbon eira la città da Sihon, rai dels Amorits, il qual eira stat il prüm, chi avaiva guerregiâ conter il rai da Moab, ed avaiva tut tuot seis pajais, fin ad Arnon.

27. Perquai dischan ils poets: Gni in Hesbon; saja darcheu edifichada, e restorada la città da Sihon.

28. Perche ün * *fö* get *ünsacur* our da Hesbon, ed üna flamma dalla città da Sihon, e consumet Ar da Moab, ils abitants da Bamot-Arnon:

* Ger. 48, 45.

29. Vae a tai Moab! o pövel da * Camos, tü est peri; el ha dat seis figls chi eiran scampats via, e sias figlias in preschun a Sihon, rai dels Amorits.

* 1 Reg. 11, 7.

30. Ma nus ils avain battüts. Hesbon ais peri fin a Dibon, e nus ils avain sdrüts fin a Nofa, chi *riva* fin a Medeba.

31. Ed Israel abitet nel pajais dels Amorits.

32. Lura tramettet Mose a spiar Jaezer, e 'ls *Israelits* piglettan las

terras da seis territori, e schatschettan ils Amorits *chi eiran là*.

33. Lura, * siand vouts, trettan els sü per la via da Basan; ed Og, rai da Basan, get oura incoenter els, con tuot seis pövel in battaglia, in Edrei.

* Deut. 3, 1. 29, 7.

34. Ma 'l Segner disch a Mose: Non il tmair; perche eu t' ha dat in man el, e tuot seis pövel, e seis pajais; e fà con el, sco tü hast fat con Sihon, rai dels Amorits, chi abitaiv' in Hesbon.

35. Contuot * battettan *ils Israelits* ad el, e seis infants, con tuot seis pövel; dasort cha non laschettan alchün in vita, e conquistettan seis pajais.

CHAP. XXII.

Balac, rai dels Moabits, trametta pro Bileam, ch' el smaledesch' il pövel; e l' asna tshantscha.

DAVO quai * 's movettan ils infants d' Israel, e s' acchampettan nella champagna da Moab, da là del Giordan da Gerico.

* Num. 33, 48.

2. Ma, aviand vis Balac, figl da Sippor, tuot quai cha Israel avaiva fat als Amorits;

3. Schi avettan ils Moabits grand spavent del pövel; perche el *eira* in grand number; tal cha 'ls Moabits eiran in anguocha per temma dels infants d' Israel.

4. Perquai' dschettan ils Moabits als seniurs da Midian: Quaist pövel vain uossa a ruojer tuot quai chi ais intuorn nus, sco 'l bov ruoja sü l' erba verda della champagna. Ma Balac, figl da Sippor, *eira* rai da Moab, in quel temp.

5. Ed el tramettet ambaschadurs * pro Bileam, figl da Beor, in Petor, città situada sper il flüm, *chi eira* la patria da quel, per il clamar, dschand: Mera, ün pövel ais gnü our d'Egipto, mera, el coveina la fatscha della terra, e 's ha portà via incoenter mai.

* Deut. 23, 4. Gios. 24, 9. 2 Petr. 2, 15. Ap. 2, 14.

6. Vè uossa dimena, eu 't rov, e smaledescha 'm quaist pövel; perche el *ais* massa potaint per mai; forse podess eu far in maniera, cha nus il battessan, e ch' eu il schatschess our dal pajais; perche eu sa, chi tü benedeschast, *ais* benedi, e smaledi chi tü smaledeschast.

7. Contuot gettan ils seniurs da Moab, ed ils seniurs da Midian, aviand in man per pajar al ingiavina-dur. E, siand rivats pro Bileam, al rapportettan els ils plets da Balac.

8. Ma el disch ad els: Stat qui quai-sta not, e lura as vögl eu dar respos-ta, seguond cha 'l Segner averà favlà. Ed ils principals da Moab dmurettan con Bileam.

9. E Deis gnit pro Bileam, e 'l disch: Chi *sun* quaists homens *chi sun* pro tai?

10. E Bileam disch a Deis: Balac, figl da Sippor, rai da Moab, ha tra-miss *am dir*:

11. Mera, il pövel, chi ais gnü our d' Egipto, ha coveinà la fatscha della terra; uossa schi vè, e smaledescha 'l a mai; forse poderà eu com-batter con el, e 'l schatschar.

12. E Deis disch a Bileam: Non ir con els; non smaledir quel pövel; perche el *ais* benedi.

13. E la daman *seguinta* alvet sü Bileam, e disch a quels princips da Balac: It davent in vos pajais; perche il Segner ha refüsà da 'm conceder, ch' eu giaja con vus.

14. Ed ils principals da Moab alvet-tan sü, e gnittan pro Balac, e dischan ad el: Bileam ha rechüsà da gnir con nus.

15. Ma Balac tramettet danöv *oters* princips, in maggior number, e plü onorats co quels *prüms*.

16. Ed els gnittan pro Bileam, e dischan ad el: Usche disch Balac, figl da Sippor: Eu 't rov, non t' arte-gner da gnir pro mai!

17. Perche eu at vögl far grand' onur del tuot, e farà tuot quai cha tü 'm dscharast; eu 't rov dimena, vè, e smaledescha 'm quaist pövel!

18. Ma, respondand Bileam, disch el als serviaints da Balac: * Schabain cha Balac am dess sia chasa, plaina d' argient e d' or, schi non podess eu traperir il comandamaint del Segner, meis Deis, per far *alchüna cho-sa*, pitschna, o granda.

19. Impero stat eir vus, eu 's rov, amo quai-sta not aquí, ed eu saverà quai cha 'l Segner seguirà am dir.

20. E Deis gnit lura da not pro Bileam, e disch ad el: Quaists homens,

sun els gnüts per at clamar? Leiva stü, vâ con els; ma tant e tant fâ quai ch' eu at dscharà.

21. Bileam dimena alvet la mattina, ed insellet sia asna, e get cols principis da Moab.

22. Ma l' ira da Deis s' invüdet per quai ch' el giaiva, e l' angel del Segner as presentet sün la strada, per star conter ad el. Ma el eira munta sün sia asna, ed avaiva con el duos da seis famagls.

23. Ma l' asna, veziaand l' angel del Segner, chi staiva sün la strada, con sia spada nüda in man, schi 's volvet l' asna giò dalla via, e giaiva per ils champs. E Bileam battet l' asna, per la far turnar nella strada.

24. E l' angel del Segner as fermet in üna senda da vignas, *ingio eira* üna elüsa da mür sech dall' üna, e dall' otra vart;

25. E l' asna, veziaand l' angel del Segner, schi as struschinet ella conter il mür, e squitschaiv' il pè da Bileam vi' al mür; per il che el darcheu la battet.

26. E l' angel del Segner passet darcheu plünavant, e 's fermet in ün lö stret, ingio non *eira* spazi da's volver, ne dalla dretta, ne dalla snestra.

27. Ma, aviaand vis l' asna l' angel del Segner, schi 's grutschignet ella giò, suot Bileam; dinuonder l' ira da Bileam s' invüdet, ed el battet l' asna col bastun.

28. Lura * avrit il Segner la bocca all' asna, ed ella disch a Bileam: Che t' ha eu fat, cha tü m' hast battüd' agià trais voutas?

* 2 Petr. 2, 16.

29. E Bileam disch all' asna: *Eu t' ha battüda*, perche tü m' hast beffâ; avess eu pür üna spad' in man, schi uossa 't voless mazzar!

30. Ma l' asna disch a Bileam: Non *sun* eu tia asna, cha tü saimper hast muntâ per il passâ, fin a quai di? Sun eu mâ statta diüsada da far con tai usche? Ed el disch: Na.

31. Il Segner lur' avrit ils ögls a Bileam, ed el vezzet l' angel del Segner, chi staiva sün la strada, aviaand sia spada nüd' in man. E *Bileam* s' inclinet, e 's prosternet in terra sün sia fatscha.

32. E l' angel del Segner al dschet: Perche hast battü ti' asna agià trais voutas? Mera, eu sun gnü oura, per at contrastar; perche quai viadi non ais indret ordinâ in meis conspet.

33. Ma l' asna m' ha vis, e 'm veziaand, s' ha ella vout' agià trais voutas; forse s' ha ella vouta per temma da mai; perche agià at avess eu maz-zâ, e quella avess eu laschâ viver!

34. E Bileam disch al angel del Segner: Eu ha pechâ; perche eu non savaiva, cha tü 'm stessast conter in quai viadi; ma uossa, scha quel at displascha, schi vögl eu turnar inavo.

35. Ma l' angel del Segner disch a Bileam: Vâ pür con quaihs homens; ma di sul quai ch' eu at dscharà. E Bileam get cols principis da Balac.

36. E Balac, udind cha Bileam gni-va, get al inscontrar in üna città da Moab, chi *ais* süls confins d'Arnon, il qual *ais* ourasom ils terms *del pajais*.

37. E Balac disch a Bileam: Non a-vaiv' eu tramiss instantamaing at clamar? Perche non gnivast tü pro mai? Non at poderà eu far onur?

38. Ma Bileam respondet a Balac: Mera, eu sun gnü pro tai; vegn eu uoss' in alchüna maniera a podair dir chos' alchüna? Quai cha 'l Segner m' averà miss in bocca, quai vögl eu dir.

39. E Bileam get con Balac, e gnit-tan in Ciriât-Chusot.

40. E Balac sacrifichet bovs, e nuor-sas, e tramettet a Bileam, ed als principis chi *eiran* con el.

41. Ma, la mattina *seguaanta*, piglet Balac a Bileam, e l' manet sün ils lous ots da Baal, e da lander al mosset el l' extrema part del pövel.

CHAP. XXIII.

Bileam, in pè da smaledir il pövel, il benedescha duos voutas, siand constrict dal Segner.

QUA dschet Bileam a Balac: Ed-icha 'm qui set utêrs, e pina 'm qui set trims, e set bümatschs.

2. E Balac fet sco Bileam avaiva dit, e Balac e Bileam offerittan ün trim, ed ün bümatsch, sur seodün utêr.

3. Ma Bileam disch a Balac: At fer-ma sper teis olocaust, ed eu vögl ir, forse cha 'l Segner am vain inconter,

schì quai ch' el vain am mossar, at vögl eu rapportar. Ed el get sün üna tschimma del munt.

4. E Deis gnit incoenter a Bileam, e Bileam al dschet: Eu ha ordinà set utêrs, ed ha offerì ün trim, ed ün bümatsch, sur seodün utêr.

5. Lura mettet il Segner il pled a Bileam in bocca, e disch *ad el*: Tuorna pro Balac, e tschantscha usche.

6. El dimena turnet pro Balac, e mera, el staiva sper seis olocaust, insembel con tuots ils princips da Moab.

7. Lura piglet el a proferir sia sentenza, e disch: Balac, rai da Moab, m' ha fat condür dalla Siria, dallas montagnas del oriaint, *dschand*: Vè, smaledescha 'm Giacob; vè pür, scongüra Israel!

8. Co il dess eu smaledir? Deis non l' ha smaledi; co il dess eu scongürar? Il Segner non l' ha scongürâ!

9. Perche eu il guard giò da süsom ils spelms, eu il vez giò dals muots, e mera, ün pövel chi abiterà da part, e non as quinterà intanter las naziuns.

10. * Chi nombrerà Giacob, *chi ais sco* la puolvra; e chi farà il quint *dech* della quarta part d' Israel? Moura mia orma della mort dels güsts; saja mia fin simile alla lur. * Gen. 13, 16.

11. Lura disch Balac a Bileam: Che m' hast tü fat? Eu t' avaiva fat gnir per smaledir meis inimis, e mera, tü'ls hast pür benedits.

12. Ed el respondet, e disch: Non dess eu avoir stüdi, da dir quai cha' l Segner m' ha miss in bocca?

13. Balac lura disch ad el: Char tü, vè con mai in ün oter lö, dal qual tü l possast vair; da qui poust tü vair sulamaing ün' extremità, tü non il poust vair tuot, e smaledescha 'm quel da lander.

14. E l condüet al champ da Sofim sül la tschimma del Pisha, ed edificet set utêrs, ed offerit ün trim ed ün bümatsch, sur seodün utêr.

15. Ma Bileam disch a Balac: At ferma qui sper teis olocaust, ed eu vögl ir quavia incoenter.

16. Il Segner dimena gnit incoenter a Bileam, e mettet ad el il pled in

bocca, e l disch: Tuorna pro Balac, e tschantscha usche.

17. Ed el gnit pro Balac, ed el staila sper seis olocaust, ed *eiran* con el ils princips da Moab. E Balac al dschet: Che ha dit il Segner?

18. Lura piglet el a proferir sia sentenza, e disch: Leiva sü, Balac, e taidla; sporscha 'm las uraglias, figl da Sippor.

19. * Deis non *ais* ün crastian, ch' el mainta; ne ün figl del crastian, ch' el s' inrügla; dess el avoir dit *üna chosa*, ch' el non la fetscha? Dess el avoir tschantschâ, e non dess el salvar *seis pled*? * 1 Sam. 15, 29. Rom. 11, 29. Giac. 1, 17.

20. Mera, eu ha retschervi *commissiun* da benedir, e daspö ch' el ha benedi, non poss eu impedir *sia benedicziun*.

21. El non chatt' iniquità in Giacob, e non vezza perversità in Israel; il Segner, seis Deis *ais* con el, ed intanter el *ais* ün bragizi da triumf regal.

22. Deis, ch' ils ha trats our d' Egipto, * *ais* ad els in guisa da forza d' unicorn. * Num. 24, 8.

23. Perche inchantamaint non *ais* conter Giacob, ne ingiavinamaint conter Israel; *infra ün an*, intuorn quaist temp, vain a gnir dit da Giacob, e d' Israel, che chosas Deis ha fat.

24. Mera, ün pövel *chi* alverà sco ün grand liun, e sco ün liun as drizzerà sü; el non s' metterà giò, fin ch' el non haja maglià la praja, e bavü il sang dels mazzats.

25. Lura disch Balac a Bileam: Non il smaledir, ma dech neir non il benedir!

26. E Bileam respondet, e disch a Balac: Non at dschet eu, ch' eu gniss a far tuot quai cha' l Segner gniss a dir?

27. E Balac disch a Bileam: Char tü, vè, eu t' vögl manar in ün oter lö, forse plascherà a Dieu, cha da lander tü' m il smaledeschast.

28. Contuot manet Balac a Bileam in tschimma del Peor, chi guarda vers il desert.

29. E Bileam disch a Balac: Edifica 'm qui set utêrs, e perderscha 'm qui set trims, e set bümatschs.

30. E Balac fet, sco Bileam avaiva dit, ed offerit ün trim ed ün bümatsch, sur seodün utêr.

CHAP. XXIV.

Bileam benedescha ils infants d'Israel; profetizescha dalla vgnüda da Cristo; e predisch la destrucziun dels Amalecits, ed oters.

MA, veziand Bileam, cha plaschaiv' al Segner da benedir Israel, schi non get el plü, seo las otras voutas, ad incontrar auguris; ma volvet la fatscha vers il desert.

2. Ed, ozand ils ögls, vezzet el Israel acchampâ da schlatta a schlatta. Lura füt sur el il Spiert da Dieu;

3. Ed el piglet a proferir sia sentenza, e disch: *Usche* disch Bileam, figl da Beor; *usche* disch l'hom chi ha l'ögl serrâ;

4. *Usche* disch quel, chi oda ils plets da Dieu, chi vezza la visiun del omnipotaint, chi croda *a terra*, ed al qual ils ögls sun averts:

5. Quant bellas sun tias chamannas, o Giacob! e teis tabernaculs, o Israel!

6. Els sun distais a guisa da vals; *sun* seo üerts sper ün flüm, seo boşcha d'aloè *cha'l* Segner ha implantâ, seo ceder sper las auas.

7. Our da sias brentas vain el a spander aua, e seis sem *sarà* intanter auas abundantas, e seis rai *sarà* adoza sur Agag, e seis reginam *sarà* elevâ.

8. Deis, * chi l'ha trat our d'Egipto, *vain* al *esser* a guisa da forza d'unicorn; a constimar vain el ils pövels, chi vegnan al *esser* inimis, e vain als sfrisar l'ossa, ed als forar tras con sias sajettas. * Num. 23, 22.

9. *Cur* * el vain as avair inclinâ, ed ad *esser* giaschantâ giò seo ün liun, e seo ün grand liun; chi vain al sdasdar sü? † Quels chi 't benedeschan, vegnan ad *esser* benedits, e quels chi 't smaledeschan, ad *esser* smaledits. * Gen. 49, 9. † Gen. 12, 3. 27, 29.

10. Lura s'invüdet l'ira da Balac conter Bileam, e, battand cols mans, al disch el: Eu t'ha clamâ per smaledir meis inimis; e mera, tû'ls hast pür benedits agiâ trais voutas!

11. Uossa dimena, fügia davent in teis lö; eu avaiva dit, ch'eu 't voless far grand' onur; ma mera, il Segner t'ha scomandâ d'esser onorâ.

12. Ma Bileam respondet a Balac:

Ed eu, non avaiv' eu dit a teis ambaschadurs, cha tû'm tramettettast:

13. * Schabain cha Balac am dess sia chasa, plaina d'argient e d'or, schi non podess eu impero surpassar il comandamaint del Segner, per far *chos' alchüna* da meis sen, buna, o mala; quai cha'l Segner vain a tschantshar, quai vögl eu dir.

* Num. 22, 18.

14. Uossa dimena, eu vegn pro meis pövel; vè, eu 't vögl cusgliar; quai cha quaiست pövel farâ a teis pövel, *sarà* nel seguit dels temps.

15. Lura piglet el a proferir sia sentenza, e disch: *Usche* disch Bileam, figl da Beor; *usche* disch l'hom, chi ha l'ögl serrâ;

16. *Usche* disch quel, chi oda ils plets da Dieu, e chi ineclegia la sciienza del otissem; chi vezza la visiun del omnipotaint; chi crod' *in terra*, ed al qual ils ögls sun averts:

17. Eu il vez, ma bricha nel presaint; eu il guard, ma bricha da strusch. Üna staila vain a gnir our da Giacob, ed ün scepter ad alvar sü d'Israel, il qual vain a forar tras ils principis da Moab, ed a desdrür tuots ils figls da Set.

18. E dad Edom *sarà* la possessiun. Seir *sarà* la possessiun da seis inimis; ed Israel eseqirà fats da valerusità.

19. E *quel, gnü* da Giacob, vain a signorar, ed a sdrür, chi *sarà* scampâ dalla città.

20. Bileam lura guardet Amalec, e piglet a proferir sia sentenza, e disch: Amalec *ais* üna primizia dels pajans, e seis rimanent *sarà* *ardüt* in perdiziun.

21. Lura guardet el il Ceneo, e piglet a proferir sia sentenza, e disch: La tia stanza *ais* ferma, e tû hast tschantâ teis gnieu nel spelm;

22. Cain impero vain a gnir desertâ, infin tant, cha Assur at maina in preschun.

23. Lura piglet el darchen a proferir sia sentenza, e disch: Vae a chi viverà davo cha Dieu averà adoza quel.

24. Lura davo vegnan a gnir sü navs dalla costa da Chittim, e vegnan ad affliger Assur, ed a squitschar

suot Eber, ed eir quels saran redüts in perdiziun.

25. Lur' alvet Bileam sü, e get inavant, e turnet in seis lö; ed eir Balac get seis chamin.

CHAP. XXV.

Fornicaziun charnala e spirituala dels Israelits: e zelosia da Pinehas per quel fat.

MA Israel, siand acchampâ in Sitim, schi comanzet el a commetter pitanögn con las figlias da Moab.

2. Ed ellas * invidettan il pövel pro 'ls sacrificzis da lur deis; ed il pövel manget, ed adoret ils deis da quellas.

* Gios. 22, 17. Os. 9, 10.

3. Ed Israel as gionschet con Baal-Peor; dinuonder l' ira del Segner s' invüdet conter Israel.

4. E'l Segner disch a Mose: * Piglia tuots ils capos del pövel, ed appi-cha 'ls al Segner, avant il solai, e l'ira invüdata del Segner vain as volver davent d' Israel.

* Deut. 4, 3.

5. Mose disch eir als Güdichs d' Israel: Scodün da vus dess mazzar quels dels seis, chi sun congüts con Baal-Peor.

6. Ma inaquella gnit ün hom d' Israel, e manet pro seis frars üna duonna Midianita, avant ils ögls da tuot la raspada dels infants d' Israel, ils quals eridaivan all' intrada del tabernacul della raspada.

7. * Pinehas lura, figl dad Eleazar, † figl del sacerdot Aaron, aviand vis *qua*, schi alvet el sü intanter la raspada, e piglet üna lanscha in man;

* Ps. 106, 30. † Ex. 6, 25.

8. Ed intret davo quel hom Israelit nella tenda, e foret tras amenduos, l'hom Israelit e la duonna, tras il vainter da quella. E la plaja füt alvada via dals infants d' Israel.

9. Ed ils * morts da quella plaja füttn vainch e quattermilli.

* 1 Cor. 10, 3.

10. Ed il Segner favlet eir a Mose, dschand:

11. Pinehas, figl d' Eleazar, figl del sacerdot Aaron, ha quietâ mia ira vi' als infants d' Israel; perche el ais stat moventâ da meis zeli in mez dels; perque non ha eu constimâ ils infants d' Israel in mia zelosia.

12. Perquai * di *ad el*, ch'eu al dun meis pat da pasch.

* Mal. 2, 4, 5.

13. E'l pat del sacerdotadi perpetual dess esser seis, e da seis sem davo el; perche el ais stat moventâ da zeli per seis Deis, ed ha fat purgaziun per ils infants d' Israel.

14. Ma'l nom del hom Israelit mazzâ, il qual eira mazzâ con la duonna Midianita, *eira* Zimri, figl da Salu, capo d' üna famiglia paterna dels Simeonits.

15. Ed il nom della Midianita mazzada *eira* Cosbi, figlia da Sur, capo da naziun, e da famiglia paterna in Midian.

16. Lura favlet il Segner a Mose, dschand:

17. Fat * guerra als Midianits, e battâ 'ls;

* Num. 31, 2.

18. Perche els han fat guerra a vus, con lur ingians, cha s' han fat nel fat da Baal-Peor, e nel fat da Cosbi, figlia d' ün dels capos da Midian, lur sour, chi ais statta mazzada nel di della plaja *gnüda* per causa da Baal-Peor.

CHAP. XXVI.

Il segund number dels maschels del pövel, numero 601730; ourdvarit ils levits, numero 23000.

MA davo quella plaja disch il Segner a Mose, ed ad Eleazar, figl d' Aaron, sacerdot.

2. Piglia sü la somma da tuot la raspada dels figls d' Israel, *nombrand* dall' età da vainch ans in sü, per lur naziuns paternas, tuots quels chi pon ir alla guerra in Israel.

3. Mose dimena, e'l sacerdot Eleazar, tschantschettan con els nellas champagnas da Moab, sper il Gior-dan a Gerico, *dschand*:

4. Dall' età da vainch ans in sü, * seo 'l Segner avaiva comandâ a Mose, ed als figls d' Israel, chi eiran gnüts our dal pajais d' Egipto.

* Num. 1, 2.

5. Il * primogenit d' Israel *füt* Ruben. Ils figls da Ruben *füttn*: Hanoc, la naziun dels Hanocits; da Pallu, la naziun dels Palluits;

* Gen. 46, 9. Ex. 6, 14. 1. Cron. 5, 3.

6. D' Hesron, la naziun dels Hesronits; da Carmi la naziun dels Carmits.

7. Quaistas *sun* las naziuns dels

Rubenits, ed ils nombrats tanter els füttan quarant' e trajamilli, settschient e trenta.

8. Da Pallu füt figl Eliab.

9. Ed ils figls d'Eliab füttan Nemuel, Datan, ed Abiram. * Quaist *ais quel* Datan, e quel Abiram, intanter quels chi's clamaiva alla raspada del pövel, ils quals as sollevettan conter Mose, e conter Aaron, nel tröp da Core; ed els as sollevettan conter il Segner;

* Num. 16, 2.

10. E la terra avrit sia bocca, e' ls travuondet, insembel con Core *chi morit*, cur quella raspada morit; cur il fö constimet ils duatschienttschinquant' homens, ils quals füttan per signal.

11. Ma 'ls figls da Core non morittan.

12. * Ils figls da Simeon, *disferenziats* per lur naziuns, füttan da Nemuel, la naziun dels Nemuelits; da Jamin, la naziun dels Jaminits; da Jachin, la naziun dels Jachinits;

* Gen. 46, 10. 1 Cron. 4, 24.

13. Da Zera, la naziun dels Zeraits; e da Saul, la naziun dels Saulits.

14. Quaistas *sun* las naziuns dels Simeonits, *dellas qualas ils nombrats füttan* vainch e duamilli, e duatschient.

15. Ils figls da * Gad, *disferenziats* per lur naziuns, füttan da Sifon, la naziun dels Sifonits; da Haggi, la naziun dels Haggits; da Suni, la naziun dels Sunits;

* Gen. 46, 16.

16. D'Ozni, la naziun dels Oznits; d'Eri, la naziun dels Erits;

17. D'Arod, la naziun dels Arodits; d'Areli, la naziun dels Arelits.

18. Quaistas *sun* las naziuns dels figls da Gad, seguond lur nombrats, *chi füttan* quarantamilli e tschinchtschient.

19. Ils figls da * Giuda füttan Er, ed Onan. Ma Er ed Onan morittan nel pajais da Canaan. * Gen. 38, 3. 4. 7. 10.

20. Ed ils * figls da Giuda, *disferenziats* per lur naziuns, füttan da Sela, la naziun dels Selanits; da Peres, la naziun dels Peresits; da Zera, la naziun dels Zeraits.

* Gen. 46, 12. 1 Cron. 2, 3.

21. Ed ils figls da Peres füttan da Hesron, la naziun dels Hesronits; e da Hamul, la naziun dels Hamulits.

22. Quaistas *sun* las naziuns da Giuda, seguond lur nombrats, *chi füttan* settant' e sesmilli e tschinchtschient.

23. Ils * figls d'Issaschar, *disferenziats* per lur naziuns, füttan da Tola, la naziun dels Tolait; da Puva, la naziun dels Puvits;

* Gen. 46, 13. 1 Cron. 7, 1.

24. Da Jasub, la naziun dels Jasubits, e da Simron, la naziun dels Simronits.

25. Quaistas *sun* las naziuns d'Issaschar, seguond lur nombrats, *chi füttan* settant' e quattermilli, traja tschient.

26. * Ils figls da Zebulon, *disferenziats* per lur naziuns, füttan da Sered, la naziun dels Seredit; d'Elon, la naziun dels Elonits, e da Jaleel, la naziun dels Jaleelits.

* Gen. 46, 14.

27. Quaistas *sun* las naziuns dels Zebulonits, seguond lur nombrats, *chi füttan* sesantamilli e tschinchtschient.

28. * Ils figls da Giosef, *disferenziats* per lur naziuns, füttan Manasse, ed Efraim.

* Gen. 46, 20.

29. Ils figls da Manasse füttan, da Machir, la naziun dels Machirits. E Machir genuit Gilead, e da Gilead *descendet* la naziun dels Gileadits.

30. Quaists *sun* ils figls da Gilead, da Jezer, la naziun dels Jezerits; da Helec, la naziun dels Helecits;

31. D'Asriel, la naziun dels Asrielits; da Sichem, la naziun dels Sicheimits;

32. Da Semida, la naziun dels Semidits; e da Hefer, la naziun dels Heferits.

33. Ma Selafehad, figl da Hefer, non avet figls, ma *solum* figlias, ils noms *dellas qualas eiran*, Mahela, Noa, Hoglea, Milca e Tirsia.

34. Quaistas *sun* las naziuns da Manasse, *dellas qualas ils nombrats füttan* tschinquantadumilli e settschient.

35. Quaists *sun* ils figls dad Efraim,

disferenziats per lur naziuns, da Sutela, la naziun dels Sutaits; da Becher, la naziun dels Bacrits; da Tahan, la naziun dels Tahanits.

36. E quaists *sun* ils figls da Sutela; d'Eran, la naziun dels Eranits.

37. Quaistas *sun* las naziuns dels figls d'Efraim, seguond lur nombrats, *chi fütan* trentadumilli e tschinchtschient. Quaists *sun* ils figls da Giosef, *disferenziats* per lur naziuns.

38. Ils * figls da Benjamin, *disferenziats* per lur naziuns, *fütan* da Bela, la naziun dels Belaits; d'Asbel, la naziun dels Asbelits; d'Ahiram, la naziun dels Ahiramits;

* Gen. 46, 21. 2 Cron. 7, 6.

39. Da Sefusam, la naziun dels Sefumits, e da Hupam, la naziun dels Hupamits.

40. Ed ils figls da Bela *fütan* Ard, e Naeman; d'Ard *descendet* la naziun dels Ardits; da Naeman, la naziun dels Naemits.

41. Quaistas *sun* ils figls da Benjamin, *disferenziats* per lur naziuns, dels quals ils nombrats *fütan* quarantatschinchmilli e septschient.

42. * Quaists *sun* ils figls da Dan, *disferenziats* per lur famiglias; da Suham *descendet* la naziun dels Suhamits. Quaist' *ais* la naziun dels Danits, *disferenziats* per lur famiglias.

* Gen. 46, 23.

43. Tuot las famiglias dels Suhamits, seguond lur nombrats, *fütan* sesantaquattermilli, e quattertschient.

44. Ils * figls d'Asser, *disferenziats* per lur naziuns, *fütan* d'Imna la naziun dels Imnaits; d'Isvi, la naziun dels Isvits; e da Beria, la naziun dels Beriits.

* Gen. 46, 17. 1 Cron. 7, 30.

45. E dals figls da Beria, d'Heber, la naziun dels Hebrits; da Malchiel, la naziun dels Malchielits.

46. E'l nom della figlia d'Asser *füt* Sara.

47. Quaistas *sun* las naziuns dels figls d'Asser, seguond lur nombrats, *chi fütan* tschinquantatrajamilli e quattertschient.

48. Ils * figls da Naftali, *disferenziats* per lur naziuns, *fütan* da Jahesiel, la naziun dels Jahesielits; da Guni, la naziun dels Gunits;

* 1 Cron. 7, 13.

49. Da Jeser, la naziun dels Jeserits; e da Sillem, la naziun dels Sillemits.

50. Quaistas *sun* las naziuns da Naftali, *disferenziadas* per lur famiglias; ed ils nombrats intanter els *fütan* quarantatschinchmilli, e quattertschient.

51. Quaists *sun* ils nombrats dels figls d'Israel, *in number* da septschient ünmilli, settschient e trenta.

52. Ed il Segner favlet a Mose, dschand:

53. Saja il pajais parti intanter quaists per ierta, seguond il number dellas persunas.

54. * Dà plü grand' ierta a chi ais in mër number, e plü pitschna, a chi ais in main number, a scodün dessast dar ierta a raschun da seis nombrats.

* Num. 33, 54.

55. Impero dess il pajais gnir parti tras la sort; ed ierta dessan els avoir seguond ils noms da lur schlattas paternas.

56. L' ierta da scodüna *schlatta* as dess partir, grand' o pitschna, con la sort.

57. Ma quaists *sun* ils nombrats intanter ils levits, *disferenziats* per lur naziuns; da Gerson *descendet* la naziun dels Gersonits; da Cahat, la naziun dels Cahatits; da Merari, la naziun dels Merarits.

58. * Quaistas *sun* las naziuns dels levits; la naziun dels Libnits, la naziun dels Hebronits, la naziun dels Mahelits, la naziun dels Musits, e la naziun dels Corits. Ma Cahat genuit Amram.

* Gen. 46, 11. Ex. 6, 16. 1 Cron. 6, 1. 16.

59. Ed il nom della duonna d'Amram *füt* Jochebed, * *chi füt* figlia da Levi, la quala al naschet in Egipto, e quella partorit ad Amram Aaron, Mose, e Miriam, lur sour.

* Ex. 2, 1. 6, 20.

60. Ma ad Aaron naschet Nadab, ed Abihu, ed Eleazar, ed Itamar.

61. * Ma Nadab, ed Abihu morittan, cur els presentettan fö ester avant il Segner.

* Lev. 10, 2. Num. 3, 4. 1 Cron. 24, 2.

62. Ed ils nombrats intanter ils levits *fütan* vainch e trajamilli, tuots maschels, dell' età d' ün mais in sü; siand cha non gnittan nombrats

intanter ils figls d' Israel; perche ad els non eira dat ierta intanter ils figls d' Israel.

63. Quaists *sun* quels, chi füttan nombrats da Mose, e dal sacerdot Eleazar, ils quals nombrettan ils figls d' Israel nellas champagnas da Moab, sper il Giordan a Gerico.

64. Ma tanter quaists non füt alchün da * quels, chi eiran stats nombrats da Mose, e dal sacerdot Aaron, ils quals nombrettan ils figls d' Israel nel desert da Sinai. * Num. 1.

65. Perche cha 'l Segner * avai da dit da quels: Els dessan a tuotta via morir nel desert. Dinuonder non ais restà viv alchün, resalv Caleb, figl da Jefunne, e Giosua, figl da Nun.

* Num. 14, 29.

CHAP. XXVII.

Ledschas supra l' ierta dellas figlias da Selahefad. A Mose vain mossà la terra dell' impromissiun; al vain denunzià sia mort, e Giosua al succeda.

MA * las figlias da Selahefad, figl d' Hefer, figl da Gilead, figl da Machir, figl da Manasse, gnittan nan pro las naziuns da Manasse, figl da Giosef, e lur noms *eiran* Mahela, Noa, Hogla, Milca, e Tirsas.

* Num. 26, 23. Gios. 17, 3.

2. Ed ellas as presentettan avant Mose, ed avant il sacerdot Eleazar, ed avant ils capos, ed *avant* tuot la raspada, all' intrada del tabernacul della raspada, dschand:

3. Nos bap ais mort nel desert; impero el non füt tanter la compagnia da quels, chi's respettan conter il Segner * nella congregaziun da Core; anzi ais mort, na per seis pucha, e non ha laschà figls. * Num. 16, 1.

4. Perche dess il nom da nos bap gnir deminui in mez sia naziun, per non avair alchün figl? Da 'ns possessiun tanter ils frars da nos bap.

5. Ma Mose rapportet lur causa avant il Segner;

6. Ed il Segner respondet a Mose, dschand:

7. Las figlias da Selahefad tshan-tshan indret; a tuotta via dà ad ellas possessiun d' ierta tanter ils frars da lur bap; e transporta sün ellas la possessiun da lur bap.

8. Ma favella als figls d' Israel, dschand: Cur alchün sarà mort sainza figl, schi trasportai l' ierta da quel sün sia figlia.

9. E sch' el non ha figlia, schi dat sia ierta a seis frars;

10. E sch' el non ha frars, schi dat sia ierta a frars da seis bap;

11. Escha non sun frars da seis bap, schi dat sia ierta a seis prossem charnal paraint, *chi saja* da sia famiglia, ed el la possidescha. E *quai* saja ün statut da rasehun als figls d' Israel, sco 'l Segner ha comandà a Mose.

12. Lura disch * il Segner a Mose: Munta sün quaist munt d' Abarim, e guard' il pajais, ch' eu ha dunà als infants d' Israel. * Deut. 3, 27. 32, 49.

13. E daspö cha tū vainst al avair vis, schi vainst eir tū a gnir raspà pro teis pövel, * sco ais stat raspà Aaron, teis frar; * Num. 20, 28. Deut. 10, 6.

14. Perche * vus contrastettat al comandamaint, ch' eu as det nel desert da Sin, pro la contesa della raspada, cha vus am santificettat in quell' aua, nel conspet del pövel. Quell' ais l' aua della contesa da Cades, nel desert da Sin.

* Num. 20, 12. Deut. 1, 37. Ps. 116, 32.

15. Mose dimena favlet al Segner, dschand:

16. Il Segner, * Deis dels spierts da tuot la charn, vöglia constituer sur quaista raspada ün hom, * Num. 16, 22.

17. Chi giaja e chi vegna avant els, e 'l qual ils maina, e turnaint; acio cha la raspada del Segner non saja * in guisa da nuorsa sainza pastur.

* Zac. 10, 2. Mat. 9, 36.

18. Ed il Segner dschet a Mose: Piglia a tai Giosua, figl da Nun, *chi ais* hom, nel qual *ais* il spiert, e tshainta teis man sur el.

19. E fa 'l comparair avant il sacerdot Eleazar, ed avant tuot la raspada; e dà ad el sias ordinaziuns, in lur presenza;

20. E metta da tia majestà sur el; acio cha tuot la raspada dels infants d' Israel *al* obedeschan.

21. Ed el as dess presentar avant il sacerdot Eleazar, e 'l dess domandar per il güdizi d' urim, nel conspet del

Segner; cha gïajan e vegnan, el, e tuots ils figls d' Israel con el, e tuot la raspada, seguond ch' el vain a dir.

22. Contuot fet Mose, sco 'l Segner l' avaija comandâ; e piglet Giosua, e 'l fet comparair avant il sacerdot Eleazar, ed avant tuot la raspada.

23. E tschantet seis mans sün el, e 'l det sias ordinaziuns, sco 'l Segner avaija comandâ tras Mose.

CHAP. XXVIII.

Ordinaziuns appertinentas als sacrificis d' ogni temp.

PLÜNAVANT favlet il Segner a Mose, dschand:

2. Comand' als figls d' Israel, e di ad els: Hajat chüra da mias offertas, *chi sun* * mia spaisa; da meis sacrificis d' arder, in amabl' odur a mai, per m' ils offerir a lur temp.

* Lev. 3, 11. 21, 6. 8.

3. E di ad els: * Quaist *ais* il sacrifici d' arder, cha vus avais d' offerir al Segner per scodün di, in olocausto da contin; *cioè* duos agnels d' ün an, sainza defet.

* Ex. 29, 38.

4. L' ün da quels agnels sacrificha la mattina, e l' oter vers saira.

5. E * la deschavla part d' ün efa da flur farina, temprad' aint con la quarta part d' ün hin d' öli vergin, † per offerta da spaisa.

* Num. 15, 4. † Lev. 2, 1.

6. Quaist *ais* l' olocausto contin, chi ais stat offert sül munt Sinai, in odur amabla, per sacrifici d' arder al Segner.

7. E *saja* l' offerta da spander da quel, la quarta part d' ün hin, per scodün agnè; spand' al Segner l' offerta da spander, del plü bun vin, nel lö sanct.

8. Lura vers saira, sacrificha l' oter agnè; la medema offerta da spaisa; e da spander, al dessast far, sco ais quella della mattina; *per* sacrifici d' arder, d' amabl' odur al Segner.

9. Ma, nel di del sabbat, offerri duos agnels d' ün an, sainza defet, e duos deschavlas da flur farina, temprad' aint con öli, *per* offerta da spaisa, insambel con lur offertas da spander.

10. Quaist *ais* l' olocausto del sab-

bat, per scodün sabbat, ultra l' olocausto contin, e sia offerta da spander.

11. E, nel principi da voss mais, offeri per olocausto al Segner duos trims, ed ün bümatsch, e set agnels d' ün an, sainza defet.

12. E trais deschavlas da flur farina, temprad' aint con öli *per* offerta da spaisa, per scodün trim, e duos deschavlas da flur farina, masdada con öli, *per* offerta da spaisa, per il bümatsch.

13. Ed üna deschavla da flur farina, masdada con öli, *per* offerta da spaisa, per scodün agnè, *per* olocausto, *in* odur amabla, *per* sacrifici d' arder al Segner.

14. Ma lur offertas da spander sajan la mità d' ün hin vin, per *scodün* trim; la terza d' ün hin per il bümatsch, e la quarta d' ün hin per *scodün* agnè. Quaist *ais* l' olocausto della chaldendas, per ogni mais del an.

15. Eir ün boc as dess sacrificar al Segner, per *sacrifici per il* pucha, ultra l' olocausto contin, e sia offerta da spander.

16. Ultra quai, * il prüm mais, il quattordeschavel di del mais, *ais* la pasqua del Segner.

* Ex. 12, 18. Lev. 23, 5. Num. 9, 3. Deut. 16, 1.

17. Ed il quindeschavel di del medem mais, *ais* festa solenna; *pans* azims as dess mangiar per set dis.

18. Il prüm di * *saja a vus* sancta raspada; *in quel* non farai alchüna lavur servila.

* Ex. 12, 16. Lev. 23, 7.

19. Ed offeri *per* sacrifici d' arder, in olocausto al Segner, duos trims, ed ün bümatsch, e set agnels d' ün an, *chi* sajan sainza defet;

20. Insambel con lur offerta da spaisa, da flur farina, masdada con öli; trais deschavlas per trim dessat offerir, e duos deschavlas per il bümatsch.

21. Eir dessat offerir üna deschavla per scodün da quels set agnels.

22. Ultra quai, offeri ün boc per *sacrifici per il* pucha, per far purgaziun per vus.

23. Offeri quaistas chosas, ultra l' olocausto della mattina, chi *air* per olocausto contin.

24. Offeri da quella sort chosas scodün da quels set dis, *per* spaisa, *per* sacrifici d' arder, d' amabl' odor al Segner. *Quaist* as dess offerir, ultra l' olocausto contin, e sia offerta da spander.

25. Ed al settavel di as saja sancta raspada; non farai *in quel* alchüna lavur servila.

26. Ultra quai, * al di dels prüms früts, cur vus gnis ad offerir nouv' offerta da spaisa al Segner, al *term* da vossas eivnas, as saja sancta raspada, e non farai *in quel* di alchüna lavur servila. * Ex. 23, 16. Lev. 23, 10. Deut. 16, 10.

27. Ed offeri *per* olocausto, in amabl' odor al Segner, duos trims, ün bümatsch, e set agnels d' ün an;

28. Insembel con lur offerta da spaisa, da flur farina, temprad' aint con öli, da trais deschavlas per trim, e da duos deschavlas per il bümatsch.

29. E d' üna deschavla per scodün da quels set agnels.

30. Offeri *eir* ün boc, per far purgaziun per vus.

31. Offeri, ultra l' offerta continua, e sia offerta da spaisa, *quels* animals, con lur offertas da spander, e sajan quels sainza defet.

CHAP. XXIX.

Davart las festas del settavel mais, e da lur sacrificiis.

MA * l' settavel mais, la chalenda, as saja sancta raspada; non farai *in quel* di ouvra servila alchüna; saja a vus di da sun da trombetta;

* Lev. 23, 24.

2. Ed offeri *in quel* per olocausto, in amabl' odor al Segner, ün trim, ün bümatsch, e set agnels d' ün an, sainza defet.

3. Insembel con lur offerta da spaisa da flur farina, temprad' aint con öli, da trais deschavlas per il trim, e da duos deschavlas per il bümatsch,

4. E d' üna deschavla per scodün da quels set agnels,

5. Ed ün boc per *sacrifici per il* pucha, per far purgaziun per vus.

6. Ultra * l' olocausto dellas chalendas, e sia offerta da spaisa; ed *ultra* l' olocausto † contin, e sia offerta da spaisa, e lur offerta da spander, se-

guond lur uordens, in odor amabla, in sacrifici d' arder al Segner.

* Num. 28, 11. † Num. 28, 3.

7. Il medem saja a vus, * il deschavel di da quaist settavel mais, raspada sancta, e dessat affliger vossas ormas, e non farai alchüna lavur.

* Lev. 16, 29. 23, 27.

8. Ed offeri al Segner *per* olocausto, in odor amabla, ün trim, ün bümatsch, e set agnels d' ün an, *chi* sajan sainza defet;

9. Insembel con lur offerta da spaisa, da flur farina, temprad' aint con öli, da trais deschavlas per il trim, da duos deschavlas per il bümatsch,

10. E d' üna deschavla per scodün da quels set agnels.

11. Ed ün boc, per *sacrifici per il* pucha; ultr' il * *sacrifici* da purgaziun per il pucha; ed *ultra* l' olocausto contin, e sia offerta da spaisa, e lur offertas da spander. * Lev. 16, 3. 5.

12. Medemmamaing, il * quindeschavel di del settavel mais as saja sancta raspada; non farai *in quel* alchün' ouvra servila, e celebrai la festa solenn' al Segner, per set dis. * Lev. 23, 34.

13. Ed * offeri *per* olocausto, per sacrifici d' arder, in amabl' odor al Segner, traidesch trims, duos bümatschs, e quattordesch agnels d' ün an, *chi* sajan sainza defet; * Esdr. 3, 4.

14. Insembel con lur offerta da spaisa, da flur farina, masdada con öli, da trais deschavlas, per scodün da quels traidesch trims, da duos deschavlas per scodün da quels duos bümatschs.

15. E d' üna deschavla, per scodün da quels quattordesch agnels.

16. Ed ün boc, per *sacrifici per il* pucha, ultra l' olocausto contin, e sia offerta da spaisa, e da spander.

17. Ed il seguond di, offeri dudesch trims, duos bümatschs, e quattordesch agnels d' ün an, sainza defet.

18. Insembel con lur offertas da spaisa, e da spander, per ils trims, per ils bümatschs, e per ils agnels, seguond lur nomber, seo ais ordinà.

19. Ed ün boc, per *sacrifici per il* pucha, ultra l' olocausto contin, e sia offerta da spaisa, e lur offertas da spander.

20. Ed il terz di, *offeri* ündesch trims, duos bümatschs, e quattordesch agnels d' ün an, sainza defet;

21. Insembel con lur offertas da spaisa, e da spander, per ils trims, per ils bümatschs, e per ils agnels, seguond lur number, seo ais ordinâ.

22. Ed ün boc, *per sacrifici per il* pucha, ultra l' olocausto contin, e sia offerta da spaisa, e da spander.

23. Ed il quart di, *offeri* desch trims, duos bümatschs, e quattordesch agnels d' ün an, sainza defet;

24. *Insembel con* lur offertas da spaisa, e da spander, per ils trims, per ils bümatschs, e per ils agnels, seguond lur number, seo ais ordinâ.

25. Ed ün boc, *per sacrifici per il* pucha, ultra l' olocausto contin, e sia offerta da spaisa, e da spander.

26. Ed il quint di, *offeri* nouv trims, duos bümatschs, e quattordesch agnels, d' ün an, sainza defet;

27. Insembel con lur offertas da spaisa, e da spander, per ils trims, per ils bümatschs, e per ils agnels, seguond lur number, seo ais ordinâ.

28. Ed ün boc, *per sacrifici per il* pucha, ultra l' olocausto contin, e sia offerta da spaisa, e da spander.

29. Ed il sesavel di, *offeri* ot trims, duos bümatschs, e quattordesch agnels d' ün an, sainza defet;

30. Insembel con lur offertas da spaisa, e da spander, per ils trims, per ils bümatschs, e per ils agnels, seguond lur number, seo ais ordinâ.

31. Ed ün boc, *per sacrifici per il* pucha, ultra l' olocausto contin, e sia offerta da spaisa, e da spander.

32. Ed il settavel di, *offeri* set trims, duos bümatschs, e quattordesch agnels d' ün an, sainza defet;

33. Insembel con lur offertas da spaisa, e da spander, per ils trims, per ils bümatschs, e per ils agnels, seguond lur number, seo ais ordinâ.

34. Ed ün boc, *per sacrifici per il* pucha, ultra l' olocausto contin, e sia offerta da spaisa, e da spander.

35. L' * ottavel di, saja a vus raspa-da solenna; non farai *in quel* alchün' ouvra servila.

* Lev. 23, 36.

36. Ed offeri *per* olocausto, *per* sacrifici d' arder, *in* amabl' odur al Se-

gner, ün trim, ün bümatsch, set agnels d' ün an, sainza defet;

37. *Insembel con* lur offertas da spaisa, e da spander, per il trim, per il bümatsch, e per ils agnels, seguond lur number, seo ais ordinâ.

38. Ed ün boc, *per sacrifici per il* pucha, ultra l' olocausto contin, sia offerta da spaisa, e da spander.

39. Offeri quaistas chosas al Segner in vossas solennitats, ultra voss * vuts, e vossas offertas voluntarias, da voss olocausts, da vossas offertas da spaisa, da vossas offertas da spander, e da voss sacrificis d' ingraziamaint.

* Lev. 7, 11. 16.

40. E Mose favlet als figls d' Israel, seguond tuot quai cha 'l Segner l' aveva comandâ.

CHAP. XXX.

Davart annullar, o ratificar ils vuts da persunas libras, o sottapostas ad oters.

LURA favlet Mose als capos dellas schlattas dels infants d' Israel, dschand: Quaiست ais quai cha 'l Segner ha comandâ:

2. Cur alchün averà vutâ ün vut al Segner, ovvero averà gürâ alchüna chosa, s' obliand per obligaziun sur sia orma, schi non dess el violar sia parola; far dess el plainamaing, seguond quai chi 'l sarà it our da bocca.

3. E cur üna femna averà vutâ ün vut al Segner, e s' averà obliada per obligaziun in chasa da seis bap, essendo amo giuvnetta;

4. Scha seis bap ha inolet seis vut, e sia obligaziun, con la qual' ella as ha obliada sur sia orma, e tascha lapro, schi dessan tuots ils vuts da quella esser fermes; ed ogni obligaziun, con la qual' ella s' averà obliada sur sia orma, sarà ferma.

5. Ma, scha seis bap, nel di ch' el averà inolet tuots seis vuts, e sias obligaziuns, con las qualas ella s' averà obliada sur si' orma, la desdiseh, schi non dessan quels vuts esser fermes, e 'l Segner la perdunerà; perche seis bap l' ha desditta.

6. Impero, sch' ella ais maridada, aviand amo seis vuts sur sai, o l' *impromissiu*n fatta con seis lefs, con la qual' ella s' averà obliada sur sia orma,

7. E seis marit l' ineclegia, e nel istess di, ch' el l' averà inceletta, tascha lapro, schi dessan ils vuts da quella, e sias obligaziuns, con las qualas ella s' averà obliada sur sia orma, esser fermas;

8. Ma, scha nel istess di, cha seis marit l' averà inceletta, el la desdisch, schi annulla el seis vut, ch' ella avaiava sur sai, e l' *impromissium* fatta con seis lefs, con la qual' ella s' avaiava obliada sur sia orma, e l' Segner la perdunerà.

9. Ma, quant al vut della vaidgua, o della repudiada, tuot quai, al che ella s' averà obliada sur sia orma, dess esser ferm conter ella.

10. Ma, scha la duonna fa vut, ovvero s' oblaja per obligaziun sur sia orma, con saramaint, *essendo* in chasa da seis marit;

11. E cha seis marit l' ineclegia, e tascha lapro, ne la desdisch, schi sajan tuots seis vuts ferms; saja il medem ogni obligaziun ferma, con la qual' ella s' averà obliada sur sia orma.

12. Ma, scha nel istess di, cha seis marit ils averà incelets, el zuond dafat ils annulla, schi non dess alehtina chosa chi la saja id' our da bocca, o vut, o obligaziun sur sia orma, esser rata; seis marit ha annullà quellas chosas, e l' Segner la perdunerà.

13. Il marit da quella dess ratifichar, o annullar qualunque vut, e qualunque saramaint, col qual ella s' averà obliada d' affliger sia orma.

14. Impero, scha seis marit non la disch inguotta d' ün di al oter, schi ha el ratifichà tuots ils vuts dad ella, o qualunque obligaziun, ch' ella avaiava sur sai, el ils ha ratifichats; perche el non l' ha ditta inguotta nel istess di, ch' el *ils* ha incelets.

15. Ma, scha davo 'ls avoir incelets, el ils annulla del tuot, schi vain el a portar l' iniquità dad ella.

16. Quaists *sun* ils statuts, ils quals il Segner comandet a Mose, *chi's osservessan* tanter marit e muglier, e tanter bap e figlia, tant ch' ell' ais amo giuvnetta in chasa da seis bap.

CHAP. XXXI.

La guerra conter ils Midianits. Bileam mazzà.

IL Segner favlet meglinavant a Mose, dschand:

2. Fà la * vendetta dels infants d' Israel sur ils Midianits; e lura desast tü † gnir raspà pro tei s pövel.

* Num. 25, 17. † Num. 27, 12, 13.

3. E Mose favlet al pövel, dschand: As mettan in uorden *ün tschert nomber* our da vus, per ir alla guerra, e gijajan conter Midian, per far la vendetta del Segner sur Midian.

4. Tramettai a quai sta guerra milli *homens*, per scodüna da tuot las schlattas d' Israel.

5. Usche füttan dats milli *homens* per scodüna schlatta, tanter las miliêras d' Israel, *chi füttan in tuot du deschmilli homens*, in uorden per la guerra.

6. E Mose tramettet alla guerra quels milli *homens* da scodüna schlatta, e con els Pinehas, figl del sacerdot Eleazar, il qual avaiava las üsaglias del sanctuari in man, e las * trombettas da sunar.

* Num. 10, 9.

7. Ed els fettan guerra conter Midian, sco l' Segner avaiava comandà a Mose, e mazzettan tuots ils maschels.

8. Mazzettan eir tanter ils mazzats ils rais da Midian, * Evi, e Recem, e Sur, e Hur, e Reba, ils tschinchrais da Midian; mazzettan eir con la spada, Bileam, figl da Beor.

* Gios. 13, 21, 22.

9. Ma 'ls infants d' Israel manettan preschun las donans da Midian, e lur pitschens infants, e butinettan tuot lur bestiam, gross e manü, e tuot lur facultà.

10. Ed ardettan con fö tuot lur citats, in lur stanzas, e tuot lur chastels.

11. E piglettan tuot il butin, e tuot la praisa, tant della glieud, co dels animals.

12. E manettan nan pro Mose, e pro l' sacerdot Eleazar, e pro la raspada dels infants d' Israel, ils preschunêrs, e la praisa, ed il butin, nel champ, nellas champagnas da Moab, chi *sun* sper il Giordan a Gerico.

13. Mose dimena, e'l sacerdot Eleazar, e tuots ils capos della raspada, gettan oura conter els, our dal champ.

14. E Mose s' adiret grevamaing conter ils conducturs del exercit, capos della millièra, e capos della tschientinèra, chi turnaivan da quella guerra.

15. E Mose disch ad els: Avais vus laschâ la vita a tuot las femnas?

16. Mera, * ellas füttan quellas chi, † seguond il pled da Bileam, servit-tan a dar als figls d'Israel *chaschun da* surpassamaint conter il Segner, nel fat da Peor; ** dinuonder füt quella plaja nella raspada del Segner.

* Num. 25, 2. † Ap. 2, 14. ** Num. 25, 9.

17. Uossa dimena mazzai tuot ils maschels tanter ils pitschens infants; mazzai il medem ogni femna, chi charnalmaing ha cognoschü hom;

18. E salvai per vus in vita tuot las femnas, chi sun da pitschn' età, las qualas non han cognoschü hom charnalmaing.

19. Ma vus * dmurai dadour il champ per set dis. Ogni persuna, tant intanter vus, co tanter voss preschunêrs, chi averà mazzâ alchün, ed averà toc alchün mazzâ, as dess purifichar al terz, ed al settavel di.

* Num. 5, 2. 19, 11. 16.

20. * Purifichai il medem ogni vestimaint, ed ogni üsaglia fatta con pels, ed ogni lavurêr fat con pails chavra, ed ogni vascchè da lain. * Num. 19, 15. 18.

21. Ed il sacerdot Eleazar disch al pövel da guerra, eh' eira it a quella guerra: Quaist ais il statut da led-schas, cha'l Segner ha comandâ a Mose.

22. Ma fat passar tras il fö, l'or, l'argient, l'aram, il fier, il zin e'l plom.

23. Ed insomma tuot quai chi po comportar il fö, e sarà usche net; impero cha saja eir purifichâ * con l'aua da purificaziun, e tuot quai chi non po comportar il fö, fat passar tras l'aua.

* Num. 19, 9. 17.

24. Ed al settavel di lavai vossa vestimainta, schi gnis ad esser nets; e lura podais intrar nel champ.

25. Il Segner favlet eir a Mose, dschand:

26. Tü, e'l sacerdot Eleazar, ed ils capos della naziuns paternas della raspada, pigliai sü la somma della persunas, chi sun manadas preschun, e del bestiam chi ais prais.

27. E la * praisa as dess partir per mitâ, tanter il pövel da guerra, chi ais it a quaiста guerra, e tuot la raspada.

* Gios. 22, 8. 1 Sam. 30, 24.

28. E pigliai del pövel da guerra, chi ais it a quaiста guerra, ün tribut per il Segner, üna testa da tschinchtschient, della gliend, dels bovs, dels asens, e della nuorsas.

29. Pigliai *quel* tribut della mitâ chi appertegna pro ad els, ed al sacerdot Eleazar, *per* ün' offert' al Segner.

30. E, della mitâ chi tocca als figls d'Israel, pigliai ün, tut our da tschinquanta, della gliend, dels bovs, dels asens, della bescha, ed *insomma* da tuot il bestiam, e dà quels als levits, * chi fan la funcziun del tabernacul del Segner.

* Num. 3, 7. 8. 25, 31. 36.

31. E Mose, e'l sacerdot Eleazar, fettan seo'l Segner avaiva comandâ a Mose.

32. Ma la praisa, *ciòè* la restanza della praisa, cha'l pövel, eh' eira it a quella guerra, avaiva fat, *füt da* sestschient settantatschinchmilli nuorsas,

33. E *da* settantaduamilli bovs,

34. E *da* settantünmilli asens,

35. E, quant allas ormas umanas, las femnas, chi non avaivan charnalmaing cognoschü hom, *füttan* in tuot trentaduamilli ormas.

36. Ma la mitâ, *ciòè* la part da quels, chi eiran its a quella guerra, füt *da* trajatschient e trentasetmilli, e tschinchtschient nuorsas;

37. Dellas qualas il tribut per il Segner füt *da* sestschientsettantatschinch *nuorsas*.

38. E *da* trent'e sesmilli bovs; dels quals il tribut per il Segner füt *da* settantaduos bovs;

39. E *da* trentamilli e tschinchtschient asens; dels quals il tribut per il Segner füt *da* sesantün *asen*;

40. E *da* saideschmilli ormas umanas; della qualas il tribut per il Segner füt *da* trentaduos ormas.

41. E Mose det il tribut, tut sù per offert' al Segner, al sacerdot Eleazar, sco 'l Segner l'avaiva comandâ.

42. Ma della mità, appertinent' als figls d' Israel, seguond cha Mose avaiva parti per mità, *tanter els*, e quels chi eiran its a quella guerra;

43. Ma la mità, appertinent' alla raspada, füt *da* trajatschient e trent' e setmilli, e tschinchtschient nuorsas.

44. E *da* trent' e sesmilli bovs.

45. E *da* trentamilli e tschinchtschient asens.

46. E *da* saideschmilli ormas umanas;

47. Da quaista mità, appertinent' als figls d' Israel, piglet Mose ün, tut our da tschinquanta, tant della gliend, co dels animals; e det quels als levits, chi fan la funcziun del tabernacul del Segner, sco 'l Segner avaiva comandâ a Mose.

48. Ed ils conducturs della milliêra da quel exercit, capos da milliêras, e capos da tschientinêra, gnittan nan pro Mose;

49. E dschettan ad el: Teis serviants han fat la rassegna del pövel da guerra, chi *eira* suot nossa condüta, e non ais mancâ brich' ün.

50. Perquai offerin nus per offert' al Segner scodün quai, chi l'ais gnü a man, da vashella d'or, da liams da chamma, da manils, d'anel, e da tschintas, per pajar la spendranza da nossas persunas avant il Segner.

51. Contuot piglettan Mose, ed il sacerdot Eleazar dad els tuot quel or, tuot lavurâ in vashella, ed ils clinöts.

52. E tuot l'or dell'offerta, chi füt offert' al Segner dals capos dellas milliêras, e dals capos della tschientinêra füt *da paisa da* saideschmilli, e settschienttschinquanta siccals.

53. Ma 'l pövel da guerra salvet per el quai cha scodün avaiva butinâ.

54. E Mose, ed il sacerdot Eleazar, piglettan quel or dals capos della milliêra, e della tschientinêra, e 'l portettan nel tabernacul della raspada, *per* regordanza per ils infants d' Israel, nel conspet del Segner.

CHAP. XXXII.

Allas schlattas da Ruben e da Gad vain dat il pajais conquistâ da là del Giordan, aviand impromiss da non bandunar lur frars nell' acquista da Canaan; obtgnand eir per sia part la mità da Manasse, il pajais da Gilead.

MA 'ls infants da Ruben, ed ils infants da Gad avaivan bestiam in grandissem number; perquai, veziand cha 'l pajais da * Jaezer, ed il pajais da Gilead, *eira* lö da bestiam,

* Num. 21, 32.

2. Schi gnittan els, e faylettan a Mose, ed al sacerdot Eleazar, ed als capos della raspada, dschand:

3. Atarot, e Dibon, e Jaezer, e Nimra, ed Hesbon, ed Elale, e Sebam, e Nebo, e Beon;

4. *Chi ais il* pajais * cha 'l Segner ha battü avant la raspada d' Israel, ais ün pajais da bestiam, e teis serviants han bestiam.

* Num. 21, 24, 34.

5. Lura dschettan els: Scha nus avain chattâ grazia pro tai, schi saja quaist pajais dat da possidair a teis serviants, e non ans far passar il Giordan.

6. Ma Mose respondet als figls da Gad, ed als figls da Ruben: Dessan voss frars ir alla guerra, e vus restar qui?

7. E perche stramantais il cour dels figls d' Israel, per non passar nel pajais, cha 'l Segner ha dunâ ad els?

8. Usche fettan voss babuns, eur * eu ils tramettet da Cades-Barnea, per † vair il pajais.

* Num. 13, 3. † Deut. 1, 22.

9. Perche els muntettan fin alla val d' Escol, e davo cha avettan vis il pajais, schi stramantettan els il cour dels figls d' Israel, per non intrar nel pajais, cha 'l Segner avaiva dunâ ad els.

10. Perquai l' ira del Segner s' invüdet in quel di; ed * el güret, dschand:

* Num. 14, 23.

11. La gliend, chi sun gnüts our d' Egipto, dall' età da vainch ans in sù, non vezzan mâ la terra, dalla quala eu ha gürâ ad Abraham, ad Isac, ed a Giacob; siand cha non m' han seguittâ plainamaing;

12. Resalv Caleb, il figl da Jefunne, Cenizzer, e Giosua, figl da Nun; perche * els han seguittâ al Segner plai-namaing.

* Num. 14, 24.

13. E l'ira del Segner s'invüdet conter Israel, ed el ils ha fats ir ad erramaints per il desert, *il spazi da* quarant'ans, fin cha saja statta cunstimada tuot quella generaziun, chi avaiava fat quel mal nel conspet del Segner.

14. E mera, vus eschat gnüts sü in lö da voss baps, üna schlatta da gliend pechadrischa, per creschantar amo l'ira del Segner conter Israel.

15. Perche, scha vus as volvais inavo our dad el, schi vain el ad ir inavatt, al laschar nel desert, ed usche gnissat a far perir tuot quai pövel.

16. Ma els gettan via pro el, e dschettan: Nus volain edificar qui stallas per nos bestiam, e cittats per nossas famiglias.

17. Ma nus ans volain metter in norden, pronts per ir avant ils figls d'Israel, infin tant, cha nus ils hajan condüts in lur lö, ed *in quel dimez* dmurettan nossas famiglias nellas cittats fermas, per temma dels abitants del pajais.

18. * Nus non volain turnar in nossas chasas, fin cha scodün dels figls d'Israel saja intrat in sia ierta.

* Gios. 22, 3.

19. Perche, quant a nus, schi non volain nus possidair *inguotta* con els da là del Giordan; siand noss'ierta erodada da qua del Giordan, vers oriaint.

20. Lura disch Mose ad els: Scha vus fais quai chosa, ed eschat in norden per *ir* alla guerr' avant il Segner,

21. E qualunque da vus chi ais abil alla guerra, pass' il Giordan avant il Segner, fin ch' el haja schatschâ seis inimis our da seis conspet;

22. * Daspö cha'l pajais sarà suottamiss al Segner, schi dessat podair turnar inavo, ed esser our da cuolpa pro'l Segner, e pro Israel, e † quai pajais sarà vos, per il possidair nel conspet del Segner.

* Deut. 3, 20. † Deut. 3, 12. 13, 16. Gios. 1, 15.

23. Ma, scha vus non fais usche, mera, schi avessat pechâ conter il Segner, e sapchat, cha vos pucha gniss as chattar.

24. S'edifichai dimena cittats per

vossas famiglias, e stallas per vossas scossas, e fat quai chi s'ais it our da bocca.

25. Ed ils figls da Gad, ed ils figls da Ruben, respondettan a Mose, dschand: Teis serviaints faran sco meis segner comanda.

26. Noss pitschens infants, nossas mugliers, nossas scossas, e tuot nos bestiam, dessan dmurar a là, nella città da Gilead.

27. Ma, quant a teis serviaints, chi sarà abil alla guerra, passerà alla guerra, avant il Segner, sco disch meis Segner.

28. * E Mose det uorden davart els al sacerdot Eleazar, ed a Giosua, figl da Nun, ed als capos dellas *nazioni* paternas, dellas schlattas dels figls d'Israel;

* Gios. 1, 13.

29. E disch ad els: Scha tuots quels tanter ils figls da Gad, ed ils figls da Ruben, chi sun abils alla guerra, passan con vus il Giordan avant il Segner, cur il pajais vain as esser suottamiss, schi dat ad els da possidair il pajais da Gilead.

30. Ma, scha non passan con vus inarmats, dessan els avair lur possessiun tanter vus, nel pajais da Canaan.

31. Ed ils figls da Gad, ed ils figls da Ruben, respondettan, dschand: Nus volain interamaing far, sco'l Segner ha dit a teis serviaints.

32. Nus volain passar inarmats nel pajais da Canaan, avant il Segner; solum ch'ans resta la possessiun da noss'ierta da qua del Giordan.

33. * Contuot det Mose ad els, als figls da Gad, als figls da Ruben, ed alla mità della schlatta da Manasse, figl da Giosue, il † reginam da Sihon, rai dels Amorits, e'l reginam d'Og, rai da Basan; il pajais *parti* tras sias cittats, con lur confins, las cittats del pajais per tuot intuorn.

* Deut. 3, 12. Gios. 1, 15. 13, 8, 22, 4. † Num. 21, 24. 33.

34. Ed ils figls da Gad edificettan darcheu Dibon, ed Atarot, ed Aroer.

35. Ed Atrot-sofan, e Jaezer, e Jogbeha;

36. E Bet-nimra, e Bet-haran, cittats fermas, e fettan eir stallas per las scossas.

37. Ed ils da * Ruben edifichezzan darcheu Hesbon, ed Elale, e Ciriatim. * Num. 21, 27.

38. E Nebo, e Baalmeon, müdand ils noms, e Sibma, e mettettan oters noms allas cittats, ch'els edifichezzan darcheu.

39. Ed ils figls da * Machir, figl da Manasse, gettan in Gilead, e la piglettan aint, e schatschettan ils Amorits chi *eiran* laint. * Gen. 50, 23.

40. * Mose dimena det Gilead a Machir, figl da Manasse, ed el abitet qua. * Gios. 13, 29.

41. * Jair eir el, figl da Manasse, get, e piglet ils vihs da quels, e 'ls mettet nom: Ils vihs da Jair.

* Gios. 13, 30.

42. Noba medemmamaing get, e piglet Cenat, e las terras da seis territori, e clamet quella Noba, da seis nom.

CHAP. XXXIII.

Las 42 partenzas dels Israelits, dad ün lö al oter nel desert; comandamaints da Cananits.

QUAISTS *sun* ils viadis dels infants d' Israel, chi gnittan our dal pajais d' Egipto, *disferenziats* per lur exercits, suot la condotta da Mose, e d' Aaron.

2. Ma Mose scrivet lur partenzas, seguond ch' els movettan tras il comandamaint del Segner; quaiats, *di eu, sun* lur viadis, seguond lur partenzas.

3. * Els dimena as partittan da Raemes, il prüm mais, il quindeschavel di del prüm mais; ils infants d' Israel, as partittan il di davo la pasqua, † con man adoza, alla vista da tuot ils Egipters; * Ex. 12, 37. † Ex. 14, 8.

4. Intant cha 'ls Egipters sepulivan quels cha 'l Segner * avaiva battü tanter els, *chi eiran* tuots ils primogenits. Ma 'l Segner avaiva fat † güdizi supra lur deis.

* Ex. 12, 29. † Ex. 12, 12. 18, 11.

5. Contuot, siand ils infants d' Israel partits da Raemes, * schi 's acchampettan els in Sucot. * Ex. 13, 20.

6. E, siand partits da Sucot, s' acchampettan els in Etam, chi *ais* nell' extremità del desert.

7. E, * siand partits d' Etam, as

volvettan els vers la clusa da Hirot, chi *ais* via incoenter Baal-Sefon, e s' acchampettan avant Migdol.

* Ex. 14, 2.

8. Lura, * siand partits vi' avant Hirot, passettan els per mez il mâr, *trand* vers il desert; e, † siand its trais giornadas da chamin tras il desert d' Etam, s' acchampettan els in Mara.

* Ex. 14, 22. † Ex. 15, 22. 23.

9. E, siand partits da Mara, * rivettan els in Elim, ingio *eiran* dusesch fontanas d' aua, e settanta palmas; e s' acchampettan qua. * Ex. 15, 27.

10. E, siand partits d' Elim, s' acchampettan els sper il mâr cotschen.

11. E, siand partits dal mâr cotschen, * s' acchampettan els nel desert da Sin.

* Ex. 16, 1.

12. E, siand partits dal desert da Sin, s' acchampettan els in Dofea.

13. E, siand partits da Dofea, s' acchampettan els in Alus.

14. E, siand partits d' Alus, * s' acchampettan els in Rafidim, ingio aua non eira da baiver per il pövel.

* Ex. 17, 1.

15. E, siand * partits da Rafidim, s' acchampettan els nel desert da Sinai.

* Ex. 19, 1. 2.

16. E, siand partits dal desert da Sinai, * s' acchampettan els in Cibrottaava.

* Num. 11, 34.

17. E, * siand partits da Cibrottaava, s' acchampettan els in Haserot.

* Num. 11, 35.

18. E, siand partits da Haserot, s' acchampettan els in Ritma.

19. E, siand partits da Ritma, s' acchampettan els in Rimon-Pares.

20. E, siand partits da Rimon-Pares, s' acchampettan els in Libna.

21. E, siand partits da Libna, s' acchampettan els in Rissa.

22. E, siand partits da Rissa, s' acchampettan els in Cehelata.

23. E, siand partits da Cehelata, s' acchampettan els nel munt da Safer.

24. E, siand partits dal munt da Safer, s' acchampettan els in Harada.

25. E, siand partits da Harada, s' acchampettan els in Macelot.

26. E, siand partits da Macelot, s' acchampettan els in Tahat.

27. E, siand partits da Tahat, s' acchamptettan els in Tera.

28. E, siand partits da Tera, s' acchamptettan els in Mitca.

29. E, siand partits da Mitca, s' acchamptettan els in Hasmona.

30. E, siand partits da Hasmona, * s' acchamptettan els in Moserot.

* Deut. 10, 6.

31. E, siand partits da Moserot, s' acchamptettan els in Bne-Jaacan.

32. E, siand partits da Bne-Jaacan, s' acchamptettan els in Hor-Gidgad.

33. E, siand partits da Hor-Gidgad, s' acchamptettan els in Jotbata.

34. E, siand partits da Jotbata, s' acchamptettan els in Abrona.

35. E, siand partits d' Abrona, s' acchamptettan els in Ezeon-Geber.

36. E, siand partits d' Ezeon-Geber, * s' acchamptettan els nel desert da Sin, *chi* ais Cades.

* Num. 20, 1.

37. E, siand partits da Cades, * s' acchamptettan els nel munt da Hor, nell' extremità del pajais d' Edom.

* Num. 20, 22.

38. * Ma 'l sacerdot Aaron muntet sül munt Hor, per comandaint del Segner, e morit qua, l' an quarantavel, dopo cha 'ls infants d' Israel fütan gnüts our dal pajais d' Egipto, il quint mais, a chalenda.

* Num. 20, 25.

39. Ma Aaron *eira* d' età da tschient e vainch e trais ans, cur el morit sül munt Hor.

40. Lur' ineleget * il Cananit, rai d' Arad, chi abitaiva vers il mezdi, nel pajais da Canaan, la vgnüda dels infants d' Israel.

* Num. 21, 1.

41. Lura, siand partits dal munt Hor, s' acchamptettan els in Salmona.

42. E, siand partits da Salmona, s' acchamptettan els in Punon.

43. E, siand partits da Punon, * s' acchamptettan els in Obot.

* Num. 21, 10.

44. E, siand partits d' Obot, * s' acchamptettan els a Ije-Abarim, als confins da Moab.

* Num. 21, 11.

45. E, siand partits da Ijim, s' acchamptettan els in Dibon-Gad.

46. E, siand partits da Dibon-Gad, s' acchamptettan els in Almon, vers Diblataim.

47. E, siand partits d' Almon, vers

Diblataim, s' acchamptettan els nels munts d' Abarim, vi' avant Nebo.

48. E, siand partits dals munts d' Abarim, * s' acchamptettan els nellas champagnas da Moab, sper il Giordan a Gerico,

* Num. 22, 1.

49. E s' acchamptettan sper il Giordan, da Betjesimot fin ad Abel-Sittim, nellas champagnas da Moab.

50. Ma 'l Segner favlet a Mose, nellas champagnas da Moab, sper' il Giordan a Gerico, dschand:

51. Tschantscha cols infants d' Israel, e di ad els: Cur gnis ad esser passats il Giordan, *ed esser intrats* nel pajais da Canaan;

52. Schi * schatschai our davant vus tuots ils abitants del pajais, e disfat tuot lur imagnas, e tuot lur statuas culadas; e tuots lur lous ots dessat sdrür.

* Ex. 23, 24. 33. 34, 13. Deut. 7, 2. 5. 12, 3.

53. Ed as dessat metter in possessiun del pajais, ed abitar in quel; perche ch' eu s' ha dunà il pajais, per il possidair.

54. E * parti la possessiun del pajais con la sort, seguond vossas naziuns; a quellas chi sun in plü grand number dat magior possessiuns, e main a quellas, chi sun in plü pitschen number; in qualunque lö la sort d' alchün al sarà crodada, quel saja seis; parti a vus la possessiun dels pajais suainter vossas schlattas paternas.

* Num. 26, 54. 55.

55. E, scha * vus non schatschais our davant vus ils abitants del pajais, schi as dessan quels, cha vus dad els averat laschà vanzar, esser aguagls in voss ögls, e spinas in vossas costas, e vegnan as turmentar nel pajais, nel qual vus gnis ad abitar.

* Gios. 23, 13.

56. E dvanterà, ch' eu farà con vus, seo eu eira proposet da far con els.

CHAP. XXXIV.

Davart ils terms, e confins della terra da Canaan; e quals la dovaivan partir.

IL Segner favlet plünavant a Mose, dschand:

2. Comand' als infants d' Israel, e di ad els: Siand cha vus eschat *uossa* per intrar nel pajais da Canaan; schi *ais* quaist il pajais, chi vain a vus a

erodar per ierta, cioè il pajais da Canaan, seguond seis confins.

3. E la * vart meridionala saja a vus, dal desert da Sin fin als terms d'Edom; e l'estremità del mâr insalâ saja vos confin da mezdi, vers oriaint. * Gios. 15, 1.

4. E quaiſt confin dess ir intuorn, dal mezdi vers la muntada d'Acrabim, e passar fin Sin, e sias extremitats dessan rivar a Cades-Barnea, dal mezdi, ed ir oura in Hasar-Addar, e dess passar in Asmon.

5. Lura 's dess quaiſt confin volver d'Asmon vers il flüm d'Egipto, e sias extremitats dessan rivar al mâr.

6. Ma per confin occidental saja a vus il mâr grand, e confins. Quaiſt saja a vus il confin occidental.

7. Ma quaiſt dess esser a vus il confin settentrional; dal mâr grand designai a vus fin al munt Hor.

8. Dal munt Hor designai per confin là, ingio as intra in Hemat; e l'estremità da quaiſt confin dess rivar a Sedad;

9. Ed ir inavant fin a Zifron, e sias extremitats dessan rivar in Hasar-Enan. Quaiſt saja vos confin settentrional.

10. Lura designai a vus per confin oriental d'Asar-Enan a Sefam.

11. E quaiſt confin giaja da Sefam giò a Ribla, vi' incoſter la fontana; lura dess el ir giò, e toccer la costa del mâr da Chinneret, vers oriaint.

12. Lura dess el ir giò al Giordan, e sias extremitats rivan al mâr insalâ. Quaiſt saja vos pajais, *termi oura* per seis confins pertuot intuorn.

13. Ma Mose comandet, e dschet als infants d'Israel: Quaiſt *aïs* il pajais, del qual vus dessat partir la possessiun tras la sort; il qual il Segner ha comandâ, cha 's detta a nouv schlattas e mezza.

14. Perche la * schlatta dels Rube-nits, seguond lur naziuns paternas, e la schlatta dels Gadits, seguond lur naziuns paternas; e la mità della schlatta da Manasse, han ardschvü lur ierta. * Num. 32, 33.

15. Quaiſtas duos schlattas e mezza han ardschvü lur ierta da qua del Giordan a Gerico, vers oriaint.

16. Il Segner favlet eir a Mose, dschhand:

17. Quaists * *sun* ils noms dels homens, chi vegnan as partir oura l'ierta del pajais; Eleazar, sacerdot; e Giosua, figl da Nun. * Gios. 14, 1.

18. Pigliai eir da scodüna schlatta ün dels capos, per far la partizun del pajais.

19. E quaists *sun* ils noms da quels homens; della schlatta da Giuda, Caleb, figl da Jefunne;

20. Della schlatta dels infants da Simeon, Semuel, figl d'Ammihud;

21. Della schlatta da Benjamin, Elidad, figl da Chislon;

22. Della schlatta dels infants da Dan, in capo Buci, figl da Jagli;

23. Dels figls da Giosef, della schlatta dels infants da Manasse, il capo Hanniel, figl d'Efod;

24. E della schlatta dels infants d'Efraim, il capo Cemuel, figl da Siftan;

25. E della schlatta dels infants da Zebulon, il capo Elisafan, figl da Farnac;

26. E della schlatta dels infants d'Issaschar, il capo Paltiel, figl d'Azan;

27. E della schlatta dels infants d'Asser, il capo Ahihud, figl da Selomi;

28. E della schlatta dels infants da Naftali, il capo Pedahel, figl d'Ammihud;

29. Quaists *sun* quels, als quals il Segner comandet da far la partizun dell'ierta als infants d'Israel, nel pajais da Canaan.

CHAP. XXXV.

Cittats dels levits 48; dellas qualas 6. sajan per refugi. Ledscha del omicidi.

PLÜNAVANT favlet il Segner a Mose, nellas champagnas da Moab, sper il Giordan a Gerico, dschhand:

2. * Comand' als infants d'Israel cha dettan, della possessiun da lur ierta, als levits cittats d'abitar, seo eir ils contuorns da quellas cittats. * Gios. 14, 3. 4. 21, 2.

3. Las cittats dimena dessan els avoir per abitar laint; ed ils contuorns da quellas sajan per lur bestiam, per lur facultà, e per tuot lur muaglia.

4. Ed ils contuorns dellas cittats, cha vus gnis a dar als levits, *sajan* seodün da milli bratschs muots da pertuot intuorn, dalla müraglia della città in oura.

5. Contuot, masürai dadour la città duamilli bratschs muots, dalla vart orientala; e duamilli bratschs muots, dalla vart meridionala; e duamilli bratschs muots, dalla vart occidentala; e duamilli bratschs muots dalla vart settentrionala, e *saja* la città in mez. Quaist saja ad els il *spazi* dels contuorns da quellas cittats.

6. * Ma, quant allas cittats, cha vus dessat dar als levits, *sajan il prüim a vus* las ses cittats da refugi, las qualas vus dessat constituer, acio cha, chi averà mazzà alchün possa fügir laint; ed a quellas dessat metter pro quaranta duos *otras*. * Gios. 21, 21.

7. Tuot las cittats, cha vus dessat dar als levits, *sajan* quarant'ot citats, insambel con lur contuorns.

8. E da quaistas cittats, cha vus gnis a dar *als levits*, dell'ierta dels infants d' Israel, schi dessat dar plü alla * *schlatta* chi ais plü granda; e main a quella, chi sarà plü pitschna. Seodüna *schlatta* detta da sias citats als levits, a raschun da sia ierta ch'ella vain a possedair. * Num. 26, 54.

9. Lura favlet il Segner a Mose, dschand:

10. Tschantscha cols infants d' Israel, e di ad els: Cur vus gnis ad esser passats il Giordan, *ed esser intrats* nel pajais da Canaan,

11. * Schi designai tanter vus las cittats da refugi, nellas qualas l'omicider, chi averà battü a mort alchüna persuna imprudaintamaing, possa fügir laint.

* Ex. 21, 13. Deut. 4, 41. Gios. 20, 2.

12. E quellas cittats as dessan esser per refugi avant quel, chi ha la raschun da vindichar il sang; acio cha'l omicider non moura, fin cha'l saja comparü in güdizi avant la raspada.

13. Da quellas cittats dimena, cha vus dessat dar *als levits*, sajan las ses da refugi.

14. Designai trais da quellas cittats da quaista vart del Giordan; e trais

otras nel pajais da Canaan, *per* esser cittats da refugi.

15. Quaistas ses cittats sajan per refugi, als infants d' Israel, als foresters, ed als gnüts-nanpro, *chi vegnan ad esser* tanter els; acio cha qua fügia chi averà battü a mort alchüna persuna imprudaintamaing.

16. Ma, * sch' alchün batt' ün oter con alchün instrumaint da fier, schi *ais* quel omicider; quel omicider as dess a tuotta via far morir.

* Ex. 21, 12. Lev. 24, 17.

17. Medemmamaing, sch' el il batta con üna peidra da man, dalla quala ün podess morir, e ch' el moura, schi *ais* el omicider; quel omicider as dess a tuotta via far morir.

18. Sumgiantamaing, sch' el il batta con ün instrumaint da lain in man, dal qual el podess morir; e ch' el moura, schi *ais* el omicider; quel omicider as dess a tuotta via far morir.

19. Quel, chi ha la raschun da vindichar il sang, dess far morir quel omicider; cur el gnis al incontrar, schi dess el istess il podair mazzar.

20. Usche sch' el eir * il stumpla tras ödi, o il bütta conter *alchüna chosa* a posta, dal qual el füss mort;

* Deut. 19, 11.

21. Ovvero il batta per inimicizia col man, e ch' el moura, schi saja quel chi ha battü a tuotta via fat morir; el *ais* omicider; quel chi ha la raschun da vindichar il sang dess podair mazzar quel omicider, cur el gnis al incontrar.

22. Ma, sch' el il chatscha, o il bütta conter qualche instrumaint impensadamaing, sainza inimicizia, e na apostà;

23. Ovvero, sainz' avoir vis, al fa dar giò sün el üna peidra, dalla quala el podess morir, e ch' el moura, sainza ch' el al füss inimi, o tscherchess seis mal;

24. Lura dess la raspada güdichar tanter quel, chi ha battü, e quel chi ha la raschun da vindichar il sang, seguond quaistas ledshas.

25. E dess deliberar quel chi ha mazzà dals mans da quel chi ha la raschun da vindichar il sang, e'l

dess far turnar inavo pro la città da seis refugi, ingio el eira mütschâ; ed el dess restar qua fin alla mort del grand sacerdot, * il qual sarà stat onschü col öli sanet. * Ex. 29, 7. Lev. 4, 3.

26. Impero, scha quel chi ha mazzâ, va our dals confins della città da seis refugi, ingio el eira stat mütschâ;

27. E scha quel chi ha la raschun da vindichar il sang, il chattand dador ils confins della città, il mazza; schi non ais el culpabel d'omicidi;

28. Perche quel ha da star nella città da seis refugi, fin alla mort del grand sacerdot; e davo la mort del grand sacerdot dess quel, chi ha mazzâ, podair turnar alla terra da sia possessiun.

29. Pertant sajan a vus quaistas chosas statut da ledsehas, tras vosas generaziuns, in tuottas vossas stanzas.

30. Cur alchün averà battü a mort üna persuna, schi saja quel omicider mazzâ, * sül dir da plüs testimonis; ma üna perdüta suletta non dess podair dar testimonianza conter üna persuna a la far morir. * Deut. 17, 6.

31. E pretsch da slubgiaschun non dessat vus tour per la vita del omicider, il qual *ais* culpabel e degn da mort; anzi saja el a tuotta via fat morir.

32. Medemmamaing, non pigliarai alchün pretsch, per *laschar* füzir vi' *alchün* pro la città da seis refugi; *ne* per turnar a dmurar nel pajais ant la mort del sacerdot.

33. Ed il pajais nel qual vus *gnis* ad *abitar* non dessat * profanar; perche cha 'l sang sconsacrescha il pajais; e'l pajais non po esser nettiâ dal sang, chi sarà stat spans in el, oter co col sang da chi l'averà spans.

34. Contuot non sconsacrai il pajais, nel qual vus *gnis* a dmurar, in mez del qual eu abiterà; perche eu *sun* il Segner, chi avd per mez ils infants d'Israel.

CHAP. XXXVI.

Las figlias da Selafehad as maridan. Ledseha da matrimuni, e da non transportar las iertas dell' üna schlatta sül' otra.

MA ils capos dellas famiglias paternas della naziun dels infants

da Gilead, figl da Machir, figl da Manasse, dellas naziuns dels infants da Giosef, as fettan inavant, e tsehan-tschettan in presenza da Mose, e dels principals, *chi eiran* capos dellas famiglias paternas dels infants d'Israel,

2. Edschettan: * Il Segner ha comandâ a meis segner, da dar il pajais in ierta als infants d'Israel, tras la sort; ed, *ultra quai*, ais † stat a meis segner comandâ dal Segner, da dar l' ierta da Selafehad, nos frar, a sias figlias. * Num. 26, 55. † Num. 27, 1. Gios. 17, 3.

3. Ma, sch' ellas as maridan con alchün dellas *otras* schlattas dels infants d'Israel, schi sarà lur ierta retratta dall' ierta da noss baps, e sarà missa pro l' ierta della schlatta *da quels*, col quals ellas vegnan as maridar, e sarà usche disminui della sort da noss' ierta.

4. Ed eir, cur ils infants d'Israel vegnan ad avair il Giubileo, schi vain l' ierta da quellas a gnir missa pro l' ierta della schlatta *da quels*, cols quals ellas as marideran; ed usche sarà lur ierta retratta dall' ierta della schlatta da noss baps.

5. Contuot det Mose comand als infants d'Israel, seguond il pled del Segner, dschand: La schlatta dels infants da Giosef tsehantseha indret.

6. Quaist *ais* quai cha 'l Segner ha comandâ davart las figlias da Selafehad, dschand: Ch' ellas as maridan con chi ad ellas plascherà; impero as dessan maridar in alchüna dellas naziuns della schlatta da lur bap;

7. E non dess gnir transportada, tanter ils infants d'Israel, alchün' ierta da schlatt' in schlatta; anzi dess scodün dels infants d'Israel star rantâ vi' all' ierta della schlatta da seis babuns.

8. Ed * ogni giuvna, chi sarà ertavla, tanter las schlattas dels infants d'Israel, as dess maridar con ün della naziun della schlatta da seis bap; acio cha 'ls infants d'Israel possideschan scodün l' ierta da seis babuns.

* 1 Cron. 25, 22.

9. E l' ierta non as dess transportar d' üna schlatt' all' otra; anzi scodüna schlatta dels infants d'Israel as dess rantar vi' a sia ierta.

10. Seo 'l Segner avaiava comandâ a Mose, usche fettan las figlias da Selafehad.

11. E Mahela, e Tirsa, e Hogla, e Milca, e Noa, las figlias da Selafehad, as maridettan con figls da lur barbas.

12. Usche füttan ellas maridadas *con marits, chi eiran* dellas naziuns dels

infants da Manasse, del figl da Giosef, e lur ierta restet nella schlatta della naziun da lur bap.

13. Quaists *sun* ils comandamaints, e las ledschas, las qualas il Segner det als infants d' Israel, per man da Mose, nellas champagnas da Moab, sper il Giordan a Gerico.

IL QUINT CUDESCH DA MOSE,

NOMINÀ

DEUTERONOMIO.

CHAP. I.

Üna cuorta repetiziun dellas chosas passadas dal Horeb inavant, fin in Cades-Barnea.

QUAISTS *sun* ils plets, ils quals Mose pronunziat a tuot Israel, da qua del Giordan, nel desert, nella champagna, vi' incounter Suf, intanter Paran, e Tofel, e Laban, ed Haserot, e Dizahab.

2. *E sun* ündesch giornadas dal Horeb, per la via del munt da Seir, fin a Cades-Barnea.

3. Ma 'l quarantavel an, la chalenda del ündeschavel mais, favlet Mose als infants d' Israel, seguond tuot quai cha 'l Segner l' avaiava comandâ *da dir* ad els.

4. Davo * ch' el avet battü Sihon, rai dels Amorits, il qual abitaiv' in Hesbon, ed Og, rai da Basan, chi abitaiv' in Astarot, ed in Edrei.

* Num. 21, 24, 33.

5. Da qua del Giordan, nel pajais da Moab, as piglet Mose avant el da declarar quaista ledscha, dschand:

6. Il Segner, nos Deis, tschantschet con nus in Horeb, dschand: Vus avais dmurâ avuonda pro quaist munt.

7. As mettai in chamin, as parti da qui, ed intrai nels munts dels Amorits, ed in tuot lur vicinanzas, nella champagna, nel munt, nella planüra, nella part meridionala, e nella riva del mâr; nel pajais dels Cananits, e nel Libano, fin al grand flüm, *ch' ais* il flüm Eufrat.

8. Mera, in vos podair ha eu miss il

pajais; intrai, e possidai il pajais, * il qual il Segner güret a voss babuns, ad Abraham, ad Isac, ed a Giacob, ch' el gnis al dar ad els, ed a lur sem, davo els.

* Gen. 12, 7. 15, 18. 26, 4. 28, 13.

9. Ed * in quel temp favlet eu a vus, dschand: Eu sulet non as poss redscher.

* Ex. 18, 1s.

10. Il Segner, vos Deis, as ha multiplicats, e mera, vus *eschat* hoz seo las stailas del tsel, in bleriira.

11. Il Segner, il Deis da voss babuns, as creschainta pür milli voutas plü, e's benedescha, * seo ch' el ha tschan-tschâ con vus.

* Gen. 15, 5. 22, 17. 26, 4. Ex. 32, 13.

12. Co dess eu sulet podair portar la fadia, e'l charg sur da vus, e vossas dispiittas?

13. Dat-am our da vossas schlattas homens sabis ed inegiantaivels, e bainexperimentats; ed eu ils vögl constituer per capos sur da vus.

14. Lura am respondettat vus, e dschettat: L' *ais* bön da far quai cha tü dist.

15. Contuot piglet eu dels principals da vossas schlattas, homens sabis e bainexperimentats, e 'ls constituit capos sur da vus, capos da milliëra, capos da tschientinëra, capos da tschinquanta, capos da desch, ed ofizials tras vossas schlattas.

16. Ed in quel temp comandet eu, e dschet a voss güdischs: Dat audienza a voss frars *nels affars, cha vegnan ad avair* insembel, e güdiechai güstamaing

tanter l'ün hom, e l'oter; * frar, o ester, chi ch' el saja. * Lev. 24, 22.

17. Non * guardarai süin la qualità della persuna nel güdizi; tadlai tant il pitschen co 'l grand; non tmarai d'alehün crastian; † perche cha 'l güdizi appertegna a Dieu; ma las chosas chi per vus vegnan ad esser massa diffizilas, manâ-las avant mai, ed eu las vögl udir.

* Lev. 19, 15. Deut. 16. 19. † 2 Cron. 19, 6.

18. In quel temp as comandet eu eir tuot las chosas, cha vus dovaivat far.

19. Lur' ans partittan nus dal Horeb, e chaminettan tras tuot quel grand e spaventus desert, il qual vus avais vis, trand vers il munt dels Amorits; sco 'l Segner, nos Deis ans avai-va comandâ, e * rivettan fin a Cades-Barnea. * Num. 13, 27.

20. Lura dschet eu a vus: Vus eschat rivats al munt dels Amorits, il qual il Segner, nos Deis ans dunet.

21. Guarda, il Segner teis Deis ha miss il pajais in teis podair; munta, possidescha 'l sco 'l Segner, Deis da teis babuns t'ha dit: Non at tmair, e non at stramantar.

22. E vus tuots gnittat nan pro mai, e dschettat: *Lascha, cha* nus tramettan homens avant nus, chi 'ns investigeschon il pajais, e chi 'ns rap- portan alehüna chosa davart il cha- min, tras il qual nus avain da muntar, dellas cittats, pro las qualas nus avain da gnir.

23. Ed il fat am plaschet; ed * eu piglet dudesch homens our da vus, ün per schlatta. * Num. 13, 3.

24. * Ed els as mettettan in viadi, e, siand muntats süil munt, rivettan els fin alla val d'Escol, e spiettan il pa- jais. * Num. 13, 24.

25. E piglettan in lur man del früt da quel, e 'l portettan a nus, e fettan *lur* relaziun, e dschettan: Il pajais, cha 'l Segner nos Deis ans dunet, *ais* bun.

26. * Ma vus non volettat muntar, e füttat rebels al comandamaint del Segner vos Deis; * Num. 14, 1.

27. E brunclettat in vossas tendas, e dschettat: Perche ans ödiesch' il Segner; el ans ha fat ir our dal pajais d' Egipto, per ans dar nels mans dels Amorits, per ans desdrür.

28. Ingio muntain nus? Noss frars ans han fat alguar il cour, dschand: * *Quel* pövel *ais* plü grand, e da plü ota statura da nus; las cittats *sun* grandas e fermas, e *rivan* fin al tschel; ed eir avain nus vis ils figls dels Enacits. * Num. 13, 29. 32, 34.

29. Ma dschet a vus: Vus non as des- sat smarir, e non hajat temma d' els.

30. Il Segner vos Deis, chi chamin' avant vus, quel combatterà per vus, seguond tuot quai ch' el ha fat vers vus, avant voss ögls in Egipto;

31. E nel desert; ingio tü hast vis co 'l Segner vos Deis t' ha * portâ, sco ch' ün hom portess seis figl, tras tuot il viadi, ch' avais fat, fin vus eschat rivats in quai-ist lö.

* Deut. 32, 11. 12. Es. 46, 3. 4.

32. Ma pro *tuot* quai non crajettat vus al Segner, vos Deis,

33. * Il qual giaiva avant vus per il chamin, per as designar il lö da s'acchampar, in fö da not, per s' illü- minar nel viadi, per il qual vus avai- vat da chaminar, e da di nella nüvla. * Ex. 13, 21. Num. 10, 33.

34. Ma il Segner udit la vusch da voss plets, e s' adiret grevamaing, e güret, dschand:

35. * Ingün da quaista gliend, quai- sta mala generaziun, non vain a vair quel bun pajais, ch' eu ha gü- rä da dar a voss babuns, * Num. 14, 22.

36. Resalv Caleb, figl da Jefunne; el vain al vair, ed ad * el, ed a seis infants vögl eu dar il pajais, nel qual el ais chaminâ, perche † el ha complettamaing següi al Segner.

* Gios. 14, 9. † Num. 14, 24.

37. Eir * conter mai s' adiret il Se- gner per causa vossa, dschand: Neir tü non dessast intrar laint.

* Num. 20, 12. Deut. 3, 26.

38. Giosua, figl da Nun, chi's serva, quel intrerà, conferma 'l; perche quel metterà Israel in possessiun da quel pajais.

39. Ma voss pitschens infants, dals quals vus avais dit, cha vegnan ad esser per praja; e voss figls, ils quals hoz non cognoschan, ne 'l bö- n, ne 'l mal, quels vegnan ad intrar laint, ed eu il vögl dar ad els, e quels vegnan al possidair.

40. Ma vus as volvai inavo, e chaminai vers il desert, trand vers il mâr cotschen.

41. Lura respondettat vus, e 'm dschettat: * Nus avain pechâ conter il Segner; nus volain muntar, e volain combatter, seguond tuot quai cha 'l Segner nos Deis ans avaiva comandâ. Ed aviand scodün da vus tut sias armas, schi's presümettat vus da muntar la montagna. * Num. 14, 40.

42. Ma 'l Segner dschet a mai: Di ad els: Nongiarai sù, e non combattarai; perche eu non *sun* in mez vus; acio cha non sajat battüts avant voss inimis.

43. Ed eu dschet a vus, ma vus non obedittat; anzi füttat rebels al comandamaint del Segner, e temerariamaing as presümettat vus da muntar sül munt.

44. Ils Amorits lura, chi abitaivan in quel munt, gnittan oura conter vus, e 's dettan davo, sco soulan far ils aviöls, e 's battettan, *as dand davo* fin in Horma.

45. E vus, siand turnats inavo, eridettat avant il Segner; ma 'l Segner non tadlet vossa vusch, e non as sporschet las uraglias.

46. E vus stettat blers dis in Cades, quants cha vus viavant *agià* eirat stats.

CHAP. II.

Repetiziun dels fats passats da Cades-Barnea fin la battaglia cols rais Sibon ed Og.

DAVO quai ans volvettan nus, e gettan vers il desert, trand conter il mâr cotschen; * sco 'l Segner m'avaiva dit; e trettan intuorn il munt da Seir, per ün lung temp.

* Num. 14, 25.

2. Lura am disch il Segner:

3. Vus eschat trats avuonda intuorn quai munt; as volvai vers il setten-trion.

4. E comand'al pövel, e di ad el: * Vus eschat uossa per passar tras ils confins dels infants d'Esau, voss frars, ils quals dmuran in Seir; ed els vegnan ad avoir temma da vus; as inguardai impero con diligenza.

* Num. 20, 14.

5. Non als moventarai guerra; perche da lur pajais non as vögl eu dar

inguotta, nianc' ün pè da terra; perche * eu ha dat il munt da Seir per iert' ad Esau. * Gios. 24, 4.

6. Comprai dad els con danêrs la vicialia cha dessat mangiar; comprai eir con danêrs dad els l'aua cha dessat baiver.

7. Perche cha 'l Segner teis Deis t'ha benedi in tuot l'ouvra da teis mans; da tai ha el gnü chüra, tant cha tü est chaminâ tras quaiest grand desert; il Segner teis Deis *ais stat* con tai quaiests quarant'ans, e tü non hast gnü manchamaint d'inguotta.

8. Usche passettan nus plünavant, laschand ils infants d'Esau, noss frars, ils quals abiteschan nel munt da Seir fin alla via della planüra d'Elat, e d'Ezeon-Geber, e qua volvettan nus, e passettan plünavant, trand vers il desert da Moab.

9. Ed il Segner disch a mai: Non far seo inimi cols Moabits, e non als moventar guerra; perche da lur pajais non at vögl eu dar da possidair *inguotta*; perche eu ha dat Ar per ierta als infants da Lot.

10. Viavant abitaivan in quel *pajais* ils * Emits, ün pövel grand, possant, e d'ota statura, sco 'ls † Enacits.

* Gen. 14, 5. † Num. 13, 23, 34.

11. Ed eir els eiran reputats giants, sco 'l Enacits, ed ils Moabits ils nomnaivan Emits.

12. Ma * in Seir abitaivan paravant ils Horits; ma 'ls infants d'Esau ils schatschettan, e 'ls sdrüettan our davant els, ed abittettan in lur lö; sco ha fat Israel nel pajais da sia ierta, cha 'l Segner l'ha dat. * Gen. 14, 6.

13. Uoss' alvai sù, * passai il torrent da Zared. E nus passettan il torrent da Zared. * Num. 21, 12.

14. Ma 'l temp, nel qual nus eschan chaminats da Cades-Barnea, fin cha füttans passats il torrent da Zared, *ais stat* trentot ans, fin cha tuot quella generaziun, cioè ils homens da guerra, füt consumada our da mez il champ; sco 'l Segner avaiva gürâ ad els.

15. Dareheu ais il man del Segner stat conter els, per ils sdrür davent dal champ, fin cha füttan stats consumats.

16. E daspö cha tuots quels homens da guerra füttan finits e mörts our da mez il pövel,

17. Favlet a mai il Segner, dschand:

18. Hoz vainst tü a passar ils confins da Moab, cioè Ar.

19. E tü vainst at approsmar via conter ils infants d' Ammon; non dovrar conter els alchün' ostilità, e non moventar guerra; perche eu da lur pajais non at vögl dar da possidair *inguotta*; perche ch' eu l' ha dat als infants da Lot per ierta.

20. Quel *pajais* füt eir el *peravant* reputà pajais da gigants, peravant abitaivan laint ils gigants, ed ils Ammonits ils nomnaivan Zamzums;

21. Ün pövel grand e possant, d' ota statura, sco 'ls Enacits; ed il Segner ils sdrüet our davant ils Ammonits, pelqual els ils schatschettan, ed abitetan in lur lö.

22. Sco el avaiva fat cols infants d' Esau, chi abiteschan in Seir, our davant ils quals el sdrüet ils Horits; pelqual els ils schatschettan, ed han abità in lur lö fin a quai di.

23. Ils Caftorits eir els, siand its our da Caftor, sdrüettan * ils Avits, chi dmuraivan in Haserim fin a Gaza; ed abittetan in lur lö.

* Gios. 13, 3.

24. Alvai sü, as parti, e * passai il torrent Arnon; guarda, eu dün a tai in man Sihon, rai da Hesbon, l' Amorrit, e seis pajais; comainz' a tour possessiun, e movainta l' guerra.

* Num. 21, 13. 16.

25. Hoz vögl eu comanzar a metter spavent e temma da tai sur ils pövels, suot tuot il tsel; tal cha, udind la grida da tai, schi vegnan els a tremblar, ed esser in anguoscha per temma da tai.

26. * Lura tramettet eu ambaschadurs dal desert da Cedemot pro Sihon, rai d' Hesbon, per al portar plets da pasch, dschand: * Gid. 11, 19.

27. *Lascha*, ch' eu passa tras teis pajais; eu vögl chaminar per la strada maistra, sainz' am volver, ne dalla dretta, ne dalla snestra.

28. Tü'm dessast vender la victualia, ch' eu vegn a mangiar, per pretsch,

ed a pretsch am dessast eir dar l' aua, ch' eu vegn a baiver; conceda 'm da passar sulamaing con meis seguit,

29. Sco m' han fat ils infants d' Esau, chi avdan in Seir; ed ils Moabits, chi avdan in Ar; fin ch' eu saja passà il Giordan, *per intrar* nel pajais, cha 'l Segner nos Deis ans da.

30. Ma Sihon, rai da Hesbon, non ans volet laschar passar tras seis pajais; perche il * Segner, teis Deis, l' avaiva indüri il spiert, ed ostinà il cour, per t' il dar in man, sco hoz *appara*.

31. Ed il Segner am dschet: Guarda, eu ha comanzà at dar Sihon in teis podair, e seis pajais; comainz' a tour possessiun, conquistand seis pajais.

32. * Sihon dimena gnit oura, con tuot seis pövel, in battaglia conter nus, in Jahas.

* Num. 21, 23.

33. Ed il Segner, nos Deis, il mettet in nos podair; e nus battettan el, e seis infants, e tuot seis pövel.

34. Ed in quel temp piglettan nus tuot sias cittats, e sdrüettan * alla maniera della scomandada, in tuot las cittats ils homens, las donans, ed ils pitsehens infants; nus non laschettan qua alchün in vita.

* Lev. 27, 23.

35. Solum il bestiam butinettans per nus, ed il butin dellas cittats cha nus avaivan prais.

36. * D' Aroer inavant, chi *ais* stin la riva del torrent Arnon, la città chi *ais* nel torrent, fin a Gilead, e non füt qua città alchün' usche ferma, cha nus non la piglettan aint; il Segner, nos Deis, las mettet tuottas in nos podair.

* Gios. 13, 9.

37. Solum non t' approsmettast tü al pajais dels infants d' Ammon, cioè ad alchüna part dellas contradas, *chi sun* sper il torrent Jabboc, *ne* allas cittats del munt, *ne* ad alchün *da quels lous*, cha 'l Segner, nos Deis, avaiva scomandà.

CHAP. III.

Repetiziun dels fats passats, dalla sdrüta dels rais, Sihon ed Og inavant, fin alla substituziun da Giosua in lö da Mose, non podiand da Dieu gurbir d' intrar in Canaan.

DAVO quai ans mettettan nus in viadi, e * muntettan, trand vers

Basan; ed Og, rai da Basan, con tuot seis pövel, gnit oura in battaglia conter nus in Edrei. * Num. 21, 33.

2. Ed il Segner am dschet: Non il tmair; perehe, el at dun eu in man, e tuot seis pövel, e seis pajais, e fa con el sco tü fettast con Sihon, rai dels Amorits, chi abitaiv' in Hesbon.

3. E'l Segner, nos Deis ans det eir Og in nos man, rai da Basan, e tuot seis pövel, e nus il battettan per maniera, cha non al laschettans alchün in vita;

4. E piglettans in quel temp tuottas sias cittats, e qua non füt alchüna città, cha nus non piglettan; sesanta cittats *piglettan nus*, tuot la contrada d' Argob, chi eira nel reginam d' Og, in Basan.

5. Quellas cittats *eiran* tuottas fortificadas con otas müraglias, con portas e rigels; ultra las terras non müradas, chi eiran in grandissem number.

6. E nus las sdrüettan al möd della scomandada, sco nus avaiyan fat con Sihon, rai da Hesbon; sdrüand al möd della scomandada, in tuot las cittats, ils homens, las donans, ed ils infants.

7. Ma per nus butinettans tuot il bestiam, ed il butin dellas cittats.

8. Usche piglettans in quel temp a duos rais dels Amorits, *chi eiran* da qua del Giordan, quaist pajais, dal torrent Arnon, fin al munt Hermon;

9. (Ils Sidoniers nomnan Hermon Sirion; ma 'ls Amorits il nomnan Senir;)

10. Tuot las cittats della planüra, e tuot Gilead, * e tuot Basan, fin a Salca, ed Edrei; las cittats del reginam d' Og, in Basan. * Gios. 12, 5.

11. Perche Og, rai da Basan, eira sulet restà dellas reliquias dels gigants; mera, sia lettëra, *chi ais* üna lettëra da fier, non *ais* ella in * Rabba, dels infants d' Ammon? La lunghezza della quala *ais* da nouv bratschs muots, e la ladezza da quatter bratschs muots, a bratsch muot d' ün hom. * 2 Sam. 12, 26.

12. * Ed in quel temp piglettan nus pössessiun da quaist pajais; als Gadits, ed als Rubenits det eu *quai*

ch'ais d' Aroer, chi ais al torrent d' Arnon, alla mità del munt da Gilead, e sias cittats. * Num. 32, 33.

13. Det eir alla mità della schlatta da Manasse, il rimanent da Gilead, e tuot Basan, *chi eira* il reginam d' Og. Tuot la contrada d' Argob, per tuot Basan as nomnaiv' il pajais dels gigants.

14. * Jair, figl da Manasse, piglet tuot la contrada d' Argob, fin als confins dels Gessurits, e dels Maacatits; e nomnet quels *lous* davo seis nom, Basan dels vihs da Jair; *il qual nom diira* fin a quaist di. * Num. 32, 41.

15. * Ed a Machir det eu Gilead. * Num. 32, 39.

16. Ma als Rubenits, ed als Gadits, det eu da Gilead fin al torrent Arnon, in mez del torrent, e confins, e fin al torrent Jabboc, ils * confins dels infants d' Ammon; * Num. 21, 24.

17. E la champagna, e 'l Giordan, e confins, da * Chinneret, fin al mâr della planüra, *chi ais* il mâr insalâ, suot Asdat-Pisga, vers oriaint. * Num. 34, 11.

18. * Ed in quel temp comandet eu a vus, e dschet: Il Segner, vos Deis, s' ha dat quaist pajais, per il possidair, tuots ils homens valerus *intanter vus* dessan passar inarmits avant ils infants d' Israel, voss frars. * Num. 32, 20.

19. Solum dessan restar in vossas cittats, ch' eu s' ha dat, vossas mugliers, e voss pitschens infants, e vos bestiam, del qual eu sa, ch' avais avuonda,

20. Fin cha 'l Segner vain ad avair dat repos a voss frars, sco ch' el *ha dat* a vus, e ch' eir els hajan tut pössessiun del pajais, cha 'l Segner vos Deis als da da là del Giordan; lura dessat vus turnar, scodün pro sia pössessiun, la qual' eu s' ha dat.

21. * In quel temp comandet eu eir, e dschet a Giosua: Ils teis ögls han vis tuot quai, cha 'l Segner vos Deis ha fat a quaists duos rais; usche vain il Segner a far con tuots ils reginams, ingio tü vainst a passar. * Num. 27, 18.

22. Non tmarai dad els; perche il Segner, vos Deis, *ais* quel chi combattà per vus.

23. In quel temp suplicheu eu eir il Segner, dschand:

24. Segner Deis, tū hast comanzâ a mossar tia grandezza e teis man po-taint a teis serviaint; perche, chi * *ais* quel Deis in tsel, o in terra, chi possa far seguond tias ouvas, e seguond tia potenza? * Ps. 86, 8.

25. Eu t' roy, *permetta 'm* ch'eu passa, e vezza quel bun pajais, chi *ais* da là del Giordan, quels buns munts, e l' Libano.

26. * Ma l' Segner s' avaiva greva-maing adirâ conter mai, per causa vossa, ed usche non exodit el. E l' Segner am dschet: At containta; non tshantschar plü da quaista chosa.

* Num. 20, 12.

27. * Vâ sün la sommità del Pisga, ed oza ils ögls vers occidaint, vers settentrion, vers mezdi, e vers oriaint; e guarda *quel pajais* con teis ögls; perche quai Giordan non vainst tū a passar.

* Num. 27, 12.

28. Ed * a Giosua dà ils uordens, e conferma l', ed animescha l'; perche ch'el ha da passar avant a quai pövel, e da l' metter in possessiun del pajais cha tū vainst a vair.

* Num. 27, 18.

29. E nus ans fermettan in quaista * val, vi' incoiter Bet-Peor.

* Deut. 34, 6.

CHAP. IV.

Exortaziun da salvar la ledscha da Dieu, e da 's regordar da seis benefizis, ed as perchürar d' idolatria. Trais cittads da refugi vegnan assignadas da là del Giordan.

UOSSA dimena, Israel, at fà surasen süls statuts, e sün las ledschas, las qualas eu t' amoss; acio cha tū *las* mettast in ouvra, afin cha vus vivat, ed intrat nel pajais, cha l' Segner, il Deis da voss babuns, as da, e l' possideschat.

2. * Vus non dessat metter pro inguotta a quai ch' eu as comand, e diminuir *inguotta*; afin d' observar ils comandamaints del Segner, vos Deis, ils quals eu as dun.

* Deut. 12, 32. Prov. 30, 6.

3. Voss * ögls han vis quai cha l' Segner fet per causa da Baal-Peor; co il Segner teis Deis sdrüet our da mez tai quel chi eira it davo Baal-Peor.

* Num. 25, 4.

4. Ma vus, chi eschat stats rantats vi' al Segner vos Deis, eschat hoz tuots in vita.

5. Mera, eu s' ha amossâ statuts, e

ledschas, sco l' Segner meis Deis m' ha comandâ; acio cha vus fetschat usche nel pajais, nel qual vus intrai-vat, per il possidair.

6. Contuot observâ-*las*, e mettâ-*las* in effet; perche quai ais * vossa sapienza, e vos sen, nel conspet dels pövels, ils quals, udind tuots quai statuts, vegnan a dir: Quaista granda naziun sulett' ais ün pövel sabi, ed in-elegiantaivel.

* Ps. 111, 10.

7. Impero quala naziun *ais usche* granda, alla * quala Deis *saja* dastusch, sco l' Segner nos Deis *ais a nus*, ogni vouta cha nus il clamain in agüd?

* Ps. 46, 2. Es. 55, 6.

8. E qual' ais la granda naziun, chi haja statuts, e ledschas güstas, sco ais tuot quaista ledscha, la qual' eu hoz a vus propon?

9. Solum hajast chüra, e ti' orma guarda diligiaintamaing, cha tū non smanchast las chosas cha teis ögls han vis, e cha quellas mâ bricha, tuots ils dis da tia vita, as spartan da teis cour; * anzi fa-'las a savair a teis infants, ed als infants da teis infants.

* Gen. 18, 19. Deut. 6, 7. 11, 19.

10. *Las chosas cha tū vezzettast* * in *quel* di; cha tū comparettast avant il Segner teis Deis, in Horeb, daspö cha l' Segner am avet dit: Raspa 'm il pövel, ed eu vögl far incleer ad els meis plds, acio cha 'ls im-prendan, per am tmair tuot il temp cha vegnan a viver sün la terra, e 'ls ammassan a lur infants.

* Ex. 19, 9. 16. 20, 18.

11. Vus dimena s' approssmettat, ed as fermettat suot il munt, il qual ardaiva in fö, fin a mez il tsel, *con* schürezza, nüvel, ed obscurità.

12. E l' Segner favlet a vus our da mez il fö; la vusch dels plds udittat vus, ma ourdvar la vusch non vezzettat alchüna sumgenscha.

13. Ed el as decleret seis pat, ch' el as comandet da metter in ouvra; ils desch plds, ch' el scrivet * sün duos tablas da crap.

* Ex. 24, 12.

14. Eir * comandet a mai il Segner in quel temp, ch' eu s' ammassess statuts e ledschas, acio cha vus las met-tessat in effet nel pajais, pro l' qual vus passais per il possidair.

* Ex. 21, 1.

15. Contuot, s'inguardai diligiainta-maing sur vossas ormas; perche vus non vezzettat alchüna sumgenscha nel di, cha 'l Segner as favlet in Horeb, our da mez il fö;

16. Tal cha vus non * as corrupat, ne as fetschat alchüna figür'intagliada, ne sumgenscha d'alchün' imagna, ne retrat da maşchel, o da femna;

* Ex. 20, 4. 5.

17. Ne retrat d'alchün animal, chi saja sün la terra; ne retrat d'alchün utschel, chi haja alas, e svola per il tşchel;

18. Ne retrat d'alchüna bestia, chi as strozia sün la terra; ne retrat d'alchün pesch, chi saja nellas auas, suot la terra:

19. Ed usche cha, * ozand ils ögls al tşchel, e vezvand il solai, e la glüna, e las stailas, tuot l'exercit del tşchel, tü non at straviast ad adorar quellas chosas, ed allas servir; perche cha'l Segner teis Deis ha dat part da quellas, a tuot ils pövels, suot tuot il tşchel.

* Deut. 17, 3. 29, 26. Giob 31, 27.

20. Ma vus ha il Segner tut sü, * as ha trats our dal fuorn da fier d'Egipto, acio cha vus al sajat ün pövel ereditari, seo hoz *appara*.

* 1 Reg. 8, 51.

21. Ma conter mai * s'adiret il Segner grevamaing, per causa vossa, e güret, ch'eu non dess passar il Giordan, e ch'eu non dess intrar nel bun pajais, cha 'l Segner teis Deis at da per ierta.

* Num. 20, 12.

22. Perche eu ha da morir in quaist pajais, e non ha da passar il Giordan; ma vus il passerat, e possiderat quel bun pajais.

23. Schi's perchürai bain, cha vus non smanchat il pat del Segner, vos Deis, il qual el ha fat con vus; ne 's fetschat alchüna figür'intagliada, ne sumgenscha da chos'alchüna; il qual * il Segner vos Deis as ha scomandâ.

* Ex. 20, 4. 5.

24. Perche il Segner teis Deis * ais ün fö chi constüma, ün Deis zelus.

* Deut. 9, 3. Es. 33, 14.

25. Cur vus gnis ad avair genui infants, ed infants d'infants, e gnüts vegls nel pajais, scha vus as corrupais, e fais figüras intagliadas, o sum-

genscha da chos'alchüna, e quai cha displasch' al Segner vos Deis, per il gritantar;

26. Schi pigl eu hoz, in testimoni-anza conter vus, il tşchel e la terra, cha vus bod gnis del tuot a perir our dal pajais, pro'l qual, passats il Giordan, vus giais per il possidair; voss dis non gnis a prolungunar sur quel, anzi sarat sdrüts del tuot.

27. E'l Segner * vain as rasar tanter ils pövels, e gnis a restar in pitschen number, tanter las naziuns, ingio 'l Segner vain as avair condüts.

* Lev. 26, 33. Deut. 28, 64.

28. * Equa gnis a servir a deis, *chivegnan ad esser ouvra* da man da crastian, da lain, o da crap, ils quals non vezzan, e non odan, e non mangian, e non savuran.

* Deut. 28, 64. Ps. 115, 4. 5. Es. 44, 9.

29. Impero, * scha vus dalander gnis a tscherchar il Segner vos Deis, schi gnis al chattar, cur vus gnis al avair tscherchâ con tuot vos cour, e con tuot voss'orma.

* Lev. 26, 39.

30. Cur tü vainst ad esser in anguscha, e cha tuot quaistas chosas vegnan at esser incontradadas, scha tü nels ultims temps at converteschast pro'l Segner teis Deis, ed obedeschast a sia vusch;

31. Perche il Segner, teis Deis, ais ün Deis misericordiaivel, schi non vain el at bandunar, e non vain at sdrür, e non vain ad invlidar il pat *fat* con teis babuns, il qual el ha güirâ ad els.

32. Perche, domanda uossa pür dels temps vegls, chi sun stats avant cha tü füssast, dal di cha Deis creet il crastian sün la terra, scha dal ün extrem del tşchel, fin al oter, saja mâ stat fat, o as haja udi üna cosa usche granda, e sumgiant' a quaista.

33. Scha mâ alchün pövel haja udi la vusch da Dieu, tşchantschand our da mez il fö, seo tü l'hast udida, e saja restâ in vita.

34. Ovvero, scha ün deis haja mâ fat tal prova, da gnir a tour üna naziun our da mez las otras, * con provas, con miraculs, e con strangezzas, e con battaglias, e con man potaint, e con bratsch stais oura, e con grands

spavents, segnond tuot quai cha 'l Segner, vos Deis as ha fat in Egipto, avant voss ögls.

* Deut. 7, 19. 29, 3.

35. *Quaistas chosas* sun a tai fattas vair, acio cha tü cognoschast, cha 'l Segner saja il Deis, e *cha* ourdvar el *non saja* alchün oter.

36. * El t' ha fat udir sia vusch giò dal tsel, per t' intraguidar; ed in terra t' ha el fat vair seis grand fö, e seis plds hast tü udi our da mez il fö.

* Ex. 19, 9. 19. 24, 16. Ebr. 12, 18.

37. E per quai ch' el ha amâ teis babuns, schi ha el tselchert lur sem davo els, e t' ha trat our d' Egipto, con sia fatscha, e con sia granda forza,

38. Per schatschar our davant tai pövels plü grands, e plü potaints da tai, per at far intrar in lur pajais, e per t' il dar in ierta, seo hoz *appara*.

39. Hoz dimena sapchast, e t' lasch' ir *bain* a cour, cha 'l Segner *ais* Deis, in tselchert süsura, ed in terra giò-suot, e *cha* non *saja* alchün oter.

40. Contuot observa seis statuts, e seis comandaints, ch' eu hoz at dun; acio cha giaja bain a tai, ed a teis infants davo tai; ed acio cha tü saimper mâ prolungast *teis* dis sün la terra, cha 'l Segner teis Deis da a tai.

41. Lura * mettet Mose trais cittats da part, da qua del Giordan, vers il solai alvand;

* Num. 35, 6. 14.

42. Acio cha qua refügist l' omicider, chi, nonsaviand, avess mazzâ seis prossem, non l' aviand ödiâ pel passâ, e cha el, essendo fügi in üna da quellas cittats, avess la vita salva.

43. * *Quellas fütan* Beser, nel desert, nella contrada della planüra, *del pajais* dels Rubenits, e Ramot in Gilead, da *quel* dels Gadits, e Golan in Basan, da *quel* dels Manassits.

* Gios. 20, 8.

44. Ma quai t' *ais* la ledscha, la quala Mose proponit als infants d' Israel.

45. Quaistas *sun* las testimonianzas, ed ils statuts, e las ledschas, las qualas Mose pronunziet als infants d' Israel, daspö cha fütan trats our d' Egipto,

46. Da qua del Giordan, * nella

val vi' incoiter Bet-Peor, nel pajais da Sihon, rai dels Amorits, chi abitaiva in Hesbon; il qual Mose, ed ils figls d' Israel avaiavan battü, dopo cha fütan its our d' Egipto; * Deut. 3, 29.

47. Il pajais il qual els acquistet, insemel col pajais d' Og, rai da Basan, duos rais dels Amorits, ils quals *eiran* da qua del Giordan, *vers* solai alvand,

48. D' Aroer, chi *ais* sün la riva del torrent Arnon fin al munt Sion, *chi* *ais* Hermon.

49. E tuot la planüra da qua del Giordan, vers oriaint, * e fin al mâr della planüra, suot Asdot-Pisga.

* Deut. 3, 17.

CHAP. V.

Repetiziun dels X. comandaints, e co els fütan dats; seo eir, che Dieu retschera, e vül avair da nus.

E Mose clamet tuot Israel, e dschet ad el: Taidla, Israel, ils statuts e las ledschas, las qualas eu hoz pronunziesch avant vossas uraglias; imprend' las dimena, ed observ' las, per las metter in ouvra.

2. Il Segner nos Deis fet lia con nus in Horeb.

3. Il Segner non fet quai lia con noss babuns, anzi con nus, chi hoz eschan qui, *ed eschan* tuots in vita.

4. * Il Segner favlet a vus da fatsch' a fatscha, sül munt, our da mez il fö.

* Ex. 19, 9. 19.

5. (Stand eu in quel temp tanter il Segner e vus, per as rapportar il pled del Segner; perche * vus as tmai-vat per quel fö, e non gettat sül munt.) Ed el dschet:

* Ex. 19, 16.

6. * Eu *sun* il Segner teis Deis, chi t' ha manâ our dal pajais d' Egipto, our dalla chasa della servitü.

* Ex. 20, 2.

7. Tü non dessast avair oters deis avant mia fatscha.

8. Tü non at dessast far alchüna figüra intagliada, *ne* alchün' imagna *da chosa*, chi *saja* in tselchert süsura, *ne da chosa*, chi *saja* in terra giosuot, *ne da chosa*, chi *saja* nellas auas suot la terra.

9. Quellas chosas non adurar, e non las servir; perche eu, il Segner teis Deis, *sun* ün zelus Deis, chi chasti

l' iniquità dels baps sur ils infants, fin alla terza, ed alla quarta generaziun, vers quels chi 'm ödieschan;

10. E dovr benignità in milli *generaziuns* vers quels chi m' aman, ed observan meis comandamaints.

11. Non dovrar il nom del Segner teis Deis vanamaing; perche il Segner non vain a tgnair per innozaint, chi vain ad avair dovrâ seis nom vanamaing.

12. Observa il di del pos, per il santifichar, seo 'l Segner teis Deis t' ha comandâ.

13. Lavura ses dis, e fà ogni tia lavur;

14. Ma il settavel di *ais* il di del pos al Segner teis Deis; *in quel* non far alchüna lavur, ne tü, ne teis figl, ne tia figlia, ne teis famagl, ne tia fantschella, ne teis bov, ne teis asen, ne alchüna tia bestia, ne teis forestêr, chi *ais* dadaint tias portas; acio cha teis famagl e tia fantschella posan, seo tü.

15. E 't regorda, cha tü est stat famagl nel pajais d' Egipto, e cha 'l Segner teis Deis t' ha trat our da là con man potaint, e con bratsch stais oura; perche il Segner teis Deis at comanda, cha tü observast il di del pos.

16. Onura teis bap, e tia mamma, seo 'l Segner teis Deis t' ha comandâ; acio cha teis dis sajan prolungunats, ed acio cha a tai giaja bain sün la terra, cha 'l Segner teis Deis da a tai.

17. Non ammazzar.

18. Non commetter adulteri.

19. Non involar.

20. Non dir fosa testimonianza conter teis prossem.

21. Non giavütschar la muglier da teis prossem; il medem non desiderar la chasa da teis prossem, ne seis champ, ne seis famagl, ne sia fantschella, ne seis bov, ne seis asen, ne chos' alchüna, chi da teis prossem *saja*.

22. Quaists plets pronunziet il Segner a tuot vossa raspada, sün il munt, our da mez il fö, alla nüvla, ed alla schürdüm, ad ota vusch, e non alla dschet oter, e * scrivet quels sün

duos tablas da crap, las qualas el det a mai.

* Ex. 24, 12.

23. * Ma, dopo cha avettat udi quella vusch our da mez la schürezza, arandand il munt in fö, schi gnittat nan pro mai, cioè tuots ils capos da vossas schlattas, e voss seniurs, * Ex. 20, 19.

24. Edschettat: Mera, il Segner nos Deis ans ha fat vair sia gloria, e sia grandezza, e sia vusch avain nus udi our da mez il fö; hoz avain nus vis, cha, favland Deis al crastian, schi ais el restâ in vita.

25. Uossa dimena, perche dessan nus morir? Perche quaist grand fö vain ans constümar; scha nus darcheu perseverain ad udir la vusch del Segner nos Deis, schi gnins a morir.

26. Perche quala charn *aise*, quala ch' ella saja, chi, aviand udi la vusch del vivaint Deis, favland our da mez il fö, seo nus *avain udi*, saja restad' in vita?

27. T' approsma tü, e taidla tuot quai cha 'l Segner nos Deis dscharâ, e tü ans dessast rapportar tuot quai cha 'l Segner nos Deis t' averâ dit, e nus volain taddlar, e volain far.

28. Ed il Segner udit la vusch da voss plets, tant cha vus tschantsehivat con mai. E 'l Segner dschet a mai: Eu ha udi la vusch dels plets da quaist pövel, che 'l t' ha dit: In tuot quai cha han dit, han els bain tschantsehâ.

29. * Ah! avessan els pür saimper ün tal anim per am tmair, e per observar tuots meis comandamaints; acio cha gess bain ad els, ed a lur infants, in perpetuo.

* Deut. 32, 29, Ps. 81, 14.

30. Vâ, di ad els: Turnai inavo pro vossas tendas.

31. Ma tü, resta qui con mai, ed eu at vögl dir tuots ils comandamaints, ed ils statuts, e las ledschas, cha tü ils dessast ammosar, e ch' els dessan metter in effet, nel pajais ch' eu dun ad els, per il possidair.

32. Hajat dimena chüra da far seguond cha 'l Segner vos Deis as ha comandâ; non as volvarai, ne dalla dretta, ne dalla snestra;

33. Chaminai per tuot la via, cha 'l

Segner vos Deis as ha comandâ; acio cha vus vivat, e 's *giaja* bain, e prolungunat *voss* dis nel pajais, cha vus gnîs a possidair.

CHAP. VI.

Mose continua ad avisar il pövel, d' obedir al Segner, segund sia ledscha, ed ad ammassar quella als infants.

MA quaists *sun* ils comandamaints, ils statuts, e las ledschas, cha 'l Segner vos Deis *m'* ha comandâ da s' ammassar, acio cha vus las mettât in ouvra, nel pajais, al qual vus passais, per il possidair;

2. Acio cha tû temmast il Segner teis Deis, observand tuots seis statuts e comandamaints, ils quals eu dun a tai, tû e teis figl, e 'l figl da teis figl, tuot il temp da tia vita, ed acio cha teis dis sajan prolungunats.

3. Taidla dimena, o Israel, ed observa *da'ls* metter in ouvra; acio cha 't *giaja* bain, ed acio cha sajat grandaing multiplicats, nel pajais chi cula da lat e meil, sco 'l Segner, il Deis da teis babuns ha dit a tai.

4. Taidla, * Israel: Il Segner nos Deis *ais* il sulet Segner. * Marc. 12, 29.

5. * Ama dimena il Segner teis Deis con tuot teis cour, con tuot tia orma, e con tuot teis il mèr podair. * Mat. 22, 37.

6. E * quaists plets, ils quals eu hoz comand a tai, dessan dmurar in teis cour. * Ps. 37, 31.

7. E 'ls dessast * inculcar a teis infants, e 'ls raschunar, cur tû sezzerast in tia chasa, e cur tû chaminerast per via, e cur tû at metterast giò, e cur tû alverast sü. * Deut. 4, 9, 11, 19.

8. E lia 'ls per signal sün teis man, e sajan per fruntal intanter teis ögls.

9. Scriva 'ls eir sün las chassas da tia chasa, e sün tias portas.

10. E cur il Segner teis Deis t' averà introdüt nel pajais, del qual el ha gürâ a teis babuns, ad Abraham, ad Isac, ed a Giacob, ch' el at il vögla dar, nellas cittats grandas e bellas, * las qualas tû non hast edificâ,

* Ps. 105, 44.

11. E nellas chasas plainas d' ogni bön, las qualas tû non hast impli, e pro 'ls puozs chavats, cha tû non hast chavâ, e pro las vignas, e pro 'ls

olivêrs, cha tû non hast implantâ, e tû vainst ad avair mangiâ, ed esser saduol;

12. Schi t' inguarda, cha tû lura non smanchast il Segner, chi at ha trat our dal pajais d' Egipto, our dalla chasa del servezzen;

13. * Temma il Segner teis Deis, ed ad el serva, e gürâ tras seis nom.

* Deut. 10, 20. Mat. 4, 10.

14. Non giarai davo als esters deis, tanter ils deis dels pövels, *chi saran* our dintuorn vus,

15. Perche il Segner teis Deis *ais* ün Deis zelus in mez tai; cha bricha forsa l'ira del Segner teis Deis s' invüda conter tai, e ch' el at sdrüa d'avent dalla terra.

16. Vus non * dessat provar il Segner vos Deis, sco vus il provettat † in Massa. * Mat. 4, 7. † Ex. 17, 2. Num. 20, 4.

17. Observai dafatt' ils comandamaints del Segner vos Deis, e sias testimonianzas, e seis statuts, ch' el as ha dat.

18. E fâ quai cha dret e bön ais nels ögls del Segner; acio cha 't *giaja* bain, e cha tû intrast nel bun pajais, il qual il Segner ha gürâ a teis babuns, e cha tû il possidessast.

19. Acio ch' el schatsch' our davant tai tuots teis inimis, sco 'l Segner ha tschantschâ.

20. Cur teis figl at domanderà nel avegnir, dschand: Che *vöglan dir* quaistas testimonianzas, e quaists statuts, e quaistas ledschas, cha 'l Segner vos Deis as ha dat?

21. Schi di a teis figl: Nuse eiran serviants da Farao in Egipto, ed il Segner ans manet our d' Egipto * con man potaint. * Ex. 3, 19. 13, 3.

22. Ed il Segner fet miraculs, e müravaglias grandas e dannaiplas sur ils Egipeters, e sur Farao, e sur tuot sia chasa avant noss ögls.

23. E 'ns manet d'avent da là, per ans condür nel pajais, il qual el avai va gürâ a noss babuns, per ans il dar.

24. Contuot ans comandet il Segner, da metter tuot quaists statuts in ouvra, per tmair il Segner nos Deis, acio cha 'ns *giaja* bain in perpetuo, e sajans conservats in vita, sco nus hoz *eschans*.

25. E *quai* vain ans valair per güstia, cur nus gnün ad observar, da metter in effet tuots quaists comandamaints, nel conspet del Segner nos Deis, seo el ans ha comandâ.

CHAP. VII.

Cols pajans non as dess far lia, ma büttar a terra ils idels. Benedicziun a quels chi salvan, e maledicziun a quels chi surpissan ils comandamaints.

CUR il Segner tei Deis t' averà introdüt nel pajais, al qual tü vast per possidair, ed our davant tai averà ragischâ oura bleras naziuns, * ils Hettits; e Gergesits, ed ils Amorits, e Cananits, e Feresits, ed ils Hevits, e Jebusits, set naziuns plü grandas e potentas da tai;

* Gen. 15, 19. Deut. 31, 2.

2. E cha'l Segner las averà missas in tei podair, e cha tü las averast battüdas; schi * sdrüt-las dafatta, al möd del † interdit; non far lia con ellas, e non allas far grazia.

* Num. 33, 52. † Ex. 23, 32. 34, 12. 15, 16.

3. E non t' imparantar con ellas; non dar tias figlias a lur figls, e non tour lur figlias per tei figls;

4. Perche ellas gnissan a volver tei figls giò da mai; ch' els usche gnissan a servir ad esters deis, e l'ira del Segner gniss as invüdar conter vus, ed el gniss subitamaing as sdrür;

5. Anzi fat usche con els: * Disfat lur ütèr, e spazzai lur statuas, e tagliai giò lur gods; e lur figüras intagliadas arдай con fö.

* Ex. 23, 24. 34, 13. Deut. 12, 2.

6. Perche * tü est ün pövel sanct al Segner tei Deis; il Segner tei Deis t' ha tshernü oura, acio cha tü sajast ad el ün † pövel peculiar, ourdvar tuots ils pövels, chi *sun* sur la fatscha della terra. * Deut. 14, 2. † Ex. 19, 5.

7. Il Segner non ha gnü affecziun vers vus, e non as ha tshernüts, per cha vus füssat stats plü grands, co tuots *oters* pövels; perche vus *eirat* in main number *co alchün* dels *oters* pövels tuots;

8. Anzi, * per *cha'l* Segner as ha amats, e per ch'el salvess il saramaint fat a voss babuns, schi's ha el trat oura con man potaint, e's ha spendrats dalla chasa della servitü,

dal man da Farao, il rai d' Egipto.

* Deut. 10, 15.

9. Recognoscha dimena, cha'l Segner tei Deis *ais* Deis, il Deis da vardâ, * chi observa il pat, e la benignità, in milli generaziuns vers quels chi'l aman, ed observan seis comandamaints;

* Ex. 20, 6.

10. E chi renda in fatsch'a quels chi'l ödieschan, per ils sdrür; el non prolunguna a quels ch' il ödieschan, anzi renda ad els in fatscha.

11. Contuot observa ils comandamaints, ed ils statuts, e las ledschas, las qualas eu hoz at dun, acio cha tü las mettast in ouvra.

12. * E dvanterà, per quai cha vus gnis ad avair udi quaistas ledschas, e gnis a las avair observadas, e missas in ouvra, cha'l Segner, vos Deis observerà la lia, e la benignità, ch' el ha gürâ a voss babuns. * Lev. 26, 3.

13. Ed el t' amerà, e t' benedirà, e t' creschanterà; e benedirà il früt da teiis vainter, e'l früt da tia terra; teiis formaint, e teiis muost, e teiis öli; ils parts da tias vachas, e las scossas da tia bescha nel pajais, del qual el ha gürâ a teiis babuns, da'l dar a tai.

14. Benedi sarast tü sur tuots pövels, * ed in mez tai, e da teiis bestiam non sarà, ne maschel, ne femna nonfrütaivel.

* Ex. 23, 26.

15. Ed il Segner vain ad alvar davent da tai ogni malatia, e non vain at metter adöss alchüna da quellas malas infirmitats d' Egipto, dellas qualas tü hast gnü cognoschenscha; anzi vain a las metter adöss a tuots teiis inimis.

16. Contuot dessast tü sdrür tuots ils pövels, cha'l Segner tei Deis da a tai; teiis ögl non ils dess schanier, e non servir a lur deis; perche quai *gniss* ad esser a tai ün latsch.

17. Impero, scha tü dist in teiis cour: Quaistas naziuns *sun* plü grandas da mai, co vegn eu allas podair scha-tshear?

18. Schi non at tmair dellas; at regorda dech dellas chosas, cha'l Segner tei Deis ha fat con Farao, e con tuots ils Egipters;

19. Dellas * grandas provas, cha teiis ögls han vis, e dels miraculs, e

dellas müravaglias, e del man po-
taint, e del bratsch stais oura, col
qual il Segner teis Deis t' ha trat
oura; usche vain il Segner, teis Deis
a far con tuots ils pövels, dels quals
tü temmast.

* Deut. 29, 3.

20. Il * Segner teis Deis vain a tra-
metter vespras conter els, fin cha
quels chi saran restats, e quels chi
vegnan as avoir zoppats da teis con-
spet, sajan perits.

* Ex. 23, 28.

21. Non at smarir per temma dad els;
perche cha'l Segner teis Deis, ün
Deis grand e stramantus, *ais* in mez
tai.

22. Ma'l Segner teis Deis vain a
pac a pac a ragischar quellas naziuns
our davant tai; tü non vainst a las
podair sdrür subitamaing, cha bri-
cha las bestias della champagna's
multiplichan conter tai.

23. Ed il Segner teis Deis vain a
las metter in teis podair, e vain a las
rumper d'üna granda ruotta, fin cha
sajan sdrüttas.

24. E vain a dar lur rais a tai nel
man, e lur nom vainst tü a far perir
davent suot il tshel; ingün non at
poderà star a frunt, fin cha tü las
hajast sdrüttas.

25. * Arda col fö las figüras inta-
gliadas da lur deis; non giavtüschar
l'argent, ne l'or *chi sarà* sur quels;
e *con ils* tour per tai, cha tü non sa-
jast illatschâ, perche quai ais chosa
abominabla al Segner teis Deis.

* Ex. 32, 20.

26. Ed in tia chasa non introdür
chosa abominabla, per cha tü sajast
desteminâ, sco quella chosa *ais*, l'ha-
jast dafatta in detestaziun, ed abbo-
minesch'-la; perche l'ais * interdit.

* Lev. 27, 28.

CHAP. VIII.

Las afflicziuns, ed ils benefizis dels quarant'
ans nel desert vegnan qui requintats e miss
nan.

HAJAT stüdi, da metter in ouvra
tuots ils comandamaints, ch'eu
hoz as dun, acio cha vus vivat, e cre-
schat, ed intrat nel pajais cha'l Se-
gner vos Deis ha gürâ a voss babuns,
e'l possideschat.

2. E't regorda da tuot il chamin,
tras il qual il Segner teis Deis t'ha

condüt quaists quarant' ans per il
desert, per t'affliger, per experi-
mentar, per cognoscher *quai* ch' *ais*
in teis cour; scha tü vegnast ad ob-
servar seis comandamaints, o na.

3. El dimena t'ha afflit, e t'ha fat
avoir fam; lura t'ha *el* paschantâ
con manna, della quala ne tü, ne
teis babuns avaivat gnü cognoschen-
scha; per t'ammossar, * cha'l cra-
stian non viva da pan sulet, ma d'
ogni pled chi proceda dalla bocca
del Segner.

* Ex. 16, 14. 15. Mat. 4, 4.

4. Teis * vestimaint non ais stat
üsâ intuorn tai, e teis pè non ais stat
ußâ in quaists quarant' ans. * Deut. 29, 5.

5. Contuot recognoscha in teis cour,
cha'l Segner teis Deis at corrigescha,
sco ün hom corrigescha seis figl;

6. Ed observa ils comandamaints
del Segner teis Deis, per chaminar in
sias vias, e per il tmair,

7. Perche il Segner teis Deis at fa
intrar in ün bun pajais, pajais d'a-
uals d'aua, da fontanas, e da gor-
gias, chi rumpan oura nellas vals, e
nel munts;

8. Pajais da formaint, e d'üerdi, e
da vignas, e da figs, e da poms gra-
nats; pajais d'olivas d'öli, e da meil;

9. Pajais, nel qual tü non vainst a
mangiar il pan şcharsamaing, nel
qual non at mancerà inguotta; pa-
jais, * las peidras del qual *sun* fier,
e dals munts del qual tü vainst a
chavar l'aram.

* Deut. 33, 25.

10. E cur tü vainst ad avoir man-
giâ, ed esser sadolâ, schi benede-
scha il Segner teis Deis, nel bun pa-
jais, ch'el t'averà dat.

11. T'inguarda, cha tü lura non
smanchast il Segner teis Deis, per
non observar seis comandamaints, e
sias ledschas, e seis statuts ils quals
eu hoz at dun;

12. Cha bricha forsa, davo tü averast
mangiâ, e sarast sadolâ, ed averast
edificâ bellas chasas, ed abiterast
laint;

13. E teis bestiam gross e manü sa-
rà multiplichâ, e l'argent, e l'or at
sarà adampchâ, e cha ogni chosa tia
at sarà creschüda;

14. Lura teis cour as adoza, e tü in-
vldast il Segner teis Deis, il qual at

ha trat our dal pajais d' Egipto, dalla chasa da servitù;

15. Il qual t' ha condüt per quaiet grand e terribel desert, * *pajais* da serps, da serpaints arsius, e scorpions; pajais sech, sainz' aua; il qual t' ha fat † gnir aua our da quel dür spelm;

* Num. 21, 6. † Ex. 17, 6.

16. Il qual nel desert t' ha paschan-tà con manna, della quala teis babuns non avaivan gnü cognoschenscha; per t' affliger, e per at provar, per at far del bain sül davo;

17. E diast in teis cour: La mia possanza, e la forza da meis man m' ha acquistà quaieta ricchezza;

18. Anzi, at regorda del Segner teis Deis; ch' el *ais* quel, chi at da la forza, per at deportar valerusa-maing; per confirmar sia lia, ch' el ha gürâ a teis babuns, sco hoz *ap-para*.

19. Impero, seha tü invlidessast il Segner teis Deis, e gessast davo oters deis, e servissast ad els, e 'ls adressast; schi at protest eu hoz, cha vus daffat gnis a perir.

20. Sco cha sun idas a perder las naziuns, cha'l Segner fet perir our davant vus, usche gnissat a perir; perche vus non avessast obedi alla vusch del Segner, vos Deis.

CHAP. IX.

Il Segner ais ün fö chi consüma. Quai cha Dieu fa del bain alla glieud non dvainta per iur güstia e merit. Israel ais l' ierta del Segner.

ODA, Israel! Hoz passast tü il Gior-dan, per ir a possidair ün *pajais* da pövels plü grands e potaints da tai, cittats grandas e fermas, *chi ri-van fin* al tshel.

2. D' ün pövel grand, e d' ota sta-tura, dels figls * dels Enacits, dels quals tü hast cognoschenscha, e dels quals tü hast udi *dir*: Chi vain a po-dair star a frunt als figls d' Enac?

* Num. 13, 23, 29.

3. Sapchast dimena hoz, cha'l Se-gner teis Deis, chi passa via avant tai, * ais ün fö chi consüma; quel vain als sdrür, e quel vain als batter avant tai; tü vainst als şchatschar, e 'ls sdrür subitamaing, sco 'l Segner t' ha favlâ.

* Deut. 4, 24.

4. Cur il Segner vain als avoir şcha-

tshats our davant tai, schi non dir in teis cour: Il Segner m' ha condüt in quaiet pajais, per il possidair, per mia güstia; essendo cha 'l Segner şchatsch' our davant tai quaiets pövels * per lur malizia.

* Gen. 15, 16.

5. Tü non intrast a possidair lur pa-jais per tia güstia, ne per la realtà da teis cour; perche cha 'l Segner teis Deis şchatscha quels pövels our davant tai, per lur malizia, e per salvar il pled, ch' el ha * gürâ a teis babuns, ad Abraham, ad Isaac, ed a Giacob.

* Gen. 12, 7, 13, 15.

6. Contuot sapchast, cha 'l Segner teis Deis non at da a possidair quaiet bun pajais, per tia güstia; perche tü *est* ün pövel da dür colöz.

7. At regorda, non smanchar, co tü hast grevamaing fat adirar il Segner teis Deis nel desert; * dal di cha tü gnittast our dal pajais d' Egipto, fin cha eschat rivats in quaiet lö, vus eschat stats rebels conter il Segner.

* Ex. 14, 11. Num. 11, 4.

8. Eir * in Horeb avais grevamaing fat adirar il Segner; tal cha 'l Segner as grittantet conter vus, per as sdrür;

* Ex. 32, 4.

9. Cur eu muntet sün la montagna, per retschaiver las tablas da crap, las tablas della lia, cha'l Segner avaiva fat con vus, e dmuret * sün la montagna quaranta dis, e quaran-ta nots, sainza mangiar pan, ne bai-ver aua;

* Ex. 24, 18.

10. Ed il Segner am det las duos tablas da crap, * scrittas col daint da Dieu, sur las qualas *eira scrit*, conform a tuots ils plets cha'l Se-gner s'avaiva dit, *farland* a vus sün la montagna, our da mez il fö, nel di della raspada.

* Ex. 31, 18.

11. Dyantet dimena in capo da qua-ranta dis, e da quaranta nots, cha'l Segner am det las duos tablas da crap, las tablas del pat;

12. Ed il Segner am dschet: * Stà sü, vâ dalunga giò da qui; perche teis pövel, cha tü hast trat our d' E-gipto, s' ha corruot; els sun bainbod vouts giò dalla via, ch' eu als avaiva comandâ, e s' han fat üna statua cu-lada.

* Ex. 32, 7.

13. Il Segner am dschet eir: Eu ha

guardà sün quaist pövel, e mera, el *ais* ün pövel da dür colöz.

14. * Lascha 'm far, ed eu il vögl sdrür, e chassar our lur nom suot il tsel, e 't vögl fargnir üna naziun plü potainta, e plü granda co el. *Ps. 106, 23.

15. Ed eu am volvet, e gnit giò dal munt, il qual ardaiva in fö, aviand in meis duos mans las duos tablas del pat.

16. Ed * eu guardet; e mera, vus avaiavat pechâ conter il Segner vos Deis; vus s'avaivat fat ün vadè eulâ; bainbod eirat vus turnats inavo dalla via, cha'l Segner s'avaiva comandâ. *Ex. 32, 19.

17. Lura piglet eu quellas duos tablas, e las büttet giò, davent da meis duos mans, e las spazzet in vossa presenza.

18. Lura am büttet eu giò in terr' avant il Segner, seo da prüma, per quaranta dis, e per quaranta nots, sainza mangiar pan, ne baiver aua, per *causa* da tuot vos pucha, ch'avaivat commiss, fand quai cha displascha'l Segner, per il grittantar.

19. Perche eu avaiava temma, per causa dell'ira, e del sdegn, dal qual il Segner eira grevamaing adirâ conter vus, per as sdrür. Ed il Segner m'exodit eir quella vouta.

20. Il Segner as grittantet eir grevamaing conter Aaron, per il sdrür; ma in quel temp rovet eu eir per Aaron.

21. Lura piglet eu vos pucha, ch'avaivat fat, *cioè* * il vadè, e l'ardet col fö, e 'l smachet, il smicland bainbain, fin ch'el füt ardüt in puolvra; e büttet la puolvra nel aual, chi gniva giò dal munt. *Ex. 32, 20.

22. Vus fettat eir grevamaing adirar il Segner, * in Tabera, ed in Massa, ed in Cibrot-Taava.

* Num. 11, 3. Ex. 17, 7.

23. Il medem, * eur il Segner as tramettet da Cades-Barnea, dschand: Muntai, possidai il pajais, ch'eu as ha dat; schi füttat vus rebels al comandamaint del Segner vos Deis, e non al crajettat, e non obedittat a sia vusch. * Num. 13, 3. 14, 1.

24. Dal di ch'eu as ha cognoschüts, eschat stats rebels conter il Segner.

25. Contuot am büttet eu in terra avant il Segner, per quels quaranta dis, e quellas quaranta nots, ch'eu stet *usche* erodâ giò; perche il Segner avaiava dit da 's sdrür.

26. E rovet il Segner, e dschet: Segner Deis, non sdrür teis pövel, e tia ierta, cha tü hast spendrâ con tia grandezza, la quala tü con ferm man hast trat our d'Egipto!

27. At regorda da teis serviaints, d'Abraham, d'Isac, e da Giacob; non guardar sün la dürezza da quaist pövel, ne sün sia malizia, ne sün seis pucha;

28. Cha bricha lura *quels del* pajais, dinuonder tü 'ns hast trats oura, dian: Il Segner ils ha trats oura, per ils far morir nel desert; perche el non ils podaiva condür nel pajais, ch'el als avaiava impromiss, e perque ch'el ils ödiaiva.

29. Ed els sun impero teis pövel, e tia ierta, la quala tü hast trat oura con tia granda forza, e con teis bratsch stais oura.

CHAP. X.

Otras duos tablas, dattas a Mose; la mort d'Aaron; exortaziun al pövel pro obediencia, recognoschenscha dels benefizis da Dieu, sanctificaziun, e charità.

IN quel temp * am dschet il Segner: Taglia a tai duos tablas da crap, similas allas prümas; lura vè sül munt pro mai, at fâ eir üna chascha da lain. *Ex. 34, 1.

2. Ed eu vögl scriver sün quellas tablas ils pleds, chi eiran sün las prümas, cha tü rumpettast, e tü las desast metter aint in quella chascha.

3. Ed eu fet üna chascha da lain da sittim, e taglet duos tablas da crap, similas allas prümas; lura muntet eu sül munt, aviand quellas duos tablas in man.

4. Ed el scrivet sün quellas tablas, conform alla prüma scrittüra, ils desch pleds, cha'l Segner avaiava pronunziâ sül munt, our da mez il fö, nel di della raspada. E'l Segner las det a mai.

5. Lura 'm volvet eu inavo, e gnit giò dal munt, e tschantet quellas tablas nella chascha, ch'eu avaiava fat, e sun restadas qua; seo'l Segner m'avaiva comandâ.

6. Ma ils infants d'Israel as partittan da Beerot-Bene-Jacan, per ir a Moser; * qua morit Aaron, e füt qua sepuli; ed Eleazar, seis figl, füt sacerdot in seis lö. * Num. 33, 31. 33, 38.

7. Da là as partittan els, *per ir* a Gudgoda, e da Gudgoda, *per ir* a Jotbad, *chi ais* ün pajais d' auais d' aua.

8. In quel temp separet oura il Segner la schlatta da Levi, per portar la * chascha del pat del Segner, per comparair avant il Segner al servir, e 'l benedir in seis nom, *sco dvainta* fin al di d' hoz. * Num. 3, 6. 4, 4.

9. Perquai non ha * Levi part, ne possessiuns con seis frars; il Segner ais sia possessiun; sco 'l Segner teis Deis ha favlâ ad el.

* Num. 18, 20. Deut. 18, 1.

10. Ma, essendo eu dmurâ sül munt tant temp, quant la prüma vouta, cioè * quaranta dis, e quaranta nots, schi exodit il Segner eir quella vouta mia vusch, e non at volet sdrüt. * Ex. 34, 28.

11. Alla fin am dschet il Segner: Stâ sù, vâ per chaminar avant il pövel, ed intrar ün pajais, del qual eu ha gürâ a lur babuns, ch' eu vegn' als dar, e 'l possideschan.

12. Uossa dimena, o Israel, * che retschercha da tai il Segner teis Deis oter, co cha tü temmast il Segner teis Deis, per chaminar sün tuottas sias vias, e per l' amar, e per † servir al Segner teis Deis, con tuot teis cour, e con tuot tia orma; * Mich. 6, 8. † Mat. 22, 37.

13. E per observar ils comandaments del Segner, e seis statuts, ils quals eu hoz dun a tai; acio chi 't *giaja* bain?

14. Mera, il tsel, ed il tsel dels tselhs *ais* del Segner, e la terra, e tuot quai chi 'n quell' *ais*.

15. Ed *impero* ha 'l Segner portâ affecziun solum vi' a teis babuns, per ils amar; ed ha elet, our da tuots ils pövels, lur sem davo els, cioè vus, sco hoz *appara*.

16. Circoncidai dimena la pelliotta da vos cour, e non indürirai plü vos colöz;

17. Perche il Segner vos Deis ais il Deis dels deis, e 'l * Segner dels signurs; il Deis grand, potaint, e stramantus; † il qual non guarda sün

la qualità della persuna, e non piglia presaints. * Apoc. 17, 14.

+ 2 Cron. 19, 6. 7. Giob 34, 19. Act. 10, 34.

18. Il qual fa raschun al orfan, ed alla vaidgua, ed ama il forestêr, per al dar pan, e vestimainta.

19. Ama dimen' eir vus ils forestêrs, perche forestêrs eschat stats nel pajais d' Egipto.

20. Temm' il Segner teis Deis, serva 'l, e 't rainta vi' ad el; gürâ tras seis nom.

21. El *ais* teis lod, e teis Deis, il qual ha operâ vers tai quaistas grandas e stramantusas chosas, cha teis ögls han vis.

22. * Teis babuns gnittan giò in Egipto in number da settanta persunas; ed uossa t' ha il Segner teis Deis fat dvantar sco las stailas del tsel, in blierûra. * Gen. 46, 27. Act. 7, 14.

CHAP. XI.

Exortaziun ad amar Dieu, e salvar seis comandaments. Da non ir davo esters deis; e da contin da meditar il pled da Dieu, con mossar als infants da quel; ed usche perseverar; con impromissiuns, ed innatschas.

CONTUOT, am' il Segner teis Deis, ed observa da contin quai ch' el ha comandâ, cha 's dess observar, e seis statuts, e sias ledschas, e seis comandaments.

2. Ed hoz recognoschai, perche *quaistas chosas non sun statts operadas* vers voss infants, ils quals non las han cognoschüdas, ne visas, ils chastiamaints del Segner vos Deis, sia grandezza, seis man potaint, e seis bratsch destais;

3. E sias insainas, e sias ouvras, ch' el ha fat in mez l' Egipto, sur Farao, rai d' Egipto, e sur tuot seis pajais.

4. E quai ch' el ha fat al exercit dels Egipters, a seis chavals, ed a sia charra; co el fet * spander sur els las auas del mâr cotschen, cur els as daivan davo, e co el ils fet perir fin al di d' hoz. * Ex. 14, 27.

5. E quai ch' el con vus istess ha fat nel desert, fin cha eschat gnüts in quai lö;

6. E quai ch' el ha * fat con Datan, e con Abiram, figls d' Eliab, *del* figl da Ruben; co la terra avrit sia bocca,

e'ls travuondet, insembel con lur chasas, e lur tendas, e tuot las ormas vivaintas, ch' avaiavan a lur seguit in mez tuot Israel. * Num. 16, 31.

7. Perche voss ögls han vis tuot las grandas ouvras del Segner, las qualas el ha fat.

8. Ed observai tuots ils comandamaints, ils quals eu hoz as dun; acio cha sajat fortifichats, ed intrat in possessiun del pajais, al qual vus passais per il possidair;

9. Ed acio cha prolungunat *voss* dis sur la terra, la qual' il Segner güret a voss babuns, da la dar ad els, ed a lur sem; terra culand da lat e meil.

10. Perche 'l pajais, nel qual tü intrast per il possidair, non *ais* sco 'l pajais d' Egipto, dinuonder vus eschat gnüts; ingio, aviand semnä teis sem, schi 'l sauavast col pè, sco ün üert dad erbas;

11. Ma 'l pajais, al qual vus passais per il possidair, *ais* ün pajais da munts e da vals, assauä d' aua, seguond cha plova dal tsel;

12. Ün pajais, del qual il Segner teis Deis ha chüra; sur il qual ils ögls del Segner teis Deis *sun* da contin, da principi del an fin alla fin.

13. E dvanterà, scha vus del tuot obedis a meis comandamaints, ils quals eu hoz as dun, amand il Segner vos Deis, e' l servind con tuot vos cour, e con tuot voss' orma,

14. Schi vögl eu dar a vos pajais sia plövgia a seis temp, la plövgia della prüma e dell' ultima stagiun, e vus gnis a cler aint vos formaint, vos muost, e vos öli.

15. Vögl eir far crescher erba in voss champs, per vos bestiam; e vus gnis a mangiar, e gnir sadolats.

16. S' inguardai, cha vos cour non saja surmanä, cha vus as volvessat a servir ad esters deis, ed als adurar;

17. E cha l'ira del Segner non s' invüda conter vus, ed el as serr' il tsel dasort, cha non saja plövgia, ne cha la terra porta sia rendita, e cha vus non perat subitamaing sün il bun pajais, cha 'l Segner da a vus.

18. * Anzi, mettai nel cour, e nel anim, quaists meis plets, e liä 'ls

per signals sül man, e sajan a vus per fruntal intanter ils ögls. * Deut. 6, 6.

19. E mossä 'ls a voss infants, raschunand da quels, cur sezzais in vossas chasas, e cur chaminais per via, e cur as mettais giò, e cur alvais sün.

20. Scrivä 'ls eir sün las chassas da vossas chasas, e sün vossas portas;

21. Acio cha vos dis, ed ils dis da voss infants, sajan multiplichats sur la terra, la qual' il Segner güret a voss babuns, da dar ad els, sco 'ls dis del tsel sur la terra.

22. Perche, scha vus del tuot observais tuots quaists comandamaints, ils quals eu dun a vus, per ils metter in ouvra, per amar il Segner vos Deis, per chaminar sün tuot sias vias, e per as rantar vi' ad el,

23. Schi vain il Segner a schatschar tuots quels pövels our da vos conspet, e vus gnis a possidair *il pajais da* naziuns plü grandas, e plü potaintas co vus.

24. * Ogni lö, cha la planta da vos pè chalcherà, sarà vos; voss confins saran dal desert fin al Libano, e dal flüm, dal flüm Eufrat, fin al mâr occidental.

25. Ingün non vain as podair star a frunt; il Segner vos Deis metterà spavent e temma da vus per tuot il pajais, sur il qual vus gnis a chaminar, * sco ch' el a vus ha favlä.

* Ex. 23, 27.

26. Mera, * hoz met eu avant a vus benedicziun, e maledicziun. * Deut. 30, 15.

27. Benedicziun, scha vus obedis als comandamaints del Segner, vos Deis, ils quals eu hoz dun a vus.

28. E maledicziun, scha non obedis als comandamaints del Segner, vos Deis, e scha 's volvais giò dalla via, ch' eu hoz comand a vus, per ir davo ad esters deis, ils quals vus non avais cognoschü.

29. Ma, cur il Segner teis Deis t' averà introdüt nel pajais, nel qual tü intrast per il possidair, * schi pronunzia la benedicziun sül munt Garizim, e la maledicziun sül munt Ebal.

* Deut. 27, 12.

30. Non *sun* quels da là del Gordan, la strada giò vers il ponente,

nel pajais dels Cananits, chi abiteschan nella planüra, vi'inconter Gilgal, sper la planüra da More?

31. Siand *dimena* cha vos passais il Giordan, per intrar a possidair il pajais, cha'l Segner vos Deis duna a vus, e cha vus gnis al possidair, ed abitar in quel;

32. Schi hajat stüdi, da metter in ouvra tuots ils statuts, e las ledschas, ch'eu hoz propon a vus.

CHAP. XII.

Sdrür e fügir l' idolatria. Davart las primizias e deschmas. Mangiar nel lö, cha Dieu ha tschernü. Da non mangiar sang.

QUAISTS *sun* ils statuts, e las ledschas, las qualas vus dessat observar, per las metter in ouvra, nel pajais cha'l Segner, Deis da voss babuns da a vus, per il possidair, tuot il temp cha vus gnis a viver sün la terra.

2.* Daffat dessat sdrür tuots ils lous, nels quals quellas naziuns, *il pajais* dellas qualas vus gnis a possidair, han servi a lur deis, süls ots munts, e süls muots, e suot qualunque bösch verd.

* Ex. 34, 12. 13. Deut. 7, 5.

3. E disfat lur ütèrs, e spazzai lur statuas, ed ar dai lur Astartes col fù, e las figüras intagliadas da lur deis tagliai in pezzas, sterminai lur nom da quel lö.

4. Non farai usche vers il Segner vos Deis;

5. Anzi tscherchâ 'l * nel lö, cha 'l Segner vos Deis averà tschernü our da tuot vossas schlattas, per sia abitaziun, per metter qua seis nom, ed it allà.

* 2 Cron. 7, 12.

6. E là manai via voss olocausts, e voss sacrificis, e vossas deschmas, e las offertas da voss mans, e voss vuts, e vossas offertas voluntarias, ed ils primogenits da vos bestiam, gross e manü.

7. E qua dessat mangiar avant il Segner vos Deis, e s' allegrar, vus, e vossas famiglias, da tuot quai, sül qual vus gnis ad avair miss il man, in che il Segner vos Deis s' averà benedi.

8. Non farai seguond tuot quai cha nus hoz fain, *fand* scodiün tuot quai, cha ad el par' e plascha;

9. Perche infin uossa non eschat vus gnüts al repos, ed all' ierta, cha 'l Segner vos Deis da a vus.

10. Ma, cur vus gnis ad esser passats il Giordan, ed abitar nel pajais, il qual il Segner vos Deis da a vus da possidair, ed avair pos da tuots voss inimis per tuot intuorn, ed abitar in sgürezza;

11. Lura dessat manar * nanpro nel lö, il qual il Segner vos Deis averà elet, per stanziar qua seis nom, tuot las chosas ch' eu a vus comand; voss olocausts, e voss sacrificis; vossas deschmas, e las offertas da voss mans, e tuot il tschernü our da voss vuts, ils quals vus gnis ad avair fat al Segner;

* 1 Reis 8, 29.

12. E qua s' allegrai avant il Segner vos Deis, vus, e voss figls, e vossas figlias, e voss famagls, e vossas fantshellas, e 'l levit chi *sarà* dadaint vossas portas; * perche el non ha ne part ne possessiun tanter vus.

* Num. 18, 20. Deut. 10, 9.

13. At perchüra d' offerir teis olocausts in qualunque lö, cha tü vainst a vair;

14. Anzi, offerra teis olocausts nel lö, cha 'l Segner averà elet in üna da tias schlattas, e qua fà tuot quai ch' eu a tai comand.

15. Impero pür poderast schannar e mangiar charn tenor tuot tia vögliä, dadaint tuot tias portas, seguond la benedicziun, cha 'l Segner teis Deis t' averà tramiss; il net e 'l malnet dess podair gnir mangiä, sco del chavret, e del tshiervi;

16. * Solum non mangiarai il sang; spandä 'l in terra, sco aua.

* Gen. 9, 4. Lev. 7, 26.

17. Dadaint tias portas non dessat tü podair mangiar las deschmas da teis formaint, ne da teis muost, ne da teis öli, ne 'ls primogenits da teis bestiam, gross e manü, ne alchün vut cha tü avessast fat, ne tias offertas voluntarias, ne las offertas da teis man.

18. Ma mangia quellas chosas avant il Segner teis Deis, nel lö, cha 'l Segner teis Deis averà tschernü, tü e teis figl, e tia figlia, e teis famagl, e tia fantschella, e 'l levit, chi *sarà*

dadaint tias portas, e t' allegr' avant il Segner teis Deis d' ogni chosa, vi' alla quala tü averast miss teis man.

19. At inguarda, cha tü non bandunast il levit, tuot il temp cha tü vainst ad esser sün tia terra.

20. Cur il Segner teis Deis averà fat teis confins ampels, sco * el ha favlâ a tai, scha tü dist: Eu vögl mangiar charn; cha tü vainst ad avair vögliä da la mangiar; schi pür mangia, tenor tuot tia vögliä. * Gen. 28, 13.

21. E scha il lö cha'l Segner, teis Deis averà tschernü per metter qua seis nom, vain ad esser dalönsch da tai, schi pür mazza da teis bestiam, gross e manü, cha'l Segner t' averà dat, sco eu t'ha comandâ, e mangia dadaint tias portas, tenor tuot tia vögliä.

22. Ma mangia, sco's mangia quella del chavret, e del tshiervi; il malnet e'l net la dessan mangiar indifferentamaing.

23. Solum observa fermamaing da non mangiar il sang; perche il sang ais l'orma; schi non mangiar l'orma con la charn.

24. Non il mangiar; spanda'l in terra sco aua.

25. Non il mangiar; acio cha giaja bain a tai, ed a teis infants davo tai, cur tü vainst ad avair fat quai cha plaseh'al Segner.

26. Ma, quant a tias chosas consacradas, chi saran tias; ed a teis vuts, pigl'l-las, e vè nan pro'l lö, cha'l Segner averà tschernü.

27. Ma offerra teis olocausts tuot intêrs, charn e sang, sur l' utêr del Segner teis Deis; ma, quant a teis *oters* sacrificizs, dess il sang gnir spans sur l' utêr del Segner teis Deis, e mangiada la charn.

28. Observa, e taidla quaists plets, ch'eu comand a tai, tuots, acio cha bain giaja a tai, ed a teis infants davo tai, asaimper; cur tü vainst ad avair fat quai cha bün e dret ais avant il Segner teis Deis.

29. Cur il Segner teis Deis our davanti tai averà destermînâ'ls pövels, nel pajais dels quals tü intrast per il possidair, e cha tü vainst al possidair, ed ad abitar laint,

30. Schi t' inguarda, cha forsa, dopo ch'els vegnan ad esser sdrüts our davant tai, tü non t' inlatschast, als ir davo; e cha tü non indreschast davo lur deis, dschand: Co servivan quaistas nazions a lur deis, acio ch' eir eu fetsch' usche?

31. Non far usche vers il Segner teis Deis; perche *quellas nazions* han fat vi' a lur deis tuot quai, ch' abominabel ais al Segner, e quai ch' el voul mal; perche cha han eir * ars col fö lur figls e lur figlias, a lur deis. * Lev. 18, 21.

32. Pigliai stüdi, da far tuot quai ch' eu's comand; * metter pro non dessat inguotta, ed inguotta tour davent. * Deut. 4, 2.

CHAP. XIII.

Ledschas del chastiamaint del fos profet, e da qualunque otra persuna, chi tschercha da voler oters, giò dai vair servezzen da Dieu pro idolatria.

CUR in mez tai alverà sù ün profet, o ün sümgiadur da sümms, il qual at darà alchün miracul, o insaina;

2. E cha quel miracul, o insaina, ch' el t' averà dit, dvanterà, dschand: Giain davo esters deis, ils quals tü non hast cognoschü, e servin ad els;

3. Schi non tadtalarai als plets da quel profet, ne a quel sümgiadur da sümms; perche il Segner vos Deis as prova, per cognoscher, scha vus amais il Segner vos Deis con tuot vos cour, e con tuot voss'orma.

4. It davo il Segner vos Deis, e tmai ad el, ed observai seis comandaments, ed obedi a sia vusch, ed ad el servi, e vi' ad el as rantai.

5. Ma quel * profet, o quel sümgiadur da sümms as dess far morir, perche el ha tshantschâ da revolta conter il Segner vos Deis, chi as ha trats our dal pajais d' Egipto, ed as ha deliberats della chasa da servitti; per as chatschar our dalla via, nella quala il Segner vos Deis as ha comandâ cha vus chaminat, ed usche piglia via il mal our da mez tai.

* Deut. 18, 20.

6. * Cur teis frar, figl da tia mamma, o teis figl, o tia figlia, o la muglier da teis sain, o teis ami familiar,

chi *ais* sco tia orma, gnis secretamaing ad incitar tai, dsehand: Giain, e servin ad oters deis, ils quals non avais cognoschü, ne tü, ne teis babuns;

^{*} Deut. 17, 2.

7. Intanter ils deis dels püvels chi saran intuorn vus, vicin, o lönsch da tai, dal ün extrem della terra fin al oter extrem;

8. Schi non al complaschair, e non il tadlar; eir teis ögl non al zoppantar;

9. Anzi il dessast a tuotta via mazar; teis man saja il prüm sur el, per il far morir; e lur' il man da tuot il pövel.

10. E con peidras il dessast accrappar, dasort ch' el moura; perche el ha tcherchâ da t' chatschar davent dal Segner teis Deis, chi t' ha tratour dal pajais d' Egipto, dalla chasa da servitü;

11. Acio cha tuot Israel oda, e temma, e ch' ingün per l'avegnir non fetscha plü in mez da tai üna tal mala chosa.

12. Cur tü udirast chi 's dscharâ d' üna da tias cittats, cha'l Segner teis Deis da a tai, per abitar laint:

13. Ch' alchüns homens scelerats füssan its our da mez tai, ed avessan incitâ ils abitants da lur città, dsehand: Giain, e servin ad oters deis, ils quals vus non avais cognoschü;

14. Schi dessast bain bain t' informar, indraschir e domandar; e scha tü chattast, cha la chosa saja vaira e tsherta, o cha quaista chos' abominabla saja stat fatta in mez da tai;

15. Schi dessast a tuotta via batter ils abitants da quella città, *e'ls metter a fil da spada*; sdrü-la * al möd del interdit, insembel con tuot quels chi *vegnan ad esser laint*, e seis bestiam, *il mettand a fil da spada*.

^{*} Lev. 27, 28.

16. Ma'l butin della città raspa in mez sia piazza, ed arda la città interamaing col fö, e tuot seis butin al Segner teis Deis; ed asaimper saja quella città üna muschna *da ruinas*, e non saja mâ plü edificada.

17. E del interdit non dess a tai tachar inguotta via dals mans; acio

cha'l Segner as volva dal arder da sia ira, e t' fetscha misericordia, ed haja compassiun da tai, e t' rescainta; sco el güret a teis babuns;

18. Cur tü obedirast alla vusch del Segner teis Deis, per observar tuots seis comandaints, ils quals eu hoz dun a tai, per quai cha dret ais avant il Segner teis Deis.

CHAP. XIV.

Israel ais ün pövel sanct e peculiar a Dieu. Spaisas nettas, o malnettas; e da nudriar l'orfan e la vaidgua.

VUS *eschat* infants del Segner vos Deis; * non as farai tagls *adöss*, e non as spellarai intanter ils ögls, per alehün mort.

^{*} Lev. 19, 27.

2. Perche cha tü *est* ün * pövel sanct al Segner teis Deis, e'l Segner t' ha elet our da tuots püvels, chi *sun* sur terra, per esser ad el ün pövel peculiar.

^{*} Deut. 7, 6.

3. Non mangiar alehüna chosa abominabla.

4. * Quaistas *sun* las bestias, dellas qualas vus dessat podair mangiar; il bov, la nuorsa, la chavra;

^{*} Lev. 11, 2.

5. Il tshiervi, il chavret, la chavra granda, il steinboe, il chamuotseh, il büffel, e la girafa;

6. Insomma, vus dessat podair mangiar d' ogni bestia, chi ha il pè fess e l'ungla spartida in duos, e chi rumaglia.

7. Ma tanter quellas chi rumaglian, ed han il pè fess, e l'ungla spartida, non mangiarai del chamêl, ne della leivra, ne del cunigl; perche cha rumaglian, ma non han l'ungla spartida; sajan a vus malnettas;

8. Ne del püerch; perche ch' el ha l'ungla spartida, ma non rumaglia; saja a vus malnet; della charn da quaists *animals* non mangiarai, e lur corps morts non toccarai.

9. Da tuots *ils animals*, chi *sun* nellas auas, dessat vus podair mangiar da quaistas species, cioè da tuot quellas chi han alettas, e squamas;

10. Ma non mangiarai d'alehünas chi non han alettas, e squamas; sajan a vus malnettas.

11. D' ogni utschè net dessat vus podair mangiar.

12. Ma quaiſts *sun quels*, dels quals non dessat mangiar, cioè l' aglia, e 'l girifalco, e 'l aglia marina.

13. Ogni specie da falcuns, e da nibbio, e d' avolturn,

14. Ed ogni specie da corv,

15. E 'l püf, e la tschuetta, e la folica, ed ogni specie da sprêrs,

16. E 'l gufo, e 'l ibis, e 'l eigno,

17. E 'l pellican, e la giazella, ed il smergo,

18. E la cicogna, ed ogni specie d' agiours, e l' upupa, e l' utschè mez-miür.

19. Il medem saja a vus malnet ogni reptil chi svola; non dess gnir mangiâ.

20. D' ogni utschè net dessat vus podair mangiar.

21. Non mangiarai d' alchüna charn morta da sai sves; da-la a mangiar al forestêr chi *sarà* dadaint tias portas, o vend'-la ad alchün ester; perche tû *est* ün pövel sanct al Segner teiſ Deis. Non * couseher il boccet nel lat da sia mamma.

* Ex. 23, 19. 34, 26.

22. Del tuot leiva la deschema da tuot la rendita da teiſ sem, prodüta da *teiſ* champ, ogni an.

23. E mangia avant il Segner teiſ Deis, in lö ch' el averà tschernü per stazionar qua seis nom, las deschmas da teiſ formaint, da teiſ muost, e da teiſ öli; ed ils prümſ parts da teiſ bestiam, gross e manü; acio cha tû imprendast a tmair il Segner teiſ Deis da contin.

24. Ma, scha 'l viadi t' ais massa grand, dasort cha tû quellas *deschmas* non podessast portar, per esser quel lö, cha 'l Segner teiſ Deis averà tschernü per metter qua seis nom, massa dalönsch da tai; per quai cha 'l Segner t' averà benedi;

25. * Schi fa-las in danêr, e metta quel in buorsa, e *piglia 'l* in man, e vè al lö, cha teiſ Segner averà tschernü;

* Mat. 21, 12.

26. Ed impuonda quel danêr in tuot quai cha tia orma desidrerà; in bovs, in bescha, in vin, ed in gervosa; ed *insomma* in qualunque chosa cha tia orma giavüscherà, e mangia qua

avant il Segner teiſ Deis, e t' alleigra, tû e tia famiglia.

27. Ma non bandunar il levit chi *sarà* dadaint tias portas; perche * ch' el non ha con tai ne part, ne ierta.

* Num. 18, 20.

28. In * capo d' ogni terz an, leiva tuot las deschmas da tia intrada da quel an, e mett'-las giò dadaint tias portas;

* Deut. 26, 12.

29. E vegna il levit, perche ch' el non ha ne part, ne ierta con tai, e 'l forestêr, e 'l orfan, e la vaidgua, chi *saran* dadaint tias portas, e mangian, e sajan sadolats; acio cha 'l Segner teiſ Deis at benedesch' in ogni ouvra da teiſ mans, cha tû farast.

CHAP. XV.

Ledschas davart l'an del perdun e charità via dal pover; davart ils famaglſ Ebreers, e primogenits dels animals, chi 's dovaivan mangiar avant il tabernacul.

IN capo d' ogni settavel an, celebra *l' an della* remissiun.

2. Ma quaiſta *saja* l' ordinaziun della remissiun: Ogni credader dess relaschar à seis prossem quai ch' el l' averà dat ad impraist; non il scouda da seis prossem, e da seis frar, perche la remissiun del Segner ais statta clamad' oura.

3. Dals esters dessast tû podair scouder *teiſ credits*; ma a teiſ frar relascha quai ch' el averà del tieu.

4. Co cha saja, schi non dess alehün manglus esser tanter tai; perche il Segner vain largiamaing at benedir nel pajais cha 'l Segner teiſ Deis da a tai per ierta, per il possidair,

5. Pür cha tû del tuot obedeschast alla vusch del Segner teiſ Deis, per observar da metter in ouvra tuots quaiſts comandamaints, ch' eu hoz dun a tai.

6. Cur il Segner teiſ Deis t' averà benedi, sco el t' ha impromiss, schi vainst tû ad imprastar via a blers pövels, e tû non vainst a tour ad impraist *inquotta*, e vainst a signorar sur grandas naziuns, e sur tai non vegnan ellas a signorar.

7. Cur in mez tai *sarà* alehün da teiſ frars, chi *sarà* bsögnus, in alchüna dellas terras ingio tû abiterast,

in tei pajais, cha 'l Segner tei Deis da a tai; schi non indürir tei cour, e non serrar il man vers tei frar, *quel manglus*;

8. Anzi, al dessast a tuotta via avrir il man e 'l imprastar del tuot, quant chi 'l fa bsögn, per la necessitâ, nella qual' el s' acchatterà.

9. At inguarda, cha forse non saj' alchün scelerat impissamaint in tei cour, per dir: Il settavel an, l'an della remissium, ais da strusch; e cha tei ögl non saja malign vers tei frar manglus, dasort cha tü non dettast *nüglia*, ed el clama conter tai vi' al Segner, e cha pucha saja in tai.

10. Dà ad el * da tuot *quai chi 'l fa bsögn* e non at duol' il cour, cur tü 'l darast; perehe per causa da quaiست vain il Segner tei Deis at benedir in ogni tia ouvra, ed in ogni chosa, alla quala tü vainst a metter il man.

* Mat. 5, 42.

11. Perehe * ils manglus mâ non vegnan a gnir almain nel pajais; perquai comand eu a tai, cha tü avrast largiamaing il man a tei frar, a tei pover, ed a tei manglus, *ch' in tei pajais vain ad esser*.

* Mat. 26, 11.

12. * Cur alchün da tei frars, Ebreer, o Ebreia, füss vendü a tai, schi dess el servir a tai ses ans, ed al settavel an trametta 'l davent da tai in libertà.

* Ex. 21, 2. Ger. 34, 14.

13. E cur tü vainst al trametter in libertà davent da tai, schi non il trametter vöd.

14. A tuotta via al dessast dar alchün furnimaint da tia scossa, e da tei iral, e da tei torchel; da 'l da quai, in che il Segner tei Deis t' averà benedi.

15. Ed at regorda, cha tü est stat serv nel pajais d' Egipto, e cha 'l Segner tei Deis t' ha spendrà; perquai comand eu quaiست hoz a tai.

16. Impero sch' el disch a tai: Eu non vögl ir davent da tai; perquai ch' el vain ad amar tai, e tia chasa, siand ch' el vain a star bain pró tai,

17. Schi piglia lura üna sübla, e foura 'l l' uraglia conter l'üsch, ed el dess esser a tai famagl saimpermâ. Fà eir usche con tia fantshella.

18. Non saja a tai greiv il trametter

davent da tai in libertà; perehe ch' el t' ha servi ses ans, *chi ais* il dobel della paga d'ün mercenari, ed il Segner tei Deis vain at benedir in tuot quai cha tü farast.

19. * Consacr' al Segner tei Deis ogni primogenit maschel, chi vain at nascher da tei bestiam, gross, o manü; non lavurar la terra col primogenit da tia vacha, e non tonder il primogenit da tia nuorsa.

* Ex. 13, 2. Lev. 27, 26. Num. 3, 13.

20. Mangia 'l tü, e tia famiglia, avant il Segner tei Deis, ogni an, nel lö cha 'l Segner averà tshernü.

21. E sch' in quel ais alchün defet, *sco sch' el ais zop*, o orb, o ha alchün mal defet, schi non il sacrifichar al Segner tei Deis.

22. Mangia 'l dadaint tias portas; il malnet e 'l net *il dessan mangiar* indifferentamaing, sco d' ün chavret, o d' ün tshievi.

23. * Solum il sang non dessast mangiar; spanda 'l in terra, sco aua.

* Deut. 12, 6.

CHAP. XVI.

Dalla solennità della pasqua, della tshinquaisma, dals tabernaculs. Dalla costituziun dels güdischs del pövel, e lur offizi. E da fügen ogni occasiun d' idolatria.

OBSERVA il mais d' abib, e * celebra *in quel* la pasqua al Segner tei Deis; perehe il Segner tei Deis tret tai our d' Egipto da not, nel mais d' abib.

* Ex. 12, 2. Lev. 23, 5. Num. 9, 1.

2. E sacrificha, nella pasqua del Segner tei Deis, bescha e bovs, nel lö cha 'l Segner averà tshernü per stazionar qua seis nom.

3. Non mangiar in quella pan con alvamaint; mangia per set dis in quella *pans* azims, pans d' afflicziun; perehe tü gnittast in prescha our dal pajais d' Egipto; acio cha tü 't regordast del di cha tü gnittast our dal pajais d' Egipto, tuot il temp da tia vita.

4. E per set dis non as dess vair alchün alvamaint pro tai, in tuots tei confins; * e della charn cha tü la saira vainst ad avoir mazzâ, il prüm di, non dess restar la not fin alla mattina inguotta.

* Ex. 12, 10.

5. La pasqua non dessast tü podair sacrifichar in qualunque tia città, la quala il Segner tei Deis da a tai.

6. Ma sacrific'h-la nel lö, cha 'l Segner teis Deis averà tshernü, per stazionar qua seis nom, sün la saira, eur il solai vain a tramuntar, nel medem temp cha tü gnittast our d' Egipto.

7. E cousch'-la, e maing'-la nel lö, cha 'l Segner teis Deis averà tshernü; lura dessast tü la daman *sequainta* podair turnar, ed ir pro tias tendas.

8. Mangia ses dis *pans* azims; ed al settavel di *saj' a vus* raspada solenna al Segner teis Deis; non far in *quel* alchüna lavur.

9. * Quinta set eivnas a tai, davo cha sarà comanzâ a *metter* la fotsch nella mess, comainz' a quintar *quai-stas* set eivnas.

* Ex. 23, 16. Lev. 23, 15. Num. 28, 26.

10. E celebra la festa dellas eivnas al Segner teis Deis, *offerind* offertas voluntarias a sufficienza da teis man, las qualas tü dessast dar segnond cha 'l Segner teis Deis t' averà benedi.

11. E t' alleigra avant il Segner teis Deis, tü, e teis figl, e tia figlia, e teis famagl, e tia fantschella, e 'l levit chi *sarà* dadaint tias portas, e 'l forestêr, e 'l orfan, e la vaidgua, chi *saran* in mez tai, nel lö cha 'l Segner teis Deis averà tshernü per stazionar qua seis nom.

12. E t' regorda, cha tü est stat serv in Egipto, ed observa quaists statuts, e metta-'ls in ouvra.

13. Celebra la festa dels tabernaculs per set dis, eur tü vainst ad avair elet aint ils früts da teis iral, e da tia tinna.

14. E t' alleigra in tia festa, tü, e teis figl, e tia figlia, e teis famagl, e tia fantschella, e 'l levit, e 'l forestêr, e l' orfan, e la vaidgua, chi *saran* dadaint tias portas.

15. Celebra la festa al Segner teis Deis, per set dis, nel lö cha 'l Segner averà tshernü; eur il Segner teis Deis t' averà benedi in tuot tia rendita, ed in tuot l' ouvra da teis mans, e del tuot sajast leiger.

16. Trais * voutas l'an dess ogni teis maschel comparair avant il Segner teis Deis nel lö, ch' el averà tshernü, cioè nella festa dels *pans* azims, nella festa dellas eivnas, e nella festa dels tabernaculs; ed a-

vant il Segner non dess comparair t' vöd ingün.

* Ex. 23, 17. + Ex. 23, 15.

17. Scodün *dess offerir* seguond ch' el vain a podair dunar, seguond la benedicziun, cha 'l Segner teis Deis t' averà tramiss.

18. Constituesch' a tai güdischs, ed offizials, in tuot tias cittats, las qualas il Segner teis Deis da a tai, tras tias schlattas, e quels dessan güdichar il pövel con güst güdizi.

19. Non storscher la rasehun; * non avair resguard alla persuna; e non tour preschaints; perche il preschaint surbaint' ils ögls dels sabis, e stravia ils pleds dels güsts.

* Ex. 23, 8. Lev. 19, 15.

20. Và davo la güstia del tuot; acio cha tü vivast, e possidessast il pajais, cha 'l Segner teis Deis da a tai.

21. Non t' implantar alchün god d' ingün bösch sper l' utêr del Segner teis Deis, cha tü averast fat.

22. E non at drizzar sù alchüna statua; il qual il Segner teis Deis ödie-scha.

CHAP. XVII.

Il testimoni d' ün sulet. D' obedir al comand ed ordinaziun del sacerdot, e del güdisch. Il rai dess avair il eudesch della ledscha, ed il ler tuots ils dis.

NON sacrificar al Segner teis Deis, * bov, nuorsa o chavra, chi haja defet, o alchün mal, perche l' ais chosa abominabla al Segner teis Deis.

* Lev. 22, 20. Deut. 15, 21.

2. * Cur in mez tai, in üna da tias cittats, las qualas il Segner teis Deis da a tai, s' acchattess hom, o duonna, chi fess quai cha displascha al Segner teis Deis, transgredind seis pat;

* Deut. 13, 6.

3. E ch' el va, e serva ad oters deis, e 'ls adura, saja avant il solai, o la glüna, o ehos' alchüna da tuot l' exercit del tsel, il qual eu non ha comandâ;

4. E *quai* at füss rapportâ, e tü avessast inolet, schi t' infuorma diligiaintamaing, e scha tü *chattast*, cha quai saja vaira e tshert, cha quaista chos' abominabla saja statta commissa in Israel;

5. Schi tira quel hom, o quella duonna, chi averà commiss quel mal

fat our' avant tias portas, ed accrappa 'l con peidras, dasort ch' el moura.

6. * Quel chi dess morir as dess far morir sül dir da duos, o trais perdütas; ne s' dess far morir sül dir d'üna *sula* perdüta. * Num. 35, 30. Deut. 19, 15.

7. Il man dellas perdütas saja il prüim sur el, per il far morir, e lur' il man da tuot il pövel; ed usche piglia via il mal our da mez tai.

8. * Cur alchüna chosa 't füss massa diffieila, per *dar* güdizi tanter omicidi ed omicidi, tanter lita e lita, tanter plaja e plaja, o otras causas da litas in tias portas; schi leiva lura sù, e munta sù al lö, cha 'l Segner teis Deis averà tshernü. * 2 Cron. 19, 10.

9. E dessast gnir pro 'ls sacerdots della nazium da Levi, e pro 'l güdisch, chi sarà in quels temps, e *dad els* at infurma; ed els vegnan at declerar la sentenza chi's dess dar.

10. E fà seguond quai ch' els vegnan at avair declerà, our dal lö, cha 'l Segner averà tshernü; ed observa da far interamaing sco e vegnan at avair mossâ.

11. Fà seguond la ledscha ch' els vegnan at avair mossâ, e seguond la raschun, cha vegnan at avair dit; guinchir non dessast tû da quai chi vegnan at avair dit, ne dalla dretta, ne dalla snestra.

12. Ma, sch' alchün proceda superbamaing, per non obedir al sacerdot, chi sarà in offizi, per administrar in quel lö al Segner teis Deis, ed al güdisch, schi dess quel hom morir, e piglia via il mal d' Israel;

13. Acio cha tuot il pövel oda, e temma, e non proceda superbamaing da quel di inavant.

14. Cur tû vainst ad esser intrat nel pajais, cha 'l Segner teis Deis da a tai, e vainst al possidair, ed abitar laint; scha tû vainst a dir: * Eu vögl constituir ün rai sur mai, sco *han* tuots ils pövels chi *sun* our din-tuorn mai; * 1 Sam. 8, 5.

15. Schi dessast del tuot constituir per rai sur tai quel, cha 'l Segner teis Deis averà elet; constituescha per rai sur tai ün our da teis frars; tû non dessast podair constituir sur tai ün hom ester, chi non saja teis frar.

16. Impero non as dess el multipliar chavals; ne fetscha turnar il pövel in Egipto, per avair blerüra da chavals; perche cha 'l Segner as ha dit: Non turnarai mâ plü per quaista via.

17. Il medem non as dess el multipliar mugliers, acio cha seis cour non as declina; eir l' argient e l' or, non as dess el grandamaing multipliar.

18. Ed il prüim ch' el vain a zer stin seis trun regal, schi's dess el scriver üna copia da quaista ledscha in ün eudesch, giò dal exemplar dels sacerdots, levits.

19. Ed el il dess * avair pro el, e ler in quel tuots ils dis da sia vita; acio ch' el imprenda a tmair il Segner seis Deis, e per observar tuots ils plets da quaista ledscha, e quaists statuts, per ils metter in ouvra;

20. Acio cha seis cour non as oza sur seis frars, e ch' el non declina dal comandaint, ne dalla dretta, ne dalla snestra; afin da prolungar *seis* dis, in seis reginam, el e seis figls in mez Israel.

CHAP. XVIII.

Als levits non vain dat ingüna possessiun. Da fûgir ogni idolatria. Impromissiun del grand profet, cioè del Messia; la nouva d'ün vair profet.

ILS sacerdots, ils levits, schi tuot la schlatta da Levi, non dessan avair ne part, nè ierta con Israel; els dessan * viver dellas offertas chi's fan tras fö al Segner, e da sia ierta.

* Num. 18, 20. Deut. 10, 9.

2. Alchün' ierta, di eu, non dessan els avair tanter lur frars; * il Segner ais lur ierta, sco el ha tshantschâ con els;

* Num. 18, 20.

3. Ma quaist dess esser il dret dels sacerdots, *il qual els dessan tour* dal pövel, da quels chi vegnan a sacrificar alchün sacrifici, saja bov, saja nuorsa, o chavra; schi dessan els dar al sacerdot la spadla, las masellas, e 'l vainter.

4. Dà ad el las primizias da teis formaint, da teis muost, da teis öli, e las primizias del tusun da tia bescha.

5. Perche ch' el Segner teis Deis

l'ha tschernü our da tuot sias schlat-tas, acio ch'el as presainta, per far il servezzen nel nom del Segner, el e seis figls in perpetuo.

6. Ma, cur alchün levit, *as partind* d'alchüna da tias terras, da qualunque lö d'Israel, ingio el dmurerà, *e ch'el vain*, seguond tuot sia vögla, al lö cha'l Segner averà tschernü;

7. Schi dess el far il servezzen in nom del Segner seis Deis, sco tuots ils oters seis frars levits, chi stan qua avant il Segner.

8. Lur part dessan l'ün mangiar sco'l oter, tras *lur naziuns* paternas; ultra quai ch'el podess avair vendü.

9. Cur tü sarast intrat nel pajais cha'l Segner teis Deis da a tai, schi non imprendar a far seguond las abominaziuns da quels pövels.

10. Tanter tai non dess gnir chattâ ün, chi fetscha passar seis figl, o sia figlia tras il fö; ne * ingiavinadur, ne prognosticadur, ne auguro, ne scongriradur; * Lev. 20, 27. Es. 8, 19.

11. Ne inchantadur, ne chi domanda il spiert da piton, ne mago, ne negromanto;

12. Perche chi fa quaistas chosas *ais in* abomini al Segner, e per chaschun da quaistas abominaziuns schatscha il Segner teis Deis quels *pövels* our davant tai.

13. Sajast perfet vi'al Segner teis Deis,

14. Perche quaists pövels, ils pajais dels quals tü vast a possidair, han tadlâ a prognosticadurs, ed als ingiavins; ma, quant a tai, non t'ha il Segner teis Deis dat talas chosas.

15. * Il Segner teis Deis vain at sdasdar sü ün profet sco eu sun, our da mez tai, da teis frars; quels dessat vus tadlar; * Fat. 7, 37.

16. Seguond tuot quai cha tü giavtischettast dal Segner teis Deis in Horeb, nel di della raspada, dschand: * Ch'eu non oda plü la vusch del Segner meis Deis, e non vezza plü quaist grand fö, ch'eu non moura.

* Ex. 20, 19.

17. Dinuonder il Segner disch a mai: Bain han els tshantschâ in quai ch'els han dit.

18. Ad els vögl eu sdasdar sü ün

profet sco tü, our da mez lur frars, * e meis plets vögl eu metter in sia bocca, ed el vain a dir ad els tuot quai ch'eu averà comandâ ad el. * Es. 51, 16.

19. Ma vain a dvantar cha, sch'alchün non taidla meis plets, ch'el in meis nom vain a dir, eu il vögl domandar quint.

20. Ma darcheu, * sch'alchün presumtuusamaing as piglia sura da dir in meis nom alchüna chosa, ch'eu non l'averà comandâ da dir, ovvero tshantscha in nom d'esters deis; schi saja *quel* fat morir. * Deut. 13, 5.

21. E scha tü dist in teis cour: Co dessan nus cognoscher il pled cha'l Segner non averà dit?

22. Cur il profet averà dit alchüna chosa a nom del Segner, e quella chosa non sarà, ne dvanterà; schi vain quella chosa ad esser quella, cha'l Segner non averà dit; quel profet l'averà pronunziada tras presumziun; non tmair dad el.

CHAP. XIX.

Las cittats da refugi per ün omicidi. Da non moventar terms. La paina d'üna fosa perdüta.

CUR il Segner teis Deis averà sdrüt las naziuns, il pajais dellas qualas el da a tai, e cha tü vainst a possidair lur *pajais*, ed abitar in lur cit-tats, ed in lur chasas;

2. * Schi t'metta da part trais cit-tats in mez da teis pajais, cha'l Segner teis Deis da a tai per il possidair. * Ex. 21, 13.

3. Tü dessast a tai perderscher la via, e partir in trais las contradas da teis pajais, cha'l Segner teis Deis t'averà dat a possidair, e sajan *quellas* cittats, acio cha chi averà mazzâ ün oter, mütscha via là.

4. Ma quaist ais il cas del omicider, chi qua dess podair fügir, e salvar sia vita. Cur el averà mazzâ seis prossem ignorantamaing, non l'avand ödiâ viavant;

5. Sco scha, essendo it a god con seis prossem, per tagliar laina, e ch'el maina il man con la sgür per tagliar la laina, e l'fier vain our dal manch, e da via conter seis prossem, dasort ch'el moura; schi dess quel fügir in üna da quaistas cittats per salvar sia vita.

6. * Afin cha quel chi averà la rashun da vindichar il sang, non detta davo quel omicider, aviand il cour infogà, e non al sieua, in cas cha 'l chamin füss massa lung, e non il batta a mort; bain cha in el non *füss* güsta chaschun d'esser condannà a mort, non aviand el per il passà ödià *seis prossem*.

* Num. 35, 12.

7. Perquai comand eu a tai, cha tü 't mettast da part trais cittats.

8. E scha 'l Segner teis Deis slargia teis confins, sco el güret a teis babuns, e da a tai tuot il pajais ch'el dschet da dar a teis babuns;

9. Perquai cha tü vainst ad avair observà tuots quaists comandamaints, ils quals *eu* hoz dun a tai, per ils metter in ouvra, amand il Segner teis Deis, e chaminand in sias vias, da contin, schi * gionscha a tai pro quai-stas trais cittats trais otras; * Gios. 20, 7.

10. Acio cha non as spand' il sang del innozzaint in mez teis pajais, cha 'l Segner teis Deis da a tai per ierta; e cha tü non sajast culpabel d'omicidi.

11. Ma, cur qualehün, * ödiand seis prossem, l'averà guetâ sü, e füss sagli via, e l'avess battü a mort, dasort ch'el moura, e ch'el lura füss mütschâ in üna da quellas cittats, conter el.

* Gen. 9, 6. Ex. 21, 12. 14. Lev. 24, 17.

12. Schi dessan ils seniurs da sia città trametter al trar our da là, e 'l dar in man da quel chi averà la rashun da vindichar il sang, e dess morir.

13. Teis ögl non il dess schaniar; e piglia via d'Israel la cuolpa del sang innozzaint, ed a tai vain ad ir bain.

14. Non * moventar ils terms da teis prossem, ils quals ils vegls han tshantâ nell' ierta, cha tü vainst a possidair, nel pajais cha 'l Segner teis Deis da a tai da possidair.

* Os. 5, 10.

15. * Üna perdüta *suletta* non as dess presentar conter alchün, per *perdiit*-tar d'alchün' iniquità, o pucha eh' el ha commiss; saja il fat † verifichâ tras il dir da duos, o da trais testimoniis.

* Num. 35, 30. † Deut. 17, 6. Mat. 18, 16. Gioan. 8, 17.

16. Cur ün testimoni vain ad alvar sü conter alchün, per testimoniari conter el d'apostasia,

17. Schi as dessan presentar quels duos homens, tanter ils quals quella lita *sarà*, avant il Segner, nel conspet dels sacerdots, e dels güdischs, chi saran in quel temp;

18. E scha 'ls güdischs, dopo diligainta inquisiziun, chattan cha quella perdüta *saja* perdüta fosa, e ch'el haja testifichâ il fos conter seis frar;

19. * Schi 'l dessat far sco 'l avaiava deliberâ da far con seis frar, e piglia via il mal our da mez tai; * Prov. 19, 5.

20. Acio cha 'ls oters, udind *quaist*, temman; e cha da quel di inavant non as fetscha plü üna tal mala chosa in mez tai.

21. Teis ögl non il dess schaniar; * vita per vita, ögl per ögl, daint per daint, man per man, pè per pè.

* Ex. 21, 23. Mat. 5, 38.

CHAP. XX.

Che in guerra as dess observar, ant co far battaglia; e nels assedis dellas cittats dels inimis.

CUR tü vainst a trar our' in guerra conter teis inimis, e vainst a vair chavals, e charra, e pövel in plü grand number da tai, schi non tmair d'els; perche il Segner teis Deis, chi t'ha trat our dal pajais d'Egipto, *ais* con tai.

2. E cur vus gnis as approsmar per dar la battaglia, schi as dess il sacerdot far inavant, e tshantschar col pövel,

3. E'l dess dir: Taidla Israel! Vus eschat hoz dastrusch, a gnir in battaglia con voss inimis; cha vos cour non s'indeblescha; non tmarai e non *sajat* smarits, ne *hajat* spavent per temma d'els;

4. Perche il Segner vos Deis *ais* quel chi chamina con vus, per combatter per vos conter voss inimis, per as cussalvar.

5. Eir ils offizials dessan favlar al pövel, dschand: Chi ais quel chi haja edificâ üna chasa nouva, e non l' haja amo dedichada? Ch'el giaja, e tuorna a chasa sia, ch'el forse non moura nella battaglia, ed ün'oter dedichescha sia chasa.

6. E chi *ais* quel chi haja implantâ üna vigna, e non haja amo comanzâ a la gioidair in üs comün? Ch'el giaja, e tuorn' a chasa sia, ch'el forse non

moura nella battaglia, ed ün oter comainz' a la giodair.

7. E chi *ais* * quel chi haja spusâ üna muglier, e non l' haja amo manada? Ch' el giaja, e tuorn' a chasa sia, ch' el forse non moura nella battaglia, ed ün oter la maina.

* Vid. Ps. 20, 1. Deut. 24, 5.

8. Eir dessan ils offizials tsehantschar con il pövel, e dir: * Chi *ais* tmuoss, e da pac cour? Ch' el giaja, e tuorn' a chasa sia, afin cha seis frars non s' indebleschan da cour sco el.

* Güd. 7, 3.

9. E, dopo cha 'ls offizials averan fini da favlar al pövel, schi dessan els ordinar ils capos dellas truppas in cheu del pövel.

10. Cur tü vainst a gnir strusch ad üna città per la combatter, schi la dessast il prüm clamar a pasch;

11. E sch' ella at da risposta da pasch, e t' avra *las portas*, schi saja tuot il pövel, ch' in quella s' acchetterà, a tai tributari, e sogget;

12. Ma, sch' ella non fa pasch con tai, anzi guerraja conter tai, schi la dessast assediare.

13. Ed il Segner teis Deis vain a la dar in teis mans; lura dessast metter tuots ils maschels a fil da spada.

14. Butinar dessast a tai solum las femnas, ed ils pitschens infants, e 'l bestiam, e tuot quai ch' in la città sarà, tuot il butin da quella; e mangia del butin da teis inimis, cha 'l Segner teis Deis t' averà dat.

15. Usche fà con tuot las cittats, chi *saran* fich lontanassas da tai, chi non *saran* dellas cittats da quaists pövels;

16. Ma dellas * cittats da quaists pövels, las qualas il Segner teis Deis per ierta da a tai, non cussalvar in vita ingün' orma vivainta; * Num. 33, 52.

17. Anzi, dessast dafatta sdrür quels *pövels* al müd del interdit; ils Hetits, ed ils Amorits, e Cananits, e Feresits, ed ils Hevits, ed ils Jebusits; sco 'l Segner teis Deis t' ha comandà;

18. Acfo cha non s' ammassan a far seguond tuot lur abominaziuns, ch' els han üsà vers lur deis, e cha vus non pechat conter il Segner vos Deis.

19. Cur tü vainst lung temp a tgnair l' assedi ad üna città, la combattand,

per la tour, schi non guastar la boſcha da quella, manand la sgür conter quella; perche da quella vainst a podair mangiar, e pertant non la tagliar; perche ais forse il bösch della champagna ün hom, per intrar dadaint la fortezza, *fugind* via avant tai?

20. Solum dessast podair guastar, e tagliar la boſcha, cha tü cognoschast non esser boſcha da mangiar; e possast fabrichar quai cha sarà necessari al assedi della città, chi guerreggiarà conter tai, fin ch' ella 's renda.

CHAP. XXI.

Ledschas del omicidi, l' autur del qual ais non contschaint. Co tour üna muglier fatta preschun. Drets della primogenitura. Paina del infant disobediunt. E da sepolir ils corps dels appichats.

CUR s' acchatterà süin la terra, cha 'l Segner teis Deis da a tai a possidair, ün crastian mazzâ, chi giaschess süin la champagna, *sainza ch' ün* sapcha chi 'l haja mazzâ;

2. Schi dessan ir oura teis seniurs, e teis güdischs, e masürar *il spazi* cha sarà fin pro las cittats chi *sun* intuorn quel.

3. Lura dessan tour ils seniurs della città plü vicina del ammazzâ üna trimma, con la quala non saja lavurà *la terra*, chi non haja trat suot giuf.

4. Ed ils seniurs da quella città dessan manar quella trimma in üna val deserta, nella quala non as lavura, ne as semna, e qua nella val dessan els tagliar il colöz alla trimma;

5. Eir dessan gnir ils sacerdots, figls da Levi; perche cha 'l Segner teis Deis ils ha eletts per far seis servezen, e per benedir in nom del Segner, e seguond lur pled ha d' esser güdichada qualunque lita, e qualunque plaja.

6. E tuots ils seniurs da quella città, plü vicins del ammazzâ, as dessan lavar ils mans sur quella trimma, alla quala ais stat tagliâ il colöz nella val;

7. E dessan protestar, e dir: Noss mans non han spans quai sang; eir noss ögls non l' han vis *spander*.

8. O Segner, sajast grazius vers teis pövel Israel, il qual tü hast spendrà,

e non permetter, *cha saja*, in mez da teis pövel Israel, *cuolpa da sang* innozzaint *spans*. Usche sarà quel sang purgiâ, quant ad els.

9. E tû averast tut via *la cuolpa del sang* innozzaint our da mez tai, cur tû averast fat quai cha plasch' al Segner.

10. Cur tû sarast trat our' in guerra conter teis inimis, e cha 'l Segner teis Deis ils averà dats a tai nels manse tû avessast manâ preschunêrs;

11. E tû tanter ils preschunêrs vezzessast üna duonna da bella forma, e la portessast amur, e tû la volessast tour per muglier;

12. Schi la dessast manar aint da daint tia chasa, ed ella as dess rajar il cheu, ed as tschuncar las unglas,

13. E metter d'avent d' ella ils abits, nels quals ella füt praisa, e dmura in chasa tia, e planscha seis bap, e sia mamma, ün mais intêr; lura dessast podair intrar pro ella; e dormir con ella, ed ella sarà a tai per muglier.

14. E scha dvainta, ch' ella non at daletta plü, schi la dessast tramettet oura a tia voluntà; e non la vender per danêrs in alehtün möd; non far traffic con ella, perche tû l' hast tutta la verginità.

15. Cür ün hom averà duos mugliers, *dellas quallas* l' üna *füss* amada, e l' otra ödiada, e l' amada e l' ödiada l' avessan parturi figls, e cha 'l primogenit füss dell' ödiada;

16. Nel di ch' el vain a partir l' ierta da seis bains a seis infants, schi non dess el podair far primogenit il figl dell' amada, il mettand ant co 'l figl dell' ödiada, *chi füss* il primogenit;

17. Anzi dess arcognoscher il primogenit, il figl dell' ödiada, per al dar la part da duos, in tuot quai ch' el as chatterà d' avair; * perche el ais il principi da sia forza; ad el *appertegnan* ils drets della primogenitura.

* Gen. 49, 3.

18. Cur alehtün averà ün infant pervers e rebell, il qual non obedescha alla vusch da seis bap, ne alla vusch da sia mamma, e combain ch' els l' avessan chastiâ, el impero non als obedescha;

19. Schi 'l dessan tour seis bap, e sia mamma, e 'l manar oura pro 'ls seniurs da sia città, ed alla porta da seis lö;

20. E dessan dir als seniurs da sia città: Quaist nos infant *ais* pervers e rebell; el non vül obedir a nossa vusch; el ais gulard ed avriard;

21. E tuot la gliend da sia città il dessan con peidras accrappar, dasort ch' el moura, ed *usche* piglia via il mal our da mez tai, acio cha tuot Israel oda, e temma.

22. Ma, cur alehtün füss reo d' alehtün fal capital, e tû l' avessast picchâ vi' al lain;

23. * Schi non dess seis corp mort dmurar sül lain, la not fin la daman, anzi il dessast a tuotta via sepolir in quel istess di; perche l' appendü *ais* in execraziun a Dieu; e non impalar il pajais, cha 'l Segner teis Deis da a tai a possidair.

* Gios. 10, 26.

CHAP. XXII.

Davart la charità vers il prossem, ed onestà nella vestimainta. Paina da quel chi ingüstamaing acchüsa sia muglier. Paina dels adulter, ed incestuus.

SCHA tû vezzast * giand ad erramaint il bov, o la nuorsa da teis frar, schi non at retrar d'avent da quels; tû 'ls dessast a tuotta via condür pro teis frar.

* Ex. 23, 4.

2. E scha teis frar non t' *ais* vashin, o scha tû non il cognoschast, schi raspa quels aint in tia chasa, e dessan dmurar pro tai, fin cha teis frar ils domanda, e lura turnainta 'ls ad el.

3. Ed il sumgiant fà con seis asen, e con seis vestimaint, e con ogni chosa, cha teis frar averà pers, e cha tû avessast chattâ; tû non dessast podair at retrar d'avent.

4. Scha tû vezzast l' asen da teis frar, o seis bov, dat giò nella strada, schi non at retrar d'avent; tû dessast a tuotta via at sfadiar con el a 'l alvantar sù.

5. La duonna non dess portar in döss abit dad hom; eir l' hom non dess trar aint vestimainta da duonna; perche chi fa da tal sort chosas *ais* in abomini al Segner teis Deis.

6. Cur tû vainst avant tai nella via

a scontrar, sün qualcha bösch, o sün la terra, ün gnieu d'utschels, con pitschens utschlins, o con ils ouvs laint, ed insembel la mamma chi euva ils pitschens utschlins, o ils ouvs; schi non tour la mamma cols giuvens;

7. La mamma dessast a tuotta via laschar ir, e tour a tai ils pitschens; acio chi 't giaja bain, e cha tü prolungast *teis* dis.

8. Cur tü vainst ad edificar üna chasa nouva, schi fà üna spuonda in tuorn teis tet, e non metter sang sur tia chasa, in cas ch' alchün dess giò a bass.

9. * Non implantar tia vigna da diversas species, acio cha la vinemia non saja contaminada, las vits cha tü avessast implantâ, e la rendita della vigna. * Lev. 19, 19.

10. Non arar con ün bov e con ün asen insembel.

11. Non at trar aint vestimainta masdada, tesüda con lana e glin, insembel.

12. * Tü dessast far a tai urs nels quatter cheus da tia chappa, con la quala tü at covernast. * Num. 15, 38.

13. Cur alchün averà tut üna muglier, e füss intrat pro ella, e lura pigless a la volair mal;

14. El' imbüttess chosas, chi gnissan a dar chaschun ch' ün straparless dad ella, e metless oura mala fama conter ella, e dschess: Eu avaiuva tut quaista muglier, ma, essendo ad ella approsimâ, schi non l' ha eu chattada vergina;

15. Lura dessan tour il bap e la mamma della giuvna *il signal della* verginità da quella, e 'l prodür avant ils seniurs della città, nella porta;

16. Ed il bap della giuvna dess dir als seniurs: Mia figlia avaiuv' eu dat per muglier a quaist hom, ed el ha tut a l' ödiar;

17. E mera, el l' ha missa sü chosas, chi dan chaschun ch' ün straparla, dschand: Eu non ha chattâ tia figlia vergina; ed impero, mera *il signal della* verginità da mia figlia. E quel linzöl dessan els stender oura avant ils seniurs della città.

18. Lura dessan ils seniurs da quel-

la città tour quel hom, e 'l chastiar con bottas;

19. Ed il condannar a tschient *siccals* d' argient da falla, ils quals dessan gnir dats al bap della giuvna, per quai ch' el ha laschâ oura üna mala fama conter üna vergina d' Israel; e saja *quella* ad el sia muglier, ed el non possa mâ in vita sia la trametter d'avent.

20. Ma, scha la chosa ais vaira, *cha* quella giuvna non saja statta chatta-da vergina;

21. Schi la dessan els trar oura pro la porta da seis bap, e la gliend da sia città la dessan accrappar con peidras, dasort ch' ella moura; per quai ch' ella ha commiss ün at vergognus in Israel, commettand fornicaziun in chasa da seis bap. Ed *usche* piglia via il mal our da mez tai.

22. * Cür ün hom sarà chattâ, dormind con üna duonna maridada, schi dessan amenduos morir, l' hom chi averà dormi con la duonna, e la duonna; ed *usche* piglia via il mal our d' Israel. * Lev. 20, 10.

23. Cur üna giuvna vergina sarà spusada ad ün hom, ed ün *oter*, la chattand nella città, averà dormi con ella;

24. Schi 'ls dessat manar amenduos oura pro la porta da quella città, ed accrappâ-'ls con peidras, da sort cha mouran; la giuvna, per ch' ella non averà bragi, *essendo* nella città, e l' hom, per ch' el averà sforzâ la muglier da seis prossem. Ed *usche* piglia via il mal our da mez tai.

25. Ma, scha l' hom chatta sün la cuttüra üna giuvna spusa, e la piglia a forza, e dorma con ella; schi dess l' hom sulet morir, chi con ella averà dormi;

26. Ma alla giuvna non far inguotta; ella non ha cuolpa degna da mort; perche quaist fat *ais* tal, seo sch' alchün alvess sü conter seis prossem, e 'l mazdess;

27. Perche, aviand el chattâ quella giuvna spusa, sün la cuttüra, combain ch' ella averà bragi, schi non l' ha ingün salvada.

28. Cur alchün chattess üna giuvna vergina, chi non *füss* spusa, e gniss

a la tour, e dormir con ella, e füssan chattats;

29. * Schi dess l'hom, chi averà dormi con la giuvna, dar al bap da quella tschinquanta sicca d'argient, e quella saja ad el per muglier; perche el l'ha sverginada; el non la dess mâ podair in temp da vita sia trametter d'avent. * Ex. 22, 16.

30. * Alchün non dess tour la muglier da seis bap, e non scovernar l'ur da seis bap. * Lev. 18, 8. 20, 11.

CHAP. XXIII.

Quels chi non dessan intrar nella raspada del Segner. Fügir tuot pitanögn. Non imprastar sün usura. Da pajar ils vuts. Quai chi's po tour, passand tras il champ, o vigna del prosem.

NELLA raspada del Segner non dess intrar alchün, chi haja ils testieuls smachats, o tagliats oura.

2. Ingün nat da publica pitana non dess intrar nella raspada del Segner; ingün dels seis, fin alla deschavla generaziun, non dess intrar nella raspada del Segner.

3. * L'Ammonit, ne l' Moabit, non dessan intrar nella raspada del Segner; ingün da lur descendenza in perpetuo, neir fin alla deschavla generaziun, non dess intrar nella raspada del Segner; * Neem. 13, 1.

4. Perquai ch'els non gnittan in conter a vus con pan e con aua, nel chamin, cur vus gnittat our d'Egipto, e perche ch'els per pretsch finettan sù conter vus Bileam, figl da Beor, da Petor da Mesopotamia, per as smaledir.

5. Ma l' Segner teis Deis non volet tadlar a Bileam; anzi at volvet il Segner teis Deis la maledicziun in benedicziun; perquai cha l' Segner teis Deis at voul bain.

6. Ma non tscherchar, in temp da vita tia, la pasch, o il bain lur.

7. L' Idumeer non abominar; perche el aïs teis frar; non abominar l'Egipter; perche tü est stat forestèr in seis pajais.

8. La terza generaziun dels figls, chi nascheran ad els, dess podair intrar nella raspada del Segner.

9. Cur tü tirast our' in guerra conter teis inimis, schi t' perchüra d'ogni mala chosa.

10. Scha in mez tai ais alchün chi saja malnet, tras alchün accidaint scontrâ nella not, schi dess el ir our dal champ, e non dess intrar nel champ.

11. Ma stül far della saira as dess el lavar con aua, e lura, cur il solai ais tramuntâ, schi dess el podair turnar aint nel champ.

12. Il medem dessast avoir ün lö dadour il champ, pro l' qual tü giast *per teis* bsögn.

13. E tanter tias üsaglias hajast üna zappetta, con la quala, cur tü vainst our dadoura at tschantar giò, tü fet-schast üna foura in terra, e lura dessast covernar teis excremains.

14. Perche il Segner teis Deis chamina in mez teis champ, per at salvar, e per metter teis inimis in teis podair; perquai saja teis champ sanct, e *fà* ch'el non vezz' alchüna sporcharia in tai, pelqual el as volva d'avent da tai.

15. Il famagl, chi sarà fügi pro tai d'avent da seis patrun, non dar in man da seis patrun;

16. Pro tai dess el dmurar, in mez tai, nel lö ch'el averà tschernü, in qualunque da tias cittats, chi l' plaschess; non al far forza.

17. Intanter las figlias d'Israel non saja a vus alchüna pitana; il medem non saja a vus alchün pitanêr tanter ils figls d'Israel.

18. Non portar aint pro la chasa del Segner teis Deis, per alchün vut, guadagn della pitana, ne l' pretsch d'ün chan; perche amenduos *sun* chosa abominabla al Segner teis Deis.

19. * Non imprastar a teis frar sün usura, ne danêrs, ne victualia, ne chos' alchüna, chi s'impraista sün usura. * Ex. 22, 25. Lev. 25, 35.

20. Impraista sün usur' al ester, ma na a teis frar; acio cha l' Segner teis Deis at benedescha in tuot quai, vi' a che tü vainst a metter il man, nel pajais, nel qual tü intrast per il possidair.

21. * Cur tü averast fat ün vut al Segner teis Deis, schi non intardar da l' complir; perche l' Segner teis Deis vain per tschert a domandar *quint* da tai, e pucha gniss ad esser in tai.

* Num. 30, 2. Ecc. 5, 4.

22. Impero, scha tü interlaschast da far vut, schi pucha non sarà in tai.

23. Observa, e fà quai cha at sarà it our dals lefs, seguond cha tü voluntariamaing averast vutâ al Segner teis Deis, sco tü averast pronunziâ con tia bocca.

24. Cur tü intrerast nella vigna da teis prossem, schi dessast tenor tia vöglià podair mangiar üjas a sazie-tà; ma non metter in teis vaschè.

25. * Cur tü intrerast per mez la früja da teis prossem, schi dessast podair rumper giò spias col man; ma non metter la fotsch nella früja da teis prossem.

* Mat. 12, 1.

CHAP. XXIV.

D'üna duonna spartida, e maridada con ün oter. Libertà da quel chi dincuort ais maridâ. Da pajar dalunga als mercenaris. Dalla güstia, e charità vers ils povers.

CUR alchün averà tut üna muglier, ed averà abitâ con ella; sch'ella lura non al plascha, perche ch'el averà chattâ in ella alchüna chosa trida; * schi la dess el scriver la charta da spartizun, e la dar in man; ed usche la dess el trametter our da sia chasa.

* Mat. 5, 31.

2. E sch'ella, essendo id' our da chasa da quel, e's partind, as marida con ün oter hom;

3. E scha quaist ultim marit piglia a l'ödiar, e la scriva la charta da spartizun, e la da ad ella in man, e la tramett' our da sia chasa, ovvero scha quaist ultim marit, chi l'avaiva tutta per muglier, moura;

4. Schi non dess seis prüm marit, il qual l'avaiva tramissa d'avent, podair turnar a la tour per esser sia muglier, daspö ch'el averà fat ch'ella saja impalada; perche quai *ais* chosa abominabla nel conspet del Segner, e non far, cha usche il pajais cha'l Segner teis Deis da a tai in ierta, saja reo da pucha.

5. * Cur alchün danöv averà tut üna muglier, schi non dess el trar alla guerra, e non al saja miss sü alchüna chosa da far; ch'el stetta exemt in chasa sia ün an, e fetscha star eir leigra sia muglier, ch'el averà tut.

* Deut. 20, 7.

6. *Alchün* non dess tour mulins in

pain, neir bricha la moula sura; perche el gniss a tour in pain la vita *da seis prossem*.

7. * Cur s'acchatterà alchün, chi haja involâ ün crastian tanter seis frars, figls d'Israel, ed haja fat traffic *con el*, e'l haja vendü, schi dess quel lader morir, e piglia il mal our da mez tai.

* Exod. 21, 16.

8. At fà surasen nella plaja della levrusia, observand diligiaintamaing da far seguond tuot quai cha'ls sacerdots levits s'averan mossâ; hajast stüdi da far, * sco eu ad els ha comandâ.

* Lev. 13 e 14.

9. At regorda da quai, cha'l Segner teis Deis * fet con Miriam, sül chamin, daspö cha vus füttat its our d'Egipto.

* Num. 12, 10.

10. Cur tü farast alchün impraist a teis prossem, schi non intrar in sia chasa, per tour pain dad el.

11. Tü dessast star quour dadoura, e quel, al qual tü farast l'impraist, dess portar our'il pain a tai.

12. E sch'el *ais* hom pover, schi non at metter a dormir, aviand amo seis pain.

13. Il pain al dessast a tuotta via cussnar al tramuntar del solai; acio ch'el possa dormir in seis pans, e't benedescha, e *quai* sarà a tai güstia nel conspet del Segner teis Deis.

14. Tü * non dessast ingiannar il pover mercenari, e bsögnus, saja *chi ch'el vuol*, da teis frars, o dels forestêrs, chi *saran* in teis pajais, dadaint tias portas.

15. Dà ad el sia mercede in seis di, e'l solai non tramunta ant cha tü l'hajast datta; siand ch'el *ais* pover, e cha vi' a quella as sustain sia vita; acio ch'el non braja vi'al Segner conter tai, e cha qua non saja pucha in tai.

16. * Ils baps non as dess far morir per ils infants, ne'ls infants per ils baps; scodün dess gnir fat morir per seis *propri* pucha.

* 2 Reg. 14, 6. Ger. 31, 30.

17. * Non storscher la raschun del forestêr, *ne* del orfan, e non tour in pain ils pans della vaidgua.

Es. 1, 23. Zach. 7, 10.

18. Ma at regorda, cha tü est stat serv in Egipto, e cha'l Segner teis Deis t'ha spendrà; perquai comand eu a tai, cha tü fetschast quaist.

19. * Cur tü averast tsehunc tia raccolta in teis champ, ed averast smanchâ alchüna manna nel champ, schi non turnar inavo per la tour; saja *quella* per il forestêr, per l' orfan, e per la vaidgua; acio cha'l Segner teis Deis at benedescha in tuot la lavur da teis mans. * Lev. 19, 9.

20. Cur tü averast squassâ giò teis olivêrs, schi non tseherchar da ram in ram *quai cha sarà restâ* davo tai, e saja per il forestêr, per l' orfan, e per la vaidgua.

21. Cur tü averast vindemiâ tia vigna, schi non spiclar ils zocs *restats* davo tai, e sajan per il forestêr, per l' orfan, e per la vaidgua.

22. E't regorda, cha tü est stat serv nel pajais d' Egipto; perquai at comand eu, cha tü fetschast quaist.

CHAP. XXV.

L' offzi dels güdichs vers ils delinquents. Sdruvagliar sü sem a seis frar. Dalla duonna, chi in üna dispitta, tshüffa ün hom per la tuorp. Paisa e masüra güsta. Sdrür ils Amalecits.

CUR dispitta sarà tanter alchüns, e ch' els vegnan in güdizi, schi 'ls dessan *ils güdichs* güdichar, ed il güst güstifichar, ed il reo condannar.

2. E scha'l reo ha meritâ d' esser battü, schi'l dess il güdich far bütta a terra, e batter in sia presenza, seguond il merit da seis misfat, con *tshert* number *da bottas*.

3. * Quaranta bottas al dess el far dar, e na plüs; cha bricha, sch' el continuess al far dar üna granda botta, ultra quaist number, teis frar gniss tgnü vil in teis conspet. * 2Cor. 11, 24.

4. * Non metter boccal al bov in bocca, tant ch' el seuda. * 1Cor. 9, 9.

5. Cur alchüns frars dmureran insambel, ed ün da quels moriss sainz' infants, schi non as dess la muglier del mort maridar oura ad ün hom ester; * seis quinà dess gnir pro ella, e la tour per muglier, e la spusa per rashun da quinà. * Marc. 12, 19.

6. Ed il primogenit, ch' ella parturirà, naseha a nom del frar mort del

marit; acio cha seis nom non saja chassâ in Israel.

7. Ma, * scha non plasch' a quel da tour sia quinada, schi dess sia quinada ir pro la porta, pro 'ls seniurs, e dir: Meis quinà rechüsa da sdasdar sü nom a seis frar in Israel; el non am voul spusar per rashun da quinà.

* Rut. 4, 7.

8. Lura il dessan clamar ils seniurs da sia città, e tsehantschar con el, e sch' el, as presentand, disch: E non am plascha da la tour;

9. Schi as dess sia quinada approssimar via pro el, nel conspet dels seniurs, e trar sia scharpa ad el our da pè, e'l spüdar nella vista. Lura ch'ella protesta, e dia: Usche dess gnir fat col hom, chi non edificherà la chasa da seis frar.

10. Ed ad el dess gnir miss nom in Israel: La chasa del pè seuz.

11. Cur alchüns as disputeran insambel l' ün conter l' oter, e la muglier del ün s' approssimerà per deliblar seis marit dal man da quel chi'l batta, e ch' ella stenderà il man, e 'l pigliarà per sia tuorp;

12. Schi la dessast tagliar giò il man; teis ögl non alla dess perdunar.

13. * In teis sachet non avoir paisa e paisa; granda e pitschna. * Lev. 19, 35. 36.

14. Non avoir in chasa efa ed efa, grand e pitschen.

15. Hajast paisa intêra e güsta, ed il medem efa intêr e güst; acio cha teis dis sajan prolungunats sur la terra, cha 'l Segner teis Deis da a tai;

16. Perche * scodün chi fa da tal sort chosas, chi fa iniquità, *ais in* abominaziun al Segner teis Deis.

* Prov. 11, 1.

17. At regorda da quai cha't fet * Amalec sün la via, dopo cha vus fütat gnüts our d' Egipto;

* Ex. 17, 8.

18. Co el gnit a't incontrar sül chamin, e battet nella cua tuot las personas debblas *chi* gnivân davo tai, essendo tü stangel, e travagliâ; e non tmet Dieu.

19. Perquai, * cur il Segner teis Deis t' averà dat pos da tuot teis inimis da pertuot intuorn, nel pajais cha 'l Segner teis Deis da a tai per

ierta per il possidair; schi chassa la memoria d'Amalee our suot il tsel; non il smanchar.

* 1 Sam. 15, 3.

CHAP. XXVI.

L' offerta dels prüms früts, e deschmas d' ogni terz an. Admoniziun, co Dieu haja fat üna lia cols infants d' Israel.

MA, cur tü sarast intrat nel pajais, cha 'l Segner teis Deis da a tai per ierta, e 'l possiderast, ed abiterast laint;

2. * Schi piglia dellas primizias da tuots ils früts della terra, cha tü fast nascher our dalla terra, cha 'l Segner teis Deis da a tai, e mett'las in ün chanaster, e vâ pro 'l lö, cha 'l Segner teis Deis averà tschernü, per stazionar qua seis nom.

* Ex. 23, 19. Deut. 16, 10.

3. E vâ pro 'l sacerdot, chi sarà in quels dis, e di ad el: Hoz fetsch eu publica recognoschenscha al Segner teis Deis, da quai ch' eu sun intrat nel pajais, del qual il Segner avaiva gürâ a noss babuns, ch' el gniss ans dar.

4. Lura piglia il sacerdot quel chanaster da teis man, e 'l tshainta giò avant l' utêr del Segner teis Deis.

5. Davo quai responsa e di avant il Segner teis Deis: Meis bap *eira* ün pover Sirer, * e con pac pövel gnit el giò in Egipto, e qua dmuret el tant co ester, e qua dvantet el üna naziun granda, potainta e numerosa. * Gen. 46, 1.

6. Ed ils Egipters ans trattettan mal, e 'ns affligettan, e mettettan üna düra servitü sur nus.

7. * Contuot bragittan nus pro 'l Segner, il Deis da noss babuns; ed il Segner exodit nossa vusch, e guardet sün noss' afflicziun, e sün nossa lavur, e sün noss' oppressiun;

* Ex. 2, 23.

8. E 'ns tret our d' Egipto con man potaint, e con bratsch stais, e con grand spavent, e con miraculs, e con strangezzas;

9. E 'ns ha condüts in quaist lö, e 'ns ha dat quaist pajais, ün pajais *chi* cula da lat e meil.

10. Uossa dimena, mera, eu ha portâ las primizias dels früts della terra, cha tü, Segner, m' hast dat. E tshain-

ta quel *chanaster* avant il Segner teis Deis, ed adura avant il Segner teis Deis;

11. E t' alleigra da tuot il bain, cha 'l Segner teis Deis averà dat a tai, ed a tia chasa, tü, e 'l levit, e 'l forestêr, *chi* sarà in mez tai.

12. Cur tü averast fini da tour sü tuot las deschmas da ti' intrada, * nel terz an, *chi* ais l' an dellas deschmas, e las averast dattas al levit, al forestêr, al orfan, ed alla vaidgua, e ch' els las averan mangiadas dadaint tias portas, e saran sadolats;

* Deut. 14, 28.

13. Schi di lura nel conspet del Segner teis Deis: Eu ha tut via da chasa *mia* quai chi ais sacro, e l' ha dat al levit, ed al forestêr, ed al orfan, ed alla vaidgua; plainamaing seguond teis * comandamaint, cha tü m' hast fat; eu non ha surpassâ teis comandamaints, e non ils ha smanchats;

* Deut. 14, 27.

14. Eu non ha mangiâ da quel in meis cordöli, e non ha tut *inguotta* per l' *impuonder* in üs malnet, e non ha dat *inguotta* per alchün mort; eu ha obedi alla vusch del Segner meis Deis, eu ha fat interamaing sco tü m' hast comandâ.

15. Guarda giò dall' abitaziun da tia santità, dal tsel, e benedescha teis pövel Israel, e la terra, cha tü 'ns hast dat, sco tü gürettast a noss babuns, terra chi cula da lat e meil;

16. Hoz il Segner teis Deis comand' a tai, da metter in ouvra quaists statuts e quaistas ledschas; pertant las dessast observar, e las metter in ouvra, con tuot teis cour, e con tuot ti' orma.

17. Hoz hast impromiss al Segner, ch' el dess a tai esser Deis, e cha tü vögliast chaminar in sias vias, ed observar teis statuts, e seis comandamaints, e sias ledschas, ed obedir a sia vusch.

18. Ed a tai ha eir il Segner impromiss, * cha tü 'l dessast esser ün pövel peculiar, sco el ha dit a tai, e cha tü dessast observar tuots seis comandamaints,

* Ex. 19, 5. Deut. 7, 6.

19. E ch' el vegna at ozar fieh ot, sur tuot las naziuns ch' el ha creâ, e

metter tai in lod, in fama ed in gloria, e cha tû dessast esser ün pövel sanct al Segner teis Deis; seo el ha favlâ.

CHAP. XXVII.

Da drizzar sù tschertas peidras, ed ün utêr, stand passats il Giordan. Benedicziuns sül munt Garizim. Maledicziuns sül munt Ebal.

MA Mose, cols seniurs d' Israel, comandet, e dschet al pövel: Observai tuots ils comandamaints, ils quals eu hoz dun a vus.

2. E nel di, cha gnis ad esser passats il Giordan, *per intrar* nel pajais, cha 'l Segner vos Deis da a vus, schi * at dessast drizzar sù peidras grandas, e las liar giò con cutschina.

* Gios. 8, 32.

3. E sün quellas dessast scriver tuots ils pleds da quaista ledscha, dopo cha tû sarast passâ, per intrar nel pajais cha 'l Segner teis Deis da a tai, pajais culand da lat e meil; seo 'l Segner, Deis da teis babuns, ha favlâ a tai.

4. Cur vus dimena sarat passats il Giordan, schi 's dessast drizzar sù quaistas peidras, las qualas eu hoz comand a vus, sül munt Ebal, e liâ-las giò con cutschina.

5. Qua dessast tû eir edificar ün utêr al Segner teis Deis, ün utêr da crap; non far passar fier sur quel.

6. L' utêr del Segner teis Deis dessast edificar con peidras intêras; ed offerra sün quel olocausts al Segner teis Deis.

7. Qua dessast eir sacrificar sacrificis d' ingraziamaint,* e mangia, e t' alleigr' avant il Segner teis Deis.

8. E sün quellas peidras dessast scriver tuots ils pleds da quaista ledscha cleramaing, e bain.

9. Mose, eir cols sacerdots levits, favlet a tuot Israel, dschand: Taidla ed oda, Israel: Hoz est dvantâ ün pövel del Segner teis Deis.

10. Contuot, obedesch' alla vusch del Segner teis Deis, e mett' in ouvra seis comandamaints, e seis statuts, ils quals eu hoz dun a tai.

11. In quel istess di comandet eir Mose, e dschet al pövel:

12. Qualchüns *da vus* dessan star

sül munt Garizim, per benedir il pövel, cur vus sarat passats il Giordan; *cioè della schlatta da Simeon, da Levi, da Giuda, d' Issaschar, da Giosesef, e da Benjamin;*

13. E 'ls oters dessan star sül munt Ebal, per *pronunziar* la maledicziun, *cioè della schlatta da Ruben, da Gad, dad Asser, da Zebulon, da Dan, e da Naftali.*

14. Ma 'ls levits dessan tschantschar, e dir ad ota vusch con tuots ils Israelits:

15. Maladet *saja* l' hom, chi averà fat figür' intagliada, o statua culada, *chi ais* chos' abominabla al Segner, ouvra da man d' artischan; e l' averà tschantada in lö secret. E tuot il pövel dess responder: Amen.

16. Maladet *saja* chi spretscha seis bap, o sia mamma. E tuot il pövel dess dir: Amen.

17. Maledet *saja* chi movaint' ils terms da seis prossem. E tuot il pövel dess dir: Amen.

18. Maledet *saja* chi stravia l' orb. E tuot il pövel dess dir: Amen.

19. Maledet *saja* chi storscha la raschun del forestêr, del orfan, e della vaidgua. E tuot il pövel dess dir: Amen.

20. Maledet *saja* chi dorma con la muglier da seis bap; perche ch' el scovernâ l' ur da seis bap. E tuot il pövel dess dir: Amen.

21. Maledet *saja* chi's congionscha con alchüna bestia. E tuot il pövel dess dir: Amen.

22. Maledet *saja* chi dorma con sia sour, figlia da seis bap, o figlia da sia mamma. E tuot il pövel dess dir: Amen.

23. Maledet *saja* chi dorma con sia söra. E tuot il pövel dess dir: Amen.

24. Maledet *saja* chi mazza seis prossem adascus. E tuot il pövel dess dir: Amen.

25. Maledet *saja* chi piglia presaints per far morir l' innozaint. E tuot il pövel dess dir: Amen.

26. * Maledet *saja* chi non averà salvâ ils pleds da quaista ledscha, per ils metter in ouvra. E tuot il pövel dess dir: Amen.

* Gal. 3, 10.

CHAP. XXVIII.

Impromissiuus als infants d'Israel, ch' els guardan oura, e fetschan ils comandamaints del Segner. Ed innatschas ingio els quels surpissan.

MA vain a dvantar, scha pür tü obedeschast alla vusch del Segner teis Deis, per observar a metter in ouvra tuots seis comandamaints, ils quals eu hoz dun a tai, cha'l Segner vain at adozer fich ot, sur tuottas naziuns della terra.

2. E quaistas benedicziuns tuottas vegnan a gnir sur tai, ed at sieuer; perquai cha tü averast obedi alla vusch del Segner Deis.

3. Benedi *sarast* tü nella città; benedi *sarast* tü eir nella cuttüra.

4. Il früt da teis vainter *sarà* benedi, e'l früt da tia terra, e'l früt da teis bestiam; ils parts da tias vachas, e las scossas da tia bescha.

5. Teis chanaster *sarà* benedi, e teis zaiver.

6. Tü *sarast* benedi in teis intrar, e benedi in teis uschir.

7. Il Segner metterà teis inimis, chi saran alvats sü conter tai in daruotta; e'ls darà battüts avant tai; per üna strada vegnan els a trar oura conter tai, e per set stradas vegnan els a mütschar davent our davant tai.

8. Il Segner ordinerà alla benedicziun, ch'ella *saja* con tai, in teis granêrs, ed in tuot quai vi'a che tü metterast il man, e't benedirà nella terra, cha'l Segner teis Deis da a tai.

9. Il Segner stabilirà tai, per *esser* ad el ün pövel sanet, sco el t'ha gürâ, cur tü observerast ils comandamaints del Segner teis Deis, e chaminerast in sias vias.

10. E tuots ils pövels della terra vegnan a vair, cha vus portais il nom del Segner, e vegnan as tmair da tai.

11. Ed il Segner teis Deis at farà abundant in bains, nel früt da teis vainter, nel früt da teis bestiam, e nel früt da tia terra, nel pajais, del qual el güret a teis babuns, ch'el gniss al dar a tai.

12. Il Segner vain ad avrir sü a tai seis bun tesor, il tshel; per dar

a tia terra sia plövgia a seis temp, e per benedir tuot la lavur da teis mans, e tü vainst ad imprastar vi'ablers pövels, ma tü non vainst a tour ad impraist inguotta.

13. Il Segner at metterà per cheu, e na per eua, e mâ non sarast oter co suravia, e na giosuot; cur tü obedirast als comandamaints del Segner teis Deis, ils quals eu hoz dun a tai, per *ils* observar, e per *ils* metter in ouvra;

14. E non at voverast, ne da dretta, ne da snestra, d'alchüna dellas chosas, ch'eu hoz comand a tai, per ir davo ad oters deis, per als servir.

15. * Ma, scha tü non obedeschast alla vusch del Segner teis Deis, per observar, a metter in ouvra tuots seis comandamaints, e seis statuts, ils quals eu hoz dun a tai; schidvunterà, cha tuot quaistas maledicziuns vegnan a gnir sur tai, ed at sieuer.

* Lev. 26, 14. Lam. 2, 17.

16. Maledet *sarast* tü nella città, eir maledet *sarast* nella cuttüra.

17. Teis chanaster *sarà* maledet, e teis zaiver.

18. Maledet *sarà* il früt da teis vainter, e'l früt da tia terra; ils parts da tias vachas, e las scossas da tia bescha.

19. Tü *sarast* maledet in teis intrar, e maledet in teis uschir.

20. Il Segner trametterà conter tai la maledicziun, la dissipaziun, e la perdiziun, in ogni chosa, alla quala tü metterast il man, e la quala tü farast; fin cha tü *sarast* sdrüt, e subitamaing it a perder, per la malizia da teis fats; perquai cha tü m'averast bandunâ.

21. Il Segner farà, cha la mortalità s'attacherà vi'a tai, fin ch'el t'haja consumâ our dalla terra, nella quala tü intrast per la possidair.

22. Il Segner at batterà con ftisia, e con şchalmana, e con feivra, e con infiammaziun, con sechüra, e con arsüra, e con gialdüm; chi't perseguitteran, fin cha tü sajast peri.

23. * E teis tshel, chi *sarà* sur teis cheu, *sarà* d'aram, e la terra, chi *sarà* suot tai, *sarà* da fier.

* Lev. 26, 19.

24. Il Segner trametterà a tia terra,

in lö da plövgia, puolvra e tschen-dra, *la quala* croderà sur tai giò da tschel, fin cha tü sajast sterminà.

25. Il Segner at metterà in deruotta, e 't darà battü avant teis inimis; per üna strada vainst tü a trar oura conter els, ma tras set stradas vainst tü a fùgir davant els, e sarast smanà per tuots ils reginams della terra;

26. E teis corps morts saran per spaisa ad ogni utschè del tschel, ed allas bestias della champagna, sainza ch' alchün las spavainta.

27. Il Segner at batterà con bignuns * d' Egipto, con flüss da sang, e con ruogna, e con plüra secha, dinuonder tü non poderast guarir. * Ex. 9, 9.

28. Il Segner at batterà con matanzia, e con orbantüm, e con tremblazun del cour;

29. E vainst ad ir palpand nel mezdi, sco l' orb va palpand nella schürezza, ed in tias vias non averast ventüra, e da contin non sarast oter co squitschà suot, e sgiarbà; e non sarà alchün chi 't salva.

30. Üna muglier vainst tü a spusar, ed ün oter dormirà con ella; chasas vainst tü ad edificar, ma laint non abiterast; ad implantar vainst tü vignas, ed il früt non clejarast per teis comün üs.

31. In teis conspet *sarà* teis bov mazzà, ma tü non il mangiarast; con forza sarà teis asen tut our davant tai, e non at sarà cusnà; tia bescha *sarà* datta a teis inimis, e non *sarà* alchün chi 't la spendra.

32. Teis figls, e tias figlias saran dattas ad ün ester pövel; e teis ögls vezzeran, e vegnan a gnir almain da contin davo els, e non averast alchüna forza nels mans.

33. Ün pövel cha tü non hast cognoschü, mangiarà 'l früt da tia terra, e tuot tia fadia, e da contin non sarast oter co chalchà, e sbattü.

34. E tü vainst a gnir our sen per las chosas cha tü vezzerast cols ögls.

35. Il Segner at batterà con mals bignuns, nella snuoglia, e nellas cosas, dels quals tü non poderast guarir, *schì eir* dalla planta del pè, fin alla sommità della testa.

36. Il Segner farà tai, * e teis rai,

cha tü averast constitui sur tai, chaminar pro üna naziun, la quala ne tü, ne teis babuns non averat cognoschü, e qua servirast ad esters deis, al lain, ed alla crappa.

* 2 Rais 17, 4. 5.

37. E sarast ün snuizzi, ün proverbì, ed üna fabla tanter tuot ils pövels, ingio 'l Segner t'averà condüt.

38. * Tü porterast oura sem avuonda pro 'l champ, e pac clejarast; perche ils salips vegnan al constimar.

* Agg. 1, 6.

39. Vignas vainst tü ad implantar, e las lavurar, e non averast il vin, schì eir il früt non clejarast; perche ils verms il magliaran.

40. Olivèrs averast in tuot tias contradas, ma con öli non t' onscherast; perche teis olivèrs perderan lur früt.

41. Figls e figlias genuirast tü, ma non saran teis; perche els vegnan ad ir in preschun.

42. Ils grigls deserteran tuot tia boscha, e 'l früt da tia terra.

43. Il forestèr, chi *sarà* in mez tai, sarà adoza bain ot sur tai, e tü sarast abassà bain bass.

44. A tai vain el ad imprastar, e tü non imprasterast ad el; el sarà per cheu, e tü per cua.

45. Ma sur tai vegnan a gnir quaiestas maledieziuns tuottas, e vegnan at dar davo, e t' assieuer fin cha tü sajast sdrüt; perquai cha tü non averast obedi alla vusch del Segner teis Deis, per observar seis comandaints, e seis statuts, ch' el t' ha dat.

46. E saran in tai, ed in teis sem in perpetuo, per insaina, e per müravaglia;

47. Perquai cha tü non averast servial Segner teis Deis leidamaing, e da bun cour, per l' abundanza d' ogni chosa,

48. E servirast a teis inimis, cha 'l Segner averà tramiss conter tai, con fam, con sait, e con nüdezza, e con manchamaint d' ogni chosa; ed els metteran ün giuf da fier sün teis colöz, fin cha t' hajan sdrüt.

49. Il Segner farà mover ün pövel conter tai da lontan, dall' extremità della terra, a guisa cha l' aglia svoula; ün pövel, il linguach del qual tü non inlejarast.

50. Ün pövel sfatschâ, il qual non averà resguard alla persuna del vegl, e non averà compassiun del infant;

51. E mangiarà'l früt da teis bestiam, e 'l früt da tia terra, fin cha tü sajast sdrüt; e non at lascherà vanzar, ne formaint, ne muost, ne öli, ne früt da tias vachas, ne scossas da bescha; fin ch' el t' haja fat perir.

52. E t' assedierà in tuot tias cittats, fin cha tias otas e fermas müraglias, sün las qualas tü t' hast fidâ in tuot teis pajais, dettan a terra; schi eir dadaint tuot tias portas vain el at assediar, in tuot teis pajais, cha 'l Segner teis Deis t' averà dat.

53. E tü mangiarast il früt da teis vainter, la charn da teis figls, e da tias figlias, cha 'l Segner teis Deis t' averà dat, nel assedio, e nella tribulaziun, con la quala teis inimis vegnan at tribular.

54. L' ögl del plü zarti e delicat hom tanter vus sarà malign vers seis frar, e vers la muglier da seis sain, e vers il rimanent da seis infants, ch' el averà salvâ sù;

55. Per non dar ad alchün dad els *inguotta* della charn dels *oters* seis infants, la qual' el mangiarà; perquai cha non al sarà vanzâ *inguotta* nel assedio, e nella tribulaziun, con la quala teis inimis at tribuleran dadaint tuot tias portas.

56. L' ögl della plü zartia, e delicata duonna tanter vus, la quala, per delicatezza, e per zartezza, non averà provâ da tschantar solum la planta del pè in terra, sarà malign vers il marit da seis sain, e vers seis figl, e vers sia figlia.

57. E *quai* per la segondina chi la vain oura tanter las chammas, e per seis infants ch' ella parturirà; perquai ch' ella ils mangiarà adascus, permanchamaint d' ogni chosa, nel assedio, e nella tribulaziun, con la quala teis inimi at tribulerà dadaint tias portas.

58. Scha tü non observast da metter in ouvra tuot ils plets da quaista ledscha, chi sun scrits in quaist cudesch, per tmair quaist nom glori-us, e stramantus, il Segner teis Deis;

59. Schi vain il Segner a batter tai, e teis sem, con bottas stranias, gran-

das, e dürablas, e con malatias malas, e dürablas;

60. E farà turnar sur tai tuottas languors d' Egipto, dallas quallas tü hast gnü temma, e quellas s' attacheran sün tai.

61. Il Segner vain eir at far gnir a döss ogni *otr* infirmità, e plaja, chi non ais scritta nel cudesch da quaista ledscha fin cha tü sajast sdrüt.

62. E vus gnis a restar pac pövel, in pè cha *per il passâ* eschat stats sco las stailas del tschel, in blierüra; perquai cha tü non averast obedi alla vusch del Segner teis Deis.

63. E dvanterà cha, sco 'l Segner ais stat allegrâ in vus, fand a vus del bain, e multiplichand vus; * usche s' allegrerà el in vus, fand a vus perir, e sdrüand vus; e sarat alvats via davent dalla terra, nella quala tü intrast per la possidair. * Es. 1, 24.

64. Ed il Segner * at raserà tanter tuot ils pövels, dal ün extrem della terrâ, al oter extrem, e qua servirast ad oters deis, ils quals, ne tü, ne teis babuns non avais cognoschü, al lain, ed alla erappa. * Lev. 26, 33. Deut. 4, 27.

65. Eir tanter quels pövels non averast alchün pos, e la planta da teis pè non averà alchün repos, e qua vain il Segner a dar a vus ün cour trem-bland, e constümamaint dels ögls, e döglia dell' orma.

66. E tia vita vain conter tai at star pendent; e not e di sarast in spavent; e non sarast sgür da tia vita.

67. La daman vainst tü a dir: Oh füss pür saira! E la saira vainst a dir: Oh füss pür daman! Per il stramizzi da teis cour, del qual tü sarast strami, e per las chosas cha tü vezzerast cols ögls.

68. Ed il Segner at farà turnar in Egipto in navs, per far viadi *nel pajais*, dal qual eu t' ha dit; mâ plü non il dessast vair; e qua gnis vus as vender a voss inimis per famagls, e per fantschellas, e chi as cumpra non *sarà qua ingün*.

CHAP. XXIX.

Con requintar ils benefizis da Dieu avisa Mose da salvar seis comandamaints.

QUAISTS *sun* ils plets della lia, cha 'l Segner comandet a Mose

da far cols infants d' Israel, nel pajais da Moab; * ultra la lia ch' el avaiava fat con els in Horeb. * Deut. 5, 23.

2. Mose dimena elamet tuot Israel, e dschet ad els: Vus avais vis tuot quai cha 'l Segner ha fat avant voss ügls, nel pajais d' Egipto, con Farao, e con tuots seis serviants, e con tuot seis pajais.

3. * Las grandas provas, cha teis ügls han vis, quels miraculs, e grandas strangezzas. * Deut. 7, 19.

4. Ma, fin a quai di, non s' ha il Segner dat cour da cognoscher, ne ügls da vair, ne uraglias d' inler;

5. Ed eu s' ha condüts quarant' ans tras il desert; vossa vestimainta intorn vus non ais gnüda vedrüscha, e vossas scharpas non sun in voss peis üsadas;

6. Vus non avais mangiâ pan, ne bavü vin, ne gervosa; acio cha cognoschat, ch' eu *sun* il Segner vos Deis.

7. Alla fin eschat vus rivats in quai lö, * e Sihon, rai d' Hesbon, ed Og, rai da Basan, gnittan oura conter nus in battaglia, ma nus ils avain battüts; * Num. 21, 24. 33. Deut. 3, 1.

8. Ed avain tut lur pajais, e l' avain dat * per ierta als Rubenits, ed als Gadits, ed a mez la schlatta da Manasse. * Num. 32, 33. Deut. 3, 12.

9. Observai dimena ils plets da quai pat, e mettâls in ouvra; acio cha vus fetschat sabiamaing tuot quai cha gnis a far.

10. Hoz comparais vus tuots avant il Segner vos Deis, voss capos, vossas schlattas, voss seniurs, e voss officials, e tuot ils homens d' Israel,

11. Voss pitschens infants, vossas mugliers, e teis forestêr, chi ais in mez teis champ, fin a quel chi at taglia la laina, e quel chi 't porta l' aua,

12. Per intrar nella lia del Segner teis Deis, ed in seis saramaint, il qual il Segner teis Deis fa hoz con tai.

13. Per at stabilir hoz per seis pövel, ed acio ch' el a tai saja Deis, seo el ha favlâ a tai, e seo el * ha gürâ a teis babuns, ad Abraham, ad Isaac, ed a Giacob. * Gen. 17, 7.

14. Ma quai sta lia, e quai st güramaint, non fetsch eu con vus sulets;

15. Dimpersai, tant con chi ais qui con nus, ed hoz compar' avant il Segner nos Deis, quant con chi non *ais* hoz qui con nus;

16. Perche vus savais, co nus avain dmurâ nel pajais d' Egipto, e co cha eschans passats per mez las nazziuns, tras las qualas eschat passats,

17. Ed avais vis lur abominaziuns, e lur idels da lain, da crap, d' argient, e d' or, chi sun pro els.

18. As inguardai, cha non saja tanter vus hom, o duonna, o famiglia, o schlatta, cour del qual hoz as volva davent dal Segner nos Deis, per ir a servir als deis da quellaz nazziuns; * cha tanter vus non saja ragisch alchüna chi prodüa tössi, ed asens; * Ebr. 12, 15.

19. E cha non dvainta cha alchün, aviand udi 'ls plets da quai st güramaint, as benedescha in seis cour, dschand: Eu vegn ad avair pasch, schabain ch' eu chamin seguond la pravità da meis cour, per metter avrianza pro la sait.

20. Il Segner non vain al volair perdunar; anzi lura vain l' ira del Segner, e seis sdegn, a fûmar conter quel hom, e tuot las smaldischuns, scrittas in quai st eudesch, vegnan as laschar giò sün el, ed il Segner chasserà our seis nom da suot il tsel.

21. Ed il Segner il separerà d' avant da tuot las schlattas d' Israel, pro mal; seguond tuot las execraziuns del pat scrit in quai st eudesch della ledscha.

22. Pelqual la generaziun chi ha da gnir, voss infants, chi davo vus vegnan ad alvar sü, e 'l forestêr, chi vain a gnir da pajais lontan, vegnan a dir, cur els vezzeran las plajas da quai st pajais, e sias infirmitats, con las qualas il Segner l' averà afflit,

23. E cha tuot la terra da quel *saja* da suolper, insalada ed arsantada, e ch' ella non saja semnada, ne vegn' a prodür *inguotta*, e cha non as crecherâ ingün' erba; * quai *füt* la subversiun da Sodoma, da Gomorra, d' Adama, e da Seboim; las qualas il Segner mettet suot in sia ira, ed in sia furia; * Gen. 19, 24.

24. Schi vegnan eir las naziuns tuottas a dir: * Perche ha fat il Segner usche a quai pajais? Qual ais l'arder da quai grand'ira? * 1 Rais 9, 8.

25. Schi vain a gnir dit: Perquai ch'els han bandunà l' pat del Segner, Deis da lur babuns, il qual el con els avaiva fat, eir el ils avet trats our dal pajais d' Egipto;

26. E sun its, ed han servi ad oters deis, e'ls han adurats, deis, ils quals els non avaivan cognoschü, ed ils quals il Segner non avaiva dat per part ad els;

27. Pelqual l'ira del Segner as ha invüdata conter quai pajais, per far gnir sur quel tuot las smaldischuns, scrittas in quai eudesch;

28. Ed il Segner ils ha ragischats oura davent da lur terra, con ira, con furia, e con grand' indignaziun, e'ls ha chatschats in ün oter pajais, seo quai hoz *appara*.

29. Las chosas azzoppadas *sun* per il Segner nos Deis; ma las reveladas *sun* per nus, e per noss infants, in perpetuo; acio cha nus mettan in ouvra tuot ils plets da quai ledscha.

CHAP. XXX.

Als penitents vain impromiss misericordia; siand la voluntà da Dieu usche eler manifestada, schi non ha il pövel alevün pretext, ne schüsa d' ignoranza.

MA dvanterà, scha davo cha tuot quaiastas chosas, la benedicziun, e la maledicziun, las qualas eu t'ha hoz miss avant, saran gnüdas sur tai, e tü vainst a *las* trar a cour tanter tuot ils pövels, ingio Deis il Segner t'averà schatschâ;

2. E tü vainst at convertir pro'l Segner teis Deis, ed ad obedir a sia vusch, tü, e teis infants, con tuot teis cour, e con tuot tia orma; intera-
maing seo eu hoz comand a tai;

3. * Lura vain il Segner teis Deis darcheu at turnantar dalla preschun, ed ad avair compassiun da tai, e vain a turnar at raspar nan our da tuot ils pövels, tanter ils quals il Segner teis Deis t'averà rasâ. * Ps. 126, 1.

4. Schabain cha tü füssast stat schatschâ all'extremità del tsel, schi vain impero il Segner teis Deis at raspar da là, ed at tour da là;

5. Ed il Segner teis Deis vain at condür nel pajais, cha teis babuns avaivan possedü, e tü vainst al possidair; ed el at farà del bain, e't creschanterà plü co teis babuns;

6. Ed il * Segner teis Deis circon-
ciderà teis cour, e'l cour da teis sem; acio cha tü amast il Segner teis Deis, con tuot teis cour, e con tuot tia orma, afin cha tü vivast.

* Deut. 10, 16. Ez. 11, 19.

7. Ma tuot quaiastas execraziuns vain il Segner teis Deis a metter sün teis inimis, e sün quels chi't vöglian mal, ils quals t'averan perseguità.

8. Usche, eir tü sarast converti, ed obedirast alla vusch del Segner, e metterast in effet tuot seis comandaments, ils quals eu hoz dun a tai;

9. Schi vain il Segner teis Deis at far abundant *in roba*, in ogni lavur da teis mans, nel früt da teis vainter, e nel früt da teis bestiam, e nel früt da tia terra; perche il Segner as volverà, ch'el s' alleigra sur tai, pro'l bön, seo el s' allegraiva sur teis babuns.

10. Perche tü obedirast alla vusch del Segner teis Deis, per observar seis comandaments, e seis statuts, scrìts in quai eudesch della ledscha; daspö cha tü sarast converti pro'l Segner teis Deis, con tuot teis cour, e con tuot tia orma;

11. Perche quaiast comandament, ch'eu hoz dun a tai, * non ais tant ot, cha tü non il possast comprender, ed eir dalönsch non ais el. * Es. 45, 19.

12. * El non ais in tsel, per cha tü diast: Chi raiverà sün tsel per nus, ch'el il ans piglia giò, e'ns il fetscha ineler, acio cha'l mettans in ouvra?

* Rom. 10, 6.

13. Il medem non ais el dall'otra vart del mâr, per cha tü diast: Chi passerà via sur mâr per nus, ch'el il ans piglia nan, e'ns il fetsch' ineler, acio cha'l mettans in effet?

14. Dimpersai quaiast pled *ais* strusch fìch pro tai; *el ais* in tia bocca, ed in teis cour, per il metter in ouvra.

15. Guarda, * eu met hoz avant a tai la vita, ed il bön, e la mort, ed il mal;

* Deut. 11, 26.

16. Perche eu at comand hoz,

d'amar il Segner teis Deis, da chaminar in sias vias, e d'observar seis comandaments, e seis statuts, e sias ledschas; acio cha tü vivast, e creschast, e cha 'l Segner teis Deis at benedescha, nel pajais, ingio tü intrast per il possidair;

17. Ma, scha teis cour as volva davanti, e scha tü non obedeschast, dimpersai est chatschâ ad adurar oters deis, ed a servir ad els;

18. Schi as lasch eu hoz a savair, cha gnis dafatt' ad ir a perder, e cha non gnis a prolungunar *voss* dis sur la terra, nella quala, per intrar, e per la possidair, vus passais il Giordan.

19. * Hoz pigl eu in testimoni conter vus il tschel, e la terra, ch' eu ha miss avant a vus la vita, e la mort; la benedicziun, e la maledicziun; con tuot piglia letta la vita, acio cha tü vivast, tü, e teis sem; * Deut. 4, 26.

20. Amand il Segner teis Deis, obediend a sia vusch, e 't rantand vi' ad el; perche ch' el *ais* tia vita, e la lungezza da teis dis, per abitar sün la terra, dalla quala il Segner vos Deis güret a teis babuns, ad Abraham, ad Isaac, ed a Giacob, ch' el gnis a la dar ad els.

CHAP. XXXI.

Mose asperderscha pro la mort, ed ordaina Giosua in seis pè. Il Segner comanda, cha Mose scriva üna chanzun, e cha tuot l'imprenda, per perdüta conter els.

DAVO quai get Mose, e tgnent quaists rasehunaments avant tuot Israel,

2. E dschet ad els: Hoz *sun* eu d' età da tschient e vainch ans; eu non poss plü ir e gnir; ultra quai, m' ha dit il Segner: Tü * non passerast quaist Giordan. * Num. 27, 12, 13.

3. Il Segner teis Deis ais quel chi passerà avant tai; quel vain a sdrür quaistas naziuns our davanti tai, e tü possiderast lur *pajais*; Giosua *ais* quel chi passerà avant vus, * sco 'l Segner ha tschantschâ; * Num. 27, 21.

4. Ed a quellas vain il Segner a far, sco 'l ha fat a Sihon, ed ad Og, rais dels Amorits, ed a lur pajais, ils quals el ha sdrüt.

5. Ed il Segner las metterà in vos podair, e vus dessat far con ellas

plainamaing, * seguond il comandament ch' eu as ha dat. * Deut. 7, 2.

6. Sajat valents, e 's fortifichai; non tmarai, e non hajat spavent d' ellas; perche 'l Segner vos Deis ais quel chi chamina con tai; * el non at lascherà, ne 't bandunerà. * Gios. 1, 5.

7. Lura clamet Mose a Giosua, e 'l dschet in presenza da tuot Israel: Sajast valent, e 't fortificha; perche tü est quel, chi intrerast con quaist pövel nel pajais, del qual il Segner güret a lur babuns, ch' el gnis al dar ad els, e tü 'l metterast in possessiun da quel.

8. Ed il Segner ais quel chi chamina avant tai; el sarà con tai, el non at lascherà, ne at bandunerà; * non tmar, e non at stramantar. * Gios. 1, 9.

9. Lura scrivet Mose quaista ledscha, e la det als sacerdots, figls da Levi, ils quals portan l' archa della lia del Segner, ed a tuots ils seniurs d' Israel.

10. E Mose comandet, e dschet ad els: In cheu d' ogni settavel an, in term del an della remissiun, nella festa dels tabernaculs;

11. Cur tuot Israel sarà gnü per comparair avant la fatscha del Segner vos Deis, nel lö ch' el averà tschernü, schi dessast ler avant quaista ledscha a tuot Israel, da sort ch' el l' oda;

12. Aviad raspâ 'l pövel, ils homens, e las donans, e 'ls pitschens infants, e teis forestêr, chi sarà da daint tias portas; acio cha l' odan, ed imprendan, e temman il Segner vos Deis, ed observan da metter in ouvra tuots ils plets da quaista ledscha;

13. E chalur infants, ils quals non han amo alchüna cognoschenscha, odan ed imprendan a tmar il Segner vos Deis, tuot il temp cha vus gnis a viver sün la terra, alla quala, passats il Giordan, vus intrais per la possidair.

14. Ed il Segner disch a Mose: Mera, il temp da tia mort ais dastrusch; clama Giosua, e 's presentai nel tabernacul della raspada; schi 'l vögl eu comandar *quai ch' el ha da far*. Mose dimena e Giosua, gettan ed as presentettan nel tabernacul della raspada.

15. *E'l Segner comparet nel tabernacul, nella coluonna della nüvla; e la coluonna della nüvla 's fermet sün l'intrada del tabernacul. * Ex. 33, 9.

16. Ed il Segner disch a Mose: Mera, tü est bod per at metter giò con teis babuns, e quaist pövel alverà sù, e commetterà fornicaziun davo 'ls esters deis del pajais, nel qual el intra, e vain am bandunar, e rumper mia lia, ch' eu ha fat con el.

17. Contuot vain mia ira in quel di as invüdar conter el, ed eu vegn al bandunar, e zoppar mia fatscha d' el, ed el vain a gnir constümâ, e grands mals, ed anguoscha vegnan al in-scontrar, ed in quel di vain el a dir: * Quaists mals non am sun els per quai in-scontrats, cha 'l Segner non ais in mez da mai? * Gäd. 6, 13.

18. Ma in quel di vögl eu dafatta zoppar mia fatscha, per tuot il mal ch' el averà fat; perquai ch' el s'averà vout via d' oters deis.

19. Uossa dimena, scrivai quaista chanzun a vus, e mossâ-la als infants d' Israel, la mettand ad els in bocca; acio cha quaista chanzun am saja per testimoni conter ils infants d' Israel.

20. Perche eu ils introdüerà nella terra, la qual' eu güret a seis babuns; terra culand da lat e meil, ed el mangiarâ, e gnarà sadolâ, ed ingrassantâ, ed elas volverà vi' ad oters deis, e servirà ad els, ed averà dispet da mai, e rumperà meis pat.

21. Pelqual, cur cha grands mals, ed anguoschas al saran in-scontrâ, schi vain lura quaista chanzun a perdütta in fatscha conter el; perche ella non dess gnir smanchada per non esser plü nella bocca da seis sem; perche ch' eu cognosch sia natüra, quai ch' el fa, hoz, ant ch' eu l' haja introdüt nel pajais, ch' eu ha güirâ.

22. Usche scrivet Mose quaista chanzun in quel di, e la mosset als infants d' Israel.

23. Davo quai det il Segner comand a Giosua, figl da Nun, e dschet ad el: Sajast valent, e 't fortifica; perche tü est quel, chi vainst ad introdür ils infants d' Israel nel pajais, ch' eu ha

güirâ ad els; ed eu vögl esser con tai.

24. Ma, daspö cha Mose avet fini da scriver complidamaing ils pleds da quaista ledscha in ün eudesch;

25. Schi comandet el als levits, chi avaiavan da portar l' archa del pat del Segner, e disch ad els:

26. Piglia quaist eudesch della ledscha, e mett' la dalla vart dell' archa del pat del Segner vos Deis, e saj' la qua per testimoni conter tai;

27. Perche eu cognosch tia rebellun e teis colöz dür; mera hoz, essendo eu amo pro vus in vita, eschat vus stats rebels contr' il Segner; schi quant plü il sarat davo mia mort!

28. Raspai nan pro mai tuot ils seniurs da vossas schlattas, e voss officials, schi vögl eu in lur presenza pronunziar quaists pleds, e conter els vögl eu tour testimoni il tschel, e la terra.

29. Perche eu sa, cha vus davo mia mort gnis peltshert as corrumper, e 's volver giò dalla via, ch' eu as ha comandâ; dinuonder mal s' in-scontrerà nel temp chi ha da gnir, perquai cha averat fat quai cha displasch' al Segner, il fand dispet con l' ouvra da voss mans.

30. Mose dimena pronunziet d' ün cheu al oter ils pleds da quaista chanzun, nella presenza da tuot la raspada d' Israel.

CHAP. XXXII.

Mose in quaista chanzun repretta il pövel da quai, ch' avand ardschvü tanta grazia da Dieu, al füss ingrat, e rebell; ed al pronunzia severs giudizis da Deis, impromettand però ch' el alla fin averà compassiun d' el. Deis comand' a Mose d' ir sül munt Nebo, per morir qua.

TSCHELS, sporschai las uraglias, ed eu vögl favlar, ed oda la terra ils pleds da mia bocca.

2. Mia doctrina dess gottar seo plövgia, e meis raschunamaint dess cular seo ruschè; seo plövgia manüda sün l' erba, e seo plövgia grossa sün la verdüra;

3. Perche eu vögl celebrar il nom del Segner: Magnifichai il nos Deis.

4. L' ouvra del spelm ais complida; perche tuot sias vias sun drettas; Deis ais vardâ, sainz' alchün' iniquità; el ais güst, e dret.

5. El as ha corruot vers el; lur vizi non *ais* da seis infants; *el ais* üna generaziun perversa, e storta.

6. Pövel nar, e sainz' inolet, ais quaista la retribuziun cha vus fais al Segner? Non *ais* el teis bap, chi t' ha acquistâ? Non *ais el* quel chi t' ha fat, e t' ha stabili?

7. At regorda dels dis vegls; considera ils ans dell' età passada; domanda teis bap, schi vain el at declarar, a teis vegls, ed els vegnan at il dir.

8. Cur l' Otissem partiva l' ierta allas naziuns, cur el sparagliaiv' ils figls d' Adam, schi constituit el ils confins dels pövels, seguond il number dels figls d' Israel.

9. Perche la part del Segner *ais* seis pövel; Jacob ais la sort da sia ierta.

10. El il chattet in üna terra da desert, ed in ün lö desolâ, d' üerls da suldüim; el l' ha manâ intuorn, el l' ha intraguidâ, el l' ha cussalvâ seo la poppa da seis ögl.

11. Sco l' aglia fa moventar seis gnieu, as roudla sur seis giuvens, slada sias alas, ils piglia, e 'ls porta sün sias pennas;

12. *Usche* l' ha condüt il Segner sulet, e con el non *ais stat* alchün deis ester.

13. El l' ha fat passar a chavagl sur ils ots lous della terra, ingio el ha mangiâ ils früts della champagna; el l' ha eir dat da tshütschar il meil our dal spelm, e l' öli our dal dür crap;

14. Il painch dellas vachas, e 'l lat dellas nuorsas, col grass dels agnels, e dels bümatschs da Basan, e dels boes; insembel col grass della flur da formaint, e tü hast bavü il vin pür, il stüi dellas üjas;

15. * Ma Jesurun as ha ingrassantâ, ed ha battü davo oura; tü t' hast ingrassantâ, ingrossi, e covernâ *con grass*, ed el ha bandunâ Dieu chi l' ha fat, ed ha spredschiâ il spelm da seis salüd.

* Deut. 31, 10.

16. Els il han moventâ pro zelosia con *deis* esters, e l' han grittantâ con abominaziuns.

17. Han sacrificâ a demunis, e na a Dieu, a deis, ils quals els non avai-

van cognoschü, *deis* novs, gnüts dincuort, dals quals voss babuns non avaivan gnü temma.

18. Tü hast smanchâ il spelm *chi* t' ha genui; e Dieu chi t' ha formâ, hast miss in invlidanza,

19. Ma 'l Segner l' ha vis, ed ha gnü sdegn, per il dispet ad el fat da seis figls, e da sias figlias.

20. Ed ha dit: Eu vögl zoppar mia fatscha d' els, eu vögl vair quala *sarà* lur fin; perche cha *sun* üna generaziun perversissima; infants, nels quals non *ais* realtä alchüna.

21. Els m' han moventâ pro zelosia, per *chosas* chi non *sun* deis, e m' han clamâ oura pro sdegn tras lur vanitâts; * eir eu ils vögl moventar pro zelosia tras *ün pövel*, *chi* non *ais* pövel, e 'ls vögl commover pro sdegn tras *ün pövel* nar;

* Rom. 10, 19.

22. Perche * ün fö as ha invüdâ in mia ira, ed ha consümâ la terra, e seis früt, ed ha fat svampar via ils fondamaints dels munts.

* Ger. 15, 14.

23. Eu vögl mantunar sur els mal sur mal, e tuot mias sagettas vögl eu dovrar conter els.

24. Dalla fam *dessan* els gnir ars, e consümats dals carbuncels, e dalla plü pittra pestilenza, e conter els vögl eu trametter ils daints dellas bestias solvadias, insembel col tössi dels reptils della puolvra.

25. Dadoura vain la spada als sorfnar, e dadaint las chambras il stramizzi; giuvens e giuvnas, infants da tetta, ed homens chanuoss.

26. Eu avess dit: Eu ils vögl rasar per tuot ils chantuns *del muond*, e far gnir almain lur memoria tanter la glioud;

27. Sch' eu non avess tmü del dispet del inimi; cha bricha lur adversaris as superbiessan, afin cha non dschessan: Nos man ais stat ot, ed il Segner non ha operâ quaiet tuot;

28. Perche els *sun* ün pövel pers da cossagls, e non *ais* alchün sen in els.

29. O füssan els pür sabis, ed inelegessan quaietas chosas, e consideressan lur fin!

30. Co gniss ün a dar davo a milli, e gnissan duos a metter alla fügen

deschmilli, scha non füss, cha lur spelm ils avess vendüts, e cha 'l Segner ils avess surdats nels mans da *lur inimis*?

31. Perche lur spelm non ais sco nos spelm, da quai *sun* güdichs noss inimis *svess*.

32. Perche lur vigna *ais statta tutta* dalla vigna da Sodoma, e dals champs da Gomorra; lur üjas *sun* üjas da tössi, han ils zocs pitters.

33. Lur vin *ais* tössi da draguns, tössi crudel d'aspides.

34. Non *ais* quai miss in salv pro mai, e sagellâ in meis tesors?

35. * A mai tocca *da far* la vendetta, e la retribuiziun, nel di cha lur pè vain ad undiar; perche il di da lur calamità ais dastrusch, e las chosas chi sun ad els perdertas, festinan.

* Rom. 12, 19. Ebr. 10, 30.

36. Cur il Segner averà fat güdizi da seis pövel, schi vain el as inrüglar per amur da seis serviaints, cur el vain a vair, cha *ogni* forza sarà gnüd' almain, e cha qua non sarà *ingün*, ne serrâ aint, ne largiâ oura.

37. E vain a dir: Ingio *sun* lur deis? Il spelm nel qual els as confidaivan?

38. Il grass dels sacrificizis, dels quals els mangiaivan, e 'l vin dellas offertas da spander, del qual els bavaivan, cha quels leivan sü, ed as sucuorran, e sajan a vus *per* retirada.

39. Schi guardai uossa, ch'eu, eu *sun* quel, * e cha non *ais* alchün Deis con mai; eu fetsch morir, e turnaint in vita; eu plai e guaresch, e non *ais* ingün chi possa liberar our da meis man.

* Dent. 4, 35. Es. 45, 5.

40. Perche eu oz il man conter il tschel, e di: *Sco* eu viv in eterno;

41. Sch'eu güz mia spada tralüschainta, e pigl in man il güdizi, schi vögl eu far la vendetta sur meis inimis, e vögl far la retribuiziun a quels chi'm vöglian mal.

42. Mias sagettas vögl eu inavriar con sang, e mia spada vain a constümar la charn; eu las vögl inavriar col sang dels mazzats, e dels preschunêrs, comanzand dal capo, con vendettas d'inimi.

43. Güvlai d'allegrezza, o naziuns, o seis pövel; perche el farà la vendetta

del sang da seis serviaints, e farà retribuiziun da vendetta a seis avversaris, e sarà grazius a sia terra, a seis pövel.

44. Mose dimena con Giosua, figl da Nun, gnit, e pronunziet tuot ils pleds da quaista chanzun avant las uraglias del pövel.

45. E davo cha Mose avet fini da pronunziar tuot quaists pleds a tuot Israel;

46. Schi dschet el ad els: Mettai vos cour vi' a tuot ils pleds, ils quals eu hoz protest a vus, acio cha mossat a voss infants, d'avair stüdi da metter in effet, tuot ils pleds da quaista ledscha.

47. Perche cha non *ais* ün pled van, del qual vus non hajat da 's far surassen; anzi ais el vossa vita, e tras quel gnis a prolungunar *voss* dis sur la terra, alla quala, passats il Gordan, vus giais per la possidair.

48. Ed in quel istess di favlet il Segner a Mose, dschand:

49. * Munta sün quai smunt d'Abarim, sül munt Nebo, chi *ais* nel pajais da Moab, via conter Gerico, e guarda il pajais da Canaan, il qual eu dun a possidair als infants d'Israel.

* Num. 27, 12.

50. E moura sün il munt, il qual tü muntast, e sajast raspâ pro teis pövel; * sco Aaron, teis frar, ais mort sül munt Hor, ed ais stat raspâ pro seis pövel.

* Num. 20, 28. 33, 38.

51. Perche vus commettettat misfat conter mai, in mez ils infants d'Israel, pro las auas del dantigl da Cades, nel desert da Sin; perche vus non am santificettat in mez dels infants d'Israel.

52. Perche tü vainst solum avant tai a vair il pajais, ma tü non vainst ad intrar nel pajais, ch'eu dun als infants d'Israel.

CHAP. XXXIII.

Mose ant sia mort benedescha tuot las schlatas d'Israel, e da ad incler, che ad iminch' üna vegn' ad inscontrar.

MA quaista ais la benedicziun, con la quala Mose, l'hom da Dieu, benedit ils infants d'Israel, avant sia mort.

2. Dschet dimena: Il Segner gnit da

Sinai, e comparet ad els da Seir; e l' splendurit our dal munt da Paran, e gnü giò con desch milliêras da sancts, *aviand* da sia dretta il fô della led-scha, *per la dar* ad els.

3. Combain cha tü amast ils pövels, tuot ils sancts da quel *sun* in teis man, ed els stan tanter teis peis, *afin* da retschaiver da teis plets.

4. Mose ans ha dat la ledscha, *chi ais ün' ierta* alla raspada da Giacob.

5. Ed el ais stat räi in Jesurun, eur ils capos del pövel as raspaivan, in-sembel con las schlattas d' Israel.

6. Viva RUBEN, e non moura; ma saja gliend paca.

7. Ma quaiſt' *ais la benedicziun* da GIUDA. Mose dimena disch: Taidla, o Segner, la vusch da Giuda, e turnainta l' pro seis pövel; seis mans al dessan bastar, e sajast ad el in agüd, *per il liberar* da seis inimis.

8. Lura disch el da LEVI: Teis tummim ed urim, *sajan* pro teis hom compassionaivel, il qual tü provettast in Massa, e col qual tü dantiglettast pro l' aua da Meriba.

9. Il qual disch da seis bap, e da sia mamma: Eu non l' ha vis, il qual non ha cognoschü seis frars; e non ha cognoschü seis infants; perche els han observâ teis plets, e guardâ oura teis pat.

10. Quels vegnan a mossar tias ordinaziuns a Giacob, e tia ledsch' ad Israel; quels vegnan a presentar il profüm a tias fouras nas, e sacrificis d' arder interamaing, sur teis utêr.

11. O Segner, benedescha seis exercit, e t lascha plaschair l' ouvra da seis mans; foura tras ils ranuogls a quels chi vegnan as far sù conter el, ed a quels chi vegnan al ödiar, dasort cha non possan alvar sù.

12. Da BENJAMIN disch el: L' amâ del Segner dess abitar con el in sgürezza; da contin vain el al proteger, e quel abiterà tanter sias spadlas.

13. Lura disch el da GIOSEF: Seis pajais saja benedi dal Segner, dellas delizias del tshel, del ruschè, e del abiss chi giascha giò bass,

14. E dellas delizias cha l' solai fa

prodür, medemmamaing dellas delizias cha las glünas fan nascher,

15. E del megler dels munts vegls, e dellas chosas preziusas dels muots eterns;

16. E dellas delizias della terra, e da tuot quai ch' ella contegna, e della favur da quel chi staiva nel fruschêr; vegna quai sur il cheu da Giosef, e sün la sommità del cheu da quel, chi ais stat miss da part tanter seis frars.

17. El ha ünâ bravüra, seo l' primogenit d' ün tor, e sias cornas *sun sco* cornas d' unicorn; con quellas vain el a ferir ils pövels, tants e quants, *fin all'* extremità della terra. Ma quaiſtas *sun* las desch milliêras d' Efraim, e quaiſtas *sun* las milliêras da Manasse.

18. Lura disch el da ZEBULON: At allegra Zebulon, in tia uschida, e tü, ISSASCHAR in teis tabernaculs.

19. Quels vegnan a clamar ils pövels pro l' munt, e qua vegnan els a sacrificar sacrificis da güstia; perche els vegnan a tshütschar l' abundanza del mâr, ed ils tesors zoppats del sablun.

20. Lura disch el da GAD: Benedi *saja* quel chi slarg' oura Gad; el sta seo ün liun rabgius, e sdratscha bratsch e testa.

21. El l' ha provedü con las primizias *del pajais*; perche qua *eira* tshantâ la part del legislatur, ed el ais gnü *cols* capos del pövel; el ha esequi la güstia del Segner, e seis güdizis con Israel.

22. Lura disch el da DAN: Dan *ais sco* ün liun giuven, *chi* saglia our da Basan.

23. Lura disch el da NAFTALI: Neftali ais saduol da bainvoglscha, e plain della benedicziun del Segner; tü dessast avoir possessiun del occidaint, e del mezdi.

24. Lura disch el d' ASSER: Asser *dess esser* benedi in infants, plaschaivel vain el ad esser tanter seis frars, e seis pè vain el a tenscher in öli.

25. Fier ed aram *vegnan ad esser* tias şcharpas, e tia forza *vain a dürar* quant teis dis.

26. O Jesurun, ingün non ais sumgiant a Dieu, chi 's porta, seo

sün ün charr, sur ils tschels, a teis agüd, ed in sia otezza sur las nüvlas;

27. *Chi sun* l'abitacul del etern Deis, e giò suot sun la bratsch' eterna; l' inimi ha el schatschâ our davant tai, ed ha dit: Šdrüa!

28. Pelqual Israel vain dapart ad abitar in sgürezza; l' ögl da Giacob vain ad esser vers ün pajais da formaint, e da muost; e seis tschels vegnan a gottar da ruschè.

29. Beà tai, Israel! Qual *ais* il pövel sumgiant a tai, cussalvâ dal Segner, *chi ais* il schüt da teis agüd, e la spada da tia otezza; pelqual teis inimis s' infenscheran vers tai, ma tü vainst a chalchar lur ots lous.

CHAP. XXXIV.

A Mose vain mossada la terra dell' impromisiun. Moura, e vain dal Segner sepoli. Giosua succeda.

LURA muntet Mose dalla champagna da Moab, * sül munt Nebo, sün la sommità da Pisga, *chi ais* via conter Gerico. Ed il Segner il fet vair tuot il pajais da Gilead, fin in Dan;

* Num. 27, 12.

2. E tuot Naftali, e'l pajais d' Efraim, e da Manasse, e tuot il pajais da Giuda, fin al mâr occidental;

3. E la contrada meridionala, e la planüra, e la val da Gerico, città dellas palmas, fin a Soar.

4. Ma'l Segner disch ad el: Quaist *ais* il pajais, del qual eu ha gürâ ad Abraham, ad Isac, ed a Giacob, dschand: Eu il vögl dar a teis sem; a

tai l' ha eu fat vair cols ögls, ma tü non intrerast.

5. Mose dimena, serviaint del Segner, morit qua nel pajais da Moab, seguond cha'l Segner avaiva dit.

6. Ed *il Segner* il sepolit nella val, nel pajais da Moab, via conter Bet-Peor, ed ingün fin a quaist di non ha savü ingio saja sia sepultüra.

7. Ma Mose *eira* d' età da tschient e vaineh ans, cur el morit; la vista non l' eira inſchürida, e sia forza non eira gnüd' almain.

8. Ed ils infants d' Israel il eridetan, nella champagna da Moab, per* trenta dis, ed usche's complittan ils dis del pland da cordöli da Mose.

* Num. 20, 29.

9. Ma Giosua, figl da Nun, füt impli col spiert da sapienza; perche Mose avaiva * tschantâ seis mans sün el, ed ils infants d' Israel l' obedittan, e fettan sco'l Segner avaiva comandâ a Mose.

* Num. 27, 18.

10. Ma mai non ais alvâ sù plü alchün profet in Israel, sumgiant a Mose, il qual il Segner haja cognoschü da fatsch' in fatscha.

11. In tuot ils miraculs ed insainas, las qualas il Segner il tramettet a far nel pajais d' Egipto, conter Farao, e conter tuot seis serviaints, e conter tuot seis pajais.

12. Ed in tuot quel potent man, ed in tuot quellas grandas chosas stramantusas, cha Mose fet avant ils ögls da tuot Israel.

IL CUDESCH

DA

G I O S U A.

CHAP. I.

Il Segner ordaina Giosua conductur del pövel; e l' imprometta sia assistenza. Sül qual el comand' il pövel da 's perderscher a passar il Giordan.

MA DVANTET DAVO la mort da Mose, del serviaint del Segner, cha'l Segner favlet a Giosua, il figl da Nun, il famagl da Mose, dschand:

2. Mose, meis serviaint, ais mort; contuot stà sü uossa, passa quaist Giordan, tü, e tuot quaist pövel, *per intrar* nel pajais, ch' eu dun ad els, cioè als infants d' Israel.

3. Ogni lö s' ha eu dat, il qual la planta da vos pè chalcherà, * sco eu ha favlâ a Mose.

* Deut. 11, 24.

4. Voss confins dessan esser dal desert, *fin* a quel Libano, e dal grand flüm, il flüm Euftrat, tuot il pajais dels Hetits, fin al mâr grand, dal ponent.

5. Ingün non vain at podair star conter, tuot ils dis da tia vita; seo eu sun stat con Mose, usche vögl eu esser con tai; * eu non at vögl laschar, e non at vögl bandunar.

* Deut. 31, 6. 8.

6. Sajast valent, e 't fortificha; perche tü metterast quaiست pövel in possessiun del pajais, del qual eu ha giürà a lur babuns, ch'eu *al* darà ad els.

7. Solum sajast valent, e 't fortificha grandamaing, per avair stüdi da far seguond tuot la ledscha, * la quala Mose, meis serviaint, t'ha dat; non guinchir da quella, ne dalla dretta, ne dalla snestra; acio cha tü hajast ventüra ingio tü vainst ad ir.

* Deut. 31, 7.

8. Quaist cudesch della ledscha mâ non dess as partir da tia bocca; anzi meditescha * in quel di, e not; acio cha tü mettast stüdi, da far seguond tuot quai ch' ais scrit in quel; perche lura vain at ir bain in tias vias, e lura vainst ad avair ventüra.

* Ps. 1, 2.

9. Non at ha eu comandâ: Sajast pür valent e fortifichâ; non at stramantar, e non at sgrischar; perche il Segner teis Deis *sarà* con tai, ingio tü vainst ad ir.

10. Lura comandet Giosua als offizials del pövel, dschand:

11. Passai per mez tras il champ, e comandai al pövel, dschand: As perderschai vietualia; perche da qua a trais dis avais da passar quaiست Giordan, per ir a possidair il pajais, cha 'l Segner vos Deis as da, acio cha 'l possideschat.

12. Giosua favlet eir als Rubenits, ed als Gadits, ed alla mezza schlatta da Manasse, dschand:

13. As regordai del * pled, cha Mose, il serviaint da Dieu, as ha comandâ, dschand: Il Segner vos Deis as metta in repos, ed as da quaiست pajais.

* Num. 32, 20, 28.

14. Vossas mugliers, e voss pitschens

infants, e vos bestiam, dessan dmurar nel pajais, il qual Mose as ha dat da qua del Giordan; ma vus, quants cha *eschat* valents e fermes, passai armats avant a voss frars, e dat ad els agiüd,

15. Fin cha 'l Segner haja miss a pos voss frars, seo a vus, ed eir els possideschan il pajais, il qual il Segner vos Deis als da; e lura dessat vus turnar nel pajais da vossa possessiun, il qual Mose, il serviaint del Segner, as ha dat da qua del Giordan, da solai alvand, e 'l dessat possidair.

16. Ed els respondettan a Giosua, dschand: Tuot quai tü 'ns hast comandâ volain nus far, ed ingio tü 'ns trametterast volain nus ir.

17. Seo nus avain obedi a Mose, volain nus obedir a tai. Pür cha 'l Segner teis Deis saja con tai, seo ch'el ais stat con Mose.

18. Chi sarà rebell a teis comand, e non obedirà a teis plets, in qualunque chosa tü 'l comanderast, sarà fat morir; sajast pür valent, e fortifichâ.

CHAP. II.

Giosua trametta duos homens per spiar Gerico, Rahab zoppa las spias in sia chasa. Las spias l'impromettan da la cussalvar. Els portan la relaziun a Giosua, turnand pro el.

MA Giosua, il figl da Nun, avaiava secreteamaing tramiss da Sittim duos homens, per spiar *il pajais*, dschand *ad els*: It, guardai il pajais e Gerico. Ed els gettan via, ed intrettan in chasa d'üna pitana, il nom della quala *eira* Rahab, ed allogettan qua.

2. E *quai* füt rapportâ al rai da Gerico, e dit: Mera, tscherts homens sun intrats quia quaiست not, *tramiss* dals infants d'Israel, per spiar il pajais.

3. Lura tramettet il rai da Gerico a dir a Rahab: Fà ir oura quels homens chi sun gnüts pro tai, e sun intrats in tia chasa; perche per spiar il pajais sun els gnüts.

4. Ma la duonna avaiava tut quels duos homens, e 'ls avaiava zoppats, e dschet: *L'ais* vaira, quels homens eiran gnüts in mia chasa, ed eu non savaiva dinuonder cha füssan;

5. Ma al serrar dellas portas, eir s' inshüriva, sun quels homens its

oura, ed eu non sa, ingio els sajan its; dat-als bainbod davo; perche vus ils assieuais!

6. Ma ella ils avaiva fat ir sün tet, e 'ls avaiva zoppats suot il glin amo da sgramblar, ch'ella avaiva rasâ oura sül tet.

7. Ed ils homens als dettan davo sün la via vers il Giordan, fin al passagio, e subit cha füttan its oura quels chi 'ls daivan davo, gnit serrada la porta.

8. Ma, ant cha quels homens as mettesan a dormir, get ella sün tet pro els,

9. Ed als dschet: Eu sa, cha 'l Segner as ha dat il pajais, e cha 'l stramizi da vus ais erodâ sur nus, e cha tuot ils abitants del pajais sun dvantats smiss, per temma da vus.

10. Perche nus avain udi co il Segner * stüantet sü las auas del mâr cotschen avant vus, cur vus gnittat our d'Egipto; *avain* eir udi quai † ch'avais fat a duos rais dels Amorits, da lâ del Giordan, a Sihon ed ad Og; ils quals vus avais sdrüt al möd del interdit.

* Ex. 14, 21. † Num. 21, 24, 34.

11. Ed, aviand udi quai, schi ais nos cour smiss, ed ardimaient non resta plü in alchün, per temma da vus; perche * vos Deis ais Deis in tschel stüura, ed in terra giosuot. * Deut. 4, 39.

12. Contuot, gürâ 'm uossa, eu's rov, pro il Segner, e dat-am ün vair signal, cha, daspö ch'eu ha dovrâ benignità vers vus, vus eir vögliat dovrar benignità vers la chasa da meis bap;

13. E vögliat cussalvar in vita meis bap, e mia mamma, e meis frars, e mias sours, e tuot ils lur, e vögliat deliberar nossas ormas dalla mort.

14. E quels homens la dschettan: Nus *volain sporscher* a mort nossas ormas per vus, scha vus non palesais quai nos affar; e cur il Segner ans averà dat il pajais, schi volain nus dovrar benignità e realtä invers tai.

15. Lura ils laschet ella con üna sua giò dalla fanestra; perche sia chasa *eira sül mür della città*, ed ella abitaiva sün la müraglia.

16. Ed ella als dschet: It vers il munt, cha quels chi's dan davo non

s'inscontran, e stat qua zoppats trais dis, fin cha sajan turnats inavo quels chi's dan davo, e lura podais ir vossa strada.

17. E 'ls homens la dschettan: Nus ans *volain* deliberar da quai tei saramaint, cha tü'ns hast fat far, *in quai* maniera:

18. Mera, cur nus gnin ad intrar nel pajais, schi lia quai cordella da fil şcharlatta vi' alla fanestra, tras la quala tü'ns laschast giò, e maina insembel pro tai in quai chasa tei bap, e tia mamma, e tei frars, e tuot la famiglia da tei bap.

19. E scha qualehün sorta dal tüşch da tia chasa, seis sang *sarà* sur seis cheu, e nus non avain cuolpa; ma il sang da chi sarà con tai in chasa *saja* sur nos cheu, sch' alchün al metterà man adöss.

20. Eir scha tü palesast quai nos affar, schi eschan nus libers da tei saramaint, cha tü'ns hast fat far.

21. Ed ella dschet: *L'ais* raschunavel seo vus avais dit. Lura ils laschet ella ir, ed els gettan davent. Ed ella liet la cordella da şcharlatta vi' alla fanestra.

22. Ma els gettan davent, e, siand rivats al munt, restettan els qua trais dis, fin cha füssan turnats quels, chi 'ls daivan davo. E quels ils tscherchettan per tuot la strada, ma non ils chattettan.

23. Usche turnettan quels duos homens inavo, e, siand gnüts giò dal munt, passettan els *il Giordan*, e gnittan pro Giosua, il figl da Nun, e'l requintettan tuot las chosas chi als eiran incontradas.

24. E dschettan a Giosua: Tschert, il Segner ans ha dat tuot quel pajais in noss mans, e tuot ils abitants del pajais sun stramits, per temma da nus.

CHAP. III.

Giosua vain con il pövel pro 'l Giordan; quel as parta, ed il pövel passa tras.

MA Giosua alvet la daman a bun'ura; ed el, e tuot ils infants d'Israel partittan da Sittim, e rivettan fin al Giordan, e qua restettan els sur not, ant co passar via.

2. Ed in cheu da trais dis passettan ils officials per mez tras il champ,

3. E comandettan al pövel, dschand: Quantbod vus vezzais a partir l'archa della lia del Segner vos Deis, ed ils sacerdotes, e'ls levits chi la portan, dessat eir vus partir da voss allogiamaints, ed ir davo quella.

4. Impero tanter vus e quella saja distanza, in spazi d'intuorn duamilli bratschs muots; non s'approsmarai a quella, acio cha cognoschat la via, per la quala avais da chaminar; perche pel passà non eschat vus passats per quaista via.

5. Ma Giosua dschet al pövel: As santifichai, perche daman vain il Segner a far miraculs in mez vus.

6. Lura favlet Giosua als sacerdotes, dschand: As chargiai *sün las spadlas* l'archa della lia, passai avant al pövel. Quels dimena as chargettan *sün las spadlas* l'archa della lia, e chaminettan avant al pövel.

7. Ma il Segner dschet a Giosua: Hoz vögl eu comanzar at magnifichar nel conspet da tuot Israel; acio cha sapchan, cha, seo eu sun stat con Mose, sarà con tai.

8. Contuot comanda tü als sacerdotes, chi portan l'archa della lia, e di: Cur vus sarat rivats all'otra riva dellas auas del Giordan, schi stat fermats nel Giordan.

9. E Giosua dschet als infants d'Israel: S'approsmai nan qua, e tadlai ils plets del Segner vos Deis.

10. Lura dschet Giosua: Da quaist gnis a cognoscher, ch'ün vivaint Deis *ais* in mez vus, e ch'el daffat vain a schatschar avant vus ils Cananits, ed ils Hetits, ed ils Hevits, ed ils Feresits, ed ils Gergesits, ed ils Amorits, ed ils Jebusits.

11. Mera, l'archa della lia del Segner da tuot la terra vain a passar avant vus tras il Giordan.

12. Uossa dimena, as pigliai dudesch homens our dallas schlattas d'Israel, ün hom per schlatta.

13. E dvanterà, eur las plantas dels peis dels sacerdotes, chi portan l'archa della lia del etern Segner da tuot la terra, vegnan as tschantar nellas auas del Giordan, schi * vegnan las

auas del Giordan as partir, e las auas chi vegnan da sur ingio as fermeran in ün mantun.

* Ps. 114, 3.

14. E cur il pövel partit da sias tendas, per passar il Giordan, ils sacerdotes, chi portaivan l'archa della lia, *chaminaivan* avant al pövel.

15. Cur quels chi portaivan l'archa füttan rivats al Giordan, ed ils sacerdotes chi portaivan l'archa, avettan tenschü con ils peis nell'otra riva dellas auas, (ma il * Giordan *ais* plain, fin sur tuot sias rivas, tuot il temp della mess,) * 1 Cron. 12, 15. Ger. 12, 5.

16. Schi las auas chi gnivan da sur ingio as fermettan, e s'adozettan in ün mantun, fieh dalönsch pro la cità d'Adam, chi ais alla vart da Sartin; e quellas chi currivan giò da suot, vers il mâr della planüra, chi ais il mâr insalâ, gnittan almain, e scolettan e'l pövel passet via in vista a Gerico.

17. Ma ils sacerdotes chi portaivan l'archa del pat del Segner as fermettan salds nel sût, in mez il Giordan, e tuot Israel passaiva tras il sût, fin cha tuot il pövel avet fini da passar il Giordan.

CHAP. IV.

Giosua drizza sù dudesch peidras in mez il Giordan. Las auas del Giordan tuornan in lur lö, Giosua comanda al pövel da mosssar quel miracul a lur infants.

MA, cur tuot il pövel avet fini da passar il Giordan, dschet il Segner a Giosua:

2. As pigliai our dal pövel dudesch homens, da scodüna schlatta ün hom,

3. E comandai ad els, dschand: Pigliai sù da quia, our da mez il Giordan, dal lö, ingio ils peis dels sacerdotes stettan fermes, dudesch peidras, e portâ-las con vus da là del *Giordan*, e tschantâ-las nel allogiamaint, nel qual vus quaista not gnis a star.

4. Qua clamet Giosua ils dudesch homens, ils quals el avaiva ordinâ tanter ils infants d'Israel, ün hom da scodüna schlatta;

5. E dschet ad els: Passai avant all'archa del Segner vos Deis, in mez al Giordan, e scodündavus piglia ünapeidra sün *sia* spadla, seguond il number dellas schlattas dels infants d'Israel;

6. Acio cha quaiста saja ün signal in mez vus. Cur voss infants domanderan nel avegnir, dschand: Che *vöglian dir* quaiстаs peidras, ch' avais qui?

7. Schi dessat vus dir ad els; cha las auas del Giordan as partittan avant l' archa del pat del Segner, cur ella passet il Giordan; e quaiстаs peidras dessan *servir* per regordanza als infants d' Israel, in perpetuo.

8. Ed ils infants d' Israel fettan, seo Giosua avaiva comandâ, e piglettan, seguond cha 'l Segner avaiva dit a Giosua, dudesch peidras, our da mez il Giordan, seguond il nomber dellas schlattas dels infants d' Israel, e las portettan con els da là *del Giordan*, al allogiamaint, e qua las tschantettan els giò.

9. Giosua drizzet sü eir dudesch peidras in mez il Giordan, nel istess lö, ingio ils peis dels sacerdots, chi portaivan l' archa della lia, eiran stats fermes; e quellas sun *restadas* qua fin a quaiста di.

10. Ils sacerdots dimena, chi portaivan l' archa, stettan sü dret, in mez il Giordan, fin tuot las chosas cha 'l Segner avaiva comandâ a Giosua, da dir al pövel, füttan finidas; seguond tuot quai cha Mose avaiva comandâ a Giosua; ed il pövel festinet a passar.

11. Ma, cur tuot il pövel avet fini da passar, schi passet eir l' archa del Segner, ed ils sacerdots as mettettan avant il pövel.

12. Ed ils figls da Ruben, ed ils figls da Gad, e la mitâ della schlatta da Manasse, passettan armats avant ils infants d' Israel; seguond cha * Mose als avaiva dit.

* Num. 32, 20. 28.

13. In nomber intuorn quarantamilli combattants, passettan nella planüra da Gerico, avant il Segner, alla guerra.

14. In quel di il Segner * magnifichet Giosua avant ils ögls da tuot Israel, e quels il tmettan, seo avaivan tmü Mose, tuot ils dis da sia vita.

* Gios. 3, 7.

15. Ma il Segner favlet a Giosua, dschand:

16. Comanda als sacerdots, chi portan * l' archa della testimonianza, cha vengnan sü our dal Giordan. * Ex. 25, 16. 22.

17. E Giosua comandet, e dschet als sacerdots: Gni sü our dal Giordan!

18. E dvantet, cur ils sacerdots, chi portaivan l' archa del pat del Segner, gnittan our da mez il Giordan, *scombod* las plantas da lur peis füttan stachadas, e tschantadas sü'l süt, schi turnettan las auas del Giordan *darcheu* in lur let, e corrittan seo pel passâ, sur tuot sias rivas.

19. Usche gnit il pövel sü dal Giordan, il deschavel *di* del prüim mais, e s' acchampet in Gilgal, dalla vart orientala da Gerico.

20. E Giosua drizzet sü in Gilgal quellas dudesch peidras, ch' avaivan tut our dal Giordan.

21. El dschet als infants d' Israel in quaiста maniera: Cur voss infants nel avegnir domanderan lur baps, dschand: Che *vöglian dir* quaiстаs peidras?

22. Schi dessat vus far a savair a voss infants, dschand: Israel passet quaiста Giordan sün il süt;

23. Perche il Segner vos Deis ha süantâ sü las auas del Giordan avant vus, fin cha füttat passats, * seo il Segner vos Deis fet al mâr cotschen, il qual el süantet avant nus, fin cha füttans passats;

* Ex. 14, 21.

24. Acio tuot ils pövels della terra sapchan, cha 'l man del Segner ais potaint, afin cha vus temmat da contin il Segner vos Deis.

CHAP. V.

La temma dels Cananits per la vgnüda dels Israelits. Il Segner comanda a Giosua da circonceider il pövel. La manna rafüda.

MA, cur tuot ils rais dels Amorits, chi *eiran* da qua del Giordan, vers il ponent, e tuots ils rais dels Cananits, chi *eiran* sper il mâr, uditan, cha 'l Segner avaiva süantâ las auas del Giordan avant ils infants d' Israel, fin cha füssans passats, schi gnit lur cour smiss, e non restet ad els ingün ardimaint plü, per temma dels infants d' Israel.

2. In quel temp dschet il Segner a Giosua: At fâ curtels tagliaints, e tuorna danöy a circonceider ils figls d' Israel.

3. Contuot as fet Giosua curtels tagliaints, e circoncidet ils figls d' Israel sün la muotta dellas pelliottas.

4. Ma quaiста füt la causa, per la quala Giosua *ils* circoncidet: Tuot ils maschels del pövel, chi eira gnü our d' Egipto, cioè tuot ils homens da guerra, eiran morts nel desert per il viadi, davo esser its our d' Egipto.

5. E combain tuot il pövel chi gnit *our d' Egipto* eira circonceis, schi non avaivan els impero circonceis tuot il pövel chi eira nat nel desert per viadi, davo esser its our d' Egipto.

6. Perche ils infants d' Israel chaminettan quarant' ans tras il desert, fin cha füt consumâ il pövel dels homens da guerra, chi eiran gnüts our d' Egipto, ils quals non avaivan obedi alla vusch del Segner, pelqual il Segner * avaiva girâ ad els, ch' el non ils laschess vair il pajais, del qual el avaiva girâ a lur babuns, ch' el il ans voless dar; pajais chi cula da lat e meil.

* Num. 14, 21.

7. Ma lur figls sdasdet sù il Segner in lur lö, e quels circoncidet Giosua; perche cha eiran noncirconceis, siand non eiran stats circonceis per viadi.

8. Ma, davo fini da circonceider tuot il pövel, dmurettan els fermats nel champ, fin füssan guarits.

9. Ed il Segner dschet a Giosua: Hoz as ha eu tut davent il vituperi d' Egipto. Ed el det nom a quel lö, Gilgal, fin a quaiست di.

10. Ed ils infants d' Israel, s' achampettan in Gilgal e celebrettan la pasqua, il * quattordeschavel di da quel mais, sün la saira, sün las champagnas da Gerico.

* Ex. 12, 6.

11. Ed il di seguaint alla pasqua mangettan els del prodot del pajais, pans azims, e gran ustri, in quel istess di.

12. Ed il di davo ch' avettan mangiâ del prodot del pajais, tschesset la manna, ed ils infants d' Israel non avettan plü manna; anzi quel an mangettan els del früt della terra da Canaan.

13. Ma dvantet, cur Giosua eira sper Gerico, ch' el ozet ils ügls e guardet, e mera, ün hom staiva dret sù avant el, ed avaiva sia spada tratta

in man. E Giosua get via pro el, e dschet ad el: Est tü dels noss, ovvero da noss inimis?

14. Ed el dschet: Na, anzi eu *sün* il capo del exercit del Segner: Eu sun uossa gnü. E Giosua erodet giò sün sia fatscha a terra, ed aduret, e dschet ad el: Che disch meis Segner a seis serviaint?

15. Ed il capo del exercit del Segner dschet a Giosua: Tir' oura tias scharpas da teis peis; perche il lö, sur il qual tü stast, ais sanct. E Giosua fet usche.

CHAP. VI.

La praisa e destrucziun da Gerico. La chasa da Rahab cussalvada. Giosua smaletescha quel chi darcheu gniss ad edificar Gerico.

MA Gerico eira serrada, e bain fermada, per temma dels infants d' Israel; ingün non gniv' oura, ed ingün non intraiva.

2. Ed il Segner dschet a Giosua: Guarda, eu at dun in man Gerico, e seis rai, e seis pövel da guerra.

3. Vus dimena, ils homens da guerra, it intuorn la città, girand üna vouta. Fà usche ses dis;

4. E set sacerdots dessan portar avant l' archa set trombettas da sunar d' allegrezza; ed al settavel di it intuorn la città set voutas, ed ils sacerdots dessan sunar con las trombettas.

5. Ma, cur els vegnan a sunar alla distaia col corn d' allegrezza, e vus gnis ad udir il sun dellas trombettas, schi dess tuot il pövel clamar con grand bragizi, e la müraglia della città darà aint suot ella, ed il pövel dess muntar aint, scodün güst avant sai.

6. Giosua lura, il figl da Nun, clamet ils sacerdots, e dschet ad els: Portai l' archa della lia, e set sacerdots dessan portar avant l' archa del Segner set trombettas da sunar d' allegrezza.

7. Füt dit eir al pövel: Passai e girai intuorn la città, ed il pövel da guerra dess passar avant all' archa del Segner.

8. Ma, cur Giosua avet dit quaiست al pövel, passettan inavant ils set sacerdots, portand set trombettas da sunar d' allegrezza avant il Segner,

sunettan con las trombettas, e l' archa della lia del Segner gniva davo els.

9. Ed il pövel da guerra chaminaiva avant ils sacerdots, chi sunaivan con las trombettas; ma la davoguardia chaminaiva davo l' archa; da contin as sunaiva con las trombettas.

10. Ma Giosua avaiva comandâ al pövel, e dit: Non bragirai, e non farai udir vossa vusch, ed ingün pled non giaja our da vossa bocca, fin al di, ch' eu vegn as dir: Bragi; lura dessat bragir.

11. Usche fet ir *Giosua* l' archa del Segner intuorn la città, girand üna vouta, lura gnit *il pövel* nel champ, e pernottet nel champ.

12. E Giosua alvet sü la mattina, ed els sacerdots portaivan l' archa del Segner.

13. E 'ls set sacerdots, portand set trombettas, da sunar d' allegrezza, chaminaivan avant l' archa del Segner, e da contin sunaivan els con las trombettas, e l' pövel da guerra giaiva avant els, e la davoguardia chaminaiva davo l' archa del Segner; da contin as sunaiva con las trombettas;

14. Ed usche girettan els üna vouta intuorn la città il seguond di, e turnettan lura nel champ. Usche fettan els ses dis.

15. Ma il settavel di, siand alvats la mattina, al spuntar dell' alba, girettan els intuorn la città nella medema maniera set voutas; solum quel di girettan els la città set voutas.

16. E la settavla vouta, cur ils sacerdots sunaivan con las trombettas, dschet Giosua al pövel: Bragi, perche il Segner s' ha dat la città!

17. La città sarà ün interdit, *consacrâ* al Segner, insembel con tuot quai ch' *ais* laint; solum la pitana Rahab dess restar in vita, con tuot quels in chasa con ella; perche ella * zoppet ils mess, ils quals nus tramettettan.

* Gios. 2, 4.

18. Ma * solum s' inguardai del interdit; cha vus forse non as rendat culpabels del interdit, pigliand qualchosa del interdit, e mettat il champ d' Israel nel interdit, e l' cuntunorblat.

* Deut. 7, 26.

19. Ma tuot l' argent, e l' or, e vascels d' aram e da fier, dessan esser consacrats al Segner; quels dessan intrar nel tesor del Segner.

20. Il pövel dimena bragit, ed ils sacerdots sunettan con las trombettas; e dvantet, cur il pövel avet udi il sun dellas trombettas, ed avet bragi con grand bragizi, * cha det aint la müraglia *da Gerico* suot ella, e l' pövel muntet aint nella città, scodün güst avant sai; ed els piglettan la città.

* Ebr. 11, 30.

21. E sdriüettan a möd d' interdit tuot quai cha *eira* dadaint la città, homens e donans, infants, e vegls; fin als boys, la bescha, e 'ls asens, *ils mettand* a fil da spada.

22. Ma Giosua dschet als duos homens chi avaivan spiâ il pajais: It in chasa da quella duonna pitana, e fatla gnir oura, e tuot quels chi l' *appertegnan*, * seo vus la gürettat.

* Gios. 2, 14.

23. Quels giuvens dimena, chi avaiavan spiâ *il pajais*, intrettan *in chasa*, e fettan gnir oura Rahab, e seis bap, e sia mamma, e seis frars, e tuot quai chi l' *appertgnaiva*; tuot la famiglia dels seis fettan els gnir oura, e la mettettan dadour il champ d' Israel.

24. Ma la città ardettan *els* con fö, e tuot quai cha *eira* laint; solum l' argient, e l' or, e 'ls vascels d' aram, e da fier, tchantettan els nel tesor della chasa del Segner.

25. E Giosua cussalvet la vita a Rahab, la pitana, ed alla famiglia da seis bap, ed a tuot ils seis; e quella dmuret in mez Israel fin a quai di, perquai ch' ella zoppet ils mess, cha Giosua avaiva tramiss per spiar Gerico.

26. E Giosua fet in quel temp ün saramaint, dschand: Maledet *saja* nel conspet del Segner l' hom, il qual gniss as intrametter d' edificar darcheu quaiста città da Gerico! * El vain a la sögliar sur seis figl il vegl, ed a tchantar sias portas sur seis figl il giuven.

* 1 Rais 16, 34.

27. Usche füt il Segner con Giosua, e sia fama get oura pertuot il pajais.

CHAP. VII.

Per il ladranetsch d' Acan as grittaint' il Segner, e chastia tuot Israel tras quels d' Ai. Giosua ura vi' al Segner, e quel al declera la causa; ed Acan vain accrappâ.

MA 'ls infants d' Israel comettettan misfat vi' al interdit; * perche Acan, figl da Carmi, figl da Zabdi, del figl da Zera, della schlatta da Giuda piglet del interdit; pelqual l' ira del Segner s' invüdet conter ils infants d' Israel.

* Gios. 22, 20.

2. E Giosua tramettet homens da Gerico ad Ai, chi ais vicin da Betaven, dalla vart orientala da Betel, e dschet ad els: Muntai, e spiai il pajais. E quels muntettan, e spiettan Ai.

3. Lura turnettan els pro Giosua, e dschettan ad el: Tuot il pövel non laschar muntar lastü; *solum* intuorn dua, o trjamilli homens dessan muntar, schi vegnan els a batter Ai; non stanglantar tuot il pövel, *il fand ir* là; perche in Ai ais pac *pövel*;

4. Usche muntettan là intuorn trjamilli homens del pövel, ma quels füttgittan avant il pövel d' Ai.

5. E l' pövel d' Ai, intuorn trent' e ses homens ils battettan, e 'ls perseguittettan davent dalla porta fin a Sebarim, e 'ls battettan nel ir ingiö; pelqual il cour del pövel alguet, e gnit *sco* aua.

6. Contuot Giosua sdratschet la vestimainta, e erodet giò a terra sün sia fatscha avant l' archa del Segner, e *stet usche* fin saira, el, ed ils seniurs d' Israel, e's büttettan puolvra sül cheu.

7. E Giosua dschet: Ah, Segner Deis, perche pür hast fat passar quaist pövel il Giordan, per ans dar nels mans dels Amorits, chi 'ns sdrüan? Oh ans avessan nus pür contentats da star da là del Giordan!

8. Ah Segner, che dess eu dir, daspö cha Israel ha vout la spadla avant seis inimis?

9. Ils Cananits, e tuot ils abitants del pajais vegnan ad udir, ed as raspar dapertuot intuorn conter nus, e vegnan a sdrür nos nom da sur la terra. E che voust tü far per teis grand nom?

10. Ed il Segner respondet a Giosua: Stà sü, perche est tü büttâ giò sün tia fatscha!

11. Israel ha pechâ, els han transgredi mia lia, ch' eu als avaiva comandâ; els han tut del interdit, ed han involâ; els l' han menti, e l' han tschantâ tanter lur mobels.

12. Perquai non vegnan ils infants d' Israel a podair star a frunt a lur inimis, e vegnan a volver las spadlas avant els; perche els sun dvantats interdit. Eu non vögl plü esser con vus, scha vus non gnis a sdrür l' interdit our da mez vus.

13. Stà sü, santifich' il pövel, e di *ad el*: As santifichai sün daman; perche usche ha dit il Segner, Deis d' Israel: O Israel, ed ais tanter tai del interdit; tü non vainst a podair star a frunt da teis inimis, fin cha non avais tut l' interdit our da mez vus.

14. Contuot as dessat vus approssmar daman mamvagl, da schlatt' a schlatta; e la schlatta, cha l' Segner averà prais, dess s' approssmar da famiglia a famiglia, e la famiglia, cha l' Segner averà prais, dess s' approssmar dad hom ad hom.

15. Quel lura, chi sarà clappâ nel interdit, dess gnir * ars col fö, el, e tuot quai ch' *ais* sieu, perquai ch' el ha transgredi la lia del Segner, ed ha commiss sceleratezza in Israel.

* Deut. 13, 16.

16. Giosua dimena alvet sü la matina a bun' ura, e fet approssmar Israel da schlatt' a schlatta, e la schlatta da Giuda füt praisa.

17. E, siand fatt' approssmar la schlatta da Giuda, clappet *il Segner* la famiglia dels Zarits; lura, siand fatt' approssmar la famiglia dels Zarits, füt prais Zabdi.

18. Lura, siand fatt' approssmar la famiglia da quel, dad hom ad hom, füt prais Acan, il figl da Carmi, del figl da Zabdi, del figl da Zera, della schlatta da Giuda.

19. E Giosua dschet ad Acan: Meis figl, eu't rov, dà gloria al Segner Deis d' Israel, e fâ confessiun ad el, e declera 'm uossa quai cha tü hast fat; non il tgnair azzoppâ avant mai.

20. Ed Acan respondet a Giosua, e

dschet: Tschert, eu ha pechâ conter il Segner Deis d'Israel, ed ha fat usche, ed usche.

21. Aviaud eu vis tanter il butin ùna bella mantelletta Babilonica, e duatschient siccais d' argient, ed ùna stanga d' or, in paisa da tschin-quanta siccais, am dalettet eu da quaistas chosas, e las piglet; e mera, quellas *sun* zoppadas nella terra in mez mia tenda, e l' argient, *ais* giosuot.

22. Lura tramettet Giosua mess, ils quals curritan pro la tenda; e mera, quai *eira* zoppâ nella tenda, e l' argient giosuot.

23. Contuot piglettan els quellas chosas our dalla tenda, e las portettan a Giosua, ed a tuot ils infants d'Israel, e las büttettan avant il Segner.

24. E Giosua, e tuot Israel con el, piglettan Acan, figl da Zera, e l' argient, e la mantelletta, e la stanga d' or, ed ils figls, e las figlias da quel, e seis bovs, e seis asens, e sia bescha, e sia tenda, e tuot quai ch' *eira* sieu, e l' manettan nella val Acor.

25. E Giosua dschet ad Acan: Perche ans hast tü conturbats? Il Segner at conturblescha in quai di! E tuot Israel l' accrappet con peidras, e davo ils ardettan els *tuots* con fö.

26. Lura drizzettan els sü sur el ün grand mantun da peidras, *il qual diura* fin a quai di. Ed il Segner s' aquietet da sia ira ardenta; perquai ais quel lö nomnâ * val Acor, fin al di d' hoz.

* Es. 65, 10.

CHAP. VIII.

La città d' Ai ais praisa; il rai pendü; Giosua edificha ün utër al Segner; el preleja al pövel tuot la ledscha.

LURA disch il Segner a Giosua: Non tmair, e non at stramantar; piglia con tai tuot il pövel da guerra, e stâ sü, e munta conter Ai; guarda, eu t' ha dat nels mans il rai d' Ai, e seis pövel, e sia città, e seis pajais.

2. Ma fâ con Ai e con seis rai, * sco tü hast fat con Gerico, e con seis rai; vus as dessat tour per vus solum il butin, ed il bestiam da quella. Metta

aguets alla città, dalla vart davo da quella.

3. Giosua dimena, e tuot il pövel da guerra, stet sü per muntar conter Ai; e Giosua tschernet oura trentamilli homens, valents e fermes, e 'ls tramettet *inavant* da not;

4. E 'ls comandet, dschand: Guardai, stat als aguets conter la città, dalla vart davo della città; non starai tant dalönsch davent dalla città, e sajat tuots pronts.

5. Ma eu, e tuot il pövel chi *resta* con mai, volain ans approsmar alla città; e cur els vegnan oura conter nus, sco la prüma vouta, schi volains fügir avant els;

6. Ed els gnaran davo nus, fin cha nus ils hajan trats davent dalla città; perche els dscharan: Quels mütschan avant nus sco la prüma vouta; e nus volain fügir avant els.

7. Lura's fat sü our dals aguets, e pigliai aint la città; perche il Segner vos Deis vain as la dar nels mans.

8. E, cur vus averat tut la città, schi la dessat dar fö. Fat seguond il pled del Segner; guardai, eu s' *il* ha comandâ.

9. Usche ils tramettet Giosua, e quels gettan nels aguets, e 's fermettan tanter Betel ed Ai, al ponent d' Ai, e Giosua dmuret quella not tanter il pövel.

10. Alvand lura la daman a bun' ura, fet el la rassegna del pövel, ed el, con ils seniurs d' Israel, muntettan sü v' avant il pövel vers Ai;

11. E tuot il pövel da guerra chi *eira* con el, muntet, e s' approsmet, e rivet v' in vista alla città, e mettet il champ alla vart settentrionala d' Ai, e la val *eira* tanter els ed Ai.

12. El piglet eir intuorn tschinchmilli homens, e 'ls tschantet in aguets tanter Betel ed Ai, al ponent della città.

13. E, davo cha tuot il pövel füt dispost, cioè tuot il champ, chi *eira* dal settentrion della città, e seis aguet, chi *eira* dal ponent da quella, schi chaminet Giosua quella not per mez la val aint.

14. E cur il rai d' Ai avet vis *quai*, schi festinet il pövel della città, e 's

fet sü a bun' ura. Ed il rai, e tuot seis pövel gnittan nella champagna, al punto tut ad insontrar Israel, per *dar la* battaglia. Ma el non savaiva, cha füssan aguets davo la città conter el.

15. Giosua lura, e tuot Israel, fettan vista d'esser battüts dad els, e mütschettan, trand vers il desert.

16. E tuot il pövel chi *eira* in Ai, füt raspâ con bragizi, per als dar davo. Usche persequittettan els Giosua, e füttan trats davent dalla città.

17. E non restet ün hom dadaint Ai, ne dadaint Betel, chi non füss it oura davo Israel, ed els laschettan la città averta, e persequittettan Israel.

18. Lura dschet il Segner a Giosua: Oza il standart, cha tü hast in man, vers Ai; perche eu la't vögl dar nels mans. E Giosua ozet il standart, ch' el avaiva in man vers la città.

19. E subit, aviand el stais il man, stettan sü ils aguets da lur lö, e curritan ed intrettan nella città, e la piglettan, e festinettan a la dar fö.

20. Ma 'ls homens d' Ai as volvettan inavo, e guardettan, e mera, il füm della città muntaiva a tshel, ed els non avettan forza per mütschar, ne qua, ne là; ed il pövel, chi eira fügi vers il desert, as volvet conter quels, chi'l daivan davo.

21. Giosua dimena, e tuot Israel, veziand cha 'ls aguets avaivan tut la città, e cha 'l füm da quella giaiva sü, volvettan la fatscha, e battettan il pövel d' Ai.

22. Quels *oters* gnittan our dalla città incounter ad els, ed usche füttan els *clodits* in mez Israel, *essendo* üna part da qua, e l' otra da là; ed els ils battettan in möd, cha non laschettan ingün chi restet in vita.

23. Ed il rai d' Ai piglettan els viv, e'l manettan pro Giosua.

24. Ma, davo cha Israel avet fini da mazzar tuot ils abitants d' Ai, sün la champagna, nel desert, ingio els ils avaivan persequittâ, e cha tuots interamaing füttan crodats a fil da spada, schi turnet tuot Israel vers Ai, e la mettet a fil da spada.

25. E tuot quels chi erodettan *morts* quel di, tant homens, co donans, füt-

tan dudeschmilli *persunas*, tuot il pövel d' Ai.

26. E Giosua non retret seis man, il qual el avaiva stais con il standart, fin cha füttan sdrüts a möd d'interdit tuot ils abitants d' Ai.

27. Ils Israelits piglettan per els solum il bestiam, ed il butin da quella città, seguond cha 'l Segner avaiva comandâ a Giosua.

28. Contuot ardet Giosua Ai, e la redüet in ün munt da ruinas in perpetuo, *seo ais* fin al di d' hoz.

29. Ed il rai d' Ai pichet el vi' ad ün lain, e *quel restet qua* fin la saira; e sül tramontar del solai comandet Giosua, e'l corp mort da quel füt levâ giò dal lain, e büttâ all' intrada della porta della città; e sur quel füt drizzâ sü ün grand mantun da peidras, fin a quaist di.

30. Lura edifichet Giosua ün utêr al Segner Deis d' Israel, sün il munt Ebal,

31. Seguond cha Mose, il servaint del Segner, avaiva comandâ als infants d' Israel; * *seo* sta scrit nel eudesch della ledscha da Mose; ün utêr da peidras intêras, sur las qualas ün non avaiva fat passar fier; *ed els* offerittan sün quel olocausts al Segner, e sacrificettan sacrificiz d' ingraziamaint.

* Ex. 20, 25. Deut. 27, 5.

32. * *Ed el* scrivet qua sün las peidras üna copia della ledscha da Mose, la quala el avaiva scrit, per esser avant ils infants d' Israel.

* Deut. 27, 2. 8.

33. Ma tuot Israel, e seis seniurs, e seis offizials, e preposts, e seis güdischs, staivan in pè da qua, e da là dell' archa, incounter als sacerdots levits, ehi portaivan l' archa del pat del Segner; tant forestêrs, co natives d' Israel, l' üna mitâ vers il munt Garizim, e l' otra mitâ vers il munt Ebal; * *seo* Mose, il servaint del Segner, avaiva comandâ, per benedir prümariaing il pövel d' Israel. * Deut. 27, 12.

34. E, davo quaist, leet el tuot ils plets della ledscha, las benedicziuns, e las maledicziuns, seguond tuot quai cha sta scrit nel eudesch della ledscha.

35. E non füt ün pled, da tuot quai cha Mose avaiva comandâ, cha Giosua

non il leet avant tuot la raspada d'Israel, eir allas donans, ed als infants, ed als forestêrs chi giaivan intanter els.

CHAP. IX.

Ils rais Cananits fan insembel lia conter ils Israelits; ils Gibeonits obtegnan pasch e lia con Giosua tras frod, il qual vain scovert, e chastia.

MA, eir tuot ils rais, chi *eiran* da qua del Giordan, sül munt, e nella planüra, e giò per tuot la riva del mâr grand, via conter il Libano, ils Hetits, ed ils Amorits, ed ils Cananits, ed ils Feresits, ed ils Hevits, ed ils Jebusits, avettan inclet quaistas chosas,

2. Schi's raspettan els tuots insembel, per guerragliar con Giosua, e con Israel, d'ingual consentimaint.

3. Ma 'ls abitants da Gibeon uditan quai cha Giosua avaiva fat a Gerico, ed ad Ai,

4. Ed eir els as sfadiettan, con ingian; perche els gettan, e's fettan sco sün viadi, e piglettan sachs vegls sün lur asens, ed uders vegls da vin, şcharpats, e pezzats,

5. E şcharpas veglias e comodadas nels peis, e vestimainta veglia in döss, e tuot il pan da lur provisiun eira sech, e müf.

6. Contuot gnittan els pro Giosua, nel champ in Gilgal, e dschettan ad el, ed als principals d'Israel: Nus gnin da pajais lontan; uossa dimena fat lia con nus.

7. Lura dschettan ils principals d'Israel a quels Hevits: Forsa abitais vus in mez da nus; co dimena desan nus far lia con vus?

8. Ma quels dschettan a Giosua: Nus *eschan* teis serviaints. E Giosua dschet ad els: Chi *eschat* vus, e dinuonder gnis vus?

9. E quels dschettan ad el: Teis serviaints sun gnüts da fich lontan pajais, sün il nom del Segner teis Deis; perche nus avain udi sia fama, e tuot quai ch'el ha fat in Egipto;

10. E tuot quai ch'el ha fat a duos rais dels Amorits, chi *eiran* da là del Giordan; a Sihon, rai da Hesbon; ed ad Og, rai da Basan, chi *dmuraiva* in Astarot.

11. E noss seniurs, e tuot ils abi-

tants da nos pajais anshandit: Pigliai provisiun in man, per il viadi, ed it incoenter ad els, e dit-als: Nus *eschan* voss serviaints; fat dimena lia con nus.

12. Quaist *ais* nos pan; nus il piglettan chod our da nossas chasas, per nossa provisiun, il di cha partittans per gnir pro vus; ma uossa mera, l'ais dvantâ sech, e müf.

13. E quaists uders da vin, ils quals nus implittan tuots novs, mera, els sun şcharpats; e quaista nossa vestimainta, e nossas şcharpas, sun gnüdas veglias per il fich lung viadi.

14. E 'ls principals * piglettan da lur provisiun, e non domandettan la bocca del Segner.

* Num. 27, 21.

15. E Giosua fet pasch con els, e patuit con els, ch'el ils lascha viver; ed ils principals della raspada gürettan a quels.

16. Ma, trais dis davo ch'avaivan fat lia con els, qua incegettan els, cha *sajan* lur vaschins, e cha abiteschan in mez els;

17. Perche al terz di movettan ils infants d'Israel, e gnittan pro lur cittats, chi *eiran* Gibeon, e Cafira, e Beerot, e Ciriati-Jearim.

18. Ed ils figls d'Israel non ils battettan; perche ils principals della raspada avaivan ad els gütrâ tras il Segner Deis d'Israel. E tuot la raspada brunclaiva conter ils principals.

19. E tuot ils principals dschettan a tuot la raspada: Nus als avain gütrâ tras il Segner Deis d'Israel; perquai non ils podain nus uossa toccer aint.

20. Als fain quaist, e 'ls laschain viver; acio non vegna indignaziun sur nus per causa del güramaint ch'avains fat ad els.

21. Usche dschettan ils principals ad els, cha 'ls laschan viver; ma els füttan ordinats a tagliar laina, e portar aua per tuot la raspada; sco ils principals als avaivan dit.

22. Giosua dimena ils clamet, e tschantschet con els, dschand: Perche ans avais vus ingiannâ, dschand: Nus *eschan d'ün pajais* fich lontan da vus, ed impero abitais vus in mez nus?

23. Contuot eschat vus uossa sma-
ledits, e ma non dess esser cha non
sajan da vus famagls, e chi taglian
laina, e portan aua per la chasa da
meis Deis.

24. Ed els respondettan a Giosua,
e dschettan: *Nus l'avain fat*, perche
l'eira rapportâ a teis famagls per
chosa tscherta, cha'l Segner teis
Deis avaiva comandâ a Mose, seis
serviaint, da's dar tuot il pajais, e
da sdrür avant vus tuot ils abitants
del pajais; pelqual nus, tmand
grandamaing da vus per nossas per-
sunas, avain fat quaista chosa.

25. Ed uossa, mera 'ns qui in teis
man, fâ vers nus seo 't para bön e dret
da far.

26. El dimena fet ad els usche, e 'ls
deliberet dals mans dels figls d'I-
srael, dasort chanon ils ammazzettan.

27. Ed in quel di ils ordinet Giosua,
per tagliar laina, e portar aua per la
raspada, e per l'utêr del Segner, in
qualunque lö ch'el tscherness, fin al
di d'hoz.

CHAP. X.

Ils tschinch rais dels Amorits vegnan vints, part
dal tschel, part dalla spada. Il solai e la glüna
as ferman sün l'oraziun da Giosua, ed el pi-
glia aint bler pajais.

MA, cur Adonisedec, rai da Gerusa-
lem avet udi, cha Giosua avaiva
tut aint Ai, e l'avaiva sdrütta a möd
del interdit; e cha Giosua avaiva fat
ad Ai, ed a seis rai, seo ch'el avaiva
fat a Gerico, ed a seis rai, e cha 'ls
abitants da Gibeon avaivan fat pasch
con ils Israelits, e cha eiran in mez
els;

2. Schi tmet el, e seis pövel granda-
maing; perche Gibeon eira üna gran-
da città, seo üna dellas cittats regalas,
ed eira plü granda co Ai, e tuot seis
abitants eiran homens valerus;

3. Perquai Adonisedec, rai da Geru-
salem, tramettet a dir a Hoham, il rai
da Hebron, ed a Piream, il rai da
Jarmut, ed a Jafia, il rai da Lachis,
ed a Debir, il rai d'Eglon:

4. Gni sü pro mai, e succuorrâ-'m,
schi volain nus batter Gibeon; perche
el ha fat pasch con Giosua, e cols
figls d'Israel.

5. Contuot tschinch rais dels Amo-

rits, il rai da Gerusalem, il rai d'He-
bron, il rai da Jarmut, il rai da La-
chis, il rai d'Eglon, as rassetan, con
tuot lur exercits, e 's tschantettan a
champ conter Gibeon, e combattettan
conter quella.

6. Ed ils Gibeonits tramettettan a
dir a Giosua, nel champ a Gilgal:
Teis mans non sajan retrats a spor-
scher agüd a teis famagls; vè sü bain-
bod pro nus, e cussalva 'ns, e suc-
cuorra 'ns, perche tuot ils rais dels
Amorits, chi abiteschan süil munt, sun
raspats conter nus.

7. E Giosua muntet sü da Gilgal, in-
sambel con tuot il pövel da guerra,
e tuot ils homens valerus.

8. Ma 'l Segner dschet a Giosua: Non
at tmair d'els, perche a tai ils ha eu
dat nels mans; ingün d'els non vain
at podair star a frunt.

9. E Giosua gnit subit all' impro-
vista pro els, essendo chaminâ tuot
la not da Gilgal.

10. Ed il Segner * ils mettet in de-
ruotta avant Israel, il qual ils battet
con granda plaja sper Gibeon, e 'ls
perseguittet per la via della munta-
da da Bet-Horon, e 'ls battet fin ad
Azeca, e fin a Maceda.

* Es. 28, 21.

11. Ma, intant ch'els fügivan vi' a-
vant Israel, ed eiran nel ir giò da Bet-
Horon, schi büttet il Segner sur els
giò da tschel peidras grossas, infin
ad Azeca, pelqual quels morittan.
Plüs füttan *quels* chi morittan dallas
peidras della tempesta, co *quels* cha
'ls figls d'Israel mazzettan con la
spada.

12. Giosua lura favlet al Segner,
il di, cha 'l Segner det ils Amorits in
man dels figls d'Israel, e dschet in
presenza d'Israel: Solai at ferma a
Gibeon, e tü glüna nella val Ajalon!

13. E 'l solai as fermet, e la glüna
s'arrestet, fin cha 'l pövel as avet
svindiehâ vi' a seis inimis. Non ais
quaist scrit nel cudesch dels drets?
Il solai as fermet a mez il tschel, e
non piglet prescha a tramontar, per
il spazi bod d'ün di intêr.

14. E mâ plü, ne avant, ne davo,
non ais stat di simil a quel, cha 'l Se-
gner exodit la vusch d'ün hom; per-
che il Segner combattaiva per Israel.

15. Giosua lura, insembel con tuot Israel, turnet darcheu pro 'l champ a Gilgal.

16. Ma quels tschinch rais eiran mütschats, e s'avaivan zoppats nella spelunca, *chi ais* a Maceda.

17. Ed essendo rapportâ a Giosua: ils tschinch rais sun chattats, zoppats nella spelunca a Maceda,

18. Schi dschet el: Rodlai via peidras grandas alla bocca della spelunca, ed ordinai homens sper quella, per la perchütar.

19. Ma vus, non restarai fermats; perseguitai voss inimis, e mazzai quels chi restan davo; non lascharai cha intran in lur cittats; perche il Segner vos Deis ils ha dats in voss mans.

20. E, davo cha Giosua, ed ils figls d'Israel avettan fini da 'ls batter d'üna fich granda plaja, fin cha tuots füttan sdrüts, e quels dad els, chi scampettan via, füttan cussalvats, intrand in lur cittats fermas;

21. Schi turnet darcheu tuot il pövel pro Giosua nel champ a Maceda, con pasch; neir non moventet ingün la lengua conter alchün dels figls d'Israel.

22. Lura disch Giosua: Avri l'intrada della spelunca, e trat our da quella ils tschinch rais, e manâ 'ls nan pro mai.

23. Ed usche füt fat. E quels tschinch rais gnittan trats our dalla spelunca, e manats pro Giosua, *cioè*: Il rai da Gerusalem, il rai d'Hebron, il rai da Jarmut, il rai da Lachis, e 'l rai d'Eglon.

24. E, davo cha quels rais füttan trats oura, e manats pro Giosua, clamet Giosua tuot ils homens d'Israel, e dschet als chapitanis del pövel da guerra, chi eiran its con el: S'approsmai, mettai voss peis sül colöz da quaists rais. E quels s'approsmettan, e mettettan lur peis sün lur colözs.

25. E Giosua dschet ad els: Non as tmarai e non as sgrischarai; sajat valents, e fortifichats; perche usche vain il Segner a far con tuot voss inimis, conter ils quals vus gnis a combatter.

26. Lura battet Giosua quels *rais*, e 'ls fet morir, e 'ls appichet sün tschinch fuorchas, sün las qualas *els* stettan pichats fin la saira.

27. Ed al tramontar del solai, qua comandet Giosua, ed els füttan levats giò dallas fuorchas, e büttats nella spelunca, nella quala els s'avaivan zoppats, e peidras grandas füttan tschantadas all'intrada della spelunca, *las qualas restettan* fin a quaist di.

28. Giosua piglet aint eir Maceda in quel di, e la battet a fil da spada, e sdrüet in möd d'interdit seis rai, insembel cols *abitants*, ed ogni orma chi *eira* aint dadaint; el non laschet ingün in vita, e fet al rai da Maceda, * sco ch'el avaiva fat al rai da Gerico.

* Gios. 6, 21.

29. Giosua lura, con tuot Israel, passet da Maceda a Libna, per la combatter.

30. Ed il Segner det eir quella, insembel con seis rai, nels mans d'Israel, ed el la mettet a fil da spada, con tuot las ormas chi *eiran* laint; el non laschet ingün in vita, e fet a quel rai, sco *el* avaiva fat al rai da Gerico.

31. Giosua lura, con tuot Israel, passet da Libna a Lachis, e s'accham-pet avant ella, per la combatter.

32. Ed il Segner det Lachis nel man d'Israel, ed el la piglet aint al seguond di, e la mettet a fil da spada, con tuot las ormas chi *eiran* laint; güst usche, sco *el* avaiva fat con Libna.

33. Horam lura, rai da Gezer, muntet nan per succuorrer Lachis; ma Giosua battet, el, e seis pövel, fin a non al laschar ingün in vita.

34. Davo quai passet Giosua, con tuot Israel, da Lachis ad Eglon, e s'accham-pet avant ella, per la combatter.

35. El la piglet in quel istess di, e la mettet a fil da spada; ed el sdrüet in quel di al möd d'interdit tuot las ormas, chi *eiran* laint; güst usche, sco *el* avaiva fat con Lachis.

36. Giosua lura, con tuot Israel, muntet d'Eglon a Hebron, per la combatter.

37. Ed el la piglet, e la mettet a fil

da spada, insembel con seis rai, e con tuot sias cittats, e con tuot las ormas chi *eiran* laint; el non laschet ingün in vita, güst usche, sco l'avaiva fat con Eglon; e la sdrüet al möd d'interdit, con tuot las ormas chi *eiran* laint.

38. Giosua lura, con tuot Israel, as volvet vers Debir, per la combatter.

39. Ed el la piglet, insembel con seis rai, e cen tuot sias cittats, e las mettet a fil da spada, e sdrüet a möd d'interdit tuot las ormas chi *eiran* laint; el non laschet ingün in vita, e fet a Debir, ed a seis rai, sco l'avaiva fat ad Hebron, e sco l'avaiva fat a Libna, ed a seis rai.

40. Giosua dimena battet tuot quel pajais, la contrada del munt, e del mezdi, e della planüra, e dellas costas dels munts, insembel con tuot lur rais; el non laschet ingün in vita, anzi sdrüet a möd d'interdit ogni orma; * sco il Segner Deis d'Israel avaiva comandâ.

* Deut. 7, 2. 20, 16.

41. Usche ils battet Giosua da Cades-Barnea fin a Gaza, e tuot il pajais Gosen fin a Gibeon.

42. E Giosua piglet tuot quels rais, e lur pajais, in üna vouta; perche il Segner Deis d'Israel combattaiva per Israel.

43. Giosua, e tuot Israel con el, turnet lura inavo nel champ a Gilgal.

CHAP. XI.

Jabin, rai da Hasor, ed oters blers rais as raspan, per far guerra conter ils infants d'Israel. Vegnan sdrüts tras Giosua.

MA, cur Jabin, rai d'Hasor, avet incelet *quaistas chosas*, schi tramettet el a Jobab, rai da Madon, ed al rai da Simron, ed al rai d'Aesaf;

2. Ed als rais chi *eiran* vers setten-trion, sül munt, e nella champagna, del mezdi da Cinnerot, e nella planüra, e nellas contradas da Dor, vers l'occidaint;

3. *Als* Cananits, vers l'oriaint e vers l'occidaint, ed *als* Amorits, ed *als* Hettits, ed *als* Feresits, ed *als* Jebusits, *chi sun* sül munt, ed *als* Hevits, *chi sun* suot Hermon, nel pajais da Mispâ.

4. E quels gnittan oura, con tuot lur exercits, ün grand pövel, sco l' sa-

blun sper la riva del mâr in blerüra, e chavals, e charra in grandissem number.

5. E tuot quaists rais gnittan insembel, e s'acchamptettan insembel sper las auas da Merom, per combatter conter Israel.

6. Ma 'l Segner dschet a Giosua: Non at tmair d'els; perche daman, circa a quaist temp, vögl eu far, cha tuots saran mazzats nel conspet d'Israel; a lur chavals dessast tü tagliar il giarlets, e col fö arder lur charra.

7. Giosua dunque, con tuot il pövel da guerra, gnit conter els all'improvisa sper las auas da Merom, ed ils assaltet.

8. Ed il Segner ils det nels mans d'Israel, e quels ils battettan, e 'ls persequittettan fin a Sidon, la *città* granda, e fin allas auas chodas, e fin alla val da Mispê, vers l'oriaint, e 'ls battettan in möd, cha non laschettan ingün in vita.

9. E Giosua fet con els sco 'l Segner l'avaiva dit; el taglet ils giarlets a lur chavals, ed ardet lur charra col fö.

10. In quel temp turnet Giosua inavo, e piglet aint Hasor, e battet seis rai con la spada; Hasor nempe eira pel passâ statta il capo da tuots quels reginams.

11. Eir mettet el scodün'orma chi *eira* aint dadaint a fil da spada, las sdrüand a möd d'interdit; e non restet ingün'orma, ed Hasor ardet *Giosua* col fö.

12. Il medem piglet aint Giosua tuot las cittats da quels rais, e tuot lur rais, e 'ls mettet a fil da spada, e 'ls sdrüet a möd d'interdit; * sco Mose, il serviaint del Segner avaiva comandâ.

* Deut. 7, 2.

13. Solum non ardet Israel tuot las cittats chi *eiran* restadas in pè; ourdvart Hasor suletta, *la quala* Giosua ardet.

14. Ed ils infants d'Israel butinetan per els tuot il butin da quellas cittats, ed il bestiam; ma mettettan a fil da spada tuot la glieud, fin cha 'ls avettan sterminats; els non laschettan ingün'orma in vita.

15. * Sco 'l Segner avaiava comandâ a Mose, seis serviaint, usche comandet Mose a Giosua, ed usche fet Giosua; el non interlaschet chosa alchüna da tuot quai, cha 'l Segner avaiava comandâ a Mose.

* Ex. 32, 32. Num. 33, 52.

16. Giosua dimena piglet aint tuot quel pajais, il munt, e tuot la contrada meridionala, e tuot il pajais Gosen, e la planüra, e la champagna, e 'l munt d'Israel, e sia planüra,

17. Dal munt Halac, chi munta *vers* Seir, infin a Baal-gad nella val del Libano, suot il munt Hermon; eir piglet el tuot ils rais da quels *pajais*, e 'ls battet, e 'ls fet morir.

18. Giosua per ün lung temp fet guerra con tuot quels rais.

19. E qua non füt città alchüna, chi fet pasch cols infants d'Israel, ourdvert ils Hevits, abitants da Gibeon; els piglettan tuottas a forza dellas armas.

20. Perche * dal Segner procedaiva, cha s'indüriva lur cour, per gnir a battaglia con Israel; acio ch'el ils sdrüess a möd d'interdit, e cha qua non füss grazia alchüna per els, anzi, cha gnissan sterminats; † sco 'l Segner avaiava comandâ a Mose.

* Deut. 2, 30. † Deut. 20, 16. 17.

21. Giosua gnit eir in quel temp, e sdrüet ils Enacits del munt d'Hebron, da Debir, d'Anab, e da tuot il munt da Giuda, e da tuot il munt d'Israel. Giosua ils sdrüet a möd d'interdit, insembel con lur cittats.

22. Ingüns Enacits non restettan nel pajais dels infants d'Israel; solum a Gaza, a Gat, ed ad Asdod restettan els.

23. Contuot piglet Giosua tuot il pajais, güst usche, sco 'l Segner avaiava dit a Mose, ed el il det ad Israel per ierta, seguond lur partizuns, da schlatta a schatta. Ed il pajais avet pos della guerra.

CHAP. XII.

Descripziun dels rais vints, il pajais dels quals füt tut aint da là del Giordan da Mose; e da qua da Giosua.

MA quaists *sun* ils rais del pajais, ils quals ils figls d'Israel battettan, e 'l pajais dels quals els posse-

dettan da là del Giordan, da solai alvand, dal flüm Arnon, fin al munt Hermon, e tuot la champagna vers l'oriaint.

2. Cioè Sihon, il rai dels Amorits, chi abitaiv' in Hesbon; * il qual signoraiva d'Aroer, chi *ais* sper la riva del flüm Arnon, e *la città* in mez il flüm, e sur la mità da Gilead, fin al flüm Jaboc, *chi ais* il confin dels infants d'Ammon; * Deut. 2, 36.

3. Ed * sur la champagna, fin al mâr da Chinnerot vers l'oriaint, e fin al mâr della champagna, *chi ais* il mâr insalâ, *eir* vers l'oriaint, trand vers Betjesimot, e dalla vart meridionala, *fin* suot las costas da Pisga. * Deut. 3, 17.

4. Ed il pajais d'Og, il rai da Basan, *chi eira* del * rimanent dels Rafeits, † il qual abitaiv' in Astarot, ed in Edrei. * Gen. 14, 5. † Deut. 1, 4.

5. Ed el signoraiva sur il munt Hermon, e sur Salca, e sur tuot Basan, fin als confins dels Gessurits, e dels Maacatits, e la mità da Gilead, fin al confin da Sihon, del rai d'Hesbon.

6. * Mose, il serviaint del Segner, ed ils figls d'Israel, battettan quaists *rais*; e Mose, il serviaint del Segner, det *lur pajais* a possidair als Rubenits, ed als Gadits, ed alla mità della schlatta da Manasse.

* Num. 21, 24.

7. Ma quaists *sun* ils rais del pajais, ils quals Giosua, ed ils figls d'Israel battettan da qua del Giordan, vers l'occidaint, da Baalgad, nella val del Libano, fin al munt Halac, chi munta vers Seir; qual *pajais* Giosua det a possidair allas schlattas d'Israel, seguond lur partizuns.

8. Cioè *il pajais* del munt, e della planüra, e della champagna, e delle costas, e del desert, e della part meridionala; *il pajais* dels Hetits, dels Amorits, dels Cananits, dels Feresits, dels Hevits, e dels Jebusits.

9. Il rai da Gerico, ün; il rai d'Ai, la quala *ais* dalla vart da Betel, ün;

10. Il rai da Gerusalem, ün; il rai da Hebron, ün;

11. Il rai da Jarmut, ün; il rai da Lachis, ün;

12. Il rai d'Eglon, ün; il rai da Gazer, ün;

13. Il rai da Debir, ün; il rai da Geder, ün;
14. Il rai d'Horma, ün; il rai d'Arad, ün;
15. Il rai da Libna, ün; il rai d'A-dullam, ün;
16. Il rai da Maceda, ün; il rai da Betel, ün;
17. Il rai da Tappua, ün; il rai da Hefer, ün;
18. Il rai d'Afec, ün; il rai da Lasaron, ün;
19. Il rai da Madon, ün; il rai da Hasor, ün;
20. Il rai da Simron-meron, ün; il rai d'Acsaf, ün;
21. Il rai da Taenac, ün; il rai da Megiddo, ün;
22. Il rai da Cedes, ün; il rai da Joceam, sper il Carmel, ün;
23. Il rai da Dor, nella contrada da Dor, ün; il rai da Goim, sper Gilgal, ün;
24. H rai da Tirsa, ün; in tuot trent' ün rais.

CHAP. XIII.

Il Segner decler'a Giosua, quants pajais cha resta d'acquistar; e comanda ch'el il parta tuot allas nouv schlattas e mezza.

MA, cur Giosua füt vegl, e da temp, dschet il Segner ad el: Tü est vegl, e da temp, e que resta a vus amo zuond grand pajais d'acquistar.

2. * Quaist *ais* il pajais chi resta: Tuot la contrada dels Filistins, e tuot *il pajais* dels Gessurits. * Gid. 3,3.

3. Da Sihor, chi *ais* a frunt all' Egipto, fin als confins d'Ecron, vers il settentrion, *il pajais* ais quintâ dels Cananits; cioè ils tschinch principals dels Filistins, quel da Gaza, quel d'Asdod, quel d'Ascalon, quel da Gat, e quel d'Ecron ed ils Avits.

4. Vers mezdi, tuot il pajais dels Cananits, e Meara, chi *ais* dels Sidoniers, fin ad Afec, fin als confins dels Amorits.

5. E'l pajais dels Giblits, e tuot il Libano, da solai levand; da Baal-Gad, *chi ais* suot il munt d'Hermon, fin all'intrada d'Hemat.

6. Tuot ils abitanti del munt del Libano, fin allas * Avas chodas, tuot ils Sidoniers. Eu ils vögl schatschar dal conspet dels infants d'I-

srael; parta pür quaist pajais tras la sort ad Israel per ierta; sco eu t'ha comandâ.

* Gios. 11, 8. 14, 1.

7. Contuot part' uossa quaist pajais a nouv schlattas, ed alla mitâ della schlatta da Manasse per ierta.

8. Ils Rubenits, ed ils Gadits, con *l'otra mitâ della schlatta da Manasse*, han redschvü lur ierta, * la quala Mose als det da là del Giordan, vers l'orient, seguond cha Mose, il servaint del Segner, l'ha datt' ad els.

* Num. 32, 33.

9. D' Aroer, chi *ais* sper la riva del flüm Arnon, e la città chi *ais* in mez il flüm, e tuot la planüra da Medeba, fin a Dibon.

10. E tuot las cittats da Sihon, del rai dels Amorits, il qual regnaiva a Hesbon, fin als confins dels infants d'Ammon;

11. E Gilead, e las contradas dels Gessurits, e dels Maacatits, e tuot il munt Hermon, e tuot Basan, fin a Salea;

12. Tuot il reginam d'Og, a Basan, il qual regnaiva in Astarot, ed in Edrei, ed eira restâ del rimanent dels Rafeits; Mose battet quaists *rais*, e 'ls schatschet.

13. Ma 'ls infants d'Israel non schatschettan ils Gessurits, ne 'ls Maacatits; anzi, ils Gessurits, ed ils Maacatits dmurettan in mez Israel, fin al di d'hoz.

14. Solum alla schlatta da Levi non det *Mose* ingün' ierta; ils sacrificis d'arder del Segner Deis d'Israel sun sia ierta, sco el ha favlâ.

15. Mose dimena det ierta alla schlatta dels infants da Ruben, seguond lur famiglias.

16. E lur confins füttan d'Aroer via, chi *ais* sper la riva del flüm Arnon, e la città chi *ais* in mez il flüm, e tuot la planüra, fin a Medeba;

17. Hesbon, e tuot sias cittats, chi *sun* nella planüra: Dibon, e Bamot-baal, e Bet-baal-meon,

18. E Jasa, e Cedemot, e Mefaat,

19. E Ciriataim, e Sibma, e Seret-sahar, sün il munt della val,

20. E Bet-peor, ed Asdot-pisga, e Bet-jesimot.

21. E tuot las cittats della planüra,

e tuot il reginam da Sihon, del rai dels Amorits, chi regnaiva a Hesbon; il qual Mose battet, insembel con ils * princips da Midian, Evi, e Recem, e Sur, e Ilur, e Reba, *chi eiran* princips da Sihon, ed abitaivan nel pajais.

* Num. 31, 8.

22. Ils figls d' Israel mazzettan eir con la spada * Bileam, il figl da Beor, l'ingiavinadur, insembel con ils *oters* mazzats *tanter ils* Midianits.

* Num. 22, 5. 31, 8.

23. Ma 'l confin dels infants da Ruben füt il Giordan, e 'l confinant. Quaista füt l'ierta dels infants da Ruben, seguond lur famiglias: *cioè* quellas cittats, e lur vihs.

24. E Mose det *ierta* alla schlatta da Gad, als infants da Gad, seguond lur famiglias.

25. E lur contrada füt Jaeser, e tuot las cittats da Gilead, e la mità del pajais dels figls d' Ammon, fin ad Aroer, *chi ais* a frunt a Rabba;

26. E da Hesbon fin a Ramat-mispe, e Betonim, e da Mahanaim fin als confins da Debit.

27. E nella val, Bet-haram, e Bet-nimra, e Sucot, e Safon, il rimanent del reginam da Sihon, del rai d' Hesbon, davo 'l Giordan giò, e confins, fin all' extremità del mâr da Cinnet, da là del Giordan, vers l' oriaint.

28. Quaista füt l'ierta dels infants da Gad, seguond lur famiglias; *cioè* quellas cittats, e lur vihs.

29. Mose det eir *ierta* alla mità della schlatta da Manasse. Quella füt per la mità della schlatta dels figls da Manasse, seguond lur famiglias.

30. Lur contrada füt da Mahanaim via, tuot Basan, tuot il reginam d' Og, rai da Basan, * e tuot ils vihs da Jair, *chi sun* in Basan, *chi fan* sesanta citats.

* Num. 32, 41.

31. E la mità da Gilead, ed Astarot, ed Edrei, cittats del reginam d' Og, a Basan. *Tuot quai* füt dat als infants da Machir, del figl da Manasse, *cioè* alla mità dels infants da Machir, seguond lur famiglias.

32. Quaistas sun las contradas cha Mose det per ierta nellas champagnas da Moab, da là del Giordan sper * Gerico, vers l' oriaint.

* Num. 22, 1.

33. Ma el non det ingün' ierta als figls da Levi; il Segner Deis d' Israel ais lur ierta, * sco ch' el ha favlâ ad els.

* Num. 18, 20.

CHAP. XIV.

Doviand far la partizun della terra da Canaan, schi domanda Caleb Hebron, sco dal Segner ad el eira stat impromiss, e Giosua al conceda.

MA quaistas *sun las terras*, cha 'ls infants d' Israel trettan per ierta nel pajais da Canaan, las qualas il sacerdot Eleazar, e Giosua, figl da Nun, ed ils capos dellas schlattas dels infants d' Israel, dettan ad els da possidair.

2. Lur ierta *crodet* ad els tras la sort, * sco 'l Segner avaiva comandâ tras Mose; *cioè* allas nouv schlattas, ed üna mezza schlatta. * Num. 26, 55. 33, 54.

3. Perche Mose avaiva dat a duos schlattas, ed ad üna mezza schlatta ierta da là del Giordan, ed a Levi non avaiv' el dat ingün' ierta intanter els.

4. Ma 'ls infants da Giosef faivan duos schlattas, Manasse ed Efraim; ed als Levits non füt dat ingüna part nel pajais, oter co * cittats per abitar, insembel con lur contuorns per lur bestiam, e per lur *otra* facultà;

* Num. 35, 2.

5. Sco 'l Segner avaiva comandâ a Mose, usche settan ils figls d' Israel, e partittan il pajais.

6. Ma 'ls infants da Giuda gnittan pro Giosua a Gilgal; e Caleb, il figl da Jefunne, Cenizit, dschet ad el: Tü sast * quai cha 'l Segner dschet a Mose, l' hom da Dieu, davart mai, e davart tai, in Cades-Barnea; * Num. 14, 24.

7. Eu *eira* d' età da quarant' ans, eur Mose, il serviaint del Segner, * am tramettet da Cades-Barnea per spiar il pajais, ed eu al rapportet il fat sco *l' avaiva* nel anim.

* Num. 13, 7. 14, 6.

8. Ma meis frars, chi eiran its con mai, faivan gnir smiss il cour al pövel; ma eu seguittet plainamaing al Segner meis Deis.

9. Pelqual Mose in quel di güret, dschand: La terra, sur la quala teis pè ais chaminâ, dess esser tia, e da teis infants per ierta in perpetuo; perquai cha tü plainamaing hast seguittâ al Segner meis Deis.

10. Ma uossa, mera, il Segner m'ha conservâ in vita, sco el аваiva tshan-tschâ. Già *sun* quarant' e tschinch ans, daspö cha'l Segner dschet quai a Mose, cur Israel get nel desert; ed uossa, mera, hoz *sun* eu d' età d' otant' e tschinch ans.

11. Eu *sun* amo ferm, sco ch'eu *eira* l' di cha Mose am tramettet oura. Mias forzas per la guerra, e per ir e gnir, *sun* hoz las medemas sco lura.

12. Contuot, da'm uossa quai munt, dal qual il Segner favlet in quel di. Perche tû udittast in quel di, cha *sun* là ils Enacits, e cittats grandas, e fermas. Forsa *vain* il Segner *ad esser* con mai, schi'ls vögl eu şchatschar, sco'l Segner ha favlà.

13. E Giosua benedit Caleb, il figl da Jefunne, e'l det Hebron per ierta.

14. Perquai Caleb, il figl da Jefunne, Cenizit, tgnit Hebron per ierta, fin al di d' hoz; perche el plainamaing аваiva segui al Segner Deis d' Israel.

15. Ma'l * nom d' Hebron *eira stat* pel passâ Ciriât-Arba; *quel Arba eira stat* il plü grand hom tanter ils Enacits. Ed il pajais аваiva pos della guerra.

* Gen. 23, 2.

CHAP. XV.

La sort dels figls da Giuda, register dellas cittats e vihs da quella schlatta.

MA quaiста füt la sort della schlatta dels infants da Giuda per lur famiglias. L'extremità *da lur pajais* vers mezdi füt il desert Sin, als confins d'Edom, vers il mezdi;

2. Usche avettan els per confin del mezdi l'extremità del mâr insalâ, dalla punta chi guarda vers mezdi.

3. E quaiст confin procedaiva vers il mezdi pro la muntada d'Acrabbim, e passaiva fin a Sin, e da mezdi muntaiv'el a Cades-Barnea, e passaiv' a Hesron, e muntaiva *da là* ad Adar, e lura's volvaiva l' vers Carca.

4. Lura passaiva l' vers Asmon, e's stendaiva fin al flüm d'Egipto, e quaiст confin tenschaiva fin al mâr. Quaiст dess esser, *disch* Giosua, vos confin meridional.

5. Ma'l confin oriental füt il mâr insalâ, fin all'extremità del Giordan. Ed il confin della vart settentrionala

füt dalla punta da quel mâr, *la quala ais* all'extremità del Giordan;

6. E quaiст confin muntaiva a Bet-Hogla, e passaiva dalla vart settentrionala da Bet-Araba, e *da là* muntaiva l' al sass da Bohen, il Rubenit;

7. Lura muntaiva l' a Debir, dalla val Acor, e da settentrion as volvaiva l' vers Gilgal, chi *ais* in vista alla muntada d'Adummim, chi *sta* dalla vart meridionala del flüm. Lura passaiva quaiст confin allas auas d'En-semes, e tenschaiva fin Enrogel.

8. Lura quaiст confin muntaiva alla val dels figls da Hinnom, dalla vart del mezdi dels Jebusits, *la quala ais* Gerusalem, e *da là* muntaiva l' alla sommità del munt, chi *ais* vi'avant la val Hinnom vers l'occidaint, il qual *ais* all'extremità della val dels Rafeits, vers il settentrion.

9. Lura quaiст confin circuiva dalla sommità da quel munt vers la fontana dellas auas da Neftoa, e procedaiva vers las cittats del munt Efron, e's stendaiva lura vers Baala, *chi ais* Ciriât-Jearim.

10. Lura as volvaiva quaiст confin da Baala vers l'occidaint, pro'l munt Seir, e passaiva alla vart settentrionala, del munt Jearim chi ais Cessalon; e giaiva giò a Bet-semes, e passaiv' a Timna.

11. Lura procedaiva quaiст confin dalla vart d'Ecron, vers il settentrion, e circuiva a Siehron, e passaiv' il munt Baala, e's stendaiva fin Jabneel, e finiva al mâr.

12. E'l confin del occidaint ais il mâr grand, e seis confins. Quaiст *sun* ils confins dels infants da Giuda pertuot intuorn, seguond lur famiglias.

13. Ma Giosua * аваiva dat a Caleb, il figl da Jefunne, üna porziun in mez ils infants da Giuda; seguond il comandamaint fat ad el dal Segner, cioè: Ciriât-Arba, *il qual Arba füt* bap d'Enac; quai *ais* Hebron.

* Gios. 14, 13.

14. E Caleb şchatschet da là ils trais figls d'Enac, * Sesai, ed Ahiman, e Talmai, nats d'Enac. * Num. 13, 23.

15. E da là muntet el conter ils abitanti da Debir; il nom della quala pel passâ *eira stat* Ciriât-Sefer.

16. E Caleb dschet: Chi vain a batter Ciriāt-Sefer, ed alla tour aint, a quel vögl eu dar Acsa, mia figlia per muglier.

17. Ma * Otniel, figl da Cenaz, del frar da Caleb, la piglet aint, e Caleb al det Acsa, sia figlia per muglier.

* Güd. 1, 13. 3, 9.

18. E cur ella gnit *pro'l marit*, incitet ella Otniel, da domandar ün champ da seis bap; ed ella gnit giò dal asen, e Caleb la disch: Che hast?

19. Ed ella disch: Fa'm ün dun! Siand tü m' hast dat üna terra sütta, schi da'm eir fontanas d' aua. Ed el la donet fontanas da sura, e fontanas da suot.

20. Quaist' *ais* l' ierta della schlatta dels infants da Giuda, seguond lur famiglias.

21. Dall' extremità *della contrada* della schlatta dels infants da Giuda, fin als confins d' Edom, vers mezdi, eiran quaistas cittats, Cabseel, ed Eder, e Jagur,

22. E Cina, e Dimona, ed Adada,

23. E Cedes, e Hasor, ed Itnan,

24. E Zif, e Telem, e Bealot,

25. Ed Hasor-Hadata, e Ciriöt, He-sron q. a. Hasor,

26. Ed Amam, e Sema, e Molada,

27. Ed Hasar-Gadda, e Hesmon, e Bet-Palet,

28. Ed Hasar-Sual, e Beerseba, e Biziotia,

29. E Baala, e Jim, ed Asem,

30. Ed Eltolad, e Chesil, e Horma,

31. E Siciag, e Madmanna, Sanna-sanna,

32. E Lebaot, e Silhim, ed Ain, e Rimon: In tuot vainch e nouv cittats, con lur vihs.

33. Nella planüra *eiran quaistas cittats*: Estaol, e Sarea, ed Asna,

34. E Zannoa, ed En-Gannim, e Tapua, ed Enam,

35. E Jarmut, ed Adullam, e Soco, ed Azeca,

36. E Saaraim, ed Aditaim, e Gederata, e Gederotaim: Quattordesch cittats, con lur vihs.

37. *Lura* Senan, e Hadasa, e Migdal-Gad.

38. E Dilean, e Misper, Joctiel,

39. E Lachis, e Basecat, ed Eglon,

40. E Cabon, e Lamam, e Chitlis,

41. E Gederot, e Bet-Dagon, e Nae-ma, e Maceda: Saidesch cittats con lur vihs.

42. *Lura* Libna, ed Eter, ed Asan,

43. Ed Jefra, ed Asna, e Nesib,

44. E Chegila, ed Aczib, e Maresa: Nouv cittats, con lur vihs.

45. *Lura* Ecron, e las terras da seis territori, e seis vihs.

46. D' Ecron, e vers il mâr, tuot *las cittats* chi sun sper Asdod, con lur vihs.

47. *Lura* Asdod, e las terras da seis territori, e seis vihs; Gaza, e las terras da seis territori, e seis vihs, fin al flüm d' Egipto, ed al mâr grand, e seis confins.

48. E sün il munt *eiran quaistas cittats*: Samir, e Jatir, e Soco,

49. E Danna, e Ciriāt-Sanna, *chi ais* Debir,

50. Ed Anab, ed Estemo, ed Anim,

51. E Gosen, e Holon, e Gilo: Ün-desch cittats, con lur vihs.

52. *Lura* Arab, e Duma, ed Esean,

53. E Janum, e Bet-Tapua, ed Afeca,

54. Ed Humta, e Ciriāt-Arba, *chi ais* Hebron, e Sior: Nouv cittats, con lur vihs.

55. *Lura* Maon, e Carmel, e Zif, e Juta,

56. Ed Jezreel, e Joedeam, e Zanoa,

57. E Cain, e Gibeä, e Timna: Desch cittats, con lur vihs.

58. *Lura* Halhul, e Bet-Sur, e Gedor,

59. E Maarat, e Bet-Anot, ed El-tecon: Ses cittats, con lur vihs.

60. *Lura* Ciriāt-Baal, *chi ais* Ciriāt-Jearim, e Harabba: Duos cittats, con lur vihs.

61. Nel desert *eiran quaistas cittats*: Bet-Araba, e Middin, e Secaca,

62. E Nibsan, e la Città del sal, ed En-Geddi: Ses cittats, con lur vihs.

63. Ma 'ls infants da Giuda non podettan şchatschar ils Jebusits, chi abitaivan in Gerusalem; perquai sun ils Jebusits d'murats in Gerusalem con ils infants da Giuda, fin a quaist di.

CHAP. XVI.

La sort della schlatta da Giosef in general, e lura in particular della schlatta d'Efraim.

LURA füt tratta la sort per ils infants da Giosef, e lur part crodet

ad els dal Giordan sper Gerico, dalle auas da Gerico vers il levant, *trand* vers il desert, chi munta da Gerico per ils munts da Betel;

2. E quaiست confin as stendaiva da Betel vers Luz, lura giaiva'l via pro 'ls confins dels Arcits, fin ad Atarat;

3. Lura giaiva'l giò vers l'occidaint, pro 'ls confins dels Jafletits, fin als confins da Bet-Horon là suot, e fin a Gezer, e finiva al mâr.

4. Usche avaiavan ils infants da Giosuef, Manasse ed Efraim, lur ierta.

5. Ma 'l confin dels infants d'Efraim, *disferenziats* per lur famiglias; il confin, *di eu*, da lur ierta dal oriaint, füt Atarat-Adar, fin a Bet-Horon là sura.

6. E quaiست confin as stendaiva dal settentrion vers l'occidaint fin a Micmetat, e 's volvaiva vers l'oriaint fin Taenat-Silo, e da quel lō passaiva'l vers l'oriaint fin a Janoha.

7. Lura giaiva'l giò da Janoha ad Atarat, e Naarata, e s'incontraiva a Gerico, e finiva al Giordan.

8. Quaiست confin giaiva da Tapua vers l'occidaint, vers la val dellas channas, e finiva al mâr. Quaiста *füt* l'ierta della schlatta dels infants d'Efraim, seguond lur famiglias.

9. Ultra las * cittats chi fütan misas da part per ils infants d'Efraim *in* mez l'ierta dels infants da Manasse; tuot quaiستas cittats, con lur vihs.

* Gios. 17, 9.

10. Ma * quels non şchatschettan ils Cananits, chi abitaivan in Gezer; pelqual quels Cananits sun dmutrats in mez Efraim fin a quaiست di, e sun fats tributaris.

* Gid. 1, 29.

CHAP. XVII.

La sort da mez la schlatta da Manasse sper quella d'Efraim. Lura, 's condoland amendus schlattas della strettüra da lur confins, schi 'ls mossa Giosua, co els ils possan slargiar.

E la sort, chi *crodet* alla schlatta da Manasse, chi eira il primogenit da Giosuef, *füt quaiста*. Alla famiglia da Machir, * del primogenit da Manasse, il bap da Gilead, perche *eiran* homens da guerra, crodet Gilead e Basan.

* Num. 26, 29.

2. Lura crodet *la sort* als oters infants da Manasse, seguond lur fami-

glias; *cioè* als figls d'Abiezer, ed als figls dad Helec, ed als figls d'Asriel, ed als figls da Sechem, ed als figls d'Hefer, ed als figls da Semida. Quaiستs *sun* ils figls da Manasse, del figl da Giosuef, *disferenziats* per lur famiglias.

3. Ma * Selafehad, il figl d'Hefer, del figl da Gilead, del figl da Machir, del figl da Manasse, non avaiava figls, ma *sub* figlias; dellas qualas ils noms *sun* Mahela, Noa, Hogla, Milca, e Tirsa.

* Num. 26, 33. 27, 1.

4. E quellas as presentettan avant il sacerdot Eleazar, ed avant Giosua, figl da Nun, ed avant ils principals, dschand: * Il Segner comandet a Mose, da 'ns dar ierta intanter noss frars. Contuot allas det *Giosua* iert' intanter ils frars da lur bap, seguond il comandamaint del Segner.

* Num. 27, 7.

5. Crodettan dimena desch parts a Manasse, ultra il pajais da Gilead, e da Basan, chi *ais* da là del Giordan.

6. Perche *quellas* figlias da Manasse avettan iert' intanter ils infants da quel, ed il pajais da Gilead füt per il rimanent dels infants da Manasse.

7. Ma 'l confin da Manasse *eira* d'Asser davent, a Micmetat, chi *ais* in vista a Sichem; lura giaiva quaiست confin a man dret vers ils abitants d'En-Tapua.

8. Il pajais da Tapua füt da Manasse; ma Tapua, *chi ais* pro 'ls confins da Manasse, *füt* dels infants d'Efraim.

9. Lura giaiva giò quel confin vers la val dellas channas dalla vart meridionala. * Las cittats *fütan* d'Efraim, in mez las cittats da Manasse; ma il confin da Manasse *füt* dal settentrion da quella val, e finiva al mâr.

* Gios. 16, 9.

10. *Quel* pajais vers il mezdi *füt* d'Efraim, e *quel* vers il settentrion *füt* da Manasse; ed il mâr eira lur confin; e dal settentrion confinaivan els con Asser, e dal oriaint con Issaschar.

11. E Manasse avet in quel d'Issaschar, ed in quel d'Asser, Bet-Sean, e las terras da seis territori, ed Jeblaam, e las terras da seis territori, ed ils abitants da Dor, e las terras da seis territori, ed ils abitants

d'En-Dor, e las terras da seis territori, ed ils abitants da Taanae, e las terras da seis territori, ed ils abitants da Megiddo, e las terras da seis territori: *Chi sun* trais contradas.

12. Ma 'ls * infants da Manasse non podettan şchatschar *ils abitants da* quellas cittats; anzi ils Cananits as complaschettan d' abitar in quel pajais.

* Gid. 1, 27.

13. Ma, davo cha 'ls infants d' Israel s' avettan rinforzats, schi as fettan els ils Cananits tributaris; impero non ils şchatschettan.

14. Ma 'ls infants da Giosief favlettan a Giosua, dschand: Perche m'hast tũ dat per ierta ũna *sula* sort, ed ũna *sula* part, combain ch'eu *sun* ũn grand pövel, seguond cha 'l Segner m' ha benedi infin uossa?

15. E Giosua disch ad els: Scha tũ *est* ũn grand pövel, schi munta sũ nel god, e 't sboşch' oura terras nel pajais dels Feresits, e dels Rafeits; daspö cha 'l munt d' Efraim at *ais* massa stret.

16. Lura dschettan ils infants da Giosief: Quel munt non asseguin nus; proquai, in tuot *las cittats dels* Cananits, chi stan nel pajais della planũra, sun charra da fier; quels chi *stan* in Bet-Sean, e nellas terras da seis territori, e pro quels chi *stan* nella val Jezreel.

17. Ma Giosua favlet alla chasa da Giosief, ad Efraime e Manasse, dschand: Tũ *est* ũn grand pövel, ed hast granda forza; tũ non dessast avoir ũna *sula* part!

18. Il munt at dess appertegner, e, scha *quel ais* ũn god, schi sboşcha 'l giò; el sarà teis, quant ch' el s' extend; perche tũ vainst a şchatschar ils Cananits, schabain han charra da fier, e sun potaints.

CHAP. XVIII.

Il tabernacul vain tşchantã in Silo. Giosua tşchernu trais homens, per partir il rest della terra tanter las set schlattas. La sort della schlatta da Benjamin.

LURA tuot la raspada dels infants d' Israel as raspet a Silo, ed els tşchantettan qua il tabernacul della raspada. Ma *els* s' avaivan suotgettã il pajais.

2. E tanter ils infants d' Israel restaivan amo set schlattas, allas quallas non cira stat assegnada la part da lur ierta.

3. Pelqual Giosua dschet als infants d' Israel: Infin a cura gnis vus a star laschantivs, sainz' intrar a possidair il pajais, qual il Segner, Deis da voss babuns, s' ha dat?

4. Ordinai a vus trais homens per schlatta, ed eu ils vögl trametter, acio 's fetschan inavant, e giajan intuorn per il pajais, e 'l descrivan, seguond l' ierta cha han d' avoir, e lura cha tuornan darcheu pro mai.

5. E dessat as partir *il pajais* in set parts; Giuda dess restar in seis confins del mezdi; e la chasa da Giosief dess restar in seis confins del settentrion.

6. Contuot fat vus ũna descripziun del pajais, *il partind* in set parts, e portã 'm las qua, ed eu as vögl trar quia la sort, nel conspet del Segner nos Deis.

7. Perche ils levits non han *d'avair* ingũna part intanter vus; siand il sacerdotadi del Segner lur ierta; e Gad, e Ruben, e mez la schlatta da Manasse han già ardschvũ lur ierta da là del Giordan, vers l' oriain, la quala Mose, il serviaint del Segner, als ha dat.

8. Quels homens dimena as fettan sũ, e gettan, e Giosua comandet a quels chi giaivan a descriver il pajais, dschand: It, e chaminai per il pajais intuorn, e fat la descripziun, e lura turnai darcheu pro mai, ed eu as vögl quia trar las sorts avant il Segner, a Silo.

9. E quels homens gettan, e passettan tras il pajais, e 'l descrivettan da cittã a cittã in ũn cudesch, *fand* set parts; lura turnettan els darcheu pro Giosua nel champ, a Silo.

10. Qua als tret Giosua las sorts, a Silo, avant il Segner, e qua partit el il pajais als figls d' Israel, assegnand a scodũna *schlatta* sia part.

11. E la sort della schlatta dels figls da Benjamin, seguond lur famiglias, fũt tratt' oura, ed il confin da lur sort erodet tanter ils infants da Giuda, ed ils infants da Giosief.

12. E dalla vart settentrionala comanzaiva lur confin dal Giordan, e muntaiva alla vart settentrionala da Gerico; lura sün il munt vers l'occidaint, e finiva a Bet-Aven vers il desert,

13. E da là passaiva 'l vers Luz, dalla vart da-Luz, (*chi* ais Betel) vers il mezdi; lura giaiva 'l giò in Atarot-Adar, pro 'l munt, *chi* ais dalla vart meridionala da Bet-Horon là suot.

14. Lura circuiva quaist confin, e 's volvaiva dalla vart occidentala, vers il mezdi del munt, *chi* ais dal mezdi conter Bet-Horon, e finiva a Ciriati-Baal, *chi* ais Ciriati-Jearim, città dels infants da Giuda. Quaist' *eira* la vart occidentala.

15. E la vart meridionala comanzava ourasom Ciriati-Jearim, e 'l confin as stendaiva vers l'occidaint, fin alla fontana dellas auas da Neftoa;

16. Lura giaiva 'l giò all' extremità del munt, *chi* sta a frunt della val dels figls d'Hinnom, *chi* ais nella val dels Rafeits, vers il settentrion; lura giaiva 'l giò tras la val d' Hinnom fin alla vart * dels Jebusits, vers mezdi, e da là giaiva 'l giò ad † Enrogel.

* Gios. 15, 8. † Gios. 15, 7.

17. E dal settentrion circuiva 'l, e 's stendaiva 'l fin En-Semes, e da là a Gelilot, *chi* sta a frunt della muntada d' Adumim; lura giaiva 'l giò al * sass da Bohen, del Rubenit; * Gios. 15, 6.

18. Lura passaiva 'l dalla vart vers il settentrion, *chi* ais in vista ad Araba, e giaiva giò ad Araba.

19. Lura quaist confin passaiva dalla vart settentrionala a Bet-Hogla, e finiva alla punta del mâr insalâ, vers il settentrion, all' extremità del Giordan, vers il mezdi. Quaist' *eira* il confin meridional.

20. E 'l Giordan faiva confin a Benjamin dalla vart orientala. Quaista füt l' ierta dels infants da Benjamin, tenor seis confins dapertuot intuorn, seguond lur famiglias.

21. E *quaistas* cittats füttan dattas alla schlatta dels infants da Benjamin, seguond lur famiglias, Gerico, e Bet-Hogla, e la val da Cesis,

22. E Bet-Araba, e Semaraim, e Bet-El.

23. Ed Avim, e Para, ed Ofra,

24. E Cafar-Amonai, ed Ofni, e Geba: Dudesch cittats con lur vihs,

25. Lura Gibeon, e Rama, e Beerot,

26. E Mispe, e Cafira, e Mosa,

27. E Recem, ed Jerpeel, e Tareala,

28. E Sela, ed Elef, e la città dels Jebusits, *chi* ais Gerusalem, e Gibeat, e Ciriati: Quattordesch cittats, con lur vihs. Quaista füt l' ierta dels infants da Benjamin, seguond lur famiglias.

CHAP. XIX.

La sort della schlatta da Simeon; da Zebulon; d' Issaschar; d' Asser; da Naftali; da Dan. La possessiun da Giosua.

LURA füt tratta la segunda sort per Simeon, per la schlatta dels infants da Simeon, seguond lur famiglias, e lur ierta füt intanter l' ierta dels infants da Giuda.

2. Ed els avettan in lur ierta Beer-Seba, e Seba, e Molada,

3. Ed Hasar-Sual, e Bala, ed Asem,

4. Ed Eltolod, e Betul, e Horma,

5. E Sielag, e Bet-Marcabot, e Hasar-Sussa,

6. E Bet-Lebaot, e Saruhen: Traidesch cittats, con lur vihs.

7. Lura Ain, e Rimon, ed Eter, ed Asan: Quatter cittats, con lur vihs.

8. E tuot ils vihs *chi* sun intuorn *quaistas* cittats, fin a Baalat-Beer, *chi* ais Rama meridionala. Quaista füt l' ierta della schlatta dels infants da Simeon, seguond lur famiglias.

9. L' ierta dels infants da Simeon füt tutta dalla part dels infants da Giuda; perche la part dels infants da Giuda *eira* massa granda per els; perquai avettan ils infants da Simeon lur ierta in mez tanter l' ierta da quels.

10. La terza sort füt lura tratta per ils infants da Zebulon, seguond lur famiglias; ed il confin da lur ierta giaiva fin a Sarid.

11. E lur confin muntaiva vers il mâr, fin a Mareala, e toccaiva Dabbeset, e tenschaiva fin al flüm, *chi* ais dret Joeneam via.

12. E da Sarid as volvaiva 'l vers il levant als confins da Cislot-Tabor, e 's stendaiva vers Dabrat, e muntaiv' a Jafia.

13. E da là passaiva 'l vers il levanta Gat-Hefer ed Ed-Casin; lura, circünd vers Nea, as stendaiva 'l fin a Rimón.

14. Lura quel confin as volvaiva dal settentrion vers Hannaton, e finiva alla Jefta-El;

15. *E comprendaiva* Catat, e Nahalal, e Simron, ed Ideale, e Bet-Lehem: Dudesch cittats con lur vihs.

16. Quaista *füt* l'ierta dels infants da Zebulon, seguond lur famiglias, *cioè* quaistas cittats con lur vihs.

17. La quarta sort *füt* tratta per Issaschar, per ils infants d' Issaschar, seguond lur famiglias.

18. E da lur contrada *füt* Jezreel, e Cesullot, e Sunem.

19. E Haffaraim, e Sion, ed Anaharat,

20. E Rabit, e Ciseon, ed Abes,

21. E Remet ed En-Gannim, ed En-Hada, e Bet-Pases.

22. E lur confin toccaiva a Tabor ed a Sahasima, ed a Bet-Semes, e finiva al Giordan, ed *eiran* saidesch cittats con lur vihs.

23. Quaista *füt* l'ierta della schlatta dels infants d' Issaschar, seguond lur famiglias; *cioè* quaistas cittats con lur vihs.

24. La quinta sort *füt* lura tratta per la schlatta dels figls d' Asser, seguond lur famiglias.

25. E da lur contrada *füt* Helcat, ed Hali, e Beten, ed Acsaf,

26. Ed Alamelec, ed Ameid, e Misseal, e *lur confin* toccaiva a Carmel, vers il mâr, ed a Sihor-Libnat.

27. Lura turnaiva 'l vers il levanta a Bet-Dagon, toccaiva a Zebulon, ed alla val da Jefta-El; il settentrion da Bec-Emec e Negiel, e giaiva a Cabul, da *man* snester;

28. Ed ad Ebron, a Rehob, ed Hamon, e Cana, fin a Sidon, la granda città.

29. Lura's volvaiva quaist confin vers Rama, infin a Tiro, la città ferma, e da là turnaiva 'l vers Hossa, e finiva al mâr, dalla costa d' Aczib;

30. Eir Uma, ed Afec, e Rehob; vainch e duos cittats con lur vihs.

31. Quaista *füt* l'ierta della schlatta dels infants d' Asser, seguond lur famiglias; *cioè* quaistas cittats con lur vihs.

32. La sesavla sort *füt* tratta per ils figls da Naftali, seguond lur famiglias.

33. E lur confin *füt* da Helef, e dad Allon sper Saenannim, e d' Adami-Neceb, e Jabneel, fin a Lacum, e finiva al Giordan.

34. E * quaist confin as volvaiva vers l'occidaint ad Aznot-Tabor, e da là procedaiva 'l fin ad Hucoc, e dal mezdi toccaiva 'l a Zebulon, e dal occidaint ad Asser ed a Giuda; il Giordan *eira* al levanta. * Deut. 33, 23.

35. E cittats fermas *eiran* Sidim, e Ser, e Hamat, e Racat, e Chinneret,

36. Ed Adama, e Rama, e Hasor,

37. E Cedese, ed Edrei, ed En-Hasor,

38. Ed Iereon, e Migdal-El, e Harem, e Bet-Anat, e Bet-Semes; deschnouv cittats con lur vihs.

39. Quaista *füt* l'ierta della schlatta dels infants da Naftali, seguond lur famiglias; *cioè* quaistas cittats con lur vihs.

40. La settavla sort *füt* tratta per la schlatta dels figls da Dan, seguond lur famiglias.

41. E della contrada da lur ierta *füt* Sorea, ed Estaol, ed Ir-Semes,

42. E Saelabin, ed Aialon, ed Ietla.

43. Ed Elon, e Timnata, ed Ecron,

44. Ed Elteca, e Gibeton, e Baalat,

45. Ed Jehud, e Bne-Barac, e Gat-Rimmon,

46. Ed Me-Jarcon, Racon, con la contrada *chi ais* vers Jafo.

47. Ma, als infants da Dan crodetan ils confins pitschens per els, e pertant muntettan els, combattettan Lesem, e la piglettan aint, e la mettettan a fil da spada, e la possidettan, ed abittettan in quella, e la dettan il nom Dan, del nom da Dan, lur bap.

48. Quaista *füt* l'ierta della schlatta dels infants da Dan, seguond lur famiglias, *cioè* quaistas cittats con lur vihs.

49. Ma, davo cha 'ls infants d' Israel avettan fini da partir la possessiun del pajais, seguond seis confins, schi dettan els ierta a Giosua, il figl da Nun, intanter els.

50. Seguond il comand del Segner al dettan els la città che 'l domandet, *cioè* Timnat-Sera, sün il munt Efraim;

ed el edifizet darcheu la città, ed abitet in quella.

51. Quaistas *sun* las iertas, las qualas il sacerdot Eleazar, e Giosua, il figl da Nun, ed ils capos dellas famiglias dellas schlattas dels figls d'Israel, partittan tras la sort, a Silo, avant il Segner, all'intrada del tabernacul della raspada; ed *usche* finittan els da partir il pajais.

CHAP. XX.

Il Segner comanda a Giosua, d'ordinar cittats da refügi, demonstrand l'adöver da quellas; e vegnan constituidas ses.

LURA favlet il Segner a Giosua, dschand:

2. Tschantscha con ils infants d'Israel, dschand: As constitui las cittats del refugi, dallas qualas * eu as favlet tras Mose, * Ex. 21, 13. Num. 35, 6. Deut. 19, 2.

3. Acio cha l'omicider, chi per errur averà mazzâ üna persuna, non saviand, possa fügen là, e quellas as dessan esser per refugi avant quel, chi ha da svindichar il sang.

4. *Un tal* dimena dess fügen in üna da quellas cittats, e, siand fermà all'appertura della porta della città, schi dess el dir sias raschuns als seniurs della città, e quels il dessan raspar aint pro els dadaint la città, e'l dar lö, ed el dess abitar con els;

5. Ma, cur quel chi ha da svindichar il sang gnis al dar davo, schi non il dessan quels dar nels mans; perche el ha mazzâ seis prossem sainza savoir, non l'aviand pel passà ödiä.

6. Ed el dess star in quella città, fin cha, alla mort del grand sacerdot chi sarà in quel di, el compara in güdizi * avant la raspada; lura dess l'omicider darcheu turnar, ed ir in sia città, ed in sia chasa; nella città, our dalla quala el eira fügen. * Num. 35, 12. 25.

7. Contuot consacrettan *ils figls d'Israel* Cedes in Galilea sül munt da Naftali; e Sichem sül munt d'Efraim, e Ciriata-Arba, *chi* ais Hebron, sül munt da Giuda.

8. E da là del Giordan, da Gerico vers l'oriaint, constituittan els Beser nel desert, nella planüra, della schlatta da Ruben, e Ramot in Gilead, della schlatta da Gad, e Golan in Basan, della schlatta da Manasse.

9. Quaistas füttan las cittats assegnadas per tuot ils infants d'Israel, e per ils forestêrs, chi dmuran tanter els, acio, chi per errur avess mazzâ üna persuna, podess fügen là, e non moriss per man da quel, chi ha da svindichar il sang; fin ch' el füss comparü avant la raspada.

CHAP. XXI.

Las cittats dattas als levits per abitar. Las cittats dattas als infants d'Aaron, da Cahat, da Gerson, da Merari.

MA ils capos dellas famiglias dels levits gnittan pro'l sacerdot Eleazar, e pro Giosua, figl da Nun, e pro'ls capos dellas famiglias dellas schlattas dels infants d'Israel;

2. E tschantschettan con els * in Silo, nel pajais da Canaan, dschand: † Il Segner comandet tras Mose, cha'ns füssan dattas cittats d'abitar, insembel con lur contuorns per nos bestiam. * Gios. 18, 1. † Num. 35, 2.

3. Contuot dettan ils infants d'Israel als levits da lur ierta, seguond il comandet del Segner, quaistas cittats con lur contuorns.

4. E la sort füt tratta per las famiglias dels Cahatits; tras la sort acrodettan als infants del sacerdot Aaron, intanter ils Levits, traidesch cittats, della schlatta da Giuda, e della schlatta da Simeon, e della schlatta da Benjamin.

5. Ma al rimanent dels infants da Cahat *crodettan* pro tras sort desch cittats della famiglias della schlatta d'Efraim, e della schlatta da Dan, e da mez la schlatta da Manasse.

6. Ma als infants da Gerson *crodettan* pro tras sort traidesch cittats della famiglias della schlatta d'Issaschar, e della schlatta d'Asser, e della schlatta da Naftali, e da mez la schlatta da Manasse, a Basan.

7. Als infants da Merari, seguond lur famiglias, *crodettan* pro dudiesch cittats della schlatta da Ruben, e della schlatta da Gad, e della schlatta da Zebulon.

8. Contuot dettan ils infants d'Israel als Levits tras sort quaistas cittats con lur contuorns; sco'l Segner avaiava comandâ tras Mose.

9. Als dettan della schlatta dels

infants da Giuda, e della schlatta dels infants da Simeon quaistas cittats, chi vegnan nomnadas per nom.

10. E quellas surgnittan ils infants d' Aaron dellas famiglias dels Cahatits, dels infants da Levi; perche la prüma sort füt per els.

11. Els als dettan dimena * la città d' Arba, del bap d' Enac, *chi* ais Hebron, sül munt da Giuda con seis contuorns.

* Gen. 23, 2.

12. Ma il territori della città, e seis vihs dettan els a Caleb, il figl da Jefunne, per sia possessiun.

13. Usche * dettan els als infants del sacerdot Aaron la città del refugi per omiciders, *cioè* Hebron, e seis contuorns, e Libna, e seis contuorns;

* 1 Cron. 6, 57.

14. E Jatir, e seis contuorns, ed Estemoa, e seis contuorns;

15. Ed Holon, e seis contuorns, e Debir, e seis contuorns;

16. Ed Ain, e seis contuorns, e Jutta, e seis contuorns, e Bet-Semes, e seis contuorns; nouv cittats da quaistas duos schlattas.

17. Ma della schlatta da Benjamin, Gibeon, e seis contuorns, e Geba, e seis contuorns;

18. Anatot, e seis contuorns, ed Almon, e seis contuorns, quatter cittats.

19. Tuot las cittats dels figls d' Aaron, dels sacerdots, *füttan* traidesch cittats, con lur contuorns.

20. Las famiglias lura dels figls da Cahat, ils levits, *cioè* il rimanent dels infants da Cahat, avettan las cittats da lur sort della schlatta d' Efraim.

21. Ed als *füttan* dattas la città del refugi per omiciders, *cioè* Sichem, e seis contuorns, sül munt d' Efraim, e Gezer, e seis contuorns;

22. E Cibsaim, e seis contuorns, e Bet-Horon, e seis contuorns; quatter cittats.

23. E della schlatta da Dan, Eltece, e seis contuorns; Gibton, e seis contuorns;

24. Ajalon, e seis contuorns; Gat-Rimon, e seis contuorns; quatter cittats.

25. E da mez la schlatta da Manasse, Taenac, e seis contuorns, e Gat-Rimmon, e seis contuorns; duos cittats.

26. Tuot las cittats del rimanent dellas famiglias dels infants da Cahat, *füttan* desch, con lur contuorns.

27. Als infants da Gerson lura, *chi eiran* dellas famiglias dels levits *füttan* dattas, da mez la schlatta da Manasse, la città del refugi per omiciders, *cioè* Golan in Basan, e seis contuorns, e Beestra, e seis contuorns; duos cittats.

28. E della schlatta d' Issaschar, Cision, e seis contuorns; Dabrat, e seis contuorns;

29. Jarmut, e seis contuorns, ed Engannim, e seis contuorns; quatter cittats.

30. E della schlatta d' Asser Miseal, e seis contuorns; Abdon, e seis contuorns;

31. Helcat, e seis contuorns, e Rehob, e seis contuorns; quatter cittats.

32. E della schlatta da Naftali, la città del refugi per omiciders, *cioè* Cedes in Galilea, e seis contuorns; Hamot-Dor, e seis contuorns; trais cittats.

33. Tuot las cittats dels Gersonits, seguond lur famiglias, *füttan* traidesch, con lur contuorns.

34. Allas famiglias lura dels figls da Merari, *chi eiran* il rimanent dels levits, *füttan* dattas della schlatta da Zebulon, Joceam, e seis contuorns; Carta, e seis contuorns;

35. Dimna, e seis contuorns; Nahalal e seis contuorns; quatter cittats.

36. E della schlatta da Ruben, Besser, e seis contuorns; e Jasa, e seis contuorns;

37. Cedemot, e seis contuorns, e Mefaat, e seis contuorns; quatter cittats.

38. E della schlatta da Gad, la città del refugi per omiciders, *cioè* Ramot in Gilead, e seis contuorns; e Mahanaim, e seis contuorns;

39. Hesbon, e seis contuorns; Jazer e seis contuorns; in tuot quatter cittats.

40. Tuot quellas cittats *füttan* dattas als infants da Merari, seguond lur famiglias, *chi eiran* il rimanent dellas famiglias dels levits, e lur sort füt da dudiesch cittats.

41. Tuot las cittats dels levits, intanter la possessiun dels infants d'Israel, *fiuttan* quarant'ot, con lur contuorns.

42. Scodüna da quaistas cittats avaiva seis contuorns sper sai, ed usche in tuot quellas cittats.

43. Il Segner dimena det ad Israel tuot il pajais, ch'el avava gürâ a lur babuns da 'ls dar, ed *els infants d'Israel* piglettan aint la possessiun, ed abitetan in quel.

44. Ed il Segner als procuret pos dapertuot intuorn, giüst usche, sco 'l avava gürâ a lur babuns; ed ingün da tuot lur inimis non als podet star a frunt; il Segner als det tuot lur inimis in lur mans.

45. E non crodet a terra brich' ün pled da tuot il bain cha 'l Segner avava dit alla chasa d'Israel; ogni chosa dyanet.

CHAP. XXII.

Ils Rubenits, Gadits, e mez la schlatta da Manasse vegnan da Giosua tramiss inavo, ed els edifican ün ütêr, ant eo passar il Giordan. Da quai sun ils Israelits grits, e tramettan per savair la causa, chattand lur sincerità, ils acceptan els in bain.

LURA clamet Giosua ils Rubenits, ed ils Gadits, e mez la schlatta da Manasse,

2. E dschet ad els: Vos avais observâ * tuot quai cha Mose, il servaint del Segner, as avava comandâ, ed avais obedi a mia vusch in tuot quai ch'eu as ha comandâ.

* Num. 32, 20. Deut. 3, 18.

3. Vos non avais bandunâ voss frars in quai lung temp, fin in hoz, ed avais observâ quai cha 'l Segner vos Deis as avava comandâ d'observar.

4. Uossa dimena, daspö cha 'l Segner vos Deis ha dat pos a voss frars, sco ch'el als avava dit, schi turnai inavo, ed it pro vossas tendas, nel pajais da vossa possessiun, * la quala Mose, il servaint del Segner, as det da là del Giordan. * Num. 32, 33.

5. Solum pigliai diligiaintamaing a cour, da metter in ouvra ils comandaments e la ledscha, cha Mose, il servaint del Segner, as ha dat, d'amar il Segner vos Deis, e chaminar in tuot sias vias, ed observar seis comandaments, e star vi'ad el rantats,

e da 'l servir con tuot vos cour, e con tuot voss' orma.

6. Lur' ils benedit Giosua, e 'ls inviet davent; ed els gettan pro lur tendas.

7. Ma Mose avava dat *ierta* alla mità della schlatta da Manasse a Basan, e Giosua det *ierta all'otra* mità con lur frars da qua del Giordan, vers l'occidaint. Giosua, ultra quai, ils inviad inavo pro lur tendas, ils benedit,

8. E dschet el ad els: Dimena cha vos turnais inavo pro vossas tendas con granda ricchezza, e con fieh blier bestiam, e con grandissima quantità d'argient, e d'or, e d'aram, e da fier, e da vestimainta; schi parti il butin da voss inimis con voss frars.

9. Contuot ils infants da Ruben, ed ils infants da Gad, e mez la schlatta da Manasse partittan davent dals infants d'Israel, da Silo, chi *ais* nel pajais da Canaan, e turnettan inavo, per ir nel pajais da Gilead, nel pajais da lur ierta, del qual els avaiavan tut possessiun, seguond cha 'l Segner avava comandâ tras Mose.

10. Ma, siand rivats als terms del Giordan, nel pajais da Canaan, schi edificettan qua ils infants da Ruben, e 'ls infants da Gad, e mez la schlatta da Manasse ün ütêr, sper il Giordan; ün ütêr da granda apparenscha.

11. Ed ils infants d'Israel udittan a dir: Mera, ils infants da Ruben, ed ils infants da Gad, e mez la schlatta da Manasse han edificâ ün ütêr via conter il pajais da Canaan, sper ils terms del Giordan, in vista als infants d'Israel.

12. Ed aviad udi *quai*, gnit insembel tuot la raspada dels infants d'Israel in Silo, per muntar, als far la guerra.

13. Ma il prüim tramettettan ils infants d'Israel pro 'ls infants da Ruben, e pro 'ls infants da Gad, e pro mez la schlatta da Manasse, nel pajais da Gilead, * Pinehas, il figl del sacerdot Eleazar;

* Ex. 6, 25.

14. E con el desch homens principals, ün per scodüna chasa paterna da tuot las schlattas d'Israel, e scodün dels eira capo da sia chasa paterna tanter las milliêras d'Israel.

15. E *quaists* gnittan pro 'ls infants da Ruben, e pro 'ls infants da Gad, e pro mez la schlatta da Manasse, nel pajais da Gilead, e tsehantschettan con els, dsehand:

16. Usehe disch tuot la raspada del Segner: Qual misfat *ais* quaist, cha vus avais commiss conter il Deis d'Israel, as volvand hoz davent dal Segner, e's edificand ün utêr, per as rebellar hoz conter il Segner?

17. * L'iniquità da Peor, della quala nus fin hoz non eschan purgiats, e *causa la quala* füt quella plaja sur la raspada del Segner, ans *para* ella paca chosa?

* Num. 25, 3.

18. Vus as volvais hoz davent dal Segner; pelqual dvanterà, vus as rebellais hoz conter il Segner, e damann vain el as adirar conter tuot la raspada d'Israel.

19. Scha pür il pajais da vossa possessiun *ais* malnet, schi passai via nel pajais della possessiun del Segner, nel qual il tabernacul del Segner *ais* stazionâ, ed hajat possessiun tanter nus, ma non as rebellarai conter il Segner, e non as volvarai davent da nus, as edificand ün utêr, ultr' il utêr del Segner nos Deis.

20. * Acan, il figl da Zera, non commettet el misfat intuorn l'interdit? Pelqual indignaziun füt conter tuot la raspada d'Israel; e quel hom non morit sulet per sia iniquità. * Gios. 7, 1.

21. Ma ils infants da Ruben, ed ils infants da Gad, e mez la schlatta da Manasse respondettan, e dschettan als capos della milliêra d'Israel:

22. Deis, Deis il Segner; Deis, Deis il Segner, quel *il* sa; eir Israel vain *al* savair. Scha *quaist ais* per rebeliun, e per misfat conter il Segner, ch'el non ans salva in quaist di!

23. Edifichettan nus ün utêr per ans volver davent dal Segner, ovvero per offerir sur quel olocausto, o offerta, ovvero per far sur quel sacrifici d'ingraziamaint; schi cha'l Segner istess domanda *quint!*

24. E scha nus non l'avain fat per temma da quaist; cioè, cha da quinder invia voss infants podessan dir a noss infants: Che avais vus da far con il Segner Deis d'Israel?

25. Il Segner svesse ha tshantâ ün confin tanter nus e vus, o infants da Ruben, ed infants da Gad, *cioè* il Giordan; vus non avais part alchüna vi' al Segner! Pelqual voss infants fessan, cha noss infants desistissan da tmair il Segner.

26. Perquai avain nus dit: Provedain uossa per nus, edificand quaist utêr, na per olocausto, ne per sacrifici;

27. Anzi, *acio ch'el* saja ün testimoni tanter vus e nus, e tanter nossas generaziuns davo nus, cha nus possan far il servezzan del Segner in seis conspet, con noss olocausts, con noss sacrificis, e con nossas offertas d'ingraziamaint, cha voss infants nel avegnir non dian a noss infants: Vus non avais alchüna part vi' al Segner!

28. Contuot avain nus dit: Cur els nel avegnir gnissan a dir *usche* a nus, ed a nossas generaziuns, schi volain nus dir *ad els*: Guardai la sumgenscha del utêr del Segner, cha noss babuns han fat, na per olocausto, ne per sacrifici; anzi, *acio ch'el* saja ün testimoni tanter nus e vus!

29. Dalönsch da nus saja, cha nus volessan ans rebellar conter il Segner, ed hoz ans volver davent dal Segner per edificar ün utêr per olocausto, per offerta, o per *oter* sacrifici, ultra l'utêr del Segner nos Deis, chi *sta* avant seis tabernacul.

30. Cur il sacerdot Pinehas, ed ils principals della raspada, ed ils capos della milliêra d'Israel, chi *eiran* con el, avettan inelet ils pleds, cha'ls infants da Ruben, ed ils infants da Gad, ed ils infants da Manasse dschettan, schi als plaschet bain il fat.

31. E Pinehas, il figl del sacerdot Eleazar, dschet als infants da Ruben, ed als infants da Gad, ed als infants da Manasse: Hoz cognoschain nus, cha'l Segner *ais* in mez tanter nus, daspö cha vus non avais commiss quaist misfat conter il Segner. In quaista guisa avais vus deliberà ils infants d'Israel dal man del Segner.

32. E Pinehas, il figl del sacerdot Eleazar, e'ls principals turnettan inavo

dals infants da Ruben, e dals infants da Gad, our dal pajais da Gilead, nel pajais da Canaan, pro 'ls infants d' Israel, e rapportettan ad els il fat.

33. Ed il fat plaschet bain als infants d' Israel, ed els benedittan Dieu, e non tshantschettan *plü* da muntar sü a far guerra con ils infants da Ruben, e da Gad, per dazipar il pajais, nel qual quels abitaivan.

34. Ma ils infants da Ruben, ed ils infants da Gad, mettettan nom a quel utêr; perche quel *ais* testimoni tanter nus, cha' l Segner *ais* Deis.

CHAP. XXIII.

Exortaziun da Giosua als infants d' Israel, da non guinechir giò dals comandaments da Dieu, ne alla dretta, ne alla sinistra.

MA lung temp davo cha' l Segner avaiva dat pos ad Israel da tuot seis inimis, dapertuot intuorn, schi, essendo Giosua vegl, e da temp,

2. Clamet el tuot Israel, ils seniurs ed ils capos, ed ils güdischs, ed ils officials da quel, e dschet ad els: Eu sun gnü vegl, e da temp;

3. E vus avais vis tuot quai cha' l Segner vos Deis ha fat a tuot quaists pövels, per vossa chaschun; perche il Segner vos Deis *ais* quel, chi ha combattü per vus.

4. Mera, eu s' ha parti tras la sort per ierta, seguond vossas schlattas, quaists pövels chi restan, insembel con il pajais da tuot quels, ch' eu ha sterminâ; cioè dal Giordan *fin* al mâr grand, vers il ponent.

5. Ed il Segner vos Deis vain a disperder quels avant vos conspet, e vain als schatschar avant vus, e lur pajais gnis vus a possidair; sco' l Segner vos Deis s' ha favlâ.

6. Perquai, sajat fortifichats, ad observar, ed a far tuot quai ch' ais scrit nel cudesch della ledseha da Mose, cha vus non as volvat da quella, ne alla dretta, ne alla sinistra;

7. E non intrat pro quaists pövels chi restan tanter vus, e non * as regordat del nom da lur deis, e non ils dovrat in saramaint, e non servat ad els, e non ils adurat;

* Ex. 23, 33. Ps. 16, 4. Ger. 5, 7. Zac. 1, 5.

8. Anzi * stettat rantats vi' al Se-

gner vos Deis, sco vus avais fat fin in hoz.

* Deut. 11, 22.

9. Pelqual il Segner ha schatschâ da vos conspet naziums grandas, e potaintas, ed ingün non as ha podü star a frunt fin in hoz.

10. * Ün hom sulet tanter vus vain a perseguittar milli; perche il Segner vos Deis *ais* quel chi combatta per vus; † sco el s' ha favlâ.

* Lev. 26, 8. † Exod. 14, 14.

11. Pertant pigliai diligiaintamaing a cour, sur vossas ormas, d' amar il Segner vos Deis.

12. Perche, scha pür vus as volvais, e's gionschais col rimanent da quaists pövels, chi sun restats tanter vus, e's parantais con els, ed intrais pro els, e quels intran pro vus;

13. Schi sapchat del tshert, cha' l Segner vos Deis non continuerà a schatschar quaists pövels avant vus; anzi quels as saran per latsch, ed intop, e flagell nels flanes, e per spinas nels ögls, fin cha vus perivat da quai-sta buna terra, cha' l Segner vos Deis s' ha dat.

14. E mera, uossa vegn eu la via da tuot terrester. Contuot recogno-schai con tuot vos cour, e' con tuot voss' orma, brich ün da tuot ils buns plets, cha' l Segner vos Deis s' avai-va dit, ais erodâ *a terra*; ogni chosa s' ais incontrada; ün sul pled non ais erodâ *a terra*.

15. Ma dvanterà cha, sco ogni bun pled, cha' l Segner vos Deis s' avai-va dit, s' ais incontrâ; usche vain il Segner a far gnir sur vus * ogni mal pled, fin ch' el s' haja sterminats da quai-sta buna terra, la quala il Segner vos Deis s' ha dat; * Lev. 26, 16. Deut. 28, 15, 16.

16. Scha vus transgredis il pat del Segner vos Deis, il qual el s' ha comandâ, e giais, e servis ad oters deis, ed ils adurais. E l' ira del Segner vain as invüdar conter vus, e gnis subitamaing a perir da quai-sta buna terra, la qual' el as ha dat.

CHAP. XXIV.

Giosua requinta ils benefizis da Dieu, ed avis' il pövel all' osservanza della ledseha. Giosua moura. L' ossa da Giosuef vain sepulida. Eleazar moura.

GIOSUA raspet tuot las schlattas d' Israel in Sichem, e clamet ils

seniurs d'Israel, ed ils capos, ed ils güdischs, ed ils offizials, e quels as presantettan avant Dieu.

2. E Giosua dschet a tuot il pövel: Useche disch il Segner Deis d'Israel: * Voss babuns, Tera, il bap d' Abraham, ed il bap da Nahor, han abitâ già anticamaing da là del flüm, e servivan ad † oters deis.

* Gen. 11, 26. 31. 12, 1. † Gen. 31, 53.

3. Ma eu piglet vos bap Abraham davent da là del flüm, e l' condüet per tuot il pajais da Canaan, ed acereschantet seis sem, e l' det * Isac.

* Gen. 21, 2.

4. Ed ad Isac det eu Jacob, ed Esau; e det ad Esau * il munt Seir, per il possidair; e † Jacob e seis infants gettan giò in Egipto.

* Gen. 36, 8. † Gen. 46, 1.

5. Lura * tramettet eu Mose, ed Aaron, e battet l' Egipto, seguond *las ouvras* ch'eu fet in mez els; lura as † condüet eu oura.

* Ex. 3, 10. † Ex. 12, 37.

6. Ed eu condüet voss babuns our d' Egipto, e vus rivettat * pro l' mâr, ed ils Egipters perseguitettan voss babuns con charra, e con chavalleria, fin al mâr cotschen.

* Ex. 14, 2.

7. E quels bragittan vi' al Segner, ed el mettet üna schürezza tanter vus ed ils Egipters, e l's fet gnir il mâr adöss, e l's covernet, e voss ögls vezzettan quai ch' eu fet conter ils Egipters; lura dmurettat vus nel desert ün lung spazi da temp.

8. E davo quai * as condüet eu nel pajais dels Amorits, chi abitaivan da là del Giordan, e qua ch' els combatettan con vus, ils det eu in voss mans, e vus piglettat possessiun da lur pajais, ed eu ils sdrüet avant vus.

* Num. 21, 21. Deut. 2, 32.

9. Lura stet sü * Balac, il figl da Sippor, del rai da Moab, e det guerra ad Israel, e tramettet a clamar Bileam, il figl da Beor, per as smaledir.

* Num. 22, 2.

10. Ma eu non volet ascoltar Bileam; anzi el as benedit, ed eu as deliberet dal man da quel.

11. Lura * passettat vus il Giordan, e rivettat a Gerico, ed ils abitants † da Gerico, ed ils Amorits, ed ils Ferisits, ed ils Cananits, ed ils Hetits,

ed ils Gergesits, ed ils Hevits, ed ils Jebusits, guerragetan conter vus, ma eu ils det in voss mans.

* Gios. 3, 14. † Gios. 6, 1.

12. Ed * eu tramettet avant vus, muoschuns, e quellas ils schatschettan avant vus, ils duos rais dels Amorits; *quai non dvantet*, † ne tras tia spada, ne tras teis balaister.

* Ex. 23, 28. † Ps. 44, 4.

13. Ed eu as det ün pajais, intuorn il qual vus non avais lavurâ, e * citats, las qualas vus non avais edificâ, e vus abitetat in quellas. Vus mangiais dellas vignas, e dels olivêrs, cha vus non avais implantâ.

* Deut. 6, 10. 11.

14. Uossa dimena tmai il Segner, e servi ad el con integritâ, e con vardâ, e pigliai via ils deis, als quals voss babuns han servi da là del flüm, ed * in Egipto, e servi al Segner.

* Lev. 17, 7.

15. Impero, scha que non as plascha da servir al Segner, schi as tschernai hoz, a chi vus vögliat servir; o als deis, als quals voss babuns da là del flüm han servi, ovvero als deis dels Amorits, nel pajais dels quals vus abitaivs; ma eu, e mia chasa, volain servir al Segner.

16. Lura respondet il pövel, e dschet: Saja dalönsch da nus, cha nus vöglian bandunar il Segner per servir ad oters deis!

17. Perche il Segner ais nos Deis, el chi ha trat nus, e noss babuns, our dal pajais d' Egipto, dalla chasa della servitü; il qual ha fat quaists grands miraculs in nos conspet, e ns ha perchürats sün tuot il viadi, per il qual nus eschan chaminats, e tanter tuot ils pövels, per mez ils quals nus eschan passats.

18. Il Segner ha schatschâ avant nus tuot quaists pövels, ed ils Amorits, chi abitaivan nel pajais. Eir nus volain servir al Segner, perche el ais nos Deis.

19. E Giosua dschet al pövel: Vus non gnis a podair servir al Segner; perche el ais ün Deis sanct, ün Deis zelus; * el non comporterà voss misfats, e voss puchats.

* Ex. 23, 21.

20. Scha vus bandunais il Segner, e servis ad oters deis, schi vain el as

volver d'avent da vus, ed as far del mal, ed as consumar, davo ch'el s'ha fat del bain.

21. Ma il pövel dschet a Giosua: Na, anzi nus volain servir al Segner!

22. E Giosua dschet al pövel: Vus eschat testimonis conter vus sves, cha vus s'avais tschernü il Segner, per servir ad el. E quels dschettan: *Schi, nus eschan* perdüttas.

23. Uossa dimena pigliai via ils deis dels esters, chi *sün* in mez vus, ed inclinaì vos cour al Segner Deis d'Israel.

24. Ed il pövel dschet a Giosua: Nus volain servir al Segner nos Deis, ed obedir a sia vusch.

25. Qua fet Giosua lia con il pövel in quel di, ed al ordinet statuts, e ledschas in Sichem.

26. Lura scrivet Giosua quaists plets nel cudesch della ledscha da Dieu; e piglet üna granda peidra, e la drizet sü qua, * suot il ruver, chi *eira* sper il sanctuari del Segner.

* Gen. 35, 4.

27. E Giosua dschet a tuot il pövel: Mera, quaista peidra sarà in testimonianza tanter nus; perche ella ha udi tuot ils plets, cha'l Segner ans ha dit; pelqual sarà ella in testimoni-

anza conter vus, cha vus non re-negeschat vos Dieu.

28. Lura Giosua inviet d'avent il pövel, scodün pro sia ierta.

29. Ma, davo quaistas chosas, dvan-tet, cha Giosua, il figl da Nun, il famagl del Segner, morit d'età da tschient e desch ans.

30. E füt sepuli nella contrada da sia ierta, * in Timnat-Sera, sün il munt Efraim, al settentrion del munt Gaas.

* Gios. 19, 50.

31. Ed * Israel servit al Segner tuot il temp da Giosua, e tuot il temp dels seniurs, ils quals survivettan Giosua, ed ils quals avaivan gnü cognoschen-scha da tuot las ouvras del Segner, ch'el avaiva fat invers Israel. * Güd. 2, 7.

32. Eir sepulittan ils infants d'Israel * l'ossa da Giosef, la quala els avai-van portâ our d'Egipto, a Sichem, nella possessiun del champ, cha † Giacob avaiva comprâ dals figls d'E-mor, del bap da Sichem, per tschient pezzas d'argient, ed ils infants da Giosef surgnittan in lur ierta.

* Gen. 13, 19. 50, 25. † Gen. 33, 19.

33. Lura morit eir Eleazar, il figl d'Aaron, e füt sepuli sün la muotta da Pinehas, seis figl; il qual *lō* l'eira stat dat sün il munt Efraim.

IL CUDESCH

DELS

G Ü D I S C H S.

CHAP. I.

Ils Israelits domandan il Segner. Giosua ais ordinâ per far guerra conter ils Cananits. Adonibezec ais vint, e prais tras Giuda. Ils Cananits sun tributaris ad Israel.

MA, DAVO LA MORT da Giosua, domandettan ils infants d'Israel il Segner, dschand: Chi da nus dess il prim trar sü conter il Cananits, per far guerra con els?

2. Ed il Segner dschet: Giuda dess trar sü; mera, eu l'ha dat il pajais in seis mans.

3. E Giuda dschet a Simeon, 'seis frar: Tira sü con mai in mia part, schi volain nus guerragiar conter ils

Cananits; lura vögl eir eu ir in tia part. E Simeon get con el.

4. Contuot muntet Giuda, ed il Segner als det in lur mans ils Cananits, ed ils Feresits, ed els ils battettan a Bezece, deschmilli homens.

5. Ed els chattettan Adonibezec in Bezece, e combattettan conter el, e battettan ils Cananits, ed ils Feresits.

6. Ed Adonibezec fügit; ma quels il persequittettan, e'l aviand prais, al taglettan els giò ils polschs dels mans, e dels peis.

7. Ed Adonibezec dschet: Settanta rais, chi avaiavan ils polschs dels

mans, e dels peis, tagliats giò, stai-
van iinsacura suot mia tabla, a cler
sü *quai cha crodaiva*. Seo ch'eu fet,
usche m'ha Deis rendü. Ed els il ma-
nettan a Gerusalem, ed el morit qua.

8. Ma 'ls infants da Giuda combat-
tettan conter Gerusalem, e l'avaivan
praisa, e missa a fil da spada, ed
avaivan miss la città in fö, e flamma.

9. E lura gettan els giò per guerra-
giar conter ils Cananits, chi abitaiv-
van süil munt, e nella part meridio-
nala, e nella planüra.

10. * Giuda eir' it conter ils Cana-
nits, chi abitaivan ad Hebron, il nom
della quala pel passâ *eira stat* Ciri-
at-Arba, ed avaiva battü Sesai, Ahi-
man, e Talmal. * Gios. 15, 13.

11. E da là eir'el it conter ils abi-
tants da Debir, il nom della quala
per avant *eira stat* Ciri-at-Sefer.

12. E Caleb dschet: Chi vain a bat-
ter Ciri-at-Sefer, ed a la tour aint, a
quel'vögl eu dar Acsa, mia figlia, per
muglier.

13. Ed Otniel, il figl da Cenaz, * del
plü giuven frar da Caleb, la fet la
praisa ed el al det Acsa, sia figlia,
per muglier. * Gid. 3, 9.

14. E cur ella gnit *pro'l marit*, schi
l'insinuet ella da domandar ün champ
da seis bap. Lura saglit ella giò dal
asen. E Caleb la dschet: Che hast?

15. Ed ella al dschet: Fa'm ün
dun; daspö cha tü m'hast dat üna
terra sütta, schi da'm eir fontanas
d'auas. E Caleb la det fontanas,
chi eiran süsura, e giosuot *quella*
terra.

16. Ma 'ls infants da Ceni, del sör
da Mose, muntettan cols infants da
Giuda our dalla città dellas palmas,
nel desert da Giuda, chi *ais* al mezdi
d'Arad. Contuot gettan quels, ed abi-
tettan con il pövel.

17. Lura get Giuda con Simeon, seis
frar, ed els battettan ils Cananits
chi abitaivan in Sefat, e sdrüettan
quella città a möd del interdit; pel-
qual alla füt miss nom Horma.

18. Giuda piglet eir Gaza, e seis
confins; Ascalon, e seis confins; ed
Ecron, e seis confins.

19. Ed il Segner füt con Giuda, ch'
eis şchatschettan *ils abitants del*

munt; ma non podettan şchatschar
ils abitants della val; perche els
avaivan charra da fier.

20. E dettan Hebron a Caleb; * se-
guond cha Mose avaiva dit, ed el
şchatschet ils trais figls d'Enac.

* Num. 14, 24. Gios. 14, 9, 13.

21. Ma ils infants da Benjamin non
şchatschettan ils Jebusits chi abitaiv-
van in Gerusalem; anzi ils Jebusits
dmurettan in Gerusalem, con ils in-
fants da Benjamin, fin a quaist di.

22. La chasa da Giosef muntet eir
ella conter Betel; ed il Segner füt
con els.

23. Ed els fettan spiar Betel, * il
nom della quala anticamaing *eira*
Luz. * Gen. 18, 19.

24. E las spias vezzettan ün hom,
chi gniva our dalla città, e l' dschet-
tan: Mossa'ns tü, da quala vart ün
po intrar nella città, schi volain nus
dovrar benignità invers tai.

25. El dimena als mosset la vart
d'intrar nella città, e quels la mettet-
tan a fil da spada; ma quel hom, con
tuot sia famiglia laschettan els ir.

26. E quel get nel pajais dels He-
tits, ed edificet üna città, e la met-
tet nom Luz; quaist seis nom düra
fin al di d'hoz.

27. * Manasse eir quel non şcha-
tschet *ils abitants, ne da* Bet-Sean, ne
dellas terras da seis territori; ne *da*
Taenac, ne dellas terras da seis ter-
ritori; ne 'ls abitants da Dor, ne del-
las terras da seis territori; ne 'ls abi-
tants d'Ibleam, ne dellas terras da
seis territori; ne 'ls abitants da Me-
giddo, ne dellas terras da seis terri-
tori. Ed ils Cananits as plaschettan
d'abitar in quel pajais. * Gios. 17, 12, 13.

28. Bain dvantet, davo ch'Israel
s'avet fat ferm, ch'el fet ils Cana-
nits tributaris; ma non ils şchatschet.

29. Eir Efraim non şchatschet ils
Cananits, chi abitaivan in Gezer; ed
usche abitetan ils Cananits in mez
dels a Gezer.

30. Zebulon non şchatschet ils abi-
tants da Citron, ne 'ls abitants da
Nahalol; anzi ils Cananits abitaivan
in mez dels, e füttan fats tributaris.

31. Asser non şchatschet ils abi-
tants d'Acce, ne 'ls abitants da Sidon,

ne d' Ahelab, ne d' Aczib, ne d' Helba, ne d' Afic, ne da Rehob;

32. Anzi Asser abitet in mez tanter ils Cananits, chi abitaivan nel pajais; perche els non ils schatschettan.

33. Naftali non schatschet ils abitants da Bet-Semes, ne'ls abitants da Bet-Anat; anzi abitet in mez tanter ils Cananits, chi abitaivan nel pajais. Ma ils abitants da Bet-Semes, e da Bet-Anat, füttan lur tributaris.

34. Ed ils Amorits restrenschezzan ils infants da Dan sül munt; perche els non ils laschaivan gnir giò nella val.

35. Ed ils Amorits as plaschezzan d' abitar in Har-Heres, in Aialon, ed in Saalbim; ma, essendo la potenza da Giosef creschüda, füttan els fats tributaris.

36. Ed ils confins dels Amorits *eiran* dalla muntada d' Acrabbim, dal Spelm ed in sü.

CHAP. II.

L' angel del Segner reprend' ils infants d' Israel d' avoir fat lia con ils pajans. Ils infants d' Israel fan mal avant il Segner. Il Segner ils da in man da lur inimis. El als sdasda sü Güdichs.

MA l' angel del Segner muntet da Gilgal a Bochim, e dschet: Eu s' ha fat trar sü our d' Egipto, e s' ha condüts nel pajais, il qual eu avaiva gürâ a voss babuns. Ed eu dschet: Eu non vögl mâ bricha in eterno annullar mia lia con vus.

2. Ma eir vus non dessat far lia con ils abitants da quaist pajais; disfat lur utêrs. Ma vus non avais obedi a mia vusch: Che chosa *ais* quaista *cha* vus avais fat?

3. Perquai di eu eir: * Eu non ils vögl schatschar davant vus; anzi els as saran als flanes, e lur deis as saran per latsch.

* Gios. 23, 13.

4. Ed infant cha l' angel del Segner dschaiva quaists plets a tuot ils infants d' Israel, schi ozet il pövel la vusch, e eridet.

5. Pelqual mettettan els nom a quel lö Bochim, e qua sacrificettan els al Segner.

6. Ma * Giosua inviet davent il pövel, ed ils infants d' Israel gettan seodün pro sia ierta, per possidair il pajais.

* Gios. 24, 28.

7. Ed il pövel servit al Segner tuot il temp da Giosua, e tuot il temp dels seniurs, chi survivettan Giosua, ils quals avaivan vis tuot las grandas ouvas del Segner, las qualas el avaiava fat invers Israel.

8. Lura * Giosua, il figl da Nun, il famagl del Segner, morit d' età da tschient e desch ans.

* Gios. 24, 29.

9. E füt sepuli nels confins da sia ierta, * in Timnat-Heres sül munt Efraim, al settentrion del munt Gaas.

* Gios. 19, 50.

10. E tuot quella generaziun füt eir raspada pro seis babuns; lura alvet sti davo els ün' otra generaziun, la quala non cognoschaiva il Segner, ne las ouvas ch' el avaiava fat invers Israel.

11. Ed ils infants d' Israel fettan quai cha displaschet al Segner, e servittan a Baals.

12. Ed els bandunettan il Segner, Deis da lur babuns, il qual ils avaiava trats our dal pajais d' Egipto, e gettan davo oters deis, dels deis dels pövels, chi *eiran* intuorn els, ed ils adurettan, e grittantettan il Segner.

13. E bandunettan il Segner, e servittan a Baal, ed ad Astarte.

14. Pelqual l' ira del Segner s' invitet conter Israel, ed el ils det in man da rubadurs, ils quals ils butinettan; ed el ils vendet in man da lur inimis dapertuot intuorn; tal cha non podettan plü star a frunt a lur inimis.

15. Ingio ch' els giaivan oura, eira il man del Segner conter els in mal, sco' l Segner ad els avaiava dit, e gürâ; pelqual füttan els grandamaing chalchats.

16. Ma il Segner sdasdaiva sü güdischs, ils quals ils deliberaivan dal man da quels chi 'ls butinaivan.

17. Ma els non obedivan neir a lur güdischs; anzi giaivan fornicand davo oters deis, e'ls aduraivan. Els as volvaivan subit giò dalla via, sün la quala lur babuns eiran chaminats, obedind als comandamaints del Segner. Els non faivan anzi usche.

18. Impero, cur il Segner als sdasdaiva sü güdischs, schi eir' il Segner col güdisch, e'ls deliberaiva dal man da lur inimis, tuot' il temp del güdisch; perche il Segner s' impentiva, per lur

suspürs a causa da quels, chi 'ls squitschaivan e chalehaivan.

19. Ma, cur il güdisch eira mort, schi turnaivan els as corrumper, plü co lur babuns, giand davo oters deis, per als servir, e 'ls adurar. Els non interlaschaivan inguotta da lur oubras, e da lur via indürida.

20. Qua l' ira del Segner s' invüdet conter Israel; ed el dschet: Perquai cha quaist pövel ha transgredi meis pat, ch' eu avaiva ordinâ a lur babuns, e non han obedi a mia vusch;

21. * Schi non vögl neir eu continuar a şchatschar davant els alehün dels pövels, ils quals Giosua laschet, cur el morit; * Gios. 23, 13.

22. *Il qual füt*, per provar tras quels Israel, scha observessan la via del Segner, per chaminar in quella, sco l' observettan lur babuns, o na.

23. Contuot laschet il Segner quels pövels, sainza ils şchatschar usche subit, e non ils det in man a Giosua.

CHAP. III.

Descripziun dels pövels, cha 'l Segner laschet nella terra da Canaan, per prova. Israel vain deliberâ tras Otniel, tras Ehud, tras Samgar.

MA quaists *sun* ils pövels, cha 'l Segner relaschet, per provar con quels Israel; *cioè* tuot quels, chi non avaiavan gnü cognoschenscha da tuot las guerras da Canaan;

2. Acio ch' almain las generaziuns dels infants d' Israel savessan, *che chosa saja* la guerra, essendo ammosats; almain quels, chi da prüm non avaiavan cognoschenscha.

3. Ils tschinch * principats dels Filistins, e tuot ils Cananits, e Sidoniers, ed ils Hevits, chi abitaivan sü'l munt Libano, dal munt Baal-Hermon fin all' intrada da Hamat. * Gios. 13, 3.

4. *Quels* dimena servivan per provar Israel, a savair, scha obedissan als comandamaints del Segner, ils quals el avaiva dat a lur babuns tras Mose.

5. Usche abitaivan ils infants d' Israel tanter ils Cananits, ed ils Hetits, e 'ls Amorits, e Feresits, e 'ls Hevits, e Jebusits.

6. E * pigliaivan lur figlias per mugliers, e daivan lur figlias als figls da quels, e servivan a lur deis.

* Ex. 34, 16. Deut. 7, 3.

7. Usche fettan ils infants d' Israel quai cha displaschet al Segner, ed invlidettan il Segner lur Deis, e servittan a Baals, ed Astartes.

8. Pelqual l' ira del Segner s' invüdet conter Israel, ed el ils vendet in man da * Cusan-Risataim, il rai da Mesopotamia, e 'ls infants d' Israel servittan a Cusan-Risataim ot ans.

* Ab. 3, 7.

9. Lura bragittan ils infants d' Israel vi' al Segner, ed el sdasdet sü ad els ün liberatur chi 'ls deliberet, *cioè* * Otniel, il figl da Cenaz, del frar il plü giuven da Caleb.

* Güd. 1, 13.

10. Ed il Spiert del Segner füt sur el, ed el güdichet Israel, e get oura ün battaglia, e 'l Segner al det in man Cusan-Risataim, il rai da Mesopotamia, e seis man as inforzet conter Cusan-Risataim.

11. E 'l pajais avet pos *il spazi* da quarant' ans. Otniel lura, il figl da Cenaz morit.

12. Darcheu continuettan ils infants d' Israel a far quai cha displaschet al Segner; pelqual il Segner fortifichet * Eglon, il rai da Moab conter Israel; siand cha faivan quai cha displaschet al Segner.

* 1 Sam. 12, 9.

13. Ed el raspet pro el ils infants d' Ammon, e 'ls Amalecits, e get, e battet Israel; e quels piglettan aint la città dellas palmas.

14. Ed ils infants d' Israel servittan deschdot ans ad Eglon, il rai da Moab.

15. Lura bragittan ils infants d' Israel vi' al Segner, ed el sdasdet sü ad els ün liberatur, *cioè* Ehud, il figl da Gera, Benjaminit, il qual eira strupiâ del man dret. Ma 'ls infants d' Israel tramettettan tras el ün presaint ad Eglon, il rai da Moab.

16. Ma Ehud as fet üna spada, tagliainta d' amenduos varts, lunga d' ün bratsch muot, e's tshintet quella suot la vestimainta, sü'l gialun dret.

17. Ed usche portet el il presaint ad Eglon, il rai da Moab; e quel *eira* hom fich grass.

18. Ed, aviand compli da 'l offerir il presaint, det el cumiâ al pövel, chi avaiva portâ il presaint.

19. Ma el turnet darcheu pro 'l rai, dallas statuas da crap, chi *sun* sper

Gilgal, e dschet *ad el*: Eu ha üna chosa secretta da 't dir. Ed el dschet: Quiet! Quels lura tuots chi 'l staiavan intuorn gettan oura davent dad el.

20. Ed Ehud get via pro el, chi sez-zaiva sulet in sia sala da stà, e dschet: Eu ha da 't dir üna chosa da parte da Dieu. Ed el alvet sü da sia sopcha regala.

21. Ed Ehud, mettand il man snester vi' alla spada, la piglet giò dal gialun dret, e la fichet in seis vainter.

22. E davo la lamma intret ella fin il manch, ed il grass serret intuorn la lamma, dasort ch' el non tret ad el la spada our dal vainter, ed ella get davo oura;

23. Ma Ehud get vers il portic, e serret las portas della sala davo el, e serret quella con la clav.

24. E davo ch' el füt oura, gnittan ils servaiants d' Eglon, e vezzettan las portas della sala serradas con la clav, e dschettan, per tschert el fa seis bsögnns natürals nella cham-bretta della sala da stà.

25. E spettettan tant, ch' els eiran confus; e mera, ingün non avriva las portas della sala; pertant piglettan els la clav, e l' avrittan, e mera, lur segner giaschaiva a terra mort.

26. Ma Ehud scampet, infant quels surtraivan; e passet las statuas da crap, e 's salvet a Seira.

27. E, eur el füt rivâ, sunet el la trom-betta sül munt d' Efraim, ed ils infants d' Israel gnittan con el giò dal munt, ed el *giava* avant els.

28. Ed el dschet ad els: Seguittai a mai; perche il Segner s' ha dat in mans ils Moabits, voss inimis. Usche gnittan els giò davo el, e piglettan als Moabits ils pass del Giordan, e non laschettan passar ingün.

29. Ed a quel temp battettan els ils Moabits, intuorn deschmilli homens, tuots valerus, e possants, e non scam-pet via brich' ün.

30. Usche füt Moab in quel di battü suot il man d' Israel, ed il pajais avet pos ottant' ans.

31. Ma, davo Ehud, füt Samgar, il figl d' Anat, il qual battet ils Filistins, ses-tschieint, con ün stombel da bovs. Ed eir el deliberet Israel.

CHAP. IV.

Is Israelits pechan danöv, e sun suottaposts a Jabin, il rai da Hasor. Debora, profetessa, güdicha Israel; Sisera ais vint tras Barac. La mort da Sisera.

MA, dopo cha füt mort Ehud, gettan inavant ils infants d' Israel, a far quai cha displaschaiva al Segner.

2. Qua il Segner ils vendet in man da Jabin, il rai da Canaan, chi regnaiva a Hasor. Il capo del exercit da quel *eira* * Sisera, ma el abitaiva a Haroset dels pajans. * 1 Sam. 12, 9.

3. Ed ils infants d' Israel bragittan vi' al Segner; perche *Jabin* avaiva nouvttschient charra da fier, ed avai-va agià vainch ans con violenza squitschâ suot Israel.

4. Ma in quel temp Debora, duonna profetessa, muglier da Lapidot, güdichaiva Israel.

5. E quella dmuraiva suot la palma da Debora, tanter Rama, e Betel, sül munt d' Efraim; ed ils infants d' Israel muntaivan sü pro ella, per gnir güdichats.

6. Ma quella tramettet a clamar da Cedès da Naftali a * Barac, il figl d' Abinoam, e dschet ad el: Mera, il Segner Deis d' Israel at comanda! Vâ, fâ üna raspada da pövel sül munt Tabor, e piglia con tai desch-milli homens, dels figls da Naftali, e dels figls da Zebulon. * Ebr. 11, 32.

7. Ed eu vögl far gnir insembel con-ter tai, sper il flüm Cison, Sisera, ca-po del exercit da Jabin, insembel con sia charra, e con la blierüra da seis pövel; ed eu at il vögl dar nels mans.

8. E Barac alla dschet: Scha tü vainst con mai, schi vögl eu ir; ma scha tü non vainst con mai, schi non vögl eu ir.

9. Ed ella dschet: Eu vögl a tuotta via ir con tai; impero tü non averast onur nell' impraisa cha tü fast, eur il Segner averà vendü Sisera nel man d' üna duonna. E Debora movet, e get con Barac a Cedès.

10. E Barac raspet insembel Zebu-lon, e Naftali a Cedès, e muntet, e con el deschmilli homens. E Debora tret con el.

11. (Ma Heber, 'il Cenit, as partind

dals Cenits, *chi eiran* dels descendent da * Hobab, del sör da Mose, avaiva tais sias chamannas fin al god dels ruvers da Saanaim, *chi ais* vicin a Cedès.)

* Num. 10, 29.

12. Lura füt rapportâ a Sisera, cha Barac, il figl d' Abinoam, eira trat sül munt Tabor.

13. Ed el raspet tuot sia charra, nouvtshient charra da fier, e tuot il pövel *chi eira* con el, da Haroset dels pajans al flüm da Cison.

14. E Debora dschet a Barac: At mova; perche quaiſt *ais* il di, nel qual il Segner metta Sisera in teis man; non tir' il Segner our avant tai? Barac lura get giò dal munt Tabor, e davo el deshmilli homens.

15. * Ed il Segner mettet Sisera in deruotta, e tuot la charra, e tuot il champ, al fil della spada avant Barac. E Sisera saglit giò dal charr, e fùgit a pè.

* Ps. 83, 10.

16. Ma Barac perseguittet la charra, e'l champ fin a Haroset dels pajans; e tuot il champ da Sisera füt miss a fil da spada, e non scampet brich'ün.

17. E Sisera fùgit a pè vers la chamanna da Jael, della muglier d'Heber, Cenit. Perche *l'eira* pasch tanter Jabin, il rai da Hasor, e la chasa d'Heber, Cenit.

18. Qua gnit Jael oura incoiter Sisera, e dschet: At retira, meis segner, at retira nan pro mai; non at tmair. El dimena as retret via pro ella nella tenda. Ed ella il covernet con üna coverta.

19. Ed el la dschet: Ah tü! Da'm ün pa d' aua da baiver, perche eu ha sait. Ed ella, avrind sü ün bröch con lat, al det da baiver; lura il covernet-la suot.

20. Ed el la dschet: Stà all' intrada della chamanna; e, sch' alchün vain, e't domanda: Ais alchün qua, aintadaint? Schi di: Na.

21. Ma Jael, la muglier da Heber, piglet la guotta della chamanna, e piglet ün martè in man, e gnit plan plan pro Sisera, e'l chatschet la guotta tras la taimpra, dasort ch'ella's fichet nella terra. Ma *Sisera* eira chafuolmaing dormenzâ, e stangel. Ed *usche* morit el.

22. E mera, Barac perseguittaiva Sisera, e Jael al get our incoiter, e'l dschet: Vè, eu't vögl mossar l'hom cha tü tscherchast. Ed el in-tret pro ella, e mera, Sisera giaschai-va mort, e la guotta in sia taimpra.

23. Usche balchet Deis in quel di Jabin, il rai da Canaan, avant ils infants d'Israel.

24. Ed il man dels infants d'Israel da contin s'aggravaiva sur Jabin, il rai da Canaan, fin ch'els l'avettan sdrüt.

CHAP. V.

Debora e Barac chantan üna chanzun, chi con-tegna ingraziamaint, e lod al Segner.

MA Debora, con Barac, il figl d' Abinoam, chantet in quel di üna chanzun, dschand:

2. Benedi il Segner, ch'el ha fat la vendetta in Israel; cha'l pövel s'ha profert voluntariamaing!

3. Tadlai, o rais, e vus princips, sporschai uraglias! Eu, eu vögl chan-tar al Segner; eu vögl psalmiar al Segner, Deis d'Israel.

4. Segner, cur tü gnittast da Seir, cur tü chaminettast dal territori d'Edom, * qua tremblet la terra, ed ils tschels gottettan, e las nüvlas destillettan aua.

* Deut. 33, 2. Ps. 68, 8.

5. Munts as movettan per la presen-za del Segner, *eir* quaiſt Sinai per la presen-za del Segner, del Deis d'Israel.

6. Dal temp da Samgar, del figl d'Anat; dal temp da Jael, eiran las stradas cursaivlas bandunadas, ed ils viandans giaivan sü sendas tortas.

7. Ils vihs in Israel eiran gnüts al-main; eiran gnüts almain, fin ch'eu Debora alvet sü; fin ch'eu alvet, *per* esser mamma in Israel.

8. *Cur Israel* as tschernet deis nouv, lura staila la guerra allas portas; vezzaiv' ün schüt, o lanscha tanter quarantamilli *homens* in Israel?

9. Meis cour *ais* vers ils redscha-durs d'Israel, quels chi s'han libra-maing proferts tanter il pövel. Benedi il Segner!

10. Vus chi muntais asnas albas, chi sezzais sül lö del güdizi, e vus vian-dans, rashunai *da* quaiſt!

11. Essendo il strepit dels balai-strêrs gnü almain, per mez ils lous, ingio as piglia stü *aua*, qua 's dess raschunar las güstias del Segner; las *sias* güstias *esequidas* per seis vihs in Israel. Lura ais il pövel del Segner it giò allas portas.

12. At sdaisda, at sdaisda, Debora. At sdaisda, atsdaisda, di üna chanzun! Leiva stü, Barac, tü figl d'Abinoam, maina in preschun teis preschunêrs!

13. Lura ha 'l Segner fat signorar quel chi eira survanzâ; *el ha fat signorar* il pövel sur ils magnifics; el m'ha fat signorar sur ils possants.

14. D'Efraim, la ragisch del qual *ais* in Amalec, *quels* sun davo tai, o Benjamin, con teis pövel; e da Machir, e da Zebulon sun gnüts giò ils redschadurs, trand *lur truppas* a mantun con bachettas da scrivant.

15. Ils principals d'Issaschar, eir quels *sun stats* con Debora; insembel *col pövel d'Issaschar*, usche Barac ais stat tramiss nella val, con il pövel ch'el condüaiva. Tanter las flümêras da Ruben füttan grands debats del cour.

16. Perche est tü dmurâ tanter las stangas dellas stallas, per udir il sbeclar dellas scossas? Tanter las flümêras da Ruben füttan grands debats del cour.

17. Gilead ais dmurâ da là del Gior-dan; e perche ais Dan dmurâ sper las navs; ed ais Asser restâ sper la riva del mâr, e s'ha tgnü sü in seis ports?

18. * Zebulon *ais ün* pövel, chi ha dat nan sia vita alla mort; usche *fet* eir Naftali, nell'ota champagna.

* Güd. 4, 10.

19. Ils rais sun gnüts, han combat-tü; lura han combattü ils rais da Canaan a Taanac, sper las auas da Megiddo; ma non fettan guadagn d'argient.

20. E s'ha combattü giò da tselhel; las stailas han combattü conter Sisera our da lur cuors.

21. Il flüm Cison ils ha stroziats via; il flüm da combats ais il flüm Cison. Orma mia, trappla suot lur forza.

22. Lura ils chavals as smachettan las unglas, per il grand trapplar; trapplar da lur chavals adestrats.

23. Smaledi a Meroz, ha dit l'angel del Segner; pür smaledi a seis abitanti; perquai cha non sun gnüts al succuors del Segner cols ferms.

24. Saja benedida sur *tuot* las donans * Jael, la muglier da Heber, il Cenit. Saj' ella benedida sur tuot las donans chi stan in chamannas.

* Güd. 4, 17.

25. El domandet aua, ed *ella al* det lat; ella al sporschet della flur del lat nella coppa dels respettats.

26. Ella stendet il man per la guotta, ed il dret per il martè dels lavuraints, e battet stün Sisera, e'l sfrislet il cheu; ella 'l foret tras, e 'l smachet la taimpra.

27. El s'inclinet tanter ils peis da quella, erodet, giaschet a terra; s'inclinet tanter ils peis da quella, erodet; ingio el s'inclinet, qua erodet el, peri.

28. La mamma da Sisera guarda tras la fanestra, e, *guardand* tras il giatter, braj' ella, dschand: Perche intarda a gnir seis charr? Perche as movainta sia charra usche lenta-maing?

29. Las plü sabias da sias donzellas la respondan, ed eir ella responsa a sai s vess.

30. * Non han els chattâ butin? Non il partan els oura; üna, duos giuvnas per hom; butins *da vestimainta* da plüs culurs per Sisera; ils butins *da vestimainta* da diversas culurs, rechamada; butin *da vestimainta* da culur variada, rechamada d' amenduovarts, da metter vî al colöz.

* Ex. 15, 9.

31. Usche peran, Segner, tuots teis inimis, ma quels chi aman il Segner *sajan* seo cur il solai vain oura in sia forza.

32. Lura avet il pajais quarant' ans pos.

CHAP. VI.

Israel tuorna a malfar, e vain chastiâ tras ils Midianits. Gideon ais dal angel da Dieu ordinâ liberatur del pövel, e tras divers miraculs confirmâ in sia vocaziun.

MA 'ls infants d' Israel fettan quai cha displaschet al Segner, e'l Segner ils det in man * dels Midianits per set ans.

* Ab. 3, 7.

2. Ed il man dels Midianits s'inforzet conter Israel; pelqual as fettan

ils infants d' Israel euvels nels munts, e speluncas, e bastiuns, per temma dels Midianits.

3. Perche, cur Israel avaiava semnâ, schi traivan ils Midianits, ed ils Amalecits, ed ils Orientals, stü conter el.

4. Ed, aviand fat champ conter ils Israelits, dazipaivan els ils früts della terra fin a Gaza, e non laschaivan in Israel, ne victualia, ne bescha, ne bovs, ne asens.

5. Perche els traivan nan con lur scossas, e con lur tendas, e gnivan in blerüra sco salips, ed *eiran* innumerabels, els, e lur chamêls, e gnivan nel pajais per il dazipar.

6. Contuot gnit Israel fich debel, per causa dels Midianits; qua ils infants d' Israel bragittan vi' al Segner.

7. E dvantet, cur ils infants d' Israel avettan bragi vi' al Segner, per causa dels Midianits,

8. Tramettet il Segner ad els ün hom profet, e dschet ad els: Usche ha dit il Segner, Deis d' Israel, eu s' ha manats our d' Egipto, e s' ha trats our dalla chasa da servitü;

9. E s' ha spendrats dal man dels Egipeters, e dal man da quels chi 's chalchaivan, e 'ls ha schatschats our davant vus, e s' ha dat lur pajais.

10. Ma eu as dschet: Eu *sun* il Segner, vos Deis; non tmarai ils deis dels Amorit, nel pajais dels quals vus abitaiv. Ma vus non avais obedi a mia vusch.

11. Lura gnit ün angel del Segner, e 's mettet a zer suot il ruver in Ofra, il qual *lô eira* da Joas, il Abiesrit. E Gideon, il figl da quel battaiva our il gran nel torchel, per il salvar avant ils Midianits.

12. E l' angel del Segner al apparet, e dschet ad el: Il Segner *saja* con tai, hom valerus!

13. E Gideon dschet ad el: Ah, meis Segner! *Ais* il Segner con nus, perche dimen' ans sun dvantadas tuot quai-stas chosas? Ed ingio *sun* tuot seis miraculs, dals quals noss babuns ans han requintâ, dschand: Non ans ha il Segner trats our d' Egipto? Ma uossa il Segner ans ha bandunats, e dats in man dels Midianits.

14. Ma 'l Segner as volvet vers el,

e 'l dschet: * Vâ con quaista tia forza, e salva Israel dal man dels Midianits; non t' ha eu tramiss?

* 1 Sam. 12, 11. Ebr. 11, 32.

15. Ed el dschet ad el: Ah, meis Segner! Con che dess eu salvar Israel? Mera, * meis tröp *aïs* il plü pover da Manasse, ed eu *sun* il minim della chasa da meis bap.

* 1 Sam. 9, 21.

16. Lura dschet il Segner ad el: Perquai vögl eu esser con tai, e tû vainst a batter ils Midianits, tant co *scha füssan* ün *sulet* hom.

17. E Gideon dschet ad el: Ah, sch' eu ha chattâ grazia avant tai, schi da 'm ün' insaina, cha tû tshan-tschant con mai.

18. Ah, non at mover da qui, fin ch' eu vegna pro tai, e 't porta meis preschaint, ed il at metta avant. Ed el *al* dschet: Eu vögl restar *qui*, fin tû tuornast.

19. Contuot get Gideon aint in *chasa*, e perderschet ün bocchet, e *fet* azims our d' ün efa farina; mettet *lura* la charn in ün chanaster, e la schoppa in üna pignatta, e 'l portet quai suot il ruver, e 'l presantet.

20. E l' angel del Segner dschet ad el: Piglia quaista charn, e quai-sts *pans* azims, e tshainta quai stün quel sass, e spand' oura la schoppa. Ed el fet usche.

21. Lura l' angel del Segner stendet oura il bastun, ch' el avaiava in man, e toccet la charn col piz da quel, ed ils *pans* azims, e fö get our dal sass, e constümet la charn, e 'ls *pans* azims. E l' angel del Segner svanit da seis conspet.

22. Ma Gideon vezzet, ch' el *eira* l' angel del Segner, e dschet: Oime, Segner Deis; *aise* per quai-st, ch' eu ha vis l' angel del Segner da fatsch' a fatscha?

23. Ma 'l Segner al dschet: Stâ in pasch, non at tmair, tû non vainst a morir!

24. E Gideon edificchet qua ün utêr al Segner, e 'l nomnet: LA PASCH DEL SEGNER; e quel restet fin ad hoz in Ofra dels Abiesrits.

25. Ma in quell' istessa not dschet il Segner ad el: Piglia il trim da teis bap, ed il segund bov da set ans, e

disfà l' utêr da Baal, chi *ais* da teis bap, * e taglia giò l' Astarte chi *ais* sper el;

* Ex. 34, 13. Deut. 7, 5.

26. Ed edificha ün utêr al Segner teis Deis stin la tshimma da quaist spehm, nel *istess lö*, *ingio tü arairast tshantâ* quai cha avaiast perdert; lura piglia quel seguond bov, e l' offer' in olocausto, con la laina dell' Astarte cha tü averast taglia giò.

27. Gideon dimena piglet con el desch homens, our da seis serviaints, e fet usche, sco 'l Segner l' avaiava dit; e tmand da 'l far da di, per causa della chasa da seis bap, e dels homens della città, schi il fet el da not.

28. Ed essendo ils homens della città alvats la daman, mera, l' utêr da Baal eira disfât, e l' Astarte chi *eira* stin quel eira tagliada giò, e quel seguond bov eira offert sur l' utêr chi eira stat edificâ.

29. Qua dschettan quels l' ün al oter: Chi ha fat quaist? Ed aviand domandâ, e tsherchâ davo, füt dit: Gideon, il figl da Joas, ha fat quaist.

30. Lura dschettan ils homens della città a Joas: Main' oura teis figl, el saja fat morir; perche el ha disfât l' utêr da Baal, ed ha tagliâ giò l' Astarte chi *eira* lasura.

31. Ma Joas dschet a tuot ils circonstants: Volais vus defender la causa da Baal? Il volais vus salvar? Chi defenderà sia causa sarà fat morir ant daman. Sch' el ais deis, schi ch' el dispitta con Gideon, daspö l' ha disfât seis utêr.

32. Ed in quel di *as* mettet nom a Gideon Jerubbaal, dschand: Cha dispitta Baal con el, daspö l' ha disfât seis utêr.

33. Ma tuot ils Midianits, ed ils Amalecits, ed ils Orientals, siand raspats insembel, passettan *il Giordan*, e s' acchampettan nella val da Jezreel.

34. Ed il Spiert del Segner investit Gideon, ed el sunet la trombetta; ed ils Abiesrits as raspettan per ir davo el.

35. El tramettet eir oura mess per tuot Manasse, e quel eir as raspet per al seguittar; el tramettet eir oura

mess in Asser, ed in Zebulon, ed in Naftali, e quels muntettan al incontrar.

36. E Gideon dschet a Dieu: Scha tü pür voust salvar Israel tras meis man, sco tü hast dit;

37. Mera, eu vögl metter lana tusa sül iral; scha 'l ruschè ais sül tus sulet, e la terra ais tuot sùtta, schi vögl eu cognoscher, cha tü tras meis man vegnast a salvar Israel, sco tü hast dit.

38. E dvantet usche. Ed el alvet la mattina seguainta, e trand a mantun il tus, squitschet el oura ruschè üna coppa plaina d' aua.

39. E Gideon dschet a Dieu: * Cha tia ira non s' invüda conter mai, ch' eu vögl tshantschar *amo* quaista vouta. Ah tü, *permetta* ch' eu fetscha be *amo* quaista vouta prova col tus; ah tü, saja il tus sulet süt, e saja il ruschè sur tuot la terra.

* Gen. 18, 32.

40. E Deis fet usche in quella not, ed il tus sulet füt süt, ed il ruschè füt sur tuot la terra.

CHAP. VII.

Il Segner tscherna trajatschient homens our dal pövel, per seguittar a Gideon conter ils Midianits. Ils Midianits vegnan disfâts e duos capos mazzats.

JERUBBAAL dimena, *chi* ais Gideon, alvet la mattina, e tuot il pövel chi *eira* con el, e s' acchampet con quel sper la fontana da Harod, ed il champ dels Midianits al eira dal settentrion, vers la * muotta da More nella val.

* Güd. 6, 33.

2. Ed il Segner dschet a Gideon: Il pövel chi *ais* con tai, *ais* massa bler, ch' eu als detta Midian in lur mans; cha lura Israel non as gloriescha sur mai, dschand: Meis man m' ha salvâ!

3. Contout fà uossa clamar oura, cha 'l pövel oda, dschand: * Chi *ais* smiss, e tmuoss, dess dalunga turnar inavo dal munt da Gilead. Qua turnettan inavo vainch e duamilli *homens* del pövel, e deschmilli rumagnettan.

* Deut. 20, 8.

4. Ed il Segner dschet a Gideon: *L'ais* amo massa bler pövel: Fa 'l ir giò pro l' aua, e qua t' il vögl eu discernere, e quel, dal qual eu at dscharà, quaist vain ad ir con tai, dess ir con

taì, e quel, dal qual eu at jdscharà, quaist non vain ad ir con tai, non dess ir con tai.

5. *Gideon* dimena fet ir il pövel giò pro l' aua, e 'l Segner al dschet: Scodün chi lappa l' aua con la lengua, sco lappa il chan, metta d'vart; usche eir scodün chi s' inclina sün la snuoglia per baiver.

6. Ed il number da quels chi, col man alla bocca, lappettan l' aua, füt da trajatschient homens, e tuot il rimanent del pövel s' inclinet sün la snuoglia per baiver aua.

7. Ed il Segner dschet a *Gideon*: Tras quaists trajatschient homens, chi han lappà l' aua, as vögl eu salvar, e t dar ils Midianits nels mans; ma tuot l' oter pövel giaja scodün in seis lö.

8. E quel pövel piglet victualia in man, e sias trombettas. *Gideon* dime-na tramettet a chasa tuot ils oters Israelits, scodün pro sias tendas, e salvet pro el ils trajatschient homens. Ma 'l champ dels Midianits eiro giò suot nella val.

9. Ma in quella not al dschet il Segner: Stà sü, và giò nel champ; perche eu t' il ha dat nels mans.

10. Impero, scha tü temmast d' ir giò, schi và giò tü il *prüm* con Pura, teis servaint, vers il champ.

11. E tü udirast che *qua* vain dit; e lura vegnan teis mans a gnir inforzats, e tü vainst ad ir giò nel champ. El dimena, con Pura, seis servaint, get giò fin all' extremità del pövel, chi eira in arma nel champ.

12. Ma 'ls Midianits, e 'ls Amalecits, e tuot ils Orientals, giaschaivan nella val, * sco salips in blerüra, e lur chamèls *eiran* innumerabels, ed *eiran* in blerüra sco 'l sablun alla riva del mâr.

* Gid. c. 5.

13. Contuot, siand *Gideon* rivà qua, mera, ün requintaiva ün sömmi a seis compagn, e 'l dschaiva: Mera, eu 'm ha sömgia ün sömmi; e 'm paraiva, ch' üna fuatscha d' üerdi 's rodlaiva vers il champ dels Midianits, e rivaiva fin allas chamannas, e las battaiva, ch' ellas daivan giò, e las ruversaiva suot sura, ch' ellas daivan aint.

14. E seis compagn respondet, e

dschet: Quaist non *aïs* oter co la spada da *Gideon*, il figl da Joas, hom Israelit; Deis l' ha dat nels mans ils Midianits, e tuot il champ.

15. Ma, eur *Gideon* avet udi requintar il sömmi, ed *inclet* sia interpretaziun, schi aduret el. Lura, siand turnà nel champ d' Israel, dschet el: Stà sü; perche il Segner s' ha dat nels mans il champ dels Midianits.

16. Lura partit el quels trajatschient homens in trais tröps, e det a tuots trombettas in man, crüas vödas, e sfagliadas nellas crüas.

17. E dschet ad els: Guardai *sün quai ch' eu fetsch*, e fat eir vus usche; eur eu sarà rivà all' extremità del champ, schi fat usche, sco eu farà.

18. E eur eu, con tuot quels, chi *sun* con mai, vegn a sunar la trombetta, schi sunai eir vus las trombettas, intuorn tuot il champ, e dit: PER IL SEGNER, E GIDEON!

19. *Gideon* dimena, e tschient homens, chi *eiran* con el, gnittan fin all' extremità del champ, al principi della vigilia da mezza not, quantbod cha las guardias füttan tschantadas; qua sunettan els las trombettas, e rumpettan las crüas ch' avaivan in lur mans.

20. Lura sunettan ils trais tröps las trombettas, e rumpettan las crüas, e tagnaivan con il man snester las sfagliadas, e col dret las trombettas per sunar, e bragivan: LA SPADA DEL SEGNER, E DA GIDEON!

21. E scodün dels staiva ferm in seis lö, intuorn il champ, e tuot il champ scurriva *qua e là*, clamand, e fugin.

22. Ma, intant quels trajatschient homens sunaivan las trombettas, volvet il Segner la spada da scodün conter seis compagn, e *quai* tras tuot il champ. Ed il champ fügit fin a Bet-Sitta, vers Serera; fin alla riva d' Abel-Mehola, sper Tabat.

23. E 'ls Israelits füttan raspats, da Naftali, e d' Asser, e da tuot Manasse, e persequittettan ils Midianits.

24. E *Gideon* tramettet mess per tuot il munt d' Efraim, a dir: Gnigiò inco-ter ils Midianits, e piglià 'ls las auas fin a Bet-Bara, giò davo 'l Giordan.

Tuot ils Efraimits dimena, siand raspats, piglettan d'avent las auas fin a Bet-Bara, e 'l Giordan.

25. Ed els piglettan duos capos dels Midianits, * Oreb, e Zeeb; e mazzettan Oreb, nel *lò dit*: Il sass d' Oreb; e Zeeb nel *lò dit*: Il torchel da Zeeb; e perseguitettan ils Midianits, e portettan las testas da quels capos a Gideon, da là del Giordan.

* Ps. 83, 12. Es. 10, 26.

CHAP. VIII.

Ils homens d' Efraim bruncan conter Gideon; el ils quieta. Gideon s' osta d' esser güdich sur il pövel d' Israel. Ils infants da Gideon. La mort da Gideon.

MA ils homens d' Efraim dschettan ad el: Che chosa ans hast tü fat, da non ans avair clamats, cur tü gettast a combatter conter Midian? Ed els dispittettan con el fermamaing.

2. Ma el dschet ad els: Che ha eu uossa fat al pèr da vus? Il spielar d' Efraim non vala el megl co la vinda d' Abiezer?

3. Deis s' ha dat nels mans ils capos dels Midianits, Oreb e Zeeb; e che ha eu podü far al pèr da vus? Lura, davo ch' el usche avet favlâ ad els, schi s' acquietet lur ira conter el.

4. Ma Gideon rivet al Giordan, e 'l passet con ils trajatschient homens, chi *eiran* con el, *ils quals* stangels perseguitaivan *ils Midianits*.

5. Ed el dschet a quels da Succot: Ah vus, dat alichüns pans al pövel chi 'm sieua; perche els *sun* lass; ed eu dun davo a Zeba ed a Salmuna, ils rais da Midian.

6. Ma ils principals da Succot respondettan: Hast tü agiâ in man las palmas da Zeba, e da Salmuna, cha nus dettan pan a teis exercit?

7. E Gideon respondet: Perquai, cur il Segner m' averà dat nels mans Zeba e Salmuna, schi vögl eu sfruschar giò vossa charn con spinas del desert, e con charduns.

8. Lura muntet el da là a Pnuel, e favlet a quels da Pnuel, nella medema maniera; e quels al respondettan, co quels da Succot avaivan respus.

9. Ed el dschet il medem a quels da Pnuel: Cur eu turnerà in pasch, schi vögl eu disfar quaiста tuor.

10. Ma Zeba e Salmuna *eiran* in Carcor, con lur champs, intuorn quindeschmilli *homens*; tuots quels, chi *eiran* restats da tuot il champ dels Orientali; ed ils morts *eiran* tschient e vainchmilli *homens*, chi podaivan trar la spada.

11. E Gideon muntet, trand vers *il pajais* da quels chi avdan in tendas, dalla vart orientala da Noba, e da Jogbeha, e battet il champ, il qual staiv' in sgürezza.

12. E Zeba e Salmuna fuggittan; ma el ils perseguitet, e * prendet ils duos rais da Midian, Zeba e Salmuna, e mettet in deruotta tuot il champ.

* Ps. 83, 12.

13. Davo quai turnet Gideon, il figl da Joas, dalla battaglia, giò dalla muntada da Heres.

14. El piglet sü ün giuvnet della gliend da Succot, e 'l domandet; ed el al scrivet ils principals, ed ils seniurs da Succot, *chi eiran* settantaset *homens*.

15. Davo quai gnit *Gideon* pro 'ls homens da Succot, e dschet: Mera qui, Zeba e Salmuna, da quals vus per spretsch am dschettat: Hast tü agiâ in man las palmas da Zeba, e da Salmuna, cha nus dettan pan a tia gliend stangla?

16. Ed el piglet ils seniurs della città e spinas our dal desert, e charduns, e chastiet con quaiста ils homens da Succot.

17. Disfet eir la tuor da Pnuel, e mazzet ils homens della città.

18. Davo quai dschet el a Zeba, ed a Salmuna: Co *eiran* quels homens cha vus mazzettat a Tabor? E quels respondettan: Sco tü a punto; scodün *da quels* paraiva sumgiant ad ün figl da rai.

19. Ed el dschet ad els: Quels *eiran* meis frars, ils figls da mia mamma. Sco 'l Segner viva, scha vus avessat laschâ la vita ad els, schi non as voless eu mazzar.

20. Davo quai dschet el a Jeter, seis primogenit: Stà sü, mazza 'ls! Ma il giuven non tret oura sia spada; perche el avaiva temma; siand ch' el *eira* amo giuvnet.

21. E Zeba e Salmuna dschettan:

Stà sü tü, e eutorra in nus; perche qual ais l' hom, *tal' ais* sia forza. Contuot alvet sü Gideon, e mazzet Zeba e Salmuna, e piglet las glünetas cha lur chamêls avaivan al colôz.

22. Ed ils Israelits dschettan a Gideon: Signorescha sur nus, tü, e tei figl, e 'l figl da tei figl, siand tü'ns hast salvats dal man dels Midianits.

23. Ma Gideon dschet ad els: Ne eu, ne meis figl dessan signorar sur vus; il Segner dess signorar sur vus.

24. Da plü dschet Gideon ad els: Eu's vögl far üna domanda, cha scodün da vus am detta il monil, ch'el ha butinâ; perche quels avaivan monils d'or, siand eiran Ismaelits.

25. E quels dschettan: Nus a tuotta via *ils* volain dar. Stendand oura dimena ün pann, büttet scodün laint il monil, ch'el avaiva butinâ.

26. E la paisa dels monils d'or, cha *Gideon* avaiva domandâ, füt da milli e setteschient *siccal*s d'or; ultra las glünettas, e las colanas, e la vestimainta da şcharlatta, cha 'ls rais da Midian avaivan in döss; ed ultra ils colarins, cha lur chamêls avaivan a colôz.

27. Ed our da quel fet Gideon ün efod, e 'l tschantet in Ofra, sia città, e tuot Israel fornicet qua davo quel, e *quai* füt ün latsch a Gideon, ed a sia chasa.

28. Usche füt Midian abbassâ avant ils infants d'Israel, e non ozet plü il cheu; e 'l pajais avet pos per quarant' ans, als dis da Gideon.

29. E Jerubbaal, il figl da Joas, get e dmuret in sia chasa.

30. Ma Gideon avaiva settanta figls, chi *eiran* gnüts our da seis flanc; perche el avaiva bleras mugliers.

31. E sia concubina, chi eira a Sichem, al parturit eir ün figl, al qual el mettet nom Abimelec.

32. Davo quai morit Gideon, il figl da Joas, in buna vegldüna, e füt sepuli nella sepultura da Joas, seis bap, in Ofra dels Abiesrits.

33. E, davo cha Gideon füt mort, schi turnettan als infants d'Israel a fornicar davo als Baals, e's constituitan Baal-Berit per dieu.

34. E non as regordettan del Se-

gner, lur Deis, il qual ils avaiva spendrats dals mans da tuot lur inimis da pertuot intuorn;

35. E non dovrettan benignità envers la chasa da Jerubbaal, cioè da Gideon, seguond tuot il bain, ch'el avaiva operâ envers Israel.

CHAP. IX.

Abimelec mazza tuot seis frars, resalv Jotam. El vain constitui rai a Sichem. Inimicizia tantter ils Sichemits ed Abimelec. La praisa da Sichem. Abimelec, assediand Tebes, vain mazzâ d'üna duonna.

MA Abimelec, il figl da Jerubbaal, get a Sichem pro 'ls frars da * sia mamma, e favlet ad els, ed a tuot la famiglia della chasa del bap da sia mamma, dschand: *Güd. 8, 31.

2. Ah vus, tschantschai con tuot ils Sichemits, e dit ad els: Quala chosa ais meldra per vus; cha settant' homens, cioè tuot ils figls da Jerubbaal signoreschan sur vus, ovvero, ch'ün hom sulet signorescha sur vus? As regordai eir, ch'eu *sun* voss' ossa, e vossa charn.

3. Ed ils frars da sia mamma favlettan dal el con tuot ils Sichemits, e dschettan ad els tuot quels plets; e l'our s'inclinet a seguittar Abimelec; perche els dschettan: L' *ais* nos frar.

4. Ed els al dettan settanta *siccal*s d'argient, tuts dal taimpel da Baal-Berit, cols quals Abimelec finet sü homens d'inguotta e vagabunds, ils quals al gettan davo.

5. Ed el gnit nella chasa da seis bap, in Ofra, e mazzet sün ün' istessa peidra seis frars, ils figls da Jerubbaal, settant' homens. Ma Jotam, il plü giuven figl da Jerubbaal, scampet via; perche el eira zoppâ.

6. Lura's raspettan insembel tuot ils Sichemits, e tuot la chasa da Millo, e gettan, e constituitan rai Abimelec sper il ruver, ingio eira drizzada sü la statua a Sichem.

7. Ed, essendo quai rapportâ a Jotam, get el; e's fermet sün la sommità del munt Garizim; ed ozet la vusch, e bragit, e dschet ad els: Tadalai a mai, Sichemits, ed *usche* s'oda Dieu.

8. La boşcha get *ünsacura* per onscher ün rai sur ella, e dschet al olivêr: Regna sur nus!

9. Ma l'olivêr dschet ad ella: Dess eu laschar *da prodür* meis öli, tras il qual s' onura Deis, e la gliëud, per ir scurrind per l'otra boşcha?

10. Lura dschet la boşcha al figêr: Vê tû, regna sur nus!

11. Ma il figêr dschet ad ella: Dess eu laschar *da prodür* mia dutschezza, e meis bun früt, per ir scurrind per l'otra boşcha?

12. E la boşcha dschet alla vit: Vê tû, regna sur nus!

13. Ma la vit dschet ad ella: Dess eu laschar *da prodür* meis muost, chi alleigra Dieu, ed ils crastians, per ir scurrind per l'otra boşcha?

14. Lura dschet tuot la boşcha al spinatsch: Vê tû, regna sur nus!

15. Ed il spinatsch dschet alla boşcha: Scha quai cha vus fais, m' onschand per rai sur vus, ais con vardà, schi gni, as fat nan suot mia sumbriva; non bricha, * schi giaja il fô our dal spinatsch, e constüma ils ceters del Libano.

* Ez. 19, 14.

16. Uossa darcheu, scha vus avais procedü con vardà, e con integrità, constituind Abimelec per rai, e scha vus avais operà bain invers Jerubbaal, ed invers sia chasa; e scha vus l' avais rendü la retribuiziun da sias ouvas;

17. (Perche meis bap ha guerragià per vus, ed ha rissagià sia vita, e s' ha liberats dal man dels Midianits;

18. Ma hoz eschat vus alvats sü conter la chasa da meis bap, ed avais mazzà sur ün' istessa peidra seis figls, settant' homens, ed avais constitui sur ils Sichemits Abimelec, il figl da sia fantshella, per quai ch' el *ais* vos frar;)

19. Scha vus avais, *di eu*, hoz procedü con vardà, e con integrità vers Jerubbaal, e vers sia chasa, schi s' allegrai d' Abimelec, ed Abimelec s' alleigra da vus;

20. Non bricha, schi giarà fô our d' Abimelec, e consümerà ils Sichemits, e la chasa da Millo; il medem giarà fô our dals Sichemits, ed our dalla chasa da Millo, e consümerà Abimelec.

21. Davo quaiet seampet via Jotam,

e fûgit avant Abimelec, seis frar, e get in Beer, e dmuret qua.

22. Ed Abimelec signoret sur Israel trais ans.

23. E Deis tramettet ün spiert malign tanter Abimelec, ed ils Sichemits, ed ils Sichemits rompettan la fai ad Abimelec;

24. Acio cha la violenza, fatta a setanta figls da Jerubbaal, e lur sang, gnis ad esser miss adöss ad Abimelec, lur frar, il qual ils avaiva mazzats; ed adöss als Sichemits, ils quals avaivan sustgnü seis man a mazzar seis frars.

25. Ils Sichemits dimena al mettettan aguets sün la sommità dels munts, ils quals spogliaivan sün la strada quels chi passaivan pro els. E *quaist* füt rapportâ ad Abimelec.

26. Lura Gaal, il figl d' Ebed, e seis frars gnittan, e passettan aint in Sichem; ed ils Sichemits tschantettan fidanza in el.

27. E, siand its oura sün la champagna, vindemiettan els lur vignas, e squitschettan oura *las üjas*, e chantettan chanzuns. Lura gettan els nel taimpel da lur deis, e mangettan, e bavettan, e smaledittan Abimelec.

28. E Gaal, il figl d' Ebed, dschet: Chi *ais* Abimelec, e qual *ais* Sichem, cha nus dessan servir ad el? Non *ais el* il figl da Jerubbaal; e Zebul, non *ais el* seis commissari? Servi als descendents da Hemor, del bap da Sichem. E perche dessan nus servir a quaiet?

29. Ah, am füss pür dat quaiet pövel suot mia condotta, schi voless eu schatsehar Abimelec. Dschet lura ad Abimelec: Creschainta pür tei exercit, e vè oura!

30. Ma Zebul, il chapitani della città, aviand udi ils plets da Gaal, del figl d' Ebed, s' invüdet in ira,

31. E tramettet mess pro Abimelec cautamaing, al dir: Mera, Gaal, il figl d' Ebed, e seis frars, sun gnüts in Sichem, e mera, els constrenschan la città conter tai;

32. Schi stà sü uossa da not, tû, con il pövel chi *ais* con tai, e t metta in aguets nella champagna.

33. E la mattina, a bun' ura, sül alvar del solai, at fà sü, e fà üna

scurraria sur la città, e mera, el e 'l pövel chi *ais* con el, vain a gnir oura incoenter tai, schi dessast tü far con el, seguond cha vain at occuorrer.

34. Abimelec dimena 's fet sü da not, con tuot il pövel chi *eira* con el, e stet als aguets conter Sichem, in quatter tröps.

35. Lura gnit oura Gaal, il figl d' Ebed, e 's fermet sün l' intrada della porta della città, ed Abimelec as fet sü our dals aguets, col pövel chi *eira* con el.

36. E Gaal, aviand vis quel pövel, dschet a Zebul: Mera il pövel, chi vain giò dalla sommità dels munts. E Zebul al dschet: Tü vezzast la sumbriva dels munts, e que at para cha saja gliend.

37. E Gaal tschantschet danöv, e dschet: Mera il pövel, chi vain giò per mez del pajais, ed ün tröp, chi vain dalla via del ruver dels ingiavins.

38. Ma Zebul dschet ad el: Ingio *ais* uossa tia bocca, con la quala tü dschaivast: Chi *ais* Abimelec, cha nus al dessan servir? Non *ais* quaist il pövel cha tü spretschaivast? Ah tü, vâ uossa oura, e combatta con el.

39. Lura get oura Gaal avant ils Sichemits, e combattet con Abimelec.

40. Ma Abimelec il schatschet, ed el fûgit avant el, e blers erodettan mazats fin all' intrada della porta.

41. Ed Abimelec as fermet in Aruma, e Zebul schatschet da Sichem Gaal, e seis frars, tal cha non podettan plü star in Sichem.

42. E 'l di seguaint get our' il pövel *da Sichem* sün la cuttüra, e quai füt refert ad Abimelec.

43. Ed el piglet *seis* pövel, e 'l partit in trais tröps, e 's mettet in aguets sün la cuttüra, e vezziand cha 'l pövel giaiv' our dalla città, schi alvet el sü conter quel, e 'l battet.

44. Ma Abimelec con il tröp, ch' el avaiva con el, scurrit vers la città, e 's fermet all' intrada della porta della città; e 'ls *oters* duos tröps currittan sur tuot quels chi *eiran* per la cuttüra, e 'ls battettan.

45. Ed Abimelec combattet conter la città tuot quel di, e la piglet, e mazzet il pövel chi *eira* in quella;

lura splanet el la città e semnet qua sal.

46. E tuot ils abitants della tuor da Sichem, aviand udi *quai*, as redüetan nella fortezza del taimpel d' El-Berit.

47. E füt refert ad Abimelec, cha tuot ils abitants della tuor da Sichem s' avessan raspats là.

48. Pelqual Abimelec muntet sül munt Salmon, con tuot il pövel, chi *eira* con el, e piglet la sgür in man, e taglet giò il ram d' ün bösch, e l' aviand tut sü, il portaiv' el sün spadla; lura dschet el al pövel, chi *eira* con el: Quai cha vus m' avais vis a far, fat lestamaing sco eu.

49. Contuot taglet giò eir tuot il pövel ramma, scodün il seis; lura, giand davo Abimelec, la mettettan els intuorn la fortezza, ed ardettan la fortezza sur quels; ed eir tuot ils abitants morittan, intuorn milli persunas, tanter homens, e donans.

50. Lura get Abimelec a Tebes, e mettet qua seis champ, e la piglet.

51. Ma in mez la città *eira* üna tuor ferma, nella quala fûgittan tuot ils homens e las donans, e tuot ils abitants della città, e s' aviand serrats aint, muntettan els sül tet della tuor.

52. Ed Abimelec, siand gnü fin alla tuor, la combattet, e s' approsmet fin alla porta della tuor, per l' arder con fô.

53. Ma * üna duonna büttet ün toe moola da mulin giò sül cheu d' Abimelec, e 'l spazzet la creppa.

* 2 Sam. 11, 21.

54. Pelqual el lestamaing elamet il servitur, chi portaiva sias armas, e dschet ad el: Tir' oura tia spada, e mazza 'm; cha non as dia da mai: Üna duonna l' ha mazzâ. Seis servitur dimena il trafichet, ed el morit.

55. Ma, cur ils Israelits vezzettan, cha Abimelec *eira* mort, get scodün in seis lö.

56. Usche fet Deis ad Abimelec la retribuiziun del mal, ch' el avaiva commiss conter seis bap, mazzand seis settanta frars;

57. Deis fet eir turnar sül cheu dels homens da Sichem tuot il mal, ch' avaiavan commiss, ed inscontret ad els

la maledicziun da Jotam, del figl da Jerubbaal.

CHAP. X.

Tola e Jair güdichan Israel; e, turnand quels a far mal, vegnan els dats in man dels Filistins, ed Ammonits; ma gñand a penitenza, as lasch' il Segner gnir compassion d'els, ils aviad datschert reprais.

MA, davo Abimelec, alvet sü per deliberar Israel, Tola, il figl da Pua, del figl da Dodo, hom d' Issaschar, il qual dmuraiva in Samir, sülmunt d' Efraim.

2. Ed el güdichet Israel vainch e trais ans; lura morit el, e füt sepulì in Samir.

3. E, davo el, alvet sü Jair, il Gileadit, il qual güdichet Israel vainch e duos ans.

4. E quel avet trenta figls, ils quals muntaivan sü trenta asnels, ed avaiavan trenta cittats, chi's nomnan fin ad hoz las villas da Jair, las qualas *sün* nel pajais da Gilead.

5. Lura morit Jair, e füt sepulì in Camon.

6. Ed ils infants d' Israel continuettan a far quai cha displaschet al Segner, e servittan als Baals, ed ad Astartes, ed als deis da Siria, als deis da Sidon, ed als deis da Moab, ed als deis dels infants d' Ammon, ed als deis dels Filistins; e bandunettan il Segner, e non al servivan *plü*.

7. Pelqual l'ira del Segner s' invüdet conter Israel, ed el il vendet in man * dels Filistins, ed in man dels infants d' Ammon. * 1 Sam. 12, 9.

8. Ed in quel an, per deschedot ans, affligettan quels, e chalchettan suot ils infants d' Israel, *cioè* tuot ils infants d' Israel, chi *eiran* da là del Giordan, nel pajais dels Amorits, chi *ais* in Gilead.

9. Ed ils infants d' Ammon passettan il Giordan, per combatter eir conter Giuda, e conter Benjamin, e conter la chasa d' Efraim; pelqual Israel füt grandamaing angoschià.

10. Lura bragittan ils infants d' Israel vi' al Segner, dschhand: Nus avain pechâ conter tai; perche nus avain bandunâ nos Dieu, ed avain servi als Baals.

11. Ma il Segner dschet als infants d' Israel: Cur vus avais bragi vi' a

mai, non s'ha eu salvats dals mans dels Egipters, e dels Amorits, e dels infants d' Ammon, e dels Filistins?

12. E dels Sidoniers, a dels Amalecits e dels Maonits, ils quals as chalchaivan suot?

13. Ma vus m' avais bandunâ, ed avais servi ad oters deis. Perquai non as vögl eu deliberar plü.

14. It, * e bragi vi' als deis, ch' avais tschernü oura; cha quels as salvan al temp da voss' anguscha!

* Deut. 32, 37. 38. Ger. 2, 28.

15. Ma ils infants d' Israel dschettan al Segner: Nus avain pechâ; fâ'ns tü tuot quai chi 't plascherà; solum al rovain nus, cha tü'ns deliberast hoz!

16. Lura piglettan els davent our da mez els ils deis dels esters, e servittan al Segner; ed el * as chüret da cour per la travaglia d' Israel.

* Es. 63, 9.

17. Ed ils infants d' Ammon gnittan clamats insembel, e s' acchampettan in Gilead. Ils infants d' Israel as respettan eir els, e s' acchampettan in Mispä.

18. Ed il pövel, *cioè* ils principals da Gilead, dschettan l'ün l'oter: Chi ais l' hom, chi comanzerà a combatter conter ils infants d' Ammon? Quel dess esser capo da tuot ils abitants da Gilead.

CHAP. XI.

Jefta, il figl da Gilead, ais ordinâ per esser chapitani conter ils Ammonits. El trametta ambaschadurs al rai, per il tour giò dalla guerra conter Israel, ma per inguotta. Il vut da Jefta. La victoria, complimaint del vut.

MA * Jefta, il Gileadit, eira ün valent hom; ed eira il figl d' üna pitana, e Gilead l'avaiva genui. * Ebr. 11, 32.

2. E la muglier da Gilead al avaiva parturi figls, e cur ils figls della muglier füttan grands, schatschettan els Jefta, e 'l dschettan: Tü non dessast avair ierta nella chasa da nos bap; perche tü est il figl d' üna duonn' estra.

3. E Jefta fügìt d'avent da seis frars, e dmuret nel pajais da Tob, e pro el as respettan glied d' inguotta, e traivan oura con el.

4. E, davo qualcha temp, dvantet, cha 'ls infants d' Ammon fettan guerra con Israel.

5. Ed, intant cha 'ls infants d'Ammon faivan guerra con Israel, gettan ils seniurs da Gilead per Jefta nel pajais da Tob,

6. E dschettan a Jefta: Vè, e sajast nos chapitani; acio cha nus combat-tan conter ils infants d'Ammon.

7. Ma Jefta dschet als seniurs da Gilead: Non m' avais vus ödiâ, e şchatschâ our dalla chasa da meis bap? Perche dimena gnis pro mai, uossa, cha vus eschat angoschiats?

8. Ed ils seniurs da Gilead dschettan a Jefta: Perquai eschan nus uossa turnats pro tai, schi vè con nus, e combatta conter ils infants d'Ammon, e sajast il capo da tuot ils abitants da Gilead.

9. E Jefta dschet als seniurs da Gilead: Scha vus am turnantais per combatter conter ils infants d'Ammon, e scha 'l Segner ils metta in meis podair, vegn eu ad esser *lura* vos capo?

10. Ed ils seniurs da Gilead dschettan a Jefta: Il Segner oda *quai cha dschains* tanter nus, scha nus non fain seguond cha tû hast dit.

11. Contuot get Jefta cols seniurs da Gilead; ed il pövel il constituit capo, e conductur sur el; e Jefta pronunziet avant il Segner a Mispa tuot ils plets, ch' el *il prim* avaiava dit.

12. Lura tramettet Jefta ambaschadurs pro 'l rai dels infants d'Ammon, al dir: Che *aise* fra mai e tai, cha tû est gnü conter mai, per far guerra in meis pajais?

13. Ed il rai dels infants d'Ammon dschet als ambaschadurs da Jefta: *Eu sun gnü* per quai, cha cur Israel tret our d'Egipto, schi piglet el meis pajais, dal Arnon fin al Jabboc e fin al Giordan; pertant cussaina 'm uossa amicabelmaing quellas *contradas*.

14. Ma Jefta tramettet danöv ambaschadurs pro 'l rai dels infants d'Ammon,

15. A dir ad el: Usche disch Jefta: * Israel non piglet il pajais da Moab, ne 'l pajais dels infants d'Ammon.

* Deut. 2, 9. 19.

16. Anzi, cur cha Israel füt trat our d'Egipto, * e füt chaminâ per il de-

sert fin al mâr cotschen, † e füt rivâ a Cades;

* Num. 14, 25. † Num. 20, 1.

17. * Tramettet el ambaschadurs pro 'l rai d'Edom, a dir *ad el*: Eu 't rouv, *lascha* ch' eu passa tras teis pajais; ma 'l rai d'Edom non al acconsentit; tramettet eir pro 'l rai da Moab, ed eir quel non volet. Pelqual dmuret Israel a Cades.

* Num. 20, 14.

18. Ed el chaminet tras il desert, e circoit il pajais d'Edom, ed il pajais da Moab, e * rivet dalla vart orientala del pajais da Moab, e s' acchampet da là del Arnon, e non intret daint ils confins da Moab; perche l' † Arnon *ais* il confin da Moab.

* Num. 21, 4. 21, 11. † Num. 21, 13.

19. Ed Israel tramettet ambaschadurs pro Sihon, il rai dels Amorits, il rai da Hesbon, a dir ad el: Eu 't rouv, *lascha* 'ns passar tras teis pajais, fin a nos lö.

20. Ma Sihon non as fidet d'Israel, ch' el passess tras seis confins, anzi raspet seis pövel, e s' acchampet con quel a Jasa, e combattet con Israel.

21. Ed il Segner, il Deis d'Israel, det Sihon, e tuot seis pövel in man dels Israelits, ils quals il battettan, e conquistettan tuot il pajais dels Amorits, chi abitaivan in quel pajais.

22. Conquistettan tuot ils confins dels Amorits, dal Arnon fin al Jabboc, e dal desert fin al Giordan.

23. Uossa dimena, aviand il Segner, il Deis d'Israel, şchatschâ ils Amorits davant Israel, seis pövel, dessast tû possidair lur pajais?

24. Non gnissast tû a possidair quai cha Camos, teis deis, t' avess dat a possidair? Usche gnin eir nus a possidair *il pajais* da tuot quels, cha 'l Segner, nos Deis, averà şchatschâ davant nus.

25. Ed uossa, valast tû in alchün möd plü co Balac, il figl da Sippor, il rai da Moab? Dispittet el con Israel, o al det el guerra?

26. Essendo Israel dmuret in Hesbon, e nellas terras da seis territori, ed in Aroer, e nellas terras da seis territori, ed in tuot las cittats, chi *sun* davo l' Arnon giò, il spazi da trajatschient ans; perche non las avais vus spendradas in quel temp?

27. Eu non t' ha offais, ma tü proce-
dast malamaing invers mai, guerra-
giand conter mai. Il Segner, *chi ais*
güdisch, güdicha hoz tanter ils in-
fants d' Israel, ed ils infants d' Ammon.

28. Ma il rai dels infants d' Ammon
non tadlet als plets, cha Jefta l' a-
vaiva tramiss a dir.

29. Ed il Spiert del Segner füt sur
Jefta, ed el traverset Gilead, e Ma-
nasse, e passet a Mispa da Gilead,
e da Mispa da Gilead passet el con-
ter ils infants d' Ammon.

30. E Jefta vutet ün vut al Segner,
e dschet: Scha pür tü'm dast ils in-
fants d' Ammon in mans;

31. Cur eu tuornerà con pasch dals
infants d' Ammon, quai chi vain a
gnir our dal tüsch da mia chasa sarà
del Segner; ed eu al vögl offerir que
in olocausto.

32. Usche passet via Jefta conter ils
infants d' Ammon, per combatter con
els, e l Segner ils det in seis mans.

33. Ed el ils battet d' üna grandis-
sima battaglia, d' Aroer fin a Minnit,
vainch cittats, e fin alla planüra dellas
vignas. Ed usche fütan ils infants
d' Ammon abbassats avant ils infants
d' Israel.

34. Ma, turnand uossa Jefta a chasa
sia in Mispa, mera, sia figlia al gnit
oura incounter, con tamburs, e con
traischas; ma ella eira unica, e su-
letta, ed el non avaiva oters, ne figl,
ne figlia.

35. E, cur el la vezzet, scharpet el sia
vestimainta, e dschet: Ah figlia mia;
tü'm hast dafatta abbattü, ed est da
quels chi'm contuorblan; perche eu
ha avri mia bocca vers il Segner, e
non il poss tour inavo.

36. Ma ella al dschet: Meis bap, scha
tü hast avri la bocca vers il Segner,
schi fa con mai, seo l' ais gnü our da
tia bocca, daspö cha l Segner ha fat
tia vendetta sur ils infants d' Ammon,
teis inimis.

37. Ella dschet lura a seis bap: Fà
quaist a mai: Lascha 'm per duos
mais, acio ch' eu giaja giò vers ils
munts, e erida mia virginità con mias
compagnas.

38. Ed el la dschet: Và! La laschet
ir usche per duos mais. Ed ella get

con sias compagnas, e cridet sia vir-
ginità sün ils munts.

39. Ed al term da duos mais turnet
ella darcheu pro seis bap, ed el la fet
seguond il vut, ch' el avaiva vutâ.
Ma ella non avaiva cognoschü hom.
E da quinder naschet l' üsanza in
Israel,

40. Cha las figlias d' Israel van ogni
an a far pland della figlia da Jefta,
Gileadit, quatter dis del an.

CHAP. XII.

Battaglia da Jefta conter ils Efraimits, e vic-
toria. La mort da Jefta. Ebsan, Elon, Abdon,
succedan.

MA ils Efraimits gnittan clamats in-
sembel, e passettan vers il setten-
trion, e dschettan a Jefta: Perche est
tü passâ, per combatter conter ils in-
fants d' Ammon, e non ans hast cla-
mats per ir con tai? Nus volain arder
con fö tia chasa, e tai insembel.

2. Jefta dschet ad els: Meis pövel,
ed eu avain gnü granda dispitta cols
infants d' Ammon; ed eu s' ha cla-
mats, ma vus non am avais deliberâ
da lur man.

3. Pelqual, veziaud cha vus non am
deliberaivat, ha eu miss mia vita
nella palma da meis man, e sun pas-
sâ via conter ils Ammonits, e l Se-
gner am ils ha dats in meis man. Per-
che dimena eschat vus hoz muntats
sü pro mai, per far guerra con mai?

4. E Jefta raspet tuot ils Gileadits,
e combattet conter Efraim; ed ils Gi-
leadits battettan Efraim; perche els
dschavian: Vus *eschat* dels scampats
via d' Efraim. Gilead *ais* in mez d' E-
fraim, e da Manasse.

5. Ed ils Gileadits piglettan ils pass
del Giordan vers Efraim, e, cur al-
chün da quels d' Efraim, chi scam-
paivan via, dschaiva: *Lascha* ch' eu
passa; dschaivan ils Gileadits ad el:
Est tü d' Efraim? E sch' el dschaiva:
Na;

6. Al dschavian *ils Gileadits*: Ah tü,
di: Schibbolet. Ma sch' el dschaiva:
Sibbolet, e non s' indrizzaiva a profe-
rir indret, schi l prendaivan quels,
ed il schannaivan süls pass del Gior-
dan. Usche in quel temp crodettan
morts d' Efraim quarantadumilli
homens.

7. Ma Jesta, il Gileadit güdichet Israel ses ans; lura morit el, e füt sepuli nellas cittats da Gilead.

8. Davo el, güdichet Israel Ebsan da Betlehem.

9. Ed avet trenta figls; e tramettet oura trenta figlias a *maridar*, e manet aint trenta giuvnas a seis figls *per mugliers*, e güdichet Israel set ans.

10. Lura morit Ebsan, e füt sepuli in Betlehem.

11. Davo el, füt güdisch d' Israel Elon, il Zebulonit, e güdichet Israel desch ans.

12. Lura morit Elon, il Zebulonit, e füt sepuli in Ajalon, nel pajais da Zebulon.

13. Davo el, güdichet Israel Abdon, il figl da Hillel, il Piratonit.

14. El avet quaranta figls, e trenta figls da figls, ils quals * muntaivan sün settanta asnels, e güdichet Israel ot ans;

* Güd. 10, 4.

15. Abdon lura, il figl da Hillel, il Piratonit, morit, e füt sepuli in Piraton, nel pajais d' Efraim, sül munt dels Amalecits.

CHAP. XIII.

Israel seo idolater ais suottapost als Filistins. La natività, educaziun, e condiziun da Simson.

LURA turnettan ils infants d' Israel La far quai cha displaschet al Segner; pelqual il Segner ils det in man dels Filistins per quarant' ans.

2. Ma l' eira ün hom da Sarea, della naziun da Dan, con nom Manoa; e sia muglier *eira* sterila, e non avai-
va *mâ* parturi.

3. E l' angel del Segner apparet a quaista duonna, e la dschet: Mera, uossa *est* tü sterila, e non hast *mâ* parturi; ma tü vainst a concepir, e parturir ün figl.

4. Uossa dimena, t' inguarda pür, da non baiver ne vin, ne gervosa, e da non mangiar chos' alchüna malnetta;

5. Perche mera, tü vainst a concepir, e parturir ün figl, sül cheu del qual *mâ* non dess passar rasuoir; perche il giuvnet sarà dal vainter *della mamma* nazireer a Dieu. Ed el comanzerà a deliberar Israel dals mans dels Filistins.

6. E la duonna gnit pro seis marit, e l' dschet: Ün hom da Dieu gnit pro mai, nella sumgenscha simila a quella d' ün angel da Dieu, fieh tremend; ed eu non il domandet dinuonder el *saja*, ed el non am decleret seis nom;

7. Ma el am dschet: Mera, tü vainst a concepir, e parturir ün figl; schi non baiver uossa ne vin, ne gervosa, e non mangiar chos' alchüna malnetta; perche il giuvnet dess esser nazireer a Dieu, dal vainter *della mamma*, fin al di da sia mort.

8. Manoa lura rovet il Segner, e dschet: Ah Segner, eu t' rouv, vegna amo üna vouta pro nus quel hom da Dieu, cha tü tramettettast, e ns ammossa, quai cha nus avain da far col giuvnet chi ha da nascher.

9. E Deis exodit la vusch da Manoa; e l' angel da Dieu gnit ün' otra vouta pro la duonna, intant ch' ella sezzai-
va in ün champ; ma Manoa, seis marit, non *eira* con ella.

10. Quella dimena currit spertamaing a rapportar a seis marit, e dschet ad el: Mera, quel hom chi gnit quel di pro mai m' ais apparü.

11. Manoa alvet sü, e get davo sia muglier, e gnit pro quel hom, e l' dschet: *Est* tü quel hom, chi hast tsehantschâ con quaista duonna? Ed el respondet: Eu *sun quel*.

12. E Manoa dschet: Dvaintan uossa pür las chosas cha tü hast dit, che möd s' haja da tgnair invers il giuvnet? E che 's dess far intuorn el?

13. L' angel del Segner dschet a Manoa: La duonna 's dess far surasen sün tuot las chosas ch' eu l' ha ditta.

14. Ella non dess mangiar chos' alchüna, prodüta dalla vit, e non baiva, ne vin, ne gervosa, e non mangia chos' alchüna malnetta; tuot quai ch' eu l' ha comandada, dess ella observar.

15. Manoa dschet al angel del Segner: Ah tü, *lascha* cha nus at tgnan sü, e nus at volain perderscher ün boccet *da't metter* avant.

16. Ma l' angel del Segner dschet a Manoa: Schabain tü 'm tgnessast sü, schi non gniss eu impero a mangiar da tia spaisa. Però, scha tü fast ün

olocausto, schi offera quel al Segner. Perche Manoa non savaiva, ch' el *füss* ün angel del Segner.

17. Lura dschet Manoa al angel del Segner: Qual *ais* teis nom? Acio cha, cur las chosas cha tü hast dit saran dvantadas, nus t' onuran.

18. Ma l' angel del Segner al dschet: Perche domandast da meis nom, già ch' el *ais* incomprendibel?

19. E Manoa piglet il boccet, e l' offera, e l' offerit al Segner sün ün spelm. E l' angel del Segner fet üna chosa müravgliusa avant la vista da Manoa, e da sia muglier;

20. Chi füt, sco la flamma muntaiva sü dal utër a tsel, muntet l' angel del Segner con la flamma del utër. E Manoa, e sia muglier, aviand vis quai, erodettan a terra sün lur fastechas.

21. E l' angel del Segner non appare plü, ne a Manoa, ne a sia muglier. Lura cognoschet Manoa, ch' el *eira* l' angel del Segner.

22. E Manoa dschet a sia muglier: * Per tshert nus gnin a morir; perche nus avain vis Deis!

* Ex. 33, 20. Deut. 5, 26.

23. Ma sia muglier dschet ad el: Scha avess plaschü al Segner da'ns far morir, el non avess acceptâ, ne olocausto, ne l' offerta da nos man, e non ans avess fat vair tuot quaistas chosas; nemain fat incler talas chosas a quaist temp.

24. Lura parturit quella duonna ün figl, e'l nomnet * Simson. E'l giuven creschet, e'l Segner il benedit.

* Ebr. 11, 32.

25. Ed il Spiert del Segner comanzet al chatschar a Mahane-Dan, tanter Sarea ed Estaol.

CHAP. XIV.

Simson piglia üna duonna dellas figlias dels Filistins, e sün la via scharp' el ün liun in tocs. Propona üna ingiavina; mazza trenta Filistins; sia duonna, l'aviand bandunâ, vain datta ad ün oter.

MA Simson get giò a Timna, e vezzet qua üna duonna dellas figlias dels Filistins.

2. E, siand turnâ a chasa decleret el il fat a seis bap, ed a sia mamma, dschand: Eu ha vis a Timna üna

duonna dellas figlias dels Filistins; uossa dimena, pigliâ 'm quella per muglier.

3. Seis bap e sia mamma dschettan ad el: Non aise ingiuna duonna tanter las figlias da teis frars, o tanter tuot nos pövel, cha tü giajast a tour üna muglier pro 'ls Filistins non-circoncis? Ma Simson dschet a seis bap: Piglia 'm quaista, perche ella plascha a meis ögls.

4. Ma seis bap e sia mamma * non savaivan, cha quaista chosa *procedess* dal Segner; perche el tscherchava, cha 'ls Filistins al dessan chaschun. Ma in quel temp signoraivan ils Filistins sur Israel.

* 1 Reg. 12, 15. 2 Cron. 10, 15.

5. Contuot get giò Simson, con seis bap, e con sia mamma a Timna, e, siand rivats pro las vignas da Timna, mera, ün liun giuven *gniva* sbrügind incoenter el.

6. Ed il Spiert del Segner erodet sur Simson, ed el scharpet quel *linnet*, sco ch' ün scharpa ün boccet, sainz' avoir chos' alchüna in man; ma el non decleret, ne a seis bap, ne a sia mamma quai ch' el avaiva fat.

7. Lura get el giò, e tshantschet con la duonna, ed ella plaschet als ögls da Simson.

8. E varquants dis davo, turnand per la tour, passet el *our dalla via*, per vair il chastör del liun, e mera, aint nel chastör del liun eira ün sem d'aviöls, e meil.

9. Ed el il piglet nellas palmas dels mans, e giaiva mangiand, e get pro seis bap, e pro sia mamma, e'l det ad els, ed els il mangettan. Ma el non decleret ad els, ch' el avess tut il meil our dal chastör del liun.

10. Seis bap dimena get giò pro la duonna, e Simson fet qua ün convivi; perche usche solaivan far ils giuvens.

11. E, l'aviand vis ils Filistins, piglettan els trenta compagns, chi füssan con el.

12. Ma Simson dschet ad els: Eu's vögl uossa dar sü ün'ingiavina, e, scha vus la 'm declerais infra ils set dis del convivi, e l' intravgnis, schi's dun eu trenta panns da linzöl, e trenta vestimaints per müdar.

13. Ma, scha vus non la'm podais declarar, am dessat vus dar trenta pauns da linzöl, e trenta vestimaints per müdar. E quels al dschettan: Pür propoia tia ingiavinera, cha nus la volain udir.

14. El dschet ad els: Da quel chi magliaiva ais it oura spaisa, e dal ferm ais id' oura dutschezza. Ed *il spazi da trais* dis non podettan els declarar l'ingiavinera.

15. Il settavel di dschettan els alla muglier da Simson: Persvada teis marit, da 'ns declarar l'ingiavinera, cha nus non ardan con fö, tai e la chasa da teis bap. Che? Ans avais vus clamats qui per avoir il nöss?

16. E la muglier da Simson eridet avant el, e dschet: Tü m' hast be in ödi, e non m' amast; tü hast dat sü ün' ingiavinera als infants da meis pövel, e non am l' hast declarada. Ed el la dschet: Mera, eu non l' ha declarada, ne a meis bap, ne a mia mamma, e la dess eu declarar a tai?

17. Ed ella eridet avant el, il spazi da set dis, cha avettan il convivi; ed al settavel di alla declarat el, perche la tgaiva tant pro; ed ella declarer l'ingiavinera als infants da seis pövel.

18. Pelqual ils homens della città dschettan a Simson al settavel di, ant cha 'l solai tramuntess: Che chos' *ais* plü dutschea co 'l meil, e chi *ais* plü ferm co 'l liun? Ed el dschet ad els: Scha vus non avessat arâ con mia vadella, vus non avessat intravgni mia ingiavinera!

19. Ed il Spiert del Segner crodet sur el, ed el get giò in Ascalon, e mazzet trenta homens da quel pövel, e piglet lur butin, e det ils vestimaints da müdar a quels, chi avaiavan declarâ l'ingiavinera. Ed el s' invüdet in ira, e turnet nella chasa da seis bap.

20. Ma la muglier da Simson füt datta al compagn da quel, il qual eira seis intim ami.

CHAP. XV.

Siand a Simson tutta sia muglier, ard' el ils früts dels Filistins. El mazza milli homens con la masella d'ün asen. In sia granda sait vain el da Dieu müravgliusamaing bavantâ.

MA, davo *varquants* dis, al temp della raccolta del formaint, get

Simson a visitar sia muglier, la portand ün bocchet, e dschet: Eu vögl intrar pro mia muglier in sia chambrâ; ma il bap da quella non al permettet d'intrar,

2. E dschet ad el: Eu stimaiva sgüramaing, cha tü dafatta l'ödiesast, e pertant la det eu a teis compagn. Non *ais* sia sour, la giuvna plü bella co ella? Pigl'-la dimena in pè da quella!

3. E Simson dschet ad els: Uossa non averà eu cuolpa vi' als Filistins, sch' eu als fetsch del mal!

4. Contuot get Simson, e piglet trajatschient vuolps, e piglet eir sfagliadas con fö, e volvet las cuas *dellas vuolps* l'üna conter l'otra, e mettet üna sfagliada in mez tanter duos cuas.

5. Lura invüdet el las sfagliadas, e chatschet *las vuolps* nella mess dels Filistins, ed ardet la mess, chi eira in mantuns, e quella chi eira amo in pè, e las vignas, e 'ls olivêrs.

6. E 'ls Filistins dschettan: Chi ha fat quaist? E gnit dit: Simson, il schender da quel Timnit; perquai ch' el ha tut siâ muglier, e l' ha datta a seis compagn. E 'ls Filistins gettan, ed ardettan con fö ella, e seis bap.

7. Ma Simson dschet ad els: Fais vus in quaist möd? Eu am vögl vindichar da vus; lura vögl eu posar.

8. Ed el ils battet in granda deruotta, ils battand con la cossa vi' als flanes. Lura get el giò, e 's fermet nel cuvel del spelm Etam.

9. Ed ils Filistins muntettan sü, e s'acchampettan in Giuda, e 's rasettan oura in Lechi.

10. Ma ils homens da Giuda dschettan: Perche eschat vus muntats sü conter nus? E quels dschettan: Nus eschan muntats per liar Simson; cha nus fetschan con el, seo el ha fat con nus.

11. E trajamilli homens da Giuda trettan giò nel cuvel del spelm Etam, e dschettan a Simson: Non sast tü, cha 'ls Filistins signoreschan sur nus? Che chosa dimena ans hast tü fat? Ed el dschet ad els: Sco els han fat con mai, usche ha eu fat con els.

12. Quels dschettan ad el: Nus eschan gnüts giò per at liar preschun, per at dar in man dels Filistins. E Simson dschet ad els: Güräi a mai, cha vus non am vögliat assaglier.

13. Quels al dschettan: Na; ma liar at volain nus bain, e't dar in man dels Filistins; ma nus non at volain far morir. Usche il liettan els con duos suas novas, e'l manettan sü dal spelm;

14. Cur el füt rivâ a Lechi, al gnittan ils Filistins incoenter, givand d'allegrezza. Ma il Spiert del Segner crodet sur el, e las suas, ch'el avaiva vi' alla bratscha, dvantettan seo glin, ars al fö, e seis liams as sliettan giò da seis mans.

15. Ed, aviand chattâ üna masella d'asen amo fraischa, la det el man, e l'aviand tutta, mazzet el con quella milli homens.

16. Lura dschet Simson: Con üna masella d'asen, ün tröp, duos tröps! con üna masella d'asen ha eu mazzâ milli homens.

17. E, cur el avet fini da tschantschar, büttet el la masella our da seis man, e mettet nom a quel lö Ramat-Lechi.

18. Lura avet el granda sait; e bragit vi' al Segner, e dschet: Tü hast dat quaista granda victoria tras il man da teis servaint; ed uossa ha eu da morir della sait, e crodar in man dels noncironcis.

19. Lura fendet Deis ün crap chavorg, chi eira in Lechi, ed our da quel gnit aua, ingio Simson bavet, ed el turnet in vita. Perquai as mettet nom a quel lö En-Haccore; e quella fontana ais a Lechi fin a quai di.

20. Ed el güdichet Israel dal temp dels Filistins, vainch ans.

CHAP. XVI.

Simson ais in Gaza, e porta d'avent las portas della città. El vain tradi tras üna femna, nomada Delila. Vain fat preschun, ura vi' al Segner, e moura.

MA Simson get a Gaza, e vezzet qua üna pitana, ed intret pro ella.

2. E füt dit a quels da Gaza: Simson ais gnü qua! E quels l'incrasettan, e tuot quella not al guetettan els sü, stand alla porta della città, e stettan quiets tuot quella not, dschand: Spet-

tain fin al sclerir della mattina; lura il volain nus mazzar.

3. Ma Simson dormit fin a mezza not, lura alvet el, e branclet ils üschs dellas portas della città, ed ils duos chalchens, e las alvet oura, insembl con la stanga; e, las mettand sü la spadla, las portet el sü la sommità del munt, chi ais in vista ad Hebron.

4. E dvantet, davo quai, ch'el amet üna duonna nella val da Soree, il nom della quala eira Delila.

5. Ed ils principals dels Filistins muntettan sü pro ella, e la dschettan: Lusingia 'l, e guarda, in che consista quella sia granda forza, e co nus il possan superar, cha nus il lian, per il domestiar; e scodün da nus at donerà milli e tschient siccais d'argient.

6. Contuot dschet Delila a Simson: Ah tü, declera 'm, in che consista tia granda forza, e co tü podessast gnir liâ, per esser domestiâ?

7. Simson dschet ad ella: Sch'eu gniss liâ con set cordas fraischas, chi non füssan amo sechas, schi gniss eu flaivel, e füss seo ün oter crastian.

8. Ed ils principals dels Filistins la portettan set cordas fraischas, chi non eiran amo sechas, ed ella il liet con quellas.

9. Ma ella avaiva miss ün aguet in sia chambra. Ed ella dschet ad el: Simson, ils Filistins at sun adöss! Ed el rumpet las cordas, seo sch'el rumpest ün fil da stoppa, cur el sainta il fö. E non füt cognoschü, in che consistess sia forza.

10. E Delila dschet a Simson: Mera, tü hast fat beffa da mai, e m' hast dit menzögnas; uossa dimena, declera 'm, eu 't rouv, con che tü podessast gnir liâ?

11. Ed el la dschet: Sch'eu gniss liâ bainbain con cordas novas grossas, las qualas non füssan amo stat dovradas, schi dvantess eu flaivel, e füss seo ün oter crastian.

12. E Delila piglet cordas novas grossas, e 'l liet; lura al dschet ella: Simson, ils Filistins at sun adöss! Ma l' aguet eira miss nella chambra. Ed el tschuncet quellas cordas d'avent da sia bratscha, seo ün fil da suviern.

13. Lura dschet Delila ad el: Tü hast

fat beffa da mai fin uossa, e m' hast dit menzögnas. Declera 'm con che tii podessast gnir liâ. Ed el la dschet: Scha tii tachessast las set vadaglias da meis cheu vi' al subel con las panellas.

14. Ed ella tachtet las panellas con la claviglia, e dschet ad el: Simson, ils Filistins at *sun* adöss! Ed el, siand sdsadâ da seis sön, sdrappet davent la claviglia del talêr, e las panellas.

15. Ed ella dschet ad el: Co dist, eu t' am, ed impero non *ais* teis cour con mai? Agiâ trais voutas hast fat beffa da mai, e non m' hast declerâ, in che *consista* tia granda forza.

16. Ma dvantet cha, tgnand ella pro, ogni di con seis pleds, e 'l molestand, dasort, ch' el s' inquietaiva l' anim fin alla mort,

17. Alla descobrit el tuot seis cour, e la dschet: Rasuoir non *ais mâ* stat sün meis cheu, perche eu *sun* nazireer a Dieu dal vainter da mia mamma. Sch' eu gniss rajâ, schi 's partiss mia forza da mai, ed eu dvantess flaivel, e füss sco qualunque *oter* crastian.

18. Delila dimena, veziaand ch' el l' avaiva descobert tuot seis cour, tramettet a clamar ils principals dels Filistins, dschand: Gni quaista vouta; perche el m' ha descobert tuot seis cour. Ed ils principals dels Filistins muntettan sù pro ella, portand in man ils danêrs.

19. Ed ella dormanzet via Simson sün sia snuoglia; lura, aviaand clamâ ün hom, al fet ella rajar las set vadaglias del cheu, ed usche füt quaiat il prüm al domesticar, e sia forza as partit dad el.

20. Lura al dschet ella: Simson, ils Filistins at *sun* adöss! Ed el, siand sdsadâ da seis sön, dschet: Eu vögl ir oura sco las otras voutas, e 'm vögl spendera. Ma el non savaiva, cha 'l Segner eira parti dad el.

21. Ma ils Filistins il piglettan, e 'l chavettan our' ils ögls, e 'l manettan a Gaza, e 'l liettan con chadainas d' aram; ed el stovaiva moller nella preschun.

22. Ma ils chavels del cheu comanzettan darcheu a crescer, da cur el gnit rajâ.

23. Qua as raspettan ils principals

dels Filistins per far ün grand sacrifici a Dagon, lur deis, e per s' allegrar, e dschettan: Nos deis ans ha dat in man Simson, nos inimi.

24. Il pövel eir, l' aviaand vis, lodet seis deis; perche els dschaivan: Nos deis ans ha dat in man nos inimi, ed il destructur da nos pajais, il qual ha mazzâ tants da nus.

25. E, siand lur cour leiger, dschettan els: Clamai Simson, ch' el ans fetscha spass. Simson dimena gnit clamâ dalla preschun, e faiva spass in lur presenza; e quels il fettan star in pè tanter las coluonnas.

26. Ma Simson dschet al giuven, chi 'l tgnava per il man: Lascha 'm, e fa 'm toccer las coluonnas, sur las qualas la chasa ais tchantada; acio ch' eu m' appoza vi' a quellas.

27. Ma la chasa eira plaina d' homens e donans, e tuot ils principals dels Filistins *eiran* qua, e sün il tet *eiran* intuorn trajamilli *persunas*, homens e donans, chi staivan a vair Simson, chi faiva spass.

28. Lura Simson clamet in agüd il Segner, e dschet: Segner Deis, at regorda, eu 't rouv, da mai, e fortifica 'm be quaista vouta, o Deis, acio ch' eu ad ün trat am svindicha vi' als Filistins, per meis duos ögls.

29. Ed, abbratschand las duos coluonnas dimez, sur las qualas la chasa eira tchantada, e s' *appozaiva*, tgnent el quellas, l' üna nel man dret, e l' otra nel snester;

30. E dschet: Ch' eu pür moura cols Filistins. E s' inclinet con forza, e la chasa det giò adöss als principals, ed adöss a tuot il pövel chi *eira* laint. E plüs füttan quels cha *Simson* fet morir in sia mort, co quels ch' el avaiava fat morir in sia vita.

31. Lura gnittan seis frars, e tuot la chasa da seis bap, e 'l portettan davent, e muntettan sù, e 'l sepulittan tanter Sarea ed Estaol, nella sepultura da Manoa, seis bap. Ma el güdichet Israel vainch ans.

CHAP. XVII.

Mica ais rendü all' idolatria. El fina sù ün levit per seis sacerdot.

MA l' eira ün hom della montagna d'Efraim, il nom del qual *eira* Mica.

2. E quel dschet a sia mamma: Ils milli e tschient *siccals* d' argient chi t' eiran stat tuts, pels quals tū scongiürettast con maledicziuns, *las qualas* tū proferittast in mia presenza; mera, *quels sun* pro mai; eu ils avai-va tuts. E sia mamma dschet ad el: Benedi *saja* meis figl pro 'l Segner.

3. E, cur el turnantet ils milli e tschient *siccals* d' argient a sia mamma, dschet ella: Eu avai-va consacrâ del tuot quaist argient al Segner, il dand our da man per meis figl, per far üna figiura intagliada, ed üna statua culada; pertanto il vögl eu dar a tai.

4. Quel dimena cusnet dareheu quel argient a sia mamma, ed ella piglet duatschient *siccals*, e 'ls det al urais, ed el fet üna figiura intagliada, ed üna statua culada, chi füttan in chasa da Mica.

5. Quaist hom dimena, Mica avai-va ün taimpel, e fet ün efod, ed idels, e consacret ün da seis figls, il qual al füt per sacerdot.

6. In quel temp non *eira* ingün rai in Israel; scodün faiva quai cha 'l paraiva bön.

7. Ma ün tschert giuven da Betlehem da Giuda, della schlatta da Giuda, il qual *eira* levit, ed avai-va dmurâ qua;

8. Siand parti da quella città, cioè da Betlehem da Giuda, per dmurar ingio ch' el chattess lö, e giand seis viadi, rivet el al munt Efraim pro la chasa da Mica.

9. E Mica dschet ad el: Dinuonder vainst? E 'l levit al dschet: Eu *sun* da Betlehem da Giuda, e vegn a dmurar ingio ch' eu poss chattar lö.

10. Mica dschet ad el: Dmura con mai, e sajast a mai per bap, e per sacerdot, ed eu 't vögl dar desch *siccals* d' argient al an, e *teis* vestir ordinari, e teis nudriamaint. E 'l levit get via.

11. Usche acconsentit quel giuven levit da dmurar pro quel hom, e quel il tgnat sco ün da seis figls.

12. E Mica consacret quel levit, ed il giuven al füt per sacerdot, e stet in chasa da Mica.

13. E Mica dschet: Uossa cognosch eu, cha 'l Segner vain am far del

bain, daspö ch' eu ha ün levit per sacerdot.

CHAP. XVIII.

Ils Danits, aviand tramiss tschinch homens per spiar oter pajais, ed inolet lur relaziun, vegnan in Lais, piglian la città, e l' ardan.

IN quel temp non *eira* ingün rai in Israel, ed in quels dis la schlatta da Dan * as tscherchaiva ierta d' abitar; perche fin a quel di non all' eira accrodada sort tanter las schlattas d' Israel per ierta.

* Gios. 19, 47.

2. Pelqual ils infants da Dan tramettettan tschinch homens da lur naziun, *tuts* qua e là intanter els, homens valerus, da Sarea e d' Estaol, a spiar ün tschert pajais, ed intravgnir davart quel, ed els als dschettan: It, indraschi davart quel pajais. Quels dimena, siand rivats süil munt Efraim, pro la chasa da Mica, albergettan qua.

3. Ma, cur els füttan pro la chasa da Mica, cognoschettan els la vusch del giuven levit, e, siand redüts laint, al dschettan els: Chi t' ha condüt qua, e che fast qui, e che hast qui da far?

4. El dschet ad els: Mica m' ha fat tal' e tala chosa, e m' ha finâ sü per esser seis sacerdot.

5. Quels dschettan ad el: Ah tü, domanda Dieu, acio sapchans scha 'l viadi cha nus fain, vegn' a prosperar?

6. Il sacerdot dschet ad els: It in pash; il viadi cha vus fais *ais* avant il Segner.

7. Contuot gettan quels tschinch homens, e siand rivats in Lais, vezzettan els il pövel in quella città, la quala eira tschantada in lö sgür, in pos, ed in sgürezza, nella maniera dels Sidoniers; non siand ingün nel pajais, chi dess ad els molestia in chos' alehüna, ed eiran patrüns da *lur* stadi, e lontans dels Sidoniers, e non avai-va da far inguotta con ingün.

8. Lura, essendo turnats pro lur frars in Sarea, ed in Estaol, als dschettan lur frars: Che dschais vus?

9. Quels dschettan: Stain sü, muntain conter quel pövel; perche nus avain vis il pajais, e mera, l' *ais* fich bun, e vus volais star qui quiets?

Non sajat pajers as metter in chamin, per ir a tour possessiun da quel pajais.

10. Cur vus gnis a rivar là, perche Deis il s' ha dat in vos man, gnis a vair ün pövel chi sta sgür, e l' pajais *ais* lareh, l' *ais* ün lö, nel qual non *ais* manchamaint da chos' alchüna, chi *saja* sün terra.

11. Lura as partittan da là ses tschient homens della naziun dels Danits, cioè da Sarea ed Estaol, in-armits;

12. E muntettan sü, e s' acchampettan in Ciriati-Jearim, in Giuda. Perquai ais quel lö stat nomnâ Mahanedan fin a quai di, e mera, l' ais davo Ciriati-Jearim.

13. E da là passettan els sül munt Efraim, e rivettan pro la chasa da Mica.

14. Lura ils tschinch homens, chi eiran its a spiar il pajais da Lais, fettan menziun a lur frars, e dschettan ad els: Savais vus, cha in quaista chasa ais ün efod, ed imagnas, ed üna figüra intagliada, ed üna statua culada? Uossa dimena, considerai che avais da far?

15. E quels as redüettan là, e gnitentan pro la chasa del giuven levit, nella chasa da Mica, e l' domandettan da seis bainstar.

16. Ma ils ses tschient homens dels infants da Dan, inarmits, as fermettan all' intrada della porta.

17. Ma quels tschinch homens, chi eiran its per spiar il pajais, muntettan sü, ed intrettan là dadaint, e piglettan la figüra intagliada, e l' efod, e las imagnas, e la statua culada, intant cha l' sacerdot eira restâ all' intrada della porta, cols sestschient homens inarmits.

18. Quels dimena, intrettan in chasa da Mica, e piglettan la figüra intagliada, e l' efod, e las imagnas, e la statua culada; qua dschet il sacerdot ad els: Che fais vus?

19. Quels dschettan ad el: Tascha, at metta il man sü la bocca, e vè con nus, e ns sajast per bap, e per sacerdot. Qual *ais* megl per tai, esser sacerdot alla chasa d' ün hom, ovvero esser sacerdot ad üna schlatta, ed ad üna naziun in Israel?

20. E l' sacerdot s' allegret in seis cour, e piglet l' efod, e las imagnas, e la figüra intagliada, e get tanter quel pövel.

21. Lura *ils Danits* as mettettan sün lur chamin, aviand miss avant els ils pitschens infants, e l' bestiam, e las robas.

22. Ed, essendo quels agià dalönsch della chasa da Mica, ils homens, chi *eiran* nellas chasas vicinas alla chasa da Mica, as clamettan insembel, e seguittan davo als infants da Dan,

23. E clamettan als infants da Dan; e quels, volvand la fatscha, dschettan a Mica: Che chosa ais que, cha tü hast raspâ teis pövel?

24. El dschet: Vus avais tut meis deis, ch' eu avaiava fat, e l' sacerdot, ed eschat its davent. Che am resta plü? E co dimena am dschais vus: Che ais que?

25. Ma l' infants da Dan el dschettan: Non far, cha s' inleja tia vusch pro nus, cha bricha alch homens d' anim irus scuorran sur vus, e tü, e quels da chasa tia, perdat la vita.

26. Usche proseguittan ils infants da Dan lur chamin, e Mica, veziaud cha eiran plü fermes co el, as volvand inavo, turnet a chasa sia.

27. E quels, aviand tut quai cha Mica avaiava fat, e l' sacerdot, ch' el avaiava, rivettan a Lais, pro ün pövel, chi staiva in quaidezza, ed in sgürezza, e battettan il pövel a fil da spada, ed ardettan la città con fò.

28. E non füt ingün chi *la* spendress; perche l' eira dalönsch da Sidon, ed *ils abitants* non avaiavan inguotta da far con ingün, e *la città* eira nella val, chi *ais* nel *pajais* da Bet-Rehob. Lura reedifichettan els la città, ed abittettan in quella.

29. E la mettettan nom Dan, dal nom da Dan, lur bap, il qual füt figl d' Israel; nel lö cha l' nom da quella città *eira* il prüm Lais.

30. Ed ils infants da Dan as drizzettan sü la figüra intagliada, e Gionatan, il figl da Gersom, del figl da Manasse, e seis figls davo el, füttan sacerdots della schlatta da Dan fin al di, cha *ls abitants* del *pajais* füttan manats in preschun.

31. Els as drizzettan sü dimena quella figura intagliada da Mica, ch' el avaiava fat; *ed ella füt qua tuot il temp cha la chasa da Dieu füt in Silo.*

CHAP. XIX.

Davart la duonna d'ün levit, mazzada in Gibeas tras pitanögn, la quala, siand partida in dudesch parts, füt remissa per tuot Israel.

MA in quel temp, non *siand* ingün rai in Israel, dvantet, ch' ün hom levit, dmurand giodim il munt Efraim, as piglet ünà duonna concubina da Betlehem da Giuda.

2. E quaista sia concubina forniet in chasa sia, e 's partit dad el, e get in chasa da seis bap, in Betlehem da Giuda, ingio la stet spazi da quatter mais.

3. Lura alvet sü seis marit, e la get davo, per volver seis cour con dutschs plets, e la turnantar, ed avaiava con el seis servaint, ed ün pèr d'asens, ed ella il manet in chasa da seis bap, ed il bap della giuvna, l'aviand vis, al get leidamaing incoenter.

4. E seis sör, il bap della giuvna, il tgnèt, ed el dmuret trais dis pro el, e mangettàn, e bavettàn, ed albergettàn qua.

5. Ma il quart di alvettàn els la mattina, *ed il levit as mettet in uorden per ir davent*; ma 'l bap della giuvna dschet a seis schender: At cufforta il cour con ün baccun pan, e lura podais vus ir.

6. Usche as tschantettàn amenduos a zer, mangettàn, e bavettàn insembel, ed il bap della giuvna dschet a quel hom: Ah tü, at lascha plaschàir da star *qui* quaista not, e cha teis cour s' allegra.

7. Ma quel hom alvet per ir davent; impero seis sör al fet forza dasort, ch' el turnet, e stet qua quella not.

8. Ed al quint di alvet el la mattina, per ir davent, ed il bap della giuvna dschet ad el: Ah tü, at cuffort' il cour. E 's tschantand amenduos a mangiar insembel, contriettan els fin cha 'l di füt declinà.

9. Lura alvet sü quel hom per ir davent con sia concubina, e con seis servaint. Ma seis sör, il bap della giuvna, dschet ad el: Mera uossa, il di

va 's declinand, e 's fa saira; eu 's rouv, stat *qui* quaista not; mera, il di as renda. Ah tü, stà *qui* quaista not, e cha teis cour s' allegra, e da mattina lura podais vus alvar, per *ir inavant* vos viadi, e tü ir a chasa tia.

10. Ma quel hom non volet star qua la not, anzi alvet sü e get davent, e rivet fin avant Jebus, *chi* ais Gerusalem, con seis duos asens chargiats, e con sia concubina.

11. Cur els füttàn sper Jebus eir' il di fìch declinà, pelqual il servaint dschet a seis patrùn: Ah tü, vè, volvain aint in quaista città dels Jebusits, ed albergiain in quella.

12. Ma seis patrùn al dschet: Nus non ans volain render in ingüna città d'esters, chi non saja dels infants d'Israel; anzi nus volain passar fin a Gibeas.

13. Lura dschet el a seis servaint: Chamina, cha nus rivan pro ün da quels lous, ed albergian in Gibeas, o in Rama.

14. Contuot passettàn els inavant, e chaminettàn, ed il solai tramuntet ad els sper Gibeas, la quala *ais* da Benjamin.

15. E quels volvettàn aint là, per ir ad albergiar in Gibeas. E, siand *quel levit intrat nella città*, as fermet el sü la piazza, e qua non füt ingün, chi 'ls rassess aint in chasa, per passantar la not.

16. Ma mera, ün hom vegl, chi gniava la saira da sia lavur dalla cuttūra, il qual *eira* dalla montagna d'Efraim, e dmuraiva in Gibeas; ils abitants da qual lö *eiran* Benjaminits;

17. E quel, ozand ils ögls, vèzzet quel viandàn sü la piazza della città, e dschet ad el: Ingio vast; e dinuonder vainst?

18. Ma el dschet ad el: Nus eschan partits da Betlehem da Giuda, *per ir* giodim la montagna d'Efraim. Eu *sun* da là, ed eir' it fin a Betlehem da Giuda, ed *uossa* vègn eu pro la chasa del Segner, e *qui non ais* ingün, chi 'm piglia aint in chasa.

19. Ed impero avain nus stram, e pavel per noss asens, ed eir pan e vin, per mai, e per tia fantschella, e per il famagl, *chi ais* con teis servaints.

Nus non *arain* manglamaint d'in-
guotta.

20. Quel hom vegl dschet *ad el*: At
dà bun sen; *lascha* pür a mai il pis-
sêr d'ogni teis bsögn; * solum non
star la not sün la piazza. * Gen. 19, 2.

21. Ed el il manet in sia chasa, e
det pavel als asens; ed els as lavet-
tan ils peis, e mangettan, e bavettan.

22. Infant cha staivan allegramaing,
mera, ils homens da quella città, *
homens scelerats, füttan intuorn la
chasa, pichand al üsch, e dschettan
a quel hom vegl, il patrun della cha-
sa: Main' oura quel hom chi ais gnü
in tia chasa, cha nus il cognoschan.

* Os. 9, 9. 10, 9.

23. * Ma quel hom, il patrun della
chasa, get oura pro els, e dschet ad
els: Na, meis frars, eu's rouv, non
farai *quaist* mal. Daspö cha *quaist*
hom ais gnü in mia chasa, non farai
quaista † turpchenscha.

* Gen. 19, 6. † Gen. 34, 7. Güd. 20, 6.

24. Mera, mia figlia, *chi ais* vergina,
e la concubina da quel; *laschai* ch'eu
las main' oura pro vus, e negoziai
con quellas, e fat ad ellas quai cha's
plascherà; ma non farai *quaista* turp-
chenscha a quel hom.

25. Ma quels homens non al volet-
tan taddar; pelqual quel hom piglet
sia concubina, e la manet ad els nella
strada, e quels la cognoschettan, e la
starschinettan tuot quella not fin alla
mattina; lura, al rumper dell'alba,
la tramettettan els davent.

26. E quella duonna gnit, sül far del
di, e erodet giò avant la porta della
chasa da quel hom, nella quala seis
segner *eira*, e stet qua fin cha füt
clêr di.

27. Alvand seis segner la mattina,
ed avrind l'üsch della chasa, get el
oura, per ir inavant seis chamin;
schi mera, quella duonna, sia concu-
bina, giaschaiva avant porta della
chasa, cols mans sül glim.

28. Ma el dschet ad ella: Stà sü, e
giain inavant. Ma ingün non respon-
det. Lura la mettet el sün ün asen, e's
fet sü, e tret in seis lö.

29. E, siand rivâ a chasa sia, piglet
el ün curtê, e piglet sia concubina, e
la taglet per sia ossa in dudesch toes,

e la tramettet per tuot las contradas
d'Israel.

30. E chi *quai* vezzet, dschet: Tala
chosa non ais mâ stat fatta, ne visa,
dal di cha 'ls infants d'Israel mun-
tettan our dal pajais d'Egipto innan,
fin a quaiſt di; pigliai il fat a cour,
dat cossagl, e's pronunziai.

CHAP. XX.

Ils Israelits vegnan insembel conter Benjamin
per la duonna del levit. Benjamin venscha duos
voutas; ma la terza perd'el dasort, cha da
tuot la schlatta non restan plü co 600 homens.

LURA trettan oura tuot ils infants
d'Israel, e la raspada gnit insem-
bel, seo ün hom *sulet*, da * Dan fin a
Beerseba, e'l pajais Gilead, sper †
il Segner, in Mispa.

* Güd. 18, 29. † Güd. 11, 11.

2. Ed ils capos da tuot il pövel, da
tuot las schlattas d'Israel, comparet-
tan nella raspada del pövel da Dieu,
quattertschient milli homens a pè,
chi podaivan trar la spada.

3. Ma 'ls infants da Benjamin udit-
tan, cha 'ls infants d'Israel eiran
muntats in Mispa. Ed ils infants d'I-
srael dschettan: Dit nan, co ais stat
commis *quaist* mal?

4. E quel hom levit, il marit della
duonna, chi eira statta mazzada, re-
spondet e dschet: Eu rivet a Gibe-
a, chi *ais* da Benjamin, con mia concu-
bina, per albergiar qua la not.

5. Ed ils abitants da Gibeas fettan
sü, ed incresettan la chasa da not
conter mai, aviand intenziun da'm
mazzar; lura starschinettan els mia
concubina tant, ch'ella morit.

6. Ed eu piglet mia concubina, e la
taglet in tocs, e la tramettet per tuot
las contradas dell'ierta d'Israel;
perche *quella gliend* ha commiss üna
sceleratezza, ed üna * turpchenscha
in Israel.

* Güd. 19, 25. 2Sam. 13, 12.

7. Mera, vus tuots quia, infants d'I-
srael; mettai il fat in deliberaziun, e
dat cossagl.

8. E tuot il pövel as fet sü, seo ün
hom *sulet*, dschand: Nus non volain
ir ingün pro sia tenda, ne'ns retrar
ingün in sia chasa.

9. Ma uossa, mera, quai cha nus vo-
lain far vers Gibeas; nus volain trar
conter quella tenor la sort;

10. E volain tour da tshient homens d'ogni schlatta d'Israel desch, e da milli tshient, e da deschmilli milli, a far provision da victualia per il pövel, acio ch'el giaja, e fetscha vers Gibeà da Benjamin, seguond tuot la turpehenscha, ch'el ha commiss in Israel.

11. Usche fütta raspats tuot ils homens d'Israel conter quella città, colliats insembel, seo ün hom *sulet*.

12. E las schlattas d'Israel tramettettan homens per tuot las communats da Benjamin, a dir: Che mal *ais* quaist, chi *ais* stat commiss tanter vus?

13. Pertant, dat-ans uossa nan quels * homens scelerats, chi *sun* in Gibeà, e nus ils volain far morir, e tour vi' il mal d'Israel. Ma ils infants da Benjamin non volettan attender alla vusch dels infants d'Israel, lur frars;

* Güd, 19, 22.

14. Anzi, ils infants da Benjamin as respettan dallas *otras* cittats a Gibeà, per trar oura in battaglia conter ils infants d'Israel.

15. Ed in quel di fütta nombrats ils infants da Benjamin dellas *otras* cittats, vainch e sesmilli homens, chi podaivan trar la spada, sainz' ils abitants da Gibeà, chi fütta nombrats, settshient homens tshernüts.

16. Da tuot quaist pövel *eiran* settshient homens tshernüts, chi eiran snestrêrs; tuot quaists traivan peidras con la sehlingia sün ün chavè, sainza fallar.

17. Ma quels d'Israel fütta nombrats, sainza Benjamin, quattertshientmilli homens, chi podaivan trar la spada; tuot quaists *eiran* homens da guerra.

18. Lura's fettan sù ils infants d'Israel, e muntettan sù pro la chasa da Dieu, * e domandettan Deis, e dschettan: Chi da nus dess muntar sù il prüm in battaglia conter ils infants da Benjamin? Ed il Segner dschet: Giuda saja il prüm. * Güd, 1, 1.

19. Ils infants d'Israel dimena as fettan sù la mattina, e mettettan champ sur Gibeà.

20. Ed ils Israelits gettan oura in battaglia conter quels da Benjamin,

ed ordinettan la battaglia conter els sper Gibeà.

21. Lura gnittan ils infants da Benjamin our da Gibeà, ed in quel di taglettan els in pezzas, e *mettettan* per terra, vainch e duamilli homens dels Israelits.

22. Impero il pövel, cioè quel d'Israel, piglet ardimaint, ed ordinet danöv la battaglia nel lö, ingio el l'avaiva ordinada il prüm di.

23. Perche ils infants d'Israel eiran muntats, ed avaivan eridà avant il Segner fin la saira, ed avaivan domandà il Segner, dschand: Dess eu danöv gnir a battaglia cols infants da Benjamin, meis frar? Ed il Segner avaiva respus: Munta sù conter els!

24. Contuot gnittan ils infants d'Israel in battaglia conter ils infants da Benjamin, il seguond di.

25. E quels da Benjamin gnittan in conter els our da Gibeà, il seguond di, e taglettan in pezzas, e *mettettan* per terra, amo deschdotmilli homens, ils quals tuots podaivan trar la spada.

26. Lura tuot ils infants d'Israel, e tuot il pövel, muntettan sù, e gnittan a Betèl, e eridettan, e stettan qua avant il Segner, * gegünettan quel di fin la saira, ed offerittan olocausts e sacrificiz d'ingraziamaint avant il Segner. * 1 Sam. 7, 6. 2 Cron. 30, 3. Joel 2, 12.

27. Ed ils infants d'Israel domandettan il Segner; (ma da quel temp l'archa della lia da Dieu *eira* qua.

28. E Pinehas, il figl d'Eleazar, del figl d'Aaron, as presentaiva in quel di avant il Segner), dschand: Dess eu darcheu trar oura in battaglia, conter ils infants da Benjamin, meis frar; o dess eu interlaschar que? Ed il Segner dschet: Munta sù; perche daman ils vögl eu dar in voss mans.

29. * Ed Israel tshantet aguets a Gibeà per tuot intuorn. * Gios. 8, 4.

30. Ed ils infants d'Israel il terz di muntettan sù conter ils infants da Benjamin, ed ordinettan *la battaglia* sper Gibeà, seo las *otras* voutas.

31. Ed ils infants da Benjamin gettan our' in conter al pövel, e fütta trats our dalla città, e comanzettan, seo las *otras* voutas, a mazzar alchüns del pövel, sün las stradas,

dellas qualas l'üna munta sü a Betèl, e l'otra munta sü a Gibeà, nella champaigna; *chi fütten* intuorn trent' homens d'Israel.

32. Ed ils infants da Benjamin dschettan: Els sun battüts avant nus, sco peravant; ma ils infants d'Israel dschaivan: Fügen, e laschâ-ns ils trar our dalla città sün las stradas grandas.

33. Tuot ils Israelits dimena alvettan sü da lur lö, ed ordinettan *la battaglia* in Baal-Tamar, ed ils aguets d'Israel rumpettan sü da lur lö, dalla costa da Gibeà;

34. E nella chalur della battaglia, deschmilli homens tschernüts da tuot Israel, gnittan dretnan da Gibeà, e quels *della città* non s'advertittan, cha quel mal als gniva adöss.

35. * Ed il Segner battet Benjamin avant Israel, ed in quel di ils infants d'Israel taglettan in pezzas vainch e tschinchmilli, e tschient homens da Benjamin, ils quals tuots podaivan trar la spada. * Os. 10, 9.

36. Ed ils infants da Benjamin vezzettan cha eiran battüts. Ils Israelits dimena dettan lö a quels da Benjamin; perche els as confidaivan süls aguets, ch'avaivan tschantâ conter Gibeà.

37. Ed ils aguets currittan bainbod sur Gibeà; e, siand trats là, battettan els la città, *la mettand* a fil da spada.

38. Ma, tanter ils homens d'Israel, ed ils aguets eira constitui ün signal, cioè, ch'els gnissan ad invüdar ün grand fö con füm.

39. Usche volvettan ils homens d'Israel las spadlas nella battaglia, e quels da Benjamin comanzettan a mazzar dels homens d'Israel intuorn trent' homens; perche els dschaivan: Peltshert els *sun* del tuot battüts avant nus, sco nella precedainta battaglia.

40. Ma, cur l'incendi comanzet a muntar sü dalla città, *in* üna coluonna da füm, as volvettan quels da Benjamin inav, e mera, l'incendi della città muntaiva a tschel.

41. Ed ils Israelits volvettan la fatscha, ed ils Benjaminites fütten stramits; perche els vezzaivan, cha l'mal eira rivâ sur els;

42. E volvettan las spadlas avant ils Israelits, *trand* vers la via del desert; ma la battaglia als giaiva strusch davo, ed eir quels chi *gnivan our* dalle cittàs ils mazziavan, ils serrand aint in mez els.

43. *Ils Israelits dimena* incresettan ils Benjaminites, e'ls perseguitettan, e'ls traplettan suot a *lur* desideri, fin avant Gibeà, da solai alvand;

44. E crodettan *morts* dels Benjaminites deschedotmilli homens, tuots homens valerus.

45. Ma *'ls Benjaminites*, aviand vout las spadlas, fügittan vers il desert pro la peidra Rimmon; ma *'ls Israelits* spielettan sü per las stradas grandas tschinchmilli homens; lura, ils perseguitand fin a Gidom, battettan els amo duamilli.

46. Usche, tuot quels chi quel di crodettan *morts* dels Benjaminites, fütan vainch e tschinchmilli homens, chi podaivan trar la spada, tuot homens valerus.

47. E sestschient homens volvettan las spadlas, e fügittan vers il desert, pro l' * spelm Rimmon, ingio els stettan quatter mais. * Gid. 21, 13.

48. Lura turnettan ils Israelits inavo pro 'ls infants da Benjamin, e'ls battettan, e'ls mettettan a fil da spada, tant las persunas chi eiran nellas cittàs, co las bestias, e tuot quai cha's chattet. Mettettan eir a fö e flamma tuot las cittàs chi s'acchattettan.

CHAP. XXI.

Ils Israelits güran, da non dar lur figlias als Benjaminites per mugliers. Las verginas da Jabes sun dattas; non siand avuonda, als aise concessa da tour delle giuventschellas da Silo.

MA 'ls Israelits avaivan gürâ in Mispa, dschand: Ingün da nus non dess dar sia figlia per muglier ad alchün Benjaminit.

2. Lura gnit il pövel a Betèl, e stet qua fin la saira avant Dieu, ed ozet la vusch, e eridet con ün grand pland;

3. E dschet: Perche, Segner Deis d'Israel, ais quaiست dvantâ in Israel, cha hoz üna schlatta d'Israel saja gnüdü' almain.

4. Ma l'di seguaint, as fet sü il pövel la mattina, ed edificet qua ün ütèr,

ed offerit olocausts, e sacrificis d' ingraziamaint.

5. Lura dschettan ils infants d' Israel: Chi, intanter tuot las schlattas d' Israel, non ais muntâ sù con la raspada pro'l Segner? Perche l'eira stat fat ün grand saramaint conter chi non muntess sù a Mispa pro'l Segner, dschand: Quel dess a tuotta via gnir fat morir.

6. Con tuot s' impentittan ils infants d' Israel *sopra ils* Beniaminits, lur frars, e dschettan: Hoz ais üna schlatta tagliada via ad Israel!

7. Che volain nus far invers quels chi sun vanzats, quanto las donans? Daspö cha nus avain gürâ tras il Segner, cha nus non vöglian dar ad els nossas figlias per mugliers.

8. Lura dschettan els: Ingio *ais* üna *communità* intanter las schlattas d' Israel, chi non ais muntada sù in Mispa pro'l Segner? E mera, ingün da Jabes da Gilead non eira gnü nel champ pro la raspada.

9. Perche, cur il pövel füt nombrâ, mera, *qua* non *eira* ingün dels abitants da Jabes da Gilead.

10. Perquai tramettet là la raspada dudeschmilli homens, dels plü valents, e det ad els uorden, dschand: It, e battai ils abitants da Jabes da Gilead a fil da spada, con las donans, e cols pitschens infants.

11. Ma mera quai vus dessat far: Vus dessat mazzar ogni maschel, ed ogni duonna chi ha cognoschü charnalmaing hom.

12. E quels chattettan quattertschient giuventschellas verginas intanter ils abitants da Jabes da Gilead, las qualas non avavan cognoschü charnalmaing hom, e quels lās manettan pro'l champ in Silo, chi *ais* nel pajais da Canaan.

13. Lura tramettet tuot la raspada a tsehantschar cols infants da Benjamin, chi *eiran* sün il * spelm Rimmon, e fettan clamar oura ad els la pasch.

* Güd. 20, 47.

14. E lura turnettan darcheu ils infants da Benjamin, e *ls infants d' Israel* dettan ad els las donans, chi avavan laschâ in vita intanter las donans da Jabes da Gilead; ma da quellas non bastaiva per els.

15. Ed il pövel s' impentit sopra da Benjamin; perche il Segner avaiva fat üna rottüra nellas schlattas d' Israel.

16. Pelqual ils seniurs della raspada dschettan: Che volain nus far con quels chi restan, quanto las donans? Daspö cha las donans sun sdrüttas intanter ils Beniaminits.

17. Lura dschettan els: Quels chi sun fügits via dessan possidair quai cha eira da Benjamin, cha üna schlatta d' Israel non vegna chassad' oura.

18. Ma nus non podain dar ad els mugliers da nossas figlias; perche ils infants d' Israel han gürâ, dschand: Smaledi saja chi da üna muglier als Beniaminits.

19. Perquai dschettan els: Mera, la solennità annuala del Segner vain *celebrada* in Silo, *nel tö*, chi ais dal settentrion da Betël, e da solai alvand della strada granda, chi va sù da Betël a Sichem, e dal mezdi da Lebona.

20. Ed els comandettan als infants da Benjamin, dschand: It, e guetai sù nellas vignas,

21. E guardai, e mera, cur las giuvas da Silo vegnan oura per far bals, lura it our dallas vignas, e scodün dess qua dar man üna per sia muglier, ed ir davent con tuot nel pajais da Benjamin.

22. Ma, cur lur baps, ovvero lur frars, vegnan pro nus per litiar, schi volain nus dir ad els: Dat-las a nus per grazia; perche in quella guerra non avain nus tut per scodün sia duonna; perche vus non las avais dattas ad els, pelqual vus sajat uossaculpabels.

23. Ils infants da Benjamin dimenafettan usche, e piglettan mugliers seguond lur number, intanter quellas chi ballaivan, las qualas els dettan man; lura gettan els davent, e turnettan darcheu pro lur ierta, e reedifichettan las cittats, ed abitettan in quellas.

24. Ed a quel medem temp gettan eir ils infants d' Israel davent da là, scodün pro sia schlatta, e pro sia naziun, e trettan davent da là scodün pro sia ierta.

25. * In quel temp non *eira* ingün rai in Israel; scodün faiva quai ch' ad el plaschaiva.

* Güd. 17, 6. 18, 1. 19, 1.

IL CUDESCH

DA

RUT.

CHAP. I.

Noomi, davo la mort da seis marit, e da seis duos figls, tuorna dal pajais da Moab a Betlehem. Rut, üna da sias brüts, vain con ella.

MA DAL TEMP CHA 'ls gütischs gütichaivan füt üna fam nel pajais. Ed ün hom da Betlehem da Giuda get, e dmuret nellas contradas da Moab, el, e sia muglier, e seis duos figls.

2. E 'l nom da quel hom *eira* Elimelec, e 'l nom da sia muglier Noomi, ed il nom da seis duos figls Malon e Chilion, ed *eiran* Efrats da Betlehem Giuda. Gnittan dimena nellas contradas da Moab, e stettan qua.

3. Ma Elimelec, il marit da Noomi, morit, ed ella restet con seis duos figls.

4. * Quels as piglettan mugliers Moabitass, il nom dell' üna *eira* Orpa, e 'l nom dell' otra Rut, e dmurettan qua intuorn desch ans. * Rut. 4. 5.

5. Lura amenduoss, Malon e Chilion, morittan eir els, e quella duonna restet, *privada* da seis duos figls, e da seis marit.

6. Lura 's fet ella sü, con sias brüts, e turnet dacheu dallas contradas da Moab; perche ella udit nellas contradas da Moab, cha 'l Segner avaiava visità seis pövel, al dar pan.

7. Ella dimena 's partit dal lö, ingio l'eira statta con sias duos brüts, ed eiran in via, per turnar dacheu nel pajais da Giuda.

8. E Noomi dschet a sias duos brüts: It, turnai inavo, scodüna nella chasa da sia mamma. Il Segner dovra invers vus benignità, seo vus l' avais dovraada invers quels chi sun morts, ed invers mai;

9. Il Segner conceda a scodüna da vus, da chattar pos nella chasa da seis marit; ed ella las bütschet. E quellas, ozand la vusch, eridettan;

10. E la dschettan: Anzi, nus volain turnar con tai pro teis pövel.

11. Ma Noomi dschet: Figlias mias,

turnai inavo; perche volessat vus gnir con mai? Ha eu forse amo figls in meis büst, chi podessan dvantar voss marits?

12. Turnai inavo, mias figlias, it; perche eu sun massa veglia, dacheu d' am maridar, e combain ch' eu dschess d' avair spranza, ed eir sch' eu füss maridada quaista not, e parturiss eir figls;

13. Volessat vus perquai spettar fin cha füssan gnüts grands? Volessat vus perquai surträr sainza 's maridar? Na, mias figlias; combain quaist m' ais üna chosa bler plü ascha co a vus; perche il man del Segner ais stat stendü oura conter mai.

14. Quellas lura ozettan la vusch, e eridettan danöv. Ed Orpa bütschet sia söra; ma Rut restet pro ella.

15. E *Noomi* la dschet: Mera, tia cognada ais turnada inavo pro seis pövel, e pro seis deis; tuorna eir tü inavo, davo tia cognada.

16. Ma Rut respondet: Non am rovar ch' eu 't banduna, e ch' eu tuorna inavo da tai; perche ingio tü vainst ad ir, vögl ir eir eu; ed ingio tü vainst ad albergiar, vögl eir eu albergiar, teis pövel *ais* meis pövel, e teis Deis *ais* meis Deis;

17. Ingio tü vainst a morir, vögl eir eu morir, e qua vögl eu gnir sepulida; usche fetscha a mai il Segner, ed amo plü, scha oter co la mort fa separaziun tanter mai e tai!

18. Contuot, veziaand *Noomi*, ch' ella eira resoluta d' ir con ella, interlaschet ella da la dir plü da quai.

19. Useche chaminettan amenduoss, fin cha rivettan a Betlehem. E, cur ellas füttan qua rivadas, as moventet tuot la città per causa lur, e *las donans* dschaivan: Ais quaista Noomi?

20. Ma ella dschet ad ellas: Non am nomnarai Noomi, dimpersai nomnâ-'m Mara; perche 'l Omnipotaint m' ha fat avair grandas amarezzas.

21. Eu sun id' oura richa, e 'l Segner m' ha fatta turnar vöda; perche'm des-sat vus nomnar Noomi, daspö cha 'l Segner ha testimoniâ conter mai, e l' Omnipotaint m' ha conturbhada?

22. Noomi dimena turnet darcheu, con Rut, la Moabita sia brüt, gnand dallas contradas da Moab. E quellas rivettan a Betlehem nel principi della raccolta dels üerdis.

CHAP. II.

Rut, giand a spiclar, s' imbatta da gnir nel champ da Boaz, il paraint da seis marit mort; l' amiaivleza da Boaz invers Rut; Noomi l' in-fuorma, che l' haja da far.

MA Noomi avaiua qua ün paraint da seis marit Elimelec, ün hom possant in facultà, della famiglia d' Elimelec; il nom del qual *eira* Boaz.

2. E Rut, la Moabita, dschet a Noomi: Eu 't rouv, lascha ch' eu giaja sün la cuttüra, schi vögl eu spiclar davo quel, pro 'l qual eu vegn ad avoir chattâ grazia. Ed ella la dschet: Vâ via, mia figlia!

3. Contuot get *Rut*, ed intret in ün champ, e spiclet davo 'ls tschuncaders; e per sort s' imbattet ella nella possessium, in ün champ da Boaz, il qual eira della famiglia d' Elimelec.

4. Ma mera, Boaz gnit da Betlehem, e dschet als tschuncaders: Il Segner *saja* con vus! E quels dschettan ad el: Il Segner at benedescha!

5. Lura dschet Boaz a seis serviaint, ordinâ sur ils tschuncaders: Da chi *ais* quaista giuvna?

6. Il serviaint, ordinâ sur ils tschuncaders, respondet, e dschet: Quaist' *ais* üna giuvna Moabita, la quala ais turnada con Noomi dallas contradas da Moab;

7. Ed ella *ans* dschet: Eu's rouv, *laschai* ch' eu spicla, e cleja insembel las spias tanter las mannas davo 'ls tschuncaders. E, davo ch' ell' ais in-tratta nel *champ*, ais ella in pè dalla mattina fin uossa; pür uossa ais ella statta ün pa in chasa.

8. Lura dschet Boaz a Rut: Taidla, mia figlia; non ir a spiclar in ün oter champ, ne at partir neir da quia; anzi stà qua pro mias fantschellas.

9. Hajast ils ögls sül champ chi 's tschuncerà, e vâ davo quellas; eu ha

comandâ als serviaints, cha non at dessan toccer; e scha tü avessast sait, schi vâ pro 'ls vashels, e baiva da quai cha 'ls serviaints averan impli aint.

10. Lura *Rut* as büttet giò sün sia fatscha, e s' inclinet a terra, e dschet a Boaz: Perche ha eu chattâ grazia avant tai, cha tü 'm cognoschast, siand eu forestêra?

11. Boaz respondet, e *la* dschet: Tuot quai cha tü hast fat invers tia söra, davo la mort da teis marit, m' ais stat zuond bain refert; co tü hast bandunâ teis bap, e tia mamma, e teis pajais nativ, ed est gnüda pro ün pövel, il qual tü peravant non avai-vast cognoschü;

12. Il Segner at renda tias ouvras, e 't saja rendü plainamaing il premi del Segner Deis d' Israel, suot las alas del qual tü est gnüda at cover-nar.

13. Ed ella dschet: Meis segner, pür ch' eu chatta grazia avant tai; perche tü m' hast cuffortada, ed hast dovrâ plets benigns invers tia fantschella; combain ch' eu non sun da congual ad üna da tias fantschellas.

14. Darcheu all' ura da mangiar la dschet Boaz: T' approsma nan qui e mangia del pan, e tensch' aint teis baccun nel aschait. Ella dimena as tschantet giò a zer dalla vart dels tschuncaders, ed ün la det gran ustri, ed ella manget, e füt sadolada, e la-schet vanzar.

15. Lura alvet ella sü per spiclar. E Boaz comandet a seis serviaints, dschand: *Laschai* ch' ella spicla eir tanter las mannas, e non la farai 's turpiar.

16. Laschai pür qualecosa eir our dallas brancas, e permettai, ch' ella cleja sü, e non la slamarai.

17. Usche spiclet ella sül champ fin la saira, e battet oura quai ch' ella avaiua clet sü, ed avet intuorn ün efa d' üerdi.

18. Ed ella 's charget quel adöss, e gnit nella città. E sia söra vezzet quai ch' ella avaiua clet sü; ultra quai, piglet oura Rut quai ch' eira vanzâ, davo ch' ella füt sadolada, e la det.

19. E sia söra la dschet: Ingio hast

hoz spiela? Ed ingio hast lavurâ? Benedi saja quel, chi t'ha cognoschüda. Ed ella decenteret a sia söra, pro chi ella avaiava lavurâ, e dschet: Il nom da quel, pro 'l qual eu hoz ha lavurâ, *ais* Boaz.

20. E Noomi dschet a sia brüt: Benedi *saja* 'l avant il Segner; perche el non ha desmiss invers ils vivaints sia benignità, ch' el ha dovrâ invers ils morts. Lura la dschet Noomi: Quel *ais* nos * prossem paraint; l' *ais* da quels, chi han per consanguinità il dret da slubgiaschun da nossas iertas.

* Lev. 25, 15. Deut. 25, 5. Rut 3, 9.

21. Ultra quai *la* dschet Rut, la Moabita: El m' ha eir dit: Stà pro meis serviaints, fin cha han fini tuot mia mess.

22. E Noomi dschet a Rut, sia brüt: L' *ais* bön, mia figlia, cha tü giajast con las fantschellas da quel, cha oter non t' incontra sün ün oter champ.

23. Ella dimena stet pro las fantschellas da Boaz per spiciar, fin cha la raccolta dels üerdis, e dels formaints füt finida. Ed ella dmuraiva con sia söra.

CHAP. III.

Rut fa quai cha sia söra la cossaglia; Boaz l' imprometta ogni sia favur, e la turnainta con ün presaint.

E Noomi, sia söra, la dschet: Mia figlia, non at dess eu tscherchar pos, acio cha 't giaja bain?

2. Uossa dimena, non *ais* Boaz, con las fantschellas del qual tü est statta, nos paraint? Mera, quaista not vain el a vannar l' üerdi nel iral.

3. Contuot at lava, e 't onscha, e 't tira aint tia vestimainta, e vâ giò pro l' iral; non far cha tü sajast cognoschüda da quel hom, fin ch' el haja fini da mangiar, e da baiver;

4. E, cur el as metterà giò a dormir, schi sapchast il lö, ingio el dormirà, lura vâ via, e scoverna seis peis, e 't metta *qua* giò a dormir; schi vain el at decenteret, che tü dessast far.

5. E Rut dschet ad ella: Eu vögl far tuot quai cha tü 'm dist.

6. Ella dimena get giò pro l' iral, e fet seguond tuot quai, cha sia söra l' avaiava comandada.

7. E Boaz, aviad mangiâ e bavü,

e siand seis cour leiger, get a dormir d' üna vart del mantun da mannas. E Rut gnit plan plan, e 'l scovernet ils peis, e 's tschantet giò qua.

8. Ed a mezzanot füt quel hom strami, e 's volvaiva vi' e nan, e mera, üna duonna giaschaiva pro seis peis.

9. Ed el la dschet: Chi est tü? Ed ella dschet: Eu *sun* Rut, tia fantschella; stend' oura l' ur da tia rassa sur tia fantschella; perche tü *est* quel, chi per consanguinità hast il dret da slubgiaschun *sur mai*.

10. Ed el *la* dschet: Benedida *sajast* tü avant il Segner, mia figlia. Quaista tia ultima benignità, la quala tü hast dovrâ, *ais* meldra co la prüma, non siand tü ida davo giuvens; povers, o richs.

11. Uossa dimena, mia figlia, non at tmair; eu at vögl far tuot quai cha tü 'm dist; perche tuot la città da meis pövel sa, cha tü *est* duonna virtuusa;

12. Impero, combain l' *ais* vaira, ch' eu ha il dret della consanguinità, inguotta main *ais* amo *ün* oter ch' il ha, *il qual ais* plü prossem co eu.

13. Stà *qui* quaista not, e da mattina, scha *quel* voless üsar sia rashun da consanguinità invers tai, bain, ch' el fetscha; ma, scha non gniss al plaschair da la dovar, schi vögl eu üsar mia rashun da consanguinità invers tai, *sco* 'l Segner *ais* vivaint! Dorma fin alla mattina.

14. Contuot dormit ella pro seis peis fin la daman; lura alvet ella, ant co cha 's podess cognoscher l' ün l' oter. E Boaz dschet: Ingün non dess savoir, cha la duonna saja intratta nel iral.

15. Lura dschet el a Rut: Sporscha nan il pan da linzöl, cha tü hast in-tuorn tai, e tegna 'l. Ed ella il tgniet, ed el masüret ses *masüras* d' üerdi, e las mettet ad ella adöss, e lura get el nella città.

16. Ma Rut gnit pro sia söra, e quella la dschet: Chi est tü, mia figlia? E Rut la decenteret tuot quai cha quel hom l' avaiava fatta.

17. Ed ella dschet: El m' ha dat quaistas ses *masüras* d' üerdi; perche el m' ha dit: Non turnar vöda pro tia söra.

18. Ma *Noomi la* dschet: Resta, mia figlia, fin tū sapehast, co 'l fat vain a reuschir; perche quel hom non vain a posar, ch' el non haja compli hoz quaista fatschenda.

CHAP. IV.

Veglia maniera in Israel da far a redschaiver ils drets da parentadi. Boaz spusa Rut, chi 'l parturescha Obed, il bap d' Isai, del bap da David.

BOAZ dimena get sū pro la porta, e 's mettet qua a zer. E mera, quel chi avaiva il dret della consanguinità, del qual Boaz avaiva tshantschâ, passet; e *Boaz al* dschet: O tū, tal, vè qui, e 'tmetta qui giò a zer. Ed el gnit, e 's tshantet giò.

2. E *Boaz* piglet desch homens dels seniurs della città, e dschet ad els: Sezzai qui, e quels as mettetan a zer.

3. Lura dschet *Boaz* a quel, chi avai' il dret della consanguinità: Noomi, chi ais turnada dallas contradas da Moab, venda la possessiun del champ, qui eira d' Elimelec, nos frar;

4. Pelqual dschet eu, da 't far a savair, e da 't dir, cha tū l' acquistast, in presenza da quaists chi sezzan *qui*, ed in presenza dels seniurs da meis pövel. Scha tū *la* voust slubgiar per dret da consanguinità, schi fà; ma, scha tū non *la* voust slubgiar, schi declera 'm, acio ch' eu sapeha; perche e non *ais* alehün oter, chi la possa spendrar co tū, ed eu davo tai. Lura dschet quel: Eu la vögl spendrar.

5. E Boaz dschet *ad el*: Nel di cha tū vainst ad acquistiar il champ dal man da Noomi, dessast tū eir acquistiar Rut, la Moabita, la muglier del mort, * per sdasdar sū il nom del mort sün sia ierta. * Deut. 25, 5.

6. Ma quel, chi avai' il dret della consanguinità, dschet: Eu non poss dovrar la rasehun del parentadi per mai, ch' eu non dazipa mia ierta; douvra tū mia rasehun della consanguinità per la slubgiar; perche eu non poss far quai.

7. * Ma da veglnan eira quaist' *üsanza* in Israel, cha in cas da slubgiashun per dret da consanguinità, e da cambi da rasehun, per confirmar tuot la fatschenda, *quel* hom as traiv' oura la scharpa, e la daiva a seis

prossem; e quai serviva per testimonianza in Israel. * Deut. 25, 7.

8. Usche, davo cha quel, chi avaiva la rasehun del parentadi, avet dit a Boaz: T' acquista tū *quel champ*, as tret el oura la scharpa;

9. E Boaz dschet als seniurs, ed a tuot il pövel: Vus *sajat* hoz testimonis, ch' eu ha acquistâ, dal man da Noomi, tuot quai chi *eira* d' Elimelec, tuot quai chi *eira* da Chilion e da Malon;

10. * E ch' eu m' ha eir acquistâ per muglier Rut, la Moabita, la muglier da Malon, per sdasdar sū il nom del mort sur sia ierta; acio cha 'l nom del mort non saja chassâ oura intanter seis frars, e dalla porta da seis lö. Vus *eschat* hoz testimonis. * Deut. 25, 6.

11. E tuot il pövel chi eira nella porta, ed ils seniurs, dschettan: *Schi, nus eschan* testimonis. Il Segner fetscha, cha la muglier chi intra in tia chasa, saja sco Rahel, e sco Lea, * las qualas edificettan amenduos la chasa d' Israel. At fà pür possant in Efrata, e cha *teis* nom saja celebrâ in Betlehem; * Gen. 29, 30.

12. E dal sem, cha 'l Segner at darâ da quaista giuvna, saja tia chasa sco la chasa da Peres, * il qual Tamar parturit a Giuda. * Gen. 38, 29.

13. Boaz dimena piglet Rut, ed ella füt sia muglier, ed el intret pro ella, ed il Segner alla fet grazia da gnir gravida, ed ella parturit ün figl.

14. E las donans dschettan a Noomi: Benedi *saj' il* Segner, il qual non ha permiss, cha hoz at manca ün, chi avess il dret della consanguinità. Il nom da quel saja celebrâ in Israel;

15. E quel at saja per restorar l' orma, e per sustentar tia vegldünna; perche tia brüt, chi 't ama, e 't vala plü co set figls, ha parturi quaist' *infant*.

16. E Noomi piglet l' infant, e 'l raspet in seis ravuogl, e füt ad el in lö da chürunza.

17. E las vashinas al mettetan nom, e dschettan: Ün figl ais nat a Noomi; e 'l nomnettan Obed. Quel *ais* bap d' Isai, del bap da David.

18. Ma quaistas *sun* las generaziuns da Peres, * Peres genuit Hesron;

* 1 Cron. 2, 5. Mat. 1, 3. Luc. 3, 32. 33.

19. Ed Hesron genuit Ram; e Ram genuit Amminadab;

20. Ed Amminadab genuit Nahesson; e Nahesson genuit Salmon;

21. E Salmon genuit Boaz; e Boaz genuit Obed;

22. Ed Obed genuit Isai; ed Isai genuit David.

IL PRÛM CUDESCH

DA

SAMUEL.

CHAP. I.

La generaziun d'Elcana, il bap da Samuel. La natività da Samuel. Anna, sia mamma il main' in Silo, per il presentar avant il Segner.

ED EIRA ÛN HOM da Ramataim-Sofim, dal munt d'Efraim, il nom del qual *eira* * Elcana, figl da Jeroham, figl d'Elihu, figl da Tohu, figl da Suf, Efratit. * 1 Cron. 6, 27, 34.

2. E quel avaiva duos mugliers; il nom dell' üna *eira* Anna, ed il nom dell' otra Peninna; e Peninna avaiva infants, ma Anna non avaiva.

3. * Ma quel hom muntaiva sü da sia città d'an in an, per adurar, e per sacrificar al Segner dels exercits in Silo, ingio eiran ils duos figls d'Eli, Hofni e Pinehas, sacerdots del Segner. * Ex. 23, 14.

4. E dyantet ün di, ch' Elcana, aviand sacrificâ, det parts a Peninna, sia muglier, ed a tuot ils figls, e las figlias da quella.

5. Ma ad Anna det el üna dubla part; perche el amaiva Anna, combain cha'l Segner l'avaiva serrada la matrice.

6. E sia adversaria non interlaschaiva da la frizzar pro ira, per la conturblar; siand cha'l Segner l'avaiva serrada la matrice.

7. *Elcana* dimena faiv' usche mincl' an; ed ogni *vouta*, cha Anna füt ida sü pro la chasa del Segner, la frizzaiva *quell'otra* pro sdegn in tal möd; pelqual ella cridaiva, e non mangiaiva.

8. Ed Elcana, seis marit, la dschet: Anna, perche eridast, e non mangiast, e perche stast da mala vögliä? Non at sun eu megler co desch figls?

9. Ed Anna, davo cha füt mangiä, e bavü in Silo, alvet sü. Ma 'l sacerdot

Eli sezzaiva sün la sopcha, sper üna dellas chassas *della porta* del taimpel del Segner.

10. E, siand conturblada nel cour, rovet ella il Segner, e cridaiva zuond fieh.

11. Lura fet ella ün vut, dschand: O Segner dels exercits, scha tü dech guardast sün l'afflicziun da tia fantschella, e't regordast da mai, e non smanchast tia fantschella, e dast a tia fantschella ün figl, schi 'l vögl eu dar al Segner, per tuot il temp da sia vita, * e rasuoir non al dess mâ gnir sün seis cheu. * Num. 6, 5. Güd. 13, 5.

12. Ma, intant ch' ella uraiva löneh avant il Segner, faiva Eli surasen sün la bocca da quella.

13. Ed Anna tschantschaiv' aint in sai sves, e sulets ils lefs as movaivan, ma non s'udiva sia vusch; pelqual Eli pensaiva, ch' ella füss aivra,

14. E la dschet: Infin cura voust tü far dad aivra? Metta teis vin davent da tai.

15. Ma Anna respondet, e dschet: Na, meis signur; eu sun üna duonna conturblada nel spiert, e non ha bavü ne vin, ne gervosa; anzi eu spandoura mi' orma avant il Segner.

16. Non congualar tia fantschella con las femnas d'inguotta; perche la grevezza da meis pland, e da mia dolor, ha eu tschantschâ infin uossa.

17. Eli respondet, e dschet: Vâ in pasc; il Deis d'Israel at conceda il giavüsch cha l' hast fat.

18. Ella dschet *ad el*: Cha tia fantschella chatta grazia avant tai. Lura get quella duonna seis chamin, e manget, e sia fatscha non füt plü seo l' *eira prüm*.

19. *Elcana* lura, ed ils seis, stettan

sü la mattina, ed adoretan avant il Segner, e turnettan inavo, e gnittan in lur chasa, in Rama. Ed Elcana cognoschet Anna, sia muglier, ed il Segner as regordet della.

20. Ed al term del an, davo ch' Anna avet concepi, parturit ella ün figl, e l' mettet nom Samuel; perche, *disch ella*, eu l' ha giavüschâ dal Segner.

21. E quel hom Elcana get sü con tuot sia famiglia, per sacrificar al Segner il sacrifici annual, e *pajar* seis vut.

22. Ma Anna non gnit sü; perche ella dschet a seis marit: *Eu non vögl ir sü*, fin cha l' infant non ais zavrâ; lur' il vögl eu condür, acio ch' el saja presentâ avant il Segner, e ch' el dmura là in perpetuo.

23. Elcana, seis marit, dschet ad ella: Fà quai chi 't par' il megl; rumagna fin cha tü l' hajast zavrâ; cha l' Segner pür complescha seis pled. Usche restet quella duonna, e latantet seis figl, fin ch' ella l' avet zavrâ.

24. E, cur ella l' avet zavrâ, * il manet ella, con trais trims, ed ün efa farina, ed üna barigl vin, e l' manet nella chasa del Segner, in Silo, e l' infant *eira* amo zuond pitschen.

* Luc. 2, 42.

25. Ed *Elcana*, ed *Anna* schannettan ün trim, e manettan l' infant pro Eli.

26. Ed *Anna* dschet ad el: Ah meis signur; sco ti' orma viva, meis signur; eu *sun* quella duonna chi stai-va qui sper tai, per far oraziun al Segner.

27. Eu rovet, per *avoir* quaist infant; ed il Segner m' ha concedü il röv ch' eu al fet;

28. Perquai l' ha eu imprastâ al Segner; el dess esser imprastâ al Segner tuot ils dis da sia vita. E quels adoretan qua il Segner.

CHAP. II.

L'oraziun d' Anna. La perversità dels figls d' Eli. Samuel serv' avant il Segner. Eli vain innatshâ, per causa ch' el non ha chastâ seis infants.

LURA uret Anna, e dschet: * Meis cour s' alleigra nel Segner; mia forza ais adoza da tras il Segner; mia bocca ais slargiad' oura conter meis inimis; perche, o Segner, eu sun allegrad' in teis salüd!

* Luc. 1, 46. 47.

2. E non *ais* alchün sanet sco l' Segner; perche ourdvar tai non *ais* alchün oter, e non *ais* alchün spelm tal sco *ais* nos Deis.

3. Laschaivos bler lodarchosas otras; our da vossa bocca non dess gnir ün pled d' asprezza; perche l' Segner *ais* il Deis da tuotta scienza, ed ad el *appartegna* il paisar las resoluziuns.

4. Il balaister dels possants ais stat ruot, e quels chi undiaivan sun stats tshintats con forza.

5. * Quels chi eiran sadolats s' han miss a servir per pan, e quels chi avaivan fam non sun plü; eir la sterrila ha parturi set *infants*, e quella chi avaiva blers infants ais gnüda debbla.

* Ps. 34, 11.

6. * Il Segner fa morir, e fa viver; el fa ir giò nella fossa, e tir' oura.

* Deut. 32, 39.

7. Il Segner fa pover, e richainta; el abbassa, ed adoza darcheu.

8. * El drizza sü il pover our dalla puolvra, ed adoza il manglus our dalla büergia, per *il* far zer cols nöbels, e fa ad els erar üna sopeha da gloria; perche las coluonnas della terra *sun* del Segner, ed el ha tschantâ il muond sur quellas.

* Ps. 113, 7. 8.

9. El vain a perchürar ils peis da seis sanets, ed ils mals vegnan a perir nellas schürezzas; * perche l' hom non vain a venscher con sia forza. * Ps. 91, 11.

10. Quels chi dispittan col Segner dessan gnir sfrislats; el vain a tunar giò dal tschel sur els; il Segner güdicherà l' extremità della terra, e darà forza a seis rai, ed adozerà * la gloria da seis onschü.

* Ps. 89, 25.

11. Lura get Elcana a chasa sia in Rama, e l' infant serviv' al Segner avant il sacerdot Eli.

12. Ma l's figls d' Eli *eiran* homens seclerats; quels non cognoschaivan il Segner.

13. E l' üsanza da quels sacerdots invers il pövel *eira* tala: *Cur* qualunque persuna faiva qualcha sacrifici, * gniv' il servaint del sacerdot, intant cha's coschaiva la charn, aviand üna furchetta da trais daints in man,

* Lev. 7, 34.

14. E, la chatschand nel lavetsch, o codèra, o test, o nell' avna, tuot

quai cha la furehetta traiv' oura, pigliaiv' il sacerdot per el. Usche faivan els con tuot ils Israelits chi gnivan là in Silo.

15. Sco eir, ant cha füss ars il grass, gniv' il servaint del sacerdot, e dschaiv' a quel chi faiv' il sacrifici: Dà charn a mai, per l'ustrir per il sacerdot; perche el non vain a tour da tai charn cotta, ma crüa.

16. Impero, scha quel hom al dschavva: Cha'l grass vegna uossa ars, dalunga lura piglia tenor tia vögli; dschaiv' el pero ad el: Schi uossa am dessast dar; non bricha, schi vögl eu tour per forza.

17. Ed il pucha da quels giuvens eira zuond grand nel conspet del Segner; perche la gliעד spretschaivan las offertas del Segner.

18. Ma Samuel, essendo ün pitschen infant, serviv' avant il Segner, tschintà intuorn con ün efod da glin.

19. E sia mamma al fet üna rassetta, e la portet ad el, e'l *sumgiant faiv' ella* ogni an, cur ella giaiva sü con seis marit, per sacrificar il sacrifici annual.

20. Ma Eli benedit Elcana, e sia muglier, e dschet: Il Segner at detta sem da quaista duonna in pè del impraist, ch'ella ha fat al Segner; e quels gettan in lur lö.

21. Ed in vardà, il Segner visitet Anna; ed ella concepit, e parturit trais figls, e duos figlias. E l'infant Samuel creschet pro'l Segner.

22. Ma Eli, *essendo* agià fich vegl, udit tuot quai cha seis figls fettan a tuot Israel, e co els dormivan con las donans, chi a tscherts temps * gnivan a servir avant l'intrada del tabernacul della raspada. * Ex. 38, 8.

23. Ed el dschet ad els: Perche fais vus talas chosas? Perche eu inleg voss malfats; quaistas chosas *am sun refertas* da tuot il pövel;

24. Non *farai usche*, meis figls, perche la fama, chi'm vain ad uraglia *da vus*, non ais buna; vus fais surpassar il pövel del Segner.

25. Sch'ün hom pecha conter ün oter hom, il güdicha Dieu, e sch'ün hom pecha conter il Segner, chi vain a rovar per el? Ma quels non tadlet-

tan la vusch del bap; perche'l Segner ils volaiva far morir.

26. * Infant giaiva l'infant Samuel creschand, e dvantand accet al Segner, ed alla gliעד. * Luc. 2, 52.

27. Ma ün hom da Dieu gnit pro Eli, e'l dschet: Usche ha dit il Segner: Non am manifestet eu cleramaing alla chasa da teis bap, intant chi eiran in Egipto, nella chasa da Farao?

28. Eu am tschernet eir oura teis bap, intanter tuot las schlattas d'Israel, per sacerdot, per offerir *sacrificis* sur meis utër, e per arder profüms, e portar l'efod avant mai, * e det alla chasa da teis bap tuot las offertas d'arder dels infants d'Israel. * Lev. 10, 14, 17.

29. Perche avais vus miss suot ils peis meis sacrificis, mias offertas, ch'eu ha comandà *cha's dess offerir* in *meis* tabernacul; e *perche* hast tü portà plü grand onur a teis figls, co a mai, per s'ingrassantar col meglioier dellas offertas d'Israel, meis pövel?

30. Perquai, il Segner, Deis d'Israel, disch usche: Eu a tuotta via avaiva dit, cha tia chasa, e la chasa da teis bap dessan chaminar avant mai in perpetuo; ma uossa disch il Segner: Quai saja lönsch da mai; perche eu vögl onorar quels chi'm onuran, e quels chi'm spretschan dessan gnir fats ad inguotta.

31. * Mera, ils dis vegnan, ch'eu vögl tagliar davent il bratsch a tai, ed alla chasa da teis bap, e vögl far cha non sarà alchün in tia chasa chi vegna vegl. * 1 Rai. 2, 27.

32. E tü vainst a vair l'afflieziun del tabernacul, in lö da tuot il bain cha *Deis* avaiva fat ad Israel, e mâ non sarà alchün in chasa tia chi vegna vegl.

33. E quel dels teis, *il qual* eu non averà sterminà davent da meis utër, dess esser per at consumar teis ögls, e t'forar l'orma, e chi sarà nat e creschü in tia chasa, dess morir in flur d'età.

34. E quai cha dvanterà con teis duos figls Hofni, e Pinehas, *cha* * amenduoss vegnan a morir in ün istess di, *dess* esser a tai per signal. * 1 Sam. 4, 11.

35. Ma eu vögl sdasdar sü a mai ün sacerdot fidel; quel vain ad operar seguond meis cour, e seguond m' orma, ed eu al vögl edificar üna chasa stabla, ed el vain ad ir e gnir avant meis onschü da contin.

36. E chi vain a rumagnair da tia chasa, * vain as inclinar avant el per ün danêr d' argient, e per üna fletta da pan, e vain a dir: Char tü, metta 'm a far alchün dels servezzens del sacerdotadi, *per ch' eu haja* da mangiar ün baccun pan. * 1 Rai. 2, 27.

CHAP. III.

Il Segner manifesta in visium a Samuel la ruina della chasa d' Eli; ed el la referesch' ad el istess; ed ais cognoschü per profet da tuot il pövel.

MA 'l giuven infant Samuel serviv' al Segner, nella presenza d' Eli. Ed in quel temp eira il pled da Dieu * rar, e non apparai' alchüna visium.

* Amos 8, 11. 12.

2. E dvantet in quel di, cha Eli, la vezzüda del qual comanzaiva * a mancar, *ch' el non podaiva vair plü*, giaschand in seis lö. * 1 Sam. 4, 15.

3. Giaschand Samuel eir el nel taimpel del Segner, ingio *eira* l' archa da Dieu, ant cha füssan stüzzas las glümêras da Dieu;

4. Il Segner clamet Samuel. Ed el respondet: Mera 'm qui!

5. E currit pro Eli, e dschet ad el: Mera 'm qui! Perche m' hast tü clamâ? Ma *Eli al* dschet: Eu non t' ha clamâ; tuorna darcheu at metter giò. Ed el get as metter giò.

6. Ed il Segner clamet danöv Samuel. E Samuel alvet, e get pro Eli, e dschet *ad el*: Mera 'm qui! Perche m' hast tü clamâ? Ma *Eli al* dschet: Eu non t' ha clamâ, meis figl; tuorna darcheu at metter giò.

7. Ma Samuel non cognoschaiv' amo il Segner, ed il pled del Segner non l' eira amo stat revelâ.

8. Ed il Segner clamet danöv Samuel, per la terza vouta. Ed el alvet, e get pro Eli, e dschet *ad el*: Mera 'm qui! Perche m' hast tü clamâ? Lura s' inacorschet Eli, cha 'l Segner clamaiva l' infant.

9. Ed Eli dschet a Samuel: Vâ at metter giò, e, sch' el at elama, di: Tschantscha, Segner, perche teis servaint

oda. Contuot get Samuel a dormir in seis lö.

10. Ed il Segner gnit, e 's presentet *ad el*, e l' clamet, sco las otras voutas: Samuel, Samuel! E Samuel dschet: Tschantscha; perche teis servaint oda.

11. Ed il Segner dschet a Samuel: Mera, eu fetsch üna chos' in Israel, la quala, chi l' udirà, al scelingiaran sias uraglias amenduos.

12. In quel di vögl eu metter in efet conter Eli, dal principi fin alla fin, tuot quai ch' eu ha dit conter sia chasa.

13. Eu l' avaiva denunziâ, ch' eu gniss a chastiar sia chasa in perpetuo, per causa dell' iniquità, con la quala el ha savü, cha seis infants as faivan maledets; ed el non ils ha reprais.

14. Perquai dimena, ha eu giürâ alla chasa d' Eli, cha mâ in perpetuo l' iniquità della chasa d' Eli vain abuniada con sacrifici, ne con offerta.

15. Ma Samuel giaschet fin alla mattina; lura avrit el las portas della chasa del Segner; ed el tmaiva da declerar la visium ad Eli.

16. Ma Eli al clamet, e dschet *ad el*: Samuel, meis figl! Ed el dschet: Mera 'm qui!

17. Ed *Eli al* dschet: Qual *ais* il pled ch' el t' ha dit? Eu 't rov, non m' il tgnair azzoppâ; usche 't fetscha Dieu, ed oter plü, scha tü m' azzoppast chos' alchüna da tuot quai ch' el t' ha dit.

18. Samuel dimen' al requintet tuot quels pleds, e non al tgnet azzoppâ *inguotta*. Ed *Eli* dschet: * El *ais* il Segner; el fetscha quai cha ad el vain a parair per bön. * Giob 1, 21. 2, 10.

19. Ma Samuel creschet, ed il Segner füt con el, e quel non laschet erodar in terr' alchün da tuot seis pleds.

20. E tuot Israel, da Dan fin Beerseba, cognoschet, cha Samuel eira bain tschertificâ profet del Segner.

21. Ed il Segner continuat ad apparair in Silo; perche 'l Segner as manifestai' a Samuel tras il pled del Segner.

CHAP. IV.

Israel tir' our' in battaglia incoenter ils Filistins; ais vint, e l' archa del Segner praisa; la mort d' Eli, e da seis figls.

ED il pled da Samuel füt *indirizzâ* a tuot Israel. Ma Israel tret our'

in battaglia incoenter ils Filistins, e s' acchamperet sper Eben-Ezer, ed ils Filistins s' acchamperettan in Afee.

2. Ed ils Filistins ordinettan *la battaglia* incoenter Israel. E, siand intrats nella battaglia, füt Israel battü avant ils Filistins, e quels mazzettan intuorn quattermilli homens in battaglia ordinada, nella champagna.

3. E, siand il pövel gnü nel champ, dschettan ils seniurs d' Israel: Perche 'ns ha il Segner hoz battüts avant ils Filistins? Ans fain portar da Silo l'archa della lia del Segner, e vegn' ell' in mez nus, e 'ns salva dal man da noss inimis.

4. Il pövel dimena tramettet in Silo, e da là füt portada l' archa della lia del Segner dels exercits, chi sezza sur ils * cherubins; e qua con l' archa della lia da Dieu *eiran* ils duos figls d' Eli, Hofni e Pinehas. * Ex. 25, 22.

5. E, cur l' archa della lia del Segner rivet nel champ, tuot Israel clamet d' allegrezza con grand güvlaz, tal cha la terra strasunet.

6. Ma 'ls Filistins, aviand udi la vusch del güvlaz, dschettan: Che *voul dir* la vusch da quaist grand güvlaz nel champ dels Ebreers? Lura savettan els, cha l' archa del Segner eira gnüda nel champ.

7. Ed ils Filistins avettan temma; perche els dschaivan: Dieu ais gnü nel champ. E dschettan: Vae a nus! Perche tala chosa non ais statta pel passà.

8. Vae a nus! Chi vain ans deliberar dal man da quaist possant Dieu? Quaist ais il Deis chi battet ils Egipeters con ün' intera deruotta nel desert.

9. O Filistins! As rinforzai, e 's deportai dad homens *valents*, tal cha vus non servat als Ebreers, * seo quels han servi a vus; as deportai dimena dad homens valents, e combattai!

* Gäd. 13, 1. 2.

10. Contuot combattettan ils Filistins, ed ils Israelits fütan battüts, e fügittan seodün pro sias stanzas, e la deruotta füt fich granda, tal cha crodettan *morts* dels Israelits trentamilli *homens* a pè.

11. E l' archa da Dieu füt praisa, *

ed ils duos figls d' Eli, Hofni e Pinehas fütan morts.

* 1 Sam. 2, 34.

12. Ed ün hom da Benjamin currit dal champ, e rivet in Silo quel istess di, con vestimainta sdratschada, e con terra sün cheu.

13. E, cur el rivet, mera, Eli sezzaiva sün la * sopcha d' üna vart della strada, e staiva per guardar; perche l' cour al tremblaiva per causa dell' archa da Dieu. Quel hom dimena intret nella città, portand las novas, e tuot la città fet ün grand bragizi. * 1 Sam. 1, 9.

14. Ed Eli, udind la romur del bragizi, dschet: Che *voul dir* la romur da quaist tumult? E quel hom get bain-bod pro Eli, e l' requintet *il fat*.

15. Ma Eli *eira* d' età da novantot ans, e la vezzüd' al eira gnüd' almain, tal ch' el non podaiva vair.

16. Quel hom dimena dschet ad el: Eu *sun* quel chi vegn dal champ, ed hoz sun eu fügen our dalla battaglia. Ed *Eli al* dschet: Meis figl, co ais il fat passà?

17. E quel chi portaiva las novas respondet, e dschet: Israel ais fügen avant ils Filistins; ed ais eir fat üna granda perdita da pövel; teis duos figls, Hofni e Pinehas sun eir morts, e l' archa da Dieu ais praisa.

18. Ma, cur el manzunet l' archa da Dieu, det Eli inavo giò dalla sopcha dalla vart della porta, e 's rumpet la lisüra del colöz, e morit; perche el *eira* vegl e greiv. Ma el avaiva güdichä Israel quarant' ans.

19. E sia brüt, muglier da Pinehas, *essendo* grvida, bod da parturir, udit il bragizi, cha l' archa da Dieu eira praisa, e cha seis sör, e seis marit eiran morts; pelqual ella as storschet, e parturit; perche las dolurs la gnittan ad ün trat.

20. Ed in quel punto ch' ella moriva, *las donans*, chi staivan intuorn, la dschettan: Non tmair, perche tü hast parturi ün figl; ma ella non respondet, e non piglet quai a cour.

21. Pür inguotta tant main mettet ella nom al infant Icabod, dschand: La gloria ais transportada via d' Israel; perche l' archa da Dieu eira praisa, e per causa da seis sör, e da seis marit,

22. Dschet ella dimena: La gloria ais transportada via d' Israel; perche l'archa da Dieu ais praisa.

CHAP. V.

Il Filistins mainan l'archa nel taimpel da Dagon, il qual da giò avant l'archa. Il Segner plaja quels d' Asdod.

MA 'ls Filistins, aviand prais l'archa da Dieu, la condüettan d' Eben-Ezer in Asdod.

2. Piglettan dimena l'archa da Dieu, e la condüettan aint nella chasa da Dagon, e la tschantettan sper Dagon.

3. Ma 'l di seguint, siand quels d' Asdod alvats la mattina, mera, Dagon giaschaiva sün sia fatscha in terra, avant l'archa del Segner. E quels piglettan Dagon, e 'l tschantettan in seis lö.

4. E la mattina del di seguint, siand alvats, mera, Dagon giaschaiva darcheu sün sia fatsch' in terra, avant l'archa del Segner, e la testa da Dagon, ed amenduos palmas da seis mans, eiran tschuncadas giò sül glim, ed *il büst* sulet da Dagon füt restâ sper quel.

5. Perquai, ne ils sacerdots da Dagon, ne alchün da quels chi intran nella chasa da quel, non passan sül glim da Dagon, in Asdod, infin a quai di.

6. Lura s' aggravet il man del Segner sur quels d' Asdod, ed el ils desolet, ed ils battet con emoroidas, in Asdod, e nels confins da quella.

7. Ma quels d' Asdod, veziand chausche *giaiv' il fat*, dschettan: L'archa del Deis d' Israel non dess dmurar pro nus; perche seis man ais asper sur nus, e sur Dagon, nos deis.

8. Perquai tramettettan els a raspar tuot ils principals dels Filistins pro els, e dschettan: Che dessan nus far con l'archa del Deis d' Israel? E quels dschettan: Cha l'archa del Deis d' Israel vegna transportad' in Gat. Usche füt l'archa del Deis d' Israel transportad' in Gat.

9. Ma, davo ch' ella füt transportad' in Gat, füt il man del Segner sur la città con grand stramizi; ed el battet la gliend della città dal plü grand al mender, e gnittan ad els emoroidas azzoppadas.

10. Perquai tramettettan els l'archa da Dieu in Ecron, e, cür l'archa da Dieu rivet in Ecron, bragittan quels d' Ecron, dschand: Han els transportâ l'archa del Deis d' Israel pro mai, per far morir mai, e meis pövel?

11. E per quai chascun tramettettan els a clamar tuot ils principals dels Filistins, e dschettan *ad els*: Tramettai inavo l'archa del Deis d' Israel, e ch' ella tuorn' in seis lö, e non fetscha morir mai, e meis pövel; perche ed eira ün spavent da morts per tuot la città, ed il man del Segner eira fich aggravâ in quel lö.

12. E la gliend chi non moriva eira battüda con emoroidas, ed il bragizi della città muntet sù infin al tschel.

CHAP. VI.

Il cossagl dels sacerdots ed ingiavinadurs dels Filistins circa turnantar l'archa. Il Filistins tramettan l'archa inavo. Ella vain in Betsemes.

CONTUOT, siand l'archa del Segner statta set mais nel territori dels Filistins,

2. Clamettan ils Filistins ils sacerdots, ed ils ingiavinadurs, dschand: Che dessan nus far con l'archa del Segner? Declerâ 'ns in che maniera nus la dessan trametter darcheu in seis lö.

3. Quels dschettan: Scha vus tramettai l'archa del Deis d' Israel inavo, schi non la tramettarai vöda; ma ad el dessat vus a tuotta via pajar ün' *offerta per la cuolpa*; lura gnis vus ad esser guarits, e vus gnis a savoir, per che causa seis man non saja vout davent da vus.

4. Ma els dschettan: Che *offerta per la cuolpa* al dessan nus pajar? E quels dschettan: Tschinch emoroidas d' or, e tschinch mürs d' or, seguond il number dels principals dels Filistins; perche ün' istessa plaja *ais statta* sur tuot ils Filistins, e sur voss principals.

5. Fat dimena fuormas da vossas emoroidas, e fuormas da vossas mürs, chi dazipan il pajais, e dat gloria al Deis d' Israel; forse vain el a surleviar seis man sur vus, e sur vos deis, e sur vos pajais,

6. E, * perche dessat vus indürir vos cour, seo 'ls Egipziers, e Farao indürittan lur cours? Davo ch' el avet fat

giangias d' els, non † tramettettan els d'avent ils *Israelits*, ed els gettan?

* Ex. 7, 13. 8, 15. † Ex. 12, 31.

7. Contuot, fat uossa ün charr nouv, e pigliâ 'l; pigliai eir duos vachas da vadè, sün las qualas mâ non saja stat miss giuf, lura gionschai quaistas vachas vi' al charr, e chatschai lur vadels a chasa inavo d'avent da quel-las.

8. E pigliai l' archa del Segner, e tshintai quella sül charr, e mettai d' üna vart da quella in üna chaistet-ta quels lavurêrs d' or, cha vus gnis al pajar, *per offerta per la* cuolpa, e tramettai quella d'avent, e ch' ella gaja;

9. E stat a guardar; sch' ella munta sü vers Betseme, trand vers las contradas da quel, schi vain el ans avoir fat quaist grand mal; non bricha, gnün nus a savair, cha seis man non ans ha battüts, anzi cha ais stat ün cas chi ans ais in contrâ.

10. Quels homens dimena fettan usche, e piglettan duos vachas da vadè, e las gionschettan vi' al charr, e serrettan aint lur vadels in chasa.

11. Lura tshintettan els l' archa del Segner sül charr con la chaistetta, e con las mürs d' or, e con las fuormas da lur emoroidas.

12. E las vachas as drizzettan sün la via chi maina vers Betseme, seguind üna medema strada, e giaivan müt-jand, e non as volvettan, ne dalla dret-ta, ne dalla snestra; ed ils principals dels Filistins gettan davo ellas fin als confins da Betseme.

13. Ma *quels* da Betseme tshun-caivan la raccolta della granezza nella val; ed, ozand ils ögls, vezzettan els l' archa, e s' allegrettan da la vair.

14. Ed il charr, siand rivâ pro 'l champ da Giosua da Betseme, as fermet qua. Ma qua *eira* üna granda peidra, e quels spazzettan our' il lainnam del charr, ed offerittan las vachas in olocausto al Segner.

15. Ma 'ls levits avaiavan tshantâ giò l' archa del Segner, e la chaistetta chi *eira* spera, nella quala *eiran* quels lavurêrs d' or, e l' avaiavan missa sün quella granda peidra; ed in quel di quels da Betseme offerittan olo-

causts, e sacrificettan sacrificis al Segner.

16. Ma, aviand vis *quai* ils tshinch principals dels Filistins, schi turnettan els darcheu quel istess di in Eron.

17. Ma quaist *ais il* number dellas emoroidas d' or, las qualas ils Filistins pajettan al Segner *per offerta per la* cuolpa; per Asdod üna, per Gaza üna, per Ascalon üna, per Gat üna, per Eron üna.

18. E las mürs d' or füttan seguond il number da tuot las cittats dels Filistins, *partidas* in tshinch principals, tant cittats müradas, co vihs sainza mürs, fin ad Abel la granda *peidra*, sün la quala els tshintettan l' archa del Segner, *la* quala ais infin ad hoz nel champ da Giosua da Betseme.

19. Ma 'l Segner battet *insaquants* da quels da Betseme, perche cha avaiavan * guardâ aint nell' archa del Segner; battet eir our dal pövel tshinquantamilli e settant' homens. Ed il pövel avet cordöli, perche 'l Segner l' avaiava battü d' üna granda plaja.

* 2 Sam. 6, 7.

20. E quels da Betseme dschettan: * Chi dess podair dürar avant il Segner, quaist Deis sanet, e pro chi dess el ir sù d'avent da nus? * 2 Sam. 6, 9.

21. Tramettettan dimena mess pro 'ls abitanti da Ciriati-Jearim, a dir: Ils Filistins han manâ inavo l' archa del Segner; gni giò, e manai sù quella pro vus.

CHAP. VII.

Exortaziun da Samuel al pövel d' Israel. Ils infants d' Israel büttan d'avent ils Baals, e servan al Segner. Ils Filistins als fan guerra, e vegnan vints; Samuel güdicha ils infants d' Israel.

E quels da Ciriati-Jearim gnittan, e manettan l' archa del Segner, e la condüettan nella chasa d' Abinadab, sün la muotta, e consacrettan Eleazar, figl da quel, a perchürar l' archa del Segner.

2. Ma lung temp davo cha l' archa füt tshantad' in Ciriati-Jearim, cha füttan vainch ans, planschet tuot la chasa d' Israel, *bragind* davo 'l Segner.

3. E Samuel favlet a tuot la chasa d' Israel, dschand: * Scha vus as convertis da tuot vos cour pro 'l Segner,

schì pigliai our da mez vus ils deis dels esters, e las Astartes, e drizzai vos cour pro 'l Segner, e servi ad el sulet, schì vain el as spendrar dal man dels Filistins. * Gios. 24, 14.

4. Ils infants d' Israel dimena piglettan vi' ils * Baals, e las Astartes, e servittan al Segner sulet. * Gid. 2, 11.

5. Lura dschet Samuel: Raspai tuot Israel in Mispa, ed eu vögl supplichar il Segner per vus.

6. Contuot, as respettan els in Mispa, e piglettan sù aua, e la spandettan our' avant il Segner, e gegünettan quel di, e dschettan qua: Nus avain pechâ conter il Segner. E Samuel güdichet ils infants d' Israel in Mispa.

7. Ma, cur ils Filistins avettan incelet, cha 'ls infants d' Israel eiran raspats in Mispa, schì muntettan sù ils principis dels Filistins conter Israel. Per que, cur ils infants d' Israel avettan udi, as tmettan els dels Filistins;

8. E dschettan a Samuel: Non chalar da bragir per nus pro 'l Segner nos Deis, acio ch' el ans salva dal man dels Filistins.

9. E Samuel piglet ün agnè da tetta, e l' offerit tuot intèr in olocausto al Sègner. E Samuel bragit vi' al Segner per Israel; ed il Segner l' exodit.

10. Ma, intant cha Samuel offeriva quel olocausto, ils Filistins s' appressmettan in battaglia conter Israel; * ma 'l Segner in quel di tunet sur ils Filistins con grand tunar, e 'ls mettet in deruotta, e füttan battüts avant Israel. * Gios. 10, 10.

11. Ed ils Israelits gettan our da Mispa, e dettan davo als Filistins, e 'ls battettan fin suot Betear.

12. Lura piglet Samuel üna * peidra, e la tschantet tanter Mispa e la punta del spelm, e mettet nom a quella *peidra Eben-ezer*, e dschet: Il Segner ans ha succurrüts fin a quaiat lö. * Gios. 24, 26.

13. Ed ils Filistins füttan abbassats, e non continuettan plü d' intrar nels confins d' Israel. Ed il man del Segner füt conter ils Filistins tuot il temp da Samuel.

14. E las cittats, cha 'ls Filistins avaivan prais ad Israel, turnettan darcheu pro Israel; Israel spendret

dals mans dels Filistins *quellas citats*, d' Ecron fin a Gat, insembel con lur confins. E füt pasch tanter ils Israelits, ed ils Amorits.

15. Ma Samuel güdichet Israel tuot il temp da sia vita.

16. Ed el giaiva d' an in an intuorn in Betel ed in Gilgal, ed in Mispa, e güdichaiv' Israel in tuot quels lous.

17. Ma seis retuorn *eira* in Rama; perche qua *eira* sia chasa, e qua güdichaiv' el Israel; qua edifichet el eir ün utèr al Segner.

CHAP. VIII.

Samuel constituescha seis figls güdichs sur Israel. Els non chaminan sün las vias da lur bap. Ils infants d' Israel domandan ün rai. Samuel als declera ils drets d' ün rai.

MA, cur Samuel füt gnü vegl, constituit els seis figls güdichs sur Israel.

2. Ed il nom da seis figl primogenit *eira* Joel, ed il nom da seis seguond *eira* Abia; ils quals tgnaiavan raschun in Beerseba.

3. Ma seis figls non chaminettan in sias vias, anzi 's volvettan davo l' avarezza, e pigliaivan preschaints, e storschaivan la raschun.

4. Pelqual tuot ils seniurs d' Israel as respettan insembel, e gnittan pro Samuel in Rama,

5. E dschettan ad el: Mera, tü est gnü vegl, e tei figls non chaminan in tias vias; *pertant* * constituesch' uoss' ün rai sur nus chi 'ns güdicha, seo *han* tuot *las otras* naziuns. * Os. 13, 10, 11.

6. Ed il fat displaschaiv' a Samuel, cur els dschettan: Da 'ns ün rai chi 'ns güdicha. Ed el fet oraziun vi' al Segner.

7. Ma 'l Segner dschet a Samuel: Consaint' alla vusch del pövel, in tuot quai ch' el at dscharà; perche els non han spretschâ tai, anzi han spretschâ mai; acio ch' eu non regna sur els.

8. Seguond tuot las ouvras cha han fat, dal di ch' eu ils tret our d' Egipto, fin ad hoz, per las qualas els m' han bandunâ, ed han servi ad oters deis; usehe fan els eir con tai.

9. Contuot, consaint' uoss' a lur vusch; ma a tuotta via del tuot

protesta, e deeler' ad els ils drets del rai, chi regnerà sur els.

10. E Samuel referit tuot ils plets del Segneralpövel, chi'l domandav' ünrai,

11. E dschet: Quaist sarà la rasehun del rai chi regnerà sur vus; * el vain a tour voss figls, e vain als metter suot sia charra, e tanter seis chavalgiants, e quels vegnan a cuorrer avant seis charr. * 1 Sam. 14, 52.

12. *Vain eir als tour*, per ils constituir chapitanis da milli, chapitanis da tschinquanta, e per arar seis champs, e per far sia raccolta, e per far sias armas, e quai chi oda pro sia charra.

13. El vain eir a tour vossas figlias per far confecziuns bain savuridas, e euschinunzas, e pastrinêras.

14. Vain eir a tour voss champs, e vossas vignas, e voss olivêrs ils meglers e vain als dar a seis serviaints.

15. El vain eir a tour las deschmas da vos sem, e da vossas vignas, e las dar a seis offizials, ed a seis serviaints.

16. Vain eir a tour voss famagls, e vossas fantschellas, e la flur da voss giuvnals, e voss asens, e vain als dorrar pro sia lavur.

17. El vain a tour la deschma da vossas scossas, e vus gnis a stovair esser seis serviaints.

18. Ed in quel di gnis vus a bragir per causa da vos rai, cha vus gnis ad avoir tschernü; ma'l Segner lura non s'exodirà.

19. Ma'l pövel rechüset da tadlar ils plets da Samuel, e dschet: Na, anzi ün rai dess esser sur nus.

20. E cha eir nus sajan sco tuot oters pövels, e nos rai ans dess güdichar, ed ir our' avant nus, e dess manar nossas guerras.

21. Samuel dimena, aviand udi tuot ils plets del pövel, ils rapportet el avant las uraglias del Segner.

22. Ed il Segner dschet a Samuel: Consaint' a lur vusch, e constituesch' ad els ün rai. E Samuel dschet als Israelits: It scodün in sia città!

CHAP. IX.

Saul va per tscherchar las asnas da seis bap. Il Segner comanda Samuel, d'onscher Saul per esser rai sur seis pövel.

MA'l eira ün hom da Benjamin, po-
taint e valerus, il nom del qual

eira Chis, figl d'Abiel, figl da Seror, figl da Becorat, figl d'Asia, figl d'ün hom Benjaminit.

2. E quel avai' ün figl, il nom del qual *eira* Saul, giuven e bel, e non eir' alehün tanter ils infants d'Israel plü bel co el; el *eira* plü ot co ingün del pövel dalla spadl' in sü.

3. Ma las asnas da Chis, bap da Saul, as perdettan. E Chis dschet a Saul, seis figl: Char tü, piglia con tai ün dels serviaints, e stà sü, e và a tscherchar las asnas.

4. El dimena passet sül munt d'Efraim, e lura nella contrada da Salisa; ma els non *las* chattettan; lura passettan els tras la contrada da Saalim, ma non *eiran qua*; passettan eir tras il pajais dels Benjaminit, ma non *las* chattettan.

5. Cur els füttan rivats pro la contrada da Suf, dschet Saul a seis serviaint, ch'el avaiava con el: Vè, lascia 'ns darcheu turnar, cha briedha forse meis bap lasch' *ir il pissêr delle* asnas, ed haja temma per nus.

6. Ma el al dschet: Mera, qui in quai-sta città *ais* ün * hom da Dieu, il qual *ais* hom onorat; tuot quai ch'el disch dvainta sainza fal; giain uossa là; fors' ans deeler' el da quai, per che nus eschan miss in viadi.

7. E Saul dschet a seis serviaint: Ma mera, scha nus giain via, che volain nus portar a quel hom? Perche la vivand? ans ais gnüd' almain nels aschèrs, e nus non avain alehün presaint da portar al hom da Dieu; *che avain* nus pro nus?

8. Il serviaint respondet danöv a Saul, e dschet: Mera, eu am chat in man ün quart d'ün siccal d'argient; eu il vögl dar al hom da Dieu, schi vain el ans declarar da quai, per che nus eschan miss in viadi.

9. (Anticamaing in Israel, cur alehün giaiva per domandar a Deis, dschav' el usche: Ma schi giain fin pro'l * vidaint; perche in quel temp, *quel chi's nomna* hoz profet, as nomnaiva il vidaint.) * Num. 12, 6.

10. Saul dschet a seis serviaint: Tü hast bain dit; via, giain. Els dimena gettan vers la città, nella quala *eira* l'hom da Dieu.

11. Tant ch' els giaivan sü per la muntada della città, chattettan els giuvnas chi gnivan our per tour sü aua. E dschettan ad ellas: Il vidaint ais el qui?

12. Quellas respondettan ad els, e dschettan: *Schi ch' el ais*; mera 'l là avant tai, pür festina; perche el ais hoz gnü nella città, perche 'l pövel fa hoz ün sacrifici sül lö ot.

13. Cur vus gnis nella città, schi gnis vus al chattar peltshert, ant ch' el munta sül lö ot a mangiar; perche 'l pövel non vain a mangiar, fin ch' el saja gnü; perche ch' el sto benedir il convivi; lura davo vegnan a mangiar ils invidats. Uossa dimena it sü, perche apunto uossa gnis al chattar.

14. Quels dimena gettan sü vers la città; e, cur els füttan rivats in mez la città, mera, Samuel gniv' oura ad els incoiter, per muntar sül lö ot.

15. Ma 'l Segner, ün di avant cha Saul gniss, avaiava manifestâ, e dit a Samuel:

16. Daman a quai't ura 't vögl eu trametter ün hom del pajais da Benjamin, il qual tü dessast onscher per conduttur sur meis pövel Israel; ed el salverà meis pövel dal man dels Filistins; perche eu ha guardâ sün meis pövel; perche seis bragizi ais gnü sü pro mai.

17. E, cur Samuel avet vis Saul, dschet il Segner ad el: Mera quel hom, dal qual eu t' ha favlâ; quai't dess signorar sur meis pövel.

18. E Saul, siand approsimâ a Samuel dadaint la porta, dschet ad el: Eu 't rouy, mossa 'm ingio *ais* la chassa del vidaint?

19. Samuel respondet a Saul, e dschet: Eu *sun* il vidaint; munta avant mai sül lö ot, e vus dessat hoz mangiar con mai; lura daman mattina as vögl eu laschar ir, ed eu 't vögl decelerar tuot quai cha tü hast nel cour.

20. E davart las asnas, chi 't sun persas, hoz a trais dis, non star in pissêr; perche ellas sun chattadas. Ma invers chi *ais* tuot il desideri d' Israel? Non ais el invers tai, ed invers tuot la chasa da teis bap?

21. Saul respondet, e dschet: Non

sun eu da Benjamin, *chi ais üna* dellas plü pitschnas schlattas d' Israel; e mia naziun *non ais* ella la plü pitschna da tuot las naziuns della schlatta da Benjamin? Perche dimena am büttast avant tals raschuns?

22. Ma Samuel piglet Saul, e seis serviaint, e 'ls manet aint nella sala, e det ad els lö in cheu *della tabla* tanter ils invidats, chi *eiran* intuorn trenta persunas.

23. E Samuel dschet al euschinuns: Porta qua quella part, la quala eu at det, dalla quala eu at dschet: Mett' la in salv pro tai.

24. Ma 'l euschinuns avaiava ozâ sü ün gialun, e quai *chi ais* sü sura. E Samuel il tschantet avant Saul, e dschet: Mera, quai chi eira stat salvâ sü, mett' eu avant tai, e mangia; perche e 't eira stat salvâ sü per quai't temp, cur eu dschet: Eu ha invidâ il pövel. Usche manget Saul in quel di con Samuel.

25. Lura, siand its giò dal lö ot nella città, favlet Samuel a Saul sül tet.

26. E la mattina *sequainta* alvettan els a bun' ura, ed al apparair dell' alba Samuel clamet Saul, *chi eira muntâ* sül tet, dschand: Stà sü, ed eu 't vögl laschar ir. E Saul alvet, ed amenduos, el e Samuel, gettan our dadoura.

27. Giand els giò vers la fin della città, dschet Samuel a Saul: Di al serviaint, ch' el passa vi' avant nus, (ed el passet inavant) ma tü 't ferma uossa, acio ch' eu at detta ad ineler il pled da Dieu.

CHAP. X.

Saul ais onschü per räi sur Israel. Deis müda il cour da Saul. El ais tschernü räi. Ais accettâ dalla granda part.

MA Samuel avaiava tut ün pitschen vaschè con öli, e 'l spandet sül cheu da quel, e 'l bütschet, e dschet: Non *aise il vaira*, cha 'l Segner t' ha onschü per * conduttur sur sia ierta?

* Act. 13, 21.

2. Cur tü vainst hoz at partir da mai, schi vainst tü a chattar duos homens sper la * sepultura da Rahel, nels confins da Benjamin, in Selsa, ils quals vegnan at dir: Las asnas, cha tü eirast it a tsherchar, sun chattadas, e mera, teis bap ha laschâ ir il

pissêr dellas asnas, e sta in pissêr per vus, dschand: Che dess eu far pervia da meis figl? * Gen. 35, 19.

3. E, cur tû vainst da là ad esser passâ plünavant, ed esser rivâ pro 'l ruver da Tabor, schi vainst tû a scontrar trais homens, chi van sù pro Dieu, pro la chasa da Dieu, chi vegnan a portar, l'ün trais bocceets, l'oter trais manadas pan, e 'l terz üna buttiglia vin.

4. E quels vegnan at domandar da teis bainstar, e vegnan at dar duos pans, *ils quals* tû dessast tour da lur man.

5. Lura vainst tû a gnir pro la muotta da Dieu, ingio ais la guarnischun dels Filistins, e vain a dvantar cha, cur tû vainst ad intrar nella città, schi vainst tû a scontrar ün tröp da profets, chi vegnan a gnir giò dal lö ot, ils quals vegnan ad avair avant els psalters, tamburs, flötas, e citras, e vegnan a profetizar.

6. Lura * vain il Spiert da Dieu a gnir sur tai, e tû vainst a profetizar con els, e vainst a gnir müdâ in ün oter hom. * 1 Sam. 19, 23, 24.

7. E, cur quaistas insainas vegnan at esser dvantadas, schi fâ quai cha vain at occuorrer; perche Deis *ais* con tai.

8. Lura dessast tû ir giò avant mai in Gilgal, e mera, eu vögl gnir pro tai per offerir olocausts, e per sacrificarsacrificiz d'ingraziamaint; spetta set dis, fin ch'eu vegn pro tai, ed eu at vögl declarar quai cha tû dessast far.

9. Ma, cur el avet vout las spadlas, per ir davent da Samuel, müdet Deis ad el il cour in ün oter, e tuot quels signals dvantettan quel istess di;

10. Perche, cur els fütan rivats là pro la muotta, mera ün tröp da profets al gniv' incoenter; ed il Spiert da Dieu gnit sur el, ch'el profetizet tanter els.

11. E dvantet cha, cur tuots quels chi'l avaivan cognoschü pel passâ, avettan vis ch'el profetizaiva cols profets, dschettan els l'ün l'oter: Che chos' *ais* quaista *chi ais* scontrada al figl da Chis? Saul ais el eir tanter ils profets?

12. Ed ün hom da quel lö respondet, e dschet: E chi *ais* lur bap? Quander nan ais gnü quaist proverbi: Saul *ais* el eir tanter ils profets?

13. Lura, aviand glivrâ da profetizar, rivet el sül lö ot;

14. Ed il barba da Saul dschet ad el, ed a seis serviaint: Ingio eirat vus its? Ed el disch: A tscherchar las asnas; ma, veziand, cha nus non *las chat-tessan*, gnittan nus pro Samuel.

15. Ed il barba da Saul dschet *ad el*: Eu't rouv, declera'm quai cha Samuel as ha dit.

16. Saul dschet a seis barba: El ans ha dat ad ineler, cha las asnas füssan per tschert chattadas. Ma *el* non al declarer quai cha Samuel l'avaiva dit davart il reginam.

17. Lura * elamet Samuel il pövel insembel pro'l Segner, in Mispa, * Gid. 20, 1.

18. E dschet als infants d'Israel: Usche ha dit il Segner, Deis d'Israel: Eu ha trat Israel our d'Egipto, e's ha spendrà dal man dels Egipziers, e dal man da tuot ils reginams chi's chalchaivan.

19. Ma hoz avais vus sbüttâ vos Deis, il qual s'ha liberats our da tuot vos mals, e tribulaziuns; e 'l avais dit: Che cha saja, constituescha ün rai sur nus. Uossa dimena, comparai nel conspet del Segner, suainter vos-sas schlattas e milliêras.

20. * E Samuel fet approsmar tuot las schlattas d'Israel, e toccet la schlatta da Benjamin. * Gios. 7, 14, 16.

21. Lura fet el approsmar la schlatta da Benjamin, da naziun a naziun, e toccet la naziun dels Matrits; lura toccet a Saul, figl da Chis; ed el füt tscherchâ; ma non s'acchattet.

22. Ed *ils Israelits* domandettan danöv il Segner, dschand: Ais agiâ gnü quel hom qua? Ed il Segner dschet: Mera, el ais azzoppâ tanter las bagaschas.

23. E quels corrittan, e 'l piglettan da là; ed el comparet in mez il pövel; ed eira dalla spadla in sü plü ot co ingün del pövel.

24. E Samuel dschet a tuot il pövel. Vezzaiz vus quel cha'l Segner ha tschernü? Co *ch'*alehün non *ais* del

pêr seis tanter tuot il pövel. E tuot il pövel bragit per allegrezza, e dschet: * Viva il rai!

* 1 Reg. 1, 39.

25. Ma Samuel pronunziet al pövel ils drets del reginam, e'ls scrivet in ün cudesch, *il qual el tshantet avant il Segner*. Lura Samuel tramettet tuot il pövel inavo, scodün a chasa sia.

26. Saul get eir el a chasa sia in Gibeà; ed il pövel da guerra, al qual il Segner toccet il cour, get con el.

27. Ma tscherts homens scelerats dschettan: Co ans dess quaist podair güdar? E'l spredschettan, e non al portettan alchün presaint; ma el fet vista da non udir.

CHAP. XI.

Nahas, Ammonit fa guerra con quels da Jabes da Gilead. Ais disfat tras Saul. Il reginam al ais darcheu confirmà.

MA Nahas, Ammonit, muntet sü, e mettet champ sur Jabes da Gilead; e tuot quels da Jabes da Gilead dschettan a Nahas: Fà lia con nus, schi't volain nus servir.

2. Ma Nahas, Amonit, dschet ad els: Eu vögl far lia con vus in quel senso, ch'eu chav'oura a tuots l'ögl dret, e met quaist vituperi sur tuot Israel.

3. Ed ils seniurs da Jabes al dschettan: Conceda 'ns armistizi da set dis, acio cha nus tramettan mess per tuot las contradas d'Israel; sch'ingün non ans delibera, schi volain nus ir oura pro tai.

4. Ils mess dimena gnittan in Gibeà da Saul, e dschettan quels plets in presenza del pövel. E tuot il pövel ozet la vusch, e eridet.

5. Ma mera, Saul gniva dalla cuttūra, davo seis bovs, e dschet: Che manca al pövel, ch'el erida? Ed ils plets da quels da Jabes al füttan requintats.

6. Ed il * Spiert del Segner gnit sur Saul, cur el uidet quels plets, e sia ira s'invüdet grandamaing; * Güd. 3, 10. 6, 34.

7. E piglet ün pêr bovs, e 'ls taglet in toes, ils quals el tramettet per tuot las contradas d'Israel, tras tscherts mess, dschand: Chi non tir'oura davo Saul, e davo Samuel, cols bovs da quels dess gnir fat usche. E la temma del Segner erodet sur il pövel, e tuots gettan oura, * seo scha non füss stat oter co be ün hom.

* Güd. 20, 1.

8. E *Saul* ils fet nombrar in Bezece, e s'acchattettan trajatschientmilli *homens* dels infants d'Israel, e trenta-milli da quels da Giuda.

9. Lura dschettan els als mess chi eiran gnüts: Dit usche a quels da Jabes da Gilead: Daman, cur il solai vain a dar il plü chod, dessat vus gnir liberats. Ils mess dimena turnettan darcheu, e rapportettan *il fat* a quels da Jabes, ils quals s'allegettan.

10. E quels da Jabes dschettan *als Ammonits*: Daman volain nus ir oura pro vus, cha vus ans fetschat tuot quai chi's plascha.

11. Ed il di seguaint disponit Saul il pövel in trais troppas, e quellas gnittan aint nel champ sün la vigilia della daman, e battettan ils Ammonits fin cha'l di eira il plü chod. E dvan-tet, cha quels chi fügittan via, füttan dispers qua e là, e non rumagnettan duos dels insembel.

12. Ed il pövel dschet a Samuel: Chi sun quels chi han dit: * Saul dess el redscher sur nus? Dat-ans nan quels homens, e nus ils volain far morir.

* 1 Sam. 10, 27.

13. Ma Saul dschet: E non dess gnir fat morir alchün in quaist di; perche hoz ha il Segner fat liberaziun in Israel.

14. E Samuel dschet al pövel: Gni, giain in Gilgal, e qua renovain il reginam!

15. E tuot il pövel get in Gilgal, e qua constituittan els per rai Saul, avant il Segner, in Gilgal; qua eir, nel conspet del Segner, sacrificettan els sacrificis d'ingraziamaint. E Saul, e tuot ils homens d'Israel, s'allegettan qua grandamaing.

CHAP. XII.

Exampel d'ün bun güdich, o magistrat nella persona da Samuel. El reprend'il pövel d'ingratitude. El avisa darcheu da sgondar al Segner.

LURA dschet Samuel a tuot Israel: Mera, eu ha consenti a vossa vusch, in tuot quai cha vus m'avais dit, ed eu ha constitui ün rai sur vus.

2. Ed uossa, mera, quel rai chamina avant vus, ed eu sun gnü vegl, e channuoss; mera, eir meis figls sun con

vus. Ma eu sun chaminâ avant vus, da mia giuventün fin a quaiſt di.

3. Mera, qui sun eu; testifichai conter mai, in presenſa del Segner, ed in presenſa da seis onschü; da chi ha eu tut il bov? Da chi ha eu tut asen? Ed a chi ha eu chalchâ? A chi ha eu fat tort? Dals mans da chi ha eu tut alchün pretsch da spendraschun per zoppar meis ögls dad el? Ed eu as vögl restituir.

4. Ma quels dschettan: Tü non ans hast chalchats, e non ans hast fat alchün tort, e non hast tut inguotta dals mans d'alchün.

5. El dschet ad els: Il Segner *ais* perdüta conter vus, il seis onschü, eir el hoz perdüta, cha vus non avais chat-tâ inguotta in meis mans. Ed *il pövel* dschet: *Schi, el saja* perdüta!

6. Lura Samuel dschet al pövel: Il Segner ais quel chi ordinet Mose ed Aaron, e chi tret voss babuns our dal pajais d'Egipto;

7. Ma uossa comparai nan *qui*, ed eu vögl drettar con vus, nel conspet del Segner, davart tuot las ouvas güstas cha'l Segner ha fat invers vus, ed invers voss babuns.

8. * Dopo cha Jacob füt gnü in Egipto, † bragittan voss babuns vi' al Segner; ed ** il Segner tramettet Mose ed Aaron, ils quals manettan voss babuns our d'Egipto, e'ls fettan abitar in quaiſt lö.

{ * Gen. 46, 5. † Ex. 2, 23. ** Ex. 3, 10.

9. Ma quels, invlidand els il Segner lur Deis, vendet el in man da * Sise-ra, chapitani del exercit da Hasor, ed in man dels † Filistins, ed in man del rai da ** Moab, ils quals guerraget-tan conter els.

* Güd. 4, 2. † Güd. 10, 7. ** Güd. 3, 12.

10. Lura bragittan els vi' al Segner, e dschettan: * Nus avain pechâ; perche nus avain bandunâ il Segner, ed avain servi a Baal, ed ad Astarte; ma uossa spendra'ns dal man da noss inimis, schi't volain nus servir.

* Güd. 10, 10.

11. Ed il Segner tramettet * Jerub-baal, e Bedan, e Jefe, e Samuel, e's liberet dal man da voss inimis da per-tuot intuorn, e vus abitetat in sgürez-za.

* Güd. 6, 14.

12. Ma vus, aviand vis cha * Nahas, rai dels infants d' Ammon, gniva conter vus, am avais dit: † Na; anzi ün rai dess redscher sur nus; combain cha'l Segner vos Deis *eira* vos rai.

* 1 Sam. 11, 1. † 1 Sam. 8, 5. 7.

13. Uossa dimena, * mera il rai cha vus avais tschernü, il qual vus avais giavüschâ, e mera, il Segner ha consti-tui ün rai sur vus.

* 1 Sam. 10, 19.

14. Scha vus tmais il Segner, e'l servivat, ed obedivat a sia vusch, e non eschat rebels alla bocca del Segner; schi gnis vus, e vos rai chi regna sur vus, ad esser davo al Segner vos Deis.

15. Ma, scha vus non obedis alla vusch del Segner, ed eschat rebels a sia bocca; schi vain il man del Segner ad esser conter vus, seo ch'el *ais stat* conter voss babuns.

16. As ferma pür eir nel presaint, e guardai quaiſt grand fat, cha'l Segner farà avant voss ögls.

17. Non aise hoz la raccolta dellas granezzas? Eu vögl bragir vi' al Segner, ed el vain a far tunar, e plover; acio cha vus sapchat e vezzât, cha'l mal, il qual vus avais commiss avant il Segner, as giavüschand ün rai, ais grand.

18. Contuot bragit Samuel vi' al Segner; ed il Segner fet tunar, e plover in quel di; pelqual tuot il pövel tmet grandamaing il Segner, e Samuel.

19. E tuot il pövel dschet a Samuel: Ro-va il Segner teis Deis per teis servaints, cha nus non mouran; perche nus avain miss pro a tuot noss puchats *quaiſt* mal, da'ns avair giavüschâ ün rai.

20. Ma Samuel dschet al pövel: Non tmarai; vus avais commiss tuot quaiſt mal; impero non as volvarai davent dal Segner, anzi servi al Segner con tuot vos cour.

21. Pür non as volvarai inavo; perche vus *gessât* davo chosas vanas, las qualas non pon güdar, ne liberar; perche e sun chosas vanas.

22. Impero il Segner, per amur da seis grand nom, non vain a bandunar seis pövel; perche cha ha pla-schü al Segner a far vus seis pövel.

23. Mâ non vöglia Dieu, ch' eu pecha conter il Segner, e ch' eu lascha da rovar per vus; ma eu 's vögl mossar la buna e dretta via.

24. Solum tmai il Segner, e servi ad el in vardâ, con tuot vos cour; perche, guardai las grandas chosas ch' el ha operâ invers vus.

25. Impero, scha vus as deportais maliziusamaing, schi gnis vus e vos rai ad ir a perder.

CHAP. XIII.

Saul e Gionatan fan guerra cols Filistins. Saul, conter il comandamaint da Dieu, non spettand Samuel, sacrificha. Samuel decler' a Saul cha'l Segner l' haja sbüttâ.

SAUL avaiva regnâ ün an, *cur quai-stas chosas dvantettan*, e lura, dopo avoir regnâ duos ans sur Israel,

2. Tschernet el trajamilli homens d' Israel, dels quals duamilli stettan con el in Micmas, e stül munt da Betel, e milli con Gionatan in Gibeà da Benjamin, e tramettet inavo il rimanent del pövel, seodün pro sias tendas.

3. E Gionatan battet la guarnischun dels Filistins chi *eira* stün la muotta; ed ils Filistins inlegettän quai. E Saul fet sunar la trombetta per tuot il pajais, dschand: Odan ils Ebreers!

4. E tuot Israel udit: Saul ha battü la guarnischun dels Filistins, ed eir Israel ais dvantâ abominabel tanter ils Filistins. Ed il pövel füt clamâ insembel in Gilgal, per sieuer davo Saul.

5. Ils Filistins as respettan eir els per guerragiar conter Israel, *aviand* trentamilli charra, e sesmilli chavalgiants, e pövel in blerüra, sco 'l sablun, chi *ais* alla riva del mâr. E muntettän stü, e s' acchampettän in Micmas, vers l' oriaind da Bet-Aven.

6. Ma 'ls Israelits, as veziaand in angioscha, perche 'l pövel eira chalchâ, * as zoppettän nellas speluncas, cuvels, e lous secrets, e nels spelms, e süls muots, e nels foss. * Güd. 6, 2.

7. Ed ils *oters* Ebreers passettän da là del Giordan nel pajais da Gad, e da Gilead. Ma Saul non as movaiva da Gilgal, e tuot il pövel, chi 'l seguiva, eira stramantâ.

8. Ed el spettet set dis, seguond il term, *dat* da Samuel, e Samuel non

gniv' in Gilgal; pelqual il pövel as rasaiva davent da Saul.

9. Lura dschet Saul: Portâ-m nan l' olocausto, ed ils sacrificis d' ingraziamaint. Ed el offerit l' olocausto.

10. Ma, cur el finiva d' offerir l' olocausto, mera, Samuel rivet, e Saul al get our' incoenter, per il salüdar.

11. Ma Samuel dschet *ad el*: Che hast fat? E Saul *al* respondet: Siand ch' eu vezzaiva, cha'l pövel as rasaiva davent da mai, e cha tü non gnivast al term dat dels dis, e cha 'ls Filistins eiran raspsats in Micmas;

12. Dschet eu: Ils Filistins vegnan uossa a gnir conter mai in Gilgal, ed eu non ha supplichâ il Segner; pelqual, m' aviaand eu retgnü quant ch' eu ha podü, ha eu offeri l' olocausto.

13. Lura dschet Samuel a Saul: Tü hast fat narramaing, non aviaand observâ il comandamaint del Segner teis Deis, il qual el t' avaiva dat; perche 'l Segner avess uossa stabili teis reginam sur Israel, in perpetuo;

14. Ma uossa non vain teis reginam a gnir stabili; il Segner ha tscherchâ our' a sai ün hom seguond seis cour, il qual el ha ordinâ per conduttur sur seis pövel; daspö cha tü non hast observâ quai cha 'l Segner t' avaiva comandâ.

15. Lura 's fet Samuel stü, e get stü da Gilgal in Gibeà da Benjamin. E Saul fet la rassegna del pövel chi 's chattaiva con el, *chi eira* intuorn ses-tschient homens.

16. Ma Saul, e Gionatan, seis figl, ed il pövel chi 's chattaiva con el, stavian in Gibeà da Benjamin; ed ils Filistins eiran acchampats in Micmas.

17. E dal champ dels Filistins get oura pövel, in trais troppas, per dazipar; l' üna dellas qualas as volvet vers il chamin d' Ofra; *trand* vers il pajais da Sual;

18. L' otra 's volvet alla via da Bet-Horon, e la terza 's volvet alla via del confin del pajais, chi guarda sülla val da Seboim vers il desert.

19. (* Ma e non as chattaiv' alchün farrêr in tuot il pajais d' Israel; perche ils Filistins avaivan dit: *Provedain* cha 'ls Ebreers non fetschan spadas, ne lanschas. * 1 Reg. 24, 14.

20. E tuot Israel giaiva giò pro 'ls Filistins, per giizar, chi seis fargun, chi sia zappa, chi sia sgür, chi seis zarelin.

21. E 's servivan con glimmas pro 'ls zarelin, e pro las zappas, e pro las triainzas, e pro las sgürs, e per comodar fin ad ün aguagl.

22. Pelqual, al di della battaglia, ais dvantâ, cha non as chattet, ne spada, ne lanscha, nels mans d' alchün del pövel chi *eira* con Saul, e con Gionatan; ma gnit chattâ solum pro Saul, e pro Gionatan, seis figl.

23. Lura la guarnischun dels Filistins get oura vers il pass da Micmas.

CHAP. XIV.

Il Filistins sun disfats tras Gionatan e seis servaint. Saul e sia armada als dan davo. Saul fa giizar il pövel, da non mangiar fin la saira. Voul far morir seis figl Gionatan; il pövel il libra.

MA dvantet ün di cha Gionatan, figl da Saul, dschet al giarzun chi portaiva sias armas: Vè, passain via pro la guarnischun dels Filistins, chi *ais* là viadvart. E non fet a savair a seis bap.

2. E Saul staiva giosom la muotta, suot ün bösch da poms granats chi *eira* in Migron; ed il pövel chi *eira* con el *eira* intuorn sestschient homens.

3. Ed Ahia, figl d' Ahitob, frar d' Icabod, figl da Pinebas, figl d' Eli, sacerdot del Segner in Silo, portaiva l' efod. Ed il pövel non savaiva cha Gionatan füss it *via là*.

4. Ma, tanter ils pass, cha Gionatan tscherchaiva da passar via pro la guarnischun dels Filistins, *eira* ün spelm agüz da qua, ed ün oter da là; l' ün as nomnaiva Boses, e l' oter Sene.

5. L' ün da quaists pizs *eira* tschantâ dalla vart settentrionala, vi' incoenter Micmas; e l' oter dalla vart meridionala vi' incoenter Gibeà.

6. E Gionatan dschet al giarzun chi portaiva sias armas: Vè, e passain via pro la guarnischun da quaists noncirconcis; forse vain il Segner ad operar tras nus; perche * inguotta po impedir il Segner da salvar, o con *pövel* bler, o con pac. * 2 Cron. 14, 11.

7. E quel chi portaiva sias armas al respondet: Fà tuot quai cha tū hast

nel cour; vâ pür; mera, eu sun con tai a tia voluntà.

8. Gionatan dschet: Mera, nus passain via pro quel pövel; eur nus ans laschain vair ad els;

9. Scha 'ns dischan usche: Spettai, fin cha nus sajan rivats pro vus; schi volain nus star ferm, e na muntar sü pro els;

10. Ma, sch' els *ans* dischan usche: Gni sü pro nus; schi volain nus muntar sü; perche 'l Segner vain ans l' avoir dats in noss mans. E quai *dess esser* a nus per signal.

11. Usche 's laschettan amenduos vair alla guarnischun dels Filistins, ed ils Filistins dschettan: Mera, ils Ebreers vegnan our dallas fouras, nellas qualas els s' avaivan zoppats.

12. Ed il pövel della guarnischun favlet a Gionatan, ed a quel chi portaiva sias armas, e dschet ad els: Gni sü pro nus, e nus as volain far a savair qualchosa. E Gionatan dschet a quel chi portaiva sias armas: Vè sü davo mai; perche 'l Segner ils ha dats nels mans d' Israel.

13. Gionatan dimena muntet sü, *as rampignand* cols mans e cols peis, e davo el quel chi portaiva sias armas. Ed ils *Filistins* erodettan giò avant Gionatan, e quel chi portaiva sias armas non faiv' oter, co 'ls mazzar davo el.

14. E quaiста füt la prüma deruotta, nella quala Gionatan, e quel chi portaiva sias armas, battettan intuorn vainch homens, nel *spazi* incirca d' ün champ da mez di d' arar.

15. E qua füt ün spavent nel champ, e sün la cuttüra, e tanter tuot il pövel; la guarnischun *eir* quella, e quels chi faivan il dan, füttan stramits, ed il pajais tremblaiva, e *quaist* füt seo ün spavent *tramiss* da Dieu.

16. E las guardias da Saul, chi stavan sü ot in santinella, in Gibeà da Benjamin, guardettan pro, e mera, la blierüra *eira* in deruotta, e fügivan l' ün sur l' oter.

17. E Saul dschet al pövel chi *eira* con el: Fat la muostra, e guardai, chi saja parti d'avent da nus. E, siand fat la muostra, mera, Gionatan e seis port-armas non *eiran* qua.

18. E Saul dschet ad Ahia: Maina nanpro l' archa da Dieu; perche l' archa da Dieu eira in quel di cols infants d' Israel.

19. Ma, tant cha Saul amo tschan-tschaiva col sacerdot, il tumult, chi eira nel champ dels Filistins, giaiva creschand; pelqual Saul dschet al sacerdot: Retira teis man!

20. E Saul, e tuot il pövel chi eira con el, siand clamâ a mantun, gnittan fin pro 'l *lô della* battaglia, e mera, la spada da scodün eira *vouta* conter seis compagn con grandissem fracasch.

21. Ma 'ls Filistins avaivan Ebreers con els, seo peravant, ils quals eiran muntats con els alla guerra, *dal pajais* our d'intuorn. Quels as gionschettan eir els cols Israelits, chi eiran con Saul, e con Gionatan.

22. Tuot ils Israelits eir, * chi s' avaivan zoppats süil munt d' Efraim, aviand udi cha 'ls Filistins fùgivan, als detan davo, combattand. *1 Sam. 13, 6.

23. Ed in quel di salvet il Segner Israel, e la battaglia passet vidvart Bet-Avn.

24. Ma in quel di füttan ils Israelits lass; perche Saul fet far al pövel ün saramaint con execraziun, dschand: Maledet saja quel chi mangerà spais' alchüna infin la saira, fin ch' eu m' haja svindichâ da meis inimis. Perquai ingün del pövel non insajet alchüna spaisa.

25. Ma tuot *il pövel del* pajais gnit in ün god, ingio l' eira meil süin la champagna.

26. E, siand intrat nel god, mera del meil chi culaiva; ma qua non füt alchün chi's mettes il man alla bocca; perche 'l pövel tmaiva del saramaint.

27. Ma Gionatan non avaiv' udi, cur seis bap avaiva fat gürar il pövel; pelqual, stendand la bachetta ch' el avaiv' in man, tenschet el il piz in üna tabia da meil, e mettet il man alla bocca, e seis ögls füttan sclerits.

28. Ed ün del pövel *al* det pled, e dschet: Teis bap ha fat expressa-maing gürar il pövel, dschand: Maledet *saja* quel chi hoz mangerà alchüna spaisa; perquai ais il pövel lass.

29. E Gionatan dschet: Meis bap ha conturbâ il pajais; chars *vus*, guardai co meis ögls sun sclerits, perche eu ha insagiâ ün pa da quaist meil.

30. E quant plü granda füss stat la deruotta dels Filistins, scha 'l pövel avess mangiâ avuonda del butin da seis inimis, ch' el ha chattâ? Perche uossa non ais quella statta granda.

31. Contuot, aviand il pövel in quel di battü ils Filistins da Micmas fin in Ajalon, füt el grandamaing stangel.

32. Pelqual, as volvand al butin, piglet el bescha, e bovs, e vadels, e 'ls schannet in terra, ed il pövel mangiai-
va *la charn* * col sang. * Lev. 7, 26.

33. E *quai* füt refert a Saul, e füt dit ad el: Mera, il pövel pecha conter il Segner, mangiand *la charn* col sang. Ed el dschet: Vus avais fat mal; rod-lai uossa qui nan pro mai üna granda peidra.

34. Lura dschet Saul: It qua e là tanter il pövel, e dit ad el, cha scodün maina qui nan pro mai seis bov, e sia nuorsa, e qui *ils* dessat schannar, e mangiar, schi non gnis vus a pechar conter il Segner, ils mangiand col sang. E scodün del pövel manet quella not seis bov col man, ed *il* schannet qua.

35. E Saul edifichet ün utêr al Segner. Quaist füt il prüm utêr, cha Saul edifichet al Segner.

36. Lura dschet Saul: Giain giò davo 'ls Filistins da not, ed als dazipain fin al sclerir della mattina, ne laschain vanzar alchün. Ed il pövel dschet: Fà tuot quai chi 't plascha. Ma 'l sacerdot dschet: Ans approssmain nan qui pro Dieu.

37. Saul dimena domandet Deis, dschand: Dess eu ir giò davo 'ls Filistins? Vainst tü als dar in mans d' Israel? Ma 'l Segner non al det alchüna risposta in quel di.

38. Pelqual Saul dschet: S' approssmai nan qui tuot la comunità del pövel; cha vus sapchat, e vzzat, in che hoz saja commiss quaist pucha.

39. Perche, *sco* 'l Segner, chi salva Israel, viva, scha dvainta, cha *quel pucha* 's chatta in Gionatan, meis figl, dess el a tuottavia morir. Ed ingün da tuot il pövel non al respondet.

40. Lura dschet el a tuot Israel: Vus stat d' üna vart; ed eu, e Gionatan, meis figl, volain star dall' otra. Ed il pövel dschet a Saul: Fà quai chi 't plaseha.

41. E Saul dschet al Segner Deis d'Israel: Mossa, chi saja innozaint. E Gionatan, e Saul füttan * prais; ed il pövel scampet via.

* Gios. 7, 16.

42. Lura dschet Saul: Trat *la sort* tanter mai, e Gionatan, meis figl. E Gionatan füt prais.

43. Lura dschet Saul a Gionatan: Declera 'm quai cha tü hast fat. E Gionatan al decleret, e dschet: Eu in vardà ha insagià col piz della barchetta, ch' eu avai' in man, ün pa da meil; mera 'm qui, ha eu da morir?

44. E Saul dschet: Usche 'm fetscha Deis, ed amo plü co quai, Gionatan, scha tü daffat non mourast.

45. Ma 'l pövel dschet a Saul: Gionatan, chi ha fat quaista granda liberaziun in Israel, dess el morir? Osta Dieu cha quai dvainta. *Sco* 'l Segner viva, *brich* ün chavè non al dess crodar dalla testa in terra; perche el ha operà hoz con *l' agüd* da Dieu. Il pövel dimena liberet Gionatan, tant ch' el non morit.

46. Lura turnet Saul dalla chatscha dels Filistins; ed ils Filistins gettan in lur lö.

47. Usche Saul, aviand tut il reginam d' Israel sur el, guerraget conter tuot seis inimis dapertuot in tuorn; conter Moab, e conter ils infants d' Ammon, e conter Edom, e conter ils rais da Soba, e conter ils Filistins; ed ingio ch' el as volvaiva, vendschaiv' el.

48. * Fet eir ün exercit, e battet Amalec, e spendret Israel dal man da quels chi 'l butinaivan.

* 1 Sam. 15, 3.

49. * Ma 'ls figls da Saul eiran Gionatan, ed Isvi, e Malchisua, e da sias duos figlias la primogenita avaiava nom Merab, e la plü giuvna Mical.

* 1 Cron. 8, 33.

50. Ed il nom della muglier da Saul *eira* Ahinoam, figlia d' Ahimaas, e 'l nom del capo da seis exercit *eira* Abner, figl da Ner, barba da Saul.

51. E Chis, bap da Saul; e Ner, bap d' Abner, *eiran* figls d' Abiel.

52. E tuot il temp da Saul füt ün' aspra guerra conter ils Filistins, e Saul raspaiva via pro el qualunque hom potaint, e qualunque persuna valerusa ch' el vezzaiva.

CHAP. XV.

Il Segner comanda Saul da sdrür ils Amalecits. Saul ed il pövel surpasan quaiست comandaint. Samuel repretta Saul da sia disobediensa. Obedienza ais plü co sacrifici. Saul ais sbüttà dal Segner.

MA Samuel dschet a Saul: Il Segner m' ha tramiss per t' onscher per rai sur seis pövel, sur Israel; uossa dimena, taidla la vusch dels plets del Segner.

2. Usche disch il Segner dels exercits: Eu m' ha trat in memoria quai cha fet Amalec con Israel, co el as mettet ad el * sconter sü la via, eür el muntet our d' Egipto.

* Ex. 17, 8.

3. Uossa và, e batta Amalec, e sdrüai al möd del interdit tuot quai cha sieu *ais*; e non il schaniar; anzi fà morir homens e donans, infants, e pitschens da tetta; bovs e bescha, chamèls, ed asens.

4. Saul dimena raspet il pövel, e 'l nombret in Telaim, *in number* da duatschientmilli homens a pè, e da deshmilli da Giuda.

5. E Saul gnit fin alla città d' Amalec, e mettet aguets nella val.

6. E Saul dschet * als Cenits: It, as parti, trat giò our dimez ils Amalecits; tal ch' eu non as sdrüa con els, aviand eir vus dovrà benignità invers tuot ils infants d' Israel, eür els gnittan sü our d' Egipto. Contuot as partittan ils Cenits our dimez ils Amalecits.

* Num. 24, 21.

7. E Saul battet ils Amalecits da Havila fin a Sur, chi ais vi' incooter Egipto.

8. E prendet viv Agag, rai dels Amalecits; ma sdrüet tuot il pövel al möd del interdit, *il mettand* a fil da spada.

9. Ma Saul, e 'l pövel schaniettan Agag, e 'l megler della bescha, e bovs paraglats, e bümatschs, e tuot *quai chi eira* bön, e non volet sdrür quaistas chosas; bainsehi sdrüettan els ogni chosa vila e noscha.

10. Lura füt *indriezà* il pled del Segner a Samuel, dschand:

11. * Eu m' inrügl, d' avoir constitui Saul rai; perche el s' ha vout d'avent da mai, e non ha miss in esecuziun meis plds. E Samuel füt fìch smari, e bragit vi' al Segner tuot quella not,

* Gen. 6, 6. 7.

12. Lur' alvet sü Samuel la mattina, per ir incounter a Saul. E füt rapportâ e dit a Samuel: Saul ais gnü in Carmel, e mera, el s' ha drizzâ sü üna coluonna; lura ais el turnâ inavo, ed ais passâ plünavant, ed ais it giò in Gilgal.

13. Samuel dimena gnit pro Saul. E Saul dschet a Samuel: *Sajast* benedi dal Segner; eu ha miss in esecuziun il pled del Segner.

14. Samuel dschet: Che sbeglar da bescha dimena *ais* quaist, *chi* m' *vain* nellas uraglias, e *che* mügir da bovs *ais* quaist ch' eu od?

15. Saul dschet: Quaistas *bestias* sun manadas *dal pajais* dels Amalecits; perche 'l pövel ha schaniâ 'l megler della bescha, e dels bovs, per far sacrifici al Segner tei Deis; ma nus avain sdrüt il rimanent al möd del interdit.

16. Ma Samuel dschet a Saul: Permetta, ch' eu at declera quai cha 'l Segner m' ha dit quaista not. Ed el al dschet: Pür tshantscha!

17. Samuel disch: Non *aise usche*, cha, cur tü eirast pitschnet, schi *est* tü *stat constitui* capo dellas schlattas d' Israel, ed il Segner t' ha onschü per rai sur Israel?

18. Uossa t' avai' il Segner tramiss a quaist' impraisa, e t' avai' dit: Vâ, sdriia quels pechaders, ils Amalecits, e fâ guerra con els, fin cha sajan constimats.

19. Perche dimena non hast tü obedi alla vusch del Segner, dimpersai t' hast vout vi' al butin, ed hast fat quai cha displasch' al Segner?

20. Saul dschet a Samuel: Eu ha pür obedi alla vusch del Segner, e sun it all' impraisa, alla qual' il Segner m' ha tramiss, ed ha manâ Agag, rai d' Amalec, ed ha sdrüt ils Amalecits a möd del interdit.

21. Ma 'l pövel ha tut, intanter il butin, bovs e bescha, il megler del interdit, per far sacrifici al Segner tei Deis, in Gilgal.

22. E Samuel dschet: * Il Segner, ha el applaschair vi' als olocausts, e sacrificizis, sco *vi' a quel* chi obedescha a sia vusch? Mera, † obedir vala plü co sacrifici, e tadlar *vala plü* co grass da bümatschs.

* Ps. 50, 8. † Os. 6, 6.

23. Perche la rebelliun *ais ingual' al* pucha del * ingiavinar; e surpassar *ais ingual al pucha ch' ün cometta* con ils idels, e las imaginas. Perque tü hast rebüttâ il pled del Segner, schi ha eir el rebüttâ tai, acio cha tü non *sajast plü* rai.

24. Saul lura dschet a Samuel: Eu ha pechâ; perche ch' eu ha surpassâ il comandamaint del Segner, e tei plds; perche eu tmaiva il pövel, tal ch' eu consentit a quai ch' el dschet.

25. Ma uossa, perduna 'm, eu 't rouv, meis pucha, e tuorna con mai; ed eu vögl adurar il Segner.

26. E Samuel dschet a Saul: Eu non vögl turnar con tai; perche tü hast rebüttâ il pled del Segner, e 'l Segner ha eir rebüttâ tai, acio cha tü non *sajast plü* rai sur Israel.

27. E, cur Samuel füt vout per ir d'avent, il piglet *Saul* per il piz da sia rassa, il qual as scharpet.

28. E Samuel dschet ad el: Il Segner ha hoz scharpâ d'avent da tai il reginam d' Israel, e l' ha dat ad ün tei prossem, chi *ais* megler da tai.

29. Ed eir el, chi ais la victoria d' Israel, non mentirà, e non s' inrüglerà; perche el non ais ün hom, ch' el s' inrügla.

30. Ma *Saul* dschet: Eu ha pechâ; impero onura 'm uossa in presenza dels seniurs da meis pövel, in presenza d' Israel, e tuorn' inavo con mai, ed eu vögl adurar il Segner tei Deis.

31. Samuel dimena turnet inavo davo Saul, e Saul aduret il Segner.

32. Lura dschet Samuel: Manâ 'm nan qui Agag, rai d' Amalec; ed Agag get via pro el con delicatezzas. Ed Agag dschaiva: Tschert, la pitrezza della mort ais passada.

33. Ma Samuel dschet *ad el*: * Seo tia spada ha sorfnâ las donans *dels infants*, usche dess tia mamma gnir sorfnada *dels infants* tanter las

donans. E Samuel fet squartar Agag nel conspet del Segner, in Gilgal.

* Ex. 17, 8. Num. 14, 45.

34. Lura get Samuel in Rama. E Saul muntet stü a chasa sia in Gibeà da Saul.

35. E Samuel non vezzet plü Saul, fin al di da sia mort; combain cha Samuel avai va cordöli per Saul; ma 'l Segner eira inrüglâ d' avair constitui Saul per rai sur Israel.

CHAP. XVI.

Il Segner comanda Samuel d' onscher David per rai. Il Segner guard' il cour. David ais onschü per rai. David chatta grazia avant il rai Saul.

EL Segner dschet a Samuel: Infin cura portast tü lèd per Saul, siand ch' eu l' ha rebüttâ, acio ch' el non regna plü sur Israel? Implâ tia corna con öli, e vâ; eu 't vögl trametter pro Isai, Betlehemit; perche eu m' ha provedü per ün rai intanter seis figls.

2. Ma Samuel dschet: Co dess eu ir? scha Saul inleia, vain el am mazzar. Ma 'l Segner dschet ad el: Piglia con tai üna trimma, e di: Eu sun gnü per far sacrifici al Segner.

3. Ed invida Isai pro 'l *past del sacrifici*; ed eu 't vögl far a savair che tü dessast far, e tü m' dessast onscher quel ch' eu at dscharâ.

4. Samuel dimena fet quai cha 'l Segner l' avai va dit, e gnit in Betlehem. Ed ils seniurs della città füttan stramits a 'l incontrar, e dschettan: Tia vgnüda *ais ella* per bain?

5. El dschet: *Schi, ell' ais* per bain. Eu sun gnü per sacrificar al Segner; as santificai, e gni con mai pro 'l sacrifici. Fet eir santificar Isai, e seis figls, e 'ls invidet pro 'l *past del sacrifici*.

6. Ma, intrand quels, vezzet el Eliab, e dschet: Tschert, l' onschü del Segner *ais* avant el!

7. Ma 'l Segner dschet a Samuel: Non guardar sün seis aspet, ne sün l' otezza da sia statura; perche eu l' ha laschâ davo; perche cha 'l Segner non guarda sün quai, sün che 'l crastian guarda; perche 'l crastian guarda sün quai *chi ais* avant ils ögls, * ma 'l Segner guarda sül cour.

* 1 Cron. 28, 9.

8. Lura Isai clamet Abinadab, e 'l fet passar nan avant Samuel. Ma el

dschet: Neir quaist non ha elet il Segner.

9. Lura fet Isai passar nan Samma. Ma Samuel dschet: Neir quaist non ha elet il Segner.

10. Ed Isai fet passar nan seis set figls avant Samuel. Ma Samuel dschet ad Isai: Il Segner non ha elet quaists!

11. E Samuel dschet ad Isai: Ils giuvnals sun els tuots *passats nan?* Ed Isai dschet: E resta amo il plü pit-schen; ma mera, el paschainta la scossa. E Samuel dschet ad Isai: Trametta per el; perche nus non gnin * ans metter a tabla, fin ch' el non saja gnü qua.

* Ps. 78, 70. 2Sam. 7, 8.

12. Contuot tramettet el, e l' fet gnir; ma el eira cotschnaint, con bels ögls, e dallettaivel aspet; ed il Segner dschet a Samuel: Stà stü, onscha 'l; perche quaist *ais* quel!

13. * Samuel dimena piglet la corna del öli, e l' onschet in mez da seis frars; ed il Spiert del Segner da quel di inavant crodet sur David. Lura Samuel alvet stü, e get in Rama.

* Ps. 89, 21.

14. Ed il Spiert del Segner as partit da Saul; ed il mal spiert, *tramiss* da Dieu, il conturblaiva.

15. Pelqual ils serviants da Saul dschettan ad el: Mera, uoss' il mal spiert tramiss da Dieu 't contuorbla.

16. Dia in grazia nos signur a seis serviants *chi stan* avant el, cha tscherchan ün hom chi sapcha sunar con la citra, e, cur il mal spiert tramiss da Dieu sarà sur tai, el sunerà con seis mans, e tü sarast surlevgiâ.

17. E Saul dschet a seis serviants: Eu's rouv, provedâ m per ün hom, chi suna bain, e manâ-l pro mai.

18. Ed ün dels serviants respondet, e dschet: Mera, eu ha vis ün figl d' Isai, Betlehemit, il qual sa sunar, ed *ais* hom giagliard e valent, e guerrier, e prudaint in tsehantschar, ed *ais* ün bel hom, ed il Segner *ais* con el.

19. Contuot tramettet Saul mess pro Isai, a dir ad el: Trametta m David, teis figl, *chi ais* pro la scossa.

20. Ed Isai piglet ün asen, *chargiâ* con pan, ed üna barigl vin, ed ün boccet, e tramettet quai a Saul tras David, seis figl.

21. Usche gnit David pro Saul, e stet avant el. E *Saul* l'amet fìch, e *David* füt fat seis serviaint.

22. E Saul tramettet a dir ad Isai: Eu t'rouv, *lascha* cha David stetta avant mai; perche el m'ais in grazia.

23. Ma, cur il mal spiert, *tramiss* da Dieu, eira sur Saul, pigliaiva David la citra, e sunaiva col man, e Saul eira surlevgiâ, e staiva plü bain, e l' mal spiert as partiva dad el.

CHAP. XVII.

Ils Filistins ed Israelits as raspan per far guerra. David, chi ais pitschen, venscha Goliat quel grand gigant.

MA'ls Filistins fettan gnir insembel lur armadas in battaglia; ed, aviant fat lur raspada in Soco, chi *ais* da Giuda, s'acchamptettan els tanter Soco ed Azeca, alla fin da Dammim.

2. E Saul ed ils Israelits gnittân eir els insembel, e s'acchamptettan nella val d'Ela, ed ordinettan la battaglia conter ils Filistins.

3. Ma, tant cha 'ls Filistins staivan sün ün dels munts da qua, ed ils Israelits sün l'oter munt da là, la val in mez tanter els;

4. Schi gnit our dal champ dels Filistins ün hom, chi's presentet in mez *tanter duos armadas*, il nom del qual *eira* Goliat, da Gad; ot da ses bratschs muots, e d'üna palma;

5. Ed avaiv' in testa üna chaplina d'aram, ed eira armi con ün guaret d'aram a squamma, il pais del qual *eira* da tschinchmilli siccali.

6. El avaiva eir stivals d'aram sù per las chammas, ed ün schüt d'aram a mez las spadlas;

7. E l'asta da sia lanscha *eira* sco ün zibel da zuns, ed il fier da quella *eira* da sestschient siccali, e quel chi portaiva *seis* schüt al giaiv'avant.

8. Quaist dimena's fermet, e clamet pro als squadrans d'Israel, e dschet ad els: Perche volessat vus trar in battaglia ordinada? Non *sun* eu il Filistin, e vus serviaints da Saul? Tschernai our' ün hom intanter vus, il qual vegna giò pro mai.

9. Sch'el, combattand con mai, am venscha, e m' batta, schi volain nus esser voss serviaints; ma, sch'eu il

vensch, e l' bat, schi dessat vus esser noss serviaints, e ns servir.

10. E quel Filistin dschaiva: Eu ha hoz fat giambias dellas truppas d'Israel, *dschund*: Dat-am ün hom, schi volain nus combatter insembel.

11. Ma Saul, e tuot ils Israelits, aviaud udi quaists plets del Filistin, füttan stramits, ed avettan granda temma.

12. Ma David, figl da quel hom Efratit, da Betlehem da Giuda, il nom del qual *eira* Isai; (quaist avaiv' ot figls, e dal temp da Saul eira el agià vegl, e passaiva tanter ils homens onorats;

13. Ed ils trais figls ils plü vegls d'Isai eiran trats davo Saul alla guerra; ed ils noms dels trais figls da quel, chi eiran its alla guerra, *eiran* Eliab, il primogenit, ed Abinadab, il seguond, e Samma, il terz.

14. E David eira il plü giuven, e 'ls trais vegls seguittavaun Saul.)

15. David, *di eu*, da temp in temp turnaiva d'avent da Saul, per * perchürar la scossa da seis bap, in Betlehem.

* 1 Sam. 16, 19.

16. Ma quel Filistin as faiva nan avant, la mattina e saira, e s'presentet usche quaranta dis.

17. Ed Isai dschet a David, seis figl: Piglia noussa quaist'efa da gran ustri, e quaists desch pans, e porta 'ls a teis frars, e maina 'ls ad els spertamaing nel champ.

18. Porta eir al chapitani da *lur* miliera quaistas desch chaschoulas fraischas, e visitescha teis frars, *per savair*, schi stan bain, e piglia dad els qualcha contrasegn.

19. Ma Saul, e quels, e tuot ils Israelits, *eiran* nella val d'Ela, in battaglia conter ils Filistins.

20. Contuot as fet David sù la mattina e laschet la scossa alla chüra del guardian, e piglet *quellas chosas*, e get, sco Isai l'avaiva comandâ, e rivet pro l' bastiun del champ; e l'exercit gniv'our' in ordinanza, ed as sunaiva alla battaglia.

21. Ed ils Israelits, e 'ls Filistins ordinettan la battaglia l'ün incoenter l'oter.

22. E David, laschand ils vascels

in man del guardian dellas bagaschas, currit el al lù, ingio la battaglia eira ordinada, e, siand rivà qua, domandet el a seis frars, scha stessan bain.

23. Ma, tant ch' el tsehantschaiva con els, mera, quel hom chi's presentaiva alla combatta, il nom del qual eira Goliat, il Filistin, da Gat, gnit sü our dal champ dels Filistins, e proferit ils medems plets, e David l'udit.

24. E tuot ils Israelits, cur els vezzaivan quel hom, schi fùgivan els da seis conspet, ed avaivan granda temma.

25. Ed ils Israelits dschaivan: Avais vus vis quel hom, chi's fa nan avant? Tschert, el as fa nan avant per far vituperi ad Israel; * perquai, sch' alchün il batta, schi vain il rai al far grandamaing rich, e vain al dar sia figlia, e vain a far franca la chasa da seis bap in Israel.

* Gios. 15, 16.

26. E David dschet als homens chi eiran qua presaints con el: Che's vain a far a quel hom, chi averà battü quaist Filistin, ed averà tut quaist vituperi d'avent ad Israel? Perche, chi ais quaist Filistin noncirconcis, ch' el fa giamgias dellas truppas del Deis vivaint?

27. Ed il pövel al dschet quellas istessas chosas, dschand: Usche vain a's far a quel hom chi l'averà battü.

28. Ed Eliab, il plü vegl frar da David, udit ch' el tsehantschaiva con quels homens; pelqual el s' invüdet con ira conter el e dschet: Perche est tü gnü qui? Ed a chi hast tü laschà quella paca bescha nel desert? Eu cognosch tia superbia, e la malizia da teis cour; perche tü est gnü per vair la battaglia!

29. Ma David dschet: Che chosa ha eu uossa fat? Non *sun* quaist be plets?

30. E's volvand d'avent da quel pro ün oter, al tgnat el avant ils medems raschuns. Ed il pövel al fet la medema risposta, chi *l' eira statta fat* nel prüim.

31. Ed ils plets cha David avaiva dit, füttan udits, e füttan rapportats in presenza da Saul. Ed el il fet gnir.

32. E David dschet a Saul: Il cour non dess crodar ad ingün per causa

da quel; teis serviaint giarà, e combatterà conter quaist Filistin.

33. Ma Saul dschet a David: Tü non vainst a podair ir conter quaist Filistin, per combatter conter el; perche tü *est* ün infant, ed el *ais* hom da guerra da sia giuventün' in sü.

34. E David dschet a Saul: Teis serviaint paschantaiva la scossa da seis bap; ed ün liun, ed ün' ota vouta ün uors gnit, e portaiva d'avent dalla scossa üna nuorsa;

35. Ed eu get oura davo el, e l' battet, e spendret *la nuorsa* da sia gula, e, siand quel alvâ sü conter mai, il tschüffet eu per la barba, e l' battet, ed il mazzet.

36. Teis serviaint dimena ha battü ün liun, ed ün uors, e quaist Filistin noncirconcis sarà sco ün da quels; perche el ha fat giamgias dellas truppas del Deis vivaint.

37. David dschet eir: Il Segner, chi m' ha spendrà dalla griffa del liun, e dalla tschatta del uors, quel vain eir am spendrar dal man da quaist Filistin. E Saul dschet a David: Và, ed il Segner saja con tai!

38. E Saul fet inarmir David con sias armas, e l' mettet üna chaplina d' aram in testa, e l' fet trar aint ün guaret.

39. Lura tschintet David la spada da quel sur sia vestimainta, e volet chaminar con quella; perche el non l'avaiva mâ provâ. E David dschet a Saul: Eu non poss chaminar con quaist' *armadiura*; perche eu non l' ha mâ plü provâ. E David la piglet our d' intuorn el,

40. E piglet seis bastun in man, e's tschernet our dal flüm tschinch peidras glischas, e las mettet in sia buschetta da paster, e nella tascha, aviand sia schlingia in man. Ed *usche* s' approsmet el via pro l' Filistin.

41. Il Filistin tret sü eir el, e gnit, s' approsmand, pro David, e quel chi portaiva seis schüt *giaiva* avant el.

42. E, cur il Filistin avet guardâ, ed avet vis David, il spredsches el; perche el eira giuvnet, e cotschnaint, e da bella vision.

43. Ed il Filistin dschet a David: *Sun* eu ün chan; cha tü vainst conter

mai con bastuns? Ed il Filistin smaledit David tras seis deis.

44. Il Filistin dschet, ultra quai, a David: Vè pür nan pro mai, schi vögl eu dar tia charn als utschels del tschel, ed allas bestias della cham-pagna.

45. Ma David dschet al Filistin: Tü vainst conter mai con spada, e con lanscha, e con schüt; ma eu vegn conter tai nel nom del Segner dels exercits, del Deis dellas truppas d'Israel, il qual tü hast ingiurià.

46. Hoz vain il Segner at dar in meis man, ed eu 't vögl batter, e 't vögl tschuncar il cheu; ed eir hoz vögl eu dar ils corps morts del champ dels Filistins als utschels del tschel, ed allas bestias solvadias della terra, e tuot la terra vain a cognoscher, cha Israel ha ün Deis;

47. E tuot quaista blerüra dess cognoscher, cha'l Segner non salva con spada, ne con lanscha; perche la battaglia *ais* del Segner, il qual as darà in noss mans.

48. Ma, dopo cha'l Filistin füt movü, schi gniv'el, s' approsmand in-conter David. E David currit eir el bain bod al lö della combatta in-conter il Filistin.

49. E David mettet il man in quella *sia* buschetta, e piglet our' üna peidra, e, l'aviand tratta con la schlingia, battet el il Filistin nel frunt, e la peidra as fichet ad el nel frunt, ed el erodet in terra sün *sia* fatscha.

50. Usche David con la schlingia, e con la peidra, venschet il Filistin; lur' il battet el, e 'l mazzet. Ma David, non aviand spad' alchüna in man,

51. Currit, e stand sur il Filistin, piglet el la spada da quel, e l'aviand tratt' our dalla taja, il mazzet el, e con quella il tschuncet el giò la testa. Ed ils Filistins, aviand vis cha lur valent barun eira mort, as mettettan alla fügia.

52. E quels d'Israel, e da Giuda, as fettan sü, e con grand bragizi dettan els davo als Filistins fin nella val, e fin pro las portas d'Eeron. Ed ils Filistins erodettan mazzats sün la via da Saarim, fin a Gat, e fin ad Eeron.

53. Lura turnettan ils infants d'Israel inavo dalla chatscha del Filistins, e spoglettan lur champ.

54. Ma David * piglet il cheu del Filistin, e'l portet in Gerusalem, e tschantet las armas da quel in seis tabernacul.

55. Ma, cur Saul vezzet, cha David giaiv' our in-conter il Filistin, dschet el ad Abner, capo del exercit: Abner, da chi figl *ais* quaist giuvnet? Ed Abner respondet: *Sco* ti' orma viva, o rai, eu non sa!

56. Ed il rai dschet: Domanda, da chi figl quaist giuven *ais*.

57. E, cur David füt darcheu turnâ dal batter il Filistin, il piglet Abner, e'l manet in presenza da Saul, aviand el la testa del Filistin in man,

58. E Saul al dschet: Da chi figl *est* tü, o giuvnet? E David dschet: Eu *sun* figl d'Isai, Betlehemit, teis servi-a-int.

CHAP. XVIII.

La lia da David con Gionatan. Las donans in lur chanzuns adoan David sur Saul, il qual as gritainta, e guarda da'l far mazzar. El alda sia figlia Mical per muglier.

MA, cur el avet fini da favlar a Saul, * füt l'orma da Gionatan liada vi' all'orma da quel, dasort cha Gionatan l'amet tant co si' orma.

* Gen. 44, 30.

2. Ed in quel di il piglet Saul *pro* el, e non al permettet plü da turnar a chasa da seis bap.

3. E Gionatan fet lia con David; perche el l'amaiva tant co si' orma.

4. E Gionatan tret oura la rassa ch'el avai' in döss, e la det a David, con sia vestimainta, perfin sia spada, e seis balaister, e sia tschinta.

5. E David giaiv'oura; ingio cha Saul il tramettaiva, avai' el ventüra; pelqual Saul il constituit sur *ün tschert number* da pövel da guerra; ed el plaschaiva bain a tuot il pövel, ed eir als serviaints da Saul.

6. Ma dvantet cha, cur quels gnivan, turnand David darcheu dal batter ils Filistins, gettan oura las donans da tuot las cittats d'Israel, * chantand, e saglind, in-conter al rai Saul, con tamburs, con allegrezza, e con chan-zuns da triumf.

* Güd. 11, 34. Ex. 15, 21.

7. E las donans chi sunaivan chan-taivan, cura l' üna, cura l' otra, e dschaivan: Saul ha battü seis milli, e David seis deschmilli.

8. Pelqual Saul s' adiret greva-maing, e quaista chosa al displaschet ed el dschet: Ellas han dat a David deschmilli, ed a mai han ellas dat *sul* milli; tschert ad el non *manca* oter, co'l reginam!

9. E da quel di inavant guardaiva Saul a David con mal ögl.

10. * Ma'l di seguaint dvantet, cha'l mal spiert, *tramiss* a Dieu, assaglit sün Saul, pelqual el faiva ats d' hom our da sen in mez la chasa, e David sunaiva con seis mans sco peravant, e Saul avaiva üna lanscha in man.

* 1 Sam. 19, 9. 10.

11. E Saul schlanschet la lanscha, e dschet: Eu vögl fichar David vi' alla parait; ma David as volvet davent dad el duos voutas.

12. E Saul tmet per causa da David; perche 'l Segner eira con el, e s'avaiva parti da Saul.

13. Pelqual Saul il mettet davent dad el, e 'l constituit chapitan da milli *homens*; ed el giaiva e gniva avant il pövel.

14. Ma David avaiva ventüra in tuot sias impraisas, e 'l Segner *eira* con el.

15. E Saul, veziaud ch'el prosperaiva grandamaing, avet temma d'el.

16. Ma tuot Israel, e Giuda amaiva David; perche el giaiva e gniva avant els.

17. E Saul dschet a David: * Mera, Merab, mia figlia la plü veglia, eu la vögl dar a tai per muglier; am sajast pür valerus, e condüa las guerras del Segner; ma Saul dschaiva: Meis man non saja sur el; ma saja il man dels Filistins sur el.

18. E David dschet a Saul: Chi *sun* eu, e quala *ais* mia vita, e *quala ais* la naziun da meis bap in Israel, ch'eu dess esser dschender del rai?

19. * Ma dvantet, cha al temp cha Merab, figlia da Saul, as dovaiva dar a David, füt ella datta per muglier ad Adriel, Meholatit.

* Güd. 7, 22.

20. Ma Mical, figlia da Saul, amava David; il qual füt refert a Saul, ed il fat al plaschet.

21. E Saul dschet: Eu la vögl dar ad el, * acio ch'ell'al saja per latsch, e cha'l man dels Filistins saja sur el. Saul dimena dschet darcheu a David: Hoz dessast tü gnir meis dschender.

* Ex. 10, 7.

22. E Saul comandet a seis serviaints da favlar in secret a David, e da dir ad el: Mera, il rai ha plaschair vi' a tai, e tuot seis serviaints t'aman; contuot sajast uossa dschender del rai.

23. Ils serviaints da Saul dimena dschettan darcheu quaists pleds a David. Ma David dschet: Para a vus cha saja üna pitschna chosa, ad esser dschender del rai, *essendo* eu hom pover, e d'ingüna stima?

24. Ils serviaints da Saul al referittan, dschand: David ha dit talas chosas.

25. Saul dschet: Dit usche a David: Il rai non vül dottas, ma tschient pelluottas dels Filistins, acio cha saja fat vendetta da seis inimis. Ma Saul pensaiva da far erodar David in mans dels Filistins.

26. Contuot referittan seis serviaints quaists pleds a David; ed il fat plaschet a David, per esser dschender del rai. Ma, ant cha 'ls dis füssan complits,

27. As fet sü David, e get con seis pövel, e battet duatschient homens dels Filistins, e portet lur pelluottas, ingio 'l number compli füt consignâ al rai, acio ch'el podess esser dschender del rai. E Saul al det Mical, sia figlia, per muglier.

28. E Saul vezzet, e cognoschet, cha'l Segner *eira* con David, e Mical, figlia da quel l'amaiva.

29. Pelqual Saul continuat as tmair da David plü via e plü fich, e füt saimper seis inimi.

30. Ma 'ls chapitanis dels Filistins trettan our' *in guerra*, e davo cha füt-tan trats oura, avet David plü ventüra co tuot ils *oters* serviaints da Saul; pelqual seis nom füt in granda stima.

CHAP. XIX.

Saul comanda da far mazzar David. Mical il delibera, il laschand giò tras üna fanestra. Saul profetizescha tanter els.

MA Saul favlet a Gionatan, seis figl, ed a tuot seis serviaints, da far

morir David. Ma Gionatan, figl da Saul, volaiva grand bain a David.

2. Pelqual Gionatan decenteret *il fat* a David, dschand: Saul, meis bap, tschercha da 't'far morir; pertant t'aguarda uossa, eu't rouv, daman manvagl, e resta in alehün lö secret, e t'azzoppa.

3. Ed eu, stand sper meis bap, vögl ir oura nel champ, ingio tü vainst ad esser, e vögl tschantsehar da tai con meis bap, e, sch'eu m'accorseh alehüna chosa, schi la vögl eu a tai far a savair.

4. Contuot, favlet Gionatan a Saul, seis bap, da David in bain, e dschet ad el: Il rai non vöglia agià pechar conter seis servaint, conter David; perche el non ha pechâ conter tai; ed eir perche seis fats at *sun stats* grandamaing nüzzaivels.

5. * Ed el ha miss sia vita in privel, ed ha battü ils Filistins, ed il Segner ha operâ *tras el* üna granda liberaziun a tuot Israel; quai hast tü vis, e da quai t'hast allegrâ; perche dimena at dessast pechantar conter il sang innozzaint, fand morir David sainza raschün?

* 1 Sam. 17, 48, 49, 50.

6. E Saul tadlet als pleds da Gionatan, e güret: *Seo'l* Segner viva, el non dess gnir fat morir!

7. Lura Gionatan clamet David, e referit ad el tuot quaists pleds. Lura Gionatan manet David pro Saul, ed el stet a seis servezzen seo peravant.

8. Ma qua füt danöv guerra, e David tret oura, e combattet conter ils Filistins, e 'ls battet d'üna granda sternüda, e quels fügittan our davant el.

9. Lur' il mal spiert, *tramiss* dal Segner, füt sur Saul; ed el sezzaiva in sia chasa, aviand üna lanscha in man, e David sunaiva col man.

10. E Saul tscherchaiva da fiehar David vi' alla parait con la lanscha; ma David guinchit our davant Saul, e la lanscha det nella parait. E David fügìt, e scampet via quella not.

11. Ma Saul tramettet mess pro la chasa da David, per al perchürar sü, e per il far morir la daman; ma Mical, muglier da David, decenteret quai ad el, dschand: Scha tü quaista not

non delibrast tia vita, schi sarast tü daman fat morir!

12. * E Mical laschet giò David tras üna fanestra; ed el get davent, e fügìt, e scampet via.

* Gios. 2, 15.

13. Lura piglet Mical üna statua, e la tschantet nel let, e la mettet sün cheu üna chapütscha da pel chavra, e la covernet con üna coverta.

14. E Saul tramettet mess per tour David. Ed ella dschet: El *ais* amalà.

15. Ma Saul tramettet darcheu ils mess per visitar David, dschand: Portâ-'m il nel let, acio ch'eu il fet-scha morir.

16. Ed ils mess gnittan, e mera, üna statua *eira* nel let, sül cheu della quala *eira* üna chapütscha da pel chavra.

17. E Saul dschet a Mical: Perche m'hast tü usche ingiannâ, ed hast laschâ ir davent meis inimi, dasort ch'el *ais* scampâ via? E Mical dschet a Saul: El dschet a mai lascha 'm ir; perche at dess eu mazzar?

18. Ma David fügìt, e scampet, e gnit pro Samuel in Rama, e requintet ad el quai cha Saul l'avaiva fat. Lura el, e Samuel gettan, e stettan in Najot.

19. E quai füt refert a Saul, e'l füt dit: Mera, David *ais* in Najot, chi *ais* in Rama.

20. E Saul tramettet mess per tour David, ils quals vezettan üna raspada da profets chi profetizaivan, e Samuel *eira qua* presaint, e presidiaiva. Ed il Spiert da Dieu füt sur ils mess da Saul, e profetizettan eir els.

21. Ed essendo quai refert a Saul, tramettet el oters mess; ma eir quels profetizettan. E Saul continuet a trametter mess per la terza vouta; ma profetizettan eir quels.

22. Pelqual el svesse get in Rama; e, siand rivâ pro la cisterna granda, chi *ais* in Secu, domandet el, e dschet: Ingio *ais* Samuel e David? Ed al füt dit: Mera, els *sun* in Najot, *chi ais* in Rama.

23. Contuot get el là in Najot, *chi ais* in Rama; ed il Spiert da Dieu füt eir sur el; tal cha, chaminand, gniv' el profetizand, fin ch'el füt rivâ in Najot, *chi ais* in Rama.

24. Ed el tret oura sia vestimainta, e profetizet eir el in presenza da Samuel, e giaschet in terra *usche*, trat oura tuot quel di, e tuot quella not. Perquai as disch: * Ais Saul eir el tanter ils profets? * 1 Sam. 10, 11, 12.

CHAP. XX.

Gionatan cufforta David. Fan lia insembel. Gionatan advertescha David dalla mala vöglia da seis bap invers el. Els tuornan a confirmar lur impromissiuns.

DAVID lura fùgit da Najot, *chi ais* in Rama, e gnit pro Gionatan, e dschet ad el in fatscha: Che ha eu fat? Qual' ais mia iniquità, e qual ais meis pucha invers teis bap, ch' el tschercha *da'm tour* la vita?

2. E Gionatan dschet ad el: Dieu saj' allavant: Tü non dessast morir. Mera, meis bap non soula far chos' alchüna, ne pitschna, ne granda, ch' el non am fetsch' a savair. E perche dess meis bap am tgnair quaiست fat zoppâ? Quaiست non *ais*.

3. Ma David replichet, gürand, e dschet: Teis bap sa zuond bain, ch' eu sun in tia grazia, e perquai vain el ad avair dit: Gionatan non dess savair da quaiست inguotta, tal ch' el forsa non as contuorbla. Impero, *sco* 'l Segner viva, e *sco* tia orma viva, e non ais plü co ün pass tanter mai e la mort.

4. Gionatan dschet a David: Che desiderescha ti' orma, ed eu 't vögl far?

5. David dschet a Gionatan: Mera, daman ais la nouva glüna, *nel qual di* eu soul zer col rai a mangiar; lascha'm ir dimena, ed eu'm vögl zoppar per la cuttüra fin la saira del terz *di*.

6. Scha teis bap domanda davo mai, schi di: David m' ha instantamaing giavüschâ da podair ir currind in * Betlehem, sia città; perche tuot *sia* naziun fa qua ün solen sacrifici.

* 1 Sam. 16, 4.

7. Sch' el lura disch usche: E sta bain; schi va que bain per teis servaint; ma sch' el as grittainta, schi sapchast, cha'l mal ais determinâ da parte sia.

8. Contuot, dovra benignità invers teis servaint, daspö cha tü hast fat intrar teis servaint con tai in üna

lia, *gürada tras il nom* del Segner; e, scha iniquità ais in mai, schi fa'm morir tü, e perche am dessast manar pro teis bap?

9. Gionatan dschet ad el: Dieu mâ non vöglia quai; perche sch' eu sa cha'l mal ais determinâ da parte da meis bap, per il far gnir a tai adöss, non at dess eu far a savair?

10. Ma David dschet a Gionatan: Chi vain am referir, scha teis bap at fa qualcha aspra risposta?

11. Gionatan dschet a David: Vè, giain our nella cuttüra. Ed amenduos gettan our nella cuttüra.

12. Lura dschet Gionatan a David: O Segner, Deis d' Israel, cur eu daman, o davo daman intuorn quaiست ura averà provâ meis bap, e mera, *el sarà da bun anim* invers David, scha lura, o David, eu non tramet at far a savair,

13. Schi fetscha usche il Segner con Gionatan, ed amo plü co quai. Ma scha plascha a meis bap da 't far mal, schi 't vögl eu far a savair, e 't vögl laschar ir, e tü dessast ir in pasch; ed il Segner saja con tai, seo el ais stat con meis bap.

14. Ed impero, sch' eu sun amo in vita, non dessast tü dovrar la benignità del Segner invers mai, dasort ch' eu non moura?

15. E non dessast tü far, cha tia benignità non vegna mâ asaimper almain invers mia chasa, eir bricha cur il Segner vain a sdrür scodün dels inimis da David davent our dalla terra?

16. Gionatan dimena fet lia con la chasa da David; ma'l Segner domandet quint dals inimis da David.

17. Gionatan eir seongüret David, per l'amur ch' el al portaiva; perche el l' amaiva tant seo si' orma.

18. Lura dschet ad el Gionatan: Daman *ais* nouva glüna, schi vain a gnir domandâ davo tai; perche teis sez sarà vöd.

19. Ma spetta fin al terz di; lura vè giò bainbod, e vè pro'l lö, nelqual tü at hast zoppâ in quel di da lavur, e dmuura sper la peidra chi mossa il viadi;

20. Ed eu vögl trar trais frizzas dalla vart *da quella*, tant co sch' eu las tress a mira.

21. E mera, eu vögl trametter *meis* giarzun, *dschand*: Và, chatta las frizzas! Lura, sch' eu di al giarzun: Mera, las frizzas *sun* da qua da tai; schi prenda 'l, e vè nan; perche teis fats vegnan a star bain, e non *vain ad esser* inguotta; *schì, sco* 'l Segner viva!

22. Ma, sch' eu di al giarzun: Mera, las frizzas *sun* da là da tai; schi và; perche 'l Segner at trametta davent.

23. Ma, circa il discuors ch' avains gnü insembel, tü ed eu, mera, il Segner *ais perdüta* tanter mai e tai in perpetuo.

24. Usche as zoppet David nella cuttüra, e, siand gnü il di della nouva glüna, as mettet il rai a zer a maisa per mangiar.

25. Il rai dimena as tschantet a zer sün seis sez, sco las otras voutas, cioè sün il sez pro la parait, e Gionatan alvet sü, ed Abner as mettet a zer dalla vart da Saul, ed il lö da David eira vöd.

26. E Saul non dschet inguotta in quel di; perche el dschaiva in sai svess: Quaist *ais* qualcha accidaint, * tras il qual el non *ais* net; per il tschert, el non *ais* net. * Lev. 7, 20. 21. 15, 5.

27. Ma, al di davo la nouva glüna, *chi eira* il seguond, il lö da David eira amo vöd. E Saul dschet a Gionatan, seis figl: Perche non ais gnü il figl d' Isai a mangiar, ne hër, ne hoz?

28. Gionatan respondet a Saul: David m' ha instantamaing giavüschâ, *ch' eu il laschess ir* fin in Betlehem,

29. E m' ha dit: Char tü, lascha'm ir; perche nus fain ün sacrifici da *nossa* naziun nella città, e meis frar svess m' ha comandâ, *ch' eu giaja*; uossa dimena, sch' eu sun in grazia tia, *lascha*, eu'trouv, ch'eu amfetscha davent, e visitescha meis frars; perquai non ais el gnü alla tabla del rai.

30. Lura 's invüdet l' ira da Saul conter Gionatan, ed el al dschet: O figl da *mamma* perversa, e rebella; non sa eu bain, cha tü tegnast sü la part del figl d' Isai, in tia verguogna, ed in verguogna da tia vituperusa mamma?

31. Perche, tuot il temp cha 'l figl d' Isai viverà sur terra, non vain a

gnir stabili, ne tü, ne teis reginam. Uossa dimena, trametta *per el*, e fa 'm il gnir; perche el ais degn da mort.

32. Gionatan respondet a Saul, seis bap, e dschet ad el: Perche dess el gnir fat morir? Che ha el fat?

33. E Saul slanschet *sia* lanscha conter el, per il plajar. Lura cognoschet Gionatan, cha eira chosa determinada da seis bap, da far morir David.

34. Ed el alvet da maisa, invüdâ in ira; e quel seguond di della nouva glüna non manget el spais' alchüna; perche 'l avaiva dölur per causa da David, e perche seis bap l'avaiva fat vituperi.

35. Contuot get Gionatan la mattina seguainta our' alla champagna, dal temp *ch' el avaiiv' assegnâ* a David, aviand con el ün pitschen giarzun.

36. Ed el dschet a seis giarzun: Cuorra, chatta uossa las frizzas, ch' eu vegn a trar. Ed il giarzun currit, e *Gionatan* tret las frizzas, per passar da là da quel.

37. E, cur il giarzun füt rivâ pro 'l signal, al qual Gionatan avaiva trat las frizzas, bragit Gionatan davo el, e dschet: Las frizzas non sun ellas da là da tai?

38. E Gionatan elamaiva davo 'l giarzun: Và bainbod, festina, non restar. Ed il giarzun da Gionatan eleget sü las frizzas, e gnit pro seis patrün.

39. Usche non savet il giarzun inguotta *del fat*. David sulet, e Gionatan il savaivan.

40. E Gionatan det sias üsaglias a quel seis giarzun, e dschet ad el: Và, port'-las nella città.

41. Cur il giarzun füt it, stet sü David dalla vart da mezdi; e, s' aviand büttâ in terra sün sia fatscha, s' inclinet el trais voutas; lura 's bütschet-tan quels l' ün l' oter, e eridettan l' ün con l' oter, e David fet ün grandissem pland.

42. Lura Gionatan dschet a David: Và via in pasch; perche nus avain gürâ amenduos l' ün l' oter, nel nom del Segner, *dschand*: Il Segner saja *perdüta* tanter mai e tai, e tanter meis sem; ed il teis, in perpetuo.

43. *David* dimena stet sü, e get inavant. E Gionatan turnet darcheu nella città.

CHAP. XXI.

David, fägind, vain in Nob pro Ahimelec, sacerdot. Quel al da pans sancts, e la spada da Goliat, essendo Doeg qua presaint. David, as restrand pro 'l rai Achis, fa sco sch' el füss our sen per guinchir il privei.

MA David gnit in Nob, pro 'l sacerdot Ahimelec; ed Ahimelec füt strami da seis inscontrar, e dschet ad el: Perche est tü sulet, e non ais qua alchün con tai?

2. David dschet al sacerdot Ahimelec: Il rai m' ha comandà qualchosa, e m' ha dit: Ingün non sapcha inguotta da quai, perche eu at tramettet; e da quai ch' eu t' ha ordinà. E, quant a *meis* serviaints, ils ha eu assignats, da 's chattar in ün tschert lö.

3. Uossa dimena, che hast avant man? Da 'm tschinch pans, o quai cha tü poderast.

4. Il sacerdot respondet a David, e dschet: Eu non ha avant man alchün pan comün; ma bain ha eu* pan sanct; ils serviaints s' han els almain artgnüts da donans? * Ex. 25, 30.

5. David respondet al sacerdot, e dschet ad el: Tschert, las donans sun stattas separadas da nus agià avant trais dis, ch' eu am partit davent, e l' üsaglia dels serviaints eira agià sancta, combain cha *nos* viadi *ais* per *fatschenda*, *chi* non *ais* sancta; quant plü dimena vain hoz *quel pan* a gnir tgnü sanctamaing tanter *nossa* üsaglia?

6. * Contuot al det il sacerdot del *pan* sanct; perche qua non eira oter pan, co 'ls pans della presenza, chi eiran stats levats via our davant il Segner, per metter qua pans chods, il di istess cha quels eiran levats via.

* Lev. 24, 7. 8. Mat. 12, 3.

7. Ma in quel di ün hom dels serviaints da Saul, il nom del qual eira Doeg, Idumeer, il principal dels pasturs da Saul, eira qua retgnü avant il Segner.

8. E David dschet ad Ahimelec: Non hast tü qui in man alchüna lanscha, o spada? Perche eu non ha tut con mai ne mia spada, ne mias armas;

perche la fatschenda del rai faiva prescha.

9. Il sacerdot respondet: Eu ha la spada da Goliat, Filistin, il qual tü hast battü nella val d' Ela; mera, ella ais plajad' aint in ün pann davo l' efod; scha tü la voust tour per tai, schi pigl' la; perche qui non *ais* alchün' oter, co be quella. E David dschet: E non *ais* alchüna al pèr seis: Da'm la!

10. Lura as fet David sü, ed in quel di fägìt el our davant Saul, e gnit pro Achis, rai da Gat.

11. Ma 'ls serviaints d' Achis al dschettan: Non *ais* quaiast David, rai del pajais? Non ais el quel, dal qual as chantaiva nel saglir, dschand: * Saul ha battü seis milli, e David seis desch milli? * 1 Sam. 18, 7.

12. E David as mettet quaiasts plets nel cour, e tmet grandamaing d' Achis, rai da Gat.

13. Ed el as * stramüdet in lur presenza, e s' infendschet ad esser nar tanter lur mans, e segnaiva ils üschs della porta, e 's sbavaiva la barba.

* Ps. 34, 1.

14. Ed Achis dschet a seis serviaints: Mera, vus vezzaiz ün hom our da sen; perche l' am avais vus manà?

15. Am mancan forsa da quels our da sen, cha vus m' avais manà quaiast, per far l' amati pro mai? Dess quaiast intrar in chasa mia?

CHAP. XXII.

Plüs dels as raspan pro David nella spelunca d' Adullam. El maina seis bap e sia mamma pro 'l rai da Moab. Doeg achüsa Ahimelec avant Saul. Saul fa mazzar ils sacerdots da Nob. Abiatar ais deliberà e 's retira vers David.

MA David as partit da là, e 's salvet nella spelunca d' Adullam; il che, cur seis frars, e tuot la famiglia da seis bap, avettan incelet, schi gnittan els giò pro el.

2. * E tuot las persunas chi eiran in anguoescha, ed indebitats, e chi eiran in contuorbel del cour, as respettan insembel pro el, ed el füt chapi-tani, e 's achattettan con el intuorn quatterschient homens. * Gaa. 11, 3.

3. E da là get David in Mispa da Moab, e dschet al rai da Moab: Char tü, *luscha* cha meis bap, e mia mamma gïajan e vegnan tanter vus, fü

ch'eu sapcha quai cha Dieu farà con mai.

4. El dimena ils manet avant il rai da Moab; ed' els dmurettan con el tuot il temp cha David füt in quella fortezza.

5. Ma 'l profet Gad dschet a David: Non dmurar in quaista fortezza, và, ed intra nel pajais da Ginda. Contuot as partit David *da là*, e gnit nel god d' Heret.

6. E Saul incelet, cha David con seis pövel füss stat cognoschü. Ma Saul sezzaiva in Gibeà, suot il bösch da dalet, *chi ais* in Rama, aviand sia lanscha in man, e tuot seis serviaints al stavan intuorn.

7. E Saul dschet a seis serviaints, chi 'l stavan intuorn: Tadlai, eu 's rouv, homens Benjaminit! Il figl d' I-sai vain el a vus tuots a dar champs, e vignas? Vain el a vus tuots a constituir chapitanis sur milli, e chapitanis sur tsehient?

8. Perche vus eschat tuots congürats conter mai, e non *ais* alchün, chi 'm haja fat menziun, co meis * figl ha fat lia con il figl d' Isai; e non ais alchün da vus, al qual fetscha mal per mai, e chi 'm scoverna *chos' alchüna*; perche meis figl ha fat alvar conter mai meis serviaint, acio ch'el am gueta sü, sco *el fa* hoz. * 1 Sam. 18, 3.

9. Lura Doeg, Idumeer, il qual eira constitui sur ils serviaints da Saul, respondet, e dschet: * Eu vezzet il figl d' Isai, chi eira gnü in Nob, pro Ahimelec, figl d' Ahitub; * 1 Sam. 21, 7.

10. Il qual domandet il Segner per el, e det ad el victualia, e det ad el eir la spada da Goliat, Filistin.

11. Lura tramettet il rai a clamar Ahimelec, figl d' Ahitub, sacerdot, e tuot la famiglia del bap da quel, *cioè* ils sacerdotes, chi *eiran* in Nob. E quels tuots gnittan pro 'l rai.

12. E Saul dschet: Taidla uossa, figl d' Ahitub. Ed *Ahimelec* respondet: Mera 'm qui, meis signur!

13. E Saul dschet: Perche eschat vus congürats conter mai, tū, ed il figl d' Isai? Perche tū l' hast dat pan, ed üna spada, ed hast domandà a Dieu per el, acio ch'el leiva sü conter mai, e 'm gueta sü, sco *el fa* hoz.

14. Ahimelec respondet al rai, e dschet: E chi *ais*, tanter tuot teis serviaints, al pèr da David, fidel, e dschender del rai, e chi va e vain, seguond cha tū 'l comandast, ed *ais* onorà in chasa tia?

15. Ha eu pür hoz comanzà a domandar cossagl a Dieu per el? Lönsch saja quai da mai; cha 'l rai non metta chos' alchüna stün seis serviaint, *ne* stün tuot la famiglia da meis bap; perche teis serviaint non sa chos' alchüna, ne pitschna ne granda, da tuot quaist.

16. Ma 'l rai dschet: Pertschert, tū stost morir, Ahimelec, insembel con tuot la famiglia da teis bap.

17. Ed il rai dschet als sergents chi stavan intuorn el: As volvai, e mazzai ils sacerdotes del Segner; perche lur man ais eir con David; ed aviand savü ch' el fuggiva, non am han els fat a savoir. Ma 'ls serviaints del rai non podettan metter ils mans vi' als sacerdotes del Segner.

18. Ed il rai dschet a Doeg: At volva tū, ed assaglia quaists sacerdotes. E Doeg, Idumeer, siand vout, assaglit süls sacerdotes, e mazzet in quel di ottant' e tsehinch homens, chi portai van l' efod da glin.

19. Lura battet *Saul* Nob, città dels sacerdotes, *mettand* a fil da spada homens e donans, infants e pitschens da tetta; *mettet* eir a fil da spada bovs, asens e bescha.

20. Impero ün dels figls d' Ahimelec, figl d' Ahitub, il nom del qual *eira* Abiatar, scampet via, e fuggit davvo David.

21. Ed Abiatar referit a David, co Saul avaiva mazzà ils sacerdotes del Segner.

22. Ma David dschet ad Abiatar: Eu m' impisset bain in quel di, cha, *siand* qua Doeg, Idumeer, el pertschert gniss a referir *il fat* a Saul. Eu sun stat causa della mort da tuot quels della famiglia da teis bap.

23. Dmura con mai, non tmair; chi vain a tscherchar da tour la vita a mai, vain eir a tscherchar da la tour a tai; perche tū dessast esser *in buna* chüra pro mai.

CHAP. XXIII.

Il Filistins sun rivats tras David in Cegila. Saul vout incresar David in Cegila. El as parta da Cegila, e 's retira nel desert da Zif. Gnad avissà cha Saul il tschercha, as retir' el nel desert da Maon.

MA e füt rapportâ, e dit a David: Mera, ils Filistins fan guerra a Cegila, e splondrajan ils tablats.

2. E David domandet il Segner, dschand: Dess eu ir, e batter quels Filistins? Ed il Segner dschet a David: Vâ, e tû vainst a batter ils Filistins, e vainst a liberar Cegila.

3. Ma 'l pövel da David al dschettan: Mera nus, *essendo* qui in Giuda, avain temma; quant plü, scha nus giain in Cegila, ingio sun las truppas dels Filistins!

4. E David domandet danöv il Segner. Ed il Segner al respondet, e dschet: Stà sü, vâ giò in Cegila; perche eu vögl dar ils Filistins in tei man.

5. David dimena get con seis pövel, in Cegila, e combattet conter ils Filistins, e manet lur bestiam, e 'ls battet d' üna granda deruotta, e liberet ils abitants da Cegila.

6. (Ma dvantet, * cur Abiatar, figl d' Ahimelec, fügit pro David in Cegila, cha l' efod al erodet in mans.)

* 1 Sam. 22, 20.

7. E füt refert a Saul, cha David eira gnü in Cegila. E Saul dschet: Deis am l' ha dat nels mans, siand cha 'l ais gnü as serrar aint in üna città chi ha portas, e stangas.

8. Saul dimena con public appell raspet tuot il pövel, per *ir* alla guerra, e per ir giò in Cegila, ed assediare David, e seis pövel.

9. Ma David, aviad savü, cha Saul al machinaiva quaist mal, dschet al sacerdot Abiatar: * Porta nan l' efod!

* Ex. 30, 7. Num. 27, 21.

10. Lura dschet David: O Segner, Deis d' Israel, tei serviaint ha incelet pertschert, cha Saul tschercha da gnir in Cegila, per dazipar la città per causa mia.

11. Quels da Cegila vegnan els am dar in seis mans? Saul vain el a gnir giò, seo tei serviaint ha incelet? Eu 't rouv, Segner Deis d' Israel, declera

quai a tei serviaint. Ed il Segner respondet: El vain a gnir giò!

12. David dschet eir: Quels da Cegila vegnan els a dar mai e meis pövel in mans da Saul? Ed il Segner respondet: *Schi*, els vegnan at dar!

13. David dimena, e seis pövel, *ch' eira* intuorn * sestschient homens, stettan sü, e trettan our da Cegila, e gettan qua e là, ingio chi s' imbattavan ad ir. E füt refert a Saul, cha David füss scampâ via da Cegila; pelqual el interlaschet da trar oura.

* 1 Sam. 22, 2.

14. Ma David stet nel desert, in lous fermes; lura dmuret el sü in munt nel desert da Zif. E Saul il tscherchaiva tuotta di, ma Deis non il det nels mans.

15. E David staiva a guardar, cur Saul gniv' oura per tscherchar sia vita. Ma, tant cha David eira nel desert da Zif, nel god;

16. Stet sü Gionatan, figl da Saul, e get pro David nel god, e 'l cufortet in Deis,

17. E dschet ad el: Non tmair, perche il man da Saul, meis bap, non vain at rivar, e tû vainst a regnar sur Israel, ed eu vögl esser il seguond davo tai; ed eir Saul, meis bap, sa, cha usche vain a dvantar.

18. * Contuot fettan els amendus lia insembel avant il Segner, e David dmuret nel god, e Gionatan get a chasa sia.

* 1 Sam. 18, 3.

19. Ma 'ls Zifits muntettan sü pro Saul in Gibeà, dschand: Non as zoppa David pro nus nellas fortezzas *ch' sun* nel god, sün la muotta d' Hachila, *ch' a'is* dalla vart meridionala del desert?

20. Uossa dimena, o rai, vè pür tenor tuot tia voluntà; ed a nus *vain a star* da 'l metter nels mans del rai.

21. E Saul dschet ad els: Benedits *sajat* vus pro 'l Segner; perche ch' avais gnü compassiun da mai.

22. It, eu 's rouv, s' informai amo plü tshert, e 's fat surasen, e guardai il lö, ingio el s' haja tgnü fermâ, e chi qua l' haja vis; perche el s'vess m' ha dit *otras voutas*, ch' el dovra astuzia in ogni chosa.

23. Contuot guardai, e sapechat in

qual l'el eis, tanter tuot ils zoppels, ingio el as soula zoppar; lura turnai pro mai, *saviand il fat* tschert, schi vögl eu ir con vus, e, sch' el pür ais nel pajais, schi 'l vögl eu tscherchar oura tras tuot las milliêras da Giuda.

24. Quels dimena 's fettan sü, e gettan in Zif, avant Saul; ma David *eira* con seis pövel nel desert da Maon, nella planüra, *chi ais* dalla vart meridionala del desert.

25. E Saul con seis pövel get per il tscherchar. Ma, siand il fat stat refert a David, gnit el giò dal spelm, e dmutet amo nel desert da Maon. E Saul, l'aviand inclet, det el davo a David nel desert da Maon.

26. E Saul chaminaiva d'üna dellas varts del munt da qua, e David, e seis pövel, dall'otra dellas varts da là. E David festinaiva da chaminar via, *per as salvar* da Saul; ma Saul e seis pövel incresaiva David, e seis pövel, per ils tour.

27. Lura gnit ün mess pro Saul, a dir ad el: Festina, e vè; perche 'ls Filistins sun crodats aint nel pajais.

28. Pelqual Saul turnet inavo da perseguittar David, e get incounter als Filistins; perquai füt a quel lö miss nom: Il sass dellas separaziuns.

CHAP. XXIV.

David, siand nel desert d'Engedi, ais perseguittà da Saul. La grand'umanità da David vers Saul. Saul recognoscha seis fals, e confessa la güstia da David.

LURA get David sü da là, e dmutet nellas fortezzas d'Engedi.

2. E, cur Saul füt turnâ dacheu inavo dals Filistins, füt ad el refert, e dit: Mera, David ais nel desert d'Engedi.

3. Lura piglet Saul trajamilli homens, tschernüts our' intuorn tuot Israel, e get per tscherchar David, e seis pövel, sü per la grippa dels chamuotschs.

4. E, siand rivâ pro 'ls stavels della bescha sün la via, ingio *ais* üna spelunca, * get aint Saul per far seis bsögnns natürals, † e David, e seis pövel eiran tschantats gio nel fuond della spelunca. * Ps. 141, 6. † Ps. 57, 1. 142, 1.

5. Ed il pövel da David dschet ad el: Mera, il di cha 'l Segner t'ha dit:

Mera, eu at dun teis inimi in man, e tü dessast far con el seo a tai plascherà. Lura alvet sü David, e plan plan taglet el giò ün piz della rassa da Saul.

6. Ma, davo quaist, battet il cour a David, perche el avaiva tagliâ giò il piz della rassa da Saul.

7. Ed el dschet a seis pövel: Saja dalönsch da mai, ch'eu dess far quaist a meis signur, al onschü del Segner, ch'eu al metta man adöss; perche el *ais* l'onschü del Segner.

8. Usche sviet David giò *da quai* con plets a seis pövel, e non al permettet d'alvar sü conter Saul. E Saul, alvand sü our dalla spelunca, giaiv' inavant seis viadi.

9. E David as fet sü, e gnit our dalla spelunca, e clamet davo a Saul, dschand: O rai, signur meis! E Saul guardet inavo, e David, s' inclinet con la fatscha vers terra, e's büttet giò.

10. E David dschet a Saul: * Perche taidlast ils plets della glicud chi dschan: Mera, David tschercha teis mal? * Ps. 141, 6.

11. Mera pür, hoz teis ögls vezzan, cha 'l Segner t'avaiva hoz dat in meis man, nella spelunca; ed *alchün* tschantset da 't mazzar, ma *meisman* t'ha schaniâ; ed eu ha dit: Eu non vögl metter il man adöss a meis signur; perche el *ais* l'onschü del Segner.

12. Uossa, bap meis, guarda, guarda pür il piz da tia rassa, ch'eu ha in meis man; ed our da quai ch'eu, tagliand giò il piz da tia rassa, non t'ha mazzâ, poust savair e vair, cha in meis man non *ais* mal, ne misfat alchün, e ch'eu non ha pechâ conter tai, e pür tü vast a chatscha davo mia vita, per am la tour.

13. Il Segner güdicha tanter mai e tai, ed il Segner am svindicha da tai; ma eu non vögl metter meis man sur tai.

14. Seo disch il proverbi dels vegls: Dals nosechs va oura la noschdâ; ma eu non vögl metter meis man sur tai.

15. Davo chi ais trat our' il rai d'Israel; * chi vast tü perseguitand? Ün chan mort, ün pülseh; * 1 Sam. 26, 20.

16. Contuot saja il Segner güdich, e güdicha tanter mai, e tai; ch'el

vezza e mantegna mia causa, e 'm fetscha raschun, *am spendrand* da teis man.

17. E, eur David avet glivrâ da dir quaists plds a Saul, dschet Saul: Ais quaista tia vusch? David, figl meis? ed ozet la vusch, e eridet.

18. E dschet a David: Tü *est* plü güst co eu; perche tü m' hast rendü bain *per mal*, ingio eu t' ha rendü mal *per bain*.

19. Ed hoz m' hast tü fat cognoscher, co tü hast *saimper* procedü bain invers mai; perche 'l Segner am avess miss in teis mans; ed impero non am hast tü mazzâ.

20. E, sch'alehün chattess seis inimi, gniss el al laschar ir benignamaing? Il Segner dimena at renda del bain, in cambi da quai cha tü m' hast fat hoz.

21. Ed uossa, mera, eu sa pertschert, cha tü vainst a regnar, e cha 'l reginam d' Israel sarâ ferm in teis man.

22. Contuot, gür' a mai uossa tras il Segner, cha tü non vögliast sdrür meis sem davo mai, e cha tü non vögliast ragischar oura meis nom dalla famiglia da meis bap.

23. E David güret a Saul. Lura get Saul a chasa sia. E David e seis pövel muntettan sü pro la fortezza.

CHAP. XXV.

La mort da Samuel. Nabal ed Abigail, sia muglier. Il Segner mazza Nabal. Abigail ed Ahinoam, mugliers da David. Mical datta a Palti.

LURA* morit Samuel, e tuot ils Israelits as respettan, e portettan léd per el, e 'l sepulittan in sia chasa in Rama. E David as fet sü, e get nel desert da Paran. * 1 Sam. 28, 3.

2. Ma 'l eira ün hom in Maon, la facultà del qual eira in Carmel, ed eira hom fieh possant, ed avaiva traja-milli nuorsas, e milli chavras, ed eira in Carmel, tondand sia bescha.

3. Ed il nom da quel hom eira Nabal, ed il nom da sia muglier Abigail, la quala eira duonna da bun güdizi, e bella; ma quel hom eira dürr, e da malfar, ed eira della lingua da Caleb.

4. Ma David inceleget nel desert, cha Nabal tondaiva sia bescha,

5. E tramettet desch giarzuns, e dschet ad els: Muntai sü in Carmel, ed it pro Nabal, e salüdâ 'l in meis nom.

6. E dit: *Possast tü far* il medem l'an vegnand in quaist' istessa stagiun, essendo tü, e tia chasa, e tuot il tieu, in prosper stadi.

7. Uossa ha eu incelet, cha tü hast da quels chi tondan; schi sun teis pasturs stats con nus, e nus non avain fat ad els alehün' ingiuria, e non s' ha chattâ cha 'ls manca inguotta, tuot il temp chi sun stats in Carmel.

8. Domanda teis serviaints, schi vegnan els at dir. Contuot, cha quaists giuvens chattan grazia pro tai; perche nus eschan gnüts in ün bun di; nus at rovain, * dâ a teis serviaints, ed a David, teis figl, quai chi 't vain in man. * Nehe. 8, 10.

9. Ed ils serviaints da David gnittan, e tschantschettan con Nabal, in nom da David, seguond tuot quels plds; lura tashettan els.

10. Ma Nabal respondet als serviaints da David, e dschet: Chi *ais* David? E chi *ais* il figl d' Isai? Hoz sun bliers famagls chi 's partan davent da lur patruns;

11. Dess eu tour meis pan, e mia aua, e las charns ch' eu ha mazzâ per meis tondaders, e las dar a glieud, dels quals eu non sa dinuonder cha sajan?

12. Ed ils giarzuns da David as volvettan stün lur strada, e turnettan darcheu, e gnittan, e referittan tuot quels plds a David.

13. Lura dschet David a seis pövel: Scodün da vus as tschinta sia spad' intuorn. David as tschintet eir el la sia, e muntettan sü davo David intuorn quattertschient homens, e duatschient restettan sper las bagaschas.

14. Ma ün dels serviaints referit *il fat* ad Abigail, muglier da Nabal, dschand: Mera, David ha tramiss mess our dal desert, per salüdar nos patrün, ed el ils ha schatschats davent.

15. Ed impero quel pövel ans *ais stat* zuond nüzzaivel, e non avain ardschvü alehün' ingiuria, e non avain chattâ cha 'ns manc' inguotta, in tuot il temp, cha nus eschan its intuorn con els, tant cha nus eiran nella champagna.

16. Quels sun stats ün mür our din-tuorn nus, da not e da di, tuot il temp cha nus eschan stats con els, paschan-tand las scossas.

17. Contuot sapchast uossa, e guar-da quai cha tü hast da far; perche 'l mal ais determinâ conter nos patrun, e conter tuot sia chasa, ed el *ais* hom da tant malfar, cha non as po favlar ad el.

18. Lura piglet Abigail bainbod duatschient pans, e duos barigls vin, e tschinch chastruns parachats, e tschinch mozza gran ustri, e tschient ballas d' üja passa, e duatschient chavagnas fics sechs, e mettet *tuot quai* sün asens.

19. Lura dschet ella a seis servi-aunts: Passai vi' avant mai; mera, eu regn davo vus; e non fet a savoir a Nabal, seis marit.

20. Ma, siand ella muntada sün ün asen, e giand giò per il schür del munt, mera David e seis pövel, chi la gnivan incooter, ed ella s'imbat-tet in els.

21. (Ma David avaiva dit: Tschert per inguotta ha eu perchürâ tuot quai, cha quaiست avaiva nel desert, dasort cha non l' ais mancâ inguotta da tuot il sieu, ed el m' ha rendü mal per bain.

22. Usche fetscha Deis cols inimis da David, ed amo plü, scha tanter qui e daman, al sclerir del di, eu lasch in vita da tuot quai chi *appar- tegna pro* ad el ün chi pischa conter il mür.)

23. E, cur Abigail avet vis David, smuntet ella bainbod giò dal asen, e 's büttet giò in terra avant David, e s' inclinet.

24. E, siand büttada giò avant seis peis, dschet ella: Meis signur, saja quaiست iniquità sur mai; eu 't rouv, la-scha cha tia fantschella tschant-scha in tia presenza, e taidl' ils plets da tia fantschella.

25. Eu rouv, cha meis signur non metta seis cour vi' a quaiست trist hom, vi' a Nabal; perche el *ais* tal, qual *ais* seis nom; seis nom *ais* Nabal, e nardâ *ais* pro el; ma eu, tia fantschella non vezzett ils giarzuns da meis signur, ils quals tü tramettettast.

26. Uossa dimena, meis signur, sco'l

Segner viva, e ti' orma viva, il Se-gner ha scomandâ da gnir a *spander* sang, e da 't far raschun con teis mans; uossa dimena, sajan teis ini-mis, e quels chi tscherchan mal a meis signur, sco Nabal.

27. Ed uossa, mera quaiست preschaint, il qual tia fantschella ha portâ a meis signur, acio ch' el saja dat als giar-zuns, chi seguittesch a meis signur.

28. Eu 't rouv, perdun' a tia fan-tschella seis misfat, perche cha 'l Se-gner pelt-schert farâ üna chasa stabla a meis signur; perche meis signur guerragia las guerras del Segner, e mâ brich in teis dis non ais stat chat-tâ malizia in tai alchüna.

29. E, combain cha la gliend ais statt' alvada per at perseguitar, e per tscherchar tia vita, schi sarâ impero la vita da meis signur liada nel fa-schet della vita pro'l Segner teis Deis; ma el chatscherâ oura l' orma da teis inimis, *sco* our da mez la foppa d' üna slingia.

30. E dvanterâ cha, cur il Segner averâ fat a meis signur seguond tuot quai ch' el t' ha impromiss del bain, e t' averâ ordinâ conduttur sur Israel;

31. Lura non averâ meis signur quaiست intop, ne quaiست contuorbel da cour, d' avoir spans il sang sainza causa, e da s' avoir fat raschun da sai sress, e cur il Segner averâ fat del bain a meis signur, vainst tü at regordar da tia fantschella.

32. E David dschet ad Abigail: Bene-di *saj'* il Segner, Deis d' Israel, il qual t' ha hoz tramiss am inscontrar.

33. Benedi *saja* teis cossagl, e be-nedida *sajast* tü, chi m' hast hoz im-pedi da gnir a *spander* sang, e da 'm far raschun con meis mans.

34. Tschert, *sco* 'l Segner Deis d' I-srael, chi m' ha impedi da 't far al-chün mal, viva, scha tü non avessast festinâ da 'm gnir incooter, schi non füss restâ in vita a Nabal, tanter qui e daman manvagl, al sclerir del di, brich ün chi pischa conter il mür.

35. Contuot piglet David dal man da quella, quai ch' ella l' avaiva por-tâ, e dschet ad ella: Vâ via in pasch a chasa tia; e guarda, eu ha exodi tia vusch, ed ha tgnü respet da tai.

36. Ma Abigail gnit pro Nabal, e mera, el faiv' ün convit in chasa sia, simil ad ün convit regal; ed avai' il cour leiger, ed eira aiver our möd; pelqual ella non al decleret chos' alchüna, ne pitschna, ne granda, fin alla mattina, al selerir del di.

37. Ma, la mattina seguinta, cur Nabal füt liber dell' ebrietà, al requintet sia muglier tuot quaiestas chosas; ed il cour al füt tramorti nel corp, ed el dvantet sco üna peidra.

38. Ed intuorn desch dis *davo*, il Segner battet Nabal, ed el morit.

39. E, cur David avet udi cha Nabal eira mort, dschet el: Benedi *saj'* il Segner, il qual m' ha fat raschun del vituperi, *fat a mai* da Nabal, ed ha retgüü seis serviaint da *far* mal; ed ha fat turnar sül cheu da Nabal sia malizia. Lura tramettet David a tschantschar con Abigail, per la tour per muglier.

40. Ed ils serviaints da David gnittan pro Abigail in Carmel, e la favlettan, e la dschettan: David ans ha tramiss pro tai per at tour per sia muglier.

41. Lura alvet ella sü, e s' inclinet con la fatscha vers terra, e dschet: Mera quia, tia fantschella per serviainta, per lavar ils peis dels serviaints da meis signur.

42. Lura as fet sü Abigail in prescha, e muntet sün ün asen, aviaand tschinch sias donzellas, chi la seguivan, e get davo 'ls serviaints da David, e füt sia muglier.

43. David piglet eir Ahinoam d' Izreel, e tuottas duos füttan sias mugliers.

44. Ma Saul det Mical, sia figlia, muglier da David, a * Palti, figl da Lais, chi *eira* da Gallim. *2 Sam. 3, 15.

CHAP. XXVI.

David, siand sün la montagna da Hachila, ais perseguità da Saul. El vain da not nel champ da Saul. El decler' a Saul l' umanità ch' el al ha fat.

MA 'ls * Zifits gnittan pro Saul, in Gibeà, dschand: David non sta el zoppà sün la muotta da Hachila, chi ais in fatscha del desert? *Ps. 54, 2.

2. E Saul as fet sü, e gnit giò nel desert da Zif, aviaand con el trajamilli

homens tschernüts d' Israel, per tscherchar David nel desert da Zif.

3. E Saul s'acchampet sün la muotta da Hachila, chi ais in vista del desert, sper la via. E David, dmurand nel desert, s' inacorschet, cha Saul gniva nel desert per il perseguittar,

4. E tramettet spias, e savet per-tscherch, cha Saul eira gnü.

5. Lura stet sü David, e gnit pro 'l lö, ingio Saul eira acchampà, e vezzet il lö ingio giaschaiva Saul, ed * Abner, figl da Ner, capo del exercit da quel. Ma Saul giaschaiva dadaint il bastiun, ed il pövel eira acchampà our dintuorn el.

* 1 Sam. 14, 50.

6. E David det pled ad Ahimelec Hetit, ed ad Abisai, figl da * Seruja, frar da Joab, dschand: Chi vögl gnir giò con mai pro Saul, nel champ? Ed Abisai dschet: Eu vögl ir giò con tai.

* 1 Cron. 2, 16.

7. David dimena, ed Abisai, gnittan da not pro 'l pövel. E mera, Saul giaschaiva, dormind dadaint il bastiun, e sia lanscha *eira* fichad' in terra sper el dal cheu; ed Abner, ed il pövel giaschaiva intuorn el.

8. Lura dschet Abisai a David: Hoz t' ha Deis miss teis inimi nels mans; uossa dimena *lascha*, eu 't rouv, ch' eu al ficha tras con la lanscha in terra con ün sul cuolp, e non vögl dublar il cuolp.

9. Ma David dschet ad Abisai: Non il mazzar; perche, chi gniss ad esser innozzaint, aviaand miss il man adöss al onschü del Segner?

10. David dschet eir: *Sco 'l* Segner viva, *eu non il vögl far*; anzi, o cha 'l Segner vain al batter; ovvero cha seis di vain a gnir, ed el vain a morir; ovvero ch' el vain ad ir giò in battaglia, e vain a perir.

11. * Non vöglier mâ Dieu, ch' eu mett' il man adöss al onschü del Segner; ma uossa piglia, eu 't rouv, quaiesta lanscha, chi *ais* sper il dacheu, ed il vashè dell' aua, e giain davent.

* 1 Sam. 24, 7.

12. Usche piglet David la lanscha, ed il vashè dell' aua, *chi eira* sper Saul, dal dacheu da quel; lura gettan els *amenduos* davent; ed ingün *ils* vezzet, ed ingün s' inacorschet,

ed ingün as sdasdet; perche tuots dormivan; perche ad els eira erodà adöss ünchafuol sön *tramiss* dal Segner.

13. E David passet via dall'otra vart, e 's fermet sün la sommità del munt dalönsch, *dasort cha eira* ün grand spazi tanter el ed il champ da Saul,

14. E clamet al pövel, ed ad Abner, figl da Ner, dschand: Non respondast Abner? Ed Abner respondet, e dschet: Chi *est* tü, *chi* clamast il rai?

15. E David dschet ad Abner: Non *est* tü ün valent hom, e chi *ais* al pèr teis in Israel? Perche dimena non hast tü perchürà il rai, teis signur? Perche alchün del pövel *ais* gnü per mazzar il rai, teis signur.

16. Quai cha tü hast fat non sta bain; *sco* 'l Segner viva, vus eschat degns da mort, siand cha vus non avais fat buna guardia a vos signur, al onschü del Segner. Guarda pür uossa, ingio *ais* la lanscha del rai, e 'l vaschè da l'aua chi *eira* sper il dacheu?

17. E Saul cognoschet la vusch da David, e dschet: * *Ais* quaista tia vusch, meis figl David? E David respondet: *Schi*, o rai, meis signur, *ed ais* mia vusch.

* 1 Sam. 24, 17.

18. Lura dschet el: Perche perseguita meis signur seis servaint? Perche, che ha eu fat, e qual mal *aise* in meis man?

19. Contuot, taidla pür uossa il rai, meis signur, ils peds da seis servaint. Scha 'l Segner ais quel, chi 't frizza conter mai, schi saja tia offerta ad el accettabla; ma, scha ais la gliend, *schi sajan* quels smaletits avant il Segner; perche quels am han hoz schatschâ, acio ch' eu non stetta colliâ con l'ierta del Segner, dschand: Vâ, serva ad oters deis.

20. Ma uossa cha meis sang non eroda in terra sainza cha 'l Segner il vezza; perche cha 'l rai d' Israel ais it oura * per tcherchar ün pülsch, tant co sch' el perseguitess üna pernisch sün ils munts.

* 1 Sam. 24, 15.

21. Lura dschet Saul: Eu ha pechâ; tuorna dacheu, meis figl David; perche eu non at vögl far alchün mal plü, daspö cha mia orma t' ais hoz statta preziosa; mera, eu ha fat narramaing, ed ha zuond grevamaing fallâ.

22. David respondet, e dschet: Mera la lanscha del rai; ch' ün dels giarzuns vegna nan qui, e la piglia.

23. Ed il Segner renda a scodün seguond sia güstia, e sia fideltà; perche cha 'l Segner t' avess hoz miss in meis mans, ed impero schi non ha eu voglù metter il man vi' al onschü del Segner.

24. Uossa mera, sco tia vita ais hoz statt' in granda stima pro mai, usche vain mia vita ad esser in granda stima pro 'l Segner, ed el vain am spender d' ogni tribulaziun.

25. Saul dschet a David: Benedi *sajast* tü, meis figl David, pertschert tü vainst a gnir a riva da teis fats, e vainst eir a venscher. Lura get David inavant seis chamin, e Saul turnet dacheu in seis lö.

CHAP. XXVII.

David, in anguscha del cour, va pro Achis, rai da Gat. Vain dat ad el la città da Sichelag. El fa üna grandissima praisa.

MA David dschet in sai sves: Mera, ün di vegn eu a perir tras ils mans da Saul; per mai non *ais* inguotta megl, co ch' eu daffat scampa via nel pajais dels Filistins; tal cha Saul, sch' el pür continua da 'm tcherchar per tuot las contradas d' Israel, perda ogni spranza da mai; usche vegn eu a scampar via da seis man.

2. Usche as fet stü David, e passet * con seitschient homens, ch' el avaiva cön el, pro Achis, figl da Maoe, rai da Gat.

* 1 Sam. 25, 13.

3. E David dmuret con Achis, in Gat, insembel con seis pövel, scodün con sia famiglia. David *eira qua* con sias duos mugliers, Ahinoam, Jezreelita, ed Abigail, *chi eira statta* muglier da Nabal da Carmel.

4. Ma e füt rapportâ a Saul, cha David eira fügen in Gat; pelqual el non continuot plü a 'l tcherchar.

5. E David dschet ad Achis: Eu'trouv, sch' eu sun in tia grazia, schi cha 'm vegna dat üna stanza in üna dellas cittats della champagna, acio ch' eu dmura qua, e perche dess teis servaint dmurar con tai nella città regala?

6. * Ed Achis al det in quel di Sichelag; perquai ais Sichelag restada als rais da Giuda infin a quaist di.

* Gios. 15, 31. 1 Sam. 29, 4.

7. Ma 'l spazi del temp, cha David dmuret nellas contradas dels Filistins, füt ün an, e quatter mais.

8. Ma David con seis homens muntaiva sü, e faiva scurrarias nelpajais dels Gessurits, e dels Girsits, e dels Amalecits; perche quellas *nazirims* abitaivan in lur pajais, da Sur fin al pajais d' Egipto.

9. David battaiv' il pajais, e non laschaiv' in vita ne hom, ne duonna, e piglaiva bescha, e bovs, ed asens, e chamêls, e vestimaintas; lura schi turnaiv' el darcheu e gniva pro Achis.

10. Ed Achis dschaiva: Ingio eschat hoz scorrüts? E David dschaiva: Sur la contrada meridionala da Giuda, sur la contrada meridionala dels Gerameelits, e sur la contrada meridionala dels Cenits.

11. Ma David non laschaiv' in vita ne hom, ne duonna, per ils manar in Gat, perche el dschaiva: *E as sto preveder*, cha non portan alchüna novella conter nus, dschand: Usche ha fat David. E tala füt si' üsanza tuot il temp ch'el dmuret nellas contradas dels Filistins.

12. Ed Achis crajaiv' a David, e dschaiva: El s'ha rendü abominabel daffat ad Israel, seis pövel; perquai, am sara'l famagl in perpetuo.

CHAP. XXVIII.

Ils Filistins as raspan per dar guerr' ad Israel. Saul, vezand cha'l Segner non al responsa, ha seis recuors pro üna maga, chi'l fa comparair üna fosa visiun da Samuel, la qual' al denunzia sia ruina.

MA in quels dis dvantet, cha'ls Filistins rassetan lur champs insembel in üna compagnia d' exercit, per guerragiar conter Israel. Ed Achis dschet a David: Pür sapchast, cha tü, e teis pövel dessat trar oura con mai alla guerra.

2. David dschet ad Achis: Tü dimena cognoscherast quai cha teis serviaint farà. Achis dschet a David: Ed eu dimena at vögl constituir guardia da mia persuna, in perpetuo.

3. * Ma Samuel eira mort, e tuot ils Israelits avaiavan portä lêd per el, e l'avaivan sepuli in Rama, ed in sia città. Ma Saul avaiva † chatschâ our

dal pajais quels chi avaiavan il spiert da piton, ed ils ingiavinadurs.

* 1 Sam. 25, 1. † Lev. 19, 31. Deut. 18, 10.

4. Contuot, siand ils Filistins rapsats insembel, gnittan els, e s'acchampettan in Sunem; Saul raspet eir el tuot Israel, e s'acchampettan in Gilboa.

5. Ma, aviand Saul vis il champ dels Filistins, avet el temma, e seis cour füt grandamaing strami.

6. E Saul domandet il Segner. Ma'l Segner non al respondet, ne tras süm-mis, ne tras * urim, ne tras profets.

* Ex. 28, 30. Num. 27, 21.

7. Pelqual Saul dschet a seis serviaints: Tscherchâ 'm üna duonna chi haja ün spiert da piton, acio ch'eu giaja pro ella, e la domanda. E seis serviaints al dschettan: Mera, in Endor *ais* üna duonna chi ha ün spiert da piton.

8. E Saul müdet abit, e's stravestit, e get con duos homens con el. E, siand rivats pro quella duonna da not, *la* dschet *Saul*: Eu't rouv, ingiavina 'm tras il spiert da piton, e fa 'm gnir our quel ch'eu 't vögl dir.

9. Quella duonna dschet ad el: Mera, tü sast quai cha Saul ha fat, eo el ha ragischâ our dal pajais quels chi avaiavan il spiert da piton, ed ils ingiavinadurs; perche dimena 't met-tast, a tender ün latsch a mia vita, per am far morir?

10. Ma Saul la güret tras il Segner, dschand: *Sco* 'l Segner viva, inguotta at dess scontrar in paina da quaist fat.

11. La duonna dimena dschet *ad el*: Chi at dess eu far gnir sü? E *Saul* dschet: Fa 'm gnir sü Samuel.

12. E, cur la duonna avet vis Samuel, bragit ella con granda vusch, e dschet a Saul: Perche m' hast ingian-nada? Perche tü *est* Saul!

13. Ma 'l rai la dschet: Non tmair; impero che hast tü vis? E la duonna dschet a Saul: Eu ha vis ün angel chi vain sü dalla terra.

14. El la dschet: Co *ais* sia fuorma? Ed ella dschet: E vain sü ün hom vegl, il qual ais plajâ aint in üna chappa. E Saul cognoschet cha'l eira Samuel, e s' inclinet con la fatscha in terra, e'l fet reverenza.

15. Ma Samuel dscheta Saul: Perche non am hast tû laschâ pos, am fand gnir sù? E Saul dschet: Eu sun grandamaing angoschiâ; perche 'ls Filistins guerrajan conter mai, * e Deis as ha parti da mai, e non am responda plü, ne tras profets, ne tras sömmis; perquai t' ha eu clamâ, acio cha tû 'm declarast quai ch' eu ha da far.

* 1 Sam. 18, 12.

16. Samuel dschet: E perche domandast mai, daspö cha 'l Segner s' ha parti da tai, ed ais dvantâ teis inimi?

17. Ma 'l Segner ha fat sco el avai-va favlâ tras mai; ed ha * scharpâ il reginam our da teis mans, e l' ha dat a David teis familiar;

* 1 Sam. 15, 28.

18. Perche tû non obedeschast alla vusch del Segner, e non mettest in esecuziun sia ira invüdada conter Amalec; perquai il Segner t' ha hoz fat quaiast.

19. Ed il Segner vain eir a dar Israel nels mans dels Filistins, e daman, tû, e teis figl, *gnis ad esser* con mai; il Segner vain eir a dar il champ d' Israel nels mans dels Filistins.

20. Lura crodet Saul subitamaing, usche lung ch' el eira, giò in terra, ed avet granda temma per ils plets da Samuel; ed, ultra quai, non eira in el alchüna forza; perche el non avai-va mangiâ alchüna spaisa in tuot quel di, ne in tuot quella not.

21. E quella duonna gnit pro Saul, e, veziant ch' el eira fich conturbâ, dschet-la ad el: Mera, tia fantshella ha consenti a tia vusch, ed eu ha miss mia vita in risco, ed ha obedi als plets, cha tû m' hast dit.

22. Uossa dimena, taidla, eu t' rouv, eir quai cha tia fantshella at dscharâ, e lascha ch' eu t' metta avant üna fletta pan, e mangia, cha tû hajast ün pa forza, cur tû t' mettest in viadi.

23. Ed el tschuncet gio, e dschet: Eu non vögl mangiar! Ma seis serviaints, ed eir quella duonna, tgnettan airi, tal ch' el consentit a lur dir, e, siand alvâ sù dalla terra, as mettet el a zer stün ün let.

24. Ma quella duonna avai-va ün vadè grass in chasa, il qual ella bain-bod mazzet; piglet eir farina, e l' impastet, e coschet *pans* azims;

25. E portet *quellas chosas* avant Saul, ed avant seis serviaints. Ed els mangettan; lura alvettan els sù, e gettan davent quella medema not.

CHAP. XXIX.

David va alla guerra cols Filistins. David, siand adverti dals bruncels dels Filistins, tuorna darcheu in lur pajais.

MA 'ls Filistins raspettan insembel tuot lur champs in Afee; ed ils Israelits eiran acchampsats sper la fontana chi *ais* in Jezreel.

2. Ed ils princips dels Filistins passettan a tschient a tschient, ed a milli a milli, e David con seis homens, passet nella davo-guardia con Achis.

3. Ed ils chapitanis dels Filistins dschettan: Che *fan qui* quaiasts Ebreers? Achis dschet als chapitanis dels Filistins: Non *ais* quaiast David, serviaint da Saul, rai d' Israel, il qual ais stat con mai agiâ * ün an, e plü; e nel qual eu non ha chattâ inguotta, dal di ch' el s' ha vout *da mia vart*, fin ad hoz?

* 1 Sam. 27, 7.

4. * Ma 'ls chapitanis dels Filistins s' adirettan conter el, e dschettan ad el: Tramett' inavo quaiast hom, e ch' el tuorn' in seis lö, ingio tû l' hast constitui, e non vegna gio con nus alla battaglia; ch' el bricha forsa 's volva conter nus nella battaglia; perche, con che podess quaiast s' acquistar darcheu la grazia da seis signur? Non *gniss quai ad esser* con las testas da quaiasts homens?

* 1 Cron. 12, 19.

5. Non *ais* quaiast quel David, del qual as chantaiva nel saglir, dschand: * Saul ha battü seis milli, e David seis deschmilli?

* 1 Sam. 18, 7. 21, 11.

6. Lura Achis clamet David, e dschet ad el: *Sco 'l Segner viva*, tû *est hom* prudaint, teis ir e gnir con mai nel champ am ha plasehü; perche eu non ha chattâ in tai alchün mal, dal di cha tû gnittast pro mai fin ad hoz; ma tû non plasehast als princips.

7. Contuot tuorna uossa inavo, e vâ vi' in pasch; e non far üna chosa, chi displaschess als princips del Filistins.

8. Ma David dschet ad Achis: Ma pür, che ha eu fat, e che hast chattâ in teis serviaint, dal di ch' eu sun stat a teis servezzen infin ad hoz, ch' eu

non dess ir a combatter conter ils inimis del rai, meis signur?

9. Achis respondet, e dschet a David: Eu *il* sa; perche tü am plasechst seo ün* angel da Dieu; ma 'ls chapitanis dels Filistins han dit: Cha quaiust non munta sü con nus alla battaglia.

* 2 Sam. 14, 17, 19, 27.

10. Uossa dimena at fà sü daman a bun' ura, insembel cols serviaints da teis signur, chi sun gnüts con tai; ed al selerir del di, stat sü, ed it inavant.

11. Contuot as fet sü David la matina seguainta a bun' ura, insembel con seis pövel, per ir davent, e per turnar darcheu nel pajais dels Filistins. Ma 'ls Filistins trettan sü in Jezreel.

CHAP. XXX.

Ils Amalecits piglian aint la città da Siciag, e 'l ardan. David als da davo. El recuperescha tuot la praisa cha manaivan davent.

MA, trais dis davo, siand David darcheu turnâ in Siciag con seis pövel, *chattet el*, *cha* 'ls Amalecits eiran scurriüts vers mezdi, ed in Siciag, e ch' avaivan battü Siciag, e l' avaivan arsa col fö;

2. Ed-avaivan manâ in preschun las donans chi *eiran* aint dadaint, e tuot las *persumas*, dal plü grand al minim; *ma* non avaivan mazzâ alchün, dimpersai *ils* avaivan manats tuots davent, ed eiran its lur strada.

3. Contuot, cur David con seis pövel füt gnü nella città, mera, quella eira arsa col fö, e lur mugliers, e lur figls, e lur figlias eiran manadas davent in preschun.

4. Pelqual David, e 'l pövel chi *eira* con el, ozet la vusch, e cridet, fin cha non avettan *plü* forza da cridar.

5. Las duos mugliers da David, Ahinoam, Jesreelita, ed Abigail *chi eira statta* muglier da Nabal da Carmel, eiran eir ellas manadas davent in preschun.

6. E David eira fich conturblâ; perche 'l pövel tsehantschaiva da 'l acrappar; perche tuot il pövel eira in contuorbel d' anim, scodün per seis figls, e per sias figlias; ma David as fortifichet nel Segner seis Deis;

7. E dschet al sacerdot Abiatar, figl d' Ahimelec: Eu 't rouv, * porta 'm nan

l'efod. Ed Abiatar portet via l'efod a David.

* 1 Sam. 23, 9.

8. E David domandet il Segner, dschand: Dess eu persequittar quell' armada? La poss eu sieuer? Ed *il Segner* dschet ad el: Persequitt'-la pür; perche tü vainst pertschert *alla* sieuer, e vainst a spendrar *ogni chosa*.

9. David dimena get con sestschient homens ch' el avaiva con el, e, cur els füttan rivats pro 'l flüm da Besor, restet üna part da quels *qua*.

10. E David, con quattertschient homens, persequittet *quellu*, e duatschient restettan, ils quals eiran dасort stangels, cha non podaivan passar il flüm da Besor.

11. Ma quels chattettan ün hom Egipzier süin la cuttüra, e 'l manettan pro David, e 'l dettan pan, ed el manget; lura al dettan els aua da baiver.

12. Eir al dettan els ün toc d' üna balla da fies sechs, e duos zoes d' üja passa; ed el manget, ed il spiert al turnet; perche el non avaiva mangiâ pan, ne bavü aua, da trais dis e trais nots innan.

13. E David dschet ad el: Da chi *est* tü? E dinuonder *est* tü? Ed el dschet: Eu *sun* ün giarzun Egipzier, serv d' ün Amalecit, e meis patrun m'ha laschâ davo, perche eu gnit amalâ, hoz *sun* trais *dis*.

14. Nus eschan ruots aint nella contrada meridionala dels * Cretits, nel *pajais* da Giuda, e nella contrada meridionala da Caleb, ed avain ars Siciag col fö. * Ez. 25, 16. Sofon. 2, 5.

15. David dschet ad el: Am condüesast tü pro quell' armada? Ed el dschet ad el: Güra a mai tras Dieu, cha tü non am vögliast far morir, e cha tü non am vögliast dar in man da meis patrun, ed eu 't vögl condür pro quell' armada.

16. Quel dimena il condüet giò, e mera, quels *eiran* rasats sainza guardia sü per tuot quella contrada, mangiand, e bavand, e fand festa per tuot il grand butin, cha avaivan portâ our dal pajais dels Filistins, e dal pajais da Giuda.

17. E David ils battet, da quella saira bain tard infin alla saira del di seguaint; e non scampet vi' alchün, oter

co quattertschient giuvens, il quals muntettan sün chamêls, e fùgittan.

18. Usche spendret David tuot quai cha 'ls Amalecits avaivan prais; eir liberet el sias duos donans.

19. E non mancet ad els alchün, ne pitschen, ne grand, ne figl, ne figlia, ne butin, ne chosa chi füss, chi avessan tgnü tut ad els. David recuperet darcheu tuot.

20. David piglet eir tuot il bestiam manü e gross, *il qual füt condüt avant* quellas scossas. E's dschaiva: Quaist *ais* il butin da David!

21. Lura gnit David pro quels duatschient homens, chi eiran stats tant stangels, cha non avaivan podü ir davo el; pelqual el ils avaiva fat rumagnair pro'l flüm da Besor, e quels trettan our incoenter David, ed incoenter il pövel chi *eira* con el. E David, siand appromâ nan pro quel pövel, il salüdet el.

22. Ma tuot ils homens mals, e scelerats, intanter quels chi eiran its con David, comanzettan a dir: Daspö cha quels non sun gnüts con nus, schi non volain nus dar ad els inguotta del butin cha nus avain spendrà, oter co a scodün sia muglier, e seis infants, e cha 'ls mainan d'avent, e gijajan.

23. Ma David dschet: Non farai usche, meis frars, con quai cha 'l Segner ans ha dat; ans aviand el perchürats, e 'ns aviand dat in noss mans quell'armada, chi eira gnüda conter nus.

24. E chi dess consentir a vus in quaist fat? Perche la part da chi dmura sper las bagaschas, dess esser ingual' a quella da chi va giò alla battaglia; quels dessan partir tanter els.

25. E *quaist ais* stat *observâ* da quel di inavant, e David stabilìt quai per ün statut e ledscha in Israel, *chi dür* infün ad hoz.

26. David lura, siand turnâ in Sichelag, tramettet da quel butin als seniurs da Giuda, seis amis, dschband: Guardai, ün presaint a vus del butin dels inimis del Segner.

27. *El* tramettet a quels chi *eiran* in Betel; ed a quels chi *eiran* in Ramot meridional; ed a quels chi *eiran* in Jattir;

28. Ed a quels chi *eiran* in Aroer; ed a quels chi *eiran* in Sifmot; ed a quels chi *eiran* in Estemoa;

29. Ed a quels chi *eiran* in Racal; ed a quels chi *eiran* nellas cittats dels Jerameelits; ed a quels chi *eiran* nellas cittats dels Cenits;

30. Ed a quels chi *eiran* in Horma; ed a quels chi *eiran* in Cor-Asan; ed a quels chi *eiran* in Atac;

31. Ed a quels chi *eiran* in Hebron; ed in tuot ils *oters* lous, nels quals David eira it e gnü con seis pövel.

CHAP. XXXI.

Saul, trand in battaglia conter ils Filistins, vain vint dad els. El vain mazzâ, insembel con seis trais figls.

MA 'ls Filistins combattettan conter Israel; ed ils Israelits fùgittan avant ils Filistins, e erodettan morts sül munt da Gilboa.

2. E 'ls Filistins perseguittettan Saul, e seis figls, e battettan Gionatan, ed Abinadab, e Malchisua, figls da Saul.

3. Ed il sforz della battaglia 's volvet conter Saul, ed ils balaistrêrs, saggettand, al scontrettan, ed el avet granda temma da quels balaistrêrs.

4. Lura dschet Saul a quel chi portaiva sias armas: Tir'oura tia spada, e trapassa 'm con quella; tal cha quaists noncironceis non vegnan els, e 'm trapassan, e fetschan beffa da mai. Ma seis port-armas non volet *il far*; perche el tmaiva fich. Pelqual Saul piglet la spada, e erodet giò sün quella.

5. E, cur il port-armas da Saul vezzet, ch'el eira mort, schi erodet eir el giò sün sia spada, e morit con el.

6. Usche morittan in quel di tuots insembel, Saul, e seis trais figls, e quel chi portaiva sias armas, e tuot seis homens.

7. Ma 'ls Israelits, chi staivan intuorn quella val, e davo 'l Giordan giò, aviand vis, cha quels d'Israel eiran fùgits, e cha Saul, e seis figls eiran morts, bandunettan las cittats, e fùgittan, e 'ls Filistins gnittan, e dmuirettan in quellas.

8. Ma 'l di davo gnittan ils Filistins per spogliar ils mazzats, e chattettan Saul, e seis trais figls, chi giaschavian sül munt da Gilboa.

9. E taglettan giò la testa da Saul, e'l spoglettan da sias armas, e trametttan nel pajais dels Filistins daptuot intuorn a portar las novellas, nels taimpels da lur idels, ed al pövel.

10. E tschantettan las armas da quel nel taimpel d'Astarte, e pichettan seis corp vi' al mür da Bet-san.

11. Ma, aviand ils abitants da Jabes

da Gilead inelet quai cha 'ls Filistins avaiyan fat con Saul;

12. Schi 's fettan sü tuot ils homens da valur *intanter els*, e chaminettan tuot la not, e piglettan giò dal mür da Betsan il corp da Saul, e 'ls corps da seis figls, e gnittan in Jabes, e qua ils ardettan els.

13. Lura piglettan els lur ossa,* e la suotterrettan suot il bösch, *chi ais* in Jabes, e gegünnettan set dis. * Gen. 50, 10.

IL SEGUOND CUDESCH

DA

SAMUEL.

CHAP. I.

Ün Amalecit port' a David la nouva della mort da Saul, e ch'el l'haja mazzâ. David fa mazzar l' Amalecit. Il pland da David sur la mort da Saul, e da Gionatan.

MA, DAVO LA MORT da Saul, siand David darcheu turnâ dalla * battaglia dels Amalecits, dmuret el in Siclag duos dis. * 1 Sam. 30, 17.

2. Ed al terz di, mera, ün hom gnit dal champ, davent da Saul, aviand la vestimainta sdratschada, e terra stin seis cheu; e, cur el gnit pro David, as büttet el giò in terra, e 'l fet reverenza.

3. Ma David dschet ad el: Dinuonder vaint tü? Ed el dschet ad el: Eu sun scampâ via dal champ d' Israel.

4. David dschet ad el: Co ais il fat passâ? Char tü, requinta 'm nan. El dschet: Il pövel ais fûgi dalla battaglia, ed eir blers del pövel sun crodats, e morts. Saul eir el, e Gionatan seis figl, sun morts.

5. E David dschet al giuven chi 'l requintaiva *quaistas chosas*: Co sast tü, cha Saul, e Gionatan, seis figl, sun morts?

6. Il giuven chi 'l requintaiva *quaistas chosas* dschet ad el: Eu m' imbatet a cas stül munt da Gilboa, e mera, Saul eira inclinâ giò stün sia lanscha, e la charra, ed il pövel a chaval il sieuaivan bod.

7. El lura, as volvand inavo, am vez-

zet, e'm clamet. Ed eu dschet ad el: Mera 'm qui!

8. Ed el dschet a mai: Chi *est* tü? Ed eu dschet ad el: Eu *sun* ün Amalecit.

9. Ed el am dschet: Metta 'm, eu 't rouv, il pè adöss, e fa 'm morir; perche quai st' armadüra con anzas m' ha retgnü, e tuot mia vita ais amo in mai.

10. Contuot il mettet eu il pè adöss, e 'l fet morir; perche eu savaiva, ch'el non podaiva viver, daspö ch'el s'avaiva laschâ erodar giò *stün sia lanscha*; lura piglet eu la binda regala ch'el avaiva stün la testa, e 'l manin ch'el avaiv' intuorn il bratsch, ed ils ha portats qui a meis signur.

11. * Lura piglet David sia vestimainta, e la sdratschet. Il sumgiant *fettan* eir tuot ils homens chi *eiran* con el;

* 2 Sam. 13, 31.

12. E portettan lèd, e eridettan, e gegünnettan infin alla saira, per causa da Saul, e da Gionatan, seis figl, e del pövel del Segner, e della chasa d' Israel; perche els eiran crodats tras la spada.

13. Lura dschet David al giuven chi 'l avaiva portâ las novellas: Dinuonder est? Ed el al dschet: Eu *sun* figl d' ün hom forestêr Amalecit.

14. E David dschet ad el: Co non hast tmü da metter il man, e mazzar l' onschü del Segner?

15. E David clamet ün dels giarzuns,

e dschet *ad el*: * Vè nan qua, da 'l a-döss. E quel il battet, ed el morit.

* 2 Sam. 4, 10.

16. E David dschet ad el: *Saja* teis sang sur teis cheu; perche tia boca s'vess ha testimoniâ conter tai, dschand: Eu ha fat morir l' onschü del Segner!

17. Lura fet David quaist pland sur Saul, e sur Gionatan, seis figl,

18. Ed *il* pronunizet, per mossar als infants da Giuda la chanzun del balaister, * (mera quai ais scrit nel cudesch del dret.)

* Gios. 10, 13.

19. O gentil *pajais* d' Israel, sün teis lous ots *giaschan* ils mazzats! Co sun crodats ils homens valerus!

20. Non farai a savoir in Gat, e non portarai las novellas nellas piazzas d' Ascalon; cha bricha forsà las figlias dels Filistins s' alleigran; cha bricha forsà las figlias dels noncirconcis fetschan festa!

21. O munts da Gilboâ, sur vus *non saja mâ* ne ruschè, ne plövgia, ne champs da *portar* offertas! Perche qua ais stat büttâ via il schüt dels fermes; il schüt da Saul, tant co *sch' el* non *füss* stat onschü con öli.

22. Il balaister da Gionatan non as volvaiv' inavo, *sainza ch'el avess spans* il sang dels mazzats, e *forâ* tras il grass dels fermes; e la spada da Saul non turnaiva darcheu vöda.

23. Saul e Gionatan, amabels e plachaivels in lur vita, eir nella mort non sun stats separats. Els eiran plü sperts co aglias, plü fermes co liuns!

24. Figlias d' Israel, eridai per causa da Saul, il qual faiva, cha vus eirat vestidas con scharlatta in delizias; il qual faiva, cha vus mettaivat ornamentals d' or sün vossa vestimainta.

25. Co sun crodats ils fermes in mez la battaglia; e co ais Gionatan mazzâ sün teis lous ots, o *pajais d' Israel!*

26. Gionatan, meis frar, eu sun in angosecha per causa da tai; tü'm eirast fìch char; ti' amur am eira plü granda co l' amur chi' s porta allas donans.

27. Co sun crodats ils fermes, e las armas da guerra idas a perder!

CHAP. II.

David, tras comand da Dieu, va in Hebron ed ais onschü rai da quels da Giuda. Abner constituescha Isboset rai sur Israel. Isboset vint e miss suot.

MA, dopo quaist * demandet David il Segner, dschand: Dess eu muntar sü in alehüna dellas cittats da Giuda? Ed il Segner dschet ad el: Vâ sü. E David dschet: Ingio dess eu muntar? Ed *il Segner* dschet: In Hebron.

* 1 Sam. 23, 2.

2. * Contuot get David sü con sias duos mugliers, Abinoam, Jezreelita, ed Abigail, *chi eira statta* muglier da Nabal Carmelit.

* 1 Sam. 30, 5.

3. David manet qua eir il pövel chi *eira* con el, scodün con sia famiglia, e dmurettan nellas cittats da Hebron.

4. E quels da Giuda gnittan, ed onschettan qua David per rai sur la chasa da Giuda. Ma e füt refert, e dit a David: Quels da Jabes da Gilead *sun* quels chi han sepuli Saul.

5. E David tramettet mess pro quels da Jabes da Gilead, e fet dir ad els: Benedits sajat vus pro 'l Segner; perche vus avais üsâ quaista benignità invers Saul vos signur, da 'l avoir sepuli;

6. Schi cha 'l Segner dovra uossa invers vus benignità, e vardà; eir eu as vögl render quaist bain, cha vus avais fat in quaist affar;

7. Perquai sajan uossa voss mans fortifichats, e 's deportai da valents homens; perche Saul, vos signur, ais mort; ma la chasa da Giuda m'ha onschü per rai sur els.

8. Ma Abner, figl da Ner, capo del exercit da Saul, piglet Isboset, figl da Saul, e 'l fet passar in Mahanaim,

9. Ed il constituit rai sur Gilead, e sur ils Assurits, e sur Jezreel, e sur Efraim, e sur Benjamin, e sur tuot Israel.

10. Isboset, figl da Saul, *eira* d' età da quarant' ans, cur el comanzet a regnar sur Israel, e regnet duos ans. Ma la chasa da Giuda seguittai a David.

11. Ma 'l spazi del temp, cha David füt rai in Hebron, sur la chasa da Giuda, füt da set ans e ses mais.

12. Ma Abner, figl da Ner, tret ou-ra col pövel d' Isboset, figl da Saul, da Mahanaim e *gnit* in Gibeon.

13. Joab, figl da Seruja, tret our eir el col pövel da David, e 's scontrettan insembel sper * il lai da Gibeon, e l'üna part as fermet sper il lai da qua, ed ils oters sper il lai da là. * Ger. 41, 12.

14. Abner lura dschet a Joab: Char tü, ch' alchüns giuvens stettan sü, e fetschan alla serima in nossa presenza. E Joab dschet: Cha stettan pür sü!

15. Quels dimena stettan sü, e passettan via in number *adingual*, dudesch della part da Benjamin, e d'Isboset, figl da Saul, e dudesch del pövel da David.

16. E scodün dels piglet seis compagn per la testa, e 'l *fichet* la spada nel flanc, e tuots insembel crodettan giò morts. Perquai füt quel lö nomnä Helcat-Hasurim, chi *ais* in Gibeon.

17. Lura füt in quel di qua zuond ün' aspra battaglia; ed Abner col pövel d'Israel füt battü dal pövel da David.

18. Ma qua eiran ils trais figls da Seruja, Joab, ed Abisai, ed Asahel; ed Asahel eira spert da chammass, sco ün chavriöl chi *ais* sün la champagna.

19. Ed Asahel as mettet a dar davo ad Abner, e non as storschaiva davent dad el, ne dalla dretta, ne dalla snestra.

20. Ed Abner, as volvand inavo, dschet *ad el*: Est tü Asahel? Ed el al dschet: Eu *sun quel*!

21. Abner dschet ad el: Guinchescha dalla dretta, o dalla snestra, e piglia per tai ün da quaists giuvens, e piglia a tai seis butin. Ma Asahel non volet guinchir davent dad el.

22. Ed Abner dschet danöv ad el: Guinchescha davent da mai; perche at dess eu batter, *e't far crodar mort* in terra, e co dess eu lura ozar sü la vista avant Joab, teis frar?

23. Ma el non volet guinchir; pelqual Abner il plajet nellas tschinch *costas* con la puoncha suot della lanscha, tal cha la lanscha al giaiva davo oura; ed el crodet giò qua, e morit in quel istess lö; e chi gniva pro quel lö, ingio Asahel giaschaiva mort, as fermaiva.

24. Ma Joab, ed Abisai perseguitettan Abner; ed il solai tramuntet, cur els rivettan pro la muotta d'Am-

ma, la quala *ais* vi'inconter Gia, sün la via del desert da Gibeon.

25. Ed ils figls da Benjamin as raspettan insembel davo Abner nan, e, siand gnüts a mantun, as fermaivan els sün la sommità d'üna muotta.

26. Ed Abner clamet pro a Joab, e dschet: La spada dess ella travuonder in perpetuo? Non sast tü, cha alla fin vain a gnir asch? Infin cura non voust tü comandar al pövel ch'el tuorna inavo dalla chatscha da seis frars?

27. Joab dschet: *Sco* Deis viva, * scha tü non avessast tschantschâ, schi füss il pövel agià la mattina trat giò, scodün davent da seis frar. * v. 14.

28. Contuot fet Joab sunar con la trombetta, e tuot il pövel as fermet, e non perseguitet plü ils Israelits, e non continuet plü a combatter.

29. Ma Abner e seis pövel chaminettan tuot quella not per la champagna, e passettan il Giordan, e traversettan tuot *la contrada* da Bitron, e rivettan in Mahanaim.

30. Joab turnet eir el darcheu d'avent dad Abner; ed aviand raspâ tuot il pövel, as chattet, cha del pövel da David mancaivan deschnouv, ed Asahel.

31. Ma 'l pövel da David avaiava battü da quels da Benjamin, e del pövel d'Abner, trajatschientsesant' homens, *ils quals* eiran morts.

32. Lura piglettan els Asahel, e 'l sepulittan nella sepultura da seis bap, la quala *eira* in Betlehem. E Joab, e seis pövel chaminettan tuot quella not, e rivettan in Hebron, sül sclerir del di.

CHAP. III.

Abner, bandunand las parts d'Isboset, trametta mess pro David. Abner cossaglia als seniurs d'Israel, da far David rai sur els. El vain pro David in Hebron. Joab mazza Abner con tradimaint.

MA la guerra füt lunga tanter la chasa da Saul, e la chasa da David. Ma David giaiva inavant, as fortifichand, e la chasa da Saul giaiva s'indeblind.

2. Ed a David naschettan figls in Hebron; il seis * primogenit füt Amnon, d'Ahinoam, Jezreelita; * 1 Cron. 3, 1.

3. E seis il seguond *füt* Chileab d'Abigail, *chi eira statta* muglier da Nabal da Carmel; ed il terz *füt* Absalom, figl da Maaca,* figlia da Talmai, rai da Gesur;

* 1 Cron. 3, 2.

4. Ed il quart *füt* Adonia, figl da Haggit; ed il quint *füt* Safatia, figl d'Abital;

5. Ed il sesavel *füt* Jetream d'Egla, duonna da David. Quaists nashettan a David in Hebron.

6. Ma, tant cha la guerra düret tanter la chasa da Saul, e la chasa da David, as fet Abner potent nella chasa da Saul.

7. Ma Saul avaiva gnü üna concubina, il nom della quala *eira* Rispa, figlia d'Aja. Ed Isboset dschet ad Abner: Perche est tü intrat pro la concubina da meis bap?

8. Ed Abner s'adiret fich per ils plets d'Isboset, e dschet: *Sun* eu la testa d'ün chan, chi tegna con Giuda; eu chi üs hoz benignità invers la chasa da Saul, teis bap, ed invers seis frars, ed amis, e non t'ha dat nels mans da David; cha tü hoz am retscherchast per quaista duonna, *sco per ün* misfat?

9. Üsche fetscha Deis ad Abner, ed amo plü, sch'eu non fetsch a David, seguond cha'l Segner ha gürâ ad el;

10. Transportand il reginam our dalla chasa da Saul, e ferman il trun da David sur Israel, e sur Giuda, da Dan fin Beerseba.

11. Ed *Isboset* non podet plü responder ad Abner inguotta, per la temma ch'el avaiva d'el.

12. Ed Abner tramettet inaquella mess pro David, a dir ad el: A chi *appertegna* il pajais? *Ed eir* per al dir: Fà üna lia con mai, e mera, eu am vögl colliar con tai, per volver via pro tai tuot Israel.

13. E David dschet: *E sta* bain; eu vögl far lia con tai; solum üna chosa t'giavtisch eu; cioè cha tü non am vegnast avant, sainza cha tü il prüm am mainast darcheu Mical, figlia da Saul, eur tü vainst a gnir per atpresen tar a mai.

14. David tramettet eir ambascadurs pro Isboset, figl da Saul, a dir ad el: * Da'm Mical, mia muglier, la quala eu am sposet per tschient peluottas dels Filistins.

* 1 Sam. 18, 25. 27.

15. Ed Isboset tramettet a la tour d'avent da Paltiel, figl da Lais, seis marit.

16. Ed il marit da quella get con ella, la seguittand, e eridand fin a Bahurim. Lura dschet Abner ad el: Vâ, tuorna inavo! Ed el turnet darcheu.

17. Ma Abner avet ün discuors cols seniurs d'Israel, dschand: Per il passâ avais vus procurâ *cha* David *füss* rai sur vus.

18. Contuot, fat uossa; perche 'l Segner ha tschantschâ davart David, dschand: Tras il man da David, meis serviaint, vögl eu salvar meis pövel Israel dal man dels Filistins, e dal man da tuot lur inimis.

19. Abner favlet eir als Benjaminits. Lura get el eir in Hebron, per far ineler a David tuot quai chi paraiva bün ad Israel, ed a tuot la chasa da Benjamin.

20. Abner dimena gnit pro David in Hebron, aviand vainch homens con el. E David fet ün convit ad Abner, ed als homens chi *eiran* con el.

21. Abner lura dschet a David: Eu vögl star sü, e vögl ir, e raspar tuot Israel nan pro 'l rai, meis signur; acio ch'els fetschan lia con tai, e cha tü plainamaing regnast a tia voluntà. E David det licenza ad Abner; ed el get d'avent con pasch.

22. Ma mera, ils serviaints da David, e Joab turnaivan d'üna scurraria, e portaivan con els ün grand butin. Ed Abner non *eira* plü pro David in Hebron; perche el l'avaiva dat licenza, ed el eira it con pasch.

23. E, cur Joab füt turnâ inavo con tuot l'exercit chi *eira* con el, referittan *alchiüns* a Joab *il fat*, dschand: Abner, figl da Ner, ais gnü pro 'l rai, ed el al ha dat licenza, ed el ais it d'avent con pasch.

24. E Joab gnit pro 'l rai, e dschet: Che hast fat? Mera, Abner eira gnü pro tai, e perche l'hast laschâ ir, ch'el giaja usche libramaing?

25. Cognoschast tü bain Abner, figl da Ner? Tschert, el ais gnü per t'ingiannar, e per cognoscher teis uschir ed intrar, e per savair tuot quai cha tü fast.

26. E Joab get oura d'avent da David, e tramettet mess davo ad Abner,

ils quals il turnantettan darcheu dal foss da Sira, e sainza cha David savess *inquotta*.

27. E, eur Abner füt darcheu turnâ in Hebron, schi 'l tret Joab a part daint la porta, * per il favlar in seeret, e qua el ferit el nellas tschinch *costas*, ed el morit per chaschun del sang d'Asahel, frar da Joab.* 1 Reg. 2, 5.

28. E David, aviand davo quaist udi *il fat*, dschet: Eu, e meis reginam, *eschän* innozaints avant il Segner in perpetuo del sang d'Abner, figl da Ner.

29. Cha quel reista sur il cheu da Joab, e sur tuot la chasa da seis bap, e non dvainta mâ, cha nella chasa da Joab manca hom chi haja il flüss, o chi saja levrus, o chi as poza vi' al bastun, o chi moura da spada, o chi haja manchamaint da pan.

30. Usche Joab, ed Abisai, seis frar, mazzettan Abner; perquai ch'el avaiava mazzâ Asahel, lur frar, sper Gibeon, in battaglia.

31. Ma David dschet a Joab, ed a tuot il pövel chi *eira* con el: Sdratschai vossa vestimainta, ed as tshintai intuorn con sachs, ed hajat lêd; *giand* avant Abner. Ed il rai David giaiva davo la bara.

32. Ed Abner füt sepuli in Hebron. Ed il rai ozet la vusch, e eridet pro la sepultura d'Abner; eir tuot il pövel eridet.

33. Ed il rai fet ün pland sur Abner, e dschet: Abner dess el esser mort, seo moura ün hom daschüttel?

34. Teis mans non eiran mâ liats, e teis peis non eiran stats miss nels tscheps; tü est mort seo's moura tras man d'homens scelerats. E tuot il pövel avet darcheu lêd per Abner.

35. Lura gnit tuot il pövel per far mangiar a David, tant cha *eira* amo di. Ma David güret, e dschet: Usche am fetscha Dieu, ed amo plü, sch'eu insai pan, o chos'otra chi saja, ant cha'l solai saja tramuntâ.

36. E tuot il pövel cognoschet *la vardà del fat*, e *la chosa* al plaschet; tuot quai cha'l rai fet füt adachar al pövel.

37. E tuot il pövel, e tuot Israel, cognoschet in quel di, cha non eira pro-

cedü dal rai il far morir Abner, figl da Ner.

38. Ed il rai dschet a seis serviaints: Non recognoschais vus, ch'ün chapitani, ed ün grand, hoz ais mort in Israel?

39. Ma hoz, combain ch'eu sun onschü rai, schi non sun eu impero amobain stabili, e quaists homens, * figls da Seruja, sun massa violents per mai. Il Segner vöglia render a quel chi ha fat il mal, seguond sia malizia.

* 1 Reg. 2, 5. 6, 34.

CHAP. IV.

Baana e Recab mazzan Isboset, e portan sia testa a David; ed el ils fa mazzar.

CUR il figl da Saul avet incelet, cha Abner eira mort in Hebron, dvan-tettan seis mans debels, e tuot Israel füt conturbäl.

2. Ma 'l figl da Saul avaiva duos chapitanis da compagnias; il nom del ün *eira* Baana, ed il nom del oter Recab; ed *eiran* figls da Rimmon, Beerotit, dels infants da Benjamin; perche eir* Beerot ais quintada da Benjamin;

* Gios. 18, 25.

3. Ma 'ls Beerotits eiran fügits in Gettaim, ingio els sun dmurats seo esters infin a quaist di.

4. * (Ma Gionatan, figl da Saul, avaiava ün figl strupiâ dels peis. *Quaist*, siand d'età da tschinch ans, eur la nouva da Saul e da Gionatan gnit da Jezreel, schi 'l piglet sia bêla, e fügit, e dvantet cha, fügind ella in prescha fich, det el giò, e dvantet zop; e seis nom *eira* Mefiboset.)

* 2 Sam. 9, 3.

5. Recab dimena, e Baana, figls da Rimmon, Beerotit, gettan ed intrettan stül chod del di nella chasa d'Isboset. Ma el eira a dormir, reposand stül mezdi.

6. E Recab, e Baana, seis frar, intrettan fin aint a mez la chasa, *seo* per tour formaint, e'l battettan nellas tschinch *costas*; *lura* scampettan els via.

7. Contuot, siand intrats in chasa d'Isboset, tant ch'el giaschaiva sün seis let, nella chambra, ingio el solaiava dormir, il battettan els, e'l mazzettan, e taglettan ad el via la testa, e la piglettan, e chaminettan tras la via della champagna tuot quella not;

8. E portettan la testa d'Isboset a David, in Hebron, e dschettan al rai: Mera la testa d'Isboset, figl da Saul, teis inimi, il qual tscherchaiva da 't tour la vita. Ma 'l Segner ha hoz concedü al rai, meis signur, plaina vendetta da Saul, e da seis sem.

9. Ma David respondet a Recab, ed a Baana, seis frar, figls da Rimmon, Beerotit, e dschet ad els: *Sco viv' il Segner*, il qual ha spendrà mia orma d'ogni tribulaziun;

10. * Quel chi'm referit, e dschet: Mera, Saul ais mort; combain cha 'l paraiva ch'el portess bunas novellas, schi füt el da mai prais, e fat morir in Siclag; il qual *eu fet* per al dar la bunaman per sias bunas novellas.

* 2 Sam. 1, 2. 15.

11. Quantplü *dess eu far morir* quels homens scelerats, *ils quals* han mazzâ ün hom innozaint in sia chasa, sün seis let? Pertant non dess eu uossa domandar quint da seis sang, e non as dess eu sdrür our dalla terra?

12. David dimena comandet als giuven, chi'ls mazzessan, il qual els fettan, e lura als taglettan els giò ils mans, e peis, e 'ls appichettan sper il lai in Hebron. Ma la testa d'Isboset piglettan els, e la sepulittan nella * sepultura d'Abner, in Hebron.

* 2 Sam. 3, 32.

CHAP. V.

David ais onschü rai sur tuot Israel. Il temp del reginam da David. Gerusalem tutta tras David. Ils Filistins fan guerra con David, e sun vints.

LURA gnittan tuot las schlattas d'Israel pro David in Hebron, e dschettan usche *ad el*: Mera, * nus eschan tia ossa, e tia charn.* Gen. 29, 14.

2. Ed eir peravant, tant cha Saul eira rai sur nus, eirast tü quel, chi condüaivast Israel our' ed aint. Ed il Segner t' ha dit: Tü dessast paschan-tar meis pövel Israel, ed esser il conduttur sur Israel.

3. Usche gnittan tuot ils seniurs d'Israel pro 'l rai, in Hebron; ed il rai David fet lia con els in Hebron, in presenza del Segner. E quels onschettan David per rai sur Israel.

4. David *eira* d'età da trent' ans, cur el comanzet a regnar, e regnet quarant' ans.

5. * In Hebron regnet el sur Giuda set ans e ses mais; ed in Gerusalem regnet el trent' e trais ans sur tuot Israel e Giuda.

* 2 Sam. 2, 11.

6. Ma 'l rai get, con seis pövel in Gerusalem conter ils Jebusits, chi abitaivan nel pajais, e quels dschettan a David: Tü non dessast intrar qui dadaint, o pöja cha tü hajast chatschâ our' ils orbs, ed ils zops, voliad dir: David non vain *mâ* ad intrar qua.

7. Ma David piglet aint la fortezza da Sion, chi *ais* la città da David.

8. E David dschet in quel di: Chi batterà ils Jebusits, e vain a rivar fin al chanal, e pro quels orbs, e zops, ils quals l'orma da David ödiescha, *dess esser chapitani*; perquai 's disch: Ne orb, ne zop non intrerà in quaista chasa.

9. E David abitet in quella fortezza, e la mettet nom: La città da David. E David fabrichet dintuorn del bastiun inavant, e dadaintvart.

10. E David giaiva da contin creschand, ed il Segner Deis dels exercits *eira* con el.

11. E * Hiram, rai da Tiro, tramettet pro David ambaschadurs, e lainam da ceders, e maranguns, e tagliacrappas, ils quals edificettan üna chasa a David.

* 1 Reg. 5, 2.

12. E David cognoschet, cha 'l Segner l'avaiva stabili rai sur Israel, e ch'el avaiva adoza seis reginam, per-amur da seis pövel Israel.

13. * E David piglet eir concubinas, e mugliers da Gerusalem, dopo ch'el füt gnü da Hebron, e naschettan eir a David *oters* figls, e figlias.

* 1 Cron. 3, 5. 14, 3.

14. E quaists sun ils noms da quels chi naschettan in Gerusalem: Sam-mua, e Sobab, e Natan, e Salomon,

15. Ed Ibar, ed Elisua, e Nefeg, e Jafia,

16. Ed Elisama, ed Eliada, ed Eli-felet.

17. * Ma, cur ils Filistins avettan inclet, cha David eira onschü per rai sur Israel, muntettan els tuots sü per il tscherchar. E David, aviand quai udi, get giò pro la fortezza.

* 1 Cron. 14, 8.

18. Ma'ls Filistins gnittan, e 's rassettan nella val dels Refaits.

19. David lura domandet il Segner, dschand: * Dess eu muntar conter ils Filistins? Am ils voust tü dar nels mans? Ed il Segner dschet a David: Muntà; perche eu't vögl dar daffat ils Filistins nels mans. * 1 Sam. 23, 2. 9. 30. 7, 8.

20. Contuot gnit David in * Baal-Prasim, e qua ils battet el; lura dschet el: Il Segner ha ruot meis inimis avant mai, a guisa del rumper oura dellas auas; perquai mettet el nom a quel lö Baal-Prasim. * Es. 28, 21.

21. Ed *ils Filistins* laschettan qualur idels, ils quals David, e seis pövel * piglettan davent. * 1 Cron. 14, 12.

22. Lura muntettan ils Filistins danöv, e 's rassettan nella val dels Refaits.

23. E David domandet il Segner, il qual dschet *ad el*: Non ir sü, volva in tuorn davo els, e vè als inscontar vi' incoenter la boſcha d' amuras.

24. E, cur tü vainst ad udir üna rommur del trapplar sün las tschimmas della boſcha d' amuras, lura 't mova; perche lura vain il Segner ad esser it oura avant tai, per batter il champ dels Filistins.

25. David dimena fet usche, sco 'l Segner l'avaiva comandâ, e battet ils Filistins da Geba fin in Gezer.

CHAP. VI.

Fand David condür l' archa in Sion, ais Uza da Dieu battü, per l' avair tocca. L' archa ais manada nella città da David, el repretta Mical, sia muglier.

MA David raspet danöv tuot ils *homens* tschernüts d' Israel, *in nomber* da trentamilli.

2. E David con tuot quel pövel ch' eira con el, movet our da Baale-Giuda, e get per transportar da là l' archa da Dieu, pro la quala 's clama il nom, il nom del Segner dels exercits, * chi sezza sur ils cherubins. * 1 Sam. 4, 4.

3. E tschantettan l' archa da Dieu sün ün charr nouv, e la manettan our dalla chasa d' Abinadab, chi *eira* sün la muotta; ed Uza, ed Ahio, figls d' Abinadab, manaivan il charr nouv.

4. Usche manettan els davent l' archa da Dieu, dalla chasa d' Abinadab, chi *eira* sün la muotta, l' accompa-

gnand; ed Ahio giaiva avant l' archa.

5. E David, e tuot la chasa d' Israel, faivan festa avant il Segner, sunand d' ogni *sort instrumaints*, *fats* con lain da pin, con citras, e con psalters, e con tamburs, e con sisters, e con cimbals.

6. Ma, cur els füttan rivats infin al iral da Nacon, stendet Uza our' *il man* vers l' archa da Dieu, * e la tgnet sü; perche ils bovs l' avaivan movantad' *our dal lö*. * Num. 4, 15. 1 Cron. 13, 9.

7. E l' ira del Segner s' invüdet conter Uza, e Deis il battet qua per sia temerarietà; ed el morit qua sper l' archa da Dieu.

8. E David as conturblet, per quai cha 'l Segner avaiva fat rottüra in Uza; e clamet quel lö Peres-Uza; *il qual nom düra* fin a quaist di.

9. E David avet in quel di temma del Segner, e dschet: Co dess intrar l' archa del Segner pro mai?

10. E David non volet condür l' archa del Segner pro el, nella città da David; ma la fet redür aint nella chasa d' Obed-Edom, Gattit.

11. E l' archa del Segner dmuret trais mais nella chasa d' Obed-Edom, Gattit; ed il Segner * benedit Obed-Edom, e tuot sia chasa. * 1 Cron. 13, 14.

12. E füt refert, e dit al rai David: Il Segner ha benedi la chasa d' Obed-Edom, e tuot quai ch' *ais* sieu, per chascun dell' archa da Dieu. Pelqual David get, e fet portar l' archa da Dieu dalla chasa d' Obed-Edom nella città da David con allegrezza.

13. E, cur quels, chi portaivan l' archa del Segner, eiran chaminats ses pass, sacrifichaiva *David* ün bov, ed ün *bü matsch* grass.

14. E David sagliva con tuotta forza avant il Segner, siand tschintâ con ün efod da glin.

15. Usche David, e tuot la chasa d' Israel, condüaivan l' archa del Segner, con bragizi d' allegrezza, e con sun da trombettas.

16. Ma dvantet cha, cur l' archa del Segner intraiva nella città da David, Mical, figlia da Saul, guardet our dalla fanestra, e vezett il rai David, chi sagliva con forza in presenza del Segner; e 'l spredschet in seis cour.

17. Condüettan dimena l' archa del Segner, e la tshantettan in seis lö, in mez üna chamanna, cha David l'avai va stais' oura. E David offerit olocausts, e sacrificizis d'ingraziamaint, in presenxa del Segner.

18. E, cur David avet fini d'offerir olocausts, e sacrificizis d'ingraziamaint, * benedit el il pövel nel nom del Segner dels exercits; * 1 Cron. 16, 2.

19. E partit our' a tuot il pövel, ed a tuot la blierüra d'Israel, tant als homens, co allas donans, üna fuatscha da pan, ed ün toc charn, ed ün faseun *vin* per ün. Lura get tuot il pövel, seodün a chasa sia.

20. David turnet eir el darcheu per benedir sia chasa. E Mical, figlia da Saul, al get our incooter, e dschet: Quant onorabel ais stat hoz al raid d'Israel d'esser hoz stat seovet avant ils ögls dellas fantschellas da seis serviaints, brich'oter, co sch' ün hom daschüttel as scoverness!

21. Ma David dschet a Mical: *Schi*, nel conspet del Segner, il qual ha elet mai, ant co teis bap, e co *alchün* da tuot sia famiglia, per am constituer conduttur sur seis pövel, sur Israel; perquai vögleufar festanel conspet del Segner;

22. E perquai am vögl eu üniliar amo plü da quai, e 'm tgnair amo plü bass, e darcheu vögl eu esser onorâ pro quellas fantschellas, dalas qualas tü hast tshantschâ.

23. E Mical, figlia da Saul, non avet infants, fin al di da sia mort.

CHAP. VII.

David desegna d'edifichar ün taimpel al Segner. Deis fa a savair, da reservar quel al figl da David suot figüra da Salomon; inclegland David ingrazch' el al Segner.

MA dvantet cha, abitand il rai in sia chasa, dopo cha l' Segner l' avet dat pos da tuot seis inimis dapertuot intuorn,

2. Dschet el al profet Natan: Char tü, guarda, eu avd in üna chasa da ceder, e l' archa da Dieu avda in mez üna chamanna.

3. Natan dschet al rai: Vâ, fâ tuot quai cha tü hast nel cour; perche il Segner *ais* con tai.

4. Ma quell' istessa not il pled del Segner füt *indrizzâ* a Natan, dschand:

5. Vâ, e di a meis serviaint David: Usche ha dit il Segner: Am dessast tü edificar üna chasa per mia stanza?

6. Siand ch' eu non ha abitâ in chasa, * dal di ch' eu tret our d' Egipto ils infants d' Israel, infin a quai di; dimpersai sun chaminâ qua e là in üna chamanna, ed in ün tabernacul;

* 1 Reg. 8, 16.

7. Ingio ch' eu sun chaminâ con tuot ils infants d' Israel, ha eu mâ in alchüna maniera tshantschâ da quai, con alchüna dellas schlattas d' Israel, alla quala eu avess comandâ da paschantar meis pövel Israel, dschand: Perche non m' avais vus edificâ üna chasa da ceder?

8. Uossa dimena, usche dessast dir a meis serviaint David: Usche ha dit il Segner dels exercits: Eu t' ha tut our dal stavel, davent dalla bescha, acio cha tü sajust conduttur sur meis pövel Israel;

9. E sun stat con tai, ingio tü est chaminâ, ed ha sdrüt tuot teis inimis avant tai, e t' ha acquistâ ün nom grand al pèr del nom dels *plü* grands, chi *sajan* in terra.

10. Ed, ultra quai, vögl eu constituer ün lö a meis pövel Israel, * e l' implantar, ed el vain ad abitar in chasa sia, e non dess plü gnir chatschâ via e nan, ed ils malizius non vegnan al affliger plü, seo il prüm;

* Ps. 44. 2. Ger. 24, 6.

11. Eir dall' ur' innan, ch' eu ordinet güdischs sur meis pövel Israel; ed eu at vögl dar pos da tuot teis inimis. Il Segner at declera. eir ch' el at farâ üna chasa.

12. * Cur teis dis saran complits, e tü vainst a dormir con teis babuns, schi vögl eu sdasdar sü *ün* da teis sem, davo tai, il qual sarâ gnü our da teis intern, e vögl stabilir seis reginam.

* 1 Reg. 8, 20.

13. Quel edificerà üna chasa a meis nom, ed eu vögl far, cha l' trun da seis reginam sarâ fermâ in perpetuo.

14. * Eu vögl esser ad el per bap, ed el dess a mai esser per figl; ed ingio ch' el commetta iniquità, schi l' vögl eu chastiar con percha da crastian, e con battüms da figls della gliend.

* Ps. 89, 27. 28. 31.

15. Ma mia benignità non as dess partir dad el, seo eu l'ha fatta partir our da Saul, il qual eu ha tut our davanti tai.

16. E tia chasa, e teis reginam dessan in perpetuo esser stabiliti in teis conspet; il teis trun dess esser fermà in eterno.

17. Natan tschantschet con David seguond tuot quaiests plets, e seguond tuot quaiestas visiuns;

18. Lura gnit il rai David, e 's fermet avant il Segner, e dschet: Chi *sun* en, Segner Deis; e qual' *ais* mia chasa, cha tü m' hast fat pervgnir infin a quaiest grà?

19. Ed impero, o Segner Deis, t' ha quai darcheu partü pac; pelqual tü hast tschantschâ davart la chasa da teis serviaint amo per lung temp da gnir. Ed impero, o Segner Deis, *ais* quaiest' üna ledscha da crastians.

20. E che dess David savair da t' dir da plü? Ma, Segner Deis, tü cognoschast teis serviaint.

21. Peramur da teis pled, e seguond teis cour, hast tü operâ tuot quaiest grand fat, fand a savair *quaiest* a teis serviaint;

22. Perquai, Segner Deis, tü est magnificâ; impero * e non *ais* ingün sumgiaint a tai, e non *ais* alchün Deis ourdvart tai; seguond tuot las chosas cha nus avain udi con nossas uraglias.

* Deut. 3, 24. Es. 45, 5.

23. Ed ingio *ais* ün pövel sur terra al pêr da teis pövel Israel? Per il qual Deis *ais* it per spendrar quel ad el per seis pövel, e per s' acquistar ün nom, e per operar invers vus, o *Israel*, quaiestas chosas grandas, ed effets stramantus, o *Deis*, vers teis pajais, peramur da teis pövel, il qual tü t' hast spendrâ our d' Egipto, *dals* pövels, e *da* lur deis;

24. E t' hast stabili teis pövel Israel per teis pövel in perpetuo; e tü, Segner, est stat lur Deis.

25. Uossa dimena, Segner Deis, salva in perpetuo il pled, cha tü hast dit davart teis serviaint, ed a sia chasa, e fâ seo tü hast favlâ.

26. E saja teis nom magnificâ in eterno, e 's dess dir: Il Segner dels exercits *ais* Deis sur Israel, e saja la

chasa da teis serviaint David ferma avant tai;

27. Perche tü Segner dels exercits, Deis d' Israel, hast revelâ e dit a teis serviaint: Eu 't vögl edificar üna chasa; ed impero teis serviaint ha chattâ seis cour, per at far quaiest' oraziun.

28. Uossa dimena, Segner Deis, tü est Deis, e teis plets, cols quals tü hast impromiss a teis serviaint quaiest bain, vegnan ad esser vardâ.

29. Ed uossa, 't lascha plaschair da benedir la chasa da teis serviaint, acio ch' ella düra avant tai in perpetuo; perche tü, Segner Deis, hast tschantschâ. Contuot saja la chasa da teis serviaint benedida da tia benedicziun in perpetuo.

CHAP. VIII.

David vensch' ils Filistins, e Moabits, e Sirers da Damasco. Idumeers sogets a David. Ils principals serviaints della chasa da David, ed uffizials.

MA, dopo quaiestas chosas, David battet ils Filistins, e 'ls abbasset, e piglet Mereg-Amma dal man dels Filistins.

2. * Battet eir ils Moabits, e 'ls aviand fat giaschair a terra, ils masüret el con üna corda, e masüret duos parts per ils far morir, ed üna part intêra per salvar ad els la vita. Ed ils Moabits füttan redüts sogets e tributaris a David. * Num. 24, 17.

3. David, ultra quai, battet Hadadezer, figl da Rehob, rai da Soba, giand per redür il *pajais* suot seis man fin al flüm * Eufrat. * Gen. 15, 18. 1 Cron. 18, 3.

4. E David als piglet millie setttschient homens a chaval, e vainchmilli homens a pè. E David taglet ils giarlets als *chavals* da tuot la charra; ma reserves *ils chavals* da tschient charra.

5. Ma 'ls Sirers da Damasco eiran gnüts per succuorror Hadadezer, rai da Soba. E David battet da quels vainch e duamilli homens.

6. Lura mettet el guarnischuns nella Siria da Damasco; ed ils Sirers füttan redüts sogets, e tributaris a David. Ed il Segner salvaiva David, ingio ch' el giaiva.

7. E David piglet ils schüts d' or, chi eiran dels serviaints da Hadadezer, e 'ls portet a Gerusalem.

8. Il rai David piglet eir üna grandisma quantità d'aram da Beta, e da Berotai, cittats da Hadadezer.

9. * Ma Toi, rai da Hemat, aviand udi cha David avaiva sternü tuot l'exercit da Hadadezer, * 1 Cron. 18, 3.

10. Tramettet pro 'l rai David Joram seis figl, per il salüdar, e per il benedir da quai ch' el avaiva gueragiâ conter Hadadezer, e l'avaiva battü; perche Hadadezer avaiva guerr' averta con Toi. E Joram portaiva con el vashella d' argent, e vashella d' or, e vashella d' aram.

11. Ed il rai David consacret eir quella al Segner, insembel col argent, e color ch' el avaiva consacrâ dal butin da tuot las naziuns, ch' el avaiva subjogâ;

12. Dels Sirers, e dels Moabits, e dels infants d' Ammon, e dels Filiistins, e dels Amalecits, e del butin da Hadadezer, figl da Rehob, rai da Soba.

13. David acquistet eir fama da quai, cha, turnand darcheu dalla deruotâ dels Sirers, el sternet deschedot-milli homens nella val del sal;

14. E mettet guarnischuns in Idumea; el mettet per tuot l'Idumea, e tuot ils Idumeers füttan redüts sogets a David; ed il Segner salvaiva David, ingio ch' el giaiva.

15. Usche regnet David sur tuot Israel, fand raschun e güstia a tuot seis pövel.

16. Ma Joab, figl da Seruja, eira sur l'exercit, e Josafat, figl d'Ahilud, eira cancellar.

17. * E Sadoc, figl d'Ahitub, ed Ahimelec, figl d'Abiatar, eiran sacerdots, e Seraja eira secretari. * 1 Cron. 24, 3.

18. E Benaja, figl da Jojada, eira capo dels chererits, e dels peletits; ed ils figls da David eiran princips.

CHAP. IX.

David, per causa da Gionatan, restituescha tuot la roba da Saul a Mefiboset, figl da Gionatan. Il caric da Mefiboset surda el a Siba seis serviaint.

E David dschet: Aise alchün plü, chi saja avant man della chasa da Saul, acio ch' eu dovra benignità invers el, peramur da Gionatan?

2. Ma della chasa da Saul eira ün serviaint, il nom dal qual eira * Siba,

il qual füt clamâ pro David. Ed il rai dschet ad el: Est tü Siba? Ed el dschet: Teis serviaint! * 2 Sam. 16, 1.

3. Il rai dschet: Non aise plü alchün della chasa da Saul, ch' eu vögl dovrar invers el la benignità da Dieu? E Siba dschet al rai: Ed ais amo ün figl da Gionatan, chi ais * strupiâ dels peis. * 2 Sam. 4, 4.

4. Il rai dschet ad el: Ingio ais el? E Siba dschet al rai: El ais nella chasa da Machir, figl d'Ammiel, in Lodebar.

5. Ed il rai David tramettet a 'l tour our dalla chasa da Machir, figl d'Ammiel da Lodebar.

6. E, cur Mefiboset, figl da Saul, füt gnü pro David, schi 's büttet el in terra sün sia fatscha, e s'inclinet. E David dschet: Mefiboset! Ed el dschet: Mera teis serviaint!

7. David dschet ad el: Non tmair; perche eu daffat vögl dovrar benignità invers tai, peramur da Gionatan, teis bap, e 't vögl restituir tuot las possessiuns da Saul, teis bap, e, quant a tai, dessast tü mangiar da contin a mia tabla.

8. E Mefiboset s'inclinet, e dschet: Che chosa ais teis serviaint, cha tü hast guardâ vi' ad ün chan mort, seo eu sun.

9. Lur' il rai elamet Siba, serviaint da Saul, e dschet ad el: Eu* ha dunâ al figl da teis signur tuot quai chi pertgnaiva pro a Saul, ed a tuot sia chasa. * 2 Sam. 16, 4.

10. Tü dimena, con teis infants e serviaints, lavura la terra, e cleia aint ad el la rendita, acio cha 'l figl da teis signur haja da 's sostentar; ma, quant a Mefiboset, figl da teis signur, dess el mangiar da contin a mia maisa. Ma Siba avaiva quindesch figls, e vainei serviaints.

11. E Siba dschet al rai: Teis serviaint dess far seguond tuot quai cha 'l rai, meis signur, ha comandâ a seis serviaint. Ma, quant a Mefiboset, disch il rai, dess el mangiar a mia tabla, seo ün dels figls del rai.

12. Ma Mefiboset avaiva ün figlet pitschen, il nom del qual eira Mica, e tuot quels chi staivan in chasa da Siba, eiran serviaints da Mefiboset.

13. E Mefiboset dmurair' in Gerusalem; perche el mangiaiva da contin alla tabla del rai; ed eira zop da seis duos peis.

CHAP. X.

David trametta vers Hanon, rai dels Ammonits, per as condolair della mort da seis bap. Hanon ingiuriescha, e spredschi' ils ambaschadurs. David trametta Joab conter ils Ammonits.

MA, dopo quaistas chosas, dvantet, * cha 'l rai dels infants d' Ammon morit, e Hanon, seis figl, regnet in seis lö.

* 1 Cron. 19, 1.

2. E David dschet: Eu vögl dovrar benignità invers Hanon, figl da Nahas, seo seis bap dovret benignità invers mai. E David tramettet al cuffortar da seis bap, tras seis serviaints. Ma, cur ils serviaints da David füttan rivats nel pajais dels infants d' Ammon,

3. Dschettan ils principals dels infants d' Ammon a Hanon, lur signur: At para, quai cha David t' ha tramiss cuffortadurs, saja per onorar teis bap? Non t' ha el tramiss seis serviaints per investigar la città, e per la spiar, e per la metter suot-sura?

4. Contuot piglet Hanon ils serviaints da David, e fet ad els rajar mez la barba,* e tagliar la vestimainta per mez fin a lur sez; lur' ils tramettet el inavo.

* Es. 20, 4.

5. E *quels* fettan a savair il fat al rai David; ed el tramettet incoenter ad els; perche quels homens eiran grandamaing confus. Ed il rai fet dir ad els: Dmurai in Gerico, fin cha la barba as saja darcheu creschüda; lura turnai darcheu.

6. Ma 'ls infants d' Ammon, veziand ch' els eiran dvantats abominabels a David, tramettetan a finir sü vainchmilli homens a pè, dels Sirers da Betrehob, e dels Sirers da Soba; e milli homens del rai da Maaca, e dudeschmilli da quels da Tob.

7. E David, aviand quai inclet, tramettet conter els Joab, con tuot l' exercit dels homens da valor.

8. Ed ils Ammonits gettan our' in *champagna*, ed ordinettan la battaglia sün l' intrada della porta della città; ed ils Sirers da Soba, e da Re-

hob, ed ils homens da Tob, e da Maaca, *staivan* da part nella *champagna*.

9. E Joab, veziand cha la battaglia eira vouta conter el, davant e davo, fet üna tscherna our da tuot ils homens tschernüts d' Israel, ed ordinet quels conter ils Sirers.

10. E det a condür il rimanent del pövel ad Abisai seis frar, e l' ordinet conter ils infants d' Ammon.

11. E dschet *ad Abisai*: Scha 'ls Sirers am supereschan, schi succuorra'm; ma scha 'ls infants d' Ammon supereschan a tai, schi 't vögl eu succuorror.

12. At fortifica, e 'ns deportain valerusamaing per nos pövel, e per las cittats da nos Dieu. E fetsch' il Segner quai cha ad el vain a parair per bön.

13. Joab lura, col pövel ch' el avaiava con el, gnit a battaglia conter ils Sirers, e quels fügittan our davant el.

14. Ed ils Ammonits, veziand cha 'ls Sirers eiran fügits, fügittan eir els our davant Abisai, ed intrettan daint la città. E Joab turnet darcheu inavo dals infants d' Ammon, e gnit in Gerusalem.

15. Ed ils Sirers, veziand ch' els eiran stats battüts d' Israel, as respettan insembel.

16. E Hadarezer tramettet a far gnir ils Sirers da là del flüm, e quels gnit in Helam, e Sobac, il capo del exercit da Hadarezer, ils condüaiva.

17. E, siand *quai* refert a David, respet el tuot Israel, e passet il Giordan, e gnit in Helam. Ed ils Sirers ordinettan *la battaglia* conter David, e combattettan el.

18. Ma 'ls Sirers fügittan our davant Israel; * e David mazzet dels Sirers *il pövel* da settshient charra, e quarantamilli homens a chaval; battet eir Sobac, capo da lur exercit; ed el morit qua.

* 1 Cron. 19, 18.

19. E tuot ils rais, chi eiran suot Hadarezer, veziand cha eiran stats battüts d' Israel, schi fettan els pasch con Israel, e füttan ad els sogets. Ed ils Sirers tmettan da succuorror plü als infants d' Ammon.

CHAP. XI.

David tramettet Joab conter ils Ammonits. Commetta adulteri con Batseba, muglier d'Uria. Fa mazzar Uria. Spusa la duonna d'Uria.

MAI an seguaint, nel temp cha'ls rais soulan trar oura *alla guerra*, David tramettet Joab, con seis pövel, e tuot Israel; e quels dazipettan als infants d'Ammon, e mettettan l'assedi a Rabba; ma David dmuret in Gerusalem.

2. E dvantet üna saira, cha David, siand alvâ sü da seis let, e spassegiant sur il tet della chasa regala, vezzèt giò dal tet üna duonna chi's lavaiva, la quala *eira* bellisma d'aspet.

3. Ed el tramettet a domandar da quella duonna, e füt dit ad el: Non ais quaista Batseba, figlia d'Eliam, muglier d'Uria, Hetit?

4. E David tramettet mess a la tour. Ed ella gnit pro el, ed el dormit con ella. Ma ella as purifichaiva da sia malnettischa; lura turnet, ella darcheu a chasa sia.

5. E quella duonna gnit grvida, e tramettet a far a savair a David, dschand: Eu *sun* grvida.

6. E David tramettet a *dir* a Joab: Trametta'm Uria, l'Hetit. E Joab tramettet Uria a David.

7. E, cur Uria füt gnü pro el, domandet David ad el del bainstar da Joab, e del bainstar del pövel, e secha la guerra giaiva bain.

8. Lura dschet David ad Uria: Và giò in tia chasa, e 't lav' ils peis. Uria dimena get our dalla chasa regala, e'l füt portâ davo ün trat *da vivanda* del rai.

9. Ma Uria's mettet giò pro la porta della chasa del rai, con tuot ils serviaints da seis signur, e non get giò a chasa sia.

10. E füt refert a David, cha Uria non eira it giò a chasa sia. E David dschet ad Uria: Non vainst tü dal viadi? Perche dimena non est it giò a chasa tia?

11. Ma Uria dschet a David: * L'archa, ed Israel, e Giuda, sun logiats suot tendas, e Joab, meis signur, e'ls serviaints da meis signur, sun achampats stin la champagna; ed eu

dess intrar in chasa mia, per mangiar, e per baiver, e per dormir con mia muglier? *Sco* tü vivast, e *sco* tia orma viva, quaista chosa non vögl eu far.

* 2 Sam. 7, 2. 6. 20, 6.

12. E David dschet ad Uria: Stà qua amo hoz, e daman at vögl eu laschar ir. Uria dimena dmuret in Gerusalem quel di, ed il di seguaint.

13. E David l'invidet, ed el manget, e bavet, in presenza da quel, ed el l'inavriet; impero stin la saira get el oura per dormir in seis let, cols serviaints da seis signur, e non get giò a chasa sia.

14. E la mattina seguainta scrivet David üna charta a Joab, e la tramettet tras Uria.

15. * E nella charta scrivet el in quaista maniera: Tschantai Uria vi' incounter la plü aspra battaglia; lura as retrat vus inavo dad el, acio ch'el saja battü, e moura.

* 2 Sam. 12, 9.

16. Joab dimena, tgnand l'assedi alla città, tschantet Uria in ün lö, in gio el savaiva cha *eiran* homens valerus.

17. E'ls homens della città trettan oura, e combattettan conter Joab; ed *alchiüns* del pövel dels serviaints da David erodettan *morts*; Uria, Hetit morit eir el.

18. Lura tramettet Joab a far a savair a David tuot quai cha eira segui in quella battaglia.

19. E det quaist norden al mess: Cur tü vainst ad avair fini da requintar alrai tuot quai cha ais segui in quaista battaglia;

20. Scha'lrai siglia sü in ira, e disch: Perche s'avais vus approsmats alla città per combatter? Non savais vus, cha as soula trar giò dalla müraglia?

21. * Chi battet Abimelec, figl da Jerubbeset? Non füt üna duonna, chi'l büttet adöss ün toc moula da mulin giò dal mür, pelqual el morit a Tebes? Perche s'avais vus approsmats al mür? Lura di ad el: Uria, Hetit, teis serviaint, ais mort eir el.

* Gid. 9, 53.

22. Contuot get il mess, e, siand rivä, requintet el a David tuot quai, per il qual Joab l'avaiva tramiss.

23. E dschet a David: Quels avaiavan

fat ün sforz conter nus, ed eiran gnüts oura pro nus alla champagna, e nus ils avaivan tschessantats infin all'intrada della porta.

24. Ils balaistrêrs lura sagettettan conter teis serviaints giò dal mür, *ed alchüins* dels serviaints del rai sun morts; Uria, Hetit, teis serviaint, ais mort eir el.

25. David dschet al mess: Di usche a Joab: Non hajast dolor da quaist; perche la spada consüma tant l'ün co l'oter; rinforza la battaglia conter la città, e sdrüa quella, e *tü* da 'l ardimaint.

26. E la muglier d' Uria udit, cha Uria seis marit eira mort, e portet lèd per seis marit.

27. E, siand passà il lèd, tramettet David *per ella*, e la piglet in chasa, ed ella füt ad el muglier, e 'l parturit ün figl. Ma quaista chosa, cha David avaiva fat, displaschet al Segner.

CHAP. XII.

David ais reprais tras Natan, il profet. El denunzia il chastiamaint da seis pucha. David recognoscha seis fal. Salomon nascha. Ammonitis battüts.

E'L Segner tramettet Natan pro David. Ed el intret pro el, e dschet ad el: Ed eiran duos homens in üna città, l'ün rich, e l'oter pover.

2. Il rich avaiva bestiam manü e gross in granda quantità;

3. Ma 'l pover non avaiv' oter co üna *sula* pitschn' agnella, la qual' el avai-va comprà, e l'avaiva nudriada, ed ella eira creschüda con el, e con seis infants, mangiand dels baccuns da quel, e bavand our da sia coppa, e dormind in seis ravuogl; ed eira ad el tant co figlia.

4. Ma, siand gnü pro quel hom rich ün viandan *in chasa*, schi schaniet el seis bestiam gross e manü, e non piglet per apparechar al viandan, chi 'l eira gnü *in chasa*; ma piglet l'agnella da quel pover hom, e l'apparachet a quel, chi 'l eira gnü in chasa.

5. Lura David s'invüdet granda- maing in ira conter quel hom, e dschet a Natan: *Sco* 'l Segner viva, quel chi ha fat quaist ha meritâ la mort;

6. * Ed, ultra quai tocca, cha per quell'agnella el paja quatter; per

paina da quai ch'el ha commiss quaist fat, e ch'el non ha schaniâ quell'agnella.

* Ex. 22, 1.

7. Natan lura dschet a David: Tü *est* quel hom! Usche ha dit il Segner Deis d'Israel: Eu t'ha onschü per rai sur Israel, ed eu t'ha deliberâ dals mans da Saul;

8. E t'ha dat la chasa da teis signur; t'ha eir *dat* las donans da teis signur in ravuogl, e t'ha dat la chasa d'Israel, e da Giuda; ed impero, scha eir *quaist eira* pac, schi t'avess eu voglû metter pro amo talas e talas chosas.

9. Perche hast spredschiâ il pled del Segner, per far quai chi 'l displascha? Tü hast fat morir con la spada Uria, Hetit, e t'hast tut per muglier sia muglier, ed hast mazzâ ad el con la spada dels infants d'Ammon.

10. Uossa dimena, la spada non as dess mâ partir in perpetuo da tia chasa; perche tü m'hast spredschiâ, e t'hast tut per muglier la muglier d'Uria, Hetit;

11. Usche ha dit il Segner: Mera, eu vögl far alvar sü conter tai ün mal our da tia *stessa* chasa, e vögl tour tias mugliers avant teis ögls, e las vögl dar ad ün teis prossem, il qual dess dormir con ellas nel conspet da quaist solai.

12. Perque cha tü l'hast fat nel zoppâ, * vögl eu far quaist avant tuot Israel, ed avant il solai. * Ps. 32, 5. 51, 6.

13. David lura dschet a Natan: * Eu ha pechâ conter il Segner. E Natan dschet a David: Il Segner ha eir el fat passar via teis pucha; tü non vainst a morir.

14. Impero, perquai cha tü con quaist hast del tuot dat causa als inimis del Segner da 'l blastemmar, schi vain il figl chi t'ais nat per tschert a morir.

15. E Natan get a chasa sia. E'l Segner battet l'infantet, cha la muglier d'Uria avaiva parturi a David; ed el gnit debel, sainza spranza da meldramaint.

16. E David rovet Dieu per il mat- tet, e gegünet, e gnit, e passantet la not, dormind in terra;

17. Ed ils seniurs da sia chasa al

fettan istanza, per il far alvar da terra; ma el non volet, e non piglet spaisa con els.

18. E dvantet al settavel di, cha 'l infant morit. Ed ils serviaints da David tmaivan da 'l far a savair, cha 'l infant füss mort; perche els dschaivan: Mera, tant cha 'l infant eira amo in vita, tschantschaivan nus con el, schi non sporschaiv' el uraglia a nos dir; schi co al dessan nus uossa dir: L'infant ais mort? Pelqual el s' affligerà;

19. E David, veziaand cha seis serviaints tschantschaivan bass, s' inacorschet cha l' infant füss mort; pelqual el dschet a seis serviaints: L'infant ais el mort? E quels dschettan *ad el: Schi, l' ais mort.*

20. David lura alvet sü da terra, e 's lavet, e 's onschet, e müdet sia vestimainta; ed intret nella chasa del Segner, ed aduret; lura gñit el in chasa sia, e domandet, cha 'l füss miss *la maisa con la vivanda*, ed el manget.

21. E seis serviaints dschettan ad el: Che chos' *ais* quaista cha tü hast fat? Tü hast gegünâ, e eridâ per l' infant, tant ch' el eira amo in vita, e cur el ais stat mort, est tü stat sü, ed hast mangiâ.

22. El disch: Eu ha gegünâ, e eridâ, tant cha 'l infant eira amo in vita; perche eu dschaiva: Chi sa, *forza* cha 'l Segner am farà grazia, cha 'l infant viverà;

23. Ma uossa ch' el ais mort, perche dess eu gegünar? Il poss eu eir far turnar? Eu vegn pro el, ma el non vain a turnar darcheu pro mai.

24. David lura cuffortet Batseba, sia muglier; ed intret pro ella, e dormit con ella; ed ella parturit ün figl, il qual el nomnet Salomon, e 'l Segner l' amet;

25. Ed el tramettet il profet Natan, chi 'l mettet nom * Jedidia, per chaschun del Segner.

* 1 Cron. 20, 6.

26. Ma Joab, aviaand combattü Rabba dels infants d' Ammon, e tut aint la città regala;

27. Tramettet mess pro David, a dir ad el: Eu ha combattü Rabba, e ha eir tut aint la città dellas auas.

28. Contuot, rasp' uoss' il rimanent del pövel insembel, e mett' il champ

conter la città, e pigl' la; cha bricha, sch' eu la pigless, ella gñiss clamada da meis nom.

29. David dimena raspet tuot il pövel, e get a Rabba, e la combattet, e la piglet aint.

30. * E piglet la corona da Malcam giò dal cheu da quel; ed ella pasaiv' ün talent d' or, e *qua eiran* peidras preziasas, e füt tschantada sül cheu da David. El manet eir our' il butin della città, *chi füt* in grandissima quantità.

* 1 Cron. 20, 2.

31. El manet our' il medem il pövel chi *eira* in quella, e 'l mettet suot resgias, e suot charra da fier, e suot sgürs da fier, e 'ls fet passar tras fuorns da quadrells; ed usche fet el con tuot las cittats dels infants d' Ammon. David lura con tuot il pövel, turnet darcheu in Gerusalem.

CHAP. XIII.

Ammon, inviidà d' amur vi'a Tamar, sia sour, la sforza, per cossagl da Jonadab. Absalom, frar da Tamar, con ingian il fa mazzar. Absalom fùgia.

MA, dopo quaiastas chosas, dvantet cha, aviaand Absalom, figl da David, üna sour zuond bella, il nom della qualla *eira* Tamar; Ammon, figl da David, s' inamuret in ella.

2. Ed Ammon eira in grand angioscha, fin da 's malatar, peramur da Tamar, sia sour; perche ella eira vergina, e 'l paraiva massa grev da far qualche cosa con ella.

3. Ma Ammon avai' ün familiar ami, il nom del qual *eira* Jonadab, figl da Simea, frar da David, e Jonadab *eira* hom fich seort.

4. E quel al dschet: Perche est tü da di in di usche mager, o figl del rai? Non am post tü dir? Ed Ammon dschet ad el: Eu am Tamar, sour d' Absalom, meis frar.

5. E Jonadab dschet ad el: At metta in let, e 't fa amalà, e, cur teis bap vain a gñir at visitar, di ad el: Char tü, cha Tamar, mia sour, vegna, e 'm detta qualche spaisa da mangiar, l' am apparechand in mia presenza; acio cha, l' aviaand visa *apparechar*, eu la mangia da seis man.

6. Ammon dimena 's mettet in let, e 's fet amalà; e 'l rai gñit al visitar.

Ed Amnon al dschet: Char tû, cha Tamar, mia sour, vegna, e'm fetscha ün pêr vaischlas in mia presenza, schi *las* vögl eu mangiar da seis man.

7. E David tramettet a dir a Tamar in chasa: Vâ uossa in chasa da teis frar Amnon, e perderscha pro ad el qualeha vivanda.

8. Contuot get Tamar in chasa d' Amnon, seis frar, il qual giaschaiv' *in let*; ed ella piglet farina impastada, e la masdet, e fet vaischlas in sia presenza, e las coschet.

9. Lura piglet ella il test, e *las* svödet our' avant el; ma el as ostet da mangiar, e dschet: Fat ir oura tuots davent da mai. E tuots gettan our davenport dad el.

10. Amnon lura dschet a Tamar: Porta-m quaista vivanda nella chambretta, schi vögl eu mangiar da teis man. Tamar dimena piglet las vaischlas, ch'ell'avaiva fat, e *las* portet ad Amnon, seis frar, nella chambretta;

11. E las sporschet vi' ad el, acio ch'el mangess. Ma el la piglet, e la dschet: Vê nan, dorma con mai, mia sour.

12. Ma ella dschet ad el: Na, meis frar, non am sforzar; perche e non as dess far usche in Israel; non far quaista sceleratezza;

13. Ed eu, ingio gniss eu a chatschar meis vituperi, e tû gnissast quintâ ün dels plü scelerats *homens chi sajan* in Israel; ma tschantscha uossa, eu at rouv, col rai; perche el non vain at tschuncer giò.

14. Ma el non volet tadlar sia vusch, dimpersai la fet forza, e la violet, e dormit con ella.

15. Davo quai l'ödiet Amnon d' ün ödi fich grand; perche l' ödi ch' el la portai' *eira* plü grand, co l' amur ch' el l' avaiva portata. Ed el la dschet: Leiva sü, vâ davent!

16. Ma ella dschet ad el: E non *ais* già raschun, da'm chatschar our usche, il che *ais* ün mal plü grand co quel oter, cha tû m' hast fat. Ma el non volet tadlar,

17. Dimpersai clamet ün seis giuven chi 'l serviva, e dschet ad el: Tramett' oura quaista uossa davent da mai, e serra l' üsch davo ella.

18. Ma ella avaiv' indöss üna schocha richamada, perche las figlias del rai, verginas, eiran vestidas con talas vestas. Contuot la mettet our' il famagl d' Amnon, e serret l' üsch davo ella.

19. E Tamar piglet tschendra, e 's mettet sün la testa, e sdratschet la schocha richamada, ch' ell' avaiv' indöss, * e 's mettet ils mans sün cheu, e giaiva bragind.

* Gios. 7, 6. Giob 2, 12. Ger. 2, 37.

20. Ed Absalom, seis frar, la dschet: Teis frar Amnon ais el stat pro tai? Tascha pür uossa, mia sour; el ais teis frar, non tour quaista chos' usche zuond a cour. Tamar dimena dmuret in chasa da seis frar Absalom tuot scuffortada.

21. Ma 'l rai David incleget tuot quaistas chosas, e füt grandamaing adirâ.

22. Ed Absalom non tschantschaiva con Amnon, ne in mal, ne in bain; perche el ödiaiva Amnon, perche el avaiva sforzâ Tamar, sia sour.

23. Ma dvantet, in cheu da duos ans, cha, aviand Absalom ils tondadurs, in Baal-Hasor, chi *ais* sper Efraim, schi invidet el tuot ils infants del rai.

24. El gnit eir pro 'l rai, e dschet *ad el*: Mera, teis serviaint ha uossa tondadurs; eu rouv, cha 'l rai vegna, e seis serviaints, con teis serviaint.

25. Ma 'l rai dschet ad Absalom: Na, meis figl; eu 't rouv, non ans far ir a tuots, cha nus non at sajan grevs. E combain ch' el al fet istanza, non volet el impero ir; ma 'l benedit.

26. Ed Absalom dschet: Scha tû non *vainst*, cha vegna, eu 't rouv, Amnon, meis frar, con nus. E 'l rai dschet ad el: Perche dess el ir con tai?

27. Ma Absalom al fet tant' istanza, ch' el tramettet con el Amnon, e tuot ils infants del rai.

28. Ed Absalom det uorden a seis serviaints, dschand: Eu's rouv, guardai, eur il cour d' Amnon sarà leiger dal vin, e ch' eu vegn as dir: Battai ad el; lura mazzai quel, e non tmarai; non sun eu quel chi s' ha comandâ quai? Sajat fermes, e 's deportai da valents homens.

29. Ed ils serviaints d' Absalom fet-tan con Amnon, seo Absalom avai-a comandà. E tuot ils infants del rai al-vettan sù, e muntettan seodün sün seis mü, e fùgittan.

30. Ma, tant ch' *eiran amo* per strada, gnit la fama pro David, cha Absalom avess battü tuot ils infants del rai, e ch' ingün dels füss scampà via.

31. Lura stet sù il rai, e sdratschet sia vestimainta, ed as büttet in terra, e tuot seis serviaints *al* staivan *avant* con vestimainta sdratschada.

32. Ma Jonadab, figl da Simea, frar da David, favlet a *David*, e dschet: Meis signur non dia: Cha tuot ils giuvens, infants del rai, sajan maz-zats; perche Amnon sulet ais mort; siand cha tras comandamaint d' Absalom ais *quaist esequi*, ch' el avai-a tut avant el, dopo il di cha Amnon sforzet Tamar, sia sour.

33. Pertant cha 'l rai, meis signur, non piglia *quaista* chosa a cour da dir, cha tuot ils infants del rai sajan morts; perche Amnon sulet ais mort.

34. Ma Absalom fùgit; ed il servitur, chi staiv' alla guardia, ozet ils ögls, e guardet, e mera, ün grand pö-vel gniva dalla via davo el, dalla vart del munt.

35. E Jonadab dschet al rai: Mera, ils infants del rai vegnan; il fat sta seo teis serviaint ha dit.

36. E, cur el avet finì da tschan-tschar mera, ils infants del rai rivet-tan, ed ozettan lur vuschs, e eridettan. Il rai eir el, e tuot seis serviaints, eridettan d' ün grandissem eridar.

37. Ma Absalom fùgit, e get pro Talmai, figl d' Ammihud, rai da Gesur. E *David* portaiva lèd per seis figl tuot ils dis.

38. E, davo cha Absalom füt fùgi, e füt in Gesur, e füt qua dmurà traisans;

39. Schi's consumaiv' il rai David d'ir pro Absalom; perche el eira darcheu cuffortà davart Amnon, chi eira mort.

CHAP. XIV.

L'astuzia cha Joab dovra per reconciliar Absalom con seis bap. David consainta, cha Absalom tuorna.

MA Joab, figl da Seruja, cogno-schand, cha 'l cour da David eira invers Absalom;

2. Schi tramettet el in Tecoa, e fet gnir üna duonna scorta, alla quala el dschet: Eu 't rouv, t' infendscha da portar lèd, e t' vesta con vestimainta da lèd, e non at onscher con öli; ma sajast a guisa d' üna duonna, chi agià da blers dis innan porta lèd per ün mort;

3. Ed intra pro 'l rai, e di ad el talas e talas chosas. E Joab la mettet ils plets in bocca.

4. Contuot get quella duonna Tecoit a tschantschar col * rai, e s' büttet in terra sün sia fatscha, e s' inclinet, e dschet: Güda 'm, o rai! * 1 Sam. 20, 41.

5. Il rai la dschet: Che aise a tai? Ed ella dschet: Tschert, eu *sun* üna duonna vaidgua, e meis marit ais mort.

6. Ma tia fantschella avai-a duos figls, ils quals gnittan in dispitta our sülla cuttüra, e, non siand qua tanter els chi 'ls spartiss, l' ün battet l' oter, e 'l mazzet.

7. E mera, tuot il parantadi ais al-vâ sù conter tia fantschella, dschand: Da 'ns nan quel chi ha battü seis frar, acio cha nus il fetschan morir, per la vita da seis frar, ch' el ha mazzà, e 'l desterman, combain ch' el ais l' er-tavel; ed usche gnissan els a stüdan-tar il charbun invüdâ, chi 'm ais van-zâ, sainza laschar a meis marit alchün nom, ne alchün rimanent sur la fatscha della terra.

8. Il rai dschet alla duonna: Vâ a chasa tia, ed eu vögl dar uorden davart teis fat.

9. E la duonna Tecoit dschet al rai: O rai, meis signur, l' iniquità *saja* sur mai, e sur la chasa da meis bap, e *saja* imozaint il rai, e seis trun.

10. Il rai *la* dschet: Sch' alchün tschant-scha conter tai, fa 'l gnir pro mai, schi non vain el at toccer plü.

11. Ella dschet: Eu rouv, cha 'l rai as regorda del Segner seis Deis, cha tü non vögliast laschar, cha 'l vindicatur del sang passa la mastüra per mazzar, e cha non desterman meis figl. El *la* dschet: * *Sco* 'l Segner viva, e non dess erodar brich ün chavè da teis figl in terra.

* 1 Sam. 14, 45.

12. E la duonna dschet: Eu rouv, *la-scha* cha tia fantschella dia ün pled

al rai, meis signur. Ed el *la* dschet: Tschantscha!

13. La duonna dschet: Perche dimena hast tû impissâ üna chosa simila a quaista conter il pövel da Dieu? Ed il rai, tschantschand in quaista maniera, *ais* in ün tschert möd culpabel, non fand turnar quel, ch'el ha schatschâ.

14. Perche nus per tschert gnin a morir, e gnin ad esser sumgiants ad aua, chi as rasa in terra, la quala non as po raspar insembel, e Deis non ha resguard d'alehüna persuna; s' impaiss' oura dimen' *il rai* alehün möd, cha quel chi ais schatschâ non resta schatschâ dad el.

15. Ed uossa, quai ch' eu sun gnüda per tschantschar da quaista chosa col rai, meis signur, *ais stat* perche 'l pövel m' ha fat temma; pelqual tia fantschella ha dit: Uossa vögl eu tschantschar col rai; forse cha'l rai farà quai cha sia fantschella al disch.

16. Scha 'l rai consainta da liberar sia fantschella dal man da quel, chi voul destermnar mai, insembel con meis figl, dall' ierta del Segner;

17. Tia fantschella ha dit eir: Uossa sarà 'l pled del rai, meis signur, a tranquillità; perche 'l rai, meis signur, *ais* * sco ün angel da Dieu, per udir il bain, ed il mal, e 'l Segner teis Deis sarà con tai.

* 2 Sam. 19, 27.

18. Il rai respondet, e dschet alla duonna: Eu 't rouv, non am tgnair az-zoppâ quai ch' eu 't vögl domandar. La duonna dschet: Il rai, meis signur, tschantscha pür.

19. Il rai dschet: Non ha Joab miss man at far far tuot quaist? La duonna respondet, e dschet: *Sco* ti' orma viva, o rai, meis signur, e non as po storscher ne dalla dretta, ne snestra, chos' alehüna, cha 'l rai, meis signur, ha dit; perche Joab, teis serviaint *ais* quel *chi* m' ha ordinâ *quaist*; ed el istess ha miss in bocca a tia fantschella tuot quaists pleds.

20. Joab, teis serviaint, ha fat quaist per transmüdar l' affar; ma meis signur *ais* sabi sco ün angel da Dieu, per cognoscher tuot quai chi's *fa* in terra.

21. Lura dschet il rai a Joab: Mera, tû hast uossa condüt quaista fatschen-

da; vâ dimena, e fâ turnar inavo il giuvnal Absalom.

22. E Joab as büttet in terra sün sia fatscha, e s' inclinet, e benedit il rai, e dschet: Hoz cognoscha teis serviaint, ch' eu ha chattâ grazia pro tai, o rai, meis signur; daspö cha'l rai ha fat quai, cha seis serviaint al ha dit.

23. Contuot as fet sü Joab, e get in Gesur, e manet Absalom in Gerusalem.

24. Ma 'l rai dschet: Maina'l a chasa sia, ch' el non vezza mia fatscha. Absalom dimena volvet aint in sia chasa, e non vezzet la fatscha del rai.

25. Ma in tuot Israel non eira hom alehün, chi füss a pèr d' Absalom in excellenta bellezza, e non eira in el alehün defet, dalla planta del pè fin alla sommità del cheu.

26. E, cur el as faiva tonder il cheu, il qual el faiva ogni an, perche quel pasaiva massa, schi pasaiv' el la chavlära da seis cheu, *ed eira paisa da* duatschient siccais, a paisa del rai.

27. E naschettan ad Absalom trais figls, ed üna figlia, il nom della quala eira Tamar, e füt üna bella duonna.

28. Ed Absalom dmuret in Gerusalem duos ans, sainza vair la fatscha del rai.

29. Ed Absalom tramettet per Joab, per il trametter pro 'l rai. Ma el non volet gnir pro el. Ed *Absalom* tramettet per el eir la seguonda vouta; ma el non volet gnir.

30. Ed *Absalom* dschet a seis serviaints: Mera il champ da Joab, *chi* *ais* sper il meis, ingio el ha tierdi; it, e chatschai fö laint. Ed ils serviaints d' Absalom chatschettan fö in quel champ.

31. E Joab as fet sü, e gnit pro Absalom in chasa, e dschet ad el: Perche han teis serviaints chatschâ fö in meis champ?

32. Absalom dschet a Joab: Mera, eu avaiva tramiss at dir: Vè nan quì, ch' eu 't vögl trametter pro 'l rai, a dir ad el: Perche sun eu gnü da Gesur? Megl *füss* per mai, ch' eu *füss* amo là; contuot fâ uossa, ch' eu vezza la fatscha del rai, e sch' in mai ais alehün' iniquità, ch' el am fetseha morir.

33. Joab dimena gnit pro 'l rai, e 'l referit *il fat*. Ed *il rai* clamet Absalom; ed el gnit pro el, e s' inclinet in terra avant el sün sia fatscha. Ed il rai bütschet Absalom.

CHAP. XV.

Las pratchas d'Absalom per gnir pro 'l reginam. La congiuraziun d'Absalom ais annunziad' a David. La partenza da David e da seis serviaints. El rova il Segner, da far fallar ils cossagls d'Ahitofel.

MA, dopo quaistas chosas, dvantet, cha Absalom as furnit con charra, e con chavals, e tschinquant' homens curriyan avant el.

2. Ed el as faiva sü la daman manvagli, ed as fermaiva d'üna vart della via pro la porta; e scha 'l eira alchün, chi avess qualcha lita, per *la quala el dovaiva* gnir pro 'l rai per güdizi; schi 'l clamaiva Absalom, e dschaiv' ad el: Da qual città *est* tü? E quel al responsaiva: Teis serviaint *ais* da tal' e tala schlatta d'Israel,

3. Schi dschaiv' Absalom ad el: Guarda, tias raschuns *sun* bunas, e drettas; ma tü non hast alchün chi at taidla da part del rai.

4. Ed Absalom dschaiva: Ah, füss eu pür constitui güdisch nel pajais; acio cha, chi avess alchüna lita, o aet da dret, gniss pro mai, eu al voless far raschun.

5. E, seh' alchün s'approsmaiv' ad el per s' inclinar avant el, schi stendaiv' el our' il man, e 'l pigliaiva, e 'l bütschaiva.

6. Ed usche fair' Absalom con tuot quels d'Israel, chi gnivan pro 'l rai per güdizi; ed involaiv' il cour da quels d'Israel.

7. Ma dvantet, in cheu da quarant' ans, cha Absalom dschet al rai: Eu't rouv, *lascha* ch' eu giaja in Hebron, per complir ün meis vut, ch' eu ha fat al Segner.

8. Perche, tant * ch' eu dmuraiv' in Gesur, in Siria, schi fet teis serviaint ün vut, dschand: Scha pür il Segner am condüa darcheu in Gerusalem, schi vögl eu saerifichar al Segner.

* 2 Sam. 13, 37. 38.

9. Il rai dschet ad el: Và con pasch. Contuot as fet el sü, e get in Hebron.

10. Ma Absalom avaiva tramiss per

tuot las schlattas d'Israel persunas, chi dschessan ad ellas: Cur vus gniss ad udir il sun della trombetta, schi dit: Absalom ais fat rai in Hebron.

11. E con Absalom gettan duatschient homens da Gerusalem, chi eiran stats invidats, e giaivan via in lur simplicità, non saviand inguotta.

12. Ma Absalom, eur el füt per saerifichar ils sacrificis, schi tramettet el per Ahitofel, il Gilonit, eusglër da David, *chi gniss* da Gilo, sia città; e la congiura gnit potainta, ed il pövel giaiva creschand da number pro Absalom.

13. Ma ün mess gnit pro David, dschand: Il cour dels Israelits ais davo ad Absalom!

14. Lura dschet David a tuot seis serviaints, chi *eiran* con el in Gerusalem: Stat sü, fugin; perche nus non gnin a podair scampar via our davanti Absalom; festinaiv' da chaminar; ch' el forse non ans sieua all' improvista, e chatscha la ruina adöss a nus, e batta la città, *la mettand* a fil da spada.

15. Ed ils serviaints del rai dschettan ad el: Mera nus, teis serviaints, *per far* interamaing seguond ch' al rai, meis signur, vain a parair bön.

16. Il * rai dimena get oura, e tuot sia chasa al seguittet. Ed il rai laschet desch donans concubinas per guardia della chasa.

* Ps. 3, 1.

17. E, eur il rai füt it oura, con tuot il pövel *ch' l* seguiva, schi 's fermettan els in üna chasa bain dalönsch.

18. E tuot seis serviaints, con tuot ils cheretits, e tuot ils peletits, chaminavan sper el nan, e tuot ils Gattits, *chi eiran* sestschient homens, gnüts da Gat a seis seguit, passaivan avant il rai.

19. Ed il rai dschet ad * Ittai, Gattit: Perche voust eir tü gnir con nus? Tuorna inavo, e dmura col rai? Perche tü est forestër, ed hast *eir bod* d'ir in teis lö.

* 2 Sam. 18, 2.

20. Pür her ans est gnü, e't dess eu far ir ad erramaints qua e là con nus? Ma, quant a mai, vegn eu ingio eu vegn a podair; tuorna darcheu, e maina teis frars inavo; benignità e vardà *dessan dmurar* con tai.

21. Ma Ittai respondet al rai, e dschet: * *Sco'l Segner viva, e sco viv' il rai, meis signur, ingio 'l rai, meis signur sarà, tant per morir, co per viver, qua sarà eir teis serviaint.*

* Rut. 1, 16.

22. Contuot dschet David ad Ittai: Và, passa plünavant. Usche passet Ittai, Gattit, plünavant, con tuot seis pövel, e tuot ils infants ch' el avaiva con el.

23. E tuot il *pövel del pajais* cridaiva con grand bragizi, tant cha tuot quel pövel passaiva. Ed il rai passet il flüm da Cidron, e tuot il pövel passet, trand vers il desert.

24. Ma mera, *qua eira* eir Sadoc, con tuot ils levits, portand l'archa della lia da Dieu, e quels pozettan l'archa da Dieu là, tant cha Abiatar giaiva sü, fin cha tuot il pövel avess glivrà da gnir our dalla città.

25. Ma l'rai dschet a Sadoc: Porta darcheu l'archa da Dieu nella città; sch'eu chat grazia pro 'l Segner, schi vain el darcheu am turnantar, e vain am la far vair, insembel con sia avdanza;

26. Impero sch'el disch usche: Eu non ha dalet da tai; schi mera 'm qui, ch'el fetscha con mai sco ad el plascherà.

27. Il rai dschet eir al sacerdot Sadoc: *Non est* tii il * vidaint? Tuorna darcheu inavo con pasch nella città, *tii ed Abiatar*, insembel con voss duos figls, Ahimaas, teis figl, e Gionatan, figl d'Abiatar.

* 2 Sam. 17, 17.

28. Guardai, eu vögl ir, am tgnand sü nellas champagnas del desert, fin cha 'm vegna rapportà alchüna novella da parte vossa.

29. Sadoc dimena, ed Abiatar portet-tan l'archa da Dieu darcheu in Gerusalem, e dmurettan qua.

30. E David giaiva sü per la muntada dels olivêrs, cridand, ed aviand il cheu covert, e chaminaiva seuz. E tuot il pövel, ch'el avaiva con el, avai' il cheu covert, e muntaiva cridand.

31. E David declaret, e dschet: Ahitofel *ais* tanter quels chi s'han congiurats con Absalom. Lura dschet el: Segner, renda, eu't rouv, nar il cossagl d'Ahitofel.

32. Ma dvantet cha, cur David füt rivà alla tschimma *del munt*, ingio el volaiva adurar Deis; mera, Husai, Archit, al gnit incoenter, aviand la rassa sdratschada, e terra sün la testa.

33. E David dschet al el: Scha tü passast plünavant con mai, schi vainst tü am esser üna grevezza;

34. Ma, scha tü tuornast nella città, e dist ad Absalom: Eu vögl esser teis serviaint, o rai; da vegl nan *sun* eu *stat* serviaint da teis bap, ed uossa vögl eu esser teis; schi vainst tü am rumper il cossagl d'Ahitofel.

35. Pro quai, non vainst tü ad avair là con tai ils sacerdots Sadoc ed Abiatar? A quels dessast tü far a savair tuot quai cha tü vainst ad inler dalla chasa del rai.

36. Mera là *sun* con els lur duos figls, Ahimaas, *figl* da Sadoc, e Gionatan, *figl* d'Abiatar; tras quels *trametta* 'm a dir tuot quai cha vus gnis ad avair udi.

37. Usche gnit Husai, il familiar ami da David nella città, inquai cha Absalom intraiva in Gerusalem.

CHAP. XVI.

L'infideltà da Siba vers seis patrun, Simei smaledescha David, ed el sofrescha paziaintamaing. Tras cossagl d'Ahitofel intra Absalom pro las concubinas da seis bap.

MA, cur David füt passà ün pa da là, dalla tschimma *del munt*, Siba, serviaint da Mefiboset, al get incoenter con ün pèr d'asens chargiats, süls quals *eiran* duatschient pans, e tschient mazz d'üja passa, e tschient da *früts della stà*, ed üna barigl vin.

2. Ed il rai dschet a Siba: Che voust far da quaistas chosas? Siba dschet: Ils asens *sun* per la famiglia del rai, per sezzar süsura; ed il pan e *früt della stà* sun per ils giarzuns, per cha mangian; ed il vin *ais* per quels chi saran stangels nel desert, per cha baivan.

3. Il rai dschet: Ed ingio *ais* il figl da teis signur? E Siba dschet al rai: Mera, el ais dmurà in Gerusalem, pereche l'ha dit: Hoz vain la chasa d'Israel am restituir il reginam da meis bap.

4. Il rai dschet a Siba: * Mera, tuot

quai cha *eira* da Mefboset *ais* tieu. E Siba dschet: Eu am inclin a tai, o rai, meis signur; pür ch' eu chatta grazia pro tai.

* Prov. 18, 13.

5. Ma, siand il rai David rivâ a Bahurim, mera, ün hom della famiglia da Saul, il nom del qual *eira* Simeï, figl da Gera, get our da là, e giaiva smaledind David;

6. E traiva crappa conter il rai David, e conter tuot seis serviains; combain ch' el avaiva dalla dretta e dalla snestra tuot il pövel, e tuot ils homens valerus.

7. Ma Simeï dschaiva usche, il smaledind: Vè oura, vè pür oura, hom da sang, ed hom scelerat.

8. Il Segner t' ha fat turnar adöss tuot il sang della chasa da Saul, in pè del qual tû hast regnâ; ed il Segner ha dat il reginam in man ad Absalom, teis figl, e mera, tû est in teis mal; perche tû est ün hom da sang.

9. * Ma Abisai, figl da Seruja, dschet al rai: Perche smaledescha quai chan mort al rai, meis signur? Char tû, *lascha* ch' eu giaja, e' l piglia il cheu.

* 2 Sam. 19, 21.

10. Ed il rai respondet: Che ha eu da far con vus, infants da Seruja? Ch' el pür smaledescha, e, scha' l Segner al ha dit: Smaledescha David; schi chi vuol dir: Perche hast tû fat usche?

11. David dschet, ultra quai, ad Abisai, ed a tuot seis serviains: Mera, meis figl, chi ais gnü our da meis interiur, tscherecha *da'm tour* la vita; quant plü uossa *po quai far* ün Benjaminit? *Lascha* 'l, ch' el pür smaledescha; perche il Segner l' ha dit.

12. Forsa vain il Segner a guardar mia afflicziun, e' m render bain, in pè della smaldischun, con la quala quaiest hoz am smaledescha.

13. David dimena, con sia gliend, chaminaiva per la via, e Simeï giaiva, dalla vart del munt, incounter el via, smaledind da contin, e trand ad el crappa, ed alvantand la puolvra.

14. Ma 'l rai, e tuot il pövel chi *eira* con el, rivettan là, tuot stangels, e reposittan qua.

15. * Ma Absalom, con tuot il pövel,

ils principals d' Israel, intret in Gerusalem; ed Ahitofel con el.

* 2 Sam. 15, 37.

16. E, cur Husai, l' Archit, ami familiar da David, füt gnü pro Absalom, al dschet el: Viv' il rai, viv' il rai!

17. Ma Absalom dschet a Husai: Ais quaista tia benignità invers teis ami familiar? Perche non est it con el?

18. E Husai dschet ad Absalom: Na; dimpersai eu vögl esser da quel, il qual il Segner, e quaiest pövel, e tuot ils principals d' Israel, han elet, e vögl dmurar con el.

19. Per il segund, a chi dess eu servir? Non dess eu servir al figl da quel? Seo eu sun stat al servezzen da teis bap, usche vögl esser eir al teis.

20. Lura dschet Absalom ad Ahitofel: Cossaglia quai cha nus avain da far.

21. Ed Ahitofel dschet ad Absalom: Intra pro las concubinas da teis bap, las qualas el ha laschâ per guardia della chasa; acio cha tuot Absalom in elegia, cha tû t' hajast rendü abominabel a teis bap; ed usche vegnan ils mans da tuot quels chi sun con tai, a gnir fortifichats.

22. Ed ad Absalom füt tais üna chammanna sül tet; * ed Absalom intret pro las concubinas da seis bap, avant ils ögls da tuot Israel.

* 2 Sam. 12, 11.

23. Ma in quel di il cossagl, cha Ahitofel daiva, *eira stîmâ* tant co scha füss domandâ l' oracul da Dieu; da tanta stima *eira* ogni cossagl d' Ahitofel, tant pro David, co pro Absalom.

CHAP. XVII.

Il cossagl d' Ahitofel straviâ tras quel da Husai. La conclusiun del cossagl vain annunziad' a David. La mort d' Ahitofel. Absalom va con l' armada conter David.

AHITOFEL lura dschet ad Absalom: In grazia, *lascha* ch' eu tscher-na dufeschmilli homens; ed eu am vögl far sù, e perseguittar David quaista not,

2. E' l vögl assaglire tant ch' el ais stangel, ed ha ils mans lass; ed eu il vögl stramantar, e tuot il pövel chi *ais* con el vain a fùgir; schi eu vögl lura batter il rai sulet;

3. E vögl darcheu ardür tuot il pövel pro tai; l' hom cha tû tscherchast

vala tant, co scha tuots turnessan inavo; tuot *il rimanent del pövel* non farà plü guerra.

4. Quaist parair plaschet ad Absalom, ed a tuot ils seniurs d'Israel.

5. Impero dschet Absalom: Eu 't rouv, clama eir Husai, l'Archit, ed inelegiain eir quai ch'el averà in bocca.

6. Husai dimena gnit pro Absalom; ed Absalom dschet ad el: Ahitofel ha tschantschâ in quaista sentenza; volain nus far quai ch'el ha dit, o na? Tschantscha tü.

7. Ed Husai dschet ad Absalom: Il cossagl cha Ahitofel ha dat quaista vouta non *ais* bun.

8. Lura dschet el: Tü cognoschast teis bap, e la gliend ch'el ha con el, cha sun homens valerus, e cha han ils cours inasprits sco ün' uorsa, chi ha pers seis ursins stün la champagna; ultra quai *ais* teis bap hom da guerra, e non vain a star la not pro 'l pövel.

9. Mera, l'*ais* uossa zoppâ in üna da quellas fouras, o in ün da quels lous, e dvanterà, sch' alchüns da quels crodessan al prüm *insconter*, schi chi que udiss, gniss a dir: Il pövel chi seguitaiva Absalom *ais* battü.

10. Pelqual eir ils plü valerus, chi han il cour simil ad ün cour da liun, gnissan daffat as stramantar; perche tuot Israel sa, cha teis bap *ais* hom ferm, e cha quels chi *sun* con el, *sun* valerus.

11. Ma eu cossagl, cha zuond daffat as raspa nan pro tai tuot Israel, da Dan fin Beerseba, in grand number, sco 'l sablun chi *ais* sün la riva del mâr, e cha tü gijast in persuna alla battaglia.

12. E lura volain nus ir conter el in qualunque lö ch'el as chatterà, e 'ns volain acchampar intuorn el, a guisa, cha crouda il ruschè sün la terra, e non al resterà brich' ün, da tuot ils homens chi sun con el.

13. Ma, sch' el inclur as redüa in alchüna città, schi vain tuot Israel a portar nanpro suas, e nus la volain stroziar fin al flüm, fin cha non as ehatta qua brich' üna pedretta.

14. Ed Absalom, e tuot ils principals d'Israel, dschettan: Il cossagl d' Husai, l'Archit, *ais* megler co 'l cossagl d' Ahitofel. * Ma 'l Segner avai'

usche ordinâ, per rumper il cossagl d' Ahitofel, chi eira megler; acio cha 'l Segner fess gnir il mal sur Absalom.

* 2 Sam. 15, 31.

15. Husai dschet lura a Sadoc, ed Abiatar, sacerdots: Ahitofel ha dat tal e tal cossagl ad Absalom, ed als seniurs d'Israel; ed eu l' ha dat tal e tal.

16. Contuot tramettai uossa bainbod al far ineler a David, ed a dir ad el: Non star quaista not nellas champagnas del desert; ed eir daffat passa *il Giordan*; cha brich il rai vegna travus con tuot il pövel chi *ais* con el.

17. Ma Gionatan ed Ahimaas stavian * sper la fontana da Rogel, e, siand cha non podaivan as laschar vair, *ne* intrar nella città, schi get üna fantschella, e referit ad els *il fat*, e quels gettan, e 'l fettan a savair al rai David.

* Gios. 15, 7. 2 Sam. 15, 27.

18. Ed ün giarzun ils vezzët, e referit ad Absalom. Ma amenduos chamibettan bainbod, e gnittan in Bahurim, in chasa d' ün hom, chi avai' ün puoz in sia cuort, e qua's laschettan els giò.

19. E la duonna *da chasa* piglet * üna coverta, e la stendet oura sur la bocca del puoz, e raset süsura gran pisâ; ed ingün non savet il fat. * Gios. 2, 6.

20. Ed ils serviaints d' Absalom gnittan pro quella duonna in chasa, e la dschettan: Ingio *ais* Ahimaas e Gionatan? Ella dschet ad els: Els sun passats il pass dell' aua. E quels ils tscherchettan; ma, non ils chattand, turnettan els darcheu in Gerusalem.

21. E, dopo ch' els füttan its davent, gnittan quels sü our dal puoz, e gettan, e referittan la chosa a David, e dschettan ad el: As fat stü, e passai l' aua bainbod; perche Ahitofel ha dat tal cossagl conter vus.

22. Contuot as fet sü David, con tuot il pövel chi *eira* con el, e passet il Giordan; ant il sclerir del di, tuots, fin ad ün, avaiyan passâ il Giordan.

23. Ma Ahitofel, aviand vis, cha non eira fat quai ch' el avaiya cossagliâ, insellet el seis asen, e 's fet sü, e get a chasa sia in sia città, e det uorden a sia chasa, e lura as stranglet el, e morit, e füt sepulì nella sepultura da seis bap.

24. E David gñit in Mahanaim. Absalom lura passet il Giordan, insembel con tuot il pövel d' Israel.

25. * Ed Absalom constituit Amasa sur l' exercit, in lö da Joab. Ma Amasa *eira* figl d' ün hom Israelit, nomnâ Itra, il qual eira intrat pro Abigail, figlia da Nahas, sour da Seruja, mamma da Joab.

* 1 Cron. 2, 16. 17.

26. Ma Israel con Absalom s' achampet nel pajais da Gilead.

27. Cur David füt rivâ in Mahanaim, Sobi, figl da Nahas, da Rabba dels infants d' Ammon, e Machir, figl d' Ammiel, da Lodebar, e * Barzillai, Gileadit, da Roglim,

* 1 Reg. 2, 7.

28. Portettan a David, ed al pövel chi eira con el, lets, e batschigs, e vashella da terra, e da mangiar, formaint, ed üerdi, e farina, e gran ustri, e fava, e lentiglias, ed eir roba ustrida;

29. E meil, e painch, e bescha, e chaschöl da vacha; perche els dschetan: Quaist pövel ha pati fam, e stanglantüm, e sait nel desert.

CHAP. XVIII.

David parta si' armada in trais parts, e la trametta conter Absalom. L' armada d' Absalom disfatta. Sia miserabla fin. Il pland da David per la mort da seis figl Absalom.

MA David fet la revista del pövel chi *eira* con el, e constituit sur els chapitanis da milli, e chapitanis da tschient.

2. E David tramettet il pövel, üna terza suot la condotta da Joab; l' otra terza suot la condotta d' Abisai, figl da Seruja, frar da Joab; e l' otra terza suot la condotta d' Ittai, Gattit. Lura dschet il rai al pövel: Eir eu vögl daffat ir oura con vus.

3. Ma'l pövel respondet: Tü non dessast gñir oura; perche scha dech nus fugin, schi non tegnan els quint, e schabain cha moriss la mità da nus, chi eschan dech uossa intuorn desch-milli, schi non vegnan els a tgnair quint. Contuot ais uossa megl, cha tü'ns dettast succuors our dalla città.

4. Il rai dschet ad els: Eu vögl far quai cha 's para bün. Usche 's fermet il rai d' üna vart della porta, tant cha tuot il pövel giaiv'oura, a tschientinêras ed a milliêras.

5. Ed il rai comandet, e dschet a Joab, ed ad Abisai, ed ad Ittai: *Trat-tâ* 'm amiaivelmaing il giuven Absalom. E tuot il pövel udit, cur il rai det quaist comandamaint a tuot ils chapitanis davart Absalom.

6. Il pövel dimena get our in champagne incoenter Israel, e la battaglia 's fet nel god d' Efraim.

7. E qua füt sternü il pövel d' Israel dals serviaints da David; ed in quel di füt la deruotta granda in quel lö, cioè da vainchmilli homens.

8. E la battaglia 's raset qua per tuot il pajais, e'l god consümet in quel di del pövel bler plü, co cha la spada avaiva consümâ.

9. Ed Absalom s' incontret nels serviaints da David. Ma el chavalgiaiva ün mül, ed il mül intret suot il spess d' ün grand ruver, e'l cheu d' Absalom s' attachet vi' al ruver, ed el restet suspais tanter tschel e terra, e'l mül, ch' el avaiva suot el, passet inavant.

10. Ed ün tschert il vezett, e referit a Joab, e dschet: Mera, eu ha vis Absalom attachâ vi' ad ün ruver.

11. E Joab dschet a quel chi rapportaiva *quaist*: Mera, daspö cha tü l' hast vis, perche non l' hast battü, e miss per terra in quel lö istess? Ed a mai *füss stat*, da't dar desch *siccals* d' argient, ed üna tschinta.

12. Ma quel hom dschet a Joab: Combain ch' eu avess nellas palmas dels mans milli *siccals* d' argient contants, schi non voless eu impero metter il man adöss al figl del rai; perche il rai ha dat comandamaint, udind nus, a tai, ed ad Abisai, ed ad Ittai, dschand: Guardai cha alchün *da vus non mett' il man* sur il giuvnal Absalom.

13. E sch' eu avess fat quaist frod conter mia vita, siand ch' ingüna chosa non ais azzoppad' al rai, schi gnivast tü a star lontan *da mai*.

14. Joab respondet: Eu non am vögl usche tgnair sü in presenza tia. E piglet trais frizzas in man, e las fichet nel pet d' Absalom, chi eira amo viv in mez il ruver.

15. Lura desch giarzuns, port-armas da Joab, circondettan Absalom, e'l battettan, e'l mazzettan.

16. Lura sunet Joab con la trombetta, e 'l pövel turnet inavo dalla chattscha d' Israel; perche Joab retgnet il pövel.

17. Lura piglettan els Absalom, e 'l büttettan nel god aint in üna granda foura, e mettettan sur quella üna grandisma musehna da crappa, e tuot Israel fügit, scodün pro sias tendas.

18. Ma Absalom, tant ch' el eira in vita, avaiva tut la coluonna chi *ais* * nella val del rai, e l' avaiva drizzada sü; perche el dschaiva: Eu non ha figls per conservar la memoria da meis nom; e clamet quella coluonna davo seis nom. Pelqual infin' a quaißt di ais ella statta clamada: La coluonna d' Absalom.

* Gen. 14, 17.

19. Ed Ahimaas, figl da Sadoc, dschet: In grazia, lascha ch' eu cuorra, e porta al rai quaißtas bunas novellas, cha 'l Segner ha fat raschun, *il liberand* dal man da seis inimis.

20. Ma Joab dschet ad el: Tü non sarast hoz portadur da bunas novas; ün oter di dessast portar las novas, ma hoz non portessast bunas novellas; perche 'l figl del rai ais mort.

21. E Joab dschet ad ün Etiopier: Và, referesch' al rai quai cha tü hast vis. E 'l Etiopier s' inclinet avant Joab, e lura 's mettet el a cuorrer.

22. Ma Ahimaas, figl da Sadoc, dschet danöy a Joab: Che cha saja, *lascha*, eu 't rouv, cha eir eu cuorra davo al Etiopier. E Joab dschet *ad el*: Perche voust cuorrer usche, meis figl, daspö cha non as preschaint' a tai alchüna buna novella *da portar*?

23. *Ed el dschet*: Che cha saja, eu vögl cuorrer. E Joab dschet ad el: Cuorra! Ahimaas dimena as mettet a cuorrer per la via della planüra, ed avanzet l' Etiopier.

24. Ma David sezzaiva tanter las duos portas, e la guardia muntet sül tet della porta, sül müir, ed ozet ils ögls, e guardet, e mera, ün hom chi curriva zuond sulet.

25. E la guardia clamet, e fet a savair al rai. Ma 'l rai dschet: Sch' el ais sulet, schi port' el novas. E quel gniva da contin, s' approssmand.

26. Lura vezzet la guardia ün oter hom chi curriva, e clamet al portnêr,

e dschet: Mera, ün *oter* hom chi cuorra zuond sulet. Ed il rai dschet: Eir quaißt porta novas.

27. La guardia dschet: Il cuorrer del prüm am para il cuorrer d' Ahimaas, figl da Sadoc. E 'l rai dschet: Quaißt ais hom da bain; el dess gnir con alchüna buna novella.

28. Lura clamet Ahimaas, e dschet al rai: Pasch! E, dopo s'avair inelinâ in terra sün sia fatscha, avant il rai, dschet el: Benedi *saj* il Segner teis Deis, il qual t' ha dat nels mans quella gliend, chi avaivan ozâ sü lur mans conter il rai, meis signur!

29. Ma 'l rai dschet: Il giuven Absalom *ais el* san e salv? Ahimaas dschet: Eu vezzet ün grand tumult, eur Joab tramettet il giarzun del rai, e *mai*, teis serviaint; ma eu non ha savü che chosa *cha poss' esser*.

30. Il rai dschet *ad el*: Và d' üna vart, e tferma là. El dimena get d' üna vart, e 's fermet.

31. E mera, l' Etiopier rivet, e dschet: Il rai, meis signur, retschai-va quaißtas bunas novas, cha 'l Segner t' ha hoz fat raschun, *at liberand* dals mans da tuot quels chi eiran alvats sü conter tai.

32. Ma 'l rai dschet al Etiopier: Il giuven Absalom ais el san e salv? L' Etiopier respondet: Sajan ils inimis del rai, meis signur, e tuot quels chi leivan sü conter tai per mal, seo 'l giuven.

33. Lura 's conturblet il rai, e get sün la sala della porta, e cridet, e tant ch' el giaiva, dschaiv' el usche: Meis figl Absalom, meis figl, meis figl Absalom! Ah, füss eu pür mort in teis pè, meis figl Absalom, meis figl!

CHAP. XIX.

Joab cufforta David, e 'l cossaglia, ch' el as dess mossar al pövel. David vain darcheu tschantâ aint nel reginam. El perduna a Simei. Taidla las schüsas da Mefiboset; Israelits brunclan conter Giuda.

E füt refert a Joab: Mera, il rai crida, e porta lèd per Absalom.

2. E la victoria füt vouta in quel di a tuot il pövel in lèd; perche 'l pövel udit dir in quel di: Il rai ais conturbâ per seis figl.

3. E 'l pövel in quel di intret seo da

s'involar aint nella città; ingual sco ün pövel s'invoula davent, chi ais gnü in verguogna per esser fûgi nella battaglia.

4. Ma'l rai as covernet la fatscha, e bragiva con granda vusch: Meis figl Absalom, meis figl Absalom, meis figl!

5. Ma Joab intret pro 'l rai in chasa, e dschet: Tü hast hoz svergognâ la vista a tuot teis serviaints, chi han hoz salvâ la vita a tai, ed a teis figls, ed a tias figlias, ed a tias mugliers, ed a tias concubinas;

6. Amand quels chi t'ödieschan, ed ödiant quels chi t'aman; perche tü hast hoz declerâ, cha chapitanis, e sudats non at *giajan* pro inguotta; perche eu cognosch hoz cha, scha Absalom *füss* in vita, e nus tuots *füssan* hoz morts, *la chosa* lura gniss at plaschair.

7. Contuot, stâ sü uossa, vâ our, e tschantscha con teis serviaints graziavelmaing; perche eu gür tras il Segner, cha, scha tü non vast oura, schi non vain ün sul hom a dmurar con tai quaista not, e quai *vain* at *esser* ün mal pèr co tuot *oter* mal, chi't saja scontrâ da tia giuventün'innan infîn ad uossa.

8. Lur'alvet sü il rai, e 's mettet a zer nella porta. E füt rapportâ, e dit a tuot il pövel: Mera, il rai sezza nella porta. E tuot il pövel gnit avant il rai. Ma, siand ils Israelits fûgits scodün pro sias tendas,

9. Scai disippitaiva tuot il pövel tanter sai sves in tuot las schlattas d'Israel, dschand: Il rai ans ha spendrats dals mans da noss inimis; el ans ha eir salvats dals mans dels Filistins; ed uossa ais el fûgi our dal pajais per causa d' Absalom,

10. Ed Absalom, il qual nus avaivan onschü sur nus, ais mort nella battaglia. Uossa dimena, perche non dschais vus inguotta da far darcheu turnar il rai?

11. Ed il rai David tramettet a dir als sacerdotes Sadoc ed Abiatar: Tschantschai cols seniurs da Giuda, dschand: Perche dessat vus esser ils ultims a condür darcheu il rai in chasa sia? (Ma'ls discuors da tuot Israel eiran gnüts avant il rai in sia chasa.)

12. * Vus eschat meis frars, mia ossa, e mia charn; perche dimena volessat vus esser ils ultims a condür darcheu il rai?

* 2 Sam. 5, 1.

13. Dit eir ad Amasa: Non *est* tü mia ossa, e mia charn? Usche am fetscha Deis, ed amo plü, scha tü non est capo del exercit avant mai in perpetuo, in lö da Joab.

14. Usche inclinet el il cour da tuot ils homens da Giuda, sco d'ün hom sulet; pelqual els tramettettan a dir al rai: Tuorna inavo, tü, con tuot teis serviaints.

15. E 'l rai turnet darcheu, e rivet pro 'l Giordan. Ma quels da Giuda eiran gnüts in Gilgal, per ir in conter al rai, per il far passar il Giordan.

16. * E Simeï, figl da Gera, Benjamin, chi *eira* da Bahurim, festinet, e tret giò con quels da Giuda in conter il rai David,

* 2 Sam. 16, 5.

17. Aviad con el milli homens da Benjamin, e Siba, famagl della chasa da Saul, con quindesch seis figls, e vainch seis serviaints, e passettan il Giordan avant il rai.

18. Lura passet la barcha, per manar suravia la famiglia del rai, e per far quai cha gniss a plaschair al rai. E, eur il rai eira per passar il Giordan, Simeï, figl da Gera, as büttet giò avant seis peis,

19. E dschet al rai: Meis signur non am imputa a cuolpa, e non at trar a memoria il * misfat cha teis serviaint commettet il di cha'l rai, meis signur, tret our da Gerusalem, per il tour a cour;

* 2 Sam. 16, 5.

20. Perche teis serviaint cognoscha, ch'eu ha pechâ, e mera, hoz sun eu gnü il prüm, avant tuot *oters* della chasa da Giosef, per ir giò in conter al rai, meis signur.

21. Ma Abisai, figl da Seruja, as mettet a dir: Non as dess far morir Simeï, perquai ch'el ha smaledi l' onschü del Segner?

22. E David dschet: Che ha eu da far con vus, * infants da Seruja, chi'm eschat hoz in lö da satanas? As dess hoz far morir alehün in Israel? Perche, non sa eu, ch'eu sun hoz rai sur Israel?

* 2 Sam. 16, 10.

23. E'l rai dschet a Simei: Tü non dessast morir. E'l rai al güret.

24. Lura get giò eir incoenter al rai Mefiboset, figl da Saul, il qual non s'avaiva nettiâ ils peis, ne la barba, ne lavâ la vestimainta, dal di cha'l rai eira it davent, fin al di ch'el turnet in pasch.

25. E, cur el gñit in Gerusalem incoenter al rai, dschet il rai ad el: Perche non est tü gnü con mai, Mefiboset?

26. Ed el dschet: O rai, meis signur! Meis serviaint am ingiannet; perche teis serviaint avaiva dit: Eu am vögl far insellar l'asen, e muntar sü, e vögl ir col rai; siand cha teis serviaint *ais zop*;

27. Ed el ha calumniâ teis serviaint pro'l rai, meis signur; impero il rai, meis signur, *ais* seo ün angel da Dieu; fà dimena quai cha't plascherà.

28. Perche tuot la chasa da meis bap non ais oter co gliend, chi han meritâ la mort pro'l rai, meis signur; ed impero avaivast * tü tshantâ teis serviaint tanter quels, chi mangian a tia maisa. E che raschun ha eu amo, e che ha eu da bragir plü al rai?

* 2 Sam. 9, 7.

29. Il rai dschet ad el: Perche dessast tü plü quintar nan tias raschuns? Eu ha dit: Tü, e Siba, parti las possessions.

30. Mefiboset dschet al rai: Schi, ch'el piglia pür tuot, daspö cha'l rai, meis signur, ais gnü con pasch a chasa sia.

31. Ma Barzillai, Gileadit, eira trat giò da Roglim, e passet il Giordan col rai, per iä compagnar fin da là del Giordan.

32. E Barzillai eira fich vegl, d'età d'ottant'ans; ed el avaiva * nudriâ il rai, tant ch'el eira dmuurâ in Mahanaim; perche el eira hom da grandisma facultà.

* 2 Sam. 17, 27.

33. E'l rai dschet a Barzillai: Tü, vè con mai, ed eu 't vögl nudriar pro mai in Gerusalem?

34. Ma Barzillai dschet al rai: Da che età sun eu, per ir sü col rai in Gerusalem.

35. Eu *sun* hozmâ in età d'ottant'ans; podess eu disferenziar tanter il

bön, e'l nosch? Gniss teis serviaint a podair gustar quai ch'el mangess, o bavess? Podess eu amo udir la vusch dels chantadurs, e dellas chantaduras, e perche dess esser teis serviaint plü in grevezza al rai, meis signur?

36. Teis serviaint passerà ün pa da là del Giordan col rai, e perche 'm dess far il rai üna tala recompensa?

37. In grazia, *lascha* cha teis serviaint tuorna darcheu, e ch'eu moura in mia città, pro la sepultura da meis bap, e da mia mamma; ma mera Chimham, teis serviaint, cha quel passa col rai, meis signur, e fà ad el quai cha't plascherà.

38. Il rai dschet: * Chimham dess gnir con mai, ed eu vögl far ad el quai cha't plascherà; ed eir a tai vögl eu far tuot quai cha tü da mai giavüscheraist.

* 1 Reg. 2, 7.

39. E, cur tuot il pövel füt passâ il Giordan, e cha'l rai füt eir passâ, bütschet il rai Barzillai, e 'l benedit. Ed el turnet darcheu in seis lö.

40. E'l rai passet a Gilgal, e Chimham passet con el. E tuot il pövel da Giuda, ed eir part del pövel d'Israel, recondüettan il rai.

41. Ma mera, tuot ils *oters* Israelits gnittan pro'l rai, e dschettan ad el: Perchet'han noss frars, ils homens da Giuda, involand, manâ davent, ed han fat passar il Giordan il rai, e sia famiglia, ed a tuot seis homens con el?

42. E tuot ils homens da Giuda respondettan als homens d'Israel: Perche'l rai *ais* nos prossem, e perche s'adiraiss vus per quaist; avain nus mangiâ chos' alchüna del rai? Ovvero, ans ha'l fat alchün dun?

43. Ma'ls homens d'Israel respondettan als homens da Giuda, e dschettan: Nus avain desch parts vi'al rai, ed eir invers il rai eschan nus da plü da vus; perche dimena ans avais vus spretschats? E non * avain nus ils prüms tshantschâ tanter nus, da far darcheu turnar nos rai? Ma'l tshantschar dels homens da Giuda füt plü asper co'l tshantschar dels homens d'Israel.

* Güd. 8, 1. 12.

CHAP. XX.

Seba fa danöv erodar Israel giò da David, Amasa capo del exercit conter ils rebels. Il traidimaint da Joab invers Amasa. Il cheu da Seba vain dat a Joab. Descripziun dels uffizials da David.

MA qua s' acchattet per cas ün hom scelerat, il nom del qual *eira* Seba, figl da Bieri, Benjamins; il qual sunet con la trombetta, e dschet: Nus non avain part alchün' in David, ne dret d' ierta nel figl d' Isai! O Israel, scodün *giaja* pro sias tendas.

2. E tuot ils homens d' Israel as partittan davent da David, e gettan davo Seba, figl da Bieri; ma quels da Giuda's tgnettan vi' a lur rai; *il compagnand* dal Giordan fin in Gerusalem;

3. Ma, cur il rai David füt rivâ in sia chasa, in Gerusalem, * piglet el las desch donans concubinas, ch' el avaiava laschâ per guardia della chasa, e las mettet in üna chasa in chüra, e las nudriaiva, ma non intraiva pro ellas, e füttan *usche* serradas aint fin al di da lur mort, asaimper vaidguas. * 2 Sam. 15, 16.

4. Lura dschet il rai ad Amasa: Rapsa a mai insembel ils homens da Giuda infra trais dis, e tü 't lascha chattar qui presaint.

5. Contuot get Amasa per raspar quels da Giuda; ma intardet ultra 'l term cha 'l *rai* l'avaiva ordinâ.

6. Pelqual David dschet ad Abisai: Seba, figl da Bieri, vain uossa ans far pèr co Absalom; piglia tü ils serviains da teis signur, e perseguitta *Seba*; tal ch'el non as chatta alchüna città ferma, e scampa via da noss ögls.

7. Usche trettan oura davo el ils homens da Joab, ed ils cheretits, ed ils peletits, e tuot ils homens da valur, e trettan oura da Gerusalem, per perseguittar Seba, figl da Bieri.

8. *E, cur els füttan* sper la granda peidra, chi *ais* in Gibeon, gnit Amasa ad els incoenter. Ma Joab avaiava tshintâ la rassa, con la quala el eira vesti, e sün quella la tshinta della spada, chi eira attachada, pendand via da seis flans nella taja. Ed el as fet inavant, e quella det oura.

9. E Joab dschet ad Amasa: Stast bain tü, meis frar? Lura col man dret

piglet el Amasa per la barba, per il bütschar.

10. Ma Amasa non as faiva surasen della spada, cha Joab avaiava in man. Ed el il * battet nellas tshinch costas, e spandet oura l'interiur da quel in terra, d' ün sul cuolp, sainza l'ardobliur. Usche morit el. Joab lura, Abisai, e seis frar, perseguittetan Seba, figl da Bieri. * 1 Reg. 2, 5.

11. Ed ün dels giarzuns da Joab as fermet sper Amasa, e dschet: Chi voul bain a Joab, e chi *ais* per David, *giaja* davo Joab!

12. Ma Amasa's rodlaiva nel sang in mez la strada. E quel hom, veziant cha tuot il pövel as fermaiva, schi stret el Amasa our dalla strada, in ün champ, e l'büttet üna rassa adöss, daspö ch' el vezzet, cha tuot quels chi gnivan pro el, restaivan qua.

13. Cur el füt alvâ via, schi passet scodün davo Joab, per perseguittar Seba, figl da Bieri.

14. E quel, siand passâ tras tuot las schlattas d' Israel, gnit in Abela, ed in Betmaaca, con tuot ils Berits, ils quals eiran raspats insembel, ed eiran eir its davo el.

15. E tuot ils homens chi eiran con Joab gnittan, e l'assediettan in Abela da Betmaaca, e fettan üna transera conter la città, la quala, siand condüta fin aint pro la müraglia, schi dazipaivan els il mür per il büttar giò.

16. Lura clamet üna duonna sabia our dalla città: Udi, udi! Eu's rouv, dit a Joab: T'approsma nan qui, schi vögl eu tshantschar con tai.

17. E, cur el füt it via pro ella, dschet la duonna ad el: *Est tü* Joab? Ed el dschet: *Schi*, eu *sun quel*. Ed ella dschet ad el: Taidl' ils plets da tia fantschella! El dschet: Eu taidl!

18. Ed ella dschet usche: E's disch comünamaing: Il prüm cha's tshan-tscha; (seo per dir: As domanda Abel.) Ed usche füss agiâ fini il *negozi*.

19. Eu *sun* üna dellas plü paschaivlas, e fidelas *cittats* d' Israel; tü tsherschast da far perir üna città, schi, üna mamma in Israel. Perche dessast tü dazipar l'ierta del Segner?

20. Joab respondet, e dschet: Non vöglià mà Dieu, dalönsch saja da mai, ch' eu dazipa, e guasta!

21. Il fat non *ais* usche; ma ün hom del munt d' Efraim, il nom del qual *ais* Seba, figl da Bieri, ha ozâ il man conter il rai David. Dech quel dat *a mai*, schi 'm vögl eu partir dalla città. La duonna dschet a Joab: Mera, seis cheu 't sarà büttâ giò dal mür.

22. Contuot gnit quella duonna pro tuot il pövel con sia sabgenschä. E quels taglettan la testa a Seba, figl da Bieri, e la büttettan our'a Joab. * Lura fet el sunar la trombetta, ed imminch' ün as retret d'avent dalla città, e 's redüet pro sias tendas. Ma Joab turnet dareheu in Gerusalem, pro 'l rai.

* 2 Sam. 2, 28. Eccl. 9, 14. 15.

23. * E Joab *restet* sur tuot l' exercit d' Israel, e Benaja, figl da Jojada, *eira* sur ils cheretits, e 'ls peletits.

* 2 Sam. 8, 16.

24. Ed Adoram *eira* sur ils tributs, e Josafat, figl d' Ahilud, *eira* cancel-lar.

25. E Seja *eira* secretari, e Sadoc ed Abiatar *eiran* sacerdots.

26. *Sco* eir Ira, Jarit, eira governatur per David.

CHAP. XXI.

Üna fam il spazi da trais ans per causa da Saul, non aviand salvâ fai e vardâ als Gibeonits, e vain balchada tras la mort da set homens del sem da Saul. Quatter Filistins gigants mazzats.

MA dal temp da David füt üna fam trais ans confins. E David domandet la fatscha del Segner. E'l Segner dschet: *Quaist ais dvantâ* per causa da Saul, e da quella chasa da sang; perquai ch' el fet morir ils Gibeonits.

2. Lura clamet il rai ils Gibeonits, e dschet ad els: (Ma 'ls Gibeonits non eiran dels infants d' Israel, ma del rimanent dels Amorits, e 'ls infants d' Israel * avaivan gürrâ ad els; ma Saul, per üna tscherta zelosia, ch' el avaiva per ils infants d' Israel, e da Giuda, tscherchet da 'ls far morir.)

* Gios. 9, 19.

3. David, di eu, dschet als Gibeonits: Che 's dess eu far, e con che dess eu purgiar *il tort chi's ais stat fat*, acio cha vus benedeschat l' ierta del Segner?

4. Ils Gibeonits dschettan ad el: Nus non avain da far con Saul, e con sia chasa, ne per argient, ne per or; ne avain eir da far, a far morir alchün in Israel. E 'l rai dschet *ad els*: Che giavüschais vus ch' eu 's fet-scha?

5. Quels dschettan al rai: Chi 'ns vengnan dats set homens dels figls da quel chi 'ns ha sdrüts, ed ha machinâ conter nus, *tal cha* nus eschan stats sterminats, da sort cha nus non avain podü dürar in alchüna contrada d' Israel.

6. E nus ils volain appender al Segner * in Gibeä da Saul, elet del Segner. Il rai dschet ad els: Eu ils *vögl* dar.

* 1 Sam. 10, 26.

7. Ma 'l rai schaniet Mefiboset, figl da Gionatan, figl da Saul, * per causa del saramaint *fat nel nom* del Segner, chi *eira stat* tanter els; tanter David e Gionatan, figl da Saul.

* 1 Sam. 18, 3.

8. Ma 'l rai piglet ils duos figls da Rispa, figlia d' Aja, ils quals ella avaiva parturi a Saul; *cioè* Armoni, e Mefiboset, e 'ls tschinch figls da Merab, figlia da Saul, ils quals ella avaiva parturi ad * Adriel, figl da Barzillai, Maholotit.

* 1 Sam. 18, 19.

9. E 'ls det in man dels Gibeonits; els ils appendettan in quel munt avant il Segner, e tuots set morittan insembel; ma els füttan fats morir ils prüms dis della mess, sül principi della raccolta dels tierdis.

10. E Rispa, figlia d' Aja, piglet ün pann gross, e 'l stendet via sur üna peidra, *dmurand qua* dal principi della raccolta fin cha gottet aua dal tsel sur quels, e non permettaiva ch' alchün utschè del tsel as pozess sur els da di, ne alchüna bestia solvadia della champagna da not.

11. E füt refert a David quai cha Rispa, figlia d' Aja, concubina da Saul, avaiva fat.

12. E David get, e piglet l' ossa da Saul, e l' ossa da Gionatan, seis figl, d'avent da quels da Jabes da Gilead, la quala els avaivan, *sco* involand, tut dalla piazza da Betsan, ingio 'ls Filistins ils avaivan appendüts, in quel di, cha 'ls Filistins battettan Saul in Gilboa.

13. Ma, aviand fat transportar da là l'ossa da Saul, e l'ossa da Gionatan, seis figl, e l'ossa da quels chi eiran stats appendüts, siand eir stat-ta raspada nan;

14. Füt sotterrada l'ossa da Saul, e da Gionatan, seis figl, nel pajais da Benjamin in Sela, nella sepultura da Chis, bap da Saul, e füt fat tuot quai cha 'l rai avaiva comandâ. E, davo quaist, füt Deis abuniâ invers il pajais.

15. Ma, tant cha 'ls Filistins avai-van amo guerra con Israel, David con seis serviants get e combattet con-ter ils Filistins. Ed essendo David stangel,

16. Jesbi da Nob, chi *eira* dels descendents da Rafa, il fier della lancha del qual eira da pais da traja-tschient sicca, ed *eira* d'aram, ed el avaiva tschintâ intuorn üna *spada* nouva, e s'impissaiva da batter David.

17. Ma Abisai, figl da Seruja, al succurrit, e battet il Filistin, e 'l mazzet. Lura gürettan ils homens da David, dschand: * Tü non dessast trar oura plü con nus in battaglia, tal cha tü non stüdist la glüm d' Israel.

* 2 Sam. 18, 3.

18. * Ma, dopo quaist, füt amo üna guerra conter ils Filistins, in Gob, e lura Sibcai, Hussatit battet Saf, chi *eira* dels descendets da Rafa.

* 1 Cron. 20, 1.

19. Lur' alvet sü amo ün' *otra* guerra contr' ils Filistins, in Gob; ed Elhanan, figl da Jaare-orgim, Betlehemit, battet Goliath, Gattit; l'asta della lancha del qual *eira* seo ün subel da zuns.

20. Davo quai alvet amo ün' *otra* guerra in Gat, e *qua* 's chattet ün hom da granda statura, chi avaiva ses daints in seodün man, ed in seodün pè, vainch e quatter in tuot; ed eir quel *eira* del sem da Rafa.

21. Ed el spredschet Israel; ma Gionatan, figl da Simea, frar da David, il battet.

22. Quaists quatter naschettan in Gat, della schlatta da Rafa, e crodettan morts tras man da David, e tras man da seis serviants.

CHAP. XXII.

David, davo tuottas sias victorias, chanta ün' excellenta chanzun al Segner. Il Segner ais buntadaivel cols buns. El delibr' il pover e 'l adoza, ed abbass' ils superbis.

E David proferit al Segner ils plets da quaista chanzun, al di cha 'l Segner l' avet spendrâ dal man da tuot seis inimis, e dal man da Saul;

2. E dschet: * Il Segner *ais* mia peidra, e mia fortezza, e meis spendrader!

* Deut. 32, 3.

3. *El ais* il Deis da meis spelm, eu vögl sperar in el; *el ais* meis schüt, e 'l corn da meis salüd; meis ot chastè, meis refugi; meis salvader, chi 'm delibrast da tort!

4. Eu clamet in agüd il Segner, al qual appartain tuot lod, e füt salvâ da meis inimis.

5. Perche uondas della mort m'avaivan incesâ; flüms da scelerats m'avaivan stramantâ.

6. Liams da sepultura m'avaivan serrâ aint, latsehs da mort m'avaivan scontrâ.

7. Tant ch' eu eira angoschiâ, clamet eu in agüd il Segner, e bragit vi' a meis Deis, ed el udit mia vusch our da seis taimpel, e meis bragir gnit avant sias uraglias.

8. Lura füt la terra moventada, e tremblet; ils fondamaints dels tschels han sceroschi, e squassâ; perche el eira invüdâ in ira.

9. Füm giaiva sü our da seis nas, e fö chi consüma tras la bocca; our dad el giaivan brachlas invüdadas.

10. Ed el abbasset ils tschels, e gnit giò, aviand üna schürezza suot seis peis.

11. E 's tschantaiva süls cherubins, e svolaiva, e compariva sün las alas dell' ora.

12. Ed avaiva tschantâ intuorn el *per* tabernacul schürezzas, svutters dad auas, e nüvlas del ajer.

13. Dalla splendor, *chi rompaiv' our'* avant el, giaivan oura brachlas invüdadas.

14. Il Segner tunet giò dal tschel, e l' Otissem tramettet oura sia vusch.

15. El tret sagettas, e raset quels; lütschaiders, e 'ls mettet in deruotta.

16. E, per il slamar del Segner, e per

il sofflar del flà da seis nas, füttan visas las chafuollezas del mâr, ils fondamaints del muond füttan scoverts.

17. El ha tenschü giò *il man* dall' otezza, e 'm piglet sü, e 'm tret our da grandas auas.

18. El am spendret da meis potaint inimi, da quels chi 'm ödiaivan; perche els eiran plü fermes co eu.

19. Quels am eiran gnüts incoenter al di da mia calamità; ma 'l Segner füt meis sostegn.

20. E 'm tret oura in ün lö larch; el am liberet; perche el ha plaschair da mai.

21. Il Segner m' ha rendü seguond mia güstia; el m' ha rendü seguond la purità da meis mans;

22. Perche eu ha observâ las vías del Segner, e non sun tras impietâ vout giò da meis Deis;

23. Perche eu ha tgnü avant ils ögls tuot sias ledschas, e non sun vout giò da seis statuts;

24. E sun stat real invers el, e m' ha perchürâ da mia iniquità.

25. Ed il Segner m' ha rendü seguond mia güstia, seguond la purità, ch' eu ha observâ avant seis ögls.

26. Tü t' amossast buntadaivel invers il prus, real invers l' hom real;

27. Net invers il net, e stravers invers il pervers.

28. * E salvast il pövel afflit, e basast giò ils ögls süls grandêrs.

* Ps. 72, 12, 13.

29. Perche tü *est* mia lütschernâ, o Segner; ed il Segner illümna mias schürezzas.

30. Perche tras tai rump' eu tuot üna troppa, tras meis Deis sagl eu aint sur il mür.

31. * La via da Dieu *ais* intêra; il pled del Segner *ais* purgiâ col fö; el *ais* ün schüt a tuot quels chi han spranz' in el. * Deut. 32, 4. Ps. 12, 5. Apoc. 15, 3.

32. Perche chi *ais* Deis, ourdvar il Segner, e chi *ais* ün spelm, ourdvar nos Deis?

33. Deis *ais* mia forza, e *mia* virtù; ed ha fat spedita, e plana mia via.

34. El fa meis peis similis a quels dellas tshiervas, e 'm fa star sü dret sün meis lous ots.

35. El adestra meis mans alla bat-

taglia, e con mia bratscha ais ruot ün balaister d' aram.

36. Tü m' hast eir dat il schüt da teis salüd, e tia benignità m' ha fat gnir grand.

37. Tü hast slargiâ meis pass suot mai, e meis chalchagns non han dat lö.

38. Eu ha persequittâ meis inimis, e 'ls ha sterminats, e non sun turnâ *inavo*, fin ch' eu non ils avet sdrüts.

39. Eu ils ha sdrüts, e 'ls ha forâ tras, e non han podü alvar sü, e 'm sun dats giò suot ils peis.

40. E tü m' hast tshintâ con giaglardenscha per la guerra; tü hast abbassâ suot mai quels chi s' alvaivan conter mai.

41. Ed hast fat volver las spadlas a meis inimis, ed a quels chi 'm volaivan mal, avant mai; ed eu ils ha sterminats.

42. Quels guardaivan intuorn da qua, e da là, ma qua non füt, chi 'ls salvess; *guardaivan* sül Segner, ma el non respondet ad els.

43. Ed eu ils ha smazüchats giò, manü sco puolvra della terra; eu ils ha zappignats, smachats sco la büergia dellas stradas.

44. Tü m' hast eir spendrâ dals dantigls da meis pövel; tü m' hast perchürâ per *esser* capo da pövells; il pövel *ch'* eu non cognoschaiva, sto servir a mai.

45. Ils esters han dovrâ lusingia invers mai; al udir sulet dellas uraglias, s' han els rendüts a mai obediains.

46. Ils esters sun gnüts lass, ed han tremblâ per temma fin dadaint lur zoppels serrats.

47. Viv' il Segner, e benedi *saja* meis spelm! E saja adoza Deis, *chi ais* il spelm da meis salüd!

48. Deis *ais quel* chi 'm da möd da far mias vendettas, e chi abbassa ils pövells suot mai.

49. El *ais* quel chi 'm tir' our da meis inimis; tü m' adozast in ot oursuot quels chi levan sü incoenter mai, e 'm spendrast dals homens ingtists.

50. * Perquai, o Segner, at vögl eu celebrar tanter las nazüons, e vögl psalmiar a teis nom.

* Rom. 15, 9.

51. Il qual fa grandas las victorias da seis rai, e dovra benignità invers David, seis onschü, ed invers seis sem in perpetuo.

CHAP. XXIII.

Summaria relaziun dels ultims peds da David. David ha dominà con temma da Dieu. Register dels plü famus chapitanis da David.

MA quaists *sun* ils ultims peds da David. David, figl d'Isai, dschet; schi, l'hom, *chi* ais stat constitui in ota dignità, l' onschü del Deis da Giacob, ed il componist dellas amablas chanzuns d' Israel, dschet:

2. Il Spiert del Segner ha tshan-tschâ tras mai, e seis pled *ais stat* sün mia lingua.

3. Il Deis d' Israel ha dit; il spelm d' Israel m' ha favlâ, *dschand*: Chi signoraja sur la glieud *saja* güst, signorand *in* temma da Dieu.

4. * Ed *el sarà* seo la glüm della mattina, cur il solai leva; d'üna mattina sainza nüvlas; *seo* l'erba *chi nascha* dalla terra tras il solai, e tras la plövgia.

* Gäd. 5, 31. Ps. 89, 37.

5. Combain mia chasa, non *sarà* la usche pro Deis? * Perche el ha fat con mai üna lia eterna, perfettamaing bain ordinada, ed observada; siand cha l'ais tuot meis salüd, e tuot meis plaschair, non *la farà* l' darcheu dschermügliar?

* 2 Sam. 7, 16.

6. Ma la glieud scelerata, quanta cha ais, vain a gnir büttada via seo spinas, cha non as piglia col man;

7. Anzi, chi las vuol toccer, mett' *intuorn* il man fier, o ün' asta da lanscha; ovvero cha vegnan daffatta arsas col fö, sün la piazza.

8. Quaists *sun* ils noms dels *homens* fermes da David. Quel chi sezzaiva in sopcha, il Tacemonit, *eira* il principal dels colonels. Quel *eira* Adino, Eznit, * *il qual* in üna vouta *get* sur ottschient homens, e l's battet.

* 1 Cron. 11, 10.

9. E davo el, eira Eleazar, figl da Dodo, figl d'Ahoi. Quaist *eira* tanter ils trais baruns *chi eiran* con David, cur els sfüdetan ils Filistins, chi s'avaivan qua raspats in battaglia, e cha l's Israelits as retrettan.

10. Quaist alvet sü, e battet ils Filistins, fin cha seis man füt stangel, e

restet tachâ alla spada. E l' Segner det üna granda victoria in quel di, e l' pövel turnet darcheu davo Eleazar, solum per spugliar.

11. E, davo el, Samma, figl d'Age, Hararit. Essendo ils Filistins raspats in ün tröp, *in ün lö*, ingio eira ün champ plain da lentiglias, e, s' aviand il pövel miss alla fügen avant ils Filistins;

12. Schi's presentet quaist in mez il champ, e l' spendret, e battet ils Filistins. Ed il Segner det üna granda victoria.

13. Ma *quaists* trais capos da colonels gnittan pro David, al temp della raccolta, nella spelunca d' Adullam. E lura ün tröp dels Filistins eira accampâ nella * val dels Refaits.

* 2 Sam. 5, 18.

14. E David *eira* lura nella fortezza; ed in quel temp avaivan ils Filistins guarnischun in Betlehem.

15. E David füt moventâ con desideri, e dschet: Chi vain am dar da baiver dell' aua della cisterna da Betlehem, chi *ais* pro la porta?

16. E quels trais baruns penetrettan nel champ dels Filistins, e tenschetan sü aua dalla cisterna da Betlehem, chi *ais* pro la porta, e la portettan, e la presentettan a David; ma el non volet baiver, dimpersai la span-det our' al Segner,

17. E dschet: Saja dalönsch da mai, Segner, ch' eu fetscha quaist; *dess* eu *baiver* il sang da quaists homens, chi sun its *là* in riscio da lur vita? E non volet baiver quell' *aua*. Quaistas chos-sas fettan *quels* trais baruns.

18. Abisai eir quel, frar da Joab, figl da Seruja, eira capo tanter oters trais. Eir quaist ozet sia lanscha conter trajatschient *homens*, e l's mazzet; pelqual el acquistet fama tanter quels trais;

19. Tanter ils quals tschert el füt il plü illuster, e füt lur capo; ma el non rivet a quels *oters* trais.

20. Lura eira Benaja, figl da Jojada, figl d' ün hom valerus; *il qual* Benaja fet grandas barunias, *ed eira* da Cabseel. Quaist battet duos ils plü valents da Moab; get eir giò, e battet ün liun in mez ün foss, al temp della naiv.

21. El battet amo ün hom d' Egipto, *chi eira* reguardaivel, ed avaiava in man üna lanscha; ma *Benaja* get giò conter el con ün bastun, e 'l sdrappet la lanscha our da man, e 'l mazzet con sia *propria* lanscha.

22. Quaistas chosas fet Benaja, figl da Jojada, e füt famus tanter quels trais baruns.

23. El füt illuster sur ils trenta; impèro non rivet el infin a quels trais. E David il constituit sur *il pövel ch' el avaiava da contin* a seis comand.

24. *Lur'eira* Asahel, frar da Joab, chi eira sur quaiats trenta; *cioè* Elhanan, figl da Dodo, da Betlehem.

25. * Samma Haradit, Elica Harodit;

* 1 Cron. 11, 27.

26. Heles Paldit; Ira, figl d' Ichès, Tecoit;

27. Abiezer Antotit, Mebunnai, Husatit;

28. Salmon Ahohit, Maherai Netofatit;

29. Heleb, figl da Baena, Netofatit; Itai, figl da Ribai, da Gibeà dels infants da Benjamin;

30. Benaja Piratonit, Hidai dellas vals da Gaas;

31. Abialbon Arbatit, Azmaver, Barhumit;

32. Eliaba Saalbonit, Gionatan dels infants da Jasen;

33. Samma Hararit; Ahiam figl da Sarar, Ararit;

34. Elifelet, figl d'Ahasbai, figl d'ün Maacatit; Eliam, figl d'Ahitofel, Gilonit;

35. Hesrai Carmelit, Paerai Arbit;

36. Jegeal, figl da Natan da Soba; Bani Gadit;

37. Selec Ammonit; Naharai Beerotit, il qual portaiva las armas da Joab, figl da Seruja;

38. Ira, Jetrit, Gareb, Jetrit;

39. Uria Hetit. In tuot trent' e set.

CHAP. XXIV.

David fa nombrar tuot il pövel d' Israel. Dieu chastia il pövel, ed aviand David tut letta la pestilenza, mouran in trais dis settantamilli homens. Il remedi.

MA l'ira del Segner s'invüdet da növ conter Israel; ed el incitet David conter quels, dschand: Và, nombra Israel e Giuda.

2. Ed il rai dschet a Joab, capo del exercit chi eira pro el: Và uossa intuorn per tuot las schlattas d' Israel, * da Dan fin Beerseba, e nombra il pövel, acio ch' eu sapch' il number.

* Gùd. 20, 1.

3. Joab dschet al rai: Il Segner tei Deis creschaint' il pövel per tschient voutas tant, e fetscha cha'ls ögls del rai, meis signur, il vezzan. E perche vout quaista chos' il rai, meis signur?

4. Ma 'l pled del rai prevalet a Joab, ed als capos del exercit. Pelqual Joab, e 'ls capos del exercit, *chi eiran* avant il rai, aspartittan per nombrar il pövel d' Israel.

5. E passettan il Giordan, e s'acchampettan in Aroer, a man dret della città chi *aïs* a mez del flüm da Gad, e sper Jaezer.

6. Lura gnittan els in Gilead, e nel pajais dellas contradas bassas, *cioè* in Hodsì; lura gnittan els in Dan-Jaan, e via intuorn Sidon.

7. Lura gnittan els pro la fortezza da Tiro, et in tuot las cittats dels Hevits, e dels Cananits; lura *da là* gettan els avant vers la part meridionala da Giuda, in Beerseba.

8. Usche circuittan els tuot il pajais, e turnettan darcheu in Gerusalem, in cheu da nouv mais e vainch dis.

9. E Joab det al rai il number della descripziun del pövel, e d' Israel eiran otttschientmilli homens valents, chi podaivan trar la spada, e da quels da Giuda tschinchtschientmilli.

10. Ma David füt toc nel cour, dopo ch' el avet nombrâ il pövel. E David dschet al Segner: * Eu ha greva maing pechâ in quai ch' eu ha fat; uossa, Segner, piglia via, eu 't rouv, l'iniquità da tei serviaint; perche eu ha fat üna granda nardâ.

* 2 Sam. 12, 13.

11. E, siand David alvâ la daman, favlet il Segner al profet Gad, il viciant da David, dschand:

12. Và, e di a David: Usche disch il Segner: Eu propon a tai trais chosas, tschern' our a tai üna, ed eu at la vögl far.

13. Gad dimena gnit pro David, e 'l referit *il fat*, e dschet ad el: *Quala chosa roust* tii cha t' insontra? O *

set ans da fam in teis pajais; o cha tû fûgiast per trais mais avant teis inimis, e cha quels at perseguittan, o cha per trais dis saja pestilenza in teis pajais? Uossa considra, e guarda quai ch'eu ha da responder a quel chi m' ha tramiss. * 2 Cron. 21, 12.

14. David lura dschet a Gad: Eu sun grandamaing angoschiâ; in grazia, erodain nels mans del Segner; perche sias compassiuns *sun* grandas, e ch'eu non eroda nels mans della gleud.

15. Contuot tramettet il Segner üna pestilenza in Israel, da quella daman fin al term tschantâ, e morittan settantamilli homens del pövel, da Dan fin Beerseba.

16. E l'angel stendet oura seis man sur Gerusalem, per far qua il guast; ma 'l Segner * s'inpentit da quel mal, e dschet al angel, chi faiv' il guast tanter il pövel: Ed ais avuonda, retira uossa teis man. Ma l'angel del Segner eira sper l'iral d' Aravna, Jebusit. * Gen. 6, 6.

17. E David, aviand vis l'angel, chi battaiv' il pövel, dschet al Segner: Mera, eu ha pechâ, eu ha operâ ingüstamaing; ma quaistas nuorsas che han ellas fat? Eu at rouv, saja teis man sur mai, e sur la chasa da meis bap.

18. E Gad gnit in quel di pro David, e dschet ad el: Vâ sü, drizza sü ün utêr al Segner nel iral d' Aravna, Jebusit.

19. E David muntet sü, seguond il pled da Gad, sco 'l Segner avaiva comandâ.

20. Ed Aravna guardet intuorn, e vezzet il rai, e seis serviaints, chi gnivan pro el. Ed * Aravna get oura, e s' inclinet al rai, con la fatscha vers la terra.

21. Lura dschet el: Perche ais gnü il rai, meis signur, pro seis serviaint? David dschet: Per comprar da tai quaist iral, per edificar qua ün utêr al Segner; acio cha quaista plaja vegna tgnüda sü dal pövel.

22. Ed Aravna dschet a David: Il rai, meis signur, piglia, ed offerra quai cha 'l plascherà; mera quaists bovs, per l'olocausto, e quaists * charrs da scuder, e quaist' üsaglia da bovs, per laina;

23. Aravna, o rai, duna tuot quaistas chosas al rai; e dschet ad el: Il Segner teis Deis t' accetta in grazia.

24. Ma 'l rai dschet ad Aravna: Na, ma eu vögl a tuotta via comprar da tai *quaistas chosas* per pretsch, e non vögl offerir al Segner meis Deis olocausts, ch'eu haja gnü per dun. Contuot compret David l' iral, e bovs per tschinquanta siccais d' argent.

25. E David edifichet qua ün utêr al Segner, ed offerit olocausts, e sacrificiz d' ingraziamaint. E'l Segner füt abuniâ invers il pajais, e la plaja füt tgnüda sü d' Israel.

IL PRÜM CUDESCH

DELS

RAIS.

CHAP. I.

Siand David vegl non as po el schüdar. Adonia con agiud da Joab, e del sacerdot Abiatar prova da gnir rai. Batseba lascha quai a savair a David. Salomon vain onschü per rai. Adonia fûgia.

MAIL RAI DAVID gnit vegl, e bain da temp, e combain cha 'l covernaivan con panns, non podaiv' el impéro as schüdar.

2. Pelqual seis serviaints dschettan

ad el: Ch' ün tschercha al rai, nos signur, üna giuvna vergina, la quala stetta avant il rai, e 'l governa, e dorma in seis sain; acio cha 'l rai, meis signur, as schoda.

3. Contuot tscherchettan els per tuot las contradas d' Israel, üna bella giuvna, e chattettan Abisag * la Sunamita, e la manettan pro 'l rai.

4. E la giuvna *eira* bellissima, e

governaiv' il rai, e l' serviva; ma l' rai non la cognoschet.

5. Adonia lura, il figl da Hagit, s' adozet, dschand: Eu vögl regnar; * e s' furnit con charra, e con cavalliers, e tschinquant' homens curriavan avant el.

* 2 Sam. 3, 4.

6. Ma seis bap non il volet confutlar in vita sia, dschand: Perche hast fat quaista chosa? Ed, ultra quai, *eira* el bellissem, e *sia mamma* l' avaiva parturi davo Absalom.

7. Lura avet el discuors con Joab, figl da Seruja, e col sacerdot Ebiatar, e quels al sporschettan agüd, e l' se guittettan.

8. Ma l' sacerdot Sadoc, e Benaja, figl da Jojada, e l' profet Natan, e Simei, e Rei, e 'ls homens potents cha David avaiva, non füttan dalla part d' Adonia.

9. Ma Adonia mazzet bescha, e bovs, ed animals grass, sper la peidra da Zoholet, chi *ais* vicin' alla fontana da * Rogel; ed invidet tuot seis frars, figls del rai, e tuot ils homens da Giuda, chi eiran al servezzen del rai.

* 2 Sam. 17, 17.

10. Ma non invidet il profet Natan, ne Benaja, ne 'ls homens potents, ne Salomon, seis frar.

11. E Natan dschet a Batseba, mamma da Salomon: Non hast tü udi, cha Adonia, figl da Hagit, ais fat rai; sainza cha David, nos signur, non sapch' inguotta?

12. Uossa dimena vè, e *lascha*, eu t' rouv, ch' eu at detta ün cossagl, acio cha tü delibrast tia vita, e la vita da teis figl Salomon.

13. Và, ed intra pro l' rai David, e di ad el: Non hast tü, o rai, meis signur gü rä a tia fantschella, dschand: Tschert Salomon, teis figl, dess regnar davo mai, e zer sün meis trun? Perche dimena ais Adonia fat rai?

14. Mera, intant tü *sarast* amo qua, favland con il rai, vögl eu intrar davo tai, e supplir teis plets.

15. Ed usche intret Batseba pro l' rai aint nella chambra. Ma il rai *eira* fieh vegl, ed Abisag, la Sunamita, al serviva.

16. E Batseba s' inclinet, e fet reverenz' al rai. E l' rai *la* dschet: Che aise?

17. Ed ella dschet ad el: Meis signur, tü hast tras il Segner teis Deis, gü rä a tia fantschella: Tschert Salomon, teis figl, dess regnar davo mai, e zer sün meis trun.

18. Ed uossa mera, Adonia ais fat rai, sainza cha tü, o rai, meis signur, uossa l' hajast savü.

19. Ed el ha mazzâ bovs, ed animals grass, e bescha, in grand number; ed ha invidâ tuot ils figls del rai, e l' sacerdot Abiatar, e Joab, il capo del exercit; ma Salomon, teis serviaint, non ha l' clamâ.

20. Ma ils ögls da tuot Israel *sun vouts* vers tai, o rai, meis signur, cha tü als declarast, chi ha da zer sün il trun del rai, meis signur, davo el.

21. Per otra via dvanterâ, cur il rai, meis signur, vain a dormir pro seis babuns, ch' eu, e meis figl Salomon, gnin a portar la cuolpa.

22. Ma mera, intant ch' ella amo favlaiva con il rai, il profet Natan gnit aint.

23. E *quai* füt refert al rai, dschand: Mera, il profet Natan! Ed el gnit nella presenza del rai, e s' inclinet avant el, con la fatscha vers la terra.

24. E Natan dschet al rai: O rai, meis signur, tü hast bain dit: Adonia dess regnar davo mai, ed el dess zer sün meis trun?

25. Perche el ais hoz it giò, ed ha mazzâ bovs, ed animals grass, e bescha, in grand number; ed ha invidâ tuot ils figls del rai, e 'ls capos del exercit, e l' sacerdot Abiatar, e mera, els mangian e baivan avant el, ed han dit: Viv' il rai Adonia!

26. Ma el non ha clamâ mai, teis serviaint, ne l' sacerdot Sadoc, ne Benaja, il figl da Jojada, ne Salomon, teis serviaint.

27. Quaista chosa, ais ella fatta da parte del rai, meis signur, sainza cha tü hajast declarâ a teis serviaint, chi haja da zer sül trun del rai, meis signur, davo el?

28. E l' rai David respondet, e dschet: Clamâ 'm Batseba. Ed ella gnit avant il rai, e stet in pè in sia presenza.

29. E l' rai güret, e dschet: *Sco* l' Segner viva, chi ha spendrà mi' orma d' ogni tribulaziun;

30. Eu at vögl far hoz, seo ch' eu t' ha gürâ tras il Segner Deis d' Israel, dschand: Salomon, tei figl, dess regnar davo mai; ed el dess zer sün meis trun, in meis lö.

31. E Batseba s' inclinet con la fatscha vers la terra, e fet reverenz' al rai, e dschet: Poss' il rai David, meis signur, viver in perpetuo!

32. Lura dschet il rai David: Clamâ'm il sacerdot Sadoc, e'l profet Natan, e Benaja, il figl da Jojada. E quels gnittan in presenza del rai.

33. Ed il rai dschet ad els: Pigliai con vus ils serviants da vos signur, e fat muntar Salomon, meis figl, sün mia mülla, e manâ 'l a Gihon.

34. E cha 'l sacerdot Sadoc, e 'l profet Natan, l' onschan qua per rai sur Israel. Lura sunai con la trombeta, e dit: Viva 'l rai Salomon!

35. Lura turnai darcheu davo el; ed el vain a gnir, e dess zer sün meis trun, e regnar in meis lö; perche eu l' ha ordinâ per esser conductur sur Israel, e sur Giuda.

36. E Benaja, il figl da Jojada, respondet al rai, e dschet: Amen! Usche dia il Segner, Deis del rai, meis signur.

37. Seo 'l Segner ais stat con il rai, meis signur, usche saja el con Salomon, e ch' el magnificha seis trun sur il trun del rai David, meis signur!

38. Il sacerdot Sadoc dimena, e 'l profet Natan, e Benaja, il figl da Jojada, ed ils ceretits, ed ils peletits gnittan giò, e fettan muntar Salomon sün la mülla del rai David, e 'l conductettan a Gihon.

39. E 'l sacerdot Sadoc piglet il corn del öli our dal tabernacul, ed onschet Salomon. Lura as sunet con la trombeta, e tuot il pövel dschet: * Viva il rai Salomon!

* 1 Sam. 10, 24.

40. E tuot il pövel turnet darcheu davo el, sunand con las flötas, e s' allegrand d' üna grand' allegrezza, tal cha la terra's fendaiva per lur bragizi.

41. Ma Adonia, e tuot ils invidats chi eiran con el, eur finivan da mangiar, udittan *quaista romur*. E Joab udit il sun della trombeta, e dschet: Che vuol dir quaist bragizi nella città, chi ais *usche* moventada?

42. Intant ch' el amo tschantschaiva, mera, qua rivet Gionatan, il figl del sacerdot Abiatar. Ed Adonia dschet *ad el*: Vè pür, tü est ün hom valent, e dessast portar bunas novas!

43. Ma Gionatan respondet, e dschet ad Adonia: Peltschert, il rai David, nos signur, ha constitui Salomon per rai!

44. E 'l rai ha tramiss con el il sacerdot Sadoc, e 'l profet Natan, e Benaja, il figl da Jojada, ed ils ceretits, ed ils peletits, e quels l' han fat muntar sün la mülla del rai.

45. E 'l sacerdot Sadoc, e 'l profet Natan, l' han onschü per rai a Gihon, e da là sun els turnats con allegrezza, e la città ais moventada. Quai *ais* la romur cha vus avais udi.

46. Ed eir Salomon s' ha miss a zer sül trun regal.

47. Ed eir ils serviants del rai sun gnüts per benedir il rai David, nos signur, dschand: Deis fetscha il nom da Salomon plü excellent co tei nom, e magnificha seis trun plü co 'l tei. E 'l rai ha adurâ * sül let.

* Gen. 47, 31.

48. Ed el ha eir dit usche: Benedi *saja* il Segner Deis d' Israel, il qual hoz ha stabili ün, chi sezza sün meis trun, avant meis ögls!

49. Lura tuot ils invidats d' Adonia füttan stramits; ed els alvettan sü, e gettan seodün sia strada.

50. * Ed Adonia, tmand da Salomon, alvet sü, e get, e tgniet las cornas del utër.

* 1 Reg. 2, 28.

51. E *quai* füt refert a Salomon, dschand: Mera, Adonia temma dal rai Salomon, e mera, el ha brancelâ las cornas del utër, dschand: Cha 'm güra hoz il rai Salomon, ch' el non vögli far morir seis serviaint con la spada!

52. E Salomon dschet: Sch' el as deporta dad hom virtuos, schi non dess erodar ün da seis chavels a terra; ma, scha ün el as chatta mal, dess el morir.

53. E 'l rai Salomon tramettet al trar darcheu davent dal utër. Ed el gnit, e s' inclinet avant il rai Salomon; e Salomon dschet ad el: Vâ a chasa tia!

CHAP. II.

David, vicin alla mort, exorta Salomon, a tmair Dieu, a far giüstizia da Joab, e da Simei; la mort da David; il temp del reginam da David.

MA, s'approssmand il temp della mort da David, comandet el a seis figl Salomon, e dschet *ad el*:

2. Eu vegn la via da tuot terester; at fortificha, e 't deporta dad hom!

3. Ed observa quai cha 'l Segner teis Deis t' ha comandà d' observar; chaminand in sias vias, ed observand seis statuts, e seis comandaments, e sias ledschas, e sias testimonianzas, * sco ch' *ais* scrit nella ledscha da Mose; acio tū † prospereschast in tuot quai cha tū vaint a far, ed in tuot quai, a che tū vaint at volver;

* Deut. 17, 18. † Deut. 29, 9.

4. Afin cha 'l Segner complescha quai ch' el m' ha impromiss, dschand: * Scha teis infants han chüra da lur vias, per chaminar con realtä in meis conspet, con tuot lur cour, e con tuot lur orma, schi mâ non at gnarà almain hom, *chi senza* sül trun d' Israel.

* 2 Sam. 7, 12. Ps. 132, 12.

5. In ultra, sast tū quai cha 'm ha fat Joab, il figl da Seruja, quai ch' el ha fat als duos capos dels exercits d' Israel, ad Abner, il figl da Ner, ed ad * Amasa, il figl da Jeter; ils quals el ha mazzà, spandand in pasch il sang chi's spanda in guerra, e mettand il sang da guerra vi' a sia tschinta, ch' el avai' intuorn seis flanes, e vi' a sias scharpas, ch' el avai' vi' als peis.

* 2 Sam. 20, 10.

6. Fà dimena seguond tia sapienza, e non laschar ir sia chanosezza in pasch giò nella sepultura.

7. Ma dovra benignità invers ils infants da Barzillai, del Gileadit, e ch'els sajan tanter quels chi vegnan a mangiar a tia maisa; perche usche gnitan els pro mai, cur eu fùgiva avant Absalom, teis frar.

8. Mera, in ultra ais pro tai Simei, il figl da Gera, Benjaminit da Bahurim, il qual am smaedit in üna fich trida maledicziun nel di, ch' eu giai'va a Mahanaim. * Ma el am gnit in conter giò vers il Giordan, ed eu al güret tras il Segner, ch' eu non il vöglia far morir con la spada. * 2 Sam. 19, 19.

9. Ma uossa non il laschar sainza chastiamaint; perche tū *est* hom sabi; contuot, considera quai cha tū ad el hajast da far, e fà ir sia chanosezza giò nella sepultura tras mort sanguinusa.

10. Lura s' indormanzet David pro seis babuns, e füt sepuli nella città da David.

11. E 'l temp, cha David regnet sur Israel, *füt* da quarant' ans; el regnet set ans in Hebron, ed in Gerusalem regnet el trent' e trais ans.

12. E Salomon sezzet sül trun da David, seis bap, e seis reginam füt grandamaing stabili.

13. Ma Adonia, il figl da Hagit, gnit pro Batseba, la mamma da Salomon. Ed ella dschet: *Ais* tia vgnüda da pasch? Ed el dschet: *Schi, ell' ais* da pasch.

14. Lura dschet el: Eu ha da 't *dir* ün pled. Ed ella dschet: Tschau-tscha!

15. Ed el dschet: Tū sast, cha 'l reginam am appertgnaiva, e tuot ils Israelits avai'van miss fissamaing lur ögls sur mai, *sperand* ch' eu gnis a regnar; ma 'l reginam ais transportà, e *crodet pro* a meis frar; perche quel al ais fat seis dal Segner.

16. Ma uossa 't giavüsch eu üna sula chosa, non am la desdir! Ed ella dschet ad el: Pür tschantscha!

17. Ed el *la* dschet: Eu 't rouv, di al rai Salomon, perche el non vain at desdir; ch' el am detta * Abisag, la Sunamita, per muglier. * 1 Reg. 1, 3.

18. E Batseba dschet: *E sta* bain, eu vögl per tai tschantschar con il rai.

19. Batseba dimena gnit pro 'l rai Salomon, al favlar per Adonia. E 'l rai alvet sü all' inscontrar, e s' inclinet avant ella; lura's mettet el a zer sün seis trun, e fet metter ün sez per sia mamma, ed ella's mettet a zer dal man dret da quel.

20. Ed ella dschet: Eu ha da 't far ün pitschen giavüsch, non am il desdir. E 'l rai la dschet: Fa 'l pür, mia mamma; perche eu non t' il vögl desdir.

21. Ed ella dschet: Cha Abisag, la Sunamita, vegna datta a teis frar Adonia per muglier.

22. Lura respondet il rai Salomon, e dschet a sia mamma: E perche giavüschast tü Abisag, la Sunamita, per Adonia? Giavüschast pür il reginam per el, siand ch'el ais meis frar il vegl; per el, per il sacerdot * Abiatar, e per Joab, il figl da Seruja.

* 1 Reg. 1, 25.

23. Ed il rai Salomon güret pro 'l Segner, dschand: Usche am fetscha Dieu, ed amo plü, cha Adonia ha tschantschâ quaista chosa conter sia vita.

24. Ed uossa, *sco'l* Segner viva, il qual m'ha stabili, e m'ha fat zer sül trun da David, meis bap, e m'ha fat üna chasa, * sco el avaiva tschantschâ! Adonia dess amo hoz esser fat morir.

* 2 Sam. 7, 12.

25. E'l rai Salomon tramettet *a far l'esecuziun* tras ils mans da Benaja, del figl da Jojada, il qual al det adöss; ed el morit.

26. Lura dschet il rai al sacerdot Abiatar: Vâ via in Anatot, pro tia possessiun; perche tü hast meritâ la mort; impero hoz non at vögl eu far morir, siand tü hast portâ l'archa del Segner Deis avant David, meis bap, e siand tü est stat afflit in tuot quai, in che meis bap ais stat afflit.

27. Usche Salomon deponet Abiatar, da non esser plü sacerdot al Segner; per complir il pled del Segner, * il qual el avaiva dit conter la chasa d'Eli, in Silo.

* 1 Sam. 2, 31. 35.

28. Ma 'l bragizi gnit fin pro Joab; * perche Joab s'avaiva vout davo Adonia, ma non eira stat vout davo Absalom. Ed el fûgit nel tabernacul del Segner, e branclet las cornas del utêr.

* 1 Reg. 1, 7.

29. E füt refert al rai Salomon, cha Joab füss fûgi pro 'l tabernacul del Segner, e ch'el *saja* sper l'utêr. E Salomon tramettet Benaja, il figl da Jojada, dschand: Vâ, da 'l adöss!

30. E Benaja intret nel tabernacul del Segner, e dschet a Joab: Usche ha dit il rai: Vâ oura! Ma el respondet: Na, anzi qui vögl eu morir. E Benaja referit il fat al rai, dschand: Usche ha dit Joab, ed usche m'ha el respus.

31. E'l rai dschet ad el: Fâ sco

ch'el ha dit, e da 'l adöss, e lura sotterra 'l, e piglia davent da mai, e davent dalla chasa da meis bap il sang, cha Joab ha spans sainza causa.

32. Ed il Segner vain darcheu a far turnar sur seis cheu il sang ch'el ha spans; perche el ha miss man a duos homens plü gûsts, e meglers co el, e 'ls ha mazzats con la spada, sainza cha David, meis bap, savess inguotta, cioè Abner, il figl da Ner, il capo del exercit d'Israel, ed Amasa, il figl da Jeter, il capo del exercit da Giuda.

33. Tuorna dimena il sang da quels darcheu sül cheu da Joab, e sül cheu da seis sem in perpetuo; ma saja pasch da parte del Segner a David, ed a seis sem, ed a sia chasa, ed a seis trun in perpetuo.

34. Usche muntet sü Benaja, il figl da Jojada, e 'l det adöss, e 'l fet morir. Lura füt el sepuli in sia chasa nel desert.

35. E'l rai constituit Benaja, il figl da Jojada, sur l'exercit, nel lö da quel. Il rai ordinet eir il sacerdot Sadoe nel lö d'Abiatar.

36. Lura tramettet il rai a clamar Simei, e dschet ad el: Edificha a tai üna chasa in Gerusalem, e dmura qua, e non ir oura, ne in qua, ne in là;

37. Perche al di cha tü sarast it oura, e passâ il flüm Cidron, schi sapchast pür, cha tü a tuotta via stoust morir; teis sang dess esser sur tia testa!

38. Simei dschet al rai: L'ais bun; teis servaint farâ, sco 'l rai, meis signur, ha dit. E Simei stet in Gerusalem ün lung spazi da temp.

39. E davo passats trais ans dvan-tet, cha duos famagls da Simei fûgit-tan pro Achis, il figl da Maaca, il rai da Gat. E quai füt refert a Simei, e füt dit ad el: Mera, teis famagls sun in Gat.

40. E Simei as fet sü, e sellet seis asen, e get a Gat pro Achis, per tscherchar seis famagls, e get, e condüet seis famagls darcheu da Gat.

41. E quai füt refert a Salomon, cha Simei eir' it da Gerusalem a Gat, e füss darcheu turnâ.

42. E'l rai tramettet a clamar Simei, e dschet ad el: Non t'avaiv eu fat

gürar tras il Segner, e non t'avaiv' eu protestâ, dschand: Al di cha tü gnissast a trar our, ed ad ir, o qua, o là, schi sapehast pür, cha tü a tuotta via gnissast a morir? E tü'm dschetast: Il pled *ch'* eu ha udi, *ais* bun!

43. Contuot, perche non hast observâ il güramaint del Segner, e'l comandamaint, ch' eu t'avaiva fat?

44. Il rai dschet, ultra quai, a Simei: Tü sast, e teis cour cognoscha *bain* tuot il mal, cha tü hast fat a David, meis bap, e perquai il Segner fa dar- cheu turnar sün teis cheu, il mal cha tü hast fat.

45. Ma il rai Salomon sarà benedi, e'l trun da David sarà stabili avant il Segner in perpetuo.

46. E tras comand del rai, Benaja, il figl da Jojada, get oura, e'l det adöss, ed el morit. * Ed il reginam füt stabili nels mans da Salomon.

* 2 Cron. 1, 1.

CHAP. III.

Salomon piglia per muglier la figlia da Faraó. Il Segner al appara; il Segner al da sapienza; la sentenza da Salomon tanter duos donans.

MA Salomon s'imparantet con Faraó, il rai d'Egipto, e * piglet la figlia da Faraó, e la manet nella città da David, fin ch'el avess compli d'edifichar sia chasa, e la chasa del Segner, e la müraglia da Gerusalem, daptuot intuorn.

* 1 Reg. 7, 8.

2. Solum sacrifichaiva il pövel süls lous ots; perche fin a quel di non eira stat edificâ chasa al nom del Segner.

3. Salomon impero amet il Segner, chaminand nels statuts da David, seis bap; be ch'el sacrifichaiva, e faiva profüms süls lous ots.

4. * Il rai get eir a Gibeon, per sacrifichar qua; perche quel *eira* il grand lö ot. Salomon offerit milli olocausts sün quel utêr.

* 2 Cron. 1, 3.

5. * E'l Segner apparet a Salomon, in Gibeon, da not nel sömme. E Deis dschet *ad el*: Domanda quai *cha tü voust* ch' eu at detta!

* 1 Reg. 9, 2.

6. Salomon dschet: Tü hast üsâ granda benignità invers David, meis bap, teis serviaint, seo el ha chaminâ avant tai in vardà, ed in güstia, ed in realtâ del cour vers tai, e tü'l hast eir reservâ quaista granda benignità, cha

tü'l hast dat ün figl, chi sezza sün seis trun, seo quai hoz *dvainta*.

7. Uossa dimena, Segner meis Deis, tü'm hast constitui rai, teis serviaint, nel lö da David, meis bap; ed eu *sün* ün pitschen giuvnal, e non sa, ne uschir, ne intrar.

8. E teis serviaint *ais* in mez teis pövel, cha tü hast elet, *chi ais* ün pövel grand, il qual non as po quintar, ne nombrar per la blerüra;

9. Dâ dimena a teis serviaint ün cour inlegiantaivel, per güdichar teis pövel, per discernen tanter il bön ed il mal; perche, chi gniss a podair güdichar quai teis pövel, chi ais in *usche* grand number?

10. E quaiست plaschet al Segner, cha Salomon avess giavüschâ üna tala chosa.

11. E Deis dschet ad el: Siand tü hast domandâ quaista chosa, e non hast giavüschâ lunga vita, ne ricchezas, ne la vita da teis inimis; anzi hast domandâ d'avair intellet, per esser inlegiantaivel a güdichar,

12. Mera, schi fetsch eu seguond teis pled; mera, eu at dun ün cour sabi, ed inlegiantaivel, tal cha, ne avant tai non ais stat, ne davo tai non averà sü alehün sumgiant a tai.

13. * Ed, ultra quai, at dun eu quai cha tü non m'hast domandâ, ricchezas e gloria, dasort cha tanter ils rais non füt *mâ* ün tal, seo tü sarast tuot il temp da tia vita.

* Efes. 3, 20.

14. E scha tü chaminast in mias vias, per observar meis statuts, e meis comandamaints, seo ha chaminâ David, teis bap, schi vögl eu prolungar il temp da tia vita.

15. E Salomon as sdasdet, e mera, l'eira ün sömme. Lura get el a Gerusalem, e's presantet avant l'archa della lia del Segner, ed offerit olocausts, e sacrifichet sacrificzis d'ingraziamaint, e fet eir ün convit a tuot seis serviaints.

16. Lura gnittan duos donans pitas pro'l rai, e's presantettan avant el.

17. E l'üna dellas dschet: Ah, meis signur! Eu e quaista duonna dmurain in ün'istessa chasa; ed eu parturit, *siand* con ella in quella chasa.

18. E l'terz di, davo ch'eu avet parturi, parturit eir quaista duonna, e nus *stairan* insembel, e *qua* non *eira* alehün forest con nus in chasa; *qua* non *eiran* oters co nus duos in chasa.

19. Ma la not passada morit il figl da quaista duonna, perche ella l' *eira* giaschüda adöss.

20. Ed ella ais alvada a mezza not, ed ha tut meis figl d'avent da mai, intant cha tia fantschella dormiva, e l' tshantet a seis sain, e seis figl mort tshantet ella a seis sain.

21. Ma eu, alvand la mattina per lattantar meis figl, chattet, ch'el *eira* mort; ma l'aviand considerà la mattina, mera, el non *eira* meis figl, ch'eu avaiva parturi.

22. E l'otra duonna dschet: Na, anzi il viv *ais* meis figl, e l' mort *ais* teis. E quell' *otra* dschaiva: Na, anzi il mort *ais* teis figl, e l' viv *ais* meis figl. Usche tshantschaivan ellas, in presenza del rai.

23. E l'rai dschet: Quaista dschet: Quel *chi ais* viv *ais* meis figl, e l' mort *ais* teis; e quella dschet: Na, anzi il mort *ais* teis figl, e l' viv *ais* meis!

24. Lura dschet il rai: Portà 'm nan tina spada! Ed tina spada füt portata avant il rai.

25. Lura dschet il rai: Parti l' infant viv in duos parts, e dat via, la mità all' tina, e la mità all' otra.

26. Ma la duonna, della quala *eira* l' infant viv, dschet al rai; (perche seis intern s' aschüdaiva invers seis figl): Ah, meis signur: Dat-la l' infant viv, e non il farai zuond bricha morir; ma l'otra dschet: Non saja 'l ne teis, ne meis; ch'el vegna parti!

27. Lura fet il rai la sentenza, e dschet: Dat a quaista l' infant viv, e non il farai zuond bricha morir; quella *ais* sia mamma!

28. E tuot ils Israelits udittan il güdizi, cha 'l rai avaiva dat, e tmettan il rai; perche els vezzettan, cha *eira* in el sapienza da Dieu per güdichar.

CHAP. IV.

Ils principals uffizials da Salomon; l' uorden da sia chasa, cuort e milizia. Davart la pasch, e tranquillità del pövel. E da sia sapienza.

IL rai Salomon dimena füt rai sur tuot Israel.

2. E quaists *eiran* ils principals signurs da sia cuort: Azaria, il figl da Sadoc *eira* governatur.

3. Elihoref, ed Ahia, ils figls da Sisa, *eiran* secretaris; Josafat, il figl d' Ahilud, *eira* cancellar.

4. Benaja, il figl da Jojada, *eira* capo del exercit, e Sadoc ed Abiatar *eiran* sacerdots.

5. Ed Azaria, il figl da Natan, *eira* sur ils commissaris, e Zabud, il figl da Natan, *eira* principal uffizial, familiar del rai.

6. Ed Ahizor *eira* il grand factur da chasa; ed * Adoniram, il figl d' Abda, *eira* sur ils tributs. * 1 Reg. 5, 14.

7. Ma Salomon avaiva dudesch commissaris sur tuot Israel, ils quals provvedaivan il rai, e sia chasa con victualia; scodün da quels avaiva da provider con victualia ün mais nelan.

8. E quaists *eiran* lur noms: Il figl da Hur *eira* commissari stül munt Efraim;

9. Il figl da Decher, in Macas, ed in Saalbm, ed in Bet-Semes, ed in Elon, ed in Bet-Hanan;

10. Il figl d' Heset in Arubot; da sia compartida *eira* Soco, e tuot il pajais Hefer.

11. Il figl d' Abinadab, in tuot la contrada da Dor; quaist avet per muglier Tait, la figlia da Salomon;

12. Baena, il figl d' Ahilud, in Taenac, ed in Megiddo, ed in tuot la contrada da Bet-Sean, chi *ais* sper Sortan, giò suot Jezreel, da Bet-Sean fin ad Abel-Mehola, fin da là da Joeameam;

13. Il figl da Geber, in Ramot da Gilead; da sia compartida *eiran* ils vihs da * Jair, del figl da Manasse, chi *sun* in Gilead; seo eir la contrada Argob, chi *ais* in Basan; sesanta grandas cittats con mürs, e stangas d' aram; * Num. 32, 41.

14. Ahinadab, il figl d' Iddo, in Mahanaim;

15. Ahimaas, in Naftali; eir quaist piglet tina figlia da Salomon, cioè Basemat, per muglier;

16. Baena, il figl d' Husai, in Asser, ed in Bealot;

17. Josafat, il figl da Faru, in Issaschar;

18. Simej, il figl d' Ela, in Benjamin;

19. Geber, il figl d' Uri, nel pajais da Gilead, *chi eira* il pajais da Sihon, il rai dels Amorits, e d' Og, il rai da Basan; ed *eira* commissari in quel pajais.

20. Giuda ed Israel *eiran* in grand number, sco 'l sablun *chi ais alla riva del mâr*, in blertira; els mangiaivan e bavaivan, e s' allegraivan.

21. * E Salomon signoraiva sur tuot ils reginams da qua del flüm, fin al pajais dels Filistins, e fin als confins d' Egipto. Quels portaivan presaints a Salomon, e füttn seiss soggets tuot il temp da sia vita.

* Gen. 15, 18. Ex. 23, 31. Ps. 72, 8.

22. E la provisiun da victualia da Salomon eira per scodün di trenta cors da flur farina, e sesanta cors d' *otra* farina;

23. Desch bovs grass, e vainch bovs da pasch, e tschient bümatschs; ultra ils tschiervis, e chavrets, e chamuotschs, e pullam grass.

24. Perche el signoraiva sur tuot *il pajais* da qua del flüm, da Tifsa fin a Gaza, sur tuot ils rais *chi eiran* da qua del flüm; ed el avaiva pasch da tuottas varts intuorn.

25. E Giuda ed Israel dmuraivan in sgürezza, scodün suot sia vit, e suot seis figêr, da Dan fin Beerseba, tuot il temp da Salomon.

26. * Salomon avai' eir quarantamilli lous da chavals per sia charra, dudeschmilli cavalliers. * Deut. 17, 16.

27. E quels commissaris, ün mais del an per ün, provedaivan il rai Salomon con victualia, e tuot quels, chi s' approsmaivan a sia tabla; els non laschaivan mancar chos' alchüna.

28. Els faivan eir gnir l' üerdi, e 'l stram per ils chavals, e per ils müls, nel lö ingio quels eiran; scodün seguond sia commissiun.

29. E Deis det a Salomon sapienza, e grandissima intelligenza, ed ünanim capabel da tantas chosas, quant *ais extais* il sablun sün la riva del mâr.

30. E la sapienza da Salomon eira plü granda co la sapienza da tuot ils orientals, e da tuot la sapienza dels Egipters;

31. Ed el eira plü sabi co alchün *oter* crastian; plü co Etan, il Ezrahit, ed Heman, e Calcol, e Darda, ils figls da Mahol, e sia fama get tras tuottas naziuns dapertuot intuorn.

32. Ed el pronunziat trajamilli proverbis, e sias chanzuns eiran in number da milli e tschinch.

33. El discurit eir sopra boſcha, dal ceder stün il Libano fin al isop, chi nasecha vi' alla parait; eir raschunet el dallas bestias, e dals utschels, e da reptils, e da peschs.

34. E da tuot ils pövels, da tuot ils rais della terra, chi avaivan udi *favlar* dalla sapienza da Salomon, as gniva per udir sia sapienza.

CHAP. V.

Lia da Salomon con Hiram, il rai da Tiro; quel al conceda lainam per edificar il taimpel. Il number dels lavuraints pro quell'ouvra.

ED Hiram, il rai da Tiro, aviand udi, cha Salomon füss onschü rai nel lö da seis bap, al tramettet seis serviaints; perche Hiram eira saimper stat ami da David.

2. E Salomon tramettet a dir a Hiram:

3. * Tü sast, cha David, meis bap, non ha podü edificar üna chasa al nom del Segner seis Deis, per las guerras, con las quallas *seis inimis* il tgnettan ineresâ, fin cha 'l Segner ils avet miss suot la planta da seis peis.

* 1 Cron. 17, 1. 28, 3.

4. Ma uoss' il Segner meis Deis m' ha dat repos pertuot intuorn; eu non ha adversari alchün, ne snester accidaint.

5. Perquai, mera, eu deliberesch d' edificar üna chasa al nom del Segner meis Deis, sco 'l Segner avaiva favlâ a David, meis bap, dschand: Teis * figl, il qual eu metterâ sün teis trun, in teis pè, dess edificar üna chasa a meis nom. * 2 Sam. 7, 13.

6. Contuot comanda uossa, cha 'm sajan tagliats ceders del Libano, e meis serviaints sajan con teis serviaints, ed eu at vögl dar il pajamaint da teis serviaints, tuot quai cha tü vainst a dir; perche tü sast, cha tanter nus non ais alchün, chi sapeha tagliar il lainam sco ils Sidoniers.

7. E, cur Hiram avet udi ils pleds

da Salomon, s' allegret el granda-
maing, e dschet: Benedi *saja* il Se-
gner, chi ha dat a David ün figl sabi
per successur sur quaiست grand pövel.

8. Ed Hiram tramettet a dir a Salomon: Eu ha inelet quai cha tü m'hast tramiss; eu vögl far tuot quai cha tü desidrast circa il lainam da ceder, ed il lainam da pin.

9. Meis serviaints *il* dessan condür dal Libanò fin al mâr; ed eu il vögl far metter in congüttas nel mâr, fin al lö, cha tü vainst am designar, e qua'l vögl eu far sliar oura, e tü'l post tour, e tü lura am dessast contentar con dar victualia permia chasa.

10. Hiram dimena det a Salomon lainam da ceder, e lainam da pin, a tuotta sia voluntà.

11. * E Salomon daiva a Hiram vainchmilli cors gran, per il mangiar da sia chasa, e vainch cors öli vergin; tant daiva Salomon a Hiram ogni an.

* 2 Cron. 2, 10. 16.

12. Contuot det il Segner sapienza a Salomon seo el l'avaiva favlà, ed essendo pasch tanter Hiram e Salomon, ed aviand amendus fat lia insembel;

13. Schi alvantet il rai Salomon pövel da tuot Israel; e l' alvada füt da trentamilli homens.

14. Ed el tramettaiva sül Libano deschmilli per mais, müdand giò, ün mais eiran els nel Libano, e duos mais a chasa. Ed * Adoniram *eira* sur quell' alvada.

* 1 Reg. 4, 6. 2 Cron. 2, 18.

15. Ultra quai, avaiava Salomon settantamilli *homens* da portar pais; ed ottantamilli chi tagliaivan peidras sül munt.

16. Ultra ils capos e commissaris da Salomon, ils quals *eiran* sur la lavur, *in number* da trajamilli e trajatschient, chi comandaivan il pövel chi lavuraiva intuorn l' ouvra.

17. E, per comand del rai, fütten chavadas peidras grandas, peidras finas per far il fondamaint della chasa, e peidras polidas.

18. Üsche ils müradurs da Salomon, e'ls müradurs da Hiram, ed ils Giblits taglettan, ed apparachettan il lainam, e las peidras, per edificar la chasa.

CHAP. VI.

Descripziun della fabrica del taimpel da Salomon, insembel con sias masüras, parts ed ornamentals.

E quattertschientottant' ans davo cha'ls infants d'Israel fütten trats our dal pajais d'Egipto, nel quarta-vel an del reginam da Salomon sur Israel, nel mais da ziv, *chi ais* il seguond mais, comanzet el ad edificar la chasa al Segner.

2. E la chasa, cha'l rai Salomon edificet al Segner, avaiava sesanta bratschs muots da lungezza, e vainch da ladezza, e trenta d'otezza.

3. E *qua eira* ün * portie avant la part della chasa, *chi's nomnaiva* il taimpel, ilqual avaiava vainch bratschs muots da lungezza, tenor la ladezza della chasa, e desch bratschs muots da ladezza, avant la chasa via.

* Gioan. 10, 23. Act. 3, 11. 5, 12.

4. Fet eir alla chasa fanestras, fattas a fuorma da rait.

5. Edificet eir fuonds da chambras, chi's tgaivan vi' al mür della chasa pertuot intuorn; dintuorn la müraglia della chasa, tant del lö *dit* il taimpel, co del *oter*, *dit* l'oracul; aviand fat qua contraforts pertuot intuorn.

6. La ladezza del fuond giò bass *eira* da tschinch bratschs muots, e la ladezza da quel dimez da ses, e la ladezza del terz da set; perche el fet retrattas vi' alla chasa, dadoura via; acio cha quels fuonds non intressan aint nella müraglia della chasa.

7. Ma, cur la chasa füt edificada, füt ella fabrichada con peidras, chi eiran stattas condüttas, drizzadas del tuot seo cha avaiavan dad esser; tal cha ne martè, ne sgür, ne alchün *oter* instrumaint da fier non füt senti nella chasa, intant cha 's edifichaiva.

8. La porta dels contraforts, *chi eiran* in mez *tanter* *quels fuonds*, *eira* dalla dretta vart della chasa, e tras schalas a lidorna as muntaiva sül fuond dimez, e da quel sül terz.

9. El usche edificet la chasa, e la complit; e la covernet con travs intabladas da ceder.

10. E fabrichet quels fuonds da chambras dintuorn tuot la chasa,

dell'otezza datschinch bratschs muots scodün; intablet eir la chasa con lain da ceder.

11. Ed il pled del Segner füt *indirizzâ* a Salomon, dschand:

12. Quant a quaista chasa, cha tü edificast, scha tü chaminast in meis statuts, e mettast in ouvra mias led-schas, ed observast tuot meis comandamaints, per chaminar in quels, schi vögl eu salvar fermamaing in-vers tai meis pled,* ch'eu ha dit a David, teis bap;

* 2 Sam. 7, 12.

13. E vögl abitar in mez dels infants d'Israel, e non vögl bandunar meis pövel Israel.

14. Contuot edifichet Salomon la chasa, e la complit.

15. Ma el intablet aint dadaint la müraglia della chasa con assas da ceder; el covernet il dadaint con lain, dal fuond della chasa fin süsom las paraits, e la coverta; e covernet il fuond della chasa con assas da pin.

16. El intablet eir con assas da ceder vainch bratschs muots vers il fuond della chasa, dal fuond sü, fin süsom las paraits, e fabrichet quel spazi aint dadaint per l'oracul, pel lö santissem.

17. E la chasa, cioè il taimpel davanti eira da quaranta bratschs muots.

18. E'l lain da ceder, *chi eira* dadaint la chasa, *eira* intagliâ con intagls, e con fluors avertas; ogni chosa *eira* ceder, ün non vezzaiva ingüna peidra.

19. Disposit eir l'oracul dadaint la chasa, nel fuond, per metter qua l'archa della lia del Segner.

20. E las fatschadas del oracul eiran da vainch bratschs muots da lungezza, e da vainch da ladezza, e da vainch d'otezza; ed el il covernet con or finissem, e covernet l'utêr con ceder.

21. E Salomon covernet la chasa, aint dadaint, con or finissem, e fet avant l'oracul sü serradüras d'or, e covernet quel con or.

22. Usche surtret el con or interamaing tuot la chasa; covernet eir con or tuot l'utêr, *chi eira* sper l'oracul.

23. * E fet aint nel oracul duos cherubins da lain d'oliva, dels quals scodün eira ot desch bratschs muots.

* Ex. 25, 18.

24. Ed üna ala del ün dels cherubins *eira lunga* tschinch bratschs muots, e l'otra oters tants; dall'extremità d'üna ala da quel, fin all'extremità dell'otra *eiran* desch bratschs muots.

25. L'oter cherubin *eira* medemmaing da desch bratschs muots; ils cherubins amenduos *eiran* d'ün'istessa masüra, e sculptura.

26. L'otezza d'ün dels cherubins eira da desch bratschs muots, ed il medem l'otezza del oter.

27. Ed el mettet ils cherubins in mez dalla part dadaint della chasa, e quels stendaivan oura *lur* alas da cherubins; tal cha l'ala del ün toccaiva l'üna dellas paraits, e l'ala del oter l'otra, e lur alas in mez della chasa as toccaivan l'üna l'otra.

28. Ed el covernet ils cherubins con or;

29. E fet intagliar intuorn intuorn, in tuot las paraits della chasa, figüras chavadas oura, da cherubins, e da palmas, e da fluors avertas, aint dadaint, ed our dadoura.

30. Covernet eir il fuond della chasa con or dadaint e dadoura.

31. Ed all'intrada del oracul fet el duos portas da lain d'oliva; il glim, e las chassas *eiran* üna quinta part.

32. E sur quellas duos portas da lain d'oliva fet el intagliar figüras da cherubins, e da palmas, e da fluors avertas; e las covernet con or, e stendet oura l'or sur ils cherubins, e sur las palmas.

33. Fet eir all'intrada del taimpel chassas da lain d'oliva, d'üna quarta part.

34. E duos portas da lain pin, scodüna dellas qualas as volvaiva in duos parts;

35. E fet intagliar *laint* cherubins, e palmas, e fluors avertas, e las covernet con or tschantâ subtilmaing sur las intagliadüras.

36. Ed el edifichet eir il cortil aint dadaint, con trais ordinanzas da peidras polidas, ed ün'ordinanza da travs da ceder.

37. Nel quartaval an, nel mais da ziv fütan tschantats ils fondamaints della chasa del Segner;

38. E nel ündeschavel, nel mais da bul, *chi* ais l'ottavel mais, füt la chasa complida seguond tuot seis disegn, e sias ordinanzas. Usche mettet *Salomon* set ans a l'edifichar.

CHAP. VII.

Descripziun d'oters edificizis privats e publics da Salomon. Las duos coluonnas d'aram, il mâr; ils desch lavaduoirs; ils desch chandallêrs.

SALOMON lura nel spazi da trais desch ans edificet sia chasa, e la complit interamaing.

2. Eir edificet el la chasa del god del Libanon, da lungezza da tshient bratschs muots, e da ladezza da tschinquanta, e d'otezza da trenta; e l'*eira tshantada* sün quatter ordinanzas da coluonnas da ceder, sur las qualas *eiran* travs da ceder.

3. E la chasa *eira* covernada sü sura con ceder, cioè sur ils fuonds, chi *eiran* tshantats sün quarant' e tschinch coluonnas, a quindesch per ordinanza.

4. E qua *eiran* trais ordinanzas da fanestras, l'aspet dellas qualas respondaiva l'ün al oter sün trais vers.

5. E tuot las portas e las chassas *eiran* da figüra quadra, e l'ün aspet *eira* vi' incoenter l'oter sün trais vers.

6. Fet eir il portic con quellas coluonnas, da lungezza da tschinquanta bratschs muots, e da ladezza da trenta, ed ün portic *eira* avant quellas, tal cha in frunt da quellas *eiran* coluonnas, e travs.

7. Fet eir il portic del trun, sül qual el tgaiva dret, *nominâ* il portic del güdizi, e quel füt covernâ con ceder, dal fuond fin al solêr.

8. Ed in sia chasa, ingio el dmurai-va, *eira* ün oter cortil, dadaint il portic, da lavur simila a quaiet. Salomon fet eir üna chasa per la figlia da Farao, la quala * el avaiva tut *per muglier*, sumgianta a quel portic. * 1 Reg. 3, 1.

9. Tuot quaietas fabricas, dadaint e dadoura, dal fondamaint fin allas sportas dellas cornischs, e dadoura fin al cortil grand, *eiran* peidras finas, resgiadas con la resgia, della medema masüra con las peidras polidas.

10. Ed il fondamaint *eira* peidras finas, peidras grandas, peidras da desch e dad ot bratschs muots.

11. Il medem süsura *eiran* peidras finas, della medema masüra dellas peidras polidas, e ceders.

12. Similmaing *eira* il cortil grand pertuot intuorn con trais solêrs da peidras polidas, ed ün solêr da travs da ceder, seo il cortil dadaint della chasa del Segner, e l' portic della chasa.

13. Ma il rai Salomon tramettet via a tour Hiram da Tiro;

14. Figl d' üna duonna vaidgua eir' el dalla schlatta da Naftali; ma seis bap *eira* ün Tirier, ün maister in aram, e * compli in industria, ed intelligenza, e scienza da far qualunque lavurêr d' aram. Ed el gnit pro l' rai Salomon, e fet tuot seis lavurêrs.

* Ex. 31, 3.

15. E culet las duos coluonnas d' aram, dellas qualas scodüna avaiva d' otezza deshdot bratschs muots; ed ün fil da dudesch bratschs muots circondaiva l' ün' e l' otra.

16. Fet eir duos testettas culadas d' aram, per metter süsom las coluonnas, dellas qualas scodüna avaiva tschinch bratschs muots d' otezza.

17. Las testettas, chi *eiran* süsom las coluonnas, avaivan tshertas raits da lavur interscholada fattas in fuorma da chadaina; quellas *eiran* a set e set in scodüna testetta.

18. Ed aviand fat las coluonnas, fet el amo duos lingias da poms granats, intuorn intuorn sper scodüna da quellas raits, per covernar con poms granats las testettas, chi *eiran* in tschimma dellas coluonnas.

19. E las testettas, chi *eiran* in tschimma dellas coluonnas nel portic, *eiran* fattas in fuorma da gilgias, da quatter bratschs muots.

20. E qua *eiran* coronas sün las duos coluonnas, süsura sper il vainter, chi *eira* nella vart della tessadüra, e qua *eiran* duatschient poms granats in plüis ordinanzas dapartuot intuorn, vi' alla seguonda corona.

21. E Salomon drizzet sü las coluonnas per il portic del taimpel, üna da *man* dret, e la mettet nom Jachin, e l' otra da *man* snester, e la mettet nom Boaz.

22. E mettet il lavurêr *fat in fuorma*

da gilgia in tschimma dellas coluonnas. Ed usche füt compli il lavurêr dellas coluonnas.

23. * Lura fet el il mâr culâ, *chi avai*va desch bratschs muots, d'üna vart del ur all' otra, *ed eira* raduond pertuot intuorn; l'*eira* tschinch bratschs muots ot; ed ün fil da trenta bratschs muots il circondaiva dapartuot intuorn.

* 2 Cron. 4, 2. Ger. 27, 19. 52, 17.

24. E giò suot l' ur da quel, our dintuorn, *eiran* figüras tagliadas oura, ch' il incresaivan, desch per bratsch muot, circondand il mâr intuorn intuorn. *Qua eiran* duos ordinanzas da quaistas figüras tagliadas oura, culadas imsembel con il mâr.

25. Quel *eira* tschantâ sün dudesch bovs, dels quals trais *eiran* vouts vers il settentrion, e trais vers l' occidaint, e trais vers il mezdi, e trais vers l' oriaint, e l' mâr *eira* süsura, sün quels, e tuot las parts davo da quels bovs *eiran* voutas inaint.

26. E la grossezza da quel *eiru* d'üna palma, e seis ur *eira* fat a guisa del ur d'üna coppa, a flur da gilgia; e quel tgnai' aint duamilli bats;

27. Ultra quai, fet el desch sostegn d' aram, dels quals scodün *avaiva* quatter bratschs muots da lungezza, e quatter da ladezza, e trais d' otezza.

28. E tal *eira* il lavurêr dels sostegn; ed *eiran* listas in mez da tseherts urs, fats a guisa da cornischs inastradas.

29. E sur quellas listas, *chi eiran* in mez quels urs, *eiran* liuns, bovs, e cherubins; ed il medem sün quels urs, süsura; e giò suot ils liuns, ed ils bovs, *qua eiran* ornamentals chaful intagliats.

30. E scodün sostegn *avaiva* quatter roudas d' aram, e las tablas d' aram, ed in seis quatter chantuns *eiran* spadlas; quaistas spadlas *eiran* culadas vi' al ur da scodüna *dellas* varts dels ornamentals, *per esser* suot il batschigl.

31. E la bocca del pè *eira* aint daint la coruna, e relevada süsura d' ün bratsch muot, e *quaista* sia bocca *eira* raduonda, a fuorma d' ün pè da vaschè; *ed eira* d' ün bratsch muot e mez, e sur *quaista* sia bocca *eiran*

eir intagliadüras, con lur comparti-maints, quaders, e na raduonds.

32. Ma las quatter roudas *eiran* giò suot quellas listas; ed ils aschigls dellas roudas as tgnaiavan vi' als sostegn, e l' otezza da scodüna rouda *eira* d' ün e mez bratsch muot.

33. E las roudas *eiran* fattas a guisa della rouda d' ün charr; lur aschigls, e lur mozzals, e lur giavagls, e lur spaichs, tuot quai *eira* culâ.

34. E, quant allas quatter spadlas, *chi eiran* vi' als quatter chantuns da scodün sostegn, *eiran* ellas d' üna medema pezza con il sostegn.

35. Ed in tschimma da scodün sostegn *eira* ün mez bratsch muot d' otezza fat raduond our dintuorn; ed in tschimma del sostegn *eiran* seis spazis, e listas, d' ün' istessa pezza con il sostegn.

36. Ed *Hiram* intaglet nellas tablas da quels spazis del sostegn, ed in sias listas, cherubins, liuns, e boscha da palmas, seguond il vöd da scodüna *da quellas*; ed our dintuorn *eiran* ornamentals.

37. In *quaista* maniera fet el desch sostegn, ils quals tuots *eiran* culats in ün medem möd, e d' üna medema masüra, e d' üna medema intagliadüra.

38. Lura fet el ils desch batschigls d' aram, dels quals scodün tgnaiava quaranta bats, ed *eira* da quatter bratschs muots; scodün batschigl *eira* tschantâ sur ün dels desch sostegn.

39. E *Salomon* tschantet tschinch da quels sostegn dalla vart dretta della chasa, e tschinch dalla vart snestra, e tschantet il mâr dalla vart dretta della chasa, vers l' oriaint, dalla vart meridionala.

40. Ed *Hiram* fet las cudêras, e las palas, ed ils vasos, e complit tuot il lavurêr ch' el faiv' al rai *Salomon* per la chasa del Segner.

41. Las duos coluonnas, e duos vascshels da testettas, *chi eiran* in tschimma dellas coluonnas, e las duos rait; per covernar ils duos vascshels da testettas, *chi eiran* süsom las coluonnas.

42. E l's quattertschient poms granats, per las duos rait, a duos ordinanzas da poms granats per scodüna rait,

per covernar ils duos vashels da testettas chi *eiran* sün las coluonnas.

43. Ed ils desch sostegns, ed ils desch batschigls *per metter* sur ils sostegns.

44. E'l mâr, *chi eira ün*; e 'ls du-desch bovs, *chi eiran* suot il mâr.

45. E las cudêras, e las palas, e vasos. E tuot quaiſt üsaglia, la quala Hiram fet al rai Salomon per la chasa del Segner, *eira* d' aram poli.

46. Il rai la fet cular nella planüra del Giordan, in terra arsechigliainta, tanter Succot, e Sartan.

47. E Salomon interlaschet *da pasar* tuot quaiſt üsaglia, per la grandissima blerüra; la paisa del aram non füt inquirida.

48. Salomon fet d'or tuot l'üsaglia, chi *eira* nella chasa del Segner; *el fet* d'or l' utêr, e las maisas, sün las qualas *as mettaiva* * ils pans del conspet.

* Ex. 25, 30.

49. *Fet eir* d'or fin ils chandallêrs, *dels quals* tschinch *eiran* da mandret, e tschinch dal snester avant l'oracul, il medem d'or las bozzas, e las lampas, e las mocettas.

50. Fet eir d'or fin las tazzas, e las furchettas, ed ils vasos, e las coppas, ed ils turibuls; eir ils polsches dels üschs della chasa aint dadaint, *cioè* del lö sanctissem, e dels üschs della chasa, *cioè* del taimpel *eiran* d'or.

51. Usche füt compli tuot il lavurêr, cha'l rai Salomon fet far nella chasa del Segner. Lura fet Salomon portar *qua* aint dadaint * las chosas cha David, seis bap, avaiva consacrâ; l'argient, e l'or, e 'ls vashels tshantet el nel tesor della chasa del Segner.

* 2 Sam. 8, 7. 11.

CHAP. VIII.

Salomon fa gnir insemel ils principals d'Israel per la dedicaziun del taimpel. In quel vain portâ l'archa, e tuot las üsaglias del tabernacul. Salomon benedescha il pövel; offerra sacrificizis, celebra la festa della dedicaziun, e dels tabernaculs.

LURA raspet il rai Salomon pro el, la Gerusalem, ils seniurs d'Israel, e tuot ils capos dellas schlattas; ils principals dellas famiglias dels infants d'Israel, per transportar l'archa della lia del Segner our dalla città da David, chi *ais* Sion.

2. Ed as raspettan pro'l rai Salomon tuot ils homens d'Israel, nel mais etanim, chi *ais* il settavel mais, alla festa.

3. E tuot ils seniurs d'Israel rivettan, ed ils sacerdots portaivan l'archa,

4. E transportettan l'archa del Segner, e'l tabernacul della raspada, e tuot ils vashels sanets, chi *eiran* nel tabernacul. Ils sacerdots, ed ils levits ils transportettan.

5. E'l rai Salomon, e tuot la raspada d'Israel, chi eira gnüda pro el, eiran con el avant l'archa, sacrificchand bescha, e bovs, in tant number, cha non as podaivan ne quintar, ne nombrar.

6. Ed ils sacerdots portettan l'archa della lia del Segner aint in seis lö, nel oracul della chasa, nel lö sanctissem, suot las alas dels cherubins.

7. Perche ils cherubins stendaivan oura las alas sur il lö dell'archa, e covernaivan l'archa e sias stangas süsura.

8. E trettan oura las stangas tras tuot lur lungezza; ed ils cheus da quellas as vezzaiva dal lö sanet, sün la part avant l'oracul, ma non as vezzaiva plü our dadoura; e sun restadas qua fin a quaiſt di.

9. * Dadaint l'archa non *eira* oter inguotta, co las duos tablas da crap, cha Mose avaiva tshantâ qua al Horeb, cur il Segner fet lia con ils infants d'Israel, davo cha füttan gnüts our dal pajais d'Egipto.

* Ex. 25, 21.

10. Ma dvantet, davo cha 'ls sacerdots füttan its our dal lö sanet, * schi implit la nüvla la chasa del Segner.

* Ex. 40, 35.

11. Ed ils sacerdots non podaivan star qua a far il servezzen, per causa della nüvla; perche la gloria del Segner avaiva impli la chasa del Segner.

12. Lura dschet Salomon: Il Segner ha decis, ch'el vögla abitar nella schürezza.

13. Eu t'ha edificâ, o Segner, üna chasa, per teis abitacul, üna stanza per tia dmura in perpetuo.

14. Lura volvet il rai la fatscha, e benedit tuot la raspada d'Israel; e

tuot la raspada d' Israel staiva *qua* in pè.

15. Ed el dschet: Benedi *saj* il Segner Deis d' Israel, il qual con sia bocca favlet a David, meis bap; e con seis man ha compli, qua ch' el dschet:

16. * Dal di, ch' eu meis pövel Israel tret our d' Egipto, non ha eu tschernü alehüna città, da tuot las schlattas d' Israel, per edificar *qua* üna chasa, nella quala dmuress meis nom; ma eu ha tschernü David, per il stabilir sur meis pövel Israel. * 2 Sam. 7, 6.

17. Ma David, meis bap, avet nel cour, d' edificar üna chasa al Segner Deis d' Israel.

18. Ma il Segner dschet a David, meis bap: Quant a quai, cha tü hast gnü nel cour, d' edificar üna chasa a meis nom, hast fat bain d' avoir gnü quai nel cour;

19. Impero non dessast tü edificar quella chasa; anzi teis figl, chi vain a gnir da teis flanes, dess esser quel, chi edifica quaiста chasa a meis nom.

20. Il Segner dimena ha miss in effet il pled ch' el avaiava dit; ed eu sun alvâ sü nel lö da David, meis bap, e sun sezzü sur il trun d' Israel, sco 'l Segner avaiava tshantschâ; ed ha edificâ quaiста chasa al nom del Segner Deis d' Israel.

21. E qui ha eu constitui ün lö per l' archa, nella quala *ais* la lia del Segner, ch' el fet con noss babuns, eur el ils tret our dal pajais d' Egipto.

* 22. Lura Salomon as presantet avant l' utêr del Segner, in presenza da tuot la raspada d' Israel, ed avrit las palmas da seis mans vers il tshel,

23. E dschet: * O Segner Deis d' Israel, e non *ais*, ne süsura nels tshels, ne giosuot sur la terra, alchün dieu al pêr teis, chi salvast la lia, e la benignità invers teis serviants, chi chaminan avant tai con tuot lur cour; * 2 Cron. 6, 14.

24. Chi hast salvâ a teis serviaint David, meis bap, quai cha tü l' avaiavast dit; e quai cha tü l' avaiavast dit con tia bocca, l' hast tü compli con teis man; sco hoz *appara*.

25. Uossa dimena, Segner Deis d' Israel, salva a teis serviaint David,

meis bap, quai cha tü l' hast dit, cioè: E mâ non at gnarâ almain, avant meis conspet, hom, chi sezza süil trun d' Israel, pür cha teis infants hajan chüra da lur vias, per chaminar avant mai, sco tü hast chaminâ.

26. Uossa dimena, o Dieu d' Israel, eu' t rouv, saja verifichâ teis pled, cha tü hast dit a teis serviaint David, meis bap.

27. Impero vairamaing dess Deis abitar sün la terra? * Mera, ils tshels, ed ils tshels dels tshels non at pon comprender; quant main quaiста chasa, la quala eu ha edificâ?

* 2 Cron. 2, 6. Es. 66, 1. Ger. 23, 24.

28. E però, o Segner meis Deis, guarda sün l' oraziun da teis serviaint, e sün sia supplicaziun; per tadlar il bragizi, e l' oraziun, la quala teis serviant hoz fa in teis conspet!

29. Acio cha teis ögls sajan averts, not e di, vers quaiста chasa, vers il lö, dal qual tü hast dit: Meis nom dess esser qua; per tadlar l' oraziun cha teis serviaint farâ, *as volvand* vers quaiст lö.

30. Contuot, exoda la supplicaziun da teis serviaint, e da teis pövel Israel, eur els vegnan at far oraziun, *as volvand* vers quaiст lö; taidla 'ls nel lö da tia stanza nels tshels; e 'ls tadland, perduna *ad els*!

31. * Cur alchün averâ pechâ conter seis prossem, e que 'l sarà impost il saramaint, per il far gürar, e 'l saramaint vain avant teis utêr, in quaiста chasa; * Ex. 22, 11.

32. Schi sporscha tü uraglia nel tshel, ed operescha, e güdicha teis serviants, condannand il culpabel, per far turnar sün sia testa quai ch' el averâ fat; ed absolvand il güst, per render ad el seguond sia güstia.

33. Cur teis pövel Israel sarà battü dal inimi, siand ch' el pecha conter tai; sch' el lura as convertescha pro tai, e da gloria a teis nom, e' t fa oraziun, e supplicaziun in quaiста chasa;

34. Schi exoda 'l nel tshel, e perduna il pucha da teis pövel Israel, e condüa 'l dacheu nel pajais, cha tü dettast a teis babuns.

35. Cur il tshel sarà serrâ, e non

plova, siand ch' els pechan conter tai; scha quels fan oraziun, *as volvand* vers quai st lö, e dan gloria a teis nom, ed as converteschan da lur puchats, perquai cha tü 'ls hast afflits;

36. Schi exoda 'ls nel tsel, e perdun' il pucha da teis servaints, e da teis pövel Israel, davo tü 'ls averast mossâ la buna via, per la quala els han da chaminar; e trametta plövgia sün tia terra, la quala tü dettast per ierta a teis pövel!

37. Cur sarà nel pajais fam, o pestilenza, o arsüra, o guastamaint da früas, o salips, o orslannas; *ovvero* seis inimi ineresa *teis pövel* nel pajais da sia stanza, *ovvero* sarà qualunque plaja, e qualunque infirmità;

38. Schi exoda ogni oraziun, ed ogni supplicaziun, cha farà qualunque persuna da teis pövel Israel, cur scodün dels averà cognoschü la plaja da seis cour, ed averà avri las palmas da seis mans vers quai chasa;

39. *Schi exoda* quai nel tsel, nella stanza da tia abitaziun, e perduna, ed operescha, e renda a scodün seguond ogni sia via, sco tü cognoschast seis cour; * perche tü sulet cognoschast il cour da tuot ils infants della gliend;

* Ps. 7, 10. Ger. 11, 20. Gioan. 2, 25.

40. Acio cha 't temman tuot il temp cha vivan sün la terra, cha tü hast dat a lur babuns.

41. Exoda eir il forestêr, chi non sarà da teis pövel Israel, e sarà gnü da lontan pajais per causa da teis nom;

42. Perche els vegnan ad udir da teis grand nom, e da teis possant man, e da teis bratsch stendü. Contuot, cur ün tal sarà gnü, ed averà fat oraziun in quai chasa;

43. *Schi exoda* 'l nel tsel, nella stanza da tia abitaziun, e fà seguond tuot quai, per il che quel forestêr t'averà clamâ in agüd; acio tuot ils pövels della terra cognoschan teis nom, e't temman sco teis pövel Israel, e cognoschan, cha quai chasa, ch' eu ha edificâ, as nomna davo teis nom.

44. Cur teis pövel sarà trat our in guerra conter seis inimi per la via, sün la quala tü l'averast tramiss, e't averà fat oraziun al Segner, *as volvand* vers la città cha tü hast elet, e vers

la chasa, ch' eu ha edificâ a teis nom;

45. Schi exoda nel tsel sia oraziun, e sia supplicaziun, e fà raschun ad el.

46. Cur els averan pechâ conter tai (perche * e non *ais* crastian alchün chi non pecha), e tü sarast adirâ conter els, e 'ls averast miss nel podair da *lur* inimi, e lur venschadurs ils averan manats in preschun in pajais inimi, o lontan, o vicin;

* 2 Cron. 6, 36. Prov. 20, 9. Ecc. 7, 20.

47. Sch' els nel pajais, nel qual els saran manats in preschun, as piglian a cour, e 's converteschan, e 't supplican nel pajais da lur venschadurs, dschand: Nus avain pechâ, e commiss iniquità; nus eschan culpabels;

48. Scha 's converteschan pro tai con tuot lur cour, e con tuot lur orma, nel pajais da lur inimis, chi 'ls han manats in preschun, e't fan oraziun, *as volvand* vers lur pajais, cha tü hast dat a lur babuns, e vers la città cha tü hast elet, e vers la chasa, ch' eu ha edificâ a teis nom;

49. Schi exoda nel tsel, nella stanza da ti' abitaziun, lur oraziun, e lur supplicaziun, e fà ad els raschun,

50. E perduna a teis pövel, quai ch' el ha pechâ conter tai, tuot seis misfats, ch' els han commiss conter tai, e renda ad els misericordiaivels lur venschadurs, acio hajan compassiun d' els;

51. * Perche teis pövel, e tia ierta *sün* quels, cha tü 'ls hast trats our d' Egipto, our dal fuorn da fier. * Ex. 19, 5.

52. Sajan teis ögls averts alla supplicaziun da teis servaint, ed alla supplicaziun da teis pövel Israel, per ils exodir in tuot quai, per che els vegnan at elamar in agüd!

53. Perche tü 'ls hast miss d'vart, per tia ierta, our da tuots pövels della terra, * sco tü favlettast tras teis servaint Mose, cur tü trettast noss babuns our d' Egipto, o Segner Deis.

* Ex. 19, 5. Deut. 4, 20. 7, 6.

54. Ma, cur Salomon avet finì tuot quai oraziun e supplicaziun al Segner, schi alvet el sù da avant l'utêr del Segner, ingio el eira stat insnuogliâ, con las palmas dels mans avertas vers il tsel;

55. E, s'aviand drizzâ in pè, benedit el tuot la raspada d'Israel, ad ota vusch, dschand:

56. Benedi *saj'* il Segner, il qual ha dat repos a seis pövel Israel, plainamaing seguond ch'el avaiava favlâ; e non ais crodâ a terra inguotta da tuot ils buns pleds, ch'el avaiava pronunziâ tras Mose, seis serviaint.

57. Il Segner nos Deis saja con nus, sco el ais stat con noss babuns; *il Segner* non ans banduna, e non as retira da nus;

58. Per inclinar noss cours invers el, acio cha nus chaminan in tuot sias vias, ed observan seis comandamaints, e seis statuts, e sias ledschas, ch'el ha ordinâ a noss babuns.

59. E quaists meis pleds, con ils quals eu fet supplicaziun nel conspet del Segner, stettan via pro'l Segner nos Deis, di e not; acio ch'el mantegna la raschun da seis serviaint, e da seis pövel Israel, da di in di;

60. * Afin cha tuot ils pövels della terra cognoschan, cha 'l Segner *ais* Deis, e *cha* non *ais* alchün oter.

* Deut. 4, 35. 39.

61. Saja dimena vos cour perfet invers il Segner nos Deis, per chaminar in seis statuts, e per observar seis comandamaints, sco *vos fais* hoz.

62. Lur'il rai, e tuot Israel con el, sacrificettan sacrificzis avant il Segner.

63. E Salomon sacrifichet per sacrificzi d'ingraziamaint, il qual el fet al Segner, vainch e duamilli bovs, e tschient e vainchmilli nuorsas. Usehe dedichettan il rai, e tuot ils infants d'Israel la chasa del Segner.

64. In quel di il rai dedichet il spazi del cortil, chi *eira* avant la chasa del Segner; perche el sacrifichet qua olocausts, ed offertas, e 'l grass dels sacrificzis d'ingraziamaint; * perche l'utêr d'aram, chi *eira* avant il Segner, *eira* massa pitschen per comprender ils olocausts, e las offertas, e 'l grass dels sacrificzis d'ingraziamaint.

* 2 Cron. 4, 1. 7, 7.

65. Ed in quel temp Salomon celebret la solennità, insembel con tuot Israel, üna granda raspada, *raccolta* dall'intrada d'Hemat, fin al flüm d'E-

gipto, avant il Segner nos Deis, e *que diuret* set dis, e lura amo set *oters*, chi sun quattordesch dis.

66. L'ottavel di licenziet el il pövel, e quels benedittan il rai, * e gettan d'avent pro lur stanzas, allegrats, e leids da cour, peramur da tuot ils bains, cha 'l Segner avaiava fat a David, seis serviaint, ed ad Israel, seis pövel.

* 2 Sam. 6, 15. 18.

CHAP. IX.

Il Segner appar' a Salomon la seguonda vouta. Impromissius cha 'l Segner al fa, sco eir inna-tschas. Las cittats ch'el da al rai Hiram. Descripziun dels edifizis annuals, e navigaziun da Salomon.

Edavo cha Salomon avet fini d'edificar, fichar la chasa del Segner, e la chasa regala, e tuot quai ch'el avet desideri, e volontà da far,

2. L'apparet il Segner la seguonda vouta, * sco el l'eira apparü in Gibeon,

* 1 Reg. 3, 5. 2 Cron. 7, 12.

3. E dschet ad el: Eu ha exodi tia oraziun, e tia supplicaziun, cha tü fet-tast avant mai; * eu ha santificâ quaiста chasa, la quala tü hast edificâ per metter qua meis nom in perpetuo, e meis ögls, e meis cour des-san da contin esser là.

* Deut. 11, 12.

4. E, quant a tai, scha tü chaminast in meis conspet, sco ha chaminâ David, teiс bap, in integrità da cour, ed in realtâ, per far seguond tuot quai ch'eu t'ha comandâ; e *scha* tü observast meis statuts, e mias ledschas;

5. Schi vögl eu stabilir in perpetuo il trun da teiс reginam sur Israel, sco eu impromettet a David, teiс bap, dschand: * Mâ bricha non at gnarâ almain hom, *chi sezza* sül trun d'Israel.

* 1 Reg. 2, 4.

6. Impero, scha vus, e voss infants, as volvais d'avent da mai, e non observais meis comandamaints, e meis statuts, ils quals eu s'ha proposit; anzi giais, e servis ad oters deis, e 'ls adorais;

7. Schi vögl eu sdrür Israel dalla terra, ch'eu al det, e büttar via da meis conspet la chasa, la quala eu santifichet a meis nom; * ed Israel sarà in proverbii, ed in fabla tanter tuots pövels.

* Deut. 28, 37.

8. E, quant a quaiста chasa tant excelsa, chi passerà sper quella via,

vain as instupir, e schüblar, e vain a dir: Perche ha fat il Segner in quaiست mod con quaiست pajais, e quaiست chasa?

9. Ed ün vain a respuonder: Siand cha han bandunâ il Segner lur Deis, il qual tret lur babuns our dal pajais d'Egipto, ed as han rantats vi'ad oters deis, e 'ls han adorats, ed han servi ad els; perquai ha fat il Segner gnir sur els tuot quaiست mal.

10. * Ma in cheu da vainch ans, nels quals Salomon edifichet las duos chasas, la chasa del Segner, e la chasa regala,

* 1 Reg. 6, 38.

11. Hiram, il rai da Tiro, fet preschaints a Salomon con lainam da ceder, e da pin, e d'or, ad ogni seis plaschairs; il rai Salomon lura al det vainch cittats nel pajais da Galilea.

12. Ed Hiram tret our da Tiro per vair las cittats cha Salomon l'avaiva dat; ma ellas non al plaschettan;

13. Ed el dschet: Che cittats *sun* quaiستas, cha tû 'm hast dat, meis frar? Ed el las nominet, il pajais * Cabul. *E quaiست nom allas ais restâ* fin a quaiست di.

* Gios. 19, 27.

14. Ed Hiram tramettetalrai tshient e vainch talents d'or.

15. Ma quaiست füt la maniera cha'l rai Salomon observet con l' alvada *del pövel*, ch' el fet per edificar la chasa del Segner, sia chasa, e Millo, e la müraglia da Gerusalem, ed Hasor, e * Megiddo, e Gezer.

* Gios. 17, 11.

16. Farao, il rai d'Egipto, eira muntâ, ed avaiva prais Gezer, e l'avaiva arsa con fö, ed avaiva mazzâ ils Cananeers chi abitaivan nella città; lura l'avaiv' el datta per dotta a sia figlia, la muglier da Salomon.

17. Pelqual Salomon reedifichet Gezer e Betoron giò suot,

18. E * Baalat, e Tadmor nel desert del pajais;

* Gios. 19, 44.

19. E tuot las cittats da munizium da Salomon, e las cittats, ingio eira la charra, ed ingio stail' il pövel a chavagl; insomma, tuot quai cha Salomon avet desideri d' edificar in Gerusalem, e sül Libano, ed in tuot il pajais da sia signoria.

20. El alvantet seo tributaris pro fatschendas personalas tuot il pövel

vanzâ dels Amorit, dels Hetits, dels Feresits, dels Hevits, e dels Jebusits, ils quals non eiran dels infants d'Israel;

21. Cioè lur infants, * restats davo els nel pajais, ils quals ils infants d'Israel non avaivan podü sdrür; ed usche ha que dürâ fin a quaiست di.

* Gid. 1, 21. 27. 29.

22. Ma Salomon non fet famagl alchün dels infants d'Israel; anzi quels eiran ils homens da guerra, e seis ministars, e seis colonels, e seis chapitanis, e capos da sia charra, e da sia chavalleria.

23. Quaiستs sun ils capos dels commissaris, *chi fütan constituits* sur l'ouvra da Salomon, *cioè* tschinch-tschient e tschinquanta, ils quals comandaivan al pövel, chi lavuraiva pro l'ouvra.

24. * Ma la figlia da Farao muntet sü dalla città da David in sia chasa, cha Salomon l'avaiva edificâ, lura edifichet el Millo.

* 2 Cron. 8, 11.

25. E, davo ch' el avet fini d'edificar la chasa, * offeriv' el trais voutas al an olocausts, e sacrificis d'ingraziamaint sün l'utêr, ch'el avai' edificâ al Segner, e faiva profüms sün quel chi *eira* nel conspet del Segner.

* 2 Cron. 8, 12.

26. Il rai Salomon fet eir üna nav in * Eseon-Geber, chi *ais* sper Elot, sün la riva del mâr cotschen, nel pajais dels Idumeers.

* Deut. 2, 8. * 2 Cron. 8, 18.

27. Ed Hiram tramettet sün quella nav, con ils servaints da Salomon, seis servaints marinêrs, chi s'incle-giaivan sün l'art da marina.

28. E quels, siand rivats in * Ofir, piglettan da là quatterschient e vainch talents d'or, e 'ls condüettan pro 'l rai Salomon.

* Giob 22, 44.

CHAP. X.

La regina da Sabea vain pro Salomon; la grandezza, e magnificenza da Salomon.

MA la * regina da Sabea incleet la fama da Salomon nel nom del Segner, e gnit per il provar con ingiavinêras.

* Gid. 14, 12. 2 Cron. 9, 1.

2. La intret in Gerusalem con ün grandissem seguit, e con chamêls chargiats da speziarias, e con grandisma quantitâ d'or, e da peïdras

preziasas, e gnit pro Salomon, e favlet con el da tuot quai ch' ella avaiava nel cour.

3. E Salomon la declareret tuot quai ch' ella proponit, e que non füt chos' alchüna azzoppada al rai, ch' el non alla declareress.

4. Pelqual la regina da Sabea, vezand tuot la sapienza da Salomon, e la chasa ch' el avaiav' edificâ,

5. E las vivandas da sia tabla, e las stanzas da seis serviants, e l'ordinanza del servir da seis ministers, e lur vestimaintas, e seis copiers, e 'ls olocausts ch' el offeriva nella chasa del Segner, schi svanit ella del tuot,

6. E dschet al rai: Quai ch' eu incleet in meis pajais da teis fats, e da tia sapienza, eira bain vaira;

7. Ma eu non crajaiva quai cha 's dschaiva, fin ch' eu sun gnüda, e cha meis ögls han vis; uossa mera, e non am eira rapportâ la mitâ; tû sopravvanzast in sapienza, ed in excellenza la fama, ch' eu avaiav' incleet.

8. Beada ais tia gliend; beats quaists teis serviants, chi stan da contin avant tai, chi odan tia sapienza!

9. Saja benedi il Segner teis Deis, il qual ha gnü plaschair da tai, per at metter süin il trun d'Israel; per l'amur cha 'l Segner porta in eterno ad Israel, t' ha el constitui rai, cha tû fetschast raschun e güstia.

10. Lura dunet ella al rai tschient e vainch talents d'or, e granda quantitâ da speziarias, e da peidras preziasas. Mâ plü non gnittan speziarias, in granda quantitâ, sco la regina da Sabea dunet al rai Salomon.

11. (La nav da Hiram, chi portav' our d' Ofir or, portet our d' Ofir eir lain d' * almuggim, in granda quantitâ, e peidras preziasas. * 2 Cron. 9, 10.

12. E 'l rai fet con quel lain d' almuggim spuondas alla chasa del Segner, ed alla chasa regala, e citras, e psalters per ils chantadurs. Tal lain d' almuggim non eira mâ plü gnü, e mâ plü stat vis fin a quel di),

13. Il rai Salomon dunet eir el alla regina da Sabea tuot quai ch' ella avet gugent, e ch' ella il giavüschet; ultra quai, ch' el la dunet seguond il podair da rai. Lura 's mettet ella dar-

cheu in viadi, e get con seis serviants in seis pajais.

14. Ma la paisa del or, chi pervgniv' ogni ana Salomon, *eira* da sestschient e sesanta e ses talents d'or.

15. Ultra quai *traviv' el* dals gabelliers, e dal traffic da merchadants da speziarias, e da tuot ils rais dell' Arabia, e dals principals signurs del pajais.

16. Pelqual il rai Salomon fet far duatschient schüts d'or battü, in scodün *dels quals* el impondet sestschient *siccals* d'or;

17. E trajatschient targias d'or battü, in scodüna dellas qualas el impondet trais minas d'or. * E 'l rai las mettet nella chasa del god del Libano.

* 1 Reg. 7, 1.

18. Ed il rai fet ün grand trun d'öss d'elefant, il qual el surtret con or fin.

19. Quel trun avaiava ses schaluns, e la part sura da quel *eira* raduonda davovart; e dallas varts del sezzel *eiran* pozzals, da qua e da là, e duos liuns eiran tschantats sper quels pozzals.

20. E dudiesch liuns eiran tschantats qua sün ils ses schaluns, da qua e da là. Da tala sort trun non füt mâ fat in ingün reginam.

21. E tuot la vashella da credenzar del rai Salomon *eira* d'or; medemamaing tuot la vashella da chasa del god del Libano *eira* d'or fin; inguotta d'argient; *l'argient* non eira in alchüna stima dal temp da Salomon.

22. * Perche il rai avaiava üna nav da Tarsi sül mâr, insembel con la nav da Hiram. La nav da Tarsi gniva da trais in trais ans üna vouta, portand or, ed argient, öss d'elefant, e schingias, e pavuns.

* 1 Reg. 9, 26.

23. Üsche füt il rai Salomon in richiezzas, ed in sapienza plü grand co tuot ils rais della terra.

24. E tuot la terra tscherchaiva da vair Salomon per incler sia sapienza, la quala Deis l' avaiava miss nel cour.

25. E scodün al portav' an per an seis preschaint, vashels d'or, e vashels d'argient, e vestimaintas, ed armas, e speziarias, e chavals, e müls.

26. * E Salomon manet a mantun charra, e cavalliers, ed avaiva milli e quattertschient charra, e dudiesch-milli cavalliers, ils quals el stazionet nellas cittats ordinadas per la charra, e pro el in Gerusalem.

* Deut. 17, 16. 1 Reg. 4, 26.

27. E'l rai fet, cha l' argient eira in Gerusalem in quantità sco la crappa; ed ils ceters sco l's figêrs solvadis, chi *sun* per la champagna intuorn.

28. Ma, quant alla tratta dels chavals, ils avaiva Salomon d' Egipto; ils facturs del rai pigliaivan la fila a *tschert* pretsch.

29. Ed ün charr da chavals eira comprâ, e trat our d' Egipto per settschient *siccals* d' argient, e scodün chaval per tschienttschinquanta. Usche as retraiva per ils mans da quels *facturs* per tuot ils rais dels Hetits, e per ils rais della Siria.

CHAP. XI.

Salomon, causa sias donans e concubinas, declina pro l' idolatria; il Segner al sdasda sü adversaris; Salomon moura; Rehabeam regna.

MA il rai Salomon amet, ultra la figlia da Farao, bleras donans estras, Moabitas, Ammonitas, Idumeas, Sidonias, Hetitas;

2. Dellas naziuns, dellas qualas il Segner avaiva dit als infants d' Israel: * Non intrarai pro ellas, ed ellas non intran pro vus; peltschert quella vegnan a volver voss cours davo lur deis; vi'a quellas as congionschet Salomon tras amur; * Ex. 34, 16. Deut. 7, 3.

3. Ed el avaiva settschient donans principessas, e trajatschient concubinas; e sias donans sviettân seis cour.

4. Al temp da sia vegldüna dvantet, cha sias donans sviettân seis cour davo oters deis, e seis cour non eira tuot dret invers il Segner seis Deis, sco *eira stat* il cour da David, seis bap.

5. E Salomon get davo Astarte, il deis dels Sidoniers, e davo * Milcom, l' abominaziun dels Ammonits. * v. 7.

6. Usche fet Salomon quai cha displaschet al Segner, * e non seguittet al Segner plainamaing, sco *avaiva fat* David, seis bap. * Num. 14, 24.

7. Lura edifichet Salomon ün ot lö

a Camos, l' abominaziun da Moab, sülmunt, chi *ais* vi' avant Gerusalem; ed a Molec, l' abominaziun dels infants d' Ammon.

8. Il sumgiant fet el per tuot sias donans estras, las qualas faivan profüms, e sacrifichaivan a lur deis.

9. Perquai il Segner s' adiret conter Salomon, perche seis cour eira sviâ giò dal Segner Deis d' Israel, chi'l eira apparü duos voutas;

10. E'l avaiva dat comand davart quai, ch' el non gess davo oters deis; ma el non observet quai cha'l Segner avaiva comandâ.

11. E'l Segner dschet a Salomon: Siant cha quai ais stat in teis sen, e tü non hast observâ mia lia, e meis statuts, ils quals eu t' avaiva miss sü; * schi vögl eu daffat sdrappar il reginam d' adöss a tai, e'l dar a teis serviaint. * 1 Sam. 15, 28.

12. Impero, * per amur da David, teis bap, non vögl eu far quai in teis dis; eu il vögl sdrappar davent dals mans da teis figl. * Es. 37, 35.

13. Inguotta tant main non vögl eu scharpar davent tuot il reginam, üna schlatta vögl eu dar a teis figl, per amur da David, meis serviaint, e per amur da Gerusalem, ch' eu ha elet.

14. Contuot fet il Segner alvar sü ün adversari a Salomon, cioè Hadad, l' Idumeer, *chi eira* del sang regal d' Edom.

15. * Perche dvantet, cur David eira in Idumea, cur cha Joab, il capo del exercit, muntet sü per far sotterrâ ils mazzats, e battet tuot ils maschels d' Idumea; * 2 Sam. 8, 14.

16. (Perche Joab, con tuot Israel dmuret qua ses mais, fin ch' el avet sdrüt tuot ils maschels d' Idumea;)

17. Cha Hadad fûgit con alchüns homens Idumeers, dels serviaints da seis bap, per as redür in Egipto; ma Hadad eira giuvnet.

18. Quaists dimena as partittan da Midian, e gnittan in Faran, e piglettan con els homens da Faran, e gnittan in Egipto, pro Farao, il rai d' Egipto, il qual det a Hadad üna chasa, e l' asseget seis daviver, ed al det eir üna terra.

19. Ed Hadad gnit fieh in grazia da

Farao, e quel al det per muglier la sour da sia muglier, la sour della regina Tapenes.

20. E la sour da Tapenes al parturit Genubat, seis figl, il qual Tapenes tret sü nella chasa da Farao, e Genubat füt nella chasa da Farao tanter ils infants da quel.

21. Ma, cur Hadad incelet in Egipto, cha David eira dormanzâ pro seis babuns, e cha Joab, il capo del exercit, eira mort, dschet el a Farao: Da 'm licenza, ch'eu giaja in meis pajais!

22. E Farao dschet ad el: Ma schi che't manca qui pro mai, cha, mera, tü tscherchast dad ir in teis pajais? Ed el dschet: Inguotta, impero da 'm licenza!

23. Deis fet eir alvar sü ün *oter* adversari a Salomon, cioè Rezon, il figl d'Eliada, il qual eira fügen davent d'Hadadecer, del rai da Soba, seis signur.

24. Ed el raspet nan pro el pövel, e füt capo da troppas, * cur David mazzaiva quel pövel. Lura gettan *el e'ls seis* a Damasco, e dmurettan qua, e regnettän in Damasco. * 2 Sam. 10, 18.

25. E *Rezon füt* adversari ad Israel tuot il temp da Salomon, ultra il mal cha *fet* Hadad; ed el det molestia ad Israel, e regnet sur la Siria.

26. Ed * eir Jerobeam, il figl da Nebat, Efratit, da Sereda, il famagl da Salomon, (il nom della mamma del qual eira Serua, duonna vaidgua), alvet sü conter il rai. * 1 Reg. 12, 2.

27. E quaista füt la causa, per la quala el alvet sü conter il rai: Salomon edifichaiva Millo, e serraiva la ruottüra della città da David, seis bap.

28. Ma quel hom Jerobeam eira valerus e ferm, e Salomon, veziaand il giuven chi lavuraiva, l'ordinet sur *quels della* chasa da Giosef chi portaiavan pais.

29. Ma, essendo Jerobeam in quel temp it our da Gerusalem, schi'l chattet il profet Ahia, il Silonit sü la via; el eira vesti d'üna vesta nova; ed amenduos *eiran* sulets sü la champagna.

30. Ed Ahia piglet la vesta nova ch'el avai' in döss, e la sdratschet in dudesch toes,

31. E dschet a Jerobeam: Piglia per tai desch toes; perche il Segner, Deis d'Israel ha dit usche: Mera, eu scharp il reginam davent dals mans da Salomon, e vögl dar a tai desch schlattas.

32. Ed ad el resterà üna schlatta, per amur da David, seis bap, e per amur da Gerusalem, *chi ais* la città ch'eu ha elet our da tuot las schlattas d'Israel;

33. Siand cha quels m'han bandunâ, ed han adurâ Astarte, il deis dels Sidoniers, e Camos, il deis dels Moabits, e Milcom, il deis dels infants d'Ammon, e non sun chaminats in mias vias, a far quai cha 'm plascha, e meis statuts, e mias ledschas, sco *fet* David, il bap da Salomon.

34. Impero eu non vögl tour dals mans dad el inguotta da tuot il reginam, anzi eu il vögl mantgnair princip tuot il temp da sia vita, per amur da David, meis serviaint, ch'eu ha elet, il qual ha observâ meis comandaints, e meis statuts;

35. Ma eu vögl tour il reginam da man da seis figl, e vögl dar a tai desch schlattas.

36. Ed a seis figl vögl eu dar üna schlatta; acio cha resta qua da contin üna glüm a David, meis serviaint, avant mai, in Gerusalem, *chi ais* la città, la quala eu ha elet per metter laint meis nom.

37. Contuot at vögl eu tour, e tü dessast regnar interamaing seguond il desideri da ti'orma, ed esser rai sur Israel.

38. E dvanterà, scha tü obedeschast a tuot quai ch'eu't comanderà, e chaminast sü mias vias, e fast quai cha'm plascha, observand meis statuts, e meis comandaints, sco ha fat David, meis serviaint; schi vögl eu esser con tai, e t'edificar üna chasa stabla, sco eu l'avaiva edificad' a David, e't vögl dar Israel,

39. E vögl affliger il sem da David per quai; impero bricha in perpetuo.

40. Perquai tscherchaiva Salomon da far morir Jerobeam; ma el as fet sü, e fügen in Egipto, pro Sisac, il rai d'Egipto, e dmuret in Egipto fin alla mort da Salomon.

41. Ma, quant il rimanent dels fats da Salomon, e da quai ch'el fet, e sia sapienza; quaiestas chosas *sun* già scrittas nel eudesch dels fats da Salomon.

42. Ma il temp cha Salomon regnet in Gerusalem sur tuot Israel, *füt* da quarant' ans.

43. Lura Salomon s' indormanzet pro seis babuns, e füt sepuli nella città da David, seis bap, e Rehabeam, seis figl, regnet in seis lö.

CHAP. XII.

Rehabeam succed'a seis bap, ed il reginam va in parts, el resta rai sur duos schlattas; Jerobeam sur las otras desch, quel fa vadels d'or.

E Rehabeam get in Siehem; perche * tuot Israel eira gnü in Siehem, per il constituer rai. * 2 Cron. 10, 1.

2. Ma, eur Jerobeam, il figl da Nebat, chi *eira* amo in Egipto, ingio * el eira fügen avant il rai Salomon, avet inclet quai, dmuret el amo in Egipto.

* 1 Reg. 11, 40

3. Ma *ils Israelits* tramettettan al clamar. E Jerobeam, e tuot la raspada d' Israel, gnittan, e favlettan con Rehabeam, dschand:

4. Teis bap ans ha tschantats adöss ün grev giuf; ma tü surlevgiens uossa dalla düra servitü da teis bap, e da seis grev giuf, il qual el ans ha tschantats adöss, e nus at volain esser soggets.

5. Ed el dschet ad els: It davent fin da qui a trais dis; lura turnai darcheu pro mai. E'l pövel get.

6. E'l rai Rehabeam as cosglet con ils vegls, chi eiran stats ministers del rai Salomon, seis bap, intant ch'el eira in vita, dschand: Co cosgliais vus cha's responsa a quaiست pövel?

7. E quels al respondettan, dschand: Scha tü hoz at suottamettast a quaiست pövel, e'l rendast a tai sogget, e'l dast buna risposta, e buns pleds, schi vain el at esser sogget in perpetuo.

8. Ma el laschet il cossagl cha'ls vegls l'avaivan dat, e's cosglet cols giuvens, chi eiran trats sü con el, ed eiran seis ministers;

9. E dschet ad els: Che cosgliais vus cha nus respondan a quaiست pövel, chi 'm ha favlâ, dschand: Surlev-

gia'ns dal giuf, il qual teis bap ha tschantâ sur nus?

10. E'ls giuvens, chi eiran trats sü con el, al respondettan, e dschettan: Di usche a quaiست pövel, chi t' ha favlâ, dschand: Teis bap ans ha tschantats adöss ün grev giuf; ma tü surlevgia 'ns; e responsa ad el usche: Meis daint pitschen *ais* plü gross cols flanes da meis bap;

11. Uossa bainschi meis bap s' ha chargiâ adöss ün grev giuf; ma eu il vögl far plü vi' e plü grev; meis bap s' ha chastiats con giaislas, ma eu 's vögl chastiar con flagells chi puonschan.

12. Ma, trais dis davo, gnit Jerobeam con tuot il pövel pro Rehabeam, seguond cha 'l rai avaiva comandâ, dschand: Turnai darcheu pro mai da qua a trais dis.

13. E 'l rai respondet aspramaing al pövel, e laschet il cossagl cha 'ls vegls l'avaivan dat,

14. E tschantschet col pövel seguond il cossagl dels giuvens, dschand: Meis bap s' ha tschantâ adöss ün grev giuf; ma eu il vögl far plü vi' e plü grev, meis bap s' ha chastiats con giaislas, ma eu 's vögl chastiar con flagells chi puonschan.

15. Il rai dimena non det uraglia al pövel; perche *quaiست* eira ün'ocasiun *procedenta* dal Segner, * per complir seis pled, il qual el avaiva pronunziâ tras Abia, il Silonit, a Jerobeam, il figl da Nebat.

* 1 Reg. 11, 31.

16. E tuot il pövel d' Israel, aviand vis, cha 'l rai non l'avaiva dat uraglia, respondet al rai, e dschet: Che part avain nus vi' a David? Nus non avain alehüna rasehun d' ierta vi' al figl d' Isai; o Israel, *và via* pro tias stanzas. Proveda uossa, David, a tia chasa. Ed Israel get pro sias stanzas.

17. Ma, quant als infants d' Israel, chi dmuraivan nellas cittats da Giuda, sur ellas regnet Rehabeam.

18. E 'l rai Rehabeam tramettet pro tuot ils Israelits Adoram, chi *eira* sur ils tributs; ma quels l' accrappettan, ed el morit. E 'l rai Rehabeam muntet prestamaing sü ün charr, per fügen a Gerusalem.

19. * Usche ils Israelits as rebellettan

dalla chasa da David, e sun restats usche fin a quaist di. * 2 Reg. 17, 21.

20. E, cur tuot Israel avet incelet, cha Jerobeam eira darcheu turnâ, schi tramettettan els al clamur nella rapsada, e 'l constituittan rai sur tuot Israel; inglina schlatta non seguittet alla chasa da David, ourdvert la schlatta da Giuda suletta.

21. * E, cur Rehabeam füt rivâ in Gerusalem, raspet el tuot la chasa da Giuda, e la schlatta da Benjamin, in number da tshientottanta milli homens tshernüts, abels alla guerra, per guerragiar con la chasa d'Israel, afin da redür il reginam suot l'obediencia da Rehabeam, del figl da Salomon. * 2 Cron. 11, 1.

22. Qua il pled da Dieu füt indirizzâ a Semaja, l'hom da Dieu, dschand:

23. Di a Rehabeam, al figl da Salomon, rai da Giuda, ed a tuot la chasa da Giuda, e da Benjamin, ed al rimanent del pövel:

24. Usche ha dit il Segner: Non muntarai stü, e non combatterai con ils infants d'Israel, voss frars; turnai darcheu scodün a chasa sia; perche quaista chosa ais procedüda da mai. E quels obedittan al pled del Segner, e 's volvettan inavo, e gettan inavant, seguond il comand del Segner.

25. E Jerobeam edifichet Sichem, stül munt Efraim, e dmuret qua; lura get el davent da là, * ed edifichet Pnuel. * Güd. 8, 17.

26. E Jerobeam dschet in sai sves: Uossa il reginam podess bain darcheu turnar pro la chasa da David.

27. Scha quaist pövel munta sü per far sacrificis nella chasa del Segner, in Gerusalem, schi vain darcheu seis cour as volver pro Rehabeam, il rai da Giuda, seis signur, e mai vegnan els a mazzar, ed els a turnar darcheu pro Rehabeam, il rai da Giuda.

28. Pelqual piglet il rai cossagl da far duos vadels d'or; lura dschet el al pövel: Vus non avais plü bsögn da muntar sü a Gerusalem! * Mera, o Israel, teis deis, chi t'ha trat our dal pajais d'Egipto. * Ex. 32, 4. 8.

29. E l'ün mettet el in Betël, e l'oter in Dan.

30. E quaist füt chaschun da pucha,

e 'l pövel giaiva avant l'ün da quels fin a Dan.

31. El fet eir üna chasa da lous ots, e constituit sacerdotes, tuts da qua e da là our dal pövel, ilsquals non eiran dels infants da Levi.

32. Jerobeam ordinet eir üna festa solenna, al quindeschavel di del ot-tavel mais, simil alla festa chi 's celebraiva in Giuda, ed offeriva sün l'utêr. Usche fet el a Betël, sacrificand als vadels ch'el avaiva fat, e constituit in Betël ils sacerdotes dels lous ots, ch'el avaiva fat.

33. Ed al quindeschavel di del ot-tavel mais, del mais del qual el eira stat l'inventur in seis sen, offerit el sur l'utêr, ch'el avaiva fat in Betël, e celebret la festa solenna dels infants d'Israel, ed offerit sur l'utêr, fand qua profüms.

CHAP. XIII.

Ün hom da Dieu profetizescha conter l'utêr da Betël. Jerobeam stend'oura seis man conter l'hom da Dieu, e quel secha, ma vain guarì, urand il profet. Jerobeam continua in sia impietà.

E mera, ün hom da Dieu gnit da Giuda a Betël, sün il pled del Segner, intant cha Jerobeam staiva in pè sper l'utêr per far qua profüm;

2. Ed el bragit conter l'utêr, sün il pled del Segner, e dschet: Utêr, utêr, usche ha dit il Segner: * Mera, e vain a nascher ün figl alla chasa da David, il nom del qual sarà Josia, e quel sacrificarà sün tai ils sacerdotes dels lous ots, chi fan profüm sur tai; e 's arderà sün tai ossa da crastians.

* 2 Reg. 23, 15. 16.

3. E quel istess di det el ün signal, dschand: Quaist ais il signal, cha 'l Segner haja tshantschâ: Mera, l'utêr al presaint vain las fender, e la tschendra chi ais sün quel, sarà spansa!

4. E, cur il rai Jerobeam avet udi il pled del hom da Dieu, il qual el avaiva pronunziâ ad ota vusch conter l'utêr a Betël, stendet el oura seis man sur l'utêr nan, dschand: Pigliâ'l! Ma il man, ch'el avaiva stendü oura conter il profet, al sechet, ed el non il podet retrar a sai.

5. Eir l'utêr as fendet, e la tschendra füt spansa giò dal utêr, seguond

il signal, cha l' hom da Dieu avaiava dat sün il pled del Segner.

6. E l' rai tshantschet con l' hom da Dieu, e l' dschet: * Ah, supplicha il Segner tei Deis, e fà oraziun per mai, cha meis man am saja restitui! E l' hom da Dieu supplichet il Segner, e l' man del rai füt restitui, e dvantet seo viavant.

* Ex. 8, 8, 9, 28. Num. 21, 7.

7. E l' rai dschet al hom da Dieu: Vè con mai in chasa, e t' cufforta con spaisa, ed eu t' vögl dar ün presaint.

8. Ma l' hom da Dieu dschet al rai: Eir scha tü m' dessast la mità da tia chasa, schi non gess eu con tai, ed eu non mangiarà pan, ne baiverà aua in quai lö.

9. Perche usche m' ais stat comandà sün il pled del Segner, chi dschet: Non mangiar pan, e non baiver aua *in quel lö*, e non turnar darcheu per la medema via, sün la quala tü est it.

10. Usche get el davent per ün' otra via, e non turnet darcheu per la medema via, sün la quala el eira gnü a Betèl.

11. Ma in Betèl abitaiv' ün profet vegl, e seis figl gnit, e l' requintet tuot las ouvas cha l' hom da Dieu avaiava fata Betèl in quel di; e l' plds, ch' el avaiava dit al rai requintettan *ils figls* a lur bap.

12. E lur bap dschet ad els: Per quala via ais el passà? E seis figls vezzettan la via, per la quala giaiva l' hom da Dieu, chi eira gnü da Giuda.

13. Ed el dschet a seis figls: Mettai la sella sül asen. E quels al sellettan l' asen, ed el muntet sü;

14. E get davo l' hom da Dieu, e l' chattet, sezzand suot ün ruver, e dschet ad el: *Est* tü l' hom da Dieu, chi est gnü da Giuda? Ed el dschet: Schi, eu il sun.

15. Ed el dschet ad el: Vè con mai in chasa, e piglia spaisa.

16. Ma el dschet: Eu non poss darcheu turnar inavo, ne gnir con tai, e non mangerà pan, ne baiverà aua con tai in quai lö.

17. Perche usche m' ais dit sün il pled del Segner: Non mangiar pan, ne baiver aua in quel lö, e cur tü vast

davent, non turnar per la via, sün la quala tü est gnü.

18. E quel al dschet: Eir eu *sun* profet, seo tü, ed ün angel m' ha favlâ sün il pled del Segner, dschand: Ma in l' inavo con tai in tia chasa, acio ch' el mangia pan, e baiv' aua. Ma el al mentiva.

19. Contuot turnet el darcheu con el, e manget pan in sia chasa, e bavet aua.

20. Ma, intant ch' els sezzaivan a maisa, füt il pled del Segner *indirizzâ* al profet chi l' avaiava fat turnar.

21. Ed el clamet vers l' hom da Dieu, chi eira gnü da Giuda, dschand: Usche ha dit il Segner: Siand cha tü est stat rebell al pled del Segner, e non hast observâ il comand cha l' Segner tei Deis t' avaiava fat;

22. Anzi est turnâ, ed hast mangiâ pan, e bavü aua nel lö, dal qual el t' avaiava dit: Non mangiar qua pan, ne baiver aua; schi tei corp non intrerâ nella sepultüra da tei babuns.

23. E, davo cha l' profet, ch' el avaiava fat turnar, avet mangiâ, ed avet bavü, schi al fet el sellar l' asen,

24. Ed el get davent; * qua l' incontret ün liun per strada, e l' mazzet, e seis corp mort giaschaiva sün la strada, e l' asen staiva sper quel corp mort, e l' liun medemmamaing.

* 1 Reg. 20, 36.

25. Ma mera, glicud chi passaivan, vezzettan quel corp mort, chi giaschaiva sün la via, e l' liun, chi staiava daspera; ed els gnittan, e rapportettan *il fat* nella città, nella quala abitaiva il vegl profet.

26. E, cur avet udi *quai* il profet, chi l' avaiava fat turnar da seis chamin, dschet el: El *ais* l' hom da Dieu, il qual ais stat rebell al pled del Segner; perquai il Segner l' ha dat al liun, chi l' ha scharpâ, e mazzâ, se guond il pled del Segner, ch' el l' avaiava dit.

27. Lura favletel a seis figls, dschand: Mettai sü la sella al asen! E quels il sellettan;

28. Ed el get, e chattet seis corp mort, chi giaschaiva sün la via, e l' asen, e l' liun, chi staivan sper' il corp mort. Il liun non avaiava mangiâ il corp, ne scharpâ l' asen.

29. E 'l profet ozet sü il corp del hom da Dieu, e 'l tschantet süin l'asen, e 'l manet darcheu inavo; e quel profet vegl gnit in sia città, per il plan-scher, e 'l sepulir.

30. Ed el tschantet il corp in sia sepultura; ed *el e seis figls* fettan cordöli per el, *dschand*: Ah, meis frar!

31. E davo ch' el l' avet sepulir, dschet el a seis figls: Cur eu sarà mort, schi sepulir 'm nella sepultura, nella quala ais sepulir l' hom da Dieu; mettai mia ossa sper sia ossa.

32. * Perche quai ch' el ha clamâ süin il pled del Segner conter l' utêr, chi *ais* in Betêl, e conter tuot las chasas dels lous ots, chi *sun* nellas cittàs da Samaria, quai per tschert dvanterà. * 2 Reg. 23, 16.

33. Davo quai fat non as volvet impero Jerobeam giò da sia via mala, anzi danöv fet el sacerdots dels lous ots, *tuts* da qua e da là our dal pövel; chi quai volaiva, consacraiv' el, ch' el eira dels sacerdots dels lous ots.

34. *Jerobeam* füt in quai *chaschun* da pucha a sia chasa, ad esser chasad' oura, e sdrütta davent dalla terra.

CHAP. XIV.

Jerobeam trametta sia muglier stravestida pro 'l profet Ahia, chi la predisch la ruina da sia chasa, e da tuot Israel. Jerobeam moura, e Nadab succeda. Sisac, il rai d' Egipto, spoglia la chasa del Segner. Rehabeam moura, ed Abiam succeda.

IN quel temp s' ammalatet Abia, il figl da Jerobeam.

2. E Jerobeam dschet a sia muglier: Ah tü, stà sü, e 't stravesta, in möd cha non as cognoscha, cha tü *sajast* la muglier da Jerobeam, e vâ a Silo; mera, qua *ais* Ahia, il profet, * il qual m' ha predit, *ch' eu sarà* rai sur quai *pövel*. * 1 Reg. 11, 31.

3. E piglia con tai desch pans, e tuortas, ed ün flascun meil, e vâ pro el; el at declerà quai cha dvanterà col infant.

4. E la muglier da Jerobeam fet usche, e 's fet sü, e get a Silo, ed intret in chasa d' Ahia. Ma Ahia non podaiva *plü* vair; perche la vezzüda al eira gnüda almain per la vegl-diina.

5. E 'l Segner avaiva dit ad Ahia:

Mera, la muglier da Jerobeam vain, per at domandar da seis figl, siand ch' el *ais* amalà; tschantscha con ella in tal' e tala maniera; ma, cur ella intrerà, vain ella a far parair d' esser ün' otra.

6. Contuot, cur Ahia udit la romur dels peis da quella, chi intraiva tras la porta, dschet el: Intra pür, muglier da Jerobeam; perche fast parair d' esser ün' otra? Eu sun pür tramiss pro tai *per at portar üna düra novella!*

7. Vâ, di a Jerobeam: Usche ha dit il Segner Deis d' Israel: * Perquai cha, t' aviand eu adoza intanter il pövel, e constitui conductur sur meis pövel Israel; * 1 Reg. 16, 2.

8. * Ed aviand eu *şarpâ* il reginam *our dals mans* della chasa da David, e dat a tai; ma tü non est stat sco meis serviaint David, il qual observet meis comandaints, e chaminet davo mai con tuot seis cour, per far solum quai ch' am plascha; * 1 Reg. 11, 31.

9. Ed hast fat pèr co tuot quels chi sun stats avant tai, ed est it, e t' hast fat * oters deis, ed imagnas culadas, per am far dispet, e m' hast büttâ davo las spadlas: * 1 Reg. 12, 28.

10. Per quai, mera, fetsch eu gnir mal sur la chasa da Jerobeam, e vögl sdrür a Jerobeam *tuot quai* * chi pischa vi' alla parait, † chi ais serrâ, e chi ais liber in Israel; e vögl ir davo la chasa da Jerobeam, per la spazzar davent, sco 's spazza l' aldüm, fin ch' ella saja tuot consumada.

* Deut. 32, 36. † 1 Sam. 25, 22.

11. Quel chi sarà mort a Jerobeam nella città, dessan magliar ils chans, e quel chi sarà mort per la champagna, dessan magliar ils utschels del tschel; perche il Segner ha tschan-tschâ.

12. E tü, stà sü, vâ a chasa tia; inaquella cha teis peis vegnan ad intrar nella città, vain l' infant a morir.

13. E tuot Israel vain al planscher, e 'l sepulir; perche quai *sulet*, intanter *quels chi appartegnan* a Jerobeam, intrerà nella sepultura, siand ch' in el *sulet*, della chasa da Jerobeam, ais stat chattâ alchün bain, plaschaivel al Segner Deis d' Israel.

14. * Ma il Segner as constituirà ün rai sur Israel, il qual sdrüerà la chasa da Jerobeam in quel di. E che? Schi agià uossa. * 1 Reg. 15, 27.

15. E'l Segner batterà Israel *dasort*, *ch'el sarà* sco la channa, chi vain smanada nell' aua, e vain a sragischar Israel our da quaista buna terra, ch'el ha dat a lur babuns, e vain als raser da là del flüm; perche els as han fat Astartes, fand dispet al Segner.

16. Ed el darà via Israel, per chaschun dels puchats da Jerobeam, ils quals el ha commiss, ed ha fat commetter ad Israel.

17. E la muglier da Jerobeam stet sü, e get davent, e gnit a Tirsä; ed inaquella ch' ella mettet il pè stül glim della chasa, morit il giuvnet.

18. El gnit sepuli, e tuot Israel avet cordöli, seguond il pled del Segner, ch' el avaiva pronunzià tras il profet Ahia, seis serviaint.

19. * Ma, quant al rimanent dels fats da Jerobeam, las guerras ch' el fet, e co el regnet; mera, quaistas chosas *sun* scrittas nel eudesch dellas cronicas dels rais d' Israel. * 2 Cron. 13, 2.

20. E'l temp cha Jerobeam regnet füt vainch e duos ans; lura s' indormanzet il pro seis babuns, e Nadab, seis figl, regnet in seis lö.

21. Ma Rehabeam, il figl da Salomon, regnaiv' in Giuda. L' eira d' età da quarant' ün an, eur el comanzet a regnar, e regnet deschet ans in Gerusalem, la città, la qual' il Segner avai' elet our da tuot las schlattas d' Israel, per metter laint seis nom. E'l nom da sia mamma *eira* Naama, l' Ammonita.

22. E Giuda fet eir quai cha displaschet al Segner, e'l clamet oura pro zelosia, plü co ch' avaivan fat seis babuns con tuot lur puchats, ch' els avaivan commiss.

23. Ed eir quels s' edificettan lous ots, e's *fettan* statuas, ed Astartes süen ogni lö ot, e suot ogni bösch verd.

24. Eir eiran qua pitanêrs nel pajais; quels faivan seguond tuot ils fats abominabels dels pajans, ils quals il Segner avai' schatschâ avant ils infants d' Israel.

25. E dvantet nel quint an del rai Rehabeam, cha Sisac, il rai d' Egipto, muntet sü conter Gerusalem.

26. Ed el piglet ils tesors della chasa del Segner, e 'ls tesors della chasa regala; ed ogni chosa piglet el; el piglet eir tuot ils * schüts d' or, cha Salomon avai' fat. * 1 Reg. 10, 16.

27. E'l rai Rehabeam fet in lö da quels, schüts d' aram, e 'ls commettet in man dels chapitanis dels sergents, chi faivan la guardia alla porta della chasa regala.

28. E, cura mâ il rai intraiva nella chasa del Segner, ils portaivan ils sergents, e lura ils rendai'van els darcheu nella chambrä dels sergents.

29. Ma, quant al rimanent dels fats da Rehabeam, e tuot quai ch' el fet; quaistas chosas *sun* già scrittas nel eudesch dellas cronicas dels rais da Giuda.

30. Ma que füt da contin guerra tanter Rehabeam, e Jerobeam.

31. * E Rehabeam s' indormanzet pro seis babuns, e füt sepuli con quels nella città da David. E'l nom da sia mamma *eira* Naama, l' Ammonita. Ed Abiam, seis figl, regnet in seis lö.

* 2 Cron. 12, 16.

CHAP. XV.

Abiam succed' a Rehabeam, ed Assa ad Abiam. La mort d' Assa. Josafat al succeda. Nadab regna sur Israel, e vain mazzà da Baesa; quel survain il reginam, e sdrüa la chasa da Jerobeam.

MA l'an deschedot del rai Jerobeam, del figl da Nebat, comanzet Abiam a regnar sur Giuda.

2. * El regnet trais ans a Gerusalem. E'l nom da sia mamma *eira* Maaca, la figlia d' Abisalom.

* 2 Cron. 11, 20, 22.

3. Ed el chaminet in tuot ils puchats da seis bap, ch' el avai'va commiss avant el, e seis cour non füt sincêr invers il Segner seis Deis, sco *eira* stat il cour da David, seis bap.

4. Impero, per amur da David, al det il Segner seis Deis üna glüm a Gerusalem, fand alvar sü davo el seis figl, e fand subsister Gerusalem.

5. Perche David avai'va fat quai cha plasch' al Segner, e non s' avai'va vout giò tuot il temp da sia

vita da qualunque chosa, ch' el l'avaiva comandâ; resalv nel fat d'Uria, del Hetit.

6. Ma l' eira stat guerra tanter Rehabeam, e Jerobeam, tuot il temp della vita da quel.

7. Quant al rimanent dels fats d'Abiam, e tuot quai ch' el fet; quaiastas chosas *sun* già scrittas nel eudesch dellas * cronicas dels rais da Giuda. Ma que füt guerra tanter Abiam, e Jerobeam.

* 2 Cron. 13, 2.

8. Ed Abiam s' indormanzet pro seis babuns, e füt sepuli nella città da David. Ed Assa, seis figl, regnet in seis lö.

9. Ma Assa comanzet a regnar sur Giuda l' an vainch da Jerobeam, del rai d' Israel,

10. E regnet a Gerusalem quarant' ün an. E l' nom da sia mamma *eira* Maaca, la figlia d' Abisalom.

11. Ed Assa fet quai cha plasch' al Segner, sco David, seis bap.

12. * El ostet ils pitanêrs dal pajais, e piglet eir davent tuot ils idols, cha seis babuns avaiavan fat.

* 1 Reg. 22, 46.

13. El mettet eir davent dal govern Maaca, sia mamma, perche ella avaiava fat ün idel per Astarte. Ed Assa spazzet seis idel, e l' ardet sper il flüm Cidron.

14. Ma ils lous ots non füttan levats via, impero il cour d' Assa füt sincèr envers il Segner, tuot il temp da sia vita.

15. Ed el portet nella chasa del Segner las chosas, cha seis bap avaiava consacrâ, ed eir quellas, ch' el sves avaiava consacrâ, argent, ed or, e vashels.

16. Ma que füt guerra tanter Assa, e Baesa, il rai d' Israel, tuot il temp da lur vita.

17. E Baesa, il rai d' Israel, muntet sü conter Giuda, ed edificet Rama, per non laschar, ne uschir, ne intrar alchün ad Assa, al rai da Giuda.

18. Pelqual Assa piglet tuot l' argent, e l' or, chi eira vanzâ nels tesors della chasa del Segner, sco eir ils tesors della chasa del rai, e l' s det in man a seis serviants, e l' s tramettet pro * Ben-Hadad, il figl da Tabrimmon, del figl d' Hesion, il rai da Siria, il qual abitaiva in Damasco, dschand:

* 2 Cron. 16, 2.

19. Üna lia ais tanter mai e tai, *sco* l' ais statta tanter meis bap, e teis bap; mera, eu at tramet ün presaint d' argent, e d' or; vâ, rumpa la lia cha tû hast con Baesa, il rai d' Israel, acio ch' el tira davent da mai.

20. E Ben-Hadad det uraglia al rai Assa, e tramettet ils chapitanis da seis exercits conter allas cittats d' Israel, e battet Jon, e Dan, ed Abel-Bet-Maeca, e tuot Chinnerot, tuot il pajais da Naftali.

21. E, cur Baesa avet incelet *quai*, interlaschet el d' edificar Rama, e dmuret in Tirsä.

22. Lura il rai Assa laschet raspar tuot Giuda, sainza exceptuar alchün, e quels portettan via las peidras, e l' lainam da Rama, con la quala Baesa edificaiava, ed il rai Assa edificet con quaiet Geba da Benjamin, e Mispä.

23. Ma, quant al rimanent da tuot ils fats d' Assa, e tuot sia forza, e tuot quai ch' el fet, e las cittats ch' el edificet; quaiastas chosas *sun* già scrittas nel eudesch dellas cronicas dels rais da Giuda. * Solum *davantet*, cha nel temp da sia vegldüna el gnit amalä vi' als peis.

* 2 Cron. 16, 12.

24. Ed Assa s' indormanzet pro seis babuns, e füt sepuli con quels nella città da David, seis bap, * e Josafat, seis figl, regnet in seis lö.

* 2 Cron. 17, 1.

25. Ma Nadab, il figl da Jerobeam, comanzet a regnar sur Israel l' an seguond d' Assa, del rai da Giuda, e regnet sur Israel duos ans;

26. E fet quai cha displaschet al Segner, e chaminet sün la via da seis bap, ed in seis pucha, con il qual el avaiava fat pechar Israel.

27. E Baesa, il figl d' Ahia, della chasa d' Issaschar, congüret conter el, e l' battet sper * Gibbeton dels Filisters, intant cha Nadab, e tuot ils Israelits assediaivan Gibbeton.

* Gios. 19, 44.

28. Ed usche il mazzet Baesa nel terz an d' Assa, del rai da Giuda, e regnet in seis lö.

29. E, cur el füt rai, battet el tuot la chasa da Jerobeam. El non laschet in vita alchün' orma vivainta da Jerobeam, fin ch' el l' avet sdrüt, seguond

il pled del Segner, ch'el avaiva pronunziâ tras seis serviaint Ahia, il Sionit;

30. Per ils puchats da Jerobeam, ch'el avaiva commiss, ed avaiva fat commetter ad Israel; e per il dispet, col qual el avaiva grittantâ il Segner Deis d'Israel.

31. Ma, quant al rimanent dels fats da Nadab, e tuot quai ch'el fet; quai-stas chosas *sun* già scrittas nel eudesch dellas cronicas dels rais d'Israel.

32. Ma que füt guerra tanter Assa, e Baesa, il rai d'Israel, tuot il temp da lur vita.

33. Nel terz an d'Assa, del rai da Giuda, Baesa, il figl d'Ahia, coman-zet a regnar sur tuot Israel, in Tirsä, *e regnet* vainch e quatter ans.

34. Ed el fet quai cha displaschet al Segner, e chaminetsün las vias da Jerobeam, e nel pucha da quel, con il qual el avaiva fat pechar Israel.

CHAP. XVI.

Ela, il figl da Baesa, succed' a seis bap. Zimri mazze Ela, e tuot quels da sia chasa. Omri, siand elet rai, increza Zimri, il qual arda sai sves nel palazzi. Omri venscha Tibni. Ahab, seis figl, succeda, il pèr da tuot ils passats.

LURA il pled del Segner füt *indriz-zâ* a Jehu, il figl d'Hanani, contra Baesa, dschand:

2. Perquai ch'eu t'ha ado-zâ our dalla puolvra, t'ha tshantâ per conductur sur meis pövel Israel, e tü pür est chaminâ sün la via da Jerobeam, ed hast fat pechar meis pövel Israel, per am far dispet con lur puchats;

3. Mera, schi vögl eu esser davo Baesa, e davo sia chasa, per la tour via, e vögl far, cha tia chasa sarà sco la chasa da Jerobeam, del figl da Nebat.

4. * Quel da Baesa, chi sarà mort nella città, vegnan *a* magliar ils chans, e quel, chi'l sarà mort per la cuttüra, vegnan *a* magliar ils utschels del tshel.

* 1 Reg. 14, 11.

5. Ma, quant al rimanent dels fats da Baesa, e quai ch'el fet, e sia forza; * quai-stas chosas *sun* già scrittas nel eudesch dellas cronicas dels rais d'Israel.

* 2 Cron. 16, 1.

6. E Baesa s'indorman-zet pro seis babuns, e füt sepuli in Tirsä; ed Ela, seis figl, regnet in seis lö.

7. Ma il Segner avaiva favlâ tras il profet Jehu, il figl d'Hanani, contra Baesa, e conter sia chasa, tant per causa da tuot il mal, ch'el avaiva commiss avant il Segner, al fand dispet con las ouvras da seis mans, *al denunziand*, ch'ella gniss ad esser sco la chasa da Jerobeam, sco eir per quai ch'el avaiva battü quella.

8. Nel an vainch e ses d'Assa, del rai da Giuda, Ela, il figl da Baesa, coman-zet a regnar sur Israel, *e regnet* in Tirsä duos ans.

9. E Zimri, seis serviaint, il chapi-tani della mitâ da *sia* charra, congüret conter el. Ma el *eira* in Tirsä, bavand ed aiver nella chasa d'Arsä, *seis* minister da chasa in Tirsä.

10. * E Zimri gnit, e'l battet, e'l mazzet nel vainch e settavel an d'Assa, del rai da Giuda, e regnet in seis lö.

* 2 Reg. 9, 31.

11. E, cur el füt rai, quantbod ch'el füt sezzü sül trun d'Ela, battet el tuot la chasa da Baesa; el non laschet in vita niane' * ün, chi piseha vi' alla parait, ne paraints, ne amis.

* 1 Reg. 14, 10.

12. Usche sdrüet Zimri tuot la chasa da Baesa, seguond il pled del Segner, ch'el avaiva pronunziâ contra Baesa, tras Jehu, il profet,

13. Per tuot ils puchats da Baesa, e d'Ela, seis figl, ils quals els avai-van commiss, ed avai-van fat commetter ad Israel, fand dispet al Segner Deis d'Israel con lur idols.

14. Ma, quant al rimanent dels fats d'Ela, e tuot quai ch'el fet; quai-stas chosas *sun* già scrittas nel eudesch dellas cronicas dels rais d'Israel.

15. Nel an vainch e set d'Assa, del rai da Giuda, coman-zet Zimri a regnar, *e regnet* set dis in Tirsä. Ma il pövel *eira* acchampâ conter Gibbeton dels Filistins,

16. Ed aviand udi a dir: Zimri ha fat üna congüra, ed ha eir battü il rai, costituittan quel istess di tuot ils Israelits Omri, il capo del exercit, per rai sur Israel, nel champ.

17. Ed Omri muntet sü, insembel con tuot Israel, da Gibbeton, ed as-sediattan Tirsä.

18. E, cur Zimri vezzet, cha la città

eira praisa, intret el nel palazzi della chasa regala, ed ardet con fò la chasa regala, e sai; ed usche morit el,

19. Per seis puchats, ch' el avaiava commiss, fand quai cha displaschet al Segner, e chaminand sün la via da Jerobeam, e nel pucha da quel, il qual el commettet, fand pechar Israel.

20. Ma, quant al rimanent dels fats da Zimri, e la congüra ch' el fet; quaistas chosas *sun* già scrittas nel eudesch dellas cronicas dels rais d'Israel.

21. Allura il pövel d' Israel füt par-ti in duos *parts*; l' üna seguittaiva a Tibni, al figl da Ginat, per il far rai, e l' otra seguittaiva ad Omri.

22. Ma il pövel chi seguittaiva ad Omri füt plü ferm co quel, chi seguitaiva a Tibni, figl da Ginat, e Tibni morit, ed Omri regnet.

23. Nel an trent' ün d' Assa, del rai da Giuda, comanzet Omri a regnar sur Israel, e regnet dudesch ans; in Tirsä regnet el ses ans.

24. Ed el cumpret il munt da Samaria da Semer per duos talents d' argient, ed edificet üna città sün quel munt, e nomnet quella città ch' el edificet, Samaria, dal nom da Semer, *ch' eira stat* signur da quel munt.

25. Ed Omri fet quai cha displaschet al Segner, e fet pèr co tuot quels, chi *eiran stats* avant el;

26. E chaminet sün tuot las vias da Jerobeam, del figl da Nebat, e nel pucha da quel, col qual el avaiava fat pechar Israel, fand dispet al Segner, Deis d' Israel con lur idols.

27. Ma, quant al rimanent dels fats d' Omri, e las barunias ch' el fet; quaistas chosas *sun* già scrittas nel eudesch dellas cronicas dels rais d'Israel.

28. Ed Omri s' indormanzet pro seis habuns, e füt sepuli in Samaria; ed Ahab, seis figl, regnet in seis lö.

29. Ed Ahab, il figl d' Omri, comanzet a regnar sur Israel, l' an trent' ot d' Assa, del rai da Giuda, e regnet in Samaria sur Israel vainch e duos ans.

30. Ed Ahab, il figl d' Omri, fet quai cha displaschet al Segner, plü co tuot quels, chi *eiran stats* avant el.

31. E dvantet, seo scha füss massa

pitshna chosa da chaminar nels puchats da Jerobeam, del figl da Nebat, ch' el piglet per muglier Izebel, la figlia d' Etbaal, del rai dels Sidoniers, e get, e servit a Baal, e l' aduret.

32. Ed el drizzet sù ün utèr a Baal, nella chasa da Baal, la quala el avaiava edificâ a Samaria.

33. Ahab fet ün' Astarte. Ed Ahab fet bler pèr co tuot ils rais d' Israel, chi eiran stats avant el; per far dispet al Segner Deis d' Israel.

34. Da seis temp Hiel da Betèl, reedificet Gerico, e tschantet il fondament con Abiram, seis primogenit, e mettet las portas da quella con Segub, seis figl *il plü* giuven, seguond il pled del Segner, il qual el avaiava * pronunziâ tras Giosua, figl da Nun.

* Gios. 6, 26.

CHAP. XVII.

Elia predisch la fam e vain paschantâ dals corvs. Vain lura a Sarepta, ed ais sustentâ d' üna vaidgua. Il figl da quella fa el resüstar tras virtù del Segner.

LURA Elia, il Tisbit, *chi eira* da quels della nouva populaziun da Gilead, dschetad Ahab: *Sco* il Segner, Deis d' Israel, minister del qual eu sun, viva, * quaists ans non sarâ qui, ne ruschè, ne plövgia, oter co sün meis pled.

* Giac 5, 17.

2. Ed il pled del Segner füt *indirizzâ* ad el, dschand:

3. At parta da qui, e t' volva vers l' oriaint, e t' azzoppa sper il flüm Crit, chi ais in vista del Giordan.

4. E tü dessast baiver our dal flüm, ed eu ha comandâ als corvs, cha t' nudrajan qua.

5. Contuot get el inavant, e fet seguond il pled del Segner, e get, e dmuret sper il flüm Crit, chi *ais* in vista del Giordan;

6. E l's corvs al portaivan pan, e charn, la mattina e la saira, ed el baivaiva our dal flüm.

7. Ma, davo ün temp, süjet sù il flüm, perche ingüna plövgia non eira statta nel pajais.

8. Lura füt ad el *indirizzâ* il pled del Segner, dschand:

9. Leva sü, vâ in * Sarpat, *città* dels Sidoniers, e dmura qua; mera, eu ha comandâ qua ad üna duonna vaidgua, ch' ella t' nudraja.

* Luc. 4 25. 26.

10. El dimena alvet sü, e get in Sarpat; e, *cur* el rivet alla porta della città, mera, qua *eira* üna duonna vaidgua, chi clejaiva sü laina. Ed el la clamet, e *la* dschet: Ah porta 'm ün pa d' aua in ün vaschè, ch' eu baiva.

11. Ed ella giaiva per la portar nan; qua la clamet el, e dschet: Ah tü, porta 'm eir üna fletta pan!

12. Ma ella dschet: *Sco* 'l Segner, teis Deis viva; eu non ha brich' üna fuatscha; *eu non ha* che üna boffa farina in ün vaschè, ed ün pa öli in ün vaider; e mera, eu clej sü duos astellas, lura vögl eu ir, e l' apparechar per mai, e per meis figl, e nus volain mangiar quai, e lura morir.

13. Ed Elia la dschet: Non at tmair; và, fà sco tü hast dit; impero fa' m il prüim üna pitschna fuatscha, e la porta 'm quoura, lura davo dessast far *pan* per tai, e per teis figl.

14. Perche il Segner, Deis d' Israel, disch usche: Ne' l vaschè della farina, ne' l vaider del öli non dess gnir almain, fin al di, cha 'l Segner vain a trametter plövgia sur terra.

15. Contuot get ella, e fet sco Elia l' avaiva dit; ed ella, ed el, e la chasa da quella, mangettan ün temp intèr.

16. Ne il vaschè della farina, ne' l vaider del öli non gnittan almain; seguond il pled del Segner, ch' el avaiva dit tras Elia.

17. Ma dvantet, davo quaistas chos, cha 'l figl da quella duonna, della patrana da chasa, gnit amalà, e sia infirmità füt fich greva, tal ch' el expiret.

18. Lura dschet ella ad Elia: Che ha eu da far con tai, hom da Dieu? Est tü gnü pro mai, per far, cha mia iniquità saja regordada, e per far morir meis figl?

19. Ma el la dschet: Da 'm nan teis figl. Ed el il piglet dal bratsch della duonna, e 'l portet nella chambra, nella quala el staiva, e 'l tchantet sün seis let.

20. Ed el clamet al Segner, e dschet: Segner, meis Deis, hast tü pür affliczionà quaista vaidgua, pro la quala eu alberg, alla fand morir seis figl?

21. * Lura as stendet el per tuot sia lungezza sur il giuvnet, trais voutas,

e clamet al Segner, e dschet: Segner, meis Deis, turnainta, eu't rouv, l'orma da quaist giuvnet in el. * 2 Reg. 4, 34.

22. E 'l Segner exodit la vusch d' Elia, e l'orma del giuvnet turnet in el, ed el gnit viv.

23. Ed Elia piglet il giuvnet, e 'l portet giò dalla chambra in chasa, e 'l det a sia mamma, e *la* dschet: Guarda qui, teis figl ais viv!

24. Lura dschet la duonna ad Elia: Uossa cognosch eu, cha tü *est* hom da Dieu, e *cha* 'l pled del Segner, *chi* ais in tia bocca, *ais* vardà.

CHAP. XVIII.

Deis trametta Elia pro Ahab, e l' arrenda da sia impietà. El propona ün miraculus signal, per cognoscher il vair Deis. Elia fa mazzar ils profets da Baal. Gurbescha la plövgia.

E bler temp davo, füt il pled del Segner *indrizzà* ad Elia, * nel terz an, dschand: Và, at mossa ad Ahab, perche eu vögl trametter plövgia sur il pajais. * 1 Reg. 17, 1. Luc. 4, 25.

2. Elia dimena get per as mossar ad Ahab. Ma la fam *eira* greva in Samaria.

3. Ed Ahab clamet Obadia, *chi eira* seis minister da chasa; (ma Obadia tmaiva grandamaing il Segner,

4. E, *cur* Izebel sdrtüaiv' ils profets del Segner, piglet Obadia tschient profets, e 'ls zoppet, tschinquanta in üna spelunca, e tschinquanta in ün' otra, e 'ls nudriet con pan ed aua.)

5. Ed Ahab dschet ad Obadia: Và per il pajais, pro tuot las fontanas dad auas, e pro tuot ils flüms; forsia gnün nus a chattar erba, ed a conservar in vita chavals, e müls, e cha nus non laschan gnir *il pajais* desert da bestias.

6. Els partittan dimena il pajais tanter els, per ir intuorn tras quel; Ahab get per üna via dvart, ed Obadia per ün' otra via dvart.

7. Ed, intant cha Obadia eira per via, mera, Elia *al gnit* inonter. Ed Obadia, l' avand cognoschü, as büttet giò in terra sün sia fatscha, e dschet: Est tü propi, Elia, meis signur?

8. Ed el al respondet: Schi, eu sun. Và, di a teis signur: Mera, Elia ais qua!

9. Ma el dschet: Che pucha ha eu

commiss, cha tû voust dar tês servaint nels mans d' Ahab, per am far morir?

10. *Sco* 'l Segner teis Deis viva, e non ais naziun, ne reginam, ingio meis signur non m' haja tramiss at tscherehar; e gniva dit, *tû non sajast qua*, schi seongüraiv' el il reginam, e la naziun, sch' inchün t' avess chattâ.

11. Ed uossa dist tû: Vâ, di a teis signur: Mera, Elia ais qua!

12. Que podess dvantar, *cur* eu füss parti da tai, cha 'l Spiert del Segner at transporta in qualcha lö, ch' eu non sa, e *cur* eu füss gnü pro Ahab, per al rapportar *quaist*, el, non at chattand, gnis am mazzar; e pür temma teis servaint il Segner da sia giuventün' in sü.

13. Non aise stat declarâ a meis signur quai ch' eu fet, *cur* Izebel mazzai' ils profets del Segner? Co eu zoppet tschient; tschinquanta in üna spelunca, e tschinquanta in ün' otra, e 'ls nudriet con pan ed aua?

14. Ed uossa dist tû: Vâ, di a teis signur: Mera Elia ais qua! Pelqual el am podess mazzar.

15. Ma Elia dschet: *Sco* 'l Segner dels exercits viva, al qual eu serv, hoz am vögl eu mossar ad Ahab.

16. Obadia dimena get ad incontrar Ahab, e 'l referit *la chosa*. Ed Ahab get ad incontrar Elia.

17. E, *cur* Ahab vezzet Elia, al dschet el: * *Est* tû *qui*, tû, chi conturbast Israel? * Gios. 7, 25. Act. 16, 20.

18. Ma el dschet: Eu non ha conturbâ Israel; anzi tû, e la chasa da teis bap, *l' avais conturbâ*, aviand vus relaschâ ils comandamaints del Segner, ed essendo tû est it davo als Baals.

19. Ma uossa, trametta, e fâ raspar pro mai tuot Israel, sül munt Carmel, insembel cols quattertschient tschinquanta profets da Baal, e 'ls quattertschient profets d' Astarte, chi mangian alla tabla d' Izebel.

20. Ed Ahab tramettet pro tuot ils infants d' Israel, e raspet ils profets sül munt Carmel.

21. Elia lura get via pro tuot il pövel, e dschet: * *Infin* cura gnis a zoppiar da duos varts? Scha 'l Segner *ais* Deis, schi seguittâ'l; *ma*, scha Baal

ais Deis, schi seguittai ad el. E 'l pövel non al respondet inguotta.

* Gios. 24, 15.

22. Ed Elia dschet al pövel: Eu sun restâ sulet ün profet del Segner, e profets da Baal *sun* quattertschient-tschinquant' homens.

23. Ma, cha 'ns sajan dats duos trims, e cha quels piglian letta ün, e 'l taglian in tocs, e 'l tschaintan sün la laina, sainza metter fö *landervia*; schi vögl eir eu perderscher l'oter trim, e 'l vögl tchantar sün la laina, e non vögl metter fö *landervia*.

24. Lura clamai in agüd il nom da vos deis, ed eu vögl clamar in agüd il nom del Segner; e quel Dieu, chi vain a responder tras fö, saja Deis. E tuot il pövel respondet, e dschet: Usche ais dret!

25. Ed Elia dschet als profets da Baal: Tschernai our' a vus ün dels trims, e perderschâ 'l il prüm, perche vus *eschat* in plü number, e clamai in agüd il nom da vos deis, ma non mettarai fö *landervia*.

26. Contuot piglettan els il trim ch' ün als det, e 'l perderschettan; lura clamettan els in agüd il nom da Baal, dalla mattina fin a mezdi, dschand: O Baal, responsa'ns! Ma *qua* non *eira* ne vusch, ne ün chi respondess, e quels saglivan intuorn l'utêr ch' avaivan fat.

27. E sül mezdi Elia faiva beffa d' els, e dschaiva: Bragi ad ota vusch, daspö ch' el *ais* dieu! Perche l' *ais* in qualcha discuors, o a tscherehar qualchosa, o sün viadis; forsach' el dorma, schi vain el as sdasdar.

28. Quels dimena bragivan con granda vusch, e 's tagliaivan, seguond lur costüm, con curtels, e con lanschettas, fin as spander il sang vi' ad els.

29. Ma, *cur* il mezdi füt passâ, ed els avettan profetizâ fin *all' ura* cha * s' offerra l' offerta, e non *siand* *qua* ne vusch, ne ün chi respondess, ne ün chi 's fess surasen *sün els*; * Ex. 29, 39.

30. Dschet lura Elia a tuot il pövel: S' approssmai nan qui pro mai! E tuot il pövel get via pro el. Ed el restituit darcheu l'utêr del Segner, chi eira stat disfat.

31. * Lura piglet Elia dudiesch peidras, seguond il nomber dellas schlatas dels infants da Giacob, al qual il Segner † avaiva dit: Teis nom dess esser Israel!

* Gios. 4, 8, † Gen. 32, 28. 2 Reg. 17, 34.

32. E con quellas peidras edifichet el ün utêr al nom del Segner, e fet our dintuorn l' utêr ün fossâl d' *aua*, della capacità circa da dua stêra da sem.

33. Lura ordinet el la laina, e taglet il trim in tocs, e l' mettet sün la laina;

34. Edschet: Impli quatter vascchels con aua, e spandâ-la sur l' olocausto, e sur la laina giò. Lura dschet el: Fat quai la seguonda vouta! Ed els fettan quai la segunda vouta. Lura dschet el: Fat quai la terza vouta. Ed els fettan quai la terza vouta;

35. Tal cha l' aua giaiva intuorn l' utêr, ed implit eir il fossâl con *aua*.

36. Ed *all' ura* cha's offerra l' offerta, il profet Elia s' approsmet via, e dschet: Segner, Deis d' Abraham, d' Isac, e d' Israel, hoz fâ cognoscher, cha tû *sajast* Deis in Israel, e ch' eu *sun* teis servaint, e ch' eu, tenor teis pled, ha fat tuot quaiastas chosas!

37. Responda'm, Segner, responda'm; acio cha quaiast pövel cognoscha, cha tû, Segner, *est* Deis, cha tû usche volvast lur cour inavo.

38. * Lura erodet giò fö del Segner, e constümet l' olocausto, e la laina, e las peidras, e la puolvra, e lichet sün l' aua chi *eira* nel fossâl.

* Güd. 6, 21. 2 Cron. 7, 1.

39. E, cur il pövel vezzet *quai*, erodet el giò sün sia fatscha, e dschet: Il Segner, el ais il Deis, il Segner, el ais il Deis!

40. Ed Elia dschet ad els: * Pigliai ils profets da Baal; ingün dels non dess scampar via! E quels ils piglettan; ed Elia ils manet giò pro l' flüm Cison, e ls *schannet* qua;

* Deut. 13, 5. 2 Reg. 10, 25.

41. Lura dschet Elia ad Ahab: Stâ sù, mangia e baiva; perche eu od üna romur da plövgia.

42. Ed Ahab get sù per mangiar, e per baiver. Ed Elia muntet sün la sommità del Carmel, e s' inclinet giò a terra, e mettet sia fatscha tanter la snuoglia.

43. Ed el dschet a seis servaint: Ah tû, munta sù, e guarda via vers il mâr. Ed el muntet, e guardet, e dschet: E non *ais qua* inguotta! Ed *Elia* dschet: Tuorna darcheu, fin a set voutas.

44. E la settavla vouta il servaint dschet: Mera, üna pitschna nùvla, seo la palma del man d' ün hom, munta sù dal mâr. Ed *Elia* dschet: Vâ, di ad Ahab: Metta suot ils chavals, e vâ giò, cha la plövgia non at tegna sù.

45. E franto s' in^{sch}ürit il tselhel con nùvlas, e con vent, e qua füt üna granda plövgia; ed Ahab muntet sün seis charr, e get a Jezreel.

46. E l' man del Segner füt sur Elia; ed el as tshintet ils flanes, e currit avant ad Ahab, fin all' intrada d' Jezreel.

CHAP. XIX.

Elia, chi fùgia d' Izebel, vain pascchantâ dal Segner tras ün angel. El gegüna, e planscha d' esser restâ sulet. Vain comandâ d' onscher Hazael, Jehu, ed Elisa.

ED Ahab requintet ad Izebel tuot quai ch' Elia avaiva fat, e co ch' el avaiva fat mazzar con la spada quels profets.

2. Ed Izebel tramettet ün mess pro Elia, al dir: Usche am fetschan ils deis, ed amo plü, scha daman a quaist ura eu non fetsch a tia persuna, seo tû hast fat alla persuna d' ogni ün da quels!

3. Ed *Elia*, veziand *quai*st, as fet sù, e get per *scampar* sia vita, e gnit a Beerseba, la città da Giuda, e laschet qua seis servaint.

4. Ma el chaminet aint nel desert, ün di da chamin, e gnit pro ün bösch da ginaiver, e s' tchantet qua suot quel, e giavüschaiva in sai da morir, e dschet: * Basta, Segner; pigl' uossa mi' orma, perche eu non sun megler co meis babuns.

* Gion. 4, 3.

5. Ed el as tchantet giò, e s' indormanzet suot il bösch da ginaiver. E mera, ün angel il toccet, e l' dschet: Leva sù, mangia!

6. Ed el guardet intuorn, e mera, al dacheu avai^v el üna fuatscha, *cotta* sül braščhêr, ed üna cröja d' aua. Ed el manget, e bavet; lura turnet el as tchantar giò.

7. E l' angel del Segner turnet, e l' toccet la seguonda vouta, e dschet: Leva sü, mangia; perche quaiست cha-min *ais* grand per tai.

8. Contuot alvet el sü, e manget, e bavet; e lura, tras la forza da quella spaisa, chaminet el * quaranta dis, e quaranta nots, fin al Horeb, il munt da Dieu.

* Ex. 34, 28. Ex. 3, 1.

9. E qua intret el in üna spelunca, e passantet via la not. E mera, il pled del Segner füt *indrizzâ* ad el, e dschet: Che fast tû qua, Elia?

10. Ed el dschet: * Eu sun stat moventâ da granda zelosia per il Segner Deis dels exercits; perche ils infants d' Israel han bandunâ tia lia, han disfat teis utêrs, ed han mazzâ con la spada teis profets, ed eu sun restâ sulet, ed amo tscherchan els da 'm tour la vita.

* Rom. 11, 3.

11. Lura al dschet *il Segner*: Vâ oura, e t' ferma sül munt, avant il Segner. E mera, il Segner passet, ed * avant el *gniva* ün grand ed impetuus vent, chi fendaiv' ils munts, e rum-paiva la spelma; ma il Segner non *eira* nel vent. E davo l' vent *gniva* ün terratrembel; ma il Segner non *eira* nel terratrembel.

* Ez. 1, 4. 37, 7.

12. E, davo il terratrembel, *gniva* ün fö; ma il Segner non *eira* nel fö. E davo il fö *gniva* ün büsmar quaid, e lent.

13. E, cur Elia udit quai, as plajet el la fatscha aint in sia chappa, e get oura, e s' fermet all' intrada della spelunca, e mera, üna vusch al *gnit*, chi dschet: Che fast tû qua, Elia?

14. Ed el dschet: Eu sun stat moventâ da granda zelosia per il Segner Deis dels exercits; perche ils infants d' Israel han bundunâ tia lia, han disfat teis utêrs, ed han mazzâ con la spada teis profets; ed eu sun restâ sulet, ed amo tscherchan els da 'm tour la vita.

15. Ma il Segner al dschet: Vâ, tuorna darcheu tras il desert da Damasco, sün la via per la quala tû est gnü. E, cur tû sarast rivâ là, schi onscha Hazael per rai sur la Siria.

16. * Onscha eir per rai sur Israel, Jehu, il figl da Nimsi; ed onscha per profet, in teis pè, Elisa, il figl da Safat, d' Abel-Mehola.

* 2 Reg. 9, 1.

17. E dvanterâ, chi scampa via dalla spada d' Hazael, * dess mazzar Jehu; e chi scampa via dalla spada da Jehu, dess mazzar Elisa.

* 2 Reg. 9, 14.

18. * Ed eu ha reservâ in Israel setmilli *homens*, tuot la snuoglia, chi non s' ha inclinada a Baal, ed ogni bocca, chi non l' ha bütschâ.

* Rom. 11, 4.

19. Ed *Elia* as partit da là, e chat-tet Elisa, il figl da Safat, il qual arai-va, aviand avant el dudesch pèra *bovs*; ed el *eira* pro l' dudeschavel. Ed Elia get via pro el, e l' büttet adöss sia chappa.

20. Ma *Elisa* laschet ils *bovs*, e currit davo Elia, e dschet: Ah lascha ch' eu bütscha meis bap, e mia mamma, e lura vögl eu gnir davo tai. Ed Elia al dschet: Vâ, e tuorna darcheu; perche, che t' ha eu fat?

21. Ed el usche turnet darcheu a chasa, e piglet ün pèr *bovs*, e l's mazzet, e con l' üsaglia dels *bovs*, coschet el la charn, e la det al pövel, e quels mangettan; lura stet el sü, e seguittet ad Elia, e füt seis minister.

CHAP. XX.

Benhadad, il rai da Siria, assedia Samaria, e l'armada dels Siriers vain disfatta. Conter il comandamaint da Dieu fa Ahab lia con Benhadad, e vain reprais.

MA Benhadad, il rai da Siria, respet tuot seis exercit, ed avaiva trent' e duos rais con el, e chavals e charra; lura muntet el sü, e tshantet l'assedio a Samaria, e la combattava.

2. Ed el tramettet mess pro Ahab, il rai d' Israel, nella città, a dir ad el:

3. Usche disch Benhadad: Teis argient, e teis or ais meis; mias sun eir tias mugliers, e l's meglers infants.

4. E l' rai d' Israel respondet, e dschet: *L' ais* seo tû dist, o rai, meis signur; eu *sun* teis, insembel con tuot quai ch' *ais* mieu.

5. E l's mess turnettan darcheu, e dschettan: Usche ha dit Benhadad: Eu t'avaiva tramiss a dir: Da 'm teis argient e teis or, e tias mugliers, e teis infants.

6. Sch' eu daman a quai't ura tramet meis serviants, schi vegnan els a tscherchar oura tia chasa, e las chasas

da teis serviaints, e dëssan tour in lur mans tuot quai cha t'ais il plü char, e portar davent.

7. Lura clamet il rai d'Israel tuot ils seniurs del pajais, e dschet: Ah vus, considerai, e guardai, co quaist tschercha il mal; perche el ha tramiss pro mai, per *avoir* mias mugliers, e meis infants, e meis argent, e meis or; ed eu non l'ha denegâ *inguotta*.

8. E tuot ils seniurs, e tuot il pövel, dschettan ad el: Non il tadar, e non al complaschair!

9. Contuot dschet el als mess da Benhadad: Dit al rai, meis signur: Eu vögl far tuot quai, cha tü la prüma vouta tramettettast a dir a teis serviaint; ma quaist non poss eu far. E'ls mess gettan, e portettan quella resposta.

10. E Benhadad tramettet a dir ad Ahab: Usche amfetschan ils deis, ed amo plü, scha la puolvra da Samaria vain a bastar, cha scodün del pövel, chi *ais* in meis seguit, haja da quella il puogn plain!

11. E'l rai d'Israel respondet, e dschet: Dit ad el, cha non as gloriescha, ne quel chi 's tshint' intuorn *las ramas*, ne quel chi las sliä.

12. Cur *Benhadad* avet incelet quella reposta, (el bavaiva, insembel con quels rais suot las tendas) dschet el a seis serviaints: As mettai *in uorden*! Ed els as mettettan *in uorden* conter la città.

13. Lura ün profet s' approsmet ad Ahab, al rai d'Israel, e dschet: Usche ha dit il Segner: Hast tü vis tuot quaista granda blierüra? Mera, hoz la dun eu in teis man, e tü dessast cognoscher, ch'eu *sun* il Segner.

14. Ahab dschet: Tras chi? E quel dschet: Usche ha dit il Segner: Tras ils fants dels governaturs dellas provinzas. Ed Ahab dschet: Chi dess tachar la battaglia? E quel dschet: Tü.

15. Lura fet el la revista dels fants dels governaturs dellas provinzas, ed as chattet dels duatschient e trent'e duos. E davo els fet el la revista da tuot il pövel, da tuot ils infants d'Israel, e *s' chattet* setmilli.

16. Ed els trettan oura sül mezdi. Ma Benhadad bavaiva, ed eira aiver nel-

las tendas, insembel con trent'e duos rais, chi eiran gnüts a seis succuors.

17. Ed ils fants dels governaturs dellas provinzas trettan oura il prüm, e Benhadad tramettet alchüns, *per voir che cha füss*, e quels al referittan, dschand: Homens sun trats our da Samaria.

18. El dschet: Cha sajan trats oura, o per pasch, o per guerra, pigliâ 'ls vivs.

19. Quels dimena, *cioè* ils fants dels governaturs dellas provinzas, trettan our dalla città; lura l'exercit, chi *gniva* davo els.

20. E scodün da quels battet seis hom; ed ils Siriers fügittan, ed ils Israelits ils perseguitettan, e Benhadad, il rai da Siria, scampet sü ün chaval, con alchüns chavalgiaints.

21. E'l rai d'Israel tret oura, e battet ils chavals, e la charra, e fet üna granda sternüda dels Siriers.

22. Lura quel profet gnit pro 'l rai d'Israel, e dschet ad el: Vâ, t' inforza, e considera, e guarda che tü dessast far; perche da qua ad ün an il rai da Siria munterà sü *danöv* conter tai!

23. Ed ils serviaints del rai da Siria dschettan ad 'el: Ils deis dels Israelits *sun* deis dels munts, e perquai ans han els vints; ma combat-tain conter els nella planüra, e *tü vainst a voir*, scha nus non ils venschain.

24. Ma fâ quaist: Piglia scodün da quels rais davent da sia carica, e metta chapitanis in lur lö;

25. Lura metta in pè ün exercit, al pèr del exercit chi't ais disfat, ed oters tants chavals, e charra; schi volain nus combatter conter els nella planüra, e *tü vainst a voir*, scha nus non ils venschain. Ed el acconsentit a lur dir, e fet usche.

26. E l'an seguint Benhadad fet la revista dels Siriers, e muntet sü in Afec, per guerraggiar conter Israel.

27. Ils infants d'Israel fettan medemmamaing lur revista, e, siand provists con victualia, gettan els oura conter ils Siriers, e s'acchampettan via in vista dels, e paraivan duos pitschnas scossas da chavras; ma ils Siriers implivan la terra.

28. Lura s' approsmet l'hom da Dieu via pro'l rai d'Israel, e dschet ad el: Usche ha dit il Segner: Perquai cha'ls Siriers han dit: Il Segner *ais* Deis dels munts, e non ais Deis dellas vals; schi't vögl eu dar nels mans tuot quaista granda blerüra, e vus dessat cognoscher, ch'eu sun il Segner.

29. Ed els stettan acchamps, l'ün in vista al oter set dis; ed al settavel di as det la battaglia, e'ls infants d'Israel battettan in ün di tschientmilli homens a pè dels Siriers.

30. E'l rimanent fügit in Afec, nella città, ingio il mür det aint sün vainch e setmilli homens, chi eiran vanzats. Benhadad fügit eir el, e, siand rivâ nella città, passaiv'el da chambra in chambra.

31. E seis serviaints dschettan ad el: Mera uossa, nus avain udi dir, cha'ls rais della chasa d'Israel sajan rais benigns. Uossa dimena, lascha cha nus ans mettan sachs intuorn ils flanes, e cordas intuorn colöz, e giajan pro'l rai d'Israel; forse vain el at salvar la vita.

32. Quels dimena as tschintettan sachs intuorn ils flanes, e' *s mettettan* cordas al colöz, e gnittan pro'l rai d'Israel, e dschettan: Teis serviaint Benhadad disch *usche*: Ah tü, dà ch'eu viva! Ed el dschet: *Ais* el amo viv? *L'ais* meis frar!

33. E quels homens piglettan da quai bun indizi, e subit trettan els a bocca che *cha's podess sperar*; e dschettan ad el: *Ais* Benhadad teis frar? Ed el dschet: It, e manâ l'nan *qui*! Benhadad dimena gnit oura pro Ahab; ed el il fet muntar sün seis charr.

34. E *Benhadad* dschet ad el: *Eu't vögl restituir las cittats, cha meis bap piglet a teis bap, e tü at dessast *construir* plazzas in Damasco, seo meis bap s'avaiva construi in Samaria. Ed eu, dschet *Ahab*, at vögl laschar ir con quaists pats. Usche fet el lia con quel, e l'laschet ir.

* 1 Reg. 15, 20.

35. Ma ün hom, our dals figls dels profets, dschet a seis compagn tenor il pled del Segner: Ah tü, batta'm! Ma quel rechüset da l' batter.

36. Ed el dschet ad el: Siand tü non hast obedi alla vusch del Segner, mera, cur tü vainst a trar davent da mai, schi vain ün liun at batter. * E, cur el füt parti davent dad el, l'inscontret ün liun e l' battet.

* 1 Reg. 13, 24.

37. Lura inscontret el ün oter hom, e dschet ad el: Ah tü, batta'm! E quel il battet, e l' plajet.

38. E l' profet get, e's presentet al rai sün la via, essendo stravesti con ün liam süls ögls.

39. E, *cur* il rai passaiva là, bragit el al rai, e dschet: Teis serviaint eira passâ aint in mez la battaglia, e mera, ün hom gnit, e'm manet nan ün hom, e'm dschet: Perchüra quaiet hom! Schi el pür vain a manear, schi dess tia persuna star per la sia, o cha tü pajast ün talent d'argient.

40. Ma, intant teis serviaint faiva *sias fatschendas* qua e là, disparit quel. E l' rai d'Israel dschet ad el: * Usche ais tia sentenza; tü istess hast fat la decisiun.

* 2 Sam. 12, 5.

41. E lura dandettamaing alvet el il liam davent da seis ögls, e l' rai d'Israel il cognoschet, ch'el *eira ün* dels profets.

42. Ed el dschet al rai: Usche disch il Segner: * Siand tü hast laschâ ir our da teis mans l' hom, ch'eu avaiva miss nel interdit, schi vain tia persuna a star per la sia, e teis pövel per il seis.

* 1 Reg. 22, 37.

43. Ma il rai d'Israel get davent in chasa sia, conturbâ, e con sdegn, e gnit a Samaria.

CHAP. XXI.

Izebel, la muglier d' Ahab, fa morir Nabot per avair sia vigna. Elia reprimda Ahab, e denunzia ad amenduos la puniziun. Ün' externa penitenza d' Ahab.

E davo quaistas chosas, dvantet, cha Nabot, il Jezreelit, avaiva üna vigna, la quala *eira* in Jezreel, sper il palazzi d'Ahab, del rai da Samaria.

2. Ahab favlet a Nabot, dschand: Da'm tia vigna, ch'eu la fetscha ün tiert dad erbas, siand ch'ella *ais* vicina da mia chasa; ed eu't vögl dar in cambi üna mieldra, *ovvero*, scha't plascha, at vögl eu dar danêrs per il pretsch da quella.

3. Ma Nabot respondet ad Ahab: * Mâ non vöglia Dieu, ch' eu at detta l' ierta da meis babuns. * Lev. 25, 23.

4. Ed Ahab gnit in sia chasa, conturbâ, e con sdegn, per il pled cha Nabot, il Jezreelit, l'avaiva dit, cioè: Eu non at vögl dar l' ierta da meis babuns; ed as tschantet giò sün seis let, e volvet la fatscha, e non piglet spaisa.

5. Lura Izebel, sia muglier, gnit pro el, e l' dschet: Che chosa *ais* quaista, cha tû est *usche* conturbâ nel spiert, e non pigliast spaisa?

6. El la dschet: Eu avaiva tshan-tschâ con Nabot, il Jezreelit, e l' avaiva dit: Da 'm tia vigna per danêrs; ovvero, scha usche 't plascha, schi 't vögl eu dar ün' otra in cambi. Ma el dschet: Eu non at vögl dar mia vigna.

7. Ed Izebel, sia muglier, dschet ad el: Uossa dessast tû exercitar il reginam sur Israel! Leva sù, piglia spaisa, e saja teis cour leid; eu 't vögl far avair la vigna da Nabot, del Jezreelit.

8. Ed ella scrivet chartas a nom d'Ahab, e las sagellet con seis sagè, e las tramettet als seniurs, ed als principals della città da Nabot, chi abitaivan con el.

9. E scrivet in quellas chartas in quaista maniera: Publichai il gegüni, e fat star Nabot in cheu del pövel,

10. E fat comparair conter el duos homens scelerats, ils quals dettan perdüta conter el, dschand: Tû hast blastemmâ a Deis, ed al rai! Lura manâ 'l oura, ed accerrappâ 'l, dasort ch' el moura.

11. E 'l pövel della città da Nabot, ils seniurs, e principals, chi abitavan in sia città, fettan seo Izebel als avaiva tramiss, seguond *cira* scrit nelle chartas, ch' ella als avaiva tramiss;

12. Els clamettan our' il gegüni, e fettan star Nabot in cheu del pövel.

13. Lura gnittan quels duos homens scelerats, e 's presentettan conter Nabot, e testifichettan conter el avant il pövel, dschand: Nabot ha blastemmâ a Deis, ed al rai; pelqual * il manettan quels our dalla città, e 'l accerrappettan, dasort ch' el morit. * Lev. 24, 10.

14. Lura tramettettan els ad Izebel, a dir: Nabot ais accerrappâ, e mort.

15. E, cur Izebel avet incelet, cha Nabot eira accerrappâ, e mort, dschet ella ad Ahab: Leva sù, piglia possessiun della vigna da Nabot, del Jezreelit, la quala el avaiva rechüsâ da 't dar per danêrs; perche Nabot non viva *plü*, ma ais mort.

16. E, cur Ahab avet udi, cha Nabot eira mort, alvet el sù, per ir giò pro la vigna da Nabot, del Jezreelit, per tour possessiun.

17. Lura füt il pled del Segner *indrizzâ* ad Elia, il Tisbit, dschand:

18. Stâ sù, vâ giò incoenter ad Ahab, il rai d' Israel, il qual *residiescha* in Samaria. Mera, *l' ais* nella vigna da Nabot, dessor l' ais it giò, per tour possessiun;

19. E tschantscha con el, dschand: Usche ha dit il Segner: Tû hast maz-zâ, e tut in possess? Lura di ad el: * Seo 'ls chans han lichâ sù il sang da Nabot, dessor els lichar sù eir il teis!

* 1 Reg. 22, 38.

20. Ed Ahab dschet ad Elia: M' hast tû chattâ, meis inimi? Ed el al dschet: *Schi*, eu t' ha chattâ; perche tû est vendü a far quai cha displascha al Segner.

21. * Mera, *disch il Segner*, eu at fetsch gnir adöss da mal, e vögl tour d'avent davo tai, e sterminar oura d'Ahab, chi pischa vi' alla parait, *chi ais* serrâ, e *chi ais* liber in Israel;

* 2 Reg. 9, 8.

22. E vögl redür tia chasa, seo la chasa da Jerobeam, del figl da Nebat, e seo la chasa da Baesa, del figl d'Ahia; perche tû m' hast clamâ oura ad ira, ed hast fat pechar Israel.

23. Il Segner favlet eir conter Izebel, dschand: * Ils chans dessor magliar Izebel sper la müraglia da Jezreel.

* 2 Reg. 9, 10. 36.

24. Quel *della chasa* d'Ahab, chi morirà nella città, dessor magliar ils chans, e quel chi morirà sün la cutüra, dessor magliar ils utschels.

25. (E vairamaing qua non ais stat *amo* ün simil ad Ahab, il qual s' avai-va vendü a far * quai cha displascha al Segner; perche Izebel, sia muglier, il frizzaiva.

* 2 Reg. 17, 17.

26. Pelqual fet el chosas fieh abominablas, giand davo 'ls idols, interamaing seo fettan ils Amorit, * ils quals il Segner schatschet avant ils infants d'Israel.)

* Num. 32, 39.

27. Ma, cur Ahab avet udi quels plets, as scharpet el sia vestimainta, e 's mettet ün sach sur sia charn, e gegünet, e dormit nel sach, e chaminaiya lentamaing.

28. E'l pled del Segner füt *indrizzà* ad Elia, il Tisbit, dschand:

29. Hast tü vis, cha Ahab s' ha ümilâ avant mai? Siand ch'el s' ha ümilâ avant mai, schi non vögl eu far gnir quel mal in seis dis; eu il vögl far gnir sur sia chasa als dis da seis figl.

CHAP. XXII.

Josafat, il rai da Giuda, ed Ahab fan guerra conter il rai da Siria, ed ils fos profets als predischian felice success. Mica denunzia ad Ahab la mort; cuorta informaziun dels fats da Josafat, e d' Ahazia.

MA 'ls Siriers, e 'ls Israelits stettan trais ans sainza guerra tanter els.

2. * Ed, al an terz, get Josafat, il rai da Giuda, giò pro 'l rai d' Israel.

* 2 Cron. 18, 1.

3. Ed il rai d' Israel dschet a seis serviaints: Non savais vus cha Ramot da Gilead *ais* nossa; e pür non tschanschain nus da la tour darcheu ourdals mans del rai da Siria?

4. Lura dschet el a Josafat: Vainst tü a trar con mai nella guerra conter Ramot da Gilead? E Josafat dschet al rai d' Israel: *Fà quint da mai*, seo da tai, e da meis pövel, seo del tei, e da meis chavals, seo dels tei.

5. Ma Josafat dschet al rai d' Israel: Ah domanda hoz il pled del Segner!

6. E'l rai d' Israel raspet ils profets, *in number* circa da quattertschient homens, e dschet ad els: Dess eu ir nella guerra conter Ramot da Gilead, ovvero, dess eu rumagnair? E quels dschettan: Tira sü, e 'l Segner vain a la dar nel man del rai.

7. Ma Josafat dschet: *Non aise* qui plü ingün profet del Segner, il qual nus domandan?

8. Il rai d' Israel dschet a Josafat: *L'ais bain* amo ün hom, tras il qual nus podessan domandar il Segner; ma eu al vögl mal; perche el non

m'ha profetizâ del bain, anzi del mal l'ais Mica, il figl d'Imla. E Josafat dschet: Il rai non dia usche!

9. Lura il rai d' Israel clamet ün eunuco, e dschet ad el: Fà gnir bainbod Mica, il figl d'Imla!

10. Ma il rai d' Israel, e Josafat, il rai da Giuda, sezzaivan scodün stün sia sopcha, vestits d'abits *regals*, stün la piazza, *chi ais* all' intrada della porta da Samaria, e tuot ils profets profetizaivan in lur presenza.

11. Ma Sedecia, il figl da Cnaana, s' avaiya fat cornas da fier, e dschet: Usche disch il Segner: Con quaiastas *cornas* vainst tü a ferir ils Siriers, fin cha 'ls hast consumats!

12. E tuot ils profets profetizaivan nella medema maniera, dschand: Munta sü conter Ramot da Gilead, e tü vainst ad avair ventüra, e 'l Segner *la* darà in man del rai.

13. Ma 'l mess, ch' eira it a clamar Mica, il favlet, dschand: Mer' uossa, ils profets tuots per üna bocca predischian del bain al rai; ah tü, saja teis tschantschar conform al tschantschar dad ün da quels, e di 'l avant *del bön*!

14. Ma Mica dschet: *Sco* 'l Segner viva, eu vögl dir quai cha 'l Segner vain am dir.

15. Contuot gnit el pro 'l rai. E'l rai al dschet: Mica, dessan nus trar nella guerra conter Ramot da Gilead, ovvero, dessan nus l' interlaschar? Ed el al dschet: Pür vâ, e tü vainst ad avair ventüra, e 'l Segner *la* darà in man del rai.

16. Ed il rai al dschet: Quantas voutas at dess eu scongiurar, cha tü non am diast oter co la vardà, a nom del Segner?

17. Ed el lura dschet: Eu vezzaiva tuot Israel rasâ per ils munts, seo bescha chi non ha pastur. E'l Segner dschaiva: Quaists sun sainza patrun; cha scodün tuorna darcheu a chasa sia con pash.

18. Lura il rai d' Israel dschet a Josafat: Non t' il dschet eu? El non am profetizescha ingün bön, anzi del mal!

19. *Mica al* dschet: Perquai, taidla il pled del Segner! * Eu vezzaiva il Segner sezzand stün seis trun, e tuot

l' exercit del tshel presaint avant el, alla dretta, ed alla snestra;

* Es. 6. 1. Mat. 18, 10.

20. E 'l Segner dschet: Chi vain a persvader Ahab, acio ch' el munta sù conter Ramot da Gilead, e moura qua? E l' ün dschaiva üna chosa, e l' oter ün' otra.

21. Lura get oura ün spiert, il qual as presantet avant il Segner, e dschet: Eu il vögl persvader. E' l Segner dschet ad el: Co?

22. Ed el dschet: Eu vögl ir oura, e vögl esser spiert da menzögna nella bocca da tuot seis profets. E' l Segner al dschet: *Schi*, tü' l dessast persvader, e vainst eir a gnir a riva; vâ oura, e fâ usche!

23. Contuot, mer' uossa, il Segner ha miss ün spiert da menzögna nella bocca da tuot quaists teis profets, e' l Segner ha pronunziâ del mal conter tai.

24. * Sedecia lura, il figl da Cnaana, s' approsmet, e battet Mica sün la masella, e dschet: Schi co s' ha parti il Spiert del Segner da mai, per favlar con tai?

* Mat. 26, 67. 2 Cron. 18, 23.

25. Mica dschet: Mera, tü vainst al vair nel di cha tü vainst ad intrar da chambra in chambra, per t' az-zoppar.

26. Ed il rai d' Israel dschet *ad ün*: Piglia Mica, e maina 'l pro Ammon, il chapitani della città, e pro Joas, il figl del rai;

27. E di ad els: Usche ha dit il rai: Mettai quaist in preschun, e spisian-tâ 'l con pan ed aua d' afflicziun, fin ch' eu tuorn darcheu in pasch.

28. E Mica dschet: Scha tü darcheu tuornast in pasch, schi non ha il Segner tshantschâ tras mai. Lura dschet el: Vus pövels tuots, tadlai!

29. Il rai d' Israel dimena muntet sù con Josafat, il rai da Giuda, conter Ramot da Gilead.

30. E 'l rai d' Israel dschet a Josafat: Eu 'm vögl stravestir, ed *usche* intrar nella battaglia; ma tü 't vesta con tia vestimainta. Il rai d' Israel dimena as stravestit, ed intret *usche* nella battaglia.

31. Ma il rai da Siria avaiva comandâ a seis chapitanis da charra,

chi eiran trentaduos: Non cumbatterai, ne conter pitschens, ne conter grands, ma conter il rai d' Israel sulet.

32. Perquai, cur ils chapitanis da charra avettan vis Josafat, dschettan els: Tschert, quel *ais* il rai d' Israel, e 's volvettan via vers el, per combatter *conter el*, ma Josafat bragit.

33. E, cur ils chapitanis da charra vezzettan, ch' el non *eira* il raid' Israel, as volvettan els inavo, davent d' el.

34. Lura tret ün per cas col balai-ster, e plajet il rai d' Israel tanteraint las fodas e 'l guaret. Ed el dschet a seis charozzêr: Volv' il man, e maina' m our dal champ, perche eu sun feri.

35. Ma la battaglia s' inforzet in quel di, pelqual il rai füt retgnü in pè nel charr conter ils Siriers, e morit vers la saira, e 'l sang della plaja culet giò nel fuond del charr.

36. E cur il solai tramuntaiva, pas-set ün clam tras il champ, dschand: Scodün *as retira* in sia città, ed in seis pajais.

37. Ed usche morit il rai, e füt portâ a Samaria, e qua füt el sepuli.

38. E' l charr füt chatschâ nella peşchaduoira da Samaria, eir las armas füttan qua lavadas, ed ils chans lichettan sù il sang d' Ahab; seguond il pled del Segner, ch' el avaiva pronunziâ.

39. Ma, quant al rimanent dels fats d' Ahab, e tuot quai, ch' el fet, * e la chasa d' öss d' elefant ch' el edifichet, e tuot las cittats ch' el edifichet; quaistas chosas *sun* già scrittass nel eudesch dellas cronicas dels rais d' Israel.

* Am. 3, 15.

40. Usche s' indormanzet Ahab pro seis babuns; ed Ahazia, seis figl, regnet in seis lö.

41. Ma Josafat, il figl d' Assa, avaiva comanzâ a regnar sur Giuda, l' an quart d' Ahab, del rai d' Israel.

42. * E Josafat *eira* d' età da trent' e tshinch ans, cur el comanzet a regnar, e regnet vainch e tshinch ans a Gerusalem. E' l nom da sia mamma *eira* Azuba, la figlia da Sili. * 2 Cron. 20, 31.

43. Ed el chaminet in tuot las vias d' Assa, seis bap, e non as volvet d'avent, fand quai cha plaschet al Segner.

44. Inguotta main non fütan ils lous ots tuts via; il pövel sacrificai v' amo, e faiva profüms süls lous ots.

45. Ultra quai, Josafat avet pasch col rai d' Israel.

46. Ma, quant al rimanent dels fats da Josafat, e las barunias ch' el fet, e las guerras ch' el avet; quaiestas ehosas *sun* già scrittas nel eudesch dellas cronicas dels rais da Giuda.

47. * E piglet eir via dal pajais il rimanent dels pitanêrs, chi eiran restats dal temp d' Assa, seis bap.

* 1 Reg. 15, 12.

48. E da quel temp non eira rai in Edom; ün guvernatur *eira nel lö del* rai.

49. * Josafat fet navs da Tarsi, dad ir in Ofir, per or; ma ellas non gettan; perche las navs as rumpettan in Eseegeber.

* 2 Cron. 20, 35. 1 Reg. 9, 26.

50. Lura Ahazia, il figl d' Ahab, dschet a Josafat: Cha meis serviants gijian con ils teis sün las navs; ma Josafat non volet.

51. * E Josafat s' indormanzet pro seis babuns, e füt sepuli con seis babuns, nella città da David, seis bap, e Joram, seis figl, regnet in seis lö.

* 2 Cron. 21, 1.

52. Ahazia, figl d' Ahab, comanzet a regnar sur Israel, in Samaria, l' an deschet da Josafat, rai da Giuda, e regnet duos ans sur Israel.

53. Ed el fet que cha displaschet al Segner, e chaminet la via da seis bap, e da sia mamma; e la via da Jerobeam, del figl da Nebat, il qual avaiva fat pechar Israel.

54. E servit a Baal, e l' adoret, e fet dispet al Segner Deis d' Israel, interamaing seo avaiva fat seis bap.

IL SEGUOND CUDESCH

DELS

RAIS.

CHAP. I.

Moab as rebella conter Israel. Ahazia amalà trametta pro Baalzebub. Elia fa gnir fö da tschel. La mort d' Ahazia. Joram, seis frar, al succeda.

MA, DAVO LA MORT d' Ahab, as rebellet Moab conter Israel.

2. Ed Ahazia det giò tras ün giatter, *chi eira* in sia sala in Samaria, pelqual el gnit amalà, e tramettet mess, e dschet ad els: It, domandai Baalzebub, il dieu d' Ecron, sch' eu vegn' a guarir da quaiست' infirmità?

3. Ma l' angel del Segner favlet ad Elia, il Tisbit, *dschand*: Stà sü, munta in conter als mess del rai da Samaria, e di ad els: Giaivat a domandar Baalzebub, il dieu d' Ecron, a motiv cha non *ais* qui alchün Dieu in Israel?

4. Perquai dimena disch il Segner usche: Tü non dessast alvar sü dal let, sü qual tü est büttä; anzi, dessast tü per tschert morir. Ed Elia get via.

5. Ed ils mess turnettan darcheu pro

Ahazia; ed el dschet ad els: Perche eschat darcheu turnats?

6. Quels dschettan ad el: Ün hom ans ais gnü in conter, e ns ha dit: It, turnai darcheu pro'l rai, chi's ha tramiss, e dit ad el: Usche ha dit il Segner: Tramettast tü a domandar Baalzebub, il dieu d' Ecron, a motiv cha non *ais* Dieu alchün in Israel? Perquai non dessast tü alvar sü dal let, sü qual tü est büttä; anzi, dessast tü pertschert morir.

7. Ed el dschet ad els: Co ais il portamaint da quel, chi's ais gnü in conter, e s' ha dit quaiستs plets?

8. Quels dschettan ad el: *L' ais* ün hom con vesti plus, e tschintä con üna*tschinta da chüram sur ils flanes. Lura dschet el: *L' ais* Elia, il Tisbit.

* Zach. 13, 14. Mat. 3, 4.

9. Ed el tramettet pro quel ün chapitani da tschinquant' *homens*, con sia tschinquantina. E mera, el sez-zaiva sün la sommità del munt. E

quel dschet ad el: *Hom* da Dieu, il rai ha dit, cha vegnast giò!

10. Elia respondet, e dschet al chapitani da tschinqvant' *homens*: Sch'eu pür *sun* hom da Dieu, schi * crouda fö giò da tschel, e consüma tai, e tia tschinqvantina. E crodet fö da tschel, e consümet, el e sia tschinqvantina.

* Luc. 9, 54.

11. Ed *Ahazia* tramettet danöv ün oter chapitani da tschinqvant' *homens* con sia tschinqvantina. Ed el favlet ad *Elia*, e dschet ad el: Hom da Dieu, usche ha dit il rai: Vè giò bain-bod!

12. Respondet Elia, e dschet ad els: Sch'eu pür *sun* hom da Dieu, schi crouda fö giò da tschel, e consüma tai, e tia tschinqvantina. E'l fö da Dieu crodet da tschel, e consümet el, e sia tschinqvantina.

13. Ed *Ahazia* tramettet danöv ün terz chapitani da tschinqvant' *homens* con sia tschinqvantina. Ed el muntet *pro Elia*, e gnit, e s'insnuoglet avant el, e'l supplichet, e dschet ad el: Hom da Dieu, eu't rouv, saja mia vita, e la vita da quaists tschinqvanta, tei serviaints, preziosa avant tei ögls!

14. Mera, il fö ais erodâ da tschel, ed ha consümâ ils duos prüms chapitanis da tschinqvant' *homens* con lur tschinqvantis; ma uossa saja mia vita preziosa avant tei ögls!

15. E l'angel del Segner dschet ad Elia: Và giò con el, non at tmair d'el. Contuot alvet el sü, e get giò con el, e gnit pro'l rai.

16. Ed el dschet ad el: Usche ha dit il Segner: Perquai cha tü hast tramiss mess per domandar Baal-Zebub, il dieu d'Ecron, seo scha qua non *füss* alchün Dieu in Israel, per domandar seis pled; mera, tü non dessast alvar sü dal let, sü qual tü est büttâ; anzi pertschert dessast tü morir.

17. Ed el morit, seguond il pled del Segner, ch'Elia avaiva pronunziâ; e Joram regnet in seis lö, nel an seguond da Joram, del figl da Josafat, rai da Giuda; perche Ahazia non avaiva figls.

18. Ma, quant al rimanent dels fats

d'Ahazia; quaistas chosas *sun* già scrittas nel eudesch dellas cronicas dels rais d'Israel.

CHAP. II.

Elia con Elisa passa il Giordan per miracul. Elia munta in tschel in ün charr da fö. Elisa passa eir el tras il Giordan per ün medem miracul; e smaledesch' ils infants, chi riaivan d'el.

MA nel temp, cha'l Segner volaiva alvantar Elia * in tschel in ün trabagl, as partit Elia con Elisa da Gilgal.

* Gen. 5, 24.

2. Ed Elia dschet ad Elisa: Ah tü, rumagna qui; perche'l Segner am trametta fin in Betël. Ma Elisa respondet: *Sco*'l Segner viva, e *sco* ti'orma viva, eu non at vögl bandunar. Usche gettan els giò in Betël.

3. E'ls infants dels profets, chi *eiran* in Betël, gnittan pro Elisa, e dschettan ad el: Sast tü, cha'l Segner piglia hoz tei signur davent da tai? Ed el dschet: Eir eu *il* sa; taschai!

4. Ed Elia dschet ad el: Elisa, ah tü, rumagna qui; perche'l Segner am trametta in Gerico. Ma el dschet: *Sco*'l Segner viva, e *sco* ti'orma viva, eu non at vögl bandunar. Usche gnittan els in Gerico.

5. Ed ils infants dels profets, chi *eiran* in Gerico, s'approsmettan pro Elisa, e dschettan ad el: Sast tü, cha'l Segner piglia hoz tei signur davent da tai? Ed el dschet: Eir eu *il* sa; taschai!

6. Ed Elia dschet ad el: Ah tü, rumagna qui; perche'l Segner am trametta vers il Giordan. Ma el dschet: *Sco*'l Segner viva, e *sco* ti'orma viva, eu non at vögl bandunar. Usche gettan els amenduos *insembel*.

7. Ma tschinqvant' *homens*, intanter ils infants dels profets, gettan, e's fermettan in vista ad *els*, dalönsch, ed amenduos as fermettan pro'l Giordan.

8. Lura piglet Elia sia chappa, e la plajet aint, e battet sün l'aua, e quella as partit in qua ed in là; ed amenduos passettan via per il süt.

9. E, cur els fütan passats, dschet Elia ad Elisa: Domanda quai ti voust ch'eu at fetscha, ant ch'eu vegna tut davent da tai. Elisa dschet: Ah tü, cha'm sajan *dattas* duos parts da tei spiert.

10. Elia dschet ad el: Tü hast domandâ üna chosa difficila! Scha tü'm vezzast, cur eu sarà tut davent da tai, at sarà fat usche; ma scha tü non *am vezzast*, non at sarà fat.

11. Ma dvantet, ch' intant ch' els chaminaivan, e tschantschaivan *insembel*, mera, ün charr da fö, e chavals da fö, chi 'ls partittan l'ün dal oter; ed Elia muntet sün tschel in ün trabagl.

12. Ed Elisa *il* vezzet, e bragit: * Bap meis, bap meis, charr d' Israel, e sia chavalleria. Lura non il vezzet el plü, e piglet sia vestimainta, e la sdratschet in duos tocs. * 2 Reg. 13, 14.

13. Davo quai ozet el sù la chappa d' Elia, chi 'l eira datta giò d' adöss, e turnet, e 's fermet alla riva del Giordan;

14. E piglet la chappa d' Elia, chi 'l eira datta giò d' adöss, e battet l' aua, e dschet: Ingio *ais* il Segner, il Deis d' Elia? Ed aviand eir el battü l' aua, as partit quella in qua ed in là; ed Elisa passet.

15. Cur ils figls dels profets, chi *dmuraivan* confervia in Gerico, l' avettan vis, dschettan els: Il spiert d' Elia posa sün Elisa! E 'l gnittan incooter, e s' inclinettan in terra avant el;

16. E dschettan ad el: Mer' uossa, *qui sun* da teis serviants tschinquanta valents homens; ah tü, *lascha* cha giajan, e tscherchan teis signur. Cha 'l Spiert del Segner non l' haja forsà sdrappà, * e büttà sün alchün da quels munts, ovvero in alchüna da quellas vals. Ma el dschet: Non ils tramettarai. * 1 Reg. 18, 12.

17. Ma quels al fettan forza, tant ch' el as turpiet, e dschet: Tramettai! Quels dimena tramettettan tschinquant' homens, ils quals *il* tscherchettan trais dis, e non il chattettan.

18. Lura turnettan els pro el in Gerico, ingio el *dmuraiva*. Ed el dschet ad els: Non s' avai' eu dit: Non giarai?

19. Ma il pövel della città dschet ad Elisa: Mer' uossa, l' avdanza da quai-sta città *ais* buna, sco meis signur vezza; ma las auas sun noschas, pelqual il pajais ais depopulâ.

20. Lura dschet el: Portâ'm nan

üna schüdella nouva, e mettai sal laint. E quels al portettan via.

21. Ed el get oura pro la fontana dell' aua, e büttet laint quel sal, e dschet: Usche ha dit il Segner: Eu rend quaiastas auas sanas; da qua inavant non procederà plü da quia, ne mort, ne dispersa.

22. E quellas auas füttan rendüdas sanas fin a quai-st di, seguond il pled d' Elisa, ch' el avaiava pronunziâ.

23. Lura da là muntet el sù in Betël; e muntand el sù per la yia, gnittan our dalla città pitschens infants, * chi faivan beffa del, e dschaivan ad el: Vè sù cheuchalv, vè sù cheuchalv!

* 1 Cron. 16, 22. Ps. 105, 15.

24. Ed el, as volvand inavo, ils vezzet, e 'ls smaedit nel nom del Segner. E duos uorsas gnittan our dal god, e scharpettan quarant' e duos da quels infants.

25. Da là get el stül munt Carmel, e da là turnet el darcheu in Samaria.

CHAP. III.

Joram va a far guerra conter ils Moabits rebels, e maina con el Josafat, e 'ls rais d' Edom, ma, mancand ad els aua, la gurbeschan dal Segner tras Elisa. Ils Moabits sun vints.

L' AN deschedot da Josafat, del rai da Giuda, Joram, il figl d' Ahab, comanzet a regnar sur Israel in Samaria, e regnet dudeschans;

2. E fet quai cha displascha al Segner; na però sco seis bap, e sco sia mamma, perche el piglet via la statua da Baal, * cha seis bap avaiava fat.

* 1 Reg. 16, 31. 32.

3. Ma el stet rantâ vi' als puchats da Jerobeam, del figl da Nebat, nels quals el avaiava fat pechar Israel; el non as volvet giò da quels.

4. Ma Mesa, il rai da Moab, traiva sü blier bestiam manü, e pajaiava *per tribut* al rai d' Israel da tschient milli agnels, e da tschient milli bümatschs la lana.

5. Ma, cur Ahab füt mort, as rebellet il rai da Moab conter il rai d' Israel;

6. Pelqual il rai Joram tret in quel di our da Samaria, e fet la rasseгна da tuot Israel.

7. E 's partind, tramettet el a dir a Josafat, al rai da Giuda: Il rai da Moab s' ha rebellâ conter mai; voust

gnir con mai alla guerra contra Moab? Ed el dschet: Schi, eu vögl trar sü; *quinta** da mai, sco da tai, da meis pövel sco del tei, e da meis chavals sco dels tei.

* 1 Reg. 22, 4.

8. Lura dschet el: Per quala via volain nus muntar? E Joram dschet: Per la via del desert d' Edom.

9. Il rai d' Israel dimena, e' l rai da Giuda, e' l rai d' Edom as partittan; ed aviand fat il circuit da set giornadas chamin, non eira qua aua per il champ, ne per las bestias da servezen, cha manaivan con els.

10. E' l rai d' Israel dschet: Oimè, tschertamaing il Segner ha clamà insembel quaists trais rais, per ils dar in man da Moab.

11. E Josafat dschet: * Non aise qui alchün profet del Segner, cha nus tras el domandan il Segner? Ed ün dels serviants del rai d' Israel respondet, e dschet: Elisa, il figl da Safat, chi büttaiva l' aua sur ils mans d' Elia, aise qui.

* 1 Reg. 22, 7.

12. E Josafat dschet: Il pled del Segner aise con el! Il rai d' Israel dimena, e Josafat, e' l rai d' Edom, gettan giò pro el.

13. Ma Elisa dschet al rai d' Israel: Che ha eu da far con tai? Và* pro'ls profets da tei bap, e pro'ls profets da tia mamma. E' l rai d' Israel dschet ad el: Na; perche il Segner ha clamà insembel quaists trais rais per ils dar in man da Moab.

* 1 Reg. 18, 19.

14. Ed Elisa dschet: * Sco' l Segner dels exercits, del qual eu sun minister, viva; sch' eu non avess respet da Josafat, del rai da Giuda, schi non at guardess eu brich, e non at voless eu vair.

* 1 Reg 17, 1.

15. Ma * fat-am uossa gnir ün sunader. E, sunand il sunader, gnit il man del Segner sur Elisa.

* 1 Sam. 10, 5.

16. Ed el dschet: Usche ha dit il Segner: Fat in quaista val blers fossals;

17. Perche usche ha dit il Segner: Vus non gnis a sentir vent, ne a vair plövgia, ed impero as dess quaista val implir con aua, dalla quala vus, e vossas scossas, e vossas bestias da servezen, possat baiver.

18. E quai ais eir paca chosa avant ils ögls del Segner; el as darà eir Moab in voss mans;

19. E vus gnis a disfar tuot las cittats müradas, e tuot las cittats principalas, e gnis a büttar giò ogni bun bösch, ed a zügliar ogni fontana d' aua, ed a desolar con crappa ogni bun champ.

20. E la mattina *sequuinta*, all' ura cha's offerra l' offerta, dvantet cha, mera, las auas gnivan nan dad Edom, e la terra füt implida con auas.

21. Ma tuot ils Moabits, aviand in-clet, cha quels rais eiran muntats per far guerra con els, füttan clamats insembel da minchün, chi comanzaiva as tschintar *la spada* in sü, ed els as fermettan süls confins.

22. E, cur els quella mattina as fettan sü, dand il solai agià sur quellas auas, schi vezzettan els da lontan avant els quellas, cotschnas sco sang;

23. E dschettan: Quaist aise sang! Pertschert quels rais s' han sdrüts, e l' ün ha battü l' oter. Uossa dimena, Moabits, al butin!

24. Usche gnittan els vers il champ d' Israel; ma ils Israelits as fettan sü, e battettan ils Moabits; e quels fügittan avant els, *e' ls Israelits* intrettan nel pajais dels Moabits, saimper ils battand;

25. E disfettan las cittats, e scodün büttet sia peidra nels meglers champs, ed usche ils implittan els *con crappa*, e züglettan ogni fontana d' aua, e büttettan giò ogni bun bösch; tant, ch' in Cirhareset laschettan els solum las peidras. E quels chi tiran con la schlingia *la* circondettan e la battettan.

26. Ma il rai da Moab, veziand cha la battaglia il surprenaiva, piglet settschient homens con el, con la spada tratta in man, per spuntar dalla vart del rai d' Edom; ma els non podettan.

27. Lura piglet el seis figl primogenit, chi dovaiva regnar in seis lö, e l' offerit in olocausto sü'l mür. E qua füt granda indignaziun conter ils Israelits; e *'ls oters* as partittan dad el, e turnettan dacheu nel pajais.

CHAP. IV.

Elisa, tras miracul, adampecha l'öli alla vaid-gua d'ün profet. El gurbescha da Dieu ün figl ad üna duonna Sunamita; quel moura, ma el il fa resüstar. La manestra amara fa 'l gnir dutschea. Con paes pans saduol' el blers.

Ma üna duonna dellas mugliers dels figls dels profets bragit ad Elisa, dschand: Meis marit, teis serviaint, ais mort, e tü sast, cha teis serviaint tmaiv' il Segner; uossa il credader ais gnü, per as tour meis duos figls per servs.

2. Ed Elisa la dschet: Che at dess eu far? Declera 'm, che tü hast in chasa? Ella dschet: Tia fantschella non ha inguotta in chasa, oter co ün pitschen vashè d'öli.

3. Lura la dschet el: Và, domanda ad impraist, da tuot teis vashins, vashels vöds; non domandar paes;

4. Lura và aint, e serra l'üsche davo tai, e davo teis figls, e svöda *da quel öli* in tuot ils vashels, e fà portar dament quels chi saran plains.

5. Contuot as partit ella d'el, e serret l'üsche davo ella, e davo seis figls, e quels la portaivan nan *ils vashels*, ed ella svödaiv' aint.

6. E, cur ils vashels füttan plains, dschet ella ad ün da seis figls: Porta' m nan amo ün vashè. Ma el la dschet: *Qui non ais ingün plü*. Lura as fermet l'öli.

7. Ed ella gnit e decleret *il fat* al hom da Dieu. Ed el la dschet: Và, venda l'öli, e paga teis debit, e tü, e teis figls, vivai del remanent.

8. Dvantet lura ün di, ch'Elisa passet per * Sunem, e qua eira üna duonna possanta, la quala con granda istanza il tgnèt sü a tour spaisa; ed ogni vouta ch'el passaiva *tras Sunem*, volvaiv' el aint là a tour spaisa.

* Gios. 19, 18.

9. E *quella duonna* dschet a seis marit: Mera, uossa cognosch eu, cha quaiet chi passa tuotta di qui tras, ais ün sanct hom da Dieu.

10. Ah tü, al fain üna pitschna chambrà con paraits, e mettain laint ün let, üna maisa, üna sopcha, ed ün chandallêr; acio cha, cur el vain pro nus, el as retira là.

11. Usche ün di, essendo gnü là, as retret el nella chambrà, e dormit qua.

12. Ed el dschet a Gehazi, seis serviaint: Clama quaieta Sunamita! Ed el la clamet; ed ella as presantet avant el.

13. Ed el dschet a Gehazi: Uossa di-la: Tü hast tut per nus tuot quaiet pissêr; che dess eu far per tai? Hast tü da favlar al rai, o al capo del exercit? Ma ella dschet: Eu abitesch in mez meis pövel!

14. Ed *Elisa* dschet a *Gehazi*: Che dess eu far per ella? El dschet: *Eu non sa*; ina ella non ha ingün figl, e seis marit *ais* vegl!

15. El *alds*chet: Clam-la. Ed el la clamet; ed ella 's presantet suot l'üsche;

16. Ed el la dschet: * L'an ventur, in quaiet istessa stagiun, dessast tü abratschar ün figl. Ella dschet: Ah na, meis signur, hom da Dieu; non mentir a tia fantschella! * Gen. 18, 10.

17. Quella duonna dimena concepit, e parturit ün figl l'an seguaint, in quell'istessa stagiun, seo Elisa l'avvaiva dit.

18. Ma l'infant gnit grand, e dvan-tet ün di, ch'el get oura pro seis bap, pro 'ls tschuncaders.

19. Ed el dschet a seis bap: O meis cheu, o meis cheu! E 'l *bap* dschet al serviaint: Porta 'l a sia mamma!

20. Ed el il portet, e 'l manet pro sia mamma. Ed el dmuret sün la snuoglia da quella fin a mezdi, lura morit el.

21. Qua get ella sü, e 'l tschantet sül let del hom da Dieu; lura serret-la l'üsche davo ella, e get oura.

22. Ed ella tramettet a dir a seis marit: Ah tü, trametta 'm ün dels serviaints, ed ün' asna, acio ch'eu cuorra pro l'hom da Dieu; lura vögl eu dar-cheu turnar.

23. El la dschet: Perche vast hoz pro el? E non ais ne di da chalenda, ne sabbat. Ella dschet: *Stà da bun anim!*

24. Ed ella fet metter il vass all'asna, e dschet a seis serviaint: Main-la, e và via; non am retgnair d'avanzar il viadi; o pür ch'eu at dia.

25. Ed ella get, e gnit pro l'hom da Dieu, sül munt Carmel. E, cur l'hom da Dieu l'avet visa là avant el, dschet el a Gehazi, seis serviaint: Mera, quella Sunamita!

26. Ah tü, cuorr-la uoss' incounter e di-la: Stast tü bain? Teis marit sta el bain? L' infant sta el bain? Ed ella dschet: Bain!

27. Ma, cur la füt rivada pro l' hom da Dieu süil munt, il piglet ella per ils peis. E Gehazi s' approsmet per la chatschar inavo. Ma l' hom da Dieu *al* dschet: Lasch-la, perche si' orma ais in tristezza, e l' Segner am ha quai tgnü zoppâ, e non am l' ha declerà.

28. Ed ella dschet: Avaiv' eu gia-vüschâ ün figl a meis signur? Non at dschet eu: Non m' ingiannar?

29. Lura *Elisa* dschet a Gehazi: * At tschinta ils flanes, e piglia meis bastun in man, e vâ inavant; scha tü chattast qualchün, non il salüdar; e sch' el at salüda, non al responder, e metta meis bastun sün la vista del giuvnet.

* 2 Reg. 9, 1.

30. Ma la mamma del giuvnet dschet: *Sco' l* Segner viva, e *sco* ti' orma viva; eu non at lasch davo. Contuot stet el süi, e get davo ella.

31. Ma Gehazi eira passâ avant ad els, ed avaiva tschantâ il bastun sün la vista del giuvnet; ma *qua* non füt ne vusch, ne sentimaint, ed el turnet darcheu, incounter ad Elisa, e l' decleret *il fat*, e dschet ad el: Il giuvnet non s' ha sdasdâ.

32. Elisa dimena intret in chasa, e mera, il giuvnet eira mort, tschantâ süin seis let.

33. Ed el intret *nella chombra*, e serret l' üsch davo el e l' giuvnet, e fet oraziun al Segner.

34.* Lura muntet el *sül let*, e s'tschantet sur il giuvnet, e pozet la bocca sün la bocca da quel, e l's ögls süls ögls da quel, e las palmas dels mans sün las palmas dels mans da quel, e s' stendet con tuot sia lungezza sur el, e la charn del giuvnet füt reschodada.

* Act. 20, 9, 10.

35. Lura gnit el darcheu, e giaiva cura quae cura là per la chasa, e lura muntaiv' el darcheu süi, e s' stendaiva sur il giuvnet; alla fin il giuvnet sternüdet fin a set voutas, ed avrit ils ögls.

36. *Elisa* lura clamet Gehazi, e dschet *ad el*: Clama quaista Sunamita! Ed el la clamet; ed ella gnit

pro el. Ed el la dschet: * Pigla teis figl!

* 1 Reg. 17, 23.

37. Ed ella gnit, e s' büttet pro l's peis d' Elisa, e s' inclinet vers terra; lura piglet ella seis figl, e get oura.

38. Ed Elisa turnet darcheu a Gilgal. Ma *qua eira* * fam nel pajais, e l's figls dels profets sezzaivan avant el; ed el dschet aseis serviaint: Metta la cudêra granda sur fô, e cousecha üna manestra als figls dels profets.

* 2 Reg. 8, 2.

39. Ed ün *da quels* get oura sün la cuttüra per cler aint ravitscha; ed aviand chattâ vits solvadias, cleet el da quellas züchas solvadias, seis vestimaint plain, lura gnit el, e las taglet giò aint nella cudêra, ingio eira la manestra; perche quels non savai-van *che cha quai füss*.

40. Lura gnit svödâ oura ad alchüns da quella manestra per mangiar, e dvantet, cha, aviand mangiâ, els clament e dschettan: La mort *ais* nella cudêra, o hom da Dieu; e non podettan mangiar.

41. Ma el dschet: Portâ 'm uossan farina. Ed el la büttet nella cudêra; lura dschet el: Svöd' oura da quella manestra alla gliend, acio cha mangian. E qua non eira alchün mal *plü* nella cudêra.

42. Lura gnit ün hom da Baal-Salisa, il qual portaiva al hom da Dieu pan da primizias, *cioè* vainch pans d' üerdi, e gran novell nella spia. Ed *Elisa* dschet a seis serviaint: Dà *quaist* a quella gliend, cha mangian!

43. Ed el respondet: * Co dess eu metter quaist avant a tschient homens? Ma el dschet: Dà a quaista gliend, cha mangian; perche usche ha dit il Segner: Ella vain a mangiar, e vain eir a laschar vantar.

* Luc. 9, 13.

44. Contuot als mettet el *quai* avant, e quels mangettan, * e laschettan eir vantar; seguond il pled del Segner.

* Mat. 14, 20. Gioan. 6, 13.

CHAP. V.

Naeman, il capo del exercit del raì da Siria, vain nettiâ da sia levrusia tras Elisa. L' avarezza da Gehazi vain chastiada.

MA Naeman, il capo del exercit del raì da Siria, eira hom grand pro seis signur, e fich onorâ; perche

tras el avaiu' il Segner dat victorias als Sirers; ma quaiſt hom poſſant e ferm, eira levrus.

2. Ma alchünas troppas dels Siriers trettan oura per far üna seurraria, e manettan preschundal pajais d'Israel üna pitschna giuvnetta, ed ella eira al servezzen della muglier da Naeman.

3. Ed ella dschet a sia signura: Scha plasechess a Dieu, cha meis signur *füss* pro 'l profet chi *ais* in Samaria; quel l' avess bod deliberà da sia levrusia.

4. E *Naeman* gnit pro seis signur, e 'l declarer *il fat*, dschand: Quaista giuvnetta, chi *ais* dal pajais d'Israel, ha tschantschâ usche, ed usche.

5. E 'l rai da Siria dschet *ad el*: Schi bain, vâ via, ed eu vögl trametter chartas al rai d'Israel. El dimena get, e piglet in man desch talents d'argent, e ses milli *siccals* d'or, e desch vestimaints da müdar.

6. Ed el portet las chartas al rai d'Israel, il tenor dellas qualas eira quaiſt: Uossa, cur quaiſtas chartas vegnan at esser gnüdas pro, schi sapchast, ch' eu t' ha tramiss Naeman, meis serviaint, acio cha tü 'l delibrast da sia levrusia.

7. E, cur il rai d'Israel avet let las chartas, sdratschet el sia vestimainta, e dschet: **Sum* eu Dieu, da far morir, e da turnantar in vita; cha quaiſt am trametta, ch' eu deliber' ün hom da sia levrusia? Ma del tschert sapchat uossa, e guardai, ch' el tschercha occasiun conter mai. * Deut. 32, 39. 1 Sam. 2, 6.

8. Ma, cur Elisa, l'hom da Dieu, avet inclet, cha 'l rai d'Israel avaiu sdratschâ sia vestimainta, al tramettet el a dir: Perche hast sdratschâ tia vestimainta? Vegna pür *Naeman* pro mai, schi vain el a cognoscher, cha l'ais ün profet in Israel.

9. Contuot gnit Naeman con seis chavals, e con seis charrs, e's fermet alla porta della chasa d'Elisa.

10. Ed Elisa tramettet al dir tras ün mess: Vâ, at lava set voutas nel Giordan, e la charn vain at returnar sana, e netta.

11. Ma Naeman s' adiret, e get da-vent, e dschet: Mera, eu dschaiva in

mai s vess: El a tuotta via vain a gnir oura, ed as fermar; e vain a clamar in agüd il nom del Segner seis Deis, ed a manar il man via sur il lö, e delibererà il levrus.

12. Amana e Farfar, ils flüms da Damasco, non valan quels megl co tuot las auas d'Israel? Non am podess eu lavar in quels, ed esser nettiâ? El dimena 's volvet inavo, e giaiva via tuot irritâ.

13. Ma seis serviaints s' approsmettan, e 'l dettan bun pled, e dschetan: Bap meis, *scha* 'l profet t' avess dit qualcha chosa granda, non l' avessast tü fatta? Quant plü *dessast tü far quai* ch' el t' ha dit: At lava, e tü sarast net.

14. Contuot get el giò, e's chatschet aint set voutas nel Giordan, seguond il pled del hom da Dieu, e la charn al returnet simila alla charn d' ün pitschen giuvnet, * ed el füt net.

* Luc. 4, 27.

15. Lura turnet el darcheu pro l' hom da Dieu con tuot seis seguit, e gnit, e's presantet avant el, e dschet: Mera, uossa cognosch eu, cha non *ais* alchün Dieu in tuot la terra, oter co in Israel, pertant at rouv eu uossa, piglia ün presaint da teis serviaint.

16. Ma *Elisa* dschet: *Sco* 'l Segner, al qual eu serv, viva, eu non il piglerà. E combain *Naeman* al faiva forza, ch' el pigless, rechüset el impero.

17. E Naeman dschet: Ma schi non as podess dar a teis serviaint il charg da terra da duos müls? Perche teis serviaint non ais plü per far, ne olocausto, ne sacrifici ad oters deis; ma al Segner sulet.

18. Il Segner vögli perdunar in quaiſta part a teis serviaint, sch' eu m' inclin nel taimpel da Rimmon, cur meis signur intrerà in quel per adurar, e * s' appozerà sün meis man. Il Segner perduna a teis serviaint in quaiſt fat, sch' eu m' inclin nel taimpel da Rimmon.

* 2 Reg. 7, 2.

19. Ed Elisa dschet *ad el*: Vâ in pasch! Ed el as partit dad el, ed eira agiâ chaminâ ün toc da pajais.

20. Qua dschet Gehazi, il serviaint d'Elisa, del hom da Dieu: Mera, meis signur s' ha retgnü da tour dal man

da Naeman, quaist Sirier, quai ch' el avaiava portâ: *Seo* il Segner viva, eu il vögl cuorrer davo, e tour d' el qualchosa.

21. Contuot currit Gehazi davo a Naeman, e, cur Naeman vèzzet, ch' ün al curriava davo, gnit el giò dal charr, incooter ad el, e dschet: Va quai tuot bain?

22. Ed el dschet: Bain! Meis signur m' ha tramiss at dir: Mera, güst uossa sun gnüts pro mai dal munt d' Efraim duos giuvens dels figls dels profets; eu 't rouv, da 'ls ün talent d' argient, e duos vestimaints da müdar.

23. Naeman dschet: Piglia pür duos talents, e 'l fet forza, e fet liar duos talents d' argient in duos sachets, e duos vestimaints da müdar, e det *quaist* a duos seis serviaints, chi 'l portessan avant el.

24. E, cur el füt rivâ pro 'l spelm, piglet el *quai* dal man da quels, e 'l tschantet in chasa; lura tramettet el inavo quels homens, ed els gettan.

25. Ed el gnit, e 's presantet a seis signur. Ed Elisa dschet ad el: Dinuonder vainst, Gehazi? Ed el respondet: Teis serviaint non ais stat ne in qua, ne in là.

26. Ma el al dschet: Non eira meis cour it là, cur quel hom as volvet incooter tai our da seis charr? *Aise* temp da tour danêrs, e vestimainta, ed olivêrs, e vignas, e bescha, e boys, e famagls, e fantschellas?

27. Perquai, la levrusia da Naeman s' attacherà a tai, ed a teis sem, in perpetuo! Ed el get our da sia presenza tuot levrus, * *alb* seo la naiv.

* Num. 12, 10.

CHAP. VI.

Elisa fa nodar il fier d' üna sgür sur l' aua. Il rai da Siria metta man ad Israel. Samaria asse-diada. Fam extrema, cha duos donans mangian ün infant. Joran innatscha ad Elisa.

ED ils figls dels profets dschettan ad Elisa: Mer' uossa, il lö, ingio nus sezzain avant tai, ais massa stret per nus.

2. Ah tü, *lascha* cha giajans fin al Giordan, e da là volain nus tour seodün ün toc lain, e 'ns far quia ün lö d' abitar qua. Ed el dschet *ad els*: It via!

3. Ed ün *da quels* dschet: Ah tü, cha 't plascha da gnir con teis serviaints. El dschet: Eu vögl ir.

4. Contuot get el con els, e, siand rivats al Giordan, as mettettan els a tagliar giò la laina.

5. E dvantet cha, büttand giò ün toc lain, ad ün *da quels* erodet il fier *da sia sgür* nell' aua; pelqual el bragit, e dschet: Ah, meis signur! Eir l' avair' eu ad impraist.

6. Ma l' hom da Dieu dschet: Ingio ais el erodâ? Ed el al mosset il lö. Lura taglet el giò ün lain, e 'l büttet là, e fet nodar il fier suravia;

7. E dschet *a quel*: Piglia 'l. Ed el stendet il man, e 'l piglet.

8. Ma il rai da Siria faiva guerra conter Israel, e 's cosgliaiva con seis serviaints, dschand: Eu vögl metter champ in tal e tal lö!

9. E l' hom da Dieu tramettet a dir al rai d' Israel: T' inguarda, cha tü non passast quel lö; perche ils Siriers sun qua sün aguet.

10. E 'l rai d' Israel tramettaiva pro quel lö, cha l' hom da Dieu l' avaiava dit, e dal qual el l' avaiava avisâ, e 's perchüraiva *da passar per là*; e *quaist dvantet* plü d' üna, e da duos voutas.

11. E 'l cour del rai da Siria as conturblet per quai, ed el clamet seis serviaints, e dschet ad els: Non am volais vus declerar, chi dels noss *trametta* pro al rai d' Israel?

12. Ma ün da seis serviaints *al* dschet: E non *ais ingün*, o rai, meis signur, ma il profet Elisa, chi *ais* in Israel, declera al rai d' Israel ils plets istess, cha tü dist nella chambra, nella quala tü dormast.

13. Ed el dschet: It, e guardai ingio ch' el *ais*, ed eu vögl trametter al tour. Ed al füt refert, e dit: Mera, l' ais in Dotan.

14. Ed el tramettet via chavals, e charra, ed üna granda armada, la quala rivet là da not, ed increset la città.

15. Ma la mattina a bun' ura stet sü il serviaint del hom da Dieu, e get oura, e vèzzet l' armada, chi incresav la città, e chavals, e charra. E quel serviaint dschet al hom da Dieu: Ah, meis signur, co volain nus far?

16. Ma el dschet: Non at tmair! Perche plüs *sun* quels chi *sun* con nus, co quels chi *sun* con els.

17. Ed Elisa uret, e dschet: Ah Segner, avr' ils ögls da quaist, acio ch' el vezza. E'l Segner avrit ils ögls del servaint, ed el vezzet; e mera, il munt eira plain da chavals, e da charra da fö, intuorn Elisa.

18. Ils Siriers lura gnittan giò vers Elisa. Ed el fet oraziun al Segner, e dschet: Eu 't rouv, batta quaist pövel con orbantüm. Ed el ils battet con orbantüm, seguond il pled d' Elisa.

19. Ed Elisa dschet ad els: Quaista non *ais* la via, e quaista non *ais* la città; gni davo mai, ed eu 's vögl condür pro l' hom, il qual vus tscherchais. Ed el ils manet in Samaria.

20. E, cur els füttan intrats in Samaria, Elisa dschet: O Segner, avr' ils ögls a quaists, acio cha vezzan. E'l Segner avrit ad els ils ögls, ed els vezzettan, ch' eiran in mez da Samaria.

21. E'l rai d' Israel, cur el ils avet vis, dschet ad Elisa: Dess eu batter, dess eu batter, meis bap?

22. Ma el dschet: Non ils batter; batta quels cha tü hast tut preschun con tia spada, e con teis balaister! Mett' avant ad els pan, ed aua, acio cha mangian, e baivan, e lura, cha gjaian pro lur signur.

23. E'l rai als fet ün grand apparechamaint da vivanda; e quels mangettan, e bavettan; lura ils licenziet el, ed els gettan pro lur signur. Da quel di 'navant non gnittan ils Siriers plü a troppas, per far scurrarias nel pajais d' Israel.

24. Ma dvantet, davo quaistas chossas, cha Benhadad, il rai da Siria, raspet tuot seis exercit, e muntet sü, e mettet l' assedio a Samaria.

25. E qua füt granda fam in Samaria, e mera, *ils Siriers* la tgaivan stret tant löneh, cha la testa d' ün asen valet ottanta *siccals* d' argient, e la quarta part d' ün cab d' aldüm da colomb tschinch *siccals* d' argient.

26. Ma dvantet cha, passand il rai d' Israel sün la müraglia, üna duonna al bragit, dschand: O rai, meis signur, salva 'm!

27. El dschet: Il Segner non at salva; dinuonder at dess eu dar salvamaint? Dal iral, o dal torchel?

28. Impero il rai la dschet: Che't manca? Ed ella dschet: Quaista duonna m' avaiva dit: Dà nan qui teis figl, e'l mangiain hoz, e daman volains mangiar il meis.

29. Usche avain nus cot meis figl, e mangiâ; ma il di davo, cur eu l' ha ditta: Dà nan qua teis figl, e'l mangiain, schi l' ha ella zoppâ.

30. Cur il rai avet incelet ils plets da quella duonna, scharpet el sia vestimainta. Ma el passaiva sün la müraglia, e'l pövel guardet, e mera, *il rai* avaiva ün pann da sach aint-suot sün sia charn.

31. E'l rai dschet: * Usche 'm fet-scha Deis, ed amo plü, scha la testa d' Elisa, figl da Safat, resta hoz sur el.

* Rut. 1, 17. 1 Reg. 19, 2.

32. Ma Elisa sezzaiva in sia chasa, e 'ls seniurs sezzaivan sper el, *e'l rai* tramettet ouravant ün hom dels seis; ma avant cha 'l mess füt gnü pro el, dschet Elisa als seniurs: Non vezzais vus, cha 'l figl da quel omicidei ha tramiss per am tour la testa? Guardai, cur cha 'l mess vain, schi serrai l' üsch, ed impedi, serrand l' üsch con forza, ch' el non intra. Il strepit dels peis da seis signur, non vain el davo el?

33. El tschantschaiva amo con els, e mera, il mess gnit giò pro el, e dschet: Mera, quaist mal proceda dal Segner, che dess eu plü sperar sün il Segner?

CHAP. VII.

Elisa predisch abundanza als Samaritans. Ils Siriers fügen. Il chapitani incredul vain dal pövel trapplâ suot, e mazzâ.

LURA dschet Elisa: Tadlai il pled del Segner: Usche ha dit il Segner: Daman a quaist' ura *s' averà* il stêr da flur farina per ün siccal, e dua stêra d' üerdi *eir* per ün siccal, alla porta da Samaria.

2. Ma il chapitani, sül man del qual il rai as pozaiva, respondet al hom da Dieu, e dschet: Mera, il Segner farà fanestras in tsel! Podess però quaist dvantar? *Elisa* al dschet: Mera, tü vezzerast con teis ögls, ma non mangerast.

3. * Ma all' intrada della porta eiran quatter homens levrus; e quels dschettan l'ün al oter: Perche stain nus qui, fin cha nus sajans morts? * Lev. 13, 46.

4. Scha nus dschain d' intrar nella città, schi *ais qua* la fam, e nus stovain morir là; stain nus qui, schi morin nus eir; contuot gni uossa, e laschâ'ns ir, ans render nel champ dels Siriers; scha'ns laschan in vita, schi volain nus viver; e pür, scha'ns fan morir, schi volains morir.

5. Usche stettan els sü la saira per intrar nel champ dels Siriers, e, siand gnüts fin al extrem del champ, mera, e non *eira* alchün *qua*.

6. Perche il Segner avaiva fat strasunar nel champ dels Siriers üna romur da charra, e da chavals, e d' ün grand exercit, pelqual els dschaivan l'ün l'oter: Mera, il rai d' Israel ha finâ sü conter nus ils rais dels Hetits, e 'ls rais dels Egipters, per cha vegnan conter nus.

7. Ed els eiran alvats, e fügits la saira, ed avaivan laschâ lur tendas, e lur chavals, e lur asens, e 'l champ nel stadi sco ch'el *eira*; ed eiran fügits, *chi qui, chi là*, seguond il volair da scodün.

8. Contuot gnittan quels levrus fin al extrem del champ, ed intrand in üna tenda, mangettan, e bavettan els, e piglettan davent argient, ed or, e vestimainta, e gettan, e zoppettan *quai*; lura turnettan els, e gettan in ün'otra tenda, e piglettan eir da là *davent*, e gettan, e 'l zoppettan.

9. Ma lura dschettan els l'ün l'oter: Nus non fain bain; quai. di ais ün di da bunas novellas; e scha nus taschain, e spettain fin al sclerir del di, gnin nus a redschaiver la paina da nos fal. Gni dimena uossa, e giain a rapportar il fat nella chasa del rai.

10. Usche gnittan els, e clamettan allas guardias allas portas della città, e 'ls fettan a savair *il fat*, dschand: Nus eschan intrats nel champ dels Siriers, e mera, *qua non eira* ingün, ne vusch alchüna da crastian; ma solum ils chavals, e 'ls asens liats, e las tendas sco cha l' *eira il prim*.

11. Lura clamettan las guardias del-

las portas, e fettan a savair *il fat* nella chasa del rai.

12. E 'l rai stet sü da not, e dschet a seis serviaints: Uossa's vögl eu decelerar, che cha 'ls Siriers ans han fat; els han savü, cha nus *eschan* famantats, e perquai sun els its our dal champ, per as zoppar sün la champagna, dschand: Cur els vegnan our dalla città, ils volain nus tour vivs, ed intrar nella città.

13. Ma ün dels serviaints del rai respondet, e dschet: Bain, schi cha 's piglia tschinch da quels chavals, chi sun vanzats nella città; (mera, els sun sco tuot la blerüra d' Israel, chi ais vanzada in quella; sco tuot la blerüra d' Israel, chi ais perida) e tramettain a guardar *che cha saja*.

14. Els piglettan dimena duos charrs, e 'ls chavals; e 'l rai tramettet *homens* davo l' exercit dels Siriers, dschand: It, e guardai!

15. E quels gettan davo als Siriers fin al Giordan, e mera, tuot la via *eira* plaina da vestimainta, e d' üsaglias, cha 'ls Siriers avaivan büttâ via, festinand a *fügir*. E quels mess turnettan dacheu, e rapportettan il fat al rai.

16. Lura get our' il pövel, e butinet il champ dels Siriers, e 'l stêr da flur farina s' avet per ün siccal, e dua stêra d' üerdi *eir* per ün siccal; * seguond il pled del Segner. * v. 1.

17. E 'l rai postet alla porta il chapitani, sül man del qual el s' appozaiava, e 'l pövel il trapplet suot nella porta, ed el morit; seguond cha 'l hom da Dieu avaiva dit, cur el favlet il rai lura ch'el gnit giò pro el.

18. Perche, cur l' hom da Dieu favlet il rai, dschand: Daman a quai. ura, s' averà il stêr da flur farina alla porta da Samaria per ün siccal, e dua stêra d' üerdi *eir* per ün siccal;

19. Quel chapitani avaiva respus al hom da Dieu, ed avaiva dit: Mera, il Segner farà fanestras in tschel! Po però quai. dvantar? Ed el l' avaiva dit: Mera, tü vezzerast con teis ögls, ma non mangerast.

20. Ed usche l' inscontret; perche il pövel il trapplet suot nella porta, ed el morit.

CHAP. VIII.

Elisa predisch la fam per il spazi da set ans, ed a Benhadad, al rai da Siria, la mort; ed a Hazael il reginam. Joram regna sur Giuda; Ahazia, seis figl, al succeda.

MA Elisa favlet a quella duonna, * il figl della quala el avaiva turnantâ in vita, dschand: Leva sù, vâ davent con tia famiglia, e dmura in gio tû poderast; perche il Segner ha clamâ nan la fam, ed ella gnarà nel pajais per set ans.

2. Contuot stet sù quella duonna, e fet seo l' hom da Dieu l' avaiva ditta, e get davent con sia famiglia, e dmu- ret nel pajais dels Filistins set ans.

3. Ed in temp da set ans turnet quella duonna darcheu dal pajais dels Filistins; lura get-la oura darcheu per clamar sura al rai per sia chasa, e per sias possessiuns.

4. Ma il rai tschantshaiva güst con Gehazi, il serviaint del hom da Dieu, dschand: Ah tû, requinta 'm tuot las grandas chosas ch' Elisa ha fat.

5. Ed, intant ch' el requintaiv' al rai, co l' avaiva turnantâ in vita ün mort, mera, la duonna, il figl della quala *Elisa* avaiva turnantâ in vita, gnit a clamar sur' al rai per sia chasa, e per sias possessiuns. E Gehazi dschet: O rai, meis signur, quaiست' *ais* quella duonna, e quaiست seis figl, il qual Elisa ha turnantâ in vita.

6. E 'l rai domandet la duonna, ed ella al requintet *il fat*. E 'l rai la det ün eunuco, al qual el dschet: Fà restituir a quaiста tuot quai chi 'l *ap- pertegna*, e tuot ils früts da sias possessiuns, dal di ch' ella bandunet il pajais, infin uossa.

7. Ma Elisa gnit a Damasco, e Benhadad, il rai da Siria, eira amalà, e'l füt refert, ch' ün hom da Dieu saja gnü là.

8. E 'l rai dschet a Hazael: * Pigl' ün presaint in man, e vâ via per chattar l' hom da Dieu, e domanda tras el il Segner, sch' eu guarescha da quaiست' infirmità?

* 1 Reg. 14, 2. 3.

9. Hazael dimena get al chattar, e piglet ün presaint in man, e la chargia da quaranta chamêls, con tuot las chosas las plü exquisitas da Damasco, e gnit, e 's presantet avant el, e dschet: Benhadad, il rai da Siria, teis

figl, m' ha tramiss pro tai per at dir: Vegn eu a guarir da quaiست' infirmità?

10. Ed Elisa dschet ad el: Vâ, di ad el: Tû vainst a guarir; impero m' ha il Segner fat vair, ch' el pertschert vain a morir.

11. Lura 's mettet l' hom da Dieu a guardar fissamaing *sün Hazael*, tant ch' el as turpiet; lura cridet el.

12. Ed Hazael dschet: Perche erida meis signur? Ed el dschet: * Perche ch' eu sa il mal, cha tû vainst a far als infants d' Israel: Tû vainst a metter a fô e flamma lur fortezzas, e con la spada vainst a mazzar lur giuvens, e lur infants a † büttar via per terra, ed a fender sù lur donans gravidas.

* 2 Reg. 10, 32. 12, 17. † 2 Reg. 15, 16. Os. 13, 16.

13. Hazael dschet: Ma schi che, *ais* teis serviaint, ün chan, per far quai-stas grandas chosas? Elisa dschet: Il Segner m' ha fat vair, cha tû *vainst ad esser* rai sur la Siria.

14. Ed *Hazael* as partit davent d' Elisa, e gnit pro seis signur. E quel al dschet: Che t' ha dit Elisa? Ed el dschet: El m' ha dit cha tû pertschert guarirast.

15. E 'l di davo piglet Hazael üna coverta da let, e l' aviand chatschada nell' aua, la stendet el oura sur la fatscha da Benhadad, pelqual el morit, ed Hazael regnet in seis lö.

16. Ma, al quintavel an da Joram, del figl d' Ahab, del rai d' Israel, *essendo* Josafat amo rai da Giuda, * Joram, il figl da Josafat, comanzet a regnar sur Giuda.

* 2 Cron. 21, 4.

17. El eira d' età da trentaduos ans, cur el comanzet a regnar; e regnet ot ans in Gerusalem.

18. E chaminet la via dels rais d' Israel, seo la chasa d' Ahab avaiva fat; perche l' avaiva la figlia d' Ahab per muglier, e fet quai cha displaschet al Segner.

19. Impero, per amur da David, seis serviaint, non volet il Segner sdrür Giuda; * seguond ch' el avaiva dit a David, ch' el saimper vegn' al dar üna glüm invüdata per seis figls. * 2 Sam. 7, 13.

20. A seis temp as rebellettan ils Idumeers dall' obediencia vers Giuda, e costituittan ün rai sur els.

21. Perquai Joram passet in Sair con

tuot la charra, e d'vantet da not, ch'el stet sù, e battet ils Idumeers, chi l'avaiavan ineresâ, e 'ls chapitanis da charra. Ed il pövel fùgit pro sias tendas.

22. Inguotta main han ils Idumeers perseverâ in lur rebellun dall'obediencia da Giuda fin a quai di. In quel istess temp as rebellet eir Libna.

23. Ma, quant al rimanent dels fats da Joram, e tuot quai ch'el fet; quai-stas chosas *sun* già scrittas nel cudesch dellas cronicas dels rais da Giuda.

24. * E Joram s'indormanzet pro seis babuns, e füt sepuli con seis babuns nella città da David; ed † Ahazia, seis figl, regnet in seis lö.

* 2 Cron. 21, 10. † 2 Cron. 21, 17. 22, 6. 25, 23.

25. L'an d'esch da Joram, del figl d'Ahab, rai d'Israel, Ahazia, il figl da Joram, rai da Giuda, comanzet a regnar.

26. Ahazia *eira* d'età da vainch e duos ans, cur el comanzet a regnar, e regnet ün an a Gerusalem. E 'l nom da sia mamma *eira* Atalia, la figlia d'Omri, del rai d'Israel.

27. Ed el chaminet la via della chasa d'Ahab, e fet quai cha displaschet al Segner, sco la chasa d'Ahab; perche el *eira* dschender della chasa d'Ahab.

28. Ed el get con Joram, il figl d'Ahab, alla guerra conter Hazael, il rai da Siria in Ramot da Gilead; ed ils Siriers plajettan Joram.

29. E 'l rai Joram turnet inavo, per as far medgiar in Jezreel dallas feridas, cha 'ls Siriers l'avaiavan dat in Rama, cur el combattet conter Hazael, il rai da Siria. Ed Ahazia, il figl da Joram, rai da Giuda, gnit giò per visitar Joram, il figl d'Ahab, in Jezreel; perche l'*eira* amalà.

CHAP. IX.

Jehu, siand onschü rai sur Israel, mazza Joram, il rai d'Israel, ed Ahazia, il rai da Giuda; sco eir Izebel, il corp della quala vain magliâ dals chans.

LURA clamet il profet Elisa ün dels figls dels profets, e dschet ad el: * At tschinta ils flanes, e piglia quai-sta vaideret d'öli in man, e vâ via in Ramot da Gilead.

* 1 Reg. 19, 16.

2. E, cur tü vainst ad esser rivâ là, guarda, ingio sarâ Jehu, il figl da Josafat, del figl da Nimsi, e vâ *pro el*, e fa 'l alvar sù intanter seis frars, e maina 'l in üna chambra secretta.

3. Lura piglia il vaideret del öli, e spanda 'l sün seis cheu, e di ad el: Usche ha dit il Segner: Eu t'ha onschü per rai sur Israel. Lura avra l'üsche, e fùgia d'avent sainz' intardar.

4. Quel giuven dimena, il servaint del profet, get in Ramot da Gilead.

5. E, *cur el füt rivâ qua*, mera, ils chapitanis del exercit sezzaivan insembel. Ed el dschet: Eu ha da 't dir qualchosa, chapitani! E Jehu dschet ad el: A qual da tuots nus *tschan-tschant tü*? Ed el dschet: A tai, o chapitani!

6. Lura alvet sù *Jehu*, ed intret daint in chasa, e *quel giuven* al spandet l'öli sül cheu, e dschet ad el: Usche ha dit il Segner Deis d'Israel: Eu t'ha onschü per rai sur il pövel del Segner, sur Israel.

7. E tü batterast la chasa d'Ahab, teis signur; ed eu vögl far sur Izebel la vendetta del sang dels profets, meis servaints; e del sang da tuot ils servaints del Segner.

8. E tuot la chasa d'Ahab perirà, * ed eu vögl sdrür, chi appertegna ad Ahab, quel chi pischa vi' al mür, e chi ais serrà, e chi ais liber in Israel.

* 1 Reg. 21, 21. v. 26.

9. E vögl redür la chasa d'Ahab, * sco la chasa da Jerobeam, del figl da Nebat, e sco la chasa da Baesa, del figl d'Ahia.

* 1 Reg. 15, 29. 16, 3. 11.

10. E, * quant ad Izebel, ils chans la dessan magliar nel champ da Jezreel, e non sarâ *qua* alchün chi la sepulescha. Lur' avrit el l'üsche, e fùgit d'avent.

* 1 Reg. 21, 23.

11. E Jehu get oura pro 'ls servaints da seis signur. Ed ün da quels al dschet: Van tuots fats bain? Perche ais gnü pro tai quel hom our da sen? Ed el dschet ad els: Vus cognoschais l'hom, e quals *sun* seis dis-cuors.

12. Ma quels dschettan: *Tü non dist il vaira!* Ah tü, declera 'ns *quai ch'el t'ha dit*. Ed el dschet: El m'ha dit talas e talas chosas; cioè: Usche ha

dit il Segner: Eu t' ha onschü per rai sur Israel.

13. Scodün da quels lura piglet spertamaing seis vestimaint, e'l mettet suot el in tschimma dels schaluns. Lura sunettan els con la trombetta, e dschettan: Jehu ais fat rai!

14. E Jehu, il figl da Josafat, del figl da Nimsi, fet üna congiura conter Joram. (Ma Joram, davo esser stat a perchürar Ramot da Gilead, con tuot Israel, conter Hazael, il rai da Siria;

15. * Schi eir' el turnâ darcheu per as far medgiar in Jezreel dallas feridas, cha 'ls Siriers l'avaivan dat, cur el combattet conter Hazael, il rai da Siria.) E Jehu dschet: Scha tal ais vos volair, schi non gïaj'oura, ne scamp' alchün dalla città per ir a portar las novas in Jezreel. * 2 Reg. 8, 29.

16. Lura muntet Jehu a chaval, e get a Jezreel; perche Joram giaschaila qua; ed Ahazia, il rai da Giuda, eira gnü giò per visitar Joram.

17. Ma la guardia, chi staiva alla sentinella sün la tuor in Jezreel, veziant l'armada da Jehu chi gniva, dschet: Eu vez ün' armada da gliend. E Joram dschet: Pigl' ün hom a chaval, e trametta'l incounter ad els per domandar, scha 'ls fats van bain?

18. E l' hom a chaval get incounter a Jehu, e dschet: Usche ha dit il rai: Ils fats van els bain? E Jehu dschet: Che hast tü da far con l'ir bain? Passa via davo mai. E la guardia referit *il fat*, dschand: Il mess ais gnü fin pro els, ma non tuorna inavo.

19. Lura tramettet *il rai* ün oter hom a chaval, il qual, siand gnü pro els, dschet: Usche ha dit il rai: Las chosas passan ellas bain? E Jehu dschet: Che hast tü da far con l'ir bain? Passa via davo mai.

20. E la guardia referit *il fat*, dschand: L'ais gnü fin pro els, ma non tuorna inavo, e'l pass para il pass da Jehu, del figl da Nimsi; perche el chamina con furia.

21. Lura Joram, il rai d'Israel, dschet: Mett' ils chavals suot il charr. Ed ils chavals füttan miss suot seis charr. E Joram, il rai d'Israel, ed Ahazia, il rai da Giuda, trettan oura,

scodün sün seis charr, incounter a Jehu, e 'l chattettan nella possessiun da Nabot, del Jezreelit.

22. E, cur Joram avet vis Jehu, dschet el: Passa que bain, Jehu? Ma el dschet: Co po ir bain, intant cha diuran las fornicaziuns dad Izebel, tia mamma, e sias tantas inchantaziuns?

23. Lura volvet Joram il man, e's mettet a fùgir, e dschet ad Ahazia: O Ahazia, *qua ais* tradimaint!

24. E Jehu branclet il balaister con plain man, e ferit Joram tanter las spadlas, e la frizza al passet il cour; pelqual el erodet giò sün la snuoglia in seis charr.

25. E Jehu dschet a Bidecar, seis capitani: Piglia 'l, e bütta'l sün la possessiun del champ da Nabot, del Jezreelit; perche at regorda, cha cur eu, e tü a pèr, a chaval *giaivan* davo Ahab, seis bap, * il Segner pronunziet conter el quaist chasti. * 1 Reg. 21, 19.

26. Hersaira vazzet eu il sang da Nabot, e'l sang da seis figls, ed eu at fetsch la puniziun in quaist istess champ, disch il Segner. Contuot, piglia 'l uossa, e bütta'l in quaist champ, * seguond il pled del Segner. * 1 Reg. 13, 21.

27. Ma Ahazia, il rai da Giuda, aviad vis *quaist*, fùgit vers la chasa del üert. Ma Jehu al seguittet, e dschet: Battai eir quel sül charr. E quels il battettan pro la muntada da Gur, *chi ais* sper Ibleam; lura fùgit el in Megiddo, e morit qua.

28. E seis serviaints il condüettan sün ün charr a Gerasalem, e'l sepulittan in sia sepultira, con seis babuns, nella città da David.

29. Ma Ahazia avaiva comanzâ a regnar sur Giuda l'an ündesch da Joram, del figl d'Ahab.

30. Lura Jehu gnit in Jezreel; ed Izebel, l'aviand inclet, as glischet la vista, e's fittet il cheu, e staiva per guardar our da fanestra.

31. E, cur Jehu intraiva aint nella porta, al dschet ella: Passet que bain a * Zimri, al morder da seis signur?

* 1 Reg. 16, 10, 18.

32. Ed el ozet la vista vers la fanestra, e dschet: Chi *ais qui* da mia vart? Chi? Lura guardettan vers el duos, trais eunues.

33. Ed el dschet *ad els*: Büttâ-la a bass! E quels la büttettan a bass, e seis sang sprinzlet conter il mür, e conter ils chavals, e Jehu la trapplet suot.

34. Lura intret el, manget, e bavet, e dschet: Ah, it a guardar da quella maledetta, e sotterrâ-la, perche l' *ais* figlia da rai.

35. Quels dimena gettan per la sotterrar; ma non chattettan qua oter co il cranio, e'ls peis, e las palmas del mans.

36. E turnettan darcheu, e referittan a Jehu. Ed el dschet: Quaist ais il pled, cha' l Segner avaiva pronunziâ tras Elisa, il Tisbit, seis serviaint, dschand: * Ils chans vegnan a magliar la charn dad Izebel, nel champ da Jezreel.

* 1 Reg. 21, 23.

37. E' l corp mort d' Izebel sarà sco aldüm sün la champagna, nel champ da Jezreel; tai cha non as poderà dir: Quaist' *ais* Izebel.

CHAP. X.

Jehu desdrüa tuot la famiglia d'Ahab, ed ils frars d' Ahazia, del rai da Giuda. El fa eir mazzar tuot ils ministers da Baal, e disfar las statuas e' l tæmpel da quel. La mort da Jehu.

MA qua *eiran* in Samaria settanta figls d' Ahab. E Jehu scrivet üna charta, e la tramettet in Samaria, als seniurs principals da Jezreel, ed als chürunzs dels figls d' Ahab, da tal tenor:

2. Uossa, quanto prüma quaista charta sarà gnüda pro a vus, chi avais in vos man ils figls da vos signur, e sia charra, e chavals e cittats fermas, e las armas;

3. Schi elegiai intanter ils figls da vos signur quel, chi' l plü bain as plasherà, e mettâ' l sün il trun da seis bap, e guerragiai per la chasa da vos signur.

4. Ma quels avettan grandisma temma, e dschettan: Mera, duos rais non l' han podü star conter, schi co gnin nus al podair star conter?

5. Pelqual il guardiant del palazzi, e' l guvernatur della città, e'ls seniurs, e chürunzs, tramettettan a dir a Jehu: Nus *eschun* teis serviaints, e- volain far tuot quai cha tü vainst ans dir; nus non volain far rai alehün; fâ tü quai cha' t plasha.

6. Ed el scrivet ad els la seguonda vouta chartas da tal tenor: Scha vus *eschat* dels meis, e volais obedir a meis comands, schi pigliai las testas als figls da vos signur, e gni daman a quaist' ura pro mai in Jezreel. (Ma ils figls del rai *eiran* settanta, ed *eiran* pro'ls principals della città, chi' ls traivan sü.)

7. E, cur als gnittan quellas chartas, piglettan els ils figls del rai, *chi eiran* settanta homens, e'ls ammazzettan, ed aviand tshantâ lur testas in chana-sters, las tramettettan els a Jehu in Jezreel.

8. Ed ün mess gnit, chi' l referit il fat, dschand: Quels han portâ las testas dels figls del rai. Ed el dschet: Mettâ-las in duos mantuns avant l' intrada della porta, fin daman manvagl.

9. E la mattina *sequainta*, essendo it oura, as fermet el, e dschet a tuot il pövel: Vus *eschat* güsts! Mera, eu m' ha congürâ conter meis signur, e l' ha mazzâ; ma chi ha mazzâ tuots quaists?

10. Ma sapchat, cha inguotta del pled del Segner, ch' el ha pronunziâ conter la chasa d' Ahab, non ais erodâ a terra, e ch' el ha fat quai, dal qual * el avaiva tshantschâ tras Elia, seis serviaint.

* 1 Reg. 21, 21.

11. Jehu battet eir tuot quels, chi *eiran* vanzats dalla chasa d' Ahab in Jezreel, e tuot seis grands, e seis amis, e seis principals offizials, fin a non laschar alehün chi resta.

12. Lura's fet el sü, e' s partit, e get in Samaria. E per strada, *essendo sper* ün stavel da pasturs,

13. Chattet el ils frars d' Ahazia, del rai da Giuda, e dschet: Chi *eschat* vus? E quels dschettan: Nus *eschun* ils frars d' Ahazia, del rai da Giuda, ed *eschun* gnüts giò per salüdar ils figls del rai, e' ls figls della regina.

14. Lura dschet *Jehu als seis*: Pigliâ' ls vivs! E quels ils piglettan vivs, e'ls mazzettan sper la cisterna del stavel. *Ed eiran* quarant' e duos homens, e *Jehu* non laschet scampar via niane' ün.

15. Lura, 's partind da là, * chattet el Jonadab, il figl da Recab, *chi' l*

gniva incontro. Ed el il salüdet, e dschet ad el: Ais teis cour sincêr, seo meis cour *ais* sincêr invers il teis? E Jonadab respondet: Schi, el ais! *Scha usche* ais, *dschet Jehu*, schi da'm il man; ed el al det il man. E *Jehu* il fet muntar pro el sül charr. * Ger. 35, 6.

16. Lura al dschet el: Vè con mai, e tû vezzerast meis zeli per il Segner. El dimena füt fat muntar sül charr da quel.

17. E, *cur Jehu* füt rivâ in Samaria, * battet els tuot quels ch' eiran vanzats in Samaria *della chasa* d' Ahab, fin ch' el l' avet sdrütta; seguond il pled del Segner, ch' el avaiva dit ad Elia. * 2 Cron. 22, 8.

18. Lura Jehu raspet tuot il pövel, e dschet ad els: * Ahab ha pac servi a Baal; Jehu al servirà bler *plü*.

* 1 Reg. 16, 31.

19. Contuot clamai nan pro mai tuot ils profets da Baal, tuot seis ministers, e tuot seis sacerdots; cha non manca brich' ün; perche eu ha *da far* ün grand sacrifici a Baal; chi qua mancerà, non dess viver. Ma Jehu faiva *quaist* con astuzia, per sdrür ils ministers da Baal.

20. E Jehu dschet: Santifichai üna festa solenna a Baal! E quels la clamettan oura.

21. E Jehu tramettet per tuot Israel; e tuot ils ministers da Baal gnittan, e non restet brich' ün chi non gnit. Lur' intrettan els nel taimpel da Baal, e quel füt plain d' ün chantun al oter.

22. Lura dschet Jehu al sacristan: Port' oura vestimainta per tuot ils ministers da Baal. Ed el als manet oura la vestimainta.

23. E Jehu, e Jonadab, il figl da Recab, intrettan nel taimpel da Baal, e *Jehu* dschet als ministers da Baal: Tscherschai oura bain, e guardai, cha forse qui tanter vus non saja *qualchün* dels serviaints del Segner, ma solum ils ministers da Baal.

24. Quels dimena intrettan per far sacrificis, ed olocausts. Ma Jehu as avaiva tschantâ ottant' homens our dadoura, als quals el dschet: Sch' alchün da quaists, ch' eu's met nels mans, scampa via, la vita da quel,

chi l' averà laschâ scampar, sarà per sia vita.

25. E, cur quels avettan fini da far l' olocausto, dschet Jehu als sergents, ed als chapitanis: Intraì, battà 'ls, cha non scampa via brich' ün. Contuot ils battettan quels a fil da spada, e 'ls büttettan via, e gettan nella città del taimpel da Baal;

26. E trettan las statuas our dal taimpel da Baal, e las ardettan;

27. E rumpettan la statua da Baal, e disfettan il taimpel da quel, e 'l redüettan in condüts; *ed usche ais restâ* fin al di d' hoz.

28. Usche Jehu sterminet Baal our d' Israel.

29. Impero non as volvet Jehu dals puchats da Jerobeam, del figl da Nebat, il qual avaiva fat pechar Israel; *cioè dals* * vadels d' or, chi *eiran* in Betèl, ed in Dan. * 1 Reg. 12, 28.

30. E'l Segner dschet a Jehu: Siand cha tû hast bain esequi que chi'm plashaiva, ed hast fat alla chasa d' Ahab, seguond tuot quai ch' eu avaiva nel cour, * schi dessan zer teis figls sül trun d' Israel, fin alla quarta generaziun. * 2 Reg. 15, 12.

31. Ma Jehu non observet, da chaminar con tuot seis cour nella ledscha del Segner Deis d' Israel; el non as volvet giò dals puchats da Jerobeam, il qual avaiva fat pechar Israel.

32. In quel temp il Segner comanzet a truncar *in part* Israel; ed Hazael battet ils Israelits in tuot lur confins;

33. Vers il Giordan, dal oriaint, tuot il pajais da Gilead, e quel dels Gadits, e dels Rubenits, e dels Manasits, d' Aroer via, chi *ais* pro'l flüm Arnon, fin a Gilead e Basan.

34. Ma, quant al rimanent dels fats da Jehu, e tuot quai ch' el fet, e tuot sia fermezza; quaistas chosas *sun* già scrittas nel eudesch dellas cronicas dels rais d' Israel.

35. E Jehu s' indormanzet pro seis babuns, e füt sepuli in Samaria, e Joahaz, seis figl, regnet in seis lö.

36. E'l temp cha Jehu regnet sur Israel in Samaria füt da vainchot ans.

CHAP. XI.

Atalia mazza il sem regal da Giuda. Joas scam-
pa via, ed ais constituit rai. La mort d'Atalia. Il
pövel demolesch' il taimpel da Baal.

MA * Atalia, la mamma d' Ahazia,
veziand cha seis figl eira mort, as
fet sü, e sdrüet tuot il sem regal.

* 2 Cron. 22, 10.

2. Ma Joseba, la figlia del rai Joram,
la sour d' Ahazia, piglet Joas, il figl
d' Ahazia, e l' involt d'avent our da
mez ils infants del rai, chi gnivan
mazzats, e'l mettet con sia bêla in
üna dellas chambras dels lets; ed
usche füt el zoppâ d'avent ad Atalia, e
non füt mazzâ.

3. Ed el stet usche zoppâ con quella
il spazi da ses ans nella chasa del
Segner, ed in quel dimez Atalia re-
gnava sur il pajais.

4. * Ma il settavel an tramettet Jo-
jada a clamar ils capos da tschientinêrs
per *esser* chapitanis, e sergents,
e 'ls fet gnir pro el nella chasa del
Segner; lura mosset el ad els il figl
del rai.

5. Ed el det comand ad els, dschand:
Quaist ais quai cha vus dessat far:
La terza part da vus, cioè quels chi
intran nell'eivna, fetschan la guardia
alla chasa del rai;

6. Ed ün' otra terza part *fetscha la*
guardia alla porta da Sur; ed ün' otra
terza part alla porta via davo 'ls ser-
gents. Uusche, vus *ils prîms* dessat far
la guardia al corp del taimpel.

7. E *las otras* duos parts da vus, cioè
tuot quels chi van our dall' eivna,
dessan eir far la guardia alla chasa
del Segner per il rai.

8. E vus dessat circondar il rai da-
pertuot intuorn, aviand scodün sias
armas in man, e chi intrerà dadaint
las ordinanzas saja fat morir. Sajat
eir con il rai, cur el vain oura, e cur
el intrerà.

9. E quels capos dels tschientinêrs
fettan interamaing sco 'l sacerdot
Jojada avaiva comandâ, e scodün da
quels piglet seis homens, cioè quels
chi intraivan nell' eivna, e quels chi
giaivan oura, e gnittan pro 'l sacer-
dot Jojada.

10. E 'l sacerdot det a quels capos
dels tschientinêrs las lanschas, e 'ls

* schüts, chi *eiran stats* del rai David,
ed *eiran* nella chasa del Segner.

* 2 Sam. 8, 7. 11.

11. E 'ls sergents stettan in pê, sco-
dün con sias armas in man, dalla vart
dretta della chasa, fin alla snestra,
sper l' utêr, e la chasa, intuorn il rai.

12. Lura *Jojada* manet oura il figl
del rai, e tschantet sün el la binda re-
gala, e 'ls fittamaints; e quels il fettan
rai, e l' onschettan, e tuots, battand
palma a palma, dschaivan: Viva il rai!

13. Qua udit Atalia la romur dels
sergents, e del pövel, e gnit pro 'l
pövel nella chasa del Segner.

14. Ed ella guardet intuorn, e mera,
il rai staiva in pê sün la coluonna,
seguond l' üsanza, ed ils chapitanis,
e trombettêrs *eiran* sper il rai, e tuot
il pövel del pajais *eira* leiger, e su-
naiva con las trombettas. Lura Atalia
as sdratschet la vestimainta, e bragit:
Congüra, congüra!

15. E 'l sacerdot Jojada comandet
als capos dels tschientinêrs, chi avai-
van la condotta del exercit, e dschet
ad els: Manâ-la our dallas ordinan-
zas, e chi la seguirà saja mazzâ
con la spada; perche il sacerdot avai-
va dit: La non vegna fatta morir nel-
la chasa del Segner.

16. Quels dimena la fettan larch, e,
turnand ella per la via dell' intrada
dels chavals vers la chasa del rai, füt
ella qua mazzada.

17. * E Jojada trattet lia tanter il
Segner, e 'l rai, e 'l pövel, cha dessan
esser pövel del Segner; sumgianta-
maing tanter il rai, e 'l pövel.

* 2 Cron. 23, 16.

18. E tuot il pövel del pajais intret
nel taimpel da Baal, e 'l disfet, insem-
bel con ils utêrs da quel, e spazzet
interamaing sias imaginas, e mazzet
Matan, il sacerdot da Baal, avant ils
utêrs. Lura disponit il * sacerdot ils
offizis nella chasa del Segner.

* 2 Cron. 23, 18.

19. Ed el piglet ils capos dels tschientinêrs,
e 'ls chapitanis, e 'ls sergents,
e tuot il pövel del pajais, ed els con-
düettan il rai a bass, our dalla chasa
del Segner, e gnittan nella chasa del
rai per la via della porta dels ser-
gents. E 'l rai sezzet sül trun regal.

20. E tuot il pövel del pajais s' allegret, e la città füt in repos, davo ch' Atalia füt mazzada con la spada, nella chasa del rai.

21. Joas *eira* d' età da set ans, cur el comanzet a regnar.

CHAP. XII.

Joas, vivand Jojada, serv' al Segner, e fa restorar il taimpel. Ais mazzâ da seis serviaints. Amasia, seis successur.

L' AN set da Jehu comanzet * Joas a regnar, e regnet quarant' ans in Gerusalem. E 'l nom da sia mamma *eira* Sibia, da Beerseba. *2Cron.24,1.

2. E Joas fet quai cha plaschet al Segner, tuot il temp cha 'l sacerdot Jojada l' ammosset.

3. Inguotta main non füttan tuts via ils lous ots. Il pövel sacrifichaiva amo, e faiva profüms süls lous ots.

4. E Joas dschet als sacerdots: * Cha piglian ils sacerdots tuot ils danêrs consacrats, chi sun portats nella chasa del Segner; ils danêrs da chi passa *tanter ils nombrats*; ils danêrs per las persunas, seguond l' estim da scodün; cha *piglian eir*, scodün da seis contschaint, tuot ils danêrs, cha vain a scodün nel cour da portar nella chasa del Segner, *2 Reg. 22, 4.

5. E cha * restoreschan las rottüras della chasa del Segner, ingio cha s' acchaterà alchüna. *2 Cron. 24, 7. 8.

6. Ma nel an vainch e trais del rai Joas non avaiavan ils sacerdots *amo* restorâ las rottüras della chasa *del Segner*.

7. Pelqual il rai Joas clamet il sacerdot Jojada e 'ls *oters* sacerdots, e dschet ad els: Perche non restorais vus las rottüras della chasa? Contuot non pigliarai uossa plü danêr da voss contschaints; anzi, laschâ 'l ad els, per *restorar* las rottüras della chasa.

8. E 'ls sacerdots acconsentittan da non tour *plü* danêr dal pövel, ed eir da non avair da restorar las rottüras della chasa.

9. E 'l sacerdot Jojada piglet üna chascha, e nel vierchel da quella fet el üna foura, e la mettet sper l' utêr, dalla vart dretta, ingio s' intra nella chasa del Segner, ed ils sacerdots, chi staivan alla guardia del glim della chasa, mettaivan aint qua tuot il

danêr, chi eira portâ nella chasa del Segner.

10. E, cur els vezzaivan, cha *eira* *quabler* danêr nella chascha, * schigniv' il scrivant del rai, e 'l grandsacerdot, e davo avair quintâ il danêr chi 's chattaiva nella chasa del Segner, il liaivan els *in satchets*. *2 Reg. 22, 3.

11. Lura daivan els quel danêr quintâ in man a quels, chi avaiavan la chüra del lavurêr, chi eiran constituits sur la chasa del Segner, e quels il spendaivan als maranguns, e fabricadurs, chi lavuraivan nella chasa del Segner.

12. Ed als müradurs, ed als tagliapeidras; e per comprar lainam, e peidras tagliadas per restorar las rottüras della chasa del Segner, e per tuot quai, chi occurriva per restorar la chasa.

13. Oter non as faiva con quel danêr, chi gniva portâ nella chasa del Segner; ne vaschella d' argient per la chasa del Segner, ne furchettas, ne batschigls, ne trombettas, ne alchün oter instrumaint d' or, o d' argient;

14. Anzi gniva dat a quels, chi avaiavan la chüra dell' ouvra, ils quals con quel restoraivan la chasa del Segner.

15. E non as faiva render quint a quels homens, nels mans dels quals as daiva quel danêr, per il dar a quels chi lavuraivan pro l' ouvra; perche quels agivan fidelmaing.

16. Il danêr per la cuolpa, e 'l danêr per il pucha non gniva portâ dadaint la chasa del Segner; * quel eira per ils sacerdots. * Num. 18, 9.

17. Hazael lura, il rai da Siria, muntet sü, e guerraget conter Gat, e la piglet; lura volvet el la *fatscha* per muntar sü conter Gerusalem.

18. * Ma Joas, il rai da Giuda, piglet tuot las chosas consacradas, cha Josafat, Joram, ed Ahazia, seis buns, ils rais da Giuda, avaiavan consacrâ, ed eir quellas, ch' el sves avaiava consacrâ; e tuot l' or chi 's chattet nels tesors della chasa del Segner, e della chasa del rai, e tramettet *tuot quai* a Hazael, al rai da Siria. Qua as partit el davent da Gerusalem.

* 2 Reg. 18, 15.

19. Ma, quant al rimanent dels fats da Joas, e tuot quai ch' el fet; quaiastas chosas *sun* già scrittas nel cudesch dellas cronicas dels rais da Giuda.

20. Ma seis serviains alvettan sü, e fectan üna congiura, e battettan Joas nella chasa da Millo, nel ir giò da Silla.

21. E * Jozacar, il figl da Simeat, e Jozabad, il figl da Somer, seis serviains, il battettan, ed el morit, e füt sepuli pro seis babuns nella città da David. Ed Amasia, seis figl, regnet in seis lö.

* 2 Cron. 24, 26.

CHAP. XIII.

Joahaz regna sur Israel. La mort da Joahaz. Joas succeda. Jerobeam succeda a Joas. La mort d' Elisa. Un oter mort ais miss in sia sepultura, e tuorn' in vita.

L' AN vainch e trais da Joas, del figl d' Ahazia, del rai da Giuda, Joahaz, il figl da Jehu, comanzet a regnar sur Israel in Samaria, e regnet deschet ans.

2. E fet quai cha displaschet al Segner, e seguittet als puchats da Jerobeam, del figl da Nebat, il qual avaiva fat pechar Israel; el non as volvet davent.

3. Pelqual l' ira del Segner s' invtudet conter Israel, ed el ils det nels mans da Hazael, del rai da Siria, e nels mans da Benhadad, del figl da Hazael, tuot quel temp.

4. Ma Joahaz rovet il Segner, e l' Segner l' exodit; perche el vazzet l' oppressiun d' Israel; perche il rai da Siria ils aggravaiva.

5. Contuot det il Segner ün delibetratur ad Israel, e quels gettan our da suot il man dels Siriers, e 'ls infants d' Israel abitetan in lur tendas seo peravant.

6. Impero els non as volvetan dals puchats della chasa da Jerobeam, il qual avaiva fat pechar Israel; el chaminaiva in quels; * eir l' Astarte rumagnet in Samaria.

* 1 Reg. 16, 33.

7. Perche il Segner non avet laschâ vanzar a Joahaz oter pövel, co tschin-quanta cavalliers, e desch charra, e deschmilli peduns; perche il rai da Siria avaiva sdrüt ils Israelits, e 'ls smachand, ils avaiv' el redüts ad eser seo puolvra.

8. Ma, quant al rimanent dels fats da Joahaz, e tuot quai ch' el fet, e sia fermezza; quaiastas chosas *sun* già scrittas nel cudesch dellas cronicas dels rais d' Israel.

9. E Joahaz s' indormanzet pro seis babuns, e füt sepuli in Samaria, e Joas, seis figl, regnet in seis lö.

10. L' an trent' e set da Joas, del rai da Giuda, Joas, il figl da Joahaz, comanzet a regnar sur Israel in Samaria, e regnet saidesch ans;

11. E fet quai cha displaschet al Segner; el non as volvet davent d' alchün dels puchats da Jerobeam, del figl da Nebat, il qual avaiva fat pechar Israel; el chaminet in quels.

12. Ma, quant al rimanent dels fats da Joas, e tuot quai ch' el fet, e sia fermezza, con la quala el combattet conter Amasia, il rai da Giuda; quaiastas chosas *sun* già scrittas nel cudesch dellas cronicas dels rais d' Israel.

13. Joas s' indormanzet pro seis babuns, e Jerobeam sezzet sün seis trun, e Joas füt sepuli in Samaria con ils rais d' Israel.

14. Ma Elisa gnit amalà d' üna sia infirmità, dalla quala el morit. E Joas, il rai d' Israel, gnit giò, e eridet sur sia fatscha, e dschet: * Bap meis, bap meis; charr d' Israel, e sia chaval-leria.

* 2 Reg. 2, 12.

15. Ed Elisa dschet ad el: Porta 'm nan ün balaister, e frizzas! E Joas al portet via ün balaister, e frizzas.

16. Ed Elisa dschet ad el: Piglia il balaister aint in man. Ed el piglet il balaister, ed Elisa mettet il man sül man del rai.

17. Ed el dschet: Avra la fanestra vers l' oriaint! E, eur el l' avet averta, al dschet Elisa: Tira! Ed el tret. Ed Elisa dschet: Üna frizza da victoria del Segner; ed üna frizza da victoria sur ils Siriers, usche vainst tü a batter ils Siriers in Afec, fin ad ün' in-têra sternüda.

18. Lura dschet el: Piglia las frizzas! E, eur el las avet tut, dschet el al rai d' Israel: Batta conter la terra! Ed el battet trais voutas; lura laschet el usche.

19. E l'hom da Dieu s'adiret greva-
maing conter el, e l' dshet: Tü aves-
sast stovü batter tshinch, o ses vou-
tas; lura avessast tü battü ils Siriers
fin ad ün' intêra destrueziun; ma uos-
sa, tü non batterast ils Siriers oter co
trais voutas.

20. Ma Elisa morit, e füt sepuli. E
sün la fin del an fettan troppas dels
Moabits üna scurraria nel pajais.

21. E dvantet, cha tshertüns, sepu-
lind ün hom, mera, vezzettan quellas
troppas, e büttettan quel nella se-
pultüra d'Elisa; e quel get e toccet
l'ossa d'Elisa, e turnet in vita, e s'
drizzet in pè.

22. Contuot, aviand Hazael, il rai
da Siria, aggravâ ils Israelits tuot il
temp da Joahaz,

23. Fet il Segner ad els grazia, ed
avet compassiun d'els, e s' volvet
vers els, per amur da sia lia con
Abraham, Isac, e Jacob, e non ils
volet sdrür, * e non ils schatschet da
seis conspet fin a quai temp.

* 2 Reg. 14, 27.

24. Ed Hazael, il rai da Siria, morit,
e Benhadad, seis figl, regnet in seis
lù.

25. Ed Joas, il figl da Joahaz, piglet
darcheu dal man da Benhadad, del
figl da Hazael, las cittats, cha *Hazael*
avaiva tut a Joahaz, seis bap, nella
guerra. Joas il battet trais voutas, e s'
recuperet las cittats d'Israel.

CHAP. XIV.

Dal reginam d'Amasia, e d'Azaria, dels rais
da Giuda. Dal reginam da Joas, Jerobeam, e
Zacaria, dels rais d'Israel.

IL seguond an da Joas, del figl da
Joahaz, del rai d'Israel, * Amasia,
il figl da Joas, del rai da Giuda, co-
manzet a regnar.

* 2 Cron. 25, 1.

2. El eira d'età da vainch e tshinch
ans cur el comanzet a regnar, e re-
gnet vainch e nouv ans in Gerusalem.
E l' nom da sia mamma *eira* Joadan,
da Gerusalem.

3. El fet quai cha plaschet al Se-
gner; na però sco David, seis bap; el
fet interamaing sco avaiva fat Joas,
seis bap.

4. Solum ils lous ots non fütan tuts
via; il pövel sacrifichaiv' amo, e fai-
va profüms süls lous ots.

5. Ma, siand il reginam stabili in
seis mans, battet el seis serviaints,
chi avaivan mazzâ il rai, seis bap.

6. Ma el non fet morir lur figls, se-
guond ch' ais scrit nel eudesch della
ledscha da Mose, nella qual' il Segner
ha comandâ, cha * non as fetscha
morir ils baps per ils figls, ne 'ls figls
per ils baps; anzi, cha scodün saja
fat morir per seis propri pucha.

* Deut. 24, 16.

7. El battet ils Idumeers nella val
del sal, *in nomber* da dudesch milli
homens, e piglet Sela a forza dellas
armas, e la mettet nom Jocteel, *sco*
diüret fin ad hoz.

8. Amasia lura tramettet mess pro
Joas, il figl da Joahaz, del figl da
Jehu, il rai d'Israel, a dir ad el: Vè
nan, cha nus ans vezzan l' ün l' oter
in fatscha.

9. Ma Joas, il rai d'Israel, tramettet
a dir ad Amasia, al rai da Giuda: *
Ün spinatsch stül Libano tramettet
ünsacura a dir al ceder del Libano:
Dà tia figlia per muglier a meis figl!
Ma las bestias solvadias del Libano,
passand, trapplettan suot il spinatsch.

* Güd. 9, 15.

10. Tü hast battü grevamaing ils
Idumeers, e perquai t' ais teis cour
adozâ; t' alleigra da tia gloria, e stâ
in chasa tia! Perche at voust tü mas-
dar in ün mal, tras il qual tü croudast,
e Giuda con tai.

11. Ma Amasia non al det uraglia.
Joas dimena, il rai d'Israel, muntet
sü conter Amasia, il rai da Giuda, e
quels as vezzettan l' ün l' oter in fa-
tscha, in Betsemes, *città* da Giuda.

12. E Giuda füt battü d'Israel, e se-
düin fügüt pro sias tendas.

13. E Joas, il rai d'Israel, prendet
in Betsemes Amasia, il rai da Giuda,
il figl da Joas, del figl d'Ahazia; lu-
ra gnit el in Gerusalem, e fet üna rot-
türa nella müraglia da Gerusalem,
dalla porta d'Efraim fin alla porta
del chantun, *il spazi* du quatter-
tschient bratsehs muots;

14. E piglet tuot l' or, e l' argient, e
tuot la vashella, chi s' chattet nella
chasa del Segner, e nels tesors della
chasa del rai; *piglet* eir ostagios; lu-
ra turnet el darcheu in Samaria.

15. Ma, quant al rimanent dels fats da Joas, e sia forza, e co ch'el combattet con Amasia, il rai da Giuda; quaistas chosas *sun* già scrittas nel cudesch dellas cronicas dels rais d'Ira-
rael.

16. E Joas s'indormanzet pro seis babuns, e füt sepoli in Samaria, con ils rais d'Israel; e Jerobeam, seis figl, regnet in seis lö.

17. Ed Amasia, il figl da Joas, del rai da Giuda, vivet *amo* quindesch ans davo la mort da Joas, del figl da Joahaz, del rai d'Israel.

18. * Ma, quant al rimanent dels fats d'Amasia; quaistas chosas *sun* già scrittas nel cudesch dellas cronicas dels rais da Giuda. * 2 Cron. 25, 27.

19. Ma qualcheüns fettan üna congüra conter el in Gerusalem, ed el fügit in Lachis; ma quels al tramettettan davo in Lachis, e 'l mezzettan qua.

20. E da là füt el manâ sün chavals, e füt sepoli in Gerusalem, pro seis babuns, nella città da David.

21. E tuot il pövel da Giuda piglet Azaria, d'età da saidesch ans, e 'l costituittan rai in lö d'Amasia, seis bap.

22. El edifichet Elat, l'aviand darcheu acquistada a Giuda, davo cha 'l rai füt indormanzâ via pro seis babuns.

23. L'an quindesch d'Amasia, del figl da Joas, del rai da Giuda, Jerobeam, il figl da Joas, del rai d'Israel, comanzet a regnar in Samaria, e regnet quarant' ün an;

24. E fet quai cha displaschet al Segner; el non as volvet davent d'alchün dels puchats da Jerobeam, del figl da Nebat, il qual avaiva fat pechar Israel.

25. Quaist restabilit darcheu ils confins d'Israel, dall'intrada da Hemat fin al mâr della champagna; seguond il pled del Segner Deis d'Israel, ch'el avaiva pronunziâ tras il profet* Giona, seis servaint, il figl d'Amitai, il profet, il qual *eira* da † Gat-Hefer.

* Gioan. 1, 1. † Gios. 19, 13.

26. Perche il Segner vèzzet l'afflicziun d'Israel, chi *eira* fieh aspra; e cha *qua* non *eira plü*, ne serrâ aint, ne liber, ne ün chi succurriess Israel.

27. E 'l Segner non avai' *amo* tshantschâ, da chassar our' il nom d'Israel suot il tshel, ed usehe ils salvet el tras man da Jerobeam, del figl da Joas.

28. Ma, quant al rimanent dels fats da Jerobeam, e tuot quai ch'el fet, e sia forza, con la quala el guerraget, e con la quala el darcheu acquistet ad Israel Damasco, ed Hemat, *chi eiran stattas* da Giuda; quaistas chosas *sun* già scrittas nel cudesch dellas cronicas dels rais d'Israel.

29. E Jerobeam s'indormanzet pro seis babuns, *cioè* pro 'ls rais d'Israel, e Zacaria, seis figl, regnet in seis lö.

CHAP. XV.

Azaria, il rai da Giuda, ais battü con levrusia; Jotam, seis figl, al succeda. Zacaria rai d'Israel. Sallum regna davo el; e siand mazzâ da Menahem, regna quel. Pecaja al succeda. Jotam regna in Gerusalem, ed Ahaz al succeda.

L'AN vainch e set da Jerobeam, del rai d'Israel, * Azaria, il figl d'Amasia, del rai da Giuda, comanzet a regnar. * 2 Reg. 14, 21.

2. El eira d'età da saidesch ans, cur el comanzet a regnar, e regnet in Gerusalem tshinquant' e duos ans. E 'l nom da sia mamma *eira* Jecolia, da Gerusalem.

3. Ed el fet quai cha plaschet al Segner, interamaing sco avaiva fat Amasia, seis bap.

4. Solum non füttan tuts via ils lous ots; il pövel sacrifichaiv' *amo*, e faiva profüms süls lous ots.

5. * Ma il Segner battet il rai, ed el füt levrus fin al di da sia mort, † e dmuret in üna chasa d'vart, e Jotam, il figl del rai, *eira* intendent del pajais, e rendaiva raschun al pövel del pajais. * 2 Cron. 26, 19. † Lev. 13, 46.

6. Ma, quant al rimanent dels fats d'Azaria, e tuot quai ch'el fet; quaistas chosas *sun* già scrittas nel cudesch dellas cronicas dels rais da Giuda.

7. Ed Azaria s'indormanzet pro seis babuns, e füt sepoli con seis babuns, nella città da David; e Jotam, seis figl, regnet in seis lö.

8. L'an trentot d'Azaria, del rai da Giuda, Zacaria, il figl da Jerobeam, comanzet a regnar sur Israel in Samaria, e regnet ses mais;

9. E fet quai cha displaschet al Segner, seo avaiyan fat seis babuns; el non as volvet d'avent dals puchats da Jerobeam, del figl da Nebat, il qual avaiya fat pechar Israel.

10. Ma Sallum, il figl da Jabes, congüret conter el, e 'l battet in presen-za del pövel, e 'l mazzet, e regnet in seis lö.

11. Ma, quant al rimanent dels fats da Zacaria, mera, quaistas chosas *sun* già scrittass nel eudesch dellas cronicas dels rais d'Israel.

12. Quaist *füt il compliment del* pled del Segner, ch'el avaiya dit a Jehu: * Teis descendents dessan zer stül trun d'Israel, fin alla quarta genera-ziun. Ed usche dvantet. * 2 Reg. 10, 30.

13. Sallum, il figl da Jabes, coman-zet a regnar l'an trent' e nouv d'Uzia, del rai da Giuda. E, cur l' avet regnä in mais intêr in Samaria,

14. Menahem, il figl da Gadi, da Tirsä, muntet sü, ed intret in Sama-ria, e battet Sallum, il figl da Jabes, in Samaria, e 'l mazzet, e regnet in seis lö.

15. Ma, quant al rimanent dels fats da Sallum, e la congüra ch'el fet, mera, quaistas chosas *sun* già scrittass nel eudesch dellas cronicas dels rais d'Israel.

16. Lura Menahem battet *la città da* Tirsä, e tuot quels chi eiran laint, e seis confins, gñand da Tirsä. El la battet, cha non al avaiyan avri *las portas*, e fendet sü tuot las donans gravidas da là.

17. L'an trent' e nouv d'Azaria, del rai da Giuda, Menahem, il figl da Gadi, comanzet a regnar sur Israel, e *regnet* desch ans in Samaria;

18. E fet quai cha displaschet al Segner; tuot il temp da sia vita non as volvet el d'avent dals puchats da Jerobeam, del figl da Nebat, il qual avaiya fat pechar Israel.

19. * Ful *lura*, il rai dels Assiriers, gñit conter il pajais, e Menahem al det milli talents d'argient, acio ch'el al sporschess agüd, per fermar il re-ginam in seis mans. * 1 Cron. 5, 26.

20. E Menahem imposet quels da-nêrs ad Israel, a tuot quels chi eiran possants in facultà, per ils dar al rai

dels Assiriers; tschinquanta sieccals d'argient per testa. Usche turnet ina-vo il rai dels Assiriers, e non as fer-met qua nel pajais.

21. Ma, quant al rimanent dels fats da Menahem, e tuot quai ch'el fet; quaistas chosas *sun* già scrittass nel eudesch dellas cronicas dels rais d'Israel.

22. E Menahem s'indormanzet pro seis babuns, e Pecaja, seis figl, regnet in seis lö.

23. L'an tschinquanta d'Azaria, del rai da Giuda, Pecaja, il figl da Mena-hem, comanzet a regnar sur Israel in Samaria, e *regnet* duos ans.

24. Ed el fet quai cha displaschet al Segner; el non as volvet d'avent dals puchats da Jerobeam, del figl da Ne-bat, il qual avaiya fat pechar Israel.

25. E Peca, il figl da Remalia, seis chapitani, as congüret conter el, e 'l battet in Samaria, nel palazzi della chasa regala con Argob, e con Arie; e Peca avaiya con el tschinquant' ho-mens Gileadits. Usche il mazzet el, e regnet in seis lö.

26. Ma, quant al rimanent dels fats da Pecaja, e tuot quai ch'el fet, me-ra, quaistas chosas *sun* già scrittass nel eudesch dellas cronicas dels rais d'Israel.

27. L'an tschinquant' e duos d'Azaria, del rai da Giuda, Peca, il figl da Remalia, comanzet a regnar sur Israel in Samaria, e *regnet* vainch ans;

28. E fet quai cha displaschet al Segner; el non as volvet d'avent dals puchats da Jerobeam, del figl da Ne-bat, il qual avaiya fat pechar Israel.

29. Al temp da Peca, del rai d'Israel, gñit * Tiglat-Pileser, il rai dels Assi-riers, e piglet † Jon, ed Abel-Betma-aca, e Janoa, e Cedès, ed Hasor, e Gilead, e la Galilea, tuot il pajais da Naftali, e manet il pövel in preschun in Assiria. * 1 Cron. 5, 26. † 1 Reg. 15, 20.

30. Ma Hosea, il figl d'Ela, fet con-güra conter Peca, il figl da Remalia, e 'l battet, e 'l mazzet, e regnet in seis lö, l'an vainch da Jotam, del figl d'Uzia.

31. Ma, quant al rimanent dels fats da Peca, e tuot quai ch'el fet, mera, quaistas chosas *sun* già scrittass nel

eudesch dellas cronicas dels rais d'Israel.

32. L'an duos da Peca, del figl da Remalia, del rai d'Israel, * Jotam, il figl d'Uzia, del rai da Giuda, comanzet a regnar.

* 2 Cron. 27, 1.

33. El eira d'età da vainch e tschinch ans, cur el comanzet a regnar, e regnet saidesch ans in Gerasalem. E'l nom da sia mamma eira Jerusa, la figlia da Sadoc.

34. Ed el fet quai cha plaschet al Segner; interamaing sco avaiva fat Uzia, seis bap, fet el.

35. Solum non füttan tuts via ils lous ots; il pövel sacrifichaiv' amo, e faiva profüms süls lous ots. Quel edificet la porta sura della chasa del Segner.

36. Ma, quant al rimanent dels fats da Jotam, e tuot quai ch'el fet; quai-stas chosas *sun* già scrittas nel eudesch dellas cronicas dels rais da Giuda.

37. * In quel temp comanzet il Segner a trametter conter Giuda, Resin, il rai da Siria, e Peca, il figl da Remalia.

* 2 Reg. 16, 5. Es. 7, 1.

38. E Jotam s'indormanzet pro seis babuns, e füt sepuli con seis babuns nella città da David, seis bap. Ed Ahaz, seis figl, regnet in seis lö.

CHAP. XVI.

Ahaz regna in Gerasalem. El fa lia con il rai dell'Assiria. El bëtta suotsura il servezen da Dieu. Sia mort; ed Hischia al succeda.

L'AN descheset da Peca, del figl da Remalia, Ahaz, il figl da Jotam, del rai da Giuda, comanzet a regnar.

2. Ahaz *eira* d'età da vainch ans, cur el comanzet a regnar, e regnet saidesch ans in Gerasalem, e non fet quai cha plaschet al Segner seis Deis, sco *avaiva fat* David, seis bap;

3. Ma chaminet la via dels rais d'Israel; * fet eir passar seis figl tras il fö, seguond las abominaziuns dels pövels, ils quals il Segner avaiva şchatschâ our davant ils infants d'Israel.

* Lev. 13, 21.

4. El sacrifichaiva, e faiva profüms süls lous ots, e sün las muottas, e suot ogni bösch verd.

5. * Resin lura, il rai da Siria, e Peca, il figl da Remalia, rai d'Israel,

muntettan sü inarmats conter Gerasalem, ed assediëttan Ahaz; ma non podettan disfar *la città*.

* Es. 7, 1. 4.

6. In quel temp Resin, il rai da Siria, acquistet darcheu Elat als Siriers, e şchatschet ils Güdeus our d'Elat; usche ils Idumeers intrettan darcheu in Elat, ed abittettan qua infin ad hoz.

7. Ed Ahaz tramettet ambaschadurs pro Tiglat-Pileser, il rai dels Assiriers, a dir ad el: Eu *sun* teis servi-aïnt, e teis figl; vè nan, e salva'm dals mans del rai da Siria, e dals mans del rai d'Israel, ils quals sun alvats sü conter mai.

8. Ed Ahaz piglet l'argient, e l'or, chi's chattet nella chasa del Segner, e nels tesors della chasa regala, e tramettet ün dun al rai dels Assiriers.

9. E'l rai dels Assiriers l'acconsentit, e muntet sü conter Damasco, e la piglet, e * manet il pövel in preschun a Chir, e fet morir Resin.

* Amos 1, 5.

10. E'l rai Ahaz get incounter a Tiglat-Pileser, al rai dels Assiriers, in Damasco; ed, aviand vis l'utër chi *eira* in Damasco, tramettet il rai Ahaz al sacerdot Uria il retrat da quel utër, e la figüra da tuot seis lavurër.

11. E'l sacerdot Uria edificet l'utër; el il fet interamaing seguond quel, cha'l rai Ahaz l'avaiva tramiss da Damasco; fin cha'l rai Ahaz füt turnâ da Damasco.

12. E cur il rai füt gnü da Damasco, ed avet vis l'utër, s'approsmet el a quel, ed offerit sün quel *sacrifizis*.

13. El ardet seis olocausto, e sia offerta, e fet sia offerta da spander, e sprinzlet il sang da seis sacrifici d'ingraziamaint sün quel utër.

14. El fet alvar via l'utër d'aram, chi *eira* avant il Segner, davent dalla chasa, acio ch'el non *saja* tanter seis utër, e la chasa del Segner; e'l mettet dalla vart da quel *oter* utër vers il settentrion.

15. E'l rai Ahaz comandet al sacerdot Uria, dschand: Arda sün l'utër grand * l'olocausto della mattina, e l'offerta della saira; e l'olocausto del rai, e sia offerta, e 'ls olocausts da tuot il pövel del pajais, e lur offertas da spaisa, e da spander; e spanda sün quel tuot il sang dels olocausts, e tuot

il sang dels sacrificis; ma, quant al utêr d'aram, starà a mai da retscherchar l'ulteriur.

* Ex. 29, 39. 40. 41.

16. E'l sacerdot Uria fet interamaing seguond cha'l rai Ahaz l'avaiva comandâ.

17. Hrai Ahaz, in ultra, taglet in pezas * ils sostegn sats a quader, ed alvet via ils batschigls da quels sostegn; mettet eir il mâr giò dals bovs d'aram, chi *eiran* suot quel, e'l pozet süin l'aster da crap.

* 1 Reg. 7, 27. 28.

18. Mettet eir davent dalla chasa del Segner l'andit covert del sabbat, chi eira stat edifichâ nella chasa, e piglet via l'intrada dadoura del rai per chaschun del rai dels Assiriers.

19. Ma, quant al rimanent dels fats d'Ahaz; quaiestas chosas *sun* già scrittas nel cudesch dellas cronicas dels rais da Giuda.

20. Ed Ahaz s'indormanzet pro seis babuns, e füt sepuli con seis babuns nella città da David. Ed Hischia, seis figl, regnet in seis lö.

CHAP. XVII.

Osea regna in Samaria; la città da Samaria praisa; Israel transportâ in Assiria. Il rai dels Assiriers trametta pövel per abitar in Samaria. Il Segner als trametta liuns chi 'ls mazzan.

L'AN dudesch d'Ahaz, del rai da Giuda, Osea, il figl d'Ela, comandet a regnar sur Israel in Samaria, a regnet nouv ans.

2. El fet quai cha displaschet al Segner; na però sco 'ls *oters* rais d'Israel, chi eiran stats avant el.

3. Salmaneser, il rai dels Assiriers muntet conter el, ed Osea al füt sogget, e'l pajaiva tribut.

4. Ma il rai dels Assiriers scovrit üna congüra pro Osea; ch'el avaiva tramiss ambaschadurs pro So, il rai d'Egipto, e non avaiva pajâ il tribut annual al rai dels Assiriers; dinuonder il rai dels Assiriers il serret aint, e'l mettet in tscheps in preschun.

5. E'l rai dels Assiriers muntet sur tuot il pajais, e gnit in Samaria, e la tgniet in assedio trais ans.

6. * Nel novavel an d'Osea, il rai dels Assiriers piglet aint Samaria, e manet ils Israelits in preschun in Assiria, e 'ls fet abitar in Hala, ed

in Habor, *sper il flüm Gozan*, e nellas cittats da Media.

* 2 Reg. 18, 10.

7. Ma *quaist* dvantet, siand cha 'ls infants d'Israel avaivan pechâ conter il Segner lur Deis, * il qual ils avaiva trats our dal pajais d'Egipto, oursuot il man da Farao, del rai d'Egipto, ed avaivan reveri oters deis;

* Exod. 14, 30.

8. Ed eiran chaminats nels statuts dels pajans, ils quals il Segner avaiva schatschâ davant els, e *nels statuts*, cha 'ls rais d'Israel avaivan fat;

9. Ed avaivan azzoppadamaing fat chosas, chi non *eiran* drettas invers il Segner lur Deis; e s'avaivan edifichâ lous ots in tuot lur cittats, dallas tuors da guardia fin allas cittats fermas;

10. E s'avaivan drizzâ sü statuas, ed * Astartes, sur ogni muot ot, e suot ogni bösch verd.

* Exod. 34, 13. Deut. 12, 2.

11. E qua avaivan els fat profüms in ogni lö ot, sco 'ls pövels, cha'l Segner avaiva transportâ via davant els; ed avaivan fat chosas malas, per grittantar il Segner;

12. Ed avaivan servi als idols, dals quals il Segner avaiva dit ad els: Non farai quai!

13. E bain cha'l Segner avet protestâ ad Israel, ed a Giuda tras tuot seis profets, e *tras* tuot ils vidaints, dschand: * As converti da vossas vias malas, ed observai meis comandaints, e meis statuts, seguond tuot la ledscha, la quala eu ha comandâ a voss babuns, e la quala eu s'ha tramiss tras ils profets, meis servaints,

* Jerem. 18, 11.

14. Non avaivan els però obedi, * anzi avaivan indüri lur colöz, sco lur babuns, chi non avaivan cret al Segner lur Deis.

* Deut. 31, 27. Mal. 3, 7.

15. Ed avaivan spretschâ seis statuts, e sia lia, la quala el avaiva contrat con lur babuns, e las protestas, ch'el avaiva fat ad els sves, ed eiran chaminats davo la vanità, dinuonder els eiran invanits, e davo 'ls pövels chi *eiran* our dintuorn els, dals quals il Segner als avaiva comandâ, cha non fessan sco quels.

16. Ed avaivan interlaschâ tuot ils comandaints del Segner lur Deis,

ed as avaivan fats duos vadels eulats, ed Astartes, ed avaivan adurà tuot l'exercit del tshel, ed avaivan servi a Baal.

17. Ed avaivan * fat passar lur figls, e lur figlias tras il fö, e s'avaivan rendüts ad ingiavins, ed ad auguris, ed eiran vendüts a far quai cha displaschet al Segner, per il grittantar.

* Lev. 18, 21.

18. * Perquai il Segner s'adiret grandamaing conter Israel, e 'ls mettet d'avent da seis conspet, e qua non restet, oter co la schlatta da Giuda suletta.

* Os. 1, 6. 7.

19. Ma Giuda non observet ils comandaments del Segner seis Deis; anzi chaminet nels statuts da quels d'Israel, chi 'ls avaivan fat.

20. Perquai sbüttet il Segner tuot il sem d'Israel, e l'affliget, e 'l det in man da rubadurs, fin ch'el l'avet chatschâ d'avent da seis conspet.

21. Perche, davo cha Israel avet scharpâ il *reginam* dalla chasa da David, e ch'els * avettan constitui rai Jerobeam, il figl da Nebat, Jerobeam sviet Israel d'avent dal Segner, e 'l fet commetter ün grand pucha.

* 1 Reg. 12, 10. 28.

22. Ed ils infants d'Israel chaminettan in tuot ils puchats cha Jerobeam avaiva commiss, e non as volvettan,

23. Fintant cha 'l Segner piglet via Israel da seis conspet, seo l'avaiva tshantschâ tras tuot ils profets, seis serviants, ed Israel füt manâ d'avent in preschun our da sia terra in Assiria, infin ad hoz.

24. E 'l rai dels Assiriers fet gnir *glied* da Babilon, e da Cuta, e d'Avva, e da Hemat, e da Sefarvaim, e la fet abitar nellas cittats da Samaria, nel lö dels infants d'Israel. E quella possidet Samaria, ed abitet lur cittats.

25. Ma il prüm cha comanzettan ad abitar qua, *quella glied* non reveriva il Segner; dinuonder il Segner tramettet liuns conter ella, ils quals mazzaivan *blers*.

26. E füt dit al rai dels Assiriers: Ils pövels cha tû hast transmüdâ, e fat abitar nellas cittats da Samaria, non san las ledshas del Deis del pajais;

dinuonder quel tramettet liuns conter els, chi 'ls mazettan; perche cha non san las ledshas del Deis del pajais.

27. Lura il rai dels Assiriers comandet, e dschet: Fat ir via ün dels sacerdots, cha vus avais manâ in preschun; cha quel giaja, ed avda là, e quel sacerdot mossa a quels, chi vegnan ad ir via las ledshas del Deis del pajais.

28. Üsche ün dels sacerdots, chi eiran stats manats in preschun da Samaria, gnit ed abitet in Betël, ed ammosset a quels, in che maniera els dovaivan reverir il Segner.

29. Inguotta main scodün da quels pövels as faiva seis deis, e 'ls mettet nella chasa dels lous ots, cha 'ls Samaritans avaivan fat; scodüna naziun *ils mettet* in sias cittats, ingio ella abitaiva.

30. Ed ils Babiloniers fettan Succot-Benot, e 'ls Cutits Nergal, e 'ls Hematits Asima.

31. E 'ls Avits fettan Nibehaz, e Tartac, ed ils Sefarvits ardaivan lur infants con il fö ad Adrammelec, ed ad Anammelec, als deis da Sefarvaim.

32. Ed els reverivan eir il Segner, e 's fettan, *tuts* da qua e da là our dad els, sacerdots dels lous ots, ils quals faivan lur *sacrifizis* nellas chasas dels lous ots.

33. * Quels reverivan il Segner, e servivan insembel a lur deis, seguond la maniera dels pövels, our dals quals els eiran stats transportats là. * Zef. 1, 5.

34. Infin a quaidi tî fan quels seguond *lur* vegls custüms; els non revereschan il Segner, e non fan, ne seguond lur statuts, e custüms, ne seguond la ledscha, e 'l comandament cha 'l Segner ha dat als infants da Giacob, * al qual el det il nom Israel.

* Gen. 32, 28. 1 Reg. 13, 31.

35. Con quels il Segner avaiva fat üna lia, e 'ls avaiva comandâ, e dit: Non reveri oters deis, e non ils adurai, e non servi, ne sacrificai ad els;

36. Anzi reveri il Segner, il qual s'ha trat our dal pajais d'Egipto, con granda forza, * e con bratsch stendü; adurai quel, e sacrificai ad el;

* Ex. 6, 6.

37. Ed observai, saimper da metter

in ouvra ils statuts, e las ordinaziuns, e las ledsehas, e 'ls comandamaints ch'els'hascrit, e non reveri oters deis;

38. E non smancharai la lia ch'eu ha fat con vus, e non reveri oters deis.

39. Ma reveri il Segner vos Deis, ed el as delibrerà da tuot voss inimis.

40. Ma quels non obedittan; anzi fectan seguond lur vegl custüm.

41. Usche quels pövels reverivan il Segner, e servivan insembel a lur sculpturas. Lur infants eir quels, e 'ls infants da lur infants fan infin ad hoz, seo fectan lur babuns.

CHAP. XVIII.

Hischia il figl Ahaz regna in Gerusalem. El rumpa la serp d'aram. Ils lods da Hischia. Sanherib tramett' ün' armada conter Gerusalem.

MA al terz an d'Osea, del figl d'Ela, del rai d'Israel, Hischia, il figl d'Ahaz, del rai da Giuda, comanzet a regnar.

2. El eira d'età da vainch e tschinch ans, cur el comanzet a regnar, e regnet vainch e nouv ans in Gerusalem. E'l nom da sia mamma *eira* Abi, la figlia da Zacaria.

3. Ed el fet quai cha plaschet al Segner, interamaing seo avaiva fat David, seis bap.

4. El piglet via ils lous ots, e spazzet las statuas, e sdrüet las Astartes, e smachet la serp d'aram cha * Mose avaiva fat; perche fin a quel temp ils infants d'Israel l'avaivan fat profüms, e la nomnaivan Nehustan.

* Num. 21, 9.

5. El mettet sia confidenza nel Segner Deis d'Israel, e mâ bricha, ne avant, ne davo el, non ais stat alchün al pèr dad el, tanter tuot ils rais da Giuda.

6. El as tgnèt vi' al Segner, e non as volvet inavo' dad el; anzi observet ils comandamaints, ch'el avaiva dat a Mose.

7. Dinuonder il Segner füt con el; ingio ch'el giaiva, prosperaiv' el. Ed el as rebellet dal rai dels Assiriers, e non al füt *plü* sogget.

8. El battet ils Filistins fin a Gaza, e *devastet* lur confins, dalla tuor della guardia, fin allas cittats fermas.

9. Ma dvantet nel quart an del rai Hischia, *chi* eira il settavel d'Osea,

del figl d'Ela, del rai d'Israel, cha Salmaneser, il rai dels Assiriers, muntet conter Samaria, e l'assediet;

10. Ed in * temp da trais ans füt ella praisa; l'an ses d'Hischia, *chi* eira il novavel d'Osea, del rai d'Israel, Samaria füt praisa. * 2 Reg. 17, 5, 6.

11. E'l rai dels Assiriers manet ils Israelits in preschun in Assiria, e 'ls fet condür in Hala, ed in Habor, *sper* il flüm Gozan, e nellas cittats da Media;

12. Siand non avaivan obedi alla vusch del Segner lur Deis, ed avaiavan transgredi sia lia, tuot quai cha Mose, il serviaint da Dieu, avava comandà; quels non avaiavan obedi, e non l'avaivan miss in ouvra.

13. Lura l'an quattordesch del rai Hischia, * Sanherib, il rai dels Assiriers, muntet sü conter tuot las cittats fermas da Giuda, e las piglet aint.

* 2 Cron. 32, 1.

14. Ed Hischia, il rai da Giuda, tramettet a dir al rai dels Assiriers, in Lachis: Eu ha fallâ; at parta da mai, ed eu pajerà quai cha tû'm metterast sü. E'l rai dels Assiriers mettet sü ad Hischia, al rai da Giuda, traja-tschient talents d'argent, e trenta talents d'or.

15. Ed Hischia det tuot l'argent, ch'i's chattet nella chasa del Segner, e nels tesors della chasa regala.

16. In quel temp Hischia stachet giò dallas portas del taimpel del Segner, e dallas chassas *las lammas d'or*, con las qualas el svesse las avaiava surtrattas, e las det al rai dels Assiriers.

17. Lura il rai dels Assiriers tramettet al rai Hischia, Tartan, e Rabsaris, e Rabsache, con üna grand' armada, da Lachis a Gerusalem. E quels muntettan sü, e gnittan in Gerusalem. E, siand rivats, as fermettan els *sper* * l'aquaduct del lai sura, chi ais nella strada del champ del fulladur. * Es. 7, 3.

18. Ed els clamettan il rai. Lura Eliachim, il figl da Hilechia, il guardiant del palazzi, e Sebna, il secretari, e Joa, il figl d'Asaf, il cancellar, gettan oura pro els.

19. E Rabsache dschet ad els: Dit uossa pür a Hischia: Usche ha dit il grand rai, il rai dels Assiriers:

Che confidenza *ais* quaiста cha tü hast?

20. Tü hast dit da cossagl e forza per la guerra na oter co plets dels lefs. Uossa dimena, in chi t' hast tü confidâ, cha tü t' hast rebellâ conter mai?

21. Mera, uossa t' hast tü confidâ sün quel * sostegn da channa ruotta, sün Egipto, sül qual sch'alchün s' appoza, schi l' intra 'l nel man, e 'l fou-ra 'l; tal ais Farao, il rai d' Egipto, a tuot quels chi's confidan in el. * Ez. 29, 6.

22. E scha vus am dschais: Nus ans confidain nel Segner nos Deis; non *ais* el *quel*, ils lous ots ed utêrs del qual Hischia ha tut via, ed ha dit a Giuda, ed a Gerusalem: Vus dessat adurar *solum* avant quaiст utêr in Gerusalem?

23. Ed uossa, schi't mett' aint ün pa con meis signur, il rai dels Assiriers; ed eu 't vögl dar duamilli chavals, secha tü poust dar *oters tants homens* chi 'ls muntan.

24. E co volessast tü far volver la fatscha ad ün dels chapitanis intanter ils minims serviaints da meis signur? Ma tü t' hast confidâ in Egipto per via da charra, e da pövel a chaval.

25. Uossa, sun eu forsa muntâ conter quaiст lö per il dazipar, sainz' il Segner? Il Segner m' ha dit: Munta conter quel pajais, e dazipa 'l.

26. Lura Eliachim, il figl d' Hilechia, e Sebna, e Joa dschettan a Rabsache: Ah tschantscha con teis serviaints in lingua Siriaca, perche nus l' inleain; e non tschantschar con nus in lingua Giudaica, il che oda il pövel che *ais* sün la müraglia.

27. Ma Rabsache respondet ad eis: Meis signur m' ha el tramiss a dir quaiст plets a teis signur, o a tai? Non *m' ha'l tramiss* pro quels chi stan sün la müraglia, per *protestar*, ch' el ils farâ mangiar lur aldüm, e baiver lur urina, insembel con vus?

28. Lura Rabsache as drizzet in pè, e bragit ad ota vusch in lingua Giudaica, e tschantschet, e dschet: Tadlai il pled del grand rai dels Assiriers.

29. Usche disch il rai: Cha Hischia non s' ingianna; perche el non as poderâ deliberar da meis man.

30. E cha Hischia non as fetscha confidar nel Segner, dschand: Il Segner pertschert ans delibrerà, e quaiста città non sarâ datta in mans del rai dels Assiriers.

31. Non tadlarai Hischia, perche il rai dels Assiriers disch usche: Fat pasch con mai, e gni oura pro mai, e scodün da vus dess mangiar da sia vit, e da seis figêr, e baiver dell' aua da sia cisterna;

32. Fin ch' eu vegn, e 's main in ün pajais, simil al vos; pajais da formaint, e da muost; pajais da pan, e da vignas; pajais d' olivas d' öli, e da meil, e vus viverat, e non morerat. Non tadlarai Hischia; perche el s' ingianna, dschand: Il Segner ans delibrerà.

33. * Ha pür ün dels deis dels pajais delibrâ seis pajais dals mans del rai dels Assiriers? * Es. 10, 10.

34. Ingio *sun* ils deis da Hemat, e d' Arpad? Ingio ils deis da Sefarvaim, da Hena, e d' Iva; han pür quels delibrâ Samaria da meis man?

35. Quai *sun quels deis*, tanter tuot ils deis da quels pajais, chi hajan delibrâ lur pajais da meis man, cha 'l Segner dovess deliberar Gerusalem da meis man?

36. E 'l pövel taschet, e non al respondet inguotta; perche tal *eira* il comand del rai: Non al responderai inguotta.

37. Ed Eliachim, il figl da Hilechia, il guardiant del palazzi, e Sebna, il secretari, e Joa, il figl d' Asaf, il cancellar, gnittan pro 'l rai Hischia, con vestimainta şcharpada, e 'l rapportettan ils plets da Rabsache.

CHAP. XIX.

Sanherib trametta a Hischia chartas, plainas d' innatschas e blastemmas conter Dieu. L' oraziun da Hischia. Esaja trametta pro Hischia, inprometta deliberaziun da seis inimis. L' armada da Sanherib disfatta tras ün angel.

E cur il rai Hischia avet inclet *quai-stas chosas*, * şcharpet el sia vestimainta, e's covernet con ün sach, ed intret nella chasa del Segner,

* Es. 37, 1. Giob 1, 20.

2. E tramettet Eliachim, il guardiant del palazzi, e Sebna, il secretari, e 'ls plü vegls dels sacerdots, covernats

con sachs pro'l profet Esaja, il figl d' Amos.

3. E quels al dschettan: Usche ha dit Hischia: Quaist *ais* ün di d' anguoscha, e da repressiun, e da blasfemia; perche ils infants sun gnüts fin all' averta della matrice, ma non *ais qua* forza da parturir.

4. Forse cha 'l Segner teis Deis ha inolet tuot ils plets da Rabsache, il qual il rai dels Assiriers, seis signur, ha tramiss, per ingiuriar il Deis vivaint, e per al far spretsch, con ils plets cha 'l Segner teis Deis ha udi: Perquai at mett' a far oraziun per il rimanent chi's chatta!

5. Contuot gnittan ils serviaints del rai Hischia pro Esaja.

6. Ed Esaja dschet ad els: Dit usche a vos signur: Usche dschet il Segner: Non at tmair per ils plets cha tü hast udi, con ils quals ils serviaints del rai dels Assiriers m' han ingiuriâ.

7. Mera, eu al vögl nel presaint dar aint ün spiert; ed el incelegerà üna fama, * e tuornerà darcheu in seis pajais, ed eu il vögl far erodar tras la spada in seis pajais. * Esaj. 37, 29.

8. Ma Rabsache turnet darcheu, e chattet il rai dels Assiriers, ch' el combattai va Libna; perche l' avai va inolet, ch' el füss parti da Lachis.

9. Qua avet el novas da Tiraca, del rai d' Etiopia, ch' ün dschaiva: Mera, l' ais trat oura per at dar battaglia. Ed aviand udi quai, tramettet el danöv mess pro Hischia, dschand:

10. Dit usche ad Hischia, al rai da Giuda: Cha teis Dieu, nel qual tü t confidast, non t' ingianna, dschand: Gerusalem non sarà datta in man del rai dels Assiriers.

11. Mera, tü hast inolet quai cha 'ls rais dels Assiriers han fat con tuot ils pajais, ils sdriand, e tü dessast scampar via?

12. Ils deis dels pövels, cha meis babuns sdriettan, da Gozan, e da Haran, e da Resef, e dels figls d' Eden, chi *sun* in Telasar, ils han quels de liberats?

13. Ingio *ais* il rai da Hemat, e'l rai d' Arpad, e'l rai della città da Sefarvaim, da Hena, e d' Iva?

14. E Hischia retschrevet quella char-

ta dal man dels mess, e la leet, lura muntet el stü nella chasa del Segner, e la splajet oura nel conspet del Segner.

15. Ed el fet oraziun avant il Segner, e dschet: * Segner Deis d' Israel, chi sezzast sur ils cherubins, tü sulet est il Deis da tuot ils reginams della terra; tü hast fat il tsel, e la terra.

* 1 Sam. 4, 4. Ps. 99, 1.

16. Segner, inclina t' uraglia, ed oda; Segner, avra teis ögls, e guarda, e taidl' ils plets da Sanherib, chi 'ls ha tramiss per ingiuriar il Deis vivaint.

17. L' *ais* vaira, Segner, cha 'ls rais dels Assiriers han sdrüt quels pövels, e lur pajais,

18. Ed han büttâ lur deis nel fö; perche quels non *evran* deis, * ma ouvra da mans da crastians, crap, e lain; perquai ils han els sdrüts.

* Ps. 115, 4.

19. Ma uossa, Segner nos Deis, ah delibera' ns da seis mans, acio cha tuot ils reginams della terra cognoschan, * cha tü sulet *est* il Segner Dieu.

* Ps. 83, 19.

20. Lura Esaia, il figl d' Amos, tramettet a dir a Hischia: Usche ha dit il Segner Deis d' Israel: Eu ha udi t' oraziun davart Sanherib, il rai dels Assiriers.

21. Quaist *ais* il pled cha 'l Segner ha pronunziâ conter el: La vergina, figlia da Sion, at spredscha, e t' fa beffa; e la figlia da Gerusalem squassa il cheu davo tai.

22. Chi hast tü spredschiâ, ed ingiuriâ? E conter chi hast tü ozâ la vusch, ed alvantâ in ot teis ögls? Conter il sanet d' Israel!

23. Tü hast tras teis mess spredschiâ il Segner, ed hast dit: Con la blerüra da mia charra sun eu muntâ sin la tshimma dels munts, fin al plü ot del Libano; eu vögl tagliar seis ils plü ots ceders, e seis ils plü tshernüts pins, e vögl gnir fin nella stanza, chi ais alla sommità da quel, al god da seis Carmel.

24. Eu ha chavâ *puozs*, ed ha bavü auas estras, ed ha süjantâ sü con la planta da meis peis tuot ils anals dels assediats.

25. Non hast tii inelet ch'eu, già da lung temp ha fat quaist, e l'ha formà da vegl nan? Ed uossa l'ha eu fat gnir, ed ais stat per desertar, *e per redür in mantuns da ruinas las cittats fermas.*

26. E l's abitants da quellas, siand diminuits da forza, sun stats stramits, e confus; sun stats *sco* l'erba della cuttura, e *sco* la verdüra della ravitscha, e *sco* l' * fain dels tets, e las *früas* arstantadas, ant cha sajan gnüdas sü in spia.

* Ps. 129, 6.

27. Ma eu cognosch teis star, e teis uschir, e teis intrar, e tia furia conter mai.

28. Per tia furia conter mai, e siand teis strepit ais muntà sü avant mias uraglias; perquai at vögl eu metter meis crötsch nellas fouras da teis nas, e meis frain nellas masellas, e't vögl darcheu far turnar inavo per l'istessa via sün la quala tü est gnü.

29. E quaist, *Hischia*, at *sarà* per signal: * Il prüm an mangettat vus quai cha creschet dels grans erodats, e l'an seguaint quai cha sarà creschü da saisvess; ma l'terz an dessat vus semnar, e cleer aint, e dessat implan-tar vignas, e mangiar da seis früt.

* 1 Sam. 2, 34.

30. E quai cha sarà restà della chasa da Giuda, e sarà scampà via, continuerà a far ragischs giò suot, ed a portar früt stisura.

31. Perche da Gerusalem vain a gnir oura ün rimanent, e dal munt da Sion ün vanzà. La zelosia * del Segner dels exercits farà quaist.

* Es. 9, 6.

32. Perquai il Segner disch usche davart il rai dels Assiriers: El non intrerà in quaista città, e non trarà aint alehüna frizza, e non gnarà al assalt conter quella con schüts, e non farà alehüna transèra conter quella.

33. El turnerà darcheu per la medema via, sün la quala l'ais gnü, e non intrerà in quaista città, disch il Segner.

34. * Ed eu vögl esser protectur da quaista città, per la salvar; per amur da mai sves, e da David, meis serviaint.

* 2 Reg. 20, 6.

35. Ma quell'istessa not dvantet, ch'ün * angel del Segner get oura, e

battet tsehientottant' e tsehinehmilli *homens* nel champ dels Assiriers, e cur as füt alvâ la mattina, mera, non as *vezzaiv* oter co corps morts.

* 1 Cron. 32, 21.

36. E Sanherib, il rai dels Assiriers, as partit da là, e get davent, e turnet darcheu in Ninive, e dmuret là.

37. * E dvantet, intant ch'el adu-raiva nella chasa da Nisroc, seis deis, Adrammelec e Sareser, seis figls, il battettan con la spada, e lura scampettan els via nel pajais Ararat. Ed Asarhaddon, seis figl, regnet in seis lö.

* Es. 37, 38.

CHAP. XX.

Siand Hischia amalà, l'annunzia Esaia la mort. L'oraziun da Hischia; la vita da Hischia prolungada.

IN quel temp gnit * Hischia amalà mortalmaing. E l' profet Esaia, il figl d'Amos, gnit pro el, e l' dschet: Usche disch il Segner: Dispona da tia chasa; perche tü est a morir, e non viverast plü.

* 2 Cron. 32, 24. Es. 38, 1.

2. Lura volvet *Hischia* la fatscha vers la parait, e fet oraziun vi' al Segner, dschand:

3. Ah Segner, at regord' uossa, ch'eu sun chaminâ in teis conspet, in vardà, e da cour sincêr, ed ha fat quai cha t'ais a plaschair! E Hischia eridet con grand eridar.

4. Ma dvantet, Esaia non eira amo it our dal cortil dimez, il pled del Segner al füt *indrizzà*, dschand:

5. Tuorn' inavo, e di a Hischia, al conductur da meis pövel: Usche disch il Segner Deis da David, teis bap: Eu ha udi ti' oraziun, e vis tias larmas: Mera, eu 't guaresch; da qua a trais dis dessat tü ir sü nella chasa del Segner.

6. Ed eu vögl metter quindesch ans pro l' temp da tia vita, e vögl deliberar tai, e quaista città, dal man del rai dels Assiriers, * e vögl esser protectur da quaista città per amur da mai sves, e da David, meis serviaint.

* 2 Reg. 19, 34.

7. Lura dschet Esaia: Pigliai ün im-plaster da fics sechs. E quels *il* piglettan, e l' mettettan sün l' umfladüm. Ed el guarit.

8. Ma Hischia avaiva dit ad Esaia:

Che ais il signal, cha 'l Segner am guarirà, e ch' eu giarà da qua a trais dis sù nella chasa del Segner?

9. Ed Esaia dschet: Quaist sarà il signal, cha tû averast da parte del Segner, ch' el vegn' a complir il pled ch' el ha pronunzià. * *Voust cha la sumbriva gjaia inavant desch grads, ovvero ch' ella tuorna desch grads inavo?* * Es. 58, 8.

10. Ed Hischia dschet: L' *ais* leiva chosa, cha la sumbriva declina per desch grads: *Quaist* na; anzi cha la sumbriva tuorna desch grads inavo.

11. Lura Esaia, il profet, bragit pro 'l Segner. E 'l *Segner* fet darcheu turnar la sumbriva inavo per ils grads, per ils quals l' eira agià ida giò sün l'orologi d'Ahaz, cioè per desch grads.

12. In quel temp Berodac-Baladan, il figl da Baladan, rai da Babilon, tramettet chartas e presaints ad Hischia; perche l' avai' inolet, ch' el eira stat amalà.

13. * Ed Hischia det uraglia a quels ambaschadurs, e 'ls mosset tuot la chasa da sias chosas preziasas, l' argient, e l' or, e las speziarias, e 'ls ôlis savurits prezios, e la chasa da seis vashels, e massarias, e tuot quai cha's chattaiv' in seis tesors. Qua non füt chos' alchüna, ne in chasa, ne in tuot il domini d'Hischia, ch' el non mosset ad els. * 2 Cron. 32, 25, 31.

14. Ed Esaia, il profet, gnit pro 'l rai Hischia, e dschet ad el: Che han dit quaists homens? E dinuonder sun els gnüts pro tai? Ed Hischia dschet: Els sun gnüts da pajais lontan, da Babilon.

15. Ed *Esaia* dschet: Che han els vis in tia chasa? Ed Hischia dschet: Els han vis tuot quai ch' *ais* in mia chasa; e non ais alchüna chos' in meis tesors, ch' eu non als haja mossà.

16. Ed Esaia dschet ad Hischia: Taidl' il pled del Segner.

17. Mera, ils dis vegnan, cha tuot quai ch' *ais* in tia chasa, e quai, cha teis babuns han raspâ nel tesor fin a quaist di, * sarà portâ in Babilon; e non sarà laschâ vanzar chos' alchüna, disch il Segner.

* 2 Reg. 24, 13. 25, 13.

18. Eir vegnan els a tour da teis

figls, gnüts da tai, ils quals tû averast genui, per esser * eunucs nel palazzi del rai da Babilon. * Dan. 1, 3.

19. Ed Hischia dschet ad Esaia: Il pled del Segner, cha tû hast pronunzià, *ais* bun. Lura dschet el: Nonvaine però ad esser qua pasch; e sgürezza in meis dis?

20. Ma, quant al rimanent dels fats da Hischia, e tuot sia possanza, e co ch' el fet il lai, e l' aquaduct, * e fet gnir l' aua nella città; quaistàs chosas *sun* già scrittas nel cudesch dellas eronicas dels rais da Giuda.

* 2 Cron. 32, 30.

21. Ed Hischia s' indormanzet pro seis babuns, e Manasse, seis figl, regnet in seis lö.

CHAP. XXI.

Manasse succed' ad Hischia. Seis orrends pu-chats, e sia mort. Amon al succeda, e vain maz-zâ tras seis serviaints. Josia al succeda.

MANASSE eira d' età da dudesch ans, cur el comanzet a regnar, e regnet tschinquant' e tschinch ans in Gerusalem. E 'l nom da sia mamma eira Hefsiba.

2. Ed el fet quai cha displaschet al Segner, seguond las abominaziuns dels pajans, cha 'l Segner avaiava schatschâ davant ils infants d'Israel.

3. Ed el edificet danöv ils lous ots, cha Hischia, seis bap, avaiava disfat, e drizzet sù utêrs a Baal, e fet ün' Astarte, seo * avaiava fat Ahab, il rai d' Israel, ed aduret tuot l' exercit del tschel, e 'l servit. * 1 Reg. 16, 33.

4. El edificet eir utêrs nella chasa del Segner, da che il Segner avaiava dit: * Eu vögl metter meis nom in Gerusalem. * Dent. 12, 5.

5. El edificet ils utêrs a tuot l' exercit del tschel, nels duos cortils della chasa del Segner.

6. El * fet passar seis figl tras il fö, ed attendet a prognostics, ed ad auguris, ed ordinet ün spiert da piton, ed ingiavins. El fet fin al extrem quai cha displaschet al Segner, per il grit-tantar. * 2 Reg. 16, 3.

7. El mettet eir la statua d' Astarte, ch' el avaiava fat, nella chasa, dalla quala il Segner * avaiava dit a David, ed a Salomon, seis figl: Eu vögl metter meis nom in perpetuo in quaista

chasa, ed in Gerusalem, ch' eu ha elet intanter tuot las schlattas d' Israel.

* 1 Reg. 9, 3. Ps. 132, 13.

8. Ed eu non vögl plü continuar a far müdar il pè *dels infants* d' Israel our da quaišt pajais, ch' eu ha dat a lur babuns; sulamaing cha observan da far seguond tuot quai ch' eu ha ad els comandâ, e seguond tuot la led-scha, cha meis serviaint Mose ha dat ad els.

9. Ma quels non obedittan; anzi Manasse ils fet ir our via, per far plü mal co ils pövels, cha 'l Segner avaiva sdrit davant ils infants d' Israel.

10. E 'l Segner favlet tras ils profets, seis serviaints, dschand:

11. * Siand cha Manasse, il rai da Giuda, ha commiss quaišt as abominaziuns, fand plü mal, co quant mâ han fat ils Amorits, chi *füttan* avant el, ed ha eir fat pechar Giuda tras seis idols;

* Ger. 15, 4.

12. Perquai, disch usche il Segner Deis d' Israel: Mera, eu fetsch gnir ün mal sur Gerusalem, e sur Giuda, * tal cha a chi l' udirà vegnan a sclingiar amenduos uraglias. * 1 Sam. 3, 11.

13. Ed eu vögl stender oura sur Gerusalem la corda da Samaria, e 'l livell della chasa d' Ahab, e vögl struschar Gerusalem, sco 's struscha üna schüdella, la quala, davo ch' ell' ais struschada, ün volva suot sura.

14. Ed eu vögl bandunar il rimanent da mia ierta, e 'l vögl dar nel man da lur inimis, cha vegnan ad esser per praja, e per butin a tuot lur inimis;

15. Perche els han fat quai cha 'm displascha, e m' han grittantâ dal di, cha lur babuns trettan our d' Egipto, fin al di d' hoz.

16. Manasse spandet eir fich bler sang innozaint, tal ch' el implit con quel Gerusalem d' ün chantun al oter; ultra seis pucha, nel qual el fet pechar Giuda, fand quai cha displaschet al Segner.

17. Ma, quant al rimanent dels fats da Manasse, e tuot quai ch' el fet, e seis pucha, ch' el commettet; quaišt chosas *sun* già scrittas nel cudesch dellas cronicas dels rais da Giuda.

18. E Manasse s' indormanzet pro seis babuns, e füt sepuli nel üert da

sia chasa, nel üert d' Uza. Ed Amon, seis figl, regnet in seis lö.

19. Amon *eira* d' età da vainch e duos ans, cur el comanzet a regnar, e regnet duos ans in Gerusalem. E 'l nom da sia mamma *eira* Mesulemet, la figlia d' Harus, da Jotba.

20. Ed el fet quai cha displaschet al Segner, sco avaiva fat Manasse, seis bap.

21. Ed el chaminet tuot sün la via, nella quala eira chaminâ seis bap, e servit als idols, als quals avaiva servi seis bap, e 'ls aduret.

22. E bandunet il Segner, il Deis da seis babuns, e non chaminet sün la via del Segner.

23. Ma ils serviaints del rai Amon fettan üna congüra conter el, e 'l maz-zettan in sia chasa.

24. E 'l pövel del pajais battet tuot quels, chi avaivan fat la congüra conter il rai Amon, e constituit rai Josia, seis figl, in seis lö.

25. Ma, quant al rimanent dels fats d' Amon; quaišt chosas *sun* già scrittas nel cudesch dellas cronicas dels rais da Ginda.

26. E 'l pövel il sepulit in sia sepul-türa nel üert d' Uza. E Giosua, seis figl, regnet in seis lö.

CHAP. XXII.

Josia, il prus rai ordaina, cha la chasa del Segner saja restorada. Il cudesch della ledscha vain chattâ, e portâ al rai Josia.

JOSIA * *eira* d' età d' ot ans, cur el comanzet a regnar, e regnet trent' ün an in Gerusalem. E 'l nom da sia mamma *eira* Jedida, la figlia d' Adaja, da † Bascat. * 2 Cron. 34, 1. † Gios. 15, 39.

2. Ed el fet quai cha plaschet al Segner, e chaminet tuot nellas vias da David, seis bap, e non guinchit, *ne* a dretta, *ne* a snestra.

3. * Ma l' an deschedot del rai Josia dvantet, cha 'l rai tramettet il secretari Safan, il figl d' Asalia, del figl da Mesulam, nella chasa del Segner, dschand:

* 2 Cron. 34, 8.

4. Munta sü pro Hilchia, il grand sacerdot, e di' l, ch' el mett' insambel la somma del danêr, * chi ais portâ nella chasa del Segner, il qual quels chi stan alla guardia del glim *della chasa* han raccolt dal pövel. * 2 Reg. 12, 4.

5. E saja 'l dat in man da quels chi han la chüra dell' ouvra, e sun constituits sur la chasa del Segner, ch'els il dettan a quels chi lavuran all' ouvra nella chasa del Segner, per restorar sias rottüras,

6. Als maranguns, ed als fabrichadurs, ed als müradurs, e cha compran lainam, e peïdras tagliadas, per restorar la chasa.

7. Impero non ils dess ün far render quint del danêr, chi's daiv'ad els nels mans; perche quels procedaivan realmaing.

8. Ma il grand sacerdot Hilchia dschet al secretari Safan: * Eu ha chattâ il † cudesch della ledscha nella chasa del Segner. Ed Hilchia det il cudesch a Safan, il qual il leet.

* 2 Cron. 34, 15. † Deut. 31, 24.

9. E'l secretari Safan gnit pro 'l rai, e 'l referit il fat, e dschet: Teis serviaints han raccolt il danêr, chi's chatta nella chasa, e l' han dat in man a quels, chi han la chüra dell' ouvra, e sun constituits sur la chasa del Segner.

10. Il secretari Safan referit eir al rai, cha 'l sacerdot Hilchia l' avaiva dat ün cudesch. Ed el leet in presen-za del rai.

11. E, cur il rai avet udi ils plets del cudesch della ledscha, sdratschet el sia vestimainta.

12. Lura comandet el al sacerdot Hilchia, ed ad Ahicam, al figl da Safan, ed ad Acbor, al figl da Micaja; ed al secretari Safan, ed ad Asaia, al serviaint del rai, dschand:

13. It via, domandai il Segner per mai, e per il pövel, e per tuot Giuda, davart ils plets da quaist cudesch, chi ais chattâ; perche grand' ais l' ira del Segner, chi ais invüdata conter nus; perche noss babuns non han obedi als plets da quaist cudesch, per far tuot quai cha 'ns ais prescrit.

14. E'l sacerdot Hilchia, ed Ahicam, ed Acbor, e Safan, ed Asaia, gettan pro la profeta Hulda, la muglier da Sallum, del figl da Tieva, del figl da Harbas, guardiant della vestimainta, la quala abitaiv' in Gerusalem, nella seguonda *part della città*, e tschan-tschetti con ella.

15. Ed ella dschet ad els: Usche disch il Segner Deis d' Israel: Dit al hom, chi 's ha tramiss pro mai:

16. Usche disch il Segner: Mera, eu fetsch gnir del mal sur quaist lö, e sur seis abitants; tuot ils plets del cudesch, cha 'l rai da Giuda ha let;

17. Perche quels m' han bandunâ, ed han fat profüms ad oters deis, per am grittantar con tuot las ouvras da lur mans; dinuonder mia ira ais invüdata conter quaist lö, e non as stüderâ.

18. Ma dit usche al rai da Giuda, chi's ha tramiss per domandar il Segner: Usche ha dit il Segner Deis d' Israel: *Quant als plets cha tû hast udi;*

19. Siand cha teis cour ais lamiâ, e tût' hast ümiliâ per temma del Segner, eur tû hast inclet quai ch' eu ha pronunziâ conter quaist lö, e conter seis abitants, cha vegnan a gnir in desolaziun, ed in maledicziun; ed hast sdratschâ tia vestimainta, ed hast eridâ in meis conspet, schi t' ha eir eu exodi, disch il Segner.

20. Perquai, mera, at vögl eu raspar pro teis babuns, e tû sarast raspâ pro tias sepultüras in pasch, e teis ögls non vezzeran tuot il mal, ch' eu fetsch gnir sur quaist lö. E quels referittan il fat al rai.

CHAP. XXIII.

Il rai Josia leja la ledscha a tuot il pövel. Stermina tuotta idolatria. Celebra la pasqua. Vain mazzâ. Joahaz, seis figl, rai empi, succedea. Jo-jachim, seis frar, eir empi, ais fat rai.

LURA * tramettet il rai a raspar nan pro el tuot ils seniurs da Giuda, e da Gerusalem. * 2 Cron. 34, 29.

2. E'l rai muntet sün la chasa del Segner, con tuot ils homens da Giuda, e tuot ils abitants da Gerusalem con el, ed ils sacerdots, ed ils profets, e tuot il pövel, dal minim fin al plü grand; ed el leet in lur presen-za tuot ils plets del cudesch della lia, * il qual eira stat chattâ nella chasa del Segner.

* 2 Reg. 22, 8.

3. E'l rai staiva in pè sün la coluonna, e fet lia avant il Segner, *im-promettend* da chaminar davo al Segner, e d' observar seis comanda-maints, e sias testimonianzas, e seis statuts, con tuot il cour, e con tuot

l'orma; per metter in effet ils pleds della lia, scrìts in quel cudesch. E tuot il pövel intret in quella lia.

4. E'l rai comandet al grand sacerdot Hilchia, ed als sacerdots del seguond uorden, ed als guardiants del glim, cha portan our dal taimpel del Segner tuot l'üsaglia, chi eira stata fatta per Baal, e per Astarte, e per tuot l'exercit del tschel. Ed el ardet quella dadour Gerusalem, nellas champagnas da Chidron, e portet sia puolvra in Betèl.

5.*Ed el sterminet ils camars, cha 'ls rais da Giuda avaivan ordinâ, e 'ls quals avaivan fat profüms süls lous ots, nellas cittats da Giuda, e nels contuorns da Gerusalem; *sterminet* eir quels chi faivan profüms a Baal, al solai, alla glüna, ed als planetes, ed a tuot l'exercit del tschel.

* Zef. 1, 4.

6. Ed el fet eir portar via l' * Astarte our dalla chasa del Segner, dadour Gerusalem, sper la val Chidron, e l'ardet in quella, e la redüet in puolvra, la quala el büttet sur las sepultüras dels infants del pövel.

* 2 Reg. 21, 7.

7. Lura disfet el las chasas dels pitanêrs, chi *eiran* nella chasa del Segner, nellas qualas las donans tessai van chasettas per l' Astarte.

8. Ed el fet gnir tuot ils sacerdots dellas cittats da Giuda, e contaminet ils lous ots, nels quals quels sacerdots avaivan fat profüms, da Geba fin a Beerseba, e disfet ils lous ots avant las portas, e *quel* chi *eira* all' intrada della porta da Giosua, del chapitani della città, chi *eira* a *man* snester della porta della città.

9. Ma ils sacerdots dels lous ots non offerivan sül utêr del Segner in Gerusalem; impero mangiaivan els *pans* azims intanter lur frars.

10. El contaminet eir * Tofet, chi *eira* nella val dels figls da Hinnom; acio ch' ingün non fess qua plü passar seis figl, o sia figlia tras il fö a Molec.

* Ger. 7, 31.

11. El piglet eir via ils chavals, cha 'ls rais da Giuda avaivan drizzâ al solai, cha non gessan plü nella chasa del Segner, nella stanza da Netan-

melec, del eunuco, la qual' *eira* in Parvarim; ed ardet con fö la charra del solai.

12. Il rai disfet eir ils utêrs, chi *eiran* sül tet della sala d' Abaz, ils quals ils rais da Giuda avaivan fat; *disfet* medemmamaing * ils utêrs, cha Mannasse avaiva fat nels duos cortils della chasa del Segner, e 'ls *aviand tuts* da là, ils sfrislet el, e büttet la puolvra nel torrent Chidron. * 2 Reg. 21, 5.

13. Ultra quai, contaminet il rai ils lous ots, chi *eiran* in vista a Gerusalem, da man dret del munt della corrupziun, ils quals * Salomon, il rai d' Israel, avaiv' edificâ ad Astarte, l' abminaziun dels Sidoniers; ed a Camos, l' abominaziun dels Moabits; ed a Mileom, l' abominaziun dels infants d' Ammon.

* 1 Reg. 11, 7.

14. Ed el spazzet las statuas, e sdrüet las Astartes, ed implit con ossa da crastians ils lous, *ingio* *quels eiran*.

15. Ed *disfet* eir l' utêr chi *eira* a Betèl, il lö ot, ch' avaiva fat * Jero-beam, il figl da Nebat, il qual avaiva fat pechar Israel; el disfet l' utêr e'l lö ot, e 'l redüet in puolvra; ed ardet l' Astarte.

* 1 Reg. 12, 28.

16. Ma Josia as volvet inavo, e vez-zet las sepultüras, chi *eiran* qua sül munt; qua tramettet el a tour l' ossa da quellas sepultüras, e l' ardet süin quel utêr, e 'l contaminet; seguond il pled del Segner, * il qual l' hom da Dieu avaiva predgiâ, cur el annunziet quaistas chosas.

* 1 Reg. 13, 2.

17. E'l rai dschet: Che monumaint *ais* quel ch' eu vez? E'l pövel della città al dschet: *L' ais* la sepultüra del hom da Dieu, chi gnit da Giuda, ed annunziet quaistas chosas, cha tû hast fat conter l' utêr a Betèl.

18. Ed el dschet: Laschâ-la star, ingün non movainta l' ossa da quel. * Usche füt consalvada l' ossa da quel, insembel con l' ossa del profet, chi *eira* gnü da Samaria.

* 1 Reg. 13, 31.

19. Josia piglet eir via tuot las chasas dels lous ots, chi *eiran* nellas cittats da Samaria, las qualas ißs rais d' Israel avaivan fat, per grittantar *il Segner*, e fet con quellas interamaing seo l' avaiva fat in Betèl.

20. Ed el sacrifichet süls utêrs tuot ils sacerdots dels lous ots, chi *eiran* qua, ed ardet ossa da crastians sün quels. Lura turnet el dareheu a Gerusalem.

21. Lura comandet il rai a tuot il pövel, dschand: Fat la pasqua al Segner vos Deis, * seguond ch' ais scrit in quaiست eudesch del pat. * Ex. 12, 3.

22. Perche dal temp dels güdichs, chi avaiavan güdichâ Israel, ne in tuot il temp dels rais d' Israel, e da Giuda, non eira stat celebrada üna tala pasqua,

23. Quala füt quella, chi gnit celebrad' al Segner a Gerusalem, l' an deschedot del rai Josia.

24. E Josia piglet eir via quels chi avaiavan il * spiert da piton, e 'ls ingiavins, e las statuas, e 'ls idols, e tuot las abominaziuns, chi 's vezzaiva nel pajais da Giuda, ed in Gerusalem, per metter in effet ils plets della ledscha, scrits nel eudesch, cha 'l sacerdot Hilechia avaiava chattâ nella chasa del Segner. * Lev. 19, 31.

25. Ed avant el non eira stat rai *alchün* a paragl ad el, chi füss stat converti vi' al Segner con tuot seis cour, e con tuot sia orma, e con tuot seis il mêt podair, seguond tuot la ledscha da Mose; e davo el non ais sdasdâ sù *alchün* sumgiant.

26. Impero il Segner non stet giò dal arder da sia grand' ira; perche si' ira eira invüdata conter Giuda, per tuot ils dispets, cha Manasse l' avaiava fat.

27. Pelqual il Segner dschet: Eu vögl tour via da meis conspet eir Giuda, * sco ch' eu ha tut via Israel; e vögl rebütta quaiста città Gerusalem, ch' eu avaiava elet, e quaiста chasa, dalla qual' eu avaiava dit: Meis nom sarà qua. * 2 Reg. 17, 18, 19, 18, 11.

28. Ma, quant al rimanent dels fats da Josia, e tuot quai ch' el fet; *quai-stas chosas sun* già scrittas nel eudesch dellas cronicas dels rais da Giuda.

29. Da seis temp Farao Neco, il rai d' Egipto, muntet sù conter il rai dels Assiriers vers il flüm Euftrat, e 'l rai Josia get incounter ad el, e Farao il mazzet a Megiddo, l' aviand el vis.

30. E seis serviaints il mettettan

mort sün ün charr, e 'l condüettan da Megiddo a Gerusalem, e 'l sepulittan in sia sepultura. E 'l pövel del pajais * piglet Joahaz, il figl da Josia, e l' onschet, e 'l constituit rai nel lö da seis bap. * 2 Cron. 36, 1.

31. Joahaz *eira* d' età da vainch e trais ans, cur el comanzet a regnar, e regnet trais mais a Gerusalem. E 'l nom da sia mamma *eira* Hamutal, la figlia da Geremia, da Libna.

32. Ed el fet quai cha displaschet al Segner, interamaing sco avaiavan fat seis babuns.

33. E Farao Neco l' impreschunet a Ribla, nel pajais da Hemat, acio ch' el non regness *plü* in Gerusalem, e mettet sù al pajais üna paina da tschient talents d' argient, e d' ün talent d' or.

34. Lura Farao Neco constituit rai Eliachim, il figl da Josia, nel lö da Josia, seis bap, e 'l müdet il nom *in* Joachim, ma * piglet Joahaz, e gnit in Egipto, ingio *Joahaz* morit. * 2 Cron. 36, 4.

35. Ma Joachim det l' argient, e l' or a Farao; ma el taxet il pajais, per pagar quel danêr seguond il comand da Farao; el tret aint quel argient, e quel or da scodün del pövel del pajais, seguond ch' el eira taxâ, per il dar a Farao Neco.

36. Joachim *eira* d' età da vainch e tschinch ans, cur el comanzet a regnar, e regnet ündesch ans a Gerusalem. E 'l nom da sia mamma *eira* Zebuda, la figlia da Pedaja, da Ruma.

37. Ed el fet quai cha displaschet al Segner, interamaing sco avaiavan fat seis babuns.

CHAP. XXIV.

Joachim as rebella conter Nebucadnesar. Joachin succeda a Joachim. El vain manâ in preschun a Babilon con tuot il pövel da Gerusalem. E Sedechia succeda.

DA * seis temp Nebucadnesar, il rai da Babilon, tret sù, e Joachim al füt sogget il spazi da trais ans; lura 's volvet el, e 's rebellet conter el.

* 2 Cron. 36, 6.

2. E 'l Segner tramettet conter el las truppas dels Caldeers, e las truppas dels Siriers, e las truppas dels Moabits, e las truppas dels Ammonits, chi fettan scurrarias. Ed el ils tramettet conter Giuda per il dazipar,

* seguond il pled del Segner, ch' el avaiva pronunzià tras ils profets, seis serviaints. *2 Reg. 20, 17. Ger. 22, 7.

3. Tschert, *quaist* dvantet a Giuda, seguond il comand del Segner, per il tour via da seis conspet, per causa dels puchats da Manasse, seguond tuot quai ch' el avaiva fat.

4. Ed eir * *per* il sang innozaint, ch' el avaiva spans, aviand impli Gerusalem con sang innozaint; per il qual il Segner non volet dar alehün perdun. *2 Reg. 21, 16.

5. Ma, quant al rimanent dels fats da Jojachim, e tuot quai ch' el fet; quaiastas chosas *sun* già scrittas nel eudesch dellas cronicas dels rais da Giuda.

6. E Jojachim s' indormanzet pro seis babuns, e Jojachin, seis figl, regnet in seis lö.

7. Ma il rai d' Egipto non continuèt plü a trar our da seis pajais; perche il rai da Babilon avaiva tut tuot quai chi eira stat del rai d' Egipto, dal flüm d' Egipto fin al flüm Eufrat.

8. Jojachin *eira* d'età da deschedot ans, cur el comanzet a regnar, e regnet a Gerusalem trais mais. E'l nom da sia mamma *eira* Nehusta, la figlia d' Elnatan, da Gerusalem.

9. Ed el fet quai cha displaschet al Segner, interamaing sco avaiva fat seis bap.

10. * In quel temp ils serviaints del rai da Babilon muntettan sü conter a Gerusalem, e l' assedio füt tshan-tà alla città. * Dan. 1, 1.

11. Nebucadnesar, il rai da Babilon, gnit *in persona* conter la città, intant cha seis serviaints l' assediaivan.

12. E Jojachin, il rai da Giuda, get oura pro'l rai da Babilon, con sia mamma, e seis serviaints, e *seis chapitanis*, e seis principis, e seis eunues. E'l rai da Babilon il fet preschun, l' ottavel an da seis reginam;

13. * E piglet d'avent da Gerusalem tuot ils tesors della chasa del Segner, e 'ls tesors della chasa del rai, e spazzet tuot la vashella d' or, cha Salomon, il rai d' Israel, avaiva fat, nel taimpel del Segner; † sco cha'l Segner avaiva tshan-schä.

* 2 Reg. 20, 17. † Ger. 20, 51.

14. Ed el manet in preschun tuot Gerusalem, e tuot ils princis, e tuot ils homens valerus, *in number* da deschemilli preschunêrs, insembel con tuot ils maranguns, e farêrs; qua non rumagnet oter co'l pövel pover del pajais.

15. * Usche manet el via in preschun a Babilon Jojachin, e la mamma del rai, e las mugliers del rai, e seis eunues, e tuot ils possants del pajais;

* 2 Cron. 36, 10. Est. 2, 6.

16. Insembel con tuot ils homens valerus, *chi eiran in number* da setmilli, e 'ls maranguns, e 'ls farêrs, *chi eiran* milli, tuots homens valents, e guerriants; e'l rai da Babilon ils manet in preschun a Babilon.

17. E'l rai da Babilon constituit rai nel lö da Jojachin, Mettania, * il barba da quel, e'l müdet seis nom *in* Sedechia. * 1 Cron. 3, 15.

18. Sedechia *eira* d'età da vainchün an, cur el comanzet a regnar, e regnet a Gerusalem ündesch ans. E'l nom da sia mamma *eira* * Hamital, la figlia da Geremia da Libna.

* 2 Reg. 23, 31.

19. Ed el fet quai cha displaschet al Segner, interamaing sco avaiva fat Jojachim.

20. Perche l'ira del Segner gnit fin al extrem conter Gerusalem, e con-tr'a Giuda, fin ch' el ils schatschet d'avent da seis conspet. E Sedechia as rebellet conter il rai da Babilon.

CHAP. XXV.

Gerusalem assediada tras Nebucadnesar. Il rai Sedechia prais. Seis infants mazzats in sia presenza. Manà in preschun a Babilon. Gerusalem arsa con il taimpel. Giuda dareheu in preschun a Babilon. Jojachin ais deliberà, ed onorà da Evilmerodac.

DINUONDER dvantet * l'an nouv da seis reginam, nel deschavel di del deschavel mais, Nebucadnesar, il rai da Babilon, gnit conter Gerusalem con tuot seis exercit, e mettet champ conter quella, ed els fabrichettan bastiuns conter quella dapertuot intuorn.

* 2 Cron. 36, 17. Ger. 32, 4.

2. E la città füt assediada fin al ündeschavel an del rai Sedechia.

3. Al novavel di del *quart* mais, qua gnit la fam granda nella città, tal cha non eira pan per il pövel del pajais.

4. Ed essendo statta sforzada la città, *schì fùgìt* tuot il pövel da guerra da not, tras la porta, tanter ils duos mürs sper l'üert del rai, siand ils Caldeers sur la città, dapertuot intuorn; * *e'l* rai get davent, trand vers la planüra.

* Ger. 39, 4. Ezech. 12, 12.

5. E l'exercit dels Caldeers il perseguitet, e'l assieuet nellas champagnas da Gerico, e tuot seis exercit s'araset davent dad el.

6. E'ls *Caldeers* prendettan il rai, e'l manettan pro'l rai da Babilon a Ribla, e *qua* füt el sentenziâ.

7. E seis figls füttan schannats in sia presenza, *e'l rai da Babilon* fet chavar our' ils ögls a Sedechia, e'l fet liar con duos chadainas d'aram, ed el füt manâ a Babilon.

8. Lur'al settavel *di* del quint mais del deschnovavel an da Nebucadnesar, del rai da Babilon, Nebuzaradan, il chapitani della guardia, il serviaint del rai da Babilon, *intretin* Gerusalem,

9. Ed ardet la chasa del Segner, e la chasa del rai, e tuot *las otras* chasas da Gerusalem; in somma, el ardet con fö tuot las chasas grandas.

10. E tuot l'exercit dels Caldeers, chi *eira* con il chapitani della guardia, disfet la müraglia da Gerusalem dapertuot intuorn.

11. E Nebuzaradan, il chapitani della guardia, manet in preschun il rimanent del pövel chi eira restâ nella città, insembel con quels, chi eiran its as render al rai da Babilon, e'l rimanent da tuot la quantità.

12. Impero il chapitani della guardia laschet inavo alchüns dels plü povers del pajais per vignadurs, e lavuraints.

13. * E'ls Caldeers mettettan in pezas las coluonnas d'aram, chi *eiran* nella chasa del Segner, e'ls sostegns, e'l mâr d'aram, chi *eira* nella chasa del Segner, e portettan l'aram a Babilon.

* Ger. 27, 19.

14. Els portettan via eir las cudêras, e las palettas, e las furchettas, e las chazzas, e tuot ils instrumaints d'aram, con ils quals as faiva il servezzen.

15. Il chapitani della guardia portet eir via ils turibuls, e batschigl's; quai ch' *eira* d'or d'vart, e quai ch' *eira* d'argent d'vart.

16. Las duos coluonnas, il mâr, ed ils sostegns, las qualas chosas Salomon avaiva fat per la chasa del Segner; la paisa del aram da tuot quels lavurêrs eira sainza fin.

17. * L'üna coluonna *eira* deschedot bratschs muots ota, e sur quella *eira* üna testetta d'aram, ota trais bratschs muots, e sur la testetta intuorn intuorn *eiran* üna rait, e poms granats; tuot *eira* d'aram, las medemas chosas *eiran* eir vi'all' otra coluonna, insembel con *sia* rait.

* 1 Reg. 7, 15. 16.

18. Il chapitani della guardia piglet eir Seraja, il grand sacerdot, e * Sefania, il segund sacerdot, e'ls trais guardiants del glim.

* Ger. 29, 25.

19. El piglet eir, e *manet* davent dalla città ün eunuco, chi eira commissari del pövel da guerra, e tschinch homens dels familiars del rai, chi füttan chattats nella città, e'l principal scrivant da guerra, chi faiva las rassegnas *dels exercits* del pövel del pajais, e sesant' homens principals del pövel del pajais, chi füttan chattats nella città.

20. Nebuzaradan dimena, il chapitani della guardia, ils piglet, e'ls condüet pro'l rai da Babilon, a Ribla.

21. E'l rai da Babilon ils battet, e'ls fet morir a Ribla, nel pajais da Hemat. Usche füt Giuda manâ davent da seis pajais in preschun.

22. Ma, quant al pövel, chi restet nel pajais da Giuda, il qual Nebucadnesar, il rai da Babilon, laschet qua; schi constituit el sur els Gedalia, il figl d' Ahicam, del figl da Safan.

23. E, cur tuot ils chapitanis del pövel da guerra, Ismael, il figl da Netania, e Johanan, il figl da Carea, e Seraja, il figl da Tanhumet, il Netofatit, e Jaazania, il figl da Maecati, e *lur* pövel, avettan inclet, cha'l rai da Babilon avaiva constitui governatur Gedalia, schi gnittan els pro el a Mispa, con lur pövel.

24. * E Gedalia güret ad els, ed a lur pövel, e dschet ad els: Non as tmarai d'esser soggets als Caldeers, dmurai nel pajais, e servi al rai da Babilon, schi gnis a star bain.

* Ger. chap : 40. 41. 42. 43.

25. Ma d'vantet il settavel mais, qua gnit * Ismael, il figl da Netania, del figl d' Elisama, da sang regal, aviand desch homens con el, e battet Gedalia, ch' el morit. *Battet* eir ils Güdeus, ed ils Caldeers, chi eiran con el a Mispa.

* Ger. 41, 1.

26. E tuot il pövel, dal minim al plü grand, ed ils chapitanis del pövel da guerra, alvettan sü, e trettan in Egipto; perche els as tmaivan dals Caldeers.

27. * Ma l'an trentaset della preschun da Jojachin, del rai da Giuda, nel vainch e settavel *di* del dudeschavel mais, Evilmerodac, il rai da Ba-

bilon, l'an istess, ch' el comanzet a regnar, fand la rassegna da sia chasa, ozet il cheu da Jojachin, del rai da Giuda, e l' tret our dalla preschun;

* Ger. 52, 31.

28. E tschantschet con el benigna maing, ed adozet seis sez, sur il sez dels *oters* rais, chi *eiran* pro el in Babilon.

29. E l' müdet sia vestimainta da preschun, * ed el manget da contin in presenza del rai, tuot il temp da sia vita.

* 2 Sam. 9, 7.

30. E da contin l'eira dat, di per di, seis plat da parte del rai, tuot il temp da sia vita.

IL PRÜM CUDESCH

DELLA

CRONICA.

CHAP. I.

La genealogia d' Adam fin sün Abraham. E d' Abraham e da seis infants.

ADAM, * Set, Enos; * Gen. 5, 3, 4.

2. Chenan, Mahaleel, Jered;

3. Henoc, Metusela, Lemec;

4. Noè, Sem, Cam, e Jafet.

5. * Ils figls da Jafet *füttan* Gomer, e Magog, e Madai, e Javan, e Tubal e Mesec, e Tiras.

* Gen. 10, 2.

6. Ed ils figls da Gomer *füttan* Ase-naz, e Rifat, e Togarma.

7. Ed ils figls da Javan *füttan* Elisa, e Tarsi, Chittim, e Dodanim.

8. * Ed ils figls da Cam *füttan* Cus, e Misraim, e Put, e Canaan. * Gen. 10, 6.

9. Ed ils figls da Cus *füttan* Seba, ed Hevila, e Sabta, e Raema, e Sabteca. Ed ils figls da Raema *füttan* Seba, e Dedan.

10. Ma Cus genuit Nimrod. Quel füt il prüm, chi 's fet potent sün la terra.

11. * E Misraim genuit ils Ludeits, e 'ls Anameits, e Lehabeits, ed ils Naftuheits;

* Gen. 10, 13.

12. Ed ils Patruseits, ed ils Casluheits, (dals quals sun gnüts ils Fili-stins) e 'ls Caftoreits.

13. * E Canaan genuit Sidon, seis primogenit, ed Het.

* Gen. 10, 15.

14. Ed ils Jebusits, e 'ls Amorits, e 'ls Gergesits.

15. Ed ils Hevits, e 'ls Archits, e 'ls Sineits.

16. Ed ils Arvadits, e 'ls Semarits, e 'ls Hematits.

17. * Ils figls da Sem *füttan* Elam, ed Assur, ed Arfaesad, e Lud, ed Aram, ed Us, ed Hul, e Geter, e Mesec.

* Gen. 10, 22.

18. Ed Arfaesad genuit Sela, e Sela genuit Eber.

19. Ed ad Eber naschettan duos figls, il nom del ün *füt* Peleg; perche a seis temp la terra füt partida; e l' nom da seis frar *füt* Joctan.

20. E Joctan genuit Almodad, e Se-lef, Hasarmavet, e Jera,

21. Ed Hadoram, ed Uzal, e Diela,

22. Ed Ebal, ed Abimael, e Seba,

23. Ed Ofir, ed Hevila, e Jobab. Tuot quaists *füttan* figls da Joctan.

24. * SEM, Arfaesad, Sela, * Gen. 11, 10.

25. Eber, Peleg, Regu,

26. Serug, Nahor, Tara,

27. Abram, *chi* ais Abraham.

28. * Ils figls d' Abraham *füttan* Isaac, ed Ismael.

* Gen. 16, 15.

29. Quaistas *sun* lur generaziuns. Il primogenit d' Ismael *füt* Nebajot;

Iur' *avet* el Chedar, ed Adbeel, e Mibsam,

30. E Misma, e Duma, e Massa, ed Hadad, e Tema;

31. Jetur, e Nafis, e Chedma. Quaists *füttan* ils figls d' Ismael.

32. Ma, quant als * figls da Chetura, concubina d' Abraham, parturit quella Zimran, e Jocsan, e Medan, e Midian, ed Isbac, e Sua. Ed ils figls da Jocsan *füttan* Seba, e Dedan.

* Gen. 25, 1. 2.

33. Ed ils figls da Midian *füttan* Efa, ed Efer, ed Hanoc, ed Abida, ed Eldaa. Tuot quaists *füttan* figls da Chetura.

34. Ma * Abraham genuit Isac. Ed ils figls d' Isac *füttan* Esau, ed Israel.

* Gen. 21, 2.

35. Ils * figls d' Esau *füttan* Elifaz, e Reguel, e Jeus, e Jalam, e Jora.

* Gen. 36, 10.

36. Ils figls d' Elifaz *füttan* Teman, ed Omar, e Sefi, e Gatam, Chenaz, e Timna, ed Amalec.

37. Ils figls da Reguel *füttan* Nahat, Zera, Samma, e Mizza.

38. * E 'ls figls da Seir *füttan* Lotan, e Sobal, e Sibon, ed Ana, e Dison, ed Eser, e Disan.

* Gen. 36, 20.

39. E 'ls figls da Lotan *füttan* Hori, ed Homam, e la sour da Lotan *füt* Timna.

40. Ils figls da Sobal *füttan* Alian, e Manahat, ed Ebal, e Sesi, ed Onam. E 'ls figls da Sibon *füttan* Aja, ed Ana.

41. Il figl d' Ana *füt* Dison. E 'ls figls da Dison *füttan* Hamtan, ed Esban, ed Itran, e Cheran.

42. Ils figls d' Eser *füttan* Bilham, e Zaavan, e Jaacan. Ils figls da Disan *füttan* Us, ed Aran.

43. * Ma quaists *füttan* ils rais, chi regnettän nel pajais d' Edom, avant cha regness *alchiin* rai sur ils infants d' Israel: Bela, figl da Beor, e 'l nom da sia città *eira* Dinhaba.

* Gen. 36, 31.

44. Lura, siand mort Bela, regnet Jobab, figl da Zera, da Bosra, in seis lö.

45. E, siand mort Jobab, regnet Husam, del pajais dels Temanits, in seis lö.

46. E, siand mort Husam, regnet

Hadad, figl da Bedad, il qual battet ils Madianits nel territori da Moab, in seis lö, e 'l nom da sia città *eira* Avit.

47. Lura, siand mort Hadad, regnet Samla, da Masreca, in seis lö.

48. E, siand mort Samla, regnet Saul, da Rehobot al flüm, in seis lö.

49. E, siand mort Saul, regnet Baalhanan, figl d' Acbor, in seis lö.

50. E, siand mort Baalhanan, regnet Hadad in seis lö, e 'l nom da sia città *eira* Pagi; e 'l nom da sia muglier *eira* Mehetabeel, figlia da Matred, figlia da Mezahab.

51. Lura, siand mort Hadad, * *füttan* qua ducas in Edom; il duca Timna, il duca Alia, il duca Jetet,

* Gen. 36, 40.

52. Il duca Ahalibama, il duca Ela, il duca Pinon.

53. Il duca Chenaz, il duca Teman, il duca Mibsar.

54. Il duca Magdiel, il duca Iram. Quaists *füttan* ils ducas d' Edom.

CHAP. II.

Ils infants da Giacob. Genealogia da Giuda, fin sün Isai, bap da David.

QUAISTS *füttan* ils figls d' Israel: * Ruben, Simeon, Levi, e Giuda; Issaschar e Zebulon,

* Gen. 35, 23.

2. Dan, Giosef, e Benjamin; Naftali, Gad, ed Asser.

3. * Ils figls da Giuda *füttan* Er, ed Onan, e Sela. Quaists trais al naschettan dalla figlia da Sua, Cananea. Ma Er, primogenit da Giuda, displaschet al Segner, ed el il fet morir.

* Gen. 38, 2. 3.

4. * E Tamar, sia brüt, al parturit Peres, e Zera. Tuot ils figls da Giuda *füttan* tschinch.

* Gen. 38, 20.

5. Ils figls da Peres *füttan* Hesron, ed Hamul.

6. E 'ls figls da Zara *füttan* Zimri, ed * Etan, ed Heman, e Calcol, e Dara, in tuot tschinch.

* 1 Reg. 4, 31.

7. E 'l figl da Carmi *füt* Acar, * quel chi conturbet Israel, chi commettet misfat intuorn l' interdit.

* Gios. 7, 25.

8. E 'l figl d' Etan *füt* Azaria.

9. E 'ls figls chi naschettan ad Hesron *füttan* Jerameel, e Ram, e Chelubai.

10. E * Ram genuit Amminadab, ed Amminadab genuit Nahasson, capo dels figls da Giuda.

* Rut 4, 19. Mat. 1, 4.

11. E Nahasson genuit Salma, e Salma genuit Boaz,

12. E Boaz genuit Obed, ed Obed genuit Isai.

13. Ed Isai genuit Eliab, * seis primogenit, ed Abinadab il seguond, e Sima il terz.

* 1 Sam. 16, 6. 7. 9.

14. Natanael il quart, Raddai il quint,

15. Osem il sesavel, David il set-tavel,

16. E lur sours Seruja, ed Abigail. E 'ls figls da Seruja *füttan* trais, Abisai, Joab, ed Asael.

17. Ed * Abigail parturit Amasa, il bap del qual *füt* Jeter, Ismaelit.

* 2 Sam. 17, 25.

18. Ma Caleb, figl d' Hesron, genuit *figls* con Azuba, sia muglier, e con Jeriot; e quaists *füttan* ils figls da quella, Jeser, e Sobab, ed Ardon.

19. E, siand morta Azuba, Caleb piglet Efrat, la qual' al parturit Hur.

20. Ed Hur genuit Uri, ed * Uri genuit Besaleel.

* Ex. 31, 2.

21. Lura Hesron intret pro üna figlia da Machir, bap da Gilead, e la piglet, *siand* el agià d' età da sesant' ans, e quella al parturit Segub.

22. Segub genuit * Jair, il qual avet vainch e trais terras, nel pajais da Gilead.

* Num. 32, 41.

23. E piglet als Gesurits, ed als Siriers, ils vihs da Jair, e Chenat con las terras da seis territori, *chi sun* sesanta terras. Quellas *füttan* dels figls da Machir, bap da Gilead.

24. E, davo cha *füt* mort Hesron, in Caleb d' Efrata, Abia, muglier d' Hesron, al parturit Assur, bap da Tecoa.

25. E 'ls figls da Jerameel, primogenit d' Hesron, *füttan* Ram, il primogenit, lura Buna, ed Oren, ed Osem, ed Ahia.

26. Ma Jerameel avet ün' otra muglier, il nom della quala *eira* Atara, *chi füt* mamma d' Onam.

27. E 'ls figls da Ram, primogenit da Jerameel, *füttan* Maas, ed Jamin, ed Echer.

28. E 'ls figls d' Onam *füttan* Sammai, e Jada. E 'ls figls da Sammai *füttan* Nadab, Abisur.

29. E 'l nom della muglier d' Abisur

füt Abihail, la qual' al parturit Aban, e Molid.

30. E 'ls figls da Nadab *füttan* Seled, ed Appaim. E Seled morit sainz' infants.

31. E 'l figl d' Appaim *füt* Isi, e 'l figl d' Isi *füt* Sesan, e la figlia da Sesan, Alai.

32. E 'ls figls da Jada, frar da Sammai, *füttan* Jeter, e Gionatan, e Jeter morit sainz' infants.

33. E 'ls figls da Gionatan *füttan* Pelet, e Zaza. Quaists *füttan* ils figls da Jerameel.

34. Ma Sesan non avet figls, ma üna * figlia; ed aviand ün famagl Egip-ter, il nom del qual *eira* Jarha,

* 1 Cron. 2, 31.

35. Al det el sia figlia per muglier, la qual' al parturit Attai.

36. Ed Attai genuit Natan, e Natan genuit Zabad.

37. E Zabad genuit Effal, ed Effal genuit Obed.

38. Ed Obed genuit Jehu, e Jehu genuit Azaria.

39. Ed Azaria genuit Heles, ed Heles genuit Elasa.

40. Ed Elasa genuit Sisemai, e Sisemai genuit Sallum.

41. E Sallum genuit Jecamia, e Jecamia genuit Elisama.

42. E 'ls figls da Caleb, frar da Jerameel, *füttan* Mesa, seis promogenit, *chi füt* bap da Zif; lur' ils figls da Maresa, bap d' Hebron.

43. E 'ls figls d' Hebron *füttan* Cora, e Tappua, Rechem, e Sema.

44. E Sema genuit Raham, bap da Jarcheam, e Rechem genuit Sammai.

45. E 'l figl da Sammai *füt* Maon, e Maon *füt* bap da Betsur.

46. Ed Efa, concubina da Caleb, parturit Haran, e Mosa, e Gazez. Ed Haran genuit Gazez.

47. E 'ls figls da Jedai *füttan* Regem, e Jotan, e Gesan, e Pelet, ed Efo, e Saaf.

48. E Maaca, concubina da Caleb, parturit Sebet, e Tirhana.

49. Ella parturit eir Saaf, bap da Madman; e Seva, bap da Machena, e bap da Gibeia, e la * figlia da Caleb *füt* Aesa.

* Gios. 15, 16.

50. Quaists *füttan* ils figls da Caleb,

figl d' Hur, primogenit d' Efrat, cioè Sobal, bap da Chiriat-Jearim.

51. Salma, bap da Betlehem, Haref, bap da Betgader.

52. E Sobal, bap da Chiriat-Jearim, avet figls; cioè Roe, bap della mità da Hammenuhot.

53. E la famiglia da Chiriat-Jearim füttan ils Ittits, e Putits, e Sumatits, e Misraits; da quaists sun gnüts ils Sareatits, e 'ls Estaolits.

54. Ils figls da Salma füttan *quels* da Betlehem, e Netofatits; *quels* d' Atarot, da Bet-Joab, e della mità da Manachit, ed ils Sareits.

55. E las familias dels * scrivants, chi abitaivan in Jabes, füttan ils Tiratits, e Simatits, e Sucatits. Quaists sun ils * Chenits, chi eiran gnüts d' Hamat, bap della chasa da Recab.

* Güd. 1, 16.

CHAP. III.

Descripziun della descendenza da David, fin davo la preschun da Babilon.

MA quaists füttan ils * figls da David, ch' il naschettan in Hebron. Il primogenit füt Amnon, d' Ahinoam, la Jezreelita; il seguond Daniel, d' Abigail, la Carmelita.

* 2 Sam. 3, 2.

2. Il terz Absalom, figl da Maaca, figlia da Talmai, rai da Gesur; il quart Adonia, figl d' Haggit;

3. Il quint, Sefatia, d' Abital; il sèsavol Itream, d' Eglia, sia muglier.

4. Quaists ses al naschettan in Hebron, * ingio el regnet set ans, e ses mais; lura regnet el trent' e trais ans in Gerusalem.

* 2 Sam. 2, 11.

5. E * quaists al naschettan in Gerusalem, Sima, e Sobab, e Natan, e Salomon; quatter da Batsua, figlia d' Ammiel;

* 2 Sam. 5, 14.

6. Ed Ibehar, ed Elisama, ed Elifelet.

7. E Noga, e Nefeg, e Jafia.

8. Ed Elisama, ed Eliada, ed Elifelet; nouv *in tuot*.

9. Tuot quaists füttan figls da David, ultr' als figls dellas concubinas; e Tamar eira lur sour.

10. E 'l figl da Salomon füt * Rehabeam, del qual füt figl Abia, del qual füt figl Asa, del qual füt figl Giosafat,

* 1 Reg. 11, 43.

11. Del qual füt figl * Joram, del

qual füt figl Ahazia, del qual füt figl Joas,

* 2 Reg. 8, 16.

12. Del qual füt figl Amasia, del qual füt figl Azaria, del qual füt figl Jotam,

13. Del qual füt figl Ahaz, del qual füt figl * Hisehia, del qual füt figl Manasse,

* 2 Reg. 16, 20.

14. Del qual füt figl Amon, del qual füt figl Josia.

15. E 'ls figls da Josia füttan Johanan, il primogenit, * Jojachim il seguond, Sedechia il terz, Sallum il quart.

* 2 Reg. 23, 34.

16. E 'l figl da Jojachim, füt Jeconia, del qual füt figl Sedechia.

17. E 'ls figls da Jeconia, preschunêr, füt * Sealtiel,

* Mat. 1, 12.

18. E Malchiram, e Pedaia, e Senassar, e Jecamia, ed Hosama, e Nedabiah.

19. E 'ls figls da Pedaja füttan Zerubabel, e Simei, e 'ls figls da Zerubabel füttan Mesulam, ed Hanania, e Selomit, lur sour.

20. E 'ls figls da Mesulam füttan Hasuba, Ohel, e Berechia, ed Hasadia, e Jusabhesed; tschinch *in tuot*.

21. E 'ls figls d' Hanania füttan Plattia, ed Jesaja; ils figls da Refaja, ils figls d' Arnan, ils figls d' Obadia, e 'ls figls da Secania.

22. E Semaja füt figl da Secania, e 'ls figls da Semaja füttan Hatus, ed Igal, e Baria, e Nearia, e Safat; ses *in tuot*.

23. E 'ls figls da Nearia füttan Elioenai, ed Hisehia, ed Azricam; trais *in tuot*.

24. E 'ls figls da Elioenai füttan Hodaia, ed Eliasib, e Plaja, ed Acub, e Johanan, e Delaja, ed Anani; set *in tuot*.

CHAP. IV.

Ils figls da Giuda. Ils figs da Simeon. L' abita ziun da quels.

ILS figls da Giuda füttan * Peres, ed Hesron, e Carmi, e Hur, e Sobal.

* Gen. 38, 29.

2. E Reaja, figl da Sobal, genuit Jahat, e Jahat genuit Ahumai, e Lehad. Quaistas sun las familias dels Saregatits.

3. E quaists füttan figls del bap d' Etam; cioè Jezreel, ed Isma, ed

Idbas, e'l nom da lur sour *eira* Hasselponi.

4. E Pnuel *füt* bap da Gedor; ed Ezer, bap d' Husa. Quaists *füttan* ils figls d' Hur, primogenit * d' Efrat, bap da Betlehem.

* 1 Cron. 2, 50.

5. Ed * Ashur, bap da Tecoa, avet duos mugliers, Helea, e Naara.

* 1 Cron. 2, 24.

6. E Naara al parturit Ahuzam, ed Hefer, e Timni, ed Ahastari. Quaists *füttan* ils figls da Naara.

7. E 'ls figls d' Helea *füttan* Seret, Jesohar, Etnan.

8. E Cos genuit Anub, e Sobeba, e las famiglias d' Aharhel, figl d' Harum.

9. E Jabes *füt* il plü onorà da seis frars; ma sia mamma al mettet nom Jabes; perche ella dschet: Eu l' ha parturi con dolurs.

10. Ma Jabes clamet in agüd il Deis d' Israel, dschand: Oh, scha pür tü'm benedissast, e slargessast meis confins, e cha teis man füss con mai, e fessast, ch' eu non füss afflict d' alchün mal! E Deis fet dvantar quai ch' el avaija giavüschâ.

11. E Chelub, frar da Suha, genuit Mehîr, *chi füt* bap d' Eston.

12. Ed Eston genuit la famiglia da Rafa, e Pasea, e Tehinna, bap della città da Nahas. Quaist *füt* il pövel da Reca.

13. E 'ls figls da Chenaz *füt* Atniel e Seraja. E 'ls figls d' Atniel *füttan* Hatat,

14. E Meonotai, il *qual* genuit Ofra; e Semia genuit Joab, bap da *quels chi abitetan* nella val, *ditta* dels maisters; perche *quels eiran* maisters.

15. E 'ls figls da Caleb, figl da Jefunne *füttan* Iru, Ela, e Naam. E 'l figl d' Ela, *füt* Chenaz,

16. E 'ls figls da Jehaleel *füttan* Zif, e Zifa, Tiria, ed Asareel.

17. E 'ls figls d' Esra *füttan* Jeter, e Mered, ed Efer, e Jalon; e la muglier da Mered parturit Miriam, e Sammai, ed Isba, bap d' Estemoa.

18. E l' *otra* sia muglier, la Giudea, parturit Jered, bap da Gedor; ed Hebar, bap da Soco; e Jecutiel, bap da Zanoa. Ma *quels oters prece-daints füttan* figls da Bitia, figlia da Farao, la quala Mered avaija tut *per muglier*.

19. E *quaists ultims füttan* figls della muglier Giudea, *la quala eira* sour da Naham, bap dels Garmitis, abitants in Chegila, e dels Maacatits, abitants in Estamoa.

20. E 'ls figls da Simon *füttan* Amnon, e Rinna, Benhanan, e Tilon. E 'ls figls d' Isei *füttan* Zoset, e Benzohet.

21. Ils figls da Sela, figl da Giuda, *füttan* Er, bap da Lecha, e Laada, bap da Maresa, e las famiglias della chassa d' Asbea, la qual' exercitaiva l' art del biss.

22. E Jochim, e quels da Cozeba, e Joas, e Saraf, ils quals signoraivan sur Moab, e Jasubilehem. Ma quai-stas chosas *sun* anticas.

23. Quels eiran vashlêrs, ed homens chi staivan nels zardins, e tanter las saifs, e dmuraivan qua pro'l rai, per far sia lavur.

24. Ils figls da Simeon *füttan* Nemuel, e Jamin, Jarib, Zera, e Saul;

25. Del qual *füt* figl Sallum, del qual *füt* figl Mibsam, del qual *füt* figl Misma.

26. E 'l figl da Misma *füt* Hamuel, del qual *füt* figl Zacur, del qual *füt* figl Simei.

27. E Simei avet saidesch figls, e ses figlias; ma seis frars non avettan blers figls; tal cha tuot lur naziun non as multiplichet al pèr dels figls da Giuda.

28. Ed els abitetan in Beerseba, ed in Molada, ed in Hasarsual,

29. Ed in Bilha, ed in Esem, ed in Tolad,

30. Ed in Betuel, ed in Horma, ed in Siclag,

31. Ed in Betmarcabot, ed in Hasarsusim, ed in Betbirei, in Saaraim. Quaistas *füttan* lur cittats, fin cha regnet David.

32. E lur chastels *füttan* Etam, ed Ain, Rimmon, e Tochen, ed Asan; tschinch terras.

33. Insembel con tuot lur vihs, *chi eiran* intuorn quellas cittats, fin a Baal. Quaistas *füttan* lur stanzas, cur els las partittan tanter els tras lur naziums.

34. Ma Mesobab, e Jamlec, e Josa, figl d' Amasia;

35. E Joel, e Jehu, figl da Josibia, figl da Seraja, figl d' Asiel;

36. Ed Elioenai, e Jaacoba, e Josahaja, ed Asaja, ed Adiel, e Jesimiel, e Benaja;

37. E Zisa, figl da Sifei, figl d' Alon, figl da Jedaja, figl da Simri, figl da Semaja;

38. Quaists *füttan* quels chi *eiran* famus capos in lur famiglias, e lur chasas paternas creschettan in grandissem number.

39. Dinuonder els gettan dall'intrada da Gedor, fin alla part orientala della val, per tscherchar pašch per lur bestiam;

40. E chattettan pašchüra grassa e buna, ed ün pajais larch, quiet e felice; perche quels, chi 'l prüm abitaivan qua, *eiran della descendenza* da Cam.

41. Quaists dimena, chi sun stats descrits per lur noms, al temp d' Hischia, rai da Giuda, gnittan, e battettan las tendas dels, e 'ls abitaculs chi füttan qua chattats, e 'ls sdriëttan almöd del interdit; ed *usche sun els restats* fin a quaist di, ed abitetan in lur lö; perche qua eira pašchüra per lur scossas.

42. Ultra quai, tschinchtschient homens our dad els, dels figls da Simeon, aviand per lur capos Platia, e Nearia, e Refaja, ed Uziel, figls d' Isei, gettan pro'l munt da Seir,

43. E battettan il rimanent dels scampats our dals Amalecits; ed han abità qua infin a quaist di.

CHAP. V.

Descripziun della descendenza da Ruben, da Gad, e da mez la schlatta da Manasse, insembel con lur tendas, ed acquists, fin cha füttan manats in preschun dals Assiriers.

MA quaists *füttan* ils figls da Ruben, primogenit d' Israel; (perche el *eira* il primogenit; ma, davo ch' el avet * contaminà il let da seis bap, füt dat sia primogenitura als figls da Giosef, figl d' Israel; na però per tgnair il lö della primogenitura nella genealogia;

* Gen. 29, 32. 49, 4.

2. Perche Giuda avet la preminenza sur seis frars; e * dad el sun guüts ils conducturs; ma il *dret della* primogenitura *füt dat* a Giosef.)

* Gen. 49, 10. Ps. 60, 7.

3. Ils figls, *di eu*, da Ruben, primo-

genit d' Israel *füttan* * Hanoc, e Palu, Hesron, e Carmi,

* Gen. 46, 9.

4. Il figl da Joel *füt* Semaja, del qual *füt* figl Gog, del qual *füt* figl Simeì,

5. Del qual *füt* figl Mica, del qual *füt* figl Reaja, del qual *füt* figl Baal,

6. Del qual *füt* figl Beera, * il qual Tiglatpilneser, rai dels Assiriers, manet in preschun. Quel *füt* capo principal dels Rubenits. * 2 Reg. 15, 29.

7. E da seis frars tras lur famiglias, cur lur genealogia füt composta tras lur generaziuns, ils capos *füttan* Jegiel, e Zacaria,

8. E Bela, figl d' Azaz, figl da Sema, figl da Joel. Quel abitet in Aroer, fin a Nebo, ed a Baalmeon.

9. Davo quai abitet el vers il levant, dal flüm Eufrat fin all'intrada del desert; perche lur bestiam eira multiplichâ nel pajais da Gilead.

10. Dinuonder els, al temp da Saul, fettan guerra contr' als * Hagareners; ils quals crodettan mazzats tras lur mans, e quels abitetan in lur tendas, giò per tuot la part orientala da Gilead.

11. E 'ls * figls da Gad abitetan v' incounter els, nel pajais da Basan, fin a Salca.

* Gios. 13, 24.

12. Joel *füt* il capo principal in Basan, e Safan, il seguond; lura Jaenai, lura Safat.

13. E lur frars, seguond lur famiglias paternas, *füttan* Micael, e Messullam, e Seba, e Jorai, e Jaecan, e Zia, ed Eber; set in tuot.

14. Quaists *eiran* figls d' Abihail, figl d' Huri, figl da Jaroa, figl da Gilead, figl da Micael, figl da Jesisai, figl da Jado, figl da Buz.

15. Ahi, figl d' Abdiel, figl da Guni, *füt* il capo principal da lur famiglias paternas.

16. E quels abitetan in Gilead, ed in Basan, e nellas terras da seis terriori, ed in tuot il contadi da Saron, fin a sias uschidas.

17. La genealogia da tuot quaists füt composta tras lur generaziuns, al temp da * Jotam, rai da Giuda, ed al temp da Jerobeam, rai d' Israel.

* 2 Reg. 15, 5.

18. Ils figls da Ruben, e 'ls Gadits, e la

mezza schlatta da Manasse, *in nomber da* quarant' e quattermillisettschientesanta intanter ils homens valerus, chi portaivan schüt e spada, e traivan il balaister, ed eiran adüsats alla guerra, per trar our' in battaglia;

19. Fettan guerr' als Hagareners, ed a * Jetur, ed a Nafis, ed a Nodab.

* Gen. 25, 15. 1 Cron. 1, 31.

20. Ed avettan succuors conter els; tal cha 'ls Hagareners e tuot quels, chi *eiran* con els füttan dats in lur mans; perche quels bragittan vi' a Dieu nella battaglia, ed el ils exodit; perche els s' avaivan confidats in el.

21. E piglettan lur bestiam, *in nomber da* tschinquantamilli chamêls, e duatschienttschinquanta nuorsas, duamilli asens, tschientmilli ormas umanas;

22. Perche blers eiran erodats mazats, perche quella battaglia *eira* da Dieu; e quels abitettan in lur lû, fin al temp* della preschun. * 2 Reg. 15, 29, 17, 6.

23. Ils figls della mezza schlatta da Manasse abitettan eir quels in quel pajais, e's multiplichettan da Basan, fin a Baalhermon, ed a Senir, ed alla montagna d' Hermon.

24. E quaists füttan ils capos da lur famiglias paternas: Efer, ed Isei, ed Eliel, ed Azriel, e Geremia, ed Hodavia, e Jadiel, homens valents e famus, capos da lur famiglias paternas.

25. Ma quels commettettan misfat conter il Deis da lur babuns, e fettan fornicaziun davo'ls deis dels pövels del pajais, ils quals il Segner avaiva sdrüt our davant els.

26. Dinuonder il Deis d' Israel movantet sü il spiert da Pul, rai dels Assiriers, e'l spiert da Tiglatpilneser, rai dels Assiriers, ils quals manettan in preschun ils Rubenits, e Gadits, e la mezza schlatta da Manasse, e'ls condüettan in Hala, ed in Habor, ed in Hara, e *sper il flüm Gozan, ingio els sun* restats fin al di d' hoz.

CHAP. VI.

Descripziun dellas naziuns, dels offizis, e dellas tendas dels levits, e dels sacerdots.

ILS figls da * Levi füttan Gerson, Cahat, e Merari.

† Gen. 46, 11. Ex. 6, 16. Num. 26, 57.

2. E 'ls figls da Cahat füttan Amram, ed Ishar, ed Hebron, ed Uziel.

3. E 'ls infants d' Amram füttan Aaron, e Mose, e Miriam. E 'ls figls d' Aaron füttan Nadab, ed Abihu, ed Eleazar, ed Itamar.

4. Eleazar genuit Pinehas, e Pinehas genuit Abisua,

5. Ed Abisua genuit Buci, e Buci genuit Uzi,

6. Ed Uzi genuit Zerahia, e Zerahia genuit Merajot,

7. E Merajot genuit Amaria, ed Amaria genuit Ahitub,

8. Ed Ahitub genuit * Sadoc, e Sadoc genuit Ahimaas, * 2 Sam. 8, 17.

9. Ed Ahimaas genuit Azaria, ed Azaria genuit Johanan,

10. E Johanan genuit Azaria, *chi* füt quel, chi fet offizi da sacerdot nella chasa, cha Salomon avai' edificâ in Gerusalem.

11. Ed Azaria genuit Amaria, ed Amaria genuit Ahitub,

12. Ed Ahitub genuit Sadoc, e Sadoc genuit Sallum,

13. E Sallum genuit Hilchia, ed Hilchia genuit Azaria,

14. Ed Azaria genuit Seraja, e Seraja genuit Josadac,

15. E Josadac get *in preschun*, cur il Segner fet manar in preschun Giuda e Gerusalem, tras Nebucadnesar.

16. Ils figls da Levi *dimena* füttan Gerson, Cahat, e Merari.

17. Ma quaists *sun* ils noms dels figls da Gerson, Libni, e Simei.

18. E 'ls figls da Cahat füttan Amram, ed Ishar, Hebron, ed Uziel.

19. Ils figl da Merari füttan Maheli, e Musi. E quaistas *sun* las famiglias dels levits, seguond lur babuns.

20. Ils figls da Gerson: Da quels füt figl Libni, del qual füt figl Jahat, del qual füt figl Zimma,

21. Del qual füt figl Joa, del qual füt figl Iddo, del qual füt figl Zera, del qual füt figl Jeatrai.

22. Ils figls da Cahat: Da quel füt figl Amminadab, da quel füt figl Cora, da quel füt figl Assir,

23. Da quel füt figl Elcana, da quel füt figl Ebiassaf, da quel füt figl Assir,

24. Da quel füt figl Tahat, da quel

füt figl Uriel, da quel *füt* figl Uzia, da quel *füt* figl Saul.

25. E 'ls figls d' Elcana *füt* Amasai, ed Ahimot, ed Elcana.

26. Ils figls d' Elcana: Da quel *füt* figl Sofai, del qual *füt* figl Nahat,

27. Del qual *füt* figl Eliab, del qual *füt* Jeroham, del qual *füt* figl Elcana.

28. E 'ls figl da Samuel *füttan*: Vassni, il primogenit, ed Abia.

29. Da Merari *füt* figl Maheli, del qual *füt* figl Libni, del qual *füt* figl Simeï, del qual *füt* figl Uza,

30. Del qual *füt* figl Simea, del qual *füt* figl Hagia, del qual *füt* figl Asaja.

31. Ma quaists *sun* quels cha David constituit sur l'offizi del *chantar nella chasa del Segner, dopo cha la chascha *füt* tschantada in l'ö ferm. * 1 Cron. 16, 1.

32. E quels exercitettan lur ministeri nel chantar, avant la chamanna del tabernacul della raspada, fin cha Salomon avet edificâ la chasa del Segner in Gerusalem, e quels attendaivan a lur offizi, seguond cha eira ordinâ ad els.

33. Quaists, *di eu, sun* quels chi servivan *in quai* con lur figls. Intanter ils figls dels Cahatits, Heman chantadur, figl da Joel, figl da * Samuel, * 1 Sam. 1, 1.

34. Figl d' Elcana, figl da Jeroham, figl d' Eliel, figl da Toa,

35. Figl da Suf, figl d' Elcana, figl da Machat, figl d' Amasai,

36. Figl d' Elcana, figl da Joel, figl d' Azaria, figl da Sefania,

37. Figl da Tahat, figl d' Assir, figl d' Ebiassaf, figl da Cora,

38. Figl d' Jesehar, figl da Cahat, figl da Levi, figl d' Israel.

39. Lura *eira* Assaf, frar da quel Heman, il qual staiva a sia dretta. Ma Assaf *eira* figl da Berechia, figl da Simeï,

40. Figl da Micael, figl da Baeseja, figl da Malchia.

41. Figl d' Etni, figl da Zera, figl d' Adaja.

42. Figl d' Etan, figl da Zima, figl da Simeï,

43. Figl da Jahat, figl da Gerson, figl da Levi,

44. E 'ls figls da Merari, lur frars,

staivan a man snestra; cioè Etan, figl da Chisi, figl d' Abdi, figl da Maluc,

45. Figl d' Hasabia, figl d' Amasia, figl d' Hilehia,

46. Figl d' Amsi, figl da Bani, figl da Samer,

47. Figl da Maheli, figl da Musi, figl da Merari, figl da Levi.

48. E 'ls *oters* levits, lur frars, *füttan* ordinats per *far* tuot il servezzen del tabernacul della chasa da Dieu.

49. Ma Aaron, e seis figls, ardaivan *ils sacrificis e las offertas* sur l'utêr dels olocausts, e sur l'utêr dels profums; seguond tuot quai cha 's convgniva da far nel lö sanctissem, e per far purgaziun per Israel, seguond tuot quai cha Mose, serviaint da Dieu, avaiua comandâ.

50. E quaists *füttan* ils figls d' Aaron: Da quel *füttan* figl Eleazar, del qual *füt* figl Pinehas, del qual *füt* figl Abisua,

51. Del qual *füt* figl Buci, del qual *füt* figl Uzi, del qual *füt* figl Zerahia,

52. Del qual *füt* figl Merajot, del qual *füt* figl Amaria, del qual *füt* figl Ahitub,

53. Del qual *füt* figl Sadoc, del qual *füt* figl Ahimaas.

54. E quaistas *füttan* lur abitaziuns, seguond lur residenzas, in lur contradas. Alla naziun dels Cahatits, intanter ils figls d' Aaron,

55. *Füt* dat (perche *quaista* sort *füt* per els) Hebron, nel pajais da Giuda, insembel con seis contadi our din-tuorn;

56. Ma 'l territori, e 'ls vihs della città, *füttan* dats a Caleb, figl da Jefonne.

57. *Füttan* dimena dattas als figls d' Aaron *quaistas* cittats da Giuda, cioè Hebron, città del refugi, e Libna, con seis contadi; e Jatir, ed Estemoa, con lur contadis;

58. Ed Hilén, con seis contadi; e Debir, con seis contadi;

59. Ed Asan, con seis contadi; e Betsemes, con seis contadi;

60. E, della schlatta da Benjamin, Geba, con seis contadi; ed Allemet, con seis contadi; ed Anatot, con seis

contadi. Tuot lur cittats *füttan* traidesch, *partidas* tras lur naziuns.

61. Ed al rimanent dels figls da Cahat *füttan dattas* tras sort desch cittats dellas naziuns da duos schlattas, e d' üna mezza schlatta, cioè della mità da Manasse.

62. Ed als figls da Gerson, *partits* tras lur naziuns, *füttan dattas* traidesch cittats, della schlatta d' Issaschar, e della schlatta d' Asser, e della schlatta da Naftali, e della schlatta da Manasse, in Basan.

63. Als figls da Merari, *partits* tras lur naziuns, *füttan dattas* tras sort dudesch cittats, della schlatta da Ruben, e della schlatta da Gad, e della schlatta da Zebulon.

64. Usche dettan ils figls d' Israel als levits quellas cittats, con lur confadis.

65. E dettan tras sort quellas cittats, chi sun statts nominadas tras lur noms della schlatta dels figls da Giuda, e della schlatta dels figls da Simeon, e della schlatta dels figls da Benjamin.

66. E, quant allas *otras* naziuns dels figls da Cahat, las cittats da lur contrada *füttan* della schlatta d' Efraim.

67. E *füttan* dat ad ellas, nel munt d' Efraim, Sichem, *chi eira* dellas cittats del refugi, con seis contadi, e Gezer, con seis contadi;

68. E Joemean, con seis contadi; e Bethoron, con seis contadi;

69. Ed Ajalon, con seis contadi; e Gatrimon, con seis contadi.

70. E, della mezza schlatta da Manasse, Aner, con seis contadi; e Bilam, con seis contadi. *Quaistas* cittats *füttan dattas* allas naziuns del rimanent dels figls da Cahat.

71. Als figls da Gerson *füt dat* dellas naziuns della mezza schlatta da Manasse, Golan, in Basan, con seis contadi; ed Astarot, con seis contadi.

72. E della schlatta d' Issaschar, Ceddes, con seis contadi; e Dabrat, con seis contadi;

73. E Ramot, con seis contadi; ed Anem, con seis contadi.

74. E della schlatta d' Asser, Masal, con seis contadi; ed Abdon, con seis contadi;

75. Ed Hucoc, con seis contadi; e Rehob, con seis contadi.

76. E, della schlatta da Naftali, Ceddes, in Galilea, con seis contadi; ed Hammon, con seis contadi; e Chiriatim, con seis contadi.

77. Al rimanent dels figls da Merari *füt dat* della schlatta da Zebulon, Rimmon, con seis contadi; e Tabor, con seis contadi.

78. E, da là del Giordan pro Gerico, dal oriaint del Giordan, *füt dat ad els* della schlatta da Ruben, Beser, nel desert, con seis contadi; e Jasa, con seis contadi;

79. E Cedemot, con seis contadi; e Mepaat, con seis contadi.

80. E, della schlatta da Gad, Ramot in Gilead, con seis contadi; e Mahanaim, con seis contadi;

81. Ed Hesbon, con seis contadi; e Jaezer, con seis contadi.

CHAP. VII.

Descripziun della descendenza d' Issaschar; da Benjamin; da Naftali; da Manasse, d' Efraim, e d' Asser.

E'LS figls * d' Issaschar *füttan* quatter, Tola, e Pua, Jasub, e Simron.

* Gen. 46, 13. Num. 26, 23.

2. E'ls figls da Tola *füttan* Uzi, e Rafaja, e Jeriel, e Jamai, ed Ibsam, e Samuel, capos da lur naziuns paternas, *descendiits* da Tola; *ed eiran* homens valerus in lur generaziuns. Lur nomber, al temp da David, *füt* da vainch e duamilli e septschient.

3. E'l figl d' Uzi *füt* Jezraia, e 'ls figls d' Jezraia *füttan* Micael, ed Obadia, e Joel, ed Isia; in tuot tschinch capos.

4. Ed *avaivan* con els, per lur generaziuns, e per lur famiglias paternas, troppas da pövel, *in nomber* da trentasesmilli *homens*; perche quels *avaivan* bleras mugliers, e blers infants.

5. E lur frars, da tuot las *otras* naziuns d' Issaschar, homens da granda valur, nombrats tuots insembel, seguond lur generaziuns, *füttan* otant' e setmilli.

6. Ils figls da * Benjamin *füttan* Bela, e Becher, e Jediael; trais *in tuot*.

* Gen. 46, 21. Num. 26, 38.

7. E'ls figls da Bela *füttan* Esbon, ed Uzi, ed Uziel, e Jerimot, ed Jeri;

tschinch capos da famiglias paternas, homens da granda valur. E, *cur* els füttan nombrats seguond lur generaziuns, *il number* lur füt da vainch e duamilli e trent' e quatter.

8. E'ls figls da Becher füttan Zemi-ria, e Joas, ed Eliezer, ed Elioenai, ed Omri, e Jeremot, ed Abia, ed Anatot, ed Alamet. Tuot quaists füttan figls da Becher.

9. Ed essendo nombrats tras lur generaziuns, e capos dellas famiglias paternas, *il number* lur füt da vainchmilliduatschient homens da valur.

10. E da Jediael füt figl Bilhan. E'ls figls da Bilhan füttan Jeus, e Benjamin, ed Ehud, e Cnaana, e Zetan, e Tarsi, ed Ahisahar.

11. Tuot quaists füttan figls da Jediael, *chi* füttan per capos da famiglias paternas, *homens* fich valerus, *in number* da deschesmilliduatschient homens, *chi* podaivan ir alla guerra.

12. E Supim, ed Hupim füttan figls d'Ir; ed Husim füt figl d'Aher.

13. Ils figls da * Naftali füttan Jaziel, e Guni, e Jeser, e Sallum; descendants da Bilha. * Gen. 46, 24.

14. Da Manasse füt figl Esriel, il qual *la* muglier da Gilead parturit; (la concubina Sira da Manasse avai-va parturi * Machir, bap da Gilead. * Num. 26, 31.

15. E Machir piglet per muglier la sour d'Hupim, e da Supim, il nom della quala eira Maeca); il nom del oter füt Selafehad; * Selafehad avet *solum* figlias. * Num. 27, 1.

16. E Maeca, muglier da Machir, parturit ün figl, al qual ella mettet nom Peres; lur' ün oter seis frar, *al qual* la mettet nom Seres; ils figls del qual füttan Ulam, e Rechem.

17. E d'Ulam füt figl Bedan. Quaists füttan ils figls da Gilead, figl da Machir, figl da Manasse.

18. E Molechet, sia sour, parturit Ishod, ed Abiezer, e Mahela.

19. E'ls figls da Semida füttan Ahean, e Sichein, e Lichi, ed Aniam.

20. * E d'Efraim füt figl Sutela, del qual füt figl Bered, del qual füt figl Tahad, del qual füt figl Elada, del qual füt figl Tahat, * Num. 26, 35.

21. Del qual füt figl Zabab, del qual füttan figls Sutela, ed Ezer, ed Elead. Ma quels da Gat, nativs del pajais, ils mazzettan; perche els eiran gnüts giò per tour lur bestiam.

22. Ed Efraim, lur bap, fet cordöli bliers dis, e seis frars gnittan al eufortar.

23. Lur' intret el pro sia muglier, la quala concepit, e parturit ün figl; ed el clamet il nom da quel Bria; perche l'eira *nat* nell'afflicziun, *chi* eira gnüda a sia chasa.

24. E sia figlia füt Seera, la quala edifichet Bethoron sura, e Bethoron suot, ed Uzen-Seera.

25. E da quel Bria füt figl Refa, del qual füttan figls Resef, e Tela, del qual füt figl Tahan,

26. Del qual füt figl Laedan, del qual füt figl Ammihud, del qual füt figl Elisama,

27. Del qual füt figl Nun, del qual füt figl Giosua.

28. E lur possessiun, e lur abitaziuns füttan * Betèl, e las terras da seis territori; e dal oriain Naaran, e dal occidaint Gezer, e las terras da seis territori; e Sichein, e las terras da seis territori; e Gaza, e las terras da seis territori. * Gios. 16, 7.

29. E nella contrada dels infants da Manasse, Betsean, e las terras da seis territori; Taenac, e las terras da seis territori; Megiddo, e las terras da seis territori; Dor, e las terras da seis territori. In quaists *lous* abitetan ils figls da Giosef, figl d'Israel.

30. * Ils figls d'Asser füttan Imna, ed Isva, ed Isvi, e Bria, e Sera, lur sour. * Gen. 46, 17. Num. 26, 44.

31. E'ls figls da Bria füttan Heber, e Malchiel, *chi* füt bap da Birsavit.

32. Ed Heber genuit Jaflet, e Somer, ed Hotam, e Sua, lur sour.

33. E'ls figls da Jaflet füttan Pasac, e Bimehal, ed Asvat. Quaists füttan ils figls da Jaflet.

34. E'ls figls da Semer füttan Ahi, e Rahga; Jehuba, ed Aram.

35. E'ls figls d'Helem, frar da quel, füttan Sofa, ed Imna, e Seles, ed Amal.

36. Ils figls da Sofa füttan Sua, ed Harnefer, e Sual, e Beri, ed Imra.

37. E Beser, ed Hod, e Sama, e Silsa, ed Jetran, e Beera.

38. E'ls figls da Jeter *füttan* Je-funne, e Pispa, ed Ara.

39. E'ls figls d' Ulla *füttan* Ara, ed Haniel e Risia.

40. Tuot quaists *füttan* figls d' Asser, capos da famiglias paternas, *homens* tschernüts, e zuond valerus, capos dels principals. E, siand nombrats tras lur generaziuns, lur number, per ir alla guerra, *füt da* vaineh e ses-milli *homens*.

CHAP. VIII.

Descripziun della descendenza da Benjamin; e del sem da Saul.

MA Benjamin genuit Bela, seis *figl** primogenit; ed Asbel, il segnouid; ed Ara, il terz; * 1 Cron. 7, 6.

2. E Noha, il quart; e Rafa, il quint.

3. E'ls figls da Bela *füttan* Addar, e Gera, ed Abihud,

4. Ed Abisua, e Naaman, e Ahoa,

5. E Gera, e Sefufam, ed Huram,

6. Ma quaists *füttan* ils figls d' Ehud (ils quals *eiran* capos da *famiglias* paternas dels abitants da Geba,) ils quals *füttan* transmüdats in Manabat:

7. Naaman, ed Ahia, e Gera; *il qual füt** quel chi'ls transmüdet. El genuit eir Uza, ed Ahihud.

8. Ma Saharaim, dopo cha quel avet tramiss quels davent, genuit *el infants* nel territori da Moab (*ma* Husim, e Baera, *eiran* sias mugliers.)

9. Genuit eir d' Hodes, sia muglier, Jobab, e Sibia, e Mesa, e Malcam,

10. E Jeus, e Sochia, e Mirma. Quaists *füttan* seis figls, capos da *famiglias* paternas.

11. E genuit d' Husim, Abitub, ed Elpaal.

12. E'ls figls d' Elpaal *füttan* Eber, e Miseum, e Semer, (il qual edifichet Ono, e Lod, e las terras da seis territori.)

13. E Bria, e Sema, ils quals *füttan* capos da *famiglias* paternas dels abitants d' Ajalon. Quels mettettan in fügenia ils abitants da Gat.

14. Ed Ahio, e Sasac, e Jeremot,

15. E Zebadia, ed Arad, ed Eder,

16. E Micael, ed Ispa, e Joha, *füttan* figls da Bria.

17. E Zebadia, e Mesullam, ed Hiz-chi, ed Heber,

18. Ed Ismerai, ed Izlia, e Jobab, *füttan* figls d' Elpaal.

19. E Jachim, e Zicri, e Zabdi,

20. Ed Elienai, e Siltai, ed Eliel,

21. Ed Adaja, e Beraja, e Simrat, *füttan* figls da Simeì.

22. Ed Ispan, ed Eber, ed Eliel,

23. Ed Abdon, e Zicri, ed Hanan,

24. Ed Hanania, ed Elam, ed Antotia,

25. Ed Ifdeja, e Pnuel, *füttan* figls da Sasac.

26. E Samserai, e Seharia, ed Atalia,

27. E Jaeresia, ed Elia, e Zicri, *füttan* figls da Jeroham.

28. Quaists *füttan* ils capos principals dellas famiglias paternas, segnouid lur generaziuns, e quaists abitetan in Gerusalem.

29. Ed in Gibeon abitet il * bap da Gibeon; il nom della muglier del qual *eira* Maaca. * 1 Cron. 9, 35.

30. E seis figl primogenit *füt* Abdon; lura *avet* el Sur, Chis, e Baal, e Nadab.

31. Gedor, ed Ahio, e Zecher,

32. E Mielot, *il qual* genuit Simea. Eir quaists abitetan v' incoenter lur frars in Gerusalem, insembel con lur frars.

33. Ma Ner genuit Chis, e Chis genuit Saul, e Saul genuit * Gionatan, Malchisua, ed Abinadab, ed Esbaal. * 1 Sam. 14, 49.

34. E' l figl da Gionatan *füt* Meribbaal, e Meribbaal genuit * Mica. * 2 Sam. 9, 12.

35. E'ls figls da Mica *füttan* Piton, e Melec, e Taerea, ed Ahaz.

36. Ed Ahaz genuit Joadda, e Joadda genuit Alemet, ed Azmavet, e Zimri; e Zimri genuit Moza.

37. E Moza genuit Binea, del qual *füt* figl Rafa, del qual *füt* figl Eleasa, del qual *füt* figl Asel.

38. Ed Asel avet ses figls, ils noms dels quals *sun* quaists: Azricam, e Boeru, ed Ismael, e Searia, ed Obadia, ed Hanan. Tuot quaists *füttan* figls d' Asel.

39. E'ls figls d' Esec, frar da quel, *füttan* Ulam, seis primogenit; Jeus, il segnouid; ed Elifelet, il terz.

40. E 'ls figls d' Ulam füttn homens potaints e valerus, ils quals traivan col balaister; ed avettan blers figls, ed abiadis, *fin a tschienttschinquanta*. Tuot quaists füttn dels figls da Benjamin.

CHAP. IX.

Cuorta descripziun dellas persunas chi turnettan da Babilon, ed abitettn in Gerusalem; con üna repetiziun del sem da Saul.

USCHE füttn tuot ils Israelits nombrats tras lur generaziuns, e mera, els sun descrìts nel cudesch dels rais d' Israel. Ma, dopo cha quels da Giuda füttn stats manats in preschun in Babilon, per lur misfats;

2. E cha 'ls * prims abitants, chi eiran otras voutas dmurats in lur possessions, füttn darcheu turnats in lur cittats, Israelits, sacerdots, levits, e netiners; * Neh. 7, 73.

3. In Gerusalem abitettn dels figls da Giuda, e dels figls da Benjamin, e dels figls d' Efraim, e da Manasse.

4. Utai, figl d' Ammihud, figl d' Omri, figl d' Imri, figl da Bani, dels figls da Peres, figl da Giuda;

5. E dels Silonits, Asaja il primogenit, e seis figls;

6. E dels figls da Zera, Jeguel, e seis frars, *in number da sestschientnovanta*;

7. E dels figls da Benjamin, Sallu, figl da Mesullam, figl d' Hodavia, figl d' Hasuna;

8. Ed Ibneia figl da Jeroham, ed Ela, figl d' Uzi, figl da Micri, e Mesullam, figl da Sefatia, figl da Reguel, figl d' Ibneia;

9. E lur frars, *partits* tras lur generaziuns, *in number da nouvttschienttschinquant' e ses*. Tuot quels füttn capos da *famiglias* paternas della chasa da lur babuns;

10. E dels sacerdots, Jedaja, e Jorabib, e Jachin;

11. Ed * Azaria, figl d' Hilehia, figl da Mesullam, figl da Sadoc, figl da Merajot, figl d' Ahitub, conductor della chasa da Dieu; * Neh. 11, 11.

12. Ed Adaja, figl da Jeroham, figl da Pashur, figl da Malchia, e Maesai, figl d' Adiel, figl da Jazera, figl da Mesullam, figl da Mesillemit, figl d' Immer;

13. Con lur frars, capos da lur famiglias paternas; *in number da millisetttschientsesant'* homens potents e valerus *per l' ouvra* del servezen della chasa da Dieu.

14. E dels levits, Semaja, figl d' Hasub, figl d' Azricam, figl d' Hasabia, dels figls da Merari;

15. E Bacbacar, ed Heres, e Galal, e Mattania, figl da Mica, figl da Zicri, d' Assaf.

16. Ed Obadia, figl da Semaja, figl da Galal, figl da Jedutun; e Berechia, figl d' Assa, figl d' Elcana, il qual abitet nels vihs dels Netofatits;

17. E dels portnêrs, Sallum, ed Acub, e Talmon, ed Ahiman, con lur frars, *dels quals füt capo Sallum*;

18. El *ais* infin uossa, ed *ha la guardia* della porta del rai vers l' oriaint; quaists füttn portnêrs, tanter las troppas dels infants da Levi.

19. Sco Sallum, figl da Core, figl d' Ebiassaf, figl da Cora, e seis frars Corits, della chasa paterna da quel, nell' ouvra del ministeri *eiran stats* guardiants del glim del tabernacul; sco lur babuns nel champ del Segner, *eiran stats* guardiants dell' intrada.

20. E * Pinehas, figl d' Eleazar, col qual il Segner *eira*, anticamaing *eira* stat conductor sur els; * Num. 31, 6.

21. E sco Zacaria, figl da Meselechia, *eira stat* portnêr dell' intrada del tabernacul della raspada.

22. Tuot quaists *sun* quels chi füttn tschernüts per portnêrs dels glims, *in number da duatschient e dudedesch*. Quels füttn nombrats tras lur generaziuns in lur vihs. (Ma David, e 'l * vidaint Samuel, ils avaivan stabilit in lur offizi.) * 1 Sam. 9, 9.

23. E quels, e lur infants *eiran constituits* sur las portas della chasa del Segner, della chasa del tabernacul, per far la guardia l' ün davo l' oter.

24. Ils portnêrs eiran louats vers ils quatter vents, dal oriaint, dal occidaint, dal settentrion, e dal mezdi.

25. E lur frars, *chi eiran* in lur vihs, *avaivan* da gnir a *dmurar* con quels per set dis da temp in temp.

26. Perche quels quatter plü grands portnêrs levits *eiran* da contin in offizi, ed avaivan la cura dellas *

chambras, e tesors della chasa da Dieu;

27. E staivan la not intuorn la chasa da Dieu; perche la guardia eira ad els missa sü, ed avaivan il carico da l'avrir ogni mattina.

28. Ed *alchiins* dels avaivan la cura della vaschella del servezzen; perche els la portaivan aint per nomber, e la pigliaivan *eir* oura per nomber.

29. Ed *oters* dels eiran constituits sur *ils oters* instrumaints, e sur tuot l'üsaglia sacra, e sur la flur farina, e sur il vin, e sur l'öli, e sur l'incens, e sur las spezias.

30. Ma quels, chi componivan il profüm dellas spezias, *eiran* dels infants dels sacerdots.

31. Ed our dals levits, Mattitia, primogenit da Sallum, Corait, avai' il carico da quai cha 's coschaiva* nel test.

* Lev. 2, 5.

32. Ed our da lur frars, figls dels Cahatits, alchüns avaivan la cura dels pans louats in ordinanza, per ils apparechar ogni sabbat.

33. * Oters eir *eiran* chantadurs, capos da *famighias* paternas dels levits, *ils quals* staivan nellas chambras, exemts d'otra cura; perche lur ofizi retscherchaiva, cha füs-san di e not in ouvra.

* 1 Cron. 25, 1.

34. Quaists *füttan* ils capos dellas *famighias* paternas dels levits, capos da lur generaziuns. Quels abitetan in Gerusalem.

35. * Ma in Gibeon abitet Jegiel, bap da Gibeon, e'l nom da sia muglier *eira* Maaca.

* 1 Cron. 8, 29.

36. E seis figl primogenit *füt* Abdon; lura avet el Sur, e Chis, e Baal, e Ner, e Nadab,

37. E Gedor, ed Ahio, e Zaccaria, e Mielot.

38. E Mielot genuit Simeam, e quels abitetan vi' incoenter lur frars in Gerusalem, con lur frars.

39. E Ner genuit Chis, e Chis genuit Saul, e Saul genuit Gionatan, e Malchisua, ed Abinadab, ed Esbaal.

40. E'l figl da Gionatan *füt* Meribbaal, e Meribbaal genuit Mica.

41. E'ls figls da Mica *füttan* Piton, e Melec, e Taherea.

42. Ed Ahaz, *il qual* genuit Jaera;

e Jaera genuit Alemet, ed Azmavet, e Zimri, e Zimri genuit Moza.

43. E Moza genuit Binea, del qual *füt* figl Refaja, del qual *füt* figl Elasa, del qual *füt* figl Asel.

44. Ed Asel avet ses figls, ils noms dels quals *sun* Azricam, e Bocru, ed Ismael, ed Searia, ed Obadia, ed Hannan. Quaists *füttan* ils figls d' Asel.

CHAP. X.

La mort da Saul, e da seis trais figls, e lur sepulchras. La causa della mort da Saul.

MA'ls * Filistins combattettan contra Israel, e 'ls Israelits *fügittan* our davant ils Filistins, e crodettan morts sü'l munt da Gilboa.

2. E'ls Filistins perseguitettan davo Saul e seis figls, e battettan Gionatan, ed Abinadab, e Malchisua, figls da Saul.

3. E'l sforz della battaglia 's volvet conter Saul, e 'ls balaistrèrs al seontrettan, ed el avet granda temma dels balaistrèrs.

4. Lura dschet Saul a seis port-armas: * Tir oura tia spada, e passa 'm tras con quella, cha forsa quaists noncirconciss non vegnan, e fetschan giamgias da mai. Ma seis port-armas non volet far quai, perche el tmaiva fich. Dinuonder Saul piglet la spada, e crodet giò sün quella.

5. E'l port-armas da Saul, veziant ch'el eira mort, as laschet eir el crodar giò in *sia* spada, e morit.

6. Usche morit Saul, e seis trais figls, e tuot *il pövel* da chasa sia.

7. E tuot ils Israelits chi *staivan* nella val, veziant cha'ls *Israelits* eiran *fügi*ts, e cha Saul, e seis figls eiran morts, bandunettan lur cittats, e *fügittan*, e 'ls Filistins gnittan, ed abitetan in quellas.

8. Ma'l di davo gnittan il Filistins per spogliar ils mazzats, e chattettan Saul, e seis figls, chi giaschaivan sü'l munt da Gilboa.

9. E quels il spoglettan, e'l piglettan la testa, e las armas, e tramettettan nel pajais dels Filistins dapertuot intuorn a portar las novas nels *taimpels* da lur idols, ed al pövel.

10. * E tchantettan las armas da Saul nel taimpel da lur deis, ed appichettan sia chavazza nel taimpel da Dagón.

* 1 Sam. 31, 10.

11. Ma tuot *quels* da Jabes da Gilead, aviand inolet tuot quai cha'ls Filistins avaiavan fat a Saul;

12. Tuot ils homens valerus *intanter els* alvettan sù, e piglettan via il corp da Saul, e'ls corps da seis figls, e'ls portettan in Jabes, e sepulittan lur ossa suot il ruver in Jabes, e gegìnettàn set dis.

13. Usche morit Saul * per seis misfats, ch'el avaiava commiss conter il Segner, non aviand observâ il pled del Segner, ed eir perche ch'el avaiava retscherchâ il spiert da piton, per il domandar; * 1 Sam. 13, 13. 15, 23. 28, 8.

14. E non avaiava domandâ il Segner; perquai il fet el morir, e transportet il reginam a David, figl d'Isai.

CHAP. XI.

David ais onschü rai in Hebron. Gerusalem tutt'aint tras David. Ils noms dels homens valerus dell'armada da David.

E tuot Israel as rasset via pro David in Hebron, dschand: Mera, * nus eschan tia ossa e tia charn, * 2 Sam. 5, 1.

2. Ed eir pel passâ, eir tant cha Saul eira rai, *eirast* tû quel, chi condüavast Israel our ed aint, e'l Segner teis Deis t'ha dit: * Tû paschante-rast meis pövel Israel, e sarast il conductur da meis pövel Israel. * Ps. 78, 71.

3. Siand dimena gnüts tuot ils seniors d'Israel pro'l rai in Hebron, fet David qua lia con els, in presenza del Segner, e quels onschettan David per rai sur Israel; seguond il pled del Segner, * *pronunziâ* tras Samuel. * 2 Sam. 5, 3.

4. * Lura get David, con tuot Israel, in Gerusalem, chi *ais* Jebus, e qua *eviran* ils Jebusits, chi abitaivan in quel pajais. * 2 Sam. 5, 6.

5. E'ls abitants da Jebus dschettan a David: Tû non intrerast quaiint. Ma David piglet la fortezza da Sion, chi *ais* la città da David.

6. Ma David avaiava dit: Chi batterà il prüm ils Jebusits, sarà capo, e chapitani. E Joab, figl da Seruja, muntet il prüm; dinuonder el füt fat capo.

7. * E David abitet in quella fortezza; e perquai füt ella clamada: La città da David. * 2 Sam. 5, 7.

8. Ed el edificet la città dapertuot

intuorn, dal bastiun fin a tuot il circuit, e Joab refet il rimanent della città.

9. E David giaiva da contin erschand, e'l Segner dels exercits *eira* con el.

10. Ma quaists *sun* ils principals dels baruns da David, ils quals as deportettan valerusamaing pro el in seis reginam, con tuot Israel, per il far rai; seguond cha'l Segner avaiava impromiss da Israel.

11. E quaiast ais il number dels baruns da David: Jasobeam, figl d'Hacmoni, capo dels colonels. Quaiast ozet sia lanscha conter trajatschient *homens*, e'ls mazzet ad üna vouta.

12. E, davo el, *eira* Eleazar, figl da Dodo, Ahohit, *il qual* eira da quels trais baruns.

13. Quaiast as chattet con David in Pasdamim, cur ils Filistins s'avettan qua raspats in battaglia. Ma qua eira ün champ plain d'üerdi; e, siand il pövel fügen our davant ils Filistins;

14. As presantettan quels *alla battaglia* in mez il champ, e'l spendrettan, e battettan ils Filistins, e'l Segner det üna granda victoria.

15. Ultra quai, * quaists trais, *chi eiran* capos sur ils trenta, gettan via pro'l spelm, pro David, nella spelunca d'Adullam, essendo il champ dels Filistins tschantâ nella val dels Refaits. * 2 Sam. 23, 13.

16. E David *eira* lura nella fortezza, ed ils Filistins in quel temp avaiavan guarnischun in Betlehem.

17. E David füt moventâ con cuaida, e dschet: Chi'm darà da baiver dell'aua della cisterna da Betlehem, chi ais sper la porta?

18. E quels trais penetrettan nel champ dels Filistins, e tenschettan sù aua della cisterna da Betlehem, chi *ais* sper la porta, e la portettan, e la presantettan a David; ma el non volet baiver, anzi la spandet al Segner;

19. E dschet: Cha meis Deis lasch'esser quai dalönsch da mai, ch'eu fetscha quaiast; dess eu baiver il sang da quaists homens, chi sun its via là al risco da lur vita? Perche ch'els han portâ quaiast *aua* a risco da lur

vita, e non volet baiver. Quaistas chostas fettan quels trais baruns.

20. * Abisai, eir quel, frar da Joab, eira il principal tanter *oters* trais. Quel eir ozet sia lanscha conter tratschient *homens*, e 'ls mazzet, e füt famus tanter quels trais. * 2 Sam. 23, 18.

21. Tanter quels trais eira el plü il-luster co 'ls *oters* duos, e füt lur capo; impero non rivet el via pro quels *oters* trais.

22. *Lura eira qua* * Benaja, figl da Jojada, figl d' ün hom valerus; e *Benaja* avaiva fat grandas barunias, ed eira da Cabseel. El battet ils duos * Ariels da Moab; get eir giò, e battet ün liun in mez üna foura, al temp della naiv. * 2 Sam. 23, 20.

23. El battet eir ün hom Egipter, *il qual eira* hom da granda statura, *cioè* da tschinch bratschs muots. Ma quel Egipter avaiva in man üna lanscha simil' ad ün subel d' ün talêr; ma *Benaja* get giò conter el con ün bastun, e 'l sdrappet la lansch' our da man, e 'l mazzet con sia propria lanscha.

24. Quaistas chostas fet Benaja, figl da Jojada, e füt famus tanter trais baruns.

25. Mera, el eira adoza in dignità sur ils trenta; impero non rivet el via pro quels *oters* trais. E David il constituit sur il pövel, ch' el avaiva da contin a seis comand.

26. Lura eiran qua ils *oters* baruns dels exercits; *cioè* * Asahel, frar da Joab; Elhanan, figl da Dodo, da Bethlehem. * 2 Sam. 23, 24.

27. Sammot, Harorit; Heles, Pelonit;

28. Ira, figl d' Ichas Tecoit; Abiezer, Antotit;

29. Sibbecai, Hosatit; Ilai Ahohit;

30. Maherai Netofatit; Heled, figl da Baena, Netofatit;

31. Itai, figl da Ribai, da Gibeas dels figls da Benjamin; Benaja, Piratonit;

32. Hurai, dellas vals da Gaas; Abiel, Arbatit;

33. Azmavet, Baherumit; Eliaba, Saalbonit;

34. Il Gizonit, dels figls d' Hazem; Gionatan, figl da Sage, Hararit;

35. Ahiam, figl da Sacar, Hararit; Elifal, figl d' Ur;

36. Hefer, Mecheratit; Ahia, Pelonit;

37. Hesro, Carmelit; Naarai, figl d' Ezbai;

38. Joel, frar da Natan; Mibehar, figl d' Hagri;

39. Selec, Ammonit; Naherai, Bero-tit, port-armas da Joab, figl da Seruja;

40. Irat, Jetrit; Gareb, Jetrit;

41. Uria, Hetit; Zabad, figl d' Ahelai;

42. Adina, figl da Siza, Rubenit, *chi eira* capo dels Rubenits, *ed avaiva* trent' *oters* con el.

43. Hanan, figl da Maeca; Josafat, Mitnit;

44. Uzia, Asteratit; Sama, e Jejel, figl d' Hotam, Aroerit;

45. Jediael, figl da Simri, e Joha, seis frar, Tisit;

46. Eliel, Mahevit, e Jeribai, e Josavia, figls d' Elnaam; Itma, Moabit;

47. Eliel, ed Obed, e Jaasiel, da Mesobaja.

CHAP. XII.

Descripziun da quels chi füttan con David, tant ch' el eira in Siclag. E da quels chi gettan pro el in Hebron, per il far rei.

MA quaists *füttan* quels chi gnittan pro David * in Siclag, tant ch' el amo eira retgnü là, per temma da Saul, figl da Chis, ils quals eiran tanter ils *homens* potents, buns combat-tants; * 1 Sam. 27, 6.

2. Armats con balaisters, e chi traivan peidras *con la slingia*, e frizzas col balaister, tant dal man snester, co dal dret. Dels frars da Saul, Benjamin;

3. Abiezer, capo, e Joas, figls da Se-maa, da Gibeas, e Jeziel, e Pelet, figls d' Azmavet, e Beraca, e Jehu, Antotit;

4. Ed Jesmaja, Gibonit, il plü valerus da trenta; sur ils quals el avai' il regimen, e Geremia, e Jehaziel, e Jona-han, e Jozabad, Gederatit;

5. Eleusai, e Jerimot, e Bealia, e Sa-maria, e Safatia Harofit;

6. Elcana, ed Issia, ed Azareel, ed Joezer, e Jasobeam, Coraits;

7. E Joela, e Zebadia, figls da Jero-ham, da Gedor.

8. *Alchüns* eir dels Gadits as partit-tan per as redür via pro David, nella

fortezza nel desert, homens fìch valents nellas armas e guerras, armats con targias, e schüts, e paraivan liuns in fatscha, e chavrets süls munts, * in spertezza; * 2 Sam. 2, 18.

9. Ezer eira il prüm, Obadia il seguond, Eliab il terz;

10. Mismanna il quart, Geremia il quint;

11. Attai il sesavel, Eliel il setta-
vel;

12. Johanan l'ottavel, Elzabad il novavel;

13. Geremia il deschavel, Macban-
nai l'ündeschavel;

14. Quaists, tuts our dals figls da Gad, füttan chapitanis del exercit; il minim comandaiv' a tschient homens, il plü grand a milli;

15. Quaists füttan quels, chi passet-
tan il Giordan al prüm mais, cur el ais plain fin sur tuot sias rivas, e schatschettan tuot quels chi staivan nellas vals, vers oriain e vers occi-
daint.

16. Gnittan eir dels infants da Ben-
jamin, e da Giuda pro David, nella
fortezza.

17. E David get our' ad els incon-
ter, e favlet ad els, e dschet: Scha
vus eschat gnüts pro mai, da buns
amis, per succuorrer mai, schi sarà
meis cour invers vus, per esser in
buna uniuin insembel; *ma schu vus
eschat gnüts* per am tradir a meis ini-
mis, combain cha non *saja qua* alchü-
na violenza in meis mans; schi cha'l
Deis da noss babuns *qua* vezza, e
dett' il chastiamaint.

18. Lura il * spiert investit Amasai,
capo da quels chapitanis, ed *el dschet*:
Nus eschan teis, o David, e *volain star*
con tai, o figl d' Isai. Pasch, pasch a
tai, e pasch a quels chi't succuorran;
perche teis Deis at succuorra! E Da-
vid ils retschevet, e 'ls constituit tan-
ter ils chapitanis da *sias* troppas.

* Gid. 6, 34.

19. Alchüns eir da Manasse gettan
as render a David, * cur el gnit cols
Filistins, per combatter con Saul. Ma
David non als det alchün succuors;
perche 'ls principals dels Filistins, tras
comün cossagl, il tramettettan inavo,
dschand: El as volverà darcheu vi' a

Saul, seis signur, a *risco da* nossas
testas.

* 1 Sam. 29, 2. 4.

20. Cur' el da là get in Sielag, Adna,
e Jozabad, e Jediael, e Micael, e Jo-
zabad, ed Elihu, e Siltai, our dals
Manassits, capos da milliêras in Ma-
nasse, gettan, as render ad el.

21. E quels dettan succuors a David
* conter las troppas, chi avaivan fat
quella scurraria; perche cha *eiran*
tuots homens valents; dinuonder els
füttan fats chapitanis nel exercit;

* 1 Sam. 30, 1. 9. 10.

22. Perche da di in di gniva *pövel*
pro David, per succuorrer, fin a far
ün champ grand, sco ün champ da
Dieu.

23. Ma quaistas *sun* las sommas del-
las troppas da quels, chi gnittan pro
David in Hebron, inarmits per la
guerra, per transportar sün el il re-
ginam da Saul; * seguond il pled
del Segner;

* 1 Sam. 16, 1. 3.

24. Dels figls da Giuda, chi portaivan
schüt e lanscha, *gnittan* sesmilli ed
ottschient inarmits per la guerra;

25. Dels figls da Simeon, valents
e potents per la guerra, *gnittan* set-
milli e tschient;

26. Dels figls da Levi, quattermilli
e sestschient;

27. Insembel con Jodaa, conductor
dels *descendents* d' Aaron, ed avaiva
con el trajamilli e settschient homens;

28. E * Sadoc, ün giuven potent e
valerus, con vainch e duos dels prin-
cipals della chasa da seis bap;

* 1 Sam. 8, 17.

29. E dels figls da Benjamin, frars
da Saul, *solum* trajamilli; perche la
granda part da quels fin allura tgnai-
va la part della chasa da Saul;

30. E dels figls d' Efraim vainchmilli
ed ottschient homens valerus, e famus
in lur famiglias paternas;

31. E della mezza schlatta da Ma-
nasse, deschdotmilli, ils quals füttan
nomnadamaing deputats per gnir a
constituir David per rai;

32. E dels figls d' Issaschar *gnittan*
homens inlegiantaivels nella cogno-
schenscha dels temps, per savair quai
ch' Israel avaiva da far; lur capos
eiran duatschient, e tuot lur frars as
retschaivan tras lur avis.

33. Da Zebulon *gnittan*, da cour sin-cêr, tschinquantamilli *homens* guerriers, in uorden per la guerra, armats con tuottas armas, e mossats as metter in ordinanza;

34. E da Naftali, milli chapitanis, aviand con els trent'e setmilli *homens*, con schüt e lanscha;

35. E dels Danits, vainchotmilli e sestschiënt in uorden per la guerra;

36. E d' Asser, quarantamilli *homens* guerriers, mossats as ordinar in battaglia.

37. E da *quels* da là del Giordan, dels Rubenits, dels Gadits, e della mezza schlatta da Manasse, tschient e vainchmilli *homens*, armats con tuottas armas da combatter.

38. Tuot quaists *homens* da guerra *gnittan* in ordinanza, da cour perfet, in Hebron, per constituir David per rai sur tuot Israel. Tuot il rimanent d'Israel *eira* eir per far David rai d'ün istess anim.

39. E *quel pövel* stet qua trais dis con David, mangiand, e bavand; perche lur frars avaiavan ad els provedü.

40. Ed eir lur prossems paraints, fin ad Issaschar, e Zebulon, e Naftali, portaivan sün asens, e sün chàmêls, e *manaiavan* con müls, e con bovs, pan ed otra victualia da farina, figs sechs, tijas sechas, e vin ed öli, e *manaiavan* eir bovs, e bescha in granda quantità; perche *qua eira* allegrezza in Israel.

CHAP. XIII.

David fa condür l'archa in Sion. Uza per l'avair tocca, ais battü da mort subitana.

LURA's cosglet David con tuot ils conducturs, capos dellas millières, e dels tschientinêrs,

2. E dschet a tuot la raspada d'Israel: Schi's para bön, e *scha quai proceda* dal Segner nos Deis, schi tramettain da qua, e da là, als oters noss frars, *chi sun* in tuot las contradas d'Israel, pro 'ls quals sun ils sacerdots, ed ils levits, nellas terras, ils contadis dellas qualas sun ad els assegnats, a dir ad els, cha's raspan nan pro nus.

3. E redütain nan pro nus la chascha da nos Deis; perche nus non l'avain retscherehada al temp da Saul.

4. E tuot la raspada dschet, cha's fess usche; perche 'l fat plaschet a tuot il pövel.

5. * David dimena respet tuot Israel, da Sihor d'Egipto, fin all'intrada d'Hemat, per recondür l'archa da Dieu da Chiriatjearim. * 2 Sam. 6, 1.

6. E David muntet con tuot Israel vers Baala a Chiriatjearim, *terra* da Giuda, per transportar da là l'archa del Segner Deis, chi sezza sur ils cherubins, del nom del qual *ella* ais nominada.

7. E la chascha da Dieu füt tschantada sün ün charr nouv, *per la condür d'avent* dalla chasa d'Abinadab. Ed Uza, ed Ahio guidaivan il charr.

8. * E David, e tuot Israel faivan festa a tuot podair avant Dieu, con chanzuns, e con citras, e con psalters, e con tamburs, e con cimbals, e con trombettas. * 2 Sam. 6, 5.

9. Ma, cur els füttan rivats fin al iral da Chidon, Uza stendet il man per retgnair l'archa; perche 'ls bovs l'avaivan straversada.

10. E l'ira del Segner s'invüdet conter Uza, ed el il battet, perche l'avaiava stais our' il man sur l'archa; ed el morit qua avant Dieu.

11. E David avet malavita, cha'l Segner avess fat rottüra in Uza; per quai clamet el quel lö Peres-Uza; *il qual nom dürr'* infin ad hoz, *q. a. rottüra*.

12. E David avet in quel di temma da Dieu, e dschet: Co dess eu condür nan pro mai la chascha da Dieu?

13. E David non retret la chascha nan pro sai, nella città da David; ma la fet redür dadaint la chasa d'Obed-Edom, Gatit.

14. * E l'archa da Dieu dmuret in chasa d'Obed-Edom, con la famiglia da quel, il spazi da trais mais. E'l Segner benedit la chasa d'Obed-Edom, e tuot quai chi *eira* sieu. * 2 Sam. 6, 10.

CHAP. XIV.

Ilis infants nats a David in Gerusalem. Ilis Filiatins sun disfats tras David.

MA * Hiram, rai da Tiro, tramettet pro David ambascadurs, e lainam da ceder, e müradurs, e maranguns, per l'edifichar üna chasa.

* 2 Sam. 5, 11.

2. E David cognoschet, cha 'l Segner l'avaiva stabili rai sur Israël; perche seis reginam eira grandamaing adozâ per amur d'Israel, seis pövel.

3. E David piglet eir mugliers in Gerusalem, genuit eir figls e figlias.

4. E quaists *sun* ils noms dels *infants*, chi 'l naschettan in Gerusalem: * Sammua, e Sobab, e Natan, e Salomon,

* 1 Cron. 3, 5.

5. Ed Ibhar, ed Elisua, ed Elfelet,

6. E Noga, e Nefeg, e Jafia,

7. Ed Elisamma, e Beeljada, ed Elifeled;

8. Ma, *cur* ils Filistins avettan incelet, cha David eira stat onschü rai sur tuot Israel, schi muntettan els tuots, per tscherchar David. E David, avinand incelet quai, get our' ad els in-conter.

9. E 'ls Filistins gnittan, e 's rasettan nella val dels Refaits,

10. Lura David domandet Deis, dschand: Dess eu muntar sü conter ils Filistins, e 'm ils darast tü nels mans? E 'l Segner dschet ad el: Muntar, ed eu t' ils vögl dar nels mans.

11. Contuot muntettan quels in * Baalprasim, e David ils battet qua, e dschet: Deis ha ruot tras meis man meis inimis, a guisa d'ün' inundaziun d'aua; perquai quel lö füt clamâ Baal-Prasim.

12. E 'ls *Filistins* laschettan qua lur deis, e per comandaint da David, füttan els ars con fö.

13. Ma 'ls Filistins as rasettan ün'otra vouta per quella val.

14. E David domandet danöv Deis. E Deis al dschet: Non muntar sü davvo els; at volva incounter els, e vâ sur els vi' incounter la boſcha d' amuras.

15. E, *cur* tü vainst ad udir ün hüsmar sün las tschimmas della boſcha d'amuras, schi tira lura oura in battaglia; perche Deis sarà trat our' avant tai, per batter il champ dels Filistins.

16. E David fet sco Deis l'avaiva comandâ, e 'l champ dels Filistins füt battü da Gibeon fin a Gezer.

17. E la fama da David as raset per tuot il pajais, e 'l Segner mettet spavent dad el in tuot ils pövels.

CHAP. XV.

David prepara ün lö per la chascha. Mical, muglier da David, il spreſtscha.

MA David as fet chasas nella città, e perderschet ün lö per l'archa da Dieu, e la * tendet ün tabernacul suravia.

* 1 Sam. 16, 1.

2. Lura dschet David: E non sta ad oters co als levits, da portar l'archa da Dieu; perche 'l Segner ils ha elets per portar l'archa da Dieu, e per al servir in perpetuo.

3. E David raspet tuot Israel in Gerusalem, per transportar l'archa del Segner a seis lö, ch'el avaiva perdert.

4. David raspet eir ils figls d'Aaron, ed ils levits.

5. Dels figls da Cahat Uriel eira il principal, ed *avaiva con el* tschient e vainch da seis frars;

6. Dels figls da Merari Asaja eira il principal, ed *avaiva con el* duatschient e vainch da seis frars;

7. Dels figls da Gersom Joel eira il principal, ed *avaiva con el* tschient e trenta da seis frars;

8. Dels figls d'Elisafan Semaja eira il principal, ed *avaiva con el* duatschient da seis frars;

9. Dels figls d'Hebron Eliel eira il principal, ed *avaiva con el* ottanta da seis frars;

10. Dels figls d'Uziel Amminadab eira il principal, ed *avaiva con el* tschient e dudesch da seis frars;

11. E David clamet Sadoc, ed Ebiatar, sacerdots, ed ils levits, Uriel, Asaja, e Joel, Semaja, Eliel, ed Amminadab;

12. E dschet ad els: Vus *eschat* ils capos dellas *famiglias* paternas dels levits; santifichai vus, e voss frars, acio cha vus transportat la chascha del Segner Deis d'Israel al lö, ch'eu l'ha apparechâ.

13. Perche vus non il fettat * la prüma vouta, il Segner nos Deis fet üna rottüra tanter nus; perche nus non l'avaivan tscherchâ seguond chi 's convgniva.

* 2 Sam. 6, 3. 13. 7.

14. Ils sacerdots dimena, e 'ls levits, as santifichettan, per transportar l'archa del Segner Deis d'Israel.

15. E 'ls figls dels levits portettan

l'archa da Dieu sün lur spadlas, con las stangas ch' avaiavan adöss; sco Mose * avaiava comandà, seguond il pled del Segner.

* Ex. 25, 14.

16. E David dschet als principals intanter ils levits, cha fessan esser *qua* presaints lur frars chantadurs, con instrumaints musicals, psalters, e citras, e cimbals, sunand, ed ozand la vusch con allegrezza.

17. E 'ls levits fettan esser *qua* presaints * Heman, figl da Joel, e tanter ils frars da quel Assaf, figl da Berechia, e tanter ils infants da Merari, lur frars, Etan, figl da Cusaja;

* 1 Cron. 6, 3. 6, 39. 44.

18. E, con els, lur frars, del seguond uorden, Zaccaria, e Ben, e Jaeziel, e Semiramot, e Jehiel, ed Unni, ed Eliab, e Benaja, e Maeseia, e Mattitia, ed Elifelehu, e Micnehu, ed Obed-Edom, e Jegiel, portnêrs.

19. Ma quaists chantadurs, Heman, Assaf, ed Etan, sunaivan con cimbals d'aram;

20. E Zaccaria, e Jaeziel, e Semiramot, e Jehiel, ed Unni, ed Eliab, e Maeseja, e Benaja, sunaivan con psalters sur alamot.

21. E Mattitia, ed Elifelehu, e Micnehu, ed Obed-Edom, e Jegiel, ed Azazia, sunaivan con las citras sur seminit, * per las chanzuns da victoria.

* Ps. 6, 1.

22. E Chenania, principal tanter ils levits, pigliaiva sù la nota; el presidiaiva al tour sù la nota, perche l'*eira* hom ineclegiantaivel.

23. E Berechia, ed Elcana *eiran* portnêrs dell' archa.

24. E Sebania, e Giosafat, e Natanel, ed Amasai, e Zaccaria, e Benaja, ed Eliezer, sacerdots, * sunaivan con las trombettas avant l' archa da Dieu; ed Obed-Edom, e Jehia, *eiran* portnêrs dell' archa.

* Num. 10, 8.

25. Usche David, e 'ls seniurs d' Israel, e 'ls capos dellas milliêras, chaminaivan, transportand l' archa della lia del Segner, dalla chasa d' Obed-Edom con allegrezza.

26. E, cur Deis daiva surlevigiamaint als levits chi portaivan l' archa della lia del Segner, as sacrifichaiva set trims, e set bümatschs.

27. E David *eira* vesti con üna rassa da biss, e sumgiantamaing tuot ils levits chi portaivan l' archa, e 'ls chantadurs nel tour sù la nota, e David avaiav' in döss ün efod da glin.

28. Usche tuot Israel condüaiva l' archa della lia del Segner, con bragizi d' allegrezza, con sun da corns, e con trombettas, e con cimbals, sunand con psalters, e con citras.

29. Ma, cur l' archa della lia del Segner rivet pro la città da David, * Mical, figlia da Saul, guardet our dalla fanestra, e vezett il rai David chi sotaiva, e faiva festa. Ed ella il spretschet in seis cour.

* 2 Sam. 6, 16.

CHAP. XVI.

La chascha ais missa nel lü preparâ. David ordaina levits. El lod' il Segner, ed exorta tuots fidels.

USCHE portettan els l' archa da Dieu, e la tschantettan in mez la chamanna, cha David l' avaiava tassa; lura offerittan els olocausts, e sacrificizis d' ingraziamaint avant Dieu.

2. E, cur David avet fini d' offerir ils olocausts, e 'ls sacrificizis d' ingraziamaint, benedit el il pövel nel nom del Segner;

3. E partit our' a tuot ils Israelits, tant als homens, co allas donans, üna fuatscha da pan, ed ün toc charn, ed ün flaseun *vin* per ün;

4. Ed ordinet, intanter ils levits, *alchüns* ministers per far regordar, e per celebrar, e per lodar il Segner Deis d' Israel, avant la chascha del Segner;

5. Assaf *eira* il capo, e Zaccaria il seguond davo el; *lur' eiran* Jegiel, e Semiramot, e Jehiel, e Mattitia, ed Eliab, e Benaja, ed Obed-Edom. Ma Jegiel sunaiva con psalters, e con citras, ed Assaf con cimbals;

6. E Benaja, e Jahaziel, sacerdots, *sunaivan* da contin con trombettas, avant l' archa della lia da Dieu.

7. Lura, in quel istess di, det David * primariaimaing *quaist psalm* in man ad Assaf, ed a seis frars, per celebrar il Segner:

* 2 Sam. 23, 1.

8. * CELEBRAI il Segner, predgiai seis nom, e fat cleras e manifestas sias ouvras tanter ils pövels. * Ps. 105, 1.

9. Chantai ad el, psalmiai ad el, raschunai da tuot sias müravaglias.

10. As gloriai nel nom da sia santità; s'allegre' il cour da quels chi tscherchan il Segner!

11. Tscherechai il Segner, e sia forza; tscherchai da contin sia fatscha!

12. As regordai da sias müravaglias ch'el ha fat; seis miraculs, e 'ls güdizis da sia bocca;

13. O sem d'Israel; seis serviants; infants da Giacob, seis elets!

14. El *ais* il Segner nos Deis; seis güdizis *sun* per tuot la terra.

15. As regordai in perpetuo da sia lia, ed in milli generaziuns del pled, *ch'*el ha comandà;

16. *Da sia lia*, ch'el fet con Abraham, e da seis saramaint, *ch'el det* ad Isac;

17. Il qual el confermet a Giacob per statut; ed ad Israel *per* pat etern;

18. Dschand: Eu't vögl dar il pajais da Canaan, *per* sort da voss'ierta;

19. Combain cha vus eschat in pitschen number, zuond pac pövel, e forestêrs in quel.

20. E, *tant* cha quels giaivan qua e là d'ün pövel pro ün *oter*, e d'ün reginam pro ün *oter* pövel;

21. Schi non permettet el, ch'alchün ils squitschess suot, anzi chastiet el * rais per amur dad els; * Gen. 12, 17.

22. Dschand: Non toccarai meis onschüts, e non farai mal a meis profets.

23. * CHANTAI al Segner, o *abitants* da tuot la terra, predgiai oura tuottadi seis salut!

* Ps. 96, 1.

24. Requentai sia gloria tanter ils pajais, sias müravaglias tanter tuots pövels!

25. Perche il Segner *ais* grand, e degn da grand lod, e stramantus sur tuot ils deis!

26. Perche tuot ils deis dels pövels *sun* idols; ma'l Segner ha fat ils tschels.

27. Majestà, emagnificenza *sun* avant el; forza e dalet *sun* nel lö, ingio l'avda.

28. O *vus*, naziuns dels pövels, rendai al Segner, rendai al Segner gloria, e potenza!

29. Rendai al Segner la gloria *chi oda* a seis nom; portai nan offertas, e gnü avant el; adora il Segner nel magnific santuari;

30. Tremblai, o *abitants* da tuot la terra, per la sia presenza; tschert il muond sarà stabili, sainza podair esser *plü* moventà.

31. S'allegren ils tschels, e la terra fetscha festa, e 's dia tanter ils pövels: Il Segner regna!

32. Strasuna il mâr, e quai ch'in quel as consegna; las champagnas fetschan festa, e tuot quai ch' *ais* in quellas.

33. Lura vain la boscha dels gods a güvlar d'allegrezza, per la presenza del Segner; perche el vain a güdichar la terra.

34. * Celebrai il Segner; perche *el ais* bun, perche sia benignità *ais* in eterno!

* Ps. 107, 1.

35. E dit: Salva 'ns, o Deis da nos salut, raspa 'ns, e spendra 'ns dallas naziuns; acio cha nus celebran il nom da tia Santità, e 'ns glorieschan in teis lod.

36. Benedi *saj'* il Segner, Deis d'Israel, d'ün temp al oter! E tuot il pövel dia: Amen, e loda il Segner!

37. Contuotlaschet David qua, avant l'archa della lia del Segner, Assaf e seis frars, per servir da contin avant l'archa, di per di da contin;

38. Eir *laschet* el Obed-Edom, con lur frars, *in number* da sesant' ot; ed Obed-Edom, figl da Jedutun, ed Hosa, per portnêrs.

39. Laschet eir il sacerdot Sadoc, con ils sacerdots, seis frars, avant il tabernacul del Segner, * sül lö ot chi *eira* in Gibeon;

* 1 Reg. 3, 4.

40. Per offerir da contin, saira e matina, olocausts al Segner sün l'utêr dels olocausts, e per *far* tuot quai chi *ais* scrit nella ledscha del Segner, la qual' el ha dat ad Israel.

41. E, con els *eiran* Heman, e Jedutun, e 'ls oters elets, e nomnadamaing ordinats per celebrar il Segner, perche sia benignità *ais* in eterno;

42. *Eiran*, di eu, con els Heman, e Jedutun, con trombettas, e con cimbals per ils sunadurs; e *con* oters instrumaints della musica da Dieu.

E'ls figls da Jedutun avaiavan la cura della porta.

43. Lura tuot il pövel get, scodün a chasa sia. E David turnet inavo per benedir sia chasa.

CHAP. XVII.

David disegna d'edifichar ün taimpel. Sainz' il pled da Dieu non ais da provar inguotta. Cristo impromiss suot figüra da Salomon.

MA * David, abitand in sia chasa, dschet al profet Natan: Mera, eu avd in üna chasa da ceder, e l'archa della lia del Segner *ais* suot üna tenda.

* 2 Sam. 7, 1.

2. E Natan dschet a David: Fà tuot quai cha tü hast nel cour; perche Deis ais con tai.

3. Ma quell' istessa not füt il pled del Segner *indirizzà* a Natan, dschand:

4. Và, e di a meis serviaint David: Usche ha dit il Segner: Tü non *sarast* quel, chi 'm dess edificar la chasa, per abitar *laint*;

5. Perche eu non ha abità in chasa alchüna, * dal di, ch'eu tret Israel *our d' Egipto*, fin a quai di; anzi sun stat da tabernacul in tabernacul, e da chamanna in *chamanna*.

* 1 Reg. 8, 16.

6. Ingio eu sun chaminà con tuot Israel, ha eu mâ favlâ ad alchün dels güdischs d' Israel, al qual eu ha comandâ da paschantar meis pövel, dschand: Perche non m'avais vus edificâ üna chasa da ceder?

7. Uossa dimena, usche dessast dir a meis serviaint David: Usche ha dit il Segner dels exereits: * Eu t'ha tut our dal stavel, davent dalla scossa, acio cha tü sajast conductur da meis pövel Israel;

* 1 Sam. 16, 11.

8. E sun stat con tai ingio cha tü est chaminà, ed ha sdrüt tuot teis inimis our davanti tai, e t'ha acquistâ ün nom, sumgiant al nom dels plü grands chi *sun in* terra;

9. Ed eir vögl eu constituir ün lö a meis pövel Israel, e l' vögl implantar, ed el abiterà in chasa sia, e non sarà plü moventâ, e'ls figls dell' iniquità non continueran plü al consümar, sco da prüma;

10. Eir dal temp ch'eu ordinet güdischs sur meis pövel Israel; ed eu vögl abbassar tuot teis inimis. Ultra

quai, at decler' eu, cha l' Segner t' edificherà üna chasa.

11. * E, cur teis dis saran complits, cha tü giajast pro teis babuns, schi vögl eu far resüstar *ün da* teis sem davo tai, il qual sarà da teis figls, e vögl stabilir seis reginam.

* 2 Sam. 7, 12, 15.

12. Quel m' edificherà üna chasa, ed eu vögl far ferm seis trun in eterno.

13. * Eu al vögl esser bap, ed el am sarà figl, ed eu non vögl retrar mia benignità dad el, sco eu l'ha retratta da quel chi ais stat avant tai.

* Ps. 89, 27, 29.

14. Ed eu il vögl stabilir in mia chasa, ed in meis reginam, in perpetuo, e seis trun sarà ferm in eterno.

15. Natan favlet a David seguond tuot quai sts' plds, e seguond tuot quai sta visium.

16. Lura gnit il rai David, e 's mettet a zer avant il Segner, e dschet: Chi *sun* eu, Segner Deis; e quala ais mia chasa, cha tü m' hast fat rivar fin a quai st?

17. Ed *eir* impero, o Deis, quai t' ha partü pac; ed hast tschantschâ davart la chasa da teis serviaint per ün lung temp a gnir, e m' hast provedü con quai st grà, sco tras ün uorden da *successum* umana; o Segner Deis!

18. Che savess David at *dir* da plü, davart l' onur, *cha tü fast* a teis serviaint? Ma tü cognoschast teis serviaint!

19. Segner, per amur da teis serviaint, e seguond teis cour, hast tü fat tuot quai st grand at, fand a savair *a teis serviaint* quai stas grandas chosassas.

20. * Segner, e non *ais alchün* sumgiant a tai, e non *ais* Deis ourdvarit tai; seguond tuot quai cha nus avain udì con nossas uraglias.

* Deut. 3, 24. Ps. 86, 8. Es. 37, 16, 20.

21. E qual *ais* il sulet pövel in terra, sumgiant a teis pövel Israel? Per il qual Deis ais it, per il spendrar ad el per seis pövel; per t'acquistar, o *Dieu*, fama da chosas grandas, e straman-tusas; schatschand las naziuns ourdavant teis pövel, cha tü hast spendrà d' Egipto.

22. E t' hast constitui teis pövel

Israel per pövel in perpetuo, e tü, Segner, t' hast fat lur Dieu.

23. Uossa dimena, o Segner, saj' il pled, cha tü hast impromiss a teis serviaint, ed a sia chasa, ferm in perpetuo; e fà sco tü hast tschantsehâ.

24. Saja quel ferm, acio cha teis nom saja magnificâ in eterno, e 's dia: Il Segner dels exercits, il Deis d'Israel, *ais* Dieu ad Israel, e *saja* la chasa da David, teis serviaint, stabla avant tai.

25. Perche tü, meis Dieu, hast revelâ a teis serviaint, cha tü l'edificerast üna chasa; perquai ais teis serviaint dispost a far oraziun in teis conspet.

26. Uossa dimena, Segner, tü est Dieu, ed hast impromiss quaißt bön a teis serviaint.

27. Contuot, *daspö cha* uossa t' ha plaschü da benedir la chasa da teis serviaint, acio ch'ella saj' avant tai in perpetuo; *daspö, di eu*, cha tü Segner, l'hast benedida, saj' ella benedid' in eterno!

CHAP. XVIII.

Ils Filistins vints tras David. Item ils Siriers da Damasco. Ils principals offizials della chasa da David.

MA, * davo quaistas chosas, battet David ils Filistins, e 'ls abbasset, e piglet als Filistins Gat, e las terras da seis territori. *2 Sam. 8, 1.

2. El battet eir ils Moabits; dinuonder ils Moabits füttan soggets da David, pajand tribut.

3. David, ultra quai, battet Hadarezer, rai da Soba, vers Hemat, tant ch'el giaiva per stabilir seis domini intuorn il flüm Euftrat.

4. E David al piglet milli charra, e setmilli chavalgiaints, e vainchmilli peduns, e taglet ils giarlets als *chavals* da tuot la charra, resalv tschient, ch'el reservet.

5. Ma 'ls Siriers da Damasco eiran gnüts al succuors d' Hadarezer, rai da Soba, e David battet da quels Siriers vainch e duamilli homens.

6. Lura mettet David *guarnischun* nella Siria Damascena, e 'ls Siriers dvanettan soggets da David, pajand tribut. E'l Segner salvaiva David, ingio ch'el giaiva.

7. E David piglet ils schüts d' or, cha 'ls serviaints d' Hadarezer portaiavan, e 'ls portet in Gerusalem.

8. David piglet eir üna grandisma quantità d'aram da Tibehat, e da Cun, cittats d' Hadarezer; dinuonder Salomon fet il mâr d' aram, e las coluonnas e vaschella d' aram.

9. Ma Tou, rai d' Hemat, aviand in clet cha David avaiva battü tuot l'exercit d' Hadarezer, rai da Soba;

10. Tramettet seis figl Hadoram pro 'l rai David, per il salüdar, e per il benedir, da quai ch' el avaiva combattü conter Hadarezer, e l'avaiva miss suot; perche Hadarezer avaiva fat guerra averta a Tou. *El tramettet* eir ogni *sort* da vaschella d'or, e d'argient, e d' aram.

11. Il rai David consacret eir al Segner *quella vaschella*, insembel con l'argient, e con l' or, ch'el avaiva portâ da tuot ils pövels, d' Edom, e dals Moabits, e dals figls d' Ammon, e dals Filistins, e d' Amalec.

12. Ultra quai, Abisai, figl da Seruja, battet ils Idumeers nella val del sal, *in number* da deschdotmilli;

13. E mettet guarnischun in Idumea, e tuot ils Idumeers dvanettan soggets da David. E'l Segner salvaiva David, ingio ch'el giaiva.

14. Usche regnet David sur tuot Israel, fand raschun, e güstia a tuot seis pövel.

15. E Joab, figl da Seruja, *eira* capo del exercit, e Giosafat, figl d' Ahilud, *eira* cancellar.

16. E Sadoc, figl d' Ahitub, ed Abimelec, figl d' Abiatar, *eiran* sacerdots; e Savsa *eira* secretari;

17. E Benaja, figl da Giojada, *eira* sur ils Cheretits, ed ils Peletits, e 'ls figls da David *eiran* ils prüms pro 'l rai.

CHAP. XIX.

David trametta ambaschadurs al rai d' Ammon, per as condolar della mort del bap da quel, ma el fa spectacul dels, e 'ls spretscha. Ils Siriers vints darcheu tras David.

MA, * dopo quaistas chosas, dvanettet cha Nahas, rai dels figls d' Ammon, morit, e seis figl regnet in seis lö. *2 Sam. 10, 1.

2. E David dschet: Eu vögl dovrar

benignità invers Hanon, figl da Nahas; perche seis bap dovret benignità invers mai. E David tramettet ambaschadurs, per il cuffortar da seis bap. Ma, cur ils serviains da David füttan rivats nel pajais dels figls d'Ammon, pro Hanon, per il cuffortar;

3. Ils principals dels infants d'Ammon dschettan ad Hanon: A teis parair aise per onorar teis bap, cha David t' ha tramiss cuffortadurs? Non sun seis serviains gnüts pro tai per investigar, e per metter suot, e per spiar il pajais?

4. Perquai piglet Hanon ils serviains da David, e 'ls fet rasar, e tagliar lur vestimainta per mez giò, fin allas cossas; ed *usche* ils tramettet el inavo.

5. E quels gettan davent, e fettan a savair il fat a David tras homens apostea. Ed el tramettet ad els incoiter; perche quels homens eiran grandamaing confus. E 'l rai fet dir *ad els*: Dmurai in Gerico, fin cha la barba as saja darcheu creschüda; lura turnai darcheu.

6. Ma, * veziand ils infants d'Ammon, cha 's eiran rendüts abominabels vers David, schi tramettettan Hanon, e 'ls infants d'Ammon milli talents d'argient per as finar sü charra, e chavalgiains da Mesopotamia, e della Siria da Maaca, e da Soba;

7. E finettan sü trentadumilli charra, e 'l rai da Maaca, con seis pövel; ils quals gnittan, e s'acchampettan avant Medeba. Ils infants d'Ammon as rassettan eir quels our da lur citats, e gnittan alla guerra.

8. E David, aviand inolet *quai*, tramettet Joab, con tuot l' exercit del pövel da valor.

9. E 'ls figls d'Ammon trettan oura, ed ordinettan la battaglia sün l'intrada della porta, e 'ls rais chi eiran gnüts, *eiran* d'üna vart nella cham-pagna.

10. E Joab, veziand cha la battaglia eira vouta conter el, davant e davo, fet el üna tscherna da tuot ils homens tschernüts d'Israel, e 'ls ordinet incoiter als Siriers;

11. E det a condür il rimanent del

pövel ad Abisai, seis frar, e 'ls ordinet in battaglia incoiter ils figls d'Ammon;

12. E dschet *ad Abisai*: Scha 'ls Siriers am supereschon, schi succuorra 'm; ma scha 'ls figls d'Ammon at supereschon, at vögl eu succuorror.

13. At fortificha, e 'ns deportain valerusamaing per nos pövel, e per las cittads da nos Dieu, e fetsch 'il Segner quai chi 'l parerà böen.

14. Joab lura, col pövel ch' el avaiava con el, gnit a battaglia conter ils Siriers, e quels fuggittan avant el.

15. E 'ls figls d'Ammon, veziand cha ils Siriers eiran fuggits, fuggittan eir els our davant ad Abisai, frar da Joab, ed incoiter nella città. E Joab turnet darcheu in Gerusalem.

16. E 'ls Siriers, veziand cha eiran battüts dad Israel, tramettettan mess, e fettan gnir ils Siriers, chi *eiran* da là del flüm; e Sofac, capo del exercit d'Hadarezer, ils condüaiva.

17. E, siand quai stat refert a David, rasset el tuot Israel, e passet il Giordan, e gnit pro els, ed ordinet la battaglia conter els. Ed, aviand David fat quai, combattettan ils Siriers con el.

18. Ma 'ls Siriers fuggittan our davant ad Israel, e David mazzet *il pövel da* setmilli charra dels Siriers, e quarantamilli peduns, e mazzet Sofac, capo del exercit.

19. E 'ls soggets d'Hadarezer, veziand cha eiran battüts dad Israel, fettan pasch con David, e 'l füttan soggets. E 'ls Siriers non volettan plü succuorror als figls d'Ammon.

CHAP. XX.

Rabba, città dels Ammonits, assediada, e sdrüta tras Joab. Trais gigants mazzats, in trais battaglias conter ils Filistins.

MA dvantet, * ch' in cheu del an, al temp, cha 'ls rais soulan trar our' *alla guerra*, Joab condüet oura l' exercit, e dazipet il pajais dels infants d'Ammon; lura gnit el, e tschantet l' assedi a Rabba; ma David dmu-ret in Gerusalem, e Joab battet Rabba, e la disfet.

* 2 Sam. 11, 1.

2. E * David piglet la corona del rai giò dalla testa da quel, e chattet ch' ella pasaiva ün talent d'or, e *qua*

eiran peidras preziasas, e füt *tschantada* süil cheu da David. El portet eir d'avent ils butins della città, *chi eiran* in grandisma quantità; *2 Sam. 12, 30.

3. E tret our il pövel, chi eira laint, e'l mettet in pezzas con resgias, e con charrs da seuder da fier, e con manêras. Ed usche fet David a tuot las citats dels infants d'Ammon. Lura turnet el darcheu, con tuot il pövel, in Gerusalem.

4. * Dopo quaistas chosas, dvantet cha 's movantet guerra contr' als Filistins, in Gezer. Lura Sibcai, Husatit, battet Sippai, *chi eira* del sem da Rafa, e *'ls Filistins* fütan abbasats. *2 Sam. 21, 18.

5. Qua füt eir ün' *otra* guerra contr' als Filistins, nella quala Elhanan, figl da Jair, battet Lahemi, frar da Goliat, Gatit, l'asta della lanscha del qual *eira* seo ün subel da tesser.

6. Qua füt eir ün' *otra* guerra in Gat, ingio as chattet ün hom da *granda* statura, il qual avaiva ses dainta *ün scodün man, ed ün scodün pè; dasort, cha eiran in tuot vainch e quatter, ed eira eir quel del sem da Rafa.*

7. Ed el fet beffa d'Israel; ma Gionatan, figl da Simea, frar da David, il battet.

8. Quaists naschettan in Gat, della schlatta da Rafa, e fütan morts tras man da David, e tras man da seis servivants.

CHAP. XXI.

David nombr' il pövel. Il Segner batta Israel con pestilenza. David abunial' il Segner con oraziuns, e sacrificizs.

MA l' * satan alvet conter Israel, ed incitet David a nombrar Israel.

*2 Sam. 24, 1.

2. E David dschet a Joab, ed als capos del pövel: It, nombrai Israel, da Beerseba fin Dan; e referi'm il number, acio ch'eu il sapcha.

3. E Joab dschet: Il Segner cre-schainta seis pövel per tschient voutas tant; non sun quels tuots, o rai, meis signur, servivants da meis signur? Perche tschercha meis signur quaista chosa? Perche dess quaist gnir imputâ per cuolpa ad Israel?

4. Ma l' pled del rai prevalet a Joab. Contuot as partit Joab, e get intuorn

per tuot Israel; lura turnet el in Gerusalem;

5. E det a David la somma del pövel nombrâ, * e qua eiran da tuot Israel ündesch voutas tschientmilli homens, chi podaivan trar la spada, e da Giuda quattertschientsettantamilli homens, chi podaivan trar la spada.

*1 Cron. 27, 24.

6. Ma el non nombret Levi, ne Benjamin, tanter ils oters; perche il comandamaint del rai l'eira abominabel.

7. Ma quaista chosa displaschet a Dieu; dinuonder el battet Israel.

8. E David dschet a Dieu: Eu ha grevamaing pechâ, d'avair fat quai-sta chosa; ma uossa fâ, eu 'trouv, passar via l'iniquità da teis servivants; perche eu ha fat üna granda nardâ.

9. E'l Segner favlet a Gad, * vidaint da David, dschand:

*1 Sam. 9, 9.

10. Vâ, e tschantscha con David, dschand: Usche ha dit il Segner: Eu at propon trais chosas, at tschern' our üna, ed eu at la vögl far.

11. Gad dimena gnit pro David, e dschet ad el: Usche ha dit il Segner: Piglia per tai,

12. O la fam per trais ans; o da non podair dürar avant teis inimis per trais mais, e cha la spada da teis inimis t'arriva; ovvero cha la spada del Segner, e la pestilenza saja per trais dis nel pajais, e cha l'angel del Segner fetsch'il dazipamaint tras tuot las contradas d'Israel. Contuot, guard' uossa quai ch'eu ha da responder a quel chi m'ha tramiss.

13. E David respondet a Gad: Eu sun grandamaing angoschiâ: Ah! Ch'eu croda nels mans del Segner; perche grandismas *sun* sias compassiuns, ch'eu non crouda nels mans della gliend.

14. Il Segner dimena tramettet üna pestilenz' in Israel, e morittan settantamilli homens d'Israel.

15. Ma Deis tramettet l'angel in Gerusalem, per far qua il dazipamaint; ma, seo l'eira per far il dazipamaint, reguardet il Segner, e s'impentit del mal, e dschet al angel chi desdrüaiva: E basta, retir' uossa teis man! Ma l'angel del Segner stait' in pè sper l'iral d'Arnan, Jebusit.

16. E David ozet ils ügls, * e vezzet l'angel del Segner chi stait in pè tanter terr' e tschel, aviand in man la spada tratta, stais' oura conter Gerusalem. E David, e tuot ils seniurs, governats con sachs, crodettan giò sün lur fatschas. *2 Cron. 3, 1.

17. E David dschet a Dieu: Non *sun* eu quel chi ha comandâ, cha's nombress il pövel? Eu dimena *sun* quel chi ha pechâ, ed ha mal fat del tuot; ma quaistas nuorsas, che chos' han ellas fat? Eu 'trouv, Segner meis Deis, saja teis man conter mai, e conter la chasa da meis bap, e non *saja* 'l conter teis pövel, per *il batter con plaja*.

18. Lura l'angel del Segner dscheta a Gad, ch'el dschess a David, ch'el muntess pro l'iral d'Arnan, Jebusit, per drizzar sù *qua* ün utêr al Segner.

19. E David muntet sù là, seguond il pled da Gad, ch'el avaiva dit a nom del Segner.

20. Ma Arnan, scudand oura gran, s'avet vout, ed avaiva vis l'angel, e s'avaiva zoppâ con seis quatterfigls.

21. E, cur David füt rivâ pro Arnan, Arnan guardet intuorn, ed, aviand vis David, get el our dal iral, e s'inclineta David con la fatscha ver terra.

22. E David dschet ad Arnan: Da'm il lö da quaist iral, acio ch'eu edificha qua ün utêr al Segner; da'm el per *seis* güst pretsch, acio cha quaista plaja saja fermada nel pövel.

23. Ed Arnan dschet a David: Piglia 'l per tai, e fetsch' il rai, meis signur, quai chi 'l plascha; guarda, eu at dun quaists bovs per olocausts, e quaists charrs da scuder per laina, e quaist gran per offerta; eu at dun tuot.

24. Ma 'l rai David dschet ad Arnan: Na, anzi eu vögl daffat comprar *quaistas chosas* per güst pretsch; perche eu non vögl presentar al Segner quai ch' *ais* tieu, ne offerir olocausto, ch'eu ha gnü per dun.

25. David dimena det ad Arnan per quel lö la paisa da sestschient siccaals d'or.

26. E David edifichet qua ün utêr al Segner, ed offerit olocausts, e sacrificis d'ingraziamaint, e clamet in agiüd il Segner, * il qual al respondet

dal tschel con fö, *ch'el tramettet* sül utêr del olocausto. *2 Cron. 3, 1.

27. E tras comandamaint del Segner mettet l'angel darcheu sia spada nella taja.

28. In quel temp David, vezziand cha 'l Segner l'avaiva respus nel iral d'Arnan, Jebusit, sacrifichet el qua.

29. * Ma 'l tabernacul del Segner, cha Mose avaiva fat nel desert, e l'utêr dels olocausts *eira* in quel temp sül lö ot, in Gibeon. *1 Cron. 16, 39.

30. E David non podai'ir avant quel, per tscherchar Deis; perche el eira stramantâ tras la spada del angel del Segner.

CHAP. XXII.

David prepara la materia necessaria pro l'edifici del taimpel. El exorta seis figl Salomon. Il sulet mez tras il qual ils rais pon avoir ventüra.

E David dschet: * Quaista ais la chasa del Segner Deis, e quaist *ais* il lö del utêr per ils olocausts ad Israel. *2 Cron. 3, 1.

2. Lura comandet el, cha's raspessan ils forestêrs chi eiran nel pajais d'Israel, ed ordinet ils taglia-crappa, pertagliar las peidras, chi's avaiva da tagliar, per edificar la chasa da Dieu.

3. David apparachet eir fier in granda quantità, per las guottas, per ils tüschs dellas portas, e per las spangas; ed aram, in tanta quantità, cha la paisa eira sainza fin.

4. E lainam da ceder sainza number; perche 'ls Sidoniers, e 'ls Tirers condüai van lainam da ceder in granda quantità a David.

5. E David dschaiva: Salomon, meis figl, ais giuvnet e zarti, e la chasa chi's dess edificar al Segner, ha d'esser sommamaing magnifica in fama, ed in gloria, in tuot ils pajais; contuot al vögl eu uossa far las preparaziuns. Usche David, avant sia mort, apparechet las *materias* in granda quantità;

6. E clamet Salomon, seis figl, e 'l comandet d'edificar üna chasa al Segner Deis d'Israel.

7. E dschet ad el: Meis figl, * eu avaiva gnü il sen, d'edificar üna chasa al nom del Segner, meis Deis.

*2 Sam. 7, 2.

8. Ma 'l pled del Segner m' ais in-scontrâ, * dschand: Tü hast spans bler sang, ed hast fat grandas guer-ras; tü non edificherast la chasa a meis nom; perche tü hast spans sang bler in terra nel meis conspet.

* 1 Cron. 28, 3.

9. Ma mera, e 't nascherà ün figl, il qual sarà hom da pasch, ed eu al vögl dar repos da tuot seis inimis, dapertuot intuorn; perche, sco seis nom sarà Salomon, usche a seis temp vögl eu dar pasch e pos * ad Israel.

* 1 Reg. 5, 5.

10. Quel edificherà üna chasa a meis nom, ed el am sarà figl, ed eu al vögl esser bap, ed eu vögl stabilir il trun da seis reginam sur Israel in perpetuo.

11. Uossa, meis figl, sàja il Segner con tai, e prospera, ed edificha la chasa del Segner teis Deis, sco el t' ha impromiss.

12.* Solum at dett' il Segner intellet, e prudenza, cur el at constituirà sur Israel, e quai, per observar la led-scha del Segner teis Deis. * 1 Reg. 3, 9.

13. Lura vainst tü ad avair ventüra, scha tü observast da metter in effet ils statuts, e las ledschas, cha 'l Segner ha comandâ a Mose, da dar ad Israel. * At fortificha, e piglia ardimaint; non tmair, e non at stramantar. * Deut. 31, 7. 8.

14. Ma mera, eu, in mia povertà, ha apparechâ per la chasa del Segner tschientmilli talents d' or, e milli gia milli talents d' argient; quant al aram, ed al fier, ais la paisa sainza fin; perche ch' el ais in granda quantitâ; ha eir apparechâ lainam e peidras, e tü poderast metter pro amo plü.

15. Tü hast eir pro tai blers lavuraints, taglia-crappas, ed artischans da peidras, e da lainam, ed ogni sort d' homens inlegiantaivels in ogni lavurêr.

16. L' or, l' argient, l' aram, e 'l fier ais innumerabel. Ma 't mett' al ouvra, e 'l Segner sarà con tai!

17. David comandet eir a tuot ils capos d' Israel, cha sporschessan agüd a Salomon, seis figl;

18. E dschet ad els: Il Segner vos

Deis, non ais el con vus, e non s' ha el dat pos dapertuot intuorn? Perche el m' ha dat nels mans ils abitants del pajais; e 'l pajais ais sogget al Segner, ed a seis pövel.

19. Contuot rendai uossa voss cours, e vossas ormas, a tscherchar il Segner vos Deis, e 's mettai ad edificar il santuari del Segner Deis, per portar l' archa della lia del Segner, e l' üsaglia sancta da Dieu, dadaint la chasa, cha 's dess edificar al nom del Segner.

CHAP. XXIII.

David constituescha Salomon rai sur Israel. David fa nombrar ils levits, als ordinand lur offizis pro 'l taimpel. La famiglia da Mose.

DAVID dimena, siand vegl e saduol da dis, constituit Salomon, seis figl, rai sur Israel.

2. E raspet tuot ils capos d' Israel, e 'ls sacerdotes, e 'ls levits.

3. E 'ls levits fütan nombrats * dall' età da trent' ans in sü. E 'l nomber da quels, nombrats ils homens a test' a testa, füt trent' otmilli.

* Num. 4, 3. 47.

4. Intanter quels dovaivan vainch e quattermilli attender all' ouvra della chasa del Segner, e sesmilli dovaivan esser güdischs, ed offizials;

5. E quattermilli portnêrs; ed oters quattermilli dovaivan lodar il Segner cols instrumaints, ch' eu ha fat, dschet David, per il lodar.

6. E David ils distribuit in parts, seguond ils figls da Levi; Gerson, Cahat, e Merari.

7. Dels Gersonits fütan Laedan, e Simei.

8. Ils figls da Laedan fütan trais, Jehiel il prüm, lura Zetam, lura Joel.

9. Ils figls da Simei fütan trais, Salomit, e Haziël, ed Haram. Quaists fütan ils capos dellas famighias paternas dels Laedanits.

10. E 'ls figls da Simei fütan Jahat, e Zina, e Jeus, e Bria. Quaists fütan ils figls da Simei, in nomber da quatter.

11. E Jahat eira il prüm, e Zina il seguond; ma Jeus e Bria, perche ch' els non multiplichetan in infants, fütan miss in üna medema descripziun, sco üna medema chasa paterna.

12. Ils figls da Cahat *füttan* quater, Amram, Isehar, Hebron, ed Uziel.

13. Ils figls d' Amram *füttan* Aaron, e Mose. Ed Aaron füt miss da part, insembel con seis figls, in perpetuo, per santifichar las chosas sanctissimas, per far profüms avant il Segner, per al servir, e per benedir nel nom da quel, in perpetuo.

14. E, quant a Mose, hom da Dieu, seis figls *füttan* nominats della schlat-ta da Levi.

15. * Ils figls da Mose *füttan* Gersom, ed Eliezer.

* Ex. 2, 22. 18, 3.

16. *Dels* figls da Gersom, Sebul *füt* il capo.

17. E *dels* figls d' Eliezer, Rehabia füt il capo, ed Eliezer non avet oters figls; ma ils figls da Rehabia multiplichettan sommamaing.

18. *Dels* figls d' Isehar, Salomit füt il capo.

19. * Ils figls d' Hebron *füttan* Jeria, il prüim, Amaria il seguond, Jehaziel, il terz, e Jecamam, il quart.

* 1 Cron. 24, 23.

20. Ils figls d' Uziel *füttan* Mica, il prüim, ed Isia, il seguond.

21. Ils figls da Merari *füttan* Maheli, e Musi. Ils figls da Maheli *füttan* Eleazar, e Chis.

22. Ed Eleazar morit, e non avet figls, ma *solum* filias, e 'ls figls da Chis, lur frars, las piglettan *per muliers*.

23. Ils figls da Musi *füttan* trais, Maheli, ed Eder, e Jeremot.

24. Quaists *füttan* ils figls da Levi, seguond lur famiglias paternas, capos *da quellas* in lur descripziuns; essendo nombrats per nom, a testa a testa, quels chi faivan l'ouvra del servezzen della chasa del Segner, dall' età da vainch ans in sü.

25. Perche David dschet: Il Segner Deis d' Israel ha dat repos a seis pövel, ed ha tut sia abitaziun in Gerusalem, in perpetuo;

26. Ed eir ils levits non averan *pli* da portar il tabernacul, e tuot sia üsaglia per seis servezzen.

27. Perche nels ultims registers da David, las descripziuns dels infants da Levi *füttan* fattas dall' età da vainch ans in sü;

28. Perche lur offizi *eira*, *da star* sper ils descendents d' Aaron, per il servezzen della chasa del Segner, nels cortils, e nellas chambras, e nel tgnair net tuot las chosas sacras, e per *ogni otra* ouvra del servezzen della chasa da Dieu;

29. E per * ils pans chi dovaivan esser tshantats in ordinanza, e per la * flur della farina per las offertas, e per las patlanas azimas, e per las chosas, *cha's dovaiva coscher* nella padella, e nel test, e per ogni *sort* da masüras;

* Ex. 25, 30. Lev. 2, 1. 4. 5. 7.

30. E per as presentar ogni mattina, per celebrar e lodar il Segner, ed usche ogni saira.

31. Ed ogni vouta cha s'avaiva d' offerir olocausts al Segner, sün ils sabbats, sün las chalendas, sün las festas solennas; in *tshert* number, seguond cha eira ad els ordinà, da contin avant il Segner.

32. E per observar quai cha's dovaiva far nel tabernacul della raspada, e nel santuari, e per il servezzen dels figls d' Aaron, lur frars, per il ministeri della chasa del Segner.

CHAP. XXIV.

Il stadi dels figls d' Aaron. La sort del rest dels infants da Levi.

MA, quant als infants d' Aaron, lur parts *füttan* quaistas. Ils figls d' Aaron *füttan* Nadab, Abihu, Eleazar, ed Itamar.

2. E, siand * Nadab ed Abihu morts sainz infants avant lur bap, Eleazar ed Itamar exercitettan il sacerdotadi.

* Lev. 10, 6.

3. Ma David ils distribuit seguond lur ordinanzas in lur ministeri; *essendo* Sadoc dels figls d' Eleazar, ed Ahimelec dels figls d' Itamar.

4. E 'ls figls d' Eleazar as chattettan in plü grand number da capos d' homens, co'ls figls d' Itamar, cur las parts *füttan* fattas. Dels figls d' Eleazar *eiran* saidesch capos da famiglias paternas, e dels figls d' Itamar ot.

5. E las parts *füttan* fattas tras la sort, quaists cols oters insembel; perche eir ils capos del santuari, *e della chasa* da Dieu eiran dels figls d' Eleazar, e dels figls d' Itamar.

6. E Semaja, figl da Nataneel, scrivant *della schlatta* da Levi, ils descriptet avant il rai, ed avant ils capos *del pövel*, ed al sacerdot Sadoc, ed ad Ahimelec, figl d' Abiatar, ed als capos *dellas famiglias* paternas dels sacerdots, e dels levits; üna chasa paterna 's pigliaiva *dels descendents* d' Eleazar, ed ün'otra *congiuntamaing* da quels d' Itamar.

7. La prüma sort dimena crodet süin Jojarib; la segunda süin Jedaja;

8. La terza ad Harim; la quarta a Seorim;

9. La quinta a Malchia; la sesavla a Meiamin;

10. La settavla a Cos; l'ottavla ad Abia;

11. La novavla a Jesua; la deschavla a Secania;

12. L'ündeschavla ad Eliasib; la dudeschavla a Jachim;

13. La traideschavla ad Hupa; la quattordeschavla a Jesebeab;

14. La quindeschavla a Bilga; la saideschavla ad Immer;

15. La deschsettavla ad Hezir; la deschedottavla a Pises;

16. La deschnovavla a Petaia; la vainchavla ad Jeheseel;

17. La vainchünavla a Jachin; la vainch e seguondavla a Gamul;

18. La vainch e terzavla a Delaja; la vainch e quartavla a Maazia;

19. Quaistas *füttan* lur ordinanzas in lur ministeri, *seguond las qualas els avaiavan* da gnir nella chasa del Segner, *seguond* cha eira ad els ordinâ, suot la condotta d' Aaron, lur bap; sco 'l Segner Deis d' Israel l'avaiva comandâ.

20. E, quant al rimanent dels figls da Levi, dels figls d' Amram *füt* Subael, e dels figls da Subael, Jedea.

21. Quant als figls da Rehabia, Isia *füt* il capo;

22. Dels Jeseharits Salomot; dels figls da Salomot, Jahat;

23. *Dels figls d' Hebron*, Jeria eira il *prim*, Amaria il *seguond*, Jahaziel il *terz*, Jecamam il *quart*;

24. Dels figls d' Uziel *füt* capo Mica; dels figls da Mica, Samir;

25. Il frar da Mica *füt* Isia; dels figls d' Isia Zaccaria *füt* il capo;

26. * Ils figls da Merari *füttan* Maheli, e Musi; e dels figls da Jaazia Beno *füt* il capo; * Es. 6, 19.

27. Ils figls da Merari da Jaezia *füttan* Beno, e Soham, e Saccur, ed Ibrì;

28. Da Maheli *il capo füt* Eleazar, il qual non avet infants.

29. Quant a Chis, *il capo da seis figls füt* Jerameel;

30. E dels figls da Musi *füttan* ils capos Maheli, ed Eder, e Jerimot. Quaists *füttan* ils figls dels levits, *seguond* lur chasas paternas.

31. Ed eir quels trettan las sorts, al pèr dels figls d' Aaron, lur frars, in presenza del rai David, e da Sadoc, e d' Ahimelec, e dels capos *dellas famiglias* paternas dels sacerdots, e dels levits, las *principalas* *dellas chasas* paternas, *essendo* conqualadas con *otras plü* pitschnas da lur frars.

CHAP. XXV.

Dals chantadurs e musicants.

LURA David, e 'ls capos dels exercits, fettan tanter ils figls * d' Assaf, ed Heman, e da Jedutun, las parts del servezzen da quels chi avaiavan da profetizar con citras, con psalters, e con cimbals; e lur descripziun *füt* datta d'homens *abils* all'ouvra da lur ministeri. * 1 Cron. 33, 39. 44.

2. Ils figls d' Assaf *füttan* Zaccur, e Giosef, e Netania, ed Asarela, figls d' Assaf, il qual profetizaiva suot il rai.

3. Ils figls da Jedutun *füttan* Gedalia, e Seri, ed Isaja, ed Hasabia, e Mattitia, e Simeì, ses *in tuot*; con citras, suot la condotta da Jedutun, lur bap, chi profetizaiva in celebrar e lodar il Segner.

4. Ils figls d' Heman *füttan* Buchia, Mattania, Uziel, Sebuèl, e Jerimot, Hanania, Hanani, Eliata, Gidalti, Romamtiezer, Josbecasa, Malloti, Hotir e Maheziot.

5. Tuot quaists *füttan* figls d' Heman, vidaint del rai, nels plets da Dieu, *appertinents* ad adozer il corn. E Deis avaiava dat ad Heman quattordesch figls, e trais filias.

6. Tuot quaists, suot la condotta da lur baps, *attendaivan* alla musica

della chasa del Segner, con cimbals, psalters, e citras, per il ministeri della chasa da Dieu; ed Assaf, e Jedutun, ed Heman *eiran* suot la condotta del rai.

7. E lur number, con lur frars, mossats nella musica del Segner, eira da duatschientottant'ot, tuots magisters chantadurs.

8. Ed as tret las sorts dellas müdadas del servezzen, ils pitschens al pèr dels grands, ils magisters al pèr dels scolars.

9. E la prüma sort crodet per Assaf, sün Giosef; la seguonda sün Gedalia, *il qual*, con seis frars e figls, *faiv' il number da dudesch*;

10. La terza sün Zacur, *il qual*, con seis figls e frars, *faiv' il number da dudesch*;

11. La quarta sün Isri, *il qual*, con seis figls e frars, *faiv' il number da dudesch*;

12. La quinta sün Netania, *il qual*, con seis figls e frars, *faiv' il number da dudesch*;

13. La sesavla sün Buchia, *il qual*, con seis figls e frars, *faiv' il number da dudesch*;

14. La settavla sün Jesarela, *il qual*, con seis figls e frars, *faiv' il number da dudesch*;

15. L'ottavla sün Jesaja, *il qual*, con seis figls e frars, *faiv' il number da dudesch*;

16. La novavla sün Mattania, *il qual*, con seis figls e frars, *faiv' il number da dudesch*;

17. La deschavla sün Simej, *il qual*, con seis figls e frars, *faiv' il number da dudesch*;

18. L'ündeschavla sün Azareel, *il qual*, con seis figls e frars, *faiv' il number da dudesch*;

19. La dudeschavla sün Hasabia, *il qual*, con seis figls e frars, *faiv' il number da dudesch*;

20. La traideschavla sün Subael, *il qual*, con seis figls e frars, *faiv' il number da dudesch*;

21. La quattordeschavla sün Mattitia, *il qual*, con seis figls e frars, *faiv' il number da dudesch*;

22. La quindeschavla sün Jeremot, *il qual*, con seis figls e frars, *faiv' il number da dudesch*;

23. La saideschavla sün Hanania, *il qual*, con seis figls e frars, *faiv' il number da dudesch*;

24. La deschsettavla sün Jesbecasa, *il qual*, con seis figls e frars, *faiv' il number da dudesch*;

25. La deschdottavla sün Hanani, *il qual*, con seis figls e frars, *faiv' il number da dudesch*;

26. La deschnovavla sün Malloti, *il qual*, con seis figls e frars, *faiv' il number da dudesch*;

27. La vainchavla sün Eliata, *il qual*, con seis figls e frars, *faiv' il number da dudesch*;

28. La vainchünavla sün Hotir, *il qual*, con seis figls e frars, *faiv' il number da dudesch*;

29. La vainch e segondavla sün Gidalti, *il qual*, con seis figls e frars, *faiv' il number da dudesch*;

30. La vainch e terzavla sün Maheziot, *il qual*, con seis figls e frars, *faiv' il number da dudesch*;

31. La vainch e quartavla sün Romamti-Ezer, *il qual*, con seis figls e frars, *faiv' il number da dudesch*.

CHAP. XXVI.

David ordaina portnèrs per il taimpel. Chi sajan quels, chi dessan avoir la carica dels tesors.

QUANT alla divisium dels portnèrs intanter ils Coraits, *füt* Meselemia, il figl da Cora, dels figls d' Assaf.

2. E Meselemia avet *quaists* figls: Zaccaria il primogenit, Jediael il seguond, Zebadia il terz, Jatniel il quart,

3. Elam il quint, Johanan il sesavel, Elioenai il settavel.

4. Ed Obed-Edom avet *quaists* figls: Semaja il primogenit, Jozabad il seguond, Joa il terz, Sacar il quart, Nataneel il quint,

5. Ammiel il sesavel, Issaschar il settavel, Pegultai l'ottavel; perche Deis l'avaiva benedi.

6. A Semaja eir, figl da quel, nasschettan figls, ils quals signoraivan sur la chasa da lur bap; perche els eiran homens valerus.

7. Ils figls da Semaja *füttan* Otni, e Refael, ed Obed, ed Elzabad, seis frar, homens valerus, ed Elihu, e Semachia.

8. Tuot quaists *füttan* dels figls d'Obed-Edom, con lur figls e lur frars, homens valerus, e potaints per il *servezzen*, in *number* da sesant' e duos, *gnüts* d'Obed-Edom.

9. E 'ls figls, e frars da Meselema *füttan* deschedot, homens valerus.

10. E 'ls figls * d'Hosa, dels figls da Merari, *füttan* Simri il capo; (perche, *combain* ch'el non eira il primogenit, schi 'l constituit impero seis bap capo;)

* 1 Cron. 16, 38.

11. Hilehia il seguond, Tebalia il terz, Zaccaria il quart. Tuot ils figls e frars d'Hosa *füttan* traidesch.

12. Tanter quaists *as fettan* las partizuns dels portnêrs, per testa d'homens, per müdadas da servezzen, al pèr da lur frars, per servir nella chasa del Segner.

13. E trettan las sorts, tant per ils pitschens, co per ils grands, seguond lurchasas paternas, perscodüna porta.

14. E la sort *per la porta* orientala erodet sün Selemia. E lura, siand trattas danöv las sorts, la sort erodet sün Zaccaria, ün sabi cosglêr, figl da quel, *per la porta* settentrionala.

15. Ad Obed-Edom *crodet per la porta* meridionala, ed a seis figls *crodet* il lö dellas collectas.

16. A Supim, ed Hosa *crodet la sort* vers occidaint, insembel con la porta da Sallechet, nella strada della muntada. Las müdadas *eiran* ingualas l'üna conter l'otra.

17. Vers oriaint *eiran* ses levits, e vers mezzanot quatter per di, e vers il mezdi quatter per di, e nels lous dellas collectas duos per ün.

18. Dalla vart da Parbar, vers occidaint, *eiran* quatter sün la strada, e duos in Parbar.

19. Quaists *füttan* las partizuns dels portnêrs tanter ils figls da Cora, e 'ls figls da Merari.

20. E, quant als *oters* levits, Ahia *eira* sur ils tesors della chasa da Dieu, e sur ils tesors dellas chosas consacradas.

21. Quant als figls da * Laedan, cioè als figls dels Gersonits, *gnüts* da Laedan, *füttan qua* quaists capos dellas *famiglias* paternas da Laedan, Gersonit, cioè Jehieli; .

* 1 Cron. 23, 8.

22. E 'ls figls da Jehieli, Zetam, e Joel, seis frar, *ils quals* avettan la carica dels tesors della chasa del Segner.

23. Quant als Amramits, Jezeharits, Hebronits, ed Asielits.

24. Sebuel, figl da Gersom, figl da Mose, *eira* superintendent sur ils tesors.

25. E, quant a seis frars, dalla vart d'Eliezer, del qual *füt* figl Rehabia, del qual *füt* figl Jesaja, del qual *füt* figl Joram, del qual *füt* figl Zieri, del qual *füt* figl Salomit.

26. Quaist * Salomit, e seis frars, *eiran* sur tuot ils tesors dellas chosas sacras, cha 'l rai David, e 'ls capos dellas *famiglias* paternas, intanter ils capos dellas milliêras, e dellas tschientinêras, e 'ls chapitanis del exercit, avaiavan consacrâ.

* 1 Cron. 23, 18.

27. Las aviand consacradas dellas guerras, e dels butins, per meldrar la chasa del Segner;

28. Insembel con tuot quai cha 'l * vidaint Samuel, e Saul, figl da Chis, ed Abner, figl da Ner, e Joab, figl da Seruja, avaiavan consacrâ. Sch' alchün consacraiv' *alchüna chosa*, schi *eira* quella missa suot ils mans da Salomit, e seis frars.

* 1 Sam. 9, 9.

29. Quant als Jezeharits, Chenania, e seis figls avaiavan la carica dell'ouвра our dadoura sur Israel, sco offizials, e güdischs.

30. Quant als Hebronits, Hasabia, e seis frars, homens valerus, *in number* da millisettschient, avaiavan la carica del regiment d'Israel da qua del Gordan, vers occidaint, in ogni ouвра del Segner, e nel servezzen del rai.

31. Quant als *oters* Hebronits, * Jeria *füt* il capo da lur generaziuns, *divisas* per famiglias paternas. L'an quarantavel del reginam da David *füttan* els retscherchats, e's chattettan tanter quels in Jaezer da Gilead homens potaints, e valerus. * 1 Cron. 23, 19.

32. Lur' *eiran qua* ils frars da quel, homens da valor, capos da *famiglias* paternas, *in number* da duamillisettschient. E 'l rai David ils constituit sur ils Rubenits, e sur ils Gadits, e sur la mezza schlatta da Manasse, in ogni affar da Dieu, e del rai.

CHAP. XXVII.

Descripziuns dellas divisiuns ordinaras del exercit, chi serviv' al rai da mais in mais, e dels principals capos dellas schlattas, e d' alchüns principals ministers, ed offizials da David.

MA, quant als infants d' Israel, seguond lur descripziuns per capos da famiglias paternas, e chapitanis da milliêras, e da tschientinêras, e lur offizials; ogni partizun da quels chi servivan al rai (seguond tuot l'ordinanza dellas divisiuns; *dels quals* scodün intraiva, ed uschiva da mais in mais, tras tuot ils mais del an) *eira* da vainch e quattermilli *homens*.

2. Jasobeam, figl da Zabdiel, *eira* sur la prüma partizun, per il prüm mais; ed in sia partizun *eiran* qua vainch e quattermilli *homens*.

3. *El eira* il capo sur tuot ils chapitanis del prüm mais; ed *eira* dels figls da Peres.

4. E sur la partizun del seguond mais *eira* Dodai, Ahohit; ed in sia partizun, nella quala *eiran* vainch e quattermilli *homens*, Mielot *eira* il conductur.

5. Il capo del terz exercit, per il terz mais, *eira* * Benaja, figl da Jojada, principal offizial; ed *el eira* chapitani in capo; ed in sia partizun *eiran* vainch e quattermilli *homens*.

* 1 Cron. 11, 22.

6. Quaist Benaja *eira* hom potaint tanter ils trenta, ed *eira* sur ils trenta; ed Ammizabad, seis figl, *eira* sur la partizun da quel.

7. Il quart, per il quart mais, *eira* Asahel, frar da Joab, e davo el Zebadia, seis figl; ed in sia partizun *eiran* vainch e quattermilli *homens*.

8. Il quint capo, per il quint mais, *eira* Samehut, Jesrahit, ed in sia partizun *eiran* vainche quattermilli *homens*.

9. Il sesavel, per il sesavel mais, *eira* Ira, figl d' Iches, Tecoit; ed in sia partizun *eiran* vainch e quattermilli *homens*.

10. Il settavel, per il settavel mais, *eira* Heles, Pelonit, dels figls d'Efraim; ed in sia partizun *eiran* vainch e quattermilli.

11. L' ottavel, per l' ottavel mais, *eira* Sibecai, Husatit, *della naziun* dels * Zarehitis; ed in sia partizun *eiran* vainch e quattermilli *homens*.

* 1 Cron. 11. 29.

12. Il novavel, per il novavel mais, *eira* Abiezer, Antotit, dels figls da Benjamin; ed in sia partizun *eiran* vainch e quattermilli *homens*.

13. Il deschavel, per il deschavel mais, *eira* Meharai, Netofatit, *della naziun* dels Zarehitis; ed in sia partizun *eiran* vainch e quattermilli *homens*.

14. L' ündeschavel, per l' ündeschavel mais, *eira* Benaja, Piratonit, dels figls d'Efraim; ed in sia partizun *eiran* vainch e quattermilli *homens*.

15. Il dudeschavel, per il dudeschavel mais, *eira* Heldai, Netofatit, *del sem* d'Otniel; ed in sia partizun *eiran* vainch e quattermilli *homens*.

16. Ultra quai, *eiran* qua conducturs sur las schlattas d' Israel: Eliezer, figl da Zieri, *eira* conductur dels Rubenits; Sefatia, figl da Maaca, dels Simeonits;

17. Hasabia, figl da Chemuel, dels Levits; Sadoc dels Aaronits;

18. * Elihu, dels frars da David, da quels da Giuda; Omri, figl da Micael, dels Issascharits; * 1 Sam. 16, 6.

19. Jesmaja, figl d'Obadia, dels Zebulonits; Jerimot, figl d'Azriel, dels Naftalits;

20. Hosea, figl d'Azazia, dels figls d'Efraim; Joel, figl da Pedaja, della mezza schlatta da Manasse;

21. Iddo, figl da Zaccaria, dell' *otra* mezza schlatta da Manasse, in Gilead; Jaeziel, figl d'Abner, dels Benjaminitis;

22. Azarel, figl da Joram, dels Danits. Quaists *füttan* ils capos principals dellas schlattas d' Israel.

23. E David non piglet sü il number da quels dall' età da vainch ans in giò; perche 'l Segner avaiava dit, d'acreschantar Israel seo las stailas del tschel.

24. * Joab, figl da Seruja, avaiava bain comanzà a nombrar *usche il pövel*, ma non finit, e per quaist füt qua indignaziun conter Israel; dinuonder quella descripziun non füt missa tanter las descripziuns *missas* nels registers del rai David. * 2 Sam. 24, 15.

25. Ed Azmavet, figl d'Adiel, *eira* sur ils tesors del rai, e Gionatan, figl d'Uzia, *eira* sur ils tesors della

champagna, nellas cittats, nels vihs, e nels chastels;

26. Ed Ezri, figl da Chelub, *eira* sur quels chi lavuraivan nella champagna nella lavur della terra;

27. E Simeì, Ramatit, *eira* sur las vignas, e Zabdi, Sifmit, *eira* sur quai chi *eira* nellas vignas, cioè sur ils schlêrs del vin;

28. E Baalhanan, Gaderit, *eira* sur ils olivêrs, e sur ils figêrs, chi *eiran* nella champagna, e Gioas *eira* sur ils schlêrs del ôli.

29. E Sitrai, Saronit, *eira* sur il muvel, chi pasculaiv' in Saron; e Safat, figl d' Adlai, *eira* sur il muvel, *chi pasculaiva* nellas vals;

30. Ed Obil, Ismaelit, *eira* sur ils chamêls, e Jehedia, Meronotit, *eira* sur las asnas;

31. E Jaziz, Hagarit, *eira* sur las scossas del bestiam manü. Tuot quaists avaivan il govern dellas facultats del rai David.

32. E Gionatan, barba da David, hom inegiantaivel, e doctur da ledscha, *eira* cosglêr; e Jehiel, figl d' Hachmoni, *eira* cols figls del rai;

33. Ed * Ahitofel *eira* cosglêr del rai; ed Husai Arachit, *eira* familiar del rai; * 2 Sam. 15, 12.

34. E, davo Ahitofel, *füt* Jojada, figl da Benaja, ed Ebiatar; ed * Joab *eira* capo del exercit del rai. * 1 Cron. 11, 6.

CHAP. XXVIII.

David exorta Salomon a servir a Dieu da tuot seis cour; lura al da el il desegn del taimpel, gnü da Dieu istess.

MA David raspet in Gerusalem tuot ils capos d' Israel, ils capos dellas schlattas, e 'ls chapitanis dellas partizuns chi servivan al rai, ed eir ils capos dellas milliêras, e dellas tschientinêras, e quels chi avaiavan il govern da tuot las facultats, e del bestiam del rai, e seis figls, e 'ls homens da sia cuort, e 'ls *homens* potaints, ed ogni hom valerus.

2. E 'l rai David alvet in pê, e dschet: Tadrâ 'm, meis frars, e meis pôvel: Eu avai' in sen d' edificar üna chasa da repos all' archa della lia del Segner, ed al schabell dels peis da nos Dieu; ed avaiava fat la preparaziun per l' edificar;

3. Ma Deis m' ha dit: * Tü non edificherast chasa a meis nom; perche tü *est* hom da guerras, ed hast spansbler sang. * 2 Sam. 7, 5.

4. Ma, *sco* 'l Segner Deis d' Israel * m' ha elet, intanter tuot la chasa da meis bap, per esser rai sur Israel, in perpetuo, (perche ch' el avaiava elet Giuda per conductur, e la chasa da meis bap, intanter la chasa da Giuda, ed ha gnü plaschair vi' a mai, intanter ils figls da meis bap, per *am* constituir rai sur tuot Israel); * 1 Sam. 16, 12.

5. Usche intanter tuot meis figls, (m' aviad il Segner dat blers), ha el elet Salomon, meis figl, per sezer stl trun del reginam del Segner sur Israel;

6. E m' ha dit: * Teis figl Salomon edificherà mia chasa, e meis cortils; perche eu l' ha a mai elet per figl, ed eu al vögl esser bap; * 2 Sam. 7, 13, 14.

7. E vögl stabilir seis reginam in perpetuo; pür ch' el perseverescha fermamaing in metter in ouvra meis comandaints, e mias ledschas, sco al di d' hoz.

8. Uossa dimena, avant ils ögls da tuot Israel, della raspada del Segner, ed avant las uraglias da nos Deis; eu as protest, cha vus observat, e tscherchat tuot ils comandaints del Segner vos Deis; acio cha vus possideschat quaist bun pajais, e 'l laschat per ierta a voss infants, davo vus, in perpetuo.

9. E tü, Salomon, meis figl, recognoscha il Deis da teis bap, e serva 'l da cour sincêr, e d' anim voluntus; * perche 'l Segner retschercha tuot ils cours, e cognoscha tuot las imaginaziuns dels impissaints; scha tü 'l tscherchast, schi 'l chatterast, ma scha tü 'l bandunast, schi at sbütterà el in perpetuo. * 1 Sam. 16, 7.

1 Reg. 8, 39. Ps. 7, 10. Ger. 11, 20. Ap. 2, 23.

10. Guard' uossa, cha 'l Segner t' ha elet per edificar üna chasa per santuari; at fortifica, e 't mett' all' ouvra.

11. Lura David det a Salomon, seis figl, il modell del portie, e dellas chasas, e da seis giodens, e da sias salas, e da sias chambras dadaint, e del lö del propiziatori;

12. Ed *in somma*, il modell da tuot

quai ch' el avaiava designâ nel spiert, *da far* nels cortils della chasa del Segner, ed in tuot las chambras our dintuorn, * per ils tesors della chasa da Dieu, e per ils tesors dellas chosas consacradas. * 1 Cron. 26, 20.

13. E per las partizuns dels sacerdots, e dels levits, e per ogni üs dels servezzens della chasa del Segner, e per tuot l'üsaglia del servezzen della chasa del Segner.

14. *Al det eir* or, seguond la paisa da tuot l'üsaglia da scodün servezzen, *chi dovaiva* esser d'or; ed *argent*, seguond la paisa da tuot l'üsaglia da scodün servezzen, *chi dovaiva* esser d'argent.

15. E la paisa, *chi's convgnivan* per ils chandallêrs d'or, e per lur lampas d'or, seguond la paisa da scodün chandallêr, e da sias lampas, e la paisa, *chi's convgnivan* per ils chandallêrs d'argent, seguond la paisa da scodün chandallêr, e da sias lampas; seguond il servezzen da scodün chandallêr.

16. E la paisa del or, *chi's convgniva* per scodüna dellas tablas dels pans, *chi dovaivan da contin* esser louats per ordinanza, e la paisa del argent, *chi's convgniva* per las tablas d'argent;

17. E del or pür, per las furchettas, e per ils batschigls, e per ils plats; *e'l medem or a tsherta* paisa per las coppas d'or, seguond la paisa da scodüna da quellas; ed *argent a tsherta* paisa per las coppas d'argent, seguond la paisa da scodüna da quellas.

18. *Al det eir* or refinâ a tsherta paisa per l'utêr dels profüms, e per la figura del charr, e dels cherubins, *chi avaiavan da sladar las alas* a co-vernar l'archa della lia del Segner suravia.

19. Il Segner, *dschet David*, m'ha declerà, per scrit da seis man, chi'm ais *stat portâ*, tuot quaistas chosas, tuot ils lavurêrs da quaist modell.

20. Lura dschet el a Salomon, seis figl: * Piglia ardimaint, e't fortificha, e't mett' all'ouvra; non tmair, e non at stramantar; perche'l Segner Deis, meis Deis, *sarà* con tai; el non at lasherà, e non at bandunerà, fin cha

tü hajast compli tuot l'ouvra del servezzen della chasa del Segner.

* Deut. 31, 7. Gios. 1, 7.

21. E mera, las partizuns dels sacerdots, e dels levits, per tuot il servezzen della chasa da Dieu, quels saran con tai in tuot l'ouvra; ultra tuot quels chi voluntariamaing as lascheran aint, seguond *lur* industria, in ogni sort da servezzen; insembel cols capos, e tuot il pövel, ad ogni teis comand.

CHAP. XXIX.

Ils duns offerts per l'edifiz del taimpel. David ingraz' al Segner, e 'l recomand' il pövel, e'l nouv rai Salomon. David moura.

LURA il rai David dschet a tuot la raspada: Deis ha elet sulet Salomon, meis figl, *il qual ais amo* * giuven, e zarti, ed impero quaist'ouvra *ais* granda; perche quaist palazzi non *ais* per ün hom, anzi per il Segner Deis.

2. Quant a mai, ha eu fat, seguond ogni mia possibilità, preparaziun per la chasa da meis Deis, d'or, per *las chosas chi han dad* esser d'or; d'argent, per *las chosa chi han dad* esser d'argent; d'aram, per *las chosas chi han dad* esser d'aram; da fier, per *las chosas chi han dad* esser da fier, e da lainam, per *las chosas chi han dad* esser da lain; da peidras onichinas, e da *peidras* d'inchavar, e da *peidras* variadas, e da *peidras* preziusas d'ogni maniera, e da *peidras* da marmel in granda quantitâ.

3. Ed eir, per l'affezciun ch'eu ha per la chasa da meis Deis, da meis tesor, miss d'üna vart d'or, e d'argent, dun eu per la chasa da meis Deis da superpli, ultra tuot quai, ch'eu ha preparâ per la chasa del san-tuari,

4. Trajamilli talents d'or, * d'or d'Ofir, e setmilli talents d'argent raffinâ, per surtrar las parais del-las chasas; * 1 Reg. 9, 28.

5. *Per far* d'or *quai cha dess* esser d'or, e d'argent *quai cha dess* esser d'argent; e per ogni lavurêr, *cha's dess far* dels artischans. Uossa, chi *ais* quel, chi voluntariamaing as dis-pona a far hoz offerta al Segner?

6. Lura ils capos principals dellas

famiglias paternas, e 'ls capos dellas schlattas d' Israel, e 'ls capos dellas milliêras, e dellas tschientinêras, insembel con * quels chi avaiavan il govern dellas fatschendas del rai, offerittan voluntariamaing;

* 1 Cron. 27, 25, 26.

7. E dettan, per il servezzen della chasa da Dieu, tschinchmilli talents, e deshmilli drammas d' or, e deshmilli talents d' argient, e deshdotmilli talents d' aram, e tschientmilli talents da fier.

8. E chi chattet pro el peidras, las mettet nel tesor della chasa del Segner, in man da * Jehiel, Gersonit.

* 1 Cron. 26, 21.

9. E'l pövel s' allegret da quai cha quels offerivan voluntariamaing, perche d' ün cour sincêr faivan els lur offertas voluntarias al Segner. Il rai David s' allegret eir el grandamaing.

10. Lura David benedit il Segner in presenza da tuot la raspada, e dschet: Benedi *sajast* tû, o Segner Deis d' Israel, nos bap, dad ün secul al oter.

11. * A tai, Segner, *appertegna* la grandezza, e la potenza, e la gloria, l' eternità, e la majestà; perche tuot quai *ch' ais* in tschel, ed in terra, *ais teis*; teis, Segner, *ais* il reginam, e *tû est* quel chi t' adozast per capo sur ogni chosa.

* Mat. 6, 13. 1 Tim. 1, 17. Ap. 5, 13.

12. Las ricchezas eir, e la gloria, *vegnan* da tai, e tû signoreschast sur ogni chosa, ed in tei man *ais* forza, e potenza; in tei man eir *ais* d' ingrandir, e da fortifichar chi saja.

13. Uossa dimena, o nos Dieu, nus at celebrain, e lodain tei nom glorius;

14. Perche, chi *sun* eu, e chi *ais* meis pövel, cha nus hajan il podair da 't offerir tant? Ma tuot *vain* da tai, e, l' aviand ardschvü da tei man, nus il at rendain.

15. Perche nus *eschän* forestêrs, e tratsnanpro in tei conspet, sco *füt-tan* tuot nos babuns; * noss dis *sun* sur la terra sco üna sumbriva, e non *ais qua* spranz' alchüna. * Ps. 90, 9, 144, 4.

16. Segner, nos Deis, tuot quai st' abundanza, cha nus avain apparechâ

per edificar üna chasa a tei nom sanct, *vain* da tei man, e l' tuot *appertegna* a tai.

17. Ed eu, o meis Deis, cognoschand cha tû provast ils cours, ed amast *quai cha* dret *ais*, ha, nella sincerità da meis cour, voluntariamaing offert tuot quaistas chosas, ed ultra quai, ha eu vis uossa con allegrezza tei pövel, chi's chatta qua, at far voluntariamaing sia offerta.

18. O Segner, Deis d' Abraham, d' Isaac, e d' Israel, noss babuns, mantegna quai st in perpetuo nell' imaginaziun dels impissamaints del cour da tei pövel, e drizza lur cour vers tai;

19. Ed a Salomon, meis figl, dà ün cour sincêr, per observar tei comandaints, las testimonianzas, e tei statuts, e per metter il tuot in ouvra, e per edificar il palazzi, del qual eu ha fat la preparaziun.

20. Lura David dschet a tuot la raspada: Uossa benedi il Segner vos Deis! E tuot la raspada benedit il Segner Deis da seis babuns, e s' inclinet, ed aduret il Segner, e fet reverenz' al rai;

21. E'l di seguaint sacrificettan els sacrificis al Segner, e l' offerittan olocausts, milli trims, milli bûmatsehs, milli agnels, insembel con lur offertas da spender; e sacrificis in grand number per tuot Israel;

22. E mangettan, e bavettan in quel di nel conspet del Segner, con grand' allegrezza, e danöv constituittan els per rai Salomon, figl da David, e l' onschettan al Segner per conductur, e Sadoc per sacerdot.

23. E Salomon sezzet sül trun del Segner, per *esser* rai, in lö da David, seis bap, e füt ventüraivel, e tuot Israel l' obedit,

24. E tuot ils capos, e 'ls *homens* potaints; ed eir tuot ils figls del rai David dettan il man al rai Salomon, per *esser* seis soggets.

25. Ed il Segner ingrandit grandamaing Salomon, nel conspet da tuot Israel, e mettet in el üna majestà regala, * al pêr della quala non eira stat in alchün rai, *chi avess regnâ* avant el in Israel.

* 1 Reg. 3, 13.

26. Usche David, figl d'Isai, regnet sur tuot Israel.

27. E'l temp ch'el regnet sur Israel *füt* da quarant'ans. In * Hebron regnet el set ans, ed in Gerusalem trent'e trais *ans*. * 2 Sam. 5, 5.

28. Lura morit el in buna vegldüna, saduol da dis, da ricchezas, e da gloria. E Salomon, seis figl, regnet in seis lö.

29. Ma, quant als fats del rai David, prüms ed ultims; mera, els sun scrits nel eudesch da Samuel, vidaint, e nel eudesch del profet Natan, e nel eudesch da Gad, vidaint;

30. Insembel con tuot seis reginam, e sia potenza, e temps chi passettan sur el, e sur Israel, e sur tuot ils reginams da quels pajais.

IL SEGUOND CUDESCH

DELLA

CRONICA.

CHAP. I.

Salomon, siand exortà tras il Segner, al domanda sapienza, ed intelligenza per governar seis pövel.

SALOMON, FIGL da David, * as fortichet in seis reginam, e'l Segner seis Deis *füt* con el, e'l ingrandit grandamaing. * 1 Reg. 2, 46.

2. E Salomon favlet a tuot Israel, als capos dellas milliêras, e dellas tschientinêras, ed als güdichs, ed a tuot ils principals da tuot Israel, capos da famiglias paternas.

3. Ed el, con tuot quaista raspada, get pro'l lö ot chi *eira* in Gibeon; perche qua eira il tabernacul della raspada da Dieu, il qual Mose, servaint del Segner, avaiva fat nel desert.

4. (Ma David * avaiva transportà l'archa da Dieu da Chiriatjearim, nel lö ch'el l'avaiva apparechâ; perche el l'avaiva tais ün tabernacul in Gerusalem.) * 1 Cron. 16, 1.

5. L'utêr d'aram, cha * Besaleel, figl d'Uri, figl d'Hur, avaiva fat, eira eir qua in Gibeon, avant il tabernacul del Segner. E Salomon, e la raspada il retscherchet. * Ex. 31, 2. 38, 1.

6. E Salomon offerit qua, avant il Segner, sur l'utêr d'aram, chi *eira* nel tabernacul della raspada, milli olocausts.

7. In quella not Deis apparet a Salomon, e dschet ad el: Giavüscha quai *cha tü voust* ch'eu at detta!

8. E Salomon dschet a Dieu: Tü hast dovrâ granda benignità invers

David, meis bap, m'aviand constitui rai in seis lö.

9. Uossa, o Segner Deis, saja verifichâ teis pled, cha tü hast dit a David, meis bap; perche tü m'hast constitui rai sur ün pövel, chi ais in grand number, seo la puolvra della terra.

10. Da'm uossa sapienza e scienza, per ir e gnir avant quaist pövel; perche, chi podess güdichar quaist teis grand pövel?

11. E Deis dschet a Salomon: Siand cha tü hast gnü quaist nel cour, e non hast giavüschiâ ricchezza, ne facultà, ne gloria, ne la vita da teis inimis; neir hast giavüschiâ lunga vita, anzi hast giavüschiâ sapienza, per podair güdichar meis pövel, sur il qual eu t'ha constitui per rai,

12. Sapienza e scienza t'ais datta; ed eir at vögl eu dar ricchezza, e facultà, e gloria, al pèr della quala ils rais, chi *sun stats* avant tai non han gnü, e non averan *quels, chi saran* davo tai.

13. Lura Salomon gnit in Gerusalem, giò dal lö ot chi *eira* in Gibeon, davent dal tabernacul della raspada, e regnet sur Israel.

14. E Salomon * raspet charra, e chavalgiants; ed avet milliquattertschient charra, e dudeschmilli chavalgiants, ils quals el stazionet per las cittats, ingiö el tguava la charra, e pro'l rai in Gerusalem.

* 1 Reg. 4, 26. 10, 26. 2 Cron. 9, 25.

15. * E'l rai fet cha'l argient, e l' or eiran in Gerusalem in abundanza sco la crappa; e l's cedere sco figërs solvadis, chi sun per la champagna.

* 1 Reg. 10, 27. 2 Cron. 9, 27.

16. Ma, quant alla tratta dels chavals, e della fila, cha Salomon avaiava d'Egipto, pigliaivan ils facturs del rai la fila a *tschert* pretsch;

17. E compraivan, e traivan our d'Egipto ün charr a tir da quatter per septschient *siccal*s d'argient, e scodiün chaval per tschienttschinquanta. Ed usche tras ils mans da quels *facturs* as retraiva, per tuot ils rai dels Hets, e per ils rais della Siria.

CHAP. II.

Salomon ordaina ils lavurants per edificar il taimpel, e domanda dal rai da Tiro material, ed artischans, con tscherts pats.

MA Salomon, aviand deliberâ d'edificar üna chasa al nom del Segner, e sia chasa regala;

2. * Nombret settantamilli homens a portar pais, ed ottantamilli a tagliar peidras sül munt, e trajamilli e septschient commissaris sur quels.

* 1 Reg. 5, 5.

3. Lura tramettet el a dir a Hura, rai da Tiro: *Fà invers mai*, * sco tü fettast invers David, meis bap, al qual tü tramettettast cedere, per edificar üna chasa, per abitar laint.

* 1 Cron. 14, 1.

4. Mera, eu edificü üna chasa al nom del Segner meis Deis, per la consacrar ad el, per far profüms da spezas avant el, e per *al presentar ils pans*, *chi han dad esser* da continlouats per ordinanza, e per al offerir olocausts della mattina e della saira, e dels sabbats, e dellas chalendas, e dellas festas solennas del Segner nos Deis; *sco* quai ais miss sü in perpetuo ad Israel.

5. Ma la chasa, ch'eu edificü, *ais* granda; perche nos Deis *ais* grand plü co tuot ils deis.

6. E chi avess il podair da l'edificar üna chasa? Perche cha'l * tsel, e l's tselhs dels tselhs non il pon comprender; e chi sun eu, ch'eu l'edificü üna chasa, oter co *ch'ella saja* per far profüms avant el? * 1 Reg. 8, 27.

2 Cron. 6, 18. Giob 11, 7. 8. 9. Mat. 5, 34. 35. Act. 7, 49.

7. Uossa dimena, trametta'm ün hominelegiantaivel nellavurar con or, e con argient, e con aram, e con fier, e con purpura, e con scharlatta, e con violet; e chi sapcha lavurar d'intagliar, *acio ch'el saja* cols homens industrius ch'eu ha pro mai in Giuda, ed in Gerusalem, ils quals David, meis bap, avai' ordinâ.

8. Trametta'm eir dal Libano lainam da ceder, da pin, e d'algumim; perche eu sa cha teis serviants san tagliar il lainam del Libano, e mera, meis serviants *saran* cols teis,

9. Acio cha'm apparechan lainam in granda quantità; perche la chasa, ch'eu sun per edificar, *ha d'esser* müravgliusamaing granda.

10. E mera, eu vögl dar a teis serviants, chi tagliaran la laina, vainchmilli * cors gran battü oura, e vainchmilli cors üerdi, e vainchmilli bats vin, e vainchmilli bats öli.

* 1 Reg. 5, 11.

11. Ed Hura, rai da Tiro, respondet tras chartas a Salomon, e'l tramettet a dir: Siand cha'l Segner ama seis pövel, t'ha el constitui rai sur el.

12. Hura al tramettet eir a dir: Benedi *saj'* il Segner Deis d'Israel, il qual ha fat il tsel, e la terra, perche el ha dat al rai David ün figl sabi, prudaint, ed inlegiantaivel, ch'el ha d'edificar üna chasa al Segner, ed üna chasa regala per sai.

13. Contuot at tramet eu uossa ün hom industrius, ed inlegiantaivel, *il qual ais* Hura Abiv.

14. * *Il qual ais* figl d'üna duonna dellas figlias da Dan, ma seis bap *eira* Tirer, chi sa lavurar con or, e con argient, con aram, con fier, con peidras, e con laina, e con purpura, con violet, con biss e con scharlatta, e far qualunque sort d'intagliadüras, e da desegns da qualunque chosa, chi'l saja miss'avant; *acio ch'el saja* con teis maisters, e con quels da David, teis bap, meis signur. * 1 Reg. 7, 14.

15. Uossa dimena, cha trametta meis signur a seis serviants il gran, e l'üerdi, e l'öli, e l'vin, ch'el ha dit;

16. E nus volain tagliar dal Libano lainam, quant cha tü averast bsögn,

e't il volain condür sül mâr, fin a Joppe, e *da là* tii'l farast transportar in Gerusalem.

17. E Salomon fet la rassegna da tuot ils homens forestêrs, chi *eiran* nel pajais d' Israel, dopo la descripziun cha David, seis bap, аваiva fat, e's chattet tschinquantatrajamilli e sestschient;

18. Dels quals el ordinet settantamilli a portar pais, ed ottantamilli a tagliar *peidras* sül munt, e trajamilli sestschient *per esser* comissaris, a far lavurar diligiaintamaing il pövel.

CHAP. III.

As descriva ingio, cur'e co il taimpel füt edificâ, con tuot sias parts, ed ornaimaints.

E Salomon * comanzet ad edificar la chasa del Segner in Gerusalem, sül munt Moria, chi eira stat mossâ a David, seis bap, nel lö cha David аваiva apparechâ, cioè nel iral d' Arnan, Jebusit. * 1 Reg. 6, 1.

2. Ed el comanzet ad edificar nel seguond *di* del segund mais, l'an quart da seis reginam.

3. Ma quaistas *sun las masüras* del fondamaint *del desegn* da Salomon, per edificar la chasa da Dieu; la lungezza *eira* da sesanta bratschs muots da prüma masüra, e la ladezza da vainch;

4. E'l * portie, chi *eira* in cheu della lungezza della chasa, in frunt della ladezza da quella, *eira* da vainch bratschs muots, e l'otezza *eira* da tshient e vainch bratschs muots, e Salomon il surtret dadaint con or pür, * 1 Reg. 6, 3.

5. Ed intablet la chasa granda con lain da pin, e suravia la surtret el con or pür, e fet far sur quella palmas, e corduns.

6. Surtret eir la chasa con peidras preziusas per ornaimaint, e quel or *eira* or da Parvaim.

7. Usche surtret el con or la chasa, las travs, las chassas, e las paraits, e'ls üschs da quella, e fet intagliar cherubins nellas paraits.

8. Fet eir il lö sanctissem, la lungezza del qual eira da vainch bratschs muots, al pèr della ladezza della chasa, e la ladezza da vainch bratschs

muots, e'l surtret con or fin, *chi muntaiva* fin alla somma da sestschient talents.

9. E la paisa dellas guottas *muntaiva* sün tschinquanta siccais d'or. Surtret con or eir las salas.

10. Fet eir nel lö sanctissem duos cherubins, con lavur da statua, e füttan surtrats con or.

11. E las alas dels cherubins avaiavan vainch bratschs muots lungezza, üna dellas alas *avaiva* tschinch bratschs muots, e toccaiva la parait della chasa, e l'otra *avaiva medemmamaing* tschinch bratschs muots, e tenschaiva all' ala del oter cherubin.

12. Usche eir l' üna dellas alas del oter cherubin *avaiva* tschinch bratschs muots, e toccaiva la parait della chasa, e l'otra *avaiva medemmamaing* tschinch bratschs muots, e tenschaiva l' ala del oter cherubin.

13. Las alas da quaists cherubins as sladaivan *per* vainch bratschs muots, e quels eiran in pè, e lur fastchas *eiran voutas* vers il dadaint della chasa.

14. * Fet eir la vela da violet, e da purpura, e da scharlatta, e da biss, e fet far sün quella cherubins.

* Ex. 26, 31. Mat. 27, 51.

15. E *per metter* avant sül la chasa, fet el duos coluonnas, *chi avaiavan* da lungezza trentatschinch bratschs muots, e las testetas, chi *eiran* süsom scodüna da quellas, *eiran* da tschinch bratschs muots.

16. Ma, *sco* el аваiva fat corduns nel oracul, *usche* mettet el eir in tschimma dellas coluonnas. Fet eir tshient poms granats, ils quals el mettet tanter quels corduns;

17. E drizzet las coluonnas avant sül il taimpel; üna a *man dret*, e l'otra a snester, e mettet nom a *quella chi eira a man dret* Jachin, ed a *quella chi eira a snester* Boaz.

CHAP. IV.

Descripziun della fabrica del ütèr, del mâr, dels lavadoirs, chandallêrs, tablas, cortils, col number dell' üsaglia fatta da Hiram Abiv per il taimpel.

FET eir * ün ütèr d'aram, da lungezza da vainch bratschs muots, e da ladezza da vainch bratschs

muots, e d'otezza da desch bratschs muots.

* Ez. 43, 13. 16.

2. Fet eir il * mâr culâ, *chi abaiva* desch bratschs muots d' üna vart del ur all'otra, ed *eira* raduond dapertuot intuorn, ed *eira* ot tschinch bratschs muots, ed ün fil da trenta bratschs muots il circondaiva intuorn intuorn.

* 1 Reg. 7, 23.

3. E suot quel *ur eiran* figüras da bovs intuorn intuorn, chi circondai- van il mâr pertuot intuorn, desch per scodün bratsch muot; *qua eiran* ordi- nanzas *da figüras* da quaists bovs, culats insembel col mâr.

4. *Quel* eira tshantâ sün dudesch bovs, dels quals trais eiran vouts vers settentrion, trais vers occidaint, trais vers mezdi, e trais vers oriaint, e'l mâr *eira* sù sur quels, e tuot las parts davo da quels *bovs eiran voutas* inaint.

5. E la grossezza da quel eira d' üna palma, e seis ur eira fat a guisa del ur d' üna tazza, *e sco* la flur d' üna gilgia, e siand plain, tgnai' el traja- milli bats.

6. Fet eir desch * lavaduoirs, e met- tet tschinch a *man* dret, e tschinch a snester, per s' inservir a lavar; qua as lavaiva quai chi s' apparechaiva per ils olocausts; ma'l mâr eira per ils sacerdots per as lavar. * 1 Reg. 7, 38.

7. Fet eir desch chandallêrs d' or, seguond lur uorden, e'ls tshantet nel taimpel, tschinch a *man* dret, e tschinch a snester.

8. Fet eir desch maisas, las qualas el tshantet nel taimpel, tschinch a man dret, e tschinch a man snester; fet eir tshient batschigls d' or.

9. * Fet eir il cortil dels sacerdots, e'l cortil grand, e'ls üschs dels cor- tils, ils quals el surtret con aram.

* 1 Reg. 6, 36.

10. E tshantet il mâr dalla vart dretta, vers oriaint, dalla part meri- dionala.

11. Ed Hiram fet las cudêras, las palettas, ed ils batschigls, e complit da far il lavurêr, ch' el faiv' al rai Sa- lomon par la chasa da Dieu;

12. Las duos coluonnas, e'ls * duos vashels dellas testettas, süsom las coluonnas, e las duos raits, a cover-

nar ils duos vashels dellas testettas, chi *eiran* in tschimma dellas coluon- nas.

* 1 Reg. 7, 41.

13. E'ls quattertschient poms gra- nats per las duos raits, duos ordinan- zas da poms granats per scodüna rait, a covernar ils duos vashels dellas testettas, chi *eiran* in tschim- ma dellas coluonnas.

14. Fet eir ils sostegns, e'ls lava- duoirs per metter süls sostegns.

15. Il mâr, *chi eira* dech ün, e'ls dudesch bovs, *chi eiran* suot quel.

16. Ed Hiram Abiv * fet al rai Sa- lomon, per la chasa del Segner, las cudêras, e las palettas, e las furchet- tas, e tuot *las otras* vashellas, *ap- pertinentas* a quellas, d' aram puli.

* 1 Reg. 7, 14. 45.

17. * Il rai fet cular quaistas chosas nella planüra del Giordan, in terra arschigliainta, tanter Succot e Sere- data.

* 1 Reg. 7, 46.

18. E Salomon fet tuot quaist' üsa- glia in grandissem nomber; perche cha non as podet intravgnir la paisa del aram.

19. Usche Salomon fet tuot l' üsa- glia, *appertinent'* alla chasa da Dieu, e *fet* d' or fin l' utêr d' or, e las mai- sas, sün las qualas *as tshantaiva* ils pans della presentaziun;

20. E 'ls chandallêrs, con lur lam- pas, per restar invüadas avant l' ora- cul, seguond * eira ordinâ.

* Ex. 27, 20. 21.

21. *Fet* eir las bozzas, e las lampas e las mocettas d' or, chi eira or finis- sem.

22. *Fet* eir ils crotsehs, ed ils ba- tschigls, e'ls sduns, e'ls turibuls, d' or fin. E, quant allas portas della chasa, ils üschs dadaint *per intrar* nel lö sanctissem, e'ls üschs della chasa, *per intrar* nel taimpel, *eiran* d' or.

CHAP. V.

Salomon fa portar nel taimpel l' archa, e l' ta- bernacul, e l' üsaglia sacra. Il Segner trametta ün visibel signal da sia gloriosa presenza.

MA, cur tuot il lavurêr, cha Salomon faiva far per la chasa del Segner, füt compli, Salomon portet las cho- sas consacradas da David, seis bap, e l' argient, e l' or, e tuot la vashel- la, nels tesors della chasa da Dieu.

2. * Lura Salomon raspet in Gerusalem ils seniurs d'Israel, e tuot ils capos dellas schlattas, ils principals dellas *famiglias* paternas dels infants d'Israel, per transportar l'archa della lia del Segner sü dalla città da David, *chi* ais Sion.

*1 Reg. 8, 1.

3. E tuot ils homens principals d'Israel füttan raspats pro 'l rai, sü la festa solenna, *chi* ais al settavel mais.

4. Contuot, cur ils seniurs d'Israel füttan gnüts tuot, ils levits ozettan l'archa *sün lur spadlas*;

5. E transportettan la chascha, e 'l tabernacul della raspada, e tuot l'üsaglia sacra, *chi eira* nel tabernacul. Ils sacerdots, e levits transportettan quaistas chosas.

6. Ma 'l rai Salomon, e tuot la raspada dels Israelits, *chi eiran* raspats pro el, *staivan* avant l'archa, sacrificand bescha, e bovs, in tant number, cha non as podaiva, ne quintar, ne nombrar.

7. E'ls sacerdots portettan la chascha della lia del Segner in seis lö, nel oracul della chasa, nel lö sanctissem, suot las alas dels cherubins;

8. E'ls cherubins sladaivan las alas sur il lö dell'archa, e covernaivan l'archa, e sias stangas, suravia.

9. E quels trettan oura las stangas tras tuot lur lungezza; tal cha'ls cheus da quellas as vezzaiva our dall'archa, nella part davant del oracul, e non as vezzetta plü our dadoura, e sun restadas qua infin a quaiet di.

10. Dadaint l'archa non eir' inguott' oter, co las duos tablas, cha Mose avaiva miss qua in Horeb, cur il Segner fet lia cols infants d'Israel, davo cha füttan gnüts our d'Egipto.

11. Ma dvantet cha, cur ils sacerdots gnivan our dal lö sanet, (perche tuot ils sacerdots s'avaivan santificats, *sainz* observar las partizuns;)

12. E'ls levits chantadurs * intanter tuot lur compagnias, d'Assaf, d'Heman, e da Jedutun, e lur frars, e lur figls, vestits da biss, con cimbals, e con psalters, e con citras, *staivan* in pè, dalla vart orientala del ütèr, e con els da tshient e vainch sacerdots, *chi sunaivan* con las trombettas;

*1 Cron. 25, 1.

13. Dvantet, *di eu*, cha, cur quels *chi sunaivan* con las trombettas, e quels *chi chantaivan*, faivan unida-maing strasunar ün medem accord, lodand, e celebrand il Segner, ed ozaivan la vusch con las trombettas, con cimbals, e cols *oters* instrumaints musicals, e con lods al Segner, *dschand*; ch' el *ais* bun, e cha sia benignità *ais* in eterno; la chasa del Segner füt implida con üna nùvla, la chasa del Segner;

14. Tal cha 'ls sacerdots non podavian star in pè per far il servezzen, per chaschun della nùvla; perche la gloria del Segner avaiva impli la chasa da Dieu.

CHAP. VI.

Salomon ingraz' al Segner da quai ch' el ha edificà il taimpel. L'oraziun da Salomon nella dedicaziun del taimpel. Tuots sun pechadurs.

LURA * Salomon dschet: Il Segner ha dit, ch' el vögl' abitar nella schüzrezza.

*1 Reg. 8, 12. Ps. 18, 12.

2. Pertant t' ha eu edificà üna chasa per abitacul, ed üna stanza per tia abitaziun in perpetuo.

3. Lur' il rai volvet la fatscha, e benedit tuot la raspada d'Israel, *chi eira* in pè,

4. E dschet: Benedi saja il Segner Deis d'Israel, il qual con sia bocca favlet a David, meis bap, e con seis mans ha compli *quai ch' el avaiva pronunzià*, dschand:

5. Dal di, ch' eu tret meis pövel our dal pajais d'Egipto, non ha eu tshernü alchüna città intanter tuot las schlattas d'Israel, per edificar qua üna chasa, nella quala meis nom dmuress, e non ha tshernü hom alchün, per esser conductur sur meis pövel Israel;

6. Ma eu ha tshernü Gerusalem, acio cha meis nom dmura qua, ed ha elet David, acio ch' el governa meis pövel Israel.

7. E David, meis bap, avet in sen, d'edificar üna chasa al nom del Segner Deis d'Israel.

8. Ma 'l Segner dschet a David, meis bap: Quant a quai cha tü hast gnü in sen, d'edificar üna chasa a meis nom, hast fat bain d'avair quai gnü tut avant tai;

9. Inguotta tant main non edificierast tû quella chasa; anzi teis figl, ehì vain a gnir da teis flanes, sarà quel chi edificierà la chasa a meis nom.

10. Il Segner dimena ha confirmâ seis pled, ch'el avaiva pronunziâ, ed eu sun gnü sù in lō da David, meis bap, e sun sezzü sül trun d'Israel, sco 'l Segner avaiva tschantschâ, ed ha edificâ quaiста chasa al nom del Segner Deis d'Israel;

11. Ed ha tschantâ in quella l'archa, nella qual' ais la lia del Segner, ch'el ha fat cols infants d'Israel.

12. * Lura as presentet *Salomon* avant l' utêr del Segner, in presenza da tuot la raspada d'Israel, e stendet ora seis mans; * 1 Reg. 8, 22.

13. Perche *Salomon* avaiva fat üna chanzla d' aram, lunga tschinch bratschs muots, e lada tschinch bratschs muots, ed ota trais bratschs muots, e l'avaiva tschantad' in mez il cortil. Contuot as presentet el sün quella, e s' mettet in snuoglias, in presenza da tuot la raspada d'Israel, e stendet oura seis mans vers il tsel,

14. E dschet: O Segner Deis d'Israel, * e non ais alchün Dieu sumgiaint a tai, ne in tsel, ne in terra, chi observast la lia, e la benignità invers teis serviaints, chi chaminan avant tai con tuot lur cour;

* Exod. 15, 11. Deut. 4, 39.

15. Chi hast salvâ a David, meis bap, teis serviaint, quai cha tû l'avai-vast dit; e *quai cha* tû avai-vast pronunziâ con tia bocca, hast tû compli con teis man, sco hoz *appara*.

16. Uossa dimena, o Segner Deis d'Israel, salva a teis serviaint David, meis bap, quai cha tû l'hast impro-miss, dschand: * E non at dess *mâ* gnir almain in meis conspet hom chi sezza sül trun d'Israel; pür cha teis figls guardan bain sün lur vias, per chaminar in mia ledscha, sco tû est chaminâ in meis conspet.

* 2 Sam. 7, 12. 16. Ps. 132, 12.

17. Uossa dimena, o Segner Deis d'Israel, saja verifichâ teis pled, cha tû hast pronunziâ a David, teis serviaint.

18. Impero, abiterà Deis vairamaing

con la gliend sün la terra? * Mera, il tsel, e 'ls tselhs dels tselhs, non at pon comprender; quant main quaiста chasa, la qual' eu ha edificâ.

* Es. 66, 1. Act. 7, 49.

19. Impero, o Segner meis Deis, guarda sün l'oraziun, e sün la supplicaziun da teis serviaint, per tadlar il bragir, e l'oraziun, la quala teis serviaint fa in teis conspet!

20. Acio cha teis ügls sajan averts di e not vers quaiста chasa; vers il lō, nel qual tû hast dit da metter teis nom; per exodir l'oraziun cha teis serviaint farà, *as volvand* vers quaiст lō.

21. Contuot exoda las supplicaziuns da teis serviaints, e da teis pövel Israel, cur els at faran oraziun, *as volvand* vers quaiст lō; exoda 'ls giò dal lō da tia stanza, dal tsel, e 'ls aviand exodits, perduna *ad els*.

22. Cur alchün averà pechâ conter seis prossem, e quel averà dad el giavüschâ il saramaint, per il far gürar, e l' saramaint sarà gnü avant teis utêr in quaiста chasa;

23. Schi sporscha 'llas uraglias giò da tsel, e fâ, e güdicha teis serviaints, per far la retribuiziun al culpabel, e l' far darcheu turnar sün la testa quai ch'el averà fat, e per absolver il güst, e l' render seguond sia güstia.

24. E, cur teis pövel Israel sarà battü dal inimi, perque cha quel averà pechâ conter tai; sch'el lura s' convertescha, e da gloria a teis nom, e t' fa oraziun, e supplicaziun in quaiста chasa;

25. Schi sporscha las uraglias giò da tsel, e perdun' a teis pövel Israel seis pucha, e condüa 'l darcheu nel pajais, cha tû dettast ad el, ed a seis babuns.

26. * Cur il tsel vain ad esser serrâ, e plövgia non sarà qua; perque cha averan pechâ conter tai; schi t' fan oraziun, *as volvand* vers quaiст lō, e dan gloria a teis nom, e s' converteschan da lur puchats, davo cha tû 'ls averast afflits;

* 1 Reg. 17, 1.

27. Schi sporscha las uraglias giò da tsel, e perduna a teis serviaints, ed a teis pövel Israel, lur pucha; davo cha tû averast ad els mossâ il

bun chamin, tras il qual els han da chaminar, e trametta la plövgia sün la terra, cha tü hast dat a teis pövel per ierta.

28. * Cur qua nel pajais sarà fam, o pestilenza, o sechüra, o ruina, o salips, o coss; *ovvero*, cur ils inimis da teis pövel l'incraseran nel pajais da sia staziun; *ovvero*, cur qua sarà qualunque plaja, e qualunque infirmità;

* 2 Cron. 20, 9.

29. Schi taidl' ogni oraziun, ed ogni supplicaziun, da qualunque hom, ovvero da tuot teis pövel Israel, cur seodün averà cognoschü sia plaja, e sia döglia, ed averà stais oura seis mans vers quaista chasa;

30. *Schi taidla* giò da tschel, dalla stanza da tia abitaziun, e perduna, e rend' a seodün seguond tuot sia via, seguond cha tü averast cognoschü seis cour, (perche tü sulet cognoschast il cour dels figls della gliend;)

31. Acio cha quels at temman, per chaminar in tias vias, tuot il temp cha viveran sün la terra, cha tü hast dat a noss babuns.

32. Taidl' eir il forestêr, chi non sarà da teis pövel Israel, e sarà gnü da lontan pajais per chaschun da teis grand nom, e da teis possant man, e da teis bratsch stendü; cur el sarà gnü, ed averà fat oraziun, *as volvand* vers quaista chasa.

33. *Taidla* l'giò da tschel, dalla stanza da tia abitaziun, e fà seguond tuot quai, del qual quel forestêr t'averà clamâ in agüd; acio cha tuot ils pövels della terra cognoschan teis nom, per at tmair, seo teis pövel Israel, e per cognoscher, cha quaista chasa, ch'eu ha edificâ, as nomna davo teis nom.

34. Cur teis pövel sarà trat oura in guerra conter seis inimis, per la via, tras la quala tü l'averast tramiss, e t'averà fat oraziun, *as volvand* vers quaista città, cha tü hast elet, e vers quaista chasa, ch'eu ha edificâ a teis nom;

35. Schi exöda giò da tschel sia oraziun, e sia supplicaziun, e defenda lur raschun.

36. Cur els averan pechâ conter tai (* siand non *aïs qua* ingün crastian

chi non pecha) e tü sarast adirâ conter els, e l's averast miss in podair del inimi, e quels chi l's averan prais, ils averan manats in preschun, in alchün pajais, lontan o vicin;

* 1 Reg. 8, 46. Prov. 20, 9. Giac. 3, 2. 1 Gioan. 1, 8.

37. Scha nel pajais, nel qual els saran stats manats in preschun, els as tiran quaist a memoria, e s'converteschan, e t' supplican nel pajais da lur preschun, dsehand: Nus avain pechâ, nus avain operâ iniquamaing, ed eschan culpabels;

38. Sch' els as converteschan pro tai con tuot lur cour, e con tuot lur orma, nel pajais da lur preschun, ingio els saran stats manats in preschun, e fan oraziun, *as volvand* vers lur pajais, cha tü hast dat a lur babuns, e vers quaista città, cha tü hast elet, e vers quaista chasa, ch'eu ha edificâ a teis nom;

39. Schi exöda giò da tschel, dalla stanza da tia abitaziun, lur oraziun, e lur supplicaziuns, e defenda lur raschun, e perdun' a teis pövel, chi averà pechâ conter tai.

40. Uossa, o meis Dieu, sajan, eu t'rouv, teis ögls averts, e tias uraglias attentas all' oraziun *fatta* in quaist lö.

41. Ed uossa, o Segner Deis, * stà sù *per intrar* in teis repos, tü, e l'archa da tia forza; o Segner Deis, sajan teis sacerdots vestits con vestimenta da salüd, e s' alleigran teis sanets del bön.

* Ps. 132, 8.

42. Segner Deis non denegar a teis onschü seis giavüsch; at regorda dellas benignitäts *impromissas* a David, teis serviant.

CHAP. VII.

Il fö consüma il sacrifici nella dedicaziun del taimpel. Vain fat granda solennità. Il Segner appara a Salomon.

MA, cur Salomon avet fini da far *sia* oraziun, schi gnit il fö da tschel, e consümet l' olocausto, e l's *oters* sacrificizis, e la gloria del Segner implit la chasa.

2. E l's sacerdots non podaivan intrar dadaint la chasa del Segner; perche la gloria del Segner avai' impli la chasa del Segner.

3. E tuot ils infants d'Israel, aviand

vis gnir giò il fù, e, *veziant* la gloria del Segner sur la chasa, s' inclinettan con la fatscha vers terra sün l' aster, ed adurettan, e 's mettettan a celebrar il Segner, dschand, * ch' el *ais* bun, cha sia benignità *ais* in eterno.

* 2 Cron. 5, 13.

4. E 'l rai, e tuot il pövel, sacrificettan sacrificzis nel conspet del Segner.

5. E 'l rai Salomon fet ün sacrificzi da vainch e duamilli bovs, e da tschient e vainchmilli nuorsas. Ed *usche* il rai, e tuot il pövel, dedichettan la chasa da Dieu.

6. E 'ls sacerdotes staivan *qua* fand lur offizi; seo eir ils levits, cols instrumaints musicals del Segner, ils quals il rai David avaiva fat per celebrar il Segner, cha sia benignità *ais* in eterno; aviand ils psalms da David in man; ils sacerdotes eir sunaivan con las trombettas vi 'nconter els, e tuot Israel staiv' in pè.

7. * E Salomon consacret la part d'amez del cortil, ch' eira avant la chasa del Segner; perche el offerit qua ils olocausts, e 'ls grass dels sacrificzis d'ingraziamaint; perche nel utèr d'aram, cha Salomon avaiva fat, non podaivan els compigliar ils olocausts, e las offertas, e 'ls grass. * 1 Reg. 8, 64.

8. Ed in quel temp Salomon celebret la festa solenna per set dis, insembel con tuot Israel, *chi eira* üna grandisma raspada, *raccolta* dall' intrada d' Hemat fin al torrent d' Egipto.

9. E l'ottavel di davo celebrettan els la solenna raspada; perche per set dis avaivan els celebrâ la dedicaziun del utèr, e per set *oters* dis *celebrettan els* la festa solenna.

10. E nel vainch e terzavel di del settavel mais, *Salomon* tramettet inavo pro sias stanzas il pövel leiger, e leid da cour, per il bain cha 'l Segner avaiva fat a David, ed a Salomon, ed a seis pövel Israel.

11. * Ma, *dopo cha* Salomon avet fini la chasa del Segner, e la chasa regala, ed avet gnü prospera riuschida da tuot quai cha 'l gnit nel cour da far nella chasa del Segner, ed in sia chasa;

* 1 Reg. 9, 1.

12. Schi 'l apparet il Segner da not, e dschet ad el: Eu ha exodi tia ora-

ziun, e m' ha elet quaiet lö per chasa da sacrificzi.

13. Sch' eu ser il tschel, tal cha non saja plövgia; ovvero sch' eu comand als salips da magliar la terra; ovvero sch' eu tramet la pestilenza tanter meis pövel;

14. E cha meis pövel, il qual ais nomnâ da meis nom, s' ümiliescha, e 'm fa oraziun, e tschercha mia fatscha, e 's convertescha da sias vias malas; schi 'l vögl eu exodir giò dal tschel, e 'l vögl perdunar seis puchats, e vögl darcheu medgiar seis pajais.

15. Uossa saran meis ögls averts, e mias uraglias attentas allas oraziuns *fattas* in quaiet lö.

16. Ed uossa ha eu elet, e santificâ quaieta chasa, acio cha meis nom saja qua in perpetuo, e meis ögls, e meis cour saran da contin là.

17. E, quant a tai, scha tü chaminast avant mai, seo ais chaminâ David, teis bap, per far tuot quai ch' eu t' ha comandâ; ed observast meis statuts, e mias ledschas;

18. Schi vögl eu eir stabilir il trun da teis reginam, seo eu ha fat lia con David, teis bap, dschand: E *mâ* non at dess mancar ün hom, chi signorescha sur Israel.

19. Ma, * scha vus as volvais darcheu inavo, e bandunais meis statuts, e meis comandamaints, ils quals eu s' ha proponüts, e giais a servir ad oters deis, e 'ls adurais; * Lev. 26, 14. 33. Deut. 28, 15. 36. 37.

20. Schi 's vögl eu sdrür our da mia terra, ch' eu s' ha dat, e vögl darcheu büttar davent da meis conspet quaieta chasa, ch' eu ha consacrâ a meis nom, e la vögl metter in proverbî, ed in fabla tanter tuot ils pövels.

21. E quaieta chasa, chi sarà statt' excelsa, sarà in stupur a tuot quels, chi passeran via pro ella, e quels dscharan: Perche ha fat il Segner usche a quaiet pajais, ed a quaieta chasa?

22. E 's dscharâ: Perche cha han bandunâ il Segner, Deis da lur babuns, il qual ils tret our dal pajais d' Egipto, e s' han appozats vi' ad oters deis, e 'ls han adurats, ed han servi ad els; perquai ha el fat gnir sur els tuot quaiet mal.

CHAP. VIII.

Tuot ils pövels della terra da Canaan sun tributaris a Salomon. Ils capos dels offizials da Salomon. El ordaina ils offizis dels sacerdots, e levits.

MA in cheu da vainch ans, nels quals Salomon avai' edificâ la chasa del Segner, e la sia;

2. Reedifichet Salomon la città, cha Hiram l'avaiva dat, e fet abitar qua ils infants d'Israel.

3. Lura get Salomon in Hemat da Soba, e la piglet aint.

4. Ed el edifichet *Tadmornel desert, insemel con tuot las cittats da munizium, las qualas el edifichet in Hemat.

* 1 Reg. 9, 17.

5. Reedifichet eir Bethoron sura, e Bethoron suot; cittats fermas da müraglia, da portas, e da stangas.

6. Reedifichet eir Baalat, e tuot las cittats da sia munizium, e tuot las cittats, ingio eira la charra, e quellas, ingio staiv' il pövel a chaval; ed *in somma*, tuot quai ch'el avet desideri d'edifichar in Gerusalem, e sül Libano, ed in tuot il pajais da sia signoria.

7. E Salomon fet tributari tuot il pövel chi eira vanzâ dels Hetits, e dels Amorit, e dels Feresits, e dels Hevits, e dels Jebusits; ils quals non eiran d'Israel;

8. Cioè dels infants da quels, chi eiran restats davo els nel pajais, ils quals ils infants d'Israel non avaiavan sdrüt, e *sun* restats *tributaris* infin a quai di.

9. Ma, intanter ils infants d'Israel, ils quals Salomon non fet serviants, per lavurar in sias lavurs (perche quels *eiran* homens da guerra, e colonels da seis chapitanis, e capos da sia charra, e da sia chavalleria;)

10. * Quaiats *füttan* capos dels commissaris del rai Salomon; cioè duatschienttschinquanta, ils quals avaiavan il comand da quel pövel. * 1 Reg. 9, 23.

11. Ma Salomon fet muntar la figlia da Farao dalla città da David sün la chasa, ch'el avaiava edificâ; perche el dschet: Mia muglier non abiterà nella chasa da David, rai d'Israel; perche *ils lous*, nels quals la chascha del Segner ais intratta, sun sancts.

12. Lura Salomon offerit olocausts al Segner, sün l'utêr del Segner, il qual el avai' edificâ avant il portic.

13. El *offeriv'* eir da di in di quai cha 's convgniva d'offerir, seguond il comandamaint da Mose, nels sabbats, e nellas chalendas, e nellas festas solennas, trais voutas l'an; nella festa dels azims, e nella festa dellas eivnas, e nella festa dels tabernaculs.

14. E constituit seguond l'ordinanza da David, seis bap, ils sacerdots in lur ministeri, * seguond lur partizuns, e 'ls levits in lur offizi, per lodar *il Segner*, e per servir avant ils sacerdots, seguond cha's convgniva *da far* per scodün di, ed ils portnêrs, seguond lur partizuns, per scodüna porta; perche tal *eira stat* il comandamaint da David, hom da Dieu; * 1 Cron. 24, 1.

15. E non as guinchit ün puonch *bricha* dal comandamaint del rai, davart ils sacerdots, e levits, ne davart alchün' *otra* chosa, ne davart ils tesors.

16. Ma la preparaziun da tuot l'ouvra da Salomon eira già fatta, dal di cha la chasa del Segner füt sögliada, fin ch'ella füt complida. *E, cur* la chasa del Segner füt finida;

17. Lura * get Salomon in Ezeon-Geber, ed in Elot, sper la riva del mâr nel pajais Edom. * 1 Reg. 9, 26.

18. Ed Hiram al tramettet, tras seis serviants, *material a far* navs, e marinêrs inlegiantaivels, ils quals gettan cols serviants da Salomon, in Ofir, e piglettan da là trajatschienttschinquanta talents d'or, e 'ls condüettan pro 'l rai Salomon.

CHAP. IX.

La regina da Sabea vain in Gerusalem. Ella s'instupescha, vezian la sapienza da Salomon. La magnificenza da Salomon. Il temp ch'el ha regnâ, Rehabeam, seis figl, al succeda.

MA * la regina da Sabea, aviand inclet la fama da Salomon, gnit a Gerusalem, con grandissem seguit, e con chamêls, chi portaivan speziarias, e granda quantità d'or, e da peidras preziasas; per provar Salomon con ingiavinêras; e gnit pro Salomon, e tshantschet con el da tuot quai ch'ella avaiava nel cour. * 1 Reg. 10, 1.

2. E Salomon alla decleret tuot las

chosas ch'ella proponit, e non füt qua chos'alchüna azzoppada a Salomon, ch'el non la declareret.

3. Pelqual la regina da Sabea, veziand la sapienza da Salomon, e la chasa ch'el avaiva edificâ;

4. E la spaisa da sia tabla, e las stanzas da seis serviants, e l'uorden del servezzen da seis ministers, e lur vestimainta, e seis copiers, e lur vestimainta, e quai ch'el offeriva nella chasa del Segner; * svanit ella dattât;

5. E dschet al rai: Quai ch'eu avaiava incelet in meis pajais da teis fats, e da tia sapienza, *eira* bain la vardâ;

6. Ma eu non crajaiva quai ch'ün dschaiva, fin ch'eu non sun gnüda, e cha meis ögls non han vis. Uossa mera, e non eira stat rapportâ la mitâ della grandezza da tia sapienza; tti sopravanzast la fama ch'eu avaiava incelet.

7. Beats teis homens, e beats quaists teis serviants, chi stan da contin avant tia fatscha, ed odan tia sapienza;

8. Benedi saj' il Segner teis Deis, il qual ha gnü plaschair vi' a tai, per at metter sün seis trun, per *esser* rai *nel nom* del Segner; per l'amur cha teis Deis *porta* ad Israel, per il stabilir in perpetuo; el t'ha constituit per rai sur quel, per far raschun, e güstia.

9. Ed ella det al rai tschient e vainch talents d'or, e grandisma quantitâ da spezias, e da peidras preziasas, e mâ plü non *as vezzet* talas spezias, qualas la regina da Sabea dunet al rai Salomon.

10. Ultra quai, ils serviants d'Huram, e 'ls serviants da Salomon, chi avaivan portâ d'Ofir del or, portetan eir del lain d'algunmim, e dellas peidras preziasas.

11. E'l rai dovret quel lain d'algunmim intuorn las schalas, *chi condüavian* pro la chasa del Segner, e pro la chasa regala, ed *in far* cittats, e psalters, per ils chantadurs. Da quella sort da lain non eira pel passâ mâ stat nel pajais da Giuda.

12. Il rai Salomon det eir el alla regina da Sabea tuot quai ch'ella avet a plaschair, e ch'ella il giavüschet;

ourdyart las chosas, ch'ella l'avet portâ. Lura 's mettet ella darcheu in chamin; e con seis serviants get ella inavant in seis pajais.

13. Ma la paisa del or, chi gniv' a Salomon ogni an, eira da sestschient-sesanta e ses talents d'or.

14. Ultra quai, *ch'el traiva* dels gabelliers, e quai, cha'l portaivan ils merchadants. Tuot ils rais dell'Arabia, e 'ls signurs del pajais, quels portaivan eir or, ed argient a Salomon.

15. E'l rai Salomon fet *far* duatschient targias d'or battü; in scodüna *dellas qualas* el impondet sestschient *siccats* d'or battü;

16. E trajatschient schüts d'or battü, in scodün *dels quals* el impondet trajatschient *siccats* d'or; e 'ls mettet nella chasa del god del Libano.

17. Il rai fet eir, ultra quai, ün grand trun d'öss d'elefant, il qual el surtret con or pür.

18. E quel trun avaiava ses schaluns, ed ün schabell, tachats con or vi' al trun, e nel lö della sopcha *eiran spondas* da 's pozar, da qua e da là, e duos liuns eiran tschantats sper *quellas* spondas.

19. Qua eiran eir dudesch liuns, tschantats qua süls ses schaluns, da qua e da là. Ingün tal non füt *mâ* fat in alchün reginam.

20. E tuot la vashella della credenza del rai Salomon *eira* d'or; medem-mamaing tuot la vashella della chasa del god del Libano *eira* d'or fin; non *eira* d'argient inguotta, *l'argient* non eira in alchüna stima dal temp da Salomon;

21. Perche'l rai avaiava navs, chi faivan viadi in Tarsi, cols serviants d'Huram; in trais ans üna vouta quellas navs da Tarsi guivan, portand or, ed argient, ed öss d'elefant, e schingias, e papagals.

22. Usche il rai Salomon füt in ricchezas, ed in sapienza il plü grand d'ogni *oter* rai della terra.

23. E tuot ils rais della terra tscherchaivan da vair Salomon, per ineler la sapienza da quel, la quala Deis l'avaiava miss nel cour.

24. E scodün da quels al portaiva an per an seis preschaint, vashella

d'argient, e vaschella d'or, e vestimenta; armas, e spezias, chavals, e müls.

25. * Salomon avaiva eir quattermilli stallas da *ignair* chavals e charra, e dudeschmilli chavalgiaints, ils quals el stazionet per las cittats, ordinadas per la charra, e sper el, in Gerusalem. * 1 Reg. 4, 26. 10, 26. 2 Cron. 1, 14.

26. Ed el signoraiva sur tuot ils rais, dal flüm fin al pajais dels Filiistins, e fin al confin d'Egipto.

27. * E'l rai fet, cha l'argient eira in quantità in Gerusalem sco la crappa, e 'ls ceders sco 'ls figêrs solvadis, chi *sun* per la champagna. * 1 Reg. 10, 27.

28. E's manaivan d'Egipto, e d'ogni oter pajais, chavals per Salomon.

29. Quant al rimanent dels fats da Salomon, prüms ed ultims; quaiastas chosas non *sun* ellas scrittass nel cudesch del profet Natan, e nella profezia d'Ahia, Silonit, e nella vision del vidaint Jedo davart Jerobeam, figl da Nebat?

30. Ma Salomon regnet in Gerusalem sur tuot Israel quarant'ans.

31. Lura 's dormanzet el con seis babuns, e füt sepuli nella città da David, seis bap; e Rehabeam, seis figl, regnet in seis lû.

CHAP. X.

Il pövel as raspa per constituir Rehabeam per rai. La resposta da Rehabeam. Il pövel d'Israel as volva conter Rehabeam.

E* Rehabeam get in Sichem; perche tuot Israel *eira* gnü in Sichem, per il stabilir per rai. * 1 Reg. 12, 1.

2. E, cur Jerobeam, figl da Nebat, chi *eira* in Egipto, ingio l' eira fûgi our davant al rai Salomon, avet *quai* incelet, turnet el darcheu d'Egipto.

3. Perche *ils Israelits* avaivan tramiss al clamar. Jerobeam dimena, e tuot Israel gnittan, e favlettan a Rehabeam, dschand:

4. Teis bap ans ha tschantats adöss ün grev giuf; ma tû, surlevgiants nossa dalla düra servitü da teis bap, e da seis grev giuf, il qual el ans ha tschantats adöss, e nus volain esser a tai soggets.

5. Ed el dschet ad els: Da qui a trais dis turnai darcheu pro mai. E'l pövel get davent.

6. E'l rai Rehabeam as cosglet cols vegls, chi eiran stats ministers da Salomon, seis bap, tant ch' el eira in vita, dschand: Co cosgliais vus cha's responsda a quaiست pövel?

7. E quels al respondettan, dschand: Scha tû atmossast benign invers quaiست pövel, e 'l complaschast, e 'l dast buns plets, schi't saran quels soggets in perpetuo.

8. Ma el laschet il cossagl cha 'ls vegls l'avaivan dat, e's cosglet con giuvens, chi eiran stats trats sù con el, ed eiran seis ministers ordinaris;

9. E dschet ad els: Che cosgliais vus cha nus respondan a quaiست pövel, il qual m'ha favlâ, dschand: Surlevgiants dal giuf cha teis bap ha tschantâ sün nus?

10. E'ls giuvens, chi eiran stats trats sù con el, al respondettan, dschand: Di usche a quaiست pövel, chi t'ha favlâ, dschand: Teis bap ans ha tschantats adöss ün grev giuf, ma tû surlevgiants; di ad els usche: Meis *daint* pitschen *ais* plü gross co 'ls flancs da meis bap.

11. Uossa dimena, meis bap s'ha chargiats adöss ün grev giuf, ma eu il vögl far plü vi'e plü grev; meis bap s'ha chastiats con giaslas, ma eu's *vögl* chastiats con flagels chi puonschan.

12. E'l terz di davo, Jerobeam, e tuot il pövel, gnittan pro Rehabeam, seguond cha 'l rai avaiva tschantshâ, dschand: Turnai darcheu pro mai da qui a trais dis.

13. E'l rai Rehabeam respondet ad els aspramaing, e laschet star il cossagl dels vegls;

14. E favlet ad els, seguond il cossagl dels giuvens, dschand: Meis bap s'ha tschantats adöss ün grev giuf, ma eu il vögl far plü vi'e plü grev; meis bap s'ha chastiats con giaslas, ma eu's *vögl* chastiar con flagels chi puonschan.

15. Il rai dimena non acconsentit al pövel; perche quaiست gniva dal Segner Deis, per complir seis pled, il qual el avaiva pronunziâ tras Ahia, Silonit, a Jerobeam, figl da Nebat.

16. E, cur tuot il pövel d'Israel avet vis, cha 'l rai non avai'ad els acconsenti, respondet el al rai, dschand:

Che part avain nus in David? *Nus non avain* alehüna rasehun d' ierta nel figl d' Isai! O Israel, cha scodün *giaja mä* pro sias stanzas! O David, provveda uossa a tia chasa. Usche tuot Israel get davent pro sias stanzas.

17. Ma, quant als infants d' Israel, chi abitaivan nellas cittats da Giuda, Rehabeam regnet sur ellas.

18. E l'rai Rehabeam tramettet pro 'ls infants d' Israel Hadoram, chi *eira* sur ils tributs; ma quels l' accrappettan, pelqual el morit. Lura il rai Rehabeam muntet prestamaing sün ün charr, e fület in Gerusalem.

19. Usche Israel as rebellet conter la chasa da David, ed *ais restâ usche* fin a quai di.

CHAP. XI.

Rehabeam, as disponind alla guerra conter Israel, ais avisâ tras il profet Semaja d' interlaschar. Las mugliers, concubinas, figls e figlias da Rehabeam.

REHABEAM dimena, * siand rivâ in Gerusalem, raspet la chasa da Giuda, e da Benjamin, *in number* da tschientottantamilli homens da guerra, tschernüts oura, per combatter contra Israel, per redür il reginam suot l' *obedienza* da Rehabeam.

* 1 Reg. 12, 21.

2. Ma l' pled del Segner füt *indirizzâ* a Semaja, hom da Dieu, dschand:

3. Di a Rehabeam, figl da Salomon, rai da Giuda, ed a tuot ils Israelits, *chi sun* in Giuda, ed in Benjamin:

4. Usche ha dit il Segner: Non muntarai e non combattarai conter voss frars; turnai darcheu scodün a chasa sia, perche quaiста chosa ais procedüda da mai; e quels obedittan als plds del Segner, e turnettan darcheu, sainz' ir conter Jerobeam.

5. E Rehabeam abitet in Gerusalem, ed edificet cittats in Giuda, per forttezzas;

6. Ed edificet Betlehem, ed Etam, e Tecoa,

7. E Betsur, e Soco, ed Adullam,

8. E Gat, e Maresa, e Zif,

9. Ed Adoraim, e Lachis, ed Azeca,

10. E Sarea, ed Ajalon, ed Hebron, *chi eiran* cittats fermas in Giuda, ed in Benjamin.

11. Usche fortifichet el quaiстаs for-

tezzas, e mettet qua chapitanis, e provisiun da victualia, e d' öli, e da vin.

12. Ed in scodüna città *mettet* el schüts, e lanschas, e las fortifichet grandamaing. Usche Giuda, e Benjamin füttan pro el.

13. Ma 'ls sacerdöts, e 'ls levits, chi *eiran* in tuot il *pajais* d' Israel, as redüettan nan pro el our da tuot lur contradas;

14. Perche 'ls levits bandunettan lur contadis, e lur possessiuns, e gettan in Giuda, ed in Gerusalem; perche Jerobeam, e seis figls, ils schatschettan, acio ch' els non exercitessan plü il sacerdotadi al Segner;

15. E *Jerobeam* * as constituit sacerdöts per ils lous ots, e per ils † demunis, e per ils vadels ch' el fet.

* 1 Reg. 12, 31. † Lev. 17, 7.

16. E, davo quels levits, quels intanter tuot las schlattas d' Israel, chi disponittan lur cour a tscherchar il Segner Deis d' Israel, gnittan in Gerusalem, per sacrificar al Segner, Deis da lur babuns;

17. E fortifichettan il reginam da Giuda, e rinforzettan Rehabeam, figl da Salomon, per il spazi da trais ans; perche els chaminettan nella via da David, e da Salomon, il spazi da trais ans.

18. Ma Rehabeam as piglet per muglier Mahelat, figlia da Gerimot, figl da David, ed Abihail, figlia d' Eliab, figl d' Isai,

19. La quala al parturit *quaists* figls, cioè Jeus, e Semaria, e Zaham.

20. E, davo ella, piglet el Maaca, figlia d' Absalom, la quala al parturit Abia, ed Atai, e Ziza, e Salomit.

21. E Rehabeam amet Maaca, figlia d' Absalom, sur tuot sias *qtras* mugliers, e concubinas; perche ch' el avaiva tut deschedot mugliers, e sesanta concubinas; dinuonder el genuit vainchot figls e sesanta figlias.

22. E Rehabeam constituit Abia, figl da Maaca, per capo *da sia chasa*, per princip sur seis frars; perche el s' *impissaiva* da l' far rai.

23. E prudaintamaing s' aviset el, da rasar oura da tuot seis figls per tuot las contradas da Giuda, e da Benjamin, pertuot las cittats fermas,

ed assignet ad els da viver abundan-
tamaing, e procuret *ad els* bleras
mugliers.

CHAP. XII.

Rehabeam banduna la ledscha del Segner. Sisac
vain in Gerusalem. L'età da Rehabeam. Abia il
succeda.

MA, cur il reginam da Rehabeam füt
stabili, e fortificâ, * el, insem-
bel cön tuot Israel bandunettan la
ledscha del Segner.

* 1 Reg. 14, 22.

2. Dinuonder * l'an quint del rai Re-
habeam, Sisac, rai d'Egipto, muntet
süi conter Gerusalem, (perche quels
avaivan misfat conter il Segner.)

* 1 Reg. 14, 25.

3. Con milli duatschient charra, e
con sesantamilli chavalgiants, e pö-
vel sainza fin, chi eira gnü con el d'E-
gipto, Libiers, Suchits, ed Etiopiers;

4. E piglet las cittats fermas da Giu-
da, e gnit fin in Gerusalem.

5. Lura il profet Semaja gnit pro
Rehabeam, e pro'ls capos da Giuda,
ils quals s'avaivan raspats in Geru-
salem, our davant Sisac, e dschet ad
els: Usche ha dit il Segner: Vus m'a-
vais bandunâ, ed eu s'ha eir laschâ
crodar in man da Sisac.

6. E 'ls capos d'Israel, e 'l rai, s'ü-
miliettan, e dschettan: Il Segner *ais*
güst!

7. E 'l Segner vezzet cha s'avaivan
ümiliats. E 'l pled del Segner füt *in-*
drizzâ a Semaja, dschand: Quels
s'han ümiliats; eu non ils vögl sdrür,
ma in cuort vögl eu dar ad els salüd,
e mia ira non as spanderà oura sur
Gerusalem per man da Sisac.

8. Inguotta tant main als saran quels
serviats, e cognoscheran *la differen-*
za chi saja tanter il servir a mai, e 'l
servir a reginams della terra.

9. Sisac dimena, rai d'Egipto, mun-
tet conter Gerusalem, e piglet ils te-
sors della chasa del Segner, e 'ls te-
sors della chasa del rai; el piglet
ogni chosa, piglet eir ils schüts d'or,
cha * Salomon avaiva fat. * 1 Reg. 10, 16.

10. E 'l rai Rehabeam fet schüts d'a-
ram in pè da quels, e 'ls recomandet
in man dels chapitanis dels sergents,
chi faivan la guardia alla porta della
chasa regala.

11. E, cur il rai intraiva nella chasa

del Segner, giaivan ils sergents. e 'ls
alvantaivan via, e lura ils portaivan
els darcheu nella chambrà dels ser-
gents.

12. Usche, perche el s'ümiliat, l'ira
del Segner as volvet via dad el, ed el
non volet far ün' intèra destrucziun,
ed eir tschert in Giuda eiran *amo* da
bunas chosas.

13. Contuot as fortificet il rai Re-
habeam in Gerusalem, e regnet; * per-
che l'eira d'età da quarant' ün an,
eur el comanzet a regnar, e regnet
deschset ans in Gerusalem, città, la
quala il Segner avaiva elet intanter
tuot las schlattas d'Israel, per metter
qua seis nom. E 'l nom da sia mamma
eira Naama, Ammonita. * 1 Reg. 14, 21.

14. Ed el fet quai ch' ais mal; per-
che el non disponit seis cour a re-
tscherchar il Segner.

15. Ma, quant als fats da Rehabeam,
prüms ed ultims, non *sun* els scrits
nel eudesch del profet Semaja, e tan-
ter las genealogias d'Iddo, vidaint?
Sco eir las guerras, *chi füttan* da con-
tin tanter Rehabeam, e Jerobeam.

16. E Rehabeam as dormanzet con
seis babuns, e füt sepuli nella città
da David, ed Abia, seis figl, regnet
in seis lö.

CHAP. XIII.

Abia regna in Gerusalem. Guerra inter Abia, e
Gerusalem. Jerobeam ed Israel vints tras singo-
lar agüd da Dieu.

L'AN deshdottavel del rai Jerobe-
am, Abia comanzet a regnar sur
Giuda.

2. El regnet trais ans in Gerusalem.
E 'l nom da sia mamma *eira* Micaja,
figlia d'Uriel, da Gibeà. Ma qua füt
guerra tanter Abia e Jerobeam.

3. Ed Abia gnit a battaglia con ün
exercit da quattertschientmilli com-
battants, tuot homens tschernüts. E
Jerobeam ordinet la battaglia conter
el con otttschientmilli combattants,
tuot homens tschernüts.

4. Ed Abia alvet in pè süsom il munt
da Semarim, chi *ais* sün la monta-
gna d'Efraim, e dschet: O Jerobeam,
e tuot Israel, tadlà 'm:

5. Non dessat vus savoir, cha 'l Se-
gner Deis d'Israel ha dat a David il
reginam sur Israel, in perpetuo? Ad

el, *di eu*, ed a seis figls, *per* pat in-violabel.

6. Ma * Jerobeam, figl da Nebat, serviaint da Salomon, figl da David, s' ha fat sù, e s' ha rebellâ conter seis signur.

* 1 Reg. 11, 26.

7. E tseherts homens daschüttels, e scelerats, s' han raspats via pro el, e s' han fortifichats conter Rehabeam, figl da Salomon, il qual, essendo giuven, e da cour tender, non alsha contrastâ valerusamaing.

8. Ed uossa s' impissais vus da resister ostinadamaing al reginam del Segner, *chi ais* tanter ils mans dels figls da David; perche vus eschat üna granda bletüra, ed *avais* con vus ils vadels d' or cha Jerobeam s' ha fat per deis.

9. Non avais vus şchatschâ ils sacerdots del Segner, ils figls d' Aaron, e 'ls levits; e * non s' avais vus fat sacerdots nella maniera dels pövels dels pajais? Iminchün s' ha presentâ per as consacrar con ün trim, e con set bümatschs! Ed usche ais el dvantâ sacerdot da quels chi non *sun* deis.

* 1 Rais 12, 31.

10. Ma, quant a nus, il Segner *ais* nos Deis, e nus non l' avain bandunâ, e 'ls sacerdots, chi servan al Segner, *sun* figls d' Aaron, e 'ls levits sun miss pro quaiŧ' ouvra;

11. Ed ogni mattina, ed ogni saira, ardan els ils olocauts al Segner, cols profüms dellas spezias; ed ordainan ils pans chi 's dess ordinar sün la maisa * püra; ed ogni saira invüdan els il chandallêr d' or con sias lampas; perche nus observain quai cha 'l Segner ha ordinâ; ma vus avais bandunâ il Segner.

* Lev. 24, 6.

12. E mera, Deis ais con nus per cheu, insembel con seis sacerdots, e * con las trombettas da sun resonant, per sunar con quellas conter vus. Infants d' Israel, non combattarai conter il Segner, Deis da voss babuns; perche vus non gnissat ad avoir ventüra.

* Num. 10, 9.

13. In quel dimez fet Jerobeam voler ün aguet, per ch' el gniss sur *quels da Giuda* davonan; tal cha Giuda avaiŧ' *ils Israelits* davant, e l' aguet davovart.

14. *E quels da Giuda* as volvettan in-tuorn, e vezettan, cha eiran assaglits davant, e davovart; dinuonder els bragittan vi' al Segner, e 'ls sacerdots sunettan con las trombettas.

15. Il pövel da Giuda fet eir ün bragizi, e, fand els quel bragizi, battet Deis Jerobeam, e tuot Israel, avant Abia e Giuda.

16. E 'ls infants d' Israel fügittan our davant Giuda, e Deis ils det in lur mans.

17. Ed Abia, e seis pövel ils battettan d' üna granda deruotta, e erodettan mazzats tschinchtschientmilli homens tsehernüts d' Israel.

18. Usche füttan ils figls d' Israel in quel temp abbassats, e 'ls figls da Giuda 's rinforzettan; perche els s' avaiŧan pozats sül Segner, Deis da lur babuns.

19. Ed Abia perseguittet Jerobeam, ed al piglet *alchüinas* cittats; Betël, e las terras da seis territori; Jesana, e las terras da seis territori; ed Efron, e las terras da seis territori.

20. E Jerobeam non avet plü forz' alchüna dal temp d' Abia; ed il Segner il battet, ed el morit.

21. Ed Abia 's fortifichet, e piglet quattordesch mugliers, e genuit vainch e duos figls, e saidesch figlias.

22. Ma, quant al rimanent dels fats d' Abia, e da seis deportamaint, e da seis fats; quaiŧas chosas sun scrittas nels memorialis del profet Iddo.

CHAP. XIV.

Assa succeda ad Abia. Fa quai cha plasch' al Segner. Ils Etiopiers sun vints tras Assa.

ED * Abia 's dormanzet con seis babuns, e füt sepuli nella città da David. Ed Assa, seis figl, regnet in seis lö. Da seis temp avet il pajais pos *il spazi* da desch ans.

* 1 Reg. 15, 8.

2. Ed Assa fet quai cha plascha, ed ais grat al Segner seis Deis;

3. E piglet via ils utêrs, e 'ls lous ots dels esters, e spazzet las statuas, e taglet giò ils gods;

4. E comandet a Giuda da retscherchar il Segner Deis da seis babuns, e da metter in effet sia ledscha, e seis comandamaints.

5. Piglet eir via da tuot las cittats

da Giuda ils lous ots, e las * imagnas, e l' reginam avet pos tant ch' el vivet.

* Lev. 26, 30.

6. Ed el edifichet cittats da fortezzas in Giuda; perche l' pajais eira in repos, ed in quel temp non *füt qua* alchüna guerra conter el; perche l' Segner l' avaiva dat repos.

7. Dinuonder el dschet a Giuda: Edifichain quaiastas cittats, e circondain-las con müraglia, e con tuors, e con portas, e con stangas, intant nus eschan patrüns del pajais; perche nus avain retscherchâ il Segner nos Deis, e, l' aviand retscherchâ, ans ha el dat pos dapertuot intuorn. Usche las edifichetan els, ed avettan ventüra.

8. Ma Assa avai' ün exercit da trajatschientmilli *homens* da Giuda, chi portaivan schüt, e lanscha; e da duatschient e trentamilli da Benjamin, chi portaivan schüt, e traivan col balaster; tuot *homens* valerus.

9. E Zera, Etiopier, tret oura conter els con ün exercit da milli voutas milli *homens*, e da trajatschient charra, e gnit fin in Maresa.

10. Ed Assa get our' incoenter el, e quels ordinettan la battaglia nella val da Sefata, sper Maresa.

11. Assa lura bragit vi'al Segner seis Deis, e dschet: O Segner, * pro tai non *ais alchüna differenza* da güdar, tant a chi non ha forz' alchüna, co a chi ha granda; suceuorans, o Segner nos Deis; perche nus ans pozain süin tai, ed in teis nom eschan nus gnüts conter quaiста blerüra; tü *est* il Segner nos Deis; non *laschar* cha'l erastian prevala conter tai.

* 1 Sam. 14, 6.

12. Ed il Segner battet ils Etiopiers avant Assa, ed avant Giuda, e 'ls Etiopiers fügittan.

13. Ed Assa, e l' pövel chi *eira* con el, ils persegüittettan fin in Gerar, e morittan tants Etiopiers, cha quels non as podettan plü restorar; perche els füttan ruots dal Segner, e da seis exercit, e füttan portats davent seo butin in grandisma quantità.

14. Battettan eir tuot las cittats *chi eiran* intuorn Gerar; perche il * spavent del Segner eira sur els; butinet-

tan tuot quellas cittats; perche quaint dadaint eira ün grand butin.

* Gen. 35, 5.

15. Battettan eir las tendas dels stavels, e manettan davent bescha, e chamêls, in grand number. Lura turetettan els darcheu in Gerusalem.

CHAP. XV.

Exortaziun d' Azaria, profet, ad Assa, Giuda e Benjamin. Fan lia da tscherchar Dieu da tuot lur cour. Assa piglia il govern da sia mamma, siand ella idolatra.

LURA il Spiert da Dieu füt sur Azaria, figl d' Obed;

2. Ed el get our' incoenter ad Assa, e dschet ad el: Tatlâ 'm Assa, e tuot Giuda, e Benjamin: * Il Segner *ais stat* con vus, tant cha vus eschat stats con el, e scha vus il tscherchais, schi l' chattaiss vus; ma, scha vus il bandunais, schi vain *eir* el as bandunar.

* Giac. 4, 8.

3. Ma Israel *ais stat* ün lung temp sainz' il vair Dieu, e sainza sacerdot, chi mossess, e sainza ledscha.

4. Ma *cur* el, siand in anguoscha, s' ha converti pro l' Segner Deis d' Israel, e l' ha tscherchâ, schi l' ha el chattâ.

5. * Ma in quels temps non eira pasch alchüna per quels chi giaivan, e chi gnivan; perche grands contuorbels *eiran* tanter tuot ils abitants del pajais.

* Güd. 5, 6.

6. Ed üna naziun eira squitschada suot dall' *otra* naziun, ed üna città dall' *otra* città; perche Deis ils battaiva con ogni *sort* da tribulaziuns.

7. Ma vus as cuffortai, e voss mans non sajan smiss; perche as ais premi per voss' ouvra.

8. E, eur Assa avet udi quaiasts pleds, e la profezia del profet Obed, schi s' fortifichet el, e piglet via las abominaziuns da tuot il pajais da Giuda, e da Benjamin, e dallas cittats, ch' el avaiva prais del munt d' Efraim, e renovet l' utêr del Segner, chi *eira* avant il portic del Segner;

9. Lura raspet el tuot Giuda, e Benjamin, e quels d' Efraim, e da Manasse, e da Simeon, chi dmuraivan con els; perche bliers s'avaivan vouts da sia vart, veziland cha l' Segner seis Deis *eira* con el.

10. Quels dimena 's raspettan in Gerusalem, nel terz mais del an quindeschavel del reginam d' Assa.

11. Ed in quel di sacrificettan els al Segner, del buttin ch' avaiavan manâ, settshient bovs, e setmili nuorsas.

12. E 's convgnittan in quaista lia, da retscherchar il Segner Deis da lur babuns, con tuot lur cour, e con tuot lur orma;

13. * E cha chi non gniss a retscherchar il Segner Deis d' Israel, füss fat morir, pitschen, o grand ch' el füss, hom, o duonna; * Deut. 13, 5. 9, 15.

14. E gürettan al Segner con granda vusch, e bragizi d' allegrezza, con trombettas e corns.

15. E tuot Giuda s' allegret da quel saramaint; perche els gürettan con tuot lur cour, e tscherchettan il Segner con tuot lur affecziun, e 'l chat-tettan, e 'l Segner det ad els repos dapertuot intuorn.

16. Il rai Assa * removet eir Maaca, sia mamma, dal govern; perche ella avaiava fat ün idol per Astarte, ed Assa spazzet l' idol da quella, e 'l smachet, e 'l ardet nella val da Chidron.

17. Ma 'ls lous ots non füttan tuts via d' Israel; impero il cour d' Assa füt sincêr tuot il temp da sia vita.

18. Ed el portet nella chasa da Dieu las chosas cha seis bap avaiava consacrâ, e quellas eir, ch' el sves avaiava consacrâ, argient, ed or, e vashella.

19. E qua non füt guerr' alchüna fin al an trent' e tschinchavel del reginam d' Assa.

CHAP. XVI.

Assa fa lia col rai da Siria; ais reprais d' ün profet; metta sia fidanz' in medicinas, plü ch' in Dieu; la mort d' Assa.

L' AN * trent' e sesavel del reginam d' Assa, Baesa, rai d' Israel, muntet sü conter Giuda, ed edificet Rama, per non laschar, ne uschir, ne intrar alchün pro Assa, rai da Giuda.

* 1 Reg. 15, 17.

2. Dinuonder Assa piglet our' argient, ed or, dals tesors della chasa del Segner, e dalla chasa regala, e 'l tramettet pro Benhadad, rai da Siria, il qual abitaiv' in Damasco, dschand:

3. *Saja* lia tanter mai e tai, *sco ais stat* tanter meis bap e teis bap; mera, eu at tramet or, ed argient; vâ, rumpa la lia, cha tû hast con Baesa, rai d' Israel, acio ch' el as retira da mai.

4. E Benhadad consentit al rai Assa, e tramettet ils chapitanis da seis exercits conter las cittats d' Israel, e quels battettan Jon, e Dan, ed Abelmaim, e tuot las cittats da munizium da Naftali.

5. E, cur Baesa avet *quai* inelet, laschet el star d' edificar Rama, e fet interlaschar seis lavurêr.

6. Lur' il rai Assa piglet *tuot il pövel* da Giuda, e quels portettan via las peidras, e 'l lainam da Rama, la quala Baesa edifichaiva; ed edificet Gibeà, e Mispà.

7. Ed in quel temp il * vidaint Hanani gnit pro Assa, rai da Giuda, e dschet ad el: Per quai cha tû t' hast pozâ sül rai da Siria, e non t' hast pozâ sül Segner teis Deis, per quai t' ais l' exercit del rai da Siria scampâ dals mans. * 1 Sam. 9, 9.

8. * Ils Etiopiers, ed ils Libiers, non eiran quels ün grand exercit, con grandissem number da charra, e da chavalgiants? Ed impero, perque tû t' appozettast sül Segner, schi t' ils det el nels mans. * 2 Cron. 14, 9.

9. Perche ils * ögls del Segner cuorran per tuot la terra, per as mossar potaint in favur da quels, chi han il cour sincêr invers el; tû hast fat narramaing in quaista chosa; perche d' uoss' inavant averast tû *saimper* guerras. * Zac. 4, 10.

10. Ed Assa 's grittantet conter il vidaint, e 'l fet metter in preschun; perche *l' eira* in grand' ira conter el perquai. Assa chalchet eir in quel temp *alchüns* del pövel.

11. Ma mera, ils fats d' Assa, prüms ed ultims, sun scrits nel eudesch dels rais da Giuda, e d' Israel.

12. Ed Assa, l' an trent' e novavel da seis reginam, gnit amalâ dels peis, e sia infirmità *füt* extrema, ed impero eir in sia infirmità non tscherchet el il Segner, anzi ils meidis.

13. Ed Assa 's dormanzet con seis babuns, e morit l' an quarant' ün da seis reginam;

14. E füt sepuli in sia sepultüra, la quala el s'avaiva chavâ nella città da David, e füt tshantâ in ün let, ch' el avai' impli con spezias, e con odurs, compostas per art da perfüme-ria; e 'l füt ars üna grandisma quantitâ.

CHAP. XVII.

Giosafat, rai prus, nettaja seis reginam d' ogni idolatria, e fa mossar il pövel nella ledscha del Segner.

E * Giosafat, figl d' Assa, regnet in seis lö, e's fortifichet conter Israel;

* 1 Reg. 15, 24.

2. E tshantet troppas da pövel da guerra per tuot las cittats fermas da Giuda, e mettet guarnischuns nel pajais da Giuda, e nellas cittats d' Efraim, las quas Assa, seis bap, avai-va prais.

3. E'l Segner füt con Giosafat; perche el chaminet nellas prümas vias da David, seis bap, e non retscherchet ils baals;

4. Anzi retscherchet il Deis da seis bap, e chaminet in seis comanda-maints, e non fet sco Israel.

5. Pelqual il Segner stabilì il reginam nels mans da quel; e tuot Giuda al portaiva preschaints, tal ch' el avet granda ricchezza, e gloria.

6. Ed el adozet seis cour nellas vias del Segner; piglet eir via da Giuda ils lous ots, e'ls gods.

7. E l'an terz da seis reginam tramettet el, intanter seis principals ofizials, Benhail, ed Obadia, e Zaccaria, e Nataneel, e Micaia.

8. E, con els, quaists levits, Sema-ja, e Netania, e Zebadia, ed Asahel, e Semiramot, e Gionatan, ed Adonia, e Tobia, e Tob-Adonia; e con els Elisama, e Gioram, sacerdots, per mossar il pövel nellas cittats da Giuda.

9. E quels, *aviand* con els il cudesch della ledscha del Segner, gettan mossand il pövel da Giuda, e circuitan tuot las cittats da Giuda, mossand il pövel.

10. E'l * spavent del Segner füt sur tuot ils reginams dels pajais chi *eiran* our dintuorn Giuda; dinuonder els non fettan guerra con Giosa-fat.

* Gen. 35, 5.

11. Dals Filistins eir al eiran por-

tats preschaints, e tribut d' argient; ils Arabers al manaivan eir nanpro bestiam manü; cioè setmilli e set-tschient bümatschs, e setmilli e set-tschient boes.

12. E Giosafat get creschand granda-maing; el edificet in Giuda chastels, e cittats da munizium;

13. El avet grandas robas nellas cit-tats da Giuda; ed homens da guerra, potaints e valents, in Gerusalem.

14. E quai's *ais* la descripziun da quels, seguond lur chasas paternas: Da Giuda, ils capos dellas milliêras, *fittan* il chapitani Adna, il qual avai-va suot el trajatschientmilli *homens* potaints e valents.

15. E, davo el, il chapitani Johanan, il qual avai-va suot el duatschientot-tantamilli *homens*.

16. E, davo el, Amasia, figl da Zieri, il qual s'avaiva * voluntariamaing consacrâ al Segner, ed avai-va suot el duatschientmilli *homens* potaints e valents.

17. E da Benjamin, Eliada, *hom* po-taint e valent, il qual avai-va suot el duatschientmilli *homens*, armats con balaisters, e con schüts.

18. E, davo el, Jozabad, il qual avai-va suot el tschientottantamilli *homens* in uorden per la guerra.

19. Quaists *eiran* quels chi servivan al rai, ultra quels ch' el avai-va tshan-tâ nellas fortezzas per tuot il *pajais* da Giuda.

CHAP. XVIII.

Ahab fa guerra con Giosafat conter Ramot da Gilead. Il Segner tramett' il spiert da menzogna per surmanar Ahab. Ais mazzâ nella battaglia.

MA Giosafat, aviand grandas ricchez-zas, e gloria, s'imparantet con Ahab.

2. Ed * in cheu da qualch' ans get el pro Ahab in Samaria. Ed Ahab fet mazzar bescha, e bovs, in grandissem number, per el, e per il pövel ch' eira con el, e'l surplidet dad ir conter Ramot da Gilead. * 1 Reg. 22, 2.

3. Ed Ahab, rai d' Israel, dschet a Giosafat, rai da Giuda: Voust tû trar con mai conter Ramot da Gilead? Ed el al dschet: Eu *vögl* esser sco tû, e meis pövel sco teis pövel; *nus volain* esser con tai in quai'sta guerra.

4. Lura Giosafat dschet al rai d' Israel: Char tü, domand' hoz * il pled del Segner.

* 1 Sam. 23, 2. 2 Sam. 2, 1.

5. E'l rai d' Israel raspet ils profets, *in number da quattertschient* homens, e dschet ad els: Dessan nus trar alla guerra conter Ramot da Gilead, o'l dess eu laschar star? E quels dschettan: Và, perche Deis *la* darà in mans del rai.

6. Ma Giosafat dschet: Non *aise qui* plü alehün profet del Segner, il qual nus domandessan?

7. E'l rai d' Israel dschet a Giosafat: Ed *ais bain* amo ün hom, tras il qual nus podain domandar il Segner; ma eu al vögl mal; perche el non am profetizescha mâ in bain, ma saimper in mal; *el* ais Mica, figl d' Imla. E Giosafat dschet: Il rai non dia usche.

8. Lur' il rai d' Israel clamet ün eunuco, e dschet ad el: Fà dalunga gnir Mica, figl d' Imla.

9. Ma 'l rai d' Israel, e Giosafat, rai da Giuda, sezzaivan scodün sün sia sopcha, vestits con vestimainta *regala*, nel iral, *chi* ais all' intrada della porta da Samaria, e tuot ils profets profetizavan in presenza lur.

10. E Sedechia, figl da Cnaana, s'avaiva fat cornas da fier, e dschet: Usche ha dit il Segner: Con quaistas *cornas* vainst tü a ferir ils Siriers, fin cha tü 'ls hajast sdrüts.

11. E tuot quels profets profetizavan in quell'istessa maniera, dschand: Munta *conter* Ramot da Gilead, e tü averast ventüra, e'l Segner *la* darà in mans del rai.

12. Ma 'l mess, chi eira it a clamar Mica, il favlet, dschand: Mera ils plets dels profets, *sco* d' üna medema bocca, *predischan* bön al rai; char tü, saja dimena teis favlar conform al *tshantschar* d' ün da quels, ed annunzia bön *ad els*.

13. Ma Mica dschet: *Sco* il Segner viva, eu vögl dir quai cha meis Deis *m'* averà dit.

14. Contuot gnit el pro'l rai. E'l rai al dschet: Mica, dessan nus trar alla guerra conter Ramot da Gilead, o'l dess eu laschar star? Ed el al dschet: Pür it, e vus gnis a prosperar, e quels as saran dats in mans.

15. E'l rai dschet ad el: Fin a quantas voutas at dess eu scongürar, cha tü non am diast oter, co la vardà nel nom del Segner?

16. Lura dschet el: Eu vezzaiva tuot Israel rasà sù per ils munts, sco bescha chi non ha paster. E'l Segner dschaiva: Quaists *sun* sainza patrun, cha scodün tuorna darcheu a chasa sia con pasch.

17. E'l rai d' Israel dschet a Giosafat: Non at dschet eu, ch' el non am profetizess alehün bön, anzi del mal?

18. E *Mica* dschet: Perquai tadlai il pled del Segner: Eu vezzaiv' il Segner, sezand sün seis trun, e tuot l' exercit del tshel, chi'l staiva spera dalla dretta, e dalla snestra.

19. E'l Segner dschaiva: Chi surpliderà Ahab, rai d' Israel, acio ch' el munta conter Ramot da Gilead, e moura qua? Lura *Mica* dschet: L' ün dschaiv' in üna maniera, e l' oter in ün' otra.

20. Lur' ün * spiert gnit oura, e's presentet avant il Segner, e dschet: Eu il vögl surplidar. E'l Segner dschet ad el: Co?

* Job 1, 6.

21. Ed el dschet: Eu vögl trar oura, e vögl esser spiert da menzögna nella bocca da tuot seis profets. E'l Segner dschet: *Schi*, tü vainst al persvader, ed eir vainst tü a gnir a riva; và pür oura, e fà usche.

22. Uossa dimena, mera, il Segner ha miss ün spiert da menzögna nella bocca da quaists teis profets; ma'l Segner ha pronunzià del mal conter tai.

23. Lura Sedechia, figl da Cnaana, as fet vi' avant, e battet Mica nella massella, e dschet: Tras quala via s' ha parti il Spiert del Segner da mai, per tshantschar con tai?

24. E Mica dschet: Mera, tü 'l vezzerast al di, cha tü intrerast da chambrà in chambrà, per t' azzoppar.

25. E'l rai d' Israel dschet: Pigliai Mica, e manà'l pro Amon, chapitani della città, e pro Joas, figl del rai;

26. E dit *ad els*: Usche ha dit il rai: Mettai quaist in preschun, e spisian-tà'l con pan, e con aua scharsamaing, fin ch' eu tuorna darcheu con pasch.

27. E Mica dschet: Scha tü tuornast darcheu con pasch, schi non ha il

Segner tschantschâ tras mai. Lura dschet el: Vus pôvels tuots, tadtai!

28. Il rai d'Israel dimena, e Giosafat, rai da Giuda, muntettan sü conter Ramot da Gilead.

29. E'l rai d'Israel dschet a Giosafat: Eu am vögl stravestir, ed *usche* vögl eu intrar nella battaglia; ma tû, at vesta con tia vestimainta. Il rai d'Israel dimena als stravestit, ed usche intrettan els nella battaglia.

30. Ma'l rai da Siria avaiua comandâ als chapitanis da sia charra, cha non combattessan contra pitschen, ne contra grand; ma contr' il rai d'Israel sulet.

31. Perquai, cur ils chapitanis della charra avettan vis Giosafat, dschettan els: Ed ais il rai d'Israel, e's volvettan via süin el, per combatter *conter el*; ma Giosafat bragit, e'l Segner l'agüdet, e Deis persvadet quels, *as retrar* d'avent dad el.

32. Contuot, cur ils chapitanis della charra avettan vis, ch'el non eira il rai d'Israel, schi's volvettan els inavou our dad el.

33. Lura ün tret col balaister per cas, e ferit il rai d'Israel tanter las fodas e'l guaret; dinuonder el dschet a *seis* charozzêr: Volv' il man, e maina'm our dal champ; perche eu sun feri.

34. Ma la battaglia's rinforzet in quel d, pelqual il rai d'Israel as tgniet sü nel charr incooter ils Siriers, fin la saira; ed all' ura del tramuntar del solai morit el.

CHAP. XIX.

Giosafat als reprais d'ün profet. El constituëscha güdischs per tuot il pajais, e'ls exortëscha.

E Giosafat, rai da Giuda, turnet darcheu san e salv a chasa sia, in Gerusalem.

2. Lur' il vidaint Jehu, figl d'Hananî, al get our' incooter e dschet ad el: As convaine da dar succuors ad ün empi? * At convaine d'amar quels ch'ödieschan il Segner? Perquai dimena *ais* ira conter tai da parte del Segner.

* 1 Sam. 9, 9.

3. Impero in tai sun chattadas bunas chosas; perche tû hast tut via dal pajais ils gods, ed hast dispost teis cour a retscherchar Deis.

4. E Giosafat, siand dmurâ *per qualcha temp* in Gerusalem, get danöv intuorn tanter il pôvel, da Beerséba fin al munt d'Efraim, e'l redüet darcheu pro'l Segner Deis da lur babbuns;

5. E constituit güdischs nel pajais, per tuot las cittats fermas da Giuda, da città in città;

6. E dschet als güdischs: Guardai bain quai cha vus fais, perche * vus non tgnais la raschun per ün crastian, ma per il Segner, *il qual ais* con vus nellas acziuns della güstia. * Deut. 1, 17.

7. Uossa dimena, saj' il spavent del Segner sur vus; hajat stüdi *vi'a vos dovoir*, e mettâ'l in effet; perche pro'l Segner nos Deis non *ais* alehün' iniquità, ne resguard alla qualità dellas persunas, ne tour sü preschaints.

8. Ultra quai, Giosafat * constituit eir in Gerusalem *alehiuns* intanter ils levits, ed intanter ils sacerdots, ed intanter ils capos dellas famiglias paternas d'Israel, per *tgnaïr* la raschun del Segner, e per *güdicar* las litas; ed els returnaivan in Gerusalem;

* Deut. 16, 18.

9. E comandet ad els cha fessan usche nella temma del Segner, con realtà, e da cour sincêr.

10. Ed in ogni lita, chi sarà portad' avant vus da voss frars, chi abiteschan in lur cittats, *per güdicar* tanter omicidi ed omicidi, tanter ledscha e comandamaint, e tanter statuts ed ordinaziuns, schi'ls dessat informar; acio ch'els non as rendan culpabels pro'l Segner, pelqual ira saja conter vus, e conter voss frars; fat usche, acio cha vus non as rendat culpabels.

11. Ma mera, il grand sacerdot Amaria sarà president tanter vus in ogni acziun del Segner, e Zebadia, figl d'Ismael, conductur della chasa da Giuda, in ogni fatschenda del rai. Vus *avais* eir a vos comand ils offizials levits; pigliai ardimaint, e fat usche, e'l Segner sarà cols buns!

CHAP. XX.

Ils Moabits ed Ammonits fan guerra con Giosafat. Sia oraziun. Sia exortaziun al pôvel. Seis inimis as mazzan sai sves.

MA, dopo quaistas chosas, dvantet cha'ls infants da Moab, e'ls

infants d' Ammon, e con els *oters* intanter ils Ammonits, gnittan per far guerra contra Giosafat.

2. E gnittan *mess*, chi referittan *il fat* a Giosafat, dschand: Una granda blerira da pövel da là del mâr, e da Siria, vain conter tai, e mera, quels *sun* in Hosasontamar chi *ais* Engedi.

3. Lura Giosafat avet temma, e 's disponit a retscherchar il Segner, * e fet clamar our' il gegüni a tuot Giuda.

* Ger. 36, 9. Gion. 3, 5.

4. E quels da Giuda 's rassetan per retscherchar *agüd* dal Segner; *blers* eir da tuot las cittats da Giuda gnittan per retscherchar il Segner.

5. E Giosafat, stand in pè nella raspada da Giuda, e da Gerusalem, as presentet nella chasa del Segner, avant il cortil nouv,

6. E dschet: O Segner, Deis da noss babuns, non est tû Dieu nels tshels, e non signoreschast tû sur tuot ils reginams dellas naziuns, * e non hast tû in teis man forza, e potenza, tal ch' ingiün non at po contrastar?

* 1 Cron. 29, 12.

7. Non hast tû, o nos Dieu, schatschâ ils abitants da quaist pajais our davanti teis pövel Israel? E non hast tû dat quel *pajais* in perpetuo al sem d' Abraham, il qual t' amet?

8. Dinuonder quels han qua abitâ, e t' han in quel edificâ ün santuari per teis nom, dschand:

9. * Cur alchün mal vain a gnir sur nus, spada da chastiamaint, o pestilenza, o fam; e cha nus ans presentain avant quaista chasa, ed avant teis conspet, (siand cha teis nom *ais* in quaista chasa) e cha nus bragin pro tai per nossa tribulaziun; schi 'ns vögliast exodir, e 'ns salvar.* 1 Reg. 8, 33.

10. Ma al presaint, mera, ils infants d' Ammon, e da Moab, e *quels* del munt da Seir, nel *pajais* dels quals * tû non permettettast ad Israel d' intrar, cur el gniv' our dal pajais d' Egipto; dimpersai † el as volvet inavo, e non ils sdriët; * Deut. 2, 4, 9, 19. † Num. 20, 21.

11. Mera, quels ans fan la retribuiziun, gñand per ans schatschar our da tia ierta, la quala tû 'ns hast dat a possidair.

12. O nos Dieu, non volessast tû far

güdizi sur els? Perche ch' in nus non *ais* forz' alchüna, per contrastar a quaista granda blerüra, chi vain conter nus, e nus non savain quai cha dessans far; ma noss ögls *sun vouts* vers tai.

13. E tuot quels da Giuda staivan sü dret avant il Segner, insembel con lur pitschens infants, con lur mugliers, e con lur figls.

14. Lur' il Spiert del Segner füt sur Jehaziel, figl da Zaccaria, figl da Benaja, figl da Jegiel, figl da Mattania, levit, intanter ils figls d' Assaf, in mez la raspada.

15. Ed el dschet: Vus tuots, *homens* da Giuda, ed abitants da Gerusalem, e tû rai Giosafat, as fat surasen; usche as dschet il Segner: Vus non tmarai, e non as stramantarai per quaista granda quantità; perche * quaista * guerra non *appertegn'* a vus, anzi a Dieu.

* Ex. 14, 13. 13.

16. Daman it conter els; mera, quels tiran sü per la muntada da Sis, e vus ils chatterat all' extremità del torrent, vi' incoenter il desert da Jeruel.

17. Vus non averat da combatter in quaist *fat*; pür as presentai, e stat ferm, e vus vezzerat *quai* cha 'l Segner farà vers vus per vos salvamaint; e Giuda, e Gerusalem non tmarai, e non as stramantarai; daman trat our' incoenter els, e 'l Segner *sarà* con vus.

18. Lura Giosafat s' inclinet con la fatscha vers terra, e tuot Giuda, e 'ls abitants da Gerusalem, as büttettan giò avant il Segner, per l' adurar.

19. E 'ls levits, intanter ils Cahatits, e Coraits, alvettan sü per lodar il Segner Deis d' Israel zuond ad ota vusch.

20. E la mattina *seguainta* stet sü il *pövel* a bun' ura, e tret oura vers il desert da Tecoa, e, tant ch' el traiv' oura, as fermet Giosafat, e dschet: Tadlâ'm, o Giuda, e vus abitants da Gerusalem, crajai al Segner vos Deis, e vus sarat sgürats; crajai als profets da quel, e vus averat ventüra.

21. Ed, aviand tgnü cossagl col pövel, constituit el chantadurs *chi chantessan* al Segner, e lodessan la sancta *sia* majestà, e, chaminand avant il pövel da guerra, dschessan: * Celebrai

il Segner; perche sia benignità ais in eterno. * Ps. 136, 1.

22. E nel medem temp cha quels comanzettan il chant da triumpf, e 'ls lods, il Segner mettet aguets tanter ils infants d' Ammon, e 'ls Moabits, e quels del munt da Seir, ils quals gnivan conter Giuda, e quels as battettan l'ün l'oter.

23. E 'ls figls d' Ammon, e 'ls Moabits, as presentettan in battaglia conter ils abitants del munt da Seir, per *ils* sdrür, e per *ils* disperder; e, cur els avettan fini cols abitants da Seir, s' agüdettan els l'ün l'oter per as disfar.

24. Ma, cur *quels da* Giuda füttan rivats fin a Mispa, *chi guarda* vers il desert, as volvettan els vers quella blerüra, e mera, *tuots eiran* corps morts, chi giaschaivan per terra, e non eira scampâ via alchün.

25. Lura Giosafat, e seis pövel gnit-tan per butinar lur butin, e tanter lur corps morts chattettan els bleras ricchezas, e charas üsaglias, e butinettan *tant*, cha non eiran bastants da portar davent, e stettan trais dis a butinar ils butins; perche els eiran in granda quantità.

26. Lura, al quart di, as respettan els nella val, *ditta da* benedicziun; perche qua benedittan els il Segner; per quaiста chaschun quel lö ais stat clamâ val da benedicziun infin a quaiст di.

27. E tuot il pövel da Giuda, e da Gerusalem, e Giosafat in cheu da quels, as remettettan in chamin, per turnar darcheu in Gerusalem, con allegrezza; perche 'l Segner avaiv' ad els dat allegrezza da lur inimis.

28. E, *siand rivats* in Gerusalem, in-trettan els con psalters, e con citras, e con trombettas nella chasa del Segner.

29. E 'l spavent da Dieu füt sur tuot ils reginams da quels pajais, cur els inlegettan, cha 'l Segner avaiva combattü conter ils inimis d' Israel.

30. E 'l reginam da Giosafat avet pos, e seis Deis al det repos daper-tuot intuorn.

31. *Usche* Giosafat regnet sur Giuda. * El *eira* d' età da trent' e tschinch ans, cur el comanzet a regnar, e re-

gnet vainch e tschinch ans in Gerusalem. E 'l nom da sia mamma *eira* Azuba, figlia da Silhi. * 1 Reg. 22, 41.

32. Ed el chaminet nella via d' Assa, seis bap, e non asvolvet davent, fand quai cha plaschet al Segner.

33. Inguotta tant main non füttan ils lous ots tuts via, non aviand amo il pövel drizzâ seis cour vi' al Deis da seis babuns.

34. Ma, quant al rimanent dels fats da Giosafat, prüms ed ultims; mera, e sun scrits nel eudesch da Jehu, figl d' Hanani, il qual ais stat comprais nel eudesch dels rais d' Israel.

35. Ma, dopo quellas chosas, * Giosafat, rai da Giuda, fet compagnia con Ahazia, rai d' Israel, las ouvras del qual eiran empias; * 1 Reg. 22, 50.

36. E 'l piglet in sia compagnia, per far navs, per far viadi in Tarsi, e fettan las navs in Ezeon-Geber.

37. Lura Eliezer, figl da Dodava, da Maresa, profetizet conter Giosafat, dschand: Siand cha tū hast fat compagnia con Ahazia, schi ha il Segner dazipâ tias ouvras. E las navs füttan ruottas, e non podettan far il viadi in Tarsi.

CHAP. XXI.

Giosafat moura. Gioram, seis figl, succeda. El chamina nellas vias dels rais d' Israel. Sia mort. Il temp da seis reginam.

LURA * Giosafat as dormanzet con seis babuns, e con quels füt el se-puli nella città da David, e Gioram, seis figl, regnet in seis lö. * 1 Reg. 22, 51.

2. Ma quel avaiva frars, figls da Giosafat; cioè Azaria, e Jehiel, e Zaccaria, ed Azariah, e Micael, e Sefatia. Tuot quaiста *eiran* figls da Giosafat, rai d' Israel.

3. E lur bap avaiva fat ad els grands duns d' argent, e d' or, e da robas preziasas, con alchünas cittats fermas, nel *pajais da* Giuda; ma avaiva dat il reginam a Gioram; perche el *eira* il primogenit.

4. E Gioram, siand gnü pro' l reginam da seis bap, as fortifichet, e mazzet con la spada tuot seis frars, ed eir *alchiüns* dels capos d' Israel.

5. Gioram eira d' età da trent' e duos ans, cur el comanzet a regnar, e regnet ot ans in Gerusalem;

6. E chaminet per las vias dels rais d' Israel, sco faiva la chasa d' Ahab; perche el avaiva per muglier la figlia d' Ahab. Usche fet el quai cha displaschet al Segner.

7. Inguotta tant main non volet il Segner sdrür la chasa da David, * peramur della lia, ch' el avaiva fat con David, e seguond ch' el avaiva dit, ch' el voless dar ad el, ed a seis figls, in perpetuo, üna glümëra *invü-dada*.
* 2 Sam. 7, 12. Ps. 132, 11. 17.

8. Al temp da quel as rebelletan ils Idumeers dall' obediënza da Giuda, e constituittan sur els ün rai.

9. Perquai Gioram passet *in Idumea*, con seis chapitanis, e con tuot sia charra, e d'vantet cha, siand els movüts da not, el battet ils Idumeers, chi 'l avaivan incresâ, e 'ls chapitanis della charra.

10. Inguotta tant main han ils Idumeers perseverâ in lur rebellün dall' obediënza da Giuda infin a quai st di. In quel istess temp as rebellet Libna dall' obediënza da Gioram; perche el avaiva bandunâ il Segner Deis da seis babuns.

11. El fet eir lous ots süls munts da Giuda, e fet fornica'r ils abitants da Gerusalem, e surmanet Giuda.

12. Lur' al gñit ün scrit da parte del profet Elia, da quai st tenor: Usche ha dit il Segner, Deis da David, teis bap: Siand cha tti non est chaminâ per las vias da Giosafat, teis bap, ne per las vias d' Assa, rai da Giuda;

13. Anzi est chaminâ per la via dels rais d' Israel, ed hast fat fornica'r Giuda, e 'ls abitants da Gerusalem, sco la chasa d' Ahab ha fat fornica'r *Israel*; ed, ultra quai, hast mazzâ teis frars, la famiglia da teis bap, *ils quals eiran* meglers da tai;

14. Mera, schi vain il Segner a batter con üna granda plaja teis pövel, e teis infants, e tias mugliers, e tuot tia roba;

15. E *batterà* tia persuna con granda dölur d' infirmità interiura, tal cha teis interiur vain a gñir oura per la malatia, *chi dürerà* ün an davo l' oter.

16. Il Segner dimena sdasdet sü conter Gioram il spiert dels Filistins, e dels Arabers, *chi sun sper* ils Etiopiers.

17. E quels muntettan sü conter Giuda, e, siand intrats aint dadaint con forza, butinettan els tuot las richèzzas, chi füttan chattadas nella chasa del rai; ed eir manettan els preschun seis figls, e sias mugliers, tal cha non al restet alchün figl, oter co Gioachaz, il plü pitschen da seis figls.

18. E, dopo tuot quai stas chosas, il battet il Segner con üna malatia incurabla nel interiur.

19. E d'vantet cha, siand passâ ün an davo l' oter, al temp cha 'l term da duos ans spiraiva, schi 'l get seis interiur our dad el, insembel con la malatia; ed el morit ingrevas dölurs, e seis pövel non ardet per el alchünas *speziarias*, sco 'l avaiva fat per seis babuns.

20. El eira d' età da trent' e duos *ans*, cur el comanzet a regnar, e regnet ot ans in Gerusalem, e * get davent sainz' esser desiderâ, e füt sepuli nella città da David, ma na nellas sepültüras dels rais.

CHAP. XXII.

Ahazia succeda a Gioram. Ais mazzâ da Jehu. Atalia, sia mamma, pigl' il reginam, e mazza tuot il sem regal, resalv Gioas.

E 'ls abitants da Gerusalem constituittan per rai, in seis lö, * Ahazia, seis figl il plü giuven; perche quellas troppas, chi eiran gnüdas in armidas cols Arabers, avaivan mazzâ tuot ils prüms. Usche regnet Ahazia, figl da Gioram, rai da Giuda.

2. * Ahazia *eira* d' età da quarant' e duos ans, cur el comanzet a regnar, e regnet ün an in Gerusalem. E 'l nom da sia mamma *eira* Atalia, figlia d' Omri.
* 2 Reg. 8, 26.

3. Eir el chaminet nellas vias della chasa d' Ahab; perche sia mamma al eira cosglëra a far mal.

4. Contuot fet el quai cha displaschet al Segner, sco la chasa d' Ahab; perche, davo la mort da seis bap, füttan quels seis cosglërs a sia perdzium.

5. * Ed eir, seguittand lur cossagl, get el con Gioram, figl d' Ahab, rai d' Israel, alla guerra conter Hazael, rai da Siria, in Ramot da Gilead. Ed ils Siriers ferittan Gioram. * 2 Reg. 8, 28.

6. Ed el turnet inavo per as far medgiar in Jezreel; perche el *avaiva* feridas, ch' el *avaiva* ardschvü in Rama, tant ch' el combattaiua con Hazael, rai da Siria. Ed Azaria, figl da Gioram, rai da Giuda, get a visitar Gioram, figl d' Ahab, in Jezreel; perche el eira amalà.

7. E *quai*, ch' el gnit pro Gioram, * procedet da Dieu, per la ruina d' Ahazia; perche, siand gnü, tret el oura con Gioram, conter Jehu, figl da Nimsi, il qual il Segner avaiu' onschü per sdrür la chasa d' Ahab.

* Güd. 14, 4. 2 Reg. 9, 21.

8. E, cur Jehu drizzaiv' our il gütizi della chasa d' Ahab, * chattet el ils principals da Giuda, e 'ls figls dels frars d' Ahazia, ils quals servivan ad Ahazia, e 'ls mazzet.

* 2 Reg. 10, 13.

9. E tscherchet Ahazia, ed el füt prais, siand zoppà in Samaria, e füt manà pro Jehu, e mazzà, e lura füt el sepuli; perche e füt dit: El *ais* il figl da Giosafat, il qual retscherchet il Segner con tuot seis cour. E non *füt qua alchün* della chasa d' Ahazia, chi avess il podair da 's far rai.

10. Ed * Atalia, mamma d' Ahazia, aviad vis cha seis figl eira mort, as fet sü, e sdrüet tuot il sem regal della chasa da Giuda.

* 2 Reg. 11, 1.

11. Ma Josabeat, figlia del rai *Gioram*, piglet Gioas, figl d' Ahazia, e 'l involet intanter ils figls del rai, chi's mazzaivan, e 'lmettet, consia bêla, nella chambra dels lets. Useche Josabeat, figlia del rai Gioram, muglier del sacerdot Giojada, il zoppet our davanti Atalia; perche l'eira sur d' Ahazia; tal cha *Atalia* non il fet morir.

12. Ed el stet con els zoppà nella chasa da Dieu *il spazi da* ses ans; ed in quel fratep Atalia regnaiva sur il pajais.

CHAP. XXIII.

Giojada, sacerdot, onscha Gioas per rai. Fa mazzar Atalia. La chasa da Baal sdrüta. Il servezen ecclesiastic restorà tras Gioas.

MA * l'an settavel as fortifichet Giojada, e piglet con el quaists capos da tschientinêrs, cols quals el fet lia; *cioè* Azaria, figl da Jeroham, ed Ismael, figl da Johanan, ed Aza-

ria, figl d' Obed, e Maeseja, figl d' Adaja, ed Elisafat, figl da Zicri.* 2 Reg. 11, 4.

2. E quels gettan intuorn per *il pajais da* Giuda, ed as rassetan, da tuot las cittats da Giuda, ils levits, e 'ls capos dellas *famiglias* paternas d' Israel, e gnittan in Gerusalem.

3. E tuot quella raspada fet lia col rai, nella chasa da Dieu. E *Giojada* dschet ad els: Mera, il figl del rai regnerà, * seo 'l Segner ha impromiss als figls da David.

* 2 Sam. 7, 12.

4. Quaist *ais* quai cha vus dessat far: La terza part da vus, *cioè* quels chi intran nell' eivna, tant sacerdots co levits, *sajan* per portnêrs pro 'ls glims dellas portas;

5. E l' *otra* terza part pro la chasa del rai, e l' otra terza part pro la porta del fondamaint, e tuot il pövel *saja* nels cortils della chasa del Segner.

6. Ed ingtün non intra nella chasa del Segner, oter co 'ls sacerdots, e 'ls ministers intanter ils levits; quels intran, perche els sun santificats; ma tuot il pövel observa quai cha 'l Segner ha comandà cha's observa.

7. E 'ls levits incesan il rai daper-tuot intuorn, aviad scodün sias armas in man, e saja fat morir chi intra nella chasa; e sajat col rai, cur el intra, e cur el vain oura.

8. Ils levits dimena, e tuot Giuda, fettan interamaing seguond cha 'l sacerdot Giojada *avaiva* comandà, e piglettan scodün seis pövel, *cioè* quels chi intraivan nell' eivna, e quels chi gnivan oura; perche 'l sacerdot Giojada non licenziet las partizuns.

9. E 'l sacerdot Giojada det als capos da tschientinêrs las lanschas, e 'ls schüts, e las targias, chi *eiran statts* del rai David, ed *eiran* nella chasa da Dieu;

10. E fet star tuot quel pövel, scodün con sia arma in man, dalla vart dretta della chasa fin alla snestra, sper l' utêr e la chasa, our dintuorn il rai.

11. Lura füt manà our' il figl del rai, e füt ad el tschantà sü la coruna, * e 'ls ornamentals *regals*, e füt declarà rai. E Giojada, e seis figls l' onschetan, e dschettan: Viv' il rai! * Deut. 17, 18.

12. Ed Atalia, udind la romur del pövel, dels sergents, e da quels chi chantaivan lods sper il rai, gnit pro 'l pövel nella chasa del Segner,

13. E guardet intuorn, e mera, il rai eira in pè sülla * lobia all' intrada, e 'ls chapitanis, e trombetêrs, *eiran* sper il rai con tuot il pövel del pajais, chi s' allegraivan, e sunaivan con las trombettas; il medem ils chantadurs, con instrumaints musicals, e 'ls magisters del chant dels lods. Lura Atalia, as scharpet la vestimainta, e dschet: Congiura, congiura! * 1 Cron. 25, 7.

14. E 'l sacerdot Giojada fet gnir oura ils capos da tschientinêrs, chi comandaivan a quel exercit, e dschet ad els: Manâ-la our dallas ordinanzas, e chi la va davo, saja mazzâ con la spada. Perche il sacerdot avaiva dit: Non la farai morir nella chasa del Segner.

15. Contuot la fettan quels far larch, e, gnand ella in chasa del rai, tras l' intrada della porta dels chavals, füt ella qua mazzada.

16. E Giojada trattet üna lia tanter el e tuot il pövel, e 'l rai, cha dessan esser pövel del Segner.

17. E tuot il pövel intret nel taimpel da Baal, e 'l disfet, e spazzet ils utêrs, e las imagnas da quel, e mazzet Mattan, sacerdot da Baal, avant ils utêrs.

18. E Giojada disponit ils offizis della chasa del Segner tanter ils mans dels sacerdots, levits, ils quals * David avaiva constitui, tras tscher-tas partizuns, sur la chasa del Segner, per offerir olocausts al Segner, seguond ch' ais scrit nella ledscha da Mose; e quai füt fat con allegrezza, e con chanzuns, seguond la disposiziun da David. * 1 Cron. 24, 1.

19. Constituit, ultra quai, portnêrs pro las portas della chasa del Segner, acio ch' ingün malnet per qualunque chosa intress quaint.

20. Lura piglet el ils capos dels tschientinêrs, e 'ls *homens* illusters, e quels chi avaivan il regiment del pövel, e tuot il pövel del pajais, e condüet il rai a bass, our dalla chasa del Segner; e, *passand* per mez la port' ota, gnittan els nella chasa

del rai, e fettan zer il rai sül trun regal.

21. E tuot il pövel del pajais s' allegret, e la città füt in pos, dopo ch' Atalia füt statta mazzada con la spada.

CHAP. XXIV.

Gioas, vivand Giojada, serv' al Segner, e fa restorar il taimpel. Dvainta idolater davo la mort da Giojada. Ais mazzâ da seis serviaints.

GIOAS * *eira* d' età da set ans, cur el comanzet a regnar, e regnet quarant' ans in Gerusalem. E 'l nom da sia mamma *eira* Sibia da Beerseba. * 1 Reg. 12, 1.

2. Gioas fet quai cha plaschet al Segner tuot il temp del sacerdot Giojada.

3. E Giojada al piglet duos mugliers; ed el genuit figls e figlias.

4. Dopo quai gnit in sen a Gioas da restorar la chasa del Segner.

5. Perquai raspet el ils sacerdots, e 'ls levits, e dschet ad els: It per las cittads da Giuda, * e raspai minchan, da tuot Israel, danêr per restorar la chasa da vos Deis, e vus promovai quai fatschenda. Ma 'ls levits non la promovettan. * 2 Reg. 12, 4.

6. E 'l rai clamet Giojada, grand sacerdot, e dschet ad el: Perche non hast tü dovrâ diligenza, cha 'ls levits portessan da Giuda, e da Gerusalem, la * collecta da Mose, serviaint del Segner, e della raspada d' Israel, per il tabernacul della testimonianza? * Ex. 25, 2. 30, 12.

7. (Perche la scelerata Atalia, e seis figls, avaivan desdrüt la chasa da Dieu; ed eir avaivan els dovrâ per ils Baals tuot las chosas consacradas della chasa del Segner.)

8. Il rai dimena comandet, cha's fess üna chaschetta, e cha's mettes quel-la alla porta della chasa del Segner, dadourvart.

9. Lura füt clamâ oura per Giuda *intuorn*, ed in Gerusalem, cha's portess al Segner la collecta cha Mose, serviaint da Dieu, *avaiva fat* sur Israel, nel desert.

10. E tuot ils capos, e tuot il pövel la portaivan allegramaing, e la büttaivan nella chaschetta, fin cha l' *ou-
vra* füt finida.

11. Ma, curas portaiva la chaschetta,

tras ils mans dels levits, a quels ch' eiran deputats del rai, (*il qual as faiva*, cur els vezzaivan cha *eira laint* bler danêr), schi gnivan il secretari del rai, ed ün commissari del grand sacerdot, e svödaivan la chaschetta; lura la portaivan els via, e la mettaivan darcheu in seis lö. Usche faivan els ogni di, e respettan sü granda quantitü da danêr.

12. E'l rai, e Giojada, daivan quel *danêr* a quels chi avaiavan la chüra dell' ouvra, *chi's faiva* per il servezen della chasa del Segner, quels finaivan sü taglia-crappas, e maranguns, per renovar la chasa del Segner, ed eir maisters da fier, e d' aram, per la restorar.

13. Quels dimena, chi avaiavan la chüra dell' ouvra, as dovraivan fieh, e l' ouvra füt restorada tras lur mans, e quels mettettan darcheu la chasa da Dieu in seis stadi, e la rinforzettan.

14. E, cur els avettan fini, portettan els avant il rai, ed avant Giojada, il rimanent del danêr; ed el l' impondet in üsaglia per la chasa del Segner, in üsaglia per far il servezen, e per offerir *sacrifizis*, ed in coppas, ed *otra* vashella d' or, e d' argient. E nel temp da Giojada füttan da contin offerts olocausts nella chasa del Segner.

15. Ma Giojada, siand gnü vegl, e saduol da dis, morit. *El eira* d' età da tschient e trent' ans, cur el morit;

16. E füt sepuli nella città da David, cols rais; perche el avaiava fat bö *avunda* invers Israel, ed invers Deis, e sia chasa.

17. E, davo cha Giojada füt mort, gnittan ils capos da Giuda pro'l rai, e s' inclinetan avant el; lura el tadlet ad els.

18. E quels bandunettan la chasa del Segner Deis da lur babuns, e servittan als gods, ed als idols; dinuonder füt qua indignaziun conter Giuda, e conter Gerusalem, per quaista lur cuolpa.

19. E, conbain cha'l Segner tramettaiva ad els profets, per ils convertir pro el, e ch' els protestaivan ad els, non dettan els però uraglia.

20. E'l Spiert da Dieu investit Zac-

caria, figl del sacerdot Giojada. Ed el, stand in pè sur il pövel, dschet ad els. Usche ha dit Deis: Perche surpassais vus ils comandaments del Segner? Vus non gnis ad avoir ventüra; perche vus avais bandunâ il Segner, eir el as bandunerà.

21. * E quels fettan üna congiura contr' el e l' accrapettan, tras comandaint del rai, nel cortil della chasa del Segner.

* Mat. 23, 35.

22. E'l rai Gioas non as regordet della benignità üsada da Giojada, bap da quel, invers el, anzi mazzet seis figl. Ma, tant ch' el moriva, dschet el: Il Segner vezza, e domanda *quint*.

23. E * dvantet, in cheu del an, cha'l exercit dels Siriers get sü contra Gioas; e gnit in Giuda, ed in Gerusalem, e mazzettan intanter il pövel tuot ils capos da quel, e tramettettan tuot lur butins al rai in Damasco.

* 2 Reg. 12, 17.

24. * E, combain cha'l exercit dels Siriers eira gnü con pac pövel, inguotta tant main det il Segner ad els in mans ün exercit grandissem; perche els avaiavan bandunâ il Segner Deis da lur babuns, *e'ls Siriers* esequittan ils güdizis sur Gioas.

* Lev. 26, 8.

25. E, cur els füttan partits dad el, perche els l' avaiavan laschâ in grandas languors, schi fettan seis servaints üna congiura contr' el, per causa del omicidi dels infants del sacerdot Giojada, e'l mazzettan süin seis let. Usche morit el, e füt sepuli nella città da David, na nellas sepultüras dels rais.

26. Ma quaists sun quels chi's congürettan contr' el: Zabad, figl da Simeat, *duonna* Ammonita; e Jozabad, figl da Simrit, *duonna* Moabita.

27. Ma, quant als figls da quel, e la granda collecta *da danêr*, chi füt fatta tras el, ed il fondamaint della chasa da Dieu; mera, quaistas chosas *sun* scrittas nell' istoria del eudesch dels rais. Ed Amasia, seis figl, regnet in seis lö.

CHAP. XXV.

Amasia il prim serv' al Segner. Ils Idumeers vints dad el. As renda pro idolatria. Ais mazzâ dals seis.

A Masia, * siand d' età da vainch e tschinch ans, comanzet a regnar,

e regnet vainch e nouv ans in Gerusalem. E l' nom da sia mamma *eira* Joadan da Gerusalem. *2 Reg. 14, 1.

2. Ed el fet quai cha plaschet al Segner, na però da cour sincêr.

3. Ma, cur el füt bain ferm nel reginam, mazzet el seis serviants, chi avaiavan battü il rai, seis bap;

4. Ma non fet morir lur infants; anzi *fet* * sco ais scrit nella ledscha, nel cudesch da Mose, nel qual il Segner ha comandâ, cha 'ls baps non mouran per ils infants, ne 'ls infants per ils baps, dimpersai, cha scodün moura per seis *propri* pucha.

* Deut. 24, 16. 2 Reg. 14, 6. Ger. 31, 30. Ez. 18, 20.

5. Lur' Amasia raspet *quels* da Giuda; e quels constituit el, seguond lur famiglias paternas, capos da milliêras, e capos da tschientinêrs, per tuot Giuda, e Benjamin, e 'ls nombret * dall' età da vainch ans in sü, e chattet cha eiran trajatschientmilli *homens* da guerra tschernüts, chi portaivan lanchea e schüt.

* Num. 1, 3.

6. Ultra quai, finet el sü d' Israel tschientmilli *homens* valerus, con tschient talents d' argient.

7. Ma ün hom da Dieu gnit pro el dschand: O rai, l' exercit d' Israel non giaja con tai; perche l' Segner non *ais* con Israel, *ne* con tuot ils figls d' Efraim;

8. Uschigliö, vâ pür e t' deporta valerusamaing nella battaglia; Deis farâ crodar l' inimi avant tai; perche Deis ha il podair da succuorrer, e da far crodar.

9. Ed Amasia dschet al hom da Dieu: E che 's dess far cols tschient talents, ch' eu ha dat allas troppas d' Israel? E l' hom da Dieu dschet: Ed *ais* nel *podair* del Segner da t' dar bler plü co quai.

10. Contuot separet Amasia las troppas, chi eiran gnüdas pro el d' Efraim, acio cha gessan in lur lö; pelqual ellas s' adirettan grevamaing conter Giuda, e turnettan dacheu pro lur stanzas, invüdat in ira.

11. Ed Amasia as fortifichet, e condüet seis pövel, e get via pro la val del sal, e battet ils figls da Seir, *in* *number* da deschmilli.

12. Ils figls da Giuda piglettan eir

preschun deschmilli *homens* vivs, e 'ls manettan in tschimma da * Sela, e 'ls büttettan a bass giò dal spelm, e tuots crappettan.

* 2 Reg. 14, 7.

13. Ma las troppas, ch' Amasia avaiava tramiss davent, acio cha non gessan con els alla guerra, scurruttan sur las cittats da Giuda, da Samaria fin in Bethoron, e battettan trajamilli *homens* da quella, e fettan ün grand butin.

14. Ed Amasia, turnand dacheu dalla sternüda dels Idumeers, portet con el ils deis dels figls da Seir, e 'ls drizzet sü a sai per deis, e 'ls aduret, e fet ad els profüms.

15. Dinuonder l' ira del Segner s' invüdet conter Amasia; ed el al tramettet ün profet, a dir: Perche hast tü retscherchâ ils deis d' ün pövel, ils quals non han salvâ lur *propri* pövel da teis man?

16. Ma, tant cha quel tschantschai-va col rai, al dschet el: Est tü stat dat al rai per cosglêr? Resta; perche sarast tü mazzâ? Il profet dimena restet; impero dschet el: Eu sa, cha l' cossagl da Dieu ais da t' metter a perder, perche tü hast fat quai, e non hast obedi a meis cossagl.

17. * Ma Amasia, rai da Giuda, piglet cossagl, e tramettet a dir a Gioas, figl da Joahaz, figl da Jehu, rai d' Israel: Vê nan, cha nus ans vezzan l' ün l' oter in fatscha.

* 2 Reg. 14, 8.

18. E Gioas, rai d' Israel, tramettet a dir ad Amasia, rai da Giuda: Ün * spinatsch del Libano tramettet *ünsa-cur* a dir al ceder del Libano: Dâ tia figlia per muglier a meis figl; ma las bestias solvadias del Libano, passand, trapplettan suot il spinatsch.

19. Tü hast dit: Mera, eu ha battü ils Idumeers, e però teis cour t' ha adoza per at glorificar; resta uossa in chasa tia; perche t' volessast tü masdar in ün mal, tras il qual tü crodessast, e Giuda con tai?

20. Ma Amasia non al det uraglia; perche quella chosa * *procedaiva* da Dieu, per dar quels da Giuda in man da lur inimis; perche els avaiavan retscherchâ ils deis d' Edom.

* Güd. 14, 4. 1 Reg. 12, 13. 2 Cron. 10, 15.

21. Gioas dimena, rai d' Israel, get

sü; ed el, ed Amasia, rai da Giuda, as vezzettan l'ün l'oter in fatscha, in Betsemes, *città* da Giuda.

22. E Giuda füt battü dad Israel, e scodiün fügìt pro sias stanzas.

23. E Gioas, rai d' Israel, piglet preschun Amasia, rai da Giuda, figl da Gioas, figl da Joahaz, in Betsemes, e l' manet in Gerusalem, e fet üna rottüra nella müraglia da Gerusalem, dalla porta d' Efraim fin alla porta del chantun, *il spazi* da quattertschient bratschs muots;

24. E piglet tuot l' or, e l' argient, e tuot la vaschella cha's chattet nella chasa da Dieu, pro Obed-Edom, e nels tesors della chasa del rai; piglet eir ostagis; lura turnet el darcheu in Samaria.

25. Ed Amasia, figl da Gioas, rai da Giuda, vivet quindesch ans davo la mort da Gioas, figl da Joahaz, rai d' Israel.

26. Ma, quant al rimanent dels fats d' Amasia, prüms ed ultims; mera, els *sun* scrìts nel eudesch dels rais da Giuda, ed Israel.

27. Ma, dal temp ch' Amasia füt vout our dal Segner, *alchüns* fettan üna congiura conter el in Gerusalem, ed el fügìt in Lachis; ma quels tramettettan davo el in Lachis, e qua il fettan els morir.

28. E da là füt el portâ sün chavals, e füt sepli nella città da Giuda, con seis babuns.

CHAP. XXVI.

Uzia succed' ad Amasia. Il temp ch' el ha regnâ. Sürdouvra l' offiz da sacerdot. Ais battü con levrusia, per sia temerità.

LURA * tuot il pövel da Giuda piglet Uzia, il qual *eira* d' età da saidesch ans, e l' constituit rai, in lö d' Amasia, seis bap. * 2 Reg. 14, 21.

2. El edifichet Elot, e l' acquistet darcheu a Giuda, davo cha' i rai füt dormanzâ con seis babuns.

3. Uzia *eira* d' età da saidesch ans, cur el comanzet a regnar, e regnet tschinquant' e duos ans in Gerusalem. E l' nom da sia mamma *eira* Jecolia, da Gerusalem.

4. Ed el fet quai cha plaschet al Segner interamaing, sco avaiva fat Amasia, seis bap;

5. E's applichet a tscherchar Deis, tant cha vivet Zaccaria, hom inle-giantaivel nellas visiuns da Dieu, e, tant ch' el retscherchet il Segner, il fet Deis prosperar.

6. Ed el tret oura, e * fet guerra cols Filistins, e fet rottüras nella müraglia da Gad, e nella müraglia da Jabne, e nella müraglia d' Asdod; ed edifichet cittats nel *pajais d' Asdod*, e dels *oters* Filistins. * Es. 14, 29.

7. E Deis al det agüd contr' ils Filistins, e contr' ils Arabers chi abitavan in Gurbaal, e contr' ils Maunits.

8. Ils Ammonitseirdaivan preschaints ad Uzia, e seis nom get fin in Egipto; perche el as fet sommamaing potaint.

9. Uzia edifichet eir tuors in Gerusalem, pro la * porta del chantun, e pro la porta della val, e pro l' chantun, e las fortifichet. * Neh. 3, 13. 19, 32.

10. Edifichet eir tuors nel desert, e *qua* chavet el blers puozs; perche el avaiva granda quantità da bestiam, *sco* eir nella champagna, e nella plantüra; *avaiva* eir lavuraints, e vignadurs, süls munts, ed in Carmel; perche el amaiva l' agricoltura.

11. Ed Uzia avai' ün exercit da pövel da guerra, chi giaiva alla guerra per troppas, seguond il number da lur rassegna, *fatta* per man da Jegiel, secretari, e da Maeseia, commisari, suot la condotta d' Hanania, l' ün dels chapitanis del rai.

12. Tuot il number dels capos del pövel valerus, *disferenziâ* per famiglias paternas, *eira* da duamilli e ses-tschieht.

13. E *quels* *avaivan* suot lur condotta ün exercit da trajatschieht e set-milli e tschinchtschieht potaints e valerus guerriers per succuorrer al rai conter l' inimi.

14. Ed Uzia preparet a tuot quel exercit schüts, e lanschas, e chaplinas, e guarets, e balaisters, e slingias da trar peidras.

15. Fet, ultra quai, in Gerusalem machinas, con art d' ingenier, per las metter sur las tuors, e sur ils chantuns, per trar frizzas, e peidras grossas. E sia fama get dalönsch; perche el füt müravgliusamaing succurri, fin ch' el füt fortifichâ.

16. Ma, cur el füt fortifichâ, s' adozet seis cour, da as corrumper, e connectet misit conter il Segner seis Deis, ed intret nel taimpel del Segner per far profüm, sur l'utér dels profüms.

17. Ma lo sacerdot Azaria intret davv ch'aviand con el ottanta sacerdots del Segner, homens valents;

18. E quels as mettettan conter il rai Uzias, e desbattan ad el: E non stâ a l'altâr, o Uzias, a far profüm al Segner, anzi als sacerdots, figls d'Aaron, ch'el sun consacrats per far profüms, e avon dal santuari, perche tü hast misfat, e quai non at turnerà in gloria da part del Segner Deis.

19. Lura s'adintet Uzias, aviand in man il profüm d'incensar; ma, tant ch'el s'adiraiva conter ils sacerdots, al nasche la levrusia sül frunt, in presenxa dels sacerdots, nella chasa del Segner, giò da l'utér dels profüms.

20. El grand sacerdot Azaria, e tuot ils sacerdots, guardettan süin el, e merna el eira, levrus nel frunt, e quels il fettan bainbod ir our da là; ed el eiras battüt oura per ir davent; perche l' Segner l'avaiva battüt.

21. E l'rai Uzias füt levrus fin al di da sianmort, ed abitet usche levrus in üna chasa d'itua vart; perche el füt separà dalla chasa del Segner, e Jotam, seis figl, eira maister del palazzi regal, e pendeva rachun al pövel del pajais.

22. Ma, quant al rimanent dels fats d'Uzias, prüms ed ultims, il profet * Esaja, figl d'Amos, ils ha descritt.

23. Ed Uzias s' dormanzet con seis habuns, e füt sepli con seis babuns nel champ dellas sepültüras dels rais; perche e füt dit: L' eis levrus. E Jotam, seis figl, regnet in seis lö.

CHAP. XXVII.

Jotam, servind a Dieü, venscha, e fa tributaris ils Ammonits, Moura, ed Ahaz succeda.

JOTAM, * eira d'età da vainch e tschinch ans, cur el comanzet a regnar, regnet saidesch ans in Gerusalem. E l' nom da sia mamma eira Jerusa, figlia da Sadoc.

* 2 Reg. 15, 33.

2. Ed el fet quai cha plaschet al Segner, interamaing sco avaiava fat Uzias, seis bap; oter co ch' el non intret nel taimpel del Segner; inguotta tant main eira il pövel amo corruot.

3. El edifichet la port'ota della chasa del Segner; edifichet eir bler vi'al mür Ofel;

4. Edifichet eir cittats nellas montagnas da Giuda, e chastels, e tuors nels gods;

5. E combattet conter il rai dels infants d'Ammon, e venschet ils Ammonits. Ed in quel an al dettan quels tschient talents d'argient, e deschmilli cors gran, ed oters tant d'üerdi; tant bler al pajettan eir ils figls d'Ammon il seguond, e'l terz an.

6. Jotam dimena 's fortifichet; perche el avaiava drizzâ sias vias nel conspet del Segner seis Deis.

7. Ma, quant al rimanent dels fats da Jotam, e tuot sias battaglias, e seis deportamaint; mera, quaiastas chosas sun scrittas nel cudesch dels rais d'Israel, e da Giuda.

8. El eira d'età da vainch e tschinch ans, cur el comanzet a regnar, e regnet saidesch ans in Gerusalem.

9. Lura Jotam as dormanzet con seis babuns, e füt sepuli nella città da David. Ed Ahaz, seis figl, regnet in seis lö.

CHAP. XXVIII.

Ahaz, tras güdizi del Segner, ais grevamaing per sia impietâ chalhâ dals Siriers, ed Israelits, Idumeers, e Filistins. Moura, ed Hischia succeda.

AHAZ * eira d'età da vainch ans, cur el comanzet a regnar, e regnet saidesch ans in Gerusalem, e non fet quai cha plaschet al Segner, sco David, seis bap;

* 2 Reg. 16, 1.

2. Anzi chaminet per las vias dels rais d'Israel; ed eir fet el statuas culadas als Baals;

3. E fet profüm nella val dels figls da Hinnon, ed * ardet da seis figls col fô, seguind las abominaziuns dels pövels, ils quals il Segner avaiava schatschâ our davant ils infants d'Israel.

* Lev. 18, 21.

4. El sacrifichaiv' eir, e faiva profüms nels lous ots, e süin las muottas, e suot ogni bösch verdegiant.

5. Dinuonder il Segner seis Deis il det in man del rai dels Siriers, e quels il battettan, e piglettan preschun üna granda blerüra *da seis pövel*, e'l manettan in Damasco. El füt eir dat in man del rai d'Israel, il qual il battet d' üna granda deruotta.

6. E * Peca, figl da Remalia, mazzet in ün di tschient e vainchmilli *homens* da Giuda, tuots homens valerus; siand ch'els avaiavan bandunâ il Segner Deis da lur babuns.

* 2 Reg. 15, 27. Es. 7, 1.

7. E Zicri, *hom* pussant d'Efraim, mazzet Maeseja, figl del rai, ed Azricam, maister del palazzi, ed Elcana, la *seguonda* persuna davo'l rai.

8. E'ls figls d'Israel manettan preschun duatschientmilli *persunas* da lur frars, tanter donans, figls e figlias, ed eir fettan els sur els ün grand butin, il qual els condüaivan in Samaria.

9. Ma qua eira ün profet del Segner, il nom del qual *eira* Obed, ed el get our' incoenter al exercit, ch' intraiva in Samaria, e dschet ad els: Mera, il Segner, Deis da voss babuns, perche l' eira adirâ contra Giuda, s' ils ha dats in voss mans, e vus ils avais mazzats con furia tants, cha' *l nomber* riv' infin al tschel.

10. E pür amo al presaint vus deliberais da 'ls suottametter, per famagls, e per fantschellas, ils infants da Giuda, e da Gerusalem. Non *ais il vaira*, cha *uossa* non ais oter in vus, co cuolpa conter il Segner vos Deis?

11. Uossa dimena, tatlâ 'm, e condüai darcheu inavo ils preschunêrs, ch'avais prais intanter voss frars; perche l' ira del Segner ais invüdata conter vus.

12. Lura tscherts homens principals dels capos dels figls d'Efraim; cioè Azaria, figl da Johanan; Berechia, figl da Mesillemot; Hischia, figl da Sallum; ed Amasa, figl d'Hadli, alvettan sù contra quels chi gnivan dalla guerra,

13. E dschettan ad els: Vus non gnis a manar quiaint quaists preschunêrs; perche quai cha vus s'impissais *da far ais*, per ans render culpabels pro'l Segner, creschand il number

da noss puchats, e da nossas cuolpas; perche nus eschan grandamaing culpabels, ed ira ais invüdata conter Israel.

14. Lura laschettan ils homens da guerra darcheu ir ils preschunêrs, e'l butin, in presenza dels capos, e da tuot la raspada.

15. E quels homens suddets alvettan sù, e piglettan ils preschunêrs, vestittan col butin tuot *quels* dad els, *chi eiran* nüds, e, dopo 'ls avair darcheu vestits, e cuzàts, als dettan els da mangiar, e da baiver, e 'ls onschettan, e condüettan inavo sùls asens quels intanter els, chi non as podaiavan governar, e 'ls manettan in Gericco, * città dellas palmas, sper lur frars; lura turnettan els darcheu in Samaria.

* Deut. 34, 3.

16. In quel temp il rai Ahaz tramettet als rais dels Assiriers per succeurs.

17. (Ma eir ils Idumeers eiran gnüts, ed avaiavan battü Giuda, ed avaiavan manâ preschunêrs;

18. Ed eir * ils Filistins eiran securüts sur las cittats della planüra, e della part meridionala da Giuda, ed avaiavan prais Betsemes, ed Ajalon, e Gederot, e Soco, e las terras da seis territori, e Timna, e las terras da seis territori, e Gimzo, e las terras da seis territori, ed abitaivan in quellas.

* Ezech. 16, 57.

19. Perche il Segner avaiav' abbassâ Giuda, per causa d'Ahaz, rai d'Israel; perche ch'el avaiava causâ üna *granda* licenza in Giuda, ed avaiava commiss ogni sort da misfats contr' il Segner.)

20. E * Tiglat-Pilneser, rai dels Assiriers, gnit pro el; ma el il mettet in angoscha, e non il fortifichet.

* 2 Reg. 15, 29.

21. Perche Ahaz piglet üna part *dels tesors* della chasa del Segner, e della chasa del rai, e dels principals *del pövel*, e 'ls det al rai dels Assiriers, il qual però non al det alchün agüid.

22. Ed al temp ch'el eira angoschiâ, continuaiv' el plü vi 'e plü a commetter misfats contr' il Segner; tal *eira* il rai Ahaz;

23. E sacrifichet als deis da Damasco, chi l'avaivan battü, e dschet: Daspö cha 'ls deis dels rais da Siria al güdan, seli vögl eu sacrifichar ad els, acio ch'els güdan eir a mai. Ma quels al füttan occasiun da trabüchar el, e tuot Israel.

24. Ed Ahaz raspet insembel la vascHELLA della chasa da Dieu, e *la* spazzet, e serret las portas della chasa del Segner, e s'fet utêrs per tuot ils chantuns da Gerusalem;

25. E fet lous ots in ogni città da Giuda, per profüms ad oters deis, ed iritet il Segner Deis da seis babuns.

26. Ma, quant al rimanent dels fats d'Ahaz, prüms ed ultims, e tuot seis deportamaint; mera, quaiestas chosas *sün* scrittass nel cudesch dels rais da Giuda, e d'Israel.

27. Lura Ahaz as dormanzet con seis babuns, e füt sepuli in Gerusalem, nella * città; ma non füt miss nellas sepultüras dels rais d'Israel. Ed Hischia, seis figl, regnet in seis lö.

CHAP. XXIX.

Ezechia stabilescha darcheu il servezzen da Dieu. El ordaina levits per lodar il Segner.

HISCHIA * eira d'età da vainch e tschinch ans, eur el comanzet a regnar, e regnet vainch e nouv ans in Gerusalem. E'l nom da sia mamma eira Abia, figlia da Zaccaria.

* 2 Reg. 18, 1.

2. Ed el fet quai cha plaschet al Segner, interamaing sco avaiva fat David, seis bap.

3. Nel prüm an da seis reginam, nel prüm mais, avrit el las portas della chasa del Segner, elas restoret;

4. E fet gnir ils sacerdots, e 'ls levits, e 'ls raspet nella plazza orientala;

5. E dschet ad els: O levits, tadlâ'm: As santifichai uossa, e santifichai la chasa del Segner Deis da voss babuns, e trat our dal santuari las chosas malnettas;

6. Perche noss babuns han misfat, e fat quai cha displaschet al Segner nos Deis, e l'han bandunâ, ed han vout lur fatschas inavo, d'avent dal tabernacul del Segner, e l'han vout las spadlas;

7. Ed eir han els serrâ las portas

del portie, ed han stüzzâ las lampas, e non han fat profüms, ne offeri olocausts nel lö sanct, al Deis d'Israel.

8. Dinuonder l'indignaziun del Segner ais statta sur Giuda, e sur Gerusalem, ed el ils ha dats ad esser chatschats, desertats, e * schüblats oura, sco vus vezzais cols ögls.

* 1 Reg. 9, 8.

9. E mera, noss babuns sun crodats tras la spada, e noss figls, e nossas figlias, e nossas mugliers, sun in preschun per quaiast.

10. Uossa, eu ha in sen da far lia col Segner Deis d'Israel, acio cha l'arder da sia ira tuorna inavo da nus.

11. Meis figls, non fallarai uossa; * perche il Segner s'ha elets, per as presentar avant el per al servir, e per l'esser ministers, e per al far profüms.

* Ex. 28, 1. Num. 3, 6, 8, 14, 18, 2, 6.

12. Lura ils levits alvettan sü; *cioè* Mahat, figl d'Amasai, e Joel, figl d'Azaria, intanter ils figls dels Cahatits; ed intanter ils figls da Merari, Chis, figl d'Abdi, ed Azaria, figl da Jehaleel; ed intanter ils Gersonits, Joa, figl da Zimma, ed Eden, figl da Joa;

13. Ed intanter ils figls d'Elisafan, Simri, e Jegiel, ed intanter ils figls d'Assaf, Zaccaria, e Mattania;

14. Ed intanter ils figls d'Heman, Jehiel, e Simei; ed intanter ils figls da Jedutun, Semaja, ed Uziel.

15. E quels raspettan lur frars, e s' santificettan, ed intrettan, seguond il comandamaint del rai, fat tras pled del Segner, per nettiar la chasa del Segner.

16. Usche ils sacerdots intrettan daint la chasa del Segner, per *la* nettiar, e trettan oura, nel cortil della chasa del Segner, tuot las chosas malnettas, cha chattettan nel taimpel del Segner, e 'ls levits *las* retschevettan, per *las* portar our' al torrent Chidron.

17. Els comanzettan nel prüm *di* del prüm mais a santifichar, e nel otta-vel di del medem mais gnittan els pro'l portie del Segner, santificettan la chasa del Segner, *il spazi d'ot* dis, e nel saideschavel di del medem mais avetten els fini.

18. Lura gnittan els pro'l rai Hischia

aint dadaint *in chasa*, e 'l dschettan: Nus avain nettiâ tuot la chasa del Segner, e l'utêr dels olocausts, e tuot sia üsaglia, e la maisa, ingio's dispona *ils pans*, con tuot seis instrumaints;

19. Avain ordinâ, e santificâ tuot la vaschella, cha 'l rai Abaz avaiva per seis misfat moventâ d'avent, tant ch'el regnaiva, mera, ell' ais avant l'utêr del Segner.

20. E 'l rai Hischia, siand alvâ la mattina, raspet ils principals della città, e muntet sü pro la chasa del Segner.

21. E quels fettan manar nan set trims, e set bümatschs, e set agnels, e set boes, *per sacrifici* da pucha, per il reginam, e per il santuari, e per Giuda. E 'l rai dschet als figls d'Aaron, sacerdotes, cha offerissan quels sur l'utêr del Segner.

22. Quels dimena şchannettan quels bovs, e 'ls sacerdotes ardschvettan il sang, * e 'l sprinzlettan sün l'utêr; lura şchannettan els ils bümatschs, e sprinzlettan il sang sün l'utêr. Şchannettan eir ils agnels, e sprinzlettan il sang sün l'utêr.

* Lev. 8, 15.

23. Lura fettan els approsmar ils boes del *sacrifici* da pucha avant il rai, ed avant la raspada, e quels tşchantettan ils mans sün quels.

24. E 'ls sacerdotes ils şchannettan, e sprinzlettan il sang sün l'utêr, sco sang da *sacrifici* da pucha, per far la purgaziun per tuot Israel; perche 'l rai avaiva dit, cha's *fess* quaist olocausto, e quaist *sacrifici* da pucha, per tuot Israel.

25. *Il rai* ordinet eir levits della chasa del Segner, con cimbals, con psalters, e con citras, * seguond il comandamaint da David, e da Gad, vidaint del rai, e del profet Natan; perche quaist comandamaint *eira stat dat* dal Segner, tras seis profets.

* 1 Cron. 23, 5.

26. Ils levits dimena fütan *qui* pre-saints cols instrumaints da * David, e 'ls sacerdotes con las trombettas.

* 1 Cron. 23, 5. Amos 6, 5.

27. Lura comandet Hischia, cha's offeriss l'olocausto sün l'utêr. Ed al temp cha's comanzet ad offerir l'olocausto, comanzet eir il chant del Se-

gner, e las trombettas, e 'ls instrumaints da David, rai d'Israel.

28. E tuot la raspada aduraiva, e's chantaiva chanzuns, e las trombettas sunaivan; tuot quai fin cha l'olocausto füt compli.

29. E, cura füt fini d'offerir l'olocausto, il rai, e tuot quels chi's chat-tettan con el, s'inclinettan, ed adurettan.

30. Lur' il rai Hischia, e 'ls principals, dschettan als levits, cha lodes-san il Segner cols plets da David, e del vidaint Assaf. E quels il lodettan con somma ledezza, e s'inclinettan, ed adurettan.

31. Lura Hischia's mettet a dir: Uossa eschat vus consacrats al Segner; s'approsmai *nan qui*, e presentai ils sacrificis, e *las offertas* da * lods nella chasa del Segner. Usche presentet la raspada sacrificis, ed *offertas* da lods, e que füt da cour voluntus *offeri* olocausts.

* Lev. 7, 12.

32. E 'l number dels olocausts, cha la raspada presentet, füt da settanta bovs, da tşchient bümatschs, e da duatschient agnels; tuot quai in olocausto al Segner.

33. E *las otras bestias* consacradas *fütan* sestschient bovs, e trajamilli bümatschs.

34. Ma 'ls sacerdotes eiran pacs, tal cha non podettan scorechar tuot ils olocausts, e perquai ils levits, lur frars, als güdettan, fin cha l'ouvra füt complida, e fin cha 'ls *oters* sacerdotes s'avettan santificats; perche 'ls levits *fütan* da cour plü disposts als santificar, co 'ls sacerdotes.

35. Ed *eira qua* eir grand number d'olocausts, ultr' ils grass dels sacrificis d'ingraziamaint, ed offertas da spander dels olocausts. Ed usche füt il servezzen della chasa del Segner darcheu stabili.

36. Ed Hischia, e tuot il pövel, s'allegret, cha Deis avess *usche* disponi al pövel; perche quaista chosa füt fatta subitamaing.

CHAP. XXX.

Hischia fa clamar ora la celebraziun della pasqua per il pajais da Giuda, ed Israel.

LURA Hischia tramettet a dir a tuot Israel, ed a Giuda, ed eir

scrivet el chartas ad Efraim, ed a Manasse, cha gnissan pro la chasa del Segner in Gerusalem, per celebrar la pasqua al Segner Deis d'Israel.

2. Ma'l rai, e seis principals offizials, e tuot la raspada, avaivan tut cossagl in Gerusalem, da celebrar la pasqua nel seguond mais;

3. Perche non l'avaivan podüda celebrar * in quel temp; siand cha ils sacerdots non s'avaivan santificats in number suffizaint, ed il pövel non eira amo raspâ in Gerusalem.

* Ex. 12, 6.

4. E'l fat plaschet al rai, ed a tuot la raspada;

5. E statuitan da far clamar oura per tuot Israel, da Beerseba fin a Dan, cha's gniss a celebrar la pasqua al Segner Deis d'Israel, in Gerusalem; perche *peravant* non l'avaivan els celebrada con quella frequenza ch'ais prescrit.

6. Ils curriers dimena gettan con chartas da parte del rai, e da seis principals offizials, per tuot Israel, e Giuda, dschand eir a bocca, seguond il comandamaint del rai: Infants d'Israel, as converti pro'l Segner, Deis d'Abraham, d'Isac, e d'Israel, schi vain eir el as volver vers il rimanent da vus, chi eschat scampats via dals mans dels rais dels Assiriers;

7. E non sajat sco voss babuns, e sco voss frars, chi han misfat conter il Segner Deis da lur babuns; dinuonder el ils ha miss in desolaziun, sco vus vezzais;

8. Uossa, non vögliat indürir voss colöz, sco *han fat* voss babuns; sporschai ils mans al Segner, e gni pro seis santuari, il qual el ha consacrâ in perpetuo; e servi al Segner vos Deis, e l'arder da sia ira vain a turnar davent da vus.

9. Perche, scha vus as convertis pro'l Segner, schi vegnan voss frars, e voss infants a chattar misericordia pro quels, chi'ls han manats in preschun, eir per turnar darcheu in quaiet pajais; * perche il Segner vos Deis *ais* grazius, e misericordiaivel, e non volverà *sia* fatscha inavo our da vus, scha vus as convertis via pro el.

* Ex. 34, 6. 7.

10. Quels curriers dimena passettan da città in città, nel pajais d'Efraim, e da Manasse, e fin in Zebulon; ma'l pövel faiva beffa dels, e 'ls riaiva oura.

11. Pür inguotta tant main *alchiins* homens d'Asser, e da Manasse, e da Zebulon s'ümiliettan, e gnittan in Gerusalem.

12. Il man da Dieu füt eir in Giuda, per dar ad els ün medem cour, per far quai cha'l rai, e 'ls principals avaivan comandâ, tras pled del Segner.

13. Usche's raspet in Gerusalem ün grand pövel, per celebrar la festa dels azims, nel seguond mais; e *qua füt* üna grandisma raspada.

14. E quels alvettan sü, e piglettan via ils utërs chi *eiran* in Gerusalem; piglettan eir via tuot ils utërs da far profüms, e 'ls büttettan nel torrent Chidron.

15. Lura as schannet la pasqua nel quattordeschaval di del seguond mais. Ma'ls sacerdots, e 'ls levits, s'avaivan turpiats, e s'avaivan santificats, ed avaivan manâ nan olocausts nella chasa del Segner.

16. Dinuonder quels as presentettan a far lur offizi, seguond ch'ais ad els ordinâ tras la ledscha da Mose, hom da Dieu; ils sacerdots spandivan il sang, *l'ardschvand* dal man dels levits.

17. Perche blers *eiran* nella raspada, ils quals non s'avaivan santificats, e perquai ils levits avettan la chüra, da schannar ils agnels della pasqua per tuot quels *chi* non *eiran* nets, per santificar quels *agnels* al Segner.

18. Perche üna granda part del pövel, blers d'Efraim, e da Manasse, e d'Issaschar, e da Zebulon, non s'avaivan purificats; dimpersai mangettan la pasqua * otramaing co ch'ais scrit. Ma Hischia rovet per els, dschand:

* Exod. 12, 43.

19. Il Segner, *ch'ais* bun, saja abunîa invers scodün, chi ha disponi seis cour a retscherchar Deis, il Segner Deis da seis babuns; combain cha *quai* non *saja stat* seguond la purità del santuari.

20. E 'l Segner exodit Hischia, e guarit il pövel.

21. Usche ils infants d' Israel, chi's chattettan in Gerusalem, celebrettan la festa dels azims per set dis, con grand' allegrezza, e chantand ils levits, e 'ls sacerdotes, lods per scodündi al Segner, e sunand cols instrumaints della gloria del Segner.

22. Ed Hischia favlet amiaivelmaing a tuot ils levits, chi eiran bain intelligiaints nellas chosas del servezzen del Segner, e quels mangettan dels sacrificis della festa, set dis, sacrificand sacrificis d' ingraziamaint, e celebrand il Segner, Deis da lur buns.

23. E tuot la raspada piglet cossagl da celebrar oters set dis, e quels ils celebrettan con allegrezza.

24. Perche * Hischia, rai da Giuda, presentet alla raspada milli trims, e setmilli nuorsas; ils principals presentettan eir els alla raspada milli trims, e deschemilli nuorsas, e blers sacerdotes s'avettan santificats.

* 2 Cron. 35, 7.

25. E tuot la raspada da Giuda s'allegret; sco eir ils sacerdotes, e 'ls levits, e tuot la raspada da quels chi eiran gnüts d' Israel, e 'ls esters chi eiran gnüts dal pajais d' Israel, ed abitaivan in Giuda.

26. E qua füt grand' allegrezza in Gerusalem; perche, dal temp da Salomon, figl da David, rai d' Israel, non eira dvantada chosa tala in Gerusalem.

27. Lur' ils sacerdotes e 'ls levits alvettan sü, e benedittan il pövel, e lur vusch füt exodida, e lur oraziun rivet fin al tschel pro'l abitacul della santità del Segner.

CHAP. XXXI.

L' idolatria ais tutta via da Giuda. Hischia ordain' ils offizis dels sacerdotes e levits, e lur sustentamaint.

MA, dopo cha tuot quaistas chosas füttan compidas, tuot ils Israelits, chi's chattettan qua, trettan oura per las cittats da Giuda, * e spazzettan las statuas, e taglettan giò ils gods, e disfettan ils lous ots, e 'ls uters da tuot Giuda e Benjamin; il medem fettan els eir in Efraim, ed

in Manasse, sainza laschar valchuna chosa suravanz. Lura tuot ils infants d' Israel turnettan, scodündi dareheun pro sia possessiun in la terras.

2. Hischia restabillen las partizuns dels sacerdotes, e dels levits, segund las partizuns, ch' eiran stat fattas; scodünd segund seis ministeri, sacerdotes, e levits; per offerir, olocausts, e sacrificis d' ingraziamaint, per servir, e per celebrar, e chanar lods, e per star pro las portas del champ del Segner.

3. Ordiniet eir la part cha l-rai müss in furnir da sia facultà per ils olocausts; per ils olocausts della duman, e della saira, e per ils olocausts dels sabbats, dellas chendass, e dellas festas solennas; sco scrie ais nella ledscha del Segner;

4. E dschet al pövel, als abitanti da Gerusalem, cha dessan ils sacerdotes, ed als levits, lur part, acio cha piglessan anim da far quai cha la ledscha del Segner comanda.

5. E, cur quaiست comandamaint füt publichà, schi portettan ils infants d' Israel las primizias del formaint, del vin, e del öli, e del mel, e d' ogni früt della champagna, in granda quantità; portettan eir las deschinas d' ogni chosa, abundantamaint.

6. Ils infants d' Israel, e da Giuda, chi abitaivan nellas citats da Giuda, manettan eir els las deschinas del bestiam gross, e del minü, e las deschinas dellas chosas sacras, consacradas al Segner lur Deis, e fettan blers mantuns.

7. Al terz mais comandettan els a mantunar sü quels mantuns, ed a settavel mais finittan els.

8. Ed Hischia, e 'ls principals guttan, e vezettan quels mantuns, e benedittan il Segner, e als pövel d' Israel.

9. Ed Hischia demandet als sacerdotes e 'ls levits davant quels mantuns.

10. Ed Azaria, principal sacerdot, della famiglia da Sado, dschet ad el: Dall' ur' innan, che s' ha comenza a portar quaiست offerta pro la chusa del Segner, avain nus ananzia, ed eschan stats sadolats, ed als amo blier vanzà; perche 'l Segner ha benedi

seis pövel, e quai ch' ais vanzâ, *ais* quaista grand' abundanza.

11. Ed Hischia comandet, cha's mettess in uorden ils schlêrs, e granêrs nella chasa del Segner, e quels *ils* mettettan in uorden.

12. E qua portettan els aint fidelmaing las offertas, e las deschmas, e las chosas consacradas; e Canania, levit, avet la superintendenza da quai-stas chosas, e Simei, seis frar, *füt* il seguond.

13. E Jehiel, ed Ahazia, e Nahat, ed Asahel, e Jerimot, e Jozabad, ed Eliel, e Jesmachia, e Mahat, e Benaja, *eiran* commissaris suot Canania, e suot Simei, seis frar, per uorden del rai Hischia, e d' Azaria, conductur della chasa da Dieu.

14. E Core, figl d' Imna, levit, port-nêr vers oriaint, avaiva la chüra del-las chosas voluntariamaing offertas a Dieu, per furnir las offertas adoza-das del Segner, e las chosas santis-simas.

15. E suot el *eiran* Eden, e Minia-min, e Jesua, e Semaja, ed Amaria, e Sacania; * nellas cittats dels sacer-dots, *procedand* in realtà, per furnir a lur frars, pitschens e grands, se-guond *lur* partizuns; * Gios. 21, 9.

16. Cioè a tuot quels, chi intraivan nella chasa del Segner, seguond lur ministeri, tras lur müdadas, conform a lur partizuns, *lur porziun* di per di; ultr' ils maşchels intanter els, chi füttan nombrats tras genealogias, dall' età da trais ans in sü.

17. (Ma la descripziun dels sacer-dots e dels levits, tras lur genealogias, *disferenziats* in lur famiglias pater-nas, füt fatta dall' età da vainch ans in sü, in lur offizis, seguond lur par-tizuns.)

18. La ditta porziun füt eir datta a tuot la bleriüra da tuot lur famiglias, mugliers, figls e figlias, descrits tras genealogias; (perche sün la fidanza da quels as consacraivan els pro las chosas sanctas.)

19. Medemmamaing, quant als sacer-dots, figls d' Aaron, *chi stavevan* * nel-la champagna dels contadis da lur cittats, schi *eiran* in scodüna città ho-mens, nomnats con nom, per dar las

porziuns a tuot ils maşchels intanter ils sacerdots, ed *in somma* a chi in-tanter ils levits eira nombrâ tras lur genealogias. * Num. 35, 2.

20. Usche fet Hischia tras tuot Giu-da, e fet quai ch' ais bôn, e dret, e vardâ avant il Segner seis Deis.

21. E's dovret con tuot seis cour in tuot l' ouvra, ch' el piglet sur el per il servezzen della chasa da Dieu, e nella ledscha, e nels comandamaints, retscherchand seis Deis, e prosperet.

CHAP. XXXII.

Sanherib vain avant Gerusalem. L' oraziun d' Hischia e d' Esaja. L' armada da Sanherib dis-fatta tras ün angel. Hischia moura, e Manasse succeda.

DOPO quaistas chosas, e quaista fidel-tà, * Sanherib, rai dels Assi-riers, gñit, ed intret in Giuda, e met-tet champ sur las cittats fermas, e deliberet da las sforzar, *per las redür* suot sia obediencia. * 2 Reg. 18, 13.

2. Ed Hischia, aviand vis cha San-herib eira gñü, e ch' el *volvaiva* la fatscha contra Gerusalem, per la com-batter;

3. Schi's cosglet el con seis principals uffizials, e con seis homens valerus, da zügliar las auas dellas fontanas chi *eiran* dadour la città; e quels al dettan agtîd.

4. Ed ün grand pövel as raspet, e züglettan tuot las fontanas, e l' tor-rent, chi's rasa per mez la contra-da, dschand: Perche dessan ils rais dels Assiriers, gñand, chattar abun-danza d' auas?

5. El piglet eir ardimaint da resto-rar tuot la müraglia ruotta, e l' ozet sü fin las tuors, ed our dadour *edifi-chet* el ün oter mü. El fortifichet eir Millo, nella città da David, e fet far frizzas, e schüts, in granda quantità;

6. Ed ordinet chapitanis da guerra sur il pövel, e l's raspet nan pro el nella piazza della porta della città, e l's cuffortet, dschand:

7. Pigliai ardimaint, e's fortifichai; non tmarai, e non as stramantarai per il rai dels Assiriers, ne per tuot la bleriüra chi *ais* con el; perche con nus *ais* ün plü grand, co con el;

8. * Con el *ais* il bratsch da charn; ma con nus *ais* il Segner nos Deis,

per ans güdar, e per combatter nossas battaglias. E'l pövel as sgürret süls plets d'Hischia, rai da Giuda.

* Ger. 17, 5.

9. Dopo quai, Sanherib, rai dels Assiriers, essendo sur Lachis con tuot *la forza da seis imperi*, tramettet seis serviaints in Gerusalem, pro Hischia, rai da Giuda, e pro tuot ils Güdeus chi *eiran* in Gerusalem, per dir *ad els*:

10. Usche ha dit Sanherib, rai dels Assiriers: In che's confidais vus, per dmurar in Gerusalem, nel assedi?

11. Hischia non as surmain'el, per as redür a morir da fam, e da sait, dschand: Il Segner nos Deis ans salverà dal man del rai dels Assiriers?

12. Non ha quel Hischia tut via ils lous ots, e 'ls uters da quel *Segner*, e dit a Giuda, ed a Gerusalem: Adurai solum avant ün uter, e fat sur quel arder voss sacrificizis?

13. Non savais vus quai ch'eu, e meis babuns avain fat a tuot ils pövels dels pajais? Ils deis dels pövels dels pajais han els mâ podü salvar lur pajais da meis man?

14. Qual intanter tuot ils deis da quels pövels, cha meis babuns han sdrüt, ha podü salvar seis pövel da meis man, cha vos Deis as possa salvar?

15. Contuot, non s'ingianna uossa Hischia, e non as surmain' in quaista maniera, e *vus*, non al darai fede; perche *daspö* ch'ingün dieu d'ingün pövel, o reginam, non ha podü salvar seis pövel da meis man,* ne dal man da meis babuns, quant main vain vos Deis as salvar da meis man?

16. E'ls serviaints da quel dschettan amo bleras otras chosas conter il Segner Deis, e conter Hischia, seis serviaint.

17. *Sanherib** scrivet, ultra quai, charas per far giamgias del Segner Deis d'Israel, e per tschantschar conter el in quaista maniera: Sco'ls deis dels pövels dels pajais non han salvâ lur pövels da meis man, usche non vain neir il Deis d'Hischia a salvar il seis.

* 2 Reg. 19, 9.

18. *Quels serviaints* bragittan eir ad ota vusch, in lingua Giudaica, al pö-

vel da Gerusalem, chi *eira* sün la müraglia, per il stramantar, e per il conturbalar; per tour aint *in quaista maniera* la città.

19. E favlettan dal Deis da Gerusalem, seo dals deis dels pövels della terra,* *chi sun* ouvra da mans da cristian.

* 2 Reg. 19, 15.

20. Lur' il rai Hischia ed il profet Esaja, figl d'Amos, fettan oraziun per quaiastas chosas, e bragittan vers il tschel.

21. E'l Segner tramettet ün angel, il qual sdrüet ogni valent hom, ed ogni capo, e chapitani, *chi eira* nel champ del rai dels Assiriers; dinuonder el turnet inavo svergognâ pro seis pajais. E, siand intrat nella chassa da seis deis, da quels chi eiran gnüts da seis flanes, il mazzettan els qua con la spada.

22. Usche il Segner salvet Hischia, e'ls abitanti da Gerusalem, dal man da Sanherib, rai dels Assiriers, e dal man d'ogni *oter*, e'ls surlevget dapertuot intuorn.

23. E blers portaivan offertas al Segner in Gerusalem, e chosas preziasas ad Hischia, rai da Giuda. E, davo quaiastas chosas, füt el adoza pro tuottas nazions.

24.* In quels dis, Hischia gnit amala fin alla mort; ma el fet oraziun al Segner, e quel al tschantschet, e'l det ün signal.

* 2 Reg. 20, 1.

25. Ma Hischia non füt recognoschaint del benefizi ardschvü, perche seis cour s'adozet; dinuonder e füt indignaziun conter'el, e contra Giuda, e contra Gerusalem.

26. Impero Hischia, cols abitanti da Gerusalem, s'ümiliat da quai cha seis cour s'avaiva adoza; e perquai l'indignaziun del Segner non gnit sur els, al temp d'Hischia.

27. Contuot avet Hischia grandismas richezass, e gloria; e's fet tesors d'argent, e d'or, e da peidras preziasas, e da speziarias, e da schüts, e *d'ogni sort* da charas üsaglias;

28. *Fet* eir giodens per l'intrada del gran, e del vin, e del öli, e stallas per ogni *sort* da bestiam gross, e stavels sper quellas.

29. As fet eir cittats, ed acquistet bler

bestiam, manü e gross; perche Deis l'avaiva dat grandismas ricchezas.

30. Hischia füt eir quel, * chi züglet la fontana sura dellas auas da Gihon, e condüet quell' *aua* dret giò suot terra, dal occidaint, pro la città da David. Ed Hischia prosperet in tuot sias ouvras.

* Es. 22, 9. 12.

31. Ed in quaiet esser, *siant el* cols ambaschadurs * dels princis da Babilon, ils quals avaivan tramiss pro el per s'informar del † miracul chi eira dvantâ in terra; schi'l bandunet Deis, per il provar, per cognoscher tuot *quai ch' el avaiu* in seis cour.

* 2 Reg. 20, 12. Es. 30, 1. † Deut. 8, 2.

32. Ma, quant al rimanent dels fats d'Hischia, e sias prusas ouvras; mera, * quaiestas *chosas sun* scrittass nella visiun del profet Esaja, figl d'Amos, e nel cudesch dels rais da Giuda, e d'Israel.

* Es. 36. 37. 38. 39.

33. Lur' Hischia's dormanzet con seis babuns, e füt sepuli nel plü ot dellas sepultüras dels figls da David. E tuot Giuda, e'ls abitants da Gerusalem, al fettan onur pro sia mort. E Manasse, seis figl, regnet in seis lö.

CHAP. XXXIII.

Manasse s' rend' ad ogn' impietâ. Ais manâ in Babilon. S' imiliesch' avant il Segner. Amon succeda. Seis serviants il mazzan. Giosua succeda.

MANASSE * eira d'età da dudiesch ans, cur el comanzet a regnar, e regnet tschinquant' e tschinch ans in Gerusalem;

* 2 Reg. 21, 1.

2. E fet quai cha displaschet al Segner, seguond las abominaziuns dels pövels, ils quals il Segner avaiva schatschâ our davant ils infants d'Israel;

3. E turnet ad edificar ils lous ots, ils quals Hischia, seis bap, avaiva disfat, e drizzet sü utêrs als Baals, e fet gods, ed aduret tuot * l'exercit del tschel, e' l servit.

* Deut. 17, 3.

4. Edifichet eir utêrs nella chasa del Segner, dalla qual' il Segner avaiva dit: Meis nom sarâ in Gerusalem in perpetuo!

5. Ed edificet quels utêrs a tuot l'exercit del tschel, nels duos cortils della chasa del Segner.

6. El fet eir passar seis figls tras il

fö, nella val dels figls d'Hinnom; ed üiset prognostics, ed auguris, ed inchantamaints; ed * ordinet ün spiert da piton, ed ingiavins. El fet fin sü plü ot grâ quai cha displaschet al Segner, per il grittantar.

* 2 Reg. 21, 6.

7. El tshantet eir la * figür' intagliada dell' imagna, ch' el avaiva fat, nella chasa da Dieu, dalla quala Deis avaiva dit a David, ed a Salomon, seis figl: Eu vögl metter meis nom in perpetuo in quaiesta chasa, ed in Gerusalem, ch' eu ha elet intanter tuot las schlattas d'Israel; * Deut. 16, 22.

8. E non vögl plü far mover il pè d'Israel davent dalla terra, la qual' eu ha stabili a voss babuns; pür cha quels sulamaing hajan stüdi, da far tuot quai ch' eu ad els ha comandâ, seguond tuot las ledschas, e'ls statuts, e las ordinaziuns *dattas tras* Mose.

9. Manasse dimena straviet Giuda, e'ls abitants da Gerusalem, per far mal, plü co'ls pövels, cha' l Segner avaiva sdrüit our davant ils infants d'Israel.

10. E' l Segner favlet a Manasse, ed a seis pövel; ma quels non sporschetan l'uraglia.

11. Pelqual il Segner fet gnir conter els ils capos del exercit del rai dels Assiriers, ils quals piglettan Manasse in tscherts liams, e' l liettan con duos chadainas d'aram, e' l manettan in Babilon.

12. E, cur el füt in anguoscha, supplichet el il Segner seis Deis, e s' imiliet grandamaing avant il Deis da seis babuns.

13. E, l'aviand fat oraziun, füt el abuniâ invers el, ed oxodit sia supplicaziun, e' l condüet darcheu in Gerusalem, pro seis reginam. E Manasse cognoschet, cha' l Segner ais Deis.

14. E, davo quaiestas chosas, *Manasse* edificet il mür dadoura della città da David, dal occidaint vers Gihon, nella val, fin alla porta dels peschs, e dapertuot intuorn fin ad * Ofel; ed ozet grandamaing *quel mür*, e mettet chapitanis da guerra per tuot las cittats fermas da Giuda; * 2 Cron. 27, 3.

15. E piglet via dalla chasa del Segner ils deis dels esters, e l'imagna,

e tuot ils utêrs, ch' el avai' edificâ sül munt della chasa da Dieu, ed in Gerusalem; e 'ls büttet our dalla città.

16. Lura refet el l' utêr del Segner, e sacrificet sur quel sacrificiz d' ingraziamaint, e da lod, e comandet a Giuda, da servir al Segner Deis d' Israel.

17. Inguotta tant main sacrificai' il pövel amo nels lous ots; ma pür al Segner seis Deis.

18. Ma, quant al rimanent dels fats da Manasse, e l' oraziun ch' el fet a seis Deis, e 'ls plets dels * vidaints, chi 'l favlettan a nom del Segner Deis d' Israel; mera, quaiastas *chosas sun scrittass* nel cudesch dels rais d' Israel.

* 1 Sam. 9, 9.

19. E, quant a sia oraziun, e co *Deis* füt abuniâ invers el, e tuot seis pucha, e seis misfat, e 'ls lous, nels quals el edificet lous ots, e drizzet gods, e figüras intagliadas, ant ch' el s' avess ümiliâ; mera, quaiastas *chosas sun scrittass* nel cudesch d' Hozai.

20. E Manasse's dormanzet con seis babuns, e füt sepuli in sia chasa. Ed Amon, seis figl, regnet in seis lö.

21. * Amon *eira* d' età da vainch e duos ans, cur el comanzet a regnar, e regnet duos ans in Gerusalem;

* 2 Reg. 21, 19.

22. E fet quai cha displaschet al Segner, seo Manasse, seis bap, avai' va fat, e sacrificet, e servit a tuot las figüras intagliadas, cha Manasse, seis bap, avai' va fat;

23. Ma el non s' ümiliet avant il Segner, seo Manasse, seis bap, s' avai' ümiliâ; anzi quel Amon creschantet plü vi' e plü ils delits.

24. Ma seis serviaints fettan üna congiura conter el, e 'l mazzettan in sia chasa.

25. E 'l pövel del pajais battet tuot quels chi avai' van fat congiura conter il rai Amon, e constituit rai, in lö da quel, Josia, seis figl.

CHAP. XXXIV.

Josia tschercha il Segner. Extermina tuotta idolatria. Lea il cudesch della ledscha avant tuot il pövel. Trametta a domandar il Segner tras Hulda, profetessa.

JOSIA * *eira* d' età d' ot ans, cur el comanzet a regnar, e regnet trent' ün an in Gerusalem;

* 2 Reg. 22, 1.

2. E fet quai cha plaschet al Segner, e chaminet nellas vias da David, seis bap, e non as volvet, ne a dretta, ne a snestra.

3. E l' ottavel an da seis reginam, *sian* amo giuvnet, comanzet el a tscherchar il Deis da David, seis bap, e l' an dudeschavel comanzet el a nettiar Giuda, e Gerusalem dals lous ots, e dals gods, e dallas figüras intagliadas, e dallas statuas culadas.

4. Ed in sia presenza fütan disfats ils utêrs dels Baals; ed el taglet giò da quels las imaginas chi *eiran* süsur quels, e spazzet, e mettet in puolvra ils gods, e las figüras intagliadas, e las statuas culadas, e raset *la puolvra* sur las sepultüras da quels chi avai' van ad els sacrificâ;

5. Ed * ardet l' ossa dels sacerdots sün lur utêrs, e nettiat Gerusalem, e Giuda.

* 2 Reg. 3, 2.

6. *El fet il medem eir* nellas cittats da Manasse, e d' Efraim, e da Simeon, e fin in Naftali, in lur lous deserts d' apertuot intuorn;

7. E disfet ils utêrs, e spazzet ils gods, e las figüras intagliadas, fin a las sfrisar; e desdrüet tuot las imaginas in tuot il pajais d' Israel; lura turnet el darcheu in Gerusalem.

8. E l' an * deshdottavel da seis reginam, dopo avair nettiâ il pajais, e la chasa, tramettet el Safan, figl d' Asalia, e Maeseja, chapitani della città, e Joa, figl da Joahaz, secretari, per far restorar la chasa del Segner seis Deis.

* 2 Reg. 22, 3.

9. Contuot gnittan quels pro Hilechia, grand sacerdot, e füt *ad els* dat il danêr, chi eira stat portâ nella chasa da Dieu, il qual ils levits, guardiants dels glims, avai' van raspâ sü, da Manasse, e d' Efraim, e da tuot il rimanent d' Israel, e da tuot Giuda, e Benjamin; ed eiran lura darcheu turnats in Gerusalem.

10. E *quels il* dettan in man a quels, chi avai' van la chüra dell' ouvra, ils quals eiran constituits sur la *fabrica della* chasa del Segner, e quels chi avai' van la chüra dell' ouvra chi's fai' va nella chasa del Segner daivan quel *danêr*, per chönschar darcheu, e per restorar la chasa;

11. E'l daivan als maisters, ed als müradurs, e per comprar peïdras tagliadas, e lainam per las gionschadüras, e per far ils palanschins allas chasas. las qualas ils rais da Giuda avaiavan dazipä.

12. Ma quels homens as dovraivan fidelmaing in quell' ouvra, e sur quels *eiran* constituits Jahat, ed Obadia, levits, intanter ils figls da Merari, ed intanter ils Cahatits, Zaccaria, e Messullam, per chatschar inavant l'ouvra. Tuot ils maisters dels instrumaints musicals *eiran* eir levits;

13. *Sco* eir *quels* chi comandaivan a quels chi portaivan ils pais, e quels avaiavan la chüra, da chatschar inavant tuot quels chi lavuraivan per l'ouvra, in qualunque servezzen; ils scrivants eir, e 'ls commissaris, e 'ls portnêrs, *eiran* levits.

14. Ma, tant cha pigliaivan our' il danêr, chi eira stat portâ nella chasa del Segner, schi chattet * il sacerdot Hilchia il cudesch della ledscha del Segner, *datta* tras Mose.

* 2 Reg. 22, 8.

15. Ed Hilchia favlet al secretari Safan, e dschet ad el: Eu ha chattâ il cudesch della ledscha nella chasa del Segner. Ed Hilchia det il cudesch a Safan.

16. E Safan portet quel cudesch al rai, e dopo al fet el sia relaziun, dschand: Teis serviaints fan tuot quai, ch' ais ad els stat commiss;

17. Ed han miss insembel il danêr, ch' ais chattâ nella chasa del Segner, e l' han dat in man als commissaris, ed a quels chi fan l'ouvra.

18. Il secretari Safan referit eir, e dschet al rai, cha 'l sacerdot Hilchia l'avaiva dat ün cudesch. E Safan leet laint qua in presenza del rai.

19. E, cur il rai avet udi ils plets della ledscha, scharpet el sia vestimainta.

20. Lura comandet el ad Hilchia, ed ad Abicam, figl da Safan, ed ad Abdon, figl da Mica, ed al secretari Safan, ed ad Asaja, serviaint del rai, dschand:

21. It, domandai il Segner per mai, e per il rimanent d' Israel, e da Giuda, davart ils plets da quaist cu-

desch, chi ais stat chattâ; perche grand' ais l' ira del Segner, la qual *ais* spans' oura sur nus; perche noss babuns non han observâ il pled del Segner, per far seguond tuot quai ch' ais scrit in quaist cudesch.

22. Hilchia dimena, e 'ls homens del rai, gettan pro la profetessa Hulda, muglier da Sallum, figl da Tachehat, figl d' Hasra, guardiant della vestimainta, la quala abitaiva in Gerusalem, nella segunda *part*, e favlettan ad ella in quella maniera.

23. Ed ella dschet ad els: Usche ha dit il Segner Deis d' Israel: Dit al hom, chi 's ha tramiss pro mai:

24. Usche ha dit il Segner: Mera, eu fetsch gnir mal sur quaist lö, e sur seis abitants; * tuot las malediziuns chi sun scrittas nel cudesch, ch' ais stat let in presenza del rai da Giuda;

* Lev. 26, 16. Deut. 28, 16.

25. Perche quels m' han bandunâ, ed han fat profüms ad oters deis, per am grittantar con tuot las obras da lur mans; dinuonder l' ira mia ais spans' oura sur quaist lö, e non as stüzzerâ.

26. Ma dit usche al rai da Giuda, chi 's ha tramiss per domandar il Segner: Usche ha dit il Segner Deis d' Israel, quant als plets cha tü hast udi:

27. Siand cha teis cour s' ha lamiâ, e tü t' hast ümiliâ per temma da Dieu, cur tü hast inclet quai ch' el ha pronunziâ contra quaist lö, e contra seis abitants, e cha tü est ümiliâ in meis conspet, ed hast scharpâ tia vestimainta, ed hast eridâ avant mai; schi t' ha eu exodi, disch il Segner.

28. Mera, eu 't vögl raspar con teis babuns, e sarast raspâ in tias sepulchüras con pasch, e teis ögls non vezzeran tuot il mal, ch' eu fetsch gnir sur quaist lö, e sur seis abitants. E quels rapportettan il fat al rai.

29. * Lur' il rai tramettet a raspar tuot ils seniurs da Giuda, e da Gerusalem.

* 2 Reg. 23, 12.

30. Lura muntet el sün la chasa del Segner, con tuot ils homens da Giuda, e cols abitants da Gerusalem, insembel cols sacerdots, e levits, e con tuot il püvel, dal grand al pitschen.

Ed el leet, in lur presenza, tuot ils plets del cudesch della lia, il qual eira stat chattâ nella chasa del Segner.

31. E'l rai stet in pè in seis lö ordinar, e fet lia nel conspet del Segner, *impromettend* da chaminar davo il Segner, e d' observar seis comandaments, e sias testimonianzas, e seis statuts con tuot il cour, e con tuot sia orma, mettand in effet ils plets della lia, scritta in quel cudesch.

32. E fet imprometter il medem a tuot quels, chi fütan chattats in Gerusalem ed in Benjamin; e 'ls abitants da Gerusalem fettan seguond la lia da Dieu, del Deis da lur babuns.

33. E Josia piglet via tuot las abominaziuns da tuot las contradas dels infants d' Israel, e suottamettet tuot quels, chi's chattettan in Israel a servir al Segner lur Deis. Tuot il temp della vita da Josia non as volvettan quels inavo dal Segner Deis da lur babuns.

CHAP. XXXV.

Josia celebra la pasqua. Non ais üna pasqua mâ stat celebrada con tal solennità, e purità. El ais mazzâ nella battaglia conter il rai d' Egipto.

MA * Josia fet la pasqua al Segner in Gerusalem, e quella füt şchannada nel quattordeschavel di del priim mais.

* 2 Reg. 23, 21. 22.

2. Ed el constituit ils sacerdots in lur offizis, ed el ils confermet pro 'l servezzen della chasa del Segner;

3. E dschet als levits, chi mossaiavan tuot Israel, ed *eiran* consacrats al Segner: Laschai pür l' archa sancta nella chasa, la quala Salomon, figl da David, rai d' Israel, ha edificâ; vus non avais *plü* da la portar sün las spadlas; uossa servi al Segner vos Deis, ed a seis pövel Israel;

4. E's disponi tras vossas chasas paternas, seguond vossas partizuns, * sco David, rai d' Israel, e Salomon, seis figl, han ordinâ per scrit.

* 1 Cron. 23 — 26.

5. E stat nel lö sanct, *per servir* a voss frars del pövel, partits tras chasas paternas, ed ad üna part dellas chasas paternas dels levits;

6. E şchannai la pasqua, e, dopo s' avoir santificats, schi apparechâ-

la a voss frars; acio ch'els *la fetschan*, seguond il pled del Segner, *dat* tras Mose.

7. E Josia presentet al comün pövel chi's chattet *qua*, bestiam manü, agnels, e boccets, in number da trentamilli, tuot per la pasqua, e trajamilli bovs, ils quals *eiran* della facultà propria del rai.

8. Seis principals officials fettan eir els liberalmaing preschaints al pövel, als sacerdots, ed als levits. Ed Hilechia, e Zaccaria, e Jehiel, conducturs della chasa da Dieu, dunettan als sacerdots per la pasqua, duamilli e sestschient *tanter agnels e boccets*, e trajatschient bovs.

9. E Canania, e Semaja, e Netaneel, seis frars, ed Hasabia, e Jegiel, e Jozabad, capos dels levits, presentettan als levits, per la pasqua, tschinchmilli *tanter agnels e boccets*, e tschinchtschient bovs.

10. Usche, siand il servezzen perdert, stettan ils sacerdots *guardand* oura lur offizi, e 'ls levits in lur partizuns, seguond il comandamaint del rai.

11. Lura la pasqua füt şchannada, e 'ls sacerdots, *retschevand* il sang dals mans da quels *chi şchannainan*, il spandaivan, e 'ls levits scorchaiavan *ils animals*;

12. E 'ls dand al comün pövel, parti tras chasas paternas, alvaiavan els via l' olocausto, per l' offerir al Segner, * seguond ch' ais scrit nel cudesch da Mose. Il sumgiant *faivan* els eir cols bovs.

* Lev. 3, 3.

13. E lura coschettan els la pasqua pro 'l fö, * seguond ch' ais ordinâ; ma coschettan *las otras vivandas* consacradas in cudêras, ed in avnas, ed in tests, e *las* tramettettan prestamaing a tuot il comün pövel.

* Ex. 12, 8. 9.

14. E lura quels apparechettan per sai, e per ils sacerdots; perche 'ls sacerdots, infants d' Aaron, *füttan fatschendats* fin la not in offerir ils olocausts, e 'ls grass; perquai ils levits apparechettan per sai, e per ils sacerdots, figls d' Aaron.

15. Ils chantadurs eir, figls d' Assaf, *staiavan guardand oura* lur offizi, seguond il comandamaint da David, e

d'Assaf, ed Heman, e da Jedutun, vident del rai, e 'ls portnêrs *staiavan* in scodina porta, e non stâiv' ad els da's far davent da lur ministeri, perche 'ls levits, lur frars, apparechaiavan ad els.

16. Usche füt in quel di ordinâ tuot il servezzen del Segner, per far la pasqua, e per offerir ils olocausts sur l'utêr del Segner, seguond il comandamaint del rai Josia.

17. E 'ls infants d'Israel chi 's chat-tettan, celebrettan in quel temp la pasqua, e la festa dels azims, per set dis.

18. E mâ non eira stat celebrâ in Israel pasqua simila a quaista, dal temp del profet Samuel; ed ingün dels rais d'Israel celebret *mâ* pasqua tala, quala celebret Josia, insembel cols sacerdotes, e cols levits, e con tuot Giuda, ed Israel, chi 's chattet, e cols abitants da Gerusalem.

19. Quaista pasqua füt celebrada l'an deschedottavel del reginam da Josia.

20. Dopo tuot quaistas chosas, cur Josia avet restabili l' uorden della chasa *del Segner*, * Neco, rai d' Egipto, muntet per far guerra in Carchemis, sper l'Eufrat, e Josia al get incoenter.

* 2 Reg. 23, 29.

21. Ma Neco al tramettet mess a dir *ad el*: Che *aise* tanter mai e tai, rai da Giuda? Eu non *sun* hoz *muntâ* conter tai, anzi conter la chasa chi'm da guerra, e Deis m' ha dit, ch' eu festina; interlascha da *t'opponer a* Dieu, il qual *ais* con mai; acio ch'el non at sdriia.

22. Ma Josia non as volvet *da seis* *proposit* dad ir conter quel; anzi 's stravestit per al dar battaglia, e non attendet als plets da Neco, *procedüts* dalla bocca da Dieu, e gnit nella champagna da * Megiddo, per al dar battaglia.

* Zac. 12, 11.

23. E 'ls balaistrêrs trettan sün il rai Josia. E 'l rai dschet a seis serviaints: Pigliâ 'm via *da qui*; perche eu sun grevamaing ferì.

24. E seis serviaints il piglettan giò dal charr, e 'l mettettan sün seis seguond charr, e 'l manettan in Gerusalem, ed el morit, e füt sepuli nellas sepultüras da seis babuns. E tuot

Giuda, e Gerusalem portettan lêd per Josia.

25. Geremia fet eir el plands sur Josia. E tuot ils chantadurs, e las chantatrices, han menzunâ Josia in lur plands fin in hoz, e 'ls han dats *a chantar* ad Israel, per statut, e mera, els sun scrits nellas lamentaziuns.

26. Ma, quant al rimanent dels fats da Josia, e sias ouvras prusas, seguond quai ch' ais scrit nella led-scha del Segner,

27. E seis fats prüms ed ultims; mera, quaistas *chosas sun* scrittas nel cudesch dels rais d' Israel, e Giuda.

CHAP. XXXVI.

A Josia succedan seis figls. Gerusalem col taimpel sdriüt, e 'l pövel manâ preschun in Babilon, il qual, davo settant' ans, vain turnantâ da Ciro, rai da Persia!

LUR' * il pövel del pajais piglet Joahaz, figl da Josia, e 'l constituit rai in Gerusalem, in lö da seis bap.

* 2 Reg. 23, 30.

2. Joahaz *eira* d' età da vainch e trais ans, cur el comanzet a regnar, e regnet trais mais in Gerusalem.

3. E 'l rai d' Egipto il deponit in Gerusalem, e mettet sù al pajais üna falla da tschient talents d' argient, e d' ün talent d' or.

4. E 'l rai d' Egipto constituit rai sur Giuda, e Gerusalem, Eliachim, frar da Joahaz, e 'l müdet il nom *in* Jojachim. Lura Neco piglet Joahaz, frar da quel, e 'l manet in Egipto.

5. Jojachim *eira* d' età da vainch e tschinch ans, cur el comanzet a regnar, e regnet ündesch ans in Gerusalem, e fet quai cha displaschet al Segner seis Deis.

6. E Nebucadnesar, rai da Babilon, muntet sù conter el, e 'l liet con duos chadainas d' aram, per il manar in Babilon.

7. Nebucadnesar portet eir davent dell' üsaglia della chasa del Segner in Babilon.

8. Ma, quant al rimanent dels fats da Jojachim, e sias abominaziuns, ch' el commettet, e quai cha füt chattâ in el; mera, quaistas *chosas sun* scrittas nel cudesch dels rais d' Israel, e da Giuda, e Jojachin, seis figl, regnet in seis lö.

9. * Jojachin *eira* d'età d'ot ans, cur el comanzeta regnar, e regnettrais mais e desch dis in Gerusalem, e fet quai cha displaschet al Segner. * 2 Reg. 24, 8.

10. Pelqual, in cheu del an, il rai Nebucadnesar tramettet al far manar in Babilon, insembel con plü üsaglia chara della chasa del Segner; e constituit rai sur Giuda, e Gerusalem, Sedechia, frar da quel.

11. * Sedechia *eira* d'età da vainchün an, cur el comanzet a regnar, e regnet ündesch ans in Gerusalem;

* 2 Reg. 24, 18. Ger. 52, 1.

12. E fet quai cha displaschet al Segner seis Deis, e non s' ümiliet tras il profet Geremia, *chi tschantschaiva* da parte della bocca del Segner;

13. * Ed eir as rebellet el conter il rai Nebucadnesar, chi 'l avaiava fat gürar tras *il nom da Dieu*; ed indürit seis colöz, e fermet seis cour, per non as convertir pro 'l Segner Deis d' Israel.

* Ez. 17, 15, 18.

14. Tuot ils capos dels sacerdots, e 'l pövel commettettan eir quels blers e blers misfats, seguond tuot las abominaziuns dels pövels, e contaminettan la chasa del Segner, la qual' el avaiava santificâ in Gerusalem.

15. * E 'l Segner, Deis da lur buns, tramettaiv' ogni mattina als *admonir* tras seis mess; (perche el schaniaiva seis pövel, e seis abitacul).

* Ger. 25, 3, 4.

16. Ma quels faivan beffa deis mess da Dieu, e spretschaivan ils mess da quel, e faivan giamgias da seis profets; tal cha l' ira del Segner s'inflammet in tala maniera conter seis pövel, cha *qua* non *füt plü* remedi alchün.

17. Ed el fet muntar sü conter els il

rai dels Caldeers, il qual mazzet lur giuvens con la spada, nella chasa da lur santuari, e non schaniet, ne giuven, ne vergina, ne vegl, ne decrepit; ed ils det tuots in man da quel;

18. Ed insembel tuot l' üsaglia della chasa da Dieu, pitschn' e granda, e 'ls tesors della chasa del Segner, e 'ls tesors del rai, e da seis princis; el fet portar tuot quai in Babilon.

19. E 'ls Caldeers ardettan la chasa da Dieu, e disfettan la müraglia da Gerusalem, ed ardettan col fö tuot seis palazzis, e dazipettan tuot sia la plü char' üsaglia.

20. E 'l rai dels Caldeers manet in preschun in Babilon quels chi eiran scampats via dalla spada, e füttan seis famagls, e da seis figls, fin cha 'l reginam da Persia obtgnet l' imperi;

21. (Acio * cha 'l pled del Segner, *pronunziâ* tras la bocca da Geremia, as compliss); tant cha la terra's complaschaiva in seis sabbats; tuot il temp ch' ella restet desolada, ella poset; fin cha füssan complits settant' ans.

* Ger. 25, 11, 26, 6, 7.

22. Ma nel prüm an da Ciro, rai da Persia, (acio chi's compliss il pled del Segner, *pronunziâ* tras la bocca da * Geremia,) sdasdet il Segner sü il spiert da Ciro, rai da Persia, ed el fet ir a clamar oura per tuot seis reginam, eir con chartas, dschand: * Esr. 1, 1.

23. Usche ha dit Ciro, rai da Persia: Il Segner, Deis del tschel, m' ha dat tuot ils reginams della terra; el m' ha eir miss sü d' edificar üna chasa in Gerusalem, ch' *aïs* in Giudea. Chi, tanter vus, *aïs* del univers seis pövel? Il Segner seis Deis *saja* con el, e * ch' el tuorna darcheu là.

* Esr. 1, 3.

IL CUDESCH

DAD

ESRA.

CHAP. I.

Il rai Ciro permetta als Giudeus da turnar darcheu a Gerusalem, e da reedifichar il taimpel.

NEL * prüm an da Ciro, del rai da Persia, acio cha's compliss il pled del Segner, *pronunziâ* tras la bocca

da Geremia, sdasdet sü il Segner il spiert da Ciro, del rai da Persia, ed el fet clamar oura tras tuot seis reginam, eir tras chartas, dschand:

2 Cron. 36, 22.

2. Usche disch Ciro, il rai da Persia:

Il Segner, Deis del tselhel, m' ha dat tuot ils reginams della terra; el m' ha eir ordinâ, da l' edificar üna chasa in Gerusalem, chi *ais* in Giudea.

3. Chi da vus *ais* da seis pövel; seis Deissaja con el, e ch' el tuorna darcheu a Gerusalem, ch' *ais* in Giudea, ed edifica la chasa del Segner, Deis d' Israel, *ch'* *ais* il Deis a Gerusalem.

4. E scha l'ais alehün, in qualunque lö ch' el dmura, chi resta, schi 'l dessan la gliend da seis lö güdar con or, e con argient, e con facultà, e con bestias da ftüra; con qualch' offerta voluntaria per la chasa da Dieu a Gerusalem.

5. Lur' ils capos dellas *schlattas* da Giuda, e da Benjamin, e 'ls sacerdots, e 'ls levits, insembel con tuot quels, als quals Deis sdasdet il spiert da turnar inavo, per reedificar la chasa del Segner, chi *ais* in Gerusalem, as mettettan in viadi.

6. E tuot ils vashins dapertuot in tuorn als subministrettan con vashella d' argient, con or, con facultà, e con bestias da ftüra, e con chosas preziasas; ultra tuot quai, cha füt offert voluntariamaing.

7. Il rai Ciro rendet eir l' üsaglia della chasa del Segner, * la quala Nebucadnesar avaiva manâ davent our da Gerusalem, e tshantâ nella chasa da seis dieu.

* 2 Reg. 24, 13.

8. Ciro, il rai da Persia, la rendet in man da Mitredat, del tesorer, e quel la consignet per nomber a Sesbasar, al principi da Giuda.

9. E quaist *eir'* il nomber da quella, trenta batschigls d' or, milli batschigls d' argient, vainch e nouv curtels;

10. Trenta coppas d' or, quattertschient e desch coppas d' argient da seguonda buntà, e milli oters vashels.

11. Da tuot quaista vashella d' or, e d' argient *eira il nomber* tschinchmilli e quattertschient. Sesbasar la piglet con el, cur quels, chi eiran in preschun, füttan conduits our da Babilon a Gerusalem.

CHAP. II.

Descripziun da quels chi turnettan ils prüms a Gerusalem. L' or, e l' argient offert per reedificar il taimpel.

E * quaists *sau* ils homens della provinza, chi turnettan inavo dalla

preschun, our dalla blierira, cha Nebucadnesar, il rai da Babilon, avaiva manâ in preschun in Babilon; els turnettan darcheu in Gerusalem ed in Giudea, scodün pro sia città, * Neh. 7, 6.

2. Ils quals gnittan con Zerubabel: Jesua, Nehemia, Seraja, Reelja, Mardachai, Bilsan, Mispar, Bigevai, Rehüm, e Baena. Il nomber dels homens del pövel d' Israel *füt quaist*:

3. Ils figls da Pareos *füttan* duamilli e tschient settant' e duos.

4. Ils figls da Sefatia trajatschient settant' e duos.

5. Ils figls d' Ara settschient settant' e tschinch.

6. Ils figls da Pahat-Moab, *partits* nels figls da Jesua e da Joab, duamilli ottschient e dudiesch.

7. Ils figls d' Elam milli duatschient tschinqvant' e quatter.

8. Ils figls da Zatu nouvtschient quarant' e tschinch.

9. Ils figls da Zaccai settschient sesanta.

10. Ils figls da Bani sestschient quarant' e duos.

11. Ils figls da Bebai sestschient e vainch e trais.

12. Ils figls d' Azgad milli duatschient e vainch e duos.

13. Ils figls d' Adonicam sestschient sesant' e ses.

14. Ils figls da Bigevai duamill' e tschinqvant' e ses.

15. Ils figls d' Adin quattertschient tschinqvant' e quatter.

16. Ils figls d' Ater, per Hischia novant' ot.

17. Ils figls da Besai trajatschient e vainch e trais.

18. Ils figls da Jora tschient e dudiesch.

19. Ils figls d' Hasum duatschient e vainch e trais.

20. Ils figls da Gibbar novant' e tschinch.

21. Ils figls da Betlehem tschient e vainch e trais.

22. Ils homens da Netofa tschinqvant' e ses.

23. Ils homens d' Anatot tschient e vainch ot.

24. Ils homens d' Azmavet quarant' e duos.

25. Ils homens da Chiriatarim, da Casira, e da Beerot, settschientquarant' e trais.

26. Ils homens da Rama, e da Geba, sestschient e vainch ün.

27. Ils homens da Micmas tschient e vainch e duos.

28. Ils homens da Bètel, ed Ai, duatschient e vainch e trais.

29. Ils figls da Nebo tschinquant' e duos.

30. Ils figls da Magbis tschient tschinquant' e ses.

31. Ils figls d' ün oter Elam mill' e duatschienttschinquant' e quatter.

32. Ils figls d' Harim trajatschient e vainch.

33. Ils figls da Lod, d' Hadid, e d' Ono, setttschient e vainch e tschinch.

34. Ils figls da Gerico trajatschientquarant' e tschinch.

35. Ils figls da Senaa trajamillises-tschieint e trenta.

36. Dels sacerdots: Ils figls da Jedaja, della famiglia da Jesua, nov-tschieintsettant' e trais;

37. Ils figls d' Immer mill' e tschinquant' e duos.

38. Ils figls da Pashur mill' e duatschient quarant' e set;

39. Ils figls d' Harim milli e deschet.

40. Dels levits: Ils figls da Jesua, e da Cadmiel, intanter ils figls d' * Hodavia, settant' e quatter. * Neh. 7, 43.

41. Dels chantadurs: Ils figls d' Asraf, tschieint e vainch ot.

42. Dels figls dels portnêrs: Ils figls da Sallum, il figls d' Ater, ils figls da Talmon, ils figls d' Acub, ils figls d' Hatita, ils figls da Sobai; in tuot tschieint e trent' e nov.

43. Dels * netins: Ils figls da Siha, ils figls d' Hasufa, ils figls da Tabaot,

44. Ils figls da Cheros, ils figls da Sieha, ils figls da Padon, * 1 Cron. 9, 2.

45. Ils figls da Lebana, ils figls d' Hagaba, ils figls d' Acub,

46. Ils figls d' Hagab, ils figls da Samlai, ils figls d' Hanan,

47. Ils figls da Giddel, ils figls da Gahar, ils figls da Reaja,

48. Ils figls da Resin, ils figls da Necoda, ils figls da Gazam,

49. Ils figls d' Uza, ils figls da Pazea, ils figls da Besai,

50. Ils figls d' Asna, ils figls da Meunim, ils figls da Nefusim,

51. Ils figls da Bacbuc, ils figls d' Hacusa, ils figls d' Harhur,

52. Ils figls da Bazelut, ils figls da Mehida, ils figls d' Harsa,

53. Ils figls da Barcos, ils figls da Sissera, ils figls da Tama,

54. Ils figls da Nesia, ils figls d' Hatifa;

55. Dels figls dels * famagls da Salomon: Ils figls da Sotai, ils figls da Soferet, ils figls da Pruda; * 1 Reg. 9, 21.

56. Ils figls da Jaela, ils figls da Darcon, ils figls da Giddel,

57. Ils figls da Sefatia, ils figls d' Hattil, ils figls da Pocheret-Hassebaim, ils figls d' Ami;

58. Tuot ils netins, e 'ls figls dels famagls da Salomon *füttan* trajatschientnovant' e duos.

59. Ma quaists gnittan sü da Telmela e da Telharsa, Cherub-Adian, ed Immer, els non podettan demonstrar lur chasa paterna, ne lur sem, cha *füssan* d' Israel.

60. *Sco eir* ils figls da Delaja, ils figls da Tobia, ils figls da Necoda, *in number* da sestschient tschinquant' e duos.

61. Edels figls dels sacerdots: Ils figls d' Abaja, ils figls da Hacos, ils figls da Barzillai, il qual piglet per muglier üna dellas figlias da * Barzillai, del Gileadit, e füt nominâ da seis nom.

* 2 Sam. 17, 27.

62. Quaists tscherchettan lur noms tanter ils nombrats nellas genealogias, ma non *füttan* chattats; dinuonder *füttan* artgnüts dal sacerdotadi, sco personas nonconsacradas.

63. E'l Tirsata dschet ad els, cha non mangian dellas chosas santissimas, * fin cha's presantess ün sacerdot con urim, e tumnim.

* Num. 27, 21.

64. Quaista raspada, tuot insembel, *eiru* da quarantadumilli trajatschientsesanta;

65. Ultra lur famagls, e fantschellas, *in number* da setmill' e trajatschient e trent' e set. Tanter quels *eiran* duatschient chantadurs, e chantatrizas.

66. Lur chavals *eiran* setttschient e

trent' e ses; lur müls duatschientquarant' e tschinch.

67. Lur chamêls quattertschient e trent' e tschinch; ils asens sesmilli settschient e vainch.

68. E *qualchins* tanter ils capos dellas *famiglias* paternas, cur els fütan rivats pro la chasa del Segner, chi *ais* in Gerusalem, fettan ün' offerta voluntaria per la chasa da Dieu, per la metter dacheu in pè;

69. E dettan nel tesor della fabrica, seguond lur podair, sesant' ün milli drachmas d' or, e tschinchmilli minas d' argent, e tschient rassas da sacerdots.

70. E'ls sacerdots, e'ls levits, e quels del pövel, e'ls chantadurs, e'ls portnêrs, e'ls netins, abitetan in lur cittats; eir tuot Israel *abitet* in sias cittats.

CHAP. III.

Il pövel as renda in Gerusalem. La chasa del Segner ais comanzad' a gnir reedifichada. Ils vegls planschan, veziant il fondamaint del taimpel.

MA, cur il settavel mais füt approssimâ, *abitand* ils infants d' Israel in *lur* cittats, as raspet il pövel concordamaing a Gerusalem.

2. Lura Jesua, il figl da Josadac, alvet sü con ils sacerdots, seis frars, e Zerubabel, il figl da Sealtiel, con seis frars, e reedifichettan l' utêr del Deis d' Israel, per offerir sün quel ils olocausts; sco ais scrit * nella led-scha da Mose, del hom da Dieu.

* Deut. 12, 5.

3. Els drizzettan sü l' utêr in sia sede; perche els avaivan surgni spavent dals pövels dels pajais *vicins*; ed offerittan sün quel olocausts al Segner; ils olocausts della mattina, e della saira.

4. Els celebrettan eir la festa dels tabernaculs, sco l' ais scrit, ed *offerittan* olocausts, per scodün di in *tschert* number, seguond ch' ais ordinâ sün imminchadi.

5. E, davo quaist, *offerittan* els l' olocausto contin, e quels dellas * chalandas, e da tuot las festas solennas del Segner, chi sun santifichadas, e quels da tuot quels, ch' offerivan alchün' offerta voluntaria al Segner.* Num. 28, 11.

6. Dal prüm di del settavel mais comanzettan els ad offerir olocausts al Segner; ma il fondamaint del taimpel del Segner non eir' *amo* tschantâ.

7. E quels dettan danêr a taglia-peidras, ed a maranguns; dettan eir victualia, e bavranda, ed öli, als * Sidoniers, ed als Tirers, per portar lainam da ceder dal Libano pro'l mâr da Joppe; seguond la concessiun cha Ciro, il rai da Persia, avevaiva fat ad els.

* 1 Reg. 5, 6.

8. E nel seguond an, davo cha fütan rivats pro la chasa da Dieu a Gerusalem, nel seguond mais, Zerubabel, il figl da Sealtiel, e Jesua, il figl da Josadac, e'l rimanent da lur frars, sacerdots e levits, e tuot quels chi eiran gnüts dalla preschun a Gerusalem, comanzettan a *refar* il taimpel, e constituittan levits, dall' età da vainch ans in sü, per survagliar il lavurêr della chasa del Segner.

9. E Jesua, e seis figls e frars, e Cadmiel, con seis figls, infants da Giuda, d' ingual consens eiran presaints, per survagliar quels chi lavuraivan pro l' ouvra della chasa da Dieu; sco eir ils figls d' Hanadad, e lur figls e frars, ils levits.

10. Ma, tschantand ils edificadurs il fondamaint del taimpel del Segner, schi's fetta star *qua* presaints ils sacerdots, vestits *con lur vestimainta*, con trombettas, e'ls levits, ils figls d' Assaf con cimbals, per lodar il Segner, seguond l' uorden da David, del rai d' Israel;

11. E chantaivan, cura l' ün, cura l' oter, lodand, e celebrand il Segner, e *dschand*: * Ch' el *ais* bun, cha sia benignità *ais* in eterno sur Israel. E tuot il pövel faiva grand bragizi, lodand il Segner, cha'l fondamaint della chasa del Segner füss tschantâ.

* 2 Cron. 7, 3.

12. Ma blers dels sacerdots, e dels levits, e dels capos dellas *famiglias* paternas, *chi eiran* vegls, ed avaivan vis la prüma chasa in pè, aviand quaista chasa avant lur ögls, eridai-van con grand bragizi, intant cha blers oters ozaivan la vusch con giüvel d' allegrezza;

13. E'l pövel non podaiva discernen

la vusch del bragizi d' allegrezza our dalla vusch del eridar del pövel; perche 'l pövel faiva grand bragizi, e la vusch füt udida dalönsch.

CHAP. IV.

Ilis inimis dels Güdeus tscherchan da disturbar con ingian l'ouвра del taimpel. Ais impedida fin al reginam da Dario.

ED ils inimis da Giuda, e Benjamin, aviaand incelet, cha quels, chi eiran stats in preschun, reedifichaiyan il taimpel al Segner Deis d' Israel,

2. As approsmettan nan pro Zerubabel, e pro 'ls capos dellas *famiglias* paternas, e dschettan ad els: *Laschai* cha edificans con vus, perche nus desiderain da retscherchar vos Deis, sco vus; ed eir nus al sacrificchain dal temp d' Asarhaddon, del rai dels Assiriers, innan, il qual ans ha fat gnir qui.

3. Ma Zerubabel, e Jesua, e 'ls oters capos dellas *famiglias* paternas d' Israel, respondettan ad els: E non convain a vus, d'edificar con nus la chasa a nos Deis; ma nus sulets volain edificar *la chasa* al Segner Deis d' Israel, sco Ciro, il rai da Persia, ann ha comandâ.

4. Qua il pövel del pajais faiva gnir debels ils mans del pövel da Giuda, e 'l stramantaiva da fabrichar.

5. Ultraquaidaivanelspaja a tscherts cosglêrs, conter ils Güdeus, per rumper lur cossagl, e *quaist diüret* tuot il temp da Ciro, del rai da Persia, e fin al reginam da Dario, del rai da Persia.

6. E suot il reginam d' Ahasvero, al principi da quel, scrivettan els ün'achüsa conter ils abitants da Giuda, e da Gerusalem.

7. Edavo quai, al temp d' Artasasta, scrivettan Bislam, Mitredat, Tabeel, e 'ls oters seis collegas, ad Artasasta, al rai da Persia; e la scrittüra e la lingua della charta *eira* Siriaca.

8. Rehum, il president del cossagl, e Simsai, il secretari, scrivettan üna charta al rai Artasasta contra Gerusalem, da quaist tenor:

9. Lura Rehum, il president del cossagl, e Simsai, secretari, e 'ls oters lur collegas, da Dina, ed Afarsatcha, da Tarpela, Persia, Arach, Babilon, Susan, Deha, ed Elam,

10. E 'ls oters pövels, cha 'l grand e glorius Osnapper avaiya stramüdâ d'abitaziun, e fat avdar nella città da Samaria, e 'ls oters da là del flüm, etc. *scrivettan al rai Artasasta.*

11. Quaist ais il tenor della charta, ch' els tramettettan al rai Artasasta: Teis serviaints, ils homens da qua del flüm, etc.

12. Il rai sapcha, cha 'ls Güdeus, chi sun gnüts davent da tai pro nus, sun rivats a Gerusalem, e reedifichan quella città rebella, e mala, e refan interamaing la müraglia, e restitu-eschan ils fondamaints.

13. Uossa sapch' il rai, cha scha quaista città ais reedifichada, e sias müraglias sun refattas, schi non pajaran quels plü, ne tribut, ne taglia, ne dazi; ed usche porterà *quella città* dan allas intradas regalas.

14. Uossa, siand nus eschan salariats del palazzi, e quai non ais chossa a nus conveniainta da vair, cha 'l rai saja spretschâ; perquai avain nus tramiss, e fain a savair *il fat* al rai,

15. Acio cha vegna tscherehâ nel cudesch dellas memorias da teis antecessurs, schi vainst tû a chattar, e cognoscher, cha quaista città *ais* üna città rebella, e dannaiyla als rais, ed allas provinzas, e cha agiâ da vegl nan as fettan laint congiuras; per la quala causa ella füt sdrütta.

16. Nus fain a savair al rai, cha, scha quaista città ais reedifichada, e sias müraglias sun refattas, la part *dels stadis* da qua del flüm non sarà plü tia.

17. Il rai tramettet quaista risposta: A Rehum, il president del cossagl, ed a Simsai, il secretari, ed als oters lur collegas, abitants in Samaria, ed a *tuot* ils oters da là del flüm, salüds, etc.

18. La charta, cha vus ans avais tramiss, ais statta splajad'oura, e letta in presenza mia;

19. E, tras meis comand, s' ha tscherehâ, e chattâ, cha quaista città agiâ da vegl nan as sollevaiv' incoenter ils rais, e cha qua's fettan rebelluins, e congiuras;

20. E ch' ünsacura eiran rais potaints in Gerusalem, ils quals signoraivan

sur tuot *il pajais* da là del flüm, e cha gnivan ad els pajats tributs, taglias, e dazzis.

21. *Contuot* ordinai uossa da far desister quel pövel, cha quaista città non vegna reedifichada, fin cha da mai saja decretà *otramaing*.

22. E s'inguardai in quaist da non far fal; perche dess ün laschar crescher il mal a dan dels rais?

23. Lura, quantbod cha'l tenor dellas chartas del rai Artasasta füt let in presenza da Rehum, e da Simsai, il secretari, e da lur collegas, schi gettan quels subit a Gerusalem, pro'ls Güdeus, e 'ls fettan desister con man potaint.

24. Da quel temp füt interlaschada l'ouvra della chasa da Dieu a Gerusalem, e restet *usche* interlaschada fin al segund an del reginam da Dario, del rai da Persia.

CHAP. V.

Zerubabel, e Jesua comanzettan a reedifichar il taimpel. Tatnai, e seis compagns vöglan impedir l'edifizì.

LUR' il profet * Haggai, e † Zaccaria, il figl d' Iddo, ils profets, *tramiss* pro'ls Güdeus in Giuda, ed in Gerusalem, profetizettan ad els nel nom del Deis d' Israel. * Ag. 1, 1. † Zac. 1, 1.

2. E Zerubabel, il figl da Sealtiel, e Jesua, il figl da Josadac, as fettan sü, e comanzettan dareheu ad edificar la chasa da Dieu in Gerusalem, e con els ils profets da Dieu, ils quals als assistivan.

3. In quel temp gnit pro els Tatnai, il governatur da qua del flüm, e Starboznai, e lur collegas, edschettan ad els usche: Chi's ha ordinâ d' edificar quaista chasa, e da refar quaista müraglia?

4. Lura respondettan nus ad els sün quai, *dschand ad els* ils noms da quels, chi edificaivan quaist edifi.

5. Ma, *siand* l'ögl da lur Deis *eira* sur ils seniurs dels Güdeus, non ils fettan *quels* desister, fin cha'l fat gnit manâ avant Dario, e lura rapportettan els chartas sur quai.

6. Il tenor dellas chartas, las qualas Tatnai, governatur da qua del flüm, e Starboznai, e seis collegas

d' Afarsach, da qua del flüm, tramettettan al rai Dario.

7. *In quellas* al tramettettan els il fat. Ed usche eira scrit: Al rai Dario ogni salüd!

8. Il rai sapcha, cha nus eschan its nella provinza della Giudea, pro la chasa del grand Deis, la quala vain edificada con peidras polidas; ed *agiâ* sun las paraits intabladas, e quaist'ouvra vain fatta in prescha, e's avanza nels mans da quel pövel.

9. *Aviand vis quai*, avain nus domandâ quels seniurs, e 'ls avain dit usche: Chi's ha ordinâ d' edificar quaista chasa, e da refar quaista müraglia?

10. Ils avain eir domandâ ils noms da quels, per t' ils far a savair, acio cha nus at scrivessan ils noms da quels, *chi sun* lur principals.

11. E quels ans han dat quaista risposta, dschand: Nus eschan serviants del Deis del tschel, e della terra, e reedifichain la chasa, la qual' eira statt' edificada vi avant *agiâ* bliers ans; la qual' ün grand * rai d' Israel avaiu' ünsacura edificâ, e compli;

* 1 Reg. 6, 1.

12. Ma, davo cha noss babuns avettan provocâ pro ira il Deis del tschel, * schi'ls det el in mans da Nebucadnesar, del rai da Babilon, del Caldeer, il qual sdrüet quaista chasa, e manet in preschun il pövel da quella a Babilon.

* 2 Reg. 24. 25.

13. Ma al prüm an da Ciro, del rai da Babilon, * ordinet el, cha quaista chasa da Dieu füss reedifichada.

* Es. 1, 1. 1, 7.

14. Ed eir * il rai Ciro piglet our dal taimpel da Babilon la vashella d'or, e d'argient della chasa da Dieu, la quala Nebucadnesar avaiu levâ our dal taimpel a Gerusalem, e portata nel taimpel da Babilon, e quella füt datta ad ün, nomnâ Sesbasar, il qual Ciro avaiu constitui governatur.

* Es. 1, 9.

15. E Ciro dschet ad el: Piglia quaista vashella, e vâ, e port-la dareheu nel taimpel a Gerusalem, e saja la chasa da Dieu reedifichada in seis lö.

16. Lura quaist Sesbasar gnit, e tschantet ils fondamaints della chasa

da Dieu a Gerusalem, e da quel temp fin ad uossa vain ella edifichada, e non *ais amo* complida.

17. Uossa dimena, scha quaiست plaseh' al rai, schi cha vegna tscherchâ nella chasa dels tesors del rai a Babilon, scha l'ais *vaira*, cha da Ciro saja fat comand, cha quaista chasa da Dieu gniss reedifichada a Gerusalem, e cha'l rai ans trametta sia voluntà davart quaiست.

CHAP. VI.

L'edict da Ciro vain chattâ, e tramiss als Gûdeus; els van inavant con l'edifici; quel vain furni, e consacrâ. La pasqua vain celebrada.

SÛN quai il rai Dario ordinet, cha's tschercha nel archiv, nel lö, ingio's mettaiva ils tesors a Babilon.

2. E füt chattâ in Ameta, nel palazzi regal, chi *eira* nella provinza da Media, ün eudesch, nel qual eira scrit quaiست memorial:

3. L'an prüm del rai Ciro, ordinet il rai Ciro quanto la chasa da Dieu a Gerusalem, cha quella dess gnir reedifichada, per esser ün lö, ingio as sacrificha sacrificzis, e cha seis fondamaints *füssan* saldats, e fermes, e cha sia otezza *füss* da sesanta bratschs muots, e sia lunghezza *medemmamaing* sesanta bratschs muots;

4. E cha qua *füssan* trais soulas da peidras polidas, ed üna soula da travs novas, e cha la spaisa *füss* furnida dal palazzi del rai;

5. Ed eir l'üsaglia d'or, e d'argient della chasa da Dieu, la quala Nebucadnesar avaiava tut our dal taimpel da Gerusalem, e portâ in Babilon, dess gnir restituida, e portada in lur lö, nel taimpel da Gerusalem, e *füss* tschantada nella chasa da Dieu.

6. Ed nossa, Tatnai, governatur da là del flüm, e Starboznai, e lur collegas d' Afarsach, chi *eschat* da là del flüm, as retrat davent da quaiست,

7. E laschai *continuar* l'ouвра da quaiста chasa da Dieu, cha'l governatur dels Gûdeus, e lur seniurs, reedifican quaiста chasa da Dieu in seis lö.

8. E, circa quai, cha vus avais da far invers quaiست seniurs dels Gûdeus, per reedificar quaiста chasa da Dieu, ordain eu, cha dellas intradas del

rai, *cha's tira* dals tributs da là del flüm, saja la spaisa prontamaing furnida a quels homens; acio cha non sajan fermats;

9. E cha saja dat ad els da di in di, sainz' alehün fal, quai cha sarà necessari, bovs, e bümatschs, ed agnels, per *far* olocausts al Deis del tschel, e gran, sal, vin, ed öli; seguond cha dscharan ils sacerdots chi *sun* in Gerusalem;

10. Acio ch'els offerran sacrificzis d'amabl'odur al Deis del tschel, e cha rouvan per la vita del rai, e da seis figls.

11. Ed eir ais fat ün decret da mai, cha, sch' alehün fa otramaing, schi'l saja tutta üna trav giò da sia chasa, e saj'-la drizzada sü, e ch'el saja quailasura fat morir, e cha our da sia chassa saja fat ün aldümêr per quaiست motiv.

12. E Dieu, chi ha stazionâ qua seis nom, sdrüa ogni rai, e pövel, chi vain a metter il man, per müdar quaiست, e per disfar danöv quaiста chasa da Dieu a Gerusalem. Eu, Dario ha fat quaiست decret; saja'l sainza surtrar miss in esecuziun.

13. Lura Tatnai, il governatur da qua del flüm, e Starboznai, e lur collegas, siand cha'l rai Dario als avaiava tramiss ün tal comand, schi'l eseguitan els prontamaing.

14. E 'ls seniurs dels Gûdeus edificettan, ed avanzettan l'*ouвра*, seguond la profezia del profet Haggai, e da Zaccaria, del figl d'Iddo. Quels dimena edificettan, e complittan l'edifici tras comandamaint del Deis d'Israel, e tras uorden da Ciro, da Dario, e d'Artasasta, del rai da Persia.

15. E quaiста chasa füt finida il terz di del mais adar, l'an ses del reginam del rai Dario.

16. E 'ls figls d'Israel, ils sacerdots, ils levits, e 'ls oters da quels chi eiran stats in preschun, celebrettan * la dedicaziun da quaiста chasa da Dieu con allegrezza.

* 1 Reg. 8, 63.

17. E per la dedicaziun da quaiста chasa da Dieu offerittan els tschient trims, duatschient bümatschs, e quattertschient agnels, e per *sacrificzi* per il pucha da tuot Israel, dudesch boes,

seguond il number dellas schlattas d' Israel.

18. Ed els costituittan ils sacerdots in lur uordens, e 'ls levits in lur divisiuns, per far il servezzen da Dieu, chi *abita* in Gerusalem, * seguond ch' ais scrit nel eudesch da Mose.

* Num. 3. 4 chap.

19. Lura quels chi eiran stats in preschun fettan la pasqua, al quattordeschavel di del prüm mais.

20. Perche ils sacerdots, e 'ls levits s' avaivan purifichats d' ingual consens, ed *eiran* tuots nets, e schannettan la pasqua per tuot quels, chi eiran stats in preschun, e per ils sacerdots, lur frars, e per sai stess.

21. Usche ils infants d' Israel, chi eiran darcheu turnats dalla preschun, e tuot quels, chi 's avaivan rendüts pro els, as separand dalla contaminaziun dels pövels del pajais, per tscherchar il Segner Deis d' Israel, mangettan *la pasqua*,

22. E celebrettan la festa dels azims set dis con allegrezza; perche il Segner ils avaiv' allegrats, aviand vout vers els il cour del rai d' Assiria, per dar ad els agüd, e favur, nell' ouvra della chasa da Dieu, del Deis d' Israel.

CHAP. VII.

Esra vain da Babilon a Gerusalem, La copia dellas chartas d' Artasasta, dattas ad Esra.

Edavo quaistas chosas, suot il reginam d' Artasasta, del rai da Persia, Esra, il * figl da Seraja, figl d' Azaria, figl d' Hilechia, * 1 Cron. 6. 14.

2. Figl da Sallum, figl da Sadoc, figl d' Ahitub,

3. Figl d' Amaria, figl d' Azaria, figl da Merajot,

4. Figl da Zerahia, figl d' Uzi, figl da Buchi,

5. Figl d' Abisua, figl da Pinehas, figl d' Eleazar, figl d' Aaron, del grand sacerdot;

6. Quel Esra turnet darcheu da Babilon, (ma l' eira scrivant, exercitâ nella ledscha da Mose, la quala il Segner Deis d' Israel avaiva dat), e 'l rai al det tuot quai ch' el domandet, seguond cha 'l * man del Segner, seis Deis *eira* sur el. * 1 Cron. 9. 2.

7. E con el turnettan a Gerusalem qualchüns dels infants d' Israel, e dels

sacerdots, e dels levits, e dels chantadurs, e dels portnêrs, e dels netins, l' an set del rai Artasasta.

8. Ed el rivet a Gerusalem al quint mais del settavel an del rai;

9. Perche al prüm di del prüm mais füt il principi della partenza da Babilon, ed al prüm di del quint mais rivet el a Gerusalem, seguond cha 'l man del Segner eira bun sur el.

10. Perche Esra avaiva dispost seis cour, per retscherchar la ledscha del Segner, e per l' eseguir, e per mossar ils statuts, e las ledschas in Israel.

11. Ma quai *ais* il tenor dellas chartas, cha 'l rai Artasasta det ad Esra, il sacerdot, e scrivant, scrivant dels pleds dels comandamaints del Segner, e da seis statuts, *dats* ad Israel:

12. Artasasta, il rai dels rais, ad Esra, il sacerdot, e scrivant della ledscha del Deis del tschel, compli salüd, etc.

13. Da mai ais stat fat ün decret, cha tuot quels intanter il pövel d' Israel, e da lur sacerdots, e dels levits in meis reginam, chi 's disponan voluntariamaing d' ir a Gerusalem, ch' els gïajan con tai;

14. Perche tü vainst tramiss dal rai, e da seis set cosglêrs, per t' informar in Giuda, ed in Gerusalem davart la ledscha da teis Deis, cha tü hast in man;

15. E per portar l' argient, e l' or, cha 'l rai, e seis cosglêrs voluntariamaing han offert al Deis d' Israel, l' abitaziun del qual *ais* Gerusalem;

16. E tuot l' argient, e l' or, cha tü chatterast in tuot la provinza da Babilon, insembel con las offertas voluntarias del pövel, e dels sacerdots, cha vegnan a far per la chasa da lur Deis a Gerusalem;

17. Acio cha tü cumprast con quel danêr prontamaing trims, bümatsehs, ed agnels, insembel con lur offertas da spaisa, e da spander, e cha tü las offerrast sün l' utêr della chasa da vos Deis a Gerusalem.

18. E con il rimanent del or, e del argiênt, fâ quai cha vain a parair bain a tai, ed a teis frars, seguond la voluntà da vos Dieu.

19. El l' üsaglia, chi t' ais datta per

il servezzen della chasa da teis Deis, tschaint'-la nel conspet del Deis da Gerusalem.

20. E las otras chosas necessarias per la chasa da teis Deis, las qualas averast da furnir, las dessast furnir our dalla chambra del rai.

21. Ed eu Artasasta, il rai, ordain a tuot vus tesorêrs, chi eschat da là del flüm, cha tuot quai cha 'l sacerdot Esra, il scrivant della ledscha del Deis del tschel, vain as giavütschar, saja fat subit;

22. Fin a tschient talents argient, e fin a tschient cors gran, e fin a tschient bats vin, e fin a tschient bats öli, e sal sainza *quantità* prescritta.

23. Tuot quai ch'ais comandamaint del Deis del tschel, circa sia chasa, saja fat prontamaing; per cha non saja indignaziun conter il reginam, il rai, e seis figls.

24. As fain, ultra quai, a savair, ch'ingün non haja autorità da metter sü tribut, taglia, o dazzi ad alchün sacerdot, o levit, o chantadur, o portnêr, o netin, o *oter* minister da quaista chasa da Dieu.

25. E tü, Esra, seguond la sapienza da teis Deis, cha tü hast in man, constituescha recturs, e güdischs, ils quals güdichan tuot quel pövel, chi *ais* da là del flüm, cioè tuot quels, chi han cognoschenscha dellas ledschas da teis Deis, ed ammass-*las* a quels, chi non *las* saveran.

26. E, scha füss alchün, chi non mett' in ouvra la ledscha da teis Deis, e la ledscha del rai, schi subit saja fat güstia con el, o tras mort, o tras bando, o tras falla in danêr, o tras preschun.

27. Benedi saj' il Segner Deis da noss babuns, il qual ha miss üna tala chosa nel cour del rai, per onorar la chasa del Segner a Gerusalem;

28. Ed ha fat, ch'eu ha chattà benignità pro'l rai, e pro seis cosglêrs, e pro tuot seis potaints princips. Eu dimena, m'aviand fortifichâ, seguond cha'l man del Segner meis Deis *eira* sur mai, raspet ils capos d'Israel, acio ch'els turnessan con mai.

CHAP. VIII.

Descripziun da quels chi turnettan con Esra. El celebra il gegüni. Siand rivats a Gerusalem, gnittan quellas chosas missas nella chasa da Dieu.

E quaists *sun* ils capos dellas *famiglias* paternas, e quaista *ais* la descripziun, las genealogias da quels, chi turnettan con mai da Babilon, al *temp* del reginam del rai Artasasta.

2. Dels figls da Pinehas, Gersom; dels figls d'Itamar, Daniel; dels figls da David, Hattus;

3. Dels figls da Secania, *il qual eira* dels figls da * Pareos, Zaccaria, e con el, fand la descripziun della genealogia sün ils maşchels, tschient tschinquanta *persunas*; * Es. 2, 3.

4. Dels figls da Pahat-Moab, Eljoe-nai, il figl da Zerahia, e con el duatschient maşchels;

5. Dels figls da Secania, il figl da Jahaziel, e con el trajatschient maşchels;

6. E dels figls d'Adin, Ebed, il figl da Jonatan, e con el tschinquanta maşchels;

7. E dels figls d'Elam, Jesaja, il figl d'Atalia, e con el settanta maşchels;

8. E dels figls da Sefatia, Zebadia, il figl da Micael, e con el ottanta maşchels;

9. Dels figls da Joab, Obadia, il figl da Jehiel, e con el duatschient e deschedot maşchels;

10. E dels figls da Selomit, il figl da Josifia, e con el tschient sesanta maşchels;

11. E dels figls da Bebai, Zaccaria, il figl da Bebai, e con el vainchot maşchels;

12. E dels figls d'Azgad, Johanan, il figl da Haccatan, e con el tschient e desch maşchels;

13. E dels figls d'Adonicam, ils ultims, ils noms dels quals *sun* quaists: Elifelet, Jehiel, e Semaja, e con els sesanta maşchels;

14. E dels figls da Bigevai, Utai, e Zabud, e con els settanta maşchels.

15. Ed eu ils raspet sper il flüm, chi cuorra vers Ahava, e qua stettan nus acchampsats il spazi da trais dis. Ed, aviand fat la rassegna del pövel, e dels sacerdots, non chattet eu qua ingün dels figls da Levi.

16. Perquai tramettet eu per Eliezer, Ariel, Semaja, Elnatan, Jarib, Elnatan, Natan, Zaccaria, e Mesulam, *chi eiran* capos, e per Jojarib, ed Elnatan, ils docturs,

17. E comandet ad els, *cha gessan* pro Iddo, il capo nel lō *dit* Casfia; ed ordinet ad els quai eh' avaiavan da dir ad Iddo, ed a seis frar, ils netins, nel lō da Casfia, per ans manarpro ministers per la chasa da nos Deis.

18. E quels ans manettan, seguond cha'l man da nos Deis *ais* bun sur nus, ün hom ineclegiantaivel dels figls da Maheli, del figl da Levi, del figl d'Israel, Serebia, insembel con seis figls, e frars, *in number* da deschdot;

19. Ed Hasabia, e con el Jesaja, intanter ils figls da * Merari, con seis frars, e lur figls, *in number* da vainch.

* Ex. 6, 19.

20. E dels netins, ils quals David, e'ls capos *del pövel* avaiavan constitui al ministeri dels levits, duatschient e vainch netins, chi füttan tuots nominats per *lur* noms.

21. Ed eu elamet oura ün gegüni qua sper il flüm Ahava, per ans ümiliar nel conspet da nos Deis, per al giavüschar ün prosper viadi per nus, per nossas famiglias, e per tuottas nossas facultats;

22. Perche eu am turpiaiva da giavüschar dal rai pövel d'arma, o chavalgiaints, per ans defender dals inimis sün il viadi; perche nus avaiavan dit al rai: Il man da nos Deis *ais* in bain sur tuot quels chi'l tscherchan; ma sia potenza, e sia ira *ais* conter tuot quels chi'l bandunan.

23. Usche gegünettan nus, e giavüschettan a nos Deis circa quai, ed el ans exodit.

24. Lura mettet eu da part dudiesch dels principals sacerdots, Serebia, Hasabia, e desch da lur frars,

25. E paset via ad els l'argient, e l'or e la vashella, *chi eira* l'offerta, fatta per la chasa da nos Deis, dal rai, da seis cosglêrs, e da seis princips, e da tuot ils Israelits chi's chattettan.

26. Contuot als paset eu in man sesschienttschinquanta talents d'argient; e da vashella d'argient

tschient talents; e tschient talents d'or;

27. E vainch coppas d'or, *chi valaiavan* milli daricas; e duos vashells da latun fin, prezius sco l'or.

28. Ed eu dschet ad els: Vus eschat *persunas* sacras al Segner; quaista vashella *ais* eir chosa sacra, e quai argent, e quai or, *ais ün'* offerta voluntaria, *fatt'* al Segner Deis da voss babuns.

29. Vigilai da quai, e guardai pro, fin cha vus il paisat via in presenza dels principals intanter ils sacerdots, e levits, e dels capos dellas *famiglias* paternas d'Israel, a Gerusalem, nellas chambras della chasa del Segner.

30. Contuot ardschvettan ils sacerdots, e'ls levits quel argent, e quel or, e quella vashella a paisa, per portar *tuot quai* a Gerusalem, nella chasa da nos Deis.

31. E nus ans partittan davent dal flüm Ahava il dudieschavel *di* del prüm mais, per ir a Gerusalem; e'l man da nos Deis füt sur nus; ed el ans deliberet dal man dels inimis, e dels insidiaturs sün la via.

32. E nus rivettan a Gerusalem, e, davo avair posâ qua trais dis,

33. Al quart di füt pasâ quel argient, e quel or, e quella vashella, nella chasa da nos Deis, nels mans da Meremot, del figl d'Uria, del sacerdot, con il qual eira Eleazar, il figl da Pinehas, e con els *eiran* Jozabad, il figl da Jesua, e Noadia, il figl da Benui, ils levits.

34. Tuot quai *füt dat ad els* a conto, ed a paisa, e la paisa da tuot füt scritta sü al istess temp.

35. E quels chi eiran stats in preschun, ed eiran darcheu turnats, offerittan per olocausto al Deis d'Israel dudiesch trims per tuot Israel, novant' e ses bümatschs, settant' e set agnels, e dudiesch boes per il pucha; tuot quai *füt offert in* olocausto al Segner.

36. Lura surdettan els ils decretets del rai als podestats del rai, ed als governaturs da qua del flüm, e quels favorittan al pövel, ed alla chasa da Dieu.

CHAP. IX.

Esra, udind cha 'ls Güdeus avaiavan tut donans estras, as contuorbla; ura vi' a Dieu per quaiust pucha.

MA, cur quaiastas chosas füttan finidas, s' approsmettan ils principals *del pövel* nan pro mai, dschand: Il pövel d' Israel, e 'ls sacerdots, e 'ls levits, non sun separats dals pövels da quaiasts pajais, dals Cananits, dals Hetits, dals Feresits, dals Jebusits, dals Ammonits, dals Moabits, dals Egipters, e dals Amorits, se guond as *convain da far per lur abominis*;

2. Perche els han tut da lur figlias donans per els e per lur figls, dinuonder il sanct sem s' ha masdâ con ils pövels da quaiasts pajais; e 'ls principals *del pövel*, e 'ls recturs sun stats ils prüms a commetter quaiust misfat.

3. E, cur eu avet inolet quaiust discuors, * *şcharpet eu mia rassa, e mia mantella, e 'm tret our' ils chavels del cheu, e della barba, e 'm mettet a zer, tuot sconfortâ.* * Giob 1, 20.

4. Lura 's respettan nan pro mai tuot quels, chi tmaivan dels pleds del Deis d' Israel per il misfat da quels, chi eiran stats in preschun, ed eu stet usche a zer, tuot sconfortâ, fin al *temp dell' ** offerta della saira.

* Ex. 29, 39.

5. Ed al *temp dell' offerta* della saira alvet eu sü da mia afflicziun; e con mia rassa, e mia mantella *şcharpada* am inclinet eu, e stendet oura meis mans vers il Segner meis Deis,

6. E dschet: O meis Dieu, eu 'm turpai, e sun confus d'ozar, o meis Dieu, la fatscha sü vers tai; perche * *nossas iniquitats sun sü fin sur nos cheu, e nossas cuolpas sun usche grandas, cha rivan sü fin al tschel.* * Ps. 38, 5.

7. Dal temp da noss babuns fin ad hoz *eschan* nus in granda cuolpa, e, per nossas iniquitats, *eschan* nus, noss rais, e noss sacerdots, stats dats in man dels rais dels pajais, *per esser miss a fil da spada*, manats in preschun, butinats, e sverguognats; seo *ais eiv* al di d' hoz.

8. Uoss' impero, per ün pitschen mo maint, ans ais stat fat grazia da nos

Deis, per cha 'ns restess alchün rimanent, e per ans dar üna guotta in seis sanct lö; usche cha nos Deis ans sclerit darcheu ils ögls, e 'ns det ün pa da refraischamaint in nossa servitü.

9. Perehe famagls *eschan* nus; ma nos Deis non ans ha bandunats in nossa servitü; anzi ha fat, cha nus avain chattâ benignità pro 'ls rais da Persia, per ans dar qualcha refraischamaint, afin da metter darcheu in pè la chasa da nos Deis, e da restorar sias ruinas, e 'ns dar üna mürglia in Giuda, ed in Gerusalem.

10. Ma uossa, o nos Dieu, che dessan nus dir davo quaiastas chosas? Perche nus avain interlaschâ teis comandamaints,

11. Ils quals tü ans dettast tras il man da teis servaints, ils profets, dschand: * Il pajais, nel qual vus intrais per il possidair, ais ün pajais malnet tras las malnettischas dels pövels dels pajais, tras lur abominaziuns, con las qualas els l' han impli, d'ün chantun al oter, tras lur contaminaziuns.

* Lev. 18, 25. 27.

12. Contuot, non darai uossa vossas figlias a lur figls, e non pigliarai lur figlias per voss figls, * e non tschercharai mâ brich' in perpetuo, ne lur pasch, ne lur bain; acio cha vus sajat fortifichats, e mangiat il bön del pajais, e laschat quel per ierta a voss figls in perpetuo.

* Deut. 23, 6.

13. Ma, davo tuot las chosas, chi sun gnüdas sur nus per nossas malas ouvras, e per noss grands delits; (schabain cha tü, o noss Dieu, t' hast artgnü giò suot nossas iniquitats, e 'ns hast dat ün rimanent, seo l' *ais* quaiust;)

14. Dessan nus darcheu turnar a rumper teis comandamaints, ed ans imparentar con pövels, *rendüts a* quaiastas abominaziuns? Non gnissast tü at adirar conter nus fin al extrem, tal cha non *füss qua plü*, ne rimanent, ne deliberaziun alchüna?

15. Segner, Deis d' Israel, tü *est güst*; perche nus *eschan* restats alchüns e vanzats, seo 's *vezz'* al di d' hoz. Mera 'ns qui avant tai in nos delit; * perche *otramain* non füss possibel

da dūrar avant tia fatscha per quaist.

* Ps. 130, 3.

CHAP. X.

Ils Gūdeus recognoschan lur errurs, e laschan ir las femnas estras. Ils noms da tuot quels chi eiran culpabels.

MA, intant cha Esra faiva oraziun, e confessiun, cridand, e büttà giò avant la chasa da Dieu, üna grandissima blertüra d' Israel, homens, e donans, ed infants, as raspet via pro el; perche 'l pövel cridaiva ün grand pövel.

2. Lura Secania, il figl da Jehiel, dels figls d' Elam, favlet ad Esra, e dschet: Nus avain misfat contra nos Deis con manar donans estras, our dals pövels da quaist pajais; impero ais uoss' amo alch spranza ad Israel per quaist!

3. Contuot fain uossa üna lia con nos Deis, cha nus vöglian trametter d'avent tuot quaistas donans, e 'ls infants nats daa ellas, seguond il cossagl del signur, e da quels chi temman il comandamaint da nos Deis, e cha saja fat seguond la ledscha.

4. Stà sü, perche quaist fat appertegn'a tai, e nus *volain* esser con tai; piglia ardimaint, e mett' il man all' ouvra!

5. Lura Esra alvet sü, e fet gürar ils principals dels sacerdots, dels levits, e da tuot Israel, cha fetschan seguond quels pleds. E quels al gürettan.

6. Lur' alvet sü Esra d'avent dalla chasa da Dieu, e get nella chambra da Johanan, del figl d' Eliasib, e, siand intrat laint, non manget el pan, e non bavet el aua; perche l' avaiva cordöli per il misfat da quels chi eiran stats in preschun.

7. Lura fettan ils clamar oura tras Giuda, e tras Gerusalem, cha tuot quels chi eiran stats in preschun as raspessan in Gerusalem;

8. E cha da chi non gniss infra trais dis, seguond il cossagl tut dels principals, e dels seniurs, tuot sia roba fiss miss' al interdit, ed el svesz dess esser separâ dalla raspada da quels chi eiran stats in preschun.

9. Usche tuot ils homens da Giuda, e da Benjamin as raspettan a Gerusalem infra 'l terz di, e quai füt il vainch e

sesavel di del novavel mais, e tuot il pövel as fermet nella piazza della chasa da Dieu, trembland per quai-sta chosa, e per la granda plövgia.

10. Qua stet sü Esra, il sacerdot, e dschet ad els: * Vus avais misfat, e manâ pro mugliers estras, per creschentar las cuolpas d' Israel;

* Deut. 7, 3.

11. Contuot, fat uossa confessiun al Segner, Deis da voss babuns, e fat sia voluntà, e's separai dals pövels del pajais, e dallas donans estras!

12. E tuot la raspada respondet, e dschet ad ota vusch: Nus eschan costrets da far seo tü hast dit.

13. Ma il pövel *ais* in grand number, e l' *ais* il temp plövgius, e non ais possibel da star our dadoura, e la lavur non *ais* d' ün, ne da duos dis; perche nus eschan blers, chi avain misfat in quaist.

14. Cha's chattan uoss' *insembel* noss capos, seo *capos* da tuot la raspada, e con els *sajan* ils seniurs, e 'ls güdischs da scodüna città, e ch' ogni hom da quels chi *sun* in nossas cit-tats, chi ha manâ üna muglier estra, vegna al temp assegnâ, e con el ils seniurs, e güdischs da scodüna città; fin cha nus hajan vout d'avent da nus l' ardent' ira da nos Deis per quai-sta chosa.

15. Ma Gionatan, il figl d' Asahel, e Jehazia, il figl da Tieva as constituitan in quaist affar, e Mesullam, e Sab-tai, ils levits, güdettan ad els.

16. Ma quels chi eiran stats in preschun fettan usche. E 'l sacerdot Esra, e capos dellas *famiglias* paternas, seguond lur famiglias paternas, tuots nominats per nom, fütan miss d'vart, e sezzettan il prüm di del deschavel mais, per tour cognoschenscha del fat.

17. Ed avettan fini con tuot quels chi avaivan manâ mugliers estras fin al prüm di del prüm mais.

18. E tanter ils figls dels sacerdots as chattettan quaists, chi avaivan manâ mugliers estras, cioè tanter ils figls da Jesua, del figl da Josadae, e seis frars: Maeseia, ed Eliezer, e Jarib, e Gedalia.

19. E quels dettan il man, *improm-mettand* da trametter d'avent lur

mugliers, ed offerittan sco culpabels ün bümatsch per lur cuolpa.

20. E dels figls d'Immer: Hanani, e Zebadia;

21. E dels figls d'Harim: Maeseja, ed Elia, e Semaja, e Jehiel, ed Uzia;

22. E dels figls da Pashur: Elieonai, Maeseja, Ismael, Natanael, Jozabad, ed Eleasa;

23. E dels levits: Jozabad, Simei, e Chelaja, (il qual ais eir Chelita) Petahia, Giuda, ed Eliezer.

24. E dels chantadurs: Eliasib; e dels portnêrs: Sallum, Telem, ed Uri.

25. E dels Israelits, dels figls da Pareos: Ramia, ed Izzia, e Malchia, e Miamin, ed Eleazar, e Malchia, e Benaja;

26. E dels figls d'Elam: Matania, e Zaccaria, e Jehiel, ed Abdi, e Jeremot, ed Elia;

27. E dels figls da Zatu: Elieonai, ed Eliasib, e Matania, e Jeremot, e Zabad, ed Aziza;

28. E dels figls da Bebai: Johanan, Hanania, Zabai, ed Atlai;

29. E dels figls da Bani: Mesullam,

e Malluc, ed Adaja, e Jasub, e Seal, e Jeramot;

30. E dels figls da Pahat-Moab: Adna, e Chelal, e Benaja, e Maeseja, e Matania, e Besaleel, e Benui, e Manasse;

31. E dels figls d'Harim: Eliezer, Ischia, Malchia, Semaja, Simeon,

32. Benjamin, Malluc, Semaria;

33. Dels figls d'Hasum: Matnai, Matata, Zabad, Elifelet, Jeremai, Manasse, Simei;

34. Dels figls da Bani: Maedai, Amram, ed Uel,

35. Benaja, Bedia, Cheluhi,

36. Naia, Meremot, Eliasib,

37. Matania, Matnai, e Jaesai,

38. Bani, Benui, Simei,

39. Selemia, Natan, Adaja,

40. Machnadbai, Sasai, Sarai,

41. Azareel, Selamia, Semaria,

42. Sallum, Amaria, e Giosef;

43. E dels figls da Nebo: Jejel, Matitia, Zabad, Zebina, Jaddai, Joel, e Benaja.

44. Tuot quaists avaivan tut mugliers estras, e qua eiran da quellas, chi avaivan gnü infants.

IL CUDESCH

DA

NEHEMIA.

CHAP. I.

Nehemia, inclegiand il miserabel stadi dels Güdeus, turnats dalla preschun, ha cordöli, e rova il Segner, ch' el haja compassiun dels.

IL CUDESCH da NEHEMIA, del figl d'Hacalia. E dvantet nel mais chisleu del an vainchavel, cha, siand eu a Susan, nella stanza regala,

2. Schi rivet da Giudea Hanani, ün da meis frars, el con alehüns oters homens da Giuda. Ed eu ils domandet davo ils Güdeus, ils scampats, chi eiran vanzats dalla preschun; domandet eir davo Gerusalem.

3. E quels am dschettan: Quels chi sun vanzats dalla preschun, sun là nella provinza, in granda miseria, e vituperi, e la müraglia da Gerusalem

resta ruotta, e sias portas arsas con fö.

4. E, cur eu avet inclet quels pleds, am mettet eu a zer, e cridet, ed avet cordöli *blers* dis, e gegünet, e fet oraziun avant il Deis del tselch.

5. Ed eu dschet: * Ah Segner, tü Deis del tselch! Deis grand e stramantus, chi observast il pat, e la benignità a quels chi t' aman, ed observan teis comandamaints! * Dan. 9, 4.

6. Ah cha saja ti' uraglia attenta, e teis ögls averts, per tadlar l'oraziun da teis serviaint, la quala eu al presaint fetsch avant tai, di e not, per ils infants d'Israel, teis serviaints; e fetsch eir la confessiun dels puchats dels infants d'Israel, cha nus avain

commiss conter tai; eir eu, e la chasa da meis bap avain pechâ.

7. Nus ans avain del tuot corruots invers tai, e non avain observâ ils comandaments, ils statuts, e las led-schas, cha tü dettast a Mose, teis serviaint.

8. Bain schi't regorda del pled cha tü ordinettast a Mose, teis serviaint, dschand: * Scha vus gnis a commetter misfat, schi's vögl eu raser tanter ils pövels; * Lev. 26, 33. Deut. 4, 24.

9. Ma scha vus lura as convertis pro mai, ed observais meis comandaments, e'ls mettais in ouvra; schabain cha vus füssat schatschats fin all'extremità del tschel, schi's vögl eu rasper nan da là, e's vögl condür al lö, il qual eu ha elet per stazionar qua meis nom.

10. Ma quels *sun* già teis serviaints, e teis pövel, il qual tü hast spendrà con tia granda forza, e con teis possant man.

11. Ah, Segner; schi cha saja ti' uraglia attenta all' oraziun da teis serviaint, ed all' oraziun dels *oters* teis serviaints, ils quals han dalet da tmair teis nom, e fà dimena hoz prosperar teis serviaint, e fà, ch' el chatta misericordia pro quaiet hom. Ma eu eira copier del rai.

CHAP. II.

Nehemia obtegna la licenza d' Artasasta, d' ir in Gerusalem per la reedifichar. Saneballat, e Tobia, inimis dels Güdeus, tschantschan con Nehemia.

E dvantet l'an vainch del rai * Artasasta, nel mais nisan, ch' eu, *essendo* avant el vin, piglet il vin, e' l sporschet al rai. Ma eu non solaiv' esser attristà in seis conspet. * Es. 7, 1.

2. E' l rai am dschet: Perche *ais* tia fatscha attristada? Est tü forsà amalà? Quaiet non *ais* oter co afflicziun da cour. Ed eu avet grandisma temma.

3. Eu dschet al rai: * Poss' il rai viver in perpetuo! Co non dess mia fatscha esser attristada, *qua cha* la città, *chi ais* il lö dellas sepultüras da meis babuns, ais sdrütta, e sias portas consumadas dal fö? * 1 Reg. 1, 31.

4. E' l rai am dschet: Che giavüschast tü? Lura rovet eu il Deis del tschel;

5. E dschet al rai: Scha usche plasch' al rai, e scha teis serviaint ais in grazia avant tai, schi trametta' m in Giudea, nella città, ingio sun las sepultüras da meis babuns, acio ch' eu la reedificha.

6. E' l rai am dschet, ed eir *sia* muglier, chi sezzaiva sper el: Quant temp metterast per teis viadi, e cura tuornerast tü? E cur eu avet dit * il temp al rai, avet el applaschair da' m dar la licenza. * Neh. 5, 14. 13, 6.

7. Lura dschet eu al rai: Scha usche plasch' al rai, schi cha' m vegnan dattas chartas als governaturs da là del flüm, acio cha' m laschan passar, fin ch' eu saja rivà in Giudea;

8. Ed eir chartas ad Assaf, il guardiant dels gods del rai, acio ch' el am detta lainam per fabrichar las portas del palazzi della chasa *da* Dieu, e per la müraglia della città, e per la chasa, nella quala eu vögl intrar. E' l rai am det *quellas* chartas, seguond cha' l bun man da Dieu *eira* sur mai.

9. Ed usche gnit eu pro' ls governaturs da qua del flüm, ed als det las chartas del rai; ma il rai avaiva tramiss con mai chapitanis, e chavalgiaints.

10. Ma, cur Saneballat, il Horonit, e Tobia, il famagl, l' Ammonit, avettan udi *quaiet*, als fet quai grand displaschair, cha füss gnü alchün per tscherchar il bain dels infants d' Israel.

11. Lura rivet eu a Gerusalem, e stet qua trais dis,

12. Ed alvet sü da not, con alchüns pacs homens, e non decleret ad alchün quai cha meis Deis am mettet nel cour da far a Gerusalem, ed eu non *avaiva* con mai alchün' otra bestia, co quella chi' m portaiva.

13. Contuot get eu da not our dalla porta della val, e *passet* via vers la fontana del drugin, e la porta del aldüm, e giaiva considerand la müraglia da Gerusalem, co ch' ell' eira ruotta, e co sias portas eiran consumadas dal fö.

14. E *da là* passet eu pro la porta della fontana, e pro l' aquaduct del rai, e *qua* non *eira* spazi per *mia* bestia da passar tras suot mai.

15. E, trand eu davo 'l torrent sü, amo la not, giaiv' eu considerand la müraglia; lur' intret eu darcheu tras la porta della val, ed *usche* turnet eu inavo.

16. Ma ils magistrats non savaivan ingio ch'eu füss it, ne che ch'eu fess; ed eu fin lura non avaiva declarà inguotta, ne als Güdeus, ne als sacerdots, ne als homens notabels, ne als magistrats, ne als oters, chi avaiavan la chüra dell'ouura.

17. Lura dschet eu ad els: Vus vezzais la miseria, nella quala nus *esch*an, co Gerusalem ais sdrütta, e sias portas sun arsas con fö. Gni, reedifichain la müraglia da Gerusalem, cha nus non sajan plü in vituperi.

18. Ed eu als declaret, co il bun man da meis Deis saja stat sur mai, seo eir ils plets del rai, ch'el m'avaiva dit. E quels dschettan: Schi'ns mettain ad edificar. *Usche* piglettan els anim pro 'l bön.

19. Ma Saneballat, il Horonit, e Tobia, il famagl, l'Ammonit, e Gesem, l'Araber, aviand udi *quaist*, faivan beffa da nus, e 'ns spretschaivan, e dschaivan: Che chos'ais quaist cha vus fais? As volais vus rebellar conter il rai?

20. Ed eu als respondet, e dschet: Il Deis del tshel ais quel, *chi*'ns farà prosperar, e nus, seis serviaints, ans volain metter ad edificar. Ma * vus non avais part, ne dret, ne memoria alchüna in Gerusalem.

* Es. 4, 3.

CHAP. III.

Descripziun della restoraziun da tuot il circuit della müraglia da Gerusalem, e da chi ogni part füt fatta.

ED Eliasib, il grand sacerdot; e seis frars, ils sacerdots, as fettan sü, ed edificettan la porta della bescha. Quels la santificettan, e tshantettan aint sias portas; e la santificettan fin alla tuor da Mea, e fin alla tuor Hananeel.

2. E sper el edificettan ils homens da Gerico, e sper els edificet Zaccur, il figl d'Imri.

3. E'ls figls da Senaa edificettan la porta dels * peschs; quels l'intablettan, tshantettan aint sias portas, sias serradüras, e sias stangas. * 2 Cron. 33, 14.

4. E sper els restoret Meremot, il figl d'Uria, del figl da Cos; e sper els restoret Mesullam, il figl da Berechia, del figl da Mesezabeel; e sper els restoret Sadoc, il figl da Baena.

5. E sper els restorettan ils Tecoits; ma ils principals intanter els non suot-tamettettan lur colöz pro 'l servezen da lur Segner.

6. E Jorada, il figl da Pasea, e Mesullam, il figl da Besodia, restorettan la porta veglia. Quels l'intablettan, e tshantettan aint sias portas, sias serradüras, e sias stangas.

7. E sper els restorettan Melatia, il Gibeonit, e Jadon, il Meronotit, *con* quels da Gibeon, e da Mispa, sper il sez del governatur da qua del flüm.

8. E sper quel restoret Uziel, il figl d'Harhaja, dels urais; e sper quel restoret Hanania, chi *eira* dels profitmêrs. E Gerusalem füt laschada *sco l' eira* fin al mür lad.

9. E sper quels restoret Refaja, il figl d'Hur, il chapitani della mità della contrada da Gerusalem.

10. E sper els, e vi' incoenter sia chassa, restoret Jedaja, il figl d'Harumaf; e sper quel restoret Hattus, il figl d'Hasabenja.

11. Malchia, il figl d'Harim, ed Hasub, il figl da Pahat-Moab, restorettan ün seguond spazi, ed eir la tuor dels fuorns.

12. E dasper el restoret Sallum, il figl da Lohes, il chapitani dell'*otra* mità della contrada da Gerusalem, el con sias figlias.

13. Ed Hanun, e 'ls abitants da Zanoa, restorettan * la porta della val; quels la fabrichettan, e tshantettan aint sias portas, sias serradüras, e sias stangas; ed insembel milli bratschs muots del mür, fin alla porta del aldüm.

* Neh. 2, 13.

14. E Malchia, il figl da Recab, il chapitani della contrada da Bethacarem, restoret la porta del aldüm; el la fabrichet, e tshantet aint sias portas, sias serradüras, e sias stangas.

15. E Sallum, il figl da Col-Hoze, il chapitani della contrada da Mispa, restoret la porta della fontana; el la fabrichet, e la covernet, e tshantet aint sias portas, sias serradüras, e

sias stangas; ed insembel il mür del aquaduct da * Siloa, vers l'üert del rai, fin als şchaluns, chi van giò dalla città da David.

* Gioan. 9, 7.

16. Davo el Nehemia, il figl d' Azbue, il chapitani della mità della contrada da Betsur, restoret fin vi' incounter las sepultiras da David, e fin al lai fat *per art*, e fin alla chasa dels potaints.

17. Davo el, restoretan ils levits, Rehum, il figl da Bani; e sper el restoret Hasabia, il chapitani della mità della contrada da Cegila, per sia contrada.

18. Davo el restoretan lur frars; Bavai, il figl d' Henadad, chapitani dell' *otra* mità della contrada da Cegila.

19. E sper el Ezer, il figl da Jesua, il chapitani da Mispä, restoret ün seguond spazi vi' incounter la muntada della chasa d' armas del chantun.

20. Davo el Baruc, il figl da Zabai, piglet ardimaint, e restoret ün seguond spazi, dal chantun fin all' intrada della chasa d' Eliasib, del grand sacerdot.

21. Davo el Meremot, il figl d' Uria, del figl da Cos, restoret eir ün seguond spazi, dall' intrada della chasa d' Eliasib fin all' extremità da quella.

22. E, davò el, restoretan ils sacerdots, chi abitaivan nella plantira.

23. Davo els restoretan Benjamin, ed Hasub, in vista lur chasa. Davo els Azaria, il figl da Maeseja, del figl d' Anania, restoret sper sia chasa.

24. Davo el Benui, il figl d' Henadad, restoret ün seguond spazi, dalla chasa d' Azaria fin alla vouta, e fin al chantun.

25. Palal, il figl d' Uzai, *restoret* dalla vouta, e dalla tuor chi resortiva our dalla chasa sura del rai, sper il * cortil della preschun. Davo el *restoret* Pedaja, il figl da Pareos. * Ger. 32, 2.

26. E 'ls netins, chi abitaivan in Ofel, restoretan fin sper la porta dellas auas, vers l'oriaint, e la tuor, chi resortiv' oura.

27. Davo els ils Tecoits restoretan ün seguond spazi, sper la tuor granda, chi resort' oura, fin al mür d' Ofel.

28. Ils sacerdots restoretan dasper

* la porta dels chavals, scodün dretvia sia chasa.

* Ger. 31, 40.

29. Davo els Sadoc, il figl d' Immer, restoret dretvia sia chasa, e davò el restoret Semaja, il figl da Secania, il guardiant della porta orientala.

30. Davo el Hanania, il figl da Selemia, ed Hanun, il sesavel figl da Salaf, restoretan ün seguond spazi. Davo els Mesullam, il figl da Berechia, restoret dretvi' a sia chambrä.

31. Davo el Malechia, il figl del urais, restoret fin alla chasa dels netins, e dels merchadants da spezias, dretvi' alla porta della preschun, e fin alla sâla ota del chantun.

32. E tanter la sâla ota del chantun, e la porta della bescha, restoretan ils urais, e 'ls merchadants da spezias.

CHAP. IV.

Saneballat, e seis complices, vöglian impedir la restoraziun da Gerusalem. Oraziun da Nehemia.

Ils Güdeus inarmits continuan co la lavur.

MA, cur Saneballat udit, cha nus edificaivan il mür, s'adiret el, e 's sdegnèt grandamaing, e fet beffa dels Güdeus;

2. E dschet in presenza da seis frars, e del pövel da guerra da Samaria: Che fan quaists flinchs Güdeus? As dess ils laschar *far*? *Vegnan els a sacrificar*? Uossa a finir *l'ou-vra*? Vegnan quels a far resüstar las peidras our dallas ruinas, chi sun stat-tas arsas?

3. E Tobia, l'Ammonit, chi eira sper el, dschet: Eir quai ch' els edifican; scha üna vuolp muntess lasura, schi rumpess ella lur mür da peidra.

4. Taidla, o nos Deis, co nus eschan in spretsch, e fà turnar inavo sün lur cheu lur vituperi, e metta 'ls in spretsch in ün pajais da preschun.

5. E * non governar lur iniquità, e non saja lur pucha chassà our da teis conspet; perche els han fat dispet, *stand* incounter a quels chi edificaivan.

* Ps. 69, 28. 29, 109, 14. 15.

6. Nus dimena reedificaivan il mür, e tuot il mür füt serrà da sias rottiras, fin alla mità, e 'l pövel avaiva grand anim a lavurar.

7. Ma, cur Saneballat, e Tobia, e 'ls Arabers, e 'ls Ammonits, e 'ls Asdodits, avettan incelet, cha 's restoraiva

la müraglia da Gerusalem, e cha s'avaiva comanzâ a zügliar aint las rotüras; schi avettan els grand sdegn.

8. E tuots insembel as congürettan, da gnir a dar guerra a Gerusalem, ed a dar disturbi a Nehemia.

9. Lura urettan nus pro nos Deis, e mettetan guardias conter els, di e not, per ans perchürar d'els.

10. E 'ls Güdeus dschettan: Quels chi portan ils pais sun stangels, e puolvra ais qui avuonda, e nus non gnin a podair lavurar pro la fabrica del mür.

11. Ma noss inimis avaivan dit: *Schi fan*, ch'els non sapchan inguotta, e cha non ans vezzan, fin cha nus sajan intrats in mez els; lura ils volain nus mazzar, e far interlaschar l'ouvra.

12. Ma ils Güdeus, chi dmuraivan tanter els, ans dschettan, *bain* * deschvoutas, gñand *pro nus* da tuot ils lous, dals quals els giaivan e gnivan pro nus.

* Gen. 31, 7.

13. Lura disponet eu il pövel, seguond sias famiglias, con sias spadas, lanschas, e balaisters, nel fuond da quels lous, davo 'l mür, e stils bastiuns.

14. E, davo ch'eu avet provedü *usche*, schi stet eu sü, e dschet als homens notabels, ed als magistrats, ed al rimanent del pövel: Non as tmarai dels! As regordai del Segner, del grand e stramantus, e combattai per voss frars, per voss figls, e figlias, e per vossas mugliers, e per vossas chasas.

15. Ma, cur noss inimis avettan inolet, cha 'l *fat* ans eira notifiehâ, dazipet Deis lur cossagl, e nus tuots turnettan darcheu pro la müraglia, scodün a sia lavur.

16. E da quel di inavant, la mità da meis serviturs lavuraiva, e l'otra mità staiva inarmâ con lanschas, schüts, balaisters, e guarets, e 'ls capos eiran davo ad ogni famiglia da Giuda.

17. *Üna part* da quels, chi fabricaivan il mür, e da quels, chi portaivan ils pais, e da quels, chi 'ls chargiaivan, con ün man lavuraivan els all'ouvra, e con l'oter tgaivan els las armas.

18. Ed *ün otra part*, quels chi fabri-

chaivan, avaivan scodün sia spada tschintada süil gialun; ed usche fabricaivan els. E 'l trombettèr *eira* sper mai.

19. Ed eu dschet als homens notabels, ed als magistrats, ed al rimanent del pövel: Quaist'ouvra *ais* granda, e da granda distaisa, e nus eschan rasats oura süil mür, l'ün dalönsch dal oter.

20. In quel lö, cha vus gnis ad udir il sun della trombeta, schi's raspai *lä*, nan pro nus. * Nos Deis combatterà per nus.

* Ex. 14, 14. 25. Deut. 1, 30.

21. Usche lavuraivan nus all'ouvra, e la mità del pövel avaiva las lanschas in man, dal spuntar dell'alba, fin al apparair dellas stailas.

22. In quel temp dschet eu eir al pövel: Scodün dmura la not dadaint Gerusalem con seis serviaint, ch'els da not ans servan per guardia, e da di per la lavur.

23. Ed eu, e meis frars, e meis serviaints, e las guardias chi'm seguitaivan, non traivan oura nossa vesti-mainta; scodün giaiva per aua con sias armas.

CHAP. V.

Il pövel, afflit dalla fam, bruncla, e Nehemia repren' ils culpabels, e proveda per ils povers.

E qua's fet ün grand bragizi del pövel, e da lur mugliers, conter lur frars, ils Güdeus,

2. Ed eiran da quels chi dschaivan: Noss figls, e nossas figlias, e nus eschan in grand number; contuot *cha's fetscha*, cha nus retschaivan gran, e mangian per viver.

3. Oters eiran chi dschaivan: * Nus stovain impegnar noss champs, e nossas vignas, e nossas chasas, cha nus ardschaivan gran in quaista charrestia.

* Gen. 47, 20.

4. Oters eiran chi dschaivan: Nus avain tut ad impraist danêr sün noss champs, e sün nossas vignas, per *pajar* il tribut al rai.

5. Ed uossa, *combain* cha nossa charn *ais* seo la charn da noss frars, e noss infants seo lur infants; mera, nus eschan al punt, da metter noss figls e nossas figlias per famagls e *fantschellas*; ed agià sun alehünas da

nossas figlias in servitù, e nus non avain alchüns mezs in man, e noss champs, e nossas vignas *sun nels mans dad* oters.

6. E, cur eu avet udi lur bragizi, e quaists plets, am grittantet eu zuond fìch.

7. Ed, aviand tut cossagl in mai sves, reprendet eu ils homens notabels, e 'ls magistrats, e dschet ad els: Seodais vus usche rigurusamaing ils debits, seodün da seis frar? Ed eu rasset conter els la granda raspada,

8. E dschet ad els: Nus avain, in quant ais stat a nus, spendrà noss frars, ils Güdeus, chi eiran stats vendüts als pajans, e vus volessat uossa vender voss frars; e quels as dessan vender a nus? Lura taschettan quels, e non savettan che dir.

9. Ed eu dschet: Quai cha vus fais non ais bön! Non dessat vus chaminar * nella temma da nos Deis, per causa del vituperi dels pövels, noss inimis?

* Lev. 25, 36.

10. Eir eu, e meis frars, e meis serviants, avain imprastà a quaists danêr, e gran. Ma als relaschain, eu 's rouv, quai debit!

11. Ah schi restitui hoz ad els lur champs, lur vignas, lur olivêrs, e lur chasas, ed ün tschientavel del danêr, del gran, del vin, e del öli, il qual vus edschettat fit dad els.

12. E quels dschettan: Nus als volain restituir, e non volain domandar dad els *inguotta*; nus volain far usche, seotü dist. Lura clamet eu ils sacerdots, * e 'ls laschetgürarda far usche. * Ger. 34, 8, 9.

13. Ultra quai, squasset eu oura il ravuogl da mia rassa, e dschet: Usche squassa Deis our da sia chasa, e da sias facultats chi non metterà quaiست pled in effet; ed usche saja 'l squassà oura, e vöd. E tuot la raspada dschet: Usche saja! E lodettan il Segner. E 'l pövel fet seguond quaiست pled.

14. Eir dal di inavant, cha 'l *rai* m'ordinet per governatur nel pajais da Giuda; cioè dal an vainch fin al trent' e seguondavel, *cha sun* dudeschans, non mangettan eu, e meis frars, della provisiun assegnada al governatur.

15. Bain cha 'ls precedaints governatur, chi *eiran stats* avant mai, avaivan aggravà il pövel, ed avaivan tut dad els pan, e vin, e darcheu quaranta siccals d'argient, e ch' eir lur serviants avaivan signorà sur il pövel; schi eu impero non fet usche, per temma da Dieu.

16. Ed eir restoret eu mia part vi' a quaiста lavur della müraglia, e non ans acquistettan alchüna possessiun, e tuot meis serviants *eiran* raspats qua pro l'ouvra.

17. Ultra quai, eiran tschienttschinquant' homens dels Güdeus, e dels magistrats, e quels chi gnivan pro mai dels pövels our dintuorn nus, a mia maisa.

18. Ma quai cha s'apparechaiva a mai per di *eira* ün bov, e ses bümatschs tschernüts, s'apparechav' eir utschlamainta, e da desch a desch dis eir d' ogni *sort* vins abundantamaing; e, con *tuot* quai, non domandet eu la provisiun assegnada al governatur; perche quella servitù eira greva a quaiست pövel.

19. At regorda, o meis Dieu, da mai in bain, *per* tuot quai ch'eu ha fat envers quaiست pövel!

CHAP. VI.

Impedimaints miss dals inimis, fos profets, e frars.

Eur Saneballat, e Tobia, e Gesem, l'Araber, e 'ls oters noss inimis avettan incelet, ch'eu avaiva reedificà la müraglia, e cha non eira restà alchüna rottüra, combain ch'eu fin a quel temp non avaiva tschantà ils üschs nellas portas;

2. Saneballat, e Gesem tramettettan am dir: Vè, ans chattain insembel in qualcha vihs della val Ono; ma quels s'impissaivan da'm far del mal.

3. Ed eu tramettet mess ad els, per dir: Eu fetsch üna grand' ouvra, e non poss *gnir via*. Perche dovess l'ouvra esser interlaschada, sch'eu la banduness, e gess via pro vus?

4. E quels am tramettettan quatter voutas a dir l'istessa chosa; ed eu fet ad els la medema risposta.

5. E Saneballat am tramettet seis

serviaint *am dir* il medem fat la quinta vouta, e *quel serviaint avai* v' una charta averta in man.

6. In quell' *eira* scrit: E's oda tant'er quaists pövels, e Gasmudisch, cha tü, e 'ls Güdeus, deliberais da's rebellat, e *cha* tü per quai reedifichest la müraglia; e, seguond quai chi's disch, dvaintast tü lur rai.

7. Ed eir, cha tü hajast constitui profets, per predgiar oura da tai a Gerusalem, dschand: *L'ais* rai in Giuda! Ma quaistas chosas vegnan a gnir avant las uraglias del rai. Con-tuot vè uossa, e pigliain insembel cos-sagl.

8. Ma eu tramettet pro el a dir: Quaistas chosas dvantadas non sun sco cha tü dist, ma tü las spiast oura in teis cour.

9. Perche quels tuots ans volaivan spaventar, dschand: Lur mans vegnan as indeblir, ed els a bandunar l'ou-vra, dasort ch'ella non as farà. Uossa dimena, o *Dieu*, fortificha meis mans!

10. Ed eu intret nella chasa da Se-maja, del figl da Delaja, del figl da Mehetabeel, il qual eira retgnü. Ed el am dschet: Ans rendain insembel nella chasa da Dieu, dadaint nel taimpel, e serrain las portas del taimpel; perche glieud vegnan per at mazzar, e quaista not vegnan els a rivar.

11. Ma eu respondet: Ün hom da meis pèr dess fùgir? E qual *füss* da meis pèr, chi intress nel taimpel per salvar sia vita? Eu non vögl intrar.

12. Ed eu cognoschet, cha Deis non l'avaiva tramiss, e ch'el avaiva pronunzià quella profezia conter mai, siand cha Tobia, e Saneballat al dai-van salari.

13. Per quai eir' el salarisà, per far ch'eu am spaventess, e füss usche sco el dschaiva, e commettest pucha, dinuonder els avessan alch occasiun, da rasar oura qualche noscha fama, per am vituperar.

14. At regorda, o meis Dieu, da Tobia, e da Saneballat, seguond quaistas lur ouvras; *at regord'* eir della profetessa Nodia, e dels oters profets chi han tscherchà da'm spaventar.

15. Ma la müraglia füt finida al

vainch e tschinchavel *di* d'elul, nel spazi da tschinquant' e duos dis.

16. E, cur tuot noss inimis *quai* avet-tan inolet, tuot ils pövels our din-tuorn nus as vezzettan grandamaing scrodats, e recognoschettan, cha quai's ouvra eira stat fatta da nos Deis.

17. In quels dis giaivan e gnivan eir chartas da blers notabels da Giuda a Tobia, e da quel ad els;

18. Perche blers in Giuda s'avaivan congürats con el; siand ch'el eira dschender da Secania, del figl d' Ara; e Johanan, seis figl, avaiva tut per muglier la figlia da Mesullam, del figl da Berechia.

19. Eir requintaivan els in mia presenza sias virtüds, e palesaivan ad el meis discuors. Ma Tobia tramettaiva chartas per am spaventar.

CHAP. VII.

Davo avair furni la müraglia, proveda Nehemia per la sgürezza della città. El fa danö v la ras-segna del pövel descrit suot Esra.

MA, davo cha la müraglia füt reedifichada, e ch'eu avet tschantà aint ils üschs, e cha füttan constituits ils portnèrs, ils chantadurs, e 'ls levits, in lur offizis,

2. Commettet eu *la guardia* da Gerusalem ad Hanani, meis frar, ed ad Hanania, al guardiant del palazzi; (perche l' eira vairamang hom real, e tmaiva Deis avant blers *oters*.)

3. E dschet ad els: Las portas da Gerusalem non as dess avrir, fin cha'l solai non comainz' a dar chod, ed intant cha quels sun amo *qua* presaints, as dess serrar las portas, e las stangar, ed, ultra quai, disponi las guardias dels abitants da Gerusalem, scodün in sia rouda, e scodün dretvì a sia chasa.

4. Ma la città *eira* ampla, e granda, e pac pövel dadaint, e las chasas non *eiran* reedifichadas.

5. E meis Deis am mettet in sen da raspar ils homens notabels, ils magistrats, e'l pövel, per *ils* descriver seguond lur genealogias. Ed eu chattet il cudesch della descripziun da quels chi eiran turnats la prüma vouta, ed in quel chattet eu scrit *usche*:

6. * Quaists *sun* quels della provinza,

chi turnettan dalla preschun, intanter ils preschunêrs, cha Nebucadnesar, il rai da Babilon, transportet, e 'ls quals gnittan darcheu a Gerusalem, ed in Giuda, scodün pro sia città.

* Esr. 2, 1.

7. Quels chi gnittan con Zerubabel: Jesua, Nehemia, Azaria, Raamia, Nahemani, Mardachai, Bilsan, Misperet, Bigevai, Nehum, e Baena. Il nomber dels homens del pövel d'Israel *eira quai*st:

8. Ils figls da Pareos *eiran* duamilli tschient settant' e duos;

9. Ils figls da Sefatia, trajatschient-settant' e duos;

10. Ils figls d'Ara, septschienttschinquant' e duos;

11. Ils figls da Pahat-Moab, dels figls da Jesua, e da Joab, duamilliot-tschient e deschedot;

12. Ils figls d'Elam, milliduatschienttschinquant' e quatter;

13. Ils figls da Zatu, otttschientquarant' e tschinch;

14. Ils figls da Zaccai, settschient-sesanta;

15. Ils figls da Benui, septschient-quarant' ot;

16. Ils figls da Bebai, septschient e vainch ot;

17. Ils figls d'Azgad, duamilli trajatschient e vainch e duos;

18. Ils figls d'Adonicam, septschient-sesant' e set;

19. Ils figls da Bigevai, duamill' e sesant' e set;

20. Ils figls d'Adin, septschienttschinquant' e tschinch;

21. Ils figls d'Ater, per Hischia, novant' ot;

22. Ils figls d'Hasum, trajatschient e vainch ot;

23. Ils figls da Besai, trajatschient e vainch e quatter;

24. Ils figls d'Harif, tschient e duodesch;

25. Ils figls da Gibeon, novant' e tschinch.

26. Ils homens da Betlehem, e da Netofa, tschient ottant' ot;

27. Ils homens d'Anatot, tschient e vainch ot.

28. Ils homens da Bet-Azmavet, quarant' e duos;

29. Ils homens da Ciriath-Jearim, da Cafira, e da Beerot, settschientquarant' e trais;

30. Ils homens da Rama, e da Geba, septschient e vainchün;

31. Ils homens da Micmas, tschient e vainch e duos;

32. Ils homens da Betël, e d' Ai, tschient e vainch e trais;

33. Ils homens dell' otra Nebo, tschinquant' e duos;

34. Ils figls d'ün oter Elam, milliduatschienttschinquant' e quatter;

35. Ils figls d'Harim, trajatschient e vainch;

36. Ils figls da Gerico, trajatschient-quarant' e tschinch;

37. Ils figls da Lod, d'Hadid, e d'Ono, settschient e vainch ün;

38. Ils figls da Senaa, trajamill' e nouv tschient e trenta;

39. Dels sacerdots: Ils figls da Jedaja, della famiglia da Jesua, nouvtschient settant' e trais;

40. Ils figls d'Immer, mill' e tschinquant' e duos;

41. Ils figls da Pashur, mill' e duatschient quarant' e set;

42. Ils figls d'Harim, mill' e deschedot;

43. Dels levits: Ils figls da Jesua, da Cadmiel, intanter ils figls d' Hodua, settant' e quatter;

44. Dels chantadurs: Ils figls d'Asaf, tschient quarant' ot;

45. Dels portnêrs: Ils figls da Salum, ils figls d'Ater, ils figls da Talmon, ils figls d'Acub, ils figls d'Hatita, e 'ls figls da Sobai, tschient e trent' ot;

46. Dels netins: Ils figls da Siha, ils figls d'Hasufa, ils figls da Tabaot.

47. Ils figls da Cheros, ils figls da Sia, ils figls da Padon,

48. Ils figls da Lebana, ils figls d'Hagaba, ils figls da Salmal,

49. Ils figls d'Hanan, ils figls da Giddel, ils figls da Gahar,

50. Ils figls da Reaja, ils figls da Resin, ils figls da Necoda,

51. Ils figls da Gazam, ils figls d'Uza, ils figls da Pasea,

52. Ils figls da Besai, ils figls da Meunim, ils figls da Nefusim,

53. Ils figls da Bacbuc, ils figls d'Harfuf, ils figls d'Harhur,

54. Ils figls da Baselit, ils figls da Mehida, ils figls d'Harsa,

55. Ils figls da Bareos, ils figls da Sissera, ils figls da Tama,

56. Ils figls da Nesia, ils figls d'Hatifa;

57. Dels figls dels famagls da Salomon: Ils figls da Sotai, ils figls da Soferet, ils figls da Prida,

58. Ils figls da Jaela, ils figls da Darcon, ils figls da Giddel,

59. Ils figls da Sefatia, ils figls d'Hatil, ils figls da Pocheret-Hassebaim, ils figls d'Amon:

60. Tuot ils netins, e 'ls figls dels famagls da Salomon *eiran* trajatschient novant' e duos.

61. Ma quaists, Cherub-Addon, ed Immer, ils quals gnivan sü da Telmela, e da Telharsa, non podettan demonstrar lur chasa paterna, ne lur sem, scha füssan Israelits.

62. Sco eir ils figls da Delaja, ils figls da Tobia, ils figls da Necoda, *in number* da sestschientquarant' e duos.

63. E dels sacerdots: Ils figls d'Habaja, ils figls da Cos, ils figls da Barzillai, il qual piglet per muglier *üna* dellas figlias da Barzillai, del Gileadit, e's clamet da lur nom.

64. Quaists tscherchettan lur *noms* scrìts tanter quels, chi *eiran* descrìts nellas genealogias, ma non füttan chattats; dinuonder els füttan separats dal sacerdotadi, sco persunas nonconsacradas.

65. E Tirsata dschet ad els, cha non mangessan dellas chosas santismas, fin cha's presantess ün sacerdot con urim, e tummin.

66. Quaista raspada, tuot insembel, *eira* da quarant' e duamillitrajatschientesanta;

67. Ultra lur famagls, e fantschellas, chi *eiran* setmilli trajatschient e trent' e set; tanter quals *eiran* duatschient quarant' e tschinch chantadurs, e chantatrices.

68. Lur chavals *eiran* settschient e trent' e ses, lur müls duatschientquarant' e tschinch.

69. Ils chamêls quattertschient e trent' e tschinch; ils asens, sesmill' e settschient e vainch.

70. Ma üna part da tuot ils capos

dellas *famiglias* paternas fettan duns per l'ouvra. Tirsata det nel tesor milli daricas d'or, tschinquanta batschigls, e tschinchtschient e trenta rassas da sacerdots.

71. Ed *oters* dels capos dellas *famiglias* paternas dettan nel tesor della fabrica vainchmilli daricas d'or, e duamilli duatschient minas d'argient.

72. E quai cha 'l rimanent del pövel det, *füt* vainchmilli daricas d'or, e duamilli minas d'argient, e sesant' e set rassas da sacerdots.

73. E 'ls sacerdots, e 'ls levits, e 'ls portnêrs, e 'ls chantadurs, e quels del pövel, e 'ls netins, ed *in somma* tuot Israel, abitaivan in lur cittats, ed essendo rivâ il settavel mais, ils infants d'Israel *eiran* in lur cittats.

CHAP. VIII.

Esra lea avant il cudesch della ledscha a tuot il pövel. La festa dels tabernaculs celebrada.

LURA's raspet tuot il pövel d'ingual consens sün la piazza, chi *ais* avant la porta dellas auas, e dschettan ad Esra, al scrivant, ch'el portess il cudesch della ledscha da Mose, la qual' il Segner avaiva dat ad Israel.

2. Ed al prim di del settavel mais, il sacerdot Esra portet la ledscha avant la raspada, tant homens, e donans, e *tuot* quels, chi *eiran* in età da güdizi, per podair tadar.

3. Ed el leet nel *cudesch* sün la piazza, chi *ais* avant la porta dellas auas, dal selerir del di fin a mezdi, in presenza dels homens, dellas donans, e da quels, chi *eiran* in età da güdizi; e las uraglias da tuot il pövel *eiran attentas* al cudesch della ledscha.

4. Ed Esra, il scrivant, stail' in pè sün üna chanzla da lain, chi *eira* stat fatta a quai scop, e sper et, a man dret stailvan Matitia, e Sema, ed Anaja, ed Uria, ed Hilehia, e Maeseja; e dalla snestra, Pedaja, e Misael, e Malchia, ed Hasum, ed Hasbedana, e Zaccaria, e Mesullam.

5. Esra dimena avrit il cudesch, alla vista da tuot il pövel, perche l'*eira* sü sur tuot il pövel; e, cur el l'avet avert, schi stet tuot il pövel in pè.

6. Lura benedit Esra il Segner, il

grand Deis. E tuot il pövel respondet: Amen, amen, ozand ils mans; lura s' inclinettan els, ed adurettan il Segner, con la fatscha vers terra.

7. E Jesua, Bani, Serebia, Jamin, Acub, Sabtai, Hodia, Maeseja, Chelita, Azaria, Jozabad, Hanan, Plaja, e 'ls levits decleraivan al pövel la ledscha, stand il pövel in seis lö.

8. Els leaivan nel cudesch della ledscha da Dieu distintamaing, e eleramaing, e declarand il senso, davan els ad inler quai cha 's leaiva.

9. Ma Nehemia, *chi* ais * il Tirsata, e 'l sacerdot Esra, il scrivant, e 'ls levits, chi mossaivan il pövel, dschetan a tuot il pövel: † Quaist di ais sacro a nos Deis! Non farai cordöli, e non planscharai! Perche tuot il pövel cridaiva, udind ils pleds della ledscha.

* Esr. 2, 63. † Lev. 23, 24.

10. Lura Nehemia dschet ad els: It, mangiai *vivandas* grassas, e bava i *vins* dutschs, e tramettai part a quels, chi non han inguotta per els apparechâ; perche quaist di *ais* sacro a nos Segner. E non as conturblarai, perche l'allegrezza del Segner ais vossa forza.

11. E 'ls levits faivan star in silenzi tuot il pövel, dschand: Taschai; perche quaist di *ais* sacro, e non as conturblarai.

12. E tuot il pövel get per mangiar, e per baiver, e per trametter trats *da vivandas*, e per far granda festa. Perche els avaivan inolet ils pleds, chi als eiran stats declarats.

13. Ed al seguond di *del mais*, ils capos della *famiglias* paternas da tuot il pövel, e 'ls sacerdots, e 'ls levits, as respettan via pro Esra, il scrivant, per gnir mossats nels pleds della ledscha.

14. E chattettan * scrit nella ledscha, cha 'l Segner avaiva comandâ tras Mose, cha 'ls infants d'Israel dmuessan in tabernaculs nella festa solenna, nel settavel mais; * Ex. 23, 16.

15. E cha quaist as dovaiva elamar oura. Contuot fettan els publichar per tuot lur cittats, ed in Gerusalem, dschand: It oura süil munt, e portai nan rams d'olivêrs, e d'*otra* boşcha dad öli, e da mirta, e da palma, e

d'*otra* boşcha spessa, per far tabernaculs, seo *ais* scrit.

16. Il pövel dimena get oura, e portet aint *rams*, e 's fettan tabernaculs, scodün süin seis tet, ed in lur cortils, e nels cortils della chasa da Dieu, e süin la piazza della porta della asuas, e süin la piazza della porta d'Efraim.

17. Ed usche tuot la raspada da quels chi eiran turnats dalla preschun as fet tabernaculs, e dmuret laint; perche dal temp da Giosua, del figl da Nun, fin a quel di, non avaivan ils infants d'Israel fat inguotta da quella sort, e qua füt grandisma allegrezza.

18. Ed Esra leet nel cudesch della ledscha da Dieu di per di, dal prüm di fin al ultim, ed els celebrettan la festa il spazi da set dis, e nel ottavel di raspada solenna, seguond * chi 'l ais ordinâ.

* Lev. 23, 36.

CHAP. IX.

Ils Israelits celebreschan ün solen gegüni. Ils levits fan ün' oraziun al Segner; impromettan da perseverar in sia obediencia.

ED al vainch e quartavel di del istess mais as respettan ils infants d'Israel con gegüni, e con sachs, e con terra *spansa* süin els.

2. E 'l sem d'Israel füt separâ da tuot ils esters, ed els as presentettan, e fettan confessiun da lur puchats, e dell'iniquità da lur babuns.

3. E, drizzats in pè nel lö stess, ingio scodün as chattaiva, leaivan els nel cudesch della ledscha del Segner lur Deis la quarta part del di, e l'*otra* quarta part faivan els confessiun, ed aduraivan il Segner lur Deis.

4. E Jesua, Bani, Cadmiel, Sebania, Buni, Serebia, Bani, e Chenani, alvettan in pè süin la * chanzla dels levits, e bragittan ad ota vusch pro 'l Segner lur Deis.

* Neh. 8, 4.

5. E 'ls levits, Jesua, Cadmiel, Bani, Hasebaneja, Serebia, Hodia, Sebania, e Petahia, dschettan: Stat sü, benedi il Segner vos Deis d'ün secul al oter; e cha's benedescha teis nom glorijs, ed adoza sur ogni benedicziun, e lod.

6. Tü sulet est il Segner; * tü hast fat il tshel, il tshel dels tshels, e tuot lur exercit; la terra, e tuot quai ch' *ais* süin quella; ils mãrs, e tuot

quai ch' *ais* in quels; e tū vivifichast tuot quaiastas chosas, e l'exercit del tschel t'adura. * Gen. 1, 1. etc.

7. * Tū l'est, Segner Deis, chitscher-nettast Abram, e l'trettast our d' Ur da Chaldea, e l'mettettast nom Abraham. * Gen. 11, 31. 12, 1.

8. E tū chattettast seis cour * fidel avant tai, e fettast lia con el, *l'impro-mettand* da dar a seis sem il pajais dels Cananits, dels Hetits, dels Amorits, del Feresits, dels Jebusits, e dels Gergesits; e tū hast miss in effet teis plets; perche tū est güst! * Gen. 15, 6.

9. * E tū guardettast sün l'afflieziun da noss babuns in Egipto, ed exoditast lur bragizi pro l' mâr cotschen. * Ex. 2, 25. 14, 10. 15.

10. E * fettast miraculs, e strangezzas sur Farao, e sur seis serviaints, e sur tuot il pövel da seis pajais, perche tū cognoschettast, cha eiran superbiamaing procedüts conter els, e t'acquistettast ün tal nom sco l'*ais* al di d' hoz. * Ex. 7, 8. 9. 10. 11. 12. 14. chap.

11. * E fendettast il mâr avant els, tal cha passettan per mez tras il mâr sün il süt; e büttettast a fuond quels chi'ls perseguitaivan, sco üna peidra in auas fermas. * Ex. 14, 21. 15, 5. 10.

12. E 'ls * condüettast da di con üna coluonna da nüvla, e da not con üna coluonna da fö, per als illüminar sün la via, la qual' els avaivan da chaminar. * Ex. 13, 21.

13. E * gnittast giò sün il munt Sinai, e tschantschettast con els giò da tschel, a dettast ad els ordinaziuns drettas, e ledsehas da vardà, statuts e comandamaints buns. * Ex. 19, 20. 20, 1. 2.

14. E fettast ad els cognoscher teis sanet sabbat, e dettast ad els comandamaints, statuts e ledsehas tras Mose, teis serviaints.

15. E dettast ad els pan giò da tschel per lur fam, e fettast ad els gnir * aua our dal spelm per lur sait, e dschettast ad els, cha intressan per possidair il pajais, dal qual tū avai-vast ozâ il man cha tū l' dessast ad els. * Ex. 16, 14. 17, 6.

16. Ma quels, e noss babuns, procedettan superbiamaing, ed indürittan lur colöz, e non obedittan a teis comandamaints;

17. E rechüsettan d' obedir, e non as regordettan da teis miraculs, cha tū avaiast operâ invers els, ed indürittan lur colöz, ed in lur rebellun * as volettan els constituir ün capo, per turnar darcheu pro lur servitü. Ma tū est il Deis del perdun, grazius, misericordiaivel, tard all'ira, e da granda benignità, e non ils bandunettast. * Num. 14, 4.

18. Eir, cur quels * as fettan vadè culà, e dschettan: Quaist *ais* teis deis, chi t' ha trat our d'Egipto, e t' fettan grands dispets; * Ex. 32, 4.

19. Tū impero, per tia granda misericordia, non ils bandunettast nel desert. La coluonna della nüvla non as partit davent dad els da di, per ils condür tras la strada, ne la coluonna da fö da not, per als illüminar sün la via, la qual' els avaivan da chaminar.

20. * E teis bun spiert dettast ad els, a lur intelligenza, e tia manna non retrettast da lur bocca, ed aua dettast ad els per lur sait. * Num. 11, 17. Es. 63, 11.

21. * E 'ls sustentettast quarant'ans nel desert, e non mancet ad els inguotta; lur vestimainta non s' üset, e lur peis non unflettan. * Deut. 2, 7.

22. E dettast ad els reginams, e pövels, e 'ls partittast oura tenor contradas, e quels * possidettan il pajais da Sihon, ed il pajais del rai d'Hesbon, e l' pajais d'Og, del rai da Basan. * Num. 21, 21. 35.

23. E multiplicettast lur infants, sco las stailas del tschel, e 'ls introdüettast nel pajais, dal qual tū avai-vast dit a lur babuns, cha quels gnissan ad intrar, per il possidair.

24. Ed usche intrettan *lur* infants, e possidettan quel pajais; e tū abas-settast avant els ils Cananits, ils abitants del pajais, e 'ls dettast in lur mans, insembel con lur rais, e con ils pövels del pajais, per far con els a lur voluntà;

25. Tal, ch' els piglettan aint cittats fermas, ed ün pajais grass, e possidettan chasas, plainas d'ogni roba, puozs chavats, vignas, olivêrs, e bo-scha früttaivla in abundanza; ed els mangettan, e 's sadolettan, * e 's ingrassettan, e vivettan in delizias per tia granda buntà. * Deut. 32, 15.

26. Ma quels at clamettan oura pro ira, e 's rebellettan contra tai, e * büttettan tia ledscha davo las spadlas, e mazzettan tejs profets, chi 'ls protestaivan, per ils convertir pro tai, e 't fettan grands dispets. * 1 Reg. 14, 9.

27. Pelqual * tü 'ls dettast nels mans da lur inimis, ils quals ils affligettan; ma al temp da lur afflicziun, aviand quels bragi vi' a tai, *ils* exodittast tü giò da tschel, e seguond tias grandas misericordias dettast tü ad els deliberaturs, ils quals ils deliberettan dal man da lur inimis. * Güd. 2, 14, 3, 8.

28. Ma, cur els avaivan pos, turnaivan els a far mal in tejs conspet, dinuonder tü ils bandunaivast nels mans da lur inimis, ils quals as faivan lur patruns. Lura, cur els turnaivan a bragir vi' a tai, *ils* exodivast tü dal tschel; ed usche, seguond tias misericordias, ils hast tü salvats plüs voutas;

29. Ed als hast protestâ per ils convertir pro tia ledscha; ma quels han procedü superbiamaing, e non han obedi a tejs comandamaints, ed han pechâ contra tias ledschas, tras las qualas quel, chi las metterà in effet, viverà, ed els sun stats rebels, a las sporscher las spadlas, ed han indüri lur colöz, e non han obedi.

30. E, combain tü * intardettast invers els per blers ans, ed als protestettast tras tejs Spiert, tras il ministeri da tejs profets; non sporschetan els però las uraglias; dinuonder tü ils dettast nels mans dels pövels dels pajais. * Es. 5, 5. 42, 24.

31. E pür, tras tias grandas misericordias, non als hast tü fat üna destrucziun finala, e non ils hast bandunats; perche tü *est* ün Dejs grazius, e misericordiaivel.

32. Uossa dimena, o nos Dieu, tü Dieu grand, ferm e stramantus, chi observast lia, e benignità, non saja quintada pitschna avant tai tuot la travaglia, chi ais incontrada a nus, a noss rais, a noss princips, a noss sacerdots, a noss profets, a noss babuns, ed a tuot tejs pövel, dal temp dels rais dels Assiriers fin ad hoz.

33. Ma tü est güst in tuot quai chi' ns ais incontrâ; perche tü hast operâ

fidelmaing; ma nus avain procedü empiamaing;

34. Ne noss rais, ne noss princips, ne noss sacerdots, ne noss babuns, non han miss in ouvra tia ledscha, e non han guardâ sün tejs comandamaint, ne sün tias testimonianzas, con las qualas tü als hast protestâ;

35. E non t' han servi in lur reginam, e nels grands benefizis cha tü avaiast dat, ne in quel ampel e grass pajais, cha tü avaiast miss in lur podair, e non s' han convertits da lur malas ouvras.

36. Mera, hoz *eschau* nus famagls; mera, famagls *eschau* nus nel pajais, cha tü dettast a noss babuns per mangiar ils früts, e la buntà;

37. E quel prodüa in abundanza per ils rais, cha tü hast constitui sur nus per noss puchats, ils quals signoreschan sur noss corps, e sur nossas bestias, a lur voluntà, dinuonder nus *eschau* in grand' anguosecha.

38. Per tuot quai dimena fain nus üna lia stabla, e *la* scrivain, e noss capos, e noss levits, e noss sacerdots, han chüra da la sagellar.

CHAP. X.

Ils noms da quels, chi sagellettan la lia. Quai cha quella contegna. L' obligaziun del pövel.

E quels, chi avaivan la chüra da tschantar ils sagels eiran Nehemia, il Tirsata, il figl d' Hacalia, e Sedechia,

2. Seraja, Azaria, Geremia,
3. Pashur, Amaria, Malchia,
4. Hattus, Sebania, Maluc,
5. Harim, Meremot, Obadia,
6. Daniel, Ginton, Baruc,
7. Mesullam, Abia, Miamim,
8. Maazia, Bilgai, Semaja: Quaists eiran ils sacerdots.

9. E 'ls levits eiran: Jesua, il figl d' Azania, Binnui, dels figls d' Henadad, Badmiel,

10. E lur frars: Sebania, Hodia, Clita, Plaja, Hanan,

11. Mica, Rehob, Hasabia,
12. Zacur, Serebja, Sebania,

13. Hodia, Bani, Beninu;

14. Ils capos del pövel: Pareos, Pahat-Moab, Elam, Zatu, Bani,

15. Buni, Azgad, Bebai,

16. Adonia, Bigevai, Adin,
17. Ater, Hischia, Azur,
18. Hodia, Hasum, Besai,
19. Harif, Anatot, Nebai,
20. Magpias, Mesullam, Hezir,
21. Mesezabeel, Sadoc, Jadua,
22. Platia, Hanan, Anaja,
23. Hosea, Hanania, Hasub,
24. Lohes, Pilha, Sobec,
25. Rehun, Hasabna, Maeseja,
26. Ahia, Hanan, Anan,
27. Malluc, Harim, Baena.

28. E 'l rimanent del pövel, ils sacerdots, levits, portnêrs, chantadurs, netins, e tuot quels, chi 's avaiavan separats dals pövels dels pajais pro la ledscha da Dieu; lur mugliers, lur figls, e lur figlias, tuot quels, chi avaiavan sen, e cognoschenscha,

29. As tgnettan vi' a lur frars ils plü notabels, e 's convgnittan tras saramaint ed exercaziun, da chaminar nella ledscha da Dieu, la quala füt datta tras Mose, il servaint da Dieu, e d'observar, e da metter in ouvra tuot ils comandaments del Segner, nos Deis, e sias ledschas, e seis statuts;

30. E cha nus non vöglian dar nossas figlias als pövels del pajais, e cha nus non vöglian tour lur figlias per noss figls;

31. * E cha nus non vöglian accettar inguotta al di del sabbat, o in oter di sanct, dals pövels del pajais, chi portan merchanzias, ed ogni *sort* da granezza al di del sabbat, per *la* vender; e cha nus vöglian laschar *posar la terra* ogni settavel an, † ed *in quel* interlaschar ogni scussiun da debits.

* Ex. 20, 10. 34, 21. Lev. 23, 2. † Ex. 23, 10. Lev. 25, 4.

32. Nus mettettan eir sü a nus svess per ledscha, da pajar ogni an la terza part d'ün siccal per testa, per il servezzen della chasa da nos Deis;

33. Per ils pans della presentaziun, e per l'offerta continua, e per l'olocausto contin, e per *quel* dels * sabbats, dellas chalendas, e dellas festas solennas, e per las chosas sanctas, e per *ils sacrificizis* per il pucha, per far la purgaziun dels puchats d'Israel, e per ogni *otra* chosa conveniainta da far nella chasa da nos Deis.

† Num. chap. 28. 29.

34. Nus trettan eir las sorts *tanter* ils sacerdots, ils levits, e 'l pövel, per la prestanza della laina, acio cha quai als temps assegnats minch' an per nossas chasas paternas füss portâ pro la chasa da nos Deis, per arder sün l' utêr del Segner nos Deis, * sco *aïs* scrit nella ledscha.

* Lev. 6, 12.

35. Nus *ordinettan* eir da portar ogni an nella chasa del Segner las primizias da nossa terra, e las primizias d' ogni früt da qualunque bösch;

36. E 'ls primogenits da noss figls, e da nossas bestias, * seguond *ch' aïs* scrit nella ledscha; e da manar pro la chasa da nos Deis als sacerdots, chi fan il servezzen nella chasa da nos Deis, ils primogenits da nos bestiam gross e manü;

* Ex. 13, 2. 12. 13. Lev. 27, 27.

37. Ed eir da portar las primizias da nossa pasta, e nossas offertas, e 'ls früts da qualunque bösch, del öli e del vin, als sacerdots nellas chambras della chasa da nos Deis, e da * *pajar la deschma della rendita* da nossa terra als levits, e cha 'ls levits alvesan las deschmas in tuot las cittats, ingio nus gnissan a lavurar *la terra*;

* Lev. 27, 30.

38. E cha 'l sacerdot, il figl d'Aaron, dess esser con ils levits, cur as leva la deschma dals levits, e cha 'ls levits portan las deschmas dellas deschmas nella chasa da nos Deis, nellas chambras, nel lö dels giomens.

39. Perche ils figls d' Israel, e 'ls figls da Levi * dessan avair da portar las offertas del formaint, e del vin, e del öli nellas chambras, ingio *sün* las üsaglias del santuari, e 'ls sacerdots chi fan il servezzen, e 'ls portnêrs, e 'ls chantadurs. Ed usche non volain nus bandunar la chasa da nos Deis.

* Deut. 12, 6. 11.

CHAP. XI.

Üna part del pövel abitescha in Gerusalem, e l'otra nellas terras, e vihs del pajais.

ED ils principals del pövel abittettan in Gerusalem, e 'l rimanent del pövel tret las sorts, per trar dellas desch *parts del pövel* üna, chi abittess in Gerusalem, la sancta città, e las *otras* nouv nellas *otras* cittats.

2. E'l pövel benedit tuot quels chi voluntariamang as presentettan ad abitar in Gerasalem.

3. Ma quaists sun ils principals della provinza, ils quals abitetan in Gerasalem. *Ils oters*, ils Israelits, sacerdots, levits, netins, e 'ls figls dels * famagls da Salomon, as rendettan ad abitar nellas cittats da Giuda, scodün in sia possessiun, in lur cittats.

* Esr. 2, 55.

4. Contuot abitetan in Gerasalem, * dels figls da Giuda, e dels figls da Benjamin. Dels figls da Giuda, Attaja, il figl d' Uzia, del figl da Zaccaria, del figl d' Amaria, figl da Sefatia, del figl da Mahelaleel, intanter ils figls da Peres.

* 1 Cron. 9, 3.

5. E Maeseja, il figl da Baruc, del figl da Colhoze, del figl d' Hazaja, del figl d' Adaja, del figl da Jojarib, del figl da Zaccaria, del figl da Siloni.

6. Tuot ils figls da Peres, chi abitaivan in Gerasalem, *eiran* quattertschient sesant' ot, homens valerus.

7. E *quaists* sun ils figls da Benjamin: Sallu, il figl da Mesullam, del figl da Joed, del figl da Pedaja, del figl da Colaja, del figl da Maeseja, del figl d' Itiel, del figl da Jesaja;

8. E, davo el, Gabai, e Sallai, nouvtschient e vainch ot;

9. E Joel, il figl da Zicri, *eira* constitui sur els, e Giuda, il figl da Hasnua *eira* la segunda persuna sur la città.

10. Dels sacerdots: Jedaja, il figl da Jojarib, Jachin,

11. Seraja, il figl d' Hilchia, del figl da Mesullam, del figl da Sadoc, del figl da Merajot, del figl d' Ahitob, conductur della chasa da Dieu,

12. Con lur frars, chi faivan l' ouvra della chasa, *in number d' ottschient* e vainch e duos; ed Adaja, il figl da Jeroham, del figl da Plalia, del figl d' Amsi, del figl da Zaccaria, del figl da Pashur, del figl da Malchia,

13. Con seis frars, ils capos da *famiglias* paternas, *in number da duatschientquarant'* e duos; ed Amassai, figl d' Azareel, del figl d' Ahezai, del figl da Mesillemot, del figl d' Immer,

14. Con lur frars, *homens valerus*, *in number da tschient* e vainchot; e Zab-

diel, il figl da Gedolim, *eira* constitui sur els.

15. E dels levits: Semaja, il figl d' Hasub, del figl d' Azricam, del figl d' Hasabia, del figl da Buni;

16. E Sabtai, e Jozabad intanter ils capos dels levits *eiran ordinats* sur l' ouvra dadoura della chasa da Dieu;

17. E Mattania, il figl da Mica, del figl da Zabdi, del figl d' Assaf *eira* il capo *dels chantadurs*, il qual comanzaiv' ils lods al temp dell' oraziun; e Bachuchia, il seguond intanter seis frars, ed Abda, il figl da Sammua, del figl da Galal, del figl da Jedutun.

18. Tuot ils levits, *chi abitaivan* nella sancta città, *eiran* duatschientottant' e quatter.

19. E dels portnêrs: Acub, Talmon, con lur frars, chi faivan la guardia pro las portas, *in number da tschient* e settant' e duos.

20. E'l rimanent dels Israelits, dels sacerdots e dels levits, abitaivan per tuot las cittats da Giuda, scodün in sia possessiun.

21. Ma ils netins abitaivan in * Ofel; e Siha, e Gispà *eiran* sur ils netins.

* Neh. 3, 26.

22. E quel chi avaiva la superintendenza sur ils levits in Gerasalem *eira* Uzi, il figl da Bani, del figl d' Hasabia, del figl da Matania, del figl da Mica. E 'ls chantadurs dels figls d' Assaf *dovaivan esser da contin* presaints all' ouvra della chasa da Dieu.

23. Perche cha *eira* per ils chantadurs ün norden del rai, ed *eira* üna provisiun assignada per els, per minchadi.

24. E Petahia, il figl da Mesezabeel, dels figls da Zera, del figl da Giuda, *eira* commissari del rai, in ogni affar del rai con il pövel.

25. Ma, quant als vihs con lur contadi, *quels chi eiran* dels figls da Giuda abitaivan in Ciriati-Arba, e nellas terras da seis territori, ed in Dibon, e nellas terras da seis territori, ed in Cabseel, ed *in* seis vihs;

26. Ed in Jesua, ed in Molada, ed in Betpalet;

27. Ed in Hasarsual, ed in Beerseba, e nels lous da seis territori;

28. Ed in Sielag, ed in Mecona, e nels lous da seis territori;

29. Ed in Enrimmon, ed in Zarega, ed in Jarmut;

30. In Zanoa, in Adullam, ed in lur vihs; in Lachis, ed in sia contrada; in Azeca, e nels lous da seis territori. Els piglettan lur avdanzas da Beerseba fin alla val da Hinnom.

31. E 'ls figls da Benjamin *abitaivan* da Geba, in Micmas, in Aja, ed in Betèl, e nels lous da seis territori;

32. In Anatot, in Nob, in Anania,

33. In Hasor, in Rama, in Gitaim,

34. In Hadid, in Zeboim, in Neballat,

35. In Lod, ed in Ono, * e nella val dels mansterans.

* 1 Cron. 4, 14.

36. E'ls levits füttan partits tanter Giuda, e Benjamin.

CHAP. XII.

Ilz sacerdots e levits, chi gnittan da Babilon a Gerusalem con Zerubabel. Dedicaziun della müraglia.

MA quaists *sun* ils sacerdots, e levits, *chi* muntettan con Zerubabel, il figl da Sealtiel, e con Jesua: Seraja, Geremia, Esra,

2. Amaria, Malluc, Hattus,

3. Secania, Rehun, Meremot,

4. Iddo, Gintai, Abia,

5. Miamin, Maadia, Bilga,

6. Semaja, Jojarib, Jedaja,

7. Sallu, Amoc, Hilchia, Jedaja.

Quaists eiran ils capos dels sacerdots, e lur frars, al temp da Jesua.

8. E'ls levits: Jesua, Binnui, Cadmiel, Serebia, Giuda, e Matania, il qual con seis frars avaiva la chüra da *chan-tar* ils lods.

9. Bacbuchia, ed Unni, lur frars, *eiran contraposts* ad els nellas müdadas da lur servezzan.

10. Ma Jesua genuit Jojachim, e Jojachim genuit Eliasib, ed Eliasib genuit Jojada;

11. E Jojada genuit Jonatan, e Jonatan genuit Jaddua.

12. Ed, al temp da Jojachim, ils sacerdots, ils capos dellas *famiglias* paternas, eiran *quaists*: Per Seraja, Meraia, per Geremia, Hanania,

13. Per Esra Mesullam, per Amaria Johanen,

14. Per Meluci Jonatan, per Sebania Giosef,

15. Per Harim Adna, per Merajot Helcai,

16. Per Iddo Zaccaria, per Ginton Mesullam,

17. Per Abia Zicri, per Miniamin, e per Moadia, Piltai,

18. Per Bilga Samua, per Semaja Jonatan,

19. Per Jojarib Matnai, per Jedaja Uzi,

20. Per Sallai Callai, per Amoc Eber,

21. Per Hilchia Hasabia, per Jedaja Netaneel.

22. Quant als levits, füttan descrits ils capos dellas famiglias paternas, al temp d'Eliasib, da Jojada, da Johanen, e da Jaddua, insembel con ils sacerdots, suot il reginam da Dario da Persia.

23. Ils capos dellas *famiglias* paternas, dels figls dels levits, sun descrits * nel cudesch dellas cronicas fin al temp da Johanen, del figl d'Eliasib.

* 1 Cron. 9, 14.

24. E'ls capos dels levits *eiran* Hasabia, Serebia, e Jesua, il figl da Cadmiel; e lur frars, paragliats con els, *eiran* per lodar, e per celebrar *Deis*, * seguond l'uorden da David, hom da Dieu; l'üna müdada paragliada con l'otra.

* 1 Cron. 23, 25, 26.

25. Matania, Bacbuchia, Obadia, Mesullam, Talmon, Acub, faivan la guardia pro'l glim dellas portas, *in quantità* da portnêrs.

26. Quaists *eiran* dal temp da Jojachim, del figl da Jesua, del figl da Josadac, e dal temp del governatur Nehemia, e del sacerdot Esra, del scrivant.

27. Ma per la dedicaziun della müraglia da Gerusalem as retscherchet ils levits da tuot lur lous, per ils far gnir a Gerusalem, a far la dedicaziun con allegrezza, con lods, e chanzuns, con cimbals, e psalters, e citras;

28. E füttan raspats ils figls dels chantadurs, tant dalla planüra our dintuorn Gerusalem, co dals vihs dels Netofatits;

29. E da Betgilgal, e dals contuorns da Geba, e d'Azmavet; perche ils

chantadurs s'avaivan edificâ vihs our dintuorn Gerusalem.

30. E 'ls sacerdots, e 'ls levits as purifichettan, e purifichettan il pövel, e las portas, e la müraglia.

31. Lura fet eu muntar sül mür ils capos da Giuda, ed ordinet duos grandas troppas, chi chantaivan ils lods da Dieu, e l'üna da quellas processions tret a *man* dret sur il mür vers la porta del aldüm;

32. E sper quels chaminaiva Hosaja, e l'üna mità dels capos da Giuda,

33. Cioè Azaria, Esra, e Mesullam,

34. Giuda, Benjamin, Semaja, e Geremia;

35. E dels figls dels sacerdots con las * trombettas: Zaccaria, il figl da Gionatan, del figl da Semaja, del figl da Matania, del figl da Micaja, del figl da Zacur, del figl d' Assaf;

* Num. 10, 2.

36. Con seis frars: Semaja, Azareel, Milelai, Gilelai, Maai, Netanael, Giuda, ed Hanani, con ils instrumaints musicals da David, del hom da Dieu; ed Esra, il scrivant, *chaminaiv'* avant els.

37. Ed essendo rivats alla porta della fontana, dretvia avant els, muntettan els sü per ils schaluns della città da David, tras la muntada del mür, sü sur la chasa da David, e gnittan fin alla * porta dellas auas vers orient.

* Neh. 3, 26. 8, 1. 3. 16.

38. E la segunda troppa da quels chi chantaivan ils lods *da Dieu* chaminaiva dalla vart opposta, ed eu sper quella, con l'otra mità del pövel, sül mür, sü sur la * tuor dels fuorns, fin al mür lad,

* Neh. 3, 11.

39. E sur la * porta d'Efraim, e sur la porta veglia, e pro la porta dels peschs, e pro la tuor Hananeel, e pro la tuor da Mea, fin alla porta della bescha, e quella troppa 's fermet pro la porta della preschun. * 2 Reg. 14, 13.

40. Lura 's fermettan quellas duos troppas da quels chi chantaivan ils lods *da Dieu* pro la chasa da Dieu, ed eu, e la mità dels magistrats con mai,

41. E 'ls sacerdots: Eliachim, Maeseja, Miniamin, Micaja, Elioenai, Zaccaria, ed Hanania, con las trombettas,

42. E Maeseja, e Semaja, ed Eleazar, ed Uzi, e Johanan, e Malchia, ed Elam, ed Ezer. Ils chantadurs chantaivan ad ota vusch, e Jesrahia eira l'intendent.

43. Ed in quel di sacrifichet il pövel grands sacrificis, e s'allegret, perche Deis l'avaiva dat granda leidezza; ed eir las donans, e 'ls infants s'allegrettan, tal cha l'allegrezza da Gerusalem füt udida dalönsch.

44. In quel di füttan constituits homens sur las chambras e giodens per las offertas, primizias, e deschmas, per raspar aint in quellas, dal contuorn dellas cittats, las porziuns, *assignadas tras* la ledscha als sacerdots, ed als levits; perche Giuda avaiva üna grand' allegrezza via dals sacerdots, e dals levits, chi staivan pro quai offizi;

45. Ed els observaivan quai cha lur Deis als avaiva comandâ d'observar, e l'observanza della purificaziun, seo eir ils chantadurs, e 'ls portnêrs, seguond il comandamaint da David e da Salomon, seis figl;

46. Perche anticamaing, al temp da David, e d' Assaf, *eiran stats constituits* ils capos dels chantadurs, e chanzuns, a lodar, e celebrar Deis.

47. E perquai, al temp da Zerubabel, ed al temp da Nehemia, daiva tuot Israel las porziuns *assignadas* als chantadurs, ed als portnêrs, imminchadi; ed usche *las* consacraivan els als levits, e 'ls levits *las* consacraivan als figls d'Aaron.

CHAP. XIII.

Ils Moabits, ed Ammonits non intran nella congregaziun da Dieu. Nehemia corrigescha la profanaziun del sabbat, e reprend' ils matrimonis con pövels pajans.

IN quel temp as leet nel cudesch da Mose, in presenza del pövel, e füt chattâ scrit in quel, * cha 'ls Ammonits, e 'ls Moabits non dessan mâ in perpetuo intrar nella raspada da Dieu;

* Deut. 23, 3.

2. Perche els non gnittan incoenter con pan ed aua als infants d'Israel, e finettan sü conter els Bileam, per ils smaledir; bain cha nos Deis convertit quella maledicziun in benedicziun.

3. Perquai, cur il pövel avet incelet quella ledscha, separet el d' Israel ogni miscolanza.

4. Ma, avant quaist, il sacerdot Eliasib, chi eira constitui sur las chambras della chasa da nos Deis, *essendo* paraint da Tobia,

5. Avaiva a quel perdert üna granda chambrà, ingio anticamaing as tschantai' aint las offertas, ils incens, e la vaschella, e las deschmas del formaint, del vin, e del öli, ordinadas per ils levits, per ils chantadurs, e per ils portnêrs, e las porziuns chi 's levaiva per ils sacerdots.

6. Ma, intant cha 's *faiva* tuot quai-stas chosas, non eira eu in Gerusalem; perche l'an trent' e seguond d' Artasasta, del rai da Babilon, gnit eu pro'l rai; ma alla fin del an obtgnet eu la licenza del rai.

7. E, siand rivâ in Gerusalem, incelet eu il mal, ch' Eliasib avaiva fat per Tobia, l'aviand perdert üna chambrà nels cortils della chasa da Dieu.

8. E l' fat am displaschet granda-maing, ed eu büttet our dalla chambrà tuot la mobilia della chasa da Tobia.

9. E, tras meis comand, fütan quella chambras purifichadas, lura portet eu darcheu aint la vaschella della chasa da Dieu, e las offertas, e 'ls incens.

10. Ed eu gnit a savair, cha las porziuns dels levits non als eiran stat dattas; pelqual ils levits, e 'ls chantadurs, chi faivan il servezzen, eiran fûgits, scodün pro sia possessiun.

11. Ed eu dispitet con ils magistrats, e dschet *ad els*: Perche ais bandunada la chasa da Dieu? Lura raspet eu ils levits, e 'ls mettet darcheu in lur offizis.

12. E tuot Giuda portet las deschmas del formaint, del vin, e del öli, nels giodens.

13. E sur quels constituit eu suprant Selemia, il sacerdot, e Sadoc, il scrivant, ed our dals levits, Pedaja, e suot els Hanan, il figl da Zacur, del figl da Matania; perche els eiran reputats homens reals, e lur chüra *eira* da distribuir las porziuns a lur frars.

14. Meis Deis, at regorda da mai

per quaist, e non chassar las ouvras prusas, fattas da mai intuorn la chasa da meis Deis, ed intuorn las chosas, chi 's dess observar!

15. Da quel temp vèzzet eu Güdeus, chi chalchaivan nels torchels al *di del sabbat*, ed *loters*, chi portaivan faschs *da früas*, o 'ls avaivan chargiats sün asens, ed eir vin, üjas, e fies, e da tuotta sort *otra* sama, e portaivan quellas chosas a Gerusalem al *di del sabbat*. Ed eu protestet ad els nel di cha vendaivan las vietualias.

16. Eir Tirers, chi dmuraivan in Gerusalem, manaivan pro peschs, ed ogni *otra* roba, e la vendaivan als infants da Giuda al *di del sabbat*, e *quai* dadaint Gerusalem;

17. Pelqual eu dispitet con ils homens notabels da Giuda, e dschet ad els: Che mal *ais* quaist cha vus fais, profonand il di del sabbat?

18. Non fettan usche noss babuns, dinuonder nos Deis fet gnir sur nus, e sur quaista città tuot quaist mal? Ed impero eir vus creschantais l'ira, chi ais invüdata conter Israel, profanand il sabbat?

19. Perquai, *il di* avant il sabbat, seombod la sumbriva erodaiva sur las portas da Gerusalem, tras meis comand gnittan serradas las portas, ed eu ordinet, cha non s' avrissan, fin *al di* davo 'l sabbat; e fet star alchüns da meis servaints pro las portas, acio cha * non intress alchüna sama al di del sabbat.

* Ger. 17, 21.

20. E 'ls merchadants, e quels chi vendaivan ogni sort da roba, stettan la not dadour Gerusalem, üna e duos voutas.

21. Ma eu protestet ad els, e dschet ad els: Perche stais vus la not vi' avant la müraglia? Scha vus turnais *a'l far*, schi 's vögl eu metter il man adöss. Da quel temp davent non gnittan els plü al *di del sabbat*.

22. Eu dschet eir als levits, cha 's purifichessan, e gnissan a perchürar las portas, per santifichar il di del sabbat. At regorda eir da quaist, meis Deis, a mia favur, e perduna 'm, seguond la grandezza da tia benignità!

23. In quels dis vèzzet eu Güdeus,

* chi avaiavan manâ mugliers Asdoditas, Ammonitas, e Moabitas. * Esr. 9, 2.

24. E lur infants tshantschaivan la mitâ Asdoditic, e non savaivan tshan-tshear Giudaic; anzi seguond il linguach del ün, e del oter pövel.

25. Ed eu dispetet con els, e 'ls smalredit, e battet alchüns, e 'ls tret oura ils chavels; lura ils fet eu gürrar tras *il nom da* Dieu, cha non dessan dar lur figlias als figls da quels pövels, e cha non dessan tour da lur figlias, ne per lur figls, ne per sai s vess.

26. * Salomon, il rai d'Israel, non pechet el in quai, combain cha tantter las bleras naziuns non ais stat rai al pèr dad el, e ch'el füt † amâ da seis Deis, e cha Deis l' avet constitui rai sur tuot Israel? Ed impero las donans estras il fettan pechar.

* 1 Reg. 11, 1. † 2 Sam. 12, 24.

27. E dessan nus acconsentir a vus, da far tuot quai, grand mal, da com-metter misfat conter nos Deis, manand mugliers estras?

28. Ma *ün* dels figls da Jojada, del figl d'Eliasib, del grand sacerdot, asavaiva fat dschender da Saneballat, del Horonit; pelqual eu il şchatschet d'avent da mai.

29. At regorda dels, meis Deis, perche els han contaminâ il sacerdotadi, e la * lia del sacerdotadi, e dels levits!

* Mal. 2, 4. 11, 12.

30. Contuot ils nettiet eu d'ogni *persuna* estra, e * stabilit darcheu las müdadas dels sacerdots, e dels levits, scodün seguond seis offizi.* Neh. 12, 1. 2. etc.

31. Ed *eu ordinet* eir las prestanzas della laina nels temps assegnats, e dellas primizias. At regorda da mai, meis Deis, in bain!

IL CUDESCH

DAD

E S T E R.

CHAP. I.

Il rai Ahasvero fa ün convit als princips, ed a tuot il pövel da Susan. Sia ricchezza, e magnificenza. Disobedienza da Vasti. Sia rejeczün.

E DVANTET AL TEMP d' * Ahasvero, (quel Ahasvero, chi regnaiva dall' India fin in Etiopia, sur tshient e vainch e set provinzas,) * Esr. 4, 6.

2. In quel temp sezzaiva il rai Ahasvero sün seis trun regal, in Susan, seis chastè.

3. E l'an terz da seis reginam fet el ün convit a tuot seis princips, e servaints, e capos dels exercits da Persia, e da Media, als baruns, e governatur dellas provinzas,

4. Fand mossa dellas ricchezas, e della gloria da seis reginam, e dell' excellenza, e magnificenza da sia grandezza, durante blers dis, *cioè* tshientottanta dis.

5. Ed alla fin da quels dis fet il rai ün *oter* convit, per set dis, nel cortil del tiert pro'l palazzi regal, a tuot il pövel chi's chattet in Susan, seis chastè, dal plü grand al minim.

6. *Qua eiran* velas albas, e violettas, pendüdas vi' ad anels d'argient, con cordas da biss, e da şcharlatta, vi' a coluonnas da marmel; covertas d'or, e d'argient *eiran* sün ün aster dad asfalt, e da marmel, perlas e porfir.

7. E's presentaiva da baiver in vasschella d'or, e quella's müdaiva da temp in temp, e *qua eira* vin regal in abundanza, seguond il podair da rai.

8. E la maniera da baiver eira ordinada, ch'ingün non gniva sforzâ *a baiver*; perche il rai avaiava fixâ a tuot seis magisters da chasa, cha scodün fess a sia voluntà.

9. Eir Vasti, la regina, fet ün convit allas donans nella chasa regala del rai Ahasvero.

10. Al settavel di, aviand il rai seis cour leiger da vin, dschet el a Mehuman, a Bizta, a Harbona, a Bigta, ed Abagta, e Zeter, e Carcas, als set eunues, chi eiran ils ministers ordinats del rai Ahasvero,

11. Ch'els manessan nan la regina Vasti nella presenza del rai, con la

coruna regala, per mossar als pövels, ed als signurs sia bellezza; perche l'eira bella d'aspet.

12. Ma la regina Vasti rechüset da gnir sül pled del rai tras ils eunues; dinuonder il rai's grittantet zuond fich, e si' ira s'invüdet in el.

13. E'l rai dschet als sabis, chi avaiavan cognoschenscha dels temps, (perche usche gnivan proponidas las fatschendas del rai a tuot quels, chi eiran inlegiantaivels da ledschas, e da raschun;

14. E'ls prossems intuorn el *eiran*: Carsena, Setar, Admata, Tarsi, Meres, Marsena, e Memucan, ils set principals signurs da Persia, e da Media, ils quals vezzaivan la fatscha del rai, ed avaiavan ils prüms sezs nel reginam.)

15. Che's *dess far* seguond ledscha alla regina Vasti, per quai, ch'ella non ha fat seguond il comand del rai Ahasvero tras ils eunues?

16. Lura dschet Memucan, in presen-za del rai, e dels principals: La regina Vasti non ha misfat solum conter il rai, ma eir conter tuot ils principals, e conter tuot ils pövels, chi *sun* in tuot las provinzas del rai Ahasvero;

17. Perche quai cha la regina ha fat as raserà oura tanter tuot las donans, per *las* far spretschar lur marits; cur as dscharà: Il rai Ahasvero avaiava comandà da far gnir la regina Vasti in sia presenza, ed ella im-pero non ais gnüda.

18. Ed in quai di las damas da Persia, e da Media, chi averan inolet ils plds della regina, ils ascheran tschantsehar als principals del rai; lura *gniss ad esser* spretsch, ed indignaziun avuonda!

19. Scha *usche* para bön al rai, schi cha vegna clamà our' ün decret regal da parte sia, e saja 'l scrit tanter las ledschas da Persia, e da Media, * tal ch'el saja irrevocabel: Cha Vasti non vegna *plü* in presenza del rai Ahasvero, e cha'l rai darà sia dignità regala ad üna sia compagna, meldradad ella.

* Est. 8, 8. Dan. 6, 8. 12, 15.

20. E'l decret del rai sarà inolet per tuot seis reginam, schabain ch'el *ais* grand, lura vegnan tuot las donans a

dar onur a lur marits, dal plü grand al plü pitschen.

21. E'l fat plaschet al rai, ed als principals, e'l rai fet sco Memucan avaiava dit.

22. Ed el tramettet chartas a tuot suas provinzas, a scodüna provinza seguond sia maniera da scriber, ed a scodün pövel seguond seis linguach: Cha ogni hom saja signur in sia chasa, e tschantseha seguond il linguach da seis pövel.

CHAP. II.

Ester plasch'al rai Ahasvero. Ella ais amada sur tuot las otras, ch'el la spusa. Mardachai scoverna üna congiura conter Ahasvero.

DAVO quaistas chosas, cur l'ira del rai Ahasvero füt acquietada, as regordet el da Vasti, e da quai ch'ella avaiava fat, e del decret stat fat conter ella.

2. Dinuonder ils serviants del rai, chi'l servivan, dschettan: Cha's tschercha al rai giuvantschellas, bellas d'aspet;

3. Ed il rai ordinescha commissaris per tuot las provinzas da seis reginam, ils quals raspan tuot las giuvantschellas bellas d'aspet in Susan, il chastè, nella chasa dellas femnas, suot la chüra d'Hegai, del eunuco del rai, guardiant dellas femnas, ed allas sajan dattas las chosas retscherchadas as far bellas;

4. E la giuvna, chi plascherà al rai, saja fatta regina, nel lö da Vasti. E'l fat plaschet al rai, ed el fet usche.

5. Ma qua *eira* in Susan, il chastè, ün hom Güdeu, il nom del qual *eira* Mardachai, il figl da Jair, del figl da Simei, del figl da Chis, Benjaminit;

6. Il qual eira stat manà in preschun davent da Gerusalem tanter ils preschunêrs, chi * füttan manats in preschun con Jeconia, il rai da Giuda, il qual Nebucadnesar, il rai da Babilon, avaiava manà in preschun. * 2 Reg. 24, 14.

7. Ed el allevaiva Hadassa, quai ais Ester, la figlia da seis barba, perche ella non avaiava ne bap, ne mamma. E la giuvantschella eira bainformada, e bella d'aspet, e, davo la mort da seis bap, e da sia mamma, Mardachai l'avaiava a sai tutta sü per figlia.

8. E, cur il pled del rai, e seis decret füt inelet, e gñand bleras giuvantschellas raspadas in Susan, il chastè, suot la chüra d'Hegai, füt eir Ester tutta stü nella chasa del rai, suot la chüra d'Hegai, del guardiant dellas femnas.

9. E la giuvna plaschet ad Hegai, e's acquistet sia grazia; pelqual el bainbod la det las chosas necessarias per as fittar, e seis nudriamaint; la det eir set resguardablas donzelas della chasa del rai; lura la translocet el, insembel con sias donzellas, nella plü bella part della chasa dellas femnas.

10. Ma Ester non avaiva declarâ, ne seis pövel, ne seis paraints; perche Mardachai l'avaiva scomandada da'l declarar.

11. E Mardachai spassiaiva di per di avant il cortil della chasa dellas femnas, per savair, scha Ester staiva bain, e che cha's fess d'ella.

12. Ma, cur la rouda gniv'a scodüna giuvantschella, d'intrar avant il rai Ahasvero, cur eira fat invers quella quai cha eira ordinâ sco dret allas femnas dudesch mais; (per cha usche as compliss il temp da lur fittamaint, ses mais con öli da mirra, e ses mais con odurs, e con *otras* chosas da fittar femnas;)

13. Lura la giuvantschella intraiva avant il rai, e tuot quai ch'ella dschaila, l'eira datta per portar adöss dalla chasa dellas femnas fin pro la chasa del rai.

14. Ell'intraiva la saira e la mattina turnaiv' ella nella seguonda chasa dellas femnas, suot la chüra da Saasgaz, del eunuco del rai, guardiant dellas concubinas. Ella non intraiva plü avant il rai, oter co scha'l rai la volaiva, ed ella gniva clamada per nom.

15. E, cur la rouda gnit ad Ester, la figlia d'Abihail, del barba da Mardachai, il qual l'avaiva tutta a sai per figlia, d'intrar avant il rai, non giavtschet ella inguott' oter, co quai cha Hegai, l'eunuco del rai, il guardiant dellas femnas, dschaila. Ed Ester s'acquistet la grazia da tuots chi la vezzettan.

16. Contuot Ester füt manada avant il rai Ahasvero, in seis palazzi regal, nel deschavel mais, *chi* ais il mais tebet, l'an set del reginam da quel.

17. E'l rai amet Ester sur tuot las *otras* femnas, ed ella s'acquistet sia grazia, e benevolenza plü co tuot las *otras* verginas; dinuonder ella tschantet sül cheu la corona regala, e la constituit regina nel lö da Vasti.

18. E'l rai fet ün grand convit a tuot seis baruns, e serviaints, il convit *dellas nozzas* d'Ester, e surlevget allas provinzas, e fet preschaints seguond podair regal.

19. Ma, cur verginas füttan raspadas la seguonda vouta, sezzaiva Mardachai pro la porta del rai.

20. Ester non declaret, ne sia parantella, ne seis pövel, seguond cha Mardachai l'avaiva comandada; ed ella faiva per comand a Mardachai, sco cur ella gniv' allevada pro el.

21. In quels dis, sezzand Mardachai alla porta del rai, duos eunues del rai, dels guardiants del glim, Bigtan, e Teres, per qualcha sdegn, tscherchaivan da metter il man adöss al rai Ahasvero.

22. E quai st gñit a notizia da Mardachai; ed el il fet a savair alla regina Ester. Ed Ester dschet quai al rai da parte da Mardachai.

23. E, siand fat inquisiziun del fat, füt chattâ, *cha eira usche*, dinuonder amenduos füttan appichats vi' ad ün lain, e quai füt scrit nel cudesch dellas cronicas, in presenza del rai.

CHAP. III.

Haman, tras comand d'Ahasvero, ais adurâ da tuots, resalv Mardachai; dinuonder el obtegna dal rai, da sdür tuot ils Güdeus.

DAVO quaistas chosas, il rai Ahasvero ingrandit Haman, il figl da Medata, l'Agagit, e l'adozet, e tschantet seis sez sü sur tuot ils principals, chi *eiran* intuorn el.

2. E tuot ils serviaints del rai, chi eiran alla porta del rai, s'inclinaivan, ed aduraivan Haman; perche il rai avaiva comandâ, *cha's fess usche* invers el. Ma Mardachai non s'inclinava, e non l'aduraiva.

3. E'ls serviaints del rai, chi *eiran*

alla porta del rai, dschettan a Mardachai: Perche trapassast il comand del rai?

4. Ma, stante ch'els al dschaivan ogni di, e ch'el non als daiva uraglia, schi'l referittan quels ad Haman, per vair, scha'ls plds da Mardachai füssan constants; perche el als avaiva declarâ, ch'el *eira* Güdeu.

5. Haman dimena, vezziand cha Mardachai non s'inelinaiva, e non l'adurava, füt plain da furia.

6. Ma el non s'adegnaiva da metter il man sur Mardachai sulet; anzi, perche cha'l eira stat declarâ il pövel da Mardachai, tscherchaiv'el da sdrür tuot ils Güdeus, il pövel da Mardachai, chi *eiran* in tuot il reginam d'Ahasvero.

7. E nel prüm mais, *chi* ais il mais da nisan, nel an dudesch del rai Ahasvero, füt trat il pur, cioè la sort avant Haman per scodün di, e per scodün mais, fin sül dudeschavel mais, *chi* ais il mais adar.

8. Ed Haman dschet al rai Ahasvero: L'ais ün pövel, rasâ e parti tanter ils *oters* pövels in tuot las provinzas da teis reginam, las ledschas del qual sun differentas da *quellas d'*ogni *oter* pövel, e quel non observa las ledschas del rai; tal cha non *ais* conveniaint al rai da l'laschar *viver*.

9. Scha usche para bain al rai, schi ch'el scriva, da'ls sdrür, ed eu vögl pajar in man dels agents del rai, deschmilli talents d'argient, per ils portar nels tesors del rai.

10. Lura il rai tret seis anè our da seis man, e'l det ad Haman, al figl da Medata, al Agagit, l'inimi dels Güdeus.

11. E'l rai dschet ad Haman: Quel argient saja surdat a tai, cha saja fat con quel pövel sco a tai parerà bain.

12. E nel traideschavel di del prüm mais füttan clamats ils secretaris del rai, e füttan scrittas, plainamaing sco Haman comandet, *chartas* als podestats del rai, ed als governaturs da scodüna provinza, ed als princips da scodün pövel, a scodüna provinza seguond sia maniera da scriver, ed a scodün pövel seguond seis linguach. *E quellas füttan* scrittas a nom del

rai Ahasvero, e sagelladas con l'anè del rai;

13. E füttan tramissas tras man da curriers a tuot las provinzas del rai, per far sdrür, mazzar, e stermnar tuot ils Güdeus, giuvens, vegls, pitschens infants, e femnas, ad ün medem di, cioè al traideschavel di del dudeschavel mais, *chi* ais il mais adar, e per butinar lur butin.

14. Il tenor dellas chartas *eira*, cha's clamess our il decret in scodüna provinza, *dasort cha que füss* palais a tuot ils pövels, acio ch'els füssan perderts sün quel di.

15. Ils curriers, sollicitats dal comand del rai, as partittan spert, e'l decret füt proclamâ in Susan, il chastè. E'l rai, ed Haman, sezzaivan bavand, intant cha la città da Susan *eira* in granda perplexità.

CHAP. IV.

Il plan da Mardachai, e dels Güdeus per il crudel decret del rai. El persvada Ester, d'ir a supplicar il rai per sia naziun.

E Mardachai, aviand savü tuot quai ch'eira dvantâ, as * sdratschet la vestimainta, e's vestit d'ün sach con tschendra, e get oura in mez la città, bragind d'ün grand e lamentus bragizi.

* 2 Sam. 1, 11. 12. 15, 32.

2. Ed el gnit fin avant la porta del rai, perche e non *eira licit* d'intrar dadaint la porta del rai con ün vestimaint da sach.

3. Medemmamaing, in ogni provinza, ingio cha'l pled del rai pervgnit, e seis decret, fettan ils Güdeus grand cordöli, con * gegtini, e con eridar, e con plands; e bliers giasechaivan sün sachs, e sün † tschendra.

* Gion. 3, 6. † Giob 42, 6.

4. Ma las fantshellas d'Ester; e seis eunues, gnittan e la referittan; e la regina füt conturblada grandamaing, e tramettet vestimainta per far darcheu vestir Mardachai, e per il tour d'adöss seis sach. Ma el non l'acettet.

5. Lura Ester elamet Hatac, ün dels eunues del rai, il qual el avai'ordinâ per esser a seis servezzen, e'l tramettet pro Mardachai con comand da savair, che chosa cha *füss*, e perche?

6. Contuot get oura Hatac pro Mardachai sün la piazza della città, chi eira avant la porta del rai.

7. E Mardachai al declarer tuot quai chi 'l eira inscontrâ, e la somma del danêr, cha Haman avaiua dit da pajar al tesor del rai conter ils Güdeus, per cha füssan sdrüts;

8. E 'l det eir la copia del decret, il qual eira stat emiss in Susan, per sdrür ils Güdeus; acio ch' el la mosses ad Ester, ed alla declareress *il fat*, e l' ordiness, d' intrar avant il rai, per al domandar grazia, e per il retscherchar a bain da seis pövel.

9. Ed usche turnet Hatac, e referit ad Ester ils plets da Mardachai.

10. Ed Ester dschet ad Hatac, e 'l comandet *d'ir* pro Mardachai.

11. Tuot ils serviaints del rai, e 'l pövel da sias provinzas san, cha, chi ch' ün saja, hom, o duonna, sch' el intra pro 'l rai nel cortil dadaint sainz' esser clamâ, qua non ais oter co üna ledscha per el, da 'l far morir, resalv quel, vers il qual il rai stenda la bachetta d' or, ch' el haja la vita salva. Ma eu non sun statta clamada per intrar avant il rai, agià *sun* trenta dis.

12. Ed ils plets d' Ester füttan rapportats a Mardachai;

13. Ed el dschet, cha 's respondess ad Ester: Non t' imaginar in teis cour, cha tü intanter tuot ils Güdeus scam-past via nella chasa del rai!

14. Perche, scha tü pür taschast in quai temp, schi vain ad alvar sü als Güdeus surlevgiamaint e deliberraziun da qualch' oter lö; ma tü, e la chasa da teis bap gnissan a perir. E chi sa, scha tü non est gnüda ad esser regina per motiv da quai temp?

15. Lura Ester comandet, cha 's respondess a Mardachai:

16. Vâ, raspa tuot ils Güdeus chi 's chattan in Susan, e gegünai per mai; e non mangiarai, e non bavarai in trais dis, ne da di, ne da not. Eir eu, insembel con mias fantschellas, vögl gegünar sumgiantamaing, ed allura vögl eu intrar avant il rai, combain non *saja* seguond la ledscha; e, scha pür ch' eu peresch, schi vögl eu perir!

17. Contuot get via Mardachai, e fet interamaing sco Ester l' avaiua ordinâ.

CHAP. V.

Ester, intrand pro 'l rai, giavüscha, ch' el ed Haman vegnan pro ün convit.

AL terz di dimena, qua 's vestit Ester alla regala, e 's presentet nel cortil dadaint del palazzi del rai, dretvi' al palazzi del rai, e 'l rai sez-zaiva sün la sopcha regala, nel palazzi regal, dretvi' alla porta del palazzi.

2. E, cur il rai avet vis la regina Ester, in pè nel cortil, guadagnet ella sia grazia, e 'l rai stendet oura vers Ester la bachetta d' or, ch' el *avaiv'* in man, ed Ester s' approsmet, e toccet ourasom la bachetta.

3. E 'l rai la dschet: Che hast, o regina Ester? E qual *ais* teis giavüsch? *Scha füss eir* fin alla mità del reginam, schi at dess esser dat.

4. Ed Ester dschet: Scha plasch' al rai, schi cha vegna hoz il rai, con Haman pro 'l convit, ch' eu l' ha apparechâ.

5. E 'l rai dschet: Fat gnir prest Haman, per far seo ch' Ester ha dit. Contuot gnit il rai con Haman pro 'l convit, ch' Ester avaiiv' apparechâ.

6. E 'l rai dschet ad Ester pro 'l vin del convit: Qual *ais* teis giavüsch? E 't sarà concess. E qual' *ais* tia domanda? Füss quai fin alla mità del reginam, e sarà fat.

7. Ed Ester respondet, e dschet: Meis giavüsch e domanda *ais*:

8. Sch' eu ha chattâ grazia pro 'l rai, e scha plasch' al rai, da 'm conceder meis giavüsch, e da far mia domanda, schi cha vegna il rai con Haman pro ün *oter* convit, ch' eu vögl far ad els, e daman vögl eu far seguond il pled del rai.

9. Ed Haman get oura quel di leiger, e da bun anim; ma, cur el vezzet Mardachai alla porta del rai, il qual non alvaiva sü, e non as movaiva avant el, füt el plain furia conter quel.

10. Impero el as retgnet, e gnit in sia chasa, e tramettet via a far gnir seis amis, e Zeres, sia muglier.

11. Ed Haman als requintet da sia gloria, e sias ricchezas, e la * blerü-ra da seis infants, ed in quants möds

il rai l'avaiv' ingrandi, e co el l'avaiv' adoza sur ils princips, e sur ils serviaints del rai. * Est. 9, 7.

12. Lura mettet el pro: Eir la regina Ester non ha fat gnir pro 'l convit, ch' ella ha fat, con il rai, oters co mai, ed eir per daman sun eu dad ella invidà con il rai.

13. Ma tuot quaist non am containta, fintant ch' eu quel Güdeu Mardachai vez sezzand alla porta del rai.

14. E Zeres, sia muglier, e tuot seis amis al dschettan: Cha 's perderscha ün lain, ot da tschinquanta bratschs muots, e daman manvagi di al rai, cha 's picha Mardachai vi' a quel; lura và con il rai leiger pro 'l convit. E quai plaschet ad Haman, ed el fet perderscher il lain.

CHAP. VI.

Il rai con ler las istorias annualas chatta la fideltà da Mardachai, e comanda, cha Haman l'onura.

In quella not non avaiv' il rai ingüna sön, ed el comandet, cha 's porta nan il cudesch dellas memorias dels temps, e quellas füttan lettas in presenza del rai.

2. Ed in *quellas* füt chattà scrit, cha Mardachai avaiva denunzià * l'impraisa da Bigtan, e Teres, da duos eunues del rai, dels guardiants del glim, ils quals tscherchaivan da metter il man adöss al rai Ahasvero.

* Est. 2, 21.

3. Lura dschet il rai: In che maniera ais Mardachai stat onorà, e magnifichà per quaist? E la famaglia del rai, chi l'serviva, dschet: E non al ais stat fat inguotta.

4. E'l rai dschet: Chi *ais* nel cortil? (Ma Haman eira gnü nel cortil da doura del palazzi del rai, per dir al rai, cha Mardachai dovess gnir pichà vi' al lain, ch'elavaiva perdert per el.)
5. E la famaglia del rai al dschet: Mera Haman, chi sta *spettand* nel cortil. E'l rai dschet: *Fat* ch'el intra.

6. Contuot intret Haman, e'l rai al dschet: Che's *dess* far ad ün hom, cha 'l rai vül onorar? Ed Haman dschet in sai s vess: A chi podess il rai volair far onur, oter co a mai?

7. Ed Haman dschet al rai: Scha 'l rai voless onorar alchün,

8. Schi's dess portar nan ün vestimaint regal, del qual il rai as vesta; e *manar* nan il chavagl, cha 'l rai munta, e metter la binda regala sün la testa da quel;

9. E quel vestimaint, e quel chavagl as dess dar in man da qualehün dels princips del rai, *tanter* ils baruns; e quel, il qual il rai voless onorar, dess esser vesti *con quel vestimaint*, e gnir manà a chavagl per las stradas della città, e's dess clamar avant el: Usche's dess far al hom, il qual il rai vül onorar!

10. Lur'il rai dschet ad Haman: Piglia bainbod il vestimaint, e'l chavagl, sco tü hast dit, e fà usche a Mardachai, quel Güdeu, chi sezza alla porta del rai; non interlaschar inguotta da tuot quai cha tü hast dit.

11. Qua piglet Haman il vestimaint, e'l chavagl, e vestit Mardachai, e'l manet a chavagl per las stradas della città, e clamaiv' avant el: Usche's dess far al hom cha 'l rai vül onorar.

12. Lura Mardachai turnet darcheu pro la porta del rai, ed Haman as retret dalunga in sia chasa, afflit e col cheu covert.

13. Ed Haman requintet a Zeres, sia muglier, ed a tuot seis amis, tuot quai chi 'l eira incontrà. E seis sabis, e Zeres, sia muglier, al dschettan: Scha Mardachai, avant il qual tü hast comandà a crodar, *ais* della razza dels Güdeus, schi non vainst tü a prevalair d'el; anzi affat vainst tü a crodar avant el.

14. Intant ch'els amo tschantschavian con el, rivettan ils eunues del rai, e manettan Haman in prescha pro 'l convit, ch'Ester avaiv' apparechà.

CHAP. VII.

Ester seovern'al rai la scellerata machinaziun d'Haman; il rai comanda da far pichar Haman.

CONTUOT gnit il rai con Haman a convit pro la regina Ester.

2. E'l rai dschet ad Ester, eir in quaist seguond di, * pro 'l vin del convit: Che *ais* teis giavüsch, o regina Ester? E sarà concess. E qual *ais* tia domanda? *Füss* quai fin alla mità del reginam, e sarà fat. * Est. 5, 6.

3. Lura la regina Ester respondet, e

dschet: Sch'eu ha chattâ grazia pro tai, o rai, e scha usche plasch'al rai, schi cha'm saja donada mia vita sün meis giavtisch, e meis pövel sün mia domanda;

4. Perche eu, e meis pövel, eschan vendüts per esser sdrüts, mazzats, e terminats. Ma, scha nus gnissan vendüts per famagls, e per fantschellas, schi avess eu tashü; ma *uossa* l' inimi non restorescha zuond bricha il dan del rai.

5. E'l rai Ahasvero dschet alla regina Ester: Chi *ais*, ed ingio *ais* quel, chi ais stat tant temerari da far quai?

6. Ed Ester dschet: L'adversari, ed inimi, ais quai mal Haman! Lura Haman füt in spavent per la presenza del rai, e della regina.

7. E'l rai alvet südal convit da vin, tuot adirâ, e *get* nel üert del palazzi; ma Haman as fermet per as rovar sia vita dalla regina Ester; perche el vezzaiva, cha mal eira determinâ conter el da parte del rai.

8. Lur' il rai turnet darcheu dal üert del palazzi nella chasa del convit da vin. Ma Haman s'avaiva büttâ vi' al let, sur il qual *eira* Ester. E'l rai dschet: Voul el eir sforzar la regina pro mai in chasa? Cur quel pled füt our dalla bocca del rai, gnit coverta dad els la fatscha d' Haman;

9. Ed * Harbona, ün dels eunues, dels ministers ordinari del rai, dschet: Mera eir il lain, cha Haman avaiva perdert per Mardachai, il qual det quel bun avis al rai, ais drizzâ sü nella chasa da Haman, ot da tschin-quanta bratschsmuots. E'l rai dschet: Appendâ l' sü!

* Est. 1, 10.

10. Contuotfüt Haman appendü vi' al lain, ch'el avaiva perdert per Mardachai. E'l ira del rai's quietet.

CHAP. VIII.

Mardachai favori, ed adoâ. Als Güdeus vain annunziâ sgürezza, la quala Ester avaiva gurbi dal rai.

In quel istess di il rai Ahasvero dunet alla regina Ester la chasa da Haman, del inimi dels Güdeus. E Mardachai gnit avant il rai; perche Ester avaiva declarâ quai ch'el all' *eira*.

2. E'l rai tret oura * seis anê, ch'el

avaiva tut da Haman, e'l det a Mardachai. Ed Ester constituit Mardachai sur la chasa da Haman. * Est. 3, 10.

3. Lura Ester favlet danöv in presenza del rai, e's büttet giò avant seis peis, e cridet, e'l supplichet da far, cha la malizia da Haman, del Agagit, e sia machinaziun conter ils Güdeus, non avess effet.

4. E'l rai * stendet oura la bachetta d'or vers Ester. Ed Ester alvet sü, e stet in pè avant il rai;

* Est. 5, 2.

5. E dschet: Scha usche plasch'al rai, e sch'eu ha chattâ grazia pro el, e scha'l fat al para conveniaint, e sch'eu al sun agreabla, schi cha vegna scrit per revocar las chartas, la machinaziun da Haman, del figl da Medata, del Agagit, las qualas el ha scrit per sdrür ils Güdeus, chi *sun* per tuot las provinzas del rai.

6. Perche, co podess eu *viver*, veziaand il mal, ch'inscontrerà a meis pövel? Co podess eu *viver*, veziaand la destrucziun da mia parantella?

7. E'l rai Ahasvero dschet alla regina Ester, ed a Mardachai, il Güdeu: Mera, eu ha dunâ ad Ester la chasa d' Haman, ed el ais pichâ vi' al lain, perquai ch'el avaiva voglû metter il man sur ils Güdeus.

8. Ma vus scriva *chartas* in regard dels Güdeus, in che maniera as parerà il megl, a nom del rai, e sagellâlas con l'anê del rai; perche * quai ch'ais scrit a nom del rai, ed ais sagellâ con seis anê, non as po revocar.

* Est. 1, 19.

9. Ed in quel istess temp, al vainch e terzavel *di* del terz mais, ch' *ais* il mais sivan, füttan scrittas *chartas*, interamaing seo Mardachai ordinet, als Güdeus, ed als potestats, ed als governatur, ed als principis dellas provinzas, ch' *eiran* dall' India fin in Etiopia, *in number* da * tschient e vainch e set provinzas, a scodüna provinza seguond sia maniera da scriver, ed a scodün pövel seguond seis linguach; ed als Güdeus, seguond lur maniera da scriver, e seguond lur linguach.

* Est. 1, 1.

10. Mardachai dimena scrivet chartas a nom del rai Ahasvero, e *las* sagellet con l'anê del rai, e las tramettet

tras curriers a chavagl, muntats sün chavals sperts da posta, e sün müls giuvens.

11. *Il tenor del che eira*: Cha'l rai concedaiv' als Güdeus in scodüna città, da's raspar, e da star alla defaissa da lur vita, per sdrür, per mazzar, e per sterminar ogni blerüra da pövel armâ da qualunque pövel, o provinza, chi 'ls assaglisssan, insembel con ils pitschens infants, e las mugliers, e per butinar lur butins;

12. *E quai* in ün medem di per tuot las privinzas del rai Ahasvero; cioè nel traideschavel di del dudeschavel mais, *ch'* ais il mais adar.

13. In quellas chartas eira contgnü, ch' as clamess oura ün decret in scodüna provinza, *dasort cha que füss* palais a tuot ils pövels; cha 'ls Güdeus stessan perderts sün quel di, per as vindichar da lur inimis.

14. *Usche* ils curriers, muntats sün chavals sperts da posta, e sün müls giuvens, partittan, giand in prescha, e festinand sül comand del rai; e'l decret füt proclamâ da Susan, dal chastè.

15. E Mardachai gnit our davent dal rai con ün vestimaint regal da color violetta ed alba, e *con* üna granda coruna d'or, e *con* üna chappa da biss, e da scharlatta. E la città Susan güvlaiva, e s' allegraiva.

16. E per ils Güdeus füt clerità, ed allegrezza, e leidezza, ed onur.

17. Sumgiantamaing, in üna e scodüna provinza, ed in üna e scodüna città, ingio il pled del rai, e seis decret, pervgnittan, *qua eira* allegrezza, e leidezza per ils Güdeus; convits, e dis allegrus. E bliers intanter ils pövels della terra as faivan Güdeus; perche il stramizi dels Güdeus eira crodâ sur els.

CHAP. IX.

Als Güdeus mazzan lur inimis. Desch figls da Haman appendüts. Per allegrezza, ed in memoria da quai celebrettan ils Güdeus la festa da purim.

NEL dudeschavel mais dimena, *chi* ais il mais adar, al traideschavel di del mais, sün il qual crodava l' esecuziun del pled del rai, e da seis decret, nel medem di, cur ils inimis dels Güdeus speraivan da 'ls avoir in

lur podair; (ma il fat as müdet nel contrari, siand cha 'ls Güdeus avettan lur inimis in lur podair;)

2. Ils Güdeus as respettan in lur cittats in tuot las provinzas del rai Ahasvero, per metter ils mans adöss a quels, chi gnissan a provar da 'ls far del mal, ed ingün non als podet resister; perche il stramizi dels Güdeus eira crodâ sur tuot ils pövels.

3. E tuot ils principals dellas provinzas, e 'ls podestats, e 'ls governaturs, e 'ls facturs del rai favurivan als Güdeus; perche il spavent da Mardachai eira crodâ sur els;

4. Perche Mardachai *eira* grand nella chasa del rai, e sia fama as rasaiava per tuot las provinzas; perche quel hom Mardachai dvantaiva grand plü vi' e plü.

5. Contuot battettan ils Güdeus tuot lur inimis, ils mettand a fil da spada, e 'ls mazzand, e fand destrucziuns; e fettan a lur voluntà invers lur inimis.

6. Ed in Susan, nella città regala, mazzettan e sdrüettan ils Güdeus, tschinchtschient homens;

7. Mazzettan eir Parsandata, e Dalfon, ed Aspata,

8. E Porata, ed Adalia, ed Aridata,

9. E Parmasta, ed Arisai, ed Aridai, e Vaiezata;

10. Ils desch figls da Haman, del figl da Medata, del inimi dels Güdeus; ma els non mettettan man al butin.

11. In quel di il number da quels, chi eiran stats mazzats in Susan, nel chastè, füt rapportâ in presenza del rai.

12. E'l rai dschet alla regina Ester: In Susan, nel chastè regal, han ils Güdeus mazzâ, e sdrüt tschinchtschient homens, e 'ls desch figls da Haman; che averan quels fat nellas otras provinzas del rai? Impero, che giavüschast tü *amo*? E sarà concess. E che domandast tü *amo*? E sarà fat.

13. Ed Ester dschet: Schi cha saja concess eir daman als Güdeus in Susan, da far seo eira ordinâ per hoz, e sajan ils desch figls da Haman pichats vi' al lain.

14. E'l rai ordinet, cha usche füss fat, e'l decret füt proclamâ in Susan,

e 'ls desch figls da Haman fütan pichats.

15. E 'ls Gùdeus in Susan as respettan eir nel quattordeschavel di del mais adar, e mazzettan in Susan trajtsehent homens; ma els non mettetan man al butin.

16. Eir ils oters Gùdeus nellas provinzas del rai as respettan, e stettan alla defaisa da lur vita, ed avettan pos da lur inimis, aviand mazzâ setant' e tschinchmilli, sainza però metter man al butin.

17. *Quaist d'vantet* al traideschavel di del mais adar; lura al quattordeschavel di del istess mais posettan els, e celebrettan quel *di sco* di da convits, e da leidezza.

18. Ma ils Gùdeus in Susan as respettan al traideschavel, ed al quattordeschavel di da quel *mais*; lur' al quindeschavel posettan els, e celebrettan quel *di sco* di da convits, e da leidezza.

19. Perquai celebreschan ils Gùdeus dels vihs, chi abiteschan nellas terras da planüra, il quattordeschavel di del mais adar con allegrezza, e con convits, e con festa, e con trametter l' ün l'oter trats da vivandas.

20. E Mardachai scrivet sü quaistas chosas, e tramettet chartas a tuot ils Gùdeus, chi *eiran* per tuot las provinzas del rai Ahasvero, dastrusch e dalönsch,

21. Ordinand ad els per statut, cha celebreschan il quattordeschavel, e 'l quindeschavel di del mais adar, ogni an;

22. *Ch'eiran* ils dis, nels quals ils Gùdeus avettan pos da lur inimis, e 'l mais, chi füt ad els converti da dolur in leidezza, e da lèd in festa; acio ch' els ils celebreschan *sco* dis da convits, e d'allegrezza, e da 's trametter l' ün l'oter trats da vivandas, e duns als manglus.

23. Ed ils Gùdeus accettettan da far quai ch' avaiavan comanzâ, e quai cha Mardachai als avaiava scrit;

24. Perche Haman, il figl da Medata, l' Agagit, l' inimi da tuot ils Gùdeus, avaiava fat üna machinaziun conter ils Gùdeus per ils sdrür; ed avaiava trat * pur, cioè la sort, per ils metter in deruotta, e per ils sdrür. * Est. 3, 7.

25. Ma, davo cha Ester gnit in presenza del rai, ordinet el tras chartas, cha la scelerata machinaziun, cha Haman avaiava spiâ conter ils Gùdeus, gniss turnantada sül cheu dad el sves, e ch' el, e seis figls, füssan appendüts vi' al lain.

26. Perquai fütan quels dis clamat purim, dal nom da pur. Perquai, seguond tuot ils plets da quellas chartas, e seguond quai ch' avaiavan vis da quai, e quai cha 'ls eira arrivâ,

27. Stabilittan ils Gùdeus, e piglettan sura per sai, e per lur sem, e per tuot quels, chi 's colliessan con els, sco statut immutabel, da celebrar quels duos dis seguond lur prescripziun, e temp fissâ, ogni an;

28. E da celebrar la memoria da quels dis, e da 'ls solennisar in ogni età, in ogni famiglia, provinza, e citâ, e cha quels dis da purim mâ non passessan, *sainz' esser celebrats* tanter ils Gùdeus, e cha lur memoria mâ non gniss almain pro lur posterità.

29. E la regina Ester, la figlia d' Abihail, insembel con Mardachai, il Gùdeu, scrivet con ogni istanza la segunda charta, per confirmar ils *dis da purim*.

30. Ed ün tramettet *las chartas* a tuot ils Gùdeus nellas tschient e vainch e set provinzas del reginam d' Ahasvero con plets amuraivels, e sincêrs,

31. Per fermar *l' osservanza* da quels dis da purim a lur temp fissâ; sco cha Mardachai, il Gùdeu, e la regina Ester, als avaiavan ordinâ, e sco ch' els sves avaiavan tut sura per sai, e per lur posterità; insembel con ils gegünis, e la proclama.

32. Usche il comand dad Ester confermet l' osservanza da quels dis da purim. E quai füt scrit sü in ün cudesch.

CHAP. X.

Mardachai dovra sia grandezza in favur, e surlevgiainaint da seis pövel.

LURA il rai Ahasvero mettet sü ün tribut alla terra, ed allas inslas del mâr.

2. Ma, quant a tuot ils fats da sia potenza e forza, e della decleraziun della grandezza da Mardachai, alla

quala quel rai l'ingrandit; quaistas chosas sun già scrittas nel cudesch dellas cronicas dels rais da Media, e da Persia.

3. Perche Mardachai, il Güdeu, füt

la seguonda persuna davo 'l rai Ahasvero, e grand pro 'ls Güdeus, e grat alla blerüra da seis frars, tscherchand il bain da seis pövel, e favland amuraivelmaing a tuot seis sem.

IL CUDESCH

DA

G I O B.

CHAP. I.

Giob, hom prus e güst, dopo avair giodü üna granda benedicziun da Dieu, ais tras instigaziun del diavel, e permissiun da Dieu, grevamaing afflit nella perdita da sia roba ed infants. Seis cordöli, ümiltà, pazienza.

NEL PAJAIS D' * UZ eira ün hom, il nom del qual eira Giob, e quel hom eira sincêr e prus, e tmaiva Deis, e 's retraiva dal mal. * Ezech. 14, 14.

2. E l'eiran nats set figls, e trais figlias.

3. E seis bestiam eira da setmilli nuorsas, e da trajamilli chamêls, e da tschinchtschient përa da bovs, e da tschinchtschient asnas, con üna fieh granda famiglia. E quel hom eira il plü grand da tuot ils orientals.

4. Ma seis figls giaivan, e faivan convits, in chasa da seodün dels, sün seis di, e tramettaivan a elamar lur trais sours, per mangiar, e per bai-ver con els.

5. E, cur els avaivan compli la rouda dels dis del convit, tramettaiva Giob als santifichar; lura stai' el sü la mattina, ed offeriva olocausts, se-guond il number da quels tuots; perche Giob dschaiva: Meis figls averan tschantshâ mal da Dieu in lur cours. Usche faiva saimper Giob.

6. Ma dvantet ün di, cha 'ls * figls da Dieu gnittan as presentar avant il Segner, e 'l satan gnit eir el in mez els. * Giob 38, 7.

7. E 'l Segner dschet a satan: Dinunder vainst? E satan respondet al Segner, e dschet: Da circuir la terra, e da spassiar tras quella.

8. E 'l Segner dschet a satan: At hast fat surasen sün meis serviaint Giob? Co cha sün la terra non ais hom sincêr

e prus, e chi temma Deis, e 's retira dal mal, sco quel?

9. E satan respondet al Segner, e dschet: Giob temm' el Deis per inguotta?

10. Non hast tü incresâ, sco con üna saif, el, e sia chasa, ed ogni chosa sia? Tü hast benedi la lavur da seis mans, e seis bestiam ais grandamaing multiplichâ nella terra.

11. * Ma stenda pür uoss' oura teis man, e tocca tuot sias chosas, schi vezzerast, sch' el non at smaledescha in fatscha. * Giob 19, 21.

12. E 'l Segner dschet a satan: Mera, tuot quai ch' el ha, ais in teis man; solum non metter il man sur el. E satan as partit dal conspet del Segner.

13. E dvantet ün di, intant cha 'ls figls, e las figlias da Giob mangiaivan, e bavaivan vin in chasa da lur frar, il primogenit,

14. Ch' ün mess gnit pro Giob, e dschet ad el: Ils bovs araivan, e las asnas pasculaivan sper quels;

15. Schi sun ils Sabeers currüts nan, e 'ls han sdrappats, ed han miss a fil da spada la famiglia; ed eu sulet sun scampâ, per at referir.

16. Tant cha quaist amo tschantschaiva, schi gnit ün oter, chi dschet: Il fö da Dieu ais crodâ da tsel, ed ais gnü sur il bestiam manü, e sur la famiglia, e 'l ha constümada; ed eu sulet sun scampâ, per at referir.

17. Intant cha quaist amo tschantschaiva, gnit ün oter, chi dschet: Caldeers, in trais troppas, sun currüts nan sur ils chamêls, e 'ls han sdrappats, ed han miss a fil da spada la famiglia; ed eu sulet sun scampâ, per at referir.

18. Intant cha quaist amo tschan-tschaiva, gnit ün oter, chi dschet: Teis figls, e tias figlias, mangiaivan, e bavaivan vin in chasa da lur frar, il primogenit;

19. E mera, ün grand vent ais gnü nan da là del desert, il qual ha dat nels quatter chatuns della chasa, ed ella ais datta giò süls giuvens, dinuonder els sun morts; ed eu sul sulet sun scampâ, per at referir.

20. Lura stet sü Giob, e scharpet sia rassa, e's tondet il cheu, e's büttet in terra, ed aduret;

21. E dschet: * Eu sun gnü nüd dal vainter da mia mamma, nüd eir vegn eu darcheu a turnar là. Il Segner ha dat, il Segner ha tut; saja benedi il nom del Segner. * Eccl. 5, 15. 1 Tim. 6, 7.

22. In tuot quai Giob non pechet, e non attribuit a Dieu inguotta da mal-fat.

CHAP. II.

Satan, tras permissiun da Dieu, batta Giob con bignuns. La muglier da Giob fa giamgias da sia pazienza. El la repretenda.

MA dvantet ün di, cha'ls figls da Dieu gnittan as presenter avant il Segner, e'l satan gnit eir el as presenter avant il Segner, intanter els.

2. E'l Segner dschet a satan: Dinuonder vainst? E satan respondet al Segner, e dschet: Da circuir la terra, e da spassiar tras quella.

3. E'l Segner dschet a satan: T' hast tü fat surasen sün meis serviaint Giob? Co nella terra non *ais* hom sincêr e prus, chi temma Deis, e's retira dal mal sco quel? Ed amo perseveresch'el in sia integrità, combain cha tü m'hajast incitâ conter el, * per il desdrür sainza chaschun. * Giob 9, 17.

4. E satan respondet al Segner, e dschet: Pel per pel; ma'l crastian darà tuot quai ch'el ha per sia vita!

5. Ma uossa, stenda pür our' il man, e tocca sia ossa, e sia charn; *schî vezzerast*, sch'el non at smaledesch' in fatscha.

6. E'l Segner dschet a satan: Mera'l in teis man; solum t'inguarda, *da non toccer* sia vita.

7. E satan, siand parti dal conspet del Segner, battet Giob con mals

bignuns, * dalla planta del pè infin alla sommità del cheu. * Esaj. 1, 6.

8. Ed el piglet ün terracot, per as sgrattar, ed eira miss giò a zer nella tschendra.

9. E sia muglier dschet ad el: Perseverast tü amo in tia integrità? Benedescha Deis, e moura.

10. Ma el la dschet: Tütschantschast sco üna intanter las donans narras; scha nus avain retschevü da Dieu il bön, non dessan nus retschaiver eir il mal? In tuot quai Giob * non pechet con seis lefs. * Ps. 39, 2.

11. Ma trais amis da Giob, Elifaz, Temanit, Bildad, Suhit, e Sofar, Naamatit, aviand udi tuot quaist mal ch' eira gnü sur el, gnittan, scodün da seis lö, e's chattettan insembel, per gnir as * condolair con el, ed al cufortar. * Giob 42, 11.

12. Ed, aviand ozâ lur ögls dalönsch, non il cognoschetan els, ed ozettan la vusch, e cridettan; e scodün dels scharpet sia rassa, e's semnet puolvra sün la testa, *la büttand* vers il tschel;

13. E sezzettan con el sün terra per set dis, e per set nots; ed ingün non al dschet alchün pled, perche els vezzaivan, cha la dolor eira zuond granda.

CHAP. III.

Giob smaledesch' il di da sia natività. El mossa, cha la mort mett' üna fin a tuottas chosas.

DOPO quaist, Giob avrit sia bocca, e smaledit seis di;

2. E comanzet a dir:

3. * Possa perir il di, nel qual eu naschet, e la not, cha füt dit: Ün maschel ais nat! * Ger. 20, 14.

4. Quel di saja inšchüri; cha Deis non haja chüra da suringio, e la glüm non splendura sur quel!

5. Šchürdüm e sumbriva da mort il fetschan malnet; la nüvla dmura sur quel; *quaistas chosas* il fetschan stramantus, sco *sun* * ils dis ils plü aschs!

* Amos 8, 10.

6. Šchürezza pigl' aint quella not; ch' ella non s'allegra tanter ils dis del an, ne saja nombrada tanter ils mais!

7. Mera, quella not saja suldana, non as fetsch' in quella chanzuns alchüinas!

8. Cha la smaledesch an quels, chi smaledesch an ils dis, ils quals sun *saimper* perderts a far novs plands!

9. Cha s' inshüreschan las stailas da sia saira; ch' ella spetta la glüm, ma non vegna alchüna, e non as vezza ils palperis dell' alba!

10. Perquai ch' ella non serret ils üschs del vainter da mia mamma, e non fet usche, cha meis ügls non vezzettan l' anguoscha.

11. * Perche non morit eu dalla matrice innan? *Perche* non trapasset eu scombod ch' eu gnit dal vainter?

* Giob 10, 18.

12. Perche m' füt sporta la snuoglia? Perche las tettas, acio ch' eu tettess?

13. Schi giaschess eu uossa, ed avess pos; eu dormiss, ed agià ün pez füss eu in repos,

14. Cols rais, e cols cosglèrs della terra, ils quals edifican ils lous deserts,

15. Ovvero cols princeis, chi avaiavan or, ed implivan lur chasas con argient;

16. Ovvero ch' eu eir *daffat* non füss stat, sco ün abortiv azzoppâ, sco l' früt, chi non ha vis la glüm.

17. Qua laschan ils empis usche da travagliar *ils oters*, e qua as reposan ils stangels.

18. Medemmamaing ils preschunêrs han pos, e non odan *plü* la vusch del sollicitadur dellas lavurs;

19. Qua ais il pitschen, e l' grand, e l' famagl, franc da seis patrun.

20. Perche da el la glüm al miserabel, e la vita a quels, chi sun in contuorbel del cour?

21. Ils quals * spettan la mort, e però non *vain* ella, e la tscherchan plü co tesors azzoppats,

* Apoc. 9, 6.

22. E s' allegran fin a far festa; e sun leids, cur els han chattâ la sepultura?

23. *Perche da el la glüm* al hom, la via del qual *ais* azzoppada, e l' qual Deis ha * serrâ aint dapertuot intuorn?

* Giob 19, 8.

24. Perche ant ch' eu piglia mia spaisa, vegnan meis suspürs; e meis sbrügir as svöda sco aua;

25. Perche quai, del qual eu m' tmaiava, m' ais incontrâ, e sur mai ais

gnü quai, del qual eu m' sgrischaiava.

26. Eu non ha gnü tranquillità, ne repos, ne quaidezza, e darcheu ais gnü il contuorbel.

CHAP. IV.

Elifaz repretta Giob da sia malpazienza, e ch' el vegna plajà per causa da seis puchats. Eir ils angels non sun innozaints avant il Segner.

ED Elifaz, * Temanit, respondet, e dschet:

* Gen. 36, 11.

2. Scha nus provain da tshantschar con tai, sarà quai molest? Impero chi po retgnair ils plets?

3. Mera, tû corrigiaivast a blers, e rinforzaivast ils mans desmiss;

4. Teis discuors drizzaivan sü quels ch' ondiaivan, e tû fortificaivast la snuoglia chi s' storsechaiva;

5. Ma uossa cha l' mal t' ais incontra, schi t' affliggiast tû; *uossa, ch' el* ais rivâ fin pro tai, schi est tû smarri?

6. Tia pietà non *ais* ella *statta* tia spranza; e l' integrità da tias vias tia aspettaziun?

7. Char tû, t' impaisa, qual innozaint ais mâ it a perder, ed ingio fütan ils *homens* prus mâ desdrüts?

8. Sco eu ha vis, quels chi aran l' iniquità, e semnan la perversità, la tshuncan eir.

9. Quels van a perder tras il flâ da Dieu, e sun constimats dal soflar da seis nas.

10. Il sbrügir del liun, e l' bragizi del liun rabgius tschessa, * e l's daints dels liuns giuvens sun sfrislats. * Ps. 58, 7.

11. * Il liun vegl perischa tras manchamaint da praja, e l's giuvens della liuna sun dazipats.

* Ps. 34, 11.

12. Ma adaseus m' ais dat ad incler ün pled, e l' uraglia mia ha ün pa tgnü aint.

13. Intanter las imaginaziuns dellas visiuns della not, cur' il plü chafuol sön eroda sur ils crastians,

14. M' ais gnü ün spavent, ed ün tremblar, chi ha stramantâ m' ossa, tuotta quanta.

15. Ed ün spiert ais passâ vi' avant mai, chi ha fat ritsehar ils chavels da mia charn.

16. El s' ha fermâ, ed eu non ha cognoschü seis aspet; üna sumgien-scha ais statta avant meis ügls, ed

eu ha udi üna vusch bassa, *chi dschaira:*

17. Il crastian sarà güstificâ da Dieu? L' hom sarà el güdichâ net da seis factur?

18. Mera, * el non as fid' in seis serviants, e sa della temerità in seis angels.

* Giob 15, 15. 25, 5.

19. Quant plü in quels * ch' abiteschan in chasas d' arschiglia, il fondamaint dels quals *ais* nella puolvra, e chi sun redüts in puolvra, büttats our' als verms.

* 2 Cor. 5, 1.

20. * Dalla mattina alla saira sun els smachats, e perischan in perpetuo sainza ch' alchün qua pigl' a cour;

* Ps. 90, 5.

21. L' excellenza ch' eira in els non as part ella? Els mouran, ma na con sapienza.

CHAP. V.

Elifaz disputta dalla providenza da Dieu vî' ils güsts ed ingüsts.

BRAJA pür, aise qua alchün chi't responda, e pro chi tanter ils sanets at volverast tü?

2. Perche l' ira mazza il nar, e l' sdegn fa morir il bluord.

3. Eu ha vis il nar chi's ragischaiv' aint; ma dandettamaing ha eu smaledi seis abitacul.

4. Seis infants sun dalönsch dal salüd, e sun squitschats suot nella porta, sainza ch' alchün ils spendrà.

5. Il famentü mangia our la raccolta da quel, e la butin' our da mez las spinas, e'ls laders stranguoglian sias facultats.

6. Perche l' iniquità non vain dalla puolvra, e la perversità non dscher-müglia dalla terra,

7. Combain cha l' crastian nascha pro perversità, sco las sbrinzlas del-las brachslas svoulan in ot.

8. Ma, quat a mai, retscherchess eu Deis sulet, ed indrizzess meis raschunamaint vers Dieu;

9. * Il qual fa chosas dasort grandas, cha non as po investigar, e tantas chosas müravgliusas, cha non as po nombrar;

* Ps. 40, 6. Rom. 11, 33.

10. Chi trametta la plövgia sün la terra, e las auas sün las champagnas;

11. * Chi adoza ils bass, e fa cha

quels ch' eiran in dolor, sun alvantats in ot tras salvamaint; * 1 Sam. 2, 7. Ps. 113, 7.

12. Chi disperd' ils impissamaints dels astuts, e *fa cha* lur mans non possan far inguotta da bön ordinä;

13. El * sorprend' ils sabis in lur astuzia, e *fa cha* l' cossagl dels pervers va in ruina.

* 1 Cor. 3, 19.

14. Da di scontran els schürdüm, e da * bel mezdi van els palpand sco da not.

* Deut. 28, 29. Es. 59, 10. Amos 8, 9.

15. Ma el salva il manglus dalla spada, da lur gula, e dal man del possant.

16. E qua ais qualcha spranza per il pover; ma l' iniquità ha la bocca zügliada.

17. Mera, * beà *ais* il crastian, il qual Deis chastia, e però non sdegna la correcziun del Omnipotaint;

* Prov. 3, 11. 12. Ebr. 12, 5. Giac. 1, 12.

18. Perche el ais quel chi trametta la dolor, ed eir *la* lia sü; el ais quel chi fa la plaja, e seis mans guareschan eir.

19. * In ses afflicziuns at librerà el, ed in set il mal non at toccherà.

* Ps. 91, 3. Prov. 24, 16.

20. In *temp da* fam vain el at spender da mort, ed in *temp da* guerra dalla spada.

21. Al *temp del* flagell della lingua sarast tü azzoppâ; e non vainst a tmair la desolaziun, cur ella gnerà.

22. Tü vainst a rir del guast, e della charestia, e non vainst a tmair dellas bestias solvadias della terra.

23. Perche tü averast lia eir con las peidras della cuttüra, e las bestias solvadias della champagna at saran rendüdas paschaivlas.

24. E tü vainst a cognoscher tras prova, cha tia chamanna *non sarà* oter co pasch, e vainst a governar tia chasa, ed inguotta non vain at fallar.

25. E vainst a savoir cha teis *sarà* bler, e cha teis descendents *saran* sco l' erba della terra.

26. Tü vainst ad intrar in extrema vegldüna nella sepultüra, sco la manna dels früts ais manad' aint a seis temp.

27. Mera, *quai cha nus at dschain:* Nus l' avain investigâ, ed *ais* usche; taidla quai, e cognoscha l' *per teis bain.*

CHAP. VI.

Gìob disch, cha sia afflicziun saja plü granda co seis pucha. El as giavüscha la mort; e planscha d'esser bandunâ dals amis.

E Giob respondet, e dschet:

2. Füss pür meis sdegn passâ bain, e füss medemmamaing mia calamitâ ozada in üna balanscha!

3. Perche uossa gniss ella *chattada* plü pesanta co 'l sablun del mâr, e però meis plets sun travus.

4. Perche * las frizzas del omnipo-taint *sun* aint dadaint mai, e meis spiert baiv' il tössi; ils spavents da Dieu sun ordinats in battaglia contra mai.

* Ps. 38, 2.

5. L'asen solvadi braj' el pro l'erba? Il bov müja el pro sia pašchüra?

6. Üna chos' insusa as mangi' ella sainza sal? Aise gust nel alb, ch' ais intuorn il cotschen del öv?

7. *Las chosas, cha* mi' orma avess rechüsâ dech da toccer, sun uossa mias dolorusas spaisas!

8. O gniss pür quai ch' eu giavüsch, e'm concedess Deis quai ch' eu spet!

9. E cha plasechess a Dieu da 'm smachar, da stender oura seis man, e da 'm disfar!

10. *Quaist* ais impero amo meis cufort, combain ch' eu ard da dolur, e ch' el non am schanaja; ch' eu non ha azzoppâ ils plets del sanct,

11. Che *ais* mia forza, per avair spranza, e qual *ais* il term chi m' ais tshantâ, per prolungar *la spetta da* mi' orma?

12. Mia forza *ais* ella *sco* la forza della crappa? Mia charn *ais* ella d'aram?

13. Non *aise usche*, ch' eu non ha plü alchün agüd in mai, e cha ogni möd da subsister ais chatschâ lontan da mai?

14. Benignitâ *dovess esser üsada* dal ami invers quel chi ais tuot sdrüt; ma quel ha bandunâ la temma del Omnipotaint.

15. Meis frars *m'* han mancâ, a guisa d'ün aual, seo torrents rabgius *chi* passan inavant;

16. Ils quals sun schürs per la glatscha, e sur ils quals la naiv s'azzoppa;

17. *Ma lura*, dal temp chi euorran, vegnan els almain; cur els saintan il chod, sparischian els via da lur lö.

18. Las sendas da lur cours as storschan vi' e nan, quels as redüan ad inguotta, e 's perdan via.

19. Las troppas dels viandans da Tema guardaivan süen *els*, las compagnias chi gnivan da Sabea avaivan tut spranza.

20. *Ma* 's turpajan da s' avair fidats; essendo rivats fin là, sun *els* confus.

21. Perche vus eschat uossa gnüts ad inguotta; vus avais vis la ruina, ed avais gnü temma.

22. S'ha eu dit: Datâ 'm nan, e fat preschaints da vossas facultats per mai;

23. E liberâ 'm dal man del inimi, e spendrâ 'm dal man dels violents?

24. Mossâ 'm, ed eu vögl tasehair, e dat-am ad ineler, sch' eu dech ha fallâ in qualcha chosa;

25. Quant sun potents ils plets da realtä, e chi poderà in quels repren-der alchün da vus?

26. Stimais vus *cha* tsehantschar *saja* convenscher, e *cha* 'ls discuors d'ün erastian, ch' ha pers ogni spranza, *non sajan oter co* soffel?

27. Ed impero amo 's büttais vus adöss al orfan, e tscherchais da far trabüchar vos ami.

28. Uossa dimena cha's plascha da guardar süen mai, e vezzerat, sch' eu maint in vossa presenza.

29. Eu's rouv, it in vus s vess, cha qua non saja iniquitâ; darcheu, *di eu*, it in vus s vess, eu sun güst in quaist *affar*.

30. Aise iniquitâ in mia lengua? Meis palat non sa el discernir las chosas perversas?

CHAP. VII.

La vita del erastian ais plaina da crusch ed afflicziun. El confessa a Dieu.

NON ha il erastian ün temp da sia guerra süen la terra, e *non sun* seis diso similis a quel d'ün mercenari?

2. Seo 'l famagl ha desideri della sumbriva, e 'l mercenari spett' il premi da sia lavur;

3. Usche 'm sun dats per ierta mais molests, e 'm sun assegnadas per mia part nots dolorusas.

4. * Sch' eu m' ha miss giò a dormir, di eu: Cura vögl eu alvar? Cura sarâ passada la not? Ed eu am stanglaint da 'm rodlar vi' e nan fin all'alba.

* Giob 17, 12.

5. Mia charn ais stravestida con verms, e con scuadüras da terra; mia pel as rumpa sü, e 's disfa.

6. * Meis dis sun passats via plü spertamaing co la spoula del zuns, e sun gnüts almain sainza spranza.

* Giob 9, 25. Ps. 102, 12.

7. At regorda, cha * mia vita ais ün vent, cha meis ögl non turnerà plü a vair il bön.

* Ps. 78, 39.

8. L' ögl da chi 'm vezza non am guarderà plü; scha tü volvast ils ögls vers mai, schi non vegn eu ad esser plü.

9. Sco la nüvla leua, e va davent; usche chi va giò nella sepultura, non gnarà sü plü.

10. El non turnerà plü darcheu a chasa sia, e seis lö non il cognoscherà plü.

11. Eir eu non vögl retgnair mia bocca; eu vögl tshantsehar nell' anguosccha da meis spiert, eu vögl plan-scher nella conturbraziun da mi'orma.

12. Sun eu ün mâr, o üna balêna, cha tü 'm tshaintast guardia intuorn?

13. * Cur eu di: Mia littêra 'm darà surlevgiamaint, meis let alvanterà vi'üna part da meis pland; * Giob 9, 27, 28.

14. Lura 'm stramaintast tü con süm-mis, e 'm contuorblast con visiuns;

15. Tal ch' eu nel cour tsherness oura ant d'esser stranglâ, ed ant volless eu la mort co mia ossa.

16. Eu sun tuot sdrüt; eu non vegn a viver in perpetuo; * at retira da mai; perche meis dis non sun oter co vanità.

* Giob 10, 20.

17. Che chos' ais il crastian, cha tü fast usche granda stima, e cha tü hast pissêr da quel?

18. E cha tü 'l visitast ogni mattina, ed ogni momaint l' examineschast?

19. Fin a cura non at volverast inavo da mai, e non am darast alchüna posa, tant ch' eu possa travuonder mia saliva?

20. Eu ha pechâ; che vögl eu opear in vers tai, o guardiant della gliud? Perche * m' hast tshantâ per tia schaibgia, e perche sun eu grev a mai svess?

* Giob 16, 12. * Ps. 21, 13.

21. E perche non perdunast meis misfat, e non removast mi' iniquità? Perche uossa vegn eu a giaschair nella puolvra; e scha lura tü 'm

tscherchast, schi non vegn eu ad esser plü.

CHAP. VIII.

Bildad vöul far vair, cha Giob saja ün pechader. El mossa, cha Dieu ais güst con chastiar ils mals, e perdunar als buns.

E Bildad, Suhit, respondet, e dschet:

2. Infina cura proferirast tü tals raschunamaints, e saran ils plets da tia bocca sco ün soffel impetuus?

3. * Dess Deis straviar il güdizi? L' Omnipotaint dess el straviar la güstia?

* Gen. 18, 25.

4. Scha teis figls han pechâ contr'el, schi 'ls ha el eir dats in man da lur surpassamaint.

5. Ma, quant a tai, * scha tü tscherchast Deis, e rovast grazia al Omnipotaint;

* Giob 5, 8, 11, 13, 22, 23.

6. Scha tü est net, e prus; schi tshertamaing as dsasderà el sü dalunga in favur tia, e farà prosperar teis güst abitacul.

7. E tia condizium da principi sarà statta pitschna, e l' ultima dvanterà grandisma;

8. Perche domanda pür * las prümas etats, e 't dispona a t' informar da lur babuns;

* Giob 15, 18.

9. Impero, quant a nus, schi eschan nus dech dad her innan, e non avain intellet; perche noss dis sun sco üna sumbriva sur la terra;

10. Non vegnan quels at mossar, e non vegnan at favlar, e non vegnan quels a trar plets our da lur cour?

11. La channa crescherà ella sainza palü? L' erba dels prads crescherà ella sainz' aua?

12. E pür, intant ch' ella ais amo verda, e non ais amo sgiada, schi secha ella aut ogni otr' erba.

13. Talas sun las vias da tuot quels chi smanchan Deis, ed usche perirà la spranza del ipocrit;

14. La spranza del qual sarà tagliada giò, e la confidenza del qual sarà üna chasa d' aragn.

15. * El s' appozerà sün sia chasa, ma quella non starà ferma; el vain a tgnair vi' a quella, ma ella non starà in pè.

* Giob 27, 18.

16. Ma l' crastian prus s' inverdescha a solai, e seis rams as stendan our sur il zardin, nel qual el ais implantâ.

17. Sias ragischs as tarschoulan aint pro la fontana, el guarda la chasa da crap.

18. Alehün il trametterà in ruina, *il trand d'avent da seis lö, dasort cha quel* il sneja, dschand: * Eu non at vezzet *mâ bricha!* * Ps. 37, 36.

19. Mera, tal' *ais* l' allegrezza da sia via, e dalla puolvra vegnan oters a dschermügliar.

20. Mera, Deis non desdegna il *crastian* prus; ma eir als mals non sporsch' el il man.

21. Amo vain el ad implir tia bocca con rir, e teis lefs con güvel.

22. Quels chi t' ödieschan saran vestits con verguogna; ma 'l tabernacul dels empis non sarà *plü*.

CHAP. IX.

Gìob conceda, cha non as dess resister, ne dispittar con Dieu. Afferma sia innocenza, combain ch' el vain battü.

E Gìob respondet, e dschet:

2. Vairamaing eu sa, ch' *ais* usche, e co as dess il *crastian* güstifichar avant Dieu?

3. Scha *Deis* voul dispittar con el, schi non al poderà el responder intanter milli *artichels* bricha sün ün sulet.

4. *El ais* sabi da cour, e potaint da forza; chi's ha *mâ* indüri conter el, ed *ais* prosperà?

5. *Contr' el*, chi stralou' ils munts, sainza chi's possa savair, co el ils haja vouts suotsura in sia ira;

6. Chi fa seroschir la terra, e *la movaint' our* da seis lö, e *dal qual* las coluonnas da quella han squassà;

7. Chi tschantsha col solai, e quel non leva sü; chi tegna las stailas sagelladas;

8. * Chi stend' oura zuond sulet ils tschels, e chalcha la sommità del mâr;

* Gen. 1, 6.

9. Chi ha fat *las* stailas dell' Uorsa, del Orion, dellas Plajadas, e quellas *chi sun in* fuond del mezdi,

10. Chi fa chosas tant grandas, cha non as po investigar, e tantas chosas müravgliusas, cha non as po nombrar.

11. Mera, el passerà vi' avant mai, ed eu non il vezzerà; e passerà darcheu, ed eu non il fastizzerà.

12. * Mera, elsdrapperà, e chi 'l farà restituir? Chi 'l dscharà: Che fast?

* Es. 45, 9.

13. Deis non refraina sia ira; suot el sun terrats giò ils superbis * signurs;

* Rom. 9, 20.

14. Quant main al dess eu podair responder, e dovrar plets tschernüts contr' el?

15. Eu, quant güst ch' eu füss, non voless responder, anzi rovar grazia da meis güdisch.

16. Sch' eu clam, ed el am responsa, non poss eu impero crair, ch' el haja tadlâ mia vusch;

17. Perche ch' el m' ha squitschâ suot con ün trabagl, e m' ha dat blers battüms sainza causa.

18. El non am permetta dech da trar il flâ; perche ch' el m' ha sadolâ con conturbaziuns.

19. Scha's tratta da forza, mera, *el ais* potaint; scha da güdizi, chi 'm citerà?

20. Schabain ch' eu füss güst, schi 'm condannerà mia bocca; *combain ch' eu füss* prus, schi 'm declererà ella pervers.

21. *Schabain ch' eu füss* sincêr, schi non cognosch eu mai sves, eu ha in sdegn mia vita.

22. * L' *ais* tuot üna; perquai di eu: El sdrüa ingualmaing, il *crastian* sincêr, e l' empi. * Eccl. 9, 2. 3. Mal. 3, 15.

23. Schi *ais* ün flagell, schi mazz' el in ün momaint; *ma* el fa beffa della prova dels innozaints.

24. La terr' *ais* datt' in man al empi, *il qual* coverna la fatscha dels güdischs da quella. Ma, scha *Deis* non *fa quai*st, chi *ais* el *dimena*?

25. * Ma meis dis sun stats plü sperts ch' ün currier, sun fügits via, non han giödü il bön;

* Gìob 7, 6.

26. Els sun transeurrüts sco las spertas navs, sco ün'aglia, chi svoula spert pro 'l magliar.

27. Sch' eu di: Eu vögl smanchar via meis pland, eu vögl laschar ir mia ira, e 'm vögl rinforzar;

28. Schi sun eu stramantâ da tuot meis tormaints, eu sa, cha tû non am quinterast innozaint.

29. Eu sarà reo; perche dimena'm dess eu sfadiar per inguotta?

30. Cur eu m' avess lavâ con aua da naiv, e nettiâ ils mans col savun;

31. Am chatschessast tû lur' impero in üna foura, e mia vestimainta m' avess in abomini.

32. Perche * el non *ais* ün hom, seo *sun* eu, *per ch'* eu al responsa, e *per cha* nus vegnan insembel a güdizi.

* Eccl. 6, 10. Ger. 49, 14. 19.

33. E qua non ais ingün chi possa trar sentenza tanter nus, *chi* possa metter il man sün amenduos nus.

34. *Ma* pür ch' el remova sia percha davent da mai, e cha seis spavent non am contuorbla;

35. *Lura* vögl eu tschantschar, e non vögl avair temma d' el; perche in quai stadi non sun eu in mai s vess.

CHAP. X.

Gìob fa seis plands a Dieu, il rovand, d' avair misericordia d' el. Domanda spazi da far penitenza. Descripziun della mort.

MA l'orma * as sazaja da mia vita; eu'm vögl laschar cuorrer adöss meis pland; eu vögl favlar nella conturbraziun da mi' orma. * Giob 7, 16.

2. Eu vögl dir a Dieu: Non am condannar; fa'm a savair perche tû dispistatt con mai.

3. At para bain fat da squitschar suot, da sdegnar l'ouvra da teis mans, e da splendurir sur il cossagl dels empis?

4. Hast tû ögls da charn? Vezzast tû seo vezz' il crastian?

5. *Sun* teis dis sco'ls dis del crastian mortal? *Sun* teis ans seo l'età umana?

6. Cha tû indreschast davo mi' iniquità, e pigliast informaziun da meis pucha?

7. A tai appertain da cognoscher, ch' eu non sun reo, e *qua* non *ais* ingün chi spendra da teis man.

8. Teis mans m' han formâ, e compost, e tû'm sdrüast zuond daffat per tuot intuorn.

9. Ah atregorda, cha tû m' hast formâ seo * d' arschiglia, e cha tû'm fast darcheu turnar in puolvra. * Gen. 2, 7.

10. Non am hast tû culâ seo lat, e fat gnir insembel seo ün chaschöl?

11. Tû m' hast vesti con pel, e con charn, e m' hast tessü aint con ossa, e con nerva;

12. *Tü* m' hast dat la vita, ed hast dovrâ benignità invers mai, e tia chüra ha perchürâ meis spiert.

13. E tû avaivast impero miss quai-stas chosas in salv in teis cour; eu sa bain cha quai st *eira* pro tai.

14. Sch' eu ha pechâ, m' hast tû notâ sù, e non am hast absolt da mi' iniquità.

15. Sch' eu sun stat reo, vae a mai; e scha sun güst, non oz eu però'l cheu, *essendo* saduol d' ignominia, e vezziand mi' afflicziun;

16. E scha dech eu l' oz, schi'm chatschast tû a guisa d' ün liun furius, e tuornast at palantar müravglius conter mai.

17. Tû'm mettast avant ögls teis nouv testimonis; tû creschaintast tia indignaziun contra mai; müdadas d' exercits *sun* sur mai.

18. Perche m' hast dimena trat our dalla matrice? *Qua* füss eu spirâ, e l' ögl d' alchün non m' avess vis.

19. Eu füss stat seo sch' eu non avess mâ gnü d' esser bricha; eu füss stat portâ dal vainter alla sepultura.

20. Meis dis non *sun* els paca chosa? Tschessa dimena, e stâ giò da mai, dasort ch' eu piglia ün pa da forza.

21. Avant ch' eu giaja nella terra dellas schürezza, nella sumbriva della mort, dinuonder eu mâ non tuorn plü;

22. Nella terra d' obscurità, simila a schürdüm; da sumbriva da mort, *in-gio* non *ais* ordinanz' alchüna, e la quala, cur ais cler, *ais* simila a schürdüm.

CHAP. XI.

Sofar repretta Giob. Mossa, cha Dieu saja incomprendibel. Dieu ardschaiva quels chi vegnan a penitenza.

E Sofar, Naamatit, respondet, e dschet:

2. Non as dess responder ad ün hom da tants plets? Ed ün bajader dess el *perquai* esser quintâ güst?

3. Faran tias tschantschas tashair la gliend? Tû farast beffa, sainza ch' alchün at fetscha verguogna?

4. Ma tû hast dit: Mia maniera da vita ais püra, ed eu sun stat net avant teis ögls.

5. Ma, voless pür Deis tshantschar, ed avrir seis lefs con tai;

6. E declarar els secrets della sapienza; perche els *sun* dobels; schi gnissast tü a cognoscher, cha Deis at fa portar paina plü pitschna co ti' iniquità merita da raschun.

7. * Podessast tü chattar möd d'investigar Deis? Podessast tü chattar l'Omniopotaint in perfeeziun?

* Eccl. 3, 11. Rom. 11, 33.

8. Quaistas chosas sun las otezzas dels tshels, che *ans* volessast far? *Ellas sun* plü profundas co l'infern, co *las* volessast cognoscher?

9. *Lur* distaisa *ais* plü lunga co la terra, e, *lur* ladezza *ais* plü granda co'l mâr.

10. Scha *Deis* subverta, ovvero sch'el serr'aint, e raspa, chi'l voul ostar?

11. Perche el cognoscha la gliend vana, e, veziant l'iniquità, non dess el *qua* as far surasen?

12. Ma * l'crastian *ais* privâ da sen, e temerari da cour, e nascha *simil* ad ün poleider d'ün asen solvadi.

* Ps. 73, 22. Eccl. 3, 18.

13. Scha tü indrizzast teis cour, e stendast oura teis mans vers el;

14. Scha *qua ais* iniquità in teis man, e tü la mettast lönsch davent *da tai*, e non laschast dmuurar alchüna perversità in teis tabernaculs;

15. Lura tshertamaing ozerast tü la fatscha *netta* da macla, e sarast stabili, e non averast temma d'*inguotta*.

16. Perche tü smancherast las misérias, o non at regorderast plü da quellas, co d'auas curritâs via;

17. E t'alverà sü ün temp plü *cler* co'l mezdi; * tü vainst a splendurir, e sarast simil alla mattina;

* Ps. 37, 6. Es. 58, 8.

18. E sarast in sgürezza; siand cha qua sarà d'avair spranza, ed implanterast *tia chamanna*, e dormirast sgüramaing;

19. E vainst at metter giò, ed ingün non at stramanterà, e blers vegnan at supplichar.

20. Ma 'ls ügls dels empis gnaran almain, ed ogni refugì sarà pers per els, e *lur suletta* spranza sarà, da render sü il spiert.

CHAP. XII.

Giob reprenda la presunziun, e l'inumanità da seis amis. El prova, cha Dieu fetscha quai ch'el voul, e contuot ch'el batta eir ils güsts.

SÜN quai respondet Giob, e dschet:
2. Schi, vairamaing vus *eschat tuot* ün pövel, e la sapienza vain a morir con vus.

3. Eir eu ha intellet sco vus; eu non sun main da vus, e pro chi non *sun* da quella sort chosas?

4. * Eu sun quel hom ch'ais fat giamgias da seis ami; *ma ün tal* clama Deis in agüd, ed el al responderà; al crastian güst e sincêr ais fat giamgias.

* Giob 16, 10. 17, 26.

5. Quel chi sta per schampütschar col pè, *ais*, tras estimaziun da quel chi ais ventüraivel, ün tizun spretschâ.

6. * Ils tabernaculs dels sgiarbadars prospereschan, e *qua ais* ogni sgürezza per quels chi grittaintan Deis, nels mans dels quals el fa erodar *quai cha desidereschan*.

* Giob 21, 7. Ps. 37, 1. 35. Ger. 12, 1.

7. Ed in vardà, domanda pür las bestias, schi't mosseran quellas, e 'ls utschels del tshel, e quels vegnan at *il* declarar;

8. Ovvero, rashuna con la terra, e quella t'*il* intragüiderà; ils peschs del mâr eir t'*il* requinteran.

9. Tanter tuot quaistas *creatiüras*, qual' *ais quella chi* non sapcha, cha'l man del Segner fa quai?

10. Nel man del qual *ais* l'orma d'ogni *crastian* vivaint, e'l spiert d'ogni charn umana.

11. * L'uraglia non prov'ella ils plds, sco cha'l palat insaja la spaisa?

* Giob 6, 30.

12. Nels vegls *ais* la sapienza, e nella grand' età *ais* la prudenza.

13. Pro el *ais* la sapienza e la forza; ad el *appertain* il cossagl, e l'intelligenza.

14. Mera, * *sch'* el ruina, *la chosa* non po esser reedifichada; *sch'* el serr'aint alchün, non po el esser avert.

* Giob 9, 12. Ap. 3, 7.

15. Mera, *sch'* el retegna las auas, schi süjan ellas sü; e *sch'* el las lascha cuorrer, volvan ellas la terra suotsura.

16. Pro el *ais* forza e rasehun; ad el *appertain* chi va ad errur, e chi fa inerrar.

17. El maina davent ils cosglêrs spogliats, * e fa gnir nars ils *güdischs*.

* 2 Sam. 15, 31.

18. El slia sü il liam dels rais, e strenscha la tshintà sur lur *proprie* flanes.

19. El main' ils redschadurs spogliats, e subverta ils possants.

20. El piglia la favella als eloquents, ed alvainta via il sen als vegls.

21. * El spand' our' il spretsch sur ils nöbels, e slarg' oura la tshintà dels possants.

* Ps. 107, 40.

22. El revela las chosas profundas, *las trand* our dallas schütrezzas, e mett' our' alla glüm la sumbriva della mort.

23. * El creschainta las naziuns, e las sdrüa *eir*; el ras' our' ils pövels, ed *eir* ils redüa el insembel. * Ps. 107, 38.

24. El piglia via il sen als capos dels pövels della terra, * e l's fa ir ad erramaints tras lous deserts, *ingio* non *ais* via alchüna.

* Ps. 107, 40.

25. Els van pal pand per las schütrezzas, sainza glüm alchüna; ed el l's fa ir ad errur seo ün hom aiver.

CHAP. XIII.

Gìob reprenda seis amis per lur proprie plets.
El mossa qual ais sia spranz' in Dieu.

MERA, meis ögl ha vis tuot *quai*stas *chosas*, mi' uraglia las ha udidas, e las ha inelettas.

2. Quant cha vus savais, sa eir eu; eu non sun main da vus.

3. E pür, eu vögl favlar al Omnipotaint; eu vögl avair applaschair da gnir a rasehun con el.

4. Ma tshert, quant a vus, vus eschat pezza-menzognas; vus eschat meidis da nügla tuots affats.

5. Ah pür cha vus daffat tashessat, schi gniss quai as gnir *quintà* in sapienza.

6. Tadlai da grazia la defaisa da mia rasehun, ed inlegiai ils argomaints da meis lefs.

7. As convain a vus in favur da Dieu da tshantschar perversamaing, e, per respet seis, tshantschar ingia-naivelmaing?

8. As convain a vus d'avair resguard

a sia qualità? As convain a vus da dispittar per Deis?

9. *Füss* que bön *pervus*, ch' els' examiness? Gnissat vus al ingiannar seo s' ingiann' ün crastian?

10. El per tshertas reprenderà, scha vus avais adascus resguard alla qualità dellas persunas.

11. * Sia otezza non as stramanterà ella? Il spavent dad el non as croderà el adöss?

12. Vos *dis* memorabels *sun* similis a tshendra, e voss ots *discuors* a mantuns da büergia.

13. Taschai vus, e laschà 'm star, ed eu vögl tshantschar, e giaja sur mai oura che cha saja.

14. Perche 'm sdrap eu la charn cols daints, e *perche* tegn eu mi' orma nella palma da meis man?

15. Mera, ch' el pür am mazza; schi vögl eu impero avair spranza in el; ma tuottavia vögl eu defender mias vias in seis conspet.

16. Ed el svesch am *sarà* in salüd; perche l' ipocrit non al gnarà avant.

17. Tadlai diligiaintamaing meis *discuors*; ed *intr'* a vus nellas uraglias mia decleranza.

18. Mera uossa, *cur* eu ha miss nan per uorden mia rasehun, schi sa eu, ch' eu vegn ad esser chattà güst.

19. Chi ais quel chi vögla dispittar con mai? Perche be uossa vögl eu tashair, e dar sü il spiert.

20. Solum non am far duos chosas, *schì* non am vögl eu lura zoppar da teis conspet.

21. Metta teis man lönsch davent da mai, e cha teis stramizi non am stramainta;

22. E lura clama, schi vögl eu responder; ovvero ch' eu vögl tshantschar, e tü responda 'm.

23. Quantas iniquitats, e puchats ha eu? Mossa 'm meis misfat, e meis pucha.

24. Perche zoppast tia fatscha, e 'm quintast teis inimi?

25. Smacherast tü üna föglia chatschada, o perseguitterast tü stoppa secha?

26. Cha tü 'm sentenziast con painas aschas, e 'm fast ertar l' iniquità da mia giuventüna;

27. E mettast meis peis nels tscheps, e spiast tuot mias sendas, e stampast teis pass sün las ragischs da meis peis.
 28. Dinuonder quaiast as disfa seo lain marsch, seo ün vestimaint rusdallas chêras.

CHAP. XIV.

Gìob descriva la miserabla condiziun della vita umana. El profetizescha dalla resüstanza generala.

Ll' crastian nat dalla duonna *ais* da cuort' età, e plain da travaglias.

2. * El vain oura seo üna fluor, e lura vain el tagliâ giò, fùgia seo la sumbriva, e non sta ferm.

* Ps. 90, 5. 6. 9. Es. 40, 6. Giac. 4, 14. 1 Pet. 1, 24.

3. Ed impero avrast tü teis ögls sur ün tal, e'm fast gnir a güdizi con tai.

4. Chi po trar üna chosa netta our dad üna malnetta? Ingün.

5. Daspö cha seis dis *sun* determinats, e cha'l number da seis mais *ais* pro tai, e cha tü l' hast tschantâ seis terms, ils quals el non po surpassar;

6. Schi't volva davent dad el, dасort ch'el haja alchün pos, infina tant, cha da buna vögliä el fornesccha sia giornada, seo ün mercenari.

7. Perche, combain ch' ün bösch ais tagliâ giò, schi aise però spranza per el, ch' el amo's renoverà, e cha sias manzinas non manceran.

8. Bain cha sia ragisch saja gnüda veglia nella terra, e' sia tschücha saja morta nella puolvra;

9. Pür inguotta tant main, scombod ch' el sentirà l' aua, schi dschermüglerà el darcheu, e prodüerà rams seo üna planta *nouva*.

10. Ma l' hom moura, e s' indeblescha, e, *cur* il crastian ais trapassâ, ingiö *ais* el?

11. Las auas van davent dal mâr, e'ls flüms süman aint, e's süaintan sü;

12. Usche, *cur* il crastian giasch' in terra, schi non sta el sü; fin cha non *sajan qua plüs* tschels, *ils morts* non as * sdruvagleran, e non as sdasderan da lur sön.

13. Ah! Pür cha tü'm covernessast suot terra, e'm azzoppessast, fin cha t' ira füss quietada, e'm tschantesast alchün term, *davo'l qual* tü't regordessast da mai!

14. Scha'l crastian moura, po el turnar in vita? Dess eu spettar tuot ils dis del temp determinâ da mia vita, fin cha'm vegna müdada *da condiziun*?

15. E cha * tü'm clamast, e ch' eu't responsa, e cha tü desiderast l' ouvra da teis mans?

* Giob 7, 7. 21.

16. Perche uossa quintast tü meis pass, e non resalvast *inguotta a chastiar* da meis pucha.

17. Meis misfats sun sagellats in ün sachet, tü l' hast cusi sur mias iniquitats.

18. Ma tschert, seo ch' ün munt, erodand, va giò bass, ed ün spelm ais tut davent da seis lö;

19. E las auas ruojan las peidras, e lur diluvis inuondan la puolvra della terra; usche fast tü perir la spranza del crastian.

20. Tü'l prevalesschast in eterno, ed el va via; tü'l fast müdar fatscha, e'l tramettast davent.

21. *Scha lura* seis figls sun in onur, non sa el; *sch' els* eir sun abbassats, non sögn' el quai inguotta.

22. Sia charn as duola d' el sulet, e si' orma fa cordöli d' el sulet.

CHAP. XV.

Elifaz reprenda Giob per quai, ch' el s' attribuescha santità, ed innocenza.

ED Elifaz, Temanit, respondet, e dschet:

2. Dess ün hom sabi pronunziar opiunus vanas, e s' implir il vainter con vent oriental?

3. Ed argomentar con plets inutils, e *con* discuors, dinuonder el non po trar alchün avantach?

4. Schi tschert, tü annullast la temma *da Dieu*, ed impedeschast l' oraziun, *ch' ün dess far* avant el;

5. Perche tia bocca demonstra ti' iniquità, daspö cha tü hast tschernü l' tschantsehar dels ingiannadurs.

6. Tia bocca at condanna, e na eu, e teis lefs testifican contra tai.

7. *Est* prüm crastian chi saja nat *nel muond*? O est tü stat formâ avant ils muots?

8. Hast tü udi il secret da Dieu, ed hast tü trat nan a tai la sapienza?

9. Che sast tü, cha nus non sapehan? *Che* inleast tü, cha non saja pro nus?

10. Tanter nus *qui ais* eir alehün channuoss; alehün zuond vegl, plü da temp eo teis bap.

11. Sun ils cufforts da Dieu üna chossa massa paca per tai? Hast tü miss alehüna chos' in salv pro tai?

12. Perche at transporta teis cuor, e perche tschögnan teis ögls?

13. Cha tü volvast teis soffel, e profereschast our da tia bocca pleds contra Dieu.

14. Che chos' *ais* il crastian, ch' el saja net, e *che chos' ais* * chi ais nat da duonna ch' el saja güst? * 1 Reg. 46, 8.

15. Mera, el non asfida in seis sancts, e'ls tschels non sun nets in seis conspet.

16. Quant plü abominabel, e spüzolent *ais* il crastian, chi baiv' aint l' iniquità seo aua?

17. Eu't vögl declarar, taidla 'm pür, e't vögl requintar quai ch' eu ha vis.

18. Il qual ils sabis han raschunâ, e non l' han gnü azzoppâ, l' *aviand retschevü* da lur babuns.

19. Als quals sulets la terra füt dat-ta, e per mez *ils pajais* dels quals non passet mâ ester ingün.

20. L' empi ais tormantâ tuot ils dis da sia vita, ed al violent ais miss in salv ün pitschen number d' ans.

21. *El ha* nellas uraglias üna romur da spavents; in temp da pasch vain il guastadur sur el.

22. El non asfida bricha da podair ir our dallas schürezzas; el sta *saimper* in aguet, spettand la spada.

23. El va palpignand per *tscherchar* ingio *saja* pan; el sa, ch' el ha bod in man il di dellas schürezzas.

24. Anguoescha, e tribulaziun il spavaintan; il prevaleschan seo ün rai perdet alla battaglia.

25. Perche el ha stais oura seis man contra Dieu, e s' ha rinforzâ conter l' Omnipotaint.

26. El ais currü viaconter col colöz ferm, con seis spess ed ots schüts.

27. Perche el coverna sia vista con grass, ed ha fat fodas sur seis flancs;

28. Ed ha abitâ in cittats desoladas, in chasas cha non s' avdaiva, ch' eiran bod da *gnir redüttas in* munts da ruinas.

29. El non as richanterà, e sias facultats non saran stablas, e sia combladüra non as raserà oura nella terra.

30. El non as partirà mâ brich dallas schürezzas, la flamma sechanterà sia ramma, ed el sarà portâ via dal soffel della bocca da Dieu.

31. Ch' el non as confida nella vanità, *dalla quala el ais* surmanâ; perche el müderà stadi, e sarà redüt ad inguotta.

32. *Quaista müdada's* complirà ourvart seis temp, e seis rams non vegnan as inverdir.

33. Sias üjas aschas saran sdrappadas giò seo quellas d' üna vigna, e sia flur sarà büttada giò seo quella d' ün olivêr.

34. Perche la raspada dels profans sarà deserta, e' l fò travuonderà ils tabernaculs da *quels chi piglian* preschaints;

35. * *Ils quals* concepeschan per-versità, e partureschan iniquità, e' l vainter dels quals machina ingian.

* Ps. 7, 15.

CHAP. XVI.

Gìob planscha da seis amis, e sia granda dolor. El as chatta in sia conscienza d' esser innozaint.

GIOB respondet, e dschet:

2. Eu ha plüs voutas udi las istessas chosas; vus tuots *eschat* * cuffortadurs molests.

* Giob 13, 4.

3. Ma non finiran ils pleds davent? Orvero da che at fast ferm, cha tü replichast *amo*?

4. Scha voss' orma füss nel stadi da mi' orma, schi podess eir eu tschant-schar seo vus, metter insembel pleds contra vus, e squassar il cheu in conter;

5. *Ma anzi's* voless eu confermar con mia bocca, e' l cuffort da meis lefs gniss a surlevgiar *vossa dolor*.

6. Sch' eu tschant-sch, schi non as surlevg' impero mia dolor; e sch' eu interlasch da *tschant-schar*, quant dalönsch as partirà ella da mai?

7. Tschert, el m' ha uossa stanglantâ, e tü m' hast, o *Dieu*, desolâ tuot mia compagnia.

8. E m' hast fat gnir plain da rappas, *il qual ais ün testimoni da meis mal*; mia maigrezza sta sü contra mai, e' m testificha conter in fatscha.

9. Si' ira m' ha scharpâ, ed el proceda contra mai dad adversari; el sgrizch' ils daints contra mai; meis inimi ficha seis ögls in mai.

10. E'ls han avri la bocca contra mai, m' han battü sün las masellas per vituperi, s' han raspats insembel contra mai.

11. Deis m' ha surdat in forza del * pervers, e m' ha fat crodar nels mans dels empis. * Giob 7, 20.

12. Eu eira in stadi quiet, ed el m' ha sputtâ, e m' ha tut per il colöz, m' ha chatschâ a mantun, e m' ha drizzâ per sia schaubgia.

13. Seis balaistrêrs m' han ineresâ aint, el am fora tras ils ranuogls, e non am schanaj' inguotta, el ha spans meis feil in terra.

14. El am rumpa con rottüras sur rottüras, el am cuorr' adöss seo ün hom possant.

15. Eu ha cusi ün sach sur mia pel, ed ha imbrudgiâ mia splendur nella puolvra.

16. Mia fatscha ais tschafügnada per cridar, e la sumbriva della mort *ais* süls palperis da meis ögls;

17. Combain cha violenza non *ais* in meis mans, e cha mi' oraziun *ais* püra.

18. O terra, non zoppar il sang spans da mai, e, *scha usche ais*, schi cha meis bragizi non haja lö.

19. Eir uossa, mera, meis testimoni *ais* nels tschels; meis testimoni *ais* nels *lous* ots.

20. O meis oratur, o meis amis, meis ögl larma via pro Dieu.

21. * O podess pür l' hom drettar con Deis, seo ün crastian con seis compagn!

* Giob 32, 35. Ecc. 6, 10. Es. 45, 9. Rom. 9, 20.

22. Perche meis cuorts ans van in-avant glivrand, ed eu vegn tras üna senda, dinuonder eu non vegn a turnar plü.

CHAP. XVII.

Giob descriva la miseria da quaista vita. El exort' ils pechadurs a penitenza. Admonescha da s' impissar suvent sün la mort.

MEIS spiert as dissolva, meis dis sun stüzzats, las sepultüras *spettan* sün mai.

2. Non ha eu sper mai sgiamgiadurs, e meis ögl non pass' el tuot la

not intuorn raschunamaints, cols quals els m' exacerbeshan?

3. Char tü, mett' ün pain, da m' süjertà per drettar con tai; chi sarà quel *chi* m' toccherà sül man?

4. Perche, *quant a quai*sts, hast tü zoppâ il sen a lur cours, e per tant non ils adozerast tü.

5. Ils ögls dels infants da quel, chi pronunzia *sentenzas* tanter amis per lusingia, saran consumats.

6. El m' ha tschantâ a servir per proverbi als pövels, ed eu sun publicamaing manâ intuorn sül tambur;

7. E meis ögl ais tuot gnü schür per sdegn, e tuot mia membra *ais* simile ad üna sumbriva.

8. La *glieud* prusa s' instupirà da quai, e l' innozaint as commoverà per causa del ipocrit.

9. Impero il güst as tegnerà sald sün sia via, e quel chi ais net da mans s' affermerà plü vi' e plü.

10. Ma pür as converti tuots vus, e *lura* gnü nan; eu non gniss a chattar alchün sabi tanter vus.

11. Meis dis sun passats via; meis desegns, ils proponimaints da meis cour, sun ruots.

12. La not m' ais cambiada in di, la glüm ais dastrusch *al ir* giò per causa dellas schürezzas.

13. Sch' eu spet sün spranza, schi sarà la sepultüra mia chasa, eu vögl far meis let nellas schürezzas.

14. Eu ha agiâ bragi alla fossa; Tü *est* meis bap, ed als verms: *Vus eschat* la mamma, e mia sour.

15. Ed ingio *ais* uossa mia spranza? Schi, la mia spranza? Chi la poderà vair?

16. * *Mias spranzas* vegnan ad ir giò nel fuond della sepultüra, siand cha 'l repos *da tuots ais* ad ingual nella puolvra.

* Giob 6, 8.

CHAP. XVIII.

Bildad reprene da Giob da massa superbia, e defenda la sabia providenza, e l' invariabla giustia da Dieu nell' extrem' ed orribila destrucziun dels empis.

SÜN quai respondet Bildad, Suhit, e dschet:

2. Fin cura non volais vus metter üna fin als raschuns? Inleai *il prüm*, e lura volain nus tschantschar *insembel*.

3. Perche eschan nus quintats per bestias, e perche 'ns schivivat vus?

4. O tü, chi scharpast ti' orma in ti' ira, sarà la terra bandunada per tia causa, e saran ils spelms transportats our da lur lö?

5. Schi, la glüm dels empis sarà stüzza, ed ingüna brashla da lur fö non splendorirà.

6. La glüm sarà inšchürida in lur tabernacul, e lur lampa sarà stüzza intuorn els;

7. Lur crudels pass saran stretnits, e lur propri cossagl ils trabücherà giò bass.

8. Perche quels as bütteran nel latsch con lur peis; e chamineran sün la rait.

9. Il latsch piglerà *ad els* il chalchagn; il sgiarbader farà ad els forza e violenza.

10. La corda sarà ad els zoppad' in terra, e trapplas sün la senda.

11. Spavents ils contuorbleran dapertuot intuorn, e'ls faran fügen in deruotta.

12. Lur forza sarà famantada, e la calamità *sarà* ad els apparechada dallas varts.

13. Il primogenit della mort travuonderà la membra da lur pel; travuonderà lur membra.

14. Lur confidenza sarà stratta d'avent da lur tabernacul, e quai il farà chaminar pro' l rai dels spavents.

15. Els vegnan ad abitar in lur tabernacul, chi non *saran plü* lur, e 's raserà suolper sün lur stanzas.

16. Giosuot secheran lur ragischs, e süsura saran lur rams tagliats giò.

17. Lur memoria perirà our dalla terra, e non averan nom alchün sün las piazzas.

18. Els saran chatschats dalla glüm nellas schürezzas, e saran stumplats our dal muond.

19. * Non averan figls, ne abiadis tanter lur pövel, ne alchün chi surviv' ad els in lur abitaziuns.

* Es. 14, 22. Ger. 22, 30.

20. La posterità as stupirà da lur di, sco 'ls avantnats averan gnü orrur.

21. Tschert, tals *saran* ils abitaculs dels pervers, e tal *sarà* il lö da quels chi non cognoschan Deis.

CHAP. XIX.

Gìob insta a mossar, ch'el non saja afflit per seis puchats. Ammossa, cha 'ls buns non vegnan saimper exodits. El profetizescha dalla resüstanza.

GIOB respondet, e dschet:

2. Infin cura volais vus far dolur all' orma mia, e 'm smachar con plets?

3. Agià desch voutas m'avais vus fat verguogna; non as turpiaivat vus, da proceder *usche zuond* stranamaing con mai?

4. Impero, *cha saja usche*, ch' eu tschertamaing haja fallâ, meis fal dmurerà con mai.

5. Scha pür vus davaira s'adozais conter mai, e 'm volais trar in ögls meis vituperi;

6. Schi sapchat uossa, cha Deis m' ha büttâ a terra, e ch'el m' ha incresâ con sia rait.

7. Mera, eu brai sur violenza, e non sun exodi; eu clam dadot, e non *am vain fat* raschun.

8. El ha serrâ aint mia via, dasort ch' eu non poss passar; ed ha tshan-tâ las schürezzas sün mias sendas.

9. El m' ha spogliâ da mia gloria, e m' ha tut la coruna da meis cheu.

10. El m' ha disfât dapertuot intuorn, dasort ch' eu vegn via; ed ha fat alquar via mia spranza, sco quella d' ün bösch;

11. El ha invüdâ si' ira conter mai, e m' ha requintâ per ün da seis inimis.

12. Sias troppas sun gnüdas tuottas insembel, e 's han splanâ la via contra mai, e 's han acchampats intuorn meis tabernacul.

13. El ha fat ir lönsch d'avent da mai meis frars; meis cognoschaints s' han daffat allontanats da mai.

14. Meis prossems sun restats davo, e meis cognoschaints m' han smanchâ via.

15. * Meis familiars, e mias fantschellas, am tegnan per ester; eu par ad els ün forestêr.

* Giob 29, 5.

16. Eu clam meis servaint, ed el non responsa, combain ch' eu il rouv con mia bocca.

17. Meis flâ ais gnü strani a mia muglier, schabain ch' eu la supplich per ils infants da meis vainter.

18. Perfin ils pitschens infantets am

sdegnan; *sch'* eu lev' sü, straparlan els da mai.

19. Tuot meis cosglêrs secrets m' abomineschan, e quels ch' eu amaiva s' han vouts contra mai.

20. * Mia ossa ais tachada pro mia pel, e pro mia charn, e non m' ais restâ oter san, co la pel intuorn meis daints. * Giob 30, 30. Ps. 102, 6. Lam. 4, 8.

21. Hajat compassiun da mai, hajat compassiun da mai, o vus meis amis; perche 'l man del Segner m' ha toc.

22. Perche 'm perseguittais vus sco Deis, e non as sadolais da mia charn?

23. O füssan pür uossa scrìts meis raschunamaints! O, cha füssan pür stampats in ün eudesch!

24. O, cha füssan in sempiterno intagliats con ün schalpen da fier, e con plom, sün üna peidra!

25. Ma, quant a mai, eu sa cha meis Spendrader viva, e cha nel ultim di el alverà sü sur la puolvra.

26. *E combain*, dopo cha mia pel, e quaist *corp* saja rus, impero vegn eu con mia charn a vair Deis;

27. Il qual eu vegn a vair, meis ögls ilvezzeran, ena ün oter; meis ranuogls as consüman nel sain.

28. Anzi, vus dovessat dir: Perche 'l perseguittain nus? Daspö cha la ragsch del pled as chatt' in mai.

29. As tmai della spada; perche 'l supplizidell' iniquità *ais* la spada; acio cha vus sapchat, cha *qua ais* ün güdizi.

CHAP. XX.

Sofar repetescha la medema proposiziun della güstia da Dieu in chastiär ils empis, per lur puchats, e blastemmas.

ESofar, Naamatit, respondet, e dschet:
2. Perquai 'm chatschan meis impissamaints a responder, e perquai *ais* quaista mia prescha in mai.

3. Eu ha udi mia vituperusa represciun; ma *meis* spiert am fa responder our da meis intellet.

4. Non sast tû quaist, *ch' ais* stat d'ogni temp, dopo cha 'l crastian füt tshantâ sur la terra,

5. Cha 'l triumf dels empis *ais* dastrusch, e cha l' allegrezza dels ipocrits *ais solum* per ün momaint?

6. Schabain cha si' otezza muntess fin al tshel, e seis cheu rivess fin allas nüvlas;

7. Schi perirà el impero in perpetuo, sco seis aldüm; quels chi l' averan vis, vegnan a dir: Ingio *ais* el?

8. * El svolerà via sco ün sömmi, e non sarà *plü* chattâ, ed algarà sco üna visiun nocturna. * Ps. 73, 20. 90, 9.

9. L'ögl *chi* 'l averà vis, non il *vezzerà* plü, e seis lö non il guarderà plü.

10. Seis infants vegnan a tscherchar la favur dels povers, e lur mans restitueran quai ch' el ha sgiarbâ per violenza.

11. Si' ossa sarà plaina *dels excess* da sia giuventüna, ils quals vegnan con el a giaschair sün la puolvra.

12. Scha 'l mal al ais stat dutsch nella bocca, *sch'* el l' ha zoppâ suot sia lengua;

13. *Sch'* el l' ha reservâ, e non l' ha büttâ our, anzi l' ha retgnü in mez seis palat;

14. Schi vain sia spaisa as cambiar ad el in seis dadaint, e dvantirà tössi d'aspide in seis interiur.

15. El averà stranglâ giò las ricchezzas, ma el las svungerà our; Deis las chatscherà our dal vainter.

16. El averà tshütschâ il tössi dell' aspide, la lengua della vipra il mazzerâ.

17. El non vezzerà ils auals, ils flüms, ils torrents del meil, e del painch.

18. El vain a dar inavo *quai ch' el* con fadia averà acquistâ, e non il travuonderà; sumgiant a *sia* potenza sarà sia müdada, el non vain a giodair.

19. Perquai ch' el ha squitschâ suot *oters*, vain el a laschar manglus *davo el*; *perquai ch' el* ha * sdrappâ la chassa d' *oters*, schi non edificherà el *la sia*. * Ger. 22, 13. Ab. 2, 11, 12.

20. Perquai ch' el mâ non ha senti repos in seis vainter, schi mâ non vain el a podair salvar *inguotta* da sias las plü charas chosas.

21. Inguotta non al resterà da mangiar, e però non vain el ad avair plü spranz' in sia roba.

22. Cur el sarà impli a sufficienza, lura sarà el in anguoscha; tuot ils mans dels misers vegnan a gnir conter el.

23. *Cur* el sarà per s'implir il vainter, schi vain *Deis* al trametter la

furia da si' ira adöss, e la farà plover sur el, e sur sia spaisa.

24. * *Cur el fùgirà dallas armas da fier, schi vain ün balaister d' aram al forar tras.* * Es. 24, 18. Ger. 48, 43. Amos 5, 19.

25. *Scombod cha la frizza sarà tratt' oura, dopo esser id' our da sia buschetta, schi'l passerà la puoncha per mez il feil; spavents al saran adöss.*

26. Tuot las schürezas *saran* zoppadas in seis zoppels; ün fö non sofflä sü il travuonderà; chi surviverà in seis tabernacul, vain ad esser infelice.

27. Ils tshels vegnan a scovernar si' iniquità, e la terra alverà sü conter el.

28. La rendita da sia chasa sarà trasportad' *ad oters; ogni chosa sia vain a cuorrer via, nel di dell'ira da quel.*

29. Quaist *ais* la part, *assignada* da Dieu al crastian empi, e l' ierta *ch' el retschaiva* da Dieu per seis pleds.

CHAP. XXI.

Gìob mossa, cha si' afflicziun non ais üna perdüta ch' el saja mal. La prosperità del empi non il declera innozaint.

GIOB respondet, e dschet:

2. Dat audienza a meis raschunamaint, e quai'm sarà *in pè da* voss cufforts.

3. Comportà'm ch' eu tshantscha, e, davo ch' eu ha tshantschâ, schi fat pür beffa.

4. Quant a mai, meis pland *s' indrizz'* el vi' ad ün crastian, e perche non dess meis spiert esser angoschiâ?

5. Guardai bain sün mai, e s' instupi, e mettai il man sün la bocca.

6. Eu s vess, *cur* eu'm regord, sun tuot attonit, e mia charn piglia ün orrur.

7. Perche vivan ils empi? Perche vegnan els vegls, ed els sun eir fermes e vigorus?

8. Lur sem *ais* stabili in lur conspet, con els insembel; e lur descendents sun avant lur ögls.

9. Lur chasas *non sun oter co* pasch, sainza spavent, e la percha da Dieu non ais sur els.

10. Lur tors muntan sü, e non fallan; lur vachas früttan, e nonguastan.

11. Quels tramettan oura lur infantets sco bescha, e lur figls van saglind.

12. Quels ozan la vusch col tambur

e con la citra, e s' alleigran pro'l sun del orgiel;

13. Mainan via lur età in plaschair, e lura in ün momaint van els giò nella sepultura.

14. Combain cha hajan dit a Dieu: * At parta da nus; perche nus non avain plaschair nella cognoschen-scha da tias vias. * Giob 22, 17.

15. Che *ais* l' Omnipotaint, cha nus al servan, e che profit gnin nus a far, scha nus il rovain?

16. Mera, lur bain non *ais* el in lur mans? (*Saj'* il cossagl dels empis dalönsch da mai.)

17. Quantas voutas *dvainta, cha* la glümèra dels empis ais stüzza, e cha lur ruina vain ad els adöss, e * *cha Deis* da ad els tormaints in si' ira per lur part? * Giob 20, 29. Ps. 1, 4.

18. *E cha* sun * sco stram avant il vent, e sco paglia cha'l trabagl invoula davent? * Os. 13, 3.

19. *E cha* Deis reserva a lur infants la violenza dad els üsada; o ch' el la renda ad els s vess, e cha quels il saintan?

20. *E cha* lur ögls vezzan lur ruina, e cha quels baivan dell'ira del Omnipotaint?

21. Perche *del rimanent*, che affecziün averan quels vi' a lur chasas, cur il number da lur mais sarà tagliâ via?

22. Podess *alchiün* mossar scienza a Dieu? Siand ch' el ais quel chi güdicha chi sta ot.

23. Quel moura sül plü ot della felicità, in complida pasch, e tranquillità.

24. Seis coagls sun plains da lat, e si' ossa ais bavantada con mizguogl.

25. E quaist moura, *essendo* in contuorbel d' anim, e non aviand *mâ bricha* mangiâ con dalet.

26. Amenduos giaschan nella puolvra, e' ls verms ils covernan.

27. Mera, eu cognosch voss impissamaints, e' ls mals discuors cha vus fais contra mai con tuot.

28. Perche vüs gnis a dir: Ingio *ais* la chasa del magnific? Ed ingio *sun* las chamannas, ingio abitaivan ils empis?

29. Ma non eschat vus informats da quels chi fan viadi? Vus non gnis a desdir agiâ ils signals cha quels dan;

30. Cha 'l malizius ais salvâ sù per il di della ruina, cur las iras sun spansas oura.

31. Chi 'l presenterà sia via in fatscha? e chi 'l farà la retribuiziun da quai ch' el ha fat?

32. Lura, davo quai, ais el portâ nellas sepultüras, e non attenda plü ad oter co alla tomba.

33. Ils tschisps dellas vals al sun dutschs; ed el as tira davo tuot la glieud, seo avant el *sun its* innumrabels.

34. Co dimena'm cuffortais vus vanaing? Perche ch' in vossas replicas sun saimper prevaricaziuns.

CHAP. XXII.

Elifaz insta a mossar, cha Giob ais afflit per seis puchats. El avisa da considerar, co saja stat la fin dels infidels.

ED Elifaz, Temanit, respondet, e dschet:

2. L' hom po el far alchün profit a Dieu? Anzi a sai svesse fa profit l' hom inlegiantivel.

3. L' Omnipotaint *retschai'v' el* alchün dalet, scha tü est güst? O alchün guadagn, scha tü chaminast in integrità?

4. At chasti' el, o vain el con tai a güdizi, per temma ch' el haja da tai?

5. Tia malizia non *ais ella* granda? E tias iniquitats non *sun ellas* sainza fin?

6. Perche cha tü hast tut pegn da teis frar sainza causa, ed hast spogliâ ils nüds da lur vestimainta.

7. Tü non hast pür dat aua da bavier al stangel, ed hast tschunc giò il pan al famentâ.

8. Ma la terr' *ais statta* per l' hom possant, e l' hom da respet ha abitâ in quella.

9. Tü hast tramiss d'avent las vaidguas vödas, e la bratscha dels orfans ais *da tai* stat smachada.

10. Perquai *hast tü* latschs intuorn tai, ed ün spavent subit t' ha conturbâ.

11. Tü hast eir schürezzas *our d' intuorn*, dasort cha tü non poust vair; ed üna abundanza d' auas t' ha covernâ.

12. Deis non *ais el* nel ot 'dels tshels; guarda ün pa il plü ot dellas stailas, co ellas sun otas.

13. E pür hast tü dit: * Che chosa cognoscha Deis? Güdicherà el per mez las schürdüms? * Ps. 10, 11. 94, 7.

14. Las nüvlas *al* sun ün zoppel, ed el non vezz' inguotta, e spassaja per il circuit del tshel.

15. At hast tü fat surasen sül chamin, cha la glieud iniqua ha gnü d' ogni temp?

16. Ils quals sun stats ragischats our ant ura, e 'l fondamaint dels quals ais currü via seo ün flüm.

17. Ils quals dschaivan a Dieu: * At parta da nus. E che als podaiva far l' Omnipotaint? * Giob 21, 14.

18. El avai'v' impli ad els las chasas con roba; perquai saja lönsch da mai * il cossagl dels empis. * Giob 21, 16.

19. Ilsgüsts vezzeran *quaistas cosas*, e vegnan as allegrar, e l' innozaint farà beffa dels.

20. Scha nossa sustanza non ais statta sdriüta, schi ha impero il fö consumâ lur rimanent.

21. Char tü, t' accomoda con Dieu, e vè a pasch *con el*; tras quaist mez vain at gnir bön.

22. Ardschaiva, eu 't rouv, la ledscha da sia bocca, e metta seis plds in teis cour.

23. Scha tü't convertast pro l' Omnipotaint, scha tü mettast lönsch d'avent da teis tabernacul l' iniquità, schi sarast tü darcheu stabili.

24. E metterast l' or sün la puolvra, e l' or d' Ofir süls craps dels flüms;

25. E l' Omnipotaint sarà teis or, e teis argient, e tias forzas.

26. Perche lura vainst tü ad avair dalet nel Omnipotaint, ed ozerast tia fatscha sù pro Dieu.

27. Tü vainst al supplichar, ed el t' exodirà, e tü vainst *al* render teis vuts.

28. Cur tü averast determinâ *da far* alchüna chosa, schi vain ella at reuschir sgüramaing, e la glüm vain a splendorir sur tias vias.

29. Cur quellas saran abbassadas, lura vainst a dir: Exaltaziun! * E Deis salverà il crastian cols ögls ümils.

* Giac. 4, 6. 1 Petr. 5, 5.

30. El vain *al* liberar, *combain ch' el* non *saja* innozaint; anzi sarà liberâ per la purità da teis mans.

CHAP. XXIII.

Gìob persevera a sustgnair s'innocenza, e 's proferescha da la provar s'vess avant Dieu.

E Gìob respondet, e dschet:

1. Amo hoz *ais* meis pland üna rebellium; *combain* cha mia plaja *ais* aggrevada sur meis suspürs.

3. Ah! savess eu pür ingio chattar *Deis!* Eu voless ir infin pro seis trun;

4. Schi, eu voless in ordinanza metter nan mias raschuns in seis conspet, ed implir mia bocca con argumaints.

5. Eu voless savair ils plets ch' el gniss am responder, ed ineler quai ch' el am dschess.

6. Gniss el a dispittar con mai con grandezza da forza? Na, anzi el gniss ad avair resguard a mai.

7. Allà podess l'hom real gnir a raschun con el, ed eu füss in perpetuo liberà da meis güdisch.

8. Mera, sch' eu vegn inavant, schi non *ais el qua*; scha inavo, schi non il festiz eu.

9. *Scha da man* snester, cur el operescha, schi non il vez eu; *scha da man* dret, schi as zopp' el, ed eu non il poss vair.

10. Cur el averà cognoschü mia via, e m'averà examinà, schi vegn eu ad ir oura seo or.

11. Meis pè s' ha artgnü vi' a seis fastizis; eu ha salvà sia via, e non sun guinchì da quella.

12. Ed eir non ha eu miss *our* davanti mai il comandaint da seis lefs; eu ha miss pro mai insalv ils plets da sia bocca, plü *charamaing* co mia provisiun ordinaria.

13. Ma, *sch'* el *ais* sün ün *propöst*, chi il piglerà giò? Scha si' orma desidera *da far üna chosa*, el la farà.

14. El tschert vain a complir quai ch' el ha statui da mai, e bleras da quella sort chosas *sun* pro el.

15. Perquai sun eu smarri per causa del; *sch'* eu m' impais, schi ha eu spavent del.

16. Tschert, Deis m' ha fat alquar il cour, e l'Omnipotaint m' ha conturbà.

17. Perche non sun eu stat taglià giò, per non vair las schütrezzas? E perche ha el zoppà l'obscurità avant mai?

CHAP. XXIV.

Gìob declera, cha 'ls mals non vegnan saimper chastiats in quaist muond, siand ch' els suvent sun in granda prosperità. Il Segner permetta, cha 'ls fidels per ün temp sajan afflits dals tirans.

PERCHE non as dess dir, cha 'ls temps sun zoppats dal Omnipotaint, e *cha* quels chi 'l cognoschan non vezzan seis dis?

2. *Ils empis* movaintan ils terms, sdrappan las scossas, e *las* paschaintan.

3. Mainan davent l'asen dels orfans, piglian in pegn il bov della vaidgua.

4. Fan storscher ils bsögnus our via, ils povers della terra as zoppant tuots.

5. Mera, els *sun sumgiants ad* asens solvadis nel desert; els van oura pro lur manstêr, els levan sü la mattina *per ir* pro 'l butin, la champagna *ais* lur pan, per *lur* infants.

6. Els tschuncan il champ, els vindemian la vigna, *chi* non *ais* lur.

7. Fan passar la not ils nüds sainza vestimainta, dasort cha non *han*, col qual els as covernan avant il froid.

8. Els sun bagnats dallas auas, chi croudán giò dals munts, e, per manchamaint da refugi, abbratschan els la crappa.

9. Sdrappan l'orfan davent dalla terra, e piglian pegn dal pover;

10. Fan ir ils nüds sainza vestimainta, e * *quels* chi portan *ad* els las mannas da gran, indüran fam.

* Deut. 25, 4. Giac. 5, 4.

11. *Quels* *chi* squitschan our' *ad* els l'öli dadaint lur mürs, e *quels* *chi* passan nels torchels, indüran sait.

12. La gliend suspüra our dalla cità, e l'orma dels ferits a mort braja fich, e Deis impero non metta sü *ad* els alchün fal.

13. Quels sun da quels, chi 's rebelle-schan contra la glüm, non cognoschan sias vias, e non as ferman sün sias sendas.

14. L'omicider leva al sclerir del di, mazz' il pover, e'l manglus, e lura la not lavur' el da lader.

15. Il medem, * l'ögl del adulter observa la saira, dschand: L'ögl d'*alchün* non am vezzerà, e 's zoppa la fatscha.

* Prov. 7, 9.

16. Da not rumpan els aint las chasas, *cha's* avaiavan segnadas da di; els non * cognoschan la glüm.

* Giob 38, 13. Gioan. 3, 20.

17. Perche la mattina *ais* a quels tuots sumbriva da mort; sch' *alchün ils* cognoscha, *han els* spavents della sumbriva della mort.

18. Els fügen via spertamaing, *sco sün* las auas; lur part *ais* maledetta nella terra, els non guardan sün la via dellas vignas.

19. La sedsda, e 'l chod invoulan las auas della naiv; *usche* la sepultura *invoula* quels chi han pechâ.

20. La matrice ils smancha via, * ils verms sun ad els dutschs, dad els non as regorda plü; anzi ils pervers sun ruots sco ün lain.

* Giob 21, 33.

21. E, schabain ch' els formaintan la sterila, *chi* non parturescha, e non fetschan alchün bön alla vaidgua;

22. E cha tiran giò ils possants con lur forza, e, *cur* els levan sü, *ün oter* non as dess sgürar della vita;

23. Pür inguotta tant main da *Deis* ad els sün che els as possan sgüramaing pozar, e seis ögls *sun sün* lur vias.

24. Per pac temp sun els adoziats, lura non *sun* els plü; sun battüts giò, e passan davent sco tuot *ils oters*, e sun tsehunes via sco la sommità d' üna spia.

25. Scha non *ais* uossa *usche*, chi 'm farà mentir, e metterà ad inguotta meis raschunamaint?

CHAP. XXV.

Bildad, per la majestà da Dieu, e per la corruzziun della natira umana, disvada Giob da litiar con Deis.

E Bildad, Suhit, respondet, e dschet:
2. La signoria, e 'l spavent, *ais* con el; el fa in pasch *quai chi 'l pla-scha* in seis ots *tshels*.

3. Sias troppas as pon ellas nombrar, e sur chi non leva sia glüm?

4. Ma, * co sarà güst il crastian avant Deis, e co sarà net quel chi *ais* nat da duonna?

* Giob 4, 17. 15, 14.

5. Mera, perfin la glüna non sarà *netta* e non splendorirà; e las stailas non saran nettas in seis conspet;

6. Quant main il crastian, *ch' ais* ün verm, e 'l figl del crastian *ch' ais* ün vermet?

CHAP. XXVI.

Giob mossa, cha 'l Segner, governand tuottas chosas tras sia virtù, non po esser reprais dalla gliend.

SÜN quaiست respondet Giob, e dschet:
2. O quant *bain* hast tü güdâ al debel, ed hast salvâ il bratsch stangel!

3. O quant bain hast tü cosgliâ quel chi *ais* privâ da sapienza, e 'l hast largiamaing ammosâ la raschun!

4. A chi hast tü fat quaiست discuors, e 'l spiert da chi *ais* gnü our da tai?

5. Ils gigants sun stats formats *da Dieu*, e 'ls *animals* chi stan nellas auas *sun stats* formats suot quellas.

6. L' infern *ais* nüd avant el, e *qua* non *ais* covert' alchüna allö della perdiziun.

7. El stend' oura il settentrion sül vöd, el tegna suspais la terra sün inguotta.

8. El serra las auas in sias nüvlas, ed impero non as fenda il nüvel suot quellas.

9. * El intabla la fatscha da *seis* trun, el stend' oura sia nüvla sur quel.

* Ps. 104, 2. 3. Es. 66, 1.

10. * El ha con l' asest tshantâ ün tshert term intuorn las auas, *il qual dürerà* infin alla fin della glüm, e dellas schürezzas.

* Ps. 33, 7. 104, 9.

11. Las coluonnas dels tshels as squassan, e s' instupeschan, cur el las slama.

12. El ha fess il mâr con sia forza, e con seis sen ha el forâ tras las uondas furiusas.

13. El ha con seis Spiert fittâ ils tshels, seis man ha formâ la serp chi slischa via.

14. Mera, quaiست chosas *sun solum* alchünas partidettas da sias vias, e quant pac *ais* quai cha nus avain udi, e chi poderà incler il tun da sias pusanzas?

CHAP. XXVII.

Giob tenda seis proposit, favland dalla pussanza e sapienza da Dieu. La fin dels infidels, e tirans.

E Giob piglet darcheu sü seis discuors, e dschet:

2. *Sco* Deis *chi m' ha* tut mia raschun; e l' Omnipotaint chi ha dat contuorbel a mi' orma, viva,

3. Tant cha meis flâ *sarà* in mai, e cha 'l soffel da Dieu *sarà* in meis nas,

4. Schi *mâ* non tshantscheran meis lefs perversamaing, e mia lingua *mâ* non raschunerà frodaivelmaing.

5. *Mâ* non vöglia Deis, ch' eu con-sainta, cha vus hajat raschun, fin ch' eu mour; eu non am vögl laschar tour mi' integrità.

6. Eu ha tut sù la *dafaisa* da mia giüstia, eu non la vögl interlaschar; meis cour non *am* farà *mâ* bricha ver-guogna in *tuot* il temp da mia vita.

7. Meis inimi saja sco l' empi, e chi leva sù contra mai sco 'l pervers.

8. Perche quala sarà la spranza del ipocrit, cura, * dopo ch' el averà bain guadagnà, Deis al sdrapperà davent l'orma? * Mat. 16, 26.

9. * Deis vain el a tadlar seis bra-gizi, cur tribulaziun al sarà inson-trada? * Ps. 18, 41. Prov. 28, 9. Ger. 14, 12.

10. Averà el seis dalet nel Omnipotaint? Vain el a clamar Deis in agüd in ogni temp?

11. Eu vögl mossar davart il man da Dieu; eu non as vögl tgnair zoppà *las chosas* chi *sun* pro 'l Omnipotaint.

12. Mera, vus tuots avais vis *quai-stas chosas*; schi perche svanatschais vus usche in vanità;

13. Quaist' *ais* la porziun del cra-stian empi pro Deis, e l' ierta *cha* 'ls violents ardschaivan dal Omnipotaint.

14. * Schi seis infants multiplichan, *schì ais quai* per la spada, e seis de-scendents non saran sadolats da pan. * Os. 9, 13.

15. Quels chi 'l saran survivüts, ve-gnan a gnir sepulits nella mort svess, e sias vaidguas non crideran.

16. Schabain ch' el avess mantunà argient sco puolvra, e miss insembel vestimainta sco büergia;

17. Schi averà el *bain* miss insembel, * ma 'l giüst as vestirà, e l' innozaint partirà l' argient. * Ecc. 2, 26. Prov. 28, 8.

18. El averà edificà, ma sia chasa sarà sco la chêra, e sco la chamanna, chi fa il guardian *dels früts*.

19. *Schabain ch' el ais stat* rich, schi vain el a giaschair giò, e non sarà raspâ; el vain ad avrir ils ögls, ma qua non sarà inguotta.

20. Spavents vegnan al dar man sco auas; il trabagl l' involerà da not.

21. Il vent oriental il porterà via, ed el vain ad ir davent, e, tempestand, vain el al chatschar our da seis lö.

22. *Deis* dimena vain al far erodar

adöss *quai-stas chosas*, e non il scha-nierà; el fùgirà sainza restar, *essendo perseguità* dal man da quel.

23. Ün *oter* vain a dar cols mans insembel sur el, e *scodün* sofflerà conter el our da seis lö.

CHAP. XXVIII.

Gìob mossa la pussanza da Dieu tras las müra-vgliusas chosas chi sun in quai-st muond. La sa-pienza vala plü co tuot la ricchezza del muond.

TSCHERT, l' argient ha sia miniêra, e l' or ün lö, *ingio* el ais culà.

2. Il fier as tir' our dalla puolvra, e la peidra alguantada *renda* l' aram.

3. *Il crastian* ha tschantà ün term allas schütrezzas, ed investigescha ogni chosa infin alla fin; las peidras chi sun nell' obscurità, e nella sum-briva della mort.

4. *Ingio* ils torrents, cha 'l pè avai-va smanchà, rumpan oura, ed impe-deschan, ch' ingün non po star qua spera; schi lura challan els, e van davent tras *ouvra della* gliend.

5. La terra chi prodüa il pan, ais giò suot, vouta suotsura, e para *tuotta* fö.

6. Las peidras da quella *sun* ün lö da saffir, e *qua ais* puolvra d' or.

7. Ingün utschè da rapina non sa la sen-da, e l' ögl del girun *mâ* non guardet là.

8. Ils liunets della liuna non passan *mâ* bricha sün *quels lous*, il liun non get *mâ* bricha qua tras.

9. *Il crastian* mett' il man vi' als dürs spelms, e volva suotsur' ils munts fin da ragisch oura.

10. El fa condüts ad auals d' aua per mez ils spelms oura, e seis ögl vezza ogni chosa preziosa.

11. El züglia ils flüms, cha non guot-tan, e main' our a glüm las chosas azzoppadas.

12. Ma la sapienza dinuonder as trarà ella nan? Ed ingio ais il lö dell' intelligenza?

13. Il crastian non cognosch' il pretsch da quella, ella non as chatta nella terra dels vivaints.

14. L' abiss dschet: Ella non *ais* in mai; e l' mâr dschet: Ella non *ais* pro mai.

15. * E non as po dar or per quel-la, ne non as po pasar argient per seis pretsch. * Prov. 3, 14. 8, 11. 16, 16.

16. Ella non po gnir pretschada con or d' Ofir, *ne* con onix prezios, *ne* con saffir.

17. Ne l' or, ne l' diamant non la pon conguar con pretsch; ed alchün vashè d' or fin *non po gnir dat* in cambi da quella.

18. *Pro ella* non as fa menziun da corals, ne da perlas; la valütta della sapienza ais plü granda co quella dellas peidras preziasas,

19. Il topaz d' Etiopia non la po conguar con pretsch, ella non po esser pretschada con or pür.

20. Contuot, dinuonder vain la sapienza? Ed ingio ais il lö dell' intelligenza?

21. Perche ch' ella ais zoppada avant ils ögls d' ogni vivaint, e secretta als utschels del tsel.

22. Il lö della perdiziun, e la mort, dischan: Nus avain con las uraglias *solum* udi la fama da quella.

23. Deis *sulet* inleca la via da quella, e cognoscha seis lö,

24. Perche el guarda fin all' extremità della terra; el vezza suot tuot ils tsel.

25. * Cur el daiva la paisa al vent, e pasaiva las auas a *tscherta* mastira;

* Prov. 8, 22.

26. Cur el tshantaiva si' ordinanza alla plövgia, e la via als lütschaiders dels tuns;

27. Lura la vezzaiv' el, e la quintaiva; el l' ordinaiva, ed eir l' investigaiva.

28. Ma el ha dit al crastian: Mera, la temma del Segner ais la sapienza, ed as retrar dal mal *ais* l' intelligenza.

CHAP. XXIX.

Gìob, nels seguinths duos chapitels, tuorna a dir da sia prosperità passada. El mossa quala saja stat sia via. Sco eir da sia calamità presainta, e vituperi della glieud.

E Giob piglet sü darcheu seis raschun, e dschet:

2. Ah füss eu pür sco nels prüms mais, sco al temp cha Deis am perchüraiva!

3. Cur el faiva splendurir sia lütscherna sur meis cheu, e *cur* eu chaminaiva pro sia glüm, per mez las schürezzas;

4. Sco eu eira dal temp da mia giuventüna, tant cha'l cossagl da Dieu governaiva meis tabernacul;

5. Tant cha 'l Omnipotaint *eira* amo con mai, e cha mia famaglia am *eira* intuorn;

6. Tant ch' eu lavaiva meis pass

nel painch, e cha 'ls spelms spandai-van oura pro mai auals d' öli.

7. Cur eu giaiv' our pro la porta tras la città, e m' faiva sporscher nan mia sopcha sün la piazza;

8. Ils giuvens, am veziaand, s' azzoppaivan, e 'ls vegls alvaivan sü, e stai-van in pè;

9. Ils principals s' artgnaivan da tshantschar, e s' mettaivan il man sün la bocca;

10. La vusch dels redschadurs eira zoppada, e lur lingua eira tachada vi'a lur palat;

11. L' uraglia chi 'm udiva am celebraiva beà; l' ögl chi 'm vezzaiva am rendaiva testimonianza;

12. Perche eu liberaiv' il pover chi bragiva, e l' orfan chi non avaiva chi l' agüdess.

13. La benedicziun da chi periva gniva sur mai, ed eu faiva chantar il cour della vaidgua.

14. Eu 'm vestiva con güstia, ed *ella* 'm revestiva *darcheu*; mia raschun m' eira sco üna chappa, e sco üna binda.

15. Eu eira ögls al orb, e peis al zop.

16. Eu *eira* bap als manglus, ed investigaiva la causa, chi 'm eira sconschainta.

17. E rumpaiv' ils maslêrs als pervers, e 'ls faiva büttar il butin our dals daints.

18. Dinuonder eu dschaiva: Eu vögl morir in meis gnieu, e multiplichar *meis* dis sco 'l sablun.

19. Mia ragisch *eira* averta allas auas, e l' ruschè eira tuot la not sün meis rams.

20. Mia gloria 's renovaiv' in mai, e meis balaister as rinforzaiv' in meis man.

21. Ün *oter* am tadlaiva, e spettaiva, *ch' eu avess tshantschâ*, e taschaiva sün meis cossagl.

22. Davo ch' eu avaiva tshantschâ, ingün non repliehaiva, e meis discuors gottaivan sur els.

23. Quels am spettaivan sco la plövgia, ed avrivan la bocca, *sco* davo la plövgia della stagiun della raccolta.

24. *Sch'* eu riaiva vers els, schi non crajaivan quels, e non faivan crodar la clerezza da mia fatscha.

25. Scha 'm plasehaiva d' ir con els, schi sezzaiv' eu süsom, ed abitaiva con els, ün rai tanter *sias* truppas, e sco üna persuna chi cufforta quels chi fan cordöli.

CHAP. XXX.

MA uossa, quels chi sun da main età da mai, rian da mai, ils baps dels quals eu non avess degnâ da metter cols chans da mia scossa.

2. Ed eir, che m' avess güdâ la forza da lur mans? La vegldüna eira persa in els.

3. Con bsögn, e con fam *vivaivan* els d' ünavart, e solitaris; els fügivan in lous sechs, schürs, desolats, e deserts.

4. Clejaivan nan la malva intuorn la boşchaglia, e las ragischs dels ginaivers, per as schüdar.

5. Eiran schatschats our dalla *gliest*, ed as bragiva davo els sco *davo* ün lader.

6. Els dmuraivan nels cuvells della vals, nellas fouras della terra, e dels spelms.

7. Els sbrügivan tanter la boşchaglia, as raspaivan suot ils charduns.

8. *Eiran* gliest daschüttla, sainza nom, plü vils co la terra sves.

9. Ed uossa sun eu lur chanzun, e l' sogget da lur discuors.

10. Quels m' abomineschan, as fan lönsch d'avent da mai, e non s' artengan da m' spüdar in vista.

11. Perche *Deis* ha sliâ meis liam, e m' ha afflit, dinuonder quels han squassâ giò il frain, *per non* reverir *plü* mia fatscha.

12. Ils giuvnets levan sü contra mai dal *man* dret, am chatschan our suot ils peis, e s' splanan las vias conter mai, per *am trabüchar* in ruina.

13. Els han tagliâ giò meis chamin, s' avanzan pro mia perdiziun, ingün non als güda.

14. Els sun intrats sco tras üna largia rottüra, s' han rodlat via suot las ruinas.

15. Spavents s' han vouts contra mai, els perseguittan mi' orma sco l' vent, e meis salüd aispassâ via sco üna nüvla.

16. Ed uossa as svöd' oura mi' orma sur mai; ils dis dell' afflicziun m' han dat man.

17. Da not am four' ell' ossa sur mai, e mias avainas non han alchün pos.

18. Meis vestimaint ais tuot müdâ per la quantità della marscha *dellas* *plajas*, e *dels* *bignuns*, e m' strenscha intuorn sco l' schalv da mia rassa.

19. El m' ha büttâ nella büergia, e sun sumgiant a puolvra, e tschendra.

20. Eu brai pro tai, e tü non am respondast; eu m' preschaint *avant* tai, e tü non at fast surasen sün mai.

21. Tü at hast müdâ incrudel invers mai; tü m' contrastast con la forza da teis mans.

22. Tü m' hast alvantâ in ot, tü m' hast fat cuorrer inavant, sül vent, e fast alguar in mai ogni virtù.

23. Eusa tschertamaing, cha tü vainst am ardür alla mort, e pro la chasa, assegnada ad ogni vivaint.

24. Impero non stenderâ el our il man nella fossa; *quels chi qua sun* *laint*, brajan quels eur el sdrüa?

25. Non planschaiv' eu per causa da quel, chi manai' üna düra vita? Mi' orma non avai' ella dolur per ils manglus?

26. Perche, aviand eu sperâ il bön, ais gnü il mal; ed aviand spettâ la glüm, ais rivâ la schürdüm?

27. Meis interiuir buoglia, e non ha alchün pos; ils dis dell' afflicziun m' han inscontrâ.

28. Eu vegn brün intuorn, bricha da solai; eu stun sü avant blier pövel, e brai.

29. Eu sun dvantâ frar dels draguns, e compagn del püf.

30. * Mia pel m' ais imbrünida sur mai, e mi' ossa ais arsa per chalur.

* Lam. 4, 8, 5, 10.

31. E mia citra as ha müdad' in lèd, e meis orgiel in vusch da eridar.

CHAP. XXXI.

Giob declera, co saja stat sia continenza, e tuot sia conversaziun. Co avair compassiun dels povers. Fügir l' avarezza, ne metter fidanza sün ricchezza.

EU avaiava fat lia con meis ögls; co dimena dess eu avair guardâ la vergine?

2. E pür, qual' *ais* la part cha *Deis* m' ha tramiss da suringiò; e qual' *ais* l' ierta cha l' Omnipotaint m' ha dat our dallas otezzas?

3. La ruina non *ais* ella per il pervers, e 'ls accidaints stranis per ils operaturs d' iniquità?

4. Non vez el mias vias, e non quint'el tuot meis pass?

5. Sch'eu ha procedü con falsità, e scha meis pè ha festinà d' ir pro frod;

6. Am paisa pür *Deis* con balan-schas güstas, schi cognoscherà el mi' integrità.

7. Scha meis pass sun guinchits dalla dretta via, e scha meis cour ais it davo meis ögls, e sch' alchüna macla m' ais restà tachada pro 'l man;

8. Schi pür ch' eu semna, ed ün oter mangia, e sajan ragischadas oura mias plantas.

9. Scha meis cour ha gnü dalet davo alchüna duonna, e sch' eu sun stat in aguet pro l' tisch da meis prossem;

10. Schi pür molla mia muglier ad ün oter, e s' inclinan oters adöss sün ella.

11. Perche quai *ais* üna sceleratezza, ed ün' iniquità da güdichs;

12. Perche cha quai *füss stat* ün fö, *chi'm* avess constimà fin a perdiziun, ed avess ragischà our tuot mia rendità;

13. Sch' eu ha sdegnà da *comparair in* güdizi con meis famagl, e con mia fantschella, cur els han litià con mai;

14. E che voless eu far, cur *Deis* gniss a star sü; e cur el am visitess, che 'l voless eu responder?

15. Quel chi m' ha fat nel vainter, non ha el fat eir el? Non aise ün medem, chi 'ns ha formats nella matrice?

16. Sch' eu ha retgnü als povers quai cha desideravan, ed ha fat gnir almain ils ögls della vaidgua;

17. *Sch' eu* ha mangià tuot sulet meis bacun, e *scha* l' orfannon ha eir mangià;

18. Perche da mia giuventün innan ais quel stat trat sü con mai, *seo pro* ün bap, ed eu ha, dal vainter da mia mamma innan, gnü chüra della *vaidgua*;

19. Sch' eu ha vis, ch' alchün periss per manchamaint da vestimainta, e cha 'l bsögnus non avess inguotta da 's covernar;

20. Scha seis ranuogls non m' han benedi, e *sch' el non* as ha schüdà con la lanna da mia bescha;

21. Sch' eu ha ozà il man conter l' orfan, siand ch' eu vezzaiva, cha 'm avess güdà nella porta;

22. Schi cha 'l givè 'm croda davent dalla spadla, e saja meis bratsch ruot, *e trat davent da sia* channa;

23. Perche eu avaiava spavent* della ruina *trumissa* da Dieu, e ch' eu non podess *dürar* per sia otezza. * Gioel 1, 15.

24. Sch' eu ha tshantà l' or per mia spranza; e sch' eu ha dit al or fin: *Tü est* mia confidanza;

25. * Sch' eu m' ha allegrà, cha mias facultats *füssan* grandas, e cha meis man avess acquistà bler; * Ps. 62, 10.

26. Sch' eu ha guardà il solai, cur el splenduriva, e la glüna, fand seis cuors, clera e glüschainta;

27. E scha meis cour ais stat adascus surmanà, e cha mia bocca ha bütschà meis man;

28. Quaist' eir *ais* ün' iniquità da güdichs; perche eu avess renegà il *Deis* süsura.

29. * Sch' eu m' ha allegrà della calamità da meis inimi; sch' eu ha sagli d' *allegrezza*, cur mal l' eira insecontrà; * Prov. 17, 5.

30. Anzi* non ha eu neir bricha concess a meis palat da pechar, per giavüschar sia mort con maledicziun;

* Mat. 5, 44.

31. Scha la gliend da meis tabernacul non ha dit: Chi 'ns darà da sia charn? Nus non gnin *mâ bricha* ans podair sadolar.

32. Il forestêr non ais restà la not sün la piazza; eu ha avri meis tisch al viandan.

33. Sch' eu ha covernà meis misfat, *seo fan* ils crastians, per zoppar mi' iniquità in meis sain;

34. Combain ch' eu avess podü spaventar üna granda blerüra; schi 'm faivan impero ils plü vils del pövel temma, ed eu taschaiva, e non giaiv' our dalla porta.

35. Ah, avess eu pür chi 'm tadless! Mera, meis desideri ais, cha l' Omnipotaint am responsa, e cha quel chi litiga con mai am fetscha üna scrittüra.

36. Sch' eu non la port sün la spadla, e non am la li' intuorn a guisa da binda;

37. Eu al voless render quint da tuot meis pass, eu am voless approsmar via pro el seo ün chapitani.

38. Scha mia terra braja contra mai,

e scha medemmamaing seis suolehs eridan;

39. Sch' eu ha mangiâ seis frûts sainza pajamaint, e sch' eu ha fat suspirar l'orma da seis patruns;

40. Schi ch' in lû del gran *am* nascha charduns, e la claffa in pè del tierdi.

Qui fineschan ils discuors da Giob.

CHAP. XXXII.

Ils trais amis da Giob taschan. Elihu, il quart, il repretta per quai ch' el as gûstificha. Il Spiert da Dieu da intelligenza.

MA, essendo quels trais homens fermats da responder a Giob, perche el paraiva d'esser gûst;

2. Lura Elihu, figl da Beracheel, Buzit, della naziun da Ram, s' invüdet con ira contra Giob, perche el gûstifichaiva sai svesc ant co Deis;

3. E conter ils trais amis da quel, perquai ch' els non avaivan chattâ alchüna replica, ed impero avaivan els condannâ Giob.

4. Ma Elihu avaiva spettâ cha Giob avess tschantschâ; perche *el*, e *seis amis* eiran plü da temp co el.

5. Ma, vezziand, cha *qua* non *eira* replica alchüna nella bocca da quels trais homens, s' invüdet el con ira.

6. Ed Elihu, figl da Beracheel, Buzit, tschantschet, e dschet: Eu *sun* giuven, e *vus eschat* bain da temp; perquai ha eu gnü temma, e non ha açhâ declarar meis parair.

7. Eu dschaiva: L' età tschantscherâ, e la blertira dels ans farâ cognoscher la sapienza.

8. Tschert, il spiert *ais* nella gliend, ma l' ispiraziun del Omnipotaint ils fa ineler.

9. Ils grands non sun *saimper* sabis, e'lsveglis non inlean *saimper* il dret.

10. Perquai ha eu dit: Tadrâ'm; ed eu eir vögl declarar meis parair.

11. Mera, eu ha spettâ vös plets, eu ha sport l' uraglia a vossas consideraziuns, fin cha vus avessat tscherchâ oura raschunamaints.

12. Ma, m' aviand fat surasen sün vus, mera, *qua* non *ais* alchün da vus chi convenscha Giob, chi responda a seis discuors;

13. Cha vus forsa non diat: Nus avain chattâ la sapienza; cha Deis uossa il schatscha, e na ün hom.

14. Ma el non ha ordinâ *seis* discuors conter mai; schi non al vögl eir eu responder seguond voss plets.

15. Quels as han stramantats, non han plü respus, ils plets sun stats ad els tuts our *da bocca*.

16. Contuot ha eu spettâ; ma, siand ch' els non favellan *plü*, siand cha restan *qua* e non respondan *plü*;

17. Schi vögl eir eu responder per mia part; eir eu vögl declarar meis parair;

18. Perche eu sun plain da plets, il spiert da meis cour am strenscha.

19. Mera, meis cour ais sco ün vin, chi non ha flâ, e gniss as fender sco barigls novas.

20. Contuot vögl eu favlar, ed avair alchüna respiraziun; eu vögl avrir meis lefs, e responder.

21. Dalönsch saja da mai, ch' eu haja resguard alla qualità della persona d' alchün; eu non am vögl inspiar oura *favland* ad ün hom;

22. Perche eu non sa m' inspiar oura; uschigliö gniss quel chi m' ha fat, subit am tour via.

CHAP. XXXIII.

Elihu mossa cha Giob ha pechâ, siand ch' el as ha vogliü gûstifichar avant Dieu. Item cha Dieu mossa il crastian in diversas guisas per il aragnair dal pucha.

CONTUOT, taidl' uossa Giob, meis discuors, eu 't rouv, e sporscha las uraglias a tuot meis plets.

2. Mera, uossa ha eu avri mia bocca, mia lengua tschantscha in meis palat.

3. Meis plets *saran seguond* la realtâ da meis cour, e meis lefs proferiran scienza pûra.

4. * Il Spiert da Dieu m' ha fat, e' l flâ del Omnipotaint m' ha dat la vita.

* Gen. 2, 7.

5. Scha tü poust, schi responda'm; at mett' in uorden contra mai, e 't presainta pûr.

6. Mera, eu *sun* a Dieu, sco tü; eir eu sun stat trat our dal fango.

7. Mera, meis stramizi non at stramanterâ, e meis man non at sarâ grev adöss.

8. Tü hast pûr dit, udind eu, ed eu ha inolet la vusch dels plets:

9. Eu *sun* pûr sainza misfat; eu *sun* net, ed iniquità non *ais* in mai.

10. Mera, el chatta occasiuns contra mai; el am * quinta per seis inimi;

* Giob 13, 24, 19, 11.

11. El ha miss meis peis nels tscheps, el spia tuot mias sendas.

12. Mera, in quai non est tū stat güst; eu at vögl responder; perche Deis ais plü grand co 'l crastian.

13. Perche hast tū dispittà con el, siand ch' el non declera tuot sias raschuns?

14. *Ed ais bain vaira, cha forsà* Deis tschantscha üna vouta, e duos, *con chi*, non as ha fat surasen.

15. In sömme, in visiun da not, cur il plü chafuol sön crouda sur la gliend, cur quels sun tuot somnolents sün *lur* lets;

16. Schi avra 'l *lur* ad els l'uraglia, e sagella *lur* chastiamaint;

17. Per storscher il crastian giò da *sias* ouvras, e per far, cha la superbia del hom non para plü;

18. Per ostar si' orma dalla fossa, e far cha sia vita non passa tras la spada.

19. Ma *talvoutas* ais *eir* il crastian chastià con dolurs sün seis let, e tuot sia ossa con greva *malatia*;

20. Cha * sia vita il fa abominar la spaisa, e si' orma la vivanda desiderabla.

* Ps. 107, 18.

21. Sia charn ais constümada, dasort ch' ella non para plü, e sia ossa, *chi da principi* non as vezzaiva, s'appalainta.

22. Si' orma s' approsma pro la fossa, e sia vita pro *mals* mortals.

23. Ma, scha *lura* qua daspèra ais alchün angel intercessur, ün our da milli, per declerar al crastian seis dovair;

24. Schi 'l farà *Deis* grazia, e dscharà: Delibra 'l, ch' el non giaja giò pro la fossa; eu ha chattà la spendraschun.

25. Sia charn dvanterà fraiſcha plü co quella d' ün infant; el turnerà darcheu pro 'ls dis da sia giuventüna.

26. El supplicherà a Dieu, e quel al sarà paschaivel, e 'l farà vair sia fatscha con güvel, e renderà al crastian sia güstia.

27. E quel *lura* * as volverà vers la gliend, e dscharà: Eu avaiva pechà, ed avaiva stravià il dret, e *quai* non am ha güdà inguotta.

* Ps. 51, 15.

28. *Usche* vain *Deis* a spendrar si' orma, ch' ella non passa nella fossa, e sia vita vain a vair la glüm.

29. Mera, Deis operescha tuot quai-stas chosas duos e trais voutas invers il crastian;

30. Per retrar sia orma dalla fossa, acio ch' ella saja illüminada dalla glüm dels vivaints.

31. At fà surasen, o Giob, taidla'm; tascha, ed eu vögl favlar.

32. Scha tū hast alchüna chosa da dir, schi responsa'm; tschantscha, perche eu desideresch da 't güstificar.

33. Scha na, schi taidla'm tū; tascha, ed eu t' vögl mossar la sapienza.

CHAP. XXXIV.

Elihu reprend' amo a Giob da quai, ch' el sustgnaiva esser güst. El mossa, cha Dieu ais ün güst güdich, e ch' el govern' e redscha tuot.

ED Elihu get inavant con tschant-schar, e dschet:

2. *Vus* sabis, udi meis discuors, e *vus* ineclegiantaivels sporschâ'm l'uraglia.

3. Perche l' uraglia examina ils raschuns, seo 'l palat insaja quai cha 's dess mangiar.

4. Ans proponin l' appussaivel, güdichain tanter nus, che chosa *saja* buna.

5. Perche Giob ha dit: Eu sun güst; * Deis m' ha tut via mia raschun.

* Giob 27, 2.

6. Dess eu mentir davart mia raschun? La frizza, con la quala eu sun feri, *ais* fich dolorusa, * sainza *cha* misfat *saja* qua in mai.

* Giob 9, 17.

7. Qual *ais* quel hom simil a Giob, *chi* baiva il spretsch seo aua?

8. E *chi* chamina in compagnia cols operaturs d' iniquità, e va con la gliend empia?

9. Perche el ha dit: Il crastian non fa ingün profit da 's render grat a Dieu.

10. Perquai, *vus* gliend da sen, taidlâ'm; saja dalönsch, cha impietâ saja in Dieu, o perversità nel Omnipotaint.

11. Perche el renda al crastian *segund* si' ouvra, e fa chattar a scodün segund sia via.

12. Schi vairaamaing, Deis non operescha empiaamaing, e l' Omnipotaint non stravia la raschun.

13. Chi l' ha commiss il govern della terra, e chi l' ha miss sü la *chiura* del muond tuot intêr?

14. Sch' el pigless a sen il crastian; schi tress el darcheu a sai seis flà, e seis soffel;

15. Ogni charn insembel trapassess, e 'l crastian turness darcheu nella puolvra.

16. Scha pür tü hast güdizi, schi taidla quai; sporsecha l'uraglia alla vusch da meis discuors.

17. In vardà, quel chi ödiescha l'appussaivel dess el signorar, e condannarast tü quel, chi ais grandamaing güst?

18. As dess dir ad ün rai: Scelerat; ed als princips: Empi?

19. *Schi quant main a quel*, chi non ha resguard alla qualità dels princips, e pro 'l qual non ais cognoschü il possant, per esser tschantà avant al pover; perche quels tuots *sun* ouvra da seis mans?

20. Quels mouran in ün momaint, ed a mezza not *tuot* ün pövel vain moventà, e pera, e 'l potaint vain tut via sainza *ouvra* da mans.

21. Perche seis ögls *sun* sün las vias del crastian, ed el vezza tuot ils pass da quel.

22. * *Qua non ais* schürdüm, ne sumbriva da mort alchüna, ingio as possan zoppar ils operators d'iniquità.

* Ps. 139, 12. Amos 9, 2. 3.

23. Perche *Deis* non ha plü resguard al crastian, cur quel ais per gnir in güdizi avant el.

24. El indeblescha ils possants incomprendibelmaning, e constituescha oters in lur lö.

25. Perquai, cognoschand el lur ovras, schi sun els nel ir intuorn d'üna not smachats.

26. El ils sbatta sco empis, in ün lö da blers spectaturs;

27. Perquai ch'els as han vouts inavo dad el, e non han considerà tuot sias vias;

28. Fand gnir sü infin pro el il bragizi del pover, e fand ad el udir il clamar dels afflits.

29. Sch'el turnainta con pasch, chi condannerà, e sch'el zoppa sia fatscha, chi 'l guardarà? O cha saja üna naziun *intèra*, o ün crastian *sulet*;

30. Acio cha 'l crastian profan non regna *plü*, e cha 'l pövel non saja *tgñü plü* nels latschs.

31. Tscherta tai as *convgniva*, da t'indrizzar pro Dieu, chi dschet: Eu perdun, eu non vögl sdrür;

32. *Dschand: Scha qua ais* alchüna chosa, ultra quai ch'eu vez, schi la mossa 'm; sch'eu ha operà perversamaing, schi non vögl eu continuar plü.

33. Volessast tü, ch'el at fess la retribuiziun da quai ch' *ais procedü* da tai? Scha pür tü sbüttast l'ün, e tschernast l'oter, schi non vögl eu impero far; di pür quai cha tü sast.

34. La glied da sen vegnan a dir con mai, e l'hom sabi vain am consentir;

35. Cha Giob non tschantscha con cognoschenscha, e cha seis plets non sun con intellet.

36. O bap meis, saja pür Giob provà infin al ultim, per causa da sias replicas, similas a quellas della glied iniqua;

37. Perche *uschigliö* vain el a gionscher misfat pro seis pucha, as dar cols mans insembel tanter nus, ed el multiplicherà seis plets contra Dieu.

CHAP. XXXV.

Elihu exorta darcheu a Giob pro cognoschenscha da sai sves, e spranz' in Dieu.

MEGLINAVANT tschantschet Elihu, e dschet:

2. Hast tü stimà, cha quai *convegna* alla raschun, *dalla quala* tü hast dit: Mia güstia *ais* da Dieu?

3. Da dir: * Che 'm güderà ella? Che profit vegn eu ad avair plü co da meis pucha? * Giob 34., 9.

4. Eu at vögl responder, ed a tei compagns con tai.

5. * Guarda ils tschels, e vezza, e mera las nüvlas quant ellas sun plü otas da tai. * Giob 22, 12.

6. Scha tü pechast, che chosa vainst tü ad operar cöter el, e *scha* tei misfats sun multiplichats, che 'l farast tü?

7. Scha tü est güst, che chosa al darast? Ovvero che piglerà el da tei man?

8. *Sco* tia malatia *po nouscher solum* ad ün hom simil a tai, *usche* eir tia güstia non *po güdar* oter co ad ün figl d'ün crastian.

9. Ils chalchats brajan per la grandezza *dell'oppressiun*, e dan ots clams per la violenza dels grands;

10. Ma ingün non disch: Ingio ais Deis, meis factur, il qual da materia da chantar da not?

11. Il qual ans mossa sur las bestias della terra, e 'ns fa sabis sur ils utschels del tshel?

12. Qua *dimena* brajan els, ed el non ils exoda, per la superbia dels mals.

13. Tschertamaing Deis non exoda la vanità, e l'Omnipotaint non la guarda.

14. Quant main *exodirà el tai*, chi dist, cha tü non il guardast? At güdicha in seis conspet, e lura spetta'l.

15. Tschert * uossa *quai* cha si' ira t'ha miss sü per chastiamaint *ais sco* inguotta; ed el non ha löneh *avant* tut cognoschenscha della quantità *da teis puchats*.
* Giob 11, 6.

16. Contuot avra Giob sia bocca per inguotta, e mantuna pleds sainz' intellet.

CHAP. XXXVI.

Elihu vöul mossar la güstia da Dieu tras las oubras da quel. Las oubras da Dieu sun incomprendiblas.

PLÜNAVANT favlet Elihu, e dschet:
2. Spetta'm ün pa, ed eu at vögl mossar, cha *sun* amo *oters* discuors per Deis.

3. Eu vögl tour meis discuors dalönsch nan, e vögl attribuir güstia a meis factur.

4. Perche in vardà, meistschantschar non ais *con* menzögna; *tü hast* sper tai *ün chi ais* sincêr in *sias* opiniuns.

5. Mera, Deis ais potaint, *ma* però non sdegn' el *alchün* potaint, *ma* da forza *congiunta con* sapienza.

6. El non lascha viver l'empi, e fa rasehun als afflits.

7. * El non volva seis ögls d'avent dals güsts; anzi *'ls fa el zer* süil trun cols rais; el ils fa zer *qua* in perpetuo; dinuonder els sun adozaats.
* Ps. 33, 18. 34, 15.

8. Sch' els * impero sun miss nels tscheps, e *cha* sun in preschun nels liams dell'afflicziun;
* Ps. 107, 10.

9. Schi deeler' el ad els lur fats, e eo lur misfats sun creschüts;

10. Ovvero, avr' el ad els l'uraglia, per *far ad els ardschaiver* correziun, e disch *ad els*, cha's converteschan dall'iniquità.

11. Scha obedeschan, e'l servan, schi fineschan els lur dis con bain, e lur ans in dalets;

12. Ma, sch' els non obedeschan, schi

passan els tras la spada, e mouran tras manchamaint d'intellet.

13. Ma 'ls profans da cour creschaintan l'ira, e non brajan cur el ils metta nels liams;

14. Lur persuna vain a morir * in giuventüna, e lur vita tanter ils sodomits.
* Giob 15, 32. 'Ps. 55, 24.

15. Ma el delibera ils afflits in lur afflicziun, ed avra ad els l'uraglia nell'oppressiun.

16. Eir tai avess el trat our dall'afflicziun, e miss in ün lö larch; our d'ogni angouescha, e tia maisa tranquilla gniss ad esser plaina da vivandas grassas;

17. Ma tü est gnü infin alla combladura del güdizi d'ün empi; il güdizi, e la güstia at tegnan prais.

18. Perche *el ais* in ira, *guarda*, ch'el forsa non at terra giò con bottas, e ch'ingüna spendrasehun, combain granda, non at possa trar larch.

19. Farà el alchüna stima da tias ricchezas? *El non farà stima* del or, ne da tuot *tia* granda potenza.

20. Non suspirar davo quella not, nella quala ils pövels van a fuond.

21. At inguarda, cha tü non at volvast vi' alla vanità; perche per l'afflicziun hast tü elet quai.

22. Mera, Deis *ais* ot in sia potenza; * *chi ais* il doctur conveniaint ad el?

* Es. 40, 13. Rom. 11, 34. 1 Cor. 2, 16.

23. Chi l'ha ordinà eo el dess proceder? E chi'l po dir: Tü hast operà perversamaing?

24. At regorda da magnifiehar sias oubras, las qualas la glieud guarda.

25. Ogni crastian las vezza, e 'ls crastians las guardan dalönsch.

26. Mera, Deis ais grand, e nus non il podain cognoscher; e'l number da seis ans ais infinit;

27. Perche el retegna las auas chanon guottan, e *darcheu* al *alvar* da sia nüvla, spandan quellas oura la plövgia;

28. La quala las nüvlas guottan, e guottan giò sün la glieud abundantamaing.

29. Ultra quai, poderà *alchiin* ineler las distaisas del nüvel, e 'ls strasnants schlops da seis tabernacl?

30. Mera, el stend' oura sur quel sia glüm, e covernas las ragischs del mâr.

31. Perche tras quaistas chosas güdicha el ils pövels, e duna *eir* la spaisa abundantamaing.

32. El zoppa la flamma nellas palmas da *seis* mans, el ordaina quai cha dess inscontrar.

33. El là declera sia voluntà, *sch' ella* dess *inscontrar* bestiam, ovvero *eir* *erodar* sur alchüna planta.

CHAP. XXXVII.

Elihu continua a mossar, co las ouvras da Dieu sun incomprendiblas.

IL cour am trembla *eir* da quaist, e's movaint' our da seis lö.

2. Udi pür seis stramantus tun, e'l romurar chi *va* our da sia bocca.

3. El il slansch suot tuot ils tshels, e sia flamma sur l'extremità della terra;

4. Davo la quala * sbrüja il tun; el tunna con la vusch giò da sia otezza, e non surtira quellas chosas, dopo cha sia vusch ais udida. * Ps. 29, 2. 7.

5. Deis tunna müravgliusamaing con sia vusch; el fa chosas tant grandas, cha nus non las podain comprender.

6. Perche * el disch alla naïv: Crouda sün la terra; *medemmamaing* al raz della plövgia, al raz da sias fermas plövgias. * Ps. 147, 16, 17.

7. El serr' aint ogni crastian in chassa, *sco* per cognoscher tuot seis lavuraints.

8. E las bestias solvadias intran in lur zoppels, e dmuran in lur cuvels.

9. La tempesta vain dal mezdi, e'l fraid dal settentrion.

10. * Deis con seis soffel prodüa il glatsch, e fa cha las auas chi's rassaivan *dvain* sco metal. * Ps. 147, 17, 18.

11. El stanglaint' *eir* las nüvlas con sauar *la terra*, e rasa il nüvel *con* sia glüm.

12. E quel as volva in *bleras* roudas, seguond sias ordinanzas, intuorn quai ch'el ha da far, seguond tuot quai, ch'el comanda ad el *da far* sün la fatscha del muond, nella terra;

13. * Il fand gnir, o per chastiamaint, o per sia terra, o per alchün benefizi.

* Giob 36, 31.

14. Sporscha l'uraglia a quaist, o Giob; at ferma, e considera las müravglias da Dieu.

15. Sast tü, co Deis dispona davart

quellas, e *co* el fa splendorir la glüm our da sia nüvla?

16. Inleast tü, co las nüvlas stan sün la balanscha? *Cognoschast* tü las müravglias da quel, chi ais perfet in ogni scienza?

17. Co tia vestimainta *ais* choda, cur el quieta il mezdi sün la terra?

18. Hast tü con el distais ils tshels *ils* *quals* sunferms sco ün spejel da metal?

19. Mossa 'ns quai cha nus al des-san dir; *daspö* cha per causa da *nos-sas* schürezzas nus non podain bain ordinar *noss* discuors.

20. Gniss ad el a gnir refert cur eu avess tshanteschâ? Scha *qua* füess alchün *chi* favless, *schì* gniss el tshert a gnir travus.

21. Mera pür, *la gliend* non po guar-dar il solai, *cur* el splendura in tshel, davo cha 'l vent ais passâ tras, e l'ha nettiâ;

22. E cha dal settentrion ais gnü il serain indorâ; *ma* Deis *ha* intuorn el üna stramantusa majestà.

23. *El ais* l' Omnipotaint, nus non il podain chattar; *el ais* grand in forza, ed in güdizi, ed in grandezza da güstia; el non squitscha suot *alchün*.

24. Perquai il temma la gliend; alchün crastian, combain sabi da cour, non il po vair.

CHAP. XXXVIII.

Il Segner favella a Giob, il mossand sia güstia tras la grandezza da sias ouvras. Il fondamaint della terra. Mär. Ordinanza del tshel.

IL Segner lura respondet a Giob our d' ün trabagl, e dschet:

2. Chi *ais* quaist, chi in schürescha il cossagl con discuorssainza scienza?

3. Char tü, at tschinta ils flanes sco ün valent hom, ed eu't vögl far domandas, e tü da'm informaziun.

4. Ingio eirast, * cur eu sögliaiva la terra? Declera quai, scha tü hast cognoschenscha, ed intellet. * Prov. 8, 29.

5. Chi ha disponü las masüras da quella, scha tü sast *quai*? Ovvero, chi ha stais il lingiêr sur quella?

6. Sün che stan sias coluonnas? Ovvero, chi tshantet sia peidra del chantun?

7. * Cur las stailas della mattina chantaivan tuottas insembel, e tuot ils infants da Dieu güvlaivan? * Giob 1, 6.

8. E chi serret aint il mâr con portas, cur el fût trat oura, e gnû dalla matrice?

9. Cur eu tshantet las nûvlas per seis vestimaint, e la schüirdüm per sias faschas?

10. E * determinet sur quel meis statut, e'l tshantet *intuorn* stangas, e portas, * Giob 26, 10.

11. E dschet: Tü dessast gnir fin qua, e non dessast passar plünavant, e qui's fermerà la superbia da tias uondas.

12. Hast tü, daspö tü est in vita, comandà alla mattina? Ed hast tü mos-sà all'alba seis lö?

13. Per tour aint l'extremità della terra, e far cha'ls empis leuan via?

14. *E far cha la terra's müda in diversas fuornas*, sco arschiglia stampada; e cha quellas as presaintan *alla vista* sco ün vestimaint;

15. E cha la glüm da quaistas cosas saja scomandada als empis, e cha'l bratsch superbi saja ruot?

16. Est tü intrat infin allas chavor-gias del mâr, ed hast tü spassiâ nel fuond del abiss?

17. Las portas della mort at sun el-las scovertas, ed hast tü vis las portas della sumbriva della mort?

18. Hast tü comprais la ladezza della terra? Declera quai, scha tü la cognoschast tuotta.

19. Qual' *ais* la via *del lö ingio* dmura la glüm; ed ingio ais il lö dellas schürezzas?

20. Per cha tü giajast a tour quella glüm, e la mainast al term *da* seis cuors, e cognoschast las sendas da sia chasa;

21. Schi, tü sast quai; perche lura nashettast, e'l number da teis dis *ais* grand.

22. Est tü intrat dadaint ils tesors della naiv, ed hast tü vis ils chotens della tempesta?

23. La quala eu salv sü per il temp del inimi, per il di del contradi, e della battaglia?

24. Tras quala via rump'oura la flamma, ed as rasa il vent oriental sün la terra?

25. Chi ha fat condüts allas inondaziuns dellas auas, e vias als lütschaiders dels tuns?

26. Per far plover sün la terra, *ingio* non *ais* ingün, e *sül* desert, nel qual non *abita* erastian alchün?

27. Per sadolar il lö desolâ, e desert; e per far prüir oura l'erba chi dsermügla?

28. La plövgia ha ella ün bap? Ovvero, chi genuit ils guots del ruschè?

29. Our da che vainter ais gnü il glatsch, e chi ha genui la braina del tsel?

30. Chi fa cha las auas as zoppa, e dvaintan sco üna peidra; e cha la fatscha dels abiss vain tgnüda suot?

31. Poust tü liar las delizias della Cotscha, ovvero sliar ils liams del Orion?

32. Poust tü far gnir oura las insainas settentrionalas a lur temp, e condür oura Arcturus, con seis figls?

33. Cognoschast tü las ordinanzas constituidas dels tselhs? Hast tü stabili lur govern sur terra?

34. Poust tü, ozand tia vusch fin alla nûvla, far ch' ün' abundanza d'aua't coverna?

35. Poust tü trametter ils lütschaiders, dasort cha gïajan e't dian: Mera'ns qui?

36. Chi ha miss la sapienza nel intern del crastian? Ovvero, chi ha dat l'intellet al cour da quel?

37. Chi nombra las nûvlas con sapienza; e chi tshainta las barigls del tsel?

38. Davo cha la polvra ais temprada, sco ün metal culâ; e las buorras s'han tachadas a mantun.

CHAP. XXXIX.

Il Segner mossa las miravaglias ch'el fa in divers animals. Giob s'instupescha della magnificenza da Dieu, e confessa si'imbecilità.

VAINST tü ad ir, a * chatschar la praja per il liun, e vainst tü a sadolar la bramma dels liunets? Ps. 104, 24.

2. Cur els as plachan giò in *lur* cuvels, e giaschan in *lur* fouras, stand sül aguèt?

3. * Chi perderscha pro al corv sia spaisa, cur seis giuvens brajan pro Dieu, e roudan intuorn per mancha-maint da spaisa? * Ps. 147, 9.

4. Sast tü il temp, cha las chamuotschas dels spelms früttan? Hast tü observâ, cur las tshiervas partureschan?

5. Nombrast tû ils mais del term da lur portar, e sast tû il temp cha des-san früttar?

6. Ellas s' inclinan giò, fan rumper oura lur früt, vegnan largias da lur döglias;

7. Lur giuvens sun giagliards, cre-schan sù per las früas, van oura, e non tuornan *plü* pro quellas.

8. Chi ha tramiss oura liber l' asen solvadi, e chi ha sliâ seis liams;

9. Al qual eu ha ordinâ il desert per chasa; e per abitaziuns, ils lous insalats.

10. El fa beffa del strepit della città, el non oda il clamöz del sollicitadur dellas lavurs.

11. Ils munts, ch' el va spiand, *sun* seis pašch, ed el va tscherchand qualunque verdüra.

12. L' unicorn vain el at volair servir; vain el as far nan sper teis per-seppen?

13. Vainst tû a liar l' unicorn con sia sua, per il far arar a suolch? Vain el ad erpchar las vals davo tai?

14. Atfidessast tû in el, perche sia forza *ais* granda? Ed al remettessast tû tia lavur?

15. At volessast tû fidar in el, ch' el at portess aint la *raccolta da* teis sem, e ch' el la't cleess aint in teis iral?

16. Las alas dels pavuns sun ellas bellas *tras teis far? Ed ha da tai* il strüz las pennas, e la plümma?

17. *Fast tû* ch' el banduna seis ouvs sün la terra, e ch' el ils lascha schüdar sün la puolvra?

18. E ch' el ils smancha via, cha 'l pè *d' alchün* ils smacherà, ovvero cha las bèstias solvadias della champagna ils trappleran suot?

19. El ais indüri invers seis giuvens, sco *scha* non *füssan* seis; inguotta *ais* sia fadia, *el ais* sainza temma;

20. Perche Deis l' ha privâ da sen, e non l' ha fat persnavel d' intellet.

21. Cur el s' adoz' in ot, schi fa el beffa del chavagl, e da quel chi 'l ha muntâ.

22. Hast tû dat la forz' al chavagl? Hast tû fittâ sia gula con strepit?

23. Gnissast tû al far tmair sco ün salip? Seis stupend groflar ais stramantus.

24. El sgratta nella val, s' alleigra da *sia* forza, va our' ad incontrar las armas.

25. El fa beffa della temma, e non as stramainta, e non as volv' inavo per la spada.

26. La taja dellas frizzas, e la traglüschant lanscha, e l' asta al sclingian adöss.

27. D' impazienza, e da furia *para*, ch' *el vögla* travuonder la terra, e non po crair, cha *saja* il sun della trombetta.

28. Quantbod la trombetta ha sunâ, disch el: Ha, ha, he! Da lontan savur' el la battaglia, il clamöz dels chapitanis, e 'l bragizi;

29. Il sprêr svoul' el, slad' el oura sias alas vers mezdi tras tia intelligenza?

30. L' aglia s' alvaint' ella sù ot tras teis comandamaint? *E fast tû*, ch' ella fetscha seis gnieu in lous ots?

31. Ella dmura e sta nella crappa, sùls pizs dels spelms, ed in lous inaccessibles.

32. Dalander spia ella la spaisa, seis ögls vezzan dalönsch.

33. Seis giuvens eir sorvan aint il sang, ed * ingio sun corps morts, quas chatta ella. * Matt. 24, 28. Luc. 17, 37.

34. Lur' il Segner favlet a Giob, e dschet:

35. Quel chi dispitta con l' Omnipotaint il corrigerà el? Quel chi reprenda Deis responsa sün quaist.

36. El Giob respondet al Segner, e dschet:

37. Mera, eu sun da vila condiziun, che at dess eu responder? * Eu met meis man sün la bocca. * Ps. 39, 10.

38. Eu ha tschantschâ üna vouta, ma non vögl replichar plü; anzi duos, ma non vögl continuar plü.

CHAP. XL.

Il Segner mossa a Giob, quala saja la deblezza dels crastians, sch' ella vain congualada vi' allas ouvas da Dieu, tant vi' a gliend violenta del muond, co da duos grands animals, ch' el descriva nels duos chapitels seguints.

Il Segner favlet danöv a Giob our dal trabagl, e dschet:

2. * At tschint' uossa ils flanes sco ün valent hom; eu't vögl far do-mandas, e tû da 'm informaziun.

* Giob 38, 3.

3. Volessast tû pür annullar meis

güdizi, e'm volessast tû condannar, per at güstifichar?

4. Hast tû ün bratsch simil a quel da Dieu? O tunast tû con la vusch sco el?

5. At fitta pür con magnificenza, ed otezza, e t' vesta con majestà, e con gloria;

6. Spand' oura las furias da ti' ira, e guarda sün ogni superbi, ed abbassa 'l;

7. Guarda sün ogni superbi, e tera 'l giò, e smacha ils empis, e pirainta 'ls;

8. Zoppainta els tuots nella puolvra, e züglia ad els la fatscha in chavor-gias;

9. Lura 't vögl eir eu dar quaist lod, cha teis man dret at po salvar.

10. Mera, l' elefant, il qual eu ha fat con tai, el maglia l' erba sco ün bov.

11. Mera, sia forza *ais* nels flanes, e sia virtù nel umbli da seis vainter.

12. El drizza sù sia cua sco ün ceder, e 'ls nervs da seis members sun intarseholats.

13. Si' ossa *ais* sco stangas d' aram, sco bastuns da fier.

14. El *ais* la principala dellas ouvras da Dieu; *sulet* quel chi l' ha fat po approsmar via pro el sia spada.

15. Perche ils munts al prodüan il pasch, tuot las bestias della cham-pagna saglian qua.

16. El giascha suot la boşcha sumbrivanta, in lous zoppats da channa, e da palü.

17. La boşcha sumbrivanta il covernan con lur sumbriva, ils salschs dels flüms l' inresan intuorn.

18. Mera, el po far forza ad ün flüm, *dasort ch'* el non cuorra; el as fida, da podair trar a sai il Giordan nella gula.

19. Il piglerà *alchün* avant sia vista; gniss *el* al forar il nas, per *metter aint* latschs?

CHAP. XLI.

PODESSAST tû trar our il leviatan con l' ham, o con üna sua cha tû l' avessast miss giò suot la lingua?

2. Gnissast tû al metter ün crötsch al nas; al forerast tû las masellas con üna spina?

3. Vain el a dovrar blers rovs con tai? At favlerà el con lusingias?

4. Vain el a far lia con tai, cha tû l' pigliast per famagl in perpetuo?

5. Gnissast tû a far spass con el sco con ün utschè, e 'l hierast tû con ün *fil*, per il dar a tias fantschellas?

6. Ils compagns vegnan quels a far ün convit? Vegnan quels al partir tanter ils merchadants?

7. Al poust tû implir la pel con crotchs, e la testa con fuorchas da peşchar?

8. Metta 'l pür il man adöss, schi non at regorderast mâ plü della guerra.

9. Mera, la spranza da 'l *tour* ais faltàschusa; ed eir *il crastian* non dess el dar via per terra, *solum* al vair?

10. *Qua* non *ais* alchün *usche* ardit, ehi aşcha il sdasdar sù, e chi poderà as presentar avant mai.

11. * Chi m' ais gnü avant con *am dar chos' alchüna*, ed eu al vögl render? *Quai ch' ais* suot tuot ils tshels ais mieu.

* Rom. 11, 35.

12. Eu non vögl taschair da la membra da quel, ne da *sias* forzas, ne della grazia da sia disposiziun.

13. Chi scovernerà il dadoura da sia coverta; chi vain a gnir *pro el* con seis dobel frain?

14. Chi vain ad avrir ils üschs da sia bocca? Il stramizi *ais* our d'intuorn seis daints.

15. *Seis* fermes şchüts *sun* üna chosa superba; *sun* serrats strettamaing *sco* con ün sagè.

16. L' ün as tegna vi' al oter, tal cha 'l vent non po intrar aint tras quels.

17. Els sun tachats l' ün pro l' oter, e liats insembel, e non pon as separar l' ün dal oter.

18. Seis sternüts fan sbrinzlar oura glüms, e seis ögls *sun* similis als palperis dell' alba.

19. Our da sia gula van sfagliadas, sbrinzlas da fö sbrinzlan oura.

20. Our da *sias* fouras nas va ün flüm, sco d' üna pignatta bugliainta, o d' üna endèra.

21. Seis flà invüda ils charbuns, e flamma va our da sia bocca.

22. La forza albergia in seis colöz, e la döglija saglia sù avant el.

23. Las puolpas da sia charn sun closas, el ha *la charn* sur el salda, e non trembla inguotta.

24. Seis cour *ais* d'ür seo üna peidra, e massitsch seo ün toe della *moula* suot d'ün *mulin*.

25. Ils plü fermes, e valents han temma d'el, cur el s'adoza; e's nettajan da lur puehats per il grand fracasch.

26. Ne la spada, ne l'asta, ne la frizza, ne l'guaret, da chi gniss al rivar via pro, non poderà d'urar.

27. El pretscha il fier per stram, e l'aram per lain marsch.

28. La frizza non il farà f'ugir, las peidras della slingia's müdan invers el in stoppa.

29. Ils instrumaints sun dad el quintats stoppa, ed el fa beffa del squassar della lanscha.

30. *El* ha suot sai terracots chi puonschan, el sterna suot el chosas güzzas süin la belma.

31. El fa buglir il mâr chafuol seo üna cudêra, el fa gnir il mâr simil ad üna composiziun d'ün unguent.

32. El fa glüschir davo el üna senda, e l'abiss para chanuoss.

33. *Qua* süin la terra non *ais* alchün animal, chi 'l poss'esser sumgiant, ch'el *ais* fat *per* *esser* sainza temma.

34. El guarda ogni chosa ota, ed *ais* rai sur tuot las plü grandas bestias solvadias.

CHAP. XLII.

Gìob recognoscha seis pucha, e rova Dieu per perdun con penitenza. Il Segner repretta ils amis da Giob, e benedescha Giob, il mettand in ün felicissem stadi, qual düra usche fin alla mort.

E Giob respondet al Segner, ed schet: 2. Eu sa cha tü poust tuot, e cha chos'ingüna cha tü hast deliberâ, non po esser impedida.

3. * Chi *ais* quaist, ch'el obscure-scha il cossagl sainza scienza? Perquai ha eu declarâ *mia opiniun*, ma eu non inelejaiva *quai ch'eu dschavva*; *sun chosas* müravgliusas, sur mia capacitâ, ed eu non las poss comprender.

* Giob 38, 2.

4. Taidla'm, eu't rouv, ed eu vögl favlar, ed eu't vögl far domandas, e tü infuorma'm.

5. Eu avaiava con las uraglias udi

favland da tai; ma uossa l'ögl meis t'ha vis.

6. Perquai met eu ad inguotta *quai ch'eu ha dit*, e'm inrügl süin la puolvra, e süin la tschendra.

7. Ma, dopo cha 'l Segner avet dit quaistas chosas a Giob, dschet el eir ad Elifaz, Temanit: L'ira mia *ais* invüdata contra tai, e contr' ils duos teis compagns; perche vus non m'avais favlâ indret, seo Giob, meis serviaint.

8. Contuot, pigliai vus uossa set trims, e set bümatschs, ed it pro meis serviaint Giob, ed offerri olocausto per vus, e fetscha Giob, meis serviaint, oraziun per vus; perche eu vögl tschertamaing avoir resguard süin el, per non as far portar la paina da *vossa* nardâ, siand cha vus non m'avais favlâ indret seo Giob, meis serviaint.

9. Ed Elifaz, Temanit, e Bildad, Suhit, e Sofar, Naamatit, gettan, e fettan seo 'l Segner avaiava dit ad els. E 'l Segner exodit Giob.

10. E 'l Segner tret Giob our da sia preschun, dopo ch'el avet fat oraziun per seis amis, e 'l Segner creschantet a Giob il dobel, tuot quai ch'el avaiava gnü per avant.

11. E tuot seis frars, e tuot sias sours, e tuot seis cognoschaints del prüm, gnittan pro el, e mangettan con el, e 'l cuffortettan da tuot il mal, cha 'l Segner avaiava fat gnir sur el, e scodün da quels al dunet üna pezza da monaida, ed ün manil d'or.

12. E 'l Segner benedit l'ultim stadi da Giob, plü co 'l prüm; tal ch'el avet quattordeschmilli cheus bescha, e sesmilli chamêls, e milli përa da bovs, e milli asnas.

13. Ed avet set figls, e trais figlias.

14. E mettet nom alla prüma Jemina, ed alla seguonda Chezia, ed alla terza Cheren-Happuc.

15. E non as chattettan in tuot quel pajais donans alchünas bellas seo las figlias da Giob, e lur bap det ad el las ierta intanter lur frars.

16. E, dopo quaistas chosas, vivet Giob tschientquarant'ans, e vezzet seis figls, e 'ls figls da seis infants, *infin alla quarta generaziun*.

17. Lura morit el vegl, e saduol da dis.

I L C U D E S C H

DELS

P S A L M S.

PSALM I.

David scriva sur la sort dels prus, e dels mals; e mett'oura con che oubras ils prus as decleran.

QUEL HOM AIS beà, * il qual non chamina nel cossagl dels empis, e non sta sül-la via dels pechadurs, † ne sezza nella sopcha dels sgiamgiadurs;

* Prov. 1, 10. 15. 4, 14. 15. † Ger. 15, 17.

2. Dimperse ha seis dalet nella led-scha del Segner, e * s'impaisa sün quella di e not. * Deut. 17, 18. Gios. 1, 8.

3. * Quel ais sumgiant ad ün bösch, implantâ sper la riva dellas auas, il qual porta seis früt in stagiun, e la föglia del qual non crouda, e che ch'el fa ha ventüra.

* Giob 8, 16. Ez. 47, 12. Ger. 17, 8.

4. Brich' usche sun ils empis; dimperse * seo paglia, cha' l vent soffla davent. * Giob 21, 18. Ps. 35, 5.

5. Perque non vegnan ils empis a restar nel güdizi, ne 'ls pechadurs nella compagnia dels güsts.

6. Perche 'l Segner cognoscha la via dels güsts; ma la via dels empis perirà.

PSALM II.

Ils cossagls, e tour a man dels infidels conter Cristo e sia doctrina; il cossagl da Deis davart il reginam da Cristo; seis offizi profetic e sacerdotal.

PERCHE mâ * franturan ils pajans, ed ils pövels piglian avant els chosas per inguotta? * Act. 4, 25.

2. Ils rais della terra's mettan in-

cunter, ed ils prinzis as cossaglian insembel conter il Segner, e conter seis onschü,

3. Dschand: Rumpain lur liams, e büttain davent da nus lur suas grossas!

4. Quel chi sta nels tschels * ria; il Segner fa giamgias d'els.

* Ps. 37, 13. 59, 8.

5. Lura vain el a tschantschar con els in si' ira, ed in sia furia vain el als spaventar;

6. Dschand: Impero ha eu onschü meis rai sur Sion, il munt da mia santità.

7. Eu vögl dir oura ün'ordinaziun; il Segner ha dit a mai: * Tü est meis figl; hoz t'ha eu genui.

* Act. 13, 33. Ebr. 1, 5. 5, 5.

8. Domanda da mai, ed eu vögl dar a tai ils pajans, cha sajan tia ierta, * ed ils confins della terra tia possessiun. * Ps. 22, 28. 72, 8.

9. * Tü vainst als sfrachar con ün bastun da fier; tü vainst als rumper, ingual seo ün vashê da terra cotta.

* Ap. 2, 27. 19, 15.

10. Contuot, o vus rais, sajat sabis; as laschai intraguidar vus güdischs della terra.

11. Servi al Segner con reverenza; e sagli d'allegrezza con tremblazun.

12. Bütschai il figl, ch'el non as grittäinta, e vus gïajät a perder sün la via, eur si' ira vain be ün pa ad arder. * Beats sun tuots quels chi's fidan in el. * Es. 30, 18. Ps. 31, 9. Prov. 16, 20.

PSALM III.

David plansch' al Segner davart Absalom e sia aderenza, chi l'perseguitettan; el as cufforta con l'agüd e defensün da Deis.

1. Ün psalm da David, * cur el fügit da seis figl Absalom. * 2 Sam. 15, 12.

2. O Segner, quant blers sun meis inimis! Quants leivan sü conter mai!

3. Quants sun, chi dischan da mi' orma: El non ha salüd in Deis zuond bricha! Sela.

4. Ma tü, Segner, est il schüt in tuorn mai; tü est mi' onur, e quel chi adoast meis cheu.

5. Con mia vusch ha eu clamâ il Segner, ed el ha exodi mai giò dal munt da sia santità. Sela.

6. * Eu 'm met giò e 'm durmainz, e 'm sdaisd; perche 'l Segner ais quel chi 'm sustain. * Ps. 4, 9. Prov. 3, 24.

7. * Eu non am tem da blera milli da pövel, chi vegnan as achampar in tuorn conter mai. * Ps. 27, 3.

8. Stà sü, o Segner; salva 'm, o meis Deis! Schi, batta tuots meis inimis nella masella, e sfrisla ils daints dels empis!

9. * Il salüd ais del Segner; tia benedicziun ais sur teis pövel. Sela.

* Es. 43, 11. Ger. 3, 23. Os. 13, 4.

PSALM IV.

David rova, cha Deis il defenda da seis adversaris; admonesch' el, cha 's volvan, e 's melderan; rovan Deis, ch'el ils fetscha sentir sia grazia; loda eir l'allegrezza chi landroua siegua.

1. Ün psalm da David, dat al capo dels chantadurs sün instrumaints da corda.

2. CUR eu clam, schi exoda mai, o tü, Deis da mia güstia. Nell'anguoscha m'hast tü fat larch; at lascha gnir misericordia da mai, ed exoda mi' oraziun.

3. Vos figls da grands homens! quant löneh dess mi' onur gnir sdegnada? Quant löneh volais vos amar la vanità? Es' impissar davo la menzögna? Sela.

4. Ma pür saphat, cha 'l Segner s'ha separâ oura, e mantgnü ün, il qual el piglia sü in grazia; il Segner m'exodirà, cur eu vegn al clamar in agüd.

5. Tremblai, e non pechai; ponderai in vos cour, in vos let, e tashai. Sela.

6. Fat sacrificis da güstia, ed hajat vossa fidanza nel Segner.

7. Blers sun, chi dischan: Chi vain ans mossar il bön? * Adoza sur da nus la glüm da tia vista, o Segner!

* Num. 6, 26.

8. Tü hast dat ün' allegrezza in meis cour, plü co han quels oters dal temp ch'els raspan aint lur granezza, e vin con grand'abundanza.

9. * Eu 'm vögl be metter giò e 'm durmenzar; perche tü, Segner, sul est quel chi fast, ch'eu abitar poss con sgürezza.

* Ps. 3, 6.

PSALM V.

David rova, cha Deis exoda si' oraziun, perche ch'ella vain fatta suvent; el pigl' ardimaint, cha Deis vegna a sdrür seis inimis; ed al defender; per quai ch'el ais ün Deis güst, e vout mal al nosch; ha spranza, cha Deis l'exoda, siand ch'el soula benedir ils prus e fidels

1. Ün psalm da David al capo dels chantadurs sün instrumaints chi dovrän flâ.

2. SPORSCHA tias uraglias a meis plets, o Segner; elegia bain meis impissamaint e mangel.

3. Taidla la vusch da meis bragir, o meis rai, e meis Deis! Perche vers tai driz eu mi' oraziun.

4. O Segner, sün la daman vainst ad udir mia vusch; la daman bain mamvagl vögl eu presentar mi' oraziun avant tai, e vögl star seo in guardia.

5. Perche tü non est ün Deis chi ha dalet alla malizia; il mal non vain a star pro tai.

6. Ils nars * non vegnan a restar avant teis ögls; tü voust mal a tuot quels, chi opereschan l'iniquità.

* Ps. 34, 17. 94, 20. Ab. 1, 13.

7. Tü vainst a desdrür quels chi tschantsehan la menzögna; * il Segner abominescha ün hom da sang, e da fosdà.

* Ps. 55, 24.

8. Ma eu vögl ir in tia chasa, am fidant sün tia granda buntà; eu vögl adorar nel taimpel da tia santità, con temma da tai.

9. O Segner, maina 'm in tia güstia,

per causa da meis adversaris; * fà planiva tia via avant mai.

* Ps. 25, 4. 27, 11. 139, 24. Es. 26, 8.

10. Perche in lur bocca non ais ingüna vardà; lur dadaint ais anguoscha; * lur gula ais üna sepultura averta; con lur lingua dan els buns plets, con fòsdà.

* Rom. 3, 13.

11. Condanna 'ls tü, o Deis; fa 'ls dar giò per causa da lur cossagls; per causa della blerüra da lur iniquitats chatscha 'ls davent, perche els sun rebels conter tai;

12. Schi s' allegreran tuots quels chi vegnan pro tai; in eterno vegnan els a güvlar, siand cha tü 'ls defendast; e vegnan a saglir d' allegrezza in tai, quels tuots, chi aman teis nom.

13. Perche tü, Segner, benedeschast il güst, tü 'l circondast con tia grazia e buntà, tant co con ün schüt.

PSALM VI.

David in üna sia malatia rova Deis per sandà, siand sia deblezza granda; il Segner l'ais grazius; lura 's cuffort' el, cha Deis ha exodi sl' oraziun, e seis inimis ston ir in verguogna.

1. Ün psalm da David al capo dels chantadurs sün instrumaints da cordas.

2. **O** * Segner, non am chastiar in tia ira; ne 'm reprender in tia furia!

* Ps. 38, 2.

3. At lascha gnir misericordia da mai, o Segner, perche mia forza vain tuot almai; fa 'm san, o Segner, perche mi' ossa ais conturbada;

4. E mi' orm' ais conturbada fich; e tü, Segner, quant lönch?

5. O Segner, at volva, e spendra mi' orma; fa 'm salv, permur da tia misericordia.

6. Perche nella mort * non ais ingün' algordenscha da tai; nella sepultura, chi vain at dar lod?

* Ps. 30, 10. Es. 38, 18.

7. Eu sun stangel per bler suspürar; eu fetsch, cha meis let nouda imminchanot; con mias larmas ha eu bagnà meis let, tras e tras.

8. * Mia fatscha ais tuot constimada per granda tristezza; l'ais gnüda veglia per causa da quels, chi 'm angoschajan.

* Giob 17, 7. Ps. 31, 10.

9. It davent da mai tuots, chi fai-

vat l'iniquità; perche 'l Segner ha exodi la vusch da meis eridar.

10. Il Segner ha exodi meis röv; il Segner ha tut sü mi' oraziun.

11. Chi sajan verguognats, e vegnan conturbats fich tuot meis inimis; volvan la rain, e vegnan in tuorp dandettamaing.

PSALM VII.

David rova, cha Deis il defenda, e mett' a perder seis inimis, siand ch'el as fid' in el; as cuffort' el, cha Deis vegn' al spendrar; per contra ils inimis a metter a perder; per sia spendranza impromett' el a Deis lod ed ingraziamaint.

1. Üna bella chanzun da David, ch'el ha chantà al Segner supra ils plets da Cus Benjamins.

2. **O** Segner, meis Deis, sün tai am fid' eu; güda 'm da tuots quels, chi 'm perseguitan, e delibera 'm.

3. Ch'el bricha, tant co ün liun, scharpa mia orma; la sdrappa, cha non saja ingün, chi spendra.

4. O Segner, meis Deis, sch' eu quai ha fat, e scha iniquità ais in meis mans;

5. Sch' eu ha rendü mal a quel, chi vivaiva in pasch con mai; (sch' eu ha spendrà quel, chi 'm perseguita sainza causa):

6. Schi pür perseguita meis inimi mi' orma, e la detta man; e trappla suot mia vita in terra, e metta mi' onur nella puolvra fich.

7. Stà sü, o Segner, in ti' ira; t'adoza sü contra las furias da meis inimis, e t' sdaisda sur da mai, pro quel güdizi, cha tü hast comandà.

8. Üna raspada da pövels t'incresan intuorn, e peramur da quella leiva darcheu in ot.

9. Il Segner, quel tegna dret als pövels; sentenzia 'm tü, Segner, seguond mia güstia; e seguond mia realtà, la qual' ais in mai.

10. Fetsch üna fin, o char tü, la malizia dels noschs, e mantegna il güst; perche * tü provast ils cours, ed ils ranuogls, o tü güst Deis.

* 1 Cron. 28, 9. Ger. 11, 20. Ap. 2, 23.

11. Meis schüt ais in Deis, il qual salva quels chi sun reals da cour.

12. Deis güdicha güst, Deis ais quel chi s' appallainta con ira imminchadi.

13. *Scha meis inimi* non as volva, schi ha Deis * güzzâ sia spada; sün seis balaister ha el agiâ miss seis pè, e l'ha trat sù fermamaing.

* Deut. 32, 41.

14. Ed incounter el ha el drizzâ frizzas mortalas; * el ha perdert sias sa-jettas conter quels chi 'm perse-guittan.

* Deut. 32, 42.

15. Mera, *meis inimi* ha concepi iniquità; el va portand con dolor, e vain a parturir menzögnâ.

16. El ha chavâ üna foura, e l'ha chavada bain; * ed ais dat el in quella, ch'el ha fat.

* Giob. 4, s. Ps. 9, 16. 94, 23.

17. Sia travaglia e fadia vain a turnar inavo sün seis cheu; e sur sia versch vain a gnir seis tort, ch'el ha fat.

18. Eu vögl lodar il Segner, se-guond sia güstia; e vögl chantar psalms al nom del Segner, l'otissem.

PSALM VIII.

David loda la buntà da Deis vers il crastian, sco quel ch'el ha il prüim creâ a si' imagna, e fat patrun sur tuottas otras creatüras; schi eir seis elets tras Cristo turnantâ, e tchantâ nell'onur e gloria, cha avaiavan pers.

1. Ün psalm da David al capo dels chantadurs sün gittit.

2. **S**EGNER, nos redschadur, quant glorius ais teis nom in tuot la terra! Il qual * ozast tia gloria sur ils tshels.

* Ps. 113, 4. 143, 13.

3. * Our dalla bocca da quels pit-schens infants, e da quels chi tettan, hast tü fondâ tia pussanza e fermezza, per causa da teis inimis; per padimar l'inimi, e quel chi fa vendetta.

* Matt. 21, 16.

4. Cur eu guard teis tshels, la lavur da tia dainta; la glüna, e las stailas, cha tü hast drizzâ; *schi di eu:*

5. * Che mâ ais il crastian, cha tü t' regordast d'el? Ed il figl del crastian, cha tü l'visitast?

* Giob. 17, 17. Ps. 144, 3. Ebr. 2, 6.

6. Pac suot ils angels l'hast tü fat esser; impero l'hast tü incorunâ con gloria e con onur.

7. * Tü l'hast fat ün dominatur sur las ouvas da teis man; tuot-tas hast miss suot seis peis.

* Gen. 1, 26. 28.

8. La bescha, e bovs, tuot, eir las bestias sulvadias della champagna;

9. L'utschlamainta del tshel, ed ils peschs del mâr, chi van tras las sendas dels mârs.

10. O Segner, Segner nos, quant glorius ais teis nom in tuot la terra!

PSALM IX.

Ils fidels d'Israel (suot persuna dels quals quaiast psalm ais miss giò) ingrazian Deis, ch'el ils ha deliberats da lur inimis, ils Filisters da quel temp; e s'exorteschan tanter pèr ad ingraziar Deis, as cuffortand con las spendraschuns passadas, infina tant, ch'el vegna, quai fand eir uossa.

1. Ün psalm da David al capo dels chantadurs sün almut-labben.

2. **E**U vögl lodar il Segner con tuot meis cour; eu vögl dir nan tuot tias chosas müravgliusas.

3. Eu vögl star leiger, e saglir d'allegrezza in tai; eu vögl lodar teis nom con instrumaints da cordas, o tü Otissem!

4. Cha meis inimis sun vouts inavo; ch'els sun chambürats, ed its a perder our davanti tia fatscha.

5. Perche tü hast tgnü dret a mai, e güdichâ mia causa; tü t'hast tchantâ sün tia sopecha, sco güst güdich.

6. Tü hast reprais ils pövels; tü hast miss a perder l'empì; lur nom hast tü chassâ a saimper ed in eterno.

7. O inimi! Las dissolaziuns sun gli-vradas in perpetuo; cittats hast tü ragischâ oura; lur memoria ais ida a terra con els insembel.

8. Schi, il Segner vain in eterno a zer, drizzand sia sopecha pro l'güdizi.

9. Ed el * güdicherà tuot il cres della terra con güstia, e vain a güdichar ils pövels con vardâ.

* Ps. 96, 13. 98, 9. Act. 17, 31.

10. E'l Segner * sarà al pover, e squitschâ ün ot chastè; ün refugi nels temps della tribulaziun.

* Ps. 37, 39. 46, 1.

11. Ed in tai vegnan ad avair spranza tuot quels, chi cognoschan teis nom; perche tü non bandunast quels, chi tscherchan tai, o Segner!

12. Chantai psalms al Segner, il qual avda in Sion; laschai a savair intanter ils pövels sias ouvas!

13. Perche * el retschercha il sang, e's regorda da quel; el non smancha il bragir da quels, chi vegnan squitschats suot. * Gen. 9,5.

14. O Segner! At lascha gnir misericordia da mai; guarda la miseria, ed anguoscha ch' eu sofresch da quels chi'm vöglian mal; tû chi'm adoast our dallas portas della mort;

15. Per ch' eu di' oura tuot teis lods nellas portas della figlia da Sion; e'm tegna bun in teis salüd.

16. Ils * pövels sun smers giò nella foura ch'els han fat; con quella rait, ch'els han zoppâ, ais prais lur pè. * Ps 7, 16. 57, 7.

17. Il Segner ais gnü contschaint con quel güdizi, ch'el ha fat; il nosch ais illatschâ con l'ouvra da seis agians mans.

18. Ils empis vegnan a gnir tschesantats inavo nella sepultura, e tuots pövels, chi vegnan a smanchar Deis.

19. Perche 'l pover non vain a gnir invlidâ in sempiterno; la spranza dels squitschats non vain in perpetuo ad esser persa.

20. Leiva sü, o Segner! non laschar il crastian mortal tour suraman, vegnan ils pövels güdichats avant tia fatscha.

21. Metta 'ls, o Segner, üna tremblazon adöss; fâ cognoscher ils pövels, cha sajan be crastians mortals. Sela.

PSALM X.

Ils prus dal temp da David, o forsa eir davo qual, rovan il Segner, ch' el ils defenda dals infidels, intanter ils quals els abitaivan; as cuffortan impero, cha Deis qual vezza, e ch' el ün-sacura oda il pland dels squitschats, e vegna als tgnair dret.

PERCHE, o Segner, stast dalönsch? Perche t' azzoppast nels temps della tribulaziun?

2. Infant cha 'l empi vain adoza, schi indür 'il squitschâ persecuziun; els vegnan * prais nels cossagls ch' els fan. * Prov. 5, 22. Ps. 7, 16. 9, 16.

3. Perche 'l empi as loda nel dalet e giavüsch da si' orma; * e benedescia l' avarizius; el as adoza conter il Segner. * Prov. 28, 4. Ps. 49, 19. Rom. 1, 32.

4. L' empi, in si' alterezza, non in-

drescha davo inguotta; * tuots seis impissamaints sun: E non ais ingün Deis. * Ps. 41, 1. 53, 2.

5. Tuot bain al van sias vias da tuot temp; * teis güdizis sun üna chos' ota avant el; a tuot seis adversaris soffl' el in vista. * Prov. 24, 7.

6. El disch in seis cour: Eu non vegn a gnir moventâ da schlatt' in schlatta; perche eu vegn ad esser sainz' alchün mal.

7. * Plaina da blastemmas ais sia bocca e da frods e d' ingian; suot sia lengua sta azzoppâ fadia ed iniquità. * Rom. 3, 14.

8. El sezza, e gueta süin las stradas; el ammazza l' innozaint nel azzoppâ; seis ögls sun vouts conter il pover.

9. Inqual seo ün liun in ün cuvel gueta el nel azzoppâ; el guarda e surpranda il pover; el tschüffa il pover, il trand in sia rait.

10. El as bütta giò, e 's fa pitschen; e la blierüra dels povrets crodan in sia forza.

11. In seis cour disch el: Deis l' ha invlidâ via; * el ha zoppâ sia vista; el mâ non vain al vair.

* Giob. 22, 13. Ps. 94, 7.

12. Stà sü, Segner; oza teis man, o Deis! Non smanchar ils povers afflits.

13. Perche dess l' empi saglir sü conter Deis? Dess dir in seis cour: El non indrescha davo!

14. Ma tû hast vis; perche tû guardast la fadia e l' anguoscha dels squitschats, cha tû pigliast il fat in teis man; il pover vain as laschar süin tai; al orfen vainst tû ad esser ün agüdant.

15. * Rumpa il bratsch del empi; tû vainst ad indraschir davo sia malizia, infin cha tû non la chattast plü.

* Giob 38, 15. Ps. 37, 17.

16. * Il Segner ais ran in sempiterno; ils pövels sun svanits our da sia terra. * Ps. 29, 10. 145, 13.

Dan. 4, 34. Ger. 10, 10. 1 Tim. 1, 17.

17. O Segner, tû hast exodi il giavüsch dels povers; tû fast sgürs lur cours; tû ils taidlast con tia uraglia.

18. Per cha tû defendast ils orfens e squitschats; acio bricha plü giaja

inavant il crastian da terra, a dovrar violenza.

PSALM XI.

David repretend seisc persecutadurs, q. a. Saul e sia dependenza; as cufforta dell'omnipotenza e giustia da Deis, ch'el possa, sco quel, chi ais in tsel, e vögla, sco quel chi ais giust, chastiar greivamaing ils inimis, e defender müravglusamaing il giust.

Ün psalm da David al capo dels chantadurs.

MIA fidanza met eu sün il Segner; schi co dschais vus a mi'orma: Fügi sün voss munts, ingual sco ün utschè?

2. Schi mera, quaists empis * tendan il balaister; mettan las frizzas sün la corda, per las trar giò sün quels chi sun giusts e reals da cour.

* Ps. 64, 4, 5.

3. Siand cha 'ls fondamaints vegnan ruinats, schi che dess il prus tour a man?

4. Il Segner ais nel taimpel da sia santità; il Segner ha nels tselhs seis trun; * seis ögls guardan, ils palperis da seis ögls provan our' ils figls della gliend.

* Ab. 2, 20. Ps. 33, 13. 34, 16. 17. 66, 7.

5. Il Segner prov'oura il giust; ma 'l nosch, e quel, chi ha dalet dell'iniquità e malizia, ödiescha si'orma.

6. El * farà plover sur ils mals brachlas da fö e suolper, ed ün trabagl chi arda sarà la part da lur calisch.

* Ez. 38, 22.

7. Perche il Segner ais giust, ed ama la giustia; sia fatscha vezza quel chi ais giust.

PSALM XII.

David rova, cha Deis quels prus, chi gnivan suot il govern da Saul squitschats, spendra da quella persecuziun, e planscha per quella; as cufforta, cha 'l Segner vegna quai a far; tuorn' in seis röf, con sias raschuns sü sura.

1. Ün psalm da David al capo dels chantadurs sün seminit.

2. **S**ALVA, Segner, perche 'ls * prus sun gnüts almain fich; perche pacs sun ils fidels intanter ils figls della gliend.

* Es. 57, 1.

3. Imminch'ün tschantscha con seis prossem la menzögna; con lur lefs dan els buns plets; els tschantschan con cour dobel.

4. Il Segner vain a ragischar oura tuots lefs da simulaziun, e las len-

guas, chi tschantschan con arroganza.

5. Quels, chi dischan: Con nossa lengua volain nus valair bler; noss lefs sun con nus; chi ais nos Segner?

6. Per la sdritta da quels, chi vegnan chalchats; per il bragir dels povers, uossa vögl alvar sü, disch il Segner; eu vögl metter in sgürezza quel, ch'ün ha illatschä.

7. Il tschantschar del Segner * ais ün tschantschar net; ün argient cot oura nel furnell da terra, purgiä set voutas.

* 2 Sam. 22, 31. Ps. 119, 140. Prov. 30, 5.

8. Tü, Segner, vainst als perchitar; tü vainst als salvar da quaista generaziun in perpetuo.

9. Intuorn intuorn * van ils noschs, intant cha quels, chi sun ils plü d'inguotta, vegnan adoziats. * Eccl. 8, 10.

PSALM XIII.

David planscha, cha Deis usche lösch il lascha in tant' angioscha; rova per spendraschun.

1. Ün psalm da David al capo dels chantadurs.

2. **Q**UANT lösch mâ am voust imvolidar, o Segner? Quant lösch voust zoppar tia vista davent da mai?

3. Quant lösch dess eu far cossagl in mi'orma? Ün contuorbel in meis cour imminchadi? Quant lösch dess meis adversari gnir ozä sur mai?

4. Guarda, exoda mai, Segner, meis Deis; illümna meis ögls, ch'eu non am dormainza nel sön della mort.

5. Cha brich'ünsacura dia meis ini-mi: Eu l'ha vint, cha bricha quels chi'm chalchan siglian d'allegrezza, ch'eu füss sblezhä.

6. Ma eu am fid sün tia buntà; meis cour vain a saglir d'allegrezza per teis agüd; eu vögl chantar al Segner, perche el ha fat del bain a mai.

PSALM XIV.

David descriva la crudeltà e tirania da Saul, e da seis cosglirs sur il pövel da Deis; cuffort' ils prus, cha Deis tselhs vegn' a chastiar, ed els a defender.

Ün psalm da David al capo dels chantadurs.

IL nar disch in seis cour: * E non ais Deis! E sun corruots, e sun

PSALMS, XV. XVI. XVII.

dvantats abominabels in lur acziuns; e chi fetscha bain, non ais ün.

* Ps. 10, 4. 53, 2.

2. Il Segner ha guardâ giò da tshel sün ils figls della glièud, per vair, scha füss ün chi inleghess, o chi tscherchess Deis.

3. * E sun vouts giò tuots; tuots insembel spüzzan; e non ais, chi fetscha bün, nianc' ün bricha. * Rom. 3, 10.

4. Non sun els tuots sainza intelligenza quaists empis, chi maglian meis pövel, sco els maglian il pan; e non claman il Segner in agüd?

5. A là vegnan els tremband grandaing; perche Deis ais con la schlatta dels güsts.

6. Vus mettais a tuorp il cossagl del chalchà; ma 'l Segner ais seis refugi.

7. Chi mâ vain a dar il salüd our da Sion ad Israel? Cur cha 'l Segner vain ad avair turnantâ ils preschunêrs da seis pövel, schi vain Giacob a saglir d'allegrezza; Israel vain as allegrar.

PSALM XV.

David mossa, dinuonder as possa cognoscher la vaira membra del pövel da Deis, chi ha d'ertar l'eterna beadenscha.

Ün psalm da David.

0 Segner, chi dmurerà in teis tabernacul? Chi abiterà sül munt da tia santità?

2. Quel, chi va alla reala, e fa dret, e tshantscha vardà in seis cour;

3. Quel,* chi non smorva con sia lengua; non fa mal a seis compagn; non † drizza vituperi a seis prossem;

* Lev. 19, 16. † Ex. 23, 1.

4. Quel, chi non pretscha ün hom d'inguotta in seis ögls; dimpersai tegn' in onur quels, chi temman il Segner; quel chi fa ün saramaint, e non il müda, schabain quel al porta dan;

5. Quel, chi non da seis danêr sün usura, e * non piglia alchün dun conter l'innozaint; quel, chi fa quai, non vain a gnir moventâ in eterno bricha. * Ex. 23, 8. Lev. 25, 36 Deut. 16, 19. 23, 19.

PSALM XVI.

David, tshantschand in persona da Cristo, rova il bap, ch'el il salva in sia passiuin e mort; metta nan la buntà da Cristo vers ils eflets, ils quals

el, tras sia passiuin e mort, vegn' a spendrar dalla mort ed eterna condannaziun; scriva da sia temma da Deis, e spranza, ch'el vegna nella mort a gnir salvâ; vegn' a resüstar pro la vit' eterna, con la qual' el as cufforta.

Ün clinöt d'or da David.

0 SALVA 'M, o Deis, perche eu am fid sün tai.

2. Di tü, mi' orma, al Segner: Tü est meis Segner; * meis far del bain non tenscha infn pro tai.

* Giob 22, 2. 3. 35, 7. 8. Ps. 50, 9.

3. Ma vi' als sanets, chi sun in terra, e vi' a quels onorats, qua ais tuot meis dalet.

4. Las dolurs da quels, chi cuorran pro ün oter, quellas vegnan adampchadas; eu non vögl insajar lur ofertas da sang, ne vögl tour lur nom in meis lefs.

5. * Il Segner ais la part da mi' ierta e da meis calisch; tü mantegnast mia sort. * Ps. 73, 26. 119, 57. 142, 6. Lam. 3, 24.

6. La sort da mi' ierta am ais erodada in lous dalettaivels; tshert, üna bella ierta ha eu obtgnü.

7. Eu vögl lodar il Segner, chi m'ha dat il cossagl; eir da not cur meis ranuogls am suggereschon.

8. * Eu ha saimper tshantâ 'l Segner avant mia vista; dimena, sch'el ais da mia vart dretta, non vegn eu a gnir moventâ. * Ps. 73, 23. 121, 5. Act. 2, 25.

9. Perquai s'ha meis cour allegrâ, e meis spiert giubilescha; eir mia charn posa in sgürezza.

10. Perche * tü non vainst a bandunar mi' orma nella sepultura, ne vainst a laschar, cha teis pietus vezza la corrupziun. * Act. 2, 31.

11. Tü vainst am laschar a savair la senda della vita; sadolezza d'allegrezza ais avant tia vista, ün dalettaivel esser da teis man dret.

PSALM XVII.

David rova, cha Deis il perchüra da seis persequitadur Saul e seis aderents; as cufforta con spranza del agüd da Deis.

Ün' oraziun da David.

0 Segner, exoda mia güstia, taidla meis bragir; piglia in tias uraglias mi' oraziun, chi vain fatta sainza lefs fos!

2. Meis güdizi giaja our da tia presenza; e teis ögls reguardan las chosas drettas.

3. Tü hast provâ meis cour; tü 'l hast guardâ da not; * tü'm hast examinâ; tü non hast chattâ inguotta; meis impissamaints mia bocca non surpassan.

* Giob 23, 10. Ps. 26, 2. Zac. 13, 9. 1 Petr. 1, 7.

4. Quant allas ouvas della gliend, m' ha eu retgnü, suainter il pled da teis lefs, dallas sendas dels violents.

5. Sostegna meis pass in tias sendas, cha mias plantas non sblezchan.

6. Eu clam tai in agüd, perque schi exoda 'm, o Deis; inclina ti' uraglia a mai, ed exoda meis tschantschar.

7. * Renda müravgliusas tias misericordias, o tü Salvader da quels, chi han spranz' in tai; delibera 'm da quels, chi leivan sü conter teis man dret.

* Ps. 31, 22.

8. * Perchüra 'm, sco la poppa del ögl, suot la sumbriva da tias alas zoppa 'm;

* Deut. 32, 10. Zac. 2, 8.

9. Dalla fatscha dels empis, chi 'm han ruinâ; da meis inimis, chi 'm incresan intuorn per tour mia vita.

10. * Els, per grass chi sun, han zoppâ aint lur fatscha; con lur böcca tschantschan els superbiousamaing.

* Deut. 32, 15. Giob 15, 27. Ps. 119, 70

11. Seguond cha nus giain, schi 'm stan els intuorn intuorn; lur ögls han els drizzâ, a 'ns sterner via per terra.

12. Sia parenscha ais sco d'ün liun, chi ha fam della praja, e sco d'ün liun giuven, chi gueta in seis cuvels.

13. Leiva sü, Segner! Vè allavant, hütt' el a terra; spendra mia orma con tia spada da quaists empis.

14. Schi, con teis man, Segner, spendra 'm dals crastians, da quels, chi sun da quaist muond, * la part dels quals ais in quaista vita, ed il vainter dels quals tü implast con tias provisiuns, ils quals laschan quai chi 'ls vanza a lur giuvnets.

* Ger. 2, 1. Luc. 16, 25.

15. Ma eu vegn a vair tia fatscha in güstia; * eu vegn am sadolar da tia vista, cur eu am sdaisd.

* Ps. 16, 11.

PSALM XVIII.

David ingrazch' al Segner, ch' el il ha slubgiâ da seis inimis; mett' avant las causas, perche el saja defais, ed ils inimis sdruits; lod' il pussant e grazius agüd da Deis, ch' el in sias guerras ha gnü provâ.

1. Al capo dels chantadurs üna chanzun da David, servaint del Segner, il qual ha tschantschâ ils plects da quaista chanzun sün quel di, cha 'l Segner il ha deliberâ dal man da tuots seis inimis, e dal man da Saul.

2. **L**URA dimena ha el dit: * D'ün' affecziun cordiala am eu tai, Segner, mia fermezza.

* 2 Sam. 22, 2.

3. Il Segner ais mia peidra, meis chastè, meis spendrader, meis Deis, meis spelm; * eu am fid sün quel; meis schüt, e 'l corn da meis salüd, e mi' ota fortezza.

* Ebr. 2, 13.

4. Eu ha clamâ 'l Segner in agüd, al qual oda tuot lod, e sun stat spendrâ da meis inimis.

5. Döglias della * mort m'avaivan incresâ intuorn; e flüms dels scelerats, m'avaivan stramentâ.

* Ps. 116, 3.

6. Suas della sepultura m'avaivan serrâ aint; latschs della mort am avaivan surprais.

7. In mi' anguoscha ha eu clamâ in agüd il Segner, ed ha bragi pro meis Deis; el ha udi mia vuseh, our da seis palazzi, e meis bragir avant sia vezzüda ais pervgnü in sias uraglias.

8. La terra ais moventada, ed ha tremblâ; ed ils fondamaints dels munts han undiâ, e s' han moventats; perche el eira grittantâ.

9. Füm giaiv' in ot our da sias furras nas; e fö, chi consüma, our da sia bocca; braschlas ardaivan avant el.

10. Ed el * ha abbassâ 'ls tschels, ed ais gnü giò; e schürezza eira suot seis peis.

* Ps. 144, 5.

11. El gniva manâ sün ils cherubins, e svolaiava; * el gniva manâ sün las alas del vent.

* Ps. 104, 3.

12. El ha miss las schürezzas per seis zoppel; intuorn sai avaiva 'l seis tabernacul con nom, schürezzas dellas auas, e nüvlas, dal ajer grossas.

13. Per la granda splendur avant el

sun sias nūvlas passadas via; tempesta eira e tizuns da fō.

14. Lura ha 'l Segner tunâ giò dals tschels, e l' otissem fet udir sia vusch con tempesta e tizuns da fō.

15. Ed el ha tramiss sias sajettas, e 'ls ha dissipats; ed el ha tramiss lütschaiders blers, e 'ls ha slavazzats vi' e nan.

16. Lura sun appartüdas las chafollezzas dellas auas, e sun scuverts ils fondamaints della terra avant ti' innatscha, o Segner, ed avant il soffel da ti' ira.

17. El ha tenschü giò seis man dall' otezza, e m' ha prais, e m' ha trat our da bleras auas.

18. El m' ha deliberâ da meis inimi tant pussant, e da quels, chi 'm vöglan mal; perche els eiran pü fermes co eu.

19. Els am sorprendettan sül di da mia disfortüna; ma 'l Segner ais stat meis sostegn.

20. El m' ha * manâ our' in largia planüra, e m' ha deliberâ; perche el voul bain a mai.

* Ps. 118, 5.

21. Il Segner m' ha rendü suainter mia güstia; seguond la purità da meis mans m' ha el fat quai;

22. Perche eu ha salvâ las vias del Segner, ne sun tras malizia vout giò da meis Deis;

23. Tuots seis güdizis sun avant mai, e seis statuts non ha eu büttâ d'avent da mai.

24. Eu sun stat irreprensibel avant el, e m' ha perchürâ da m' iniquità.

25. Tras quai ha 'l Segner rendü a mai suainter mia güstia; seguond la purità da meis mans, chi ais avant seis ögls.

26. Vers quel, chi ais buntadaivel, at mossast buntadaivel, e vers il real, at mossast real.

27. Vers il net, at mossast net; ma conter il pervers * ageschast seguond sia perversità.

* Lev. 26, 24.

28. Contuot vainst tü a far salv ün pövel squitschâ; ed ögls grandêrs vainst ad üniliar;

29. Perquai invüdest tü mia lampa; Segner, meis Deis, fâ cleras mias schüzazzas;

30. Perche, tras teis agüd sun eu

currü conter rotschas; e tras meis Deis sun eu sagli aint sur la müraglia.

31. La via da Deis * ais dretta; il pled da Deis ais purgiâ nel fō; el ais ün schüt a quels chi 's fidan in el.

* Deut. 32, 4. Dan. 4, 37, Ap. 15, 3.

32. Perche, * chi ais Deis, oter co 'l Segner? E chi ais ferm e pussant, oter co nos Deis?

* Deut. 32, 31. 1 Sam. 2, 2. Ps. 77, 14. Es. 45, 5.

33. Quel Deis m' ha tschintâ in tuorn con fermezza, ed ha fat plana mia via.

34. El ha fat meis peis ad ingual a quels dels tshiervis, e m' ha tschantâ sur meis chastels e fortezzas.

35. * El ais quel, chi ha adestrâ meis mans nella battaglia; dasort, cha gniva ruot eir ün balaister da bruonz con mia bratscha.

* Ps. 144, 1.

36. E tü m' hast dat in man il schüt da teis saltüd; e teis man dret m' ha tgnü sü, e tia buntâ m' ha fat grand.

37. Tü hast slargiâ meis pass suot mai; e mias chanvellas non han dat lö.

38. Eu, cur eu ha dat davo a meis inimis, schi 'ls ha eu clappats; e non sun turnâ, infina ch' eu non ils avai-va exterminâ.

39. Eu ils ha battüts, cha plü non han podü alvar sü; els sun dats giò suot meis peis.

40. Perche tü m' hast tschintâ con forza alla guerra; tü hast fat, cha quels chi alvaivan conter mai, s' han stovü inclinar, e metter giò suot mai.

41. E m' hast chatschâ nella fùgia meis inimis; e quels, chi 'm volaivan mal, ha eu miss a perder.

42. * Bragi han els; ma chi 'ls salvess non ais stat ingün; eir vi' al Segner; ma el non als ha dat resposta.

* Giob 27, 9. Prov. 1, 28. Es. 1, 15. Ger. 11, 11.

43. Ed eu ils ha sfruschats giò, tant co la puolvra, esposta al vent; tant co la büergia sün las giassas ils ha eu * smachats.

* Zac. 10, 5.

44. Tü m' hast spendrâ da sediziuns del pövel; tü m' hast miss per cheu sur las naziuns; ün pövel, ch' eu non cognoschaiva, sto servir a mai.

45. Quantbod ch'els han udi, m'han els obedi; ils eisters perfin lusingian a mai.

46. Ils forestêrs sun smarits via, e fûgian, guardand our dals plü secrets lur chastels.

47. Viva il Segner, e saja benedi meis spelm; e vegna ot adoazzâ il Deis da meis salüd;

48. Quel Deis, chi'm da in man vendettas, e mett' ils pövels suot mai;

49. Il qual m'hast defais da meis inimis; e m'hast * trat our suot quels, chi alvaivan conter mai, e m'hast sdrappâ our suot l'hom, chi'm fa tort e forza.

* Ps. 59, 2.

50. * Perquai't vögl eu dar lod intanter ils pövels, o Segner; eu vögl chantar psalms a teis nom; * Rom. 15, 9.

51. A quel grand spendrader da seis rai, ed il qual ha salvâ misericordia a seis onschü, a David ed a seis sem in perpetuo.

PSALM XIX.

David loda grandamaing la pussanza, sapienza e buntà da Deis vi' al crastian, chi's appalainta nel tsel, in spezial, nel cuors del solai; lura rov'el Deis per remissun da seis puchats.

1. Ün psalm da David al capo dels chantadurs.

2. **I**LS tselhs decleran la gloria da Deis, e la distaisa mett' oura l'ouvra da seis mans.

3. L'ün di disch al oter seis pled, e l'üna not da ad incler all'otra sia scienza e sapienza.

4. Ingün pled, ne favella han els; impero sainza quella vain inelet lur vusch.

5. In tuot la terr' ais id' oura lur vusch, ed * infin la fin del muond lur pled. Al solai ha el tshantâ ün tabernacul in quels;

* Rom. 10, 18.

6. Sco ün spus vain el our da sia chambra; el s'allegra sco ün guerrier a cuorrer sia via.

7. Dall'ün' extremità del tsel ais sia uschida, e seis cuors s'estenda fin all'otr' extremità, e da sia chalur non ais azzoppada chos'ingüna.

8. La ledscha del Segner ais perfetta; ella refraischa l'orma; la perdüta del Segner ais sgüra, ella fa sabis eir ils ignorants.

9. Ils statuts del Segner sun drets, ed allegran il cour; il comandamaint del Segner ais net, el illümna ils ögls.

10. La temma del Segner ais sincera, e reista in eterno; ils güdizis del Segner * sun vardaivels, e tants chi sun, sun güsts;

* Ps. 111, 7.

11. * Els sun plü giavütschavels co l'or, schi, l'or il plü fin; bler plü dutschs co meil, e quel chi eula giò a fidun.

* Prov. 8, 11. Ps. 119, 72. 103. 127.

12. Perche tras quels vain teis famagl sabi; a salvar quels ais paja blera.

13. * Chi po cognoscher tuot seis errurs? Nettagia'm da meis fals azzoppats.

* Ps. 40, 13.

14. Retegna teis famagl da superbias, ch'ellas non * signoreschan sur mai; lura vegn eu ad esser net da bleras iniquitats.

* Ps. 119, 133. Rom. 6, 12. 14.

15. Ils plds da mia bocca fà chasajan suainter tia vögli; e l'impissamaint da meis cour at plascha, o Segner, tü meis spelm, e meis spendrader.

PSALM XX.

Il pövel d'Israel rova per David, lur rai, cha Deis al detta victoria; as cuffortan, cha Deis quai vegn' a far, siand ch'els as laschan süin el.

1. Ün psalm da David al capo dels chantadurs.

2. **T'**exod' il Segner nel di da ti' anguscha; il nom del Deis da Giacob adoza tai!

3. Ch'el trametta seis agüd our da seis santuari, e't protegia our da Sion!

4. Ch'el as regorda da tuottas tias offertas; e teis olocausts redüa in tshendra!

5. Ch'el at detta suainter il giavüsch da teis cour, e complescha tuot teis cossagls.

6. Nus volain star leigers in teis salüd, e * nel nom da nos Deis volain nus ozar sü üna bandêra; il Segner complescha tuot teis desideris.

* Ex. 17, 15. Ps. 60, 6.

7. Uossa sa eu, cha 'l Segner ha salvâ seis onschü; el vain al exodir giò da seis sanct tsel; nella fermezza da seis bratsch dret ais salüd.

8. * Quaists oters han lur pozza sün lur charra, ed oters sün lur chavalleria; ma nus ans volain regordar del nom del Segner nos Deis.

* Prov. 21, 31. Ps. 33, 16. Es. 31, 1.

9. Els erodettan, e sun dats a terra; e nus eschan gnüts in pè, e stain sü dret.

10. Salva 'ns, Segner! Quel rai ans exoda sü di cha nus il clamain in agüd.

PSALM XXI.

Il pövel d'Israel ingrazia Deis per quai ch' el fa a David tant bain; rovan Deis per agüd, ed impromettan da lodar, ed ingraziar.

1. Ün psalm da David al capo dels chantadurs.

2. **I**L rai s' allegra, o Segner, da tia fermezza; el as tegna grandamaing bun da teis salüd!

3. Il giävüsch da seis cour al hast tü dat; e quai ch' el ha pronunziä con seis lefs, non l' hast refusä.

4. Perche tü 'l vainst avant con benedicziuns zuond bunas; tü 'l hast miss sün seis cheu üna coruna d' or il plü fin.

5. Per la vita t' ha el rovâ, e * tü l' hast dat lungezza da dis in perpetuo.

* 2 Sam. 7, 19.

6. Granda ais si' onur in teis salüd, tü hast tschantä sün el splendor e fitamaint.

7. Perche tü 'l hast miss per üna benedicziun granda a saimper; tü 'l hast allegrâ con dalet tras tia vista.

8. Siand cha 'l rai 's confida nel Segner, e sün la buntà del otissem, schi mâ non vain el ad undiar.

9. Tuot teis inimis vain teis man a chattar oura; teis man dret vain a chattar quels, chi 't vöglian mal.

10. Tü vainst als far ingual ad ün fuorn invüdâ, nel temp da tia ira; il Segner vain in sia ira als travuonder; ed il fô vain als consümar.

11. * Tuot lur früt vainst a sdrür our dalla terra, lur sem our dal number della glied.

* Giob 18, 16. 19.

12. Perche els han provâ ad noscher, s' han impissats oura ün ingian e fos cossagl, il qual els non han podü complir.

13. Mett' els a mera, ch' els volvan

la rain; con teis balaisters drizza tias frizzas conter lur vistas.

14. T' adoza, Segner, in tia fermezza; davart tia fermezza volain nus chantar e psalmodiar.

PSALM XXII.

In quai psalm favella David tuot in persona da Cristo, eur pendaiva sün la crusch, e planscha, ch' el, in sia grand' angioscha, saja da Deis bandunâ, e vegna dals infidels sdegnâ; el rova, cha Deis il güd' oura, con imprometter, ch' el vögla predgiar dalla buntà da Deis a seis elets; e ch' els vegnan a dar lod, e gloria a Deis, ch' el ils ha tras el, q. a. Cristo, slobgiats dal pucha e dall' eterna condannaziun.

1. Ün psalm da David al capo dels chantadurs, sü prim della brünetta.

2. * **M**EIS Deis, meis Deis, perche m' hast tü bandunâ? Giand dalönsch davent da meis salüd, e dals pled da meis sbrügir?

* Matt. 27, 46. Marc. 15, 34.

3. Meis Deis, da di * clam eu, e tü non am exodast; eir da not e, darcheu non ha eu ingün pos.

* Ps. 69, 4.

4. E pür tü est quel sanet, * chi stast intanter ils grands lods d' Israel.

* Ps. 102, 13. 17. Es. 15, 2. 11.

5. Lur spranza han noss babuns gnü in tai; spranza han els gnü, e tü 'ls hast spendrats.

6. Els han bragi vers tai, e sun spendrats; * els s' han fidats sün tai, e non sun gnüts a tuorp.

* Ps. 25, 3. 31, 2. Es. 49, 23. 54, 4. Rom. 9, 33.

7. Ma eu sun ün verm, e bricha ün hom; eu sun ün * sdegn della glied, ed il spretsch del pövel.

* Es. 53, 3.

8. * Tuots quels chi 'm guardan, fan giamgias da mai; storschan la bocca, e squassan il cheu, * Matt. 27, 39.

9. E dischan: * El s' ha vout vi' al Segner, ch' el il güd' oura; ch' el il delibera, sch' el al vout bain. * Matt. 27, 43.

10. Impero est tü quel, chi 'm hast trat our dal büst da mia mamma; tü 'm hast fat avair spranza, intant ch' eu amo staiva suot la tetta da mia mamma.

11. Sün tai 'm ha eu pozzâ dalla matrice innan; dal vainter da mia mamma innan est tü meis Deis.

12. Non ir dalönsch da mai, siand l' angioscha tant ardainta; perche, chi 'm vegna in agüd non ais ingün.

13. Intuorn mai stan trims fermes;

pussants da Basan am ineresan aint;

14. Lur bocca avran els conter mai, ingual seo ün liun, chi şcharpa e sbrüja.

15. Eu sun spans via ingual seo l' aua; mi' ossa tuotta ais sloada; meis cour ais alguâ, ingual seo la tschaira aint dadaint meis interior.

16. Mia forza ais sechada via, tant seo ün toc da terra cotta; e mia lingua ais rantada vi' al palat; e m' hast tshantâ nella puolvra della mort.

17. Intuorn mai stan chans; üna rotscha da maligna glied m' han serrâ aint; els han * forâ tras meis mans e meis peis.

* Matt. 27, 35.

Marc. 15, 24. Luc. 23, 33. Gioan. 19, 23, 37.

18. Eu nombr tuot mi' ossa, els sress vezzan, e vezzan lur dalet.

19. * Els partan tanter els mia vestimainta, e sur mia rassa büttan els la sort.

* Matt. 27, 35.

Marc. 15, 24. Luc. 23, 34. Gioan. 19, 23.

20. Ma tû, o Segner, non star dalönsch; o tû mia fermezza vè bod a meis agüd.

21. Spendra mi' orma dalla spada, e mia vita our dalla tshatta del chan.

22. Salva 'm our dalla bocca del liun, exoda 'm, am liberand dallas cornas dels unicorns.

23. * Lura vögl eu predgiar oura teis nom a meis frars; eu 't vögl lodar in mez la redunanza.

* Ebr. 2, 12.

24. Vus, chi tmais il Segner, lodai quel; tuot la schlatta da Jacob, dat onur e gloria ad el; e tmai quel, tuot il sem d' Israel.

25. Perche el non ha spretschâ, ne sbüttâ l' afflicziun del anguschâ; el non ha zoppâ sia fatscha davent dad el, * e, cur el ha bragi vi' ad el, schi 'l ha el exodi.

* Ebr. 5, 7.

26. Tuot meis lod vain ad esser davart tai, * nella raspada granda; eu vögl render e complir meis vuts avant quels, chi temman Deis.

* Ps. 35, 18.

27. * Ils afflits vegnan a mangiar, ed a gnir saduols; e vegnan a dar lod al Segner quels, chi 'l tscherchan; vos cour viverà in perpetuo.

* Ps. 69, 33. Es. 29, 19. 65, 13.

28. * E vegnan as regordar, e turnar pro 'l Segner, tuot ils confins della terra, ed avant tai vegnan ad adorar tuot las schlattas dels pövels.

* Ps. 2, 8. 72, 11. 86, 9.

29. Perche del Segner ais il reginam; el dominescha intanter ils pövels.

30. Tuot ils richs della terra vegnan a mangiar, ed adorar; avant sia fatscha vegnan a s' inclinar * tuot quels, chi van giò nella puolvra, e quels, chi non consalvan lur orma in vita.

* Ps. 72, 12. 13.

31. Lur sem vain a servir ad el; e vain a gnir requintâ dal Segner da schlatt' in schlatta.

32. Els vegnan a gnir, e rasehunar nan sia gistia, ed a quel pövel, chi vain a nascher, quai ch' el ha fat.

PSALM XXIII.

David ingrazia al Segner, ch' el in tant möds fa del bain; as cufforta, cha Deis vegna saimper a star pro el con sia grazia.

Ün psalm da David.

IL Segner ais meis pastur; eu non vegn ad avair mangel.

2. El am fa star in pašchüras plainas d' erba; e pro auas fraiŝchas am main' el.

3. El refraiŝcha mi' orma; * el am maina sün güstas sendas, per amur da seis nom.

* Ps. 5, 9. 31, 4.

4. E, schabain ch' eu chaminess nella val della sumbriva della mort, schi non tem eu ingün mal; perche tû est con mai; tia bachetta, e teis bastun am cuffortan.

5. * Tû am drizzast üna maisa avant mai nella vezzüda da meis inimis; meis cheu fast grass con öli; meis calisch ais plain, cha va sura.

* Ps. 104, 15.

6. Tschert, tia buntâ, e misericordia da 'm far del bain vegnan am dar davo tuot ils dis da mia vita, ed eu vegn a star nella chasa del Segner per lung temp.

PSALM XXIV.

David loda la speziala grazia da Deis vi' al pövel d' Israel, ch' el quel ha tschernü per seis agian, e 'l ha dat seis servezzen per l' onorar; ed ammosa, chi sajan quels, cha Deis vain a tour pro el in tselch.

Ün psalm da David.

*** L**A terra ais del Segner, e che ch' ella tegn' aint; il crês della

terra, e 'quels chi avdan laint.

*Ex. 9, 29. Giob 41, 11. Ps. 50, 12. 1 Cor. 10, 26, 28.

2. Perche * el l' ha sögliada süls mâr; e sur ils flüms l' ha el louada.

*Ps. 136, 6. 2 Pet. 3, 5.

3. * Chi vain ad ir sü'l munt del Segner? E chi vain a star in seis lö sanet?

*Ps. 15, 1. Es. 33, 15, 16.

4. Quel chi ha mans innozaints, ed ais da cour net; quel chi non ha ozâ si' orma pro vanità, e non güra a far tort, o ingiannar:

5. Quel vain da Deis a retschaiver benedicziun; e dret da quel, chi 'l spendra.

6. Quella ais la schlatta da quels chi 'l tscherchan; da quels, chi indreschan davo tia fatscha, q. a. la schlatta da Jacob. Sela.

7. Ozai sü voss cheus, o portas; ed as alvantai sü, o vus portas eternas, per cha intra il rai della gloria!

8. Chi ais quel rai della gloria? Il Segner ais quel ferm e possant; il Segner, chi ais possant nella battaglia.

9. Ozai voss cheus, o portas, ed as alvantai, o portas eternas; per ch' el intra, il rai della gloria!

10. Quel rai della gloria chi ais el? Il Segner dels exercits quel ais quel rai della gloria.

PSALM XXV.

David rova per defensium incoenter seis inimis; per govern tras seis pled e spiert, per remissiun da seis puchats; as cufforta, cha Deis quai vegn' a far; alla fin rov' el per il salüd da tuot il pövel.

Ûn psalm da David.

MI' ORMA oz eu pro tai, o Segner.

2. Meis Deis, * in tai am fid eu, non am laschar gnir a tuorp; per cha bricha meis inimis s' allegnan, e siglian per mia causa.

*Ps. 22, 6. 31, 2. 34, 9.

3. Perche tschert, ingün da quels, chi guardan sün tai, non vegnan in verguogna; ma a tuorp vegnan bain a gnir quels chi commettan iniquitats.

4. * Fa'm a savair tias vias, Segner; e mossa 'm tias sendas!

*Ps. 5, 9. 27, 11.

5. Maina 'm in tia vardà, e mossa 'm;

perche tü est Deis, meis spendrader; tuot il di guard eu sün fai.

6. At regorda da tias misericordias, Segner, e da tias buntats; perche da principi innan sun ellas statts.

7. * Dels puchats da mia giuventüm, e da meis surpassamaints non at regordar; dimpersai suainter tia grazia at regorda da mai, per amur da tia buntà, Segner!

* Giob 13, 26. 20, 11.

8. Bun ais il Segner e güst; e tras quai intraguid' el quels, chi van our dalla strada.

9. El maina ils bandus con güstia; e quels chi sun travagliats, moss' el sia via.

10. Tuot las vias del Segner sun buntà, e vardà, a quels chi salvan seis pach e sia testimonianza.

11. Per amur da teis nom, o Segner, perduna 'm, perche el ais grand.

12. Chi ais quel hom, chi temma il Segner? El vain al mossar la via, ch' el dess tour avant el.

13. L' orma da quel vain a dmurar nella felicità, e per * ierta vain seis sem a possidair la terra.

*Ps. 37, 11. 22, 29.

14. * Il secret del Segner ais pro quels chi 'l temman; e sia lia als fa el appalais.

*Prov. 3, 32.

15. Meis ögls stan adüna fissats sün il Segner; perche el ha slargiâ meis peis our dalla rait.

16. Guarda sün mai, e 't lascha gnir misericordia da mai; perche eu sun afflit, e bandunâ.

17. Augmentadas s' han las anguoeschas da meis cour; maina 'm our da mias afflicziuns.

18. Guarda sün mi' afflicziun e sün mia dolor, e perduna 'm tuot meis puchats.

19. Guarda meis inimis, chi sun bliers; els am ödieschan con ün violent ödi.

20. Cossalva mi' orma, e delibera 'm; per ch' eu non vegna in verguogna; perche ch' eu cuor pro tai per defensium.

21. La sincerità e la raschun e dret am perchüran; perche eu spet sün tai.

22. Spendra, o Segner, Israel da tuottas sias tribulaziuns.

PSALM XXVI.

David rova il Segner per defensiu conter seis inimis; da ad inelcer si' innocenza; ed impromett' a Deis ingraziamaint.

Ûn psalm da David.

* SENTENZA 'm tû, Segner; perche eu sun it alla reala; eu ha miss mia fidanza in Deis; eu non undai.

* Ps. 7, 9. 17, 1.

2. * Prova 'm oura, Segner, e son-da 'm; examinescha meis ranuogls, e meis cour;

* Giob 23, 10. Ps. 17, 2. Zac. 13, 9. 1 Pet. 1, 7.

3. Perche tia buntà ais avant meis ègls, ed eu chamin in tia vardà;

4. * Con glied vana non sez eu, e con ils malizius non ha eu commünanza.

* Ps. 1, 1. Ger. 15, 17.

5. Eu ödiesch compagna dels mals, e non sez con ils empis.

6. * Eu lav meis mans in innocenza, e stün intuorn teis utêr, Segner;

* Ps. 73, 13.

7. Per ch' eu fetscha udir la vusch da lod, e predgià our tuot tias ouvas müravgliusas.

8. Eu am l' avdanza da tia chasa, Segner, ed il tabernacul da tia gloria.

9. Non * metter mia orma con ils pechadurs, ne con homens da sang mia vita;

* Ps. 28, 3.

10. Nels mans dels quals ais l' iniquità, ed il man dret dels quals ais plain da premis.

11. Ma eu vegn alla reala; spendra 'm e 't lascha gnir pucha da mai.

12. Meis pè sta sün via plana; nellas raspadas vögl eu chantar lod a tai.

PSALM XXVII.

David as cufforta incoenter seis inimis, cha Deis vegna al defender, ed al dar üna sgürezza, da podair guardar oura il servezen da Deis.

Ûn psalm da David.

IL Segner ais mia glüm; da chi 'm dess eu tmair? * Il Segner ais la fermezza da mia vita; avant chi dess eu tremblar?

* Mich. 7, 8. Ps. 118, 6.

2. Cur s' approsmaivan nan pro mai quels chi 'm volaivan mal, per mangiar mia charn, quels chi 'm squitschan, cioè meis inimis, schi sun els ondeggiand dats a terra.

3. * Perquai, eir scha s' achampessan exercits conter mai, schi non vain meis cour a tmair; scha alvess

sü conter mai üna battaglia, schi 'm vögl eu laschar sün tai.

* Ps. 3, 7.

4. * Üna chosa ha eu rovâ dal Segner, quai tschercherà, ch' eu stetta nella chasa del Segner, tuot ils dis da mia vita, a guardar il bel dilet del Segner, ed a vair seis taimpel.

* Ps. 26, 8.

5. Perche el vain am * zoppar in seis tabernacul; nel di da mi' afflicziun vain el am zoppar secrettamaing in sia chamanna; el vain am ozar sün ün spelm.

* Ps. 31, 21. 83, 4. 91, 1.

6. Contuot, schi vain meis cheu uossa a gnir adozzâ sur meis inimis chi stan intuorn mai; ed eu vegn ad offerir offertas da güvel in seis tabernacul; eu vegn a chantar e far psalms al Segner.

7. Oda mia vusch, o Segner, con la quala eu clam; ed hajast misericordia da mai, ed exoda 'm!

8. * A tai, chi disch: Tschercha mia fatscha, disch meis cour: Eu vögl tscherchar tia fatscha.

* Es. 26, 9.

9. Non zoppar tia fatscha davent da mai, non büttar davent teis famagl in ti' ira; tû est meis agüd; non am bandunar, o Deis, meis salvader!

10. * Schabain meis bap e mia mamma am bandunessan, schi vain il Segner am retschaiver.

* Es. 49, 15.

11. * O Segner, mossa 'm tia via! Maina 'm sün üna via plana, per causa da meis adversaris!

* Ps. 5, 9. 25, 4. 139, 24. 143, 8.

12. Non am surdar al giavüsch da quels, chi 'm chalchan suot; perche e sun alvadas sü conter mai perdütas fosas, chi sbuorflan oura violenzas;

13. Cha, sch' eu non avess gnü la cretta, ch' eu gniss a vair il bain del Segner nella terra dels vivs, schi füss stat livrà con mai.

14. Spetta sün il Segner; stà con ardimaint; guarda gnand il Segner, di eu.

PSALM XXVIII.

David rova, cha Deis il defenda incoenter quels chi 'l perseguittan, e 'ls chastia; rova eir per ventüra al pövel da Deis.

Ûn psalm da David.

EU brai pro tai, Segner, tû meis spelm! Non taschair, e non at

volver d'avent da mai; * per cha bricha, scha tü am sbüttessast, eu gniss sumgiant a quels chi van giò nella foura. * Ps. 143, 7.

2. Oda la vusch da mias oraziuns, cur eu brai pro tai, cur eu oz sü meis mans pro teis sanct lö!

3. * Non am trar d'avent cols empis, con quels, chi fan l' iniquità, ils quals con lur prossem tschantschan plets da pasch, impero la malizia han in lur cour. * Giob 32, 22. Ps. 26, 9. Ger. 9, 8.

4. Dà ad els suainter lur ouvra, e suainter la malizia da lur acziuns; e suainter l' ouvra da lur mans renda ad els, renda 'ls suainter cha han merità!

5. Perche, els non * guardan sün l' ouvra del Segner, ne sün las ouvras da seis mans; el vain als sdrüt, ne vain als edificar. * Giob 34, 27. Es. 5, 12. 26, 11.

6. Lod saj' al Segner, ch' el ha udi la vusch da mias supplicaziuns.

7. Mia fermezza e meis schüt ais il Segner; sün el as lascha meis cour, ed a mai ais güdâ; tras quai siglia meis cour in ot, e con mia chanzun al vögl eu dar lod.

8. Il Segner ais la fermezza da seis pövel; el ais la fermezza, chi cosalva seis onschü.

9. Salva teis pövel, e benedescha tia ierta; e paschainta, ed adoza quels in perpetuo.

PSALM XXIX.

David exorta ils grands e pussants a lodar Deis, peramur da sia granda pussanza ch' el appalainta con il tunar, ed ha fat appalais nel diluvi.

Ûn psalm da David.

* **D**AT al Segner, vus pussants, dat al Segner lod, gloria e fermezza.

* Ps. 96, 7.

2. Rendai onur al Segner, la quala oda a seis nom; s' inclinai avant il Segner, avant la splendur da seis sanct taimpel.

3. La vusch del Segner va sur las auas; * quel glorius Deis fa tunar; il Segner tuna sur grandas auas.

* Giob 37, 4. 5.

4. La vusch del Segner ais ferma; pussant' e gloriusa ais la vusch del Segner.

5. La vusch del Segner sfracha ils

ceders; ella rump' ils ceders del Libano;

6. Ella ils fa saglir oura tant sco vaders; il Libano ed il Sirion tant co ün unicorn giuven.

7. La vusch del Segner taglia sco la flamma del fö.

8. La vusch del Segner fa tremblar eir ün desert; schi, il Segner fa tremblar il desert Cades.

9. La vusch del Segner fa parturir las tshiervas, e snüda giò ils gods; ed in seis taimpel iminchün al disch lod, e gloria.

10. Il Segner ais sur il diluvi; schi, il Segner, il rai, ais sur il diluvi in eterno.

11. Il Segner vain a dar fermezza a seis pövel; in pasch vain il Segner a benedir seis pövel.

PSALM XXX.

David ingraz' al Segner, ch' el il ha defais in-conter Absalom seis figl; e metta, co el saja in quella fortuna graziâ, co eir el in quella s' haja deportâ, e co el landroura saja deliberâ.

1. Ûn psalm da David supra la dedicaziun da sia chasa.

2. **E**XALTAR at vögl eu, Segner; cha tü'm hast trat oura, e non hast allegrâ meis inimi sur da mai.

3. Segner, meis Deis, eu ha clamâ vers tai, e tü'm hast fat san.

4. Our dalla sepultura, Segner, * hast tü fat gnir mi' orma; tü'm hast turnantâ la vita, ch' eu non giaja giò nella foura. * Ps. 86, 13.

5. Chantai psalms al Segner, vus seis sancts; e celebrai la memoria da sia santità;

6. Perche, * d' ün batter d' ügl ais sia ira; ma sia grazia düra asaimper; la saira albergia planscher e cridar, ma la daman ais chantar e güvlar. * Es. 26, 20. 2 Cor. 4, 17.

7. Eudschaiva in mia * prosperità: Eu non vegn a gnir moventâ our da guaist stadi mâ bricha. * Giob 29, 18. Es. 38, 17.

8. Tü, Segner, avaiast fat ferm meis munt asaimper suainter teis bainplaschair; ma tü dech * zoppetast tia fatscha, e dalunga sun eu stat cupichâ. * Ps. 104, 29.

9. A tai, Segner, clamet eu, e rovet il Segner in quaista guisa:

10. * Che utilità vain da meis sang, sch' eu vegn giò nella foura? Vain forse la puolvra at celebrar? Vain quella a predgiar tia vardà? * Ps. 6, 6.

11. Exoda mai, Segner, ed hajast misericordia da mai; sajast meis agütant, o Segner.

12. * Qua lura hast vout meis pland in güvel; tü hast slargiâ meis sach, e 'm hast tschintâ intuorn con allegrezza. * Es. 61, 3.

13. Tras quella causa dess mia gloria chantar psalms a tai, e mâ bricha taschair. Segner, meis Deis, eu 't vögl lodar ed ingraziar in eterno.

PSALM XXXI.

David rova, cha Deis il defenda dalla persecuziun da Saul e sia lia; ch'el quels vögla tschessantar e ruinar; ingrazia Deis, ch'el l' exoda e defenda; exortescha ils fidels, ad ingraziar Deis, ed avair spranz' in el.

1. Ün psalm da David, dat al capo dels musicants.

2. * **P**RO tai cuor eu, Segner, non am laschar mâ gnir a tuorp; spendr' am suainter tia güstia. * Ps. 71, 1. 143, 1.

3. Inclina tia uraglia vers mai; spendra 'm bainbod; sajast meis ferm spelm, e mia fortezza, a 'm gnir in agüd e 'm salvar;

4. Perche tü est meis spelm e mia fortezza; perquai am vögliast tü, * per amur da teis nom, manar e 'm redscher. * Ps. 5, 9. 23, 3.

5. Tira 'm our dalla rait, ch' els m' han miss adascus; perche tü est mia fermezza.

6. * In teis mans recomand eu meis spiert; tü 'm hast spendrà, Segner, tü Deis da vardà. * Luc. 23, 46.

7. Eu vögl mal a quels * chi tegnan sün vanitats fosas; ma eu am fid sün il Segner. * Gioan. 2, 9.

8. Eu vögl saglir, e 'm allegrar in tia buntà, cha tü hast guardà sün mi' afflicziun; tü hast cognoschü mia orma in meis iffich;

9. E non am hast surdat in man da meis inimis; * dimpersai hast tschantâ meis peis nella largüra. * Ps. 4, 2. 18, 20.

10. Fà grazia a mai, Segner, perche eu sun in grand' anguoscha, * per granda tristezza ais mia vista tuot

consümada, schi eir mi' orma, e meis corp. * Ps. 6, 8.

11. Schi, mia vita, per granda tristezza ais gnüda almain, e meis ans, per bler suspirar. Mia forza ais serodada per granda anguoseha, e mi' ossa ais rusa tras e tras.

12. Per causa da tant meis inimis sun eu gnü üna giamgia * eir a meis vashins grandamaing; eu sun üna sgrischur a quels chi 'm cognoschan; quels chi 'm vezzan oura sün las giassas, fügen davent da mai. * Giob 19, 13. Ps. 33, 12. 88, 19.

13. Invidâ sun eu nel cour della gliend, tant co sch' eu füss mort; eu sun gnü ingual a vashê refüdâ.

14. Cur eu od l' ingüriar dels grands, * schi 'm vain üna temma intuorn intuorn; cur els fan cossagl insembel conter mai, e s' impaissan, co els piglian mi' orma. * Lam. 2, 22. Ger. 6, 25.

15. Impero ha eu, Segner, meis cufort in tai; eu ha dit: Tü est meis Deis.

16. In teis man sun meis temps; güda 'm liber dal man da meis inimis, e da quels, chi 'm perseguittan.

17. * Fà splendorir tia fatscha sur teis famagl; salva 'm suainter tia buntà. * Ps. 4, 7.

18. * Non am laschar gnir a tuorp, Segner; perche tai ha eu clamâ in agüd; fà gnir ils empis in ver-guogna; fà cha taschan nel infern. * Ps. 25, 3. 1 Sam. 2, 9.

19. * Taschainta ils lefs fos, ils quals tschantschan conter il güst † chosas dūras, con üna superbia, e con sdegn. * Ps. 12, 4. † 1 Sam. 2, 3.

20. * O quant granda ais tia buntà, la quala tü hast miss in salv a quels, chi tai temman, e la quala tü hast fat a quels chi 's fidan in tai avant ils figls della gliend! * Es. 64, 4. 1 Cor. 2, 9.

21. * Tü 'ls zoppast nel zoppel da tia vista, cha sun sgürs dalla superbia della gliend; tü ils zoppain-tast in tia chamanna, davent da len-guas dantigliusas. * Giob 5, 21. Ps. 27, 5.

22. Lod saja al Segner, il qual ha * appalantâ sia buntà vi' a mai mü-ravgliusamaing, e m' ha miss in üna città ferma. * Ps. 17, 7.

23. Impero eu, in mia prescha da

fügir, avaiva dit: * Eu sun büttà our davant la vèzzüda da teis ögls; e darcheu hast tü exodi la vusch da mias oraziuns, cur eu ha bragi pro tai.

* Lam. 3, 54. Ps. 116, 11. Es. 38, 11, 12.

24. Amai il Segner, vus tuots seis sanets, als quals el ha fat del bain; il Segner perchüra ils fidels, e renda richamaing a quels, chi douvran superbia.

25. Stat con ardimaint, vus tuots, chi avais spranza nel Segner; ed el fortificherà vos cour.

PSALM XXXII.

David mossa, che pro dretta beadenscha stova esser, cioè sgürrezza cha Deis l'haja pardunà seis pucha; ammosa eir, co 'l crastian vegna pro quella sgürezza, nomnadamain cuffessand seis puchats, e rovand ümlimaing per la remissiun da quels; mossa eir, co tuot quels chi quella grazia han survgnì, dèssan as deportar.

Ün intraguidamaint da David.

* **QUEL** ais dret beà, al qual seis pucha ais perdunà, al qual seis pucha ais cuvert!

* Rom. 4, 7.

2. Beà ais quel hom, al qual il Segner seis pucha non mett' in quint; * e nel spiert del qual non ais fòsdà ingüna.

* Gioan. 1, 47.

3. Tant ch'eu ha tashü, ais mia ossa, sco per vegldüna serodada; cur eu sbrügiva tuottadi,

4. Perche pür plü greiv gniva teis man sur mai di e not; in sechüras da stà eira vout tuot meis süh.

5. Dimena, schi ha eu fat a savair a tai meis pucha, e mi' iniquità non ha eu tgnü suot; eu ha dit: * Eu vögl dir oura, incoenter mai, meis surpassamaints al Segner; e tü hast perdunà la cuolpa da meis pucha.

* Prov. 28, 13. 1 Gioan. 1, 9.

6. Per quella causa * tuots quels, als quals tü fast quella grazia, vegnan at rovar nel temp, cha'l mal ils piglia; schi eir, scha zuond grandas auazuns gessan sur oura, schi non vegnan ellas a rivar pro els. * Es. 55, 6.

7. * Tü est meis refugì; tü vainst am ineresar intuorn con chanzuns d' allegrezza sopra la spendranza.

* Ps. 9, 10.

8. Eu 't vögl informar; eu at vögl mossar, sün quala via tü dessast chaminar; eu 't vögl manar con meis ögl.

9. Non sajat sco 'l chavagl, e sco 'l

mül, chi non han ingün inclet, als quals tü strenschast la bocca con la chavezzina, e 'l frain, per cha non vegnan nan strusch pro tai.

10. Bleras dolurs vain ad avoir l' empi; ma quel, chi ha sia spranza in Deis, vain sia buntà a circondar.

11. Stat leigers nel Segner, e sagli vus güsts; chantai con grand' allegrezza vus chi eschat reals da cour.

PSALM XXXIII.

Quel chi ha fat quaiast psalm admonescha ils fidels a lodar Deis, per causa, ch' el ais vardavel; ch' el defend' ils prus; chastia ils mals e fa del bain a tuots; ch' el ha creà il muond, ch' el defend' ils povers incoenter ils noschs; ch' el perchüra e proveda 'ls seis; confess' el con oters fidels sia fidanz' in Deis, e rova per sia buntà.

SAGLI con grand' allegrezza, vus güsts, e chantai lod al Segner; perche quel lod sta bain als drets e reals.

2. Celebrai 'l Segner con citras; con gijas, e con instrumaints da desch cordas fat psalms ad el.

3. Chantà 'l üna chanzun nouva, e chantai agreabelmaing con güvel;

4. Perche 'l pled del Segner ais güst, e tuot sias ouvras sun fermas.

5. El ama giüstia e raschun; * della buntà del Segner ais plaina la terra.

* Ps. 119, 64.

6. * Tras il pled 'del Segner sun fats ils tschels, e tras il flà da sia bocca tuot ils † exercits.

* Gen. 1, 6. 2 Petr. 3, 5. † Giob 26, 13.

7. * Tuot las auas del mâr ha el raspâ a mantun; in ün tesor ha el miss ils abiss.

* Gen. 1, 9. Giob 38, 8.

8. Tuot la terra temma il Segner; dad el as dèssan tñair tuots ils abitants della terra;

9. Perche * el dech ha dit, ed ais stat fat; el ha dat comand, ed ais dvantà.

* Ps. 148, 5.

10. Il Segner dissipa ils cossagls dels pövels; el fa inguotta ils impissamaints dellas naziuns.

11. * Ma 'l cossagl del Segner quel reista in eterno; ils impissamaints da seis cour stan asaimper e sainper.

* Prov. 19, 21. Giob 23, 13. Es. 46, 10.

12. * Beà quel pövel, chi ha 'l Segner per seis Deis; quel pövel, ch' el ha tschernü per sia ierta.

* Ps. 65, 5. 144, 15.

13. Il Segner guarda giò dals tshels, el vezza tuots crastians.

14. El ha guardâ our dall'avdanza da sia sopeha sün tuot quels, chi abiteschan sur terra;

15. Perche el ha creâ il cour da tuots; el sa tuot lur far.

16. Il rai non vain salvâ tras la grandezza da seis exercit; ne'l barun defais tras la grandezza da sia fermezza.

17. * Chosa fallatschusa ais ün chavagl per dar agüd; ne con la grandezza da sia forza salva el quel, chi sezza sü sura. * Prov. 21, 31. Ps. 147, 10.

18. Mera, * l'ögl del Segner guarda sün quels, chi'l temman, sün quels, chi's fidan sün sia misericordia e buntà. * Giob 36, 7. Ps. 34, 16. 1 Petr. 3, 12.

19. Ch' el sdrappa lur orma our dalla mort, e'ls * cossalva in vita, dal temp della charestia.

* Giob 5, 20. Ps. 37, 19.

20. Noss' orma ha seis cuffort in Deis; nos agüd, e nos schütt ais el.

21. Contuot, schi s'allegra nos cour in el; sgüramaing nel nom da sia santità volain nus avair tuot nossa spranza.

22. Saja tia misericordia, Segner, sura da nus, seo nus eir avain nos cuffort in tai.

PSALM XXXIV.

David ingrazia Deis, ch'el l'ha deliberâ dal man d'Abimelec, rai dels Filisters, ed exorttescha eir ils oters, a far quai medem; tuorna a lodar l'agüi da Deis vers ils prus, ed imnatscha als noschs eterna perdiziun.

1. Ün psalm da David, * cur el müdet sia parenscha avant Abimelec, dasort, ch'el il chatschet davent, ed el get. * 1 Sam. 21, 13.

2. **D**A tuot temp vögl eu lodar il Segner; seis lod dess saim-per esser in mia bocca.

3. Il orma's dess gloriar del Segner; * quai vegnan ad udir tuot ils bandus, e povers, e vegnan as allegrar. * Ps. 64, 10. 119, 74. 142, 8.

4. Adozai grandamaing il Segner con mai; ed exaltain seis nom insembel.

5. Eu ha tscherchâ il Segner, ed el ha dat respot' a mai; ed our da tuot mias tremblazuns am ha el trat.

6. Ils afflits e travagliats vegnan, guardand sün el, a cuorrer insembel pro el, e lur vistas non vegnan a gnir in verguogna.

7. Quaist povret ha clamâ, ed il Segner l'ha exodi, ed our da tuottas sias anguoschas l'ha el trat.

8. * L'angel del Segner s'achampa intuorn quels, chi'l temman, ed el vain als güdar oura. * Zac. 9, 8.

9. Insagiai e * guardai quant bun il Segner ais; beà quel, chi metta sia poza sün el. * 1 Petr. 2, 3.

10. Tmai il Segner, vus seis sanets; perche a quels chi'l temman non manca inguotta.

11. * Ils richs han mangel, ed indüran fam; ma quels, chi temman il Segner, non han povertà d'alchün bön. * Giob 4, 11.

12. Gni nan, figls, tadlai a mai; eu as vögl mossar la temma del Segner.

13. * Chi ais quel, chi giavütscha da viver? Chi ha cuvaidda da dis, nels quals el vezza il bön, e'l gioda? * 1 Petr. 3, 10.

14. Retegna tia lingua davent dal mal, e teis lefs, cha non tsehan-tsehan ingian.

15. * Guinchescha dal mal, e fà il bön; tschercha la pasch, e tenda davo quella. * Ps. 37, 27.

16. Ils * ögls del Segner sun sur ils güsts; e sias uraglias avertas a lur bragir. * Giob 36, 7. 1 Petr. 3, 12.

17. * La gritta vista del Segner ais sur quels, chi fan il mal; ch'el raggisch' oura lur memoria dalla terra. * Lev. 17, 10. Ger. 44, 11.

Am. 9, 4. Ps. 43, 1. 119, 154. Lam. 3, 58.

18. Ils chalchats ed afflits bragian, e'l Segner ils oda, ed our da tuot lur anguoschas ils delibr' el.

19. Il Segner ais ardaint a quels, chi sun d'ün cour smachâ; e quels chi sun da spiert ümil, vain el a salvar.

20. Bler contrari han ils güsts; ma our da tuots güda'l Segner scodün da quels.

21. El salva tuot lur ossa; ün da quels non vain ruot.

22. * Il nosch vain si' agna malizia a mazzar; e quels chi vöglian mal als güsts, vegnan ad ir a perder. * Ps. 94, 23.

23. Il Segner spendra las ormas da quels chi'l servan, e non vegnan a perir ingüns da quels, chi's fidan in el.

PSALM XXXV.

David rova, cha Deis il defenda conter seis perseguittadur Saul e sia dependenza, e ch' el quels chastia; e po tuot il psalm gnir parti in 3 parts: la 1. ils rövs a David, la 2. co seis perseguittadurs sajan, la 3. üna repetiziun dels rövs.

Ün psalm da David.

COMBATTA, Segner, con quels chi combattan conter mai; fà guerra con quels, chi fan guerra conter mai.

2. Pigl' in man il schüt e l' arma; e stà sü tü, in meis agüd.

3. Tira la lanscha, ed osta; e cuorra conter quels chi 'm perseguittan; di a mi' orma: Eu sun teis salüd.

4. * Fà gnir cotschens, ed a tuorp quels chi tscherchan mi' orma; vegnan vouts inavo, e vegnan in verguogna tuot quels, chi s'impaisan da 'm far mal.

* Ps. 40, 15. 70, 3.

5. * Vegnan seo la paglia avant il soffel; e l' angel del Segner ils schatscha.

* Giob 21, 18. Ps. 1, 4. Es. 17, 13. Os. 13, 3.

6. * Lur chamin saja schüt, e bletsch, e l' angel del Segner ils perseguitta.

* Ps. 73, 18. Ger. 23, 12.

7. Perche els han, sainz' alchüna chaschun, miss lur rait secrettamaing in üna foura; sainza chaschun han els chavä üna foura a mai.

8. * Üna sventüra fa'l gnir adöss, ch' el non sa; e la rait, ch' el ha zoppä, il piglia; giaja el in tuotta ruina!

* Ps. 7, 16. 9, 16. Prov. 5, 22.

9. Mi' orma siglia sü per allegrezza nel Segner; ella's tegna buna in seis salüd.

10. Tuot mi' ossa dscharà: Segner, chi ais sumgiant a tai? Tü, chi sdrappast il pover our dal man da quel, chi ais pü ferm co el; il pover, e manglus, our da quel chi 'l sgiarba.

11. Fosas perdütta leivan sü contra mai, ed incounter raschun; e do-mandan chosas, ch' eu non sa.

12. * Mal per bain am rendan els, tscherchand da 'm tour la vita.

* Ps. 38, 21. 109, 5.

13. Impero eu, * cur els eiran amalats, ha trat aint ün sach; eu ha paniä mi' orma con gegünis, e mi' oraziun ais vouta in meis sain.

* Giob 30, 25. Ps. 109, 4.

14. Eu giaiva, ingual seo sch' el füss stat meis compagn; seo sch' el füss stat meis frar; eu m' ha büttä giò in lèd seo ün chi planscha per sia mamma.

15. Ed els, cur eu ha * undiä, schi sun els stats leigers, e sun gnüts insembel, † e s' han raspats insembel conter mai ils zops; els m' han sdratschä ch' eu non savaiva, e non refüdan;

* Ps. 38, 18. † Giob 30, 1. 8. 12.

16. Els han ris da mai intanter ils ipocrits, buffuns e magliaders, sgrizchand ils daints contra mai.

17. O Segner, quant löneh voust guardar pro a quaiastas chosas? Retira mi' orma our da lur ruina, mia sula dals liuns.

18. Eu't vögl dar lod, ed onur nella raspada granda; avant blers pövels vögl eu lodar tai.

19. Non laschar allegrar sur mai quels, chi sun meis inimis, conter tuotta raschun; ne laschar cha quels, * chi 'm vöglian mal sainza chaschun, as tschögnan con lur ögls.

* Ps. 69, 5. 109, 3. Gioan. 15, 25.

20. Perche els non dischan da pasch, dimperse s' inspian oura plets fos conter ils bandus e quiets della terra.

21. Els han slargiä lur bocca conter mai; * els han dit: Ha, ha, nos ögl ha pür vis.

* Ps. 40, 16.

22. Tü, Segner, svess hast vis; non taschair, Segner, non star dalönsch da mai.

23. At sdruvaglia, at sdaisda sü pro mia raschun e güdizi, o meis Segner, a sentenziar mia causa.

24. Segner, meis Deis, sentenza 'm tü, suainter tia güstia; e non laschar avair allegrezza a quels oters sur da mai.

25. Non laschar, cha dian in lur cour: Ha, ha, ans allegrain; e non dian: Nus l' avain travus!

26. Vegnan in verguogna, e * 's turpajan insembel tuots, chi s' allegran da meis mal; vegnan vestits da ver-

guogna e tuorp quels, chi s'adozan contra mai!

* Ps. 40, 15.

27. Stettan leigers e da buna vögla tuot quels, chi han plaschair da mia güstia; e dian saimper ed adüna: Vegna ot lodâ ed adozâ 'l Segner, il qual ha dalet della pasch e del bainstar da seis famagl!

28. E mia lengua dess tschantshar da tia güstia, e da teis lod imminchadi.

PSALM XXXVI.

David planscha la malizia dels infidels; rova, cha Deis, con sia buntà, adüna tegna cols prus ed in special perchüra ad el; as cufforta cha seis inimis vegnan da Deis a guir miss a perder.

1. Ün psalm da David, del serviaint del Segner, al capo dels chantadurs.

2. **L'**EMPIETÀ del infidel am dischaint nel cour; ch'el non ha temma alchüna da Deis avant ils ögls.

3. Perche * el as lusingia in sai sves, infina tant chi vain chattâ oua sia iniquità, chi ais pür dad ödiar.

* Deut. 29, 19. Ps. 10, 3. 49, 19.

4. Ils plets da sia bocca sun malizia, e fisdâ; el ha bandunâ da savoir far dret.

5. * El s'inspia oura iniquità in seis let; el chamina sün üna via, chi non ais buna; † el non refüda il mal.

* Os. 7, 6. Mic. 2, 1. † Rom. 1, 32.

6. Infîn al tselh tenscha tia * buntà, o Segner; infîn allas nüvlas tia vardâ.

* Ps. 57, 11. 71, 19. 108, 5.

7. Tia güstia ais sco 'ls munts da Deis; * ün abiss grand sun teis güdizis. Tü, Segner, mantegnast la gliend, e las bestias.* Rom. 11, 33. Giob 11, 8.

8. Quant preziosa mâ ais tia buntà, Deis! Tras quai's fùgiaintan ils figls della gliend nella sumbriva da tias alas.

9. Els vegnan plains del grass da tia chasa; e tü vainst als bavrantar * del flüm da teis dalets.

* Giob 20, 17. Ps. 65, 5. Ap. 22, 1.

10. Perche pro tai ais la fontana della vita; tras tia glüm vezzain nus la glüm.

11. Slunguna tia buntà a quels, chi cognoschan tai; e tia güstia a quels, chi sun reals da cour.

12. Cha bricha ils peis dels superbis am chatschan man; eir brich' il man dels noschs am bütta a terra.

13. Qua lura sun crodats in terra quels chi fan l'iniquità; e sun chatschats suot, e non vegnan plü a podair drizzar sü.

PSALM XXXVII.

David admonescha 'ls fidels, da non tour schandel dalla ventüra dels infidels; dimperse da perseverar in vaira eretta ed obediencia vi' a Deis; perche la ventüra del infidel non düra lösch; Deis da als fidels lur giavüsch; Deis ünsacura ragisch' oura ils mals; Deis non banduna ils prus, schi, el ils perchüra.

Ün psalm da David.

NON at * grittantar per causa dels mals; ne't laschar tour inviglia da quels, chi fan la noschdâ;

* Prov. 23, 17. Ps. 73, 3.

2. Perche ingual sco l'erba, usche vegnan els dandettamaing tagliats via; sco l'erba verda, usche vegnan els a spassir.

3. At fida nel Segner, e fâ indret; schi vainst a star nella terra, e vainst nudriä sgüramaing.

4. Teis dalet hajast nel Segner, ed el vain a dar a tai quai cha teis cour desidera.

5. * Volva tia via sün il Segner; ed hajast tia spranza in el, ed el vain a far.

* Prov. 16, 3. Ps. 55, 23.

Es. 26, 12. Matt. 6, 25. 1 Petr. 5, 7.

6. El vain a manar oura tia güstia a glüm; e tia raschun tant co'l mezdi.

7. Tascha, e stâ quiet pro 'l Segner; e spett' il gnand con stüdi, e non tour inviglia da quel, chi fa che ch'el s' ha tut avant el.

8. Stâ giò dall' ira, e lasch' ir la furia; * non tour sdegn a volair far mal.

* Ef. 4, 26.

9. Perche ils noschs vegnan a gnir ragischats oura; e quels, chi han cuffort in Deis, vegnan per ierta a possidair la terra.

10. Ün pitschen temp amo, schi non vain il mal plü ad esser avant man. * Tü vainst a guardar seis lö, e plü non vain el ad esser.

* Giob 7, 10. 20, 9.

11. * Ma 'ls bandus vegnan ad esser ertavels della terra, vegnan ad avair lur dalet, con abundanza da tuotta pasch.

* Matt. 5, 5.

12. Il malizius fa cossagl conter el güst; cols daints sgrizch'el conter el;

13. * Ma'l Segner vain a rir d'el; perche el vezza, cha seis di s'aprosma. * Ps. 2, 4.

14. Ils empis tiran la spada, e tendan lur balaister, per sterner via per terra il pover; per mazzar quels, chi chaminan indret;

15. * In lur cour vain ad intrar lur spada, e lur balaisters saran ruots. * Mic. 5, 6.

16. * Megl ais il pac ad ogni güst, co l'abundanza granda als scelerats blers. * Prov. 15, 16.

17. Perche * la bratscha dels scelerats vain a gnir ruotta; ma'ls güsts sustegna il Segner. * Ps. 10, 15.

18. Il Segner cognoscha ils dis dels prus; e lur ierta vain a rumagnair in eterno.

19. Nel contradi non vegnan els a gnir a tuorp; * e dals temps della fam vegnan els a gnir sadulats. * Ps. 33, 19.

20. Ma'ls noschs van a perder; ed ils inimis del Segner vegnan tant co agnels grass ad esser consumats, tant co ün füm a gnir dissipats.

21. * L'empi piglia ad impraist, e non paja; ma'l güst as lascha gnir pucha, e duna. * Deut. 28, 44. Ps. 112, 9.

22. Perche quels, ch'el benedescha, vegnan a possidair la terra; ma quels ch'el smaledescha vegnan a gnir ragischats davent.

23. Perche 'ls pass del hom güst vegnan dal Segner fermats, ed el ha dalet da sia via.

24. * Sch'el bain dess giò, schi non vain el a gnir büttâ via; perche 'l Segner il tain in pe con seis man. * Prov. 24, 16. 2Cor. 4, 9.

25. Eu sun stat ün giuven infant, e sun gnü vegl, e non ha vis il güst, ch'el saja bandunâ, ne seis sem rovand il pan.

26. * El as lascha gnir pucha imminchadi, ed impraista via; e seis sem ais in benedicziun. * Ps. 112, 9.

27. * At retira davent dal mal, e fâ il bün; e tû vainst a rumagnair in eterno. * Ps. 34, 15.

28. Perche 'l Segner ama la raschun, e non banduna seis benedits;

els vegnan a gnir perchürats in eterno; ma'l sem dels empis vain a gnir ragischâ oura.

29. * Ils güsts vegnan a possidair la terra per ierta, e vegnan in perpetuo ad abitar in quella. * Prov. 2, 21.

30. La bocca del güst da oura sapienza, e sia lingua tschantscha quai, cha dret ais.

31. * La ledscha da Deis ais in seis cour; seis pass non undagian. * Deut. 6, 6. Ps. 40, 9. 119, 98. Es. 51, 7.

32. Il nosch guarda süil il güst, e tschercha da'l mazzar.

33. Il Segner non vain a'l laschar in seis man, e non vain a'l condannar, cur el vain sentenziâ.

34. Spetta süil il Segner, e salva sia via, ed el vain at adozer, cha tû per ierta possidessast la terra; tû vainst a vair, * cur ils noschs vegnan a gnir ragischats davent. * Ps. 91, 8.

35. * Eu ha vis ün empi terribel, chi dovraiva forza granda, e's stendaiv'oura, ingual seo ün bösch con ramma lunga. * Job 5, 3.

36. Ma eu passet, e mera, el non s'ha chattâ plü.

37. Guarda süil prus, e't fâ surasen süil güst; per il vaira, sia fin ais pasch.

38. Ma quels, chi surpassan, vegnan-tuots insembel a gnir sdrüts; la posterità dels infidels vain a gnir ragischad'oura.

39. * Ma'l salüd dels güsts vain nan dal Segner; el ais lur fortezza nel temp dell'afflicziun. * Es. 51, 5.

40. Il Segner als güda e'ls delibera, el vain als deliberar dals mals; el vain als cossalvar; perche lur cufort ais in el.

PSALM XXXVIII.

David rova, cha Deis non al saja massa dür; dimperse ch'el al güda our da sia miseria, e malatia, il qual tuot el metta nan con plets zuond pechadus. Po tuot il psalm gnir parti in trais parts: La 1. davart la malatia da David; la 2. davart la condiziun e stadi ourdadoura; la 3. darcheu davart sia malatia, e ventüra da seis inimis.

1. Ün psalm da David, * a's regordar bain. * Ps. 70, 1.

2. **N**ON am * chastiar in ti' ira, Segner; non am reprender in tia furia. * Ps. 6, 2.

3. Perche tias frizzas sun fichadas in mai, e teis man am squitscha.

4. Chosa in mia charn non ais sana ingüna, per causa da teis sdegn; pasch non ais in mi' ossa, per causa da meis pucha.

5. Perche meis surpassamaints van sur meis cheu oura, e sun gnüts greivs, tant co üna greiva valisch, sur da mia forza.

6. Mias plajas smarscheschan e spüzzan, per mia nardà.

7. Eu sun tuot tort, e vegn bass fich; * eu vegn tuottadi vesti a nair.

* Giob 30, 28. Ps. 35, 14. 42, 10.

8. Perche tuot mia böglia in mai ais sechada via per ün grand arder; in mia charn non ais intêr chosa alehüna.

9. Eu non ha fermezza ingüna, e sun tuot smachâ; * eu sbrüg per la frantur da meis cour.* Giob 3, 24. Es. 59, 11.

10. Avant tai, Segner, ais tuot meis giavüsch; e meis cluotschs non sun azzoppats avant tai.

11. Meis cour vain stret serrâ aint, e dech usche am banduna mia forza, e * la glüm da meis ögls, schi, meis ögls svess non sun plü pro mai.

* Giob 17, 7. Ps. 6, 8. 31, 10. Lam. 5, 17.

12. * Meis amis e meis paraints stan sur üna vart, davent da mia plaja; ed ils meis ils plü prossems am stan dalönsch.

* Giob 19, 13. Ps. 31, 12. 88, 19.

13. Schi, eir am tendan latschs quels, chi tscherchan mia vita, e quels, chi tscherchan, co am possan nouscher, tschantschan straviars, e s' inspian ingiannamaint.

14. Ed eu, tant co sch' eu füss suord, non od inguotta, e tant co ün müt, chi non avra sia bocca:

15. Eu sun gnü ingual ad ün chi non oda inguotta, e chi non ha in sia bocca ingüna contradicziun.

16. Perche, o Segner, tai guard eu gniand; tü Segner, meis Deis, vainst am responder.

17. Perche eu ha dit: Eu sto bain guardar, cha quels non hajan da's tgnair buns da mia vart; perche, scha meis pè sblezechess, schi gnisan grandamaing as far grands conter mai.

18. Perche * eu sun pinâ per, crodar; e mia dolor ais avant mai adüna.

* Ps. 35, 15.

19. Eu confess meis surpassamaints, e mal far; eu stun in grand pissêr, per causa da meis pucha.

20. Ma meis inimis, quels vivan, e vegnan ferms; e quels chi'm vöglian mal conter tuotta raschun, vegnan adampehats.

21. Quels chi'm * rendan mal per bain, am stan incounter, per quai ch' eu seguittesch al bön.

* Ps. 35, 12. 109, 5.

22. Segner, non am bandunar; meis Deis non star dalönsch da mai.

23. Festina, ve'm in agüd, Segner, tü meis salüd.

PSALM XXXIX.

David metta nan, co el ha gnü tut avant se, da non brunclar incounter Deis, schi'l scontress qualchosa conter raschun, e co el quai haja salvâ; impero, cur la persecuziun d' Absalom, seis figl, seo e para, al gnit, schi haja el gnü pers la pazienza; co el davo quai saja turnâ, e s' haja remiss; e rova'l Segner per surlev-giamaint.

1. Ün psalm da David al capo dels chantadurs, a Jedutun.

2. **E**U avaiva dit: Eu vögl salvar mias vias, ch' eu non pecha con mia lingua; * eu vögl metter ün boccal avant mia bocca, usche lösch cha l' infidel ais avant mai. * Ps. 141, 3.

3. Eu ha mütti, e taschü quiet; eu ha taschü eir dal bön; ma mia dolor ais augmentada.

4. Meis cour ais schüdâ in mai; am impissand eu, co' is fats gessan, ais invüdâ ün fö in mai; perquai ha eu tschantschâ oura con mia lingua, ed ha dit:

5. Segner, * fa'm a savair mia fin, ed il number da meis dis; fâ, ch' eu sapcha, quant eu ha da dürar.

* Ps. 119, 84.

6. Mera, meis dis hast tü fat da quatter dainta, ed il temp da mia vita tant co inguotta avant tai; sgü-ramaing ais üna spüra vanità * tuot crastian, eir cur el para da star bain ferm.

* Ps. 62, 10. 144, 4.

7. Tschert, e passa via tant seo intanter imagnas imminchün; tschert, el sduvella per inguotta, * el metta a mantun, e non sa,

chi quai vegna a raspar aint.

* Eccl. 2, 8. 5, 14. 21, 26.

Prov. 28, 8. Giob 27, 17. Ps. 49, 15. 1 Cor. 7, 31.

8. Uossa dimena, Segner, che dess eu guardar gnian? Mia spranza ais pro tai.

9. Spendra 'm our da tuot meis surpassamaints; non am far üna giamgia ad ün nar.

10. Eu ha * mütti, e non vögl avrir mia bocca; perche tü hast fat quai.

* Giob 39, 37.

11. * Piglia davent da mai mia plaja; eu sun gnü flinch dallas botas da teis man.

* Giob 43, 9. 13, 21.

12. Tü chastias la glieud con aspers plds, per causa da lur puchats; e fast algar via tuot lur bellezza, tant co sch' üna chëra ils magless; tshert, tuot crastian ais vanità.

13. Segner, oda mi' oraziun, e piglia in tias uraglias meis bragir; sün mias larmas non tashair; perche * eu sun peregrin avant tai, ed ün giast gnü nan, seo eir tuot meis buns.

* 1 Cron. 29, 15. Ps. 119, 19.

14. * Stà giò da mai ün pa, ch' eu piglia forza, ant co ch' eu giaja, e ch' eu non saja plü qui.

* Giob 7, 16. 10, 20. 14, 6.

PSALM XL.

In quaiet psalm tras e tras tshantscha David in persuna da Cristo, e tira nan, co el saja delibèrà our da quella grand' angoscha, ch' el ha nel üert süjand sang; lod' el ils benefizis da Deis, fats alla baselgia interamaing; rova il Salvader il bap, ch' el da quella dolur, ch' el vegna ad indürar sün la crusch, il spendra, e chastia seis inimis.

1. Ün psalm da David al capo dels chantadurs.

2. **E**U spet ad ün spettar sül Segner, ed el s' ha laschà giò pro mai, ed ha udi meis bragir.

3. Ed el m' ha trat our da quel puoz, chi fa granda romur, our dalla * trida büergia; ed ha tshantà meis peis sün ün spelm, e fermà meis pass.

* Ps. 26, 12. 69, 3.

4. Ed ha miss in mia bocca üna chanzun nouva, a lodar il Segner, nos Deis; * blets vegnan a vair, e vegnan a tmair; els vegnan al tmair, ed avair lur spranza nel Segner.

* Ps. 34, 3. 64, 10. 119, 74.

5. Beà quel hom, chi ha tshantà

per sia spranza il Segner; e non ha guardà davo 'ls superbis, e quels, chi 's volvan davo menzognas.

6. Tü, Segner, * hast fat bleras tias ouvas müravgliusas; e volair quellas da nus sves lounar giò, ais sur da nos savair; sch' eu las rashedess, e las dschess nan, schi surpassan ellas il number.

* Giob 5, 9. 9, 10. Ps. 71, 15. 92, 6.

7. * Sacrifici ed offerta non hast giävüscha; ma l' uraglia m' hast forâ tras. Olocausts per il pucha non hast voglù avair.

* Ps. 50, 8. 1 Sam. 15, 22. Es. 1, 11. Ebr. 10, 5.

8. Lura ha eu dit: Mera, eu vegn; nel cudesch ais scrit da mai.

9. Ch' eu * fetscha tia voluntà, meis Deis, quai vögl eu; e tia ledscha ais in mez meis cour.

* Ps. 119, 16. Rom. 7, 22. Ger. 31, 33.

10. Eu ha laschà a savair tia güstia nella raspada granda; mera, Segner, eu non tegn meis lefs; tü Segner sast.

11. Tia güstia non ha eu zoppà in meis cour; eu ha predgià oura tia vardà e teis salüd; eu non ha tashü da tia buntà avant ün grand mantun da pövel.

12. Tü Segner, non tgnair davent da mai tias compassiuns; * tia buntà e tia vardà am perchüran da contin.

* Ps. 57, 4. 61, 8.

13. Perche anguoscas m' han serrà aint, chi non ais ingün number; mias iniquitats m' han da tal sort * dat adöss, ch' eu non las poss vair; ellas sun gnüdas plü nombrusas co 'ls chavels da meis cheu, e meis cour m' ha bandunà.

* Ps. 38, 5.

14. At lascha plaschair, Segner, da 'm spendrar; Segner, vè bod con teis agüd!

15. Cha vegnan a tuorp ed in ver-guogna tuot quels, * chi tsherehan mi' orma, per la metter a perder; cha as volvan inavo, e vegnan in ver-guogna quels, chi tsherehan mia sventüra!

* Ps. 35, 4. 26. 70, 3.

16. Cha vegnan miss a perder, per la paja da lur tuorp, * quels chi am dischan, Ha, ha!

* Ps. 35, 21, 25.

17. Cha siglian, e stettan leigers in tai tuets, chi tsherehan tai; cha dian

ad ün dir: Saja ot adoza' l Segner, tuot quels, chi aman teis salüd.

18. Eu tant sun bain pover e mangkis; ma' l Segner ha pissêr per mai; tû est meis agüdand, e meis spenderer; non surtrar, o meis Deis!

PSALM XLI.

David giavüscha benedicziun da Deis a quels chi avaiavan gnü compassiun con el in sia malatia; metta si' oraziun, ch' el da quel temp ha fat, e s' almaina del tort da seis adversaris, e d' ün tschert fos ami; ingrazia al Segner, ch' el darcheu l' ha fat san.

1. Ün psalm da David al capo dels chantadurs.

2. **B**EA quel, chi sabiamaing as deporta invers il pover e miser; perche' l Segner vain al deliberar, nel temp da seis contrari.

3. Deis vain al perchürar, e vain al cossalvar in vita; el vain ad avair ventüra sur terra; ed el non vain al surdar al giavüsch da seis inimis.

4. Il Segner vain al refraschar nel let da sia malatia; in sia malatia vainst tû al müdar seis pans.

5. Eu ha dit: Segner, hajast compassiun con mai; guarescha mi' orma, perche eu ha fat pucha conter tai;

6. Meis inimis han dit mal da mai; els dschaivan: Cura vain el a morir? E cura vain seis nom as perder?

7. E, seha qualchün gniva am visitar, schi tschanteschaiv' el fosamaing; seis cour mett' insembel chosas malas; cur el va davent, schi' l disch el oura.

8. Lura murmuran tanter pêr tuot quels, chi 'm vöglian mal; e s' impaissan conter mai mal, dschand:

9. Ün malign mal ais in el; e dimena ch' el s' ha miss giò, schi non vain el plü a gnir in pè.

10. Perfin quel hom da mia pasch, nel qual eu' m fidaiva, * quel chi mangia meis pan, eir quel ha ozà il chalchagn conter mai.

* Giob 19, 19. Ps. 55, 14. Gioan 13, 18.

11. Ma tû, Segner, fà grazia a mai, e drizza 'm in pè; ed eu als vögl render.

12. Giò da quai cognosch eu, cha tû hast plaschair da mai, cha meis

inimi non ha güvlâ, ne fat spass sura da mai

13. Mera 'm qui, tû 'm hast mantgnü nella realtâ, chi ais in mai; tû vainst am tschantar avant tai in perpetuo.

14. Benedi saja 'l Segner, il Deis d' Israel, dad eterno in eterno. Amen! Amen!

PSALM XLII.

David planscha, ch' el, per causa della persecuziun da Saul, stova star in exil, ed esser privâ del exercizi del pled, e servezzen da Deis, e cha seis inimis fan giamgias d' el, tant co sch' el füss dafatta bandunâ; mett' el nan tuottas, ch' el per quai in si' orma ha senti.

1. Ün intraguidamaint al capo dels chantadurs, fat dals figls da Core.

2. **I**NGUAL seo ün tschiervi cluotscha per fontanas dad auas, usche cluotscha mi' orma davo tai, Segner!

3. Mi' orma ha * sait davo Deis, il vivaint: O cura mâ poss eu ir aint, ch' eu compar' avant la fatscha da Deis?

* Ps. 63, 2. 84, 3.

4. * Mias larmas sun a mai ün pan di e not, cur am vain dit imminchadi: Ingio ais teis Deis?

* Ps. 79, 10. 80, 6. 102, 10. 115, 2.

5. * Cur eu m' impais sün quai, schi spand eu oura mi' orma in mai sves, perche viavant giaiv' eu col pövel, e rivaiva infin' avant la chasa da Deis, con vusch d' allegrezza e da lod; ün pövel, chi faiva leida feista.

* Ps. 77, 7. 143, 5. Es. 30, 29.

6. Che at stramaintast tû mi' orma, e fast romur in mai? * Spetta sün el; perche eu vegn amo al lodar per las spendraschuns, chi vegnan dad el.

* Ps. 43, 5. 44, 4. 116, 7.

7. Meis Deis, mi' orma ais in mai zuond büttada giò; perche eu' m regord da tai our dalla terra del Gordan, del Ermon, del munt Mizar.

8. L' una chafuollezza * braja all' otra, sün la vusch da tias chanales; sur mai oura sun idas tuottas tias auazuns ed uondas.

* Ps. 88, 8. Ez. 7, 26. Ger. 4, 20.

9. Impero, schi vain il Segner da di a trametter sia buntâ, e da not vain sia chanzun ad esser con mai; mi' oraziun vain a gnir fatta

ad el, chi ais da mia vita l'autur.

* Lev. 25, 21. Giob 35, 10. Ps. 119, 55.

10. Eu vögl dir a Deis, meis * spelm: Perche 'm hast tü invlidâ? Perche vegn eu vesti da lêd, cur meis inimi am squitscha?

* Deut. 32, 4. Ps. 38, 7.

11. Mi' ossa 'm vain tagliada, cur meis inimis am sdegnan, dschand imminchadi a mai: Ingio ais teis Deis?

12. Perche at büttast giò in terra, mi' orma, perche fast romur in mai? Spetta sün Deis! Perche eu vegn amo al lodar; el ais il salüd da mia vista, e meis Deis.

PSALM XLIII.

Stovand David indürar tort e forza da Saul, e da sia lia, schi rova el per deliberaziun, ch'el possa star pro'l exercizi del pled e servezzen da Deis; alla fin as cuffort' el in Deis.

TEGNA 'M dret, o Deis, e maina tü mia causa; defenda 'm da quel crudel pövel, da quel fos, e malizius hom.

2. Perche tü est il Deis da mia fermezza; perche m'hast chatschâ d'avent? Perche vegn * eu da lêd, cur meis inimi 'm squitscha? * Ps. 38, 7. 42, 10.

3. Trametta tia glüm, e tia vardà, quellas am redschan, ed am mainan pro teis sanet munt, e pro teis tabernaculs;

4. Lura * vögl eu ir aint pro l'utêr da Deis; pro quel Deis, chi ais meis dalet, e mi' allegrezza; ed eu 't vögl dar lod con la citra, Deis, meis Deis!

* Ps. 26, 6. 7.

5. Perche ais mi' orma slavazzada a terra? Perche franturast tü in mai? Hajast tia spranza in Deis! Perche eu vegn amo al lodar ed ingraziar; el ais il salüd da mia fatscha, e meis Deis!

PSALM XLIV.

Il pövel da Deis rova, cha Deis il defenda, e slubaja our suot la tirannia da lur perseguitadurs. Il psalm ha parts tschinch: La 1. ais ün register dels benefizis da Deis; la 2. ün röv per spendranza our suot ils inimis; la 3. ün pland da lur miseria; la 4. ün lod della perseveranza; la 5. üna repetiziun del röv.

1. Ün intraguidamaint al capo dels chantadurs dels * figls da Core. * Ps. 42, 1.

2. **N**US avain udi, o Deis, con nossas uraglias, noss babuns

ans han raschunâ l'ouvra, cha tü hast fat in lur dis, in quels dis dell'antiquità.

3. Tü hast con teis man chatschâ oura las naziuns, ed * hast implantâ aint els; tü hast miss a perder pövels, ed hast slargiâ oura ad els.

* Ex. 15, 17. Ps. 78, 55. 80, 9.

4. Perche, bricha * con lur spada han els congüstâ la terra, ne lur bratsch ils ha salvats; dimperse teis man dret, e teis bratsch, la glüm da tia vista; perche tü 'ls volaivast bain.

* Deut. 8, 17. Ps. 42, 6.

5. Tü sves * est meis rai, o Deis! Ordaina ils salvamaints da Jacob.

* Ps. 74, 12.

6. Tras tai volain nus chatschar inavo noss inimis; in teis nom volain nus trapplar suot quels, chi leivan sü contra nus.

7. Perche, bricha sün meis arch ha eu gnü mia spranza, * ne mia spada vain am salvar.

* Ps. 33, 16.

8. Schi, tü vainst ans salvar da noss inimis, a metter in verguogna quels chi 'ns ödieschan.

9. * Nus ans volain gloriar in Dieu imminchadi, e predgiar teis nom in perpetuo, Sela!

* Ps. 20, 8.

10. Ma uossa ans hast tü * chatschats d'avent, e 'ns hast miss a tuorp; e non tirast oura plü con nossas armadas.

* Ps. 60, 3. 12.

11. Tü 'ns hast fat volver las spadlas avant l'inimi, e quels, chi 'ns vöglian mal, ans han spogliats.

12. * Tü 'ns hast dat ad els per üna spaisa, tant co bescha; e 'ns hast rasats via tanter ils pövels.

13. * Tü hast vendü teis pövel, e non hast tgnü inguotta là d'avent, e non hast tgnü ingün quint da lur valütta.

* Es. 52, 3. 4. Ger. 15, 13.

14. * Per ün vituperi a noss vaschins ans hast miss, üna giamgia e beffa a quels, chi sun intuorn nus.

* Ps. 79, 4. Ger. 24, 9.

15. Tü 'ns hast miss per ün pro-verbi tanter ils pövels, per ün dasquassar il cheu tanter las naziuns.

16. Imminchadi sun avant mai mias giamgias, ed il spretsch da mia vista in cuverna.

17. Per causa da quel, chi sdegnà ed ingiuria; per causa del avversari, chi ais plain da vendetta.

18. Quai tuot ais gnü a nus, e darcheu non avain nus invlidâ tai, e non avain dovrâ foscà e paca fai in tia lia.

19. Nos cour non ais vout inavo, ne nos pass it giò our da tia senda;

20. * Combain cha tü 'ns hast smachats giò nel lö dels draguns, e 'ns hast cuvetats suot con la sumbriva della mort. *Es. 59, 10.

21. Scha nus avessan smanchâ il nom da nos Deis, ed avessan stais oura noss mans vers ün eister Deis,

22. Non gniss Deis quai a * tscherchar? Perche el sa ils secrets del cour. * Giob 31, 14. Ger. 17, 10.

23. * Schi, per tia causa gnin nus mazzats imminchadi; nus eschan tgnüts tant co bescha, ordinad' alla bacharia. * Rom. 8, 36.

24. At sdaisda! Perche stast dormenzâ, Segner? At sdaisda, non ans schatschar in perpetuo.

25. Perche zoppast tia fatscha? Ed invlidast noss' afflieziun, e noss' oppressiun?

26. Perche noss' orma ais sbassada giò fin nella puolvra, nos vainter ais rantâ vi' alla terra.

27. Stà sü ans agüdar, e spendra 'ns, peramur da tia benignità!

PSALM XLV.

Psalm profetic, e chanzun da nozzas; dal matrimonio spiritual da Cristo con sia baselgia. Parts del psalm sun duos: L' üna, üna descripsiun da Cristo, il spus della baselgia; l' otra, üna descripsiun della spusa, q. a. della baselgia, con ün' admoniziun.

1. * Ün intraguidamaint e chanzun da nozzas, al capo dels chantadurs, sün ses cordas, per ils figls da Core.

* Ps. 32, 1. 42, 1.

2. **M**EIS cour sbuorff' oura ün bun rasehunamaint; eu quint nan al rai mias ouvas; mia lingua dess esser sco la penna d' ün spert scrivant.

3. Tü est bel sur tuot ils figls della glièud; in teis lefs ais spans oura grazia; perche cha Deis ha benedì tai in eterno.

4. Tschinta intuorn il gialun, o tü

barun, tia spada, chi ais tia gloria, e tia magnificenza!

5. Ed hajast ventüra in tia gloria; vâ via pozâ sül pled da vardà e da bandusezza, e da güstia; teis man dret vain at mossar chosas müravgliusas.

6. Tias frizzas sun agüzzas; ils pövels vegnan a dar giò suot tai; ellas vegnan a crodar giò nel cour dels inimis da quaist rai.

7. * Teis trun, o Deis, vain a star in eterno; il scepter da teis regnam ais ün scepter da güstia e rasschun. * Ps. 93, 2. Ebr. 1, 8.

8. Tü amast la güstia, e voust mal all' iniquità; perquai t' ha teis Deis onschü con öli da allegrezza, ouravant tuot teis compagns.

9. Tia vestimainta tuott' ais mirra, ed aloè, e cassia, chi spandan lur odurs; our dals palazzis d' öss d' elefant, our dal lö, ingio t' ais dat dalet.

10. Figlias da rais sun tanter tias onurs; la spusa ais da tia vart dretta, fittada con or d' ofir.

11. Taidla, giuvnetta, e guarda, ed inclina ti' uraglia! Lasch' ir our da teis sen teis pövel, e la chasa da teis bap!

12. E' l' rai vain ad avair giävüsch da tia bellezza; siand* ch' el ais teis Segner, schi' l' dessast tü adorar. * Es. 54, 5.

13. Ma la figlia da Tiro, ed ils richs * tanter ils pövels vegnan at supplichar con presaints. * Es. 49, 23. 60, 4.

14. La figlia del rai ais tuot gloriusa dadaint vart, e seis vestimaint ais tuot surcusi con or.

15. Ella vain manada pro' l' rai in vestimainta rechamada, aviand las verginas davo ella, sias compagnas, chi eir vegnan a gnir manadas pro tai, o rai.

16. At saran manadas con allegrezza e güvlaz; e vegnan ad ir aint nel palazzi del rai.

17. In lö da teis babuns vegnan ad intrar teis infants; * tü vainst als metter per principals sur tuot la terra.

* 1 Petr. 2, 9. Ap. 1, 6.

18. Eu vögl publicar la memoria da teis nom tras ogni età; perquai vegnan ils pövels at celebrar a saimper ed in eterno.

PSALM XLVI.

Ils fidels in Gerusalem ingrazian al Segner, ch' el ils ha defais incoenter lur inimis; e s' admone-schan tanter pèr, a tour bain a cour quel' ouvra da Deis.

1. Òna chanzun al capo dels chantadurs per ils figls da Core, a chantar alla sottila.

2. **D**EIS ais nos schüt, e nossa forza, nel qual nus chattain agüd * prontissem in nossas angu-schas. * Deut. 4, 7. Ps. 145, 18.

3. E perquai, schi non tmain nus inguotta, scha la terra's movess our dal lö, e scha 'ls munts dessan giò in mez il mâr;

4. Schabain sias auas * strasonessan, e gnissan tuot tuorschas; e, schabain ils munts da sias fortunusas uondas tremblessan. * Ps. 93, 3.

5. Ils auals del flüm vegnan ad allegrar la città da Deis; il lö sanct dels tabernaculs del otissem.

6. Deis ais in mez quella, e perquai non vain ell' a gnir moventada; perche Deis vain a gnir in agüd ad ella, subit ch' appara la brünetta.

7. Ils pövels han fat romur, ils reginams as commoventettan; el dech ha laschâ incler sia vusch, e la terra ais alguada via.

8. Il Segner, il Deis dels exercits ais con nus; il Deis da Jacob ais nossa fortezza.

9. * Gni nan, guardai las oubras del Segner; che müravaglia el ha fat sur terra. * Ps. 66, 5.

10. El ha fat taschair las guerras fin al extrem della terra; * el ha ruot ils balaisters, ed ha sfrachâ las lanschas, ed ars la charra col fö.

* Ps. 76, 4.

11. Stat salda, e recognoschai, ch' eu sun Deis, il qual vegn a gnir ot adoziâ tanter ils pövels; vegn a gnir adoziâ in terra.

12. Il Segner dels exercits ais con nus; nossa fortezza ais ils Deis da Jacob. Sela.

PSALM XLVII.

Psalm triumfal del reginam spirituel da Cristo, it süen tschel, figurâ tras l'intrada dell' archa nel taimpel, insembel con üna profezia della vocaziun dels pövels.

1. Ün psalm, al capo dels chantadurs, als figls da Core.

2. * **D**AT cols mans insembel, vus pövels, quants cha eschat; chantai a Deis con vusch da güvel e d' allegrezza. * Ps. 96, 10.

3. Perche 'l Segner ais l' otissem, il stramentus, grand rai sur tuot la terra.

4. El ais quel, chi ha redüt ils pövels suot nos uorden, e las nazions suot noss peis.

5. El ans ha elets, nossa part d' ierta, la gloria da Jacob, il qual el ha amâ.

6. * Deis ais it sü con güvel, il Segner ais it sü con sun da trombetta. * Es. 68, 25. 26.

7. Chantai lod a Deis, psalmiai; chantai psalms a nos rai; chantai lod.

8. Perche el ais il rai da tuot la terra e 'l Deis; chantai psalms sabiamaing.

9. Deis regna sur ils pövels; Deis sezza sül trun da sia santità.

10. Ils prinzis dels pövels sun raspats nan pro 'l pövel del Deis d' Abraham, perche ils schüts della terra sun da Deis; ed el ais grandamaing adoziâ.

PSALM XLVIII.

Il pövel da Gerusalem loda Deis, ch' el ils ha defais incoenter lur inimis, ils Assirsers e rai Sancherib, dal temp del rai Ezechia, e conter ils Moabiters ed Ammoniters, dal temp del rai Giosafat; ils plets del psalm as convegnan con l' ün temp e l' oter.

1. Ün psalm da lod dels figls da Core.

2. **G**RAND ais il Segner, e degn da lod, nella * città da nos Deis, sül munt da sia santità. * Ps. 46, 5.

3. Il munt Sion sta fieh bel, ün' allegrezza e dalet da tuot la terra, vers settentrion, * la città del grand rai. * 2 Sam. 1, 19. Ps. 50, 2. Ger. 3, 19. Matt. 5, 35.

4. Deis ais in seis palazzis; el vain cognoschü per üna fortezza.

5. Perche, mera, ils rais eiran gnüts insembel, ed eiran passats inavant.

6. Els, subit cha han vis, schi s' han els smüravgliats; els han tremblâ, e sun con granda prescha chatschats davent.

7. Temma ils ha surprais là, e dolur, tant co d' üna duonna, chi par-turescha.

PSALMS, XLIX.

8. Tant, co con ün soffel oriental, chi sfracha las navs da Tarsi.

9. Seo nus avain udi, usche avain nus vis nella città del Segner dels exercits, nella città da nos Deis; Deis vain quella a far ferma in perpetuo. Sela.

10. Nus avain guardâ gniand, o Deis, tia benignità in mez teis taimpel.

11. Seo teis nom, o Deis, usche ais eir teis lod infin als confins della terra; teis man dret ais plain da güstia.

12. Il munt Sion vain as allegrar; las figlias da Giuda vegnan a saglir d'allegrezza, per teis güdizis.

13. Ineresai Sion, ed it intuorn ella; nombrai sias tuors.

14. Considerai sia fortezza; guardai l' otezza da seis palazzis; per cha vus quai laschat a savair alla schlatta, chi ha da gnir davo.

15. Perche quaist Deis ais nos Deis in tuott' eternità, e saimper; el vain ans compagnar infin' alla mort.

PSALM XLIX.

L'autur da quaist psalm admonescha ils prus, cha non as stramaintan, cura Deis ils chastia, ne piglian schandel dalla ricchezza dels noschs; siand cha quella non po spendrar dalla mort, ne els sves, ne oters, schi ch'els davo lur mort non pon giodair quella bricha, dimperse perdan la vit' eterna, la qual' ils fidels han da guardar gniand.

1. Ün psalm al capo dels chanta-durs, dels figls da Core.

2. **TADLAI** quaist, tuots pövels; pigliai quai in vossas uraglias, vus tuots chi abitaivat nel muond;

3. Usche bain vus figls della plebe, co eir ils figls dels nöbels, il rich, ed il pover.

4. Mia bocca vain a tschantschar chosas da granda sapienza; ed ils impissamaints da meis cour vegnan ad esser da grand inolet.

5. Eu vögl inclinar mi' uraglia allas sentenzas; eu vögl svödar oura meis sentimaints con la citra.

6. Perche'm dess eu tmair nels dis mals, cur il misfat da meis oppressurs m' incresa intuorn?

7. Quels, * chi's laschan sün lur roba, e's lodan dell' abundanza da lur ricchezza?

* Giob 31, 24. Ps. 62, 11. Marc. 10, 24. 1 Tim. 6, 17.

8. Ingün da quels non po spendrar

seis frar zuond bricha, ne po dar a Deis ün pajamaint per sia spendraschun.

9. * (Perche la spendraschun da lur orma ais preziosa fieh, e dür' in perpetuo;)

* Giob 36, 18. 19.

10. Schabain ch' el viva asaimper, e non * vezza la sepultüra;

* Ps. 89, 49.

11. Tschertamaing schi's vezza, cha mouran tuots, * tant ils sabis, co'ls nars; cha quels, chi han pac sen eir mouran, e laschan lur roba ad oters.

* Eccl. 2, 16.

12. Lur impissamaint intim ais, cha lur chasas vegnan a star in pè in eterno, e lur abitaziuns da schlatta in schlatta; per cha vegnan nomnadas davo lur noms sur terra.

13. Ma quel crastian non vain ad avair * dürada, in sia gloria; dimperse el sarà ingual allas bestias, chi vana a perder.

* Ps. 82, 7.

14. Quaista lur via als ais üna nardà; e pür lur posterità's lascha plashair, e con lur bocca lodan els quai. Sela.

15. Els vegnan miss giò nella sepultüra, tant co bescha; la mort ils maglia via, ed ils * prus vegnan a regnar sur els in quella mattina; e la sepultüra consümerà lur bell' apparenza, chi sarà portada davent da seis abitacul.

* Dan. 7, 22. Ps. 37, 10. Luc. 22, 30.

16. Ma Deis vain a spendrar mi' orma dalla sepultüra, perche el vain am raspar *pro el*. Sela.

17. Contuot schi non at tmair, cur ün vain ad esser gnü rich, e cur la gloria da sia chasa vain ad esser gnüda blera;

18. Perche el non vain * a tour d'avent con el ingüna chosa; sia gloria non vain ad ir giò nella foura con el.

* Giob 27, 19.

19. Lascha pür, ch' el * benedescha si' orma, in sia vita, e cha quels at lodan, cur tü hast fat del bain a tai;

* Deut. 29, 19.

20. Schi pür vain quella a gnir là, ingio ais la generaziun da seis babuns; in eterno non vegnan els a vair la glüm.

21. Ün crastian in grand' onur, e chi non ha intellet, * ais sumgiant allas bestias chi perischan.

* Giob 4, 21.

PSALM L.

Quaist psalm mossa, cha l' dret 'servezzen da Deis non sta in ceremonias, ne pumpa exteriora; dimperse aint dadaint, in obediencia spirituala; el rebütta tuot las offertas infenschüdas del pövel d' Israel, e l'incontra ils admonescha pro l'ondrenscha interiora; sün la fin imnatsch' el als ipocrits extrem giperi, ed als fidels imprometta Deis la vit' eterna.

Ün psalm d' Asaf.

IL Segner, Deis dels deis, quel tschantescha; el clama la terra dal levant del solai infin al ponent.

2. * Our da Sion, la perfeziun della bellezza, splendura Deis. * Ps. 48, 3.

3. Nos Deis vain a gnir, e non vain a taschair; * ün fö vain a consümar avant sia vista, ed intuorn intuorn el ais üna fieh stampad' ora. * Ps. 97, 3.

4. * El vain a clamar ils tschels da sur ingiò, eir la terra, a güdichar seis pövel: * Deut. 30, 19.

5. Raspâ 'm insembel meis fidels, chi han fat üna lia con mai, tras sacrificizis.

6. * Ed ils tschels vegnan a dir oura sia güstia; perche sco güdisch vain Deis sves. Sela. * Ps. 58, 12. 97, 6.

7. Taidla meis pövel, ch' eu vögl tschanteschar; tü Israel taidla, ed eu vögl trar aint perdütas incoenter tai. Deis, teis Deis sun eu.

8. Eu non at vögl repreneur per teis sacrificizis, ne per teis olocausts, ils quals adüna sun avant mai.

9. * Eu non vögl tour our da tia chasa trims, ne bocs our da tias stal-las. * Act. 17, 25.

10. Perche mias sun tuottas las bestias dels gods, e tuot il bestiam, chi pasculescha sün milli munts.

11. Eu ha per nota tuot l'utschlamainta dels munts; e las bestias sulvadias sun tuottas avant mai.

12. Sch' eu gniss ad avoir fam, non vögl eu bricha dir a tai, perche meis ais il * muond, e che ch' el tegn' aint. * Ps. 24, 1.

13. Dess eu mangiar charn da trims, o baiver sang da bocs?

14. * Offerra a Deis lods, e renda al otissem teis vuts. * Os. 14, 2. Ebr. 13, 15.

15. E clama in agüa mai, * nel di da tia tribulaziun, ed eu at vögl spender, e tü am dessast dar lod e gloria. * Job 22, 27.

16. Ma al empi disch Deis: Perche

laschast a savair meis tschantamaints, e pigliast mia lia in tia bocca?

17. Siand già cha tü ödieschast la disciplina, e büttast meis pleds davo tai;

18. Scha tü vezzast ün lader, schi cuorrast con el; e cols pitànèrs ais tia part.

19. Tü slargiast oura tia bocca pro il mal, e tia lingua drizza fosdà, ed ingian.

*20. Schi, eir conter teis frar tschanteschast tü; conter il figl da tia mamma rasast oura mala fama.

21. Quai hast fat, ed eu ha taschü; tü hast fat quint, ch' eu saja sumgiant a tai. Eu at vögl repreneur, ed at vögl metter nan, l' ün davo l' oter, teis malfar avant ögls.

22. Inelegiai quai uossa, vus, chi smanchais Deis; ch' el non as sdrappa davent, e non saja ingün chi as spendra.

23. Quel chi offerra lod ed ingraziamaint, quel am glorificha; quel chi drizza sia via, a quel vögl eu mossar il salüd da Dieu.

PSALM LI.

Per trais chosas rova David: Per remissiun da seis puchats, q. a. per perdun del adulteri con Bateba, e del omicidi fat ad Urias; per renovaziun da seis cour, tras il S. Spiert; per conservaziun del pövel da Deis. Argumaints sun: Cha Deis ais misericordiaivel; cha David ha lèd da seis pucha; ch' el oters pechadurs voul con seis exaimpel intraguidar; e ch' el voul lodar Deis.

1. Ün psalm da David al capo dels chantadurs,

2. Cur il * profet Natan gnit pro el, ch' el cira stat aint pro Bateba. * 2 Sam. 11, 4. 12, 1.

3. **A**T lascha gnir misericordia da mai, o Dieu, suainter tia benignità; suainter la blerüra da tias compassiuns chassa meis surpassamaints.

4. Lava 'm bain da mia iniquità, e netaja 'm da meis pucha;

5. Perche eu recognosch meis misfat; e meis pucha ais avant mai da contin.

6. Avant tai, avant tai sulet ha eu fat pucha, e mal avant teis ögls; * per cha tü vegnast chattà güst, cur

tü tschantschast, e net cur tü güdichast.

* Rom. 3, 4.

7. Mera, in iniquità sun eu formâ, ed in pucha m'ha concepi mia mamma.

8. Mera, tü hast dalet della vardâ aint nel cour; e m'hast laschâ a savair sabgenscha nel secret.

9. Fa 'm net da pucha con isop, schi vegn eu a gnir net; lava 'm, schi vegn eu a gnir alb, * plü co la naiv.

* Es. 1, 18.

10. Fa 'm ineler allegrezza e dalet, schi vain per allegrezza a saglir in ot quell'ossa, cha tü hast smachâ!

11. Zoppa tia fatscha davent da meis puchats, e chassa tuot mias iniquitats.

12. Un cour net schaffescha in mai, o Deis, e renova aint in mai ün dret spiert.

13. Non am büttar davent da tia fatscha; e teis Spiert Sanet non tour davent da mai.

14. Turnainta 'm l' allegrezza da teis salüd, e conferma 'm con ün voluntus bun spiert.

15. Eu vögl mossar als surpassadurs tias vias; ed ils pechadurs vegnan as convertir pro tai.

16. Spendra 'm dal sang, o Deis, Deis da meis salüd; e mia lingua vain a chantar oura tia güstia con güvel.

17. O Segner, avra meis lefs, e mia bocca vain a predgiar oura teis lod.

18. Sgüramaing non hast * dalet del sacrifici, perche uschigliö il dess eu; ne gnissast a tour sü meis olocausts.

* Ps. 40, 7. Esaj. 1, 11. Ger. 7, 22.

19. Sacrificis, chi plaschan a Deis, sun ün spiert ruot; ün * cour ruot, e smachâ, o Deis, non vainst a sbüttar.

* Esaj. 57, 15. 66, 2.

20. Fà del bain a Sion, suainter teis bainplasehair; drizza sü ils mürs da Gerusalem,

21. Lura vainst ad avair teis dalet vi' als sacrificis suainter tia ledscha, sacrificis da fö, ed offertas; lura vegnan offerits sün teis utêr trims.

PSALM LII.

David reprenda Doeg per causa da seis smorvs e menzögnas; al innatsch'el il giperi, con sdegn e giamgias del muond; as cuffort'el lincontra sves con la spranza da sia ventüra, tras la grazia da Deis.

1. Ün intraguidamaint da David al capo dels chantadurs,

2. Cur * Doeg, l' Idumeer gnit, e laschet a savair a Saul, e disch ad el: David ais gnü in chasa d'Ahi-melec.

* 1 Sam. 22, 9.

3. CHE 't lodast del mal, tü pus-sant? La benignità del Segner düra saimper.

4. Tia lingua s'impais'oura malizias; ell'ais * seo ün rasuoir güzzâ, o tü, operatur d'ingians.

* Ps. 57, 5. 59, 8. 64, 4.

5. Tü hast amâ il mal plü co 'l bön; la menzögna plü co 'l tschantschar apussaivelmaing. Sela.

6. Tü hast amâ tuots ils plets da ruina, o lingua frodolenta.

7. Eir Deis vain at sdrür in eterno; el vain at sdrappar davent, e vain at trar per forza our da teis tabernacul; el vain at ragischar our dalla terra dels vivaints. Sela.

8. E quai vegnan a vair ils * güsts, e vegnan a tmair, e vegnan a far giamgias da tai, dschand: * Ps. 64, 10.

9. Mera qui l'hom, il qual non ha tgnü Deis per sia fermezza; el s'ha fidâ sün la grandezza da sias ricchezas; el s'ha fat ferm in sia malizia.

10. Ma eu * vegn ad esser ingual ad ün olivêr verd nella chasa da Dieu; eu ha spranza nella benignità da Dieu, asaimper ed in eterno.

* Os. 14, 6.

11. O Segner, eu 't vögl celebrar in eterno; perche tü hast fat quai; eu vögl guardar gniand teis nom; perche quel ais bun, ed ais presaint a teis sancts.

PSALM LIII.

David planscha dalla tirannia dels redschadurs del pövel da Deis, q. a. da Saul, e da seis cosglers; cuffort'el ils prus, e rova cha Deis ils spendra.

1. Ün intraguidamaint da David al capo dels chantadurs sün instrumaints chi dovran flâ.

2. * IL nar ha dit in seis cour: E non ais Deis. Els sun corruots; els

sun dvantats abominabels, in iniquità; e non ais ün chi fetscha bain.

* Ps. 14, 2.

3. Il Segner ha guardâ giò dals tschels sur ils figls della gliend, per vair, scha füss inclur ün, chi s' inle-gess, chi tscherchess Deis.

4. Els tuots sun its our strada; els spüzzan tuots insembel; e non ais ün, chi fetscha bain, nianca ün bricha.

5. Non sun els tuots, quaists scele-rats, sainz' intellet, ils quals man-gian meis pövel, seo mangian il pan, e non claman in agüd il Segner.

6. Là vegnan els a tmair con ün tremblöz, ingio temma non ais stat ingüna; Deis vain a rasar via l' ossa da quels, chi fan lur champ conter tai, e tü vainst als metter in ver-guogna, perche cha Deis vain als far spredschats.

7. Chi vain a dar il salüd d' Israel our da Sion? Cur il Segner vain ad avoir returnantâ seis pövel impreschunâ, schi vain Giacob a saglir in ot, ed Israel vain as allegrar.

PSALM LIV.

David rova per liberaziun dalla persecuziun da Saul; as cuffort' el con la fidanza sün Deis, ch' el vegna al defender; impromett' el a Deis lod ed ingraziamaint.

1. Üna informaziun da David al capo dels chantadurs sün instrumaints da corda,

2. Cur ils * Zifeers gnittan, e dschettan a Saul: Non s' ha David zoppâ pro nus?

* 1 Sam. 23, 19. 26, 1.

3. SALVA 'm, o Deis, tras teis nom, e tras tia fermezza tegna 'm dret.

4. Oda, tü Deis, mia oraziun; taidla ils plets da mia bocca.

5. Perche * eisters leivan sü contra mai; e gliend crudela tschercha davo mi' orma, ils quals non han miss Deis avant lur ögls. Sela.

* Ps. 86, 14.

6. Mera, Deis ais meis agüdant; * il Segner ais intanter quels, chi tegnan in pè mia vita.

* Ps. 118, 7.

7. El vain a render mal a quels, chi guetan sün mai; taglia'ls davent tras tia vardâ.

8. * A tai vögl eu far sacrificzis voluntusamaing; teis nom vögl eu

far grand, o Segner, perche el ais bun.

* Ps. 52, 10. 119, 105.

9. Perche el m' ha trat our da tuott' anguoscha, e meis ögl vain a vair in meis inimis quai, cha dret ais.

PSALM LV.

David rova Deis, ch' el il delibra da seis inimis, chi l' perseguittan, q. a. d' Absolom, e sia lia, e 'ls vögla ruinar; as cuffort' el con la spranza del agüd da Deis, chi ais il güdich della terra; perche cha seis inimis non as meldran.

1. Ün intraguidamaint da David al capo dels chantadurs sün instrumaints da corda.

2. TAIDLA, Deis, mi' oraziun, e non t' azzoppar davent da meis röv.

3. Taidla 'm bain, ed exoda 'm; * eu vögl planscher in mi' alimentanza, e vögl rumorar.

* Ps. 77, 4.

4. Per ils plets da meis inimis, per il chalchar del infidel; perche els roudlan nan sur mai chosas mal-güstas, e stan incounter mai con furia.

5. Meis cour trembla in mai; e tremblazuns della mort sun erodadas sün mai.

6. Temma, e tremblazun sup gnüdas sur mai; ed ün terror m' ha cuvetâ suot.

7. Ed eu ha dit: Chi mâ am voul dar alas, seo d' üna colomba! Eu voless svolar davent, e voless tour pos.

8. Mera, dalönsch davent voless eu ir, e voless star in ün desert. Sela.

9. Eu voless tour prescha, e fügir davent da quaist soffel tant ferm, e da quaista mal' ora.

10. O Segner, travuonda 'ls; sparta lur lingua; perche * eu ha vis nella città tort e forza e bler debat.

* Ger. 6, 6. 7.

11. Ils quals, di e not, dan intuorn sün seis mürs; ed iniquità e travaglia blera ais in mez ella.

12. Aint dadaint ella ais anguoscha, e fortüna; e giò da sias giassas non as sparta frod ed ingian.

13. Perche, bricha quel, chi eira meis inimi am sdegnâ, perche quai voless eu amo portar; bricha ünqualcha adversari meis s' ha fat sü contra mai; perche eu m' avess azzoppâ d' el:

14. Dimperse tü hom da meis pèr; * tü mia guida, e meis ami familiar.

* Ps. 41, 10.

15. * Ils quals nus insembel pigliaivan ün dutsch cossagl, e giaivan nel taimpel del Segner insembel, sco buns compagns. * Giob 19, 19.

16. Possa la mort erodar sur els, giajan giò vivs nella fossa; perche in lur abitaziuns sun spür chosas straversas in mez els.

17. Ma eu vögl bragir vers Deis, e'l Segner vain am salvar.

18. Stün la saira, la daman, eir il mezdi, vögl eu urar, e vögl far üna romur; ed el vain ad udir mia vusch.

19. El ha spendrà mi' orma in pasch dalla battaglia, ch' eu avaiva; perche blers sun stats contra mai.

20. Deis, tü vainst am exodir; tü vainst als angoschiar; sco quel, chi sezzast da principi innan; perche in els non sun ingünas müdadas; els non temman Deis.

21. Quel infidel ha miss seis man conter la pasch, ed ha ruot sia lia.

22. * Ils plets da sia bocca eiran pü lams co painch; ma in seis cour eira guerra; sia favella eira pü lama, co l' öli; ma ella eira tantas spadadas. * Ps. 28, 3.

23. Bütta tia valisch sün il Segner, ed el vain a proveder per tai, ne vain a laschar, cha 'l güst vegna travagliâ asaimper.

24. Tü Deis dimena vainst als slavazzar giò nella foura plü bassa; perche homens da sang, e fos, * non vegnan a manar oura lur dis a mez temp; ma eu vögl am volver, ed ir pro tai. * Giob 15, 32.

PSALM LVI.

David rova, cha Deis il defenda da Saul, e seis dependents, e vögla quels metter a perder; as cuffort' el con la fidanz' in Deis, e l' ingrazia per sia defensium.

1. Ün prezius clinöt da David, davart quella colomba mütta, in lous dalönsch, cur ils * Filisters il piglettan a Gat. * 1 Sam. 21, 11.

2. O Deis, hajast misericordia da mai; perche la glieud ais davovo mai con gula averta; meis assaltadurs am strenschan aint tuotta di.

3. Quels, chi guetan sün mai, am sorban aint imminchadi; schi, o tü otissem, blers fan guerra contra mai.

4. Impero tantas voutas, ch' eu sun

stat in grandas temmas, schi avet eu spranz' in tai.

5. Con l' agüd da Deis vögl eu lodar seis pled; eu ha meis cuffort in Deis, * e non vegn a tmair; che am dess far charn; * Ps. 118, 7. Ebr. 13, 6.

6. Els storsechan imminchadi meis plets; tuot lur impissamaints sun contra mai pro mal.

7. Els vegnan insembel, els s' azzoppa, els as fan surasen sün meis chalhagns, spettand sün mi' orma.

8. Dessan els fügir via in lur iniquità? Bütt' a terra quaists pövels con ira, o Deis.

9. Tü hast tuot nombrâ giò mias füngias; metta mias larmas in teis vuschè; * non sun ellas tuottas in teis register? * Mal. 3, 16.

10. Lura vegnan meis inimis a gnir vouts inavo, sün quel di, ch' eu vegn a bragir e clamar in agüd; quaist sa eu sgür, Deis ais con mai.

11. Con l' agüd da Deis vögl eu lodar seis pled; con l' agüd del Segner vögl eu lodar seis pled.

12. Mia spranza ha eu in Deis; eu non vegn a tmair, che ün crastian am fetscha.

13. Eu ha sur mai ils vuts, ch' eu at ha fat, o Dieu; eu 't vögl render lods.

14. Perche tü hast spendrà mi' orma dalla mort, e meis peis, cha non dettan intuorn, per ch' eu chamina avant tai, Deis, nella glüm dels vivaints.

PSALM LVII.

Eir in quaist psalm rova David per defensium incoenter Saul e sia lianza, e tira nan seis argumaints; as cuffort' el con üna viva fidanz' in Deis, ed imprometta da 'l dar lod, ed ingraziamaint.

1. Ün prezius clinöt da David al capo dels chantadurs, la somma del qual ais: Non metter a perder; cur el * fügit da Saul nel cuvel. * 1 Sam. 22, 1. 24, 4.

2. O Deis, at lascha gnir misericordia da mai; at lascha gnir pucha da mai; perche mi' orma 's confida in tai, e suot la sumbriva da tias alas tscherch eu defensium, infin cha la disfortüna passa via.

3. Eu vögl bragir vers l' otissem

Deis; vers quel Deis, * chi vain a drizzar our il fat per mai.

* Ps. 138, 8. Es. 26, 12.

4. El vain a trametter giò da tsel, e vain am salvar dal sdegn da quel, * chi'm travuonda; Deis vain a trametter sia buntà, e sia vardà.

* Ps. 40, 12. 43, 3. 61, 8.

5. Mi' orma ais in mez ils liuns; eu giasch giò tanter quels, chi chatschan fò, tanter glied, ils daints dels quals sun lanschas e frizzas, e la lengua dels quals ais üna spada tagliainta.

6. O Deis, * t' adoza sur ils tselhs, sur tuot la terra saja tia gloria.

* Ps. 94, 2. 108, 6.

7. Els han miss üna rait a meis pass; mi' orma ais zuond storta; els han *chavâ üna foura avant mai; ma mera, els sun dats laint. Sela.

* Ps. 7, 16. 9, 16.

8. * Meis cour, o Deis, ais tuot dispos; schi, meis cour ais pinâ; eu vögl chantar, e sunar sün instrumaints.

* Ps. 108, 2.

9. Sü, sü mia gloria; sü, sü gija, e citra; eu am vögl sdasdar sü alla brünetta, bain mamvagl.

10. Eu 't vögl predgiar oura tanter ils pövels; Segner, a tai vögl psalmiar tanter las nazions.

11. * Perche tia buntà ais granda infin sün ils tselhs; e tia vardà infin las nüvlas.

* Ps. 36, 6. 71, 19.

12. T' adoza, Deis, sur ils tselhs, e tia gloria saja sur tuot la terra.

PSALM LVIII.

David s' almaina della cuort da Saul, ch' els il smorvan con tuotta malizia; el rova Deis, ch' el lur cossagls metta a perder; as cufforta, cha Deis quai vegna a far.

1. Ün prezius clinöt da David al capo dels chantadurs; non metter a perder.

2. **V**US güdischs, chi eschat raspats insembel, tshantschais vus in vardà quai ch' ais dret? Fais vus güsta sentenza, vus figls della glied?

3. Schi, baint, in vos cour ope-rais vus iniquitats; vus paisais in terra il tort, e la forza da voss mans.

4. Ils noschs sun senestrats davent agià dalla matrice innan; els sun its

ad errur dal büst della mamma innan, e tshantschan menzögnas.

5. * Tössi ad ingual al tössi d' üna serp ais in els; sun sco ün' aspide suorda, la quala zuoglia sia uraglia.

* Eccl. 10, 11. Ps. 140, 4. Ger. 8, 17.

6. La quala non oda la vusch dels inchantadurs, ne las scongüraziuns del scongüradur, chi quai sa far bain.

7. O Deis, * metta a perder lur daints in lur bocca; o Segner, rumpa ils maslêrs dels liunets.

* Giob 4, 10.

8. Els vegnan a cuorrer via, ingual sco las auas, e vegnan ad ir davent; el tenda sias frizzas; ma tü fà tant, sco scha 's rumpessan.

9. Els vegnan ad alguar via, ingual sco üna lidorna; a svanir, ingual sco ün früt d' üna duonna parturienta * antura, chi non ha vis il solai.

* Giob 3, 16. Eccl. 6, 4.

10. Vossas spinas (*q. a. voss infants*) ant co cha possan sentir il frosler, vain el tant co con ün' arüstura a tour davent vivs.

11. Il güst, cur el vain a vair la vendetta, vain as allegrar; el vain a lavar seis peis nel sang del empi.

12. E minchün vain a dir: Tschert, il güst ha seis früt; tshertamaing ais Deis quel, chi tegna dret sur terra.

PSALM LIX.

David rova, cha Deis il delibra dalla cuort da Saul, chi füt tramissa al mazzar, e ch' el ils chastia; as cufforta, cha Deis vegna al spender; impromett' ingraziamaint, e confessa sia fidanza in Deis.

1. Ün clinöt d' or da David al capo dels chantadurs, non metter a perder, cur Saul * tramettet, ed els perchürettan sia chasa, per il mazzar.

* 1 Sam. 19, 11.

2. **S**PENDRA 'm da meis inimis, * So tü meis Deis, e da quels, chi leivan sü contra mai, delibra 'm.

* Ps. 18, 49.

3. Delibra 'm da quels, chi fan l' iniquità, e cossalva 'm dals omiciders.

4. Perche, mera, els guetan sün mi' orma; contra mai vegnan insembel ils pussants; ed impero iniquità non ais in mai, ne pucha, o Segner.

5. Els, sainz' alchüna mia causa, cuorran insembel, e 's dan ardimaint;

at sdaisda a gnir incoenter a mai, e guarda quai.

6. Ma, tū Segner, Deis dels exercits, Deis d'Israel, at sdaisda, cha tū tscherchast e chastiast tuots pövels, e * non far grazia a tuots quels, chi surpassan con malizia, Sela.

* Ger. 18, 23.

7. Els tuornan sün la saira, e fan ün strepit, tant co ün chan, e cuorran per la città intuorn.

8. Mera, els tavellan con lur bocca; ma spadas sun in lur lefs; perche dischan els: * Chi vain ad udir?

* Ps. 10, 12. 57, 5.

9. Ma tū, Segner, * vainst a rir d'els; tū vainst a far giamgias da tuots pövels.

* Ps. 2, 4.

10. Lur fermezza sta pro tai; eu vögl guardar sün tai; perche Deis ais mia fortezza.

11. Quel Deis, chi tras sia grazia am fa del bain, vain am gnir incoenter; * Deis vain am far vair la sven-türa pro quels chi guetan sün mai.

* Ps. 92, 12.

12. Non ils metter alla mort, per cha meis pövel non smancha; dimperse dissipescha 'ls con tia pussanza; e bütta 'ls suot ils peis, tū Segner, chi est nos schüt;

13. Per il pucha da lur bocca, per ils plets da lur lefs, schi ch'els vegnan dimena tschüfs in lur superbia, e per quai ch'els han adimaint da lur blastemmas e menzögnas.

14. Sdrüa 'ls in tia furia; consu-ma 'ls, cha non sajan plü avant man; per cha saja appalais, cha Deis ais il redschadur sur Giacob, infin als confins della terra. Sela.

15. Cha giamjan pür e vegnan la saira; ch'els brajan seo chans, e giamjan intuorn la città.

16. Els vegnan ad ir palpand per chattar da mangiar; schabain cha non vegnan sadolats, pür vegnan els usche a star oura la not.

17. Ma eu vögl chantar oura tia pussanza, e vögl sün la daman, con allegrezza, lodar tia buntà; perche, tū'm est stat meis chastè e meis recuors nel di da mia anguosecha.

18. Mia fermezza ais in tai; a tai vögl eu chantar psalms; perche mia

fortezza ais Deis, il qual tras sia grazia am vögl bain.

PSALM LX.

David rova, cha Deis metta il pövel d'Israel in ün dret bun stadi, e'l detta victoria; meglinavant eir oters seis inimis eisters metter suot el.

1. Ünclinöt d'or da David al capo dels chantadurssün ses cordas, permossar;

2. Cur el combattet con * ils Sirers da Mesopotamia; e con ils Sirers da Zoba, cur Gioab volvet, e battet quels dudiesch milli Edomeers nella val del Sal.

* 2 Sam. 8, 13. 1 Cron. 18, 3, 12.

3. Tū 'ns * hast büttats via, o Deis; tū 'ns hast dissipats; tū est stat irä; tuorna pro nus.

* Ps. 44, 10.

4. Tū hast * fat tremblar la terra; tū l'hast fatta fender; medgia sias rottüras; perche ell' ais moventada our dal lö.

* Ps. 75, 4.

5. Düras chosas hast fat vair a teis pövel; tū 'ns hast dat da baiver ün * vin, chi fa gnir stuorn.

* Ps. 75, 9.

6. Ma uossa hast tū a quels, chi at temman, * dat üna bandêra in man, per l'adozar, permur da tia vardà. Sela.

* Ps. 20, 6.

7. Fà cha quels teis chars * vegnan deliberats; salva 'm tū con teis man dret, ed exoda 'm.

* Ps. 108, 7.

8. Deis ha tschantschâ nel lö da sia santità; eu vögl am allegrar, eu vögl partir oura Sichem, eu vögl masürar la val da Succot.

9. Meis ais Gilead, e meis ais Manasse; Ephraim ais la fermezza da meis cheu; * Giuda ais quel, chi 'm scriva avant las ledschas.

* Gen. 49, 10.

10. Moab ais meis batschigl da lavar; sur Edom vegn eu a büttar mia scharpa; tū Palestinagüvlasurda mai.

11. Ma, chi vain am manar nella città ferma? Chi vain am manar infin in Edom?

12. Non vainst tū a far quai, Deis, * il qual ans hast schatschats davent, e non giaivast oura con nossas armadas?

* Ps. 44, 10.

13. Agüda 'ns tū our da nossas tribulaziuns; perche van ais il salüd, chi vain dal crastian.

14. Tras quella fidanza, cha nus avain sün Deis, volain nus far barunias; ed el vain a traplar suot pè noss inimis.

PSALM LXI.

David rova, cha Deis il defenda dal privel, chi eira avant man, cioè d' Absolom, e 'l turnainta nel reginam; rova per lunga dūrada da seis reginam, seo eir, suot figūra, del reginam da Cristo, e loda Deis.

1. Ais da David al capo dels chantadurs sün instrumaints da corda.

2. **O** DA, Deis, meis bragir; taidla mi' oraziun.

3. Dad ourasom la terra vögl eu bragir a tai, intant cha meis cour ais tuot cuvert da tremblazun; maina 'm sün ün spelm, chi ais inacces-sibel.

4. Perche tü est stat meis recuors, ed üna ferma tuor avant l' inimi.

5. Eu vögl star in teis tabernacul asaimper; eu vögl tscherchar defensiun suot il zoppel da tias alas. Sela.

6. Perche tü, Deis, hast udi meis vuts; tü hast dat a mai l' ierta da quels, chi temman teis nom.

7. Tü vainst a metter pro al rai, dis sur dis; seis ans vegnan ad esser a guisa da bleras etats.

8. El vain a zer in perpetuo avant la fatscha da Deis; * drizza ad el grazia e vardà, chi 'l perchüran.

* Ps. 40, 12. 42, 9. 89, 25. Prov. 20, 28.

9. Usche vögl eu chantar psalms a teis nom in perpetuo; eu vögl pajar meis vuts imminchadi.

PSALM LXII.

David as cufforta contra seis inimis, ed als imnatscha; admonescha ils seis, a's fidar in Deis, e l' adorar; cossaglia da non far seo tschels, chi as laschan sün lur forza.

1. Ün psalm da David al capo dels chantadurs, sur Jedutun.

2. **P**ÜR mi' orma, guardand sün Deis, tascha; dad el vain meis salüd.

3. Schi, el ais meis spelm e meis salüd; el am adoza; eu non vegn a gnir moventà bricha.

4. Quant löneh volais vus tuots s' impissar davo vos inimi, cha vus il mazzat, tant seo üna * parai sdarlossada, ed ün müter demoli. * Es. 30, 13.

5. Nomnadamaing, * ch' el non vegn' in ot; els fan cossagl da 'l chatschar davent; els s' han dalettats della menzögna; con lur bocca

dschaivan els bain, e con lur cour dschaivan els mal. Sela.

* Ps. 4, 3. 28, 3. 55, 22.

6. Impero schi guarda, mi' orma, sün Deis, e tascha. Perche dad el nan vain meis cuffort.

7. Impero, el ais mia peidra e meis salüd; el am tain ot; eu non vegn a gnir moventà.

8. In Deis sta meis salüd e mi' onur; la peidra da mia fermezza, meis refugi ais in Deis.

9. Tschantai vossa spranza in el, da tuots temps, vus pövels; spandai oura voss cours avant el; Deis ais nos refugi. Sela.

10. * Per il vaira ils figls d' Adam sun vanità; üna falsità sun ils figls dels pussants; dasort cha tuots van in ot nella balanscha per vanità.

* Ps. 39, 6. 144, 4.

11. Non as fidai sün tort e forza, ne sün sgiarbaria; non gni vans; scha la * ricchezza crescha, non mettai vos cour landervia. * Giob 31, 25. Luc. 12, 15.

12. Üna vouta ha Deis tschantschâ; duos voutas ha eu quai udi, cha la fermezza ais pro Deis.

13. E tia, o Segner, ais la buntà; tschert, tü vainst a render ad imminch' ün suainter sia ouvra.

PSALM LXIII.

David metta qui seis grand desideri davo l' exercizi del servezzan da Deis, il qual ais tant co üna oraziun, cha Deis quella grazia al vögla darcheu far; as cufforta, cha Deis vegna al metter nel reginam, e chastiar quels, chi 'l perseguittan.

1. Ün psalm da David, * cur el eira nel desert da Giuda.

* 1 Sam. 22, 5. 23, 14. 15, 16.

2. **O** Deis, tü est meis Deis; sün la daman tscherch eu tai; * mia orma ha sait davo tai; mia charn ha gntü giavüsch da tai, in üna terra secha, sedsdusa, e sainz' aua.

* Ps. 42, 3. 143, 6.

3. Usche 't podess eu vair nel santuari, a guardar tia fermezza, e tia gloria.

4. Perche tia buntà ais meldra co la vita; meis lefs gnissan at dar lod.

5. Usche gniss eu at lodar in mia vita; in teis nom adozeß eu meis man.

6. Mi' orma gniss a gnir saziada, tant co con saiv e grass; e mia bocca t' lodess, tant co con lefs plains da güvel.

7. Tschert, eu am regord da tai * in meis let; e, cur eu vagl da not, m'impais eu stin tai. * Giob 35, 10. Ps. 42, 9. 119, 55.

8. Perche tü est stat meis agüd, ed eu vögl güvlar nella sumbriva da tias alas.

9. Mi' orma 's rainta via da tai; tei man dret am tegna in pè.

10. Ma quels, chi tscherchan mi' orma, per la metter sur ingiö, vegnan ad ir nellas parts della terra, las plü bassas.

11. E vegnan a gnir terrats giò tras la spada; e vegnan a gnir a man al las vuolps.

12. Ma l'rai vain ad avoir allegrezza in Deis; e chi güra tras el vain as gloriar; perche la bocca da quels, chi tscherchan la menzögna, vain a gnir zügliada.

PSALM LXIV.

David rova, cha Deis il perchüra dals fos cossagls da Saul, e sia lianza; e 's cufforta, cha Deis quai vegn' a far, ed a chastiar ils inimis.

1. Ün psalm da David al capo dels chantadurs.

2. **D**EIS, oda mia vusch in meis pland; perchüra mia vita dalla temma del inimi.

3. Zoppa 'm davent dal cossagl dels malizius; dal concuors da quels, chi operesch an iniquità.

4. Perche els han güzzâ lur lingua tant co üna spada; els han drizzâ lur frizza, con mals plds;

5. * Perche els la laschan giò secret-tamaing conter ils prus; els sajettan dandettamaing, e non temman.

* Ps. 11, 2.

6. Els as piglian avant üna chosa mala; els han adimaint tanter pèr, a metter latschs adascus, e dischan: Chi vain a vair?

7. Els tscherchan oura iniquitats; els tscherchan oura tuot quai chi 's po investigar, e quant po esser nel intern del crastian, ed in ün cour chafuol.

8. Ma * Deis vain als sajettar giò con üna frizza; all'improvista vegnan ad esser lur plajas.

* Ps. 7, 14.

9. Els vegnan a far intoppar lur lingua sur sai sves; e tuot quels chi vezzan vegnan a tmair.

10. E * tuot la gliend vain a vair, e vegnan a raschunar oura l'ouvra da Deis; e vegnan ad inler quai, ch'el ha fat.

* Ps 52, 8.

11. Il güst vain as tgnair bun nel Segner; e vain ad avoir seis cuffort in el; e vegnan as gloriar tuot quels, chi sun d' ün cour real.

PSALM LXV.

David in persuna del pövel d'Israel ingrazia a Deis per seis blers benefizis, spirituals e temporals.

1. Ün psalm e chanzun da David al capo dels chantadurs.

2. **A** tai vain dat lod, o Deis, in Sion, ed a tai vain pajâ il vut.

3. Aqua pro tai, chi exodast l'oraziun, vain a gnir tuotta charn.

4. Plds d' iniquitats han prevalü contra mai; ma tü vainst a chassar oura noss surpassamaints.

5. * Beà ais quel, cha tü hast tschernü, e l' hast fat gnir nan pro tai, acio ch'el ayda in teis cortils; nus gnin † a gnir sadolats del bain da tia chassa, dellas chosas sanetas da teis taimpel.

* Ps. 106, 5. † Ps. 36, 9.

6. O Deis da nos salüd, confidanza da tuottas las extremitats las plü lontanas della terra, e del mâr, rispondan 'ns tras güstia, in manieras stramantusas!

7. El ais, chi fa ils munts fermes con sia virtù; chi ais tschintâ con pusanza;

8. Chi balcha la romur dels mârs, e la frantur da lur uondas, ed il tumultuar dels pövels;

9. Dasort, cha 'ls abitants dels confines del muond as temman da tias insainas; tü fast güvlar ils lous, dinuonder vain oura la daman e la saira.

10. Tü hast visitâ la terra,* e l' hast bagnada giò; tü l' hast richantada abundantamaing; l' aual da Deis ais plain d' aua; tü drizzast † fermamaing lur granezza, perche tü la pinast usche nan pro.

* Ps. 68, 10. 104, 13. † Ps. 68, 11.

11. Tü fast seis suolehs aivers; tü smachast sias buorras; con plövgias las lamajast tü; tü benedeschast seis scherm;

12. Tü incorunast l'an con tia bun-tà, e tias sendas guottan grass.

13. Las abitaziuns del desert guot-tan giò, ed ils muots vegnan incre-sats intuorn con güvel ed allegrezza.

14. Las plantiras sun revestidas con scossas, e las vals vegnan cuver-nadas con granezza; e güvlan, schi e chantan.

PSALM LXVI.

David, l'autur del psalm, exortescha il pövel d'Israel, ad ingraziar a Deis per üna liberaziun, our suot lur inimis, forsa ils Filisters, la quala el conguala con quella da lur pardavants, our suot ils d'Egipto, ed als metta avant seis agen exaimpel.

Ün psalm e chanzun * da David, al capo dels chantadurs. * Ps. 30, 1.

GÜVLAI a Deis, vus abitants da tuot la terra!

2. Chantai oura la gloria da seis nom; fat seis lod glorius fich!

3. Dit a Deis: O co tü est straman-tus in tias ouvras! Per causa della grandezza da tia fermezza vegnan teis inimis a lusingiar a tai.

4. Tuot la terra vain at adurar, e vain a chantar a tai; ch'ella psal-maja a teis nom. Sela.

5. * Gni nan, e guardai las ouvras da Deis; el ais stramantus con sia ouvra sur ils figls della glied.

* Ps. 46, 9.

6. * El ha vout il mâr in süit; tras il flüm sun els passats † a pè; qua lura ans avain nus allegrats in el.

* Ex. 14, 21. † Gios. 3, 14.

7. El, con sia pussanza, signorescha asaimper; seis ögls guardan süin ils pövels; quels, chi bandunan seis co-mandamaint, non vegnan a gnir in ot. Sela.

8. Dit bain, vus pövels, a nos Deis; e strasunai la vusch da seis lod;

9. Il qual ha turnantâ nossas ormas in vita, e non ha dat, cha noss peis sblezchan;

10. Perche tü ans hast provâ, Deis; tü * ans hast provats oura, ingual seo vain culâ l'argent. * Ps. 17, 3.

11. Tü'ns hast manats nel latsch; tü hast miss üna strenschedüra in-tuorn noss flanes.

12. Tü hast ils crastians fat muntar sur noss cheus; nus eschan gnüts in

fö ed in auas; ma tü ans hast manats in ün lö fraisch, plain d'aua.

13. Eu vögl gnir in tia chasa con olocausts; eu vögl pajar a tai meis vuts,

14. Ils quals meis lefs han dit oura, e mia bocca ha tschantschâ in mia afflicziun.

15. Olocausts da bestias grassas vögl eu offerir a tai, con fument da bümatschs; eu vögl far sacrificizs, bovs con boes insembel. Sela.

16. Gni nan, tadlai, ch'eu vögl raschunar a quels tuots, chi temman Deis, che el ha fat a mi' orma.

17. Vi' ad el ha eu bragi our da mia bocca, ed el ais adoziâ tras mia lengua.

18. * Sch'eu avess guardâ davo iniquità in meis cour, non avess il Segner udi. * Giob. 16, 17. Ps. 109, 7. Es. 1, 15.

19. Ma schi, Deis ha udi; el ha tad-lâ süin la vusch da mia oraziun.

20. Benedi saja Deis, ch'el non ha sbüttâ mia oraziun, ne retrat davent da mai sia benignità.

PSALM LXVII.

Ils fidels del pövel d'Israel rovan, cha Deis, con sia grazia stetta pro els, cha eir ils elets tanter ils pajans, veziant quai, as raspan nan pro els, e dettan con els insembel lod a Deis, e l' temman.

1. Ün psalm al capo dels chanta-durs süin cordas * da sunar. * Ps. 4, 1.

2. **D**EIS as lascha gnir misericor-dia da nus, e'ns benedescha; el fetscha splendurir * sia vista sur nus. Sela. * Ps. 4, 7.

3. Per cha 's cognoscha tia via sur terra; teis salüd intanter tuot ils pövels.

4. Ils pövels, o Deis, vegnan at dar lod ed ingraziamaint; tuot pö-vels vegnan at lodar, ed ingraziar.

5. Las naziuns vegnan as allegrar, e saglir in ot, perche tü güdichast con güstia, e redschast las naziuns sur terra. Sela.

6. A tai vegnan ils pövels ad ingra-ziar, o Deis; tuot ils pövels vegnan at ingraziar.

7. * La terra ha dat seis früt; tü vainst a benedir a nus, Deis; * Ps. 85, 13.

8. E tuot ils confins della terra ve-gnan al tmair.

PSALM LXVIII.

Nel principi da quaist psalm rova David a Deis, ch' el ils inimis del pövel d' Israel metta alla fùgia; e bainbod süsura s' alleigr' el, cha Deis vegna quai a far; exortescha il pövel, cha dessan Deis, per seis blers, e grands benifizis, inpart, ch' el als ha fat, inpart vegna con il temp a far, lodar ed ingraziar, ed exortescha tuots reginams del mound a lodar Deis.

1. Ün psalm da David al capo dels chantadurs.

2. **D**EIS * stetta sü, e seis inimis vegnan a gnir rasats; e tuot quels, chi 'l vöglian mal, vegnan a fùgir davent da sia fatscha.

* Num. 10, 35.

3. Inqual sco il füm vain chatschâ davent dad els; inqual sco la tschaira leua avant la fatscha del fö; usche vegnan a perir ils infidels davent dalla fatscha da Deis.

4. Ma 'ls güsts vegnan as allegrar; els vegnan a saglir in ot avant il Segner; e vegnan a star leigers fich con grand' allegrezza.

5. Chantai al Segner, fat chanzuns süin instrumaints da corda a seis nom; fat * strada a quel, chi percuorra il desert; il nom del qual ais il Segner, e sagli in ot con grand' allegrezza avant el.

* Es. 40, 3. Mal. 3, 1.

6. * Il qual ais il bap dels orfens, e defensur dellas vaidguas; nomnada maing Deis in sia sanct' avdanza.

* Ps. 146, 9.

7. Ün Deis, * chi fa quel, chi ais sulet, avdar con intèra brajada, e † chi main' a fortuna quels chi sun ran-tats con tscheps; ** ma 'ls rebels, quels stan in terra secha.

* Ps. 113, 9. † Ps. 107, 10. 146, 7. ** Ps. 107, 34.

8. O Deis, cur tü passaivast avant teis pövel, cur tü chaminaivast tras il desert; Sela.

9. Schi ha * la terra tremblâ, e 'ls tschels eir han gottâ avant Deis; schi eir il munt Sinai avant Deis, quel Deis d' Israel. * Güd. 5, 4. Es. 64, 1. 3.

10. Tü hast fat plover plövgia granda, o Deis, sur tia ierta, e, cur quella eira lassa, schi l' hast refraschada.

11. Troppas abiteschan in ella, la quala tü hast drizzâ pro, tras tia buntâ, per quel chi ais afflit, o Deis.

12. Il Segner ha dat materia da tschantschar; quellas chi han portâ

las bunas novas, sun stattas üna granda troppa.

13. Ils rais dellas armadas sun fùgits, schi els sun fùgits; e las duon-nas, chi stan a chasa, han parti oura ils butins.

14. Combain cha vus avais sezzü pro las avnas, schi eschat impero, sco las alas d' üna colomba, surtrattas con argient, e las pennas dellas qualas sun sco il bel or gelg.

15. Cur l' omnipotaint ha rasâ via ils rais in quella, lura ais ella gnüd' alba, sco 'l munt Salmon.

16. Quaist ais quel munt da Deis, il munt Basan, il munt da blers muots, il munt Basan,

17. Perche saglis vus sü, o munts da blers muots? Quaist munt ha Deis * vogli avair, ch' el abitescha in quel; il Segner vain ad abitar in quel a-saimper.

* Ps. 87, 1. 132, 13.

18. La * charra da Deis sun duos giadas desch milli giadas milli charra inferrada; il Segner ais süin quella, sco süin il munt Sinai nel lö da seis sanctuari, * Deut. 33, 2. Dan. 7, 10. Ap. 9, 16.

19. Tü * est it sü in ot, tü hast manâ in preschun ils preschunêrs; tü hast ardschvü duns, a partir oura intanter ils crastians; eir ils rebels vegnan a gnir ad abitar, Segner e Deis.

* Ef. 4, 8.

20. Saja benedi il Segner; perche imminchadi mantun' el süin nus seis benefizis, quel Deis da nos saltüd.

21. Quel Deis ais nos Deis, a nos saltüd; * e da Deis, il Segner sun las deliberaziuns our dalla mort.

* Ap. 1, 18. 20, 1.

22. Tschertamaing vain Deis a sanguanar il cheu da seis inimis; la versch del cheu da quels, chi chaminan in lur puehats.

23. Il Segner ha dit: Eu ils vögl turnantar our da Basan; eu ils vögl turnantar our dalla chafuollezza del mâr.

24. Perquai hast tü bagnâ teis * peis in sang; e la lingua da teis chans nel sang da teis inimis.

* Ps. 58, 11.

25. O Deis, e s' ha vis, co tü est intrat; co l' ais intrat, meis Deis, meis rai, in seis lö sanct.

PSALM LXIX.

26. * Avant el passaivan ils chanta-
durs, e davo lura quels chi faivan sù
con instrumaints; in mez eiran giu-
ventschellas cols tamburs, chi dschai-
van: * 1 Cron. 15, 16. Ps. 47, 6.

27. Dettan lod a Deis nellas raspa-
das; al Segner dettan lod tuot quels,
* chi sun della fontana d' Israel.

* Es. 48, 1. 51, 1.

28. Da quindernan vain Benjamin;
seis signoradi ais pitschen; dalander
ils princis da Giuda, con la truppa;
ils princis da Zabulon, ed ils princis
da Neftali.

29. Il Segner, teis Deis, ha comandâ
tia fermezza; o Deis fá tû ferm, quai
cha tû hast perdest a nus.

30. Peramur da teis taimpel a Ge-
rusalem, a tai vegnan ils * rais a pre-
sentar donativs. * Ps. 72, 10.

31. Reprenda las bestias della chan-
na; il tröp da quels trims, con ils
vadels dels pövels, chi passan con
pezzas d' argient; metta a perder
quels pövels, chi pür vöglian guerra.

32. Ils capos our d' Egipto vegnan
a gnir; L' Etiopia vain spertamaing
a stender oura seis man invers Deis.

33. Chantai a Deis, vus reginams
da tuot la terra; chantâ 'l con in-
strumaints da sun;

34. Perche el vain * manâ nels
tschels dels tschels, da principi in-
nan; mera, el da oura con sia vusch
ün tun da fermezza. * Ps. 18, 11. 104, 3.

35. Dat gloria a Deis; sia magnifi-
cenza e gloria ais sur Israel; e sia
fermezza nellas nüvlas.

36. Stramantus est tû, Deis d' Israel,
nels lous da tia santità; el da fer-
mezza e pussanza al pövel. Lodâ e
benedi saja Deis!

PSALM LXIX.

David rova Deis per defensün conter seis per-
seguitadurs, e profetizescha sco üna figura sün
Cristo; co vegna ad ir con Cristo, e co el
vegna in sia passiun as governar.

1. Ün psalm da David al capo dels
chantadurs sün instrumaints da ses
cordas.

2. SALVA 'm, o Deis, perche las
auas sun gnüdas infina pro
l' orma.

3. Eu sun * agiâ fondâ giò in büer-
gia chafuola, ed ingio eu non poss

star in pè. Eu sun gnü in auas las
plü chafuolas, e las uondas am sun
gnüdas suraint. * Ps. 40, 3.

4. Eu * ha bragi tant, ch' eu sun tuot
lass; mia gula ais gnüda secha; meis
ögls sun gnüts almain, per löneh
ch' eu guard gniand meis Deis.

* Ps. 22, 3.

5. Quels * chi, sainz' alchüna mia
causa, am vöglian mal, sun gnüts
blers, plüs co'ls chavels da meis cheu;
ferms sun fats quels, chi sun meis
inimis, per üna fosa chaschun; quai
ch' eu mâ non ha sdrippâ, ha eu
lura cussnâ. * Gioan. 15, 25. Ps. 35, 19.

6. Tû Deis, sast bain, che mia nardâ
ais; e meis fals non sun azzoppats
avant tai.

7. Segner Deis, tû Deis dellas ar-
madas, non vegnan mâ in tuorp, per
mia causa, tuots quels, chi han lur
spranz' in tai; Deis d' Israel, non
hajan mâ da 's turpiar, per chaschun
da mai, quels chi tscherchan tai;

8. Perche, per tai vegn eu chargiâ
con sdegns; e verguogna cuvern' aint
mia fatscha.

9. Eu sun * gnü eister a meis frars;
ün forestêr als figls da mia mamma.

* Job 19, 15. Ps. 31, 12. 38, 12. 88, 19.

10. Perche * il zeli per tia chasa
m' ha constimâ; ed ils vituperis da
quels, chi sdegnan tai, sun gnüts sün
mai.

* Gioan. 2, 17. Ps. 119, 139.

11. Ed eu ha cridâ nel gegüni da
mi' orma; e quai am ais vout in ün
sdeg.

12. Ed eu ha tut ün sach in pè da
meis vestimaint, e sun gnü ad els ün
proverbi.

13. Els han tschantschâ contra mai,
sezzand suot las portas, e sezzand
insembel a baiver, sun eu lur chan-
zun.

14. Impero, tant a mai, ha eu spans
oura mias oraziuns a tai, Segner,
perche ed ais * il temp da tia grazi-
usa bainvoglenscha; o Deis, suainter
la grandezza da tia buntà, responsa
'm la vardâ da meis salüd, cha tû
m' hast impromiss. * Es. 49, 8. 2 Cor. 6, 2.

15. Güda'm our dalla büergia, ch' eu
non fonda; dimperse pü bod vegna
spendrâ da meis adversaris, e dallas
gorgias dellas auas.

16. Cha bricha l' uonda dellas auas giaja sur mai oura, e cha bricha üna chafuollezza am travuonda, ne il puoz serra sia bocca sur mai.

17. Segner, dà risposta a mai; perche tia buntà ais buna fich; guarda süin mai, suainter la blertüra da tias compassiuns;

18. E non zoppar tia fatscha davent da teis famagl; perche eu sun in grand' anguoseha; festina, exoda'm.

19. Vè nan pro mi' orma; spendra quella; per chaschun da meis inimis, delibera mai.

20. Tü sast meis sdegns, e meis opprobris, e mia verguogna; tuot meis adversaris sun avant tai.

21. Il vituperi, chi vain fat da mai, m' ha ruot il cour, ed eu sun in granda fadia, ed ha * spettà, ch' inqualchün as lascha moventar l' ira per mai; ma qua non eira ingün; eu ha guardà, sch' inqualchün am cufförtess, però non ha eu chattà ingün.

* Es. 51, 18. Lam. 1, 2. 17.

22. Schi baint, in lö da spaisa, m' han els miss avant feil; * ed in mia sait am han els bavrantà con aschait.

* Matt. 27, 34. 48. Marc. 15, 23. Gioan. 19, 29.

23. Possa * lur maisa als esser ün latsch; e lur bainstar als saja üna rait.

* Rom. 11, 9.

24. Possan lur ögls gnir insehürits, ch' els non vezzan inguotta; fà cha lur flanes saimper tremblan.

25. Spand' oura sur els teis sdegn; e la furia da tia ira ils surprenda.

26. Lur palazzi saja bandunà; ed in lur chamannas non saj' ingün, chi abitescha.

27. Perche els han perseguità quel, cha tü hast battü; ed han fat in grand number la dölur da quels, cha tü hast plajà.

28. Metta ün pucha davo l' oter süin els; e non giajan mâ in tia güstia.

29. Vegnan chassats our dal cudesch della vita; e non vegnan scrits aint cols güsts.

30. Eu sun schi pover, e plain da

dölur; impero teis salüd vain ad adozar mai, o Deis.

31. Eu vögl amo lodar il nom da Deis con chanzuns, e vögl magnifichar con ingraziamaint.

32. E quai vain * a plaschair al Segner, plü co ün bov ed ün trim, chi chatscha lönsch oura sias cornas, e sias unglas.

* Ps. 50, 14.

33. Quai vegnan ils * bandus a vair; e vegnan as tegner buns, quels chi temman Deis; e vos cour vain a viver.

* Ps. 22, 27. 34, 3.

34. Perche 'l Segner oda ils povers, e non invlid' ils seis, chi sun presehunats.

35. Ils tschels il dessan lodar, e la terra ed ils mârs, e che chi's strozcha in els.

36. Perche Deis vain a salvar Sion, e vain ad edificar las cittats da Giuda, e vegnan ad abitar qua, e per ierta las possidair.

37. E la * posterità da seis serviants vain a la possidair per ierta, e quels chi aman seis nom, vegnan a rumagnair in ella.

* Ps. 102, 29.

PSALM LXX.

David rova per defensiun, e con quai profetizescha el tant co in üna figüra da Cristo, co el in sia passiun vegn' as mantgnair.

1. Ün psalm da David al capo dels chantadurs, * a's regordar.

* Ps. 38, 1.

2. **V**È bod * am spendrar, o Deis; Segner festina am agüdar.

* Ps. 40, 14.

3. Vegnan in tuorp e confusiun tuot quels chi tscherchan mia vita; vegnan chatschats inavo e miss in verguogna tuots, chi's dalettan da mia sventüra.

4. Vegnan vouts inavo, in pè della mercede da lur tuorp, quels chi dischan: Ha! ha!

5. S' allegran e's tegnan buns in tai quels tuots, chi tscherchan tai, e dian saimper mâ: Saj' ot lodà il Segner Deis, tuot quels, chi han gugent teis salüd.

6. Ma eu sun chalchà e pover; cuorra, Deis, pro mai; meis agüd, e meis spendrader est tü! O Segner, non surtrar.

PSALM LXXI.

Gniand David perseguità d' Absalom, schi rova el, cha Deis il defenda, e metta seis inimis in verguogna, e quai per bleras chaschuns.

PRO tai pigl eu meis recuors, * Segner, non am laschar gnir a tuorp mâ bricha. * Ps. 31, 2.

2. Spendra 'm, e delibra 'm suainter tia güstia; inclina ti' uraglia a mai, e salva 'm.

3. Am sajast ün spelm, stül qual eu piglia meis recuors asaimper; tü hast dat il comandamaint da 'm salvar; tü est tshert mia peidra, e meis recuors.

4. Spendra 'm, o meis Deis, dal man del nosch, dal man del pervers, e malizius crastian;

5. Perche tü est mia spranza; tü Segner Deis est mia fidanza, da mia giuventün' in sü.

6. * Stün tai m' ha eu pozâ dal büst da mia mamma innan; our dalla matrice da mia mamma est tü quel, chi 'm hast trat; in tai ais meis lod asaimper. * Ps. 22, 10. 11. Es. 46, 3.

7. A blers * sun eu tant co üna strangezza; ma tü est mia ferma spranza. * Ps. 31, 12. Zac. 3, 8.

8. Mia bocca vain gniand plaina da teis lod; imminchadi da tia gloria.

9. Non am büttar davent da tai, nel temp da mia vegldüna; cur mia forza vain almain, non am bandunar.

10. Perche meis inimis han tgnü adimaint da mai; e quels, chi guardan sü mia vita, han fat cossagl insembel,

11. E dischan: Deis il ha bandunâ; dat-al davo, e piglia 'l; perehe, chi 'l delibra, non ais ingiün.

12. O Deis, non star dalönsch da mai; festina tü, meis Deis, am gnir in agüd.

13. * Vegnan in tuorp, e constimats ils adversaris da mia vita; vegnan tuot cuvernats con tuorp e verguogna quels, chi tscherchan mia sventüra; * Ps. 35, 4. 26.

14. Perche eu vögl saimper avair buna spranza; ed amo plü t' vögl dar tuot lod.

15. Mia bocca vain a dir oura tia güstia, imminchadi teis lod; perche

el ais tant * ch' eu non sa seis nomber. * Ps. 40, 6.

16. Eu vögl gnir nan, süin fidanza da quella granda fermezza del Segner Deis; eu am vögl tgnair bun da tia güstia suletta.

17. Tü, Segner, m' hast mossâ da mia giuventün' in sü, e fin uossa, eu ha predgiâ oura tias ouvras müra-vgliusas.

18. Contuot non am bandunar, o Deis, neir fin a mia vegldüna, ed etâ avanzada; fina ch' eu lasch asavair teis bratsch allas etats posteriuras, ed a tuot quels, chi vegnan davo, tia fermezza.

19. Tia güstia, Deis, ais fin süil plü ot, perche tü hast fat chosas grandas. Chi ais sumgiant a tai, Deis?

20. Perche tü m' hast fat vair anguoschas grandas, e bler mal; ma tü vainst darcheu am far viv, e vainst darcheu am ozar in ot, our dals abiss della terra.

21. Tü vainst a far crescher mia grandezza, e vainst darcheu am eufortar.

22. Eir eu lura 't vögl glorifichar con instrumaints, e vögl dir oura tia vardâ, o meis Deis; eu vögl sunar sü psalms a tai süin la citra, o tü sanct d' Israel.

23. Meis lefs vegnan as allegrar fich, cur eu süls instrumaints fetsch psalms a tai; e mi' orma, la quala tü hast spendrà.

24. Schi eir mia lingua vain a predgiar oura tia güstia imminchadi, per quai cha quels, chi han tscherchâ e drizzâ a mai sventüra e mal, sun gnüts a tuorp, e miss in verguogna.

PSALM LXXII.

David rova, cha Deis detta sapienza a Salomon in seis guvern; profetizescha davart il ventüraivel ed usche güst guvern, da Salomon e da Cristo, del qual Salomon ais stat figüra; serra il psalm con lod ed ingraziamaint.

Per Salomon.

DA teis güdizis al rai, o Deis, e tia güstia al figl del rai.

2. Dâ, ch' el güdicha teis pövel in güstia, e teis povrets con güdizi e rashun.

3. Ils munts * vegnan a portar

pasch al pövel, e 'ls muots tras güstia.

* Ps. 85, 12. Zac. 8, 12.

4. El vain a tgnair dret als povers chalehats del pövel; el vain a portar salüd alla brajada dels povers; e vain a smachar quels, chi douvran tort e forza.

5. E vegnan at tmair avant * il solai, ed avant la glüna, l' üna schlatta davo l' otra.

* Ps. 89, 37.

6. * E vain a gnir suringìò, ingual sco üna plövgia sün ün prà, ed ingual sco ün raz da plövgia chi sauva la terra.

* Os. 6, 3.

7. In seis dis vain a florir il güst; e vain ad esser abundanza da pasch, fin cha non ais plü glüna.

8. Ed el vain a signorar, dal ün mâr, infin al oter mâr; e dal flüm infin als confins della terra.

9. Avant el vegnan as inclinar quels chi avdan nel desert, e seis inimis vegnan a liehar la puolvra.

10. * Ils rais da Tarsi, e dellas inslas vegnan al portar onoranzas; ils rais da Seba e da Meroë vegnan al manar nanpro duns.

* Ps. 45, 13. Es. 49, 7.

11. E tuot ils rais vegnan as büttar giò avant el; tuot pövels vegnan a servir ad el.

12. Perche el vain a spendrar ils povers chi bragian, ed ils chalehats, chi non han ingün chi 'ls güda.

13. El vain as laschar gnir pucha del pover e manglus, e vain a salvar la vita dels squitschats.

14. El vain a spendrar lur vita dal ingian, dal tort e forza; * e lur sang vain ad esser custaivel avant seis ögls.

* Ps. 116, 15.

15. El vain a viver, e vegnan al dar or da Seba; e vegnan a far oraziun per el asaimper; ed adüna vegnan els a benedir ad el.

16. E vegnan ad esser bleras las mannas della granezza sur terra, süsom ils munts, seis früts vegnan as manar via e nan, sco la boşcha del Libano; e vegnan a florir our dalla città, tant co l' erba della cuttüra.

17. Seis nom vain a restar in eterno; uschelönch il solai splendura vain seis nom a gnir plantâ inavant; * e scodün vain as benedir in el; tuot pövels vegnan al dir beà.

* Gen. 12, 3. 22, 18.

18. Benedi saja il Segner Deis, il Deis d' Israel, il qual fa miraculs, sulet el.

19. E benedi saja il nom da sia gloria in eterno; e vegna plaina tuot la terra da sia gloria. Amen, amen.

20. Quia han fin las oraziuns da David, del figl d' Isai.

PSALM LXXIII.

L' autur da quai psalm metta nan, co el haja tut schandel della ventüra del infidel; e co el conter quel şchandel s' ha cuffortâ, e deliberâ landroura.

Un psalm d' Asaf.

SAJA co cha vöul, Deis ais bun ad Israel ed a quels, chi sun nets da cour.

2. Ma, quant a mai, avessan bod chambürâ meis peis; meis pass füssan bunamaing sblezechits.

3. Perche * eu m' ha şchüdâ per causa dels superbis, veziaand eu la ÷ ventüra dels empis.

* Ps. 37, 1.

† Ger. 12, 1. Giob 12, 6. Ps. 37, 35.

4. Perche els non han ingünas anguoschas, fin a lur mort, e lur forza ais salda.

5. * Els non sun nellas fadias della gliend, e con otra gliend non vegnan els battüts.

* Giob 21, 9.

6. Tras quai ils incresa intuorn superbia, tant co üna collana d' or; e tort e forza ils cuverna, tant co ün vesti.

7. Lur ögls, per grassezza, * stan da squittar oura; sun plü inavant, co 'ls impissamaints da lur cour.

* Giob 15, 27. Ps. 119, 70.

8. Els sun slaschats, e tshantschan maliziusamaing d' oppressar; els tshantschan tort, per granda superbia.

9. Els mettan lur bocca perfin conter il tshel, e lur lingua va tras la terra.

10. Per quella chaschun as volva nan qua seis pövel; perche als vain squitschâ oura aua, bachêrs plains,

11. E dischan: * Co dess Deis quai ineler? Ed aise eir scienza nel otissem?

* Giob 22, 13.

12. Mera, els sun scelerats, ed impiero han els ventüra tuot lur dis; ed adampechan lur ricchezas.

13. * Contuot ha eu tgnü net meis

mans per inguotta, ed ha † lavâ meis
mans in innocenza,

* Giob 21, 15. Mal. 3, 14. † Ps. 26, 6.

14. Perche eu sun tuottadi battü, ed
immincha daman ais stat qua meis
chastiamaint.

15. Sch' eu dschess: Eu vögl eir eu
tschantschar usche; mera, schi gniss
eu ad avair tschantschâ contr' als
infants da teis figls.

16. Contuot m' ha eu lönch impissâ
da savair quai; ma 'l ais stat fadia
avant meis ögls.

17. Infñ ch' eu sun it aint nels
santuaries da Deis, e m' ha inclet sün
lur fin.

18. Tschert, * tü 'ls tschaintast in
lous glischs; tü 'ls slavazzast surin-
giö. * Ps. 35, 6.

19. Co mâ sun els stats desdrüts?
Tant co in ün momaint han els tgnü
fin; els sun constümats con trembla-
zuns.

20. Els sun ingual sco ün * sömi,
cur ün as sdaista; Segner, cur tü 'ls
sdruvagliast, fà lur imaginaziuns †
ün spretsch.

* Giob 20, 8. † Ps. 39, 7. 49, 15. 1 Cor. 7, 31.

21. Ma meis cour bugliva in mai, ed
in meis ranuogls gniv' eu commoss.

22. Eu sun stat * nar e sainz' intel-
ligenza; eu sun stat invers tai, sco
las bestias.

23. Impero stun eu saimper pro tai;
perehe tü con teis man hast tgnü
meis man dret.

24. Con teis cossagl vainst am red-
scher, ed ünsacura vainst am tour sü
in gloria.

25. Chi ha eu in tsel? Ed our
dvart tai non giavüsch ingüna cho-
sa in terra.

26. Mia charrn, e meis cour sun
gnüts almain; la peidra da meis
cour, e mia part est tü, Deis in
eterno;

27. Perche mera, quels chi van da-
lönch davent da tai vegnan a perir;
tü mettast a perder tuots quels, chi
crodan giò da tai.

28. Quant a mai, aise bön, ch' eu
vegna nan strusch pro Deis; eu ha
tschantâ in Deis, il Segner, meis re-
cuors e fidanza, ch' eu rasehuna oura
tuot sias ouvras.

PSALM LXXIV.

Ils fidsels Güdeus, dal temp della preschun da
Babilon, rovan Deis, ch' el ils delibra; els as
cuffortan e tuornan a rovar.

Un' informaziun d' Asaf.

PERCHE ans hast tü, Deis scha-
tschats usche zuond, e tia ira
füma conter il tröp da tia pašchüra?

2. At regorda da teis tröp, il qual
tü agiâ dalönch hast congüstâ, e 'l
hast spendrâ; la part da tia ierta,
da quaiast munt Sion, nel qual tü abi-
teschast.

3. Oza sü tias plantas del pè, a gnir
pro quaiastas ruinas perpetuas, per-
che l' inimi ha tuot dazzipâ in teis
santuari.

4. Teis inimis han sbrüi in mez teis
taimpel; els han miss là lur insainas
per signals.

5. E paran tuots tant co scha ma-
nessan las sgürs suringio, in ün
spess god.

6. Els rumpan tuot quellas bellas
tablas con manêras, e con martels.

7. * Els han miss fö in teis san-
tuari; els han profanâ l' abitaziun da
teis nom, la quala ais datta a terra.

* 2 Reg. 25, 9.

8. Els han dit in lur cour: Dazzi-
pain-ils tuots insembel; els han miss
fö in tuot ils tabernaculs da Deis in
terra.

9. Nus non vezzain plü nossas in-
sainas bricha; * e non ais ün profet
plü bricha, e non ais con nus inqual-
chün, chi sapeha, infin cura?

* 1 Sam. 3, 1. Am. 8, 11.

10. Infin cura, Deis, vain l' adver-
sari ad ingüriar? Voul l' inimi * sde-
gnar teis nom in perpetuo? * Ps. 10, 13.

11. Perche volvast davent teis man,
e teis bratsch dret, our da mez teis
ravuogl usche zuond?

12. * Impero ais Deis meis rai da
prüm innan, il qual operescha il sa-
lüd in mez la terra. * Ps. 44, 5.

13. * Tü con tia fermezza hast ruot
il mâr; tü hast traplâ suot, e sma-
châ ils cheus dels draguns sur las
auas. * Exod. 14, 21.

14. Tü hast smachâ il cheu del le-
viatan, tü 'l hast fat üna spaisa del
pövel chi avda nels deserts.

15. Tü * hast tagliâ oura fontanas

e flüms; tû hast süjantâ † sü flüms rabijs. * Exod. 17, 5. Num. 20, 11. † Gios. 3, 16.

16. Il di ais teis; tia ais eir la not; tû hast formâ la glüna ed il solai.

17. Tû hast miss tuot ils confins e terms della terra; la stâ e l'inviern hast tû fat.

18. At regorda da quaist; l'inimi ha sdegnâ il Segner, ed ün pövel nar ha con sdegn ed ingiurias grittantâ teis nom.

19. Non dar la vita da tia turdella alla bestia; non smanchar via zuond la raspada da teis povrets.

20. Guarda sün la lia, perche schürezza della terra sun gnüdas plainas con abitaziuns da tort e forza.

21. Non haja da turnar con tuorp quel chi ais smachâ; ed il squitschâ e pover loda teis nom.

22. Stâ sü, Deis, e dretta oura tia differenza; at regorda del sdegn, cha 'l nar imminchadi fa a tai.

23. Non smanchar la vusch da teis inimis; il tumult e frantur da quels, chi leivan sü conter tai, vâ adüna in our.

PSALM LXXV.

David ingrazia a Deis, ch'el il ha spendrà dalla persecuziun da Saul; impromett' a Deis, cha, cur el ais plainamaing in possess, schi vögl' el redscher con tuot stüdi, real e valerusamaing.

1. Al capo dels chantadurs: Non metter a perder; ün psalm e chanzun d' Asaf.

2. **N**US lodain, o Deis, ed ingrazia in a tai; nus dain lod ed onur a tai; perche teis nom ais ardaint; quai raschunan nan teis miraculs.

3. Cur eu vegn ad avair ardschvü quel tröp, chi ais dat a mai, schi vögl eu sentenziar indret.

4. E tremblan la terra, e tuot ils abitants da quella; ma eu vögl far fermas sias coluonnas. Sela.

5. Eu vögl dir a quels, chi 's glorieschan: Non as gloriài; ed als scele rats: Non ozai vossa testa.

6. Non ozai vossa testa in ot; non tschantschai con colöz indüri.

7. Perche, ne dal oriaint, ne dal oc cidaint, ne dal desert non ais ado zamaaint.

8. Perche Deis ais guvernatur; * quel abassa, e quel adoza. * 1 Sam. 2, 7.

9. Ma ün calisch ais nel man del Segner, ed ün vin spess; ed ais plain d' üna bavranda, la quala el vain a spander oura. Tschert, sias fetschas vegnan a tschütschar, ed a baiver tuot ils scelerats della terra.

10. Ma eu vögl predgiar oura a saimper, e vögl chantar psalms al Deis da Giacob.

11. E vögl tschuncar giò tuot las testas dels scelerats; ma testas dels güsts vegnan a gnir ozadas.

PSALM LXXVI.

Il pövel da Giuda, dal temp del rai Ezechia, ingrazia a Deis, ch'el ha battü ils Assirers, chi l' avettan serrâ aint nella città da Gerusalem.

1. Al capo dels chantadurs, sün cordas da sunar, ün psalm e chanzun ad Asaf.

2. * **C**OGNOSCHÜ vain Deis nella Giudea; in Israel ais grand seis nom. * Ps. 48, 2.

3. Seis tabernacul ais drizzâ sü in Salem; e sia abitaziun in Sion.

4. Qua ha el ruot las frizzas dels ba laisters, e 'ls schüts, e las spadas, e la guerra. Sela.

5. Tû est glorijs e grand, e plü pus sant co 'ls munts della rapina.

6. Spogliats sun els, chi eiran fermes da cour; els sun erodats in lur sön; ed ingüns da quels fermes homens non han chattâ lur mans.

7. * Da teis slamar, o Deis da Giacob, sun dormenzats via la charra, ed ils chavals. * Zac. 12, 4.

8. Tû est stramantus! E chi podess resister avant tia fatscha, cur tia ira ais invüdata?

9. Giò dals tschels hast fat udir la sentenza; la terra ha tremblâ ed ais statta quaida,

10. Cur Deis alvet sü pro 'l güdizi; a salvar tuot ils squitschats della terra. Sela.

11. Tschert, la furia della gliend vain at far nomnâ; cur tû vainst a metter intuorn tai las vanzadüras dell' ira.

12. Fat vuts, e pagia 'ls al Segner vos Deis; tuot quels chi eschat intuorn el, portai nan duns a quel straman tus!

13. Quel taglia giò la gloria dels princis, ed ais stramantus als rais della terra!

PSALM LXXVII.

Vegnan ils fidels d' Israel informats dal 'psalmist, co ch' els as dessan deportar, e cuffortar, eur els vegnan in tentamaints. Ün pland, co ch' el lönch haja urâ, ed impero senti pac cuffort. El declera, co ch' el incofter quellas luottas s' haja cuffortâ.

1. Al capo dels chantadurs, per * Jedutum, ün psalm d' Asaf. * 1 Cron. 25, 1.

2. **M**IA vusch s' *indrizz' a* Deis, ed eu clam; mia vusch a Deis, ch' el m' exoda!

3. Dal temp da mia anguoscha, ha eu tscherchâ il Segner; stais oura ais stat meis man di e not, e non ha chalâlâ. Da tour sü cuffort, s' ha mi' orma ostada.

4. Eu m' regord stin Deis, * e suspir; eu pens, e meis spiert ais bass giò in tristezza. Sela. * Ps. 55, 3.

5. Averts tagnast tü ils palperis da meis ögls; eu sun strami, e non tschantsch inguotta.

6. * Eu m' impais stils dis vegls, e stin ils ans passats da bler temp.

* Ps. 143, 5.

7. Eu am * regord da mias chanzuns da not. Eu m' impais in meis cour, e meis spiert festizza davo, *dschand*:

* Ps. 42, 5.

8. Voul dimena il Segner asaimper chatschar davent? E non vain el plü a volair bain?

9. Ais dimena zuond gnüda almain sia buntà? Ais dimena il pled glivrâ da schlatta in schlatta?

10. Ha Deis tuot smanchâ d' avair compassiun e misericordia? Ha el in ira trat insembel sias misericordias? Sela.

11. Ed schet alla fin: Quaist' ais mia plaja; impero l' ais müdada nel man dret del Otissem.

12. Eu am regord dellas ouvras da Deis; tschert, eu m' regord da teis miraculs da principi innan.

13. Eu m' impais bain bain in tuottas tias ouvras; eu stüdg in tuot tias fatschendas:

14. O Deis, tia via ais nel santuari; che Deis ais grand seo tü, Deis?

15. Tü, Deis, fast chosas müra-

vgliusas; tü hast fat appalais tia fermezza tanter ils pövels.

16. * Tü hast spendrâ teis pövel con ferm bratsch; ils figls da Giacob, e da Giosef. Sela. * Ex. 6, 6.

17. Las * auas t' han vis, o Deis; ed han vis las auas, e sun spüvantadas; perfin ils abiss sun da fuond sü moventats. * Ps. 114, 3.

18. Las * nüvlas han spans oura auas; l' ajer ha tunâ, e tias sagettas sun passadas vi' e nan. * Ab. 3, 10.

19. * Teis tuns *dan* vusch nel trabagl; ils lütschaiders han fat cler il cres della terra; la terra ha tremblâ, ed ais squassada. * Ab. 3, 11.

20. Tia via ais statta tras il mâr, e tias sendas tras bleras auas, e teis festizis non sun cognoschiits.

21. Tü hast * manâ teis pövel, tant seo üna scossa, tras man da Mose, e d' Aaron. * Ps. 78, 52.

PSALM LXXVIII.

Exortescha l'autur il pövel da Deis, a tadlar sü bain, e mossa, da che fats el vögla tschantschar. Metta nan insaquants benefizis da Deis, fats a lur vegls da biers ans nan, con lur gratitudine, o chastiamaint següi.

Ün psalm d' intraguidamaint d' Asaf. **T**AIDLA, meis pövel, mia doctrina; inclinai voss' uraglia als plets da mia bocca.

2. * Eu vögl avrir mia bocca pro chanzuns; eu vögl trar nan chosas chafuollas della vegldüm. * Matt. 13, 35.

3. Quellas chosas, cha nus avain udi, ed avain imprais, e las qualas noss baps ans han raschunâ,

4. Nus non las volain tgnair azzoppadas a lur infants, raschunand oura alla schlatta chi vain davo ils lods del Segner, e sia pussanza, e miraculs, ch' el ha fat.

5. Perche, el ha drizzâ sü üna testimonianza in Giacob, ed ha fat üna ledscha in Israel; nella quala el ha comandâ a noss babuns, * ch' els quai fetschan a savair a lur infants. * Deut. 4, 9.

6. Per cha quels, chi han da nascher davo quai, las cognoschan, ed ils infants, chi vegnan a nascher, stettan sü, e raschunan quellas a lur infants.

7. Ch' els tschaintan in Deis lur

spranza; e non invlidan las ouvras da Deis, e ch' els salvan ils coman-
damaints da Deis;

8. E non sajan seo lur babuns, üna ginüra straversa, e rebella; üna ginüra, chi non ha fat ferm seis cour; ed il spiert della quala non ais stat fidel a Deis.

9. Seo 'ls figls d' Efraim, chi inar-
mits ozaivan il balaister, ed han
vout lur rain, al di della battaglia.

10. Els non han salvâ la lia da
Deis, ed han negâ, da chaminar
nella ledscha;

11. Ed han invlidâ sias ouvras, e
seis miraculs, ch' el ils ha fat vair.

12. Avant lur baps ha 'l fat chosas
müravgliusas, nella terra d' Egipto,
nella planüra da Soan.

13. * El ha fess il mâr, e 'ls ha ma-
nats tras; el ha † fat star las auas
tant co ün repar. * Ex. 14, 21. † Ex. 15, 8.

14. * E 'ls ha manats da di con üna
növla; e tuotta not, con clarità da
fö. * Ex. 13, 21.

15. * El ha fess il spelm nel desert,
e 'ls ha bavantats tant co con blera
uonda. * Ex. 17, 6.

16. Ed ha fat gnir auals our d' ün
crap, ed ha fat gnir giò aua, seo
flüms.

17. E darcheu han els continuâ a
far pucha conter el, a far gnir grit
l' Otissem nel desert.

18. Ed * han provâ Deis in lur cour,
† agrajand da mangiar suainter lur
giavüsch. * Ex. 16, 2. † Num. 11, 4.

19. Ed han tschantshâ conter Deis,
ed han dit: Vain Deis eir a podair
metter giò maisa nel desert?

20. Mera, el ha battü il spelm, ed
auas sun currüdas oura, e flüms sun
its sura: Vain el eir a podair dar
pan? Vain el a pinar charn a seis
pövel?

21. Perquai, cur il Segner l' udit,
s' ha el grittantâ; ed ün fö ais invüda
conter Jacob, ed ün' ira ais ida sü
conter Israel;

22. Perche els non s' han fidats in
Deis, e non han gnü spranza in seis
agüd.

23. E pür, schi ha Deis dat comand
allas nüvlas süsura, ed ha avert las
portas del tsel;

24. E * plovet sur els la manna a
mangiar; † gran da tsel ha el dat
ad els. * Ex. 16, 14. † Ps. 105, 40.

25. Minchtün d' els ha mangiâ pan
da possants; el als ha tramiss da
mangiar avuonda.

26. El ha * fat gnir il vent del o-
riaint vi' al tsel, e tras sia forza ha
el manâ nan pro l' ora del mezdi;

* Num. 11, 31.

27. E plovet sur els charn, tant co
la puolvra; ed utschels, tant co 'l
sablun del mâr;

28. E 'ls laschet giò in mez lur
champ; ed intuorn intuorn lur cha-
mannas.

29. Qua han els dimena mangiâ, e
füttan sadulats fiek; ed el ha fat lur
giavüsch.

30. Amo non eiran els vouts da lur
cuvida; amo eira lur spaisa in lur
bocca:

31. E l' ira da Deis ais ida sü con-
ter els, ed ha mazzâ dels lur, ils
giagliarts; ed ha sternü ils tscher-
nüts d' Israel.

32. Darcheu, sur tuot quai, han els
* pechâ amo plü, e non han dat
cretta a sias müravgliusas ouvras.

* Num. 14. e 16. e 17

33. Perquai ha el consümâ via lur dis
in vanità, e lur ans in tremblazun.

34. Cur el ils mazzai, bainbod
schi 'l tscherchaivan els, e turnaivan
inavo e tscherchaivan Deis.

35. E's regordaivan, cha Deis füss
lur spelm, e l' ot Deis lur spendrader.

36. Ma els al daivan buns plets con
lur bocca, e con lur lingua al menti-
van els.

37. Ma lur cour non ais stat dret
vers el; ed els non sun stats da var-
dà in sia lia.

38. Pür tras sia misericordia, schi
chassa el lur puchats, e non ils metta
a perder; el in bler möds volva da-
vent sia ira, e non movainta sü tuot
seis sdegn,

39. Dimpersai el as regorda, cha sun
charn, ün' ora chi passa, e chi non
tuorna.

40. Quantas voutas non il han els
grittantâ nel desert? Quantas voutas
non al han els fat incoenter in quella
solitudine?

41. * Schi, els sun turnats, ed han provâ Deis, han abattû il sanet d'Israel.

* Num. 14, 22.

42. Non s'han regordats da seis man a quel di, ch'el ils ha spendrats oursuot quel chi 'ls angoschiaiva;

43. Cur el operet sias insainas in Egipto, e sias strangezzas nella planûra da Soan.

44. El * ha vout lur flüms in sang, e lur auals, cha non podaivan baver.

* Ex. 7, 20.

45. El * ha tramiss tanter els da tuotta sort muschuns, chi 'ls han magliats, e † ranas, chi 'ls han pirantats.

* Ex. 8, 24. † Ex. 8, 6.

46. El * ha dat all' uzlana lur früas, e lur fadias als salips.

* Ex. 10, 13.

47. El * ha zappâ giò con tempesta lur vignas, e lur figêrs solvadis con orizzis.

* Ex. 9, 23.

48. El ha dat lur bestiam alla tempesta, e lur scossas als lütschaiders.

49. El ha tramiss sur els la furia da si' ira, ardur e sdegn, ed anguoescha; üna missiun da mals angels.

50. El ha fat libra la senda a si' ira, non ha ostâ lur orma dalla mort, e * lur vita ha el dat alla mortalità.

* Ex. 9, 6.

51. * El ha battû tuot ils primogenits in Egipto; la prüma forza nels tabernaculs da Cham.

* Gen. 49, 3. Ex. 12, 29.

52. E seis pövel ha el laschâ passar tant co bescha, e 'ls ha manats seo üna scossa nel desert.

53. E 'ls ha manats alla sgüra, cha non as tnessan, e * lur inimis ha cuvâtâ suot il mâr.

* Ex. 14, 28.

54. E 'ls ha manats infin' als sanets confins, e pro quaiet munt, * cha seis man dret ha congüstâ.

* Ps. 44, 4.

55. El ha schatschâ oura avant lur fatscha ils pajans, ed ils ha surdats nella sort dad ierta, ed ha fat abitar las schlattas d'Israel in lur chammannas.

56. Ma els han provâ, ed han gritantâ Deis, l'otissem, e non han salvâ sias testimonianzas.

57. Els sun vouts davent sainz' ingüna fai, be seo lur babuns; els s'han storts inavo, seo ün balaister falatschus.

58. Els l'han moventâ pro ira, con lur lous ots; l'han moventâ pro zelusia con lur idols.

59. Deis ha udi, s'indegnet, ed ha sbüttâ Israel zuond fich.

60. Ed usche ha el bandunâ sia abitaziun a Silo; il tabernacul, nel qual el avdaiva tanter la gliend.

61. Ed el * det sia fermezza in preschun, e sia gloria in man del inimi.

* 1 Sam. 4, 10. 11.

62. E surdet seis pövel alla spada, ed ais alvâ sü conter si' ierta.

63. Il fö ha magliâ seis giuvens, e sias giuiventschellas non gnittan dechantadas.

64. * Seis sacerdots sun erodats tras la spada, e sias vaidguas non han porta léd.

* 1 Sam. 4, 11.

65. Ma il Segner as sdasdet seo ün chi dorma, ed ingual seo ün ferm, chi güvla, cur el ha bavü.

66. El battet seis inimis inavo; el als ha fat üna verguogna per saimper.

67. Ma el ha sbüttâ il tabernacul da Giosef; e non ha tschernü la schlatta d'Efraim,

68. Dimpersai la schlatta da Giuda ha el tschernü, il munt Sión, ch'el ha amâ,

69. Ed ha edifichâ seis sanctuari, tant co üna fortezza; e 'l ha sögliâ, seo la terra in perpetuo.

70. * Ed ha tschernü David, seis servaint, e 'l ha tut davent dal stavel della bescha.

* 1 Sam. 16, 11. 2 Sam. 7, 8.

71. Dallas nuorsas da lat il ha el tut sü, per ch'el * paschainta Giacob, seis pövel; ed Israel sa ierta.

* 2 Sam. 5, 2.

72. Ed el las ha manadas in fai da seis cour, e con granda prudenza da seis mans.

PSALM LXXIX.

Ils fidels del pövel d'Israel fan qui ün'almananza da lur povra condiziun, nella preschun a Babilon. Rovan, cha Deis chastia ils inimis, ed els delibera. Els impromettan a Deis lod ed ingraziamaint.

Un Psalm d'Asaf.

O Deis, pajans sun gnüts in ta ierta; els han imbrudgiâ il taimpel da tia santità; els han redüt Gerusalem tuot in muschnas.

2. Els han dat ils corps da teis

serviaints per spaisa all' utschla-
mainta del tsel; la charn da quels,
chi fan il bain, allas bestias della
terra.

3. Els han spans lur sang intuorn
intuorn Gerusalem tant co aua; * e
non ais stat ingün chi sepuliss.

* Ps. 141, 7.

4. Nus eschan dvantats üna giam-
gia a noss vashins; sdegn e risaglia
a quels, chi sun intuorn intuorn nus.

5. Quant löneh, o Segner, voust es-
ser grit asaimper? E ti' ira vül ella
arder seo ün fö?

6. * Spand' oura ti' ira sur quels
pövels chi non at cognoschan; e sur
quels reginams, chi non claman in
agüd teis nom.

* Ger. 10, 25.

7. Perche els han magliä sü Jacob,
ed han smalmâ tia abitaziun.

8. Non t' algordar invers nus da
nossas iniquitats passadas. Tia mi-
sericordia ans vögla bod gnir in-
conter; perche nus eschan gnüts
zuond pac.

9. Succorra 'ns, o Deis, nos spen-
drader, per amur della gloria da teis
nom, e salva 'ns, e perduna noss pu-
chats per amur da teis nom.

10. Perche dessan dir ils pajans:
Ingio ais lur Deis? Fà gnir con-
tschainta tanter ils pajans avant noss
ögls la vendetta del sang spans da
teis serviaints.

11. Lascha gnir avant tai ils sus-
pürs dels preschunêrs. Suainter la
grandezza da teis bratsch, fà cha
vanzan quels, chi sun agiä ordinats
alla mort!

12. E renda a noss vashins set do-
bels in lur ravuogl, il sdegn, cha
han fat a tai, o Segner.

13. Ma nus lura teis pövel, * e
scossa da tias pašchüras volain gran-
damaing: at lodar in perpetuo, e vo-
lain dir oura teis lod da schlatta in
schlatta.

* Ps. 95, 7.

PSALM LXXX.

Ils prus d' Israel in Babilon rovan Deis, ch' el
ils turnainta in lur vegl stadi; planschan lur
povra sort pechadusamaing, ed impromettan
recognoschenscha.

1. Al capo dels chantadurs sün
ses cordas, üna perdüta per Asaf,
ün psalm.

TÜ, chi pascaintast Israel, taidla;
tü, chi mainast Giosef ingual seo
üna scossa, * chi sezzast sur ils che-
rubins, resplendura!

* Ps. 50, 2.

3. Avant Efraim e Benjamin e Ma-
nasse, sdruvaglia sü tia possanza, e
vè a nus in agüd.

4. O Deis, turnainta 'ns darcheu, e
fà splendorir tia fatscha, schi gnin
nus salvats.

5. Segner, tü Deis dels exercits,
quant löneh voust star adirâ conter
ils rövs da teis pövel?

6. Con pan da larmas ils hast spis-
siantats, e con larmas ils hast ba-
vrantats a mastira.

7. Tü 'ns hast fats ün dantigl a noss
vashins, e noss inimis rian da nus
tanter pèr.

8. Tü, Deis dels exercits, converte-
scha 'ns, e fà splendorir tia fatscha,
schi gnin nus salvats.

9. Tü trestast oura in Egipto üna
vit; tü hast schatschâ ils pajans, e
l' hast implantada.

10. Tü hast nettiâ lö avant ella; ed
ella ha fat ragischar sias ragischs,
ed implit tuot il pajais.

11. Ils munts sun coverts con sia
sumbriva; e sias manzinas, seo 'ls
ceders da Deis.

12. Ella deraset sia ramma infin
al mâr; e sias perchas infin' al grand
flüm.

13. Perche hast * ruot giò sia saif?
E tuots quels, chi passan tras, la
sbluottan?

* Ps. 89, 41.

14. Ils porchs solvadis our dals
gods la dazzipan, e las bestias della
cuttüra la maglian sü.

15. O tü, Deis Zebaot, tuorna, eu' t
rouv. Guarda giò dals tselhs, e me-
ra, e visitescha quaista vit,

16. E quel vignal, cha teis man dret
ha implantâ; e sia percha, la quala
tü hast affirmâ a tai.

17. Ella ais arsa con fö; ella ais ta-
gliada via; e van a perder dal sla-
mar da tia vista.

18. * Teis man stetta sur l' hom da
teis man dret, e sur l' hom, il qual tü
hast affirmâ a tai;

* Ps. 89, 20, 22.

19. Schi non volain nus ir davent
da tai. Fa 'ns vivs, e nus volain cla-
mar in agüd teis nom.

20. Segner, tû Deis Zebaot, vol-
va 'ns inavo, ammosa tia fatscha,
schi gnin nus salvats!

PSALM LXXXI.

Il prus d'Israel s'exorteschan tanter pèr, ad
ingraziar a Deis. Vain Deis avant, il qual
metta nan quels benefizis, ma percontra s'al-
mainta della ingratitudine del pövel.

1. Al capo dels chantadurs sün Gittit
per Asaf.

2. CHANTAI, saglind in ot a Deis,
nossa fermezza; güv lai al Deis
da Giacob.

3. Ozai vos psalms, e battai il tam-
bur; la dalettaivla tüba con l'arfa.

4. Sunai la tromba sün quaist cre-
schaint; alla glüna plaina, il di da
nossa feista.

5. Perche, * quaist ais ün statüit ad
Israel; ün comandamaint del Deis
da Giacob. * Lev. 23, 24.

6. El ha miss quaist a perdüta in
Giosef, cur el get oura conter la terra
d'Egipto. Eu udit ün linguach, il qual
eu non ineclegiaiva.

7. Eu ha tut tia givella our suot la
valisch; teis mans d'avent dall'ar-
schiglia.

8. * Nell'anguscha hast bragi, ed
eu at salvet ed exodit nel tun azzop-
pâ. † Eu t'ha provâ oura là, pro las
auas da Meriba. Sela. * Ex. 2, 23. † Ex. 17, 7.

9. Taidla, meis pövel; eu vögl trar
perdüta a tai; o Israel, scha tü pür
am odast.

10. Scha pro tai non vain ad esser
ingün eister Deis; e tü non vainst ad
t' inclinar ad ün Deis forest,

11. Schi sun eu il Segner, teis Deis,
chi t'ha manâ our dalla terra d'E-
gipto. Avra sü tia bocca, ch'eu't vögl
far saduol.

12. Ma quaist pövel non ha tatlâ
mia vusch; ed Israel am ha sbüttâ.

13. Contuot, schi 'ls ha eu laschats
ir nella dürezza da lur cour; els sun
chaminats in lur cossagls.

14. Scha meis pövel * avess tatlâ
a mai, ed Israel avess chaminâ in
mias vias; * Deut. 32, 29.

15. Schi avess eu bain bod ümiliâ
lur inimis; ed avess vout meis man
conter lur adversaris.

16. Ils inimis del Segner gnissan

als avoir lusingiâ, e lur temp füss
stat tant co in perpetuo.

17. Ed eu ils avess spissiantats con
il minz del formaint; e t' avess sadu-
lâ con meil chi cuorra our d'ün erap.

PSALM LXXXII.

Deis qui repretta ils güdischs per lur mal-
güstia. Lur' ils exortescha el a far güstia. L'au-
tur tschantscha el s'vess, e rova Deis per bun
guvern.

Un psalm d'Asaf.

DEIS * stâ sü nella raspada da
Deis; el sentenza in mez ils deis.

* Eccl. 5, 8.

2. Quant löneh fais vus malgüsta
sentenza? E dessat tour la part dels
noschs? Sela.

3. Tgnai dret als pitschens ed or-
fans; fat sentenza güsta a misers e
povers.

4. Defendai ils povers e squitschats,
e spendrà 'ls dal man dels scelerats.

5. Ma quaist ais ad els incon-
tschaint; els non ineclegian; els van
inavant nellas schürezas, perque
tuot ils fondamaints della terra's
movaintan.

6. Eu ha bain dit: * Vus eschat deis,
e vus tuots eschat figls del ot Deis,

* Gioan. 10, 34.

7. Impero * schi gnis vus a morir
seco la gliud, e seco mincha princi
gnis vus a dar a terra. * Ps. 49, 13.

8. Stâ sü, Deis, sajast tü güdisch
della terra, seco quel, chi posside-
schast tuot ils pövels.

PSALM LXXXIII.

Il pövel, da Deis, 'chi gniva squitschâ da blers
inimis, rova, ch'el sdria ils inimis, e 'ls metta
in verguogna.

1. Un psalm e chanzun d'Asaf.

2. O Deis, non sajast lent, non ta-
schair, e non star usche zuond
quaid, o Deis.

3. Perche, mera, teis inimis romu-
ran, e quels chi't vöglian mal ado-
zan il cheu.

4. Conter teis pövel s'inspian els
oura cossagls con grand art, e's cos-
saglian conter ils teis azzoppats.

5. Els han dit: Gni, ils ragischain
oura, cha non sajan plü ün pövel,
e cha non vegna plü menzunâ il
nom d'Israel.

6. Tschert, els s'han cosgliats in lur cour insembel, ed han fat üna lia conter tai,

7. Las chamannas d'Edom, ed Ismael, ils Moabits, ed ils Hagareners,

8. Gebal, ed Ammon, ed Amalee, la Filistea con ils abitants da Tiro,

9. Eir Assur ais accompagnâ con els, e da bratsch als figls da Lot.

10. Fà con els sco con ils * Midianits, sco con Sissera, sco con Jabbin pro l'auai Kison, * Güd. 7, 22.

11. * Quels chi sun ragischats oura in Endor, e sun fats ün aldüm della terra. * Güd. 4, 15.

12. Metta quels, e lur princips sco * Oreb, e sco Zeeb, sco † Seba, e sco Salmuna tuots lur superiurs; * Güd. 7, 25. † Güd. 8, 12.

13. Ils quals han dit: Nus volain tour per ierta las bellas abitaziuns da Deis.

14. Meis Deis, fa 'ls sco ün trabagl, e sco üna stubla avant l'ora,

15. Inqual sco 'l fö arda il god, e sco üna flamma invüda ils munts;

16. Usche da 'ls tü davo con tia fortüna d'ora, e metta 'ls in tremblazun con teis trabagl.

17. Fà lur fatschas plainas verguogna, ch'els domandan davo teis nom, o Segner.

18. Cha 's stovan turpiar, e stramantar per saimper, cha gianan a perder in tuorpi.

19. Acio sapchan lura, cha tü, chi sul vainst nomnâ Segner, sajast sulet l'otissem sur tuot la terra.

PSALM LXXXIV.

David, schatschâ d'Absalon, metta nan, quant desiderî ch'el haja davo il servezzen da Deis a Gerusalem; e rova, cha Deis il vögliä güdar lapro, in spranza cha Deis fetscha quai.

1. Un psalm al capo dels chantadurs per ils figls da Core, sün Gittit.

2. O quant amabels sun teis tabernaculs, Segner Zebaot!

3. Mi' orma, dal grand desiderî davo ils cortils del Segner languagescha; meis cour, e mia charn saglian d'allegrezza davo il vivaint Deis.

4. Un pasler perfin chatta üna chassa, ed üna randolina ün gnieu, ingio ella metta seis utschlins pro teis

utêrs, o Segner dels exercits, meis rai, e meis Deis!

5. O beats quels, chi abiteschan in tia chasa, continuamaing dan els lod a tai. Sela.

6. O beà mâ quel, il qual ha sia fermezza in tai, chi 's regorda da tias sendas,

7. Quels passan tras la val da larmas, la redüan in fontanas, e con benedicziun la cuverna la plövgia.

8. Els van a rotsch a rotsch, infin ch'els apparan avant il Deis dels Deis in Sion.

9. Segner, Deis Zebaot, oda mia oraziun, taidla, o Deis da Giacob. Sela.

10. Tü, nos schüt, guarda giò, Deis e guarda la vista da teis onschü.

11. Perche megl ais ün di in teis cortils, co oters milli; eu vögl bler ant tgnair dech il glim nella chasa da meis Deis, co uschigliö star nellas chamannas dels infidels.

12. Solai ais il Segner Deis e * schüt. Grazia e gloria da il Segner, el non retegna alchün bön a quels, chi chaminan in realtä e fai. * Gen. 15, 1.

13. Segner Zebaot, beà mâ quel, chi 's fida in tai.

PSALM LXXXV.

Ils fidels Güdeus, gnand crudelmaing perseguitats, rovan Deis, ch'el ils tornainta in bun stadi. Els as cuffortan con sias impromissiuns, ch'el quai fetscha.

1. Un psalm al capo dels chantadurs per ils figls da Core.

2. SEGNER, tü hast voglî bain a tia terra; hast turnantâ la preschunia da Giacob.

3. Tü hast alvâ via la cuolpa da teis pövel, tü hast perdunâ tuot lur pu-chats. Sela.

4. Tü hast miss davent tuot tia ira, hast vout davent la furia da tia ira.

5. Remetta 'ns darcheu, o Deis da nos salüd; lasch'ir tia ira conter nus.

6. Voust asaimper esser grit conter nus, e trar inavant tia ira d'età in età?

7. Non ans voust darcheu vivantar, cha teis pövel s'allegra in tai?

8. O Segner, fa 'ns vair tia misericordia, e dà a nus teis salüd.

9. Eu vögl udir, che il Segner Deis

tshantscha. Tschert, el vain a dir da pasch a seis pövel, ed a quels chi fan bain, ch'els non retuornan pro la nardà.

10. Schi, seis saltüd ais ardaint a quels, chi'l temman; usche cha onur, e gloria abiteschan nel pajais.

11. Misericordia, e fideltà vegnan as inscontrar; güstia e pasch as bütschar.

12. Vardà vain a schermügliar our dalla terra, e güstia vain a guardar giò da tschel.

13. Schi, il Segner vain a dar seis bains; * e nos terrain vain a dar seis früt. * Ps. 67, 7.

14. * Güstia vain a chaminar avant el, e vain a tshantar seis pass in-avant stin la via. * Ps. 89, 15. Es. 41, 2.

PSALM LXXXVI.

David rova, cha Deis il delibra da seis inimis perseguitadurs per causa, 1. della persuna da David. 2. Da Deis. 3. Dels inimis.

Ün' oraziun da David.

INCLINA o Segner, tia uraglia, lexoda 'm; perche pover e chalchà sun eu.

2. Cossalva mia vita, perche eu sun pietus. Salva teis famagl, o tü meis Deis, il qual ha cuffort in tai.

3. At lascha gnir pucha da mai, Segner, perche mincha di clam eu pro tai.

4. Allegra l'orma da teis famagl, perche vi' a tai oz eu mia orma, o Segner!

5. Perche, tü Segner, est benign e grazius, e grand da buntà vers tuots quels, chi claman tai in agüd.

6. Segner, taidla sün mia oraziun, e't fà surasen sün la vusch da meis rövs.

7. Nel di da mi' anguoscha at clam eu, siand vainst am exodir.

8. Sco tü non ais ingün intanter ils deis, Segner; ne inguotta sco tias ouvas.

9. * Tuot ils pövels, cha tü hast fat, vegnan a gnir, e vegnan ad adorar avant tia fatscha, Segner, e vegnan a dar onur a teis nom. * Ps. 22, 30.

10. Perche grand est tü, * e fast miraculs tü sulet, o Deis. * Ps. 72, 18.

11. Segner, * ammosa 'm tia via;

eu vögl chaminar in tia vardà. Unescha meis cour, a tmair teis nom.

* Ps. 5, 9.

12. Eu 't vögl ot lodar ed ingraziar, o Segner, meis Deis, da tuot meis cour; e vögl glorifichar teis nom in perpetuo.

13. Perche granda ais tia buntà invers mai; e tü hast deliberà mia orma our dalla foura chafuolla.

14. Deis, superbis sun alvats sü conter mai, ed üna compagnia da pussants tscherchan mi' orma, els non han tai avant lur ögls.

15. Ma tü, Segner, * est misericordiaivel, e grazius Deis; tard all' ira, grand da buntà e vardà. * Ex. 34, 6.

16. Guarda sün mai, e fa 'm grazia. Dà a teis famagl tia fermezza; e vè con agüd * al figl da tia fantschella.

* Ps. 116, 16.

17. Fa 'm vair ün' insaina a mia favur, cha meis inimis la vezzan, e's turpajan, co cha tü, Segner, est gnü in agüd a mai, e m' hast eufortà.

PSALM LXXXVII.

Il pövel Güden s'allegra in consideraziun del agüd da Deis, ed in pustüd per la vocaziun dels pajans, chi vegnan da quel temp a gnir nanpro.

Ün psalm per ils figls da Core.

IL fondamaint del Segner ais sün ils sanets munts.

2. Il Segner voul bain allas portas da Sion, avant tuot ils tabernaculs da Giacob.

3. Grandas chosas sun impromissas a tai, o tü città da Deis. Sela.

4. Eu vögl avoir adimaint Rahab, e Babel tanter quels, chi 'm cognoschan. Mera, Filistea e Tiro con l'Etiopia, quaists sun naschüts qua.

5. E davart Sion vain a gnir dit: Quaist e quel ais nat in quella; e l'Otisssem s'vess vain a la fortifichar.

6. Il Segner vain a nombrar, e scri-ver aint ils pövels, e dir: Quaist ais nat qua. Sela.

7. E qua vegnan ad esser chantadurs, sco eir sunadurs. * Tuot mias fontanas vegnan ad esser in tai.

* Es. 41, 5.

PSALM LXXXVIII.

Quaist psalm ais ün model d' ün' oraziun per ün, chi greivamaing ais in travaglia con luottas, cha Deis al güda our da sia miseria.

1. Ün psalm e chanzun per ils figls da Core, al capo dels chantadurs, a chantar süen citras. Un intraguidamaint d' Heman l' Esrait.

2. **O** Segner, Deis da meis salüd, da di clam eu; da not avant tai.

3. Vegna mia oraziun avant tai; inclina tia uraglia a meis rovar.

4. Perche mi' orma ais sazia d' anguocha, e mia vita ais vicina pro la sepultura.

5. Eu sun stimâ con quels, chi van giò nella foura; eu sun sco ün hom sainza forza.

6. Eu sun, sco tanter ils morts, bandunâ; e sco quels chi sun ammazzats, e giaschan nella fossa; dels quals tü plü non at regordast, ils quals sun tagliats giò da teis mans.

7. Tü m' hast miss nella plü bassa foura, nellas schürezzas; nellas cha-fuollezas.

8. Süen mai sta büttâ teis sdegn; e * m' hast chatschâ man con tuot tias uondas. Sela. * Ps. 42, 8.

9. Dalönsch davent da mai hast tut meis contschaints; a quaists am hast fat vunga ed abominaziun; eu sun serrâ aint, ninglur non vegn oura.

10. Meis ögl languischa da tanta afflieziun; eu't clam imminchadi, o Segner; eu slad oura meis mans vers tai.

11. Voust far ün miracul vi' als morts? Vegnan morts a restüstar, ed a celebrar a tai? Sela.

12. * Vain nella fossa raschunad' oura tia buntâ? E tia vardâ nel abiss? * Ps. 6, 6.

13. Vegnan teis miraculs cognoschüts nellas schürezzas? E tia güstia nel pajais dell' invlidanza?

14. Segner, eu clam a tai, e la daman manvagl at vain mi' oraziun avant.

15. Perche, o Segner, schatschast mi' orma, e zoppast tia vista avant mai?

16. Eu sun afflit, rend bod sü il spiert da mia giuventüm in sü; eu

port tias tremblazuns, e sun in stramizi.

17. Tias furias van sur mai oura; e tias terrurs am strenschan via.

18. M' incresan intuorn sco l' aua asaimper, e'm serran aint da contin.

19. Meis amis e compagns hast fat ir dalönsch davent da mai; quels ch' eu cognosch sun zoppats nel schür.

PSALM LXXXIX.

Quaist psalm ais ün' oraziun del pövel Güden, cur el guiva travagliâ dals inimis; in quella lodan els ils blers e grands benefizis da Deis, fats als lur dals temps passats. Els planschan da lur miseria. Rovan Deis per agüd; e serran giò con lod ed ingraziamaint.

1. Ün intraguidamaint d' Etan l' Esrait.

2. **L**AS misericordias del Segner vögl chantar oura in eterno. Da schlatta a schlatta vögl predgiar oura tia vardâ con mia bocca.

3. Perche eu di: Sia buntâ vain a dürar in eterno; * nels tschels fast tü ferm tia vardâ, dschand: * Ps. 119, 89.

4. * Eu ha fat üna lia con meis elet; eu ha gürrâ a David, meis famagl: * 2 Sam. 7, 11.

5. Fin in eterno vögl eu far ferm teis sem; e tia sopcha vögl eu drizzar sü, da schlatta a schlatta, asaimper. Sela.

6. Ma ils tschels vegnan a celebrar teis miraculs, o Segner; e tia vardâ nella raspada dels sanets.

7. Anzi, chi nellas nüvlas ais conguâl al Segner? Chi ais sumgiant al Segner tanter ils figls dels deis?

8. Al Deis chi ais müravglius nella granda raspada dels sanets; e da tmair fich sur tuots, chi sun intuorn el.

9. Segner, Deis dels exercits, chi ais sco tü pussant, Deis? E tia vardâ ais intuorn intuorn tai.

10. Tü domineschast sur la superbia del mâr, cur sias uondas leivan in ot, schi las balchast tü.

11. * Tü hast smachâ Rahab (Egipto), tant sco ün plajâ a mort; e con il bratsch da tia fermezza hast dispers teis inimis. * Ex. 14, 26.

12. Teis ais il tschel; e tia la terra. Il muond e sa plainezza tü l' hast sögliâ.

13. Mezzanot e mezdi tü l' hast creâ; Tabor ed Ermon givlan in teis nom.

14. Tü hast ün bratsch plain forza; ferm ais teis man; adozâ teis man dret.

15. * Güstia e güdizi ais il sögl da tia sopcha; buntà e vardà stan avant tia fatscha. * Ps. 97, 2.

16. Beà il pövel chi cognoscha il givlaz; nella glüm da tia vista vegnan els a chaminar, o Segner.

17. In teis nom stan els legers minchadi; in tia güstia vegnan els as lodar.

18. Perche l' onur da lur fermezza est tü; in tia bainvoglenscha s' eleva nossa testa.

19. Perche del Segner ais nos schüt; e del sanct d' Israel nos rai.

20. Da quel temp hast tü tschantshâ in visiun con teis pietus, ed hast dit: Eu ha tschantâ ün agüd al ferm; adozâ l' elet our dal pövel.

21. Eu ha chattâ David, meis famagl; con meis üli sanct l' ha eu onschü.

22. Con el vain meis man a star ferm; e meis bratsch vain al assister.

23. L' inimi non vain al opprimer; ne l' scelerat al squitschar suot.

24. Eu vögl smachar avant el, quels chi l' squitschan; e quels chi l' vöglan mal vögl eu batter.

25. Mia fai, e buntà vegnan ad esser con el; ed in meis nom vain sia testa a gnir adozzada.

26. Ed eu vögl metter seis man sül mâr, e süls flüms seis man dret.

27. El clamerà a mai: Tü est meis bap, meis Deis, ed il spelm da meis salüd.

28. Eir eu il vögl far meis primogenit, e plü ot co tuot ils rais della terra.

29. In eterno al vögl eu salvar mia misericordia; e mia lia al sarà ferma.

30. E vögl far seis sem da dūrada, e sia sopcha, seo l' età dels tschels.

31. Scha seis figls bandunan mia lia, e non chaminan in meis güdizis;

32. Scha profaneschan meis tschan-

tamaints, e non salvan meis comandamaints:

33. * Schi vögl eu lura visitar lur surpassamaints con la perecha, e con chastiamaints lur malfar. * 2 Sam. 7, 14.

34. Ma mia buntà non vögl eu tour davent dad el; ne l' vögl far fal con mia vardà e fai.

35. Non vögl violar mia lia, e quai ch' ais sorti da meis lefs, non vögl eu müdar.

36. Ūna vouta ha eu gürâ tras mia santità: Eu mâ non maint a David.

37. Seis sem dess star asaimper, e sia sopcha * ingual seo il solai avant mai; * Ps. 72, 5, 17.

38. Seo la glüna dess el gnir stabili per saimper, e la perdüta in tschel vain ad esser fidela.

39. Ma tü l' hast schatschâ, e l' hast sbüttâ, ed est gnü grit conter teis onschü;

40. Tü hast regettâ la lia con teis famagl; büttâ a terra e sconsacrâ sia corona;

41. Hast ruot giò tuot sias müraglias; hast redüt sias fortezzas in ruina.

42. Chi mâ passa per strada il spoglia; el ais dvantâ ün sdegn a seis vashins.

43. Tü hast ozâ il man dret da seis adversaris, ed hast allegrâ tuot seis inimis.

44. Schi tü hast smorzâ il fil da sia spada; e non l' hast fat star ferm nel combat.

45. Tü hast chassâ sia pompa, e sia sopcha hast trat giò a terra.

46. Tü hast seursni ils dis da sia giuventüm; l' hast covernâ con spreisch. Sela.

47. Infina cura, Segner, voust t' az-zoppar asaimper? Dess arder seo ün fö teis sdegn?

48. At regorda da quant ais la vita; dessast avoir creâ per inguotta tuots figls da erastian?

49. Ingio ais ün hom, chi viva, * e non vezza la mort; spendra sia orma dalla sepultura? Sela. * Ps. 49, 10.

50. Ingio sun tias anteriuras misericordias, o Segner, * cha tü hast gürâ a David in tia vardà e fai?

* Es. 55, 3.

51. At regorda, o Segner, del sdegn da teis serviaints, ch'eu ha portà in meis sain quels tuots da blers pövels;

52. Seguond qual teis inimis vitupereschan, Segner; vitupereschan ils pass da teis onschü.

53. Saja benedi il Segner in eterno. Amen ed amen.

PSALM XC.

Qui cufforta Mose il pövel d'Israel con quai, cha Deis asaimper sta pro 'ls seis. Descriva la cuorta dürada, e blera stainta della vita del crastian, e pacs sun quels, chi quai considereschan. El rova nel nom del pövel, cha Deis operescha in els quella consideraziun, e 'ls spendra, e 'ls detta sia benedicziun.

Un' oraziun da Mose, quel hom da Deis.

SEGNER, tü est stat nos refugi da schlatta a schlatta.

2. Ant co cha 'ls munts naschessan, e cha tü formessast la terra, e 'l muond, e d'eterno innan, fin in eterno est tü Deis.

3. Tü redüast il crastian in puolvra, e disch: Turnai darcheu figls della gliend.

4. Perche * milli ans sun avant teis ögls ingual sco 'l di d'hêr, cur el ais passâ; e tant co üna vigilia nella not.

* 1 Petr. 3, 8.

5. Tü 'ls sdrappast d'avent sco üna plövgia grossa; * els sun ün sömi; sün la daman sun els † sco erba, chi vain passa.

* Giob 20, 8. † Giob 8, 11.

6. La daman florescha ella, e 's müda; la saira vain ella tagliada giò, e secha via.

7. Contuot, schi gnin nus constümat tras ti' ira, e tras tia furia gnin nus stramits.

8. Perche tü mettast noss puchats avant tai; e noss puchats azzoppats avant la glüm da tia vista.

9. Perquai passan via tuot noss dis in teis sdegn, nus manain via noss ans sco ün impissamaint.

10. Ils dis da noss' età sun settant' ans, e pro vigur ottant' ans; e tuot lur bain ais stainta e dolor; perche que vain sco sbluttâ via, e nus svolain d'avent in prescha.

11. Chi mâ cognoscha la forza da tia ira, e suainter tia temma, tia indignaziun?

12. * Fà cha nus nombran noss dis;

ed usche fa 'ns inelegiantaivels, a manar via nos cour pro la sabgenscha.

* Ps. 39, 5.

13. Tuorna, o Segner; quant löneh? E't bunaja sur da tia famaglia!

14. Saduola 'ns sün la daman con tia buntà, e nus gnin a saglir d'allegrezza; nus gnin a star leigers tuot nos dis.

15. Alleigra 'ns suainter quels dis, cha tü ans hast dat dafar; suainter ils ans, cha nus avain vis il mal.

16. Fà vair tia ouvra a tia famaglia, e tia gloria a lur infants.

17. E la clemenza del Segner, nos Deis, saja sur nus, e l'ouvra da noss mans assista; schi, assista l'ouvra da noss mans.

PSALM XCI.

L'autur del psalm cufforta tuot quels, chi han lur recuors pro Deis, ch'el in priveis d'ogni sort in pustüd privel della peste vegna als perchürar.

QUEL chi abitescha nel zoppel del otissem vain a star nella sumbriva del omnipotaint.

2. Al Segner vögl eu dir: Tü est meis refugi e mia fortezza; meis Deis, sün il qual tschaint mia spranza.

3. Perche el vain * at deliberar our dal latsch del utschlêr, dalla mala peste.

* Ps. 124, 7.

4. El vain at covernar suot sias pennas, e suot sias alas vainst a chattar defensiun. Schüt e targia ais sia vardà.

5. * Tü non hast da 't tmair dal stramizi della not; ne dalla frizza, chi svoula da di;

* Giob 5, 19.

6. Ne dalla pestilenza, chi 's avanza da schür, ne dalla malatia, chi metta a perder sül mezdi.

7. Croudand milli da tia vart; e desch milli da tia vart dretta; impèro non vain ella as approsmar pro tai.

8. Be con teis ögls vainst a guardar ed a vair, co vain rendü al empi;

9. Perche tü, Segner, est mia proteeziun, e l'otissem hast constitui per tia avdanza.

10. Mal non at incontra, e plaja non vain ardaunt' a tia chamanna;

11. Perche * el ha dat comand a seis angels davart tai, ch'els at

perchüran in tuottas tias vias.

* Matt. 4, 6. Luc. 4, 10.

12. Sün lur mans vegnan els at portar, cha teis pè non schampütscha conter üna peidra.

13. Sur liuns ed aspides vainst a passar; tü trapplast sün liuns giuvens e draguns.

14. Dimena, siand cha quaist m'ama da bun cour, schi'l vögl eu deliberar; e'l vögl adozzar, siand ch'el cognoscha meis nom.

15. El am clam' in agüd, ed eu al vögl responder; con el sun eu in tribulazium; eu al vögl güdar oura, e glorifichar.

16. Con lungezza da dis il vögl eu sadular, e'l vögl far vair meis salüd.

PSALM XCII.

In quaist psalm s'exorteschan ils fidels ad ingraziar Deis per seis müravglius guvern; ch'el eir als mals in quaista vita fa blier del bain; impero alla davo ils sdrüa el; ma l'incontra ch'el ils prus adoza e benedescha.

1. Üna chanzun da lod sün il di del sabbat.

2. ÜNA bella chosa * aise, lodar ed ingraziar al Segner; e sunar e chantar a teis ot nom; * Ps. 147, 1.

3. La daman laschar a savair tia buntà; e da not tia vardà;

4. Sün l'instrumaint da desch cordas, e sün la lauta, sün la citra, e sün la gija;

5. Perche tü m'hast allegrâ, Segner, tras tias ouvras; sur las ouvras da teis mans sagl eu in ot d'allegrezza.

6. Quant grandas sun tias ouvras, o Segner, * co sun usche zuond cha-fuols teis impissamaints. * Rom. 11, 34.

7. Ün nar non sa quai, ed ün sainz' intellet non inlechia quai.

8. * Infant cha'ls mals stan verds sco l'erba, e tuot quels, chi fan l'iniquità, floreschan, els van a perder in eterno. * Giob 12, 6.

9. Ma tü est l'otissem, o Segner, in eterno.

10. Perche mera, teis inimis, Segner, schi, perche mera, teis inimis vegnan a perir, e vegnan a gnir dissipats tuot quels chi fan il mal.

11. E tü vainst ad adoza mia corna, sco quella del unicorn, eu sun onschü con öli verd e fraïsch;

12. E meis ögl vain a vair güdizis conter meis inimis; e davart quels maligns chi leivan sü conter mai, vegnan mias uraglias ad udir.

13. Il güst vain a star verd sco la palma; sco la ceder del Libano vain el a crescer con adampchamaint;

14. Implantats nella chasa del Segner, nels cortils da nos Deis, vegnan els a florir.

15. Amo * mettan els buorvs in lur vegldüm; vigurus vegnan els ad esser* e verds; * Es. 65, 22.

16. Per laschar a savair, cha'l Segner ais güst; meis spelm, è cha iniquità non ais in el.

PSALM XCIII.

Ils fidels as cuffortan conter il tour a man dels tirans, da Deis e sias impromissiuns.

IL Segner regna; el ais investi da grandezza; il Segner ais agià tschintâ da fermezza; usche ais la terra fermada, ch'ella non vain moventada.

2. Tia * sopcha ais salda da lura innan; schi, d'eterno in nan est tü; * Ps. 45, 7.

3. O Segner, ils flüms han adoza; ils flüms adoza lur vusch; ils flüms han adoza lur romur.

4. Sur las romurs da bleras auas, da fermas uondas del mâr, ais il Segner ferm nell'otezza.

5. Tias testimonias sun saldas grandamaing; la santità da tia chasa, o Segner, ais dalettaivla per lungezza da temps in perpetuo.

PSALM XCIV.

L'autur rova, cha Deis vögla chastiar tuots tirans da chasa; el ils slama; e cufforta quels chi vegnan chalchats.

DEIS della vendetta, Segner; Deis della vendetta appara in splendur.

2. Tü güdisch da tuot la terra, at fà sü; renda als superbis lur merit.

3. Quant löneh, Segner, quant löneh dessan ils mals saglir sü, e star leigers?

4. Els tavellan sainza fondamaint, * e fies as lodan tuots quels, chi fan l'iniquità. * 1 Sam. 2, 3.

5. Segner, els squitschan suot teis pövel, e trapplan suot tia ierta.

6. Els mazzan la vaidgua, e l'ester; els piglian la vita als orfens;

7. E dischan: Deis non vain a vair quai; ed il Deis da Giacob non as presögna da quai.

8. Ma schi ineclegiai, vus chi non avais ingün sen tanter il pövel; e vus nars, cura volais vus pür gnir sabis?

9. * Quel chi ha plantâ l'uraglia, non dess el udir? Quel chi ha fat l'ögl, non dess el vair? * Ex. 4, 11.

10. Quel chi slama ils pövels, non dess el chastiar, el chi mossa la gliend scienza?

11. Il Segner cognoscha ils impissamaints della gliend, cha sun vanità.

12. Beà quel hom, Segner, il qual tū intraguidast, ed al mossast tia ledscha,

13. Cha tū al drizzast pos, nels dis del mal, fin tant saja chavada la foura al pervers.

14. Tschertamaing, il Segner non vain a büttar via seis pövel; ne vain a bandunar sia ierta.

15. Perche il güdizi vain a turnar pro la güstia, e davo el vegnan tuot quels chi sun d' ün cour real.

16. Chi ais stat sū per mai conter quels chi fan il mal? Chi sta aint per mai conter quels chi fan l' iniquità?

17. * Scha'l Segner non füss stat meis agüd, per pae, schi mi' orma avess avdâ nel lō da quaidezza.

* Giob 3, 12.

18. Cur eu pens: Meis pè sblezcha; schi tia buntà, Segner, am tegna sū.

19. Nella bletüra da meis impissamaints in mai, han teis cufforts allegrâ mi' orma.

20. S' ha forse accompagnâ con tai la superbia * dell' iniquità, chi in pè della raschun s' inspia oura fadia e travaglia?

* Es. 10, 1.

21. Els vegnan insembel a rotsch a rotsch sur l' orma del güst, e condannan sang innozaint.

22. Qua lura am ais il Segner stat ün chastè; e meis Deis il spelm da meis recuors.

23. Perche, * el vain a render ad els lur tort e forza; e tras lur malizia

vain el als metter a perder; il Segner nos Deis vain als metter a perder!

* Ps. 7, 17.

PSALM XCV.

David exortescha Israel, ch' els in lur raspadas dessan lodar ed adurar il Segner, ed obedir ad el, per ch' els non vegnan chastiat sco lur vegls.

GNI nan, saglin sū e chantain al Segner; güvlain al spelm da nos salüd!

2. Giain avant sia fatscha con lod; güvlain ad el con psalms!

3. Perche ün grand Deis ais il Segner, ed ün grand rai sur tuot ils Deis.

4. Perche in seis mans sun las chafollezas della terra; eir las otezzas dels munts sun sias.

5. Perche seis ais il mâr; el l' ha fat, e l' terrain han seis mans formâ.

6. Gni, ans büttain giò in terra, e l' adorain; ans insnogliain avant la fatscha del Segner, chi 'ns ha fats.

7. Perche el ais nos Deis, e nus pövel da * sias pašchüras, e l' tröp da seis man.

* Ps. 79, 13.

8. Scha vus gnis ad udir hoz sia vusch, schi non indüri voss cours, sco in * Meriba; sco al di da Massa nel desert.

* Ex. 17, 7.

9. Ingio voss babuns m' han tentâ; schi m' han provâ, combain cha vezzaivan mia ouvra.

10. Quarant' ans alla lunga m' in creschet da quaista generaziun; per quai dschet eu: Quaist ais ün pövel, chi va ad errur in lur cour; ed els non han cognoschü mias vias;

11. Tant, ch' eu * güret in mi' ira: Els mâ non dessan intrar in meis repos.

* Num. 14, 21. Ebr. 4, 3.

PSALM XCVI.

L' autur exortescha ils fidels da Güdens e da pajans, ils quals dal temp da Cristo vegnan ad esser vivs, chi l' dessan lodar ed adurar.

CHANTAI al Segner üna chanzun nouva; chantai al Segner tuot la terra;

2. Chantai al Segner; benedi seis nom, * predgiai oura da di in di seis agüd;

* 1 Cron. 16, 23.

3. Raschunai tanter tuot pövels sia

gloria; tanter tuottas naziums, sias müravgliusas ouvras.

4. Perche grand ais il Segner, ed ot da gnir lodâ, e da tmair sur tuot ils deis.

5. Perche tuots ils deis dels pôvels sun idols; ma il Segner, quel ha fat ils tschels.

6. Majestà ed onur ais avant el; fermezza e gloria in seis santuari.

7. * Dat al Segner, vus pôvels insembel; dat al Segner gloria e fermezza. * Ps. 29, 1.

8. Dat al Segner l'onur da da seis nom; pigliai offertas, e gni in seis cortil.

9. Adurai il Segner * nell'onur da seis santuari; trembla tuot la terra avant sia fatscha. * Ps. 110, 3.

10. Dit tanter ils pôvels, il Segner regna; contuot schi vain stabili il crês della terra, ch'el non as mouva. El redscha ils pôvels con dret e raschun.

11. S'alleigra in ils tschels, e saglia sù la terra; strasuna il mâr e sia grandezza.

12. S'alleigra la cuntura, e che ch'ais sün quella; lura cha güvla d'allegrezza tuot la boſcha dels gods,

13. Avant il Segner; perche el vain; perche el vain a redscher la terra. El vain a redscher il crês della terra con güstia, ed ils pôvels con sia vardà.

PSALM XCVII.

L'autur admonescha tuot fidels dals temps della vgnüda da Cristo al lodar, e 's allegrar da seis reginam, e divina majestà. El ils cufforta conter la persecuziun dels infidels.

Il Segner regna; saglia sù la terra; s'alleigra in las inslas grandas.

2. Nüel e schür ais intuorn el; * güstia e güdizi sun il pè e fondamaint da sia sopcha. * Ps. 89, 15.

3. Fö va avant sia fatscha, e consüma tuot intuorn seis inimis.

4. Seis lütschaiders han splenduri sur terra; la terra vezza, e trembla.

5. Ils munts sco tschaira leguan avant la vista del Segner; avant la vista del Segner tuot la terra.

6. Ils tschels fan a savair sia güstia, tuot ils pôvels vezzan sia gloria.

7. Vegnan in verguogna tuot quels, chi servan ad imagnas, chi 's lodan in lur idols. * Avant el dessan adurar tuot ils deis. * Ebr. 1, 6.

8. Sion ha udi, e s'ha allegrâ; e las figlias da Giuda han sagli d'allegrezza per teis güdizis, o Segner.

9. Perche tû, Segner, est il plü ot sur tuot la terra; est otamaing elevâ sur tuot ils deis.

10. Vus, chi amais il Segner, hajat in ödi il mal; el perchüra las ormas da seis pietus, el vain als trar our dal man dels pervers.

11. * Als güsts ais semnada la glüm, ed allegrezza als drets da cour. * Ps. 112, 4.

12. S'allegrai vus güsts nel Segner; e predgiai oura la memoria da sia santità.

PSALM XCVIII.

Seo nel psalm avant usche eir in quaist exorta l'autur ils fidels dal temp della vgnüda da Cristo in charn, chi 'l dessan lodar per seis salüd, e güst, bun guvern.

Psalm.

CHANTAI al Segner üna nouva chanzun, perche el ha fat miraculs; * seis man dret, e seis sanct bratsch l'han dat agüd. * Es. 52, 10.

2. Il Segner ha fat appalais seis agüd; ed avant ils ögls dels pôvels ha el fat vair sia güstia.

3. El s'ha regordâ da sia buntà, e vardà vers la chasa d'Israel. Tuot ils confins della terra han vis l'agüd da nos Deis.

4. Güvlai al Segner tuot la terra; strasunai, e chantai dadot;

5. Sunai al Segner sün la citra; sün la citra con vusch da chant.

6. Con trombettas, e sunar della tüba güvlai avant quaist rai, il Segner.

7. * Strasuna il mâr, e sia plainezza; il crês della terra, e quels chi abiteschan lasura. * Ps. 96, 11.

8. Ils flüms schflatschan con ils mans; e chantan ad ota vusch ils munts insembel.

9. Avant il Segner! Perche el vain a redscher la terra. El vain a redscher il crês della terra con güstia, ed ils pôvels con equità.

PSALM XCIX.

L'autur exorta a lodar, ed onorar il Segner per causa da seis reginam spiritual tantergels, sün fidanza, ch'el vegna als exodir, sco el ünsacura ha exodi Mose, ed Aaron e Samuel.

IL Segner regna, e tremblan ils pövels; * el sezza sur ils chernubins, e undaja la terra. * Ps. 80, 2.

2. In Sion ais il Segner grand, ed ot sur tuot ils pövels.

3. A teis nom grand e stramantus confessan ed ingrazian tuots; el ais sanct,

4. E la fermezza del rai chi ama il güdizi. Tü fast saldâ, que ch'ais dret; tü fast güdizi e güstia in Jacob.

5. Adozai il Segner nos Deis, ed as prosternai avant il şchabell da seis peis; perche el ais sanct.

6. Mose ed Aaron intanter ils sacerdots, e Samuel, chi clamet in agüd seis nom: Els han bragi pro'l Segner, ed el ils ha exodits.

7. * Nella coluonna della nüvla ha Deis tschantschâ con els; els han salvâ sias perdüttas, ed el als ha dat seis tschantamaints. * Ex. 33, 9.

8. Segner, nos Deis, tü'ls hast exodits; tü'ls est stat ün Deis, chi piglia via lur puchats; ed impero eir, chi fast vendetta da lur fats.

9. Adozai il Segner, nos Deis, ed as prosternai al munt da sia santità; perche sanct ais il Segner nos Deis.

PSALM C.

Ils fidels s'exortan tanter pèr a chantar lod per il spezial benefizi da Deis, ch'el ils ha clamats e tant co seis pövel perchürâ, e guvernâ.

Psalm da lod.

GÜVLAI al Segner tuot la terra.

2. Servi al Segner con dalet; gni avant sia vista con güvlar.

3. Cognoschai, cha'l Segner ais nos Deis; el ha fat a nus, e brichan a nus sves; nus eschan seis pövel, e la scossa da sias pašchüras.

4. Intra in sias portas con lod ed ingraziamaint; in seis cortils con lod! Slargiai oura seis lod, e benedi seis nom!

5. Perche il Segner ais bun; asaimper düra sia misericordia, e sia vardâ da schlatta in schlatta.

PSALM CI.

David imprometta al Segner, gñand tshantâ in possess del reginam, da's guvernar suainter tuot il dovair, e metta nan qualcha punt d'ün bun governatur.

Un psalm da David.

EU vögl chantar buntâ e güdizi; a tai, Segner, vögl far psalms.

2. Eu vögl metter tuot meis stüdi sün la via sincêra; cura vainst tü a gnir pro mai? Eu vögl chaminar in sincerità da meis cour in mia chasa.

3. Ingün malfat non vögl eu tour avant mai; eu vögl mal als surpasamaints; ün da quels non starâ pro mai.

4. Ün cour stravers dess ir lönsch davent da mai, e'ls empis non vögl eu cognoscher.

5. Quels chi smorvan secrettamaing lur prossem vögl eu metter our peis; a quels chi han ögls grandêrs, e cour superbius, non ils poss eu.

6. Meis ögls vögl eu avoir sün quels da vardâ nella terra, ch'els stettan pro mai. Quels chi chaminan sün la dretta via, dessan am servir.

7. In mia chasa non dessan avdar quels chi fan frod; quel chi tshan-tscha ingians, non vain stabili avant meis ögls.

8. Ogni daman vögl eu metter a perder tuot ils empis del pajais; ragischar our dalla città del Segner tuot quels chi fan mal.

PSALM CII.

Quaist psalm ais miss giò per il pövel Güdeu, cur el eira in preschun a Babilon, e bunamaing eiran complits ils settant'ans da quella. Els rovan, cha Deis ils delibera our da quella; e's cuffortan, cha Deis quai vegn' a far.

1. Un' oraziun del pover, cur el vain sursagli con tremblazun, e spand' oura seis pland avant Deis.

2. **O** Segner, oda mia vusch; e meis clamar vegna avant tai.

3. Non zoppar tia fatscha avant mai nel di da mia stainta! Inclina vers mai ti'uraglia, cur ch'eu clam; vè bod, e responda'm.

4. Perche constimats via, ingual seo ün füm, sun meis dis, e mia ossa arda seo ün tizzun.

5. Meis cour ais sechantâ seo erba,

e spassischa via; dasort, ch' eu smanch da mangiar meis pan.

6. * Dalla vusch da meis cluotschs ais tuot mia ossa tachada pro mia charn. * Giob 19, 20.

7. * Eu sun simil al pellican del desert; eu sun dvantâ sco 'l pûf in lous soldans. * Giob 30, 29.

8. Tuot la not oura vagl eu, e sun sco ün pasler soldan sün ün tet.

9. Tuotta di am sdegnan meis inimis; e quels, chi sun furius sur da mai, güran tras mai;

10. Perquai mang eu puolvra tant co pan, e maisd mia bavrandà con larmas,

11. Per tia ira, e teis sdegn; perche tü m' hast adoza sü, e m' hast eir büttâ giò.

12. Meis dis sun sco üna sumbriva, chi s' inclina; ed eu sun sechâ via sco ün' erba.

13. Ma tü, Segner, restast in eterno, e tia memoria resta da schlatta a schlatta.

14. Perquai tü, alvand stü, vainst at laschar gnir compassiun da Sion; perche l' ais temp da 's laschar gnir pucha d'el; seis temp ordinâ ais gnü.

15. Perche tia famaglia vegnan ad avair lur affecziun vi' a sia crappa, ed a deplorar sia puolvra.

16. Lura temman ils pajans il nom del Segner, e tuot ils rais della terra tia gloria;

17. Perquai cha 'l Segner edificha Sion, e 's fa vair in sia gloria;

18. As volva all' oraziun dels afflits, e non sbütta lur rövs.

19. Quai dess gnir miss in scrit per la generaziun, chi vain davo; ed il pövel chi crescha vain a lodar Deis.

20. El guarda giò dal lö da sia santità nel ot; il Segner guarda giò da tsel sün terra,

21. Per ch' el udiss il suspürar dels preschunêrs, e slargess ils figls della mort.

22. Per cha laschan a savair in Sion il nom del Segner; seis lod a Gerusalem,

23. Cur ils pövels vegnan a gnir raspats insembel, ed ils reginams, per servir al Segner.

24. El ha bain büttâ a terra mia forza sün la via; tsehune giò meis dis.

25. Eu ha dit: O meis Deis, non am far svampar via nella mitâ da meis dis; teis ans sun da schlatta a schlatta asaimper.

26. Avant löneh hast tü * sögliâ la terra; ed ouvra da teis mans sun ils tshels. * Ebr. 1, 10.

27. Quai tuot vain a passar via; ma tü vainst a rumagnair; * e tuot quai vain a gnir vedrüsche sco ün abit; sco ün vestimaint vainst als müdar, e vegnan müdats. * Es. 51, 6.

28. Ma tü, Segner, est il medem, e teis ans non vegnan a finir.

29. * Ils infants da tia famaglia vegnan a star, ed ad abitar; e lur sem vain a gnir stabili avant tai. * Ps. 69, 37.

PSALM CIII.

David s' exorta sves, a lodar Deis, per seis benefizis, ils quals Deis ha fat ad el, e lura eir a tuot il pövel da Deis. Exorta eir ils angels, e tuottas creatüras a lodar Deis.

Un psalm da David.

LODA il Segner, o tü mi' orma, e che ch' ais in mai, seis sanctissem nom;

2. Orma mia loda il Segner, e non smanchar tuots seis benefizis;

3. Il qual perduna a tai tuot teis puchats; e medgia tuot tias infirmitats;

4. Il qual spendra tia vita our dalla sepultüra; il qual t' incoruna con buntâ, e con misericordia;

5. Il qual saduola tia masella con tuot bön; * cha 's renouva tia giuventüm sco quella dell' aglia. * Es. 40, 31.

6. Il Segner fa güstia e raschun a tuots, chi sun squitschats suot con ingian.

7. El ha fat a savair sias vias a Mose; als figls d' Israel quai ch' el ha fat.

8. Misericordiaivel e grazius ais il Segner; tard' all' ira e da granda buntâ.

9. El * non dantiglia in eterno, ne tegna ira in perpetuo. * Ger. 3, 5.

10. El non fa con nus suainter noss puchats, e non ans renda suainter nossas iniquitats.

11. Anzi, quant grand' ais l' otezza dels tshels sur la terra, tant ais

PSALM CIV.

sia buntà granda sur quels chi 'l temman;

12. Quant dalönsch l'oriaint d'avent dal occidaint; usche ha el dalönsch büttà d'avent d'el noss puchats.

13. Inguai sco ün bap as lascha gnir pucha da seis infants; usche ais il Segner misericordiaivel vi' a quels chi 'l temman;

14. Perche el cognoscha, da che fattura nus eschan; el as regorda, cha nus eschan puolvra.

15. Il dis del crastian sun sco l'erba; inguai sco üna fluor della cuttüra floresch'el;

16. Scha ün soffel va sur ell'oura, schi non ais ella plü; * e seis lö plü non la cognoscha; * Giob 7, 10.

17. Ma la buntà del Segner düra d'eterno in eterno sur quels, chi 'l temman; * e sia güstia sur lur infants ed abiadis, * Ex. 20, 6.

18. Schi a quels, chi salvan sia lia; ed as regordan da seis statuts, a'ls far.

19. Il Segner ha fermâ seis trun nels tshels, e seis reginam ha il domini sur tuot.

20. Benedi il Segner, vus seis angels, * vus da granda pussanza, chi fais seis pled, ed obedis alla vusch da seis pled. * Ps. 78, 25.

21. Benedi il Segner tuot seis exercits; vus seis serviaints, chi fais seis bainplaschair;

22. Benedi il Segner tuot sias ouvras. In tuots lous da sia dominaziun. Dà lod al Segner, o tû mia orma.

PSALM CIV.

L'autur da quaist psalm loda la sapienza, omnipotenza, e buntà da Deis per la creaziun, conservaziun, e guvernaziun da tuottas creatüras.

LODA, tû mia orma, il Segner! O Segner, meis Deis, tû est fich grand; * trat aint con gloria ed onur. * Ps. 93, 1.

2. Vesti ais il Segner con clarità sco con ün vestimaint; el ha stais oura ils tshels, sco üna coverta.

3. El ha inchastrâ sia sala ota con auas; ha fat las nüvlas per seis charr; e vain sün las alas del soffel.

4. * Seis angels fa el esser ils vents; seis ministers flammas da fö. * Ebr. 1, 7.

5. * El ha sögliâ la terra sün seis fuond; ella non sarà moventada in perpetuo. * Giob 26, 7.

6. Cen l'abiss, sco con ün vestimaint l'avaivast covernada suot; las auas staivan sur ils munts;

7. * Ma da teis slamar sun ellas fùgidas; in prescha sun ellas idas d'avent avant la vusch da teis tunar; * Gen. 8, 1.

8. Ils munts sun its ad ot, e las vals s'han laschadas giò a bass, al lö, cha tû las avaivast sögliâ.

9. Tû hast miss ün term, sur il qual ellas non vegnan a passar; e * non turneran a covernar suot la terra. * Gen. 9, 11. 15.

10. Tû fast buglir oura fontanas, chi dvaintan flüms, chi cuorran giò tanter ils munts;

11. Our da quels baivan tuot las bestias della cuttüra; ed ils asens solvadis rumpen lur sait,

12. Sper quels avdan ils utschels del tshel; ed our da mez la ramma chantan els.

13. El * incragna ils munts giò da sias chambras; la terra vain plaina dal früt da sias lavurs. * Ps. 147, 8.

14. El fa prüir oura erbas per las bestias, e ravitschas a servezzen del crastian; ed il nudriamaint fa el gnir our dalla terra.

15. * E vin, chi alleigra il cour del crastian, fand la fatscha glüschainta sco con öli; e pan, chi cufforta il cour del crastian. * Güd. 9, 13.

16. La boşcha del Segner vain sadulada; ils ceders del Libanon, * ch'el ha implantâ. * Num. 24, 6.

17. Qua fa l'utschlamainta lur gnies, ed allas ciconias sun pins lur allogiamaint.

18. Ils ots munts sun per ils chamuotchs; ed ils spelms sun il zoppel als cunigs.

19. Per ils temps ordinaris ha el fat la glüna; il solai sa ingio ir giò.

20. Tû fast şchür, e vain la not; in ella lura as movaintan tuot las bestias solvadias dels gods.

21. Ils liuns giuvens sbrüan davo la praja, * e retscherchan lur daviver da Deis. * Giob 39, 1.

PSALM CV.

22. Il solai leiva, els tuornan aint, e's giaschaintan in lur cuvels.

23. Lura vain oura il crastian pro sia lavur, e pro sias fatschendas fin alla saira.

24. Quant grandas mâ sun tias ouvas, o Segner! Tuottas hast fat con granda sapienza; plain'ais la terra da teis duns.

25. Quel mâr grand e larg, quabriela da reptils sainza number, animals pitschens e grands;

26. Sün quel chaminan las navs; il leviatan, cha tû hast formâ, ch'el giouva in quel.

27. * Ellas tuottas guardan sün tai, cha tû las dettast lur daviver a seis temp.

* Ps. 145, 15.

28. Tû las dast, ed ellas clean aint; tû avrast teis man, ellas vegnan plainas da tuot bün.

29. Tû zoppast tia fatscha, ellas tremblan; tû retirast lur flâ, ed ellas dan a terra, e tuornan in lur puolvra.

30. Tû laschast oura teis spiert, ellas vegnan creadas; tû renouvast la fatscha della terra.

31. Saja gloria ed onur al Segner in eterno; s' alleigra il Segner in sias ouvas;

32. El dech guarda la terra, ed ella trembla; el tocca ils munts, ed els fümman.

33. * Eu vögl chantar al Segner fin tant ch' eu viv; far psalms al Segner, meis Deis, usche lönch ch' eu sun.

* Ps. 146, 2.

34. Meis pled al saja accet, eu m' allegr nel Segner.

35. Possan ils pechadurs svanir dalla terra, e na esser plü ils scele-rats. Orma mia benedescha il Segner. Alleluja!

PSALM CV.

L'autur exorta Israel, ad ingraziar Deis, per tuot quels grands e spezials benefizis, cha Deis ha fat a lur babuns, d' Abraham innan, fin sün Giosua. Quels benefizis mett' el nan l' ün davo l' oter.

CELEBRAI il Segner; clamai sura seis nom; predgiai oura tanter ils pövels sias ouvas.

2. Chantai ad el; sunai ad el sün instrumaints; tschantshai davart tuot seis miraculs.

3. As gloriiai in seis sanet nom; cha s' allegra il cour da quels chi tscherchan il Segner.

4. Tscherechai il Segner e sia fermezza; tscherechai sia fatscha da contin.

5. As regordai da seis miraculs ch' el ha fat; da sias strangezzas, e güdizis da sia bocca,

6. Vus, sem d' Abraham, seis serviants; figls da Giacob, seis elets!

7. Il Segner s vess ais nos Deis; sur tuot la terra sun seis güdizis.

8. El as regorda in eterno da sia lia; del pled, ch' el ha comandâ in milli generaziuns;

9. * La quala el ha fat con Abraham, e da seis saramaint con Isac,

* Gen. 17, 2. 22, 16.

10. Ed el stabilit quai a Giacob per ün statut, ad Israel per üna lia asaimper,

11. Dschand: * A tai vögl eu dar la terra da Canaan, la sort da voss' ierta;

* Gen. 13, 15.

12. Cur els eiran pitschen number, zuond pacs e forestêrs in quella.

13. Els sun passats tras dal ün pövel in ün oter pövel; d' ün reginam, pro ün oter pövel.

14. El non ha permiss ad ingün da 'ls opprimer; * ed ha, in amur dad els, chastiâ rais, dschand:

* Gen. 12, 17.

15. Non toccai meis onschüts, ed a meis profets non farai del mal.

16. Qua ha el clamâ nan üna fam sur terra; el ha ruot tuot bastun del pan.

17. * El tramettet avant els via ün hom; Giosef gnit vendü per ün selav.

* Gen. 45, 5.

18. * Els han strenschi aint in tscheps seis peis; in fiers stovet el viver,

* Gen. 39, 20.

19. Fin al temp, cha seis pled ais gnü vaira, e 'l pled del Segner, s' approvet.

20. * Qua tramettet il rai e l' ha slargiâ; ed il redschadur dels pövels, e l' ha delibêrâ;

* Gen. 41, 14.

21. * El l' ha tschantâ ün Segner sur sia chasa; ed ün patrun sur tuot sias facultats.

* Gen. 41, 40.

22. Ch' el liess eir seis principals

suainter seis plaschair, e ch'el moss sapienza eir a seis vegls.

23. * Ed usche ais gnü Israel in Egipto; e Giacob ais stat peregrin nella terra da Cham. * Gen. 46, 6.

24. E'l Segner ha creschantâ seis pövel grandamaing, e'l ha fat pü ferm co seis inimis.

25. El ha vout lur cour, ch'els volaivan mal a seis pövel, e giaivan intuorn in tuotta fosdâ, conter seis serviaints.

26. Lura ha el tramiss Mose, seis famagl; Aaron, ch'el ha tshernü.

27. * Quels han esegui tanter els ils pleds da sias insainas, e strangizzas nel pajais da Cham. * Ex. 7, 9.

28. * El tramettet schürezzas, e fet schür, e quellas non sun statts rebellas a seis pleds. * Ex. 10, 21.

29. El volvet lur auas in sang, e fet morir lur peschs.

30. Lur terra criblaiva da rannas, fin nella chambra da lur rais.

31. El dschet, e gnit ün sem da muoſchas, e pluogls in tuot lur confins.

32. El fet gnir, per plövgia, üna tempesta; flammass da fö sün lur terra.

33. Ed el battet lur vignas, e lur figërs; e rumpet giò la boſcha da lur confins.

34. El dschet, qua gnittan salips, ed uzlanas sainza number,

35. Chi maglettan giò tuot l'erba in lur terra, e dissipettan il früt da lur cuttüra.

36. Ed el battet scodün primogenit in lur pajais; tuottas primizias da lur forza.

37. * E manet oura Israel con argient ed or, ed ingün debel non ais stat in lur chasadas. * Ex. 12, 35.

38. Egipto s'allegraiva da lur depart, perche lur temma eira crodada sur els.

39. Deis ha * stais oura üna nüvla per coverta, ed ün fö, per far eler da not. * Ex. 13, 21.

40. * Israel ha retscherchâ; el fet gnir la quacra, e con pan giò da tshel ils ha el sadulats.

* Ex. 16, 13. Ps. 78, 24.

41. * El ha avri spelms, ed auas

sun corrüdas oura, e sun idas in lous sechs sco ün flüm; * Ex. 17, 6.

42. Perche el s'ha regordâ del pled da sia santità * ad Abraham, seis serviaint. * Gen. 15, 14.

43. Schi ha el dimena manâ oura seis pövel con allegrezza; seis elets con güvlaz.

44. Ed el det ad els las terras dels pajans, ed * els survgnittan la lavur dels pövels per lur ierta.

* Deut. 6, 10, 11.

45. Per ch'els salvessan seis statts; e sias ledschas tgnessan avant ögls. Alleluja!

PSALM CVI.

In quaiſt psalm vain miss nan ün' exortaziun a dar lod a Deis per seis benefizis. L' ais üna confessiun dels puchats, eir co Deis, per quels ils ha dats in man da lur inimis, e darcheu deliberats; e vain serrâ giò con lod ed ingraziamaint.

Alleluja.

LODAI ed adoſzai il Segner; perche el ais bun, ed in eterno sia buntà.

2. Chi vuol dir oura la pussanza del Segner; e laschar a savair tuot seis lod?

3. Beats sun quels, chi salvan güstia; e fan * indret da tuot temp.

* Ps. 15, 2.

4. At regorda da mai, Segner, suainter quella tia bainvoglenscha vi' a teis pövel; visitescha'm con teis agüd.

5. Ch'eu guarda, co tü fast del bain a teis elets, m'allegra dell' allegrezza da teis pövel, ch'eu am loda con tia ierta.

6. * Nus avain pechâ insembel con noss babuns; avain fallâ; avain fat mal.

* Dan. 9, 5.

7. Noss babuns in Egipto non han incelet teis miraculs; non s'han regordats della bletüra da teis benefizis; * e sun stats rebels pro'l mâr, schi pro'l mâr da channa.

* Ex. 14, 11, 12.

8. El impero ils ha salvats per amur da seis nom, per far apalaissa sia possanza.

9. * Ed el slamet il mâr cotschen ch'el süet sü, e'ls manet tras ils abiss, sco tras il desert.

* Ex. 14, 21.

10. Ed el ils salvet our dal man

dels invilgius; ed ils deliberet dal man dels inimis.

11. * E las auas cuvettettan suot quels chi 'ls squitschaivan; nianc' ün d' els non vanzet. * Ex. 14, 27.

12. * Lura crajettan els a seis plets, e dechantettan seis lods. * Ex. 14, 31.

13. Impero * bod smanchettan els sias ouvras, e non aspettettan seis cossagl. * Ex. 15, 24.

14. Ed els avettan üna * cuvaida nel desert, provettan Deis in quel lö soldan. * Num. 11, 4. 33.

15. Contuot schi als det el lur desideri; ma tramettet sün lur corp ün alguarvia;

16. Ultra quai gnittan els * moventats d' invilgia conter Mose nel champ, e conter Aaron, il sanet del Segner. * Num. 16, 2.

17. * Qua s' avrit la terra; e travondet Datan, e covernet la banda d' Abiram, * Num. 16, 32.

18. E fö * ardet in lur tröp, flamma consumet ils seclerats. * Num. 16, 35.

19. * Els fettan ün vadè pro' l Horeb, ed adoretan ün idol culâ, * Ex. 32, 4.

20. E * müdettan lur gloria nella sumgenscha d' ün bov chi maglia fain. * Ger. 2, 11.

21. Els invlidettan Deis, chi 'ls avaiva salvats; chi avaiva fat chosas grandas in Egipto,

22. Miraculs grands nella terra da Cham; chosas stramantusas pro' l mâr cotschen.

23. * Contuot schi pensaiv' el da 'ls metter a perder, scha Mose seis elet non füss stat nella rottüra avant el, a volver davent sia ira, ch' el non ils sdrüess zuond. * Ex. 32, 10.

24. Ed els han sbüttâ quella dalettaivla terra, e non han cret a seis plets.

25. Ed han * bruntlâ in lur chamanas, e non han tatlâ alla vusch del Segner. * Num. 14, 1. 2.

26. * Perquai ha el ozâ seis man conter els, a 'ls sterner per terra nel desert; * Num. 14, 28.

27. A büttar lur sem tanter ils pajans; ed ils rasar oura per las terras intuorn.

28. E darcheu * s' han els cuvlat con Baal-Peor; ed han mangiâ ils sacrificis dels morts, * Num. 25, 2. 3.

29. Ed han gritantâ Deis con lur ouvras; e dandettamaing ais dat aint üna plaja sur els.

30. * Pür gnit Pineas tanter aint, e fet vendetta; e la plaja füt fermada. * Num. 25. 7.

31. E quai l' ais quintâ pro güstia, da schlatta a schlatta in perpetuo.

32. * Els il moventettan eir pro ira sper l' aua del dantigl; il qual gratiet mal a Mose svesse per lur causa; * Num. 20, 3. 12.

33. Perche els fettan grit seis spiert, ed el tschantschet con pac respet con seis lefs.

34. * Els non sdrüettan quels pövels, seo il Segner als avaiva comandâ; * Gid. 1, 21. 27.

35. * Els as masdettan con ils pajans, ed imprendettan lur ouvras; * Gid. 2, 2.

36. Els servittan a lur figüras, chi als dvantettan a ruina;

37. Els * offerittan lur figls, e figlias als demunis, * 2 Reg. 16, 3.

38. E spandettan sang innozaint; il sang da lur figls e figlias, ch' els offerittan sü als idols intagliats da Canaan; * e l' pajais gnit imbrudgiâ con sang. * Num. 35, 33.

39. Els s' imbrudgettan con lur ouvras, e commettettan pitanögn con lur far;

40. Sün quai ais ruott' oura l' ira del Segner conter seis pövel; ed el fet vungia da sia ierta;

41. E 'ls det in man dels pajans, cha sur els signoretan lur inimis;

42. Lur adversaris ils squitschettan, e suot lur man füttan els abassats.

43. Bleras voutas ils ha el deliberats; ma els l' han gritantâ fich in lur cossagls, e sun alguats via in lur malfar.

44. Impero ha el darcheu guardâ sün lur anguscha, udind lur bragizi;

45. El s' ha regordâ vers els da sia lia; e compatit suainter la grandezza da sia buntâ.

46. E 'ls laschet chattar compassiun pro tuot quels, chi 'ls avaivan manats davent in preschun.

47. Salva 'ns Segner, nos Deis; e raspa 'ns insembel our dals pövels a

PSALM CVII.

dar lod e gloria al nom da tia santità; ans gloriar da teis lod.

48. Benedi saja il Segner, Deis d'Israel, d'eterno in eterno; e tuot il pövel dia: Amen, Alleluja!

PSALM CVII.

L'autur exorta tuot quels, als quals Deis in lur bsögn ha appalantà tras sia grazia agiùd e cuffort, ch'al dettan lod, seo pro exili, preschun, malatias, privel dad auas, fam, e tort e forza. Eir plansch' e s'almainta el, cha sajan tant paes chi quai recognoschan.

DAT lod e gloria al Segner; perche el ais bun; perche in eterno düra sia buntà.

2. Dian quai ils spendrats del Segner; ch'el ha spendrà dal man da quels, chi 'ls squitschaivan;

3. E clet nanpro dallas terras del oriaint e del occidaint, da setten-trion, e del mâr.

4. Els giaivan ad errur nel desert, nella solitudine, ne chattaivan la strada, in üna città abitada;

5. Plains fam eiran els, e da sait; lur orma in els languiva via.

6. Qua bragittan els vi' al Segner in lur anguoscha, il qual ils tret our da lur strettüra,

7. Ed ils manet sün strada dretta, ch'els gnissan in üna città abitada.

8. Cha lodan dimena avant il Segner sia buntà, e tuot sias müravgliusas chosas avant ils figls della gliend.

9. Perche el ha saduolà l'orma chi ais plaina da sait; e l'orma famantada impli con bün.

10. Oters chi aydan in schürezzas, ed in sumbriva della mort, * rantats con anguoscha e con fier, * Giob 36, 8.

11. Perche els sun stats rebels als pleds da Deis, ed han spredschi del cossagl del Otissem.

12. Ma tras la granda miseria ha'l ümilià lur cour; els sun dats giò, e non ais alehün chi güda.

13. Qua bragittan els vi'a Deis in lur anguoscha; ed el ils deliberet our da lur strettüra;

14. Ed ils manet our dalla schürdüm, e sumbriva della mort, e rum-pet lur rantams.

15. Cha lodan dimena avant il Segner sia buntà, e sias ouvras

müravgliusas avant ils figls della gliend,

16. Perche el ha ruot portas d'aram, ed ha sfrachà stangas da fier.

17. Oters chi, per via da lur puchats, e per lur iniquitats vegnan travagliats ed afflits;

18. Lur * orma avaiva baschizi da tuotta spaisa, † e gnivan strusch pro las portas della mort;

* Giob 33, 19. 20. † Ps. 9, 14.

19. Qua bragittan els pro'l Segner in lur tribulaziun; ed el ils salvet our da tuot lur anguoscha;

20. El tramettet seis pled, e 'ls fet sans, e 'ls tret our da tuot lur sepul-türas.

21. Cha predgian oura dimena quels avant il Segner sia misericordia, e sias ouvras müravgliusas avant ils figls della gliend;

22. E fetschan * sacrificis da lod; e predgian oura sias ouvras con güvlöz.

* Lev. 7, 12.

23. Quels chi van sül mâr con navs; quels chi han lur fadia in auas grandas;

24. Quels vezzan las ouvras del Segner, e sias chosas müravgliusas nella chafuollezza.

25. Perche subit dschet el ün pled, schi alvet sü ün' ora da tempesta, la quala ozet las uondas del mâr.

26. Ellas van sü fin' in tschel, e challan giò nels abiss, lur orma's perdet via per miseria e fortuna.

27. Els gnivan manats intuorn intuorn, ondagiaivan, seo ün aiver, e tuot lur savair e sapienza eira svani.

28. Qua bragittan els pro'l Segner in lur anguoscha, ed el ils deliberet our da lur fortunâs.

29. El fet star ferma la mal' ora, la quietet, e lur uondas as quaidettan;

30. Ed els as tgnettan buns da quai, cha fütan balchadas, ed el ils manet oura al port desiderâ.

31. Cha dian oura al Segner sia buntà, e sias ouvras müravgliusas tanter ils figls della gliend.

32. Ed adoza quel nella raspada del pövel; e nel cossagl dels vegls il lodan!

33. El redüet flüms in desert, e fontanas buoglintas in lous sechs;

34. Terra früttaivla in aridezza da sal, plantet la malizia da seis abitanti.

35. * El fet d'ün desert ün puoz dad auas; e d'üna terra soldana fontanas buogliaintas d'aua. *Es. 41, 18.

36. E qua laschet el abitar ils famentats, ch'els fessan qua üna città d'abitar laint.

37. Els semnettan lur cuttüra, e plantettan vignas, cha fessan früt all'abundanza.

38. Ed el ils benedit, ch'els gnittan grandamaing multiplicats, e lur bestiam non fet el gnir almain.

39. Lura gnittan els almain, e dettan a terra per grand'anguoscha, per bler mal e miseria.

40. * El spandet oura spretsch sur ils principis; e 'ls fet inerrar in lur vanità, sainza ne via, ne strada.

* Giob 12, 21. 24.

41. * Pür ersch'el sü il pover our dall'afflicziun, e fa chasadas tant sco scossas.

* 1 Sam. 2, 8.

42. Quai tuot guardan ils güsts, e s'allegan; l'incontra tuots malizius serran la bocca.

43. * Chi ais sabi, quel as fa surasen da quai, d'incler las buntats del Segner.

* Os. 14, 9.

PSALM CVIII.

David ingrazia a Deis, ch'el il ha tshantà nel reginam. E rova per agüd, da podair survgnir eir il reist; as cuffortand, cha Deis quai vegn'a far.

Una chanzun e psalm da David.

2. **M**EIS cour ais perdert, o Deis; eu vögl chantar, e far psalms, schi eir con mia gloria.

3. Sü, tüba ed arfa, eu am vögl sdasdar alla matina.

4. Eu at vögl ingraziar, e lodar tanter ils pövels, o Segner; e vögl far psalms a tai tanter las naziuns.

5. Perche tia buntà ais granda, sur ils tshels, e sü fin sün las nüvlas riva tia vardà.

6. T'adoza sü, Deis, sur ils tshels; e tia gloria sur tuotta terra.

7. Per cha quels * teis chars vegnan deliberats. Salva con teis man dret, ed exoda 'm.

* Ps. 60, 7.

8. Pro tia santità ha Deis tshan-tschâ: Eu am vögl allegrar; eu vögl

partir oura Sichem, e la val da Suecot vögl eu mastürar giò.

9. Gilead ais meis; meis eir Manasse, ed Efraim ais la fermezza da meis cheu, e Giuda ais quel chi fa mias ledschas.

10. Moab ais la cudèra da 'm lavar; sün Edom vögl eu büttar mia şcharpa; sur la Filistea vögl eu güvlar.

11. Ma chi vain am manar nella città ferma? Chi vain am manar in Edom?

12. Na tü, Deis, chi 'ns hast şchatschats; schi tü Deis, chi non eirast it oura con nossas armadas!

13. Ve 'ns in agüd our da quaista tribulaziun; perche agüd da crastian ais van ed inguotta.

14. * Tras fidanza in Deis fain nus barunias; ed el vain a traplar suot noss adversaris.

* Ps. 60, 7. 14.

PSALM CIX.

David rova a Deis, ch'el quels chi 'l smorvai-van chastia, e 'l defenda. El impromett' a Deis lod ed ingraziamaing. Quaist psalm non ais fat, ne dess gnir inclat dech sün David, dimpersai eir sün Cristo, del qual el, David eira üna figura.

Un psalm da David al capo dels chantadurs.

TÜ Deis da meis lod, non taschair!

2. Perche la bocca del mal, e la bocca del fos sun avertas contra mai, tshantschan con mai con lengua fosa da menzogna.

3. Con plets da malvoglenscha m'han els cresà intuorn, e fan guerra contra mai sainza causa.

4. Per mia bainvoglenscha vers els am sun els conter; ma eu fetsch oraziun.

5. * Els am rendan mal per bain; ed ira e malvoglenscha per mia amur e bainvoglenscha.

* Ps. 35, 12.

6. Tschainta ün scelerat sur el, ed ün adversari al stetta da sia vart dretta.

7. Cur sentenza vain fatta sur el, schi poss'el ir oura condannà; * e sias oraziuns al vegnan voutas in pucha.

* Prov. 23, 9.

8. Seis dis sajan pacs, * e seis ofizi piglia ün oter;

* Act. 1, 20.

9. Seis infants sajan orfens, e sia muglier vaidgua;

10. Cha gïajan infants adüna via e nan ad errur; rovan il pan, e gïajan tscherchand lur daviver d'avent da lur lous ruinats.

11. Che ch'el ha possa l'usurari as latschar aint, e sias fadias as rablar ils eisters.

12. Ingün non al sporscha sia buntà; ed ingün non as lascha gnir pucha da seis orfens.

13. Sia posterità saj' in giperi; lur nom vegna chassà bod, già nel se-guond grà.

14. Vegna adüna menzonada la cuolpa da lur perdavants avant il Segner, e l'pucha da sia mamma mà non vegna chassà.

15. Adüna sajan els avant il Segner, ed el chassa lur memoria dalla terra.

16. Perquai, ch'el non s'ha regor-dà da dovrar buntà, ed ha perse-gnità l'hom pover, il manglus e smachà da cour, per l'ammazzar.

17. El ha * amà smaldischun, ch'ella al vegn' adöss! El non ha gnü plasehair alla benedicziun, dimena ch'ella gïaja dalönsch d'avent dad el.

* Ez. 35, 6.

18. Vegna el investi da smaldischun sco con ün vestimaint; e vegna quella in seis dadaint sco aua; ed in sia ossa sco öli.

19. Al saja quella tant co üna man-tella, con la quala el as coverna, e tant co üna tschinta, con la quala el saimper as tschinta.

20. Tal saja dal Segner la paja a tuot quels, chi sun conter mai; ed a quels, chi tschantschan mal conter mia orma.

21. Ma tü, o Segner Deis, stà con mai per amur da teis nom, perche tia buntà as vairamaing granda, schi spendra 'm.

22. Perche eu sun pover e manglus; e meis cour ais plajà in mai.

23. Sco üna sumbriva, eur ella's declina, pass eu via; * vegn spüvantà sco ün salip.

* Ecl. 6, 12. Ps. 102, 12.

24. Mia snuoglia da a terra dal gegünar; e mia charn secha via dal pac grass.

25. Eu als sun üna gïamgia; eur am vezzan, dan els del cheu.

26. Gïda 'm, o Segner, meis Deis; salva 'm suainter tia buntà.

27. Per ch'els cognoschan, quai saja teis man; e cha tü, Segner hast fat quai.

28. Pür ch'els smaledeschan, ma tü vainst a benedir; ch'els leivan sü, ma vegnan a tuorp, e teis famagl vain as allegrar.

29. Cha meis adversaris vegnan vestits con verguogna, e lur vitu-peri ils coverna sco ün mantel.

30. Con mia bocca vögl eu lura grandamaing lodar il Segner, ed in mez blers il vögl eu predgiar,

31. Perquai, ch'el sta dalla vart dretta al pover, a'l salvar da quels chi condannan si' orma.

PSALM CX.

David ammosa, co Deis il bap haja ordinà Cristo, ch'el saja ün rai, e sacerdot del pövel da Deis; e co quai rai vegna ad appalantar e dovrar sia forza contra 'ls inimis del pövel da Deis.

Un psalm da David.

IL Segner ha * dit a meis Segner: Sezza da mia vart dretta, infin ch'eu † metta teis inimis ün schabell da teis peis.

* Matt. 22, 44. † 1 Cor. 15, 25.

2. Il scepter dà tia possanza stenda Segner our da Sion. Signorescha in mez da teis inimis!

3. Teis pövel in tuotta buna vöglia vain nan pro al di, da vair tias armadas, in sanct fittamaint; our dal vainter della brünetta vain sco ruschè tia giuventün.

4. * Il Segner ha gürâ, e non s'in-rügla, dschand: † Tü est sacerdot in eterno, suainter l'uorden da Melchisedec.

* Ebr. 7, 21. † Ebr. 5, 6.

5. Il Segner sta da tia vart dretta; el metta in pezzas rais sün il di da sia ira.

6. El fa güdizi sur ils pövels; impla tuot con corps morts; rumpa ils cheus sur bleras terras.

7. Our dal aual bai' el sün la via; e perquai adoz' el il cheu.

PSALM CXI.

Il pövel d'Israel ingrazia Deis per seis benefizis da blera sort. Mossa dinuonder vegna la vaira sapienza.

Alleluja.

EU vögl dar lod e gloria al Segner da tuot meis cour, nella raspada dels güsts, ed intanter il tröp.

2. Grandas sun las ouvras del Segner, e bain provadas oura da tuot quels, chi's dalettan dellas.

3. Gloria ed onur ais sia ouvra, e sia güstia sta salda in eterno.

4. Sias ouvras ha'l fat müravgliussas, cha vegnan raschunadas oura; il Segner, quel grazius e misericordiaivel.

5. Seis ordinâ daviver da el a quels chi'l temman; el as regorda da sia lia in eterno.

6. La virtù da sias ouvras ha'l laschâ a savair a seis pövel, a dar ad els l'ierta dels pajans.

7. Las ouvras da seis mans sun vardâ e güdizi, ferms e salds sun tuots seis statuts,

8. * Salds infin a saimper, fats alla sgüra ed indret. * Es. 40, 8.

9. Spendraschun ha'l tramiss a seis pövel; comandet sia lia in eterno; sanct e stramantus ais seis nom.

10. * Il principi della sapienza ais la temma dal Segner; vair inclet ha quel chi fa quellas chosas. Seis lod sta sald in eterno. * Prov. 1, 7. Giob 28, 28.

PSALM CXII.

In quaiſt psalm impromett' il Spiert Sanct blera sort da benedicziun da Deis a quels, chi'l temman; l'incontra imnatsch' el als infidels tuot il contradi.

Alleluja.

BEA l'hom, chi temma il Segner, ed in seis comandaments ha tuot seis dalet.

2. Potaint in terra vain ad esser seis sem; la generaziun dels prus vain a gnir benedida.

3. Roba e ricchezza ais in sia chasa; e sia güstia resta in eterno.

4. * Ünâ glüm leiva sü als prus nella şchürdüm; grazius ais Deis misericordiaivel e güst. * Giob 11, 17.

5. L'hom prus sta bain; el da via ad impraist; el loua giò sias fatschendas con güdizi.

6. Perquai non undaja el mâ bricha; in perpetua memoria ais il güst.

7. Da mala nouva non vain el a tremblar; sald ais seis cour; el as fida nel Segner.

8. Seis cour ais fermâ, el non * temma inguotta; fin ch'el vezza quai ch'ais appussai vel vi' a seis avversaris. * Prov. 1, 33.

9. * El spand' oura, duna als povers; sia güstia reista in perpetuo; † seis cheu ais adoza con gloria.

* 2 Cor. 9, 9. † Ps. 75, 11.

10. Il scelerat vezza, e dvainta grit; el sgrizcha con seis daints e vain ad alguar via. Quai cha'l scelerat giavüſcha, va a perder.

PSALM CXIII.

In quaiſt psalm vain Deis ot lodâ per sia otezza e buntâ vi' al crastian, in pustüt vers quels pitschens, e plains da magonia.

Alleluja.

LODAI, vus serviaints del Segner, lodai il nom del Segner.

2. Saja il nom del Segner benedi d'uossa fin in eterno.

3. * Da solai alvand, fin a solai commendâ, ais il nom del Segner ot lodâ. * Mal. 1, 11.

4. Il Segner ais ot sur tuot pövels, e sia gloria sur ils tschels.

5. Chi ais sco 'l Segner, nos Deis? Il qual sta sü ot?

6. * Ma's lascha giò a guardar nels tschels, ed in terra. * Es. 57, 15.

7. * Il qual drizza sü ils povers our dalla puolvra; adoza ils misers our dalla biergia, * 1 Sam. 2, 8.

8. * Ch'el ils tschainta sper ils prinzis, schi sper ils prinzis da seis pövel. * Giob 36, 7.

9. * Il qual la nonfrütaivla lascha avdar intanter üna brajada, sco leida mamma con seis infants. Alleluja. * Ps. 68, 7.

PSALM CXIV.

Il pövel d'Israel ingrazia Deis, ch'el ils ha manats our d'Egipto tras il mâr cotschen, e tras il Giordan; ch'el als ha dat la ledſcha sü il munt Sinai, eir aua our d'ün spelm.

CUR Israel tret our d'Egipto; la chasa da Giacob our d'ün pövel d'eister linguach:

2. * Qua ais Giuda dvantâ sia santità; Israel seis signoradi. * Deut. 27, 9.

3. * Il mâr ha vis, ed ais tschessâ; il Giordan as volvet inavo. * Ex. 14, 21.

4. Ils munts saglittan sü be sco biematſchs; ils muots sco agnells.

5. * Co quai, mâr, cha tü fügiast,

e co Giordan, cha tü 't volvast inavo?

* Ab. 3, 8.

6. Munts, co quai, cha vus saglis in ot seo bümatschs; e muots seo 'ls agnells?

7. Dalla fatscha del Segner trembla, terra; dalla fatscha del Deis da Jacob.

8. * Il qual volva peidra in puoz d'auas; e spelm in fontana d'aua.

* Ex. 17, 6.

PSALM CXV.

Il pövel d'Israel rova Deis per defensium our suot ils inimis. Els as cuffortan con la consideraziun della chüra da Deis, e della vögla da Deis, la quala ais, ch'el voul esser lodâ dal crastian.

NA a nus, Segner, na a nus, dimpersai a teis nom dà onur e gloria per amur da tia misericordia e vardâ.

2. Perche dessan dir ils pövels: Ingiò mâ ais lur Deis?

3. Schi, * nos Deis ais in tsel, e fa tuot quai ch'el voul.

* Ps. 135, 6.

4. Ma ils idels da quaists oters sun argient ed or; lavur da man da crastian.

5. Bocca han els, e non tschan-tshan; ögls han els, e non vezzan;

6. Uraglias han els, e non odan; fouras da nas han els, e non oduran.

7. Lur mans, els non palpan; lur peis, els non chaminan, e non favellan our da lur gula.

8. Sumgiants a quels sun quels chi 'ls fan, e tuots, chi 's fidan in els,

9. Ma tü, Israel, at fida nel Segner! Nos agüd e nos schüt ais el.

10. Chasa d' Aaron, as fida nel Segner! Nos agüd e nos schüt ais el.

11. Vus chi tmais il Segner! as fida nel Segner! Nos agüd e nos schüt ais el.

12. Il Segner as regorda da nus. El vain a benedir; schi el vain a benedir la chasa d' Israel; el vain a benedir la chasa d' Aaron;

13. A benedir quels chi temman il Segner, ils pitschens insembel con ils grands.

14. Il Segner vain a metter pro benediziun sur vus; sur vus, e voss infants.

15. Benedits eschat vus dal Segner, il qual ha fat il tsel e la terra.

16. Il tsel ais tsel del Segner; ma la terra ha el dat alla gliend.

17. * Na ils morts lodan Deis; ne tuots, chi gettan giò nella quaidezza;

* Ps. 6, 6. Es. 38, 18.

18. Ma nus volain benedir Deis d'uossa fin in eterno! Alleluja.

PSALM CXVI.

David ingrazia Deis, ch'el il ha spendrà. El impromett' al Segner, ch'el avertamaing il vögla lodar ed ingraziar avant tuot il pövel.

EU vögl meis bain al Segner, ch'el oda mia vusch, e mias oraziuns,

2. Perche el inclina si'uraglia a mai; e tuot meis dis il vögl eu clamar in agüd.

3. * Suas della mort m'avaivan dat intuorn; ed anguoschas della sepultura m'avaivan serrâ aint; eu avaiava survgni contuorbel e dolo.

* Ps. 18, 5.

4. Il nom del Segner elamet eu in agüd: Eu rouv, Segner, spendra mia orma!

5. Grazius ais il Segner e güst, e misericordiaivel ais nos Deis.

6. Il Segner perchüra ils saimpels; eu eir'oura zuond; ma el m'ha salvâ.

7. * Tuorna, mi'orma in teis pos, perche 'l Segner det üna müdada con mai.

* Ps. 42, 6.

8. * Perche tü hast sdrappâ mi'orma our dalla mort; meis ögl dallas larmas; e meis pè dal sblech.

* Ps. 56, 14.

9. Eu vegn a chaminar avant la fatscha del Segner in terra dels vivs.

10. * Eu ha cret, eir sch' eu ha tschantschâ: Eu sun grandamaing angoschiâ!

* 2 Cor. 4, 13.

11. Eu dschet * in mia tremblazun: † Tuot crastian ais mansnêr,

* Ps. 31, 23. † Rom. 3, 4.

12. Co mâ dess eu render al Segner tuot seis benefizis sur mai?

13. Il calisch della spendraschun vögl eu tour, e clamar oura il nom del Segner.

14. Meis vuts vögl eu complir al Segner uossa avant tuot teis pövel.

15. Preziosa ais avant ils ögls del Segner la mort da quels, ch'el voul bain.

16. Via Segner, tschert eu sun teis

famagl; eu teis servaint, figl da tia fantschella. Tü hast ruot meis rantams.

17. A tai vögl eu far ün' offerta da lod; eu vögl clamar in agüd il nom del Segner;

18. Schi, nels cortils della chasa del Segner; in mez tai, Gerusalem. Alleluja.

PSALM CXVII.

Tuot pövels vegnan qui exortats a lodar Deis.

* **L**ODAI il Segner, tuot pövels; lodâ 'l grandamaing tuottas naziuns! * Rom. 15, 11.

2. Perche sur nus regna sia misericordia; e la vardà del Segner in tuott' eternità. Alleluja.

PSALM CXVIII.

David, siand tchantâ sur tuot il reginam d'Israel per rai, fet quaiet psalm, nel qual el exorta seis soggets, d'ingraziar Deis per il benefizi, ch'el il ha spendrà our da tuot privels e fat lur rai. El impromett' ingraziamaint a Deis, nella sancta raspada. Scriv' eir avant al pövel, co els dessan ingraziar al Segner ed a David seo quel, chi ais lur rai, e lura eir a Cristo, figura del qual David ais stat, giavü-schar ventüra.

DIT, e predgiai oura, cha 'l Segner ais bun, perche sia buntà düra in eterno!

2. Dia uossa la chasa d'Israel: Sia buntà düra in eterno!

3. Quai dia uossa la chasa d'Aaron: Sia buntà düra in eterno!

4. Dian uossa quai quels chi temman il Segner: Sia buntà düra in eterno,

5. Our dall' anguscha clamet eu Deis; el m'ha respus, e * manâ larch, el Deis. * Ps. 18, 20.

6. Il Segner ais con mai, eu non vögl tmar; che vain il crastian am far?

7. Il Segner ais * con mai ad agüd; ed eu vegn amo a vair sur meis inimis quai cha Deis vain a far. * Ps. 54, 6.

8. Megl aise's fidar nel Segner, co metter spranza in ün crastian;

9. Megl aise's fidar nel Segner, co tshantar spranza sün principis.

10. Tuot pövels m'han ineresâ aint intuorn intuorn; tshertamaing nel nom del Segner ils vögl eu sdrür.

11. Els m'han ineresâ intuorn, schi, m'han serrâ aint intuorn intuorn;

ma nel nom del Segner, tshertamaing ils vögl eu ragischar davent.

12. Intuorn intuorn m'han els ineresâ aint ingual * seo aviöls; els sun stüzats giò seo ün fö nellas spinas; nel nom del Segner sgür vegn eu ils ragischand oura. * Deut. 1, 44.

13. Tü meis inimi m'hast dat ün stumpel, ch'eu detta giò; ma il Segner m'ha el agüdâ.

14. * Mia fermezza, e mia chanzun saja Deis; el ais stat meis spendrader. * Ex. 15, 2.

15. Üna vusch da güvlöz, e da spendrascun vain udida nellas chamannas dels güsts: Giagliardenschas ha fat il man del Segner.

16. Il man dret del Segner ais adoza; il man dret del Segner ha fat barunias.

17. A morir non vegn eu, dimpersai a viver; e las ouvas da Deis vögl eu raschunar oura.

18. Deis m'ha chastiâ bain fich, ma alla mort non am ha el dat.

19. * Avri a mai las portas della güstia; sch'eu üna vouta sun in quella, schi vögl eu grandamaing lodar Deis. * Es. 26, 2.

20. Quai' ais la porta del Segner; tras quella vegnan ad ir aint ils güsts.

21. Eu 't vögl lodar; perche tü m'hast exodi, ed est stat meis saltüd.

22. La peidra, * cha han refüdâ quels chi edificaiyan ais dvantada il cheu del chantun. * Matt. 21, 42.

23. Dal Segner ais quai fat; müra-vglius ais quai in noss ögls.

24. Quaiet ais il di, cha 'l Segner ha fat; saglin e'ns tgnain buns in quel.

25. Segner, salva, eu rov; Segner dà bun success, eu rov.

26. * Benedi saja quel chi vain nel nom del Segner; nus as benedin chi eschat della chasa del Segner.

* Matt. 23, 39. Marc. 11, 9.

27. Il Segner ais Deis, ed el ans fa cler. Liai l'agnè con suas, vi' allas cornas * del utër! * Ex. 27, 2.

28. Meis Deis tü est, eu at vögl dar lod, meis Deis, eu 't vögl adozzar!

29. Recognoschai il Segner, ch'el ais otamaing bun, perche sia buntà düra in eterno.

PSALM CXIX.

Psalm, schi plübod tesor da meditaziuns, nel qual il psalmist rapresainta ils sancts impissamaints e 'ls exercizis spirituals dell' orma fidela, in informaziuns, oraziuns, ingraziamaints, confessiuns, plands e cufforta, ed in tuot las ouvras da eretta, d' amur da Dieu, da charità invers il prossiem, da spranza, da pazienza, ed obediènza, seguond la regla della ledscha e pled del Segner, vivifichada e ragischada nel cour, tras il dun del Spiert Sanct, l' excellenza, virtù, e proprietà dalla quala el adoza sommamaing. El vain parti giò in 22. parts; seo ch' el ais srecit suainter il möd dels bustaps del A B C ebraic, ed ha immincha bustap 8. versets.

A L E F.

BEATS quels, chi sun sincêrs nella vita; chi chaminan nella doctrina del Segner!

2. Beats quels, chi salvan sias testimonias, e da tuot lur cour il tscherchan.

3. Chi non fan l' iniquità, ma chaminan in sias vias.

4. Tü hast comandâ, cha teis comandamaints vegnan salvats fich con diligenza.

5. O cha mias vias füssan fermadas, a salvar teis comandamaints.

6. Lura non gniss eu in tuorp, cur eu guard sün tuot teis statuts.

7. Eu 't vögl glorifichar con sincerità da meis cour; cur eu imprend las ledschas da tia güstia.

8. Teis statuts vögl eu tgnair; non am bandunar be interamaing.

B E T.

9. Co vain ün giuven a far netta sia via? Sch' el as tegna seguond teis pled.

10. Da tuot meis cour ha eu tscherchâ tai; non am laschar inerrar giò da teis comandamaints.

11. * In meis cour ha eu miss in salv teis pled, ch' eu non pecha conter tai.

* Ps. 37, 31.

12. Benedi sajast tü Segner; am-mossa 'm teis comandamaints.

13. Con meis lefs vögl eu dir oura tuot las ledschas da tia bocca.

14. Dellas vias da tias testimonias am dalet eu tant co da tuot las ricchezas.

15. Sün teis comandamaints vögl eu m' impissar, e vögl guardar sün tias vias.

16. In teis tschantamaints am vögl

eu dalettar; ne vögl mâ smanchar teis plets.

G I M E L.

17. Fà bain a teis famagl, ch' eu viva, e salva teis plets.

18. Avra meis ögls, ch' eu vegn' a vair chosas müravgliusas our da tia doctrina.

19. * Eu sun peregrin in terra; non zoppar avant mai teis comandamaints.

* 1 Cron. 29, 15. Ebr. 11, 13.

20. Mi' orma ais constimada da grand desideri, giavüschand teis güdizis da tuot temp.

21. Tü slamast ils superbis, smaledits, chi storschan giò da teis comandamaints.

22. Volva davent da mai giamgias, e spretsch; perche eu ha salvâ tias testimonias.

23. Perfin ils principals sezzan, e tschantschan conter mai; ma eu, teis famagl m' impais sün teis tschantamaints.

24. Schi, tias testimonias sun tuot meis dalet, e meis cosglêrs.

D A L E T.

25. Mi' orma ais rantada alla puolvra; vivainta 'm suainter teis pled.

26. Eu ha quintâ nan mias vias, e tü 'm hast dat risposta; mossâ 'm tias ledschas.

27. La via da teis comandamaints fa m' incler, ed eu vögl m' impissar sün tias müravgliusas chosas.

28. Mi' orma legua via per lêd e malavita; drizza 'm sü suainter teis pled.

29. La via della fosedâ volva davent da mai, e compartâ 'm tia doctrina.

30. La via della vardâ ha eu tscher-nü; eu ha tuot tias ledschas avant mai.

31. Eu stun rantâ vi' a tias testimonias, o Segner; non am far gnir in verguogna.

32. Eu vögl cuorrer tras la via da teis comandamaints, cur tü vainst ad avair slargiâ meis cour.

H E.

33. Mossa 'm, o Segner, la via da teis comandamaints, ch' eu la salva fin alla fin.

34. Fa 'm incler, ch' eu salva tia

doctrina; e la tegna avant ögls da tuot meis cour.

35. Fa'm chaminar nella via da teis comandamaints; perche in quella ha eu meis plaschair.

36. Inclina meis cour davo tias testimonias, e na pro guadagn.

37. Volva meis ögls davent, ch'els non guardan davo vanità; fa'm viv in tia via.

38. Conferma teis pled a teis famagl, il qual ais, a tmair tai.

39. Quel sdegn, ch'eu tem, volva davent da mai; perche tias ledschas sun bunas.

40. Mera, meis giavüsch ha eu davo teis comandamaints; vivainta'm in tia güstia.

V A U.

41. E tias misericordias vegnan sur mai, o Segner; teis salüd, suainter teis pled;

42. Per ch'eu responsa ün pled a quel chi'm sdeгна; perche eu am fid in teis pled.

43. E non tour il pled della vardà zuond affat our da mia bocca; perche eu guard gniand teis güdizis.

44. Eu vögl salvar tia ledscha da contin in sempiterno,

45. Eu vegn a chaminar strada libra; perche datschert eu tscherch teis comandamaints.

46. Eu vögl tschantschar davart tias testimonias avant rais, e non vegn a tuorp.

47. Eu vegn am allegrar in teis comandamaints, ch'eu am.

48. Eu vögl ozar sü meis mans vers teis comandamaints, ils quals am sun chars; e vögl meditar davart tias ledschas.

Z A I N.

49. At regorda da teis pled a teis famagl, stün il qual tü m' hast fat avoir spranza.

50. Quaist ais meis cuffort in mia afflicziun; cha teis pled am fa viv.

51. Superbis fan giamgias da mai grandamaing; impero non declin eu giò da tia ledscha.

52. Eu tegn ad imaint teis güdizis, o Segner, da saimper nan, e'm cuffort da quai.

53. Sgrischur am da man per causa

dels infidels, ils quals bandunan tia ledscha.

54. Chanzuns am sun teis comandamaints, nella chasa da mias peregrinaziuns.

55. Eu m' impais da not stün teis nom, Segner, e perchür tia ledscha.

56. Quai tuot am ais gnü, ch'eu salv teis comandamaints.

H E T.

57. * Mia part, di eu, Segner, ais d'observar teis pled. * Ps 16, 5.

58. Eu ur da tuot meis cour avant tia fatscha: Hajast misericordia da mai suainter teis plects.

59. Eu quint oura mias vias, e volv meis peis davo tias testimonias.

60. Eu festin, e non surtir, ch'eu salva teis comandamaints.

61. Ils trops dels empis m' han spogliâ, impero eu non smanch tia doctrina.

62. A mezzanot leiv eu sü, a dar lod a tai per ils güdizis da tia güstia.

63. Eu am compagn con tuot quels, chi temman tai, ed observan teis comandamaints.

64. Da tia buntà, Segner, ais plaina la terra, mossa'm teis comandamaints.

T E T.

65. Del bain fast tü a teis famagl, Segner, suainter teis pled.

66. Mossa'm inolet, e scienza; perche eu crai a teis comandamaints.

67. Ant ch'eu gniss ümiliâ, giaiv' eu in errur; ma uossa observ' eu teis pled.

68. Tü est bun, e fast del bain; mossa'm tias ledschas!

69. Superbis s' inspian menzögnas conter mai; impero da tuot cour salv eu teis comandamaints.

70. Lur cour dal grass ais gnü insensibel; ma eu ha meis dalet vi'a tia doctrina.

71. Bön ais a mai, ch'eu gnit afflit ed angoschiâ, ch'eu imprenda teis comandamaints.

72. * Meldra ais a mai la doctrina da tia bocca, co millièra d'or e d'argent. * Ps. 19, 11.

I O D.

73. Teis mans m' han fat, e formâ;

fa 'm inelegiantaivel, ad imprendder teis comandamaints.

74. * Quels chi 't temman vegnan am vair, ed as allegrar; perche eu ha sperâ sün teis pled. * Ps. 34, 3.

75. Eu sa bain, Segner, cha teis güdizis sun spür güstia, e con vardâ m' hast tü afflit.

76. Tia buntà saja pro mai, eu rov, am cuffortar suainter teis pled vers teis famagl.

77. Cha tias compassiuns vegnan sur mai, ch' eu viva; perche tia doctrina ais tuot meis dalet,

78. Vegnan in verguogna ils superbis, perche els m' han fosamaing cupichâ; ma eu vögl m' impissar sün teis comandamaints.

79. As volver nan pro mai vegnan quels, chi 't temman, quels chi san tias testimonias.

80. Saja meis cour sincêr in tia ledscha; ch' eu non haja da 'm turpiar.

C A F.

81. * Mia orma languischa davo teis saltüd; eu sper sün teis pled.

* Ps. 54, 3.

82. Meis ögls sun gnüts almain per desideri davo teis pled, dschand: Cura mâ vainst am cuffortar?

83. Eu in vardâ sun gnü seo ün uder a füm; impero eu non invlid via tia ledscha.

84. Quants sun ils dis da teis famagl? Cura vainst a far güdizi da meis persequittadurs?

85. * Superbis am chavan fouras; il qual non ais suainter tia doctrina.

* Ps. 35, 7.

86. Tuot teis comandamaints sun vardâ; els am persequittan fosamaing: Ve'm in agüd.

87. Bunamaing m' han els desdrüt a terra; impero eu non ha bandunâ teis tschantamaints.

88. Suainter tia buntà vivainta 'm, ch' eu perchüra las testimonias da tia bocca.

L A M E D.

89. In eterno reista ferm teis pled, o Segner, nels tschels.

90. * Da schlatta a schlatta düra tia vardâ; tü hast fermâ la terra, ed ella sta salda.

* Ps. 89, 3. 38.

91. Suainter tias ledschas sta tuot fin al di d' hoz; perche tuottas chosass sun a tai famagl.

92. Scha tia ledscha non füss statta meis dalet, schi füss eu tschert peri in mia afflicziun ed anguoscha.

93. In eterno mâ non vögl eu smanchar teis comandamaints; perche tras quels m' hast tü vivantâ.

94. Teis sun eu, salva 'm; perche eu domand davo teis comandamaints con stüdi.

95. Sün mai han spettâ scelerats, ch' els am mettan a perder; ma eu vögl guardar adüna sün tias testimonias,

96. In scodüna chosa, eir perfetta ha eu vis üna fin; ma teis comandamaints tenschan dalönsch fich.

M E M.

97. Quant dalet ha eu da tia doctrina! Tuot il di oura ais quella meis impissamaint.

98. Plü sabi co meis adversaris m' han fat teis comandamaints; perche quels am sun eterns.

99. Plü scort co tuot meis magisters m' hast tü fat; perche tias testimonias sun meis impissamaints.

100. Plü inelegiantaivel sun eu co 'ls vegls; perche eu salv teis comandamaints.

101. Da scodüna mala via ha eu ostâ meis peis; per ch' eu salva teis pled.

102. Davent da tias ledschas non vegn eu, perche tü 'm informast.

103. Quant dutschs mâ sun teis plets a meis palat; * plü co 'l meil a mia bocca!

* Prov. 8, 11.

104. Our da sia ledscha sun eu dvantâ sabi e prudaint; perquai vögl eu mal a tuotta senda della fosdâ.

N U N.

105. Üna glümêra a meis peis ais teis pled, ed üna glüm a mias sendas.

106. Eu ha gü rä, e vögl tegner, da salvar las ledschas da tia güstia.

107. Eu sun zuond afflit ed angoschiâ, Segner, fa 'm viv suainter teis pled.

108. Eu rouv, Segner, at lascha plaschair quai cha mia bocca da

buna vöglia t' offera, ed ammosa'm tias ledschas.

109. Mi' orma ais saimpermâ in privel; darcheu non ha eu smanchâ tia doctrina.

110. Ils empis am tendan ün latsch; impero non sun eu inerrâ giò da teis comandamaints.

111. In lö da mia ierta ha eu tias * testimonias in perpetuo; perche quellas sun l' allegrezza da meis cour.

* Dent. 33, 4.

112. Eu ha inclinâ meis cour, a far teis statuts, in perpetuo fin alla fin.

S A M E C H.

113. A quels chi sun malstabels vögl eu mal; ma a tia doctrina vögl eu bain.

114. Meis zoppel, e meis schüt est tü; eu am fid in teis pled.

115. It davent da mai, vus maligns, ch' eu salva ils comandamaints da meis Deis.

116. Sustegna 'm, Segner, suainter teis pled, ch' eu viva, e non am laschar gnir in tuorp in mia spranza.

117. Sustegna 'm, ch' eu vegna salvâ, e considera adüna teis tshan-tamaints.

118. Tü trapplast suot tuot quels chi s' inerran giò da teis comandamaints; perche ingian ais lur fosdâ.

119. Tant co las schüimas büttast tü davent tuot ils empis della terra; perquai am eu tias testimonias.

120. Mia pel s' ha insnuida per temma da tai; e da tias ledschas m' ha eu tmü.

A J I N.

121. Eu ha fat güdizi, e güstia; non am dar a quels chi 'm squitschan suot con tort e forza!

122. * Stâ tü aint in bain per teis famagl, cha brich' am squitschan suot.

* Es. 38, 14.

123. Meis ögls languischan per desiderî da teis salüd, e del pled da tia güstia.

124. Fâ con teis famagl suainter tia misericordia; e mossa 'm teis comandamaints.

125. Teis famagl sun eu; da 'm intellet, ch' eu cognoscha tias testimonias!

126. Temp aise dad agir uossa, Segner; els han trapplâ suot tia doctrina.

127. Perquai ha eu meis dalet vi' a tia ledscha, * plü co vi' al or, schi l' or fin.

* Ps. 19, 11.

128. Perquai tegn eu teis comandamaints tuots per drets e güsts; eu vögl mal a tuotta senda della menzöna.

P E.

129. Chosas müravgliusas sun tias testimonias; perquai las salva mi' orma.

130. L' avrir da teis plets illümna, e da intellet als saimpels.

131. Eu ha avri mia bocca, e languisch; perche eu tegn grand desiderî davo teis comandamaints.

132. Guarda stin mai, ed hajast misericordia da mai, * suainter l' uorden, cha tü üsast vers quels, chi aman teis nom.

* 2 Tess. 1, 6, 7.

133. Meis pass redscha in teis pled, e mâ non haja alchün tort il mansura in mai.

134. Spendra 'm dalla forza ed ingiurias della gliend, ch' eu salva teis comandamaints.

135. Fâ splendorir tia fatscha sur teis famagl, e mossa 'm tia ledscha.

136. Our da meis ögls * cuorran auals d' aua, per quels, chi non salvan tia doctrina.

* Ger. 9, 1, 2.

T S A D E.

137. Güst est tü, Segner, e drets sun teis güdizis.

138. Tü comandast güstia in tias testimonias, e vardâ granda.

139. * La zelosia am serra zuond; cha meis adversaris invlidan teis pled.

* Ps. 69, 10.

140. Net fich ais teis pled, e teis famagl al ha amur.

141. Pitschen sun eu e sbüttâ; impero teis comandamaints mâ non ha eu smanchâ.

142. Tia güstia ais dret in eterno; e tia doctrina püra vardâ.

143. Disfortüna ed anguoscha am dan man; ma teis comandamaints sun meis dalet.

144. La güstia da tias testimonias ais eterna; da 'm intellet, schi viv eu.

K O F.

145. Eu clam da tuot meis cour; responda'm, Segner, ch'eu salva teis comandamaints.

146. In agüd at clam eu, salva'm, ch'eu perchüra tias testimonias!

147. Eu * sun stat sü ant cha di e not as spartan, ed ha clamâ; eu guard gñand teis pled. * Ps. 5, 4.

148. Meis ögls sun stats sü ant co las guardias della not; a considerar teis pled.

149. Oda mia vusch, suainter tia buntà; fa'm viv, Segner, suainter tia ledscha.

150. Strusch vegnan gliend scelerata, chi'm perseguittan, chi sun lönsch davent da tia doctrina.

151. Pür, Segner, est strusch pro mai, e tuot teis comandamaints sun püra vardà.

152. Agià dalöñch sa eu our da tias testimonias, cha tü las hast sögliadas in eterno.

R E S C H.

153. Guarda sur mi' afflicziun, e spendra'm! Perche eu non smanch tia doctrina.

154. * Maina tü mia causa, e delibera'm; suainter teis pled fa'm tü viv! * Lam. 3, 58.

155. Dalöñsch davent dels empis ais il salüd; perche els non tscherchan teis tschantamaints.

156. Bleras sun tias compassiuns, o Segner; fa'm viv suainter tias ledschas.

157. Blers sun meis perseguittadurs, e chi'm squitschan suot; darchein non ha eu guinchì giò da tias testimonias.

158. Eu vèzzet ils surpassadurs; e sentit mal, ch'els non perchüran teis pled.

159. Guarda, ch'eu am teis comandamaints: Vivainta'm, Segner, suainter tia buntà.

160. La somma da teis pled ais püra vardà, ed eterna scodüna ordinaziun da tia güstia.

S C H I N.

161. Principis am perseguittan sainza causa; impero meis cour ha temma da teis pled.

162. Eu m'allegri in teis pled, seo ün chi chatta grand butin.

163. Alla menzögna vögl eu mal, e la smaledesch; vers tia doctrina ha eu mi'amur.

164. Set voutas minchadi at lod eu, per ils güdizis da tia güstia.

165. Blera pasch ais perdita a chi ama tia doctrina, ed els non han ingün intop.

166. * Teis salüd guard eu gñand, o Segner, e fetsch quai cha tü hast comandâ. * Gen. 49, 18.

167. Mi' orma salva tias testimonias, ed eu ha grand dalet da quellas.

168. Eu salv teis comandamaints, e tias perdüttas; perche tuot mias vias sun avant tai.

T A U.

169. Cha vegna meis clamar avant tai, Segner; suainter teis pled fa'm ineleghiantivel!

170. Vegna mi' oraziun avant tia fatscha; spendra'm suainter teis pled.

171. Meis lefs vegnan a sburflar oura ün psalm da lod, cur tü vainst am mossar tias ledschas.

172. Mia lingua vain dschand oura teis pled; perche tuot quai cha tü comandast, ais püra güstia.

173. Teis man saja a meis agüd; perche eu ha tschernü oura teis comandamaints.

174. Con grand desideri giavüsch teis salüd, Segner, e tia doctrina ais meis dalet.

175. A viver vain mi' orma, e vain a lodar, e teis tschantamaints vegnan am agüdar.

176. Eu vegn ad errur, seo üna nuorsa persa; tschercha teis famagl, perche teis comandamaints non lasch eu our d'imaint.

PSALM CXX.

David da lod a Deis per quai, ch'el l'ha defais da seis smorvadurs; e planscha pechadusamaing sia miseria in seis exili, tanter ils inimis da Deis.

Una chanzun da schaluns.

Vt'al Segner in mia anguoscha clam eu, ed el am da risposta.

2. Segner, delibera mi' orma dalla bocca, chi tschantscha menzögna; dalla lingua fosa.

3. Che mâ at da, e che früt at porta quella fosa lengua?

4. Ella ais sco las frizzas güzzadas d'ün valerus, e sco 'ls charbuns del giüaiver.

5. Oi oi a mai, ch' eu sun in exili in Mesec, ed abitesch intanter las chammannas da Chedar.

6. Lönch avuonda ais uossa mi' orma statta intanter quels, chi vöglian mal alla pasch!

7. Eu giavüsch be pasch; ma intant ch' eu la tschantesch, schi 's drizzan eis davo guerra.

PSALM CXXI.

David rova Deis, ch' el detta agüd a seis pövel. El as cufforta con las impromissuns da quel agüd.

Una chanzun da schaluns.

EU oz meis ögls * sü vers ils munts, dinuonder eu guard gñand agüd.

* Ger. 3, 23.

2. Meis agüd vain dal Segner, il qual ha fat il tselch e la terra.

3. El non lascha sblezchar meis pè; e non dorma quel chi 't perchüra.

4. Mera, el non cupida, ne dorma, quel chi perchüra Israel.

5. Il Segner ais teis perchüradur; il Segner ais tia sumbriva; * el sta a teis man dret.

* Ps. 16, 8. 109, 31. 110, 5.

6. Sül di non vain il solai at colpìr; ne la not la glüna.

7. El Segner at perchüra; da tuot mal vain el a perchürar ti' orma.

8. Il Segner perchüra tia uschida, e tia intrada, da quaist temp fin in eterno.

PSALM CXXII.

David declera sia allegrezza, ch' el po star pro 'l pövel da Deis, a drizzar oura l'ondrenscha, da Deis, e'l govern politic; con oraziuns per la pasch e prosperità della baselgia.

Una chanzun da David da schaluns.
EU am tegn zuond bun da quels, e chi dischan a mai: Nus volain ir nella chasa del Segner.

2. In tias portas vegnan a star noss peis, o Gerusalem.

3. Schi, Gerusalem, bain edificada, sco città; la quala est raspada insembel,

4. Per cha qua gïajan sü las schlattas, schi las schlattas da Deis, in

perdütta ad Israel, a dar lod, e predgiar oura il nom del Segner.

5. Perche qua sun louadas las sopchas pro dret; sopchas della città da David.

6. Rovai pasch a Gerusalem; cha hajan tuotta ventüra quels chi 't vöglian bain.

7. * Pasch saja in tia fortezza; prosperità in tuot tias tuors.

* Es. 26, 1.

8. Per amur da meis frars, e da meis prossems vögl eu favlar per pasch in tai;

9. Per amur della chasa del Segner nos Deis vögl eu tscherchar teis bain.

PSALM CXXIII.

Il pövel da Deis, gñand da seis inimis ingiuriä, piglia seis recuors pro Deis, e mossa la spranza, ch' el ha in quel.

Un psalm da schaluns.

MEIS ögls oz eu pro tai, chi stast nels tselchs.

2. Mera, sco 'ls ögls dels famagls guardan stin il man da lur patrüns; sco 'ls ögls della fanteschella sün ils mans da sia patruna, usche eir noss ögls sün il Segner nos Deis, fin a tant, ch' el as lascha gñir pucha da nus.

3. At lascha gñir misericordia da nus, Segner; at lascha gñir pucha da nus, perche nus eschan zuond saduols da spretsch.

4. Grandamaing ais noss' orma saziada dal spretsch dels grandêrs, e dals sdegns dels superbis.

PSALM CXXIV.

David exorta il pövel, ad ingraziar e coffessar, cha Deis l'ha müravgliusamaing defais e spendrà.

Un psalm da David da schaluns.

SAINZ' il Segner, il qual ais stat con nus, dia uossa Israel,

2. Sainz' il Segner, il qual ais stat con nus, cur gliend alvaiva sü conter nus:

3. Lura schi 'ns avessan els bain travus vivs, cur lur furia ardaiva conter nus;

4. Lura füssan las auas idas sur nus oura; il flüm füss it sur oura noss' orma.

5. Lura füssan idas sur oura noss' orma auas scufladas sü.

6. Benedi saj' il Segner, il qual non ans ha dats üna praja a lur daints!

7. Noss' orma ais, ingual seo ün utschè, sdrappad' our dal latsch del utschlèr. Il latsch ais ruot, e nus eschan deliberats!

8. Nos agüd ais stat nel nom del Segner, il qual ha fat il tschel e la terra.

PSALM CXXV.

Ün' impromissiun da Deis, ch' el vöglia defender ils seis contra 'ls inimis. Ed ün rö, ch' el fetscha quai, e sdrüja ils infidels.

Una chanzun da şchaluns.

QUELS chi 's fidan nel Segner, sun sco 'l munt Sion, il qual non as mouva; el sta ferm in perpetuo.

2. Intuorn intuorn Gerusalem sun munts; usche ais eir il Segner intuorn intuorn seis pövel, uoss' ed in eterno.

3. Perche il scepter dels empis non vain a posar sur la sort dels güsts, per 'cha 'ls güsts non stendan oura lur mans all' iniquità.

4. Fà del bain als buns, Segner; ed a quels, chi sun prus in lur cour;

5. Ma quels chi guinchan giö, davo vias tortas, quels lascha il Segner chaminar con quels chi fan l' iniquità. * Pasch saja sur Israel.

* Ps. 128, 6. Gal. 6, 16.

PSALM CXXVI.

Ils Israelits ingrazian Deis per la slubiaschun our dalla preschun da Babilon; e rovan, ch' el eir quels chi sun restats davo maina nan.

Una chanzun da şchaluns.

CUR il Segner turnantaiv' ils preschunèrs da Sion, schi eiran nus be sco quels, chi 's sömgian.

2. Lur' ais nossa bocca gnüda plaina da giö, e nossa lingua plaina da güvlaz; lur' han ils pövels dit tanter pèr: Il Segner s' ha deportà valerusamaing a far con quaists usche.

3. Schi el s' ha valerusamaing mossâ vers nus; usche eschan nus gnüts plains d' allegrezza;

4. Turnainta, o Segner, noss preschunèrs, ingual seo flüms d' aua nel pajais da mezdi!

5. Quels* chi semnettan con larmas, tschunceran con güvel.

* Ger. 31, 9.

6. Giand, e portand il sem ch' el bütt' oura larm' el; e turnand, port' el sias mannas con güvel.

PSALM CXXVII.

Quaist psalm mossa, cha tuot pissèr, chüra e fadia nel redschamaint della chasa, e del govern politic, e della famiglia, ais per inguotta, scha benedicziun da Deis non ais lapro.

Un psalm da şchaluns per Salomon.
SCHA 'l Segner non edifica la chasa el, schi per inguotta lavuran quels, chi edifican quella; scha 'l Segner non perehüra el la città, schi per inguotta vaglia la guardia.

2. Per inguotta ais tour prescha d' alvar mamvagl, ir tard a possar; e mangiar ün asch pan; a quels, ch' el vül bain vain, Deis a dar quai nel sön.

3. Mera, infants sun ün' ierta del Segner; e früt del vainter ais üna mercede.

4. Ingual seo las frizzas, in man d' ün possant, usche sun ils infants della giuventün.

5. Beà l' hom chi impla sia taja con quels; els non vegnan a tuorp, cur els tschantschan con lur inimis nella porta.

PSALM CXXVIII.

Quaist psalm ais ün' impromissiun, cha Deis vöglia benedir a tuot quels, chi 'l temman, corporal e spiritualmaing.

Una chanzun da şchaluns.

BEA quel, chi tem' il Segner, e chi chamina sün sias vias.

2. * Tschert, tü mangiaist la lavur da teis mans; beà tü, e bain at va a man.

* Es. 3, 10.

3. Tia muglier ais seo üna früttaiyla vit, nels giodens plü dadaint da tia chasa; teis infants seo plantettas fraiŝchas d' olivas intuorn intuorn tia maisa.

4. Mera, usche vain benedi l' hom, chi tem' il Segner.

5. At benedir vain il Segner our da Sion; e tü hast dalet a vair il bain da Gerusalem tuot ils dis da tia vita.

6. Tü vainst a vair infants da teis infants. Pasch sur Israel!

PSALM CXXIX.

Il pövel da Deis quinta nan, co el bleras voutas eira chalchâ, e Deis l' haja spendrà. El

lasch' a savair a quels, chi perseguitan il pövel da Deis, ira, e chastiamaint da Deis.

Un psalm da schaluns.

SUVENT fìch m' han els chalehà da mia giuventün in sü, dia uossa Israel;

2. Suvent e fìch m' han els chalehà da mia giuventün in sü; impero non han els survenschü conter mai.

3. Sün mia rain han arà ils aradurs, ed han trat lungs lur suolchs.

4. Güst ais il Segner; el ha tshunc giò las suas dels empis.

5. A tuorp vegnan, e vouts inavo tuot quels chi vöglian mal a Sion.

6. Ch' els sajan sco l' erba süls tets, la quala secha, ànt ch' ün la sbluotta;

7. Con la quala il tshuncader non impla seis man; neir seis ravuogl quel chi lia las mannas;

8. Ne dischan quels, chi passan d'avant via: La benedicziun del Segner saja sur vus! Nus as benedin nel nom del Segner.

PSALM CXXX.

Un' oraziun d' ün pövel pechader, chi 's temma dal güdizi da Deis; e rova per remissiun da seis puchats. El exort' il pövel da Deis pro medema spranza.

Una chanzun da schaluns.

OUR dalla * chafuollezza clam eu pro tai, Segner! * Lam. 3, 55.

2. Segner, oda mia vusch; tias uraglias taidlan sün la vusch da mias oraziuns!

3. * Scha: tü 't fast surasen sün iniquitats, Deis! Segner, chi vain a restar avant tai? * Giob 34. 14.

4. Ma pro tai ais perdun, cha tü vegnast tmü.

5. Eu guard gñand il Segner; mi' orma il guarda gñand; eu ha spranza in seis pled.

6. Mi' orma guarda sül Segner, plü co las guardias sün la daman; schi, plü co las guardias sün la daman.

7. Spetta Israel sün il Segner! Buntà ais pro el, e blera spendranza.

8. El vain a spendrar Israel our da tuot sias iniquitats!

PSALM CXXXI.

David mossa sia ümiltà; ed exorta tuot fidels davo seis exaimpel.

Un psalm da David da schaluns.

O Segner, meis cour non ais grandêr; ne meis ögls superbis; neir non chamin in fats grands, e plü sublims, co 'm convain.

2. Schi, eu ha miss giò, e fat star quaida mia orma, ingual * sco ün infant, chi ais zevrà da sia mamma; ingual sco sun ils zevrats ais mi' orma in mai. * Matt. 18, 3.

3. Israel metta tia spranza sün il Segner, d' uossa fin in eterno.

PSALM CXXXII.

David rova, cha l' Segner as regorda, con quanta diligenza el haja tscherchà ün lō per la chaschetta della lia da Deis, ch' el per quai eir da quinder inavant graziusamaing stetta pro a Gerusalem, ingio la chaschetta füt manada.

Un psalm da schaluns.

AT regorda, Segner, a David da tuotta sia afflicziun.

2. Il qual ha gürâ al Segner, ed ha fat ün vut al ferm da Jacob, dschand:

3. Ch' eu non vegn' aint suot la chammanna da mia chasa; ch' eu non vegna dadaint spuonda da meis let;

4. Ch' eu non lascha dormir meis ögls; meis palperis non lascha cupidar;

5. Fin tant, ch' eu non ha chattâ ün lō al Segner, ün' abitaziun al possant da Jacob.

6. Mera, nus avain udi da quella sper Efrata; nus l' avain nella cuttūra da Jaar.

7. Giain in sias abitaziuns; * adurain avant il schabell da seis peis. * Ps. 99, 5.

8. Stà sü, Segner, * vers il lō da teis pos; tü e la chaschetta da tia fermezza. * 2 Cron. 6, 41. 42. 43.

9. Teis sacerdotes sajan vestits con güstia, e quels cha tü voust bain, con güvlaz.

10. Per amur da David, teis famagl, non sbüttar la fatscha da teis onschü!

11. * Il Segner ha gürâ a David sgüramaing, e non vain as volver d'avent da quai, dschand: Eu vögl tshantar del früt da teis vainer sün tia sopeha. * 2 Sam. 7, 12. 1 Reg. 8, 25.

12. Scha teis figls salvan mia lia, e mias convegna, ch' eu als moss, schi vegnan eir lur figls a sezzar sün tia sopeha per saimper.

13. Perche elet ha il Segner Sion; agreada per sia abitaziun.

14. Quell' ais meis pos in perpetuo; qua vögl eu abitar; perche eu l'ha agreada.

15. * Sia vivanda vögl eu benedir; seis povers vögl eu sadular con pan;

* Ps. 147, 14.

16. E seis sacerdots vögl eu vestir con saltid, e quels ch' el vout bain, con güvel ed allegrezza.

17. Qua * vögl eu creschentar posanza a David; pinar üna glüm a meis onschü.

* Ez. 29, 21.

18. Seis inimis vögl eu sürtrar con verguogna, e sdegn; e sur dad el vain a glüschir la corona.

PSALM CXXXIII.

David exort' ils infants da Deis pro uniun e concordia, la quala el grandamaing loda.

Una chanzun da David da schaluns.
MERA, che buna, che decainta chosa aise, cha frars abiteschan insembel.

2. Ingual sco 'l custaiivel, prezius öli, spans oura sün il cheu, chi va giò sün la barba d' Aaron, e cuorra giò sün l' ur da seis vestimaint;

3. Sco 'l ruschè sül munt Hermon, e quel chi crouda sün ils munts da Sion; perche * aqua ha il Segner invia benedicziun, e vita in eterno.

* Lev. 25, 21.

PSALM CXXXIV.

L' autur exort' ils sacerdots, e levits a guardar, e drizzar oura lur offizi indret.

Un psalm da schaluns.

SÜ! Benedi il Segner, tuots vus serviaints del Segner; ils quals staitav nella chasa del Segner nots oura!

2. Ozai voss mans vers il sanctuari, e benedi il Segner;

3. Schi at benedescha il Segner our da Sion, il qual ha fat il tsel el la terra.

PSALM CXXXV.

L' autur exorta ils sacerdots ed il pövel, a lodar Deis. El quinta nan varsaquantas ouvas da Deis, per las qualas els il dessan grandamaing onorar e lodar. Eir fa el giamgias dels fos deis dels pajans.

Alleluja.

LODAI il nom del Segner, lodai, vus serviaints del Segner;

2. Vus chi stais nella chasa del Segner; nels cortils della chasa da nos Deis.

3. Lodai Deis, perche bun ais il Segner; chantai a seis nom, perche el ais amabel.

4. Perche Deis s' ha elet Giacob; schi Israel per sia proprietà.

5. Eu sa, cha grand ais il Segner; e nos Deis plü co tuot oters deis.

6. Tuot, che cha 'l Segner vout, fa el nels tsel, ed in terra, nel mâr, ed in tuots abiss.

7. * Il qual tshiêras fa alvar nan dal confin della terra; † fa ils lütschaiders pro la plögia, e tira ils vents our da lur tesors;

* Ger. 10, 13. † Giob 28, 26.

8. * Il qual mazzet ils primogenits d' Egipto, dal crastian fin allas bestias;

* Ex. 12, 29.

9. Tramettet insainas, e strangezas in mez tai, Egipto, sur Farao, e tuots seis serviaints;

10. Il qual battet blers pövels, e mazzet possants rais.

11. * Sihon, il rai dels Amorits, ed Og, rai da Basan; e † tuot ils reginams da Canaan,

* Num. 21, 24. 34. † Gios. 12, 7.

12. E det la terra, lur ierta, per ierta ad Israel, seis pövel.

13. O Segner, teis nom ais in eterno; o Segner, tia memoria düra da schlatta a schlatta.

14. * Perche il Segner güdicha seis pövel; e misericordiaivel ais el a seis serviaints.

* Deut. 32, 36.

15. Ils idols dels pövels sun argient, ed or, ouvra da man della gliud.

16. Bocca han els, e non tschan-tshan; ögls han els, e non vezzan.

17. Han uraglias, e non odan neir, e non ais ingün flâ in lur bocca.

18. Ad els sumgians sun quels, chi 'ls fan, e scodün chi 's fida in els.

19. Chasa d' Israel, benedi il Segner! Chasa d' Aaron, benedi il Segner!

20. Chasa da Levi, lodai il Segner! Vus chi tmais il Segner, benedi il Segner.

21. Benedi saj' il Segner, our da Sion, quel chi abitescha in Gerusalem! Alleluja!

PSALM CXXXVI.

L'autur exort' il pövel d' Israel, a lodar Deis per sia ota majestà, e buntà, ch' el als ha appalantà, ed appalainta minchadi tras sias ouvras, dellas qualas el bleras raschuna nan.

CELEBRAI il Segner; perche sia buntà düra in eterno.

2. Lodai il Deis da tuot ils deis; perche sia buntà düra in eterno.

3. Lodai il Segner da tuots signurs; perche sia buntà düra in eterno.

4. Il qual fa chosas grändas e müra-vgliusas sulet; perche sia buntà ais in eterno;

5. Il qual ha fat il tschel con grand intellet; perche sia buntà ais in eterno;

6. Il qual * ha fermà la terra sur las auas; perche in eterno ais sia buntà;

* Ps. 24, 2.

7. Il qual * ha fat las glümêras grandas; perche in eterno ais sia buntà;

* Gen. 1, 14.

8. * Il solai, per star avant al di; perche sia buntà ais in eterno;

* Gen. 1, 16.

9. La glüna e las stailas, a star avant alla not; perche in eterno ais sia buntà;

10. * Il qual battet l' Egipto in lur primogenits; perche sia buntà ais in eterno;

* Ex. 12, 29.

11. E manet Israel our da mez els; perche in eterno ais sia buntà;

12. * Con ün man ferm, e con bratsch stais; perche in eterno düra sia buntà;

* Ex. 6, 6.

13. Il qual * partit il mâr cotschen in parts; perche sia buntà dürr' in eterno;

* Ex. 14, 21.

14. E fet passar Israel per mez quel oura; perche in eterno ais sia buntà;

15. E slavazzet Farao, e sia armada nel mâr cotschen; perche sia buntà ais in eterno;

16. Il qual * manet il pövel tras il desert; perche sia buntà ais in eterno;

* Ex. 15, 22.

17. Il qual battet grands; perche sia buntà dürr' in eterno;

18. Il qual mazzet giò possants rais; perche sia buntà dürr' in eterno;

19. Sihon, il rai dels Amorits; perche in eterno düra sia buntà;

20. Og, il rai da Basan; perche in eterno düra sia buntà;

21. E det lur terra per ierta; perche in eterno düra sia buntà;

22. Schi, per iert' ad Israel, seis serviaint; perche in eterno düra sia buntà;

23. Il qual in nossa ümiliaziun as regordet da nus; perche in eterno ais sia buntà;

24. Ed ans tret oursuot noss inimis; perche in eterno düra sia buntà.

25. Il qual * da il pan a scodüna charn; perche sia buntà ais in eterno.

* Ps. 104, 27.

26. Lodai, e glorifichai il Deis dels tschels; perche in eterno ais sia buntà.

PSALM CXXXVII.

Ils sacerdots e levits raschunan, co els nella preschun da Babilon sajan ingiuriats, e co els l' incontra s' han appalantats stabels. Rovand Deis, ch' el quella tirannia, cha 'ls Edomits, e Babiloniers han dovrà conter els, rend' e paja.

SPER ils flüms da Babilon, schi be qua sezzaivan nus, e planschai-vans, cur nus ans regordaivan süen Sion.

2. Süen ils salschs, in mez els, pendai-van nus süi nossas citras.

3. Cur retscherchaivan da nus quels, chi 'ns avai-van prais, plets da chanzuns, e noss oppressurs allegrezza, dschand: Via, chantà 'ns ün pa del-las chanzuns da Sion.

4. Co mâ podessan nus chantar chanzun del Segner in terra estra?

5. Sch' eu mâ t' invlid, Gerusalem, schi possa meis man dret m' invlidar!

6. Possa mia lingua tachar vi' a meis palat, sch' eu non am regord da tai; sch' eu non tegn Gerusalem per plü, co la somma mia allegrezza!

7. Segner, at regorda conter ils figls d' Edom, chi dschaivan al di da Gerusalem: Splanai, splanai fin als fondamaints!

8. Tü figlia da Babilon vainst smalmada, bain haja quel, chi 't renda il cambi, cha tü hast imprastà a nus.

9. Ventür' a quel, * chi da man e tira teis pitschnets conter ün crap.

* Es. 13, 16.

PSALM CXXXVIII.

David loda Deis, ch'el in tant privel l'ha perchiurà, ed ozà a dignità regula. El metta nan sia spranza, ch'el ha in Deis.

Un psalm da David.

DA tuot meis cour at lod, ed ingrazeh eu; avant la fatscha divina 't vögl eu psalmiar!

2. Eu m'insnuogl avant il taimpel da tia santità, e chant a teis nom per tia buntà e vardà; perche tü hast ozà teis pled sur tuot nom.

3. In quel di, ch'eu 't clamet, m'hast tü exodi, fat blera mia forza in mia orma.

4. Tuot ils rais della terra, Segner, vegnan at dar lod; cur els averan udi ils plets da tia bocca;

5. Echanteran dallas vias del Segner, stante la gloria del Segner ais granda.

6. Perche il * Segner, schi ais ot, impero guard'el giò sül abassà; ils superbis cognosch'el dalönsch.

* Ps. 113, 5. 6.

7. Sch'eu chamin in mez la tribulaziun, schi vainst am far viv; teis man vainst a metter sün l'ira da meis inimis, e teis man dret vain am salvar.

8. Il Segner vain a * drizzar oura tuot per mai; tia buntà, o Segner, ais eterna, non laschar las ouvras da teis mans!

* Ps. 57, 3. Fil. 1, 6.

PSALM CXXXIX.

David piglia Deis per perdüta conter seis achüsadurs, e smorvadurs, sco quel, chi sa tuot seis far, e chi recognoscha tuot seis cour. El rova, cha Deis il redscha saimpermâ.

Un psalm da David al capo dels chantadurs.

TU, Segner, am provast oura, e 'm cognoschast.

2. Meis zêr, e meis alvar sast tü, tü inlegiast meis impissamaints dalönsch.

3. Cur eu chamin, e cur am met giò m'incresast tü intuorn, e tuot mias vias inlegiast.

4. Perche, ün pled non ais in mia lengua, mera, Segner, tü 'l cognoschast.

5. Inavo ed inavant am serrast aint, e tegnast teis man sur mai.

6. Müravgliusa m'ais tala scienza, mass'ota, rivar fin pro quella non poss eu.

7. Ingio dess eu ir davent da teis spiert? E davent da tia fatscha, ingio dess eu fügir?

8. Sch'eu * gess a tschel, schi est tü qua, † sch'eu fess meis let nella fossa, mera, eir qua est tü.

* Am. 9, 1. † Prov. 15, 11.

9. Sch'eu pigless alas dell'alba, e stess all'extremità del mâr:

10. Eir qua vain teis man am manar, e teis man dret am tegner.

11. Sch'eu dschess: Solum la schürezza am cuverna; solum la not saja glüm intuorn mai:

12. * Nianca las schürezzas non am zoppaintan avant tai, e not splendura sco 'l di, usche il schür sco la glüm.

* Giob 34, 22.

13. Schi tü hast fat meis ranuogl in tia forza; * tü m'hast constitui nel büst da mia mamma.

* Giob 10, 11.

14. Eu 't vögl lodar da quai, ch'eu sun fat usche zuond müravgliusamaing. Müravgliusas sun tias ouvras, e m'orma sa quai zuond bain!

15. * Zoppad' avant tai non eira la gionschadüra da meis corp, cur ch'eu gnit fat nel secret; tessü nellas bassas parts della terra.

* Eccl. 11, 5.

16. Vis han teis ögls, cur eu non eira amo formâ, e quaiastas chosas tuottas füttan scrittas in teis cudesch, ils dis, ils quals gnivan destinats, cur non eira amo fat inguot-ta da que.

17. Contuot, * quant prezios mâ sun teis impissamaints, o Deis; eo mâ sun las sommas da quels fermas!

* Ps. 40, 6.

18. Sch'eu ils voless nombrar, schi sun els plüs co il sablun; eu am sdaisd, ed amo sun eu pro tai.

19. Cha tü, Deis, mazzessast l'empi; lura vus, homens da sang, it d'avent da mai.

20. Els, chi tschantschan da tai sceleratamaing, s'ozan sü fosamaing, teis adversaris.

21. Non dess eu, Segner, volair mal a quels, chi vöglian mal a tai; e 'm metter conter quels, chi leivan sü conter tai?

22. Con ün mal perfet als vögl eu mal; a mai sun els meis inimis.

23. Indrescha 'm, o Deis, e cogno-scha meis cour, examinescha 'm, e cognoscha meis impissamaints!

24. E guarda, scha in mai ais qualcha via d' iniquità; e maina 'm tū stün üna via chi dūra.

PSALM CXL.

David rova, cha Deis il defenda, e delibera da seis perseguittadurs, e 'ls chastia. El as cufforta, cha Deis quai vegn' a far.

1. Un psalm da David al capo dels chantadurs.

2. SPENDRA 'm, Segner, da noscha gliend; e dad homens, chi douvran forza, perchüra 'm.

3. Ils quals mal s' impaissan in lur cour, e minchadi drizzan guerra.

4. Els giüzan lur linguas, sco üna serp; * suot lur lefs ais tössi dell' aspide. Sela.

* Rom. 8, 13.

5. Cossalva 'm, Segner, dals mans dels empis; osta 'm dad homens, chi douvran forza, ils quals fan cossagl da far ir meis pass sur ingio!

6. Ils superbis han tais a mai latschs adaseus; con ladas suas han els tais la rait stün l' ur da mia senda; els m' han miss fallas, Sela.

7. Al Segner di eu: Tü est meis Deis; taidla, Segner, la vusch da mi' oraziun!

8. Il Segner Deis ais la fermezza da meis salut; tü mettast üna chaplina stün meis cheu, al di dellas armas.

9. Non dar, o Segner, als empis lur giavüschs; a lur impissamaint non güdar inavant! * Els gnissan as ingrandir. Sela.

* Deut. 32, 27.

10. Il cheu da quels chi 'm serran intüorn, possa la sventüra da lur lefs ils cuvatar suot.

11. * Possan charbuns erodar sur els; ed e' ils bütta nel fö; nellas cha-fuollezas, cha mâ non vegnan plü ad alvar sü.

* Ps. 11, 6.

12. L' hom chi da dan con sia lingua non vain fermâ stün terra; a chi fa tort e forza da davo il dan, fin al precipizi.

13. Eu sa zuond bain, cha 'l Segner fa güdizi al afflit, e sentenza al povret.

14. Sainza fal vegnan ils güsts a predgiar oura, e lodar teis nom.

Ils prus vegnan ad abitar avant tia fatscha.

PSALM CXLI.

Gnand David perseguittâ, schi rov' el Deis, ch' el il governa, ch' el non bruncela conter Deis; el metta sü, in quant grand privel el, ed ils seis sajan, e rova, cha Deis ils osta, e defenda, e chastia ils inimis.

Un psalm da David.

O Segner, eu clam a tai; festina pro mai; taidla mia vusch, stante clam pro tai.

2. Mi' oraziun vegna drizzada avant tia fatscha * ingual sco ün fument; e l' elevaziun da meis mans, ingual sco ün sacrifici della saira. * Ex. 30, 34.

3. Metta, Segner, üna guardia stün mia bocca; perchüra l' tisch da meis lefs.

4. Non storscher meis cour pro quel mal, a far ouvras del empi con quels chi sun ardats all' iniquità, ne ch' eu mangia lur delicatezzas.

5. Am smacha * il güst, l' ais a mai ün benefizi; el am chastia, l' ais ün öli prezios, al qual non contrasta meis cheu; schi amo per pac da far, e mia oraziun sarà a lur sventüra.

* Prov. 9, 8.

6. Lur güdischs vegnan slavazzats sur ingio ils spelms, lura meis plets saran udirs; perche els sun dutschs, e dalettaivels.

7. Ingual sco eur ün fenda oura, e taglia stün terra; usche ais noss' ossa rasada via avant la bocca della sepultura.

8. Per il vaira, o Segner Deis, meis ögls sun drizzats a tai; stün tai ha eu mia spranza; non dar via mi' orma.

9. Perchüra 'm dal latsch, cha 'm han tais, e dallas raits da quels, chi fan il mal.

10. Cha erodan ils empis in lur raits, tuots insembel, intant vegn eu a passar via.

PSALM CXLII.

David metta nan, co el nell' anguscha, ch' el dall' armada da Saul eira serrâ aint, haja urâ pro Deis per defensium.

1. Un' informaziun da David, con nom ün' oraziun * cur el eira nel cuvel.

* 1 Sam. 22, 1. 24, 4.

2. PRO'l Segner clam con mia vusch; con mia vusch ur eu al Segner.

3. Eu spand' oura avant sia fatscha tuot meis cour; avant sia fatscha met eu nan tuot mia afflicziun.

4. Scha meis spiert ais consternâ aint in mai; tû sast mia senda; * nella via ch' eu chaminaiva m' han els miss ün latsch. * Ps. 140, 6.

5. Cur guard dalla vart dretta, e vez, * schi non ais qua ingün, chi'm cognoscha; tuot refugi am ais pers; ingün non tscherecha mi' orma.

* Ps. 31, 12. 13.

6. Pro tai clam eu, Segner; eu di: Tü est mia spranza, * mia part nel pajais dels vivaints. * Ps. 16, 5. Lam. 3, 24.

7. Taidla sün meis bragir, perche eu sun gnü almain fieh; delibera'm da meis persequittadurs, perche els am sun gnüts massa fermes.

8. Maina mi' orma our dalla preschun, per ch' eu predg' oura teis nom; * ils güsts vegnan am incre-sar, cur müderast mia sort. * Ps. 34, 3.

PSALM CXLIII.

David rova Deis, ch' el il defenda, con ils seis insembel, e 'ls spendra our dalla persecuziun da Saul, e da sia dependenza; eir ch' el il redscha, il cufforta, e desdrüa seis inimis.

Un psalm da David.

SEGNER, oda mias oraziuns, taidla mias supplicaziuns; exoda'm in tia vardà, e tia güstia.

2. Non ir in sentenza con teis famagl; perche avant tai güstifichâ non ais * alchün vivaint. * Rom. 3, 20.

3. Ma ün inimi persequitta mi' orma; mia vita ha el agià chalhâ a terra; am şchatscha tuot nellas şchü-rezzas, sco quels chi dalönc sun morts.

4. E spasmescha meis spiert in mai, meis cour in mai ais tuot smari.

5. Impero dels dis da vegl m' ha eu regordâ, m' impissâ sün tuot tias fatschendas, schi, l'ouvra da teis mans ha eu considerâ.

6. Meis mans stend eu oura vers tai, * sco üna terra sedsdusa ais mi' orma a tai. Sela. * Ps. 63, 2.

7. Festina, Segner, exoda'm, meis spiert vain almain, non zoppar tia vista davent da mai, uschigliö sun eu sco quels, chi van giò nella fossa.

8. Fà, ch' eu sün la daman sainta tia buntà, perche eu am fid in tai,

* mossa'm la via, sün la quala dess chaminar, perche a tai elev eu mi' orma. * Ps. 5, 9.

9. Piglia'm liber da meis inimis, Segner, perche pro tai am retir.

10. Mossa'm, ch' eu fetscha tia vögla, perche meis Deis est tü, teis bun spiert am maina sün senda dretta.

11. Per amur da teis nom, Segner, fa'm viv tras tia güstia, maina mi' orma our dall' anguoscha.

12. Tras tia buntà vainst a metter a perder meis inimis, ed a sdrür tuot quels chi travaglian mi' orma, perche eu sun teis famagl.

PSALM CXLIV.

David ingrazia Deis, ch' el l' ha dat victoria conter seis inimis. Rova, cha Deis metta suot eir ils inimis, chi reistan amo. Eir rov' el per da tuotta sort benedicziuns a seis soggets.

Un psalm da David.

LOD ed onur saja al Segner, meis * spelm, il qual adeistra meis mans nella battaglia; mia dainta pro la guerra.

2. Quel chi'm fa del bain ais el, meis cuffort ed agüd, mia fortezza, meis spendrader, meis şchüt, pro'l qual eu cuor per defensiun, il qual mettet pövel suot mai.

3. * Segner, che mâ ais il crastian, cha tü'l cognoschast? Il figl del hom, cha tü't regordast del?

* Giob 7, 17.

4. Il crastian ais sumgiant alla vanità; seis dis sco üna sumbriva chi passa;

5. * Segner, abassa teis tschels, e vè giò, tocca ils munts, schi vegnan els a fûmar. * Ps. 18, 10.

6. Fà gnir il lütschaidar, schi vainst als disperder, trametta tias sagetas, schi vainst als metter in con-tuorbel.

7. Tenscha giò con teis man dall' otezza: Delibra'm, e sdrappa'm our da bleras auas, our dal man dels forestêrs!

8. Perche lur bocca tschantscha ingian, lur man dret ais ün man fos.

9. Deis, üna chanzun nouva vögl eu chantar a tai; sün l' instrumaint da desch cordas at vögl far ün psalm.

10. A tai, il qual da salüd als rais; e spendra David, seis servaint dalla dannaiyla spada;

11. Spendra 'm tū, e sdrappa 'm our dal man dels forestêrs, la bocca dels quals tschantscha ingian, il man dret dels quals ais ün man plain fisdà.

12. Cha noss infants sajan seo plantas, creschüdas sū in lur giuventün; nossas figlias ingual seo bel ornaiment da chantun in guisa da palazzi;

13. Noss giodens sajan rimplits, dand oura dell' üna e dell' otra sort; nossas nuorsas in milli, e deseh milli, chi frütan sün nossas pašchüras;

14. Noss bovs sajan chargiats, ingün assalto, ne strage; ingün preschunêr, ne ingün bragizzi in nossas giassas.

15. O beà quel pövel, al qual va usche; beà mât quel pövel, il Deis del qual ais il Segner.

PSALM CXLV.

David da lod ed onur a Deis per sia granda majestà, possanza e buntà vers tuot crastians; ma in special, vers ils fidels, chi temman Deis.

Una chanzun da lod da David.

TAI, o Deis, meis rai, vögl eu ot adozar, e benedir teis nom, in sempiterno.

2. Minchadi 't vögl eu benedir, e lodar teis nom in sempiterno.

3. Grand fich ais il Segner, ed ot lodà, * e sia grandezza ais, ch' ingün non la po chattar oura. Glob 5, 9.

4. L' üna generaziun dia oura all' otra, e loda tias ouvas, quintand tia possanza.

5. L' onur gloriosa da tia excellenza, e tias ouvas müraygliusas vögl eu considerar.

6. Un vain a dir oura la fermezza da tias ouvas stupendas, e tia grandezza vögl eu raschunar nan.

7. Els vegnan a raschunar la memoria da tia granda buntà, e vegnan a dechantar tia güstia, dschand:

8. * Grazius, e misericordiaivel ais il Segner, tard all' ira, e da granda buntà. * Ex. 34, 7.

9. Bun ais il Segner vers tuots, e

sia misericordia as stenda sur tuot sias ouvas.

10. Teis lod, Segner, raschunan oura tuot tias ouvas, e quels cha tū voust bain at benedeschan.

11. La gloria da teis reginam annunzian els, e tschantschan da tia possanza,

12. Cha fetschan contschainta tia possanza alla gliend, e l' onur e la gloria da teis reginam.

13. Teis reginam ais ün reginam della tschientinêra da temps; e teis signorar düra da schlattas a schlattas.

14. Il Segner sustain tuot quels chi croudan; * e tuot quels chi sun afflits, ersch' el sū. * Ps. 146, 8.

15. Ils ögls da tuot spettan sün tai, e tū als dast lur daviver a seis temp;

16. Tū avrast teis man, e saduolast tuot vivaint con teis bainplaischairs.

17. Güst ais il Segner in tuot sias vias, e misericordiaivel in tuot sias fatschendas.

18. Ardaint ais il Segner a tuot quels, chi 'l claman in agüd; a tuot quels chi 'l claman in vardà.

19. El complescha il giavüsch da quels chi 'l temman; lur bragizzi od' el, e vain als salvar.

20. Il Segner perchüra tuot quels chi 'l aman; e tuot empis mett' el a perder.

21. Il lod del Segner dess mia bocca dir oura, e tuotta charn benedir seis sanet nom in sempiterno.

PSALM CXLVI.

L' autur movainta sai sves a lodar Deis, ed admonescha scodün, da non as fidar sün crastians; blerant l' inontra 's fidar in Deis sulet; e metta nan raschuns da quella sia doctrina.

Alleluja.

ORMA mia lod' il Segner!

2. Eu vögl lodar il Segner usche löneh ch' eu ha vita; chantar psalms a meis Deis usche löneh ch' eu sun.

3. Non as fidai sün princis, sün figls della gliend, pro 'ls quals salüd non ais ingün.

4. * Lur flâ va davent; els tuornan alla terra; in quel di vegnan a svainir tuot lur impissamaints. * Ps. 104, 29.

5. Beà quel, chi ha il Deis da Giacob per seis agüd; il qual ha sia spranza nel Segner seis Deis.

6. El ha fat il tsel e la terra, il mâr e tuot quai ch' ais laint; el conserva vardà in eterno.

7. El tegna dret als squitschats-suot malgüstamaing; el da da mangiar als affamentats; * il Segner slargia ils preschunêrs. * Ps. 68, 7.

8. Il Segner illümna ils orbs; il Segner drizza sü ils afflits; il Segner ama güsts.

9. * Il Segner defenda ils forestêrs; el sustegna orfans e vaidguas, e metta a perder la via dels empis.

* Deut. 10, 18.

10. * In eterno vain il Segner regnand: Teis Deis, o Sion, resta da schlatta in schlatta. Alleluja. * Ex. 15, 18.

PSALM CXLVII.

L'autur exorta il pövel da Deis a lodar Deis grandamaing per causa da blers benefizis da Deis, ils quals el metta nan.

LODAI il Segner, perche bel aise, a lodar e far psalms a nos Deis; perche chosa dalettaivla e conveniainta ais quel lod.

2. Il Segner edificha Gerusalem; * el raspa nan pro ils derasats d' Israel. * Deut. 30, 3.

3. El medgia quels chi sun smachats da cour, e lia sü lur dolurs.

4. El quinta la blerüra dellas stailas, e da seis nom a minchüna.

5. Grand ais nos Segner, e da granda virtü; da seis intellet non ais ingüna masüra.

6. Il Segner güda sti ils squitschats, ed abbassa ils empis a terra.

7. Chantai al Segner con grand lod, fat a nos Deis psalms sün la citra!

8. Il qual govern' il tsel con nüvlas; pina pro alla terra plövgia; fa crescher erba süls munts.

9. Il qual da al bestiam seis pavel; als * giuvs corvs, chi qua bragian.

* Giob 39, 3.

10. * El non ha plaschair alla fermezza del chaval; ne dalet via chammas del hom. * Ps. 33, 16. 17.

11. Il plaschair del Segner ais sur quels, chi l' temman, chi han lur spranza in sia misericordia.

12. Gerusalem loda il Segner; loda teis Deis, o Sion!

13. Perche el fa fermas las stangas da tias portas; el benedescha teis infants in mez tai.

14. El da pasch a teis confins; con il minz della granezza at saduolla el.

15. El tramett' oura seis pled sur la terra; zuond spertamaing cuorra seis pled.

16. El da naiv seo lanna; e braina tant seo tschendra ras' el our.

17. El bütta giò sia glatscha, in pezzas; chi vain a resister avant sia fraidüra?

18. El trametta seis pled, e fa tuot leuar; seis vent soffla, ed auas cuorran.

19. El ha laschâ a savair seis pled a Giacob; seis statuts, e seis güdizis ad Israel.

20. Usche non ha el fat con tuot ils pövels; ed oters non san seis güdizis. Alleluja.

PSALM CXLVIII.

L'autur exorta tuottas creatüras a lodar Deis per amur da sia granda majestà, e buntà vi' al pövel d' Israel.

Alleluja.

LODAI il Segner giò dals tselhs, Lodâ l' nellas otezzas.

2. Lodâ l' tuot seis angels, lodâ l' tuot seis exercits!

3. Lodâ l', solai e glüna, lodâ l' vus splenduraivlas stailas tuottas!

4. Lodâ l', * vus tselh dels tselhs, ed aua sur il tsel. * Gen. 1, 7.

5. Els lodan il nom del Segner; perche el ha * comandâ, e dalunga fütan ellas creadas. * Gen. 1, 1. 6.

6. El las ha ordinadas per asaimper; in ün' ordinaziun perpetua las ha el missas, la quala ellas non vegnan a surpassar.

7. Lodai il Segner our dalla terra; vus balênas, e tuot l' abiss.

8. Fö e tempesta, naiv e vapurs; il trabagl, chi drizz' oura seis pled,

9. Munts, e tuot ils muots, boſcha früttaivla, e tuot ils ceters,

10. Bestias solvadias, e domesticas; vermiglia, e che chi svoula,

11. Rais e tuots pövels; princis, e tuots güdischs della terra,

PROVERBIS, I.

12. Giuvens e giuvenschellas, ils vegls con ils pitschnets,

13. Lodan il nom del Segner, perche ot ais seis nom sulet; sia gloria ais sur terra e sur tschels.

14. Ed el ha ozâ la testa a seis pövel. Quel lod dettan quels, ch' el ha fat del bain, ils figls d' Israel seis pövel, chi l' ais strusch. Alleluja.

PSALM CXLIX.

Exorta il pövel da Deis, a lodar Deis per specials benifiziis, cha Deis l' ha fat.

Alleluja.

CHANTAI al Segner üna chanzun nouva; seis lod vegn' udi nella raspada dels seis!

2. Israel as tegna * bun da seis creatur; ils figls da Sion saglian d' allegrezza per lur rai. * Ps. 100, 5.

3. Lodan seis nom con concerts; con tambur e citras al chantan psalms.

4. Perche il Segner ha seis dalet vi' a seis pövel; fa ils afflits grands pro lur salüd.

5. Seis bainamats s' allegran della granda gloria, giubileschan in lur chambras.

6. Güvlaz da Deis vain ad esser in lur boeca, e spadas, tagliaintas d' ambas varts in lur mans,

7. Per tour vendetta vi' als pövels; chastiamaint vi' allas naziuns.

8. * A rantar lur rais con chadainas, e lur nöbels con tschepps da fier.

* Es. 45, 13.

9. Per esequir vers el il güdizi, ch' ais scrit; ün' onur a tuots seis bainamats. Alleluja.

PSALM CL.

Invid al lod da Dieu.

Alleluja.

LODAI Deis in seis santuari; lodâ l' nella fermezza da sia gloria.

2. Lodâ l' in sias giagliardenschas; lodâ l' seguond la blerüra da sia grandezza;

3. Lodâ l' con il strasunar da trombettas; lodâ l' con tübas e citras;

4. Lodâ l' con tambur e flötas; lodâ l' con instrumaints da cordas ed orgels;

5. Lodâ l' con strasonants cimbels; lodâ l' con cimbels da triumf;

6. Tuot, che chi sflada, loda Deis! Alleluja!

IL CUDESCH DELS PROVERBIS

DA

SALOMON.

CHAP. I.

La mira e fin del pled da Dieu. La temma del Segner. Da non as compagnar con ils empis. Il mal chi nascha dal spretsch della sapienza.

PROVERBIS DA Salomon, del figl da David, del rai d' Israel;

2. Per cognoscher sapienza, ed instrueziun; per inler ils dits da sen;

3. Per artschaiver informaziun da prudenza, da güstia, da güdizi, e d' appussaivlezza;

4. Per dar scortischa als saimpels, e cognoschenscha, ed accorschamaint als giuvens;

5. Cha l' sabi üls oda, e creschainta sia scienza, e l' hom inclegiantaivel s' acquista buns cossagls, e govern,

6. Per comprender sentenzas, e bels

discuors, plets dels sabis, e lur dits schürs.

7. La temma del Segner ais il principi della scienza; ma nars spretschan la sapienza, e l' instrueziun.

8. Taidla, meis figl, l' instrueziun da teis bap, e non bandunar l' informaziun da tia mamma!

9. Perche quellas saran ün prezius clinöt a teis cheu, e colannas intuorn teis colöz.

10. Meis figl, scha l's pechadurs at vöglian surmanar, schi non acconsentir!

11. Sch' els dischan: Vè con nus, mettain aguets a sang, * insidiain adaseus l' innozaint sainza motiv;

* Ger. 5, 26.

12. Ils travondain tuot vîvs, sco la sepultura; e tuot intêrs, a guisa da quels chi van giò nella fossa;

13. Nus chatteran d'ogni *sort* roba preziosa, nus impliran nossas chasas con butîns;

14. Tû dessast trar tia sort tanter nus; per nus *non* dess esser *oter* co tîna sula buorsa;

15. Meis figl, non t'invîar con els; retegna teîs pè d'avent da lur senda!

16. Perche * lur peîs cuorran al mal, e festinan a spander sang. * Es. 59, 7.

17. Perche, bain cha 's tenda sainza pentîzi la rait avant ogni utschè;

18. Ma quels tschaintan aguets a lur *propri* sang, ed insidieschan adascun lur orma.

19. Talas *sun* las sendas d'ogni erastian ardat all'avarezza; ella raspa l'orma da quels, nels quals ella 's chatta!

20. * La sapienza clama our dadoura; la fa sentir sia vusch per las plazzas; * Prov. 8, 1.

21. La clama sùls chantuns dels lous dellas raspadas; la pronunzia seis rashuns sün las intradas dellas portas della città,

22. *Dschand*: Fin a cura, o saimpels, volais vus amar la simplicità? E *fin* cura pigleran ils sgiamgiadurs plaschair da spretschar, ed averan ils nars in ödi la scienza?

23. As convertî sün mia reprensium! Mera, eu as vögl sburfar oura meis * spiert; eu as vögl far a savair meis pleds. * Gioel 2, 28.

24. Perche eu ha clamâ, e vus avais rechüsâ *da taddlar*; eu ha stais our' il man, ed ingün non s'ha fat surasen;

25. Ed avais interlaschâ tuot meis cossagl, e non avais accettâ mia correcziun;

26. Eir eu vögl rîr pro vossa calamità; vöglfar beffa, cur vos stramîzi sarâ gnü.

27. Cur vos spavent sarâ gnü a guisa da ruina, e vossa calamità sarâ riva da a guisa da trabagl; cur anguoscha, e tormaint vain ad esser gnü sur vus;

28. * Lura vegnan quels a clamar a mai, ma eu non vögl responder; vegnan am tscherehar diligiaintamaing, ma non am chatteran;

* Gioh 27, 9. Es. 1, 15. Ezech. 8, 18. Giac. 4, 3.

29. Perche els han ödiâ la scienza, e non han elet la temma del Segner;

30. E non han accettâ meis cossagl, ed han sdegnâ ogni mia correcziun;

31. Perquai mangeran els del früt da lur vias, e saran els sadolats da lur cossagls.

32. Perche il sviamaint dels saimpels ils mazza, e l'errur dels nars ils fa perir.

33. Ma chi taidla a mai abiterà in sgürezza, e viverà in repos our dal spavent del mal.

CHAP. II.

L'utilità della sapienza. La duonn'estra. La mercede dels buns, e dels mals.

MEIS figl, o cha tû ardschaivast meis dits, e * mettast insalv pro tai meis comandamaints; * Prov. 7, 1.

2. Rendand ti' uraglia attenta alla sapienza; *scha* tû inclinast teîs cour al intellet!

3. E *scha* tû clamast la prudenza, e dast oura tia vusch al intelligenza;

4. *Scha* tû la tscherchast sco l'argient, e la perscrutteschast sco tesors,

5. Lura vainst tû ad incler la temma del Segner, ed a chattar la cognoschenscha da Dieu.

6. * Perche il Segner da sapienza; our da sia bocca *proceda* scienza, ed intellet. * Giac. 1, 5.

7. El reserva la rashun als prus; *el ais* il schüt da quels chi chaminan in integrità,

8. Per proteger las sendas dell'appussaivlezza, e per perchürar la via da seis sancts.

9. Lura vainst tû ad incler güstia, güdizi, ed appussaivlezza, ed ogni buna senda.

10. Cur sapienza sarâ intratta in teîs cour, e scienza sarâ dalettaivla a ti' orma,

11. Schi vain scortischa at conservar; prudenza vain at perchürar,

12. Per at deliberar dalla via mala, dal hom, chi tschantescha chosas perversas;

13. Ils quals interlaschan las sendas dell'appussaivlezza, perchaminar sün las vias dellas schürezza;

14. Ils quals s'allegnan a far mal, e fan festa dalla perversità da malizia;

15. Ils quals *van* torts in lur vias, e straviats in lur sendas;

16. Per at deliberar dalla duonn' estra, dalla forestêra, *chi* favella viziusamaing;

17. La quala banduna il conductur da sia giuventûna, e smancha la lia da seis Dieu; —

18. Perche quella declina alla mort con sia chasa, e con sias sendas pro las sumbrivas.

19. Ingün da quels chi intran pro quella non tuorna darcheu, e non repretenda las sendas della vita. —

20. Acio cha tû chaminast sün la via dels buns, ed observast las sendas dels giüsts.

21. Perche ils * prus abiteschan la terra, e'ls sincêrs rumagnan in quella;

* Ps. 37, 29.

22. Ma ils empis saran sterminats our dalla terra, e'ls slaschats saran şchatschats davent.

CHAP. III.

La ledscha e comandamaints da Dieu. Da non sbüttar la correcciun da Dieu. Sapienza maina repos da coscienza. Da non s' impissar mal conter seis prossem.

MEIS figl, non smanchar mia doctrina, e tei cour conserva meis comandamaints!

2. Perche els * vegnan at metter pro lungezza da dis, ed ans da vita, e prosperità.

* Deut. 8, 1.

3. Benignità e vardà non at banduneran; * lia 'ls sù vi' a tais colöz, scriva 'ls sün la tabla da tei cour;

* Ex. 13, 9. Prov. 6, 21.

4. * Schi vainst tû a chattar grazia, e bun sen pro Deis, e pro la gliend.

* Rom. 14, 18.

5. At confida nel Segner con tuot tei cour, e sün tia prudenza non at appozar.

6. Recognoscha 'l in tuot tias vias, ed el vain a drizzar tias sendas.

7. * Non at requintar sabi pro tai sves; temma il Segner, e 't retira dal mal!

* Rom. 12, 16.

8. *Quai* sarà medicina a tias nervas, e refraischamaint a ti' ossa.

9. * Onura il Segner con tias facultats, e con las primizias d' ogni tia rendita;

* Ex. 23, 19.

10. Schi saran implits tei granêrs

con roba in ogni abundanza, e tias tinnas vegnan ad ir sura da muost.

11. * Meis figl, non sdegnar la correcciun del Segner, e seis chastiamaint nont' inerescha. * Ebr. 12, 5. Ap. 3, 19.

12. Perche il Segner chastia chi el ama, schi, seo ün bap il figl, *ch'* el ha in plaschair.

13. Beà il crastian, *chi* chatta sapienza; e' l crastian, chi obtegna intelligenza;

14. * Perche il traffic da quella *ais* megl' co' l traffic del argient, e sia rendita *meldra* co' l' or.

* Giob 28, 13.

15. Ell' *ais* plü preziosa co' las perlas, e tuot quai il plü char cha tû hast non alla paraglia.

16. Lungezza da dis *ais* a sia dretta; ricchezza e gloria a sia snestra.

17. Sias vias *sun* vias dalettaivlas, e tuot sias sendas *sun* pasch.

18. Ell' *ais* ün bösch da vita a quels chi l' abbratschan, e beats quels chi l' artegnan.

19. Il Segner ha sügliâ la terra con sapienza, ha stabili ils tshels con intelligenza.

20. Tras sia cognoschenscha füttan fess ils abiss, e l' ajer guotta giò il ruschè.

21. Meis figl, *quaista* non as dess mâ partir da tei ögls; conserva raschun, ed avisamaint.

22. Quai sarà vita a ti' orma, e grazia a tia gula.

23. Lura vainst tû sgüramaing a chaminar tia via, e tei pè non şchampiütscherà.

24. * Cur tû vainst a dormir, non averast spavent; e, *cur* tû vainst at metter a pos, sarà dutsch tei sön.

* Ps. 3, 6.

25. Non at tmair da temma subitana; ne dalla ruina dels empis, cur la vain a gnir,

26. Perche il Segner sarà da tia vart, e vain a perchürar tei pè, ch' el non vegna prais.

27. Non denegar il bön a quel, vers il qual *ais* il dovair, cur sta in tei podair *da' l* far.

28. * Non dir a tei prossem: Và, e tuorna darcheu, e daman at *il* vögl eu dar; scha *quai* pür *ais* pro tai.

* Lev. 19, 13.

29. Non machinar alchün mal conter teis prossem, chi pür abita in sgürezza pro tai.

30. Non litiar con ingün sainza chaschun, sch'el non t'ha fat tort alchün.

31. Non portar invilgia al crastian violent, e non tscherner alchüna da sias vias.

32. Perche il *crastian* pervers *ais* echos' abominabla al Segner, ma el *communichescha* seis cossagl con ils prus.

33. La maledieziun del Segner *ais* sur la chasa del empi; ma la stanza dels güsts vain el a benedir.

34. * Sch'el fa giamgias dels sgiamgiadurs, schi da el eir grazia als ümils.

* Giac. 4, 6. 1 Petr. 5, 5.

35. Ils sabis possedan la gloria; ma ils nars as reportan disonur.

CHAP. IV.

Salomon continua ad exortar al stüdi della sapienza celestiale. Fügir ils costüms dels empis, e seguir quels dels güsts. Suvent examinar seis cour.

TADLAI, infants, l'instrucziun del bap, e sajat attents, per cognoscher prudenza;

2. Perche eu as dun buna doctrina; mia ledscha non relascharai.

3. Perche eu sun eir stat figl a meis bap; tener, e sulet sper mia mamma.

4. E quel m'ammossaiva, e 'm dschaiva: Cha teis cour tegna ferm meis plets; conserva meis comandaments, schi vainst tü a viver!

5. Acquista sapienza, acquista prudenza; non smanchar, e non at volver inavo dals dits da mia bocca.

6. Non bandunar la *sapienza*, schi vain ella at conservar; la vögliast bain, schi vain ella at perchürar.

7. Della sapienza *ais* il principi: Acquista sapienza, e col pretsch da tuot tia roba acquista prudenza.

8. Adoz'-la, schi vain ella at adozer; ella 't glorificherà, cur tü l'averast abbratschada.

9. Ella 't metterà sün cheu ün clinöt da grazia; üna coruna d'ornamaint at darà-la.

* Prov. 1, 9.

10. Taidla, meis figl, ed ardschaiva meis dits; schi 't saran multiplichats ans da vita.

11. Eu t'ammoss la via della sapien-

za, eu t'inviesch sün las sendas dell'appussavlezza.

12. Cur tü chaminerast, non saran stretnits teis pass, e scha tü cuorrast, schi non vainst tü a *schampütschar*.

13. Tegna ferm vi' all'informaziun, non la relaschar; conserv'-la, perche l'*ais* tia vita.

14. * Non intrar sün la senda dels empis, e non chaminar sün la via dels noschs.

* Ps. 1, 1. Prov. 1, 10, 15.

15. Schivesch'-la, non passar tras quella; tuorn' inavo, e passa spera via!

16. Perche quels non pon dormir, scha non han fat qualcha mal; il sön ais involà via ad els, scha non han fat erodar qualchün.

17. Perche els mangian il pan dell'impietà; e vin della violenza baivan els.

18. Ma la senda dels güsts ais sco la glüm del solai chi spunta sü, la quala va plü vi' e plü splendurind, fin ch'ais cler di.

19. La via dels empis ais sco la *schüirdüm*; els non san in che cha *schampütschan*.

20. Meis figl, sajest attent sün meis plets; inclina ti' uraglia a meis dits!

21. Quels non dessan *mâ* guinchir da teis ögls; conserva 'ls in mez da teis cour.

22. Perche els sun vita a quels chi 'ls chattan, e sandà a tuot lur corp.

23. Plü co ingüna chosa perchüra teis cour, perche da quel proceda la vita.

24. Metta davent da tai perversità della bocca; chatscha dalönsch da tai perversità dels lefs!

25. Teis ögls dessan guardar dret-via avant *tai*, e 'ls palperis da teis ögls indret mirar avant tai.

26. Gualiva la senda da teis peis, e tuot tias vias sajan güstas.

27. Non declinar, ne dalla dretta, ne dalla snestra; volva teis pè davent dal mal.

CHAP. V.

Fügir ils dalets della duonna impudica, descrivand ils mals spirituals, e corporals chi sieuan. Viver da sia lavur, e nel bainfar a seis prossem.

MEIS figl, sajest attent a mia sapienza, a mia intelligenza inclina ti' uraglia;

2. Acio cha tü retegnast ils avisa-
mains, e teis lefs conservan la sci-
enza.

3. Perche dals lefs della *duonna*
estra guottan fliduns meil, e seis pa-
lat *ais* plü dutsch co öli;

4. Ma sia fin *ais* amara sco assëns,
agüzza sco üna spada da duos ta-
gliaints.

5. Seis peis van giò alla mort, seis
pass fan depart al infern.

6. Sias sendas sun vagabundas, sain-
za cha la s' accorscha; cha forse la
non observa la via della vita.

7. Uossa dimena infants, tadlà 'm,
e non as partirai davent dals dit da
mia bocca.

8. Fà, cha tia via giaja lönsch da-
vent da quella, e non t' approsmar
via pro l' üsch da sia chasa;

9. Cha tü forse non dettast ti' onur
als esters, e teis ans al crudel;

10. Cha 'ls forestêrs non as sado-
lan da tias facultats, e cha tias fa-
dias *non vegnan* nella chasa del ester;

11. *Cha tü non* suspüirast dalla fin,
eur tia charn, e teis corp sun consü-
mats,

12. E non diast: Ah ch' eu avet in
ödi l' informaziun; e meis cour col-
büttet la correcziun!

13. E ch' eu non tadlet la vusch da
quels, chi m' ammossaivan, e non in-
clinet mi' uraglia a quels, chi 'm in-
formaivan!

14. Bünamaing ch' eu sun crodâ in
tuot mal, in mez la raspada, e con-
gregaziun.

15. Baiv' aua da tia cisterna, e dels
auals da tia fontana,

16. Schi s' arasan oura tias fontanas,
e per las plazzas ils auals.

17. *Quellas auas* saran solum per
tai, e per ingün ester con tai.

18. Saja tia fontana benedida, e t' al-
legra dalla muglier da tia giuven-
tüna.

19. *At saj' ella* üna tshierva amabla,
ed üna chamuotscha graziusa; seis
sain t' inavriaja da tuot temp; sajast
da contin inflammâ da si' amur.

20. E perche, meis figl, at volessast
dalettar dell' estra, ed abbratschar il
sain della foresta?

21. Perche las vias del crastian *sun*

avertas avant ils ögls del Segner, ed
el paisa tuot sias sendas.

22. Las iniquitats del empi il pigle-
ran, ed el sarà retgnü con las suas
da seis pucha.

23. El vain a morir per mancha-
maint da correcziun; e per sia granda
nardà ad ir ad errur.

CHAP. VI.

Salomon da comandamaints particulars davart
siertats, e paigrezza, e 'ls costüms da gliend
maligna. Exorta a contemplar il pled da Dieu,
tras il qual nus gnin retrats da pitanögn.

MEIS figl, scha tü hast fat siertà
per teis prossem, scha tü hast
dat il man al ester;

2. Scha tü est illatschâ cols plets
da tia bocca, prais cols plets da tia
bocca;

3. Schi uossa fà quaist, meis figl, e t'
spendra, daspö cha tü est crodâ nel
man da teis prossem; vâ, at bütta
giò avant seis peis, e sollicitescha teis
prossem.

4. Non laschar dormir teis ögls, ne
cupidar ils palperis da teis ögls.

5. At delibra sco ün chavret dal man
del chatschader, e sco ün utschè dal
man del utschlêr!

6. Vâ, pajer, pro la furmia; guarda
sias vias, e dvainta sabi!

7. Ella non ha, ne chapitani, ne ma-
gistrat, ne signur;

8. Ed *impero* perdersch' ella nella
stà sia spaisa, e rasp' ella aint nella
raccolta seis mangiar.

9. Infîn cura, o pajer, voust tü gia-
schair? Cur at sdasderast tü da teis
sün?

10. Dormind ün pa, cupidand ün
pa, storsehand ün pa la bratscha per
posar!

11. Schi gnarà tia povertà sco ün
viandan, e tia necessità sco ün hom,
inarmâ con ün schüt.

12. Ün crastian seclerat ais l' hom
daschüttel, el proceda con perversità
da bocca.

13. El tschögna cols ögls, tschan-
tscha cols peis, mossa con la dain-
ta.

14. El ha perversità in seis cour, el
machina mal da tuot temp, el com-
metta dispittas.

15. Perquai gnarà in ün momaint sia

ruina; el sarà dandettamaing sfrislà, sainza remedi.

16. Il Segner ödiescha quaiestas ses chosas; schi, e set *sun* ün abomini a si' orma.

17. Ils ögls superbis, la lengua men-snêra, e 'ls mans, chi spandan sang innozaint;

18. Il cour, chi machina impissamaints d'iniquità, ils peis, chi festinan per cuorrer pro 'l mal;

19. La fosa perdüta, chi sbocca menzögnas, e quel chi commetta contesas tanter frars.

20. Meis figl, salva il comandamaint da teis bap, e non relaschar l'informaziun da tia mamma;

21. * Tegn'la liada da contin sün teis cour, e rantada vi' a teis colöz.

* Prov. 3, 3.

22. Cur tü vainst a chaminar, t'ingüiderà-la; cur tü vainst a dormir, farà-la la guardia intuorn tai, e cur tü 't sdasderast, vain-la a raschunar con tai;

23. Perche, comandamaint *ais* üna lütschernä, ed istruzziun *ais* üna glüm, e la correcziun da disciplina *ais* la via della vita,

24. Per at preservar dalla femna mala, dallas lusingias della lengua estra;

25. Schi, non at laschar dalletter da sia bellezza in teis cour, e ch' ella non at surprena con ils palperis da seis ögls;

26. Perche tras üna duonna pitana *vain* ün fin ad üna boccada pan, ma la duonna del hom va a chatscha davvo las ormas preziasas.

27. Piglerà alchün fö in sain sainza cha sia vestimainta saja arsa?

28. Chaminerà alchün sur las brascilas sainza s' arder ils peis?

29. Usche *dvaïnta a* chi intra pro la muglier da seis prossem; chi la tocca, non sarà sainza cuolpa.

30. Ün non schüsa il lader, cur el invoula per as sadolar, aviand fam;

31. Anzi, *sch'* el ais chattà, schi restituescha 'l set voutas, el sto dar tuot la sustanza da sia chasa.

32. Chi commetta adulteri con üna duonna *ais* privà da sen; chi vuol perder si' orma, fetscha tala chosa.

33. El chatterà feridas, e disonor; e seis vituperi non sarà chassà;

34. Perche la zelosia *ais* ün' ira furiosa del hom, ed el non il schanierà nel di della vendetta.

35. El non averà resguard d'alchüna slubgiashun, e, schabain cha tü multiplicast ils preschaints, non ils accetterà el.

CHAP. VII.

Salomon continua ad exortar all' osservanza da suas istruzziuns; in pustüt acio cha 'ls giuvenas as perchüran dalla corrupziun dellas femnas; ün exaimpel da lur arts, ed insidias.

MEIS figl, observa meis dits, e * mett' insaly pro tai meis comandamaints!

* Prov. 2, 1.

2. Observa meis comandamaints, schi vainst tü a viver; e *salva* mia informaziun seo la poppa da teis ögls!

3. Lia 'ls intuorn la dainta, scriva 'ls sün la tabla da teis cour!

4. Di alla sapienza: Tü *est* mia sour, e nomna la prudenza *tia* parainta,

5. Acio cha quella at perchüra dalla duonn' estra, dalla forestêra, chi tshantscha vizijsamaing;

6. Perche, eu guardaiv' *üna vouta* tras la fanestra da mia chasa, tras meis giatter,

7. E vezzet tanter ils saimpels, chi seurriva tanter ils infants, ün giuvnet privà da sen,

8. Il qual passaiva per la strada, sper il chantun *della chasa* d' üna tala duonna via, e chaminaiva trand pro la chasa da quella,

9. Sün la saira bain tard del di, comandand as inöchürir, e gnir la not.

10. E mera, üna duonna al gnit in-conter in vesti da pitana, ed avvezza d' anim;

11. * Strepitusa, e sviada; ils peis della quala non as fermaivan in chasa,

* Tit. 2, 5.

12. Siand bod our per la strada, bod our per la piazza, e stand süls auets sper ogni chantun;

13. E quella il piglet, e 'l bütschet, e sfatschadamaing al dschet ella:

14. Eu avaiva sur mai *ün vut* da sacrificis d' ingraziamaint; hoz ha eu pajâ meis vuts.

15. Però at sun eu gnüd' our in-conter, per at tsherchar, e t' ha chattà;

16. Eu ha perdert meis let con incovertas da lavur figurada, con cordellas *da fil* d'Egipto;

17. Eu ha perfumâ meis let con mirra, con aloe, e con chanella;

18. Vê nan, ans inavriain d'amur fin alla mattina, ans dalettain d'inamuraischs plaschairs;

19. Perché'l marit non *ais* a chasa, l'ais it in viadi lontan.

20. El piglet in man il sachet del danêr; el turnerà a chasa al di della novuaglîna.

21. Ella il storschet con sias bleras lusingias, e l' manet aint con la dutshezza da seis lefs;

22. *Ed* el get davo ella subitamaing, sco 'l bov vain pro la mezcha, e sco va nels tscheps per chastiamaint il nar;

23. Sco l' utschè festina pro 'l latsch sainza savair, ch' el ais contrari a sia vita, fin cha la frizza al foura il niram.

24. Uossa dimena, meis infants, tadlâ'm, ed attendai als dits da mia bocca!

25. Cha teis cour non declina stin las vias d'ûna tala; non at sviar in sias sendas,

26. Perché ella ha fat erodar blers mazzats, ed impero nommerus *evran* tuot quels ch' ella ha fat morir.

CHAP. VIII.

La sapienza invida ün e scodün pro ella. Ella fa, cha 'ls rais regnan. Ils früts della sapienza.

MA * sapienza, non clam' ella; e la prudenza, non da ell' oura sia vusch?

* Prov. 1, 20.

2. Ella sta in pè nel ot da lous elevats, sün la via, nellas cruschadas;

3. Ella clama sper las portas, all' intrada della città, all' intrada dels üschs *dellas chasas*,

4. *Dschand*: Eu clam a vus, homens, e mia vusch s' *indirizza* eir als infants della gleud.

5. Saimpels, incejai, *che saja* scortischa, e *vus* nars incejai *che saja* bun sentimaint.

6. Tadlai; perché eu vögl proponer chosas excellentas, l'avrir da meis lefs *sarà* da chosas drettas;

7. Perché meis palat raschunerà

vardà; ma l'impietà *ais* quai cha meis lefs abomineschan.

8. Tuot ils dits da mia bocca *sun* güsts; in quels non *ais* inguotta da tort, o da pervers.

9. Quels tuots sun drets als incegiantaivels, e bairdrizzats a quels, chi han chattâ scienza.

10. Ardschvai mia istruzium, e na argient; e scienza ant co or tschernü.

11. Perché la sapienz' *ais* meldra co las perlas; e tuot las chosas las plü charas non la congualan.

12. Eu, sapienza, abitesch pro la scortischa, e chat la cognoschenscha da buns avisamaints.

13. La temma del Segner *ais* ödiar il mal; eu ödiesch la superbia, e la grandaschia, e la via mala, e la bocca perversa.

14. A mai *appertain* il cossagl, e la raschun; eu *sun* la prudenza, a mai *appertain* la forza.

15. Tras mai regnan ils rais, e 'ls redschadurs fan statuts da güstia.

16. Tras mai signoreschan ils signurs, e 'ls principals, e tuot ils güdischs della terra.

17. Eu am quels chi'm aman, e quels chi'm tscherchan vegnan am chattar.

18. Richezza e gloria *sun* pro mai; roba permanenta, e güstia.

19. Meis früt *ais* megl co or, schi co or finissem; e mia rendita *meldra* co argient tschernü.

20. Eu chamin sün la via della güstia, in mez las sendas dell' appussavleza,

21. Per far ertar il *vairesser* a quels chi'm vöglian bain, e per implir lur tesors.

22. Il Segner am possidaiva al principi da sia via, avant sias ouvras, d' eterno.

23. Eu sun statta constituida in principat dad eterno, da principi, avant cha füss la terra.

24. Avant cha *füssan* abiss, e fontanas, e vuorgs d' auas, füt eu prodüta.

25. Eu füt prodüta ant cha 'ls fondamaints dels munts füssan tschantats, ant co ils muots;

26. Infant ch' el non avai' *amo* fat la terra, ne las champagnas, ne la sommità del terrain del muond;

27. Cur el ordinaiv' ils tshels, *schì eir'* eu qua; cur el designaiv' il circul sur la fatscha del abiss;

28. Cur el fermaiv' il tshel süsura, cur el fortificaiva las fontanas del abiss;

29. * Cur el tshantaiva seis term al mâr, tal cha las auas non possan surpassar seis ur; cur el tshantaiva ils fondamaints della terra, *Gìob 38, 10.

30. Schi eira eu * pro el sco ün infant trat sü, ed eira *sia* delizia tuot-tadi; eu am dallettaiva da tuot temp in seis conspet. *Gioan. 1, 1.

31. Eu am divertesch sün la part abitabla da sia terra, e meis dalets cols figls dels crastians.

32. Uossa dimena, infants, tadlâ'm; beats *quels chi* observan mias vias.

33. Tadlai l' informaziun, e dvan-tai sabis, e non la lascharai ir davent.

34. Beà il crastian chi'm taidla, a vagliar tuottadi sper meis üschs; a star in guardia pro 'ls glims da mias portas;

35. Perche, chi'm chatta, chatta la vita, ed obtegna benevolenza del Segner;

36. Ma chi pecha conter mai fa ingiuria a si' orma; tuot quels chi'm vöglian mal aman la mort.

CHAP. IX.

La sapienza clama ün e scodün pro ella tras seis serviaints; pro la participaziun a seis benifizis, in sia baselgia. Suot figüra d'üna duonna impudica descriv' el ils dalets della charn, chi mainan a perdiziun.

LA sapienza ha edifichâ sia chasa, ella ha tagliâ sias coluonnas in *number* da set.

2. Ella ha mazzâ seis animals, ha temprâ seis vin, ed ha eir apparechâ sia maisa;

3. Ella ha tramiss sias fantschellas a clamar giò dallas lobjias dels lous ots della città:

4. Chi äis saimpel, as retira nanqui! Ed a dir a quels chi sun privats da sen:

5. * Gni nan, mangiai da meis pan, e bava del vin, *ch'* eu ha temprâ.

* Es. 55, 1.

6. Relaschai la simplicità, schi gnis a viver, e chaminai sün la via della prudenza.

7. Chi corrigescha il sgiamgiadur,

ardschaiva vituperi, e chi repretenda l'empi, *ardschaiva* macla.

8. Non repretender il sgiamgiadur, ch'el forsa non t'ödiescha; * repretenda il sabi, schi vain el at amar. *Ps. 141, 5.

9. Informa il sabi, schi vain el a dvan-tar amo plü sabi; ammosa il güst, schi vain el a crescher in doctrina.

10. Il principi della sapienza *ais* la temma del Segner, e la scienza del sanct *ais* la prudenza.

11. Schi, tras mai at saran multiplichats ils dis, e t' saran miss pro ans da vita.

12. Scha tü est sabi, schi sarast sabi per tai; e scha tü est ün sgiamgiadur, schi vainst tü sulet a portar *la paina*.

13. La duonna narra ais strepitusa, saimpla, e non ha alchün intellet.

14. Eir quella as sezza avant l' intrada da sia chasa, sün tina sopeha, sün ils lous adozats della città,

15. Per clamar a quels chi passan per la via, chi van via dret sün lur chamin:

16. Chi *ais* saimpel, as retira nanqui! E scha ais qua alchün privâ da sen, al disch ella:

17. L' aua involada ais dutscha, e 'l pan *tut* adascus ais dalettaivel.

18. Ed el nonsa, *cha *sun* là las sumbrivas, e *cha* quels, ch' ella ha invidiâ van nel fuond del infern. *Prov. 2, 18.

CHAP. X.

Las sentenzas da Salomon.

L' INFANT sabi allegr' il bap; ma l' infant nar ais il cordöli da sia mamma.

2. Ils tesors d' impietâ non güdan inguotta; ma la güstia spendra dalla mort.

3. Il Segner non lascherà avoir fam all' orma del güst; ma el ruina la malizia dels empis.

4. Il man remiss fa gnir pover; ma il man dels diligiaints richainta.

5. Chi rasp' aint nella stâ *ais* ün infant avisâ; ma chi dorma nella racolta *ais* ün infant vituperus.

6. Benedicziuns *sun* sur il cheu del güst; ma violenza vain a covernar la bocca dels empis.

7. La memoria del güst *ais* in benedicziun; ma il nom dels empis vain a smarschir.

8. Il sabi da cour ardschaiva ils comandamaints; ma il nar da lefs vain ad ir in precipizi.

9. Chi chamina in integrità, chamina in sgürezza; ma chi roversa sias vias, sarà admoni.

10. Chi tschögna con l'ögl porta molestia; e l' nar da lefs giarà in precipizi.

11. La bocca del güst *ais* üna fontana da vita; ma violenza covernerà la bocca dels empis.

12. L'ödi movainta dispittas; ma * la charità coveerna ogni misfat.

* 1 Petr. 4, 8.

13. Sapienza 's chatta nels lefs del incelegiantaivel; ma il * bastun *ais* per la rain da chi *ais* privà da sen.

* Prov. 26, 3.

14. Ils sabis conservan *pro els* scienza; ma la bocca del nar *ais* ruina vicina.

15. Las facultats del rich *sun* üna ferma città; ma la povertà dels manglus *ais* lur spavent.

16. Las ouvras dels güsts *sun* pro vita; ma *quai* cha l'empì prodüa *ais* pro pucha.

17. Chi observa l'instrucziun *ais* sün chamin pro vita; ma chi relascha la correcziun *ais* stravià.

18. Chi coveerna l'ödi ha lefs mansnêrs; e chi sbocca infamia *ais* ün nar.

19. * In quantità da pleds non manca misfat; ma chi retegna seis lefs, *ais* prudaint.

* Eccl. 5, 3.

20. La lengua del güst *ais* argient tschernü; ma l' cour dels empis *ais* bain paca chosa.

21. Ils lefs del güst paschaintan bliers; ma ils nars mouran per manchaint da sen.

22. La benedicziun del Segner *ais* quella chi richainta, e fadia non la surpunda bricha.

23. Da commetter sceleratezza *ais* seo ün spass al nar; usche *ais* la sapienza al hom d'intellet.

24. Quai cha l'empì temma vain a scontrar; ma *Deis* vain a dar als güsts quai cha desidran.

25. Seo l' trabagl passa via *dandet*, usche l' empì non *ais plü*; ma il güst *ais* ün fondamaint perpetual.

26. Seo l' aschai als daints, e l' füm als ögls, tal *ais* il pajer a quel, chi l' tramett' oura.

27. La temma del Segner creschain-ta ils dis; * ma ils ans dels empis saran seursnits.

* Giob 15, 32.

28. Il spettar dels güsts *ais* ledezza; ma la spranza dels empis perirà.

29. La via del Segner *ais* üna fortezza al *crastian* sincêr; ma *ella* *ais* stramizi als operaturs dell' iniquità.

30. Il güst non sarà mâ in eterno conquassà; ma ils empis non abiteran la terra.

31. La bocca del güst prodüa sapienza; ma la lengua perversa sarà tagliada giò.

32. Ils lefs del güst cognoschan l'agreabel; ma la bocca del empì la perversità.

CHAP. XI.

* **B**ALANSCHAS fosas *sun* chos' abominabla al Segner; ma paisa güsta l' *ais* chosa grata.

* Deut. 25, 16.

2. Vain la superbia, schi vain l'ignominia; ma pro 'ls ümils *ais* la sapienza.

3. L' integrità dels *crastians* prus ils condüa; ma la perversità dels mals da fai ils sdrüa.

4. * Las ricchezas non vegnan a güdar sül di dell' indignaziun; ma la güstia spendrerà dalla mort.

* Ezec. 7, 19.

5. La güstia del *crastian* sincêr al drizza sia via; ma l' empì vain a crodar tras si' impietà.

6. La güstia dels *crastians* prus vain als spendrar; ma ils malsdafai saran prais tras lur propria malizia.

7. Cur moura il *crastian* empì, schi va sia aspettaziun a perder, e la spranza dels malfatturs *ais* persa.

8. * Il güst *ais* detrat our dall' anguoscha; ma l' empì vain a seis lö.

* Prov. 21, 18.

9. Il pervers corrumpe seis prossem con la bocca; ma ils güsts *sun* deliberats tras cognoschenscha.

10. La città fa festa del bün dels

güsts; ma *qua ais* güvel, cur ils empis van a perder.

11. La città vain adozada tras la benedicziun dels *crastians* prus; ma tras la bocca dels empis vain-la vouta suotsura.

12. Chi spretscha seis prossem *ais* privâ da sen; ma l' hom prudaint taseha.

13. Quel chi va straparland palesa secrets; ma chi ais real da spiert zoppa il fat.

14. * Il pövel erouda in ruina ingio non *sun* cossagls; ma salüd *ais qua* pro quantità da cosglêrs. * Prov. 15, 22.

15. Il crastian tshert vain a sofrir mal, sch'el fa stüertà per l' ester; ma chi ödiescha far stüertà *ais* sgür.

16. La duonna graziaivla vain ad obtgnaiv gloria, seo cha 'ls possants obtegnan richezzas.

17. L' hom benign fa bain a sai sves; ma 'l crudel contuorbla sia *propria* charn.

18. L' empi fa üna lavur falatschusa; ma per quel chi semna güstia *ais qua* ün sgür premi.

19. Seo la güstia ais pro vita, usche, chi tshercha il mal, il tshercha pro sia mort.

20. Ils pervers da cour *sun* ün abomini al Segner; ma ils sincêrs da via al *sun* grats.

21. Dad ura in ura il malizius non resterà sainza chastiamaint; ma il sem dels güsts vain a scampar via.

22. Üna duonna bella, ma privada da sen, *ais* ün monil d' or nel gnif d' ün porch.

23. Il desideri dels güsts non *ais* oter co bun; ma la spranza dels empis *ais* indignaziun.

24. Talün ais chi spenda, e dvainta plü rich, e talün chi spargna ultra dret, e dvaint' *impero* plü pover.

25. La persuna liberala sarà ingrasantada, e chi sporscha *vain ad* esser rinfraschâ.

26. * Il pövel vain a smaledir quel chi serra sü il gran; ma benedicziun sarà sur il cheu da quel chi 'l venda.

* Am. 8, 5. 6.

27. Chi tshercha il bön acquista benevolenza; ma il mal vain a gnir a chi 'l tshercha.

28. * Chi 's confida in sias richezzas vain a erodar; ma ils güsts vegnan a dsermtgliar in guisa da manzinas.

* Mar. 10, 24.

29. Chi dazipa sia chasa vain a possidair vent; e 'l nar sarà famagl da chi ais sabi.

30. Il früt del güst ais del bösch da vita, e 'l sabi piglia las ormas.

31. Mera, il güst ardschaiva sia retribuiziun in terra; quant plü *vain all' ardschaiver* l' empi, e 'l pechader.

CHAP. XII.

CHI ama la correcziun ama la scienza; ma chi vuol mal alla prensiun *ais* sainza sen.

2. L' hom da bain obtegna benevolenza dal Segner; ma el vain a condannar l' hom malizius.

3. Il crastian non sarà stabili tras impietâ; ma la ragisch dels güsts non sarà moventada.

4. Üna duonna valerusa ais la corona da seis marit; ma la vituperusa *ais* seo ün charöl in si' ossa.

5. Ils impissamaints dels güsts *sun* appussavlezza; ma ils cossagls dels empis *sun* frod.

6. Ils plds dels empis *tendan* ad insidiar sang; ma la bocca dels *crastians* prus vain als spendrar.

7. Vouts intuorn *vegnan* ils empis, e non *sun plü*; ma la chasa dels güsts starà in pè.

8. L' hom sarà lodâ seguond seis sen; ma chi ais straviâ d' anim sarà in spretsch.

9. Megler *ais* quel, del qual non as fa stima, chi ha impero ün serviaint, co quel chi fa il brav, ed ha manchamaint da pan.

10. Il crastian güst ha chüra della vita da sia bestia; ma las avainas dels empis *sun* crudelas.

11. Chi lavura sia terra sarà sadolâ da pan; ma chi va davo gliedud plazzêra *ais* privâ d' intellet.

12. L' empi giävüscha la rait dels mals; ma la ragisch dels güsts da oura.

13. Il latsch del mal ais nell' infideltà dels lefs; ma il güst vain ad ir our dall' anguoscha.

14. * L' hom sarà sadolâ con bön

per il früt da *sia* bocca, e *Dieu* vain a render al crastian la retribuiziun *dellas oubras* da seis mans. *Prov. 13, 2.

15. La via del nar *ais* dretta a seis parair; ma chi taidla cossagl *ais* sabi.

16. L'ira del nar *ais* cognosehüda quel istess di; ma il prudaint coverna seis vituperi.

17. Chi tshantscha vardà rapporta quai ch' *ais* güst; ma la fosa perdüta *rapporta* frod.

18. * Quai da talüns, chi pronunzian *pleds* similis a curtelladas; ma la lengua dels sabis *ais* medicina. *Ps. 57, 5.

19. Il lef da vardà sarà stabel in perpetuo; ma la lengua mansnêra *solum* per ün momaint.

20. Ingian *ais* nel cour da quels, chi machinan mal; ma allegrezza pro quels, chi cossaglian pasch.

21. Ingüna molestia non vain al güst; ma ils empis sun plains da mal.

22. Ils lefs mansnêrs *sun* chos' abominabla al Segner; ma quels chi opereschan vardà, sun ad el accets.

23. Il crastian scort coverna *sia* scienza; ma il cour dels nars publica la nardà.

24. Il man dels diligiaints vain a signorar; ma il pajer sarà tributari.

25. Cordöli nel cour del hom il bat-
ta; ma ün pled bun l' alleigra.

26. Il güst ingüida in avantach a seis prossem; ma la via dels empis ils fa ir ad erramaint.

27. Il pajer non ustrescha *sia* chat-
scha; ma las robas del crastian dili-
giaint *sun* preziasas.

28. Sün la via della güstia *ais* vita,
e nel chamin da *sias* sendas non *ais*
mort.

CHAP. XIII.

L'INFANT sabi *taidla* l'instrucziun da seis bap; ma il sgiamgiadur non taidla repressiun.

2. Il crastian vain a mangiar bün del früt da seis lefs; ma l'orma dels scelerats *mangerà* da violenza.

3. * Chi perchüra *sia* bocca conser-
va s'orma; ma ruina *vain* a gnir a
chi avra disordinadamaing seis lefs.

*Prov. 21, 23.

4. L'orma del pajer desiderescha,

e non *ha* inguotta; ma l'orma dels diligiaints sarà ingrassada.

5. Il güst ödiescha il pled mansnêr; ma l'empi as renda vergognus, ed infam.

6. La güstia perchüra quel, chi *ais* sincêr da via; ma l'empietà bütt' a terra il pechader.

7. * Que da talüns, chi 's fan richs, e non *han* inguotta; talüns *eir* chi 's fan povers, ed *han* granda facultà.

*Prov. 12, 9.

8. Las richezzas del hom *sun* la spen-
draschun da *sia* vita; ma il pover non
oda alehün' imnatscha.

9. La glüm dels güsts vain ad esser
allegrusa; ma la lütschernia dels em-
pis sarà stüzzada.

10. Tras superbia non as prodüa
oter co dispiittas; ma la sapienza *ais*
con quels chi 's laschan cosgliar.

11. Las richezzas vegnan a gnir di-
minuidas tras vanità; ma chi raspa
nel man *las* creschanterà.

12. La spranza prolungunada fa al-
guar il cour; ma il desideri percom-
pli *ais* ün bösch da vita.

13. Chi spretscha il pled vain ad ir
in perdziun; ma chi reverescha il
comandamaint vain ad ardschaiver
retribuiziun.

14. La doctrina del sabi *ais* üna fon-
tana da vita per as retrar dals latschs
della mort.

15. Bun sen porta grazia; ma il pro-
ceder dels malsdafai *ais* dürr.

16. Il *crastian* scort fa ogni chosa
con cognoschenscha; ma il nar rasa
oura nardà.

17. Il mess mal vain a erodar in mal;
ma l'ambaschadur fidel porta sandà.

18. Povertà e tuorp *vain* a chi 's re-
tira dalla correeziun; ma chi observa
la repressiun sarà onorà.

19. * Il desideri percompli *ais*
chos' amabla all'orma; ed als nars
chos' abominabla *ais* as volver in-
avo dal mal.

*Prov. 13, 12.

20. Chi va con sabis vain a dvan-
tar sabi; ma il compagn dels nars dvan-
terà mal.

21. Il mal perseguita ils pechadurs;
ma *Deis* renderà bün als güsts.

22. L'hom da bain vain a laschar
sia ierta ad infants dad infants; * e

las facultats del pechader *sun* reser-
vadas al güst. * Giob 27, 16. 17. Eecl. 2, 26.

23. Il champ lavurà dels povers *pro-
dià* abundanza da spaisa; ma talün
ais qua, chi vain consüma per man-
chamaint da bun govern.

24. * Chi spargna sia percha voul
mal a seis figl; ma chi l'ama, al pro-
cura pro temp correeziun. * Prov. 19, 18.

25. Il güst vain a mangiar a sado-
lezza da sia orma; ma il vainter dels
empis averà manglamaint.

CHAP. XIV.

LAS donans sabias edifican lur
chاسas; ma la nardà la bütta suot-
sura con seis mans.

2. Chi chamina in sincerità reve-
rescha il Segner; ma chi ais stravià
in sias vias il spretscha.

3. Nella bocca del nar *ais* la bachel-
ta da sia superbia; ma 'ls lefs dels
sabis la perchüran.

4. Ingio non *sun* bovs *ais* il granêr
vöd; ma abundanza della raccolta
ais tras la forza del bov.

5. * Il testimoni da vardà non main-
ta; ma il fos testimoni sbocca men-
zognas. * Prov. 12, 17.

6. Il sgiamgiadur tschercha sapien-
za, e non *la chatta*; ma la scienza s' *ac-
quista* facilmaing l' inlegiantaivel.

7. Và davent avant l' hom nar, ed
avant quel, nel qual tû non averast
cognoschü lefs da scienza.

8. La sapienza del prudaint *ais*, da
considerar sia via; ma la nardà del
minchun *ais* ingian.

9. Ils nars fan beffa con *committer*
misfat; ma tanter ils prus *ais* la be-
nevolenza.

10. Il cour da scodün cognoscha
l' aschezza in si'orma, e sumgianta-
maing alchün ester non as po masdar
in sia allegrezza.

11. La chasa dels empis sarà sdrüt-
ta; ma il tabernacul dels prus vain
a flurir.

12. * Que da tala via, chi para dretta
al hom; ma sia fin *ais* via alla mort.

* Prov. 16, 25.

13. Seo 'l cour doula dal rir *massa*,
usche *ais* la fin dell' allegrezza do-
lur.

14. Chi ais svià da cour sarà sado-

lâ da sias vias, e plü co el l' hom da
bain da quai chi 'l tocca.

15. Il saimpel craja ogni chosa; ma
il scort considera seis pass.

16. Il sabi temma, e 's retira dal
mal; ma il nar transeuorra, e 's craja
sgür.

17. Chi ais pront all' ira, commetta
nardà; l' hom malizius però ais mal-
vogli.

18. Ils saimpels erteran la nardà;
ma ils prudaints vegnan as coronar
con scienza.

19. Ils mals saran abbassats avant
ils buns, e 'ls empis pro las portas
del güst.

20. Il pover ais ödià eir da seis pros-
sem; ma bliers *sun* ils amis del rich.

21. Chi spretscha seis prossem,
pecha; ma beà chi ha compassiun
dels povers.

22. Quels chi machinan del mal, non
sun els straviats? Ma benignità, e
vardà *chatteran* quels, chi 's impais-
san il bön.

23. In ogni fadia qua ais profit; ma
il tsehantschar dels lefs *maina* solum
a povertà.

24. Las richezzas dels sabis *sun* lur
coruna; ma la nardà dels nars *ais*
saimper nardà.

25. Il testimoni da vardà delibera las
ormas; ma il fos sbocca menzö-
gnas.

26. Nella temma del Segner ais con-
fidenza ferma, e qua sarà ün zoppel
per ils infants del pietus.

27. * La temma del Segner *ais* üna
fontana da vita, per as retrar dals
latschs della mort. * Prov. 10, 11.

28. La magnificenza del rai *consista*
in quantità da pövel; ma la ruina del
princip *ais* il manchamaint da pövel.

29. Chi ais tard all' ira *ais* da gran-
da prudenza; ma chi ais pront pro
gritta sdasda nardà.

30. Il cour tranquil *ais* la vita del
corp; ma l' invilgia *ais* il charöl
dell' ossa.

31. Chi squitscha suot il pover fa
disonur a quel chi l' ha creà; ma chi
ha compassiun del bsögnus l' onura.

32. L' empi sarà colbüttà tras sia
malizia; * ma il güst ha spranza *eir*
nella mort. * Giob 13, 15.

33. La sapienza reposa nel cour del *crastian* ineclegiantaivel; ed ais cognoschüda in mez ils nars.

34. La güstia adoza üna naziun; ma il pucha *ais* il vituperi dels pövels.

35. La favur del rai *ais* per il servaint ineclegiantaivel; ma sia indignaziun *ais* contra quel chi porta vituperi.

CHAP. XV.

LA risposta dutscha quaidainta la gritezza; ma il pled molest sdasda l'ira.

2. La lingua dels sabis prodüa scienza; ma la bocca dels nars sbuorff'oura nardà.

3. * Ils ögls del Segner *sun* in ogni lö, guardand süls mals, e süls buns.

* Giob 34, 21.

4. La medicina tras la lingua ais ün bösch da vita; ma la subversiun tras quella *ais* ün fracasch *fat* dal vent.

5. Il nar sdegna la correcciun da seis bap; ma chi observa la reprensiun dvanterà scort.

6. Nella chasa del güst *sun* grandas facultats; ma dissipamaint *ais* nellas intradas del empi.

7. Ils lefs dels sabis rasan oura scienza; ma usche non *fa* il cour dels nars.

8. * Il sacrifici dels empis *ais* chos' abominabl' al Segner; ma l'oraziun dels prus al *ais* chosa grata.

* Esaj. 1, 11.

9. La via del empi *ais* chos' abominabl' al Segner; ma el ama chi's renda davo la güstia.

10. Correcziun displaschaivla *ais* a chi banduna la *dretta* via; chi voul mal alla reprensiun vain a morir.

11. L'infern, e l lö della perdiziun *sun* averts avant il Segner; quant pli ils cours dels infants della glieud.

12. Il sgiamgiadur non ama, ch'oters il reprendan; el non va pro'ls sabis.

13. Il cour containt fa la fatscha leda; ma pro'l cordöli ais il spiert abbattü.

14. Il cour del ineclegiantaivel tschercha la scienza; ma la bocca dels nars as paschainta da nardà.

15. Tuot ils dis del afflit *sun* mals;

ma ün cour led *ais* ün contin con-vit.

16. * Plü *vala* pac con la temma del Segner, co ün grand tesor con disturbi.

* Ps. 37, 16.

17. Plü *vala* ün past da ravitscha, ingio *ais* amur, co ün bov ingrassà, ingio *ais* ödi.

18. L'hom irus movainta dispittas; ma chi ais tard all'ira quaidainta dispittas.

19. La via del pajer *ais* sco üna saif con spinas; ma la via dels prus *ais* planida.

20. L'infant sabi allegr' il bap; ma il crastian nar spredscha sia mamma.

21. La nardà *ais* allegrezza al *crastian* privà da sen; ma l'hom ineclegiantaivel chamina güstamaing.

22. Ils desegns vegnan rendüts vans, ingio non *ais* cossagl; ma sun stabels, ingio *ais* quantità da cosglêrs.

23. L'hom ardschaiva allegrezza della risposta da sia bocca, e quant bun *ais* ün pled *dît* a seis temp!

24. La via della vita *va* in sü al crastian ineclegiantaivel, per as retrar dal infern *chi* *ais* in giò.

25. * Il Segner straloua la chasa dels superbis; ma stabilescha il confin della vaidgua.

* Prov. 14, 11.

26. Ils impissamaints mals *sun* chos' abominabl' al Segner; ma ils dits plaschaivels *sun* nets avant el.

27. Chi ais ardat all'avarezza dazi-pa sia chasa; ma chi ödiescha ils preschaints vain a viver.

28. Il cour del güst meditescha *quai* *ch'el* *ha* da responder; ma la bocca dels empis sbuorff'oura chosas malizias.

29. * Il Segner *ais* lontan dals empis; ma el exoda l'oraziun dels güsts.

* Ps. 10, 1. 34, 16.

30. L'aspet dels ögls allegr' il cour; la buna novella ingrassa l'ossa.

31. L'uraglia chi taidla la reprensiun della vita vain a dmurar tanter ils sabis.

32. Chi's retira dalla correcciun sdegna si'orma; ma chi taidla la reprensiun acquista sen.

33. La temma del Segner *ais* intraguidamaint da sapienza; e l'ümiltà *va* avant alla gloria.

CHAP. XVI.

LAS disposiziuns del anim *sun* del crastian; ma la risposta della lengua *ais* del Segner.

2. * Tuot las vias del hom al paran nettas; ma il Segner paisa ils spierts.

* Prov. 21, 2.

3. Remetta tias ouvras al Segner, e teis impissamaints saran stabilits.

4. Il Segner ha fat ogni chosa per seis destin; eir l'empì pro'l di del mal.

5. Chi ais superbi d'anim, *ais* abominabel al Segner, d'ura in ura non resterà el sainza chasti.

6. L'iniquità sarà purgiada tras benignità, e vardà, e per temma del Segner as retir' il crastian dal mal.

7. Cur al Segner plaschan las vias del crastian, schi mett' el eir seis inimis in pascn con el.

8. Megl *ais* pac con güstia, co grandas intradas sainza rasehun.

9. Il cour del crastian delibera davart sia via; ma il Segner drizza seis pass.

10. Ingiavin *saja* nels lefs del rai; sia bocca non falla nel güdizi.

11. La stadaira e las balanschas güstas *sun* del Segner; tuot ils pais nel sachet *sun* si' ouvra.

12. D'operar empìamaing saj' abominabel als rais; perche il trun sarà stabili tras güstia.

13. Ils lefs güsts sajan adachar als rais; e ch'els aman chi tschantscha prusamaing.

14. L'ira da rai *ais* mess da mort; ma l'hom sabi vain al abbuniar.

15. Nella clera fatscha del rai *ais* vita; e sia benevolenza ais * sco la nütvla da plövgia alla stagiun della raccolta. * Prov. 19, 12. Giob 29, 23. Zac. 10, 1.

16. Quant meldra chosa *ais* acquistar sapienza co or; e *quant* plü eccellente chosa *ais* acquistar prudenza co argient!

17. La strada dels prus *ais* as volver davent dal mal; chi observa sia via perchüra si' orma.

18. * La superbia *va* ant la ruina, e l'alteraziun del spiert ant la destrucziun.

* Prov. 11, 2.

19. Megl *ais* esser ümil da spiert

con ils bandus, co partir butin con ils superbis.

20. Chi ais inelegiantaivel nel pled vain a chattar bön, * e beà chi's confida nel Segner.

* Ps. 2, 12.

21. Il sabi da cour sarà nomnâ inelegiantaivel; e la dutschezza dels lefs vain ad adampchar la doctrina.

22. Il sen *ais* üna fontana da vita in quels, chi d'el sun dotats; ma l'intragidamaint dels nars *ais* nardà.

23. Il cour del *crastian* sabi renda sia bocca scorta, ed adampcha doctrina a seis lefs.

24. Ils plets amabels *sun* ün fidun meil, dutschezza all'orma, e medicina all'ossa.

25. Que da tala via, chi para dretta al crastian; ma sia fin *ais* via della mort.

26. * L'orma da quel chi's sfadaja, as sfadaja per el sves; perche sia bocca il constrenscha.

* Eccl. 6, 7.

27. L'hom scelerat apparecha mal, e sün seis lefs *ais* que sco ün fò chi arda.

28. L'hom pervers commetta dispietas, e chi va straparland metta disuniun con il confident.

29. L'hom violent surmaina seis compagn, e l'condüa tras üna via, *chi* nun *ais* buna.

30. Chi serra ils ögls, machinand perversità, movainta ils lefs, *cur* l'ha compli il mal.

31. * Chavels grischs *sun* üna corona da gloria; ella vain chattada sün la via della güstia.

* Prov. 20, 29.

32. Plü vala chi ais tard all'ira co l'ferm; e *plü vala* chi signorescha si' ira, co ün chi pigl'aint cittats.

33. La sort vain büttada nel ravuogl; ma dal Segner *proceda* tuot il güdizi da quella.

CHAP. XVII.

MEGL *ais* ün bacun *pan* sech con pos, co üna chasa plaina d'animals mazzats con dantigl.

2. Il famagl inelegiantaivel vain a dominar sur il figl vituperus; el vain a partir l'ierta con frars.

3. * Il vaschè *ais* per cular l'argient, e l'furnell per l'or; ma il Segner prova ils cours.

* Ps. 26, 2.

4. Il crastian malign impraista las uraglias als lefs fos, e l'ingiannadur taidla la lengua maliziusa.

5. * Chi fa beffa del pover, fa vergogna a quel chi l'ha creâ; chi s'allegra della calamità, non resterà sainza chasti. *Prov. 14, 31.

6. Ils infants dad infants *sun* la corona dels vegls; e 'ls baps *sun* la gloria dels infants.

7. Il tschantshar da chosas excellentas non *ais* dezaint al crastian dashüttel; quantmain il lef fos al princi.

8. Il preschaint *ais*, nels ögls da chi l'ardschaiva, üna zoja graziusa; ingio ch'el as volva, prodü' el effet.

9. Chi coveina il fal tschercha amicizia; ma chi tuorna a'l dir, metta confidentes in disuniun.

10. La repremsiun va *plü chafuol* giò nel crastian inegiantaivel, co tschient bottas dattas al nar.

11. Il malizius non tscherch'oter co rebellium; ma ün mess crudel sarà tramiss conter el.

12. As incontra pür ad ün hom ün' uorsa, alla quala sajan tuts seis pitschens, ant co ün nar in sia nardà.

13. Il mal mâ non as partirà dalla chasa da chi renda mal per bain.

14. Chi comainza la dispitta *ais sco* chi avra sü la strada allas auas; però ant cha's vegna allas calumnias, schi interlascha la lite!

15. * Chi absolve il culpabel, e chi condanna il güst, amendus *sun* ingualmaing abominabels al Segner. *Es. 5, 23.

16. Pro che *serva* il pretsch nel man al nar? Per comprar sapienza? Ch'el non *ha* alchün sen.

17. L'amì voul bain in ogni temp; ma el nascha sco frar per l'afflicziun.

18. Il crastian privâ da sen da sül man, e fa süjertà a seis prossem.

19. Chi ama debat ama misfat; * e chi oza sia porta tschercha ruina. *Prov. 16, 18.

20. Il crastian pervers da cour non chatterà bön; e l' crastian straviâ in seis favlar croderà in mal.

21. Chi intschendra ün nar *l' in-*tschendra a seis cordöli, e l' bap del nar non vain as allegrar.

22. Il cour leger güda *sco* üna me-

dicina; ma il spiert afflit sechainta l' ossa.

23. L' empi piglia il preschaint our dal sain per storscher las vias della güstia.

24. La sapienza *ais* nel conspet del inegiantaivel; ma ils ögls del nar *guardan fin* allas extremitats della terra.

25. L' infant nar *ais* ün sdegn a seis bap, e conturbraziun a quella chi l'ha parturi.

26. E non *ais* bön da condannar il güst, neir per correziun; ne cha 'ls princip battan *alchün* sainza raschun.

27. Chi retegna seis plets *ais* indotâ con cognoschenscha; e chi *ais* da spiert moderà *ais* hom inegiantaivel.

28. Il nar istess *ais* quintâ sabi, cur el tascha; e prudaint *ais* chi tegna ils lefs serrats.

CHAP. XVIII.

QUEL chi 's separa tschercha seis desideris; el spretscha ogni ledscha, e raschun.

2. Il nar non as daletta nella prudenza, ma in quai, cha seis cour as manifesta.

3. Cur vain l' empi, vain eir il spretsch, e l' vituperi con disonur.

4. Ils plets della bocca del hom excellent *sun* auas chafuolas; la fontana da sapienza *ais* ün flüm chi sbuorfl'oura.

5. * E non *ais* bön d' avoir resguard stün la qualità del empi, per far tort al güst nel güdizi. *Lev. 19, 15.

6. Ils lefs del nar intran in debat, e sia bocca clam' allas bottas.

7. La bocca del nar *ais* sia ruina; e seis lefs *sun* il latsch da si' orma.

8. * Ils plets da chi va seutand pararan delicatezzas; els van giò nel interieur del vainter. *Prov. 26, 22.

9. Chi laschantivmaing as deporta in sia lavur, *ais* frar del crastian dissipatur.

10. Il nom del Segner *ais* üna ferma tuor; il güst vain a recuorrer qua, e sarà salvâ in lö adoza.

11. La roba del rich *ais* sia città da fortezza; e sco ün ot mür a sia imaginaziun.

12. Il cour del hom s'adoza ant la ruina; ma l'umiltà *va* avant la gloria.

13. Chi fa risposta ant ch'el haja udi, quai al ais nardà e vituperi.

14. Il spiert del hom sustegna la malavita; ma chi vain al drizzar sù, scha'l spiert ais afflit?

15. Il cour del inlegiantaivel s'acquista scienza; e l'uraglia dels sabis tschercha cognoschenscha.

16. Il preschaint del crastian il fa's far lō; e'l condüa avant ils grands.

17. Chi ais il prüm a *litiar*, sia causa ha raschun; ma seis compagn vain *lura*, ed examina quai *ch'el ha dit*.

18. La sort fa ceder las litas, e decida tanter ils potaints.

19. Il frar offais *ais plü inexpugnabel* co üna ferma città; e'ls debats *tanter frars sun* sco las stangas d'ün palazzi.

20. Il vainter del crastian sarà sadolà dal früt da sia bocca; el sarà sadolà dalla rendita da seis lefs.

21. * Mort e vita *sun* nella pussanza della lengua, e chi la douvra bain, mangerà del früt da quella.

* Giac. 3, 2. 8. 9.

22. * Chi ha chattà muglier ha chattà üna buna chosa, ed obtgnü favur dal Segner.

* Prov. 31, 10.

23. Il pover favella supplichand; ma il rich responsa düramaing.

24. Ün hom chi ha amis as dess deportar dad ami, e que da tals amis, chi sun plü colliats co ün frar.

CHAP. XIX.

Il pover, chi chamina in si' integrità, vala plü, co'l pervers da lefs, chi *ais* nar.

2. Sco cha l'impreschâ da peis schampütscha, usche non ais que alchün bön, bramma sainza cognoschenscha.

3. La nardà del crastian volva suotura sia via; e darcheu as sdegna seis cour conter il Segner.

4. Las richezças adampchan amis in grand number; ma il pover vain separà da seis intim ami.

5. Il fos testimoni non resterà sainza chasti; e chi sbocca menzögnas non vain a scampar via.

6. Blers revereschan il generus; ed ogniün ais ami da quel chi duna.

7. Tuot seis frars ödieschan il pover; quant plü vegnan seis amis as far dalönsch davent dad el! El procura, *ma* qua non sun alchüns pleds.

8. Chi acquista sen, ama si' orma; chi observa intellet vain a chattar del bain.

9. Il fos testimoni non resterà sainza chasti, e chi sbocca menzögnas va a perder.

10. Ils dalets non as convegnoan al nar; quant main *as convain* al famagl signorar sur principis.

11. La prudenza del crastian intarda si' ira, ed onur al *ais* da passar survia las offaisas.

12. L'indignaziun del rai *ais* sco'l sbrüir del liun; ma sia favur *ais* sco'l ruschè sur l'erba.

13. L'infant nar *ais* üna granda disfortüna a seis bap; * e'ls dantigls della muglier *sun* ün gottar dels tenschaints.

* Prov. 27, 15.

14. Chasa e sustanza *sun* l'ierta da padernurs; ma dal Segner *vain* la muglier prudainta.

15. La paigrezza fa crodar in sön chafuol; e la persuna negligainta averà fam.

16. Chi observa il comandamaint, conserva si' orma; ma chi non ha chüra da sias vias vain a morir.

17. * Chi duna al pover impraista al Segner; ed *el* vain al far sia retribuziun.

* Matt. 10, 42.

18. Chastia teis infant, intant ch'ais amo spranza; ma non at tour avant tai da'l mazzar.

19. Chi ais grandamaing grittantà vain a portar la paina; cha scha tü'l delibrast, schi'l stost giudar plü vi' e plü.

20. Taidla cossagl, ed ardschaiva correcziun, acio cha tü dvaintast sabi a teis avegnir.

21. Blers impissamaints *sun* nel cour del crastian; ma il cossagl del Segner quel sarà stabel.

22. La benignità del crastian *ais* seis plaschair; e plü vala il pover, co'l hom mansnèr.

23. La temma del Segner *maina* pro vita; saduol passerà l'la not, e non sarà visità d'alchün mal.

24. Il pajer zoppa il man nel sain, e non il tir'oura, nianca *per il manar sù* pro la bocca.

25. Battast il sgiamgiadur, schi vain il saimpel seort; * e scha tū corrigiast il *crastian* incegiantaivel, schi vain el ad ineler scienza.

* Es. 26, 9. Prov. 9, 8.

26. L'infant da verguogna e vituperi ruina il bap, e *schatscha* la mamma.

27. Meis figl, tadland l'intraguidamaint, interlascha da guinchir dals plets da scienza.

28. Il testimoni scelerat fa giamgias della raschun; e la bocca dels empis stranguoglia giò iniquità.

29. Ils güdizis sun apparechats als sgiamgiadurs; e las bottas alla rain dels nars.

CHAP. XX.

IL * vin *ais* ün sgiamgiadur, e la gervosa *ais* tumultuanta, e chi ais in quai cuaidis non *ais* sabi. * Prov. 23, 29.

2. Il terrur del rai *ais* seo 'l sbrügir del liun; chi 'l clam'oura ad indignaziun pecha *conter* sai stess.

3. * L' *ais* gloria al hom d'interlaschar la dispitta; ma chi ais nar as fa giamgias. * Prov. 17, 14.

4. Il pajer non ara per causa del fraid, e *lura*, nella raccolta, va el rovand, e non *chatt'* inguotta.

5. Il cossagl nel cour del hom *ais* ün' aua chafuola, e l'hom incegiantaivel vain a la tenscher sù.

6. * La plüpart della gliend predgian oura, scodün sia benignità; ma chi chatterà ün hom da vardà?

* Ps. 12, 2. Prov. 25, 14.

7. Il güst chamina in si' integrità; beats seis infants davo el!

8. Il rai, sezzand sül trun da güdizi, dissipa con seis ögls ogni mal.

9. Chi po dir: Eu ha mantgnü net meis cour, eu sun restà net da pucha?

10. Dobla * paisa, e dobel stêr, *sun* amenduos chos' abominabla al Segner.

* Deut. 25, 14. 16.

11. Fingià da giuven sù vain il crastian cognoschü giò da seis ats, sch' el *vegn'* ad esser net, e sias ouvas drettas.

12. Il Segner ha fat quaistas amen-

duos chosas, l'uraglia chi oda, e l'ögl chi vezza.

13. * Non amar il sön cha tū non dvaintast pover; tain ils ögls averts, schi sarast sadolà da pan. * Prov. 6, 9.

14. Chi cumpria disch: L' *ais* nosh, l' *ais* nosh! Ma, cur l' *ais* it davent, lura 's lod' el.

15. Qua ais or, e perlas bleras; ma ün prezius vaschè *sun* lefs da scienza.

16. * Piglia pür il vestimaint, el ha fat süertà per ün oter; piglia pain dad el per l' ester. * Prov. 27, 13.

17. * Il pan acquistà con frod ais amabel al hom; ma lura 's chatta sia bocca plaina da glêra. * Giob 20, 12-23.

18. Ils desegns con cossagl sun stabels; fà dimena la guerra con prudaintas deliberaziuns.

19. * Chi va straparland palaisa il secret; e con chi ais plaschantinus da lefs non at masdar. * Prov. 11, 13.

20. * La glümêra da chi smaledescha seis bap, o sia mamma, sarà stüzzada nellas plü grossas schüzazas. * Ex. 21, 17. Lev. 20, 9. Prov. 30, 17.

21. L' ierta, da principi acquistada dandettamaing, non sarà benedida neir alla fin.

22. Non dir: Eu vögl render il mal! Spetta sün il Segner, ed el vain at salvar.

23. * Dobla paisa *ais* chos' abominabla al Segner, e balanschas fallatschusas non *sun* bunas. * v. 10.

24. * Ils pass del hom *dependan* dal Segner; e co dess il crastian podair ineler sia via? * Ps. 37, 23.

25. Trapassar las chosas consacradas, e, davo *avoir* fat ils vuts, domandar ladavo, *ais* ün latsch al crastian.

26. Il rai sabi dissipa ils empis, e maina sur els la rouda.

27. L'orma del crastian *ais* üna lütscherna del Segner, chi investigescha tuot ils secrets azzopats del intern.

28. Fideltà e vardà conservan il rai; ed el ferma tras benignità seis trun.

29. La gloria dels giuvens *ais* lur forza, * e l'onur dels vegls *sun* chavels grischs. * Prov. 16, 31.

30. Las vernischas dellas perchadas, e las bottas, chi penetreschan aint nel intern, *sun* üna glischada *conter* il mal.

CHAP. XXI.

IL cour del rai ais nel man del Segner seo auals d' aua; el il stor-scha pro tuot quai chi 'l plascha.

2. Tuot las vias del hom al paran drettas; ma il Segner paisa ils cours.

3. * Far güstia e güdizi, *ais* al Segner chosa plü chara, co sacrifici.

* 1 Sam. 15, 22.

4. Ögls superbis, e cour seufflâ sü, la lütscherma dels empis, *sun* pucha.

5. Ils impissamaints del diligiain *prodüan* del tshert abundanza; ma il crastian malscort *crouda* sainza fal in necessità.

6. * Da far tesors con lingua da falsità *ais* üna chosa vana, chatschada *vi' e nan* da quels, chi tsherchan la mort.

* Prov. 20, 21.

7. La violenza dels empis vain als trar sves davent; perche els han refusà da far quai ch' *ais* dret.

8. La via torta del crastian il straver-sa; ma l'ouvra da chi *ais* net *ais* dretta.

9. Megl *ais* abitar sün il chantun d' ün tet, co *con* üna muglier dantigliusa in comüna chasa.

10. L' orma del empi desidera il mal; sves seis ami non chatta compassiun pro el.

11. * Cur il sgiamgiadur *ais* chastiâ, schi dvaint' il saimpel sabi; e cur as admonescha il sabi, schi ardschaiv' el scienza.

* Prov. 19, 25.

12. Il güst considera la chasa del empi; e l' empi as ruversa nel mal.

13. Chi züglia l' uraglia per non udir il bragir del pover, vain eir el a bragir, e non sarà exodi.

14. * Il preschaint *dat* adascus balcha l' ira; e 'l dun *büttâ* nel sain *quaidainta* la granda furia. * Prov. 17, 8. 18, 16.

15. Da far quai ch' *ais* dret *ais* ledezza al güst; ma ün stramizi als operators dell' iniquità.

16. Il crastian, chi passa our dalla via del bun sen, vain a posar nella compagnia dels morts.

17. * L' hom, chi ama dalet, *sarà* bsögnus; chi ama il vin, e l' öli, non vain rich.

* Prov. 23, 21.

18. L' empi *sarà* per spendranza del güst, e 'l maldfai *sarà* in cambi dels *crastians* prus.

19. Megl *ais* abitar in terra deserta, co *con* üna muglier dantigliusa, e tiz-chusa.

20. * Nel abitacul del sabi *ais* ün tesor da chosas raras, e d' ölis *prezius*; ma il crastian nar dissipa quai tuot.

* Ps. 112, 3.

21. Chi tenda davo güstia, e benignità, vain a chattar vita, güstia e gloria.

22. Il sabi va suraint la città dels valents; el abbatta la forza da quella.

23. Chi perchiura sia bocca, e sia lingua, conserva si' orma d' afflicziuns.

24. Il nom del superbi presumtuus *ais* sgiamgiadur; el fa *ogni chosa* nella furia da sia superbia.

25. Il desideri del pajer il mazza; perche seis mans refusan da lavurar.

26. *Il crastian, ardat al* giavüscha-maint, giavüscha tuottadi; ma il güst duna, e non spargna.

27. * Il sacrifici dels empis *ais* chos' abominabla; quant plü, scha l' offerran con sceleratezza. * Prov. 15, 8.

28. Il testimoni mansnêr perirà; ma l' hom chi taidla vain a favlar in perpetuo.

29. L' hom empi as renda sfatschâ; ma il *crastian* prus dispona da sias vias.

30. *Qua non ais* ne sapienza, ne prudenza, ne cossagl incoiter il Segner.

31. * Il chavagl vain apparechâ per il di della battaglia; ma da venscher *appertain* al Segner.

* Ps. 33, 17.

CHAP. XXII.

LA fama *ais* da pretschar plü co grandas richezzas, e la buna grazia plü co argient, e co or.

2. Il rich, e 'l pover s' incoitan l' ün l' oter; il Segner *ais* quel, chi 'ls ha fat tuots.

3. Il *crastian* scort vezza il mal, e 's zoppa; ma ils saimpels passan in-avant, e portan paina.

4. Il premi della bandusezza, e della temma del Segner *ais* richezzas, e gloria, e vita.

5. Spinaz e latsehs *sun* sün la via del pervers; chi perchiura si' orma sarà dalönsch davent da quai.

6. Intraguida l' infant seguond la via ch' el ha da tgnair; neir eur el sarà gnü vegl non as partirà 'l da quella;

7. Il rich signorescha sur ils povers, e chi piglia ad impraist *ais* famagl da quel ch' impraista.

8. Chi semna iniquità vain a tshuncar vanità; e la percha da si' indignaziun vain gnand a fin.

* Job 4, 8.

9. Il *crastian* d' ögl benign sarà benedi, perche el da seis pan al pover.

10. Chatsch' oura il sgiamgiadur, schi vegnan ad ir oura ils debats, e las litas; e 'ls vituperis vegnan a tsschessar.

11. * Chi ama la purità del cour pro la grazia da seis lefs averà il rai per ami.

* Prov. 16, 13. Ps. 101, 6.

12. Ils ögls del Segner conservan *il dottà* con cognoschenscha; ma ils fats dels maldfai bütt' el suotsura.

13. Il pager disch: Il liun *ais* cou-ra; eu gniss a gnir mazzà sün la cut-türa.

14. La bocca dellas *donans* estras *ais* üna foura chafuola; conter il qual il Segner *ais* grittantâ, quel vain a crodar laint.

15. La nardà *ais* tachada vi' al cour del infant; * la percha della correc-zion vain a la chatsehar dalönsch dad el.

* Prov. 13, 24.

16. Chi fa tort al pover, per adamp-char il sieu; e chi duna al rich, per tshert pro mangel.

17. Inclina ti' uraglia, e taidla ils plds dels sabis, e sporseha teis cour via pro la doctrina.

18. Perche que *at* sarà chos' ama-bla, scha tü 'ls conservast in teis in-tern, e *scha* tuots insembel sun pre-parats sün teis lefs.

19. Eu pür *t' ils* fetsch a savair, acio cha tia confidenza saja sün il Segner.

20. Eu at scriv * chosas excellentas in cossagls, ed in doctrina, * Prov. 8, 6.

21. Per at far cognoscher la tsher-tezza dels plds da vardà; acio tü possast responder plds da vardà a quels chi 't tramettan.

22. Non sgiarbar il pover, perche ch' el *ais* pover, e non squitschar suot l' afflit nella porta;

23. Perche il Segner vain a defen-der lur causa, ed a rubar l'orma a quels, chi vegnan als avoir rubats.

24. Non at compagnar con il cra-stian irus, e non ir con ün furius;

25. Cha tü forza non imprendast seis costüms, e non pigliast via ün latsch a ti' orma.

26. * Non esser da quels chi dan aint con la palma del man, *ne* da quels chi fan süertà per debits; * Prov. 6, 1.

27. Perche, scha tü non avessast da pajar, at dess gnir tut il let oursuot tai?

28. * Non moventar our dal lö il term vegl cha teis babuns han tshantâ.

* Deut. 19, 14. 27, 17.

29. Hast tü mâ vis ün hom spediaint in sias fatschendas? Ün tal vain a comparair nel conspet dels rais, e na a comparair avant glieud bassa.

CHAP. XXIII.

CUR tü vainst a zer a *maisa* con qual-che signur, per mangiar con el, schi considera diligiaintamaing chi *kajast* avant tai;

2. *Otramaing*, scha tü *est* inguord, schi 't metterast ün curtè alla gula.

3. Non at laschar dalettar da sias delicatezzas, perche ellas sun üna spaisa falatschusa.

4. * Non at sfadiar per gnir rich; stà giò da tala tia prudenza.

* Prov. 28, 20. 1 Tim. 6, 9.

5. In ün batter d' ögl *las* *richezzas* non *sun plü*; perche ad ün trat as fan ellas alas, *e sun* sco ün' aglia, chi svoula nel ajer.

6. Non mangiar il pan del crastian d' ögl malign, e non at laschar dalet-tar da sias delicatezzas.

7. Perche, sco ch' el pensa *ais* el vilan in si' orma. El at dscharà: Man-gia, e baiva, ma seis cour non *sarà* con tai.

8. Tü vomiterast il bacun, *cha* tü vainst ad avoir mangiâ; ed averast pers teis discuors plaschaivels.

9. Non favlar in presenza del nar, perche el vain a spretsehar la pru-denza da teis raschuns.

10. Non moventar our dal lö il term vegl, e non intrar nels champs dels orfians!

11. Perche lur spendrader *ais* po-
taint; el vain a defender lur causa
contra tai.

12. Sporscha via teis cour al intra-
guidamaint, e tias uraglias als dits
della scienza.

13. Non spargnar la correceziun al
infant; schabain cha tū 'l battast
con la percha, schi non vain el *però*
a morir.

14. Tū 'l battast con la percha, e
vainst a deliberar si'orma dal in-
fiern.

15. Meis figl, scha teis cour ais sabi,
schi vain eir meis cour as allegrar;

16. E meis ranuogls vegnan a saglir
in ot, cur teis lefs favleran chosas
drettas.

17. * Teis cour non dess portar invil-
gia dels pechadurs; anzi *at tain*
saimper vi' alla temma del Segner;

* Ps. 37, 1.

18. Perche, scha qua ais premi, schi
non vain tia spranza ad esser taglia-
da via.

19. Taidla, meis figl, e sajast sabi,
ed indrizza teis cour sün la via *dretta*.

20. * Non esser dels bavaders da
vin, *ne* dels gulards magliadrans da
charn;

* Rom. 13, 13.

21. Perche l' avriard, e 'l gulard ve-
gnan a gnir povers, e 'l cupidar farà
trar aint sdratscha.

22. Obedesch' a teis bap, el t' ha
intschendrâ, e non spretschar tia
mamma, cur ella sarà gnüda veglia.

23. Cumpra * vardâ, e non *la* vender;
sapienza, instrucziun, ed intelligenza.

* Prov. 4, 5, 7.

24. Il bap del güst vain granda-
maing as tgnair bun; chi vain ad
avair intschendrâ ün sabi, averà al-
legrezza.

25. Fâ cha teis bap, e tia mamma
s' allegran; e cha quella chi t' ha
parturi 's tegna buna.

26. Meis figl, sporscha 'm nan teis
cour, e teis ögls conservan mias vias.

27. Perche la pitana *ais* ün foss
chafoul, e l' estra ün puoz stret;

28. Ella sta süls aguets seo ün la-
der, e creschaint' *il number* dels mal-
fatturs tanter la gliend.

29. A chi *scontra* vae? A chi ah? A
chi debats? A chi planscher? A chi

bottas sainza causa, a chi ögls co-
tschens?

30. A quels chi 's ferman lönch pro'l
vin, a quels chi van tscherchand vin
masdâ.

31. Non guardar il vin, cur el as
fa vair cotschen, cur el sbrinzla nella
tazza, e cula giò lammamaing.

32. Alla fin mord' el seo la serp, e
puonsch' el seo l' aspide.

33. *Lura* vegnan teis ögls a vair
chosas stranas; e teis cour favlerà
chosas straversas;

34. E tū vainst ad esser seo ün chi
giascha in mez il mâr, e seo ün chi
dorma sün la tschimma del alber
della nav.

35. *Tü vainst a dir*: Oters m' han
battü, ed eu non sentit dolor; oters
m' han dat bottas, ed eu non m' ina-
corsehet. Cura vegn eu am sdasdar
nan? Eu vögl turnar al tscherchar.

CHAP. XXIV.

NON portar invilgia sur gliend ma-
la, e non desiderar d' esser conels;

2. Perche lur cour machina sgiar-
baria; lur lefs favellan iniquità.

3. La chasa vain edificada tras sa-
pienza, e stabilida tras prudenza;

4. E tras cognöschensecha saran las
chambras implidas con robas preziu-
sas e dalettaivlas d' ogni sort.

5. * L' hom sabi *ais* ferm, e l' hom
intelligiaint *ais* possant da forza.

* Eccl. 9, 16.

6. Perche con cossagls prudaints
vainst tū a far la guerra, e 'l salüd
ais tschantâ in bleriira da cosglêrs.

7. Las sapienzas *sun* mass' otas per
il nar; el non vain ad avrir la bocca
nella porta.

8. Chi 's impaissa da far mal vain
nomnä crastian malizius.

9. L' impissamaint della nardâ *ais*
pucha; e 'l sgiamgiadur ais abomini
della gliend.

10. Scha tū 't rendast nel di dell'an-
guoscha, schi *vegnan* eir tias forzas
a gnir almain.

11. Non t' artegner da spendrar
quels chi sun trats alla mort, e quels
chi stan in privel d' esser mazzats.

12. Scha tū dist: Mera, nus non sa-
vain *chi* quaist *saja*; quel chi paisa ils

cours non vain el *qua* as far surasen, e 'l guardiant da ti' orma *non* dess el quai savair, e non vain el a render a scodün seguond sias ouvas?

13. Meis figl, mangia pür meil, perche *l' ais* bun; e flidun *da meil*, *ch' el ais* dutsch a teis palat,

14. * Tala *sarà* la cognoschenscha della sapienza a ti' orma. Cur tü vainst a l' avoir chattada, sarà qua premi, e tia spranza non sarà tagliada via. * Ps. 19, 11.

15. O empi, non insidiar l' abitacul del güst; non guastar seis zoppel;

16. Perche 'l güst crouda set voutas, e sta darcheu sü; ma ils empis as ruinan nel mal.

17. Non t' allegrar, cur teis inimi sarà crodâ; e, cur el sarà ruinâ, schi teis cour non dess as tgnair bun,

18. Cha 'l Segner non il vezza, e *quai* al displascha, e ch' el volva si' ira davent dad el.

19. Non t' adirar per ils maligns; non portar invilgia sur ils empis.

20. Perche qua non sarà alchün premi per il malign; la lütschernia dels empis sarà stüzza.

21. Meis figl, temma il Segner, e 'l rai; non at masdar con rapportadurs;

22. Perche in ün momaint vain ad alvar sü lur calamità, e chi cognoscha la ruina *accedenta* ad els amenduos?

QUAISTAS chosas eir *sun* dels sabis.

23. E non *ais* bön d' avoir resguard alla qualità dellas persunas nel güdizi.

24. Ils pövels vegnan a smaledir, e las naziuns ad execrar quel, * chi disch al empi: Tü *est* güst! * Prov. 17, 15.

25. Ma quels chi 'l repriman saran grats, e benedicziun da bön vain a gnir sur els.

26. Chi responda plets drets bütscha ils lefs.

27. Ordaina tias fatschendas our dadoura, e mett' in asset teis champs, e lura poust edificar tia chasa.

28. Non esser sainza chaschun testimoni conter teis prossem, e volesast tü ingiannar alchün con teis lefs?

29. * Non dir: Sco el ha fat a mai, usche vögl eu far ad el; eu vögl render a quaiست seguond si' ouvra.

* Prov. 20, 22. Mat. 5, 39.

30. Eu passet *ünsacura* speravia il champ del pajer, e sper la vigna del crastian privâ da sen;

31. E mera, *amenduos* eiran tuot its sü in urtias, ils charduns avaivan covernâ il terrain, lur elusüra da crap eira ruinada.

32. Ed eu, guardand *quai*, mettet a cour; aviand vis *quai*, piglet eu instrueziun.

33. * Dormind ün pa, cupidand ün pa, volvand ün pa ils mans intuorn per posar; — * Prov. 6, 10. 11.

34. Tia povertà vain gnand *sco* ün viandan, e teis mangel sco ün inarmâ con ün schütt.

CHAP. XXV.

QUAISTS eir *sun* proverbis da Salomon, ils quals ils homens d' Hischia, del rai da Giuda, han trat oura.

2. La gloria da Dieu *ais* da zoppantar üna chosa; ma la gloria dels rais *ais* da perscrutar üna chosa.

3. L' otezza del tshel, e la chafuolessa della terra, e 'l cour dels rais non as po investigar.

4. Piglia las schümmas our dal argient, schi vaine a sortir landroura ün vaschè al urais.

5. Metta l' empi davent, our davant il rai, e 'l trun da quel sarà stabili con güstia.

6. Non far il vanaglorius in presenza del rai, e non at metter nel lö dels grands;

7. Perche, * megl *ais* cha 's dia a tai: Vè sü qui, co scha tü füssast abbassâ avant il princi, cha teis ögls han vis. * Luc. 14, 8. 9.

8. Non ir oura subitamaing alla disspitta, cha forsa, alla fin da quella, tü non fetschast qualecosa, cur teis prossem t' averà fat verguogna.

9. Drizz' oura tia lita con teis prossem; ma non palesar il secret d' ün oter;

10. Cha forsa, chi t' oda non at vituperescha, e cha ti' infamia non possa gnir turnantada.

11. Il pled dit a temp conveniaint *ais* simil a poms d' or tanter figüras d' argient.

12. Il sabi, chi reprimda ün' uraglia

obediainta, *ais* ün monil d'or, ed ün ornamaint d'or finissem.

13. Il mess fidel *ais* a quels chi 'l tramettan sco 'l fraisch della naiv in di da raccolta, e restorescha l'orma da seis patruns.

14. L'hom, chi 's gloriescha fosa-maing da sia liberalità, *ais simil* * allas nüvlas, ed al vent sainza plövgia. * Giud. 12.

15. Il princi vain commoventâ tras persistenza, e * la lengua lamma rumpa la dürezza. * Prov. 15, 1.

16. *Scha* tü chattast meil, schi mangia quant cha 't basta; cha tü non at sursadolast, e 'l vomiteschast oura.

17. Metta darar il pè in chasa da teis prossem, ch'el forse non as sazaia da tai, e t'ödiescha.

18. Ün hom, chi disch fosa testimonianza conter seis prossem, *ais sco* ün martè, üna spada, ed üna frizz' agüzza.

19. La confidenza, cha 's tschainta nel maldfai, *ais* nel di d'afflicziun ün daint ruot, ed ün pè slouâ.

20. Chi chanta chanzuns sper ün cour addolorâ, *ais sco* quel, chi 's tir' oura la rassa in di da fraid, e *sco* l'aschait sur il salitter.

21. * *Scha* quel chi 't voul mal ha fam, da 'l pan da mangiar; e sch'el ha sait, da 'l aua da baiver. * Mat. 5, 44.

22. Perche *usche* vainst tü al metter braschlas sün la testa, e 'l Segner at farà la retribuiziun.

23. Il vent settentrional causescha la plövgia, e la lengua *chi* straparla adascus üna vista sdegnusa.

24. Megl *ais* abitar sün il chantun d'ün tet, co *con* üna muglier dantiagliusa in chasa comüna.

25. Üna buna novella nan da lontan pajais *ais sco* aua fraischa alla persuna stangla, e plaina da sait.

26. Il güst, chi sbalonzia avant l'empi, *ais* üna fontana tuorschada, ed ün'avaina guastada d'aua.

27. Da mangiar massa meil non *ais* bün; e da perscrutar *que* ch' *ais* difficil *ais* chosa greva.

28. L'hom, il spiert del qual non ha alchün retegn, *ais* üna città roversada, sainza müraglia.

CHAP. XXVI.

SCO la naiv *non as convain* alla stâ, ne la plövgia al temp della raccolta, usche la gloria non as convain al nar.

2. Sco 'l pasler' gira vi' e nan, e la rundinella svoula, usche la maledicziun datta sainza chaschun non vain a gnir.

3. La giaisla al chavagl, e 'l frain al asen, * e 'l bastun alla rain dels nars. * Ps. 32, 9. Prov. 10, 13.

4. Non responder al nar seguond sia nardâ, cha forse eir tü non al sajast congelâ.

5. Responda al nar sco 's convain per sia nardâ; ch'el forse non as para d'esser sabi.

6. Quel as taglia ils peis, e baiva ingiuria, chi trametta ün nar a far il mess.

7. Il zop zoppaja da sias duos chammas, usche il proverbii nella bocca dels nars.

8. Chi da gloria al nar, *fa sco scha's* büttes üna peidra preziosa in üna musehna da crappa.

9. La sentenza nella bocca dels nars *ais sco* üna spina, chi *ais* erodad' in man ad ün aiver.

10. Ils grands tormaintan ogniün, e pajan our als nars, e dan salari a quels chi passan.

11. Sco 'l * chan tuorna darcheu pro seis vomit, *usche* 'l nar repettescha sia nardâ. * 2Pet. 2, 22.

12. Hast tü vis ün hom chi 's quinta sabi; *qua ais* plü spranza d'ün nar, co d'el.

13. Il pajer disch: Il leopard *ais* sün la strada, il liun *ais* per las champagnas.

14. * *Sco* l' üsch as volva in seis polschs, usche *as volo'* il pajer in seis let. * Prov. 19, 15.

15. * Il pajer zoppa il man nel sain; üna düra fadia *al aise* da 'l *manar sü* pro la bocca. * Prov. 19, 24. Eccl. 10, 18.

16. Il pajer as para d'esser sabi plü co set, chi dan resposta da prudenza.

17. Quel chi, passand, saglia sün in ira per ün debat chi non il *reguarda*, *ais sco* chi piglia ün chan per las uraglias.

18. Sco quel, chi in frenesia bütt'ou-
ra tizuns, frizzas, e chosas mortalas;
19. Tal *ais* quel, *chi* ingianna seis
prossiem, e lura disch: Non faiv' eu
spass?

20. Il fô as stüzza, eur manca la lai-
na; usche s'acquietan las dispittas,
eur non *sun* qua repportadurs.

21. Il charbun *ais* per far bräschêr,
e la laina per far fô, e l'hom danti-
glius per invüdar litas.

22. * Ils plets del repportadur pa-
ran delicatezzas; ma van giò fin som
l'intern. * Prov. 18, 8.

23. Ils lefs ardents, e l'cour malizius
sun sco schümmada d' argient, im-
plastrada sur ün vaschè da terracotta.

24. Chi ödiescha simulescha in seis
tschantschar, ma eua frod in seis in-
tern.

25. * Cur el vain a favlar con üna
vusch graziusa, schi non at fidar;
perche el ha set sceleratezzas nel
cour. * Ps. 28, 3.

26. L'ödi vain covernâ con ingian;
ma sia malignità vain palesada in
plaina raspada.

27. * Chi chava üna foura crouda
laint; e seh' alchün roudla üna peidra,
schi vain ella al turnar adöss.

* Ps. 7, 16. 9, 16.

28. La lengua mansnêra vül mal a
quels ch' ella ha stanglantâ; e la
bocca lusingiêra prodüa ruina.

CHAP. XXVII.

NON at * gloriar del di daman, per-
che tü non sast che cha' l di vain
a parturir. * Giac. 4, 13, 14.

2. L'ester at dess lodar, e na tia pro-
pria bocca; ün oter, e na teis propri
lefs.

3. Las peidras *sun* pesantas, e' l sa-
blun *ais* grev; ma l'ira del nar *ais* plü
pesanta co amenduos quellas chosas.

4. La colera *ais* chosa crudela, e l'ira
chosa veementa, e chi poderà dürar
avant la zelosia? * 1 Gioan. 3, 12. Prov. 28, 23.

5. Megl *ais* represün appalaise,
co amur zoppada.

6. * Las feridas da chi vül bain
sun fidelas; ma ils bütschs da chi vül
mal *sun* simulats. * Ps. 141, 5.

7. La persuna saduola trappla suot
peis il flidun *meil*; ma alla persuna

famentada ogni chosa forta *ais* du-
tscha.

8. Sco l'utschlin, chi va ad erra-
mains our da seis gnieu, tal *ais* l'hom
chi va vagabund our da seis lö.

9. L'öli bainsavuri, e l'profüm al-
legran il cour; usche *ais* dutsch l'a-
mi del crastian per cossagl cordial.

10. * Non bandunar teis ami, ne
l'ami da teis frar bap, e non intrar in
chasa da teis frar nel di da tia cala-
mità; megl *ais* ün vashin dastrusch,
co ün frar dalönsch. * Prov. 17, 17.

11. Meis figl, sajast sabi, ed allegra
meis cour, schi vegn eu a podair re-
sponder a quel chi'm fa vituperi.

12. Il crastian seort, vezand il mal,
as zoppa; ma'ls saimpels passan in-
avant, e ston portar paina.

13. * Piglia l'pür il vestimaint, perche
el ha fat süertà per l'ester, e piglia
pain d'el per l'estra. * Prov. 20, 16.

14. Chi benedescha seis prossiem ad
ota vusch, alvand sü la mattina a
bun'ura, a quel vain *quai* quintâ in
maledicziun.

15. * Ün gottar contin, in di da gran-
da plövgia, ed üna duonna dantigliu-
sa *ais* tuot ün. * Prov. 19, 13.

16. Chi la vül tgnair serrada pu-
blichescha da *volair* serrar vent ed
öli in seis man dret.

17. Il fier as güzza con il fier; usche ün
hom güzza l'ira del oter, seis prossiem.

18. Chi perchüra il figêr mangia
seis früt; usche chi perchüra seis pa-
trun sarà onorâ.

19. Sco l'aua *represainta* la fa-
tscha alla fatscha; usche l'cour del
crastian *represaint* il crastian al cra-
stian.

20. * La sepultüra, e l lö della per-
diziun non *sun* mâ saduols; usche
neir non as saziau mâ ils ögls del
crastian. * Abac. 2, 5. Eccl. 1, 8. 5, 10.

21. Il vaschè *ais* per eular l'argient,
e l furnell per l'or; ma l'hom *vain*
provâ tras la bocca chi l loda.

22. * Schabain cha tü pestast il nar
in ün moscher col pastell tanter gran
pisâ, schi non gniss però sia nardâ as
partir dad el. * Prov. 23, 35.

23. Hajast diligiaintamaing chüra
da tia bescha, metta teis cour vi'al-
las scossas.

24. Perché ils tesors non *düran* in perpetuo; e la coruna *ais ella* per ogni età?

25. Il fain *svanisha*, ed erba *prüa* sü, e las erbas dels munts vegnan raspadas insembel.

26. Ils agnels *sun* per teis vestir; e 'ls boes *sun* il pretsch d' ün champ,

27. E l' abundanza da lat dellas charras *ais* per tia spaisa, e per spaisa da tia chasa, e *per* il nudriamaint da tias fantshellas.

CHAP. XXVIII.

ILS * empis fügen, sainza ch' alchün ils perseguita; ma ils güsts stan sgürs sco ün liunet. * Ps. 53, 6.

2. Sco ch' ün pajais pro misfats müda suvent princi; usche, permurda glied sabia ed inegiantaivla, viva il *prin-*
cip lungamaing.

3. L' hom pover chi squitscha suot ils misers *ais sco* üna plövgia fortünusa, chi sdrappa via, cha qua non ais pan.

4. * Quels chi bandunan la ledscha, lodan ils empis; ma quels chi la conservan fan guerra conter els. * Ps. 10, 3.

5. La glied ardatta al mal non inelea la raschun; ma quels chi tscherchan il Segner inlean ogni chosa.

6. Plü *vala* il pover, chi chamina in si' integrità, co 'l pervers, *chi chamina* vias tortas, schabain ch' el *saja* rich.

7. Chi conserva la ledscha *ais* ün infant inegiantaivel; ma chi ais compagn dels dissipaturs fa verguogna a seis bap.

8. Chi adampcha sia roba, con usuria e con interess, la mantuna * per quel, chi duna als povers. * Giob 27, 16. 17.

9. Chi volva davent l' uraglia, per non udir la ledscha, eir si' oraziun *vain ad esser* in abomini.

10. Chi stravia la *glied* prusa sün via mala vain a crodar s vess in sia foura; ma la *glied* sincêra vain ad ertar il bön.

11. Il rich as quinta sabi; ma il pover inegiantaivel l' examina.

12. Cur ils güsts triumfan, schi *ais* la gloria granda; ma, cur ils empis vegnan sü, schi vain la glied retscherchada.

13. Chi coverna seis misfats non vain a prosperar; ma chi 'ls confessa,

e 'ls banduna vain ad obtgnair misericordia.

14. Beà il crastian chi 's temma da contin; ma chi indürescha seis cour crodará nel mal.

15. * Ün signur empi, *chi dominescha* sur ün pövel pover, *ais* ün liun chi sbriüja, ed ün uors famentâ. * Ex. 1, 14. 16. 22.

16. Ün redschadur da paca prudenza fa eir bleras extorsiuns; ma quel chi voul mal all' avarezza prolunga *seis* dis.

17. * L' hom, chi fa violenza da sang a persunas, vain a fügen fin alla fossa, ch' ingün non il possa sustgnair.

* Gen. 9, 6. Ps. 55, 24.

18. Chi chamina in integrità sarà salvâ; ma il pervers *chi chamina* sün duos vias vain a crodar ad ün trat.

19. Chi lavura sia terra vain sadolâ con pan; ma chi va davo glied dashütla sarà sadolâ con povertà.

20. L' hom real *ha* bleras benedicziuns; ma chi festina a gnir rich non resterà innozaint. * Prov. 13, 11. 23, 4.

21. Que non *ais* bön d'avair resguard alla qualità dellas persunas; e per ün bacun da pan l' hom commetta misfat.

22. Chi festina a gnir rich *ais* hom d' ögl malign, e non sa, cha povertà vain al insecontrar.

23. Chi reprend' alchün averà sül davo plü granda grazia, co chi 'l lusingia con la lingua.

24. Chi sgiarba seis bap e sia mamma, e disch: *Quai* non *ais* misfat ingün, *ais* compagn del morder.

25. * Chi ha l' anim scuflâ movainta contesas; ma chi 's confida nel Segner sarà ingrassantâ. * Prov. 13, 10.

26. Chi 's confida sün seis cour *ais* nar; ma chi chamina in sapienza vain a scampar via.

27. * Chi duna al pover non *averà* alchün bsögn; ma chi zopp' ils ögls *avant quel* vain ad avoir bleras maledicziuns. * Deut. 15, 7. 10.

28. Cur ils empis vegnan sü, schi as zoppa la glied; ma, cur ch' els van a perder, as multiplian ils güsts.

CHAP. XXIX.

L' HOM, il qual, suvent reprais, indürischa seis colöz, sarà dandetamaing miss a sfrach, sainza remedi.

2. * Cur ils gùsts vegnan ingrandits, s' allegra il pövel; ma, cur ils empis domineschan, schi suspür' il pövel.

* Prov. 11, 10.

3. L' hom, chi ama sapienza allegra seis bap; ma il compagn dellas pitanas dissipa *sia* roba.

4. Il rai mantain il pajais con apussaiveltezza; ma chi ais ardat als preschaints il desdrüa.

5. L' hom, chi lusingi' a seis prossem, tenda üna rait avant ils pass da quel.

6. Nel misfat del hom malizius *ais* ün latsch; ma il güst vain a chantar, ed as allegrar.

7. Il güst recognoscha la causa dels povers; ma l' empi non inlea alchüna cognoschenscha.

8. * Ils crastians sgiamgiadurs illatschan la città; ma ils sabis volvan davent l' ira.

* Prov. 11, 11.

9. L' hom sabi chi litiga con ün nar, saja ch' el s' adira, o ch' el ria, non ha alchün pos.

10. La gliend da sang voul mal al crastian sincêr; ma la *gliend* dretta ha chiüra da sia vita.

11. Il nar sbuorff' oura tuot si' ira; ma il sabi l'abbaleha, e l'artain inavo.

12. Attend' il princi sün plets da menzögnas, schi *sun* tuot seis serviains empis.

13. Il pover, e l' oppressur as seontran l' ün l' oter; il Segner *ais* quel chi illümna ils ögls d'amenduos.

14. Il trun del rai, chi con vardà fa raschun als misers, sarà stabili in perpetuo.

15. La percha, e la correeziun dan sapienza; ma il giuvnet laschâ in abbandun, fa verguogna a sia mamma.

16. Cur ils empis creschan, schi crescha il misfat; ma ils gùsts vegnan a vair la ruina da quels.

17. * Chastia teis infant, schi vainst tû ad esser in repos, ed el vain a dar grand dalet a ti' orma.

* Prov. 13, 24.

18. Cur non *ais* qua revelaziun, schi ais il pövel dissipâ; ma beà sch' el conserva la ledscha.

19. Il famagl non as corrigescha con plets; schabain ch' el inlea, non vain el però ad obedir.

20. Vezzast tû ün hom precipitus in

seis tschantschar; *qua* *ais* plü granda spranza d' ün nar, co dad el.

21. Sch' alchün delicatamaing alleva da giuven sù seis famagl, quel as crajerà alla fin figl.

22. Il crastian irus movainta contesas; e l' crastian coleric *commetta* bliers surpassamaints.

23. * La superbia del crastian l' abbassa; ma chi ais ümil da spiert vain ad obtgnair gloria.

* Prov. 15, 33. Luc. 14, 11.

24. Chi parta con il lader ödiescha si' orma; * el oda l' execraziun e non vain però a manifestar *il fat*.

25. Il spavent del crastian *al* mett' ün latsch; ma chi 's confida nel Segner sarà adoza sù ot in salvamaint.

26. Bliers tscherchan la fatscha da quel chi signorescha; ma dal Segner *proceda* il güdizi da scodün.

27. L' hom sturpehus *ais* l' abomini dels gùsts; e l' hom chi chamina prusamaing *ais* l' abomini del empi.

CHAP. XXX.

ILS plets d' Agur, del figl da Jache; il sermon profetic, cha quel hom pronunziet ad Itiel; ad Itiel, ed ad Ucal.

2. * Tschert eu *sun* plü idiot co otra persuna; ed ha pür l' intellet d' ün crastian común.

* Ps. 73, 22.

3. Eu non ha impris sapienza; e non sa la scienza del sanct.

4. Chi ais it sün tselhel, ed ais gnü giò? Chi ha raspâ il soffel in seis puogns? Chi ha serrâ las auas in sia rassa? Chi ha tschantâ tuot ils confins della terra? Qual *ais* seis nom, o qual *ais* il nom da seis figl, scha tû l' sast?

5. Ogni * pled da Dieu *ais* purgiâ con fö; l' ais schüt a quels chi han spranz' in el.

* Ps. 12, 6. 18, 30.

6. Non * metter pro a seis plets, ch' el forsa non at repretenda, e cha tû non vegnast chattâ mansnêr.

* Deut. 4, 2. 1 Cor. 4, 6. Gal. 1, 8.

7. Eu 't giavüsch duos chosas, o Dieu; non am *las* dir da na, avant ch' eu moura.

8. Metta dalönsch davent da mai vanità, e plets da menzögna; non am protrametter povertà, e ricchezza;

spisiainta 'm con meis * pan dimin-
chadi, * Mat. 6, 11.

9. Ch' eu forse non am sadola, e 't
snea, e dia: Chi *ais* il Segner? Ch' eu
forse neir. gnü pover, sgiarba, e dou-
vra indegnamaing il nom da meis
Deis.

10. Non dir mal del famagl pro seis
patrun; ch' el forse non at smalede-
scha, e tü 't rendast culpabel.

11. *Qua ais* üna generaziun da *gliend*,
chi smaledescha seis bap, e non be-
nedescha sia mamma.

12. *Qua ais* üna generaziun da *gliend*,
chi 's quinta netta, e non ais lavada
da seis aserögn.

13. *Qua ais* üna generaziun da *gliend*,
chi ha ils ögls grandamaing adozats,
e 'ls palperis drizzats sü ot.

14. *Qua ais* üna generaziun da *gliend*,
ils daints della quala *sun* spadas, e 'ls
maslêrs curtels, * per travonder ils
povers davent dalla terra, e 'ls bsö-
gnus intanter la *gliend*. * Am. 8, 4. Ps. 14, 4.

15. L' aglia ha duos figlias, *chi* di-
schan: Porta nan, porta nan! Quaistas
trais chosas mâ nan as sadolan, *sch*i
quatter non dischan *mâ bricha*: E
basta!

16. La sepultura, la matrice sterila,
la terra, *chi mâ* non as sazaja d' aua,
e 'l fô, *chi mâ* non disch: *L' ais* a-
vuonda!

17. * Ils corvs del flüm vegnan a
chavar oura, e 'ls giuvens dell' aglia
a magliar ils ögls da chi fa beffa da
seis bap, e spretscha d' obedir a sia
mamma. * Gen. 9, 22. Prov. 20, 20.

18. Trais chosas am sun azzoppa-
das; *sch*i, quatter non cognosch eu.

19. La via dell' aglia nel ajer, la
via della serp sün il sass, la via della
nav in mez il mâr, la via del hom pro
la giuvna.

20. Tal *ais* il proceder della duonna
adultera; ella mangia, e 's terscha la
bocca, e disch: Eu non ha commiss
alchün' iniquità!

21. Suot trais chosas trembla la ter-
ra; *sch*i, suot quatter, *ch*' ella non po
comportar.

22. * Suot ün famagl, cur el dvainta
rai, e suot ün crastian nar, cur l' ais
saduol da pan; * Prov. 19, 10.

23. Suot la *duonna* malvoglüda, cur

ella 's marida, e suot la fantschella,
cur l' ais ertavla da sia patruna.

24. Quaistas quatter chosas *sun* del-
las plü pitschnas della terra, e pür
sun ellas sabias, e zuond scortas:

25. Las furmias, *chi sun* ün pövel
sainza forza, ed impero apparechan
ellas da stà lur spaissa;

26. * Ils cunigls, *chi sun* ün pövel
sainza potenza, ed impero fan els lur
zoppels nels spelms; * Ps. 104, 18.

27. Ils salips, *chi* non han rai, ed
impero van oura tuot in pruna, par-
tits giò per troppas.

28. L' aragn, *chi* 's rampigna cols
mans, ed ais nels palazzis dels rais.

29. Trais chosas han ün bel pass;
*sch*i, quatter han ün bel chaminarvia;

30. Il liun, la plü ferma dellas
bestias, el non as volv' inavo per tem-
ma d' alchün.

31. *Il chavagl*, tshintâ da flanes, o 'l
boc, e 'l rai, avant il qual ingün non
po ozar il cheu.

32. Scha tü hast fat qualcha nardà,
t' adozand; ovvero, scha tü t' hast im-
pissà alchün mal, *sch*i 't metta il man
sün la bocca!

33. Perche, *sco* chi main' intuorn il
lat, fa gnir oura painch, e chi squi-
tscha il nas, fa gnir oura sang; usche
eir chi chalcha l' ira, fa gnir oura
contesa.

CHAP. XXXI.

ILS pleds a Lemuel, il rai; il sermon
profetic, col qual sia mamma l' in-
traguidet.

2. Che, meis figl? Che, figl da meis
büst; e che, figl da meis vuts?

3. Non dar tia forza allas donans,
ne teis costüms * a *chi ais* per des-
drür ils rais. * Deut. 17, 17.

4. * E non as convain a rais, o Le-
muel, e non as convain a rais d' es-
ser bavaders da vin, ne als princis
d' esser bavaders da gervosa; * Eccl. 10, 17.

5. Cha forse els, aviad bavü,
smanchan ils statuts, e stravian il
dret da qualunque pover afflit.

6. Dat la gervosa al miserabel, e 'l vin
a quels chi sun in contuorbel d' anim,

7. *Acio che* 'ls baivan, e smanchan
via lur miseria, e non as regordan
plü da lur travaglias.

8. * Avra tia bocca per il müt, per *mantgnair* la rasehun da tuot quels, chi sun in privel da perir. * Giob 29, 15.

9. Avra tia bocca, güdicha güsta-maing, fà dret al pover, ed al bsögnus.

10. * CHI vain a chattar üna duonna valerusa? Il pretsch da quella avanza bain dalönsch *quel dellus* perlas.

* Prov. 18, 22.

11. Il cour da seis marit as fid' in ella, ed el non vain mâ ad avair man-chamaint da vestimainta.

12. Ella al fa del bain, e na del mal, tuot il temp da sia vita.

13. Ella tschercha lana, e glin, e la-vura da seis mans con dalet.

14. Ell' ais sco las navs dels mer-chadants; la fa gnir seis pan da-lönsch nanpro.

15. Ella leva, intant ch' *ais* amo not, e da la spaisa a sia brajada, ed ordain'a sias fantschellas lur lavur.

16. Ella considra ün champ, e l' ac-quista; ell' implanta üna vigna del früt da seis mans.

17. Ella's tschint' ils flanes con for-za, e fortificha sia bratscha.

18. Perehe seis traffic *ais* bun, ella il prova; sia lütschern non as stüzza da not.

19. Ella mett' il man al füs, e sias palmas abbranchan la rocca.

20. Ella slargia il man al afflit, e sporsch' ils mans al bsögnus.

21. Ella non temma la naiv per sia brajada, perehe tuot sia brajada ais vestida a dobel.

22. Ella's fa tapets; glin fin, e şchar-latta *sun* seis vesti.

23. Seis marit ais cognoschü nellas portas, cur el sezza con ils seniurs del pajais.

24. Ella fa tailas, e *las* venda; e tschintas, ch' ella da als mercha-dants.

25. Ell' ais vestida con gloria ed onur, e ria del di avegnir.

26. Ell' avra la bocca con sapienza, e doctrina da benignità *ais* sün sia lengua.

27. Ella considra ils inviamaints da sia chasa, e non mangia il pan da paigrezza.

28. Seis infants levan sü, e la cla-man beada; seis marit, e la loda,

29. *Dschand*: Bleras donans s' han deportadas valerusamaing; ma tü las supravanzast tuottas.

30. La grazia *ais* chosa fallatschusa, e la bellezza *ais* chosa vana; ma la duonna da temma del Segner quella vain ad esser lodada.

31. Dat-la del früt da seis mans! Sias ouvras la lodan nellas portas.

IL CUDESCH

DEL

ECCLESIASTE.

CHAP. I.

Salomon mossa, cha tuot quai ch' ün fa in quai-st muond non ais oter co vanità. Conferma quai tras seis exaimpel.

ILS PLEDS DEL PREDICATUR, del figl da David, del rai a Geru-salem.

2. Vanità dellas vanitats, disch il predicatur, vanità dellas vanitats; * ogni chosa *ais* vanità. * Rom. 8, 20.

3. Che profit ha il crastian da tuot sia fadia, con la quala el as sfadaja suot il solai?

4. Ün' età passa, ed ün' *otr'* età vain

nan, e la terra resta ferma in per-petuo.

5. Il solai leva sü, e'l solai tramun-ta, e, brammand, tir' el vers seis lö, dingionder el dess alvar.

6. Il vent tira vers mezdi, e lura va'l intuorn vers settentrion; el va saim-per circuind, e tuorna inavo pro seis circuits.

7. Tuot ils flüms cuorran nel mâr, e'l mâr non s'impla; ils flüms tuornan inavo *saimper* a cuorrer pro'l lö, in-gio els soulan cuorrer.

8. Ogni pled sfadaja, cha'l crastian

non po dir *plü*, l'ögl non as sazia mâ da vair, e l' uraglia non as sadola d' udir.

9. Quai * ch' ais stat, ais quai istess, chi vain a gnir; e quai ch' ais dvantâ ais quai istess, chi dvanterà; ed inguotta da növ non *ais* suot il solai.

* Eccl. 3, 15.

10. Aise chos' alchüna, dalla quala as possa dir: Guarda quai, l' *ais* növ? L' ais agià stat nels temps, ch' eiran avant nus.

11. *Qua* non *ais* alchüna memoria dellas chosas stattas viavant; usche eir non sarà qua memoria dellas chosas chi vegnan ad esser nel temp avegnir tanter quels, chi vegnan a gnir davo.

12. Eu, il predicatur, sun stat rai sur Israel, a Gerusalem.

13. Eu ha ardat meis cour a tscherchar, ed ad investigar con sapienza tuot quai, chi's fa suot il tsel; quai *ais* ün' occupaziun molesta, *cha* Deis da als figls della gliend per as sfadiar in quella.

14. Eu ha vis tuot las chosas ch' ün fa suot il solai, e mera, tuot quai ais vanità, e tormaint da spiert.

15. Las chosas tortas non as pon drizzar; e 'ls defets non as po nombrar.

16. Eu tschantschaiva in meis cour, dschand: Mera, * eu sun ingrandi, e creschü in sapienza plü co tuot quels, chi sun stats avant mai a Gerusalem, e meis cour ha vis blera sapienza, e scienza. * 1 Reg. 3, 12. 13.

17. Eu ha ardat meis cour a cognoscher la sapienza, sco eir a cognoscher las bluordezzas e la nardà, ed ha recognoschü, ch' eir quai *ais* ün tormaint da spiert.

18. Perche, ingio *ais* blera sapienza, *qua ais* blera molestia; e chi creschainta la scienza, creschainta la dolo.

CHAP. II.

Salomon continua a mossar, cha tuottas chosas sun plainas da vanità. La sapienza passa avant a tuottas chosas.

EU dschet in meis cour: Và uossa, eu't vögl provar con allegrezza, tü gioda del bain! Ma mera, eir quai *ais* vanità.

2. Eu dschet al rir: *Tü est our sen!*

Ed all' allegrezza: Che chosa ais quai cha tü fast?

3. Eu penset in meis cour, da passantar dutschamaing mia vita in contins convits, redschand meis cour con sapienza, e da comprender la nardà, fin ch' eu vezess, che chosa füss buna als infants della gliend, a far suot il tsel, ils cuorts dis da lur vita.

4. Eu fet ouvras magnificas. Eu m' edificet chasas, e m' implantet vignas.

5. Eu am fet üerts, e zardins; ed implantet in quels boşcha früttaivla d' ogni sort.

6. Eu am fet lais d' aua, per sauar con quella il god, ingio crescha la boşcha.

7. Eu m' acquistet famagls, e fantschellas, ed avet famagls nats in chasa, avet eir bler bestiam gross, e manü, plü co tuots, chi sun stats avant mai a Gerusalem.

8. Eu am * raset eir argient ed or, e dellas plü charas chosas da rais, e provinzas; eu m' acquistet chantadurs, e chantaduras, ed avet delizias della gliend *d' ogni sort*; musica simpla, e musica da concert. * 1 Reg. 6, 29.

9. Ed eu füt ingrandi, ed adampchâ, plü co tuots, chi sun stats avant mai a Gerusalem; eir mia sapienza am restet.

10. Eu non retret davent da meis ögls chos' alchüna ch' els giavüschai-van; e non scomandet a meis cour ingüna allegrezza; anzi meis cour s' allegraiva d' ogni mia fadia, e * quai *ais* quai, chi'm ha toc per part d' ogni mia fadia. * Eccl. 3, 22. 5, 18.

11. Ma, aviand considerâ tuot mias ouvras, cha meis mans avaiavan fat; e la fadia, ch' eu avaiava indürâ a las far, mera, tuot quai *eira* vanità e tormaint da spiert, e *qua* non *eira* profit alchün suot il solai.

12. Per il qual eu am volvet a vair la sapienza, e las stupiditats, e la nardà, perche, che farà il crastian, chi segherà al rai? Quels fan quai ch' *han* agià fat.

13. Ed eu vezzet, cha la sapienza ais plü excellenta co la nardà; sco la glüna ais plü excellenta co las şchürezzas.

14. Il* *sabi* ha seis ügls nel cheu, e'l nar chamina in schürezzas; impero cognoschet eu, ch'una medema sort incontra a quels tuots; *Ecl. 8, 1.

15. Dinuonder eu d'schet in meis cour: E vain eir a mai il medem accidaint seo al nar; che'm güderà dimena lura d'esser stat plü *sabi*? Usche d'schet eu in meis cour, eir quai *ais* vanità.

16. Perche *qua* mâ non sarà *plü* memoria del *sabi*, co del nar; siand nels dis venturs ogni chosa sarà agià smanchada via. Ed ah! E moura il *sabi* seo 'l nar.

17. Perquai ödiet eu quaista vita; perche tuot las oubras chi dvaintan suot il solai am displaschettan; perche ogni chosa *ais* vanità, e tormaint da spiert.

18. Eu volet eir mal ad ogni mia fadia, ch'eu ha indürâ suot il solai, la quala eu vögl laschar a quel, chi dess gnir davo mai.

19. E chi sa, sch'el vain ad esser *sabi*, o nar? Ed impero sarà el patrun d'ogni mia fadia, intuorn la quala eu m'ha sfadiâ, ed ha dovrâ mia sapienza suot il solai. Eir quaist *ais* vanità.

20. Perquai am volvet eu a perder in meis cour la spranza d'ogni fadia, intuorn la quala eu m'ha sfadiâ suot il solai.

21. Perche quai *ais* ün tal crastian, la fadia del qual *ais* statta con sapienza, con cognoschenscha, e con appussaivlezza; il qual però la lascha seo part a quel, chi non s'ha sfadiâ per *inguotta*. Eir quaist *ais* vanità, e granda molestia.

22. Perche, * che ha ün tal crastian da tuot sia fadia, e del tormaint da seis spiert, col qual el as sfadaja suot il solai? *Ecl. 1, 3, 9.

23. * Stante tuot seis dis *non sun oter* co dolurs, e sias fatschendas *oter* co molestia; dasort cha neir da not seis cour non posa. Quaist eir *ais* vanità. * Giob 5, 7.

24. E non *ais* plü buna chosa per il crastian, co ch'el mangia, e baiva, e fetscha giodair bün a sia orma pro sia fadia. Eir quaist ha eu vis gnir dal man da Dieu.

25. (Perche, chi po mangiar, e chi po giodair, sch'eu non il poss far?)

26. Perche *Deis* da al crastian, chi 'l ais grat, sapienza, cognoschenscha, ed allegrezza; ma al pechader da'l fadia da raspar insembel, e da mantunar, * per dar a quel chi ais grat a Dieu. Quaist eir *ais* vanità, e tormaint da spiert. * Giob 27, 16. 17. Prov. 28, 8.

CHAP. III.

Tuottas chosas han lur conveniaint temp, e stagiun. Allas oubras da Dieu non as dess, ne metter pro, ne diminuir inguotta. Ils crastians sun erodats giò da lur condizium.

Ogni chosa ha *sia* stagiun, ed ogni acziun suot il tsel ha * *seis* temp. * Prov. 8, 6.

2. *Qua* *ais* temp da nascher, e temp da morir; temp d'implantar, e temp da ragischar our quai ch'ais implantâ;

3. Temp da mazzar, e temp da far san; temp da desdrür, e temp d'edifichar;

4. Temp da eridar, e temp da rir; temp da far cordöli, e temp da saglir;

5. Temp da rasar oura la crappa, e temp da la raspar insembel; temp da's abbratschar, e temp da * star dalönsch dal abbratschar;

* 1 Cor. 7, 5. Joel 2, 16.

6. Temp da tscherchar, e temp da perder; temp da conservar, e temp da büttar via;

7. Temp da sdratschar, e temp da eusir; temp da taschair, e temp da tschantschar;

8. Temp d'amar, e temp d'ödiar; temp da guerra, e temp da pasch.

9. Che profit ha quel chi fa *qual-chosa* per quai, ch'el as sfadaja?

10. Eu vezzet la lavur, cha *Deis* ha dat als figls della gliend, acio cha's sfadajan in quella.

11. El fet ogni chosa bella a seis temp; ma eir tschantet el il muond in seis cour, sainza però cha'l * crastian possa mâ chapir las oubras cha *Deis* fa, da principi fin alla fin. *Ecl. 8, 16.

12. Eu cognoschet, cha per quels non *ais* *qua* oter bün, co da s'allegrar, e da's far del bain vita durante.

13. Ed eir, cha seha 'l crastian mangia, e baiva, e, con ogni sia fadia gioda del bain, quai *ais* dun da Dieu.

14. Eu cognoschet, cha tuot quai cha Deis fa ais in perpetuo; a quai non as po metter pro inguotta, e non as po diminuir inguotta, e Dieu fa, cha *lu gliend* il temman.

15. Quai ch' ais, eira agià viavant; e quai chi ha da gnir, ais agià stat, e Deis retschercha darcheu quai ch' ais passà.

16. Ultra quai, vezzet eu suot il solai, cha nel lō del gūdizi qua *eira* impietà, cha nel lō della gūstia qua *eira* impietà.

17. Schi qua dschet eu in meis cour: Deis vain a gūdiehar il gūst, e l' empi; perche per ogni chosa *ais qua* ün temp, ed ad ogni ouvra suprasta quella vouta.

18. Eu dschet in meis cour, cha que dvainta per la condizium dels infants della gliend, cha Deis als declera, e cha quels vezzan, ch' els sun *sco* bestias.

19. Perche quai ch' incontra als infants della gliend ais quai, ch' incontra allas bestias, üna medema sort *ais* per quels. * Sco l' ün moura, usche moura l' oter; e tuots han ün medem flà, e l' crastian non ha alchün avantach sur las bestias; perche tuots *sun* vanità.

* Ps. 49, 13. 21.

20. Tuot va via in ün medem lō; tuots sun fats our da puolvra, e tuots tuornan darcheu a puolvra.

21. Chi sa, scha l' spiert dels infants della gliend munta in ot, e quel del-las bestias va giò a bass suot la terra?

22. Contuot vezzet eu, cha *qua* non *ais oter* bōn, co cha l' crastian s' allegra da sias ouvras; siand quaist *ais* sia part. Perche, chi l' turnainta darcheu per vair quai, chi vain a gnir davo el?

CHAP. IV.

Ils povers sun squitschats suot. La vanità da quels, chi lavuran per mantunar roba. Compagnia ais necessaria intanter la gliend. Obedienza vala plü co sacrifici.

MA danöv vezzet eu tuot las oppressiuns, chi sun suot il solai, e mera, larmas dels chalchats, ils quals non han alchün cuffedadur, e forza *v'* als mans da quels, chi 'ls squitschan suot; ed els non han alchün cuffedadur.

2. Dinuonder * eu pretschet ils morts, chi sun agià morts, plü co 'ls vivs, chi sun in vita fin uossa.

* Giob 3, 17. 18.

3. Schi, plü ventüraivel co l' ün e co l' oter, ais quel, chi fin uossa non ais stat, chi non ha vis las ouvras malas chi dvaintan suot il solai.

4. Ultra quai, vezzet eu, ch' in ogni fadia, ed in ogni ouvra bainfatta al crastian vain portâ invilgia da seis prossem. Eir quai *ais* vanità, e tormaint da spiert.

5. * Il nar sta cols mans in crusch, e consüma sia charn. * Prov. 6, 10. 24. 33.

6. Megl ün man plain repos, co amenduos puogns plains travaglia, e tormaint da spiert.

7. Ma danöv vezzet eu ün *otra* vanità suot il solai.

8. Qua ais ün tal, *chi ais* sulet, e non ha alchün seguond; ne figl, ne frar non ha 'l, ed impero as sfadaj' el sainza fin, e seis ögl non ais mâ saduol da ricchezas. Schi, per chi 'm sfadai eu, e privesch mia persuna del bōn? Quaist *ais* eir vanità, ed ün mal affar.

9. Duos ais megl co ün *sulet*. Perche quels han ün bun premi da lur fadia.

10. Perche, scha l' ün da giò, schi l' oter gūda sü a seis compagn; ma vae a chi ais sulet, perche, *sch'* el crouda, schi non *ais qua* alchün seguond per l' alvantar.

11. Ultra quai, scha duos dorman in-sembel, schi vegnan els as *schüdar*; ma ün *sulet*, co poderà el as *schüdar*?

12. E, *sch'* alchün fa forza al ün, schi vegnan ils duos al resister; eir il cordon con trais fils non as rumpa usche dandet.

13. Plü vala il giuvnet pover, ma sabi, co l' rai vegl, e nar, il qual non as lascha plü avisar.

14. Perche *tal* vain our da preschun per regnar; tal eir, chi ais nat in seis reginam, dvainta pover.

15. Eu vezzet, cha tuot ils vivs suot il solai van con il giuvnet, *chi ais* la seguonda persuna, chi ha da succeder al rai.

16. Tuot il pövel sainza fin *va con el*; tuot quels, als quals el staiva avant; ma quels eir chi vegnan a gnir

davo, non vegnan as allegrar del. Tschert, quaiſt eir *ais* vanità, e tormaint da spiert.

CHAP. V.

Sobrietà in plets. Da render seis vuts a Dieu. Avarezza ais insaziabla. Lavur dels mans. Ricchezza malacquistada, ed il früt da quella.

PERCHÜRA teis pè, cur tü vainst nella chasa da Dieu; t' approsma via per tadlar, plü bod co *per dar sco* ils nars sacrifici; perche quels fan mal, non s' inaccorsehan impero.

2. Non esser precipitus in teis tschan-tschar, e teis cour non dess tour prescha a proferir alchün pled nel conspet da Dieu; perche Deis *ais* nel tschel, e tü *est* in terra; usche sajan teis plets pacs.

3. Perche dalla quantità da fatschen-das proceda il sömmi, e dalla blierüra da plets *proceda* la vusch narra.

4. * Cur tü averast vutà a Dieu alchün vut, schi non surtrar al complir; perche ils nars non al sun inguotta grats, complescha quai cha tü averast vutà. * Num. 30, 3.

5. * Megl cha tü non vutast, co cha tü vutast, e non compleschast. * Act. 5, 4.

6. Non permetter cha tia bocca at fetscha pechar, e non dir avant l' angel, cha saja errur. Perche 's dess Deis adirar sur tia vusch, e dissipar l' ouvra da teis mans?

7. Tschert, in quantità da sömmis *qua sun* eir *bleras* vanitats, usche eir in *blers* plets; ma tü, temma Deis.

8. Scha tü vezzast nella provinza l' oppressiun del pover, e la sgiarbaria del güdizi, e della güstia; schi non at smüravgliar da quaiſta chosa, perche *qua ais* ün ot, e sur el ün plü ot, chi's fa surasen, schi *qua ais* ün otissem sur quels *tuots*.

9. Ma in terra la plü profitabla da tuot las chosas *ais*, il rai *istess* respettà dal pajais.

10. Chi ama l' argient non vain sadolà dal argient, e chi vül bain als grands tesors *sta* sainza rendita. Eir quaiſt *ais* vanità.

11. Ingio ais blera roba, sun eir blers chi mangian da quella, e che pro pervain al patrun della, oter co il vair dels ögls?

12. Il sön del lavuraint *ais* dutsch,

pac, o bler ch' el mangia; ma la saduolezza del rich non il lascha dormir.

13. Quai ais ün mal dolorus, ch' eu vezzet suot il solai; ricchezas, conservadas da lur patruns a lur mal.

14. Perche van quellas ricchezas a perder per mals affars; ed ha el genui ün figl, *schi non al resta* inguotta in man.

15. *Ün tal* * tuorna nüd, sco l' ais gnü dal vainter da sia mamma; el va davent sco l' ais gnü, e non piglia inguotta per sia fadia, ch' el podess portar via in man. * Giob 1, 21.

16. Eir quaiſt *ais* ün mal dolorus; tuot usche va el davent, sco l' ais gnü nan, e che profit al resta, da s' avair sfadià invan?

17. * Schi, tuot ils dis da sia vita ha el mangià in schürezzas, con blera tristezza, e dügliä, e grettezza. * Ps. 127, 2.

18. Mera quai ch' eu ha vis; l' *ais* üna buna e bella chosa, cha 'l crastian mangia, e baiva, e gioda del bain pro tuot sia fadia, ch' el indüra suot il solai, tuot ils dis da sia vita, ils quals Deis l' ha dat; perche quaiſt *ais* sia part.

19. Ed eir, cur Deis da a chi mâ saja, ricchezza, e facultà, e 'l da eir da podair mangiar, e tuot sia part, e s' allegrar da sia fadia, quai ais ün dun da Dieu.

20. Perche *ün tal* non penserà bler dels dis da sia vita; siand Deis al responsa tras l' allegrezza da seis cour.

CHAP. VI.

La miseria del crastian, al qual Deis ha dat roba ed onurs, e non l' ha fat la grazia da 'l savair dovrar.

QUAI da ün mal, ch' eu vezzet suot il solai, ch' ais suvent tanter la gliend,

2. *Cioè* ün hom, al qual Deis det ricchezas, e facultats, e gloria, tal cha non manca inguotta a si' orma da tuot quai, ch' el po desiderar; e Deis impero non al conceda quai da giodair, anzi ün ester il gioda. Quaiſt *ais* vanità, ed ün grand mal.

3. Schabain ch' alchün genuiss tschient *infants*, e vivess blers ans, cha 'l temp da sia vita füss grand;

seha si' orma non ais sadolada con roba, ed eir *sch'* el non surgniss sepultura, schi dschess eu: Meldra co la sia ais la condiziun d'ün abort.

4. Perche quel *abort* ais gnü in vanità, e va nellas schürezzas, e seis nom ais covernâ con schürezzas;

5. *E*, schabain ch'el non ha vis il solai, ne gnü alehüna cognoschenscha, schi ha el impero plü repos co quel *oter*.

6. Schabain ch'el vivess duamilli ans, sch'el non gioda del bain, *schi che avantach ha el?* Non van quels tuots in ün medem lö?

7. Tuot la fadia del crastian *ais* per sia bocca; ed impero seis desideri non ais *mâ* sadolâ.

8. Perche, che avantach ha il sabi sur il nar? Che *avantach* ha il pover inegiantaivel a chaminar avant ils vivaints?

9. Megl *ais* il vair avant ügls, co l'ir a tscherchar qua e là con l'orma. Eir quai *ais* vanità e tormaint da spiert.

10. Ünsacura füt miss nom *al crastian* quai ch'el ais, e l' * ais contschaint, cha quel *nom* füt Adam, ed el non po litier con quel, ch' *ais* plü ferm co el.

* Job 9, 32.

11. Qua sun chosas bleras, chi adampehan la vanità, e che avantach ha il crastian?

12. Perche, chi sa che chosa *saja* buna al crastian in *quaista* vita, tuot ils dis della, ils quals el passainta sco üna sumbriva? Impero, chi vain a declerar al crastian quai cha sarà davo el suot il solai?

CHAP. VII.

Salomon tocca uossa l'oter punt da quai cudesch, chi ais la meditaziun della mort, e l' möd da's perderscher lapro. Lura da el comandaments particulars pro specialas virtüts; eir da el ad inder, cha nus in quai vita non possan ans acquistar la perfetta sapienza.

MA * *buna* favur *vala* plü co la buna *savur*; e l' di della mort *plü* co l' di della naschenscha. * Prov. 22, 1.

2. Megl *aise* ir nella chasa da dolor, co ir nella chasa da convit; perche quai ais la fin d'ogni crastian, e chi viva, piglia quai a cour.

3. Megl *ais* la tristezza co l'rir, perche il cour as meldra per l'afflieziun della vista.

4. Il cour dels sabis *ais* nella chasa della dolor; ma il cour dels nars *ais* nella chasa dell'allegrezza.

5. Megl *ais* udir il slamar del sabi, co ch'ün oda il chantar dels nars;

6. Perche, sco *ais* il sloppinar dellas spinas suot la cudêra, tal *ais* il rir del nar. Eir quai *ais* vanità.

7. Tschert, oppressiun fa gnir nar il sabi, * e preschaints mainan a perder il sen.

* Ex. 23, 8.

8. Megl *ais* la fin della chosa, co l' principi da quella; plü *vala* il spiert paziaint, co il spiert superbi.

9. Non esser subitus at adirar in teis cour; perche l'ira reposa nel sain dels nars.

10. Non dir: Che voul quai dir, cha'ls dis dad avant sun stats meglers da quai? Perche tû non gnissast a domandar quai tras sapienza.

11. La sapienza ais usche buna co l'ierta, ed avantach a quels, chi vezzan il solai.

12. Perche nella sumbriva della sapienza, ais nella sumbriva del danêr; ma la scienza *ha quai* avantach, cha la sapienza fa viver quels chi sun dotats *con ella*.

13. Guarda stin las ouvras da Dieu; perche, chi gniss a podair drizzar stî quai ch'el averà cupichâ?

14. Nel di del bôn sta in allegrezza, e nel di dell'adversità pensa nel cour: Deis ha fat l'ün ushebain co l'oter, per chaschun, cha l'crastian non sapeha inguotta davo el.

15. Eu vèzzet tuot quai nels dis da mia vanità. Quai da ün tal güst, chi va a perder pro sia güstia, e quai da ün tal empi, chi prolunguna *sia vita* pro sia malizia.

16. Non esser massa güst, e non at demossar sabi ultra masüra; perche at volessast tû ruinar?

17. Non esser massa empi, ne ün nar; perche volessast tû morir ant cha vegna teis temp?

18. L'ais bôn, cha tû at tegnast vi' a quai chosa, però neir non largiast il man dall'otra; perche, chi temma Deis vain landroura pro ogni chosa.

19. * La sapienza rinforza il sabi plü co desch redschadurs chi sun nella città.

* Prov. 21, 22.

20. Tschert, e non *ais* ingün crastian güst *qua* sün terra, il qual fetscha il bain, e non pecha.

21. Tü non tour neir a cour tuot ils plets cha *oters* dischan, schi non taidlast neir teis famagl chi 't smaledescha;

22. Perche teis cour sa, cha eir tü hast dit mal d'oters, plüis voutas.

23. Eu ha provâ tuot quaiastas chosas con la sapienza; *dinuonder* eu dschäiva: * Eu vögl esser sabi; ma la sapienza eira dalönsch da mai. * Rom. 1, 22.

24. * Chi vain a chattar üna chosa, ch' *ais* dalönsch d'avent, ed our möd chafuola? * Giob 28, 12. 20.

25. Eu am volvet intuorn con meis cour, per cognoscher, per investigar, e *per* tscherchar sapienza, e co cha's dess güdichar davart las chosas, per cognoscher l'impietà, la nardà, e la stupidità dels errurs;

26. Ed eu chattet üna chosa plü * ascha co la mort; *cioè* la duonna chi non *ais* oter co rait, e'l cour della quala non *ais* oter co latschs, e'ls mans della quala *sun* *tants* liams. L'hom accet a Dieu scamperà d'ella, ma'l pechader sarà prais dal ella.

* Prov. 5, 4.

27. Guarda, eu ha chattâ quaiast, disch il predicatur, *tscherchand ogni chosa*, l'üna davo l'otra, per chattar co cha's dess bain güdichar.

28. E quaiast tschercha mi'orma amo, e non l'ha chattâ. *Bain* ha eu chattâ ün hom tanter milli; ma, tanter otras tantas donans, non ha eu chattâ üna.

29. Solum quai, mera, ha eu chattâ; cha Deis ha fat il crastian dret, ma *els* tscherchan bleras intrigas.

CHAP. VIII.

L'utilità della sapienza. D'obedir als comandaints del rai. Il crastian non ha pussanza, ne sur la mort, ne sur la vita. Las ouvras da Dieu sun incognitas alla gliend.

CHI *ais* seo 'l sabi? E chi cognoscha la decleranza dels fats? La sapienza del crastian al selerischa la vista, e seis sguard sever vain müdâ.

2. Eu *t'admonesch*, cha tü observast il comand del rai per causa del güramaint *fat nel nom* da Dieu.

3. * Non tour prescha da 't partir da seis conspet, e *neir* non at pre-

sentar pro chosa mala; perche el po far tuot quai chi 'l plascherà, * Eccl. 10, 4.

4. Perche 'l pled del rai *ais con autorità*, e chi 'l dscharà: Che fast tü?

5. Chi observ' il comandaint non proverà ingün mal accidaint, e'l cour del crastian sabi cognosch' il temp, e'l bun möd, ch' ün dess tgnair;

6. Perche qual affar ch' ün vöglia ha seis temp, e möd; e sgür, blers mals suprastan al crastian.

7. Perche ingün non sa quai cha vain a dvantar; anzi chi vain al declerar, co'ls *fats* vegnan ad esser?

8. Ingün crastian non ha pussanza sur il flà da vita, per il retgnair; e non *ais qua* pussanz' alchüna conter il di della mort, e nella battaglia non *ais* qua dimissium; usche l'impietà non vain a laschar scampar via quels, nels quals ella's chatta.

9. Eu vezett tuot quaiast, e piglet a cour tuot las chosas chi dvaintan suot il solai. Que da *tals* temps, ingio ün crastian signorescha sur ils crastians, a dan da quels.

10. E lura vezett eu, * cha empis gnivan sepulits, e quels, chi's avaiavan deportats in appussavlezza, gnivan, e giaivan d'avent dal lö sanct, ed eiran smanchats via nella città. Eir quaiast *ais* vanità. * Ps. 12, 9.

11. Perquai cha la sentenza non vain datta prontamaing conter las ouvras malas, pertant il cour dels infants della gliend *ais* dadaint els plaina *da vöglia* da far mal.

12. Perque, eir cha 'l pechader fa mal tschient voutas, e pür *la vita* l'ais prolungunada; impero sa eu eir, cha * bain vain ad ir con quels, chi temman Deis, e revereschon sia fatscha; * Es. 3, 10. 65, 20.

13. E cha bain non vain ad ir con l'empi, e ch'el non vain a prolungunar *seis* dis, sco la sumbriva; siand ch'el non reverescha la fatscha da Dieu.

14. Qua *ais* üna vanità chi dvainta sur terra, *cioè*, cha sun qua güsts, als quals incontra seguond l'ouvra del empi, e sun qua empis, als quals incontra seguond l'ouvra dels güsts. Eu dschet: Eir quaiast *ais* vanità.

15. Perquai lodet eu l'allegrezza;

siand cha 'l erastian non ha oter bün suot il solai, co da mangiar, e da baiver, e da star leger, e quaiſt ais quai ch' el per sia fadia ha ad impraist ils dis da sia vita, cha Deis l' ha dat suot il solai.

16. Cur eu rendet meis cour a cognoscher sapienza, ed a vair las fatschendas chi dvaintan sur la terra; (perche ne di, ne not non vezza quel sön con seis ögls;)

17. Schi vezzet eu, *quant a* tuot las ouvras da Dieu, * cha 'l crastian non po chapir las ouvras chi dvaintan suot il solai. Eir sch' el per quellas as sfadaja, *las tscherchand*, non las chatta el; e, schabain cha 'l sabi pensess d' avoir cognoschenscha, non *las* po 'l però comprendre. * Eccl. 3, 11.

CHAP. IX.

Salomon metta nan, cha in bleras chosas giaja col bun sco col mal. Da gioldair con allegrezza e recognoschenscha ils duns da Dieu, e drizzar oura sia vocaziun indret, remettand l' event a Dieu. Il lod della sapienza.

PERCHE eu piglet a cour tuot quaiſtas chosas, e consideret tuot quaiſt, cha 'ls güsts, e 'ls sabis, e lur fats, sun nel man da Dieu; ils crastians non cognoschan ne amur, ne ödi; tuot sta allavant ad els.

2. Tuottas chosas *inscontran* egualmaing a tuots; ün medem accidaint *inscontra* al güst, ed al empi, al bun e net, ed al malnet, a chi sacrificha, ed a chi non sacrificha; sco *ais* il bun, tal *ais* il pechader, tal chi güra, sco chi 's temma da gürar.

3. Quaiſt *ais* üna chosa molesta pro tuot quai chi dvainta suot il solai, cha ün medem accidaint *inscontra* a tuots, ed usche, intant ils infants dels crastians sun in vita, schi ais lur cour plain mal, e, davo quai, *van els* pro 'ls morts.

4. Perche, chi *ais* exceptuâ? Qualeha spranza ais pro tuot quels chi sun in vita, siand la condiziun d' ün chan viv meldra co quella d' ün liun mort;

5. Perche ils vivaints san cha vegnan a morir, ma ils morts non san inguotta, e qua non ais plü alchün premi per els, siand lur memoria ais smanchada via.

6. Lur amur, e lur ödi, e lur invilgia sun agià idas via, ed els non han

mâ plü alchüna part vi' a tuot quai chi dvainta suot il solai.

7. * Vâ, mangia teis pan allegramaing, e baiva teis vin con cour led; pür Deis ha applaschair vi' a tias ouvras.

* Eccl. 8, 15.

8. Saja da tuot temp tia vestimainta netta, e l' öli *bainsavuri* non vegn' almain sün teis cheu.

9. Gioda la vita con la muglier cha tü voust bain, tuot ils dis della vita da vanità, ils quals *Deis* t' ha dat suot il solai, tuot il temp da tia vanità! Perche * quaiſt *ais* tia part nella vita per tia fadia, cha tü indürast suot il solai.

* Eccl. 2, 10. 3, 13.

10. Fà a teis podair tuot quai cha tü averast möd da far, perche suot terra, ingio tü vast, non ais ne ouvra, ne raschun, ne cognoschenscha, ne sapienz' alchüna.

11. Danöv vezzet eu suot il solai, cha 'l cuorrer non sta nel *podair* dels ligèrs, ne 'l far la guerra *in* quel dels fermes, ne *l' avoir* pan pro 'ls sabis, ne *l' acquistar* richezças pro 'ls prudaints, ne *d' esser* in grazia pro 'ls intelligiaints, perche a quels tuots inscontran temps e cass.

12. Perche il crastian * non cognoscha pür seis temp. Sco 'ls peschs, chi sun prais con la mala rait, e sco 'ls utschels, chi sun tuts con il latsch, usche sun allatschats ils infants dels crastians, al temp dell' adversità, cur la crouda dandettamaing adöss ad els.

* Eccl. 8, 7.

13. Schi, eu vezzet eir quaiſt suot il solai, sapienza chi 'm ais apparüda granda.

14. *Qua eira* üna pitschna città, con paca gliend laint, ed ün grand rai gnit conter ella, e l' increset, ed edificet grands bastiuns conter ella.

15. Ed in quella 's chattaiva ün pover hom sabi, e quel deliberet la città tras sia sapienza, combain ch' ingtün non as regordet da quel pover hom.

16. Lura dschet eu: Plü vala sapienza, co forza; schabain cha la sapienza del pover vain spretschada, e seis plets non vegnan tatlats.

17. Ils plets dels sabis con quietezza sun plü tatlats, co 'l bragir d' ün signur tanter ils nars.

18. La sapienza vala plü co'ls instrumaints da guerra; ma ün sulet pechader fa ir a perder bler bön.

CHAP. X.

La differenza del sabi, e del nar. Da non resistar al princip, o magistrat. Quant important, d'avair buns redschadurs. Fügir la paigrezza. Da non dir mal dals grands.

LAS muoschas mortas fan spüzzir, e buglir l'öli bain savuri surour al profümêr; usche ün pa nardà passa il pretsch della sapienza e della gloria.

2. Il sabi ha seis cour da sia vart dretta, e'l nar l'ha dalla snestra.

3. Il nar, eir intant ch'el chamina per la via, ais privâ da sen, e disch a tuot, *ch'el ais* nar.

4. Scha'l princì leva sü in ira conter tai, * schi non bandunar però teis lö; perche la dutschezza fa perdunar grands puchats.

* Pr. 16, 14. Eccl. 8, 3.

5. Qua ais ün mal, *ch'* eu vèzzet suot il solai, in seguit al errur, chi proceda dal princì;

6. Cioè cha la nardà vain tshan-tad'in grand'otezza, e'ls richs sez-zan in lous bass.

7. Eu vèzzet ils serviaints a chavagl, e'ls princis chaminar a pè sco'ls serviaints.

8. Chi chav'üna foura, crouda laint, e chi rump'üna saif, vain mors dalla serp.

9. Chi movaint'our lö las peidras, sarà offais, chi fenda laina, sarà in privel.

10. Scha'l fier ais gnü muot, cha non s'ha güzzà il taglent, schi domand'el plü forza; tsehert la sapienza *ais* chosa eccellente per drizzar oura *ils fats*.

11. Scha la serp morda, * non siand inchantada, schi non vala inguotta plü il maldicent.

* Ps. 58, 5. 6. Ger. 8, 17.

12. Ils plets our dalla bocca del sabi sun grazia; mailsefs del nar il sdriän.

13. Il princìpì dels plets da sia bocca *ais* nardà, e la fin da seis tshan-tchar *ais* mala nardà.

14. Schabain cha'l nar multiplichia ils plets, non sa impero il crastian quai ch'ha da gnir; e chi'l declerà quai cha dess dvanter davo el?

15. La fadia dels nars ils stanglain-ta, perche els non san *la via* per ir vers la città.

16. * Vae a tai, o pajais, il rai del qual ais ün infant, ed ils princìps del qual fan convit alla mattina. * Es. 3, 4.

17. Beà tü, pajais, il rai del qual *ais* da stirpe nòbla, e'ls princìps del qual mangian a temp conveniaint, per restoraziun, e na per avrianza.

18. Per la paigrezza dels *mans* da giò il solêr, e per ils *mans* laschantivs guotta in chasa.

19. Ils convits as fa per star leger, e'l vin allegra ils vivaints, ed il danêr responsa a tuot.

20. Non dir mal del rai, neir in teis impissamaint, e non dir mal del rich, neir in tia chambra, ingio tü dormast; perche l'utschê del tselhel porta *via* la vusch, e l'*animal* con alas referischa ils plets.

CHAP. XI.

Dall'almosna, e liberalità. Las ouvras da Dieu sun incomprendiblas. Da non interlaschar da far bain, e remetter tuot alla providenza da Dieu.

BÜTTA teis pan sün las auas; perche tü vainst al chattar lung temp davo.

2. * Dà part a set, schi eir ad ot, perche tü non sast che mal po dvan-tar sur la terra.

* Ps. 112, 9. Luc. 6, 30.

3. Cur las nüvlas sun plainas, span-dan ellas giò la plövgia sün la terra, e, cur il bösch crouda, o vers il mezdi, o vers il settentrion, ingio el crouda, qua rest'el.

4. Chi's fa surasen stüll'ora non vain a semnar, e chi guarda sün las nüvlas non vain a tshuncar.

5. Seo tü non sast quala saja la via del vent, *ne* co as *fuorma* l'ossa nel vainter della *duonna* gravida, usche non cognoschast tü las ouvras da Dieu, chi fa tuottas chosas.

6. Semna la mattina teis sem, e neir la saira non laschar posar teis *mans*, perche tü non sast qual vegna a re-uschir megl, quai, o l'oter; o scha tuots duos vegnan ad esser egual-maing buns.

7. Bain *ais* la glüm dutschea, e vair il solai üna chosa plaschaivla als ögls.

8. Anzi, scha'l crastian viva blers ans, saimper saj'el in allegrezza, e's regorda, cha'ls dis dellas schürezzas vegnan ad esser blers, schi tuot quai

cha'l sarà incontrâ *vain ad esser vanità*.

CHAP. XII.

Da's regordar sün Dieu da sia giuventüna in sü, e na spettar fin la vegldüna a far bain. Tuot ais vanità. Dieu ais güdisch da tuots.

T' ALLEGRA pür, o giuvnet, in tia giuventüna, e't tain bun in teis cour nels dis da tia giuventüna, e chamina sün las vias da teis cour, e seguond l'aspet da teis ögls; ma sap-chast, cha Deis per tuot quaistas chosas vain at far gnir nel güdizi.

2. E piglia la tristezza our da teis cour, e metta il cordöli davent da teis corp, perche adolescenza, e giuventün *sun* chosa vana.

3. Ma't regorda da teis creader nels dis da tia giuventüna ant cha vegnan ils dis mals, e rivan ils ans, dals quals tü vainst a dir: Eu non ha dels alchün dalet;

4. Avant cha'l solai, e la glüm, e la glüna, e las stailas, sajan in schüridas, e las nüvlas tuornan darcheu davo la plövgia;

5. Cur las guardias della chasa vegnan a tremblar, e'ls possants as storscher, e las muglinêras ad interlaschar, siand lur number ais diminui, e quellas chi guardan tras las fanestras sun in schüridas;

6. E'ls tüschs sün la piazza vegnàn serrats pro sbassamaint del sun della moula, e'l crastian vain a star sü sün la vusch del utschè, e tuot las chantaduras vegnan temperadas.

7. Ed *il crastian* vain eir as tmair dels lous sü ot, ed ad avair stramizi, *chaminand* per la strada, e'l bösch

da mandels vain spretschâ, e'l salip aggrevâ, e l'appetit challa, perche'l crastian va in sia chasa perpetua, e quels chi portan lêd van intuorn per las stradas;

8. Avant cha la corda d'argient as tsehunca, e la cupalla d'or as smacha, e'l vaschè as rumpa sün la fontana, e la rouda giaja in pezzas sur la ci-sterna,

9. E la puolvra * tuorna darcheu in terra, sco l'eira *il prüm*, e'l spiert tuorna darcheu pro Dieu, † chi l'ha dat.

* Gen. 3, 19. † Num. 16, 22.

10. Vanità dellas vanitats, disch il predicatur, ogni chosa *ais* vanità!

11. Plü sabi *cha'l* predicatur ais stat, *tant* plü sciienza ha el mossâ al pövel, e l'ha fat ineler, ed ha investi-gâ, e componit bleras sentenzas.

12. Il predicatur ha tseherschâ da chattar chosas agreablas, e quai ch' ais scrit fidelmaing *ais* dret, plets da vardâ.

13. Ils plets dels sabis *sun* sco aguagls, e sco guottas dattas aint ils pasters chi fan redunanza, e sun miss dad ün istess pastür.

14. Ed in ultra, da quels, meis figl, imprenda; qua non ais alchüna fin del far blers eudeschs, * e bler stüdiar *ais* fadia al corp.

* Eccl. 1, 18.

15. La conclusiun del raschunamaint d'ogni chos' udida *ais*: Temma Deis, ed observa seis comandamaints, perche quai ais tuot per il crastian.

16. Perche * Deis vain a far gnir ogni ouvra, buna e mala, al güdizi, *ch'el vain a far* d'ogni chosa azzoppada.

* 1 Cor. 4, 5. 2 Cor. 5, 10.

IL CUDESCH

DELLA

CHANZUN DELLAS CHANZUNS.

CHAP. I.

Proposiziun, o diséours secret d'amur spirituala inter il spus e sia spusa. Amenduos decleran la contentezza, cha piglian l'ün dal oter.

LA CHANZUN DELLAS chanzuns da Salomon.

2. CH'EL am bütscha con ils bütschs

da sia bocca; perche tias amurs *sun* meldras co'l vin.

3. Per l'odur sun teis prezios ölis *bainsavurits*; teis nom *ais* ün öli *bainsavuri* spans oura; perquai t'aman las giuventschellas.

4. Tira'm, nus volain cuorrer davo

tai! Il rai m'ha introdüt in sias chambras; nus ans volain tgnair buns, e 'ns allegrar in tai; nus volain lodar tias amurs, ant co'l vin; * indret at vöglan els bain.

* Ps. 45, 15.

5. O figlias da Gerusalem, eu *sun* brüna, ma bella, sco las tendas da Chedar, sco las covertas da Salomon.

6. Non am guardarai ch' eu *sun* brüna; cha'l solai m'ha tocca con seis razs! Ils figls da mia mamma s'han adirats conter mai; m'han tschantada guardianta dellas vignas; eu non ha perchürâ mia vigna, mia agna.

7. Declera'm *tü*, al qual mi'orma vould bain, ingio *tü* paschaintast *la scossa*, ed ingio *tü* *la* fast chamar sül mezdi? Perche dess eu esser sco üna *duonna*, chi languischa, errand vers ils stavels da teis compagns?

8. Scha *tü* non il sast, o la plü bella intanter las femnas, schi vâ oura, seguind als fastizis della scossa, e paschainta tias chavrettas sper las tendas dels pasturs.

9. Amia mia, eu't conguai * al chavagl, *chi tira* il charr da Farao.

* Zac. 10, 3.

10. Tias masellas *sun* bellas in *bur* spangas, e teis colöz in *seis* monils.

11. Nus at volain far spangas d'or, con tachelis d'argient.

12. Dintant cha'l rai *ais* pro seis convit, schi da oura meis nardo si'odur.

13. Meis ami m'ais ün maz da mirra, tanter mias tettas pos'el.

14. Meis ami m'ais ün üja da cipra, our dallas vignas d'Engeddi.

15. Mera, bell'est *tü*, amia mia, mera, bell'est *tü*! Teis ügls *sun* colombs.

16. Mera, bel est *tü*, meis ami, e plaschaivel; nos recover ais verd.

17. Las travs da nossas chasas *sun* da ceders; noss palanschins *sun* da cipress.

CHAP. II.

Il spus ais conguâl ad üna rüsa e gilgia, e la spusa conguai el eir ad üna gilgia. La spusa's retira suot la sumbriva del spus. El'oda la vusch da quel, ais conguâlada alla colomba.

Eu *sun* üna rüsa da Saron, üna gilgia nellas vals.

2. Sco la gilgia *ais* tanter las spinas,

tal' *ais* mia amia tanter las giuven-tschellas.

3. Sco'l mailêr *ais* tanter la boscha, tal *ais* meis ami tanter ils giuvens. Eu desidr *da zer suot* sia sumbriva, e seis früt *ais* dutsch a meis palat.

4. El am condüa nella chasa del convit, e si'insaina sur mai *ais* amur.

5. Cuffortâ'm con tuortas d'üja passa, refraščâ'm con mails! Perche eu languesch d'amur.

6. Seis man snester * suot meis cheu, e seis man dret m'abbratscha.

* Cant. 8, 3.

7. Eu as scongür, o figlias da Gerusalem, tras ils chavrets, e tras las tshiervas della champagna, cha vus non sdasdat sün *mi'* amur, e non la rumpat il sön, fin cha la plascha!

8. La vusch da meis ami! Mera, el vain, saglind sün per ils munts, sagliand sün per ils muots.

9. Meis ami ais simil ad ün chavret, o ad ün tshiervet. Mera, uossa sta'l davo nossa parait, guarda'l tras la fanestra, as mossa'l tras il giatter.

10. Meis ami da pled, e'm disch: Leva sù, amia mia, mia bella, e vè nan!

11. Perche mera, l'inviern ais passâ, il temp dellas plövgias ais müdâ, ed ais it davent;

12. Las fluors apparan sün la cutüra; il temp del chantar ais rivâ, ün oda la vusch della turdella sün nossa champagna;

13. Il figêr madüra seis figs, e las vits fluridas rendan odor. Leva sù, amia mia, mia bella, e vè nan!

14. Mia colomba, *chi stast* nellas rimmas dels spelms, nels zoppels ots, fa'm vair teis aspet, fa'm udir tia vusch! Perche tia vusch *ais* amabla, e teis aspet *ais* bel.

15. Pigliâ 'ns las vuolps, las vuolps pitchnas, chi guastan las vignas, nossas vignas fluridas.

16. Meis ami *ais* meis, ed eu *sun* seis; el chi paschainta tanter las gilgias.

17. Tuorna darcheu, meis ami, * a guisa del chavret, o del tshiervet, sùls munts da rimmas, fin cha spirescha *la brünetta* del di, e las sumbrivas fügen davent.

* Cant. 4, 6.

CHAP. III.

La spusa aderescha inseparabelmaing a seis
spus. Salomon figūra da Cristo.

EU tscherchet in meis recover, la
not, quel cha mi' orma ama: Eu il
tscherchet, ma non il chattet.

2. Eu vögl però star sü, e vögl ir
per la città intuorn, per las stradas,
e per las plazzas, vögl tscherchar
quel, cha mi' orma vül bain! Eu il
tscherchet, ma non il chattet.

3. Las guardias, chi van intuorn la
città, am chattettan, *ed eu las dschet*:
Non avais vus vis quel, cha mi' orma
ama?

4. Pac davo ch'eu las avet passadas,
schi chattet eu quel cha l'orma mia
ama. Eu il piglet, e non il lasch ir, fin
ch'eu non l'haja manâ nella chasa
da mia mamma, nella chambra da
quella chi m'ha parturida.

5. * Eu as scongiur, figlias da Gerusa-
lem, tras ils chavrets, o tras las tschier-
vas della champagna, cha vus non
sdasdat sü *mi'* amur, e non la rum-
pat il sön, fin cha la plascha. * Cant. 2, 7.

6. Chi * ais quella, chi vain sü dal
desert, simil' a coluonnas da füm,
profümada con mirra, e con incens,
con ogni puolvra da profümêr?

* Cant. 8, 5.

7. Mera il recover da Salomon! In-
tuorn quel sesant' *homens* valents,
dels baruns d'Israel,

8. Quels tuots manisan la spada, e
sun ammassats nellas armas; scodün
ha sia spada sü gialun per ils spa-
vents della not.

9. Il rai Salomon s'ha fat üna por-
tantina da lain del Libano.

10. El ha fat sias coluonnas d'ar-
gient, sia sponda d'or, seis sez da
scharlatta, e l'fuond da quella figürâ
con lavur musaica dellas figlias da
Gerusalem.

11. Figlias da Sion, it oura, e guar-
dai il rai Salomon, con la corona, con
la quala sia mamma l'ha incorunâ al
di da sias nozzas, ed al di dell'alle-
grezza da seis cour.

CHAP. IV.

Ils lods della spusa. L'ais sainza macla. L'a-
mur vicendevoła.

MERA, * tü est bella, mia amia, me-
ra, tü est bella! Teis ögls sun co-

lombs, davo teis zindal; teis chavels
sun sco ün tröp da chavras glisches
del munt Gilead. * Cant. 1, 15.

2. Teis daints *sun* sco ün tröp *nuor-
sas*, tusas ad ingual, chi vegnan sü
dal lavadoir, nuorsêras da gimels,
ed ingünas tanter sainza früt.

3. Teis lefs sun ün fil da scharlatta,
e tia bocca *ais* graziusa; tia fatscha,
davo teis zindal, para ün mez pom
granat.

4. Teis colöz sumagli' alla tuor da
David, edifichada per las armas,
vi alla quala sun pendüts milli schüts,
tuot las targias dels baruns.

5. Tias * duos tettas *sun* sco duos
chavrets gimels, chi paschajan tan-
ter las gilgias. * Cant. 7, 3.

6. * Fin cha *la brünnetta* del di spi-
rescha, e las sumbrivas fugian da-
vent, vögl eu ir pro 'l munt della mir-
ra, e pro 'l muot dels incens. * Cant. 2, 17.

7. Tü *est* tuot bella, mia amia, e
* qua non ais defet alchün in tai.

* Efes. 5, 26. 27.

8. *Vè* con mai davent dal Libano, o
spusa, vè con mai davent dal Libano;
guarda giò dalla sommità del Amana,
dalla sommità del Senir, ed Hermon,
dals cuvels dels liuns, dals munts
dels leopards.

9. Tü m'invoulast il cour, sour mia,
spusa; tü m'invoulast il cour con ün
sguard da teis ögls, con ün monil da
teis colöz.

10. Quant bell' ais ti' amur, sour mia,
spusa! Quant * meldras sun tias
amurs co 'l vin; e l'odur da teis öls
plü *excellent* co tuot las spezias!

* Cant. 1, 2.

11. Teis lefs guottan fidun *da meil*,
spusa, meil e lat *ais* suot tia lengua,
e l'odur da tia vestimaint' *ais* sco
l'odur del Libano.

12. *Tü est* ün üert serrâ aint, sour
mia, spusa, üna fontana serrada, üna
fontana sagellada.

13. Teis prodots sun ün zardin da
poms granats, da früts delicats, con
plantas da cipress, e da nardo,

14. Da nardo, e da safran; da chan-
na savurida, e da chanella, e d'ogni
bösch d'incens; da mirra, ed aloe; e
d'ogni plü eccellente spezia;

15. Üna fontana nels üerts, ün puoz

d' auas vivas, ed auals *chi cuorran giò* dal Libano.

16. T' alvainta, aquilo, e vè nan, auster, soffia tras meis üert, e fà cha sias spezias guottan. Meis ami, in seis üert, e mangiai il früt da sias delizias.

CHAP. V.

Il spus invida la spusa alla participaziun da seis bön. La oda la vusch da seis spus. La purità da quella. Ils plets della spusa allas giuentschellas, e viceversa. Ils lods del spus.

EU vegn in meis üert, sour mia, spusa, eu clej aint mia mirra, e mias spezias; mangia meis flidun, e meis meil; baiva meis vin, e meis lat. Amis, mangiai, bavai, e s' inavriai d' amurs.

2. Eu dormiva, ma meis cour vagliaiva, *ed eu udit* la vusch da meis ami, il qual pichaiva: Avra'm, sour mia, amia mia, mia colomba, mia püra! Perche meis cheu ais plain da ruschè, e mias vadaglias dels guots della not.

3. *Ed eu respondet*: Eu ha trat oura mia rassa, co la dess eu darcheu trar aint? Eu m' ha lavâ ils peis, co 'ls dess eu inaserar?

4. Meis ami mettet il man tras la fanestra, e meis intern as commovent incoenter el.

5. Eu alvet per avrir a meis ami, e meis mans gottaivan da mirra, e mia dainta da mirra şchetta sur il man della serradüra.

6. Eu avrit a meis ami; ma meis ami s' avaiv' agià retrat, eira passâ; eu eira persa via, cur el favlaiva. Eu il tşcherchet, ma non il chattet; eu il elamet, ma el non am respondet.

7. Ils guittaders, chi van intuorn la città, am battettan, am ferittan; las guardias della müraglia m' alvettan via meis caput.

8. Eu as seongür, figlias da Gerusalem, scha vus chattais meis ami, che dessat al referir? Ch' eu languesch d' amur.

9. Che ha teis ami ouravant ad *ün oter* ami, o la plü bella intanter las femnas? Che ha teis ami, ouravant ad *ün oter* ami, cha tü 'ns seongürast usche?

10. Meis ami *ais* alb e cotschen, resplendurind our da milli.

11. Seis cheu ais or finissem, sias vadaglias *sun* ritschas, nairas sco ün covv.

12. Seis ügls paran colombs sper auals d' aua, lavats in lat, tşchantats nellas inchavadüras *d' ün anè*.

13. Sias masellas sun similas ad ün' èra da spezias, a saifs d' odurs; seis lefs *paran* gilgias, e guottan da mirra şchetta.

14. Seis mans *paran* anels d' or, inchavats con berils; seis corp, ün artifiz d' öss d' elefant, covernâ con saffirs;

15. Sias chammas coluonnas da marmel, fondadas sün sostegns d' or; sia statura simila al Libano, excellenta sco 'ls ceders;

16. Seis palat *tuot* dutschezzas, tuot seis far amuraivlezza. Tal *ais* mi' amur, tal *ais* meis ami, o figlias da Gerusalem!

CHAP. VI.

Asgüraziun d' amur. Ils lods della spusa. L' ais suletta e püra; vain nominada paschaivla.

INGIOVIA get teis ami, o la plü bella intanter las femnas? Ingiovia s' ha vout teis ami? Nus il volain tşcherchar con tai!

2. Meis ami ais it giò in seis üert, pro las èras da spezias, per paschan-tar *sia scossa* nels üerts, e per cler aint gilgias.

3. * Meis ami ais meis, ed eu sun seis; el paschainta *sia scossa* tanter las gilgias.

* Cant. 2, 16. 7, 10.

4. Bella *est* tü, amia, sco Tirsa, daletaivla sco Gerusalem, ma straman-tusa sco *champs* con bandêras splajadas.

5. Volva teis ügls davent da mai, perche quels am fan spavent. Teis chavels *sun* sco üna scossa da chavras glisches da Gilead.

6. Teis daints *sun* similis ad üna scossa da nuorsas, chi vain our dal lavadoir, nuorsêras da gimels, ed ingüna tanter sainza früt.

7. * Tia fatscha, dadaint teis zindal, ais simil' ad ün mez pom granat.

* Cant. 4, 3.

8. Sesanta sun reginas, ed ottanta concubinas, e giuentschellas sainza number.

9. Ma üna ais mia colomba, mia püra, *ais* la suletta a sia mamma, e l' eletta a quella chi l' ha parturida.

Las giuvnettas la vezzan, e la celebreschan beada; las reginas eir, e las concubinas, e la lodan.

10. Chi *ais* quaista, chi 's mossa resplendurainta sco l'alba del di, bella sco la glina, püra sco 'l solai, stramentusa sco *champs* con bandêras splajadas?

11. Eu sun ida giò pro 'l zardin dellas nuschs, per vair las plantas verdaintas della val, per vair * *scha* las vits hüttessan oura ils buorvs, e e la bösch da poms granats la flur.

* Cant. 7, 12.

12. Eu non m'ha inacorta, cha meis desideri m'ha rendüda simila al charr d'Aminadib.

13. Tuorna inavo, tuorna, o Sulamita! Tuorna darcheu, tuorna, cha nus at vezzan. Che volais vus vair vi' alla Sulamita? Sco il saglir da duos tropas.

CHAP. VII.

La bellezza della spusa vi' a scodün da seis members; ella s'asgüra dell'amur del spus envers ella.

FIGLIA da princi, quant bels sun teis pass in *lur* şarpas! Las combladüras da tias cossas *sun* sco monils, lavur da man d'artischen;

2. Teis umbli *ais* üna tazza radonda, nella quala *mâ* non manca bavranda sapurida; teis vainter *ais* ün mantun gran, circondat con gilgias.

3. Tias duos tettas paran duos chavrets gimels.

4. * Teis colöz para üna tuor d'öss d'elefant; teis ögls las peşchaduoiras *chi sun* in Hesbon, sper la porta da Bat-Rabbim; teis nas para la tuor del Libano, chi guarda vers Damasco;

* Cant. 4, 4.

5. Teis cheu sur tai para il Carmel, e'ls chavels da teis cheu *sun sco* purpura, il rai, liâ da vadaglias.

6. Quant bella, quant plaschaivla est tü, *mia* amur, nellas dilizias!

7. Quaista tia statura *ais* simila ad ün bösch da palmas, e tias tettas a zocs d'*üja*.

8. Eu pens: Eu vögl raiver sül bösch da palmas, e'm vögl brancelar vi' a seis rams; e tias tettas saran uossa sco zocs della vit, e l'odur da teis nas sco la maila,

9. E tia bocca sco bun vin, chi lammamaing cula giò a meis ami, e fa tshantschar ils lefs da quels chi dorman.

10. Eu sun da meis ami, * e vers mai *ais* seis desideri.

* Ps. 45, 11. Cant. 2, 16.

11. Vè nan, meis ami, giain oura sün la cuttüra, passantain la not nels vihs.

12. Alvain sü la mattina *per ir* pro las vignas; guardain *scha* la vit flurischa, rumpa il chalsch, *scha* la bösch da poms granats ha hüttâ sia flur; là at vögl eu donar mi' amur.

13. Las mandragoras rendan odur, e sper nos üsch *sun* früts delizius d'ogni sort, novvs e vegls, *ils quals* eu t'ha salvâ sü, meis ami!

CHAP. VIII.

La spusa vül esser amossada tras il spus; ella sta appozada vi' ad el. Lur grand' amur.

L'ais üna vigna chi porta früt.

AH am füssast tü pür sco frar, chi ha tettâ vi' al sain da mia mamma! At chattess eu coura, schi't volless eu hütschar, e pür non gniss eu spretschada.

2. Eu at vögl manar, at vögl condür nella chasa da mia mamma; tü desast am mossar, ed eu at vögl dar da baiver del vin aromatic, del muost da meis poms granats.

3. * Seis man snester suot meis cheu, e seis man dret m'abbratscha.

* Cant. 2, 6.

4. Eu as seongür, * figlias da Gerusalem, cha vus non sdasdat sü *mi'* amur, non la rumpat il sön, fin cha la plascha!

* Cant. 2, 7.

5. Chi * *ais* quaista, chi vain sü dal desert, chi's appoza lammamaing sün seis ami? Eu t'ha svagliada suot ün mailêr; là tia mamma t'ha parturida, là parturit quella, chi t'ha tshantada nel mound.

* Cant. 3, 6.

6. Metta 'm sco ün sagè vi' a teis cour, sco ün sagè vi' a teis bratsch! Perche ferma sco la mort *ais* l'amur; düra sco l'infern *ais* la zelosia; sias braschlas *sun* braschlas da fö, flamma grandisma.

7. Bleras auas non gnissan a podair stüzzer quaišt' amur, ne flüms a la

najantar. Dess alchün tuot la sustanza da sia chasa per l' amur, ün non gniss a far stima d' el.

8. Nus avain üna sour, amo pitschna, chi non ha amo tettas; che volain nus far da nossa sour, cur ün vain a discuorer d' ella?

9. *Ais* ella ün mür, schi volain nus edificar lasura ün palazzi d' argient; ed *ais* ella ün üsch, schi la volain nus rinforzar con üna porta da ceder.

10. Eu sun ün mür, e mias tettas sun sco tuors; lura sun eu in seis conspet sco quella, chi chatta pasch.

11. Salomon avaiva üna vigna in Baalhamon; el la surdet a guardiants, scodün *d' els* dovaiva portar milli *siccals* d' argient per il früt da quella.

12. La mia vigna *ais* avant mai! Ils milli siccals sajan teis, Salomon, e duatschient dels guardiants del früt da quella.

13. Tü chi dmurast nels zardins! Amis sun attents a tia *vusch; fa'l *la* udir!

* Cant. 2, 14.

14. At retira lest, meis ami; a guisa d' ün chavret, o d' ün tsviervet giuven, sün ils munts dellas spezias!

IL CUDESCH

DEL

PROFET ESAJA.

CHAP. I.

Esaja repretenda l' ingratitudine, ed ostinadezza dels Güdeus. Il sem della baselgia ais conservâ tras la misericordia da Dieu. Deis rebütta las ceremonias externas ch' ün fa sainza cretta. In che consista la vaira felicità.

NISIUNS D' ESAJA, del figl d' Amos, las qualas el vezet davart Giuda, e Gerusalem, nels dis d' Uzia, da Jotam, d' Ahaz, e d' Hisehia, dels rais da Giuda.

2. Tadlai, tschels; e *tü*, terra, sporscha l' uraglia, perche il Segner favla, *dschand*: Eu ha trat sü infants, e 'ls ha nutrits, ma quels s' han rebelats conter mai.

3. Il bov cognoscha seis possessur, e l' asen il preseppan da seis patrun; ma Israel non ha cognoschenscha d' el, meis pövel non ha intellet.

4. Vae alla naziun pecaminusa, al pövel chargiâ d' iniquità, alla schlatfa dels maligns, als infants degenerats! Els han bandunâ il Segner, els han dispettâ il sanct d' Israel, s' han alienats e *vouts* inavo.

5. A che fin dessat vus amo plü gnir battüts? Vus gnissat a metter pro amo plü rebellun? Tuot il cheu *ais* amalâ, e tuot il cour *ais* flinch.

6. Dalla planta del pè fin alla testa non *ais* in quel san inguotta, ma feridas, e vernischs, e plajas chi culan, ne süjantadas, ne liadas sü, ne lamias con unguent.

7. Vos pajais ais desolâ, vossas citats sun arsas con fö; ils forestêrs consüman vos champ, in presen-

vossa, e *quaista* desolaziun *ais* sco üna subversiun *fatta* dad inimis.

8. E resta la figlia da Sion,* sco üna chamanna nella vigna, sco üna chasetta da sumbriva in ün üert da cucumers, sco üna città assediata.

* Rom. 9, 29.

9. Scha 'l Segner dels exercits non ans avess laschâ ün pitschen rimanent, schi füssan nus stats sco Sodoma, nus füssan stats similis a Gomorra.

10. Tadlai, redschadurs da Sodoma, il pled del Segner! Pövel da Gomorra, sporschai l' uraglia alla ledscha da nos Deis!

11.* A che ais per mai la quantità da voss sacrificizis? disch il Segner; eu sun sazi dels olocausts da bümatschs, e da grass da vadels ingrassats; e 'l sang da trims, e dad agnells, e da boes non am ais a plaschair. * Ps. 50, 8. 9. Ger. 6, 20.

12. Cur vus gnis per comparair in meis conspet, schi chi retschercha quaist da vus, cha vus chalachat meis cortils?

13. Non continuarai a portar offertas ingiannaivlas! Ils profüms am sun chos' abominabla; chalendas, e sabbats, e clamar oura raspadas, * eu non poss *portar* iniquità, e festa solenna *insembel*.

* Es. 61, 8. Gioel 1, 14.

14. Mi' orma üdiescha vossas chalendas, e vossas solennitats; ellas am sun in grevezza; eu sun stangel da las portar.

15. Perquai, * cur vus stendais oura voss mans, schi zop eu meis ögls da vus; multipliechais vus eir las

oraziuns, schi non las od eu; voss * mans sun plains da sang. * Es. 59, 3.

16. As lavai, as nettiai, mettai davent la malignità da vossas ouvras, our davant meis ögls, interlaschai da far mal!

17. Imprendai a far bö, tscherchai l' appussaivlezza, drizzai dacheu sü il squitschâ, fat rasehun al orfan, mantgnai il dret della vaidgua.

18. * Gni uossa pür, disch il Segner, e litiain insembel. Cur voss puchats sun sco la şcharlatta, els saran fats albs sco la naiv; cur els sun cotschens sco la purpura, els dvanteran sco la lana. * Es. 43, 26.

19. Scha vus volais obedir, schi desavens vus mangiar il bö della terra.

20. Ma, scha vus refusais, ed eschat rebels, vus sarat consumats dalla spada; perche la bocca del Segner l' ha favlâ.

21. * Co ais la città fidela d'vantada pitana? Ell' eira plaina d' appussai-vlezza, güstia dmuraiv' in quella, ed uossa omicides! * Ger. 2, 20, 21.

22. Teis argient ais d'vantâ şchüm-ma, tia bavranda ais masdada con aua.

23. Teis princips *sun* rebels, e compagns da laders; quels tuots aman ils preschaints, e van davo las recompensas; els non fan rasehun al orfan, e la causa della vaidgua non vain avant els.

24. Perquai, disch il Segner, il Segner dels exercits, il possant d' Israel: Ha, * eu am vögl pür reffar sur meis inimis, e 'm vögl vindichar vi' a meis adversaris. * Deut. 28, 63.

25. Lura vögl eu metter dacheu man sur tai, e 't vögl * purgiar da tias şchüm-mas sco *nel* tshendratsch, e metter d'vant tuot teis plom. * Ger. 6, 29.

26. Ed eu vögl stabilir dacheu teis redschadurs, sco da principi, e teis cosglêrs, sco al comanzamaint. Davo quaist sarast tü clamada: * Città da güstia, chastè fidel. * Zac. 8, 3.

27. Sion sarà spendrada tras dret, e quels chi saran convertits, tras güstia.

28. Ma ils rebels, e 'ls pechadurs *saran*, tants cha sun, smachats, e quels chi bandunan il Segner, saran consumats.

29. Perche vus sarat svergognats per ils ruvers, cha vus avais amâ, e confus per ils zardins, cha vus avais tschernü.

30. Perche vus sarat sco ün ruver, la föglia del qual spassescha, e sco ün zardin sainz' aua.

31. E 'l ferm dvanterà sco stoppa, e si' ouvra sco üna braschla, ed amenduos arderan insembel, e non *sarà* qua ingün chi stüdaint' il fö.

CHAP. II.

Il profet annunzia restoraziun della baselgia, e vocaziun dels pajans. Cristo ais governatur della baselgia, e regna in quella. Greva denunziaziun del güdizi da Dieu. Deis ais glorific'hâ, chastiand ils mals.

IL pled, cha Esaia, il figl d' Amos, avet in visiun davart Giuda, e Gerusalem.

2. Ma * dvanterà nels ultims dis, cha 'l munt della chasa del Segner sarà fermâ sün il plü ot dels munts, e sarà adoza sur ils muots, e tuot ils pövels vegnan a concuorrer pro el. * Mic. 4, 2.

3. E blers pövels van via, e dischan: * Gni, giain sü pro 'l munt del Segner, pro la chasa del Deis da Giacob; ed el ans dess mossar sias vias, e nus volain chaminar sün sias sendas! Perche la ledscha vain ad ir our da Sion, e 'l pled del Segner da Gerusalem. * Ger. 31, 6.

4. Ed el güdicha ils pövels, e cittescha avant bleras naziuns; * e quels our da lur spadas fabrichan zappas, ed our da lur lanschas fotschs; naziun non ozerà *plü* la spada contra naziun, e non vegnan ad imprendere plü la guerra. * Ps. 46, 10.

5. Chasa da Giacob, gni, e chaminain nella glüm del Segner.

6. Perche tü, *Segner*, hast bandunâ teis pövel, la chasa da Giacob, siand ch'els sun plains del oriain, e *sun* prognosticadurs sco 'ls Filistins, ed han applaschair vi' als infants dels forestêrs.

7. E lur pajais s' ha impli con argient e con or, tal ch'els han tesors sainza fin; lur pajais s' ha eir impli con chavals, ed han charra sainza fin.

8. Ultra quai, lur pajais s' ha impli con idols; l'ouvra da lur mans aduran els, quai cha lur dainta ha fat.

9. Ma il pövel vain inclinâ, e medemamaing ils homens onorats vegnan abbassats, perquai non als post perdunar.

10. Intra nel spelm, e t'azzoppa nella puolvra per il spavent del Segner, e per la gloria da si' otezza!

11. Ils ügls superbis del crastian saran abbassats, e'l sen grandêr della gliend sarà suottamiss; il Segner sulet sarà adoza in quel di.

12. Perche ün di tegna il Segner dels exercits conter tuot superbi ed ot, e conter tuot adoza, chi sarà abbassâ;

13. E conter tuot ils ceters del Libano, ils ots ed elevats, e conter tuot ils ruvers da Basan;

14. E conter tuot ils munts ots, e conter tuot ils muots elevats;

15. E conter ogni tuor ota, e conter ogni mür ferm;

16. E conter tuot las navs da Tarsi, e conter tuottas bellas formaziuns.

17. E la superbia dels crastians sarà suottamissa, e la grandaschia della gliend sarà abbassada, e'l Segner sulet sarà adoza in quel di.

18. Ed el sterminerà ils idols del tuot.

19. E la gliend * vain ad intrar nels cuvels dels spelms, e nellas fouras della terra per il spavent del Segner, e per la gloria da sia majestâ, cur el leva per surprendre la terra. * Os. 10, 8.

20. In quel di vain il crastian a bütar seis idols dad argient, e seis idols dad or, ils quals els avaiavan fat per ils adurar, avant las talpas, ed avant ils utschels mezmür,

21. Per intrar nellas fouras dels spelms, e nels cuvels dels sass, per il spavent del Segner, e per la gloria da sia majestâ, cur el leva per surprendre la terra.

22. Desisti pür dal crastian, nel nas del qual ais ün flâ! Perche, da quant pretsch e valütta ais el?

CHAP. III.

Il Segner imnatsch' a Gerusalem da levar via tuot quai chi ais necessari per la conservaziun d'üna città. Ils mals rais sun dats da Dieu per chastiar ils puchats della gliend. Imnatschas contra l'ambiziun, e luxuria dellas femnas da Gerusalem.

PERCHE, mera, il Segner, Deis dels exercits, piglia davent da Geru-

salem, e da Giuda, * ogni sostegn, ogni sostegn da pan, ogni sostegn d'aua, * Lev. 26, 26. Ger. 37, 21.

2. Il ferm, e'l guerrier; il güdich, e'l profet; e l'ingiavinadur, e'l seniur;

3. Il chapitani sur tschinquanta, e l'hom d'autoritâ, e'l cosglêr, e'l maister industrius, e l'hom incelegiantaivel nellas parts secretas.

4. Ed eu vögl tchantar giuvnets per lur princips, ed infants als des-san signorar;

5. E'l pövel as squitscherà suot l'ün l'oter, e scodün seis prossem; l'infant vain a superbiar conter il vegl, e'l bass conter l'onorâ.

6. Sch' alehtün piglia ün seis frar our dalla chasa da seis bap, dschand: Tü hast üna rassa, sajast nos princip, e saja quaista ruina suot teis man;

7. Schi vain el a remonstrar in quel di, dschand: Eu non poss esser meidi, ed in mia chasa non aise ne pan, ne vestimaint; non am constituerai princip del pövel!

8. Perche Gerusalem va in ruina, e Giuda crouda, perche lur lingua e lur ouvas sun conter il Segner, per clamar oura pro ira ils ügls da sia gloria.

9. Quai cha's cognoscha vi' a lur fatscha, testificha conter els, ed els fan public lur pucha * sco Sodoma, e non il zoppaintan. Vae a lur ormas! Perche els as preparan disfortüna. * Gen. 13, 13.

10. Dit dal güst, cha'l incontra bön; perche el gioda il früt da sias ouvas;

11. Vae al empi; il mal al vain, perche al sarà fatta la retribuiziun dell'ouva da seis mans.

12. Ils oppressurs da meis pövel sun infants, e donans il signoreschan. Meis pövel! Quels * chi't condüan at fan straviar, e fan ir a perdziun la via cha tü chaminast. * Es. 9, 15.

13. Il Segner compara per dispittar; e's presainta per güdiehar las schlat-tas.

14. Il Segner va in güdizi conter ils seniurs da seis pövel, e conter ils princips da quel; usche avais vus guastâ la * vigna; il butin del pover ais in vossas chasas. * Mat. 21, 23.

15. Che avais vus da smachar meis

pövel, e da batter las fatschas dels povers? Disch il Segner, il Deis dels exercits.

16. Ultra quai, disch il Segner: Perquai cha las figlias da Sion sun grandêras, e chaminan con colöz tais, e tschögnand cols ögls, e van via traplignand, e fan scelingiar las spangas vî a lur peis;

17. Il Segner vain a spalar oura la verschla del cheu dellas figlias da Sion; e'l Segner vain a scovernar lur verguogna.

18. In quel di vain il Segner a tour via l'ornamaint dellas spangas vî als peis; las pantoflas fattas ad arait, e las glînettas;

19. Las colanas, e'ls monils, e'ls zindals,

20. Las tschintas, e'ls liams da chamma, e las bindas, e las büschlas d'odur, e'ls uraglins,

21. Ils anels, e'ls monils pendants vî al nas,

22. Las rassas da festa, las schoecas, las mantellettas, e las taschas.

23. Ils spejels, e las chamischettas, e las barettas, e'ls lanzöls.

24. E dvanterà, in lö da bun' odur sarà quella da marscha, ed in pè da tschintüra, sdrammadüra, ed in lö da *chavels* ritschats, chalvezza, ed in lö da lada fatscha, tschinta da sach, in pè da bellezza, arsüra.

25. Tia gliend vain a crodar tras la spada, e teis homens potaints nella battaglia.

26. E las portas da Gerusalem plan-schan, fan cordöli, ed ella, deserta, giascherà per terra.

CHAP. IV.

Esaja mossa co sarà la ruina e desolaziun da Gerusalem. El metta pro ün cuffort per ils fidels, e demossa, qual sarà il reginam da Cristo in sia baselgia.

ED in quel di set donans as piglian ün hom, dschand: Nus volain mangiar nos pan, e'ns vestir con nossa vestimainta, solum lascha'ns portar teis nom; piglia via da nus il vituperi.

2. In quel di il * dsermügl del Segner sarà ad onur e gloria, e'l früt della terra ad otezza e magnificenza per quels d'Israel, chi sun scampats via.

* Ger. 23, 5. Zac. 3, 8.

3. E chi resta in Sion, e vanza in Gerusalem, sarà clamâ sanct, minchün chi ais scrit pro vita in Gerusalem;

4. Cur il Segner averà lavâ il brudgïom dellas figlias da Sion, ed averà nettiâ il sang da Gerusalem our da mez quella, tras il spiert da güdizi, e tras il spiert da destrucziun.

5. E'l Segner vain a crear sur tuot il spazi del munt Sion, e sur sias raspadas, * da di üna nüvla con füm, e da not splendor da fö sflammiand; perche e sarà protecziun sur tuot gloriüs.

* Ex. 13, 21.

6. Ed üna tenda sarà per sumbriva da di, *per s' ostar* dal chod, e per refugi e zoppel dalla razzada, e dalla plövgia.

CHAP. V.

Il profet represainta, suot figüra d'üna vigna, ils infinits benefizis da Dieu invers seis pövel, e lura la grand' ingratitudine da quel pövel, con ils güdizis chi han da sieuer. Particularas innatschas contra blers vizis e puchats. Tras estras naziuns vain el als sdür.

EU vögl chantar da meis ami, la chanzun da meis ami davart sia vigna. Meis ami avaiava üna * vigna, sün ün muot *grass sco ün corn* d'öli.

* Mat. 21, 33. Ps. 80, 8.

2. El la fet üna saif intuorn, e piglet davent las peidras, e l'implantet con vits nöblas, ed edificet üna tuor in mez ella, e fabrichet eir ün torchel; ed usche spettaiv'el, ch'ella fess üjas madüras, ma ella fet üjas solvadias.

3. Uossa dimena, abitants da Gerusalem, ed homens da Giuda, güdichai tanter mai e mia vigna!

4. Che's podaiva far plü a mia vigna, ch'eu qua non l'haja fat? Perche, spettand eu ch'ella fetscha üjas, fet ella üjas solvadias?

5. Ed uossa, eu's vögl far a savair quai ch'eu sun per far a mia vigna. * Eu vögl tour via sia saif, ch'ella saja pasculada sü; eu vögl rumper giò sia müraglia, ch'ella saja trapplada suot;

* Ps. 80, 13.

6. E la vögl redür in desert; la non dess gnir tagliada, ne chavada, cha charduns e spinas *qua* giajan sü; ed allas nüvlas vögl eu seomandar, cha non spandan giò plövgia sur ella.

7. Nempe la vigna del Segner dels exercits *ais* la chasa d' Israel, e 'ls homens da Giuda *sun* las plantaziuns da sia delizia. El ha spettâ appussai-vlezza, e mera plajas; güstia, e mera bragizi.

8. Vae a quels chi congionschan chasa pro chasa, ed approsman champ pro champ, fin cha non *ais qua plü* lö, e vus sulets *eschat* stazionats nel pajais!

9. Il Segner dels exercits m'ha *dit* suot l'uraglia: Scha las chasas magnificas non vegnan redüttas in desolaziun; e las grandas e bellas ad esser sainz'abitants!

10. Cur desch satretschas da vigna fan *solum ün* * bat, e 'l sem d'ün omer sarà *solum ün* efa. * Ezech. 45, 11.

11. Vae a quels chi levan la mattina a bun'ura per ir davo la bavranda, e la saira dmuran tard a *baiver*; *il* vin ils reşchoda.

12. E * pro lur convits vain la citra, e 'l psalter, il tambur, e la flöta e 'l vin, ma sün l'ouвра del Segner non guardan els, e non vezzan ils fats da seis mans. * Am. 6, 5. 6. Ps. 28, 3.

13. Perquai ais manâ meis pövel in preschun, non aviand cognoschenscha, e seis nöbels mouran da fam, e seis richs sechan da sait.

14. Perquai la sepultura s'ha slargiada, ed ha avert smasüradamaing sia gula, e la nöbiltà da Gerusalem, e sia ricchezza, e sia quantità, e quels chi fan festa vegnan qua ad ir giò.

15. * E 'l crastian sarà qua suottamiss, e l'hom sarà battü, e 'ls ögls dels superbis saran abbassats; * Es. 2, 9. 11, 17.

16. E 'l Segner dels exercits sta qua adoza tras güdizi; e 'l Deis sanct ais santificâ tras güstia.

17. E 'ls agnels vegnan a pascular sper lur stavels, e 'ls pelegriuns a mangiar ils lous deserts dels grass.

18. Vae a quels chi tiran nanpro l'iniquità con suas del vizi, e 'l pucha seo con cordas da charr;

19. Ils quals dischan: * Ch'el pür festina, e promova si' ouvra, cha nus *la* vezzan; e s' approsma, e 's complescha pür il cossagl del sanct d'Israel, cha nus *il* cognoschan. * Ger. 17, 15.

20. Vae a quels chi dischan al mal bön, ed al bön mal; chi fan our dallas şchürezzas glüm, ed our dalla glüm şchürezzas; chi fan our dal asch dutsch, ed our dal dutsch asch.

21. Vae a quels chi 's quintan sabis in lur ögls, ed inclegiantaivels pro lur maniar.

22. Vae a quels chi sun valerus in baiver vin, e baruns in masdar bavranda.

23. Chi güstifichan l'empi causa preschaints, e piglian als güsts lur raschun.

24. Perquai, sco cha la flamma da fö maglia la stoppa, e la sfiamgiada constüma il stram; *usche* sarà lur ragisch sco chosa marscha, e lur dsermügl svolerà sü sco la puolvra; perche els spretschan la ledscha del Segner dels exercits, e sdegnan il pled del sanct d'Israel.

25. Perquai ais invüdata l'ira del Segner contra seis pövel, ed el stend'oura seis man conter quel, e 'l batta, cha 'ls munts tremblan, e lur corps morts giaschan a guisa da scuadüras in mez las stradas. Pro tuot quai non s'ha quietada l'ira del Segner, ed amo ais seis man stendü oura.

26. Ed el oza üna bandêra allas naziuns lontanias, e schübla ad üna nan dall'extremità della terra; e mera, dandet e spert vain ella.

27. Tanter quellas non *sarà* alehün stangel, o debel; ne da sön, ne dormenzâ; la tschinta da lur flanes non as slargia, e la curaja dellas şcharpas non as rumpa.

28. Lur frizzas *sun* agüzzas, e tuot lur balaisters tendüts; las unglas da lur chavals sun quintadas sco pedras blauas, e las roudas *da* lur *charra* sco 'l trabagl.

29. Ellas han ün sbrüir simil a quel del liun, e sbrüjan sco liunets; ellas fan strepit, e dan man il butin, e 'l sdrappan davent, ed ingün non *il* spendra.

30. E quel di franturan ellas conter il pövel, sco frantur'il mâr; e guard'ün vers la terra, mera qua şchürezzas dell'anguoscha, e la glüm s'inşchürischa da lur nüvla.

CHAP. VI.

Il profet descriva la visiun, tras la quala el vain confirmà in sia vocaziun. El vain tramiss pro 'ls Güdeus per declerar lur surbantim, e rejeczion. El profetizescha dalla restoraziun della baselgia.

NEL an-della mort del rai Uzia vezzet eu il * Segner, chi sezzaiva stün ün ot ed elevà trun, e l' ur *da* sia *rassa* impliva il taimpel. * 2 Reg. 15, 5.

2. Serafins staivan stü sur el, e scodün dels avaiva ses alas; con duos governaiv' el sia fatscha, e con duos governaiv' el seis peis, e con duos svolai' el.

3. E l' ün clamaiv' al oter, e dschai-va: Sanct, sanct, sanct *ais* il Segner dels exercits; tuot la terra ais plaina da sia gloria.

4. E las chassas dels glims fütan squassadas per la vusch da quel chi clamaiva, e la chasa füt implida da füm.

5. Qua dschet eu: Ah pover mai, l' ais fini per mai! Perche eu *sun* hom da lefs malnets, ed abitesch in mez ün pövel da lefs malnets, e pür meis ögls han vis il rai, il Segner dels exercits.

6. Qua svolet ün dels serafins nan pro mai, aviand in seis man ün charbun invüdâ, *ch'* el avaiva tut con la zanga giò dal utër,

7. El l' approsmet a mia bocca, e dschet: Mera, quai ha toc teis lefs; uossa ti' iniquità ais tutta via, e teis pucha netiâ.

8. Lura udit eu la vusch del Segner, chi dschaiva: Chi dess eu trametter? E chi vain ans ir via? Qua dschet eu: Mera'm qui, trametta mai!

9. Ed el dschet: Vâ, e di a quai st pövel: * Tadlar pür dessat, ma non ineler, e guardar pür, ma na cognoscher. * Mat. 13, 14.

10. Tü dessast indürir il cour da quai st pövel, ed aggregar sias uraglias, e zügliar seis ögls; ch' el non vezza con seis ögls, e non oda con sias uraglias, e non inlea con seis cour, e ch' el non as convertescha, e non vegna guarì.

11. Ed eu dschet: Infin a cura, Segner? Ed el dschet: Fin tant, cha las cittats sun desoladas, sainz' abitants,

e las chasas sainza glied, e la terra ais redüta in desert, e desolaziun.

12. Perche il Segner fa ir davent la glied, e la suldanza ais granda sur terra.

13. Impero, *resta eir qua* in quella amo la deschavla part, schi sarà-la danöv consumada. Ma seo 'ls ruvers, e las querchas, gñand smerschas, han la ragisch in sai, *usche* il sem sanct averà sia ragisch.

CHAP. VII.

Gerusalem ais assediada tras Resin, il rai da Siria, e Peca, il rai d' Israel. Esaja ais tramiss pro Ahaz, il rai da Giuda, per il enffortar. Profetia della natività da Gesu Cristo.

MA dvantet * nels dis d' Ahaz, del figl da Jotam, del figl d' Uzia, del rai da Giuda, cha Resin, il rai da Siria, e Peca, il figl da Remalia, il rai d' Israel, gettan stü con man armâ contra Gerusalem, ma non la podetan venscher. * 2 Reg. 16, 5.

2. E quai füt refert alla chasa da David, dschand: Ils Siriers sun rivats ad Efraim; e l' cour d' Ahaz, e da seis pövel, füt commoventâ, seo la boſcha del god as movainta avant il vent.

3. Lura dschet il Segner ad Esaja: Vâ uossa our incenter ad Ahaz, tü e Schearjasub, teis figl, alla fin del * aquaduct della peſcharia sura, vers la strada pro l' champ del fulladur; * Es. 36, 2.

4. E di ad el: At inguarda, e stâ quiet; non at tmair, e teis cour non smarrischa per quai stas duos cuas da tizuns chi fuman, per l' arsaint' ira da Resin, e della Siria, e del figl da Remalia;

5. Siand cha la Siria, Efraim, e l' figl da Remalia han tut ün cossagl da mal conter tai, dschand:

6. Giain sü conter la Giudea, e fain-la temma, e la spartin tanter nus, e constituin rai in mez ella il figl da Tabeel;

7. Disch usche il Segner Deis: *Quai st* non averà lö, e non dvanterà.

8. Perche Damasco *ais* il cheu della Siria, e Resin *ais* il cheu da Damasco; ed, infra sesant' e tschinch ans, Efraim sarà smachâ, e non sarà plü ün pövel.

9. E Samaria *ais* il cheu d' Efraim,

e 'l figl da Remalia il cheu da Samaria. Non crajais vus, schi non eschat vus confortats.

10. E 'l Segner continuèt a favlar ad Ahaz, dschband:

11. At domanda ün signal dal Segner teis Deis; domanda 'l giò nel bass, o sü nell' otezza!

12. Ed Ahaz dschet: Eu non il vögl domandar, e non vögl provar il Segner.

13. Ed *Esaja* dschet: Taidla uossa, chasa da David: As *aïse* massa pac da travagliar la gliend, cha vus uossa travagliaïais eir meis Deis?

14. Perquai as darà il Segner svesch ün signal. * Mera, la vergine vain a concepir, e parturirà ün figl, e nominerà seis nom Immanuel. * Mat. 1, 23.

15. Painch e meil vain el a mangiar, fin ch' el sa reprobar il mal, e tscher-ner il bön.

16. Perche, ant cha quaist infant sa reprobar il mal, e tscher-ner il bön, sarà la terra desolada, la presenza dels duos rais della quala tū abomineschast.

17. Il Segner farà gnir sur tai, e sur teis pövel, e sur la chasa da teis bap, dis, seo ch' els *mâ* non sun gnüts, dal di davent * ch' Efraim as partit da Giuda, (cioè il rai dels Assiriers).

* 1 Reg. 12, 16.

18. E dvanterà in quel di, cha 'l Segner vain a clamar las muoschas, chi *sun* all' extremità dels flüms d'Egipto, e 'ls aviöls, chi *sun* nel pajais d'Assiria;

19. E quels vegnan, e 's tschaintan tuots nellas vals desertas, e nels cuvels dels spelms, e sur ogni spinatsch, e sur ogni pašchüra.

20. In quel di il Segner vain a rajar col rasuoir, tut a pretsch da là del flüm, (cioè col rai d'Assiria,) il cheu, e 'ls pails dels peis, ed eir la barba interamaing.

21. E dvanterà da quel temp, sch' alchün averà üna vacha giuvna, e duos nuorsas,

22. Per l'abundanza del lat guadagnâ vain el a mangiar gramma; perche chi *mâ* sarà restâ nel pajais, mangerà lat e meil.

23. E dvanterà da quel temp, ch'ogni

lò, ingio saran stattas milli vits, *del pretsch* da milli *siccals* d'argient; in spinas, e charduns sarà 'l redüt.

24. Là s' intrerà aint con frizza e con balaister; perche tuot la terra non sarà oter co spinas, e charduns.

25. E sün tuot ils munts, chi 's solai-va runcar con la zappa, non vainst ad ir per temma da spinas, e da charduns; els saran per *paschantar* ils bovs, e per esser trapplats dalla bescha.

CHAP. VIII.

Il Segner comand' ad Esaja, tras ün oter signal, da confirmar la prosma destrucziun dels regnams da Siria, e d'Israel, tras ils Assiriers; e d' exortar ils fidels Güdeus, da 's confidar in Dieu, interlaschand tuot mezs illicits; e d' annunziar extrema calamità als Güdeus, ed Israelits, empis, ed increduls.

Ed il Segner am dschet: At piglia ün grand fögl, e scriva sün quel con la penna d'hom: E festina il spogliar; e chatscha il butinar.

2. Ed eu vögl tour per testimonis *da quai* perdüttas fidelas, cioè il sacerdot Uria, e Zaccaria, il figl da Jeberechia.

3. Ultra quai, siand eu approsimâ via pro la profeta, ed aviad ella concepi, e lura parturi ün figl, schi 'm dschet il Segner: Metta 'l nom; e festina il spogliar; e chatscha il butinar.

4. Perche, ant cha 'l infant sapecha clamar: Meis bap, e mia mamma, schi vegnan las * ricchezas da Damasco, e 'ls butins da Samaria ad esser portats via avant il rai d'Assiria.

* 2 Reg. 15, 29.

5. E 'l Segner continuèt amo am favlar, e dschet:

6. Siand cha quaist pövel spretecha las auas quietas da Siloè, e s' allegra da Resin, e del figl da Remalia,

7. Perquai, mera, eir il Segner fa muntar sü sur els las auas, fermas e grandas del flüm, (cioè il rai d'Assiria, e tuot sia gloria), e quel vain ad ir sü sur tuot lur auals, e passerà sur tuot lur rivas;

8. E vain as chatschar inavant fin in Giuda, vain *a la* najantar, ad ir sura, ed a rivar fin al colöz, e las alas da quel vegnan as stender oura sur tuotta, quanta ch' ais la largüra da tia terra, Immanuel!

9. Fat pür lia tanter vus, o pövels, vus gnüs a desperar; vus tuots, chi eschat da lontans pajais, sporsechai las uraglias, pür as perderschai, vus gnüs a desperar.

10. Pigliai pür cossagl, el sarà redüt ad inguotta; dit pür il pled, el non averà effet; perche * Deis *ais* con nus. * Es. 7, 14.

11. Perche, usche am dschet il Segner, cur la forza da seis man eira sün mai, ed el m'ha mossâ, a non ir la via da quaist pövel, dschand:

12. Non dscharai congiura tuot quai cha quaist pövel disch congiura, e non tmarai quai ch'el temma, e non as stramântarai.

13. Santifichai il Segner dels exercits, el *saja* vossa temma, e vos spavent.

14. Ed el sarà per * santuari; ma eir per peidra d'intop, e per sass da şchampütsch allas duos chasas d'Israel; per latsch, e per rait als abitants da Gerusalem. * Ezech. 11, 16.

15. E blers * vegnan a trabüchar, e eroudan, e vegnan sfrislats, e vegnan illatschats, e prais. * Mat. 21, 44.

16. Serrapro la testimonianza, sagella la doctrina tras meis scolars!

17. Contuot vögl eu spettar sün il Segner, il qual solum zoppa sia fatscha dalla chasa da Giacob; e vögl avair spranz' in el.

18. Mera, * eu, e quaists pitschens infants, ils quals il Segner am det, eschan signals, e figüra in Israel, del Segner dels exercits, il qual avda sül munt da Sion. * Ebr. 2, 13.

19. E sch' els dischan a vus: Doman dai ils spierts da piton, e'ls ingiavinadurs, ils quals barbotan, e marmuognan, *schì respondai*: Non dess ün pövel domandar seis Deis? *Dess el ir* pro'ls morts per ils vivs?

20. Pro la ledscha, e pro la testimonianza; sch' els non tschantshan segund quaist pled, schi tschert non *ais* in els alchüna glüm della daman.

21. Ed els van intuorn per il pajais, aggrevats, e lamentats, e, cur han fam, as grittaintan els, e smaledeschan lur rai, e lur * Dieu; e guardan in ot; * Apoc. 16, 11.

22. Lura volvan els la vezzüda vers

la terra, e mera, tribulaziun, ed obsecurità, e şchürezzas d'anguescha; e saran chatschats vi'e nan nel şchür.

23. Perche * que ch'ais afflit non reterà in şchürezza. Sco cha'l temp prüim manet in tuorp il pajais da Zebulon, e'l pajais da Naftali, schi * quel ch'ais gnü davo ha remiss in onur *il pajais* vers il mâr, da là del Giordan, il contuorn dels pajans.

* 2 Reg. 15, 29. 17, 5.

CHAP. IX.

Dal profet vain annunziâ als vairs Israelits la delibraziun da tuot lur inimis spirituals tras Cristo. Il profet predisch allas desch schlattas lur extrema ruina causa lur puchats.

IL * pövel, chi chamina nellas şchürezzas, vezza üna granda glüm; la glüm splendurescha a quels, chi abiteschan nel pajais della sumbriva della mort. * Mat. 4, 16.

2. Tü multiplichast la naziun, adampchast si' allegrezza; quels s'allegran in teis conspet, sco s'allegra il cristian nella raccolta, * sco ch'ün fa festa cur as part' our ils butins. * Güd. 5, 30.

3. Perche tü rumpast il giuf, dal qual el eira chargiâ, e la percha, con la quala gnivan battüdas sias spaddas, e'l bastun da chi'l tirannizaiva, sco * al di da Midian. * Güd. 7, 21. Ps. 83, 10. Es. 10, 26.

4. Perche ogni armadüra dels armats nel combat e tumult, e la vestimainta rodlada nel sang vain arsa, e dvainta pašchüra del fô.

5. Perche * ün infant vain ans nasher, ün figl ans vain dat; e l'imperi ais *tschantâ* sün sias spadlas, e seis nom as clama müravglius, cosglêr, Deis ferm, bap dell'eternità, princip della pasch. * Es. 7, 14.

6. *Qua sarà* sainza fin adampehaint d'imperi, e da pasch sül trun da David, e sur seis reginam; per il stabilir e per il fermar in güdizi, ed in güstia dad uossa fin in eterno. * La zelosia del Segner dels exercits vain a far quaist. * 2 Reg. 19, 31.

7. Il Segner trametta ün pled conter Giacob, ed el vain a erodar sur Israel.

8. E tuot il pövel vain *al* savair, Efraim, e'ls abitants da Samaria, ils

quals dischan con superbia, e grandaschia da cour:

9. Ils quadrèls sun crodats, ma nus edificain darcheu con peidras tagliadas; ils figèrs solvadis gnittan tagliats giò, ma nus replantain ceders.

10. Ma il Segner adozerà ils inimis da Resin sur el, schi, el vain ad armar seis inimis.

11. Ils Siriers dal oriaint, e'ls Filiatins dal occidaint, quels vegnan a magliar Israel con bocca plaina, * pro tuot si' ira non s'acquieta, anzi seis man ais amo stendü oura.

* Es. 5, 25. Ger. 4, 8.

12. Ma il pövel non as convertescha pro quel chi'l batta, e non retschercha il Segner dels exercits.

13. Ed usche il Segner taglia giò in ün medem di dad Israel il cheu, e la cua; il ram, e la channa.

14. Ils seniurs, ed homens d'autorità *sun* il cheu, e'ls profets chi mosan menzögna, sun la cua.

15. Perche quels chi predgian beà quaiat pövel sun surmanadurs, e quels chi's persvadan d'esser beats, vegnan sdrüts.

16. Perquai il Segner non piglerà alchün dalet vi' a seis giuvens, e non averà compassiun da seis orfans, ne da sias vaidguas; perche tuots *sun* empis, e maligns, ed ogni bocca tschantescha chosas vituperusas. Pro tuot quai si' ira non s'acquieta, anzi seis man ais amo stendü oura.

17. Perche l'impietà arda sco ün fò; la maglia las spinas, e'ls charduns; la s'invüda nels plü spess böschs del god, cha que s'adoza's plajand, sco va sü il füm.

18. Per l'indignaziun del Segner dels exercits ais la terra * schüra, e' l pövel dvainta la spaisa del fò; il crastian non vain a schanajar seis frar.

* Es. 8, 23.

19. Ün sdrappa dalla dretta, ed ha fam; ün mangia dalla snestra, e non ais sadolà; * scodiün mangia la chorna da seis bratsch:

* Es. 49, 26.

20. Manasse *maglia* Efraim, ed Efraim Manasse, e tuots duos insembel sun conter Giuda. Pro tuot quai si' ira non s'acquieta, anzi seis man ais amo stendü oura.

CHAP. X.

Il profet annunzia ils güdizis da Dieu conter ils ingüsts güdichs. Lur' als Assiriers, chi superbaisan contra Dieu s vess. El imprometta salüd al rimanent dels vairs fidels, e'ls cufforta, cha lur afflicziun sarà cuorta.

VAE a quels, chi profereschan decretis ingüsts, e dicteschian ingiuria, ch' els s vess *avant* han scrit,

2. Per straviar dal güdizi ils povers, e per sdrappar davent l'appussaivel als misers da meis pövel, per cha las vaidguas dvaintan lur butin, e ch' els possan sgiarbar ils orfans.

3. * Che gnis vus a far al di della visita, e pro la desolaziun chi vain da lontan? Pro chi volais vus cuorrer pro agüd? Ed ingio gnis vus a lasechar vossa gloria? * Giob 31, 14.

4. Bandunats da mai vegnan els as inclinar suot ils preschunêrs, ed a erodar suot ils mazzats. Pro tuot quai si' ira non s'acquieta, anzi seis man *ais* amo stendü oura.

5. Vae ad Assur; * la percha da mi' ira, e' l bastun ch' els han in man, *ais* da mia indignaziun.

* Ger. 51, 20.

6. Eu il vögl trametter conter ün pövel profan, e' l vögl dar commissiun conter il pövel da mia furia, per spogliar butins, per sdrappar praja, e per il chalechar suot, sco la büergia dellas stradas.

7. Ma el non s'impaisa usche, e seis cour non stima usche, anzi l'ha nel sen da sdrüir, e da sterminar pövels in quantità.

8. * Perche el vain a dir: Meis principis non *sun* els rais quants chi sun?

* 2 Reg. 18, 24. 33.

9. Non ais * Calno sco Carehemisch? Non *ais* Hemat sco Arpad? Non *ais* Samaria sco Damasco? * Amos 6, 2.

10. Sco cha meis man challet ils reginams dels idols, las imaginas dels quals *eiran* in mêt number, co a Gerusalem, ed a Samaria;

11. Non dess eu far a Gerusalem ed a seis idols, sco ch' eu fet a Samaria, ed a seis idols?

12. Ma que dvanterà, cur il Segner averà compli tuot si' ouvra * vi' al munt Sion, ed in Gerusalem; ch' eu fetsch il chastiamaint del früt della grandaschia del cour del rai dels

Assiriers, e della gloria della superbia da seis ögls: * Ger. 50, 18.

13. Perche el disch: Eu ha fat *quai-stas chosas* tras la forza da meis mans, e tras mia sapienza, siand ch'eu sun inclegiantaivel; eu movet davent ils confins dels pövels, e butinet lur tesors, e, sco possant, mettet en giò quels ch' eiran *siils truns*.

14. E meis man chattet, sco ün gnieu, las richezzas dels pövels, e sco 's rap-spa insembel ovs bandunats, usche raspet eu tuot la terra, e qua non füt ingün chi avess moventà l'ala, o avri la bocca, e pieulà.

15. Vain la sgür as gloriar conter quel chi taglia con ella? Vain la res-gia as magnifichar conter quel chi la maina? Sco scha la percha maness quel chi l'oza, sco scha'l bastun adozezz l'hom?

16. Perquai trametta il Segner, il Segner dels exercits, la maigrezza sün seis grass, e suot sia gloria invüd' el ün incendi, sco ün incendi da fö.

17. E la glüm d'Israel dvanterà ün fö, e seis sanet üna flamma, chi arda, e maglia sias spinas, e seis charduns, in ün di.

18. Ed el vain a constimar la gloria da seis god, e da seis üert, vi' all'orma e vi' alla charn, e sarà *con el* sco cur ün malsan ais miss in deruotta.

19. E'l rimanent della boşcha da seis god sarà in *pitschen* number, ch'ün infant vain al podair metter in serit.

20. E dvanterà in quel di, cha'l rimanent d'Israel, e quels della chasa da Jacob, chi saran scampats via, non continueran as appozar sün quel chi'ls battaiva, anzi s'appozan stül Segner, il sanct d'Israel, con vardà.

21. Il rimanent as convertescha, il rimanent da Jacob pro'l Deis ferm.

22. * Perche, schabain teis pövel, o Israel, füss sco'l sablun del mâr, *solum* ün rimanent da quel as convertescha; il consüamaint ais determinà, la güstia inuonda. * Rom. 9, 27.

23. Perche il Segner Deis dels exercits eseguischa destrucziun e sentenza in mez tuot il pajais.

24. Perquai disch il Segner Deis dels exercits usche: Meis pövel, chi

aydast in Sion, non at tmair dal Assirier! El at battet con la percha, ed adozet seis bastun sur tai, nella maniera d'Egipto.

25. Perche infra qui e bain pac temp sarà l'indignaziun gnüd'a fin; e mi' ira's *volva* alla destrucziun da quels.

26. Lura il Segner dels exercits leva sur el ün flagell, * sco *füt* la plaja da Midian pro la peidra del Oreb; e sia percha *sarà* sur il mâr, ed el l'adoza nella maniera d'Egipto.

* Güd. 7, 22, 25.

27. E dvanterà in quel di, seis charg ceda giò da tia spadla, e seis giuf giò da teis colöz, e'l giuf as rumpa per causa del * grass onschü.

* Ps. 105, 5. Dan. 9, 24.

28. El vain in Ajat, ais passà in Migron, in Micmas ha'l miss insaly si' üsaglia.

29. Els passan il pass; Geba *ais* lur quartier da not; Rama trembla, Gibe-a da Saul fùgia.

30. Bragia dadot con tia vusch, o figlia da Gallim! *E tü*, povra Anatot, guarda attentamaing vers Lais via.

31. Madmena's metta alla fùgia, ils abitants da Gebim as vöglian salvar in prescha.

32. El as ferma amo quaist di in Nob, lura mova'l seis man *conter* il munt della figlia da Sion, *conter la* muotta da Gerusalem.

33. Mera, il Segner, il Deis dels exercits, trunca ils rams con violenza, e'ls plü elevats *vegnan* tagliats giò, e'ls ots cupichats.

34. E vain tagliada da pè via col fier la plü spessa boşcha del god, e'l Libano crouda tras *il man d'ün* possant.

CHAP. XI.

Il profet mossa, cha Cristo dess gnir dalla chasa da David. L'offizi, e virtù da Cristo. La vocaziun dels pajans. Pasch e concordia inter quels, chi sun nella baselgia da Cristo.

E vain a gnir * üna manzina our dalla tschücha d'Isai, ed üna plantetta vain a crescer our da sias ragischs.

* Es. 53, 2.

2. E'l spiert del Segner vain a posar sur quel; il spiert da sapienza ed intellet, il spiert da cossagl, e da fermezza; il spiert da cognoschenscha, e da temma del Segner.

3. E seis plasehair ha'l nella temma del Segner, ed el non vain a güdichar seguond la vezzüda da seis ögls, e non renderà raschun seguond l'udi-da da sias uraglias.

4. El güdicha con güstia ils povers, e renda raschun in appussaivlezza als bandus della terra, e vain a batter il pajais con la percha da sia bocca, e mazza * l'empi col flà da seis lefs.

* Giob 4, 9.

5. La güstia ais la tschinta da seis flanes, e la vardà la tschinta da seis ranuogls.

6. * Lura dmura il luf pro l'agnè, e'l pardel giascha pro l'usöl, ed il vadè, e'l liunet giuven, e la bestia ingrassada; tuots insembel, ün pitschen infant ils maina.

* Es. 65, 25.

7. Ela vacha, e l'uorsa pasculeschan, e lur giuven giaschan insembel, e'l liun sco'l bov maglia stram.

8. E'l infant da tetta as giovainta sün la foura dell'aspide, e'l zavrà stenda il man nel cuvel del basilisc.

9. * *Quaistas bestias*, in tuot il munt da mia santità, non fan dan, ne guast; perche la terra ais plaina della cognoschenscha del Segner, a guisa cha las auas covernan il mâr.

* Giob 5, 23.

10. * E dvanterà in quel di, cha'ls pajans retscherchan la ragisch d'Isai, chi sta drizzada sü per bandèra dels pövels, e seis repos ais gloria.

* Rom. 15, 12.

11. Ultra quai, dvanterà in quel di, qua metterà il Segner per la seguonda vouta il man ad acquistà il rimanent da seis pövel, chi sarà restà * d'Assur, e d'Egipto, e da Patros, e da Cus, e d'Elam, e da Sinear, e d'Hemat, e dallas inslas del mâr.

* Zac. 10, 10.

12. Ed el adoza üna bandèra allas naziuns, e raspa ils schatschats d'Israel; ed ils dispers da Giuda maina'l a mantun dals quatter chantuns della terra.

13. * Lura ceda la zelosia d'Efraim, ed ils inimis da Giuda saran drüts; Efraim non ha plü zelosia a Giuda, e Giuda non ais plü inimi d'Efraim;

* Ger. 3, 18.

14. Anzi congiuntamaing vegnan els

a svolär adöss als Filistins vers occidaint, e vegnan a butinar insembel ils figls del oriaint; els stendan lur man sur Edom, e Moab; e'ls figls Ammon als obedeschan.

15. E'l Segner vain a sechantar sü la lengua del mâr d'Egipto, e vain a squassar seis man sur il flüm nella forza da stratem; e vain al batter in set rams, ch'ün *qua* chamina tras con las scharpas.

16. Quai vain eir ad esser üna strada per il rimanent da seis pövel, chi sarà vanzà d'Assur; sco ch'ella füt üna per Israel, nel di, ch'el tret sü our dal pajais Egipto.

CHAP. XII.

Esaja exortescha tuots fidels ad ingraziar al Segner. Mossa, qual saj' il fondamaint da nos salüd.

E tü vainst a dir in quel di: Eu at vögl celebrar, o Segner, perche tü est stat adirà conter mai, ti' ira s'ha vouta, e tü m' hast cuffortà.

2. Mera, Deis *ais* meis salüd; eu stund da confidanza, e non am stramaint, perche il Segner Deis * *ais* mia forza e *mia* chanzun, ed ais stat meis salüd.

* Ex. 15, 2.

3. E vus gnis a tenscher sü *quas* con allegrezza our dallas fontanas del salüd;

4. E gnis a dir in quel di: * Celebrai il Segner, predgiai oura seis nom, fat a savair seis fats tanter ils pövels, raschunai, cha seis nom ais ot;

* 1 Cron. 16, 8. Ps. 105, 1.

5. Psalmiai al Segner, perche el ha fat chosas gloriusas; quaiست saja cognoschü per tuot la terra.

6. * Abitanta da Sion, clama dadot per allegrezza, e chanta! Perche grand ais in mez tai il sanet d'Israel.

* Es. 54, 1.

CHAP. XIII.

Esaja profetizescha la subversiu del imperi da Babilon, tras ils Meders, e Persiers, davo la quala, col temp, vegn'a sieuer la destrucziun della città.

IL * carie da Babilon, il qual vezzet Esaja, il figl d'Amos.

* Es. 21, 1.

2. Alvantai la bandèra sün ots munts, adozai la vusch vers quels, squassai il man, e *dit*, cha intran nellas portas dels principis.

3. Eu ha dat commissiun a meis deputats e clamâ, per *eseguir* mi' ira, meis *homens* potaints, ils homens chi triunfan da mi' otezza.

4. L' *ais* üna romur da quantitâ süls munts, simil a quella d' ün grand pövel; l' *ais* üna romur resonanta da reginams e da naziuns raspadas; il Segner dels exercits rassegna seis exercit da guerra.

5. Il Segner, e 'ls instrumaints da si' indignaziun vegnan da lontan pajais, dall' extremitâ del tsel, per sdrür tuot la terra.

6. Ürlai, perche 'l di del Segner ais vicin; el vain seo ün * guastamaint, *fat* dal Omnipotaint. * Gioel 1, 15.

7. Perquai dvaintan tuot ils mans stangels, ed ogni cour uman ais disconcertâ.

8. Els sun smarrits, surprais da tormaints, e döglias; els saintan dolurs, seo la duonna chi parturescha; sun stramits; *as guardan* l' ün l' oter; lur fatschas svampan seo flammass.

9. Mera, il di del Segner vain, *di* crudel, d' indignaziun, e d' ira invüdata, per metter la terra in desolaziun, e per sdrür davent da quella ils pechadurs.

10. Perche las stailas del tsel, e sias constellaziuns non laschan splendorir lur glüm; il solai vain schür pro seis alvar; e la glüna non lascha splendorir sia glüm.

11. Ed eu, *disch* il Segner, chasti il muond per *sia* malizia, e 'ls empis per lur iniquità, eu fetsch ceder la grandezza dels superbis, e bat a terra la superbia dels violents.

12. Eu vögl far, ch' ün crastian sarà plü rar co or fin, ed ün hom plü co or d' Ofir.

13. Perquai vögl eu squassar il tsel, e la terra tremberà da seis lö per l' indignaziun del Segner dels exercits, e per il di, cha arda si' ira.

14. E quels saran seo ün chavret schatschâ, e seo bescha, ch' ingün non raspa; seodün as volva pro seis pövel, e seodün fùgia in seis pajais.

15. Chi vain challâ sarà forâ tras; e chi vain sursagli croderà tras la spada.

16. E lur infantets gnaran sfrislats

avant lur ögls; lur chasas robadas, e lur mugliers sforzadas.

17. Mera, eu sdasd sü conter els ils Mediers, chi non fan stima del argient, e non han dalet del or.

18. E con *lur* balaisters sfrislan els ils giuvens, e non han compassiun del früt del vainter, e lur ögl non sheanaja ils infants.

19. E Babilon, la gloria dels reginams, la magnificenta supèrbia dels Caldeers, sarà, seo Deis subvertit Sodoma, e Gomorra.

20. Ella non vain mâ *plü* in pè, ne sarà abitada in alchüna età; Arabiers non tendan qua lur chamannas, pasters non fan qua lur stavels.

21. Qua vegnan a giaschair bestias del desert, e lur chasas saran plainas da tschuettas, ed ils utschels abiteran qua, e qua vegnan a saglir ils demunis.

22. Ils gufos üerlan in lur chasuns; e vuolps in *lur* palazzis da dalet. Ma 'l temp da quella *ais* vicin, e seis dis non vegnan prolungats.

CHAP. XIV.

Il retourn dalla preschun da Babilon vain predit con la vocaziun dels pajans, e lura tras üna fuorma da derisiun profetizescha il profet la ruina da Babilon, e dels Assiriers, e la destrueziun dels Filistins tras Hischia.

PERCHE il Segner ha compassiun da Giob, e vögl amo bain ad Israel, e 'ls farà returnar in lur terra; e 'ls esters as congionsechan con els, e s'accompagnan alla chasa da Giacob.

2. E 'ls pövels ils piglian, e 'ls condüan pro lur lö, è la chasa d' Israel vain als possidair nella terra del Segner per famagls, e per fantschellas; els tegnan in preschun quels chi 'ls tgnaiavan in preschun, e signoreschan sur lur oppressurs.

3. E, scha lura il Segner t' averà dat repos da tia fadia, e da tei contuorbels, e dalla düra servitü, nella quala tü stovettast servir,

4. * Schi vainst a tour quaista chanzun *in tia bocca* davart il rai da Babilon, e vainst a dir: Co interlascha l' etschader? Co *ais* a fin il tribut?

* Ab. 2, 6.

5. Il Segner ha ruot il bastun dels empis, la percha dels dominaturs,

6. Quel chi nella furia battaiva ils pövels con bottas, cha non podaivan guinehir; chi signoraiva sur ils pajans con ira, ils perseguitand sainza interlasch.

7. Tuot la terra ais in pos, e quai-dezza; *la glieud* fa strasunar güvel d'allegrezza.

8. Eir pins, e 'ls ceders del Libano s'allegran da tai, *dschand*: Davo cha tü est stat terrâ, non vain ingün sü conter nus, per ans tagliar.

9. L'infiern giò suot ais moventâ per tai, *a gnir* incounter sün tia vgnüda; el ha moventâ ils gigants, tuots principals della terra avant tai; el fa alvar sü da lur truns tuot ils rais dellas naziuns.

10. Quels tuots piglian il pled, e 't dischan: Eir tü est indebli sco nus, est dvantâ simil a nus?

11. Tia superbia ais passada, ida giò nel infern, e 'l sun da teis psalters; suot tai ais fat ün let con verms, e vermets sun tia coverta.

12. Co est tü erodâ giò dal tsel, o staila della daman, figl dell'alba! *Co* est tü tagliâ giò, *e büttâ* a terra, tü chi erodaivast sur ils pövels a 'ls indeblir!

13. E pür dschaivast tü in teis cour: Eu vögl ir sün tsel, vögl adozer meis trun sur las stailas da Dieu, e vögl zer sün il munt della raspada, dallas varts vers il settentrion.

14. Eu vögl muntar sün ils lous ots dellas nüvlas, am fetsch sumgiant al Otissem.

15. Impero est tü challâ giò nel infern, nel fuond della fossa.

16. Quels chi 't vezzan at guardan, e 't considran, *dschand*: Ais quaist quel hom, chi faiva tremblar la terra, e squassar ils reginams?

17. Il qual ha redüt il muond simil ad ün desert, ed ha sdrüt sias cittats, e non ha slargiâ seis preschunêrs, *per ils laschar* ir a chasa?

18. Tuot ils rais dels pövels, quants cha sun, giaschan in gloria, scodün in sia sepultura;

19. Ma tü est büttâ via, sainza fossa sco üna manzina abominabla; covert con mazzats, forats tras dalla spada, chi van giò pro las peidras

della fossa sco ün corp mort, trapplâ suot.

20. Tü non vainst a gnir uni con els nella sepultura; siand tü hast dazipâ tia terra, mazzâ teis pövel; il sem dels malfatturs non sarà nominâ in perpetuo.

21. Perderschai pro a mazzar seis infants per l'iniquità da lur baps, acio ch'els non levan sü, e possideschan la terra, ed implan con inimis la sur-fatscha della terra.

22. Eu m'vögl far sü conter els, disch il Segner dels exercits, e sterminar da Babilon nom, e rimanent, figl, ed abiadi, disch il Segner,

23. E * la vögl redür in abitaziun da porchs spinus, ed in palüds d'aua, e la vögl spazzar con scuas da destrucziun, disch il Segner dels exercits.

* Es. 34, 11. Sef. 2, 14.

24. Il Segner dels exercits güra, *dschand*: Scha usehe non dvainta, sco m'ha impissâ, e *scha* 'l fat non ais miss in effet seguond il cossagl ch'eu ha tut,

25. *Ch'ais* da sfrislar l'Assirier in mia terra, e da 'l chalchar suot sün meis munts tal, cha seis giuf saja tut via da quels, seis incaric d'avent da lur spadias.

26. Quaist *ais* il cossagl tut conter tuot la terra, e quaist il man, stendü oura conter tuot ils pövels.

27. Perche il Segner dels exercits * ha fat il cossagl; e chi 'l podess annullar? E seis man *ais* stendü oura; e chi 'l farà volver?

* 2 Cron. 20, 6.

28. Quaist carie füt *revelâ* nel an * cha morit il rai Ahaz.

* 2 Reg. 16, 20.

29. Non t'allegrar, o Filistea tuotta, cha * la percha da quel chi 't battaiva saja ruotta! Perche our dalla ragisch della serp vain ün † basilise, e seis früt ais ün serpaint chi svoula.

* 2 Cron. 26, 6. † 2 Reg. 18, 8.

30. Lura pasculeschan ils primogenits dels povers, e 'ls bsögnus giaschan in sgürezza; ma eu lasch morir fam tia ragisch, e quel vain a mazzar teis rimanent.

31. Üerla, o porta! Bragia, o città! At consüma, o Filestea tuotta; perche ün füm vain dal settentrion; ed ingün non vain a star in sias abitaziuns.

32. E che 's dess responder als am-baschadurs dellas naziuns? Cha 'l Segner ha saldâ Sion, e ch' in ella 's reduian in salvamaint ils povers afflits da seis pövel.

CHAP. XV.

Esaja predisch il guastamaint, e las grevas calamitats dels Moabits tras ils Assiriers.

IL carie da * Moab. Tschert, Ar da Moab ais desertâ, e sdrüt sur not; tschert sur not ais desertâ, e sdrüt Chir da Moab.

* Ger. 48, 1.

2. Ün va sü pro 'l taimpel, e Dibon pro 'ls lous ots con cridar; Moab vain ad ürlar pro Nebo, e pro Medeba; tuot sias testas saran chanuossas, ed ogni barba sarà rasa.

3. Quels vegnan as tschintar con sachs süin lur stradas; tuots, quants cha sun, vegnan ad ürlar süin lur tets, e süin lur plazzas, as consumand con cridar.

4. * Hesbon, ed Eleale bragian; lur vusch as oda fin a Jahas; perquai fa il pövel da guerra da Moab ün grand bragir, lur orma s' ha smarrida.

* Ger. 48, 5.

5. Meis cour bragia per Moab; seis fugitivs *sun fugits* fin a Soar, *sco* üna trimma da trais ans; perche ün vain ad ir con cridar sü per la muntada da Luchit, e vain ad alvar ün bragizi da fracasch lung la via d' Horonaim.

6. Perche las auas da Nimrim *sun redüttas* in lous deserts, e l'erbasecha, e la ravitscha manca, e non ais *plü* alchüna verdüra.

7. Perquai, che cha sarà reservâ, e che ch' ais miss in salv, sarà portâ nella val dels Arabiers.

8. Siand cha 'ls bragizis han increasâ ils confins da Moab, seis üerl *ais it* fin ad Eglaim, seis üerl fin a Beer-Elim.

9. E las auas da Dimon *sun implidas* con sang; perche eu met pro *mals sur mals* a Dimon; *eu tramet* ün liun conter quels chi sun scampats via da Moab, e conter il rimanent del pajais.

CHAP. XVI.

Il profet exorta ils Moabits ad üsar benignità invers ils povers Güdeus afflits con l'impromissün, cha eir els averan part della benedicziun del reginam da Cristo. Lura predisch el ad els ün' extrema desolaziun infra il term da trais ans.

TRAMETTAI l'agnè da quel chi dominescha nel pajais da Sela, tras

il desert pro 'l munt della figlia da Sion.

2. E dvanterà, cha las filias da Moab saran pro 'ls pass del Arnon, *sco ün utschè* chi svoula vi' e nan, *sco üna gnienada* şchatschada.

3. Piglia cossagl, o Moab, fà üna decisiun; fà cha tia sumbriva da not saja *sco* da bel mezdi; zoppa quels chi sun şchatschats, non palesar ils fugitivs.

4. Quels da meis pövel chi sun şchatschats, ch' els dmuran pro tai, o Moab, als sajast ün zoppel avant il guastadur! Perche quel chi üsaiva oppressiuns vain almain, e 'l dazipamaint finirà, e quels chi trapplaivan suot *ils oters* saran consumats davent dalla terra.

5. Usche vain il trun stabili in benignità, e süin quel sezza, stabel nella chasa da David, ün, chi güdicherà, e retschercherà raschun, e sarà pront a far güstia.

6. Nus avain inclet la superbia da Moab, chi ais grandamaing superbi, sia superbia, e sia grandaschia, e sia indignaziun; sias menzögnas, chosa vana.

7. Perquai, l' ün Moabit vain ad ürlar per l'oter; tuots, quants *cha sun*, üerlan; vus gnis a suspürar per ils fondamaints da Chir-Hareset, essendo svesse ferits.

8. Perche las champagnas d' Hesbon, e las vignas da Sibma, langueschan via; ils patrüns dellas naziuns han sfrislâ las vits excellentas da quella, *chi* rivaivan fin a Jaezer, e scurrivan qua e là per il desert, e sias manzinas, *chi* 's stendaivan oura, e passai-van da là del mâr.

9. Perquai * crid eu con il cridar da Jaezer per las vignas da Sibma, o Hesbon, ed Eleale, eu 't vögl bagnar con mias larmas, perche ils bragizis d' allegrezza per teis früts da stâ, e per tia raccolta sun gnüts almain.

* Es. 15, 5.

10. Il dalet, e la festa ais tutta via dal champ früttaivel; e non as chanta, ne güvla *plü* nellas vignas; quel chi squitscha il vin non il squitsch' oura *plü* nellas tinnas; eu fetsch re-füdar il bragizi dad ardimaint.

11. Perquai planscha meis intern a guisa da citra per Moab, e meis daint per Chir-Ilares.

12. E dvanterà, combain Moab as presainta, e s' sfadaja sün *seis* lö ot, e vegna pro seis santuari per far oraziun, pür non vain el a podair effectuar *inquotta*.

13. Quaist ais il pled cha 'l Segner ha dit conter Moab da vegl temp.

14. Ed uossa favla il Segner, dschand: Infra trais ans, ch' *ais il term* dels ans d' ün famagl tut a pretsch, la gloria da Moab sarà spretschada, insembel con tuot *sia* granda quantità da pövel, e 'l rimanent *sarà* da pac nomber, pitschen, e na grand.

CHAP. XVII.

Profezia conter Damasco, e seis reginam tras ils Assiriers, sco eir conter las desch schlattas d' Israel, dals quals però alchüns chi s' converteschan vegnan a restar. La deruotta dels Assiriers tras l' angel.

IL carie da * Damasco. Mera, Damasco vain tutta via, e redüta a non esser plü città, e sarà ün munt da ruinas. * Ger. 49, 23.

2. Las cittats d' Aroer *saran* bandunadas; consegnadas allas scossas, chi giascheran *qua*, ed ingün non *las* spüvainta.

3. E la fortezza in Efraim gnarà almain, e 'l reginam in Damasco, e nel rimanent della Siria; als giarà sco alla gloria dels infants d' Israel, disch il Segner dels exercits.

4. E dvanterà in quel di, cha la gloria da Giacob sarà diminuida, e la grassüra da sia charn vain maigra.

5. E sarà *ad els* sco cur il tshuncader clea insembel la mess, e con seis bratsch tshunca via las spias; sarà sco cur as clea sü las spias nella val da Refaim.

6. Impero resteran in quel alchüns zocs, sco cur as squassa l' olivêr, *cha restan* duos, o trais olivas nella tshimma del bösch, e quatter, o tschinch nels rams früttaivels, disch il Segner Deis d' Israel.

7. In quel di guarda il crastian darcheu sün quel chi l' ha fat, e seis ögls guardan vers il sanct d' Israel.

8. El non guarda *plü* vers ils utêrs, l' ouvra da seis mans; e non guarda

sün quai cha sia dainta ha fat, ne sün Astartes, ne sün imaginas.

9. In quel di saran sias cittats fermas sco rams, e böschetta bandunada; perche els saran bandunats dalla presenza dels infants d' Israel, e qua sarà desolaziun.

10. Perche tü smanchettast Deis da teis salüd, e non at regordettast del spelm da tia fortezza; perquai implantettast tü plantas bellismas, e semnettast sem forestêr.

11. Da di fettast crescher quel ch' avavast implantâ, e la mattina dsermügliar quel ch' avavast tschantâ; ma ils rams vegnan a gnir squassats al di della deblezza, e qua sarà döglia incurabla.

12. Ha! La blerüra da grand pövel, *chi* romuran sco 'ls mâr, e la blerüra strasunanta dellas naziuns, *chi* strasunan a guisa d' auas grossas.

13. Las naziuns strasunan a guisa da grandas auas, ma *Deis* las slama, ed ellas fugian dalönsch, chatschadas sco la puolvra dels munts avant il vent, e sco üna balla avant il trabagl.

14. Al temp della saira, mera, contuorbel; ant vegna la mattina non sun els *plü*. Quaist' *ais* la part da quels chi 'ns spoglian, e la sort da quels chi 'ns sgiarban.

CHAP. XVIII.

Profezia conter ils Etiopiers, als quals però ais inpromiss part della grazia da Dieu, e da sia cognoschentscha, e servezzen suot l' evangeli.

HA! Il * pajais chi fa sumbriva con las alas, *chi ais* da là dels flüms d' Etiopia; * Es. 20, 4.

2. Chi trametta mess per il mâr, ed in vashels da channa sün las auas, *dschand*: It, mess sperts, pro 'l pövel da lunga statura, e sainza pails; pro 'l pövel spaventabel, *chi ais* pövel plü dalönsch co quel; pro 'l pövel rasâ qua e là, e trapplâ suot; la terra del qual ils flüms sdrappan davent.

3. *Vus* tuot ils avdadurs del muond, e *vus* ils abitants della terra; cur vain adoçada la bandêra süls munts, schi guardai sü, e, cur vain sunâ la trombeta, schi tadiai!

4. Perche usche m' ha dit il Segner: Eu vögl star quiet, e vögl guardar, *dmurand* in mia stanza; pro chalur

clera in splendur da solai; pro nîvla *chi porta il ruschè* nella chalur della raccolta.

5. Perche avant la mess, cur *la vit* ha finì da metter oura il dsü, e la flur ais gnüda früt, ch' ella va inavant as madürand, schi vain *Deis* a tagliar via ils ramets con curtels, ed a tour d'avent las manzinas, e vain *a las* tagliar giò.

6. Els vegnan tuots, quants cha sun, laschats in bandun als utschels dels munts, ed allas bestias della terra; e 'ls utschels passaintan via la stà sur quels, ed ogni bestia della terra passerà qua l' inviern.

7. * In quel temp vain portâ ün preschaint al Segner dels exercits *da parte del pövel* da lunga statura, e bluot, e da parte del pövel spaventabel, *chi ais* plü dalönsch co quel, e dal pövel rasâ qua e là, e trapplâ suot, la terra del qual ils flüms sdrappan d'avent, al lö del nom del Segner dels exercits, pro 'l munt Sion. * Zef. 3, 10.

CHAP. XIX.

Esaja predisch l'acquist d' Egipto tras ils Caldeers, con l' impromissiun, cha al temp del Messia l' Egipto, ed oters pajans vegnan clamats pro la cognoschenscha del vair Deis, e participaziun da sia grazia, ed etern salüd.

L caric * d' Egipto. Mera, il Segner, in charra sün üna nîvla sperta, intra in Egipto, e 'ls idols d' Egipto tremblan avant el, ed il cour dels Egipters smarrischa in els. * Ez. 29, 30.

2. Ed eu vögl, *disch il Segner*, far gnir allas armas Egipter conter Egipter, cha combatta ün conter seis frar, ed ün conter seis prossem, città conter città, reginam conter reginam.

3. E 'l spiert gnarà almain in mez ils Egipters, ed eu vögl dissipar lur cossagl, e quels vegnan a domandar ils idols, e 'ls magis, e 'ls spiersts da piton, e 'ls ingiavinadurs.

4. Ed eu vögl metter ils Egipters in man d' ün signur dür, ed ün rai violent vain a signorar sur els, disch il Segner, il Segner dels exercits.

5. E las auas del mâr mancan, e 'l flüm sarà sech, e süt sù.

6. E 'ls flüms vegnan as retrar, e 'ls auals del ferm pajais a simar e sechar via; las channas, e 'ls fastüds vegnan pass.

7. La praderia sper il flüm, sün la riva del flüm, e tuot ils arats vi' al flüm sechan via, e vegnan dissipats, e non sun *pli*.

8. E 'ls peschadurs as almaintan, e tuot quels, chi büttan l' ham nel aual, planschan, e quels chi stendan la rait sur las auas languischan.

9. E quels chi fan lavurêrs da glin finissem, e chi tessen las tailas finas albas, sun confus.

10. E 'ls contraforts d' Egipto, da quels chi fan clausas allas auas per nudriar peschs, *sun* ruots.

11. Tschert, ils principals da Soan *sun* nars; ils plü sabis tanter ils cöglêrs da Farao *han* ün cossagl sainza sen. Co podais vus dir a Farao: Eu *sun* figl dels sabis; eu *sun* figl dels rais vegls!

12. Ingio *sun* uossa teis sabis? Ch' els decleran uossa, cha 's sapcha, qual cossagl il Segner dels exercits ha tut conter l' Egipto.

13. Ils principals da Soan sun gnüts nars, ils principals da Nof sun surmanats, e 'ls capos dellas schlattas d' Egipto la stravian.

14. Il Segner ha tribui a lur intern ün spiert da stuorndà, e quels han manâ ad errur l' Egipto in tuot sias ouvas; seo l' aiver va vi' e nan in seis vomit.

15. Ed ingün' ouvra, cha la fetscha il cheu, o la cua, il ram, o la channa, non vain esequida dall' Egipto.

16. In quel di ils Egipters sun * seo donans, e vegnan a tremblar e saran stramits per il squassar del man del Segner dels exercits, il qual el squassa sur els. * Ger. 51, 30.

17. Lura la terra da Giuda sarà in spavent all' Egipto; chi mâ as regorda della, vain as stramir in sai svesse supra il cossagl del Segner dels exercits, il qual el ha tut contra quella.

18. In quel di saran qua tschinch cittats nel pajais d' Egipto, chi tschantchan * in linguach da Canaan, e güran al Segner dels exercits; üna *da quellas* sarà clamada città della spendraschun. * Zef. 3, 9.

19. In quel di sarà in mez il pajais d' Egipto ün utêr, *consacrâ* al Segner;

ed üna coluonna *drizzada* sü al Segner sur seis confin.

20. E quella sarà per signal, e per testimonianza al Segner dels exercits, nel pajais d' Egipto. Perche ils Egipeters vegnan a bragir pro 'l Segner per lur oppressurs, ed el vain als trametter ün salvader, ed ün defensor, chi vain als spendrar.

21. Ed il Segner gnarà contschaint all' Egipto, ed in quel di ils Egipeters vegnan a cognoscher il Segner, e vegnan a far il servezzen da sacrificis, ed offertas, e vegnan a far vuts al Segner, ed *als* complir.

22. Usche batta il Segner ils Egipeters, ils batta, e 'ls guarescha darcheu, e quels as converteschan pro'l Segner, ed el sarà abbuniâ invers els, e 'ls farà sans.

23. In quel di sarà qua üna strada d' Egipto in Assiria, cha 'l Assirier vain in Egipto, e 'l Egipeter in Assiria; e 'ls Egipeters con ils Assiriers vegnan a servir *al Segner*.

24. In quel di sarà Israel il terz con l' Egipto, e con l' Assiria, üna benediziun in mez la terra.

25. Perche il Segner dels exercits vain als benedir, dseband: Benedi *saja* Egipto, meis pövel, ed Assur, l' ouvra da meis mans, ed Israel, mia ierta.

CHAP. XX.

Il profet, tras plets ed insainas, predisch la destrucziun d' Egipto; per qual motiv la confidenza, cha 'l pövel da Dieu pigliaiva vi' ad els, füss ruotta, e confusa.

NEL an cha Tartan, tramiss da Sargon, dal rai dels Assiriers, gnit ad Asdod, e la combattet, e la piglet aint,

2. In quel temp il Segner favlet tras Esaja, il figl d' Amos, dseband: Vâ, e sliâ il sach dintuorn tei flanes, e 't tira las scharpas our dals peis. Ed el fet usche * e chaminaiva nüd e seuz.

* Mich. 1, 8.

3. Qua dschet il Segner: Sco Esaja, meis serviaint, chamina nüd e seuz trais ans, il *qual ais* ün signal, e stranezza sur l' Egipto, e sur l' Etiopia:

4. Usche il rai d' Assiria vain a manar ils Egipeters prais, e 'ls Etiopiers in preschun, infants e vegls, nüts e

seuzs, e con las gnofflas scovertas, *in* vituperi all' Egipto.

5. Lura saran els spaventats, e confus per l' Etiopia, sün la quala els guardaivan, e per l' Egipto, *ch' eira* lur gloria.

6. Ed in quel di ils abitants da quai sta riviêra dscharân: Mera, usche *ais inscontrâ a quel*, cha nus reguardaivan, ingio nus fûgivan per succuors, per gnir deliberats dal rai dels Assiriers, e co podessan nus scampar via?

CHAP. XXI.

Esaja predisch la praisa da Babilon tras ils Mediers, e Persiers; lura profetizesch' el conter Duma, e l' Arabia.

IL caric del desert del mâr. Quel vain dal desert, dal pajais spaventabel a guisa da trabagl, *chi* passa nel pajais del mezdi.

2. Üna diura visiun m' ais statta annunziata. Il mal da fai *ha chattâ* ün mal da fai; il guastadur *ha chattâ* ün guastadur. Tira sü, Elam! Media, incresa! Eu fetsch padimar ogni süpür.

3. Perquai sun meis flanes plains da dolurs; döglias m' han dat man, similas a dolurs della duonna chi parturescha; eu sto'm storscher, ch' eu non od, e sun smari ch' eu non vez.

4. Meis cour ais smarri, orrur m' ha conturbâ, la saira da meis dalet m' ais cambiada in spavent.

5. La maisa vain apparechada, e las guardias stan alla sentinella, e 's vain a mangiar, a baiver; stat sü, chapitanis, onschai il sêhüt.

6. Perche usche m' ha dit il Segner: Vâ, met' ün alla sentinella, e ch' el annunzia quai ch' el vezza.

7. Quel vazzet charra, pèra da chavalgiants, charra tratta dad asens, e charra tratta da chamêls, e consideret quai tuot zuond diligiaintamaing.

8. E bragit *sco* ün liun: * Eu stun, Segner, alla sentinella da contin da di, e stun sün il post da guardia tuotta not.

* Ab. 2, 1.

9. E mera, charra d' homens vegnan, pèra da chavalgiants. Ed el det pled, e dschet: Crodada, crodada ais Babilon, e tuot las figüras intagliadas da seis deis sun spazzadas, e *büttadas* a terra.

10. *Ell' ais* quai ch' eu raspet in meis iral per seuder. Eu s' ha annunziâ quai ch' eu udit dal Segner dels exercits, dal Deis d' Israel.

11. Il carie da Duma. E's bragia vers mai da Seir: Guardia, amo quant della not?

12. La guardia disch: La mattina ais gnüda, e lura eir la not. Scha vus domandais, schi domandai pür, turnai inavo, gni nan!

13. Il carie * conter l' Arabia. Vus passantais via la not nels gods d' Arabia, o compagnias dels Dedaneers, chi fais viadi!

* Ger. 49, 28.

14. Aua portan incoenter a quels chi han sait ils abitants del pajais da Tema; els sun gnüts con lur pan incoenter a quels chi fügen.

15. Perche els fügen davant las spadas, davant la spada tratta, davant il balaister tendü, e davant il sforz della battaglia.

16. Perche il Segner m' ha dit usche: Amo ün an, sco ais il term d' ün famagl tut a pretseh, lura vain tuot la gloria da Chedar a gnir almain.

17. E'l rimanent del number dels fermi balaistrêrs dels figls da Chedar sarà pac; perche il Segner Deis d' Israel ha tschantschâ.

CHAP. XXII.

Vain profetizâ la deplorabla destrucziun da Gerusalem tras ils Caldeers. Vain predict a Sebna, al maister del palazzi sia subversium, ed ad Eliachim la successiun in quel onorat carie.

Il carie della val da visiuns. Che mâ't manca, cha tû vast tuott' insembel süls tets?

2. *O città* plaina da strepits, città romuranta, città triunfanta! Teis mazzats non sun mazzats dalla spada, e non sun morts in guerra.

3. Teis chapitanis sun fügits tuots insembel, sun fats preschun dals balaistrêrs. Tuots dels teis, chi sun chatats, sun fats preschun, quants cha sun; els fügen dalönsch.

4. Perquai di eu: As retrat da mai, eu sto cridar sosamaing; non instarai da'm euffortar davart la destrucziun della figlia da meis pövel!

5. Perche ün di da contuorbel, e d'oppressiun, e da perplexità vain da parte del Segner Deis dels exercits

nella val da visiuns, ed el vain a ruinar la müraglia, e'l bragizi *tuna inavo* dal munt.

6. Elam s' ha miss intuorn la buschetta da frizzas, sün la charra sun gliend e chavalgiants, e Chir ha seovert il schüt.

7. E que dvainta, tias vals tschernüdas sun plainas da charra; e'ls chavalgiants as mettan conter la porta.

8. E la coverta da Giuda vain tutta via, e tû guardast in quel di sün las armas nella chasa del god.

9. Vus vezzaiz las rottüras della müraglia della città da David, siand cha sun grandas, e vus raspais las auas della peşcharia suot.

10. E nombraiz las chasas da Gerusalem, e * rumpais giò las chasas per fortifichar la müraglia. * Ger. 33, 4. 5.

11. E fais tanter ils duos mürs üna raspada dad auas della peşcharia veglia; ma non guardais sün quel chi ha fat quai, e non volvais ils ögls sün quel, chi da vegl nan l' ha formâ.

12. Ed il Segner Deis dels exercits clama in quel di a pland, ed a cordöli; as spalar, ed as tschintar con sach.

13. E mera, allegrezza, e ledezza; mazzar giò bovs, e schannar bescha; mangiar charn, e baiver vin, *dschand*: * Mangiain e bavain, perche daman gnin nus a morir.

* Es. 56, 12.

14. E quai ais gnü avant mias uraglias nan dal Segner dels exercits: Mâ non gnarâ fat per vus purgaziun da quai't iniquità, fin cha vus mourat, disch il Segner dels exercits.

15. Usche dschet il Segner Deis dels exercits: Vâ, intra pro quai't tesorier, pro Sebna, il guardiant del palazzi,

16. E di'l: Che hast qui da far? E chi dels teis ais qui, cha tû at tagliast qui üna sepultüra; tagliast tia sepultüra in ün lö ot, e't chavast ün abitacul nel spelm?

17. Mera, il Segner at chatscha dalönsch con forza, e't zügla dafatta *la vista*.

18. El at volva suot sura, * at bütta sco üna balla in pajais larch, e spazius: Qua vainst a morir, e qua *periran* la charra da tia gloria; o vituperi della chasa da teis Segner! * Ps. 83, 14.

19. Ed eu t' chatsch giò da teis grà, e t' subvertesch da teis stadi.

20. E dvanterà in quel di, ch' eu clam * Eliachim, meis servaint, figl d' Illechia.

* 2 Reg. 18, 18.

21. Ed eu il vestesch con tia rassa, e l' fortifich con tia tshintà, e l' dun in man tia pussanza, ed el sarà ün bap als abitants da Gerusalem, ed alla chasa da Giuda.

22. Ed eu met la clav della chasa da David sün sia spadla; ed el vain ad avrir, ed ingün non serra, vain a serrar, ed ingün non avra.

23. Ed eu il vögl fichar, *seo* üna guotta, in ün lö ferm; ed el sarà ün trun da gloria alla chasa da seis bap.

24. E vi' a quella *guotta* vain as pender sù tuot la quantità della chasa da seis bap, buorvs, e plantas, tuot l' üsaglia pitschna, dalla vashella da coppas fin a tuot la vashella da flascuns.

25. In quel di, disch il Segner dels exercits, vain a ceder la guotta chi eira fichada nel lö ferm, e vain tagliada via, e crouda; e l' carie, chi *s' appozava* sün quella, va in ruina; perche il Segner ha favlà.

CHAP. XXIII.

Esaja profetizescha la destrucziun da Tiro; con la restoraziun da quella davo settant'ans vain ella alla fin da Dieu tras Cristo tutta sù in grazia.

IL carie* da Tiro. Ürlai, navs da Tarsi; perche l' ais ruinada in möd, cha non sarà plü chasa qua, e non as vezzerà l' intrada. Quaist ais annunzià ad els dal pajais da Chittim.

* Ger. 25, 22.

2. Taschai, abitants della rivièra, la quala ils merchadants da Sidon, chi fan viadi sül mâr, implivan.

3. Sur grandas auas eira il sem del Nil, la raccolta del flüm eira si' intrada; ed ell' eira * il marchà dellas naziuns.

* Ez. 27, 3.

4. Sajast confusa, Sidon, perche il mâr, la fortezza del mâr, disch usche: Eu non parturesch, ne genuesch, ne lasch crescher sù *plü* giuvens, *ne* tir sù *plü* giuventschellas.

5. Cur il bragizi sarà *gnü* pro 'ls Egipters, als gnarà dolor, per quai cha odan da Tiro.

6. Passai vi' in Tarsi, ürlai, abitants della rivièra!

7. *Ais* quaiста vossa città triunfanta, l' origen della quala *ais* agià da temp vegl nan? Seis peis la portan per dmurar seo estra in *pajais* lontan.

8. Chi ha tut quaiст cossagl conter a Tiro, la coronada, ils merchadants della quala *sun* princis, e seis negoziants *sun* ils plü onorats della terra?

9. Il Segner dels exercits ha tut quaiст cossagl per büttar a terra in tuorp la superbia d' ogni nöbiltà, per impitschnir ils plü onorats della terra.

10. Passa libra tras teis pajais seo il flüm, o figlia da Tarsi! *Qua* non *ais* plü tshintà.

11. Il Segner stendet oura seis man sur il mâr, el fet tremblar ils reginams; el det comand conter ils Cana-neers, da sdrür lur fortezzas;

12. E dschet: Tü non dessast continuar a triunfar, o vergina, figlia da Sidon, chi sarast chalahada! Stà sù, passa via in Chittim, neir qua non averast repos.

13. Mera, il pajais dels Caldeers, quaiст pövel non eira *amo* qua; Assur il fondet per ils abitants dels deserts; quels drizzettan sù sias tuors, adozetan seis palazzis, e *pür* ais el miss in ruina.

14. Ürlai, navs da Tarsi, perche vossa fortezza ais guastada!

15. Ed in quel di dvanterà, cha Tiro sarà smanchada per settant'ans, se-guond il temp d' ün rai; ma, davo settant'ans, giarà a Tiro seo nella chan-zun da pitana:

16. Piglia la citra, vâ intuorn nella città, o pitana smanchada; suna sù bain, chanta via ferm, acio ch' ün as regorda da tai!

17. Ed, in temp da settant'ans, dvanterà, cha l' Segner vain a visitar Tiro, ed ella turnerà darcheu pro seis guadagn, e farà pitanoegn con tuot ils reginams del muond, sur tuot la fatscha della terra.

18. Ma, *alla fin* seis traffic, e seis guadagn sarà consacrà al Segner; el non sarà miss surnavart, ne serrà aint, anzi sia merchanzia vain ad esser per quels chi abiteschan nel

conspet del Segner, per mangiar a sadolezza, e per as covernar con vestimainta onesta.

CHAP. XXIV.

Vain profetizâ la desolaziun della Giudea, sco eir la vocaziun dels Güdeus, e pajans tras l'evangeli; cuffort cha Deis vegn'als conservar.

MERA, il Segner svöda il pajais, e'l deserta; el volva sia fatscha e rasa davent ils avdadurs.

2. * E'l sacerdot vain ad esser sco'l pövel; il patrun sco'l famagl; la patruna sco la fantschella; chi cumpra sco chi venda; chi impraista sco chi piglia ad impraist; chi da a fit sco chi piglia a fit. * Os. 4, 9.

3. Il pajais sarà del tuot svödâ, e del tuot butinâ; perche il Segner ha pronunziâ quaiست pled.

4. La terra suspüra, ed arda da sait; il munt languescha, ed ais attristâ; ils ots del pövel nel pajais dögleschan via.

5. Ma la terra eira contaminada suot seis avdadurs; perche els transgreditan las ledschas, müdettan ils statuts, rumpettan la lia eterna.

6. Perquai maglet la maledieziun il pajais, e seis abitants sun desolats; perquai sun constümats ils abitants del pajais, e paca ais la gliend restada.

7. * Il muost fa cordöli, la vigna languescha; tuots quels chi eiran da cour leger clotschan. * Es. 16, 8, 9.

8. * L'allegrezza dels tamburs ha cedü, il strepit da quels chi fan festa ais gnü almain, la ledezza della citra ais fermada. * Ger. 7, 34.

9. Ün non baiva plü vin pro chanzuns, la gervosa ais ascha a quels chi la baivan.

10. La città ais ruinada, e redütta in suldüm; mincha chasa ais serrada stü, da non podair plü intrar.

11. Qua sun plands per il vin sün las plazzas; ogni allegrezza ais svanida; il dalet del pajais ais bandi.

12. Nella città non vanz'oter co desolaziun, e las portas sun ruottas, e ruinadas.

13. Perche l'ais usche in mez il pajais, tanter ils pövels, sco * cur as squassa ils olivêrs; sco euras va davo a spielar, finida la vindemia. * Es. 17, 5, 6.

14. Quels là, *chi saran vanzats*, ozan lur vusch, e chantan d'allegrezza; els güvlan nan dal mâr, per la majestà del Segner.

15. Perquai, glorifichai il Segner nel oriaint, il nom del Segner Deis d'Israel sün las inslas del mâr.

16. Nus udin chanzuns nan dall'extremità della terra, *chi dischan*: Gloria al güst! Ed eu di: Ah miser mai, ah miser mai, vae a mai! Ils predaturs fan praja; e praja involan ils predaturs.

17. Spavent, e la fossa, e'l latsch at suprestan, o abitant del pajais!

18. Chi fùgia per il bragizi da spavent, croderà nella foura, e chi vain sù our da mez la foura, sarà prais nel latsch; perche las fanestras del tselhel sun avertas, e'ls fondamaints della terra tremblan.

19. La terra vain sfessa tuotta, la terra vain disfatta tuotta, la terra vain conquassada tuotta.

20. La terra undaja sco ün aiver, e vain moventada da seis lö sco üna chamanna, e seis misfat ais grev sur ella, ed ella croda, e non leva sù plü.

21. Ed in quel di dvanterà, cha'l Segner visita nell'otezza l'exercit dell'otezza, e sün la terra ils rais della terra.

22. Ed insembel vegnan els raspats in preschun, e serrats aint in fermanza, e, davo lung temp, pür visitats.

23. * E la glüna as turpaja, e'l solai saja confus, cur il Segner dels exercits regna sün il munt Sion, ed in Gerusalem, e qua ais gloria avant seis seniurs. * Es. 13, 10.

CHAP. XXV.

Il profet, a nom da tuot la baselgia, ingrazi a Dieu per quai, ch'el as mossa güdich dal muond, chastiand ils mals, e mantgnand ils seis. El declera la grazia cha Gesu Cristo porta in sia vgnüda tant als Güdeus, co als pajans.

SEGNER, tü est meis Dieu, eu t'adoz; eu celebresch teis nom; perche tü hast fat chosas müravgliusas; teis cossagls sun da lontan nan, sun vardà e fermezza;

2. Perche tü hast redüt las cittats in muschnas, il chastè ferm in ruinas; ils chastels dels esters non sun plü cittats; mâ plü non saran ellas reedifichadas.

3. Perquai at glorifichan pövels posants; cittats da naziuns fermas at temman,

4. Siand cha tü est stat fortezza al pover, fortezza al bsögnus in sia tribulaziun, refugi dall'inondaziun, sumbriva conter l'arsantüm, cur l'ira dels violents vain sco üna inondaziun *chi* batta conter il mür.

5. Tü abbassast il tumult dels esters, sco l'arder in lö sech; *sco* la chalur tras la sumbriva d'üna nüvla, usche vain ümiliâ il chant dels violents.

6. Lura il Segner dels exercits prepara a tuot ils pövels sün quaiست munt ün convit da *vivandas* grassas, ün convit dels meglers vins; da nizguogl grass, e dels meglers e finissemms vins.

7. Ed el dissipa sün quaiست munt la coverta, chi ais tschantada sur tuot ils pövels, e la vela, chi ais stendüda sur tuot las naziuns.

8. El * sdrüa la mort in eterno, e'l Segner Deis terscha giò las larmas d'ogni fatscha, e piglia via la tuorp da seis pövel sün tuot la terra; perche il Segner l'ha favlâ! * Apoc. 20, 14.

9. Ed ün dscharà in quel di: Mera, el *ais* nos Dieu; nus l'avain spettâ, ch'el salva; el *ais* il Segner, nus l'avain guardâ gñand. Nus volain triumfar, e ns allegrar da seis salüd.

10. Perche il man del Segner posa sur quaiست munt, e Moab vain trapplâ suot in seis lö, sco as zappa il stram *per far* l'aldüm.

11. Ed el stend' oura seis mans in mez quel, sco quel chi nouda ils stend' oura per nodar; ed abbassa sia superbia, e l'astuzia da seis mans.

12. * Ed el abbassa, batta, bütt' a terra, fin nella puolvra, la fortezza da ti' ota müraglia, o *Moab!* * Es. 26, 5.

CHAP. XXVI.

Il profet mossa, in che consista il salüd della baselgia, e che pissêr il Segner ha dels güsts, e qual' ais la fin dels güdizis da Dieu. Il profet cufforta ils fidels chalchats, ed exorta pro pazienza.

IN quel di as chanta quaiста chanzun nel pajais da Giuda: Nus avain üna città ferma, * *Deis* ordaina salüd, mür, e bastiun. * Es. 60, 18.

2. Avri * la portas, cha intra ün pövel güst, chi observa ogni realtà!

* Ps. 118, 19, 20.

3. *Quaiст* ais ün sentimaint ferm; tü vainst a mantgnair la pasch, la pasch; perche el as confida in tai.

4. As confidai nel Segner in perpetuo, perche il Segner *ais* Deis, ün * spelm etern. * Deut. 32, 4.

5. Perche el ha sbassâ ils abitants dell'otezza, * la città adozada; el büttet giò quella città, el la büttet giò fin in terra, la mettet nella puolvra. * Es. 25, 12.

6. Il pè la trappla, ils peis dels povers, las plantas dels misers.

7. La cuorsa del güst *ais* tuot plana; tü fast dretta, e paisast la senda del güst.

8. Nus at spettain gñand, o Segner, * eir sün la via da teis güdizis; il consideri da *noss'* orma *ais* *drizzâ* vers teis nom, e vers tia regordanza. * Es. 64, 5.

9. Da not * at desidra mi' orma; e sül far del di at retschercha meis spiert, *chi* *ais* in mai; perche, quantbod teis güdizis *sun* in terra, schi imprendan güstia ils abitants del muond. * Cant. 3, 1.

10. *Scha* 's fa * grazia al empi, schi non imprend' el impero güstia, anzi el operescha perversamaing nella terra dell' appussaivlezza, e non guarda sün l'otezza del Segner. * Eccl. 8, 11, 12.

11. O Segner, teis man eira ot elevâ, e * quels non il vazzettan; ma els vezzeran, e saran confus dalla zelosia per teis pövel; e l' fö *apparechâ* vain a magliar teis inimis. * Giob 34, 27.

12. O Segner, tü ans disponast la pasch, perche tuot noss fats fast tü per nus.

13. O Segner, nos Deis! Signurs * *oters* co tü ans dominettan; ma tras tai sulet ans regordain nus da teis nom. * 2 Cron. 12, 8.

14. Ils morts non tuornan *plü* in vita; ils trapassats non as sdasdan sü plü; perquai ils hasttü visitats, esterminals, ed hast fat perir ogni lur memoria.

15. O Segner, tü mettast pro a *teis* pövel, al mettast pro, at glorifichast, ingrandischast tuot ils confins del pajais.

16. O Segner, *cur eiran* in anguoscha, schi s' han els regordats da tai;

els rasaivan oura ün bass pland, *in-*
tant teis chastiamaint *eira* sur els.

17. Sco la duonna gravida, prosma
al part, ha dolor, e braja in sias do-
lurs, usche eiran nus lontans da tai,
o Segner.

18. Nus avaivan concepi, sentivan
dolurs da part, sco scha nus avessan
parturi vent. Salüd non ais operâ al-
chün alla terra, e 'ls avdadurs del
muond non sun erodats.

19. * Teis morts vegnan a turnar
pro vita, meis corps morts *eir* vegnan
a resüstar sü. As sdasdaï sü, e güvlai,
vus chi abitais nella puolvra! Perche
ün ruschè all' erba ais teis ruschè,
e la terra renda darcheu ils trapas-
sats.

* Ezech. 37, 1. 2.

20. Vâ, meis pövel, intra in tias cham-
brettas, e serra teis üschs davo tai;
at zoppa ün pitschen momaint, fin cha
saja passada l' indignaziun.

21. Perche mera, il Segner va our
da seis lö, per chastiar l' iniquità dels
abitants della terra, e la terr' appa-
lainta seis sang, e non covernâ plü
seis mazzats.

CHAP. XXVII.

Vain profetizâ l' intëra destrucziun del diavel
tras Gesu Cristo, con la felicità della baselgia.
La vocaziun dels pajans tras la predgia del s.
evangelî.

In quel di visita il Segner con sia
düra, granda, e ferma spada, il le-
viatan, la serp chi slischa via, e 'l le-
viatan, il serpaint tortigliâ, e mazza
la balena ch' *ais* nel mâr.

2. In quel di chantai dalla vigna del
vin cotschen usche:

3. Eu, il Segner, la perchür; eu la
sau süin ogni momaint; eu la parchür
di e not, ch' ingün non la detta dan.

4. Ingün' ira non *ais* in mai. Cha gniss
miss conter mai in battaglia be spi-
nas, e charduns. Eu ils vögl attachar,
ed arder tuots, quants cha sun.

5. Volessan els padimar mia forza,
schi cha fetschan pür pasch con mai,
cha fetschan pür pasch con mai.

6. *Nels dis*, chi han da gnir, vain
Giacob a metter ragisch, Israel vain
a flurir e dsermügliar, e vegnan ad
implir con früts la surfatscha del
muond.

7. Ha el battü Israel seguond las

bottas da quels, chi l' han battü? O
ais el stat mazzâ seguond il mazzar
da lur mazzats?

8. * Tü hast dispittâ con el con ma-
süra, con il trametter davent; l' hast
chatschâ con stamprâ soffel al di
del vent oriental.

* Ger. 10, 24.

9. Per quaiست dimena ais abbuiniada
l' iniquità da Jacob, e quaiست ais
tuot il früt, *cioè* cha seis pucha ais
tut via, eur el averà redüt tuot las
peidras dels utërs sco peidras da chal-
tschina smachadas; qua cha Astartes,
e las statuas non sun plü in pè.

10. Perche la città ferma sta solda-
na, e la chasa abbandunada ais la-
schada sco 'l desert; là pasculescha
il vadè, e là giascha 'l, e maglia ils
rams, chi qua vegnan ad esser.

11. Cur ils rams qua sun sechs, saran
els ruots giò; las donans vegnan, e 'ls
ardan. Perche * quaiست *pövel* non *eira*
ün pövel d' intellet; perquai, quel chi
l' ha fat, non avet compassiun d' el,
e quel chi l' ha formâ, non avet mise-
ricordia.

* Deut. 32, 28.

12. In quel di dimena dvanterâ, e 'l
Segner vain a squassar früts, dal let
del Eufrat, fin al torrent d' Egipto, e
vus, infants d' Israel, gnis raspats nan
ün ad ün.

13. Ma in quel di dvanterâ, ch' ün
suna con la granda trombetta, e
quels chi eiran pers nel pajais d' As-
siria, e quels chi eiran şchatschats
nel pajais d' Egipto, vegnan, ed adu-
ran il Segner süin il munt sanct, in
Gerusalem.

CHAP. XXVIII.

Profezia conter la superbia, avrianza e maglia-
rias da quels d' Israel. La paina da quels chi
spretschan la doctrina del salüd. Conter ils
spretschadurs dels güdzis da Dieu.

VAE alla coruna superba dels avri-
ards d' Efraim; la gloria del or-
namaint da quels *ais* üna fluor passa,
sül plü ot della val grassa, dels
stuorns da vin.

2. Mera, dal Segner vain ün ferm e
potaint sco üna razzada da tempesta,
sco ün trabagl damnaivel. El bütta a
terra *ogni chosa* con forza, a guisa
d' ün diluvi da grandas auas chi van
suroura.

3. La coruna superba dels avriards

d' Efraim vain trapplada suot cols peis.

4. E la gloria del ornamaint sül plü ot della val grassa, la fluor passa sarà seo ün früt tempriv avant la stà, il qual, quantbod ch' alchün l' ha vis, il travonda 'l, pergliaut ch' el l' ha in man.

5. In quel di il Segner dels exercits sarà corona da gloria, e binda d' ornamaint al rimanent da seis pövel.

6. E sarà spiert da güdizi a quel, chi sezza sün la *sopcha* del güdizi, e forza a quels chi nella battaglia fan volver las spadlas *als inimis* fin alla porta.

7. Ma eir quaists undajan del vin, e sun straviats dalla gervosa; * il sacerdot, e 'l profet undajan della gervosa, sun superats tras il vin, e straviats dalla gervosa; as fallan nella visium, e s' intoppan nel güdizi;

* Es. 56, 10. 12.

8. Perche tuot las maisas sun plainas da vomit, e d' ascrögn; *qua* non *ais plü lö net*.

9. A chi 's dess mossar scienza, ed a chi 's dess far ineler doctrina? Als infantets zavrats, tuts davent dallas tettas?

10. Perche *as bsögna dar* informaziun davo informaziun; informaziun davo informaziun; lingia davo lingia, lingia davo lingia; ün pa qui, ün pa là.

11. Perche * *Deis* tschantscherà con quaist pövel tras lefs chi balbajan, e tras linguach ester,

* 1 Cor. 14, 21.

12. Siand ch' el avaiva dit ad els: Quaist' *ais* la via del repos, dat repos al stangel; quaist' *ais* la via del salüd; ma quels non volettan tadlar.

13. Contuot vain il pled del Segner ad esser ad els *a guisa* d' informaziun davo informaziun, d' informaziun davo informaziun; da lingia davo lingia, da lingia davo lingia; ün pa qui, ün pa là; acio cha gajan via, e dettan giò inavo, e sajan smachats, e sajan illatschats, e prais.

14. Perquai, tadlai il pled del Segner, homens sgiamgiadurs, chi signorais quaist pövel, chi *ais* in Gerusalem!

15. Perquai cha dschaivat: Nus avain fat pat con la mort, ed avain fat

lia con la sepultura; cur il flagell inondant passa tras, schi non riv' el fin nan pro nus, perche nus mettain la menzögna per nos zoppel, e 'ns zoppain nella falsità.

16. Perquai, disch il Segner Deis usche: * Mera, eu tschantet in Sion üna peidra, üna peidra da prova, *peidra da chantun* preziosa, ün fondamaint *bainfondà*; chi craja non vain a smarrir.

* Mat. 21, 42.

17. Ed eu fetsch güdizi a lingiêr, e güstia a livell, e la tempesta raspa davent il zoppel da menzögnas, e las auas dessan inondar il lö zoppâ.

18. E vos pat con la mort sarà annullâ, e vossa lia con la sepultura non sarà ferma; cur il flagell inondant passa tras, schi gnis vus trapplats suot.

19. Quant davent ch' el passa tras, vain el as portar via; schi el passa ogni mattina, da di e da not, e sentir il bragizi prodüa ferm commovimaint.

20. Schi il let sarà massa cuort, a's podair stender laint; e la coverta massa strefa, per as plajar aint.

21. Perche il Segner vain ad alvar sü seo sül munt * Perasim, el vain as commoventar seo nella val da Gibeon, a far si' ouvra, ün' ouvra strana, e per esequir sia lavur, üna lavur inudita.

* 2 Sam. 5, 20.

22. Uossa dimena non farai beffa, cha forse voss liams non vegnan plü fermes! Perche eu udit da parte del Segner Deis dels exercits üna sentenza finala, ed üna * destrucziun conter tuot il pajais.

* Es. 10, 23.

23. Sporschai las uraglias, e tadlai mia vusch, stat attents, e tadlai meis raschun.

24. L' aradur ara el tuot il di per semnar? Rumpa, ed erpeha el adüna sia terra?

25. Cur el ha planâ quai ch' ais suravia, schi non spand' el oura il formentun, e non semn' el il pulè, e non mett' el in lingias il formaint, e 'l üerdi nel lö assignâ, e la spelta in seis spazi intuorn?

26. E seis Deis il mossa, e l' intraguida nell' ordinanza ch' el dess salvar.

27. Perche e non as scuda il formentun con la trebia, e non as volva

la rouda del charr sur il pulè, anzi ün sbatt' oura il formentun con il bastun, e l' pulè con la bachetta.

28. Ma il formaint vain scuoss; perche *otramaing* non gniss el battü our'a bastanza. Usche il seuda el con las rondas da seis charr, ma non il rum-pa cols daints da seis rastè.

29. Eir quaiست proceda dal Segner dels exercits; müravglius ais seis cos-sagl, e granda sia sapienza.

CHAP. XXIX.

Il profet predisch la ruina del taimpel, e da Gerusalem tras ils Babiloniers, con las causas da quella. Impromissiun della restoraziun spiritua-la della baselgia tras il messia.

HA! * Ariel, Ariel, città ingio champet David! Adgionschai an pro an, cha els schannan ils sacrificis dellas festas.

* Ez. 43, 15.

2. Eu vögl metter Ariel in anguoescha, e la città sarà tristezza, e cordöli, ma am sarà sco Ariel.

3. Ed eu am met a champ tuot in-tuorn tai, e t' assadiesch con disponer truppas, e driz sü conter tai fort ez-zas, e bastiuns.

4. E tü est abbassada, e tschan-tschast sco our dalla terra; e teis tschantschar vain our dalla puolvra, tuot soppresch; e tia vusch vain our dalla terra sco quella d' ün spiert da piton; e teis tschantschar marmuo-gna our dalla puolvra.

5. E la quantità da teis inimis dvain-ta sco puolvra manüda; e l' grand number dels ferms guerriants sco paglia chi svoula davent, e quai dvain-ta dandet, in ün pitschen momaint.

6. Dal Segner dels exercits vain a gnir visità con tun, con terratrembel, con granda romur; con trabagl, e stampranza, e con flamma da fö con-sümand.

7. E la quantità da tuot ils pövels, chi guerragian conter Ariel, da tuot quels chi combattan la città e sias fort ez-zas, e da quels chi l' assedi-eschan, saran sco ün sömme, üna vi-siun da not.

8. E quai ais, sco scha chi ha fam as sömgia, ch' el mangia, e, *cur* el as sda-sda, schi ais seis vainter vöd; e sco scha chi ha sait as sömgia ch' el baiva, e, *cur* el as sda-sda, schi lan-

guischa l', e si' orma ais con sait; usche sarà alla quantità da tuot ils pövels, chi guerragian conter il munt Sion.

9. As fermi, e s' smüravgliai! Dvan-tai orbs! Quels sun aivers, e na da vin; undajan, e na da gervosa.

10. Perche * il Segner ha spans oura sur vus ün spiert da chafuol sön, e s' ha cludi voss ögls (ils profets), ed ha covernâ aint voss capos (ils vi-daints).

* Rom. 11, 8.

11. E la visiun, da che as tratta, ais a vus sco ils pleds da chartas sag-gelladas, chi füssan dattas ad ün chi sa ler, dschand *ad el*: In grazia, leja quaiст! Ed el dschess: Eu non poss, perche l' ais sagellâ.

12. Ovvero, sco schâ's dess chartas ad ün chi non sa ler, dschand *ad el*: In grazia, leja quaiст! E quel dschess: Eu non sa ler.

13. Ultra quai, disch il Segner: * Siand cha quaiст pövel s' approsma con sia bocca, e m' onura con seis lefs, ma seis cour tain dalönsch da mai, e sia temma, ch' el am temma, ais ün comand da crastians, ad el stat ammosâ:

* Ezech. 33, 31.

14. Perquai, mera, continuesch eu invers quaiст pövel a far mürava-glias grandas e stupendas, cha la sa-pienza da seis sabis perescha, e l' in-tellet das seis inlegiantaivels va as zoppar.

15. Vae a quels chi's zoppan chafuol avant il Segner a tour cossagls se-crets, cha lur ouvras sun nellas schü-rezzas, e chi dischan: Chi 'ns vezza; e chi 'ns cognoscha?

16. Vossa perversità! Dess il vasch-lêr esser quintâ sco l' arschiglia? L' ouvra dess ella dir da seis factur: El non m' ha fatta! E la chosa forma-da dess ella dir da seis * formadur: El non s' inleja?

* Es. 45, 9.

17. Non aise cha l' Libano infra pac temp as müda in Carmel, e Carmel vain quintâ sco god?

18. Ed in quel di ils suords odan ils pleds dellas chartas, e 'ls ögls dels orbs vegnan a vair our da schürdüm, e schürezza.

19. Lura ils bandus del Segner han allegrezza sur allegrezza; e 'ls povers

intanter la glièud saglian in ot nel sanet d'Israel,

20. Cha'l violent ha fini, e non ais plü il sgiamgiadur, e sdrüts sun tuot quels chi tendan all' iniquità.

21. Ils quals faivan tort alla glièud in sentenzas, e tendaiyan latschs a chi gniva avant dret nella porta, e chatschaivan il giüst in confusiun.

22. Perquai, disch il Segner, chi ha spendrà Abraham, usche alla chasa da Giacob: Uossa Giacob non dess *plü* esser in tuorp; ne sia fatscha gnir sbalacha.

23. Cura pür seis infants vezzan quai, l' ouvra da meis mans in mez el, vegnan els a santifichar meis nom, schi, els vegnan a santifichar il sanet da Giacob, ed a tmair il Deis d'Israel.

24. E quels chi eiran straviats da spiert comprendan intellet; e 'ls * bruncladurs imprendan doctrina.

* Es. 28, 7.

CHAP. XXX.

Esaja annunzia als Güdeus ils güdizis da Dieu, causa cha avaiyan lur recuors pro 'ls Egipters ant co pro Dieu; con l'impromissiu però, cha'l Segner vegna a restabilir e conservar sia baselgia tras il messia. Profezia dalla mazzacra dels Assiriers tras l'angel.

VAE als infants rebels, disch il Segner, ils quals * piglian cossagl, e na da mai, e fan impraisas, e na da meis spiert, per mantunar pucha pro pucha.

* Es. 29, 15.

2. * Ils quals as mettan in viadi per ir giò in Egipto sainz' avoir demandà mia bocca, per as fortifichar dalla forza da Farao, e per as redür in salv pro la sumbriva d' Egipto.

* Es. 31, 1.

3. Ma la forza da Farao as sarà in verguogna, e da 's redür pro la sumbriva d' Egipto, in giamgia.

4. Perche seis principals sun in Soan, e seis ambaschadurs rivan in Hanes.

5. Ma els tuots vegnan in tuorp per quai pövel, *chi* non als güda *inguotta*; na pro agüd, e na pro utilità ais el, anzi pro verguogna, e pro disonur.

6. Il carie dellas bestias del mezdi. Quels portan sün la rain dels asnels lur ricchezzas, e sün la goba dels chamêls lur tesors tras ün pajais da tribulaziun, e d' anguoscha, dinuonder vain il liun e la liunessa, la vivra, e

la serp chi svoula, pro'l pövel chi non güda inguotta;

7. Siand il succuors dels Egipters van, e d'inguotta; perquai clam eu quai: Lur forza ais da star sress quiets.

8. Uossa vâ via, scriva quai sün üna tabla avant els, e scriv' aint in ün cudesch, acio cha que resta nel temp ventur in perpetuo.

9. Perche *quai* ais ün pövel rebell, * *sun* infants mensnêrs; infants, *chi* non vöglian tadar la ledscha del Segner.

* Deut. 32, 20.

10. Ils quals dschaivan als vidaints: Non guardarai; ed als profets: Non ans guardarai il vardaivel e dret; tshantshâ 'ns chosas plaschaivlas, guardai illusions!

11. As retrat dalla via, turnai giò dalla senda, fat cessar il sanet d' Israel davent da nos conspet!

12. Perquai, disch usche il sanet d' Israel: Siand cha vus rebüttais quai pled, e 's confidais in oppressiun, ed in perversità; ed as pozais sün quai:

13. Perquai as sarà quai iniquità sco üna rottüra chi da giò, *sco* ün vainter in ün mür ot, la ruina del qual vain all' improvista, in ün moment.

14. E 'l Segner la rumpa sco as rumpa ün vaschè da terracotta del vaschlêr; el la smacha sainza schaniar tant, cha tanter seis rottam non as chatta *plü* ün terracot per tour fö our dal fluër, ne per tenscher sü aua our dal foss.

15. Perche usche avaiya dit il Segner Deis, il sanet d' Israel: * Vus gnis salvats tras conversiun, e repos; vossa forza sarà nel pos, e nella confidanza; ma vus non avais voglû; * Es. 30, 7.

16. Anzi avais dit: Na, ma nus volain fûgir sün chavals! Perquai gnis vus a fûgir! Nus volain muntar sün bestias spertas. Perquai saran sperts *eir* quels chi 's perseguittan.

17. * Milli tanter vus *vegnan a fûgir* sün l' innatscha d' ün sulet; sün l' innatscha da tshinch gnis vus *tuots* a fûgir, fin cha vus restat sco ün alber da nav sün la sommità d' ün munt, e sco üna stanga da vela sün ün muot.

* Lev. 26, 8.

18. E perquai intarda il Segner d'avair misericordia da vus, e perquai sta el lontan, d'avair compassiun da vus; perche il Segner *ais* ün Deis güst. * Beats tuot quels chi spettan sün el!

* Ps. 2, 12. Prov. 16, 20.

19. Schi, pövel in Sion, chi dmurast in Gerusalem! Tü non dessast eridar *plü*; pertschert el at farà grazia, udind la vusch da teis bragir; quantbod ch'el t'averà udi, vain el at responder.

20. E 'l Segner as da pan nell'anguoscha, ed aua nell'oppressiun; e teis docturs non ston plü as zoppar, anzi teis ügls vezzan *da contin* teis docturs.

21. E tias uraglias udiran davo tai via ün pled: Quaiet' *ais* la via, chaminai sün quella! Cha vus gijajat dalla dretta, o cha vus gijajat dalla snestra.

22. * E vus contaminais la coverta dellas figüras intagliadas da vos argent, e la chappa dellas statuas culadas da vos or; tü las büttast via sco ün pann ascher, e dist ad els: It oura!

* Es. 2, 20. 31, 7.

23. E 'l Segner da la plövgia, chi convain a teis sem, cha tü hast semnä in terra, e 'l pan, il früt della terra, chi ais dsüus, e grass; in quel di teis bestiam pasculescha pašchüra largia.

24. E 'ls bovs, e 'ls asnels chi lavuran la terra, maglian *in lö* da pavel gran net, ch'ün vann' oura col van, e con la pala da büttar.

25. E qua vegnan ad esser auals, e condüts dad auas sur ogni munt ot, e sur ogni muotta elevada, al di della granda mazzacra, cur las tuors sun crodadas.

26. E la glüm della glüna ais sco la glüm del solai, e la glüm del solai para set voutas plü granda, sco *gniss* ad esser la glüm da set dis *insembel*; al di cha 'l Segner vain a faschar la rottüra da seis pövel, e darcheu a guarir la ferida da sia botta.

27. Mera, il nom del Segner vain da lontan, si' ira arda, e seis carie *ais* grev, seis lefs sun plains d'indignaziun, e sia lengua ais sco ün fö chi consüma.

28. E seis Spiert ais sco ün torrent chi cuorra sura, chi riva fin al colöz, per sbatter ils pövels d'ün sbattimaint tal, cha sajan redüts ad inguotta, e ch' *ais* sco ün frain allas masellas dels pövels, chi 'ls fa ir ad errur.

29. Vus averat *in bocca* üna chanzun, sco la not cha's santifica la solennità; e dalet del cour, sco cur as chamina con flötas per gnir sül munt del Segner, pro 'l spelm d'Israel.

30. Ed il Segner fa udir la majestà da sia vusch, e mossa co el batta con seis bratsch nell'indignaziun da *sia* ira, con flamma da fö chi consüma, con sajettas, con plövgia stamprada, e con peidras da tempesta.

31. Schi Assur sarà smarri avant la vusch del Segner; * col bastun il batt' el.

* Es. 10, 5. 24.

32. Ed ogni passar inavant della percha ferma, la quala il Segner fa inclinar sur el, sarà continuà con tamburs, e con citras; ed el combatta conter els in battaglia da man ozà.

33. Perche ün tofet ais agià apparchà, l'ais perdert eir per il rai, chafuol e larch, seis schandlêr *ais* fö, e granda quantità da laina; il flà del Segner, sco ün torrent da suolper, vain al invüdar.

CHAP. XXXI.

Il profet continua a condannar, ed ad imnatschar als Güdeus, per lur confidenza nel succuors d'Egipto. El ils exorta, a's convertir pro el, con impromissiuns, da batter ils Assiriers tras l'angel.

VAE a quels chi van giò in Egipto per succuors, e s'appozan sün chavals, e's confidan in charra, siand l'ais blera, ed in chavalgiaints, siand sun in grandissem number, ma non reguardan sül sanet d'Israel, e non tscherchan il Segner.

2. Impero eir el *ais* bain sabi, e mai-na nan il man, e non reclama seis plds, e 's fa sù conter la chasa dels maligns, e conter il succuors dels operaris d'iniquità.

3. Ma 'ls Egipters *sun* già crastians, e na Dieu, e lur chavals sun charn, e na spiert. E 'l Segner stenderà oura seis man, dinuonder l'agüdand trabücha, e l'agüdà crouda, e tuots insembel saran consumats.

4. Ma, usche am dschet il Segner: Inqual sco 'l liun, e 'l liunet giuven sbrüa sur la praja, e, schabain ch'ün clam' insembel conter el üna blerüra da pasturs, pür non as spavainta pro lur bragizi, e non s' ümiliescha tras lur strepit; usche vain il Segner dels exercits ad ir giò a guerragiar sün il munt Sion, e sün la muotta da quella.

5. * Sco utschels svolands *covenantur giuven*; usche il Segner dels exercits farà defensium a Gerusalem; la defenda, e la spendra, passa tras, e la salva.

* Deut. 32, 11. Ps. 91, 4.

6. As converti pro quel, dal qual chafuolmaing as eira erodâ davent, o infants d' Israel!

7. Schi, * in quel di ha scodün in ödi seis idols d' argient, e seis idols d' or, ils quals voss mans as fettan *pro pucha*.

* Es. 2, 20.

8. Ed Assur crouda tras spada, na d' ün hom; e 'l eurtè, na d' üna persuna umana, il maglerà, ed el fùgia our davant la spada, e seis giuven saran fats selavs.

9. Ed el passa via in seis spelm per temma, e seis princips sun spaventats per mincha bandêra, disch il Segner, il fö del qual *ais* in Sion, e seis fuori in Gerusalem.

CHAP. XXXII.

Profezia dal reginam d' Ezechia. Allas donans da Gerusalem vegnan proponüdas grevas miserias fin al temp della restoraziun della baselgia, nel qual Deis volva si' ira alla destrucziun da seis inimis.

MERA, lura regna ün rai in güstia, e 'ls princis vegnan a signorar in appussaiveltezza.

2. E quel hom sarà sco ün refugi dal vent, e *sco* ün zoppel dalla plövgia furiosa; sco auals d' aua in lö sech, sco la sumbriva d' ün grand spelm in terra sütta.

3. E 'ls ögls da quels chi vezzan non sun *plü* sorbantats, e las uraglias da quels chi odan stan attentas.

4. E 'l cour dels imprudaints in cleja scienza, e la lengua da quels chi balbajan, tschantscha spedidamaing, e cler.

5. Il nar non vain plü clamâ princi, e 'l malizius non ais plü dit magnanim.

6. Perche il crastian empi tschantscha scleratezza, e seis cour opere-scha iniquità, üsand ipoerisia, e pronunziand plets da sviamaint conter il Segner, per laschar languir l' orma da quel chi ha fam, e manchar il da baiver a quel chi ha sait.

7. E 'ls instrumaints del malizius *sun* mals, el fa cossagls sclerats, per ruinar ils povers con plets da falsità, eir eur il bsögnus tschantscha quai ch' ais dret.

8. Ma il nöbel fa cossagls da nöbel, e sta a far chosas degnas da nöbel.

9. Donans commodas, alvai sü, udi mia vusch! Figlias, chi vivais sgüras, sporsehai uraglia a meis rasehun.

10. In temp da di ed an gnis vus ad esser in grand contuorbel, o *vus*, chi vivais sgüras; perche la vindemia manca, la raccolta da frütta non vain.

11. O donans commodas, hajat spavent; tremblai *vus*, chi vivais sgüras; as spogliai nüdas, e 's tschintai sur ils flanes.

12. Ellas planschan per ils champs, per las vignas früttaivlas.

13. * Spinas e charduns creschan sur la terra da meis pövel, schi, sur ogni chasa da dalet, e *sur* la † città triumfanta.

* Os. 9, 6. † Es. 22, 2.

14. Perche ils palazzis vegnan bandunats, la città plaina da pövel sarà laschada vöda; ils chastels, e las fortezzas sun per lönych *redüttas* in lö da cuels, in dalet dels asens solvadis, in paschüra da scossas.

15. Fin cha 'l Spiert our dall' otezza saja spans oura sur nus, e cha * 'l desert dvainta ün Carmel, e Carmel saja quintâ per god.

* Es. 29, 17.

16. Lura abitescha il güdizi nel desert, e la güstia dmura in Carmel.

17. E la pasch ais l' effet della güstia, e 'l früt della güstia ais repos, e sgürezza, in perpetuo.

18. Lura abitescha meis pövel nella stanza da pasch, ed in tabernaculs sgürissem, ed in tranquils lous da repos.

19. Ma e vain tempesta pro la destrucziun del god, e la città crouda in bassezza fich.

20. Beats vus, chi semnaiss pro ogni aua; laschais liber il pè del bov, e del asen.

CHAP. XXXIII.

Profezia dalla ruina dels Assiriers, insembel con la dissipaziun da tuots inimis della baselgia, e la restoraziun da quella. In quella affieziun ils ipocrits saran smarrits, e 'ls fidels protegüts e cuffortats tras la restoraziun della baselgia suot Ezechia, la figüra da Cristo.

VAE a tai, * chi fast destrucziun, e non est stat desdrüt, ed a tai, spogliadur, chi non est stat spoglià! Cur tü averast fini da desdrüt, vainst tü desdrüt; cur tü averast interlaschâ da spogliar, sarast tü spogliâ.

* Es. 21, 2.

2. O Segner, hajast compassiun da nus, nus at spettain gnand; sajast nos bratsch per ogni mattina, e nos salüd al temp dell' anguoscha.

3. Ils pövels fugian per teis sun strepitus; ils pövels as derasan per teis adozamaint.

4. E vos butin vain raspâ aint, sco's rasp' ils tamburs; davo el as scuorra, sco scuorran ils salips.

5. Il Segner ais elevâ, perche l' avda nellas otezzas; el impla Sion con güdizi, e con güstia.

6. E fermezza da teis temps sarà, e forza da deliberaziuns, sapienza e scienza; la temma del Segner ais teis tesor.

7. Mera, ils plü valents dels lur brajan our dadoura; ils mess della pasch cridan sosamaing.

8. Las stradas sun desertas, ils vian-dants sun gnüts almain. El rumpa * la lia, sdegnâ las cittats, non fa alchüna stima della gliedud.

* 2 Reg. 18, 14.

9. La terra porta lèd, e languescha; il Libano sta confus, ed amalà; Saron ais dvantâ sco ün desert; e Basan, e Carmel squassan giò la föglia.

10. Uossa stun eu sü, disch il Segner; uossa m' adoz eu, uossa m' driz eu sü!

11. Vus eschat portants da paglia, e parturis stoppa; voss' ira ais ün fö, chi's maglia.

12. E'ls pövels gnaran ars sco chalchêras; saran consumats col fö sco spinas tagliadas giò.

13. Tadlai, vus chi eschat dalönsch,

quai ch' eu ha fat, e vus chi eschat vicini, cognoschai mia forza!

14. Ils pechadurs in Sion sun spaventats, tremblöz surprena ils ipocrits, *els vegnan a dir*: Chi da nus podess dmurar pro 'l fö chi consuma? Chi da nus podess dmurar pro las ar-santüms eternas?

15. * Quel chi chamina in ogni güstia, e favella chosas drettas, chi ha ün sdegn dal guadagn da violenza, chi squassa seis mans per non tour preschaints, chi zügla las uraglias per non udir omicidis, e serra ils ögls per non vair il mal:

* Ps. 15, 2.

16. Quel abitescha in lous ots; las fortezzas dels spelms sun seis ot chas-tè; seis pan al sarà dat, sia aua non al fallerà.

17. Teis ögls vegnan a vair il rai in sia bellezza; vegnan a vair la terra lontana.

18. Teis cour meditescha il temp da spavent, e tü dist: Ingio ais il commissari dellas rassegnas? Ingio ais il paisadur? Ingio quel chi tegna ils registers dellas tuors?

19. Ma tü non vezzast plü il pövel crudel, pövel da * linguach schür, cha non s' inleja, con lingua balbagianta, cha non as comprenda.

* Ger. 5, 15.

20. Guarda Sion, città da nossas festas solennas! Teis ögls vezzan Gerusalem, sco stanza tranquilla, tabernacul chi mâ non sarà transportâ utro, e sias guottas mâ non gnaran trattas oura, ne ruotta üna da sias suas;

21. Anzi qua ais il Segner magnific invers nus in lö da flüms, e da torrents larchs; sün quels non riva nav con rembel, neir nav da giallia non passa qua tras.

22. Perche il Segner nos güdisch, il Segner nos legislatur, il Segner nos rai, el ais quel, chi salva.

23. Tias cordas sun gnüdas loccas, non tegnan ferm dretsü l'alber da lur nav, non stendan lur vela. Lura vain parti oura la praja da grand butin, ils zops svesch butinan eir.

24. Ed ingün abitant non disch plü: Eu sun amalà! Al pövel chi abitescha laint ais perdunada l'iniquità.

CHAP. XXXIV.

Esaja profetizescha l'extrema ed eterna destrucziun dels inimis della baselgia suot la figura della desolaziun dell' Idumea.

S' APPROSMAI nan, naziuns, per tadlar, e vus pövels, sajat attents; cha la terra taidla, e quai ch'ais in quella, il muond, e tuot quai ch'in quel ais prodüt.

2. Perche l' indignaziun del Segner ais sur tuot las naziuns, ed ira chi arda sur tuot lur exercits; el las ha bandidas, dattas a mazzacra.

3. E lur mazzats vegnan büttats via, e la spüzza da lur corps morts va sü, e 'ls munts as disfan, *lammiats* da lur sang.

4. E tuot l' exercit del tshel as dissolva, e 'ls tshels as plajan aint sco ün cudesch, e tuot lur exercit crouda giò, sco croudan las föglias della vit, e sco crouda il spassi del figèr.

5. Perche inavriada ais mia spada in tshel; mera, ella vain giò sur Edom in güdizi, e sur il pövel, destinâ al stermini.

6. La spada del Segner ais plaina da sang, ed ingrassada da grass; da sang dad agnels, e da boes; da grass dels ranuogls da bümatschs; perche il Segner fa ün sacrifici in Bosra, ed üna granda mazzacra nel pajais d'Edom.

7. E 'ls unicorns croudan a terra con els, e trims, insembel con bovs; e lur pajais vain inavriâ da sang, e lur fuond ingrassâ da grass.

8. Perche il Segner tegna ün di da vendetta, ün an da retribuiziun per *mantgnair* la causa da Sion.

9. E seis torrents as müdan in rascha, e seis fuond in suolper, e sia terra sarà cambiada in rascha ardenta.

10. Quella mâ non as stüzza, ne di ne not, seis * füm va sü in perpetuo; la resta desolada per ogni età, ingün non passa tras quella in tuots seculs.

* Mal. 1, 4. Ap. 14, 11.

11. E 'l pellican e 'l porch spinus la possedan, e 'l püf, e 'l corv l' abiteschan; ed ün tira sur quella il lingièr della desolaziun, e 'l livell del desertamaint.

12. Il regnam non vain clamâ oura

dals nöbels da quella, e tuot seis princips sun inguotta.

13. Las spinas creschan sü in seis palazzis, l'urtia, e 'l chardun in sias fortezzas, e qua sarà ün abitacul da lufs, ün cortil dels püfs,

14. E *qua* vegnan as incontrar las bestias solvadias dels deserts cols gufos, ed ün demuni vain a bragir al oter; qua eir vain as tshantar giò il frosun, e vain a chattar lö da repos.

15. Qua gnieuva la serp, e fa seis ouvs, e 'ls cu' oura, sezzand alla sumbriva; qua eir as raspan ils avoltorns l' ün pro l' oter.

16. Tscherschai oura nel cudesch del Segner, e lejai! *Qua* non manca brich' ün da quels; al ün non falla l' oter, perche sia bocca, quella ha comandâ, e seis spiert, quel ils ha raspats a mantun.

17. Ed el svesc tira per els la sort, e seis man als part' oura col lingièr; quels la possideran in perpetuo, ed abiteran laint d' età in età.

CHAP. XXXV.

Vain descrita la müravgliusa allegrezza spirituala della baselgia, tras Cristo spendrada; e quaist sün la via della santificaziun vain a la drizzar pro vita, e gloria eterna.

IL desert, e 'l lö süt as allegran da quaist, e 'l lö soldan fa festa, e flurischa sco üna rösa.

2. E flurischan largiamaing, e fan festa con güvel e bragizi d' allegrezza; la gloria del Libano la sarà data, la magnificenza da Carmel, e da Saron; *quels* guardan la gloria del Segner, la magnificenza da nos Deis.

3. * Confirmai ils mans stangels, e fortifichai la snuoglia chi undaja!

* Ebr. 12, 12.

4. Dit a quels chi sun smarrits d' anim: Sajat cuffortats, non as tmarai! Mera qua, vos Deis; la vendetta vain, la retribuiziun da Dieu; el svesc vain ed as salva.

5. Lura vegnan avrits ils ögls dels orbs, e las uraglias dels suords saran avertas.

6. Lura saglia il zop sco ün tshier-vi, e la lingua del müt chanta; perche auas rumpan oura nel desert, e torrents nel lö soldan.

7. Il lö sech dvainta ün lai, e la

terra sùtta avainas d'auas; nel abitacul dels lufs, ingio ais lur stavel, ais ün cortil, lö da channa e fastüds.

8. E qua sarà üna strada, ed üna via, chi sarà clamada la via saneta; * ils malnets non passan qua tras, anzi l' ais per els sulets; ils vian-dants, s vess ils nars, non pon ir *plü* ad errur.

* Gioel 3, 17.

9. Qua non sarà liun, ed ingüna del-las bestias rapaces non vain sün quella, ingün non as chatta qua, be ils spendrats chaminan là.

10. * E quels chi dal Segner sun spendrats tuornan darcheu, e vegnan in Sion con chanzun; ed allegrezza eterna sur lur cheu. Els obtegnan allegrezza e dalet, † e la dölur, e 'ls suspürs fügen d' els. * Es. 51, 11, † Ap. 7, 17.

CHAP. XXXVI.

Sanherib trametta Rabsache ad assediare Gerusalem. Il propöst da Rabsache vers ils serviaints d' Hischia; sun plains da superbia, e blastemas conter Dieu.

MA * dvantet l' an quattordesch del rai Hischia, Sanherib, il rai d' Assiria, tret sü conter tuot las cittads fermas da Giuda, e las piglet.

* 2 Reg. 18, 13, 17.

2. E' l rai d' Assiria tramettet Rabsache da Lachis a Gerusalem pro 'l rai Hischia con üna grand' armada; e quel as fermet sper l' aquaduct del lai sura, nella strada del champ del fulladur.

3. Ed Eliachim, il figl da Hilehia, il guardiant del palazzi, e Sebna, il secretari, e Joa, il figl d' Asaf, il cancellar, gettan oura pro el.

4. E Rabsache dschet ad els: Ma dit ad Hischia: Usche disch il grand rai, il rai d' Assiria: Che confidenza *ais* quaista cha tü hast?

5. Eu di: Cossagl, e forza per la guerra non sun oter co plets dels lefs; impero, in chi at confidast uossa, cha tü at hast rebellâ conter mai?

6. Mera, tü at confidast in quel sostegn da channa ruotta, sün il qual, sch' alichün s' appoza, schi l' intra 'l nel man, e' l foura 'l; tal *ais* Farao, il rai d' Egipto, a tuot quels chi 's confidan in el.

7. Impero scha tü 'm dist: Nus ans confidain nel Segner nos Deis; non

ais el quel, ils lous ots, e 'ls utêrs del qual Hischia ha tut davent, e dit a Giuda, ed a Gerusalem: Adurai avant quaiست utêr?

8. Ah tü, intra uossa in pats con meis signur, il rai d' Assiria, ed eu 't vögl dar duamilli chavals, ingio tü vainst a podair dar *tants homens* chi'ls muntan.

9. Schi co volessast tü far volver la fatscha ad ün sulet dels chapitanis, ad ün dels minims serviaints da meis signur? Ma tü 't confidast sün Egipto per charra, e per pövel a chavagl.

10. Ma uossa, sun eu forza trat sü sainz' il Segner conter quaiست pajais per il dazipar? Il Segner m' ha dit: Tira sü conter quel pajais, e dazipa 'l!

11. Lura Eliachim, e Sebna, e Joa, dschettan a Rabsache: Ah, tschant-scha con teis serviaints in lingua Siraica, perche nus l' incleain, e non tschantschar con nus in lingua Giudaica, il che oda il pövel, chi *ais* sün la müraglia.

12. Ma Rabsache dschet: Meis signur m' ha el tramiss a dir quaiست plets a teis signur, o a tai? Non m' ha el tramiss pro quels chi stan sül mür, *per protestar*, ch' el ils farà mangiar lur aldüm, e baiver lur urina, insembel con vus?

13. Lura Rabsache as drizzet in pè, e bragit ad ota vusch in lingua Giudaica, e dschet: Tadlai ils plets del grand rai, del rai d' Assiria!

14. Usche disch il rai: Cha Hischia non s' ingianna; perche el non as po deliberar.

15. E cha Hischia non as fetscha confidar nel Segner, dschand: Il Segner pertschert ans delibrerà; quaista città non sarà datta nels mans del rai d' Assiria.

16. Non tadlarai Hischia, perche uschea disch il rai d' Assiria: Fat pasch con mai, e gni oura pro mai, e scodün da vus dess mangiar da sia vit, e da seis figêr, e baiver dell' aua da sia cisterna;

17. Fin ch' eu vegn, e 's main in ün pajais, simil al vos; ün pajais da formaint, e da muost; ün pajais da pan, e da vignas.

18. S' *inguardai*, cha Hischia non as

surmaina, dschand: Il Segner ans delibrerà. Ha pür ün dels deis dels pövels deliberà seis pajais dal man del rai d'Assiria?

19. Ingio *sun* ils deis da Hemat, e d'Arpad? Ingio ils deis da Sefarvaim; han pür quels deliberà Samaria da meis man?

20. Quels *sun* *quels deis*, tanter tuot ils deis da quels pajais, chi hajan deliberà lur pajais da meis man, cha 'l Segner dovess deliberar Gerusalem da meis man?

21. E 'l *pövel* taschet, e non al respondet inguotta; perche tal eira il comand del rai: Non al responderai inguotta!

22. Ed Eliachim, il figl da Hischia, il guardiant del palazzi, e Sebna, il secretari, e Joa, il figl d'Asaf, il cancellar, gnittan pro Hischia con las rassas sdratschadas, e 'l referittan ils plets da Rabsache.

CHAP. XXXVII.

Il rai Hischia ais smarri, udind las blastemmas da Rabsache. L'oraziun da Hischia. Esaja cuforta Hischia, e 'l predisch la ruina da Sancherib.

La sternüda dels Assiriers, fatta tras l'angel.

E * cur il rai Hischia avet incelet quaistas chosas, sdratschet el sia vestimainta, e 's covernet con ün sach, ed intret nella chasa del Segner,

*2 Reg. 19, 1.

2. E tramettet Eliachim, il guardiant del palazzi, e Sebna, il secretari, e 'ls plü vegls dels sacerdots, covernats con sachs, pro 'l profet Esaja, il figl d'Amos.

3. E quels al dschettan: Usche ha dit Hischia: Quaist *ais* ün di d'anguoscha, e da reprensiun, e da blasfemia; perche ils infants sun gnüts fin all'averta della matrice, ma non *ais* qua forza da parturir.

4. Forsa cha 'l Segner teis Deis ha incelet ils plets da Rabsache, il qual il rai d'Assiria, seis signur, ha tramiss per ingiuriar il Deis vivaint, e per al far imbüttamaints con ils plets, cha 'l Segner teis Deis ha udi; perquai, at mett' a far oraziun per il rimanent del *pövel* chi 's chatta!

5. Usche ils servaints del rai Hischia gnittan pro Esaja.

6. Ed Esaja dschet ad els: Dit usche

a vos signur: Usche disch il Segner: Non at tmair per ils plets cha tü hast udi, con ils quals ils servaints del rai dels Assiriers m'han ingiuriâ.

7. Mera, eu al vögl nel presaint dar aint ün spiert, ed el inlegerà üna fama, e turnerà darcheu in seis pajais, ed eu il vögl far erodar tras la spada in seis pajais.

8. Ma Rabsache turnet darcheu, e chattet il rai d'Assiria, chi combattaiva Libna, perche 'l avaiva incelet, ch'el füss partì da Lachis.

9. Qua avet el novas da Tiraca, del rai d'Etiopia, ch'ün dschaiva: L'ais trat oura per far battaglia con tai. Ed, aviand udi quai, tramettet el mess pro Hischia, dschand:

10. Dit usche ad Hischia, al rai da Giuda: Cha teis Deis, nel qual tü't confidast, non t'ingianna, dschand: Gerusalem non sarà datta in man del rai d'Assiria.

11. Mera, tü hast incelet quai cha 'ls rais dels Assiriers han fat con tuot ils oters pajais, ils sdrüand, e tü dessast scampar via?

12. Ils deis dels pövels cha meis buns sdrüettan, da Gozan, e da Haran, da Resef, e dels figls d'Eden, chi *sun* in Telessar, ils han quels delibe-rats?

13. Ingio *ais* il rai da Hemat, e 'l rai d'Arpad, e 'l rai della città da Sefarvaim, da Hena, e d'Iva?

14. Ed Hischia retschivet quellas chartas dal man dels mess, e las leet; lura muntet el sü nella chasa del Segner, e la splajet our'avant il Segner.

15. Ed Hischia fet oraziun al Segner, dschand:

16. Segner dels exercits, Deis d'Israel, chi sezzast sur ils cherubins, tü sulet est il Deis da tuot ils reginams della terra; tü hast fat il tsel, e la terra.

17. Segner, inclina ti'uraglia, ed oda; Segner, avra teis ögls, e guarda, e taidla tuot ils plets da Sancherib, chi 'ls ha tramiss per vituperar il Deis vivaint.

18. L'*ais* vaira, Segner, cha 'ls rais dels Assiriers han sdrüt tuot quels pajais, e lur terras;

19. Ed han büttâ lur deis nel fô;

perche quels non eiran deis, ma ouvra da mans da crastian, crap e lain; perquai ils han els sdrüts.

20. Ma uossa, o Segner nos Deis, delibera 'ns da seis man, acio cha tuot ils reginams della terra cognoschan, cha tü sulet *est* il Segner.

21. Lura Esaja, il figl d'Amos, tramettet a dir ad Hischia: Usche ha dit il Segner Deis d'Israel: Quai, dal qual tü m' hast fat oraziun davart Sancherib, il rai dels Assiriers;

22. Schi *ais* quai il pled, cha 'l Segner ha pronunziâ conter el: La vergina, figlia da Sion, at spretscha, e 't fa beffa; la figlia da Gerusalem squassa il cheu davo tai.

23. Chi hast tü spretschâ, ed ingiuriâ? E conter chi hast tü ozâ la vusch, ed alventâ in ot teis ögls? Conter il sanet d'Israel!

24. Tü hast tras teis serviants spretschâ il Segner, ed hast dit: Con la blierüra da mia charra sun eu muntâ sün la tschikka dels munts, fin al plü ot del Libano; eu vögl tagliar seis ils plü ots ceters, e seis ils plü tschernüts pins, e vögl rivar fin al ot da sia tschikka, al god da seis Carmel.

25. Eu ha chavâ *puozs* ed ha bavü las auas, ed ha süjantâ sü con la planta da meis peis tuot ils auals dels lous assediats.

26. Non hast tü inolet, *ch' eu*, già da lung temp, ha fat quai, e l'ha formâ da vegl nan? *Ed* uossa l'ha eu fat gnir, ed ais stat per desolar, *e per redür* in muschnas las cittats fermas.

27. E'ls abitants da quellas, siand privats da forza, sun stats spaventats, e confus; sun stats *sco* l'erba della cuttüra, e *sco* la verdüra della ravitscha, e *sco* l'fain dels tets, e *sco* las früas arsentadas, ant cha sajan gnüdas sü in spia.

28. Ma eu cognosch teis star, e teis uschir, e teis intrar, e tia furia conter mai.

29. Siand cha tü est in furia conter mai, e cha teis romurar ais gnü-sü avant mias uraglias, schi't vögl eu metter meis cröschin in teis nas, e meis frain intias masellas, e't vögl darcheu far turnar inavo per l'istessa via, sün la quala tü est gnü.

30. E quai, *Hischia*, at sarà per signal: Il prüm an mangettat vus quai cha creschet dels grans crodats, e l'an seguaint quai cha sarà creschü da sei sves; ma'l terz an dessat vus semnar, e tschuncar, e dessat implantar vignas, e mangiar da lur früt.

31. E quai cha sarà restâ della chasa da Giuda, e sarà scampâ via, continuerà a far ragisch giò suot, ed a portar früt süsura.

32. Perche da Gerusalem vain a gnir oura ün rimanent, e dal munt da Sion ün vanzâ. La zelosia del Segner dels exercits farà quai.

33. Perquai il Segner disch usche davart il rai dels Assiriers: El non intrerà in quai città, e non trarà aint alchüna frizza, e non gnarà al assalt conter quella con schüts, e non farà alchüna transêra conter quella.

34. El turnerà per la medema via, sün la quala l'ais gnü, e non intrerà in quai città, disch il Segner.

35. Ed eu vögl esser protectur da quai città, per la salvar; peramur da mai sves, e da David, meis serviants.

36. Qua tret oura ün angel del Segner, e battet tschientottant'e tschinch milli *homens* nel champ dels Assiriers, e, *cur* as füt alvâ la mattina, mera, non *as vezzaiv'* oter co corps morts.

37. E Sancherib, il rai dels Assiriers, as partit e get davent, e turnet darcheu in Ninive, e dmuret là.

38. E d'vantet, intant ch'el aduraiva nella chasa da Nisroc, seis dieu, Adrammelec, e Sareser, seis figls, il battettan con la spada, e lura scampettan els via nel pajais Ararat. Ed Asarhaddon, seis figl, regnet in seis lö.

CHAP. XXXVIII.

Hischia, siand amalâ, rova il Segner. Esaja l'annunzia, cha sia vita sarà prolungnada, e l' da ün signal, per il qual el ingrazi' a Dieu.

IN * quel temp gnit Hischia amalâ a mort. E'l profet Esaja, il figl d'Amos, gnit pro el, e'l dschet: Usche disch il Segner: Dispona da tia chasa, perche tü *est* a morir, e non viverast plü.

* 2 Reg. 20, 1.

2. Lura *Hischia* volvet la fatscha vers la parait, e fet oraziun vi'al Segner,

3. Dschand: Ah Segner, at regord' uossa ch' eu sun chaminâ in tei sospet in vardà, e da cour sincêr, ed ha fat quai cha *t'ais* a plaschair! Ed Hischia eridet con grand eridar.

4. Lura *füt* il pled del Segner *indrizzâ* ad Esaja, dschand:

5. Vâ, e di ad Hischia: Usche disch il Segner Deis da David, tei bap: Eu ha udi ti' oraziun, vis tias larmas; mera, eu met pro al temp da tia vita amo quindesch ans.

6. E vögl deliberar tai, e quaista città, dal man del rai dels Assiriers, e vögl esser protectur da quaista città.

7. E quaist *at sarà* il signal da parte del Segner, ch'el complirà quaist pled, ch'el ha pronunziâ:

8. Mera, *disch il Segner*, eu al pre-saint fetsch turnar dacheu la sumbriva, la quala *ais* agià ida giò sün l'orologi da solai d'Ahaz, inavo per desch grads. E'l solai turnet inavo per desch grads, per ils grads, ch'el eira agià it giò.

9. QUAIST' *ais* la chanzun da Hischia, del rai da Giuda, eur ch'el füt amalà, e guari da sia malatia.

10. Eu dschaiva: Uossa nella quietezza da meis dis dess eu ir pro las portas dalla sepultüra; privâ del rimanent da meis ans.

11. Eu dschaiva: Eu non vegn *plü* a vair il Segner, il Segner nel pajais dels vivaints; e na plü a vair alchün crastian pro'ls abitants del muond quiet.

12. Mia dmura ais passada, l'ais ida via, sco la tenda d'ün pastur; eu tagl giò mia vita a guisa d'ün zuns; el am piglia via dal subel mez tessü; dalla mattina alla saira fast fin con mai.

13. Eu spettet fin allâ mattina; el am smachet tuot m'ossa, sco ün liun; dalla mattina alla saira fast fin con mai.

14. Eu pieulaiva sco la graula, o la rundellina; eu pudaiva sco la colomba; meis ögls eiran gnüts stangels, *guardand* in ot, eu *dschaiva*: Segner, meis cour am fa forza, salva'm!

15. Che dess eu dir? El m'ha impromiss, ed el l'ha fat. Eu vögl viver in

ümiltà tuot ils ans da mia vita, passantand la tristezza da mi' orma.

16. O Segner, da quaist vivan tuots; in tuot quaist subsista la vita da meis spiert; tû vainst am mantgnair, e conceda'm la vita.

17. Mera, a mia pasch m' *ais scontrâ* conturbraziun zuond ascha, ma tû hast amâ mi' orma, *per la trar* our dalla fossa della destrucziun; perche tû büttettast davo tia rain tuot meis puchats.

18. Perche *la sepultüra non at celebrescha, la mort *non* at loda; quels chi van giò nella fossa non han spranza in tia vardà. * Ps. 6, 6.

19. Ils vivaints, ils vivaints saran quels chi'l celebreschan, sco eu *fetsch* al di d'hoz; il bap fa a savoir als infants tia vardà.

20. Il Segner am salva, e nus volain sunar nossas chanzuns tuot il temp da nossa vita nella chasa del Segner.

21. * Ma Esaja dschet, cha's piglia üna pasta da fies sechs, e cha's fetscha ün implaster sün l'umfladium, ch'el guarescha. * 2 Reg. 20, 7.

22. Ed Hischia dschet: Qual *ais* il signal, ch'eu giarà sù nella chasa del Segner?

CHAP. XXXIX.

Hischia, moventâ d'ambiziun e vanagloria, mossa als ambaschadurs del rai da Babilon seis tesors. El vain reprais tras Esaja. La risposta da Hischia sün las innatschas d'Esaja.

IN quel temp, Merodac-Baladan, il figl da Baladan, il rai da Babilon, tramettet chartas e preschaints ad Hischia, perche l'avaiva inclet, ch'el eira guari.

2. Ed Hischia s'allegret dels, e mosset la chasa da sias chosas preziasas, l'argent, e l'or, e las spezias, e l's ölis bainsavurits, e la chasa da tuot si' üsaglia, e tuot quai cha's chat-taiv' in seis tesors. Qua non füt chos'alchüna in chasa, ovvero in tuot il domini da Hischia, ch'el non mosset ad els.

3. Ed Esaja, il profet, gnit pro'l rai Hischia, e dschet ad el: Che han dit quaists homens? E dinuonder sun els gnüts pro tai? Ed Hischia dschet: Els sun gnüts pro mai da pajais lontan, da Babilon.

4. Ed *Esaja* dschet: Che han els vis in tia chasa? Ed *Hischia* dschet: Els han vis tuot quai ch' *ais* in mia chasa; qua non *ais* inguotta in meis tesors, ch' eu non als haja mossâ.

5. Ed *Esaja* dschet ad *Hischia*: Taidl' il pled del Segner dels exercits.

6. Mera, ils dis vegnan, cha tuot quai ch' *ais* in tia chasa, e quai, cha tei babuns han raspâ nel tesor fin a quai di, sarâ portâ in Babilon, e non sarâ laschâ restar chos' ingüna, disch il Segner.

7. Eir vegnan els a tour da tei figls, gnüts da tai, ils quals tû averast genui, per esser eunucs nel palazzi del rai da Babilon.

8. Ed *Hischia* dschet ad *Esaja*: Il pled del Segner, cha tû hast pronunziâ, *ais* bun. Lura dschet el: Non vaine impero ad esser qua pasch, e sgürezza in meis dis?

CHAP. XL.

Esaja predisch la vgnüda da Gioan Battista, e seis ministeri, e lura quella da Cristo, e la predgia del evangeli, demonstrand, cha la gloria dell' ouvra della grazia da Dieu appertegna ad el sulet. Sia baselgia dess in el tschantar tuot sia confidenza.

CUFFORTAI, cuffortai meis pövel, disch vos Dieu.

2. Favlai a cour a Gerusalem, e clamâ-la, cha seis term *ais* compli, cha s' iniquità *ais* quittada; ch' ella ha ardsehvü dal man del Segner il dobel da tuot seis puchats.

3. * Üna vusch d' ün chi braja: Chiön-schai nel desert la via del Segner; planai tras il lö soldan üna strada a nos Deis!

* Mat. 3, 3. Marc. 1, 3. Luc. 3, 4. Gioan. 1, 23.

4. Ogni val saj' ozada, ed ogni munt e muot saj' abbassâ, e sajan ils lous torts fats agualivs, e'ls lous erts reduüts in planüra.

5. Usche la gloria del Segner vain as manifestar, ed ogni charn vain a la vair; perche la bocca del Segner l' ha favlâ.

6. Üna vusch chi disch: Braja! Ed el disch: Che dess eu bragir? *Braja*: * Ogni charn *ais* fain, e tuot sia amablezza *ais* sco la fluor della cuttüra.

* Giob 14, 2. Giac. 1, 10. 1 Petr. 1, 24.

7. Il fain secha via, la fluor vain passa, cur il spiert del Segner soffla

qua conter. (In vardâ, il pövel *ais* fain.)

8. Il fain secha via, la fluor vain passa; ma il pled da Dieu dmura in eterno.

9. O Sion, chi portast bunas novas, vâ sÿ sÿn munt ot; o Gerusalem, chi portast bunas novas, oza con forza tia vusch; oz'-la, non tmair; di allas cittats da Giuda: Mera qua vos Deis!

10. Mera, il Segner Deis vain sco ün ferm, e seis bratsch vain a signorar; mera, sia mercede *ais* con el, e sia recompensa avant sia fatscha.

11. * A guisa da pastur vain el a paschantar sia scossa; el raspa nan in seis bratsch ils angels, e'ls piglia in seis sain; el condüa plan plan las nuorsêras.

* Ez. 34, 23.

12. Chi masüret las auas con il puogn, e chi fet il quint del tselhel con la palma, e comprehendet la puolvra della terra in üna masüra, e pai-set ils munts con la stadaira, e'ls muots con la balanscha?

13. * Chi comprehendet il Spiert del Segner, e füt seis cosglêr, chi 'l mosset chos' *alchiüna*?

* Rom. 11, 34.

14. Con chi s' ha el cosgliâ, *chi*'l avess instrui, ed informâ nella senda del güst, ed amossâ scienza, ed intraguidâ nella via dell' intelligenza?

15. Mera, pövels *sun* sco ün guot vi' alla sadella, e da quintar sco puolvra sÿn la balanscha; mera sco puolvra fina, transport' el las inslas da lö in lö;

16. E' l Libano non gniss a bastar per il fö, e las bestias chi sun sÿn quel non gnissan a bastar per l' olocaust.

17. * Tuot ils pövels *sun* sco inguotta in seis conspet; sun quintats dad el sco' l vöd e' l van.

* Dan. 4, 35.

18. Ed a chi volessat vus far Deis sumgiant, e che sumgensch' al volessat vus comparar?

19. L' artist cul' üna figüra, e l' orais la surтира con or, e cula chadainas d' argient landervia.

20. Quel chi fa offerta povra as tschern' oura ün lain, *chi* non vain marsch, e's tschercha ün maister industrius per al formar ün' imagna chi non as movainta.

21. Non avais vus cognoschenscha? Non l'udis vus? Non s'ais *il fat* decelerà già da principi? Non inelejais vus eo la terra füt sögliada?

22. *El, quel* chi sezza sur la culla della terra, *al qual* seis abitants *sun* seo salips; chi stend'oura ils tshels seo üna taila, e 'ls splaj'oura seo üna tenda d'abitar;

23. Chi redüja principals ad inguotta, e fa ils redschadurs della terra üna chosa vana, —

24. Apaina sun els implantats, apaina semnats, apaina cha lur tronc ais ragischà nella terra; solum ch'el soffla conter, schi sechan els via, e'l trabaglils porta davent seo paglia, —

25. A chi dimena am volessat vus far sumgiant? O *a chi* dess eu esser conglual? Disch il sanct.

26. Ozai voss ögls in ot vers il tshel, e guardai! Chi ha creà *quaist*? Quel *chi* main'oura lur exercit per number; *chi* las clama tuottas per nom; per la grandezza da *sia* forza, e per *sia* potenza in virtù non manca nianc'üna!

27. Perche dist tü, o Giacob, e *perche*, o Israel, tshantschast tü *usche*: Mia vita ais zoppada al Segner, e mia rasehun non vain plü avant meis Deis?

28. Non sast tü, o non l'hast tü udi? Il Segner *ais* ün Deis etern, chi ha creà l'extremità dalla terra. El non vain stangel, e non vain lass; seis intellet ais infinit.

29. El da forza al stangel, e creashainta la vigr a chi ais debel.

30. Giuvens vegnan stangels, e vegnan lass, e giuvens tshernüts trabüchan, e croudan;

31. Ma quels chi han spranza nel Segner s'acquistan *da contin* novas forzas; creschan dad alas seo las aglias; cuorran, e non dvaintan lass; chaminan, e non dvaintan stangels.

CHAP. XLI.

Il profet introdüa Deis seo clamand a güdizi tuot ils idolaters per ils convenscher, cha a seis figl sulet appertegna ogni onur divina. Asgüra ed imprometta alla baselgia la victoria sur seis inimis; conferma la vanità dels idols, e la vardà da sia impromissün dalla vgnüda da Cristo.

INSLAS, taschai, udi'm; e las naziuns as dessan rinforzar; cha s'ap-

prosman lura, e cha tshantschan; giain insembel pro'l güdizi!

2. Chi sdasdet sü dal oriaint la güstia? *Chi* la clamet, ch'ella al sieua da pass a pass? Chi metta avant el ils pövels, e dominescha ils rais, e renda lur spadas seo puolvra, e lur balaisters seo paglia sofflada vi'e nan?

3. Ella seguitteschà, e passa inavant con sgürezza per üna strada, sün la quala non han plü chaminà seis peis.

4. Chi ha operà, e fat *quaist*? Quel, chi da princip'innan proclamet las generaziuns; eu, il Segner, * chi *sun* il prim, ed *eir sun* con ils ultims; eu sun quel.

* Es. 43, 10. Ap. 1, 17.

5. Las inslas han vis, ed han tmü; las extremitats della terra tremblan, s'approsman, e vegnan nan.

6. Scodün güda al oter, e disch a seis frar: At fà anim!

7. Il farêr cufforta l'urais; quel chi *lavura* col martè *cufforta* quel chi batta sün la massa; disch dalla lutjadüra: L'ais buna! E ferma la *lavor* con guottas, cha non sluozia.

8. Ma tü, Israel, meis serviaint, Giacob, * ch'eu ha elet, sem d'Abraham, da meis ami,

* Deut. 7, 6.

9. Ch'eu t'ha tut nan dall'extremità della terra, e t'ha clamà nan da seis confins, e t'ha dit: Tü *est* meis serviaint, eu t'elej, e non at rebüt:

10. Non at tmair, perche eu *sun* con tai! Non at smarrir, perche eu *sun* teis Deis! Eu't fortifich, schi't agüd, schi't sostegn con il man dret da mia güstia.

11. Mera, * tuot quels chi sun tachats dad ira conter tai saran svergognats, e confus; teis adversaris saran redüts ad inguotta, e vegnan a perir.

* Ex. 23, 22.

12. Tü vainst a tsherchar quels chi dispittettan con tai, e non ils chat-tast; quels chi at dettan guerra saran redüts ad inguotta, e consumats.

13. Perche eu il Segner teis Deis, *sun* chi at tegn per il man dret, chi't disch: Non at tmair, eu at güd.

14. Non at tmair, tü verm Giacob, paca gliend d'Israel, eu at güd, disch il Segner, e teis spendrader ais il sanct d'Israel.

15. Mera, eu't fetsch esser ün charr da scuder, ün erpeli con daints nouvs; tü dessast scuder ils munts, e 'ls sfrislar, e müdar ils muots in paglia.

16. Tü dessast ils vannar, cha'l vent ils porta via, e'l trabagl ils rasa; ma tü vainst a güvlar supr' il Segner, tü vainst at gloriar del sanct d' Israel.

17. Ils povers e bsögnus, tscherchan auas, e non *chattan* alehüna; lur lengua spasmescha da sait; schi eu, il Segner, ils vögl exodir, *eu*, il Deis d' Israel, non ils vögl bandunar.

18. * Eu avr'oura flüms sur muots nüds, e fontanas in mez las champagnas; redüj il desert in lais d' auas, e la terra sütta in fontanas bugliain-tas.

* Es. 35, 7.

19. Eu met nel desert il ceder, *il lain* sittim, e'l lain mirra, e l'olivêr; eu met nel lö soldan il pin, il teu, e'l larsch insembel;

20. Acio cha tuots insembel vezzan, e cognoschan, e considran, ed inle-
jan, cha'l man del Segner ha fat quai, e cha'l sanct d' Israel quai ha creâ.

21. Prodüjai vossa lita, disch il Segner; portai nan las raschuns, con las qualas vus la fortifichais, disch il rai da Jacob.

22. Ch'els pür las allegeschian, * e cha'ns annunzieschan las chosas chi vegnan a gnir; annunziai co sun stat-tas las prümas, schi volain nus tour a cour, per cognoscher quai cha sieua davo; ovvero fattans inlel quai cha vain a gnir.

* Es. 45, 20. 21. 46, 10.

23. Ans annunziai che gnarà nels temps davo, schi gnin nus a cogno-scher, cha vus *eschat* deis. Fat* qual-cha bain, o qualcha mal, cha nus sa-
jan surprais, e guardan quai tuots in-
sembel,

* Ger. 10, 5.

24. Mera, * vus *eschat* dad inguotta, e voss'ouвра ais dad inguotta; *chi* as tscherna ais ün' abominaziun!

* 1 Cor. 8, 4.

25. Eu il sdasdet sü nan da mezza-not, ed el gnit; quel chi predgia meis nom, dal solai alvand; ed el trappia suot ils potentats seo arschiglia, a guisa cha'l vasehlêr zappa giò l'ar-schiglia.

26. Chi ha annunziâ *quai*st da prin-

cipi, cha nus il recognoschan; e chi da vegl nan, cha nus il pronunzian güst? Ma tschert ingün non il declaret, ingün non fet inlel, ed ingün non udit voss raschunamaints.

27. Il prüm *vain* pro Sion, *dschand*: Mera, quellas chosas; ed a Gerusa-lem tramet eu ün mess da bunas nouvas.

28. Ma eu guard intuorn, e *qua* non *ais* ingün; tanter quels, *qua* non *ais* ingün cosglêr, il qual, cur eu il do-mand, detta risposta.

29. Mera, quels tuots *sun* vanità, lur ouvras *sun* inguotta, lur statuas *sun* vent e chosa vana.

CHAP. XLII.

Profezia da Cristo, e da sia ümiltà, e fideltà; perche Cristo saja tramiss nel muond; avis a tuottas creatüras, da lodar Dieu per quella usche grand' ouвра. La forza, e pussanza del Segner per mantgnair sia baselgia.

MERA, * meis serviaint, ch'eu tegn südret; meis elet, *vi' al qual* mi' or-ma ha ün bainplachair. † Eu met meis spiert stün el, el vain a portar avant als pövels il güst.

* Mat. 12, 18. † Es. 11, 2. Gioan. 3, 34.

2. El non braja, e non oza, e non fa udir sia vusch per las plazzas;

3. El non smacha la channa ruotta, e non stüzza il pavagl chi fümma; el proferescha il güst seguond vardà.

4. El svess non sarà inshüri, e non sarà stangel, fin ch'el haja miss il güst sü la terra, e las inslas spettan sü la ledscha.

5. Usche disch il Segner Deis, chi ha * creâ ils tschels, e'ls ha distais; chi ha planâ la terra, e che ch'ella prodüa; chi det il flâ al pövel, *chi ais* lasura, e'l spiert a quels chi là cha-minan.

* Zac. 12, 1.

6. Eu, il Segner, at clam pro güstia, e pigl teis man; eu't perchür, e't con-stituish per mediatür della lia del pövel, per * glüm dellas naziuns.

* Es. 49, 6.

7. * Per avrir ils ögls dels orbs, per trar our da preschun ils preschunêrs, e quels chi giaschan nellas schürez-zas our dalla chasa della preschun.

* Es. 35, 5. Luc. 4, 18.

8. Eu *sun* il Segner, quaist *ais* meis nom, ed * eu non dun mia gloria ad

ingün oter, ne meis lod allas figüras intagliadas.

* Es. 48, 11.

9. Las prümas chosas, mera, sun gnüdas, ed eu annunziesch novvas; eu las as fetsch a savair, ant cha sajan produütas.

10. * Chantai al Segner üna nouva chanzun, seis lod fin nan dall' extremità della terra; vus chi navigiais il mâr, e quai ch' ais in quel; vus inslas, e lur abitants;

* Ps. 33, 3. 40, 3.

11. Il desert, e sias cittats, dessan ozar *la vusch*, ils vihs, *ingio* dmura Chedar; cha chantan quels chi avdan nels spelms; ch' ün detta vusch d' allegrezza nan dalla sommità dels munts.

12. Ch' ün detta gloria al Segner, ed annunzia seis lod süin las inslas.

13. * Il Segner tir' oura a guisa da barun; el sdasda sü *sia* zelosia, seo ün guerrier; el bragia, schi, rump' oura in clam da guerra, victorius sur seis inimis.

14. Eu taschet agià da lung temp nan, stetquaid, e'mretgnet; *ma vossa* vögl eu bragir seo la duonna chi ais sur part, vögl sbuorflar, e trar l' ajer insembel.

15. Eu vögl desertar munts, e muots, e sechantar tuot lur erba; eu redüj flüms in terra sütta, e süjaint sü lais.

16. Eu fetsch chaminar orbs per üna via, *ch' els* non cognoschan; eu ils condüj tras sendas, ch' els non san; eu volv las schürezzas avant els in glüm, e 'ls lous torts in *chamin* agualiv. Quaistas chosas eu las fetsch, e non las interlasch.

17. Lura volvan las spadlas, e sun in *granda* confusiun quels chi's fidan süin figüras intagliadas; quels chi dischan allas statuas culadas: Vus *eschat* noss deis!

18. O suords, tadlai, e *vus* orbs, guardai nan per vair.

19. Chi *ais* orb, oter co meis serviaint? E suord, scha na il mess *ch'* eu tramet? Chi *ais* orb, seo l' ami da Dieu; schi, *chi ais* orb, seo 'l serviaint del Segner?

20. Tü vazzettast bleras chosas, ma non las piglettast a cour; ün avaiava avert las uraglias, ma non tadlet.

21. Il Segner as complaschet per a

mur da sia güstia, ch' el magnifichet, ed illustret la ledscha.

22. *Ma* pür ais el ün pövel spogliâ, e butinâ; tuots, quants cha sun, sun liats nels cuvels, e zoppats nellas preschuns; els sun in butin, e non *ais* ingün *qua* ch' *ils* spendra; sun rubats, e non *ais* ingün *qua* chi dia: Renda 'ls!

23. Chi da vus voul sporscher l' uraglia a quai, as far surasen, e tadlar per l' avegnir?

24. Chi det Giacob in praja, ed Israel als rubadurs? Non *aise* il Segner, conter il qual nus avain pechâ, e *sün* las vias del qual els non han voglù chaminar, ed alla ledscha del qual els non han obedi?

25. Pelqual el spandet oura sur Israel la furia da si' ira, e ferma guerra, el constümet con flamma daper-tuot intuorn, ma el non il cognoschet, e l' ardet, ma el non piglet a cour.

CHAP. XLIII.

Il Segner predisch a sia baselgia la deliberaziun dalla preschun da Babilon, e con quai fa el vair a tuot il muond, ch' el ais il sulet ed etern Dieu; e quel benefizi non dess ella scriver pro a seis merit, ma alla grazia da Dieu.

MA vossa disch usche il Segner, teis creader, o Giacob, e quel chi't formet, o Israel: Non at tmair; perche eu't spendr, eu't clam per nome, tü *est* meis.

2. Cur tü passast tras las auas, *sch'* sun eu con tai, e *cur* tras ils flüms, schi non vegnan quels at inondar; cur tü chaminast tras il fö, schi non sarast ars, e la flamma non at consüma.

3. Perche eu *sun* il Segner tei Deis; il sanet d' Israel ais tei salvader; eu dun per tia spendraschun l' Egipto, e l' Etiopia, e Saba, in tei pe.

4. Siand tü m' est char, e pretschâ, ed eu t' am, schi dun eu glieud per tai, e pövel per ti' orma.

5. * Non at tmair, perche eu *sun* con tai; eu fetsch gnir tei sem dal levant, e t' rasp nan dal ponent.

* Ger. 30, 10.

6. Eu di al settentrion: Dà nan! Ed al mezdi: Non scomandar! Maina nan meis figls dal lontan, e mias figlias nan dall' extremità della terra;

7. Tuot quels chi's claman con meis nom, ils quals * eu creet a mia gloria, ch' eu formet, schi fet. * Ps. 100, 3.

Es. 29, 23. Gioan. 3, 3. 5. 2 Cor. 5, 17. Ef. 2, 10.

8. * Dà our' il pövel, ch' ais orb, schabain ch' el ha ögls, e ch' ais suord, schabain ch' el ha uraglias! * Es. 42, 19.

9. Tuot ils pövels sajan fats gnir insembel, e raspadas las naziuns. Chi intanter els po annunziar quai? E chi ans fa inder las chosas del prüm; ch' els prodüan lur testimonis, cha sajan güstificats; ch' els svesch taidlan, e dian: *Quai'st ais la vardà!*

10. Vus, insembel con meis serviaint, il qual eu elet, am *eschat* perdüttas, disch il Segner, acio cha vus sapchat, e'm crajat, ed inlejat, ch' eu *sun* quel. * Avant mai non füt formâ alchün dieu, e davo mai non vain ad esser *ingün*. * Es. 41, 44.

11. Eu, eu *sun* il Segner, ed ourdvar mai non *ais* ingün salvader.

12. Eu annunziet, e salvet, e fet inder, e tanter vus non *ais stat* alchün dieu ester, e vus m' *eschat* perdüttas, disch il Segner, ed eu *sun* Deis.

13. Dall' ur' innan cha füt il di *eira* eu agià, ed ingün non delibera da meis man. * *Sch'* eu operesch, schi chi vain ad impedir *mia lavur*? * Job 9, 12.

14. Usche disch il Segner, vos spender, il sanet d' Israel: Per amur da vus tramettet eu conter Babilon, e 'ls farà ir giò tuots, e 'ls Caldeers in fùgia e bragizi nellas navs.

15. Eu, il Segner, *sun* vos sanet, il creader d' Israel, vos rai.

16. Usche disch il Segner, il qual fet üna via nel mâr, ed üna senda nellas auas fortünusas,

17. Il qual fet trar oura charra, e chavals, exercit, e sforz; tuots, quants cha eiran, sun terrats giò, e non pon s' alvantar; sun annullats, stüzzats sco ün pavagl.

18. * Non as regordarai dellas chosas del prüm, e non starai a guardar las chosas veglias. * Ger. 16, 14.

19. Mera, en fetsch chosa nouva; uoss' ais la prodüta; non la dessat vus cognoscher? Eu vögl eir metter üna via nel desert, e flüms nel lö soldan.

20. Las bestias solvadias della champagna, ils lufs, e 'ls püfs vegnan am glorifichar, ch' eu mettet auas nel desert, e flüms nel lö soldan, per dar da baiver a meis pövel, a meis elet.

21. Il pövel, ch' eu m' ha formâ, vain a requintar meis lod.

22. Ma pür tü non m' hast clamâ in agiä, o Giacob, cha tü t' avessast sfadiä per mai, o Israel.

23. Tü non am presentettast la bescha da teis olocausts, e non am onorettast con teis sacrificis; eu non at tgniet in servitü per offertas, ne at sfadiet per incens;

24. Tü non am cumprettast con danner channa *da buna savur*, e non m' inavriettast con il grass da teis sacrificis; ma tü m' tgnettast in servitü con teis puchats, e m' sfadiettast con tias iniquitats.

25. Eu, eu *sun* quel chi chass' oura teis misfats, per amur da mai svesch, * e non vögl regordar *plü* da teis puchats. * Ezech. 36, 22. Es. 1, 18.

26. Tira 'm a memoria, litiain insembel, raschuna nan tü *tias raschuns*, cha tü t' güstificast.

27. Il teis prüm babun pechet, e teis oraturs commettettan misfat conter mai;

28. Perquai trattet eu sco profans ils princips del santuari, e mettet eu Giacob in sterminaziun, ed Israel in disonor.

CHAP. XLIV.

Il Segner repetescha darcheu l' impromissiun della restoraziun da sia baselgia tras il messia. La vanità dels idols. La stupidità, e brutalità dels idolaters. Admoniziun als fidels, da's perchürar d' idolatria.

CONTUOT taidla uossa, o Giacob, meis serviaint, e tü, Israel, *ch'* eu ha elet!

2. Usche disch il Segner, * chi at creet, e t' formet dal vainter *della mamma nan*, chi t' agüda: Non at tmair, o Giacob, meis serviaint, e tü, † Jeshurun, *ch'* eu ha elet!

* Es. 43, 1. 7. † Deut. 32, 15.

3. Perche eu * spand our' auas sur il pajais chi ha sait, ed auals sur la *terra sütta*; spand oura meis Spiert sur teis sem, e mia benedicziun sur quels chi vegnan da tai, * Gioel 2, 28.

4. Cha quels dsermüglian sco tanter l'erba, sco salschs sper auals d'auas.

5. L'ün vain a dir: Eu *sun* del Segner, e l'oter vain as nomnar del nom da Giacob, e l'oter vain as suot-taseriver con seis man al Segner, e vain as surnomnar del nom d'Israel.

6. Usche disch il Segner, il rai d'I-srael, e seis spendrader, il Segner dels exercits: * Eu *sun* il prüim, ed eu l'ultim, ed ourdvar mai non *ais* qua dieu alehün. * Es. 41, 4.

7. E chi ais sco eu, chi haja clamâ, e declarâ, ed ordinâ *quai*, dall'ur'innan, ch'eu stabilì il vegl pövel? Cha *quels* deis annunzian ad els las chos-sas chi han da gnir, e quellas chi han da dvantar.

8. Non as spaventarai, e non as smarirai! Non at ha eu fat ineler, e declarâ *quaist* da temp nan? E vus m'*eschat* testimonis; aise alehün deis ourdvar mai? *Qua* non *ais* alehün oter * spelm, eu non cognosch alehün. * Deut. 4, 35. 32, 39.

9. Ils maisters da figüras *sun* tuots, quants cha sun, vanità, e lur chars *idols* non güdan inguotta; els s vess sun lur perdüttas, cha quels non vez-zan, e non cognoschan, acio ch'els sajan confus.

10. Chi ha formâ ün dieu, e chi ha culâ ün'imagina, * ch'ella non güda inguotta? * Ab. 2, 18.

11. Mera, * tuot ils compagns d'ün tal crastian saran confus, ed ils artischans s vess sun eir els gliëud; els sun raspats, e s presaintan tuots, quants cha sun; schi, els tuots in-sembel sun spaventats, e confus.

* Ps. 97, 7.

12. * Il farêr da fier lavura üna sgür con charbun, e fuorma sia *figüra* con martels, e lavura con la forza da seis bratsch; eir el ha fam, e las for-zas *al* mancan; el non bai' aua, e s stanglainta. * Es. 40, 19.

13. Il marangun stend'oura il lingiêr, desegna *la figüra* con la colur, la lavura con curtels, e la desegna con il circul, e la fa a sumgienscha umana, seguond la bellezza del crastian, acio ch'ella dmura in chasa.

14. El as taglia ceders, schi, piglia cipress, e ruvers, e tschern'oura tan-

ter la boſcha del god; el as implanta ün pin, e la plövgia il fa crescher.

15. E *quels luins* servan al crastian per arder, ed el piglia üna part da quels, e s ſchoda, eir invüda el *sü fö*, e cousecha pan; eir fa el ün dieu, e l'adura, fa üna figüra intagliada, e s'inclina avant quella.

16. El arda la mitâ pro'l fö, pro'l mez dell'otra mitâ mangia 'l charn, ed ustrescha il rost, e s saduola; eir as ſchoda 'l, e disch: Ai, eu m'ha ſchüdâ; eu saint il fö.

17. Lura il rimanent impond'el a *far* ün dieu, üna figüra, avant la quala el s'inclina, e l'adura, e disch: Delibra'm; perche tü *est* meis dieu!

18. Quels non han cognoschenscha, ne intellet alehün; perche lur ögls han fat cruosta per non vair, e lur cours per non ineler;

19. Non as tiran *la fat* a cour, e non han cognoschenscha, ne intellet alehün, per pensar: Eu ardet con fö la mitâ da quaist, ed eir coschet eu pan sün seis braschêr, am ustrit charn, e la manget. Dess eu far del rimanent da quel üna chosa abominabla? Am dess eu inclinar avant ün bloc dalain?

20. Quel as paschainta con tschen-dra; * il cour surmanâ il stravia, ch'el non delibra mâ si'orma, e non disch: *Quaist ch'eu* ha in meis man dret, non *ais* *quai* üna chosa fosa? * Os. 4, 12.

21. At regorda da quaistas chosas, o Giacob, ed Israel! Perche meis servaint *est* tü; eu t'ha formâ, tü *est* meis servaint, Israel; non *est* smanchâ.

22. Eu ha chassâ oura teis misfats a guisa d'üna nüvla; e teis puchats a guisa d'üna tshiêra. At converte-scha nan pro mai, perche eu t'ha spendrà.

23. Chantai o tshels! Perche il Segner ha operâ. * Güvlai, lous bass della terra. Strasunai con bragizi d'allegrezza munts, gods, e tuot la boſcha *chi sun* in quels! Perche il Segner ha spendrà Giacob, e s'ha fat gloriüs in Israel. * Ps. 96, 11.

24. Usche disch il Segner, teis spendrader, quel chi t'ha formâ dal vain-ter da tia mamma nan: Eu *sun* il Segner, chi ha fat ogni chosa, chi ha distais ils tshels sulet, e planâ oura

la terra, sainza ch' alchün *saja stat* con mai;

25. Chi annullesch ils signals dels profets mensnêrs, e fetsch gnir nars ils ingiavinadurs; chi fetsch ir inavo ils sabis, e fetsch narra lur cognoschenscha;

26. Chi conferm il pled da meis serviaint, e compless' il cossagl da meis mess, chi di da Gerusalem: Tü sarast abitada; e dallas cittats da Giuda: Vus gnis reedificadas, ed eu vögl drizzar sü sias ruinas!

27. Chi di al *mâr* chafuol: At sechainta, ed eu vögl süjantar teis flüms!

28. Chi di da Ciro: Meis pastur, e *fetsch* ch' el complessa tuot mia voluntà; * chi di da Gerusalem: Tü dessast gnir reedificada! Ed al taimpel: Tü dessast *danöv* gnir sögliä.

* Esr. 1, 1.

CHAP. XLV.

Il Segner predisch la deliberaziun da seis pövel our da Babilon tras Ciro, il rai da Persia, ed imprometta a sia baselgia l' etern salüd tras Cristo, con la destrucziun d' ogni idolatria tras sia omnipotenza, e vardä, e tras la conversiun da tuot ils pövels.

USCHE disch il Segner a Ciro, a seis onschü, il qual eu tegn, *disch el*, vi' a seis man dret, per terrar giò avant el pövels, e sliar ils flancs dels rais; per avrir ils tüschs avant el, e *far* cha las portas non sajan serradas:

2. Eu vögl ir avant tai via, e vögl drizzar las *vias* tortas; eu vögl rumper portas d' aram, e vögl sfrachar stangas da fier;

3. E' t' vögl dar tesors *tschantats* in lous schürs, e chosas zoppadas in lous secrets, acio cha tü cognoschast, ch' eu *sun* il Segner, il Deis d' Israel, chi t' ha clamä con teis nom.

4. Per amur da Giacob, meis serviaint, e d' Israel, meis elet, t' ha eu clamä per nom, e t' ha surnomnä, schabain cha tü non am cognoschaiavast.

5. * Eu *sun* il Segner, e *qua* non *ais* alchün oter; alchün dieu ourdvar mai; eu t' ha tschintä, schabain tü non am cognoschaiavast; * Deut. 4, 35. 39.

6. Acio cha's cognoscha dal solai alvand, e dal ponent, cha non *ais* alchün *Dieu* ourdvar mai. Eu *sun* il Segner, e *qua* non *ais* alchün oter.

7. Chi fuorm la glüm, e schaffesch las schürezzas, chi fetsch lä pasch, e schaffesch * il mal. Eu *sun* il Segner, chi fetsch tuot quaiastas chosas.

* Amos 3, 6.

8. Tschels, gottai giò dal ot, e las nüvas destileschan güstia; la terra as avra, e frütta salüd, e fetscha dsermügliar insembel güstia. Eu, il Segner creesch quaiast.

9. Vae a chi dispitta con quel chi l' ha formä, ün vashè da terracotta tanter vashels da terracotta! * L' archiglia disch ella bain a quel chi la fuorma: Che fast? E ti' *ouvra*: El non ha mans?

* Es. 29, 16. Rom. 9, 20.

10. Vae a chi disch a seis bap: Perche genueschast? Ed alla duonna: Perche partureschast?

11. Usche disch il Segner, il sanet d' Israel, e quel chi l' ha formä: Domandä 'm da chosas chi han da gnir; ordinä 'm *quai ch' eu dess far* da meis figl, e l' *ouvra* da meis mans!

12. Eu ha fat la terra, e creä ils crastians chi *sun* sur quella; meis mans han distais ils tschels, ed eu det ils uordens a tuot lur exercit.

13. Eu sdasdet sü quel hom in güstia, e tuot sias impraisas vögl eu drizzar; el dess reedificar mia città, e trametter inavo meis pövel our dalla preschun, * sainza pretsch, e sainza preschaint, disch il Segner dels exercits.

* Es. 52, 3.

14. Usche disch il Segner: La fadia dell' Egipto, e' l' trafic dels Etiopiens, e' ls Sabeers, gliend da granda statura, vegnan a passar via pro tai, e saran teis, o *Gerusalem*; * chamineran davo tai, vegnan a passar via in tscheps; ed as inclinan avant tai, e t' supplicchan, *dschand*: † Tschert, be pro tai *ais* Deis, ed ourdvar el non *ais qua* alchün oter dieu.

* Ps. 149, 8. † 1 Cor. 14, 35.

15. Vairamaing tü *est ün* Deis azoppä, Deis d' Israel, ün salvader!

16. Quels tuots saran confus, e svergognats; ils artischans dad idols sun tuots, quants cha sun, in vituperi.

17. *Ma* Israel vain salvä dal Segner d' ün salüd etern; vus *Israelits* non sarat mä in eterno bricha confus, ne svergognats.

18. Perche usche disch il Segner, chi ha creâ ils tshels, il Deis, chi ha formâ la terra, l'ha fatta, e l'ha stabilida; non l'ha creada per restar vöda, anzi per esser abitada: Eu *sun* il Segner, e *qua* non *ais* alchün oter.

19. Eu non tshantschet adaseus, in lö schür della terra; eu non dschet al sem da Jacob: Tscherschâ'm invan; eu, il Segner, tshantsch in güstia, annunziesch chosas drettas.

20. As raspai, e gni nan; s' approssimai tuots, quants dels pövels chi eschat scampats via. * Quels chi portan il lain da lur idol, e fan oraziun ad ün dieu *chi* non po salvar, non han cognoschenscha ingüna.

* Es. 44, 17. 18. 19.

21. Als annunziâi, e manâ 'ls nan pro, ch' els piglian cossagl insembel. * Chi fet inler quai da vegl nan, e chi l' ha annunziâ già avant lung temp? Non *sun* quel eu, il Segner? Ourdvart mai non *ais* alchün oter dieu; ün Deis güst, e salvader: Non *ais qua* oter ourdvart mai. * Es. 41, 22.

22. As volvai pro mai, *vus* tuot ils confins della terra, e sajat salvats! Perche eu *sun* Deis, ed uschi glö in güin oter.

23. * Eu güir tras mai sves, vardâ va our da mia bocca, ün pled, chi non vain reclamâ; † cha ogni snuogl vain as plajar avant mai, ed ogni lingua a güir *tras mai*. * Rom. 14, 11. † Filp. 2, 10.

24. Ün vain a dir a mai: Vairamaing be nel Segner *ais* güstia, e forza; tuots quels, chi eiran grits conter el, vegnan pro el, e sun confus.

25. Tuot il sem d' Israel sarà güstifichâ tras il Segner, e vain as gloriar in el.

CHAP. XLVI.

Predisch la destrucziun da Babilon, e da seis idols. Ammosa la differenza chi saja inter il vair Dieu, e 'ls idols, e la vanità da quels; profetiza la vgnüda da Ciro.

BÊL ais dat giò, Nebo ais crodâ in tocs; lur idols sun *tshantats* sün bestias, e sün armaints; quels ch'avais portâ sun chargiats sù d' üna sama fin a stanglantüm.

2. Quels sun crodats in tocs, e sun dats giò tuots, quants cha sun; non han podü salvar *quella* sama, ed els sves sun its in preschun.

3. Tatlâ'm, o chasa da Jacob, e vus, tuot il rimanent della chasa d' Israel, dels quals eu m' ha chargiâ dal vainter della mamma nan, e 'ls ha portats agiâ dalla matrice;

4. Eir fin a *vossa* vegldüna sun eu l'istess, e vögl portar fin a *vossa* chanuossezza; eu l' ha fat, e vögl portar; eu am vögl chargiar *da vus*, e vögl salvar.

5. * A chi'm volessast tü far sumgiaint? Ed a chi'm volessast tü congular? A chi'm volessast tü paragliar, per esser al pèr seis?

* Es. 40, 18. 25.

6. Quels chi tiran or our dalla buorsa, e paisan argient con la stadaira; chi finan sù ün urais, ch' el fetscha ün dieu, *lura* s' inclinan, e l' aduran!

7. L' ozan sün la spadla, il portan, lur' il tshaintan els in seis lö, *ingio* el sta ferm, sainza's moventar; eir ch' els bragian pro el, schi impero non respond' el, e non ils salva our da lur tribulaziun.

8. As regordai da quai, e 's fondai bain, transgressurs, * pigliai *quai* a cour.

* Es. 44, 19.

9. As regordai dellas chosas del prüm, *chi* eiran agiâ da vegl nan, perche eu *sun* Deis, e *qua* non *ais* alchün oter; sun Dieu, ed ingün non *ais* in-gual a mai,

10. Chi annunziet da principi la fin, e da vegl nan las chosas chi non eiran amo fattas; chi di: * Meis cossagl sarà stabel, ed eu vögl metter in effet tuot mia voluntà; * Ps. 33, 11. Prov. 19, 21.

11. Chi clamet dal levant l' aglia, e da terra lontana l' hom da meis cossagl. Eu il favlet, e 'l vögl eir far gnir; eu formet *la chosa*, e la vögl eir far.

12. Tatlâ'm, *vus* indürts da cour, chi *eschat* dalönsch dalla güstia.

13. Eu fet approssmar mia güstia, ella non ais dalönsch davent, e meis salüd non vain ad intardar. Eu met salüd in Sion, e fetsch *vair* mia gloria ad Israel.

CHAP. XLVII.

Il profet predisch la destrucziun da Babilon, con las causas, perche il Segner sdruet la pusanza dels Babiloniers.

VÈgiö, e 't sezza sün la puolvra, vergina, figlia da Babilon! At sezza sün

terra, *qua* non *ais* plü trun, o figlia dels Caldeers! Tschert, tü non vainst plü a gnir clamada zarta, e delicata.

2. Metta il man vi' al mulin, e molla la farina; scoverna teis chavels, at tir' oura las şcharpas, at scoverna la cossa, passa tras flüms.

3. Tia verguogna vegna scoverta, ed eir tia tuorp visa; eu vögl tour vendetta, ed ingün non am vain incenter.

4. Il nom da nos spendrader *ais* Segner dels exercits, sanct d'Israel.

5. Sezza tasehand, ed intra nellas şchürezzas, figlia dels Caldeers! Perché tü non sarast plü clamada signura dels reginams.

6. Eu m'adiret grevamaing conter meis pövel, eu profanet mi' ierta, e 'ls det in teis man; tü non üsettast alchüna misericordia invers els, tü aggravettast grandamaing teis giuf sur l'hom vegl.

7. E tü dschettast: * Eu sarà signura in perpetuo, usche cha tü *mâ* non at nettettast quaistas chosas a cour; non at regordettast da quai cha gniss all' fin. * Ap. 18, 7.

8. Uossa dimena, taidla quaist, deliziusa, chi avdast in sgürezza, chi dist in teis cour: * Eu *la sun*, e qua non *ais* otra co eu; eu non vegn a zer vaidgua, ne a savair che ais esser dsormada d'infants; * Zef. 2, 15.

9. Quaistas duos chosas at inscontrean in ün momaint, in ün medem di, dsorfinadezza d'infants, e vidualità; ellas vegnan plainamaing at gnir addöss, pro tuot la quantità da teis striöggs, pro tuot la granda forza da tias inchantaziuns.

10. E pür tü t' confidettast sün tia malizia, e dschettast: Ingün non am vezza! Tia sapienza, e scienza at manettan ad errur; e tü dschettast in teis cour: Eu *la sun*, e *qua* non *ais* otra co eu!

11. Perquai at vain addöss ün mal, del qual tü non sast il comanzamaint, ed at erouda addöss üna ruina, la quala tü non poust volver davent, e sur tai vain dandettamaing üna desolaziun, la quala tü non vainst a prevair.

12. Stà uossa ferm pro tias inchantaziuns, e pro la quantità da teis stri-

öggs, nels quals tü t' hast sfadiada da tia giuventün' in sü! Forse poust far qualche profit, forse vainst at fortificar.

13. Tü t' hast stanglantada della quantità da teis cossagls; schi cha's presaintan uossa ils astrologs, chi contemplan las stailas, e da mais in mais fan prognostics da quai cha gnarà sur tai.

14. Mera, els sun dvantats sco stoppa, il fö ils arda, els non pon deliberar lur persunas dalla flamma; qua non ais alchüna bräschla da's şchüdar, ne alchün fö per zer avant quel.

15. Talas at sun las chosas, nellas qualas tü t' hast sfadiada; quels, con ils quals *tü hast conversâ* da tia giuventün' in sü, sun fügits, chi qua, chi là, seodün pro sias parts; *qua* non *ais* ingün chi't güda.

CHAP. XLVIII.

Il Segner reprenda l'ipocrisia dels Güdeus, e lur ostinadezza. El declera perche l'haja surtrat da'l chastiar per lur rebellun, ed incredulità. El predisch la vgnüda da Ciro, e 'ls imprometta deliberaziun.

TADLAI quaist, o chasa da Jacob, chi eschat nomnats del nom d'Israel, ed eschat gnüts our dallas auas da Giuda; chi gürais tras il nom del Segner, e menzunais con lod il Deis d'Israel; *schabain* na in vardà, ne in güstia.

2. Perche quels as nomnan della città sancta, e s' appozan sün il Deis d'Israel, il nom del qual ais: Il Segner dels exercits.

3. Las chosas del prüm * annunziet eu agià da vegl nan, e quellas gnittan our da mia bocca, ed eu las fet inler; subitamaing *las* fet eu, ed ellas sun dvantadas. * Es. 42, 9. 43, 9.

4. Siand ch' eu savaiva, cha tü *est* indüri, e teis colöz *ais* ün nerv da fier, e teis frunt *ais* d'aram:

5. Perquai t'annunziet eu *quellas chosas* ünsacura da vegl; eu at fet *las* inler, avant cha füssan dvantadas, cha tü forse non dschessast: Meis idol ha fat quaist, mia figüra intagliada, e mia statua culada l' ha ordinà.

6. Tü hast udi tuot quaistas chosas, consideresch'-las, e non las volessat vus confessar? Dad uoss' invia at

fetsch eu ineler chosas novas, e reservadas, las qualas tû non savaivast.

7. Uossa sun ellas creadas, e na da vegl nan; ed avant *quaist* di non avaivast tû udi inguotta; cha tû forza non diast: Mera, eu las savaiva.

8. Tû non *las* udittast, ne las savettast; neir non at fût in alchün temp avrida l' uraglia, perche eu savaiva, cha tû at deportast da mala fai, e tû est clamâ surpassadur dal vainter della mamma nan.

9. * Peramur da meis nom surlevge eu mi' ira, e *peramur* da meis lod, am retegn eu invers tai, per non at sdrür.

* Es. 43, 25. Ps. 79, 9.

10. Mera, eu t' ha tschantâ pro' l brashêr, ma bricha per l' argent; eu t' ha raffinâ nel furnell dell' afflicziun.

11. Peramur da mai sves, da mai sves, fetsch eu *quaist*; perche co fût *meis nom* profanâ? Ed eu non vögl dar mia gloria ad alchün oter.

12. Taidla 'm Giacob, e tû, Israel, chi est clamâ da mai! Eu *sun* quel, eu *sun* il prüm, eu *sun* eir l' ultim.

13. Meis man eir ha fondâ la terra, e meis man dret ha masürâ ils tshels con la palma; cur eu ils clam, comparan els tuots, quants cha sun.

14. Vus tuots as raspai, e tadalai! Chi intanter quels ha annunziâ quai-stas chosas: Il Segner ama quel; el metta in esecuziun sia voluntà conter Babilon, e seis bratsch sur ils Caldeers?

15. Eu, eu ha favlâ, e l' ha eir clamâ; eu l' ha fat gnir, e sias impraisas han da prosperar.

16. S' approssmai nan pro mai, e tadalai *quaist*: Da principi nan non * ha eu tschantschâ adaseus; dal temp nan cha quai dvainta *sun* eu qua, ed uossa il Segner Deis m' ha tramiss con seis Spiert.

* Es. 45, 19.

17. Usche disch il Segner, teis spenderader, il sanct d' Israel: Eu, il Segner teis Deis t' ammos teis üttel, t' inguid sün la via *cha* tû dessast chaminar.

18. * Ah füssast tû pür stat attent a meis comandamaints, schi füss statta tia pasch seo ün flüm, e teis salüd seo las uondas del mâr.

* Deut. 32, 29. Ps. 81, 13.

19. Teis sem füss stat seo l' sablun, e l's derivants da teis intern seo la glêra da quel; seis nom non füss stat sterminâ, ne chassâ oura in meis conspet.

20. * Trat oura da Babilon, fûgi davent dals Caldeers; con vusch da güvel annunziai, e clamai oura *quaist*; il derasai fin allas extremitats della terra, dit: Il Segner ha spendrâ seis serviaint Giacob.

* Es. 52, 11.

21. E quels non han sait, *intant* ch' el ils condüa tras ils deserts; * el als fa gottar aua our dal spelm; el fenda il spelm, e l' aua cuorr' oura.

* Ex. 17, 6

22. E non *ais* alchüna pasch per ils empis, disch il Segner.

CHAP. XLIX.

Il profet introdüa Cristo, declerand a tuot il muond la vocaziun, e virtù, ch' el ha ardschvü da Dieu, seis bap; el disch dalla restoraziun della baselgia, e vocaziun dels pajans; immetta alla baselgia dels Güdeus infants spiri-tuals sainza nomber d' ogni nazion, in lö da seis charnals, e la deliberaziun our dalla preschun da Babilon.

TADLÄ 'm, inslas, e stat attents, pövels lontans! Il Segner am elamet dal vainter da mia mamma nan, el menzunet meis nom dal sain da mia mamma nan;

2. E fet * mia bocca simil' ad üna spada agüzza; el am zoppet suot la sumbriva da seis man; el am fet esser a guisa d' üna † friziza glischa; el am tschantet in sia buschetta;

* Es. 51, 16. † Ps. 45, 6.

3. E'm dschet: Tû *est* meis serviaint; Israel *ais* quel, nel qual eu am vögl glorifichar tras tai.

4. Ed eu dschet: Eu m' ha sfadiâ per inguotta; in van e maintizza-maing ha eu consümâ mia forza; impoero tshert mia rasehun *ais* pro' l Segner, mi' ouvra pro meis Deis.

5. Uossa dimena, *am* disch il Segner, chi 'm formet dal vainter da mia mamma nan, acio ch' eu al *saja* serviaint, chi turnainta pro el Giacob, cha Israel as raspa nan pro el, impoero sun eu glorifichâ pro' l Segner, e meis Deis ais mia forza;

6. Ed el *am* disch: L' ais massa pac cha tû am sajast serviaint, per drizzar sù las schlattas da Giacob, e per turnantar inavo ils reservats d' Israel;

perquai at dun eu per * glüm dels pövels, cha meis salüd tenscha fin all'extremità della terra.

* Luc. 2, 32.

7. Usche disch il Segner, il spendrader d' Israel, seis sanct, a quel ch' ais spretschâ da persuna, ch' ais abominabel alla naziun; al famagl da quels chi signoreschan: Rais at vezzan, e stan sù; principals eir s' inclinan per causa del Segner, chi *ais* fidel, del sanct d' Israel, chi t' ha elet.

8. Usche disch il Segner: Eu t' exod nel temp della benevolenza, e t' agüd nel di del salüd; ed eu at vögl eir perchürar, e t' vögl far mediatür della lia del pövel, per restabilir la terra, per partir oura las iertas desoladas;

9. Per dir als preschunêrs: It oura! Ed a quels chi *sun* nellas schiurezzas: As mossai! Quels dessan pascular sün las vias, ed avair lur pasch sün ogni muot.

10. Els non dessan avair * ne fam, ne sait; e l' arsiura, e l' solai non ils dessan batter, perche quel chi ha misericordia dels, ils condüa, e 'ls maina pro fontanas dellas auas.

* Apoc. 7, 16.

11. Ed eu vögl redür tuot meis munts in vias, e mias stradas saran adoçadas.

12. Mera, üna part vain dal lontan, e mera, ils oters *vegnan* dal setten-trion, e dal occidaint, e 'ls oters dal pajais dels Sinimits.

13. Gütvlai, tschels, e *tü* terra, fâ festa, e *vus* munts strasunai con bragizi d' allegrezza! Perche il Segner cufforta seis pövel, ed ha compassiun da seis povers afflits.

14. Ma Sion disch: Il Segner m' ha bandunada, e l' Segner m' ha smanchada.

15. Vain eir la duonna a smanchar via seis infant da tetta, a non avair compassiun del früt da seis vainter? Ma, combain *las mammas* smanches-san *lur infants*, schi non at vögl eu impero smanchar.

16. Mera, eu t' ha segnâ sün las palmas dels mans, tia müraglia *ais* da contin in meis conspet.

17. Teis infants vegnan nan in pre-

scha; e quels, chi t' sdrüaivan e desertaivan, tiran our da tai.

18. * Oza teis ögls dapertuot intuorn, e guarda, quaists tuots as rasan, vegnan pro tai. *Seo* eu viv, disch il Segner, tü dessast at revestir con quaists seo con ün ornaint, e dessast ils liar intuorn tai a guisa della spusa.

* Es. 60, 4.

19. Schi, tias ruinas, e teis lous deserts, e teis pajais sdrüt, schi, *tü süss* sarast massa stretta per ils abitudurs, e quels chi t' dissipaivan saran lönsch davent.

20. Eir at dischan ils infants cha tü averast, davo cha sarast statta dsorf-nada *dels oters*: Quaist lö m' *ais* massa stret, as fat invia, ch' eu possa abitar!

21. E tü dist in teis cour: Chi m' genuit quaists? Già ch' eu eira dsorf-nada d' infants, e suletta, in preschun, ed in exil; e chi m' tret sù quaists? Mera, eu eira restada suletta, e quaists, ingio eiran els?

22. * Usche disch il Segner Deis: Mera, eu alvaint meis man vers las naziuns, ed oz mia bandêra vers ils pövels, ch' els at portan teis figls sün bratsch, e tias figlias vegnan portadas sün spadla.

* Es. 60, 4. 66, 20.

23. E rais dessan esser teis nudriaturs, e princessas, lur *mugliers*, tias bêlas; * quels dessan s' inclinar a tai, con la fatscha a terra, e lichar la puolvra da teis peis; e tü dessast cognoscher, ch' eu *sun* il Segner, e cha quels chi han spranza in mai, non saran mâ bricha confus.

* Gen. 27, 29. Ps. 72, 9.

24. Il butin po el gnir tut al *hom* ferm? E 'ls preschunêrs *prais* güstamaing pon els gnir spendrats?

25. Schi, usche disch il Segner: Eir ils preschunêrs del *hom* ferm al saran tuts, e l' butin del pussant sarà spendrà, ed eu vögl combatter con teis adversaris, e vögl salvar teis infants.

26. Ed eu fetsch, cha teis oppressurs mangian lur propria charn, e s' invrieschan seo con muost con lur propri sang, ed ogni charn dess savair, ch' eu *sun* il Segner, teis salver; e teis spendrader il pussant da Giacob.

CHAP. L.

Il Segner mossa, cha la causa della rejeczion dels Güdeus saja lur rebellian, incredulità, e la persecuziun da Cristo, il qual però vain da Dieu sustgnü, e protet. Als empis annunziesch'el l'eterna perdiziun.

USCHE disch il Segner: Ingio ais la charta da divorzio da vossa mamma, tras la quala eu la tramettet davent? Ovvero, chi ais quel da meis credaders, al qual eu s' haja vendüts? Mera, vus eschat vendüts per vossas iniquitats, e vossa mamma füt tramissa via per voss misfats.

2. Perche gnit eu, e non s' ha *chattâ* ingün? Clamet eu, ed ingün non ha respus? * Ais forse meis man in alchüna maniera scursni, da non podair spendrar? O non *ais* in mai forza alchüna da podair deliberar? Mera, con meis slamar sechaint eu il mâr, redüj eu ils flüms in desert, *dasort cha*, lur peschs dvaintan spüzolents per manchamaint d' aua, e mouran dalla sait.

* Num. 11, 23.

3. Eu vest il tschel aint in schürdüms, e met ün sach per sia coverta.

4. Il Segner Deis am det la lingua da docts, per savair tschantschar a dret temp con il stangel; el am sdaisda ogni mattina l'uraglia, per udir seo'ls docils.

5. Il Segner Deis am avrit l'uraglia, ed eu non sun stat rebell, non am tret inavo.

6. * Eu sporschet via meis corp a quels chi 'm battaivan, e mias masellas a quels chi 'm spalaivan ils chavels; eu non zoppet mia fatscha da vilanias, ne da spüda.

* Lam. 3, 30. Mat. 26, 67.

7. Ma il Segner Deis ais meis agü-dant, perquai non füt eu confus; perquai fet eu mia fatscha simila ad üna peidra düra, e savet, ch'eu non vegna svergognâ.

8. Quelchi'm güstificha *ais* dastrusch; chi vain a dispittar con mai? Ans presentain pür tuots insembel; chi *ais* meis adversari? Ch'el s' approssima nan pro mai!

9. Mera, il Segner Deis ais meis agüd, chi vain am condannar? Mera, quels tuots vegnan vedrüschs sco ün vestimaint, * la chëra ils maglia.

* Es. 51, 8.

10. Chi intanter vus temma il Segner, e taidla la vusch da seis serviaint? Combain ch'el chamina nella schürezza, sainza clerezza alchüna, pür ch'el as confida nel nom del Segner, e s' appoza sün seis Deis!

11. Mera, vus tuots, ch' invüda is fö, ed as mettais intuorn sbrinzlas, chaminai pro la glüm da vos fö, e pro las sbrinzlas ch' avais invüdâ. Quaist as incontra da meis man, vus dessat giaschair qua in tormaint.

CHAP. LI.

Il Segner cufforta il pitschen rimanent da seis fidels tras l'exaimpel d' Abraham, e da Sara, annunziand ad els la restoraziun, e' l salüd tras il messia. El ils asgüra della deliberaziun, e lura della destrucziun da lur inimis.

TADLÄ'm vus, chi seguittais alla güstia, chitscherchais il Segner. Guardai sül spelm, *dinunder* vus eschat tagliats oura, e sün la bocca della fontana, *our dalla quala* vus eschat chavats.

2. Guardai sün Abraham, vos bap, e sün Sara, *chi* s' ha parturits, perche sulet il clamet eu, e' l benedit, e' l multiplichet,

3. Schi, il Segner cufforta Sion, el cufforta tuot sias ruinas, ed el fa seis desert simil ad eden, e seis lö soldan simil al zardin del Segner; in quel as chatta dalet, ed allegrezza, lod e vusch da chant.

4. At fâ surasen sün mai, meis pövel, e *tü*, mia naziun, sporscha'm l'uraglia! Perche la ledscha procederà da mai, ed eu vögl tschantar meis güdizi per glüm dels pövels.

5. Mia güstia *ais* ardainta, meis salüd ais trat oura, e mia bratscha güdicheran ils pövels; las inslas speteran sün mai, ed averan spranza in meis bratsch.

6. Ozai voss ögls vers il tschel, e guardai in terra giò bass! * Perche ils tschels as disfan a guisa da füm, e la terra scrouda sco ün vestimaint, e seis abitants mouran similmaing; ma meis salüd düra in eterno, e mia güstia non vain büttada a terra.

* 2 Petr. 3, 10.

7. Tatlä'm *vus*, chi cognoschais la güstia, e *tü*, pövel, nel cour del qual ais mia ledscha! Non tmarai las

ingiurias della glièud, e non as sgrischarai da lur blastemmas.

8. Perche, * la chëra ils maglia sco ün vestimaint, e l' charöl ils maglia sco lana; ma mia güstia düra in eterno, e meis salüd per ogni età. * Es. 50, 9.

9. Bratsch del Segner, at sdasda, at sdasda; at vesta con forza, at sdasda sco dals dis davant, *sco* nell'età dels temps *passats*. Non est tū stat quel, chi taglettast in pezzas * Rahab, *chi* mazzettast il dragun? * Ps. 87, 4.

10. Non est tū stat quel chi * süjan-tettast sü il mâr, las auas del grand abiss? Chi redüettast la chafuolezza del mâr in üna via, cha 'ls spendrats passessan tras? * Ex. 14, 21.

11. Quels dimena, chi dal Segner sun spendrats, tuornan dareheu, e vegnan in Sion con chant, ed allegrezza eterna *sarà* sur lur cheu. Els obtegnan giò e dalet, dolor e suspürar fügen.

12. Eu, eu *sun* quel chi 's cuffort; chi *est* tū, chi 't temmast del crastian *chi* moura, e del figl del crastian *chi* vain dai via simil a fain;

13. E smanchast il Segner chi t' ha creâ, chi ha distais ils tshels, e fondâ la terra, ed est da contin, tuotta di, in temma dell' indignaziun da quel, chi 't squitscha, cur el as perderscha per sdrür? Uossa, ingio ais il sdegn da quel chi 't squitscha?

14. Quel ch' eira manâ in preschun festina as slargiar, ed el non moura nella fossa, e non al manca il pan.

15. Ma eü *sun* il Segner teis Deis, * chi movaint il mâr, *cha* sias uondas franturan; il nom da quel *ais*: Il Segner dels exercits. * Giob 26, 12.

16. Ed eu mettet meis plets in tia bocca, e 't covernet con la sumbriva da meis man, per implantar danöv ils tshels, e per fondar la terra, e per dir a Sion: Tū *est* meis pövel!

17. * At sdasda, at sdasda, stâ sū, Gerasalem, chi hast bavü our dal man del Segner il bachêr da si' indignaziun; tū hast bavü, *schî*, tshütschâ oura la fetscha del bachêr da sturnitâ! * Es. 52, 1.

18. Intanter tuot ils figls *ch' ella* ha parturi, non la guida ingün, ne tanter tuot ils figls *ch' ella* ha trat sū, non la piglia ingün per il man.

19. Duos chosas at sun dvantadas; chi's condoula con tai? Dazipamaint, e ruina, e spada, e fam; *tras* chi at dess eu cuffortar?

20. Teis figls, gnüts almain, eiran giaschantats in cheu d'ogni strada, sco ün tshiervi, *chi ais* nels latschs, plains dell' indignaziun del Segner, dell' ira da teis Deis.

21. Perquai, taidla quaist, *tü* afflitta, ed aivra, e na da vin!

22. Usche disch il Segner, il Segner, e teis Deis, *chi* defenda la causa da seis pövel: Mera, eu at pigl our man il bachêr da sturnizi, la fetscha della coppa da mia indignaziun; tū non il dessast baiver plü nel avegnir.

23. Ed * eu la met in man a quels, chi t'affligettan, e chi dschettan a ti' orma: † T'inclina, e nus at volain passar sur oura; cha tū tschaintast giò teis corp egual alla terra, e sco üna strada a quels chi passan.

* Ger. 25, 26. 29. † Ps. 66, 12.

CHAP. LII.

Il profet magnifica la müravgliusa deliberaziun del pövel our dalla preschun da Babilon, e suot quella rapresaint'el il salüd etern, acquistâ a tuot la baselgia tras Cristo.

AT sdasda, at sdasda, at vesta con tia gloria, Sion, at vesta con tia vestimainta da magnifizenza, Gerasalem, città sancta! Perche ingün noncironceis, e malnet, non vain da quinder invia ad intrar plü in tai.

2. At squassa giò la puolvra, leva sū e t' tshainta, Gerasalem; at slargia oura ils liams d'intuorn teis colöz, o figlia da Sion, chi est in preschun!

3. Perche, usche disch il Segner: Vus eschat stats vendüts sainza pretsch, e sarat eir spendrats sainza danêrs.

4. Perche, uschea disch il Segner Deis: Meis pövel tret da vegl giò in Egipto, per dmurar qua; ed Assur l'ha squitschâ sainza causa.

5. Ed uossa, che ha eu qui, disch il Segner, cha meis pövel ais manâ davent per inguotta? Quels chi l' signoreschan *il* fan ürlar, disch il Segner, e meis nom da contin, tuotta di, ais blastemmâ.

6. Perquai dess meis pövel cognoscher meis nom; perquai in quel di, eu, quel chi tshantsch, sun, mera'm qui.

7. * O quant bels sun sün ils munts ils peis da quel chi porta bunas novas, chi amunzia la pasch; chi porta novas da bön, chi amunzia il salüd, chi disch a Sion: Teis Dieu regna!

* Neh. 1, 15.

8. *Qua ais* il bragizi da tias guardias; els ozan insembel la vusch, dan oura bragizi d'allegrezza; perche els vezzan ad ögl, cha'l Segner tuorna darcheu a Sion.

9. Strasunai, güvlai, ruinas da Gerusalem, quantas cha vus eschat; perche il Segner cufforta seis pövel, e spendra Gerusalem.

10. Il Segner ha snüdâ il bratsch da sia santità, a vista da tuot ils pövels, e tuot las extremitats della terra vezzan il salüd da nos Dieu.

11. * As parti, as parti davent, trat via da là, non toccarai ingün malnet, trat our da mez els; as purifichai *vus*, chi portais ils vascels del Segner.

* Es. 48, 20.

12. Perche vus non dessat ir our' in prescha, e non dessat chaminar con fùgia, impero il Segner va avant a vus, e l' Deis d'Israel ais vossa davo-guardia.

13. Mera, meis serviaint vain a prosperar, el sarà grandamaing adoçâ ed exaltâ, e starà fìch ot.

14. Inqual sco blers sun stats stupefats dad el, usche seis aspet eira sfomâ, a non *sumagliar plü* ad hom, e sia apparenscha a non *sumagliar plü* ad ün intanter ils figls della gliend.

15. Usche vain el a sorprendar d'allegrezza blers pövels; rais vegnan as zügliar la bocca avant el; perche els vezzan quai cha *mâ* non als eira stat requintâ, ed inelejan quai, ch' els *mâ* non avaivan udi.

CHAP. LIII.

Esaja profetiza l' incredulità dels Güdeus, e lur rebellun al evangeli. L' ümiltà, ed abbassamaint da Cristo; con sia exaltaziun, e 'ls benefizis cha la baselgia vain ad ardschaiver.

CHI * ha cret a nossa predgia, ed a chi füt revelâ il bratsch del Segner?

* Gioan. 12, 38.

2. El creschet sü a guisa d' üna manzina avant el, ed a guisa d' üna raggisch our da terra secha. In el non eira fuorma, ne bellezza alchüna, cha

nus guardessan sün el, ne chos' alchüna d' aspet, per cha nus il desideressan.

3. * *El ais stat* despretshâ ed abbandunâ dals crastians; *ais stat* hom da dolurs, e provâ in langurs; *ais stat* sco ün chi zoppa sia fatscha avant nus, spretschâ, cha nus non fettan stima del.

* Marc. 9, 12.

4. Ma vairamaing el * portet nossas malatias, e s' charget con nossas dolurs; e pür nus stimaivan, ch' el saja plajâ, da Dieu battü, ed afflit.

* Mat. 8, 17. 1 Pet. 2, 24.

5. Ma el ais stat feri per noss misfats, e smachâ per nossas iniquitats; chastiamaint *ais stat* sur el per nossa pasch, tras sias nattas avain nus ardschvü guarischun.

6. Nus tuots giaivan ad errur sco la bescha; seodün s' avaiva vout ad ir sia via; ma il Segner büttet sün el l' iniquità da nus tuots.

7. El ais stat squitschâ suot, ed afflit, impero * el non ha avri la bocca, sco ün agnè, ch' ais stat manâ alla mezcha; l'ais stat sco üna nuorsa mütta avant quels chi la tondan; el non ha avri la bocca.

* Mat. 26, 63.

8. El gnit sdrappâ davent tras anguoscha e güdizi, e chi da si' età vain a rashunar nan, ch' el saja tagliâ giò our dalla terra dels vivaints, e cha per ils misfats da meis pövel el saja stat chargiâ con plajas?

9. Ma sia sepultura eira ordinada pro ils malfatturs, * e pro empis in sia mort; † combain ch' el non avet commiss alchüna violenza, e cha non eira ingün frod in sia bocca.

* Mat. 27, 57. † 1 Gioan. 3, 5.

10. * Ma il Segner l' ha voglù ferir, e l' ha fat esser amalâ. Ma, cur si' orma s' ha datta per sacrifici per la cuolpa, schi vain el a vair successiun, a prolungunar ils dis, e l' beneplacit del Segner vain a prosperar in seis man.

* 2 Cor. 5, 21.

11. El sarà sainza fadia da si' orma, e gnarâ sadolâ con vair; * meis serviaint güst güstificherà blers tras sia cognoschenscha, ed el svess as chargerà da lur iniquitats.

* Es. 42, 1.

12. Perquai al vögl eu dar part tantur ils grands, e con ils potaints dess

el partir our' il butin, perquai ch' el det via si' orma alla mort, e * füt nombrâ con ils transgressurs, intant ch' el portet il pucha da blers, ed † intercedet per ils transgressurs.

* Marc. 15. 28. † Rom. 8, 34.

CHAP. LIV.

El profetiza la grazia, cha la baselgia cristiana ardschaiva tras Cristo, in multiplicaziun, union, stablezza, e sgürezza conter las machinaziuns da seis inimis.

GÜVLA, * sterila, *chi* non parturittast; fà strasunar bragizi d'alegrezza, e clama dadot, *tü, chi* non avettast dolurs da part! Perche in plü grand number sun ils figls della bandunada, co quels della maridada, disch il Segner.

* Gal. 4, 27.

2. Slarg'oura il * lö da tia tenda, e sajan staisas oura las tailas da teis tabernacul, non l'impedir! Slunguna tias cordas, e ferma tias guottas!

* Es. 49, 19. 20.

3. Perche tü dessast at amplifichar da dretta, e da snestra, e teis sem dess schatschar pövels, e far abitadas cittats desertas.

4. Non at tmair, perche tü non gnarast confusa; e non at turpiar, perche tü non sarast in verguogna; anzi dessast tü smanchar via la verguogna da tia giuventüna, e na at regordar *plü* del vituperi da tia vidualità,

5. Perche teis marit *ais* quel chi t'ha creâ; seis nom *ais* Segner dels exercits; e teis spendrader *ais* il sanet d'Israel, *il qual* ais clamâ Deis da tuot la terra.

6. Perche il Segner at clama sco üna duonna bandunada e conturbada da spiert, e *sco* üna muglier, spusada nella giuventüna, chi füt tramissa davent, disch teis Deis.

7. Eu at bandunet * per ün pitschen momaint, ma at vögl raspar darcheu con granda misericordia.

* Ps. 30, 6. Es. 26, 20.

8. Eu zoppet mia fatscha da tai per ün batter d'ögl, nel instant dell'indignaziun; ma con benignità eterna ha eu compassiun da tai, disch il Segner, teis spendrader.

9. Perche quaiست am ais *sco* con las auas da Noè; perche, *sco* * eu güret, eha las auas da Noè non dessan pas-

sar plü sur la terra, usche güer eu, da non am adirar *plü* conter tai, e da non at slamar *plü*.

* Gen. 8, 21. 9, 11.

10. * Bainschi, ils munts podessan ceder *da lur lö*, e 'ls muots as moventar; ma mia benignità impero non ceda da tai, e mia lia da pascch non as movainta, disch il Segner, chi ha compassiun da tai.

* Ps. 46, 3. 89, 33.

11. O afflitta, chatschada dad ora stamprada, scuffortada! Mera, eu tschaint tias peidras in marmel fin, e 't vögl fondar stün saffirs;

12. Eu fetsch tias fanestras da rubins, e tias portas da peidras da carbuncel, e tuot teis circuit da peidras preziusas.

13. Tuot teis infants dessan *esser* * mossats dal Segner, e granda la pascch da teis infants.

* Ger. 31, 34. Gioan. 6, 45.

14. Tü dessast *esser* stabilida tras güstia; sajast dalönsch davent dall'oppressiun, dasort, cha tü non hast da 't tmair, e dalla ruina, dasort, ch'ella non as approsma nan pro tai.

15. Mera, e s' faran bain complots, *ma* na da parte mia; chi as raspa conter tai vain at erodar pro.

16. Mera, eu creet il farêr, chi soffla sü il charbun nel fö, e tir'oura ün instrumaint, seguond seis lavurêr; ma eu creesch eir il guastadur, per desdrür.

17. Ingün' arma, fabrichada conter tai, non prosperescha, e tü condannast ogni lingua, *chi* leva sü conter tai in güdizi. Quaiست *ais* l'ierta dels serviaints del Segner, e lur salüd da parte mia, disch il Segner.

CHAP. LV.

Cristo invida nan pro el las conscienzas anguschadas, tras cretta in el, ordinâ usche del bap, e tras conversiun, e penitenza; e las asgürand della misericordia da Dieu.

O * *vus* tuots, chi avais sait, gni nan pro las auas, e *vus* chi non avais alchün danêr, gni nan, cumprai e mangiai! Gni nan, cumprai sainza danêr, e sainza pretsch vin e lat.

* Gioan. 4, 14. Ap. 21, 6.

2. Perche spendais danêr per quai chi non ais pan, e vossa fadia per quai chi non po sadolar? Tadlai pür a mai, schi mangiais del bön, e voss'orma gioda del grass.

3. Inclinaï voss'uraglia, e gni nan pro mai; tadlai, cha voss'orma viva! Eu vögl far con vus pat etern, *as dar* * las benignitats stablas da David.

* 2 Sam. 7, 8.

4. Mera, eu l'ha miss per testimoni dellas naziuns, e per conductur e comandadur dels pövels.

5. Mera, tü clamast ün pövel cha tü non cognoschaivast; ed üna naziun chi non at cognoschaiva cuorra nan pro tai, per causa del Segner teis Deis, e del sanet d'Israel; perche el at glorificha.

6. Tscherschai il Segner, intant * ch'el as chatta; clamâ 'l in agüd, intant ch'el ais dastrusch.

* Ps. 32, 6. Mat. 5, 25.

7. Cha l'empi banduna sia via, e l'hom malgüst seis impissamaints, e's convertescha pro 'l Segner, schi ha 'l compassiun del; e pro nos Deis, perche l'ais grand perdunadur.

8. Perche meis impissamaints non *sun* voss impissamaints, e mias vias vossas vias, disch il Segner.

9. Dimpersai, *quant* cha 'ls tschels sun plü ots co la terra, tant sun mias vias plü otas co vossas vias, e meis impissamaints co voss impissamaints.

10. Perche, ingual sco cha la plövgia, e la naiv eroda giò da tschel, e non tuorna darcheu sü; anzi sauva la terra, e la fa prodür e dsermügliar, tal ch'ella da sem da semnar, e pan da mangiar;

11. Usche ais meis pled, chi vain our da mia bocca; el non tuorna darcheu vöd pro mai, anzi opersch a quai cha 'm plascha, e prosperescha in quai a che eu l'ha tramiss.

12. Schi, vus dessat trar oura con allegrezza, ed esser condüts in pasch; * ils münts, e 'ls muots vegnan avant vus a strasunar oura bragizi d'allegrezza, e tuot la boſcha della champagne darà cols mans insembel.

* Ps. 96, 12.

13. Nel * lö del spinatsch crescherà sü il pin, nel lö dell'urtia crescherà il mirto, e *quai* sarà al Segner üna gloria, ün signal etern, *chi mâ bricha* non perescha.

* Es. 41, 19. Mich. 7, 4.

CHAP. LVI.

Il profet, a nom da Dieu, exorta scodün pro güstia, e santità, ed imprometta a tuots fidels, dals tour sü in sia chasa, e nomber da seis infants. Descripziun dels mals pasturs.

USCHE disch il Segner: Observai quai ch'ais dret, e fat quai ch'ais güst! Perche strusch ais meis salüd a gnir, e mia güstia ad esser revelada.

2. Beà il crastian *chi* fa quai, e 'l figl del crastian *chi*'s tain vi'a quai, chi observa il di del sabbat, per non il sconsacrar, e perchüra seis man, per non far alchün mal!

3. E 'l figl del forestêr, chi's approssima via pro 'l Segner, non dia: Il Segner am separerà daffat da seis pövel; e l'eunuco non dia: Mera, eu *sun* ün lain sech!

4. Perche, usche disch il Segner davart ils eunues: Quels chi observan meis sabbats, e tschernan oura quai cha 'm bainplascha, e chi's tegnan vi'a mia lia,

5. A quels dun eu in mia chasa, e dadaint mia müraglia, ün lö, ed ün nom megler, co a figls, ed a figlias; eu als dun ün nom etern, il qual mâ non perischa.

6. E, quant als figls dels forestêrs, chi s'approsman nan pro 'l Segner, per al servir, e per amar il nom del Segner, per esser seis servaints; tuots quels chi observan il sabbat, da non il profanar, e chi's tegnan fermes vi'a meis pat,

7. Quels condüi eu pro 'l münt da mia santità, e 'ls vögl allegrar in mia chasa d'oraziun; lur olocausts, e lur sacrificizis *am sun* da plaschair sün meis utêr; perche * mia chasa sarà clamada chasa d'oraziun per tuot ils pövels.

* Mat. 21, 13.

8. Il Segner Deis, chi raspa nan ils ſchatschats d'Israel, disch: Amo *oters* rasperà eu via pro el, ultra quels seis chi sun già raspats.

9. * GNI per magliar, *vus* tuottas las bestias della champagne, tuottas las bestias solvadias dels gods.

* Ap. 19, 17.

10. Tuottas sias * guardias *sun* orbas, e non han alchüna cognoschenscha; quels tuots *sun* chans müts, chi non san latrar, svanatschan, giaschan qua, aman il cupidar. * Es. 21, 11. Ger. 6, 17.

11. E quaists chans inguords * non san che chosa saja esser saduol; e quaists pasturs non san che chosa saja intellet; seodün dels as volva stün sia via, seodün davo si' avarezza da tuottas varts.

* Ez. 34, 2. 3. Os. 4, 6.

12. Gni nan, *dischan els*, laschâ 'ns portar vin, e laschâ 'ns ans inavriar con gervosa, e 'l di da daman dess esser seo quaist, plaschaivel plü vi' e plü.

CHAP. LVII.

Il Segner reprenda seis pövel, ch' el non considera ils presagis, e mess da seis güdizis. Reprend' eir lur incredulità, idolatria ed ipocrisia.

Per ils mals non ais ingüna pasch.

IL güst mouro, ed ingün non *as met-ta quai* a cour; e la gliend da bain vain raspada via, sainza ch' alchün considra, cha 'l güst vain raspâ via a causa del mal.

2. Chi chamina in sia realtä va via pro la pasch; els vegnan a posar sün lur lets.

3. Ma vus, s' approsmai nan qua, infants dell' inchantadura, sem adulter, *chi* non fast oter eo fornir.

4. Sur chi fais vus riöz? Sur chi slargiais la bocca, e stendais oura la lengua? Non eschat vus infants da misfat, sem da falsità,

5. Chi's schüdaiss davo 'ls ruvers, suot ogni bösch verd; chi * schannais ils infants nellas vals, suot ils cuvels dels spelms!

* Lev. 18, 21.

6. Tia part sun las *peidras* glischas dels flüms; quellas, quellas sun tia sort; a quellas eir spandast offertas da spander, e presaintast sacrificiz. Pro tuot quaist poss eu esser reconciliâ?

7. * Tü tschaintast teis let süls munts ots, ed elevats, e vast eir là sü, per sacrifichar sacrificiz.* Ez. 16, 16. 25. 23, 41.

8. E mettast tia regordanza davo l' üsch, e davo 'l glim. Perche tü t' scovernast, *at sviand* da mai, e vast sü, e slargiast oura teis let, e fast lia con *alchüins* da quels; tü amast lur let, tü spiasit il lö.

9. * Tü portast al rai preschaints d' öli bainsavuri, con quantitâ da tias spezias, tü tramettast teis ambaschadurs in pajais lontan, e fin al inferni.

* Es. 30, 6.

10. Tü est stangla per la lungezza da teis chamin; ma non dist: *Il fat ais* desperâ! Tü chattast amo forza in teis man, perquai non est indeblida.

11. E da chi hast gnü temma, da chi hast tmü, cha tü hast menti? Tü non t' hast regordada da mai, e non hast tut a cour. Non ha eu taschü, schi agiâ da lung temp nan? E pür tü non am hast tmü.

12. Eu vögl declarar tia güstia, e tias ouvras, chi non vegnan at güdar inguotta.

13. Cur tü brajast, schi at delibera la quantitâ da teis idols? Ma il vent ils porta via tuots, quants cha sun, ün soffel *ils* piglia davent! Ma chi ha spranza in mai vain a possidair la terra, ed ad ertar il munt da mia santità.

14. Ed el vain a dir: * Drizzai, drizzai las stradas, chönschâ-las; pigliai davent ogni intop dalla via da meis pövel.

* Es. 40, 3. 62, 10.

15. Perche, usche disch l' ot, e 'l s' blim, chi regna in eterno, e 'l nom del qual *ais* il sanct: * Eu avd in lö ot e sanct, ma eir con il smachâ ed ümil da spiert, per vivifichar il spiert dels ümils, e per vivifichar il cour dels smachats.

* Ps. 34, 19. 51, 17.

16. Perche eu non dispit in perpetuo, e non am grittaint in eterno, *uschigliö* ogni spiert, e las ormas ch' eu ha creâ, gissan almain per mia presenza.

17. Eu füt adirâ per l' iniquità da si' avarezza, e 'l ha battü, *m'* ha zoppâ, e sun stat sdegnâ; impero *quel* rebell get la via da seis cour.

18. Eu vezett sias vias, impero il vögl eu guarir, e 'l vögl condür, e restituir cufforts ad el, ed a quels dad el, chi portan léd.

19. Eu schaffesch quai ch' ais profert con ils lefs; pasch, pasch al lontan, ed al vicin, disch il Segner, eu ils vögl guarir.

20. Ma ils empis sun seo il mâr turblâ sü; stante ch' el non po star quiet, e sias auas movan oura fango e belma.

21. *Qua* non *ais* ingüna pasch per ils empis, disch meis Deis.

CHAP. LVIII.

Il Segner comanda al profet da slamar l'ipocrisia dels Güdeus; la causa, perche il Segner sbüta lur gegünis, ed otras ouvras. Mossa, che ouvras il Segner retschercha da nus.

CLAMA da plaina gula, non t'arignair, oza tia vusch a guisa da trombetta, e declera a meis pövel seis misfats, ed alla chasa da Giacob seis puchats.

2. Els am tscherchan bain di per di, e desidran da savair mias vías, sco ün pövel chi üsa güstia, e non ha bandunâ la ledscha da seis Deis; els domandan dals güdizis da güstia, han a plaschiar das' approsmar pro Dieu.

3. *Lura dischannels*: Perche gegünain nus, e tü non hast resguard? *Perche* * affligiain nus nossas ormas, e tü non pigliast quai a sen? Mera, nel di da vos gegüni drizzais oura voss affars, e fais tuot vossas lavurs.

* Lev. 16, 29. 31.

4. Mera, vus gegünais pro litas, e pro contesas, e per batter empiaiaing col puogn. Non gegünarai plü sco hoz, scha volais cha vossa vusch vegna exodida sü nel ot.

5. * Ais tal il gegüni *ch'* eu approv, e' l di cha' l crastian dess affliger si' orma? Vainst tü a nomnar quaiست gegüni, e di agreabel al Segner, scha' l crastian inclina il cheusco üna channa, e's giaschainta in sach, ed in tschen-dra?

* Zac. 7, 5.

6. Mera, quaiست ais il gegüni *ch'* eu approv: Sliargiar our' ils liams dell' empietà, sliar sü ils faschs dell' oppressiun, e * laschar ir oura libers quels chi sun chalchats, e cha vus rumpat ogni giuf.

* Ger. 34, 9.

7. Schi, cha tü rumpast teis pan al famentà, e raspast aint in chasa ils povers chi van errand; cha tü, cur tü vezzast alchün nüid, il covernast, e non at zoppast da tia charn.

8. * Lura vain tia glüm a spuntar sü sco l'alba, e tia restoraziun a dsermügliar subitamaing, e tia güstia va avant tai, e † la gloria del Segner sarà tia davoguardia.

* Giob 11, 17. † Es. 14, 19.

9. Lura vainst tü a clamar agüd, e' l Segner vain at responder, tü brajast, ed el disch: Mera'm qui! Scha tü pigliast via our da mez tai l'oppressiun,

l'ozar il daint, e' l tsehantschar iniquità.

10. Ed avrast tü ti' orma a quel chi ha fam, e saduolast tü persunas affittas, schi vain ad alvar tia glüm nellas schürezzas, e tia obscurità dvainta sco' l mezdi.

11. E' l Segner at condüa da contin, e sadola ti' orma nell' arsantüm, e fortificha ti' ossa, e tü est sco ün üert sauâ, sco üna fontana, l'aua della quala mâ non falla.

12. * Ed ils teis reedifichan ils lous già da vegl nan stats deserts; tü drizzast tü quai ch' eira desdrüt fin als fondamaints d'età ad età; e sarast clamâ: Restoradur dellas ruinas, chönschadur dellas sendas, a podair abitar.

* Es. 61, 4.

13. Scha tü retirast teis pè, per non far teis affars al sabbat, a meis di sanct, e scha tü clamast il sabbat, delizia, e' l di ch' ais sanct al Segner, onorabel, e *scha* tü l'onurast sainza operar *segund* tias vías, sainz' ir davotias fatschendas, e *sainza* dir pled:

14. Lura dessast tü avair teis dallet nel Segner, ed eu at lasch muntar sur ils ots lous del pajais, e' t lasch giodair l'ierta da Giacob, teis bap; perche la bocca del Segner l'ha tsehantschâ.

CHAP. LIX.

Il profet declera, s'aviand Deis separâ da seis pövel per seis puchats, ils quals el descriva, ch'el haja eir retrat dad eis sia grazia, e proteeziun; impero, per mantgnair sia gloria, vegn' el a salvar sia baselgia tras Cristo. El immetta assistenza tras seis Spiert, e pled.

MERA, il * man del Segner non ais seursni, a non podair salvar; e si' uraglia non ais aggrevada, per non podair udir.

* Num. 11, 23.

2. Ma vossas iniquitats sun quellas chi fan separaziun tanter vus e vos Deis; e voss puchats fan zoppar sia fatscha da vus, ch' el non taidla.

3. * Perche voss mans sun contaminats con sang, e vossa dainta con iniquità; voss lefs profereschon falsità, vossa lingua raschuna perversità.

* Es. 1, 15.

4. *Qua* non ais ingün chi's avanza per la güstia, ne chi dretta per la vardà; els as confidan in chosas vanas e favellan falsità; els sun

portants da perversità, e partureschan iniquità.

5. Els cuan oura ovs d' aspide, e tesson tailas d' aragn; chi mangia da lur ovs moura, e vain ün smachâ, schi sort' oura üna vivra.

6. Lur tailas non servan da vestimainta, ed els non as pon covernar da lur lavur; lur lavur *ais* lavur d' iniquità, ed ouvras da violenza sun in lur mans.

7. * Lur peis cuorran pro'l mal, e piglian prescha per spander sang innozaint; lur impissamaints *sun* impissamaints d' iniquità; in lur stradas *ais* guastamaint, e ruina. * Prov. 1, 16.

8. Els non cognoschan la via della pasch, ed in lur sendas non *ais* ingün' appussavlezza; lur passivas van tortas; chi las chamina non sa che saja pasch.

9. Perquai, il dret s' ha fat dalönsch da nus, e 'l salüd non ans arriva; nus spettain glüm, e mera, schürezzas; clerità, e nus chaminain nel schür.

10. Nus * palpain sco orbs intuorn las paraits, palpain sco sainza ögls; nus ans intoppain al mezdi, sco alla saira, in lous deserts e soldans sco morts. * Deut. 28, 29.

11. Nus tuots sbrügin sco uors, e * dschemain continuamaing sco colombas; nus spettain sün dret, e *quel* non *vain*; sün salüd, ed el ais lontan da nus. * Es. 38, 14.

12. Perche multifaris sun noss misfats avant tai, e noss puchats testifichan conter nus; perche noss misfats savain nus, e nus cognoschain nossas iniquitats.

13. Nus avain surpassâ, e menti conter il Segner, e'ns trettan inavo danos Deis; nus favlettan oppressiun, e revolta, * concepittan nel cour e raschunettan nels plets da falsità. * Mat. 12, 34.

14. Il dret gniva chatschâ inavo, e la güstia staiva dalönsch fermada; perche la vardà eira colbüttada sün la piazza, e l'appussavlezza non po-daiva intrar.

15. La vardà eira rara, e chi's re-traiva dal mal eira per butin. Ma il Segner vezzet *quai*, ed avet displaschair, cha *qua* non saja alehtina appussavlezza.

16. Ed el vezzet, cha *qua* non eira ingün, e 's smüavglet, cha *qua* non eira ün chi intercedess; ed usche operet salüd seis bratsch, e sia güstia il sustgnet.

17. * Ed el as vestit con güstia a guisa da guaret, e la chaplina del salüd *mettet el sün* seis cheu, e l'abit da vendetta as tret el aint per vestimaint, e 's mettet intuorn zelosia a guisa d' üna chappa. * Es. 6, 14, 17.

18. Per *far* retribuziun, per render ira a seis inimis, retribuziun a seis adversaris; per render la recompensa allas inslas.

19. Dinuonder il nom del Segner sarà tmü dal ponent, e sia gloria dal levant, cur l' inimi vain a guisa da flüm, cha 'l Spiert del Segner oza il standart conter el.

20. * Ed il spendrader vain per Sion, per quels da Giacob, chi 's converteschon dals misfats, disch il Segner. * Rom. 11, 26.

21. E, quant a mai, disch il Segner, quaiast ais meis pat con els: Meis Spiert, chi *posa* sur tai, e meis plets, ch' eu mettet in tia bocca, non dessan mâ as partir da tia bocca, ne dalla bocca da teis infants, ne dalla bocca dels infants da teis infants, dad uossa fin in eterno, disch il Segner.

CHAP. LX.

Il profet sdasda sü la baselgia alla recogno-schenscha della gloria acquistada da Cristo; lura descriv' el l' adamechamaint da quella; gloria, signoria, abundanza, pasch, santificaziun, e felicità eterna in Dieu.

STÀ sü, * sajast illüminada, perche tia glüm vain, e la gloria del Segner va sü sur tai. * Efes. 5, 14.

2. Perche mera, schürezzas covernan la terra, e schürdüm ils pövels; ma sur tai va sü il Segner, e sia gloria compara sur tai.

3. * E pajans chaminan via pro tia glüm, e rais pro la splendur chi ais ida sü sur tai. * Ap. 21, 24.

4. Oza teis ögls pertuot intuorn, e guarda! Quaists tuots raspats vegnan pro tai; teis figls vegnan nan da lontan, e tias figlias saran portadas süil bratsch da lur bēlas.

5. Lura vainst tü a guardar, e sarast tü illüminada, e teis cour

s' instupescha, e 's * slargi' oura; perche l'abundanza del mâr as volva via pro tai, la quantitâ dellas naziuns vain pro tai.

* Rom. 11, 25.

6. Troppas da chamêls at covernan, * dromedars da Midian, e d' Efa; quels vegnan our da Sabea, tuots, quants cha sun; portan or ed incens, e predgian our ils lods del Segner.

* Gen. 25, 4.

7. Tuot las scossas da Chedar as raspan nan pro tai, ils bûmatschs da Nebajot sun a teis servezzen; vegnan offerts sün meis utêr in applaschair, ed eu glorifich la chasa da mia gloria.

8. Chi *sun* quaists *chi* svoulan nan seo nûvlas, e seo colombs pro lur fouras?

9. Perche las inslas spettan sün mai, e las navs da Tarsi il prüm, per condîr teis figls nan da lontan, e con els insembel lur argient, e lur or, per amur del Segner teis Deis, e del sanct d'Israel, perche el at glorificha.

10. E'ls figls dels esters edifican tia müraglia, e lur rais at servan; perche in mia indignaziun t' ha eu battüda, ed in mia benevolenza ha eu compassiun da tai.

11. Tias portas eir stan avertas da contin, non vegnan serradas, ne di, ne not, acio cha la ricchezza dels pövels saja introdüta pro tai, e lur rais con il seguit.

12. Perche ils pövels, e 'ls reginams chi non at vöglian servir, pereschan, e 'ls pövels saran sdrüts.

13. * La gloria del Libano vain pro tai, il pin, la platana, e 'l schember insembel, per fittar il lö da meis santuari, afin ch'eu renda glorius il lö da meis peis.

* Es. 35, 2.

14. E 'ls infants da quels chi t' affligiaivan vegnan sgobats pro tai, e quels tuots chi t' dispettaivan * as büttan giò pro las plantas da teis peis, e tü est nominada la città del Segner, il Sion del sanct d'Israel.

* Ap. 3, 9.

15. Invece cha tü eirast bandunada, ed ödiada, e cha ingün non passaiva *tras tai*, at vögl eu constituer in otezza eterna, ed *in* dalet d'età in età.

16. E tü vainst a tshütschar * il lat dels pövels, ed a tettar las tettas dels

rais, e cognoscherast, ch' eu *sun* il Segner, teis salvader; e teis spendrader, il possant da Giacob. * Es. 49, 23.

17. Eu vögl manar or in lö del aram, ed argient in lö del fier, ed aram in lö della laina, e fier in lö della crappa; ed eu constituesch per teis prefets la pasch, e per teis exacturs la giüstia.

18. Ün non vain ad udir plü da violenza in tia terra; ne da dazipamaint, e ruina in teis confins; tü vainst a nomnar tia müraglia salüd, e tias portas lod!

19. Tü non averast plü * il solai per glüm del di, e la splendur della glüna non at farà plü eler; ma il Segner at sarà glüm eterna, teis Deis per tia gloria.

* Ap. 21, 23.

20. Teis solai non vain plü a tramuntar, e tia glüna non vain a challar; perche il Segner at sarà glüm eterna, e 'ls dis da teis lêd vegnan a finir.

21. E teis pövel, tuots, quants cha sun, *saran* giüsts; * els vegnan a possedair la terra in perpetuo, ün dscherm ch'eu vegn *ad* avoir implantâ, ün'ouvra da meis mans, a glorificaziun.

* Ps. 37, 11. Mat. 5, 5.

22. Our dal plü pitschen vegnan milli, ed our dal minim üna possanta naziun. Eu, il Segner, vögl a seis temp metter quaist lestamaing in effet.

CHAP. LXI.

Il profet introdüa Cristo, declarand a sia baselgia ils duns del Spiert sanct, e l'offizi ch'el ha ardschvü dal bap, in cuffort, restoraziun e glorificaziun da quella; pelqual ella s' allegra in Dieu.

IL Spiert del Segner Deis *ais* * sur mai; siand il Segner m' onschet, per annunziar bunas novas als bandus, am tramettet, per liar sü quels da cour rot, per clamar oura libertà als liats, ed als preschunêrs l' avrir della preschun;

* Luc. 4, 18. Gioan. 1, 32.

2. Per publicchar ün an da benevolenza del Segner, ed ün di da vendetta da nos Dieu, per cuffortar tuots quels chi han cordöli;

3. Per proponer a quels da Sion * chi han cordöli, cha als vegna dat üna corona da gloria in lö da tshendra,

öli d'allegrezza in lö da lêd, vestimainta da lod in lö da spiert anguschîa, e ch'els saran clamats: † Ruvers da güstia, plantas cha 'l Segner ha implantâ a glorificaziun.

* Ps. 30, 11. † Es. 60, 21.

4. Els reedifichan ils lous agiâ da lung temp nan desolats, e drizzan sù las ruinas veglias, e renovan las citâts desdrüttas, e 'ls desertamaints da bleras etats *passadas*.

5. Ed esters stan qua, e paschaintan vossas scossas, e figls da forestêrs *sun* voss lavuraints, e vignadurs.

6. * Ma vus sarat clamats sacerdotes del Segner, ed averat nom ministers da nos Deis. Vus mangiais las facultats dels pövels, e 's fais magnifies in lur gloria.

* 1 Pet. 2, 5. 9.

7. In lö da vossa verguogna averat mercede dobla, e per la disonur dessan els güvlar da lur part; perquai dessan els possedair in lur pajais il dobel, ed avair eterna allegrezza.

8. * Perche eu, il Segner, am l'apussaiveltezza, ed ödiesch la sgiarbaria scelerata; ed usche als vögl eu dar lur premi in vardâ, e vögl far con els ün pat etern.

* Prov. 15, 8.

9. E lur sem sarà cognoschü tanter las naziuns, e lur descendents in mez ils pövels; tuots quels chi 'ls vezzan, cognoschan ch'els *sun* ün sem, *cha' l* Segner benedescha.

10. * Eu m'allegr con grand'allegrezza del Segner; m'orma fa festa supra meis Deis; perche el am veste-scha con vestimainta da salüd, am mett' intuorn la chappa della güstia, a guisa da spus, fittâ con corona, ed a guisa da spusa, fatta sù con seis ornamaints.

* Ab. 3, 18.

11. Perche, ingual sco cha la terra prodüa seis dscherms, e sco ch'ün tiert fa prüir oura las chosas semnadas, uschea fa il Segner Deis dsermügliar güstia, e lod, nel conspet da tuot ils pövels.

CHAP. LXII.

Il profet declera, cha ne el, ne 'ls oters profets non interlaschan da requintar alla baselgia las impromissiuns da Dieu, fin al complimaint da quellas tras Cristo, las qualas el asgüra da complir.

PER amur da Sion non taseh eu, e per amur da Gerusalem non stun

eu quiet, fin cha sia güstia vain oura sco üna splendur, e seis salüd sflam-maja sco üna sfagliada.

2. Ed usche guardan las naziuns tia güstia, e tuot ils rais tia gloria, * e vainst clamada con ün nouv nom, il qual la bocca del Segner nomna.

* Es. 65, 15.

3. E tü sarast üna corona da gloria nel man del Segner, ed üna binda regala nella palma da teis Dieu.

4. * Tü non sarast plü clamada, bandunada, e tia terra non sarà plü nomnada, desolada; anzi sarast clamada, meis dalet vi' ad ella, e tia terra, maridada. Perche il Segner ha seis dalet in tai, e tia terra averà ün marit.

* Os. 1, 10. 1 Pet. 2, 10.

5. Perche, *ingual* sco cha 'l giuven as spusa alla vergine, *usche* teis figls as spusan a tai, e, *sco* ch'ün spus s'allegra da *sia* spusa, *usche* vain teis Deis as allegrar da tai.

6. O Gerusalem, eu constituiseh guardias sur tia müraglia; quellas non dessan mâ tasehair, ne da di, ne da not. *Vus* chi 's regordais del Segner, non avais mâ pos.

7. E non al darai mâ pos, fin ch'el haja stabili, e darcheu miss Gerusalem in lod sün la terra.

8. Il Segner ha gürâ tras seis man dret, e tras il bratsch da sia forza: Eu non dun plü teis formaint a teis inimis, per il mangiar, e 'ls infants dels esters non dessan *plü* baiver teis muost, intuorn il qual tü t'hast sfa-diada;

9. Dimpersai quels chi l'han elet aint il dessan mangiar, e lodar il Segner, e quels chi han vindemiâ il muost, il dessan baiver nels cortils da meis santuari.

10. Passai, passai aint tras las portas, chönschai la via al pövel; fat ota, fat ota la strada, pigliai davent las peidras, elevai la bandêra als pövels.

11. Mera, il Segner clam' oura *quais* fin all'extremità della terra: Dît alla figlia da Sion: * Mera, teis salvader vain: Mera, sia mercede *ais* con el, e si' ouvra *ais* avant el.

* Zac. 9, 9.

12. E quels vegnan clamats: Il pövel sanct, ils spendrats del Segner, e

tü vainst clamada: Retscherchada, e non bandunada città.

CHAP. LXIII.

Il profet descriva la combatta, e la victoria da Cristo sur ils inimis della baselgia, ed ella all' incontra celebra l' infinita buntà da Dieu, üsada d' ogni temp invers ella, e 'l rova, ch' el as lascha gnir compassiun d' ella eir nel presaint.

CHI ais quaist chi vain d' Edom, in vestimainta * machada da Bosra?

Quaist chi, magnific in sia vesta, chamina nella grandezza da sia forza? Eu *sun quel*, chi tschantsch in güstia, e *sun* grand per salvar. * Ap. 19, 13.

2. Perche *ais* cotschna tia vesta, e tia vestimainta sco d' ün chi squitscha nel torchel?

3. Eu chalchet la tinna tuot sulet, ed ingün intanter ils pövels non *ais stat* con mai, ed eu la squitschet in mia gritta, e la trapplet giò in mi' ira, cha lur dsüh sprinzlet sur mia vestimainta, e tuot meis abits suoschet eu.

4. Perche ün di da vendettà eira in meis cour, e l' an da meis spendrats eira gnü.

5. * Ed eu guardet intuorn, e qua non eira alchün chi 'm güdess; ed eu consideret con müravaglia, e *qua* non eira *stat* alchün chi 'm sustgness. Ma † meis bratsch m' operet salüd, e mi' ira am sustgnet. * Es. 59, 16. † Ps. 98, 1.

6. Ed eu chalchet pövels in mia gritta, e 'ls smachet in mi' ira, cha lur sang culet in terra.

7. Eu vögl glorificar la benignità del Segner, e seis lods, seguond tuot ils benefizis ch' el ans ha fat, e *seguond* il grand bain ch' el fet alla chasa d' Israel, seguond sias compassiuns, e seguond la grandezza da sias benignitats.

8. Ma el dschet: Vairamaing quels sun meis pövel, infants chi non tiran our schelsa; ed el füt lur salvader.

9. * In tuot lur anguschas non füt el in anguscha, ed ün angel da sia fatscha ils salvet; in si' amur e plachavlezza, ils spendret el, † e 'ls ozet in spadla, e 'ls portet da tuot temp. * Güd. 10, 16. † Ex. 19, 40.

10. Ma quels rebellettan, e * conturblettan il Spiert da sia santità; qua as convertit el in lur inimis, el svesc combattet contr' els. * Ef. 4, 30.

11. Impero el as regordet dels dis

vegls, da Mose, e da seis pövel. Ingio *ais* quel, ch' ils manet our dal mâr, con il pastur da sia scossa? Ingio *ais* quel, chi mettaiva seis sanet Spiert in mez els?

12. Il qual faiva chaminar il bratsch da sia gloria dal man dret da Mose? Il qual fendet las auas avant els, per s' acquistat ün nom etern?

13. Il qual ils condüet tras ils abiss, sco ün chavagl tras üna planüra, sainza ch' els s' intoppettan?

14. Il Spiert del Segner ils condüet a repos, sco la bestia chi va giò nella val; usche condüettast teis pövel per t' acquistat ün nom glorius.

15. Guarda giò da tschel, dalla stanza da tia santità, e da tia gloria, e mera! Ingio *ais* tia zelosia, e tia forza? E 'l commovamaint da * teis cour, e da tias compassiuns, chi as retegnan invers mai? * Ger. 31, 20.

16. Tschert, tü *est* nos bap, combain cha Abraham non sa da nus, e cha Israel non ans cognoscha: Tü, Segner, *est* nos bap, e teis nom *ais* nos spendrader d' eterno.

17. Perche, o Segner, ans laschast straviar giò da tias vias, ed indüri-schast nos cour, a non at tmair? At volva darcheu, per amur da teis servaints, dellas schlattas da ti' ierta!

18. * Il pövel da tia santità füt per pac temp nel possess, noss inimis han trapplà suot teis santuari.

19. Nus dvantettan *sco quels*, sur ils quals tü mâ non hast signorâ, ils quals non sun clamats suainter teis nom.

CHAP. LXIV.

Als Güdeus fidels rovan il Segner, ch' el as mossa tal invers els, sco el s' ha mossâ invers ils babuns. Els confessan lur puchats, domandand perdun dal Segner.

AH, fendessast tü pür ils tschels, e gnissast giò, cha 'ls munts tremblessan per tia presenza!

2. A guisa cha 'l fö invüda las perchas, e fa buglir l' aua, per manifestar teis nom a teis inimis; dinuonder las naziuns tremblessan avant tia presenza.

3. Sco cur tü fettast chosas * strannias, *cha* nus non spettaivan; tü gnitast giò, e 'ls munts tremblettan avant tia presenza. Ex. 34, 10. Güd. 3, 4, 5.

4. E non s'ha da vegl nan mâ bricha udi, * ne inçlet; ingün ügl non ha vis ün Dieu, ourdvard tai, *chi* fet *talas chosas* per quels chi avaiavan spranza in el. * Ps. 31, 20.

5. Tü at fast vi' inçonter a chi s'allegra, ed operescha güstamaing; a quels, chi's regordan da tai in tias vias. Mera, tü t'hast grevamaing adirâ, e nus avain pechâ lung temp in quellas, e gnin nus salvats?

6. E nus fütan tuots, quants cha nus eschan, seo üna chosa malnetta, e tuot nossa güstia füt seo ün pann impalâ, pelqual nus tuots, quants cha nus eschan, spassin seo üna föglia, e nossas iniquitats ans han portats via seo 'l vent.

7. Ed ingün non *ais qua* chi clama teis nom in agüd, chi's sdasda per as tgnair vi' a tai; perche tü hast zoppâ tia fatscha da nus, e 'ns hast disfats per man da nossas proprias iniquitats.

8. Ma uossa, o Segner, tü *est* nos bap; nus *eschan* l'arschiglia, * e tü *est* nos formadur; e nus tuots *eschan* l'ouvra da teis man.

* Es. 29, 16. Ger. 18, 6. Rom. 9, 20.

9. O Segner, non esser adirâ fin al extrem, e non at regordar per adüna dell' iniquità! Mera, guarda nan, nus tuots *eschan* teis pövel!

10. Las cittats da tia santità sun dvantadas ün desert; Sion ais ün desert, Gerusalem ün lö desolâ.

11. La chasa da nossa santità, e da nossa gloria, *ingio ünsacura* at lodaiavan noss babuns, ais arsa con fö, e tuot nossas las plü charas chosas sun guastadas.

12. O Segner, at voust tü retgnair pro quai? Voust tü taschair, e 'ns affliger fin al extrem?

CHAP. LXV.

Profezia dalla vocaziun dels pajans, e reprobaziun dels Güdeus, impromettend grazia al rimanent dels elets intanter els. Lura descriv' el la benedicziun da Dieu sur sia baseigia, in Cristo.

* **E**U füt tscherchâ da quels, chi non domandaivan *da mai*; eu füt chat-tâ da quels, chi non am tscherchaivan. Eu dschet ad ün pövel, chi non as clamaiva davo meis nom: Mera 'm qui, mera 'm qui!

* Rom. 10, 20.

2. Eu stendaiv' oura tuottadi ils mans vers ün pövel rebell, chi chamina sün üna via, chi non ais buna, seguond seis impissamaints.

3. *Vers* ün pövel, chi da contin am dispetta in vista, chi sacrificha nels zardins, e fa profüms sur ils quadrels;

4. Il qual dmura tanter las sepultüras, e maina via las nots nels lous d'üna vart; chi * mangia charn da porch, ed ha *in* sia vashella schoppa da chosas abominablas; * Es. 66, 17.

5. Chi disch: Resta là davent, non t'approsmar pro mai, perche eu sun sanet a tai. Tals *sun* ün füm a meis nas, ün fö chi arda tuottadi.

6. Mera, *quai* sta scrit avant mai: Eu non vögl taschair, ma vögl far la retribuziun; la vögl far ad els nel sain,

7. Vossas iniquitats, e l' iniquità da voss babuns, chi fettan profüms süls munts, e 'm vituperettan süls muots, tuots insembel, disch il Segner; perquai als mastür eu nel sain il pajamaint da quai, cha fettan agià anteriurmaing.

8. Usche disch il Segner: Inqual seo cur as chatta dsüh nellas üjas, e 's disch: Non guastar la *vit*, perche *l' ais amo* laint benedicziun; usche vögl eu far per amur da meis serviains, da non guastar ogni chosa.

9. Ed eu vögl far gnir our da Giacob ün sem, ed our da Giuda possessurs da meis munts, e meis elets dessan possidair la terra, e meis serviains abitar in quella.

10. E Saron sarà stalla del bestiam manü, e * la val Acor stalla dels armaints gross, per meis pövel, chi m' ha tscherchâ. * Es. 33, 9. 35, 2. Os. 2, 15.

11. Ma vus, chi bandunais il Segner, chi smanchais il munt da mia santità, chi apparechais la maisa al *planet* Gad, e fais a coppa plaina offertas da spender a Meni;

12. Vus vögl eu quintar pro alla spada, e vus tuots dessat erodar giò a gnir schannats, * siand eu clamet, e vus non respondettat; eu tschantschet, e vus non tadlettat, anzi fettat quai cha 'm displascha, ed elegettat quai cha non am ais adachar.

13. Perquai, disch usche il Segner

Deis: Mera, meis serviaints mangeran, e vus averat fam; mera, meis serviaints baiveran, e vus sarat plains da sait; mera, meis serviaints s' allegreran, e vus sarat confus;

14. Mera, meis serviaints gùveran per ledezza del cour, e vus bragirat per cordöli, ed ürlerat per fastidi da spiert.

15. E vus relaschais vos nom a meis elets per *servir* da blastemma, e'l Segner Deis as mazza, e nomna seis serviaints con ün oter nom.

16. Quel chi's benedescha sün terra, as benedirà pro'l Deis da vardà; e quel chi gürerà sün terra, * gürerà pro'l Deis da vardà; perche las afflicziuns del prüm saran smanchadas, e saran zoppadas da meis ögls.

* Deut. 6, 13. Ps. 63, 12 Esaj. 19, 18. Ap. 21, 1.

17. Perche mera, eu şhafesch ün nouv tsel, ed üna nouva terra, e las chosas dad avant non saran plü trattas a memoria, e non vegnan *plü* al imaint.

18. Anzi vus dessat s'allegrar, e far festa in perpetuo per las chosas, ch'eu sun per crear; perche mera, eu vögl crear Gerusalem pro allegrezza, e seis pövel pro dalet.

19. Ed eu fetsch festa sur Gerusalem, e'm allegr sur meis pövel; ed * in ella non vain plü udida la vusch da cridar, ne la vusch da bragizi.

* Es. 35, 10. Ap. 7, 17.

20. Qua non sarà plü da lander in-avant infant da *pacs* dis, ne vegl chi non complescha si'età; perche l'infant vain a morir d'età da tschient ans, e'l malfattur d'età da tschient ans sarà maledet.

21. Ed els edificheran chasas, ed abiteran laint; ed implanteran vignas, e mangeran il früt.

22. Els non dessan edificar *chasas*, ed oters abitar *laint*; na implanter, ed oters mangiar *il früt*; perche ils dis da meis pövel dessan esser sco 'ls dis della boşcha, e meis elets dessan po-dair üsar l'ouвра da lur mans.

23. Els non dessan as sfadiar invan, e non dessan genuir pro conturbaziun; perche *els* sun il sem da benedits del Segner, e lur descendents als restan.

24. E quai dvainta, * ant ch'els claman, vögl eu responder; intant ch'els amo tshantschan, *ils* ha eu exodits.

* Es. 11, 6, 7, 9.

25. Il luf e l'agnè pasculeschan insemel; e'l liun maglia stram sco'l bov, e la spaisa della serp *ais* la puolvra. Sün tuot il munt da mia santità non fan els dan, ne dazipamaint, disch il Segner.

CHAP. LXVI.

Il Segner reprenda la vana fidanza dels Güdeus sün il taimpel e servezzen extern, ed imnatscha als inimis della baselgia, ed als idolaters. Mossa, cha la restoraziun della baselgia sarà perpetuala.

USCHE disch il Segner: * Il tsel *ais* meis trun, e la terra il şhabell da meis peis; ingio *ais* üna chassa cha vus am volessat edificar, ed ingio ün lö da meis repos?

* 1 Reg. 8, 27. Mat. 5, 34, 35.

2. Meis man già ha fat tuot quaist, dinuonder *ais* eir quaist, disch il Segner. Sün chi dimena vögl eu guardar? * Sün l'afflit, e sül smachâ da spiert, e vi'a quel chi temma meis pled.

* Ps. 34, 19. 51, 17.

3. Chi şchanna ün bov *m'ais* sco *sch'el* mazzess ün hom; chi sacrificha ün agnè taglia giò'l colöz ad ün chan; chi offerra offerta, da sang da porch; chi fa profüm d'incens per regordanza, benedescha ün idol. Schi quels han eir tschernü oura lur vias, e lur orma ha dalet vi'a lur abominaziuns.

4. *Usche* vögl eir eu tscherner oura lur disgrazia, e vögl far gnir sur els chosas ch'els temman, siand * eu clamet, ed ingün non respondet; eu favlet, e quels non tadlettan, anzi fet-tan quai cha'm displascha, e tschernet-tan oura quai cha non am *ais* adachar.

* Prov. 1, 24.

5. Tadlai il pled del Segner, vus chi * tmais seis pled. Voss frars, chi s'ödieschan, e's şchatschan per causa da meis nom, dischan: Pür cha'l Segner compara glorius, cha nus vezzan vossa ledezza; ma quels saran confus.

* Esr. 9, 4. 2 Thess. 1, 10.

6. *L'ais* ün sun da strepor, *chi* vain nan dalla città, üna romur, *chi* vain nan dal taimpel, la vusch del Segner, chi renda retribuiziun a seis inimis.

7. Ell' ha parturi, ant ch' ella sentiss döglias; ant cha la gnissan dolurs, ais ella guarida d' ün figl.

8. Chi mâ udit üna tala chosa? Chi vezzet mâ chosas similas? Dess ün pajais gnir parturi in ün di? O dess üna naziun nascher in üna vouta? Cha Sion ha già senti las döglias da part, ed ha parturi seis figls?

9. Eu chi fetsch parturir, non dess eu podair genuir? Disch il Segner; eu, chi fetsch genuir, dess eu esser nonfrütaivel? Disch teis Deis.

10. S' allegrai con Gerasalem, e fat festa dad ella, vus tuots chi l' amais! Sagli in ot con ella da *grand'* allegrezza, *vus* tuots, chi avais gnü cordöli per ella;

11. Acio cha vus tettat, e sajat sadolats al sain da seis cuffort; acio cha *vus* tschütschat, e 's giodat dell' abundanza da sia gloria.

12. Perche, usche disch il Segner: Mera, * eu volv pro ella pasch sco ün flüm, e l'abundanza dels pövels sco ün torrent chi va sura, cha vus tschütschat, e vus sarat portats süil bratsch, e sarat allegrats süin la snuoglia.

* Esaj. 48, 18.

13. Eu as vögl cuffortar sco ün infant cha sia mamma cufforta, e vus gnar cuffortats in Gerasalem.

14. E vus vezzaiz quai, e vos cour s' allegra, e voss' ossa dsermüglia sco l'erba, e 'l man del Segner sarà cognoschü da seis serviaints, ma el s' adira conter seis inimis.

15. Perche mera, il Segner vain in fö, e sia charra a guisa da trabagl, per render si' ira in indignaziun, e si' imnatscha in flammass da fö.

16. Perche il Segner fa güdizi con fö, e con sia spada, sur ogni charn; e 'ls mazzats dal Segner saran in grand number.

17. Quels chi 's santifichan, e 's puri-

fichan nels zardins, davo ün via, in mez; chi mangian * charn da porch, e chosas abominablas, e mürs, saran consumats tuots, quants cha sun, disch il Segner.

18. Ma, quant a mai, *essendo talas* lur ouvras, e lur impissamaints, schi vain *il temp*, ch' eu vögl raspar tuot ils pajans, e lenguas, e quellas vegnan a gnir, ed a vair mia gloria.

19. E vögl metter in quels ün signal, e vögl trametter da quels tanter els, chi vegnan ad esser scampats via, pro 'ls pajans, in Tarsi, in Ful, ed in Lud, ingio tiran col balaister, in Tubal ed in Javan, e *pro* las inslas lontanass, chi non han udi mia fama, e non han vis mia gloria, e quels vegnan ad annunziar mia gloria tanter ils pajans;

20. E vegnan a manar tuot voss frars nanpro, our da tuot ils pövels, per offerta al Segner, stün chavals, in charra, in cotschas, stün müls, e stün dromedars, pro 'l munt da mia santità, in Gerasalem, ha dit il Segner, ingual sco 'ls infants d' Israel portan l' offerta in ün vaschè net pro la chasa del Segner.

21. Ed eu vögl eir tour our dad els per sacerdots, e levits, hat dit il Segner.

22. Perche, * ingual sco cha 'l nouv tsel, e la nouva terra, ch' eu vögl far, saran stabilits in meis conspet, disch il Segner; usche eir sarà stabili vos sem, e vos nom.

* Es. 65, 17.

23. E dvanterà, cha da chalenda a chalenda, e da sabbat a sabbat, ogni charn vain a gnir per adurar in meis conspet, ha dit il Segner.

24. Ed els vegnan ad ir oura, ed a vair ils corps morts della gliend, chi averà procedü malamaing conter mai; perche lur * verm non vain a morir, e lur fö non sarà stüzzâ, ed els saran in abomini ad ogni charn.

* Marc. 9, 48.

PROFET GEREMIA.

CHAP. I.

Geremia declera, cura e co el saja clamà dal Segner, con sias schüsas, ma füt da Dieu sves fortifichâ e sgiurâ. L' offizi dels profets, e la forza e constanza cha Dieu als da, cur el ils trametta.

ILS PLEDS DA GEREMIA, figl d' Hilchia, intanter ils sacerdots *chi dmuraivan* in * Anatot, nella contrada da Benjamin, * Gios. 21, 18.

2. Al qual füt *indirizzâ* il pled del Segner, nels dis da Josia, figl d' Ammon, rai da Giuda, nel traideschavel an da seis reginam;

3. E düret eir als dis da Jojachim, figl da Josia, rai da Giuda, infin alla fin del ündeschavel an da Sedechia, figl da Josia, rai da Giuda, fin cha Gerusalem füt manada in preschun,* il che dvantet nel tschinchavel mais.

* 2 Reg. 25, 8.

4. Il pled del Segner dimena am füt *indirizzâ*, dschand:

5. Eu t' ha cognoschü, * avant ch' eu at formess nel vainter; ed avant cha tü gnissast our dalla matrice, schi t' ha eu consacrâ, eu t' ha constitui profet sur ils pövels. * Gal. 1, 15.

6. Ed eu respondet: * Ah, Segner Deis! Mera, eu non sa tschantshar; perche eu *sun ün* infant. * Ex. 4, 10.

7. Ed il Segner am dschet: Non dir: Eu *sun ün* infant; perche tü dessast ir ingio ch' eu vegn at trametter, e dessast dir tuot las chosas ch' eu vegn at comandar.

8. Non tmair dels; perche ch' eu *sun* con tai per at liberar, disch il Segner.

9. E 'l Segner stendet oura seis man, e 'l toccet la bocca. Lura 'm dschet il Segner: Mera, eu ha miss meis plds in tia bocca.

10. Guarda, eu t' ha hoz constitui sur ils pövels, e sur ils reginams; * per ragishar oura, per rumper giò, per disperder, e per desdrür, *ed eir* per edificar, e per implantar.

* Ger. 18, 7.

11. Lura il pled del Segner am füt *indirizzâ*, dschand: Eu vez üna percha d' ün bösch da mandels.

12. Ed il Segner dschet a mai: Bain hast vis; perche ch' eu sun vigilant ed attent a metter in esecuziun meis pled.

13. Lura am füt il pled del Segner *indirizzâ* la seguonda vouta, dschand: Che vezzast? Ed eu dschet: Eu vez ün' avna chi buoglia, la bocca della quala ais *vouta* vers il settentrion.

14. Ed il Segner dschet a mai: Dal settentrion vain as rumper our' il mal sur tuot ils abitants del pajais.

15. Perche, mera, * eu clam tuot las naziuns dels reginams del settentrion, disch il Segner, e vegnan a gnir, e tschantar scodüna sia sopcha regala all' intrada dellas portas da Gerusalem, e sper tuot sia müraglia dapertuot intuorn, e sper tuot las cittats da Giuda.

* Ger. 5, 15.

16. Ed eu vögl pronunziar meis güdizis conter els, per tuot lur malizia, tras la quala els m' han bandunâ, ed han fat profüms ad oters deis, ed han adurâ las ouvras da lur mans.

17. Tü dimena, at tshintia ils flanes, e stâ sü, e di ad els tuot quai ch' eu vegn a comandar; non at stramantar dels; cha forse eu non at smacha avant els.

18. E, quant a mai, mera, * eu t' ha hoz tschantâ sco üna città da fortezza, e sco üna coluonna da fier, e sco müraglia d' aram conter tuot ils pajais, e conter ils rais da Giuda, seis princips, seis sacerdots, e pövel del pajais.

* Es. 50, 7.

19. E quels conbatteran conter tai, ma non vegnan at venscher; perche eu sun con tai, per at liberar, disch il Segner.

CHAP. II.

Il Segner ordaina a Geremia da metter avant al pövel ils vegls benefizis da Dieu, e l'ingratitude da seis perdavants, e sia aigna, con sia apostasia, e sgrischusa idolatria.

IL pled del Segner am füt darcheu *Indrizzâ*, dschand:

2. Vâ, e braja avant las uraglias da Gerusalem, dschand: Usche ha dit il Segner: Eu am regord da tai, della benignità, *ch'eu üset invers tai* in tia giuventüna; dell'amur *ch'eu portaiva nel temp* da teis spusalizi, cur tü chaminavast davo mai tras il desert, tras terra nonsemnada.

3. * Israel *eira* üna chosa sancta al Segner, las primizias da sia rendita; tuot quels chi l'magliaivan eiran culpabels, mal scontraiv'ad els, disch il Segner. * Es. 19, 5. 6.

4. Tadalai il pled del Segner, chasa da Jacob, e *vus* tuot las famiglias della chasa d'Israel; usche ha dit il Segner. * Es. 5, 4.

5. Che iniquitats han chattâ voss baps in mai, chi sun its lönsch d'avent da mai, e sun its davo la vanità, e sun dvantats vans?

6. E non han dit: * Ingio *ais* il Segner, chi 'ns ha trats our dal pajais d'Egipto; chi 'ns ha condüts tras il desert; tras ün pajais da sulezzas, e da sepultüras; tras ün pajais da sechüra, e da sumbriva da mort; tras il qual non passet mâ, ed ingio non abitet mâ alchün? * Es. 63, 11.

7. Ma eu s'ha manats in ün pajais da Carmel, per mangiar da seis früt, e da seis bön; ma vus, essendo intrats laint, avais contaminâ mia terra, ed avais rendü abominabla mi' ierta.

8. Ils sacerdots non han dit: Ingio *ais* il Segner, e quels chi trattan la ledscha non m'han cognoschü, e ls pasturs han commis misfat contra mai, e ls profets han profetizâ tras Baal, e sun its davo chosas chi non güdan inguotta.

9. Perquai vögl eu amo dispittar con vus, disch il Segner, e vögl dispittar cols infants da voss infants.

10. Perche, passai tras las inslas da Chittim, e guardai; tramettai in Chedar, e considerai bain, e guardai, seha mâ dvantet üna tala chosa.

11. Ais * qua alchün pövel, chi haja

müdâ *seis* deis, ils quals però non *sun* deis? Ma meis pövel ha müdâ sia gloria in quai chi non güda inguotta.

* Mic. 4, 5.

12. Tschels, sajat attonits da quaist, ed hajat orrur; sajat grandamaing desolats! Disch il Segner.

13. Perche meis pövel ha fat duos mals; * han bandunâ mai, fontana d'aua viva, per as chavar cisternas, cisternas rottas, chi non tegnan aint l'aua. * Ger. 17, 13.

14. Israel *ais* el famagl? *Ais* el ün *slav* nat in chasa? Perche *dimena* ais el per butin?

15. Ils liunets han sbrügi, ed han miss lur bragizi contr'el, ed han redüt seis pajais in desolaziun; sias cittats sun statts arsas, sainza ch'alchün abita *plü* laint.

16. Eir ils figls da * Nof, e da Tafanes, vegnan at smachar la versch del cheu. * Es. 30, 2. Ger. 4, 18.

17. Non est tü quella chi fast quaist a tai stess, bandunand il Segner teis Deis, nel temp ch'el at condüet tras la via?

18. Ed uossa, che hast tü da far tras la via d'Egipto, per baiver dellas auas da Sihor? Ovvero che hast tü da far tras la via d'Assiria, per baiver dellas auas del flüm?

19. * Tia malizia vain at chastiar, e teis straviaments vegnan at condannar, e tü vainst a savair, e vair, cha l'*ais* üna mala ed ascha chosa, cha tü hast bandunâ il Segner teis Deis, e cha l' stramizi da mai non *ais* in tai, disch il Segner Deis dels exercits. * Es. 3, 9.

20. Perche ünsacura da vegl avaiast sfrachâ teis giuf, e rot teis liams; schi hast tü dit: Eu non vögl esser *mâ plü* fantschella; siand cha tü * seuorast, spitinand sur ogni ot muot, e suot ogni bösch verd. * Es. 57, 5. 7. 8.

21. Ma eu t'avaiva * implantada con vits nöblas, d'üna generaziun vaira tras e tras; † schi co m'est tü müdada in perchas malgrattiadas d'ün' estra vit? * Ps. 80, 9. † Deut. 32, 32.

22. Schabain cha tü * t lavast col nitro, e dovrast intuorn tai bler'erba da fulladurs da pann; schi ais impero tia iniquità † sagellada in meis conspet, disch il Segner Deis. * Giob 9, 30. † Deut. 32, 34.

23. Co volessast tû dir: Eu non m'ha contaminada? Eu non sun ida davo Baal? Guarda sün teis proceder nella val, recognoscha quai cha tû hast fat, o dromedara ligiera, chi volvast suotsura tias vias.

24. Asna solvadia, adü sada a star nel desert, chi sorba aint il vent a sia voluntà; chi gniss a podair volver davent üna sia occasiun? Ingün da quels chi la tscherchan non vain as stanglantar *per la chattar*; els vegnan a la chattar in seis mais.

25. Retira teis pè inavo, ch'el non saja scuz, e tia gula, ch'ella non haja sait; ma tû hast dit: * Qua non ais remedi, na; perche eu am ils esters, e vögl ir davo els.

* Ger. 18, 12.

26. Sco ais confus il lader, cur el ais clappâ, usche sarà confusa la chasa d'Israel; quels, lur rais, lur principals, lur sacerdots, e lur profets;

27. Chi dischan al lain: Tû est meis bap; ed alla peidra: Tû 'ns hast genuits; perche ch'els m'han vout la rain, e na la fatscha, ed impero, al temp da lur adversità, dischan els: Leva sü, e salva 'ns!

28. Ma, * ingio sun teis deis, cha tû t' hast fat? Ch'els stettan sü, scha pür els vegnan at podair salvar al di da tia adversità; perche, o Giuda, † tû hast gnü tants deis, co tantas citats!

* Deut 32, 37. † Ger. 11, 13.

29. Perche volessast tû dispittar con mai? Vus tuots s' avais deportats malamaing invers mai, disch il Segner.

30. * Per inguotta ha eu battü voss infants; els non han ardschvü correziun; vossa spada ha magliâ voss profets, a guisa d' ün liun guastadur.

* Es. 1, 5.

31. O generaziuns, considerai vus sress il pled del Segner; sun eu stat ad Israel ün desert? *Sun eu stat üna terra schüra*? Perche ha dit meis pövel: Nus eschan signurs; nus non volain gnir plü pro tai!

32. La vergina vain ella a smanchar via seis ornamaints, e la spusa sias liadüras? Ma meis pövel m'ha smanchar via, agià da dis innumerabels nan.

33. Perche at fast usche viziua in teis proceder, per tscherchar amur?

Dinuonder tû hast mossâ teis costüms eir allas femnas malas.

34. Ultra quai, nels urs *da tia vestimenta* s' ha chattâ il sang dellas persunas dels pövels innozaints, ils quals tû non avaivast prais con ehavar oura; anzi *'ls hast mazzats* per tuot quaistas chosas.

35. E pür dist tû: Tschert, eu sun innozaint; sia ira s' ha vouta davent da mai. Mera, eu vögl drettar con tai per quai cha tû hast dit: Eu non ha pechâ.

36. Perche * stracuorrast tant, cura qua, cura là, müdand tia strada? † Tû sarast confusa d' Egipto, sco tû est statta confusa d' Assur.

* Ger. 31, 22. † Es. 30, 3.

37. Eir vainst tû ad ir our davent da quai col mans sül cheu; perche 'l Segner reprobescha tias confidanzas, e tû non vainst a prosperar in quellas.

CHAP. III.

Deis declera sia granda benignità invers seis pövel. Lura, dand danöv ad incler ad Israel, ed a Giuda, lur spiritual adulteri, ils clam' el pro el, impromettand ad els grazia, e restoraziun tras il messia.

VOLAIN nus dir, cha, sch' ün marit trametta via sia muglier, ed ella, siand partida d' avent d' el, as marida con ün oter, *quel priim* tuorna darcheu pro ella? Quella terra, *ingio quai gniss as fur*, non gniss ella ad esser daffat contaminada? Uossa, tû hast fornicâ con blers amatur; impero, tuornast darcheu pro mai? Disch il Segner.

2. Oza teis ögls vers ils lous adoza, e guarda, ingio tû non sajast statta svergognada? Tû sezzaivast sün las vias, alla posta da quels, a guisa * d' Araber nel desert, ed *usche* hast contaminâ il pajais tras tias fornicaziuns, e tras tia malizia.

3. Pelqual las plövgias sun stattas scomandadas, e qua non ais stat plövgia dell' ultima stagiun; e * tû hast gnü ün frunt da pitana, tû non hast vöglü avair verguogna.

* Ez. 3, 7.

4. Non vainst tû hozmâ a bragir vi' a mai: Meis bap, tû *est* il conductur da mia giuventüna.

5. * Tain el *se' ira* in perpetuo? La conserva el saimpermâ? Mera, tû hast favlâ, ma hast fat tants mals, quants cha tû hast podü.

* Ps. 103, 9.

6. Il Segner am dschet eir al temp del rai Josia: Hast tû vis quai cha la sviada Israel ha fat? *Co* ella ais ida sîin ogni ot munt, e suot ogni bûsch verd, ed ha qua fornicâ?

7. E pûr, dopo ch'ella avet fat tuot quaistas chosas, la dschet eu: At volva nan pro mai; ma ella non as convertit, e *quî* vezett la perfida Giuda, * sia sour. * Ez. 16, 46.

8. Ed eu ha vis cha, conbain aviand la sviada Israel commiss adulteri, eu l'avess tramissa via, e l'avess datta il cudesch da seis repudi; schi non ha impero la perfida Giuda, sia sour, tmû; anzi ais ida, ed ha fornicâ eir ella.

9. E, per la facilità da sias fornicaziuns ais dvantâ, cha 'l pajais ais stat contaminâ, ed ella ha commiss adulteri con la peidra, e col lain.

10. Ed impero eir, con tuot quai, non s' ha la malfidela Giuda, sour da quell' *otra*, convertida pro mai, con tuot seis cour, anzi con menzûgna, disch il Segner.

11. E 'l Segner am dschet: * La sviad' Israel s' ha mossada plû gûsta co la malfidela Giuda. * Ez. 16, 51.

12. Vâ e clam'oura quaists plets vers il settentrion, e di: At convertescha, o sviada Israel, disch il Segner, ed eu non vögl far erodar mi' ira adöss a vus; perche eu *sun* benign, disch il Segner; * eu non salv *mi' ira* in perpetuo. * Ps. 103, 9.

13. Solum recognoscha l' iniquità; perche tû hast commiss misfat conter il Segner teis Deis, e t' hast rendüda als esters suot ogni bûsch verd, e non eschat stats attents a mia vusch, disch il Segner.

14. As converti, infants rebells, disch il Segner; perche eu s' ha spusats, ed eir, as vögl eu tour, ün d' üna città, e duos d' üna famiglia, e's vögl condür in Sion.

15. * E vögl dar pasturs seguond meis cour, chi vegnan as paschantar con scienza, e con intellet. * Ger. 23, 4.

16. E dvanterà cha, cur vus gnis ad esser multiplicats, e creschüts nella terra, in quel temp, disch il Segner, non as vain a dir plû dall' archa della lia del Segner, e quella non vain

a gnir *plû* in sen, e non sarà *plû* in memoria, e non sarà plû tscherhada, e non sarà plû refatta.

17. In quel temp sarà Gerusalem clamada: Il trun del Segner, e tuot ils pövels vegnan as raspar via pro ella, pro 'l nom del Segner in Gerusalem, e non vegnan ad ir plû davo la dürezza da lur mal cour.

18. In quels dis vain la chasa da Giuda ad ir pro la chasa d' Israel, ed els vegnan a gnir insembel dal pajais del settentrion, nel pajais ch' eu ha dat per ierta a voss babuns.

19. Ma eu ha dit: Co 't vögl eu metter tanter *meis* infants, dar * il pajais desiderabel, la bell' ierta dels exercits dels pövels? Ed eu ha dit: Tû vainst a clamar: Meis bap, e non vainst at volver d'avent da mai. * Ps. 106, 24.

20. Tschert, *ingual* sco üna muglier ais malfidela a sia compagnia, la bandunand, usche vus, o chasa d' Israel, eschat stats malfidels invers mai, disch il Segner.

21. Üna vusch ais statt' udida sur ils lous adoats, ün eridar da supplicaziuns dels infants d' Israel; perche els han straviâ lur via, ed han smanchâ il Segner lur Deis.

22. As converti, infants rebells, ed eu vögl guarir vossas rebellions. Mera, nus gnin pro tai, perche tû *est* il Segner nos Deis.

23. Tschert, per inguotta *as spetta il salüd* dals muots, dalla quantità dels munts; tschert, nel Segner nos Deis *ais tschantâ* il salüd d' Israel.

24. E quella chosa vergognusa ha constimâ la sostanza da noss baps, fin da nossa giuventüna in sü; lur bescha, lur bovs, lur figls, e lur figlias.

25. Nus giaschain in nossa verguognâ, e nossa disonur ans coverna; perche nus, e noss baps, avain pechâ conter il Segner nos Deis, da nossa giuventün' in sü infin a quaist di, e non avain tatlâ la vusch del Segner nos Deis.

CHAP. IV.

Deis, tras Geremia, exort' ils Güdeus pro vaira penitenza; e, non seguind, als annunziesch' el lur extrema desolaziun tras ils Caldeers.

O Israel, scha tû 't converteschat, disch il Segner, schi 't converta

nan pro mai; e, scha tü pigliast da-vent da meis conspet tias abomina-ziuns, e non vast plü ad erramaints,

2. E gürast: Il Segner viva, vai-ramaing, appussaivelmaing, e güsta-maing, lura vegnan ils pövels as be-nedir in tai, ed in tai as gloriar.

3. Perche, usche ha dit il Segner a quels da Giuda, e da Gerusalem: * Arai a vus il champ novell, * e non semnarai tanter las spinas.

* Os. 10, 12. Mat. 13, 7. 22.

4. Homens da Giuda, ed abitants da Gerusalem! As circoncidai al Se-gner, e pigliai via la pelliotta da vos cour, cha forse mia ira non gïaj' oura a guisa d' ün fö, e non arda, e *qua* non *saja* alchün chi *la* stüzza, per la malizia da voss fats.

5. Annunziai in Giuda, e clamai oura in Gerusalem, e dit: Sunai la trom-betta per il pajais, bragi, raspai *il pövel*, e dit: Gni insembel, ed intrain nellas cittats fermas.

6. Ozai la bandêra vers Sion, fügen con forza, non restarai; perche * eu fetsch gnir dal settentrion üna cala-mità, ed üna granda ruina. * Ger. 1, 14. 15.

7. Il * liun ais gnü sü our da seis zoppel, e 'l destructur dels pövels ais parti; el ais it our da seis lö, per metter teis pajais in desolaziun, *e per far, cha* tias cittats sajan ruinadas, in möd, ch' ingün non abitescha *plü in quellas*. * Dan. 7, 4.

8. Perquai, as tschintai con sachs, battai voss cours, ed ürlai; perche la furia dell' ira del Segner non s' ha vouta our da nus.

9. E dvanterà in quel di, disch il Segner, cha 'l cour del rai, e dels princips, vain a gnir almain, e 'ls sacerdots saran instupits, e 'ls profets attonts.

10. Ed eu ha dit: Ah, Segner Deis! Tü hast pür ingiannà quaiست pövel e Gerusalem, dschand: Vus gnis ad avair pasch, e pür la spada ais rivada infin' all' orma.

11. In quel temp as vain a dir a quaiست pövel, ed a Gerusalem: Ün vent sech, *sco soffla* nels lous ots, *soffla* nel de-sert, trand vers la figlia da meis pö-vel; *il qual* non *ais* per vannar, ne per nettiar.

12. Ün vent, plü ferm co tals *vents*, vain a gnir da part mia; uossa vögl eir eu pronunziar ad els meis güdizis.

13. Mera, quel vain a gnir sü a guisa da nüvlas, e sia charra *vain ad esser* ün trabagl; seis chavals saran plü sperts co aglias. Vae a nus, perche nus eschan deserts!

14. O Gerusalem, lava teis cour da malizia, acio cha tü sajast salvada; infin a cura vainst tü ad albergiar dadaint tai ils impissamaints da tia iniquità?

15. Perche *qua ais* üna vusch, chi annunzia, cha * l' iniquità *ais plü granda* co in Dan, e clam' oura, *ch' ella ais plü greva* co nel munt d' Efraim. * Ger. 3, 11.

16. Adverti ils pövels; mera, clamai insembel contra Gerusalem assedia-turs, chi vegnan da lontan pajais, e chi tramettan oura lur bragizi contra las cittats da Giuda.

17. Quels s' han tschantats contra Gerusalem pertuot intuorn, a guisa dellas guardias dels champs; perche ella m' ais statta rebella, disch il Segner.

18. Teis proceder, e teis fats, t' han fat quaistas chosas; quaiста tia mali-zia *ha fat*, cha *t' ais scontrada* aschezza, e ch' ella t' ais rivada infin al cour.

19. Ah meis interiur, * meis interiur, eu saint üna granda dölur, *ah* la serra da meis cour! Meis cour romura in mai! Eu non am poss dar pos; perche, o orma mia, tü hast udi il sun della trombetta, l' alarm della guerra. * Es. 15. 5.

20. Üna * ruina ais clamada davo l' otra ruina; perche tuot il pajais ais guastâ; mias tendas sun dandet-tamaing stat dazipadas, e mias velas in ün momaint. * Ps. 42, 8.

21. Infin a cura vegn eu a vair la bandêra, ed ad udir il sun della trombetta?

22. *Quaiст ais*, perche meis pövel *ais* nar, e non am cognoschan; sun in-fants nars, e non han alchün intellet; bain *sun* els sabis a far mal, ma non han alchüna cognoschensecha da far bain.

23. Eu ha guardâ la terra, e mera, ed *eira* üna chosa tuotta guasta, e

deserta; *ha eir guardâ ils tschels, e lur glüm non eira plü.*

24. Ha guardâ ils munts, e mera, els tremblaiyan, e tuot ils muots eiran squassats.

25. Eu ha guardâ, e mera, la gliend non *eira plü*, eir tuot ils utschels dels tschels s'avaivan fat davent.

26. Eu ha guardâ, e mera, Carmel *eira ün desert*, e tuot sias cittats eiran sdrüttas dal Segner, per la furia da si' ira.

27. Perche, usche ha dit il Segner: Tuot il pajais sarà desolâ, * ma eu non vögl *amo* far fin. * Es. 9, 11. 16. 20.

28. Perquai vain la terra a portar léd, e 'ls tschels süsura vegnan a gnir schürs; perche eu ha pronunziâ, eu ha impissâ our' *il fat*, e non am vögl inrüglar, ne star inavo.

29. Tuot las cittats fügian, per il strepit dels cavaliers, e da quels chi sagettan; els intran in *gods* spess, e raivan süls spelms; ogni città *ais* bandunada, ed ingün non avda *plü* laint.

30. E tü, sdrütta, che voust far? * Schabain cha tü't vestast con şcharlatta, e't fittast sü con ornaint d'or, strichast ils ögls con colur, schi't fast bella per inguotta; ils amatur s't'han per sdegn, els tscherchan ti' orma.

31. Perche eu ha udi ün bragizi, sco d'üna duonna chi parturescha; üna anguoscha, sco d'üna duonna chi ais sur part da seis primogenit; il bragizi della figlia da Sion, chi suspüra d'anguoscha, e stend'oura las palmas da seis mans, *dschand*: Ah povra mai; perche mi'orma vain almain per quels chi mazzan.

CHAP. V.

Il Segner declera, eha, essendo ils puchats da seis pövel tant blers e grands, el in cuort temp vögla gnir sur els con seis güdizis, tras ils Caldeers.

IT intuorn per las stradas da Gerusalem, e guardai bain uossa, e's fat surasen, e tscherchai per sias plazzas, scha vus chattais ün *sul* hom, * scha qua ais alchün chi operescha *quai cha* dret *ais*, chi tschercha la realtä; schi alla vögl eu perdunar.

* Gen. 18, 23.

2. E sch'els pür dischan: Il Segner viva; schi güran els tschert fosa-maing.

3. O Segner, non *sun* teis ögls *vouts* vers la realtä? Tü'ls hast battüts, e non ha dolâ ad els; tü'ls hast consü-mats, ed els han rechüsâ d'ardschai-ver correeziun; els han indüri lur fatscha, plü ch'ün crap; els s'han ostats da's convertir.

4. Ma eu dschaiva: Quaists sun sulet ils misers; els sun privats dal sen; perche els non han cognoschü la via del Segner, la ledscha da lur Deis.

5. Eu vögl ir pro 'ls grands, e vögl favlar con els; perche quels cognoschan la via del Segner, la ledscha da lur Deis; ma quels tuots, quants cha sun, han sfrachâ il * giuf, han rot ils liams. * Ps. 2, 3.

6. Perquai ils ha il lium del god battüts, il luf della saira ils ha desertats, * il pardel sta in aguet sper lur cittats; chi vain a gnir oura sarà şcharpâ; perche lur misfats sun multiplichats, lur rebellions sun rinforzadas. * Os. 13, 7.

7. Co at dess eu perdunar quaist? Teis infants m'han bandunâ, ed han gürä tras *quels chi* non *sun* deis, e'ls aviand eu sadolats, han els commiss adulteri, e s'han raspats pro troppas in chasa della pitana.

8. Cur els levan la mattina *sun els* sco chavals bainpaschantats; seodün dels sgrigna davo la muglier da seis prossem.

9. Non dess eu chastiar quaistas chosas, disch il Segner, e non as dess mi'orma vindichar vi'ad ün tal pövel?

10. Ravai aint sur sia müraglia, e dazipai, e non farai fin; pigliai via seis bastiuns; perche els non sun del Segner.

11. Perche la chasa d'Israel, e la chasa da Giuda, s'han deportadas daffat malfidelmaing invers mai, disch il Segner.

12. Ellas han renegâ il Segner, ed han dit: El non *ais*, e mal alchün non vain ans gnir adöss; e nus non gnin a vair spada, ne fam.

13. Ed ils profets vegnan ad ir in vent, e non *ais* *qua* oracul alchün in els; usche sarà fat con els.

14. Pertant, usche ha dit il Segner, Deis dels exercits: Perquai cha vus avais proferi quaist pled, mera, * schi vögl eu far, cha meis plets vegnan ad esser in tia bocca sco ün fö, e quaist pövel sarà sco laina, e *quel fö* vain al magliar.

15. O chasa d' Israel, mera, eu fetsch gnir sur vus, disch il Segner, ün pövel da lontan nan; el ais ün pövel ferm, ün * pövel vegl; ün pövel del qual tü non vainst a savair il linguach, e non vainst ad ineler quai ch'el vain a dir. * Gen. 10, 10.

16. Sia taja da frizzas *sarà* sco üna sepultura averta, quels tuots *saran* homens valerus.

17. Ed el vain a mangiar tia raccolta, e teis pan, *cha* teis figls, e tias figlias dovaivan mangiar; el vain a mangiar tia bescha, e teis bovs; el vain a mangiar *ils früts* da tias vignas, e *da* teis figêrs, e con la spada vain el ad ardür al extrem las cittats fermas, süen las qualas tü at confidast.

18. Impero, eir in quels dis, disch il Segner, non vögl eu far fin con vus.

19. E dvanterà, * cha vus gnis a dir: Perche'ns ha il Segner nos Deis fat tuot quaistas chosas? Lura tü di ad els: Ingual sco vus m'avais bandunà, ed avais servi ad esters deis in vos pajais, usche gnis vus a servir ad esters in pajais na vos. * Ger. 16, 10.

20. Annunziai quaist nella chasa da Giacob, e clamaì oura quai in Giuda, dschand:

21. Tadlai uossa quaist, * o pövel nar, e chi non ha sen; chi ha ögls, e non vezza; uraglias, e non oda.

* Es. 6, 9.

22. Non am dessat vus tmair, disch il Segner, non dessat vus avair stramizi da mai chi ha, per statut perpetuo, * tschantà il sablun per term del mâr, il qual el non surpasserà; *schabain* cha sias uondas as movaintan, non vegnan ellas impero a tour suraman, e *schabain* ch'ellas romuran, schi non vegnan ellas però al passar sura. * Giob 26, 10.

23. Ma quaist pövel ha ün cour pervers e rebell, e s'han vouts inavo, e sun its davent;

24. E non han dit in lur cour: In

grazia, tmain il Segner nos Deis, chi da * la plövgia della prüma, e dell' ultima stagiun, a seis temp; *chi* 'ns conserva las eivnas ordinadas per la mess. * Deut. 11, 14.

25. Vossas iniquitats han vout davent quaistas chosas, e voss puchats s'han scomandà il bön.

26. Perche tanter meis pövel s'han chattats empis, * *chi* stan süen aguet, a guisa cha 'ls utschlêrs stan quaits, e drizzan trappas a tour la gleiud. * Prov. 1, 11, 17.

27. Sco la chabgia ais plaina d'utschels, usche lur chasas *sun* plainas d'ingian; perquai s'han els ingrandits, e richantats.

28. Sun gnüts grass, e lischs, ed impero han els eir passantà mals accidaints; els non fan raschun alchüna, neir bricha al orfan, ed impero * prospereschon els, e non fan dret als povers. * Giob 12, 6.

29. Non dess eu chastiar quaistas chosas, disch il Segner? Non as dess mi'orma vindichar vi' ad ün tal pövel?

30. Üna chosa stupenda, e brutta ais scontrada nella terra.

31. * Ils profets han profetizà con menzögna, e 'ls sacerdotes han signorà, s' appozand süils mans da quels, e meis pövel ha quai usche amà. Ma che volais vus far alla fin?

* Ger. 23, 25, 26.

CHAP. VI.

Il Segner fa representar la stramantusa vgnüda dels Caldeers alla destrucziun da Gerusalem, con las causas da quella; e, non siand spranza da penitenza, als pronunzia el la finala sentenza, confermand seis profet in sia vocaziun.

FÜGI con forza, infants da Benjamin, our da mez Gerusalem, e sunai la trombetta in Tecoa, ed ozai il signal del fö sur Betcharem; perche üna * calamità, e granda ruina ais apparüda dal settentrion nan. * Ger. 1, 14.

2. Eu avaiava fat la figlia da Sion simila ad üna duonna bella, e delicata.

3. Pasturs vegnan a gnir conter ella con lur scossas; els vegnan a tender per tuot intuorn conter ella lur chamannas; seodün vain a pascular da sia vart.

4. Perderschai la battaglia conter ella, as fat sü, e train sü da bel mezdi.

Vae a nus, perche 'l di ais declinâ, e las sumbrivas della saira s'han dislungadas.

5. Stat sù, e giain sù da not, e dazi-pain seis palazzis.

6. Perche, usche ha dit il Segner dels exercits: Tagliai giò laina, e fat transêras conter Gerusalem; quai^t *ais* la città, *chi* ha d'esser visitada; ella non *ais* oter co oppressiun aint da-daint sai.

7. Seo la fontana sbuorfla sù dal puoz sias auas, usche quella sbuorfla oura sia malizia; violenza e dazipamaint as saintan in ella; *qua ais* da contin avant mia fatscha dögli^a e botta.

8. At corrigescha, o Gerusalem; cha forse * meis cour non as retira da tai; cha forse eu non at redi^ua in desert, in terra non abitada. * Ez. 23, 18.

9. Usche ha dit il Segner dels exercits: Il rimanent d'Israel sarà dafatta spielâ giò, seo ùna vigna turnainta, a guisa da vendemiadur, il man vi^l als chanasters.

10. A chi dess eu favlar, a chi dess eu protestar, ch'el taidla? Mera, lur uraglia ais noncironceisa, e non pon esser attents; mera, il pled del Segner ais ad els in vituperi, non as dalettan in quel.

11. Pertant sun * eu plain dell'ira del Segner, eu staint *l'* artgnair; eu la vögl spander oura sur ils pitschens infants per las plazzas, e medemmaing sur las raspadas dels giuvens; perche eir tuots, homens e donans, vegls e decrepits saran prais.

12. E lur chasas saran trasportadas via ad esters, ed insembel ils champs, e las mugliers; perche eu vögl stender oura meis man sur ils abitants dels pajais, disch il Segner.

13. Perche quels tuots, dal grand al pitschen, sun ardats all'avarezza; tuots, profets e sacerdots commettan falsità;

14. Ed han * guari alla leva la rottura della figlia da meis pövel, dschand: Pasch! Pasch! Schabain cha *qua* non *ais* alchüna pasch. * Ger. 8, 12.

15. * S'han els eir turpiats, per quai ch'els han fat ùna chosa abominabla; els non han gnü verguogna alchüna,

ne s'han savüts turpiar; perquai vegnan els a crodar tanter ils morts, nel di ch'eu vegn als visitar, e vegnan a dar a terra, ha dit il Segner.

* Ger. 3, 3.

16. Il Segner avaiva dit usche: As fermaⁱ sün las vias, e guardai, e domandai * davo sendas veglias, *per savoir* quala *ais* la buna strada, e chaminai tras quella, schi † gnis vus a chattar repos a voss'orma. Ma quels han dit: Nus non volain chaminar *quattras*.

* Ger. 18, 15. † Mat. 11, 12.

17. Ultra quai, eu avaiva constitui sur vus guardias, *chi dschessan*: As fat surasen sül sun della trombetta. Ma quels han dit: Nus non ans volain far surasen.

18. Perquai, o pövels, tadlai, *e tüi*, o raspada, cognoscha quai ch' *ais* in els.

19. Taidla, o terra! Mera, eu fetsch gnir ün mal sur quai^t pövel, il früt da lur impissamaints; perche els non s'han fats surasen sün meis plets, ed han rebüttä mia ledscha.

20. * A che fin am *offerir* l'incens *chi vain* da Sabea, e la buna chanella odorosa *chi vain* da lontan pajais? Voss olocausts non *am sun* a plaschair, e voss sacrificiz non am sun adachar.

* Es. 1, 11. Amos 5, 21. Mic. 6, 6.

21. Pertant, usche ha dit il Segner: Mera, eu vögl metter a quai^t pövel intops, nels quals els vegnan as intoppar, baps ed infants insembel; vasschins, ed amis vegnan a perir.

22. Usche ha dit il Segner: Mera, * ün pövel vain dal pajais da setten-trion nan, ed ün grand pövel as mova dal fuond della terra sù. * Ger. 1, 14.

23. Els vegnan a dar man il balaster, e'l schüt; *quels sun ün pövel* crudel, e non averan compassiun alchüna; lur vusch vain a romurar seo'l mâr, e vegnan muntats sün chavals; *scoodün d'els* sarà in ordinanza, seo ün hom ferm, per combatter contra tai, o figlia da Sion!

24. Seombod cha nus gnin ad avair senti il bragizi, schi vegnan noss mans a crodar; anguoscha vain ans sorprendere, e dögli^a, seo d'ùna duonna chi parturescha.

25. Non giarai oura sün la cuttüra,

e non passarai las stradas; perche la spada del inimi, il stramizi *ais* daptuot intuoarn.

26. Figlia da meis pövel, * at tschinta con ün sach, e 't volva intuoarn la tschendra! Hajast cordöli, *seo* per ün figl sulet, e planscha aschamaing; perche 'l guastadur vain a gnir dandettamaing sur nus.

* Ger. 4, 8.

27. Eu t'ha tchantâ per transêra, e fortezza, in meis pövel, e tû vainst a cognoscher, e provar lur via.

28. Quels tuots sun rebells perversissems, van calumniand; * *sun* aram, e fier; tuots sun corrots.

* Ez. 22, 18.

29. Il fol *ais* ars, il plom *ais* constimâ dal fö; per inguotta eir sun els stats tchantats nel furnell; ils quals però non sun stats separats.

30. Els vegnan a gnir clamats * argient reprobâ; perche 'l Segner ils ha reprobats.

* Es. 1, 22.

CHAP. VII.

Il Segner comanda a Geremia d'exortar il pövel pro penitenza, e mutaziun da vita; el taxa lur idolatria, e mossa quala saja la fin dels sacrificis.

IL pled, chi füt dal Segner *indirizâ* a Geremia, dschand:

2. At ferma pro la porta della chasa del Segner, e qua predgia quai pled, e di: Glied da Giuda, tuots, quants cha eschat, chi intrais tras quaistas portas, per adurar il Segner, tadlai il pled del Segner!

3. Usche ha dit il Segner dels exercits, il Deis d'Israel: * Meldrai vossas vias, e vossas ouvras, ed eu as vögl far abitar in quai lö.

* Ger. 26, 13.

4. Non as fidarai sün plets fallatschus, dschand: Quai *ais* il taimpel del Segner, il taimpel del Segner, il taimpel del Segner!

5. Anzi daffat meldrai vossas vias, e vossas ouvras. Scha pür vus fais *dret* giüdizi tanter il crastian, e seis prossem,

6. E non squitschais suot il forestêr, ne l'orfan, ne la vaidgua, e non spandais sang innozaint in quai lö, e non giais davo ad oters deis a dan vos;

7. Schi vögl eir eu far, cha vus abiteschat per ogni temp in quai lö, nel pajais ch'eu ha dat a voss babuns.

8. Mera, vus as confidais sün plets fallatschus, chi non pon portar alchün profit.

9. Involand, mazzand, commettand adulteri, e gürand fosamaing, e fand profüms a Baal, giand davo oters deis, ils quals vus non avais cognoschü;

10. Volais vus lura eir gnir, e's presenter in meis conspet in quai chasa, chi's clama davo meis nom; e volais dir: Nus eschan stats liberats per far tuot quai chasas abominablas?

11. *Ais*, a vos parair, quai chasa, chi's clama davo meis nom, dvantada * üna spelunca da sasehins? Mera, eu ha vis eir quai, disch il Segner.

* Mat. 21, 13.

12. Ma, it pür uossa via pro meis lö chi füt in * Silo, ingio eu il prüm stanziet meis nom, e guardai quai ch'eu al ha fat, per la malizia da meis pövel Israel.

* Gios. 18, 1.

13. Uossa eir, siand cha vus avais fat tuot quai chasas, disch il Segner, e, schabain ch'eu s'ha clamats, schi non avais però respus;

14. Schi vögl eu far a quai chasa, chi as clama davo meis nom, sün la quala vus as confidais, ed al lö, ch'eu ha dat a vus, ed a voss baps; seo eu ünsacura fet a Silo,

15. Ed eu as vögl schatschar our da meis conspet, seo eu ha schatschâ voss frars, tuot il sem d'Efraim.

16. E tû, * non rovar per quai pövel, e non tour *avant tai* a bragir, o a far oraziun per els, e non interceder pro mai; perche eu non at vögl exodir.

* Ger. 11, 14.

17. Non vezzast tû quai ch'els fan nellas cittats da Giuda, e sün las piazzas da Gerusalem?

18. Ils infants elejan nanpro la laina, e 'ls baps invüdan sù il fö, e * las donans indüreschan la pasta, per far fuatschas alla regina del tsel, e per far offertas da spander als oters deis, per am sdegnar.

* Ger. 44, 19.

19. Fan quels dispet a mai? Disch il Segner; anzi * non fan *quels dispet* ad els sves, pro confusiun da lur proprias fatschas?

* Ez. 8, 17.

20. Perquai, usche ha dit il Segner

Deis: Mera, mia ira, e meis sdegn sarà spans oura sur quaist lö, sur la gliend, e sur las bestias, e sur la boscha della champagna, e sur ils früts della terra, e vain as stüzzar.

21. Usche ha dit il Segner dels exercits, il Deis d'Israel: Fat pür gnir nan * voss olocausts pro voss sacrificis, e mangiai la charn. * Es. 29, 1.

22. * Perche eu non favlet a voss baps, ne det ad els comandamaint, cur eu ils tret our dal pajais d'Egipto, davart olocausts, e sacrificis;

23. Anzi comandet ad els quaist, cioè: Tadalai mia vusch, ed eu as vögl esser Dieu, e vus am dessat esser pövel; e chaminai sün tuot las vias ch'eu as comand; acio cha bön as scontra.

24. Ma quels non han tatlâ, e non han inclinâ lur uraglia; ma sun chaminats seguond ils cossagls, e la dürezza da lur mal cour, e *sun its* inavo, e na inavant.

25. Dal di cha voss babuns trettan our dal pajais d'Egipto inavant, infin a quaist di, s'ha eu * tramiss tuot meis serviaints profets, ils tramettand ogni di, fin dalla mattina; * 2 Cron. 26, 15.

26. Ma quels non m'han tatlâ, e non han inclinâ lur uraglia; anzi han indüri lur colöz, els han fat pèr co lur babuns.

27. Pronunzia ad els dimena tuot quaists plets; ma quels non vegnan at tadar; braja pür ad els, ma non vegnan at responder.

28. E per quai dessast tü dir ad els: Quaist *ais* il pövel, chi non ha tatlâ la vusch del Segner seis Deis, e non ha ardschvü correcziun; la vardâ ais perida, ed ais gnüda almain in lur bocca.

29. At tonda giò ils chavels, o *Gerusalem*, e bütta 'ls via; piglia sur tai a plansch sül lous adoziats, perche 'l Segner ha reprobâ, e bandunâ la generaziun da seis sdegn.

30. Perche 'ls infants da Giuda han fat quai cha'm displascha, disch il Segner; els * han miss lur abominaziuns nella chasa, la quala as clama davo meis nom, per la contaminar;

* 2 Reg. 21, 4.

31. Ed han edificâ ils ots lous da

Tofet, * chi *ais* nella val del figl d'Hinnom; per arder cón fö lur figls, e lur figlias, chosa ch'eu *mâ bricha* non comandet, e chi non am intret *mâ bricha* nel cour. * 2 Reg. 23, 10.

32. Pertant, mera, * ils dis vegnan, disch il Segner, cha quella non vain plü as clamar Tofet, ne val del figl d'Hinnom, ma val da mazzacra, e 'ls *morts* vegnan as sepulir in Tofet, fin cha non *resta qua* plü lö. * Ger. 19, 6.

33. E 'ls * corps morts da quaist pövel saran per spaisa als utschels del tschel, ed allas bestias della terra, e non *sarà qua* chi las spüvainta.

* Deut. 28, 26.

34. * Eu vögl eir far avair fin nellas cittats da Giuda, e sün las plazzas da Gerusalem, la vusch d'allegrezza, e la vusch da güvel; la vusch del spus, e la vusch della spusa; perche il pajais sarà in desolaziun.

* Es. 24, 7. 8. Ger. 16, 9. Ez. 26, 13. Os. 2, 11. Ap. 18, 23.

CHAP. VIII.

Geremia descriva l'extrema desolaziun da Gerusalem, e dels Güdeus, tras ils Caldeers; della quala il profet s'vess plauscha dolorusamaing, e perquai croud'el in granda conturbraziun.

IN quel temp, disch il Segner, vain a gnir tratta our da lur sepultüras l'ossa dels rais da Giuda, e l'ossa da seis principals, e l'ossa dels sacerdots, e l'ossa dels profets, e l'ossa dels abitants da Gerusalem;

2. E sarà rasada avant il solai, ed avant la glüna, ed avant l'exercit del tschel; las qualas chosas quels han amâ, ed han ad ellas servi, e sun ad ellas idas davo, e las han tscherchadas, e las han aduradas; *quell' ossa* non sarà raspada a mantun, ne sepulida; sarà sco aldüm sün la fatscha della terra.

3. E la mort sarà plü desiderabla co la vita a tuot il rimanent da quels, chi saran vanzats da quaista mala naziun; in tuot ils lous, ingio saran vanzats alchüns da restanza, nels quals eu vegn als avair schatschats, disch il Segner dels exercits.

4. Di eir ad els: Usche ha dit il Segner: Seh' alchün crouda, non s' alvaint' el sü darcheu? Seh' el disvia, non tuorn' el darcheu *sül dret chamin?*

5. Perche as ha quaist pövel da Gerusalem sviâ tras ün sviamaint ostinâ? Els s' han tgnüts vi' al ingian, els han rechüsâ da 's convertir.

6. Eu sun stat attent, ed ha tatlâ; els non tschantschan l' appussaivel, *qua non ais* alchün chi 's inrügla da seis mal, dschand: Che chosa ha eu fat? Scodün dels s' ha vout sia cuorsa, a guisa d' ün chavagl chi cuorra alla battaglia.

7. Eir la cicogna suot il tschel cognoscha sias stagiuns, e la turdella, e la graula, e l' irundellina, osservan il temp da lur vgnüda; ma meis pövel non ha cognoschü il güdizi del Segner.

8. Co podais vus dir: Nus *eschän* sabis, e la ledscha del Segner *ais* con nus? Mera, eir la fosa penna dels scrivants s' ha dovrada pro falsità.

9. Ils sabis sun stats confus, sun stats stramits, e prais; mera, els han sbütâ il pled del Segner, e che sapienza *dess esser* in els?

10. Perquai * vögl eu dar lur mugliers ad oters, e lur bains ad oters possessurs; perche tuots, dal grand al pitschen, sun ardats all' avarezza; tuots, profets e sacerdots, commettan falsità;

* Deut. 28, 30.

11. Ed han guari la rottüra della figlia da meis pövel alla leva, dschand: Pasch! Pasch! Combain cha *qua non ais* alchüna pasch.

12. S' han els turpiats, perche els han fat üna chosa abominabla? Els non han gnü verguogna alchüna, e non han savü as turpiar; perquai vegnan els a crodar tanter ils mazzats, nel temp da lur visitaziun, e vegnan a dar a terra, ha dit il Segner.

13. Eu ils vögl consümar daffat, disch il Segner; *qua non ais plü* üja nella vit, ne figs nel figêr; las föglias s vess sün gnüdas passas, ed eir *quai*, ch' eu vegn a dar ad els, sarà tut via ad els.

14. Perche stain nus? As raspai, ed intrain nellas cittats fermas, ed a là stanziain quaits; perche 'l Segner nos Deis ans fa star quaits, e 'ns * bavranta con aua da tössi; siand cha nus avain pechâ conter il Segner.

* Ger. 9, 15.

15. Ün * sta spettand pasch, *ma qua non ais* bön alchün; il temp della guarischun, e mera conturbraziun.

* Ger. 14, 19.

16. Il grofflar da seis chavals ais stat udi da Dan nan; tuot la terra ha tremblâ per il sun del sgrignir da seis chavals bravs; els sun gnüts, ed han magliâ il pajais, e tuot quai ch' ais in quel, las cittats, e lur abitants.

17. Perche mera, eu tramet conter vus serps, aspides, * contra las *qua non ais* alchüna inchantaziun; e vegnan as morder, disch il Segner.

* Ps. 58, 5. 6.

18. O meis cuffort nel cordöli, meis cour languescha in mai!

19. Mera, la vusch del bragizi della figlia da meis pövel, da lontan pajais nan. Non *ais* il Segner in Sion? Non *ais qua* il rai da quella? Perche m' han quels grittantâ con lur figüras intagliadas, con vanità dad esters?

20. La raccolta ais passada, la stâ ais finida, e nus non eschan stats salvats.

21. Eu sun tuot conturbâ per la rottüra della figlia da meis pövel; eu vegn vesti a nair, snuizzi m' ha dat man.

22. Non *aise qua* * alchün balsam in Gilead? Non *aise qua* alchün meidi? Perche dimena non ais stat saldada la playa della figlia da meis pövel?

* Ger. 46, 11.

CHAP. IX.

Geremia crida asch-e pittramaing dalla desolazione da seis pövel, e seis puchats; ils quals el descriva, exortand a scodün da tour a cour, cha quels sun la causa da quella, e contuot ch' els dessan planscher, e tschantar lur fidanza solum in Dieu.

AH! Füss pür meis cheu aua, e meis ögl üna fontana da larmas! Schi voless eu * eridar di e not ils mazzats della figlia da meis pövel! * Es. 22, 4.

2. Ah! A vess eu pür ün albiere da viandants nel desert! Schi voless eu bandunar meis pövel, e voless ir davent dad els; perche quels tuots *sun* adulter, üna raspada da malfidels.

3. Els * sajettan falsità our da lur lingua, *chi ais* lur balaister, e non as fortifichan con vardâ nella terra; anzi procedan da mal in mal, e non

am cognoschan, disch il Segner.

* Ps. 64, 4.

4. * S' inguardai scodün da seis ami, e non as fidarai in alchün frar; perche ogni frar non fa oter co dovrar frod, ed ogni ami va calumniand; * Ger. 12, 6.

5. Ed ogni crastian ingianna seis ami, e non tshantschan vardà; els han mossâ lur lingua a favlar menzogna, as stanglaintan a far mal.

6. Tia dmura ais in mez il frod; per ingian non am vöglian els cognoscher, disch il Segner.

7. Perquai, usche ha dit il Segner dels exercits: Mera, eu ils vögl metter al furnell, ed alla prova; perche, co dess eu far *otramaing*, per amur della figlia da meis pövel?

8. Lur lingua ais üna frizza tratta, ella favella frod; scodün, * con sia bocca, tshantscha da pasch con seis prossem; ma in lur intern mettan els aguets.

* Ps. 12, 3.

9. Non dess eu ad els chastiar per quaistas chosas? Disch il Segner; non as dess mi' orma svindichar d' ün tal pövel?

10. Eu völg tour avant mai da eridar, e m'almentar per quaists munts, e planscher per ils * stavels del desert; perche els sun ars, e qua non passa *plü* tras alchün, e non s'oda *qua plü* la vusch del bestiam, e 'ls utschels del tshel; e las bestias sun fùgidas, e sun trattas d'avent. * Ger. 23, 10.

11. Ed eu vögl redür Gerasalem in munts *da ruinas*, * in zoppels da draguns, e vögl metter las cittats da Giuda in desolaziun, sainza ch'alchün ayda *plü in quellas*.

* Es. 34, 13.

12. Chi *ais* l'hom sabi? Ch'el piglia quaist a cour; e *chi ais* quel al qual la bocca del Segner haja favlâ? Schi ch'el quai annunziescha. Perche ais perida la terra, ed ais stat desolada sco ün desert, sainza ch'alchün *qua plü* passa tras?

13. Il Segner hat dit: Perquai ch'els han bandunâ mia ledscha, ch'eu ad els avaiva proponü, e non han tatlâ mia vusch, e non sun chaminats se guond quella;

14. Anzi sun its davo la durezza da lur cour, e davo Baals, il che lur baps mossettan ad els;

15. Perquai, usche ha dit il Segner dels exercits, il Deis d'Israel: Mera, * eu vögl spissiantar quaist pövel con assens, e 'ls vögl bavantar con aua da tössi.

* Ger. 8, 14.

16. E 'ls vögl rasar tanter pövels, ils quals ne quels, ne lur baps non han cognoschü, e vögl trametter davo els la spada, fin ch'eu ils haja constümats.

17. Usche ha dit il Segner dels exercits: Considerai, e elamai da quellas chi planschan, e *fat* cha vegnan, e tramettai per las plü vezzas, ch'ellas vegnan;

18. E ch'ellas hajan prescha, e piglian avant ellas a far ün pland da nus, e s' disfetschan noss ögls in larmas, e noss palperis guottan aua;

19. Perche üna vusch da planscher ais stat udida da Sion: Co eschan nus stats desdrüts? Nus eschan grandamaing confus; perche nus avain bandunâ il pajais, * e nossas stanzas ans han schatschats.

* Lev. 18, 28.

20. Perche, o donans, tatlai il pled del Segner; ed ardschaiva voss'uraglia il pled da sia böcca, e mossai a lamentar a vossas figlias, ed a planscher, scodüna a sia compagna;

21. Perche la mort ais gnüda aint tras nossas fanestras, ais intratta in noss palazzis, per sterminar ils pitshens infants giò dallas stradas, e 'ls giuvens giò dallas piazzas.

22. Tshantschâ: Usche ha dit il Segner: Ils corps morts della gliעד vegnan eir a giaschair sco aldüm via per la champagna, e sco üna mannetta da spias, *laschada* davo dal tshuncader, la quala ingün non eleja sü.

23. Usche ha dit il Segner: Il sabi non as dess gloriar da sia sabgenschâ, e 'l ferm non as dess gloriar da sia forza, e 'l rich non as dess gloriar da sias ricchezas;

24. Ma, * chi's gloriescha, schi ch'el as gloriescha da quaist, ch'el ha intellet, e cognoscha mai; perche eu sun il Segner, chi fetsch benignità, güdizi, e güstia in terra; perche quaistas chosas am sun a plaschair, disch il Segner.

* 1 Cor. 1, 31.

25. Mera, ils dis vegnan, disch il Segner, ch'eu vögl visitar ogni circoncis chi ha la pelluotta;

26. Egipto, e Giuda, ed Edom, e'ls figls d'Ammon, e da Moab, e tuot quels, chi's tondan las varts *dellas taimpras*, ils quals avdan nel desert; perche tuot quaists pövels sun non-eircconcis, tuot la chasa d'Israel eir ais noncconcisa da cour.

CHAP. X.

Il profet exorta a fùgir ogni idolatria e superstiziun pajana, ed a quella oppona el la majestà da Deis; lura annunzia el la destrucziun tras ils Caldeers, rovand Deis da moderar seis chastiamaints.

CHASA d'Israel, tadlai il pled, cha 'l Segner s'ha pronunzià:

2. Usche ha dit il Segner: Non imprenderei a *sequittar* ils costüms dels pövels, e non hajat temma *dellas insainas* del tschel, perche ils pövels temman *quellas*.

3. Perche 'ls statuts dels pövels sun vanità; perche cha's taglia ün * lain del god, *per far ün lavurêr con mans d'artischen* con la manêra. * Es. 40, 19.

4. Quel as fet con or, e con argient, ed as fa star salda con guottas, e con martels, aciò ch' el non vegna moventâ.

5. Els sun trats sù dret, a guisa da palma; e non favellan; ün ils sto portar intuorn, perche els non pon chaminar; non tmarai d'els; perche els non pon far dan alchün, ed eir in lur podair non *ais* da far alchün bain.

6. *Qua non ais* ingün al pèr teis, o Segner; tū est grand, e teis nom ais grand in forza.

7. * Chi non at dess tmair, o rai dels pövels? Perche *quaist* convain a tai, usche lönch cha tanter tuot ils sabis dels pövels, ed in tuot lur reginams, non *ais* alchün *qua* sumgiant a tai.

* Ap. 15, 4.

8. E tuots insembel sun our * sen, e nars; il lain ais ün intraguidamaint da vanità.

* Ps. 115, 8. Es. 41, 28, 29.

9. L'argient, chi's stend'oura col martè, ais addüt da Tarsi, e l'or d'Ufaz; *ais* ouvra da maister, e *lavor da mans d'urais*; lur vestimaint *ais* hiacint, e scharlatta; quai tuot *ais* *lavor da ghieud* industriusa.

10. Ma 'l Segner *ais* il vair Dieu; el *ais* il Deis vivaint, e 'l rai etern; la

terra trembla tras si'ira, e 'ls pövels non pon sustgnair sia gritta.

11. Usche dessat vus dir ad els: Ils peis chi non han fat il tschel e la terra, ch'els gïajan a perder our dalla terra, ed our suot il tschel.

12. Quel * chi ha fat la terra con sia potenza, chi ha stabili il muond con sia sapienza, ed ha distais ils tschels con sia intelligenza.

* Ger. 51, 15.

13. Scombod ch'el da oura *sia* vusch, *schi ais qua* üna romur d'auas giò da tschel; * el fa ir sù vapurs dall'extrimità della terra, e fa ils lütschaiders per la plövgia, e tira il vent our da seis tesors.

* Ps. 135, 7.

14. * Ogni crastian ais our sen tras scienza; ogni urais ais gnü in verguogna tras las imagnas; perche sias statuas culadas *sun* üna falsità, e *qua* non *ais* alchün spiert in ellas.

* Ger. 51, 17.

15. Ellas sun vanità, lavur d'ingians; ellas vegnan a perir nel temp da lur visitaziun.

16. *Quel chi ais* la part da Giacob non *ais* seo quaistas chosas; perche el *ais* il formadur d'ogni chosa, ed Israel *ais* la schlatta da si'ierta; seis nom *ais*, il Segner dels exereits.

17. O abitanta della fortezza, metta insembel tia merchanzia, *per la portar* our dal pajais!

18. Perche, usche ha dit il Segner: Mera, quaista vouta * vögl eu büttar davent, seo üna slingia, ils abitants del pajais, e'ls vögl metter in anguoscha, acio ch'els chattan quai ch'els han meritâ.

* 1 Sam. 25, 29.

19. Ah pover mai, *vain a dir il pajais*, per chaschun da mia ruina! Mia plaja ais dolorusa; ed impero avai' eu dit: Quaist' *ais* üna döglia, ch'eu bain vegn a podair suffrir.

20. Mias tendas sun dazipadas, e tuot mias cordas sun ruottas; meis infants sun its our da mai, e non sun *plü*; *qua non ais* plü alchün chi tenda mia chamanna, ne chi drizza sù mias cortinas.

21. Perche 'ls pasturs sun gnüts our sen, e non han tscherchâ il Segner; perquai non han els gnü ventüra, e tuot lur scossas füttan dazipadas.

22. Mera, üna vusch da bragizi vain, con granda commoziun,* dal pajais del settentrion nan, per redür las cittats da Giuda in desolaziun, in zoppels da draguns.

* Ger. 1, 14. 15.

23. O Segner, eu cognosch,* cha la via del crastian non *ais* in sia pussanza, e cha non *ais* in podair del crastian chi chamina, da drizzar seis pass.

* Prov. 16, 1.

24. O Segner, * chastia'm, impero moderadamaing; na in tia ira, cha forsa tü non am fetschast gnir almain.

* Ger. 30, 11.

25. Spand'oura ti'ira sur ils pövels chi non at cognoschan, e sur las naziuns chi non claman in agüd teis nom! Perche ellas han magliâ Jacob; schi, l'han magliâ e consümâ, ed han desolâ sia stanza.

CHAP. XI.

Geremia tira in memoria als Güdeus la summa da sia lia, e dellas maledicziuns ad els scontradas da vegl, ed uossa, perseverand els nels medems puchats als imnatsch'el; lodand eir la buntà del Segner, il qual non banduna ils seis nel privel.

IL pled, chi füt dal Segner *indirizzâ* a Geremia, dschand:

2. Tadlai ils plets da quaista lia, e favlai alla gliend da Giuda, ed als abitants da Gerusalem!

3. E tü di ad els: Usche ha dit il Segner Deis d'Israel: * Maledet l'hom chi non vain a tadlar ils plets da quaista lia;

* Deut. 27, 26. Gal. 3, 10.

4. La quala eu comandet a voss babuns d'observar, cur eu ils tret our dal pajais d'Egipto, dal fuorn da fö, dschand: * Tadlai mia vusch, e fat quaistas chosas, seguond tuot quai ch'eu as comand, schi'm dessat vus esser meis pövel, ed eu vögl esser vos Dieu;

* Lev. 26, 3. 12.

5. Acio ch'eu mett' in effet il saramaint, ch'eu fet a voss babuns, da dar ad els ün pajais chi cula da lat e meil, seo 's *vezza* al di d'hoz. Ed eu respondet, e dschet: Amen, Segner!

6. Davo quai, am dschet il Segner: Predgia tuot quaists plets nellas cittats da Giuda, e süen las plazzas da Gerusalem, dschand: Tadlai ils plets da quaista lia, e mettâ 'ls in effet!

7. Perche eu ha fat grandas protestas a voss babuns, dal di ch'eu

ils tret our dal pajais d'Egipto in avant, infin a quaist di, protestand ad els ogni di fin dalla mattina in via, e dschand: Tadlai mia vusch!

8. Ma quels non l'han tadlada, e non han sport lur uraglia, e sun chamminats, scodün seguond la dürezza da seis mal cour; dinuonder eu ha fat gnir sur els tuot ils plets da quaista lia, la quala eu *ad els* avaiva comandâ d'observar; ma non l'han observada.

9. Lura am dschet il Segner: E's chatta üna congiura tanter ils homens da Giuda, e tanter ils abitants da Gerusalem.

10. Els sun turnats pro las iniquitats da lur vegls babuns, ils quals rechüsettan da tadlar meis plets, e sun eir quels its davo oters deis, per als servir; la chasa d'Israel, e la chasa da Giuda han ruot mia lia, ch'eu avaiva fat con lur babuns.

11. Perquai, usche ha dit il Segner: Mera, eu fetsch gnir sur els ün mal, our dal qual els non vegnan a podair gnir, e vegnan a bragir vers mai, ma eu non ils vögl tadlar.

12. Lura vegnan las cittats da Giuda, e 'ls abitants da Gerusalem, ad ir, e bragir vers ils deis, als quals els fan profüms; ma quels non vegnan als salvar in alehün möd, nel temp da lur adversità.

13. Perche, o Giuda, * tü hast gnü tants deis, *quant ch'ais* il number da tias cittats, e vus avais drizzâ sü tants utêrs alla chosa svergognusa, *quant ch'ais* il number dellas stradas da Gerusalem; utêrs da far profüms a Baal.

* Ger. 2, 28.

14. Tü dimena * non rovar per quaist pövel, e non tour avant tai da bragir, ne da far oraziun per els; perche eu non *ils* vögl exodir, cur els vegnan a bragir vers mai, per lur adversità.

* Ger. 7, 16.

15. Che ha da far plü meis char ami in mia chasa, daspö cha 'ls * grands l'impondan pro sceleratezza? Ma las charns sanctas vegnan a passar d'avent da tai; perche cur cha *tü com-mettast* teis mal, schi fast tü festa.

* Ez. 8, 11.

16. Il Segner avaiva clamâ teis nom,

olivêr verd, bel in dalettaivels früts; ma al sun d'ün grand tumult ha el invüdâ intuorn quel ün fö, e seis rams sun stats consumâts.

17. E'l Segner dels exercits, chi t'avaiva implantada, ha pronunziâ conter tai del mal; per la malizia della chasa d'Israel, e della chasa da Giuda, chi han commiss per am sdegnar, fand profüms a Baal.

18. Ma 'l Segner m'ha fat cognoscher lur fats, ed eu ils ha cognoschüts; lura, *Segner*, tû 'ls hast mosats a mai.

19. Ed eu *sun stat* sco ün agnè, o ün boy, *chi's* maina alla mezcha, ed eu non savaiva ch'els * fessan machinaziuns conter mai, dschand: Töschantain sia spaisa, e 'l sterminain our dalla terra dels vivs, e non saja plü regordâ seis nom.

20. Ma, o Segner dels exercits, güst güdisch, * chi provast ils ranuogls, e 'l cour, *fà* ch'eu vezza tia vendetta sur els; perche eu at declar mia raschun.

21. Perquai, usche ha dit il Segner davart quels d'Anatot, chi tscherchan ti' orma, dschand: * Non profetizar nel nom del Segner, cha tû non mourast tras noss mans.

22. Perquai, usche ha dit il Segner dels exercits: Mera, eu vögl visitar ad els; ils giuven vegnan a morir tras la spada, e lur figls e lur figlias vegnan a morir da fam.

23. E non resterà dad els alchün rimanent; perche eu vögl far gnir del mal sur quels d'Anatot, l'an da lur visitaziun.

CHAP. XII.

Geremia planscha al Segner da sia persecuziun ed afflicziun, e co cha all' incoetra ils ipocrits ed empis han ventüra, e predisch la rejeczziun dels Güdeus, e sdrütta da Gerusalem, sco eir lur delibraziun, as convertind.

SEGNER, sch'eu litigesch con tai, *Schi* * *est* tû *pür* güst; inguotta tant main at vögl eu proponer mias raschuns: Perche prosperescha la via dels empis? *Perche* sun in lur comodità tuots quels chi procedan malfidelmang?

2. Tû 'ls hast implantats, els han fat ragisch, s' avanzan, e früttan; tû *est*

* strusch a lur bocca, ma lönsch davent da lur ranuogls.

* Es. 29, 13.

3. Ma, o Segner, tû 'm cognoschast, tû 'm vezzast, ed hast provâ, co meis cour saja invers tai; strozcha 'ls via, a guisa da bescha, pro la mezcha, e perderscha 'ls pro per il di della mazzaera.

4. Infin a cura dess il pajais portar lèd, e sechar via l'erba da tuot la champagna, per la malizia dels abitants da quel? Las bestias, e 'ls utschels sun gnüts almain; * perche els han dit: *Deis* non vezza nossa fin.

* Os. 4, 3.

5. Scha, currind cols peduns, quels t'han stanglantâ, schi co 't voust tû masdar aint cols chavals; e, *scha* tû hast *solum* fidanza in terra da pasch, schi co voust tû far cur il Giordan sarà scufflâ?

6. Perche eir teis frars, e quels della chasa da teis bap, s'han deportats malfidelmang con tai, e quels eir han clamâ insembel la blierüra davo tai, * non at fidar dels, cur els vegnan at dar buns plds.

* Ger. 9, 4.

7. Eu ha bandunâ mia chasa, eu ha laschâ davo mi' ierta, eu ha dat l' amur da mi' orma nels mans da seis inimis.

8. Mia ierta m'ais statta sco ün liun nel god, l'ha dat oura sia vusch conter mai, perquai l'ha eu ödiada.

9. Mia ierta m'ais statta sco ün utschè parnielâ; o utschels, *gni* conter ella dapertuot intuorn. It, as raspai, *vus* tuottas las bestias solvadias della champagna, gni nan per mangiar!

10. Blers pasturs han guastâ mia vigna, han trapplâ suot mia possessiun, els han redüt mia chara possessiun in ün desert da desolaziun.

11. Ella ais statta redüta in desolaziun, e tuotta desolada, ha portâ lèd avant mai; tuot la terra ais desolada, perche *qua* non ais alchün chi piglia *quaistas* chosas a cour.

12. Dissipadurs sun gnüts sur tuot ils lous adoats nel desert; perche la spada del Segner vain a magliar d'ün' extremità del pajais infin all'otra; *qua* non ais pasch alchüna per ingüta charn.

13. Els han * semnâ formaint, ed han clet aint spinas; els s' han dat travaglia, e non han fat alchün profit; vus gnis a gnir confus da vossas renditas, per l' arsaïnt' ira del Segner.

* Lev. 26, 16.

14. Usche ha dit il Segner contra tuot seis mals vaschins, chi toccan l' ierta, la quala el ha dat a possidair ad Israel, seis pövel: Mera, eu ils vögl stirar davent da lur pajais, e vögl stirar la chasa da Giuda our da mez els.

15. E dvanterà, davo ch' eu vegn als avair stirats davent, vögl eu dannöy avair compassiun dels, e 'ls vögl darcheu condür, scodün pro sia ierta, e scodün pro sia terra.

16. E dvanterà, sch' els pür imprendan las vias da meis pövel, per güirar tras meis nom, *dschand*: Il Segner viva! Seguond ch' els a meis pövel han ammassâ da güirar tras Baal, schi dessan els esser edificats in mez meis pövel.

17. Ma, * sch' els non obedeschian, schi vögl eu stirar davent ün tal pövel, ils stirand davent, ed *insembel* ils sdrüand, disch il Segner.

* Es. 60, 12.

CHAP. XIII.

Il Segner ordaina a Gerusalem, ch'el presainta tras üna figüra, la grazia fatta a seis pövel, e seis güdizis per sia rebellün, e ch'el lura clama il rai ed il pövel a penitenza; ma, s' indürind pür plü, ch' el als declera lur ruina extrema.

USCHE m' ha dit il Segner: Và, e t' cumpra üna tschinta da glin, e t' mett' la intuorn ils flanes, e non la metter nell' aua.

2. Contuot cumpret eu quella tschinta, seguond il pled del Segner, e m' la mettet intuorn ils flanes.

3. E 'l pled del Segner füt a mai *indrizzâ* la seguonda vouta, dschand:

4. Piglia la tschinta cha tü hast cumprâ, la quala tü hast intuorn ils flanes, e leva sü, e vâ via pro 'l Eufrat, e zopp' la qua in üna foura d' ün spelm.

5. Ed eu get, e la zoppet sper l' Eufrat, sco 'l Segner m' avaiva comandâ.

6. E, davo blers dis, dvanteret, cha 'l Segner am dschet: Stâ sü, e vâ pro 'l Eufrat, e piglia dalander la tschinta, ch' eu t' avaiva comandâ da la zoppar qua.

7. Ed eu get pro l' Eufrat, e chavet sü, e piglet la tschinta dal lö, ingio eu l' avaiva zoppada, e mera, la tschinta eira guastada, e non eira plü buna pro inguotta.

8. E 'l pled del Segner füt *indrizzâ* a mai, dschand:

9. Usche ha dit il Segner: Usche vögl eu dissipar la magnificenza da Giuda, la granda magnificenza da Gerusalem;

10. Da quaist mal pövel, chi rechüsa da tadlar meis plets, chi chamina nella dürezza da seis cour, e va davo oters deis, per als servir, e per ils adurar, quel dvanterà sco quaista tschinta, chi non ais *plü* buna pro inguotta.

11. Perche, ingual sco la tschinta ais missa intuorn ils flanes del hom; usche m' avai' eu congiunt tuot la chasa d' Israel, e tuot la chasa da Giuda, disch il Segner, acio ch' el füss meis pövel, pro fama, e pro lod, e pro gloria; ma quels non han obedi.

12. Contuot di ad els quaist pled: Usche ha dit il Segner, il Deis d' Israel: Ogni barigl sarà implida con vin. E quels vegnan at dir: Non savain nus bain, ch' ogni barigl vain a gnir implida con vin?

13. E tü dessast dir ad els: Usche ha dit il Segner: Mera, eu vögl implir con avrianza tuot ils avdadurs da quaist pajais, e 'ls rais *della stirpe* da David, chi sezzan sün seis trun, e 'ls sacerdotes, e 'ls profets, e tuot ils abitants da Gerusalem;

14. E 'ls vögl sbatter l' ün conter l' oter; baps ed infants insembel, disch il Segner; eu non völg schaniar, e non vögl perdunar, e non vögl avair misericordia, per non ils sdrür.

15. Tadtai, e sporschai l' uraglia: Non sajat superbis; perche 'l Segner ha favlâ.

16. Dat gloria al Segner vos Deis, ant ch' el fetscha gnir las schürezzas, ed ant cha voss peis s' intoppan süls munts d' obscurità, e cha vus, * spetand la glüm, el l' haja schamia da in sumbriva da mort, e müdada in obscurità.

* Es. 59, 9.

17. Cha, scha vus non tadtai quaist, schi vain m' orma a cridar in secret

per *vossa* superbia, e meis ögl non vain ad interlaschar da larmar, e vain as disfar in larma; perquai cha la scossa del Segner ais manada in preschun.

18. Di al rai, ed alla regina: S' ümiliai, e sezzai *in terra*; perche vos principat, la corona da vossa gloria ais crodada giò bass.

19. Las cittats del mezdi sun serradas, e *qua* non ais alchün chi las avra; tuot Giuda ais manà in preschun, el ais manà in üna intèra preschun.

20. Ozai sù voss ögls, e guardai quels chi vegnan da settentrion nan; ingio *ais* il tröp *chi* 't eira stat dat, la scossa da tia gloria?

21. Che voust tü dir, cur el vain at chastiar? Perche tü syess hast ad els mossà, ad esser teis princips e capos; non vegnan dolurs at dar man, in guisa d' üna duonna chi parturescha?

22. Cha scha tü disch in teis cour: * Perche'm sunscontradas quaistas chos-
sas? Per la grandezza da tia iniquità sun teis urs stats scoverts, sun teis chalchagns stats smachats. * Ger. 5, 19.

23. Poderà il mör müdar sia pel, e 'l pardel sias maelas? Schi poderat eir vos, siand adüsats a far mal, far bain?

24. Contuot ils vögl eu rasar via sco stoppa, chi ais transportada vi' avant il *sofflar del vent del desert*.

25. Quaist *ais* tia sort, la part da tias masüras, da part mia, disch il Segner; perquai cha tü m' hast smanchà, e 't hast confidà in menzögnas.

26. Pelqual * eir eu at vögl snüdar teis urs stün la vista, e teis vituperi vain a parair. * Lam. 1, 8. Ez. 16, 37.

27. Teis adulteris, e teis sgrignir, e la sturpichenscha da teis spitnar *ais stat* sur ils muots, * per la cuttüra; eu ha vis tias abominaziuns. Vae a tai, Gerusalem! Non vainst tü *mà* at nettiar, davo cura eir? * Es. 65, 7.

CHAP. XIV.

Geremia predisch üna granda sechüra, e charestia, e rouva Deis per il pövel, il che il Segner al scomanda, ma darcheu non interlasch' el da rovar per sia baselgia.

IL pled del Segner, chi füt *indrizzà* a Geremia, davart il fat della sechüra.

2. La Giudea porta lèd, e sias portas langueschan; els giaschan via per terra in abit da lèd; il bragizi da Gerusalem ais it sù.

3. E'ls plü onorats intanter els han tramiss per aua lur pitschen pövel, e quel, siand gnü pro'ls foss, non ha chattà aua alchüna; els sun turnats cols vashels vöds, han gnü verguogna, sun stats confus, ed han covernà lur cheu.

4. Siand cha la terra ais statta smachada, perche qua non ais stat alchüna plövgia nel pajais; ils lavuraints sun stats confus, ed han covernà lur cheu.

5. Ed eir la tschierva, per la cuttüra, aviand früttà, ha bandunà *seis giurnet*, siand cha qua non eira alchün' erba.

6. E'ls asens solvadis s' han fermats süls lous adozats, ed han sorvà aint il vent, sco draguns; lur ögls sun gnüts almain; perche cha *qua* non eira erba alchüna.

7. O Segner, scha nossas iniquitats rendan testimonianza conter nus, schi operescha per amur da teis nom; perche nossas rebellüns sun multiplichas, nus avain pechà conter tai.

8. O spranza d' Israel, seis salvader in temp da tribulaziun, perche volessast tü esser in pajais, a guisa da forestêr, e sco ün viandant, *chi's* redüa in ün albiereg, per passantar via qua la not?

9. Perche volessast tü esser sco ün hom smari, sco ün *hom* ferm, *chi* non po salvar? Ma, Segner, tü *est* pür in mez nus, e teis nom ais clamà in agüd sur nus; non ans bandunar!

10. Usche ha dit il Segner a quaist pövel: Usche han els gnü dalet dad eir via e nan ractivs, e non han artgnü lur peis; perquai displaschan els al Segner; uossa vain el as regordar da lur iniquità, e vain a chastiar lur puchats.

11. Lura am dschet il Segner: * Non rovar in bain per quaist pövel. * Ger. 7, 16.

12. Cur els vegnan a * geginar, schi non vögl eu tadlar lur bragizi, e cur els vegnan ad offerir olocaust, ed offerta, schi non ils vögl eu avair

a plaschair; dimpersai ils vögl consümar tras la spada, e tras la fam, e tras la pesta.

* Es. 53, 3.

13. Ed eu dschet: Ah Segner Deis! Mera, ils profets dischan ad els: Vus non vezzerat la spada, e fam non vain as gnir; anzi as vögl eu dar ferma pasch in quaiet lö;

14. Ed il Segner dschet a mai: Quels profets profetizeschan menzögna in meis nom; * eu non ils ha tramiss, e non ha favlâ ad els; quels as profetizeschan visiuns da menzögna, ed ingiavinamaint, e vanità, e l'ingian da lur cour.

* Ger. 23, 11, 21.

15. Perquai, usche ha dit il Segner davart quels profets, chi profetizeschan in meis nom, combain ch'eu non ils ha tramiss, e dischan: E non vain ad esser ne spada, ne fam in quaiet pajais; quels profets saran consümat tras la spada, e tras la fam.

16. E'l pövel, al qual els han profetizâ, sarà büttâ via per las stradas da Gerusalem, tras la fam, e tras la spada; e *qua* non sarà alchün chi sepulescha, ne els, ne lur mugliers, ne lur figls, ne lur figlias; ed eu vögl spander oura sur els lur noschdâ.

17. Contuot di ad els quaiet pled: * Meis ögls as dessan disfar in larmas di e not, e non hajan alchün pos; perche la vergina, figlia da meis pövel, ais statta smachada d'ün grand smach, d'üna botta zuond dolorosa.

* Ger. 9, 1.

18. Sch'eu vegn oura sün la cutüra, schi mera, ils mazzats con la spada; sch'eu intr nella città, schi mera, quels chi langueschan da fam; perche, eir ils profets, e 'ls sacerdots sun its radivs per il pajais, e non san *quai cha fan*.

19. Dessast tü avair usche zuond reprobâ Giuda, e dess ti'orma avair Sion in abominaziun? Perche ans hast battüts, sainza cha nus hajan podü avair guarischun; ün * spetta pasch, e *qua* non ais alchün bön; il temp della guarischun, e mera contuorbel.

* Ger. 8, 15.

20. O Segner, nus recognoschain nossa malizia, l'iniquità da noss baps; perche nus avain pechâ contra tai.

21. Per amur da teis nom, non spretechar, non metter in vituperi il trun da tia gloria; at regorda da tia lia con nus, non l'annullar.

22. Aise qua, tanter las vanitats dels pövels, alchün chi fetscha plover? Ils tschels dan quels nan la plövgia? Non *est* tü quel, o Segner nos Deis? Perquai volain nus avair spranz' in tai, perche tü hast fat tuot quaiestas chosas!

CHAP. XV.

Il Segner responsa al profet, declerand sia irrevocabla setenza per ils puchats del pövel, non s'aviant converti; innatscha da quatter sorts flagels, mossand eir las causas da tant mal.

LURA dschet il Segner a mai: * Schabain cha Mose e Samuel as presentessan avant mia fatscha, schi non sarà però mi'orma invers quaiet pövel; trametta'l our davant mia presenza, ch'els gajan oura.

2. Sch'els pür at dischan: Ingio oura dessan nus ir? Schi di ad els: Usche hat dit il Segner: * Chi *ais condannâ* alla mort, *giäja oura* alla mort; chi alla spada, *giäja oura* alla spada; chi alla fam, *giäja oura* alla fam; chi alla preschun, *giäja oura* alla preschun.

* Ger. 43, 1. Zac. 11, 9.

3. Ed eu vögl constituir sur els quatter generaziuns, disch il Segner; la spada per mazzar; ils chans per strozchar; ils utschels del tschel, e las bestias della terra, per magliar, e per desdrür.

4. Vögl far ch'els saran smanats vi' e nan pertuot ils reginams della terra, per chaschun * da Manasse, figl d'Ezechia, rai da Giuda, per quai ch'el ha fat in Gerusalem.

* 2 Reg. 21, 1, 23, 26.

5. Perche, o Gerusalem, chi dess avair compassiun da tai? Chi's dess condolair con tai? O chi's dess voler, per *at* domandar da teis bainstar?

6. Tü m'hast bandunâ, disch il Segner, ed est ida inavo; perquai vögl eir eu stender oura il man sur tai, e't vögl sdrür; eu sun stangel da'm inrüglar.

7. Schabain ch'eu ils ha vannats col vann nellas portas del pajais, ed ha desertâ, e sdrütmeis pövel, schinon sun els però convertits da lur vias.

8. Sias vaidguas sun statts da mai multiplicadas, plü col sablun dels mârs; eu ha ad els ardüt da bel mez-di ün destructur contra la mamma dels giuvens; eu ha fat dandetta-maing erodar sur ella contuorbel, e stramizis.

9. Quella chi avaiva parturi set *infants* ais gnüda debbla, ella ha dat sü il spiert, seis solai ais tramuntâ, tant ch' *eira* aïno di; ella ais statta confusa, e svergognada; eir lur rimanent vögl eu dar alla spada, al arbitrio da lur inimis, disch il Segner.

10. Ah pover mai, mamma mia! Perche tü m' hast parturi *per esser* hom da lita, e da dispitta, a tuot il pajais; eu non ha dat *ad els inguotta* ad impraist, e quels non m' han neir imprastâ *inguotta*, e *pür* tuots, quants cha sun, am smaledeschän.

11. Il Segner ha dit: Scha teis *sulet* rimanent non *ais reservä* per il bön; sch' eu non fetsch cha l' inimi as scontra in tai, nel temp dell' adversità, e nel temp dell' angoscha!

12. As dess podair rumper il fier, il fier del settentrion, e l' aram?

13. * Eu vögl dar sainza pretsch per butin tias facultats, e teis tesors, in tuot teis confins, e *quai* per tuot teis puchats. * Ger. 17, 3.

14. E vögl far passar teis inimis tras ün pajais cha tü non sast; perche ün fö * s' ha invtädâ in mia ira, il qual vain as sorprendere. * Deut. 32, 22.

15. O Segner, tü fast quai; at regorda da mai, e visita 'm, e svindicha 'm da meis perseguitadurs! Non am sdrappar davent, tant cha tü est tard all' ira; recognoscha ch' eu soffresch vituperi per tai.

16. *Scombod* cha teis pleds sun stats chattats *da mai*, schi 'ls ha eu * mangiats, e teis pled m' ais stat in dalet, ed in allegrezza da meis cour; perche teis nom ais clamâ in agtîd sur mai, o Segner, Deis dels exercits!

* Ez. 3, 1.3. Ap. 10, 9.

17. Eu * non sun sezzü nel cossagl dels sgiamgiadurs, per far festa, ed allegrezza; eu sun sezzü tuot sulet, per chaschun da teis man; perche tü m' hast impli con indignaziun. * Ps. 1, 1.

18. Perche * ais stat mia dolor per-

petua, e mia plaja desperada? Perche ha ella rechüsâ d' esser guarida? Am volessast tü dimena esser sco üna chosa fallatschusa, *sco* auas chi non sun continuas? * Ger. 30, 13.

19. Perquai, usche ha dit il Segner: Scha tü 't * convertast, schi 't vögl eu restorar, e tü vainst a star avant mai, e scha tü † separast il prezius our dal vil, schi vainst tü ad esser sco mia bocca; ch' els as convertan nan pro tai; ma tü non at convertir pro els.

Zac. 3, 7. † Ez. 22, 26.

20. Ed * eu at vögl far esser a quaiست pövel a guisa d' ün mür fermissim d' aram, e quels combatteran contra tai, ma non vegnan at venscher; perche eu *sun* con tai, per at salvar, e per at spendrar, disch il Segner.

* Ger. 1, 18. 19.

21. E't vögl trar our dal man dels maligns, e't vögl spendrar dal man dels violents.

CHAP. XVI.

Il Segner mossa alla manüda a Geremia, qualas vegnan ad esser las calamitats della Giudea; e comanda d' annunziar al pövel perche el saja afflit da Dieu.

LURA füt il pled del Segner *indirizzâ* a mai, dschand:

2. Non at tour muglier, e non avoir figls, ne figlias in quaiست lö.

3. Perche, usche ha dit il Segner davart ils figls, e las figlias, chi vegnan a nascher in quaiست lö, ed allas mammas chi 'ls averan parturits, ed als baps chi 'ls averan genuits in quaiست pajais:

4. Els vegnan a morir da morts dolorusas, non as farâ cordöli, e * non saran sepulits; els saran per aldüm sün la fatscha della terra, e saran consumats tras la spada, e tras la fam; e lur corps morts saran per spaisa als utschels del tshel, ed allas bestias della terra. * Ps. 79, 2.

5. Perche, usche ha dit il Segner: * Non intrar in alchüna chasa da convit funeral, e non ir per far cordöli, e non at condolair con els; perche eu ha retrat mia pascch da quaiست pövel, disch il Segner, e mia benignità, e *mias* compassiuns. * Ez. 24, 17. 22.

6. E grands e pitschens vegnan a morir in quaiست pajais, sainza esser

sepulits, ün non vain a planscher per els, ed ingün non as farà tagls adöss, ne 's rajerà per els;

7. Ün non vain a partir oura *pan* ad els per il léd, per ils cuffortar del mort; e non as darà ad els da baiver il bachêr dels cufforts per bap, ne per mamma d'alehün.

8. Medemmamaing, non intrar in alchüna chasa da convit, per zer con els per mangiar, e per baiver.

9. Perche, usche ha dit il Segner dels exercits, il Deis d'Israel: Mera, * eu fetsch tschessar in quaiet lö, avant voss ögls, ed in voss dis, la vusch da dalet, e la vusch d'allegrezza, la vusch del spus, e la vusch della spusa.

* Es. 24, 7.

10. Ma dvanterà, cur tü averast annunzià tuot quaists plets a quaiet pövel, cha quels vegnan at dir: Perche ha il Segner pronunzià conter nus tuot quaiet grand mal? E qual' *ais* nossa iniquità, e qual *ais* nos pucha, cha nus avain commis conter il Segner nos Deis?

11. Schi dessast tü dir ad els: Perquai cha voss baps m'han bandunà, disch il Segner, e sun its davo oters deis, e 'ls han servits, ed adurats; ed han bandunà mai, e non han observà mia ledscha;

12. E vus avais fat * pèr da voss baps, e mera, scodün da vus va davo la dürezza da seis mal cour, per non am tadar.

* Ger. 7, 26.

13. Perquai * as vögl eu chatschar our da quaiet pajais, in ün pajais, cha ne vus, ne voss baps non han cognoschü, e qua gnis vus a servir di e not ad oters deis; perche eu non as vögl far grazia.

* Deut. 4, 27.

14. Ma pür, mera, ils dis vegnan, disch il Segner, * cha non as vain plü a dir: Sco il Segner viva, il qual ha trat ils infants d'Israel our dal pajais d'Egipto;

* Es. 43, 18.

15. Ma: Sco il Segner viva, chi ha trat ils infants d'Israel our dal pajais del settentrion, e da tuot ils oters pajais, nels quals el ils avaiva şchatschats; ed eu ils vögl darcheu condür pro lur terra, ch'eu det a lur babuns.

16. Mera, eu tramet grands peşchadurs, chi 'ls peşchan, disch il Se-

gner, e davo quai grands chatschaders, chi 'ls chatschan sur ogni munt, e sur ogni muot, e dallas fouras dels spelms.

17. Perche meis ögls *sun* sur tuot lur vias; quellas non sun zoppadas da meis conspet, e lur iniquità non ais secretta avant meis ögls.

18. Ed il prüm vögl eu pajar *ad els* il dobel lur iniquità, e lur pucha; per quai ch'els han contaminà meis pajais, ed han impli mi'ierta cols chastörs da lur chosas execrablas, e da lur abominaziuns.

19. O Segner, mia forza, e mia ferrezza, e meis refugi nel di dell'anguoscha, ils pövels vegnan a gnir pro tai dall'extremità della terra nan, e vegnan a dir: Vairamaing noss baps han possedü falsità, vanità, e *chosas*, nellas qualas non als *eira* alehün agüd.

20. As dess il crastian podair far deis, quals impero non sun deis?

21. Per tant, mera, eu vögl far ad els cognoscher quaieta vouta, eu vögl far ad els cognoscher meis man, e mia forza; e vegnan a savair, cha meis nom *ais*: Il Segner.

CHAP. XVII.

Il profet mossa, quala saja l'ostinaziun dels Güdeus a far mal, e 'ls innatscha, cha saran sdrüts, e cha quel chi's confida nel crastian ais smaledi, ma chi's confida nel Segner ais benedi; il Segner prova ils cours.

IL pucha da Giuda ais scrit con ün stiller da fier, con üna pizza da diamant; el ais chavà aint nella tabla da lur cour, e nellas cornas da voss utêrs;

2. *Il regordar da* lur utêrs, e da lur gods sper * ils lains verds, süls ots muots, *ais ad els* sco 'l regordar da lur propriis infants.

* Ez. 34, 13.

3. O muntagnâr, *vè giò* nella cham-pagna; eu vögl dar per butin tias facultats, e tuot teis tesors; teis ots lous *sun plains* da pucha in tuot teis confins.

4. E tü, *e quels chi sun* tanter tai, * gnis a laschar. posar voss'ierta, la quala eu s'avaiva dat, *essendo chatschats* oura; ed eu at vögl far servir a teis inimis, nel pajais cha tü non cognoschast, perche vus avais invüdâ ün fö in mia ira, *il qual* vain ad arder in perpetuo.

* Ger. 15, 14.

5. Usche ha dit il Segner: Maledet *saja* l'hom chi's confida nel crastian, e metta la charn per seis bratsch, e l'cour del qual as retira dal Segner!

6. * El vain ad esser sco l'*lain* tamarise in üna costa *erta*, e, eur il bün vain a gnir, schi non vain el al vair, e vain ad avdar nel desert, in lous sechs, in terra insalada, e disabitada.

* Ger. 48, 6.

7. * Benedi *saja* l'hom chi's confida nel Segner, e la fidanza del qual *ais* il Segner!

* Ps. 3, 12.

8. * El vain ad esser sco ün bösch implantâ sper las auas, e *chi* stenda sias ragischs giò davo ün aual, e, eur l'arsüra vain, schi non *la* saint' el; anzi sia fruousla verdegia, e nel an della sechüra non ha el fastidi, e non interlascha da far früt.

* Ps. 1, 3.

9. Il cour *del crastian ais* ingiannavel sur ogni *otra* chosa, ed insanabel; chi l' cognoscherà?

10. Eu, il Segner, * chi perscrutesch ils cours, chi prov ils ranuogls, e *quai* per render a scodün seguond sias vias, seguond il früt da seis fats.

* 1 Cron. 28, 9.

11. Chi acquista ricchezas, e na indret, *ais* sco la pernisch, *chi* cuva *ils* ovs ch'ella non ha fat; el * vain a las bandunar in mez seis dis, ed alla fin sarà el *chattâ* nar.

* Giob 15, 32.

12. Il lö da nos sanctuari *ais* ün trun da gloria, ün lö sü ot agià da principi nan.

13. O Segner, spranza d'Israel, * tuot quels chi't bandunan saran confus, e quels chi's volvan inavo our da mai saran scrits nella terra; perche els han bandunâ la fontana dellas auas vivas, il Segner.

* Ps. 73, 27.

14. Guarescha 'm Segner, schi vegn eu ad esser san; salva 'm schi vegn eu ad esser salvâ; perche tû *est* meis lod.

15. Mera, quaists am dischan: * Ingio *ais* il pled del Segner? Ch'el vegna pür uossa!

* Es. 5, 19.

16. Ma, quant a mai, schi non ha eu fat plü granda istanza davo tai, co chi's *convain* ad ün pastur, e non ha desiderâ il temp del mal incurabel; tû sast *quai*; quai ch' *ais* gnü our da meis lefs *ais* stat in teis conspet.

17. Non am esser in stramizi; tû *est* mia spranza, e refugì, nel di dell' ad- versità!

18. Sajan * confus meis perseguitadurs, e na eu; sajan els stramits, e na eu; fà gnir sur els il di del mal, e rumpa 'ls con dobla rottüra. * Ps. 35, 4.

19. Usche m' ha dit il Segner: Vâ, e't ferma siin la porta dels infants del pövel, tras la quala intran, e van oura ils rais da Giuda, e sün tuot las portas da Gerusalem;

20. E di ad els: Tadlai il pled del Segner, rais da Giuda, e tuot Giuda, e *vus* tuot ils abitants da Gerusalem, chi intrais tras quaistas portas!

21. Usche ha dit il Segner: * S'inguardai sur vossas ormas, da non portar alchün charg, ne da l' far passar tras las portas da Gerusalem, nel di del sabbat;

* Neh. 13, 19.

22. E non trarai our da vossas chasas alchün charg, ne farai lavur alchüna nel di del sabbat; ma santifichai il di del sabbat, sco eu * coman- det a voss babuns.

* Ez. 20, 8.

23. Ma quels non tadlettan, e non sporschettan lur uraglia; dimpersai indürittan lur colöz per non tadlar, e per non ardschaiver disciplina.

24. E dvanterà, scha vus pür am tadlais, disch il Segner, per non far intrar alchün charg tras las portas da quaista città nel di del sabbat, e per santifichar il di del sabbat, per non far in quel alchüna lavur:

25. Cha'ls rais, * e'ls principals, chi sezzan sül trun da David, muntats sün charra, e chavals; ils rais, di eu, e lur principals, ils homens da Giuda, e'ls abitants da Gerusalem; schi vegnan els ad intrar tras las portas da quaista città, e quaista città sarà abita- da in perpetuo;

* Ger. 22, 4.

26. E vegnan a gnir our dallas citats da Giuda, e dals lous circonvi- cins da Gerusalem, e dal pajais da Benjamin, e dal plan e dal munt, e dalla part meridionala, portand olo- causts, e sacrificis, ed offertas, ed incens; portand eir offertas d'ingrazia- maint pro la chasa del Segner.

27. Ma, scha vus non am tadlais, per santifichar il di del sabbat, e per non portar alchün charg, e per non

intrar *con quel* tras las portas da Gerusalem, nel di del sabbat; schi vögl eu invüdar ün fö in sias portas, il qual vain a consümar ils palazzis da Gerusalem, e non vain as stüzzer.

CHAP. XVIII.

Tras la figüra dell' arschiglia, e del vaschlêr mossa Geremia, cha la gliend ais suot la pussanza da Dieu, ed innatscha als Güdeus, als dand ad inler lur rebellün, pelqual els congüran conter el, ed el rova Deis da far vendetta.

IL pled, chi füt dal Segner *indrizzâ* a Geremia, dschand:

2. Leva sü, e vâ giò in chasa d' ün vaschlêr, e qua at vögl eu far inler meis pleds.

3. Contuot get eu giò in chasa d' ün vaschlêr, e mera, el faiva *seis* lavurêr süin la rouda.

4. E' l vaschè ch' el faiva as guastet, sco l' arschiglia *as soula* guastar in man del vaschlêr; ed el fet darcheu ün oter vaschè, sco ad *el*, vaschlêr paret bön da far.

5. Lura il pled del Segner füt a mai *indrizzâ*, dschand:

6. * Non poss eu far a vus, o chasa d' Israel, sco *ha fat* quaist vaschlêr? Disch il Segner: Mera, ingual sco l' arschiglia *ais* in man del vaschlêr, usche vus, o chasa d' Israel, *eschat* in meis man. * Es. 45, 9.

7. In ün instant vögl eu tshantschar conter üna naziun, o conter ün reginam, * per ragischer oura, per rumber, e per desdrür. * Ger. 1, 10.

8. Ma, scha quella naziun, conter la quala eu vegn ad avair favlâ, * as converta da sia malizia, schi' m vögl eir eu inrüglar del mal, ch' eu m' avai-va impissâ d' alla far. * Ez. 18, 21.

9. In ün instant medemmamaing vögl eu favlar in favur d' üna naziun, o d' ün reginam, per implantar, e per edificar.

10. Ma, scha *quel reginam, o naziun*, fa quai chi' m displascha, non tadland mia vusch, schi' m vögl eir eu m' inrüglar del bain ch' eu avai-va dit da' ls far.

11. Uossa dimena, tshantscha pür con la gliend da Giuda, e cols abitants da Gerusalem, dschand: Usche ha dit il Segner: Mera, eu prepar contra vus mal, e m' impais impis-

samaints contra vus; cha scodün da vus as converta uossa da sia mala via, e melderai vossas vias, e voss fats.

12. E quels dschettan: Qua non ais remedi; perche nus volain ir davo noss impissamaints, e volain far scodün seguond la dürezza da seis mal cour.

13. Perquai, usche ha dit il Segner: In grazia, domandai * tanter ils pövels, chi ha mâ udi da quella sort chosas? La vergina d' Israel ha fat üna chosa fich trida. * Ger. 2, 10.

14. As gniss a bandunar, per il crap d' ün champ l' annai-va Libano? As dess interlaschar las auas peregrinas, fraischas, e correntas?

15. Perché meis pövel m' ha sman-châ, ed ha fat profüms a *quai*, *chi non ais oter co* vanità; e' s ha fat intoppar in sias vias, *chi eiran* * sendas veglias, per chaminar tras las sendas d' ün chamin non splanâ.

* Ger. 6, 16.

16. Per metter lur pajais in desolaziun, ed in soffel, in perpetuo; dinuonder, chi passerà tras quel, vain as instupir, e squassar la testa.

17. Eu ils vögl rasar avant l' inimi, a guisa del vent oriental; eu vögl mossar ad els la coppa, e na la fatscha, nel di da lur calamità.

18. E quels han dit: Gni nan, * e fain machinaziuns contra Geremia; perche la ledscha † mâ non vain a gnir almain pro' l sacerdot, ne' l eos-sagl del sabi, ne' l pled del profet; gni nan, e' l battain con la lingua, e non tadlain tuot seis pleds.

* Ger. 11, 19. † Mal. 2, 7.

19. O Segner, at fâ surasen süin mai, e taidla la vusch da quels chi dispit-tan con mai.

20. As dess render mal per bain? Perche quels han chavâ üna foura a mia orma. At regorda, ch' eu m' ha presentâ avant tai, per favlar in lur favur, per volver tia ira davent dad els.

21. Perquai, lascha cha lur infants giajan alla fam, e fa' ls erodar tras la spada, e sajan lur mugliers privadas dels infants, e vaidguas; e sajan lur homens mazzats, e morts; e sajan lur giuvens battüts dalla spada, in battaglia.

22. Sajan udits ils bragizis our da lur chasas, eür in ün instant tü averast fat gnir sur els troppas, siand eh'els han chayâ üna foura per am surprendre, ed han adascus tais latschs a meis peis.

23. Ma tü, o Segner, cognoschast tuot lur cossagl contra mai, *chi ais* da'm far morir, e non far la purgaziun da lur iniquità, e non chassar lur pucha our da teis conspet; anzi sajan els cupichats avant tai; opere-scha contr' els nel temp da tia ira.

CHAP. XIX.

Geremia predgia la ruina da Gerusalem, e da tuot il pövel per sia idolatria, ed ostinaziun.

IL Segner ha dit usche: Vâ, insembel con alchüns dels seniurs del pövel, e dels seniurs dels sacerdots, e cumpra ün boccal d' ün vashlêr.

2. E vâ oura nella val del figl d' Hinnom, chi ais all' intrada della porta dels vashlêrs, e qua braja ils plets ch' eu vegn at dir;

3. E di: Tadlai il pled del Segner, *vus* rais da Giuda, ed abitants da Gerusalem! Usche ha dit il Segner dels exercits, il Deis d' Israel: Mera, eu fetsch gnir sur quaist lö ün mal, il qual, chi vain al udir, averà las uraglias chi selingian.

4. Perquai ch' els m' han bandunâ, ed han profanâ quaist lö, ed han in quel fat profüms ad oters deis, ils quals ne quels, ne lur babuns, ne'ls rais da Giuda, non han cognoschüt; ed han impli quaist lö con sang dels innozaints.

5. Ed han * edificâ lous ots a Baal, per arder col fö lur infants in olocausto a Baal; il qual eu non comandet, e non favlet mâ bricha, o non am intret mâ nel cour. * Ger. 7, 31.

6. Perquai, mera, ils dis vegnan, disch il Segner, cha quaist lö non sarà plü clamâ Tofet, ne val del figl d' Hinnom; ma val da mazzacra.

7. Ed eu vögl metter ad inguotta il cossagl da Giuda, e da Gerusalem, in quaist lö, e'ls vögl far erodar tras la spada avant lur inimis, *e'ls vögl dar* in man da quels chi tscherchan lur orma, e vögl dar lur corps morts per spaisa als utschels del tselhel, ed allas bestias della terra.

8. E vögl metter quaista * città in desolaziun, ed in soffel; chi passerà sper quella via vain as instupir, e schüblar, per tuot sias plajas;

* Ger. 18, 16.

9. E vögl far cha * mangeran la charn da lur figls, e la charn da lur figlias, e scodiün mangerà la charn da seis compagn, nel assedi, e nell' anguosa, con la quala lur inimis, e quels chi tscherchan lur orma, vegnan als strenscher aint.

* Lev. 26, 29. Deut. 28, 53. Lam. 4, 10.

10. Lura rumpa il boccal in presenza da quels homens, chi saran its con tai;

11. E di ad els: Usche ha dit il Segner dels exercits: Usche vögl eu rumper quaist pövel, e quaista città, sco's rumpa ün vashè del vashlêr, il qual non as po *plü* refar, e * saran sepulits in Tofet, fin cha *qua* non *sa-ja plü* lö da sepulir.

* Ger. 7, 32.

12. Usche vögl eu far a quaist lö, disch il Segner, ed a seis abitants, e *quai* per far quaista città simila a Tofet.

13. E las chasas da Gerusalem, e las chasas dels rais da Giuda, saran malnettas sco'l lö da Tofet, tuot las chasas, sur ils tets * dellas qualas els han fat profüms a tuot l' exercit del tselhel, ed offertas da spander ad oters deis.

* Es. 65, 3.

14. Lura gnit Geremia da Tofet, ingio'l Segner l' avaiva tramiss per profetizar, e's fermet nel cortil della chasa del Segner, e dschet a tuot il pövel:

15. Usche ha dit il Segner dels exercits, il Deis d' Israel: Mera, eu fetsch gnir sur quaista città, e sur tuot las terras da quella, tuot il mal ch' eu ha pronunziâ contr' ella; perquai ch' els han indüri lur colöz, per non tadar meis plets.

CHAP. XX.

Geremia ais battü, e miss in preschun da Pashur; ma annunzia il güdizi da Dieu, e planscha, cha sia doctrina ais usche mal ardschviida, asgürand impero cha sia vocaziun ais da Dieu.

MA Pashur, figl d' Immer, sacerdot, chi eira superintendent, e conductor nella chasa del Segner, udit Geremia, chi profetizaiva quaists plets.

2. E Pashur battet il profet Geremia, e l' mettet nella foura, chi *eira* nella porta ota da Benjamin, la quala condüaiva pro la chasa del Segner.

3. E l' di seguaint Pashur tret Geremia our dalla preschun. E Geremia dschet ad el: Il Segner at nomna, na Pashur, ma Magor-Missabib.

4. Perche, usche ha dit il Segner: Mera, eu at vögl metter per stramizi a tai sves, ed a tuot teis amis, e quels vegnan a erodar tras la spada da lur inimis, e teis ögls vegnan a vair *quai*; e vögl dar tuot Giuda in man del rai da Babilon, il qual vain als manar in preschun in Babilon, e vegn als batter con la spada;

5. E vögl dar tuot las richezzas da quaista città, e tuot seis guadagn, e tuot sias chosas preziasas, ed insembel tuot ils tesors dels rais da Giuda, in man da lur inimis, ils quals vegnan als butinar, e'ls sgiarbar, e'ls portar via in Babilon.

6. E tü, Pashur, e tuot quels chi abiteschan in tia chasa, gnis ad ir in preschun, e tü vainst ad intrar in Babilon, e qua vainst a morir, e qua sarast sepuli, e tü, e tuot teis amis, als quals tü hast profetizâ fosamaing.

7. O Segner, tü m' hast trat nanpro ed eu m' ha laschâ trar; * tü m' fetast forza, e' m' venschettast; tuottadi sun eu per ün spass, scodün fa beffa da mai.

8. Perche, daspö ch' eu tschantsch, clam, e brai eu violenza, e schaschinamaint; schi 'm ais impero il pled del Segner stat per vituperi, e per giamgia tuottadi.

9. Pelqual eu dschet: Eu non il vögl menzunar plü, e non vögl favlar plü in seis nom; ma * qua ais stat in meis cour seo ün fö ardaint, serrâ aint in mia ossa, e m' ha stanglantâ per il retgnair, e non ha podü; * Giob 32, 18. 19.

10. Perche eu ha udi co cha blers m' han disfamâ; stramizi ais daper-tuot intuorn; referi, e nus volain referir *eir*. Tuots quels, * cols quals eu staiva in buna pasch, m' han spiâ, sch' eu incurriva inguotta; *ed han dit*: Forsa vain el as laschar cleer aint tras ingian, schi volain nus gnir sur el.

* Ps. 35, 15.

11. Ma il Segner *ais* con mai, seo ün hom ferm, e terribel; perquai * quels chi 'm perseguittan vegnan a erodar, e non averan la victoria; saran grandamaing confus, perche els non vegnan a prosperar; *quai sarà* ad els üna † verguogna eterna, *chi* non sarà mâ bricha smanchada.

* Ger. 17, 18. † Ger. 23, 40.

12. Contuot, o Segner dels exercits, * chi provast il güst, chi vezzast ils ranuogls, e l' cour, *fà* ch' eu vezza la vendetta cha tü vainst a tour dad els; perche eu t' ha scovernâ mia rashun.

* Ger. 11, 20.

13. Chantai al Segner, lodai il Segner, perche el ha spendrà l'orma del pover our dal man dels malfatturs.

14. Maledet * saja il di ch' eu naschet; il di cha mia mamma am parturit non saja benedi!

* Giob 3, 3.

15. Maledet saja l' hom, chi portet la nouva a meis bap, dschand: Ün figl ais nat, e l' allegret grandamaing.

16. E saja quel hom seo quellas * cittats, cha l' Segner ha subverti, sainza s' avoir mâ inrüglâ, ch' el oda il bragizi la mattina, e l' alarm sül mezdi;

* Gen. 19, 24.

17. Perche *Deis* non m' ha fat morir nella matrice, e *non ha fat* cha mia mamma füss mia sepultura, e cha sia matrice *füss* in perpetuo gravida.

18. Perche sun eu gnü our dalla matrice, per vair travaglia e tormaint, e per finir meis dis in vituperi?

CHAP. XXI.

Geremia annunzia al rai Sedechia la destrucziun da Gerusalem, ed avisa cha's rendan als Caldeers; e lura jexorta l' la chasa regala pro güstia, ed il pövel pro penitenza, ne as fidar sün las fortezzas del pajais.

IL pled, chi füt dal Segner *indirizzâ* a Geremia, cur il rai Sedechia tramettet pro el Pashur, figl da Malchia, e Sefania, figl da Maeseja, sacerdot, dschand:

2. Dagrazia domanda per nus il Segner, perche Nebucadnesar, rai da Babilon, guerraja conter nus; forsa vain il Segner ad operar invers nus seguond tuot sias müravaglias, e farà ch' el as retira da nus.

3. E Geremia dschet ad els: Usche dessat dir a Sedechia:

4. Il Segner Deis d' Israel ha dit usche: Mera, eu fetsch volver inavo ils instrumaints da guerra, chi sun in voss mans, cols quals vus combattais contr' il rai da Babilon, e conter ils Caldeers, chi's assadieschan dadour la müraglia, e l's vögl raspar a man-tun in mez quaista città.

5. Ed eu istess vögl combatter conter vus * con man stendü oura, e con pussant bratsch, in ira, ed in sdegn, ed in granda indignaziun. * Es. 6, 6.

6. E vögl batter ils abitants da quaista città, la gliend, e l's animals, e vegnan a morir da granda mortalità.

7. E lura, davo quai, disch il Segner, vögl eu dar Sedechia, rai da Giuda, e seis serviants, e l' pövel, e quels * chi saran scampats via in quaista città dalla mortalità, e dalla spada, e dalla fam, in man da Nebucadnesar, rai da Babilon, ed in man da lur inimis, e da quels chi tscherchan lur orma; ed el vain als batter, ils mettand a fil da spada; el non vain a perdunar ad els, e non vain als schaniar, e non averà compassiun. * Ger. 39, 5.

8. Ed a quaist pövel di: Usche ha dit il Segner: Mera, eu 's met avant la via della vita, e la via della mort.

9. * Quels, chi vegnan a dmurar in quaista città, vegnan a morir da spada, e da fam, e da pestilenza; ma quels chi vegnan ad ir as render als Caldeers, ils quals as assadieschan, vegnan a viver, † e lur orma sarà ad els per butin. * Ger. 38, 2. † Ger. 39, 18.

10. Perche eu ha vout mia fatscha conter quaista città, in mal, e na in bain, disch il Segner, ella sarà missa in man del rai da Babilon, ed el vain a l' arder con fö.

11. Ed alla chasa del rai da Giuda di: Tadlai il pled del Segner!

12. O chasa da David! Usche ha dit il Segner: Sün la daman * fat raschun, e spendrai dal man da quel chi chaleha, quel, al qual ais tut *il sieu*, cha forse mi' ira non giaja oura a guisa da fö, ed arda, sainza ch' alehün la possa stüzzer, per la malizia da voss fats, * Ger. 22, 3.

13. Mera 'm qui pro tai, * o abitants

della val, del spelm della planüra, disch il Segner; pro vus chi dschais: Chi dess podair gnir giò sur nus, e chi dess podair intrar in nossas stanzas?

14. Ed eu as vögl visitar, e seguond il früt da voss fats, disch il Segner, vögl eu invüdar ün fö nel god da quella, il qual vain a consümar tuot quai chi ais intuorn ella.

CHAP. XXII.

Geremia exorta il rai da Giuda, e tuot il pövel pro güstia, con impromissuns ed imnatschas generalas, lura particularas conter ils rais Sal-lum, Jojachim e Conia, e conter tuot il pövel.

USCHE ha dit il Segner: Và giò nella chasa del rai da Giuda, e pronunzia qua quaist pled,

2. E di: Taidla il pled del Segner, o rai da Giuda, chi sezzast sül trun da David; tü, e tei serviants, e tei pövel ch' intrais tras quaistas portas.

3. Usche ha dit il Segner: Fat güdizi, e güstia, e spendrai dal man da quel chi chaleha, quel, al qual ais tut *il sieu*; e non farai tort al forestêr, ne al orfan, ne alla vaidgua; non farai violenza, e non spandarai sang inno-zaint in quaist lö.

4. Perche, scha pür vus mettais in effet quaist pled, schi vegnan ils * rais *della lingia* da David, chi sezzan sün seis trun, ad intrar tras las portas da quaista chasa, muntats sün charra, o sün chavals, quels, e lur serviants, e lur pövel. * Ger. 17, 25.

5. Ma, scha vus non tadlais quaists pleds, schi güir eu tras mai sves, disch il Segner, cha quaista chasa sarà missa in desolaziun.

6. Perche, usche ha dit il Segner davart la chasa del rai da Giuda: Tü 'm est statta sco Gilead, sco la sommità del Libano; sch' eu non at redüj in desert, *in città* non abitada!

7. Eu vögl ordinar conter tai dissi-padurs, chi vegnan ad avoir scodün sias armas, e vegnan a tagliar giò la letta da tei ceders, e vegnan als büt-tar * nel fö. * Ger. 21, 14.

8. E blers pövels vegnan a passar sper quaista città via, ed a dir l' ün al oter: * Perche ha il Segner fat usche con quaista granda città? * 1 Reg. 9, 8.

9. Ed ün vain a dir: Perquai ch' els

han bandunâ la lia del Segner lur Deis, ed han adurâ oters deis, ed han ad els servi.

10. Non cridarai per il mort, e non as condolarai; eridai pür per quel chi va davent; perche el non vain a turnar plü, e non vain *plü* a vair seis pajais nativ.

11. Perche 'l Segner ha dit usche da Sallum, figl da Josia, rai da Giuda, chi ha regnâ in lö da Josia, seis bap, ed ais trat our da quai lö: El non vain qua a turnar plü;

12. Anzi el vain a morir nel lö, ingio el ais stat manâ in preschun, e non vain a vair plü quai pajais.

13. * Vae a quel chi edifica sia chasa, e na cön güstia, e sias salas, e na con raschun; *chi* as serva da seis prossem per inguotta, e † non al da il pajamaint da sia lavur! * Ab. 2,9. † Lev. 19,13.

14. Chi disch: Eu am vögl edificar tina chasa granda, e salas spaziusas, e taglia oura a quellas fanestras largias, e *la fa* intablada con ceders, e *la* smalaja giò a cotschen?

15. Dessast tû regnar per cha tû at maisdast *usche* cols ceders? Non manget, e non bavet teis bap, fand quai cha dret e güst ais? Lura *scontret* ad el bön.

16. El fet raschun al pover, ed al manglus, e lura scontret ad el bön; non *ais* quai am cognoscher? Disch il Segner.

17. Ma tû non hast ils ögls, ne 'l cour oter, co vi' a tia avarezza, e vi' a spander sang innozaint, e vi' ad oppressiun, e vi' ad extorsiun, per *la* far.

18. Perquai, il Segner ha dit usche da Jojachim, figl da Josia, rai da Giuda: E non vain as far cordöli, *dschand*: Ah meis frar! Ah sour! E non vain *neir* as far cordöli, *dschand*: Ah Segner! ed: Ah sia majestâ!

19. El sarâ * sepuli della sepultüra d' ün asen, essendo strozchâ, e büttâ via giò davo las portas da Gerusalem.

* Ger. 36, 30.

20. Vâ pür sül Libano, e braja, e dà oura tia vusch in Basan, e braja a *quels chi sun* da là; perche tuot teis amatur sun stats ruots.

21. Eu t' ha favlâ in tia prosperità; ma tû hast dit: Eu non vögl tadar;

quaista *ais statta* tia üsanza da tia giuventüna innan, cha tû non hast *mâ bricha* tatlâ mia vusch.

22. Il vent vain as paschantar da tuot teis pasturs, e teis amatur vegnan ad ir in preschun; lura sarast tû pür svergognada e confusa, per tuot tia malizia.

23. Tû dmurast nel Libano, tû t fast gnieu süls ceders; o quant graziusa sarast tû, cur las döglias del part vegnan at gnir; las dolurs, sco da duonna chi parturescha!

24. *Sco* eu viv, disch il Segner, schabain cha tû, Conia, figl da Jojachim, rai da Giuda, füssast ün sagè in meis man dret, darcheu at vögl eu stirar davent;

25. E t vögl dar in man da quels, chi tscherchan ti' orma, ed in man da quels, dels quals tû hast spavent, ed in man da Nebucadnesar, rai da Babilon, ed in man dels Caldeers;

26. E vögl chatschar tai, e tia mamma chi t' ha parturi, in ün pajais ester, ingio vus non eschat nats, e qua gnis vus a morir.

27. E, quant al pajais, vi' al qual quels han l' anim intent, per turnar là, qua non vegnan els a turnar.

28. *Ais* quai hom Conia ün idol spretschâ, e tuot in pezzas? *Ais* el ün vaschè, del qual non as fa stima alchüna? Perche dimena sun els stats schatschs, el e seis sem, e büttats in ün pajais cha non cognoschan?

29. O pajais, o pajais, o pajais, taidla il pled del Segner!

30. Usche ha dit il Segner: Scrivai pür, *cha* quai hom *sarà* privâ d' infants, e *sarà* hom *chi* non vain a prosperar in seis dis, e ch' ingün da seis sem non vain a prosperar, sezzand sül trun da David, signorand per l' avegnir sur Giuda.

CHAP. XXIII.

Profezia conter ils fos pasturs e davart Cristo, e seis reginam. Il Segner ais conturbâ per causa dels fos profets, chi cuorran, e non sun tramiss, con la paina pro.

VAE als pasturs, * chi disperdan, e dissipan la scossa da mia paschüra, disch il Segner. * Ger. 10, 21.

2. Perquai, ha dit il Segner Deis d' Israel als pasturs, chi paschaintan

meis pövel: Vus avais dissipâ mias nuorsas e las avais şchatschadas, e non avais guî chîura dellas; mera, eu vögl visitar sur vus la malizia da voss fats, disch il Segner.

3. Ed eu vögl raspar insembel il rimanent da mias nuorsas, da tuot ils pajais nan, nels quals eu vegn a las avair şchatschadas, e las vögl far turnar pro lur stallas, ed ellas vegnan a früttar, e multiplichar.

4. Ed eu vögl constituir sur ellas pasturs, chi vegnan a las paschantar, e quellas non averan plü temma, ne spavent, e non vain a mancar alchîna, disch il Segner.

5. Mera, ils dis vegnan, disch il Segner, ch' eu vögl far sdasdar sü a David ün * dsermuogl güst, il qual vain a regnar da rai, e vain a prosperar, e farà güdizi, e güstia sur terra.

* Es. 4, 2. 11, 1. Ger. 33, 14. 15. Zac. 3, 8.

6. In seis dis sarà Giuda salvâ, ed Israel abiterà in sgürezza, e quaiست sarà seis nom, col qual el vain a gnir clamâ: Il Segner nossa güstia.

7. * Perquai, mera, ils dis vegnan, disch il Segner, cha non vain as dir plü: Il Segner viva, el chi ha trat ils infants d' Israel our dal pajais d' Egipto!

* Es. 43, 18. Ger. 16, 14. 15.

8. Ma, il Segner viva, el chi ha trat, e condüt il sem della chasa d' Israel our dal pajais del settentrion, ed our da tuot ils pajais, ingio eu ils avaiva şchatschats, e quels abiteran in lur terra.

9. Meis cour ais ruot aint in mai per chaschun dels profets; tuot mia ossa ais moventada; eu sun sco ün hom aiver, e sco üna persuna surfatta dal vin; per chaschun del Segner, e per chaschun dels plets da sia santità.

10. Perche 'l pajais ais plain d' adulteris; perche 'l pajais porta lêd per las execraziuns; ils pašchs del desert sun tuot sechs; il cour da quaists ais mal, e lur forza non ais dretta.

11. Perche, profets e sacerdots sun profans, ed in * mia chasa istess ha eu chattâ lur malizia, disch il Segner.

* Ger. 11, 15. Ez. 8, 11.

12. Perquai vain lur via ad esser sco 'l glish in şchürezzas; els vegnan a gnir chatschats, e vegnan a crodar

sün quellas; perche eu vögl far gnir sur els mal, l' an da lur visita, disch il Segner.

13. Bain avai' eu vis chosas inconveniaintas nels profets da Samaria; els profetizavan tras Baal, e straviaivan meis pövel Israel.

14. Ma eu ha vis chosas orrendas nels profets da Gerusalem, commetter adulteris, e proceder in falsità, ed han confirmâ ils mans dels malfatturs, acio ch' ingün dels non as converta giò da sia malizia; * quels tuots am sun sco Sodoma, e 'ls abitants da quella sco Gomorra.

* Es. 1, 9. 10.

15. Perquai, il Segner dels exercits ha dit usche da quels profets: Mera, eu ils vögl spisiantar con assens, e vögl dar ad els da baiver auas da tössi, siand cha dals profets da Gerusalem ais gnüd' oura la profanità tras tuot il pajais.

16. Usche ha dit il Segner dels exercits: Non tadtara i plets dels profets chi's profetizeschan; quels as fan svanatschar; els * proponan las visiuns da lur cour, *chi non sun gnüdas* our dalla bocca del Segner.

* Ger. 14, 14.

17. Els non interlaschan da dir a quels chi 'm sdegnan: * Il Segner ha dit: Vus gnis ad avair pasch; ed a tuot quels chi chaminan seguond la durezza da lur cour: Mal alchün non vain a gnir sur vus.

* Ger. 6, 14.

18. Perche, chi ais stat presaint nel secret cossagl del Segner? E chi ha vis, ed inolet seis pled? Chi ha sport l' uraglia a seis pled, e l' ha udi?

19. Mera il trabagl del Segner, l' ira ais id oura, il trabagl suprasta, e vain a crodar sur il cheu dels empis.

20. L' ira del Segner non vain as quietar, fin ch' el non haja esequi, e miss in effet ils impissamaints da seis cour; alla fin dels dis gnis vus zuond bain ad ineler il fat.

21. Eu non ha tramiss quels profets, e sun currüts; eu non ha favlâ ad els, ed han profetizâ.

22. Sch' els füssan stats presaints in meis cossagl secret, schi avessan els fat ineler meis plets a meis pövel, e 'ls avessan vouts giò da lur mala via, e dalla malizia da lur fats.

23. *Sun* eu Dieu dastrusch, disch il Segner, e na Dieu dalönsch?

24. * Poderà alchün as zoppar in *tals* zoppels, ch'eu non il vezza, disch il Segner? † Non implesch eu il tschel, e la terra, disch il Segner?

* Ps. 139, 7. † 1 Reg. 8, 27.

25. Eu ha udi quai cha quels profets han dit, chi profetizeschan menzögn a in meis nom, dschand: Eu ha gnü ün sümme!

26. Infin a cura ais *quaist* nel cour dels profets chi profetizeschan menzögn, e *sun* profets del ingian da lur cour?

27. Chi pensan da far smanchar meis nom a meis pövel, tras lur sümme, ils quals els quintan nan l'ün al oter, ingual sco * lur baps smanchetan meis nom tras Baal. * Gid. 3, 7. 8, 33.

28. Il profet, pro'l qual *ais* ün sümme, ch'el quinta nan quel sümme; e quel, pro'l qual *ais* meis pled, schi ch'el propona meis pled in vardà, che ha da far la paglia col formaint, disch il Segner?

29. Non *ais* meis pled sco ün fö, disch il Segner, e sco ün martè, chi spazza il sass?

30. Perquai, mera'm qui contra quels profets, disch il Segner, chi invoulan meis plets, scodün a seis compagn.

31. Mera 'm qui contra quels profets, disch il Segner, chi piglian lur lengua, e dischan: El disch!

32. Mera 'm qui contra quels, chi profetizeschan sümme fos, disch il Segner, e 'ls quintan nan, e stravian meis pövel tras lur menzögnas, tras lur * temerità; combain ch'eu non ils haja tramiss, e non haja dat ad els alchüna commissiun, e non vegnan *eir* a portar alchün profit a quaist pövel, disch il Segner. * Zef. 3, 4.

33. Scha quaist pövel, o alchün profet, o sacerdot, at domanda, dschand: Qual *ais* il charg del Segner? Schi di ad els: Che charg? Eu as vögl bandunar, disch il Segner.

34. E, sch'alchün profet, o sacerdot, e'l pövel disch: Il charg del Segner; eu vögl visitar quel hom, e sia chasa;

35. Dit usche, scodün a seis prossem, e scodün a seis frar: Che ha respus il Segner? Che ha dit il Segner?

36. E non menzunarai plü il charg del Segner; perche'l pled da scodün sarà seis charg; daspö cha vus volvais ils plets del Deis vivaint, del Segner dels exercits, nos Deis.

37. Di usche al profet: Che t'ha respus il Segner? E che t'ha el dit?

38. E, scha vus gnis eir a dir: Il charg del Segner! Perquai, usche ha dit il Segner: Siand cha vus avais dit quaist pled, il charg del Segner; combain ch'eu s'avaiva tramiss a dir: Non dscharai *plü*: Il charg del Segner;

39. Perquai, mera, schi as vögl eu daffat smanchar, e vögl bandunar vus, e quaista città, ch'eu det a vus ed a voss baps, *as chatschand* davent da meis conspet.

40. * E' s vögl metter adöss üna ver-guogna eterna, ed ün vituperi perpetuo, chi non sarà *mâ bricha* smanchà.

* Ger. 20, 11.

CHAP. XXIV.

Il Segner, tras la figura da duos chanasters da figs da diversa qualità, declera sia favur vi'als Güdeus; preschun in Babilon, e l'incontra sia rigur vi' a quels vanzats nel pajais.

IL Segner am fet vair *üna visiun*, dopo cha Nebucadnesar, rai da Babilon, * avet manà da Gerusalem in preschun Jeconia, figl da Jojachim, rai da Giuda, e 'ls principals da Giuda, e 'ls maisters, e 'ls farèrs, e 'ls avet condüts in Babilon. Mera dimena duos chanasters figs, tschantats avant il taimpel del Segner. * 1 Reg. 24, 15. 16.

2. L'ün dels chanasters *eira* con figs zuond buns, quals *sun* ils figs temprivs, e l'oter chanaster *eira* con figs zuond noschs, cha non as podai-va mangiar, per mals cha eiran.

3. Ed il Segner dschet a mai: Che vezzast Geremia? Ed eu dschet: Figs, dels quals üna sort, *chi sun* buns, *sun* dels meglers; e l'otra sort, *chi sun* noschs, *sun* dels plü mals; dasort cha non as po mangiar per mals cha sun.

4. E'l pled del Segner füt *indrizzà* a mai, dschand:

5. Usche ha dit il Segner Deis d'I-srael: Sco quaists figs *sun* buns, usche vögl eu recognoscher in bain quels da Giuda, chi sun stats manats in preschun, ils quals eu ha tramiss our da quaist lö, nel pajais dels Caldeers;

6. E vögl volver meis ögl vers els in bain, e'ls vögl condür darcheu in quaist pajais, e'ls vögl edificar, e non *ils* vögl desdrür *plü*, e'ls vögl implan-tar, e non *ils* vögl stirar davent *plü*;

7. E * vögl dar ad els ün cour per am cognoscher, ch'eu *sun* il Segner; quels saran meis pövel, ed eu vögl esser lur Dieu; perche els vegnan as convertir pro mai da tuot lur cour,

* Deut. 30, 6.

8. E, seo quels *oters* figs *sun* tant noschs, cha non ils po mangiar per mals cha sun, usche eir ha dit il Segner: Tal vögl eu far Sedechia, rai da Giuda, e seis principals, e'l rimanent da quels da Gerusalem, chi saran restats in quaist pajais, o chi s'averan * redüts ad abitar nel pajais d'Egipto!

* Ger. 29, 17. Ger. 43, 44.

9. * E vögl far, cha saran smanats vi'e nan, e maltrattats, per tuot ils reginams della terra, e *cha saran* per vituperi, e per proverbi, e per fabla, e per maledicziun, in tuot ils lous, ingio eu vegn als avoir chatschats;

* Deut. 28, 25. 37.

10. E vögl trametter contr'els la spada, e la fam, e la pestilenza; fin ch'eu ils haja consümits our sur la terra, ch'eu avai da dat ad els, ed a lur babuns.

CHAP. XXV.

Il Segner tras Geremia declera sia chüra pater-na invers seis pövel, per ils trar a sai; ma, siand indürts, als innatsch'el tras ils Caldeers; e profetiza contr'ils pasturs, e principals con-ducturs del pövel.

IL pled chi füt *indrizzâ* a Geremia davart tuot il pövel da Giuda, nel quartavel an da Jojachim, figl da Josia, rai da Giuda; *chi* eira il prim an da Nebucadnesar, rai da Babilon;

2. Il qual il profet Geremia pronunziet a tuot il pövel da Giuda, ed a tuot ils abitants da Gerusalem, dschand:

3. Dal traideschavel an da Josia, figl d'Ammon, rai da Giuda, inavant, infin a quaist di, *chi ais* agià il spazi da vainch e trais ans, m'ais il pled del Segner stat *indrizzâ*, ed eu ha favlâ a vus da contin, per ogni mat-tina; ma vus non avais tadlâ.

4. Il Segner s'ha eir tramiss tuot ils *oters* seis serviants, ils profets, da

contin, per ogni mattina; ma vus non avais obedi, ne sport voss'ura-glia, per tadlar;

5. Dschand: Da grazia, cha scodün da vus as converta giò da sia noscha via, e dalla malizia da seis fats, schi gnis vus ad abitar per ogni secul sün la terra cha'l Segner ha dat a vus, ed a voss perdavants.

6. E non giarai davo oters deis, per als servir, e'ls adurar, e non am sdegnarai tras las ouvras da voss mans; ed eu non as vögl far mal al-chün.

7. Ma vus non am avais obedi, disch il Segner, per am sdegnar cön las ouvras da voss mans, a vos dan.

8. Perquai, usche ha dit il Segner dels exercits, siand vus non avais obedi a meis pleds;

9. Mera, schi vögl eu trametter per tuot las naziuns da settentrion, disch il Segner, e per Nebucadnesar, rai da Babilon, meis * serviaint, e las vögl far gnir conter quaist pajais, e conter seis abitants, e conter tuot quaists pövels our dintuorn, e las vögl sdrür, e † las metter in desola-zion, ed in soffel, ed in desertamaints eterns.

* Ger. 43, 10. † Ger. 18, 16.

10. E vögl far gnir almain tanter els la vusch da güvel, e la vusch d'alle-grezza; la vusch del spus, e la vusch della spusa; la romur dellas moulas da mulin e la glüm dellas linternas.

11. E tuot quaist pajais sarà *redüt* in desert, ed in desolaziun, e quaists pövels serviran al rai da Babilon set-tant'ans.

12. E, * cur ils settant'ans saran complits, schi vögl eu chastiar il rai da Babilon e quel pövel, disch il Segner, per lur iniquità, ed eir il pajais dels Caldeers, e'l vögl redür in deso-laziuns perpetuas.

* Dan. 9, 2.

13. E vögl far gnir sur quel pajais tuot las chosas, ch'eu ha pronunziâ conter quel; tuot quai ch'ais serit in quaist cudesch, quai cha Geremia ha profetizâ conter tuot ils pövels.

14. Perche eir grands pövels, rais possants, vegnan als redür in servitü; ed eu vögl render ad els seguond lur fats, e seguond las ouvras da lur mans.

15. Perche'l Segner Deis d'Israel m'ha dit usche: Piglia da meis man quaist bachêr del vin dell'ira, e dà con quel da baiver a tuot ils pövels, pro 'ls quals eu at tramet.

16. Quels vegnan * a baiver, e vegnan a gnir stuorns, ed amatits, per la spada ch'eu tramet tanter els.

* Ez. 23, 34.

17. Contuot piglet eu il bachêr dal man del Segner, e det da baiver a tuot ils pövels, pro 'ls quals il Segner am tramettaiva.

18. A Gerusalem, allas cittats da Giuda, ed a seis rais, ed a seis principals; per ils metter in snuizi, in desolaziun, in soffel, ed in maledicziun; sco els *sun* al di d'hoz.

19. A * Farao, rai d'Egipto, ed a seis serviants, ed a seis principals, ed a tuot seis pövel;

* Ger. 46.

20. Ed a tuot il *pövel* masdâ, a tuot ils rais del pajais d'Uz, * a tuot ils rais del pajais dels Filistins, ed ad Ascalon, ed a Gaza, ed ad Ecron, ed al rimanent d'Asdod;

* Ger. 47.

21. * Ad Edom, ed a Moab, ed als infants d'Ammon;

* Ger. 49, 7.

22. Ed a tuot ils rais da Tiro, ed a tuot ils rais da Sidon, ed als rais dellas inslas via sur il mâr;

23. A Dedan, ed a Tema, ed a Buz, ed a tuot quels * chi rajan las varts *dellas twimpras*;

* Ger. 9, 26.

24. Ed a tuot ils rais dell'Arabia, ed a tuot ils rais del *pövel* masdâ, ils quals abitan nel desert;

25. Ed a tuot ils rais da Zimri, ed a tuot ils rais * d'Elam, ed a tuot ils rais da Media;

* Ger. 49, 34.

26. Ed a tuot ils rais del settentrion, vicins, o lontans, dal ün al oter; ed a tuot ils reginams della terra *chi sun* sur la fatscha da quella; il rai da Sesac vain eir el a baiver davo els.

27. Di ad els dimena: Usche ha dit il Segner dels exercits, il Deis d'Israel: Bavai, e s'inavriai, e vomitai, e erodai giò, sainza podair alvar sü, per la spada ch'eu tramet tanter vus.

28. E sch'els impero rechüsan da tour da teis man il bachêr, per baiver, schi di ad els: Usche ha dit il Segner dels exercits: Tschert vus gnis a baiver!

29. Perche, mera, * eu comainz pro la città chi's clama da meis nom, a far del mal, e dessat vus esser ex- emts? Vus non gnis ad esser ex- emts; siand ch'eu clam la spada sur tuot ils abitants della terra, disch il Segner dels exercits.

* Ez. 9, 6.

30. Contuot profetizescha tû ad els tuot quaists plets, e di ad els: * Il Segner vain a sbrüir giò dal ot, e vain a dar oura sia vusch dal abitacul da sia santità; el vain a sbrüir stramantusamaing conter sia stanza, ün grand bragizi, sco da quels chi chalchan giò *la vendemia*; el vain a strasunar a tuot ils avdadurs della terra.

* Gioel 3, 16.

31. L'allarm ais it our infin all'extremità della terra; perche'l Segner ha lita conter ils pövels, el vain a gnir a güdizi con ogni charn; el vain a dar ils empis alla spada, disch il Segner.

32. Usche ha dit il Segner dels exercits: Mera, il mal vain a passar d'ün pövel al oter, * ed ün grand trabagl vain ad alvar sü dal fuond della terra.

* Ger. 23, 19.

33. Ed in quel di vegnan ils mazats del Segner ad esser d'üna extremità della terra infin all'otra extremità; els * non vegnan a gnir plands, e non saran raspats a mantun, ne sepulits; els vegnan ad esser per aldüm sün la fatscha della terra.

* Ger. 16, 4.

34. Ürlai, pasturs, e bragi, e 's rudlai *nella puolvera*, vus ils principals della scossa; perche vos term per esser schannats, e'l *term* da vossas dissipaziuns, ais compli, e vus gnis a erodar a guisa d'ün vaschè prezius.

35. Ed *ogni* refugi vain a gnir almain als pasturs, ed *ogni* scampo als principals della scossa.

36. *Qua ais* üna vusch da bragizi da pasturs, ed ün ürlöz dels principals della scossa, perche 'l Segner guasta lur paschüra.

37. E las stallas paschaivlas saran sdrüttas tras l'ardur dell'ira del Segner.

38. El ha bandunâ seis tabernacul, a guisa d'ün liunet chi banduness *seis zoppel*; perche lur pajais ais miss in desolaziun per la furia del

sforzadur, e tras l' ardur dell' ira da quel.

CHAP. XXVI.

Geremia annunzia la destrucziun del taimpel, e da Gerusalem; dinuonder Geremia ais prais; ma el as schüsa e's puorgia, ed ais liberâ dals principals, e mantgnû dad Ahicam.

NEL principi del reginam da Jojachim, figl da Josia, rai da Giuda, füt quaiست pled *indirizzâ a mai* dal Segner, dschand:

2. Usche ha dit il Segner: At pre-sainta nel cortil della chasa del Segner, e pronunzia a tuot las cittats da Giuda, cha vegnan per adurar nella chasa del Segner, tuot ils plets ch' eu t' ha comandâ da dir ad els; non tour davent inguotta.

3. Forsa vegnan els ad obedir, e's convertir scodün da sia via mala; schi'm vögl eir eu inrüglar del mal, ch' eu m'impais da far ad els per la malizia da lur fats.

4. Contuot di ad els: Usche ha dit il Segner: Scha vus non am obedis per chaminar in mia ledscha, la quala eu s' ha miss avant;

5. Per tadtalr ils plets da meis serviants, ils profets, ils quals eu as tramet; als quals, combain ch' eu ils haja tramiss da contin per ogni mattina, vus non avais però obedi.

6. Eu vögl far quaista * chasa simila a Silo, e vögl metter quaista città in maledicziun pro tuot ils pövels della terra.

* Ps. 78, 60

7. Ma 'ls sacerdots, e 'ls profets, e tuot il pövel udittan Geremia, pronunziand el quaists plets nella chasa del Segner.

8. Pelqual, dopo cha Geremia avet fini da pronunziar tuot quai cha 'l Segner l' avaiva comandâ da dir a tuot il pövel, schi 'l prendettan ils sacerdots, ils profets, e tuot il pövel, dschand: Tü dessast a tuotta via morir!

9. Pereche hast tü profetizâ in nom del Segner, dschand: Quaista chasa sarà seo Silo, e quaista città sarà deserta, sainza avdadurs? E tuot il pövel as raspet via pro Geremia, nella chasa del Segner.

10. E 'ls principals da Giuda, aviand incelet quaistas chosas, gettan sü

dalla chasa del rai, pro la chasa del Segner, e sezzettan all' intrada della porta nouva *della chasa* del Segner.

11. E 'ls sacerdots, e 'ls profets favlettan als principals da Giuda, ed a tuot il pövel, dschand: Quaiست hom dess esser güdichâ a mort, perche el ha profetizâ contra quaiста città, seo vus avais udi con vossas proprias uraglias.

12. E Geremia favlet a tuot ils principals, ed a tuot il pövel, dschand: Il Segner m' ha tramiss per profetizar contra quaiста chasa, e contra quaiста città, tuot ils plets cha vus avais udi.

13. Uossa dimena, * meldrai vossas vias, e voss fats, ed obedi alla vusch del Segner vos Deis, schi vain il Segner as inrüglar del mal ch' el ha pronunziâ contra vus.

* Ger. 7, 8.

14. E, quant a mai, mera 'm qui in voss mans; fat a mai seguond cha vain as parair bön e dret.

15. Ma pür sapechat per tshert, cha, scha vus am fais morir, schi mettais vus sang innozaint adöss a vus, ed a quaiста città, ed a seis abitants; perche in vardâ, il Segner m' ha tramiss pro vus, per pronunziar a vossas uraglias tuot quaists plets.

16. Lura ils principals, e tuot il pövel, dschettan als sacerdots, ed als profets: *Qua non ais chaschun* da condannar quaiست hom a mort; perche el ans ha favlâ in nom del Segner nos Deis.

17. Ed alehüns dels seniurs del pajais alvettan sü, e favlettan a tuot la raspada del pövel, dschand:

18. * Michea, Morastit, profetizet nels dis d' Ezechia, rai da Giuda, e favlet a tuot il pövel da Giuda, dschand: Usche ha dit il Segner dels exercits: Sion sarà arada sü seo ün champ, e Gerusalem sarà redüta in munts *da ruinas*, e la muntagna del taimpel in muots da gods.

* Mic. 1, 1. 3, 12.

19. Ezechia, rai da Giuda, e tuot Giuda, il fettan els per quai morir? *Schi*, non tmet el il Segner, e non sup-plichet el il Segner? Pelqual il Segner s' inrüglet del mal ch' el avaiva pronunziâ contr' els. Contuot fain nus ün grand mal contra nossas or-mas.

20. Qua füt bain eir ün *oter* hom chi profetizet in nom del Segner, cioè Uria, figl da Semaja, da Chiriat-Jearim, il qual profetizet contra quaiста città, e contra quaiста pajais, seguond tuot ils plets da Geremia.

21. Ed il rai Jojachim, e tuot seis homens valerus, e tuot ils princips, uditan ils plets da quel, e 'l rai tscherchet da 'l far morir; ma Uria incelet quai, e tmet, e fùgit, ed intret in Egipto;

22. Ma 'l rai Jojachim tramettet homens in Egipto, cioè Elnatan, figl d' Acbor, ed *otras* persunas con el.

23. E quels trettan Uria our d' Egipto, e 'l conduettan pro 'l rai Jojachim, ed el il battet con la spada, e fet büttar seis corp mort tanter las sepultüras del comün pövel.

24. Ma 'l man d' * Ahicam, figl da Safan, füt con Geremia, acio ch' el non füss miss in man del pövel, per il far morir. ¶

¶ 2 Reg. 22, 12. 14.

CHAP. XXVII.

Profezia contra plüs rais circonvicins, e 'ls advertescha da 's suottametter als Caldeers; exortand da far il medem al rai Sedechia, ed als sacerdots, e da non as fidar dels fos profets.

NEL principi del reginam da Jojachim, figl da Josia, rai da Giuda, füt quaiста pled del Segner *indrizzâ* a Geremia, dschand:

2. Useche m' ha dit il Segner: At fà liams, e giufs, e 't metta *üna part* sü colöz,

3. E l' *otra part* trametta pro 'l rai d' Edom, e pro 'l rai da Moab, e pro 'l rai dels infants d' Ammon, e pro 'l rai da Tiro, e pro 'l rai da Sidon; tras ils ambaschadurs chi vegnan a gnir in Gerusalem pro Sedechia, rai da Giuda,

4. E comanda ad els cha dian a lur signurs: Useche ha dit il Segner dels exercits il Deis d' Israel: Dit usche a voss signurs:

5. Eu ha fat la terra, la gliעד, e las bestias chi *sun* sur la fatscha della terra, con mia granda potenza, e con meis bratsch stendü oura, e * dun quella a chi plascha a mai. * Dan. 4, 25. 32.

6. Ed uossa ha eu dat tuot quaiста pajais in man da Nebucadnesar, rai da Babilon, * meis serviaint, e 'l ha

dat eir perfin las bestias della cham-pagna, acio chi 'l servan. * Ger. 25, 9.

7. E tuot las naziuns vegnan a servir ad el, ed a seis figl, ed al figl da seis figl, fin * cha vegna eir il temp da seis pajais, e *lura* naziuns possantas, e rais grands vegnan eir ad el a redür in servitü. * Ger. 25, 12.

8. E sch' alehtün pövel, o reginam, non vül servir ad el, cioè a Nebucadnesar, rai da Babilon, e non vül suottametter il colöz al giuf del rai da Babilon, schi vögl eu visitar quel pövel, disch il Segner, con la spada, e con la fam, e con la pestilenza, fin ch' eu ils haja consumats per man da quel.

9. Vus dimena non tadlarai voss profets, ne voss ingiavinadurs, ne voss sömgriadurs, ne voss prognosticadurs, ne voss inchantadurs, chi 's dischan: Vus non gnis a servir al rai da Babilon;

10. Perche quels as profetizeschan menzögnas, per as far ir lönsch davent da vossa terra, ed acio ch' eu as şchatscha, e vus gijajat a perder.

11. Ma 'l pövel, chi vain a suottametter il colöz al giuf del rai da Babilon, e vain a servir ad el, il vögl eu laschar sur sia terra, disch il Segner, ed el vain a la lavurar ed abitar in quella.

12. Eu favlet eir a Sedechia, rai da Giuda, seguond tuot quels plets, dschand: Suottamettai vos colöz al giuf del rai da Babilon, e servi ad el, ed a seis pövel, schi gnis vus a viver.

13. Perche volessast morir, tü, e teis pövel, tras la spada, tras la fam, e tras la pestilenza, seo 'l Segner ha pronunziâ contra il pövel chi non servirà al rai da Babilon?

14. E non tadlarai il pled dels profets, chi 's dischan: Vus non gnis a servir al rai da Babilon; perche quels as profetizeschan menzögna.

15. Perche * eu non ils ha tramiss, disch il Segner; ma els profetizeschan in meis nom fosamaing; acio ch' eu as şchatscha, e vus gijajat a perder, vus, e 'ls profets chi 's profetizeschan. * Ger. 14, 14.

16. Eu favlet eir als sacerdots, ed a

tuot quaiſt pövel, dschand: Usche ha dit il Segner: Non sajat attents als plets da voss profets, chi as profetizeschan, dschand: Mera, uossa dalunga sarà * portada darcheu da Babilon l'üsaglia della chasa del Segner; perche quels as profetizeschan menzögnä. * Ger. 28, 3.

17. Non ils tadlarai; servi al rai da Babilon, schi gnis vus a viver; perche dess quaiſta città gnir missa in desolaziun?

18. Cha, scha pür els *sun* profets, e scha'l pled del Segner ais pro els, schi ch'els intercedan uossa pro'l Segner dels exercits, cha quella üsaglia, chi ais restada nella chasa del Segner, e nella chasa del rai da Giuda, ed in Gerusalem, non giaja in Babilon.

19. Perche'l Segner dels exercits ha dit usche * dellas coluonnas del mâr, e dels sostegns, e del rimanent dell'üsaglia, chi ais restada in quaiſta città. * 2 Reg. 25, 13.

20. La quala Nebucadnesar, rai da Babilon, non piglet, eur el * manet in preschun Jeconia, figl da Jojachim, rai da Giuda, da Gerusalem in Babilon, insembel con tuot ils nöbels da Giuda, e da Gerusalem; * 2 Reg. 24, 14, 15.

21. Usche, di eu, ha dit il Segner dels exercits, il Deis d'Israel, davart l'üsaglia chi ais restada nella chasa del Segner, e nella chasa del rai da Giuda, ed in Gerusalem.

22. Ella vain a gnir portada in Babilon, e vain a restar qua infin al di ch'eu vegn als visitar, disch il Segner; lura la vögl eu trar davent da là, e la vögl darcheu far portar in quaiſt lö.

CHAP. XXVIII.

Hanania profetizescha il contrari da quai cha avet profetizà Geremia, e, siand reprais dad el, conferm'el darcheu sia profezia, ed ad Hanania annunzia el la mort.

MA dvantet in quel istess an, nel principi del reginam da Sedechia, rai da Giuda, nel quartavel an, nel quint mais, ch'Hanania, figl d'Azzur, profet, chi eira da Gibeon, am favlet nella chasa del Segner, nel conspet dels sacerdots, e da tuot il pövel, dschand:

2. Usche ha dit il Segner dels exercits, il Deis d'Israel: Eu ha ruot il giuf del rai da Babilon!

3. Infra il spazi da duos ans * vögl eu darcheu far portar in quaiſt lö tuot l'üsaglia della chasa del Segner, cha Nebucadnesar, rai da Babilon, ha tut da quaiſt lö, ed ha portà d'avent in Babilon; * Ger. 27, 26.

4. Ed eu vögl darcheu condür, disch il Segner, in quaiſt lö, Jeconia, figl da Jojachim, rai da Giuda, e tuot quels da Giuda chi sun stats manats in preschun, e sun gnüts in Babilon; perche eu vögl rumper il giuf del rai da Babilon;

5. Ed il profet Geremia respondet al profet Hanania, nel conspet dels sacerdots, e nel conspet da tuot il pövel, chi eira presaint nella chasa del Segner,

6. E dschet: Amen! Usche fetscha il Segner, il Segner metta in effet teils plets cha tû hast profetizà, fand turnar da Babilon in quaiſt lö l'üsaglia della chasa del Segner, e tuot quels chi sun stats manats in preschun.

7. Impero, taidla uossa quaiſt pled, il qual eu pronunziesch in presenzia tia, ed in presenzia da tuot il pövel:

8. Ils profets chi sun stats avant mai, ed avant tai, da vegl nan, han profetizà conter blers pajais, e contra grands reginams, da guerra, e da fam, e da pestilenza.

9. * Cur il pled del profet, chi averà profetizà da pasch, sarà scontrà, schi vain el a gnir recognoschü d'esser il profet, cha'l Segner vain ad avair tramiss in vardà. * Deut. 18, 22.

10. Ma'l profet Hanania piglet il * giuf d'avent dal colöz del profet Geremia, e'l rumper. * Ger. 27, 2.

11. Ed Hanania favlet nel conspet da tuot il pövel, dschand: Usche ha dit il Segner: In quaiſt möd vögl eu rumper, infra il spazi da duos ans, il giuf da Nebucadnesar, rai da Babilon, d'avent dal colöz da tuot las naziuns. Ed il profet Geremia get inavant seis chamin.

12. E'l pled del Segner füt indirizzà a Geremia, dopo cha'l profet Hanania avet ruot il giuf d'avent dal colöz del profet Geremia, dschand:

13. Và, e tschantsha con Hanania, dschand: Usche ha dit il Segner: Tù hast ruot ils giufs da lain; ma't fast, in lù da quels, oters da fier.

14. Perche, usche ha dit il Segner dels exercits, il Deis d'Israel: * Eu ha miss ün giuf da fier sül colöz da tuot quaists naziuns; acio cha servan a Nebucadnesar, rai da Babilon, ed ellas vegnan al servir; schi, eu al ha eir dat perfin las bestias solvadias della champagna.

* Deut. 28, 48.

15. Lura il profet Geremia dschet al profet Hanania: Da grazia taidla, o Hanania: Il Segner non t' ha tramiss, e tù hast fat confidar quaist pövel in menzögna;

16. Perquai, usche ha dit il Segner: Mera, eu at schatsch davent dalla fatscha della terra; quaist an vainst tti a morir; perche tti hast favlâ da rebellun contr' il Segner.

17. E'l profet Hanania morit quel istess an, nel settavel mais.

CHAP. XXIX.

Geremia scriva als preschunêrs in Babilon, e 'ls exorta pro pazienza, e da non crair als fos profets, als impromettand la liberaziun al term ordinâ; con profetizar eir contr' il rai Sedechia, e 'ls Gideus restats in Gerusalem.

MA quaists *sun* ils plets dellas chartas, cha'l profet Geremia tramettet da Gerusalem al rimanent dels seniurs da quels, chi eiran stats manats in preschun, ed als sacerdotes, ed als profets, ed a tuot il pövel, cha Nebucadnesar avaiava manâ in preschun da Gerusalem in Babilon;

2. (Dopo cha'l rai * Jeconia füt trat our da Gerusalem, insembel con la regina, e cols eunucs, e cols principis da Giuda, e da Gerusalem, e cols artischans, e farêrs;)

* 2 Reg. 24, 12. 15.

3. Tras Eleasa, figl da Safan, e tras Gemaria, figl d' Hilchia; (ils quals Sedechia, rai da Giuda, tramettaiva in Babilon pro Nebucadnesar, rai da Babilon;)

4. Cioè: Usche ha dit il Segner dels exercits, il Deis d'Israel, a tuot quels chi sun manats in preschun, ils quals eu ha fat manar in preschun da Gerusalem in Babilon:

5. Edifichai chasas, ed abitai in

quellas, ed implantai zardins, e mangiai il früt da quels;

6. Pigliai mugliers, e genui figls e figlias; pigliai eir mugliers per voss figls, e maridai vossas figlias, ed ellas partureschan figls e figlias; e's multiplichai qua, e non diminuïrai;

7. E tscherchai la pasch della città, ingio eu s' ha fat ir in preschun, e rovai il Segner per quella; perche nella pasch da quella gnis vus ad avair pasch.

8. Perche cha'l Segner dels exercits, il Deis d'Israel, ha dit usche: * Cha voss profets, chi *sun* tanter vus, non as surmainan, ne voss ingiavina-durs, e non sajat attents a voss süm-mis, cha vus as sömgiais.

* Ger. 14, 14.

9. Perche quels as profetizeschan fosamaing in meis nom; eu non ils ha tramiss, disch il Segner.

10. Perche, usche ha dit il Segner: Cur ils * settant' ans da Babilon saran complits, schi 's vögl eu visitar, e metter in effet invers vus meis bun pled, per as condür dacheu in quaist lù.

* Ger. 25, 11. 12.

11. Perche eu sa ils impissamaints eh' eu m'impais davart vus, disch il Segner, *chi sun* impissamaints da pasch, e na pro mal, per as dar uschi-da, e spranza.

12. E vus gnis am clamar in agüd, e gnis ad ir, e 'm far oraziun, ed eu as vögl exodir.

13. * E vus gnis am tscherchar, e gnis am chattar, eur vus gnis am avair tscherchâ da tuot vos cour.

* Lev. 26, 39. 40.

14. * Ed eu am vögl render invers vus chönsch da chattar, disch il Segner; e 's vögl dacheu trar our da vossa preschun, e 's vögl dacheu raspar nan our da tuot ils pövels, e da tuot ils lous, ingio eu vegn as avair chatschats, disch il Segner, e 's vögl dacheu condür nel lù, dinuonder eu s' ha fat ir in preschun;

* Deut. 4, 7.

15. Perche vus avais dit: Il Segner ans ha sdasdats sü profets in Babilon.

16. *Sapchat*, cha'l Segner ha dit usche del rai chi sezza sül trun da David, e del pövel chi avda in quaista città, e da voss frars chi non sun stats manats in preschun con vus.

17. Usche, *di eu*, ha dit il Segner dels exercits: Mera, eu tramet contr' els la spada, la fam, e la pestilenza; * e l's vögl far esser seo figs marschs, chi non as po mangiar, per mals cha sun.

* Ger. 24, 8, 10.

18. E l's vögl persequittar con la spada, con la fam, e con la pestilenza, * e vögl far, ch' els vegnan a gnir smanats tras tuot ils reginams della terra, e *saran* in execraziun, ed in snuizi, ed in soffel, ed in vituperi tanter tuot ils pövels, ingio eu vegn als avair schatschats;

* Ger. 15, 4.

19. Perquai ch' els non han obedi a meis pleds, disch il Segner, ch' eu ha ad els tramiss a *dir* tras meis serviants, ils profets, da contin per ogni mattina; ma quels non han tadrâ, disch il Segner.

20. Vus dimena, tuots chi eschat in preschun, ils quals eu ha tramiss da Gerusalem in Babilon; tadrâ il pled del Segner:

21. Usche ha dit il Segner dels exercits, il Deis d' Israel, davart Ahab, figl da Colaja, e davart Sedechia, figl da Maeseja, chi 's profetizeschan in meis nom falsità: Mera, eu dun quaists in man da Nebucadnesar, rai da Babilon, ed el vain als far morir avant voss ögls.

22. E dad els as vain a tour üna *fuorma* da maledicziun tanter tuot quels da Giuda, chi sun in preschun in Babilon, dschand: Il Segner at renda simil a Sedechia, ed ad Ahab, ils quals il rai da Babilon ha ustri a fö;

23. * Perquai ch' els han fat chosas sturpchusas in Israel, ed han commiss adulteri con las mugliers da lur prossems, ed han favlâ in meis nom fosa-maing; il qual eu non avai a els comandâ; ed eu *sun* quel chi sa, e sun testimoni, disch il Segner.

* Ger. 23, 14.

24. Tschantscha eir con Semaja, Nehalamit, dschand:

25. Usche ha dit il Segner dels exercits, il Deis d' Israel: Perquai cha tû hast tramiss in teis nom chartas a tuot il pövel chi *ais* in Gerusalem, ed a Sefania, figl da Maeseja, sacerdot, ed a tuot ils sacerdots, dschand:

26. Il Segner t' ha constitui sacerdot in lö del sacerdot Jojada, acio

cha vus sajat superintendents della chasa del Segner, *aviand autorità* sur ogni hom our da sen, e chi fa il profet, * per il metter in preschun, e nels tscheps;

* Ger. 20, 2.

27. Uossa dimena, perche non hast tû slamâ Geremia d' Anatot, chi fa il profet tanter vus?

28. Perquai ch' el ans ha tramiss a dir in Babilon: Il fat vain ad ir alla lunga; edificai pür chasas, ed abitai *in quellas*; implantai zardins, e mangiai il früt da quels;

29. (Ma 'l sacerdot Sefania avai a let quaiastas chartas in presenza del profet Geremia.)

30. Il pled del Segner ais stat *indrizzâ* a Geremia, dschand:

31. Trametta a dir usche a tuot quels chi sun in preschun: Il Segner ha dit usche davart Semaja, Nehalamit: Per quai cha Semaja s' ha profetizâ, schabain ch' eu non l' haja tramiss, e s' ha fat confidar in menzöna,

32. Perquai, usche ha dit il Segner: Mera, eu vögl chastiar Semaja, Nehalamit, e seis sem; qua non sarà alchün da seis descendents chi abita in mez quaiast pövel, e *ne el, ne alchün da seis sem*, non vezzerà il bö, ch' eu vegn a far a meis pövel, disch il Segner; perche el ha favlâ da rebellun contr' il Segner.

CHAP. XXX.

Il Segner comanda a Geremia da metter insembel in ün eudesch sias profezas, tant las inatschas della destrucziun del pövel, co las impromissions della liberaziun dalla preschun, e dalla percomplida restoraziun della baselgia tras Cristo.

IL pled, chi dal Segner füt *indrizzâ* a Geremia, dschand:

2. Usche ha dit il Segner, il Deis d' Israel: At scriva in ün eudesch tuot ils pleds ch' eu t' ha dit.

3. Perche mera, ils dis vegnan, disch il Segner, ch' eu vögl dareheu far turnar meis pövel our preschun, Israel, e Giuda, ha dit il Segner; e l's vögl dareheu condür nel pajais, ch' eu det a lur babuns, e quels vegnan al possidair.

4. Ma quaists *sun* ils pleds, cha 'l Segner ha pronunziâ davart Israel, e Giuda.

5. Perche 'l Segner ha dit usche: Nus avain udi ün bragizi da terrur; spavent, ed ingüna pasch.

6. Da grazia domandai, e guardai sch'ün maşchel parturescha; perche *dimena* ha eu vis ogni hom cols mans süls flanes, seo üna duonna chi parturescha, e *perche* sun tuot las fateschas stramüdadas, e gnüdas sbalachas?

7. Ah stangel mai! * Quant grand *ais* pür quel di! Alehün *mâ* non *füt* pèr a quel; ed *ais* il temp dell'anguoscha a Giacob; impero *el* vain a gnir salvâ. * Es. 1, 14. 15.

8. E dvanterà in quel di, disch il Segner dels exercits, ch'eu vögl sfrachar il giuf da quel davent da teis colöz, e vögl tschuncar teis liams, e 'ls esters non vegnan at sforzar plü in servitü;

9. Anzi vegnan els a servir al Segner lur Deis, ed a David, lur rai, ch'eu ad els vögl dsadar stü.

10. * Tü dimena, o Giacob, meis famagl, non tmair, disch il Segner, e non at stramantar, o Israel; perche, mera, eu at vögl salvar our da lontan *pajais*, e teis sem our dal *pajais* da sia preschun, e Giacob vain darcheu a turnar, e sarà in repos, e tranquillità; e *qua* non sarà alchün ch' *il* stramainta. * Es. 41, 13. Ger. 46, 27.

11. Perche eu *sun* con tai, disch il Segner, per at salvar, e vögl * far üna finala esecuziun sur tuot ils pövels, ingio eu vegn at avair rasâ; ma sur tai non vögl eu far üna † finala esecuziun, anzi at vögl chastiar moderatamaing; impero non at vögl laschar daffatta sainza paina. * Am. 9, 8. † Ger. 10, 24.

12. Perche, usche ha dit il Segner: * Tia rottüra ais sainza remedi, tia *plaja* *ais* dolorusa. * Ger. 15, 18.

13. *Qua* non *ais* alchün chi piglia in man tia causa, per guarir *tia plaja*; tü non hast alchünas medicinas per *la* saldar darcheu.

14. Tuot teis amatur t' han smanchada, els non indreschan davo tai; perche eu t' ha battüda con üna botta d' * inimi, con ün crudel chastia- maint; per la grandezza da tia ini-

quità, *perche* teis puchats sun adampchats. * Deut. 32, 42.

15. Perche brajast per tia rottüra? Tia döglia *ais* incurabla. Eu t' ha fat quaistas chosas per la grandezza da tia iniquità, *perche* teis puchats sun adampchats.

16. Impero tuot quels chi t' maglian, saran magliats, e tuot teis inimis vegnan ad ir in preschun, e * quels chi t' spoglian, saran spogliats, e vögl dar per butin tuot quels chi t' butinan. * Es. 33, 1.

17. Perche eu vögl far saldar *tia plaja* e t' vögl guarir da tias feridas, disch il Segner; perquai cha t' han clamada *schatschada*, Sion ch'ingün non retscherecha.

18. Usche ha dit il Segner: Mera, eu vögl turnantar da preschun ils tabernaculs da Giacob, e vögl avair misericordia da seis abitaculs, e la città sarà reedifichada sün seis muot, e 'l taimpel sarà tschantâ seguond seis uordens.

19. Ed our da quels * vain ad ir oura lod, e vusch da gliend chi fan festa; ed eu ils vögl far multiplichar, ed els non vegnan a gnir impitschnits; e 'ls vögl creschantar, ed els non vegnan a gnir diminuits. * Es. 35, 10.

20. E seis infants saran seo da veglmaing, e sia raspada sarà stabilida avant mai, e vögl chastiar tuot quels chi 'l squitschan suot.

21. E quel chi averà autorità sur el, vain ad esser our d'el istess, e quel chi vain a signorar sur el, vain a gnir our da mez el, ed eu il vögl far approsmar, ed el vain a gnir nan pro mai; perche, chi ais quel chi dispona dutschamaing seis cour, per s'approsmar pro mai, disch il Segner.

22. E vus dessat esser meis pövel, ed eu vögl esser vos Deis.

23. * Mera, il trabagl del Segner, l'ira ais id' oura, l'ora stamprada as mantuna; ella vain a erodar sur il cheu dels empis. * Ger. 23, 19.

24. La furia dell'ira del Segner non vain as quietar, fin ch'el non haja esequi, e miss in effet ils impissamaints da seis cour; alla fin dels disgnis vus ad ineler il fat.

CIAP. XXXI.

Geremia profetiza la turnada del pövel dalla preschun, e sia restoraziun; suot il qual el compiglia quella della baselgia, tras il messia, dal qual ella vain ad esser raspada da tuot il muond, spendrada, e mantgnüda, in virtù della nouva ed eterna lia sün el fondada.

IN quel temp, disch il Segner, vögl eu esser Dieu a tuot las famiglias d' Israel, e quels vegnan ad esser meis pövel.

2. Usche ha dit il Segner: Il pövel chi scampet via dalla spada, chattet grazia nel desert, lura ch'eu giaiva per dar repos ad Israel.

3. Da veglmaing dvantet, cha'l Segner m' apparaiva. Schi, eu t' ha amada d' ün' amur eterna; perquai ha eu eir üsâ continua benignità invers tai.

4. Darcheu at vögl eu edificar, e sarast edificada, o vergina d' Israel, darcheu vainst tî a gnir fittada con teis tamburs, e vainst a trar oura con saglirs da gliend chi fan sulaz.

5. Darcheu * vainst ad implantar vignas süls munts da Samaria, e quels chi las averan implantadas † vegnan a cler aint il früt per lur comün üs.

* Os. 6, 11. † Dent. 20, 6.

6. Perche qua ais ün di, nel qual las guardias vegnan a bragir sül munt d' Efraim: * Stat sü e giain sü in Sion, pro'l Segner nos Deis. * Es. 2, 3.

7. Perche, usche ha dit il Segner: Güvlai per allegrezza sur Jacob, e bragi dadot in cheu dels pövels; strasunai, chantai lods, e dit: O Segner, salva teis pövel, il rimanent d' Israel.

8. Mera, eu ils main nan our dal pajais del settentrion, e 'ls rasp nan dal fuond della terra; tanter els *vegnan ad esser orbs*, e zops, donans gravidas, e donans da part, tuot insembel; els vegnan a turnar qua in granda raspada.

9. Els vegnan ad esser its con* pland; ma eu ils vögl darcheu far turnar con supplicaziuns, e 'ls vögl condür pro'ls flüms d' auas, † tras üna strada dretta, sün la quala els non vegnen as schampütschar; perche eu sun bap ad Israel, ed Efraim ais meis primogenit.

* Ps. 126, 5. 6. † Es. 35, 8.

10. (O pövels, tadlai il pled del Segner, ed annunziâ 'l tanter las inslas lontanass, e dit: Quel chi ha rasâ

Israel vain al raspar nan, e vain al perchürar sco ün pastur sia scossa;

11. Perche'l Segner ha spendrà Jacob, e l' ha liberâ dal man d' ün plü ferm co el.)

12. E vegnan a gnir, e vegnan a güvlar d' allegrezza sün la sommità da Sion, e vegnan a cuorrer nan pro'ls bains del Segner, pro'l förmaint, e pro'l müost, e pro'l öli, e pro'ls früts del bestiam manü, e del gross, e lur orma sarà sco ün tiert sauâ, e non vegnan ad esser plü in continuas dolurs.

13. Lura vain la vergina as allegrar nel bal, e 'ls giuvens, e 'ls vegls tuots insembel; ed eu vögl müdar lur cordöli in ledezza, e 'ls vögl allegrar, e 'ls cuffortar da lur dolor;

14. E vögl inavriar l' orma dels sacerdots con grass, e meis pövel sarà sadolâ da meis bains, disch il Segner.

15. Usche ha dit il Segner: Üna vusch * ais stat udida in Rama, ün pland, ün eridar amarissem: Rachel erida seis figls, e non as vül laschar cuffortar sur seis figls, perche els non *sun plü*.

* Mat. 2, 18.

16. Usche ha dit il Segner: Retegna tia vusch da eridar, e teis ögls da larmar; perche qua ais mercede per tia ouvra, disch il Segner, e quels vegnan darcheu a turnar our dal pajais del inimi.

17. Ed ais amo spranza qua per tai alla fin, disch il Segner; e teis infants vegnan darcheu a turnar pro lur confins.

18. Eu ha pür udi Efraim chi's condolaiva, *dschand*: Tü m' hast chastiâ, ed eu sun stat chastiâ sco ün tor non adestrâ; * convertescha'm, schi vegn eu am convertir; perche tü *est* il Segner meis Deis.

* Lam. 5, 21.

19. Perche, dopo ch' eu vegn ad esser converti, schi vegn eu am inrüglar; e, dopo ch' eu vegn ad esser amossâ am recognoscher, schi vegn eu am batter sün la cossa. Eu sun confus, e sverguognâ; perche eu port il vituperi da mia giuventüna.

20. *Ais quai*st Efraim, meis char figl? *Ais quai*st l' infant da *mias* delizias? Da lur' innan ch' eu favlet conter el, m' ha eu pür saimper eir regordâ del; * perquai ais meis intern moventâ

per el; eu vögl a tuotta via avair compassiun del, disch il Segner.

* Es. 63, 15.

21. At drizza sü coluonnas, at tshainta munts da crappa per insainas, at fà surasen sün la strada, sül chamin cha tū hast fat; tuorna inavo, vergina d'Israel, tuorna darcheu pro quaistas tias cittats!

22. Infin cura voust tū ir intuorn, vi' e nan, figlia rebella? Perche cha'l Segner ha creâ üna chosa nouva sur la terra; la femna circonda l'hom.

23. Usche ha dit il Segner dels exercits, il Deis d'Israel: Quaist pled vain amo a gnir dit pel pajais da Giuda, ed in sias cittats, cur eu vegn als avair trats our da preschun; il Segner at benedescha, o abitacul da güstia, o munt da sia santità!

24. Ed in quel vegnan ad abitar *quels da* Giuda, e *quels da* tuottas sias cittats insembel; ils lavuraints della terra, e quels chi van qua e là con lur scossas.

25. Perche eu vegn ad avair inavriâ l'orma chi ha sait, ed ais stanglanta-da, e vegn ad avair sadolâ ogni orma conturblada.

26. Perquaist m'ha eu sdasdâ stü, ed ha guardâ intuorn, e meis sön m'eira stat dutsch.

27. Mera, ils dis vegnan, disch il Segner, ch'eu vegn a semnar la chasa d'Israel, e la chasa da Giuda, con sem da gliud, e con sem d'animals.

28. E dvanterâ, ingual sco * eu ha vagliâ sur els, per stirar davent, e per splanar, e per desdrür, e per disperder, e per far dan; usche vögl eu vagliar sur els, per edificar, e per implantar, disch il Segner.

* Ger. 1, 12.

29. In quels dis non as vain a dir plü: * Ils baps han mangiâ l'üja malmadiira, e'ls daints dels infants sun sgüzzats.

* Ez. 18, 2.

30. Ma ogniün vain a morir per sia iniquità; chi vain a mangiar l'üja ascha, schi'l vegnan ils daints as sgüzzar.

31. Mera, ils dis vegnan, disch il Segner, * ch'eu vegn a far üna nouva lia con la chasa d'Israel, e con la chasa da Giuda.

* Ebr. 8, 8.

32. Na quala füt ünsacura la lia ch'eu fet con lur babuns, cur eu ils piglet per il man, per ils trar our dal pajais d'Egipto, la quala mia lia quels han ruot; dinuonder eu ils ha tgnüts per sdegn, disch il Segner.

33. Perche, quaist'ais la lia, cheu vögl far con la chasa d'Israel, davo quels dis, disch il Segner: Eu vögl metter mia ledseha in lur intern, e la vögl scriver sün lur cour, ed eu vögl esser lur Deis, e quels vegnan ad esser meis pövel.

34. E non vegnan a mossar plü scodün seis compagn, e seis frar, dschand: Cognoschai il Segner, perche quels tuots, dal mender fin al grand dad els, * vegnan am cognoscher, disch il Segner; perche eu vögl perdunar ad els lur iniquità, e non am vögl regordar plü da lur pucha.

* Es. 54, 13.

35. Usche ha dit il Segner, * chi ha dat il solai per la glüm del di, e'ls uordens della glüna, e dellas stailas, per la glüm della not; † chi movainta il mâr, dinuonder sias uondas franturan; il nom del qual ais: Il Segner dels exercits:

* Gen. 1, 16. † Es. 51, 15.

36. * Scha quels uordens non sun *mâ bricha* da mai müdats, disch il Segner; usche non vain neir il sem d'Israel a podair interlaschar d'esser naziun avant mai in perpetuo.

* Ger. 33, 20.

37. Usche ha dit il Segner: Scha'ls tshels süsura as pon masürar, e'ls fondamaints della terra giosuot as pon sondar, schi vögl eir eu reprobar tuot il sem d'Israel, per tuot las chosas ch'els han fat, disch il Segner.

38. Mera, ils dis vegnan, disch il Segner, cha quaista città sarà reedificada al Segner, * dalla tuor d'Hananeel inavant infin alla porta del chantun.

* Zac. 14, 10.

39. E la corda da masürar sarà eir tratta giò davo'l muot da Gareb, e vain as volver intuorn vers Goat.

40. E tuot la val dels corps morts, e dellas tshendras, e tuot ils champs infin al flüm Chidron, ed infin al chantun della porta dels chavals, vers oriaint, sarà *lō* sacro al Segner; quella non sarà *mâ bricha* plü tutta giò, ne desdrütta.

CHAP. XXXII.

Geremia vain büttâ in preschun, causa ch'el avaiava profetizâ, cha la città gnis a gnir tutt'aint dal rai da Babilon; tras ün champ, comprâ da Geremia sül comand del Segner, vain sgürâ il return del pövel nella terra da sia possessiun.

IL pled, chi füt dal Segner *indirizzâ* a Geremia, nel an deschavel da Sedechia, rai da Giuda, *chi* füt l'an deschdottavel da Nebucadnesar;

2. E lura l'exercit del rai da Babilon assediaiva Gerusalem, e'l profet Geremia eira serrâ aint * nel cortil della preschun, chi *eira* nella chasa del rai da Giuda.

3. Perche Sedechia, rai da Giuda, l'avaiava serrâ aint, dschand: Perche profetizeschast tû, dschand: Usche ha dit il Segner: * Mera, eu dun quai-sta città in man del rai da Babilon, ed el vain a la tour aint? * Gen. 34, 2.

4. E Sedechia, rai da Giuda, non scamperà via dal man dels Caldeers, anzi pertschert sarà l'dat in man del rai da Babilon, ed el vain a tschant-schar con el da bocca a bocca, e vain al vair da fatscha a fatscha;

5. E manerà Sedechia in Babilon, ed el resterà qua, fin ch'eu il visitesch, disch il Segner. Scha vus combattais cols Caldeers, schi non gnis vus a prosperar.

6. Geremia dimena dschet: Il pled del Segner m'ais stat *indirizzâ*, dschand:

7. Mera Hanameel, figl da Sallum, teis barba, vain pro tai per dir a tai: Cumpra meis champ, chi ais in Anatot; perche tû hast per consanguinità * ils drets della slubgiaschun, per il cumprar. * Lev. 25, 25.

8. Ed Hanameel, figl da meis barba, gnit pro mai, seguond il pled del Segner nel cortil della preschun, e dschet a mai: Char tû, cumpra meis champ, chi ais in Anatot, nel territori da Benjamin, perche a tai *apper-tain* il dret dell'ierta, e la raschun della slubgiaschun; cumpra l'dimena! Ed eu cognoschet, cha quai *eira* pled del Segner.

9. Ed eu cumpret quel champ, chi *eira* in Anatot, da Hanameel, figl da meis barba, ed al paset via il danër, cioè deschset *sicccals* d'argent.

10. Ed eu fet la scrittüra, e la sa-

gellet, e piglet aint perdüttas, e paset via il danër sün la balanscha.

11. Lura piglet eu la scrittüra della cumpra, quella ch' eira sagellada, con la ledscha, e ls statuts, e l'averta *eir*,

12. E det la scrittüra della cumpra a Baruc, figl da Neria, figl da Mahaseja, in presenza d' Hanameel, meis cusdrin, ed in presenza da perdüttas, chi avaiavan suottascrit nella scrittüra della cumpra, alla vista da tuot ils Gûdeus, chi sezzaivan nel cortil della preschun.

13. Lura comandet eu a Baruc, in lur presenza, dschand:

14. Usche ha dit il Segner dels exercits, il Deis d' Israel: Piglia quai-stas scrittüras, quai-sta scrittüra da cumpra, tant quella chi ais sagellada, co quai-st' *otra* chi ais averta, e mett'-las aint in ün vashè da terra, acio ch' el-las dūran lung temp;

15. Perche, usche ha dit il Segner dels exercits, il Deis d' Israel: Amo vegnan cumpradas chasas, e champs, e vignas, in quai-st pajais.

16. E, dopo ch' eu avet dat la scrittüra della cumpra a Baruc, figl da Neria, schi fet eu oraziun al Segner, dschand:

17. Ah! Segner Deis, mera, tû hast fat il tshel e la terra, con tia granda forza, e con teis bratsch stendü oura; * inguotta non t' ais difficil. * Gen. 18, 14.

18. *Tû est quel* chi dovrast benignità in milli *generaziuns*, e rendast l' iniquità dels baps nel sain da lur infants, davo els; Deis grand, potaint, il nom del qual *ais*: Il Segner dels exercits.

19. Grand in cossagl, e potaint in ouvras; * ils ügls del qual *sun* averts sur tuot las vias dels figls della glieud, per render ad ogniün seguond sias vias, e seguond il früt da seis fats; * Ps. 33, 1. 3.

20. Chi hast, infin al di d'hoz, fat miraculs, e strangezzas, nel pajais d'Egipto, ed in Israel, e tanter *tuot* la glieud, e t' hast acquistâ ün nom, seo l' *ais* hozindi;

21. E trettast teis pövel Israel our dal pajais d'Egipto, con miraculs, e strangezzas, e man ferm, e bratsch stendü oura, e con grand spavent,

22. E dettast ad els quai-st pajais,

il qual tû avaivast gürâ a lur babuns, da'l dar ad els, pajais chi cula da lat, e meil;

23. Nel qual, essendo intrats, l' han els possedû; ma non han obedi a tia vusch, e non sun chaminats in tia ledscha; non han fat tuot las chosas cha tû avaivast ad els comandâ da far; dinuonder tû hast fat gnir sur els tuot quaist mal.

24. Mera, las transêras sun gnûdas fin strusch nan pro la città, per la tour aint, e la città ais datta in man dels Caldeers chi la combattan, per chascun della spada, e della fam, e della pestilenza; quai cha tû hast dit ais scontrâ, e mera, tû vezzast *quai*.

25. Ed impero, o Segner Deis, tû m'hast dit: At cumpra quel champ per danêr, e piglia aint perdüttas; schabain cha la città ais datta in man dels Caldeers.

26. Ma'l pled del Segner fût *indriz-zâ* a Geremia, dschand:

27. Mera, eu *sun* il Segner, ed * il Deis d'ogni charn; am ais alchûna chosa sfadiusa? * Num. 16, 22.

28. Perquai, il Segner ha dit usche: Mera, eu dun quaista città in man dels Caldeers, ed in man da Nebucadnesar, rai da Babilon; ed el vain a la tour aint.

29. E 'ls Caldeers, chi combattan contra quaista città, vegnan *qua* ad intrar aint, e vegnan a metter il fô in quella, e l' arder insemel con las * chasas, sùls tets dellas qualas els han fat profûms a Baal, ed offertas da spander ad oters deis, per am sdegnar.

* Ger. 19, 13.

30. Perche 'ls infants d' Israel, e 'ls infants da Giuda, non han, perfin da lur giuventûn' in sù, fat oter co quai chi 'm displascha; perche 'ls infants d' Israel non fan oter co 'm sdegnar con las ouvras da lur mans, disch il Segner.

31. Perche quaista città m' ais *saim-per* statta d'*invüdar* mi' ira e meis sdegn, dal di ch'ella fût edificada infin a quaist di; acio ch' eu la piglia via da meis conspet;

32. Per tuot la malizia dels infants d' Israel, e dels infants da Giuda, la quala els han dovrâ per am sdegnar,

quels, lur rais, lur principals, lur sacerdots, e lur profets, e la gliend da Giuda, e 'ls abitants da Gerusalem;

33. E m' han vout las spadlas, e na la fatscha, e, combain ch' eu ils haja mossats per ogni mattina, schi non m' han els però obedi per ardschaiver disciplina.

34. * Ed han miss lur abominaziuns nella chasa chi 's clama davo meis nom, per la contaminar. * Ger. 7, 30, 31.

35. Ed han edificâ ils lous ots da Baal, chi sun nella val del figl d' Hinnom, per far passar lur figls, e lur figlias *tras il fô* a Moloc, il qual eu non comandet ad els *mâ bricha*, e non am gnit *mâ bricha* nel sen, cha fessan quaista chosa abominabla, per far pechar Giuda.

36. Ma uossa, inguotta tant main, usche ha dit il Segner, il Deis d' Israel, davart quaista città, dalla quala vus dschais: Ella ais datta in man del rai da Babilon, tras la spada, e tras la fam, e tras la pestilenza:

37. Mera, eu ils vögl raspar da tuots pajais nanpro, ingio eu vegn als avair schatschats in mi' ira, in meis sdegn, ed in *mia* granda furia; e 'ls vögl far turnar darcheu in quaist lö, e 'ls vögl far abitar in sgürezza.

38. Ed els vegnan ad esser meis pövel, ed eu vögl esser lur Deis.

39. E vögl dar ad els ün istess cour, ed ün' istessa via, per am tmair in perpetuo, in lur bain, e da lur infants davo els.

40. E vögl far con els ün pat * etern, ch' eu non am vögl retrar inavo our dad els, per non far bain ad els; e vögl metter mia temma in lur cour, acio ch' els non as partan da mai.

* Ger. 31, 31.

41. * E 'm vögl allegrar dels, fand bain ad els; e 'ls vögl implantar in quaist pajais stabelmaing, da tuot meis cour, e da tuot mi' orma. * Sef. 3, 17.

42. Perche, usche ha dit il Segner: Ingual seo eu ha fat gnir sur quaist pövel tuot quaist grand mal; usche vögl eu far gnir sur els tuot il bôn ch' eu impromet ad els.

43. Ed *eir* vegnan cumprats champs in quaist pajais, dal qual vus dschais: El ais desert, e non *ais qua plü* hom,

ne bestia; el ais dat in man dels Caldeers.

44. Vegnan *eir* cumprats champs per danêr, e vegnan fattas far scrittûras, e sagelladas, e vegnan trattas aint perdüttas * nel pajais da Benjamin, e nels lous circonvicins da Gerusalem, e nellas cittats da Giuda; e nellas cittats del munt, e nellas cittats della planûra, e nellas cittats del mezdi; perche eu ils völg darcheu trar our preschun, disch il Segner.

CHAP. XXXIII.

El continua a profetizar dal retuorn dels Gûdeus, e dalla reedificaziun da Gerusalem; sco eir davart il reginam da Cristo, e dalla pasch, e sgîrezza dels fidels suot quel.

E'L pled del Segner fût *indirizzâ* la seguonda vouta a Geremia, tant ch'el *eira* amo serrâ aint nel cortil della preschun, dschand:

2. Usche ha dit il Segner chi fa quaista chosa; il Segner chi la fuorma, perche la stabilir; il nom del qual *ais*, il Segner:

3. Braja pro mai, ed eu at vögl responder, ed at declerar chosas grandas e reservadas, cha tû non sast.

4. Perche, usche ha dit il Segner Deis d'Israel, davart las chasas da quaista città, e davart las chasas del rai da Giuda, chi sun ruottas giò tras ils bastiuns, e tras ils instrumaints da guerra;

5. Las qualas sun stattas loadas per combatter cols Caldeers, e per las implir con corps morts da gliend; perche eu *ils* ha battüts in mi' ira, ed in meis sdegn, e perche eu ha zoppâ mia fatscha da quaista città, per tuot lur malizia:

6. Mera, eu vögl restorar, e refar quaista città, e vögl darcheu far sù quaistas chasas, e vögl far apparair ad els abundanza da pasch, e da stablezza.

7. E vögl darcheu trar our preschun Giuda ed Israel, e 'ls vögl reedificar sco els *eiran* da principi;

8. E 'ls vögl purgiar da tuot lur iniquità, tras la quala els han pechâ contra mai, e vögl ad els perdunar tuot lur iniquitats, tras las qualas els han pechâ contra mai; e tras las qualas els han misfat contra mai.

9. E *quaista città* sarà a mai in nom da dalet, in lod, ed in gloria pro tuot las naziuns della terra, chi vegnan ad udîr tuot il bain ch'eu vegn a far ad ellas, e saran stramidas, e trembleran, per tuot il bain, e per tuot la pasch, della quala eu vegn alla far giodair.

10. Usche ha dit il Segner: In quaist lö, dal qual vus dschais: El *ais* desert, e *qua* non *ais plü* ne hom, ne bestia; nellas cittats da Giuda, e nellas plazzas da Gerusalem, chi sun desoladas, sainza cha *saja plü a qua* ne hom, ne abitant, ne bestia. Eir vain a gnir udida

11. Vusch da dalet, e vusch d'allegrezza; vusch da spus, e vusch da spusa; vusch da personas chi vegnan a dir: * Celebrai il Segner dels exercits; perche'l Segner *ais* bun; perche sia benignità *ais* in eterno; † offer-tas da lods vegnan els a portar pro la chasa del Segner; perche eu vögl trar our preschun il pajais, e 'l vögl darcheu metter nel stadi chi eira il prüm, ha dit il Segner. * Ps. 136, 1. † Lev. 7, 11.

12. Usche ha dit il Segner dels exercits: In quaist lö chi *ais* desert, ed ingio *qua* non *sun plü*, ne gliend, ne bestias, ed in tuot sias cittats, qua vegnan eir ad esser stallas da pasturs, chi vegnan *qua* a far giaschair las scossas.

13. Nellas cittats del munt, e nellas cittats della planûra, e nellas cittats da mezdi, e nel pajais da Benjamin, e nels lous circonvicins da Gerusalem, e nellas cittats da Giuda, vain amo la bescha a passar via suot il man da quel chi *la* nombra, ha dit il Segner.

14. Mera, ils dis vegnan, disch il Segner, ch'eu vögl metter in effet il bun pled, ch'eu ha pronunziâ alla chasa d'Israel, ed alla chasa da Giuda.

15. In quels dis, ed in quel temp vögl eu far * dsermügliar a David il dsermuogl da güstia, il qual farà güdizi, e güstia nella terra. * Ger. 23, 5.

16. In quel di Giuda sarà salvâ, e Gerusalem abiterà in sgürezza, e quaist *ais il nom*, del qual ella vain as clamar: Il Segner *ais* nossa güstia.

17. Perche, usche ha dit il Segner:
* A David non vain mâ a gnir almain
hom chi sezza sül trun della chasa
d' Israel.

* 1 Reg. 2, 4.

18. Ed als sacerdots e levits non vain
mâ a gnir almain in meis conspet
hom ch' offerra olocaust, e chi fetscha
profüm d' offerta, e chi fetscha sacri-
fizi tuot ils dis.

19. Il pled del Segner füt eir *indrizzâ*
a Geremia, dschand:

20. Usche ha dit il Segner: * Scha
vus podais annullar meis pat davart
il di, e meis pat davart la not, da-
sort cha' l di e la not non sajan plü
a lur temp;

* Ger. 31, 35. 36.

21. Schi's vain eir a podair annullar
mia lia con David, meis servaint, da-
sort, ch' el non haja *plü* figl chi regna
sün seis trun, e cols sacerdots e levits,
meis ministers.

22. * Perche, seo l' exercit del tschel
non as po nombrar, e' l sablun del
mâr non as po masürar; usche vögl
eu creschentar il sem da David, meis
servaint, als levits chi fan il servez-
zen.

* Gen. 13, 16.

23. Il pled del Segner füt darcheu
indrizzâ a Geremia, dschand:

24. Non t' hast tû fat surasen sün
quai cha quaist pövel ha pronunziâ,
dschand: Il Segner ha reprobâ las
duos naziuns, ch' el avaiva elet; di-
nuonder els spretschan meis pövel,
tant co seh' el non dovess mâ plü es-
ser naziun in lur conspet.

25. Usche ha dit il Segner: Sch' eu
non ha stabili mia lia davart il di, e
davart la not, e' ls statuts del tschel,
e della terra;

26. Schi vögl eu eir reprobar il sem
da Giacob, e da David, meis servi-
aint; per non tour plü da sia lingia
persunas chi domineschan sur il sem
d' Abraham, d' Isac, e da Giacob;
perche eu ils vögl darcheu trar our
preschun, e vögl avair compassiun
dels.

CHAP. XXXIV.

Geremia annunzia al rai Sedechia la destruc-
ziun da Gerusalem, e sia preschun, e mort; lura
reprend' el ils Güdeus da quai, ch' aviaand els
obedi al pled del Segner, sun darcheu turnats
in lur puchats.

IL pled chi füt dal Segner *indrizzâ*
a Geremia, cur cha Nebucadne-

sar, rai da Babilon, e tuot seis exer-
cit, e tuot ils reginams della terra,
suottaposts a seis imperi, e tuot ils
pövels, combattaivan contra Geru-
salem, e contra tuot sias cittats,
dschand:

2. Usche ha dit il Segner Deis d' I-
srael: Vâ, e tschantescha con Sede-
chia, rai da Giuda, e di ad el: Usche
ha dit il Segner: Mera, eu dun quaista
città in man del rai da Babilon, ed el
l' arderà col fô;

3. E tû non vainst a scampar via da
seis man; perche, pertschert vainst
tû a gnir * prais, e sarast dat in seis
man, e vainst a vair il rai da Babilon
da fatscha a fatscha, ed el vain at
favlur da bocca a bocca, e tû vainst
a gnir in Babilon;

4. Impero, o Sedechia, rai da Giuda,
taidl' ils plds del Segner: Il Segner
ha dit usche da tai: Tû non vainst a
morir tras la spada!

5. Tû vainst a morir in pasch, e
spezius vegnan at gnir arsas, seo
s' ha fat a teis babuns, ils rais prece-
daints, chi sun stats avant tai; * e
vain as far cordöli da tai, *dschand*:
Ah Segner! Perche eu ha pronun-
ziâ il pled, disch il Segner.

* Ger. 22, 18.

6. Ed il profet Geremia pronunziet
a Sedechia, rai da Giuda, tuot quaists
plds in Gerusalem.

7. Ma l' exercit del rai da Babilon
combattaiva contra Gerusalem, e con-
tra tuot las cittats da Giuda, chi eiran
restadas, *cioè* contra Lachis, ed
Azeca; perche quellas *sulettas*, *chi*
eiran cittats fermas, eiran restadas
intanter las cittats.

8. Il pled chi füt dal Segner *indrizzâ*
a Geremia, dopo cha' l rai Sedechia
avet fat lia con tuot il pövel *chi eira*
in Gerusalem, da clamar our' ad els
libertà;

9. * Per far cha scodün tramettess
oura liber seis famagl, e sia fantschel-
la, Ebreer ed Ebreia; acio ch' ingün
non tgness *plü* in servitü alchün seis
frar Güdeu.

* Neh. 5, 11.

10. Ma tuot ils princips, e tuot il pö-
vel, chi's avaivan convgnüts in quaist
pat, da trametter oura liber scodün
seis famagl, e sia fantschella, per

non ils tgnair plü in servitü, obeditan, e 'ls tramettettan oura.

11. Ma lura davo fettan els danöv turnar ils famagls, e las fantschellas, ch'els avaiavan tramiss oura in libertà, e 'ls sforzettan ad *esser* ad els famagls, e fantschellas.

12. Pelqual il pled del Segner füt dal Segner *indirizzà* a Geremia, dschand:

13. Usche ha dit il Segner, il Deis d'Israel: Eu fet lia con voss babuns, eur eu ils tret our dal pajais d'Egipto, our dalla chasa da servitü, dschand:

14. Al * term da set ans trametta oura scodün da vus seis frar Ebreer, chi 's averà vendü a tai; salva 'l a tai ses ans, lura trametta 'l our' in libertà d'avent da tai; ma voss babuns non m'han obedi, e non han inclinà lur uraglia. * Exod. 21, 2.

15. Uossa vus s'avais hoz convertits, ed avais fat quai cha 'm plasha, in clamar oura libertà, scodün a seis prossem, ed avais fat lia in meis conspet, nella chasa chi 's clama davo meis nom;

16. Ma vus s'avais vouts inavo, ed avais profanà meis nom, e scodün da vus ha darcheu fat turnar seis famagl, e sia fantschella, cha vus avais tramiss oura in libertà, a lur voluntà, e 'ls avais sforzats as *esser* famagls, e fantschellas.

17. Perquai, usche ha dit il Segner: Vus non m'avais obedi, per clamar oura libertà scodün a seis frar, e scodün a seis prossem; mera, eu as clam oura libertà, disch il Segner, pro la spada, pro la pestilenza, e pro la fam, e vögl far, cha vus sarat smanats vi'e nan per tuot ils reginams della terra.

18. E vögl dar ils homens chi han transgredi mia lia, e non han miss in effet ils plets del pat, ch'avaivan fat in meis conspet, passand tras tanter las parts del vadè, ch'avaivan taglià in duos.

19. Cioè ils princips da Giuda, e 'ls princips da Gerusalem, e 'ls eunues, e 'ls sacerdots, e tuot il pövel del pajais, chi sun passats per mez las parts del vadè oura.

20. Eu ils vögl dar, di eu, in man da lur inimis, ed in man da quels chi tscherchan lur orma, e lur * corps

morts saran per spaisa als utschels del tschel, ed allas bestias della terra.

* Ger. 7, 33.

21. Eu vögl eir dar Sedechia, rai da Giuda, e seis princips, in man da lur inimis, ed in man da quels chi tscherchan lur orma, ed in man del exercit del rai da Babilon, chi s'ha uossa retrat da vus.

22. Mera, eu dun ad els comanda-maint, disch il Segner, e 'ls vögl darcheu far turnar pro quaista città, e quels vegnan a la combatter, ed a la tour aint, e l'arder con fò; eu vögl eir metter in desolaziun las cittàs da Giuda, dasort ch'ingün non abita in *quellas*.

CHAP. XXXV.

Geremia propona als Gùdens l'exaimpel dels Recabits, als imputand da lur disobedienza vi' als comandamaints da Dieu, ed annunziand seis gùdizis; e benedicziun als Recabits.

IL pled, chi füt dal Segner *indirizzà* a Geremia, nel temp da Jojachim, figl da Josia, rai da Giuda, dschand:

2. Và alla chasa dels * Recabits, e favella ad els, e maina 'ls nella chasa del Segner, in üna dellas chambras, e presainta ad els vin da baiver.

* Gùd. 1, 16. 4, 11.

3. Eu dimena piglet Iaazenia, figl da Geremia, figl d'Habasinia, e seis frars, e tuot seis figls, e tuot la famiglia dels Recabits.

4. E 'ls manet nella chasa del Segner, nella chombra dels infants d'Hanan, figl da Gedalia, hom da Dieu; la quala eira sper la chombra dels capos, sü sur la chombra da Maseja, figl da Sallum, guardiant del glim;

5. Ed eu mettet avant als figls della chasa dels Recabits chantas plainas vin, e bachêrs, e dschet ad els: Bavai vin!

6. Ma quels dschettan: Nus non volain baiver vin; perche * Jonadab, figl da Recab, nos bap, ans ha seomandà, dschand: Non bavarai mâ bricha in perpetuo vin, ne vus, ne voss figls;

* 2 Reg. 10, 15.

7. E non edificarai alchüna chasa, e non semnarai alchün sem, e non implantarai vignas, e non hajat neir alchüna; anzi abitaì tuot ils dis da vossa vita in tendas, acio cha vus

vivat blers dis sur la terra, nella quala vus eschat forestêrs.

8. E nus avain obedi alla vusch da Jonadab, figl da Recab, nos bap, in tuot quai ch' el ans ha comandâ, per non baiver vin tuot ils dis da nossa vita, ne nus, ne nossas mugliers, ne noss figls, ne nossas figlias;

9. E per non fabrichar chasas d' abitar laint, e per non avair ne vigna, ne champ, ne sem alehün;

10. Ed avain abitâ in tendas, ed avain obedi, e fat seguond tuot quai cha Jonadab, nos bap, ans avaiva comandâ.

11. Ma ais dvantâ, cha cur Nebucadnesar, rai da Babilon, ais gnü sù conter il pajais, schi avain nus dit: Gni, ed intrain in Gerasalem, *per scampar via* our davant l' exercit dels Caldeers, ed our davant l' exercit da Siria, ed usche eschan nus dmurats in Gerasalem.

12. E'l pled del Segner füt *indirizzâ* a Geremia, dschand:

13. Usche ha dit il Segner dels exercits, il Deis d' Israel: Vâ, e di als homens da Giuda, ed als abitants da Gerasalem: Non volais vus ardschaver disciplina, per obedir a meis pled, disch il Segner?

14. Ils plets da Jonadab, figl da Recab, ils quals el comandet a seis figls, cha non bavessan vin, sun stats miss in effet, tal cha quels non han bavü vin infin al di d' hoz; anzi han obedi al comandamaint da lur bap, ed eu s' ha favlâ da contin, per ogni mattina, e vus non m' avais obedi.

15. Eu s' ha tramiss da contin, per ogni mattina, tuot meis serviaints, ils profets, per as dir: * Da grazia, as converti scodün da vus giò da sia mala via, e meldrai voss fats, e non giarai davo oters deis, per als servir; schi gnis vus ad abitar nella terra ch' eu ha dat a vus, ad a voss baps; non m' non avais sport l' uraglia, e non vus avais obedi. * Ger. 18, 11. 25, 5.

16. Perquai cha 'ls figls da Jonadab, figl da Recab, han miss in effet il comandamaint cha det ad els lur bap, e quaiست pövel non ha obedi a mai;

17. Perquai, il Segner, il Deis dels exercits, il Deis d' Israel, ha dit

usche: Mera, eu fetsch gnir sur Giuda, e sur tuot ils abitants da Gerasalem, tuot il mal, ch' eu ha pronunziâ conter els; perche eu ha favlâ ad els, ed els non han tatlâ; eu ha clamâ ad els, ed els non han respus.

18. Ed alla chasa dels Recabits Geremia dschet: Usche ha dit il Segner dels exercits, il Deis d' Israel: Siand cha vus avais obedi al comandamaint da Jonadab, vos bap, ed avais observâ tuot sias ordinaziuns, ed avais fat seguond tuot quai ch' el s' avaiva comandâ;

19. Perquai, usche ha dit il Segner dels exercits, il Deis d' Israel: Mâ bricha in perpetuo non vain a gnir almain a Jonadab, figl da Recab, hom chi stetta avant mia fatscha.

CHAP. XXXVI.

Geremia scriva in ün cudesch tuot sias profezias, las qualas Baruc leja avant a tuot il pövel, e seis princips; ma comandand il rai Jochachim cha quel cudesch al vegna portâ, il qual el taglia, e l' arda, e persequitta Geremia, e Baruc.

MA dvantet nel quartavel an da Jochachim, figl da Josia, rai da Giuda, cha quaiست pled füt *indirizzâ* dal Segner a Geremia, dschand:

2. Piglia a tai ün cudesch da scriver, e scriva in quel tuot ils plets, ch' eu t' ha dit contra Israel, e contra Giuda, e contra tuot ils *oters* pövels, dal di, ch' eu comanzet at favlar innan, *cioè* dals dis da Josia innan, infin a quaiست di.

3. Forsa vain a tadar la chasa da Giuda tuot il mal, ch' eu m' impais, da la far; per as convertir scodün giò da sia via mala; schi vögl eu perdonar *ad els* lur iniquità, e lur pucha.

4. Geremia dimena clamet Baruc, figl da Neria; * e Baruc scrivet nel cudesch da scriver our bocca da Geremia tuot ils plets del Segner, ch' el l' avaiva dit. * Ger. 45, 1.

5. Lura Geremia comandet a Baruc, dschand: Eu *sun* retgnü, eu non poss intrar nella chasa del Segner;

6. Ma tü intra laint, e leja, in presenza del pövel, nel cudesch cha tü hast scrit our da mia bocca, ils plets del Segner, nella chasa del Segner, sül di del gegüni; leja 'l eir in presenza da tuot quels da Giuda, chi saran gnüts da lur cittats;

7. Forsa vain lur supplicaziun a erodar nel conspet del Segner, ed els vegnan as convertir scodün giò da sia via mala; perche l'ira, e l'sdegn cha 'l Segner ha pronunzià contra quaiست pövel *ais* grand.

8. Baruc dimena, figl da Neria, fet seguond tuot quai cha 'l profet Geremia l'avaiva comandà, lejand nel cudesch ils plets del Segner, nella chasa del Segner.

9. (Ma nel quint an da Jojachim, figl da Josia, rai da Giuda, nel novavel mais, tuot il pövel *chi eira* in Gerusalem, e tuot il pövel chi eira gnü dallas cittats da Giuda in Gerusalem, clamettan oura il gegüni nel conspet del Segner.)

10. Baruc, *di eu*, lejet nel cudesch ils plets da Geremia, nella chasa del Segner, nella chambra da Gemaria, figl da Safan, scrivant, nel cortil sura, sün l'intrada della * porta nova della chasa del Segner, in presenza da tuot il pövel. * Ger. 26, 10.

11. E Micha, figl da Gemaria, figl da Safan, udit tuot ils plets del Segner, *lets* our dal cudesch;

12. E get giò nella chasa del rai, nella chambra del secretari, e mera, qua sezzaivan tuot ils principals, Elisama, secretari, e Delaja, figl da Semaja, ed Elnatan, figl d'Aebor, e Gemaria, figl da Safan, e Sedechia, figl d'Hanania, e tuot ils *oters* principals.

13. E Micha referit ad els tuot ils plets ch'el avaiva udi, intant cha Baruc lejaiva nel cudesch, in presenza del pövel.

14. Lura tuot ils principals tramettettan Jehudi, figl da Netania, figl da Selemia, figl da Cuschi, pro Baruc, per dir *ad el*: Piglia in man il cudesch, nel qual tü hast let in presenza del pövel, e vè nan! E Baruc, figl da Neria, piglet il cudesch in man, e gnit nan pro els.

15. E quels dschettan ad el: Da grazia, sezza giò, e leja 'ns quel. E Baruc il lejet ad els avant.

16. E, cur els avettan incelet tuot quels plets, perdettan els l'anim, *as guardand* l'ün l'oter; lura dschettan els a Baruc: Nus non volain mancar da referir tuot quaiست plets al rai.

17. Davo quai domandettan els a

Baruc, dschand: Da grazia, deele- ra'ns co tü hast scrit tuot quaiست plets our bocca da Geremia?

18. E Baruc dschet ad els: El am dictaiva our da sia bocca tuot quaiست plets, ed eu ils scrivaiva con tinta nel cudesch.

19. Lura ils principals dschettan a Baruc: Và, t'azoppa tü, e Geremia, ed ingün non sapeha ingio *vus sajat*.

20. E quels gnittan pro 'l rai, aint nel cortil, e tschantettan giò il cudesch nella chambra d'Elisama, secretari, e referittan al rai tuot quels plets.

21. E 'l rai tramettet Jehudi, per portar nan il cudesch. Ed el il portet nan dalla chambra d'Elisama, secretari. E Jehudi il lejet, in presenza del rai, ed in presenza da tuot ils principals chi eiran in pè intuorn il rai.

22. Ma 'l rai sezzaiva nella chasa d'inviern, nel novavel mais, e *qua* avant el *eira* ün brashêr invüdâ.

23. E, cur Jehudi avet let trais, o quatter fögls, schi 'l taglet il rai col curretlet del secretari, e 'l büttet nel fö del brashêr, fin cha tuot il cudesch füt consumâ tras il fö, chi *eira* nel brashêr.

24. E ne il rai, ne alchün da seis serviaints, chi udittan tuot quels plets, non as smarittan, ne scharpettan lur vestimainta.

25. E, combain cha Elnatan, e Delaja, e Gemaria intercedettan avant il rai, ch'el non ardess il cudesch, schi non als tadlet el;

26. Anzi comandet il rai a Jerameel, figl d'Hamelec, ed a Seraja, figl d'Azriel, ed a Selamia, figl d'Abdeel, da prender il scrivant Baruc, e 'l profet Geremia. Ma 'l Segner ils zoppet.

27. E 'l pled del Segner füt *indirizzâ* a Geremia, davo cha 'l rai avet ars il cudesch, e 'ls plets, cha Baruc avai- va scrit our bocca da Geremia, dschand:

28. Tuorna a tour a tai ün oter cudesch, e scriva in quel tuot ils plets del prüm, chi eiran nel prüm cudesch, cha Jojachim, rai da Giuda, ha ars;

29. E di a Jojachim, rai da Giuda: Usche ha dit il Segner: Tü hast ars quel cudesch, dschand: Perche hast

scrit in quel, cha 'l rai da Babilon per-tschert vegna a gnir, e vegna a dis-sipar quaiſt pajais, e far cha qua non saran plü ne gliend, ne bestias?

30. Perquai, usche ha dit il Segner, davart Jojachim, rai da Giuda: El non averà alchün chi sezza sül trun da David, e seis * corp mort vain a giaschair, büttà oura nella chalur da di, e da not nella fraidüra. * Ger. 22, 19.

31. Ed eu vögl visitar el, e seis sem, e seis serviaints, per lur iniquità, e vögl far gnir sur els, e sur ils abitants da Gerusalem, e sur la gliend da Giuda, tuot il mal, ch'eu ha ad els pronunzià, e ch'els non han tadlà.

32. Contuot piglet Geremia ün oter cudesch, e'l det a Baruc, figl da Neria, scrivant, ed el scrivet laint our bocca da Geremia tuot ils plets del cudesch, cha Jojachim, rai da Giuda, avaiva ars con fö; pro 'ls quals fütan amo miss pro blers plets da quella sort.

CHAP. XXXVII.

Sedechia succeda a Conia, figl da Jojachim, e Geremia ais fermà sü, e miss in preschun, il qual vain miss oura tras il rai Sedechia, el avverta lura Sedechia, da non as fidar süls fos profets.

MA 'l * rai Sedechia, figl da Josia, regnet in lö da Conia, figl da Jojachim, essendo stat constitüit rai nel pajais da Giuda, da Nebucadne-sar, rai da Babilon. * 2 Reg. 24, 17.

2. E ne el, ne seis serviaints, ne 'l pövel del pajais, non obedittan als plets del Segner, ch'el avaiva pronunzià tras il profet Geremia.

3. Ma 'l rai Sedechia tramettet Jucal, figl da Selemia, e Sefania, figl da Maaseja, sacerdot, pro 'l profet Geremia, per dir *ad el*: Da grazia, fà oraziun per nus al Segner nos Deis.

4. Ma Geremia giaiva e gniva miss in preschun.

5. E l'exercit da Farao eira trat our d'Egipto; pelqual * ils Caldeers, chi assediaivan Gerusalem, aviand inolet la fama, s'avaivan partits d'avent da Gerusalem. * Ger. 34, 21.

6. E 'l pled del Segner füt *indrizzà* al profet Geremia, dschand:

7. Usche ha dit il Segner Deis d'Israel: Dit usche al rai da Giuda, chi s'ha tramiss pro mai, per am do-

mandar: Mera, l'exercit da Farao, ch'eira trat oura a vos succuors, ais dareheu turnà in seis pajais, in Egipto.

8. E 'ls Caldeers vegnan a turnar, e combatteran contra quaiſta città, e vegnan a la tour aint, e l'arderan con fö.

9. Usche ha dit il Segner: Non s'ingiannarai vus sves, dschand: Per-tschert ils Caldeers vegnan as partir da nus; perche quels non vegnan as partir d'avent;

10. Anzi, schabain cha vus avessat battü tuot l'exercit dels Caldeers, chi combattan con vus, e cha non füssan vanzats, oter co *alchüns pacs*, schi gnissan quels *impero* ad alvar sü scodün in sia tenda, e gnissan ad arder quaiſta città con fö.

11. Ma dvantet, cha cur l'exercit dels Caldeers füt parti d'avent da Gerusalem, per chaschun del exercit da Farao;

12. Giaiva Geremia our da Gerusalem, per ir via nel pajais da Benjamin, per fugar our da là tras mez il pövel.

13. Ma, cur el füt alla porta da Benjamin, schi *eira* qua ün chapitani della guardia, il nom del qual *eira* Jerija, figl da Sedemia, figl d'Hanania, il qual prendet il profet Geremia, dschand: Tü vast at render als Caldeers.

14. E Geremia dschet: *Quai ais* fos; eu non vegn am render als Caldeers. Ma quel non al tadlet; anzi, il prendet, e'l manet pro 'ls principis.

15. E 'ls principis s'adirettan greva-maing contra Geremia, e'l battettan, e'l mettettan in preschun, in chasa da Gionatan, scrivant; perche els avaivan da quella fat üna preschun.

16. Cur Geremia füt intrat nella foura e nella preschun, schi dmuret el qua blers dis.

17. Lura il rai Sedechia tramettet al far trar our *da là*, e 'l rai il domandet in sia chasa adaseus, e dschet: Aise alchün pled da part del Segner? E Geremia dschet: *Schi*, qua *ais* amo. Eir dschet el: Tü sarast dat in man del rai da Babilon.

18. Ultra quai, Geremia dschet al

rai Sedechia: Che pucha ha eu commiss contra tai, o contra teisservaints, o contra quaiست pövel, cha vus m'avais miss in preschun?

19. Ed ingio *sun vossa* voss profets, chi as profetizaivan, dschand: Il rai da Babilon non vain a gnir sur vus, ne sur quaiست pajais?

20. Ma al presaint, taidla, eu at rouv, o rai, meis signur; da grazia cha mia supplicaziun crouda avant teiss conspet; non am far darcheu turnar nella chasa da Gionatan, scrivant, ch'eu non moura laint.

21. E'l rai Sedechia comandet cha Geremia füss serrà aint nella cuort della preschun, e cha'l gniss dat ün toe pan al di, our dalla piazza dels furnèrs; *il qual füt fat* fin cha tuot il pan füt gnü almain nella città. Usche Geremia stet nella cuort della preschun.

CHAP. XXXVIII.

Geremia ais miss dals princips da Giuda in üna foura; ma Ebedmelec il tret oura con consentimaint del rai, e gnit manà pro Sedechia, ed el l'admonescha ch'el as dess render als Caldeers.

MA Sefatia, figl da Mattan, e Gedalia, figl da Pashur, e Jucal, figl da Malchia, udittan il plets, cha Geremia pronunziaiva a tuot il pövel, dschand:

2. Usche ha dit il Segner: * Quells chi vegnan a dmurar in quaiста città vegnan a morir da spada, da fam, e da pestilenza; ma chi vain ad ir oura pro 'ls Caldeers, vain a viver, e sia orma sarà ad el per butin, ed el vain a viver. * Ger. 21, 9.

3. Usche ha dit il Segner: Quaiста città sarà pertschert datta in man del exercit del rai da Babilon, e quel vain a la tour aint.

4. E'ls princips dschettan al rai: Da grazia, ch'as fetscha morir quaiست hom; perche el indeblescha ils mans del pövel da guerra, chi ais restà in quaiста città, e'ls mans da tuot il pövel, portand ad els avant da quella sort raschunamaints; perche quaiست hom non tschercha zuond bricha la prosperità da quaiست pövel, anzi il mal.

5. E'l rai Sedechia dschet: Mera'l in vos man; perche'l rai non po inguotta contra vus.

6. Quells dimena piglettan Geremia, e'l büttettan nel foss da Malchia, figl d'Hammelec, chi *eira* nella cuort della preschun, e qua il laschettan els giò con suas. Ma *qua* nel foss non *eira* aua, ma büergia, e Geremia fondet giò nella büergia.

7. Ma Ebedmelec, * Etiopier, eunuco, il qual *eira* nella chasa del rai, aviand udi, ch'avaivan miss Geremia nel foss; (ma'l rai sezzaiva *lura* nella porta da Benjamin;) * Ger. 39, 16.

8. Schi get el our dalla chasa del rai e favlet al rai, dschand:

9. O rai, meis signur, mal han fat quaiست homens, in tuot quai ch'han fat al profet Geremia, l'aviand büttà nel foss; ma a tuotta via füss el mort da fam là ingio el *eira*, siand cha non *ais* plü pan alchün nella città.

10. E'l rai comandet ad Ebedmelec, Etiopier, dschand: Piglia con tai da quia trent' homens, e tira il profet Geremia our dal foss, ant ch'el moura.

11. Ed Ebedmelec piglet quels homens con el, ed intret nella chasa del rai, giò suot la tesoreria, e piglet da lander sdratscha veglia, e panns vegls üsats, e'ls laschet giò pro Geremia con suas nel foss,

12. Ed Ebedmelec, Etiopier, dschet a Geremia: Da grazia, metta quaiста veglia sdratscha, e panns üsats suot la givella, giò suot las suas. E Geremia fet usche.

13. E quells trettan Geremia con quellas suas, e'l fettan gnir sü our dal foss. E Geremia dmuret nella preschun.

14. Lura il rai Sedechia tramettet a far gnir pro el il profet Geremia all'intrada principala della chasa del Segner. E'l rai dschet a Geremia: Eu at domand üna chosa, non am tgnair azzoppà inguotta.

15. E Geremia dschet a Sedechia: Cur eu vegn quai at avair declerà, schi non vainst tü impero am far morir? Sch'eu eir at dun alchün cossagl, non vainst tü am tadlar?

16. E'l rai Sedechia güret in secret a Geremia, dschand: *Sco* l Segner, chi'ns ha dat quaiست orma, viva, eu non at vögl far morir, e non at vögl dar in man da quaiست homens chi tscherchan ti' orma.

17. Lura Geremia dschet a Sedechia: Usche ha dit il Segner, il Deis dels exercits, il Deis d'Israel: Scha pür tü vast oura pro 'ls chapitanis del rai da Babilon, schi vain ti' orma a viver, e quaista città non sarà arsa col fò, e vainst a viver, tü, e tia chasa;

18. Ma, scha tü non vast oura pro 'ls chapitanis del rai da Babilon, schi sarà quaista città datta in man dels Caldeers, chi l'arderan col fò, e tü non vainst a scampar via da lur mans.

19. E 'l rai Sedechia dschet a Geremia: Eu sun in granda perplexità per quels Gùdeus, chi s' han vouts via dalla vart dels Caldeers, ch' eu non vegna dat in lur man, e ch' els non fetschan giamgias da mai.

20. E Geremia dschet: Tü non vainst a gnir dat *ad els*; da grazia, taidla la vusch del Segner, in quai ch' eu di a tai, ed a tai vain quai ad esser bön, e ti' orma viverà.

21. Ma, scha tü rechüsast da trar oura, schi *ais* quaist quai cha 'l Segner m' ha fat vair.

22. Mera, tuot las donans, chi eiran restadas nella chasa del rai da Giuda, saran trattas oura pro 'ls chapitanis del rai da Babilon; e quellas dscharan: Teis confidents t' han persvas, e vint; teis peis sun stats fondats nel fango, e *quels* sun trats inavo.

23. Usche saran manadas tuot tias mugliers, e teis infants pro 'ls Caldeers, e tü sves non vainst a scampar da lur mans, anzi sarast prais, e dat in man del rai da Babilon, e vainst a far, cha quaista chasa sarà arsa con fò.

24. E Sedechia dschet a Geremia: Ingün non sapcha da quaists pleds, schi non vainst tü a morir.

25. E, scha pür ils principals, aviand udi, ch' eu ha tschantschà con tai, vegnan pro tai, e't dischan: Da grazia, declera 'ns quai cha tü hast dit al rai, non ans tgnair quai azzoppâ, schi non at volain nus far morir, e che t' ha dit il rai?

26. Schi di ad els: Eu * ha supplichâ ümilmaing il rai, ch' el non am fess darcheu turnar nella chasa da Jonatan, per morir qua.

* Ger. 37, 20.

27. Tuot ils principals dimena gnittan

pro Geremia, e 'l domandettan, ed el respondet ad els seguond tuot ils pleds, cha 'l rai l' avaiva comandâ. E quels il laschettan con pasch; siand cha 'l fat non füt rasâ oura.

28. E Geremia dmuret nella cuort della preschun fin al di, cha Gerusalem füt praisa, ed el eira *qua* cur Gerusalem füt praisa.

CHAP. XXXIX.

Geremia quinta nan, co Gerusalem füt praisa ed arsa dals Caldeers, e 'l rai Sedechia, dopo avair vis schannar seis infants, e 'ls nöbels da Giuda, füt tut preschun, insembel col pövel; Geremia ed Ebedmelec sun deliberats.

NEL * novavel an da Sedechia, rai da Giuda, nel deschavel mais, Nebucadnesar, rai da Babilon, gnit con tuot seis exercit, avant Gerusalem, e l' assedit.

* 2 Reg. 25, 1.

2. Nel ündeschavel an da Sedechia, nel quart mais, nel novavel di del mais, *ils Caldeers* penetrettan dadaint la città.

3. E tuot ils chapitanis del rai da Babilon intrettan *qua*, e 's fermettan pro la porta dimez, cioè Nergal-Sareser, Samgar-Nebo, Sarsechim-Rab-Saris, Nergal-Sareser Rab-Mag, e tuot ils oters chapitanis del rai da Babilon.

4. E, cur Sedechia, rai da Giuda, e tuot il pövel da guerra, ils avettan vis, schi fügittan els, e trettan da not our dalla città, trand vers l' üert del rai, tras la porta intanter ils duos mürs; e 'l rai get oura, trand vers il desert.

5. Ma l' exercit dels Caldeers ils perseguittet, e sieuet Sedechia nellas champagnas da Gerico, e 'l piglettan, e 'l manettan pro Nebucadnesar, rai da Babilon, in Ribla, nel pajais d' Hemat, e *qua* al pronunziet el sia sentenza.

6. E 'l rai da Babilon fet schannar ils figls da Sedechia in Ribla, in sia presenza; fet eir schannar tuot ils nöbels da Giuda.

7. Lura fet el chavar our' ils ügls a Sedechia, e 'l fet liar con duos chadainas d' aram, per il manar in Babilon.

8. E 'ls Caldeers ardettan con fò la chasa del rai, e las chasas del pövel; e disfettan la müraglia da Gerusalem.

9. E Nebuzaradan, chapitani dellas guardias, manet in preschun in Babilon il rimanent del pövel, chi eira restâ nella città, e quels chi eiran its as render ad el, e tuot l'oter pövel chi eira restâ.

10. Ma Nebuzaradan, chapitani dellas guardias, laschet nel pajais da Giuda ils plü povers intanter il pövel, ils quals non avaivan inguotta, e det ad els in quel di vignas e champs.

11. Ma Nebucadnesar, rai da Babilon, avaiva dat commissiun a Nebuzaradan, chapitani dellas guardias, davart Geremia, dschand:

12. Piglia 'l, ed hajast chüra del, e non al far alchün mal; anzi fà invers el sco el vain at dir.

13. Nebuzaradan dimena, chapitani dellas guardias, e Nebusazban Rab-Saris, e Nergal-Sareser Rab-Mag, e tuot ils oters chapitanis del rai da Babilon,

14. Tramettettan a far trar Geremia our dalla cuort della preschun, e 'l dettan a Gedalia, figl d' Ahicam, figl da Safan, per il condür our' in chasa sia. Ma el dmuret in mez il pövel.

15. Ma 'l pled del Segner eira stat *indirizzâ* a Geremia, tant ch' el eira serrâ aint nella cuort della preschun, dschand:

16. Vâ, e tschantseha con Ebedmelec, Etiopier, dschand: Usche ha dit il Segner dels exercits, il Deis d' Israel: Mera, eu fetsch gnir meis plets contra quaista città, e na in bain; ed in quel di vegnan quels a dvantar in tia presenza.

17. Ma in quel di at vögl eu liberar, disch il Segner, e tû non sarast dat in man della glieud, dalla quala tû 't temmast.

18. Perche eu at vögl liberar deltschert, e tû non vainst a crodar tras la spada, * ti' orma sarà a tai per butin, siand tû t' hast confidâ in mai, disch il Segner.

* Ger. 21, 9.

CHAP. XL.

Geremia, siand in preschun, ais miss in libertà; ils chapitanis con ils Güdeus rasats vi' e nan as retiran nan pro Gedalia. A Gedalia vain dat ad incler la congiura d' Ismael, ma el non craja.

IL pled, chi füt dal Segner *indirizzâ* a Geremia, dopo cha Nebuzaradan,

chapitani dellas guardias, l' avet tramiss inavo da Rama, cur el il piglet. Ma el eira liâ con chadainas in mez la blierira da quels da Gerusalem e da Giuda, chi gnivan manats in preschun in Babilon.

2. Il chapitani dellas guardias dimena piglet Geremia, e dschet ad el: Il Segner teis Deis avaiva pronunziâ quaist mal contra quaist lö.

3. E 'l Segner eir l' ha fat gnir, ed ha fat seguond ch' el avaiva favlâ; perche vus avais pechâ contr' il Segner, e non avais obedi a sia vusch; dinuonder quaist s' ais scontrâ.

4. Ma al presaint, mera, eu at slarg hoz dallas chadainas, cha tû hast intuern ils mans; schi 't plascha da gnir con mai in Babilon, schi vè, ed eu vögl avair chüra da tai; ma, scha non t' ais a plaschair da gnir con mai in Babilon, schi resta quia; mera, tuot il pajais ais a teis comand; vâ ingio a tai vain a parair, e plaschair.

5. E, siand cha Gedalia, figl d' Ahicam, figl da Safan, il qual il rai da Babilon ha constitui sur las cittats da Giuda, non vain amo a turnar, schi tuorna tû pro el, e dmura con el in mez il pövel, ovvero, vâ ingio at plascherà. E 'l chapitani dellas guardias al det provisiun sül viadi, ed ün preschaint, e 'l tramettet davent.

6. Geremia dimena gnit pro Gedalia, figl d' Ahicam, in Mispa, e dmuret con el in mez il pövel, chi eira restâ nel pajais.

7. * Ma tuot ils capos del pövel da guerra, chi *eiran* per la champagna con lur pövel, aviand incelet, cha 'l rai da Babilon avaiva constitui Gedalia, figl d' Ahicam, sur il pajais, e ch' el l' avaiva dat in guvern homens, e donans, e pitschens infants; e *quaists*, dels plü povers del pajais, intanter quels chi non eiran stats manats in preschun in Babilon;

* 2 Reg. 25, 23.

8. Gnittan pro Gedalia in Mispa, cioè Ismael, figl da Netania, e Gionathan, e Gionatan, figls da Carea, e Seraja, figl da Tanhumet; e 'ls figls d' Efai, Netofatit, e Jezania, figl da Maacati, con lur pövel.

9. E Gedalia, figl d' Ahicam, figl da Safan, güret ad els, ed a lur

pövel,dschand: Non tmarai da servir als Caldeers; abitai nel pajais, e servi al rai da Babilon, schi vain quai ad esser bön per vus.

10. E, quant a mai, mera, eu dmur in Mispa, per am presentar avant ils Caldeers chi vegnan a gnir pro nus; ma vus raspai aint il vin, ils früts della stà, e l'öli, e mettai aint in voss vascels, ed abitai in vossas citats cha vus avais tut aint.

11. Medemmamaing eir tuot ils Güdeus chi *eiran* in Moab, e tanter ils infants d'Ammon, ed in Edom, e quels chi *eiran* in qualunque oter pajais, aviad inolet cha 'l rai da Babilon avaiava laschâ qualeha rimanent a Giuda, e ch'el avaiava constitui sur quels Gedalia, figl d'Ahicam, figl da Safan;

12. Schi turnettan els darcheu da tuot ils lous, ingio els eiran stats rats, e gnittan nels pajais da Giuda, pro Gedalia, in Mispa, e respettan aint vin, e früts della stà, in zuond granda abundanza.

13. Ma Giohanan, figl da Carea, e tuot ils capos del pövel da guerra, chi *eiran* per la champagna, gnittan pro Gedalia, in Mispa,

14. E dschettan ad el: Sast tû bain cha Baalis, rai dels infants d'Ammon, ha tramiss Ismael, figl da Netania, per at batter a mort? Ma Gedalia, figl d'Ahicam, non crajet ad els.

15. Ultra quai, Giohanan, figl da Carea, favlet secretamaing a Gedalia, in Mispa, dschand: Da grazia, lascha ch'eu giaja, e batta Ismael, figl da Netania, ed ingün non dess savair quai; perche at dess el batter a mort, dinuonder tuot ils Güdeus chi s'han raspats nan pro tai, gnissan ad esser rasats, e 'l rimanent da Giuda gniss a perir?

16. E Gedalia, figl d'Ahicam, dschet a Giohanan, figl da Carea: Non far quai; perche tû favellast fosamaing conter Ismael.

CHAP. XLI.

Ismael mazza Gedalia, e 'l pövel da guerra ch' *eira* con el, ed alchüns oters; lura main' el in preschun tuot il pövel ch' *eira* in restâ Mispa; ma Giohanan il delibra.

MA dvantet nel settavel mais, ch' Ismael, figl da Netania, figl d' E-

lisama, del sang regal, ed alchüns grands della cuort del rai, e desch homens con el, gnittan pro Gedalia, figl d' Ahicam, in Mispa, e qua in Mispa mangettan els insembel.

2. Lura Ismael, figl da Netania, alvet sü, insembel cols desch homens chi eiran con el, e battettan con la spada Gedalia, figl d'Ahicam, figl da Safan. Usche 'l fet el morir, el, cha 'l rai da Babilon avaiava constitui sur il pajais.

3. Ismael mazzet eir ils homens da guerra, tanter tuot ils Güdeus chi eiran con Gedalia in Mispa, e 'ls Caldeers chi 's chattettan qua.

4. E 'l di davo ch' el avet mazzâ Gedalia, ant cha 's savess inguotta;

5. Dvantet, ch' alchüns homens da Sichem, da Silo, e da Samaria, in number d' ottant' homens, gnivan, aviad las barbas rasas, e la vestimenta sdratschada, ed intagliadüras *sül corp*; ed avaiavan in man offertas, ed incens, da presentar nella chasa del Segner.

6. Ed Ismael, figl da Netania, get our da Mispa incoenter els, e chaminava eridand, e, cur el ils avet scontrats, dschet el ad els: Gni pro Gedalia, figl d' Ahicam.

7. Ma, cur els füttan intrats in mez la città, Ismael, figl da Netania, gnand compagnâ dals homens ch' el avaiava con el, ils schannet el, e 'ls büttet in mez il foss.

8. Ma tanter quels as chattettan desch homens, chi dschettan ad Ismael: Non ans mazzar, perche nus avain oura sün la champagna lous secrets con gran, ed üerdi, e con öli, e meil. Ed el s' artgnet, e non ils mazzet tanter lur frars.

9. Ma 'l foss, nel qual Ismael büttet tuot ils corps morts dels homens, ch'el mazzet del sequit da Gedalia, *eira* quel, * cha 'l rai Assa avaiava fat per temma da Beasa, rai d' Israel; Ismael, figl da Netania, l'implit con mazzats.

* 1 Reg. 15, 22.

10. Lura, davo quai, manet Ismael d'avent in preschun tuot il rimanent del pövel, chi *eira* in Mispa; las figlias del rai, e tuot il pövel restâ in Mispa, il qual Nebuzaradan, chapitani dellas

guardias, avai da in guvern a Gedalia, figl d' Ahicam; Ismael, figl da Netania, ils manaiva d'avent in preschun, e giaiva per passar via pro 'ls infants d' Ammon.

11. Ma Giohanan, figl da Carea, e tuot ils capos del pövel da guerra, chi *eiran* con el, aviand udi tuot il mal ch' Ismael, figl da Netania, avai va fat;

12. Schi piglettan els tuot lur pövel, e gettan *oura* per combatter conter Ismael, figl da Netania; e 'l chattettan sper las * auas grandas, chi *sun* in Gibeon.

* 2 Sam. 2, 13.

13. E, cur tuot il pövel ch' *eira* con Ismael, vezzet Giohanan, figl da Carea, e tuot ils capos del pövel da guerra, ch' *eiran* con el, schi s' allegrettan els.

14. E tuot il pövel, ch' Ismael manaiva in preschun da Mispa, as volvet, e turnet inavo pro Giohanan, figl da Carea.

15. Ma Ismael, figl da Netania, scamper via con ot homens, our davant Giohanan, e get via pro 'ls infants d' Ammon.

16. Lura Giohanan, figl da Carea, e tuot ils chapitanis del pövel da guerra, chi *eiran* con el, piglettan tuot il rimanent del pövel, ch' els avaiavan spendrà d' Ismael, figl da Netania, *e'l qual el manaiva d'avent* da Mispa, dopo avair battü Gedalia, figl d' Ahicam; homens, pövel da guerra, e donans, ed infants, ed eunucs, e 'ls condüettan darcheu da Gibeon;

17. Ed els gettan via, e dmurettan in Gerut-Chimham, ch' ais vicin a Betlehem, con intenziun d' ir inavant, ed intrar in Egipto,

18. Our davant als Caldeers; perche els avaiavan temma d' els; siand cha Ismael, figl da Netania, avaiava battü Gedalia, figl d' Ahicam, il qual il rai da Babilon avaiava constitui sur il pajais.

CHAP. XLII.

Ils Güdeus, davo la mort da Gedalia, retscherchan Geremia da rovar per els; ed el als cossaglia da restar in Giudea, con impromissiu da grazia, ma, trand giò in Egipto, als innatsch' el grevamaing.

E tuot ils capos del pövel da guerra, e Giohanan, figl da Carea, e Je-

zania, figl d' Osaja, e tuot il pövel, dal minim al plü grand, s' appromettan,

2. E dschettan al profet Geremia: Da grazia, cha nosa supplicaziun vegn' avant tai, e fà oraziun al Segner teis Deis per nus, per tuot quai stant; perche da blers eschan nus restats paes, sco teis ögls ans vezzan;

3. Acio cha 'l Segner teis Deis ans declera la via, la quala nus avain da chaminar, e quai cha nus avain da far.

4. E 'l profet Geremia dschet ad els: Eu ha incelet; mera, eu vögl far oraziun al Segner vos Deis, sco vus avais dit, ed eu as vögl referir tuot quai cha 'l Segner s' averà respus; eu non vögl qua tgnair azzoppâ inguotta.

5. E quels dschettan a Geremia: Il Segner saja per testimoni da vardà e da fai tanter nus, scha nus non fain segund tuot quai cha 'l Segner teis Deis at averà tramiss ans dir.

6. O bain, o mal *cha saja*, schi volain nus obedir alla vusch del Segner nos Deis, pro 'l qual nus at tramettain; acio cha bain ans scontra, cur nus gnin ad avair obedi alla vusch del Segner nos Deis.

7. E dvantet, in cheu da desch dis, cha 'l pled del Segner füt *indirizzâ* a Geremia.

8. Ed el elamet Giohanan, figl da Carea, e tuot ils capos del pövel da guerra, chi *eiran* con el; e tuot il pövel, dal minim fin al plü grand,

9. E dschet ad els: Usche ha dit il Segner, il Deis d' Israel, pro 'l qual vus m' avais tramiss, per al presentar vossa supplicaziun:

10. Scha pür vus dmurais in quai stant pajais, schi 's vögl eu edificar, e non as vögl desdrür; eu as vögl implantar, e non as vögl trar d'avent; perche eu m' inrügl del mal ch' eu s' ha fat.

11. Non tmarai del rai da Babilon, del qual vus avais temma; non tmarai dad el, disch il Segner, perche eu *sun* con vus, per as salvar, e per as liberar da seis man.

12. * E 's vögl far chattar misericordia, ed el averà compassiun da vus, e vain darcheu as turnantar in vos pajais.

* Ps. 106, 46.

13. Ma, scha vus dschais: Nus non

volain dmurar in quai pajais, non obedind alla vusch del Segner vos Deis,

14. Dschand: Na; anzi, nus volain trar nel pajais d'Egipto, acio cha nus non vezzan la guerra, e non odan il sun della trombetta, e non pateschan fam, per manchamaint da pan, e qua volain nus abitar.

15. Tadlai uossa sur quai il pled del Segner, o rimanent da Giuda. Usche ha dit il Segner dels exercits, il Deis d'Israel: Scha pür vus volais la fatscha per intrar in Egipto, ed intrais laint per dmurar qua;

16. Schi vain a dvantar, cha la spada, della quala vus tmais, vain as sieuer là nel pajais d'Egipto, e medemamain la fam, della quala vus avais temma, vain as star tachada davo vus là in Egipto, e qua gnis vus a morir.

17. E tuot la glieud chi averan vout la fatscha per intrar in Egipto, per dmurar qua, vegnan qua a morir da spada, da fam, e da pestilenza; ingün dels non scamperà via, o as salverà dal mal ch'eu fetsch gnir sur els.

18. Perche, usche ha dit il Segner dels exercits, il Deis d'Israel: Ingual sco mia ira, e meis sdegn, s'ha spans oura sur ils abitants da Gerusalem; usche vain mi' ira as spander oura sur vus, cur vus sarat intrats in Egipto; e sarat in execraziun, ed in stramizi, ed in maledicziun, ed in vituperi, e mâ bricha plü non gnis vus a vair quai lö.

19. O rimanent da Giuda; il Segner favella a vus; non intrarai in Egipto; sapchat pür, ch'eu s' il protest hoz.

20. Perche vus m'avais ingian-nà contra vossas proprias ormas, cur vus m'avais tramiss pro'l Segner vos Deis, dschand: Fà oraziun al Segner nos Deis per nus, e seguond tuot quai cha'l Segner nos Deis vain a dir, schi da'ns la relaziun, e nus volain quai metter in effet.

21. Ed hoz s'ha eu *quai* declarâ; ma vus non avais obedi alla vusch del Segner vos Deis, ne a chos'al-chüna ch'el ha tramiss as *dir*.

22. Contuot, sapchat pür, cha vus uossa gnis a morir da spada, da fam,

e da pestilenza, nel lö ingio as plasha d'intrar, per dmurar qua.

CHAP. XLIII.

Azaria, Giohanan, ed oters, as redüan tuots insambel in Egipto, trand con els eir Geremia e Baruc; e Geremia profetiza la destrucziun d'Egipto.

MA dyantet, cha cur Geremia avet fini da pronunziar a tuot il pövel tuot ils plets del Segner lur Deis, ils quals il Segner lur Deis tramettaiva a dir ad els tras el, cioè tuot quels plets:

2. Azaria, figl d'Osaja, e Giohanan, figl da Carea, e tuot ils homens superbis, dschettan a Geremia: Tü tschantschast fosamaing; il Segner nos Deis non t'ha tramiss, per dir: Non intrarai in Egipto, per dmurar qua;

3. Anzi Baruc, figl da Neria, at frizza contra nus, per ans dar in man dels Caldeers, per ans far morir, o per ans far manar in preschun in Babilon.

4. Usche Giohanan, figl da Carea, e tuot ils capos del pövel da guerra, e tuot il pövel, non obedittan alla vusch del Segner, per dmurar nel pajais da Giuda.

5. E Giohanan, figl da Carea, e tuot ils capos del pövel da guerra, piglettan tuot il rimanent da Giuda, e quels chi eiran turnats da tuot las naziuns, ingio els eiran stats rasats, per dmurar nel pajais da Giuda;

6. Ils homens, las donans, ils infants, e las figlias del rai, e tuot las persuanas, cha Nebuzaradan, chapitani della guardias, avaiva laschâ con Gedalia, figl d'Ahicam, figl da Safan, ed eir il profet Geremia, e Baruc, figl da Neria.

7. E gnittan nel pajais d'Egipto; perche els non obedittan alla vusch del Segner, e rivettan fin a Tafanes.

8. E'l pled del Segner füt *indrizzâ* a Geremia in Tafanes, dschand:

9. Piglia in tei man peidras grandas, e zopp'las nell'arschiglia, nel fuorn da quadrells, chi *ais* all'intrada della chasa da Farao in Tafanes, alla vista d'alchüns homens Güdeus;

10. E di ad els: Usche ha dit il Segner dels exercits, il Deis d'Israel:

Mera, eu tramet a far gnir Nebucadnesar, rai da Babilon, * meis serviaint, e vögl metter seis trun sur quai-stas peidras, ch' eu ha fat zoppar, ed el vain a tender sia chamanna regala sur quellas; * Ger. 25, 9.

11. E vain a gnir, e vain a batter il pajais d' Egipto, * mettand a mort chi ais condannà a mort, e manand in preschun chi ais condannà in preschun; e battand con la spada chi ais condannà alla spada. * Ger. 15, 2. Zac. 11, 9.

12. Ed eu vögl invüdar il fö nella chasa dels deis d' Egipto, e quel vain a las arder, e manerà quels in preschun, e vain a plajar intuorn el il pajais d' Egipto, a guisa cha 'l paster as plaja aint con sia giabana; e vain a trar our da là con pasch.

13. El vain eir a rumper in pezzas las statuas del taimpel del solai, chi ais nel pajais d' Egipto, e vain ad arder con fö las chasas dels deis d' Egipto.

CHAP. XLIV.

Geremia profetiza contr' ils Güdeus chi 's avettan retrats in Egipto, davo la destrucziun da Gerusalem, e denunzia ad els tuots la perdiziun in Egipto per causa da lur abominabla idolatria.

IL pled, chi füt indrizzà a Geremia, per il referir a tuot ils Güdeus, chi dmuraivan nel pajais d' Egipto, in Migdol, ed in Tafanes, ed in Nof, e nel pajais da Patros, dschand:

2. Usche ha dit il Segner dels exercits, il Deis d' Israel: Vus avais vis tuot il mal, ch' eu ha fat gnir sur Gerusalem, e sur tuot las cittats da Giuda, e mera, hoz sun ellas desoladas, e qua non ais alchün chi abita in quellas.

3. Tras lur malizia, ch' els dovrettan per am sdegnar, giand a far profüms, ed a servir ad oters deis, ils quals ne quels, ne vus, ne voss babuns non avaivat cognoschü.

4. E, combain ch' eu as tramettaiva tuot meis serviaints, ils profets, da contin per ogni mattina, dschand: Da grazia, non farai quai-stas chosas abominablas, ch' eu vögl mal;

5. Darcheu non obedittan els, ne inclinettan lur uraglia, per star giò da lur malizia, per non far profüms ad oters deis;

6. Pelqual meis sdegn, e mi' ira, s' ha

spans' oura, ed ha ars las cittats da Giuda, e las piazzas da Gerusalem, e sun stattas desertas, e desoladas, sco appara al di d' hoz.

7. Ed uossa, usche ha dit il Segner, il Deis dels exercits, il Deis d' Israel: Perche fais vus quai-st grand mal contra vossas ormas, per as far sdrür our da mez Giuda, homens, e donans, ed infants, e pitschens da tetta, e non as laschar alchün rimanent?

8. Sdegnand mai con las ouvras da voss mans, fand profüms ad oters deis, nel pajais d' Egipto, ingio vus eschat gnüts per dmurar; acio cha vus sajat sterminats, e sajat in maledieziun, ed in vituperi, pro tuot las nazions della terra?

9. Avais vus smanchà ils misfats da voss baps, e 'ls misfats dels rais da Giuda, e 'ls misfats da lur mugliers, e voss propri misfats, e 'ls misfats da vossas mugliers. chi han commiss nel pajais da Giuda, e nellas piazzas da Gerusalem?

10. Quels non sun stats domeschats infin al di d' hoz, e non han fmü, e non sun chaminats in mia ledscha, ed in meis statuts, ch' eu avaiva propost a vus, ed a voss baps.

11. Perquai, usche ha dit il Segner dels exercits, il Deis d' Israel: * Mera, eu met mia fatscha contra vus in mal, e per sdrür tuot Giuda.

* Lev. 17, 10. Ger. 21, 10. Amos 9, 4.

12. Ed eu vögl tour via quels chi sun restats da Giuda, ils quals han vout la fatscha, per intrar nel pajais d' Egipto, per dmurar qua; e saran tuots costumats; els vegnan a erodar nel pajais d' Egipto; saran consumats tras la spada, e tras la fam, dal mender fin al grand; els vegnan a morir tras la spada, e tras la fam; e saran in execeraziun, in stramizi, ed in maledieziun, ed in vituperi.

13. Ed eu vögl chastiar quels chi abitan nel pajais d' Egipto, sco' eu ha chastià Gerusalem, tras la spada, tras la fam, e tras la pestilenza.

14. E qua non sarà alchün del rimanent da Giuda, da quels chi sun intrats nel pajais d' Egipto per dmurar qua, chi as salva, o chi scampa via per turnar darcheu nel pajais da Giuda,

ingio els han l'anim intent a turnar per abitar laint; perche *laint* non vegnan a turnar, ourdvard alchüns chi vegnan a scampar via.

15. Ma tuot ils homens chi savaivan, cha lur mugliers faivan profüms ad oters deis; e medemmamaing tuot las donans qui presaintas, in granda raspada, e tuot il pövel chi dmuraiva nel pajais d'Egipto, in Patros, respondet a Geremia, dschand:

16. Quant al pled cha tü 'ns hast dit in nom del Segner, non at volain nus obedir;

17. Anzi volain nus a tuotta via metter in effet tuot ils plets, chi sun gnüts our da nossa bocca, per far profüms, ed offertas da spander alla * regina del tschel; sco nus, e noss baps, e rais, e noss princips avain fat *per il passâ*, nellas cittats da Giuda, e sün las piazzas da Gerusalem, ed eschan stats saduols da pan, ed eschan stats bain, e non avain senti alchün mal.

* Ger. 7, 18.

18. Ingio, seombod cha nus avain interlaschâ da far profüms, ed offertas da spander alla regina del tschel, schi avain nus gnü manchamaint d'ogni chosa, ed eschan stats constimats tras la spada, e tras la fam.

19. E, cur nus faivan profüms, ed offertas da spander alla regina del tschel, la faivan nus fuatschas, per la servir nella maniera dels idols, e dellas offertas da spander, sainza l'autorità da noss princips?

20. E Geremia respondet a tuot il pövel, als homens, ed allas donans, ed a tuot il pövel chi l'avaiva fat quella risposta, dschand:

21. Non s'ha il Segner regordâ dels profüms cha vus faivat nellas cittats da Giuda, e sün las piazzas da Gerusalem, vus, e voss baps, e voss rais, e voss princips. e'l pövel del pajais? Non l'ais quai it a cour?

22. E'l Segner non ha *quai* plü podü comportar, per la malizia da voss fats, e per las abominaziuns cha vus avais commiss; pelqual vos pajais ais stat miss in desolaziun, ed in stramizi, ed in maledicziun, sainza ch'alchün *plü* abita laint, sco 's *vezza* al di d'hoz.

23. Perche vus avais fat *quels* profüms ed avais pechâ contr' il Segner, e non avais obedi alla vusch del Segner, e non eschat chaminats in sia ledscha, ed in seis statuts, ed in sias testimonianzas; perquai s'ais scontrâ quai mal, qual as *vezza* al di d'hoz.

24. Lura Geremia dschet a tuot il pövel, ed a tuot las donans: O *vus* tuots, *homens da Giuda*, chi *eschat* nel pajais d'Egipto, tadlai il pled del Segner!

25. Usche ha dit il Segner dels exercits, il Deis d'Israel: Vus e vossas mugliers avais pronunziâ con la bocca quai cha vus eir con voss mans avais miss in effet, dschand: Nus volain complir impero noss vuts, cha nus avain fat, per far profüms alla regina del tschel, e per far offertas da spander. Vus dimena avais compli, e miss in effet voss vuts.

26. Perquai, tadlai il pled del Segner, *vus* tuots, *homens da Giuda*, chi dmurais nel pajais d'Egipto: Mera, eu ha gürâ tras meis grand nom, ha dit il Segner, cha meis nom non sarà plü nominâ tras la bocca d'alchün Güdeu, ch'el dia in tuot il pajais d'Egipto: Il Segner Deis viva!

27. Mera, * eu vagl contr' els in mal, e na in bain, e tuot la glieud da Giuda, chi *ais* nel pajais d'Egipto, sarà consumada tras la spada, e tras la fam; fin cha sajan affat gnüts almain.

Ger. 1, 12.

28. E *quels* chi saran scampats via dalla spada, vegnan darcheu a turnar dal pajais d'Egipto nel pajais da Giuda, in bain pitschen number, e tuot il rimanent da Giuda chi ais intrat in Egipto per dmurar laint, vain a cognoscher il pled del qual sarà il ferm, il meis, o il lur.

29. E quai as *dess esser* il signal, disch il Segner, ch'eu as vögl chastiar in quai lö; acio cha vus sapchat, cha meis plets saran affat miss in effet contra vus in mal.

30. Usche ha dit il Segner: Mera, eu dun Farao Ofra, rai d'Egipto, in man da seis inimis, ed in man da *quels*, chi tscherchan si'orma; ingual sco eu det Sedechia, rai da Giuda, in man

da Nebucadnesar, rai da Babilon, seis inimi, chi tscherchaiva si' orma.

CHAP. XLV.

Deis tras Geremia reprenda il smarizi da Baruc, strami tras ils güdizis ed innatschas da Dieu, e sün quai il cuffort'el eir.

IL pled, cha'l profet Geremia pronunziet a * Baruc, figl da Neria, cur el scrivaiva quels plets nel eudesch, our da bocca da Geremia, l'an quart da Jojachim, figl da Josia, rai da Giuda, dschand:

* Ger. 36, 1. 4.

2. Usche ha dit il Segner, il Deis d'Israel, a tai, o Baruc:

3. Tü hast dit: Ah pover mai! Perche'l Segner ha fat gnir tristezza pro mia dolor; eu'm sfadai in meis suspürs e non chat alchün repos.

4. Di tü usche ad el: Usche ha dit il Segner: Mera, eu sdrüj quai ch'eu avai' edificâ, e tir oura quai ch'eu avai' implantâ; cioè tuot quai pais.

5. E tü volessast tscherchar a tai grandezzas! Non las tscherchar, perche mera, eu fetsch gnir del mal sur ogni charn, disch il Segner; ma eu at vögl dar ti' orma per butin, in tuot ils lous, ingio tü vainst ad ir.

CHAP. XLVI.

Geremia profetiza contra Egipto, ch'ella sarà sdrüta tras ils Caldeers, e cufforta ils Güdeus, tras la tschertezza da lur restabilimaint.

IL pled del Segner, chi füt indrizzâ al profet Geremia conter las naziuns.

2. Quant all'Egipto, contra l'exercit da Farao Neco, rai d'Egipto, chi eira sur il flüm Eufrat, in Carehemis, il qual Nebucadnesar, rai da Babilon, battet l'an quart da Jojachim, figl da Josia, rai da Giuda.

3. Apparechai il schüt, e la targia, e gni alla battaglia.

4. Gionschai ils chavals suot la charra, e vos chavalgiants, muntai a chavagl, e's presentai con las chaplinas; nettiat las lanschas, as mettai ils guarets in döss.

5. Perche vez eu quai stramantats, e vouts inavo? Lur homens fermes sun stats ruots, e s'han miss alla fügia, sainza as volver inavo; spavent ais dapertuot intuorn, disch il Segner.

6. Cha'l ligier non fügia, e'l ferm

non scampa via; vers il settentrion, sper la riva del flüm Eufrat, sun els dats giò, e erodats.

7. Chi ais quai chi s'adoza a guisa d'aual, e las auas del qual as commovaintan sco'ls flüms?

8. Quai ais l'Egipto, chi s'ha adozada a guisa d'aual, e las auas della quala s'han commoventadas sco'ls flüms, ed ha dit: Eu vögl trar sü, e vögl covernar la terra; eu vögl sdrür las cittats, e quels chi abitan in quellas.

9. It sü, chavals, e sajat ammatida, charra, e gïajan our ils homens valerus; *quels da Cus, e quels da Fut*, chi portan schüts, e quels da Lud, chi dovran, e tendan balaisters:

10. E quai di ais al Segner Deis dels exercits ün di da vendetta, da's svindichar da seis inimis, e la spada vain a magliar, e sarà sadolada, ed inavriada da lur sang; perche'l Segner Deis dels exercits fa ün sacrifici nel pajais del settentrion, sper il flüm Eufrat.

11. Vâ sü in Gilead, e piglia da *lander balsam*, o vergina, figlia d'Egipto; per inguotta hast dovrâ medicinas bleras, *qua non ais* guarischun alchüna per tai.

12. Ils pövels han udi tia tuorp, e tei bragizi ha impli la terra; perche'l ferm ais cupichâ sur il ferm, amenduos sun erodats insembel.

13. Il pled cha'l Segner pronunziet al profet Geremia, davart la vgnüda da Nebucadnesar, rai da Babilon, * per batter il pajais d'Egipto;

* Es. 19, 1.

14. Annunziai in Egipto, e clamai oura in Migdol, e publicai in Nof, ed in Tafanes, dit: At presainta alla battaglia, e't perderscha; perche la spada ha agiâ magliâ tei lous circonvincis.

15. Perche sun stats terrats giò tei possants? Els non han podü star sals, siand cha'l Segner ils ha chatschats giò.

16. El ha cupichâ blers, ed eir l'ün ais erodâ sur l'oter, ed han dit: Via, sü; turnain darcheu pro nos pövel, e pro nos pajais nativ, our davant la spada da quel desertadur!

17. Els han qua bragi, Farao rai d' Egipto *ais* ruinà, el ha laschà passar via la stagiun!

18. *Sco* eu viv, disch il rai, il nom del qual *ais*: Il Segner dels exercits, quel vain a gnir, a guisa cha Tabor *ais* tanter ils munts, e Carmel sül mâr.

19. At fà dell' üsaglia da preschun, o figlia, abitudura d' Egipto; perche Nof sarà *missa* in desolaziun, e sarà arsa, e qua non abiterà *plü* alchün.

20. Egipto *ais* üna bellisma trimma; ma dal settentrion vain, *schì*, e vain la mezcha.

21. E, schabain cha 'l pövel, ch' ell' avaiava a seis sold, *füss* dadaint quella sco vadels ingrassats, schi s' han impero eir quels vouts, sun fügits tuots, quants cha sun, non s' han fermats; perche 'l di da lur calamità *ais* gnü sur els, il temp da lur visitaziun.

22. Sia vusch vain ad ir oura, a guisa da *quella della* serp; perche quels vegnan a chaminar con ferm exercit, e vegnan a gnir contr' els con sgürs, sco quels chi taglian laina.

23. Els vegnan a tagliar giò seis god, disch il Segner, il quint del qual non podaiva gnir chattà oura; perche quels saran in plü grand number co salips, schi els *saran* innumerabels.

24. La figlia d' Egipto *ais* svergo-gnada, *ais* datta in man del pövel da settentrion.

25. Il Segner dels exercits, il Deis d' Israel, ha dit: Mera, eu vögl visitar la quantità da Nof, e Farao, e l' Egipto, e seis deis, e seis rais; Farao, e quels chi 's confidan in el.

26. E 'ls vögl dar in man da quels chi tscherchan lur orma, ed in man da Nebucadnesar, rai da Babilon, ed in man da seis serviaints; ma, dopo quai, *l' Egipto* sarà abitada, sco al di del prüm, disch il Segner.

27. E tü, o Giacob, meis serviaint, non tmair; e tü, o Israel, non at stramantar! Perche, mera, eu at vögl salvar our da lontan *pajais*, e teis sem dal pajais da sia preschun, e Giacob vain darcheu a turnar, e sarà in repos, ed in tranquillità, e *qua* non sarà alchün chi 'l fetscha temma.

28. Tü, Giacob, meis serviaint, non tmair, disch il Segner; perche eu sun

con tai; perche eu vögl bain far üna finala esecuziun sur ils pövels, ingio eu vegn at avair schatschâ; ma sur tai non vögl eu far final' esecuziun; anzi at vögl eu chastiar moderatamaing; impero non at vögl eu laschar affat sainza chastiamaint.

CHAP. XLVII.

Geremia profetiza la destrucziun dels Filistins tras ils Caldeers.

IL pled del Segner, chi füt *indrizzâ* al profet Geremia * contr' ils Filistins, avant cha Farao battess Gaza.

* Ger. 25, 20. Ez. 25, 15.

2. Usche ha dit il Segner: Mera, auas vegnan sü dal settentrion, e sun sco ün torrent chi trabücha, e vegnan ad inondar la terra, e tuot quai chi *ais* in quella, las cittats, e lur abitants; e la gliend vain a bragir, e tuot ils avdadurs del pajais vegnan ad ürlar.

3. Per il strepit del trapplar dellas unglas dels chavals bravs da quels, per la romur da sia charra, *per* il fracasech da sias roudas; ils baps non s' han vouts inavo vi' a lur infants, per la deblezza da *lur* mans;

4. Per chaschun del di chi vain, per dazipar tuot ils Filistins, per sterminar a Tiro, ed a Sidon, ogni rimanent d' agüd; perche 'l Segner vain a desertar ils Filistins, il rimanent dell' insla da Caftor.

5. Rajadüra da cheu *ais* gnüda sur Gaza; Ascalon *ais* perida col rimanent da lur val. Infin a cura vainst tü at far tagls adöss?

6. Ah spada del Segner! Infin a cura non vainst tü a posar? Tuorna darcheu in tia taja, posa, e stà ferma!

7. Co at dessast tü metter a pos? Siand cha 'l Segner l' ha datta commissiun, e l' ha assignada là, contra Ascalon, e contra la riva del mâr.

CHAP. XLVIII.

Geremia predisch la destrucziun dels Moabits per lur superbia, persecuziun del pövel da Dieu, ed idolatria.

QUANT a * Moab, usche ha dit il Segner dels exercits, il Deis d' Israel: Vae a Nebo! Perche ella *ais* guastada; Chiriataim *ais* confusa, e praisa; il spelm *ais* confus, e stramantâ.

* Es. 15, 16.

2. Qua non ais plü lod per Moab; in Hesbon ais stat machinâ contra quella mal, *dschand*: Gni nan, e sdrüain-la, cha non *saja plü* naziun; eir tü, Madmen, vainst a perir; la spada vain at perseguittar!

3. Üna vusch da bragizi vain d'Horonaim, *vusch* da guast, e da granda deruotta.

4. Moab ais ruot, seis pitschens infants han dat oura grands bragizis.

5. Perche * ün contin eridöz va sü per la muntada da Luchit; impero han udi ils inimis ün bragizi da deruotta, in ir giò d'Horonaim.

* Es. 15, 5.

6. Fügi, cossalvai vossas personas, e sajat sco ün tamarise nel desert!

7. Perche, siand cha tü t' hast confidada in tias ouvras, e sün teis terrors, schi vainst tü eir a gnir praisa; e * Chamos vain ad ir in preschun, con seis sacerdots, e con seis princips.

* Num. 21, 29.

8. E 'l guastadur vain ad intrar in tuot las cittats, ed ingüna città non vain a scampar via, e la val vain a perir, e la planüra sarà sdrütta; perche 'l Segner ha dit quai.

9. Dat alas a Moab, ch'el svoula via in prescha; sias cittats saran *missas* in desolaziun, sainza cha qua abita *plü* alchün.

10. Maledet *saja* quel chi vain a far l'ouura del Segner daschüttlamaing, e maledet *saja* quel, chi vain a comandar sia spada, da *spander* il sang!

11. Moab ais stat in tranquillità da sia giuventün' in sü, e s' ha tshantâ sün sia fetscha, e non ais *mâ* stat svödâ dal ün butschin nel oter, e non ais it in preschun, perquai al ais restâ sia savur, e si' odor non s' ha müdada.

12. Perquai, mera, ils dis vegnan, disch il Segner, ch'eu al vögl t amettertransmutadurs, chi vegnan al transmüdar da stanza, e vegnan a svödar sia vaschella, e sfrachar sias barigls.

13. E Moab sarà confus da Chamos, sco la chasa d'Israel ais statta confusa da Betël, lur confidanza.

14. Co dschais vus: * Nus *eschan* ferms, ed homens valerus per la guerra?

* Es. 16, 6.

15. Moab ais desert, e sias cittats sun peridas, e la letta da seis giuvens ais ida giò alla mezcha, disch il rai, il nom del qual *ais*: Il Segner dels exercits.

16. La calamità da Moab vain bod a gnir, e seis mal festina zuond fieh.

17. As condolai con el, *vus* seis circonvicins tuots; e *vus* tuots, chi cognoschais seis nom, dit: Co ais stat ruot il scepter da fermezza, la bachetta da gloria!

18. O figlia, abitanta da Dibon, vè giò *dalla sopcha* da gloria, e sezza in lö sech; perche 'l guastadur da Moab ais gnü sü contra tai, el ha disfat tias fortezzas.

19. O abitanta d'Aroer, at ferma sün la strada, e guarda intuorn! Doman da quel chi fùgia, e quella chi scampa via, di: Che chosa ais dvantada?

20. Moab ais confus, perche el ais stat ruot; ürlai, e bragi, annunziai sün l'Arnon, cha Moab ais stat guastâ!

21. E cha 'l güdizi ais gnü sur la contrada della planüra, sur Holon, e sur Jasa, e sur Mefaat;

22. E sur Dibon, e sur Nebo, e sur Betdiblataim;

23. E sur Chiriataim, e sur Bet-Gamul, e sur Bet-Maon;

24. E sur Cheriot, e sur Bosra, e sur tuot las cittats del pajais da Moab, lontan, e dastrusch.

25. Il corn da Moab ais stat truncâ, e seis bratsch ais stat ruot, disch il Segner.

26. Innavrîâ 'l; perche el s' ha adozâ conter il Segner, e cha Moab detta dels mans insembel in seis vomit, e saja per spectacul eir el.

27. Israel non t' ais el stat per spectacul? Ais el forse stat chattâ tanter laders cha, ogni vouta cha tü tshan-tschest davart el, tü at commovast tuot?

28. Bandunai las cittats, ed abitai nel spelm, avdadurs da Moab, e sajat sco üna colomba *chi* 's fa gnieu davant la bocca d'üna foura.

29. * Nus avain inclet la superbia da Moab, grandamaing superbi; sia grandaschia, sia superbia, e sia alterezza, e l'ozamaint da seis cour.

* Es. 16, 6.

30. Eu ha cognoschü, disch il Segner, sia furia, ma non sarà chosa ferma; sias menzögnas non vegnan a prodür inguotta da stabel.

31. Perquai vögl eu ürlar per chaschun da Moab, eu vögl dar oura grands bragizis per chaschun da Moab, tuot quant ch'el ais, e's vain a suspürar per quels da Chirheres.

32. Eu as vögl planscher, o vignas da Sibma, col pland da Jaezer; tias plantas passaivan da là del mâr, e rivaivan infin al mâr da Jaezer; il guastadur ais erodâ aint sur teis früts da stâ, e sur tia vindemia.

33. E la ledezza, e la festa ais tutta davent dal champ früttaivel, e dal pajais da Moab; ed eu ha fat gnir almain il vin nellas tinnas; *plü* non vain as torelar *con* bragizis da far anim; ils bragizis non *saran plü* bragizis da far anim.

34. Per il bragizi d' Hesbon, *chi ais rivâ* infin ad Eleale, han els miss lur bragizis infin a Jahas, e da Soar infin ad Horonaim, sco üna trimma da trais ans; perche eir las auas da Nimrim sun statta redüttas in lous deserts.

35. Ed eu vögl far gnir almain a Moab, disch il Segner, ogni * hom chi offera sacrifici nel lö ot, e chi fa profüms a seis deis. * Es. 15, 2.

36. Pertant * vain meis cour a romurar per Moab, a guisa da flötas; meis cour vain a romurar per la gliend da Chirheres, a guisa da flötas; perquai eir lur vanzamaint ch' els avaiavanfat, vain ad ir a perder. * Es. 16, 11.

37. Perche ogni testa sarà spalad' oura, ed ogni barba sarà rasa; sün tuot ils mans *qua saran* tagls, e sachs intuorn ils flanes.

38. Sün tuot ils tets da Moab, ed in sias plazzas, *qua non sarà* oter co cordöli; perche eu ha ruot Moab, sco ün vashè, del qual non as fa stima alchüna, disch il Segner.

39. Els vegnan ad ürlar, *dschand*: Moab, co ais el stat miss in rottüra? Co ha el vout las spadlas? El ais stat confus, ed ais stat per spectacul, ed in spavent a tuot quels, chi sun our dintuorn el.

40. Perche, usche ha dit il Segner:

Mera, * *quel* vain a svolar sco ün' aglia, e vain a sladar oura sias alas contra Moab. * Deut. 28, 49.

41. Cheriot ais statta praisa, e las fortezzas sun statta tutt' aint, ed in quel di il cour dels *homens* fermes da Moab sarà sco 'l cour d' üna duonna, chi ais nella dolor *del part*.

42. E Moab sarà sdrüt, tal cha non sarà *plü* pövel, siand ch'el s' ha adozâ contr' il Segner.

43. * Spavent, foss, e latsch, stan sur tai, o abitadur da Moab, disch il Segner. * Es. 24, 17. 18.

44. Chi vain a fügir per spavent, vain a erodar nel foss, e chi vain a gnir our dal foss sarà prais col latsch; perche eu vögl far gnir sur el, sur Moab, l'an da lur visitaziun, disch il Segner.

45. Quels chi fügivan s' han fermats pro la sumbriva d' Hesbon, perche *ad els* ha mancâ la forza; ma ün fö ais it our d' Hesbon, ed üna flamma our da mez *la città* da Sihon, chi ha consumâ ils princips da Moab, e la versch del cheu della gliend da tumult.

46. Vae a tai, Moab! Il pövel da Chamos ais pers; perche teis figls sun manats in preschun, e tias figlias in servitü.

47. Impero schi vögl eu eir trar Moab darcheu our da preschun, nels ultims dis, disch il Segner. Fin qui *ais* il güdizi da Moab.

CHAP. XLIX.

Geremia profetiza conter ils Ammonits, conter ils Idumeers, contra Damasco, contra Chedar, ed Hasor, e conter Elam.

QUANT als infants d' Ammon, usche ha dit il Segner: Israel non ha el alchüns figls? Non ha el alchün ertavel? Perche s' ha * Malcam miss in possess da Gad, e s' ha seis pövel stanziâ nellas cittats da quel?

2. Perquai, mera, ils dis vegnan, disch il Segner, ch' eu vögl far udir in Rabba dels infants d' Ammon l' alarm da guerra, ed ella sarà redüta in ün munt da ruinas, e las cittats da seis territori saran arsas col fö, ed Israel vain a possidair quels chi l' avaiavan possedü, ha dit il Segner.

3. Uerla, o Hesbon, perche Ai ais

guastada! O cittats del territori da Rabba, bragi, as tschintai con sachs, fat cordöli, ed it intuorn giò davo las elüas; perche Malecam vain * ad ir in preschun, insembel con seis sacerdots, e seis princips.

* Ger. 48, 7.

4. Perche at glorieschast dellas vals? Tia val ais sculada davent, o figlia rebella, chi 't confidaivast in teis tessors; *chi dschavast*: Chi vain a gnir contra mai?

5. Mera, eu fetsch gnir sur tai, daptuot intuorn tai il spavent, disch il Segner Deis dels exercits, e vus sarat schatschats, chi qua, chi là; e *qua non sarà* alchün chi rasp'aint ils errants.

Impero, dopo quaistas chosas, vögl eu darcheu trar our da preschun ils infants d'Ammon, disch il Segner.

7. Quant * ad Edom, il Segner dels exercits ha dit usche: Non *aise* plü sapienz' alchüna in Teman? Il cossagl ais el gnü almain als inclegiantaivels? Lur sapienza ais ella smarschida?

* Ez. 25, 12. Amos 1, 11. Ab. 1.

8. Fügì, o abitants da Dedan; els han vout las spadlas, e s'han redüts in lous secrets, e chafuols, per dmu-
rar qua; perche eu ha fat gnir sur Esau sia ruina, il temp nel qual eu il vögl visitar.

9. * Scha vindemiatur füssan gnüts sur tai, non gnissan quels at avair laschà alchüns zocs d'üjas? Scha laders füssan gnüts contra tai da not, non gnissan quels ad avair rubà quant ad els avess bastà?

* Ab. 5.

10. Ma eu ha snüdà Esau, eu ha scovernà seis zoppels, ed el non s'ha podü zoppar, seis sem, e seis frars, e seis vaschins, sun deserts, ed el non ais *plü*.

11. Banduna teis orfans, eu *ils* vögl nudriar, e cha tias vaidgua as confidan in mai.

12. Perche, usche ha dit il Segner: Mera quels, als quals non appertgnaiva * da baiver our dal bachêr, han pür bavü; e tü dessast impero esser exemt? Tü non vainst ad esser exemt, anzi daffat il dessast baiver.

* Ger. 25, 29.

13. Perche eu ha gürà tras mai s vess, disch il Segner, cha Bosra sarà

missa in desolaziun, in vituperi, in desertamaint, ed in maledicziun, e cha tuottas sias cittats saran redüt-
tas in deserts in perpetuo.

14. Eu ha udi ün bragizi da part del Segner, ed ün mess *ais stat* tramiss tanter ils pövels, *per dir*: As raspai, e gni nan contra quella, e stat sü *per gnir* a battaglia.

15. Perche, mera, eu t'ha fat pitschen tanter las naziuns, spretschâ tanter la glied.

16. Tia crudeltà, e la superbia da teis cour t'han ingiannâ; o tü, chi avdast nellas rimmas dels spelms, chi tegnast la sommità dels ots munts; schabain cha tü avessast adožà teis gnieu a guisa dell'aglia, schi t'vögl eu impero büttar giò da là, disch il Segner.

17. Ed Edom sarà miss in desolaziun; chi vain a passar via sper quel, sarà attonit, e vain a schüblar, per tuot sias plajas.

18. * Ingual seo Sodoma e Gomorra, e las *cittats* lur vicinas, füttan subvertidas, ha dit il Segner; *usche* non abiterà *plü* qua alchün crastian, ed ingün figl da crastian non dmurerà qua.

* Gen. 19, 25.

19. Mera, quel vain a trar sü seo ün liun, plü *violentamaing* co la plainezza del Giordan contr' il abitacul ferm; perche eu il vögl far mover, e 'l vögl far cuorrer sur l'Idumea aint, e chi *ais* valent hom tschernü, schi 'l vögl eu rassegnar contr' ella; perche, chi *ais* sumgiant a mai, e chi vain am clamar oura, e chi *ais* il pastur, chi possa star ferm avant mai?

20. Perquai, tadlai il cossagl del Segner, ch'el ha consultà contra l'Idumea, e 'ls impissamaints, ch'el s'ha impissà contr' ils avdadurs da Teman: Scha 'ls *plü* pitschens del tröp non ils strozchan; scha lur stalla non ais deserta con els insembel;

21. La terra ha tremblà per il sun da lur ruina; il sun *ais it fin* al mâr cotschen; il bragizi da quella ais stat *qui* udi.

22. Mera, quel vain a trar sü, e vain a svoler seo ün'aglia, ed a sladar oura sias alas contra Bosra; e 'l cour dels *homens* ferms d'Edom in quel di sarà

seo 'l cour d' üna duonna, chi ais nella dolor *da part*.

23. * Quant a Damasco, Hemat, ed Arpad, sun confusas; ellas as disfan, perche ed han udi üna mala novella; *qua ais* stramizi nella marina; ella non as po acquietar. * Es. 17, 1.

24. Damasco ais remissa, s' ha vouta per fùgir, e tremblöz l' ha surpraisa; anguoscha e dolurs l' han tutt' aint, seo la duonna chi parturescha.

25. Co non ais statta schaniada la città famosa, la città da mia allegrezza?

26. Contuot vegnan seis giuvens a crodar sün las piazzas, e tuot il pövel da guerra in quel di sarà sdrüt, disch il Segner dels exercits.

27. Ed * eu vögl invüdar ün fö nella müraglia da Damasco, chi constümerà ils palazzis da Benhadad. * Amos 1, 4.

28. Quant a * Chedar, ed als reginams d' Hasor, ils quals Nebucadne-sar, rai da Babilon, battet; il Segner ha dit usche: Stat sü, trat sü contra Chedar, e dazipai ils orientals. * Es. 21, 13.

29. Quels vegnan a tour d'avent lur tendas, e lur scossas; els vegnan a portar via lur tailas, e tuot lur üsaglia, e vegnan con els a manar d'avent lur chamêls; e vegnan a dar oura contr' els dapertuot intuorn bagrizis da spavent.

30. Fùgi, as fat bain lönsch d'avent; * as redüai in lous secrets, e chafuols, per dmurar *qua*, o abitants d' Hasor, disch il Segner; perche Nebucadne-sar, rai da Babilon, ha consultà contra vus, ed ha fat contra vus ün impissamaint. * Ger. 40, 8.

31. As fat sü, trat sü contra la naziun paschaivla, chi avda in sgürezza, disch il Segner; ella non ha ne portas, ne stangas; els avdan sulets.

32. E lur chamêls saran per butin, e la quantità da lur bestiam per rapina, ed eu vögl rasar oura a tuot ils vents quels chi's rajan las varts *dellas taimpras*; e vögl far gnir lur calamità da tuot lur varts nanpro, disch il Segner.

33. Ed Hazor vain a dvanter ün abicul da draguns, ün lö desert in perpetuo; persun' alchüna non abiterà qua, ed ingün figl da crastian non dmurerà laint.

34. Il pled del Segner chi füt *indrizzà* al profet Geremia contra Elam, nel principi del reginam da Sedechia, rai da Giuda, dschand:

35. Usche ha dit il Segner dels exercits: Mera, eu rump il balaister d' Elam, *chi ais* lur principala forza.

36. E vögl far gnir contr' ils Elamits ils quatter vents, dallas quatter extremitats del tshel nan, e 'ls vögl rasar oura a tuot quaists vents, e qua non sarà naziun alchüna, alla quala non vegnan avant dels schatschats d' Elam.

37. Ed eu vögl stramantar ils Elamits avant lur inimis, ed avant quels chi tscherchan lur orma; e vögl far gnir sur els mal, l' ardur da mi' ira; disch il Segner; e vögl trametter davo els la spada, fin ch' eu ils haja constümats.

38. E vögl metter meis trun in Elam, e vögl far perir rais e principals, disch il Segner.

39. Impero nels ultims temps * dvanterà, ch' eu vögl darcheu trar ils Elamits our da preschun, disch il Segner.

* Ger. 48, 47. 49, 6.

CHAP. L.

Geremia profetiza la ruina da Babilon, e dels Caldeers, tras ils Mediers e Persianers; seo eir la liberaziun dels Güdeus, e lur retuorn in Gerusalem.

Il pled cha 'l Segner pronunziet * contra Babilon, contr' il pajais dels Caldeers, tras il profet Geremia:

* Es. 13, 1. 21, 1. 47, 1.

2. Annunziai tanter ils pövels, e clamai oura, ed ozai la bandèra; publichai, non tgnarai *quai* azzoppà, dit: Babilon ais praisa, Bel ais confus, Merodac ais ruot in pezzas, sias imagnas sun confusas, seis idols sun ruots in tocs.

3. Perche üna naziun ais tratta sü contr' ella dal settentrion, la quala vain a metter il pajais da quella in desolaziun, e qua non sarà *plü* alchün chi abita in quella; gliend e bestias sun alguats via, sun its d'avent.

4. In quel di, ed in quel temp, disch il Segner, vegnan ils infants d' Israel, e 'ls infants da Giuda, a gnir tuots insembel, e vegnan ad ir eridand, e tscherchar il Segner lur Deis.

5. Els vegnan a domandar davo Si-on, sün la via vegnan els ad avair vout là las fatschas, *vegnan a dir*: Gni nan, ed as colliai col Segner * tras üna lia eterna, *chi mâ non as smancha*.

* Ger. 31, 31. 32. 40.

6. Meis pövel ais stat *a guisa da be-scha smarrida*; lur pasturs l'han fatt' ir ad erramaints, l'han straviada sù per ils munts; sun its da munts sün muots, han smanchâ via lur stavel.

7. Tuot quels chi l'han chattada, l'han magliada, e lur inimis han dit: Nus non gnin ad esser culpabels da misfat, perche cha han pechâ conter il Segner, abitacul da güstia, *contr' il Segner*, spranza da lur babuns.

8.* Fûgi our da mez Babilon, ed it our dal pajais dels Caldeers, e sajat sco ils boes avant la scossa. * Es. 48, 20.

9. Perche, mera, eu sdaisd sù, e fetsch alvar contra Babilon üna raspada da grandas naziuns del pajais da settentrion, e quellas vegnan ad ordinar *la battaglia* contr' ella, e sarà praisa; sias frizzas *saran* sco d'ün valent ed inclegiantaivel *sagettader*, *chi non tuorna inavo vöd*.

10. E la Caldea sarà per butin; tuot quels chi vegnan a la butinar saran sadolats, disch il Segner.

11. Siand cha vus s'avais allegrats, siand cha vus avais triunfâ, spogliand mia ierta; siand cha vus avais rupettâ a guisa d'üna vadella chi paschlaja tanter l'erba zarta, ed avais sgrigni sco chavals bravs.

12. Vossa mamma ais grandamaing confusa; quella chi s'ha parturi ais svergognada; mera, ella *ais* l'ultima dellas naziuns, ün desert, ün lö sech, e soldan.

13. Per l'indignaziun del Segner non sarà ella *plü* abitada, anzi sarà tuotta desolada; chi passerà sper la Babilon via, sarà attonit, e vain a schüblar per tuot sias plajas.

14. Ordinai *l'assalto* contra Babilon dapertuot intuorn, o *vus* balai-strêrs tuots; sajettai contr'ella, non spargnarai las frizzas; perche ella ha pechâ contr' il Segner.

15. Gvülai contr' ella dapertuot intuorn; ella as renda; seis fondamaints dan aint, e sia müraglia ais splanada;

perche quaišt'ais la vendetta del Segner; fat vendetta d'ella; fat sco ella ha fat.

16. Sterminai our da Babilon il semnader, e quel chi tegna la fotsch nel temp della mess; cha scodün tuorna pro seis pövel, e scodün fûgia via pro seis pajais, our davant la spada del sforzader.

17. Israel *ais stat* üna nuorsetta smarrida, ils liuns l'han schatschada; il prüm chi la maglet füt il rai d'Assiria; ma quaišt' ultim, cioè Nebucadnesar, rai da Babilon, l'ha sfrislada l'ossa.

18. Perquai, il Segner dels exercits, il Deis d'Israel, ha dit usche: Mera, eu vögl visitar il rai da Babilon, e seis pajais, sco eu ha visitâ il rai d'Assiria.

19. E vögl darcheu condür Israel pro seis stavel, ed el vain a pascular in Carmel, ed in Basan, e si'orma sarà sadolada sül munt d'Efraim, e da Gilead.

20. In quels dis, ed in quel temp, disch il Segner, as vain a tscherchar l'iniquità d'Israel, ma ella non *vain ad esser plü*; e 'ls puchats da Giuda, ma non vegnan as chattar *plü*; perche eu vögl perdunar a quels ch'eu vegn ad avair laschâ vanzar.

21. Tira sù contr' il pajais da Merataim, e conter ils abitants da Pecod; deserta, e sdrüja *ogni chosa* davo els, disch il Segner, e fà seguond tuot quai ch'eu t'ha comandâ.

22. *Qua ais* ün bragizi da guerra nel pajais, ed üna granda deruotta.

23. Co ais stat smozzâ e ruot il martè da tuot la terra? Co ais stat Babilon redüta in desolaziun tanter ils pövels?

24. Eu t'ha illatschada, o Babilon, e tü est statta praisa sainza cha tü hajast quai savü; tü est statta chatta-da, ed eir clappada; perche tü hast combattü col Segner.

25. Il Segner ha avri seis tesor, ed ha trat oura las armas da sia indignaziun; perche quaišt'ais ün'ouvra, cha 'l Segner Deis dels exercits *voul esequir* nel pajais dels Caldeers.

26. Gni contr' ella nan dall'extremità *del muond*, avri seis irals;

* chalchâ-la giò seo las mannas del gran, e sdrüjâ-la; cha non la resta alchün rimanent. * Es. 21, 10. Ger. 51, 33.

27. Mazzai con la spada tuot seis trims, cha gïajan giò alla mezcha! Vae ad els! Perche lur di ais gnü, il temp da lur visitaziun.

28. *Quai ais* la vusch da pövels chi fügen, e scampan via dal pajais da Babilon, per annunziar in Sion la vendetta del Segner nos Deis, la vendetta da seis taimpel.

29. Clamai insembel grand number da pövels contra Babilon; *vus* tuots, chi trais col balaister, s' acchampai contr' ella dapertuot intuorn; ch' ingün non scampa via; rendâ-la seguond sias ouvras; seguond tuot quai ch' ella ha fat, fat eir ad ella usche; perche ella s' ha superbiada contr' il Segner, contr' il sanct d' Israel.

30. Perquai vegnan seis giuvens a erodar in sias plazzas, e tuot seis guerriers saran sdrüts in quel di, disch il Segner.

31. Mera'm qui contra tai, o superba, disch il Segner Deis dels exercits, perche teis di ais gnü, il temp ch' eu at vögl visitar.

32. E la superbia vain a trabüchar, e erodar, e *qua* non sarà alchün chi l'alvainta; ed eu vögl invüdar ün fö in sias cittats, chi consümerà tuot seis lous circonvicins.

33. Usche ha dit il Segner dels exercits: Ils infants d' Israel, e 'ls infants da Giuda, sun tuots, quants cha sun, squitschats suot; tuot quels chi han rechüsâ da 'ls laschar ir.

34. Lur spendrader *ais* ferm, seis nom *ais*: Il Segner dels exercits; el vain pertschert a batter davent lur querela, per commoventar la terra, e per metter in contuorbel ils avdaders da Babilon.

35. La spada supràsta als Caldeers, disch il Segner, ed als avdaders da Babilon, ed a seis princips, ed a seis sabis.

36. La spada supràsta * als mansnêrs ingiavinadurs da quella, ed els vegnan a gnir nars; la spada supràsta als homens ferms da quella, ed els vegnan ad esser stramantats.

* Es. 47, 12. 13. Dan. 2, 2. 5, 7.

37. La spada supràsta a seis cha-

vals, ed a sia charra, ed a tuot il pövel masdâ chi *ais* in quella, e dvanteran *seo* donans; la spada supràsta a seis tesors, e saran spogliats.

38. * Süaintamaint supràsta a sias auas, e saran süttas sü; perche ella ais ün pajais da figüras intagliadas, quels sun our da sen intuorn ils idols.

* Ger. 51, 32. 36.

39. Perquai * vegnan las bestias solvadias dels deserts ad avair in quella lur stanza, insembel cols gufos, e 'ls paviuns vegnan a dmurar laint, e non sarà mâ plü abitada, e mâ bricha, per ingün' età, non as dmurerà qua plü.

* Es. 13, 22.

40. Inqual seo Deis subvertit Sodomâ, e Gemorra, e las cittats lur vicinas, disch il Segner, *usche* non abiterà *plü* qua persun' alchüna, ed ingün figl da crastian non vain *plü* a dmurar qua.

41. Mera, ün * pövel vain da setten-trion nan, ed üna granda naziun, e rais possants as movan sü dal fuond della terra.

* Ger. 6, 22.

42. Els vegnan a dar da man il balaister, e la lanscha; els sun crudels, sainza compassiun; lur vusch vain a romurar seo 'l mâr, e vegnan, muntats sün chavals; *saran* in ordinanza, a guisa d' homens potents per la battaglia, contra tai, o figlia da Babilon!

43. Il rai da Babilon ha udi il bragizi, e seis mans sun dvantats flaivels; anguoscha l' ha surprais; dölur, seo da duonna chi parturescha.

44. Mera, * quel vain a trar sü a guisa da liun, plü *violentamaing* co la plainezza del Giordan, contr' il abitacul ferm; perche eu il vögl far cuorer aint sur quella; e chi *ais* valent hom tschernü, ed eu il vögl rassegnar contra quella; perche, chi *ais* sumgiant a mai, e chi 'm disfiderà? E chi *ais* il pastur, chi possa star ferm avant mai?

* Ger. 49, 19.

45. Perquai, tadlai il cossagl del Segner, ch' el ha tut contra Babilon, e 'ls impissamaints, ch' el ha fat contr' il pajais dels Caldeers; * scha 'ls plü pitschens del tröp non ils struozchan; scha lur stalla non ais deserta con els insembel.

* Ger. 49, 20.

46. La terra ha tremblâ per la ro-
mur della praisa da Babilon, e'l bra-
gizi s' ha udi tanter ils pövels.

CHAP. LI.

Geremia continua la destrucziun da Babilon tras
ils Mediers e Persiers, e metta la causa da quella.
Il Segner vül far vendetta per ils seis, e 'ls
liberar, e vain quai tuot tramiss in Babilon.

USCHE ha dit il Segner: Mera, eu
fetsch alvar contra Babilon, e
contra quels, chi abitan nel cour da
meis inimis, ün vent chi deserta.

2. E vögl trametter contra Babilon
vannadurs, chi vegnan a la vannar, e
vegnan a svödar seis pajais; perche
nel di della calamità vegnan els ad
esser sur ella dapertuot intuorn.

3. Cha 'l balaistrêr tenda il balaister
contra chi tenda il balaister, e contra
quel chi 's drizza sü in seis guaret, e
non schaniarai ils giuvenns da quella,
sdrüai tuot seis exercit.

4. E ch' els croudan mazzats nel pa-
jais dels Caldeers, e forats sün las
pazzas da Babilon.

5. Perche Israel, e Giuda non ais
laschâ vaigd da seis Deis, dal Segner
dels exercits, dal sanct d' Israel;
schabain cha lur pajais ais plain da
misfats.

6. * Fügei our da mez Babilon, e cha
scodün da vus cossalva si' orma; non
farai cha vus gjajet a perder nell' ini-
quità da quella, perche quai *ais* il
temp della vendetta del Segner, el la
renda, quai ch' el ha meritâ.

* Ger. 50, 8. Ap. 18, 4.

7. Babilon *ais statta* ün bachêr d' or
nel man del Segner, chi ha inavriâ
tuot la terra; ils pövels han bavü da
seis vin, e *perquai* sun els dvantats
furius.

8. * Babilon ais crodada dandetta-
maing, ed ais statta ruotta in pezzas;
ürlai sur ella, pigliai balsam per sia
dolor, forsa vain ella a guarir.

* Es. 21, 9.

9. Nus avain medgiâ Babilon, ma
ella non ais guarida; bandunâ-la, e
laschans ir scodün in seis pajais,
perche seis güdizi ais rivâ sü infin al
tschel, e s' ha ozâ infin allas nüvlas.

10. Il Segner ha prodüt nossas ra-
schuns; gni nan, e requintain in Sion
l' ouvra del Segner nos Deis.

11. Inaspri las frizzas, abbrancelai
las targias; il Segner ha sdasdâ sü il
spiert dels rais da Media, perche seis
impissamaint *ais* contra Babilon, per
la sdrüt; siand cha quai *ais* * la
vendetta del Segner, la vendetta da
seis taimpel.

* Ger. 50, 18.

12. Ozai pür sü la bandêra sur la
müraglia da Babilon, rinforzai la
guarnischun, mettai oura las guardias,
ordinai ils aguets; perche il Segner
ha fat üna deliberaziun, ed eir ha 'l
esequi quai ch' el ha dit contr' ils abi-
tants da Babilon.

13. * O *tü*, chi abitast sur grandas
auas, abundanta in tesors, tia fin
ais gnüda, il cuolm da tia avarezza.

14. Il Segner dels exercits ha gürâ
tras sai s vess, *dschand*: Sch' eu non
t' impleesch con gliend, sco con muş-
chuns, e scha quels non dan oura
contra tai bragizi da far anim.

15. El *ais quel* chi ha fat la terra
con sia forza, chi ha stabili il muond
con sia sapienza, ed ha distais ils
tschels con seis intellet.

16. Scombod ch' el fa udir sia vusch,
sch *ais qua* üna romur d' auas in
tschel; el * fa gnir sü vapurs dell' ex-
tremità della terra, e fa lütschaiders
per la plövgia, e tira il soffel our da
seis tesors.

* Ps. 135, 7.

17. * Ogni crastian ais our da sen per
scienza; ogni urais ais dvantâ infam
per las figüras intagliadas, perche
sias statuas culadas sun üna falsità,
e *qua* non *ais* alchün spiert in ellas.

* Ger. 10, 14.

18. Ellas sun vanità, lavur d' in-
gian; vegnan a perir nel temp da
lur visitaziun.

19. *Quel chi ais* la part da Giacob
non *ais* sco quaiestas chosas, perche
el *ais* il formadur d' ogni chosa, e
quel ais la schlatta da si' ierta; seis
nom *ais*: Il Segner dels exercits.

20. Tü m' *est stat* ün * martê, ed in-
strumaint da guerra, e con tai ha
eu smachâ las naziuns, e con tai ha
eu sdrüt ils reginams;

* Ger. 50, 23.

21. E con tai ha eu smachâ ils cha-
vals, e quels chi 'ls chavalgiaivan, e
con tai ha eu smachâ la charra, e
quels ch' eiran muntats süsura;

22. E con tai ha eu smachâ ils

homens, e las donans, e con tai ha eu smachâ ils vegls, ils infants, e con tai ha smachâ ils giuvens, e las verginas;

23. E con tai ha eu smachâ ils pasturs, e lur stallas; e con tai ha eu smachâ ils lavuraints, e lur boys paragliats; e con tai ha eu smachâ ils ducas, e 'ls guvernatur.

24. Ma eu vögl render a Babilon, ed a tuot ils abitudurs da Caldea tuot lur malizia, cha han üsâ invers Sion, in vos conspet, disch il Segner.

25. Mera 'm qui contra tai, o munt destructur, disch il Segner, chi sdrüast tuot la terra; eu vögl stender oura meis man contra tai, e 't vögl rodlar giò dals spelms, e 't vögl redür in ün munt d'incendi.

26. E non vain as tour our da tai ne peidra da chantun, ne peidra da fondamaint, perche tû sarast desolaziuns perpetuas, disch il Segner.

27. Ozai la bandêra sün terra, sunai la trombetta tanter ils pövels, mettai in ordinanza las nazions contr' ella, clamai insembel contr' ella ils reginams d' Ararat, da Minni, e d' Aschenaz; constitui contr' ella ün chapitani, fat gnir sü chavals, a guisa da muschuns plus.

28. Mettai in uorden ils pövels contra ella, ils rais da Media, seis ducas, e tuot seis princips, e tuot il pajais da seis imperi.

29. E cha trembla la terra, e saja angosciada, perche tuot ils impissamaints del Segner saran miss in effet contra Babilon, per redür il pajais da Babilon in desert, sainza ch' ingün qua abita plü.

30. Ils homens fermes da Babilon s' han fermats da combatter, s' han tegnüts sü nellas fortezzas; lur forza ais gnüda almain, els sun stats *seo* donans; las abitaziuns da quella sun stattas arsas, sias stangas sun stattas ruottas.

31. Ün currier vain a cuorrer inconter al *oter* currier, ed ün mess inconter al *oter* mess, per referir al rai da Babilon, cha sia città ais praisa d' ün cheu;

32. E cha 'ls * vauls *da passar tras* sun stats tuts aint, e cha 'ls morasts

sun stats ars col fö, e cha 'ls homens da guerra sun stats stramantats.

* Ger. 30, 38.

33. Perche 'l Segner dels exercits, il Deis d' Israel, ha dit usche: La figlia da Babilon * *ais* seo ün iral, *l' ais* temp da la seuder; da qui a pae vain alla gnir il temp della mess.

* Es. 21, 10.

34. Nebucadnesar, rai da Babilon, m' ha magliada, m' ha sfrislada, m' ha redüta *ad esser* seo ün vaschè vöd, m' ha travusa seo ün dragun, ha impli seis vainter da mias delizias, m' ha schatschada.

35. La violenza, chi 'm ais stat fatta, e mia charn, *ais* sur Babilon, vain a dir l' abitanta da Sion, e meis sang *ais* sur ils abitants da Caldea, vain a dir Gerusalem.

36. Perquai, usche ha dit il Segner: Mera, eu vögl batter d'avent tia querela, e vögl far tia vendetta, e vögl stüjantar sü il mâr da quella, e vögl far sümär via sia fontana.

37. E Babilon sarà redüta in munts da ruinas, * in abitaculs da draguns, per stramizi, e per schübel, sainza cha *laint* abita *plü* alchün. * Es. 13, 22.

38. Quels vegnan a sbriür tuots insembel seo liuns, vegnan a sranturar seo liunets.

39. Eu vögl far cha lur convits vegnan a gnir reschüdats nel möd üsâ, e 'ls vögl far innavriar, acio ch' els fetschan granda festa, e dorman ün etern sön, sainza *mâ* as sdasdar sü, disch il Segner.

40. Eu ils vögl far ir giò alla mezza, seo agnels, seo bümatschs, e boes.

41. Co ais stat praisa * Sesac, ed ais statta tutt' aint quella ch' eira il lod da tuot la terra? Co ais statta redüta Babilon per ün stupur tanter ils pövels?

* Ger. 25, 26.

42. Il mâr ais it süsur Babilon, ella ais statta coverta con la quantitâ da sias uondas.

43. Sias cittats sun stattas redüttas in desolaziun, in pajais sech, ed in desert; in terra tala, cha in quella non abiterà *mâ brich* alchün, e tras quella non passerà *mâ brich* alchün figl da crastian.

44. Ed eu vögl visitar Bel in Babilon, e l vögl trar sü dalla gula quai ch'el ha stranguogliâ giò, e las naziuns non vegnan plü a cuorrer nan pro el; la müraglia da Babilon vain eir a dar aint.

45. * O meis pövel, trat our da mez quella, e cha scodün da vus cossalva sia persuna avant l'ardur dell'ira del Segner.

* Ger. 50, 8.

46. E s' *inguardai*, cha forse vos cour non s'indeblescha, e cha vus non sajat stramits tras las novellas chi vegnan udidas nel pajais; cur novas vegnan a gnir ün an, e davo quel *otras* novas ün oter an, schi sarà violenza *qua* nel pajais, dominatur contra dominatur.

47. Contuot mera, ils dis vegnan, ch'eu vögl visitar las figüras intagliadas da Babilon, e tuot il pajais da quella sarà confus, e tuot seis mazzats vegnan a crodar in mez quella.

48. * E'ls tselchs, e la terra, e tuot quai ch' *ais* in quels, vegnan a gülar sur Babilon, perche da setten-trion nan vegnan all'esser gnüts ils destructurs, disch il Segner. * Es. 44, 23.

49. Ingual sco Babilon ais statta per far crodar ils mazzats d'Israel, usche vegnan eir a crodar a Babilon ils mazzats da tuot la terra.

50. O *vus*, chi eschat scampats via dalla spada, it, non restarai; as regordai da dalönsch del Segner, e Gerusalem as vegna a mort.

51. * Nus eschan confus, perche nus avain udi vituperi; tuorp ans ha covernâ la fatscha, siand cha'ls esters sun gnüts contr' ils lous sanets della chasa del Segner.

52. * Perquai, mera, ils dis vegnan, disch il Segner, ch'eu vögl visitar las figüras intagliadas da quella, e tras tuot seis pajais vegnan a dschemar glied ferida a mort.

53. Schabain cha Babilon füss * ida sü in tselch, ed avess fortifichâ ils lous otissem per sia fortezza, schi la vegnan impero a gnir ils destructurs da parte mia, disch il Segner.

54. E s' *inclea* üna vusch da bragir dadot nan da Babilon, ed üna granda deruotta our dal pajais dels Caldeers.

55. Perche'l Segner desdrüa Babilon, e fa perir our da quella seis grand strepit, e las uondas da quels vegnan a romurar, la frantur da lur bragizi vain a strasunar a guisa da grandas auas.

56. Perche sur ella, sur Babilon, ais gnü il destructur, e'ls *homens* valerus da quella sun stats prais, lur balai-sters sun stats sfrachats, perche'l Segner *ais* il Deis dellas retribuziuns, el non manca da render *il güst pajamaint*.

57. Ed eu vögl inavriar ils princips da quella, e seis sabis, seis ducas, e seis guvernatur, e seis homens potents, dasort ch'els vegnan a dormir ün sön perpetuo, e non vegnan *mâ bricha* as sdasdar, disch il rai, il nom del qual *ais*: Il Segner dels exercits.

58. Usche ha dit il Segner dels exercits: La largia müraglia da Babilon sarà splanada infin al sögl, e sias otas portas saran arsas col fö; e'ls * pövels vegnan ad avair lavurâ, e vegnan as avair stanglantats in van, e las nazions per il fö.

* Ab. 2, 13.

59. Il pled, del qual il profet Geremia det commissiun a Seraja, figl da Neria, figl da Masea, cur el get da part da Sedechia, rai da Giuda, in Babilon, l'an quart del reginam da quel. Ma Seraja *eira* il grand camerier.

60. Geremia dimena scrivet in ün cudesch tuot il mal, chi eira per gnir sur Babilon, cioè tuot quaists plets scrits contra Babilon.

61. Lura Geremia dschet a Seraja: Cur tü vainst ad esser rivâ in Babilon, e l'averast visa, schi leja tuot quaists plets,

62. E di: O Segner, tü hast favlâ contra quai lö, cha tü vegnast al desdrür, dasort cha qua non dess dmurar *plü* ne crastian, ne bestia, dimpersai ch'el dess esser *redüt* in desolaziuns perpetuas.

63. E, cur tü averast fini da ler quai cudesch, schi lia üna peidra sur quel, e bütta l' in mez l'Eufrat,

64. E di: Usche vain Babilon a gnir fatta fondar, e non vain *mâ bricha* plü ad alvar sü, per il mal, ch'eu fetsch gnir sur ella; dinuonder ogni forza vain ad els a mancar.

Fin qui *sun* ils plets da Geremia.

CHAP. LII.

Qui vain repeti la destrucziun da Gerusalem, la praisa da Sedechia, e la mort da seis infants. Il number da quels chi fütan transportats in Babilon, tras Nebucadnesar.

SEDECHIA * *eira* d'età da vainch-ün an, cur el comanzet a regnar, e regnet in Gerusalem ündesch ans. E l'nom da sia mamma *eira* Hamital, figlia da Geremia da Libna.

* 2 Reg. 24, 18.

2. Ed el fet quai cha displaschet al Segner, daffat seo Jojachim avaiva fat.

3. Perche l'ira del Segner as cre-schantet plü vi' e plü contra Gerusalem, e contra Giuda, fin là, ch'el ils schatschet davent da seis conspet. E Sedechia as rebellet contr' il rai da Babilon.

4. * Pelqual l'an novavel da seis reginam, nel deschavel *di* del deschavel mais, Nebucadnesar, rai da Babilon, gnit sur Gerusalem, con tuot seis exercit, e s' mettet qua a champ, e fabrichet bastiuns contra quella, intuorn intuorn.

* 1 Reg. 25, 1. Ger. 29, 1

5. E la città füt assediada infin al ündeschavel an del rai Sedechia.

6. Nel novavel *di* del quart mais, essendo la fam greva nella città, tal cha qua non eira *plü* pan per il pövel del pajais;

7. Ed, essendo *ils Caldeers* penetrats dadaint la città, schi fügit tuot il pövel da guerra, e tret da not our dalla città, tras la via della porta intanter las duos müraglias, chi *eira vouta* vers l'üert del rai, *essendo* ils Caldeers sur la città dapertuot intuorn, e giaivan inavant, trand vers il desert.

8. Ma l'exercit dels Caldeers perseguitet il rai, e sieuet Sedechia nellas champagnas da Gerico, e tuot seis exercit as raset davent dad el.

9. E l's Caldeers prendettan il rai, e l' manettan pro'l rai da Babilon, in Ribla, nel pajais d'Hemat, ed el pronunziet sia sentenza.

10. E l' rai da Babilon fet schannar ils figls da Sedechia avant seis ögls; fet eir schannar tuot ils principals da Giuda, in Ribla.

11. E fet chavar oura ils ögls a Sedechia, e l' fet liar con duos chadai-

nas d' aram, e l' rai da Babilon il manet in Babilon, e l' mettet in preschun, *ingio el stet* infin al di da sia mort.

12. E nel deschavel di del quart mais, nel deschnovavel an del rai Nebucadnesar, rai da Babilon, Nebuzaradan, chapitani dellas guardias, minister ordinari da chasa del rai da Babilon, essendo intrat in Gerusalem,

13. Ardet el la chasa del Segner, e la chasa del rai, e tuot las chasas da Gerusalem, in somma, ardet col fö tuot las chasas grandas.

14. E tuot l'exercit dels Caldeers, chi eira col chapitani dellas guardias, disfet tuot la müraglia da Gerusalem dapertuot intuorn.

15. E Nebuzaradan, chapitani dellas guardias, manet in preschun dels plü povers del pövel, e l' rimanent del pövel chi eira restà nella città, e quels chi eiran its as render al rai da Babilon, e l' rimanent del comün pövel.

16. Impero Nebuzaradan, chapitani dellas guardias, laschet alchüins dels plü povers del pajais, per *esser* vignadurs, e lavuraints.

17. E l's Caldeers * rumpettan las coluonnas d' aram, chi *eiran* nella † chasa del Segner, e l's sostegns, e l' mâr d' aram, chi *eira* nella chasa del Segner, e portettan davent tuot l' aram a Babilon.

* Ger. 27, 19. † 1 Reg. 7, 15.

18. Portettan eir davent * las codêras, e las palettas, e las furchettas, e l's batschigls, e las coppas, e tuot l'üsaglia d' aram, con la quala as faiva il servezzen.

* Ex. 27, 3.

19. Il chapitani dellas guardias portet davent eir ils vashels, e l's turibuls, e l's batschigls, e las chalderolas, e l's chandellêrs, e las tazzas, e l's bachêrs; quai *ch'eira* d' or dvart, e quai *chi eira* d' argient dvart.

20. Quant allas duos coluonnas, al mâr, ed als dudesch bovs d' aram chi *eiran* qua suot, a *guisa* da sostegns, las qualas chosas il rai Salomon avaiva fat per la chasa del Segner, * il pais del aram da tuot quels lavurêrs eira sainza fin.

* 1 Reg. 7, 47.

21. Ma, * quant allas coluonnas, l' üna da quellas *eira* ota deschdot

bratschs muots, ed ün fil da dudiesch bratschs muots la circondaira, e sia grossezza eira da quatter dainta, ed eira vöda.

* 1 Reg. 7, 15.

22. E sur quella *qua eira* üna testetta d'aram, e l'otezza della testetta eira da tschinch bratschs muots; *qua eira* eir sur la testetta dapertuot intuorn üna rait, e poms granats, quai tuot d'aram; las medemas chosas eiran eir nell'otra coluonna, insembel eols poms granats.

23. E'ls poms granats, per seodüna vart, eiran novant'e ses; tuot ils poms granats sün la rait dapertuot intuorn eiran in number da tschient.

24. Ultra quai, * il chapitani dellas guardias piglet Seraja, prüim sacerdot, e Sefania, seguond sacerdot, e'ls trais guardians del glim. * 2 Reg. 25, 18.

25. Piglet eir, e manet davent dalla città ün eunuco, chi eira commissari del pövel da guerra, e set homens dels familiars del rai, chi fütan chattats nella città, e'l principal secretari da guerra, il qual faiva las rassegnas del pövel del pajais, e sesant' homens del pövel del pajais, chi's chattettan dadaint la città.

26. Nebuzaradan dimena, chapitani dellas guardias, ils piglet, e'ls manet pro'l rai da Babilon, in Ribla.

27. E'l rai da Babilon ils battet, e'ls fet morir in Ribla, nel pajais d'He-mat. Usche Giuda füt manâ in preschun our da sia terra.

28. Quaist *ais* il pövel, cha Nebucadnesar manet davent in preschun: L'an settavel *da seis reginam manet el davent* trajamilli e vainch e trais Güdeus.

29. L'an deschdottavel da seis reginam, manet el in preschun da Gerusalem, ottschient e trent' e duos ormas.

30. L'an vainch e settavel da Nebucadnesar, Nebuzaradan, chapitani dellas guardias, manet in preschun settschient quarant'e tschinch ormas da Güdeus. Tuot las ormas fütan quattermilliseschient.

31. Ma * l'an trent'e settavel della preschun da Jojachin, rai da Giuda, nel vainch e tschinchavel *di* del dudieschavel mais, * Evilmerodac, rai da Babilon, nel istess an ch'el coman-zet a regnar, fand la rassegna da sia chasa, mettet qua Jojachin, rai da Giuda, e'l tret our da preschun;

* 2 Reg. 25, 27.

32. E tsehantschet benignamaing con el, ed adozet seis sez sur il sez dels *oters* rais, chi eiran con el in Babilon.

33. E'l müdet sia vestimainta da preschun, ed el manget da contin in presenza del rai, tuot il temp da sia vita.

34. E da contin al eira dat, imminchadi, seis plat, da parte del rai da Babilon, tuot il temp da sia vita, in fin al di da sia mort.

IL CUDESCH

DELLAS

LAMENTAZIUNS DA GEREMIA.

CHAP. I.

Geremia fa ün grand pland dellas orribilas calamitats del pövel da Dieu, gnüdas per seis propis puchats, e rouva a Dieu, in nom del pövel, per grazia, a seis cuffort, ed a destrucziun da seis inimis.

CO SEZZA SOLDANA, ed ais gnüda sumgianta ad üna vaidgua, la città plaina da pövel? *Co* ais dvan-tada tributaria quella, chi eira granda tanter ils pövels, signura tanter las provinzas?

2. Ella erida continuamaing da not, e sias larmas *cuorran* giò per sias masellas; ella non ha alchün, tanter tuot seis amatur, chi la cufforta; tuot seis intims amis s'han deportats malfidelmaing invers ella, la sun dvantats inimis.

3. *La naziun* da Giuda ais ida our da seis pajais, per l'afflicziun, e per la grevezza della servitü; ella dmu-ra tanter ils pövels, non chatta repos;

tuot seis perseguittadurs l'han se-
guida tanter las anguoschas.

4. Las stradas da Sion fan cordöli,
perquai cha non vain *plü* alchün sün
las festas solennas; tuot sias portas
sun desertas, seis sacerdots suspü-
ran, sias verginas sun scuffortadas, ed
ella s'vess ais in conturbraziun.

5. * Seis inimis sun tshantats per
cheu, seis adversaris han prosperâ;
perche 'l Segner l'ha afflitta per la
quantità da seis misfats; seis pi-
tshens infants sun its in preschun
avant al inimi. * Deut. 28, 43. 44.

6. E tuot la gloria della figlia da
Sion ais ida our dad ella; seis prin-
cips sun sco tshieviis *chi* non chat-
tan paschüra, e sun chaminats sainza
forza avant il perseguittadur.

7. Gerusalem, sül di da sia afflicziun,
eda seis exilis, s'ha regordada da tuot-
tas sias chosas preziasas, chi eiran
stattas da vegnan; cur cha seis pövel
crodaiva tras man del inimi, sainza
ch'alchün la succuriss; ils inimis l'han
visa, ed han fat beffa da sias vacanze.

8. Gerusalem ha commiss pucha, e
perquai s'ha squassâ *il cheu* sur ella;
tuots quels chi l'onuraivan l'han tgnü-
da per spretsch, perche els han * vis
sias verguognas; eir quella ha su-
spürâ, e s'ha vouta inavo. * Ger. 13, 26.

9. Sia ascria ais statta sün seis urs;
ella non s'ha regordada da sia fin;
ella ais müravgliusamaing missa giò
bass; non ha alchün chi la cufforta;
Segner, guarda sün mia afflicziun,
perche l'inimi s'ha adozâ fich!

10. L'inimi ha stais our' il man sur
tuot las preziasas chosas da quella,
perche ella ha vis intrar ils pövels in
seis sanctuari, dels quals tü avaivast
comandâ: * Cha non intran in tia
raspada. * Deut. 23, 3.

11. Tuot il pövel da quella suspüra,
tsherchand pan; els han dat lur
chosas las plü preziasas per spaisa,
per as restorar l'orma; Segner, mera
e guarda, perche eu sun gnüda vila!

12. O viandantstuots, nonas *vaquaist*
pro inguotta? Guardai, e mirai, * scha
qua ais döglia sumgianta a mia dö-
glia, chi ais statta fatta a mai, cha 'l
Segner m'ha afflitta, nel di del ardur
da si' ira. * Dan. 9, 12.

13. El ha da sur ingiò tramiss ün fö
in mi' ossa, il qual ha tut aint quel-
la; el ha tais üna rait a meis peis,
el m'ha fat crodar inavo; el m'ha
rendüda desolada, ed dolorosa tuottadi.

14. Il giuf da meis misfats ais stat
aggrevâ da seis man; quels sun stats
storts aint, e 'm sun stats miss sü co-
löz; el ha fat dar insembel mia forza;
il Segner m'ha missa nels mans *da*
tals, ch'eu non am poss alvantar.

15. Il Segner ha büttâ a terra tuot
meis possants *homens* in mez mai; el
ha clamâ oura contra mai ün term
assignâ, per sdrür meis giuvens; il
Segner ha chalchâ il torchel alla ver-
gina, figlia da Giuda.

16. Per quaistas chosas * erid eu;
l'ögl, il meis ögl cula our' aia; siand
cha *ogni* cuffortadur, chi 'm refraisch
l'orma, s'ha fat lönsch davent da
mai; meis infants sun desertats, per-
che l'inimi ais stat victorius.

* Ger. 13, 17. 14, 17.

17. Sion distribuescha *il pan* a *sai*
s'vess con seis propriis mans, non ha
ingün chi la cufforta; il Segner ha
dat commissiun contra Giacob, seis
inimis sun intuorn el; Gerusalem! ais
a mez quels sco üna duonna men-
struanta.

18. Il Segner ais güst, perche eu
sun statta rebella a sia bocca. Da
grazia, tadlai, e guardai mia dolor
o pövels tuots! Mias verginas, e meis
giuvens sun its in preschun.

19. Eu ha clamâ meis amatur, *ma*
quels m'han ingiannada; meis sacer-
dots, e meis seniurs han dat sü il flà
nella città, perche els s'han tsher-
châ spaisa, per restorar lur orma.

20. Segner, guarda; perche eu sun
angoschiada; meis intern as con-
tuorbla; meis cour as volva intuorn
aint in mai, perche in vardâ eu sun
statta rebella, * la spada ha dsornâ
our dadoura, ed aint dadaint *non ais*
stat qua oter co mort. * Deut. 32, 25.

21. Ün oter m'oda suspürar; eu non
ha alchün chi 'm cufforta; meis ini-
mis han udi meis mal, e s'han alle-
grats; perche tü hast fat *quai*; cur tü
vainst ad avoir fat gnir il di *cha* tü
hast publicâ, schi vegnan els ad
esser similis a mai!

22. Tuot lur malizia vegna avant tai, e fà con els sco tû hast fat con mai per tuot meis misfats, perche meis suspûrs *sun* blers, e meis cour *ais* in dölur.

CHAP. II.

Il profet *va* inavant in seis plands per la desolaziun del pövel, del reginam, del servezzan da Dieu, del taimpel, e da tuot il pajais.

CO ha il Segner plajâ aint sco con üna nüvla, in sia ira, la figlia da Sion? *Co* ha el büttâ a bass giò da tschel in terra la gloria d'Israel, e non s' ha regordâ, nel di da seis sdegn, del şchabell da seis peis.

2. Il Segner ha sdrüt tuot las stanzas da Giacob, sainza *las* schaniar; el ha ruot giò in sia indignaziun las fortezzas della figlia da Giuda, e *las* ha büttadas via per terra; el ha seon-sacrâ il reginam, e seis princips.

3. El ha tagliâ via nella furia dell' ira tuot il corn d' Israel, ed ha retrat inavo seis man dret our davant al inimi, e s' ha approsimâ via pro Giacob, sco 'l fô d' üna flamma, ed ha magliâ daptuot intuorn.

4. El ha tais seis balaister sco ün inimi, seis man dret s' ha presentâ pro battaglia, in guisa d' adversari, ed ha mazzâ tuot ils plü chars al ögl; el ha rasâ oura si' ira, a guisa da fô, sur il tabernacul della figlia da Sion.

5. Il Segner ais stat sco ün inimi; el ha sdrüt Israel; el ha sdrüt tuot seis palazzis, ha dazipâ sias fortezzas, ed ha multiplicâ nella figlia da Giuda tristezza, e dölur.

6. Ed ha tuot davent con violenza seis tabernacul, sco *la chasetta* d' ün üert; el ha dazipâ il lö da sia raspada; il Segner ha fat smanchar via in Sion festa solenna, e sabbat, ed ha rebüttâ nell' indignaziun da sia ira, rai e sacerdot.

7. Il Segner ha büttâ via seis utêr, ha desdrüt seis santuari, ha miss in man d' inimis la müraglia dels palazzis da Gerusalem; quels * han fat ün bragizi nella chasa del Segner, sco *as solaiva far* nel di dellas solennitats.

* Ps. 74, 4.

8. Il Segner s' ha impissâ da dazipar la müraglia della figlia da Sion, el ha stendü * la corda, e non ha alvâ

via seis man da dazipar, ed ha desdrüt bastiuns; e repars tuots, quants cha sun, langueschan. * 2 Reg. 21, 13.

9. Las portas da quella sun fondas giò in terra; el ha disfat, e sfrachâ sias stangas; seis * rai, e seis princips, *sun* tanter ils pövels; la ledscha non *ais plü*, ils profets da quella eir non han chattâ alchüna visiun da parte del Segner. * 2 Reg. 24, 15.

10. Ils seniurs della figlia da Sion sezzan in terra, e taschan; s' han miss puolvra sül cheu, s' han tshintats con sachs; las verginas da Gerusalem sbassan giò il cheu in terra.

11. Ils ögls am sun* constimats con larmar, meis * intern ais conturbâ, meis niram s' ha spans oura in terra, per la rottura della figlia da meis pövel; cur ils infants, e 'ls pitschens da tetta spassivan per las piazzas della città;

* Lam. 1, 20.

12. *E dschaivan* a lur mammas: Ingiò *ais qua* formaint, e vin? E sflinchivan via, sco ün plajâ per las stradas della città, e lur orma as span-daiv' oura nel sain da lur mammas.

13. Con che at dess eu scongiurar? Vi a che at dess eu far sumgianta, figlia da Gerusalem? A che at dess eu congualar, per at cuffortar, vergina, figlia da Sion? Perche tia rottüra *ais* granda sco 'l mâr, chi vain at masdinar?

14. * Teis profets han vis per tai *visiuns* da vanità, e da chosas saimplas, e non han seovernâ tia iniquità, per at retrar our da preschun; ed han vis per tai predicziuns da vanità, e straviamaints.

* Ger. 2, 8, 5, 31.

15. Ogni viandant ha dat dels mans insembel sur tai; ha schüblâ, ed ha squassâ il cheu contra la figlia da Gerusalem, *dschand*: Ais quaista quella città, chi dschaiva d'esser complida in bellezza, il dalet da tuot la terra?

16. Tuot teis inimis han avri lur bocca contra tai; han schüblâ, e sgrignî cols daints, han dit: Nus l' avain travusa; quaist *ais* pür quel di, cha nus spettaivan gñand, nus l' avain chattâ, nus l' avain vis.

17. Il Segner ha fat quai ch' el s' a-vaiva impissâ, el ha compli seis pled,

ch' el avaiva ordinâ agià da vegl; el ha allegrà sur tai l' inimi, ed ha adoza il corn da teis adversaris.

18. * Lur cour ha bragi sù pro'l Segner: O mür della figlia da Sion, spanda larmas di e not, a guisa d' ün flüm! Non at dar pos alehtin! La poppa da teis ügl non desista.

19. Leva sù, braja da not al principi dellas vigiliass dellas guardias! Spand' oura teis cour, seo aua, avant la fatscha del Segner! Oza teis mans sù pro el, per l' orma da teis pitschens infants, chi spasmeschan via da fam, sün ogni cheu da strada!

20. Mera, Segner, e guarda a chi tü mâ hast fat usche! As convaine cha las donans * mangian lur früt, ils infantets cha quellas allevan? As convaine cha nel santuari del Segner sajan mazzats sacerdots e profets?

* Lev. 26, 29.

21. Infants e vegls giaschan via per terra *sün* las stradas; mias verginas, e meis giuvens sun erodats tras la spada; tü hast mazzâ nel di da tia ira, * tü hast miss a mort, tü non hast schaniâ.

* Lam. 3, 43.

22. Tü hast clamâ nan, dapertuot intuorn, meis spavents, seo sün ün di da solennità, e nel di dell' ira del Segner non s' ha ingün salvâ, ne ais scampâ; meis inimi ha consumâ quel ch' eu avaiva allevâ, e trat sù.

CHAP. III.

Il profet, in persuna del pövel, metta, in che rigur el ais affitt da Dieu, e confessa, cha saja buntà del Segner ch' el dafatta non ais peri, e loda la buntà e misericordia in plüs guisas.

EU *sun* l' hom, *chi* ha vis afflicziun, tras la percha d' indignaziun del Segner.

2. El m' ha condüt, e fat chaminar nellas schürezzas, e na nella glüm.

3. Tschert, el am tuorna darcheu adöss, e volva seis man *contra mai* tuottadi.

4. El ha fat gnir veglia mia charn, e mia pel; el m' ha smachâ l' ossa.

5. El ha fat edifizis contra mai, e m' ha incresâ con tössi, e con fadia.

6. * El m' ha fat dmurar in lous schürs, a guisa da quels chi sun morts agià avant lung temp. * Ps. 88, 6. 7.

7. * El ha fat üna saif dapertuot in-

tuorn mai, dasort ch' eu non poss oura; el ha aggrevâ meis tscheps.

* Giob 3, 23.

8. Eir eur eu brai, e clam dadot, schi serr' el oura mi' oraziun.

9. El ha serrâ sù mias vias con peidras tagliadas, ha fat tortas mias sendas.

10. * El m' *ais stat* ün uors sül aguet, ün liun in *seis* zoppels.

* Giob 10, 16. Es. 38, 13. Os. 5, 14.

11. El ha straviâ mias vias, m' ha tagliâ in tocs, m' ha fat desolâ.

12. Ed ha tais seis balaister, e m' ha * tschantâ sco üna schaibia incooter las frizzas.

* Giob 7, 29.

13. El m' ha fichâ nels ranuogls las frizzas da sia taja.

14. Eu sun per ün giö a tuots pövels, *e sun* * lur chanzun tuottadi. * Ps. 69, 13.

15. El m' ha sadolâ con aschezza, m' ha inavriâ con assens.

16. El m' ha sfrislâ ils daints con glêra, m' ha rodlâ nella tschendra.

17. E tü hast miss mi' orma lönsch davent dalla pasch, ed eu ha smanchâ il bön,

18. E ha dit: Il Segner ha fat perir mia forza, e mia spranza.

19. At regorda da mia afflicziun, da meis exili, del tössi, e del assens.

20. Mi' orma's regorda da contin, e s' ümiliaja in mai.

21. Quaist am vain a sen, perquai vögl eu *amo* avoir spranza.

22. *Cioè* * cha quai, cha non eschans stats daffat consumats, *sun* las benignitats del Segner, perche sias misericordias non sun gnüdas almain.

* Malac. 3, 6.

23. Ellas as renovan ogni mattina; tia fidelità ais granda.

24. * Il Segner *ais* la mia part, ha dit mi' orma; perquai vögl eu avoir spranz' in el.

* Ps. 16, 5.

25. Il Segner *ais* bun a quels chi spettan sün el, all' orma *chi* l' retscherecha.

26. Üna buna chosa *aie* da spettar in quaidezza il salüd del Segner.

27. Üna buna chosa aise al crastian, da portar il giuf in sia giuventüna.

28. * El vain a zer sulet, ed in silenzi, siand cha *Deis* vain al avoir miss adöss *seis* charg.

* Ger. 15, 17.

29. El vain a metter sia bocca nella puolvra, *per provar* scha forse *qua ais* qualche spranza.

30. El vain a sporscher via la masetta a chi il batta; el sarà sadolâ con vituperi.

31. Perche 'l Segner non sbütta in perpetuo;

32. Anzi, sch' el angoschaja, schi ha el eir compassiun, seguond la quantitâ da sias benignitats.

33. Perche el non affligescha, e *non* contuorbla ils figls della glièud, da seis anim.

34. Tant ch'ün oter trappla suot seis peis tuot ils preschunêrs della terra;

35. Tant ch'ün oter storscha la raschun del hom nel conspet del Otissem;

36. Tant ch'ün oter fa tort al cristian in sia lita; il Segner non dess el vair quai?

37. Chi *ais* quel chi haja dit *qualcha chosa*, e quella saja dvantada, cha 'l Segner non l'ha comandada?

38. * Non proceda il mal, ed il bön, our dalla bocca del Otissem.

* Es. 45, 7. Amos 3, 6.

39. Perche * s' affligia il crastian vivaint? *Perche s' affligia* l'hom della paina da seis pucha? *

* Pr. 19, 3.

40. Examinain nossas vias, e tscherchain-las, e 'ns convertin pro 'l Segner.

41. Ozain sü noss cours, e las palmas dels mans, pro Dieu nels tshels, *dschand*:

42. Nus avain misfat, ed eschan stats rebels, e tü non hast perdunâ.

43. Tü 'ns hast covernats con ira, e 'ns hast perseguitats; tü hast maz-zâ, e non hast schaniâ.

44. Tü hast stendü oura üna nüvla intuorn tai, acio cha l'oraziun non passess tras.

45. * Tü 'ns hast fat esser scuadüras, ed abomini, in mez ils pövels.

* 1 Cor. 4, 13.

46. Tuot noss inimis han avri la bocca contra vus.

47. Nus * eschan incurrûts in stramizi, ed in foss; in desolaziun, ed in rottüra.

* Es. 24, 17.

48. Meis ögl cula in auals d'auas,

per la rottüra della figlia da meis pövel.

49. Meis ögl * guotta sainz' interlasch, e non ha alchün pos,

* Ger. 4, 19.

50. Fin cha 'l Segner non guarda, e non vezza giò da tshel.

51. Meis ögl travaglia mi' orma, per tuot las figlias da mia città.

52. Quels chi * sainza chaschun am sun inimis, m' han chatschâ davo da contin, sco ün utschellet; * Ps. 35, 7. 19. 69, 5.

53. Han tshunc giò mia vita, e l' han missa nel foss, ed han büttâ peidras sur mai.

54. Las auas * m' han inondâ fin sur il cheu; eu ha dit: Eu sun tagliâ giò.

* Ps. 124, 4. 5.

55. * Eu ha clamâ in agüd teis nom, o Segner, our dal foss dels lous bas-sissem.

* Ps. 130, 1.

56. Tü hast udi mia vusch; non zoppar ti' uraglia avant meis suspür, ed avant meis bragizi!

57. Tü t' hast appromâ stül di, ch'eu t' ha clamâ in agüd; tü hast dit: Non tmair!

58. Tü hast squassâ giò las querelas da mi' orma, o Segner; tü hast spendrâ mia vita!

59. O Segner, tü vezzast il tort chi'm ais fat; güdicha mia causa;

60. Tü vezzast tuot lur vendettas, tuot lur impissamaints contra mai.

61. Tü odast, Segner, lur ingiurias, tuot lur machinaziuns contra mai.

62. Ils plets da quels chi levan sü inonter mai, e 'ls rasehunamaints chi fan contra mai tuottadi.

63. Guarda, cur els as mettan a zer, e cur els levan sü, schi sun eu lur chanzun!

64. Renda ad els, o Segner, sco els han meritâ, seguond l'ouvra da lur mans!

65. Dà ad els restricziun del cour, la tia maledicziun!

66. Perseguittescha 'ls in ira, e disperda 'ls our suot il tshel del Segner.

CHAP. IV.

Il profet descriva las grandas calamitats, gnüdas in Gerasalem, cur ella füt assediata tras Nebucadnesar; e mossa, cha 'ls puchats dels profets, e sacerdots sun stats causa della ruina da quella.

O ais l' or inçhürì, ed ha müdâ *co-lur* il bun or fin, e sun las peidras

del santuari stat rasadas in cheu d'ogni strada.

2. Co sun ils nöbels infants da Sion pretschats al pêr del meglier or, stats quintats * sco vashella da terra, lavor da man da vaschlêr. * Es. 30, 14.

3. *Qua sun* eir grands peschs marins chi sporschan via las tettas, e lattaintan lur giuvens; ma la figlia da meis pövel ais gnüda crudela sco 'ls * strüzs nel desert. * Giob 39, 17, 19.

4. La lingua del pitschen infant da tetta s'ha tachada vi' a seis palat per la sait; ils infantets han giavüschâ pan, e *qua* non eira alehün chi 'l distribuiss ad els.

5. Quels chi mangiaivan spaisas delicatas sun perits per las stradas; quels chi eiran stats trats sü sün la scharlatta han abbratschâ l' aldüm.

6. E la paina dell' iniquità della figlia da meis pövel ais statta plü granda, co la paina del pucha da Sodoma, chi füt * subvertida sco in ün maintain, e nella quala las forzas non dvantettan stanglas. * Gen. 19, 25.

7. Ils nazireers da quella eiran plü nets co naiv, plü albs co lat, cotschens del corp plü co peidras preziusas, glischs sco saffirs.

8. Lur fuorma ais gnüda schüra plü co la nairezza sves; non sun cognoschüts sün las plazzas; lur pel s'ha tachada vi' a lur ossa, ais sechada, ais dvantada sco lain.

9. Plü ventüraivels sun stats ils mazats con la spada, co quels chi sun morts da fam; perche, essendo forats tras, *sch'ls* ais *il sang* culâ oura, e non han gnü plü *bsögn* della rendita del champ.

10. * Ils mans dellas misericordiaivlas donans han cuschinâ lur infants, quels sun ad ellas stats per spaisa, nella ruina della figlia da meis pövel.

* Lev. 26, 29. Deut. 28, 53. Ger. 19, 9. Ez. 5, 10.

11. Il Segner ha compli si' ira, ha spans oura la furia da seis sdegn, ed ha invüdâ ün fö in Sion, chi ha consumâ ils fondamaints da quella.

12. Ils rais della terra, e tuot ils avdadurs del muond, non gnissan mâ ad avoir cret ch' intress inimi, ne

adversari dadaint las portas da Gerusalem.

13. *Quaist ais* dvantâ per ils puchats dels profets da quella, *per* l' iniquità da seis sacerdots, chi spandivan in mez quella il sang dels giusts.

14. Ils orbs sun its ad errur per las stradas, s'han impalats con sang, l'han toc con lur vestimainta sainza al podair *guinchir*.

15. E's bragiva ad els: As retrat inavo, *quai ais* malnet; as retrat inavo, non il toccarai; e pür svolaivan els via, e giaivan ad erramaints. E s'ha dittanter ils pövels: Quels non vegnan a podair plü dmurar *in lur pajais*.

16. La fatscha del Segner ils ha dispers, el non vain plü a continuar da 'ls resguardar; els non han tgnü alehün respet als sacerdots, ne compassiun dels vegls.

17. Tant cha nus düraivan amo, schi s'han noss ögls consumats davo nos succuors, *chi non ais stat oter co* vanità; nus avain guardâ in nossa sentinella sü ot sün ün pövel *chi* non podaiva salvar.

18. Ans han chatschats, *segund* noss pass, dasort cha nus non avain podü ir tras nossas champagnas; nossa fin s'ha fatta nan strusch, noss dis sun complits; perche nossa fin ais gnüda.

19. Quels chi'ns han perseguittats sun stats plü sperts co las aglias del tsel; ans sun currüts davo süls munts, ans han miss aguets nel desert.

20. La respiraziun da nos nas, l'on schü del Segner, del qual nus dschavian: Nus gnin a viver suot sia sumbriva tanter ils pövels, * ais stat prais in lur trapplas. * Ger. 52, 8.

21. Pür stâ da buna vögla, e t' allegra, figlia d'Edom, *tü*, chi avdast nel pajais d' * Uz! Eir sur tai oura vain a passar il bachêr; tü sarast inavriada, e vainst at scovernar.

* Ger. 36, 28.

22. La * paina da tia iniquità ais finida, figlia da Sion; el non at farâ plü manar in preschun; el vain a visitar ti' iniquità, figlia d'Edom; el vain a scovernar teis puchats.

* Es. 40, 2.

CHAP. V.

L'oraziun da Geremia, con la quala el conclüda sias lamentaziuns.

AT regorda, Segner, da quai chi'ns ais scontrâ; guarda, e mera nos vituperi!

2. Noss' ierta ais statta transportada via als esters, e nossas chasas als forestêrs.

3. Nus eschan dvantats orfans, sainza bap, e nossas mammas sco donans vaidguas.

4. Nus avain bavü noss' aua per dâner, nossa laina ans ais statta vendüda per pretsch.

5. Nus avain suffri persecuziun sün nos colöz; nus ans avain travagliats, e non avain gnü alchün pos.

6. Nus avain sport via il man als Egipziers, ed als Assiriers, per ans sadolar con pan.

7. Noss baps han pechâ, e non sun plü; nus avain portâ lur iniquitats.

8. Famagls ans han signorats; *qua non ais stat* alchün chi'ns haja spenderâ da lur man.

9. Nus avain ardüt nossa victualia con privel da nossa vita, per la spada del désert.

10. * Nossa pel ais gnüda naira sco ün fuorn, per l'arsentiun della fam.

* Giob 30, 30.

11. Las donans sun stattas sforzadas in Sion, e las verginas nellas citats da Giuda.

12. Ils principals sun stats appichats tras man da quels; * non s'ha tgnü reverenza dellas fatschas dels vegls.

* Es. 47, 6.

13. Ils giuvens han portâ a moller, e'ls infants sun crodats giò sper la laina.

14. Ils vegls han interlaschâ da's chattar *pro las portas*, e'ls giuvens han refüdâ lur sunar.

15. Il dalet da nos cour ais tches-sâ, noss bals sun stats cambiats in léd.

16. La coruna da nos cheu ais crodada; vae uossa a nus; perche nus avain pechâ!

17. Per quai ais nos cour flinch, per quai tas chosassun noss ögls in schürs;

18. Per il munt da Sion, chi ais désert, *dasort cha* las vuolps spassajan qua.

19. Tü, Segner, * restast in eterno; tei trun *ais stabel* per ogni età.

* Ps. 102, 13. 28.

20. Perche'ns volessast tü smanchar in perpetuo? *Perche'ns* volessast tü bandunar usche lung temp?

21. O Segner, * convertescha'ns pro tai, schi gnün nus ad esser convertits; renova noss dis, sco *els eiran* da vegl.

* Ger. 31, 18.

22. Perche ans hast tü daffat rebütats! Est tü adirâ contra nus fin al extrem?

IL CUDESCH

DEL

PROFET EZECHIEL.

CHAP. I.

Il temp, dal qual Ezechiel ha profetizâ. La visiun dels 4. animals, dellas 4. roudas, e del trun con la sumgienscha chi sezzaiva sün quel.

MA DVANTET, nel an trentavel, nel quint di del quart mais, cha, essendo eu sper il flüm Chebar, tanter quels chi eiran stats manats in preschun, ils tschels füttan averts, ed eu vazzet visiuns da Dieu.

2. Nel quint di da quel mais da quel

an, *chi eira* il quint * della preschun del rai Jojachin,

* 2 Reg. 24, 12.

3. Füt il pled del Segner d'üna maniera singulara *indirizzâ* ad Ezechiel, figl da Buzi, sacerdot, nel pajais dels Caldeers, sper il flüm Chebar, e'l man del Segner füt qua sur el.

4. Eu dimena vazzet, e mera ün vent furius, chi gniva dal settentrion nan, ed üna grossa nüvla, ed ün fö chi's plajaiva aint, intuorn il qual

qua eira üna * splendur, ed our da mez quel fö *as vezzaiva* sco la sumgenschä da fin aram chi sbrinzlaiva.

* Ez. 10, 1.

5. Our da mez quel eir *paraiva oura* la sumgenschä da quatter animals, e tala eira lur fuorma; els avaivan sumgenschä umana;

6. Ed avaivan scodün quatter fatschas e quatter alas.

7. E lur peis *eiran* drets, e la planta da lur peis *eira* sco la planta del pè d'ün vadè; ed *eiran* splenduraints sco *ais* la colur del aram glisch.

8. Ed avaivan mans da crastian suot lur alas, in lur quatter varts, e tuots quatter avaivan lur fatschas, e lur alas.

9. Lur alas as compagnaivan l'üna l'otra; quels non as volvaivan chaminand; scodün chaminaiva dretvia avant sai.

10. Ma, quant alla sumgenschä da lur fatschas, tuots quatter avaivan üna fatscha umana, ed üna fatscha da liun, dalla vart dretta; medemmaing tuots quatter avaivan üna fatscha da bov, ed üna fatscha d'aglia, dalla vart snestra.

11. E lur fatschas, e lur alas *eiran* separadas süsomvia; scodün avaiva duos alas chi's compagnaivan l'üna l'otra, e duos *otras* chi covernaivan lur corps.

12. E scodün da quels chaminaiva dretvia avant sai; chaminaivan ingio 'l spiert ils chatschaiva; tant cha chaminaivan non as volvaivan els *qua e là*.

13. E, quant alla sumgenschä dels animals, sumagliaiva lur aspet a braschas da fö; els ardaivan in parütta sco sfagliadas; quel fö giaiva intuorn in mez ils animals, e daiva üna splendur, ed our dal fö gniva üna chalaverna.

14. E 'ls animals currivan, e turnaivan inavo, sco üna chalaverna in parütta.

15. E *sco* eu avet vis ils animals, mera üna rouda in terra, sper scodün animal, dallas lur quatter fatschas.

16. L'aspet dellas roudas, e lur lavur, *eira* simil alla colur d'ün crisolite, e tuottas quatter avaivan üna

medema sumgenschä, e lur aspet, e lur lavur *eira*, sco sch'üna rouda füss in mez d'ün'otra rouda.

17. Cur ellas as movaivan, schi's movaivan tuottas quatter, scodüna da sia vart; ellas non as volvaivan *qua e là*, as moventand.

18. E, quant a lur tscherchels, *eiran* els ots e sgrischavels, e tuots quatter *eiran* plains d'ögls pertuot intuorn.

19. E, cur ils animals chaminaivan, schi movaivan las roudas da lur vart, e, cur ils animals s' ozaivan da terra, schi s' ozaivan medemmamaing las roudas.

20. Ingio cha 'l spiert as movaiva, schi's movaivan eir quellas, e las roudas s' ozaivan sper quels; perche 'l spiert dels animals *eira* nellas roudas.

21. Cur quels chaminaivan, schi movaivan *eir las roudas*; cur quels as fermaivan, schi's fermaivan *eir las roudas*, e cur els s' ozaivan da terra, schi's ozaivan da terra *eir las roudas*, sper quels; perche 'l spiert dels animals *eira* nellas roudas.

22. E la sumgenschä *da quai*, chi *eira* sü sur las testas dels animals, *eira* d'üna distaisa da tsel, simile a cristall in parütta, *zuond* orribel, ed *eira* stais oura sur lur testas.

23. E suot la distaisa *eiran* lur alas drizzadas sü, l'üna vers l'otra; scodün avaiva duos *otras* chi 'l covernaivan il corp.

24. Ed eu udit il sun da lur alas, tant cha chaminaivan, ed *eira* simil al sun da grandas auas, alla vusch del Omnipotaint; la vusch da lur favella *eira* sco la romur d'ün'armada; cur els as fermaivan, sbassaivan els lur alas.

25. E, cur els as fermaivan, e sbassaivan lur alas, schi *eira qua* üna vusch, *chi gniva* giò dalla distaisa, chi *eira* sur lur testas.

26. E sü sur la distaisa, chi *eira* sur lur testas, *eira qua* la sumgenschä d'ün trun, simil in parütta ad üna peidra da saffir, e sün la sumgenschä del trun, *eira qua* üna sumgenschä sco della figüra d'ün crastian chi sezzaiva sün quel.

27. Lura vèzzet eu sco üna colur d'aram chi sbrinzla, simil in partüta a fö, aintdadaint quella *sumgenscha da trun*, dapertuot intuorn, dalla sumgenscha dels flanes da quel *crastian* in stü; medemmamaing, dalla sumgenscha da seis flanes in giò, vèzzet eu sco ün' apparenza da fö, intuorn il qual *eira* üna splendur.

28. L'aspet da quella splendur dapertuot intuorn *eira* simil al aspet del arch, chi ais nella nüvla in di da plövgia. Quaist *füt* l'aspet della sumgenscha della gloria del Segner; *la quala*, cur eu avet vis, schi crodet eu sün mia fatscha, ed udit la vusch d'ün chi tsehantschaiva.

CHAP. II.

Ezechiel demonstra co el, dopo avair retschevü il S. Spiert, ais tramiss pro 'ls infants d'Israel. Mossa eir a che fin ils profets sun tramiss da Dieu.

ED el am dschet: Figl del crastian, at drizza sü in pè, schi vögl eu favlar con tai.

2. E, cur el m' avet favlâ, schi intret il Spiert in mai, e 'm drizzet in pè; ed eu udit quel chi favlaiva a mai;

3. Il qual am dschet: Figl del crastian, eu at tramet pro 'ls infants d'Israel, pro naziuns rebellas, chi 's han rebelladas contra mai; quels, e lur baps, han misfat contra mai, infin a quai stess di.

4. Schi, eu at tramet pro infants da frunt dür, e da cour ostinâ; acio cha tü diast ad els: Usche ha dit il Segner Deis:

5. E, che cha saja, o cha 't taidlan, o ch' interlaschan, (perche els sun üna chasa rebella) * schi dessan els savair, cha saja qua ün profet in mez els. *Ez. 33, 33.

6. E tü, figl del crastian, * non tmair dad els, ne da lur plets, perche tü hast sper tai gliued perversa, e spinas; e tü avdast in mez scorpions; non tmair da lur plets, e non at sgri-schar da lur presenza, perche els sun üna chasa rebella. *Ger. 1, 8, 17.

7. E pronunzia ad els meis plets, co cha saja, o cha 't taidlan, o ch' interlaschan, perche els sun rebels.

8. Ma tü, figl del crastian, taidla quai ch'eu at di! Non esser rebell,

sco quaista chasa rebella; avra la bocca, e mangia quai ch' eu at dun.

9. Ed eu guardet bain, e mera, ün man chi eira tramiss pro mai, e mera, in quel *qua eira* ün fögl plajâ aint d' ün cudesch;

10. E quel il splajet oura in mia presenza; e quel eira scrit dadaint e doudura; ed in quel eiran scrits plands, ah e vae.

CHAP. III.

Ezechiel ais tramiss pro la chasa d'Israel, e taxa lur rebellun, e vain danöv confirmâ in sia vocaziun. Mossa eir qual ais l'offizi da buns e fidels ministers.

LURA dschet quel a mai: Figl del crastian, mangia quai cha tü vainst a chattar; * mangia quai fögl plajâ aint; lura vâ, e tsehantscha con la chasa d'Israel. *Ap. 10, 9.

2. Ed eu avrit mia bocca, ed el am fet mangiar quel fögl plajâ aint;

3. E dschet a mai: Figl del crastian, paschainta teis vainter, ed impla teis interiu con quai fögl plajâ aint ch'eu at dun. Ed eu il manget, * e quel an füt dutsch in bocca, sco meil. *Ger. 15, 16.

4. Lura dschet el a mai: Figl del crastian, vâ via pro la chasa d'Israel, e favella ad els con meis plets.

5. Perche tü non est tramiss pro ün pövel da favella seontschainta, ne da lingua non inlegiantaivla; anzi pro la chasa d'Israel;

6. Na pro blers pövels da favella seontschainta, ne da lingua non inlegiantaivla, ils plets dels quals tü non inlejust. Sch' eu t' avess tramiss pro tals *pövels*, non gnissan quels at tadlar?

7. Ma la chasa d'Israel non vain a volair tadlar a tai, * perche eir a mai non vöglan els tadlar; perche tuot la chasa d'Israel *ais* da dür frunt, e da cour ostinâ. *Gioan. 15, 20.

8. Mera, eu indüresch tia fatscha contra lur fatscha, e teis frunt contra lur frunt.

9. Eu fetsch teis * frunt simil ad ün diamant, plü dür co ün crap da fö; non ils tmair, e non avair stramizi dels, perche els sun üna chasa rebella. *Es. 50, 7.

10. Lura am dschet el: Figl del

erastian, piglia aint in teis cour tuot meis pleds, ch' eu vegn at dir, e taidla 'ls con tias uraglias.

11. E vâ via pro 'ls infants da teis pövel, chi sun in preschun, e favella ad els, e di ad els: Usche ha dit il Segner Deis! Co cha saja, o cha taidlan, o cha interlaschan.

12. E'l Spiert am ozet in ot, ed eu udit davo mai üna vusch, *con ün grand squassar, chi dschaiva*: Benedi *saja* la gloria del Segner our da seis lö!

13. Eu udit eir il sun dellas alas dels animals, chi battaivan l'üna all'otra, e'l sun dellas roudas conter quellas, e la romur d' ün grand commovimaint.

14. Il Spiert dimena m' alvantet, e'm piglet d'avent, ed eu get, *essendo tuot in contuorbel*, per il sdegn da meis spiert, e'l man del Segner füt ferm sur mai.

15. E gnit pro quels chi eiran in preschun in Tel-Abib, chi dmuraivan sper il flüm Chebar, e'm mettet a zer ingio quels sezzaivan, e dmuret qua set dis, in mez els, tuot attonit e desolâ.

16. Ed, in cheu da set dis, il pled del Segner am füt *indirizzâ*, dschand:

17. Figl del crastian, eu t' ha constitui * guardia sur la chasa d' Israel; contuot taidla *meis* pled, *chi va* our da mia bocca, ed admonescha 'ls da da parte mia.

* Ez. 33, 7. Es. 21, 11.

18. Cur eu vegn ad avair dit al empi: Pertschert tü vainst a morir; scha tü non l' admoneschast, e non tschantschast *con el*, per l' advertir, ch' el as retira da sia mala via, per far ch' el viva; schi vain quel empi a morir per sia iniquità, ma eu vegn a retscherchar seis sang da teis man.

19. Ma, cur tü averast admoni l' empi, sch' el non as converta da sia impietâ, e da sia mala via; schi vain el a morir per sia iniquità, ma tü vainst ad avair deliberâ tia orma.

20. Medemmamaing, * scha dvainta cha'l güst as volva da sia güstia, e commetta iniquità, e ch' eu al metta avant alchün intop, e ch' el moura, schi vain el a morir in seis pucha, siand cha tü non l' averast admoni, e

sias ouvras güstas ch' el averâ fat, non saran *plü* regordadas; ma eu vegn a retscherchar seis sang da teis man.

* Ez. 18, 24.

21. Ma, cur tü averast admoni il güst, ch' el non dess pechar, sch' el non pecha, pertschert el viverâ, siand ch' el sarâ stat admoni, e tü averast deliberâ tia orma.

22. Lura il * man del Segner füt qua sur mai, ed el dschet a mai: Lerva sü, vâ our sülla champagna, e qua vögl eu tschantschar con tai.

* Ez. 1, 3.

23. Ed eu alvet sü, e get our' sülla champagna, e mera, qua eira fermada la gloria del Segner, simil alla gloria ch' eu avaiva vis sper il flüm Chebar, ed eu erodet sün mia fatscha.

24. E'l * Spiert intret in mai, e'm drizzet in pè, e favlet a mai, e'm dschet: Intra in tia chasa, e't serra aintdadaint.

* Ez. 2, 2.

25. E, quant a tai, figl del crastian, mera, * a tai sun missas suas adöss, e tü sarast liâ con quellas, e non vainst ad ir oura tanter els.

* Ez. 4, 8.

26. Ed eu * vögl far, cha tia lingua sara tachada vi' a teis palat, e sarast müt, e non sarast ad els hom reprendadur; perche els sun üna chasa rebella.

* Ez. 24, 27.

27. Ma, cur eu vegn at favlar, schi't vögl eu avrir la bocca, e tü dessast dir dad els: Usche ha dit il Segner Deis: Quel chi taidla, ch' el taidla; quel chi interlascha, ch' el interlascha; perche els sun üna chasa rebella.

CHAP. IV.

Profezia del assedi da Gerusalem tras ils Caldeers, seo eir dalla grand' anguoscha durante l' assedi.

E tü, figl del crastian, piglia a tai ün quadrell, e metta 'l a tai avant, e dessegna sün quel üna città, cioè Gerusalem.

2. E metta l' assedi qua intuorn, e fabrica bastiuns contra quella, e fâ contr' ella üna transêra, e tschainta qua champ intuorn, e dispona contr' ella pertuot intuorn spazza-müraglias.

3. Piglia eir a tai üna padella da fier, e mett'-la per mür da fier tanter tai e la città, e ferma tia fatscha contra quella, e saj'-la assediata, e tü la

dessast assediàr. Quaist *ais* ün signal alla chasa d' Israel.

4. Lura giascha stün tia vart snestra e metta sur quella l' iniquità della chasa d' Israel; tü vainst a portar lur iniquità per tant number da dis, quants cha tü vainst a giaschair sur quella.

5. Ed eu t' ordain ils ans da lur iniquità, seguond il number dels dis, *cha tü vainst a giaschair usche, cha saran* trajatschientnovanta dis; ed usche dessast portar l' iniquità della chasa d' Israel.

6. E, cur tü averast compli quaists dis, schi giascha danöy sün tia vart dretta, e porta l' iniquità della chasa da Giuda per quaranta dis; eu t' ordain ün di per ün an.

7. E ferma tia fatscha al assedi da Gerusalem, e snüda teis bratsch, e profetiza contra quella.

8. E mera, eu at met suas adöss, e tü non vainst at podair volver d' üna vart stün l' otra, fin cha tü non hajast compli ils dis da teis assedi.

9. Piglia eir a tai formaint, ed üerdi, e fava, e lentiglia, e miglio, e spelta; e metta quellas chosas in ün vashè, e t' fà pan landroura, e da quel mangia tuot ils dis cha tü giascherast sün tia vart; cioè trajatschientnovanta dis.

10. E saja tia spaisa cha tü mangerast da paisa da vainch siccais per di; quai dessast mangiar da temp in temp.

11. Baiva eir l' aua a masüra, la sesavla part d' ün hin *per di*; baiva da temp in temp.

12. E mangia üna fuatscha d' üerdi, chi saja *cotta* con aldüm da crastian; couch'-la in lur presenza.

13. E l' Segner dschet: Usche vegnan a mangiar ils infants d' Israel lur pan contaminâ tanter ils pövels, ingio eu ils vögl schatschar.

14. Ed eu dschet: * Ah, Segner Deis! Mera, mia persuna non ais statta contaminada, e non ha mâ, da mia giuventüna infin uossa, mangiâ *charn da bestia* † morta da sai, ne şcharpada *dallas bestias solvadias*, e non m' ais mâ bricha intrat in bocca alchüna *charn abominabla*.

15. Ed el dschet a mai: Guarda, eu at dun aldüm da bov in lö d' aldüm da crastian; cousecha con quel teis pan.

16. Lura am dschet el: Figl del crastian, mera, eu rump il sostegn del pan in Gerusalem, e quels mangeran il pan a paisa, e con angouescha, e baveran l' aua a masüra, e con stramizi;

17. Acio cha pan ed aua manca ad els, e sajan smarrits, *as guardand* l' ün l' oter, * e leuan via per lur iniquità.

* Lev. 26, 39.

CHAP. V.

Il Segner comanda ad Ezechiël, d' annunziar üna destrucziun universal a l' pövel da Giuda per seis orrends puchats, e grand' ingratitudine.

FIGL del crastian, piglia eir a tai ün curtè tagliaint, piglia a tai ün rasuoir da barbier, * e fa l' passar sur il cheu, e sur la barba; lura piglia a tai balanschas da pasar, e porta giò *ils pails*.

* Es. 7, 20.

2. Arda la terza part col fö, in mez la città, tant cha s' compliran ils dis del assedi; lura dessast tour ün' *otra* terza part, e batt'-la con la spada intuorn la città, e rasa l' *otra* terza part nel vent, ed eu vögl trar oura la spada davo els.

3. Impero dessast tour ün pitschen number, e lia l' vi' al ur *da tia rassa*.

4. E da quai piglia amo üna part, e bütt'-la in mez il fö, ed ard'-la col fö. Our da quella vain ad ir ün fö contra tuot la chasa d' Israel.

5. Usche ha dit il Segner Deis: Quaista *ais* Gerusalem; eu l' avaiva tshantada in mez las naziuns, e *qua eiran divers* pajais our dintuorn ella.

6. Ma ella ha transgredi mias ledschas, *per as render* all' impietà, plü co las naziuns, ed ha surpassâ meis statuts, plü co l's pajais chi *eiran* our dintuorn ella; perche els han rebüttâ mias ledschas, e non sun chaminats in meis statuts.

7. Perquai, usche ha dit il Segner Deis: Siand cha vus avais supravanzâ ils pövels, chi *eiran* our dintuorn vus, e non eschat chaminats in meis statuts, e non avais miss in effet mias ledschas, schi, siand cha non avais neir bricha fat seguond l' üsanza

dels pövels chi *eiran* our dintuorn vus;

8. Perquai, usche ha dit il Segner Deis: Mera'm qui eir contra tai, ed eu vögl esequir meis güdizis in mez tai, nel conspet dels pövels;

9. E vögl far con tai quai ch'eu mâ non ha fat, e non vegn a far mâ bricha plü, per chaschun da tuot tias abominaziuns.

10. Perquai, * ils baps vegnan a mangiar lur infants in mez tai, e 'ls infants mangeran lur baps, ed eu vögl esequir *meis* güdizis in tai, e vögl rasar tuot teis rimanent a tuot ils vents.

* Lev. 26, 29.

11. Pertant, *sco* eu viv, disch il Segner Deis, siand cha tû hast contaminâ meis santuari, con tuot teis fats execrables, e con tuot tias abominaziuns, schi't vögl eir eu rajar davent, e meis ügl non perdunerà, ed eu eir non vögl schaniar.

12. Üna terza part da tai dess morir da pestilenza, e sarà constimada da fam, in mez tai; ed ün' *otra* terza part dess crodar tras la spada our dintuorn tai; ed eu vögl rasar a tuot ils vents l' *otra* terza part, e vögl trar oura la spada davo els.

13. E meis sdegn vain as complir, ed eu vögl quietar mi'ira sur els, * e'm vögl contentar; e quels dessan cognoscher, ch'eu, il Segner, ha favlâ in mia zelosia, cur eu vegn ad avair compli mia ira sur els.

* Es. 1, 24.

14. Ed eu vögl metter tai in desert, ed in vituperi, tanter ils pövels chi *sun* our dintuorn tai, alla vista d'ogni ün chi passa.

15. E *teis* vituperi, e giamgia, sarà per informaziun, e per stupur als pövels, chi *sun* our d'intuorn tai, cur eu vegn ad avair esequi *meis* güdizis sur tai, con ira, con sdegn, e con chastiamaints d'indignaziun. Eu, il Segner, ha favlâ.

16. Cur eu vegn ad avair * trat sur els las malas frizzas della fam, chi saran mortalas, las qualas eu vögl trar per as sdrür, e vegn ad avair aggravâ sur vus la fam, e s'avair † ruot il sostegn del pan;

* Deut. 32, 23. † Ez. 4, 16.

17. E vegn ad avair tramiss contra

vus la fam, e las bestias noschavlas, chi vegnan at dsorfnar da teis infants; e cur la pestilenza, e 'l sang saran passats per mez tai oura, schi vegn eu ad avair fat gnir sur tai la spada. Eu, il Segner, ha favlâ.

CHAP. VI.

Deis comanda al profet, d'annunziar la ruina d'Israel, per causa da lur idolatria; impromettand però da 'l salvar qualchüns pacs, chi vegnan as convertir.

LURA il pled del Segner am füt *indrizzâ*, dschand:

2. Figl del crastian, volva tia fatscha vers ils munts d'Israel, e profetiza contra quels,

3. E di: Munts d'Israel, tadlai il pled del Segner Deis! Usche ha dit il Segner Deis als munts, ed als muots; allas costêras, ed allas vals: Mera'm qui, eu fetsch gnir sur vus la spada, e vögl sdrür voss lous ots;

4. E voss utêrs saran desolats, e vossas imagnas saran spezzadas, e vögl * büttar per terra voss mazzats avant voss idols;

* Lev. 26, 30.

5. E vögl metter ils corps morts dels infants d'Israel avant lur idols, e vögl rasar voss' ossa intuorn voss utêrs.

6. In tuot vossas abitaziuns saran las cittats desertas, e 'ls lous ots desolats, acio cha sajan deserts, e desolats voss utêrs, e cha voss idols sajan spezzats, e non sajan plü, e cha vossas statuas sajan truncadas, e cha vossas lavurs sajan sterminadas.

7. E 'ls mazzats vegnan a crodar in mez vus, e vus gnis a cognoscher, ch'eu *sun* il Segner.

8. Impero * eu as vögl laschar alchün rimanent, cur *üna* part da vus, chi sarà scampada via dalla spada, sarà tanter ils pövels; cur vus sarat stats dispers per ils pajais. * Ez. 5, 2. 12.

9. E quels intanter vus, chi saran scampats via, as regorderan da mai tanter ils pövels, ingio els saran stats manats in preschun; co eu sun stat tribulâ con lur cour fornicadur, chi's ha vout our da mai, e con lur * ügls, chi van fornicand davo lur idols, e vegnan ad avair displaschair in els ssvess, per ils mals cha han commiss in tuot lur abominaziuns.

* Num. 15, 39.

10. E cognoscheran, ch' eu *sun* il Segner, e *ch'* eu na per inguotta ha favlâ da far ad els quai mal.

11. Usche ha dit il Segner Deis: * Dà da teis mans insembel, e zappa la terra cols peis, e di: Ah! Per tuot las sceleratas abominaziuns della chasa d' Israel; perche els vegnan a erodar tras la spada, e tras la fam, e tras la pesta.

* Ez. 21, 19.

12. Chi sarà lontan vain a morir da pesta, e chi sarà vicin vain a erodar tras la spada; e chi sarà restâ, e sarà assediâ, vain a morir da fam; ed eu vögl complir mia ira sur els.

13. E vus cognoscherat, ch' eu *sun* il Segner, cur lur mazzats saran in mez lur idols intuorn lur utêrs, sün ogni muot ot, * sur tuot las sommitats dels munts, e suot ogni bösch verdeggiand, e suot † ogni ruver spess; *chi sun* ils lous, ingio els han fat amablas odurs a tuot lur idols.

* Os. 4, 13. † Es. 57, 5.

14. Ed eu vögl stender oura meis man sur els, e vögl far il pajais desolâ, e desert, plü co non *ais* il desert vers Dibat, in tuot lur abitaziuns, e cognoscheran, ch' eu *sun* il Segner.

CHAP. VII.

Il Segner ordaina ad Ezechiel da predir la finala destrucziun da tuot il pajais da Giuda, e co eha tras lur sgrischus puchats els saran sdrüts tras ogni sort da mals.

IL pled del Segner am füt darcheu *indrizzâ*, dschand:

2. Figl del crastian, usche ha dit il Segner Deis alla terra d' Israel: La fin, la fin vain sur ils quatter chan-tuns del pajais!

3. Uossa at suprasta la fin, ed eu vögl trametter contra tai mi' ira, e't vögl güdichar seguond tias vias, e't vögl metter adöss tuot tias abomina-zions.

4. E * meis ögl non at perdunerâ, ed eu non at vögl schaniar; anzi at vögl metter tias vias adöss, e tias abominaziuns saran in mez tai, e vus cognoscherat, ch' eu *sun* il Segner.

* Ez. 5, 11.

5. Usche ha dit il Segner Deis: Mera ün mal, ün mal vain!

6. La fin vain, la fin vain; ella as ha dsadada contra tai, mera, la vain.

7. Quella daman t' ais surerodada,

o abitadur del pajais; il temp ais gnü, il di della deruotta *ais* vicin, cha non sarà üna resonanza da munts!

8. Uossa ad ün cuort spazi vögl eu spander oura mi' ira sur tai, e vögl complir meis sdegn in tai, e't vögl güdichar seguond tias vias, e't vögl metter adöss tuot tias abomina-zions.

9. E meis ögl non perdunerâ, ed eu non vögl schaniar; eu at vögl dar la *paina* seguond tias vias, e tias abominaziuns saran in mez tai, e vus cognoscherat, ch' eu, il Segner, *sun* quel chi batta.

10. Mer' il di, mera el ais gnü! Quella daman ais ida sü; la percha ais sfflorida, la superbia ais dschermügliada.

11. La violenza ais creschüda in percha d' impietâ; na *plüt* da quels, na *plü* da lur quantitâ, na *plü* da lur romur, e cha non * *as fetscha* alchün pland dad els.

* Ger. 16, 5. 6.

12. Il temp ais gnü, il di ais appros-mâ; chi cumpra non as dess allegrar, chi venda non as doula, perche *qua ais* ardur d' ira contra tuot la quantitâ da quella.

13. Perche chi venda non vain dar-cheu a turnar pro quai ch' el averâ vendü, combain ch' el *saja* amo in vita; perche la visiun contra tuot la quantitâ da quella non sarà revoca-da; ed ingün non as poderâ fortifi-char per sia iniquità, per salvar sia vita.

14. Els han sunâ con la trombetta, ed han apparecchâ ogni chosa, ma *qua ais* stat alchün chi saja it alla battaglia; perche la furia da mi' ira *ais* contra tuot la quantitâ da quella.

15. La spada *ais* our dadoura, e la pesta, e la fam aintdadaint; chi *sarâ* our dadoura sün la cuntüra vain a morir tras la spada, e chi *sarâ* nella città, la fam, e la pesta vegnan al magliar.

16. E quels intantr' els chi saran scampats via, vegnan as salvar, e sa-ran sü per ils munts sco las colombas dellas vals, suspürand tuots, scodün per si' iniquità.

17. Tuot ils mans vegnan a dvantar

stangels, e tuot la snuoglia vain ad ir in aua.

18. E quels vegnan as tschintar con sachs, e spavent ils covernerà, e *qua sarà* verguogna sur ogni fatscha, e chalvezza sur tuot lur testas.

19. Els vegnan a büttar lur argient per las stradas, e lur or sarà sco üna malnettischa; * lur argient, ne lur or non ils poderà liberar nel di dell' indignaziun del Segner; quels non vegnan a sadolar lur persunas, e non vegnan ad implir lur interiur; perche quels *sun stats* l' intop da lur iniquità.

* Prov. 11, 4. Sef. 1, 18.

20. E quels han impondü la gloria da lur ornaint a superbia, ed han fat imaginas da lur abominaziuns, lur chosas execrablas; perquai, vögl eu far, cha quellas chosas saran ad els sco üna malnettischa;

21. E las vögl dar per praja in man dels esters, e per butin als empis della terra, ils quals vegnan a las contaminar.

22. Ed eu vögl volver mia fatscha inavo davent dad els, e quels vegnan a sconsacar meis lö azzoppà, e laders vegnan ad intrar in quella, e vegnan a la profanar.

23. Fà üna saif, perche 'l pajais ais plain da güdizi da sang, e la città ais plaina da violenza.

24. Ed eu vögl far gnir ils plü mals dels pövels, e quels vegnan a possidair lur chasas; e vögl far gnir almain la superbia dels potaints, e lur lous sanets saran profanats.

25. La destrucziun vain; els vegnan a tscherchar la pasch, ma *qua sarà* alchüna.

26. * Calamità vain a gnir sur calamità, e qua sarà romur sur romur, e quels vegnan a tscherchar qualcha visiun del profet, e qua non sarà plü ledscha nel sacerdot, ne cossagl nels seniurs.

* Ps. 42, 8.

27. Il rai farà cordöli, e 'ls princis vegnan as trar aint desolaziun, e 'ls mans del pövel del pajais saran conturbats; eu vögl operar invers els seguond lur via, e 'ls vögl güdichar con güdizis chi 's convegnan ad els, e cognoscheran, ch' eu *sun* il Segner.

CHAP. VIII.

Il Segner transporta Ezechiel in visiun in Gerusalem, ingio el al mossa las abominablas idolatrias dels Güdeus, annunziand ad els seis güdizis.

LURA dvantet nel an sesavel, nel quint di del sesavel mais, cha, sezzand eu in mia chasa, e sezzand ils seniurs da Giuda in mia presenza, il man del Segner Deis crodet qua sur mai;

2. Ed eu guardet, e mera, la * sumgenschascha d' ün hom, simil in parütta al fö; dall' apparenza dels flanes da quel ingiö, *qua eira* fö; e dals flanes insü *eira* qua sco l' apparenza d' üna granda splendor, simil' alla color da * fin aram chi sbrinzla.

* Ez. 1, 4.

3. Ed el stendet oura üna sumgenschascha d' ün man, e 'm piglet per üna vadaglia chavels da mia testa; e 'l Spiert m' alvantet tanter tschel e terra, e 'm manet in Gerusalem, in visiuns da Dieu, all' intrada della porta dadaint, chi guarda vers settentrion, ingio *eira* la chapella del idol da zelosia, chi clam' our' a zelosia.

4. E mera, *qua eira* la gloria del Deis d' Israel, simil' * alla visiun, ch' eu avaiva vis nella champagna.

* Ez. 1, 28. 28, 28.

5. Ed el am dschet: Figl del cristian, oza uossa teis ögls vers settentrion! Ed eu ozet meis ögls vers settentrion, e mera, al settentrion della porta del utër, all' intrada, *eira* quel idol da zelosia.

6. Ed el am dschet: Figl del cristian, vezzast tü quai cha quaists fan? Las grandas abominaziuns cha la chasa d' Israel commetta qui; acio ch' eu *am* fetscha lönsch davent da meis santuari. Impero danöv vezzerast amo *otras* grandas abominaziuns.

7. Ed el am condüet all' intrada del cortil; ed eu guardet, e mera, üna foura nella parait.

8. Ed el am dschet: Figl del cristian, fà uossa üna foura in quaista parait. Ed eu fet üna foura nella parait, e mera, ün üsch.

9. Ed el am dschet: Intra, e guarda las secleratas abominaziuns cha quels commettan qui.

10. Contuot intret eu, e guardet, e mera, figüras da reptils, e d' animals

d'ogni specie; chosa abominabla, e tuot ils idols della chasa d' Israel, smaliats sün la parait intuorn intuorn.

11. E settanta homens dels seniurs della chasa d' Israel, con Jazania, figl da Safan, chi eira in pè in mez els, stavian dret sü avant quels, aviand scodün seis turibul in man, dinuonder giaiva sü üna spessa nüvla da profüm.

12. Ed el am dschet: Figl del crastian, hast tü vis quai cha'ls seniurs della chasa d' Israel fan in schürezzas, scodün in sia chapella d' imaginas? Perche els dischan: * Il Segner non ans vezza; il Segner ha bandunâ il pajais.

* Ez. 9, 9.

13. Lura am dschet el: Tü vainst a vair amo danöv otras grandas abominaziuns, cha quaists commettan.

14. Ed el am manet all' intrada della porta della chasa del Segner, chi ais vers settentrion, e mera, qua sezzai- van donans chi cridaivan Tammus.

15. Ed el am dschet: Figl del crastian, hast tü vis? Amo danöv vezzerast abominaziuns plü grandas co quaistas.

16. Ed el am manet nel cortil d' adaint della chasa del Segner, e mera, all' intrada del taimpel del Segner, tanter il portic e l' utêr, intuorn vainch e tschinch homens, chi avaiavan las spadlas voutas alla chasa del Segner, e las fatschas vers oriaint, ed adurai- van * il solai, vers l' oriaint.* Deut. 4, 19.

17. Ed el am dschet: Hast tü vis, figl del crastian? Aise massa leva chosa alla chasa da Giuda d' avair commiss las abominaziuns cha han commiss qui, cha han eir impli il pajais con violenza, e s' han vouts am grit- tantar? Ma mera, quels as chatschan il ram nella vista a sai s vess.

18. Contuot vögl eir eu operar in ira; meis ögl non perdunerà, ed eu non vögl schaniar; * combain ch' els brajan ad ota vusch avant mias ura- glias, schi non ils vögl eu tadlar.

* Giob 7, 9.

CHAP. IX.

Quels cha Dieu vout conservar sun segnats con l' insaina del tau.

LURA bragit el ad ota vusch, udind eu, dschand: S' approssmai nan

vus, ch' avais commissiun contra la città, aviand scodün sias armas da desdrür in man!

2. E mera, ses homens, chi gnivan dalla port' ota, chi guarda vers set- tentrion, aviand scodün in man sias armas da dazipar, e qua in mez els eira ün hom vesti da linzöl, il qual a- vaiva ün chalamêr da scrivant süls flanes, e quels intrettan, e's fermet- tan sper l' utêr d' aram.

3. E la gloria del Deis d' Israel s' adozet sü dals cherubins, sur ils quals ella eira, e tret vers il glim del- la chasa. E'l Segner bragit al hom chi eira vesti da linzöl, ch' avaiva il chalamêr da scrivant süls flanes,

4. E dschet ad el: Passa per mez la città, per mez Gerusalem, e * fà ün' in- saina sül frunt della gliend chi † dschewan e suspüran per tuot las abominaziuns, cha's commettan in mez ella.

* Ap. 7, 3. † 2 Pet. 2, 8.

5. Ed als oters dschet el, udind eu: Passai davo el tras la città, e battai; vos ögl non dess perdunar, e non schaniarai;

6. Mazzai a sterminaziun vegls, e giuvens, e verginas, e pitschens in- fants, e donans; ma non s' approsma- rai ad alchün, sün il qual saja l' in- saina, e comanzai pro meis santuari. Quels dimenâ comanzettan * sün quels homens seniurs, chi eiran avant la chasa.

* Ez. 8, 11, 16.

7. Ed el dschet ad els: Contaminai la chasa, ed impli con mazzats ils cortils. Lura dschet el ad els: It oura! E quels trettan oura, e giaivan maz- zand per la città.

8. E, seo quels giaivan mazzand, schi restet eu qua sulet, e crodet sün mia fatscha, e bragit, e dschet: Ah, Seg- ner Deis, sdriast tü tuot il rimanent d' Israel, spandand oura ti' ira sur Gerusalem?

9. Ed el am respondet: L' iniquità della chasa d' Israel, e da Giuda, ais our möd granda, e'l pajais ais plain da sang, e la città ais plaina da svia- maint, perche els han dit: * Il Seg- ner ha bandunâ il pajais, e'l Segner non vezza inguotta.

* Ez. 8, 12.

10. Perquai, meis * ögl non perdu- nerà, ed eu non vögl schaniar; eu

vögl render ad els lur via stül cheu.

* Ez. 5, 1.

11. E mera, l'hom chi eira vesti da linzöl, chi avaiva il chalamêr süls flanes, fet *seis* rapport, dschand: Eu ha fat seguond cha tü m'hast comandâ.

CHAP. X.

Il Segner, tras üna visiun simila alla prüma, demonstra al profet, co cha tras seis comandamaint Gerusalem vegna a gnir arsa.

LURA guardet eu, e mera, sur * la distaïsa chi *eira* sur il cheu dels cherubins, *qua eira* † seo üna peidra da saffir, sumgianta in parütta ad ün trun, *il qual* paraiva sur els oura.

* Ez. 1, 22. † Ez. 1, 26.

2. *E quel chi sezzaiva süil trun* dschet * al hom chi eira vesti da linzöl: Intra aint a mez las roudas, giò suot ils cherubins, e t'impla ils puogns con bräschas da fö, intanter ils cherubins, e ras-las sur la città. Ed el intret *qua* in meis conspet. * Ez. 9, 2.

3. E'ls cherubins eiran fermats dalla *vart* dretta della chasa, cur quel hom intret *là*, e la nüvla implit il cortil dadaint.

4. Lura la gloria del Segner s'adozet sü dals cherubins, *trand* vers il glim della chasa, e la chasa füt implida dalla nüvla, e'l cortil füt impli dalla splendor della gloria del Segner.

5. E'l sun * dellas alas dels cherubins s'udiva fin al cortil dadoura, simil alla vusch del Deis omnipotaint, cur el tshantscha. * Ez. 1, 24.

6. Ma, cur quel avet comandâ al hom vesti da linzöl, dschand: Piglia fö our da mez las roudas, intanter ils cherubins oura, schi gnit el, e's fermet sper üna dellas roudas.

7. E l'ün dels cherubins stendet oura seis man, intanter ils cherubins, vers il fö, chi *eira* a mez ils cherubins, e piglet quel, e'l det nels puogns da quel chi eira vesti da linzöl, il qual il piglet, e get oura.

8. Ma nels cherubins paraiva oura üna figüra d'ün man da crastian, suot lur alas.

9. Ed eu guardet, e mera, * quatter roudas dalla vart dels cherubins, scodüna rouda dalla vart da scodün

cherubin, e las roudas contraglüschi-van in parütta alla colur della peidra del crisolit. * Ez. 15, 16.

10. E, quant a lur sumgensch, tuottas quatter *eiran* d'üna medema sumgensch; seo scha üna rouda füss statta in mez d'ün' *otra* rouda.

11. Cur ellas as movaivan, schi's movaivan tuottas quatter, scodüna da sia vart, e's movand non as volvaivan ellas *qua e là*, anzi là, ingio as volvaiva il capo, as volvaivan quellas davo el; as movand non as volvaivan ellas *qua e là*.

12. *Qua eira* eir tuot la charn dels cherubins, e lur rains, e lur mans, e lur alas, e, quant allas roudas, lur quatter roudas *eiran* plainas d'ögls dapertuot intuorn.

13. E füt bragi allas roudas, udind eu: O roudas!

14. E scodün *cherubin* avaiva * quatter fatschas; la prüma fatscha *eira* fatscha da cherubin, la segunda, fatscha da crastian, la terza, fatscha da liun, e la quarta, fatscha d'aglia.

* Ezech. 1, 10.

15. E'ls cherubins s'adozetan. Quaists *eiran* ils medems * animals, ch'eu avaiva vis sper il flüm Chebar.

* Ez. 1, 5.

16. E, cur ils cherubins chaminaivan, as movaivan eir las roudas da lur vart; e, cur ils cherubins ozaivan lur alas, per s'alvantar da terra, schi non as volvaivan neir las roudas davent dad els.

17. Cur quels as fermaivan, schi's fermaivan *eir las roudas*; cur quels s'ozaivan, schi s'ozaivan *las roudas* con els insembel; perche'l * spiert dels animals *eira* in quellas. * Ez. 1, 12. 10, 21.

18. Lura la * gloria del Segner as partit davent dal glim della chasa, stand sur ils cherubins.

* Ez. 20, 4.

19. E'ls cherubins, giand oura, ozetan lur alas, e s'alvantettan da terra in meis conspet, e las roudas s'*alvantettan* medemmamaing con els; e quels as fermettan all'intrada della porta orientala della chasa del Segner, e la gloria del Deis d'Israel *eira* sü sur els.

20. Quaists *eiran* ils istess animals, ch'eu avaiva vis suot il Deis d'Israel,

sper il flüm Chebar, ed eu cognoschet, cha *eiran* cherubins.

21. Seodün *dels* avaiava quatter fatschas, e quatter alas; ed avaiavan suot lur alas üna sumgenscha da man da crastian.

22. E, quant alla sumgenscha da lur fatschas, *eiran* las medemas, ch'eu avet vis sper il flüm Chebar; *eiran* ils medems aspets da quels, schi *ils cherubins eiran* ils istess; seodün chaminaiava dretvia avant sai.

CHAP. XI.

Il Segner mossa in visiun al profet chi haja surmanà il pövel in Gerusalem, e'ls annunzia seis güdizis; cuffortand eir ils preschuners da lur retuorn.

LURA m'alvantet il Spiert sü, e'm manet alla porta orientala della chasa del Segner, chi guarda vers il levant, e mera, all'intrada della porta vainch e tschinch homens; ed eu vazzet in mez els Jazania, figl d'Azzur, e Platia, figl da Benaja, capos del pövel.

2. E quel am dschet: Figl del crastian, quaists *sun* ils homens, chi s'impaissan iniquità, e chi dan mals cosagls in quaiста città;

3. Chi dischan: *Il fat non ais amo* dastrusch, edificain chasas; quaiста città *ais* l'avna, e nus *gnin ad* esser la charn.

4. Perquai, profetiza contra els; profetiza, o figl del crastian!

5. E'l * Spiert del Segner crodet sur mai, e'm dschet: Di: Usche ha dit il Segner: O chasa d'Israel, vus avais dit usche, ed eu cognosch las chosas chi's saglian nel spiert. * Ez. 1, 3. 2, 2.

6. Vus avais multiplichà voss mazzats in quaiста città, ed avais implias stradas con mazzats.

7. Pertant, usche ha dit il Segner Deis: * Voss mazzats, cha vus avais fat esser in mez ella, sun la charn, ed ella *ais* l'avna; ma, quant a vus, eu's vögl trar our da mez quella.

* Ez. 24, 3. 6. 10. 11. Mic. 3, 3.

8. Vus avais gnü temma della spada; ed eu vögl far gnir sur vus la spada, disch il Segner Deis;

9. E's vögl trar our da mez quella, e's vögl dar in man ad esters, e vögl far güdizis sur vus.

10. Vus gnis a crodar tras la spada, eu's vögl güdichar nels confins d'Israel, e vus cognoscherat, ch'eu *sun* il Segner.

11. Quaiста città non as *sarà* per avna, ne vus sarat a mez quella in guisa da charn; eu's vögl güdichar nels confins d'Israel.

12. E vus cognoscherat, ch'eu *sun* il Segner, nels statuts del qual vus non eschat chaminats, e las ledschas del qual non avais observà; anzi avais fat seguond l'üsanza dels pövels chi *sun* our dintuorn vus.

13. Ma dvantet, cha, tant eu profetizaiva, Platia, figl da Benaja, morit; ed eu am büttet in terra, sün mia fatscha, e bragit ad ota vusch, e dschet: Ah, Segner Deis! Fast tü üna finala destrucziun col rimanent d'Israel?

14. E'l pled del Segner am füt *indrizzà*, dschand:

15. Figl del crastian! Teis frars, teis frars, ils homens da teis parentadi, e tuot la chasa d'Israel, quanta ch'el'l ais, *sun* *quels*, als quals ils abitants da Gerusalem han dit: It lontan d'avent dal Segner, a nus ais dat il pajais per ierta.

16. Perquai di: Usche ha dit il Segner Deis: Combain ch'eu ils haja fat ir lönsch d'avent tanter ils pövels, e'ls haja dispers tanter ils pajais, schi vögl eu esser ad els per santuari, nels pajais, ingio els saran gnüts, e *quai per* ün cuort spazi da temp.

17. Pertant, di: Usche ha dit il Segner Deis: Eu's vögl cler insembel our dals pövels, e's vögl raspar our dals pajais, ingio vus eschat stats dispers, e's vögl dar la terra d'Israel.

18. E quels vegnan a gnir in quella, e vegnan a tour via tuot sias chosas execrablas, e tuot sias abominaziuns.

19. Ed eu * vögl dar ad els ün medem cour, † e vögl metter ün nouv spiert dadaint els, e vögl tour via our da lur charn il cour da crap, e vögl dar ad els ün cour da charn;

* Ger. 31, 33. Ez. 36, 26. 27. † Ps. 51, 12. Zac. 7, 12.

20. Acio cha chaminan in meis statuts, ed observan mias ledschas, e las mettan in effet, e saran meis pövel, ed eu vögl esser lur Dieu.

21. Ma, quant a quels, il cour dels quals va sequind l'affet cha han vi' a lur chosas execrablas, e vi' a lur abominaziuns, * vögl eu render ad els lur via sül cheu, disch il Segner Deis.

* Ez. 9, 10.

22. Dopo quaiet, ils cherubins ozettan lur alas; las roudas eir s'ozzettan da lur vart, e la gloria del Deis d'Israel *eira* sur els.

23. E la gloria del Segner s'alvan-tet sü our da mez la città, e's fermet sül munt, chi *ais* dal oriainet della città.

24. Lura il Spiert m' alvan-tet sü, e'm manet in Caldea, pro quels chi eiran in preschun, in visiun, in Spiert da Dieu, e la visiun, ch'eu avaiva vis, disparet da mai.

25. Ed eu referit a quels chi eiran in preschun tuot ils plets del Segner, ch'el m'avaiva dit in visiun.

CHAP. XII.

Il profet reprenda la rebellun ed incredulità dels Güdeus, disch, cha 'l rai e 'l pövel saran manats in preschun in Babilon.

IL pled del Segner am füt eir *indriz-zâ*, dschand:

2. Figl del crastian, tü avdast in mez üna chasa rebella, chi ha * ögls da vair, e non vezza; uraglias d'udir, e non oda, perche ella *ais* üna chasa rebella.

* Es. 6, 9. 42, 20.

3. Tü dimena, figl del crastian, at fâ üna valisch d'ün hom chi giaja in pajais ester; at metta in viadi da di, in lur conspet; at parta da teis lö, *per ir* in ün oter, in lur conspet; forsa vegnan els a tour a cour, perche els sun üna chasa rebella.

4. Contuot mett'oura da di, in lur conspet, tia valisch, simila a quella d'ün hom chi giaja in pajais ester, e lura la saira vâ oura in lur presen-za, sco oters van oura, giand in pajais ester.

5. At fâ üna foura nella parait in lur conspet, e tras quella port'oura *quella tia valisch*.

6. Port'-la sün las spadlas, in lur conspet; port'-la oura sün l'inäschürir della not; at coverna la fatscha, cha tü non vezzast la terra, perche eu t'ha tschantâ per signal alla chasa d'Israel.

7. Ed eu fet usche, sco m' eira stat comandâ; da di tret eu oura mia valisch, simila a quella d'ün hom chi va in pajais ester, e sün la saira am fet eu üna foura nella parait col man; e sün l'inäschürir della not tret eu oura *quella valisch*, e la portet sün las spadlas, in lur conspet.

8. E la mattina am füt il pled del Segner *indriz-zâ*, dschand:

9. Figl del crastian, la chasa d'Israel, quella chasa rebella, non t'ha ella dit: Che chosa fast?

10. Di ad els: Usche ha dit il Segner Deis: Quaiet charg *appertain* al princip *chi ais* in Gerusalem, ed a tuot la chasa d'Israel, chi ais in mez quels.

11. Di: Eu as *sun* per signal; sco eu ha fat, usche sarâ fat ad els; els vegnan ad ir in pajais ester in preschun.

12. E 'l princip, chi *ais* in mez els, porterâ *sia valisch* sün las spadlas, sün l'inäschürir della not, e vain a trar oura; els vegnan a far üna foura nel mür per portar oura tras quella *lur valisch*; el vain as covernar la fatscha, acio ch'el non vezza la terra cols ögls.

13. Ma eu * vögl stender oura mia rait sur el, ed el sarâ prais in meis latschs; e 'l vögl far gnir in Babilon, nel pajais dels Caldeers, ed el non la vezzerâ, ed impero vain el a morir laint.

* Ez. 17, 20.

14. * Ed eu vögl rasar avant tuot ils vents tuot quels, chi saran intuorn el, seis succuors, e tuot sias troppas, e vögl trar oura la spada davo els.

* 2 Reg. 25, 5.

15. Ed els cognoscheran, ch'eu *sun* il Segner, cur eu vegn als avoir ratsats tanter las naziuns, e dispers tanter ils pajais.

16. Ma vögl laschar intanter els alchüns pacs homens, restats dalla spada, dalla fam, e dalla pestilenza, acio ch'els requintan tuot lur abominaziuns tanter las naziuns, ingio els vegnan a gnir, e cognoscheran, ch'eu *sun* il Segner.

17. Il pled del Segner am füt eir *indriz-zâ*, dschand:

18. Figl del crastian, mangia teis

pan con tremblazun, e baiva tia aua con spavent, e con pissêr;

19. E di al pövel del pajais: Il Segner Deis ha dit usche davart quels, chi avdan in Gerusalem, nella terra d'Israel: Els vegnan a mangiar lur pan con pissêr, e vegnan a baiver lur aua con stramizi, perche 'l pajais da quella sarà desolâ, e *spogliâ* da tuot quai ch' ais laint, per la violenza da tuot quels chi avdan laint.

20. E las cittats abitadas saran desertas, e 'l pajais sarà desolâ, e vus cognoscherat, ch' eu *sun* il Segner.

21. Il pled del Segner am füt eir *indrizzâ*, dschand:

22. Figl del crastian, che proverbi *ais* quaist, cha vus üsais davart il pajais d'Israel, dschand: * Ils dis saran prolungunats, ed ogni visium ais perida?

* Ez. 11, 3. Am. 6, 3.

23. Pertant, di ad els: Usche ha dit il Segner Deis: Eu vögl alvar via quaist proverbi, ed ün non l' üserà plü in Israel; anzi di ad els: Ils dis, e'l pled d'ogni visium, sun dastrusch.

24. Perche da * quinderinavant non sarà qua plü visium alchüna da vanità, ne alchün ingiavinamaint da lusingias, in mez la chasa d'Israel.

* Ez. 13, 23.

25. Perche, eu il Segner, aviand favlâ, schi sarà la chosa, ch' eu vegn ad avair dit, missa in effet; non sarà plü prolungnada, anzi, sch' eu in voss dis pronunziesch alchün pled, o chasa rebella, *in voss dis* eir il vögl eu metter in effet, disch il Segner Deis.

26. Il pled del Segner am füt eir *indrizzâ*, dschand:

27. Figl del crastian, mera, la chasa d'Israel disch: La visium, cha quaist vezza, *ha* da gnir da qui a blers dis; ed el profetiza *chosas* da temps lontans.

28. Perquai, di ad els: Usche ha dit il Segner Deis: Ingün da meis pled non sarà plü prolungunâ; il pled ch' eu vegn a dir sarà miss in effet, disch il Segner Deis.

CHAP. XIII.

Deis ordaina ad Ezechiel, da profetizar conter ils fos profets, fosas profetessas del pövel d'Israel, descrivand lur sceleratezzas, sco eir ils güdizis sur els

Il pled del Segner am füt darcheu *indrizzâ*, dschand:

2. Figl del crastian, profetiza conter ils profets d'Israel, chi profetizan, e di als profets, * *chi profetizan* our da lur sen: Tadloai il pled del Segner!

* Ger. 14, 14.

3. Usche ha dit il Segner Deis: Vae als profets nars, chi van davo lur spiert, e davo chosas cha non han vis!

4. O Israel, tei profets sun stats sco vuolps nels deserts.

5. Vus non eschat its sü pro las rotüras, e non avais fat alchün trapart avant la chasa d'Israel, per as presentar a battaglia nel di del Segner.

6. Els han vis visiuns da vanità, ed ingiavinamaints da menzögna; quels sun quels chi dischan: Il Segner disch! Schabain cha 'l Segner non ils ha tramiss; ed han fat spranza, cha 'l pled vegna a gnir compli.

7. Non avais vus vis visiuns da vanità; e pronunziai ingiavinamaints da menzögna? E darcheu dschais: Il Segner disch! Combain ch' eu non ha tschantschâ?

8. Pertant, usche ha dit il Segner Deis: Perquai cha vus avais proponü vanità, ed avais vis *visiuns* da falsità; perquai, mera 'm qui contra vus, disch il Segner Deis.

9. E meis man sarà contra quels profets, chi vezzan *visiuns* da vanità, ed ingiavinan menzögna; els non saran *plü* nel cossagl da meis pövel, e non saran scrits nella rassegna della chasa d'Israel; e non dessan gnir nella terra d'Israel, e vus cognoscherat, ch' eu *sun* il Segner Deis.

10. Perche e pertant cha quels han straviâ meis pövel, dschand: Pasch! Schabain cha *qua* non *eira* alchüna pasch, ed in quai cha quels edifican la parait, mera, quaists l' han * smaltada con malta, chi non tegna;

* Ger. 6, 14.

11. Schi di a quels chi smaltan con *malta* chi non tegna, cha *la parait* vegn' a dar giò; e vain a gnir üna grossa razzada da plövgia, e vus, o peidras da granda tempesta, gnis a crodar, ed ün vent furius la fenderà.

12. E mera, *cur* la parait sarà crodada, non vaine lura a gnir dit a vus: Ingio *ais* la malta, con la quala vus l' avais smaltada?

13. Perquai, usche ha dit il Segner Deis: Eu vögl far rumper oura ün vent furius in mi' ira; ed üna grossa razzada da plövgia vain a crodar in meis sdegn; e peidras da granda tempesta, in mia indignaziun; per disperder interamaing.

14. Ed eu vögl disfar la parait, cha vus avais smaltâ con *malta* chi non tegna, e la vögl büttar a terra, e seis fondamaints saran scoverts; ed ella vain a dar aint, e vus sarat consumats in mez quella, e cognoscherat, ch'eu *sun* il Segner.

15. Ed eu vögl complir mi' ira sur la parait, e sur quels chi la smaltan con *malta* chi non tegna; ed eu as vögl dir: La parait non *ais plü*, quels eir chi l'han smaltada, non *sun plü*;

16. Cioè ils profets d'Israel, chi profetizan a Gerusalem, e là vezzan visiuns da pasch, schabain cha *qua* non *saja* pasch alchüna, disch il Segner Deis.

17. Ultra quai, tü figl del crastian, volva tia fatscha contra las figlias da teis pövel, chi profetizan * da lur propri sen, e profetiza conter ellas;

* Ez. 13, 2.

18. E di: Usche ha dit il Segner Deis: Vae a quellas chi eusan plümatsehs per metter suot la güvella, e chi fan velas süil cheu *dellas persunas* d'ogni statura, per captivar las ormas! Dessat vus captivar las ormas da meis pövel, e salvar las vossas proprias ormas?

19. E 'm dessat vus profanar avant meis pövel per puogns d'üerdi, e flettas pan, fand morir las ormas chi non dessan morir, e fand viver las ormas chi non dessan viver, mentind a meis pövel, chi taidla la menzögna?

20. Perquai, usche ha dit il Segner Deis: Mera 'm qui contra voss plümatsehs, ingio vus captivais las ormas, sco ils utschels; e 's vögl scharpar davent da vossa bratscha, e vögl laschar ir las ormas, davo las qualas vus chatschais, sco davo utschels.

21. Vögl scharpar medemmamaing vossas velas, e vögl liberar meis pövel da voss mans, ed el non sarà plü in voss mans per *esser vossa* chatscha;

e vus cognoscherat, ch'eu *sun* il Segner.

22. Perquai cha vus avais fosamaing conturbâ il cour del güst, il qual eu non avaiva conturbâ; ed * avais fortifichâ ils mans del empi, acio ch'el non as convertiss da sia mala via, per far ch'el vivess,

* Ger. 23, 14.

23. * Perquai, vus non gnis a vair plü *visiuns* da vanità, e non gnis ad ingiavinar plü ingiavins; schi eu vögl liberar meis pövel da voss mans, e vus cognoscherat, ch'eu *sun* il Segner.

* Ez. 12, 24.

CHAP. XIV.

Alchüns seniurs del pövel, essendo gnüts pro Ezechiel, sun reprais da lur ipocrisia. E lura declera Deis al profet, cha sia sentenza contra Gerusalem eira irrevocabla.

MA alchüns homens dels * seniurs d'Israel gnittan pro mai, e sezzettan avant mai.

* Ez. 20, 1.

2. E'l pled del Segner am füt *indrizzâ*, dschand:

3. Figl del crastian, quaists homens han drizzâ sü lur idols in lur cour, ed han tchantâ l'intop da lur iniquità avant lur fatscha; vegn eu retscherchâ dad els da davaira?

4. Perquai, tshantscha con els, e di ad els: Usche ha dit il Segner Deis: Cura, chi mâ saja della chasa d'Israel, averà drizzâ seis idols in seis cour, ed averà tchantâ avant sia fatscha l'intop da si' iniquità, e vain *lura*, *dopo quai*st, pro 'l profet, schi'm vögl eu, il Segner, intrametter al responder per quai istess, *cioè* per la quantità da seis idols;

5. Acio cha la chasa d'Israel saja praisa tras seis propri cour, perche cha sun tuots separats da mai per lur idols.

6. Perquai di alla chasa d'Israel: Usche ha dit il Segner Deis: As converti, e's retirai da voss idols, e volvai davent vossas fatschas da tuot vossas abominaziuns;

7. Perche, sch' alchün della chasa d'Israel, o dels forestêrs chi dmuran in Israel, as separa our da mai, e drizza sü seis idols in seis cour, e metta l'intop da si' iniquità avant sia fatscha, e vain *lura*, *dopo quai*st, pro 'l profet, per domandar per el, schi'm

vögl eu, il Segner, intrametter a responder per mai istess;

8. * E vögl voler mia fatscha contra quel hom, e'l vögl metter per signal, per proverbî, e'l vögl sterminar our da mez meis pövel, e vus cognoscherat, ch' eu *sun* il Segner.

* Lev. 17, 10.

9. E, scha'l profet ais surmanâ, e disch alchün pled, schi vegn eu, il Segner, ad avair surmanâ quel profet, e vögl stender oura meis man sur el, e'l vögl sdrür our da mez il pövel d'Israel.

10. Ed *amenduos* vegnan a portar la *paina* da lur iniquità; la *paina* dell' iniquità del profet sarà eguala a quella da quel chi domanda;

11. Acio cha la chasa d'Israel non as stravia plü our da mai, e cha quels non as contaminan plü in tuot lur misfat; e cha sajan meis pövel, e ch' eu saja lur Deis, disch il Segner Deis.

12. Il pled del Segner am füt eir *indrizzâ*, dschand:

13. Figl del crastian, scha dvainta ch' ün pajais peecha contra mai, commettand misfat, e ch' eu stend' oura il man sur quel, * e'l rump il sostegn del pan, e tramet contra quel la fam, e sterminesch laint glied e bestias;

* Lev. 26, 26. Es. 3, 1. Ez. 4, 16.

14. * Cur quaists trais homens, Noè, Daniel e Giob, füssan in mez quel, schi gnissan quels a liberar *solum* lur persunas, per lur güstia, disch il Segner Deis.

* Ger. 15, 1.

15. Scha dvainta, ch' eu fetscha passar las bestias noschaivlas tras ils pajais, e cha quellas il dsorfnessan, dinuonder el füss desolâ, sainza cha *qua* passa alchün, per chaschun dellas bestias;

16. Cur quaists trais homens *füssan* in mez quel; *sco* eu viv, disch il Segner Deis, schi non gnissan els a liberar ne figls, ne figlias, els sulets gnissan a gnir liberats, e'l pajais a gnir desolâ.

17. Ovvero, scha dvainta ch' eu fetscha gnir la spada sur quel pajais, e di: Spada, passa tras quel pajais, ch' eu sterminescha laint glied e bestias.

18. Cur quaists trais homens *füssan* in mez quel; *sco* eu viv, disch il Segner Deis, quels non gnissan a liberar ne figls, ne figlias; anzi els sulets gnissan a gnir liberats.

19. Ovvero, scha dvainta ch' eu trametta la pestilenza contra quel pajais, e spand' oura mi' ira sur quels con sang, per sterminar glied e bestias;

20. Cur Noè, Daniel e Giob, *füssan* in mez quel; *sco* eu viv, disch il Segner Deis, schi non gnissan els a liberar ne figl, ne figlia, els *sulets* gnissan a liberar lur persunas per lur güsta.

21. Perche, usche ha dit il Segner Deis: Quant main, *sch'* eu tramet meis quatter grevs güdizis, la spada, e la fam, e las bestias dannavlas, e la pestilenza, tuots insembel contra Gerusalem, per sterminar glied e bestias;

22. Pür inguotta tant main, mera, alchüns pacs vegnan a restar in quella; e vegnan a scampar via figls e figlias, chi saran condüts oura; mera, els van oura *per gnir* pro vus, e vus vezzerat lur via, e lur fats, e sarat darcheu cuffortats del mal, ch' eu vegn ad avair fat gnir sur quella, in tuot quai ch' eu vegn ad avair fat gnir sur quella.

23. E quels vegnan darcheu as cuffortar, cur vus averat vis lur via, e lur fats; e cognoscherat, cha bricha sainza chaschun eu haja fat tuot quai ch' eu vegn ad avair fat in quella, disch il Segner Deis.

CHAP. XV.

Predieziun profetica della totala destrucziun da Gerusalem, per la desperada malizia del pövel.

IL pled del Segner am füt eir *indrizzâ*, dschand:

2. Figl del crastian, che chosa *ais* il lain della vit, plü co qualunque oter lain? *Che* chosa *ais* quai chi ais stat üna percha da vit, tanter la boſcha del god?

3. Po gnir tut alchün lain da quel per far landroura qualeha lavur? Po eir gnir tut üna claviglia da quel, per picchar süsura qualunque üsaglia?

4. Mera, dopo ch' el sarà stat miss in fö, per esser consumâ, e cha'l fö averâ consumâ sias duos varts, e ch' in mez quel el sarà arsentâ, vala el lura plü

qualchosa a far landroura alchüna lavur?

5. Mera tant ch' el ais intêr, non as po far alchüna lavur landroura, quant main as dess plü podair far landroura alchüna lavur, dopo cha'l fö l'avèrà consümâ, e ch' el sarà arsentâ?

6. Perquai, usche ha dit il Segner Deis: Qual *ais*, tanter la lina del god, il lain della vit, il qual eu ha ordinâ per spaisa del fö, tals vögl eu render ils abitants da Gerusalem.

7. E * vögl volver mia fatscha conter els; cur els saran gnüts our d'ün fö, schi vain ün *oter* fö als constimar; e vus cognoscherat, ch' eu *sun* il Segner, cur eu vegn ad avair vout mia fatscha conter els. * Lev. 17, 10. Ez. 14, 8.

8. E vögl far il pajais desolâ, perquai ch' els han commiss misfat, disch il Segner Deis.

CHAP. XVI.

El fa vair als Güdeus il miserabel stadi, nel qual els eiran cur il Segner ils tschernet per seis pövel; e metta nan lur ingratitudine, e 'ls repretta per causa da lur idolatria; eir profetiza el la restoraziun della baselgia suot il reginam da Cristo.

IL pled del Segner am füt eir *indriz-zâ*, dschand:

2. Figl del crastian, declera a Gerusalem sias abominaziuns;

3. E di: Usche ha dit il Segner Deis a Gerusalem: Tia origine, e tia naziun ais our dal pajais dels Cana-neers; tei bap eira Amorit, e tia mamma Hetita.

4. E, quant a tia naschenscha, * nel di cha tü naschettast, schi non at füt l'umblì tagliâ, e non füttast lavada con aua, per esser nettiada; e non füttast inguotta struschada con sal, ne faschada con faschas. * Os. 2, 3.

5. L'ögl d' *alchün* non avet misericordia da tai, per at far alchüna da quaistas chosas, aviand compassiun da tai; anzi tü füttast büttada sün la fatscha della champagna, per il sdegn, nel qual ün oter avaiava tia persuna, nel di cha tü naschettast.

6. Ed eu passet sper tai via, e 't vez-zet cha tü giaschaivast qua in tei sang e 't dschet: Viva in tei sang; e darcheu at dschet eu: Viva in tei sang!

7. Ed at fet * crescher in bler millis,

seo 'ls dscherms della champagna, e tü at multiplicettast, e gnittast granda, e pervgnittast ad üna zuond granda bellezza; las tettas at gnittan formadas, e 'l pail at naschet; ma tü eirast nüda, e scoverta. * Ex. 1, 7.

8. Ed eu passet sper tai via, e 't vez-zet, e mera, ti' età eira età d'amurs, ed eu stendet oura l'ur da mia rassa sur tai, e covernèt darcheu tia nüdezza, e güret a tai, ed intret con tai in lia, disch il Segner Deis, e tü gnittast mia.

9. Ed eu at lavet con aua, e 't chatschand *nell' aua*, piglet eu tei sang d'avent *da tai*, e 't onschet con öli.

10. E 't vestit con rechams, e 't cu-zet *con pels* da tass, e 't tschintet con glin fin, e 't covernet con saida.

11. E 't fittet con ornamaints, at met-tet manins nels mans, ed üna binda intuorn colöz.

12. At mettet eir ün monil sül nas, ed uraglin nellas uraglias, ed üna corona da gloria sün cheu.

13. Usche füttast fittada d'or, e d'argient, e tei vestir *füt* glin fin, e saida, e rechams; tü mangettast flur farina, e meil, ed öli, ed est gnüda grandamaing bella, e prosperettast fin a regnar.

14. E la fama da tai as raset oura tanter ils pövels, per tia bellezza; siand ch' ella *eira* complida, tras mia gloria, ch' eu avaiava miss in tai, disch il Segner Deis.

15. Ma tü t' hast confidada sün tia bellezza, ed hast * fat pitanögn per tia fama; ed hast spans oura tias fornicaziuns ad ogniün chi passaiva; ad el staiva da far *quai chi 'l plaschaiva*. * Es. 57, 8.

16. Ed hast tut * da tia vestimainta, e 't hast fat landroura lous ots da diversas colurs, ed hast spittanâ sur quels; † *chosas* similas a quellas non vegnan a gnir, e non saran *mâ bricha plü*; * Ez. 7, 20. † Ger. 2, 10. 11.

17. Ed hast tut ils ornamaints da tia gloria, fats our da meis or, e da meis argient, ch' eu t' avaiava dat, e 't hast fat *landroura* imaginas da maschels, ed hast spittanâ con quellas.

18. Tü hast eir tut la vestimainta da tei rechams, ed hast covernâ quellas

con quella, ed hast ad ellas present-meis öli, e meis profüm.

19. Medemmamaing hast ad ellas presentâ, in amabla odor, meis pan, ch'eu t'avaiva dat, e la flur della farina, e l'öli, e l' meil, *col qual* eu at spisjantaiva; e quai ais stat, disch il Segner Deis.

20. Ultra quai, tû hast tut teis figls, e tias figlias, cha tû m'avaivast parturi, e l's hast * sacrificats a quellâs, per esser consumats. *Eira* quai üna pitschna chosa da tias fornicaziuns?

* 2 Reg. 16, 3. Ps. 106, 37.

21. Cha tû hajast amo schännâ eir meis infants, e l's hajast dats a quellâs, ils fand passar *tras il fö?*

22. E con tuot tias abominaziuns, e fornicaziuns, non t'hast tû regordada del temp da tia giuventüna, cur tû eirast nüda, e scoverta, e giaschavast in teis sang.

23. Ma, dopo tuot tia malizia, (vae, vae, a tai, disch il Segner Deis;)

24. Tû hast eir edificâ ün bordel, e t'hast * fat ün lö ot in ogni plazza publica.

* Es. 57, 5. 7.

25. In ogni chantun da strada hast tû edificâ ün lö ot, ed hast fat abominabla tia bellezza, ed hast slargiâ oura las chammas ad ogni ün chi passaiva, ed hast multiplichâ tias fornicaziuns.

26. Ed hast fat pitanoegn cols infants d'Egipto, teis vashins da granda membra, ed hast multiplichâ tias fornicaziuns per am grittantar.

27. Pelqual, mera, eu ha stendü oura meis man sur tai, ed ha disminiui tia provisiun ordinaria, e t'ha surdatta alla vögliâ dellas figlias dels Filistins, chi t'han in ödi, ed han verguogna da teis scelerat proceder:

28. * Tû hast eir spitânâ cols figls d'Assur, siand cha tû non eirast amo saduola; tû hast fat pitanoegn con els, e pür amo non t'hast sazziaa.

* 2 Reg. 16, 7.

29. Ed hast multiplichâ tias fornicaziuns nel pajais da Canaan, * fin in Caldea, ed impero amo, con tuot quai, non t'hast sazziaa.

* 2 Reg. 24, 1.

30. Quant *ais stat* teis cour loc, disch il Segner Deis, fand tuot quaistas chosas, *chi sun* ouvras d'üna sfruntada pitana?

31. Edifichand teis bordel in cheu d'ogni strada, e fand teis löus ots in ogni plazza publica. Ma tû non est statta seo las otras pitanas, in quant tû hast spretschâ il guadagn.

32. O duonna adultera, chi ardsechavast ils esters in lö da teis marit!

33. E's da premi a tuot las otras pitanas, ma tû hast dat teis premis a tuot teis amatur, ed hast ad els fat preschaints, acio cha gnissan nan pro tai dapertuot intuorn, per tias fornicaziuns.

34. Ed ais scontrâ a tai, in tias fornicaziuns, tuot il contrari dellas otras donans, in quant ingün non t'ais stat davo per fornicar, ed eir in quant tû hast dat premi, e premi non ais stat dat a tai, *ed usche* est statta al contrari dellas otras.

35. Perquai, o pitana, taidla il pled del Segner!

36. Usche ha dit il Segner Deis: Siand teis brudgögn sun stats rasats oura, e ch'in tias fornicaziuns, tia nüdezza ais statta scoverta a teis amatur, ed a tuot ils idols da tias abominaziuns, ed eir per chaschun del sang da teis infants, cha tû hast dat a quels:

37. Perquai, mera, * eu vögl far gnir insembel tuot teis amatur, cols quals tû hast gnü teis dalets, e tuot quels cha tû hast amâ, insembel con tuot quels cha tû hast gnü in ödi, e l's vögl raspar nan dapertuot intuorn contra tai, e vögl scovernar ad els tia nüdezza, e quels dessan vair tuot tias verguognas.

* Ger. 13, 22. 26.

38. E't vögl güdichar con * güdizis dellas adulteras, e da quellâs chi spandan il sang; e't vögl chastiar con paina capitala, in ira ed in zelo-sia.

* Lev. 20, 10.

39. E't vögl dar in lur mans, e quels vegnan a disfar teis bordel, e vegnan a sdrür teis lous ots, e vegnan a spogliar da tia vestimainta, e vegnan a portar via ils ornamentals da tia gloria, e t'laschar nüda, e scoverta.

40. E faran gnir contra tai üna granda raspada *da pövel*, e vegnan at ac-crappar con peidras, e vegnan at forar tras con lur spadas;

41. E vegnan ad * arder tias chasas col fö, e vegnan ad esequir güdizis

sur tai, nel conspet da bleras donans; ed eu at vögl far interlaschar da spit-tanar, ed eir non dessast tû dar plü premi da fornicaziun. * 2 Reg. 25, 9.

42. Ed eu vögl balchar m'ira sur tai, e mia zelosia vain as alvar da-vent da tai, ed eu vögl posar, e non am vögl adirar plü.

43. Usche lungamaing cha tû non t' hast regordada dels dis da tia giu-ventüna, e m' hast commoventâ ad ira con tuot quaistas chosas; mera, schi't vögl eu eir render teis proceder sül cheu, disch il Segner Deis. Ed eir, con tuot quaistas abominaziuns, non hast tû commiss sceleratezza.

44. Mera, tuot quels chi solan tschan-tschar proverbis vegnan a dir quaist proverbî da tai: Quala *fütt* la mam-ma, *tala ais* sia figlia.

45. Tû *est* figlia da tia mamma, chi avet per sdegn seis marit, e seis in-fants, ed *est* sour da tias sours, chi han gnü per sdegn lur marits, e lur infants; vossa mamma ais Hetita, e vos bap Amorit.

46. Ma tia sour la plü granda ais Sa-maria, con sias terras, la quala ais tschantada da teis *man* šnester, e tia sour la pitschna, chi ais missa da tia dretta, *ais* Sodoma, con sias terras.

47. Ed eir non hast be chaminâ sün lur vias, e non hast fat seguond lur abominaziuns, sco *scha quai füss* üna pitschna e leva chosa, anzi t' hast corruotta in tuot tias vias, plü co quellas.

48. *Sco* eu viv, disch il Segner Deis: * Sodoma, tia sour, e sias terras, non fettan tant co hast fat tû, e tias terras.

* Mat. 10, 15.

49. Mera, quaista füt l'iniquità da Sodoma, tia sour con sias terras; ella avet granda gloria, ed * abun-danza da pan, e commodità da repos, ed ella non det alchün cuffort al po-ver, ed al bsögnus. * Gen. 13, 10.

50. E quellas superbiettan, e * com-mettettan abominaziuns in meis con-spet; dinuonder eu las piglet via, cur eu vezzet *che's doraiva far*. * Gen. 18, 20.

51. E, quant a Samaria, ella non ha pechâ a mitâ tant co tû; e tû hast multiplicâ tias abominaziuns, plü

co l' üna, e l' otra, ed hast güstifichâ tias sours con tuot las abominaziuns cha tû hast commiss.

52. Tû, chi hast güdichâ amendus tias sours, porta eir tû teis vituperi, per teis puchats, per ils quals tû est rendüda plü abominabla co ellas; * ellas sun plü güstas co tû; ed eir tû, sajast sverguognada, e porta teis vi-tuperi, siand cha tû güstifichast tias sours. * Ger. 3, 11.

53. *Scha* mâ eu las retir da preschun, cioè Sodoma, e sias terras, e Sama-ria, e sias terras; *schi vögl eu retrar* eir tanter ellas ils captivs da tias pre-schuns,

54. Acio cha, las cuffortand, tû por-tast teis vituperi, e sajast sverguo-gnada per tuot quai cha tû hast fat.

55. E, *cur* tias sours, Sodoma e sias terras, e Samaria e sias terras, vegnan darcheu a turnar in lur prüm stadi, lura eir tû e tias terras, gnis darcheu a turnar in vos prüm stadi.

56. Ma Sodoma, tia sour, non ais statta menzunada our da tia bocca nel di da tias magnificenzas;

57. Ant cha tia malizia füss palesa-da, sco *füt* nel temp del vituperi *chi at füt fat* * dallas figlias da Siria, e da tuot seis löus circonvicins; e dal-las figlias dels Filistins, chi at buti-nettan dapertuot intuorn. * 2 Reg. 16, 5.

58. Tû portast adöss tia sceleratez-za, e tias abominaziuns, disch il Se-gner.

59. Perche, usche ha dit il Segner Deis: Eu eir vögl far invers tai, sco tû hast fat; perche tû hast spretschâ il güramaint, tras rumper la lia.

60. Impero eu am vögl regordar da mia lia, ch' eu fet con tai nels dis da tia giuventüna, e t' vögl * confermar üna lia eterna. * Ger. 31, 31. 32.

61. Lura at regorderast tû da tias vias, e sarast confusa, cur tû vainst ad ardschaiver tias sours las gran-das, ensembel con las plü pitschnas co tû, las qualas eu at vögl dar * per figlias; ma bricha seguond tia lia.

Es. 54, 1.

62. Ed eu vögl confermar mia lia con tai, e tû cognoscherast, ch' eu sun il Segner;

63. Acio cha tû at regordast *da*

quaistas chosas, ed hajast verguogna, e non avrast plü la bocca per teis vituperi, dopo ch' eu vegn ad esser abunià invers tai, da tuot quai cha tü averast fat, disch il Segner Deis.

CHAP. XVII.

Il Segner ordaina ad Ezechiel da predir, tras figura, la rebellun da Sedechia, contr' il rai da Babilon, con la preschun seguida, e ruina da tuot il stadi; con promissiun però del stabilimaint spiritual del reginam d' Israel tras il messia.

IL pled del Segner am füt eir *indrizzâ*, dschand:

2. Figl del crastian, propona ün' ingiavinëra, ed üna sumgenschia alla chasa d' Israel,

3. E di: Usche ha dit il Segner Deis: Üna grand' aglia, con grandas alas, e lungas pennas, plaina da plümma parniclada, gnit sül Libano, e piglet via la chaplina d' ün ceder.

4. Ella rumpet giò la sommità da seis ramets zartis, e 'ls transportet in ün pajais da traffic, e 'ls tschantet giò in üna città da merchadants;

5. E piglet dalla stirpe del pajais, e la mettet in ün champ da sem, e la portet via pro auas grandas, e la tschantet a *guisa da planta*.

6. E quella dsermüglet, e dvantet üna ventüraivla vit, bassa da planta, aviand sias perchas voutas vers l'aglia, e conservand sias ragischs nel propri lö da quella; usche dvantet ella üna vit, e fet perchas, e бүттet oura ramets.

7. Ma qua füt ün' *otra* grand' aglia con grandas alas, e con bleras pennas; e mera, quella vit volvet sias ragischs via pro quella, stendet oura vers ella sias perchas, acio ch' ella la sauess con aualets our da sias plantas.

8. Quella eira implantada in ün bun terrain, sper grandas auas, per prodür manzinas, e portar früt, e dvantar üna vit eccellente.

9. Di: Usche ha dit il Segner Deis: Dess ella prosperar? *Quell' aglia* non vain ella a strar sü sias ragischs? E non vain ella a tagliar giò seis früt, dasort ch' ella secha via? E non vegnan a sechar via tuot las tschimmas, e las manzinas ch' ella ha бүттä oura? E non farà ella *quai* con grand

sforz, e con bler pövel, per la tour via dallas ragischs?

10. Ma, mera, l'ais plantada, vain ella però a prosperar? Non vain ella a sechar via daffat, scombod cha 'l vent oriental l' averà tocca? Ella vain a sechar via sur ils aualets chi l' averan fatta dsermügliar.

11. Lura il pled del Segner am füt *indrizzâ*, dschand:

12. Di uossa a quaista chasa rebel-la: Non savais vus, che quaistas chosas *vöglian dir*? Di: Mera, il rai da Babilon gnit in Gerasalem, e piglet il rai e 'ls princips da quella, e 'ls fet gnir pro el in Babilon;

13. E piglet ün del sang regal, e fet lia con el, e 'l fet * gürar, e piglet ils possants del pajais;

* 2 Cron. 36, 13.

14. Acio cha 'l reginam restess bass, e non s' adozess, e salvess la lia fatta con el, acio ch' el restess in pè.

15. Ma quel s' ha rebellâ contr' el, tramettand seis ambasciadurs in Egipto, acio cha 'l füssan dat chavals, e grand pövel. Quel chi fa da quella sort chosas dess el prosperar? Dess el scampar via? Aviand ruot la lia, dess el impero scampar?

16. Sco eu viv, disch il Segner Deis, el * vain a morir in mez Babilon, lö del rai, chi l' avaiva constitui rai, e sper el, il saramaint del qual el ha spretschâ, e la lia del qual el ha ruot,

* Ger. 32, 5.

17. E Farao, con grand exercit, e con grand pövel raspâ, non farà inguotta con el in guerra, dopo ch' ün averà fat transêras, ed averà edificâ bastiuns, per sdrür bleras ormas.

18. Daspö ch' el ha spretschâ il saramaint fat con execraziun, rumpand il pät, e mera, dopo avair dat il man, ha el impero fat tuot quaistas chosas; el non vain a scampar.

19. Perquai, usche ha dit il Segner Deis: Sco eu viv, eu al vögl render sül cheu meis saramaint ch' el ha spretschâ, e mia lia ch' el ha ruot.

20. Ed eu vögl stender * oura mia rait sur el, ed el sarà prais in meis latsehs, ed eu il vögl far gnir in Babilon, e qua vögl eu gnir a drettar con el, per il misfat ch' el ha commiss contra mai.

* Ez. 12, 13.

21. E tuot quels da sias troppas, chi fùgiran, vegnan a crodar tras la spada; e quels chi vegnan a rumagnair, saran dispers ad ogni vent; e vus cognoscherat, ch' eu, il Segner, ha tschantschâ.

22. Usche ha dit il Segner Deis: Impero schi vögl eu tour *una* dellas chaplinas da quel ot ceder, e *la* vögl tschantar; eu vögl rumper giò ün *ramet* zarti dalla tschimma da seis rams, e'l vögl plantar sün ün ot ed elevâ munt.

23. Eu il vögl plantar nel ot munt d' Israel, ed el ozerà *seis* rams, e porterà früt, e dvanterà ün excellent ceder, e suot quel, alla sumbriva da seis rams, vegnan as redür ils utschels d' ogni specie.

24. E tuot la boſcha della champagna cognoscherà, ch' eu *sun* il Segner, *chi* abbassa la boſcha ota, ed adoza la boſcha bassa; *chi* sechaint la boſcha verda, e fetsch dsermügliar la boſcha secha. Eu, il Segner, ha tschantschâ, ed eir vögl metter *il fat* in effet.

CHAP. XVIII.

El mossa, cha ogniün porterà la paina da seis pucha. Il figl non porterà l' iniquità del bap.

Ils fidels sun exortats pro penitenza.

IL pled del Segner am füt dareheu *indrizzâ*, dschand:

2. Che volais dir vus, cha üsais quaist proverbi davart la terra d' Israel, dschand: * Ils baps han mangiâ l' üja ascha, e' ls daints dels infants sun sgüzzats? * Ger. 31, 29.

3. *Sco* eu viv, disch il Segner Deis, vus non averat plü *chaschun* d' üsar quaist proverbi in Israel.

4. Mera, tuot las ormas sun mias; sco l' orma del bap, usche eir l' orma del figl ais mia; l' orma chi averà pechâ, quella morirà.

5. Ma'l crastian chi sarà güst, e farà dret e güstia;

6. E chi non averà mangiâ süls munts, e non averà ozâ ils ögls vi' als idols della chasa d' Israel, * e non averà contaminâ la muglier da seis prossem, e non sarà approsimâ pro duonna menstruanta; * Lev. 18, 19. 20.

7. E non * averà chalchâ alehün, ed averà rendü il pain al debitader, e

non averà fat sgiarbaria; ed averà dat da seis pan a quel chi ha fam, ed averà covernâ con vestimainta il nüid; * Ex. 22, 21. 26.

8. E non averà * imprastâ via sün usura, e non averà tut d' avantach, ed averà retrat seis man d' iniquità, ed averà fat real güdizi tanter l' ün crastian e l' oter; * Ps. 15, 5.

9. E sarà chaminâ in meis statuts, ed averà observâ mias ledschas, per far ouvras da realtä, e da vardâ; ün tal *ais* güst; pertschert el viverà, disch il Segner Deis.

10. Ma, sch' el generescha ün figl, *chi saja* morder, chi sbanda il sang, o fetscha qualüna chosa sumgianta all' üna da quellas;

11. E non fetscha tuot las chosass sudettas, dimpersai mangia süls munts, ed impala la muglier da seis prossem;

12. E chalcha il pover e' l bsögnus, e fetscha sgiarbaria, e non renda il pain, ed oza ils ögls vi' als idols, e commetta abominaziuns;

13. Ed impraista via sün usura, e piglia d' avantach; vain el a viver? El non viverà; el ha fat tuot quai-stas chosass abominablas; el pertschert sarà fat morir; seis sang sarà sur el.

14. Ma mera, sch' el generescha ün figl, il qual, aviand vis tuot ils puchats da seis bap, ch' el averà commiss, ch' el quai piglia a cour, e non fa da quella sort chosass;

15. E non mangia süls munts, e non oza ils ögls vi' als idols della chasa d' Israel, e non impala la muglier da seis prossem;

16. E non chalcha alehün, e non piglia pain, e non fa sgiarbarias, e da da seis pan a quel chi ha fam, e coveerna con vestimainta il nüid;

17. E retira seis man dal pover, e non piglia ne usura, ne d' avantach, e metta in effet mias ledschas, e chamina in meis statuts; quel non vain a morir per l' iniquità da seis bap; pertschert el viverà.

18. Quant a seis bap, perquai ch' el averà üsâ oppressiun, ed averà fat sgiarbaria a seis frar, ed averà fat quai cha non ais bün in mez seis

pövel; mera, el vain a morir per si' iniquità.

19. E *scha vus lura* dschais: Perche non porta quel figl l' iniquità del bap? Perquai, siand cha quel figl ha fat dret, e güstia; *ed* ha observà tuot meis statuts, e 'ls ha miss in effet; pertschert el viverà.

20. La * persuna, chi averà pechâ, quella dess morir; il figl non dess portar l' iniquità del bap, ne 'l bap l' iniquità del figl; la güstia del güst sarà sur el, e l' impietà del empi *eir* sarà sur el.

* Deut. 24, 16.

21. E, * cur l' empi vain as retrar da tuot seis puchats, ch' el averà commiss, ed observerà tuot meis statuts, e farà dret e güstia; el pertschert viverà, el non dess morir.

* Ez. 33, 12.

22. Tuot seis misfats, ch' el averà commiss, non al saran plü trats a memoria; el viverà per la güstia ch' el averà operâ.

23. Am * dalet eu per alchüna maniera della mort del empi? Disch il Segner Deis; anzi non viverà el, sch' el as convertescha da sias vias?

* Ez. 33, 11.

24. * Scha *eir* il güst as retira da sia güstia, e commetta iniquità, e fa seguond tuot las abominaziuns cha l' empi commetta, dess el viver? Tuot sias güstias, ch' el averà operâ, non saran plü regordadas; el dess morir per seis misfat, ch' el averà commiss, e per seis pucha, ch' el averà fat.

* Ez. 3, 20.

25. E dessat vus dir: * La via del Segner non ais baindrizzata? Tadlai uossa, o chasa d' Israel, non ais mia via baindrizzata? *Schi*, non *sun* vossas vias *quellas chi* non *sun* baindrizzadas?

* Ez. 33, 20.

26. Cur il güst vain as retrar da sia güstia, e commetterà iniquità, schi dess el morir per quaistas chosas; el dess morir per l' iniquità, ch' el averà commiss.

27. Cur *eir* l' empi vain as retrar da sia impietà, ch' el averà commiss, e farà dret e güstia, schi vain el a far viver si' orma.

28. Sch' el dimena s' inguarda, e 's retira da tuot seis misfats, ch' el ave-

rà commiss; schi vain el pertschert a viver, el non morirà.

29. E pür disch la chasa d' Israel: La via del Segner non ais baindrizzata! O chasa d' Israel, non *sun* mias vias baindrizzadas? *Schi*, non *sun* vossas vias *quellas chi* non *sun* baindrizzadas?

30. Perquai, o chasa d' Israel, eu as vögl güdichar scodün seguond sias vias, disch il Segner Deis. As converti, e 's retrat da tuot voss misfats, schi non as sarà l' iniquità per intop.

31. Büttai via giò d' adöss a vus tuot voss misfats, ch' avais commiss; fat a vus ün cour nouv, ed ün spiert nouv; e perche volessat vus morir, o chasa d' Israel?

32. Perche ch' eu * non am dalet della mort da quel chi moura, disch il Segner Deis. As converti dimena, schi gnis vus a viver.

* Lam. 3, 33.

CHAP. XIX.

Deis ordain' al profet da representar ils vizzis, e sceleratezzas dels ultims rais da Gerusalem, e las calamitats chi vegnan a gnir a scodün dels in particular, ed alla fin a tuot il reginam in general.

MA tû, piglia a far ün pland dels princips d' Israel.

2. E di: Che *eira* tia mamma? Üna liunessa; ella eira giaschentada tanter liuns, ella avaiva trat sü seis liunets in mez liuns giuvens.

3. Ma ella avaiva trat sü ün da seis liunets, chi dvantet ün liun giuven, ed imprendet a sdrappar la praja, e magliaiva la gliend.

4. E las naziuns, aviand udi il *bragizi*, gnittan contr' el, ed el füt prais in lur foura, e 'l manettan inchadanâ nel pajais d' Egipto.

5. Ed ella, cur la vezzet ch' ella s' avaiva *lönch* tgnüda sü, spettand, e *cha* sia spranza eira persa, schi piglet ella ün *oter* da seis liunets, e fet landroura ün liun giuven.

6. Ed el, essendo dvantâ liun giuven, schi giaiv' el e gniv' el tanter ils liuns, ed imprendet a sdrappar la praja, e magliaiva la gliend.

7. El avet *solum* chüra da seis pallazzis, e desertet lur cittats; e 'l pajais, e tuot quai ch' ais in quel, füt desolâ tras la vusch da seis sbrüir.

8. * E las naziuns dellas provinzas dapertuot intüorn al dettan adöss, e tendettan contr' el lur rait, ed el füt prais in lur foura.

* 2 Reg. 24, 2.

9. Lura il mettettan els inchedanâ in üna chabgia, e l' condüettan pro l' rai da Babilon, e l' mettettan in tscher-tas fortezzas, acio cha sia vusch non s' udiss plü stils munts d' Israel.

10. Tia mamma, cur tü füttast tashchantâ, *dvantet* sco üna vit plantada sper las auas; gnit früttaiüla, e richa da frunsia per l' abundanza dell' aua.

11. Ed avet perchas fermas, per scepters da signurs; e *dvantet* ota da tschücha, sur la boſcha spessa, tanter la qual' *ell' eira*, e füt resguardabla per sia otezza, per l' abundanza da sias manzinas.

12. Ma l' ais statta ragischad' oura con ira, ais statta büttada in terra, e l' * vent oriental ha sechantâ seis früt; sias perchas fermas sun stat ruottas, e sun sechadas via; il fö las ha constimadas.

* Ez. 17, 10.

13. Ed uossa ella ais plantada nel desert, in terra secha, e sütta.

14. Ed our * d' üna percha da seis rams ais gnü ün fö, chi ha consumâ il früt da quella, e non ais qua *plü* in ella percha ferma, scepter da signorar. Quaist ais ün pland, e sarâ per pland.

* Güd. 9, 15.

CHAP. XX.

El reprend' ils Gideus per causa da lur grand' ingratitudine e rebellü; il Segner perdun' als pechadurs per amur da seis nom; e profetiza dalla restoraziun della baselgia, e dal vair servezen da Dieu chi dess esser in quella.

MA *dvantet* nel settavel an, nel deschavel *di* del quint mais, ch' alchüns dels seniurs d' Israel gnit-tan per domandar il Segner, e s' mettettan a zer avant mai.

2. E l' pled del Segner am füt *indrizzâ*, dschand:

3. Figl del crastian, favella als seniurs d' Israel, e di ad els: Usche ha dit il Segner Deis: * Gnis vus per am domandar? *Sco* eu viv, disch il Segner Deis, eu non sun retscherchâ da vus.

* Ez. 14, 3.

4. Non ils * güdicherast tü, figl del crastian, non *ils* güdicherast tü? De-

clera ad els las abominaziuns da lur baps;

* Ez. 22, 2. 23, 36.

5. E di ad els: Usche ha dit il Segner Deis: Nel di ch' eu tschernet Israel, ed ozet il man al sem della chasa da Jacob, e m' det ad els da cognoscher nel pajais d' Egipto, ed ozet ad els il man, dschand: Eu *sun* il Segner vos Deis!

6. In quel medem di ozet eu ad els il man, ch' eu ils tress our dal pajais d' Egipto, *per ils introduir* nel pajais ch' eu avaiva scovernâ ad els; *chi ais ün pajais* chi cula da lat e meil, * la gloria da tuot il pajais;

* 2 Sam. 1, 19.

7. E dschet ad els: Büttai via scodün las abominaziuns da seis ögls, e non as contaminarai nel idols d' Egipto; eu *sun* il Segner vos Deis.

8. Ma quels as rebellettan contra mai, e non am volettan tadlar; non büttettan via scodün las abominaziuns da seis ögls, e non bandunettan ils idols d' Egipto; dinuonder eu dschet da volair spander oura sur els m' ira, e da complir meis sdegn sur els, in mez il pajais d' Egipto.

9. Pür inguotta tant main, per meis nom, acio ch' el non füss profanâ nel conspet dellas naziuns, tanter las qualas quels *eiran*, nella presenza dels quals eu m' avaiva dat ad els a cognoscher, operet eu, per ils trar our dal pajais d' Egipto.

10. * Eu dimen' ils tret our dal pajais d' Egipto, e ls condüet nel desert;

* Ex. 13, 18.

11. E det ad els meis statuts, e fet ad els a savair mias ledschas, * tras las qualas il crastian chi las metterâ in effet, vain a viver. * Lev. 18, 5. Rom. 10, 5.

12. Ultra quai * ordinet eu ad els meis sabbats, per esser ün signal tanter mai ed els; acio cha cognoschessan, ch' eu *sun* il Segner, chi ls santifich.

* Ex. 20, 8.

13. Ma la chasa d' Israel as rebellet contra mai nel desert; els non chamnettân in meis statuts, e sbüttettan mias ledschas, tras las qualas il crastian, chi las metterâ in effet, viverâ, e profanettan grandamaing meis sabbats; pelqual eu dschet, da volair spander oura m' ira sur els nel desert, per ils consumar.

14. Pür inguotta tant main, eu operet per meis nom, acio ch' el non füss profanâ nel conspet dels pövels, avant ils ögls dels quals eu ils avai-va trats oura.

15. E, schabain ch' eu * ozet ad els il man nel desert, ch' eu non ils introdüss nel pajais ch' eu *ad els* ha dat, *pajais* chi cula da lat e meil; la gloria da tuot ils pajais; * Num. 14, 23.

16. Siand ch' els avai-va sbüttâ mias ledschas, e non eiran chaminats in meis statuts, ed avai-va profanâ meis sabbats; perche lur cour giaiva davo lur idols.

17. Pür inguotta tant main, meis ögl ils schaniet, per non ils sdrür, e non fet ün final stermini nel desert.

18. E dschet a lur figls, nel desert: Non chaminarai nels statuts da voss baps, e non observarai lur costüms, e non as contaminarai con lur idols.

19. Eu *sun* il Segner vos Deis; chaminai in meis statuts, ed observai mias ledschas, e mettâ-las in effet;

20. E santificai meis sabbats, e sajan quels per ün signal tanter mai e vus, acio cha vus cognoschat, ch' eu *sun* il Segner vos Deis.

21. Ma'ls figls eir as rebellettan contra mai; non chaminettan in meis statuts, e non observettan mias ledschas, per las metter in effet, tras las qualas il crastian, chi las metterà in effet, viverà; profanettan meis sabbats, dinuonder eu dschet da volair spander our sur els mi' ira, e da compilir meis sdegn sur els nel desert.

22. * Pür inguotta tant main, eu retret meis man, ed operet, per l' amur da meis nom; acio ch' el non füss profanâ nel conspet dels pövels, alla vista dels quals eu ils avai-va trats oura.

* Ps. 78, 38.

23. Ma eir ozet eu ad els il man nel desert, * ch' eu ils rasess tanter ils pövels, e'ls vanness tanter ils pajais.

* Lev. 26, 33.

24. Perquai ch' els non mettettan in effet mias ledschas, e sbüttettan meis statuts, e profanettan meis sabbats, e lur ögls füttan davo'ls idols da lur baps.

25. Ed eu eir det ad els statuts bricha buns, e ledschas, tras las qualas els non podettan viver;

26. E'ls contaminet in lur duns, ed offertas, * in quai ch' els fettan passar tras il fö tuot quai chi avra la matrice; acio ch' eu ils metless in desolaziun, afin ch' els cognoschessan, ch' eu *sun* il Segner.

* 2Reg. 17, 17. Ez. 16, 20.

27. Perquai, figl del crastian, favel-la alla chasa d' Israel, e di ad els: Usche ha dit il Segner Deis: In quai eir m' han blastemmâ voss babuns, commettand misfat contra mai.

28. *Cioè* cha, dopo ch' eu ils avet introdüts nel pajais, del qual eu avai-va ozâ il man, ch' eu il dess ad els, han els guardâ vi' * ad ogni ot muot, e vi' ad ogni bösch spess, e qua han els sacrificâ lur sacrificizis, e qua han els presentâ per m' iritar lur offertas, e qua han els † tchantâ lur amablas odurs, e qua han els spans oura lur offertas da spander.

* Es. 57, 5. 6. † Ez. 16, 9.

29. Ed eu dschet ad els: Che chosa ais l' ot lö, ingio vus giais? El ais pür stat *saimper* clamâ: Ot lö, fin a quaist di.

30. Pertant, di alla chasa d' Israel: Usche ha dit il Segner Deis: Tant cha vus as contaminais nellas vias da voss babuns, e spitanais davo lur abominaziuns;

31. E's contaminais in tuot voss idols, infin al di d' hoz, offerind vossas offertas, e fand passar voss infants tras il fö; * dess eu davaira gnir retscherchâ da vus, o chasa d' Israel? *Sco* eu viv, disch il Segner Deis, eu non * sun retscherchâ da vus.

* Ez. 20, 3.

32. E quai cha vus s' imaginais in vos spiert non dvanterà per alehtün möd, in quant vus dschais: Nus gnin ad esser sco 'ls pövels, sco las naziuns del pajais, servind al lain ed alla peidra.

33. *Sco* eu viv, disch il Segner Deis, eu vögl regnar sur vus con man ferm, e con bratsch stendü, e con ira spans' oura;

34. E's vögl trar our d' intanter ils pövels, e's vögl raspar nan da pajais, ingio vus sarat stats dispers, con man ferm, e con bratsch stendü, e con ira spans' oura.

35. E's vögl condür nel desert dels pövels, e qua vögl eu gnir a güdizi con vus da fatscha a fatscha.

36. Ingual sco eu gnit a güdizi con voss babuns nel desert del pajais d'Egipto, usche vögl eu gnir a güdizi con vus, disch il Segner Deis;

37. E's vögl far passar via suot la percha, e 's vögl metter nels liams della lia;

38. E vögl metter da part, our da vus, ils rebels, e quels chi 's volvan our da mai; eu ils vögl trar our dal pajais da lur demuras, * impero els non intreran nel pajais d'Israel, e vus cognoscherat, ch'eu *sun* il Segner.

* Ger. 44, 14.

39. Vus dimena, o chasa d'Israel, usche ha dit il Segner Deis: It, servi scodün a voss idols, daspö cha vus non am volais tadlar; e non profanarai plü meis sanct nom con vossas offertas, e con voss idols.

40. Perche * siin meis munt sanct, stül ot munt d'Israel, disch il Segner Deis, qua vain am servir tuot la chasa d'Israel, quanta ch'ell'ais, *chi* sarà nella terra; qua ils vögl eu avair dachar, e qua vögl eu domandar vossas offertas, e las primizias da voss duns, con tuot vossas chosas consacradas.

* Es. 2, 2. 3.

41. Eu 's vögl avair adachar con *vossas* amablas odurs, dopo ch'eu vegn as avair trats our d'intanter ils pövels, e vegn as avair raspats nan dals pajais, ingio vus sarat stats dispers, e 'm vögl santificar in vus nel conspet dellas naziuns.

42. E vus cognoscherat, ch'eu *sun* il Segner, cur eu vegn as avair condüts nella terra d'Israel, nel pajais del qual eu ozet il man, ch'eu il volless dar a voss babuns.

43. E qua gnis * vus as regordar da vossas vias, e da tuot voss fats, tras ils quals vus eschat contaminats; e † gnis ad avair ün displaschair da vus istess, per tuot ils mals ch'avais commiss;

* Ez. 16, 61. † Lev. 26, 39.

44. E cognoscherat, ch'eu *sun* il Segner, cur eu vegn ad avair operâ invers vus, per l'amur da meis nom; bricha seguond vossas vias malas, ne

seguond voss fats corruots, o chasa d'Israel, disch il Segner Deis.

CHAP. XXI.

Il Segner ordain'al profet, da predir la destrucziun da Gerusalem; sco eir la ruina da Sedechia, e dels figls d'Ammon, tras Nebucadnesar.

IL pled del Segner am füt eir *indrizzâ*, dschand:

2. Figl del crastian, volva tia fatscha vers la part australe, e tschanttscha conter il mezdi, e profetiza conter il god del champ meridional!

3. E di al god del mezdi: Taidla il pled del Segner: Usche ha dit il Segner Deis: Mera, eu invüd in tai ün fò, chi consümerà in tai ogni bösche verd, ed ogni bösche sech; la flamma da seis incendi non as stüzzerà, ed ogni surfatscha laint sarà arsa, da mezdi fin al settentrion.

4. Ed ogni charn vezzerà, ch'eu il Segner ha invüdâ quel; el non as stüzzerà.

5. Ed eu dschet: Ah, ah, Segner Deis! Quaists dischan da mai: *Quaist hom non ais* el ün chi tschanttscha tras sumgenschas?

6. E'l pled del Segner am füt *indrizzâ*, dschand:

7. Figl del crastian, volva tia fatscha vers Gerusalem, etschanttscha conter ils lous sancts, e profetiza conter la terra d'Israel;

8. E di alla terra d'Israel: Usche ha dit il Segner: Mera'mqui contra tai; eu vögl trar mia spada our da sia taja, e vögl sdrür our da tai il güst e l'empi.

9. Siand ch'eu *ha determinâ* da sdrür our da tai il güst e l'empi, perquai sarà tratta mia spada our da sia taja contr'ad ogni charn, da mezdi fin al settentrion.

10. Ed ogni charn cognoscherà, ch'eu, il Segner, vegn ad avair trat mia spada our da sia taja; ella non sarà *qua* plü turnantada.

11. Ultra quai, tü, figl del crastian, suspüra; suspüra con rottüra da flancs, e con aschezza in lur conspet.

12. È, cur els vegnan at dir: Perche suspürast? Di: Per il bragizi, *cha la chosa* vain; ed ogni cour vain ad alguar, ed ogni man vain a scrodar, ed ogni spiert vain a gnir almain, e

tuot la snuoglia vain as dissolver in aua; mera, *la chosa* vain, e sarà misa in effet, disch il Segner Deis.

13. Lura il pled del Segner am füt *indrizzâ*, dschand:

14. Figl del crastian, profetiza, e di: Usche ha dit il Segner: Di: La spada, la spada ais güzzada, ed ais eir polida;

15. Ais güzzada per far üna granda mazzacra; e polida, acio ch'ella tra-glüscha; ans dessan nus podair allegrar, o schlatta da meis figl, chi spre-tschest ogni lain?

16. E'l *Segner* l'ha datta a polir, per la tour in man; *ais* üna spada güzzada, e polida, per la dar in man a quel chi mazza.

17. Braja ed ürla, o figl del crastian, perche ella *ais* contra meis pövel; ella ais contra tuot ils princip d'I-srael; meis pövel *non* ais *oter* co gliend atterrada tras la spada; per quai, at batta sün la cossa!

18. Scha *füss solum* üna prova, che *gniss* quai *ad* esser? Non gniss impero amo *meis pövel* ad esser üna schlatta chi spretscha, disch il Segner Deis.

19. Contuot tü, figl del crastian, profetiza, e da dels mans insembel; la spada sarà ardoblada fin a trais voutas; quella ais la spada dels mazzats; la spada del grand mazzâ, chi vain a penetrar fin dadaint lur cham-brettas.

20. Eu ha tschantâ il spavent della spada sur tuot lur portas, per far ch'*ogni* cour leua via, e per multiplichar las ruinas; ah! Ella ais apparechada per traglüschr, e güzzada per mazzar.

21. *O spada*, at metta da *man* dret, batta da snester, ingio mâ tia fattscha sarà drizzada!

22. Eu vögl eir dar dels mans insembel, e vögl quietar mi' ira. Eu, il Segner, ha favlâ.

23. Il pled del Segner am füt eir *indrizzâ*, dschand:

24. Ma tü, figl del crastian, at fà duos vias, tras las qualas vegna la spada del rai da Babilon; giajan amenduos our d'ün'istessa terra, e splanâ ün tschert spazi; *il splan'* in cheu d'üna strada da città.

25. Fà üna via, tras la quala la spa-

da vegna contra Rabbat, dels infants d'Ammon; ed *ün'otra*, *tras la quala ella vegna* in Giuda, contra Gerusalem, *cittâ* ferma.

26. Perche'l rai da Babilon s'ha fermâ sün üna cruschada da strada, in ün cheu da duos vias, per tour auguri; el ha spans oura las frizzas, ha domandâ ils idols, ha guardâ nel niram.

27. L'auguri ais stat, *ch'el as volless* dal man dret, *vers* Gerusalem, * per drizzar contra quella spazza-mürs, per avrir la bocca con mazzacra, per ozar la vusch con güvlaz, per drizzar spazza-mürs contra las portas, per far transêras, per edificar bastiuns.

* Ez. 4, 2.

28. Ma quai ais parü seo ün auguri van a quels, chi avaivan ad els fatblers saramaints; ma uossa vain el a trar ad els a memoria l'iniquità, acio ch'els sajan prais.

29. Perquai, usche ha dit il Segner Deis: Sïand cha vus trais a memoria voss' iniquità, as palesand voss misfats, ed as mossand voss puchats in tuot voss fats; perquai, *di eu*, cha vus la trais a memoria, sarat vus prais a *forza* da man.

30. E tü, empi profan, princip d'I-srael, il di del qual ais gnü, nel temp del culmine dell'iniquità.

31. Usche ha dit il Segner Deis: Piglia davent quaista binda regala, e leva via quaista coruna; ella non *sarà plü* quella; eu vögl adozer quel chi ais bass, e vögl abbassar quel chi ais adoza.

32. Eu la vögl ruversar, la vögl ruversar, la vögl ruversar; ed ella non sarà plü quella, fin cha vegna quel, al qual appartain il güdizi; ed eu la vögl dar ad el.

33. E tü, figl del crastian, profetiza, e di: Usche ha dit il Segner Deis, * davart ils figls d'Ammon, e davart lur vituperi: Di dimena: La spada, la spada ais tratt'oura; ella ais polida per mazzar, per consümar, per traglüschr.

* Ger. 49, 1.

34. Tant cha's vezzan a tai *visiuns* da vanità, tant cha's ingiavina a tai menzögna, at mettand sün colöz em-pis mazzats, il di dels quals ais gnü, nel temp del culmine dell'iniquità.

35. * As dess *quella spada* turnantar in sia taja? Eu at vögl güdichar nel lö stess, ingio tû est statta creada, in teis pajais nativ; * Ger. 47, 6. 7.

36. E vögl spander oura sur tai meis sdegn; eu vögl sofflar nel fö da mia indignaziun contra tai, e't vögl dar in man da gliend our da sen, maisters da destrucziun.

37. Tû sarast per spaisa del fö; teis sang sarà in mez il pajais; tû non sarast *plû* regordada; perche eu, il Segner, ha favlâ.

CHAP. XXII.

Il Segner comanda ad Ezechiel, da convenscher Gerusalem da seis divers puchats, e co cha'ls Güdeus vegnan a gnir consumats; usche ils moss' el eir particularmaing ils puchats da tuot-tas sorts da pövels.

IL pled del Segner am füt eir *indrizzâ*, dschand:

2. E tû, figl del crastian, non güdicherast tû, non güdicherast tû la * città da sang, e non la farast tû cognoscher tuot sias abominaziuns?

* Ez. 24, 6. 9. Nah. 3, 1.

3. Di dimena: Usche ha dit il Segner Deis: Il temp della città, chi spand' il sang aint dadaint sai, e chi fa idols contra sai istess, per as contaminar, vain.

4. Tû t' hast fatta culpabla tras teis sang, cha tû hast spans, e t' hast contaminada tras teis idols, cha tû hast fat; ed hast fat approsmar teis dis, ed est rivada *alla fin* da teis ans; perquai t' ha eu * missa in vituperi pro las nazions, e per spass in tuot ils pajais. * Deut. 28, 37.

5. Ils pajais chi sun vicins, e quels chi sun lontans da tai, vegnan a far beffa da tai, o tû, contaminada da fama, granda in ruina!

6. Mera, ils principals d' Israel, dadaint tai, s' han ardats a spander sang, scodün seguond seis podair.

7. In tai s' ha spretschâ bap e mamma; s' ha üsâ extorsiun contr' il forestêr in mez tai; s' ha chalchâ l' orfan, e la vaidgua in tai.

8. Tû hast spretschâ mias chosas sanctas, ed hast profanâ meis sabbats.

9. Gliend * straparlanta, e calumniadurs sun stats in mez tai, per spander il sang; ün ha mangiâ in tai

stils munts; sun commissas sceleratezzas in mez tai. * Ex. 23, 1.

10. * Las verguognas del bap s' han scovertas in tai; as ha sforzâ in tai la duonna menstruanta. * Lev. 18, 8.

11. L' ün ha commiss abominaziun con la muglier da seis prossem; l' oter ha impalâ sia brüt con sceleratezza; e l' oter ha violâ sia sour, figlia da seis bap, in tai.

12. * Ed han tut preschaints in tai, per spander sang; tû hast tut usura, ed avantach; tû hast frodâ teis prossems con oppressiun, e m' hast smanchâ, disch il Segner Deis. * Ex. 23, 8.

13. Dinuonder, mera, eu ha dat dels mans insembel per tia avarezza, cha tû hast üsâ; e per teis sang, chi ais stat in mez tai.

14. Vain teis cour a podair sustgnair, o teis mans ad esser fermes al temp ch' eu vegn ad operar contra tai? Eu, il Segner, ha favlâ, ed eir operar vögl eu.

15. * E't vögl raser tanter las nazions, eu at vögl vannar per ils pajais, e vögl far gnir almain in tai tia malnettischa. * Deut. 4, 27.

16. E tû sarast profanâ tras tai nel conspet dellas nazions, e cognoscherast, ch' eu *sun* il Segner.

17. Il pled del Segner am füt eir *indrizzâ*, dschand:

18. Figl del crastian, * la chasa d' Israel m' ais dvantada schümmas; tuots affat *sun* aram, e zin, e fier, e plom, in mez ün furnell; sun dvan-tats schümma d' argient. * Es. 1, 23.

19. Perquai, usche ha dit il Segner Deis: Siand cha vus tuots eschat dvan-tats schümma, però, mera, eu as rasp insembel in mez Gerusalem.

20. *Sco* 's metta insembel l' argient, e l' aram, e l' fier, e l' plom, e l' vin in mez ün furnell, per sofflar stü fö suot quel, per cular *quellas chosas*; usche 's vögl eir eu metter insembel in mi' ira, ed in meis sdegn, e 's vögl tshantar *laint*, e vögl cular.

21. Usche 's vögl eu raspar insembel, e vögl sofflar sur vus nel fö da mi' indignaziun, e vussarat eulats a mez quella.

22. *Sco* l' argient as cula nel furnell, usche sarat eulats a mez quella; e vus cognoscherat, ch' eu, il Segner, vegn ad avair spans oura mi' ira sur vus.

23. Il pled del Segner am füt eir *indrizzâ*, dsehand:

24. Figl del crastian, * di' la: Tü est ün pajais chi non est stat nettiâ, chi non est stat bagnâ d' alchüna plövgia nel di della furia.

25. *Qua ais* üna conspiraziun da seis profets in mez ella; els han magliâ las ormas seo ün liun chi sbrüja, chi sdrappa la praja; els * han tut las facultats, e las chosas preziasas; els han multiplichâ las vaidguas in mez quella.

* Mich. 3, 11. Sef. 3, 3. 4.

26. Seis sacerdots han violâ mia led-scha, ed han sconsacrâ mias chosas sanctas; * els non han fat differenza tanter la chosa sancta, e la profana, e non han mossâ a disferenziar tanter la chosa netta, e la malnetta; e's han zügliats ils ögls, per non observar meis sabbats, ed eu sun stat profanâ in mez els.

* Ger. 15, 19.

27. * Seis principals *sun stats* dadaint quella seo lufs chi sdrappan la praja, spandand il sang, e sdrüand las ormas, per saziar lur avarezza.

* Mic. 3, 11. Sef. 3, 3.

28. E seis profets han fat ad els üna malta chi non tegna; han gnü visiuns da vanità, ed han ad els ingiavinâ menzögnâ, dsehand: Usche ha dit il Segner Deis; schabain cha 'l Segner non avaiava favlâ.

29. Il pövel del pajais ha fat extorziuns, e sgiarbarias, ed han fat violenza al pover, ed al bsögnus; han chalachâ il forestêr, *sainza cha 'l saja fat* raschun.

30. Ed eu ha tcherchâ intantr' els alchün chi fess alchün repar, e chi's presentess avant mai alla rottüra, per il pajais, acio ch' eu non il desertess; ma non ha chattâ alchün.

31. Perquai vögl eu spender oura sur els mi' ira; eu ils vögl constümar col fö da mia indignaziun; eu vögl render ad els lur via sül cheu, disch il Segner Deis.

CHAP. XXIII.

El profetiza contra l' idolatria da Samaria, e Gerusalem, mettand nan quella con las abominaziuns insembel, seo eir la ruina del 'ün' e dell' otra.

IL pled del Segner am füt eir *indrizzâ*, dsehand:

2. Figl del crastian, *ed eiran* duos donans, figlias d' üna medema mamma,

3. Las qualas * fornicettan in Egipto in lur giuventüna; qua füttan chalachadas lur tettas, e qua füt violada lur virginità.

* Lev. 17, 7.

4. Ma lur noms *sun*: Ohola, la veglia, Oholiba, sia sour; e quellas * gnittan mias, e 'm parturittan figls e figlias, e lur noms *sun* d' Ohola, Samaria, e d' Oholiba, Gerusalem.

* Ez. 16, 8. 20.

5. Ed Ohola ha fornicâ, ardschvand oters in meis lö, e s' ha inamurada sün seis amatur, sül * Assiriers, seis vicins;

* 2 Reg. 15, 19.

6. Vestits con hiacint, principals e podestats, giuvens dalettaivels tuots affat, cavaliers muntats sün chavals.

7. Ella s' ha rendüda a fornicar con els, *chi eiran* tuots la letta dels infants d' Assur; e s' ha contaminada con tuot ils idols da quels, sül quala ella s' avaiava inamurada.

8. E, con tuot quai, ella non ha interlaschâ sias fornicaziuns d' Egipto, siand cha'ls Egipters eiran giaschüts con ella in sia giuventüna, ed avaiavan squitschâ las tettas da sia virginità, ed avaiavan spans oura lur fornicaziuns sur ella.

9. Perquai l' ha eu datta in man da seis amatur, in man dels figls d' Assur, sül quala ella s' avaiava inamurada.

10. Quels han scovernâ sias verguognas, han tut seis figls e sias figlias, e l' han mazzada con la spada; ed ella ais statta famosa tanter las donans, e quels han esequi güdizis sur ella.

11. E sia sour Oholiba ha vis quai, e s' ha corruotta in seis inamuramaints plü co ella; ed in sias fornicaziuns, plü co sia sour nellas sias.

12. Ella * s' ha inamurada sül figl d' Assur, seis vicins, principals e podestats, perfettamaing vestits, cavaliers, muntats sün chavals, giuvens dallettaivels tuots affat.

* Ez. 16, 28.

13. Ed eu ha vis, ch' ella s' avaiava impalada, cha amenduos seguivan ün medem proceder;

14. Schi, cha *quaista* ha supravanzâ las fornicaziuns *dell' otra*; perche ella avaiava vis homens retrats sün la

parait, imagnas dels Caldeers, smaliadas con colur cotschna;

15. Tschintadas con tschintas intuern lur flancs, con cranzs da differentas colurs sül cheu, d' aspet da chapitanis tuots affat, da sumgenscha dels figls da Babilon, del pajais dels Caldeers, lur terra nativa;

16. Schi s' ha ella inamurada, tras il sguard da seis ögls, ed ha ad els tramiss ambaschadurs nel *pajais* * dels Caldeers.

* 2 Reg. 24, 1.

17. E'ls figls da Babilon sun gnüts con ella al let d' amur, e l' han contaminada con lur fornicaziun, ed ella s' ha impalada con els, e lura s' ha seis cour vout davent dad els.

18. Ella dimena ha publicâ sias fornicaziuns, ed ha scovernâ sias vergognas; pelqual meis cour s' ha vout davent dad ella, sco ch' el s' aavaiva vout davent da sia sour.

19. Ed impero schi ha eir ella adampchâ sias fornicaziuns, as regordand dels dis da sia giuventüna, cur ella fornicava nel pajais d' Egipto;

20. E s' ha inamurada süls * Egipeters, plü co lur concubinas istess; perche lur charn *ais* charn d' asens, e lur flüss *ais* flüss da chavals. * 2 Reg. 24, 7.

21. Usche est tü turnada pro la sceleratezza da tia giuventüna, cur tias terras füttan squitschadas dals Egipeters; per chaschun dellas tettas da tia giuventüna.

22. Perquai, Oholiba, usche ha dit il Segner Deis: Mera, eu sdaisd sü contra tai teis amaturis, dals quals teis cour s' ha vout davent, e'ls vögl far gnir sur tai dapertuot intuorn.

23. *Cioè* ils figls da Babilon, e tuot ils Caldeers; *quels* da Peod, da Soa, da Coa, e tuot ils figls d' Assur con els, giuvens dalettaivels, princips e podestats, tuots, quants cha sun, chapitanis ed *homens* famus, muntats sün chavals tuots affat;

24. E vegnan a gnir contra tai *con* charra, *con* cuotschas, e *con* roudas, e con granda raspada da pövels; vegnan a metter contra tai dapertuot intuorn schüts, e targias, e chaplinas; ed eu vögl metter in lur pussanza il *far* güdizi, e quels vegnan at güdichar con lur güdizis.

25. Ed eu vögl esequir mia zelosia contra tai, e quels vegnan ad operar invers tai con ira; vegnan at tagliar il nas, e las uraglias, e quai cha da tai sarà vanzâ vain a erodar tras la spada; vegnan a tour teis figls, e tias figlias, e teis rimanent sarà consumâ tras il fö;

26. E * vegnan at spogliar da tia vestimainta, e vegnan a tour davent ils ornamaints da tia magnificenza.

* Ez. 16, 39.

27. Ed eu vögl far gnir almain in tai tia sceleratezza, e tia fornicaziun nel pajais d' Egipto, e tü non ozerast plü ils ögls sün els, e non at regorderast plü d' Egipto.

28. Perche, usche ha dit il Segner Deis: Mera, eu at dun in man * da quels cha tü voust mal; in man da quels, dals quals teis cour s' ha vout davent.

* Ez. 16, 37.

29. E quels vegnan a proceder con tai con ödi, e vegnan a tour davent tuot teis bains, e' t lascheran nüda, e scoperta, e sarà palesada la tuorp da tias fornicaziuns, e tia sceleratezza, e teis pitanögn.

30. Eu at vögl far quaistas chosas, siand cha tü hast spitânâ davo 'ls pövels; perche tü t' hast impalada con lur idols.

31. Tü est chaminada nella via da tia sour; ed eir eu at vögl dar in man seis bachêr.

32. Usche ha dit il Segner Deis: Tü vainst a baiver il bachêr chafuol e lad da tia sour; sarast per spass, e per giamgia; *quel bachêr* sarà da granda capacitâ.

33. Tü vainst a gnir plaina d' avrianza, e da dolur, tras il bachêr della desolaziun, e del desertamaint, tras il bachêr da Samaria, tia sour.

34. E tü' l baverast our, e' l tschütschast, e vainst a rumper las tazzas, e' t scharpar las tettas; perche eu ha favlâ, disch il Segner Deis.

35. Perquai, usche ha dit il Segner Deis: Siand cha tü m' hast smanchâ, e m' hast * büttâ via davo la rain, schi porta eir tü tia sceleratezza, e tias fornicaziuns.

* 1 Reg. 14, 9.

36. Lura am dschet il Segner: Figl del crastian, non vainst tü a güdichar

Ohola, ed Oholiba? Ma declera ad ellas lur abominaziuns.

37. Perche ellas han commiss adulteri, ed *ais* sang in lur mans, ed han commiss adulteri con lur idols; ed han eir fat passar *tras il fô* lur infants, ils quals ellas m'avaivan parturi, per *ils* constimar.

38. Eir quai m'han ellas fat: In quel medem di han ellas contaminâ meis santuari, ed han sconsacrâ meis sabbats.

39. E, dopo avair schannâ lur infants a lur idols, sun ellas gnüdas in quel medem di in meis santuari, per il profanar, e mera, usche han ellas fat dadaint mia chasa.

40. Ed, ultra quai, han ellas tramiss pro homens, chi gnivan da lontan; ils quals, scombod cha'l mess ais stat ad els tramiss, sun gnüts; ed a lur arrivo t'hast tü lavada, e t'hast tü glischada la vista, e t'hast fittada con ornaimaints;

41. E t'hast missa a zer sün let onorabel, avant il qual *eira* üna maisa apparechada, e sün quella hast tü tschantâ meis profüms, e meis ölis bainsavurits.

42. Ed in quella *ais* stat ün strepit da quantitâ da ledezza; ed, ultraquellas persunas, ais stat introdütta gliend del comün pövel, Sabeers del desert our, ils quals han miss manins intuorn ils mans da quellas, ed üna coruna da gloria sün lur testas.

43. Ed eu ha dit da quella, chi eira gnüda veglia in adulteris: Uossa vegnan quels a fornicar con ella a seis möd.

44. Ün oter dimena ais gnü pro ella; sco as va aint pro üna pitana, usche sun quels gnüts pro Ohola, e pro Oholiba, donans sceleratas.

45. Perquai ils homens güsts vegnan a las güdichar, sco's güdicha las adulteras, e quellas chi spandetan sang; perche quellas *sun* adulteras, ed han sang in lur mans.

46. Perche, usche ha dit il Segner Deis: * Eu fetsch gnir contr'ellas üna granda raspada *da pövels*, e las vögl metter in disturbel, e per praja.

* Ez. 16, 40.

47. E *quella* raspada vain a las ac-

crappar con peidras, e vain a las tagliar in pezzas con sias spadas; vain a mazzar lur figls e lur figlias, e vain ad arder lur chasa col fô.

48. Ed eu vögl padimar la sceleratezza nel pajais, e tuot las donans dessan gnir mossadas a non far seguond vossas sceleratezzas.

49. E *quels* vegnan as metter vossa sceleratezza adöss, e vus gnis a portar ils puchats da voss idols, e cognoscherat, ch'eu *sun* il Segner Deis.

CHAP. XXIV.

Tras la sumgenschâ d'ün' avna chi buoglia predisch el la destrucziun da Gerasalem.

MA nel novavel an, nel deschavel mais, nel deschavel *di* del mais, il pled del Segner am füt *indrizzâ*, dschand:

2. Figl del crastian, at scriva il nom da quai di, da quai istess di; il rai da Babilon s'ha tschantâ sur Gerasalem * quai istess di. * Ger. 52, 4.

3. E propona üna sumgenschâ a quaiста chasa rebella, e di ad els: Usche ha dit il Segner Deis: Tschainta l'avna *sur fô*; tschaint'-la via, e metta eir aua laint.

4. Metta insembel seis toc *da charn* aint in quella; ogni bun toc, gialun e spadla; l'impla con la letta dell'ossa.

5. Piglia dellas plü bunas bestias della scossa, e dispona eir l'ossa nel fuond da quella; fâ-la buglir con grands buogls, e saja eir si' ossa cotta aint in quella.

6. Perquai, usche ha dit il Segner Deis: Vae alla città da sang, all'avna chi ha dadaint sai sia ascria, l'ascria della quala non ais gnüd'oura! Svöd'-la a toc a toc; sur quella non as dess trar la sort.

7. Perche seis sang ais stat in mez ella; quella l'ha miss sün ün crap glisch, non l'ha spans in terra, per il covernar con puolvra.

8. *Eir eu*, muntand in ira, per far vendetta, vögl metter seis sang sün ün crap glisch, acio ch'el non saja convert.

9. Perquai, usche ha dit il Segner Deis: Vae alla città da sang! Eir vögl eu far ün schandlêr grand da laina;

10. Mettand intuorn laina avuonda, invüdand sü il fö, e fand constümar la charn, e la redüand *ad esser* sco üna composiziun d'odurs, tal ch' eir l' ossa sarà arsa.

11. Lura, fand-la star vöda sur seis braščêr, acio ch' ella as reščoda, e saja ars seis aram, e cha sia malnettischa saja alguada via a mez quella, e cha sia şchümma saja constümada.

12. Ella s' ha sfadiada intuorn chosnas vanas, e sia şchümma grossa non ais tratt' our dad ella; sia şchümma *non ais id' oura* tras il fö.

13. *Quai ais* sceleratezza in tia malnettischa; perche eu t' avaiva nettia-da, e tü non est statta netta; tü non sarast plü nettia-da da tia malnettischa, fin ch' eu * haja acquietâ mi' ira sur tai.

* Es. 16, 42.

14. Eu, il Segner, ha favlâ; *il fat* dvanterâ, eu il vögl esequir; eu non il vögl reclamar, e non vögl schaniar, e non am vögl inrüglar. Quels at güdicheran seguond tias vias, e seguond teis fats, disch il Segner Deis.

15. Il pled del Segner am füt eir *indrizzâ*, dschand:

16. Figl del crastian, mera, eu at pigl davent il desideri da teis ögls, tras üna plaja; e tü, non far cordöli, e non cridar, e non spander larmas.

17. Interlascha da suspürar, non hajast lêd da mort; at lia tia binda sül cheu, e t metta tias şcharpas nels peis, e non at covernar il lef sura, e non mangiar il pan dellas personas afflittas.

18. Eu favlet dimena la mattina al pövel, e la saira mia muglier morit, e la mattina *sequainta* fet eu sco m' eira stat comandâ.

19. E l pövel am dschet: Non ans voust tü declarar quai, che 'ns *manajan* quaiastas chosas cha tü fast?

20. Ed eu respondet ad els: Il pled del Segner m' ais stat *indrizzâ*, dschand:

21. Di alla chasa d' Israel: Usehe ha dit il Segner Deis: Mera, eu profanesch meis santuari, la magnificenza da vossa forza; il desideri da voss ögls, e la zartezza da vossas ormas, e voss figls, e vossas figlias, cha

vus avais laschâ davo, vegnan a crodar tras la spada.

22. E vus farat sco eu ha fat; * vus non gnis as covernar il lef sura, e non gnis a mangiar il pan dellas personas afflittas;

* Ger. 16, 6, 7.

23. E gnis ad avair vossas bindas sün la testa, e vossas şcharpas nels peis; non gnis a far cordöli, e non gnis a cridar; * ma gnis a languir via per vossas iniquitats, e gnis a pudar l' ün con l' oter.

* Lev. 26, 39.

24. Ed Ezechiel as sarà per signal; vus farat del tuot sco el ha fat; cur quai sarà scontrâ, schi cognoscherat vus, ch' eu *sun* il Segner Deis.

25. E, quant a tai, figl del crastian, nel di ch' eu vegn a tour via ad els lur forza, il dalet da lur gloria, il desideri da lur ögls, e l' intent da lur ormas, lur figls e lur figlias,

26. In quel di, * quel chi sarà scampâ via non vain el a gnir pro tai, per at far a savair las novas? * Ez. 33, 21, 22.

27. In quel di at sarà tia bocca averta, *per favlar* con quel chi sarà scampâ via, e tü vainst a tschantschar, e non sarast plü mü, e vainst ad esser ad els per signal, e quels cognoscheran, ch' eu *sun* il Segner.

CHAP. XXV.

El profetiza contr' ils Ammonits, e plüs pövels, ils quals s' avaivan allegrats della destrucziun da Gerusalem.

IL pled del Segner am füt eir *indrizzâ*, dschand:

2. Figl del crastian, volva tia fatscha vers ils infants d' Ammon, e profetiza contr' els;

3. E di als infants d' Ammon: Tadlai il pled del Segner Deis: Usehe ha dit il Segner Deis: Siand cha tü hast dit: Ha, ha, conter meis santuari, per ch' el eira sconsacrâ; e contra la terra d' Israel, per ch' ella eira desolada; e contra la chasa da Giuda, per ch' ella giaiva in preschun;

4. Perquai, mera, eu at dun per ierta als infants del oriain, e quels vegnan a metter lur chastels in tai, e vegnan a drizzar sü in tai lur chamanas; quels vegnan a mangiar teis früts, e vegnan a baiver teis lat.

5. Ed eu vögl redür Rabba in albiere da chamêls, *e l lö dels* infants

d'Ammon in stavel da bescha; e vus cognoscherat, ch' eu *sun* il Segner.

6. Impero, usche ha dit il Segner Deis: Siant cha tū hast dat dels mans insembel, ed hast traplignâ *la terra* cols peis, ed, ultra tuot teis spretsch, t' hast tū allegrada nel cour per il pajais d'Israel;

7. Per quai, mera, stend' eu oura meis man sur tai, e't vögl dar per praja allas naziuns, e't vögl sterminar our dals pövels, e't vögl far perir our dals pajais; eu at vögl sdrür, e tū cognoscherast, ch' eu *sun* il Segner.

8. Usche ha dit il Segner Deis: * Per quai cha Moab e Seir han dit: Mera, la chasa da Giuda *ais* sco tuot las *otras* naziuns! *Es. 15. 16.

9. Perquai, mera, eu vögl avrir la vart da Moab, dal chantun dellas citats, dal chantun da sias cittats, *chi sun* all'extremità da seis pajais; il bel pajais da * Bet-Jesimot, † da Baal-Meon, e da Chiriataim.

* Gios. 13, 20. † Num. 32, 38.

10. Als figls del oriain; ultr' il pajais dels infants d'Ammon, il qual eu ha ad els dat per ierta, acio cha 'ls infants d'Ammon non sajan plü menzunnats tanter las naziuns;

11. E vögl far güdizis sur Moab, e quels cognoscheran, ch' eu *sun* il Segner.

12. Usche ha dit il Segner Deis: * Perquai ch' Edom ha fat, pigliand vendetta della chasa da Giuda, perche els s'han rendüts culpabels, as svindichand d'els; * Ger. 49, 7. s. Am. 1, 11.

13. Perquai, usche ha dit il Segner Deis: Eu vögl stender oura meis man sur Edom, e vögl sterminar laint gliend, e bestias, e'l vögl redür in desert, davent da Teman, e croderan tras la spada fin a Dedan;

14. E vögl far mia vendetta sur Edom, tras man da meis pövel Israel; e quels vegnan ad operar contra Edom seguond mi' ira, e seguond mia furia; e quels cognoscheran mia vendetta, disch il Segner Deis.

15. Usche ha dit il Segner Deis: * Perquai cha 'ls Filistins *sun* procedüts con vendetta, ed han tut vendetta tras spretsch con dalet, per desdrür tras inimicizia veglia; * Ger. 25, 20.

16. Perquai, usche ha dit il Segner Deis: Mera, eu stend' oura meis man sur ils Filistins, e vögl sterminar ils Cretits, e vögl sdrür il rimanent della riva del mâr;

17. E vögl far sur els grandas vendettas, con chastiamaints d'ira; e quels cognoscheran, ch' eu *sun* il Segner, cur eu vegn ad avair esequias vendettas sur els.

CHAP. XXVI.

Il Segner ordain' ad Ezechiel d'annunziar a Tiro, per quai ch'ella s'avaiva allegrada della calamità del pövel da Dieu, ün'extrema desolaziun.

E dvantet nel * ündeschavel an, nel prüm *di* del mais, cha 'l pled del Segner am füt *indirizzâ*, dschand:

2. Figl del crastian! * Perquai cha Tiro ha dit da Gerusalem: Ha, ha; *quella chi eira* la porta dels pövels ais ruinada, ella ais vouta nan pro mai; eu am vögl implir, ch' ella ais deserta! * Es. 23. Ger. 25, 22.

3. Perquai, usche ha dit il Segner Deis: Mera'm *qui* contra tai, o Tiro! E vögl far trar sü contra tai blers pövels, sco 'l mâr fa saglir sü sias uondas.

4. E quels vegnan a dazipar la müraglia da Tiro, e vegnan a ruinar sias tuors; ed eu vögl scuar davent la puolvra, e la vögl redür simila ad ün crap nüd.

5. Ella sarà a mez il mâr ün lö da stender qua las raits da peşchar; perche eu ha favlâ, disch il Segner Deis, e sarà per praja als pövels.

6. E sias cittats *chi sun* in terra ferma, saran missas a fil da spada, e cognoscheran, ch' eu *sun* il Segner.

7. Perche, usche ha dit il Segner Deis: Mera, eu fetsch gnir da setentrion contra Tiro Nebucadnesar, rai da Babilon, rai dels rais, con chavals, e con charra, e chavalgiaints, e con raspada da gliend, e bler pövel.

8. El metterà a fil da spada tias citats, *chi sun* in terra ferma, e drizzerà sü contra tai bastiuns, e farà contra tai transêras, ed ozerà sü contra tai il şchüt.

9. E vain a batter davent tia müraglia con seis spazza-mürs, e vain a rumper giò tias tuors con seis pichuns.

10. Tant granda sarà la quantità da seis chavals, chalur puolvra vainat co-vernar; per il strepit dels cavaliers, e dellas roudas, e della charra, vain tia müraglia a tremblar, cur el vain ad intrar dadaint tias portas, seo s'intra in üna città sforzada.

11. El vain a chalchar tuot tias stradas con las unglas da seis chavals, vain a mazzar teis pövel con la spada, e las statuas da tia gloria croderan a terra.

12. E quels vegnan a butinar tias facultats, e vegnan a robar tias merchanzas, e vegnan a disfar tia müraglia, e vegnan a desdrür tias bellas chasas, e vegnan a büttar in mez las auas tias peïdras, e teis lainam, e tia puolvra.

13. Ed eu vögl padimar il strepit da tias chanzuns; e'l sun da tias citras non sarà plü udi.

14. Ed eu at vögl far gnir simil ad ün crap nüd; tü sarast ün lö da stender las raits da peşchar, tü non sarast plü reedifichada, perche eu, il Segner ha favlâ, disch il Segner Deis.

15. Usche ha dit il Segner Deis a Tiro: Las inslas non vegnan a tremblar quellas per la romur da tia ruina, cur ils plajats vegnan a dschemar, cur la mazzacra as farâ a mez tai?

16. Tuot ils principals del mâr vegnan eir quels a gnir giò da lur truns, ed a metter davent lur chappas, e vegnan a trar oura lur vestimainta rechamada; els vegnan as vestir * con spavent, a zer süin la terra, e vegnan a tremblar ogni momaint, e saran attonits da tai;

* Ez. 32, 10.

17. Els vegnan a tour sü a far ün pland da tai, e t' dscharan: Co est perida tü, chi eirast abitada da *pövel* marin, città famosa, chi eirast ferma in mâr! Tü, e teis abitants, ils quals as fai-
van tmainr a tuot quels chi dmuraivan in tai!

18. Uossa las inslas saran spaventadas nel di da tia ruina, e las inslas *chi sun* nel mâr saran conturbadas per teis traroura.

19. Perche, usche ha dit il Segner Deis: Cur eu vegn at avoir fatta cit-
tà deserta, seo *sun* las cittats disabitadas; cur eu vegn ad avoir fat gnir

sur tai l' abiss; e las grandas auas t' averan covernada;

20. E vegn at avoir fatta ir giò, con quels chi van giò nella fossa, pro'l pövel vegl; e vegn at avoir stanziada nellas plü bassas parts della terra, nels lous desolats da vegl nan, con quels chi van giò nella fossa, acio cha tü non sajast *mâ plü* abitada; lura vögl eu darcheu metter la gloria nella terra dels vivaints.

21. Eu vögl far cha tü non sarast oter co * stramizi, e tü non *sarast* plü; e vainst a gnir tscherchada, ma non sarast *mâ* bricha plü in perpetuo chattada, disch il Segner Deis.

* Ez. 27, 36.

CHAP. XXVII.

Deis comand' ad Ezechiel, da far ün pland della ruina da Tiro; e taxa la superbia da quella.

IL pled del Segner am füt eir *indriz-
zâ*, dschand:

2. E tü, figl del crastian, piglia sü a far ün pland da Tiro,

3. E di a Tiro: Tü, chi est tshanta-
da all' intrada del mâr, chi merchain-
tast con pövels in bleras inslas! Usche
ha dit il Segner Deis: O Tiro, tü hast
dit: Eu sun perfezionada in bellezza!

4. Teis confins *eiran* nel cour del
mâr; teis fabrichadurs t' avaivan fat-
ta complainamaing bella;

5. Fabrichaivan tuot tias *navs* con
tablas da pin da Senir; pigliaivan ce-
ders dal Libano per at far albers da
nav;

6. Faivan teis rembels con ruver da
Basan; faivan tias tablas con öss
d' elefant, e con lain da puzpan, *chi
eira portâ* nan dallas inslas dels Chit-
teers.

7. Il fin glin d' Egipto, lavurâ a re-
cham, eira quai cha tü splajaivast
oura in lö da vela; il hiacint, e la şchar-
latta, *gnüda* dall' insla d' Elisa, eiran
tia tenda.

8. Ils abitants da Sidon, e d' Arvad
eiran teis famagls a trar ils rembels;
teis sabis, o Tiro, eiran in tai; eiran
teis barcharöls.

9. Ils seniurs da Gebal, e seis sabis,
eiran in tai, chönschand tias *navs*
fessas; tuot las navs del mâr, e lur
marinêrs, eiran in tai, per traffichar
con tai.

10. *Quels* da Persia, e da Lidia, e da Libia, eiran teis sudats, in teis exercits; pichaivan sü in tai il schüt, e la chaplina, quels at faivan magnifica.

11. Ils infants d' Arvad, e teis exercits eiran sün teis mürs, intuorn intuorn, e 'ls valerus eiran in tias tuors, pichaivan sü lur targias vi'a tia müraglia, dapertuot intuorn; quels adgionschaivan perfecziun a tia bellezza.

12. *Il pövel* da Tarsi merchantaiva con tai, con ricchezas d' ogni maniera in abundanza; continuaiva ad esser sün tias fairas, con argent, fier, zin, e plom.

13. *Quels* da Javan, da Tubal, e da Mesece eiran teis merchadants; continuaivan ad esser sün teis marchats con ormasumanas, e vashella d' aram.

14. *Quels* della chasa da Togarma continuaivan ad esser sün tias fairas con chavals, e chavalgiaints, e müls.

15. Ils figls da Dedan *eiran* teis merchadants; bleras inslas *passaivan tras* il traffic da teis mans; at pajaivan preschaints da daints d' elefant, e *da lain* d' Eben.

16. La Siria traffichaiva con tai per la quantità da teis lavurêrs; continuaivan ad esser sün tias fairas, con smaragds, e purpura, e rechams, e biss, e curals, e rubins.

17. *Quels* da Giuda, e *del* pajais d' Israel eiran teis merchadants; continuaivan ad esser sün teis marchats, con granezzas da Minnit, e con robas da pasta, e meil, ed öli, e balsam.

18. Damasco faiva traffic con tai per la quantità da teis lavurêrs, con robas d' ogni sort in abundanza; con vin d' Helbon, e con lana alba.

19. Dan eir, e 'l vagabund Javan, continuaivan ad esser sün tias fairas, e *faivan cha* qua sün teis marchats eira fier glüschaint, cassia, e chanel-bainsavurida.

20. *Quels* da Dedan *eiran* teis merchadants in pans nöbels, da chavals, e da charra.

21. Ils Arabers, e tuot ils principals da Chedar, negoziaivan con tai; faivan con tai traffic con agnels, e con bümatschs, e con bocs.

22. Ils merchadants da Sabea, e da Raema, traffichaivan con tai; continuaivan ad esser sün tias fairas con spezias esquisitas, e con peidras preziasas d' ogni sort, e con or.

23. *Quels* d' Haran, e da Canna, e d' Eden, merchadants da Sabea, e *quels* d' Assiria, e da Chilmad, traffichaivan con tai.

24. Quels negoziaivan con tai all' ingrossa, con ballas da hiacint, e da rechams, e con chaschas da vestimainta preziosa, liadas con cordas, e fattas con lain da ceder.

25. Las navs da Tarsi *eiran* las principalas in teis marchats, e tü est statta plaina, e grandamaing glorifichada nel cour dels märs.

26. Teis famagls, chi traivan ils rembels, t' han condüta in mâr ot; il vent oriental t' ha ruotta nel cour del mâr.

27. Tias ricchezas, e tias fairas, e teis traffic, teis marinêrs, e teis barcharöls, quels chi chönschaivan tias navs fessas, e teis facturs, e tuot teis pövel da guerra, chi *eira* in tai, insembel con tuot il pövel chi *eira* in mez tai, vegnan a crodar nel cour del mâr, nel di da tia ruina.

28. Sün la vusch del bragizi da teis barcharöls vegnan las barchas a tremblar.

29. E tuot quels chi tiran il rembel, ils marinêrs, e tuot ils barcharöls del mâr, vegnan a smuntar our da lur navs, e 's fermeran in terra;

30. E faran sentir lur vusch sur tai, e vegnan a bragir aschamaing, e 's bütteran puolvra sün cheu, e vegnan as rodlar nella tschendra.

31. E per tai vegnan els as spalar, e 's tschintar con sachs, e vegnan a cridar per tai con aschezza del cour, con amar cordöli;

32. E vegnan a tour sü a far ün pland da tai in lur döglias, e vegnan a dir da tai in lur rimaries: Chi *eira* sco Tiro? Chi *eira* a pèr da quella chi ais sdrütta in mez il mâr?

33. Sül ir oura da tias fairas per mâr sadolaivast tü blers pövels; tü richantaivast ils rais della terra per l' abundanza da tias ricchezas, e da teis comerzi.

34. Nel temp cha tü est stat ruotta dal mâr, nellas chafuolezzas dellas auas, tia merchanzia, e tuot teis pövel, sun erodats in mez tai.

35. Tuot ils abitants dellas inslas sun stats attonits da tai, e lur rais han gnü orrur, e sun stats conturbats in fatscha.

36. Ils merchadants tanter ils pövels han schüblâ sur tai; tü est dvan-tada *tuotta* stramizi, e tü non *sarast mâ plü* in perpetuo.

CHAP. XXVIII.

Deis ordain'ad Ezechiel, da predir al rai da Tiro sia finala ruina, per sia superbia; lura da predir eir a Sidon ils güdizis da Dieu, e da cuffortar sia baselgia.

IL pled del Segner am füt eir *indrizzâ*, dschand:

2. Figl del crastian, di al princip da Tiro: Usche ha dit il Segner Deis: Siand cha teis cour s' ha adoza, e tü hast dit: Eu *sun* Dieu; eu sez nella sopcha da Dieu, nel cour del mâr; e pür *est* tü crastian, e na Dieu, ed hast fat teis cour simil al cour da Dieu;

3. Mera, * tü *est* plü sabi co Daniel, ingtün secret non t' ais azzoppâ.

* Zac. 9, 2.

4. Tü hast acquistâ *grandas* facultats tras tia sapienza, e tras teis intellet; ed hast raspâ or ed argient in teis tesors;

5. Per la grandezza da tia sapienza, con tia merchanzia, hast tü creschantâ tias facultats, e teis cour s' ha adoza tras tias facultats.

6. Perquai, usche ha dit il Segner Deis: Siand cha tü hast fat teis cour simil al cour da Dieu;

7. Perquai, mera, eu fetsch gnir sur tai esters, * ils plü crudels intanter las nazions; e quels dessan trar oura lur spadas contra la bellezza da tia sapienza, e contamineran tia splendur;

* Ez. 30, 11.

8. At faran ir giò nella fossa, e tü vainst a morir dellas morts dels mazats, nel cour del mâr.

9. Vainst tü lura a dir: Eu *sun* Dieu, avant quel chi vain at mazzar; ma tü *sarast* pür crastian, e na Dieu, nel man da quel chi vain at ferir a mort.

10. Tü dessast morir dellas morts dels

noncireoneis, per man d'esters; perche eu ha favlâ, disch il Segner Deis.

11. Il pled del Segner am füt *indrizzâ*, dschand:

12. Figl del crastian, piglia sü a far ün pland sur il rai da Tiro, e di ad el: Usche ha dit il Segner Deis: Tü eirast sül plü ot, plain da sapienza, e perfet in bellezza;

13. Tü eirast in Eden, zardin da Dieu, tü eirast covernâ con peidras preziasas, con rubins, con topazs, con diamants, con crisolits, con peidras onichinas, con jaspis, con saffirs, con smaragds, e con carbuncels, e con or; l' art da teis tamburs, e da tias flötas *eira* pro tai; quella füt ordina-da nel di cha tü füttast creâ.

14. Tü *eirast* ün cherubin, onschü, eirast protectur, ed eu t' avaiva stabili, tü eirast sül munt sanct da Dieu, tü chaminaivast per mez las peidras da fö.

15. Tü est stat perfezionâ in tias fatschendas, dal di cha tü füttast creâ innan, fin cha s' ha chattâ iniquità in tai.

16. Nella quantità da teis traffic aïs il dadaint in tai stat plain da violenza, e tü hast pechâ; perquai t' ha eir eu schatschâ, seo profan, dal munt da Dieu, e t' ha sdrüt, o cherubin protectur, our da mez las peidras da fö.

17. Teis cour s' ha adoza per tia bellezza; tü hast corruot tia sapienza per tia splendur; eu t' ha büttâ a terra, eu t' ha miss oura avant la vista dels rais, acio ch' els at guardan.

18. Tü hast profanâ teis santuaris, per la quantità da ti' iniquità, nell' ingüstia da tia merchanzia; dinuonder eu ha fat ir our da mez tai ün fö, il qual t' ha magliâ, e t' ha ardüt in tschendra sur la terra, nel conspet da tuot quels chi at vezzan.

19. Tuot quels, intanter ils pövels, chi t' cognoschan, sun stats attonits da tai; * tü non *est plü* oter co spavent; mâ bricha in eterno non sarast tü *plü*;

* Ez. 26, 21.

20. Il pled del Segner am füt eir *indrizzâ*, dschand:

21. Figl del crastian, * volva tia fatscha vers Sidon, e profetiza contra quella,

* Es. 23, 4.

22. E di: Usche ha dit il Segner

Deis: Mera 'm qui contra tai Sidon, eu vögl gnir glorificâ in mez tai, e's cognoscherà, ch' eu *sun* il Segner, cur eu vegn ad avair esequi *meis* güdizis contra quella, e vegn a gnir santificâ in quella;

23. E vögl trametter in ella la pestilenza, e 'l sang sün sias stradas, e 'ls mazzats croderan in mez quella, tras la spada, *chi sarà* sur ella dapertuot intuorn, e 's cognoscherà, ch' eu *sun* il Segner.

24. E quella non sarà plü alla chasa d' Israel üna staccla chi puonscha, ne üna spina dolorosa, plü co tuot ils *oters* lur vicins, chi 'ls sgiarban, e 's cognoscherà, ch' eu *sun* il Segner Deis.

25. Usche ha dit il Segner Deis: Cur eu vegn ad avair raspâ quels della chasa d' Israel, intanter ils pövels, tanter ils quals els saran stats dispers, schi vegn eu a gnir santificâ in els nel conspet dels pövels, e quels abiteran in lur pajais, ch' eu ha dat a Giacob, meis famagl.

26. Ed abiteran in quel in sgürezza, ed edificheran chasas, e planteran vignas, ed abiteran sgüramaing, dopo ch' eu vegn ad avair esequi *meis* güdizis sur tuot quels chi 'ls han sgiarbats dapertuot intuorn, e cognoscheran, ch' eu *sun* il Segner lur Deis.

CHAP. XXIX.

Ezechiël profetiza la destrucziun d' Egipto, la quala ais eir dunada a Nebucadnesar, per premi da sia fadia, dovrada nel assedi da Tiro.

NEL deschavel an, nel dudeschavel di del mais, il pled del Segner am füt *indirizzâ*, dschand:

2. Figl del crastian, volva tia fatscha contra Farao, rai d' Egipto, e profetiza contr' el, e contra tuot l' Egipto;

3. Tschantscha, e di: Usche ha dit il Segner Deis: Mera 'm qui sur tai, Farao, rai d' Egipto, * grand dragun, chi giaschast in mez teis flüms, chi hast dit: Meis ais il flüm, ed eu m' ha fat quel.

* Ps. 74, 13. 14.

4. Eu 't vögl metter crötschs nellas * masellas, e vögl far, cha 'l pesch da teis flüms vain as attachar vi' a tias squammas, e 't vögl trar our da mez teis flüms, e tuot ils peschs da teis flüms resteran tachats vi' a tias squammas.

* Es. 37, 29.

5. Eu 't vögl metter in abbandun nel desert, tai, e tuot ils peschs da teis flüms; tû vainst a crodar sün la champagna, tû non sarast ne raspâ aint, ne retscherchâ; eu t' ha dat per spaisa allas bestias solvadias della terra, ed als utschels del tschel.

6. E tuot ils avdadurs d' Egipto cognoscheran, ch' eu *sun* il Segner, siand ch' els sun stats * ün sostegn da channa alla chasa d' Israel.

* 2 Reg. 18, 21.

7. Cur quels t' han tut in man, schi t' hast tû ruot, ed hast ad els forâ tuot la costa; e, cur els s' han pozats sün tai, schi t' hast tû sfrachâ, e 'ls hast tuots laschats star sü dret süls flancs.

8. Perquai, usche ha dit il Segner Deis: Mera, eu fetsch gnir sur tai la spada, e vögl sdrür our da tai gliend e bestias.

9. E 'l pajais d' Egipto sarà redüt in desolaziun, ed in desert, e 's cognoscherà, ch' eu *sun* il Segner, siand ch' el ha dit: Il flüm *ais* meis, ed eu l' ha fat!

10. Perquai, mera 'm qui contra tai, e contra teis flüm, e vögl redür il pajais d' Egipto in desert da suldüna, e da desolaziun, da Migdol fin a Siene e fin al confin d' Etiopia.

11. Alehün pè, ne da crastian, ne da bestia, non passerà tras quel, el * restarà quarant' ans sainz' esser abità.

* Ger. 46, 26.

12. E vögl redür il pajais d' Egipto in desolaziun, tanter ils pajais desolats; e sias cittats saran sdrüttas, tanter las cittats desertas, il spazi da quarant' ans; ed eu vögl rasar ils Egipters tanter ils pövels, e 'ls vögl vannar tanter ils pajais.

13. Perche, usche ha dit il Segner Deis: In cheu da quarant' ans vögl eu raspar insembel ils Egipters intanter ils pövels, ingio els saran stats dispers;

14. E vögl darcheu trar our preschun ils Egipters, e 'ls vögl condür nel pajais da Patros, in lur pajais nativ, e qua saran els ün regim bass.

15. Quel sarà bass, plü ch' alehün oter regim, e non s' adozerà plü

sur ils pövels; eu ils vögl far pìtschens, acio ch' els non signoreschan plü sur las naziuns.

16. E l' *Egipto* non sarà plü alla chasa d' Israel per confidenza, per far cha saja regordâ dell' iniquità, *commissa* in quai cha quel ha guardâ davo els, e cognoscheran, ch' eu *sun* il Segner Deis.

17. Ma dvantet nel an vainch e set-tavel, nel prüm di del prüm mais, cha 'l pled del Segner am füt *indrizzâ*, dschand:

18. Figl del crastian, Nebucadnesar, rai da Babilon, ha dovrâ seis exercit in greva servitü contra Tiro; ogni testa *ais statta* spallada, ed ogni spadla scorchada, e ne el, ne seis exercit, non han gnü alchün premi per Tiro della servitü, nella quala els s' han dovrats contra quella.

19. Perquai, usche ha dit il Segner Deis: Mera, eu dun a Nebucadnesar, rai da Babilon, il pajais d' Egipto; ed el vain a manar davent il pövel, e vain a spogliar ils butins, e vain a butinar la spoglia, e quai sarà il premi da seis exercit.

20. Eu l' ha dat il pajais d' Egipto per premi da si' ouvra, nella quala el s' ha dovrâ contra quella; siand ch' els han operâ per mai, disch il Segner Deis.

21. In quel di vögl eu darcheu far dsermügliar il corn della chasa d' Israel, ed a tai vögl eu dar bocca averta, a mez els, e cognoscheran, ch' eu *sun* il Segner.

CHAP. XXX.

Deis comand' al profet, d' annunziar als Egip-ters, ed ad oters pövels colliats lur destrucziun tras ils Caldeers, e co Farao sarà disfat.

IL pled del Segner am füt eir *indrizzâ*, dschand:

2. Figl del crastian, profetiza, e di: Usche ha dit il Segner Deis: Ürlai, e dit: Ah, che di *ais quai*st!

3. Perche, vicin *ais* il di, vicin ais il di del Segner; el sarà ün di nüvls, il temp dellas naziuns.

4. E la spada vain a gnir sur l' Egipto, e qua sarà stramizi in Etiopia, cur ils mazzats croderan in Egipto, e *cur* as manerà davent sia quantità,

e *cura* seis fondamaints vegnan as disfar.

5. Cus, e Libia, e Lidia, e tuot il pövel masdâ, e Cub, e quels del pajais della lia, croderan con els tras la spada.

6. Usche ha dit il Segner: Quels chi sostegnan l' Egipto croderan, e la superbia da sia forza sarà battüda giò; els croderan in quel tras la spada, * da Migdol fin a Siene, disch il Segner Deis; * Ex. 29, 10.

7. E saran desolats tanter pajais desolats, e las cittats d' Egipto saran tanter las cittats desertas;

8. E cognoscheran, ch' eu *sun* il Segner, cur eu vegn ad avair miss il fò in Egipto, e cur tuot seis agüdants saran ruots.

9. In quel di vegnan as partir mess our da mia presenza sün navs, per stramantar l' Etiopia, *chi sta* in sgürezza; e qua sarà tanter els spavent, sco nel di d' Egipto, perche, mera, *la chosa* vain.

10. Usche ha dit il Segner Deis: Eu vögl far gnir almain la quantità d' Egipto, tras man da Nebucadnesar, rai da Babilon.

11. El, e seis pövel con el, * *chi sun* ils plü crudels dels pövels, vegnan a gnir condüts a guastar il pajais, e vegnan a trar oura lur spadas sur ils Egipeters, e vegnan ad implir con mazzats il pajais. * Ez. 28, 7.

12. Ed * eu vögl redür ils flüms a lö sech, e vögl vender il pajais in man da pövels mals; e vögl sdrür il pajais, e tuot quai ch' ais in quel, tras man d' esters. Eu, il Segner, ha favlâ.

* Es. 19, 5.

13. Usche ha dit il Segner Deis: Eu * vögl eir sdrür ils idols, e vögl far gnir almain ils fos deis da Nof, e qua non sarà plü princip, *chi saja* del pajais d' Egipto, e vögl metter spavent nel pajais d' Egipto; * Ger. 43, 12.

14. E vögl desertar Patros, e vögl metter il fò in Soan, e vögl far güdizis in No;

15. E vögl spander oura mi' ira sur Sin, fortezza d' Egipto, e vögl sterminar la quantità da No;

16. E vögl metter il fò in Egipto; Sin sarà in granda travaglia, e No sarà dazipada, e Nof non sarà oter co anguosecha tuottadi.

17. Ils giuvens d'On, e da Bubastus croderan tras la spada, e quellas vegnan ad ir in preschun.

18. E l' di vain as inſchürir in Tacfanes, cur eu vegn a rumper qua las stangas d' Egipto; e la superbia da sia forza vain a gnir almain in quella; üna nüvla vain a la covernar, e, quant a sias cittatz, vegnan ellas ad ir in preschun.

19. Ed eu vögl far güdizis sur l' Egipto, e quels cognoscheran, ch' eu *sun* il Segner.

20. Ma nel an ündesch, nel settavel di del prüm mais, il pled del Segner am füt *indrizzà*, dschand:

21. Figl del crastian, eu ha ruot il bratscha da Farao, rai d' Egipto, e mera, * el non ais stat medgià, l' aplichand medicamaints, e mettand *intuorn* faschas, per il faschar, e per il fortifichar, per podair tgnair in man la spada.

* Ger. 46, 41.

22. Perquai, usche ha dit il Segner Deis: Mera'm qui contra Farao, rai d' Egipto, eu l' vögl rumper la bratscha, tant quel chi ais *amo* sald, co quel chi *agià* ais ruot, e l' vögl far erodar la spad' our da man;

23. Evöglrasarils Egipters tanter las naziuns, e l's vögl vannar per ils pajais;

24. E vögl fortifichar la bratscha del rai da Babilon, e l' vögl metter mia spada in man; e vögl rumper la bratscha da Farao, ed el vain a pudar avant el, con cluotsehs d' ün crastian ferì a mort.

25. Usche vögl eu fortifichar la bratscha del rai da Babilon, e la bratscha da Farao croderà; e s' cognoscherà, ch' eu *sun* il Segner, cur eu vegn ad avoir dat mia spad' in man del rai da Babilon, ed el l' averà stais' oura contr' il pajais d' Egipto.

26. Evöglrasarils Egipters tanter las naziuns, e l's vögl vannar per ils pajais, e cognoscheran, ch' eu *sun* il Segner.

CHAP. XXXI.

Il Segner ordain' ad Ezechiel, da rebatter la vana presumziun del rai d' Egipto, tras l' exaimpel del imperi dels Assiriers, il qual, combain potentissem, dacheu tras güdizi da Dieu ais dals Caldeers sdrüt; usche vegn' ad ir eir cois Egipters.

DVANTET eir nel an ündesch, nel prüm di del terz mais, cha l'

pled del Segner am füt *indrizzà*, dschand:

2. Figl del crastian, di a Farao, rai d' Egipto, ed a sia quantità: A chi est tü simil in tia grandezza?

3. Mera l' Assirier; *el eira* ün ceder nel Libano, bel da fruonsla, sumbrivaint da rams, ed ot da tschücha, e sia tschimma eira tanter rams spess.

4. Las auas l' avaivan fat crescher, l' abiss l' avaiva fat gnir ot; quel con seis flüms giaiva intuorn sia planta, e tramettaiva oura sias chanals a tuot la boſcha della champagna.

5. Perquai s' avaiva sia otezza ozada sur tuot la boſcha della champagna, e seis rams eiran multiplichats, e sias manzinas eiran gnüdas lungas, tras l' abundanza dellas auas, *chi l' avaivan bagnà*, tant ch' el bütaiva oura.

6. * Tuot ils utschels del tschel faivan gnieu sün seis rams, e tuot las bestias della champagna faivan lur giuvens suot sias manzinas, e tuot las grandas naziuns dmuraivan suot sia sumbriva;

* Dan. 4, 12.

7. El dimena eira bel in sia grandezza, nella lungezza da seis rams, perche sia ragisch eira sper grandas auas.

8. Ils ceder non al faivan sumbriva nel zardin da Dieu; ils pins non eiran similis nianca a seis rams, e l's chastagnêrs non eiran nianca seo sias manzinas; ingün bösch, nel zardin del Segner, non al summagliaiva in bellezza.

9. Eu l' avaiva fat bel nella quantità da seis rams, e tuot la boſcha d' Eden, *chi eira* nel zardin da Dieu, al portaiva inviglia.

10. Perquai, usche ha dit il Segner Deis: Siand cha tü t' hast adoza in otezza, e cha quel ha miss sias chaplinas a mez ils rams spess, e cha seis cour s' ha adoza in sias otezzas;

11. Schi l' ha eu dat in man del plü ferm dellas naziuns, per far con el *ad ogni seis volair*, e l' ha schätschâ per si' impietà.

12. Ed * esters, ils plü crudels dellas naziuns, l' han taglià giò, e l' han

laschâ in abbandun; seis rams sun crodats sù per ils munts, e per tuot las vals; e sias manzinas sun stattas ruottas per tuot ils auals della terra, e tuot ils pövels della terra sun trats d'avent da sia sumbriva, e l'han bandunâ.

* Ez. 28, 7.

13. Tuot ils utschels del tsel al-bergian sün sias ruinas, e tuot las bestias solvadias della champagna sun sün sias manzinas;

14. Acio ch' ingün bösch, bagnâ con auas, non s'adoza in sia otezza, e non adoza sia tchimma intanter ils rams spess; cha lur ruvers, *schì* tuot *la boscha* chi baivan aint las auas, non as drizzan sù in lur otezza; perche * tuots, quants cha sun, sun dats alla mort, e *sun büttats* nellas plü bassas parts della terra, intanter ils figls della gliend, con quels chi van giò nella fossa.

* Ps. 82, 7.

15. Usche ha dit il Segner Deis: Nel di ch' el get giò nel infern, schi fet eu far cordöli, eu covernet l' abiss sur el, e retgnet seis flüms, e las grandas auas fütan fermadas, ed eu fet portar lèd il Libano per el, e tuot la böscha della champagna gnit almain per el.

16. Eu squasset las naziuns tras il sun da sia ruina, cur eu il fet ir giò nel infern, con quels chi van giò nella fossa, e tuot la böscha d' Eden, la tchernüda, e plü bella *boschu* del Libano, tuot quella chi eira bavranteda con aua, füt cuffortada darcheu nellas plü bassas parts della terra.

17. Eir quels sun its giò con el nel infern, pro quels chi sun stats mazats con la spada; seis bratsch eir, suot la sumbriva del qual els dmu-raivan tanter ils pövels, *ais it giò qua*.

18. A chi, intanter la böscha d' Eden, est tü simil, ad inguala gloria, e grandezza? Impero sarast trat giò, con l' *otra* böscha d' Eden, nellas plü bassas parts della terra; tü vainst a giasehair in mez ils * non-eircuncis, con quels chi sun stats mazzats con la spada. Quaist *ais* Farao, e tuot sia quantità, disch il Segner Deis.

* Ez. 28, 10.

CHAP. XXXII.

Deis ordain' al profet, da representar tras forma da pland, la potenza, violenza, e superbia da Farao, e sia ruina, e da tuot seis pajais; sco eir la fin dels Assiriers, e dad oters.

DVANTET eir nel an dudesch, nel dudeschavel mais, nel prüm di del mais, cha 'l pled del Segner am füt *indrizzâ*, dsehand:

2. Figl del crastian, piglia a far ün pland da Farao, rai d' Egipto, e di ad el: Tü est stat simil ad ün liunet tanter las naziuns, e sco ün dragun nels mârs, e traivast oura per teis flüms, e turblaivast las auas con teis peis, e trapplaivast suot lur flüms.

3. Usche ha dit il Segner Deis: Eu vögl eir stender oura mia rait sur tai, con raspada da blers pövels, ils quals vegnan at trar oura con mia rait.

4. *E 't vögl laschar sur la terra, e 't vögl büttar sün la fatscha della champagna; e vögl far albergiar sün tai tuot ils utschels del tsel, e vögl sadolar con tai las bestias solvadias da tuot la terra;

* Ez. 29, 5.

5. E vögl metter tia charr sù per ils munts, e vögl implir las vals con tia sternüda *da pövel*;

6. E vögl bavrantar con teis sang la terra, nella quala tü noudast, fin sur ils munts, e 'ls lets dels flüms saran implits da tai.

7. E, cur eu vegn at avair stüz our, schi vögl eu coverner il tsel, e vögl far imbrünir lur stailas; eu vögl coverner il solai con nüvel, e la glüna non farà splendorir sia glüm.

8. Eu vögl far inšchürir sur tai tuot las glümêras della glüm in tsel, e vögl trametter šchürezzas sur teis pajais, disch il Segner Deis.

9. E vögl far, cha 'l cour da blers pövels vain as sdegnar, cur eu vegn ad avair fat rivar il *bragizi* da tia ruina tanter ils pövels, in pajais cha tü non cognoschast;

10. E vögl far, cha blers pövels saran attonits da tai, e cha lur rais averan orrur per chaschun da tai, cur eu vegn a manar intuorn mia spada in lur conspet; e scodün da quels sarà strami * ad ogni momaint in seis cour, nel di da tia ruina.

* Ez. 26, 16.

11. Perche, usche ha dit il Segner

Deis: La spada del rai da Babilon vain a gnir sur tai.

12. Eu vögl far crodar tia quantità tras las spadas da *glieud* possanta, *chi sun* tuotsaffat ils plü crudels dellas naziuns, e quels guasteran la magnificenza d'Egipto, e tuot sia quantità sarà desdrütta.

13. Ed eu vögl far perir tuot seis bestiam sper las grandas auas; ed * ingün pè da crastian, ne ungla da bestia, non las dess plü tuorschar.

* Ez. 29, 11.

14. Lura vögl eu far, cha lur auas as tshanteran, e cha lur flüms vegnan e cuorrer a guisa d'öli, disch il Segner Deis;

15. Cur eu vegn ad avair redüt il pajais d'Egipto in desolaziun, e'l pajais sarà desert, e *vöd* da tuot quai chi ais in quel; cur eu vegn in quel ad avair battü tuot seis avdadurs, schi vain ün a cognoscher, ch'eu *sun* il Segner.

16. Quaist *ais* ün pland, il qual vain as far; * las figlias dellas naziuns il faran; il faran davart l'Egipto, e da tuot sia quantità, disch il Segner Deis.

17. Dvantet eir nel an dudesch nel quindeschavel *di* del mais, cha'l pled del Segner am füt *indirizzà*, dschand:

18. Figl del crastian, strasuna üna chanzun funerala sur la quantità d'Egipto, e compagna sia bara con las figlias da naziuns illustras, nellas plü bassas parts della terra, con quels chi van giò nella fossa.

19. Plü grazius da chi est tüt? Và giò, e sajast miss a giaschair cols noncironcis.

20. Quels croderan in mez ils mazzats con la spada; la spada ais datta in man; strozechâ-la con tuot sia quantità.

21. Ils capos dels ferms, quels, chi'ls avaivan dat succuors, chi sun its giò, e giaschan noncironcis, mazzats con la spada, vegnan a tshan-t-schar con el our da mez la sepultüra, dschand:

22. Là *ais* l'Assirier, e tuot sia raspada; sias sepultüras *sun* intuorn el; quels tuots *sun* mazzats, ils quals sun crodats tras la spada.

23. Perche las sepultüras da quel sun stat missas nel fuond della fossa, e sia raspada ais *tshantada* intuorn sia sepultüra; quels tuots sun mazzats, crodats tras la spada, perche els avaivan dat stramizi nella terra dels vivaints.

24. Là *ais* l'Elamit, e tuot sia quantità, intuorn sia sepultüra; quels tuots *sun* mazzats, crodats tras la spada, ils quals sun trats giò noncironcis nellas plü bassas parts della terra; perche els avaivan dat stramizi dels nella terra dels vivaints, e per quai han els portâ lur tuorp, con quels chi van giò nella fossa.

25. Ais stat tshantâ ün let, per mez ils mazzats, pro el, e pro tuot sia quantità; sias sepultüras *sun* intuorn el; quels tuots *sun* noncironcis, mazzats con la spada, perche ch'eira stat dat spavent dels nella terra dels vivaints, e perquai han els portâ lur vituperi, con quels chi van giò nella fossa; e sun stats miss in mez ils mazzats.

26. Là *ais* * Mesech, e Tubal, e tuot sia quantità; sias sepultüras *sun* intuorn el; quels tuots *sun* noncironcis, mazzats con la spada; perche ch'els avaivan dat spavent dels nella terra dels vivaints.

* Gen. 10, 2.

27. E non giaschan con la *glieud* ferma, crodats intanter ils noncironcis, ils quals sun its giò nel infern con lur armas; e las spadas dels quals sun stat missas suot lur testas, e l'iniquità dels quals ais statta sur lur ossa; perche l' spavent della *glieud* ferma *ais* nella terra dels vivaints.

28. Usche sarast eir tüt smachâ in mez ils noncironcis, e dessast giaschair cols mazzats con la spada.

29. Là *ais* Edom, seis rais, e tuot seis * ducas, ils quals, con *tuot* lur forza, sun stats miss tanter ils mazzats con la spada; quels giaschan tanter ils noncironcis, e con quels chi sun its giò nella fossa. * Gen. 36, 40.

30. Là *sun* tuot ils principals del setentrion, e tuot ils Sidoniers, ils quals sun its giò cols mazzats; con tuot lur spavent, confus da lur forza; e giaschan noncironcis, cols mazzats con

la spada; ed han portà lur tuorp, con quels chi sun its giò nella fossa.

31. Farao vain als vair, e vain dar-cheu as cuffortar da tuot sia quantità; Farao, *di eu*, e tuot seis exercit, chi sun stats mazzats con la spada, disch il Segner Deis.

32. Perche eu ha dat stramizi da mainella terra dels vivaints, e Farao, con tuot sia quantità, sarà miss a giaschair in mez ils noncirconceis, cols mazzats con la spada, disch il Segner Deis.

CHAP. XXXIII.

Il Segner ordain' ad Ezechiel, da declarar a seis pövel, qual ais l'offizi da vairs profets, e pasturs; con il chastiamaint da quels, chi sun negligiaints in lur offizi.

IL pled del Segner am füt eir *indrizzâ*, dschand:

2. Figl del crastian, tsehantscha cols infants da teis pövel, e di ad els: Cur eu vegn a far gnir la spada sur ün pajais, e'l pövel del pajais gnis a tour ün hom intanter els, e's metterà per sentinella;

3. E quel, veziaand gnir la spada sur il pajais, averà sunà con la trombetta, ed averà avisâ il pövel;

4. Sch'alchün, aviaand udi il sun della trombetta, non as perchüra, e la spada, essendo rivada, il surprendà; schi sarà seis sang sur seis cheu.

5. El ha udi il sun della trombetta, e non s'ha fat surasen, seis sang sarà sur el; sch'el s'avess perchüra, schi gniss el ad avair cussalvâ sia vita.

6. Ma, scha la sentinella vezza gnir la spada, e non suna con la trombetta, e'l pövel non ais stat avisâ, e la spada vain, e surprena alchüna persuna intanter quel, schabain cha quella sarà stat tutta per si' iniquità, ma schi vögl eu retscherchar seis sang dalla sentinella.

7. Usche, figl del crastian, * eu t'ha constitui sentinella alla chasa d'Israel; taidla dimena il pled da mia bocca, ed admonescha 'ls da parte mia.

* Ez. 3, 17.

8. Cur eu vegn ad avair dit al empi: Empi, pertschert tü vainst a morir; e tü non averast favlâ, per admonir l'empì, *ch'el as retrira* da sia via, quel empi morirà per si' iniquità;

ma eu vögl retscherchar seis sang da teis man.

9. Ma, scha tü admoneschast l'empì, ch'el as convertescha da sia vita, ed el non as convertescha, schi vain el a morir per si' iniquità, ma tü averast spendrà ti' orma.

10. Ma, figl del crastian, di eir alla chasa d'Israel: Vus avais tsehantschâ usche, dschand: Noss puchats, e noss misfats *sun* sur nus; e nus eschan alguats via per quels; schi co gnin nus a podair viver?

11. Di ad els: * *Sco* eu viv, disch il Segner Deis, eu non pigl dalet vi' alla mort del empi, anzi *pigl dalet* cha'l empi as convertescha da sia via, e ch'el viva; as converti da vossas vias malas, e perche dessat vus morir, o chasa d'Israel? * Es. 18, 23.

12. Figl del crastian, di eir als figls da teis pövel: * La güstia del güst non vain al salvar, qualura el averà misfats; ed *eir* l'empì non vain a erodar per si' impietà nel di ch'el s'averà converti da si' impietà; sco per quella il güst non vain a podair viver nel di ch'el averà pechâ.

* Ez. 3, 20.

13. Cur eu vegn ad avair dit algüst, ch'el del tsehert viverà, sch'el, s'aviaand confidâ in sia güstia, commetta iniquità, schi non vegnan tuot sias güstias a gnir regordadas; anzi el morirà per sia iniquità, ch'el averà commiss.

14. Cur eu vegn eir ad avair dit al empi: Del tsehert tü vainst a morir; sch'el as convertescha da seis pucha, e fa güdizi, e güstia;

15. E * renda il pain, e restituescha quai ch'el ha sgiarbâ, e chamina nels statuts della vita, per non commetter iniquità; del tsehert el vain a viver e brich' a morir. * Ex. 22, 1. 4. 26.

16. Tuot seis puchats, ch'el averà commiss, non saran regordats; el ha fat güdizi, e güstia; el viverà del tsehert.

17. Ma ils figls da teis pövel han dit: * La via del Segner non ais baindrizzata; ma lur propria via *ais quella*, *chi* non ais baindrizzata.

* Ez. 18, 25.

18. Cur il güst vain as retrar da sia

güstia, e commetterà iniquità, schi vain el a morir per quaistas chosas.

19. Cur eir l'empi vain as retrar da si' impietà, e farà güdizi e güstia, schi vain el a viver per quaistas chosas.

20. E vus avais dit: La via del Segner non ais baindrizzada! O chasa d'Israel, eu as vögl güdichar, scodün seguond sias vias.

21. Ma dvantet, cha nel dudeschavel an * da nosa preschun, nel quint *di* del deschavel mais, gnit pro mai ün, chi eira scampà via da Gerusalem, dschand: La città ais stat battüda.

* Ez. 1, 2.

22. E la sair' avant la vgnüda da quel chi eira scampà via, * il man del Segner eira stat sur mai, ed el m'avaiva avert la bocca, fin cha quel gnit pro mai la mattina; ed usche mia bocca füt averta, ed eu † non füt plü mü.

* Ez. 1, 3. † Ez. 24, 26. 27.

23. E'l pled del Segner am füt indrizzâ, dschand:

24. Figl del crastian, ils avdadurs da quels lous deserts, nel pajais d'Israel, dischan: Abraham eira sulet, e pür el possidet il pajais, e nus *esch*anblers; il pajais ans ais dat per ierta.

25. Perquai, di ad els: Usche ha dit il Segner Deis: Vus mangiais la charn eol sang, ed ozais ils vögl vers voss idols, e spandais il sang, e dessat vus possidair il pajais?

26. Vus as mantgnais sün vossa spada, vus fais chosas abominablas, e contaminais scodün la muglier da seis prossem, e dessat vus possidair il pajais?

27. Di ad els usche: Usche ha dit il Segner Deis: *Sco* eu viv, quels chi *sun* in quels lous deserts croderan tras la spada; ed eu vögl dar quels chi *sun* per la cuttüra allas bestias solvadias, acio ch'ellas ils maglian; e quels chi *sun* nellas fortezzas, e nellas speluncas, vegnan a morir da pestilenza;

28. E vögl metter il pajais in desolaziun, ed in desert; e la superbia da sia forza vain a gnir almain, e'ls munts d'Israel saran deserts, sainza cha qua passa *plü* alchün.

29. E quels cognoscheran, ch'eu *sun* il Segner, eur eu vegn ad avair miss

il pajais in desolaziun, ed in desert; per tuot lur abominaziuns, cha han commiss.

30. Ma, quant a tai, figl del crastian, ils infants da teis pövel tschantschan da tai sper las paraits, e süls üschs dellas chosas, e favellan l'ün con l'oter, scodün con seis frar, dschand: Da grazia gni nan, ed udi qual *saja* il pled chi ais procedü dal Segner.

31. E vegnan pro tai sco *per maniera* da raspada da pövel; e meis pövel sezza avant tai, e taidla teis plets, ma non ils mettan in effet; perche * el fa rasehunamaints d'amurs in sia bocca; *ma* seis cour va davo sia avarezza.

* Es. 29, 13.

32. E mera, tü *est* ad els a guisa d'üna chanzun d'amurs, *d'ün chi ha* bella vusch, suna bain, e quels taidlan teis plets, ma non ils mettan bricha in effet.

33. Ma, eur *il fat* sarà scontrâ, (mera e vain) schi vegnan els a cognoscher, cha * qua ais stat ün profet in mez els.

* Ez. 2, 5.

CHAP. XXXIV.

Deis comand'al profet, da repreneur ils mals pasturs, chi non han gnü chüra oter co d'els istess, ed imprometta da visitar e raspar sia scossa dissipada suot il felicissem reginam del messia.

IL pled del Segner am füt eir *indrizzâ*, dschand:

2. Figl del crastian, profetiza conter ils pasturs d'Israel; profetiza, e di a quels pasturs: Usche ha dit il Segner Deis: * Vae als pasturs d'Israel, chi s'han paschantats els istess; non *ais* la scossa quella cha'ls pasturs dessan paschanter?

* Ger. 23, 1.

3. Vus * mangiais il grass, e s vestis della lana; vus mazzais la *bescha* grassa, vus non paschantais la scossa.

* Zac. 11, 16.

4. Vus non avais cuffortâ las deblas, e non avais medgiâ las amaladas, e non avais liâ sù las smachadas, e non avais turnantâ las smarridas, e non avais darcheu tscherchâ las persas; e * las avais dominadas per forza, e con asprezza.

* 1 Petr. 5, 3.

5. Ed ellas sun stattas dispersas per manchamaint da pastur, e sun stattas per spaisa a tuot las bestias solvadias

della champagna, e sun stattas dissipadas.

6. Mias nuorsas sun idas ad erraints per tuot ils munts, e per ogni ot muot, e sun stattas dispersas sur tuot la fatscha della terra, e qua non ais stat alehün chi domandess davo ellas, o chi darcheu las tscherchess.

7. Perquai, pasturs, tadlai il pled del Segner!

8. *Sco* eu viv, disch il Segner Deis, *eu vögl far quaist*: Siand cha mias nuorsas sun stattas per praja, e per spaisa ad ogni bestia solvadia della champagna, tras manchaint da pastur, e cha meis pasturs non han tscherchâ mias nuorsas; anzi ils pasturs s'han paschantats sai s vess, e non han paschantâ mias nuorsas;

9. Perquai, pasturs, tadlai il pled del Segner!

10. Usche ha dit il Segner Deis: Mera 'm qui contra quels pasturs; ed eu vögl retscherchar mias nuorsas da lur mans, e 'ls vögl far interlaschar da paschantar la scossa, e 'ls pasturs non dessan plü paschantar sai s vess; schi, eu vögl spendrar mias nuorsas our da lur bocca, e non saran plü ad els per spaisa.

11. Perche, usche ha dit il Segner Deis: Mera 'm qui! Eu vögl domandar davo mias nuorsas, e las vögl retscherchar.

12. Ingal sco 'l pastur tschercha seis tröp, qualura ch'el ais in mez sias nuorsas dispersas; usche vögl eu retscherchar mias nuorsas, e las vögl spendrar da tuot ils lous, ingio ellas sun stattas dispersas in di da nüvel, e da schürezzas;

13. E las vögl manar our davent dals pövels, e las vögl raspar our dals pajais, e las vögl condür darcheu in lur terra, e las paschantar süls munts d'Israel, nellas costêras, ed in tuot las dmuranzas del pajais.

14. Eu las vögl paschantar in bunas pašchüras, e lur stavel sarà nels ots munts d'Israel; qua dessan ellas giaschair in ün bun stavel, vegnan a pascular sün pašchüras grassas, süls munts d'Israel.

15. Eu istess vögl paschantar mias

nuorsas e las vögl far posar, disch il Segner Deis.

16. Eu vögl tscherchar la persa, e recondür la smarrida, e vögl liar sü la smachada, e cuffortar la debila; ma vögl sdür la grassa, e la ferma; eu las vögl paschantar con güdizi.

17. E, quant a vus, mias nuorsas, usche ha dit il Segner Deis: Mera, * eu vögl güdichar tanter nuorsa e nuorsa, tanter bümatschs e boes.

* Ez. 20, 37. 38.

18. Aise a vus massa paca chosa, cha vus pascualais in buns pašchs, cha vus trapplais suot eols peis il rimanent da vossa pašchüra, e cha vus bavais auas cleras, cha vus tuorschais eols peis quellas chi restan?

19. Dinuonder mias nuorsas as paschaintan con quai cha avais trapplâ eols peis, e baivan quai cha avais tuorschâ eols peis.

20. Perquai, usche ha dit il Segner Deis: Mera 'm qui; eu vögl güdichar tanter la nuorsa grassa, e la maigra.

21. Siand cha vus avais stumplâ col flanc, e con la spadla; e con las cornas avais ferì tuot las debilas, tant cha las avais dispersas, e chatschadas oura;

22. Eu vögl salvar mias nuorsas, ed ellas non saran plü per praja, e vögl güdichar tanter nuorsa e nuorsa.

23. E vögl sdasdar sü sur ellas * ün pastur, chi vain a las paschantar, cioè David, meis servaint; el vain a las paschantar, e sarà ad ellas per pastur.

* Es. 40, 11. Ez. 37, 14.

Gioan. 10, 11. Ebr. 13, 20. 1 Pet. 2, 25. 5, 4.

24. Ed eu, il Segner, vögl esser lur Dieu, e David, meis servaint, sarà princip a mez quellas; eu, il Segner, ha favlâ;

25. E vögl far con ellas üna lia da pasc, e * vögl far gnir almain nel pajais las bestias dannavlas, e quellas vegnan a dmurar sgüramaing nel desert, e dormiran nels gods.* Es. 11, 6. 9.

26. E vögl far cha quellas, e tuot ils lous vi' intuorn meis muot, non saran oter co benedicziun; e vögl far gnir giò la plövgia a seis temp; e quellas plövgias saran * plövgias da benedicziun.

* Ps. 68, 10.

27. E la boſcha della champagna

vain a prodür seis früts, e la terra darà sia rendita; e quels saran in sgürezza sün lur terra; e cognoscheran, ch'eu *sun* il Segner, cur eu vegn ad avair ruot las stangas da lur giuf, e vegn a las avair spendradas dal man da quels, chi las tgaivan in servitü.

28. E non saran plü per praja als pövels, e las bestias solvadias della champagna non vegnan *plü* a las magliar; anzi * abiteran in sgürezza, e *qua* non sarà alchün chi las spavainta.

* Ger. 30, 10.

29. Ed eu vögl ad ellas far alvar sü üna planta, *per esser ad ellas* per nom, e fama; e non saran plü constimadas tras fam nella terra, e non porteran plü il vituperi dels pövels.

30. E cognoscheran, ch'eu, il Segner lur Deis, *sun* con els, e cha quellas, cioè la chasa d'Israel, *sun* meis pövel, disch il Segner Deis.

31. Ma vus, scossa mia, nuorsas da mia paschüra, eschat crastians, ed eu *sun* vos Deis, disch il Segner Deis.

CHAP. XXXV.

Deis ordain' al profet, d'annunziar extrema desolaziun als Idumeers per l'ödi e lur crudeltà contr' ils Israelits.

IL pled del Segner am füt eir *indirizzâ*, dschand:

2. Figl del crastian, volva tia fatscha vers il munt da Seir, e * profetiza contra quel, * Ger. 49, 7. 8. Am. 1, 11.

3. E di ad el: Usche ha dit il Segner Deis: Mera'm qui contra tai, o munt da Seir; eu vögl stender oura meis man sur tai, e t' vögl redür in desolaziun, ed in desert.

4. Eu vögl metter tias cittats in desert, e tü sarast desolâ, e cognoscherast, ch'eu *sun* il Segner.

5. Perquai cha tü hast gnü inimizia veglia, ed hast büttâ a terra ils infants d'Israel tras la spada, nel temp da lur calamità, nel temp della fin dell' iniquità;

6. Perquai, *sco* eu viv, disch il Segner Deis, eu at vögl metter tuot in sang, e l' sang at perseguitterà; * siand tü non hast gnü in ödi il sang, schi at dess eir il sang perseguittar;

* Ps. 109, 17.

7. E vögl metter il munt da Seir in desolaziun ed in desert, e vögl far

cha qua non saja plü chi giaja, ne chi vegna;

8. E vögl implir seis munts con seis mazzats; ils mazzats con la spada dessan crodar süin teis muots, in tias vals, e per tuot tias costêras.

9. * Eu at vögl redür in deserts eterns, e tias cittats non saran *mâ bricha plü* restoradas; e vus cognoscherat, ch'eu *sun* il Segner.

* Ger. 49, 18. Mal. 1, 3. 4.

10. Siand cha tü hast dit: Quellas duos naziums, e quels duos pajais saran meis, e * nus las volain possidair, schabain cha l' Segner ais stat qua.

* Ps. 83, 5. 13.

11. Perquai, *sco* eu viv, disch il Segner Deis, vögl eu operar seguond ti' ira, e seguond tia zelosia, pelqual tü hast prodüt ils effets, tras teis grand' ödi contr' els; e vegn ad esser cognoschü tanter els, cur eu vegn at avair güdichâ.

12. E tü cognoscherast, ch'eu, il Segner, ha udi tuot tias ingiurias, cha tü hast dit contr' ils munts d'Israel, dschand: Els sun deserts, els ans sun dats per *ils* magliar;

13. E ch'eu eir ha udi, *co* vus s' avais magnificats contra mai con vossa bocca, * ed avais multiplichâ voss plets contra mai.

* 1 Sam. 2, 3.

14. Usche ha dit il Segner Deis: Cur tuot la terra vain as allegrar, schi t' vögl eu redür in desolaziun.

15. Inqual *sco* tü t' hast allegrâ per l' ierta della chasa d'Israel, perquai ch'ella eira deserta; usche vögl eir eu operar invers tai; tü sarast desolâ, o munt da Seir, schi, Edom tuot, quant ch'el ais; e s' cognoscherà, ch'eu *sun* il Segner.

CHAP. XXXVI.

Il Segner comand' ad Ezechiël d' annunziar a seis pövel la restoraziun della baselgia, grazia ed ogni benedicziun.

E tü, figl del crastian, profetiza als munts d'Israel, e di: Munts d'Israel, tadlai il pled del Segner!

2. Usche ha dit il Segner Deis: Siand * cha l' inimi ha dit da vus: Ha, ha, ils muots eterns sun gnüts nossa possession!

* Ez. 25, 3.

3. Perquai, profetiza, e di: Usche ha dit il Segner Deis: Siand cha vus

eschat stats sdrüts, e travus daper-tuot intuorn, per dvantar possessiun d'oters pövels, ed eschat passats tras ils lefs da smaldischun, e tras la disfama da pövels;

4. Perquai, o munts d'Israel, tadlai il pled del Segner Deis: Usche ha dit il Segner Deis als munts, ed als muots; allas costêras, ed allas vals; als lous desolats, redüts in deserts, ed allas cittats bandunadas, chi sun stattas per praja, e per beffa als oters pövels, chi *sun* daper-tuot intuorn:

5. Perquai, usche ha dit il Segner Deis: Sch'eu non ha favlâ nel fô da mia zelosia contr'ils pövels, e contra l'Idumea tuotta, quanta ch'ella ais, ils quals han fat our da meis pajais lur possessiun, con allegrezza da tuot il cour, e con spretsch del anim, per *schatschar our ils avdadurs, acio ch'ella füess* per praja.

6. Perquai, profetiza alla terra d'Israel, e di als munts, ed als muots; allas costêras, ed allas vals: Usche ha dit il Segner Deis: Mera, eu ha favlâ in mia zelosia, ed in mia ira. Siand cha vus avais portâ il vituperi dels pövels;

7. Perquai, usche ha dit il Segner Deis: Eu ha ozâ il man, scha'ls pövels, chi sun intuorn vus, non portan lur vituperi!

8. Ma vus, o munts d'Israel, gnis a bütter oura voss rams, ed a portar voss früt a meis pövel Israel; perche el ais strusch a gnir.

9. Perche, vna'm qui pro vus, e'm vögl volver vi'a vus, e gnis ad esser lavurats, e semnats.

10. Ed eu vögl far multiplichar in vus la gliend, la chasa d'Israel tuotta, quanta ch'ella ais; e las cittats saran abitadas, e'ls lous deserts saran edificats;

11. E vögl far multiplichar in vus gliend ed animals, e quels multiplicheran, e frütteran; e vögl far, cha vus sarat abitats, sco in voss vegls dis, e's vögl far del bain, plü co in voss prüms temps, e vus cognoscherat, ch'eu *sun* il Segner;

12. E vögl far chaminar gliend sur vus, cioè meis pövel Israel; ils quals vegnan as possidair, e vus sarat ad

els per ierta, e vus non gnis *plü* als far morir.

13. Usche ha dit il Segner Deis: Siand cha's disch da vus: Tü *est ün pajais* chi magliast la gliend, e tü hast *saimper* fat morir teis pövels;

14. Perquai, tü non dessast plü magliar la gliend, e non farast plü morir teis pövels, disch il Segner Deis.

15. Eu non at vögl plü far udir las ingiurias dellas naziuns, e tü non porterast plü il vituperi dels pövels, e non farast plü morir teis pövel, disch il Segner Deis.

16. Il pled del Segner am füt eir *indrizzâ*, dsehand:

17. Figl del crastian, quels della chasa d'Israel, dmurand in lur terra, l'han impalada con lur proceder, e con lur fats; lur proceder ais stat in meis conspet sco la malnettischa della duonna menstruanta.

18. Dinuonder eu ha rasâ mi' ira sur els, per il sang ch'avaivan spans sur la terra, e per ch'els l'avaivan impalada con lur idols.

19. E'ls ha dispers tanter ils pövels, e sun stats vannats tanter ils pajais; eu ils ha güdichats seguond lur proceder, e seguond lur fats.

20. Ma, * siand rivats tanter ils pövels, ingio els sun gnüts, han els profanâ meis nom sanct, essendo dit dad els: Quaists *sun* il pövel da Dieu, e sun trats our da seis pajais.

* Es. 52, 5. Rom. 2, 24.

21. Ed eu ha gnü resguard da meis sanct nom, il qual la chasa d'Israel ha sconsacrâ tanter las naziuns, ingio els sun gnüts.

22. Perquai, di alla chasa d'Israel: Usche ha dit il Segner Deis: Eu ope-resch, na per chaschun da vus, o chasa d'Israel, anzi per amur da meis sanct nom, il qual vus avais profanâ tanter ils pövels, ingio vus eschat gnüts.

23. E vögl santifichar meis grand nom, chi ais stat profanâ tanter ils pövels, il qual vus avais sconsacrâ in mez quels; e'ls pövels cognoscheran, ch'eu *sun* il Segner, disch il Segner Deis, cur eu vegn am avair santificâ in vus, in lur conspet.

24. E's vögl trar davent dals pövels,

e's vögl raspar nan da tuot ils pajais, e's vögl condür darcheu in vossa terra.

25. E vögl spander oura sur vus auas nettas, e sarat nettiats; eu as vögl nettiar da tuot vossas ascrias, e da tuot voss idols;

26. E's * vögl dar ün cour nouv, e vögl metter ün spiert nouv dadaint vus; e vögl tour davent il cour da erap our da vossa charn, e's vögl dar ün cour da charn; * Ez. 11, 19.

27. E vögl metter meis Spiert dadaint vus, e vögl far, cha vus gnis a chaminar in meis statuts, e cha vus gnis ad observar, e metter in effet mias ledshas.

28. E vus gnis ad abitar nel pajais, ch'eu ha dat a voss babuns; e vus gnis ad esser meis pövel, ed eu vögl esser vos Dieu;

29. E's vögl salvar da tuot vossas ascrias, e vögl clamar il formaint, e'l far multiplichar, e non vögl trametter plü sur vus la fam;

30. E vögl creschantar ils früts della boſcha, e la rendita della cuttüra; acio cha vus non ardschaivat plü vituperi tanter ils pövels per la fam.

31. E vus gnis as regordar da vossas vias malas, e da voss fats, chi non *sun* stats buns; e * gnis as turpiar da vus istess, per vossas iniquitats, e per vossas abominaziuns. * Lev. 26, 39.

32. E non ais per amur da vus, ch'eu operesch, disch il Segner Deis; saja pür cognit a vus, as turpiat, e sajat confus da vossas vias, o chasa d'Israel!

33. Usche ha dit il Segner Deis: Nel di ch'eu vegn as nettiar da tuot vossas iniquitats, vögl eu far, cha las cittats saran abitadas, e cha 'ls lous deserts saran reedificats.

34. E la terra desolada sarà lavurada, in lö ch'ella eira tuot deserta, alla vista d'ogni ün chi passaiva;

35. E's dscharà: Quaista terra, chi eira desolada, ais dvantada simil' al zardin d'Eden; e quaistas cittats, chi eiran desdrüttas, desertas, e ruinadas, *sun* vossa müradas, ed abitadas.

36. E las naziuns, chi saran restadas intuorn vus, cognoscheran, ch'eu, il Segner, vegn ad avair reedificà ils lous ruinats, ed implantà la terra de-

serta. Eu il Segner ha favlà, e vögl eir metter *il fat* in effet.

37. Usche ha dit il Segner Deis: Eir vegn eu ad esser retscherchà dalla chasa d'Israel, da far ad els quaist, cioè da 'ls far multiplichar con gliend, a guisa da nuorsas.

38. A guisa dellas scossas dellas bestias consacradas, a guisa dellas scossas da Gerusalem, sün sias festas solennas; usche saran las citats desertas, plainas da troppas da gliend, e's cognoscherà, ch'eu *sun* il Segner.

CHAP. XXXVII.

Il Segner mossa in visiun al profet ün' imagna della miraculosa restoraziun del pövel; lura l'ordinà el da profetizar davart il reginam da Cristo suot figüra da David.

IL * man del Segner füt sur mai, e'l Segner am manet oura nel spiert, e'm tshantet in mez üna champagna, la quala *eira* plaina d'ossa;

* Ez. 1, 3.

2. E'm fet passar via sper quella, intuorn intuorn, e mera, ella *eira* in grandissem number sün la champagna, e mera, ella *eira* fich secha;

3. E'm dschet, figl del crastian! Dess quaist' ossa darcheu podair gnir viva? Ed eu dschet: Segner, tü'l sast!

4. Ed el am dschet: Profetiza sur quaist' ossa, e di ad ella: Ossa secha, tadlai il pled del Segner!

5. Usche ha dit il Segner Deis a quaist' ossa: Mera, eu fetsch intrar in vus il spiert, e vus gnis darcheu a gnir viva;

6. E vögl metter sur vus nerva, e vögl far gnir sur vus charn, e's vögl covarnar intuorn con pel; lura vögl eu metter il spiert in vus, e vus gnis darcheu a viver, e cognoscherat, ch'eu *sun* il Segner.

7. Ed eu profetizet, sco m' eira stat comandà; e, tant ch'eu profetizaiva, füt qua ün sun, e mera, ün terratrembel; e l'ossa s'approsmet, scodiün öss pro'l seis.

8. Ed eu guardet, e mera, sur quella gnit nerva e charn, e füt covernad' intuorn con pel; ma qua non *eira* amo spiert alchün in ella.

9. E'l Segner am dschet: Profetiza al spiert; profetiza, figl del crastian,

e di al spiert: Usche ha dit il Segner Deis: Vè nan, o spiert, dals quatter vents, e soffla in quaists mazzats, acio ch' els vegnan darcheu vivs!

10. Ed eu profetizet, seo el m' avaiva comandâ; e 'l spiert intret in quels, ed els turnettan darcheu in vita, e 's drizzettan sün pè, ed *eiran* ün gran-dissem exercit.

11. Ed el am dschet: Figl del crastian, quaißt ossa ais tuot la chassa d' Israel; mera, quels dischan: Noss' ossa ais secha, e nossa spranza ais persa, e, quant a nus, eschan nus sterminats.

12. Perquai, profetiza, e di ad els: Usche ha dit il Segner Deis: Mera, eu * vögl avrir vossas sepultüras, e 's vögl trar our da vossas sepultüras, o meis pövel, e 's vögl darcheu condür nel pajais d' Israel. ^{* Es. 26, 19.}

13. E vus cognoscherat, ch' eu *sun* il Segner, cur eu vegn ad avair avri vossas sepultüras, e vegn as avair trats our da vossas sepultüras, o meis pövel!

14. E vögl metter meis spiert in vus, e vus gnüs darcheu a turnar in vita; e 's vögl tschantar sün vossa terra, e vus cognoscherat, ch' eu, il Segner, ha favlâ, e ch' eu ha eir miss la chosa in effet, disch il Segner.

15. Lura il pled del Segner am füt *indrizzâ*, dschand:

16. Figl del crastian, piglia a tai eir ün toc lain, e scriva sün quel: Per Giuda e per ils infants d' Israel, seis colliats; lura piglia a tai ün *oter* toc lain, e scriva sün quel: Per Giosef, il lain d' Efraim, e da tuot la chasa d' Israel, seis colliats;

17. Lura metta 'ls nan l' ün pro l' oter, seo *scha non füss* oter ch' ün sul toc lain, e sajan usche congüts in teis man.

18. E, cur ils infants da teis pövel vegnan at dir: Non ans voust tü declear, che chosa vegna maniada tras quaistas chosas?

19. Schi di ad els: Usche ha dit il Segner Deis: Mera, eu piglet il toc lain da Giosef, chi *ais* in man d' Efraim, e quel dellas schlattas d' Israel, sias colliadas; e 'l vögl metter sur quaißt, cioè sur il toc lain da Giuda;

e vögl far landroura ün medem toc lain, e saran ün' istessa chosa in meis man.

20. Tegna dimena quels duos tocs lain, süls quals tü averast scrit, in teis man in lur conspet;

21. E di ad els: Usche ha dit il Segner Deis: Mera, eu vögl darcheu trar ils infants d' Israel our da mez ils pövels, ingio els sun its, e 'ls vögl raspar nan dapertuot intuorn, e 'ls condüj darcheu in lur terra;

22. E vögl far üna medema naziun, nella terra, nels munts d' Israel; ed ün sulet rai sarà lur rai per tuots; e non saran plü duos naziums, e non saran plü partits giò in duos reginams;

23. E non as dessan plü impalar con lur idols, ne con lur abominaziuns, ne con tuot lur misfats, ed eu ils vögl salvar our da tuot lur abitaziuns, nella qualas els han pechâ; e 'ls vögl nettiar, ed els vegnan ad esser meis pövel, ed eu vögl esser lur Dieu.

24. E meis serviaint David sarà rai sur els, e quels tuots vegnan ad avair ün medem pastur, e vegnan a chaminar in mias ledschas, ed observeran meis statuts, e 'ls metteran in ouvra;

25. Ed abiteran nel pajais ch' eu ha dat a Giacob, meis serviaint, nel qual voss baps abitetan; e vegnan ad abitar in quel, quels, e lur infants, e 'ls infants da lur infants, in perpetuo, e meis serviaint David *sarà* lur princip in eterno.

26. * Ed eu vögl far con els üna lia da pasch; qua sarà ün pat etern con els; e 'ls vögl stanziar, e creschentar, e vögl metter meis santuari in mez els in perpetuo. ^{* Ez. 34, 25.}

27. E meis tabernacul sarà pro els; ed eu vögl esser lur Dieu, e quels vegnan ad esser meis pövel.

28. E 'ls pövels cognoscheran, ch' eu *sun* il Segner, chi santifich Israel, cur meis santuari sarà in mez els in perpetuo.

CHAP. XXXVIII.

Il Segner ordain' ad Ezechiel, da profetizar contra Gog e Magog, e pövels inimis della baselgia, con lur destrucziun.

LURA il pled del Segner am füt *indrizzâ*, dschand:

2. Figl del crastian, volva tia fatscha vers Gog, *vers il* pajais da Magog, princip, e capo da Mesec, e da Tubal, e profetiza contr' el,

3. E di: Usche ha dit il Segner Deis: Mera 'm qui contra tai o Gog, princip, e capo da Mesec, e da Tubal;

4. Eu at vögl far turnar inavo, * e 't vögl metter crötschs nellas masellas, e 't vögl trar oura con tuot teis exercit, chavals, e cavalliers: tuotsaffat perfettamaing bainvestits, granda raspada da *pövel*, con targias, e *schüts*, ils quals tiran la spada tuots, quants cha sun;

* 2 Reg. 19, 28. Ez. 29, 4.

5. E con els il *pövel* da Persia, da Aetiopia, e da Libia, tuots con *schüts*, e chaplinas.

6. Gomer, e tuot sias troppas; la chasa da Togarma, dal fuond del settentrion nan, insembel con tuot sias troppas; blers *pövels* con tai.

7. At metta in uorden, e 't appêna, tû, e tuot teis *pövel*, chi 's ha raspâ via pro tai, e sajast ad els per salvaguardia.

8. Tû sarast visitâ davo blers dis; sün la fin dels ans vainst tû a gnir nel pajais del *pövel* spendrà dalla spada, e raspâ our da blers *pövels*, süls munts d'Israel, ils quals eiran stats redüts in desert perpetuo; lura cha 'l *pövel* da quel *pajais*, essendo stat trat our dals *pövels*, abiterà tuot in sgürezza;

9. E vainst a trar sù, e gnir a guisa d'üna ruinusa stamprad' ora; tû sarast a guisa da nüvla, per covernar la terra; tû, e tuot tias troppas, e blers *pövels* con tai.

10. Usche ha dit il Segner Deis: E dvanterà in quel di, cha *bleras* chos vegnan at saglir nel cour, e vainst at impissar ün mal impissamaint,

11. E vainst a dir: Eu vögl trar sù contr' il pajais dels comüns; eu vögl gnir sur il *pövel* quiet, chi avda in sgürezza; (els avdan tuots in *lous* sainza müraglia, e non han ne stangas, ne portas);

12. Per spogliar butins, e per butinar praja; mettand teis man sur ils *lous* deserts, *danöv* abitats, e sur il *pövel* raspâ our dals *pövels*, chi vain as dovrar intuorn il bestiam, e vi' a

sias facultats; ed abiterà nel centro del pajais.

13. Sabea, e Dedan, e 'ls merchadants da Tarsi, e tuot seis liuns giuvens, vegnan at dir: Est tû gnü per spogliar butins? Hast tû fat tia raspada per butinar praja, per portar via argient ed or; per manar davent bestiam, e facultats; per spogliar blers butins?

14. Perquai, figl del crastian, profetiza, e di a Gog: Usche ha dit il Segner Deis: In quel di, cur meis *pövel* Israel abiterà in sgürezza, non vainst a savair tû quai,

15. E tû vainst a gnir our da teis lö, sù dal fuond del settentrion, tû, e blers *pövels* con tai, tuots muntats sün chavals, granda raspada, e gross exercit;

16. E vainst a trar sù contra meis *pövel* Israel, a guisa da nüvla, per covernar la terra; tû sarast sün la fin dels dis, ed eu at vögl far gnir sur mia terra; acio cha 'ls *pövels* am cognoschan, cur eu vegn am avair santificâ in tai, in lur conspet, o Gog!

17. Usche ha dit il Segner Deis: Non *est* tû quel, dal qual eu favlet da temp vegl, tras ils profets d'Israel, meis serviants, ils quals profetizet-tan in quels temps, per *blers* ans, ch' eu gnis at far gnir contr' els?

18. Ma e dvanterà in quel di, nel di cha Gog sarà gnü sur il pajais d'Israel, disch il Segner Deis, cha l'ira vain am ir sù nel nas.

19. Ed eu ha favlâ in mia zelosia, nel fö da mia indignaziun: Sch' in quel di non *ais qua* ün grand terra-trembel nel pajais d'Israel!

20. E 'ls peschs del mâr, e 'ls utschels del tshel, e las bestias solvadias della champagna, ed ogni reptil chi va stroziand sur la terra, ed ogni crastian chi *ais* sur terra, vegnan a tremblar per mia presenza; e 'ls munts saran büttats suotsura, e 'ls grips vegnan a crodar, ed ogni mür vain a dar a terra.

21. Ed eu vögl clamar la spada contr' el, per tuot meis munts, disch il Segner Deis; la spada da scodün *dels* sarà contra seis frar.

22. E vögl gnir a güdizi con el con

pestilenza, e con sang, e vögl far plover sur el, e sur sias troppas, e sur ils blers pövels chi *saran* con el, üna plövgia furiosa, peidras da tempesta, fö e suolper.

23. Ed eu am vögl magnificar, e'm santificar, ed eu vegn a gnir cognoschü nel conspet da blers pövels, e cognoscheran, ch'eu *sun* il Segner.

CHAP. XXXIX.

Il Segner comand' ad Ezechiel da continuar a profetizar la finala destrucziun da Gog, e Magog, a gloria del nom da Dieu, cuffort e salüd della baselgia.

TÜ dimena, figl del crastian, profetiza contra Gog, e di: Usche ha dit il Segner Deis: Mera'm qui contra tai, o Gog, princip, e capo da Mesec, e da Tubal;

2. Eu t' vögl far turnar inavo, e t' vögl far ir ad erramaints, dopo ch'eu vegn at avair trat sü dal fuond del settentrion, e t' avair fat gnir süls munts d' Israel;

3. E vögl batter teis balaister our da teis man snester, e vögl far erodar tias frizzas our da teis man dret.

4. Tü vainst a erodar süls munts d' Israel, tü, e tuot tias troppas, e 'ls pövels chi *saran* con tai. Eu t' ha dat per spaisa als utschels, ed all' utschelamainta d' ogni specie, ed allas bestias solvadias della champagna.

5. Tü sarast terrâ via per la cuttüra; perche eu ha favlâ, disch il Segner Deis.

6. Ed eu vögl trametter ün fö in Magog, e sur quels chi avdan nellas inslas in sgürezza, e cognoscheran, ch'eu *sun* il Segner.

7. E vögl far, cha meis nom sanet sarà cognoschü in mez meis pövel Israel, e non vögl laschar plü scon-sacrar meis sanet nom; e 'ls pövels cognoscheran, ch'eu *sun* il Segner, il sanet in Israel.

8. Mera, *la chosa* ais gnüda, ed ais statta fatta, disch il Segner Deis; quai *ais* quel di, dal qual eu ha favlâ.

9. E 'ls abitants dellas cittats d' Israel vegnan a trar oura, e vegnan ad invüdar ün fö, ed arderan armas e targias, e schüts, e balaisters, e friz-

zas, e 'ls bastuns ch' ün bütta a man, e lanschas; e con quellas vegnan els a tgnair il fö invüdâ il spazi da set ans;

10. E non vegnan a portar laina dalla champagna, e non vegnan a tagliar nels gods; anzi faran fö con quellas armas, e vegnan a spogliar quels chi 'ls avaivan spogliats, e butinar quels chi 'ls avaivan butinats, disch il Segner Deis.

11. E dvanterà in quel di, ch' eu vögl dar qua in Israel ün lö da sepultura a Gog, *cioè* la val dels viandants, dal levant del mâr; ed ella sarà zügliada als viandants, e qua sarà sepuli Gog, e tuot sia quantitâ, e quel lö vain as nomnar: La val della quantitâ da Gog.

12. E quels della chasa d' Israel vegnan als sepulir per set mais, per nettiar il pajais.

13. E tuot il pövel del pajais vain als sepulir, e *quai* sarà ad els per fama, nel di ch' eu vegn am avair glorificâ, disch il Segner Deis.

14. E vegnan a metter da part gliend, iis quals da contin vegnan ad ir intuorn per il pajais, e vegnan a sepulir, insembel cols viandants, quels chi saran restats sün la fatscha della terra, per la nettiar; in cheu da set mais vegnan els *amo* a retscherchar.

15. E chi passerà tras il pajais, e vezzerà ün oss da crastian, vain a drizzar sü sper quel ün signal, fin cha 'ls sutterrads l' hajan sepuli nella val della quantitâ da Gog.

16. Ed eir il nom della città *sarà* Hamona, ed usche vegnan els a nettiar il pajais.

17. Ultra quai, figl del crastian, usche ha dit il Segner Deis: Di als utschels d' ogni specie, ed a tuot las bestias solvadias della champagna: * As raspai, e gni nan; as redüai a mantun dapertuot intuorn pro la mezcha ch'eu as fetsch; pro la granda mezcha ch'eu fetsch süls munts d' Israel; schi gnis vus a mangiar la charn, ed a baiver il sang.

* Es. 18, 6.

18. Vus gnis a mangiar charn da *gliend* ferma, ed a baiver sang da principals della terra; tuots bümatshs, agnels e boes, trims, *bestias* grassas da Basan.

CHAP. XL.

19. E gnis a mangiar grass a sadolezza, ed a baiver sang fin as inavriar da mia mezcha, ch'eu s'ha fat.

20. E gnis a gnir sadolats, sur mia maisa, con chavals, con *bestias da charra*, con *glieud* ferma, e con homens da guerra d'ogni sort, disch il Segner Deis.

21. Ed eu vögl metter mia gloria tanter ils pövels, e tuot las nazions vezzeran meis güdizi, ch'eu vegn ad avair esequi; e meis man, ch'eu vegn ad avair miss sur quels.

22. E da quel di invia cognoscherà la chasa d'Israel, ch'eu *sun* il Segner lur Deis.

23. E 'ls pövels cognoscheran, cha la chasa d'Israel eira statta manada in preschun per sia iniquità; perquai ch'ella avaiva misfat contra mai; pelqual eu avaiva zoppà mia fatscha dels, e 'ls avaiva dat in man da lur inimis; ed eiran tuots crodats tras la spada.

24. Eu avaiva operâ invers els seguond lur contaminaziun, e seguond lur misfats; ed avaiva zoppà mia fatscha dad els.

25. Perquai, usche ha dit il Segner Deis: Uossa vögl eu dacheu trar Jacob our preschun, e vögl avair compassiun da tuot la chasa d'Israel, e vögl esser zelus da meis sanct nom;

26. Dopo ch'averan portâ lur vituperi, e la *paina da tuot* lur misfats, ch'avaivan commiss contra mai, tant ch'els dmuraivan sün lur terra in sgiurezza, sainza ch'alchün *ils* stramantess.

27. Cur eu vegn als condür dacheu our dals pövels, e vegn als raspar our dals pajais da lur inimis, e vegn am santifichar in els, nel conspet da blers pövels;

28. Schi cognoscheran els, ch'eu *sun* il Segner lur Deis, cura, dopo 'ls avair fat manar in preschun tanter ils pövels, eu vegn *lura* als avair raspats in lur terra, sainza avair qua laschâ alchün chi resta.

29. E non vögl plü zoppar mia fatscha dels; perche eu vegn ad avair spans meis Spiert sur la chasa d'Israel, disch il Segner Deis.

Il Segner mossa in visiun al profet la fuorma del taimpel da Salomon, sdrüt dals Caldeers; acio cha la memoria füss conservada, per üna figüra e pain della gloriosa restoraziun spirituala della baselgia suot il messia.

NEL an vainch e tschinch da *
nossa preschun, nel principi del an, nel deschavel *di* del mais, nel an quattordesch, dopo cha la città füt battüda; in quel istess di il man del Segner füt sur mai, ed el am manet là;

* Ez. 1, 2.

2. El am manet nel pajais d'Israel, in visiuns da Dieu, e'm tschantet sün ün munt otissem, sül qual, da mezdi, *eira qua* seo ün edifiz da città.

3. E, cur el m'avet manâ là, mera ün hom, la sumgenschia del qual paraiva d'aram, ed avaiva in man ün fil da glin, ed üna channa da masürar, ed el staiva in pè sün la porta.

4. E quel hom favlet a mai, *dschand*: Figl del crastian, guarda cols ögls, e taidla con las uraglias, e't fà surasen sün tuot las chosas, ch'eu at moss; perche tü est stat manâ qua per at las far vair; fà a savair alla chasa d'Israel tuot las chosas cha tü vezzast.

5. Ma mera, ün mür dadour la chasa dapertuot intüorn. E quel hom, aviand in man üna channa da masürar, da ses bratschs muots, e d'üna palma, masüret la ladezza da quel edifiz, *ed eira* d'üna channa; e l'otezza, *ed eira medemmamaing* d'üna channa.

6. Lura gnit el pro üna porta chi guardaiva vers l'oriaint, e get sü per ils schaluns da quella, e masüret l'üna dellas chasas della porta, *ed eira* d'üna channa da ladezza; lura l'otra, *ed eira medemmamaing* d'üna channa da ladezza.

7. Lura masüret el las chambras, e scodiüna da *quellas eira* d'üna channa da lungezza, e d'üna channa da ladezza; e tanter l'üna chambra e l'otra *eira qua il spazi da tschinch* bratschs muots; lura masüret el il glim della porta sper il portal della chasa aint dadaint, *ed eira* d'üna channa.

8. Lura masüret el il portal della porta dadaint vart, *ed eira* d'üna channa.

9. Lura masüret el *eir* il portal della

porta, ed eira d'ot bratschs muots, e seis posts, ed eiran da duos bratschs muots, e l'andit della porta eira aint dadaint.

10. E las chambras della porta, vers l'oriaint, eiran trais da qua, e trais da là; tuottas trais eiran d'üna medema masüra; medemmamaing d'ün' istessa masüra eiran ils posts da qua e da là.

11. Lura masüret el la ladezza del vöd della porta, ed eira da desch bratschs muots; e la lungezza della porta, ed eira da traidesch bratschs muots.

12. E qua eira ün spazi avant las chambras, d'ün bratsch muot; e medemmamaing ün spazi d'ün bratsch muot dall'otra vart, ed ogni chambravaiva ses bratschs muots da qua, e ses da là.

13. Lura masüret el la porta, dal tet d'üna dellas chambras oppostas a quel dell'otra, e qua eira la ladezza da vainch e tschinch bratschs muots; ils üschs da quellas eiran l'ün vi' incopter l'oter.

14. Lura impondet el in pilasters sesanta bratschs muots; e la porta pertuot intuorn eira al pèr d'ün dels pilasters del cortil.

15. E dalla fatschada davant della porta, fin alla fatschada del portal della porta dadaint, eiran qua tschinquanta bratschs muots.

16. E qua eiran fanestras fattas a giatter nellas chambras, ed in lur archs dadaint la porta pertuot intuorn; ed usche eira in tuot ils corridors dellas portas; qua eiran fanestras aintdadaint pertuot intuorn, e boſcha da palmas nels posts.

17. Lura am manet el nel cortil dadoura, e mera chambras, ed ün aster lavurà pertuot intuorn il cortil; süsur quel aster eiran qua trenta chambras.

18. E quel aster ch' eira dalla vart dellas portas, al pèr della lungezza da quellas, eira il sulèr da bass.

19. Lura masüret el ün spazi, dalla fatschada della porta suot, fin la fatschada dadour il cortil dadaint, da ladezza da tschient bratschs muots, vers l'oriaint, e vers il settentrion.

20. El masüret eir la porta del cortil dadoura, la quala guardaiva vers il settentrion, per sia lungezza, e per sia ladezza;

21. E seis giodens, ch' eiran trais da qua, e trais da là; el masüret eir seis posts, e seis pilasters, e quels eiran della medema masüra da quels della prüma porta; masüret eir la lungezza da quaista porta, ed eira da tschinquanta bratschs muots; e sia ladezza, ed eira da vainch e tschinch bratschs muots.

22. Masüret eir sias fanestras, e seis archs, e seis böſchs da palmas, ed eiran seguond la masüra della porta chi guardaiva vers l'oriaint, e giaiva sü pro quella tras set ſchaluns, e ls archs da quella porta eiran in fatscha a quels ſchaluns.

23. E la porta del cortil dadaint eira vi' incopter l'otra porta del settentrion, seo dalla vart del oriaint; ed el masüret da porta a porta, e qua eiran tschient bratschs muots.

24. Lura am manet el vers il mezdi, e mera, üna porta, chi guardaiva vers il mezdi; ed el masüret ils posts, e ls pilasters da quella; ed eiran seguond las masüras precedaintas.

25. E qua eiran fanestras in quella, ed in seis archs pertuot intuorn, similas a quellas fanestras precedaintas, la lungezza da quella porta eira da tschinquanta bratschs muots, e la ladezza da vainch e tschinch bratschs muots.

26. E per ir sü eiran set ſchaluns, e seis archs eiran in fatscha a quels; ella avaiva eir boſcha da palmas süin seis posts, ün da qua ed ün oter da là, da scodün da quels.

27. Qua eira üna porta nel cortil dadaint, chi guarda vers mezdi; ed el masüret da porta a porta, dalla vart da mezdi, e qua eiran tschient bratschs muots.

28. Lura am manet el pro'l cortil dadaint, tras la porta meridionala; ed el masüret la porta meridionala, ed eira seguond las masüras precedaintas.

29. E seis giodens, e seis posts, e seis pilasters, eiran seguond quellas masüras precedaintas; e qua eiran in

quella, ed in seis archs, fanestras pertuot intuorn; la lungezza *da quella porta eira* da tschinquanta bratschs muots, e la ladezza da vainch e tschinch bratschs muots.

30. E 'ls pilasters pertuot intuorn *eiran* da vainch e tschinch bratschs muots da lungezza, e da tschinch bratschs muots da ladezza.

31. E seis archs *guardaivan* vers il cortil dadoura, e *qua eiran* boşchs da palmas in seis posts, e sia muntada eira d'ot şchaluns.

32. Lura am manet el nel cortil dadaint, dal oriaint, e masüret *la porta*, e *quella eira* seguond las masüras *precedaintas*;

33. E seis giogens, e seis posts, e seis pilasters, *eiran* seguond quellas masüras *precedaintas*; e *qua eiran* in quella, ed in seis pilasters, pertuot intuorn, fanestras; la lungezza *da quella porta eira* da tschinquanta bratschs muots, e la ladezza da vainch e tschinch bratschs muots.

34. E seis archs *guardaivan* vers il cortil dadoura; e *qua eiran* boşchs da palmas in seis posts, da qua e da là, e sia muntada eira d'ot şchaluns.

35. Lura am manet el pro la porta settentrionala, e *la* masüret seguond quellas masüras *precedaintas*;

36. *Insebel* con sias chambras, e seis posts, e seis pilasters; e *qua eiran* fanestras pertuot intuorn; la lungezza *da quella porta eira* da tschinquanta bratschs muots, e la ladezza da tschinquanta bratschs muots.

37. E seis posts *guardaivan* vers il cortil dadoura; e *qua eiran* boşchs da palmas in seis posts da qua e da là, e sia muntada *eira* d'ot şchaluns.

38. E tanter ils pilasters da quellas portas *eiran qua* giogens, con lur üschs; qua as lavaiva ils olocausts.

39. E sper il portal dell'üna da quellas portas *eiran qua* duos maisas d'üna vart, e duos dall'otra, da şchannar sün quellas ils olocausts, e 'ls sacrificiz per il * pucha, e per la cuolpa.

* Lev. 4. 2.

40. E medemmamaing dall'üna del las varts dadoura dell'intrada dell'otra porta, cioè dalla vart settentrionala, *qua eiran* duos maisas e dall'o-

tra vart del portal da quella porta duos otras maisas.

41. *Usche eiran qua* quatter maisas da qua, e quatter da là, dallas varts da *scodiuna* porta, *ch' eiran in* tuot ot maisas, sün las qualas as şchannaiva *ils sacrificiz*.

42. E las quatter maisas *ch' eiran* per ils olocausts, *eiran* da crap tagliâ; la lungezza *da scodiuna eira* d'ün bratsch muot e mez, e la ladezza d'ün bratsch muot e mez, e l'otezza d'ün bratsch muot; e sün quellas as mettaiva ils instrumaints, cols quals as şchannaiva ils olocausts e 'ls sacrificiz.

43. *Qua eiran eir* crötsehs d'üna palma, miss per uorden pertuot intuorn la chasa; e sün las maisas ün *mettaiva* la charn dellas offertas.

44. E dadour la porta dadaint *qua eiran* las chambras dels chantadurs, nel cortil dadaint, las qualas *eiran* dalla vart della porta settentrionala; e lur fatschas *eiran* vers il mezdi. *Qua eira* üna dalla vart della porta orientala, trand vers settentrion.

45. E quel hom am favlet, *dschand*: Quaista chombra, chi guarda vers mezdi, *ais* per ils sacerdots chi fan l'offizi della chasa;

46. E quell'otra chombra, chi guarda vers settentrion, *ais* per ils sacerdots * chi fan l'offizi del utêr. Quels *sun* ils figls da Sadoc, ils quals, intanter ils infants da Levi, s' approsman via pro'l Segner, per far seis servezzen.

* Lev. 6. 12. 13.

47. Lura masüret el il cortil, *ed eira* da tschient bratschs muots da lungezza, e da tschient da ladezza, uschea quader; e l'utêr *eira* dretvi avant la chasa.

48. Lura am manet el pro'l portic della chasa, e masüret las chasas del portic, *ed eiran* da tschinch bratschs muots da qua, e da tschinch da là; lura la ladezza della porta, *ed eira* da trais bratschs muots da qua, e da trais da là;

49. La lungezza del portic *eira* da vainch bratschs muots, e la ladezza d'ündesch bratschs muots, ultra 'l spazi dels şchaluns, tras ils quals ün giaiva sù pro quel, e las coluonnas *eiran* sper las chasas, l'üna da qua, l'otra da là.

CHAP. XLI.

Il Segner mossa al profet las masüras, las parts, e 'ls ornamentals del corp del taimpel.

LURA am manet el nel taimpel, e masüret las chassas, *ed eiran* da ses bratschs muots da ladezza da qua, e da ses bratschs muots da ladezza da là, *quant' eira* la ladezza del tabernacul.

2. E la ladezza della porta *eira* da ses bratschs muots, e las parais della porta *eiran* da tschinch bratschs muots da qua, e da tschinch bratschs muots da là. Lura masüret el la lunghezza del taimpel, *ed eira* da quaranta bratschs muots, e la ladezza, *ed eira* da vainch bratschs muots.

3. Lura intret el nella porta dadaint, e masüret la chassa della porta, *ed eira* da duos bratschs muots; e lura la porta, *ed eira* da ses bratschs muots; ed, ultra la ladezza della porta, *eiran* qua set bratschs muots.

4. Lura * masüret el la lunghezza da quaista *part* dadaint, *ed eira* da vainch bratschs muots; e la ladezza, *ed eira* da vainch bratschs muots, in fatscha al taimpel. Lura dschet el: Quaist *ais* il lö sanctissem. * 1 Reg. 6, 20.

5. Lura masüret el il mür della chassa, *ed eira* da ses bratschs muots; e la ladezza da scodün contrafort, *ed eira* da quatter bratschs muots pertuot intuorn la chasa.

6. E quaists contraforts, *gionschand* l'ün contrafort al oter, *eiran* da trent' e trais peis; e *qua eiran* retrattas las parais dadaint dels contraforts pertuot intuorn, per servir per sostegns *allas travs*, ed acio *cha las travs* non as tgnessan vi' al mür della chasa.

7. Ma *qua eira* in quels contraforts ün spazi, tras il qual ün giaiva sü intuorn; perche as giaiva tras üna şchala * a lidorna nella chasa pertuot intuorn, e perquai *eira* *qua* quel spazi nella chasa fin süsom; ed usche dal sulêr da bass ün giaiva sü plü ot, tras quel dimez. * 1 Reg. 6, 8.

8. E, guardand l'otezza della chasa pertuot intuorn, *vezzet eu*, *cha* 'ls fondamaints dels contraforts *eiran* d' üna channa * intêra, cioè da ses grands bratschs muots. * Ez. 40, 5.

9. La ladezza del mür *chi eira*

nels contraforts dadourvart *eira* da tschinch bratschs muots; seo eir quai *cha eira* stat laschâ vöd tanter ils contraforts della chasa.

10. Ma tanter las chambras *eira* ün spazi da vainch bratschs muots da ladezza, pertuot intuorn la chasa.

11. E *qua eira* üna porta in scodün contrafort, *per intrar* in quel spazi ch' *eira* stat laschâ vöd, üna porta, di eu, vers settentrion, ed ün' *otra* porta vers mezdi; e la ladezza del spazi laschâ vöd *eira* da tschinch bratschs muots pertuot intuorn.

12. El' edificzi *ch' eira* dalla vart del corp del taimpel dall' üna vart e dall' *otra*, trand vers l' occidaint, avai va settanta bratschs muots in sia ladezza; e 'l mür del edificzi avai va tschinch bratschs muots da ladezza pertuot intuorn; e novanta bratschs muots da lungezza.

13. Lura masüret el la chasa, *ed eira* da lungezza da tschient bratschs muots; il corp del taimpel, l' edificzi, e sia müraglia, tuot insembel *eira* da lungezza da tschient bratschs muots.

14. E la piazza avant la chasa, e corp del taimpel, dal oriaint, *eira* da tschient bratschs muots.

15. Lura masüret el la lungezza del edificzi, *ch' eira* vi' incoenter il corp del taimpel nella part davo da quel, con seis porties da qua, e da là, *ed eira* da tschient bratschs muots. *Usche* masüret el il taimpel dadaint, e 'ls pilasters del cortil.

16. Ils posts, e las fanestras fattas a giatter, e 'ls porties intuorn, da lur trais *varts*, opposts als palanschins del taimpel, *ils quals eiran* covernats con lainam dapertuot intuorn. Ma 'l terratsch rivaiva fin allas fanestras, e las fanestras *eiran* covertas;

17. Sur la porta e fin alla chasa, dadaint, e dadoura, ed *in somma* pertuot il mür intuorn, dadaint e dadoura, a masüra *inguala*.

18. E *qua eira* ün lavurêr da cherubins, e da boşcha da palmas; ed ün bösch da palmas *eira* tanter ün cherubin e l' oter; e * scodün cherubin avai va duos fatschas. * Ez. 1, 10.

19. E la fatscha del hom *eira* *vouta* vers ün bösch da palmas, d' üna vart;

e la fàtscha del liunet *eira vouta* vers ün oter bösch da palmas, dall'otra vart. *Quaist* lavurêr *eira* per tuot la chasa intuorn intuorn.

20. Da terra fin sur la porta *eiran* cherubins, e böscha da palmas lavurada. E talas *eiran* las paraits del taimpel.

21. Las chassas, e'l glim della porta del taimpel, *eiran* quaders, e la fàtscha del santuari *eira* del medem aspet da quella del taimpel.

22. L'utêr *eira* da lain, da trais bratschs muots d'otezza, e da duos bratschs muots da lungezza; ed avai-va seis chantuns; e sia maisa, e sias varts *eiran* da lain. E * *quel hom* am dschet: *Quaist* ais † la maisa ch'ais avant il Segner! * Ez. 40, 3. † Mal. 1, 7. 12.

23. Ma'l taimpel e'l santuari avai-
van duos portêls in lur üschs.

24. E quels duos portêls *eiran* da duos tocs, chi's plajaivan; ed usche scodün portell *eira* da duos tocs.

25. E sur ils üschs del taimpel *qua eira* ün lavurêr da cherubins, e da böscha da palmas, simil al lavurêr dellas paraits; e *qua eir'* üna travadüra da lain nella fàtschada del portic dadoura.

26. *Qua eiran* eir fanestras fattas a giatter, e böscha da palmas, da qua e da là nellas paraits del portic, seo nels contraforts della chasa, e nellas travadüras.

CHAP. XLII.

L'angel mossa al profet las chambras sanctas, e'l rest del edifiz del taimpel.

LURA *quel hom* am manet oura pro'l cortil dadoura, per la via *chi traiva* vers settentrion, e'm condüet nellas chambras, *ch' eiran* vi'inconter * il corp del taimpel, e del edifiz, vers settentrion, * Ez. 41, 12.

2. In frunt da lungezza da tschient bratschs muots della porta settentrionala, e da ladezza da tschinquanta bratschs muots;

3. Vi'inconter ils vainch *bratschs muots* del cortil dadaint, e l'aster, *ch' eira* nel cortil dadoura; ün portic *as scontrand* con l'oter da trais parts.

4. Ed avant las chambras *eira* ün lö da spassiar, lad desch bratschs muots, *retrat* aint dadaint d'ün bratsch

muot; e'ls üschs dellas chambras *eiran* vers settentrion.

5. Ma las chambras del sulêr pü ot *eiran* stretnidas; siand cha'ls pilasters da quel *eiran* plü pitschens co quels dels oters, cioè co quels del sulêr bass, e del mezdan del edifiz.

6. Perche quellas *chambras eiran* sün trais sulêrs, e quellas non avai-
van coluonnas, seo quellas dels cortils; e perquai, quel sulêr ot *eira* stretni plü co'l bass, e'l mezdan da terra sù.

7. E la serra ch'*eira* our dadoura, avant las chambras, trand vers il cortil dadoura, vi'inconter las chambras, *eira* da tschinquanta bratschs muots da lungezza.

8. Perche la lungezza dellas chambras, ch'*eiran* nel cortil dadoura, *eira* da tschinquanta bratschs muots. E mera, avant il taimpel *eira ün spazi* da tschient bratschs muots.

9. E giò suot quellas chambras, *qua eira* ün'intrada dalla vart d'oraint, intrand in quellas dal cortil dadoura.

10. Nella ladezza del spazi del cortil, trand vers oraint, vi'inconter il corp del taimpel, e l'edifiz, *qua eiran* chambras.

11. E *qua eira* ün lö da spassiar avant quellas, da simila fuorma seo quel dellas chambras ch'*eira* vers il settentrion; quellas *eiran* d'üna medema lungezza, e d'üna medema ladezza, ed avai-
van tuottas las medemas uschidas, e'ls medems uordens, e las medemas portas.

12. E seo *eiran* las portas dellas chambras ch'*eiran* vers mezdi, *tala eira eir* la porta *ch' eira* giò'l fuond pro'l lö da spassiar, chi faiva cheu alla serra del parapet, *ch' eira* dal oraint, e'ur e s'intraiva in quellas.

13. E *quel hom* am dschet: Las chambras settentrionalas, e las chambras meridionalas, *chi sun* vi'inconter il corp del taimpel, sun las chambras sanctas, ingio'ls sacerdots chi s'approsman via pro'l Segner * dessan mangiar las chosas sanctismas; *qua eir* dessan els metter las chosas sanctismas, † e las offertas da spaisa, e'ls sacrificis per il pucha, e per la cuolpa; perche quel lö *ais* sanet.

* Lev. 6, 16. † Lev. 2, 3. 10.

14. Cur ils sacerdots saran intrats nel lö sanet, non dëssan els ir our da quel nel cortil dadoura, anzi dëssan els tschantar qua lur vestimainta, con la quala els fan il servezzen; e 's dëssan trar aint otra vestimainta, e *lura* poderan els gnir nel cortil del pövel.

15. *Lura quel hom*, aviand finì da masürar la chasa dadaint, am manet oura tras la via della porta chi guardaiva vers l'oriaint, e masüret il circuit pertuot intuorn.

16. El masüret la vart orientala con la channa da masürar, e *qua eiran* tschinchtschient channas, con la channa da masürar, dapertuot intuorn.

17. *Lura* masüret el la vart setten-trionala, e *qua eiran* tschinchtschient channas, con la channa da masürar, dapertuot intuorn.

18. *Lura* masüret el la vart meridionala, e *qua eiran* tschinchtschient channas, con la channa da masürar, dapertuot intuorn.

19. *Lura* as volvet el vers la vart occidentala, e la masüret; ed *eira* da tschinchtschient channas, con la channa da masürar.

20. El masüret la chasa dels quatter vents; ed ella avaiva ün mür pertuot intuorn, da lungezza da tschinchtschient *bratschs muots*, e da ladezza da tschinchtschient *bratschs muots*; per separar il lö sanet dal profan.

CHAP. XLIII.

L'angel rapresainta al profet in visiun la gloriosa intrada da Dieu dadaint seis taimpel, dopo la restoraziun da quel, e la conversiun del pövel.

LURA am condüet el alla porta chi guardaiva vers l'oriaint.

2. E mera la gloria del Deis d'Israel chi gniva dal oriaint nan, e * sia vusch *eira* simila al sun da grandas auas; e la terra splendoriva da sia gloria.

* Ez. 1, 24. Ap. 1, 15. Ez. 1, 4.

3. E la visiun ch'eu vëzzet *eira* nel aspet sumgianta alla visiun * ch'eu vëzzet, cur eu gnit per sdrür la città; e las sumgenschas *eiran* las medemas seo quellas ch'eu avaiva vis sper il flüm Chebar; ed eu crodet giò sün mia fatscha.

* Ez. 1, 4.

4. E la gloria del Segner intret nel-

la chasa, tras la via della porta chi guardaiva vers l'oriaint.

5. E l'Spiert m' alvantet, e 'm manet nel cortil dadaint; e mera, la chasa *eira* plaina della gloria del Segner.

6. Ed eu udit ün, chi favlaiva a mai our dalla chasa; ed ün hom füt qua in pè sper mai,

7. E dschet a mai: Figl del crastian, mera 'l lö da meis trun, e 'l lö dellas plantas da meis peis, ingio eu vegn ad abitar tanter ils infants d'Israel in perpetuo; e la chasa d'Israel non contaminerà plü meis sanet nom, ne quels, ne lur rais, con lur fornica-zions, e con ils cadavers da lur rais, e con lur ots lous;

8. Seo els han fat, cur els han tschantâ lur glim sper meis glims, e lur chassas sper mias chassas, tal cha *qua eira solum* la parait tanter mai ed els; ed usche han els impalâ meis nom sanet con lur abominaziuns, cha han commiss; dinuonder eu ils ha consumats in mi' ira.

9. Uossa vegnan els a metter lönsch da mai lur fornica-zions, e 'ls cada-vers da lur rais, ed eu vögl abitar in mez els in perpetuo.

10. Tü, figl del crastian, declera alla chasa d'Israel il *disegn* da quaista chasa, e sajan confus da lur iniquitats; lura ch' els masüran la planta *da quella*.

11. E, cur elss'averan turpiats da tuot quai cha han fat, schi fà ad els a savair la fuorma da quaista chasa, e sia disposiziun, e sias uschidas, e sias intradas, e tuot sias figüras, e tuot seis uordens, e tuot sias fuormas, e tuot sias reglas; e *disegn*-la avant lur ögls, acio ch' els observan tuot sia fuorma, e tuot seis uordens, e 'ls mettan in ouvra.

12. Quaist *ais* l' uorden della chasa: Sün la sommità del munt, tuot seis circuit dapertuot intuorn, *sarà ün lö* sanctissem. Mera, quaist *ais* l' uorden della chasa.

13. E quaistas *sun* las masüras del utèr, a bratschs muots, * dels quals scodün *ais* d' ün bratsch muot, e d' üna palma; *seis* ravuogl *eira* d' ün bratsch muot, ed *eir* d' ün bratsch muot da ladezza; e 'l circuit ch' *eira*, sur l' ur da

quel pertuot intuorn, *eira* lat d'üna spuonda, e quai *eira* il fondamaint del utêr.

* Ez. 40, 5.

14. Ma dal ravuogl ch' *eira* in terra fin alla sporta da bass, *qua eiran* duos bratschs muots; e *quella sporta avaiva* ün bratsch muot da ladezza; e dalla plü pitschna sporta fin alla plü granda, *qua eiran* quatter bratschs muots; e la ladezza della plü granda *eira* d'ün bratsch muot.

15. E'l Harel *eira* ot quatter bratschs muots, e dal Ariel in sü *qua eiran* las quatter cornas.

16. E'l Ariel *avaiva* da lungezza dundesch bratschs muots, ed oters tants da ladezza, ed *eira* quader sün ogni vers.

17. E la sporta *avaiva* da lungezza quattordesch bratschs muots, ed oters tants da ladezza, da tuottas quatter sias varts, e l'ur, *ch' eira* our dintuorn quaista *part del utêr*, *eira* d'ün mez bratsch muot, e'l ravuogl ch' *eira* sper l'otra, *eira* d'ün bratsch muot pertuot intuorn, e seis schaluns *eiran* vouts vers l'oriaint.

18. E *quel hom* am dschet: Figl del crastian, usche ha dit il Segner Deis: Quaists *sun* ils uordens del utêr nel di, ch' el sarà fat, per offerir sün quel ils olocausts, e per spander sün quel il sang.

19. E lura dessast tü dar als sacerdots, als levits, chi sun del sem da Sadoc, ils quals s' approsman pro mai, disch il Segner Deis, per am servir, ün trim

* per sacrifici per il pucha. * Ex. 29, 36.

20. E tü dessast tour del sang da quel, e metter sün las quatter cornas del utêr, e süls quatter chantuns della sporta, e sün l'ur intuorn intuorn. Usche dessast tü nettiar l'utêr, e far purgaziun per quel.

21. Lura dessast tour il trim del *sacrifici per il pucha*, e quel sarà ars in ün lö della chasa dvart, our dal lö sanct.

22. E'l seguond di dessast tü offerir, per *sacrifici da pucha*, ün boc sainza deffet; e *con quel* as farà la purgaziun per l'utêr, sco s' averà fat col trim.

23. Cur tü averast fini da far *quella* purgaziun, schi dessast tü offerir ün trim our dals armaints, sainza defet;

ed ün bümatsch our dalla scossa, sainza defet.

24. E tü 'ls dessast offerir avant il Segner, e 'ls sacerdots dessan * büt-tar sal süsura, e 'ls dessan offerir per olocausts al Segner.

* Lev. 2, 13.

25. Per il spazi da set dis dessast tü sacrificar ün boc per di, per il pucha; e 'ls sacerdots sacrificheran ün trim our dals armaints, ed ün bümatsch our dalla scossa, sainza defet.

26. Per il spazi da set dis dessan quels far la purgaziun per l'utêr, e'l dessan purificar; e quels vegnan as consacrar in lur ministeri.

27. E, siand complits quels dis, dal ottavel di inavant, cur ils sacerdots sacrificheran sün l'utêr voss olocausts e voss sacrificis d'ingraziamaint, schi gnis vus am esser accets, disch il Segner Deis.

CHAP. XLIV.

Il Segner ordaina ün particolar üs della porta orientala del taimpel; lura comand'el al profet, da clamar il pövel a penitenza, e da reformar l'uorden dels ministers, seguond la regla data tras Mose.

LURA am condüet el darcheu vers la porta dadoura del lö sanct, la quala guardaiva vers l'oriaint, e quella *eira* serrada.

2. E'l Segner am dschet: Quaista porta sarà serrada, e non vain as avrir, ed ingün non dess intrar per quella, siand cha'l Segner Deis d'I-srael ais intrat tras quella; perquai resterà ella serrada.

3. *Ella ais* per il princi; il princi sezzerà in quella per mangiar avant il Segner; el vain ad intrar per la via del portal da quaista porta, e tras la via da quel istess darcheu ad ir oura.

4. Ed el am manet, per la via della porta settentrionala, avant la chasa; ed eu guardet, e mera, * la gloria del Segner avai' impli la chasa del Segner; ed eu crodet giò sün mia fatscha.

* Ez. 3, 23.

5. E'l Segner am dschet: Figl del crastian, * considera col cour, e guarda cols ögls, e taidla con las uraglias, tuot las chosas, ch'eu at di davart tuot ils uordens della chasa del Segner, e davart tuot las reglas da quella; considera eir l'intrada della

chasa per tuot las uschidas del santuari;

* Ez. 40, 4.

6. E di a quella rebella, alla chasa d'Israel: Usche ha dit il Segner Deis: Cha's basta da tuot vossas abominaziuns, o chasa d'Israel!

7. Lura, cur vus avais introdüit ils esters, noncirconcis da cour, e noncirconcis da charn, per esser in meis santuari, per profanar mia chasa, ed avais offert mias spaisas, grass e sang, tant cha quels violaivan mia lia, in tuot vossas abominaziuns,

8. E non avais observâ l'observanza da mias chosas sanctas, anzi avais constitui a vos sen persunas, per guardias da mias observanzas, in meis santuari.

9. Usche ha dit il Segner Deis: In gün infant d'ün ester noncirconcis da cour, e noncirconcis da charn, intanter tuot ils infants dels esters, chi *sun* a mez ils infants d'Israel, non dess intrar in meis santuari.

10. Ma 'ls levits, chi 's han fats lönsch davent da mai, cur Israel s'ha sviâ, e chi s'han sviats da mai, davo lur idols, dessan portar lur iniquità,

11. Ed els saran *solum* ministers in meis santuari, constituits alla guardia dellas portas della chasa, e fand ils servezzens della chasa; quels vegnan a schannar ils olocausts, e 'ls sacrificizis al pövel, e saran in pè avant el, per al servir.

12. Siand ch'els han ad els servi avant lur idols, e sun stats alla chasa d'Israel per intop d'iniquità, perquai ha eu ozâ meis man contr'els, disch il Segner Deis, ch'els porteran lur iniquità;

13. E non s'approsmeran *plü* nan pro mai, per am exercitar il sacerdotadi, ne per s'approsmar pro alchüna da mias chosas sanctas, cioè pro mias chosas santissimas, anzi porteran lur verguogna, e la *paina* dellas abominaziuns cha han commiss;

14. E 'ls vögl metter per guardiants della chasa, e per far ogni servezzens da quella, e tuot quai cha's dess far,

15. Ma, quant als sacerdots, als levits, figls da Sadoc, ils quals han observâ l'observanza da meis santuari,

cur ils infants d'Israel s'han sviats da mai, quels s'approsmeran nan pro mai, per am servir, e staran in pè avant mai, per m'offerir grass e sang, disch il Segner Deis.

16. Quels dessan intrar in meis santuari, e quels s'approsmeran nan pro mia maisa per am servir, e vegnan ad observar quai ch'eu ha comandâ cha's observa.

17. Ma, cur els intreran nellas portas del cortil dadaint, schi * sajan els vestits da pans da glin, e non hajan adöss lana alchüna, cur els serviran nellas portas del cortil dadaint, e plü inavant.

* Ez. 28, 39, 40.

18. Hajan in cheu cranzs da glin, e brajessas da glin sur lur flanes; ch'els non as tschintan ingio as süja.

19. E, cur els vegnan ad ir oura pro alchün dels cortils dadoura, pro 'l pövel, schi dessan els trar oura lur vestimainta, nella quala els averan fat il servezzens, e la tschaintan nellas chambras sanctas, e tiran aint otra vestimainta; acio cha non santifichan il pövel con lur vestimainta.

20. Els * non as dessan rajar il cheu, ne dessan laschar crescher ils chavels; ch'els as tondan schettamaing il cheu.

* Lev. 21, 5.

21. * Ed ingün sacerdot non baiiva vin, cur el intrerà nel cortil dadaint.

* Lev. 10, 9.

22. E non * as piglian per muglier alchüna vaidgua, ne refüdada; anzi üna vergine del sem della chasa d'Israel; ovvero üna vaidgua, chi saja vaidgua d'ün sacerdot.

* Lev. 21, 13.

23. Ed ammassan meis pövel a discern tanter la chosa sancta e la profana, e l'decleran *la differenza cha qua aïs* tanter la chosa netta e la malnetta.

24. Els dessan * suprastar allas litas per güdichar; fetschan güdizi seguond mias ledschas, ed observan mias ledschas, e meis statuts, in tuot mias solennitats, e santifichan meis sabbats.

* Deut. 17, 8.

25. E non intra *alchün sacerdot* ingio saja ün mort, per s'impalar; pür as poderà el contaminar per bap, e per mamma, e per figl, e per figlia, e per sour, chi non haja gnü marit.

26. E, dopo * ch' el sarà stat nettiâ, al dess gnir quintâ set dis; * Num. 6, 10.

27. E nel di ch' el intrerà nel lö sanet, nel cortil dadaint, per administrar nel lö sanet, schi ch' el offera seis *sacrifici per il pucha*, disch il Segner Deis.

28. E *quaistas chosas* saran ad els per lur ierta; * eu *sun* lur ierta, e vus non dessat dar ad els alchüna possessiun in Israel, eu *sun* lur possessiun.

* Num. 18, 8, 20.

29. Quels dëssan mangiar las offertas da spaisa, e 'ls *sacrificis per il pucha*, e *per la cuolpa*; medemmamaing ogni interdit in Israel sarà lur.

30. E las primizias da tuot ils prüms früts d' ogni chosa, e tuot las offertas adoçadas da qualunque chosa, intanter tuot vossas offertas, saran dels sacerdots, medemmamaing dessat * vus dar al sacerdot las primizias da vossas pastas, per far posar la benedicziun sur vossas chasas.

* Num. 15, 20.

31. Ils sacerdots non dëssan mangiar alchüna * charn d' utschè, o da bestia morta da sai, o *şarpada dalle bestias solvadias*.

* Lev. 22, 8.

CHAP. XLV.

Il Segner descriva la divisiun della terra sancta in quatter parts, ed a chi ella saja assignada; seo eir dallas offertas, e celebrazziun della pasqua.

MA, eur vus gnis a partir tras sort il pajais per ierta, schi offeri, per offerta al Segner, üna porziun consacrada del pajais, da lungezza da vainch e tschinchmilli *bratschs muots*, e da ladezza da deshmilli. Quel *spazi* sarà sanet, tras tuot seis confins, dapertuot intuorn.

2. Da quel as dess tour per il lö sanet tschinch tschient *bratschs muots per lung*, ed oters tants *per lad*, in quader pertuot intuorn; e tschinquanta *bratschs muots* per las appertinentzas dadoura pertuot intuorn.

3. Contuot, masüra *ün spazi* da quai-sta masüra, cioè da lungezza da vainch e tschinchmilli *bratschs muots*, e da ladezza da deshmilli; ed in quel *spazi* sarà il santuari, il lö sanetissem.

4. Quel *ais* üna porziun santifichada del pajais; quella sarà per ils sacer-

dots, ministers del santuari, chi s' approsman via pro'l Segner, per al servir; sarà ad els in lö da chasas; ultr' il lö sanet per il santuari.

5. Lura *masüra ün oter spazi* da vainch e tschinchmilli *bratschs muots* da lungezza, e da deshmilli da ladezza; *quel* sarà per ils levits, ministers della chasa, da lur possessiun, con vainch chambras.

6. Lura ordaina, *per la possessiun della città*, tschinchmilli *bratschs muots* in ladezza, e vainch e tschinchmilli in lungezza, dalla vart dell' offerta sancta; e *quel spazi* sarà per tuot la chasa d' Israel.

7. Lura assegna *la part* al princi, da qua e da là della sancta offerta, e della possessiun della città, dalla vart della sancta offerta, e della possessiun della città, dal occidaint, e fin all' extremità occidentala; e dal oriaint, fin all' extremità orientala; e la lungezza *saja* inguala ad üna da quellas parts, dall' extremità occidentala fin all' orientala.

8. El averà *quel* del pajais per sia possessiun in Israel; e meis * *princips* non vegnan plü a squitschar suot meis pövel, e dëssan laschar il *rimanent* del pajais alla chasa d' Israel, per lur schlattas.

* Ez. 46, 18.

9. Usche ha dit il Segner Deis: Cha basta a vus, *princips d' Israel*; pigliai via la violenza, e la sgiarbaria, e fat güstia, e güdizi; alvantai vossas extorsiuns giò d' adöss a meis pövel, disch il Segner Deis.

10. * *Hajat balanschas güstas*, ed efa güst, e bat güst.

* Lev. 19, 35, 36.

11. Saja l' efa, e l' bat, d' üna medema masüra, pigliand il bat per la deshavla part d' ün omer, e l' efa similmang per la deshavla part d' ün omer; saja la masüra del ün e del oter a rasehun del omer.

12. E *saja* il * *siccal* da vainch obols; e saja a vus la mina da vainch siccal, da vainch e tschinch siccal, e da quindesch siccal.

* Ex. 30, 13.

13. Quai-st' *ais* l' offerta cha vus dessat offerir; la sesavla part d' ün efa del omer da formaint; vus dessat dar medemmamaing la sesavla part d' ün efa del omer dad üerdi.

14. E l' statut del öli, (il bat *ais la masiura* del öli) *ais, cha 's detta* la deschavla part d' ün bat, per cor, *chi 'ais* l' omer da desch bats; perche l' omer *ais* da desch bats.

15. E del bestiam manü *ais il statut, cha 's detta* da duatschient *bestias* üna dels lous grass d' Israel, e quaišt' offerta *sarà* per las offertas da spaisa, e per ils olocausts, e per ils sacrificizis d' ingraziamaint, per far purgaziun per quels, disch il Segner Deis.

16. Tuot il pövel del pajais *sarà* oblià a quell' offerta, *la quala el darà* al princi *chi sarà* in Israel.

17. Ed al princi dess appertgnair *da furnir* ils olocausts, e las offertas da spaisa, e las offertas da spander, nellas festas solennas, e sün las chalendas, e sün ils sabbats, in tuot las solennitats della chasa d' Israel; el dess furnir *ils sacrificizis per* il pucha, e las offertas da spaisa, e 'ls olocausts, e 'ls sacrificizis d' ingraziamaint, per far purgaziun per la chasa d' Israel.

18. Usche ha dit il Segner Deis: Nel prüm *mais*, nel prüm *di* del mais, piglia ün trim sainza defet, e purifichia il santuari, sacrificchand *quaist trim* per il pucha.

19. E piglia il sacerdot del sang da quaišt *sacrifizi per* il pucha, e l' metta sün las chassas della chasa, e süls quatter chantuns dellas sportas del ütè, e sün las chassas della porta del cortil dadaint.

20. Fà il sumgiant nel settavel *di* del medem mais, per quel chi averà pechâ per errur, e per simplicità; ed *usche* gnis vus a purgiar la chasa.

21. * Nel prüm *mais*, nel quattordeschavel di del mais, saja a vus la pasqua; *saja* üna festa solenna da set dis, *nels quals* as dess mangiar pans azims. * Ex. 12, 18. Lev. 23, 5. Num. 9, 3.

22. Ed in quel di dess il princi sacrifichar, per sai, e per tuot il pövel del pajais, ün trim per *sacrifizi per* il pucha.

23. E nels set dis della festa, dess el sacrifichar per olocausto al Segner, set trims, e set bümatschs, sainza defet, per scodün da quels set dis, e *per sacrificizi per* il pucha, ün boc per di.

24. Ch' el offerra eir, per offerta da spaisa, ün efa *da flur farina*, per trim; e medemmamaing ün efa per bümatsch, ed ün hin d' öli per efa.

25. Nel settavel *mais*, nel quindeschavel di del mais, sün la festa solenna, ch' el offerra las medemas chosas per set dis, il medem *sacrifizi per* il pucha, il medem olocausto, la medema offerta da spaisa, e l' medem öli.

CHAP. XLVI.

Il Segner ordaina ils sacrificizis del sabbat, e dellas festas solennas, sco eir l' offerta e sacrificizi del princi.

USCHE ha dit il Segner Deis: * La porta del cortil dadaint, la quala guarda vers l' oriaint, saja serrada ils ses dis da lavur; ma ch' ella s' avra sül di del sabbat, s' avra medemmamaing sül di dellas chalendas.

* Ez. 44, 1.

2. E qua dess intrar il princi per la via del portal della porta dadoura, e ch' el as ferma pro 'ls polsechs della porta, tant cha 'ls sacerdots vegnan ad offerir seis olocausto, e seis sacrificizis d' ingraziamaint; e ch' eladura sül glim della porta, lura ch' el gياج' oura; e la porta non as dess ser rar infin la saira.

3. E l' pövel del pajais dess adurar avant il Segner, all' intrada da quella porta, süls sabbats, e sün las chalendas.

4. Ma l' olocausto, cha l' princi dess offerir al Segner, sül di del sabbat, *saja* da ses agnels sainza defet, e d' ün bümatsch sainza defet.

5. E l' offerta da spaisa *saja* d' ün efa *da flur farina*, per il bümatsch, e per ils agnels, tant co ch' el vuol dunar, e d' ün hin d' öli per efa.

6. E sül di dellas chalendas *saja seis olocausto* d' ün trim sainza defet, e da ses agnels, e d' ün bümatsch sainza defet.

7. E ch' el offerra, per offerta da spaisa, ün efa *da flur farina*, per il trim, ed ün efa per il bümatsch, e per ils agnels, tant co cha l' gnarà a man, ed ün hin d' öli per efa.

8. E, cur il princi intrerà *nel taimpel*, schi dess el intrar per la via del portal da quella porta, e per quella stessa via dess el eir ir oura.

9. Ma, cur il pövel del pajais vain a gnir avant il Segner sün las festas solennas; chi sarà intrat per la via della porta settentrionala per adurar, gïaj' our per la via della porta meridionala; e chi sarà intrat per la via della porta meridionala, gïaja oura per la via della porta settentrionala; el non dess turnar per la via della porta, per la quala el sarà intrat; anzi gïaj' oura *per quella chi ais vi' in-conter.*

10. E, quant al princi, dess el intrar con els, cur quel vain ad intrar; e gïaj' oura, cur quel vain ad ir oura.

11. E sün las festas, e sün las solennitats, saja l'offerta da spaisa d' ün efa *da flur farina* per trim, e *medemmamaing* d' ün efa per bümatsch; e tant co 'l princi vuol dar per ils agnels, e d' ün hin d' öli per efa.

12. E, cur il princi farà ün' offerta voluntaria, olocausto, o sacrifici d' ingraziamaint, *per* offerta voluntaria al Segner, schi dess lura ad el gnir avri la porta, chi guarda vers l'oriant, e fetscha seis olocausto, e seis sacrifici d' ingraziamaint, seo el soula far sül di del sabbat; lura ch' el gïaja oura, e, dopo ch' el sarà gnü oura, as dess serrar la porta.

13. Ma * tü dessast sacrificar ogni di al Segner per olocausto ün agnè d' ün an, sainza defet; sacrificha 'l ogni mattina.

* Ex. 29, 38.

14. Medemmamaing dessast offerir ogni mattina con quel, per offerta da spaisa, la sesavla part d' ün efa *da flur farina*, e la terza d' ün hin d' öli, per masdar aint la flur farina. *Quaist' ais* la continua offerta da spaisa, *cha's* dess presentar al Segner, *per* statuts perpetuals.

15. Contuot as dess offerir quel agnè, e quell' offerta da spaisa, e quel öli, ogni mattina, *per* olocausto contin.

16. Usche ha dit il Segner Deis: Cur il princi averà fat alchün dun ad alchün da seis figls, schi *ais* quai sia ierta; quel *dun* dess appertgnair pro a seis figls; quel *ais* lur possessiun per rashun d' ierta.

17. Ma, cur el averà fat ün dun da si' ierta ad ün da seis serviaints, schi

saja quel *dun* seis fin al an della libertà; lura dess el turnar al princi; ma si' ierta dess *appertgnair* a seis figls, saja lur.

18. E 'l princi non dess tour *inquotta* dell' ierta del pövel, per il *schatschar* con oppressiun our da sia possessiun; el dess laschar ierta a seis figls da sia propria possessiun, acio ch' alchün da meis pövel non saja dispers, essendo *schatschâ* scodün our da sia possessiun.

19. Lura am manet el per l' intrada ch' *eira* dalla vart della porta, nellas chambras sanctas, ch' *eiran* per ils sacerdots, las qualas guardaivan vers settentrion, e mera, qua *eira* ün tshert lö nel fuond, vers l' occidaint.

20. Ed el am dschet: Quaist *ais* il lö, ingio ils sacerdots dessan couscher *las charns dels sacrificis* per la cuolpa, e *per* il pucha, ed ingio els dessan couscher las offertas da spaisa, per non las portar our nel cortil dadoura; di-nuonder il pövel saja santificâ.

21. Lura am manet el oura nel cortil dadoura, e 'm fet passar via pro 'ls quatter chantuns del cortil; e mera, ün cortil in ün chantun del cortil, ed ün oter cortil in ün oter chantun del cortil.

22. Süls quatter chantuns del cortil *eiran* qua cortils, con *lur* fümêrs, da quaranta *bratschs muots* da lungezza, e da trenta da ladezza, tuots quatter *eiran* d' üna medema masüra, ed *eiran* süls chantuns.

23. Ed in tuots quatter *eira* qua ün' ordinanza *da vouts* intuorn; e giò dasuot quels vouts *eiran* qua las plattas da cuschinar pertuot intuorn.

24. Ed el am dschet: Quaistas *sun* las cuschinas, ingio 'ls ministers della chasa dessan cuschinar ils sacrificis del pövel.

CHAP. XLVII.

Il Segner mossa in figurâ al profet l'abundanza della grazia da Dieu, e dels duns del Spiert sanct, chi vain a gnir spans oura sur il muond tras Gesu Cristo, con la division della terra da Canaan.

LURA am manet el darcheu all' intrada della chasa, e mera, auas gnivan our dasuot il glim della chasa, vers l'oriant; perche la chasa

eira vers l' oriaint, e quellas auas curriuan giò dalla vart dretta della chasa, dalla part meridionala del utër.

2. Lura am manet el our per la via della porta settentrionala, e 'm fet ir intuorn per la via dadoura, trand vers l' oriaint; e mera, quellas auas s' alvaivan sù dalla vart dretta.

3. Cur quel hom get oura vers l' oriaint, schi avaiv' el in man üna cordetta, e mastüret milli bratschs muots, e 'm fet passar tras quellas auas; e *quellas* am rivaivan sù *solum* als chalchagns;

4. Lura mastüret el *oters* milli *bratschs muots*, e 'm fet passar tras quellas auas; e *quellas* am rivaivan sù fin alla snuoglia; lura mastüret el *oters* milli *bratschs muots*, e 'm fet passar tras *quellas auas*, e *quellas* am rivaivan sù fin als flanes;

5. Lura mastüret el *oters* milli *bratschs muots*, e *quellas auas eiran* ün torrent, il qual eu non podaiva passar tras cols *peis*; perche las auas eiran creschüdas tant, ch' *eiran* auas, ch' ün stovaiva passar tras con nodar, ün torrent, *cha* non as podaiva travachar tras a pè.

6. Lura am dschet el: Hast tti vis, figl del crastian? Lura am manet el *plünavant*, e 'm fet turnar inavo alla riva del torrent.

7. E, cur eu füt *qua* turnâ, mera ün grandissem number da boşcha sün la riva del torrent da qua, e da là;

8. Ed el am dschet: Quaistas auas han lur cuors vers il confin oriental *del pajais*, e van giò nella planüra, ed intran nel mâr, e, cur ellas sun gnüdas nel mâr, schi dvaintan las auas *da quel* sanas.

9. E dvanterà, ch' ogni animal reptil vivaint ingio cha quaists duos torrents vegnan a gnir, viverà, e 'l pesch sarà qua in grandissima blerüra, cur quai-
stas auas saran gnüdas là, schi saran *las otras* fattas sanas, ed ogni animal viverà, ingio quel torrent vain ad esser gnü.

10. Dvanterà medemmamaing, cha sper quel mâr staran peşchaders, da En-Geddi fin ad En-Eglaim, sarà ün lö da stender oura qua raits da peşchar; il pesch da quels *lous* sarà, se-

guond sias species, in grandissem number, seo 'l pesch del mâr grand.

11. Las palüds da quel, e sias lagunas non saran fattas sanas; vegnan a gnir surdattas a salinas.

12. E sper il torrent, sün la riva da quel, da qua e da là, vain a crescher boşcha früttaivla d' ogni sort; * la fruousla della quala non vain a gnir passa, e 'l früt della quala non gnarà mâ brich' almain; in ün mais vain ella a prodür seis früts novvs; perche las auas da quel vegnan a gnir our dal santuari, e lur früt sarà per spaisa, e lur fruousla per † medicina.

* Giob 8, 16. Ps. 1, 3. † Ap. 22, 2.

13. Usche ha dit il Segner Deis: Quaists *sun* ils confins del pajais, il qual vus dessat partir per ierta allas dudesch schlattas d' Israel, aviand laint Giosef *duos* parts.

14. E *tuots*, l' ün al pèr del oter, dessat possidair quel *pajais*, dal qual eu ozet il man, ch' eu gniss al dar a voss babuns; e quel pajais as dess erodar per ierta.

15. Contuot *sun* quaists ils confins del pajais: Dalla vart settentrionala, dal mâr grand, trand vers Hetlon, fin ch' ün riva in Sedad;

16. Hemat, Berota, Sibraim, ch' *aïs* tanter ils confins da Damasco, e 'ls confins d' Hemat; Hazar-Ticon ch' *aïs* sün ils confins d' Hauran:

17. Usche saran ils confins dal mâr inavant, Hazar-Enon, confin da Damasco, e giò davo 'l settentrion, dinuonder il confin dess esser Hemat. E *quaista* sarà la vart settentrionala.

18. E la vart orientala *sarà* intanter Hauran, e Damasco, e *passerà* tanter Gilead, e 'l pajais d' Israel, giò davo 'l Giordan. Masürai dal confin fin al mâr oriental. E *quaist* sarà la vart orientala.

19. E la vart meridionala, vers mezdi, *sarà* da Tamar fin allas auas * della contesa da Cades, giò davo 'l torrent fin al mâr grand. E *quaista* *sarà* la vart meridionala vers il mezdi.

* Num. 20, 13, 27, 14.

20. E la vart occidentala *sarà* il mâr grand, dal confin *del pajais* fin vi' inonter all' intrada d' Hemat. E *quaista* *sarà* la vart occidentala.

21. E vus dessat partir oura tanter vus quaiſt pajais, seguond las schlattas d' Israel.

22. Ma parti 'l oura per ierta tanter vus, e 'ls forestêrs chi vegnan a dmurar in mez vus, ils quals averan genui infants in mez vus; e sajan quels a vus sco nativs intanter ils infants d' Israel, ed intran con vus in part dell' ierta, tanter las schlattas d' Israel.

23. Dat al forestêr si' ierta, nella schlatta, nella quala el dmurerà, disch il Segner Deis.

CHAP. XLVIII.

Il Segner fa üna nouva partizun tanter las 12. schlattas, ed imprometta da far eterna dmura in sia chasa.

MA quaiſts *sun* ils noms dellas schlattas: * Dall' extremità vers il settentrion, giò davo la via d' Hethlon, fin all' intrada d' Hemat, Hazar-Enan, confin da Damasco, vers il settentrion dalla vart d' Hemat, *qua sarà üna part per Dan*, e da quella saran las extremitats orientalas, e las occidentalas.

* Ez. 47, 17.

2. Ed alla vart del confin da Dan, dall' extremità orientala fin all' occidentala, *qua sarà üna part per Asser*.

3. Ed alla vart del confin d' Asser, dall' extremità orientala fin all' occidentala, *qua sarà üna part per Naftali*.

4. Ed alla vart del confin da Naftali, dall' extremità orientala fin all' occidentala, *qua sarà üna part per Manasse*.

5. Ed alla vart del confin da Manasse, dall' extremità orientala fin all' occidentala, *qua sarà üna part per Efraim*.

6. Ed alla vart del confin d' Efraim, dall' extremità orientala fin all' occidentala, *qua sarà üna part per Ruben*.

7. Ed alla vart del confin da Ruben, dall' extremità orientala fin all' occidentala, *qua sarà üna part per Giuda*.

8. Ed alla vart del confin da Giuda, dall' extremità orientala fin all' occidentala, qua sarà * la part, cha vus dessat offerir per offerta, da vainch e tschinchmilli *bratschs muots* da ladezza, e da lungezza inguala all' üna dellas *otras* parts, dall' extremità orientala fin all' occidentala, e'l santuari sarà in mez quella.

* Ez. 45, 1.

9. La part cha vus dessat offerir al Segner *sarà* da vainch e tschinchmilli *bratschs muots* da lungezza, e da deshmilli da ladezza.

10. E la part dell' offerta sancta *sarà* per quaiſts, cioè per ils sacerdots, ed *averà* dal settentrion vainch e tschinchmilli *bratschs muots* da lungezza, e dal occidaint deshmilli da ladezza, e medemmamaing deshmilli *da ladezza* dal oriaint, e vainch e tschinchmilli da lungezza dal mezdi, e'l santuari del Segner *sarà* in mez quella.

11. *Ella sarà* per ils sacerdots consacrats, intanter * ils figls da Sadoc, ils quals han observà quai ch' eu ha comandà, e non s' han sviats sco 'ls *oters* levits, cur ils infants d' Israel s' han sviats.

* Ez. 44, 15.

12. E quella *sarà* ad els ün' offerta *adozada* dell' offerta del pajais, üna chosa sanctissima, *ella sarà* dalla vart del confin dels levits.

13. E *la part dels* levits *sarà* alla vart del confin dels sacerdots, da lungezza da vainch e tschinchmilli *bratschs muots*, e da ladezza da deshmilli; tuot la lungezza *sarà* da vainch e tschinchmilli *bratschs muots*, e la ladezza da deshmilli.

14. E quels non dessan podair vender da quai inguotta; ed eir *non dessan els* podair ne baratar, ne transportar *ad oters* quaiſtas primizias del pajais, perche ch' ellas *sun* chosas sacras al Segner.

15. E 'ls tschinchmilli *bratschs muots*, chi saran vanzats nella ladezza, supra 'ls vainch e tschinchmilli da lungezza, saran ün lö nonconsacrà, per la città, tant per l' abitaziun, co per ils contuorns *da quella*; e la città *sarà* in mez quel.

16. E quaiſtas *saran* las masüras della città: Dalla vart settentrionala, ella *averà* quattermillitschinchtschient *bratschs muots*; e dalla vart meridionala, quattermilli e tschinchtschient; e dalla vart orientala, quattermilli e tschinchtschient, e dalla vart occidentala, quattermilli e tschinchtschient.

17. E la città *averà* ün contuorn da duatschienttschinquanta *bratschs*

muots dal settentrion, ed a duatschient-tschinquanta dal mezdi, e da duatschienttschinquanta dal oriain, e da duatschienttschinquanta dal occidaint.

18. E, quant al rest del spazi chi sarà nella lungezza, alla vart dell'offerta sancta *del pajais*, chi sarà da deshmilli bratschs *muots* vers l'oriain, e da deshmilli vers l'occidaint, alla vart eir dell'offerta sancta, dess l'intrada da quel esser per il nudriamaint dels serviaints della città.

19. Ma 'ls serviaints della città saran tuts pro 'l servezzen da quella our da tuot las schlattas d'Israel.

20. Tuot la part offerta *dess* esser da vainch e tschinchmilli *bratschs muots*, sur oters vainch e tschinchmilli, vus dessat alvar via la quarta part da quaista offerta sancta per la possession della città.

21. E quai cha sarà vanzâ, da qua e da là della sancta offerta, e della possession della città, vi' incoiter quels vainch e tschinchmilli *bratschs muots* dell'offerta, fin al confin oriental *del pajais*; e dal occidaint, e vi' incoiter ils vainch e tschinchmilli *bratschs muots*, fin al confin occidental *del pajais*, alla vart dellas *otras* parts, *dess* esser per il princi, e l'offerta sancta, e 'l santuari della chasa, *saran* in mez quel spazi.

22. E *quai cha* sarà della possession dels levits, e della possession della città, sarà in mez quai cha *dess* appertgnair pro al princi; *quai cha* sarà tanter il confin da Giuda, e quel da Benjamin, *dess* esser del princi.

23. E, quant allas *otras* schlattas, sarà *qua* üna *part per* Benjamin, dall'extremità orientala fin all'occidentala.

24. Ed alla vart del confin da Benjamin, dall'extremità orientala fin all'occidentala, *sarà qua* üna *part per* Simeon.

25. Ed alla vart del confin da Simeon, dall'extremità orientala fin all'occidentala, *qua sarà* üna *part per* Issaschar.

26. Ed alla vart del confin d'Issaschar, dall'extremità orientala fin all'occidentala, *sarà qua* üna *part per* Zebulon.

27. Ed alla vart del confin da Zebulon, dall'extremità orientala fin all'occidentala, *qua sarà* üna *part per* Gad.

28. Ed als confins da Gad, dalla vart meridionala, vers mezdi, sarà il confin *del pajais*, * da Tamar fin allas auas della contesa da Cades, giò davo 'l torrent, fin al mâr grand.

* Ez. 47, 19.

29. Quaist *ais* il *pajais*, cha vus dessat partir oura per ierta allas schlattas d'Israel, dal *dit* torrent *inavant*; e quaistas *sun* lur parts, disch il Segner Deis.

30. Ma quaistas *sun* las uschidas della città: Dalla vart settentrionala *qua saran* quattermilli e tschinchtschient *bratschs muots* da masüra.

31. E * las portas della città *saran nominadas* davo 'ls noms dellas schlattas d'Israel; *qua saran* trais portas vers il settentrion; üna *ditta*: Porta da Ruben; ün' *otra ditta*: Porta da Giuda; ün' *otra ditta*: Porta da Levi.

32. E dalla vart vers l'oriain *qua saran* quattermilli e tschinchtschient *bratschs muots*, e trais portas; üna *ditta*: Porta da Giosef; ün' *otra, ditta*: Porta da Benjamin; ün' *otra, ditta*: Porta da Dan.

33. E dalla vart vers il mezdi, *qua saran* quattermilli e tschinchtschient *bratschs muots* da masüra, e trais portas; üna *ditta*: Porta da Simeon; ün' *otra, ditta*: Porta d'Issaschar; ün' *otra ditta*: Porta da Zebulon.

34. E dalla vart vers l'occidaint *qua saran* quattermilli e tschinchtschient *bratschs muots*, con lur trais portas; üna *ditta*: Porta da Gad; ün' *otra, ditta*: Porta d'Asser; ün' *otra ditta*: Porta da Naftali.

35. La città *dess* avair intuorn intuorn deschedotmilli *bratschs muots*, e da quel di *inavant* *dess* il nom della città *esser*: Il Segner *ais* qua!

IL CUDESCH

DEL

PROFET DANIEL.

CHAP. I.

Daniel e seis compagns sun tschernüts our'intanter ils infants d'Israel, per esser alla maisa del rai Nebucadnesar, ils quals rechüsan per non s'impalar, e sun da Dieu benedits in duns del corp, e del anim, con sapienza, e scienza sur tuots.

NEL TERZ AN DEL reginam da Jojachim, rai da Giuda, * Nebucadnesar, rai da Babilon, gnit contra Gerusalem, e l' assediect. * 2 Reg. 24, 10.

2. E'l Segner det in seis man Jojachim, rai da Giuda, ed üna part dell' üsaglia della chasa da Dieu, ed el la condüet nel pajais da Sinear, nella chasa da seis deis; e portet quell' üsaglia nella chasa del tesor da seis deis.

3. E'l rai dschet ad Aspenaz, capó da seis eunucs, cha our dals infants d'Israel, e dal sang regal, e dals princips,

4. El al maness nan giuvnets, nels quals non *füss* alchün defet, e bels d'aspet, ed inegiantaivels in ogni sapienza, e perits in scienza, e dotats con scortenscha, e con cognoschenscha, fermes da persuna, per star nel palazzi del rai; e ch' ün mossa ad els las scrittüras, e la lingua dels Caldeers.

5. E'l rai assignet ad els üna tscherta provisiun per di, dellas vivandas regalias, e del vin ch'el bavaiva; ed *ordinet* eir, ch' ün ils educess il spazi da trais ans, alla fin dels quals els stessan avant il rai.

6. Ma tanter quels fütan dels infants da Giuda: Daniel, Hanania, Misael, ed Azaria.

7. Ma'l capo dels eunucs mettet ad els *oters* noms; a Daniel mettet el nom Beltsazar, ed ad Hanania Sadrac, ed a Misael Mesac, ed ad Azaria Abednego.

8. Ma Daniel piglet avant el, in seis cour, da non as contaminar con las vivandas del rai, ne col vin ch'el

bavaiva, e giavüschet il capo dels eunucs, *cha'l füss permiss* da non s'impalar.

9. E Deis fet chattar a Daniel grazia, e compassiun pro'l capo dels eunucs.

10. Ma'l capo dels eunucs dschet a Daniel: Eu tem il rai, meis signur, il qual ha ordinâ vossa spaisa, e vossas bavrandas; perche, sch' el vezzess vossas fatschas plü da mala vöglia *co quellas* dels *oters* giuvnets, al pèr vos, am volessat vus render culpabel del fal capital invers il rai?

11. Ma Daniel dschet al Melzar, il qual il capo dels eunucs avaiva constitui sur Daniel, Hanania, Misael ed Azaria:

12. In grazia, prova con teis serviants, il spazi da desch dis, e 'ns sajan dats, legüms da mangiar, ed aua da baiver.

13. E lura, cha vegnan guardadas, in presenza tia, nossas fatschas, e quellas dels giuvnets, chi mangian dellas vivandas regalias; e lura fà con teis serviants seo tū vainst a vair.

14. Ed el consentit ad els, e provet con quels per desch dis.

15. Ed alla fin da desch dis paretan lur fatschas plü bellas, e plü plainas da charn, co quellas da tuot ils *oters* giuvnets chi mangiaivan las vivandas regalias.

16. Dinuonder il Melzar, *da quel di inavant*, pigliaiva lur vivandas, e'l vin cha dovaivan baiver, e daiva ad els legüms.

17. E Deis dunet a tuots quatter quels giuvnets cognoschenscha ed intellet in ogni scrittüra, e sapienza; e fet Daniel inegiantaivel in ogni visun, ed in sömmis.

18. Ed alla fin del temp cha'l rai avaiva dit, cha *quels giuvnets* al gnis-san manats avant, il capo dels eunucs ils manet nel conspet da Nebucadnesar.

19. E 'l rai tshantschet con els; ma tanter quels tuots non as chattet alchün simil a Daniel, ad Hanania, e Misael ed ad Azaria; e quels stettan nella presenza del rai.

20. Ed in ogni affar da sapienza e d'ingelligenza, del qual il rai ils domandess, ils chattet el da supravanzar per desch voutas tuot il magis, e 'ls astrologs, chi *eiran* in tuot seis reginam.

21. E Daniel füt in tal *stadi* fin al prüm an del rai Ciro.

CHAP. II.

Nebucadnesar fa gnir insembel ils ingiavadurs per avair la declaranza da seis sömmi, il qual Daniel sa dir nan, quel ed eir il maniamaint. Profezia del reginam da Cristo.

MA Nebucadnesar, nel seguond an da seis reginam, as sömgiet sömmis, e seis spiert füt strami, e seis sön füt ruot.

2. E 'l rai dschet, ch' ün clamess nan ils magis, e 'ls astrologs, e 'ls inchantadurs, e 'ls Caldeers, per declarar al rai seis sömmis. E quels gnittan, e 's presentettan avant il rai.

3. E 'l rai dschet ad els: Eu m'ha sömgia ün sömmi, e meis spiert ais smarri, *desiderand pür* da savair il sömmi.

4. E 'ls Caldeers dschettan al rai, in lingua Siriaca: O rai, possast tü viver in perpetuo! Di il sömmi a tei serviaints, schi volain nus declarar l'interpretaziun.

5. Il rai respondet, e dschet als Caldeers: La chosa m' ais fügida *our dal sen*, scha vus non am fais a savair il sömmi, e sia declaranza, schi sarat squartats, e * vossas chasas saran redüttas in mantuns. * ESR. 6, 13.

6. Ma, scha vus *am* declerais il sömmi, e sia interpretaziun, schi dessat ardschaiver da mai duns, preschaints, e grandas onurs; declerà 'm dimena il sömmi, e sia interpretaziun.

7. Quels respondettan per la seguonda vouta, e dschettan: Il rai dia il sömmi a seis serviaints, schi volain nus declarar l'interpretaziun da quel.

8. Il rai respondet, e dschet: Eu cognosch per sgür, cha vus volais guadagnar temp, siand cha vus avais vis, cha la chosa m' ais fügida *our dal sen*.

9. Cha scha vus non am declerais il sömmi, schi ais qua üna *sula* sentenza per vus. Ma vus s' avais perderts a dir in mia presenza alchüna chosa fosa, e perversa, fin cha 'l temp saja müdà; perquai, dit-am il sömmi, schi vögl eu savair, scha vus vegnat am declarar l'interpretaziun da quel.

10. Ils Caldeers respondettan, in presenza del rai, e dschettan: Qua non ais crastian alchün sur terra, chi possa declarar al rai quai ch' el giavüscha; perquai eir alchün rai, ne grand, ne signur, non domandet mâ chosa da quella sort ad alchün mago, astrolog, o Caldeer.

11. E la chosa cha 'l rai retschercha ais tant greva, cha qua non ais alchün oter chi la possa declarar al rai, co 'ls deis, l'abitaziun dels quals non ais con la charn.

12. Perquai, il rai s' adiret, e s' infuriet grandamaing, e comandet, cha tuot ils sabis da Babilon gnissan fats morir.

13. E 'l decret get oura, e 'ls sabis gnivan mazzats, e 's tscherchet Daniel, e seis compagns, per ils far morir.

14. Lura Daniel fermet l'*esecuziun* del decret, e della sentenza, *commissa* ad Arioc, chapitani dellas guardias del rai, ch' eira trat oura per mazzar ils sabis da Babilon.

15. E domandet ad Arioc, ufficial del rai, e dschet ad el: Che ais la chaschun, cha 'l rai ha dat ün decret *tant* in prescha? Lura Arioc fet a savair il fat a Daniel.

16. E Daniel intret pro 'l rai, e giavüschet, ch' el al dess temp, schi ch' el vögla declarar l'interpretaziun *del sömmi* al rai.

17. Lura Daniel get a chasa sia, e fet a savair il fat ad Hanania, a Misael ed ad Azaria, seis compagns.

18. E quels rovettan per misericordia il Deis del tsel, davart quaiet secret, acio cha Daniel, e seis compagns, non gnissan miss a mort cols oters sabis da Babilon.

19. Lura füt il secret revelâ a Daniel in visiun da not. In quel istant Daniel benedit il Deis del tsel.

20. E Daniel comanzet a dir: Saj' il

nom da Dieu benedi da secul in secul! Perche ad el appartain la sapienza, e la potenza;

21 Ed el müda ils temps, e las stagiuns; * el metta giò ils rais, ed *eir* ils stabilescha; el da la sapienza als sabis, e la cognoschenscha a quels chi sun dotats con intellet; * *Glob 12, 18.*

22. El palesa las chosas chafuolas, e zoppadas; el cognoscha quai ch' *ais* nellas schütrezzas, e la glüm abita pro el.

23. O Dieu da meis babuns, eu at dun gloria e lod, cha tü'm hast dat sapienza e forza; e m' hast uossa decelerà quai cha nus t' avain demandà, ans aviad fat a savoir quai cha'l rai retschercha.

24. Pertant, Daniel intret pro Arioc, al qual il rai avaiva dat commissiun da far morir ils sabis da Babilon, e get aint, e dschet ad el usche: Non far morir ils sabis da Babilon; maina'm avant il rai, ed eu al vögl decelerar l' interpretaziun *del sömmi.*

25. Lura Arioc manet in prescha Daniel avant il rai, e l'dschet usche: Eu ha chattà ün hom, intanter ils Giudeus chi sun in preschun, il qual decelererà al rai l' interpretaziun *da seis sömmi.*

26. Il rai comanzet a dir a Daniel, il nom del qual *eira* Beltsazar: Am poust tü decelerar il sömmi, ch' eu ha vis, e sia interpretaziun?

27. Daniel respondet avant il rai, e dschet: Il secret cha'l rai domanda, ne sabis, ne astrologs, ne magis, ne ingiavinadurs, non il pon decelerar al rai;

28. Ma qua ais ün Dieu in tsel, chi manifesta ils secrets, ed ha fat a savoir al rai Nebucadnesar quai cha dess dvantar nella fin dels temps. Teis sömmi, e las visiuns da teis cheu, sün teis let, eiran quaistas.

29. O rai, impissamaints at sun gnüts in sen sün teis let, che chosa vegn' a dvantar da quaist temp inavant, e quel chi revela ils secrets t' ha fat a savoir quai cha dess dvantar.

30. Ma, quant a mai, m' ais quaist secret stat revelâ, na tras sapienza, chi saja in mai sur tuot ils vivs; ma acio cha l' interpretaziun saja decle-

rada al rai, e cha tü incelejast ils impissamaint da teis cour.

31. Tü, o rai, guardaivast, e mera üna granda statua. Quaista statua granda, e d' üna splendor excellenta, eira in pè vi' incounter tai, e seis aspet *eira* spaventabel.

32. * Il cheu da quaista statua *eira* d' or fin; seis pet, e sia bratscha, d' argient; seis vainter, e sias cossas, d' aram; * *Dan. 7, 3.*

33. Sias chammas da fier, e seis peis, in part da fier, ed in part d' arschiglia.

34. Tü staivast guardand, fin cha füt taglià giò üna peidra, sainza opera da mans, la quala battet la statua stils peis, chi *eiran* da fier, e d' arschiglia, e'ls friset.

35. Lura füttan insembel sfrislats il fier, l' arschiglia, l' aram, l' argient, e l' or, e dvantettan sco la paglia del iral da stà, e l' vent ils portet via, e non as chattet lö alchün per els; e la peidra, ch' avaiva battü la statua, dvantet ün grand munt, ed implit tuot la terra.

36. Quaist *ais* il sömmi; uossa vlain nus dir la deceleranza avant il rai.

37. * Tü, o rai, *est* il rai dels rais; perche il Deis del tsel t' ha dat reginam, potenza, e forza, e gloria.

* *Ger. 27, 6. 7.*

38. Ed, ingio cha dmuran ils figls della gliend, las bestias della champagna, e'ls utschels del tsel, schi at ils ha el dat in man, e t' ha fat signur sur quels tuots. Tü *est* quel cheu d' or.

39. E davo tai vain a star sü ün oter reginam, plü bass co'l teis; e lura eir ün terz reginam, *ch' ais* quel del aram, il qual vain a signorar sur tuot la terra.

40. Lura sarà qua ün quart reginam, dür sco fier; perche il fier sfrisla e smacha ogni chosa; a sco'l fier sfrisla tuot quellas chosas, schi vain *quel* a sfrislar, e rumper *tuot.*

41. E, quant a quai cha tü hast vis, ils peis, e lur dainta, in part d' arschiglia da vaschlêr, ed in part da fier; *quai manaja*, cha'l reginam sarà parti, ed eir cha qua vain ad esser

in quel della durezza del fier, siand cha tû hast vis il fier masdâ con l'arschiglia da vaschlêr.

42. E, quant a quai cha la dainta dels peis *eiran* in part da fier, ed in part d'arschiglia; *quai manaja, cha'l* reginam in part sarâ dÛr, in part vain ad esser fraschel.

43. E, quant a quai cha tû hast vis il fier masdâ con l'arschiglia da vaschlêr; *quai manaja, cha* quels vegnan as masdar tras sem uman, ma non vegnan a podair s' unir l' ün con l' oter; ingual sco'l fier non po as masdar con l'arschiglia.

44. Ed als dis da quaists rais vain il Deis del tshel a far alvar sÛ ün reginam, il qual mâ in eterno non sarâ sdrüt, e quel reginam non sarâ laschâ ad ün oter pövel; quel vain a sfrisar, e constümar tuot quels reginams; ma quel dÛrerâ in eterno:

45. Siand cha tû hast vis, cha dal munt ais stat tagliâ giò üna peidra, sainza opera da mans, la quala ha sfrislâ il fier, l' aram, l' arschiglia, l' argent, e l' or. Il grand Deis ha fat a savair quai al rai, quai cha dvanterâ da quaist temp inavant, e l' sömmi *ais* vaira, e sia decleranza *ais* fidela.

46. Lur' il rai Nebucadnesar erodet giò sÛn sia fatscha, e s' inclinet a Daniel, e comandet, cha s' offeriss ad el offertas, e profüms.

47. E'l rai favlet a Daniel, e dschet *ad el*: In vardâ, vos Dieu ais il Deis dels deis, e l' Segner dels rais, e l' revelatur dels secrets, siand cha tû hast podü revelar quaiet secret.

48. Lur' il rai ingrandit Daniel, e l' dunet blers grands preschaints, e l' constituit rectur sur tuot la provinza da Babilon, e capo dels magistrats, sur tuot ils sabis da Babilon.

49. E sÛl giavüsch da Daniel il rai constituit sur ils affars della provinza da Babilon, Sadrac, Mesac, ed Abednego; ma Daniel *staiva* alla porta del rai.

CHAP. III.

Il compagns da Daniel rechüsan d' adurar la statua, cha Nebucadnesar avaiva drizzâ sÛ, e vegnan büttats in ün fuorn da fö; ma, siand conservats tras miraculs, ils fa Nebucadnesar gnir oura, e da gloria a Dieu, e l's adoza.

IL rai Nebucadnesar fet üna statua d' or, d' otezza da sesanta bratschs

muots, e da ladezza da ses bratschs muots, e la drizzet sÛ nella planüra da Dur, nella provinza da Babilon.

2. E l' rai Nebucadnesar tramettet our' a raspar insembel ils podestats, ils magistrats, e l's ducas, ils güdichs, ils tesoriers, ils senatur, ils presidents, e tuot ils recturs dellas provinzas, per gnir alla dedicaziun della statua, cha l' rai Nebucadnesar avaiva drizzâ sÛ.

3. Lura fütan raspats ils podestats, ils magistrats, e l's ducas, ils güdichs, ils tesoriers, ils senatur, ils presidents, e tuot ils recturs dellas provinzas alla dedicaziun della statua, cha l' rai Nebucadnesar avaiva drizzâ sÛ. E quels *eiran* in pè avant la statua, cha Nebucadnesar avaiva drizzâ zÛ.

4. Ed ün, chi clamaiv' oura, bragit con forza, dschand: O pövels, naziuns, e linguas, a vus as disch!

5. All' ura, cha vus gnis ad udir il sun del corn, della flöta, della citra, dell' arpa, del psalter, della sinfonia, e d' ogni specie *d' instrumaints* da musica, schi's büttai *in terra*, ed adurai la statua d' or, cha l' rai Nebucadnesar ha drizzâ sÛ;

6. E chi non as bütterâ *in terra*, e non l' adurerâ, schi dess el in quell' istess' ura gnir büttâ in mez d' ün fuorn ardent.

7. Per la quala causa tuot ils pövels, naziuns, e linguas, in quel istant ch' avettan udi il sun del corn, della flöta, della citra, dell' arpa, del psalter, e d' ogni specie *d' instrumaints* da musica, as büttettan giò *in terra*, ed adurettan la statua d' or, cha l' rai Nebucadnesar avaiva drizzâ sÛ.

8. Perquai in quel punt alchüns homens Caldeers as fettan avant, ed achüsettan ils Güdeus;

9. E favlettan al rai Nebucadnesar, e dschettan ad el: O rai, possast tû viver in perpetuo!

10. Tû, o rai, hast fat ün decret, ch' ogni crastian ch' averâ udi il sun del corn, della flöta, della citra, dell' arpa, del psalter, della sinfonia, e d' ogni specie *d' instrumaints* da musica, as dess büttar *in terra*, ed adurar la statua d' or;

11. E chi non as бүттерà *in terra*, e non l' adurerà, saja бүтtà in mez d' ün fuorn ardent.

12. Ma qua sun homens Güdeus, cha tü hast constitui sur ils affars della provinza da Babilon; cioè Sadrac, Mesac, ed Abednego; quaists homens non at pretsechan inguotta, o rai; non servan a teis deis, e non aduran la statua d' or cha tü hast drizzà sü.

13. Lura Nebucadnesar, con ira e furia, comandet ch' ün maness nan Sadrac, Mesac, ed Abednego. In quel instant füttan quels homens manats alla presenza del rai.

14. E Nebucadnesar als favlet, e dschet ad els: Aise vaira, Sadrac, Mesac, ed Abednego, cha vus non servis a meis deis, e non adurais la statua d' or ch' eu ha drizzà sü?

15. Uossa non eschat vus perderts, qual' ura cha vus gnis ad udir il sun della flöta, della citra, dell' arpa, del psalter, della sinfonia, e d' ogni specie d' *instrumaints* da musica, as бүттар *in terra*, ed adurar la statua ch' eu ha fat? Scha vus non l' adurais, schi sarat in quell' istess' ura бүттats in mez d' ün fuorn ardent, e qual *ais* quel dieu, chi as spendra da meis man?

16. Sadrac, Mesac, ed Abednego respondettan e dschettan al rai: O Nebucadnesar, nus non avain bsögn da at dar risposta davart quai;

17. Mera, nos Deis, al qual nus servin, ais potaint per ans liberar; *uossa* ch' el *ans* libra dal fuorn ardent e da teis man, o rai,

18. O na; schi sapchast pür, o rai, cha nus non volain servir a teis deis, e cha non volains adurar la statua d' or cha tü hast drizzà sü.

19. Lura Nebucadnesar füt plain d' ira, e la sumgienscha da sia fatscha as stramüdet contra Sadrac, Mesac, ed Abednego; el comanzet a dir ch' ün invüdess il fuorn set voutas plü del solit.

20. Lura comandet el a tseherts homens, dels plü possants da seis exercit, da liar Sadrac, Mesac, ed Abednego, per *ils* бүттар nel fuorn ardent.

21. Lura gnittan liats quels homens, con lur rassas, lur chotschas, lur cha-

pütschas, e tuot lur vestimainta, e füttan бүттats in mez il fuorn invüdà.

22. E, siand cha 'l pled del rai faiva prescha, e 'l fuorn eira grandamaing invüdà, schi mazzet la flamma del fö quels homens, ch' avaiavan *qua* бүтtà aint Sadrac, Mesac, ed Abednego.

23. E quels trais homens Sadrac, Mesac, ed Abednego crodettan liats in mez il fuorn ardent.

24. Lur' il rai Nebucadnesar füt smari, ed alvet sü dindettamaing, comanzet, e dschet a seis cosglêrs: Non avain nus бүтtà trais homens liats a mez il fuorn invüdà? Quels respondettan e dschettan al rai: L' *ais* vaira, o rai!

25. Ed el respondet e dschet: Mera, eu vez quatter homens sliats, ils quals chaminan in mez il fö, e qua non ais inguotta da guast vi' ad els; e l' aspet del quart ais sumgiant ad ün figl da Dieu.

26. Lura Nebucadnesar s' approsmet vi' alla bocca del fuorn invüdà, e comanzet a dir: Sadrac, Mesac, ed Abednego, serviaints del otissem Deis, it oura, e gni nan. Lura Sadrac, Mesac, ed Abednego gnittan our da mez il fö.

27. Ed ils podestats, ils magistrats, ils ducas, ed ils cosglêrs del rai, as rassetan insembel, e guardaivan quels homens, sur ils corps dels quals il fö non avaiva gnü alchüna pussanza, tal cha brich' ün chavè da lur cheu non eira stat ars, e lur rassas non eiran müdadas, e la savur del fö non eira penetratta in els.

28. E Nebucadnesar comanzet a dir: Benedi *saj'* il Deis da Sadrac, da Mesac, ed Abednego, il qual ha tramiss seis angel, ed ha liberà seis serviaints, chi's han confidats in el, ed han surpassà il comandamaint del rai, ed han dat nan lur corps, per non servir, ne adurar alchün *oter* dieu, co lur Dieu!

29. Perquai, da mai ais fat ün decret, cha chi, da qual pövel, naziun o lingua el saja, vain a proferir blastemma contr' il Deis da Sadrac, da Mesac, e d' Abednego, saja squartà, e sia chasa redüta in puolvra, siand cha qua non ais alchün oter Dieu, chi possa liberar in quaiста maniera.

30. Lur' il rai adozet Sadrac, Mesac, ed Abednego nella provinza da Babilon.

CHAP. IV.

Daniel declera a Nebucadnesar il maniamaint del sömmi, il qual ais compli in el, cha per set ans el ais stat tanter las bestias solvadias, ma alla fin da quels ais el liberà, e miss in seis prüim stadi.

IL rai Nebucadnesar, a tuot ils pövels, nazions e linguas, chi avdan in tuot la terra. Vossa pasch saja adampchada!

2. Que m' ha partì bön, da declerar las insainas, e 'ls miraculs, cha'l otissem Deis ha fat vers mai.

3. O quant grandas *sun* sias insainas! E quant potaints *sun* seis miraculs! Seis reginam etern, e sia signoria ais per ogni età!

4. Eu, Nebucadnesar, eira quiet in chasa mia, e floriva in meis palazzi.

5. Eu vezzet ün sömmi chi'm stramantet, e las imaginaziuns *ch'eu avet* sün meis let, e las visiuns da meis cheu am conturblettan.

6. E da mai füt fat ün comand, cha tuot ils sabis da Babilon gnissan manats avant mai, per am declerar l'interpretaziun del sömmi.

7. Lura gnittan ils magis, ils astrologs, ils Caldeers, e 'ls ingiavinadurs; ed eu dschet ad els il sömmi, ma non am podettan declerar l'interpretaziun *da quel*.

8. Ma l' ultim gnit in mia presenza Daniel, il nom del qual *ais* * Beltsazar, seguond il nom da meis dieu; e nel qual ais il spiert dels deis sanets; ed eu requintet il sömmi avant el,

* Dan. 1, 7.

9. *Dschand*: O Beltsazar, * capo dels magis; siand ch'eu sa, cha'l spiert dels deis sanets *ais* in tai, e ch' ingün secret t' ais difficil, di las visiuns da meis sömmi, ch'eu ha vis, cioè la sia decleranza.

* Dan. 2, 48.

10. Ma las visiuns da meis cheu, sün meis let, *eiran talas*: Eu guardaiva, e mera, ün * bösch in mez la terra, l'ottezza del qual *eira* granda.

* Ez. 31, 2.

11. Quel bösch *eira* grand e ferm, e sia tschimma tenschaiva al tsel, e seis rams as stendaivan fin all' extremità della terra.

12. Seis rams *eiran* bels, e seis früt

eira abundant, e *qua* in quel *eira* da mangiar per tuots; * las bestias della cüttüra as redüaivan a sumbriva suot quel, e 'ls utschels del tsel albergiaivan sün seis rams, e da quel gniva nudriada ogni charn.

* Ez. 31, 6.

13. Eu guardaiva nellas visiuns da meis cheu, sün meis let, e mera, ün * guardiant, e sanct gnit giò da tsel,

* Dan. 8, 13.

14. E bragit con forza, e dschet usche: Tagliai intuorn il bösch, e truncaiva via seis rams; squassai giò sia frunsia, e rasai seis früt, cha las bestias suot quel gajan davent, e 'ls utschels da seis rams;

15. Impero, laschai in terra la tschücha da sias ragischs, *saja'l lià* con liams da fier, e d' aram, tanter l'erba della champagna, e *saja'l bagnà* dal ruschè del tsel, e sia part *saja* con las bestias, nell'erba della terra.

16. Saja seis cour müdà, ed in lö da cour da crastian saja ad el dat cour da bestia, e set stagiuns dessan passar via sur el.

17. La chasa *ais determinada* tras la sentenza dels guardiants, e la deliberaziun ais statta conclütta tras il pled dels sanets, acio cha 'ls vivs cognoschan, cha l' Otissem signorescha sur il reginam della glieud, e ch' el il da a chi ad el plascha, e constituecha sur quel il plü bass intanter ils crastians.

18. Quaist ais il sömmi, ch'eu, rai Nebucadnesar, ha vis. Ma tü, Beltsazar, di nan la decleranza *da quel*: Usche lönech tanter tuot ils sabis da meis reginam ingün non am podet declerar l'interpretaziun *da quel*; ma tü 'l poust far, perche 'l spiert dels deis sanets *ais* in tai.

19. Lura Daniel, il nom del qual *ais* Beltsazar, restet instupi il spazi d' ün' ura, e seis impissamaints il stramantaivan. Ma il rai il favlet, e dschet: O Beltsazar, il sömmi non at dess conturbalar, ne sia interpretaziun. Beltsazar respondet, e dschet: Signur meis, *scontra* il sömmi a teis inimis, e sia decleranza a teis adversaris!

20. Il bösch cha tü hast vis, il qual eira grand e ferm, e la tschimma del qual tenschaiva fin al tsel, e 'ls

rams del qual *as stendaivan* per tuot la terra;

21. E la fruonsla del qual *eira* bella, e 'l früt abundant, e nel qual *qua eira* da mangiar per tuots; suot il qual dmuraivan las bestias della champagna, e süls rams del qual albergiaivan ils utschels del tselhel;

22. *Est* tü stess, o rai, ch' est dvan-tâ grand e ferm, e la grandezza del qual ais creschüda, ed ais rivada al tselhel, e la signoria del qual *ais pervgnüda* fin all' extremità della terra.

23. E, quant a quai, cha 'l rai ha vis ün guardiant, e sanct, chi gniva giò da tselhel, e dschaiva: Tagliai intuorn il bösch, e guastâ 'l; impero laschai la tselhücha da sias ragischs in terra, *liada* con liams da fier, e d'aram, tanter l'erba della champagna, e saj-la bagnada dal ruschè del tselhel, *saja* sia part con las bestias della cuttüra fin cha set stagiuns sajan passadas via sur el.

24. Quaista, o rai, *ais* la decleranza *da quai*, e quai *ais* il decret del Otissem, chi dess esser esequi sur meis signur.

25. Tü vainst a gnir * schatschâ davent dalla gliend, e tia dmura sarà con las bestias della champagna, e vainst a paschliar l'erba sco 'ls bovs, e sarast bagnâ dal ruschè del tselhel, e set stagiuns passeran via sur tai, infin a tant, cha tü recognoschast, cha l'Otissem signorescha sur il reginam dels crastians, e ch' el il da a † chi ad el plascha.

* Dan. 5, 20. † Ger. 27, 5.

26. E quai ch' ais stat dit, ch' ün lascha star la tselhücha dellas ragischs del bösch, *manaja*, cha teis reginam at sarà restabili, davo cha tü averast recognoschü, cha 'l tselhel signorescha.

27. Perquai, o rai, at lascha plaschair meis cossagl, e spendra teis puchats tras güstia, e tias iniquitats con misericordia invers ils afflits; mera, quai sarà ün remedi a teis fals.

28. Tuot quaistas chosas dvanzettan al rai Nebucadnesar.

29. In cheu da dudesch mais spassiaiv' el sül palazzi regal da Babilon.

30. E 'l rai comanzet a dir: Non ais quaista la granda Babilon, ch' eu ha edificâ per stanza regala, e per gloria da mia magnificenza, con la forza da mia potenza?

31. Il rai avaiiv' amo il pled in bocca, cur' üna vusch gnit giò da tselhel: E 's disch a tai, o rai Nebucadnesar! Il reginam t' ais tut davent;

32. E sarast schatschâ davent dalla gliend, e tia dmura *sarà* con las bestias della champagna, e vainst a paschliar l'erba sco 'ls bovs, e set stagiuns passeran via sur tai, infin a tant, cha tü recognoschast, cha l'Otissem dominescha sur il reginam dels crastians, e ch' el il da a chi ad el plascha.

33. In quell' istess' ura füt compli quel pled sur Nebucadnesar, ed el füt schatschâ davent dalla gliend, e maglet l'erba sco 'ls bovs, e seis corp füt bagnâ dal ruschè del tselhel; tant cha 'l pail al creschet, sco *las pennas* allas aglias, e las unglas, sco als utschels.

34. Ma, in cheu da quel temp, eu Nebucadnesar ozet ils ügls al tselhel, e mia cognoschenscha turnet darcheu in mai, ed eu benedit l'Otissem, e lodet e glorifichet quel chi viva in eterno, la pussanza del qual ais üna pussanza eterna, e 'l reginam del qual ais per ogni generaziun;

35. E *pro 'l qual* * tuot ils avdadurs della terra sun quintats sco inguotta, e 'l qual operescha sco 'l plascha, nel exercit del tselhel, e cols abitants della terra, e qua non ais alehün, ch' il batta sül man, † e 'l dia: Che chosa fast?

* Es. 40, 15. 17. † Giob 9, 12.

36. In quel temp mia cognoschenscha turnet in mai, e con la gloria da meis reginam am füt restituida mia majestà, e mia splendor; e meis cosglêrs, e meis princips am retscherchettan; ed eu füt restabili in meis reginam, e 'm füt adampchada amo plü grandezza.

37. Al presaint eu, Nebucadnesar, lod, adoz e glorifich il rai del tselhel, las ouvras del qual tuottas *sun* vardà, e las vias güdizi, e 'l qual po abbassar quels chi procedan con superbia.

CHAP. V.

Il rai Belsazar, fand ün convit, vezza ün man scrivand sün la parait; e, siand Daniel clamâ, reprend' el l'impietà del rai, e'l leja eir, e declera il maniamaint della scrittüra.

IL rai Belsazar fet ün grand convit a milli da seis grands, e bavaiva il vin in presenza da quels milli.

2. E Belsazar, aviand insajâ il vin, comandet cha gnissan portats ils vashels d'or, e d'argent, cha Nebucadnesar, seis bap, avaiva trat our dal taimpel, ch' *eira* in Gerusalem, acio cha'l rai, e seis grands, sias mugliers, e sias concubinas, bavessan landroua.

3. Lura fütan portats ils vashels d'or, ch' eiran stats trats our dal taimpel della chasa del Segner, ch' *eira* in Gerusalem. E'l rai, e seis grands, sias mugliers, e sias concubinas, bavettan qua landroua.

4. Quels bavaivan vin, e lodaivan ils deis d'or, e d'argent, d'aram, da fier, da lain, e da crap.

5. In quell'istess'ura gnittan oura dainta da man da crastian, la quala scrivaiva vi'inconter il chandallêr, sül smaltâ della parait del palazzi regal; e'l rai vazzet quel toc man chi scrivaiva.

6. Lura as müdet la color della fatscha del rai, e seis impissamaints il stramantettan, e las tshintas da seis flancs as sliettan oura, e sia snuoglia as battaiva l'ün conter l'oter.

7. E'l rai bragit con forza, ch'ün fess gnir ils astrologs, ils Caldeers, e'ls ingiavinadurs. E'l rai comanzet a dir als sabis da Babilon: Chi vain a ler quaista scrittüra, ed am declerar l'interpretaziun da quella, sarà vesti da purpura, e porterà üna culana d'or intuorn colöz, e sarà il terz signur nel reginam.

8. Lura intrettan tuot ils sabis del rai; ma non podettan ler quella scrittüra, ne declerar al rai l'interpretaziun.

9. Lur' il rai Belsazar füt grandamain stramantâ, e la color da sia fatscha as müdet; seis grands eir fütan smarits.

10. La regina, süls plets del rai, e da seis grands, intret nel lö del convit, e favlet *al rai*, e dschet *ad el*: O

rai; possast tü viver in perpetuo! Cha teis impissamaints non at stramaintan, e la color da tia fatscha non as müda!

11. Qua ais ün hom in teis reginam, nel qual *ais* il spiert dels deis sanets, ed al temp da teis * bap as chattet in el illuminaziun ed intelligenza, e sapienza, ingual alla sapienza dels deis, e'l rai Nebucadnesar, teis bap, o rai, il constituit capo dels magis, dels astrologs, dels Caldeers, e dels ingiavinadurs.

* Dan. 2, 48.

12. Siand ch' in el, *ch' ais* Daniel, * al qual il rai avaiva miss nom Beltsazar, füt stat chattâ ün spiert excellent, e cognoschenscha, ed intelligenza, per metter oura sümmiss, e per declerar dits obscurs, e per resolver chosas guardibladas. Uossa cha's clama Daniel, schi vain el a declerar l'interpretaziun.

* Dan. 1, 7.

13. Lura Daniel füt manâ avant il rai. E'l rai favlet a Daniel, e dschet ad el: Est tü quel Daniel, ch' *ais* dels Güdeus chi sun in preschun, ils quals il rai, meis bap, condüet da Giudea?

14. Eu ha inolet *dir* da tai, cha'l spiert dels deis sanets *ais* in tai, e cha's ha chattâ in tai illuminaziun, ed intelligenza, e sapienza eccellente.

15. Ma al presaint ils sabis, e'ls astrologs, sun stats manats nan avant mai, afin da ler quaista scrittüra, e'm declerar sia interpretaziun, ma non pon declerar l'interpretaziun della chosa.

16. Ma eu ha udi dir da tai, cha tü poust dar decleranzas, e resolver chosas guardibladas. Uossa, scha tü poust ler quaista scrittüra, e'm declerar l'interpretaziun da quella, schi sarast tü vesti da purpura, e *porterast* üna culana d'or intuorn colöz, e sarast il terz signur nel reginam.

17. Lura Daniel respondet, e dschet in presenza del rai: Salva a tai teis duns, e dà ad ün oter teis preschaints; pür inguotta tant main vögl eu ler la scrittüra al rai, e vögl declerar l'interpretaziun.

18. O tü rai, l'otissem Deis avaiva dat reginam, e grandezza, e gloria, e magnificenza a Nebucadnesar, teis bap.

19. E per la grandezza ch' el l' avai-
va dat tremblaivan tuot ils pövels,
naziuns, e linguas, e tmaivan da sia
presenza; el mazaiva chi el volaiva,
ed eir laschaiv' el in vita chi el volai-
va; el adozaiva chi'l plaschaiva, ed
eir abbassaiv' el chi'l plaschaiva.

20. * Ma, cur seis cour s'adozet, e
seis spiert s'indürit, per superbiar,
schi füt el trat giò da seis trun regal, e
sia gloria füt tutta.

* Dan. 4, 30.

21. E füt şchatschâ davent dalla
glieud, e seis cour füt rendü simil a
quel dellas bestias, e sia dmura *füt*
cols asens solvadis; el paschliet l'erba
sco 'ls bovs, e seis corp füt bagnâ dal
ruschè del tshel, fin ch' el recogno-
schet, cha 'l Deis otissem dominescha
sur il reginam dels erastians, e ch' el
stabilescha sur quel, chi ad el plascha.

22. Ma tû, Belsazar, seis figl, non hast
tümiliâ teis cour, combain cha tû sa-
vessast tuot quai;

23. Anzi t' hast adoza contr' il Se-
gner del tshel, e sun stats portats
avant tai ils vashels da sia chasa,
ed our da quels avais bavü, tû, e teis
grands, e tias mugliers, e tias concu-
binas; e tû hast lodâ ils deis d' ar-
gient, d' or, d' aram, da fier, da lain,
e da crap, ils quals non vezzan, e non
odan, e non han cognoschenscha al-
chüna; e non hast glorificâ Deis,
nel man del qual *ais* ti' orma, ed al
qual *appertegnan* tuot tias vias.

24. Lura da parte sia ais stat tramiss
quella part da man, ed ais stat de-
segnada quella scrittüra.

25. Ma quaist' *ais* la scrittüra ch' ais
statta designada: MENE, MENE,
TECHEL, UPHARSIN.

26. Quaist' *ais* la declaranza dels
pleds: MENE: Deis ha fat raschun
da teis reginam, e 'l ha saldada.

27. TECHEL: Tû est stat pasâ sün
la balanscha, ed est stat chattâ man-
cant.

28. PERES: Teis reginam ais par-
ti, ed ais dat als Mediers, ed als Per-
siers.

29. Lura, tras comand da Belsazar,
füt Daniel vesti da purpura, el portet
intuorn colöz üna culana d' or, e tras
public clamar oura füt el declarâ il
terz signur nel reginam.

30. In quell' istessa not Belsazar, rai
dels Caldeers, füt mazzâ.

31. E Dario, Medier, ardschvet il re-
ginam, *essendo* d' età incirca da se-
sant' e duos ans.

CHAP. VI.

Il rai Dario ingrandescha Daniel, e 'ls grands
tras inviglia tscherchan occasiun da 'l far morir,
e, gñand achüsâ avant il rai, d' avair fat contra
seis edict, vain Daniel büttâ nel foss dels
liuns.

E plaschet a Dario da constituer sur
il reginam tshient e vainch pode-
stats, ils quals füssan per tuot il regi-
nam.

2. E sur quels, trais presidents, dels
quals Daniel *eira* l' ün, als quals
quels podestats rendessan raschun,
acio cha 'l rai non patiss dan.

3. Ma quel Daniel supravanzaiv' ils
oters presidents, e podestats; perche
in el *eira* ün spiert excellent; dinuon-
der il rai s' impissaiva da 'l constituer
sur tuot il reginam.

4. Perquai, ils presidents e 'ls pode-
stats, tscherchaivan il möd, da chattar
qualcha chaschun contra Daniel, da-
vart ils affars del reginam; ma non
podaivan chattar alchüna chaschun,
ne misfat, perche el *eira* fidel, e non
as chattaiva in el alchün fal, ne misfat.

5. Lura quels homens dschettan:
Nus non podain chattar chaschun al-
chüna contra quaist Daniel, scha nus
non la chattain contr' el nella ledscha
da seis Dieu.

6. Lura quels presidents e pode-
stats as rassetan via pro 'l rai, e
dschettan ad el usche: Rai Dario,
possast tû viver in perpetuo!

7. Tuot ils presidents del reginam,
ils magistrats, ed ils podestats, ils
cosglêrs, ed ils ducas, han fat cos-
sagl da formar ün statut regal, e far
ün stret comand, cha chi vain a far
alchün giavüsch a qualunque dieu, o
erastian da qui a trenta dis, resalv a
tai, o rai, saja büttâ nel foss dels
liuns.

8. Uossa, o rai, fâ la scomandada, e
scriva chartas patentas, cha non as
possa müdar; sco *sun* las ledschas
da Media, e da Persia, * chi sun irre-
vocablas.

* Est. 1, 19.

9. Il rai Dario dimena scrivet las
chartas patentas, e la scomandada.

10. Ma Daniel, cur el savet cha las chartas eiran scrittas, intret in sia chasa, e, laschand las fanestras da sia sala avertas vers Gerusalem, schi's mettaiv' el in snuoglias sùls trais temps del di, e faiva oraziun, e rendai va grazias avant seis Dieu, perche *usche* eir' el üsâ peravant.

11. Lura as raspettan quels homens, e chattettan Daniel urand, e supplichand avant seis Dieu.

12. Ed in quel istant gnittan els pro'l rai, e dschettan in sia presenza davart la scomandada regala: Non hast scrit la scomandada, cha chi farà alchün giavüsch a qualunque dieu, o crastian, da qui a trenta dis, resalv a tai, o rai, saja büttâ nel foss dels liuns? Il rai respondet, e dschet: La chosa *ais* ferma, nella maniera dellas ledscas da Media, e da Persia, chi sun irrevocablas.

13. Lura respondettan quels e dschettan in presenza del rai: Daniel, ch' *ais* da quels chi sun stats manats in preschun da Giudea, non ha gnü quint alchün da tai, o rai, ne della scomandada cha tû hast scrit; anzi sün trais temps del di fa el sias oraziuns.

14. Lura, cur il rai avet inolet il fat, schi avet el grand displaschair, e mettet tuot il stüdi da liberar Daniel, e fin al tramuntar del solai fet el seis sforz, per il deliberar.

15. In quel punt quels homens as raspettan via pro'l rai, e l' dschettan: Saphast, o rai, cha'ls Mediers, ed ils Persiers han üna ledscha, cha alchüna scomandada, e statut, cha'l rai haja fermâ, non as possa müdar.

16. Lur' il rai comandet, cha's maness via Daniel, e ch' el gniss büttâ nel foss dels liuns. E'l rai favlet a Daniel, e dschet: Teis Deis, al qual tû servast con perseveranza, sarà quel chi vain al liberar!

17. E füt portâ üna peidra, chi füt tshantada sün la bocca del foss, e'l rai la sagellet con seis anè, e con l'anè da seis grands, acio cha non as müdess inguotta intuorn Daniel.

18. Lura get il rai via pro seis palazzi, e passantet la not sainza tshaina, e non as fet apparechar la maisa, e perdet il sön.

19. Lur' alvet il rai la mattina a bun' ura, stül sclerir del di, e get vi' in prescha pro'l foss dels liuns.

20. E, cur el füt via sper il foss, schi clamet el Daniel, con vusch dolorusa. E'l rai comanzet a dir a Daniel: Daniel, servaint del Deis vivaint, teis Dieu, al qual tû servast con perseveranza, t'ha el pür podü deliberar dals liuns?

21. Lura Daniel favlet al rai, *dschand*: O rai, * possast tû viver in perpetuo!

* Dan. 2, 4.

22. Meis Deis ha tramiss seis angel, il qual ha zügliâ la bocca dels liuns, tal cha non m' han fat alchün mal, perche eu sun stat chattâ innozaint in seis conspet; ed eir invers tai, o rai, non ha eu commiss alchün misfat.

23. Lur' il rai s' allegret fieh del, e comandet, cha Daniel gniss trat our dal foss, e Daniel füt trat our dal foss, e non as chattet in el lesiun alchüna; perche el s' avaiva confidâ in seis Dieu.

24. E, tras comandamaint del rai, füttan manats nan quels homens, ch' avaivan achüsâ Daniel, e füttan büttats nel foss dels liuns, quels, lur infants, e lur mugliers, e non eiran amo rivats al fuond del foss, cha'ls liuns füttan ad els adöss, e smachettan ad els tuot l'ossa.

25. Lur' il rai Dario * scrivet a tuot ils pövels, naziuns, e linguas, ch' abittan per tuot la terra, *chartas del infrascrit tenor*: Vossa pasch saja adampchada!

* Dan. 4, 1.

26. Da parte mia ais fat ün decret, ch' in tuot l'imperi da meis reginam as reverescha, e temma il Deis da Daniel; perche el *ais* il Deis vivaint, e chi dmura in eterno, e * seis reginam *ais ün reginam* chi non sarà mû bricha sdritt, e sia signoria *vain a dîrar* infn alla fin.

* Dan. 2, 44.

27. El spendra, e libera, e fa insainas, e miraculs, in tshel, ed in terra; *el ais quel* chi ha spendrâ Daniel dallas griffas dels liuns.

28. Ma quaista *persuna*, Daniel prosperet nel reginam da Dario, e * nel reginam da Ciro, Persier.

* Dan. 1, 21.

CHAP. VII.

Daniel descriva üna visiun ch' el avet, da 4. bestias, e dal güdizi da Dieu sur quellas, e lur significaziun, cioè davart las 4. monarchias del muond. Item davart la potenza del anticrist, e lura dal reginam da Cristo.

NEL prüm an da Belsazar, rai da Babilon, vèzzet Daniel ün sömmi, e visiuns da seis cheu in seis let. Lura scrivet el il sömmi, e decleret la somma dellas chosas.

2. *Contuot* comanzet Daniel a dir: Eu guardaiva in mia visiun da not, e mera, ils quatter vents del tschel saglivan sü furiusamang nel mâr grand.

3. E quatter grandas bestias gnivan sü our dal mâr, differentas l' üna dall' otra;

4. La prüma *eira* simila ad ün liun, ed avaiva alas d' aglia; eu staiva guardand, fin cha las alas la fütta trattas oura, e füt fatta alvar da terra, e ch' ella as drizzet sü in pè, a guisa da crastian, e la füt datta cour da crastian.

5. Lura mera, ün' otra, seguonda bestia, sumgianta ad ün uors, la quala alvet sü d' üna vart, ed avaiva trais costas in bocca, tanter seis daints. E la füt ditta usche: Stà sü, mangia blera charn.

6. Lura, guardaiv' eu, e mera qua ün' otra, sumgianta ad ün parder, la quala avaiva quatter alas d' utschè sün la rain, e quella bestia avaiva quatter testas, e la füt datta la signoria.

7. Davo quai, guardaiv' eu nella visiun da not, e mera, üna quarta bestia, spaventabla, terribla, e fich ferma, la qual' avaiva grands daints da fier; ella mangiaiva, e sfrislaiva, e trapplaiva il rimanent cols peis; ed eira differenta da tuot las bestias, ch' *eiran stattas* avant ella, ed avaiva desch cornas.

8. Eu am faiva surasen sün quaistas cornas, e mera ün' otra corna pitschna giaiva sü tanter quellas, e trais dellas prümas cornas fütta trattas our davant quella; e mera, quella corna avaiv' ögls sumgiant als ögls d' ün crastian, ed üna bocca chi proferiva chosas grandas.

9. Eu staiva guardand, fin cha 'ls

truns fütta tschantats, e cha 'l vegl da dis as mettet a zer; seis vestimaint *eira* alb seo naiv, e 'ls chavels da seis cheu *eiran* similis a lana netta, e seis trun *eira a guisa* da flammes fö, e las roudas da quel *similas a fö* ardent.

10. Ün flüm da fö traiva, e giaiv' our da sia presenza; milli giadas milli al servivan, e deschmilli giadas deschmilli staivan avant el; il güdizi as tschantet, e 'ls eudeschs fütta averts.

11. Lura guardet eu, per la vusch dels grands plets, cha quella corna proferiva, e guardet, fin cha la bestia füt mazzada, e seis corp füt sdrüt, e füt dat ad esser ars con fö.

12. La signoria füt cir tutta allas otras bestias, e füt ad ellas dat prolungamaint da vita, fin ad ün temp, e term constitui.

13. Eu guardaiva nellas visiuns da not, e mera, con las nüvlas del tschel gniva *ün*, simil ad ün figl da crastian; ed el rivet via fin pro 'l vegl da dis, e füt fat approsmar avant el.

14. E quel al det signoria, e gloria, e reginam; e tuot ils pövels, naziuns, e linguas, dessan servir ad el, e * sia signoria *ais* üna signoria eterna, la quala non trapasserà *mâ brich*; e seis reginam *ais ün reginam* chi non sarà *mâ bricha* sdrüt. * Dan. 2, 44. Luc. 1, 33.

15. Quant a mai Daniel, am gnit il spiert almain in mez il corp, e las visiuns da meis cheu am conturblettan.

16. E m' approsmet via pro ün dels constants, e 'l domandet la vardà davart tuot quaistas chosas; ed el *la* am dschet, e 'm decleret l' interpretaziun dellas chosas, *dschand*:

17. Quaistas quatter grandas bestias *munajan* quatter rais, chi vegnan ad alvar sü dalla terra.

18. E *lura* vegnan ils sanets del Otissem ad ardschaiver il reginam, e 'l possideran in perpetuo, ed in sempiterno.

19. Lura desideret eu da savair la vardà davart la quarta bestia, chi eira differenta da tuot *las otras*, ed *eira* fich terribla; ils daints della quala *eiran* da fier, e las unglas d' aram; chi magliaiva, sfrislaiva, e trapplaiv' il rimanent cols peis.

20. E davart las desch cornas ch'ella avaiava sün cheu, e davart quell'ultima chi giaiva sù, ed avant la quala trais eiran erodadas; e davart quai cha quella corna avaiava ügls, ed üna bocca, chi proferiva chosas grandas; e cha l'aspet da quella eira plü grand co quel da seis compagn.

21. Eu avaiava guardâ, e quella corna * faiva guerra cols sancts, e 'ls venschaiva;

* Ap. 11, 7.

22. Fin cha 'l vegl da dis gnit, e 'l güdizi füt dat als sancts del Otissem; e gnit il temp, cha 'ls sancts dovaivan possidair il reginam.

23. E *quel am* dschet usche: La quarta bestia *manaja* ün quart reginam *chi* sarà in terra, il qual sarà different da tuot quels oters reginams, e vain a magliar tuot la terra, e la trapplar suot, e la sfrislar.

24. E las desch cornas *manajan* desch rais, *ch'* alveran sù da quel reginam; ed ün oter alverà sù davo els, il qual sarà different dals precedents, e vain a batter giò trais rais;

25. E * vain a proferir plets contra l'Otissem, e vain a sdrür ils sancts del Otissem; e s' impisserà da müdar ils temps, e la ledscha; e 'ls *sancts* al saran dats nels mans fin ad ün temp, e plü temp, e la mità d' ün temp.

* Dan. 8, 24.

26. Lura as vain a tgnair il güdizi, e sia signoria *al* sarà tutta; ed el sarà sterminâ e sdrüt fin al extrem.

27. E 'l reginam, e la signoria, e la grandezza dels reginams, *chi sun* suot ils tschels, sarà datta al pövel dels sancts del Otissem; il reginam da quel *sarà* ün reginam etern, e tuot ils imperis vegnan al servir, ed obedir.

28. Qui *ais* la fin dels plets. Quant a mai Daniel, meis impissamaints am spaventettan fieh, e la colur da mia vista füt müdada in mai, ed eu conservet la chosa in meis cour.

CHAP. VIII.

Daniel descriva üna vision d' ün bümatsch, e d' ün boc, con la significaziun del bümatsch, e dellas quatter cornas; seo eir la declaranza della corna pitschna, chi gniva sù tanter las quatter.

NEL terz an del reginam del rai Belsazar apparet üna vision a

mai Daniel, dopo *quella chi* 'm eira apparüda al principi.

2. Eu dimena guardaiva in visium; (mo eu *eira*, cur eu vezzet *quella visium*, in Susan, stanza regala, ch' *ais* nella provinza d'Elam;) guardaiva, *di eu*, in visium, essendo sül flüm Ulai;

3. Ed eu ozet ils ügls, e guardet, e mera, ün bümatsch staiv' in pè vi' in-conter il flüm, il qual avaiava duos cornas, e quellas duos cornas *eiran* otas; ma l' üna *eira* plü ota co l' otra, e la plü ota creschaiva sù l' ultim.

4. Eu vezzet cha quel bümatsch fe-riva vers l' occidaint, vers il setten-trion, e vers mezdi; ed ingüna bestia non podaiva dürar avant el; e *qua* non *eira* alchün chi spendress da seis man, * el faiva quai ch' al plasehaiva, e dvantet grand.

* Dan. 11, 3.

5. Ed eu am fet surasen, e mera, ün boc gniva d' occidaint, sur la fatscha da tuot la terra, e non toccaiva inguot-ta la terra, e quai boc avaiav' üna corna ruotta tanter ils ügls.

6. E quel gnit fin pro 'l bümatsch, ch' avaiava quellas duos cornas, il qual eu avaiava vis star in pè, vi' in-conter il flüm; e currit nan sur el nella furia da sia forza.

7. Ed eu vezzet cha, essendo via sper il bümatsch, el s' exacerbet contr' el, e ferit il bümatsch, e smachet sias duos cornas, e qua non füt forza nel bümatsch da dürar avant el; di-nuonder el il büttet per terra, e 'l trapplet suot; e qua non füt ingün chi deliberess il bümatsch da seis man.

8. E 'l boc dvantet zuond grand; ma, cur el s' avet fortifichâ, schi gnit ruot quella granda corna; ed in lö da quella creschettan quatter *otras* cornas tortas, vers ils quatter vents del tschel.

9. Ed our d' üna da quellas gnit * üna pitschna corna, la quala dvantet fieh granda vers mezdi, e vers l' ori-aint, e vers il *pajais della* bellezza;

* Dan. 7, 8, 11, 21.

10. E dvantet granda, fin al exercit del tschel, e battet giò a terra *üna* part da quel exercit, e dellas stailas, e las trapplet suot.

11. Schi, e 's fet granda, fin al capo

del exercit, e da quella corna füt tut via il *sacrifizi* contin, e füt büttad' a bass la stanza del santuari da quel.

12. E l' exercit füt surdat a misfat contr' il *sacrifizi* contin, ed el büttet la vardà in terra, ed operet, e prosperet.

13. Ed eu udit ün sanet, chi tshantschaiva; ed ün *oter* sanet dschet a quel tal chi tshantschaiva: Fin a cura dürerà la visiun davart il *servezzen* contin, ed il misfat desertant? *Infin a cura* saran il santuari, e l' exercit surdats ad esser trapplats suot?

14. Ed el am dschet: Fin a duamilli e trajatschient *dis da* saira e mattina; lura il santuari sarà güstificà.

15. Ma, cur eu, Daniel, avet vis la visiun, schi giavüschet eu l' intelligenza, e mera, avant mai staiva sco la sumgenscha d' ün hom.

16. Ed eu udit la vusch d' ün crastian, in mez d' Ulai, il qual bragit, e dschet: Gabriel, declera a quai st la visiun.

17. E quel gnit sper il lö, ingio eu staiva; e cur el füt gnü, schi füt eu stramentà, e crodet sün mia fatscha; ed el am dschet: Ineleja, figl del crastian, perche quai sta visiun *ais* sün il temp della fin.

18. E, tant ch' el favlaiva a mai, schi m' * dormenzet eu chafuolmaing, con la fatscha in terra; ma el am tocet, e m' fet drizzar sün pè, nel lö, ingio eu staiva; * Dan. 10, 9. Luc. 9, 32.

19. E dschet: Mera, eu at vögl far a savair quai cha dvanterà alla fin dell' indignaziun; perche *qua* sarà üna fin al temp ordinà.

20. Il bümatsch con duos cornas, cha tü hast vin, *manaja* il rai da Media, e da Persia.

21. E l' boc plus *manaja* il rai da Grecia; e la granda corna, ch' *eira* intanter seis ögls, ais il prüm rai.

22. E quai, cha quella ais statta ruotta, e quatter sun creschüdas sù in lö da quella, *manaja*, cha quatter reginams vegnan a star sù dalla *medema* naziun, ma na con la medema pussanza da quel.

23. Ed alla fin da lur reginam, cur ils scelerats saran gnüts sün il plü ot, schi vain ad alvar sù ün rai ardit,

sfatschâ, ed incegiantaivel in sottigliezzas.

24. E sia potenza as fortificherà, ma na tras sia forza; ed el farà ruinas stranias, e vain a prosperar, ed operar, e vain a sdrür ils pussants, e l' pövel dels sanets.

25. E, tras seis sen, vain l' ingian a prosperar in seis man; ed el vain as magnificar in seis cour, ed in pascch vain el a sdrür blers; e vain as adozar conter il princi dels princis; ma sarà ruot sainza *ouvra da* mans.

26. E la visiun dels dis da saira e mattina, chi ais stat ditta, ais vardà; ma tü, serra la visiun, perche *ell' ais da chosas*, chi dvanteran da qui a bler temp.

27. Ed eu, Daniel, füt tuot disfat, e debel, per *blers* dis; lura alvet eu sù, e fet ils affars del rai, ed eu m' instupiva della visiun; ma ingün non s' inaccorschet.

CHAP. IX.

Daniel fa üna choda oraziun a Dieu, per la liberaziun dels Güdeus, confessand seis puchats, e quels del pövel; con üna profezia dalla vgnüda da Cristo, e sia mort; sco eir dalla destrucziun da Gerusalem tras ils Romans.

NEL prüm an da * Dario, figl d' Ahasvero, del sem da Media, il qual eira stat constitüi rai sur il reginam dels Caldeers; * Dan. 1, 21.

2. Nel prüm an da quel, eu Daniel, aviand eu inolet tras ils eudeschs, cha l' number dels ans, dals quals il Segner avaiva favlâ * al profet Jeremia, nels quals as dovaivan complir las desolaziuns da Gerusalem, *eira* da settant ans; * Ger. 25, 12.

3. Volvet eu mia fatscha vers il Segner Deis, con gegüni, con sach, e con tshendra, per am disponer ad oraziun, e supplicaziun;

4. E fet oraziun, e confessiun al Segner meis Deis, e dschet: * Ah Segner, Deis grand e stramantus, chi observast la lia, e la benignità a quels chi t' aman, ed observan teis comandamaints;

5. Nus * avain pechâ, ed avain operâ ingüstamaing, ed empiaimaing; ed eschan stats rebels, e n's avain vouts giò da teis comandamaints, e da tias ledschas; * Ps. 106, 6.

6. E non avain obedi als profets, teis serviaints, ils quals han, in teis nom, favlà a noss rais, a noss princis, ed a noss baps, ed a tuot il pövel del pajais.

7. A tai *appertain* la giüstia, o Segner, ed a nus la confusiun da fatscha, *sco appara* al di d'hoz, als homens da Giuda, als abitants da Gerusalem, ed a tuot Israel, vicins e lontans, in tuot ils pajais, ingio tü 'ls hast şchatschats per lur misfat, cha han commiss contra tai.

8. O Segner, a nus *appertain* la confusiun da fatscha, a noss rais, a noss princis, ed a noss baps; siand cha nus avain pechâ contra tai.

9. Al Segner nos Deis *appertegnan* las misericordias, e 'ls perduns, perche nus ans avain rebellats conter el, tuot.

10. E non avain obedi alla vusch del Segner nos Deis, per chaminar in sias ledschas, ch'el ans ha proponü tras ils profets, seis serviaints.

11. E tuot Israel ha transgredi tia ledscha, s'ha tratinavo, per non tadar tia vusch, dinuonder * la maledicziun ais statta spans' oura sur nus, e 'l giüramaint, scrit nella ledscha da Mose, serviaint da Dieu, siand cha nus avain pechâ conter el.

* Deut. 27, 15. 28, 15. 29, 20. 30, 17.

12. Ed * el ha miss in effet seis plets, ch'el avaiva pronunziâ contra nus, e contra noss recturs, chi'ns han redschüts, fand gnir sur nus ün mal grand, † tal cha mâ bricha, suot tuot ils tshels, non dvantet chosa simila a quai, ch'ais dvantâ in Gerusalem.

* Lam. 2, 17. † Lam. 1, 13.

13. Tuot quaist mal ais gnü sur nus, seguond quai ch'ais scrit nella ledscha da Mose, e pür nus non avain supplichâ il Segner nos Deis, ans convertind da nossas iniquitats, ed attendand a tia vardâ.

14. E'l Segner ha vagliâ sur quaiast mal, ch'el ha fat gnir sur nus; perche 'l Segner nos Deis *ais* güst in tuot sias ouvras ch'el ha fat; siand cha nus non avain obedi a sia vusch.

15. Uossa dimena, o Segner nos Deis, chi trettast teis pövel our dal pajais d'Egipto, con man ferm, e t'acquistettast ün nom, qual *ais* al di

d'hoz, nus avain pechâ, nus avain operâ empiaimaing.

16. Segner, seguond tuot tias giüstias, cha s'acquieta ti' ira, e tia furia, invers Gerusalem, tia città, *invers* teis munt sanet; perche tras noss puchats, e tras l'iniquità da noss babuns, Gerusalem, e teis pövel * *sun* in vituperi pro tuot quels, chi sun intuorn nus.

* Ps. 44, 14.

17. Ed uossa, taidla, o nos Dieu, l'oraziun da teis serviaint, e sias supplicaziuns; e per amur del Segner, fà splendurir darcheu tia vista sur teis santuari, ch'ais desolâ.

18. Inclina, o meis Deis, ti' uraglia, e taidla; avr' ils ögls, e guarda nossas desolaziuns, e la città, chi as clama da teis nom; perche nus non presentain nossas supplicaziuns in teis conspet, ans *fondand* sün nossas giüstias, dimpersai sün tias grandas misericordias.

19. Segner, exoda; Segner, perduna; Segner, at fà surasen, ed operescha sainza dmura, per amur da tai stess, o meis Dieu, perche tia città, e teis pövel, as claman da teis nom.

20. Ma, *tant* ch'eu amo tshantschaiva, e faiva oraziun, e confessiun da meis pucha, e del pucha da meis pövel Israel, e presentaiva mia supplicaziun, avant il Segner meis Deis, per il munt sanet da meis Deis;

21. *Tant* ch'eu amo favlaiva, urand, quel hom* Gabriel, il quale eu avaiva vis in visiun al principi, svolet nan dindet, e'm † toccet, intuorn il temp dell'offerta della saira.

* Dan. 8, 16. † Dan. 8, 18.

22. Ed el *m'* informet, e tshantschet con mai, e dschet: Daniel, eu sun uossa it oura per as dar intraguidamaint, ed intelligenza.

23. Dal comanzamaint da tias supplicaziuns nan, ais il pled it oura, ed eu sun gnü per l'annunziar *a tai*, perche tü est *hom* accet; uossa dimena, at fà surasen sül pled, ed inceleja la visiun.

24. Qua sun settant' eivnas determinadas sur teis pövel, e sur tia sancta città, per terminar il misfat, e per far purgaziun per l'iniquità, e per manar nan la giüstia eterna, e per sagellar la visiun, e 'ls profets, e per onscher il sanet dels sanets.

25. Contuot sapchast, ed inleja: Dall' ura inavant cha 'l pled ais it oura, cha Gerusalem saja reedifichada, infin al MESSIA, capo del exercit, *qua sun* set eivnas, *nellas qualas* saran danöv edificadas las plazzas, e la müraglia, e 'ls foss, e *quai* in temps anguschius.

26. E, dopo quellas sesant' e duos eivnas, essendo *sterminâ il MESSIA, sainza cha non *resta plü* inguotta, schi vain il pövel del capo del exercit, chi ha da gnir, a sdrür la città, e 'l santuari, e la fin da quella sarà con inondaziun, e *qua saran* desolaziuns determinadas infin alla fin della guerra.

27. E quel vain a confirmar la lia a bliers in ün' eivna; ed a mez l' eivna vain el a far interlaschar il sacrifici, e l' offerta; lura *vain a gnir* il desertadur sün las alas abominablas, e fin' alla final' e determinada perdziun, vain *quella inondaziun* a gnir spans' oura sur il pövel desolâ.

CHAP. X.

Daniel descriva üna visiun, ingio ün angel al declera la resistenza del princi da Persia alla restoraziun desiderada; impero ch'el, e 'l capo della baselgia, as doveran al salüd da quella; e co con la baselgia vegn'ad ir suot l' imperi da Persia, e dels Grecs.

NEL terz an da Ciro, rai da Persia, füt revelâ ün pled a Daniel, il nom del qual as clamaiva Beltsazar, e 'l pled *ais* vardà, e l' exercit *eira* grand. Ed el comprendet il pled, ed avet intelligenza della visiun.

2. In quel temp eu, Daniel, avet cordöli il spazi da trais eivnas.

3. Eu non manget spaisa da dalet, e non m' intret in bocca charn, ne vin, e non m' onschet bricha, fin cha füt compli il term da trais eivnas.

4. E nel vainch e quartavel di del prüm mais, essendo eu sün la riva del grand flüm, *ch' ais* Hiddechel;

5. Eu ozet ils ögls, e guardet, e mera, ün hom vesti con pans da lüzöl, aviand intuorn ils flancs üna tschinta da fin or d' Ufas.

6. E seis corp summagliaiva ad ün crisolit, e sia fatscha *eira* seo l' aspet del lütschaidar, e seis ögls *eiran* similsa chandailas invüddadas, e sia bratscha, e seis peis, summagliaivan ad

aram poli, e 'l sun da seis pled parai-va *la romur d' üna quantitâ. *Ez. 1, 24.

7. Ed eu, Daniel, sulet vezett la visiun, e 'ls homens ch' eiran con mai non la vezettan, dimpersai granda terrur crodet sur els, ed els fügittan per s' azzoppar.

8. Ed eu rumagnet sulet, e vezett quella granda visiun, e non restet in mai forza alchüna, e mia colur füt müdada in smurdüm, ed eu non retgnet alchüna vigur.

9. Ed eu udit la vusch dels pleds da quel; e, cur eu avet udi la vusch da seis pleds, schi m' *dormenzet eu via chafuolmaing sün mia fatscha, con la vista in terra. *Dan. 8, 18.

10. E mera, * ün man am toccet, e m' fet moventar, e *star* sün la snuoglia, e sün las palmas dels mans,

*Ap. 1, 17.

11. E'm dschet: O Daniel, hom accet, inleja ils pleds, ch' eu at raschun nan, e't drizza in pè nel lö ingio tü stast, perche uossa sun eu tramiss pro tai. E, cur el m' avet dit quel pled, schi m' drizzet eu in pè, tuot tremblant.

12. Ed el am dschet: Non tmair, o Daniel, perche dal prüm di innan cha tü rendettast teis cour ad incler, ed at affliger nel conspet da teis Deis, schi füttan teis pleds exodits, ed eu sun gnü tras teis pleds.

13. Ma'l princi del reginam da Persia m' ha contrastâ vainchün di; ma mera, Micael, l' ün dels prüms princis, ais gnü per am güdar. Eu dime-na sun restâ qui pro 'l rai da Persia.

14. Ed *uossa* sun eu gnü per at far incler quai cha dvanterà a teis pövel nella fin dels dis; perche * *qua ais* amo üna visiun per quels dis. *Ab. 2, 3.

15. E, tant ch' el tshantschaiva con mai in quaista maniera, schi mettet eu mia fatscha in terra, e tashet quiet.

16. E mera *ün*, ch' avaiva la sumgenscha d' ün figl da crastian, am toccet süls lefs; lura avrit eu mia bocca, e favlet, e dschet a quel ch' eira in pè avant mai: Meis signur, mias gionschadüras sun tuot voutas in mai in quaista visiun, e non m' ais restâ alchüna vigur.

17. E, co dess podair il servaint da quaiſt meis signur favlar con quaiſt meis signur? Siand cha fin uossa non ais restà ferm in mai alchüna vigur, e non ais restà in mai alchün flâ.

18. Lura danöv üna sumgenscha, sco d'ün crastian, am toccet, e'm fortifichet,

19. E dschet: Non tmair, hom acet; pasch saja con tai, at fortificha, e't cufforta. E, tant ch'el tshotschai-va con mai, schi'm fortifichet eu, e dschet: Cha meis signur tshantseha, perche tü m' hast fortifichâ.

20. E quel dschet: Sast tü perche eu sun gnü pro tai? Ma al presaint vögl eu darcheu turnar per guerraggiar col princi da Persia, lura vögl eu trar oura; e mera, * il princi da Grecia vain a gnir.

* Dan. 8, 21.

21. Impero at vögl eu declerar quai ch'ais stampà nella scrittüra della vardà; ma *qua* non *ais* ingün chi's deporta valerusamaing con mai in quaiſtas chosas, oter co Micael, vos princi.

CHAP. XI.

L' angel declera a Daniel ils rais chi dovaivan regnar in Persia, fin al temp d'Alexandro Magno; e fin ad Antioco, del qual el descriva ils fats, impietà, tirannia, e persecuziun della baselgia, terminada nella fin del Segner.

MA eu, nel prüm an da Dario, Medier, sun stat presaint per il cuffortar, e per il fortifichar.

2. Ed uossa, eu at vögl declerar chosas vairas; mera, qua saran amo trais rais in Persia; lur' il quart s'acquisterà grandas ricchezas sur tuot *ils oters*, e, cur el s'averà fortifichâ in sias ricchezas, schi vain el a far mover tuots contr' il reginam da Grecia.

3. Lura vain ad alvar sü ün rai possant e valerus, il qual vain a possidair ün grand imperi, e farà * quai ch'el vain a volair.

* Dan. 8, 4.

4. Ma, scombod ch'el sarà gnü sü, schi vain seis reginam a gnir ruot, e sarà parti per ils quatter vents del tshel, e na tanter seis sem, e quel non sarà ingual al imperi, cha quel averà possedü, perche seis reginam vain a gnir ragischâ oura, e sarà d'oters, ourdvar tuot.

5. E'l rai da mezdi vain as fortifichar, ed ün oter dels chapitanis da

quel, *quaiſt* vain as fortifichar sur *quel*, e vain a regnar, e seis imperi sarà grand.

6. E, in cheu d' alchüns ans, vegnan els as congionscher insembel, e la figlia del rai da mezdi vain a gnir pro'l rai del settentrion, per far *lur* accords; ma ella non poderà retgnair la forza del bratsch, e ne quel, ne seis bratsch non poderà dürar; e quella, insembel con quels chi l'averan condüta, e'l figl da quella, e chi vain a tgnair sia part, saran dats a *mort* in quels temps.

7. Ma d'üna manzina dellas ragischs da quella vain ad alvar sü ün, nel stadi da quel, il qual vain a gnir con exercit, e vain a gnir contra las forzas del rai del settentrion, e farà grands fats contra quellas, e vain as impatrunir;

8. Ed eir vain el a manar in preschun in Egipto lur deis con lur princis, e con lur preziosa üsaglia d'or e d'argient; ed el dürerà per *divers* ans, sainza *tema* del rai del settentrion.

9. E'l rai da mezdi vain a gnir in seis reginam, e vain darcheu a turnar in seis pajais.

10. Lura vegnan ils figls da quel ad intrar in guerra, e vegnan a raspar insembel üna quantitâ da grands exercits; e l'ün da *quels* vain subit a gnir, e vain ad inondar, e passar plünavant; lura vain el eir darcheu a turnar, e darà battaglia, e vain a *river* fin alla fortezza del rai da mezdi.

11. E'l rai da mezdi, siand exacerbâ, vain a trar oura, e combatterà con el, cioè col rai del settentrion, il qual vain ad alvantar üna granda quantitâ; ma quella quantitâ sarà datta in man del *rai da mezdi*.

12. E, dopo ch'el averà disfât quella quantitâ, schi vain seis cour as adozar; dinuonder, schabain ch'el haja battü a terra milliêra, non sarà el però fortifichâ.

13. E'l rai del settentrion alvanterà danöv üna quantitâ plü granda della prüma; ed in cheu da qualcha temp ed ans, vain el a gnir con gross exercit, e con granda perderschüda.

14. Ed in quels temps blers vegnan

a star sù contr' il rai da mezdi, e glied sashina intanter tei pövel vegnan as alvantar, per complir la visiun, e vegnan a erodar.

15. E 'l rai del settentrion vain a gnir, e farà transêras, e piglerà aint las cittats dellas fortezzas; e la bratscha del mezdi, e la lètta da seis pövel non poderan dîrar, e *qua* non sarà forza alchüna da resister.

16. E quel chi sarà gnü contra quel vain a far quai ch' al plascherà; e *qua* non sarà alchün chi 'l possa star conter; lura vain el as fermer nel pajais della bellezza, il qual sarà consumâ tras seis man.

17. Lura vain el as intrametter da gnir con las forzas da tuot seis reginam, offerind condiziuns d' accord, dinuonder el vain a gnir a riva; e darà a quel oter üna figlia per muglier, la corrupand; ma ella non sarà costante, e non vain a la tgnair per el.

18. Lura vain el a volver la fatscha vers las inslas, e vain a tour aint bleras; ma ün chapitani vain a far refudar il vituperi fat ad el da quel; ed, ultra quai, vain el a render ad el istess seis vituperi.

19. Lura vain el a volver la fatscha vers las fortezzas da seis pajais, e vain a trabüchar, e erodar, e sarà ruot, e non sarà plü chattâ.

20. Lura vain ad alvar sü nel stadi da quel, *con* majestâ regala, ün chi vain a trametter intuorn etschadurs; ma, davo paes dis, sarà el ruot, ma na in ira, ne in guerra.

21. Davo quai, vain ad alvar sü in seis pè ün spretschâ, al qual non sarà miss sù la gloria regala; ma el vain a gnir quietamaing, e vain a tour aint il reginam tras lusingias.

22. E la bratscha del pajais inondâ vain a gnir inondada dad el, e sarà ruotta; sco eir il capo della lia.

23. E, dopo l' accord fat con quel oter, vain el a proceder con frod, e vain a trar sü, e 's fortifichar con pac pövel.

24. El vain ad intrar nel repos, e nels lous grass della provinza, e farà chosas, cha seis baps, ne baps da seis baps non averan mâ fat; el vain a rasar our' a seis pövel rapina, butins,

e ricchezas; e vain a far impraisas contra las fortezzas; e *quai*, fin ad ün temp.

25. Lura vain el a moventar sias forzas, e seis cour contr' il rai da mezdi, con grand exercit; e 'l rai da mezdi vain a gnir a battaglia, con grand e potentissem exercit; ma non poderà dîrar, siand cha vegnan as far machinaziuns contr' el.

26. E quels chi mangeran seis pan vegnan al rumper; e l' exercit da quel vain ad inondar il *pajais*, e blers eroderan mazzats.

27. E 'l cour da quels duos rais *sarà vout* as offender *l' ün l' oter*, e sur üna medema maisa vegnan els a favlar insembel con menzöгна; ma *quai* non reuschirà bain, perche *qua* sarà amo üna fin, al temp determinâ.

28. E quel vain a turnar darcheu in seis pajais con grandas ricchezas; e seis cour *vain ad esser* contra la lia saneta; ed el farà *grandas chosas*; e lura vain el a turnar darcheu in seis pajais.

29. Al temp determinâ vain el a gnir danöv contr' il pajais da mezdi; ma *la chosa* non reuschirà quaiست' ultima vouta sco la prüma.

30. E vegnan a gnir contr' el navs da Chittim, ed el sarà conturbâ, e vain darcheu a turnar, e vain as gritantar contra la lia saneta; e farà *grandas chosas*; lura vain el a turnar inavo, e vain a sporscher las uraglias a quels ch' averan bandunâ la lia saneta.

31. E la bratscha vain a tgnair sia part, e vegnan a profanar il santuari della fortezza, e pigleran via il *sacrifzi* contin, e * *qua* vegnan els a metter l' abominaziun desolanta.

* Dan. 12. 11.

32. E tras lusingias vain el ad ardiir as contaminar quels ch' averan misfat contra la lia; ma 'l pövel da quels, chi cognoschan lur Deis, vain as fortifichar, e 's deporterà valerusamaing.

33. E 'ls inegiantaivels intanter il pövel vegnan ad ammassar blers, e vegnan a erodar tras la spada e tras la flamma, e *vegnan ad ir* in preschun, e *saran* per butin, *per blers* dis,

34. Ma, tant ch' els vegnan a erodar *usche*, saran els succurrüts d' ün

pitschen succuors, e blers vegnan as congionscher con els con bellas parüttsas inspiadas.

35. Da quels inclegiantaivels dimena vegnan a erodar *alchins*, acio cha tanter els *sajan qua da quels* chi sajan miss al bräschêr, e purgiats, ed inblanchits, fin al temp della fin; perche *qua sarà* amo *üna fin* al temp determinâ.

36. Quaist rai dimena farà quai ch' al plascherà,* e vain as adozer, ed as magnificar sur ogni dieu; e vain a proferir chosas stranas contr' il Deis dels deis; e vain a prosperar, fin cha l' indignaziun saja gnüd' almain; perche üna determinaziun ais agià fatta.

* Dan. 7, 8.

37. Ed el non vain as inchürar dels deis da seis baps, ne d' amur per donans, ne da dieu alchün; perche el vain as magnificar sur ogni chosa.

38. Ed el vain ad onorar ün dieu dellas fortezzas sün seis sez; el vain al onorar con or, e con argient, e con peidras preziasas, e con chosas desiderablas, ün dieu, il qual seis baps non averan cognoschü.

39. Ed el vain a gnir in cheu dels lous fortifichats dellas fortezzas, con quel deis ester; el vain ad adampchar in onur quels ch' el vain a recognoscher, e 'ls farà signorar sur blers, e partirà oura la terra per pretsch.

40. Ma, sül temp della fin, vain il rai da mezdi a combatter con el; e 'l rai del settentrion vain al gnir adöss, a guisa da trabagl, con charra, e con chavalgiaints, e con blers navs; e vain ad intrar nels pajais da quel, e l' inonderà, e passerà per traviers;

41. Ed intrerà nel pajais della bellezza, e blers *pajais* vegnan a gnir ruinats; e quaists scamperan our da seis man, Edom, Moab, e la principala part dels infants d' Ammon.

42. Üsche vain el a metter il man sur *blers* pajais, e 'l pajais d' Egipto non vain a scampar via.

43. El as farà patrun da tesors d' or, e d' argient, e da tuot las chosas preziasas d' Egipto, e 'ls Libiers, e 'ls Etiopiers *saran* a seis seguit.

44. Ma romurs del oriaint, e del settentrion vegnan al conturblar; ed

el vain a trar oura con grand' ira, per sdrür, e per disperder blers.

45. E vain a planar las tendas da sia chamanna regala tanter ils mäs, sper il munt sanet da bellezza; lura, cur el sarà rivâ a sia fin, schi non *sarà qua* alchün chi 'l güda.

CHAP. XII.

L' angel declera a Daniel las afflicziuns della baselgia nels temps davo; con üna profezia della resistenza generala, e cura sarà la fin della afflicziuns della baselgia.

MA in quel temp vain a star sü Micael, quel grand princi, chi sta per ils infants da teis pövel, e qua sarà ün temp da tribulaziun, qual non füt mâ brich, dall' ur' innan cha *quaist pövel* ais stat naziun fin a quai' temp; ed in quel temp vain intanter teis pövel a gnir salvâ scodiün chi 's chatterà scrit nel eudesch.

2. * E la quantità da quels chi dorman nella puolvra della terra † vegnan as sdasdar sü; üna part alla vita eterna, e 'ls oters a vituperi ed ad infamia eterna. * Giob 5, 28. 29. † Act. 24, 15.

3. E quels ch' intraguidan vegnan a splendorir seo la splendor della * distaisa, e quels ch' averan güstificâ blers *vegnan a splendorir* seo las stailas in sempiterno. * Matt. 13, 43. Gen. 1, 6.

4. Ma tü, Daniel, serra via * quaists plets, e sagella quai' eudesch infin al temp della fin; *lura* blers vegnan ad ir intuorn, e la cognoschenscha sarà creschüda.

* Dan. 8, 26.

5. Lura eu, Daniel, guardet, e mera, oters duos, chi staivan sü dret in pè; l' ün da qua, sün l' üna dellas rivas del flüm, e l' oter da là, sün l' otra.

6. E l' *ün da quels* dschet al hom vesti da pans da linzöl, il qual *eira* sur las auas del flüm via: Infin a cura *sarà* il complimaint da quai' stas müravaglias?

7. Ed eu udit l' hom vesti da pans da linzöl, ch' *eira* sur las auas del flüm via, il qual, aviand ozâ il man dret e 'l snester, sü vers il tschel, güret tras quel chi viva in eterno, cha tuot quai' stas chosas gnissan a gnir complidas infra ün temp, e temps, e la mità d' *ün temp*; e lura *cha quel* gniss ad avair finì da dissipar las forzas del pövel sanet.

8. Ed eu udit bain quai, ma non

l' inelejet, e dschet: Meis signur, quala *sarà* la fin da quaistas chosas?

9. Ed el *am* dschet: Và, Daniel; perche quaists plets * *sun* zoppats, e sagellats, infin al temp della fin. * Dan. 12, 4.

10. * Blers saran purifichats, ed imblanchits, e tshantats al brashêr; ma 'ls empis vegnan ad operar empiaing; ed ingiun dels empis non vain ad inler *quaistas chosas*; ma 'ls inelejantaivels *las* inelejeran. * Dan. 11, 35.

11. Ma dal temp innan, cha sarà stat tut via * il *sacrifizi* contin, e sarà stat tshantâ aint † l' abominaziun desolanta, *saran qua* milli e duatschientnovanta dis. * Dan. 8, 11. † Dan. 11, 31.

12. Beà chi spetterà paziaintamaing, e riverà a millitrajatschient e trent' e tshinch dis!

13. Ma, quant a tai, vâ via alla fin, e tû averast repos, e vainst a star sù pro tia sort alla fin dels dis.

IL CUDESCH DEL PROFET OSÈA.

CHAP. I.

Il profet rashuna, co il Segner al mosset in visun, e l' comandet da declarar al pövel, suot la figura d' üna duonna adultera, e da seis figls bastards, qual' eira la corruzziun generala, e particolarea dellas desch schlattas; con üna profezia dell' ultima conversiun d' Israel.

IL PLED DEL SEGNER, chi füt *indrizzâ* ad Osèa, al figl da Beerì, als dis d' Uzià, da Jotam, d' Ahaz, d' Hischia, dels rais da Giuda, als dis da Jerobeam, del figl da Joas, del rai d' Israel.

2. Il principi da que cha 'l Segner favlet ad Osèa; il Segner dschet ad Osèa: Vâ, piglia 't per muglier üna pitana, ed infants da fornicaziun, perche il pajais commetta pitanögn sainza fin, *as sviand* dal Segner.

3. Ed el get, e piglet Gomer, la figlia da Diblaim; ed ella concepit, ed al parturit ün figl.

4. E 'l Segner dschet ad el: Metta 'l nom Jezreel; perche da qua a pac temp vögl eu vindichar il sang da Jezreel vî alla chasa da Jehu, e far fin con il reginam della chasa d' Israel.

5. Ed in quel di dvanterà, ch' eu rump il balaister d' Israel, nella val da Jezreel.

6. Lura concepit ella darcheu, e parturit üna figlia. E 'l Segner dschet ad Osèa: Mett'-la nom: Nongraziada; perche eu non vögl continuar a far misericordia alla chasa d' Israel, eu ils vögl tour via daffat;

7. Ma alla chasa da Giuda vögl eu far misericordia, e 'ls salvar tras il Segner lur Deis, * e na ils salvar tras balaister, e tras spada, e tras battaglia, e tras chavals, e tras chavalgiants. * Zac. 4, 6.

8. Lura zavret ella la Nongraziada, e concepit, e parturit ün figl.

9. E 'l Segner dschet ad Osèa: Metta 'l nom: Na-meis-pövel, perche vus non *eschat* meis pövel, ed eu non vögl esser vos *Dieu*.

10. Pür inguotta main sarà il nomber dels infants d' Israel seo 'l sablun del mâr, cha non s' il po ne masürar, ne nombrar; * e dvanterà, in lö cha ad els sarà dit: Vus non *eschat* meis pövel, as dscharà ad els: Infants del vivaint Deis! * Rom. 9, 25, 26.

11. E 'ls infants da Giuda, e 'ls infants d' Israel, as raspan insembel, e's constituishan ün capo, e tiran sù dalla terra *estra*; perche il di da Jezreel *sarà* grand.

CHAP. II.

Il Segner comanda al profet, ed a tuots vairfidels intanter las desch schlattas, da clamar il pövel a penitenza, als innatschand per lur idolatrias; mettand pro però impromissiuns della finala conversiun da quel tras la virtù da sia grazia suot l' evangeli.

DIT a voss frars: Meis-pövel; ed a vossas sours: Graziada!

2. As mettai in lita con vossa mamma, litiai: Ella non ais mia muglier, ed eu non *sun* seis marit; ch' ella

metta d'avent sias fornicaziuns our da sia fatscha, e seis adulteris our da tanter sias tettas;

3. Ch'eu forsa non la tir'oura tuot nûda, e non la metta nel stadi seo nel di ch'ella naschet, e non la fetscha simila al desert, e non la redtia ad esser seo la terra secha, e non la lascha morir dalla sait.

4. Eir da seis infants non ha eu compassiun, siand sun infants da fornicaziun.

5. Perche lur mamma fa pitano; quella chi'ls ha parturits ais in verguogna, perche ella disch: Eu vögl ir davo meis amatur, chi'm dan meis pan, e mi' aua, mia lana, e meis glin, meis öli, e mia bavranda.

6. Perquai, mera, vögl eu serrar aint sia via con spinas, e la far üna saif *intuorn*, ch'ella non chatta darcheu lur sendas.

7. Ed ella va davo seis amatur, ma non ils assieua; e va als tscherchar, ma non ils chatta; dinuonder ella disch: Eu vögl ir, e darcheu turnar pro meis prüm marit; perche lura stait'eu megl co al presaint.

8. Ma ella non recognoscha, ch'eu l'ha datta il formaint, e l' muost, e l' öli, e ch'eu l'ha creschantâ l' argient e l' or, *il qual* quels han impondü intuorn Baal.

9. Perquai vögl eu tour inavo meis formaint a seis temp, e meis muost in sia stagiun, e retrar mia lana, e meis glin, *chi eiran* per governar sia verguogna.

10. * Ed uossa vögl eu scovernar sia verguogna alla vista da seis amatur, ed ingün non la spenderà da meis man.

* Ez. 16, 37.

11. E vögl far gnir alla fin tuot sias allegrezzas, sias festas, sias chalen-das, e seis sabbats, e tuot sias solen-nitats.

12. E vögl desertar sia vit, e seis figêr, dals quals ella disch: Quaists *sün* meis premi, cha meis amatur m'han dunâ; ed eu ils vögl redür in ün god, cha las bestias solvadias della champagna ils maglian giù.

13. Ed eu vögl vindichar sur ella ils dis dels Baals, nels quals ella als fet profüms, e 's fittet con seis penderlöz,

e seis monils, e get davo seis amatur, e 'm smanchet, disch il Segner.

14. Perquai, mera, la tir eu nan, e la main eu nel desert, e la cuffort darcheu.

15. Ed eu la dun, da quel lö inavant, sias vignas e la val Acor, per intrada da spranza; ed ella chanta qua seo als dis da sia giuventüna, e seo cur ella tret sü dal pajais d'Egipto.

16. Ed in quel di dvainta, disch il Segner, cha tü am clamast: Meis marit, e non am clamast plü: Meis Baal.

17. * Ed eu pigl via da sia bocca ils Baals, e da quels non sarà plü regordâ con lur noms.

* Ex. 23, 13.

18. Ed in quel temp * fetsch eu, cha hajan üna lia con las bestias solvadias della champagna, e con ils utschels del tschel, e con ils reptils della terra, ed eu rump balaisters, e spadas, ed *instrumaints* da guerra, e quaist fetsch eu gnir almain nel pajais, e 'ls lasch abitar in sgürezza.

* Giob 5, 23.

19. Ed eu at vögl spusar in eterno, e't vögl spusar in güstia, ed in güdizi, ed in benignità, ed in compassiuns.

20. Schi, eu at vögl spusar in vardâ, e * tü cognoscherast il Segner.

* Ger. 31, 34.

21. E dvainta in quel di, ch'eu vögl responder, disch il Segner, * vögl responder al tschel, e responderà alla terra.

* Zac. 8, 12.

22. E la terra responderà al formaint, ed al muost, ed al öli, e quai-stas responderan a * Jezreel.

* Os. 1, 4.

23. Ed eu la'm vögl semnar nella terra, e vögl avoir compassiun della Nongraziada, e * vögl dir a Na-meis-pövel: Tü *est* meis pövel; ed el am disch: Meis Dieu.

* Rom. 9, 26.

CHAP. III.

Il Segner ordaina al profet in visiun ün' insaina e figüra, per representar al pövel si' amur, e lur ingratudine, e ch'el ils vögli separar da sai, e da sia grazia fin al temp da lur ultima conversiun pro Cristo.

LURA il Segner am dschet: Vâ darcheu, ed * ama üna duonna, la quala vain amada da seis marit, e dvainta adultera; seguond cha'l Segner ama ils infants d'Israel, e quels guardan sün oters deis, ed amon ils flascuns del vin.

* Os. 1, 2.

2. Eu dimena m' acquistet *quella duonna* per quindesch *sieccals* d' argient, ed ün omer ed ün letec d' üerdi.

3. Lura la dschet eu: Resta 'm tü *usche* per blers dis, non fornicar, e non at maridar con ingün, schi vögl eir eu *star usche*.

4. Perche ils infants d' Israel staran blers dis sainza rai, e sainza princip, sainza sacrifici, e sainza statua, e sainza efod, e sainza terafim.

5. Lura retschercheran ils infants d' Israel danöy il Segner lur Deis, e David, lur rai, e 's redüeran via pro'l Segner, e pro sia benedicziun, nel seguit del temp.

CHAP. IV.

Il profet repretend ils sgtischus puchats del pövel, annunziand ils güdizis da Dieu; lura exort' el Giuda, a non imitar ils puchats dellas desclattas.

TADLAI il pled del Segner, infants d' Israel! Perche il * Segner ha üna lita con ils abitants del pajais, siand cha non *ais* ne vardà, ne benignità, ne cognoschenscha da Dieu nel pajais.

* Es. 1, 18, 3, 13. Ger. 25, 31. Os. 12, 3. Mic. 6, 1, 2.

2. Non *ais oter* co spergürar, e mentir, e mazzar, ed involar, e commetter adulteri; els fan sceleratezzas, ün sang spans tocca l'oter.

3. Perquai fa il pajais cordöli, e chi abita in quel languischa, insembel con las bestias della champagna, e con ils utschels del tschel; ed eir ils peschs del mâr svanischan.

4. E tuottüna, ingün non litigescha, ed ingün non repretend, e teis pövel sumaglia a quels, chi dispittan con il sacerdot.

5. Perquai croudast tü da di, ed eir il profet croderà con tai da not, ed eu sdriy tia mamma.

6. Meis pövel perescha per manchaint da cognoschenscha; siand cha tü sbüttast la cognoschenscha, schi 't sbütterà eir eu, cha tü non am exerciteschast plü il sacerdotadi; e perquai cha tü smanchast la ledscha da teis Deis, schi smancherà eir eu teis infants.

7. Seguond cha creschan, pechan els conter mai; * eu vögl müdar lur gloria in vituperi.

* Filip. 3, 19.

8. Els as nutrischan dals puchats da meis pövel, ed han l'anim attent a si' iniquità.

9. Perquai, cha scontra al sacerdot sco al pövel; ed eu vindichesch vi' ad els lur vias, e rend ad els lur fats.

10. * Els mangeran, ma non as saduolan; els vegnan a fornicar, ma non as multiplichan, siand ch' els interlaschan il servezzen del Segner.

* Ag. 1, 6.

11. La fornicaziun, e 'l vin, e 'l muost, piglian via il sen.

12. Meis pövel domanda a seis lain, e seis bastun al dess dar avis; perche il spiert dellas fornicaziuns l'ha stravià, e quels fan pitanoyn, as retrand da lur Deis.

13. Els sacrifican sü la sommità dels munts, e fan profüms sü ils muots, suot ils ruvers, e 'ls trembels, e 'ls teus, siand amabla lur sumbriva; perquai forniceschan vossas figlias, e vossas brüts commettan adulteri.

14. Eu non poss chastiar vossas figlias, ch' ellas fan pitanoyn, ne vossas brüts, ch' ellas commettan adulteri, siand cha quels svesse as separan con las disonestas, e sacrifican con las pitanas, e 'l pövel, chi non ha intellet, va in ruina.

15. O Israel, scha tü fast pitanoyn, schi cha Giuda *almain* non as renda culpabel. Non gnarai a Gilgal, e non trarai sü a Betaven, e non gürarai: Sco il Segner viva!

16. Perche Israel ais dvantà * pervers a guisa d' üna trimma perversa; uossa il Segner ils paschanterà a guisa dels agnels in lö spazius.

* Deut. 32, 15. Ger. 3, 6.

17. Efraim s' ha accompagnà con ils idols, lascha 'l *ir*!

18. Bavüda lur bavranda, as volvan els a far pitanoyn. Ils redschadurs da quaista *naziun* aman il vituperi.

19. Il vent vain als sdrappar con sias alas, e sur lur sacrificis saran quels svergognats.

CHAP. V.

Il profet annunzia allas desclattas ils güdizis da Dieu, condannand eir, ed innatschand a quels da Giuda, cha hajan Dieu per inimi, fin cha vegnan as convertir.

TADLAI quai, o sacerdot, e sajast attenta, o chasa d' Israel, e

sperscha l'uraglia, o chasa del rai! Perche a vus innatseha il güdizi, siand vus eschat dvantats ün latsch in Mispa, ed üna rait stais' oura stün Tabor.

2. Quels han schannâ sacrificzis, chi stravian giò dalla via dretta; ma eu vögl esser il correctur da quels tuots.

3. Eu cognosch Efraim, ed Israel non am ais azzoppâ; perche uossa, o Efraim, fast tii pitanögn, ed Israel as contaminescha.

4. Quels non disponan lur ouvras as convertir vi' a lur Deis, perche il * spiert da fornicaziuns ais dadaint els, ed els non cognoschan il Segner.

* Os. 4, 12.

5. * E la superbia d' Israel vain redüta in sia fatscha, dinuonder Israel ed Efraim croudan tras lur iniquità; Giuda eir crouda con els.

* Os. 7, 10.

6. * Els giaran con lur bescha, e con lur boys a tscherchar il Segner, e non il chatteran; el as retira dad els.

* Prov. 1, 28.

7. Quels s' han infidelmaing deportats invers il Segner, siand ch' els intschendrettan infants na genuins; uossa vain il mais nouv als magliar con lur possessiuns.

8. Sunai con il corn a Gibeà, e con la trombetta a Rama; clamai allarm a Betaven: *Ilis inimis* davo tai, o Benjamin!

9. Efraim sarà miss in desolaziun al di del chastiamaint. Eu fetsch a savair tanter las schlattas d' Israel la chosa tsherta.

10. Ils principals da Giuda sun similis a quels chi movaintan ils terms our lö, sur els vögl eu spander oura mia indignaziun, a guisa d' aua.

11. Efraim vain squitschâ suot, smachâ tras il güdizi; perche prontamaing ais el it davo comandamaint *uman*.

12. Ed eu sun ad Efraim sco üna chiêra, e sco ün charöl alla chasa da Giuda.

13. Ma Efraim vezza sia infirmità, e Giuda sia plaja; ed Efraim va pro Assur, e Giuda trametta ad ün rai, *chi'l* defendess; ma quel non as po medgiar, e non schapanterà vossa plaja.

14. * Perche eu sun sco ün liun ad Efraim, e sco ün liunet alla chasa da Giuda; eu, eu sdrap, e vegn davent; eu port via, e *qua* non ais ingün chi spendra.

* Lam. 3, 10.

15. Eu vegn ad ir davent, e vögl darcheu turnar pro meis lö, * fin ch' els as recognoschan culpabels, e tscherchan mia fatscha. Cur els sun in anguoscha, gnaran els am tscherchar.

* Lev. 26, 39.

CHAP. VI.

Il profet introdüa ils fidels, ils exortand alla conversiun, con la sgürezza della grazia da Dieu; lura tuorn' el a prender la dürezza dels Israelits.

GNI, e' ns convertin pro 'l Segner! Perche * el scharpet, e vain eir ans guarir; el battet, e vain eir ans liar sü.

* Deut. 32, 39.

2. Davo duos dis ans turnanterà 'l in vita; nel terz di ans drizzerà 'l sü, cha nus * vivan in seis conspet.

* Rom. 1, 17.

3. Useche cognoschain il Segner, e proseguin al cognoscher amo! Sia uschida ais stabla sco quella dell' alba; ed el gnarà pro nus sco * la plövgia, sco la plövgia della stagiun della raccolta, *chi* bagna la terra.

* Ps. 72, 6.

4. Che at dess eu far, Efraim; che at dess eu far, Giuda? Perche vossa pietà ais simil' alla nüvla della daman, ed al ruscè chi vain la mattina, e lura bod svanescha.

5. Perquai tagl eu tras ils profets, ils maz eu tras ils plets da mia bocca; e teis güdizis, o *Israel*, at giaran sü sco l' alvar del solai.

6. * Perche eu ha bainplachair vi' a benignità, e na vi' a sacrificzi; e vi' al cognoscher Deis, ant eo vi' ad olocausts.

* 1 Sam. 15, 22.

7. Ma quels, sco umans, han transgredi la lia. Mera là s' han els deportats infidelmaing vers mai.

8. Gilead ais üna città d' operaturs d' iniquità, tuot segnada con sang.

9. Sco cha saschins spettan stü alla gliend, usche la compagnia dels sacerdots; els mazzan *las personas* stün la strada vers Sichem; schi, els commettan sceleratezzas.

10. Eu vez nella chasa d' Israel chos' orribila: Là la fornicaziun d' Efraim, Israel contaminâ.

11. Eir tü, Giuda, vainst a chattar

raccolta, cur eu vegn a trar meis pövel our preschun.

CHAP. VII.

Il Segner reprenda l'induriziun incorrigibla del pövel, annunziand extrema calamità per sia in-gratitudine, infideltà, ed impenitenza.

INTANT ch' eu volaiva medgiar Israel, s' han scovertas las iniquitats d' Efraim, e las malizias da Samaria. Perche els fan il manstèr da falsità, e laders intran, e saschins spoglian our dadoura.

2. Els non dischan a lur cour, ch' eu salva la memoria da tuot lur malizia; uossa ils circondan lur fats, quels sun averts in meis conspet.

3. Els allegran il rai con lur malizia, e 'ls principals con lur falsitats.

4. Quels tuots sun adulterers sco ün fuorn, schüdâ dal furnêr; el interlascha da schüdar, da *cur* la pasta ais statt' indürida, fin ch' ella saja alvada.

5. Nel di da nos rai ils principals s' han surfats tras la chalur del vin; el stend' oura seis man cols sgiamgiadurs.

6. Els portan lur cour, chi ais simil ad ün fuorn, via pro lur insidias; lur furnêr durmit tuot la not, e la matina ais *il fuorn* invüdâ sco fö in flamma.

7. Tuots, quants cha sun, sun els rescüdats sco 'l fuorn, e devoreschan lur redschadurs. Tuot lur rais erodan; ingün tanter els non braja sü pro mai.

8. Efraim * as maisda con ils pövels; Efraim ais üna fuatscha chi non füt vouta.

* Ps. 106, 35.

9. Esters consüman sia forza, ed el non asfa surasen; el ais eir covert con chavels grischs, e non recognoscha quai.

10. * Usche ais la superbia d' Israel redüta in sia fatscha; nonostante non as converteschan els pro 'l Segner lur Deis, e non il tscherchan els pro tuot quai.

* Os. 5, 5.

11. Ed Efraim ais sco üna colomba saimpla, sainza sen; nan claman els l' Egipto, van in Assiria.

12. Cur ch' els van via, stend eu oura sur els mia rait; eu ils tir giò sco utschels del tschel, ils chasti seguond ch' ais predgiâ in lur raspada.

13. Vae ad els, perche els s' han stra-

viats da mai; dazipamaint sur els, perche els s' han allontanats da mai. Eu ils voless sprendrar, ma quels am favlan menzögnas.

14. Els non claman sü pro mai da cour, cur cha ürlan süm lur lets; els as raspan per formaint, e per muost; sun vouts d'avent da mai.

15. Eu ha instrui, schi, fortificâ lur bratscha; ma quels machineschan mal conter mai!

16. Quels non as volvan vi' al Otissem, * els sun sco ün fos balaister; lur principals eroderan tras la spada, per la furia da lur lengua; quai' *ais* lur giamgia nel pajais d' Egipto.

* Ps. 78, 57.

CHAP. VIII.

Deis comanda al profet, d'annunziar al pövel seis prossems güdizis per sia idolatria; el innascha eir al reginam da Giuda.

AT metta la trombetta alla bocca! *Quel vain* conter la chasa del Segner * sco ün' aglia, siand ch' els han transgredi mia lia, ed han misfat conter mia ledscha.

* Deut. 28, 49. Ger. 4, 13. Ab. 1, 8.

2. Israel vain a bragir pro mai: Tü est meis Deis; nus at recognoschain!

3. Israel ha büttâ lönsch *da sai* il böm; l' inimi il perseguiterà.

4. Els as constituittan rais, bricha da parte mia; e 's fettan principals, sainza mia sapehüda! Our da lur argient e da lur or * as fettan els idols, acio cha sajan sterminats. * Os. 2, 8. 13, 2.

5. Samaria, teis vadè ais schatschâ. M' ira ais invüdada conter els, fin a cura non poderan els esser nettiats?

6. Tschert quel *vadè ais* eir our d' Israel, ün farêr l' ha fat, el non ais ün dieu; il vadè da Samaria sarà redüt in pezzas.

7. Siand ch' els semnan vent, schi tschuncan els trabagl; non han früas, ils dsermügls non fan farina; e, scha fessan, schi la travuondan ils esters.

8. Israel ais travus; uossa sun els tanter las naziums sco ün vaschè, dal qual as fa paca stima.

9. Perche quels tiran sü pro Assur; ün asen solvadi sta d' üna vart dapersai, ma Efraim da preschaints, *tscherchand* amatur.

10. Eir vögl eu, siand ch' els dan

preschaints *ad amateurs* tanter ils pövels, raspar nan quels, e per ün pa als sarà levada la grevezza del * rai dels princips.

* Es. 10, 8. Ez. 26, 7.

11. Perche Efraim multiplichet ils utêrs per pechar, e 'ls utêrs al füttan a pucha.

12. Eu als scrivet millis da mias ledschas, ma füttan quintadas sco chosa estra.

13. Per sacrificizis a mai offerts sacrifician els charn, e la mangian. Il Segner non ha plaschiar a quai. Uossa's regord'el da lur iniquità, e chasti'el lur puchats; quels turneran in Egipto.

14. Ed Israel smanchet seis creader, ed edifichet palazzis, e Giuda multiplichet cittats fermas; ma eu tramet fö in lur cittats, e quel consüma lur palazzis.

CHAP. IX.

Il profet predisch, cha Deis chastia Israel tras fam; ed innatscha, da 'ls sdrür per causa da lur infideltà, e rebellun.

NON t'allegrar, Israel, a saglir d'allegrezzas sco 'ls *oters* pövels; perche tü fast pitanögn, bandunast teis Deis; tü amast il pretsch da fornicaziuns sün tuot ils irals da gran.

2. L'iral e 'l torchel non ils paschanteran, e'l muost als fallerà.

3. Els non abiteran nel pajais del Segner, anzi Efraim turnerà in Egipto, e * mangerà spaisas malnettas in Assiria.

* Ez. 4, 13.

4. Offertas da spander da vin non faran els al Segner, e lur sacrificizis non al sun adachar; sco spaisa da cordölials *sün els*; chi mangia da quels, s'impala; perche lur spaisa *ais* per lur persunas, quella non intra nella chasa del Segner.

5. Che volais vus far als dis dellas solennitats, ed als dis dellas festas del Segner?

6. Perche, mera, els tiran davent per il dazipamaint; Egipto vain als raspar aint, Memfis als sepulir. * Las urtias vegnan ad ertar ils lous da dalet, comprats con lur danêr; spinas creschan sü in lur tabernaculs.

* Es. 32, 13. 34, 13.

7. Ils dis della visita vegnan, ils dis della retribuiziun vegnan. Israel co-

gnoscherà, * cha 'ls profets *sün* nars, ils homens d'inspiraziun our sen, per la grandezza da ti' iniquità, e 'l grand ödi.

* Mic. 2, 11.

8. Efraim guarda *sün* meis Deis; ils profets *sün* sco ün latsch d'utschelêr sün tuot lur vias; ödi ais nella chasa da lur Deis.

9. Quels sun chafuolmaing corruots, sco * als dis da Gibeà. *Deis* as regorderà da lur iniquità, chastierà lur puchats.

* Giid. 19, 22.

10. Sco üjas nel desert chattet eu Israel; sco 'ls prüms früts vi' al figêr in seis principi guardet eu voss baps; ma quels intrettan pro Baalpeor, e 's rendettan a quella chosa vergognusa, e dvantettan abominabels, sco quai ch'els amaivan.

11. La gloria d'Efraim svoula via sco ün utschê; ingüna naschenscha, ingüna gravidanza, ingüna concepziun plü.

12. Schabain ch'els tiran sü lur infants, schi 'ls priv eu da *quels, ils fand* povers da glieud. Schi, vae pür ad els, eur eu am retir dad els.

13. Efraim, quant ch'eu guard fin a Tiro, *ais* plantà in ün lö plaschavel; ma Efraim vain a manar oura seis infants pro quel chi 'ls mazza.

14. O Segner dà ad els; che dessast als dar? Dà 'ls üna matrice chi sperda, e tettas süttas!

15. Tuot lur malizia ais * in Gilgal: Qua tshert ils tegn eu in ödi per la malizia da lur fats; eu ils vögl schatschar our da mia chasa; non ils vögl plü amar; tuot lur princips sun rebels.

* Os. 4, 15.

16. Efraim vain battü, lur ragisch secha, els non faran früt; schabain ch'els intschendressan infants, schi fetsch eu morir il char früt da lur vainter.

17. Meis Deis ils sdegnarà, perche els non al obedeschan; ed els saran vagabunds tanter ils pövels.

CHAP. X.

Deis repretenda l'ingratitude, e l'idolatria d'Israel, e 'ls annunzia seis güdizis. El exorta a conversiun a temp, e, non seguind que, ardurbl'el las innatschas.

ISRAEL *ais* üna vit valenta, chi porta früts; ma, quant cha seis früt

ais abundant, tant fa el blers utêrs; quant cha sia terra ais bella, tant fitta el sù las statuas.

2. Lur cour s'ha parti; uossa saran els desolats; el bütterà giò lur utêrs, daziperà lur statuas.

3. Perche * uossa dscharan els: Nus non avain ingün rai, perche nus non avain tmü il Segner; che'ns podess güdar ün rai? * Mich. 4, 9.

4. Els profereschän plets vöds, gü-ran fosamaing, fan lia; perquai dsermüglia il güdizi sco tössi süls suolchs dels champs.

5. Ils abitants da Samaria sun spaventats per la vadella da Betaven; schi, il pövel fa cordöli per quella, e seis * camars tremblan per sia gloria, perche la sarà partida dad ella. * 2 Reg. 23, 5.

6. Eir ella sarà portada in Assiria scopreschaintalrai protectur; Efraim vain ad ardschaiver verguogna, ed Israel sarà confus da seis cossagls.

7. Samaria ais via; seis rai sco la schimma sur l'aua.

8. E'ls lous ots da Betaven, il pucha d'Israel, saran sdrüts; spinas e charduns creschan sün lur utêrs, * ed els claman als munts: Covernä'ns! Ed als muots: Crodä'ns adöss!

* Luc. 23, 30.

9. * Israel, tü hast pechâ dals dis da Gibeä innan; là restettan els amo inavo; *la battaglia* in Gibeä, conter ils infants d'iniquità, non ils clappet. * Güd. 19, 20.

10. Eu ils vögl chastiar seguond meis desideri, e'ls pövels saran * rapsats conter els, els saran chastiat in lur duos terms. * Os. 8, 10.

11. Ma Efraim ais üna trimma ammossada, chi ama da scuder; ma eu vögl gnir sur la bellezza da seis colöz; eu fetsch trar la charetta ad Efraim, Giuda arerà, Giacob ercherà.

12. Fat a vus *sem* da güstia, e tschuncaì raccolta da benignità, * as arai champ nouv! *L'ais* pür temp da tscherchar il Segner, fin ch'el vain, e's fa plover güstia. * Ger. 4, 3.

13. Nus * avais arâ empietà, ed avais tschune iniquità, e mangiâ il früt da menzögna; siand tü't confidast sün

tias vias, sün la quantità da teis *homo-*
mens potents. * Giob 4, 8.

14. Perquai alverà sün ün tumult conter teis pövel, e tuot tias fortèzzas saran sdrüttas; ingual sco Salman sdrüet Betarbel, nel di della battaglia; la mamma con ils infants füt sfrislada. * Os. 13, 16.

15. Usche as farà a Betèl per causa della malignità da vossa malizia. Il rai d'Israel vain a perir con l'alba del di.

CHAP. XI.

Il profet quinta nan ils benefizis, cha 'ls infants d'Israel han ardschvü dal Segner, e mossa lur ingratitudine; e predisch lur preschun in Assiria.

CUR Israel *eira* giuvnet, l'amet eu, e clamet * meis figl our d'Egipto. * Ex. 4, 22, 23.

2. Quant cha fütan clamats, schi's volvaivan els davent da quels. Els sacrificettan als Baals, e fettan profüms allas figuras intagliadas.

3. Ed eu mosset Efraim a chaminar, il pigliand per la bratscha; ma quels non cognoschettan, ch'eu ils * guarit. * Ex. 15, 26.

4. Eu ils tret con cordas umanas, con suas d'amuraivlezza, e sun stat ad els sco ün chi als leva il giuf vi'a lur masellas, ed als sporschet da mangiar.

5. Non vegnan els a turnar nel pajais d'Egipto? Anzi l'Assirier sarà lur rai, perche els rechüsan da 's convertir.

6. E la spada as ferma sur sias cittats, e consüma sias stangas, e vain a las magliar, per causa da lur cossagls.

7. Ma meis pövel resta suspais davo meis retuorn; ed els claman pro l'O-tissem; ma qua non ais ingün, quants cha sun, chi s'erscha sù.

8. Efraim, co at dess eu far? Israel, co dess eu proceder con tai? Co, at dess eu far simil ad Adama, e't redür nel stadi da Seboim? Meis cour as volva intuorn in mai, tuot mias compassiuns as commovaintan!

9. Eu non vögl eseguir l'arder da mi'ira, non vögl darcheu sdrür Efraim; perche eu *sun* Dieu, e bricha crastian; *sun* il sanet in mez tai, eu non vegn *plü* conter la città.

10. Els vegnan ad ir davo il Segner, * cur el sbrüja seo ün liun; perche el vain a sbrüir, e 'ls infants vegnan a cuorror pro nan dal occidaint.

* Gioel 2, 16.

11. Els cuorran pro seo utschels our d'Egipto, e dal pajais d'Assiria * seo colombas; ed eu ils lasch abitar in lur chasas, disch il Segner. * Es. 60, 8.

CHAP. XII.

Deis reprenda ils Israelits da lur disfidanza envers el, e lur vana spranza, e pats illiciti, lur ingratitude, avarezza, ed idolatria, e 'ls clama a penitenza, con l'impromissium da sia grazia in Cristo.

EFFRAIM am circonda con menzögnas, e la chasa d'Israel con frod, ma Giuda gira amo intuorn, sper Dieu, e sper il fidel sanet.

2. Efraim fa chatscha dell' ora, e va davo 'l vent oriental; tuottadi multiplich' el menzögna e sgarbaria, * el fa pat con l'Assirier, ed ölis † vegnan portats in Egipto. * Os. 5, 13. † Es. 30, 6.

3. Perquai ha il Segner lita con Giuda, el vain a chastiar Giacob seguond sias vias; el vain al render seguond sias ouvras.

4. Nel vainter * piglet el seis frar per il chalehagn, e con † sia forza füt el venschadur, *lottand* con Deis.

* Gen. 25, 26. † Gen. 32, 24.

5. El füt venschadur, *lottand* con l'angel, e 'l prevalet; el cridet, e 'l supplichet; * el il chattet in Betël, e qua tshantschet el con nus.

* Gen. 35, 9, 10.

6. Ma il Segner *ais* il Deis dels exercits; * sia regordanza *ais* IL SEGNER.

* Ex. 3, 15.

7. Tü dimena at convertescha pro teis Deis, observa benignità e dret, ed hajast saimper spranza in teis Deis!

8. *Efraim ais* ün Cananeer, el ha in man balanscha fosa, el ama far tort.

9. Ed Efraim disch: * Eu sun pür richantà; m'ha acquistà facultà; tanter tuot meis acquisti non as chatterà iniquità, chi saja pucha. * Zac. 11, 5.

10. Pür, inguotta main *sun* eu il Segner teis Deis, agià dal pajais d'Egipto nan; eu at lasch amo abitar in tabernaculs, seo als dis della festa solenna;

11. Eu vögl favlar als profets, e multiplichar las visiuns, e propon sumaglias tras ils profets.

12. * Tschert, Gilead *ais* tuot iniquità; non ais oter co vanità; els sacrifican bovs in Gilgal; eir lur utêrs sun tants seo muschnas da crappa sti per ils suolehs dels champs. * Os. 6, 8.

13. * Ma Giacob fugit via nella contrada da Mesopotamia, ed Israel servit per üna muglier, e per üna muglier füt el guardiant *da scossas*.

* Gen. 28, 5.

14. Ed il Segner tras ün profet tret Israel our d'Egipto, ed Israel füt perchürà tras il profet.

15. Efraim clamet oura seis Segner ad ira acerba; perquai al lascherà 'l sia cuolpa da sang adöss, e 'l renderà 'l seis vituperi.

CHAP. XIII.

Il Segner demonstra, cha la ruina d'Efraim saja gnüda da sia idolatria ed ingratitude; e lura reprend' el la narra fidanza, ch' el ha gnü in seis rai.

CUR Efraim tshantschaiva, schi's tremblaiva; el s'avaiva adoza in Israel; ma el as fet culpabel intuorn Baal, e morit.

2. Ed uossa continuan els a pechar, e 's fan statuas culadas; da lur argient idols tenor lur industria; tuots, quants cha fan, lavur d'artischans. Quels dischan dad els: La glieud chi voul sacrificar bütscha ils vadels!

3. Perquai saran els seo üna nüvla della daman, e seo 'l ruschè, chi crouda la mattina, e lura bod svanescha; * seo paglia, d'ün trabagl portata via dal iral, e seo 'l füm *chi va* our dal chamin.

* Dan. 2, 35.

4. * Ma eu *sun* il Segner teis Deis, agià dal pajais d'Egipto nan, e tü non dessast cognoscher oter Dieu co mai, ed ourdvar mai non *ais* ingün salvader.

* Es. 42, 11.

5. Eu t' accognoschet nel desert, in terra fìch secha.

6. Seguond *ch' eira* la paschèra, s'han els sadolats; els s'han sadolats, e lur cour s'ha adoza; perquai m'han els smanchà.

7. Dinnonder * eu sun ad els seo ün liun; a guisa da pardel ils spi eu sün la strada.

* Lam. 3, 10.

8. Eu als incontr a guisa d'ün' uorsa, chi ha pers seis ursins, e 'ls şcharp la serra del cour, e 'ls magl qua a guisa da liun; *las* bestias solvadias della champagna ils dessan şchartatschar.

9. O Israel, tü at ruinast, cha tü est conter mai, conter teis agüd.

10. * Ingio *ais* uossa teis rai? Ch'el at salva in tuot tias cittats; *ed ingio sun* teis redschadurs? Qua cha tü dschettast: Dà'm ün rai, e princips?

* Os. 10, 3. 2 Reg. 17, 4.

11. Eu at dun ün rai in mi'ira, e 'l pigl davent in mi' indignaziun.

12. L' iniquità d' Efraim *ais* liada in ün fasch; seis pucha ais miss insalv.

13. Dolurs, *sco* da duonna chi partuscha, vegnan al gnir; l' *ais* ün figl pac intelligiaint, perche a dret temp non vain el all' averta della matrice.

14. Eu ils vögl spendrar dalla sepultura, deliberar dalla mort. Ingio *sun*, * o mort, tias pestilenzas? Ingio *ais*, o sepultura, teis giperi? Il s' inrüglar ais zoppâ avant meis ögls.

* 1 Cor. 15, 55.

15. Bainschi * as multiplic' el tanter seis frars, ma e vain il vent oriental, ün vent del Segner leva dal desert, e l' avaina da quel vain süta, e sia fontana secha via. Quel vain a butinar il tesor da tuot la mobilia preziusa.

* Gen. 41, 52. 48, 19.

16. Samaria sarà desolada, perche la s' ha rebellada conter seis Deis. Els croderan tras la spada, * lur pitschens infants saran sfrislats, e lur donans gravidas fessas sü.

* Os. 10, 14.

CHAP. XIV.

Deis exorta seis pövel a conversiun, e 'l mossa il vair möd, impromettend da sia vart ogni grazia, e benedicziun.

ISRAEL, at convertescha pro 'l Segner teis Deis; perche tü croudast tras ti' iniquità.

2. Pigliai plds con vus, e 's converti pro 'l Segner! Dit ad el: Piglia via tuot l' iniquità, ed ardschaiva in bain, * cha nus at volain render offertas da noss lefs.

* Ebr. 13, 15.

3. Assur non ans dess salvar plü, nus non volain *plü* muntar sün chavals, e na plü dir all' ouvra da noss mans, nos Dieu, * qua cha l' orfan survain misericordia pro tai. * Ps. 10, 14. 68, 6.

4. Eu vögl guarir lur rebellun, ils vögl amar da buna voluntà; perche mi' ira 's volva davent dad els.

5. Eu vögl esser sco ruschè ad Israel; el dess flurir sco la gilgia, büttar oura ragischs sco *la boşcha del Libano*.

6. Sias manzinas dessan as sladar oura, * ed esser sia bellezza sco *quella del olivêr*, e render odor sco 'l Libano.

* Ps. 52, 10. † Gen. 27, 27.

7. Els tuornan darcheu, quels chi sezzaivan a sia sumbriva, els fan dsermügliar il formaint, e flurischan sco la vit; sia regordanza ais sco 'l vin del Libano.

8. O Efraim, che hast plü da far cols idols? Eu l' exod, e guard sur el: Eu *al vögl* esser ün pin verd; tras mai vainst a surgnir teis früts.

9. * Chi *ais* sabi, ch' el piglia a cour quaistas chosas? Chi *ais* ineclegiantavel, ch' el las recognoscha? Perche las vias del Segner *sun* drettas, e 'ls güsts chaminan sün quellas; ma ils transgressurs croudau qua.

IL CUDESCH

DEL

PROFET GIOEL.

CHAP. I.

Gioel annunzia alla Giudea granda charestia e fam, exorta tuots ad ümiltà in gegünis ed oraziuns.

IL pled del Segner, il qual füt *indrizzâ* a Gioel, al figl da Petuel.

2. Udi quaist, vus vegls, e *vus*, tuot ils abitants del pajais, sporschai l' uraglia! Dvantet mâ in voss dis, o nels dis da voss babuns, üna tala chosa?

3. Requentâ-la a voss infants, e voss

infants a lur infants, e lur infants alla generaziun seguinta!

4. Il salip maglia il rimanent dell'uslana; e 'l muschun maglia il rimanent del salip, e 'l gril maglia il rimanent del muschun.

5. Sdasdai, avriards, e eridai; e tuots *vus*, bavaders da vin, ürlai per il muost, ch' el ais retrat da vossa bocca!

6. Perche ün exercit surtret meis pajais, possant ed innumerabel; seis daints sun daints da liun, ed el ha maslêrs da liunessa.

7. El deserta mias vits, e rumpa giò meis figêrs; el ils monda daffat, e 'ls bütt' a terra; lur rams stan qua tuot albs.

8. * Planscha, (pajais,) sco üna vergina, tshintada con ün sach, per il marit da sia giuventüna! * Esaj. 22, 12.

9. Offerta da spaisa, e da spander manca daffat nella chasa del Segner; ils sacerdots, ils ministers del Segner, han cordöli.

10. Ils champs sun guastats, la terra fa cordöli; perche il formaint ais devastâ, il muost sech via, l'öli spassi.

11. Ils lavuraints sun confus, ils vindemiators ürlan per il formaint, e l'üerdi, perche la raccolta dels champs ais id' a perder.

12. La vit ais secha, e 'l figêr spassi via; il pomgranat, eir il bösch da palma e 'l mailêr, tuot la boşcha della champagna ais secha; tshert, la ledezza ais a tuorp als figls della glied.

13. As tshintai *con sachs*, e planschai, o sacerdots; ürlai vus ministers del utêr! Gni nan, passantai la not in sachs, ministers da meis Deis! Perche l'offerta da spaisa, e da spander ais retratta dalla chasa da vos Deis.

14. Santifichai ün * gegtini, clamai oura üna raspada solenna, raspai insembel ils seniurs, e tuot ils abitants del pajais, nella chasa del Segner vos Deis, e bragi pro 'l Segner!

* Gioel 2, 15.

15. Ah, di *orribel*! Perche 'l * di del Segner *ais* vicin, ed el vain sco devastaziun dal Omnipotaint.

* Ger. 30, 7. Esaj. 13, 6.

16. Non ais la spaisa affat levada

via davant noss ögls? La ledezza, e' l dalet dalla chasa da nos Deis?

17. Ils granets smarschisan suot lur buorras; ils scrigns sun desolats, ils granêrs serodats, perche 'l formaint ais it a perder per la sedsda.

18. Quant dschema la muaglia? Perplexas giran las scossas dels bovs, siand ch' els non han *qua* alchün paşch! Eir las scossas della bescha ston star desoladas.

19. O Segner, eu clam pro tai, perche 'l fö consüma ils paşchs della cuttüra, e la flamma invüda tuot la boşcha della champagna.

20. Eir las bestias della natüra * languischan davo tai, siand cha 'ls auais dell' aua süan sü, e 'l fö consüma ils paşchs della cuttüra. * Ps. 104, 21.

CHAP. II.

Il profet continua a descriver la preditta calamità, exortand tuots a penitenza. Mediant quella impromett' el la misericordia da Dieu, benedicziun temporal, spirituala ed eterna, suot il messia.

SUNAI las trombettas in Sion, e bragi allarm sün meis munt sanet; cha tremblan tuot ils abitants del pajais! Perche 'l * di del Segner vain, perche l' ais strusch:

* Gioel 1, 15.

2. Di da şchürezzas, e da şchürdüms; di da nüvel, e da spess' obscurità. Sco l'alba as rasa sü per ils munts, usche *vain* ün grand, e possant pövel, simil al qual non füt mâ bricha, ne sarà davo el in alchün' età.

3. Avant el via maglia il fö, e davo el la flamma invüdata sü; la terra *ais* avant el sco 'l * zardin d' Eden, e davo el ün desert da desolaziun, ed inguotta non lasch' el fügen. * Gen. 2, 8.

4. * Seis aspet *ais* sco l' aspet da chavals, els cuorran sco chavalgiants.

* Ap. 9, 7.

5. Els saglian sü per las tschimmas dels munts, fand strepit sco la charra; sco 'l schloppar da flamma da fö chi arda stoppa; sco ün grand exercit, perdert alla battaglia.

6. Ils pövels, il veziand, sun anguschiats, ed ogni fatscha müda color.

7. Els cuorran sco *glied* ferma, rai van suraint la müraglia sco homens da guerra; e chaminan scodün in seis uorden, e non storschan lur sendas.

8. E l' ün non chalcha l' oter, scodün

chamina sün sia strada, e 's chatschan tanter las spadas, e non perdan la lingua.

9. Els van intuorn per la città, cuorran sün la müraglia, raivan aint nelle chasas, intran tras las fanestras sco 'l lader.

10. La terra trembla avant els, il tselch squassa, il solai, e la glüna sun insehürts, e las stailas retiran lur spendur.

11. E 'l Segner da oura sia vusch vi' avant seis exercit; perche grand sur möd ais seis champ, possant l'executur da seis pled; perche * grand ais il di del Segner, e fiesh spaventabel; chi 'l poderà sustgnair?

* Amos 5, 18.

12. Impero eir uossa amo, disch il Segner, as converti pro mai da tuot vos cour, e con gegüni, e con eridar, e con cordöli.

13. E * scharpai voss cours, e na vossa vestimainta, e 's converti pro 'l Segner vos Deis, perche † misericordiaivel e grazius *ais* el; tardant all'ira, e da granda benignità, e s' inrtüglia del mal.

* Ps. 51, 18. † Ez. 34, 6.

14. * Chi sa, forsa 's volva 'l, e 's inrtüglia 'l, e lascha 'l davo el qualcha benedicziun, qualeh'offerta da spaisa e da spander, *a far* al Segner vos Deis?

* Amos 5, 15. Giona 3, 9.

15. * Sunai la trombetta in Sion, santifichai ün gegüni, clamai oura solenna raspada!

* Num. 10, 3.

16. Fat gnir insembel il pövel, santifichai la raspada, raspai ils vegls, manai a mantun ils infants, e quels chi amo tettan! Cha 'l spus giaja our da sia stanza, e la spusa our da sia chambra da nozzas!

17. Cha 'ls sacerdots, ils ministers del Segner, eridan tanter il portico, e l'utër, e dian: Segner, perduna a teis pövel, e non surdar ti' ierta a vituperi, cha 'ls pövels fetschan spretsch dels; * perche dess gnir dit tanter ils pövels: Ingio *ais* lur Deis?

* Ps. 42, 10. 79, 10. Mich. 7, 10,

18. Ma il Segner lura vain zelus per seis pajais, ed ha compassiun da seis pövel.

19. E 'l Segner lura responsa, e disch a seis pövel: Mera, eu 's tramet

formaint, muost, ed öli, cha vus da quai as sadolat; ed eu non as surdun plü a vituperi tanter ils pövels.

20. L' exercit settentrional fetsch eu ir davent da vus, e 'l chatsch in ün pajais sech e desert, la part davant da quel nel mâr oriental, e la davo nel mâr occidental, cha sia spüzza giaja sü, e si' infeeziun impla l'ajer, davo ch' el ha fat chosas tant grandas.

21. Non at tmair, o terra, figlia d' allegrezza, e t' allegra! Perche 'l Segner farà chosas grandas.

22. Non as tmarai, bestias della champagna! Perche ils paschs della cuttüra dsermüglia, e la boſcha porta seis früt; il figër, e la vit prodüan lur virtù.

23. E *vus*, infants da Sion, sagli d' allegrezza, e s' allegrai nel Segner vos Deis! Perche el as da plövgia in giüta masüra, e 's trametta la plövgia della prüma, e dell' ultima stagione, nel prüm temp.

24. E 'ls irals sun implits con formaint, e las tinnas van sura da muost, e dad öli.

25. Ed eu as vögl restorar ils ans, cha 'l salip, il muschun, il gril, e l'uslana, han magliâ quel meis grand exercit, ch' eu avaiava tramiss conter vus.

26. E vus dessat mangiar abundanta- maing, e gnir sadolats, e gnir a lodar il nom del Segner vos Deis, il qual ha operâ müravgliusamaing invers vus, e meis pövel non gnarâ mâ bricha *plü* in verguogna.

27. E vus dessat cognoscher, ch' eu *sun* in mez Israel, e ch' eu *sun* il Segner vos Deis, ed ingün oter; e meis pövel non gnarâ mâ bricha *plü* in verguogna.

28. E quai dvanterà davo quaistas chosas, eu * spanderà oura meis Spiert sur ogni charn, e voss figls, e vossas figlias, † profetizeschan; voss vegls s' insömgian sömmis, voss giuven vazzan visiuns.

* Act. 2, 17. Zac. 12, 10. † Os. 12, 11.

29. Ed in quels dis spand eu oura meis Spiert eir sur ils famagls, e las fantschellas.

30. Ed eu fetsch strangezzas intschel, ed in terra, sang, e fö, e coluonnas füm.

31. * Il solai as müda in schürezza, e la glüna in sang, ant chä vegna il di del Segner, il grand e spaventabel.

* Gioel 3, 15. Mat. 24, 29. Marc. 13, 24. Luc. 21, 25.

32. Lura dvainta, * chi clama in agüd il nom del Segner, sarà salvâ; perche sün il munt Sion, ed in Gerusalem aise salüd; seo ha dit il Segner, e tanter ils vanzats ais, chi il Segner clama.

* Rom. 10, 14.

CHAP III.

Il Segner annunzia seis güdizis, e principa-
maing l' ultim ed etern, als inimis da sia basel-
gia; ed ad ella salüd, e plaina conjunziun con
Dieu, nel reginam dels tschels.

PERCHE mera, in quels dis, e da quel temp, qua vegn eu a trar Giuda, e Gerusalem, our preschun;

2. Ed eu rasp insembel tuot las naziuns, e las main giò nella val da Giosafat, e vegn qua a güdizi con el-
las per meis pövel, e mia ierta Israel; il qual quels han dispers tanter ils pövels, e parti meis pajais;

3. Ed han trat la sort sur meis pövel, ed han dat via il giuvnet per üna pitana, e vendü la giuvnetta per vin, e l' bavettan.

4. Ed eir vus, che *eschat* vus vi' a mai, o Tiro, e Sidon, e tuot las contradas della Filistea? As volais vindichar per chosa fatta, o'm volais far qualchosa? Bod, subitamaing as rend eu vos far sün vos cheu!

5. Vus, chi avais butinâ meis or, e meis argient; ed avais portâ in vos taimpel meis clinöz, mias chosas preziasas;

6. Ed avais vendü ils infants da Giuda, e 'ls infants da Gerusalem als figls dels Grecs, per ils chatschar dalönsch d'avent da lur contrada.

7. Mera, eu ils lasch as mover our dal lö, ingio vus ils avais vendüts, e 's fetsch vossa retribuiziun sül cheu;

8. E vend voss figls, e vossas figlias in man dels infants da Giuda, e quels ils vendan als Sabeers, ad üna naziun lontana; perche il Segner l' ha favlâ.

9. Clamai oura quaist tanter ils pövels! Pinai la guerra, fat as mover

ils *homens* fermes, cha s' approsman, e's redunan tuot ils *homens* da guerra!

10. Favergiai spadas our da vossas zappas, e lanschas our da vossas fotschs! Il flaivel dia: Eu sun ferm!

11. Festinai, gni nan, o tuottas naziuns dad intuorn, e 's redunai insembel! Segner, maina giò là teis baruns.

12. Cha's mouvan, e tiran sù las naziuns nella val da Giosafat! Perche qua vögl eu zer a güdichar tuot las naziuns dapertuot intuorn.

13. * Mettai la fotsch vi' alla *früa*, perche la raccolta ais madüra; gni nan, it giò! Perche 'l torchel ais plain, las tinnas van sura; perche lur malizia *eira* granda.

* Ap. 14, 15, 19.

14. Pövels, pövels nella val del güdizi! Perche il di del Segner *ais* vicin nella val del güdizi.

15. Il solai e la glüna s' inäschürischan, e las stailas perdan lur splendur.

16. E'l Segner sbrüja our da Sion, e da oura sia vusch da Gerusalem, e tschel e terra tremblan. Ma il Segner ais ün refugi a seis pövel, ed üna fortezza als infants d' Israel.

17. E vus dessat cognoscher, ch' eu sun il Segner vos Deis, chi abitesch in Sion, meis sanct munt; e Gerusalem dess esser tuot saneta, ed esters non dessan plü intrar in quella.

18. E quai dvainta * a quel temp, ils munts guotteran da muost, e 'ls muots culeran da lat, e per tuot ils auals da Giuda correran auas; ed üna fontana giarâ our dalla chasa del Segner, e sauerà la val da Sittim.

* Am. 9, 13. † Ez. 47, 1. Zac. 14, 8. Ap. 22, 1.

19. Egipto sarà missa in desolaziun, ed Edom redüt in desert desolâ, per la violenza vers ils infants da Giuda; qua ch' els spandettan sang innozaint in lur pajais.

20. Ma Giuda sarà abitâ in eterno, e Gerusalem d' età in età.

21. Ed eu als relasch lur cuolpa, *la quala* eu non avaiva relaschâ; * e'l Segner abitescha in Sion. * Apoc. 21, 3.

IL CUDESCH

DEL

PROFET AMOS.

CHAP. I.

Amos annunzia ils güdizis da Dieu als Siriers, Filisters, Tirers, Idumeers, ed Ammonits.

ILS plets d'Amos, * chi eira dels pasturs da Tecoa, ils quals al fütan revelats davart Israel, als dis d'Uzia, del rai da Giuda, ed als dis da Jerobeam, del figl da Joas, del rai d'Israel, duos ans avant il terra-trembel. * Am. 7, 14.

2. Ed el dschet: Il Segner * sbrüirà our da Sion, e darà oura sia vusch da Gerusalem; e 'ls paſchs dels pasturs fan cordöli, e la sommità da Carmel secha via. * Ger. 25, 30.

3. Usche disch il Segner: Per trais misfats * da Damasco, e per quatter, non al vögl eu retrar sia retribuiziun; perquai ch'els han sfrislâ Gilead con charra da fier per scuder. * Es. 8, 4.

4. Ed usche tramet eu fö nella chassa da Hazael, ch'el consüma ils palazzis da Benhadad.

5. Ed eu rump las stangas da Damasco, e sterminesch our da Bicaven ils abitants, ed our da Bet-Eden quel chi tegna il scepter; e 'l pövel da Siria * vain transportâ in Chir, disch il Segner. * 2 Reg. 16, 9.

6. Usche disch il Segner: Per trais misfats da * Gaza, e per quatter, non la vögl eu retrar sia retribuiziun, perquai ch'els han trat *meis pövel* interamaing in preschun, *il* mettand in man d'Edom. * Ger. 47, 4, 5.

7. Ed usche tramet eu fö nella müraglia da Gaza, ch'el consüma seis palazzis.

8. Ed eu sterminesch our dad Asdod ils abitants, e d'Ascelon quels chi tegnan il scepter, lura volv eu meis man sur Ecron, cha 'l rimanent dels Filistins perischa, disch il Segner Deis.

9. Usche disch il Segner: Per trais misfats * da Tiro, e per quatter, non al vögl eu retrar sia retribuiziun; perquai ch'els *meis pövel* han miss in-

teramaing in man d'Edom, in preschun, e non s'han regordats della lia fraterna. * Es. 23, 1.

10. Ed usche tramet eu fö nella müraglia da Tiro, ch'el consüma seis palazzis.

11. Usche disch il Segner: Per trais misfats * d'Edom, e per quatter, non al vögl eu retrar sia retribuiziun; perquai ch'el persequitta seis frar con la spada, e violescha sias compasiuns; e si' ira strepitescha adüna, ed el salva si' indignaziun sainza fin. * Es. 21, 11. 34, 5.

12. Ed usche tramet eu fö in Teman, ch'el consüma ils palazzis da Bosra.

13. Usche disch il Segner: Per trais misfats dels figls * d'Ammon, e per quatter, non als vögl eu retrar lur retribuiziun; perquai ch'els han fess sü las *donans* gravidas da Gilead, per slargiar oura lur counsins.

14. Ed usche invüd eu fö nella müraglia da Rabba, ch'el consüma seis palazzis suot allarm, nel di della bat-taglia, e con trabagl nel di dell'ora furiosa. * Ger. 49, 1. Zef. 2, 9.

15. E seis rai va in preschun, con tuot seis principals, disch il Segner.

CHAP. II.

Il profet proseguischa ad annunziar ils güdizis da Dieu als Moabits, a quels da Giuda, e dellas X. schlattas, specificand lur puchats.

USCHÉ disch il Segner: Per trais misfats da * Moab, e per quatter, non al vögl eu retrar sia retribuiziun; perquai ch'el ha ars a cutschina l'ossa del rai d'Edom. * Es. 15. Ger. 48.

2. Ed usche tramet eu fö in Moab, ch'el consüma ils palazzis da Cheriot, e Moab dess morir nel fracash, suot allarm e sun da trombetta.

3. Ed eu sterminesch il redschadur our da mez quella, e maz con quel tuot seis principals, disch il Segner.

4. Usche disch il Segner: Per trais

misfats da Giuda, e per quatter, non al vögl eu retrar sia retribuiziun; perquai ch' els spretschan la ledscha del Segner, e non observan seis statuts; cha lur idols da menzögn * ils stravian, davo ils quals ünsacura sun its lur babuns. ^{† Ez. 20, 18.}

5. Ed usche tramet eu fö in Giuda, ch' el costüma ils palazzis da Gerusalem.

6. Usche disch il Segner: Per trais misfats d' Israel, e per quatter, non al vögl eu retrar sia retribuiziun; perquai ch' els vendan il güst per danner, e 'l manglus per ün pèr scharpas.

7. Quels han arsaja sur la puolvra della terra davo'l cheu dels povers, e storschan la via dels ümils; ed ün figl e seis bap van pro ün' *istessa* giuvna, per profanar meis sanct nom.

8. Els as giaschaintan sün vestimainta datta in pain, sper ogni utèr, e baivan il vin dellas fallas nellas chasas da lur deis.

9. E tuottüna sdrüet eu ils Amorits avant els, * chi eiran ots sco ceder, e ferms sco ruvers; e sdrüet lur früt stüsura, e lur ragisch giò suot.

* Num. 13, 29. 33. 34.

10. E tuottüna as tret eu our dal pajais d' Egipto, e's condüet tras il desert, il spazi da quarant' ans, per possidair il pajais dels Amorits.

11. Ed eu sdasdet sü our da voss infants profets, ed our da voss giuvens * nazireers. Non *aïse* il *vaira*, infants d' Israel? Disch il Segner.

* Num. 6, 2. Güd. 13, 5.

12. Ma vus avais dat vin da baiver als nazireers, ed avais comandâ als profets, dschand: * Non profetizarai!

* Es. 30, 10. Ger. 11, 21.

13. Mera, eu as strenscha in voss lous sco's strenscha ün charr, plain da faschs früa.

14. Ed il möd da fügen vain almain al spert, e'l ferm non po dovrar sias forzas, ne 'l valerus salvar sia vita.

15. E chi tira il balaister non po star ferm, ne 'l ligèr da peis scampar via, ne chi sezza a chavagl salvar sia vita.

16. E'l plü animus tanter ils *homens* potaints vain a fügen nüd in quel di, disch il Segner.

CHAP. III.

Amos reprend' ils Israelits per lur ingratitudine, e predisch la destrucziun da Samaria, e co Dieu salva saimper sü qualcha sem per sia baselgia.

INFANTS d' Israel, udi quaiста pled, cha 'l Segner pronunzia conter vus, conter tuot la naziun, ch' eu tret our dal pajais d' Egipto.

2. Eu cognoschet vus sulets da tuot las naziuns della terra, perquai vögl eu visitar vi' a vus tuot vossas iniquitats.

3. Chaminan duos forse insembel, sch' els il *prüm* non s' han convgnüts l' ün con l' oter?

4. Sbrüja forse il liun nel god, sch' el non ha alchüna praja? Da il liunet oura sia vusch da seis zoppel, sch' el non ha clappâ inguotta?

5. Crouda forse l'utschè nel latsch in terra, scha non l' *ais stat tais* alchüna rait? Saglia il latsch sü dalla terra, sainz' avair tut inguotta?

6. O vain sunada la trombetta in üna città, sainza cha 'l pövel cuorra spaventâ insembel? * Sarà qua alchün mal in üna città, cha 'l Segner non l' haja fat?

* Es. 45, 7.

7. Perche il Segner Deis non fa inguotta, ingio ch' el non ha revelâ seis secret a seis serviaints, als profets.

8. Scha 'l liun sbrüja, chi non il voless tmaïr? *Scha 'l* Segner Deis favla, chi non dess profetizar?

9. Clamai oura nels palazzis ad Asdod, e nels chastels del pajais d' Egipto, e dit: As raspai sül munt da Samaria, e guardai ils grands disuordens *chi sun* in mezz ella, e 'ls chalchats *chi sun* dadaint ella.

10. Quels non san operar tenor dret, disch il Segner; *els*, chi mantunan violenza e sgiarbaria in lur palazzis.

11. Perquai, disch usche il Segner Deis: *Mera* l' inimi, el ais intuorn il pajais, e vain a strar giò da tai tia forza; e teis palazzis saran butinats.

12. Usche disch il Segner: Sco 'l pastur spendra dalla bocca del liun duos chamettas, o ün toe d' uraglia; usche scamperan via dals infants d' Israel quels chi abitan in Samaria, in ün chantun del let, nellas cortinas d' üna cuotscha.

13. Tadlai, e protestai conter alla chasa da Giacob! Disch il Segner Deis, il Deis dels exercits.

14. Perche, nel di, ch'eu 'm vindichesch vi' ad Israel da seis misfats, schi vindichesch eu eir vi' als utêrs da Betêl, e las cornas del utêr saran tagliadas via, e croderan a terra.

15. Ed eu sfrach in tocs las chasas d'inviern, insembel con las chasas da stà; e las chasas d'öss d'elefant vegnan sdrüttas; e las chasas grandas pereschian, disch il Segner.

CHAP. IV.

Il Segner annunzia als Israelits lur ultima ruina per lur blers puchats, siand ch'els tras ils chastiamaints passats non s'avaivan convertits.

TADLAI quaist pled, vus * vachas da Basan, chi *eschat* sün ils munts da Samaria, chi squitschais suot ils misers, smachais ils povers; chi dschais a vos signur: Porta nan, cha nus baivan!

* Ps. 22, 13. Ez. 39, 18.

2. Il Segner Deis gürä tras sia santità: Mera, ils dis as vegnan adöss, ch'ün vain as trar d'avent con crötschs, e vos rimanent con hams da pešchar.

3. E vus gnis ad ir d'avent our dalle rottüras, scodün avant sai, e gnis a laschar in abbandun ils palazzis, disch il Segner.

4. Gni pür in Betêl, e commettai misfat; multiplichai misfats in Gilgal! E manai nan ogni mattina voss sacrificiz; e vossas deschmas ogni trais dis!

5. E * fat arder profüm da pan alvâ per offerta da lod, e clamai oura offertas voluntarias, siand cha vus amais *da far* usche, o infants d'Israel, disch il Segner Deis.

* Lev. 7, 13. 23, 17.

6. E, combain ch'eu as det nettischa da daints in tuot vossas cittats, e manchamaint da pan in tuot voss lous; schi non s'avais però convertits pro mai, disch il Segner.

7. E, combain ch'eu as scomandet la plövgia trais mais intêrs, ant la mess, e fet plover sur l'üna città, e bricha sur l'otra; ed ün champ ais stat sauâ con plövgia, ed ün oter, sur il qual non ha plovü, ais sechâ via;

8. E duos, e trais cittats s'han movüdas vers üna città, per baiver aua, e non s'han sadoladas; schi non s'a-

vais però convertits pro mai, disch il Segner.

9. * Eu as battet con arstüra, e con ruina; ils salips han magliâ la quantitâ da voss zardins, e da vossas vignas, e da voss figêrs, e da voss olivêrs; e pür vus non s'avais convertits pro mai, disch il Segner.

* Deut. 28, 22.

10. Eu tramettet tanter vus pestilenza in maniera d'Egipto; eu mazzet voss giuvens con la spada, sper la praisa da voss chavals; e fet muntar la spüzza da voss exercits, fin a vos nas; e pür vus non s'avais convertits pro mai, disch il Segner.

11. Eu subvertit pro vus, seo Deis * subvertit Sodoma e Gomorra, e vus eirat seo ün tizun salvâ d'ün incendi; e pür vus non s'avais convertits pro mai, disch il Segner.

* Gen. 19, 24.

12. Perquai at farâ eu usche, o Israel; e perquai ch'eu at farâ quaist, schi at perderscha, ad incontrar a teis Deis, o Israel!

13. Perche, mera, el formet ils munts, e schaffescha il vent, e declar' al cristian, qual *saja* seis impissamaint; * el fa l'alba, e l'obscuritâ, e chamina sur ils lous ots della terra; il nom del qual *ais*: Il Segner, Deis dels exercits.

* Am. 5, 8.

CHAP. V.

Il profet, tras üna maniera da pland, predisch la ruina dels Israelits. Pür ils exort' el darcheu a conversiun e penitenza; il Segner sbütt' ils sacrificiz dels infidels.

TADLAI quaist pled, il pland ch'eu pigl sü a far da vus, o chasa d'Israel!

2. La vergine d'Israel ais crodada, non vain ad alvar sü plüt; l'ais cascade sün sia terra, ingün non l'alvain-ta darcheu.

3. Perche, usche disch il Segner Deis: Nella città, dinuonder traivan oura milli, restan tschient, ed in quella, dinuonder traivan oura tschient, restan desche, alla chasa d'Israel.

4. Perche, usche disch il Segner alla chasa d'Israel: Tscherschâ'm, schi gnis vus a viver!

5. E non tschercharai Betêl, e non intrarai in Gilgal, e non passarai vi' a Beerseba! Perche Gialgal vain

daffatta manà in preschun, e Betèl ais redüt ad inguotta.

6. Tscherschai il Segner, schi gnis vus a viver; ch'el forsà non vegna sur la chasa da Giosef, a guisa da fò, e la consüma, sainza ch'alehün stüzza in Betèl.

7. *Vus*, chi müdais il dret * in assèns, e zappais a terra la güstia; * Amos 6, 2.

8. Quel * chi ha fat las Plajadas, e l'Orion, e müda la sumbriva della mort in mattina, e fa schürir il di a not; † chi clama las aüas del mâr, e las spand' oura sur la fatscha della terra; il nom da quel *ais*: Il Segner.

* Giob 9, 9. † Am. 9, 6.

9. El, chi trametta guastaziun sur il ferm, e guastaziun pigl' aint las fortezzas.

10. Quels vöglian mal a chi nella porta prenda; ed abomineschan chi tschantscha integrità.

11. Dinuonder, siand vus aggravais il pover, o pigliais dad el donaziuns da formaint, schi avais edificâ chasas da peidra tagliada, ma non abiterat in quellas; avais implantâ bellas vignas, ma non dessat baiver seis vin.

12. Perche eu cognosch voss blers misfats, e voss grevs puchats; oppressurs del güst, accettadurs da duns, e roversadurs della *raschun* dels povers nella porta.

13. Perquai, il *crastian* prudaint in quel temp vain a taschair; perche ed ais ün mal temp.

14. Tscherschai il bön, e na il mal, acio cha vus vivat; e l' Segner Deis dels exercits sarà con vus, sco vus dschais.

15. * Ödiai il mal, ed amai il bön, e stabili il dret nella porta; forsà ha compassiun il Segner Deis d' Israel del rimanent da Giosef. * Ps. 34, 14.

16. Perquai, usche disch il Segner, Deis dels exercits, il Segner: In tuot las stradas pland, ed in tuot las giasas as clamerà: Ah, ah! Ils lavuraints sun clamats pro'l lèd, e pro'l pland quels chi sun inegiantaivels in plands dolorus.

17. In tuot las vignas eir *qua* pland; perche eu passerà per mez tras tai, disch il Segner.

18. Vae a *vus*, chi desiderais il di del Segner! A che *desiderais* usche il di del Segner? Quel * ais *di da* schütrezzas, e na *da* glüm. * Gioel 2, 2.

19. Sco eur ün crastian fùgia our avant il liun, e l' uors l' incontra; ed el intra in chasa, e poza il man sün la parait, e la serp il morda.

20. Il di del Segner non sarà l' schütrezza, e na glüm, e schürdüm sainz' alehüna splendor?

21. * Eu vögl mal, eu sdegn vossas festas, e non poss savurar *plü* vossas solennas raspadas. * Es. 1, 11.

22. Perche, scha vus m' offeris olocausts, e vossas offertas, schi non *las* ha eu achar, e non guard eu süls sacrificizis d' ingraziamaint, da vossas bestias grassas.

23. Piglia 'm davent il strepit da tias chanzuns, e fà ch' eu non oda la melodia da teis psalters!

24. Anzi cuorra il dret a guisa d' auas; e la güstia a guisa d' ün contin torrent.

25. * O chasa d' Israel, am offerittat vus sacrificizis ed offertas, nel desert, il spazi da quarant' ans? * Act. 7, 42.

26. Schi, vus portettat il tabernacul da vos rai, e las figüras da vossas magnas, la staila da vos deis, cha vus s' avaiat fat.

27. Perquai as manerà eu in preschun da là da Damasco, disch il Segner, il nom del qual *ais*: Il Deis dels exercits.

CHAP. VI.

Il profet annunzia il güdizi da Dieu als richs da Giuda, e d' Israel, per lur violenza, dissoluziun e superbia, dinuonder il Segner ils inatscha d' üna finala desolaziun.

VAE a quels chi stan commods in Sion, e sgürs sün il munt da Samaria, *lous* famus als capos del prüm dels pövels, pro'ls quals va la chasa d' Israel.

2. Passai via in Calne, e guardai; e da là it pro la granda Hemat, lura trat giò in Gat dels Filistins, valan quels plü co quaists *reginams*? O sun lur confins plü grands co'ls voss?

3. *Vus*, chi crajais dalönsch il di mal, e fais approsmar il sez della violenza;

4. Chi giaschais sün lets d' öss

d'elefant, e s' stendais sün vossas cuotschas, e mangiais ils agnells della seossa, e l's vadels our dalla stalla;

5. * Chi fais melodias pro l' sun del psalter, chi s' inspiais oura chanzuns musicalas, seo David; * Es. 5, 12.

6. Chi bavais vin our da batschigls, e s' onschais cols plü excellents ölis, e non sentis alehüna dolor della ruina da Giosef.

7. Perquai dissan els uossa ir in miseria, ils prüms da quels chi van, e l's convits dels luxurius vegnan interlaschats.

8. Il Segner Deis güra pro si' orma, ün dit dal Segner, Deis dels exercits: Eu abominesch la superbia da Giacob, ed ödiesch seis palazzis, e dun in man *del inimi* la città, e tuot quai ch' ais laint.

9. E quai dvainta, scha pür desch homens restan in üna chasa, schi dissan els morir.

10. E'l prossem paraint ils piglia d'avent, e l's arda, per trar l' ossa our dalla chasa, e dscharà a quel nel fuond della chasa: *Ais* amo *alchün* pro tai? E quel dscharà: Ingün! E quel dscharà: Tascha, perche e non *ais temp* da s' regordar del nom del Segner.

11. Perche, mera, il Segner da commissiun e batta la chasa granda con ruinas, e la chasa pitschna con rotüras.

12. Vegnan ils chavals a cuorren sün ils spelms? O vain ün *qua* ad arar con boys? Cha vus * cambiais il dret in tössi, e'l früt della güstia in assèns? * Am. 5, 7.

13. *Vus*, chi s' allegrais da chosa d'inguotta, chi dschais: Non avain nus acquistà pussanza con nossa forza?

14. Perche, mera, eu fetsch alvar sù conter vus, chasa d' Israel, üna naziun, chi vain as suottametter dall' intrada da Hemat inavant fin al torrent della planüra, disch il Segner, Deis dels exercits.

CHAP. VII.

Amos descriva trais visiuns, tras las qualas Dieu al da ad incler la destrucziun del pövel d' Israel, e sün quai acchiüsa Amasia il profet al rai, ma Amos responsa.

Il Segner Deis am laschet vair üna *visiun* usche. Mera, el formaiva sa-

lips nel principi, cur bütta il redsdi, e mera redsdi, davo l' sgiar del rai.

2. E, cur quels finittan da magliar l'erba della terra, dschet eu: Eu 't rouv, Segner Deis, perduna! Che *ais* Giacob, ch'el possa resister? Perche el *ais agià* pitschen!

3. Il Segner s' intrüglet lura da quai. *Quaist* non dvanterà, dschet il Segner.

4. *Lura* il Segner Deis am laschet vair üna *visiun* usche. Mera, il Segner clamet our a vendetta il fö, e l' fö consumet il grand abiss, consumet eir üna part *del champ*.

5. Ed eu dschet: Ah, Segner Deis, interlascha! Che *ais* Giacob, ch'el possa resister? Perche el *ais agià* pitschen!

6. Il Segner s' intrüglet lura da quai. Eir quaist non dvanterà, dschet il Segner.

7. *Lur*'am laschet el vair üna *visiun* usche. Mera, il Segner staiva sün ün mü *fat* a plombin, ed avai' in man ün plombin.

8. E'l Segner am dschet: Che vez-zast, Amos? Ed eu dschet: Ün plombin. E'l Segner dschet: Mera, eu tschaint ün plombin in mez meis pövel Israel: * Eu non al vögl guardar sura plü. * Am. 8, 2.

9. E'l's lous ots d' Isac saran sdrüts, e'l's santuaris d' Israel saran deserts; ed * eu vögl alvar sù con la spada conter la chasa da Jerobeam.

* 2 Reg. 15, 10.

10. Lura Amasia, * il sacerdot da Betèl, tramettet a dir a t Jerobeam, al rai d' Israel: Amos fa congiura conter tai in mez la chasa d' Israel; il pajais non po comportar tuot seis plets.

* 1 Reg. 12, 32. † 2 Reg. 14, 23.

11. Perche, usche dschet Amos: Jerobeam vain a morir tras la spada, ed Israel sarà daffat manà in preschun, d'avent da sia terra.

12. Lura Amasia dschet ad Amos: Vidaint, và, fùgia via nel pajais da Giuda, e mangia là teis pan, e profetizescha là!

13. * Ma non profetizar plü in Betèl, perche l' ais il santuari del rai, ed üna stanza regala. * Am. 2, 12.

14. Qua respondet Amos, e dschet

ad Amasia: Eu non sun profet, ne figl da profet, anzi sun * pastur, e chi vegn a cler figs solvadis.

* Am. 1, 1.

15. E 'l Segner am piglet d'avent dalla scossa, e 'm dschet: Và, profetizèscha a meis pövel Israel!

16. Uossa dimena, taidl' il pled del Segner: Tü dist: Non profetizar conter Israel, e non pronunziar sur la chasa d' Isac:

17. Perquai disch usche il Segner: Tia muglier sarà svergognada nella città, e tei figls, e tias figlias croudan tras la spada; e tia terra vain partida con la corda, e tü vainst a morir in terra malnetta, ed Israel sarà manà d'avent da sia terra.

CHAP. VIII.

Il Segner moss' ad Amos tras üna visiun la sprastanta finala destrucziun d' Israel, als imnatschand; dalla fam del pled da Dieu in mezsias calamitats.

IL Segner Deis am laschet vair üna visiun usche. Mera, ün chanaster con früts da stà.

2. Ed el am dschet: Che vezzast, Amos? Ed eu dschet: Ün chanaster con früts da stà. E 'l Segner am dschet: La fin statuida arriva a meis pövel Israel; eu non al vögl survair plü.

3. Ed in quel di il chantar nel palazzi sarà üerls, disch il Segner Deis; qua sarà grand number da corps morts; in ogni lö ün ils bütta d'avent, e tascha.

4. Tadlai quaist, *vus*, chi volais travuonder il manglus, e ruinais ils povers nel pajais,

5. Dschand: Cura saran passadas las chalendas, cha nus vendan granezza; e 'l sabbat, cha nus avran sü ils granèrs del formaint, diminuìschan l' efa, ed ingrandìschan il siccal, e falsifican las balanschas, pro ingian?

6. * Cha nus compran povers per dagners, e 'l bsögnus per ün pèr scharpas, e vendan las griaintas del formaint?

* Amos 2, 6.

7. Il Segner güra pro la gloria da Giacob: Mä in perpetuo non smanch eu via tuot lur ouvas!

8. La terra non dess ella gnir com-moventada per quaist; ed ogni seis

abitadur non dess el far cordöli? E non dess quai tuot scufflar sco 'l flüm, e * gnir portà via, e challar, sco 'l flüm d' Egipto?

* Amos 9, 5.

9. E dvainta in quel di, disch il Segner Deis; eu lasch tramuntar il solai sül mezdi, e spand oura schürezzas sur la terra da clér di.

10. E vögl cambiar vossas festas in lèd, e tuot voss chants in plands, e fetsch, * cha's metta il sach intuorn tuot ils flanes, e ch' ogni testa as rasa, e met il *pajais* in cordöli, sco *ais* † quel chi's fa per ün figl sulet, e sia fin sco ün di da dölur.

* Ger. 48, 37. † Zac. 12, 10.

11. Mera, ils dis vegnan, disch il Segner Deis, ch' eu vögl trametter la fam nel pajais; na la fam da pan, ne la sait d' aua, anzi * d' udir il pled del Segner.

* 1 Sam. 3, 1. Ps. 74, 9.

12. E qua cuorran quels d' ün mâr al oter; e dal settentrion fin al ori-aint van els intuorn, tscherchan il pled del Segner, e non il chattan.

13. In quel di languìschan via per la sait las bellas verginas, e 'ls giuvens,

14. * Ils quals güran pro 'l misfat da Samaria, e dischan: *Sco* tei Deis viva, o Dan, e *sco* viva l' üsanza da Beerseba; ed els croudan, e non levan sü plü.

* Os. 4, 15. 5, 5

CHAP. IX.

Il Segner mossa ad Amos tras üna visiun il final güdizi sur seis pövel, resalv il rimanent da seis elets, als impromettand deliberaziun, e gloria eterna tras il messia.

EU vezzet il Segner, chi staid' in pè sur l' utèr. Ed el dschet: Batta il glim sura, cha las chassas squassan, foura il cheu a quels tuots, quants cha sun! E lur rimanent vögl eu mazzar con la spada; ingün dels non as dess podair salvar tras la fùgia, ed ingün scampar via.

2. * Schabain cha's chavan tras nels lous suot terra, schi 'ls dess meis man tour da là, e, schabain cha † muntan sün tsel, schi 'ls vögl eu trar giò da là.

* Ps. 139, 3. 8. † Giob 20, 6.

3. E, schabain cha s' azzoppa sün la sommità del Carmel, schi 'ls vögl eu chattar oura, e 'ls tour d'avent da là, e, schabain cha s' azzoppa da meis

conspet nel fuond del mâr, schi da là comand eu al serpaint da 'ls morder.

4. E, sch' els van in preschun avant lur inimis, schi * da là dun eu commissiun alla spada da 'ls mazzar, e met meis ügl sur els in mal, e na in bain.

* Deut. 28, 65. Lev. 17, 10.

5. Ma il Segner, Deis dels exercits, quel chi * tocca la terra, ch' ella leua, e tuot seis abitants fan cordöli, e ch' ella va sura tuot sco ün flüm, e challa sco 'l flüm d' Egipto; * Amos 8, 8.

6. Chi edifica nels tshels sias salas, e fondescha seis vout sur la terra; chi clama las auas del mâr, e las spand' oura sur la fatscha della terra: Il nom da quel *ais* il Segner.

7. Non am eschat vus ingual als infants dels Etiopiers, o infants d' Israel? Disch il Segner. Non tret eu Israel our dal pajais d' Egipto, e 'ls Filistins our da Caftor, e 'ls Siriers our da Chir?

8. Mera, ils ügls del Segner Deis *sun* drizzats sur quaist reginam pechadur, ed eu il desdrüj our dalla fatscha della terra; resalv ch' eu non desdrüj affatta la chasa da Giacob, disch il Segner.

9. Perche, mera, tras meis comand fetsch eu, cha la chasa d' Israel sarà smanada vi' e nan tanter tuot ils pö-

vels, sco ch' ün bütta vi' e nan nel van, sainza cha crouda ün granet a terra.

10. Tuots pechadurs tanter meis pövel dessan morir tras la spada, * ils quals dischan: Il mal non ans riva, e non ans incontra.

* Amos 6, 3.

11. * In quel di driz eu sü il tabernacul da David, chi eira büttâ giò, e cludisch aint lur rottüras, e driz sü lur ruinas, e reedifich quel, sco l' *eira* als temps vegls.

* Act. 15, 16.

12. * Äcio cha quels, chi 's claman davo meis nom, possideschan il rimanent d' Edom, e tuot las nazions, disch il Segner, chi fa quaist. * Obad. 19.

13. Mera, ils dis vegnan, disch il Segner, cha l' aradur sieua al tshuncader, e quel chi chalcha las üjas al semnader, * e 'ls munts guottan da muost, e tuot ils muots cuorran sura.

* Gioel 3, 18.

14. Ed eu turnaint darcheu our da preschun meis pövel Israel, e * quels reedifichan las cittats desoladas, e las abiteschan; e plantan vignas, e baivan lur vin, e lavuran sü zardins, e mangian lur früt.

* Es. 65, 21.

15. Ed eu ils implant ferm sün lur terra, ch' els non vegnan plü scharplits davent da lur terra, ch' eu als ha dat, disch il Segner teis Deis.

IL PROFET O B A D I A.

Obadia annunzia als Idumeers, als capitals ed implacabels inimis del pövel da Dieu, lur finala ed inevitabla destrucziun per ils mals, fats alla baselgia da Dien, alla quala el al incontra imprometta salüd etern in Cristo, e perfetta restoraziun.

LA visiun d' Obadia. Usche disch il Segner Deis * dad Edom: Nus avain udi üna publicaziun da parte del Segner, ed ün' ambaschada füt tramissa tanter ils pövels, *dschand*: Stat stü, e laschans partir conter ella in battaglia. * Es. 21, 11. 34, 5. Ger. 49, 14. Gioel 3, 19.

2. Mera, eu at fetsch pitschen tanter ils pövels; tü vainst grandamaing spretschâ.

3. La superbia da teis cour at in-

giannet, qua cha tü avdast sün las fessas dels spelms, *chi sun* ti' ota stanza; * tü dist in teis cour: Chi vain am trar giò, a terra? * Es. 14, 15.

4. * Schabain cha tü adoast teis gnieu sco l' aglia, e 'l tshaintast tanter las stailas, schi 't tir eu impero giò da là, disch il Segner. * Gioel 20, 6.

5. * Sun quels chi vegnan pro tai laders, o sasehins da not? Co est tü sdrüt? Ma non involan quels fin cha als basta? Vegnan forsà vindemiators pro tai; ma non laschan quels alchüns zocs inavo? * Ger. 49, 9.

6. Co vain intravgni dad Esau, e tscherchâ oura ils secrets.

7. Tuot teis confederats at accompagnan fin als confins; quels, con ils quals tū vivast in buna pasch, at ingiannan, e't venschan; quels da tia maisa mettān ūna trappla suot tai. *Qua* in tai non *ais* alchūn intellet.

8. In quel di, disch il Segner, * non dvainta, ch'eu fetsch perir our d'Edom ils sabis, e giò dal munt d'Esau l'intellet? * Ger. 49, 7.

9. Teis *homens* ferms sun eir spaventats, o Teman, acio cha ogniün saja sterminā our dal munt d'Esau, tras mazzacra.

10. Per la * violenza *fatta* a teis frar Giacob vain verguogna at covernar, e sarast sterminā in perpetuo! * Ps. 137, 7.

11. Al di, cha tū staivast incoenter ad el; al di, cha 'ls esters manettan in preschun seis exercit, e forestērs intrettan dadaint sias portas, e büt-tettan la sort sur Gerusalem; qua schi *eirast* eir tū seo ün dad els.

12. Ma non star a guardar al di da tei frar, al di ch'el vain condüt in terra estra, e non t'allegrar dels infants da Giuda, al di ch'els perischan, e non slargiar la bocca, al di da *lur* tribulaziun!

13. Non intrar nella porta da meis pövel al di da lur calamità, e non star neir tū a guardar con dalet seis mal, al di da sia ruina; e non metter *ils mans* sur sia roba, al di da sia destrucziun.

14. E non star sün las cruschadas dellas stradas, per mazzar quels dad

el chi's salvan, e non dar in man *dels inimis* quels dad el chi scampan via, al di dell'anguoscha.

15. Perche vicin *ais* il di del Segner conter tuot las naziuns: Seo tū hast fat, usche sarà fat a tai; tia retribu-ziun vain turnantada sün tei cheu.

16. Perche, seo vus (infants da Giuda) avais bavü sün meis sanet munt, usche dessan baiver continuamaing tuot las naziuns; schi baiver, e travuonder, e dvantar seo scha non füs-san statatas.

17. Ma sül munt Sion sarà qualeha salvamaint, e quel ais sanet, e la chasa da Giacob possiderà sias possessiuns.

18. E la 'chasa da Giacob ais fö, e la chasa da Giosef flamma, e la chasa d'Esau stoppa; e quels l'invüderan, e la consümeran, e della chasa d'Esau non resterà alchün in vita; perche il Segner ha favlâ.

19. E quels della part meridionala piglian aint il munt d'Esau, e quels della planüra il *pajais* *dels* Fili-stins. E 'ls oters eir piglian aint il territori d'Efraim, e 'l territori da Samaria, e Benjamin, con Gilead.

20. E quaiست exercit dels infants d'Israel, chi eira manâ in preschun, tanter ils Cananeers fin in Sarpāt, e quels da Gerusalem, chi eiran manats in preschun, chi *sun* in Sefarad, possideran las cittats del mezdi.

21. E salvaders vegnan nanpro sül munt Sion per güdichar il munt d'Esau; e 'l reginam sarà del Segner.

IL CUDESCH

DEL

PROFET GIONA.

CHAP. I.

Giona, tramiss da Dieu a predgiar conter Ninive, fùgia; ma, aviand il Segner sül mâr sdasdâ sù ün'ora furiosa per sia disobediencia, vain el büttâ oura nel mâr.

IL pled del Segner füt *indirizzâ* a * Giona, al figl d'Amitai, dschand:

* 2 Reg. 14, 25.

2. Leva sù, vâ in Ninive, la granda città, e predgia a quella; perche *

lur malizia ais ascendüda sù avant mai.

* Gen. 18, 20. 21.

3. Ma Giona stet sù per fùgir in Tarsi dal conspet del Segner; ed el gnit giò in Joppe, ingio el chattet üna nav, chi giaiva in Tarsi; ed el, aviand pajâ pel passaggio, intret laint, per ir con quels *della nav* in Tarsi, d'avent dal conspet del Segner.

4. Ma il Segner fet alvar ün grand vent sül mâr, e qua as fet ün grand stratemp stün il mâr, tal cha la nav innatschaiva da's rumper.

5. E 'ls marinêrs as tmettan, e braggittan scodün pro seis dieu, e büttettan l'üsaglia, chi *eira* nella nav, oura nel mâr, per la surlevgiar. Giona però eir'it giò sül fuond della nav, e giaschaiva, ed eira chafuolmaing indormenzâ.

6. E 'l barcharöl s' approsmet via pro el, e 'l dschet: Che dormast tû? Leva sù, braja pro teis Deis! Forsa ha Deis pissêr per nus, cha nus non pereschân.

7. Lura dschettan els l'ün l'oter: Gni nan, train las sorts, cha nus sapchan, chi saja la causa, cha quaiست mal ans *incontra*. Contuot trettan els las sorts, e la sort crodet sün Giona.

8. Qua al dschettan quels: Decele-ra'ns, per che causa quaiست mal ans *incontra*? Che *aïs* teis manstêr, e dinuonder vainst? Qual *aïs* teis pajais, e da che pövel est?

9. Ed el dschet ad els: Eu *sun* Ebreer, e tem il Segner, Deis del tschel, chi ha creâ il mâr e la terra sùtta.

10. E quella gliend as tmet in granda temma; ed els dschettan ad el: Perche hast tû fat quai? Perche quels homens savaivan, ch'el fûgiva davent dal conspet del Segner, perche el als avaiva *quai* relatâ.

11. E quels al dschettan: Che at dessan nus far, cha 'l mâr s'acquieta, e 'ns lascha in pos? Perche l'ora furiosa sül mâr creschaiva plü vi' e plü.

12. Ed el dschet ad els: Pigliâ 'm, e büttâ 'm nel mâr, schi vain il mâr as acquietar, ed as lascherà in pos; perche eu cognosch, cha per causa mia gnit sur vus quaiста granda, furius' ora.

13. E 'ls homens, a forza dels rem-bels, volaivan manar *la nav* oura alla terra, ma non podaivan, perche l'ora furiosa del mâr creschaiva plü vi' e plü conter els.

14. Lura braggittan els pro 'l Segner, e dschettan: Ah Segner, nus at ro-vain, non ans laschar perir per la

vita da quaiست hom, e non ans metter adöss sang innozaint! Perche tû, Segner, hast operâ sco t' ha plascchü.

15. Ed els piglettan Giona, e 'l büttettan nel mâr, e 'l mâr as fermet, *cedand* da sia furia.

16. E quella gliend tmet il Segner in granda temma, ed els sacrifichet-tan sacrificzis al Segner, e votettan vuts.

CHAP. II.

Giona vain travus d' ün grand pesch, nel vainter del qual el fa oraziun al Segner, il qual il tir' ou-ra müravgliusamaing.

MA il Segner avaiva perdert ün grand pesch, per travuonder Giona, ed el * füt nel intern del pesch trais dis e trais nots. * Mat. 12, 40. 16, 4.

2. E Giona fet oraziun al Segner seis Deis, our dal intern del pesch,

3. E dschet: Eu bragit our da mi' anguoscha vi' al Segner, ed el am respondet; eu clamet our dalla chafuolezza della sepultüra, e tû udittast mia vusch.

4. Tû am büttettast giò nel fuond, nel cour del mâr, e l' aua am circondet; tuot teis svuters, e tias nondas, am passettan nan adöss,

5. Ed eu dschet: Eu sun *schatschâ* our davant teis ögls; impero eu vezzerà darcheu il taimpel da tia santità!

6. Auas am incresettan fin al orma, l' abiss am circondet, erba del mâr as liet intuorn meis cheu.

7. Eu fondet giò fin allas ragischs dels munts; las stangas della terra as serrettan sur mai in perpetuo; qua trettast tû our dal foss mia vita, o Segner meis Deis!

8. Cur mi' orma as smarriva in mai, am regordet eu del Segner, e mi' oraziun gnit sù pro tai, nel taimpel da tia santità.

9. Quels chi observan las vanitats da menzögna bandunan lur pietà.

10. Ma eu, * con vusch da lod, at vögl sacrificar; complir ils vuts ch'eu fet; † da cossalvar *appertain* al Segner.

* Ps. 50, 14. 23. 116, 17. Os. 14, 2. Ebr. 13, 15. † Ps. 3, 9.

11. E 'l Segner comandet al pesch, e quel sburklet oura Giona sül sùt.

CHAP. III.

Il Segner comanda danöv a Giona, d'ir in Ninive, ed el va, e 's convertind els sün sia predgia, revocescha Deis sià sentenza.

E 'L pled del Segner füt *indirizzâ* a Giona la segunda vouta, dschand:

2. Stà sù tti, vâ in Ninive, la granda città, e predg-la la predgia ch'eu at declererà.

3. E Giona alvet sù, e get in Ninive, segund il pled del Segner. Ma Ninive *eira* a Dieu üna grandisma città, da trais giornadas chamin.

4. E Giona comanzet ad ir aint per la città, il chamin d'üna giornada, e predgiet, e dschet: Amo quaranta dis, e Ninive sarà subvertida.

5. E 'ls * Ninivits crajettan in Dieu, e clamettan oura ün gegüni, e's vestittan con sach, tant grand, co pischen.

* Mat. 12, 41. Luc. 11, 32.

6. Schi, essendo gnü quel pled fin pro 'l rai da Ninive, alvet el sù da seis trun, e's piglet davent seis vestimaint, e's covernet con ün sach, * e's mettet a zer sün la tschendra.

* Giob 2, 8.

7. Ed el fet clamar oura, e dir in Ninive: Tras decret del rai e da seis grands, as fa qui a savair, cha ne gliend, ne bestias, ne bestiam manü, ne gross, non insaja inguotta, e non paschlaja, e non baiv'aua.

8. Ed as dessan covernar con sach la gliend, e las bestias, e bragir con forza pro Dieu, e's convertir scodün da sia mala via, e dalla violenza ch' *ais* in seis mans.

9. Chi sa? Deis forsa 's volva, e s' inrügla, e tuorna dal ardur la si' ira, dasort cha nus non pereschän.

10. E Deis vezett lur ouvras, ch' els as convertivan da lur mala via, qua s' inrüglet el del mal, ch' el avaiva dit da 'ls far, e non il fet.

CHAP. IV.

Giona, siand grit dalla misericordia da Dieu invers ils Ninivits, vain da Dieu reprints, e tras l' exaimpel d' üna planta al moss' el, e 'l corriegescha da seis errur.

MA quai displaschet fieh a Giona, ed el as grittantet.

2. Ed el fet oraziun al Segner, e dschet: Ah Segner, non eira quai quai ch' eu dschaiva, intant ch' eu eira amo in meis pajais? Perquai anticipet eu con fügen in Tarsi. Perche eu savaiva, cha tü est * ün Dieu misericordiaivel e grazius, tard all' ira, e da granda buntà, e chi s' inrügla del mal.

* Ex. 34, 6.

3. Uossa dimena, Segner, piglia da mai, eu 't rouv, mi' orma! Perche megl *ais* per mai da morir, co da viver.

4. Ma il Segner *al* dschet: Aise dret, da 't grittantar usche?

5. Qua get Giona our dalla città, e's tschantet dal levant della città, e's fet qua üna chamanna, e sezzet suot quella a sumbriva, fin ch' el vezzess, che dvantess con la città.

6. E 'l Segner Deis preparet üna planta müravgliusa, e la fet crescer sù sur Giona, per al far sumbriva sur il cheu, per il retrar da seis fastidi. E Giona s' allegret con grand' allegrezza da quel bösch müravglius.

7. Ma sün il di seguaint, al alvar dell' alba, preparet Deis ün verm; quel * offendet il bösch, e quel sechet via.

* 1 Reg. 19, 4.

8. E, cur il solai alvaiva, preparet Deis ün lam vent oriental, e 'l solai battet sün il cheu da Giona, ed el gniva flaivel. Qua giavüschet el a sai stess da morir, e dschet: Megl *ais* per mai da morir co da viver!

9. E Deis dschet a Giona: Aise dret, da 't grittantar usche per quel bösch? Ed el dschet: *Schi*, l' ais dret, ch' eu saja grit fin alla mort.

10. E 'l Segner *al* dschet: Tü hast grev per il bösch müravglius, in tuorn il qual tü non t' hast sfadiâ, e 'l qual tü non hast fat crescer; chi naschit in üna not, ed in üna not eir perit;

11. Ed eu non dess avair grev per Ninive, quella granda città, nella quala sun plü co dudesch voutas deschmilli creatüras umanas, chi non san *discerner* tanter lur man dret, e 'l snester, e bleras bestias?

IL CUDESCH

DEL

PROFET MICHÈA.

CHAP. I.

Michèa, davo avair declarà sia vocaziun, descriva il gùdizi, cha Deis vegn' a far sur Israel e Giuda per causa da lur idolatria.

IL pled del Segner, chi füt *indirizzà* a * Michèa, al Morastit, nels dis da Jotam, d' Ahaz, e d' Hischia, dels rais da Giuda; † il qual al füt revelà in visiun conter Samaria, e conter Gerusalem. * Ger. 26, 18. † Amos 1, 1.

2. Pövels tuots, tadlai; sajast attenta, o terra, con tuot quai ch' ais in tai! E'l Segner Deis saja testimoni conter vus; il Segner, our dal taimpel da sia santità!

3. Perche mera, il Segner * va our da seis lö, e vain giò, e chamina sur ils lous ots della terra. * Es. 26, 21.

4. E'ls munts * leuan suot el, e las vals as fendan, sco la tschaira leua pro'l fö, sco las auas as spandan giò per la costa. * Ps. 97, 5.

5. Tuot quaist dvanterà per il misfat da Giacob, e per ils puchats della chasa d' Israel. Inua *ais* il misfat da Giacob? Non *ais* el in Samaria? Ed inua *sun* ils lous ots da Giuda? Non *sun* els a Gerusalem?

6. Ed usche redüj eu Samaria in * ün lö crappus della champagna per implantar vignas, e cupich giò nella val sias peidras, e scovern seis fondamaints. * Mic. 3, 12.

7. E tuot sias figüras tagliadas saran sfrisladas, e tuot seis premis da fornicaziuns saran ars con fö, ed eu met in desolaziun tuot seis idols; perche con pretsch da pitanas s'ha ella raspà *quaist*, ed eir tuornerà quai *ad esser* pretsch da pitanas.

8. Da quai sto eu planscher ed ürlar; * chaminar seuz, e nüid; eu fetsch ün pland, *bragind* sco 'ls schacals; ed ün cordöli, *ürland* sco 'ls püfs. * Giob 30, 29.

9. Perche sias plajas *sun* insanablas; ellas tschan fin pro Giuda, rivan fin alla porta da meis pövel, fin a Gerusalem.

10. Non farai quai a savair a Gat, non cridarai in Acco; eu am roudl nella puolvra nella chasa d' Afra.

11. Passa via, o abitadura da Safir, * con las tuorps nüdas; † l'abitadura da Saanan non asch' ir oura; la chasa da Bethaesel *ais plaina* pland, ell' ha tut da vus sia defaisa. * Es. 20, 4. † 2 Reg. 18, 13.

12. Perche l'abitadura da Marot ais in dolor per *seis* bön, perche il mal ais gnü giò da parte del Segner fin alla porta da Gerusalem.

13. Metta spert chavals suot il charr, abitadura da Lachis! Tü est *statta* principi da pucha alla figlia da Sion, perche in tai s'han chattats ils misfats d' Israel.

14. Perquai tramettast tü refüs a Moreset-Gat; las chasas d' Aczib *saran* fallatschusas als rais d' Israel.

15. Amo üna vouta at main eu nan l' ertavel, abitadura da Maresa! El vain a gnir fin ad Adullam, *fin alla* gloria d' Israel.

16. At spala, e't tuonda per ils infants da tia delizia! Slad' oura tia chalvezza sco l' aglia! Perche quels saran manats via da tai in preschun.

CHAP. II.

Il profet annunzia la maledicziun da Dieu als Israelits per lur ingüstia e rebellun vi' als vair profets, ed aderenza vi' als fos, con üna profezia davart il reginam da Cristo, e sia baselgia.

VAE a quels, * chi pensan ad iniquità, e machinan mal sün lur lets; els il mettan in effet al sclerir della mattina, sch' els han lapro la forza in man. * Os. 7, 6.

2. Els desidereschan champs, *e'ls* sdrappan; chasas, ed els *las* piglian; els squitschan suot hom, e chasa; persuna, ed ierta.

3. Perquai, disch usche il Segner: Mera, eu m'impais contra quaista naziun mal, our dal qual vus non dessat podair retrar il colöz, ne chaminar plü superbiamaing; perche que *dess esser* ün temp mal.

4. In quel di vain fat da vus üna chanzun, ed ün pland lamentabel, e vain dit: Nus eschan del tuot guastats; * el ha transferi ad oters la part da meis pövel; co ch'el quai am piglia; el parta nossas possessiuns, per las restituir. * Mic. 1, 15.

5. Perquai non averast tû alehün, chi tira la corda per far parts a sort nella raspada del Segner.

6. Non * profetizarai, profetizan els. Els non profetizan da quaist; e non ceda il vituperi. * Es. 30, 12. Amos 2, 12.

7. Tû chi 't dist, la chasa da Giacob, ais il spiert del Segner animus? *Sun* quaistas sias ouvas? Non sun meis plets buntadaivels vers quel chi chamina realmaing?

8. Ultra quai, per avant alvaiva sù meis pövel contra l'inimi; ma uossa stais vus als aguets conter vestimainta, spogliais da lur rassa quels chi passan via in sgürezza, sco scha gnissat dalla guerra.

9. Vus şchatschais las donans da meis pövel our dallas chasas da lur delizias, vus pigliais mia gloria in perpetuo d'avent da lur pitschens infants.

10. Alvai sù, e chaminai! Perche quaist non *ais vos lö* da repos, * siand ch'el ais impalâ, schi dissipâ 'l, e con ün dissipamaint violent. * Lev. 18, 25.

11. Scha qualchün, * procedand con inspiaziuns e vent, mainta, dschand: Eu at vögl favlar da vin, e da gervosa; schi quel ais ün profet per quaist pövel. * Ez. 13, 3.

12. Ma pertschert, eu 't vögl raspar, o Giacob, tuotaffat; pertschert eu vögl raspar il rimanent d'Israel, il vögl metter insembel sco bescha nel stavel. Sco üna scossa in mez sia stalla sarà qua grand strepit per la *quantità* daglied.

13. Il sforzadur vain nan avant els; quels rumpen tras, e passan aint tras la porta, e tiran dacheu oura tras quella; e lur rai passa avant els via, e 'l Segner a lur testa.

CHAP. III.

Il profet repretta ils redschadurs d'Israel per lur violenza ed ingüstias, e tschantescha conter ils fos profets, e lura predisch el eir la destrucziun da Gerusalem.

MA eu dschet: Ma schi tadlai, capos da Giacob, e vus conducturs

della chasa d'Israel! Non *convain* que a vus da cognoscher l'appussaivel?

2. Quels chi han in ödi il bön, ed aman il mal; chi scorchan il pövel, e 'l şcharpan la charn giò dall'ossa;

3. E chi mangian * la charn da meis pövel, e 'l tiran giò la pel, e smachan si' ossa, e la taglian in tocs, sco *per metter* nell'avna, ed a guisa da charn *per metter* nella codèra.

* Ps. 14, 4.

4. Lura * gnaran els a bragir pro 'l Segner, ma el non als responderà, anzi, el zopperà in quel temp sia fatscha dad els, seguond ch'els han operà malamaing.

* Ps. 18, 42.

5. Usche disch il Segner * conter ils profets, chi stravian meis pövel, chi, cur lur daints han da morder, predgian pasch; e sch' alehün non als da inguotta in bocca, schi claman els oura guerra conter el. * Es. 56, 10, 11.

6. * Perquai sarà not a vus, e sainz' alehüna visiun, e sarà şchür a vus, sainza podair *plü* predir; e 'l solai tramunterà sur quaists profets, e 'l di s' inşchürischa sur els. * Ez. 13, 23.

7. E 'ls vidaints saran svergognats, e 'ls ingiavinadurs confus, cha tuots, quants cha sun, as covernan il lef sura; perche ingüna risposta da Dieu non sarà *qua*.

8. Ma, quant a mai, eu sun plain da forza, per il Spiert del Segner, e da güdizi, e da potenza, * per declarar a Giacob seis misfat, ed ad Israel seis pucha. * Es. 58, 1.

9. Schi, pür udi quaist, capos della chasa da Giacob, e redschadurs della chasa d'Israel, chi abominais la rashun, e storschais ogni chosa dretta;

10. Chi edificais Sion con sang, e Gerusalem con iniquità.

11. * Seis capos güdichan per preschaints, e seis sacerdots mossan per paja, e seis profets ingiavinan per danêr; e tuottüna s' appozan els *amo* sül Segner, dschand: Non *ais* il Segner in mez nus? Mal alehün non po gnir sur nus. * Es. 1, 23.

12. Perquai, tras vossa causa sarà Sion * arâ *sco* ün champ, e Gerusalem redüt in mantuns *da peidras*, e 'l munt del taimpel in lous ots da god.

* Ger. 26, 18. Mic. 1, 6.

CHAP. IV.

Il profet profetizescha davart il reginam spiritual da Gesu Cristo, e la pasch, e tranquillità da sia baselgia.

MA e * dvanterà, nel seguit dels temps, cha 'l munt della chasa del Segner starà fermâ sün la sommità dels munts, e sarà adozâ sur ils muots, e 'ls pövels cuorran nan pro quel.

* Es. 2, 1. Ez. 17, 22.

2. E blers pövels vegnan nan, e dischan: Gai, e giain sù pro 'l munt del Segner, e pro la chasa del Deis da Giacob, ed el ans dess mossar in sias vias, e nus volain chaminar in sias sendas, perche la ledscha giarà our da Sion, e 'l pled del Segner da Gerusalem.

3. Ed el güdicha blers pövels, e chastia naziuns possantas, fin bain dalönsch, e quellas our da lur spadas favergian zappas, ed our da lur lancesch fotschs; l'üna naziun non oza plü la spada conter l'otra, e non imprendan plü la guerra;

4. Anzi lura sezza scodün suot sia vit, e suot seis figêr, ed ingün non spavainta; perche la bocca del Segner dels exercits ha quai favlâ.

5. Siand cha tuots pövels chaminan, scodün nel nom da seis deis, schi volain eir nus chaminar nel nom del Segner nos Deis, in sempiterno.

6. In quel di, disch il Segner, * rasp eu ils zops, e redunesch eu ils schatschats, e quels ch'eu avai' afflit.

* Ez. 34, 16.

7. Ed eu fetsch, cha 'ls zops sun üna reserva, e 'ls dispers dvaintan üna possanta naziun; e 'l Segner regna sur els sül munt Sion, da quell'ura fin in sempiterno.

8. E tü, tuor del tröp, spelm della figlia da Sion; quellas vegnan pro tai, medemmamaing tuorna a tai il domini vegl, il reginam della figlia da Gerusalem.

9. Uossa, perche brajast tü usche fich? Non ais ingün rai in tai, sun its a perder teis cosglêrs, cha dölur at da man, seo la duonna chi parturescha?

10. Trembla, e 't storscha, figlia da Sion, seo la duonna chi parturescha! Perche uossa vainst a trar our dalla

città, ed abiterast sün la cuttüra, e viagerast fin in Babel; ma là sarast deliberada, là vain il Segner at spender dal man da teis inimis.

11. Ma al presaint s'han raspadas conter taibleras naziuns, chi dischan: Saj'-la profanada, e cha vezza nos ögl in Sion seis dalet.

12. Ma quellas non cognoschan ils impissamaints del Segner, e non incelejan seis cossagl, ch'el las ha raspadas a guisa da mannas nel iral.

13. Leva sü, e scuda, figlia da Sion! Perche eu fetsch teis corn da fier, e tias unglas d'aram, e tü vainst a sfrislar blers pövels, ed eu vögl consacrar, a guisa d'interdit, lur guadagn al Segner, e lur facultats al Segner da tuot la terra.

CHAP. V.

Il profet predisch l'assedio da Gerusalem, cufortand però la baselgia con la vgnüda e natiività da Cristo, con la victoria dels fidels conter ils perseguitadurs della baselgia.

MA uossa as raspai a troppas, homens da troppas: L'assedi ais miss conter nus; il redschadur d'Israel ais battü con üna bachetta sün la masella.

2. Ma * da tai, Betlehem † Efrata, combain cha tü est pitschna tanter la milliêra da Giuda, vain am gnir quel, chi dess esser il Segner in Israel, l'uschida del qual ais da vegl, dals temps eterns.

* Mat. 2, 6. † Gen. 35, 19. Güd. 17, 7.

3. Perquai vain el als dar via fin al temp, ch'üna chi ha da parturir, haja parturi; lura vain il rimanent da seis frars darcheu a turnar pro 'ls infants d'Israel.

4. E * quel starà sù dret, e 'ls paschanterà nella forza del Segner, nell'otezza del nom del Segner seis Deis, e quels abiteschan sgürs, perche uossa vain el as far grand fin als davos confins della terra. * Es. 40, 11. 49, 10.

5. E * lura sarà pasch. Cur l'Assirier intra in nos pajais, e metta il pè in noss palazzis, schi ordinain nus conter el set pasturs, ed ot principis dels pövel.

* Ps. 72, 7. Es. 52, 13.

6. E quels desertan il pajais dels Assiriers con la spada, e 'l pajais da Nimrod con sias proprias dajas; ed el

ans spendra dals Assiriers, cur quels intran in nos pajais, e mettan il pè sün noss confins.

7. E'l rimanent da Giacob ais in mez blers pövels sco'l ruschè del Segner; sco plövgia manüda sün l'erba, chi non spetta sün crastian, e non ha spranza sün infants della gliend.

8. E'l rimanent da Giacob ais tanter las naziuns, in mez blers pövels, sco il liun tanter il bestiam del god, sco il liunet tanter las scossas da bescha, qual, sch'el rump' aint, trappla suot, e scharpa, sainza ch'alehtün possa spendrar.

9. Teis man sarà ozâ sur teis adversaris, e tuot teis inimis saran sterminats.

10. * E quai dvainta in quel di, disch il Segner, ch'eu sdrüj teis chavals our da mez tai, e destruesch tia charra.

* Zac. 9, 10.

11. Ed eu sdrüj las cittats da teis pajais, e met in ruina tuot tias fortezzas.

12. Ed eu sterminesch our da teis man ils inchantamaints, e tü non averast plü alchüns prognosticadurs.

13. Ed eu sdrüj our da mez tai tias figüras tagliadas, e tias statuas; e tü non vainst plü ad adurar las ouvas da teis mans.

14. E sragisch tias Astartes our da mez tai, e disfetsch tias cittats.

15. E fetsch vendetta con ira e con sdegn sur ils pövels, chi non obedeschan.

CHAP. VI.

Il profet repretta ils Güdeus per causa da lur ingratitudine, e'l mossa, quals sajan ils sacrificis chi plaschan a Dieu.

TADLAI bain quai cha disch il Segner: Leva sü, litaja pro'ls munts, e lasch' ils muots udir tia vusch.

2. Udi, o munts, e vus salds fondamaints della terra, la lita del Segner; perche il * Segner ha üna lita con seis pövel, e vül dispittar con Israel.

* Es. 1, 18. 5, 3.

3. Meis pövel, che t'ha eu fat; ed in che t'ha eu travagliâ? Dà perdüta conter mai!

4. Perche eu at tret our dal pajais d'Egipto, e't spendret dalla chasa da servitü, e tramettet via avant tai Mose, Aaron, e Miriam.

5. Meis pövel, at regorda pür bain, * che cossagl fet Balac, rai da Moab, e che resposta al det Bileam, figl da Beor, da teis *inconters* da Sittim fin a Gilgal, acio cha tü recognoschest las güstias del Segner.

* Num. 22, 5.

6. Con che dess eu gnir avant il Segner? E'm inclinar avant l'otissem Deis? Dess eu gnir avant el con olocausts, e con vadels d'ün an?

7. * Il Segner averà el achar la miliera da bümatschs, o las desch milis d'öli dellas vals grassas? Dess eu dar meis primogenit *per* meis misfat? Il früt da meis vainter *per* il pucha da mi' orma?

* Ps. 50, 9. 51, 18.

8. O crastian, el t'ha declerà quai ch'ais bön, e * che retschercha il Segner da tai oter, co cha tü fetschest il dret, ed amast benignità, e chaminast in ümiltà con teis Dieu?

* Deut. 10, 12. 1 Sam. 15, 22.

9. La vusch del Segner elama alla città, e chi ais sabi vezza teis nom: Tadalai la percha, e quel chi l'ha ordinada.

10. Non sun amo nella chasa del empi tesors d'impietà, ed ün efa schar, chos'abominabla?

11. * Poss eu esser innozaint, aviand balanschas fosas, ed ün sachet con pais giannaivels?

* Prov. 11, 1.

12. Siand cha seis richs * sun plains da violenza, e seis abitants raschunan falsità, e lur lingua ais frod in lur bocca:

* Ps. 12. Ger. 9, 3.

13. Schi at vögl eu eir batter mortalmaing, atdesoland per teispuchats.

14. Tü mangerast, e non sarast sadolâ, e l'angurdia sarà aint in tai; tü vainst a dar man, ma na a salvar, e quai cha tü salvast dun eu alla spada.

15. * Tü semnerast, e non tschunce-rast; tü zapperast giò las olivas, e non at onscherast con öli; e'l muost, e non baiverast il vin.

* Deut. 28, 38. 39. Amos 5, 11.

16. Ultra quai, ils statuts d'Omri, e tuot las ouvas della chasa d'Ahab, ha ün observâ, e vus chaminais in lur cossagls, acio ch'eu as metta in spavent, e'ls abitants da Gerusalem in spretsch, ed acio cha vus portat il vituperi da meis pövel.

CHAP. VII.

Il profet planscha per causa del pitschen nomber da quels, chi van davo giüstia, e mossa, in che il crastian dess metter fidanza, con üna profezia del reginam da Cristo; dinuonder il profet adoza l'infinita bontà da Dieu.

A Il pover mai! Perche eu sun dvan-tà sco pro las raccoltas della stà, sco *cur* s'ha spiclà las üjas davo la vindemia. *Qua* non *ais* zoc d'üja a mangiar; ün fic tempriv, cha mi' orma desidera.

2. * *L'hom* prus *ais* gnü almain sur terra, ed ün *crastian* prob non *ais plü* tanter la gliend; tuots, quants cha sun, insidieschan a sang, ogniün tenda con la rait davo seis frar.

* Es. 57, 1.

3. * *Amenduos mans sun prontos* a far il mal a plü podair; il princip domanda, e'l güdisch *güdicha* per recompensa, e'l grand pronunzia la perversità da si' orma, e quaist usche interschoulan els.

* Es. 1, 23.

4. Il melder dels *ais* sco üna spina, il *plü* güst pèr co üna saif da *spinatsch*. Il di da tias guardias, tia visita gnarà: Uossa *ais* perplexità tanter els.

5. Non crajarai al ami familiar, non as confidarei nel conductur; da quella, chi posa in tei sain, perchüra ils ütschs da tia bocca.

6. * Perche il figl fa spretsch del bap, la figlia leva sü conter la mamma, e là brüt conter sia söra; ils inimis da scodün *sun* seis familiars.

* Mat. 10, 21. 35.

7. Ma * eu vögl star alla sentinella, guardand sül Segner, spettar il Deis da meis salüd; meis Deis vain am exodir.

* Es. 8, 17.

8. Non t'allegrar sur da mai, inimia! Sch'eueir sun erodada, schi vegn eu darcheu a star sü; sch'eu eir sez nellas schürezzas, schi *ais* il Segner mia * glüm.

* Es. 58, 10.

9. Eu * vögl portar l'indignaziun del Segner, perche eu ha pechâ conter el, fin ch'el main'oura mia lita, e'm fa avair raschun, am tir'our alla glüm, ed eu vez sia giüstia.

* Ps. 37, 6. Lam. 3, 29.

10. Lura mia inimia vain a vair *quai*, e verguogna la covernarà, *ella*, chi'm dschaiva: * Ingio *ais* il Segner tei Deis? Meis ögls vezzeran in ella lur dalet; uossa vain ella trapplada suot sco'l fango dellas stradas.

* Ps. 42, 4. 11. 79, 10.

11. Nel di, cha tias paraits gnaran reedifichadas, vain il decret a tenscher lönscha davent.

12. * In quel temp gnaran els pro tai nan dall' Assiria, e dallas cittats d' Egipto; e d' Egipto fin al flüm, e dal ün mâr fin al oter, e dal ün munt fin al oter.

* Es. 11, 16. Os. 11, 11.

13. Impero avant sarà miss il pajais in desolaziun per causa da seis abitants, per il früt da lur fats.

14. Paschainta tei pövel con tia percha, la scossa da ti' ierta, stand soldan nels gods, in mez Carmel! Ch'els pasculeschan in Basan, ed in Gilead, sco dals temps vegls.

15. Eu at vögl laschar vair chosas müravgliusas, sco als dis cha tü gnitast our dal pajais d' Egipto.

16. Ils pövels vezzeran *quaist*, e saran svergognats da tuot lur potenza; els as mettan il man sün la bocca, lur uraglias saran insurdidadas.

17. Els liehan puolvra sco la serp, sco'ls reptils della terra; els * vegnan tremblant our da lur zoppels; pro'l Segner nos Deis vegnan els con spavent, ed as temman da tai.

* Ps. 18, 46.

18. * Chi *ais* ün Deis egual a tai, chi perdunast l' iniquità, e passast suravia al misfat del rimanent da ti' ierta? † El non tegna in perpetuo si' ira, perche el ha plaschair vi' a benignità.

* Ex. 15, 11. 34, 6. 7. † Ps. 103, 9.

19. El averà danöv compassiun da nus, e metterà nossas iniquitats suot ils peis; el bütterà nel fuond del mâr tuot noss puchats.

20. * Tü salvast a Giacob fideltà, ed ad Abraham benignità, sco tü gürettast a noss babuns agià da vegl innan.

* Luc. 1, 72.

IL CUDESCH

DEL

PROFET NAHUM.

CHAP. I.

Nahum profetizescha davart la destrucziun del reginam dels Assiriers, in cuffort e surlevgiament della povra baselgia, da quel grevamaing tribulada, e chalchada.

IL caric*da Ninive; il cudesch della visium da Nahum, Elcosit. * Sef. 2, 13.

2. Il Segner *ais* ün * Dieu zelus, e vindicadur; vindicatur *ais* il Segner, e plain d'ira; vindicatur *ais* il Segner a seis adversaris, e salva *l'ira* a seis inimis.

* Ex. 20, 5.

3. * Il Segner *ais* tard all'ira, ma grand in forza, e non retegna *il cul-pabel* per innozaint; † il chaminar del Segner *ais* in trabagl ed ora furiosa, e las ntivlas *sun* la puolvra da seis peis.

* Ex. 34, 6. † Ps. 18, 8. Ab. 3, 5. 11. 12.

4. * El slama il mâr, e'l fa esser sût, e tuot ils flüms sùaint'el sù; Basan e Carmel langueschan; il verd del Libano spassescha;

* Es. 50, 2.

5. El fa tremblar ils munts, * ed al-guar ils muots; e la terra, e'l muond e tuot seis abitants, s'elevan avant sia presenza.

* Ps. 97, 5.

6. Chi resisterà avant sia indignaziun; e chi starà ferm pro l'ardur da si'ira? Sia furia as spand'oura sco fô, ed el fa ir ils spelms in pezzas.

7. Il Segner *ais* bun, refugi nel temp d'anguscha; ed * el cognoscha quels chi han spranza in el.

* Ps. 1, 6.

8. Ma el farà üna finala destrucziun al lö da * quella, con inundaziun, chi non poderá esser sustgnüda; e şchürezzas perseguittan seis inimis.

* Dan. 9, 26.

9. Che diliberais vus conter il Segner? El fa üna finala destrucziun; l'anguscha non vain a turnar per la segunda vouta.

10. Perche, intant ch'els sun inter-scholats aint *sco* spinas, e'ls avriarts s'inavrieschan, saran els consumats sco ün mantun da stoppa secha.

11. Da tai ais it oura ün, chi s'ha impissâ mal conter il Segner, ün cos-glêr scelerat.

12. Usche disch il Segner: Eir ch'els vegnan in tuotta forza e nombrus; eir usche dessoan els gnir sgiats giò, e passar via. Ed eu t'ha afflitta, *ma* non at vögl affliger plü.

13. Anzi uossa vögl eu sfrachar seis giuf d'adöss da tai, rumper teis liams.

14. Ma conter tai ha'l Segner ordinâ, cha non as fetscha plü sem our da teis nom; eu sterminesch our dalla chasa da teis deis las figüras tagliadas, e las statuas culadas; * eu at pre-par tia sepultüra, perche tü est miss in spretsch.

* 2 Reg. 19, 37.

15. Mera * sün ils munts ils peis del mess da bunas novas, chi annunzia la pasch! Celebrescha, o Giuda, tias festas, accomplescha teis vuts! Perche il scelerat non passa plü sur tai; tuot ais el sdrüt.

* Es. 52, 7. Rom. 10, 15.

CHAP. II.

Nahum predisch particularmaing la praisa, butin, e ruina da Ninive, per la deliberaziun, e vendetta del pövel da Dieu, e per il chastiamaint della sgiarbaria, e violenza da quella.

IL dissipadur tira nan conter tai, *Ninive!* Perchüra bain la fortezza, considerescha la via, at tshintia ils flanes, at prepara valerusamaing!

2. Perche il Segner restituenscha a Giacob sia gloria, sco eir la gloria d'Israel; siand cha * vendemiators ils han vendemiats, ed han guastâ lur perchas.

* Ps. 80, 13.

3. Ils şchüts da lur homens potaints *sun* intints a cotschen, seis homens da guerra sun vestits in şcharlatta; nel di ordinâ della battaglia as *mouva* la charra con fô da sfagliadas, e las lanschas saran squassadas.

4. La charra ais in furia per las stradas, e festinan con grand strepit sün las piazzas; l'aspet da quella ais simil a sfagliadas invüdadas; sco chalavernas sagl-la via.

5. El clama per nom seis bravs guerriers; quels as chambüreschan

nel chaminar, cuorran in prescha pro sia müraglia, ma la coverta d'assedio ais apparehada.

6. Las portas dels flüms vegnan avertas, e 'l palazzi da aint.

7. E decis aise: Ninive vain tratt'oura, e manada in preschun, e sias fantshellas suspüran con vuschs, seo colombas, as battand il pet.

8. Ma Ninive eira, dal temp innan ch'ella sta plaina da gliend, seo üna peşchaduira; uossa fügen els. As fermai, as fermai! Ma ingün non as volva.

9. Butinai l'argent, butinai l'or; *roba* perderta sainza fin; abundanza da clinöts prezius d'ogni sort.

10. L'ais svödada, e spogliada, e desolada, e cour alguâ, e tuot la snuoglia chi trembla, e dolor in tuot ils flancs, e las fatschas da tuots sun sblachas, sainza color.

11. Ingio *ais* uossa il cuvel dels liuns, e quai ch'eira paşchüra dels liunets, ingio giaiva il liun, la liunessa, e 'ls liuns giuvens, sainza ch'alchün *ils* spaventess?

12. Il liun sdrappaiva per seis liunets a bastanza, e stranglaiva per sias liunessas, ed impliva sias fouras con praja, e seis cuvels con il sdrappâ.

13. Mera 'm qui conter tai, disch il Segner dels exercits, ed evöglarder, e *redür* in füm tia charra, e la spada dess magliar teis liuns giuvens, eu vögl sterminar dalla terra teis far praja, e la vusch da teis mess non sarà plü udida.

CHAP. III.

El profetizescha conter la città da Ninive, e predisch sia destrucziun, sainza cha, ne fortezzas, ne preparaziun da guerra, ne oter agüd uman la possa deliberar.

VAE alla * città da sang, tuot plaina da menzögna, e d'extorsiun; dalla quala il sgiarbar mâ non as parta.

* Ez. 24, 9. Ab. 2, 12.

2. Slops da giaisla, e fracasch da roudas, e chavals chi zapplan, e charra chi saglia.

3. Cavalliers in marcha, sflammiar da spadas, e glüschir da lanschas, e quantità da mazzats, e grand number da corps morts, e cadavers sainza fin; ün as chambüra sur corps morts.

4. *Quaist tuot* per las bleras fornicaziuns della pitana graziaivla, magistra d'inchantamaints, chi fet merchanzia cols pövels tras sia fornicaziun; e con las naziuns per seis inchantamaints.

5. Mera 'm qui conter tai, disch il Segner dels exercits, ed eu scovern teis urs sur la fatscha, e lasch vair als pövels tia verguogna; ed als reginams tia tuorp.

6. Eu at bütt adöss il suoşch, e fetsch giamgias da tai, e 't redüj ad esser per spectacel.

7. E chi 't vezzerà vain a fügen da tai, e dscharà: Ninive ais guastada, chi condolerà a quaist? Dinuonder at dess eu tscherchar confortadurs?

8. Est tü meldra da No-Ammon, situada sper il flüm Nil, incresada con auas, l'antimür della quala *eira* il mâr, e la müraglia della quala *gniva* sü dal mâr?

9. Cus ed Egipto, e *pövels* sainza fin *eiran* sia forza, Fut e 'ls Libiers eiran in teis agüd;

10. Ed impero ais eir ella trasportada, e get in preschun, ed eir seis pitschens infants füttan sfrislats in cheu d'ogni strada, e sur sias persunas onoratas s'ha trat la sort, e tuot seis grands füttan inchadanats nels tscheps.

11. Eir * tü sarast inavriada, e vainst at zoppar; eir tü tschercherast ün lö ferm, avant l'inimi.

* Ger. 25, 17.

12. Tuot tias fortezzas sun fies, e fies temprivs; sch'ün ils squassa, schi croudan els in bocca da chi *ils* voul mangiar.

13. * Mera, teis pövel sun tantas donans in mez tai a teis inimis; las portas da teis pajais vegnan avertas; il fö constüma tias stangas.

* Ger. 50, 37.

14. At tira sü aua per l'assedi, fortifica tias fortezzas, zappa giò la malta, e batt'aint l'arschiglia; refà il fuorn da quadrels!

15. Là at consümerà il fö, la spada 't sdrüerà; at consümerà, a guisa da muşchuns, eir cha sajast in grand number sco 'ls muşchuns; sajast in grand number sco 'ls salips.

16. Tü hast multiplichà teis merchedants sur *il number* dellas stailas del

tshel; ils muschuns as rasan oura, e *lura* svoulan els davent.

17. Teis principals *sun* sco salips, e teis chapitanis sco tshièra da salips, chi 's acchampan intuorn ils mürs, in temp da fraid; e, cur il solai leva, schi 's fan els davent, ed ün non cognoscha *plü* il lö, ingio els sun.

18. Rai d' Assiria, teis conducturs

sun indormenzats; teis bravs guerriers s' han retrats al pos; teis pövel ais dispers sün ils munts, ed ingün non *ais qua* chi 'l raspa insembel.

19. Tia rottüra non as lascha saldar ad ingün möd, tia plaja ais a mort! Tuots quels chi odan da tai dan dels mans insembel sur tai; perche, sur chi oura non ais passada da contin tia malizia?

IL CUDESCH

DEL

PROFET ABACUC.

CHAP. I.

Il profet planscha, cha 'ls buns sun perseguitats dals mals; ils quals però a lur temp vegnan amo a perir.

IL carie cha Abacuc, il profet, vèzzet.

2. Quant löneh, Segner, ha eu bragi, e tü non *am* voust exodir? Ha eu clamâ vi' a tai da violenza, e tü non voust salvar?

3. Perche 'm laschast vair iniquità, e 'm fast guardar perversità? E sgiarbaria, e violenza *ais* avant mai, lita e contesa as movaintan.

4. Perquai vain indeblida la ledscha, e 'l güdizi non va oura tenor vardâ; perche l' empi incre's aint il güst, perquai va oura il güdizi tuot tort.

5. * Guardai tanter ils pövels, e mirai, e 's smüravgliai, e sajat instupits; perche eu fetsch in voss dis ün' ouvra, *la quala* vus, cur ella füss requintada, non crajessat.

* Act. 13, 41.

6. Perche mera, eu movaint ils Caldeers, quell' aspra e furiosa nazium, chi chamina vers tuot las ladezzas della terra per s' impatrunir da stanzas, *chi* non *sun* sias.

7. L' *ais* orribila e spaventabla; sia raschun, e si' otezza proceda dad ella svess.

8. E seis chavals sun plü sperts co pardels, e plü rabgius co * lufs sün la saira, e seis cavalliers superbis as rasan oura, e vegnan da lontan; els † svoulan a guisa dell' aglia, chi festina alla praja.

* Ger. 5, 6. Sef. 3, 3. † Ger. 4, 13.

9. Els tuots vegnan per sgiarbar; l' insontrar da lur fatschas ais ün vent oriental, ed ella raspa preschunêrs a guisa da sablun.

10. Ella fa beffa da rais, e principals la fan gnir giö; la ria d' ogni fortezza, e mantuna terra, e la pigl' aint.

11. *Ma* lura vain-la sco vent a transir, ed a passar via, e sarâ culpabla. Quaista sia forza *as datta* da seis dieu.

12. Non *est* tü d' eterno innan, o Segner meis Deis, meis sanet? Nus non gnin a morir! O Segner, tü l' hast tshantada per güdizi; e tü, * o spelm, l' hast fondada per chasti.

* Deut. 32, 4.

13. Tü hast ögls massa nets per vair il mal, e non poust guardar iniquità! Perche *dimena* voust guardar ils pervers, e tashair, intant cha l' empi travuonda quel chi ais plü güst co el?

14. E fast usche ils crastians similis als peschs del mâr, similis als reptils, chi non han patrun?

15. Ella ils tir' oura tuots con l' ham, ils piglia nan in seis liams, e 'ls raspa in sia rait; perquai s' allegr' ella, e trionf' -la.

16. Perquai sacrific' ella a seis liams, e fa-la profüm a sia rait, siand tras quels sia praja grassa, e sia vîvanda in abundanza.

17. Dess ella perquai svödar sia rait, e mâ non interlaschar da mazzar pövels da contin?

CHAP. II.

Il profet declera, co il Segner al respondet sün il pland fat; metta eir nan la ruina dels Caldeers tras lur avarrezza, superbia, avrianza ed idolatria.

Eu am vögl metter sün mia sentinella, e m postar nella fortezza; e vögl considerar, per vair quai cha'l Segner gnis am dir, e quai ch'el am responsa sün meis plands.

2. E'l Segner am respondet, e dschet: Scriva la visium, e distend'la cleramaing sün tablas, ch'ün la possa ler correntamaing.

3. Perche la visium tenscha amo fin ad ün tschert temp, ma que s' approssima alla fin, e non vain a mentir; scha quai * surтира, schi spetta 'l; perche a gnir vain que tschert, e non intarderà.

* Ebr. 10, 37.

4. Mera, l' orma da quel chi 's retira non ais sincêra in el; * ma il güst viva tras sia cretta.

* Rom. 1, 17. Gal. 3, 11. Ebr. 10, 38.

5. E tant plü eir il vin ingianna; l'hom vain superbi e non subsista, perche el slargi oura si' orma * a guisa della sepultura, ed ais sco la mort, e non vain sadolâ, e raspa nan pro sai tuot ils pövels, e mantuna pro el tuot las naziuns.

* Prov. 27, 20.

6. Tuot quaists pövels non vegnan quels a far spass d'el, ed al rir oura, e dir: Vae a chi mantuna quai cha non ais sieu, infin a cura? El vain as metter adöss cuolpa granda.

7. Non vegnan ad alvar sü dandetamaing da quels chi vöglian il fit, e non as sdasderan da quels chi 't schatschan? E tü als sarast per praja.

8. * Perquai cha tü spoglettast blers pövels, schi vain tuot il rimanent dels pövels at spogliar per ils omicidis della gliend, e per la violenza vi' alla terra, allas cittats, ed a tuot lur abitants.

* Es. 33, 1.

9. Vae a quel chi in avarizia fa mal guadagn per sia chasa; da metter seis gnieu in ün lö ot, per esser deliberâ dal mal!

10. Tü fettast ün cossagl, *chi sarà* da confusiun a tia chasa, da tagliar in pezzas blers pövels; e jpechettast conter ti' orma.

11. Perche la peidra braja our dal mür, e l'pâl responsa our dal lainam.

12. * Vae a chi edificha cittats con sang, e chi fonda chastels coniniquità!

* Ger. 22, 13. Nah. 3, 1.

13. Mera, *quaist proceda* dal Segner dels exercits, * cha pövels as sfadajan per il fö, e naziuns as stanglain-tan per inguotta.

* Ger. 51, 58.

14. Perche * la terra ha da gnir implida dalla gloria del Segner, sco las auas covernan il mâr.

* Es. 11, 9.

15. Vae ad el, chi da da baiver a seis compagn, chi'l sporscha a *bocca* seis flascun, ed eir l'inavriaja per guardar sia verguogna.

16. Tü sarast sadolâ con vituperi in vece da gloria; baiva eir tü, e scoverna tia verguogna. Il bachêr del man dret del Segner vain as volver nan pro tai, e *qua sarà* vituperi sur tia gloria.

17. Perche la violenza *üsada* al Libano at covernerà, e'l guast fat allas bestias là spaventadas, per causa del sang della gliend, e della violenza vi' alla terra, allas cittats, ed a tuot lur abitants.

18. Che güda la figüra tagliada, cha seis formadur la taglia? *Che güda* la statua culada, e'l doctur da menzö-gna, cha'l factur as confida in seis lavurêr, fand idols müts?

19. Vae a quel chi disch al lain: At sdruaglia! Ed alla peidra mütta: At sdaisda! Podess quella mossar *chosa alchüna*? Mera, l'ais inserrada in or ed argent, e spiert alchün non ais aint in ella.

20. Ma il Segner ais nel taimpel da sia santità; * silenzi per sia presen-za fa tuotta la terra.

* Sef. 1, 7.

CHAP. III.

Oraziun, nella quala il profet, aviaud inolet la revelaziun della ruina dels Caldeers, s' acquieta in sai stess, rovand il Segner, d' assister ils fidels in lur tribulaziun, eir üna profezia davart nos Segner Gesu Cristo.

L' ORAZIUN del profet Abacuc, sün möd da lamentaziun.

2. O Segner, eu udit tia relaziun; Segner, temma m' ha surprais. Conferma ti' ouvra nel cuors dels ans, nel cuors dels ans notifich'la; nell' ira at regorda d'avair misericordia.

3. Deis vain *ünsacura* da Teman, * e'l sanet dal munt da Paran: Sela!

Sia gloria coveina ils tschels, e la terra vain plaina da seis lod.

* Deut. 33, 2. Güd. 4, 5.

4. Ed üna splendor, simila al solai, compara, e razz da sias varts, e qua eir il zoppel da sia gloria.

5. Avant el chamina la pestilenza, e * carbuncels van oura davo el.

* Deut. 32, 24. Ps. 18, 9.

6. El as ferma, e masüra la terra; el guarda, e fa tremblar ils pövels, e 'ls munts eterns sun cupichats, e 'ls muots vegls sun abbassats; el chamina las vias veglias.

7. Eu vez in bsögn las tendas da Cuschan, las covertas del pajais da Midian tramblettan.

8. Il Segner s'ha el adirâ conter flüms? Aisteis sdegn conter flümêras? Tî indignaziun conter il mâr, cha tû t'avanzaivast sün teis chavals, sün tia charra da victoria?

9. Teis balaister ais * trat oura, pront teis tschantshar e tias frizzas; victoria! Sela; tû fendast la terra in flüms.

* Ps. 77, 18. 78, 15.

10. Ils munts at vèzzan, e tremblan; ün diluvi d'auas vain incoenter l'abiss, da oura sia vusch, el oza seis mans in ot.

11. Il solai e la glüna as ferman in lur abitacul, cleritâ da la glüm da tias sagettas, e splendor il stragli-schir da tia lanscha.

12. Con indignaziun chaminast tû sur la terra; con ira scudast tû ils pövels.

13. Tû tirast oura in agüd da teis pövel, in salüd da teis onschü; tû sfrislast il cheu alla schlatta dels empis, splanand lur chasa fin al fuond. Sela.

14. Tû fourast con sias frizzas tras il cheu da seis conducturs; quels vegnan a guisa da trabagl per ans dissipar; lur triumf ais sco da travuonder il pover in aguets.

15. Tû zappast con teis * chavals sün il mâr, sün il mantun da grandas auas.

* Ps. 77, 20.

16. Ma eu l'udit, e meis corp as moventet, meis lefs tremblettan da quella vusch; ün charöl intret in mi' ossa, eu sun spaventâ in mai stess. Co dess eu avair pos in vista del di d'anguoscha, eur quel chi farà guast al pövel vain a gnir nan conter nus?

17. Perche 'l figêr non dsermüglia qua; e früt alchün non ais nellas vits; la rendita del olivêr falla, e 'ls champs non produian spaisa; las scossas sun sdrüttas nels stavels, ed ingün bov non ais plü nellas stallas.

18. Impero eu vögl triumfar nel Segner, vögl saglir d'allegrezza nel Deis da meis salüd.

19. Il Segner Deis ais mia forza, el am dapeis, * simil a quels dels tschier-vis, † el am condüja sün meis lous ots. Per il capo dels musicants, sün instrumaints da corda.

* 2 Sam. 22, 34. Ps. 18, 34. † Deut. 32, 13. Ps. 4, 1.

IL CUDESCH

DEL

PROFET SEFANIA.

CHAP. I.

Sefania predisch la prosma desolaziun da Gerusalem, e da tuot il pövel tras ils Caldeers causa lur idolatrias, ed oters sgrischus puchats.

IL pled del Segner, chi füt *indirizzâ* a Sefania, al figl da Cusi, del figl da Gedalia, del figl d'Amaria, del figl d'Hischia; nels dis da Josia, del figl d'Amon, del rai da Guida.

2. Eu vögl del tuot far perir ogni

chosa davent dalla fatscha della terra, disch il Segner:

3. * Vögl far perir la glièud, e 'ls animals; far perir ils utschels del tschel, e 'ls peschs del mâr, e 'ls † intops, insembel cols empis; ed eu sterminesch la glièud davent dalla fatscha della terra, disch il Segner.

* Os. 4, 3. † Ez. 14, 3. 7. Mat. 13, 41.

4. Ed eu stend oura meis man sur

Giuda, e sur tuot ils abitants da Gerusalem, e sterminesch our da quaiста l'ò rimanent da Baal, il nom dels camars, insembel con ils sacerdots.

5. E quels medemmamaing, * chi aduran sün ils tets, avant l'exercit del tshel, quels chi aduran avant il Segner, e güran pro el, ma eir güran pro lur idols.

* 2 Reg. 23, 12.

6. E quels chi 's han retrats inavo dal Segner, e chi non tsherchan il Segner, e non domandan davo el.

7. Silenzi per la presenza del Segner Deis! Perche il di del Segner *ais* vicin; perche il Segner ha apparechâ ün sacrifici, ordinâ seis invidats.

8. E quai dvainta al di del sacrifici del Segner, ch' eu visit ils princips, e 'ls infants del rai, e tuots quels, chi 's vestan con vestimainta estra.

9. In quel di visit eu eir tuots quels, chi saglian sur il glim, e chi implan las chasas da lur signurs con rapina, e con frod.

10. Ed in quel di dvainta, disch il Segner, ed ais üna vusch da bragizi vers la porta da peschs, ed ün üerl della seguonda vart, ed ün grand fracasch nan dals muots.

11. Urlai abitants del Morscher! Perche tuot il pövel da merchadants perescha, tuots quels chi portan danêrs veggan sterminats.

12. E quai dvainta in quel temp, eu vögl tsherchar oura Gerusalem con lütschernas, e visitar la gliend, chi stan sün lur fetschas, chi dischan in lur cour: Il Segner non fa ne bain, ne mal!

13. E lur facultats saran per praja, e lur chasas in desolaziun; ed els han edificâ chasas, e non abiteschan *laint*; ed implantâ vignas, e non bai-van lur vin.

* Deut. 28, 30.

14. Il grand di del Segner *ais* vicin, l' *ais* vicin, e festina nan fies, la vusch del di del Segner resuna; fosamaing brajan lura ils guerriers.

15. * Quel di ais di d'indignaziun, di da tribulaziun ed anguoscha, di da tumult e da fracasch, di da şchürezzas e da şchürdüm, di da nüvlas, e d'obscurità da not. * Ger. 30, 7. Gioel 2, 2, 11.

16. Di da trombetta e d'alarm sur las cittats fermas, e sur las otas tuors.

17. Ed eu met la gliend in anguoscha, ch' els chaminan sco orbs, siand ch' els han pechâ conter il Segner; e lur sang vain spans oura sco puolvra, e lur charn sco aldüm.

18. * Ne lur argent, ne lur or, non ils poderà deliberar al di dell' indignaziun del Segner, e tuot il pajais vain constümâ tras il fò da sia zelosia; perche el farà üna finala, e spediain-ta destrucziun sur tuot ils abitants del pajais.

* Prov. 11, 4.

CHAP. II.

Il profet exorta il rimanent dels fidels a perseveranza, oraziun, e penitenza, con l'impromissiu, cha Deis vegna a restorar sia baselgia, e la far in Cristo, seis cheu, signura del muond, clamand ils pajans a sia cognoschenscha, e vair servezzen.

AS raspai insembel, as raspai, o naziun chi non hast ingüna tuorp!

2. Ant cha 'l decret parturescha, (il di passa a guisa da paglia); ant cha vegna sur vus l'ardur dell' ira del Segner; ant cha vegna sur vus il di dell' ira del Segner.

3. *Vus*, tuot ils bandus del pajais, chi fais quai ch' el ordaina; tsherchai il Segner, tsherchai güstia, as procurai bandusezza; * forse sarat zoppats al di dell' ira del Segner!

* Gioel 2, 14.

4. Perche * Gaza sarà bandunada, ed Ascalon in desolaziun; Asdod sarà şchatschada da bel mezdi, ed E-cron sarà ragischad 'oura.

* Ger. 47, 4, 5. Amos 1, 6.

5. Vae a quels, chi avdan nella contrada sper il mâr, alla naziun dels Cretits; il pled del Segner *saja* sur vus Cananeers, pajais dels Filistins; ed eu at desdrüj, tal ch' in tai non abiterà plü alchün.

6. E la contrada sper il mâr dvanterà tuot pašchüras, chamannas da pasturs, e stavels da scossas;

7. E quella contrada sarà per il rimanent della chasa da Giuda, ch' els qua pasculeschan; la saira as laschan els giò nellas chasas d'Ascalon; perche il Segner lur Deis vain als visitar, ed als trar darcheu our preschun.

8. * Eu udit il vituperi da Moab, e las ingiurias dels infants d'Ammon, eur ch' els vituperettan meis pövel, e stettansü conter seis confins. * Ger. 48, 27.

9. Perquai, *sco* eu viv, disch il Segner dels exercits, il Deis d' Israel, * Moab dess esser sco Sodoma, e 'ls infants d' Ammon sco Gomorra, ün lö surdat allas urtias, ed üna salina, ed ün desert in perpetuo. Il rimanent da meis pövel ils butinerà, e l rest da mia naziun ils possiderà. * Es. 15. Ger. 48.

10. Quaist *dvainta* ad els per lur superbia, ch' els han vituperà il pövel del Segner dels exercits, e s' han adozats conter el.

11. Il Segner *sarà* terribel sur els, perche el sdrüa tuot ils deis della terra, ed avantel aduran, scodün nan da seis lö, tuot las inslas dels pajans.

12. Eir * vus Etiopiers sarat mazats da mia spada. * Es. 18, 1.

13. Ed el stend' oura seis man vers il settentrion, e* sdrüa Assur, e metta Ninive in desolaziun, sech sco ün desert. * Es. 10, 12.

14. E las scossas, tuot las bestias in tröps, giascheran in mez ella, e l * pellican, e la tschuetta albergian nels glims sur lur portas; vuschs chantan sün las fanestras; desolaziun ais sün ils glims; perche quella ais spogliada da sias parais da ceder. * Es. 34, 11. 14.

15. Tal' ais la città trionfanta, chi abitaiva in sgürezza, chi dschaiva in seis cour: * Eu *sun*, e *qua* non *ais* ingün' otra co eu. Co ais ella redütta in desolaziun, in zoppel da bestias! Chi passa sper quella via schübla, e movainta il man. * Es. 47, 8.

CHAP. III.

Il profet reprend' ils puchats da quels da Gerusalem, dels redschadurs, sacerdots, e profets; cuffortand il rest dels fidels tras la liberaziun, e pasch della baselgia, e raccolta tras il messia our da tuot la naziun.

VAE allà rebella, ed impalada; alla città d' oppressiun!

2. Ella non taidla la vusch, non ardschaiva correcziun; non as confida nel Segner, non s' approsma pro seis Dieu.

3. Seis princips dadaint ella *sun* liuns chi sbrüjan, e seis redschadurs *sun* lufs della saira, *chi* non reservan alchün öss per la mattina.

4. * Seis profets *sun* temeraris, homens infidels; seis sacerdots impalan il santuari, fan violenza alla ledscha.

* Ger. 23, 11. 12.

5. Il Segner *ais* güst in mez ella, el non fa alchün' iniquità; ogni mattina port' el oura alla glüm seis güdizi, el non manca; tuottüna il pervers non sa da turpienscha.

6. Eu sterminet pövels, lur fortezzas sun sdrüttas; eu fet desertas lur stradas, tal cha non passa qua plü alchün; lur cittats sun desoladas, tal cha non *ais qua* crastian abitudur.

7. Eu dschet: Pür temma'm, retschaiva correcziun, schi non sarà sdrütta tia stanza, pro tuot il comand ch' eu fet dad ella; ma quels as sfadiettan per il mal in tuot lur ouvras.

8. Ed uschea spettai sün mai, disch il Segner, al di, ch' eu lev sü per spogliar; perche meis decret *ais* da raspar pövels, e da manar insembel reginams, per spander oura sur els m' indignaziun, tuot l'ardur da mia ira; perche * tuot la terra dess gnir consumada tras il fö da mia zelosia.

* Sef. 1, 18.

9. Perche lura accord eu als pövels lefs nets, acio cha tuots, quants cha sun, claman in agüd il nom del Segner, e l servan d' ingual consentimaint.

10. Da là del flüm d' Egipto vegnan meis supplicants, la quantità da meis dispers, a portar mias offertas.

11. In quel di non sarat tü confusa per tuot tias ouvras, con las qualas tü hast misfat contra mai; perche lura pigl eu our da mez tai teis superbis trionfants, e tü non t' altereschast plü sün meis munt sanct.

12. Ed eu lasch restar aint in mez tai ün pövel ümil, e pover, il qual ha spranza nel nom del Segner.

13. Il * rimanent d' Israel non commetta iniquità, e non profereschamen-zöгна, ed ün non chatta in sia bocca lingua ingiannaivla, anzi els pasculesehan, e posan *qua* sainza ch' alchün *ils disturba*. * Mich. 4, 7. Sef. 2, 7.

14. Güvla, figlia da Sion! Fà vusch d' allegrezza, o Israel! T' allegra, e saglia in ot da tuot teis cour, figlia da Gerusalem!

15. Il Segner ha tut davent teis güdizis, ha chatschà oura teis inimis; * rai d' Israel *ais* il Segner in mez tai, tü non vezzerast plü ingün mal.

* Gioan. 1, 49. Ez. 48, 35.

16. In quel di vain ün a dir a Gerusalem: Non at tmair, Sion! non la-schar erodar teis mans.

17. Il Segner teis Deis ais in mez tai, il possant chi salva, el s' allegra da tai con dalet; s' acquieta in sia amur, e fa festa da tai con chant d' allegrezza.

18. Eu rasp insembel quels *chi*, lontans dalla raspada, eiran conturbats; els sun da tai, sün els ais il pais da giamgias.

19. Mera in quel temp trat eu tuots quels chi't affligian, e salv eu ils zops e rasp insembel ils *schatschats, e'ls met in lod, ed in granda fama, in tuot ils pajais, ingio els füttan in vituperi.

* Ez. 34, 16.

20. In quel temp as main eu *nanpro, ed in quel temp as rasp eu insembel; perche eu as met in granda fama, ed in lod tanter tuot ils pövels della terra, in quai ch' eu as tir our preschun avant vossögl, dischil Segner. *Es. 11, 12. Ez. 34, 13.

IL CUDESCH

DEL

PROFET AGGÈO.

CHAP. I.

Il Segner repretend tras il profet la negligenza dels Güdeus, turnats dalla preschun, nel refar seis taimpel, mossand ch' el ils avaiva chastiats, ma, sch' els uossa obedeschon, als annunzia'l agüd, e benedicziun da Dieu.

NEL * seguond an del rai Dario, nel sesavel mais, nel prüim di del mais, füt *indrizzà* il pled del Segner tras il profet Aggèo † a Zerubabel, al figl da Sealtiel, al governatur da Giuda, ed a Giosua, al figl da Josadac, al grand-sacerdot, dschand:

* Es. 4, 27. † 1 Cron. 3, 17. Es. 3, 2.

2. Usche disch il Segner dels exercits: Quaiست pövel disch: Il temp non ais amo gntü, cha la chasa del Segner haja d' esser reedifichada,

3. E perquai il pled del Segner füt *revelà* tras il profet Aggèo, dschand:

4. Aise bain temp per vus, d' abitar in chasas intabladas, intant cha quai-sta chasa resta deserta?

5. Uossa dimena disch usche il Segner dels exercits: Considerai bain vossas vias in voss cours!

6. Vus * semnais bler, e raspais aint pac; vus mangiais, e non as podais sadolar; bavais, e non as podais inavriar; as vestis, e non as podais schüdar; e chi serva per pretsch gnadagna in ün sach forâ.

* Deut. 28, 38.

7. Usche disch il Segner dels exercits: Pigliai bain a cour tuot vos far!

8. It sül munt, e manai nanpro lainam, ed edificai quai-sta chasa, ch' eu

am complascha in quella, e saja glorifichâ, disch il Segner.

9. Vus sperettat sün bler, e mera, *quai s' ha rediit* a pac; e manaivas vus in chasa, schi ha eu sofflâ laint. Perche? Disch il Segner dels exercits. Per mia chasa, chi resta deserta là, intant scodün da vus cuorra pro sia chasa.

10. * Perquai as serra il tschel sur vus, e non *da* ruschè, la terra stret-nischa sia rendita.

* Lev. 26, 19.

11. * Ed eu clamet la sedsda sur la terra, e sur ils munts, e sur la granezza, e sur il muost, e sur l'öli, e sur *tuot* quai cha la terra prodüa, e sur la gliend, e las bestias, e sur tuot la lavur dels mans.

* 1 Reg. 17, 1. 2 Reg. 3, 1.

12. E Zerubabel, il figl da Sealtiel, e Giosua, il figl da Josadac, il grand-sacerdot, e tuot il rimanent del pövel, obedittan alla vusch del Segner lur Deis, ed als plets del profet Aggèo, seguond cha'l Segner, lur Deis, l'avaiva tramiss; e'l pövel as tmet del Segner.

13. Ed Aggèo, il mess del Segner, dschet al pövel, seguond la commissiun del Segner: Eu *sun* con vus, disch il Segner.

14. Il Segner dimena sdasdet sü il spiert da Zerubabel, del figl da Sealtiel, del governatur da Giuda, e'l spiert da Giosua, del figl da Josadac, del grandsacerdot, e'l spiert da tuot il rimanent del pövel, ed usche gnittan

els, e lavurettan intuorn la chasa del Segner dels exercits, da lur Dieu.

15. *Quai* füt nel vainch e quartavel di del sesavel mais, nel seguond an del rai Dario.

CHAP. II.

Il Segner cufforta ils Güdeus, chi lavuran intuorn il taimpel, tras l'impromissiu della vgnüda da Cristo in quel, e della predgia del evangeli; lura reprene el l'ipocrisia dels Güdeus in seis servezzen, pel qual els eiran stats chastiats per il passà; ma's convertind els sarà benedicziun avant man; ed a Zerubabel impromett'el, cha'l messia nascherà dad el.

NEL settavel *mais*, nel vainchün di del mais, füt il pled del Segner revelà tras il profet Aggèo, dschand:

2. Tschantscha vossa con Zerubabel, il figl da Sealtiel, il guvernatur da Giuda, e con Giosua, il figl da Josadac, il grandsacerdot, e con il rimanent del pövel, dschand:

3. Chi da vus ais restà, chi ha vis quaiста chasa in sia prüma gloria? E co la vezzais vus al presaint? Non *ais* ella, in guis' a quella, sco inguotta a vossögl's?

4. * Impero, at fortificha vossa, o Zerubabel, disch il Segner, at fortificha medemmamaing, Giosua, figl da Josadac, grandsacerdot, as fortifichai vus, pövel tuot del pajais, disch il Segner, e s' mettai all' ouvra! Perche eu *sun* con vus, disch il Segner dels exercits; * Zac. 8, 9.

5. Seguond il pled della lia, ch' eu fet con vus, cur vus gnittat our d' Egipto, e meis Spiert dmura in mez vus: Non as tmarai!

6. Perche, usche disch il Segner dels exercits: * Amo ün temp, da qua a pac, schi conquass eu il tschel, e la terra, e l' mâr, e l' sût. * Ebr. 12, 26.

7. E eu conquass tuot ils pövels, e las chosas preziasas da tuottas naziuns vegnan, ed eu implesch quaiста chasa con gloria, disch il Segner dels exercits.

8. Meis *ais* l'argent, e meis l'or, disch il Segner dels exercits.

9. Plü granda dess esser la gloria da quaiста seguonda chasa, co quella *della* prüma, disch il Segner dels exercits, ed eu vögl metter la pasch in quaiст lö, disch il Segner dels exercits.

10. Nel vainch e quartavel *di* del novavel *mais*, nel seguond an da Dario, füt *revelâ* il pled del Segner tras il profet Aggèo, dschand:

11. Uschea disch il Segner dels exercits: Domanda vossa ils sacerdots per declaraziun della ledscha, dschand:

12. Sch' ün hom porta charn consacrada nel ur da seis vestimaint, e tocca con seis ur o pan, o chosa cotta, o vin, o öli, o qualunque vivanda, sarà *quella* lura santifichada? E' ls sacerdots respondettan, e dschettan: Na!

13. Ed Aggèo dschet: Sch' alchün, essendo malnet * per ün mort, tocca qualunque da quaiстas chosas, dvaint' ella malnetta? E' ls sacerdots respondettan, e dschettan: Schi, la vain malnetta! * Num. 19, 11.

14. Qua respondet Aggèo, e dschet: Usche ais quaiст pövel, ed usche *ais* quaiста naziun in meis conspet, disch il Segner, ed usche *ais* ogni ouvra da lur mans; anzi quai ch' els offerran ais malnet.

15. Ma al presaint, as fat surasen, da quaiст di inavant, cur non eira amo tschantada peidra sur peidra nel taimpel del Segner;

16. Da lur' in nan cha que get usche, * *ün* gnit pro ün mantun mannas da vainch *masüras*, ed eiran qua *solum* desch; *ün* gnit pro la tinna per trar sü tschinquanta barigls, ed eiran qua *solum* vainch. * Ag. 1, 6. 9. Zac. 8, 10.

17. * Eu s' ha battüts con arsüra, e con ruina, e con tempesta, in tuot las ouvras da voss mans, ma vus non as convertittat pro mai, disch il Segner.

* Deut. 28, 22. 1 Reg. 8, 37. Amos 4, 9.

18. Ma considerai da quaiст di inavant, *chi* *ais* il vainch e quartavel del novavel *mais*; considerai dal di invia cha' l taimpel del Segner füt fondâ.

19. *Eira* qua sem nels granêrs? E perfin la vit, e l' figêr, e l' bösch da poms granats, e l' olivêr non han portâ inguotta. *Ma* da quaiст di inavant vögl eu benedir.

20. E l' pled del Segner füt *indirizzâ* la seguonda vouta ad Aggèo, nel vainch e quartavel di del mais, dschand:

21. Tschantscha con Zerubabel, il guvernatur da Giuda, usche: * Eu vögl conquassar il tschel, e la terra;

* v. 6, 7. Ebr. 12, 26.

22. Ed eu subvertesch ils truns dels rais, e desdrüj la forza dels reginams dels pövels, e roversesch la charra,

e'ls muntats susüra; e'ls chavals, e lur cavalliers vegnan büttats giò, scodün tras la spada da seis prossem.

23. A quel di, disch il Segner dels exercits, at vögl eu tour, Zerubabel,

figl da Sealtiel, meis serviaint, disch il Segner, e't vögl salvar sco ün * sagè; perche eu t'ha elet, disch il Segner dels exercits.

* Cant. 8, 6. Ger. 22, 24.

IL CUDESCH DEL PROFET ZACCARIA.

CHAP. I.

Il profet exort' ils Güdeus a conversiun, tras l'exaimpel da lur antecessurs; lura propon' el duos visiuns, l' üna rapresainta la restoraziun della baselgia, e l'otra la destruziun da seis inimis.

NEL ottavel mais, nel * seguond an da Dario, il pled del Segner füt *indrizzâ* al profet † Zaccaria, al figl da Berechia, del figl d' Iddo, dschand:

* Esr. 4, 24. Agg. 1, 1. † Esr. 5, 1.

2. Il Segner eira grandamaing adirâ conter voss babuns;

3. Ma di ad els: Usche disch il Segner dels exercits: * As converti pro mai, disch il Segner dels exercits, schi'm vögl eu volver pro vus, disch il Segner dels exercits.

* Mal. 3, 7. Luc. 15, 30.

4. Non sajat sco voss babuns, als quals ils profets dels temps passats elamaivan, dschand: Usche disch il Segner dels exercits: Ah schi as converti da vossas malas vias, e da vossas malas ouvras! Ma quels non am obeditan, e non am sporschettan uraglia, disch il Segner.

5. Voss babuns, ingio sun els? E'ls profets pon els viver in perpetuo?

6. Meis plets, e meis statuts, dals quals eu det commissiun als profets, meis serviaints, non sun quels rivats a voss babuns? Dinuonder els as convertittan, e dschettan: Sco cha' l Segner dels exercits pensaiva da'ns far, seguond nossas vias, e seguond nossas ouvras, usche ha el operâ invers nus.

7. Nel vainch e quartavel di del ündeschavel mais, *chi* ais il mais sebat, nel seguond an da Dario, il pled del Segner füt *indrizzâ* al profet Zaccaria, al figl da Berechia, del figl d' Iddo, dschand:

8. Eu avet da not üna visiun, e mera,

* ün hom, muntâ süün ün chavagl cotschen, chi staiva tanter boşcha da mirta, in ün lö sumbrivaint, e davo el plüs chavals, cotschens, e falchs, ed albs.

* Apoc. 6, 4.

9. Ed eu dschet: Che vol dir quaist, meis signur? E l' angel, chi tschanchaiva con mai, am dschet: Eu at vögl mossar, che quaist vögla dir.

10. E' l hom, chi staiva tanter las mirtas, respondet, e dschet: Quaists *sun* quels cha' l Segner ha tramiss, per ir intuorn per la terra.

11. E quels respondettan al angel del Segner, chi staiva tanter las mirtas, e dschettan: Nus eschan its intuorn per la terra, e mera, tuot la terra ha pos, e gioda tranquillità.

12. E l' angel del Segner as mettet a dir: O Segner dels exercits, infin cura non averast tü compassiun da Gerusalem, e dellas cittats da Giuda, conter las qualas tü füttast adirâ greva-maing il spazi da quaists settant' ans?

13. E' l Segner respondet al angel, chi tschanchaiva con mai, plets buns, plets da consolaziun.

14. E l' angel, chi tschanchaiva con mai, am dschet: Clam' oura, dschand: Usche disch il Segner dels exercits: * Eu sun moventâ con granda zelosia per Gerusalem, e per Sion;

* Zac. 8, 2. Gioel 2, 18.

15. E sun adirâ con grand' ira conter las naziuns chi giodan dalet e tranquillità; perche eu eira ün pa adirâ, ma quellas han güdâ pro' l mal.

16. Perquai, disch usche il Segner: Eu am volv darcheu vers Gerusalem con compassiun; mia chasa in quella dess gnir reedifichada, disch il Segner dels exercits, e distais il lingiêr sur Gerusalem.

17. Clam' eir oura, dschand: Usche disch il Segner dels exercits: Amo dessan mias cittats ir sura da bün, e 'l Segner cufforta amo Sion, e tschern' amo oura Gerusalem.

18. Lura ozet eu ils ögls, e guardet, e mera, quatter cornas.

19. Ed eu dschet al angel, chi tschan-tschaiva con mai: Che *vöglian dir* quaistas *cornas*? Ed el dschet: Quai-stas *sun* las cornas, chi han dissipâ Giuda, Israel, e Gerusalem.

20. Lura 'm fet il Segner vair quatter farêrs.

21. Ed eu dschet: A che far vegnan quaists? Ed el respondet, e dschet: Quellas *sun* las cornas chi han dissipâ Giuda, tal, ch' ingün non ozet il cheu; ma quaists sun uossa gnüts per las stramantar; per büttar giò las cornas dels pövels, chi ozettan il corn conter il pajais da Giuda per il dissipar.

CHAP. II.

Zaccaria requinta ün' otra visiun, tras la quala eira maniâ la granda distaisa della baselgia suot il messia, alla quala sun clamats tuot ils elets, per giodair la presenza e grazia da Dieu nella communanza da tuots vair fidels.

LURA ozet eu ils ögls, e guardet, e mera, ün * hom, chi avaiva in seis man üna corda da masülar. * Ez. 40, 3.

2. Ed eu dschet: Ingio vast? Ed el am dschet: *Eu vegn* a masülar Gerusalem, per vair, quala *saja* sia ladezza, e quala sia lungezza.

3. E mera, l'angel chi tschantshai-va con mai gnit oura, ed ün oter angel al gnit oura incooter.

4. Ed el am dschet: Cuorra, tschan-tscha con quel giuven, dschand: Gerusalem sarà abitada per planüra pro la quantità della gliend, e dellas bestias, *chi saran* in mez ella.

5. Ed eu la vögl esser, disch il Segner, ün mür da fö intuorn, * e vögl dvanter a gloria in mez ella. * Es. 60, 19.

6. Udi, udi, * fügen our dal pajais del settentrion, disch il Segner; perche eu s' ha derasats vers ils quatter vents del tsel, disch il Segner. * Es. 48, 20.

7. Oda, Sion, scampa via, *tü* chi avdast pro la figlia da Babilon!

8. Perche usche disch il Segner dels exercits: Davo gloria m' ha el tramiss oura conter ils pövels, chi s' han spo-

gliats; perche, * chi tocca vus, tocca la poppa da seis ögl. * Deut. 32, 10.

9. Perche mera, eu oz il man conter els, e quels saran per praja a lur famagls, e vus cognoscherat, cha 'l Segner dels exercits m' ha tramiss.

10. Güvla, e t' allegra, figlia da Sion! Perche mera, eu vegn, ed abitesch in mez tai, disch il Segner.

11. E bleras naziuns as fan nan pro'l Segner in quel di, e dvaintan meis pövel; ed eu abitesch in mez tai, e tü dessast cognoscher, cha 'l Segner dels exercits m' ha tramiss pro tai.

12. E'l Segner possiderà Giuda per sia part nella terra sancta, ed * as tschernerà eir Gerusalem. * Es. 14, 1.

13. * Silenzi tuotta charn, per la presenza del Segner! Perche el sta sü our dalla stanza da sia santità. * Sef. 1, 7.

CHAP. III.

Zaccaria descriva ün' otra visiun, tras la quala Deis, nella persuna del sacerdot Giosua, da üna süjertà della renovaziun da sia grazia invers seis pövel, con ün' improvissun della vgnüda da Cristo.

LURA am fet *il Segner* vair Giosua, il grandsacerdot, chi staiva * sü dret in pè avant l' angel del Segner, e satan chi staiva da sia vart dretta, per al esser contrapart. * Agg. 1, 1.

2. E'l Segner dschet a satan: Il * Segner at repretta, satan; at repretend' il Segner, chi ha elet Gerusalem! Non *ais* quaist ün tizun scampâ our dal fö? * Güd. 9.

3. Ma Giosua eira vesti con vestimainta trida, e staiva sü dret in pè avant l' angel.

4. E l' angel comanzet, e dschet a quels chi staivan dret sü avant el: Pigliâ l' d' adöss quella vestimainta trida. Lura 'l dschet el: Vezzast, eu lev via da tai tia iniquità, e 't vestesch con vestimainta nouva.

5. Ed eu dschet: Cha 'l vegna miss' üna baretta netta sül cheu. Quels dimena al mettettan üna baretta netta sün cheu, e l' vestittan con vestimainta. E l' angel del Segner staiva presaint.

6. E l' angel del Segner protestet a Giosua, dschand:

7. Uschea disch il Segner dels exercits: Scha tü chaminast in mias vias, ed observast da 'm servir, schi dessast tü eir güdichar mia chasa, e

perchürrar meis cortils, ed eu at vögl dar compagns tanter quaists chi sun *qua* presaints.

8. Ma taidla, Giosua, grandsacerdot, tü, e teis compagns chi sezzan avant tai! Perche vus eschat homens da signals; perche mera, eu main nanpro meis serviaint, il * dsermuogl.

* Es. 4, 2. Ger. 23, 5. Zac. 6, 12.

9. Perche mera, la peidra ch'eu tschantet avant Giosua, sün *quella* suletta peidra sun set ögls. Mera, eu chav' oura si' intagliadüra, disch il Segner dels exercits, e pigl via l' iniquità da quaist pajais in ün di.

10. In quel di, disch il Segner dels exercits, gnis vus ad invidar scodün seis ami suot la vit, e suot il figêr.

CHAP. IV.

La vision del chandellêr d' or, e la declaranza da quel, nella quala vegnan compraisas bieras chosas davart Cristo, e la baselgia.

LURA l' angel, chi tschantschaiva con mai, turnet darcheu, e 'm sdsdet, a guisa d' hom chi ais sdsdâ our da seis sön.

2. Ed el am dschet: Che vezzast? Ed eu dschet: Eu guard, e mera, ün chandellêr tuot d' or, sü sura seis batschigl, e vi' al chandellêr sias set lütschernas, e *qua sun* set vashels chi culan oura per las lütschernas, chi *sun* in tschimma del chandellêr.

3. *Qua sun* eir duos olivêrs sur quel; l' ün dalla vart dretta del batschigl, e l' oter dalla snestra.

4. Ed eu comanzet vers l' angel, chi tschantschaiva con mai, e l' dschet: Che vol *dir* quaist, meis signur?

5. E l' angel, chi tschantschaiva con mai, respondet, e 'm dschet: Non sast tü, che cha quaist vol *dir*? Ed eu dschet: Na, meis signur.

6. Ed el respondet, e 'm dschet: Quaist *ais* il pled del Segner a Zerubabel: Na tras exercit, ne tras forza, ma tras meis Spiert, disch il Segner dels exercits.

7. Chi *est* tü, grand munt? Avant Zerubabel *sarast* tü *redüt* in planüra; e la peidra del cheu tir' el oura, pro acclamaziuns strasunantas: Grazia, grazia ad el!

8. Lura 'm füt *indrizzâ* il pled del Segner, dschand:

9. Ils mans da Zerubabel han fondâ quaista chasa, e seis mans dessan eir la complir; e tü cognoscherast, cha 'l Segner dels exercits m' ha tramiss pro vus.

10. Perche, chi voless spretschar il di del pitschen comanzamaint? Pür s' allegran quels set, *chi sun* * ils ögls del Segner, chi van intuorn per tuot la terra, veziaand la peidra del plombin nel man da Zerubabel.* 2 Cron. 16, 9.

11. Ed eu respondet, e 'l dschet: Che *vöglan dir* quaists duos olivêrs, *chi sun* dalla vart dretta, e dalla snestra del chandellêr?

12. Ed eu comanzet danöv al dir: Che *vöglan dir* quaistas duos manzinas d' olivêr, chi *sun* sper ils duos chierns d' or, chi svödan giò l' or?

13. Ed el am dschet: Non sast tü che *vöglan dir* quaists? Ed eu dschet: Na, meis signur!

14. Ed el am dschet: Quaistas *manzinas sun* ils duos figls del öli, chi stan sü dret sper il Segner da tuot la terra.

CHAP. V.

Il profet requinta duos otras visions; la prüma manaja ils güdizis passats da Dieu sur seis pövel; la seguonda, cha quels saran transportats sur ils inimis della baselgia.

LURA ozet eu danöv meis ögls, e guardet, e mera, üna charta chi svolava.

2. E l' angel am dschet: Che vezzast? Ed eu dschet: Eu vez üna charta chi svoula, sia lungezza *ais* da vainch bratschs muots, e sia ladezza da desch bratschs muots.

3. Ed el am dschet: Quaist ais maledicziun, chi va oura sur la fatscha da tuot la terra; ogni lader vain da quia exstirpâ, seguond quella, ed ogni hom chi güra *fosamaing* vain da quia exstirpâ seguond quella.

4. Eu la lasch oura, disch il Segner dels exercits, ch' ella vegna conter la chasa del lader, e conter la chasa da chi güra *fosamaing* tras meis nom, ch' ella dmura in mez sia chasa, e la consüma, insembel con seis lainam, e sias peidras.

5. Lura l' angel chi tschantschaiva con mai gnit oura, e 'm dschet: Adoza teis ögls, e guarda, che *saja* quaist chi vain oura!

6. Ed eu dschet: Che ais quai? Ed el dschet: Quaist *ais* il möz chi vain oura. Lura dschet el: Quaist *ais* lur conspet tras tuot la terra.

7. E mera, ün toc plom füt ozâ, e mera, üna duonna sezzaiva in mez il möz.

8. Ed el dschet: Quaist *ais* l'impietà! Ed el la büttet in mez il möz, lura büttet el il toc plom süin la bocca da quel.

9. Lura ozet eu meis ögls, e guardet, e mera, duos donans gnivan oura, nellas lur alas eira vent; ed ellas avaiavan alas sumgiantas allas alas della cicogna, e quellas alvantettan il möz d'avent tanter tschel e terra.

10. Ed eu dschet al angel chi tschantschaiva con mai: Ingiovia portan quellas il möz?

11. Ed el am dschet: Nel pajais da Sinear, per l'edifichar qua üna chassa, e qua sara 'l stazionâ e tschantâ süin seis sostegn.

CHAP. VI.

Il profet descriva ün' otra vision, tras la quala sun representats ils güdizis da Dieu sur ils inimis della baselgia; sco eir üna figüra del sacerdotadi, e reginam da Cristo.

LURA ozet eu danöv ils ögls, e guardet, e mera, quatter charrs gnivan tanter duos munts oura, e quels munts *eiran* munts d'aram.

2. Vi al prüm charr *eiran* chavals cotschens, e vi' al segund charr chavals nairs,

3. E vi' al terz charr chavals alvs, e vi' al quart charr chavals falehs pomellats.

4. Ed eu comanzet a dir al angel chi tschantschaiva con mai: Che *vöglian dir* quaists, meis signur?

5. E l'angel respondet, e'm dschet: Quaists *sun* ils quatter vents deltschel chi van oura, davo esser stats nella presenza del Segner da tuot la terra.

6. *Il charr*, vi' al qual *sun* ils chavals nairs, va oura vers il pajais del settentrion, e'ls alvs van oura davo els, e'ls falehs van oura vers il pajais del mezdi.

7. Lura van oura ils cotschens, e tscherchan da scuorrer per la terra. Ed el dschet *ad els*: It, scurri per la terra! Quels dimena scurrittan per la terra.

8. Lura'm elamet el pro, e'm favlet, dschand: Vezzast, quels chi van oura vers il pajais del settentrion acquietan mi' ira vi' al pajais del settentrion.

9. Lura'm füt *indrizzâ* il pled del Segner, dschand:

10. Piglia da quels chi sun stats in preschun, da Heldai, da Tobia, e da Jedaja, e vâ in quel istess di, ed intr' in chasa da Josia, del figl da Sefania, ils quals sun gnüts là da Babilon;

11. Piglia argient ed or, e fâ coronas landroura, e mett' *las* süil cheu da Giosua, del figl da Josadac, del grand sacerdot;

12. E favella ad el, dschand: Usche disch il Segner dels exercits; mera ün hom, il nom del qual *ais* * dsermuogl; quel vain a dsermügliar in pè seis, ed edificherà il taimpel del Segner.

* Es. 4, 2.

13. Ed el sarà quel chi edifica il taimpel del Segner, e porterà la gloria, e vain a zer, ed a dominar süin seis trun, e sarà * sacerdot süin seis sez, e tanter quaists duos sarà cosagl da pasch.

* Ps. 110, 4. Ebr. 3, 1.

14. E las coronas, sajan *quellas* per Helem, e per Tobia, e per Jedaja, e per Hen, il figl da Sefania a regordanza nel taimpel del Segner.

15. E * quels chi sun lontans gnaran, ed edificheran vi' al taimpel del Segner, e vus cognoscherat, cha'l Segner dels exercits m'ha tramiss pro vus. E *quaist* dvanterà, scha pür vus tadlais alla vusch del Segner vos Deis.

* Es. 57, 19. 60, 10.

CHAP. VII.

Qui vain proponü üna questün als sacerdots sopra il gegüni. Il Segner responsa tras Zaccaria, cha 'ls gegünis *sainz'* ouvras da misericordia non sajan inguotta.

LURA dvantet nel quart an del rai Dario, cha'l pled del Segner füt *indrizzâ* a Zaccaria, nel quart *di* del novavel mais, *cioè* da chislev;

2. E Betèl tramettet Schareser, e Regemmelec, e lur principals, per far supplica nel conspet del Segner,

3. E per dir als sacerdots della chasa del Segner dels exercits, ed als profets, in quaista maniera: Dess eu *plünavant* eridar nel tschinchavel mais, am separand, sco eu fet agià da tants ans innan?

4. E'l pled del Segner dels exercits am füt *indrizzâ*, dschand:

5. Favella a tuot il pövel del pajais, ed als sacerdots, dschand: Cur vus avais gegünâ e pland, nel tschinchavel, e nel settavel *mais*, già il spazi da settant' ans, avais vus gegünâ a mai?

6. E, cur vus mangiais, e bavais, non *eschat* vus quels, chi mangiais e chi bavais?

7. Non *sun quaists* ils plets cha'l Segner faiva predgiar tras ils profets dels temps passats, infant cha Gerusalem eira abitada, e tranquilla, insembel con sias cittats our dintuorn, e cur medemmamaing eira abitada la part meridionala, e la planüra?

8. Lura il pled del Segner füt *indrizzâ* a Zaccaria, dschand:

9. Usche dschet *ünsacura* il Segner dels exercits: Fat güdizi fidel, e dovrai benignità, e misericordia, scodün invers seis frar;

10. E non squitscharai suot la vaidgua, ne'l forestêr, ne'l pover, e non machinarai in vos cour mal alchün l'ün conter l'oter.

11. Ma quels non volettan ineler, e sporschettan nan üna spadla rebella, ed aggrevettan lur uraglia, per non tadar.

12. E fettan lur cour simil ad ün diamant, per non tadar la ledscha, ne'ls plets cha'l Segner dels exercits tramettaiva *a dir ad els* tras seis Spiert, tras il ministeri dels profets dels temps passats; dinuondergnitgrand'indignaziun da parte del Segner dels exercits.

13. E quai dvantet, cha, seo cur el clamaiva, e quels nontadlaivan, usche cur els clamaivan, schi eu non *ils* tadlaiva, disch il Segner dels exercits.

14. Edeuils dissipet tanter tuot quels pövels, ch'els non cognoschaivan, e'l pajais restet desolâ * davo els, ch'ingün non giaiva e non gniva *plü* tras quel, ed usche mettettan els il pajais dalettaivel in desolaziun. * Lev. 26, 22.

CHAP. VIII.

Davart il retuorn del pövel d'Israel in Gerusalem, al qual Deis imprometta blera benedicziun con üna profezia davart il concuors dels pajans pro Cristo.

IL pled del Segner dels exercits am füt darcheu *indrizzâ*, dschand:

2. Usche disch il Segner dels exercits: * Eu sun zelus con granda zelosia peramur da Sion, e con grand'ira sun eu zelus per quella. * Zac. 1, 14.

3. Usche disch il Segner: Eu tuorn darcheu in Sion, e vögl abitar in mez Gerusalem; e Gerusalem * sarà clamada la città fidela, e'l munt del Segner dels exercits, il munt sanct.

* Es. 1, 21. 26.

4. Usche disch il Segner dels exercits: Amo nel seguit dessan vegls e veglias sezzer süin las plazzas da Gerusalem, e scodün seis bastun in man per la grand'età.

5. E las stradas della città dessan esser implidas con giuvnets, e giuvnettas, chi giovan sün sias stradas.

6. Usche disch il Segner dels exercits: Scha quai para müravglius al rimanent da quaist pövel in quels dis, sarà quai però impossibel pro mai? Disch il Segner dels exercits.

7. Usche disch il Segner dels exercits: Mera, eu salv meis pövel our dal pajais del levant, ed our dal pajais del ponent.

8. Ed eu ils condüj pro, ed els abiteschan in mez Gerusalem, e dessan esser meis pövel, ed eu vögl esser lur Dieu in vardà, ed in güstia.

9. Usche disch il Segner dels exercits: * Rinforzai voss mans, *vus*, chi udis in quaists temps quaists plets our dalla bocca † dels profets, chi *eiran* nel di, cha la chasa del Segner dels exercits, il taimpel, füt fondâ per esser reedificâ.

* Ag. 2, 4. † Es. 5, 1.

10. Perche avant quaists dis non eira qua alchün salari, ne per gliend, ne per bestias; e per chi giaiva, e chi gniva, non eira alchüna sgürezza per causa del inimi, ed eu tramettaiva tuots crastians l'ün conter l'oter.

11. Ma uossa non sun eu al rimanent da quaist pövel, seo nels temps passats, disch il Segner dels exercits;

12. Dimpersai *qua sarà* sem da pasch; * la vit porta seis früt, e la terra produia sia rendita, e'l tsel da giò seis ruschè, ed eu lasch ertar al rimanent da quaist pövel tuot quaistas chosas.

* Os. 2, 21. Gioel 2, 22.

13. E quai dvainta; seo vus, chasa

da Giuda, e chasa d' Israel, füttat in maledieziun tanter ils pövels, usche as vögl eu salvar, e vus sarat in benedicieziun. Non as tmarai, e rinforzai voss mans.

14. Perche, usche disch il Segner dels exercits: Inguai sco ch' eu m' impiset da 's affliger, cur voss baps am commovettan ad indignaziun, disch il Segner dels exercits, ed eu non m' inrüglet;

15. Usche al incontra in quaists temps m' impais eu da far del bain a Gerusalem, ed alla chasa da Giuda. Non tmarai!

16. Quaistas *sun* las chosas ch' avais da far: * Tschantschai vardà, scodün con seis compagn; fat güdizi da vardà e da pasch in vossas portas.

* Efes. 4, 25.

17. E non machinarai in vos cour mal alchün, l' ün conter l' oter, e non amarai il güramaint fos; perche tuot quaist ais quai ch' eu ha in ödi, disch il Segner.

18. Lura il pled del Segner dels exercits am füt *indirizzà*, dschand:

19. Usche disch il Segner dels exercits: Il gegüni del quart, e'l gegüni del quint, e'l gegüni del settavel, e'l gegüni del deschavel *mais* sarà converti alla chasa da Giuda in dallet, ed in allegrezza, ed in leidas festas. Con tuot amai la vardà, e la pasch!

20. Usche disch il Segner dels exercits. Nel seguit gnaran pövels, ed abitants da bleras cittats;

21. E'ls abitants d' üna *città* giaran pro l' otra, dschand: * Giain via a far supplica al Segner, ed a retscherehar il Segner dels exercits! Eir eu vögl gnir!

* Es. 2, 3. Mic. 4, 1.

22. E grands pövels, e possantas naziuns gnaran a tscherchar il Segner dels exercits in Gerusalem, ed a far supplica al Segner.

23. Usche disch il Segner dels exercits: In quels temps piglian desch homens, our da tuot las linguas dels pövels, ün hom Güdeu per l' ur *da* sia *rassa*, dschand: Nus volain ir con vus, perche nus avain udi, * Deis *ais* con vus.

* 1 Cor. 14, 15.

CHAP. IX.

Il profet annunzia als inimis della baselgia lur ruina, ed a quella salüd e deliberaziun tras il messia, exortand tuot ils Güdeus, da turnar in Gerusalem, impromettend ad els victoria, e benedicziun da Dieu.

IL caric del pled del Segner conter il pajais d' Hadrac, e *contra* * Damasco vain quel giò; perche il Segner tegna l' ögl sün la gliend, e sün tuot las schlattas d' Israel. * Am. 1, 3. Es. 3, 4.

2. E quel vain eir a metter ils terms ad Hemat, ed a * Tiro, ed a Sidon, combain cha *la* saja grandamaing sabia.

* Es. 23, 1.

3. Tiro as edifichet fortezzas, e's mantunet argient, a guisa da büergia dellas stradas.

4. Mera, il Segner la schatscherà, e batta seis repars, e 'ls bütta nel mâr, ed ella vain consumada dal fö.

5. Ascalon vezzerà *quai*, e's temma, eir Gaza, e sainta granda dolor, sco eir Ecron, siand, chi ella riguardaiva, ais confus; e l' rai svanischa our da Gaza, ed Ascalon non ais plü abità.

6. E stirpa estra abita in Asdod, ed eu sdrüj la superbia dels Filistins.

7. Ed eu pigl via il sang da lur bocca, e las abominaziuns our da lur daints, ed eir quel sarà vanzâ a nos Deis, e sarà sco ün capo in Giuda, ed Ecron sco l' Gebusit.

8. Ed eu m' acchamp intuorn mia chasa, *per la defender* dad exercits, da chi va e vain, cha oppressur non passa plü via pro els; perche uossa la guard eu con meis ögls.

9. * Festaja grandamaing, figlia da Sion, güvla, figlia da Gerusalem! Mera teis rai vain pro tai, güst e salvader ais el, ümil, e muntâ sün ün asen, anzi sün ün puleider dad asna;

* Es. 62, 11. Mat. 21, 5. Gioan. 12, 15.

10. Ed eu sterminesch ils charrs our d' Efraim, ed our da Gerusalem ils chavals; e'ls balaisters da guerra vegnan desdrüts, e *quel rai* favla da pasch allas naziuns, e sia signoria *tenscha* d' * ün mâr al oter, e dal flüm fin als extremis terms della terra.

* Ps. 72, 8.

11. Quant a tai, *Sion*, per il sang da tia lia, met eu in libertà teis preschunêrs our dal foss sainz' auai.

12. Turnai darcheu pro la fortezza,

preschunêrs da spranza! Eir hoz t'an-nunziesch eu; eu at vögl render *bön* il dobel.

13. Perche eu am tend Giuda sco balaister; eu dun *man* d'Efraim, e sdasd sù teis figls, Sion, contra teis infants, Grecia, e't fetsch simil alla spada d'ün *hom* potaint.

14. E'l Segner vain a comparair sur els, e sia frizza sarà tratta a guisa da lütschaidar, e'l Segner Deis suna con la trombetta, ed inceda con ils trabagls del mezdi.

15. Il Segner dels exercits sarà lur protector, e quels mangian, e rebattan *lur inimis* sco las peidras da slingia; e baivan, e romuran, sco *per* il vin, e saran implits sco 'l batschigl, sco 'ls chantuns del utêr.

16. E'l Segner lur Deis ils salva in quel di, sco la scossa da seis pövel; perche sco peidras coronadas saran els drizzats sù sur sia terra.

17. Perche quanta *sarà* sia bontà, e quanta sia bellezza? Il * formaint fa crescher, e flurir ils giuvens, e'l muost las giuventschellas. * Gioel 3, 8. Am. 9, 14.

CHAP. X.

Il profet exort' il pövel, as indrizzar con oraziuns vi' al Segner sulet, con sgürezza d'esser exodi, mossand, cha sias idolatrias eiran la causa da seis mals passats; üna profezia da Dieu sur la baselgia tras il messia.

DOMANDAI dal Segner la plövgia dal temp della stagiun della raccolta. Il Segner trametta chalavernas, ed as darà razzadas da plövgia, a scodün' erba sün il champ.

2. Perche ils idols dischan menzö-gna, e'ls ingiavinadurs vezzan *visiuns* da falsità, e'ls sömgiadurs dischan vanità, e dan * cufforts vans; perquai va il *pövel* qua e là a guisa da bescha, e sun in miseria, siand non *ais* qua alehün pastur. * Giob 13, 4.

3. Mi' ira ais invüdata conter ils pasturs, ed eu visit ils boccs. Ma il Segner dels exercits visita seis tröp, la chasa da Giuda, ed ils fa esser sco seis chavals da gloria nella guerra.

4. Our dad el dess gnir il conductur, dad el il capo, dad el il balaister della guerra; dad el medemmamaing proceda ogni retschadur.

5. Ed els sun similis ad *homens* po-

taints, chi trapplan suot nella battaglia *ils inimis* sco la büergia dellas stradas, e combattan; perche il Segner *ais* con els, e quels chi sun muntats sün chavals vegnan confus.

6. Ed eu fortifich la chasa da Giuda, e salv la chasa da Giosef, e'ls condüj darcheu in lur chasa; perche eu ha compassiun dels, ed els saran sco sch' eu mà non ils avess rebüttats; perche eu *sun* il Segner lur Deis, e'ls exod.

7. E quels d'Efraim sun sco *hom* potaint, e lur cour alleger, sco da vin; e lur infants vezzan *quai*, e s'allegran; lur cour saglia d'allegrezza nel Segner.

8. Eu * ils clam pro, e 'ls rasp nan, cur eu ils spendr; ed els dessan as multiplichar, fin sco ch' els eiran üna vouta. * Es. 5, 26.

9. Eu ils disperdet tanter ils pövels, ma * els as regordettan da mai in pajais lontans, ed els dessan viver con lur infants, e darcheu returnar. * Deut. 30, 1. Os. 2, 23.

10. * Ed eu ils condüj darcheu our dal pajais d'Egipto, e 'ls rasp our d'Assiria, e 'ls main nel pajais da Gilead, e del Libano, e quel non als basterà. * Es. 11, 11.

11. Ed els passan tras il stret del mâr, ed el batta las uondas nel mâr, e tuot las profunditats del Nil sechan sù, e la superbia d'Assur vain büttada a terra, e'l scepter d'Egipto vain tut via.

12. Ed eu ils fortifich nel Segner, ed els * chamineran in seis nom, disch il Segner. * Mic. 4, 5.

CHAP. XI.

Il profet predisch l'ultima desolaziun dels Güdeus, e da Gerusalem, e co la chüra dels fidels saja dal bap commissa a Cristo; eir üna profezia della sterminaziun dels trais pasturs, e della vendita da Cristo per 30. danêrs; item del pastur anticrist.

AVRA, Libano, tias portas, cha'l fö consüma tanter teis ceders.

2. Ürlai, pins, cha 'ls ceders dan giò, perche ils *lains* nöbels vegnan guastats; ürlai, ruvers da Basan, cha'l god serrâ aint crouda a terra!

3. Oda, ün bragizi da pasturs, cha lur gloria ais guastada. Oda, ün sbrü-gir da liuns, cha la superbia del Gior-dan ais guastada.

4. Usche disch il Segner meis Deis: Paschainta la bescha ordinada al mazzar;

5. Ils cumpraders della quala la mazzan, e non vegnan retgnüts culpabels; e 'ls vendaders della quala * dischan: Benedi *sa*' il Segner, eu sun pür richantà; e 'ls pasturs della quala non la schanajan inguotta.

* Deut. 29, 19. Os. 12, 9.

6. Perche eu non vögl schaniar plü ils abitants del pajais, disch il Segner; anzi mera, eu fetsch crodar la gliëud, l'ün nels mans del oter, e nels mans da lur rai; e quels metteran il pajais in ruina, ed eu non spenderà da lur mans.

7. Eu dimena paschantet la bescha ordinada al mazzar, vairamaing la plü povra della scossa; ed eu am piglet duos perchas, all' üna mettet eu nom plaschaivlezza, ed all' otra mettet eu nom liams, ed usche paschantet eu la scossa.

8. Ed eu sterminet ils * trais pasturs in ün mais; ma mi' orma pac s' inchüret per els, ed eir lur orma m' avet a sdegn.

* Os. 5, 7.

9. Qua dschet eu: Eu non vögl as paschantar *plü*. * Quai chi moura, moura, e quai chi perischa, gïaj' a perder, e quelschi restan, cha mangian l' ün la charn del oter. * Ger. 15, 2. 43, 11.

10. Ed eu piglet mia percha, *ditta* plaschaivlezza, e la sfrachet, per annullar mia lia, ch' eu avaiva fat con tuot ils pövels.

11. E quella füt annullada in quel di, e la bescha, la plü povra intanter la scossa chi observaiva sün mai. cognoschet, cha quai *eira* pled del Segner.

12. Ed eu dschet ad els: Scha usche's plascha, schi dat-am meis premi; scha na, schi interlaschai! * E quels am paisettan nan trenta *siccals* d' argient per meis salari. * Mat. 26, 15. 27, 9.

13. E'l Segner am dschet: Bütta 'ls nella chascha, il pretsch onorabel, del qual eu dad els sun pretschä. Contuot piglet eu ils trenta *siccals* d' argient, e 'ls büttet nella chasa del Segner, nella chascha.

14. Lura rumpet eu mia seguonda percha, *ditta* liams, per rumper la fradglianza tantar Giuda ed Israel.

15. E'l Segner am dschet: At piglia amo l' üsaglia d' ün pastur nar;

16. Perche mera, eu lasch alvar sün nel pajais ün pastur, chi non ha chüra da quai chi perischa; el nontschercha il dispers, e non schapainta il plajä, e non sustain il san; anzi mangia il grass, e fenda davent lur unglas.

17. * Vae a quel pastur d' inguotta, chi banduna la scossa! La spada suprastà a seis bratsch, ed a seis ögl dret! Seis bratsch possa sechar del tuot, e seis ögl dret daffat gnir orb.

* Ger. 23, 1. Ez. 34, 2.

CHAP. XII.

Zaccaria descriva las victorias spiritualas della baselgia in virtù del messia, accompagnada con salüd invers ella; e l'ultima conversiun dels Güdeus, mediante üna vaira penitenza.

IL caric del pled del Segner davart Israel. Il Segner, * chi ha stais oura ils tshels, ed ha fondä la terra, e chi ha formä il spiert del crastian aint in el, disch:

* Es. 42, 5. 48, 13.

2. Mera, eu fetsch, cha Gerusalem ais ün bachêr da sturnizi a tuot ils pövels our dintuorn, eir a Giuda chi ha miss l' assedi conter Gerusalem.

3. E quai dvainta in quel di, eu fetsch esser Gerusalem üna peidra pesanta a tuot ils pövels, tuot quels chi la as chargian adöss, saran daffat sdratschats; e tuot las nazions della terra as raspan conter ella.

4. In quel di, disch il Segner, bat eu tuot ils chavals con stramizi, e lur chavalgiants con matidanza, ma eu avr meis ögls sur la chasa da Giuda, e bat con surbantüm tuot ils chavals dels pövels.

5. Lura ils capos da Giuda dischan in lur cour: E sun fortifichats ils abitants da Gerusalem tras il Segner dels exercits, lur Dieu.

6. In quel di, fetsch eu, cha 'ls * capos da Giuda sun sco ün brachêr tanter laina, e sco üna sfagliada invüdada tanter mannas della früas, e cha consüman dalla dretta, e dalla snestra tuot ils pövels our dintuorn, e Gerusalem ais abitada inavant in seis lö, in Gerusalem.

* Obad. 18.

7. E'l Segner salva il prüm ils tabernaculs da Giuda, acio cha la gloria della chasa da David, e la gloria dels

abitants da Gerusalem non s' adoza sur Giuda.

8. In quel di ais il Segner protectur dels abitants da Gerusalem, e quel intanter els chi undaja, ais in quel di simil a David, e la chasa da David simil' a Dieu, sco l'angel del Segner avant els.

9. E quai dvainta in quel di, eu vögl tscherchar da desdrür tuot las naziuns chi eiran gnüdas conter Gerusalem.

10. Lura spand eu oura sur la chasa da David, e sur ils abitants da Gerusalem il spiert da grazia, e da supplicas, ed els *guardan via sün mai, ch' els han forà tras, e fan cordöli simil al cordöli *cha's fa* † per ün figl sulet, e sun in contuorbel sco per ün primogenit.

* Gioel 2, 28.

Gioan. 19, 37. Ap. 1, 7. † Ger. 6, 26. Am. 8, 10.

11. In quel di ais grand il pland in Gerusalem, sco il pland sper Hadadrimmon nella val da Megiddo.

12. E l' pajais fa cordöli, scodüna schlatta a parte; la schlatta della chasa da David a parte, e lur mugliers a parte; la schlatta della chasa da Natan a parte, e lur mugliers a parte.

13. La schlatta della chasa da Levi a parte, e lur mugliers a parte; la schlatta della chasa da Simeï a parte, e lur mugliers a parte.

14. Tuot las schlattas vanzadas, scodüna a parte, e lur mugliers a parte.

CHAP. XIII.

Il profet predisch la communicaziun della grazia da Dieu in Cristo tras l'evangeli, e stermini d' ogni idolatria; sco eir la passiu e mort da Cristo con la perdiziun dels infidels, e conservaziun dels elets.

* **I**N quel di vain averta üna fontana alla chasa da David, ed als abitants da Gerusalem, per il pucha, e per la malnettischa.

* Zac. 12, 3.

2. E quai dvainta in quel di, disch il Segner dels exercits, eu *sterminesch ils noms dels idols dal pajais, cha dels non dess plü gnir regordâ, ed eir ils profets, e l' inspiraziun malnetta pigl eu via dal pajais. * Ex. 23, 13.

3. E quai dvainta, cur alchün amo profetizescha, schi al dischan seis bap, e sia mamma, chi l' han generâ: Tü non dessast viver, perche tü hast

proferi menzögna nel nom del Segner; e seis bap e sia mamma, chi l' han generâ, il foran tras, sch' el profetiza.

4. E quai dvainta in quel di, ils profets as turpajan, scodün della visiun ch' el propona, cur el profetizescha, ed els non as vesteschon plü in üna * chappa plusa, per mentir.

* 2 Reg. 1, 8. 2, 8. Mat. 3, 4.

5. E scodün disch: Eu non *sun* profet, eu *sun* ün lavuraint della terra, perche qualehün m' ha fat esser famagl da mia giuventün' in sù.

6. E vain ün al dir: Che *vöglian dir* las plajas cha tü hast vi' a teis mans? Schi disch el: Quellas am fütan dattas nella chasa da meis amis.

7. Spada, at sdaisda sù conter meis * pastur, e conter l' hom meis compagn, disch il Segner dels exercits; † batta il pastur, cha las nuorsas as disperdan; impero eu völv meis man vers ils pitschens.

* Esaj. 40, 11.

Ezech. 34, 23. † Mat. 26, 31. Marc. 14, 27.

8. E quai dvainta in tuot il pajais, disch il Segner, duos parts vegnan sterminadas, mouran, e *solum* * la terza resta in quella.

* Rom. 11, 5.

9. Ed eu met quella terza nel fö, e * la fetsch alguar, sco 's fa alguar l' argient, e la prov sco 's prova l' or; quels clameran in agid meis nom, ed eu als respond. Eu di: Quels *sun* meis pövel; e scodün dels dscharâ: Il Segner *ais* meis Deis.

* Dan. 11, 35. Mal. 3, 3. 1 Petr. 1, 6.

CHAP. XIV.

Profezia dallas victorias da Cristo sur ils inimis da sia baselgia, la quala el rasperà a sai in quaist muond, e lura nella gloria eterna; sdriand seis inimis, as convertirà our da quels amo ün bun number pro seis vair spirital servezzeh, amplifichâ e purgiâ suot l' evangeli.

MERA, ün di vain per il Segner, nel qual vegnan partits teis butins in mez tai.

2. Ed eu rasp tuot las naziuns conter Gerusalem in battaglia, e la città vain praisa, e las chasas vegnan spogliadas, e las donans sforzadas; e la mitâ della città va in preschun, ma il rimanent del pövel non vain sterminâ our dalla città.

3. Lura tir' oura il Segner, e combatta conter las naziuns, sco nel di ch' el combattet, nel di della battaglia.

4. E seis peis as ferman in quel di sül munt dels olivêrs, dretvi' a Gerusalem dal levant, e'l munt dels olivêrs as sfenda per mez, dal levant al ponent in üna grandisma val; e la mità del munt ceda vers il settentrion, e l' *otra* mità vers il mezdi.

5. E vus fùgis tras la val da meis munts, perche la val dels munts tenscha fin ad Asel, e vus fùgis sco vus fùgittat * per il terratrembel als dis d' Uzia, del rai da Giuda; e'l Segner meis Deis vain, e tuot ils sancts † con el.

* Amos 1, 1. † Mat. 16, 27. 24, 30.

6. E quai dvainta in quel di, qua non sarà ingüna glüm, anzi fraid e glatsch.

7. E quai sarà ün sulet di, * (*chi* ais contschaint al Segner), ne di, ne not, ma al temp della saira; e qua vain ad esser glüm.

* Es. 30, 26. Apoc. 21, 23.

8. Ed in quel temp dvainta, auas vivas gnaran our da Gerusalem; la mità da quellas tira vers il mâr oriental, e l' *otra* mità vers il mâr occidental, e quellas perdüran stà, ed in viern.

9. E'l Segner ais rai sur tuot la terra. In quel temp sarà sulet il Segner, e'l nom del Segner.

10. Tuot il pajais as müda in üna plantüra da Geba fin a Rimmon, al mezdi da Gerusalem, e *Gerusalem* s' eleva e resta in seis lö, dalla porta da Benjamin fin al lö della prüma porta, fin alla porta al chantun, e *dalla* tuor Hananeel fin als torchels del rai.

11. Ed els abiteschan in quella, e qua non sarà plü destruezium d' interditt, e Gerusalem ais abitada in sgürezza.

12. Ma quaišt' ais la plaja, con la qual' il Segner batterà tuot ils pövels chi guerragettan conter Gerusalem: El lascha algar la charn d' ogni ün dels, intant ch' el sta in pè; e seis ögls leuan oura in lur fouras, e sia lingua al leua via in sia bocca.

13. E quai dvainta in quel di, la surpraisa del Segner sarà granda tanter els, e scodün dels piglia il man da seis compagn, e metta seis man vi' al man da seis compagn.

14. Ed eir Giuda vain a guerragiar conter Gerusalem; ma las richezzas da tuot las naziuns dapertuot intuorn saran raspadas, or, ed argient, e vestimainta, in grandisma quantità.

15. E l' istessa sarà la plaja dels chavals, dels müls, dels chamêls, e dels asens, e da tuot las bestias, chi saran in quellas armadas, sco quella.

16. E quai dvainta, tuot quels chi saran vanzats da tuot las naziuns, chi eiran gnüdas conter Gerusalem, quels vegnan sü an per an, per adurar il rai, il Segner dels exercits, e per celebrar la festa dels * tabernaculs.

* Lev. 23, 34. Neh. 8, 14. Os. 12, 10.

17. E quai dvainta, sch' alchün del las naziuns della terra non tira sü in Gerusalem per adurar il rai, il Segner dels exercits, schi sur quels non vain a crodar alchüna plövgia;

18. E scha la naziun d' Egipto non tira sü, e non vain, schi neir sur els; e vain la plaja, con la quala il Segner batta las naziuns, chi non vegnan sü a celebrar la festa dels tabernaculs.

19. Tal sarà il chasti d' Egipto, e 'l chasti da tuot las naziuns, chi non vegnan sü a celebrar la festa dels tabernaculs.

20. In quel di starà scrit süls sunagls dels chavals: Sanct al Segner; e las codêras nella chasa del Segner saran sco 'ls batschigls avant l' utêr.

21. Ed ogni codêra, in Gerusalem, ed in Giuda, sarà consacrada al Segner dels exercits, e tuots quels chi sacrifican, vegnan, e piglian da quellas, e couschan in quellas; e qua non sarà plü merchadant alchün nella chasa del Segner dels exercits, in quel di.

IL CUDESCH

DEL

PROFET MALACHIA.

CHAP. I.

Il profet, aviand representâ al pövel l'amur da Dieu invers el, al rimproverescha sia ingratitudine, e profanaziun da seis servezzen extern, in lö del qual el predisch, cha 'l vair e spiritual vegn' al gnir rendü dals fidels in ogni lö suot l'evangeli.

IL carie del pled del Segner, *indiriz-zâ* ad Israel tras Malachia.

2. Eu s' ha amats, disch il Segner. E vus dschais: In che 'ns hast amats? Non ais Esau frar da Giacob? Disch il Segner; ma * eu amet Giacob,

* Rom. 9, 13.

3. Ed ödiet Esau, eu * mettet seis munts in desolaziun, e si' ierta in abitaziuns del desert.

* Ger. 49, 17.

4. Scha pür Edom dschess: Nus eschan desdrüts, ma nus edificain darcheu ils lous deserts; schi disch usche il Segner dels exercits: Ch'els edificain, ma eu vögl desdrür, ed els saran clamats contrada d'impietà, e'l pövel, al qual il Segner ais grit in perpetuo.

5. E voss ögls vezzeran *quai*, e vus dscharat: Il Segner ais magnificâ sur la contrada d'Israel oura.

6. Ün figl dess onurar il bap, ed ün serviaint seis signur. * Sch' eu dime-na *sun* bap, ingio ais mi' onur; e sch' eu *sun* Segner, ingio *ais* mia tem-ma? Usche disch il Segner dels exercits a vus, sacerdotes, chi spretschais meis nom! E vus dschais: In che avain nus spretschâ teis nom?

7. Vus offeris stün meis utêr spaisa malnetta. Vus dschais: In che t'avain nus contaminâ? Con quai cha vus dschais: La maisa del Segner ais spretschabla.

8.* E, cur vus manais nan ün *animal* orb per *il* sacrificar, *schì* non *aise* mal alchün; medemmamaing, cur vus manais nan ün *animal* zop, o amalâ, schi non aise mal alchün. Presainta 'l pür a teis governatur, vain el at savair grâ, o 'l sarast tû accet? Disch il Segner dels exercits.

* Lev. 22, 22. Deut. 15, 21.

9. Uossa dimena, pür supplichai Dieu, ch'el haja compassiun da nus! Essendo quaist procedü da voss mans, vain alchün da vus al esser accet? Disch il Segner dels exercits.

10. Cha füss pür ün intanter vus chi serress las portas, cha vus non invüdessat fö stün meis utêr per inguotta. Eu non ha alchün applaschair vi' a vus, disch il Segner dels exercits, ed eu non accet alchün'offerta da voss mans.

11. Ma da solai alvand fin al ponent ais grand meis nom tanter ils pövels, ed in ogni lö vain offeri profüm a meis nom, ed offerta netta; perche grand ais meis nom tanter ils pövels, disch il Segner dels exercits.

12. Ma vus il profanais, dschand: La maisa del Segner ais malnetta, e quant a sia rendita, sia spaisa *ais* spretschaiyla.

13. E vus dschais: Mera, *quanta* fadia! Ed impero rebüttais quaist, disch il Segner dels exercits, intant cha vus manais nan *animals* rapinats, e zops, ed amalats, e 'ls manais nan per offerta; dess eu quai accettar da vos man? Disch il Segner.

14. Ma maledet *saja* l'ingiannadur, il qual, eir aviand in sia scossa ün maşchel, vuta, e sacrificha al Segner ün *animal* defettâ! Perche eu *sun* ün grand rai, disch il Segner dels exercits, e meis nom *ais* stramantus tanter ils pövels.

CHAP. II.

Il profet annunzia als sacerdotes, chi non as vöglian convertir, la maledicziun del Segner, e nombra nan lur sturpchengschas.

UOSSA dimena, sacerdotes, a vus *s'indirizzâ* quaist comand.

2. Scha vus non obedis, e non pigliais a cour, da dar gloria a meis nom, disch il Segner dels exercits; schi tramet eu contra vus la maledicziun, e smaledesch vossas benedicziuns; schi, eu las smaledesch, siand vus non pigliais quaist a cour.

3. Mera, eu as slam las semenzas, e

spand aldüm in vossas fatschas, l'aldüm dell' offerta da vossas festas, ed ün as dess portar via nel *lō da* quel.

4. E vus cognoscherat, ch' eu s' ha tramiss quai comand, acio cha resta mia lia con Levi, disch il Segner dels exercits.

5. Mia lia eira con el pro vita, e pasch, e pro temma, * ed el am tmet, ed avet spavent da meis nom.

* Deut. 33, 8. 9.

6. La ledscha della vardà eira in sia bocca, ed ün non chattet alchün' iniquità in seis lefs; el chaminet con mai in pasch, e realtà, e convertit blers dals misfats.

7. Perche ils * lefs del sacerdot desan conservar la scienza, ed ün dess tscherchar la ledscha da sia bocca, siand ch' el ais il mess del Segner dels exercits.

* Deut. 17, 9. 10.

8. Ma vus eschat guinchits davent dalla via, avais fat intoppar blers tras la ledscha, * avais ruot la lia da Levi, disch il Segner dels exercits.

* Neh. 13, 29.

9. * Dinuonder eu eir as vögl far vils, e spretschats avant tuot il pövel, ingual seo vus non observais mias vias, e non pigliais part alla ledscha.

* 1 Sam. 2, 30.

10. Non avain nus tuots ün istess bap? Non ans ha creats ün istess Dieu? Perche üsain nus infideltà l' ün invers l'oter, violand la lia da noss babuns?

11. Giuda ha üsà infideltà, ed abominaziun füt commissa in Israel, ed in Gerusalem; perche Giuda ha profanà il santuari del Segner, ch' el ama, * ed ha spusà las figlias d' esters deis.

* Esr. 9, 1. 10, 2.

12. Il Segner sterminerà al hom chi fa quai quel chi vaglia, e quel chi chanta our dals tabernaculs da Giuda, e quel chi presainta offertas al Segner dels exercits.

13. E pro segundo fais vus quai: Vus covonais con larmas, con pland, e con bragizi, l' utër del Segner, tal, ch' el non guarda plü sün las offertas, e non ardschaiva *plü* da voss mans chos' alchüna accetta.

14. E vus dschais: Perche? Perquai, cha 'l Segner ais perdüta tanter tai,

e la muglier da tia giuventüna, vers la quala tü dovrettast infideltà, qua ch' ella pür *ais* tia consorte, e la muglier da tia lia.

15. Ma non fet quai ogniün *sulet*, e pür avaiu' el abundanza da spiert? E che *fet* quel ün *sulet*? El tscherchaiva il sem impromiss da Dieu. Contuot s' inguardai per vos spiert, ch' *ingün da vus* non dovrva infideltà vers la muglier da sia giuventüna.

16. * Perche eu ödiesch quel trametter davent, disch il Segner Deis d' Israel; e quel chi commetta violenza vers sia muglier, disch il Segner dels exercits. Contuot s' inguardai per vos spiert, cha vus non dovrat infideltà.

* Deut. 24, 1. Mat. 5, 32.

17. Vus avais travaglià il Segner con voss plds; e vus dschais: In che *l' avain* nus travaglià? Inquai cha vus dschais: Chi fa mal plascha al Segner, ed el ha dalet vi' a tals; ovvero ingio *ais* il Deis della güstia?

CHAP. III.

Il Segner annunzia la vgnüda da Gioan Battista, antecessur da Cristo, e da Cristo istess, in güdizi, e destrucziun dels empis, ed in purgaziun dels fidels; exortand eir il pövel a penitenza, e conversiun.

MERA, * eu tramet meis mess, ed el vain a chönschar la via avant mai; e subit il Segner, il qual vus tscherchais, e l' mess della lia, il qual vus desiderais, vain in seis taimpel; mera, el vain, disch il Segner dels exercits.

* Mat. 11, 10. Marc. 1, 2. Luc. 1, 76.

2. E chi po sustgnair il di da sia vgnüda; e chi perdüra, cur el appara? Perche el *ais* seo l' fö da quel chi cula *ils metals*, e seo l' alschiva da quels chi nettajan ils pans.

3. Ed el sezza, culand, e purgiand l' argient, e nettaja ils figls da Levi, e 'ls rafina a guisa del or e del argient, ch' els offereschon al Segner offertas in güstia.

4. * Lura l' offerta da Giuda, e da Gerusalem ais plaschaivla al Segner, seo als dis vegls, e seo nels ans del prim.

* Mal. 1, 11.

5. Ed eu m' appross a vus al güdizi, e sun ün pront testimoni conter ils inchantadurs, e conter ils adulterers, e

conter quels chi güran fos, e conter quels chi ingiannan il mercenari da sia mercede, e chalchan la vaidgua, e l'orfan, e storschan il dret del forestêr, e non am temman, disch il Segner dels exercits.

6. Perche eu il Segner * non am ha müdâ, e vus figls da Giacob non eschat constümats. * Num. 23, 19. Rom. 11, 29.

7. Dal temp da voss babuns nan eschat vus guinehits da meis statuts, e non ils avais observats; * as converti nan pro mai, schi'm vögl eu volver darcheu pro vus, disch il Segner dels exercits. E vus dschais: In che ans dessan nus convertir? * Zac. 1, 3.

8. Il crastian surfa l'forza a Deis, cha vus am surfais? E vus dschais: In che t'avain nus surfat? Nellas deschmas, e nellas offertas.

9. Vus eschat chargiats con malêdicziuns, perquai cha'm surfais, tuot il pövel insembel.

10. Portai tuot las deschmas nels * granêrs, cha saja spaisa in mia chassa, e provâ'm in quaist, disch il Segner dels exercits, sch'eu non as avr las fanestras del tsel, e s' spand oura benedicziun fin a surabundanza.

* 1 Cron. 26, 20. Neh. 10, 38.

11. Eu slam, per amur da vus, las bestias chi maglian, ch' ellas non guastan *plü* ils früts della terra; e vossas vits non as sperdan *plü* sün la cuttüra, disch il Segner dels exercits.

12. E tuot ils pövels dessan as predgiar beats; perche vus dessat esser ün pajais da dalet, disch il Segner dels exercits.

13. Vus avais dovrâ * plets dürs conter mai, disch il Segner. E vus dschais: † Che avain nus insembel dit conter tai?

* 1 Sam. 2, 3. † Giuda 15.

14. Vus avais dit: * Per inguotta as serva a Dieu, e, che avain nus guadagnâ intant nus observettan quai ch'el comandaiva d'observar, ed intant nus chaminettan *vestits* a nair avant il Segner dels exercits? * Ps. 73, 13. Giob 21, 15.

15. Ed uossa clamain nus beats ils superbis; schabain ch' els opereschan empiaing, pür sun els edifichats;

combain cha prouvan il Segner, pür sun els deliberats.

16. Lura favlettan quels chi temman il Segner l'ün l'oter, e l Segner füt attent, ed udit *quai*, ed ün eudesch da memoria füt scrit in seis conspet per quels chi temman il Segner, e respettan seis nom.

17. E * quels, disch il Segner dels exercits, am saran nel di, il qual eu vegn a crear, mia proprietâ; ed eu ils schanai, seo ün hom schanaja seis figl chi l serva.

* Ex. 19, 5. Deut. 7, 6. Ps. 135, 4. Tit. 2, 14.

18. E lura müderat vus sen, e vezzerat vus, *che differenza* ch'ais tanter il güst, e l'empi, tanter quel chi serv'a Deis, e quel chi non al serva.

CHAP. IV.

Il profet declera davart il di della vgnüda da Cristo, exortand ils Güdeus da's convertir, seguond la ledscha da Mose, e lura eir seguond la predgia da Gioan Battista.

PERCHE mera, * quel di vain, arland seo ün fuorn, e tuot ils superbis, e quels ch'opereschan empiaing, saran *seo* stubla, e l di seguaint ils inflamma, disch il Segner dels exercits, tal ch'el non als lascha ne ragisch, ne ram. * Gioel 2, 31. 2 Petr. 3, 7.

2. Ma a vus, chi tmais meis nom, vain ad alvar il solai della güstia, e guarischun ais suot sias alas, e vus giais oura libers, e saglis a guisa da vadels grass.

3. E vus trapplais suot ils empis, perche els saran tschendra suot la planta da voss peis, nel di ch'eu vegn a crear, disch il Segner dels exercits.

4. As regordai della ledscha da Mose, meis serviaint, la quala eu al ordinet sül * Horeb, statuts e ledschas per tuot Israel!

* Deut. 4, 10.

5. Mera, eu as tramet il profet * Elia, avant cha vegna quel grand e spaventabel di del Segner.

* Mat. 11, 14. 17, 11. Marc. 9, 11. Luc. 1, 17.

6. Quel vain a convertir il cour dels baps pro'ls infants, e l cour dels infants pro lur baps, ch'eu non vegna, e * batta il pajais con destrucziun a möd d'interdit.

* Zac. 5, 3. 14, 12.

IL
NOUV TESTAMAIN

DA NOS SEGNER

GESU CRISTO.

TRADÜT IN ROMANSCH D' ENGHADINA BASSA.

STAMPÀ A COLONIA.

SÜN UORDEN ED A CUCSE DELLA SOCIETÀ BIBLICA BRITANNICA ED INTERNA.

ANNO MDCCCXVII.

IL SANCT EVANGELI DA NOS SEGNER GESU CRISTO

SEGUOND

S. M A T T E O.

CHAP. I.

La generaziun ed eir pardavants da nos
Segner Crist, con sia concepziun e natività.

UDESCH DELLA generaziun
da Gesu Cristo, figl da David,
figl d'Abraham. * Luc. 3, 23.

2. Abraham * generet Isac;
ed † Isac generet Giacob; e
* Giacob generet Giuda e seis frars.
* Gen. 21, 2. † Gen. 25, 26. ** Gen. 29, 35.

3. E * Giuda generet Fares, e Zara
da Tamar; e † Fares generet Esrom;
ed Esrom generet Aram;

* Gen. 38, 27. † Rut. 4, 18.

4. Ed Aram generet Aminadab; ed
Aminadab generet Naasson; e Naas-
son generet Salmon;

5. E Salmon generet Booz da Ra-
chab; e Booz generet Obed da Rut;
ed Obed generet Jesse;

6. E * Jesse generet il rai David; e'l
† rai David generet Salomon, da
quella *ch'eira stata* d'Uria;

* 1 Sam. 16, 13. † 2 Sam. 12, 24.

7. E * Salomon generet Roboam; e
† Roboam generet Abia; ed ** Abia
generet Asa;

* 1 Reg. 11, 43. † 1 Cro. 3, 10. ** 1 Reg. 15, 8.

8. Ed * Asa generet Josafat; † Jo-
safat generet Joram; e Joram generet
Hozia;

* 1 Reg. 13, 24. † 1 Cro. 3, 10.

9. Ed * Hozia generet Joatam; e
† Joatam generet Achaz; ed ** Achaz
generet Ezechia;

* 2 Cro. 26, 23. † 2 Cro. 27, 9. ** 2 Cro. 28, 27.

10. Ed * Ezechia generet Manasse; e
† Manasse generet Amon; ed ** Amon
generet Josia;

* 2 Reg. 20, 21. † 2 Reg. 21, 18. ** 2 Reg. 21, 24.

11. E * Josia generet Jeconia e seis
frars al *temp* della preschun da Ba-
bilon.

* 2 Reg. 23, 34.

12. E dopo la preschun da Babilon,
* Jeconia generet Salatiel; e † Sala-
tiel generet Zorobabel;

* 1 Cro. 3, 17. 18. 19. † Esdr. 3, 2.

13. E Zorobabel generet Abiud; ed
Abiud generet Eliachim; ed Eliachim
generet Azor;

14. Ed Azor generet Sadoc; e Sadoc
generet Achim, ed Achim generet
Eliud;

15. Ed Eliud generet Eleazar; ed
Eleazar generet Mattan; e Mattan
generet Giacob;

16. E Giacob generet Giosef, marit
da Maria, dalla quala ais nat Gesu,
chi ais nominâ Cristo.

17. Usche tuot las generaziuns d'A-
braham fin a David, *sun* quattordesch
generaziuns; e da David fin alla pre-
schun da Babilon, eir quattordesch; e
dalla preschun da Babilon fin a Cristo,
eir quattordesch.

18. Ma la natività da Gesu Cristo
dvantet in quaiست möd: Maria, sia
mamma, essendo stata spusada a Gio-
sef, avant chi füssan gnüts a star in-
semmel, s'chattet gravida, * *il qual*
eira dal Spiert Sanct.

* Luc. 1, 27. † Luc. 1, 35

19. E Giosef, seis marit, essenda
hom güst, e non la voliaud publico-
maing disfamar, as volaiva secretta-
maing separar.

20. Ma aviaud quaiستas chostas in
sen, mera, ün angel del Segner l'ap-
paret in sümme, dschand: Giosef, figl

da David, non tmair d'ardschaiver Maria, tia muglier; perche quai ch'in quella ais generâ, ais dal Spiert Sanct.

21. Ed ella parturirà ün figl, e tü 'l metterast nom Gesu; perche el salverâ seis pövel da lur puchats.

22. Ma tuot quai dvantet, acio chi 's compliss quai ch' eira stat dit dal Segner, tras il profet, dschand:

23. * Mera, la vergine sarâ grvida, e parturirà ün figl, il qual sarâ clamâ Emmanuel, il qual, miss oura, vuol dir, Dieu con nus. * Es. 7, 14.

24. E Giosef, siand sdasdâ dal sön, fet seguond cha l'angel del Segner l'avaiva comandâ, ed ardsvet sia muglier.

25. Ma el non la cognoschet, fin ch'ella avet parturi seis figl primogenit. Ed ella il mettet nom Gesu.

CHAP. II.

Cristo vain tscherchâ dals sabis e fùgiantâ in Egipto; Erode mazza ils infants; Giosef lura tuorna in Galilea.

MA * siand Gesu nat in Betleem da Giudea, als dis del rai Erode, mera, magis d'oriaint rivettan in Gerusalem, * Luc. 2, 4.

2. Dschand: Ingìò ais il rai dels Gùdeus, chi ais nat? perche cha nus avain vis sia staila nel oriaint, ed eschan gnüts per l'adorar.

3. E 'l rai Erode, aviaud udì *quaist*, füt conturbâ, e tuot Gerusalem con el.

4. Ed el, aviaud raspâ tuot ils principals sacerdots e 'ls scrivants del pövel, s' informet el dad els, ingìò Cristo dovaiva nascher.

5. E quels al dischan: In Betleem da Giudea; perche usche ais scrit tras il profet:

6. * E tü, Betleem, terra da Giuda, non est bricha la minima tanter ils capos da Giuda; perche da tai vain a gnir ün capo, il qual paschanterâ meis pövel Israel. * Mic. 5, 2.

7. Lura Erode, aviaud clamâ adasus ils magis, domandet el dad els apunto dal temp, cha la staila eira apparüda.

8. E 'ls tramettand in Betleem, disch el *ad els*: It, e domandai diligiaintamaing davo l'infant, e cur vus gnis a l'avair chattâ, schi referi quai a mai, acio ch' eir eu vegna, e l'adura.

9. E quels, aviaud udì 'l rai, gettan davent, e mera, la staila, ch'els avain vis nel oriaint, giaiva avant els, fin cha, siand rivada sur il lö ingìò l'infant eira, s'fermet ella qua.

10. E quels, aviaud vis la staila, s' allegrettan con grandisma allegrezza;

11. E siand intrats nella chasa, chattetan els l'infant, con Maria, sia mamma, e s'aviaud büttats *in terra*, adurettan els quel, ed aviaud avri lur tesors, l'offerittan els duns; or, incens e mirra.

12. Ed aviaud gnü üna revelaziun divina in sümme, da non turnar pro Erode, schi 's redüettan els tras ün' otra strada in lur pajais.

13. Ma dopo chi füttan partits, mera, ün angel del Segner apparet in sümme a Giosef, dschand: At sdaisda, e piglia l'infant, e sia mamma, e fùgia in Egipto, e sta qua, fin ch'eu di a tai; perche Erode tschercherâ l'infant, per il far morir.

14. El dimena, siand sdasdâ, piglet l'infant, e sia mamma, da not, e 's retret in Egipto;

15. E stet qua fin alla mort d'Erode; acio chi 's compliss quai, chi füt dit dal Segner tras il profet, dschand: * Eu ha clamâ meis figl our d'Egipto. * Os. 11, 1.

16. Lura Erode, veziaud esser snarantâ dals magis, s'adiret el grandamaing, e tramettet a far mazzar tuot ils infants, ch' eiran in Betleem, ed in tuot seis confins, d'età da duos ans in giò, seguond il temp, dal qual el s' avaiva diligiaintamaing informâ dals magis.

17. Lura 's complit quai chi füt dit dal profet Geremia, dschand:

18. * Ün bragizzi ais stat udì in Rama, ün' almantanza, ün eridar, ed ün grand plant: Rachel erida per seis infants, e non s'ha vogliü laschar eufortar, per quai ch' els non sun *plü*. * Ger. 31, 15.

19. Ma, dopo ch' Erode füt mort, mera, ün angel del Segner apparet in sümme a Giosef, in Egipto,

20. Dschand: At sdaisda, e piglia l'infant, e sia mamma, e va nel pajais d'Israel, perche quels, chi tschercherai-van la vita del infant, sun morts.

21. Ed el, siand sdasdâ, piglet l'infant, e sia mamma, e gnit nel pajais d'Israel.

22. Ma, aviand udi ch' Archelao regnaiva in Giudea, in lö d'Erode, seis bap, tmet el d'ir là, ed aviand gnü üna revelaziun divina in sömmi, as retret el nellas parts della Galilea.

23. Ed essendo gnü là, abitet el in üna città, ditta Nazaret, acio chi 's compliss quai chi füt dit dals profets, ch' el vegna a gnir clamâ Nazareer.

CHAP. III.

Gioanne Battista predgia, e battaglia; dal qual eir Cristo vain battiâ.

MA in quels dis gnit Gioanne Battista, predgiand nel desert della Giudea,

* Marc. 1, 4.

2. E dschand: As meldrai, perche il regimen dels tschels ais vicin.

3. Perche quai *Gioanne* ais quel, dal qual füt favlâ dal profet Esaia, dschand: * *Qua ais üna vusch d'ün chi bragia nel desert: Chiönschai la via del Segner, fat sias sendas drettas.*

* Es. 40, 3.

4. * Ma quel Gioanne avaiva seis vestimaint da pails da chamel, ed üna tsehinta da chüram intuorn seis flanes; e sia spaisa eira salips e meil solvadi.

* Marc. 1, 6.

5. Lura Gerusalem, e tuot la Giudea, e tuot la contrada intuorn il Giordan, giaiv' oura pro el.

6. E gnivan battizats dad el nel Giordan, confessand lur puchats.

7. Ma el, veziand blers dels Fari-seers e dels Sadduceers gnand pro seis battaisem, disch el ad els: * *Razza da vivras, chi s'ha mussâ a fügir dall' ira chi ha da gnir?*

* Matt. 12, 34.

8. Fat dimena früts degns della penitenza;

9. E non s'impisserai da dir in vus sves: Nus avain Abraham per bap; perche eu 's di: Deis po, eir our da quaistas peidras, far sdasdar sü infants ad Abraham.

10. Ma agiâ ais eir missa la sgür vi alla ragisch della bösch; * ogni bösch dimena, chi non fa bun früt, sara nel presaint tagliâ, e büttâ nel fö.

* Matt. 7, 19.

11. Eu 's battai bain con aua, a pe-

nitenza; ma * quel chi vain davo mai ais plü ferm cö eu, las scharpas del qual eu non sun degn da portar; el vain as battizar con il Spiert Sanet, e con fö.

* Luc. 3, 16.

12. El ha seis van in man, e vain interamaing a nettiar seis iral, e rasperâ seis gran nel granêr; ma arderâ la paglia con il fö chi mâ non stüza.

13. * Lura gnit Gesu da Galilea al Giordan pro Gioanne, per gnir dad el battizâ.

* Marc. 1, 9.

14. Ma Gioanne l'ostaiva fìch, dschand: Eu ha bsögn da gnir battizâ da tai, e tû vainst pro mai!

15. E Gesu, respondand, al dschet: Lascha uossa *dvantar*; perche usche ans convain da complir ogni güstia. Lura il laschet el.

16. E cur Gesu füt battizâ, schi gnit el spert sü dall' aua; e mera, ils tschels s'avrittan ad el, ed * el vezet il Spiert da Dieu gnand giò in parüta d'üna colomba, e gnand sur quel.

* Gio. 1, 33.

17. E mera, üna vusch *vain* our da tschel, chi disch: * *Quaiast ais meis char figl, nel qual eu ha meis complaschair.*

* Ps. 2, 7. Es. 42, 1.

CHAP. IV.

Cristo vain tentâ dal diavel; predgia penitenza, e clama quatter giuvnals.

LURA füt Gesu condüt dal spiert nel desert, per gnir tentâ dal diavel.

2. E dopo ch'el avet gegünâ quaranta dis e quaranta nots, schi avet el alla fin fam.

3. E 'l tentader, siand aprosmâ vi pro el, disch: Scha pür tû est figl da Dieu, schi di, cha quaistas peidras dvaintan pans.

4. Ma el, respondand, disch: L'ais scrit: * *Il crastian non viva da pan sulet, ma d'ogni pled, chi proceda dalla bocca da Dieu.*

* Deut. 8, 3.

5. Lura il diavel il transporter nella sancta città, e 'l tschantet sün la pensa del tet del taimpel.

6. E disch ad el: Scha pür tû est figl da Dieu, schi 't bütta giò, pèrche l'ais scrit: * *El vain a comandar a seis angels davart tai; e quels vegnan at tour sün lur mans, cha forza*

tü non at schampütschast con il pe in alehüna peidra. * Psa. 91, 11.

7. Gesu al disch: L'ais eir scrit: * Non provar il Segner teis Deis.

* Deut. 6, 16.

8. Danöv il transportet il diavel süin ün munt zuond ot, e 'l musset tuot ils reginams del muond, e lur gloria.

9. E disch ad el: Eu 't vögl dar tuot quaistas chosas, scha, 't büttand giò in terra, tü'm adurast.

10. Lura Gesu al dschet: Và, satan; perche chi 'l ais scrit: * Adura il Segner teis Deis, e serva ad el sulet.

* Deut. 6, 13.

11. Lura il bandunet il diavel; e mera, angels gnittan pro el, e 'l servivan.

* Luc. 3, 19.

12. Ma Gesu, aviad udi, cha Gioanne eira munt in preschun, schi 's retret el in Galilea.

13. Ed, * aviad bandunà Nazaret, gnit el ad abitar in Capernaum, città tschantada sper la riva del mâr, süin ils confins da Zabulon e da Neftali;

* Luc. 4, 16. 30. 31.

14. Acio chi 's compliss quai chi füt dit dal profet Esaia, dschand:

15. * Il pajais da Zabulon e da Neftali, trand vers il mâr, la contrada vidvart il Giordan, la Galilea dels pajans;

* Es. 3, 23.

16. * Il pövel, chi giaschaiva in schütrezzas, ha vis üna granda glüm; ed a quels chi giaschaivan nella contrada e nella sumbriva della mort, ais alvâ sü la glüm.

* Es. 9, 1.

17. Da quel temp cumanzet Gesu a predgiar, ed a dir: * As meldrai, perche 'l reginam dels tschels ais vicin.

* Marc. 1, 15.

18. Ma Gesu, spassiad sper il mâr da Galilea, vezet duos frars, Simon, dit Petro, ed Andrea, seis frar, ils quals büttaivan las raits nel mâr, perche els eiran peşchadurs;

19. E disch ad els: Gni davo mai, ed eu 's vögl far peşchadurs da gliend.

20. E quels, laschand prontamaing las raits, al seguitettan.

21. Ed el, siand passâ plü inavant, vezet duos oters frars, Giacobbo, il figl da Zebedeo, e Gioanne, seis frar, in üna navetta, con Zebedeo, lur bap,

ils quals chiöntschaivan lur raits, e 'ls clamet.

22. E quels, aviad spertamaing bandunà la navetta, e lur bap, al seguitettan.

23. E Gesu giaiva intuorn per tuot la Galilea, mussand in lur sinagogas, e predgiand * l'evangeli del reginam, e medgiand ogni malatia, ed ogni infirmità tanter il pövel.

* Matt. 9, 35.

24. E sia fama get tras tuot la Siria; e 'l gnivan presentats tuots quels chi staivan mal, tormentats con da blera sort infirmitats e dolurs, e 'ls indemuñiats, e 'ls lunatics, e 'ls schirats; ed el ils guariva.

25. E bler pövel al seguitet da Galilea, e da Decapoli, e da Gerusalem, e dalla Giudea, e dall'otra vart del Giordan.

CHAP. V.

Cristo muossa, che virtùds ün, chi vout esser beà, stov' avoir; e co ils giuvens as dessan salvar; lura conferm' el la ledscha, e la declera.

E el, veziad il pövel, get süin il munt; e s'aviand miss a zer, s'aprosmettan seis scolars vi pro el.

2. Ed el, aviad avri la bocca, als mussaiva, dschand:

3. * Beats ils povers nel spiert, perche il reginam dels tschels ais lur.

* Luc. 6, 20.

4. Beats quels chi han cordöli, perche els saran cuffortats. * Es. 61, 4.

5. Beats ils bandus, perche quels enteran la terra.

6. Beats quels chi han fam e sait davo la güstia, perche els saran sàdulats.

* Es. 55, 1.

7. Beats ils * misericordiaivels, perche misericordia sarà ad els fatta.

* Luc. 6, 36.

8. Beats ils nets da cour, perche els vezeran Deis.

9. Beats ils paschaivels, perche els saran clamats figls da Deis.

10. Beats quels chi sun perseguitats per chaschun dellagüstia, perche il reginam dels tschels ais lur. * 1 Petr. 3, 14.

11. Vus sàrat beats, cur la gliend s'averà vituperà, e perseguità; e, mentind, averan dit contra vus ogni mal pled per chaschun mia. * 1 Petr. 4, 14.

12. S'allegrai, e güvlai, perche vossa mercede ais granda nels tschels;

perche chi han usche perseguitâ ils profets, chi *sun stats* avant vus.

13. Vus eschat il sal della terra; ma, scha 'l sal dvainta insus, con che il vowl ün insalar? el non vala plü pro alchüna chosa, oter co a gnir büttâ via, e gnir traplâ suot dalla gliend.

* Marc. 9. 50.

14. Vus eschat la gliüm del muond; la città tschantada sün ün munt non po star zopada.

15. Medemamaing, * non s'invüda la lütschernä, per la metter suot ün möz; anzi 's *metta* sün il chandelêr, schi dâ ella cler a tuot quels chi *sun* in chasa;

* Marc. 4. 21.

16. Usche dess splendorir vossa gliüm nel conspet della gliend, acio * chi vezan vossas bunas ouvas e glorifichan vos bap, chi *ais* nels tschels.

* 1 Petr. 2. 12.

17. Non s' impissarai, ch' eu saja gnü per annullar la ledscha, o 'ls profets; eu non sun gnü per ils annullar, anzi per ils complir.

18. Perche, eu 's di in vardâ, cha, fin chi saja passâ vi' il tschel e la terra, schi non vain a passar via * brich' ün bustap, o ün tichel della ledscha, ch' ogni chosa non saja fatta.

* Luc. 16. 17.

19. Chi dimena * averà ruot ün da quaists minims cumandamaints, ed averà usche mussâ la gliend, sarà clamâ il minim nel reginam dels tschels; ma quel chi 'ls metterà in effet, e 'ls muosserà, sarà clamâ grand nel reginam dels tschels.

* Giac. 2. 10.

20. Perche eu 's di, cha, scha vossa giüstia non ais plü abundanta co *quella* dels scrivants, e dels Fari-seers, schi non gnis vus ad intrar nel reginam dels tschels.

21. Vus avais udi chi füt dit als vegls: Non mazzar; e chi mazzerà sarà suottapost al güdizi. * Exod. 20. 13.

22. Ma eu 's di, cha chi s'adira sün seis frar, sainza causa, sarà suottapost al güdizi; e chi l'averà dit: Raca, sarà suottapost al consistori; e chi l'averà dit: Nâr, sarà suottapost alla geenna del fû.

23. Contuot, scha tü offerrast tia offerta sün l' utêr, e 't regordast qua, cha teis frar ha qualchosa contra tai,

24. Schi lascha qua ti' offerta avant l' utêr, e vâ, e 't reconciliescha il prüm con teis frar; e lura vê, ed offera ti' offerta.

25. Fa bod ün amicabel accord con teis adversari, intant cha tü est sün la via con el; cha forse *teis* adversari non at detta in man del güdisch, e 'l güdisch at detta in man del sergent, e sajast chatchâ in preschun.

26. Eu at di in vardâ, cha tü non vainst a gnir davent da là, fin cha tü non hajast pajâ l' ultim quattrin.

27. Vus avais udi chi füt dit als vegls: * Non commetter adulteri;

* Deut. 5. 18.

28. Ma eu 's di, cha chi * guarda üna duonna, per la giavüschar, ha agiâ commiss adulteri con ella in seis cour.

* Giob 1. 1.

29. Ma scha teis ögl dret at dâ schandel, schi chava 'l our, e büttâ 'l d'avent da tai; perche chi 'l ais megl per tai, ch'ün da teis members pêra, e bricha tuot teis corp vegna büttâ nella geenna.

30. E scha teis man dret at dâ schandel, schi taglia 'l giò, e büttâ 'l da vent da tai; perche chi 'l ais megl per tai, ch'ün da teis members pêra, e bricha tuot teis corp vegna büttâ nella geenna.

31. Ma que füt dit: * Chi refüderà sia muglier, la detta la charta del divorzio.

* Deut. 24. 1.

32. Ma eu 's di: * Cha chi averà tramiss d'avent sia muglier, resaly per causa da fornicaziun, la fa esser adultera; e chi averà spusâ quella, ch'ais tramissa d'avent, commetta adulteri.

* Marc. 10. 11.

33. Ultra quai, vus avais udi chi füt dit als vegls: * Tü non dessast gürar fos; anzi salva al Segner las chosas ch' averast gürâ.

* Ex. 20. 7.

34. Ma eu 's di: Dafat non gürerai; ne tras il tschel, perche ch'el ais il trun da Dieu;

35. Ne tras la terra, perche ch'ella ais il schabell da seis peis; ne tras Gerusalem, perche ch'ella ais la città del grand räi.

* Ps. 48. 2

36. Non gürar neir tras teis cheu, perche tü non poust far ün chavel alb, o nair;

37. Anzi, saja vos tshantschar: Schi, schi; Na, na; ma quai chi ais d'avantach, sur quaists *pleds*, proceda dal malign. * Giac. 5, 12.

38. Vus avais udì chi füt dit: * Ögl per ögl, e daint per daint. * Exod. 21, 24.

39. Ma eu 's di: non contrasterai al mal; anzi, sch'alchün at batta sün la masella dretta, schi volva 'l via eir l'otra;

40. E sch'alchün voul drettar con tai, e 't tour la rassa, lascha 'l eir la chappa.

41. E sch'alchün at sforza dad ir üna miglia, schi va con el duos.

42. * Dà a chi't giaviüscha, e non contradir la dumanda da chi voul tour *alchüna cosa* ad impraist da tai.

* Deut. 15, 8.

43. Vus avais udì chi füt dit: * Ama teis prossem, ed ödiescha teis inimi;

* Lev. 19, 18.

44. Ma eu di a vus: * Amai voss inimis, benedi quels, chi 's maledeschän, fat del bain a quels, chi 's vöglian mal, e rovai per quels, chi 's fan tort e 's perseguitan.

* Luc. 6, 27. Act. 7, 60.

45. Acio cha vus sajat infants da vos bap, chi *ais* nels tschels; perehe ch'el fa alvar seis solai sur ils buns, e sur ils mals; e plouwer sur ils güsts, e sur ils ingüsts.

46. Perehe, scha vus amais quels chi aman vus, schi che premi gnis ad avoir? non fan eir ils publicans l'istess?

47. E scha fais charezza solum a voss amis, che fais da singular? non fan eir ils publicans il sungiant?

48. Vus dimena sajat perfets, seo ais perfet vos bap, chi *ais* nels tschels.

CHAP. VI.

Davart far almousnas, orar, gegünar, avarezza e pissèr per chosas da quaist münd.

AS perchürarai da far voss' almousna nel conspet della gliend, per esser vis dal els; uschigliö non averat vus mercede pro vos bap, chi *ais* nels tschels.

2. Contuot cur tü farast almousna, schi non far sunar la trombetta avant tai, seo fan ils ipocrits nellas sinagogas, e sün las piazzas, per esser onorats dalla gliend; eu 's di in vardà, ch' els ardschaivan lur mercede.

3. Ma cur tü fast almousna, schi non sapcha teis man sneister quai chi fa il dret;

4. Acio cha ti' almousna 's fetscha in secret; e teis bap, chi veza nel azopà, * vain at render avertamaing.

* Luc. 14, 14.

5. E cur tü farast oraziun, schi non esser seo 'ls ipocrits; perehe quels aman da far oraziun stand sù dret in pe nellas sinagogas, e sün ils chantuns dellas piazzas, per esser vis dalla gliend; eu 's di in vardà, ch'els ardschaivan lur mercede.

6. Ma tü, cur tü farast oraziun, schi intra in tia chambretta, e serra teis tisch, e fa oraziun a teis bap, chi *ais* nel azopà; e teis bap, chi veza nel azopà, vain at render avertamaing.

7. Ma cur vus farat oraziun, schi non dovrerai plds sur üs, seo 'ls pajans; perehe ch' els, s' impaissan d' esser exodits tras la quantità da lur plds.

8. Contuot non sajat sungiants ad els; perehe vos bap sà las chosas da che vus avais bögn, ant cha vus las giaviüschat dad el.

9. Vus dimena * urai in quaista maniera: Bap nos, chi *est* nels tschels; fat sanet vegna teis nom; * Luc. 11, 2.

10. Teis reginam vegna nan pro; Tia vögliä dvainta, seo in tsel, usche eir in terra.

11. Nos pan d'iminchadi dâ a nus hoz.

12. E perduna'ns noss debits, seo eir nus *ils* perdunain a noss debita-durs.

13. E non ans manar in provamaint, ma spendra 'ns dal mal; perehe teis ais il reginam, e la pussanza, e la gloria, in eterno. Amen.

14. Perehe, scha vus perdunais alla gliend lur fals, schi vain eir vos bap celestial a perdunar a vus *ils* voss;

* Marc. 11, 25.

15. Ma scha vus non perdunais alla gliend lur fals, schi non vain neir vos bap as perdunar ils voss. * Matt. 18, 35.

16. Ma cur vus gegünerat, schi non sajat trists d' aspet, seo 'ls ipocrits; perehe quels sfuorman lur fatschas, acio cha para alla gliend, ch' els gegünan; eu 's di in vardà, che'ls ardschaivan lur mercede.

17. Ma tii, eur tii gegünast, schi 't onscha 'l cheu, e 't lava la fatscha;

18. Acio cha non para alla gliend, cha tii gegünast, ma a teis bap, il qual *ais* nel secret; e teis bap, chi veza nel azopâ, vain at render nel palais.

19. Non * as farai tesors in terra, ingiò la chära, e la rovina guastan, ed ingiò ils laders fouran aint, ed invoulan;

* Luc. 12, 33.

20. Anzi's fat tesors in tsel, ingiò ne chära, ne rovina guastan, ed ingiò ils laders non fouran aint, e non invoulan.

21. Perche, ingio vos tesor ais, qua sarà eir vos cour.

22. La glüm del corp ais l' ögl; scha dimena teis ögl ais net, schi sarà tuot teis corp illüminä;

23. Ma scha teis ögl ais viziâ, schi sarà tuot teis corp schür; scha dimena la glüm, chi *ais* in tai ais schütrezza, quant grandas *saran* las schütrezzas sves?

24. * Ingün non pö servir a duos signurs; perche, o l'ün ödierà el, ed amerà l'oter; ovvero, 's ranterà el vi al ün, e spredscherà l' oter; vus non podais servir a Dieu ed a mammon.

* Luc. 16, 13.

25. Per quai as di eu: * Non sajat con ranchüra pisserus per vossa vita, che vus gnis a mangiar, o che a baiver; ne per voss corps, con che vus gnis as vestir; non ais la vita plü co 'l nudriamaint, e 'l corp plü co 'l vestir?

* Fil. 4, 6.

26. Guardaisün ils utschels deltschel, co els non semnan, e non tselunean, e non raspan aint in granêrs; ed impero vos bap celestial ils nudraja; non eschat vus bler da plü co els?

27. E chi ais quel da vus, chi con seis pissêr possa metter pro a sia statura dech ün bratsch muot?

28. E davart il vestir, perche eschat con ranchüra pisserus? As fat surasen co las gilgias della champagna erschän; ellas non as sfadajan ne filan;

29. Ed impero 's di eu, cha Salomon istess, con tuot sia gloria, non eira vesti al pâr d'üna dad ellas.

30. Ma scha Deis vesta in quaista maniera l'erba della cuttüra, chi hoz ais, e daman ais büttada nel fuorn, non *vain* el bler ant a vestir vus, o gliend da paca cretta?

31. Non sajat dimena con ranchüra pisserus, dschand: Che gnin nus a mangiar, o che a baiver? O con che gnin nus ad esser vestits?

32. Perche cha 'ls pajans sun quels, chi procuran tuot quaistas chosas; perche vos bap celestial sâ, cha vus avais bsögn da tuot quaistas chosas:

33. Anzi, tscherchai il prüm il reginam da Dieu e sia güstia; schi vegnan tuot quaistas chosas a gnir misas pro a vus.

34. Non sajat dimena con ranchüra pisserus del *di* daman; perche 'l *di* daman averà pissêr per sias chosas; que basta a seodün di seis mal.

CHAP. VII.

Cristo seomanda il güdichar il prossen; e cha non as detta il sanct als chans; exort' ad adorar, e seguirar la via stretta, ed as perchürar dals fos profets; e co nus stovan far la vögla del bap.

NON güdicherai, acio cha vus non vegnat güdichats.

* Luc. 6, 37.

2. Perche, con qual güdizi vus gnis a güdichar, schi sarat güdichats; e con la mastira, cha vus mastürais, sarà eir mastürä a vus.

* Luc. 6, 41.

3. E che guardast tii la büscha ch' *ais* nel ögl da teis frar, e non adverte-schast la trav, ch' *ais* in teis ögl?

4. Ovvero, co disch a teis frar: La-scha ch' eu at tira our dal öl la büs-scha, e mera la trav in teis ögl.

5. Ipocrit, tir' il prüm la trav our da teis ögl, e lura dessast tii guardar da trar la büscha our dal ögl da teis frar.

6. Non darai quai ch' ais sanct als chans, e non bütterai vossas perlas avant ils porchs; cha forsa els non las traplan suot con ils peis; e, 's vol-vand, non as scharpan.

* Matt. 21, 32.

7. * Rovai, schi vain a gnir dat a vus; teherchai, schi gnis a chattar; pichai, schi vain a gnir avert a vus.

* Marc. 1, 21.

8. Perche, chi rova ardschaiva, e chi tschercha chatta, e sarà avert a chi picha.

9. Ais alchün crastian tanter vus, il qual, scha seis figl il rova pan, el al detta üna peidra?

10. Ovvero eir, seh' el il rova ün pesch, el al sporsecha üna serp?

11. Scha dimena vus, chi eschat mals, savais dar buns duns a voss

infants, quant plü vain vos bap, ch' *ais* nels tschels, a dar el chosas bunas a quels, chi 'l roveran?

12. Tuot las chosas dimena, cha vus volais, cha la gliend as fetscha, schi fat 'las eir vus ad els; perche quaiast ais la ledscha e 'ls profets.

* Luc. 6, 31.

13. Intraì tras la porta stretta; perche largia ais la porta, e lada la via, chi maina alla perdiziun; e blers sun quels chi intran tras quella. * Luc. 13, 24.

14. Quant pitschna *ais* la porta, e stretta la via, chi maina alla vita! E pacs sun quels chi la chattan.

15. Ma s'inguardai dals fos profets, * ils quals vegnan pro vus in abit da nuorsas; ma sun aint dadaint lufs sgiarbadars.

* Mic. 3, 5.

16. Vus gnis als cognoscher vi a lur früts; s' cleja üjas giò dal spinas, o fics da charduns?

17. Usche, * ogni bun bösch fa bun früt; ma 'l bösch mal fa früts noschs.

* Matt. 12, 33.

18. Il bösch bun non po far früts noschs, ne 'l bösch mal far früts buns.

19. Ogni bösch, chi non fa bun früt vain tagliâ giò, e büttâ nel fö.

20. Vus dimena gnis als cognoscher vi a lur früts.

21. * Bricha minchtin, chi 'm disch: Segner, Segner, intrerà nel reginam dels tschels; ma chi fa la vögla da meis bap, chi *ais* nels tschels.

* Rom. 2, 13.

22. Blers vegnan am dir in quel di: Segner, Segner, non avain nus profetizâ in teis nom, ed in teis nom schatchâ dimunis, e fat, in teis nom, bleras potents operaziuns?

23. Ma eu vögl lura protestar ad els: Eu non s'ha mâ bricha cognoschüts; as partì davent da mai, vus tuots operators d'iniquità. * Luc. 13, 26, 27.

24. Perquai, * fetsch eu sumgiant scodün, chi oda quaiasts meis plets, e 'ls metta in effet, ad ün hom prudaint, il qual ha edificâ sia chasa stün il spelm.

* Luc. 6, 47.

25. E *cur* la plövgia ais crodada giò, e 'ls torrents sun gnüts, e 'ls vents han soffâ, ed han dat conter quella chasa, schi non ais ella pero crodada; perche l'eira fondada sül spelm.

26. Ma chi oda quaiasts plets, e non ils metta in effet, sarà conguâlâ ad ün hom nar, il qual ha edificâ sia chasa sül sablun;

27. E *cur* la plövgia ais crodada giò, e 'ls torrents sun gnüts, e 'ls vents han soffâ, ed han dat conter quella chasa, schi ais ella crodada, e sia ruina ais statta granda.

28. Ma *cur* Gesu avet fin quaiasts raschunaments, * schi 's instupiv' il pövel da sia doctrina; * Marc. 1, 22.

29. Perche el ils mossaiava, sco aviand autorità, e bricha sco 'ls scrivants.

CHAP. VIII.

Cristo nettaja ün levrus; fa san il famagl del chapitani da Capernaum, la söra da Petro, ed oters; el acquieta 'l mâr, e guarescha duos induniats.

MA *cur* el füt gnü giò dal munt, schi 'l seguitet bler pövel.

2. E mera, * ün levrus gnit, 'e l'adoret, dschand: Segner, scha tü voust, schi 'm poust tü nettiar. * Marc. 1, 40.

3. E Gesu, aviand stais our il man, il tuchet, dschand: Schi, eu il vögl, sajast net. Ed in quel istant la levrusia da quel füt nettiada.

4. E Gesu al disch: Guarda cha tü non diast ad alchün; ma vâ, * at muoss' al sacerdot, ed offerra l'offerta cha Mose ordinet, in testimonianza ad els.

* Luc. 14, 3. 4. 10.

5. Ma *cur* el füt intrat in Capernaum, schi gnit pro el ün chapitani, il rovand,

* Luc. 7, 1.

6. E dschand: Segner, meis famagl giascha in chasa schirâ, greivamaing tormentâ.

7. E Gesu al disch: Eu vögl gnir, e 'l vögl guarir.

8. E 'l chapitani, respondand, disch: Segner, eu non sun degn, cha tü aintrast suot meis tet; ma sulamaing di ün pled, e meis famagl sarà guarì.

* Luc. 15, 19. 21.

9. Perche eu sun ün crastian suottapost alla pussanza d'ün oter, ed ha suot mai sudats; ed *impero*, sch' eu di al ün: Vâ, schi va el; e *scha* al oter: Vê nan, schi vain el; e *sch'* eu di a meis servaint: Fâ quaiast, schi 'l fa el.

10. E Gesu, aviand udì quaiastas chos, as smüravgliet el, e disch a quels

chi 'l seguitaivan: Eu 's di in vardà, cha nianch' in Israel non ha eu chattà tanta cretta.

11. Ma eu 's di, cha blers vegnan a gnir dal levant e dal ponent, e sezeran a maisa con Abraham, con Isac, e con Giacob, nel reginam dels tschels. * Luc. 13, 29.

12. E 'ls infants del reginam * saran büttats nellas schürezzas dadoura; qua vain ad esser eridar e sgrizchar dels daints. * Matt. 13, 42.

13. E Gesu disch al chapitani: Và, e sco tü hast eret, at saja fat. E seis famagl füt guari in quel istant.

14. Lura Gesu, siand intrat nella chasa da Petro, vezet la söra da quel, chi giaschaiva in let con feivra.

15. Ed el la tuchet il man, e la feivra la laschet, ed ella alvét stü, e serviva ad els.

16. * Ma, siand gnü saira, schi 'l füt-tan presentats blers indemuniats; ed el, con il pled, schatschet our' ils spierts, e schapantet tuots ils amalats. * Marc. 1, 32.

17. Acio chi 's compliss quai chi füt dit dal profet Esaia, dschand: * El ha tut sur sai nossas infirmitats, ed ha portà nossas malatias. * Es. 53, 4.

18. Ma Gesu, vezand intuorn el bler pövel, comandet chi 's passess vi all' otra riva.

19. Lura ün scrivant, siand approsimâ, al disch: Maister, eu 't vögl seguir, ingiò cha tü vainst ad ir. * Luc. 9, 57.

20. E Gesu al disch: Las vuolps han tannas, e 'ls utschels del tschel gnieus; ma 'lfigl del crastian non ha ingiò el poza 'l cheu bricha.

21. Lura ün oter, ch' eira da seis scolars, al disch: Segner, conceda'm, ch' eu il prüm gaja, e sepolescha meis bap.

22. Ma Gesu al disch: Seguita mai, e lasch' ils morts sepolir lur morts.

23. E siand el intrat nella nav, schi 'l seguitettan seis scolars.

24. E mera, nel mâr dvantet ün grand moventamaint, tal cha la nav gniva covernada dallas uondas; ma el dormiva.

25. E seis scolars, s' approsmand via, il sdasdettan stü, dschand: Segner, salva'ns, nus perin.

26. Ed el disch ad els: Perche avais vus temma, o *glieud* da paca cretta? E siand sdasdâ, slamet el als vents, ed al mâr; e 's fet granda quaidezza.

27. E 'l pövel as smüravgliet, dschand: Che *hom* ais quaiet, cha eir il mâr, e 'ls vents l'obedeschan?

28. E cur el füt rivâ vi all' otra riva, nella contrada dels Gergeseners, schi al gnittan incunter duos indemuniats, gnüts our dals monumaints, furius our da möd, tal ch' ingün non podai-va passar per quella via. * Marc. 5, 1.

29. E mera, els bragittan, dschand: Che *ais qui* tanter nus e tai, o Gesu, figl da Dieu? est tü gnü qua, per ans tormentar ant il temp?

30. Ma dalönsch da quels eira üna scossa da blers porchs, chi pascolaiva.

31. E 'ls demunis il rovettan, dschand: Scha tü 'ns chatschast oura, schi conceda 'ns, d' ir in quella scossa da porchs.

32. Ed el disch ad els: It. E quels, siand trats oura, getten in quella scossa da porchs; e mera, tuot quella scossa da porchs as büttet a precipizi nel mâr, e quels morittan nellas auas.

33. E quels chi 'ls perchüraivan füt-gittan; e siand its nella città, referittan els tuot quaietas chosas, ed eir il fat dels indemuniats.

34. E mera, tuot la città get our' incunter a Gesu; e l'aviand vis, il rovettan els, ch' el as partiss da lur confins.

CHAP. IX.

Il Segner guarescha ün schirâ; perduna ils puchats; clama Matteo; el ais gnü per ils pechadurs; ün mort resüsta; üna chi ha ün flüss, ün mütt ed indemuniâ, e duos orbs vegnan guarits.

ED el, siand intrat nella nav, passet vi all' otra riva, e * gnit in sia città. * Marc. 2, 1.

2. E mera, al füt presentâ ün schirâ, chi giaschaiva in let. E Gesu, aviand vis lur cretta, disch el al schirâ: Figl, sta con bun cour, teis puchats at sun perdonats.

3. E mera, alchüns dels scrivants dschaivan in sai svess: Quaiet blastema.

4. E Gesu, aviand vis lur impissa-

maints, dschet el: Perche s'impissais vus chosas malas in voss cours?

5. Perche, qual ais plü chiönseh, dir: Teis puchats at sun perdunats; ovvero dir: Leiva stü, e chamina?

6. Ma, acio cha vus sapelat, cha 'l figl del crastian ha autorità in terra da perdumar ils puchats: Schi leiva sü tü, (dschet el lura al schirâ) piglia tei let, e vâ a chasa tia.

7. Ed el, siand alvâ, get a chasa sia.

8. E 'l pövel, aviand vis *quai*, as smüraygliet, e glorifichet Dieu, chi avaiva dat tal pussanza alla gliend.

9. Lura Gesu, passand plü 'navant, vezet ün hom, chi sezzaiva al banc del dazzi, nominâ Matteo; ed el al disch: Seguita'm. Ed el, 'siand stat sü, al seguitet.

* Marc. 7, 14.

10. E dvantet cha, essendo Gesu a tabla in chasa, mera, bliers publicans e pechadurs, gnittan, e 's mettettan a tabla con Gesu, e con seis scolars.

11. E 'ls Fariseers, veziaand *quai*, dschettan als scolars da quel: Perche mangia vos maister con ils publicans e con ils pechadurs? * Matt. 11, 19.

12. E Gesu, *ils* aviand udi, disch ad els: Quels chi stan bain non han bögn da meidi, ma ils amalats.

13. Ma it, ed imprendai che quai saja: * Eu vögl misericordia, e bricha sacrifici; perche † eu non sun gnü per clamar a penitenza ils güsts, anzi ils pechadurs. * Hos. 6, 6. † 1 Tim. 1, 15.

14. Lura s' approsmettan vi pro el ils scolars da Gioanne, dschand: Perche gegünain nus, e 'ls Fariseers suvent, e teis scolars non gegünan?

* Marc. 2, 18. † Luc. 5, 33.

15. E Gesu disch ad els: Quels della chambra dellas nozzas, pon els avoir cordöli, intant cha 'l spus ais con els? Ma ils dis gnaran, cha 'l spus sarà ad els tut davent, e lura gegünaran els.

16. Ma ingün non metta üna pezza da pan grob sün ün vestimaint vegl; perche quai, chi ais miss per supür, porta via dal vestimaint, e 'l şcharp vain pür pèr.

17. Medemamaing, non as metta vin nuvell in barigls veglias; uschigliö 's rumpan las barigls, e 'l vin as

spanda, e las barigls van a perder; ma as metta il vin nuvell in barigls novas, ed amanduos as conservan.

18. Intant ch' el raschunaiv' ad els quaistas chosas, mera, ün dels capos *della sinagoga* gnit, e s'inclinet avant el, dschand: Mia figlia ais be uossa trapassada; ma vè, e mett' il man sün ella, ed ella viverà.

* Marc. 5, 22.

19. Gesu, siand stat sü, al seguitet, insenbel con seis scolars.

20. E mera, üna duonna, amalada d' ün flüss da sang, agià da dudesch ans nan, s' approsmet davo pro, e tuochet l' ur da sia vesta;

21. Perche ella dschaiva in sai s vess: Sch' eu solum tuoch sia vesta, schi vegn eu liberada.

22. Ma Gesu, s' aviand vout, e la veziaand, la disch: Sta con bun cour, figlia; tia cretta t' ha salvada. E da quell' ura in via füt la duonna liberada.

23. E cur Gesu füt gnü in chasa del * capo *della sinagoga*, ed avet vis ils sunaders, e la quantità chi franturaiva,

* Matt. 5, 33.

24. Disch el ad els: As retrat; perche la giuvna non ais morta, ma dorma. E quels riaivan d'el.

25. Ma cur la quantità füt tramissa davent, schi intret el, e piglet la giuvna per il man, ed ella as sdasdet sü.

26. E la fama da quai get oura per tuot quel pajais.

27. E, 's partind Gesu da là, schi'l seguitettan duos orbs, bragind e dschand: Hajast compassiun da nus, figl da David!

28. E cur el füt gnü in chasa, schi s' approsmettan quels orbs vi pro el. E Gesu disch ad els: Crajais vus, ch' eu possa far quaist? Quels al respondettan: Schi tschert, Segner.

29. Lura tuchet el lur ögls dschand: A vus saja fat seguond vossa cretta.

30. E lur ögls füttan averts; e Gesu det ad els ün sevêr comand, dschand: Guardai, cha ingün non sapcha quai.

31. Ma quels, siand its oura, publicettan sia fama per tuot quel pajais.

32. Ma, cur quels *orbs* giaivan oura, mera, schi 'l füt presentâ ün hom mütt, indemuniâ.

* Luc. 5, 14.

33. E cur il demuni füt chatschâ oura, schi tshantschet il mütt, e 'l pövel as smüravgliaiva, dschand: Mâ bricha non as ha vis tal chosa in Israel.

34. Ma ils Fariseers dschaivan: El chatsch' oura ils demunis tras il princip dels demunis. *Matt. 12, 24.

35. E Gesu giaiv' intuorn per tuot las cittats, e per ils vihs, mussand in lur sinagogas, e predgiand 'l Pevangeli del reginam, e guarind ogni malatia, ed ogni infirmità tanter il pövel. *Matt. 4, 23.

36. E veziand el il pövel, avet el compassiun d' els; perche els eiran stangels, e dispers, a guisa da nuorsas, chi non han pastur. *Marc. 6, 34.

37. Lura disch el a seis scolars: La raccolta *ais* bain granda, ma paes sun ils lavuraints. *Gioan. 4, 35.

38. Rovai dimena il Segner della raccolta, ch'el chatsch' oura lavuraints in sia raccolta.

CHAP. X.

Gesu dà autorità a seis 12 apostels da predgiar, e far miraculs; eir als annunzia el las persecuziuns, ch'els averan da spettar, ils cuffortand in quai, e mussand chi dessan tmainr.

LURA, * aviand el clamâ pro sai seis dudesch scolars, det el ad els pussanza sur ils spierts malnets, da 'ls chatschar oura, e da guarir qualunque malatia, e qualunque infirmità. *Marc. 3, 13.

2. Ma ils noms dels dudesch apostels sun quaiets: Il prim *ais* Simon, dit Petro; ed Andrea, seis frar; Giacobo da Zebedeo, e Gioanne, seis frar;

3. Filippo, e Bartolomeo; Toma, e Matteo, il publichan; Giacobo d'Alfeo, e Lebbeo, clamâ per surnom Taddeo;

4. Simon Cananiter, e Giuda Iscariot, quel chi *lura* eir il tradit.

5. Quaiets dudesch tramettet Gesu, dand ad els quaiets nordsens: Non giarai pro 'ls pajans, e non intrerai in alchüna città dels Samaritans.

6. Ma it plü bod pro las nuorsas persas della chasa d'Israel. *Matt. 15, 24.

7. *Ed it, e predgiai, dschand: Il reginam dels tshels ais vicin. *Matt. 3, 2.

8. *Medgiai ils amalats, nettiat ils levrus, sdaschai sù ils morts, cha-

tshai our' ils demunis; per dun avais ardschvü, per dun dat. *Luc. 10, 9.

9. Non farai provisiun d' or, ne d'argent, ne da monaida in vossas tshintas; *Marc. 6, 8.

10. Ne da tascha sù 'l viadi; ne da duos rassas, ne da şharpas, ne da bastun; perche il * lavuraint *ais* degn da seis nudriamaint. *1 Cor. 9, 7.

11. Ma in qualunque città, o vih vus sarat intrats, schi indraschi, chi in quel ais degn, e qua dmurai fin cha vus partis.

12. E cur vus gnis ad intrar nella chasa, schi la salü dai, dschand: Pasch *saja* a quaiста chasa.

13. E, scha quella ais degna, schi vegna vossa pasch sur ella; ma, sch' ella non ais degna, schi tuorna vossa pasch darcheu pro vus.

14. E, sch' alchün non as ardschaiva, e non taidla voss plets, giand our da quella chasa, o da quella città, squas-sai la pulvra giò da voss peis. *Marc. 6, 11.

15. Eu 's di in vardà, cha *quels* del pajais da Sodoma e da Gomorra saran plü tolerabelmaing trattats nel di del giudizi, co quella città.

16. Mera, eu as tramet seo bèscha in mez dels lufs; sajat dimena prudaints seo serps, e saimpels seo colombs. *Luc. 10, 3.

17. Ma as perchürarai dalla gliend; perche * quels as metteran in man dels consistoris, e quels vegnan † as giasliar in lur sinagogas. *Matt. 24, 9. † Act. 5, 40.

18. E sarat eir manats avant ils redschadurs, ed avant ils rais, per mia chaschun, in testimonianza ad els, ed als pajans.

19. Ma, cur quels vegnan as dar in *lur* mans, schi non sajat in pissèr co, o che vus dessat tshantschar; perche, in quell' istess' ura, vain a gnir dat a vus quai ch' averat da tshantschar. *Matt. 13, 11.

20. Perche vus non eschat vus quels, chi favlais, ma 'l Spiert da vos bap, *ais* quel, chi tshantscha in vus.

21. Ma il frar vain a dar il frar alla mort, e 'l bap il figl; e 'ls infants vegnan a star sù contra lur baps e mammas, e 'ls faran morir.

22. E sarat ödiats da tuots per meis nom, ma, * chi averà sustgnü fin alla fin, vain a gnir salvâ. * Marc. 13, 13.

23. Ma, eur els as persegüiteran in üna città, schi fuggi in ün' otra; perche eu 's di in vardà, cha vus non averat finì *da circuir* las cittats d'Israel, cha 'l figl del crastian non saja gnü.

24. Il scolar non ais da plü del maister, ne 'l servaint da plü da seis patrun. * Luc. 6, 40.

25. E basta al scolar d' esser seo seis maister, ed al servaint d' esser seo seis patrun; sch' els * han clamâ il patrun da chasa Beelzebub, quant plü *clameran els usche* seis familiars. * Marc. 12, 24.

26. Non ils tmarai dimena; perche inguotta non ais zopâ, chi non haja da gnir scovert; ne secret, chi non haja da gnir a notizia.

27. Quai ch' eu 's di nella schütrezza, dit vus nella glüm; e quai cha vus udivat nell' uraglia, predgiai stün ils tets.

28. E non tmarai da quels, chi mazzan il corp, ma non pon mazzar l' orma; mo tmai plü bod quel, chi po far perir l' orma, e 'l corp, nella geenna. * Luc. 12, 4.

29. Duos paslers non as venda per ün quattrin *sulet?* Pür inguotta tant main l' ün da quels non po erodar in terra, sainza il *volair da* vos bap.

30. Ma quant a vus, * eir ils chavels da vos cheu sun tuots nombrats. * Luc. 21, 18.

31. Non tmarai dimena; vus eschat da plü co blers paslers.

32. Ogni crastian dimena, chi m'averà recognoschü avant la gliend, il vögl eir eu recognoscher avant meis bap, chi *ais nels tshels*. * Marc. 8, 38.

33. Ma, chi m' averà snejâ avant la gliend, il vögl eir eu snejar avant meis bap, chi *ais nels tshels*.

34. * Non s' impisserai, ch' eu saja gnü a metter pasch in terra; eu non sun gnü a metter *a vus* la pasch, anzi la spada. * Luc. 12, 49.

35. Perche eu sun gnü a metter in discordia il figl conter il bap, e la figlia contra la mamma, e la brüt contra la söra.

36. E 'ls inimis del crastian *saran* seis familiars stess. * Mic. 7, 6.

37. Chi amabap, o mamma plü co mai, non ais degn da mai; e chi ama figl, o figlia, plü co mai, non ais degn da mai. * Luc. 14, 26.

38. E chi non piglia sia crusch, e non vain davo mai, non ais degn da mai. * Marc. 8, 34.

39. Chi vain ad avoir chattâ sia vita la perderà; e chi averà pers sia vita per chaschun mia, vain a la chattar. * Gioan. 12, 25.

40. Chi ardschaiva vus, ardschaiva mai, e chi ardschaiva mai, ardschaiva quel, chi m'ha tramiss. * Luc. 10, 16.

41. Chi ardschaiva ün profet, in nom da profet, ardschaiverà premi da profet; e chi ardschaiva ün güst, in nom d' ün güst, ardschaiverà premi d' ün güst. * Marc. 9, 41.

42. E scodün chi averà dat da baivet solum ün bachêr d' *aua* freida ad ün da quaists pitschens, in nom d' ün scolar, eu as di in vardà, ch' el non perderà bricha sia mercede.

CHAP. XI.

Cristo predgia, ingiö ils apostels avaivan predgiâ, e dà perdüta da Gioanne; e davart la led-scha e 'ls profets.

E dopo cha Gesu avet finì da dar comandamaints a seis dudesch scolars, schi as partit el da là, per mussar, e per predgiar in lur cittats.

2 * Ma Gioanne, aviand nella preschun udi las ouvras da Gesu, tramettet el duos da seis scolars, a dir ad el: * Luc. 7, 18.

3. Est tü quel, chi ha da gnir, o avain nus da spettar ün oter?

4. E Gesu, respondand, disch ad el: It, e referi a Gioanne las chosas, cha vus udis, e vezais:

5. Ils orbs ardschaivan la vezüda, ils zops chaminan, ils levrus sun nettiats, ils suords odan, ils morts sun restüstats, e l' evangeli ais anunziâ als povers.

6. E beâ ais quel, chi non vain as a-vair schandelizâ da mai.

7. Ma giand quels inavant, coman-zet Gesu a dir al pövel davart Gioanne: Che eschat its oura per vair nel desert? Üna channa smanada dall' ora? * Luc. 7, 24.

8. Impero, che eschat its a vair? Ün crastian vesti con vestimainta deliziusa? mera, * quels chi portan *vestimainta* deliziusa sun nellas chasas dels rais.

9. Impero, che eschat its our a vair? Ün profet? schi tshert, eu 's di, e plü co ün profet.

10. Perche quaiست ais quel, dal qual ais scrit: Mera, * eu tramet meis angel avant tia fatscha, il qual vain a chiönschar tia via avant tai.

* Mal. 3, 1.

11. Eu 's di in vardà, cha tanter quels, chi sun nats da donans, non alvet sü mä ün plü grand co Gian Battista; ma 'l minim nel reginam dels tshels ais plü grand co el.

12. Ma, dals dis da Gian Battista infin uossa, ais il reginam dels tshels sforzà, e quels chi douvran forza, il sdrappan.

* Luc. 16, 16.

13. Perche cha tuots ils profets, e la ledscha, han profetizà infin' a Gioanne.

14. E, scha vus *il* vulais acettar, * schi ais el Elia, chi dovaiva gnir.

* Mal. 4, 5.

15. Chi ha uraglias per udir, oda.

16. Ma a chi dess eu congualar quaiста generaziun? Ella ais simila als infants, chi sezan nellas plazzas, e claman a lur compagns; * Luc. 7, 31.

17. E dischan: Nus avain sunà, e vus non avais ballà; nus s' avain chantà chanzuns da lād, e vus non avais gnü cordöli.

18. Perche cha Gioanne ais gnü, ne mangiand, ne bavand; e quels dschavian: El ha il demuni.

19. Il figl del crastian ais gnü, mangiand, e bavand; e quels dischan: Mera ün magliader e bavader da vin; ami dels publicans, e dels pechadurs; ma la sapienza ais stata güstifichada da seis infants.

20. Lura cumanzet el a repretter las cittats, nellas qualas la mer part da sias potestas operaziuns eiran statas fattas, ch' ellas non s' avaivan meldradas, dschand: * Luc. 10, 13.

21. Vü a tai, Chorazin! vü a tai Betsaida! perche, scha in Tiro e Sidon füssan stat fattas las potestas operaziuns, chi sun stat fattas in vus,

schi gnissan ellas agià dalöneh as avair inrügladas, in sach e tshendra.

22. Impero di eu a vus, * cha Tiro e Sidon saran plü tolerabelmaing trattadas nel di del güdizi, co vus.

* Matt. 10, 15.

23. E tü, o Capernaum, chi est stat' adozada infin' al tshel, sarast abasada fin al infern; perche, scha in Sodoma füssan stat fattas las potestas operaziuns, chi sun stat fattas in tai, schi avess ella dürä infin al di d'hoz.

24. Impero di eu a vus, cha 'l pajais da Sodoma sarà plü tolerabelmaing trattà nel di del güdizi, co tü.

25. * In quel temp cumanzet Gesu a dir: Eu at dun gloria e lod, o bap, Segner del tshel e della terra, cha tü hast zopà quaiستas chosas als sabis, ed ineclegiantaivels, e las hast reveladas als pitschens infants. * Luc. 10, 21.

26. Schi tshert, o bap, perche usche at hā bain plaschü.

27. Ogni chosa m'ais datta in man da meis bap, * ed ingün non cognuosch' il figl, oter co 'l bap; medemaing, ingün non cognuosch' il bap, oter co 'l figl, e quel, al qual il figl averà voglū manifestar quai.

* Matt. 28, 18. † Gioa. 1, 18.

28. Gnü nan pro mai, vus tuots chi eschat travagliats ed aggravats, ed eu as vögl surleivgiar.

29. Pigliai sur vus meis giuf, ed imprendai da mai, ch' eu sun bandus, ed * ümil da cour; † schi gnüs vus a chattar pos a vossas ormas.

* Zac. 9, 9. † Ger. 6, 16.

30. Perche meis giuf *ais* dutsch, e meis charg ais leiv.

* 1 Gioan. 5, 3.

CHAP. XII.

Cristo muossa, che sort da lavurs non rumpan il sabbat, cha sün quels as dess far bain; ed eir dal pucha conter il sanct Spiert; declarand eir seis drets paraints.

In quel temp chaminaiva Gesu ün di del sabbat tras ils semnats. Ma seis scolars avettan fam, e cumanzettan a trar oura spias, e las mangiar.

* Luc. 6, 1.

2. E 'ls Fariseers, aviand vis *quai*, al dischan: Mera, teis scolars fan quai, chi non ais licit da far nel di del sabbat.

3. Ma el disch ad els: Non avais vus let quai, chi fet David, eur el avet fam, e quels *ch' eiran* con el?

4. Cur el intret nella chasa da Dieu, e manget ils pans della presentaziun, ils quals non eira licit da mangiar, ne ad el, ne a quels, *ch' eiran* con el; anzi als sacerdotes sulets?

* 1 Sam. 21, 6. † Lev. 24, 9.

5. Ovvero, non avais vus let * nella ledscha, cha nel taimpel ils sacerdots, nel di del sabbat, violeschan il sabbat, e pür non sun els culpabels?

* Num. 28, 9.

6. Ma eu as di, cha qui ais alchün plü grand co 'l taimpel.

7. Ma, scha vus savessat, che quai ais: * Eu vögl misericordia, e bricha sacrifici, schi non avessat vus condannà ils innoziants.

* Osea 6, 6.

8. Perche 'l figl del crastian ais seigner eir del sabbat.

9. Lura, siand partì da là, gnit el in lur sinagoga.

* Marc. 3, 1.

10. E mera, *qua* eira ün crastian, chi avaiva ün man sech. E quels fettan üna dumanda a Gesu, dschand: * Aise licit da guarir *alchün* nel di del sabbat? Acio chi l' achitessan.

* Luc. 13, 14.

11. Ed el disch ad els: Chi ais quel tanter vus, il qual, aviand üna nuorsa, scha quella crouda nel di del sabbat in ün foss, non la piglia, e non l' oza sü?

12. Ma, da quantplü ais ün crastian, co üna nuorsa? Contuot aise licit da far bain nel di del sabbat.

13. Lura disch el a quella persuna: Stend' oura teis man. Ed el il stendet oura, e füt fat san sco l'oter.

14. Ma 'ls Fariseers, siand its oura, fettan cossagl conter el, co ch' il fessan morir.

15. Ma Gesu, saviand *quai*, as retret da là; e bler pövel il següitet, ed el ils guarit tuots,

16. E scumandet ad els severamaing, chi non il palesessan;

17. Acio chi's compliss quai, chi füt dit dal profet Esaia, dschand:

18. * Mera, meis serviaint, il qual eu ha elet; il meis char, * nel qual mi' orna ha tut seis complaschair; eu vögl metter meis spiert sur el,

ed el annunzierà güdizi als pajans.

* Es. 42, 1.

19. El non vain a dispittar, e non vain a bragir; ed ingün non udirà sia vusch sü las piazzas.

20. El non vain a smachar la channa ruotta, e non stüzerà 'l pavagl chi fümma; fin ch'el non haja manà our' il güdizi in victoria.

21. E 'ls pajans vegnan ad avair spranza in seis nom.

22. Lura al füt presentà ün indemunià, orb e mütt, ed el il schapanetet; tal cha quel, chi 'l prüm eira orb e mütt, tschantschaiva e vezaiva.

* Luc. 11, 14.

23. E tuot il pövel as stupiva, e dschaiva: Non ais quai il Cristo, il figl da David?

24. Ma 'ls Fariseers, udind *quai*, dschaivan: * Quai non chatsch' oura ils demunis, oter co tras Beelzebul, princip dels demunis.

* Matt. 9, 34.

25. E Gesu, cognoschand lur impissamaints, disch ad els: Ogni reginam, parti in sai stess in parts contrarias, vain desert; medemamaing ogni città, o chasa, partida in sai stess in parts contrarias, non po düttrar.

26. Ma scha satanas chatsch' oura satanas, schi ais el parti in parts contrarias; co dimena po düttrar seis reginam?

27. E sch' eu chatsch' oura ils demunis tras Beelzebul, schi tras chi 'l chatschan our voss figls? Perquai, quels saran voss güdichs.

28. Ma sch' eu chatsch', oura ils demunis tras il Spiert da Dieu, schi ais pür il reginam da Dieu gnü pro vus.

29. Ovvero co po alchün intrar nella chasa d'ün possant hom, al sdrappar seis mobels, sch' el il prüm non ha lià quel possant hom? Lura vain el vairamaing al spogliar la chasa.

30. Chi non ais con mai ais contra mai, e chi non raspa con mai, rasa.

31. Perquai, di eu a vus: Ogni pucha, e blastemma sarà perdunada alla gliend; ma * la blastemma conter il Spiert non sarà ad els perdunada.

* Marc. 3, 28.

32. Ed a chi averà dit alchün pled conter il figl del crastian sarà perdunà; ma ad ingün chi l' haja dit

conter il Spiert sanet, non sarà 'l perdunâ, ne in quaiست muond, ne in quel chi ha da gnir.

33. Fat il bösch bun, schi sarà seis früt bun; o fat il bösch mal, schi sarà seis früt mal; perche cha dal früt s' cognuoscha il bösch.

34. Razza da vipras, co podais favlar chosas bunas, essendo mals? Perche cha * la bocca favella da quai cha 'l cour ais plain. * Matt. 3, 7. Luc. 6, 45.

35. Il bun crastian, our dal bun tesor del cour, main' oura chosas bunas; ma il crastian mal, our dal mal tesor *del cour*, main' oura chosas malas.

36. Ma eu 's di, cha la gliend vain a render quint nel di del güdizi, eir d'ogni malnüz pled ch' averan dit.

37. Perche tras teis plets sarast tû güstifichâ, ed eir tras teis plets sarast custannâ.

38. * Lura alchüns dels scrivants e Fariseers respondettan, dschand: Maister, nus volessan vair da tai qualcha insaina. * Matt. 16, 1.

39. Ma el, respondand, disch ad els: La mala ed adultera generaziun giavüscha ün' insaina; ma ingün' insaina non la sarà datta, oter co l' insaina del profet Giona;

40. Perche, sco * Giona füt trais dis e trais nots nel vainter della balena, usche sarà 'l figl del crastian trais dis e trais nots nel cour della terra.

* Gioan. 2, 1. 2.

41. Iis Ninivters vegnan ad alvar nel güdizi con quaista generaziun, e la condanneran; perche * quels as meldrettan sün la predgia da Giona; e mera, qui *ais ün chi ais plü* co Giona.

* Gioan. 3, 5.

42. * La regina del mezdi vain a star sü nel güdizi con quaista generaziun e la condannerà; perche ella gnit dals extrems terms della terra, per udir la sapienza da Salomon; e mera, qui *ais ün chi ais plü* co Salomon.

* 1 Reg. 10, 2.

43. Ma, cur il spiert malnet ais trat our d'ün crastian, schi vâ el intuorn per lous sechs, tscherchand repos, e non il chatta.

* Luc. 11, 24.

44. Lura disch el: Eu vögl turnar a chasa mia, dinuonder eu sun it oura;

ed el, cur el vain, la chatta vöda, scuada, e fitada;

45. Lura va 'l, e piglia con el set oters spierts, pèrs dad el, ils quals intran, ed avdan qua; e * l' ultima condiziun da quel crastian dvainta pèra co la prüma. Usche vain eir a scontrar a quaista mala generaziun.

* 2 Petr. 2, 20. 21.

46. Ma intant ch' el favlaiv' amo al pövel, mera, sia mamma e seis frars, siand fermats dadoura, tscherchavian da 'l favlar.

* Marc. 3, 31.

47. Ed alchün al disch: Mera, tia mamma, e teis frars sun là oura, tscherchand da 't favlar.

48. Ma el, respondand, disch a quel chi l' avaiva dit *quai*: Chi ais mia mamma, e chi sun meis frars?

49. Ed, aviand stais our' il man vers seis scolars, disch el: Mera mia mamma, e meis frars.

50. Perche, scodün chi averà fat la vögla da meis bap, chi *ais* nels tschels, quel ais meis frar, sour, e mamma.

CHAP. XIII.

Cristo declera il fat del reginam da Dieu con bleras sumgenschas del sem, alvamanit, del tesor e la perla, sco eir della rait. Cristo non vain predschâ in sia patria.

MA in quel di stess, siand Gesu it our da chasa, as mettet el a zer sper il mâr.

* Marc. 4, 1.

2. E bler pövel as raspèt vi pro el, tal ch' el, siand intrat in üna nav, as mettet a zer, e tuot la quantità stail' in pe sün la riva.

3. Ed el raschunaiv' ad els bleras chosas tras sumgenschas, dschand: Mera, ün semnader get oura a semnar;

4. Ed intant ch' el semnaiva, schi crodet üna part *del sem* gio davo la strada, e 'ls utschels gnittan, e 'l maglettan tuot.

5. Ed ün' otra crodet in lous crapus, ingio el non avaiva blera terra, e prüit subit; perche el non avaiva chafuol terrain;

6. Ma, essendo alvâ il solai, schi füt el arsantâ; e siand ch' el non avaiva ragisch, schi sechet el.

7. Ed ün' otra crodet sün las spinas, e las spinas creschettan, e 'l sten-schantettan.

8. Ed ün otra erodet in buna terra, e portet früt, qual *granet* tschient, qual sesanta, qual trenta.

9. Chi ha uraglias d'udir, oda.

10. Lura ils scolars, siand approssimats via, al dischan: Perche favellast ad els tras sumgenschas?

11. Ed el, respondand, disch ad els: Perche * a vus ais dat da cognoscher ils misteris del reginam dels tshels; ma ad els non ais que dat. *Matt. 16, 17.

12. * Perche, a scodiün chi ha sarà dat, ed el vain ad avair abundantamaing; ma a scodiün chi non ha, eir quai ch' el ha, al sarà tut. *Luc. 8, 18.

13. Perquai favel eu ad els tras sumgenschas, perche vezand nonvezzan els, udind non odan els, e non inlegian.

14. E que 's complescha in els la profezia da Esaia, chi disch: * Vus gnis bain ad udir, ma non gnis ad ineler; vus gnis bain a guardar, ma non gnis a vair.

*Es. 6, 9. Marc. 4, 12. Luc. 8, 10.

15. Perche il cour da quaist pövel ais ingrossi, ed odan greivamaing con las uraglias, e serran ils ögls; acio ch' els non vezzan con ils ögls, e non odan con las uraglias, e non inlegian con il cour, e non as converteschan, ed eu non ils fetscha sans.

16. Ma beats voss ögls, perche els vezzan; e vossas uraglias, perche elas odan. *Luc. 10, 23.

17. Perche, eu 's di in vardà, cha blers profets e güsts han desiderà da vair las chosas cha vus vezais, e non *las* han visas; e d' udir las chosas cha vus udis, e non *las* han udidas.

18. Vus dimena inlegiai la sumgenscha del semnader. *Marc. 4, 14. Luc. 8, 11.

19. Cur alchün oda il pled del reginam, e non l' inlegia, schi vain il mal e sdrappa quai ch' eira stat semnâ nel cour da quel. Ün tal ais il *sem* semnâ gio davo la strada.

20. E quel chi ais semnâ in lous crapus, ais quel chi oda il pled, e subit * con allegrezza l' ardschaiva.

*Es. 58, 2. Gioan. 5, 35.

21. Ma non ha ragisch in sai, anzi ais *solum* a temp; e scuntrand tribulaziun, o persecuziun per il pled, schi ais el dandettamaing schandelizâ.

22. E quel, chi ais semnâ tanter las spinas, ais quel chi oda il pled; ma l' pisser da quaist muond, e l' ingian dellas richezzas, stenschaintan il pled; e quel dvainta nonfrüttaivel.

23. Ma quel chi ais semnâ in buna terra, ais quel chi oda il pled, e l' inlegia; il qual eir frütta, e fà, qual tschient, qual sesanta, qual trenta.

24. El proponit ad els ün' otra sumgenscha, dschand: Il reginam dels tshels ais simil ad ün hom, chi semnet bun sem in seis champ.

25. Ma intant cha la gliend dormiva, gnit seis inimi, e semnet zizania a mez il gran, e get davent.

26. E cur l' erba füt creschüda, ed avet fat früt, schi apparit lura eir la zizania.

27. E 'ls serviants del patrun da chasa gnittan pro el, e l' dischan: Signur, non hast tû semnâ bun sem in teis champ? Dinquonder ha l' dime-na zizania?

28. Ed el disch ad els: Ün hom inimi ha fat quai. E 'ls serviants al dischan: Voust dimena cha nus gijajan, e la elegian oura?

29. Ma el disch: Na, cha forsa, elegiand oura la zizania, vus non ragischat oura insembel con quella il gran.

30. Laschai crescher amendus insembel, infin' al tshuncar; e, nel temp del tshuncar, vögl eu dir als tshuncaders: Clegiai our' il prüm la zizania, e ligia' la in fasschs, per l' arder; ma raspai il gran in meis granêr.

31. * El proponit ad els ün' otra sumgenscha, dschand: Il reginam dels tshels ais simil ad ün gran da sinavel, il qual ün hom piglet, e l' semnet in seis champ. *Marc. 4, 30.

32. Quel ais bain il plü pitschen da tuot ils sems; ma cur l' ais creschü, ais el il plü grand da tuot las erbas, e dvainta ün bösch, tal cha 'ls tshels del tshel vegnan, e fan lur gnies sün seis räms.

33. El disch ad els ün' otra sumgenscha: * Il reginam dels tshels ais simil al alvamaing, il qual üna duonna piglia, e l' metta aint in traja stera da farina, fin ch' ella saja tuot' alvada.

*Luc. 13, 20.

34. Tuot quaistas chosas rasehnet Gesu tras sumgenschas al pövel; e non favlaiv' ad els sainza sumgenschas.

* Marc. 4, 33, 34.

35. Acio chi 's compliss quai chi füt dit dal profet: * Eu vögl avrir mia bocca in sumgenschas; eu vögl sburflar oura chosas secrettas dal fondamaint del muond innan.

* Ps. 78, 2.

36. Lura Gesu, aviaand licenzià 'l pövel, gñit in chasa; e seis scolars s'approsmettan via, dschand: Declera 'ns la sumgenschas della zizania del champ.

37. Ed el respondand, disch ad els: Quel chi semna il bun sem, ais il figl del crastian.

38. E 'l champ ais il muond, e 'l bun sem sun ils infants del reginam, e la zizania * sun ils infants del mal;

* Gen. 3, 15.

39. L' inimi, chi l' ha semnada ais il diavel, * e 'l temp da tschuncar ais la fin del muond, e 'ls tschuncaders sun ils angels.

* Gioel 3, 13.

40. Seo dimena as elegia insembel la zizania, e 's arda con fö, usche vain eir a dvantar nella fin del muond.

41. Il figl del crastian trametterà seis angels, e quels vegnan a cler our da seis reginam tuot ils schandels, e 'ls operaturs d' iniquità.

42. E vegnan a 'ls büttar nel fuorn del fö. * Là sarà bragir, e sgrizchar dels daints.

* Matt. 8, 12.

43. Lura vegnan ils güsts a splendorir seo 'l solai, nel reginam da lur bap. Chi ha uraglias d' udir, oda.

* Dan. 12, 3.

44. Darcheu, il reginam dels tschels ais simil ad ün tesor zoppâ in ün champ, il qual ün crastian, l' aviaand chattâ, zoppa; e per l' allegrezza ch' el ha da quel, va e venda tuot quai ch' el ha, e cumpra quel champ.

45. Darcheu, il reginam dels tschels ais simil ad ün hom merchadant, il qual va tscherchand bellas perlas.

46. Ed aviaand chattâ üna perla da grand pretsch, va, e venda tuot quai ch' el ha, e la cumpra.

47. Darcheu, il reginam dels tschels ais simil ad üna rait, büttada in mâr, la quala elegia nan d'ogni sort chosas.

48. E cur l' ais plaina, schi la tiran ils peşchadurs oura sün la riva; e 's aviaand miss a zer, raspan els nan las chosas bunas in lur vascels, e büttan via quai chi non vala inguotta.

49. Usehe dvanterà alla fin del muond; ils angels vegnan ad ir oura, * e metter da part ils mals davent dals güsts;

* Matt. 25, 31.

50. E' vegnan a 'ls büttar nel fuorn del fö. Là sarà bragir, e sgrizchar dels daints.

51. Gesu disch ad els: Avais vus in-clet tuot quaistas chosas? Quels al dischan: Schi, Segner.

52. Ed el disch ad els: Per quai, ogni scrivant, amussâ per il reginam dels tschels, ais simil ad ün patrùn da chasa, il qual tir' our da seis tesor chosas veglias e novas.

53. Ma 'cur Gesu avet finì quaistas sumgenschas, schi 's partit el da là.

54. E siand gñü in sia patria, schi 'ls mussaiv' el in lur sinagoga, tal ch' els s' instupivan, e dschaivan: Dinuonder vain a quel quaista sapienza, e quaistas potentas ouvras?

* Marc. 6, 1.

55. Non ais quaist il figl del artiscan? Sia mamma, non as clam' ella Maria? E * seis frars, Giacobbe, e Giose, e Simon, e Giuda?

* Gioan. 6, 42.

56. E non sun sias sours tuottas pronus? Dinuonder vegnan dimena a quaist tuot quaistas chosas?

57. Ed els pigliaivan schandel vi d' el. E Gesu disch ad els: * Ingün profet non ais utro spredschâ, seo in sia patria, ed in sia chasa.

* Marc. 6, 4, 5.

58. Ed el non fet qua bleras potentas operaziuns, per lur incredulità.

CHAP. XIV.

La preschun e mort da Gioan Battista; miracul dels tschinch pans, e duos peschs; Cristo chamina sül mâr, e quietà quel; eir guarescha 'l biers amalats.

IN quel temp, Erode il Tetrarca, Iudit la fama da Gesu.

2. E disch a seis serviants: Quaist ais Gioan Battista; el ais resüstâ dals morts; e per quai opereschan las potenzas in el.

3. Perehe * Erode avaiva prais Gioanne, e l' avaiva miss nels liams, e

l'avaiva preschunâ, per Erodiade, mugler da Filippo, seis frar.

* Marc. 3, 17.

4. Perche cha Gioanne al dschaiva: E non t'ais licit da l'avair.

5. E l'voliand far murir, schi tmet el il pövel; perche * quels il tgnai-van per profet.

* Matt. 21, 26.

6. Ma, 's celebrand il di della nati-vità d'Erode, avaiva la figlia d'Ero-diade ballâ là in mez, e plaschet ad Erode.

7. Dinuonder el l'impromettet, col saramaint, da la dar tuot quai ch'ella gniss a giavüshar.

8. Ed ella, siand il prüm cosgliada da sia mamma, disch: Da 'm qui sün ün taglêr la testa da Gioan Battista.

9. E l'rai 's smarit; impero per ils saramaints, e per respet da quels ch'eiran con el a maisa, comandet el, cha la gniss datta;

10. E tramettet a far decapitar Gioan Battista in preschun.

11. E sia testa füt portada sün ün taglêr, e datta alla giuvna; ed ella la portet a sia mamma.

12. E 'ls scholars da quel gnittan, e piglettan il corp, e l'sepulittan; lura gnittan els, e referittan *il fat* a Gesu.

13. E Gesu, aviand udi *quai*, as retret da là sün üna nav, in ün lö desert, d'üna vart. E l'pövel, l'aviand udi, al seguitet a pè our dalle cittats.

* Luc. 9, 10.

14. E Gesu, siand smuntâ *our dalla nav*, vezzet üna granda quantitâ, e 's laschet gnir compassium d'els, e guarit ils amalats intanter els.

15. E 's fand saira, s' approsmettan seis scholars via, dschand: Quaist lö ais desert, e l'ura ais agiâ passada; licenziesch' il pövel, acio cha gijan per ils vihs, e 's cumpran da mangiar.

16. Ma Gesu disch ad els: Els non han bsögn d'ir davent; dat a 'ls vus da mangiar.

17. E quels al dischan: Nus non avain qui oter co tschinch pans, e duos peschs.

18. Ed el disch: Porta 'm ils nan quâ.

19. E comandet cha l'pövel as tschantess giò sün l'erba; lura piglet el ils tschinch pans, e 'ls duos

peschs; ed, aviand ozâ 'ls ügls al tschel, * fet el la benedicziun; ed aviand ruot ils pans, ils det el als seol-lars, e 'ls scholars al pövel. * Matt. 15, 36.

20. E tuots mangettan, e füttan sa-dulats; lura *ils scholars* alvettan vi' il vanzamaint dels toes, e *qua füttan* dudesch chanasters plains.

21. Ma quels chi avaivan mangiâ eiran intuorn tschinch milli homens, ultra las dunans e 'ls infants.

22. E subit davo, constrenschet Gesu seis scholars a muntar sün la nav, ed a passar avant el vi all'otra riva, tant ch'el licenziaiv' il pövel.

23. Ed el dopo avair licenziâ l'pövel, get sül munt d'üna vart, per orar. * E siand fat saira, eira el qua zuond sulet.

* Marc. 6, 47.

24. E la nav eira agiâ in mez il mâr, travagliada dallas uondas; perche l'vent eira contrari.

25. E nella quarta vigilia della not, get Gesu vi pro els, chaminand sül mâr.

26. E 'ls scholars, il veziand chaminar sül mâr, as conturblettan, dschand: L'ais ün spiert. E per tem-ma, bragittan els.

27. Ma subit favlet Gesu ad els, dschand: Sajat da bun anim; eu sun, non tmarai.

28. E Petro, al respondand, disch: Segner, scha tü est, schi comanda, ch'eu vegna pro tai sün l'aua.

29. Ed el disch: Vè nan! E Petro, siand smuntâ our *dalla nav*, chami-naiva sün l'aua, per gnir pro Gesu.

30. Ma, veziand il vent ferm, avet el temma; e comanzand ad ir suot, bragit el, dschand: Segner, salva'm.

31. E dalun stendet Gesu our' il man, e l'piglet, e disch ad el: *O cra-stian* da paca cretta; perche hast dubitâ?

32. Lura cur els füttan intrats nella nav, s' aquietet il vent.

33. E quels ch' *eiran* nella nav gnit-tan, e l'adoretan, dschand: Vaira-maing tü est figl da Dieu.

34. Lura siand passats vi' all'otra riva, gnittan els nella contrada da Gennesaret.

* Marc. 6, 53.

35. E la gliend da quel lö, l'aviand cognoschü, tramettettan *al far a*

savair per tuot quella contrada circunvicina; e 'l presantettan tuot ils amalats;

36. E 'l rovaivan, cha podessan toccar solum l'ur da sia rassa; * e tuots quels chi 'l toccettan füttan schapantats. * Matt. 9, 20. Marc. 3, 10.

CHAP. XV.

Cristo scomanda tschantamaints da crastians, e guarescha la figlia della duonna Cananea, e plüs; lura vegnan 4000 homens sadulats con set pans.

LURA ils scrivants, e 'ls Fariseers da Gerusalem gnittan pro Gesu, dschand: * Marc. 7, 1.

2. Perche surpissan teis scolars la tradiziun dels vegls? Perche els non as lavan ils mans, cur els piglian spaisa.

3. Ma el, respondand, disch ad els: E vus, perche surpassais il comandamaint da Dieu tras vossa tradiziun?

4. Perche cha Deis ha comandâ in quaista guisa: * Onura bap, e mamma; e: † Chi smaledescha bap, o mamma, dess murir da mort.

* Ex. 20, 12. † Ex. 21, 17.

5. Ma vus dschais: Seodün chi averà dit al bap, o alla mamma: Tuot quai, col qual tû podessast gnir da mai güdâ, *saja* offerta; schi ch' el non possa *plü* onorar seis bap, e sia mamma.

6. E vus avais annullâ 'l comandamaint da Dieu con vossa tradiziun.

7. Ipocrits, bain profetizet da vus Esaja, dschand:

8. * Quaist pövel s' approsma a mai con la bocca, e m' onura cols lefs; ma lur cour ais lönseh da mai.

* Es. 29, 13.

9. Ma per inguotta m' onuran els, mossand doctrinas, *chi sun* comandamaints da crastians.

10. Lura, aviand clamâ pro sai la quantità, la disch el: Tadlai, ed inelegiai. * Marc. 7, 14.

11. Bricha quai chi intra nella bocca impala il crastian; ma bain l'impala quai chi vâ our dalla bocca.

12. Lura seis scolars, siand appromats via, al dischan: Sast tû, cha 'ls Fariseers, aviand udi quaist raschunamaint, sun stats schandelizats?

13. Ed el, respondand disch: Ogni planta, cha meis bap celestial non ha implantâ, sarà ragischad' oura.

14. Lascha 'ls ir; * els sun guidas orbas dad orbs; ma scha ün orb inguida ün *oter* orb, schi eroderan amen-duos nel foss. * Luc. 6, 39.

15. E Petro, respondand, al disch: Declera 'ns quella sumgensecha.

* Marc. 7, 17.

16. E Gesu disch: Eschat vus eir amo privats d'intellet?

17. Non inelegiais vus amo, cha tuot quai cha intra nella bocca va nel vainter, e vain lura büttâ oura nel condüt?

18. Ma, * las chosas chi vegnan oura tras la bocca, procedan dal cour, e quellas impalan il crastian.

19. Perche dal cour procedan impissamaints mals, homicidis, adulteris, fornicaziuns, ladranetschs, fosas perdüttas, maledicziuns.

20. Quaistas sun las chosas chi impalan il crastian; ma 'l mangiar con mans non lavats non impala il crastian.

21. Lura siand Gesu parti da là, as retret el nellas parts da Tiro, e da Sidon. * Marc. 7, 24.

22. E mera, üna duonna Cananea, siand gnüd' oura da quels confins, bragit ad el, dschand: Hajast compassiun da mai, o Segner, figl da David! Mia figlia ais malamaing tormentada dal demuni.

23. Ma el non la responsaiv inguotta. E seis scolars, siand appromats via, il rovaivan, dschand: Licenziesch' la, perche ella bragia da vo nus.

24. Ma el, respondand, disch: Eu non sun tramiss oter, co pro las nuorsas persas della chasa d' Israel. * Matt. 10, 5.

25. Ed ella gnit, e l'adoret, dschand: Segner, güda'm!

26. Ma el, respondand, disch: Que non ais onest da tour il pan dels infants, e 'l büttar als chagniöls.

27. Ed ella disch: Bain dist tû, Segner; perche eir ils chagniöls mangian dallas miglas chi erodan dalla maisa da lur patruns.

28. Lura Gesu, respondand, la disch: O duonna, granda *ais* tia cretta; at

saja fat sco tü voust. E da quell' ura in via gnit sia figlia sana.

29. E Gesu, partind da là, gnit sper il mâr della Galilea, e siand it sül munt, as mettet el quà a zer. * Marc. 7, 31.

30. E bler pövel s' approsmet via pro el; ils quals avaiavan con els zops, orbs, müts, mendus, ed oters blers, e 'ls büttettan avant ils peis da Gesu, ed el ils guarit;

31. Tal cha 'l pövel as smütragliaiva, vezand ils müts tschantschar, ils mendus esser sans, ils zops chaminar, e 'ls orbs vair; e glorifichettan il Deis d' Israel.

32 * E Gesu, aviand clamâ pro sai seis scolars, disch: Eu ha granda compassiun della quantità; perche agiâ trais dis contins dmura ella pro mai, e non sâ che mangiar; ed impero non ils vögl eu licenziar gegüns, ch' els forsa non vegnan almain sün la via. * Marc. 8, 1.

33. E seis scolars al dischan: Dinuonder volessan nus avair in ün lö desert tant pans, chi bastessan, a sascular üna usche granda quantità?

34. E Gesu disch ad els: Quant pans avais? E quels dischan: Set, ed alchüns pacs peschets.

35. Ed el comandet al pövel, cha 's mettessan a zer in terra.

36. Lura piglet el ils set pans, e 'ls peschs, ed aviand fat grazias, *ils* rumpet el, e 'ls det a seis scolars; e 'ls scolars al pövel.

37. E tuots mangettan, e füttan sdulats; lura alvettan els via il vanzamaint dels toes, e quâ füt set chanasters plains.

38. Ma quels chi avaiavan mangiâ eiran quatter milli homens, ultra las dunans e 'ls infants.

39. Lura, aviand licenciâ il pövel, muntet el nella nav, e gnit nels confins da Magdala.

CHAP. XVI.

Ils Fariseers provan Gesu, ed el scomanda ais seis lur doctrina; Petro confessa Cristo; ed el lascha a savair sia mort a seis scolars, e la regola d' ir davo el.

E siand * appros mats via pro el ils Fariseers e Sadduceers, *i* provand, il giavüschettan, da mussar ad els ün' insaina giò da tschel. * Marc. 8, 11.

2. Ma el, respondand, disch ad els: Cur 'l ais gnü saira, schi dschais vus: E vain ad esser temp serain; perche il tschel ais cotschen.

3. Ela mattina *dschais*: Hoz sarà trid' ora, perche il tschel ais cotschen, e tuorbel. Ipocrits, vus savais bain discernier l' aspet del tschel, e non podais *discerner* ils signals dels temps!

4. La generaziun mala ed adultera giavüscha ün' insaina; ma insaina alchüna non la sarà datta, oter co l' insaina del profet Giona. E 'ls aviand laschats là, get el davent. * Matt. 12, 39.

5. E cur seis scolars füttan rivats via all' otra riva, mera, schi avaiavan els smanchâ da tour pan. * Marc. 8, 14.

6. E Gesu disch ad els: Guardai, as perchürai dal alvamaint dels Fariseers, e dels Sadduceers.

7. E quels raschunavan tanter els, dschand: Nus non avain tut pan.

8. E Gesu, aviand cognoschü *quai*, disch ad els: Che dispittais in vus, o *gliend* da paca cretta, da quai cha non avais tut pan?

9. Eschat vus amo sainz' intellet, e non as regordais dels * tschinch pans dels tschinch milli *homens*; e quants chanasters vus alvettat via? * Matt. 14, 17.

10. Ne * dels set pans dels quatter milli *homens*, e quants chanasters vus alvettat via? * Matt. 15, 34.

11. Co non inelegiais vus, ch' eu non ha tschantschâ dal pan, *dschand*, cha vus as dessat perchürar dal alvamaint dels Fariseers, e dels Sadduceers?

12. Lura inlegettun els, ch' el non avaiva dit, cha 's perchüressan dal alvamaint del pan, ma dalla doctrina dels Fariseers, e dels Sadduceers.

13. * Lura Gesu, siand gnü nellas parts da Cesarea da Filippo, domandet seis scolars: Chi disch la gliend ch' eu, figl del crastian, saja? * Marc. 8, 27.

14. E quels dischan: Alehüns, Gionan Battista; oters, Elia; oters Gemia, o ün dels profets. * Matt. 14, 2.

15. *Ed* el disch ad els: E vus, chi dschais, ch' eu saja?

16. E Simon Petro, respondand, disch: Tü est Cristo, il figl del vivaint Deis. * Gioan. 6, 69.

17. E Gesu, respondand, al disch:

Tü est beà, o Simon, figl da Giona; perche la charn e 'l sang non at ha revelà *quaist*, ma meis bap, chi *ais* nels tshels.

18. Ed eu di eir a tai, cha * tü est Petro, e sur quaista peidra vögl eu edificar mia baselgia, e las portas del infiern non la poderan venscher.

*Gioan. 1, 42.

19. Ed eu at vögl dar las clavs del reginam dels tshels, e * tuot quai cha tü averast liâ in terra, sarà liâ nels tshels, e tuot quai cha tü averast sliâ in terra, sarà sliâ nels tshels.

*Matt. 18, 18.

20. Lura scomandet el a seis scolars, cha non dschessan ad alchün, ch' el füss Gesu, il Cristo. *Matt. 17, 9.

21. Da quell' ura in via comanzet Gesu a declarar a seis scolars, ch' el stov' ir in Gerusalem, ed indürar ble-ras chosas dals seniurs, e dals principals sacerdots, e dals scrivants, e gnir mazzà e resüstar nel terz di.

22. Petro, l' aviand trat d' üna vart, comanzet a l' reprender dschand: Segner, Deis preserva: Quaist non t' incontrerà bricha!

23. Ma el, s' aviand vout, disch a Petro: Va davent da mai, satan; tü m' est ün şchandel; perche tü non pensast las chosas da Dieu, ma las chosas della gliëud.

24. Lura disch Gesu a seis scolars: Sch' alchün vout gnir davo mai, ch' el renunzia a sai stess, e piglia sia erusch e seguittescha mai. *Matt. 10, 38.

25. Perche, chi averà voglù salvar sia vita, vain a la perder; ma chi averà pers sia vita, per amur da mai, vain a la chattar.

26. Perche, che güda al crastian, sch' el guadagna tuot il muond, e fa perdita da si' orma? Ovvero, che darà il crastian in cambi da si' orma?

27. Perche il * figl del crastian vain a gnir nella gloria da seis bap, con seis † ängels; e lura vain el a render a scodin seguond seis fats.

* Matt. 26, 64. † Zach. 14, 5.

28. Et as di in vardà, ch' alchüns da ques, chi sun qui presaints, non insagerin la mort, fin ch' els non han vis l figl del crastian gnir in seis reginam.

* Marc. 9, 1.

CHAP. XVII.

Transfiguraziun da Cristo in gloria, in presenza da trais seis scolars; el guarescha ün lunatic e predisch sia mort, e paja il tribut.

E * ses dis davo, piglet Gesu con el Petro, e Giacomo, e Gioanne, seis frar, e 'ls condüet sün ün ot munt, d' üna vart;

* Marc. 9, 2.

2. E gnit transformâ in lur presen-za, e sia fatscha splenduriva sco 'l solai, e sia vestimainta dvantet alba sco la glüm.

3. E mera, ad els apparit Mose ed Elia, chi rasehunaivan con el.

4. E Petro fet risposta a Gesu, e 'l disch: Segner, il ais bönn, cha nus eschan qui; seha tü voust, schi fains qui trais tabernaculs; ün a tai, ün a Mose, ed ün ad Elia.

5. Intant ch' el amo favlaiva, mera, üna nüvla clera ils sursumbrivet; e mera, üna vusch *gnit* our dalla nüvla, dschand: * Quaist ais meis char figl, nel qual eu ha meis complaschair; tadlai quel. 1 Matt. 3, 17. 2 Petr. 1, 17.

6. E 'ls scolars, aviand udi *quai*, crottettan sün lur fatschas, e tmettan grandamaing.

7. Ma Gesu, siand appromâ via, * ils toccet, e dschet: Alvai sü, e non tmarai.

* Dan. 8, 18. 9. 21.

8. E quels, aviand ozâ ils ögls, non vezettan alchün oter co Gesu zuond sulet.

9. Lura, intant ch' els gnivan giò dal munt, * det Gesu ad els *quaist* comandamaint: Non dscharai la visium ad alchün, fin cha 'l figl del crastian non saja resüstâ sü dals morts.

* Matt. 16, 20.

10. E seis scolars il domandettan, dschand: Co dimena dischan ils scrivants, * cha il prüm stova gnir Elia?

* Mal. 4, 5,

11. E Gesu, respondand, disch ad els: Elia dess vairamaing gnir il prüm, e restabilir ogni chosa.

12. Ma eu 's di, cha Elia ais agià gnü, e quels non l' han cognoschü, anzi han fat invers el quai ch' els han voglù; usche vain eir il figl del crastian ad indürar dad els.

13. Lura incegettan ils scolars, ch' el avaiava dit *quai* ad els da Gioan Battista.

14. E cur els füttan gnüts pro la quantità, s' approsmet via ün hom, s' insnugliand avant el,

15. E dschand: Segner, hajast compassiun da meis figl; perche l' ais glinatie, e malamaing tormentâ; perche ch' el suvent croda nel fö, e suvent nell' aua.

16. Ed eu l' ha presentâ a teis scolars, ma quels non l' han podü guarir.

17. E Gesu, respondand, disch: Ah, generaziun incredula e perversa! In fin' a cura mâ dess eu esser con vus? Infin' a cura mâ 's dess eu comportar? Mana 'm il nan qui.

18. E Gesu slamet il demuni, ed el get our dad el, e da quell' ura in via il giuvnet füt guarì.

19. Lura ils scolars, siand appros-mats via pro Gesu d'üna vart, dschettan: Perche non l' avain nus podü şchatschar?

20. E Gesu disch ad els: Per vossa incredulità; perche, eu 's di in vardâ, cha, * scha vus avais cretta quant ais ün gran da sinavel, vus gnis a dir a quaist munt: Passa da qui là, schi vain el a passar; ed inguotta non as sarà impossibel.

* Marc. 11, 23. 1 Cor. 13, 2.

21. Ma quaista generaziun *da demunis* non va our, oter co tras oraziun, e tras gegüni.

22. Ma intant els conversaivan nella Galilea, disch Gesu ad els: Dvanterâ cha 'l figl del crastian vain a gnir dat nels mans della gliend.

23. E quels il mazzeran; ma il terz di vain el a restütar. E quels füttan grandamaing conturbats.

24. * E, cur els füttan rivats a Capernaum, schi gnittan quels chi pigliaivan aint il danêr del tribut pro Petro, e dschettan: Vos Maister, non paja el il danêr del tribut? * Marc. 9, 33.

25. El dschet: Schi. E cur el füt intrat in chasa, al gnit Gesu allavant, dschand: Che 't para, Simon? Da chi piglian ils rais della terra ils tributs, o la taglia? Da lur infants, o dals eisters?

26. Petro al dschet: Dals eisters. Gesu al dschet: Schi sun dimena ils infants libers.

27. Ma acio cha nus non ils şchan-

delizan, schi va pro 'l mâr, e büt' aint l' ham, e piglia il prüm pesch chi vain a gnir stü, ed avra 'l la bocca, schi vainst tü a chattar laint ün stater; piglia 'l e dà 'l ad els, per tai e per mai.

CHAP. XVIII.

Cristo tschantsha dall' ümiltà, dal şchandel, dals angels, dalla nuorsa persa, dall' excommunicaziun, dal perdunar a seis frar, e dal rai chi ha fat quint con seis famagls.

IN quell' ura gnittan ils scolars pro Gesu, dschand: In grazia, chi ais il plü grand nel reginam dels tshels?

2. E Gesu, aviand clamâ pro el ün pitschen infant, il tshantet in mez els.

3. E disch: Eu 's di in vardâ, scha vus non as müdais, e non dvantais sco ils pitschens infants, schi non gnis vus brich' ad intrar nel reginam dels tshels.

* 1 Cor. 14, 20.

4. Ogni crastian dimena, chi s' averà abbassâ, sco quaist pitschen infant, ais il plü grand nel reginam dels tshels.

* Matt. 10, 42.

5. E * scodün chi ardschairs ün tal pitschen infant, in meis nom, ardschaiva mai.

6. Ma * chi averà şchandelizâ ün da quaists pitschens, chi crajan in mai, schi füss megl per el, chi 'l füss pendü üna moula d' mulin vi al eulöz, e ch' el füss fundâ nel fuond del mâr.

7. Vae al muond per ils şchandels! Perche, l' ais bain necessari, cha vegnan şchandels; ma inguotta tant main, vae a quel crastian, tras il qual il şchandel vain.

* Marc. 9, 43.

8. Ma scha teis man, o teis pe at fa intoppar, schi taglia 'l giò, e bütta 'l via da tai: Megl ais per tai d'intrar nella vita zop, o mendus, co aviand duos mans, e duos peis, esser büttâ nel fö etern.

9. Medemamaing, scha teis tgl f' fa intoppar, schi chava 'l oura, e bütta 'l via da tai: Megl ais per tai d'intrar nella vita, aviand ün ögl sulet, co aviand duos, esser büttâ nella geen-na del fö.

10. Guardai, cha vus non spredschat alchün da quaists pitschens; perche eu as di, cha lur angels vezzan da contin nels tshels la fatscha da meis bap, chi ais nels tselels.

11. Perche * cha 'l figl del crastian ais gnü per salvar quai chi eira pers.

* Luc. 19, 10.

12. Che s'impara? Sch' ün crastian ha tschient nuorsas, ed üna da quella as smarisha, non bandunerà el las novant' e nouv, e non giarà el sü per ils munts, tscherchand la smarida?

* Luc. 15, 4.

13. E scha pür dvainta, ch' el la chatta, schi 's di eu in vardà, ch' el plü s' alleigra da quella, co dellas novant' e nouv, chi non s' avaivan smaridas.

14. Usche, la voluntà da vos bap ch' ais nels tshels, ais, cha brich' ün da quaiats pitschens giaja a perder.

15. Ma scha teis frar ha pechà contra tai, schi và e reprenda 'l tanter tai ed el sulet; sch' el at taidla, * schi hast tü guadagnà teis frar.

* Lev. 19, 17. Giac. 5, 20.

16. Ma sch' el non at taidla, schi piglia con tai amo ün, o duos; acio cha * ogni pled saja confirmà tras la bocca da duos, o da trais testimonis.

* Deut. 19, 15.

17. Esch' el as sdegna da 'ls tadlar, schi di alla baselgia; e sch' el as sdegna eir da tadlar la baselgia, * schi 't saja el seo 'l pajan, e 'l publichen.

* 1 Cor. 5, 11.

18. Eu 's di in vardà, cha * tuot las chosas cha vus gnis ad avair lià sur la terra, saran liadas in tshel; e tuot las chosas cha vus gnis ad avair slià sur la terra, saran sliadas in tshel.

* Matt. 16, 19.

19. Ultra quai, 's di eu, cha scha duos da vus consaintan sur terra, davart qualunque chosa chi vegnan a giavüschar, * quella sarà ad els fatta da meis bap, chi ais nels tshels.

* 1 Gion. 3, 22.

20. Perche, ingio duos, o trais sun raspats in meis nom, qua sun eu in mez dad els.

21. Lura Petro, siand appromà via pro el, disch: Segner, * quantas voutas, pechand meis frar contra mai, al dess eu perdunar? Fin a set voutas?

* Luc. 17, 4.

22. Gesu al disch: Eu non at di fin a set voutas, ma fin a settanta voutas set.

23. Per quai, il reginam dels tshels ais sumgiant ad ün rai, il qual volet far quint con seis serviaints.

24. Ed aviand comanzà a far quint, al füt presentà ün, ch' eira debitor da desch milli talents;

25. Enon aviand el da pajar, comandet seis segner, ch' el, sia mugler, e seis infants, e tuot quai ch' el avaiava, gniss vendü, e cha 'l debüt gniss pajà.

26. Dinuonder il famagl, s' aviand büttà a terra, s' inclinet avant el, dschand: Segner, hajast pazienza invers mai, schi 't vögl eu pajar tuot.

27. E 'l segner da quel serviaint, moventà da compassiun, il laschet ir, e 'l quietet il debüt.

28. Ma quel serviaint, siand it oura, chattet ün da seis confamagls, il qual al dovaiva tschient danêrs; e quel il piglet, e 'l stranglaiva, dschand: Paja 'm quai cha tü 'm est debüt.

29. Dinuonder seis confamagl, s' aviand büttà gio avant ils peis, il rovaiva, dschand: Hajast pazienza invers mai, schi 't vögl eu pajar tuot.

30. Ma el non volet; anzi get e 'l chatschet in preschun, fin ch' el avess pajà 'l debüt.

31. Ma seis confamagls, aviand vis il fat, füttan grandamaing conturbats, e gnittan pro lur segner, e 'l declarettan tuot il fat.

32. Lura seis segner il clamet pro sai, e 'l disch: Mal famagl, eu ha quietà tuot quel debüt, siand cha tü 'm rovetast;

33. Non as convgniva eir a tai, d'avair compassiun da teis confamagl, seo eir eu avaiava gnü compassiun da tai?

34. E seis segner, siand adirà, il det in man dels sergents, da 'l tormentar, infin a tant ch' el avess pajà tuot quai ch' el l' eira debüt.

35. Usche vain eir a far a vus vos bap celestial, scha vus non perdunais da cour ogni ün a seis frar seis fals.

* Matt. 6, 14.

CHAP. XIX.

Cristo turnainta la sandà a biers; el tschant-scha dalla lai, dal spartir; disch cha 'ls infants sajan chars a Dieu; giuvnal rich, e dal bandunar tuot.

E * cur Gesu avet finì quaiats raschunamaints, partit el dalla

Galilea, e gnit nels confins della Giudea, vidvart il Giordan. * Marc. 10, 1.

2. E bler pövel al seguitet, ed el ils guariva qua.

3. E 'ls Fariseers s' approssmettan vi pro el, il provand, e dschand ad el: Aise licit al hom da trametter via sia mugler per qualunque chaschun?

4. Ed el, respondand, disch ad els: Non avais vus let, cha * quel, chi da principi fet ogni chosa, fet ils crastians maschel e femna,

5. E dschet: * Per quai bandunerà l' hom bap e mamma, e vain as liar con sia mugler, ed els duos vegnan a d'vantar üna stessa charn.

6. Tal, ch' els non sun plü duos, anzi üna stessa charn; quai dimena cha Deis ha liâ insembel, non dess il crastian separar.

7. Quels al dischan: Perche dimena * comandet Mose, chi 's dess la charta da separaziun, e cha usche 's tramettess via la mugler? * Deut. 24, 1.

8. El disch ad els: Bain as concedet Mose, per la dürezza da voss cours, da trametter via vossas muglers; ma da principi non eira usche.

9. Ma eu 's di, cha scodün chi trametta via sia mugler, resalv per chaschun da fornicaziun, e spusa ün' otra, commetta adulteri; ed eir chi spusa quella chi ais tramissa via, commetta adulteri. * Matt. 5, 32.

10. Seis scolars al dischan: Scha usche sta 'l fat del hom con la mugler, schi non aise bön da 's maridar.

11. Ma el disch ad els: * Tuots non sun capabels da quaista chosa cha vus dschais, ma solum quels, als quals ais dat. * 1 Cor. 7, 2. 7. 9. 17.

12. Perche qua sun chastrats, ils quals sun nats usche dal vainter della mamma; e sun chastrats, ils quals sun fats chastrats dalla gliend; e * sun chastrats, ils quals s' han chastrats els istess per il reginam dels tschels. Chi po esser capabel da quaistus chosas, ch' el saja.

13. * Lura al füttan presentats pitschens infants, acio ch' el mettess sü ad els ils mans, ed uress; ma ils scolars slamaivan quels ch' ils presentavan. * Marc. 10, 13.

14. Ma Gesu dschet: Laschai quels pitschens infants, e non als scomandai da gnir pro mai; perche da * tals ais il reginam dels tschels. * Matt. 18, 3.

15. Ed aviand miss ils mans süin els, as partit el da là.

16. E mera, ün tschert, siand approssmâ via pro el, al disch: Maister bun, che bain dess eu far, per avair la vit' eterna?

17. Ed el al dschet: Perche 'm clamaist bun? Ingün non ais bun, oter co ün sulet, cioè Deis. Ma scha tü voust intrar nella vita, schi observa ils comandaments.

18. Quel al dschet: Quels? E Gesu disch: Quaist: * non mazzar; non commetter adulteri; non invular; non dir fosa perdüta. * Exo. 20, 13.

19. Onura teis bap e tia mamma; ed * ama teis prossem, sco tai stess. * Lev. 19, 18.

20. Quel giuven al disch: Tuot quai-stas chosas ha eu observâ da mia giuventüna in sü; che 'm manca amo?

21. Gesu al disch: Scha tü voust esser perfet, schi va, venda quai cha tü hast, e duna als povers, * e tü averast ün tesor in tschel; lura ve, e seguitescha mai. * Matt. 6, 20.

22. Ma il giuven, aviand udì quel pled, get d'avent conturbâ; perche el avaiva granda ricchezza.

23. E Gesu disch a seis scolars: Eu 's di in vardâ, ch' ün rich * intrerà difficilmaing nel reginam dels tschels. * Marc. 10, 24.

24. E darcheu 's di eu: L' ais plü facil, ch' ün chamêl passa tras la foura d' ün' aguoglia, co ch' ün rich intra nel reginam da Dieu.

25. E seis scolars, aviand udì quai, s' insnuittan els fîch, dschand: Chi dimena po gnir salv?

26. E Gesu ils guardand, disch ad els: Quaist ais impossibel pro la gliend; ma pro Deis ais ogni chosa possibla. * Ger. 32, 17.

27. Lura Petro, respondand al disch: Mera, nus avain bandunâ ogni chosa, e t' avain seguitâ; che gnin nus dimena ad avair?

28. E Gesu disch ad els: Eu 's di in vardâ, cha nella * nouva creaziun, eur il figl del crastian sezerà süin il

trun da sia gloria, schi gnis eir vus, chi m' avais seguità, a t zer sün dundesch truns, güdichand las dundesch schlattas d' Israel.

* Act. 3, 21. † Luc. 22, 28. 29. 30.

29. E scodün chi averà bandunà chasas, o frars, o sours, o bap, o mamma, o mugler, o infants, o possessions per meis nom, vain ad ardschaiver tschient voutas tant, ed erterà la vit' eterna.

30. Ma blers prüms saran ultims, e blers ultims saran prüms. * Matt. 20, 16.

CHAP. XX.

Cristo mett' avant la sumaglia dels lavuraints nella vigna; e fà a savair sia passium; arrenda l' ambiziun; e guarescha duos orbs.

PERCHE 'l reginam dels tschels ais simil ad ün patrun da chasa, il qual stül far del di get oura, per condür lavuraints per pretsch, *per ils trametter in sia vigna.*

2. E s' aviand cuvgnü cols lavuraints per ün danêr al di, schi 'ls tramettet el in sia vigna.

3. Lura, siand it our' intuorn la terz' ura, vèzzet el oters chi staivan sün la piazza, laschantivs.

4. Ed el disch ad els: It eir vus nella vigna, ed eu 's vögl dar quai chi sarà raschun.

5. Ed els gettan: Lura, siand it our eir intourn la sesavla, ed alla novav' ura, fet el il sumgiant.

6. Ma, siand it our eir intuorn l' ün-deschav' ura, chattet el oters chi staivan laschantivs, ed el disch ad els: Perche stais qui tuot il di laschantivs?

7. Quels al dischan: Perche ch' in-gün non ans ha finats. El disch ad els: It eir vus nella vigna, schi gnis ad ardschaiver quai chi sarà raschun.

8. Lura, siand fat saira, disch il patrun della vigna a seis factur: Clama ils lavuraints, e paja ad els il premi, comanzand dals ultims fin als prüms.

9. Lura gnittan quels dell' ün-deschav' ura, ed ardsvettan ün danêr per ün.

10. Lura gnittan ils prüms, ils quals s'impissavan d' ardschaiver plü; ma ardsvettan eir quels ün danêr per ün.

11. E l' aviand ardsvü, brunclaivan els contr' il patrun da chasa,

12. Dschand: Quaists ultims han lavurà *solum* ün' ura, e tii 'ls hast fats ad ingual a nus, ch' avain portà la grevezza del di, e la chalur.

13. Ma el respondand, disch al ün dad els: Ami, eu non at fetsch alchün tort; non at cuvgnittast tii con mai per ün danêr?

14. Piglia quai chi t' appertain, e va; ma eu vögl dar a quaiist ultim quant a tai.

15. Non m' aise licit da far quai ch' eu vögl col mieu? Teis ögl ais el malign per quai ch' eu sun bun?

16. Usche ils ultims saran prüms, e 'ls prüms ultims; perche * blers sun clamats, ma pacs elets. * Matt. 22, 14.

17. Lura Gesu, giand stü in Gerusalem, aviand manà d'üna vart seis dundesch scolars sün la via, dschet el ad els: * Luc. 18, 31.

18. Mera, nus train stü in Gerusalem, e 'l figl del crastian sarà dat in man dels principals sacerdots, e dels scrivants, e quels il condanneran a mort.

19. E vegnan al surdar in mans dels pajans, per far giamgias d' el, e 'l giasliar, e crueifichar; ma el vain a resistar nel terz di. * Gioan. 18, 32.

20. Lura s' approsmet la mamma dels figls da Zebedeo vi pro el, con seis figls, l' adurand, e 'l giavüschand qualchosa. * Marc. 10, 35.

21. Ed el la disch: Che voust? Ella al disch: Ordaina cha quaists duos meis figls sezzan, l' ün da tia vart dretta, l' oter dalla sneistra in teis reginam.

22. E Gesu, respondand, disch: Vus non savais quai cha vus giavüschais; podais vus baiver * il calisch ch' eu vegn a baiver, e gnir battizats col battaisem, dal qual eu vegn a gnir battizà? Quels al dischan: Schi, nus podain. * Gioan. 18, 11.

23. Ed el disch ad els: Vus tschert gnis a baiver meis calisch, e sarat battizats col battaisem, dal qual eu vegn a gnir battizà; ma quant al zer da mia vart dretta, o dalla sneistra, non sta a mai da dar; ma sarà dat a quels, als quals ais preparà da meis bap.

24. E 'ls oters desch, aviand quai

udi, füttan malcontaints da quels duos frars.

* Marc. 10, 41.

25. E Gesu, ils aviand clamats pro sai, dischels: Vus savais, cha 'ls princis dels pövels ils signoreschan, e cha 'ls grands douvran possanza sur quels.

26. Ma tanter vus non sarà usche; anzi scodiün chi vain a volair gnir grand tanter vus, saja vos serviaint.

27. E scodiün chi vain a volair esser prüim tanter vus, saja vos famagl.

28. Sco 'l figl del crastian non ais gnü per gnir servi, * anzi per servir e per dar † si' orma per pretsch da spendranza per blers.

* Fil. 2, 7. † Luc. 22, 27. 1 Tim. 2, 6.

29. Ma giand quels our da Gerico, al seguitet üna granda quantità.

30. E mera, duos orbs, chi sezzaivan sper la via, aviand udi cha Gesu passaiva, bragittan, dschand: Hajast compassiun da nus, Segner, figl da David.

31. Ma la quantità als slamaiva, acio ch'els taschessan; ma quels bragivan plü vi' e plü, dschand: Hajast compassiun da nus, Segner, figl da David.

32. E Gesu, siand fermâ, ils clamet, e dschet: Che volais ch'eu's fetscha?

33. Quels al dischan: Segner, cha noss ögls vegnan averts.

34. E Gesu, moventâ pro compassiun, toccet lur ögls; e subit recuperettan lur ögls la vezzüda, e quels al segui tettan.

CHAP. XXI.

Cristo intra in Gerusalem, e chatsch' our dal taimpel ils merchadants; maledescha ün figër, e muossa quals fetschan la vögla da Dieu; cha 'ls Güdeus sajan la vigna da Dieu; e ch'el saja la peidra del chantun.

E cur els füttan strusch a Gerusalem, e gnittan in Betfage, sper il munt dels olivêrs, schi tramettet Gesu duos scolars;

* Marc. 11, 1.

2. Dschand ad els: It nel vih ch'ais avant vus; e subit gnis a chattar ün' asna rantada, ed ün puleider con quella; srantâ 'ls oura, e mana 'm ils nan.

3. E sch'alehün as disch qualechosa, schi dit, cha 'l Segner ha bsögn da quels; schi 'ls trametterà el subit.

4. Ma tuot quai füt fat, acio chi 's compliss quai chi füt dit dal profet dschand:

5. * Dit alla figlia da Sion: Mera, teis rai vain pro tai, bandus, e muntâ sün ün asen, ed ün puleider, figl da quella chi port' il giuf.

* Zar. 9, 9.

6. E 'ls scolars gettan, e fettan, sco Gesu avai' ad els comandâ.

7. E manettan l'asna, e 'l puleider; e mettettan sün quels lur rassas, e Gesu muntet sül puleider.

8. Ed üna grandisma quantità raset oura sias rassas sün la via; ed * oters tagliaivan gio rams della boſcha, e 'ls rasaivan oura sün la via.

* Gioan. 12, 13.

9. E 'l pövel chi giaiv' avant, e chi gniva davo, bragiva, dschand: Osanna al figl da David! * Benedi quel chi vain nel nom del Segner! Osanna, nels lous otissem!

* Ps. 118, 26.

10. E, siand el intrat in Gerusalem, füt tuot la città comoventada, dschand: Chi ais quaist?

11. E 'l pövel dschaiva: Quaist ais Gesu, il profet, chi * ais da Nazaret da Galilea.

* Matt. 2, 23.

12. E * Gesu intret nel taimpel da Dieu, e chatschet oura tuot quels chi vendaivan e compraivan nel taimpel; e cupichet las maisas dels ſchamgiadurs, e las sopehas da quels chi vendaivan ils colombs.

* Marc. 11, 15.

13. E disch ad els: L'ais scrit: * Mia chasa sarà clamada chasa d'oraziun; † ma vus avais fat landrou' üna spe-lunca da morders.

* Es. 56, 7. † Ger. 7, 11.

14. Lura gnittan pro el orbs, e zops, nel taimpel; ed el ils guarit.

15. Ma ils principals sacerdots, e 'ls scrivants, aviand vis las müra-vaglias ch'el avaiva fat, e 'ls infants chi bragivan nel taimpel: Osanna al figl da David; schi füttan els sdegnats,

16. E dschettan ed el: Odast tü quai cha quaists dischan? E Gesu disch ad els: Schi! Non avais vus mâ let: * Our dalla bocca dels infants, e da quels chi tettan, hast tü stabili teis lod?

* Ps. 8, 3.

17. E 'ls aviand bandunats, get el our dalla città vers Betania; e qua alberget el.

18. E la mattina, turnand darcheu nella città, avet el fam.

19. E veziand ün figêr sün la strada, get el pro quel; ma non chattet sün el inguotta, oter co föglia. Ed el al dschet: Ma bricha plü in eterno non dess crescher früt alchün da tai. E l' figêr sechet via subit.

20. E 'ls scolars, aviand vis *quai*, as smüravglettan, dschand: Co ais il figêr dandettamaing sechâ via?

21. E Gesu, respondand, disch ad els: Eu 's di in vardâ, cha, * scha vus avais eretta, e non dubitais, schi non gnis solum a far quai *ch' ais dvantâ* con quaist figêr; ma eir, scha dschais a quaist munt: T' alvainta *da là*, e 't bütta nel mâr, schi sarâ fat.

* Matt. 7, 20.

22. E tuot las chosas, las qualas vus con oraziun gnis a giavüschar, craiad, schi gnis vus a *las* ardschaiver.

* Matt. 7, 7.

23. Lura, * cur el füt gnü nel taimpel, ils principals sacerdotes, e 'ls seniurs del pövel, s' approsmettan vi pro el, tant ch' el mussaiva, dschand: Da che autorità fast tü quaistas chosas? E chi 't ha dat quaist' autorità?

* Marc. 11, 27.

24. E Gesu respondand, disch ad els: Eir eu 's vögl domandar üna chosa, e scha vus la 'm dschais, schi 's vögl eir eu dir, da che autorità eu fetsch quaistas chosas.

25. Il battaisem da Gioanne dinuonder eira el? Dal tsel, o dalla gliעד? E quels rasehunaivan tantr' els, dschand: Scha nus dschain, *ch' el eira* dal tsel, schi 'ns dscharà'l: Perche dimena non l' avais cret?

26. Ma scha nus dschain, *ch' el eira* dalla gliעד, schi tmain nus il pövel; perche * tuots tegnan Gioanne per profet.

* Matt. 14, 5.

27. E respondetten a Gesu, e dschettan: Nus non savain. Eir el dschet ad els: Ed eir eu non as vögl dir, da che autorità eu fetsch quaistas chosas.

28. Ma che s' impara? Ün hom avava duos figls; e, siand gnü pro 'l prüm, disch el: Figl, vâ, lavura hoz in mia vigna.

29. Ma el, respondand, disch: Eu

non vögl; pür inguotta tant main, davo quai, s' aviand inrüglâ, get el.

30. Lura, siand gnü pro 'l seguond, al disch el il sumgiant; ed el, respondand disch: Schi, eu vögl far, Segner, e pür non get el.

31. Qual d' els duos fet il volair del bap? Quels al dschettan: Il prüm. Gesu dschet ad els: Eu 's di in vardâ, cha 'ls publichans, e las pitanas van avant a vus nel reginam dels tshels.

* Luc. 7, 29. 50.

32. Perche Gioanne ais gnü pro vus per la via della güstia, e vus non l' avais cret; * ma 'ls publichans, e las pitanas l' han cret; e pür vus, aviand vis *quai*, non s' avais davo quai meldrats, per crair ad el.

* Luc. 3, 12. 13.

33. Udi ün' otra sumaglia: L' eira ün bap da chasa, il qual plantet üna vigna, e la fet üna saif intuorn, e chavet in quella ün ló da torclar la vendemia, e fabrichet üna tuor. Lura fittet el via quella a tsherts lavuraints, e 's mettet in viadi.

* Ps. 80, 9. Cant. 8, 11.

34. Ma cur gnit il temp dels früts, schi tramettet el seis serviaints pro 'ls lavuraints, per ardschaiver ils früts da quella.

35. Ma 'ls lavuraints, aviand tut quels serviaints, schi battettan els l'ün, e mazzettan l' oter, ed acrappettan l' oter.

36. Darcheu tramettet el oters serviaints, in maggior nomer co 'ls prüms; e quels fettan con els il sumgiant.

37. Ultimamaing tramettet el pro els seis figl, dschand: Els averan respet da meis figl.

38. Ma 'ls lavuraints, aviand vis il figl, dschettan tantr' els: Quaist ais l' ertavel; gnü il mazzain, e pigliain per nus sia ierta.

39. E l' aviand tut, il chatschettan els our dalla vigna, e l' mazzettan.

40. Cur dimen' il patron della vigna vain ad esser gnü, che farâ el a quels lavuraints?

41. Quels al dischan: El ils farâ perrir malamaing, quels seclerats; e vain a fittar via la vigna ad oters lavuraints, ils quals al renderan ils früts a seis temp.

42. Gesu disch ad els: Non avais vus mâ let nellas scrittûras: * La peidra cha 'ls edificadurs han reprobâ ais dvantada il cheu del chantun; quai ais fat dal Segner, ed ais chosa müravgliusa in noss ügls?

* Ps. 118, 22.

43. Per quai 's di eu, cha 'l reginam da Dieu sarà tut da vus, e sarà dat ad ün pövel, chi farà 'ls früts da quel.

44. E chi eroderà süin quaista peidra sarà sfrislâ, ed ella vain a smachar quel, sül qual ella eroderà.

* Es. 8, 15.

45. E 'ls principals sacerdots, e 'ls Fariseers, aviand udi sias sumaglias, s' acorschetan, ch' el dschaiva dad els.

46. E tscherchaivan da 'l tour, ma tmettan il pövel; perche quels il tgnaiwan per profet.

CHAP. XXII.

Cristo mett' avant la sumaglia della nozza, e tschantscha dal tribut, dalla resüstanza; qual saja il plü grand comandamaint; e davart il Messia.

E Gesu, s' aviand miss a tshan-tschar, raschunet darcheu ad els tras sumaglias, dschand:

2. Il reginam dels tschels ais simil ad ün rai, il qual fet nozzas a seis figl.

* Luc. 14, 16.

3. E tramettet seis serviaints a clamar ils invidats allas nozzas; ma quels non volettan gnir.

4. Danöv tramettet el oters serviaints, dschand: Dit als invidats: Mera, eu s' ha apparechâ meis gian-tar; * meis trims, e meis animals ingrascats sun mazzats, ed ogni chos' ais apparechada, gni allas nozzas.

* Pro. 9, 2.

5. Ma quels, non tgnand *ingün* quint, gettan davent, chi pro sia possessi-un, chi pro sia merchanzia;

6. E 'ls oters, aviand tut seis serviaints, ils ingüriettan, e 'ls mazzettan.

7. E quel rai, aviand udi quai, s' adiret, e tramettet seis exercits, e sdrüet quels homiciders, ed ardet lur città.

8. Lura disch el a seis serviaints: Bain sun las nozzas apparechadas, ma 'ls invidats non eiran degns.

9. It dimena süls cheus dellas stradas, e clamai allas nozzas chi vus gnis a chattar.

10. E quels serviaints, siand its oura süin las stradas, respettan tuots quels chi chattettan, mals, e buns; e 'l lü dellas nozzas füt impli con persunas ch' eiran a maisa.

11. Ma 'l rai, siand intrat, per vair quels ch' eiran a maisa, vezett 'quà ün crastian * chi non eira vesti con vestimaint da nozzas, * 2 Cor. 5, 3. Ef. 4, 24.

12. E 'l disch: Ami, co est tü intrat qui sainza avoir vestimaint da nozzas? Ma quel taschet.

13. Lura disch il rai als serviaints: Liâ 'l ils mans e peis, e pigliâ 'l, e büttâ 'l * nellas schürdüms dadoura; là sarà bragir, e sgrizchar dels daints.

* Matt. 8, 12.

14. Perche * blers sun clamats, ma pacs elets.

* Matt. 20, 16.

15. Lura gettan ils Fariseers, e fëttan cossagl, co els il illatschessan in plets.

16. E 'l tramettetan lur scolars, con ils Erodianers, al dir: Maister, nus savain cha tü est da vardà, e cha tü mossast la via da Dieu in vardà, e cha tü non t' inchürast d' alehün; perche tü non resguardast alla qualità dellas persunas.

17. Di 'ns dimena: Che t' impara? Aise licit da dar il tribut a Cesare, o na?

18. E Gesu, aviand cognoschü lur malizia, disch: Perche 'm provais, o ipocrits?

19. Mossa 'm la munaida del tribut. E quels al sporschettan vi' ün danër.

20. Ed el disch ad els: Da chi ais quaista figüra, e quaista superscripziun?

21. Quels al dischan: Da Cesare. Lura disch el ad els: Dat dimena a Cesare las chosas chi appertegnan a Cesare, ed a Dieu las chosas chi appertegnan a Dieu.

* Rom. 13, 7.

22. E quels, aviand udi quai, as smü-ravglettan, e l' aviand bandunâ, gettan els davent.

23. In quel istess di gnittan pro el Sadduceers, * ils quals dischan cha non saja resüstanza, e 'l domandetan;

* Act. 23, 8.

24. Dschand: Maister, Mose ha dit: Sch' alchün moura sainz' infants, schi cha seis frar spusa la mugler da quel per raschun d' affinità, e sdasda sü sem a seis frar. *Deut. 25, 5.

25. Ma pro nus eiran set frars; e 'l prüm, aviand spusâ mugler, murit; e non aviand sem, laschet el sia mugler a seis frar.

26. Sumgiantamaing eir il seguond, e 'l terz, fin a tuots set.

27. Ma davo tuots murit eir la duonna.

28. Nella resistenza dimena, da chi intanter els set sarà la mugler? Siand cha tuots l' han gnüda.

29. Ma Gesu, respondand, disch ad els: Vus giais ad errur; non inleghiand las scrittüras, ne la possanza da Dieu.

30. Perche nella resistenza non as piglian, ne 's dan muglers; anzi 'ls *crastians* sun in tselhel seo angels da Dieu.

31. E quant alla resistenza dels morts, non avais vus let quai chi 's füt dit da Dieu, eur el disch:

32. * Eu sun il Deis d' Abraham, e 'l Deis d' Isac, e 'l Deis da Giacob? Deis non ais il Deis dels morts, ma dels vivs. *Exo. 3, 6. Eb. 11, 16.

33. E 'l pövel, aviand udi quaistas chosas, as stupiva da sia doctrina.

34. E 'ls Fariseers, aviand udi ch' el avaiva serrâ la bocca als Sadduceers, as raspettan insemel.

35. Ed ün doctur da ledscha 'l domandet, il provand, e dschand:

36. Maister, qual ais il plü grand comandamaint della ledscha?

37. E Gesu al disch: * Ama il Segner teis Deis con tuot teis cour, e con tuot ti' orma, e con tuot teis impissamaints; *Deut. 6, 5.

38. Quaist ais il prüm, e 'l grand comandamaint.

39. E 'l seguond, simil a quel, *ais*: * Ama teis prossem seo tai sves.

*Lev. 19, 18.

40. Da quaists duos comandamaints dependan tuot la ledscha, e 'ls profets.

41. E siand ils Fariseers raspats, ils domandet Gesu,

42. Dschand: Che s' impara davart

Cristo? Da chi figl ais el? Quels al dischan: Da David.

43. El disch ad els: Co dimena il clama David nel spiert, Segner? Dschand:

44. * Il Segner ha dit a meis Segner: Sezza da mia vart dretta, fin ch' eu haja tschantâ teis inimis *per* schabell da teis peis. *Ps. 110, 1.

45. Scha dimena David il clama Segner, co ais el seis figl?

46. Ed ingün non al podaiva responder inguotta; ningün eir avet ardimaint plü, da quel di invia, da 'l far alchüna domanda.

CHAP. XXIII.

Cristo condanna l' ambiziun, avarezza, ed ipocrisia dels scrivants e Fariseers; predisch eir la ruina da Gerusalem.

LURA favlet Gesu al pövel, ed a seis scolars,

2. Dschand: Ils scrivants e 'ls Fariseers sezzan sü la sopecha da Mose.

3. Observai dimena, e fat tuot las chosas chi vegnan as dir, cha vus observat; ma non farai seguond lur ouvras; perche ch' els dischan, ma non fan.

4. Perche els lian pais greivs, ed importabels, e 'ls mettan sü las spadlas della gliend; ma els non ils vöglian movantar con lur daint;

*Luc. 11, 46.

5. E fan tuot lur ouvras * per esser resguardats dalla gliend. E fan lur zaidlas da regordanza ladas, ed ingrandischan ils urs da lur rassas.

*Matt. 6, 1. 2. 5. 16.

6. Ed aman ils prüms lous a maisa nels convits, e 'ls prüms sezs nellas raspadas.

7. E 'ls salüds sü las plazzas; e d' esser clamats dalla gliend: Rabbi, Rabbi.

8. Ma vus, non sajat clamats, Rabbi; perche ün sulet ais vos doctur; cioè Cristo; e vus tuots eschat frars.

*Giac. 3, 1.

9. E non clamerai alchün sur terra, vos bap; perche ün sulet ais vos bap, cioè, quel ch' *ais* nels tselhs.

10. E non sajat clamats docturs; perche ün sulet ais vos doctur, cioè Cristo.

11. E 'l plü grand da vus saja vos serviaint.

12. Ma scodün, chi s' averà adoza, sarà abbassâ, e scodün, chi s' averà abbassâ, sarà adoza. *Luc. 14, 11.

13. Ma * vae a vus, scrivants e Fariseers, ipocrits; perche vus serraiss il reginam dels tschels avant la glieud; perche vus non intrais, ne laschais intrar quels ch' eiran per intrar. *Luc. 11, 52.

14. Vae a vus, scrivants e Fariseers, ipocrits; perche vus magliaiss las chasas dellas vaidguas; e quai suot specie da far lungas oraziuns; per quai gnis vus ad ardschaiver magior condannaziun. *Marc. 12, 40.

15. Vae a vus, scrivants e Fariseers, ipocrits; perche vus girais il mâr e la terra, per far ün proselit; e, eur el ais fat, schi 'l fais vus figl della geenna, il dobel plü co vus.

16. Vae a vus, guidas orbas, chi dschais: Sch' alchün ha gürâ tras il taimpel, schi non aise inguotta; ma sch' el ha gürâ tras l' or del taimpel, schi ais el obliâ. *Matt. 5, 33. 34.

17. Nars, ed orbs! Perche, qual ais plü grand, l' or, o 'l taimpel, chi santificha l' or?

18. Medemamaing, sch' alchün ha gürâ tras l' utêr, schi non aise inguotta; ma, sch' el ha gürâ tras l' offerta chi ais sün quel, chi ais el obliâ.

19. Nars, ed orbs! Perche qual ais plü grand, l' offerta, o * l' utêr chi santificha l' offerta? *Exo. 29, 37.

20. Quel dimena chi gürâ tras l' utêr gürâ tras quel, e tras tuot las chosas chi sün quel.

21. E chi gürâ tras il taimpel, gürâ tras quel, e tras * quel chi abita laint. *1 Rais. 8, 13.

22. E chi gürâ tras il tschel, gürâ tras il trun da Dieu, e tras quel chi sezza sün quel.

23. Vae a vus, scrivants e Fariseers, ipocrits; perche vus dais la deschma, della minza, e del anisch, e del sempulê, e laschais mancar las chosas plü greivas della ledscha, il güdizi, e la misericordia, e la fede; ün dovess far quaistas chosas, e non laschar mancar quellas otras.

24. Guidas orbas, chi culais la muoscha, e travondais il chamêl.

25. Vae a vus, scrivants e Fariseers ipocrits; perche vus nettagiaiss il dadoura del bachêr, e del taglêr; ma dadaint quel ais plain da sgiarbaria, e d' intemperanza. *Luc. 11, 39.

26. Fariseer orb, nettaja 'l prüm il dadaint del bachêr, e del taglêr; acio cha 'l dadour' eir vegna net.

27. Vae a vus, scrivants e Fariseers, ipocrits; perche vus eschat simils a sepultüras fattas albas, las quas dadoura paran bellas, ma dadaint sun plainas d' ossa da morts, e d' ogni ascrögn.

28. Üsche eir vus parais güsts dadoura, avant la glieud; ma dadaint, eschat plains d' ipocrisia, e d' iniquità.

29. Vae a vus, scrivants e Fariseers, ipocrits; perche vus fabrichaiss las sepultüras dels profets, e fittais ils monumaints dels güsts, *Luc. 11, 47.

30. E dschais: Schâ nus füssan stats dals temps da noss babuns, schi non volessan nus esser stats lur compagns in *spander* il sang dels profets.

31. Tal cha vus testifichais contra vus istess, cha vus eschat infants da quels, chi han mazzâ ils profets.

32. Vus eir, compli pür la masüra da voss babuns.

33. Serps, razza da vipras! Co gnis a fûgir al güdizi della geenna? *Matt. 3, 7.

34. Per quai, mera, eu 's tramet profets, e sabis, e scrivants; e da quels gnis a mazzar e crucifichar alchüns, oters * gnis a giasliar in vossas raspadas, e gnis als persequitar da città in città; *Act. 5, 40.

35. Acio cha 's vegn' adöss tuot il sang güst spans in terra; dal sang del güst * Abel, infin al sang da Zaccaria, figl da Barachia, il qual vus mazzettat tantr' il taimpel, e l' utêr. *Gen. 4, 8. 2 Cro. 24, 20. 21.

36. Eu 's di in vardà, cha tuot quai-stas chosas vegnan a gnir sur quaista generaziun.

37. Gerusalem, Gerusalem, chi maz-zast ils profets, ed acrapast quels chi 't sun tramiss! Quantas voutas ha eu voglù raspar teiss infants, in maniera cha la giallina raspa seis

pulschins suot las alas? E vus non avais vogliù?

* Luc. 13, 34.

38. Mera, vossa chasa s' ais laschada deserta.

39. Perche eu 's di, cha d' uoss' in via vus non am vezzerat, fin cha vus diat: * Benedi quel chi vain nel nom del Segner.

* Ps. 118, 26.

CHAP. XXIV.

Cristo siand domandâ muossa, che insainas vegnan ad ir avant a sia ultima vgnüda al giudizi sün la fin del muond; el exorta seis fidels da vagliar.

E Gesu, siand it oura, giaiva d'avent dal taimpel; e seis scolars s' approssmettan vi pro el, per al musar ils edifizis del taimpel. * Marc. 13, 1.

2. Ma Gesu disch ad els: Non vezzais vus tuot quaistas chosas? Eu 's di in vardâ, * cha non sarà qui laschâ peidra sur peidra, chi non saja ruotta.

* Luc. 19, 44.

3. Lura, s' aviand el miss a zer stül munt dels olivêrs, schi s' approssmettan via pro el seis scolars d' üna vart, dschand: Di 'ns, cura dvantèran quaistas chosas? E quala sarà l' insaina da tia vgnüda, e della fin del muond?

4. E Gesu, respondand, disch ad els: S' inguardai, ch' ingün non as surmaina.

* Es. 5, 6.

5. Perche blers vegnan a gnir suot meis nom, dschand: Eu sun Cristo; e vegnan a surmanar blers.

6. Ma vus gnis ad udìr guerras, e romurs da guerras; s' inguardai, non as conturblarai; perche sto esser, cha tuot quaistas chosas dvaintan; ma * non sarà amo la fin.

* Ger. 4, 27.

7. Perche ün pövel vain ad alvar sü contra l' oter, ed ün reginam contra l' oter; e qua saran pestilenzas, e fams, e terratrembels in ogni lö.

8. Ma tuot quaistas chosas *saran solum* principi da dolurs.

9. Lura vegnan els as dar in mans ad oters, per gnir afflits, e 's mazzeran; e sarat ödiats da tuot ils pövels per meis nom.

* Matt. 10, 17.

10. E lura vegnan blers as schandelizar, e 's tradir, ed ödiar l' ün l' oter.

11. E blers fos profets vegnan ad alvar sü, e surmaneran blers.

12. E per quai cha l' iniquità sarà multiplichada, schi vain la charità da blers as refradar.

13. Ma chi vain ad avair perseverâ infìn alla fin sarà salvâ.

14. E quaiست evangeli del reginam sarà predgiâ in tuot il muond, in testimonianza a tuot ils pövels; e lura vain a gnir la fin.

15. Contuot, cur vus gnis ad avair vis l' abominazion della desoluziun, dalla quala ha favlâ 'l profet Daniel, tschantada nel lö sanct (chi legia piglia a cour.)

* Dan. 9, 27.

16. Lura dessan quels, chi *saran* nella Giudea, fùgìr stils munts.

17. Chi sarà stül tet della chasa, non vegna giò per tour chos' alchüna our da sia chasa;

18. E chi sarà sün la champagna non tuorn' inavo per tour sia rassa.

19. Ma vae allas gravidas, ed a quellas chi lattanteran in quels dis!

20. E rovai, cha vossa fùgia non saja d' inviern, ne in *di da sabbat*!

21. Perche lura sarà qua grand' afflicziun, sco non füt mâ bricha, dal principi del muond infìn ad uossa; ed eir mâ bricha *plü* non sarà.

* Dan. 12, 1.

22. E, scha quels dis non füssan scursnits, schi non gniss ingüna charn conservada; ma per ils elets saran quels dis scursnits.

23. Lura, sch' alchün as disch: Mera, Cristo *ais* qui, o là, schi non al crajerai;

* Marc. 13, 21.

24. Perche fos Crists, e fos profets alveran stü, e faran grandas insainas e miraculs; tal ch' els gnissan a surmanar, schi *füss* possibel, eir ils elets.

25. Mera, eu 's ha dit vi' avant.

26. Scha dimena els as dischan: Mera, l' nel desert, schi non giarai our; mera, l' *ais* nellas chambrettas secrettas, schi non crajerai;

27. Perche sco 'l lütshaidèr vâ our dal levant, ed appara fin nel ponent; tala sarà eir la vgnüda del figl del crastian.

28. Perche ingio chi sarà la praja, qua 's rasperan las aglias.

29. * Ma subit dopo l' afflicziun da quels dis, vain il solai as inshürir, e la glüna non darà sia splendur, e

las stailas vegnan a crodar giò da tselhel, e las pussanzas dels tselhels saran squassadas.

* Marc. 13, 24.

30. E lura apparirà 'l signal del figl del crastian in tselhel; lura vegnan eir tuot las naziuns della terra a far cordöli, e vezzeran il figl del crastian a gnir sün las nüvlas del tselhel, con potenza, e granda gloria.

31. Ed el trametterà seis angels, con trombetta, e grand bragizzi; e quels vegnan a raspar seis eletts dals quatter vents, dal ün dels chantuns del tselhel infin al oter.

* Matt. 13, 41.

32. Ma imprendai dal figèr quaista sumaglia: Cur seis rams sun agià in züh, e la fruousla germuoglia, schi savais vus, cha la stà ais vicina;

33. Usche eir vus, cur vus averat vis tuot quaiastas chosas, schi sapchat, * ch' el ais dastrusch, sün la porta.

* Giac. 5, 9.

34. Eu 's di in vardà, cha quaiet età non passerà, fin cha tuot quaiastas chosas non sajan dvantadas.

35. Il tselhel e la terra trapassaran, ma meis plets non vegnan a trapassar.

36. Ma quant a quel di, ed a quell' ura, ingün non la sà, eir ils angels dels tselhels bricha; ma meis bap sulet.

37. Ma * sco eiran ils dis da Noè, usche sarà eir la vgnüda del figl del crastian.

* Gen. 6, 3. 4. 5.

38. Perche sco la gliend eira nels dis, chi fütan ant il diluvi, mangiand, e bavand, pigliand e dand muglers, fin al di cha Noè intret nell' archa;

39. E non s' accorschetan d' *inguotta*, fin cha gnit il diluvi, e 'ls portet via tuots; usche sarà eir la vgnüda del figl del crastian.

40. Lura duos saran sün la cham-pagna; l' ün sarà tut, e l' oter la schâ.

* Luc. 17, 34.

41. Duos *dumans* vegnan a moller nel mulin; l' üna sarà tuta, e l' otra laschada.

42. Vagliai dimena; perche vus non savais a qual' ura vos Segner vain a gnir.

* Matt. 25, 13.

43. Ma sapchat quai, cha, * scha

'l bap da chasa savess, a quala vigilia *della not* il lader vain a gnir, schi gniss el a vagliar, e non gniss a laschar rumper aint in sia chasa.

* Luc. 12, 39. 1 Tes. 5, 2.

44. Per quai, sajat eir vus perdetts; perche all' ura cha vus non s' impisais, vain il figl del crastian a gnir.

45. Qual ais pür quel fidel famagl, e prudaint, il qual seis Segner haja constitui sur sia famiglia, per dar ad els il nudriamaint a seis temp?

* Luc. 12, 42.

46. Beà quel famagl, il qual seis Segner, cur el vain a gnir, chatterà fand usche.

47. Eu 's di in vardà, ch' el il constituerà sur tuot sia raba.

48. Ma scha quel famagl, *essendo* mal, disch in seis cour: Meis Segner intarda a gnir;

49. E comainz' a batter seis confamagls, ed a mangiar, ed a baiver con ils avriards;

50. Schi vain il Segner da quel famagl a gnir, nel di ch' el non il spetta, e nell' ura ch' el non sà.

51. E vain a 'l tagliar in tocs, e metter sia part con ils ipocrits. Là sarà bragir e sgrizchar dels daints.

CHAP. XXV.

Tras las sumaglias dellas giuvantschellas, e dels talents, muossa Cristo a scodün da sieuguer sia vocaziun; lura exort' el da far ouvras da charità.

LURA sarà 'l reginam dels tselhels simil a desch vergines, las qualas, aviand tut lur lampas, gettan our incunter al spus.

2. Ma tschinch da quellas eiran sabias, e tschinch narras.

3. Las narras, pigliand lur lampas, non avaivan tut con ellas öli;

4. Ma las sabias avaivan, insembel con lur lampas, tut con ellas öli in lur vashels.

5. Ma, tardand il spus, guittan ellas tuottas da sön, e 's dormenzettan via.

6. Ed a mezza not gnit ün bragizzi: Mera, il spus vain, il al our' incunter!

7. Lura tuot quellas vergines sdasdettan, e perderschetan lur lampas.

8. E las narras dischan allas sabias: Dat ans da vos öli; perche nossas lampas as stüzan.

9. Ma las sabias respondettan, e dschettan: *Nus non volain far*; cha forse non füss avuonda per nus, e per vus; it plü bod pro quels, chi 'l vendan, e comprai per vus.

10. Ma, intant cha quellas giaivan a comprar, gnit il spus; e quellas ch' eiran perderdas intrettan con el allas nozzas; * e la porta gnit serrada.

* Luc. 13, 25.

11. Lura gnittan davo *quai* eir las otras vergines, dschand: Segner, Segner, avra 'ns.

12. Ma el, respondand, disch: Eu 's di in vardà, ch' eu * non as cognosch.

* Matt. 7, 23.

13. Vagliai dimena, perche cha non savais, ne 'l di, ne l' ura, cha 'l figl del crastian vain a gnir. * Marc. 13, 33. 37.

14. Perche * el ais sco ün hom, il qual, giand our in viadi, clamet seis famagls, e det in man ad els sia raba.

* Luc. 19, 12.

15. Ed al ün det el tschinch talents, ed al oter duos, ed a l' oter ün; a scodün seguond sia capacità; e subit as partit el.

16. Ma quel chi avaiva ardsvü ils tschinch talents get, e trafichet con quels, e guadagnet oters tschinch.

17. Medemamaing eir quel *chi avai-va ardsvü* ils duos, guadagnet oters duos.

18. Ma quel chi avaiva ardsvü ün, get e fet üna foura nella terra, e zoppet ils danêrs da seis segner.

19. Ma lung temp davo gnit il segner da quel famagls, e fet quint con els.

20. E quel chi avaiva ardsvü ils tschinch talents gnit, e presentet oters tschinch, dschand: Segner, tii 'm dettast in man tschinch talents; mera, pro quels ha eu guadagnâ oters tschinch.

21. E seis segner al dschet: E sta bain, bun e fidel famagl: Tü est stat da fai sur pacas chosas; eu 't vögl constituer sur bleras chosas; intra nell' allegrezza da teis segner.

22. Lura gnit eir quel, chi avaiva ardsvü 'ls duos talents, e disch: Segner, tii 'm dettast in man duos talents; mera, pro quels ha eu guadagnâ oters duos.

23. Seis segner al dschet: E stâ bain, bun e fidel famagl; tü est stat da fai sur pacas chosas; intra nell' allegrezza da teis segner.

24. Lura gnit eir quel, chi avaiva ardsvü l' ün talent, e disch: Segner, eu cognoschaiva, cha tü est hom asper, chi tschuncast ingio tü non hast semnâ, e elegiast ingio tü non hast spans;

25. Dinuonder eu tmet, e sun it, e ha zoppâ teis talent nella terra; mera, tü hast il tieu.

26. E seis segner, respondand, al dschet: Mal e negligiast famagl; tü savaivast, ch' eu tschuncast ingio eu non ha semnâ, e cleg ingio eu non ha spans;

27. Per quai, avessast tü dovü metter meis danêrs in man da banchiers; e cur eu füss gnü, schi avess eu et-schü 'l mieu con il früt.

28. Contuot pigliâ 'l il talent, e dat il a quel, chi ha 'ls desch talents;

29. (Perche, a scodün chi ha, sarà dat, ed el averà tant plü; ma chi non ha, schi vain eir quai ch' el ha, a gnir tut dad el.)

* Matt. 13, 12.

30. E chatschai il famagl daschüttel * nellas schüirdüms dadoura. Là sarà bragir, e sgrizchar dels daints.

* Matt. 8, 12.

31. Ma cur il figl del crastian sarà gnü in sia gloria, con tuots sanets angels; lura vain el a zer sül trun da sia gloria.

* Zach. 14, 5. Giud. 15.

32. E tuot ils pövels vegnan a gnir raspats avant el, * ed el vain a separar ils crastians l' ün our dal oter, seo 'l paster separa las nuorsas our dals boc;.

* Ezech. 20, 37.

33. E metterà las nuorsas da sia vart dretta, e 'ls boc; dalla sneistra.

34. Lura vain il rai a dir a quels, chi *saran* da sia vart dretta: Gni nan, benedits da meis bap; ertai il reginam, chi s' ais stat preparâ dal fundamaint del muond in nan.

35. Perche * eu avet fam, e vus m' avais dat da mangiar; eu avet sait, e vus m' avais dat da baiver; eu füt forestêr, e vus m' avais elet aint.

* Es. 58, 7. Ezech. 18, 7.

36. *Eu füt* nüd, e vus m' avais dar-cheu vesti; eu füt amalâ, e vus m'

avais visità; eu füt in preschun, e vus gnittat pro mai.

37. Lura ils güsts al responderan, dschand: Segner, cura t' avain nus vis avoir fam, e t' avain dat da mangiar? Ovvero, avoir sait, e t' avain dat da baiver?

38. E cura t' avain nus vis forestêr, e t' avain clet aint? O nüd, e t' avain darcheu vesti?

39. E cura t' avain nus vis amalâ, o in preschun, ed eschan gnüts pro tai?

40. E l' rai, respondand, vain a dir ad els: Eu 's di in vardà, cha, * inquant vus avais fat *quai* ad ün da quaists meis minimis frars, vus l' avais fat a mai.

* Prov. 19, 17.

41. Lura vain el a dir eir a quels, chi *saran* dalla vart sneistra: It via da mai, maledets, nel fö etern, chi ais preparâ al diavel, ed a seis angels;

* Matt. 7, 23.

42. Perche eu avet fam, e vus non m' avais dat da mangiar; avet sait, e non m' avais dat da baiver;

43. Eu füt forestêr, e non m' avais clet aint; nüd, e non m' avais darcheu vesti; amalâ, ed in preschun, e non m' avais visitâ.

44. Lura vegnan quels eir al responder, dschand: Segner, cura t' avain nus vis avoir fam, o sait; ad esser forestêr, o nüd, o amalâ, o in preschun, e non t' avains succurrü?

45. Lura el responderà ad els, dschand: Eu 's di in vardà, cha inquant vus non avais fat *quai* ad ün da quaists minimis, neir l' avais fat a mai.

46. E quaists vegnan ad ir nellas painas eternas, e 'ls güsts nella vit' eterna.

* Dan. 12, 2.

CHAP. XXVI.

Cristo predisch sia mort; Giuda il venda; istituzion della s. tschaina; predisch als apostels ils fals; vain prais, ed achüsâ, lura condannâ; Petro eir il sneja.

E dvantet, cur Gesu avet fini tuots quaists raschunamaints, ch' el dschet a seis scolars.

* Marc. 14, 1.

2. Vus savais, cha infra duos dis ais la pasqua; e l' figl del crastian sarà dat in man *del magistrat*, per gnir crucifichâ.

* Gioan. 11, 47.

3. Lura 's respettan ils principals sacerdots, e 'ls scrivants, e 'ls seniurs del pövel, nella cuort del grand sacerdot dit Cajafa;

4. E fettan cossagl insembel da tour Gesu con ingian, e da l' far murir.

5. Ma dschaivan: Nus non stovain far sün la feista; acio cha non as fetscha tumult tanter il pövel.

6. Ma, essendo Gesu in Betania, in chasa da Simon levrus;

* Marc. 14, 3.

7. Eira gnü pro el üna duonna, aviand üna büsla d' alabaster con öli bainsavuri da grand pretsch; ed ella l' avaiva spans stül cheu da Cristo, intant ch' el eira a maisa.

8. E seis scolars, aviand vis *quai*, füttan sdegnats, dschand: A che *far* quaista perdita?

9. Perche quaist öli avess podü gnir vendü per grand *pretsch*, e gnir dat als povers.

10. Ma Gesu, aviand savü *quai*, disch ad els: Perche dais vus molestia a quaista duonna? Perche ella ha fat üna bun' ouvra in vers mai.

11. Perche saimper averat ils povers con vus; ma mai non averat saimper.

* Deut. 15, 11.

12. Perche quaista, spandand quaist öli sur meis corp, ha fat *quai* per am balsamar.

13. Eu 's di in vardà, ingio chi sarà predgiâ quaist evangeli, in tuot il muond, schi vain eir as requintar *quai* cha quaista ha fat, in memoria dad ella.

14. Lura ün dels dudesch, dit Giuda Iscariot, get pro 'ls principals sacerdots;

* Marc. 14, 10.

15. E disch ad els: Che 'm volais dar, ed eu il vögl surdar in man a vus? E quels il paisettan via trenta *sicals* d' argent.

* Zach. 11, 12.

16. E da quell' ura in via tscherchaiv' el commodità da l' tradir.

17. Ma nel prüm *di* dels azims, gnittan ils scolars pro Gesu, dschand ad el: Ingio voust cha nus at perderschan da mangiar la pasqua?

18. Ed el disch: It nella città, pro ün tal, e dit ad el: Il Maister disch: Meis temp ais ardaint; eu vögl far la pasqua in tia chasa, con meis scolars.

19. E 'ls scolars fettan sco Gesu avaiava ad els ordinâ, e perderschettan la pasqua.

20. E cur fût saira, 's mettet el a maisa cols dudiesch.

21. Ed, intant ch' els mangiaivan, disch el: Eu 's di in vardà, ch' ün da vus vain am tradir. *Gioan. 13, 21.

22. E siand els grandamaing conturbats, comanzet scodün d' els a dir ad el: Sun eu quel, Segner?

23. Ed el, respondand, disch: * Quel chi tenscha col man con mai aint nel taglêr, vain am tradir. *Marc. 14, 20.

24. Il figl del crastian tschert vâ, seguond ch' ais scrit dad el; ma vae a quel crastian, tras il qual il figl del crastian vain tradi! Megl füss stat per el da non esset mâ nat.

25. E Giuda chi 'l tradiva comanzet a dir: Maister, sun eu quel? El al disch: Tü l' hast dit.

26. Ma, intant ch' els mangiaivan, aviand Gesu tut il pan, e fat la benedicziun, *il* rumpet el, e 'l det als scolars e disch: Pigliai, mangiai; quaiast ais meis corp. *Luc. 22, 19.

27. Lura, aviand tut il calisch, e rendügrazias, *il* det el ad els, dschand: Bavai our da quel tuots;

28. Perche quaiastais meis sang, *ch'* ais *il sang* della nouva lia, il qual ais spans * per blers, in remissiun dels puchats. *Rom. 5, 15.

29. Ma eu 's di, d' uoss' in via non vegn eu a baiver plü da quaiast früt della vit, fin a quel di, ch' eu vegn al baiver nouv con vus nel reginam da meis bap.

30. E dopo ch' avettan chantâ il psalm da lod, schi gettan els our süil munt dels olivêrs.

31. Lura disch Gesu ad els: Vus tuots sarat schandelizats in mai in quaiasta not; perche l' ais scrit: * Eu vegn a batter il pastur, e las nuorsas della scossa saran dispersas.

*Gioan. 16, 32. Zach. 13, 7.

32. Ma, dopo ch' eu vegn ad esser resüstâ, vögl eu ir avant a vus in Galilea. *Matt. 28, 16.

33. Ma Petro, respondand, al disch: Schabain cha tuots gnissan schandelizats in tai, schi non vögl eu mâ bricha gnir schandelizâ.

34. Gesu al disch: * Eu 't di in vardà, cha quaiasta stessa not, ant cha 'l gial chanta, vainst tü am snejar trais voutas. *Gioan. 13, 38.

35. Petro al dschet: Schabain eu stovess murir con tai, schi non at vögl eu pero snejar. Il sumgiant dschettan eir tuots ils scolars.

36. Lura gnit *Gesu* con els in ün vih, dit Getsemane, e disch als scolars: Sezai qui, fin ch' eu saja it là, ed haja urâ. *Marc. 14, 32.

37. Ed aviand tut con el Petro, e 'ls duos figls da Zebedeo, comanzet el ad esser conturbâ, e greivamaing anguschiâ. *Matt. 4, 21.

38. Lura disch el ad els: Mi' orma ais conturbada infin alla mort; dmurai qui, e vagliai con mai.

39. E siand it ün pa inavant, as büttet el giò sün sia fatscha, * urand, e dschand: Bap meis, scha possibel ais, schi cha quaiast calisch passa via da mai; impero, bricha sco eu vögl, ma sco tü voust. *Ebr. 5, 7. 8.

40. Lura gnit el pro 'ls scolars, e 'ls chattet chi dormivan, e disch a Petro: Usche non avais podü vagliar brich' ün ura con mai?

41. Vagliai ed urai, cha vus non intrat in tentamaint; perche 'l spiert ais pront, ma la charn *ais* debla.

42. Darcheu, la seguonda vouta, get el ed uret, dschand: Bap meis, scha non ais possibel, cha quaiast calisch passa via da mai, ch' eu non il bai-va, schi saja tia voluntà fatta.

43. Lura, siand danöv gnü, ils chattet el chi dormivan; perche lur ügls eiran aggrevats.

44. E 'ls aviand bandunats, get el darcheu, ed uret la terza vouta, dschand ils medems plets.

45. Lura gnit el pro seis scolars, e disch ad els: Dormi pür d' uoss' in via e posai; mera, l' ura ais rivada, e 'l figl del crastian vain dat in man dels pechadurs.

46. Alvai sü, giain; mera, quel chi 'm tradescha ais ardaint.

47. Ed, intant ch' el favlaiv' amo, mera, Giuda, ün dels dudiesch, gnit, e con el üna granda compagnia, con spadas, ed astas, *tramiss* dals

principals sacerdots, e dals seniurs del pövel.

* Marc. 14, 43.

48. Ma quel chi 'l tradiva avaiava dat ad els ün signal, dschand: Quel, il qual eu vegn ad avair bütschâ, ais quel; pigliâ 'l.

49. Ed in quel istant, siand approssmâ via pro Gesu, al disch el: Salüdâ sajast, Maister; e 'l bütschet.

50. E Gesu al dschet: Amî, a che far est tü qui? Lura *quels*, siand approssmats via pro Gesu, al mettettan ils mans adöss, e 'l piglettan.

51. E mera, ün da *quels* ch' *eiran* con Gesu, aviand stais our il man, tret el oura sia spada, e battet il servaint del grand sacerdot, e 'l taglet giò l' uraglia.

* Gioan. 18, 10.

52. Lura Gesu al disch: Metta tia spada darcheu in seis lö; perche * tuots *quels* chi averan tut la spada, vegnan a perir tras la spada.

* Gen. 9, 6.

53. T'impaisast tü forsâ, ch' eu non podess uossa rovar meis bap; e ch' el dalunga gniss am trametter plü co dudesch legiuns d' angels?

54. Co dimena gnissan complidas las * scrittüras, *las qualas dischan*, cha usche stöglia dvantar? *

* Es. 53, 7. 8.

55. In quell' istess' ura disch Gesu al pövel: Vus eschat its oura con spadas, e con astas, seo contr' ad ün saschin, per am prender; eu tuotta di sezzaiva sper vus, mussand nel taimpel; e vus non m' avais prais.

56. Ma tuot quai ais dvantâ, acio cha las scrittüras dels profets gnissan complidas. Lura * tuots ils scolars, l' aviand bandumâ, fügittan.

* Gioan. 18, 15.

57. Ma *quels* ch' avaiavan prais Gesu, il manettan pro Cajafa, grand sacerdot, ingio 'ls scrivants, e 'ls seniurs, eiran raspats.

* Marc. 14, 53.

58. E Petro al seguittaiva dalönsch, infin alla cuort del grand sacerdot; e siand intrat aint dadaint, as mettet el a zer cols sergents, per vair la fin.

59. Ma 'ls principals sacerdots, e 'ls seniurs e tuot il consistori, tscherchaivan qualcha fosa perdüta contra Gesu, per il far morir.

* Marc. 14, 55.

60. Ma non chattaivan alchüna; eir dopo cha bleras fosas perdüttas s'

avettan fattas avant, non chattettan els *pero alchüna*; ma alla fin gnittan duos fosas perdüttas,

61. Las qualas dischan: * Quaiست ha dit: Eu poss disfar il taimpel da Dieu, ed infra trais dis il reedifichar.

* Gioan. 2, 19.

62. Lura il grand sacerdot, siand alvâ sü, al disch: Non respondast tü inguotta? Che testifichan quaiستs contra tai?

63. Ma * Gesu taschaiva. E 'l grand sacerdot replichet, e 'l dschet: Eu 't scongtîr tras il Deis vivaint, cha tü 'ns diast, scha tü est Cristo, il figl da Dieu?

* Es. 53, 7.

64. Gesu al disch: Tü l' hast dit. * Schi, eu 's di, cha d' uoss' invia vezzerat il figl del crastian zer alla dretta vart della potenza, e gnir süin las nüvlas del tschel.

* Matt. 24, 30.

65. Lura il grand sacerdot scharpet sia vestimainta, dschand: El ha blastemâ; che avain nus plü bsögn da perdüttas; mera, uoss' avais vus udi sia blastemma.

66. Che s' impara a vus? E *quels*, respondand, dschettan: El ais culpant da mort.

67. Lura * al spüdettan els in vista, e 'l dettan masladas; ed oters al dettan bastunadas,

* Es. 50, 6.

68. Dschand: O Criste, ingiavina 'ns, chi t' ha battü?

69. Ma Petro sezzaiva our dadour nella cuort; ed üna fantschella s' approssmet via pro el, dschand: Eir tü eirast con Gesu, il Galileer.

* Marc. 14, 66.

70. Ma el il snejet avant tuots, dschand: Eu non sâ quai cha tü dist.

71. E, eur el füt it our avant la cuort, il vezzet ün' otra, e disch a *quels* ch' *eiran* qua: Eir quaiست eira con Gesu, il Nazareer.

72. Ma el danöv il snejet con güramaint, dschand: Eu non cognosch quel crastian.

73. E pac davo, *quels* ch' eiran pre-saints, siand approssmats, dschettan a Petro: Vairamaing eir tü est da *quels*; perche tia favella 't fâ manifest.

74. Lura comanzet el as smaledir, ed a gürar, dschand: Eu non cognosch quel crastian. Ed in quel istant chantet il gial.

75. Lura Petro 's regordet del pled da Gesu, ch' el l' avaiva dit: Ant cha 'l gial chanta, vainst tû am snejar trais voutas. Ed el get oura, e cridet sosamaing.

CHAP. XXVII.

Cristo vain surdat a Pilato, e Giuda 's penda; Barabba vain largiâ; Cristo corunâ con spinas, condannâ, e crucifichâ; renda sù il spiert, e vain sepuli.

LURA, * siand gnüda la mattina, tuots ils principals sacerdots, e 'ls seniurs del pövel, fettan cossagl contra Gesu, per il far morir.

* Marc. 15, 1.

2. E, l' aviand liâ, il manettan els, e 'l dettan in man da Ponzio Pilato, governatur.

3. Lura Giuda, chi l' avaiva tradi, veziant, ch' el eira condannâ, s' inrüglet, e turnantet ils trenta *sicals* d' argent als principals sacerdots, ed als seniurs.

4. Dschand: Eu ha pechâ, tradind sang innozaint. Ma quels dschettan: Che vâ quai pro a nus? T' impaisa tû.

5. Ed el, aviand büttâ 'ls *sicals* d' argent nel taimpel, as retret, e get davent, e * 's stranglet.

* Act. 1, 18.

6. E 'ls principals sacerdots pigletan quels danêrs, e dschettan: Que non ais licit da 'ls metter nel tesor del taimpel; perche chi sun pretsch da sang.

7. Ed, aviand fat cossagl, compretan els con quels il champ del vaschlêr, per lû da sepultüra als eisters.

8. Per quai ais quel champ, infin al di d' hoz, stat clamâ: * Champ da sang.

* Act. 1, 19.

9. Lura 's complit quai chi füt dit dal profet Geremia, dschand: * Ed eu piglet ils trenta *sicals* d' argent, il pretsch da quel ch' ais stat pretschâ, il qual els han pretschâ intanter ils infants d' Israel.

* Zach. 11, 12.

10. E 'ls det per *comprar* il champ del vaschlêr, seguond cha 'l Segner m' avaiva ordinâ.

11. Ma Gesu comparit avant il governatur; e 'l governatur il domandet, dschand: Est tû 'l rai dels Gideus? E Gesu al dschet: * Tû 'l dist.

* Gioan. 18, 37.

12. E siand el achüsâ dals principals

sacerdots, e dals seniurs, non respondet el inguotta.

13. Lura Pilato al disch: Non odast tû quantas chosas els testifiehan contra tai?

14. Ma el non al respondet sün inguotta; tal cha 'l governatur as smüravgliaiva grandamaing.

15. * Ma 'l governatur solaiva ogni feista liberar ün preschunêr alla quantità, qual ella volaiva.

* Marc. 15, 6.

16. E lura avaivan els ün preschunêr signalâ, dit Barabba.

17. Siand quels dimena raspats, disch Pilato ad els: Qual volais ch' eu 's libra, Barabba, ovvero Gesu, dit Cristo?

18. Perche el savaiva, ch' els l' avaivan dat in man per inviglia.

19. (Ma sezzand el sül tribunal, al tramettet sia mugler a dir: Non avoir da far inguotta con quel güst; perche eu ha hoz bler indürâ per el nel sön.)

20. Ma 'ls principals sacerdots, e 'ls seniurs, persvadettan il pövel, chi giavüschessan Barabba, e chi fessan morir Gesu.

21. E 'l governatur, replichand, disch ad els: Qual dad els duos volais ch' eu as libra? E * quels dschettan, Barabba.

* Act. 3, 14.

22. Pilato disch ad els: Che dess eu dimena far con Gesu, dit Cristo? Tuots al dischan: Ch' el vegna crucifichâ.

23. E 'l governatur disch: Che mal ha el impero fat? E quels plü vi' e plü bragivan, dschand: Ch' el vegna crucifichâ.

24. E Pilato, veziant ch' el non profittai v' inguotta, anzi chi 's moventaiva sù ün tumult, piglet aua, e 's lavet ils mans nel conspet della quantità, dschand: Eu sun innozaint del sang da quai güst; s' impissai vus.

25. E tuot il pövel, respondand, disch: *Saja* seis sang sur nus, e sur noss infants.

26. Lura liberet el ad els Barabba; e dopo avoir giasliâ Gesu, il det el in man *ad els*, acio ch' el gniss crucifichâ.

* Marc. 15, 15.

27. Lura ils sudats del governatur, aviand trat Gesu nel palazzi della

raschun, respettan els intuorn el tuot la compagnia.

28. El l'aviand trat oura, il mettettan els intuorn üna rassa da scharlatta.

29. Ed, aviand tessü üna coruna da spinas, la mettettan els süin seis cheu; ed üna channa nel man dret; e s'aviand insnugliats avant el, faivan els beffa d'el, dschand: Sajast saltüdâ, o rai dels Güdeus!

30. Lura, l'aviand spüdâ adöss piglettan els la channa, e l'battaivan il cheu.

*Es. 50, 6.

31. E dopo fat giamgias d'el, al trettan els oura quella rassa, e l'trettan darcheu aint sia vestimainta; lura il manettan els a crucifichar.

32. Ma giand oura, chattettan els ün Cirener, clamâ per nom Simon, il qual els sforzettan a portar la crusch da Gesu.

*Marc. 15, 21.

33. E siand gnüts al lö dit Gologata, chi vout dir il lö del cranio:

34. Schi 'l dettan els da baiver aschait masdâ con feil; ma el, l'aviand insagiâ, non volet baiver.

*Ps. 69, 22.

35. Lura, l'aviand crucifichâ, *partittan els sia vestimainta, trand la sort; acio chi füss compli quai chi füt dit dal profet: † Els han partì tanter els mia vestimainta, ed han trat la sort sur mia rassa. *Marc. 15, 24. †Ps. 22, 19.

36. E s'aviand miss a zer, il perchüraivan els qua.

37. Al mettettan eir sü sur il cheu il malefizi, chi'l eira appost, serit *in quai-sta maniera*: QUAIST AIS GESU, IL RAI DELS GÜDEUS. *Gioan. 19, 19.

38. Lura füttan crucifichats con el duos morders, l'ün da vart dretta, e l'oter da sneistra.

39. E quels chi passaivan spera *via*, l'ingüriaivan, *squassand il cheu,

*Ps. 22, 8.

40. E dschand: Tü chi disfast il taimpel, ed in trais dis *il* reedifichast, salva tai sves; scha tü est figl da Dieu, ve giò dalla crusch.

41. Sumgiantamaing eir ils principals sacerdotes, cols scrivants, e 'ls seniurs e Fariseers, fand beffa, dschavian:

42. El ha salvâ 'ls oters, e non po salvar sa stess; sch'el ais il rai d'

Israel, ch'el uossa vegna giò dalla crusch, schi volain nus crair in el.

43. *El s'ha confidâ in Dieu, ch'el uoss' il libera, scha pür al plascha; perche el ha dit: Eu sun figl da Dieu.

*Ps. 22, 9.

44. L'istess eir l'imbüttaivan ils morders, ch'eiran crucifichats con el.

*Luc. 23, 39.

45. Ma dalla sesavl'ura dvantet schürdüm sur tuot la terra, infin alla novavla.

46. Ed intuorn la novavla bragit Gesu ad ota vusch, *dschand: Eli, Eli, lama sabactani? Cioè, meis Dieu, meis Dieu, perche m'hast bandunâ?

*Ps. 22, 2.

47. Ed alchüns da quels chi eiran là presaints, aviand udì *quai*, dschavian: Quaiست clama Elia.

48. Ed in quel istant ün dad els currit, e piglet üna spunga, e l'implit con aschait; e, l'aviand missa vi d'üna channa, *al det el da baiver.

*Marc. 15, 36.

49. E 'ls oters dschavian: Lascha, guardain scha Elia vain a l'salvar.

50. E Gesu, aviand danöv bragi ad ota vusch, rendet sü il spiert.

51. E mera, la cortina del taimpel as fendet in duos parts, da stüsom fin al fuond; e la terra tremblet, e las peidras as fendettan.

52. E 'ls monumaints füttan averts, e blers corps dels sanets, chi dormivan, resüstettan.

53. E quels, essendo its our dals monumaints, dopo la resüstanza da Gesu, intrettan nella sancta città, ed apparettan a blers.

54. Ma l'chapitani, e quels chi *eiran* con el, perchürand Gesu, aviand vis il terratrembel, e las chosas dvantadas, tmettan els grandamaing, dschand: *Vairamaing quaiست eira figl da Dieu.

*Marc. 15, 39.

55. Ma qua eiran bleras donans, guardand pro dalönsch, las qualas avaiavan seguitâ Gesu our da Galilea, il servind.

56. Tanter las qualas eira Maria Magdalena, e Maria, mamma da Giacobbo, e da Giose; e la mamma dels figls da Zebedeo.

57. Lura stün la saira gnit ün hom

rich d' Arimatea, *clamâ* per nom Giosef, il qual eira stat eir el seolar da Gesu.

* Gioan. 19, 38.

58. Quaist gnit pro Pilato e giavüschet il corp da Gesu. Lura Pilato comandet, cha 'l corp *al* gniss dat.

59. E Giosef aviand tut il corp, il plajet in ün linzöl net;

60. E 'l tschantet in seis monumaint nouv, il qual el avaiva fat tagliar nel spelm; ed, aviand rudlâ üna granda peidra via sün l' üsch del monumaint, get el davent.

* Es. 53, 9.

61. Ma Maria Magdalena, e l' otra Maria, eiran qua, sezzand in vista della sepultüra.

62. E 'l di sequaint, chi eira il *di* davo la preparaziun, ils principals sacerdots, e 'ls Fariseers, s' respettan pro Pilato,

63. Dschand: Segner, ans vain in imaint, cha quel surmanadur, intant ch' el vivaiv' amo, dschet: Eu vegn a resüstar infra trais dis.

64. Ordaina dimena, cha la sepultüra saja sgüramaing perchürada, fin al terz di; cha forse seis scolars non vegnan da not, e l' invoulan, e dian al pövel: El ais resüstâ dals morts; dinuonder l' ultim ingian saja pêr del prüm.

65. Ma Pilato disch ad els: Vus avais la guardia; it, *la* sgürai sco vus savais.

66. Quels dimena, siand its, sgürettan la sepultüra, sagelland la peidra, ultra la guardia.

CHAP. XXVIII.

L' angel vain giò da tschel; e Cristo, siand resüstâ, appara allas donans, lura eir als scolars, e 'ls trametta our a predgiar, e baptizar.

MA, fini il sabbat, cur il prüm *di* dell' eivna comanzaiv' a selarir, * Maria Magdalena, e l' otra Maria, gnittan a vair la sepultüra. * Marc. 16, 1.

2. E mera, e fet ün grand terratrembel; perche ün angel del Segner, siand gnü giò da tschel, gnit, e rodlet la peidra davent dal üsch *della sepultüra*, e 's mettet a zer sün quella.

3. E seis aspet eira sco ün lütschaid, e seis vestimaint *eira* alb sco naiv.

4. E per temma da quel, tremblai-van las guardias, e dvantettan sco mortas.

5. Ma l' angel respondet allas donans, e dschet ad ellas: Vus non tmarai; perche eu sà, cha vus tscherchais Gesu, il qual ais stat crucifichâ.

6. El non ais qui; perche l' ais resüstâ, † sco l' avaiva dit: Gnì, guardai il lö, ingio 'l Segner giaschaiva.

* Matt. 12, 40.

7. Ed it bain bod, e dit a seis scolars, ch' el ais resüstâ dals morts; e mera, * el vâ avant a vus in Galilea; qua gnis al vair; mera, eu s' ha dit.

* Matt. 26, 32.

8. Quellas dimena gettan dalunga our dal monumaint, con spavent ed allegrezza granda; e curritan a referir *il fat* als scolars da quel.

9. E mera, Gesu gnit incunter ad ellas, dschand: Sajat salüdades! E quellas, siand approsmadas via, al toccettan seis peis, e l' adurettan.

* Marc. 16, 9.

10. Lura disch Gesu ad ellas: Non tmarai, it, referi a meis frars, ch' els gïajan in Galilea, e cha qua vegnan am vair.

11. Ed intant ch' ellas giaivan, mera, alchüns della guardia gnittan nel la città, e referittan als principals sacerdots tuot las chosas ch' eiran dvantadas.

12. E quels, s' aviand raspats cols seniurs, fettan cossagl da dar üna buna somma da danêrs als sudats,

13. Dschand: Dit: Seis scolars sun gnüts da not, e l' han involâ, intant nus dormivan.

14. E, scha pür quaist vain avant las uraglias del governatur, schi 'l volain nus pajar con pleds, ed a vus ostar da dan.

15. E quels, aviand tut ils danêrs, fettan sco els eiran amussats; e quel dit ais stat rasâ oura tanter ils Gudeus, infin al di d' hoz.

16. Ma 'ls ündesch scolars gettan in Galilea, sül munt * ingio Gesu a-vaiv' ad els ordinâ.

* Matt. 26, 32.

17. E, l' aviand vis, l' adurettan els; impero alchüns dubitettan.

18. E Gesu, siand approsmâ via, favlet ad els dschand: * Ogni pussanza m' ais datta in tschel ad in terra.

* Gioan. 3, 35.

19. It dimena, ed amussai tuots ils pövels, ils battizand nel nom del bap e del figl e del Spiert Sanct;

20. Ils amussand d' observar tuot las chosas, ch' eu s' ha comandâ. Mamera, eu sun con vus in ogni temp, infin alla fin del muond. Amen.

Fin del evangeli da S. Matteo.

IL SANCT EVANGELI DA NOS SEGNER GESU CRISTO

SEGUOND

S. MARCO.

CHAP. I.

Gioanne, battizand e predgiand dà perdüta da Cristo e 'l battaja; Cristo vain tentâ, predgia e guarescha amalats.

IL principi del evangeli da Gesu Cristo, figl da Dieu.

2. Seguond chi 'l ais scrit nels profets: * Mera, eu tramet meis angel avant tia fatscha, il qual vain a drizzar tia via avant tai. * Mal. 3, 1.

3. * *Quais* üna vusch d'ün chi bragia nel desert: Chiönschai la via del Segner, fat sias seindas planas.

* Es. 40, 3.

4. Gioanne battizaiva nel desert e predgiaiv' il battaisem della penitenza, in remissium dels puchats.

* Matt. 3, 1.

5. E tuot il pajais della Giudea e quels da Gerusalem giaivan oura pro el e gnivan tuots battizats dad el nel flüm Giordan, confessand lur puchats.

6. Ma Gioanne eira vesti con pail da chamêl, ed *avaiv'* üna tschinta da chüram intuorn ils flancs, e mangiava salips, e meil solvadi;

7. E predgiaiva, dschand: * Davo mai vain quel ch' ais plü ferm co eu, del qual eu non sun degn, m'inclinand, da slargiar la curaja dellas scharpas.

* Luc. 3, 16.

8. * Eu s' ha battizats con aua, ma quel s' batterà col Spiert Sanct.

* Act. 1, 5.

9. E dvantet in quels dis, cha Gesu gnit da Nazaret da Galilea, e füt battizâ da Gioanne, nel Giordan.

* Matt. 3, 13.

10. E subit, cur el gnit sü our dall' aua, vezzet el as fender ils

tschels, e 'l Spiert gnir giò sur quel, in sumgenscha da colomba.

11. E gnit üna vusch da tsel, dschand: * Tü est il meis char figl, nel qual eu ha meis complaschair.

* Es. 42, 1.

12. E bod davo il chatschet il Spiert nel desert.

* Matt. 4, 1.

13. E füt qua nel desert quaranta dis, tentâ da satan, e staiva con las bestias solvadgias, e 'ls angels al servivan.

14. Ma, dopo cha Gioanne füt miss in preschun, gnit Gesu in Galilea, predgiand l' evangeli del reginam da Dieu,

15. E dschand: Il temp ais compli, * e 'l reginam da Dieu ais ardaint; s' meldrai, e crajai al evangeli.

* Matt. 3, 2.

16. * Ma, spassiand el giò sper il mâr della Galilea, vezzet el Simon ed Andrea, frar da quel, chi büttaivan lur rait nel mâr; perche els eiran peşchadurs.

* Matt. 4, 18.

17. E Gesu disch ad els: Gni davo mai, ed eu s' vögl far esser peşchadurs da gliend.

18. E quels, aviand dalunga bandunâ lur raits, al seguittettan.

19. Lura, passand ün pa plünavant da là, vezzet el Giacobbo da Zebedeo, e Gioanne, seis frar, ils quals chiönschaiavan lur raits nella nav.

20. E subit ils clamet el, e quels aviand bandunâ Zebedeo, lur bap, nella nav, cols lavuraints, schi gëttan els davo el.

21. Ed intrettan in Capernaum e subit, in di del sabbat, intret el nel la sinagoga, e mussaiva.

* Matt. 4, 13.

22. E *la gliend* as stupiva da sia doctrina; perche el ils mussaiva seo aviand autorità, e bricha seo 'ls scrivants.

23. Ma, in lur sinagoga eira ün cristian possedü d'ün spiert malnet, il qual faiva ün bragizzi. * Luc. 4, 33.

24. Dschand: Ah! * che *ais qua* tanter tai e nus, o Gesu Nazarener? Est tü gnü per ans trametter in perdziun? Eu sa chi tü est, il sanet da Dieu?

* Matt. 8, 29.

25. Ma Gesu il slamet, dschand: T' immütescha, e vâ our dad el.

26. E 'l spiert malnet, l'aviand *şcharpâ*, e bragind con granda vusch, get our dad el.

27. E tuots s' insnuittan, tal chi domandaivan tanter els: Che chosa ais quaista? quala ais quaista nouva doctrina? perche ch' el con autorità comanda eir als spierts malnets e quels l' obedeschan.

28. E sia fama get subit tras tuot la contrada circonvicina della Galilea.

29. E bod davo, siand its our dalla sinagoga, gnittan els, con Giacobbo e Gioanne, in chasa da Simon e d'Andrea.

* Matt. 8, 14.

30. Ma la sôra da Simon giaschaiv' in let, con la feivra; e quels subit favlettan ad el.

31. Ed el, siand approsimâ via, la piglet per il man, e l' alvantet; e subit la bandunet la feivra, ed ella serviva ad els.

32. Lura, siand gnü saira, cur il solai giaiva gio, il manettan els tuots quels, chi staivan mal, e 'ls indemoniats.

* Matt. 8, 16.

33. E tuot la città eira raspada avant üsch.

34. Ed el guarit blers chi staivan mal da diversas malatias, chatschet oura blers demunis; e * non permettaivâ als demunis da favlar; perche els savaivan chi el eira.

* Luc. 4, 41.

35. Lura la mattina, essendo amo fich not, stet sü Gesu, e get in ün lö desert, e qua oraiv' el.

36. E Simon, e 'ls *oters* chi *eiran* con el, al gettan davo.

37. E, l'aviand chattâ, al dischan: Tuots at tstcherchan.

38. Ed el disch ad els: Giain aint nels vihs vicins, acio ch' eu predgia eir là; perche per quai sun cu it oura.

39. Ed el giaiva predgiand in lur sinagogas, per tuot la Galilea, e chatschand our ils demunis.

40. Ed ün levrus gnit pro el, il rovand, e s' insnugliand avant el, e 'l dschand: Scha tü voust, schi 'm poust tü nettiar.

* Matt. 8, 2.

41. E, Gesu, siand moventâ pro compassiun, stendet our il man e 'l tocet, e 'l disch: Schi, eu il vögl; sajast net.

42. E, cur el avet dit *quai*st, subit la levrusia 's partit dad el, e füt nettîa.

43. E *Gesu*, l'aviand severamaing scomandâ, il tramettet el dalunga davent.

44. E 'l disch: Guarda, cha tü non il diast ad alchün; anzi vâ, 't muossa al sacerdot, ed offerra per tia purificaziun las chosas, * cha Mose ha ordinâ, in testimonianza ad els.

* Lev. 14, 4.

45. Ma el, essendo it oura, comanzet el a predgiar, ed a râsar oura grandamaing la chosa, tal cha *Gesu* non podaiva plü palaisamaing intrar nella città; anzi staiv' el our dadoura in lous deserts, e d' ogni lö s' gniva pro el.

* Luc. 5, 15.

CHAP. II.

Ün schirâ vain guari in Capernaum; Matteo vain clamâ da Gesu, il qual *şchûsa* ils seis circa il gegüni, e 'l di del sabbat.

Ed *ünsaquants* dis davo get el danöv in Capernaum; e s' incleget ch' el eira in chasa.

* Matt. 9, 1.

2. E subit as rasset grand number da pövel, tal, cha nianch' ils confurns della porta non ils podaivan plü tgnair aint; ed el annunziaiva ad els il pled.

3. Lura vegnan pro el *alchiins*, chi manaivan ün schirâ, portâ da quatter.

4. E non podiand s' approsmar via pro el, per la quantità, scuvernettan els il tet della *chasa*, ingio *Gesu* eira; e, l'aviand forâ tras, laschettan els gio il letet, sün il qual giaschaiv' il schirâ.

5. E Gesu, aviand vis lur cretta, disch al schirâ: Figl, tei seis puchats a sun perdunats.

6. Ma alehtüns intanter ils scrivants sezzaivan qua, e raschunaivan in lur cours, *dschand*:

7. Perche pronunzia quai blastemas in quaiста maniera? * Chi po perdunar ils puchats, oter co ün sulet, Dieu?

* Es. 43, 25.

8. E Gesu, aviand subit cognoschü tras seis spiert, chi raschunaivan usche in sai stess, disch ad els: Perche raschunais vus quaiстаs chosas in voss cours?

9. Qual ais plü chiönsch, dir al schirà: Teis puchats at sun perdunats; ovvero dir: Leiva sü, e piglia teis letet, e chamina?

10. Ma, acio cha vus sapechat, cha 'l figl del crastian ha pussanza da perdunar ils puchats in terra;

11. Schi 't di eu (disch el al schirà): Leiva sü, e piglia teis letet, e và a chasa tia.

12. Ed el dalunga alvet sü; e, s' aviand chargià adöss seis letet, get el our in presenza da tuots, tal cha tuots as stupivan, e glorifichaivan Deis, *dschand*: Ma brich non avain nus vis tal chosa.

13. Lura davo get *Gesu* darcheu oura sper il mâr; e tuot la quantitâ gniva pro el, ed el als mossaiua.

* Matt. 9, 9.

14. E passand, vezett el Levi, il *figl* d' Alfeo, chi sezzaiva al banc della gabella. Ed el al dschet: Seguitescha 'm. Ed el, siand alvâ sü, al seguitet.

15. E dvantet, tant cha Gesu eira a maisa in chasa da quel, blers publicans e pechadurs eiran eir quels a maisa con el e con seis scolars; perche els eiran blers, e l' avaiavan seguitâ.

16. E 'ls scrivants e 'ls Fariseers, l' aviand vis mangiar cols publicans e 'ls pechadurs, dschaivan a seis scolars: Che voul dir, ch' el mangia e baiva cols publicans e cols pechadurs?

17. E Gesu, aviand udi *quai*, disch ad els: Ils sans non han bsögn, da meidi, ma 'ls amalats; eu non sun gnü per clamar ils güsts, anzi 'ls pechadurs a penitenza.

* Matt. 9, 13. 1 Tim. 1, 15.

18. Ma 'ls scolars da Gioanne, e quels dels Fariseers, gegünaivan. E *quels* gnittan pro Gesu, e 'l dischan: Perche gegünan ils scolars da Gioanne, e quels dels Fariseers; e teis scolars non gegünan?

19. E Gesu disch ad els: Quels della chambrà della nozzas, pon els gegünar, intant cha 'l spus ais con els? Quant löng chi han con els il spus non pon els gegünar.

20. Ma 'ls dis vegnan a gnir, cha 'l spus sarà ad els tut, e lura in quels dis vegnan els a gegünar.

21. Ingün eir non cusa üna pezza da pan grob sün ün vestimaint vegl; nschigliö quai nouv chi ais miss per suprir, piglia via dal vegl, e 'l şcharp vain pür pèr.

22. Medemamaing, ingün non metta vin nuvel in barigls veglias; uschigliö 'l vin nuvel rumpa las barigls, e 'l vin as spanda, e las barigls van a perder; anzi 's stova metter il vin nuvel in barigls novas.

23. E dvantet in ün di da sabbat, ch' el chaminaiva tras ils semnats, e seis scolars comanzettan a trar oura spias, chaminand.

* Matt. 12, 1.

24. E 'ls Fariseers al dischan: Guarda, perche fan els quai chi non ais licit in di da sabbat?

25. Ed el disch ad els: Non avais vus mâ let * quai chi fet David, eir l' avet bsögn, ed avet fam el, e quels *ch' eiran* con el?

* 1 Sam. 21, 6.

26. Co el intret nella chasa da Dieu, suot il grand sacerdot Abiatar, e manget ils pans della presentaziun, * ils quals non ais licit da mangiar, oter co als sacerdots, e det eir a quels *ch' eiran* con el?

* Lev. 24, 9.

27. Lura disch el ad els: Il sabbat ais fat per il crastian, e bricha il crastian per il sabbat.

28. Contuot il figl del crastian ais Segner eir del sabbat.

CHAP. III.

Cristo guarescha ün man sech; e tramett' oura ils apostels a predgiar; davart la blastemma conter il Spiert S. e dals paraints da Cristo.

LURA intret el darcheu nella sinagoga, qua eira ün crastian, ch' avaiu' il man sech.

* Luc. 6, 6.

2. E quels observaivan sch' el gnis a'l guarir in di del sabbat, acio chi l' achüssessan.

3. Ed el disch al crastian, ch' avaiu' il man sech: Stà sü là in mez.

4. Lura disch el ad els: Aise licit da far bain o mal; da salvar üna persuna, o da la mazzar in di del sabbat? Ma els taschaivan.

5. Lura, ils aviand guardats intuorn con indignaziun, siand conturbà per la dütrezza da lur cour, disch el a quel crastian: Stend' oura teis man. Ed el il stendet oura. E seis man füt restitui san sco l' oter.

6. E 'ls Fariseers, siand its our, fetan subit cossagl cols * Erodianers, conter el, co il fessan morir.

* Matt. 22, 16.

7. Ma Gesu, con seis scolars, as retret al mâr, e granda quantità al seguitet da Galilea, e da Giudea,

8. E da Gerusalem e da Idumea e da là del Giordan; medemmamaing üna granda quantità dels contuorns da Tiro e da Sidon, aviand udi las grandas chosas ch' el faiva, gnittan pro el.

9. Ed el disch a seis scolars, cha dovess saimper esser üna navetta perderta, causa la quantità; ch' ella forsà non il chalchessan.

10. Perche l' avaiua guari biers; tal cha tuots quels, chi avaiavan qualcha flagell, as chatschaivan via pro el, per il toccar.

11. E 'ls spierts malnets, cur il vezzaivan, as büttaivan giò avant el, e bragivan, dschand: Tü est il figl da Dieu.

12. *Ma el als imnatschaiva fich, acio chi non il manifestessan. * Marc. 1, 25.

13. * Lura get el süin il munt, e clamet pro el quels, ch' el volet; e quels gettan via pro el. * Matt. 10, 1.

14. Ed el ordinet dudiesch, per esser con el, e per ils trametter a predgiar.

15. E per avair la pussanza da guarir las malatias e da chatschar oura ils demunis;

16. Il prüm füt Simon, * al qual el eir mettet nom Petro; * Gioan. 1, 42.

17. Lura Giacomo, figl da Zebedeo; e Gioanne, frar da Giacomo, als quals el mettet nom Boanerges, chi vuol dir: Figls del tun;

18. Ed Andrea, e Filippo, e Bartolomeo, e Matteo, e Toma, e Giacomo, figl d' Alfeo; e Taddeo e Simon Cananeo.

19. E Giuda Iscariot, il qual eir il tradit.

20. Lura gnittan els in chasa. Ed üna quantità 's raspet danöv, tal chi non podaivan eir bricha tour spaisa.

21. Ma 'ls seis, aviand udi *quaistas chosas*, gettan oura per il tour; perche els dschaivan: El ais our da sai s vess.

22. Ma 'ls scrivants, ch' eiran gnüts giò da Gerusalem, dschaivan: * El ha Beelzebub, e tras il princip dels demunis chatsch' el our' ils demunis.

* Matt. 9, 34.

23. Ma el, ils aviand clamats pro el, disch ad els tras sumaglias: Co po satana chatschar our satana?

24. E sch' ün reginam ais parti in parts contrarias, schi non po 'l dürar.

25. E sch' üna chasa ais partida in parts contrarias, schi non po ella dürar.

26. Usche, seha satana leiva sü contra sai stess, ed ais parti in parts contrarias, schi non po 'l dürar, anzi vain al main.

27. *Ingün non po intrar nella chasa d' ün pussant hom, e 'l sdrappar sia mobilia, sch' el il prüm non l' ha lià; lura vain el vairamaing al spogliar la chasa. * Matt. 12, 29.

28. Eu * 's di in vardà, cha als figls della ghieud sarà perdunà qualunque pucha, e qualunque blastemma, cha averan dit. * Luc. 12, 10.

29. Ma chi averà blastemmâ contra il Spiert S. mâ in eterno bricha non averà remissiun; anzi sarà sottapost al etern güdizi.

30. *Ma el dschaiva quaist*, perche ch' els dschaivan: El ha il spiert malnet.

31. *Seis frars dimena, e sia mamma, gnittan; e, siand fermats our dadoura, tramettettan els al clamar. * Luc. 8, 19.

32. Ma la quantità sezzaiv' intuorn el, e 'l dischan: Mera tia mamma e teis frars *sun* là our dadoura, e 't tscherchan.

33. Ma el respondet ad els, dschand: Chi ais mia mamma, o *chi sun* meis frars?

34. Ed, aviand guardâ nel circuit quels chi 'l sezzaivan intuorn, disch el: Mera, mia mamma, e meis frars!

35. Perche scodün, chi averà fat la voluntà da Dieu, quel ais meis frar, e mia sour e *mia* mamma.

CHAP. IV.

Cristo propona la sumaglia del semnader, della glüm, del sem büttâ in terra e del gran da sinavel; lura, siand in mâr, acquiet' el la mal-ora.

LURA * comanzet el darcheu a mossa sar sper' il mâr; ed üna granda quantità's raspet pro el, dasort, ch' el, siand muntâ nella navetta, sezzaiva *in quella* nel mâr; e tuot la quantità eira in terras per' il mâr.* Matt.13,1.Luc.8,4.

2. Ed el mossaiv' ad els bleras chosass tras sumaglias, e dschav' ad els in sia doctrina.

3. Udi: Mera, ün semnader get our a semnar.

4. E dvantet cha, intant ch' el semnaiva, crodet üna part giò davo la via, e 'ls utschels del tschel gnittan, e la maglettan.

5. Ed ün' otra crodet in lous crappus, ingio ella non avaiava blera terra; e creschet subit, siand ch' ella non avaiava terrain chafuol.

6. Ma, cur il solai füt alvâ, schi füt' la arstantada; e, siand ch' ella non avaiava ragisch, sechet' la.

7. Ed ün otra crodet tanter las spinas, e las spinas creschettan, e la stenschantettan, e non fet früt.

8. Ed ün' otra crodet in buna terra, e portet früt, il qual gnit sü, e creschet, e portet, l' ün trenta, l' oter sessanta, e l' oter tschient.

9. Lura disch el: Chi ha uraglias d' udir, oda.

10. Ma, cur el füt dvart, schi 'l domandettan quels chi 'l seguittaivan cols dudesch davart la sumaglia.

11. Ed el disch ad els: A vus ais dat da cognoscher il misteri del reginam da Dieu; ma a quels chi sun our dadoura 's proponan tuot quaistas chosass tras sumaglias;

12. * Acio ch' els guardan bain, ma non vezzan; ed odan bain, ma non inlegian; ch' els forse non as converteschan, e 'ls puchats non als vegnan perdunats.

* Es. 6, 9. Matt. 13, 14. Rom. 11, 8.

13. Lura disch el ad els: Non inlegiais vus quaista sumaglia? Schi cognis ad ineler tuot las otras sumaglias?

14. Il semnader *ais quel chi semna* il pled.

15. Ma quaistssunquels, chiardschavian il sem giò davo la strada; cioè, quels nels quals il pled ais semnâ: e, dopo chi l' han udi, subit vain sathanas, e piglia via il pled semnâ in lur cours.

16. E semgiantamaing quaists sunquels chi ardschavian il sem in lous crappus, cioè, quels ils quals, cur els han udi il pled, bain bod l' ardschavian con allegrezza;

17. Ma non han in sai ragisch, anzi sun solum a temp, e lura, scontrand tribulaziun, o persecuziun, per il pled, sun els subit schandelizats.

18. E quaists sunquels chi ardschavian il sem tanter las spinas, cioè, quels chi odan il pled;

19. Ma 'ls pissêrs da quaist muond, e * l' ingian dellas otras chosass, siand intrattas, stenschaintan il pled, dinuonder el dvainta non früttaivel.

* 1 Tim. 6, 17.

20. Ma quaists sunquels chi han ardschvü il sem in buna terra; cioè; quels ils quals odan il pled, e l' ardschavian, e portan früt, l' ün trenta, e l' oter sessanta, e l' oter tschient.

21. El disch eir ad els: * Vain laglüm portada, acio ch' ella 's metta suot il möz, o suot il let? Non vain ella portada, acio ch' ella saja missa stül chandellêr.

* Matt. 5, 15.

22. Perche * ch' inguotta non ais zoppâ, chi non vegna manifestâ; ed eir inguotta non ais restâ zoppâ *per il passâ*; ma ha stovü gnir palesâ.

* Matt. 10, 26.

23. Sch' alehtün ha uraglias d' udir, oda.

24. El disch eir ad els: Pigliai a sen quai cha vus udis: * Con quala mastüra vus mastürais, as sarâ mastürâ; ed a vus chi udis vain a gnir miss via pro;

* Luc. 6, 38.

25. Perche a scodün chi ha, sarâ dat; ma chi non ha, eir quai ch' el ha, al sarâ tut.

26. Ultra quai disch el: Il reginam

da Dieu ais, sco sch' ün crastian avess büttâ il sem in terra.

27. E dormiss, ed alvess sü da di e da not: Ed *intant* il sem dschermü-gless e creschess in maniera, ch' el non sà co.

28. Perche cha la terra da sai stess prodüa il prüm erba, lura spia, lura gran compli nella spia.

29. E cur il früt ais madür, schi metta quel subit la fotsch lander via, perche 'l temp da tschuncar ais gnü.

30. El dschaiva eir: * A chi volain nus far sumgiant il reginam da Dieu? O con quala sumaglia il volain nus representar?

* Matt. 13, 31.

31. *El ais* simil ad ün gran da sinavel, il qual, cur l' ais semnâ in terra, ais el plü pitschen co tuot ils sems, chi *sun* sur la terra.

32. Ma, dopo ch' el ais semnâ, cresch' el sü e vain plü grand co tuot las ravitschas, e fâ rams grands; tal cha 'ls utschels del tsel pon far gniesus sot sia sumbriva.

33. E tras bleras talas sumaglias proponiv' el ad els il pled, seguond chi podaivan udir.

34. E non favlaiv' ad els sainza sumaglia, ma d' üna vart, declaraiv' el ogni chos' a seis scolars.

35. Ma in quel istess di, siand gnü saira, disch el ad els: Passain via in l' otra riva.

* Matt. 8, 18, 23.

36. E 'ls scolars, aviad licenziâ la quantitâ, il pigliettan, usche sco l'eira, nella navetta. Ma qua eiran eir otras navettas con el.

37. Ed ün grand trabagl d'ora alvet sü, e chatschaiva las uondas aint nella navetta, dasort cha quella agiâ s' impliva.

38. Ma el eira nella part davo, dormind sü in plü matsch. E quels il sdasdettan sü, e 'l dischan: Maister, non t' inchürast tü cha nus perin?

39. Ed el, siand sdasdâ, slamet al vent, e disch al mâr: Tascha, e stâ quiet. E 'l vent s' acquietet, e 's fet granda tranquillità.

40. Lura disch el ad els: Perche eschat vus usche tmuoss? Co non avais vus cretta?

41. E quels tmettan con granda temma, e dschaivan l'ün al oter: Chi ais

pür quaist, cha 'l vent e 'l mâr l' obedeschan?

CHAP. V.

Il diavel cognoscha Cristo; ils demunis intran nels porchs; Cristo fâ resüstar la figlia da Jairo.

E * rivettan all' otra riva del mâr, nella contrada dels Gadareners.

2. E cur Gesu füt gnü our dalla navetta, al gñit subit incunter our dals monumaints ün hom possedü d' ün spiert malnet,

3. Il qual avaiva sia dmura tanter ils monumaints; ed ingün non il podaiva tgnair rantâ, eir bricha con chadainas;

4. Perche suvent eira 'l stat rantâ con tscheps, e con chadainas, e las chadainas eiran dad el stat ruottas, e 'ls tscheps sfrachats, ed ingün non il podaiva domestiar.

5. E da contin not e di, tanter monumaints, e sü per ils munts, gniv' el bragind, e 's battand con peidras.

6. Ma, cur el avet vis Gesu dalönsch, currit el, e l'aduret.

7. Ed aviad bragì ad ota vusch, dischel: Che *ais* qua tanter mai e tai, Gesu, figl del otissem Deis? Eu t' seongür tras Dieu, cha tü non am tormaintast.

8. Perche el al dschaiva: Spiert malnet, vâ our da quaist hom.

9. E Gesu il domandet: Qual ais teis nom? E quel respondet, dschand: Eu ha nom Legion; perche nus eschan blers.

10. E quel il rovaiva datschiert, ch' el non il tramettess our da quella contrada.

11. Ma quasperl munteira üna granda scossa da porchs, chi pasculaiva.

12. E tuots quels demunis il rovaivan, dschand: Trametta 'ns in quels porchs, acio cha nus intran in quels.

13. E Gesu prontamaing permettet ad els; dinuonder quels spierts malnets, siand its oura, intrettan nels porchs; e quella scossa's büttet a precipizi nel mâr, (eiran intuorn dua milli) e stenschettan nel mâr.

14. E quels, chi perchüraivan ils porchs, fügittan e referittan *il fat* nella città e per la cutüra *intuorn*; e 'l *pövel* get oura per vair quai chi eira dvantâ.

15. E gnittan pro Gesu, e vezettan l' indemuniâ chi sezzaiva, ed eira vestì;

quel, chi avaiava gnü la legion, esser in bun sen, ed els tmettan.

16. E quels, chi avaiavan vis *il fat*, requintettan ad els, co l' eira scuntrâ al indemuniâ, e l fat dels porchs.

17. E quels comanzettan a l rovar, ch' el gess davent da lur confins.

18. E, cur el füt intrat nella navetta, quel chi eira stat indemuniâ, il rovaiva, da podair star con el.

19. Ma Gesu non al permettet; anzi al disch: Vâ a chasa tia pro 'ls teis, e requinta ad els quant grandas chos-
sas il Segner t' ha fat, e co el ha gnü compassiun da tai.

20. Ed el get, e comanzet a predgiar in Decapoli, quant grandas chos-
sas Gesu l' avaiava fat. E tuots as smü-
ravgliaivan.

21. E siand Gesu darcheu passâ via all' otra riva sün la navetta, as raspet üna granda quantitâ via pro el; ed el staiva sper il mâr. *Matt. 9, 1.

22. E mera, ün dels capos della sinagoga, *clamâ* per nom Jairo, gnit; e, l' aviand vis, as büttet el giò avant seis peis. *Matt. 9, 18.

23. E l' rovaiva zuond instantamaing, dschand: Mia figletta ais al extrem; in grazia vè, e mett' ils mans sur ella, acio ch' ella vegna sana, schi vain ella a viver.

24. Ed el get con el, e granda quantitâ l' sequittaiva e l chalchaiva.

25. Ma üna duonna, ch' avaiav' ün flüss da sang, agiâ da dudiesch ans innan.

26. Ed avaiav' indürâ bleras chosas da blers meidis, ed avaiava spais tuot il sieu, sainz' alchün agüd, anzi plü bod eira peggiorada,

27. Aviand udi *farlar* da Gesu, gnit ella aint davo pro, tanter il pövel, e toccet seis vestimaint.

28. (Perche la dschaiva: Sch' eu so-
lum toc sia vestimainta, schi vegn eu sana;)

29. Ed in quel istant il flüss da seis sang tschesset; ed ella s' accorschet in seis corp, ch' ella eira guarida da quel flagell.

30. E subit Gesu, cognoschand in sai stess la virtù, chi eira procedüda dad el, s' aviand vout nel pövel, disch: Chi m' ha toc la vestimainta?

31. E seis scholars al dischan: Tü vezzast il pövel chi 't chalcha, e dist: Chi m' ha toc?

32. Ma el guardaiva pür intuorn, per vair quella chi avaiava fat quai.

33. Ma la duonna, tmand e trem-
bland, saviand quai ch' eira stat fat in ella, vain, e 's bütta giò *avant seis peis*, e l disch tuot la vardâ.

34. Ma el la disch: Figlia, tia cretta t' ha salvada; vâ in pasch, e sajast guarida da teis flagell.

35. Intant ch' el favlaiv' amo, gnit-
tan *alchüns* da chasa del capò della sinagoga, dschand: Tia figlia ais morta; perche dast plü molestia al Maister?

36. Ma subit Gesu, aviand udi quai chi 's dschaiva, disch al capo della sinagoga: Non tmair, sulamaing craja.

37. E non permettet ch' alchün al seguitess, oter co Petro, e Giacomo, e Gioanne, frar da Giacomo.

38. E gnit in chasa del capo della sinagoga, e vezzet qua ün grand stre-
pit, pövel chi cridaiva e faiva ün grand pland.

39. E siand intrat aint dadaint, disch el ad els: Perche fais *tanta* ro-
mur e *tant* bragizzi? La giuvnetta non ais morta, ma dorma.

40. E quels riaivan d' el. Ma el, aviand fat ir oura tuots, piglet con el il bap e la mamma della giuvnetta, e quels *ch' eiran* con el, ed intret là ingio la giuvnetta giaschaiva;

41. Ed, aviand tut la giuvnetta per il man, la disch el: Talita cumi; il qual, siand miss oura, vout dir: Giuvnetta, (eu t' il di) leiva sü.

42. E subit alvet sü la giuvnetta, e chaminaiva; perche l' eira d' *età* da dudiesch ans. E quels s' instupittan con grand schnuizzi.

43. Ed el comandet ad els zuond datschert, chi 's dess da mangiar alla giuvnetta.

CHAP. VI.

Cristo, predgiand in seis pajais, non ais ard-
schvü; preschun da Gioan Battista; ün grand pö-
vel vain miraculusamaing spigiantâ; eir plüs
miraculs fâ Cristo.

LURA 's partit el da là, e gnit in
sia patria, e seis scholars al seguit-
tettan.

*Matt. 13, 54.

2. E siand gnü 'l sabbat, as mettet el a mossar nella sinagoga, e blers l' undind, as stupivan, dschand: * Dinuonder ha quaist quaistas chosas? E qual *ais* quaista sapienza, chi 'l ais datta? E *dinuonder ais*, cha talas potentas operaziuns sun fattas tras seis man?

* Gio. 6, 42.

3. Non ais quaist quel maister da linam, figl da Maria, frar da Giacobbo, da Giose, da Giuda e da Simon; e non sun sias sours qui pro nus? E gnivan schandelizats in el.

4. Ma Gesu disch ad els: * Ingün profet non ais disonorâ, oter co in sia patria, e tanter seis paraints, ed in chasa sia.

* Gioan. 4, 44.

5. E * non podet qua far alchüna potente operaziun, resalv, ch'el mettet ils mans sün alchüns pacs amalats, e 'ls fet sans.

* Matt. 13, 58.

6. E 's smüragliaiva da lur incredulità, e * giaiv' intuorn per ils vihs, mossand.

* Matt. 9, 35.

7. Ed * el clamet pro sai ils dudiesch, e comanzet a 'ls trametter a duos a duos, e det ad els pussanza sur ils spierts malnets.

* Matt. 10, 1.

8. E comandet ad els, chi non piglessan inguotta per viadi, oter co solum ün bastun; bricha rassa, bricha pan, bricha monaida in *lur* tschintas.

9. E chi füssan *solum* cuzats con soulas, e non portessan duos rassas in döss.

10. Disch ad els eir: Ingio vus sarat intrats in alchüna chasa, schi dmurai in quella, fin cha vus giajat our da quel lö.

11. E * sch'alchüns nons'ardschaivan, e non as taidlan; schi's partì da là, e squassai la puolvragiò da voss peis, in testimonianza conter els. Eu 's di in vardà, cha Sodomo e Gomorra saran plü comportaivelmaing trattadas nel güdizi, co quella città.

* Luc. 10, 10.

12. Quels dimena, siand partits, predgiaivan, cha *la gheud* as melderessan.

13. E chatschaivan oura blers demunis, ed ondschaivan con öli blers amalats, e 'ls faivan sans.

14. Ma 'l * rai Erode udit *favlar da Gesu*, perche seis nom eira gnü cler, e dschaiva: Quel Gioanne, chi batti-

zaiva, ais restüstâ dals morts, e per quai las pussanzas opereschin in el.

* Matt. 14, 1.

15. Oters dschaivan: * El ais Elia; ed oters: El ais ün profet, ingual ad ün dels profets.

* Matt. 16, 14.

16. Ma Erode, aviand udi *quellas chosas*, disch: El ais quel Gioanne, ch' eu ha decapitâ, quel ais restüstâ dals morts.

17. Perche * quel Erode avaiva tramiss a prender Gioanne, e l' avaiva miss nels liams in preschun, per Erodiade, muglier da Filippo, seis frar; perche el l' avaiva spusada.

* Luc. 3, 19.

18. Perche Gioanne dschaiva ad Erode: * E non t' ais licit d' avoir la muglier da teis frar.

* Lev. 18, 16.

19. Ed Erodiade l' avaiva *mala vöglia*, e gugent l' avess ella fat morir, ma non podaiva.

20. Perche Erode tmaiva Gioanne, il cognoschand hom güst e sanet; e l' portaiva respet; e, l' aviand udi, faiv' el bleras chosas; e l' udiva gugent.

21. Ma siand gnü ün di adattâ, ch' Erode nel di da sia natività faiva ün convit a seis grands e chapitanis ed als principals della Galilea;

22. Schi intret la figlia da quella Erodiade, e ballet e plaschet ad Erode, ed a quels ch' eiran con el a maisa. E l' rai disch alla giuvnetta: Domanda 'm tuot quai cha tü voust, ed eu 't vögl dunar.

23. E la güret, *dschand*: Eu 't vögl dunar tuot quai cha tü 'm giavüschest, fin la mitâ da meis reginam.

24. E quella get our, e disch a sia mamma: Che dess eu giavüschar? Ed ella disch: La teista da Gioanne Battista.

25. E subit intret ella darcheu con prescha pro 'l rai, e 'l fet la domanda, dschand: Eu desideresch, cha tü uossa 'm dettast in ün plat la teista da Gioanne Battista.

26. E schabain cha 'l rai 's conturbet grandamaing, *pür inguotta tant main* per ils güramaints e per respet da quels, ch' eiran con el a maisa, non la volet el desdir.

27. E subit, aviand tramiss ün

sergent, comandet el, eha la teista da quel füss portada,

28. E quel get, e 'l decapitet in preschun, e portet sia teista in ün plat, e la det alla giuvna, e la giuvna la det a sia mamma.

29. E 'ls scolars da quel, aviand udi quai, gnittan e piglettan seis corp mort, e 'l mettettan in ün monumaint.

30. * Ma 'ls apostels as raspettan via pro Gesu, e 'l referittan ogni chosa, tuot quai ch' avaiavan fat e mossâ.

* Luc. 9, 10.

31. Ed el disch ad els: Gni nan vus dvert, in qualcha lö solitari, e reposai ün pä; perche cha quels chi giaivan e gnivan eiran in grand number; tal cha quels non avaiavan nianca peida da mangiar.

32. E * gettan sün la navetta in ün lö solitari, sur üna vart.

* Matt. 14, 13.

33. E la quantità ils vazzet partir, e bliers il cognoschetan, e corrittan là a pè our da tuot las cittats, e rivettan avant els, e 's raspettan via pro el.

34. E * Gesu, siand smuntâ, vazzet üna granda quantità, e 's laschet gnir compassiun d' els; perche els eiran sco bescha chi non ha pastur, e 's mettet a mossar ad els bieras chosas.

* Matt. 9, 36.

35. E * siand agià tard, vegnan seis scolars pro el, e 'l dischan: Quaist lö ais desert, ed ais agià tard.

* Matt. 14, 15.

36. Licenziescha quaist pövel, acio chi giajan per ils vihs e per las vashinadas intuorn, e 's cumpran pan; perche els non han inguotta da mangiar.

37. Ma el, respondand, disch ad els: Dat ad els vus da mangiar. E quels al dischan: Dessan nus ir a comprar per duatschient denars pan, e dar ad els da mangiar?

38. Ed el disch ad els: Quants pans avais? It, e guardai. E quels, aviand savü, dischan: tschinch, e duos peschs.

39. Ed el comandet ad els, chi 'ls fessan tuots zer stün l' erba verda, per compagnias.

40. E quels as tschaintan giò per rudês, a tschient ed a tschinquanta *per rudê*.

41. Lura piglet el ils tschinch pans, e 'ls duos peschs, ed ozet ils ügls vers

tschel, e fet la benedicziun; lura rum-pet el ils pans, e 'ls det a seis scolars, acio ch' els mettessan avant els; el partit eir ils duos peschs a tuots.

42. E tuots mangettan, e füttan sadulats.

43. E 'ls scolars alvettan via dals toes *dels pans* dudesch chanasters plains, ed eir *qualcha rimanent* dels peschs.

44. Ma quels, chi avaiavan mangiâ da quels pans, eiran tschinch milli homens.

45. E bod davo sforzet el seis scolars a muntar nella nav, ed a trar avant el via all' otra riva vers Betsaida, intant ch' el licenziaiva la quantità.

46. Lura, cur el l' avet dat cumiâ, schi get el sül munt, per orar.

47. E * siand gnü saira, eira la nav in mez il mâr, ed el *eira* in terra zuond sulet.

* Matt. 14, 23.

48. E vazzet ils scolars chi travagliavian nel navigar; perche 'l vent eira ad els contrari. Ed intuorn la quarta vigilia della not vain el pro els, chaminand sül mâr, e volaiva passar sper els via.

49. Ma quels, l' aviand vis chaminar sül mâr, pensettan chi füss ün spiert, e bragittan.

50. Perche tuots il vazzettan e füttan conturbats; ma el bain bod tschan-tschet con els, dschand: Stat con bun cour, eu sun, non tmarai.

51. E muntet aint pro els nella nav, e 'l vent as quietet; e quels plüvi' e plü 's stupittan in els istess, e 's smürav-glettan.

52. Perche els non avaiavan tut a sen il fat dels pans; perche lur cour eira stupid.

53. E, * siand passats via all' otra riva, gnittan els nella contrada da Genesaret, e gnittan a riva.

* Matt. 14, 34.

54. E cur els füttan smuntats our dalla nav, subit il cognoschet *il pövel*.

55. E, corrend per tuot quella contrada circonvicina, comanzettan els a portar intuorn in lets ils amalats, là ingio els udivan ch' el füss.

56. Ed ingio ch' el intraiva, in marchats, o in cittats, o in vihs, schi mettaiv' *il pövel* ils amalats sün las plazzas, e 'l rovaiva, ch' els solum

podessan toccar l' ur da sia rassa; e tuots quels chi 'l toccaivan gnivan guarits.

CHAP. VII.

Ils comandaments della glièud vegnan condannats; la figlia indemuniada d' üna Greca liberada; ün suord mütt ais guarì.

LURA *s respettan via pro el ils Fariseers ed alchüns dels scrivants, chi eiran gnüts da Gerusalem.

* Matt. 15, 1.

2. Ed, aviand vis alchüns dels scolars da quel, pigland spaisa cols mans impalats, cioè, non lavats, fetan els ün plant.

3. Perche 'ls Fariseers, schi tuots ils Güdeus non mangian, schi non han lavâ 'ls mans fin al chandun, retgnand la tradiziun dels vegls.

4. Ed eir, *gnand* dalla piazza, non mangian els, schi non han lavâ *tuot il corp*. Qua sun eir bleras otras chosas, chi han ardschvü d' observar, lavandas da bachêrs, da cröjas, da vashella d' aram e da lettêras.

5. Lura ils Fariseers e 'ls scrivants il domandettan, *d'schand*: Perche non procedan teis scolars seguond la tradiziun dels vegls, anzi piglan spaisa sainza 's lavar ils mans?

6. Ma el, respondand, disch ad els: Indret profetizet Esaia da vus ipocrits, seo ais scrit: * Quaist pövel m' onura cols lefs, ma lur cour ais lönsch da mai.

* Es. 29, 13.

7. Ma invan m' onuran els, mosand doctrinas, *chi sun* comandaments da crastian.

8. Perche cha, aviand bandunâ il comandament da Dieu, vus retgnais la tradiziun della glièud, las lavandas dellas cröjas, e dels bachêrs; e fais bleras otras similas chosas.

9. Disch eir ad els: Indret annullais vus il comandament da Dieu, acio cha observat vossa tradiziun.

10. Perche cha Mose ha dit: Onura teis bap, e tia mamma; e * chi smaledescha bap, o mamma, dess morir dalla mort.

* Exod. 21, 17.

11. Ma vus dschais: Sch' ün crastian disch a seis bap, o a sia mamma: Tuot quai, dinuonder tü podessast esser güdâ da mai, *saja* corban, cioè offerta.

12. E non il laschais pür far chos' alchüna a seis bap, o a sia mamma;

13. Annulland il pled da Dieu con vossa tradiziun, la quala vus avais ordinâ. E fais bleras chosas similas.

14. Lura, * aviand clamâ pro sai tuot la quantitâ la disch el: Taidla 'm tuots, ed inlegiai.

* Matt. 15, 10.

15. E non ais inguotta dadour il crastian, chi, intrand in el, il possa impalar; ma las chosas, chi vegnan ourdad el, sun quellas chi l' impalan.

16. Sch' alchün ha uraglias d' udir, oda.

17. * Cur el lura füt intrat in chassa, bandunand la quantitâ, il domandettan seis scolars davart la sumaglia.

* Matt. 15, 15.

18. Ed 'el disch ad els: Eschat vus amo usche privats d' intellet? Non inlegiais vus, cha tuot quai cha dadour aint intra nel crastian, non il po impalar;

19. Perche que non intra nel cour, anzi nel vainter, e lura va quai nel condüt, purgiand tuot las vivandas.

20. Ma dschaiva el: quai chi vain ourdal crastian ais quai chi l' impala.

21. Perche cha dadaint oura, cioè dal cour del crastian procedan impissaments mals, adulteris, fornicaziuns, homicidis.

22. Invöls, giavüschaments, malizias, frods, luxurias, ögls maligns, blastemma, superbia, nardâ.

23. Tuot quaistas chosas malas vegnan dadaint ourdal crastian, e l' impalan.

24. Lura davo *quai*, siand alvâ sti da là, get el via als confins da Tiro e da Sidon, e, siand intrat nel albièrg, non volaiv' el, ch' alchün savess; ma non podet esser zoppâ.

25. Perche üna duonna, la figletta della quala aveva ün spiert malnet, aviand udi favlar da Gesu, gnit e 's büttet giò avant seis peis.

26. (Ma quella duonna eira pajana, Sirofenice da nazium) e 'l rovaiva, ch' el chatschess il demuni ourda sia figlia.

27. Ma Gesu la disch: Lascha cha 'l prüim ils infants sajan sadulats; perche e non ais onest, tour il pan dals infants, e'l büttar avant als chagnons.

28. Ma ella respondet, e 'l disch: Indret disch Segner; perche eir ils chagnous suot la maisa maglian dallas mielas dels infants.

29. Ed el la disch: Per quaiست pledvâ, il demuni ais it our da tia figlia.

30. Ed ella, siand ida in chasa sia, chattet il demuni esser it oura, e la figlia büttada giò sül let.

31. Lura *Gesu*, siand darcheu partì dals confins da Tiro e da Sidon, gñit sper il mâr da Galilea, per mez ils confins da Decapoli.

32. E 'l füt manâ ün suord e müt, e füt rovâ, ch' el mettes il man sün el.

33. Ed el, l' aviand trat d'vart our dalla quantitâ, al mettet la dainta nellas uraglias, ed *aviand spüdâ, al tocet el la lingua. * Matt. 8, 23.

34. Lura, aviand ozâ ils ögls vers il tschel, suspiret el, e 'l disch: Effata! chi vuol dir: T' avra sù.

35. E subit füttan las uraglias da quel avertas, e 'l liam da sia lingua as sliet, e tschantschaiva bain.

36. E *Gesu* ordinet ad els, chi non dschessan ad alchün; ma plü ch' el scomandaiv' ad els, plü ch' els predgiaivan oura.

37. E 's stupivan our da möd, dschand: El ha fat ogni chos' indret: El fa udir ils suords, e favlar ils müts.

CHAP. VIII.

Miracul dels set pans; d' ün orb chi vain san; ils apostels confessan Cristo; Cristo predisch sia mort; Petro ais nominâ satan.

IN *quels dis, essendo la quantitâ grandisma, e non aviand da mangiar, aviand *Gesu* clamâ pro sai seis scolars, disch el ad els: * Matt. 15, 32.

2. Eu ha compassiun da quaiста quantitâ; perche agiâ trais dis contins dmura ella pro mai, e non ha da mangiar.

3. E sch' eu ils tramet gegüns a chasa, schi vegnan els a gñir almain sün la via; perche alchüns d' els sun gnüts dalönsch.

4. E seis scolars al respondettan: Dinuonder dess alchün podair sadular quaiست con pan, qui in ün lö desert?

5. Ed el domandet ad els: Quants pans avais? E quels dischan: Set.

6. Ed el ordinet alla quantitâ, chi 's

tschantess in terra; ed, aviand tut ils set pans e fat grazias, *ils* rumpet el, e 'ls det a seis scolars, acio ch' els *ils* mettesan avant alla la quantitâ, e quels ils mettetan avant.

7. Els avaivan eir alchüns pacs peschets; ed aviand fat la benedicziun, comandet el da sporscher quels eir avant ad els.

8. E quels mangettan, e füttan sadulats; e 'ls *scolars* alvettan via dallas vanzadüras dels tocs set channasters.

9. (Ma quels chi avaivan mangiâ eran intuorn quatter milli.) Lura ils licenziet el.

10. Ed *in quel istant intret el nella navetta con seis scolars, e gñit nellas varts da Dalmanuta. * Matt. 15, 39.

11. *E 'ls Fariseers gñittan our, e 's mettetan a dispittar con el, il giavüschand ün signal da tschel, ed il provand. * Matt. 12, 38.

12. Ma el, dopo avoir suspirâ in seis spiert, disch: Perche giavüscha quaiста generaziun ün signal? Eu 's di in vardâ, ch' alchün signal non sarà dat a quaiста generaziun.

13. E 'ls aviand bandunats, muntet el darcheu nella navetta, e passet via all' otra riva.

14. Ma **ls scolars* avaivan smanchâ da tour pan, e non avaivan con els nella navetta oter ch' ün pan sulet. * Matt. 16, 5.

15. *Ed el daiv' ad els comanda-maints, dschand: Guardai, 's perchürai dal alvon dels Fariseers, e dal alvon d' Erode. * Matt. 16, 6.

16. E quels dispittaiavan tanter els, dschand: Nus non avain pan.

17. E eur *Gesu* savet *quai*, disch el ad els: Perche dispittais tanter vus, per quai cha non avais pan? Eschat vus amo sainza cognoschenscha e sainz' intelligenza? Avais vus amo vos cour stupid?

18. Aviand ögls, non vezzais vus? Ed aviand uraglias non udis vus; e non avais memoria alchüna?

19. *Cur eu distribuit quels tschinch pans tanter quels tschinch milli *homens*, quantas chavagnas plainas da tocs alvettat vus via? Els dischan: Dudesch. * Marc. 6, 43.

20. E* cur eu *distribuit* quels set pans tanter quels quatter milli *homens*, quants chanasters plains da tocs alvettat vus via? Ed els dischan: Set.

* Matt. 15, 37.

21. Ed el disch ad els: Co *dimena* non avais vus intellet?

22. Lura gnit el in Betsaida, e 'l füt manâ ün orb, e füt rovâ, ch' el il toccess.

23. Ed el, aviand tut l' orb per il man, il manet el our dal vih; e l' aviand spüdâ nels ögls, e miss ils mans sün el, il domandet el, sch' el vezzess qualchosa.

24. E quel, aviand ozâ sü ils ögls, disch: Eu vez chaminar la gliend, chi para boſcha.

25. Lura mettet el darcheu seis mans süls ögls da quel, e 'l fet guardar in ot; ed el recuperet la *vezziüda*, e vezzaiva tuots cleramaing.

26. E *Gesu* il tramettet a chasa sia, dschand: Non intrar nel vih, e non il dir ad alchün nel vih.

27. * Lura get *Gesu* con seis scolars nels vihs da Cesarea da Filippo; e per viadi domandet el seis scolars, dschand ad els: Chi disch la gliend ch' eu saja?

* Matt. 16, 13.

28. E quels respondettan: *Alchüns*, cha tü sajast Gioanne Battista; ed oters, Elia; ed oters, ün dels profets.

29. Ed el disch ad els: E vus, chi dschais ch' eu saja? E Petro, respondand, al disch: Tü est Cristo.

30. Ed el scomandet ad els severamaing, chi non dschessan ad ingün quai dad el.

31. Lura comanzet el a mossar ad els, chi stova, cha 'l figl del crastian indüra bleras chosas, e vegna reprobâ dals vegls, e dals principals sacerdots, e dals scrivants, e vegna mazzâ, ed in cheu da trais dis resüsta.

32. E raschunaiva quaistas chosas avertamaing. E Petro, l' aviand trat sur 'na vart, comanzet a l' repreneur.

33. Ma el, s' aviand vout, e guardand seis scolars, brunclet a Petro, dschand: Vâ davent da mai, satan; perche cha tü non inlegiast quellas chosas chi sun da Dieu, ma quellas chi sun della gliend.

34. Ed, aviand clamâ pro sai la

quantità con seis scolars, disch el ad els: * Scodün, chi vout gnir davo mai, renunzia sai stess, e piglia sia crusch, e seguita mai.

* Matt. 10, 38.

35. Perche, * chi averà voglù salvar sia vita la perderà; ma chi averà pers la vita sia per amur da mai, e del evangeli, quel vain a la salvar.

* Luc. 9, 24. ed 17, 33.

36. Perche, che güderà al crastian, sch' el guadagna tuot il muond, e fa perdita da si' orma;

37. Ovvero, che darà 'l crastian in cambi da si' orma?

38. Perche, * sch' alchün ha verguogna da mai e da meis plets, tanter quaista generaziun adultera e pechadrischa; schi vain eir il figl del crastian ad avair verguogna d' el, cur el sarà gnü nella gloria da seis bap, con ils sancts angels.

* Matt. 10, 33. Luc. 12, 8. 9.

CHAP. IX.

Transfiguraziun da Cristo; chi Elia saja; ün spiert müit chatschâ oura; Cristo predisch sia mort, ed imbratsch' ün infant.

ULTRA quai * disch el ad els: Eu 's di in vardà, ch' alchün da quels, chi sun qui presaints, non vegnan ad insajar la mort, infin ch' els non hanjan vis il reginam da Dieu, gnü con possanza.

* Matt. 16. 28. Luc. 9, 27.

2. E * ses dis davo piglet *Gesu* con el Petro, e Giacobbo, e Gioanne, e 'ls condüet sulets d'vart sün ün ot munt, e füt transformâ in lur presenza.

* Matt. 17, 1.

3. E sia vestimainta d'vantet splendurainta e zuond alba, seo naiv, qual ingün fulladur non la podess far usche alba sur terra.

4. Ed Elia apparet ad els con Mose; e quels raschunaivan con *Gesu*.

5. E Petro fet risposta a *Gesu*, e disch ad el: Maister, l' ais bön, cha nus stettan qui; fain dimena trais tabernaculs, ün a tai, ün a Mose, ed ün ad Elia.

6. Perche el non savaiva quai ch' el dschess, perche els eiran plains da temma.

7. E gnit üna nüvla, chi 'ls sursumbrivet; ed our dalla nüvla gnit üna vusch, chi disch: Quaist ais meis char figl; tadlai quel.

8. Ed in quel istant, guardand quels

intuorn, non vezzettan els plü alchün, oter co Gesu zuond sulet, con els.

9. Ma cur els gnivan giò dal munt, seomandet *Gesu* ad els, chi non re- quintessan ad alchün las chosas chi avaiavan vis, oter co cur il figl del crastian füss resüstâ dals morts.

10. E quels tgnettan quel pled in els svess, domandand tanter els, che chosa füss resüstâ dals morts.

11. Lura il domandettan els, dschand: Perche dischan ils scrivants, * chi stova cha 'l prüm vegna Elia? * Mal. 4, 5.

12. Ed el, respondand, disch ad els: Elia vairamaing dess gnir il prüm e restabilir ogni chosa; e, * seo l' ais scrit dal figl del crastian, *stova*, ch' el patescha bleras chosas, e saja stimâ seo inguotta. * Ps. 22, 7. Es. 53, 4. Dan. 9, 26.

13. Ma eu 's di, ch' Elia ais gnü, e 'l han fat tuot quai chi han voglû, seo eira scrit dad el.

14. Lura, siand gnü pro 'ls scolars, vezzet el üna granda quantità intuorn els, e 'ls scrivants, chi dispittaiavan con els.

15. E subit tuot la quantità, l' aviand vis, s' insnuit, e currind via, il salüidet.

16. Ed el domandet ils scrivants: Che dispittais tanter vus?

17. Ed ün della quantità, respondand, disch: Maister, eu t' avaiava manâ meis figl chi ha ün spiert mütt.

18. Ed, ingio cha quel il piglia, il scharp' el, e lura sbav' el, e sgrizcha cols daints, e dvainta sech: Ma eu avaiava dit a teis scolars, chi 'l chat-schessan oura, ma non han podü.

19. Ed el, al respondand, disch: O generaziun incredula, infina cura mâ dess eu esser con vus? Infina cura mâ dess eu comportar? mana 'm il nan.

20. E quels il manettan via; e, cur el l' avet vis, schi 'l scharpet il spiert subit; e 'l figl crodet in terra, e 's rod-laiva, fand schamada.

21. E *Gesu* domandet il bap da quel: Quant temp aise cha quai st' l' ais scuntrâ? Ed el disch: Da sia giuventün' in sti.

22. E suvent l' ha 'l büttâ nel fö e nel aua, per il far perir, ma scha tü poust qualche cosa, schi hajast compas-siun da nus, e güda 'ns.

23. E Gesu al dschet: Scha tü poust erair; ogni chosa ais possibla a chi craja.

24. E subit il bap del infant, clamand con larmas, disch: Eu crai, Se-gner, vè in agüd a mi' incredulità.

25. E Gesu, veziaand, cha la quan-tità curriava insembel as chalchand; innatschet el al spiert malnet, dschand ad el: Spiert mütt e suort, vâ our dad el (eu 't comand) e mâ bricha plü non intrar in el.

26. E 'l *demuni*, bragind, e 'l schar-pand ferm, get oura; e l' *infant* dvan-tet seo mort; tal cha blers dschaivan: L' ais mort.

27. Ma Gesu, l' aviand tut per il man, l' alvantet sü, ed el as drizzet in pè.

28. E, cur *Gesu* füt intrat in chasa, il domandettan seis scolars d' üna vart: Perche non il avain nus podü chatschar oura?

29. Ed el disch ad els: Quaista ge-neraziun *da demunis* non vâ oura tras alchün oter möd, co tra's oraziun e tras gegüni.

30. Lura, s' aviand partits da là pas-settan els tras la Galilea, ed el non volaiva, ch' alchün savess.

31. * Perche el mossaiava seis scolars, e dschaiv' ad els: Il figl del crastian sarà bod dat in mans della ghieud, e quels vegnan a 'l mazzar; ma dopo ch' el sarà stat mazzâ, vain el a resü-star il terz di. * Luc. 9, 44.

32. Ma quels non incelegiaivan quai st raschunamaint, e tmaivan da 'l do-mandar.

33. * Lura gnit el in Capernaum; e, cur el füt in chasa, domandet el ad els: Da che dispittaiavat tanter vus per viadi? * Matt. 18, 1.

34. E quels taschettan; perche sül viadi avaiavan els tanter els dispittâ, chi *dad els dovess esser* il plü grand.

35. Ed el, siand miss a zer, clamet ils dudiesch, e disch ad els: Sch' al-chün voul esser il prüm, schi ch' el saja l' ultim da tuots, e 'l serviaint da tuots.

36. Ed, aviand tut ün pitschen infant, il mettet el in mez d' els; lura, l' avi-and tut in bratsch, dschet el ad els:

37. Scodün chi arsdchaiva ün da tals pitschens infants, in meis nom,

ardschaiva mai, e * scodün chi 'm ardschaiva, non ardschaiva mai, ma quel chi m' ha tramiss. * Matt. 10, 40.

38. Lura Gioanne al fet resposta, dschand: Maister, nus avain vis ün, chi chatschaiva oura demunis in teis nom, il qual non ans seguittescha; e per quai ch' el non ans seguittescha, l' avain nus seomandâ.

39. Ma Gesu disch: Non al seomanderai; perche * ch' ingün non po far potentas ouvras in meis nom, e bod davo dir mal da mai. * 1 Cor. 12, 3.

40. Perche, chi non ais contra nus, ais per nus.

41. Perche, * scodün chi s' averà dat dà baiver dech ün bachêr d' aua, in meis nom, per cha vus eschat da Cristo; schi 's di eu in vardà, ch' el non perderà sia mercede. * Matt. 10, 42.

42. * E scodün chi averà schandelizâ ün da quaists pitschens, chi erajan in mai, schi gniss ad esser megl per el, chi 'l füss miss intuorn culöz üna moula da mulin, e ch' el gniss büttâ nel mâr. * Matt. 18, 6.

43. Ma, * scha teis man at fa intoppar, schi taglia 'l giò; megl ais per tai intrar meadus nella vita, co, aviand duos mans, ir nella geenna, nel fö chi mâ nor as stüda. * Matt. 5, 30.

44. * Ingio lur verm non moura, e 'l fö non as stüda. * Es. 66, 24.

45. E, schi teis pe't dà schandel, taglia 'l giò; negl ais per tai intrar zop nella vita, co aviand duos peis esser büttâ nella geenna, nel fö inexstin-guibel.

46. Ingio lur verm non moura, e 'l fö non as stüda.

47. Medemanaing, scha teis ögl at dà schandel, dava 'l oura; megl ais per tai intrar on ün ögl sulet nella vita, co, aviand duos, esser büttâ nella geenna del fö,

48. Ingio lur verm non moura, e 'l fö non as stüda;

49. Perche ogn ün dess esser insalâ con fö, ed * ogni sacrifici dess esser insalâ con sal. * Lev. 2, 13.

50. Il sal ais bn, ma scha 'l sal dvainta insus, seli con che 'l volais condir?

51. Hajat sal in vs istess, e stat in pasch l' ün con l' otr?

CHAP. X.

Ledscha davart la lai; ils infants sun chars a Cristo, el ils benedescha; Cristo predisch sia mort; ed ais nos minister e spendrader.

LURA, * siand alvâ sü da là, gnit el nels confins della Giudea, giò davo 'l Giordan; e darcheu 's respet via pro el pövel; ed el danöv l' ammassai-va, sco l' eira üsâ. * Matt. 19, 1.

2. E 'ls Fariseers, siand appros-mats, il domandettan, il provand: Aise licit al marit da trametter via la muglier?

3. Ed el, respondand, disch ad els: Che 's comandet Mose?

4. E quels dischan: * Mose permet-tet da scriver la charta del divorzi, e da trametter via la muglier. * Deut. 24, 1.

5. E Gesu, respondand, disch ad els: El as scrivet quel comandamaint per la dürezza da vos cour.

6. Ma dal principi della creaziun * fet Deis ils crastians, maşchel, e fem-na, * Gen. 1, 27.

7. Edschet: * Per quai vain il crastian a bandunar seis bap e sia mamma, e 's compagnar con sia muglier;

* 1 Cor. 6, 16.

8. Ed els duos vegnan a dvantar üna stessa charn; tal cha non sun plü duos, ma üna stessa charn.

9. Quai dimena cha Deis ha compagnâ, non dess il crastian separar.

10. Ed in chasa il domandettan seis scolars darcheu davart quai stess.

11. Ed el disch ad els: * Scodün chi trametta via sia muglier, e spusa ün' otra, commetta adulteri conter quella.

* Matt. 5, 32.

12. Medemamaing, scha la muglier banduna seis marit, e 's marida ad ün oter, commett' ella adulteri.

13. Lura * al füttan presentats pitschens infants, acio ch' el ils toccess, ma 'ls scolars brunelaivan a quels, chi 'ls presentaivan. * Matt. 19, 13.

14. E Gesu, aviand vis quai, as degnet, e disch ad els: Laschai 'ls pitschens infants gnir pro mai, e non ils seomanderai, perche da tals ais il reginam da Dieu.

15. Eu 's di in vardà, cha chi non averà ardschvü 'l reginam da Dieu sco ün pitschen infant, non intrerà in quel.

16. E 'ls aviand tuts in bratsch, e miss ils mans sün els, ils benedit el.

17. Ma * cur el giaiv' oura, per as metter sül viadi, corrit ün tschert pro el, e s' aviand insnugliâ avant el, il domandet: Maister bun, che dess eu far per ertar la vita eterna? * Luc. 18, 18.

18. E Gesu al dschet: Perche 'm clamast bun? Ingün non ais bun, oter co ün sulet, cioè, Deis.

19. Tü sast ils comandaments: Non commetter adulteri: Non mazzar: Non invular: Non dir fosa perdüta: Non far dan *ad alchün*: Onura teis bap e tia mamma.

20. Ed el, respondand, al dschet: Maister, tuot quaistas chosas ha eu observâ da mia giuventü in sü.

21. E Gesu, l' aviand guardâ in vista, l' amet, e 'l disch: Una chosa 't manca. Vâ, venda tuot quai cha tü hast, e dà als povers; e tü averast ün tesor in tschel; lura vè, ed aviand tut tia crusch, seguittescha 'm.

22. Ma el, siand conturbâ da quel pled, get davent con döli, perche l' avaiva granda raba.

23. E Gesu, aviand guardâ intuorn, disch a seis scolars: Quant sfadiusamaing quels chi han ricchezas intiran nel reginam da Dieu.

24. E 'ls scolars s' insnuittan per seis plets. E Gesu replichet darcheu, e disch ad els: Figl, quant difficila chosa aise, * cha quels chi's confidan nellas ricchezas intran nel reginam da Dieu.

* Giob 31, 24. Ps. 62, 11.

25. L' ais plü chönsch, ch' ün chamêl passa tras la foura d' üna agnuglia, co ch' ün rich intra nel reginam da Dieu.

26. E quels plü vi' e plü 's stupivan, dschand tanter els: Chi po dimenagnir salv!

27. E Gesu, ils aviand guardats, disch: Pro la gliend ais impossibel, ma bricha pro Deis; * perche ogni chosa ais possibla pro Deis.

* Ger. 32, 17. Matt. 19, 26.

28. E Petro comanzet al dir: Mera, nus avain bandunâ ogni chosa, e t' avain seguitâ.

29. E Gesu, respondand, disch: Eu's di in vardâ, cha qua non ais alchün chi haja bandunâ chasa, o frars, o

sours, o bap, o mamma, o muglier, o infants, o possessiuns, per amur da mai e del evangeli,

30. Chi uossa, in quai temp, non ardschaiva tschient voutas tant chasas, e frars, e sours, e mammas, ed infants, e possessiuns con persecuziuns; e nel muond avegnir, la vita eterna.

31. Ma * blers prüms saran ultims, e blers ultims saran prüms. * Matt. 19, 30.

32. Ma quels eiran per viadi, giand sù in Gerusalem; e Gesu giaiva avant els, e quels eiran spaventats, e 'l seguittaivan con temma. Ed el, aviand darcheu trat sur n'avart ils dudiesch, comanzet el a dir ad els las chosas chi gnissan al inseuntrar;

33. *Dschand*: Mera, nus giain sù in Gerusalem; e 'l figl del crastian sarà dat in mans dels principals sacerdots e dels scrivants; e quels vegnan a 'l condannar a mort, e 'l meteran in mans dels pajans,

34. Ils quals vegnan a far giambias d' el, e 'l giasliar, e 'l spüdar adöss, e vegnan a 'l mazzar; ma nel terz di vain el a resüstar.

35. E Giacomo, e Gioanne, figls da Zebedeo, s' approsmettan via pro el, dschand: Maister, nus desiderain cha tü ans fetschast quai cha aus gnin a giavüschar.

36. Ed el disch ad els: Che volais ch' eu 's fetscha?

37. Ed els al dischan: Coneda'ns, cha in tia gloria nus sezzan, l'ün da tia vart dretta, l'oter dalla sœistra.

38. E Gesu disch ad els: Vus non savais quai cha giavüschais; podais vus baiver il calisch, il quil eu vegn a baiver, e gnir battizas col battaisem, dal qual eu vegn: gnir battizâ? E quels al dischan: Sdi nus podain.

39. E Gesu disch ad els: Vus tschert baverat il calisch, cheu vegn a baiver, e sarat battizats col battaisem, dal qual eu vegn a gnir battizâ;

40. Ma quant al xer da mia vart dretta e sœistra non sta a mai da dar quai; ma *sarà dat* a quels a chi ais preparâ.

41. E 'ls oters dsch, aviand udi quai, comanzetta: as sdegnar da Giacomo e da Gionne.

42. Ma Gesu, ils aviand clamats pro sai, disch ad els: * Vus savais, cha quels, chi 's quintan principals dels pövels, ils signoreschan, e cha lur grands douvran autorità sur quels.

* Luc. 22, 25.

43. Ma usche non sarà tanter vus; anzi, scodün chi vain a volair dvan-tar grand tanter vus, saja vos serviaint;

44. E scodün chi tanter vus vain a volair esser il prüm, saja famagl da tuots.

45. Perche ch' eir il figl del crastian non ais gnü per esser servi; anzi per servir, e * per dar si' orma per pretsch da spendraschun per blers. * 1 Tim. 2, 6.

46. Lura vegnan els in Gerico; e, cur el get our da Gerico, con seis scolars, e granda quantità, ün tschert figl da Timeo, Bartimeo l'orb, sezzaiva sper la strada, petliand.

47. Ed, aviand udi, cha *quel chi passava* eira Gesu, il Nazarener, comanzet el a bragir ed a dir: Gesu, figl da David, hajast compassiun da mai.

48. E blers il brunelaivan, acio ch' el tasehess; ma el plü vi' e plü bragiva: Figl da David, hajast compassiun da mai.

49. E Gesu, siand fermâ, disch, ch'ün il clamess nan. Els clamettan dimena l'orb, dschand ad el: Sta con bun cour, leiva sü, el at clama.

50. Ed el, s'aviand büttâ giò sia rassa, alvet sü, e gnit pro Gesu.

51. E Gesu al respondet, e disch: Che voust tü ch' eu't fetscha? E l'orb al dschet: Rabboni, ch'eu ardschaiva la vezzüda.

52. E Gesu al disch: Vâ, tia cretta t'ha fat san. Ed in quel instant recuperet el la vezzüda e seguittet Gesu sün la via.

CHAP. XI.

Cristo intra in Gerusalem, e chatscha ils marchadants our dal taimpel; e predgia dalla virtù della cretta; lura vain el provâ dals Fariseers.

E cur els füttan rivats strusch Gerusalem, in Betfage e Betania, sper al munt dels olivêrs, tramettet Gesu duos da seis scolars.

2. E disch ad els: It nel vih ch' ais avant vus; e subit, cur vus gnis ad intrar là, gnis a chattar ün pulei-

der d' asen rantâ, sül qual non muntet mâ alchün, sranta'l, e mana 'l nan.

3. E sch'alchün as disch: Perche fais quai? schi dit: Il Segner ha bsögn d'el; e subit vain el a 'l trametter qua.

4. Quels dimena gettan, e chattettan il puleider rantâ dadour üna porta sper ün sparta-via, e 'l srantettan oura.

5. Ed alchüns da quels, chi eiran qua presaints, dischan ad els: Che fais vus a srantar il puleider?

6. E quels dischan ad els, co Gesu avaiv' ordinâ, e quels il laschettan ir.

7. E quels manettan il puleider pro Gesu e büttettan sün quel lur rassas; ed el muntet sün quel.

8. E blers rasaivan oura lur rassas sün la via, ed oters tagliaivan giò rams dalla boşcha, e 'ls rasaivan sün la via.

9. E quels chi gnivan avant, e quels chi gnivan davo, bragivan, dschand: * Osanna! Benedi *saja* quel, chi vain nel nom del Segner.

* Ps. 118, 26.

10. Benedi saja 'l reginam da David, nos bap, il qual vain nel nom del Segner, Osanna nels lous otis-sems.

11. E Gesu, siand intrat in Gerusalem, gnit nel taimpel; ed, aviand guardâ ogni chosa intuorn intuorn, essendo agiâ l'ura tarda, get el oura vers Betania cols dudiesch.

12. * E 'l di sequaint, cur els füttan trats our da Betania, avet el fam.

* Matt. 21, 18.

13. Ed, aviand vis dalönsch ün figêr, chi avaiva föglia, get el a *vair*, schi 's chattess qualchosa sün quel; ma siand gnü pro quel, non chattet el qua inguotta, oter co föglia; perche e non eira la stagiun dels figs.

14. E Gesu comanzet a dir al figêr: Ingün non dess mâ plü in perpetuo mangiar früt da tai. E seis scolars uditan que.

15. E vegnan in Gerusalem; e Gesu, siand intrat nel taimpel, comanzet a chatschar oura quels chi comprai-van e chi vendaivan nel taimpel; e eupichet las maisas dels schamiadurs, e las sopchas da quels, chi vendaivan ils colombs.

16. E non permettaiva, ch'alchün portess alchün vaschè per il taimpel.

17. E mossaiva, dschand ad els: Non aise scrit: * Mia chasa sarà clamada chasa d'orazium per tuots ils pövels? ma † vus avais fat landroura üna spelunea da morders. * Es. 56, 7. † Ger. 7, 11.

18. Ma 'ls scrivants, e 'ls principals sacerdots udittan *quaistas chosas*, e tscherchaivan il möd da 'l far morir; perche els il tmaivan, siand tuot la quantità as smüravgliaiva da sia doctrina.

19. E cura füt saira, get *Gesu* our dalla città.

20. E la mattina *sequainta*, cur quels passaivan sper il figèr via, il vezettan els sechà dalla ragisch davent.

21. E Petro, s'aviand regordà 'l disch: Maister, mera, il figèr cha tü smaleddittast ais sechà via.

22. E Gesu, respondand, disch ad els: Hajat la cretta da Dieu.

23. Perche * eu 's di in vardà, cha chi averà dit a quaist munt: T'alvainta *da là*, e 't bütta nel mâr, e non averà dubitâ in seis cour; anzi averà cret, cha quai ch'el disch dvanterà, quai ch'el averà dit il sarà fat. * Luc. 17, 6.

24. Per quai 's di eu: * Tuot las chosas cha vus gnis a domandar rovand, crajai cha vus gnis a las ardschaiver; e vus gnis a las obtgnair.

* Matt. 7, 7. Luc. 11, 9. Gioan. 14, 13.

25. E, * cura vus as presanterat per far orazium, scha vus avais qualchosa contra alchün, schi perdunai ad el; aciò cha vos bap, ch' *ais* nels tschels, as perduna eir el voss fals. * Matt. 6, 14.

26. Ma, scha vus non perdunais, schi non vain vos bap ch' *ais* nels tschels as perdunar voss fals.

27. Lura vegnan els danöv in Gerusalem; ed, * intant ch'el spassiaiva per il taimpel, schi vegnan ils principals sacerdots, e 'ls scrivants, e 'ls seniurs pro el,

* Luc. 20, 1.

28. E 'l dischan: Con che autorità fast quaistas chosas, e chi t'ha dat quaista autorità da far quaistas chosas?

29. E Gesu, respondand, disch ad els: Eireu 'svögl domandar üna chosa: Contuot resonda'm, schi 'svögl eu dir tras che autorità eu fetsch quaistas chosas.

30. Il battaisem da Gioanne, eira el dal tschel, o dalla gliend? resonda'm.

31. E quels raschunaivan tanter els, dschand: Scha nus dschain dal tschel, schi dira'l: Perche dimena non al erajettat?

32. Ma, *scha* nus dschain, dalla gliend, schi tmain nus il pövel; (perche tuots tгнаivan cha Gioanne eira vairamaing profet.)

33. Per quai, respondand, dischan els a Gesu: Nus non savain. E Gesu, respondand, dschet ad els: Eir eu non as vögl dir, tras che autorità eu fetsch quaistas chosas.

CHAP. XII.

La vigna fittada via als lavuraints; la peidra refüdada dals edificadurs; dal tribut; dalla resistenza; Cristo, figl da David.

LURA comanzet el a dir ad els tras sumaglias: * Un hom plantet üna vigna, e la fet üna saif intuorn, e chavet in quella ün lö da torelar la vindemia, ed edificet laint üna tuor, e fittet via a tscherts lavuraints, e lura get el davent. * Matt. 21, 33.

2. Ed alla stagiun *dels früts* tramettet el a quels lavuraints ün servaint, per ardschaiver dad els dal früt della vigna.

3. Ma quels, l'aviand tut, il battettan e 'l tramettettan inavo vöd.

4. Ed el tramettet dareheu ün oter servaint pro els; *ma* quels, aviand trat eir ad el crappa, al plajettan il cheu, e 'l tramettettan inavo vituperà.

5. Ed el dareheu als tramettet ün oter, e quel mazzettan els, lura blers oters, dels quals els alchüns battettan, alchüns mazzettan.

6. Per quai, aviand amo ün seis char figl, tramettet el ad els eir quel al ultim, dschand: Els averan respet da meis figl.

7. Ma quels lavuraints dischan tanter els: Quaist ais l'ertavel, gni mazzain el, e l'ierta sarà nossa.

8. E, l'aviand tut, il mazzettan els, e 'l büttettan our dalla vigna.

9. Che farà dimena il patrun della vigna? El vain a gnir, e sdrür quels lavuraints, e darà la vigna ad oters.

10. Non avais amo let quaista scrittüra: La peidra, cha 'ls edificadurs

han reprobâ, ais dvantada il cheu del chantun.

11. Quai ais stat fat dal Segner, ed ais chosa müravgliusa in noss ögls.

12. E quels tscherchaivan da'l tour; perche ch' els s'accorschettan, ch' el avaiva dit quella sumaglia conter els, ma tmaivan la quantità, e, l'aviand laschâ là, trettan els via.

13. Lura 'l tramettettan els alchüns dels Fariseers e dels Erodianers, acìò chi 'l illatschessan nels pleds.

14. E quels, siand gnüts, al dischan: Maister, nus savain, cha tü est da vardà, e cha tü non at inchürast d'alehün; perche tü non hast resguard alla qualità dellas persunas della glieud, ma muossast la via da Dieu in vardà: Aise licit da dar il tribut a Cesare, o na? Al dovain nus dar, o na?

15. Ma el, aviand cognoschü lur ipocrisia, disch ad els: Perche 'm provais? Porta'm nan ün denar, ch' eu 'l vezza.

16. E quels al portettan. Ed el disch ad els: Da chi *ais* quaista figüra e quaista suprascrittüra? E quels al dischan: Da Cesare.

17. E Gesu, respondand, disch ad els: Dat a Cesare las chosas da Cesare, ed a Dieu las chosas da Dieu. E quels as smüavglettan d'el.

18. * Lura vegnan pro el Sadduceers, ils quals dischan chi non saja resüstanza, e 'l domandettan, dschand:

* Luc. 20, 27. Act. 23, 8.

19. Maister, Mose ans ha scrit: Scha 'l frar d'alehün moura, e lascha davo la muglier sainz' infants, schi dess seis frar tour sia muglier e sdasdar sü sem a seis frar.

20. L'eiran set frars, e 'l prüm piglet muglier, e morind, non laschet el sem davo.

21. E 'l seguond la piglet e morit; ed eir quel non laschet sem davo; similmaing eir il terz.

22. E tous set la piglettan, e non laschettan sem davo. Ultimamaing, davo tuots, morit eir la duonna.

23. Nella resüstanza dimena, cur els saran resüstats, da chi dad els sarà ella muglier? perche cha tuots set l'han gnüda per muglier.

24. Ma Gesu, respondand, disch ad

els: Non fallais vus per quai, cha vus non savais las scrittüras, e la potenza da Dieu?

25. Perche, cur *ils crastians* saran resüstats dals morts, schi non vegnan els a tour mugliers, ne as maridar; ma saran seo 'ls angels, chi sun nels tshels.

26. Ma quant als morts, cha quels dessan resüstar, non avais vus let nel cudesch da Mose, co Deis al favlet nel spinatsch, dschand: * Eu *sun* il Deis d' Abraham, il Deis d' Isac e'l Deis da Giacob.

* Ex. 3, 6.

27. Deis non ais Dieu dels morts, ma Dieu dels vivs. Vus dimena giais grandamaing ad errur.

28. * Lura ün dels scrivants, ils aviand udi dispittar, e recognoschand, ch' el avaiva ad els bain respus, s' approsmet via, e'l domandet: Qual ais il prüm comandamaint da tuots?

* Matt. 22, 35.

29. E Gesu al respondet: Il prüm da tuots ils comandamaints *ais*: * Taidla Israel, il Segner nos Deis, ais il sulet Segner;

* Deut. 6, 4.

30. Ed ama 'l Segner teis Deis con tuot teis cour, e con tuot tia orma, e con tuot impissamaints, e con tuot tia forza. Quaist *ais* il prüm comandamaint.

31. E 'l seguond, simil, *ais* quaist: * Ama teis prossem seo tai stess. Qua non ais oter comandamaint plü grand co quaists.

* Lev. 19, 18.

32. E 'l scrivant al dschet: Maister, tü hast dit indret seguond la vardà, chi 'l ais ün *sulet* Deis, e cha ourdvart el non ais alehün oter.

33. E cha l' amar con tuot il cour, e con tuot l' impissamaint, e con tuot l' orma, e con tuot la forza; ed amar seis prossem seo sai stess, ais plü co tuots ils olocausts e sacrificizis.

34. E Gesu, veziland ch' el l' avaiva sabgianaig respus, al dschet: Tü non est dalönsch dal reginam da Dieu. Ed ingün non aschaiva plü il far alehüna domanda.

35. * E Gesu, mossand nel taimpel, comanzet a dir: Co dischan ils scrivants, cha Cristo saja figl da David?

* Luc. 20, 41.

36. Perche David istess, tras il Spiert Sanct ha dit: * Il Segner ha dit

a meis Segner: Sezza da mia vart dretta, fin ch' eu haja tshantâ tei inimis per schabell da tei peis. *Ps. 110, 1.

37. David istess dimena 'l clama Segner; co dimena ais el seis figl? E la granda part della quantità, l' udiva gugent.

38. Ed el dschaiv' ad els in sia doctrina: * S' inguardai dals scrivants, ils quals aman da spassiar in rassas lungas, e 'ls saltids sün las plazzas;

* Matt. 23, 6.

39. E 'ls prüms sezs nellas raspadas, e 'ls prüms lous nels convits.

40. * Ils quals maglian oura las chasas dellas vaidguas, e quai suot specie da lungas oraziuns; quels vegnan ad ardschaiver plü granda condannaziun.

* Luc. 20, 47.

41. * E Gesu, s' aviand miss a zer vi' incunter la chascha dellas offertas, guardaiva, co 'l pövel büttaiva danêrs nella chascha, e blers richs büttaivan aint bler.

* Luc. 21, 1.

42. Ed üna povra vaidgua gnit e büttet aint duos pitschens, chi sun ün quattrin.

43. E Gesu, aviand clamâ pro sai seis scolars, disch ad els: eu 's di in vardâ, cha quai povra vaidgua ha büttâ aint plü co tuots, quants chi han büttâ aint nella chascha dellas offertas.

44. Perche cha tuots ils oters han büttâ aint da quai chi survanza ad els; ma quella, da sia povertà, ha büttâ aint tuot quai, ch' ella avaiva, tuot sia sustanza.

CHAP. XIII.

Cristo tshantscha dalla destrueziun da Gerusalem, e dallas insainas da quella, seo eir da sia vgnüda e fin del muond, con exortar da vagliar. ed orar.

E cur * el get oura dal taimpel al dschet ün da seis scolars: Maister, guarda che peidras e che edifizis!

* Matt. 24, 1.

2. E Gesu, respondand, al disch: Vezzast tü quaiests grands edifizis? E * non sarà laschâ peidra sur peidra, chi non saja ruvinada.

* Luc. 19, 44.

3. Lura, sezzand el sül munt dels olivêrs, via incontro il taimpel, Pietro, e Giacomo, e Gioanne, ed Andrea, il domandettan sur n'avart,

4. Dschand: Di'ns, cura dvanteran

quaistas chosas, e quala sarà l'insaina del temp, nel qual tuot quaistas chosas averan fin?

5. E Gesu, respondand ad els, comandet a dir: * Guardai, ch'ingün non surmaina vus.

* Efes. 5, 6.

6. Perche blers vegnan a gnir suot meis nom, dschand: Eu sun quel; e vegnan a surmanar blers.

7. Ma cur vus gnis ad udir da guerras, e rumors da guerras, schi non as conturblerai; perche quaistas chosas ston dvanter; ma non sarà amola fin;

8. Perche ün pövel vain ad alvar sù conter l'oter, ed ün reginam conter l'oter; qua saran terratrembels in ogni lö, e fams, e contuorbels.

9. Quaistas chosas saran solum principis da dolurs. Ma * hajät chüra da vus sves; perche vus gnis dats in man dels consistoris, sarat battüts nellas raspadas, e sarat fats comparir avant als redschadurs ed als rais, per chaschün da mai, in testimonianza ad els.

* Matt. 10, 17, 18.

10. * (E' l evangeli stov' il prüm gnir predgiâ tanter tuots ils pövels.)

* Matt. 24, 14.

11. Ma, * cur els vegnan as manar, per as dar in lur mans, schi non starai viavant in pissêr da quai, cha vus averat da dir, e non premediterai quai; anzi dit quai chi 's sarà dat in quel istant; perche bricha vus eschat quels chi tshantschais, anzi 'l Spiert Sanct.

* Luc. 21, 14.

12. * Ma 'l frar darà 'l frar alla mort, e 'l bap l' infant, e 'ls infants vegnan ad alvar sù conter ils baps e las mammas, e 'ls faran morir.

* Mich. 7, 6.

13. E vus sarat ödiats da tuots per meis nom; ma chi * averà sostgnü infin alla fin, sarà salvâ.

* Matt. 10, 22.

14. Ma, cur vus averat vis l'abominaziun della desolaziun, ditta * dal profet Daniel, tshantada ingio la non dovess esser, (chi legia, piglia a sen); lura dessan † quels chi saran nella Giudea, fägir suls munts.

* Dan. 9, 27. † Luc. 21, 21.

15. E chi sarà sül tet della chasa, non dess gnir giò in chasa, e non intra laint per tour chos' alchüna our da sia chasa.

16. E chi sarà per la champagna, non dess turnar inavo, per tour sia rassa.

17. Ma vae allas purtantas, ed a quellas chi vegnan a latantar in quels dis.

18. E rovai, cha vossa fùgia non saja d'inviern;

19. Perche in quels dis sarà qua afflieziun tala, quala non füt mâ bricha, dal principi della creaziun dellas chosas cha Deis ha creà in nan, infin uossa; ed eir mâ bricha sarà.

20. E, scha 'l Segner non avess scurs-nì quels dis, schi non gnis ingüna charn a schampar via; ma per ils elets, ils quals el ha elet, ha 'l Segner seursnì quels dis.

21. E lura, * sch' alchün as disch: Mera qui Cristo, ovvero, mera 'l là, schi non crajerai; * Matt. 24, 23.

22. Perche fos Crists e fos profets vegnan ad alvar sü, e faran signals e miraculs, per surmanar, schi füss possibil, eir ils elets.

23. Ma vus s' inguardai: Mera, * eu s' ha predit ogni chosa. * 2 Petr. 3, 17.

24. Ma in quels dis, davo quell' afflieziun, * vain il solai as insehürir, e la glüna non darà sia splendor, * Es. 13, 10. Ez. 32, 7.

25. E las stailas del tschel vegnan a crodar, e las potenzas chi *sun* nels tschels saran squassadas.

26. * E lura vegnan *ils crastians* avair il figl del crastian gnir nellas nütvas, con granda potenza e gloria. * Matt. 24, 30.

27. Ed el lura vain a trametter seis angels, e vain a raspar seis elets dals quatter vents, dal extrem term della terra, infin al extrem term del tschel.

28. Ma imprendai dal figèr quaista sumaglia: Cura seis rams sun gnüts zartis, e sia frunsia schermüglia, schi cognoschais vus, cha la stà ais vicina.

29. Usche eir vus, cur vus gnis a vair gñand quaistas chosas, schi sapchat, ch' el ais vicin, sün la porta.

30. Eu 's di in vardà, cha quaista generaziun non passerà, fin cha tuot quaistas chosas non sajan avant dvantadas.

31. Il tschel e la terra passeran via, ma meis plets non passeran via.

32. Ma quant a quel di ed a quell' ura, non sà ingün, * neir ils angels chi *sun* in tschel bricha, ne il figl, ma 'l bap sulet. * Matt. 24, 36.

33. Hajat chüra, vagliai ed orai; perche vus nonsavais cura sarà quel temp.

34. Sco sch' ün crastian, giand in viadi, laschess sia chasa, e dess *sur quella* pussanza a seis serviants, ed a scodün sia lavur, e comandess al portnêr ch' el vagless:

35. * Vagliai dimena; perche vus nonsavais cur il patrun da chasa vegn' a gnir, la saira, o a mezzanot, o al chantar del gial, o la mattina. * Ap. 3, 3.

36. Cha forsa, gñand el subit all' improvista, non as chatta dormind.

37. Ma quai ch' eu di a vus, di eu a tuots: Vagliai.

CHAP. XIV.

Ils sacerdots e scrivants tscherchan da far morir Gesu; preparaziun della pasqua; instituziun della s. tschaina; Giuda tradescha Cristo; el vain avant Cajafa; Petro il sneja.

MA duos dis davo eira la pasqua e la *feista dels* azims, e 'ls principals sacerdots e 'ls scrivants, tscherchaivan il möd da tour Gesu con ingian, e da 'l mazzar.

2. Ma dschaivan: *Nus non volain far sün la feista*, cha forsa non vegna qualcha tumult del pövel.

3. Ma * siand el in Betania, in chasa da Simon levrus, intant ch' el eira a maisa, gñit üna duonna, aviand üna büschla d' öli bainsavuri da nardo schet e da grand pretsch, ed, aviand ruot la büschla, il spandet ella sül cheu. * Gioan. 12, 3.

4. Ed alchüns as sdegnettan in sai s vess, e dschettan: Perche s' ha fat quaista perdita dad öli?

5. Perche cha quel s' avess podü vender plü co per trajatschient denars, e quels dar als povers; e bruncalai-van conter ella.

6. Ma Gesu disch: Lascha' la star; perche la dais vus molestia? Ella ha fat üna buna ouvra *invers* mai.

7. Perche * saimper gnis ad avair ils povers con vus, e cur vus volais, podais ad els far del bain; ma mai non gnis ad avair saimper. * Deut. 15, 11.

8. Ella ha fat quai cha tras ella 's podaiva *far*; ella ha anticipâ d' on-scher meis corp, per üna imbalsamadiura.

9. Eu 's di in vardà, cha per tuot il muond, ingio cha quaist evangeli vain a gnir predgiâ, sarà eir requintâ quai cha quaista lla fat in memoria dad ella.

10. * Lura Giuda Iscariot, l'ün dels dudiesch, get pro 'ls principals sacerdots, per il dar ad els nels mans.

*Matt. 26, 14.

11. E quels, aviand udi *quai*, s' allegrettan, ed impromettettan da 'l dar danêrs. Ed el tscherchaiv' il möd da 'l tradir comodamaing.

12. Ma nel prüm di *della feista* dels azims, cura 's sacrifichaiva la pasqua, al dischan seis scolars: Ingio voust cha nus gïajan at pinar da mangiar la pasqua?

13. Ed el tramettet duos da seis scolars, e disch ad els: It nella città, schi gnis vus a seuntrar ün hom, portand üna cröja *plaina* d' aua: It davo el.

14. Ed ingio el sarà intrat, dit al patrùn della chasa: Il Maister disch: Ingio ais la stanza, nella quala eu possa mangiar la pasqua con meis scolars?

15. Ed el vain as mossar üna granda sala ornada, tuot perderta; prepara 'ns qua la *pasqua*.

16. E seis scolars gettan, e gnittan nella città, e chattettan seo el avaiava dit ad els, ed apparechettan la pasqua.

17. Ed el, * cur e füt saira, gnit con ils dudiesch;

*Matt. 26, 20.

18. Ed, intant ch' els eiran a maisa, e mangiaivan, disch Gesu: Eu 's di in vardà, cha l'ün da vus, il qual mangia con mai, vain am tradir.

19. E quels comanzettan as conturbular, ed al dir ad ün ad ün: *Suneu quel?*

20. Ed el, respondand, disch ad els: L' ais ün dels dudiesch, il qual tenscha con mai aint nel taglêr.

21. Tschert, il figl del crastian vâ, seo l' ais scrit dad el; ma vâ a quel crastian, tras il qual il figl del crastian vain tradi. Bön füss stat per el da non esser mâ nat.

22. Ed, intant cha quels mangiaivan, piglet Gesu il pan, ed, aviand fat la benedicziun, il rumpet el, e 'l det ad

els, dschand: Pigliai, mangiai, quaist ais meis corp.

23. Lura, aviand tut il calisch, e fat grazias, *il* det el ad els, e tuots bavettan landroua.

24. Ed el disch ad els: Quaist ais meis sang, chi *ais il sang* della nouva lia, il qual vain spans per blers.

25. Eu 's di in vardà, ch' eu non vegn a baiver plü dal früt della vigna, fin a quel di, ch' eu vegn a'l baiver nouv nel reginam da Dieu.

26. E dopo ch' avettan chantâ 'l psalm da lod, schi gettan els our sül munt dels olivêrs.

27. E Gesu disch ad els: Vus tuots sarat schandelizats in mai quaista not; perche l' ais scrit: Eu vegn a * batter il pastur, e las nuorsas saran dispersas.

*Matt. 26, 31. Zac. 13, 7.

28. Ma, * davo ch' eu vegn ad esser restistâ, schi vögl eu ir avant a vus in Galilea.

*Marc. 16, 7.

29. E Petro al disch: Schabain cha tuots *ils oters* gnissan schandelizats da tai, schi non il vögl eu pero far.

30. E * Gesu al dschet: Eu 't di in vardà, cha hoz in quaista stessa not, ant cha 'l gial haja chantâ duos voutas, schi 'm snejerast tû trais voutas.

*Gioan. 13, 38.

31. Ma el plü vi' e plü fermamaing dschaiva: Combain ch' eu stovess morir con tai, non at vögl eu pero snejar. Ilsumgiant dschaiva neir tuots *ils oters*.

32. * Lura vegnan els in ün lö, dit Getsemane. Ed el disch a seis scolars: Sezzai qui, fin ch' eu haja orâ.

*Matt. 26, 36.

33. Ed, aviand tut con el Petro e Giacobo e Gioanne, schi comanzet el ad avair temma e grand' anguoscha.

34. E disch ad els: Mi' orma ais incresada con tristezza infin alla mort: Dmurai qui, e vagliai.

35. E, siand it ün pa inavant, as bütet el in terra, e rovaiva, cha quell' ura, sch' il eira possibel, passess via dad el.

36. E disch: Abba, bap! Ogni chosa t' *ais* possibla; transporta via da mai quaist calisch; impero bricha qua ch' eu vögl, ma quai cha tû voust.

37. * Lura vain el, e chattet *ils scolars* chi dormivan, e disch a Petro:

Simon, dormast tû? Non hast tû podû vagliar brich' ün' ura? * Matt. 26, 40.

38. Vagliai ed orai, cha vus non intrat in tentamaint, il spiert *ais* bain pront, ma la charn *ais* debla.

39. E darcheu get el, ed oret, dschand ils medems plets.

40. E siand turnâ, chattet el *ils scolars*, chi darcheu dormivan; perche lur ôgls eiran aggrevats, e non savai-van che 'l responder.

41. Lura vain el la terza vouta, e disch ad els: Dormi pür d' uoss' invant, e posai; e basta, l'ura *ais* gnüda; mera, il figl del crastian vain dat in man dels pechadurs.

42. Stat sü, giain; mera, quel chi 'm tradescha, *ais* ardaint.

43. Ed * in quel istant, intant ch' el amo favlaiva, rivet Giuda, l' ün dels dudiesch, e con el ün grand pövel con spadas ed astas, tramiss dals principals sacerdots, dals scrivants e dals seniurs.

* Gioan, 18, 3.

44. Ma quel chi 'l tradiva avaiva dat ad els ün signal, dschand: Quel, il qual eu vegn a bütschar *ais* quel; piglia 'l, e mana 'l sgüramaing.

45. E eur el füt rivâ, subit s' appromet el via pro el, e disch: Salüdâ sajast tû, Maister, e 'l bütschet.

46. Lura quels al mettetan ils mans adöss, e 'l prendettan.

47. Ed ün da quels, ch' eiran qua presaints, tret la spada, e battet il serviaint del grand sacerdot, e 'l taglet giò l' uraglia.

48. E Gesu fet ad els risposta, e disch: Vus eschat gnüts oura con spadas e con astas, seo conter ün sashin, per am tour.

49. Eu eira tuotta di pro vus, mossand nel taimpel, e vus non am avais prais. Ma *quai ais dvantâ*, acio cha las scrittüras vegnan complidas.

50. E tuots, l' aviand bandunâ, fûgit-tan davent.

51. Ed ün tsehert giuven al seguittai-va, plajâ intuorn con ün lanzöl sur la charn nüda, e 'ls fants il piglettan.

52. Ma el, aviand laschâ ir il lanzöl, fûgit dad els nüd.

53. * E quels manettan Gesu pro 'l grand sacerdot, pro 'l qual as respettan insembel tuots ils principals sa-

cerdots e 'ls seniurs e 'ls scrivants.

* Matt. 26, 57.

54. E Petro al seguittai-va dalönsch, fin dadaint la cuort del grand sacerdot, ingio el as mettet a zer con ils sergents, e 's schüdaiva pro 'l fö.

55. Ma 'ls principals sacerdots e tuot il consistori tscherechaivan testimonianza conter Gesu, per il far morir, e non chattettan alchüna.

56. Perche blers dschaivan fosa perdüta conter el; ma lur perdütas non eiran conformas.

57. Lura alchüns, siand alvats sü, dischan fosa perdüta conter el, dschand:

58. Nus l' avain udi ch' el dschaiva: * Eu vögl disfar quaiast taimpel, fat con ouvra da man, ed in trais dis vögl eu reedifichar ün oter, chi non sarâ fat con ouvra da man.

* Gioan. 2, 19.

59. Ma lur perdüta non eira eir usche bricha conforma.

60. Lura il grand sacerdot, siand alvâ in pè qua in mez, domandet a Gesu, dschand: Non respondast tû inguotta? Che testifichan quaiasts conter tai?

61. * Ma el taset, e non respondet inguotta. Darcheu il grand sacerdot il domandet, e disch ad el: Est tû Cristo, il figl del benedi?

* Es. 53, 7.

62. E Gesu disch: * *Schi*, eu il sun, e vus vezzerat il figl del crastian zer dalla dretta vart della pussanza, e gnir con las nüvlas del tsel.

* Matt. 24, 30.

63. E 'l grand sacerdot, s' aviand sdratschâ la vestimainta, disch: Che avain nus plü bsögn da perdütas?

64. Vus avais udi la blastemma; che s' impara? E tuots il condannettan, *pronunziand*, ch' el füss culpant da mort.

65. Ed alchüns comanzettan al spüdar adöss, ed al cuvernar la fatscha, ed al dar masladas, ed al dir: Ingiavina. E 'ls sergents al daivan bastunadas.

66. Ma, * siand Petro nella cuort giò suot, gnit üna delle fanteschellas del grand sacerdot;

* Matt. 26, 69.

67. Ed, aviand vis Petro, chi's schüdaiva, il guardet ella in fatscha, e disch: Eir tû eirast con Gesu Nazarener.

68. Ma el il snejet, dschand: Eu non il cognosch, e non sà quai cha tū dist. Ed el get oura avant la cuort, e 'l gial chantet.

69. * E la fantschella, l'aviand darcheu vis, comanzet a dir a quels ch' eiran qua presaints: Quaist ais ün da quels.

* Gioan. 18, 25.

70. Ma el il snejet darcheu. E pac davo, quels ch' eiran qua dischan danöv a Petro: Vairamaing, tū est ün da quels; perche tū est Galileer, e tia favella ais sumgianta.

71. Ma el comanzet as smaledir ed a gürar: Eu non cognosch quel crastian cha vus dschais!

72. E 'l gial chantet la seguonda vouta; e Petro 's regordet del pled, cha Gesu l'avaiva dit: * Avant cha 'l gial chanta duos voutas, schi vainst tū am snejar trais voutas; e 's mettet a cridar.

* Matt. 26, 75.

CHAP. XV.

Cristo vain surdat a Pilato, e confessa d'esser räi dels Güdeus; vain crucifichä tanter duos morders, e renda sü il spiert.

E* subit la mattina, aviand ils principals sacerdots fat cossagl con ils seniurs e 'ls scrivants e tuot il consistori, ligettan els Gesu, e 'l manettan davent, e 'l dettan in man da Pilato.

* Matt. 27, 1.

2. * E Pilato 'l domandet: Est tū 'l räi dels Güdeus? Ed el, respondand, al dschet: Tū 'l dist!

* Luc. 23, 3.

3. E 'ls principals sacerdots l'achüsaivan da bleras chosas. Ma el non responsaiv' inguotta.

4. * E Pilato darcheu il domandet, dschand: Non respondast tū inguotta? Guarda quantas chosas *quaists* testifican conter tai.

* Matt. 27, 12.

5. Ma Gesu non respondet inguotta plü, tal cha Pilato 's smüravgliaiva.

6. Ma ogni feista liberaiv' el ad els ün preschunêr, qualunque ch'els giavüschessan.

7. Ma qua eira quel, chi eira clamâ Barabba, chi eira in preschun con seis compagns da sediziun, ils quals avaivan fat homicidi nella sediziun.

8. E la quantitâ, bragind, comanzet a domandar, *ch' el fess*, sco el saim-per ad els avaiva fat.

9. E Pilato respondet ad els, dschand:

Volais ch'eu 's delibera il räi dels Güdeus?

10. (Perche el recognoschaiva bain, cha 'ls principals sacerdots l'avaivan dat ad el in man tras inviglia.)

11. Ma 'ls principals sacerdots moventettan la quantitâ a *giavüschar*, ch'el plü bod liberess ad els Barabba.

12. E Pilato, respondand darcheu, disch ad els: Che volais dimena ch'eu fetscha con quel, cha vus clamaist räi dels Güdeus?

13. E quels danöv bragittan: Crucificha 'l.

14. E Pilato disch ad els: Ma pür, che mal ha 'l fat? E quels plü vi' e plü bragivan: Crucificha 'l.

15. * Pilato dimena, voliad satisfar alla quantitâ, deliberet ad els Barabba. E davo avair giasliâ Gesu, il det el *ad els* in man, per esser crucifichâ.

* Gioan. 19, 1.

16. Lura ils sudats il mettetan daint nella cuort, chi ais la chasa della drettüra, e respettan tuot la truppa.

17. E 'l vestittan con purpura, ed, aviand tessü üna coruna da spinas, la mettetan els intuorn *il cheu*.

18. Lura comanzettan els a 'l saltidar, ed a dir: Salüdâ saiaist tū, räi dels Güdeus.

19. E 'l battaivan il cheu con üna channa, e 'l spüdaivan adöss, e, s'aviand miss in snuoglias, l'adoraivan.

20. E, davo ch'els avettan fat giamgias d'el, trettan els oura la purpura, e 'l vestittan darcheu con sia propria vestimainta, e 'l manettan oura, per il crucifichar.

21. E sforzettan a portar la crusch da quel ün tschert chi passaiva, *dit* Simon Cireneo, bap d'Alexandro e da Rufo, il qual turnaiva dalla cuttüra.

22. E* mettetan Gesu al lö, *dit* Gologota il qual, siand miss oura, vuol dir, il lö della chavazza.

* Luc. 23, 33.

23. E 'l dettan da baiver vin, condi con mirra; ma el non il piglet.

24. E davo l'avair crucifichâ, partittan els sia vestimainta, * trand la sort sur quella, *per savoir* quai cha scodün dovess tour.

* Ps. 22, 19.

25. Ma l'eira la terz' ura, cur il crucifichettan.

26. E la sopraserittüra del malefizi,

chi 'l eira miss sù, eira scritta sur *el in quaista maniera*: IL RAI DELS GIUDEUS.

27. Eir crucifichettan els con el duos saschins, l'ün da sia vart dretta, e l'oter dalla sñeistra.

28. E 's complit la scrittüra, chi disch: * El ais stat nombrâ tanter ils malfatturs.

* Es. 53, 12.

29. E quels chi passaivan spera via l'ingiuriaivan, squassand il cheu, e dschand: * Eja, tû chi disfast il taimpel, ed in trais dis il reedifichast!

* Marc. 14, 58.

30. Salva tai stess, e vè giò dalla crusch.

31. Sumgiantamaing eir ils principals sacerdotes con ils scrivants, fand beffa, dschaivan l'ün al oter: El ha salvâ ils oters, e non po salvar sai stess.

32. Vegna uossa giò dalla crusch il Cristo, il rai d'Israel, acio cha nus vezzan *quai*, schi volain nus crair. Quels eir, chi eiran crucifichats con el, l'ingiuriaivan.

33. Lura, siand gnüda la sesavla ura, schi gnit üna schürdüm sur tuot la terra, infin alla novav' ura.

34. Ed alla novav' ura bragit Gesu con ota vusch, dschand: * Eloï, Eloï, lamma sabactani; il qual, siand miss oura, vould dir: Meis Dieu, meis Dieu, perche m' hast bandunâ?

* Matt. 27, 46.

35. Ed alehtüns da quels chi eiran qua presaints, aviad udi *quai*, dschavian: Mera, el clama Elia.

36. Ed ün dad els currit, ed, aviad impli üna spunga d' aschai, e l'aviand missa intuorn üna channa, * det el da baiver, dschand: Laschai, guardain, sch' Elias vain a gnir, per il tour giò.

* Ps. 69, 22.

37. E Gesu, aviad dat oura üna granda vusch, rendet sù 'l spiert.

38. E la cortina del taimpel as fendet in duos parts, da süsom giò fin al fuond.

39. E 'l chapitani chi eira qua presaint vi'incunter Gesu, aviad vis, cha davo avair usche bragl, el avaiava rendü sù 'l spiert, disch: Vairamaing, quaist crastian eira figl da Dieu.

40. Ma *qua* eiran eir donans, guar-

dand pro dalönsch, tanter las qualas eira Maria Magdalena, e Maria, mamma da Giacobbo il pitschen, e da Giose, e Salome.

41. * Las qualas, eir intant ch'el eira nella Galilea, l'avaivan seguittâ, e l'avaivan servi, e bleras otras, las qualas eiran gnüdas sù con el in Gerusalem.

* Luc. 8, 2.

42. Lura, siand agiâ saira, (perche l' eira la preparaziun, cioè l' avant-sabbat).

43. Gnit Giosef da Arimatea, ün cossolier onorat, il qual eir spettaiva il reginam da Dieu, ed, aviad tut ardimaint, intret el pro Pilato, e domandet il corp da Gesu.

44. E Pilato's smürayglet, ch'el füss agiâ mort. Ed, aviad clamâ pro sai il chapitani, il domandet el, *seha* 'l eira bler temp ch'el füss mort.

45. Ed, aviad savü 'l fat del chapitani, donet el il corp a Giosef.

46. Ed el, aviad comprâ ün lanzöl, ed aviad trat Gesu giò dalla crusch, il plajet el nel lanzöl, e 'l tshantet in ün monumaint, chi eira tagliâ in ün spelm; e rodlet via üna peidra sün l' tisch del monumaint.

47. E Maria Magdalena, e Maria, *mamma* da Giose, guardaivan pro, ingio el gniss tshantâ.

CHAP. XVI.

Cristo resüta, ed appara alla Magdalena ed a duos oters, lura als apostels, ils quals el tmetta a predgiar, e vâ a tshel.

MA, * siand passâ 'l sabbat, Maria Magdalena, e Maria, *mamma* da Giacobbo, e Salome, aviad comprâ spezecharias, per gnir ad imbalsamar Gesu;

* Matt. 28, 1.

2. La mattina del prüm di dell' eivna, zuond a temp, gnittan pro 'l monumaint, sül alvar del solai;

3. E dschavian tanter ellas: Chi vain ans rodlar davent la peidra dal tisch del monumaint?

4. E guardand, vezzan ellas, cha la peidra eira rodlada davent; perche l' eira fìch granda.

5. E, siand intrattas nel monumaint, vezzettan ellas ün giuvnet, chi sezzaiava dalla vart dretta, vesti con rass'alba; ed ellas piglettan temma.

6. Ed el disch ad ellas: Non hajat

temma; vus tscherchais Gesu, il Nazerener, chi ais stat crucifichâ; el ais resüstâ, el non ais quî; mera 'l lö, ingio l'avaivan tshantâ.

7. Ma it, e dit a seis scolars, ed a Petro, ch' el vâ avant a vus in Galilea; qua gnis a 'l vair, * sco el s' ha dit. * Marc. 14, 28.

8. E quellas, as partind prontamaing, fûgittan dal monumaint; perche tremblöz e spavent las avaiva surpraisas, e non dischan inguotta ad alchün; perche ellas avaivan temma.

9. Ma Gesu, siand resüstâ la mattina del prüm di dell' eivna, apparet il prüm a Maria Magdalena, * our dalla quala el avaiva chatschâ set demunis. * Gioan. 20, 14. Luc. 8, 2.

10. Ed ella get, ed annunziet *quai* a quels ch' eiran stats con el, ils quals avaivan cordöli e eridaivan.

11. E quels, aviand udî, ch' el vivai-va, e ch' el eira stat vis dad ella, non crajettan els *quai*.

12. Ma, davo quaistas chosas, * apparet el in üna otra fuorma a duos d'els, ils quals eiran in viadi, giand oura sün la cuttüra. * Luc. 24, 13.

13. E quels gettan, ed annunziettan *quai* als oters, *ma* eir quels non crajettan.

14. Ultimamaing * apparet el als ün-desch, intant ch' els eiran a maisa, ed imbüttet *ad els* lur incredulità e dü-rezza da cour, perche els non avai-van cret a quels, chi l'avaivan vis resüstâ. * Luc. 24, 36.

15. Ed el disch ad els: * It per tuot il muond, e predgiai l'evangeliad ogni creatüra. * Matt. 28, 19.

16. Chi averà cret, e sarà battizâ, vain a gnir salv; ma, chi non averà cret, sarà condannâ.

17. Ma quaists signals vegnan a compagnar quels chi averan cret: Els vegnan a chatschar oura demunis in meis nom; * els vegnan a tshantschar linguachs novs; * Act. 2, 4.

18. Els * vegnan a tour via serps, e, schabain ch' els hajan bavü alchüna chosa mortala, schi non vain quella als nouseher; els † vegnan a metter ils mans süls amalats, e quels staran bain. * Luc. 10, 19. † Act. 28, 5.

19. Il Segner dimena, dopo ch' el avet favlâ ad els, füt raspâ in tsel, e sezzet * dalla dretta vart da Dieu. * Luc. 24, 51. Ps. 110, 1.

20. E quels, siand its oura, predgettan in ogni lö, * operand insembel il Segner, e confirmand il pled tras las insainas chi seguivan. * Ebr. 2, 4.

Fin del evangeli da S. Marco.

IL SANCT EVANGELI DA NOS SEGNER GESU CRISTO

SEGUOND

S. L U C A.

CHAP. I.

L'istoria dels padernurs da Gioan Battista, con seis duns ed offizi; l' angel salüda Maria, ed annunzia la concezziun da Cristo; la chanzun da Maria, e da Zaccaria, e co ch' el profetizescha da Gioanne.

S IAND cha blers s' han intramiss d' ordinar il raschunamaint dellas chosas, dellas qualas nus eschan stats plainamaing sgürats;

2. * Seguond chi'ns han *quai* dat ad ineler quels, chi da principi las vez-zettan, els istess, e füttan ministers del pled; * Gioan. 1, 1.

3. Schi ha eir a mai parü, dopo a-

vair da principi intravgni ogni chosa complidamaing, da 't scriver per uorden, * excellentissem Teofile;

* Act. 1, 1.

4. Acio cha tü recognoschast la tshertezza dellas chosas, chi 't sun stattas mossadas.

5. Als dis * d'Erode, rai della Giudea, eira ün tshert sacerdot, *clamâ* per nom Zaccaria, † dalla classa d' Abia; e sia muglier *eira* dallas figlias d'Aaron, e 'l nom da quella *eira* Elisabet.

* Matt. 2, 1. † 1 Cron. 24, 10.

6. Ma amenduos eiran güsts nel

conspet da Dieu, chaminand in tuot ils comandaments e ledschas del Segner, sainza blasem.

7. E non avaiavan infants; perche Elisabet eira sterila, ed amendus eiran agià bain inavant in età.

8. Ma d'vantet, cha exercitand Zaccaria il sacerdotadi avant Dieu, nel uorden da sia classa;

9. Segnond l' üsanza del sacerdotadi, schi 'l toccet la sort d' intrar nel taimpel del Segner, * per far il profüm. * Exod. 30, 7.

10. E tuot la quantità del pövel eira our dadoura, urand nel ura del profüm.

11. Ed ün angel del Segner l' apparet, siand in pè dalla vart dretta * del utèr dels profüms. * Exod. 30, 1.

12. E Zaccaria, l'aviand vis, füt conturblà, e temma crodet sur el.

13. Ma l' angel al dischet: Non tmair Zaccaria; perche tia oraziun ais exodida, ed Elisabet, tia muglier vain at parturir ün figl, al qual tü desast metter nom Gioanne.

14. Ed el sarà in allegrezza e dalet, e bliers vegnan as allegrar da sia naschenscha.

15. Perche el sarà grand nel conspet del Segner, e * non vain a baiver ne vin ne gervosa; e sarà impli dal Spiert Sanct, † dal vainter da sia mamma in sti.

* Num. 6, 3. † Ger. 1, 5. Gal. 1, 15.

16. E vain a convertir bliers dels infants d' Israel pro 'l Segner lur Deis.

17. E * vain ad ir avant ad el in spiert e virtù d' Elia, per convertir ils cours dels baps vi' als infants, e 'ls rebels pro la prudenza dels güsts, per apparechar al Segner ün pövel bain compost. * Mal. 4, 5.

18. E Zaccaria disch al angel: Via da che vegn eu a cognoscher quai? Perche eu sun vegl, e mia muglier ais bain inavant in età.

19. E l' angel, respondand, al disch: Eu sun Gabriel, chi stun avant Dieu; e sun tramiss per at favlar, e t' annunziar bunas novas.

20. E mera, tü sarast mütt, e non vainst a podair tsehantschar, infin al di, cha quaiastas chosas vegnan a

dvantar; per quai cha tü non hast cret a meis pleds, ils quals vegnan as complir a lur temp.

21. Ma 'l pövel staiva spettand Zaccaria, e 's smütravagliaiva, ch' el tardess tant nel taimpel.

22. E cur el füt gnü oura, non po daiv' el favlar ad els; e quels cognoschettan, ch' el avaiva vis üna visiun nel taimpel; ed el faiva ad elstschegns, e restet mütt.

23. E d'vantet, cha cur fütan complits ils dis da seis ministeri, schi get el a chasa sia.

24. Ma, dopo quels dis Elisabet, sia muglier concepit, e 's tgnet zoppada tschinch mais, dschand:

25. Usche m' ha pür fat il Segner, nels dis, nels quals el ha gnü resguard, a tour via meis vituperi tanter la ghieud.

26. Ed al sesavel mais l' angel Gabriel füt da Dieu tramiss in üna città della Galilea, ditta Nazaret,

27. Pro üna vergine, * spusada ad ün hom, il nom del qual eira Giosef, dalla chasa da David, e 'l nom della vergine eira Maria. * Matt. 1, 18.

28. E l' angel, siand intrat pro ella, disch: Salüdata sajast, o favorida; il Segner saja con tai; benedetta sajast tü tanter las donans!

29. Ed ella, l'aviand vis, füt conturbada giò da seis pleds, e discuriva in sai stess, che salüd quaiust füss.

30. E l' angel la disch: Non tmair, Maria! Perche tü hast chattà grazia pro Deis.

31. Emera, * tü vainst a concepir nel vainter, e parturir ün figl, e vainst al metter nom GESU. * Es. 7, 14.

32. Quel vain ad esser grand, e sarà clamà figl del otissem, e 'l * Segner Deis vain al dar il trun da David, seis bap. * Es. 9, 6. ed 16, 5.

33. Ed * el vain a regnar sur la chasa da Giacob in eterno, e seis regnam non averà mäs fin. * Dan. 2, 44.

34. E Maria disch al angel: Co dvanterà quaiust, siand ch' eu non cognosch hom?

35. E l' angel, respondand, la disch: Il Spiert Sanct vain a gnir sur tai, e la virtù del otissem vain at sursumbrivar; per tant eir quai chi vain

a nascher da tai sanct, sarà clamâ figl da Dieu.

36. E mera, Elisabet, tia cusdrina, ha eir concepi ün figl in sia vegldüna; e quaiſt ais il sesavel mais ad ella, cha l'eira clamada sterila.

37. Perche * inguotta non ais impossibel pro Deis.

* Gen. 18, 14.

38. E Maria disch: Mera la fantſchella del Segner, chi 'm saja fat seguond teis pleds. E l'angel as partit dad ella.

39. Ma in quels dis alvet Maria sü, e get in prescha nella contrada dellas montagnas, nella città da Giuda;

40. Ed intret in chasa da Zaccaria, e salüdet Elisabet.

41. E dvantet, cha 'cur Elisabet avet udi 'l salüd da Maria, schi la saglit l'infant sü nel vainter; ed Elisabet füt implida dal Spiert Sanct,

42. E elamet ad otâ vusch, e disch: Benedida *sajast* tû tanter las donans, e benedi *saja* il früt da teis vainter;

43. E dinuonder am *vain* quaiſt, cha la mamma da meis Segner vain pro mai?

44. Perche mera, scumbod cha la vusch da teis salüd m'ais gnüda nellas uraglias, schi ais l'infant sagli sü d'allegrezza in meis vainter.

45. Ma beada ais quella, chi ha cret; perche las chosas dittas ad ella da parte del Segner, averan complimaint.

46. E Maria disch: Mi 'orma adoſ' il Segner,

47. E meis spiert s'allegra in Dieu, meis salvader;

48. Perche el ha guardâ sün la bassezza da sia fantſchella; perche mera, d'uoss' inavant vegnan tuot las etats am predgiar beada.

49. Perche cha 'l potent m'ha fat chosas grandas, e sanct ais seis nom.

50. E sia misericordia ais per ogni età, invers quels chi 'l temman.

51. El ha operâ potentamaing con seis bratsch, el ha dissipâ ils superbis per il *propri* impissamaint da lur cour.

52. * El ha trat giò dals truns ils potents, ed ha adoſâ ils bass.

* 1 Sam. 2, 7. 8. Giob, 5, 11.

53. * Quels, chi avaiſan fam, ha 'l

impli con bains, ed ha tramiss d'avent ils richs vöds. * 1 Sam. 2, 5. Ps. 34, 11.

54. El ha surlevgiâ Israel, seis serviaint, per avair memoria da sia misericordia.

55. Seo l'avaiva favlâ a noss bavons, ad Abraham, ed a seis sem, in perpetuo.

56. E Maria restet con Elisabet intorn trais mais; lura turnet ella a chasa sia.

57. Ma 'l temp d'Elisabet as complit da parturir, e parturit ün figl.

58. E seis vashins e paraints, aviand udi, cha 'l Segner avaiſa magnificâ sia misericordia invers ella, s'allegraivan con ella.

59. E dvantet, cha * nel ottavel di gnittan els per circonceider l'infant, e 'l clamettan Zaccaria, davo 'l nom da seis bap.

* Gen. 17, 12.

60. Ma sia mamma respondet: Nâ; anzi sarà clamâ Gioanne.

61. E quels la dischan: Qui non ais alehün in tia parantella, chi 's clama con quaiſt nom;

62. E con tschegnſ domandettan els il bap da quel, co el voless ch'el gnis nominâ.

63. Ed el, aviand giavtischâ üna tabletta, scrivet in quaiſta maniera: Seis nom ais Gioanne. E tuots as smürravglettan.

64. Ed in quel instant füt sia bocca averta, e sia lingua sladinada, ed el tschantschaiva, benedind Deis.

65. E spavent gnit sur tuot lur vashins, e tuot quaiſtas chosas as rasettan oura per tuot la contrada dellas montagnas della Giudea.

66. E tuot quels chi las udittan las mettettan in lur cour, dschand: Chi mâ sarà quaiſt infant? E 'l man del Segner eira con el.

67. E Zaccaria, seis bap, füt impli con il Spiert Sanct, e profetizet, dschand:

68. Benedi saj' il Segner, Deis d'Israel; perche el ha visitâ e spendrà seis pövel.

69. E 'ns ha drizzâ stül corn del salüd, nella chasa da David, seis serviaint.

70. Seguond ch'el tras la bocca da seis sancts profets, chi *sun stats* d'ogni temp, ans avaiſ' impromiss.

71. Salvamaint da noss inimis, e dal man da tuots quels, chi ans ödieschan;

72. Per üsar misericordia invers noss babuns, e 's regordar da sia sancta lia;

73. * (*Sequond* il saramaint fat ad Abraham, nos bap.) * Gen. 12, 3.

74. Per ans conceder, cha, siand liberats dal man da noss inimis, nus al servissan sainza temma.

75. * In santità ed in giüstia, in seis conspet, tuot ils dis da nossa vita.

* 1 Petr. 1, 15.

76. E tü, o pitschen infant, sarast clamâ profet del otissem; perche tü vainst ad ir avant la fatscha del Segner, per preparar sias vias.

77. Per dar a seis pövel cognoschenscha del salüd, in remissium da lur puchats.

78. Tras las avainas della misericordia da nos Deis, tras las qualas l'oriaint giò dal ot ans ha visitats.

79. * Per splendurir a quels, chi giaschaivan nellas schüzrezzas e nella sumbriva della mort; per indrizzar noss peis sün la via della pasch.

* Es. 9, 1.

80. E 'l pitschen infant creschaiva, e * 's fortificaiva nel spiert, e stet † nels deserts, infin al di, ch' el as dovaiva mossar ad Israel.

* Luc. 2, 40. † Matt. 3, 1.

CHAP. II.

Davart la natività da Cristo, e sia circumcisiun; la chanzun da Simeon; Anna la pofeta; Cristo da dudesch ans dispitta cols docturs.

MA in quels dis dvantet, ch' ün decret get oura da parte da Cesare Augusto, cha tuot il muond gnis rassegnâ.

2. (Quaista rassegna füt la prüma, chi gnit fatta suot Quirinio, governatur della Siria.)

3. E tuots giaivan, per esser rassegnats, scodün in sia città.

4. Ma eir Gioséf get sü da Galilea, dalla città da Nazaret, nella Giudea, nella città da David, chi 's clama Betlehem, (perche l' eira dalla chasa e naziun da David.)

5. Per esser rassegnâ con Maria, ch' eira la muglier, chi l' eira statta spusada, la quala eira gravida.

6. Ma dvantet, ch' intant els eiran

qua, 's complit il temp, nel qual ella dovaiva parturir.

7. Ed ella parturit * seis figl primogenit, e 'l faschet, e 'l tshantet in ün perseppen; perche qua non eira lö per els nel albiereg. * Matt. 1, 25.

8. Ma qua nella medema contrada eiran pasturs, ils quals dmuraivan oura sün la cuttüra, fand las guardias della not intuorn lur scossa.

9. E mera, ün angel del Segner as presentet ad els, e la gloria del Segner splendurit intuorn els, e quels tmettan con granda temma.

10. Ma l' angel disch ad els: Non tmarai; perche eu s' annunziesch üna grand' allegrezza, cha tuot il pövel averà;

11. *Cioè*, cha hoz, nella città da David, s' ais nat il salvader, ch' ais Cristo, il Segner.

12. E quaiста sarà a vus il signal: Vus gnis a chattar l' infant faschâ, giaschand in ün perseppen.

13. Ed in quel istant füt qua col angel üna quantità del exercit celestial, lodand Deis, e dschand:

14. * Gloria a Dieu nellas otezzas, pasch in terra, bainvoglenscha invers ils erastians. * Luc. 19, 38.

15. E dvantet, cha, cur ils angels füttan its davent dad els sün tsel, dischan quels pasturs tanter els: Ma schi passain fin in Betlehem, e guardain quaiста chosa, ch' ais dvantada, la quala il Segner ans ha fat a savair.

16. E gnittan in prescha, e chattettan Maria, e Gioséf, e l' infant, chi giaschaiva nel perseppen.

17. E, l'aviand vis, rasettan els oura quai ch' eira ad els stat dit da quel pitschen infant.

18. E tuots quels, ch' ils udittan, as smüravglettan dellas chosas, ch' eiran ad els dittas dals pasturs.

19. E Maria conservaiva in sai tuots quaiста plds, ils conferind insembel in seis cur.

20. E 'ls pasturs turnettan darcheu, glorifichand e lodand Deis da tuot las chosas ch' avaivan udì e vis, sequond ch' eira ad els stat favlà.

21. E, cur * ils ot dis, in cheu dels quals el dovaiva gnir circumcis, füttan complits, füt el miss nom GESU,

† seguond ch' eira stat nomnâ dal angel, ant ch' el füss concepi nel vainter.

* Gen. 17, 12. † Luc. 1, 31.

22. E, cur ils dis della purificaziun da quella füttan complits, seguond la ledscha da Mose, portettan els l' *infant* a Gerusalem, per il presentar al Segner.

23. (Sco l' ais * scrit nella ledscha del Segner: Ogni maschel, chi avra la matrice, sarà clamâ sanet al Segner.)

* Num. 8, 17.

24. E per offerir il sacrifici, * seguond quai ch' ais dit nella ledscha del Segner, d' ün pêr turdellas, o da duos colombins.

* Lev. 12, 8.

25. Ma mera, qua in Gerusalem eira ün hom, il nom del qual *eira* Simeon; e quel hom eira güst, e religius, e spettaiva sül euffort d' Israel, e l' Spiert Sanct eira sur el.

26. E l' eira stat divinamaing revelâ dal Spiert Sanct, ch' el non gnis a vair la mort, ant co avair vis il Cristo del Segner.

27. El dimena, tras *movimaint* del Spiert, gnit nel taimpel, e cur il bap e la mamma portettan *aint* l' infant Gesu per far con el seguond l' üsanza della ledscha;

28. Schi l' piglet el in sia bratscha, e benedit Deis, e dschet:

29. Uossa, Segner, trametta tei servaint in pasch, seguond tei pled,

30. Daspö cha * meis ögls han vis tei salüd;

* Es. 52, 10.

31. Il qual tû hast preparâ, *per il metter* avant tuots pövels:

32. * Glüm d' illüminar ils pajans, e la gloria da tei pövel Israel.

* Es. 42, 6.

33. E Giosef, e la mamma da quel, as smüravglettan dellas chosas, ch' eiran dittas dad el.

34. E Simeon il benedit, e disch a Maria, mamma da quel: Mera, * quaist ais tschantâ per la ruina e per il relevamaint da blers in Israel, e per signal, al qual sarà contradit.

* Es. 8, 14. Rom. 9, 33.

35. (Ed üna spada vain a passar tras a tai stess l' orma) acio cha 'ls impissamaints da blers cours sajan revelats.

36. Eir qua eira Anna profeta, figlia da Fanuel, dalla schlatta d' Aser; la

quala eira fìch da temp, essendo avai-
via vivü set ans con seis marit davo
sia virginità.

37. Ed *eira* vaidgua d' età intuorn ottant' e quatter ans; e non as partiva mâ dal taimpel, servind a Dieu not e di in gegünis ed oraziuns.

38. Eir ella, siand gnüda lapro in quell' ura, lodaiva il Segner, e favlaiva da quel *infant* a tuots quels, * chi spettaivan la spendraschun in Gerusalem.

* Marc. 15, 43.

39. Ma, cur els avettan compli tuot las chosas chi 's *bsöгнаivan* far seguond la ledscha del Segner, schi turnettan els in Galilea, in Nazaret, lur città.

40. El l' infant creschaiva, e * 's fortificaiva nel spiert, essendo plain da sapienza; e la grazia da Dieu eira sur el.

* Luc. 1, 80.

41. Ma seis bap e sia mamma giavian ogni an in Gerusalem, * sün la feista della pasqua.

* Deut. 16, 1.

42. E cur el füt d' età da dudesch ans, essendo quels its sü in Gerusalem, seguond l' üsanza della feista;

43. Ed, aviand compli 'ls dis *da quella*, cur els turnaivan, schi restet l' infant Gesu in Gerusalem, sainza la sapchüda da Giosef, ne della mamma da quel.

44. E stimand, ch' el füss tanter la compagnia, chaminettan els üna giornada; e lur' as mettettan els a l' tscherchar tanter *lur* paraints e tanter *lur* contschaints;

45. E, non l' aviand chattâ, turnettan els darcheu in Gerusalem, il tscherchand.

46. E dvantet, cha trais dis davo il chattettan els nel taimpel, sezzand in mez ils docturs, ils tadland, e fand ad els demandas.

47. E * tuots quels chi l' udivan asstupivan da seis intellet, e da sias respostas.

* Matt. 7, 28.

48. E, cur quels il vazzettan, s' insnuittan els; e sia mamma al disch: Figl, perche 'ns hast fat usche? Mera, tei bap ed eu 't tscherchaivan, essendo in granda travaglia.

49. Ma el disch ad els: Perche 'm tscherchaivat? Non savaivat, ch' eusto tender nellas chosas da meis bap?

50. E *quels non inlegettan ils plets ch'el avaiva dit ad els. *Luc. 9, 45.

51. Ed el get con els, gnit in Nazaret, ed eira ad els sogget. E sia mamma salvaiva tuots quaists plets in seis cour.

52. E Gesu s'avanzaiva in sapienza, ed in statura, ed in grazia pro Deis, e pro la gleiend.

CHAP. III.

Il ministeri da Gioanne; sia perdüta davart Cristo, con sia preschun e mort; seo eir il battaisem e genealogia da Cristo.

MA nel quindeschavel an del imperi da Tiberio Cesare, essendo Ponzio Pilato governatur della Giudea, ed Erode tetrarca della Galilea; e Filippo, seis frar, tetrarca dell'Iturea e della contrada da Traconitida; e Lisania tetrarca d'Abilene;

2. * Suot Anna e Cajafa, grands sacerdots, füt il pled da Dieu *indirizzâ* a Gioanne, figl da Zaccaria, nel desert. *Gioan. 11, 49.

3. Ed * el gnit per tuot la contrada in tuorn il Giordan, predgiand il battaisem della penitenza, in remission dels puchats. *Matt. 3, 1. Marc. 1, 4.

4. Sco l'ais scrit * nel cudesch dels plets del profet Esaja, dschand: *L'ais üna vusch d'ün chi bragia nel desert: Chönschai la via del Segner, fat sias sendas drettas.* *Es. 40, 3.

5. Saja implida ogni val, e saja sbassâ ogni munt ed ogni muot, esajan drizzats *lous* storts, e las vias aspras splanadas.

6. Ed ogni * charn vezzerà 'l saltid da Dieu. *Ps. 98, 2.

7. El dimena dschaiva al pövel, chi gniv' oura per esser dad el battizzâ: Razza da vipras, chi s'ha mossâ a fûgir dall'ira, chi ha da gnr?

8. Contuot fat früts degns della penitenza, e non comanzerai a dir tanter vus istess: Nus avain Abraham per bap; perche eu's di, cha Deis po, eir our da quaistas peidras, far alvar sñ infants ad Abraham.

9. Ma la sgür ais agiâ tschantada alla ragisch della böschia; ogni bösch dimena, chi non fâ bun früt, sarà uossa tagliâ giò e büttâ nel fö.

10. E'l pövel il domandet, dschand:

* Che dessan nus dimena far?

*Act. 2, 37.

11. Ed el respondet, e disch ad els: * Chi ha duos rassas detta part a chi non ha; e chi ha da mangiar fetsch' il sumgiant. *Giac. 2, 15. 1 Gioan. 3, 17.

12. Ma eir publicans gnittan, per esser battizats, e'l dischan: Maister, che dovain nus far?

13. Ed el disch ad els: Non domanderai inguotta plü da quai, chi s'ais stat ordinâ.

14. Ils sudats eir il domandettan, dschand: E nus, che dessans far? Ed el disch ad els: Non farai forza ad alchün, e non squitscherai suot alchün tras calunnia, e's contentai da vos sold.

15. Ma, stand il pövel per spettar, e raschunand tuots in lur cours davart Gioanne, seh' el non füss Cristo:

16. Gioanne respondet, dschand a tuots: * Eu's battai bain con aua; ma quel, ch'ais plü ferm da mai, del qual eu non sun degn da slargiar oura la curaja dellas scharpas, vain; quel as battiarà col Spiert Sanet e con fö. *Matt. 3, 11.

17. El ha seis van in man, e vain a nettiar interamaing seis iral, e vain a raspar il gran in seis granêr; ma la paglia ad arder col fö, chi mâ non as stüzza.

18. Usche predgiaiv' el al pövel, l'exortand tras blers oters *raschunamants*.

19. Ma * Erode il tetrarca, essendo dad el reprais per Erodiade, muglier da Filippo, seis frar, e per tuots ils mals, ch'el avaiva commiss;

*Matt. 14, 3. Marc. 6, 17.

20. Schi mettêt el eir quaist via pro tuots il oters, ch'el serret Gioanne in preschun.

21. Ma * dvantet, intant cha tuot il pövel gniva battiâ, Gesu eir, essendo stat battiâ ed urand, s'avrit il tschel. *Matt. 3, 13.

22. E'l Spiert Sanet gnit giò sur el, in fuorma corporala, a guisa da colomba; e gnit üna vusch da tschel, dschand: Tü est meis char figl, in tai ha eu meis bainplaischair.

23. E Gesu comanzaiv' ad esser seo

da trent' aus; figl, sco 's stimaiva, da Giosef, *figl d' Eli*.

24. *Figl da Mattat, figl da Levi, figl da Melchi, figl da Janna, figl da Giosef.*

25. *Figl da Mattatia, figl d' Amos, figl da Naum, figl d' Esli, figl da Nagghe.*

26. *Figl da Maat, figl da Mattatia, figl da Semei, figl da Giosef, figl da Giuda.*

27. *Figl da Gioanna, figl da Resa, figl da Zorababel, figl da Salatiel, figl da Neri.*

28. *Figl da Melchi, figl d' Addi, figl da Cosam, figl d' Elmodam, figl d' Er.*

29. *Figl da Giose, figl d' Eliezer, figl da Giorim, figl da Mattat, figl da Levi.*

30. *Figl da Simeon, figl da Giuda, figl da Giosef, figl da Gionan, figl d' Eliachim.*

31. *Figl da Melea, figl da Mena, figl da Mattata, figl da Natan, figl da David.*

32. * *Figl da Gesse, figl d' Obed, figl da Booz, figl da Salmon, figl da Na-*

*asson. * Rut. 4, 18.*

33. *Figl d' Abinadab, figl d' Aram, figl d' Esrom, figl da Fares, figl da Giuda.*

34. *Figl da Giacob, figl d' Isac, figl d' Abraham, * figl da Tara, figl da Nachor.*

** Gen. 11, 24. 26.*

35. *Figl da Saruch, figl da Ragau, figl da Faleg, figl d' Eber, figl da Sala.*

36. *Figl d' Arfaesad, * figl da Sem, figl da Noe, figl da Lamech. * Gen. 5, 6.*

37. *Figl da Matusala, figl d' Enoch, figl da Giared, figl da Maleleel, figl da Cainan.*

38. *Figl d' Enos, figl da Set, figl d' Adam, chi füt da Dieu.*

CHAP. IV.

Cristo vain tentâ; predgia a Nazaret, e vain sbüttâ; el schatscha ün demuni, guarescha la söra da Petro e plüs; ils demunis confessan, ch'el saja Cristo, il figl da Dieu.

MA * Gesu, plain del Spiert Sanct, turnet darcheu dal Giordan, e füt chatschâ dal Spiert nel desert.

** Matt. 4, 1.*

2. E füt *qua* tentâ dal diavel quaranta dis; ed in quels dis non manget el inguotta; ma, dopo cha quels füttan complits, avet el lura fam.

3. E 'l diavel al disch: Scha tü est

figl da Dieu, di a quaista peidra chi dvainta pan.

4. E Gesu al respondet, dschand: * L'ais scrit: Il crastian non viva da pan sulet, ma d'ogni pled da Dieu.

** Deut. 8, 3.*

5. * E 'l diavel, l'aviand manâ sün ün ot munt, al mosset in ün batter d'ögl tuots ils reginams del muond. * *Matt. 4, 8.*

6. E 'l diavel al disch: Eu't vögl dar tuot la pussanza da quaists *reginams* e lur gloria; perche ella m'ais data in man, ed eu la dun a chi eu vögl.

7. Contuot, scha tü m'adurast, sarà quella tuotta tia.

8. Ma Gesu, respondand, al disch: Và inavo da mai, satana. * L'ais scrit: Adura il Segner, teis Deis, e serva ad el sulet.

9. El il manet eir in Gerusalem, e 'l tschantet sün l'ala del tet del taimpel, e 'l disch: Scha tü est il figl da Dieu, schi't bütta giò da qui.

10. * Perche l'ais scrit: El darà commissiun da tai a seis angels, chi't perchüran.

** Ps. 91, 11.*

11. E quels vegnan at tgnair sù con lur mans, cha tü non at schampüt-schast col pè in alchüna peidra.

12. E Gesu, respondand, al disch: * L'ais stat dit: Non provar il Segner, teis Deis.

** Deut. 6, 16.*

13. E 'l diavel, aviand fini tuot il tentamaint, as partit dad el, infin ad ün tsehert temp.

14. E Gesu, nella virtù del Spiert, turnet in Galilea, e la fama da quel get oura per tuot la contrada circonvicina.

15. Ed el mossai' in lur sinagogas, essendo onorâ da tuots.

16. E gnit in Nazaret, * ingio l'eira stat trat sù; ed intret, sco l'eira üsâ, sün ün di del sabbat, nella sinagoga, ed alvet sù per ler.

** Matt. 13, 54.*

17. E 'l füt dat in man il eudesch del profet Esaja, ed, aviand avri'l eudesch, chattet el quel lö ingio eira scrit:

18. * Il Spiert del Segner ais sur mai; perche el m'ha ondschü, el m'ha tramiss per predgiar als povers l'evangeli; per guarir ils smachats da cour;

** Es. 61, 1.*

19. Per clamar oura liberaziun als

preschuners, ed acquistamaint della vezzüda als orbs; per trametter in libertà 'ls chalehats, e per predgiar l'an accettabel del Segner.

20. Lura, aviand serrà 'l cudesch, e l'aviand dat al minister, s' mettet el a zer; e 'ls ögls da tuots quels *chi eiran* nella sinagoga eiran fichats sün el.

21. Ed el comanzet a dir ad els: Quaista scrittüra ais hoz complida in vossas uraglias.

22. E tuots al rendaivan testimonianza, e 'ssmüravgliaivan dels pleds da grazia, chi procedaivan da sia bocca, e dschaivan: Non ais quaist il figl da Giosef?

23. Ed el disch ad els: A tuotta via gnis vus am dir quaist proverb: Meidi, guarescha tai stess; fà eir qui, * in tia patria, tuot las chosas, cha nus avain udì esser stat fattas in Capernaum.

* Matt. 13, 54. Marc. 6, 1.

24. Ma el disch: Eu 's di in vardà, ch'ingün profet non ais accet in sia patria.

25. Eu 's di in vardà, * cha nels dis d'Elia, cur il tselch füt serrà trais ans e ses mais, tal cha qua füt granda fam in tuot il pajais, eiran bleras vaidguas in Israel. * 1 Reg. 17, 9. Giac. 5, 17.

26. Ed impero ad ingüna da quellas füt tramiss Elia; anzi ad üna duonna vaidgua in Sarepta da Sidon.

27. * E dal temp del profet Eliseo eiran blers levrus in Israel; e pür ingün d'els non füt nettià; ma Nae-man Sirer.

* 2 Reg. 5, 14.

28. E tuots füttan plains d'ira nella sinagoga, udind quaistas chosas.

29. E, siand alvats sü, il chatschetan els our dalla città, e 'l manettan fin alla riva della sommittà del munt, sur il qual lur città eira fabrichada, per il bütтар sur ingiò.

30. Ma el passet per mez els our, e get davent.

31. * E gnit giò in Capernaum, città della Galilea, e mossaiv' il pövel süls sabbats.

* Matt. 4, 13.

32. E quels as stupivan da sia doctrina; perche seis pled eira con autorità.

33. Ma qua nella sinagoga eira ün hom, chi avaiva ün spiert d'ün malnet demuni; e quel fet ün grand bragizi;

34. Dschand: Ah! Che *aise* qua tanter tai e nus, Gesu Nazarener? Est tü gnü per ans trametter in perdziun? Eu sà chi tü est, il sanct da Dieu.

35. Ma Gesu il reprendet, dschand: T'immütescha, e và our dad el! E'l demuni, l'aviand bütta qua in mez, get our dad el, sainza l'avair noschü inguotta.

36. E spavent naschet in tuots; e raschunaivan tanter els, dschand: Che pled *ais* quaist, ch'el con autorità e potenza comanda als spierts malnets, e quels van oura?

37. E la fama da quel get oura per tuots ils lous del pajais circonvicin.

38. * Lura *Gesu*, siand alvâ sü dalla sinagoga, intret nella chasa da Simon. Ma la söra da Simon eira in let con granda feivra, e rovettan per ella.

* Matt. 8, 14.

39. Ed el, stand sur ella, slamet la feivra, e quella la bandunet; ed ella, siand alvada sü prontamaing, serviv' ad els.

40. E * sül tramuntar del solai, tuots quels, chi avaivan amalats da diversas malatias, ils manettan pro el; ed el, aviand miss ils mans sün scodün d'els, ils guarit.

* Matt. 8, 16.

41. * Ils demunis eir giaivan our da blers, bragind e dschand: Tü est Cristo, il figl da Dieu. Ma el ils slamaiva, e non permettaiva ad els da favlar; perche els savaivan, ch'el eira Cristo.

* Marc. 1, 34.

42. Lura, siand gnü di, ais el it our e get in ün lö desert; e l'pövel il tscherchaiva, e gnit infina pro el, e l'retgnai-va, acio ch'el non as partiss dad els.

43. Ma el disch ad els: Eu sto predgiar eir allas otras cittats l'evangeli del reginam da Dieu; perche a *far* quaist sun eu tramiss.

44. E giaiva predgiand per las sinagogas della Galilea.

CHAP. V.

Cristo muossa our dalla nav; fà il miracul dels peschs, e clama Petro; fà san ün levrus, ün schirà; clama Matteo e muossa, perche seis scolars non gegünan.

MA dyantet, cha l'essendo la quantità adöss, per udir il pled da Dieu, e stand el in pè * sper il lai da Gennesaret;

* Matt. 4, 18. Marc. 1, 16.

2. Vezzet el duos navettas, ch'eiran sper la riva del lai, our dallas qualas eiran smuntats ils peşchadurs, e la-vaivan lur raits.

3. Ed, essendo muntâ in üna da quellas, la quala eira da Simon, il rovet el, ch'el la maness ün pa d'avent dalla terra. E, s'aviand tshan-tâ, mossai' el al pövel.our dalla navetta.

4. E, cur el laschet usche da favlar, disch el a Simon: Atslargia aint per l'aua, e laschai giò vossas raits per peşchar.

5. E Simon, respondand, al dschet: Maister, nus ans avain sfadiats tuotta not, e non avain prais inguotta; impero sün teis pled vögl eu laschar giò la rait.

6. Ed, aviand fat quaist, serrettan els aint üna granda quantitâ da peschs, e lur rait as rumpaiva.

7. E tschögnettan a lur compagns, ch' eiran nell' otra navetta, chi gnissan per als güdar. E quels gnittan, ed implittan amenduos navettas, tal chi fondaivan.

8. E Simon Petro, aviand vis quaist, as büttet giò avant la snuoglia da Gesu, dschand: Segner, at parta da mai; perche eu sun crastian pechader.

9. Perche cha spavent avaiva tut aint ad el e tuots quels, ch' eiran con el, per la praisa da peschs, ch'avaivan fat.

10. Sumgiantamaing eir Giacomo e Gioanne, figls da Zebedeo, chi eiran compagns da Simon. E Gesu disch a Simon: Non tmair; d' uossa in via sarast tii prendadur da gliעד viva.

11. E quels, aviand condüt las navettas a terra, bandunettan els ogni chosa, e'l segnüttettan.

12. Ma dvantet, ch' intant * el eira in üna da quellas cittats, mera, ün crastian plain da levrusia, il qual, aviand vis Gesu, e s' aviand büttâ giò sün la fatscha in terra, il rovet, dschand: Segner, scha tii voust, schi'm poust tii nettiar.

* Matt. 8, 2. Marc. 1, 40.

13. Ed el, aviand stais our il man, il toccet, dschand: Schi, eu il vögl,

saiaist net. E subit la levrusia's partit dad el.

14. Ed el al comandet da non dir ad alehün quai; anzi vâ, *disch el*, t' muoss' al sacerdot, ed offerra per tia purgaziun, * seguond cha Mose ha ordinâ; in testimonianza ad els.

* Lev. 14, 4. 10.

15. E la fama dad el s' rasaiv' oura plü vi' e plü, e bler pövel s' raspaiva per l' udir, e per esser dad el guarits da lur infirmitâ.

16. Ma el s' retraiva nels deserts, ed uraiva.

17. E dvantet ün da quels dis, ch' el mossai, e *qua* sezzaivan Fariseers e docturs da ledscha, ils quals eiran gnüts da tuots ils vihs della Galilea, e della Giudea e da Gerusalem, e la virtù del Segner eira *qua pre-sainta* per ils far sans.

18. E * mera, tscherts homens, chi portaivan sün ün let ün crastian schirà, e tscherchaivan da'l portar aint dadaint e da'l metter avant el.

* Matt. 9, 2.

19. E, non chattand dinuonder aint il podessan metter, per la quantitâ, gettan els sül tet della chasa, e'l laschettangiò tras ils quadrels, insembel col let là in mez, avant a Gesu.

20. Ed el, aviand vis lur cretta, disch a quel: Crastian, teis puchats at sun perdunats.

21. E 'ls scrivants, e 'ls Fariseers comanzettan a raschunar, dschand: Chi ais quaist, chi pronunzia blastemmas? Chi po perdunar ils puchats, oter co Deis sulet?

22. Ma Gesu, aviand cognoschü lur discuors, respondet ad els, e disch: Che raschunais vus in voss cours?

23. Qual ais plü chönsch, dir: Teis puchats at sun perdunats, ovvero dir: Leiva sü, e chamina?

24. Ma, acio cha vus sapehat, cha 'l figl del crastian ha autorità in terra da perdunar ils puchats: Eu di a tai (*disch el al schirà*); leiva sü, e piglia teis let, e vâ a chasa tia.

25. Ed el, in quel istant, siand alvâ sün in lur conspet, ed aviand tut sün las spadlas quai, sün che el giaschaiva, get el a chasa sia, glori-fichand Deis.

26. E stupur piglet aint a tuots, chi glorifichaivan Deis; ed eiran plains da temma, dschand: Hoz avain nus vis chosas stranas.

27. E, * dopo quaistas chosas, get el our, e vezzet ün publichan, *dit* per nom Levi, chi sezzaiva al banc della gabella, e disch ad el: Seguittescha'm

* Marc. 2, 14.

28. Ed el, aviand bandunâ ogni chosa, alvet sù, e'l seguittet.

29. E Levi al fet ün grand convit in chasa sia, e la quantità da publicans e d'oters chi eiran con els a maisa, eira granda.

30. E 'ls scrivants e 'ls Fariseers da quel lö brunclaivan conter ils scolars da Gesu, dschand: Perche mangiais e bavais cols publicans e pechadurs?

31. E Gesu, respondand, disch ad els: Ils sans non han bsögn da meidi, ma 'ls amalats.

32. * Eu non sun gnü per clamar ils gùsts, anzi 'ls pechadurs a penitenza.

* Matt. 9, 13.

33. E quels al dischan: Perche gegünan ils scolars da Gioanne, e sumgiantamaing quels dels Fariseers, e fan suvent oraziuns; e 'ls teis mangian e baivan?

34. Ed el disch ad els: Podais vus far gegünar quels della chambra dellas nozzas, intant cha'l spus ais con els?

35. Ma 'ls dis vegnan a gnir, cha 'l spus sarà ad els tut, e lura in quels dis gegüneran els.

36. Disch ad els ultra quai üna sumgenschaft: Ingün non metta üna pezza d'ün vestimaint nouv sün ün vestimaint veder, uschigliö sdratscha el quel nouv, e la pezza *tuta* dal nouv non as confà al veder.

37. Medemamaing, ingün non metta vin nuvell in barigls veglias; uschigliö rump' il vin nuvell las barigls, e quel s'spanda, e las barigls van a perder.

38. Ma 's stova metter il vin nuvell in barigls novas, ed amendus s'conservan.

39. Ingün eir, aviand bavü *vin* veder, vül subit nuvell; perche el disch: Il veder vala plü bler.

CHAP. VI.

Defensiun per l'achüsa fatta als scolars circa l'observaziun del sabbat: elecziun e noms dels apostels. Muossa quals sajan beats, e's dess amar ils inimis, e tadlar con früt il pled da Dieu.

MA dvantet nel prüm sabbat del di davo *lu pasqua*, ch'el * chaminava tras las früas; e seis scolars traivan oura spias e *las* mangiaivan, las sfruschand cols mans. * Matt. 12, 1.

2. Ed alchüns dels Fariseers dischan ad els: Perche fais quai, chi non ais licit da far süls dis del sabbat?

3. E Gesu, respondand, disch ad els: Non avais vus pür let * quai chi fet David, cur el avet fam, e quels ch'eiran con el?

* 1 Sam. 21, 6.

4. Co el intret nella chasa da Dieu, e piglet ils pans della presentaziun, e manget, e det eir a quels, chi *eiran* con el; * ils quals però non ais licit da mangiar, oter co als sacerdots sulets? * Lev. 24, 9.

5. Lura disch el ad els: Il figl del crastian ais Segner eir del sabbat.

6. * Ma dvantet sün ün oter sabbat, ch'el intret nella sinagoga e mossai-va, e qua eira ün crastian, il man dret del qual eira sech.

* Marc. 3, 1.

7. E 'ls Fariseers e 'ls scrivants l'observaivan, sch'el gnis a 'l guarir sül sabbat, per chattar da 'l achüsar.

8. Ma el cognoschaiva lur impissamaints, e disch al crastian ch'avaiv' il man sech: Leiva stü, e sta in pè là in mez. Ed el, siand alvâ stü, stet in pè.

9. Gesu dimena disch ad els: Eu 's domand, che aise licit da far, bain o mal, süls sabbats? Da salvar üna persuna, o da la mazzar?

10. E 'ls aviand guardats tuots intorn disch el a quel crastian: Stend' oura teis man. Ed el fet usche; e seis man füt fat san sco l'oter.

11. E quels fütan plains da furia, e raschunaivan tanter els, che chosa els volessan far a Gesu.

12. Ma dvantet in quels dis, ch'el get oura sül munt per orar, e passantet la not in oraziun vi a Dieu.

13. E, * cura füt di, clamet el pro sai seis scolars, e tschernet dudesch, ils quals el eir nominet apostels.

* Matt. 10, 1. Marc. 3, 13.

14. *Cioè*: Simon, il qual el eir

* nominet Petro, ed Andrea, seis frar, Giacobbo e Gioanne, Filippo e Bartolomeo.

* Gioan. 1, 42.

15. Matteo e Toma, Giacobbo d'Alfeo, e Simon, clamâ Zelote.

16. Giuda, *frar* da Giacobbo, e Giuda Iscariot, il qual eir füt traditur.

17. Lura, siand it giò con els, s'fermet el in üna planüra, con la quantitâ da seis scolars, e con grand number da pövel da tuot la Giudea e da Gerusalem, e dalla costa maritima da Tiro e da Sidon, ils quals eiran gnüts per l'udir, e per esser guarits da lur infirmitats;

18. Insembel con quels, ch' eiran tormentats da spierts malnets; e fütan guarits.

19. E tuot la quantitâ * tscherchaiva da 'l toccar; perche virtù giaiv' our dad el, e 'ls faiva tuots sans.

* Matt. 14, 36.

20. Ed el, aviand ozâ 'ls ögls vers seis scolars, dschaiva: * Beats *vus* povers; perche 'l reginam da Dieu ais vos.

* Matt. 5, 3.

21. Beats *vus*, chi uossa avais fam; perche vus sarat sadolats. * Beats *vus*, chi uossa eridais; perche vus gnis a rir.

* Es. 55, 1. 61, 3.

22. Vus sarat beats, cur la gliעד s'averan ödiats, e s'averan scomunichats, e vituperats, ed averan clamâ oura vos nom sco mal, per chascun del figl del crastian.

23. S'allegrai, e sagli d'allegrezza sün quel di; perche mera, vossa merceda ais granda nels tshels; perche cha 'l sumgiant fettan lur baps als profets.

24. Ma * vae a vus, richs! Perche vus avais via vos cüffort.

* Amos 6, 1. Giac. 5, 1.

25. Vae a vus, chi eschat plains! Perche vus averat fam. Vae a vus, chi uossa riais! Perche vus farat cordöli e gnis a eridar.

26. Vae a vus, cura tuot la gliעד diran bain da vus! Perche cha 'l sumgiant fettan lur baps als fos profets.

27. Ma eu di a vus, chi udis: * Amai voss inimis; fat del bain a quels, chi s'ödieschän;

* Matt. 5, 44.

28. Benedi quels, chi s'maledeschän; e rovai per quels, chi s'molestan.

29. * Sch' alchün at batta sün üna

masella, schi sporscha 'l via eir l'otra, e non ostar a quel chi 't piglia la chappa, *da tour* eir la rassa. * 1 Cor. 6, 7.

30. Ed a scodün, chi giavütscha da tai, dà; e, sch' alchün t' piglia il tieu, non il domandar inavo.

31. E, * sco vus volais, cha la gliעד s'fetschan, schi fat eir ad els sumgiantamaing.

* Matt. 7, 12.

32. E, scha vus amais quels, chi s'aman, schi che grazia gnis ad avoir? Perche ch' eir ils pechadurs aman quels, chi 'ls aman.

33. E, scha vus fais del bain a quels, chi fan del bain a vus, che grazia gnis ad avoir? Perche ch' eir ils pechadurs fan il sumgiant.

34. E, scha vus imprastais a quels, dals quals vus avais spranza d'avair darcheu, che grazia gnis ad avoir? Perche cha 'ls pechadurs impraistan als pechadurs, per ardschaiver oter tant.

35. Ma vus amai voss inimis, e fat del bain, ed imprastai, non aviand spranza d'inguotta; schi vain vos premi ad esser grand, e gnis ad esser figls del otissem; perche ch' el ais benign invers ils ingrats e mals.

36. Contuot sajat misericordiaivels, sco eir vos bap ais misericordiaivel.

37. E * non güdicharai, schi non gnis a gnir güdichats; non condannerai, schi non gnis a gnir condannats; perdunai, schi as sarà perdunâ.

* Matt. 7, 1.

38. Dat, schi vain as gnir dat; üna masüra buna, squitschada giò, squasada e chi vâ sura vain as gnir dat ta in sain; perche con quala masüra vus masürais, sarà eir masürâ a vus.

39. Ma el disch ad els üna sumgenscha: * Po ün orb inguidar sün la via ün oter orb? Non croderan quels amenduos nel foss?

* Matt. 15, 14.

40. * Ingün scolar non ais da plü co seis maister; ma ogni *scolar* perfet dess esser sco seis maister.

* Gioan. 13, 16.

41. * Ma che guardast tü la büscha ch' *ais* nel ögl da teis frar, e non t'acorsechast della trav, chi *ais* in teis propri ögl?

* Matt. 7, 3.

42. Ovvero, co poust dir a teis frar: Frar, lascha ch'eu 't tir' oura la büscha ch' *ais* in teis ögl, non veziand

tü stess la trav, ch' *ais* nel teis propri ögl? Ipocrit, tir' il prüim our da teis ögl la trav, e lura dessast tü guardar da trar oura la büscha ch' *ais* nel ögl da teis frar.

43. * Perche chi non ais ingün bun bösch, chi fetscha nosh früt; ne nosh bösch, chi fetscha bun früt.

* Matt. 7, 17.

44. Perche * ogni bösch ais cognoschü dal propri früt; perche chi non s' elegian fies giò dallas spinas, e non s' vendemian üjas dal fruschêr.

* Matt. 12, 33.

45. * Il crastian bun dal bun tesor da seis cour porta our il bön, e' l crastian mal dal mal tesor da seis cour, port' our il mal; perche sia bocca tschantscha da quai, ch' il supravanza nel cour.

* Matt. 12, 35.

46. * Ma perche 'm clamaï Segner, e non fais las chosas ch' eu di?

* Mat. 1, 6.

47. Seodün chi vain pro mai, ed oda meis plds, e' ls metta in effet, as vögl eu mossar a chi el ais simil.

* Matt. 7, 24.

48. El ais simil ad ün crastian, chi edificha üna chasa, il qual ha chavâ, e sögliâ chafuol, ed ha tschantâ 'l fondamaint sün la peidra; e, siand gnüda ün' auazun, schi ha 'l torrent dat conter quella chasa, e non l' ha podüda crullar; perche l' eira fondada sün la peidra.

49. Ma chi 'ls ha uids e non ils ha miss in effet, ais simil ad ün crastian, chi ha edificâ üna chasa sün la terra, sainza fondamaint, la quala il torrent, aviand dat conter, ais ella subit erodada, e sia ruina ais stata granda.

CHAP. VII.

Cristo guaresch' il famagl del chapitani, e fà resistar la figl della vaidgna; eir ardschaiv' el ils mess da Gioanne; fà miraculs, e perdun' ils puchats.

MA, dopo ch' el avet finì tuots quaists seis raschunamaints, ündin il pövel, intret el in Capernaum.

2. * E' l serviaint d' ün tschert chapitani, il qual l' eira zuond char, eira amalâ, e staiva per morir. * Matt. 8, 5.

3. Ma 'l chapitani, aviand udi favlar da Gesu, schi 'l tramettet el seniurs

dels Güdeus, il rovand, ch' el gnis, e fess san seis serviaint.

4. E quels, siand gnüts pro Gesu, il rovettan datschert, dschand: El ais degn, cha tü 'l concedast quaist;

5. Perche el ama nossa naziun, ed el ais quel, chi 'ns ha edificâ la sinagoga.

6. E Gesu giaiva con els, e cur el eira bricha fieh dalönsch dalla chassa, schi 'l tramettet il chapitani amis, per al dir: Segner, non atsfadiar; perche eu non sun degn, cha tü intrast suot meis tet.

7. Per quai non m' ha neir eu tgnü degn da gnir pro tai, ma comanda *solum* con ün pled, e meis serviaint sarà guarì.

8. Perche eu sun hom suottapost alla pussanza d' ün oter, ed ha suot mai sudats; e pür, sch' eu di al ün: Vâ, el vâ; scha al oter: Vè nan, el vain, e sch' eu di a meis serviaint: Fà quaist, el il fà.

9. E Gesu, aviand udi quaistas chosas, as smüravglet el, e s' aviand vout, disch el alla quantità chi 'l seguittai-va: Eu 's di, cha neir in Israel non ha eu chattâ ün' usche granda cretta.

10. E cur quels, ch' eiran stats tramiss, füttan turnats a chasa, chattettan els il serviaint, ch' eira stat amalâ, esser san.

11. E dvanet nel di sequaint, ch' el giaiv' in üna città, ditta Nain, e seis scolars in grand number, ed üna granda quantità, giaiva con el.

12. E, cur el füt sper la porta della città, mera, e 's portaiv' our a sepulir ün mort, figl sulet da sia mamma, la quala eir eira vaidgua, e granda quantità della città eira con ella.

13. E' l Segner, l' aviand visa, avet compassiun d' ella, e la dschet: Non eridar!

14. E, s' aviand approsimâ via, toccet, el la bara, (ma 'ls portadurs s' fermettan) e disch: Giuvnet, eu t' il di, leiva sü.

15. E' l mort alvet in sez, e coman- zet a tschantschar; e Gesu il det a sia mamma.

16. E spavent ils piglet aint tuots, e glorifichaivan Deis, dschand: Ün grand profet ais alvâ sü tanter nus. Deis ha visitâ seis pövel.

17. E quaiſt racheunamaint davart el as raset oura per tuot la Giudea e per tuot il pajais circonvicin.

18. * Ma 'ls ſcolars da Gioanne al referittan tuot quaiſtas choſas. * Matt. 11, 2.

19. Ed el, aviand clamâ pro ſai duos da ſeis ſcolars, ils tramettet el pro Geſu, *al* dir: Est tû quel, chi ha da gnir, o avain nus pûr da ſpettar sün ün oter?

20. Quels homens dimena, eſſendo gnüts pro Geſu, *al* diſchan: Gioanne Battista ans ha tramiss pro tai, a 't dir: Est tû quel, chi ha da gnir, o avain nus pûr da ſpettar sün ün oter?

21. (Ma in quell' iſteſſ' ura guarit el blers d' infirmitats, e da flagels, e da ſpierts maligns; ed a blers orbs dunet el il vair.)

22. E Geſu, reſpondand, diſch ad els: It, e referi a Gioanne las choſas ch' avais vis ed udi: * Cha 'ls orbs ardschaivan la vezzüda, cha 'ls zops chaminan, cha 'ls levrus sun nettiats, cha 'ls ſuords odan, cha 'ls morts sun reſüſtats, cha l' evangeli ais annunziâ als povers. * Es. 35, 5.

23. E beà quel chi non ais stat ſchandelizâ in mai.

24. E, cur ils mess da Gioanne fütan its davent, comanzet el a dir al pövel davart Gioanne: Che gettat vus a vair our nel deſert? Üna channa smanada dal vent?

25. Impero che gettat vus oura a vair? Ün crastian veſti con veſtimainta fina? Mera, quels chi üſan veſtimainta magnifica, *e vivan* in delizias, ſtan nels palazzis dels rais.

26. Impero, che eſchat vus its our a vair? Ün profet? Tſchèrt eu 's di, ün eir plü co profet.

27. El ais quel, dal qual ais ſcrit: Mera, * eu tramet meis mess avant tia fatscha, il qual vain a preparar teiſ chamin avant tai. * Mal. 3, 1.

28. Perche eu 's di, cha tanter quels, chi sun nats da duonna, non ais alchün profet plü grand da Gioanne Battista; ma 'l minim nel reginam da Dieu ais plü grand co el.

29. E tuot il pövel, e 'ls publicans, ch' eiran ſtats battizats dal battaiſem da Gioanne, aviand udì *quaiſtas choſas*, cognoſchettan els Deis per güſt.

30. Ma 'ls Fariseers, e 'ls docturs della ledſcha, chi non eiran ſtats battizats dad el, ſbüttettan a lur dan il coſſagl da Dieu.

31. E'l Segner diſch: * A chi dime-na deſſ eu congualar la gliend da quaiſta generaziun? Ed a chi sun quels ſimils? * Matt. 11, 16.

32. Els sun ſimils als infants, chi ſezzan sün la piazza, e bragian l' ün l' oter, e diſchan: Nus s' avain ſunâ, e vus non avais ballâ; nus s' avain chantâ chanzuns da lêd, e vus non avais cridâ.

33. Perche Gioanne Battista ais gnü, ne mangiand pan, ne bavand vin, e vus avais dit: El ha 'l demuni;

34. Il figl del crastian ais gnü, mangiand e bavand, e vus dſchais: Mera, ün crastian mangiader, e bavader da vin, amì da publicans e da pechadurs.

35. Ma la ſapienza ais ſtatta güſtiſchada da tuots ſeis infants.

36. Ma ün dels Fariseers l' invidet a mangiar in chaſa ſia; ed el, ſiand intrat in chaſa del Fariseer, as mettet a maisa.

37. E mera, *qua eira* in quella città üna duonna, chi eira ſtatta pechadra, la quala, aviand ſavü, ch' el eira a maisa in chaſa del Fariseer, portet üna büſchla d' öli bainsavuri;

38. E, ſtand pro 'ls peis da quel, davo el, cridand, comanzet ella a bagnar con larmas ils peis, e 'ls süjantaiva cols chavels da ſeis cheu; e'l bütschaiva ils peis, e 'ls onſchaiva col öli.

39. E'l Fariseer, chi l' avaiva invidâ, aviand vis *quai*, diſch in ſai ſveſſ: Quaiſt, ſch' el füſſ profet, ſchi gnis el pûr a cognoſcher, chi e quala *saja* quaiſta duonna, chi 'l tocca; perche ella ais üna pechadra.

40. E Geſu al reſpondet, e diſch: Simon, eu ha qualcheſoſa at dir. Ed el diſch: Maister, di pûr.

41. *E Geſu al diſch*: Ün credader avaiva duos debitors; l' ün al dovaiva tſchineh tſchient denars, e l' oter tſchinquanta.

42. E, non aviand quels con che pajar, ſchi relaſchet el il debit ad amenduos. Cöntuot di, qual d' els l' amerà plü?

43. E Simon, respondand, disch: Eu stim quel, al qual el ha plü laschâ giò, e Gesu al dschet: Tü hast dretta-maing güdichâ.

44. E, siand vout incoiter la duonna, disch el a Simon: Vezzast quaista duonna? Eu sun intrat in chasa tia, e tü non am hast dat aua als peis; ma ella m' ha bagnâ con larmas ils peis, e 'ls ha süjantats cols chavels da seis cheu.

45. Tü non am hast dat brich' ün bütsch; ma quaista, dopo ch' ell' ais intrata, non ha ella mâ challâ da 'm bütschar ils peis.

46. Tü non am hast üt il cheu con öli; ma ella m' ha üt ils peis con öli bain-savuri.

47. Per tant, eu 't di, cha seis puchats, chi sun in grand number, la sun perdunats; perche ch' ella ha blier amâ; ma a chi pac ais perdunâ, pac ama.

48. Lura disch el ad ella: Teis puchats at sun perdunats.

49. E quels, ch' eiran con el a mai-sa comanzettan a dir tanter els sves: * Chi ais quaist, il qual eir perduna ils puchats? * Matt. 9, 3.

50. Ma Gesu disch alla duonna: * Tia cretta t' ha salvada; vâ via in pasch. * Marc. 5, 34.

CHAP. VIII.

Las donans servan a Cristo; la sumaglia del semnader e della glüm; item quatter miraculs.

Edvantet lura davo quai, ch' el giai-va intuorn da città in città, e da vih in vih, predgiand, ed evangelizand il reginam da Dieu, aviand con el ils dudesch.

2. Ed eir tshertas donans, las qualas eiran stattas guaridas da spierts maligns, e d' infirmitats; Maria, ditta Magdalena, * dalla quala eiran its oura set demunis. * Marc. 16, 9.

3. E Gioanna, muglier da Cuza, procuratur d' Erode; e Susanna; e ble-ras otras, las qualas al servivan *al güdand* con lur facultats.

4. Ma, 's raspand granda quantità, e giand il pövel our da tuot las cittats pro el, * disch el tras sumgenscha. * Matt. 13, 2.

5. Ün semnader get oura a semnar

seis sem; ed, intant ch' el semnaiva, crodet üna part giò davo la via, e füt traplâ suot, e 'ls utschels del tshel il maglettan tuot.

6. Ed ün' otra crodet sün ün spelm, e, cur el füt prüi stü, sechet el; perche el non avaiva umur.

7. Ed ün' otra crodet tanter las spinas, e las spinas, siand creschüdas sün insembel, il stenschantettan.

8. Ed ün' otra crodet in buna terra, e, siand creschü, fet el früt, tshient *per ün*. Dschand quaistas chosas bragiv' el: Chi ha uraglias d' udir oda!

9. E seis scolars il domandettan, che quella sumaglia volaiva dir.

10. Ed el disch: A vus ais dat da cognoscher ils misteris del reginam da Dieu; ma als oters *sun quels proponüts* tras sumaglias, acio cha vezziand els non vezzan, ed udind non inelegian.

11. Ma quaist ais *il senso* della sumgenscha. Il sem ais il pled da Dieu.

12. E quels, *chi sun semnats* giò davo la via, sun quels chi odan *il pled*; ma lura vain il diavel, e piglia via il pled our da lur cour, acio ch' els non crajan, e non vegnan salvs.

13. E quels, *chi sun semnats* sün il spelm, *sun quels*, ils quals, cur els han udi'l pled, l' ardschaivan con allegrezza; ma quaists non han raggisch, non crajand oter co a temp; ed al temp del provamaint as retiran els inavo.

14. E la part, ch' ais erodada tanter las spinas, sun quels, chi han udi'l *pled*; ma, cur els sun its davent, sun els stenschantats suot dals pissêrs, e dallas richezzas e dals plaschamaints da quaista vita; e non früttan.

15. Ma la part, *ch' ais erodada* nella buna terra, sun quels, ils quals, aviand udi'l pled, il tegnan in ün cour onest e bun, e früttan con pazienza.

16. Ma * ingün, aviand invüda üna glüm, non la covernâ con ün vaschè, o la metta suot il let; anzi la mett' el stül chandallêr, acio cha quels ch' intran vezzan la glüm. * Matt. 5, 15.

17. Perche * cha non ais inguotta zop-pâ, chi non haja da gnir manifest;

ne secret, chi non haja da's savair, e da gnir in apalaïs. *Matt. 10, 26.

18. Guardai dimena co vus udis; perche * a scodün chi ha, sarà dat; ma chi non ha, eir quai ch'el craja d'avair, al sarà tut. *Matt. 13, 12.

19. Ma sia mamma e seis frars gnitan pro el, e non podaivan gnir pro el per la quantità.

20. E quai al füt refert, dschand *alchüns*: Tia mamma e teis frars sun là oura, at voland vair.

21. Ma el, respondand, disch ad els: Mia mamma, e meis frars sun quels, chi odan il pled la Dieu, e l'mettan in effet.

22. E dvantet ün da quels dis, * ch'el muntet in üna nav con seis scolars, e disch ad els: Passain via all'otra riva del lai. E quels navigettan sün l'ot dell' aua. * Matt. 8, 23.

23. Ed, intant ch'els navigaivan, as dormenzet el; ed ün trabagl d'ora gnit sül lai, tal cha lur *nav* s'impliva, ed eiran in privel.

24. E quels, siand appros mats via, il sdasdettan sü, dschand: Maister, Maister, nus perin! Ed el, s'aviand sdasdâ, slamet il vent e l'undiar dell' aua, e quels s'quietettan, e tuot füt tranquil.

25. E Gesu disch a seis scolars: Ingio ais vossa cretta? E quels tmand, as smüravglettan, dschand l'ün l'oter: Chi ais pür quai, ch'el comanda eir al vent ed all' aua, e quels l'obedeschan?

26. E * navigettan nella contrada dels Gadareners, chi ais via incounter la Galilea. * Marc. 5, 1.

27. E, cur el füt smuntâ in terra, al gnit incounter ün hom da quella città, il qual agià da lung temp nan avaiva ils demunis, e non eira vesti con alchün vestimaint, e non dmuraiv' in chasa alchüna, ma dadaint ils monumaints.

28. E, cur l'avet vis Gesu, bragit el, e's büttet giò avant seis peis, e disch con granda vusch: Gesu, figl del otissem Deis, che aise tanter tai e mai? Eu't rov non am tormentar;

29. Perche el comandaiv' al spiert malnet d'ir our da quel hom; perche agià da lung temp innan s'avaiv' el

fat patrun, e combain ch'el gniva perchürâ, liâ con chadainas e con tscheps, schi rumpaiv' el ils liams, e gniva transportâ dal demuni nels deserts.

30. E Gesu il domandet, dschand: Qual ais teis nom? E quel disch: Legion; perche blers demunis eiran intrats in el.

31. E quels il rovaivan, ch'el non comandess ad els d'ir nel abiss.

32. Ma qua spera eira ün tröp da grand number da porchs, chi pasculaivan sül munt, e *quels demunis* il rovaivan, ch'el permettess ad els d'intrar in quels. Ed el permettet ad els.

33. E quels demunis, siand its our da quel crastian, intrettannels porchs; e quel tröp as büttet a precipizi giò nel lai e stenschet.

34. E, cur quels, ch'ils perchüravaivan, vezzettan quai chi eira dvantâ, fùgitan els, e gettan, e referittan nella città e per la contrada.

35. E l' *pövel* get oura per vair quai ch'eira dvantâ, e gnit pro Gesu, e chattet il crastian, our dal qual ils demunis eiran its, chi sezzaiv' avant ils peis da Gesu, vesti ed in bun sentimaint, e tmet.

36. Quels eir, chi l'avaivan vis, requintettan ad els, co l'indemuniâ eira stat liberâ.

37. E tuot la quantità del pajais circonvicin dels Gadareners giaviſchetan a Gesu, ch'el as partiss dad els; perche els eiran occupats da grand spavent. Ed el, siand muntâ nella nav, turnet darcheu.

38. Ma quel hom, our dal qual eiran its ils demunis, il rovaiva da podair star con el. Ma Gesu il licenziet, dschand:

39. Tuorn' a chasa tia, e requinta quant grandas chosas Deis t'ha fat. Ed el get per tuot la città, predgiand quant grandas chosas Gesu l'avai-va fat.

40. Ma dvantet, cur Gesu füt turnâ, cha la quantità l'ardschvet; perche tuots il spettaivan.

41. E * mera, ün hom, il nom del qual eira Jairo, il qual eira capo della sinagoga, gnit, e s'aviand büttâ giò

avant ils peis da Gesu, il rovaiva l', ch'el gniŝ in sia chasa. *Matt. 9, 18.

42. Perche l'avaiva üna figlia suletta, d'età intuorn dudesch ans, la quala eira per morir. Ma, intant ch'el giaiava, il chalchaiva la quantità.

43. Ed üna duonna, la quala avai' ün flüss da sang da dudesch ans in nan, ed avaiava spais con meidis tuot sia facultà, e non avaiava podü gnir guarida d'alchün;

44. Siand approsmada via davo vart, toccet ella l'ur della rassa da quel; ed in quel istant il flüss da seis sang as fermet.

45. E Gesu disch: Chi m'ha toccâ? E, snejand tuots, Petro e quels chi eiran con el, dischan: Maister, il pövel at strenscha e't chalcha, e tû dist: Chi m'ha toccâ?

46. Ma Gesu disch: Alchün m'ha toccâ; perche eu ha cognoschü, cha virtù ais id' our da mai.

47. E la duonna, veziand ch'ella eira scoverta, tuot trembland gnit, e, s'aviand büttada giò avant seis peis, al declaret ella, in presenza da tuot il pövel, per che chaschun ella l'avaiva toccâ, e co l'eira in quel istant guarida.

48. Ed el la disch: Stà con bun cour, figlia! Tia cretta t'ha salvada, vâ in pasch.

49. Ma, intant ch'el amo favlaiva, gnit ün da chasa del capo della sinagoga, dschand ad el: Tia figlia ais morta; non dar molestia al maister.

50. Ma Gesu, aviand udì quai, al fet el risposta, e disch: Non tmair, solum craja, ed ella sarà sana.

51. E, siand intrat nella chasa, non permettet el, ch'alchün intress, oter co Petro, e Gioanne, e Giacobbo, e'l bap e la mamma della giuvnetta.

52. Ma tuots cridaivan, e faivan cordöli per ella. Ma el disch: Non criderai; ella non ais morta; ma dorma.

53. E quels riaivan d'el, saviand ch'ella eira morta.

54. Ma el, aviand fat ir oura tuots, e, l'aviand tuta per il man, clamet el, dschand: Giuvnetta, leiva sü!

55. E seis spiert turnet darcheu in ella, ed ella alvet stü prontamaing;

ed el comandet, chi la dessan da mangiar.

56. E'l bap e la mamma da quella as stupittan. E Gesu comandet ad els, chi non dschessan ad alchün quai, chi eira stat fat.

CHAP. IX.

Ils dudesch vegnan tramiss oura; il miracul dels tschinch pans e duos peschs; davart la crusch e resistenza da Cristo; che vegna retscherchâ ad ir davo el; dall' ümiltà, e metter man vi' al fargun.

MA,*aviand clamâ tuotŝ seis dudesch scolars insembel, det el ad els pussanza ed autorità sur tuot ils demunis, e da guarir las malatias.

*Matt. 10, 1.

2. E'ls tramettet a predgiar il reginam da Dieu, ed a guarir ils amalats.

3. E disch ad els: Non pigliarai inguotta per viadi, ne bastuns, ne tascha, ne pan, ne danêrs, medemamaing, non hajat scodün duos rassas.

4. Ed in qualunque chasa vus sarat intrats, schi dmurai in quella, e'spartì da quella.

5. E,*sch'alchüns non s'ardschaivan, schi it our da quella città, e squassai eir la puolvra giò da voss peis, in testimonianza conter els. *Marc. 6, 11.

6. E quels, siand partits, giaiavan intuorn per ils vihs, evangelizand e medgiand pertuot.

7. Ma *Erode, il tetrarca udit tuot las chosas fattas da Gesu, ed eira perplex; perche 's dschaiva d'alchüns, cha Gioanne eira resüstâ dals morts; *Matt. 14, 1.

8. E dad oters, ch'Elia füss appartü, e dad oters, ch'ün dels profets vegls füss resüstâ.

9. Ed Erode dschet: Eu ha decapitâ Gioanne; chi ais dimena quaiŝt, dal qual eu od talas chosas? E tscherchaiva da'l vair.

10. E'ls *apostels, essendo darcheu turnats, requintettan a Gesu tuot las chosas ch'avaivan fat. Ed el, ils aviand tuts con el, as retret d'üna vart in ün lö desert della città, ditta Bet-saida. *Marc. 6, 30.

11. Ma'l pövel, aviand savü quai, al seguittet. Ed el, ils aviand ardschvü, rashunaiv' ad els dal reginam da

Dieu, e faiva sans quels, ch'avaivan bsögn da gnir medgiats.

12. * Ma 'l di comanzaiva a declinar, e 'ls dudiesch, siand approsmats, al dischan: Licenziescha la quantità, acio cha gajian per ils vihs, e 'l contadi qua d'intuorn; ed albergian e chattan da mangiar; perche nus eschan qui in ün lö desert. *Matt. 14, 15.

13. Ma el disch ad els: Dat ad els vus da mangiar. E quels dischan: Nus non avain oter co tschinch pans e duos peschs; scha nus forse non gessan a cumprar vietualia per tuot quaiست pövel;

14. Perche els eiran intuorn tschinch milli homens. Ma el disch a seis scolars: Fat els tschantar in terra per rudês, a tschinquanta *per rudê*.

15. E quels fettan usche, e 'ls fettan tschantar tuots.

16. Ed el piglet ils tschinch pans e 'ls duos peschs, ed, aviand ozâ ils ögls al tschel, ils benedit el, e 'ls rumpet, e 'ls det a seis scolars, per ils metter avant alla quantità.

17. E tuots mangettan, e fütan sadolats, e s'alvet via dals tocs, ch'eiran ad els vanzats, dudiesch chanasters.

18. Ma * dvantet cha, essendo el in oraziun d'üna vart, eiran ils scolars con el. Ed el ils domandet, dschand: Chi disch il pövel ch'eu saja?

*Matt. 16, 13.

19. E quels, respondand, dischan: *Alchüns*, Gioanne Battista; ed oters, Elia; ed oters, ch'ün dels profets vegls saja resüstâ.

20. Ed el disch ad els: E vus, chi dschais, ch'eu saja? E Petro, respondand, disch: Il Cristo da Dieu!

21. Ed el scomandet ad els stretta-maing, cha non dschessan ad alchün,

22. Dschand: E stova, cha 'l figl del crastian indüra bleras chosas, e vegna sbüttâ dals seniurs e dals principals sacerdots, e dals scrivants, e vegna mazzâ, e resüsta al terz di.

23. Dschaiva ultra quai a tuots: * Sch'alchün voul gnir davo mai, schi ch'el renunzia a sai stess, e piglia ogni di sia crusch in spadla, e 'm seguittescha.

*Matt. 16, 24.

24. Perche, chi averà voglû salvar

sia vita, la perderà; ma, chi averà pers sia vita per mai, la salverà.

25. Perche, che güda al crastian, sch'el guadagna tuot il muond, e perda sai stess, ovvero vain chastiâ *sin la vita?*

26. Perche, * sch'alchün ha verguogna da mai e da meis plets, schi vain eir il figl del crastian ad avair verguogna d'el, cur el vain a gnir in sia gloria, e quella da seis bap, e dels sanets angels. *Marc. 8, 38.

27. Ma * eu's di in vardà, ch'alchüns da quels, chi sun qui presaints, non vegnan ad insajar la mort, cha 'l prüm els non hajan vis il reginam da Dieu.

*Marc. 9, 1.

28. Ma dvantet, cha * intuorn d'ot dis davo quaiست raschunamaints, piglet el con el Petro, Gioanne e Giacobbo, e get sül munt per urar. *Matt. 17, 1.

29. Ed, intant ch'el uraiva, füt la sumgenscha da sia fatscha müda-da, e sia rassa dvantet alba splendurainta.

30. E mera, duos homens tschan-tschaivan con el, ils quals eiran Mose ed Elia.

31. Ils quals, siand apparüts in gloria, favlaivan dalla fin da quel, la quala el dovaiva complir in Gerusalem.

32. Ma Petro e quels ch'eiran con el, * eiran aggravats da sön, e, cur els fütan dsasdots, vezzettan els la gloria da quel, e quels duos homens, ch'eiran con el.

*Dan. 8, 18. 10, 9.

33. E, cur quels as partittan dad el, disch Petro a Gesu: Maister, l'ais bün cha nus stettan qui; fain dimena trais tabernaculs, ün a tai, ün a Mose ed ün ad Elia; non saviand quai ch'el dschess.

34. Ma, intant ch'el dschaiva quai-stas chosas, gnit üna nüvla, chi sursumbrivet quels, e 'ls *scolars* tmettan, cur quels intrettan nella nüvla.

35. Ed üna vusch gnit our dalla nüvla, dschand: Quaiست ais meis char figl; tadla 'l.

36. Ed in quel istant, chi dvantaiva quella vusch, as chattet Gesu zuond sulet. Ma quels taschettan e non referittan in quels dis ad alchün inguotta dallas chosas, ch'avaivan vis.

37. Ma dvantet * il di seguint, cha,

siand gnüts giò dal munt, a gnut üna granda quantità incoenter a Gesu.

* Matt. 17, 14.

38. E mera, ün hom intanter la quantità clamet, dsehand: Maister, eu 't rov, resguarda a meis figl; perche el m'ais sulet.

39. E mera, ün spiert al chatscha man, ed el subit bragia, e 'l *spiert* il şcharpa, ed el fă şchamada, e quel apaina 's parta dad el, il smachand.

40. Ed eu ha rovâ teis scolars chi 'l chatschessan oura; ma non han podü.

41. E Gesu, respondand, disch: O generaziun incredula e perversa; infina cura mâ dess eu esser con vus, e 's comportar? Maina qua teis figl.

42. Ed, intant ch'el eira amo sün la via, schi 'l storschet il demuni, e 'l şcharpet. Ma Gesu slamet al spiert malnet, e guarit il giuvnet, e 'l det darcheu a seis bap.

43. E tuots as stupivan della grandezza da Dieu. Ma, intant cha tuots as smüravgliaivan da tuot las chosas, cha Gesu faiva, disch el a seis scolars:

44. * Vus mettai quaists plets in vossas uraglias; perche 'l figl del crastian sarà dat in mans della glieud.

* Marc. 9, 31.

45. Ma quels non ineclegiaivan quel dit, ed eira ad els zoppâ, in möd chi non il comprendaivan, e tmaivan da 'l domandar davart quel dit.

46. * Lura's moventet tanter els üna questium, chi dad els füss il plü grand.

* Matt. 18, 1.

47. E Gesu, aviand vis l'impissamaint da lur cour, piglet ün pitschen infant, e 'l fet star sper sai;

48. E disch ad els: * Chi ardschaiva quaist pitschen infant in meis nom, ardschaiva mai; e chi ardschaiva mai, ardschaiva quel, chi m'ha tramiss; perche, chi ais il minim da tuots vus, quel ais grand.

* Marc. 9, 37.

49. Ma Gioanne al fet risposta, e disch: Maister, nus avain vis ün, chi chatschaiva oura demunis in teis nom, e nus l'avain scomandâ; perche el non at seguittescha con nus.

50. Ma Gesu al dschet: Non al scomanderai; perche chi non ais conter nus, ais per nus.

51. Ma dvantet cha, 's complind il

temp, ch'el dovaiva gnir tut stü *in tschel*, sch'indrizzet el sia fatscha, per ir in Gerusalem.

52. E tramettet avant a sai mess, ils quals, siand partits, intrettan in ün vih dels Samaritans, per l'apparechar *albiereg*.

53. Ma *quels del vih* non il volettan ardschaiver; perche a seis aspet paraiva, ch'el giaiva in Gerusalem.

54. E Giacobbo e Gioanne, seis scolars, aviand *quai* vis, dischan: Segner, voust cha nus dian, cha vegna fö giò da tschel, e 'ls consüma, * sco eir fet Elia?

* 2 Reg. 1, 10, 12.

55. Ma el, s'aviand vout, ils slamet, e disch: Vus non savais, da qual spiert vus sajat.

56. Perche * cha 'l figl del crastian non ais gnü per perder las ormas della glieud, anzi per las salvar. E gettan in ün oter vih.

* Gioan. 3, 17.

57. Ma dvantet cha, * intant els chaminaivan sün la via, alchün al disch: Segner, eu 't vögl seguittar, ingio tü vainst ad ir.

* Matt. 8, 9.

58. E Gesu al disch: Las vuolps han tannas, e 'ls utschels del tschel gnies; ma 'l figl del crastian non ha ingio el poza 'l cheu bricha.

59. Ma * el disch ad ün oter: Seguittescha 'm. Ed el disch: Segner, permetta 'm, ch'eu il prüm giaja, e sepulescha meis bap.

* Matt. 8, 21.

60. Ma Gesu al dschet: Lascha 'ls morts sepulir lur morts; ma tü vâ, ed annunzia il reginam da Dieu.

61. Ma eir ün oter al dschet: Segner, eu 't vögl seguittar; ma permetta 'm il prüm da tour cumiâ da chasa mia.

62. Ma Gesu al dschet: Ingün, il qual, aviand miss il man via al arader, guarda inavo, non ais apt pro 'l reginam da Dieu.

CHAP. X.

Settanta scolars vegnan dats pro als dudesch apostels; ed allas cittats infidelas vain laschâ a savair il vae; chi saja il prossem; ils divers stüdis da Marta e da Maria.

MA, dopo quaistas chosas, ordinet il Segner amo oters settanta, e 'ls tramettet a duos a duos avant sai, in ognî città e lë, ingio el avaiva da gnir.

2. Dschaiva ad els dimena: * La raccolta ais bain granda, ma'ls lavuraints *sun* pacs; contuot rovai il Segner della raccolta, ch' el chatscha oura lavuraints in sia raccolta.

* Matt. 9, 37.

3. It! Mera, * eu's tramet sco agnels in mez ils lufs.

* Matt. 10, 16.

4. Non portarai buorsa, ne tascha, ne scharpas; e non saltidarai alchün per viadi, non intardarai.

5. Ed in qualunque chasa vus sarat intrats, schi dit il prüm: Pasch *saja* a quaista chasa!

6. E scha qua ais alchün figl da pasch, schi vain vossa pasch a riposar stin quel; scha na, schi vain ella a turnar pro vus.

7. Ma dmurai in quell' istessa chasa, mangiand e bavand quai, cha qua sarà: * Perche 'l lavuraint ais degn da sia mercede; non passerai da chasa in chasa.

* 1 Cor. 9, 7.

8. Ed in qualunque città vus sarat intrats, scha s' ardschaivan, schi mangiai da quai, chi's sarà miss avant.

9. E guarìls amalats, chi *saran* in quella, e dit ad els: Il * reginam da Dieu s' ha appromâ a vus.

* Matt. 3, 2.

10. Ma in qualunque città vus sarat intrats, scha non s' ardschaivan, schi it oura stin las plazzas da quella, e dit:

11. * Nus as terschain giò eir la puolvra, chi s' ha attachada stin nus, da vossa città; impero sapchat quai, cha 'l reginam da Dieu s' ha appromâ a vus.

* Matt. 10, 14.

12. Ma eu's di, ch' in quel di Sodoma sarà plü tolerabelmaing trattada co quella città.

13. Vae a tai, Corazin! vae a tai, Betsaida! Perche sch' in Tiro ed in Sidon füssan stat fattas las potentas operaziuns, chi sun stat fattas in vus, schi s' avessan ellas agià dalönsch nan inrügladas, giaschand in sach e tshendra.

14. Impero Tiro e Sidon saran plü tolerabelmaing trattadas nel güdizi, co vus.

15. E tü Capernaum, chi est statta adozada infin al tshel, sarast abbassada fin nel infern.

16. * Chi taidla vus, taidla mai; chi spredscha vus, spredscha mai; e chi

spredscha mai, spredscha quel chi m' ha tramiss.

* Matt. 10, 40.

17. Ma quels settanta turnettan con allegrezza, dschand: Segner, eirils demunis ans sun suottaposts in tei nom.

18. Ed el disch ad els: Eu vezzaiva satanas erodar giò da tshel, a guisa da lütschaider.

19. Mera, * eu's dun la pussanza da passar stin serps e scoriuns; *as dun* eir pussanza sur ogni potenza del inimi, ed inguotta s' offenderà.

* Marc. 16, 18.

20. Impero non s' allegrarai da quai, cha'ls spierts sun a vus suottaposts; anzi, s' allegrai, cha voss noms sun scrits nels tshels.

21. * In quell' istess' ura givlet Gesu nel spiert, e disch: Eu't rend onur e lod, o bap, Segner del tshel e della terra, cha tü hast zoppâ quai-stas chosas als sabis ed inlegentaivels, e las hast reveladas als pitschens infants; schi tshert, o bap, perche usche t' ha plaschi.

* Matt. 11, 25.

22. Ogni chosa m' ais datta in man da meis bap; * ed ingün non cognoscha chi saja il figl, oter co 'l bap; ne chi saja il bap, oter co 'l figl, e quel, al qual il figl averà vogli revelar *quai*.

* Matt. 28, 18. Gioan. 1, 18. 6, 46.

23. E, s' aviand vout via als scolars, disch el *ad els* d' üna vart: Beats ils ögls, chi vezzan las chosas cha vus vezzaiz;

24. Perche eu's di, cha blers profets e rais han desiderâ da vair las chosas cha vus vezzaiz, e non las han visas, e d' udir las chosas cha vus udis, e non las han udidas.

25. Lura mera, ün tshert doctur da ledscha alvet sü, il provand e dschand: Maister, fand che vegn eu ad ertar la vita eterna?

26. Ed el al dschet: Nella ledscha che aise scrit? Co legiast?

27. E quel, respondand, disch: * Ama'l Segner tei Deis con tuot tei cour, e con tuotta tia orma, e con tuotta tia forza, e con tuot tei impissamaints, † e tei prossem sco tai stess.

* Deut. 6, 5. † Lev. 19, 18.

28. Ed el disch ad el: Tü hast dret-tamaing respus; fà quai, schi viverast.

* Lev. 18, 5. Ez. 20, 11, 13.

29. Ed el, voliand asgüstifichar, disch a Gesu: E chi ais meis prossem?

30. E Gesu, replichand, disch: Ün erastian giaiva giò da Gerusalem a Gerico, e s'imbattet in saschins; ils quals, l'aviand spogliâ, ed eir l'aviand dat bleras feridas, gettan d'avent, il laschand mez mort.

31. Ma a cas giaiva ün sacerdot giò per quell' istessa via; ed, aviand vis quel, passet el dall' otra vart.

32. Sumgiantamaing eir ün levit, siand gnü spera quel lö, e, l'aviand vis, passet el dall' otra vart.

33. Ma ün Samaritan, fand viadi, gnit sper el, e, l'aviand vis, avet el compassiun d' el;

34. E, siand approssmâ, liet el sü sias plajas, mettand aint öli e vin; lura il mettet el sün sia propria manadüra, e'l manet nel albiërg, ed avet chüra d' el.

35. E 'l di davo partind, tret el oura duos danërs, e 'ls det al ustër, e'l dschet: Hajast chüra da quaist; e tuot quai, cha tü spenderast da plü, at vögl eu render, cureu vegn darcheu a turnar.

36. Qual dimena da quaists trais at para esser stat il prossem da quel, chi s'imbattet nels saschins?

37. Ed el disch: Quel chi tiset misericordia invers el. Gesu dimena al dschet: Vâ, e fâ tü il sumgiant.

38. Ma, intant ch' els eiran in viadi, dvantet, ch' el intret in ün vih, ed üna tscherta duonna, *clamada* per nom * Marta, l'ardschvet in chasa sia.

* Gioan. 11, 1.

39. Ma l'avaiva üna sour, clamada Maria, la quala eir, s'aviand miss' a zer pro'ls peis da Gesu, tadlaiva seis pled.

40. Ma Marta eira fatschendada intuorn blers servezzens. Ed ella gnit e disch: Segner, non bsögnast inguotta, cha mia sour m'ha laschada suletta a servir? Di 'la dimena, ch' ella 'm güda.

41. Ma Gesu, respondand, la dschet: Marta, Marta! Tü est pisserusa, e 't travagliast intuorn bleras chosas;

42. Ma d'üna sula chosa fa bsögn. Ma Maria ha tschernü la buna part, la quala non la sarà tuta.

CHAP. XI.

Cristo muoss' als apostels ad urar; chatsch' our ün demuni; ils Gädeus domandan ün' insaina; Cristo giainta in chasa d'ün Fariseer.

E dvantet cha, siand el in ün tschert lö urand, cur el laschet usche, alchün da seis scolars al disch: Segner, muossa'ns ad urar, seo eir Gioanne ha muossâ a seis scolars.

2. Ed el disch ad els: * Cur vus urais dit: Bap nos, chi *est* nels tschels, saja sanctifichâ teis nom; vegna teis reginam; tia vöglija saja fatta in terra, seo in tschel;

* Matt. 6, 9.

3. Da'ns da di in di nos pan d'imminchiadi.

4. E perduna'ns noss puchats; perche eir nus perdunain *ils debits* ad ogni nos debitor; e non ans manar in provamaint, ma libera'ns dal mal.

5. Lura disch el ad els: Chi ais quel intanter vus, chi haja ün amì, il qual giaja pro el a mezza not, e 'l dia: Amì, impraista 'm trais pans;

6. Perche chi 'm ais rivâ dal viadi in chasa ün meis amì, ed eu non ha che 'l metter avant.

7. Scha pür quel aint dadaint respon-da e disch: Non am dar molestia; la porta ais agiâ serrada, e meis infants sun con mai in let; eu non poss al-var, e t' ils dar.

8. Eu 's di cha, schabain el non lei-va, e non al dà, per quai ch' el ais seis amì, pür per l'importunità da quel vain el ad alvar sü, e'l darà, quant ch' el averà bsögn.

9. Eu 's di eir: * Giavüschai, e 's sarà dat; tscherchai schi gnis a chattar; pichai e 's sarà avert.

* Matt. 7, 7. Marc. 11, 24. Gioan. 15, 7. Giac. 1, 6.

10. Perche, scodün chi giavüschai, ardschaiva, e chi tschercha chatta, e vain avert a chi picha.

11. E chi ais quel bap tanter vus, il qual, scha l' infant il giavüschai pan, al detta üna peidra? Ovvero eir ün pesch; ed in lö da pesch, al detta üna serp?

12. Ovvero eir, sch' el domanda ün öv, al detta ün scorpiun?

13. Scha vus dimena, essendo mals, savais dar buns duns a voss infants, quant plü vos bap celestial dunerà 'l Spiert Sanct a quels, chi 'l do-manderan?

14. Ma el *chatschaiva our ün demuni, il qual eira müit, e dvantet cha, eur il demuni füt it oura, il müit tschantschaiva, e'l pövel as smüravglet.

* Matt. 9, 32.

15. Ma alchüns da quels dischan: El chatsch'oura ils demunis tras Beelzebul, prinzi dels demunis.

16. Ed oters, il provand, giavüschai-van dad el ün' insaina da tschel.

17. * Ma el, cognoschand lur impissamaints, disch ad els: Ogni reginam partì in parts contrarias ais desert; medemamaing ogni chasa, *partida* in parts contrarias, va in ruina.

* Marc. 3, 24.

18. Usche eir, scha satanas ais parti in parts contrarias, co po dürar seis reginam? Cha vus dschais, ch'eu chatsch'our ils demunis tras Beelzebul.

19. E, sch'eu chatsch'our ils demunis tras Beelzebul, schi tras chi'l chatschan oura voss figls? Perquai quels saran voss güdischs.

20. Ma, sch'eu tras il daint da Dieu schatsch ils demunis, schi ais il reginam da Dieu dimena rivâ a vus.

21. * Cur ün pussant hom bain armâ perchüra seis palazzi, schi stan sias chosas in pasch.

* Matt. 12, 29.

22. Ma sch'ün plü potent co el il sureroda, e'l vendscha, schi'l piglia quel sias armas, sün las qualas el as confidaiva, e part'oura seis butins.

23. Chi non ais con mai, ais conter mai; e chi non raspa con mai, rasa.

24. Cur il spiert malnet ais it our d' alchün crastian, schi va'l intuorn per lous sechs, tscherchand repos, e, non chattand, disch el: Eu vögl dar-chieu turnar a chasa mia, dinuonder eu sun gnü.

25. E sch'el, essendo gnü *qua*, *la* chatta scuada, e fittada;

26. Schi va'l lura, e piglia con el set oters spierts, pèrs co el; e quels intran là, ed avdan *qua*, e l'ultima condizium da quel crastian ais pèra della prüma.

27. Ma dvantet, ch'intant el dschai-va quaistas chosas, üna duonna our dalla quantità ozet la vusch, e'l dschet: Beà il vainter, chi't portet, e las tettas, cha tü hast tettâ.

28. Ma el disch: Anzi, beats quels, chi odan il pled da Dieu, e l'ob-servan.

29. Ma, 's raspad il pövel, coman-zet el a dir: Quaista generaziun ais mala; ella giavüscha ün' insaina; ma insaina alchüna non la sarâ datta, oter co l'insaina del * profet Giona.

* Gion. 2, 1.

30. Perche, sco Giona füt insaina als Ninivters, usche eir il figl del crastian sarâ *insaina* a quaista generaziun.

31. * La regina da mezdì vain ad alvar nel güdizi con ils homens da quaista generaziun, e vain a'ls condannar; perche ella gnit dals plü extrems terms della terra, per udir la sapienza da Salomon, e mera, qui *ais alchün* da plü co Salomon.

* 1 Reg. 10, 1.

32. Ils Ninivters alveran sù nel güdizi con quaista generaziun, e la condanneran; perche *quels asmeldrettan sün la predgia da Giona, e mera, qui *ais alchün* da plü co Giona.

* Gion. 3, 5.

33. Ma ingün, *aviand invidâ üna glüm, non *la* metta in ün *löö* zoppâ, ne suot il möz; anzi sül chandellêr, acio cha quels ch'intran, vezzan la ele-ritâ.

* Matt. 5, 15.

34. La * glüm del corp ais l'ögl; scha dimena teis ögl ais net, schi sarâ tuot teis corp illüminâ; ma scha teis ögl ais nosech, schi sarâ eir tuot teis corp schür.

* Matt. 6, 22.

35. Guarda dimena, cha la glüm chi ais in tai, non saja schütrezza.

36. Scha dimena tuot teis corp ais illüminâ, non aviand part alchüna schüra, schi vain el tuot ad esser eler, sco cur la glüm t'illümina con sia splendor.

37. Ma, intant ch'el favlaiva, ün tschert Fariseer il rovet, ch'el giantess in chasa sia. Ed el intret, e's mettet a maisa.

38. * E'l Fariseer, aviand vis cha'l prüm, avant il giantar, el non s'avaiva lavâ, as smüravglet el.

* Marc. 7, 3.

39. E'l Segner al dschet: Uossa vus Fariseers nettiais il dadoura del ba-chêr, e del plat; ma'l dadaint da vus ais plain da sgiarbaria e da malizia.

40. Nars, non ha quel, chi ha fat il dadoura, fat eir il dadaint?

41. Ma dat per almosna quant chi l'ais in vos podair; e mera, ogni chosa sarà a vus netta.

42. Ma vae a vus, Fariseers! Perche vus dais deschma della minza, e della rauta, e d'ogni erba, e laschais davo il güdizi e la charità da Dieu; e's sto-ai-va far quaistas chosas, e non inter-laschar quellas otras.

43.* Vae a vus, Fariseers! Perche vus amais ils prüms sezs nellas raspadas, e l's salüds stün las plazzas. *Matt. 23, 6.

44. Vae a vus, scrivants e Fariseers ipocrits! Perche vus eschat seo las sepultüras, chi non paran; e la gliend chi chaminan sura via non san inguotta.

45. Lura ün dels docturs della ledscha, respondand, al disch: Maister, dschand quaistas chosas, ingiurischast tñ eir nus.

46. Ed el al dschet: Vae eir a vus, docturs della ledscha! Perche vus chargiais la gliend con pais inportabels, e vus non toccais quels pais con l'ün da voss daints bricha.

47. Vae a vus! Perche vus edificchais ils monumaints dels profets; e voss baps ils mazzettan.

48. Tschert, vus testifichais dals fats da voss baps, ed *intant* consentis a quels; perche quels mazzettan ils profets, e vus edificchais lur monumaints.

49. Per quai eir la sapienza da Dieu ha dit: *Eu vögl trametter ad els profets ed apostels; e quels vegnan a mazzar *qualchiüns*, e perseguittar *ils* oters. *Matt. 23, 34.

50. Acio cha saja retscherschâ da quaista generaziun il sang da tuots profets, chi ais stat spans dal fondamaint de' muond innan;

51. Dal sang d'Abel infin al sang da *Zaccari, chi füt mazzâ tanter l'utêr e l'tainpel; tschert, eu's di, cha sarà retscherschâ da quaista generaziun. *Gen. 4, 8. 2 Cron. 24, 21.

52. Vae a vus, docturs della ledscha! Perche vus avais tut la clav della scienza; vus medems non eschat intrats, ed avais impedi quels chi intraivan.

53. Ma, intant ch'el dschaiva ad els quaistas chosas, comanzettan ils

scrivants e l's Fariseers ad esser crudelmaing ardits conter el, ed al trar da bocca risposta davart bleras chosas;

54. Al dschand, e tscherchand da l'compiglar in qualcha chosa, chi gess our da sia bocca, per l'achüsar.

CHAP. XII.

Cristo avisa da's perchürar dal alvamaaint dels Fariseers, dalla temma della gliend, dalla avarezza e pissêr da chosas terrainas; e comanda da tscherchar avant tuot il reginam da Dieu.

INTANT, siand raspada la quantitâ da blera milli, dasort chi's traplai-van suot l'ün l'oter, comanzet *Gesu* a dir a seis scolars: * S'inguardai il prüim dal alvamaaint dels Fariseers, chi ais ipocrisia. *Matt. 16, 6.

2. Ma inguotta non ais covernâ, chi non haja da's scovernar; ne zoppâ, chi non haja da gnir a savair.

3. Per quai, tuot las chosas ch'avais dit nellas schütrezzas, saran udidas alla glüm, e quai ch'avais dit all'u-raglia nellas chambras, sarà predgiâ süls tets dellas chasas.

4. Ma a vus, meis amis, di eu: *Non tmarai quels, chi mazzan il corp, e dopo quai non pon far oter da plü.

*Matt. 10, 28.

5. Ma eu's vögl mossar, a chi vus dessat tmair: Tmai quel, il qual, dopo avair mazzâ, ha la pussanza da büttar nella geenna; tschert, eu's di, tmai quel.

6. *Tschinch paslers non as vendan els per duos quattrins? E pür non ais ingün da quels smanchâ pro Deis.

*Matt. 10, 29.

7. Schi, eir ils chavels da vos cheu sun tuots nombrats; non tmarai di-mena! Vus eschat da plü da blers paslers.

8. Ma eu's di: Scodün, chi m'averà recognoschü avant la gliend, vain eir il figl del crastian a l' recognoscher avant ils angels da Dieu.

9. Ma, chi m'averà snejâ avant la gliend, sarà snejâ avant ils angels da Dieu.

10. Ed *a scodün, chi averà dit alchün pled conter il figl del crastian, sarà perdunâ; ma a chi averà blastemmâ conter il Spiert Sanet non sarà perdunâ.

*1 Gioan. 5, 16.

11. Ma, * cur els s'averan condüts avant las raspadas, e pro 'ls magistrats, e pro las pussanzas, schi non starai in pissêr, eo, o che vus averat da responder a vossa defaisa, o che vus averat da dir.

* Matt. 10, 19.

12. Perche 'l Spiert Sanct in quell' ura stessa vain as mossar quai, cha vus dessat dir.

13. Ma alchün della quantità 'l disch: Maister, di a meis frar, ch'el parta con mai l'ierta.

14. Ma el disch: O crastian, chi m'ha constitui sur vus güdich, o partidur?

15. Lura disch el ad els: Guardai, e's perchürai dall' avarezza; perche, schabain alchün ha abundanza, schi non ha el però la vita tras sia raba.

16. Ed el disch ad els üna sumgen-scha: Las possessiuns d'ün hom rich früttettan abundantamaing.

17. Ma el raschunaiva in sai s vess, dschand: Che dess eu far? Perche ch'eu non sà, ingio podair metter meis früts.

18. Lura disch el: Quaist vögl eu far; eu vögl disfar meis granêrs, e vögl edificar plü grands, e qua vögl eu metter tuot mias intradas, e mia raba.

19. E vögl dir a mi' orma: Orma, tû hast blera raba, miss' in salv per blers ans; t' quieta, mangia, baiva, e stà da buna vöglia.

20. Ma Deis al disch: Nar, quaista istessa not sarà * ti' orma domandada inavo; schi da chi saran las chosas, cha tû hast apparechâ?

* Giob. 20, 22.

21. Usche *dvainta* a chi fà tesors a sai stess, e non ais rich in Dieu.

22. Lura disch el a seis scolars: Per quai's di eu: * Non sajat pisserus per vossa vita, che vus vegnat a mangiar; ne per *vos* corp, con che vus vegnat vestits.

* Matt. 6, 25.

23. La vita ais plü co'l nudriamaint, e 'l corp plü co'l vestimaint.

24. As fat surasen süls corvs; perche els non semnan, e non tschuncan, e non han schlêr, ne granêr; ed * impero Deis ils nudraja. Da quant eschat vus plü co'ls utschels.

* Giob. 39, 3.

25. E chi da vus po, con seis pissêr, metter pro a sia statura dech ün bratsch muot?

26. Contuot, scha vus non podais dech quai, ch'ais zuond pitschna chossa, schi perche eschat pisserus per il rimanent?

27. Considerai las gilgias, eo ellas creschan. E quellas non lavuran, e non filan; ed impero 's di eu, cha Salomon istess, con tuot sia gloria, non füt vestì al pèr d'üna da quellas.

28. Ma, scha Deis vesta usche l'erba, chi hoz ais sün la cuttüra, e daman vain büttada nel fuorn; quant plü in-avant *vain el a vestir* vus, o *glieud* da paca cretta!

29. Vus eir non retschercharai, che vus vegnat a mangiar, o che a baiver, e non starai suspais.

30. Perche la glieud del muond tcherchan tuot quaistas chosas; ma vos bap sà, che vus avais bsögn;

31. Anzi, * tscherchai il reginam da Dieu, schi vegnan tuot quaistas chosas as gnir missas pro.

* Matt. 6, 33.

32. Non tmair, o pitschna scossa! Perche * a vos bap ha plaschü da's dar il reginam.

* Matt. 11, 25. 26.

33. Vendai vossa raba, e fat almosna; * as fat buorsas, chi non s' invedreschan; ün tesor in tschel, chi non vain mà brich' almain, ingio 'l lader non vain pro, ed *ingio* la chêra non guasta.

* Luc. 16, 9.

34. Perche ingio vos tesor ais, qua eir dess esser vos cour.

35. * Voss flancs sajan tschintats, e *vossas* glüms invidadas.

* 1 Petr. 1, 13.

36. E vus *sajat* similis a quels, chi spettan sün lur signur, cur el turnerà dallas nozzas; acio, cur el vain a gnir e pichar, al avran suhit.

37. Beats quels serviaints, ils quals il signur chatterà vagliand, cur el vain a gnir. Eu 's di in vardà, ch'el as tschinterà, e 'ls farà meter a maisa, ed el istess vain a gnir als servir.

38. E, sch'el vain nell: seguonda vigilia, o nella terza, 'ls chatta in quaist stadi, beats quds serviaints.

39. Ma sapchat quait, cha, * scha 'l patrun della chasa savess a qual' ura il lader gnis, schi gnis el a vagliar, e bricha 'l laschar rumper aint la chasa.

* Matt. 24, 43. 1 Thes. 5, 2.

40. Eir vus dinena sajat pinats;

perche nell'ura cha vus non s'impassais, vain il figl del crastian a gnir.

41. E Petro al disch: Segner, disch tû a nus quaista sumaglia, ovvero eir a tuots?

42. E'l Segner disch: * Qual ais pür quel dispensadur fidel e perdert, il qual *seis* signur haja constitui sur seis familiars, per dar *ad els* a seis temp la porziun da lur viver.* Matt. 24, 45.

43. Beà quel serviaint, il qual seis signur chatterà fand usche, cur el vain a gnir.

44. Eu 's di in vardà, ch' el il constituirà sur tuot sia raba.

45. Ma, scha quel serviaint disch in seis cour: Meis signur intarda da gnir; e comainz' a batter ils famagls e las fantschellas, ed a mangiar ed a baiver, ed as inavriar;

46. Schi vain il signur da quel serviaint a gnir nel di, ch' el non il spetta, e nell'ura, ch' el non sà, e vain al tagliar giò, e metter sia part cols infidels.

47. Ma * 'l serviaint, chi ha savü la vöglia da seis signur, e non s'ha dispos a far seguond la volontà da quel, sarà battü con bleras *bottas*.

* Giac. 4, 17.

48. Ma quel, chi non l'ha savüda, sch' el fà chosas degnas da bottas, sarà battü con pacas *bottas*, ed a chi ais dat bler, sarà domandâ bler; e pro chi ais miss bler in deposit, dad el eir sarà tant plü retscherehâ.

49.* Eu sun gnü a metter il föin tera, e che vögl eu, sch' el agià ais invidâ.

* Matt. 10, 34.

50. Ma eu ha d'esser battizâ d'ün battaisem, e co sun eu anguschiâ, fin ch' el saja compli.

51. S'impassais vus, ch' eu saja gnü a metter pasch in terra? Na, 's di eu, anzi discordia.

52. Perche d'uoss' invia tschinch saran in üna chasa, partits trais conter duos, e duos conter trais.

53. Il bap sarà divis conter il figl, e'l figl conter il bap; la mamma conter la figlia, e la figlia conter la mamma; la söra conter sia brüt, e la brüt conter sia söra.

54. Ma el disch eir al pövel: * Cur vus vezzais la nüvla, chi leiva sü dal

occidaint, schi dsechais subit: La plövgia vain, ed usche aise. * Matt. 16, 2.

55. E cur *vus sentis* sofflar il vent da mezdi, dsechais: E farà chod; ed *usche* dvainta.

56. Ipocrits! vus savais discernen l'aspet del tshel e della terra, schi co non discernais vus quai temp?

57. E perche non güdichais da vus istess quai, ch' ais güst?

58. Perche, * cur tû vast con teis avversari pro'l redschadur, schi dessast tû dar uorden per viadi, cha tû vegnast liberâ dad el: Cha forse el non at tira avant il güdich, e'l güdich at detta in man del sergent, e 'l sergent at chatseha in preschun. * Matt. 5, 25.

59. Eu di a tai, cha tû non vainst a gnir landroura, fin cha tû hajast pajâ eir l'ultim quattrin.

CHAP. XIII.

Ün' exortaziun alla respiscenza tras üna sumaglia ed exaimpels; üna duonna sül di del sabbat vain guarida; sumaglias del gran da sinavel ed alvamaint; la difficultà da dvantar salv, e plands da Cristo sur Gerasalem.

IN quel istess temp füttan qua alchüns, ils quals al requintaivan dals Galileers, il sang dels quals Pilato avaiva masdà con lur sacrificis.

2. E Gesu, respondand, disch ad els: S'impassais vus, cha quels Galileers sajan stats ils plü grands pechadurs da tuots ils Galileers, per quai ch' els han indürâ talas chosas?

3. Na, as di eu; anzi, scha vus non as meldrais, schi gnis tuots a perir sumgiantamaing.

4. Ovvero, s'impassais vus, cha quels deschdot, sur ils quals erodet la tuor in Siloè, e'ls mazzet, sajan stats ils plü culpabels da tuot ils abitants da Gerasalem?

5. Na, as di eu; anzi, scha vus non as meldrais, schi gnis tuots a perir sumgiantamaing.

6. Ma'l disch quaista sumaglia: * Ün hom avai' ün figêr implantâ in sia vigna, e gnit, tscherehand il früt, e non chattet.

* Es. 5, 2.

7. Dinuonder el disch al lavuraint della vigna: Mera, agià sun trais ans, ch' eu vegn, tscherehand früt sün quai figêr, e non chat: Taglia'l giò; perche fà el eir la terra malnüzza?

8. Ma el, respondand, al dschet: Signur, lascha 'l amo quaiast an, fin ch'eu l'haja chavâ, ed haja miss al-düm intuorn;

9. E, sch'el pür fà frütt, *bun ais*; non bricha, schi'l dessast tü tagliar giò nel avegnir.

10. Ma el mossaiv' in üna dellas sinagogas, sül di del sabbat.

11. E mera, *qua* eira üna duonna, ch'avaiv' ün spiert d'infirmità agià 'l spazi da deschedot ans, ed eira tuotta crotscha, e non podaiv' in alchün möd as drizzar sù.

12. E Gesu, l'aviand visa, la clamet pro sai, e la dschet: Duonna, tü est liberada da tia infirmità.

13. E tschantet ils mans sün ella, ed ella in quel istant füt drizzada sù, e glorifichaiva Deis.

14. Ma 'l capo della sinagoga, siand sdegnâ, cha Gesu avess medgiâ sül di del sabbat, comanzet a dir alla quantità: E sun ses dis, nels quals as sto lavurar; gni dimena sün quels *dis* per as far guarir, e bricha sül di del sabbat.

15. Dinuonder il Segner al respondet, e disch: Ipocrits, scodün da vus, non slarg'el dal perseppen sül di del sabbat seis bou, o seis asen, e 'ls main'a baiver?

16. E non as bsögnaiva sliar da quaiast liam, sül di del sabbat, quaiasta, ch'ais figlia d'Abraham, la quala sathanas avaiva tgnü liada il spazi da deschedot ans?

17. Ed, intant ch'el dschaiva quaiastas chosas, tuots seis adversaris eiran confus; ma tuot la quantità s'allegraiva da tuot las ouvas gloriusas, chi gnivan fattas dal el.

18. Ma el disch: * A chi ais simil il reginam da Dieu, e vi a che 'l dess eu far sumgiant?

* Matt. 13, 31.

19. El ais simil ad ün gran da sinavel, il qual ün hom ha tut, e l'ha büttâ in seis üert, e lura ais el creschü, ed ais dvantâ ün grand bösch, e 'ls utschels del tschel s'han redüts a cuviert in seis rams.

20. E darcheu disch el: Vi a che dess eu far sumgiant il reginam da Dieu?

21. El ais simil al alvamaint, il qual üna duonna piglia, e 'l metta in traja

stera da farina, fin cha l'ais tuot alvada.

22. Lura * giaiv' el intuorn per las cittats, e per ils vihs, mossand e fand viadi vers Gerusalem.

* Matt. 9, 35.

23. Ma alchün al dschet: Segner, sun pacs quels, chi vegnan salvs?

24. Ed el disch ad els: * As sforzai d'intrar per la porta stretta; perche eu's di, cha blers tschercheran d'intrar, e non poderan.

* Matt. 7, 13.

25. Ma, da lur' in via, cha 'l patrün da chasa vain ad esser alvâ sù, * ed averà serrâ l'üsich, vus lura, stand our dadoura, gnis a comanzar a picchar alla porta, dschand: Segner, Segner, avra'ns! Ed el, respondand, vain as dir: Eu non sà, dinuonder vus eschat.

* Matt. 7, 23.

26. Lura comanzerat a dir: Nus avain mangiâ e bavü in tia presenza; e tü hast mossâ in nossas plazzas.

27. Ma el vain a dir: Eu's di, ch'eu non sà, dinuonder vus eschat; as parti da mai, *vus* tuots ils operators d'iniquità.

28. Qua * sarâ 'l pland e 'l sgrizchar dels daints, cur vus gnis a vair Abraham, Isac, e Jacob, e tuots ils profets, nel reginam da Dieu; e cha vus gnis ad esser chatschats oura;

* Matt. 8, 11, 12.

29. E cha vegnan a gnir d'oriaint, e d'occidaint, e da septentrion, e da mezdi, ils quals sezzeran a maisa nel reginam da Dieu.

30. E mera, * e sun dels ultims, chi saran ils prüms, e dels prüms, chi saran ils ultims.

* Matt. 19, 30.

31. In quel istess di gnittan alchüns Fariseers, dschand ad el: At parta, e vâ via da qui, perche Erode at vuol far morir.

32. Ed el disch ad els: It, e dit a quella vuolp: Mera, eu chatsch oura ils demunis, e complessch da dar sandâ hoz e daman, nel terz di vögl eu gnir a mia fin.

33. Impero eu sto chaminar hoz, daman e puschman; perche chi non dvainta, ch' alchün profet moura da-dour Gerusalem.

34. Gerusalem, Gerusalem, chi maz-zast ils profets, ed accrappast quels, chi't sun tramiss, quantas voutas ha

eu vogliü raspar teis infants, seo la giallina raspa seis pulschins suot las alas, e vus non avais vogliü?

35. Mera, vossa chasa as vain laschada deserta. Ma eu's di, cha vus non am vezzerat plü, fin cha vegn' *il temp*, cha vus dscharat: * Benedi quel, chi vain nel nom del Segner.

* Matt. 23, 38. Ps. 118, 26.

CHAP. XIV.

Cristo medgia ün idropic süil sabbat; exorta all' ümiltà e charità; eir muoss' el da renunziar ogni affecziun charnala, per seguir ad el.

MA dvantet cha, essendo el intrat in chasa d' ün dels principals dels Fariseers, stül di del sabbat a mangiar, l'observaivan quels;

2. E mera, ün tschert crastian idropie eira qua avant el.

3. E Gesu comanzet a dir als Fariseers: Aise licit da guarir alchün stül di del sabbat?

4. E quels taschettan. Lura, aviand tut *quel* per il man, il guarit el, e'l licenziet.

5. Lura respondet el ad els, e disch: Chi ais quel da vus, cha, scha seis asen, o bouv croda in ün puoz, el non il tir' oura prontamaing süil di del sabbat?

6. E quels non al podaivan responder inguotta in contrari a quaistas chosas.

7. Ma, considerand, co quels tscher-naivan ils prims lous a maisa, proponit el quaista sumaglia als invidats, dschand:

8. Cur tü sarast invidâ d' alchün a nozzas, schi non at metter a maisa nel prüm lö, cha forse alchün plü onorâ co tü non füss invidâ dal medem;

9. E cha quel, ch' averà invidâ tai ed el, non vegna e dia: Fà lö a quaißt; e cha lura tü vegnast con verguogna ad obtgnair l' ultim lö.

10. Ma, * cur tü sarast invidâ, vâ, at metta nel ultim lö; acio cha, cur quel chi t' averà invidâ vain a gnir, at dia: Ami, vâ plü in sü; lura averast tü onur avant quels, chi saran con tai a maisa.

* Prov. 25, 7.

11. Perche scodün chi s' adoza, sarà abbassâ, e chi s' abbassa, sarà adožâ.

12. Ma el disch a quel chi l' avaiva invidâ: Cur tü farast ün giantar, o üna tschaina, schi non clamar teis amis,

ne teis frars, ne teis paraints, ne teis vaschins richs; cha forse quels viceversa non t' invidan, e't vegna rendü'l contracambi;

13. Anzi, cur tü farast ün convivi, clama ils povers, ils mendus, ils zops, ils orbs;

14. Schi sarast beà; perche quels non han il möd da't render il contracambi; ma la retribuziun at sarà rendüda nella resüstanza dels güsts.

15. Ma alchün da quels, chi eiran insembel a maisa, aviand udi quai-stas chosas, disch: Beà chi vain a mangiar pan nel reginam da Dieu.

16. E * Gesu al disch: Ün crastian fet üna granda tschaina, ed invidet blers.

* Matt. 22, 2.

17. Ed, all' ura della tschaina, tramettet el seis serviaints a dir als invidats: * Gni; perche ogni chosa ais agià apparechada.

* Prov. 9, 2, 5.

18. Ma in quel medem punto tuots comanzettan as şchüsar. Il prüm al dschet: Eu ha comprâ üna possesiun, e da necessità sto eu ir our a la vair; eu't rov, m' hajast per şchüsâ.

19. Ed ün oter dschet: Eu ha comprâ tschineh përa da bouvs, e vegn a 'ls provar; eu't rov, m' hajast per şchüsâ.

20. Ed ün oter disch: Eu ha spusâ muglier, e per quai non poss eu gnir.

21. E quel serviaint gnit, a referir quaistas chosas a seis signur. Lura il patrun da chasa, s' aviand adirâ, disch a seis serviaint: Vâ bain bod per las plazzas e per las stradas della città, e maina qua 'ls povers, e 'ls zops, e 'ls orbs.

22. Lura il serviaint *al* disch: Signur, il ais fat seo hast ordinâ, ed amo aise lö.

23. E'l signur disch al serviaint: Vâ oura per las vias, e sper las saifs, e constrenschas 'ls ad intrar; acio cha mia chasa saj' implida,

24. Perche eu 's di, ch' ingün da quels homens, chi eiran stats invidats, non vain ad insagiar da mia tschaina.

25. Ma bler pövel giaiva con el; ed el, s' aviand vout, disch ad els:

26. * Sch' alchün vain pro mai, e non ödiescha seis bap, e *sia* mamma, e

las sours, schi eir sia propria vita, schi non po' l'esser meis scolar. *Matt. 10, 37.

27. E *scodün, chi non porta sia crusch, e non vain davo mai, non po' esser meis scolar. *Marc. 8, 34.

28. Perche, chi *ais quel* intanter vus, il qual, voliad edificar üna tuor, non astschainta il prüm, e non fetscha quint della spaisa, sch'el ha da podair la finir?

29. Cha forsa, aviand tchantä 'l fondamaint e non la podiad finir, tuots quels, chi *la* vezzeran, non comainzan a far beffa d'el,

30. Dschand: Quaist hom comanzet ad edificar, e non ha podü finir!

31. Ovvero, qual rai, giand as afruntar in battaglia con ün oter rai, non as tschainta il prüm, e fà cossagl, sch'el po' con desch milli s' incontrar con quel *oter*, chi vain conter el con vainch milli?

32. Non bricha, schi intant cha quel *oter* ais amo lontan, il tramett' el ün ambaschadur, e 'l giävüscha da far pasch.

33. Usche dimena, ingün da vus, il qual non renunzia a tuot quai ch'el ha, non po' esser meis scolar.

34. * Il sal *ais* bun, ma scha 'l sal dvaint' insus, con che sara 'l condì?

*Matt. 5, 13.

35. El non ais apt ne per terra, ne per aldüm; el vain büttä via. Chi ha uraglias d'udir, oda!

CHAP. XV.

Trais sumaglias: dalla nuorsa, dal danêr pers, e dal figl daschüttel, las qualas mossan la misericordia da Dieu invers ils pechadurs, e l'allegrezza, chi 's dess avair da lur conversiun.

MA tuots ils publicans e pechadurs s'approsmaivan via pro el, per l'udir.

2. E'ls Fariseers e 'ls scrivants brunclaivan, dschand: Quaist raspa 'ls pechadurs, e mangi con els!

3. Ed el disch ad els quaista sumaglia:

4. Qual crastian *aise* tanter vus, * il qual, aviand tschient nuorsas, sch'el perda üna, non lascha novant' e nouv nel desert, e non giaja davo la persa, fin ch'el l'haja chattada?

*Matt. 18, 12.

5. E, l'aviand chattada, non la metta sün sias spadlas tuot leiger?

6. E, siand gnü a chasa, non clam' insembel ils amis e 'ls vashins, dschand: S'allegrai con mai; perche eu ha chattämia nuorsa, ch'eira persa?

7. Eu's di, cha usche vain ad esser allegrezza in tsel per ün pechader penitent, plü co per novant' e nouv güsts, chi non han bsögn da penitenza.

8. Ovvero, qual ais la duonna, chi, aviand desch danêrs, sch'ella perda ün, non invida la glüm, e non seua la chasa, e non tschercha diligiainta maing, fin ch'ella l'haja chattä?

9. E, eur l'ha chattä, non clam' insembel las compagnas e las vashinas, dschand: S'allegrai con mai; perche eu ha chattä 'l danêr, il qual eu avaiava pers.

10. Usche's di eu, sarà allegrezza avant ils angels da Dieu per ün pechader penitent.

11. Disch eir: Un crastian avaiava duos figls.

12. E' l plü giuven d'els disch al bap: Da'm la part della raba chi'm tocca. E 'l bap partit ad els la raba.

13. E pac dis davo il figl plü giuven, aviand miss insembel ogni chosa, get el inavant seis viadi in pajais lontan; e qua dissipet el sias facultats, vivand dissolutamaing.

14. E, dopo ch'el avet spais ogni chosa, gnit üna greiva charestia in quel pajais, tal ch'el comanzet ad avair bsögn;

15. E get, e's mettet con ün deis avdadurs da quella contrada, il qual il tramettet sün seis bains, a perchürrar ils porchs.

16. Ed el desiderai da s'implir il corp con las grüschas cha 'ls porchs magliaivan; ma ingün non al daiva.

17. Ma, siand turnä in sai sves, disch el: Quants mercenaris da meis bap han pan largiamaing, ed eu mour da fam!

18. Eu vögl star sü, e vögl ir pro meis bap, e'l vögl dir: Bap, eu ha pechä conter il tsel, ed avant tai;

19. E non sun plü degn d'esser elamâ teis figl; fa'm seo ün da teis mercenaris.

20. El dimen' alvet sü, e gnit pro seis bap, e, siand el amo dalönsch,

il vezzet seis bap, ed avet compassiun d'el, e currit, e's büttet via da seis culöz, e'l bütschet.

21. E'l figl al dschet: Bap, eu ha pechâ conter il tschel, ed avant tai, e non sun plü degn, d'esser clamâ teis figl.

22. Ma il bap disch a seis serviants: Portai qui il plü bel vestimaint, ed il vestì, ed al mettai ün anè in daint, e scharpas nels peis.

23. E manai our il vadè ingraschantâ, ed il mazzai, e mangiain, e'ns allegrain;

24. Perche quaiست meis figl eira mort, ed ais turnâ in vita; eira pers, ed ais dareheu chattâ. E's mettettan a far granda feista.

25. Ma seis figl vegl eira sün la cuttüra; e, sco el gniva nan pro, essendo sper la chasa, udit el la melodia, e'ls saglirs.

26. Ed, aviand clamâ ün dels serviants, domandet el, che quellas chosas volessan dir?

27. Ed el al dschet: Teis frar ais gnü, e teis bap ha mazzâ l'vadè ingraschantâ, per ch'el l'ha ardschvü san e salv.

28. Ma el s'adiret, e non volet intrar; dinuonder seis bap get our, e'l rovaiva d'intrar.

29. Ma el, respondand, disch al bap: Mera, agià tants ans at serv'eu, e non ha mâ bricha surpassâ alchün da teis comandamaints, e pür non am hast mâ bricha dat ün usöl, per m'allegrar con meis amis;

30. Ma, cur quaiست teis figl, chi ha magliâ tia raba con las pitanas, ais gnü, schi l'hast mazzâ l'vadè ingraschantâ.

31. Ed el al dschet: Figl, tü est saim-percon mai, ed ogni chosa mia, ais tia;

32. Ma's bsöгнаiva far feista, e s'allegrar; perche quaiست teis frar eira mort, ed ais turnâ in vita; eira pers, ed ais dareheu chattâ.

CHAP. XVI.

Sumaglia del ingüst factur; l'avarezza ed ipocrisia dels Fariseers vain taxada; la fin e fermezza della ledscha, e dels profets; lura dal rich hom e da Lazaro.

MA el disch eir a seis scolars: L'eira ün hom rich, chi avai' ün fac-

tur; e quel füt ach'üsâ avant el, sco dissipatur da sia raba.

2. Ed el il clamet, e'l disch: Che chos' ais quaiста ch'eu od da tai? Renda quint da teis govern; perche tü non poust plü esser meis factur.

3. E'l factur dschet in sai svess: Che dess eu far? Perche cha meis signur ampiglia il govern; eu non poss runcar; e da petliar am turpai eu.

4. Eu sà quai ch'eu vögl far, acio cha, cur eu vegn ad esser removü dal govern, ün oter m'ardschaiv' in chassa sia.

5. Contuot, aviand el clamâ'ls debiturs da seis signur ad ün ad ün, disch el al prüm: Quant est debit a meis signur?

6. Ed el disch: Tschient bats d'öli. Ed el al dschet: Piglia tia scrittüra, e sezza giò, e scriva bain bod tschinquanta.

7. Lura disch el ad ün oter: E tü, quant est debit? Ed el dschet: Tschient cors d'gran. Ed el dschet: Piglia tia scrittüra, e scriva ottanta.

8. E'l signur lodet l'ingüst factur, perche l'avaiva fat prudaintamaing; perche cha'ls infants da quaiст muond sun plü prudaints in lur generaziun, co'ls infants della glüm.

9. Eu's di eir: Fat a vus amis our dallas ricchezzas ingüstas, acio cha, cur vus gnis almain, els s'ardschaivan nels tabernaculs eterns.

10. Chi ais fidel * nel pac, ais eir fidel nel bler; e chi ais ingüst nel pac, ais eir ingüst nel bler. * Luc. 19, 17.

11. Contuot, scha vus non eschat stats fidels nellas ricchezzas ingüstas, schi chi's voul affidar las vairas?

12. E, scha vus non eschat stats fidels sur quai dad oters, schi chi's voul dar il vos?

13. Ingün famagl non po servir a duos signurs; perche, o ch'el ödierà l'ün, ed amerà l'oter; ovvero, 's ranterà via l'ün, e spredscherà l'oter. Vus non podais servir a Dieu, ed al mammon.

14. Ma'ls Fariseers, ch'eiran avarezus, udivan eir els tuot quaiستas chosas, e faivan beffa d'el.

15. Ed el disch ad els: * Vus eschat quels, chi güstifichais vus istess avant

la gliend, ma Deis cognoscha voss cours; perche quai ch'ais ot avant la gliend, ais ehos' abominabla nel conspet da Dieu. *Matt. 11, 12, 13.

16. La ledscha ed ils profets *sun stats* infina sün Gioanne; da quel temp in via ais evangelizà 'l reginam da Dieu, ed ogni ün intra in quel per forza.

17. Ma *l'ais plü chönsch, cha'l tschel e la terra passan via, co ch'ün sul puonch della ledscha croda. *Matt. 5, 18.

18. *Scodün, chi trametta via sia muglier, e spusa ün'otra, commetta adulteri, e scodün, chi spusa la duonna tramissa via dal marit, commett' adulteri. *Marc. 10, 11.

19. Ma qua eira ün hom rich, il qual as vestiva da purpura e da glin fin; ed ogni di vivaiv'el in dalets splendidamaing.

20. Ma l'eira qua eir ün pover, clamâ Lazaro, il qual giaschaiva sper la porta da quel, plain da bignuns;

21. E desiderai da's sadolar con las miclas, chi crodaivan dalla maisa del rich; schi eir ils chans gnivan, e lichaivan seis bignuns.

22. Ma dvantet, cha'l pover morit, e füt portâ dals angels nel ravuogl d'Abraham, e'l rich morit eir el, e füt sepli.

23. Ed, essendo in tormaints nel infern, ozet el ils ögls, e vezzet dalönsch Abraham e Lazaro nel ravuogl da quel.

24. Ed el, bragind, disch: Bap Abraham, hajast compassiun da mai, e trametta Lazaro, acio ch'el tenscha la puoncha del daint in l'aua, e m'arfraishcha * la lingua; perche eu vegn tormentâ in quaiста flamma. *Zac. 14, 12.

25. Ma Abraham disch: Figl, t'regorda, cha tü hast ardschvü teis bön in vita tia, e Lazaro eir il mal; ma uossa el vain cuffortâ e tü vainst tormentâ.

26. Ed ultra tuot quai, tanter nus e vus ais tschantâ üna granda chavorgia, tal cha quels chi volessan da qui passar pro vus, non pon; il medem quels, chi *sun* da là, non passan pro nus.

27. Ed el disch: Eu 't rov dimena, o

bap, cha tü'l tramettast in chasa da meis bap.

28. Perche eu ha tschinch frars, acio ch'el testificha ad els, cha forse eir quels non vegnan in quaiست lö da tormaint.

29. Abraham al dschet: * Els han Mose e 'ls profets; cha taidlan quels. *Es. 8, 20.

30. Ed el disch: Na, bap Abraham; ma sch'alchün dels morts va pro els, schi vegnan els as meldrar.

31. Ed el al dschet: Sch'els non taidlan Mose, e'ls profets, non vegnan els neir brich'a crair, schabain alchün dels morts resistess.

CHAP. XVII.

As perchürar dal schandel, e perdunar; desch levrus nettai; co il reginam da Dieu vegna a gnir, e cura il figl del crastian.

MA el disch a seis scolars: * L'ais impossibel, cha non dvaintan schandels; ma vae a quel, tras il qual els dvaintan. *Matt. 18, 6, 7.

2. Megl gnis ad esser per el, ch'üna moula d'mulin al füss pendüda via al culöz, e ch'el gnis büttâ nel mâr, co da schandelizar ün da quaiست pitschens.

3. S'inguardai a vus svess. * Ma, scha teus frar ha pechâ conter tai, reprecnda'l, e, sch'el s'inrügla, perduna'l.. *Matt. 18, 15.

4. E, schabain ch'el set voutas al di pechess conter tai, sch'el set voutas al di turness pro tai, dschand: Eu m'inrügla, schi perduna'l.

5. Lura dischan ils apostels al Segner: Creschainta a nus la cretta!

6. E'l Segner disch: * Scha vus avessat pür tanta cretta, quant ais ün gran da sinavel, schi podessat dir a quaiست bösch d'amuras: T'ragisch'our, e t'implanta nel mâr; schi gnis quel as obedir. *Marc. 11, 23.

7. Ma, chi ais quel intanter vus, il qual, aviand ün famagl chi ara, o chi paschaint' *il bestiam*, cur quel, *tur-nand* dalla cuttüra, intra in chasa, subit al dia: Passa nan quì, at mett' a maisa?

8. Anzi, non al disch el: Apparecha'm da tschaina, e't tschainta, e serva'm; fin ch'eu haja mangiâ e bavü; lura mangerast e baverast tü?

9. Sà el gra a quel famagl, ch'el ha fat las chosas chi'l eiran stat comandadas? Eu non m'impais.

10. Usche eir vus, cur vus avais fat tuot las chosas, chi's sun comandadas, schi dit: Nus eschan malnüzza famaglia; perche ch'avains fat quai, cha nus eiran obliats da far.

11. Ma dvanteret cha, giand a Gerusalem, passaiva el per mez la Samaria e la Galilea.

12. E, cur el intraiva in ün tshert vih, desch homens levrus al gnittan incunter, ils quals as fermettan dalönsch;

13. Ed ozettan la vusch, dschand: Maister Gesu, hajast compassiun da nus.

14. Ed el, *ils* aviand vis, disch ad els: It, * as mossai als sacerdots. E dvanteret cha, nel ir, füttan els nettiats. * Lev. 14, 2.

15. Ed ün d'els, veziaand ch'el eira guari, turnet, glorifichand Deis ad ota vusch.

16. E's büttet sün sia fatscha pro 'ls peis da Gesu, l'ingraziand. Ma quel eira Samaritan.

17. E Gesu comanzet a dir: Non sun els desch nettiats? Schi ingio *sun* ils nouv?

18. E non s'ha chattâ alchün, chi saja turnâ per dar gloria a Dieu, oter co quaiet eister?

19. E disch a quel: Stà sü, e vâ; * tia cretta t'ha fat salv. * Marc. 5, 34.

20. Ma, siand domandâ dals Fari-seers, cur il reginam da Dieu gnis a gnir, respondet el ad els, e disch: Il reginam da Dieu non vain a gnir in maniera, chi's poss' observar.

21. E non as vain a dir: Mera'l qui, e mera'l là; perche mera, il reginam da Dieu ais tanter vus.

22. Ma el disch eir a seis scolars: Ils dis vegnan a gnir, cha vus desiderais da vair ün dels dis del figl del crastian, e non gnis a 'l vair.

23. * E vain ün as dir: Mera'l qui, o mera'l là! Schi non giarai, e non al seguittarai. * Marc. 13, 21.

24. Perche, * sco *ais* la lütschernä, la quala, stragliüschand, splendura da l'üna part suot il tselch infina l'otra; * usche vain eir ad esser il figl del crastian sün seis di. * Matt. 24, 27.

25. Ma el sto il prüm indürar ble-ras chosas, e * gnir sbüttâ da quaiста generaziun. * Marc. 8, 31.

26. E, * sco dvanteret als dis da Noè, usche eir dvanterà als dis del figl del crastian. * Gen. 6, 3.

27. La *gliend* mangiaiva, bavaiva, spusaivan mugliers, e's maridaivan, infin al di, cha Noè intret in l'archa; e'l diluvi gniit, e'ls fet tuots perir.

28. Medemamaing, eir sco dvanteret als dis da * Lot: *Il pövel* mangiaiva, bavaiva, compraiva, vendaiva, implantaiva, ed edificaiva. * Gen. 19, 14.

29. Ma sül di, cha Lot get oura da Sodoma, * plovet da tselch fö e suol-per, e'ls fet tuots perir. * Gen. 19, 24.

30. Tal sarà'l di, sün il qual il figl del crastian vain ad apparair.

31. * Sün quel di, quel chi sarà sül tet della chasa, ed *averà* sias mobillas aint in chasa, non vegna giò per las tour, e medemamaing chi sarà sün la champagna, non tuorna inavo. * Matt. 24, 17.

32. As regordai della muglier da Lot.

33. * Seodün, chi averà tscherchâ da salvar sia vita, la perderà; ma, chi l'averà persa, farà, ch'ella viverà. * Matt. 10, 39.

34. * Eu's di, ch'in quella not duos saran in ün let; l'ün vain a gnir tut, e'l oter laschâ. * Matt. 24, 40. 41.

35. Duos *donans* vegnan a moller insembel; l'üna sarà tuta, e l'otra laschada.

36. Duos saran sün la cuttūra; l'ün sarà tut, e l'oter laschâ.

37. E'ls *scolars*, respondand, al dischan: Ingio Segner? Ed el dschet ad els: * Ingio'l corp mort sarà, qua vegnan eir as raspar las aglias. * Giob 39, 33.

CHAP. XVIII.

Tras l'exaimpel della vaidgua e del publichan vain recommendâ la perseveranza ed ümiltà nell'oraziun; ils infants vegnan da Cristo abbratschats; quels chi possideschan danërs vegnan stramantats, e cuffortats quels, chi bandunan tuot.

MA'l proponit ad els eir üna sum-genscha per *mossar*, * chi's bsögna da contin urar, e non gnir stangel; * Col. 4, 2.

2. Dschand: L'eira ün güdisch in üna città, il qual non tmaiva Deis,

e non avaija respet vi' alchün crastian.

3. Ma in quell' istessa città eira üna vaidgua, la qual agnit pro el, dschand: Defenda'm da meis adversari.

4. Ed el, per ün temp, non volet far; impero lura davo disch el in sai sves: Combain ch' eu non tem Deis, e non ha respet vi alchün crastian;

5. Inguotta tant main, siand cha quaista vaidgua'm dà molestia, schi la vögl eu tgnair raschun, ch' ella forsà non vegna tantas voutas ed alla fin ella'm constima.

6. E'l Segner disch: Tadlai quai, chi disch il güdich ingüst;

7. E Deis, non dess el vindichar seis elets, il quals di e not bragian pro el, schabain ch' el ais tardant as adirar per els?

8. Tschert, eu's di, ch' el bod vain a'ls vindichar. Ma, cur il figl del crastian vain a gnir, vain el eir a chattar cretta sur terra?

9. Disch eir quaista sumaglia a tscherts, chi's confidaivan in els istess d'esser güsts, e spredschaivan ils oters:

10. Duos crastians gettan sül taimpel per urar; l'ün eira Fariseer, e l'oter publichan.

11. Il Fariseer, stand in pè, uraiva d'üna vart, in quaista maniera: O Dieu, eu t'ingrazch, ch' eu non sun sco'ls oters crastians, sgiarbadars, ingüsts, adulter; neir sco quel publichan.

12. Eu gegün duos voutas l'eivna, eu pai la deschma da tuot quai ch' eu possidesch.

13. Ma'l publichan, stand dalönsch, non aschaiva nianc' ozar ils ügls vers il tschel; anzi's battaiv' il pet, dschand: O Dieu, sajast abunià in vers mai pechader.

14. Eu's di, cha quaist turnet in chasa sia güstifichâ, plü bod co quel oter; perche * scodün chi s'adoza, sarà abbassâ, e chi s'abbassa, sarà adoza.

* 1 Petr. 5, 5.

15. Ma'l fütta presentats eir pitschens infants, acio ch' el ils tocess, e'ls scolars, aviand vis quai, slamai van quels, ch' ils presentaivan.

16. Ma Gesu, aviand clamâ pro sai

ils infantets, disch el: Laschai ils pitschens infants gnir pro mai, e non als scomandarai; perche da tals ais il reginam da Dieu.

17. Eu's di in vardâ, * cha chi non averà ardschvü'l reginam da Dieu sco ün pitschen infant, non vain ad intrar in quel.

* Marc. 10, 15.

18. Ed * ün tschert dels principals il domandet, dschand: Maister bun, fand che vegn eu ad ertar la vit'e terna?

* Matt. 19, 16.

19. E Gesu al dschet: Perche'm clamast bun? Ingün non ais bun, oter co ün sulet, cioè Deis.

20. Tü sast ils comandaints: * Non commetter adulteri; non mazzar; non involar; non dir fosa testimonianza; onura teis bap e tia mamma?

* Exod. 20, 12.

21. E quel disch: Tuot quaistas chosas ha eu observâ da mia giuventün in sü.

22. E Gesu, aviand udì quaist, al disch el: Üna chosa't manc' amo: Venda tuot quai, cha tü hast, e distribuescha als povers, schi averast ün tesor in tschel; lura vè, e seguittescha'm.

23. Ma el, aviand udì quaistas chosas, füt grandamaing conturblâ; perche l'eira fich rich.

24. E Gesu, aviand vis, ch' el s'avaiva conturblâ, disch: O quant difficilmaing vegnan quels, chi han ricchezas, ad intrar nel reginam da Dieu;

25. Perche l'ais plü chönsch, ch' ün chamêl intra tras la foura d'ün' aguglia, co ch' ün rich intra nel reginam da Dieu.

26. E quels, chi l'udittan, dischan: Chi dimena po gnir salv?

27. Ed el disch: * Las chosas impossiblas pro la gliend sun possiblas pro Deis.

* Ger. 32, 17.

28. E Petro disch: Mera, nus avain bandunâ ogni chosa, e t'avain seguittâ.

29. Ed el disch ad els: Eu's di in vardâ, chi non ais alchün, chi haja bandunâ chasa, o bap, o mamma, o frars, o muglier, o infants, per il reginam da Dieu,

30. Il qual non ardschaiva bleras

voutas tant in quaiſt temp, e nel muond avegnir la vit'eterna.

31. Lura, aviand tut con el ils dusch, disch el ad els: Mera, * nus giain sü in Gerusalem, e tuot las chosas scrittas dals profets davart il figl del crastian saran complidas.

* Matt. 20, 17.

32. Perche el vain a gnir dat in man dels pajans, e'l sarà fat giamgias, ed ingiuriâ, e vain al gnir spüdâ nella vista,

33. E quels, dopo l'avair giasliâ, vegnan a'l mazzar; ma el vain a restüstar al terz di.

34. E quels non comprendettan inguotta da quaiſtas chosas; anzi quaiſt rasehunamaint eira ad els zoppâ, e non inlegiaivan las chosas, chi eiran ad els dittas.

35. Ma, cur el s'approſmaiva a Gerico, * sezzaiva ün tschert orb sper la via, rovand l'almosna.

* Marc. 10, 46.

36. Ed, aviand udi la quantitâ, chi passaiva, domandet el, che chosa quai füss.

37. E'l füt fat a savair, cha Gesu il Nazareo passaiva.

38. Ed el bragit, dschand: Gesu, figl da David, hajast compassiun da mai.

39. E quels, chi giaivan avant, il slamaivan, acio ch'el taschess; ma el plü vi'e plü bragiva: Figl da David, hajast compassiun da mai!

40. E Gesu, siand fermâ, comandet, ch'el dess gnir manâ nan pro el. E, cur el füt sper el, il domandet el,

41. Dschand: Che voust ch'eu t'fet-scha? Ed el dschet: Segner, ch'eu ardschaiva la vezzüda.

42. E Gesu al disch: Ardschaiva la vezzüda! * Tia cretta t'ha salvâ.

* Luc. 17, 19.

43. Ed el in quel istant ardschvet la vezzüda, e l'seguitaiva, glorificand Deis. E tuot il pövel, aviand vis *quai*, det lod a Dieu.

CHAP. XIX.

Zaccheo vain clamâ; la sumaglia dellas desch minas; l'introit da Cristo in Gerusalem, e sias larmas; seo eir zelosia vi alla chasa da Dieu.

E Gesu, essendo intrat in Gerico, passaiva per la città;

2. E mera, ün hom, dit per nom

Zaccheo, il qual eira il capo dels publicans, ed eira rich.

3. E tscherechaiva da vair Gesu, *per savair* chi el eira; ma non podaiva per la quantitâ, perche l'eira pitschen da statura.

4. E currit avant, e raivet sün ün fi-gêr solvadi, per il vair; perche l'avaiva da passar tras quella *via*.

5. E, cur Gesu füt rivâ pro quel lö, ozet el ils ögls, e'l vezzet, e'l disch: Zaccheo, vè giò bain bod; perche hoz ha eu d'albergiar in tia chasa.

6. Ed el gnit giò bain bod, e l'ardschvet con allegrezza.

7. E tuots, aviand vis *quai*, brun-claivan, dschand: El ais it ad albergiar in chasa d'ün hom pechader.

8. E Zaccheo, s'aviand presentâ al Segner, al dschet: Segner, eu dun la mitâ da tuot mia raba als povers, e sch'eu ha ingiannâ alehün, schi'l restituesch eu quatter voutas tant.

9. E Gesu al dschet: Hoz ais scontrâ salüd a quaiſta chasa; perche eir quaiſt ais figl d'Abraham.

10. Perche * l'figl del crastian ais gnü per tscherchar, e per salvar quai ch'eira pers.

* Matt. 18, 11.

11. Ma, tadland quels quaiſtas chosas, get Gesu inavant, e disch üna sumaglia; perche l'eira vicin a Gerusalem, e quels stimaivan, cha'l reginam da Dieu gnis ad apparair subit, in quel istant.

12. Disch dimena: * Ün hom nöbel get in ün pajais lontan, per tour *possessiun* d'ün reginam, e lura turnar.

* Matt. 25, 14.

13. Ed, aviand clamâ pro sai desch seis serviants, det el ad els desch minas, e disch ad els: Traffichai fin ch'eu vegna.

14. Ma seis cittadins l'ödiaivan, e'l tramettettan davo ün'ambaschada, dschand: Nus non volain, cha quaiſt regna sur nus.

15. E dvantet, cha cur el füt turnâ, dopo avoir tut *possessiun* del reginam, comandet el, chi'l füssan clamats quels serviants, als quals el ayaiva dat ils danêrs, acio ch'el savess, quant scodün avess guadagnâ traffichand.

16. E'l prüm as presantet, dschand:

Signur, tia mina ha guadagnâ otras desch.

17. Ed el al disch: E sta bain, bun famagl; siand cha tü est stat fidel * sur üna pitschna chosa, schi hajast pussanza sur desch cittats. * Luc. 16, 10.

18. Lura gnit il seguond, dschand: Signur, tia mina ha guadagnâtschinch.

19. Ed el disch eir a quai: E tü sajast sur tschinch cittats.

20. Lura gnit ün oter, chi disch: Signur, mera tia mina, la quala eu ha gnü tshantâ in ün fazölet;

21. Perche eu ha gnü temma da tai, per quai cha tü est ün hom asper, e pigliast quai, cha tü non hast miss, e tshuncast quai, cha tü non hast semnä.

22. E'l *seis signur* al dschet: Eu't vögl güdichar tras tia propria bocca, mal famagl; tü savaivast, ch'eu füss ün asper hom, chi pigl quai, ch'eu non ha miss, e tshunc quai ch'eu non ha semnä;

23. Perche dimena non hast dat meis danêrs als banchiers, ed eu, al meis retuorn, ils avess scodüts con früt?

24. Lura disch el a quels, ch'eiran qua presaints: Pigliai la mina dad el, e dat la a quel, chi ha las deschminas.

25. (E quels al dischan: Signur, el ha desch minas.)

26. Perche eu's di, cha a * scodün chi ha sarâ dat; ma chi non ha, eir quai ch'el ha, al sarâ tut. * Matt. 13, 12.

27. Ultra quai, manai nan qua quels meis inimis, chi non han voglû ch'eu regness sur els, e şchana'ls in mia presenza.

28. Ma, aviand dit quaiastas chosas, giaiva el inavant, trand sü in Gerusalem.

29. E, cur el * füt vicin da Betfage e da Betania, sper il munt, dit dels olivêrs, tramettet el duos da seis scolars, * Matt. 21, 1.

30. Dschand: It nel vih, chi ais qui avant vus; nel qual, essendo intrats, vus gnis a chattar ün puleider liâ, sül qual ingün crastian mâ bricha muntet; slia'l, e mana'm il nan;

31. E, sch'alchün as domanda, perche vus il sliat, schi dit al usche: Perche cha'l Segner ha bsögn d'el.

32. E quels, ch'eiran tramiss, gettan, e chattettan sco l'avaiva dit ad els.

33. E, cur quels sliaivan il puleider, il patrun da quel disch ad els: Perche sliais vus quel puleider?

34. E quels dischan: Il Segner ha bsögn d'el.

35. E'l manettan pro Gesu, e büttetan lur rassas sül puleider, e fettan muntar Gesu süsura.

36. Ed, intant ch'el chaminaiva, stendaivan els oura lur rassas sün la via.

37. E, cur el agiâ eira sper il lö ingio as vâ giò per il munt dels olivêrs, tuot la quantitâ dels scolars con allegrezza comanzet a lodar Deis con granda vusch, per tuot las potentas ouvras, ch'els avaivan vis.

38. Dschand: * Benedi *sai'* il rai, chi vain nel nom del Segner! Pasch in tshel, e gloria nellas otezzas!

* Ps. 118, 26.

39. Ed alchüns dels Fariseers intanter la quantitâ al dischan: Maister, slamma teis scolars.

40. Ed el, respondand, disch ad els: Eu's di, cha, scha quaiasts taschan, schi vegnan las peidras a bragir.

41. E, cur el füt sper la città, la vziand, eridet el sur ella,

42. Dschand: Ah, scha tü amo, almain in quaiet di, avessast recognoschü las chosas *appartenentas* a tia pasch! Ma uossa sun ellas zoppadas a teis ögls;

43. Perche sur tai vegnan a gnir dis, nels quals teis inimis at faran transêras intuorn, e vegnan at circondar, ed assediare da pertuot intuorn;

44. E vegnan a büttar a terra tai, e teis infants dadaint tai; * e non lascharan in tai peidra sur peidra; perche tü non hast recognoschü il temp da tia visitaziun. * Marc. 13, 2.

45. Lura, siand intrat nel taimpel, comanzet el a chatschar oura quels chi vendaivan, e chi compraivan in quel;

46. Dschand ad els: * L'ais scrit: Mia chasa ais chasa d'oraziun; ma vus avais fat landroura üna spelunca da morders. * Es. 56, 7.

47. Ed ogni di mossaiva el nel taimpel. E 'ls principals sacerdotes, e 'ls scrivants, e 'ls capos del pövel tscherchaivan da 'l far morir.

48. E non chattaivan che chosa els podessan far; perche tuot il pövel pendaiva *da sia bocca*, il tadland.

CHAP. XX.

Dal battaisem da Gioanne; dals lavuraints tramiss nella vigna; dal tribut; dalla resüstanza, e dal figl da David.

E* dvantet ün da quels dis, ch' intant el mossaiva il pövel nel taimpel, ed evangelizaiva, gnittan eir pro ils princips sacerdotes, e 'ls scrivants, cols seniurs.

* Marc. 11, 27.

2. E'l dischan: Di 'ns con che autorità tü fast quaistas chosas? O chi ais quel, chi t' ha dat quaist' autorità?

3. Ed el, respondand, disch ad els: Eir eu s' vögl domandar üna chosa; e vus dit la a mai:

4. Il battaisem da Gioanne, eira el our dal tschel, o dalla gliend?

5. E quels raschunaivan tanter els, dschand: Scha nus dschain, *ch' el eira* dal tschel, schi vain el ans dir: Perche dimena non al avais cret?

6. Scha nus lura dschain, *ch' el eira* dalla gliend, schi vain tuot il pövel ans accrappar; perche el ais persvas, cha Gioanne eira profet.

7. Els respondettan dimena, ch' els non savessan dinuonder *el füss*.

8. E Gesu disch ad els: Eir eu non as vögl dir, con che autorità eu fetsch quaistas chosas.

9. Lura comanzet el a dir al pövel quaista sumaglia: * Ün hom plantet üna vigna, e la fitet via a tscherts lavuraints, e s' mettet in viadi, e dmuret davent lung temp.

* Matt. 21, 33. Marc. 12, 1.

10. E nella stagiun tramettet el ün serviaint pro quels lavuraints, acio chi'l dessan dal früt della vigna; ma ils lavuraints, l'aviand battü, il tramettettan inavo vöd.

11. Ed el tramettet darcheu ün oter serviaint; ma quels, aviand battü eir quel, e vituperâ, il tramettettan davent vöd.

12. Ed el tramettet amo ün terz; ma quels, aviand ferì eir quaist, il chaschettan oura.

13. E 'l signur della vigna disch: Che dess eu far? Eu vögl trametter meis char figl; forse, cur il vezzeran, al porteran els respet.

14. Ma 'ls lavuraints, l'aviand vis, raschunaivan tanter els, dschand: Quaist ais l'ertavel; gni, il mazzain, acio cha l'ierta dvainta nosa.

15. E'l aviand chatsehâ our dalla vigna, il mazzettan els. Che farà dimena ad els il signur della vigna?

16. El vain a gnir, e sdrür quels lavuraints, e darà la vigna ad oters. Ma quels, aviand udì *quai*, dischan: Usche non saja.

17. Ed el, ils aviand guardats in fatscha, disch: Che chosa dimena ais quaista, chi ais scritta: * La peidra cha 'ls edificadurs han reprobâ, ais dvantada il cheu del chantun.

* Ps. 118, 22.

18. Scodün chi vain a erodar sün quella peidra sarà smachâ, ed ella vain a sputar quel, sur il qual ella croderà.

19. E 'ls principals sacerdotes, e 'ls scrivants, tscherchaivan in quell' istess'ura da 'l metter ils mans adöss; perche els cognoschettan, ch'el avaiva dit quella sumgenschia conter els; ma tmettan il pövel.

20. E, l' spiad, tramattettan els insidiators, chi simulessan d'esser güsts, per il sorprendere in plets, per il dar in man della signoria, e della pussanza del governatur.

21. E quels al fettan üna domanda, dschand: Maister, nus savain, cha tü favellast e mossast indret, e cha tü non hast resguard alla qualità dellas persunas, ma mossast la via da Dieu in vardà:

22. Aise a nus licit da pajar il tribut a Cesare, o na?

23. Ed el, aviand s'inacort da lur astuzia, disch ad els: Perche 'm provais?

24. Mossa 'm ün danêr; da chi port'el la figüra, e la soprascrittüra? E quels, respondand, dischan: Da Cesare.

25. Ed el disch ad els: Rendai dimena a Cesare las chosas da Cesare, ed a Dieu las chosas da Dieu.

26. E non il podettan sorprendere

in plets avant il pövel; e, s'aviand smüravgliats da sia risposta, taschet-tan els.

27. Ma alchüns dels Sadduceers, * ils quals dispittan non esser restistanza, siand appros mats, il domandettan els; * Marc. 12. 18, Act. 23. 8.

28. Dschand: Maister, * Mose ans ha scrit, cha, scha'l frar d'alchün moura, aviand muglier, e moura sainza infants, schi cha piglia seis frar la muglier, e sdaisda sü successiun a seis frar. * Deut. 25. 5.

29. Ma qua fütan set frars; e'l prim, aviand tut muglier, morit sainz' infants;

30. E'l seguond piglet quella muglier, e morit eir el sainz' infants;

31. Lura il terz la piglet; e sumgiantamaing tuots set; e morittan sainz' avoir laschâ infants.

32. Ma, dopo tuots morit eir la duonna.

33. Nella restistanza dimena, da qual d'els sarà ella muglier? Perche tuots set l' han gnüda per muglier.

34. E Gesu, respondand, disch ad els: Ils infants da quaist muond spusan, e vegnan maridats;

35. Ma quels chi vegnan quintats degns d'obtgnair quel muond, e la restistanza dels morts, non spusan, e non vegnan maridats.

36. Perche els sun ingual als angels; e sun figls da Dieu, essendo figls della restistanza.

37. Ma, cha 'ls morts restistan, declare * Mose istess sper il spinatsch, eir el nomna'l Segner il Deis d' Abraham, e'l Deis d'Isac, e 'l Deis da Giacob. * Exo. 3. 6.

38. Ma el non ais Dieu dels morts, anzi dels vivs; perche cha tuots vivan ad el.

39. Ed alchüns dels scrivants al dettan risposta, e dischan: Maister, tü hast dit bain.

40. E non aşchettan plü'l far alchüna domanda.

41. Ed el disch ad els: * Co dischan els cha Cristo saja figl da David? * Marc. 12. 35.

42. E pür David istess nel cudesch dels psalms disch: * Il Segner ha dit

a meis Segner: Sezza da mia vart dretta, * Ps. 110. 1.

43. Fin ch' eu haja tschantâ teis inimis per ün schabell da teis peis.

44. David dimena il clama Segner; schi co ais el seis figl?

45. Ma, intant cha tuot il pövel stai-va tadland, disch el a seis scolars:

46. * S' inguardai dals scrivants, ils quals gugent spassajan in rassas lungas, ed aman ils salüds sün las plazzas, e 'ls prüms sezs nellas raspadas, e 'ls prüms lous nels convits; * Matt. 23. 6.

47. Ils quals maglian las chasas dellas vaidguas, eir suot specie da far lungas oraziuns; quels vegnan ad ardschaiver plügranda condannaziun.

CHAP. XXI.

La liberalità della vaidgua sur tuots; dalla ruina del taimpel e da Gerusalem, con las insainas, chi passan avant al di del güdizi.

MA Gesu, * guardand, vezett ils, richs, chi büttaivan lur duns nella chascha dellas offertas.

* Matt. 12. 41.

2. El vezett eir üna vaidgua povretta, la quala büttaiv' aint duos pitschnas monaidas;

3. E disch: Eu's di in vardà, cha quaista povra vaidgua ha büttâ aint plü co tuots ils oters;

4. Perche tuots quaists han büttâ nellas offertas da Dieu da quai, ch'ls survanza; ma quaista ha büttâ aint da sia povertà tuot la sustanza, ch'ella avaiava.

5. Davo quai lura, * dschand alchüns del taimpel, cha quel eira adornâ con bellas peidras e con offertas, schi dschet el: * Matt. 24. 1.

6. Quant a quaistas chosas cha vus guardais, vegnan a gnir il dis, * chi non sarà laschâ peidra sur peidra, chi non saja ruinada. * Luc. 19. 44.

7. E quels il domandettan, dschand: Maister, eura vegnan dimen' a dvan-tar quaistas chosas? E qual sarà 'l signal del temp, nel qual quaistas chosas dessan gnir?

8. Ed el disch: * As perchürai cha non vegnat surmanats; perche blers vegnan a gnir suot meis nom, dschand: Eu sun *quel*, ed il temp ais rivâ. Con-tuot non giarai davo els. * Efes. 5. 6.

9. Ma, cur vus gnis ad udir guerras, e disturbels, schi non sajatspaventats; perche quaistas chosas ston il prüm d'vantar; impero subit *davo non sarà* la fin.

10. Lura disch el ad els: Ün pövel vain ad alvar sü conter l'oter pövel, ed ün reginam conter l'oter.

11. Ed in ogni lö saran grands ter-trembels, e fams, e pestilenzas; saran eir strangezzas spaventablas, e grands signals giò da tsel.

12. * Ma, avant tuot quaistas chosas, vegnan els a metter ils mans sur vus, e 's perseguitaran, s' dand in man dellas raspadas, e 's mettand in preschun; *as* trand avant rais e redschadurs, per meis nom. *Matt. 24, 9.

13. Ma quai 's reuschirà in testimonianza.

14. Mettai dimena * in vos cour da non premeditar, co vus vegnat a responder a vossa defaisa; *Matt. 10, 19.

15. Perche eu 's vögl dar bocca, e sapienza, * alla quala non vegnan a podair contradir, ne contrastar tuots voss adversaris. *Act. 6, 10.

16. Ma vus sarat tradits eir da baps, e da mammas, e da frars, e da paraints, e d'amis; e vegnan a far morir alchüns da vus;

17. E sarat ödiats da tuots per meis nom.

18. * Impero ün chiavè da vos cheu non perirà. *Matt. 10, 30.

19. Possedai vossas ormas in vossa pazienza.

20. Ma, cur vus gnis a vair Gerusalem circondatta con exercits, sapchat, cha lura sia destrucziun ais vicina.

21. Lura quels chi *saran* nella Giudea fùgian süls munts, e quels chi *saran* dadaint quella as partan; e quels chi *saran* süin la cuttira, non intran in quella;

22. Perche quels *dis* saran dis da vendetta; acio cha tuot las chosas chi sun scrittas, * vegnan complidas. *Dan. 9, 26; 27. Zac. 11, 1.

23. Ma vae allas gravidas, ed a quellas chi vegnan a lattantar in quels dis; perche qua sarà grand' anguosa nel pajais, ed ira sur quai pövel.

24. E vegnan a erodar tras il tagliaint della spada, e saran manats in preschun tanter tuots ils pövels; e Gerusalem sarà traplada dals pajans, fin cha 'ls temps dels pajans sajan complits.

25. * Da plü, vegnan ad esser signals nel solai, e nella glüna, e nellas stailas; ed in terra anguosa dels pövels con stramizi, strasunand il mâr e las uondas; *Marc. 13, 24.

26. La gliud, spassind da temma, e da spettar las chosas, chi vegnan a sopragnir al muond; perche las potenzas dels tselhs saran squassadas.

27. E lura vegnan els a vair il figl del crastian * gnir in üna nüvla con potenza e granda gloria. *Ap. 1, 7.

28. Ma, cur quaistas chosas comazeran a d'vantar, schiguardai in ot, ed ozai vossas teistas; perche vossa spendranza ais vicina.

29. E disch ad els üna sumgenscha: * Guardai süil figêr, e süin tuot la bošcha. *Marc. 13, 28.

30. Cur els han agià schermügliâ, schi vus, vezand quai, recognoschais da vus istess, cha la stâ ais agià vicina.

31. Usche eir vus, cur vus gnis a vair d'vantar quaistas chosas, sapchat, cha 'l reginam da Dieu ais vicin.

32. Eu 's di in vardâ, cha quai 'etâ non passerà, fin cha tuot *quaistas* chosas non sajan d'vantadas.

33. Il tsel e la terra passeran via; ma meis plets non passeran.

34. Ma * s' inguardai, cha forza voss cours non sajan aggravats con ingordischa, ne con avrianza, ne con pis-sêrs da quai vita, e cha quel di non vegna sur vus all'improvista. *Rom. 13, 13.

35. Perche, a guisa d' ün latsch vain el a gnir sur tuots quels, chi abiteschan sur la fatscha da tuot la terra.

36. * Vagliai dimena, urand in ogni temp, acio cha vus sajat quintats degns da fùgir tuot las chosas, chi dessan d'vantar, è da comparair avant il figl del crastian. *Luc. 18, 1.

37. Ma da di mossair' el nel taimpel, e las nots, siand it oura, dmu-raiv' el süil munt, dit dels olivêrs.

38. E tuot il pövel, la matina a bun' ura, gniva pro el nel taimpel, per l' udir.

CHAP. XXII.

Il tradimaint da Giuda; instituziun della tschajna; professiun da Cristo; gelosia, fal e respiscenza da Petro; confessiun da Cristo da sai.

MA la * feista dels azims, ditta la pasqua, s' approssaiva. * Marc. 14, 1.

2. E 'ls principals sacerdots e 'ls scrivants tscherchaivan, co il fessan morir; perche els tmaivan il pövel.

3. Ma * satanas intret in Giuda, dit per surnom Iscariot, il qual eira dal number dels dudiesch. * Matt. 26, 14.

4. Ed el get, e raschunet cols principals sacerdots, e cols chapitanis, co el il mettes ad els in mans.

5. E quels s' allegrettan, e fettan pach con el da 'l dar danêrs;

6. Ed el impromettet, da 'l dar ad els in mans; e tscherchaiva commodità, da far quai sainza tumult.

7. Ma gnit il di dels azims, * nel qual as stovaiva sacrificar la pasqua.

* Marc. 14, 12.

8. E Gesu tramettet Petro e Gioanne, dschand: It, apparechai a nus la pasqua, acio cha nus la mangian.

9. E quels al dischan: Ingio voust, cha nus l' apparechan?

10. Ed el disch ad els: Mera, cur vus sarat intrats nella città, schi gnis vus a contrar ün hom, portand üna cröja plaina d' aua; seguitta 'l nella chasa, ingio el vain ad intrar.

11. E dit al patrun della chasa: Il maister at trametta a dir: Ingio ais la stanza, nella quala eu vegn a mangiar la pasqua con meis scholars?

12. Ed el vain as mossar üna granda sala pinada; qua apparechai a nus la pasqua.

13. Quels dimena, siand its, chattettan, sco l'avaiva dit ad els, ed appinettan la pasqua.

14. E, * cur l' ura füt gnüda, as' mettet el a maisa cols dudiesch apostels.

* Marc. 14, 17.

15. Ed el disch ad els: Eu ha granda maing desiderâ da mangiar quaista pasqua con vus, avant ch' eu indüra.

16. Perche eu's di, ch' eu non vegn a mangiar plü, fin cha tuot saja compli nel reginam da Dieu.

17. Ed, aviand tut il calisch, fet el grazias, e disch: Pigliai quai *calisch*, e distribui 'l tanter vus;

18. Perche eu's di, ch' eu non vegn a baiver plü dal früt della vigna, fin cha 'l reginam da Dieu saja gnü.

19. Lura, * aviand tut il pan, fet el grazias, e 'l rumpet, e 'l det ad els, dschand: Quai ais meis corp, il qual ais dat per vus; fat quai in regordanza da mai. * Matt. 26, 26.

20. Medemamaing eir, dopo avoir tschnâ, *det el ad els* il calisch, dschand: Quai calisch *ais* la nouva lia in meis sang, il qual vain spans per vus.

21. Nel reist, * mera, il man da quel, chi 'm tradescha, *ais* con mai a maisa.

* Ps. 41, 10.

22. E 'l figl del crastian tschert va, seguond ch' ais determinâ; ma vae a quel crastian, tras il qual el vain tradi.

23. E quels comanzettan as domandar l' ün l' oter, chi füss pür quel dad els, chi gnis a far quai.

24. Ma naschet eir tanter els üna contesa, chi dad els paress, chi füss il plü grand?

25. Ma el disch ad els: * Ils rais dels pövels ils signoreschan, e quels chi han pussanza sur els, vegnan clamats benefactors;

* Marc. 10, 42.

26. Ma vus brich' usehe; anzi il plü grand tanter vus saja sco 'l main, e quel chi redscha sco quel chi serva.

27. Perche qual ais plü grand, quel ch' ais a maisa, o pür quel chi serva? Non *aise* quel ch' ais a maisa? Ma eu sun in mez vus, sco quel chi serva.

28. Ma vus eschat quels, chi avais perseverâ con mai in meis tentamaints.

29. * Ed eu eir as dispon il reginam, sco meis bap am l' ha disponü.

* Matt. 24, 47.

30. Acio cha vus mangiat, e baivat, sün mia maisa, in meis reginam; * e sezzat sün truns, güdiehand las dudiesch schlattas d' Israel. * Ap. 3, 21.

31. Il Segner dschet eir: Simon, Simon, mera, satanas ha giavüschâ da 's criblar, *sco 's cribla* il gran.

32. Ma eu ha rovâ per tai, acio

cha tia cretta non vegn' al main. E tü, eur tü sarast convertì, schi conferma teis frars.

33. Ma el al disch: Segner, eu sun perdert d' ir con tai in preschun, ed alla mort.

34. Ma Gesu disch: * Petro, eu 't di, cha 'l gial non chanterà hoz, avant cha tü'm hajast snejà trais vou-tas da non am cognoscher. * Marc. 14, 30.

35. Lura disch el ad els: * Cur eu 's ha tramiss sainza buorsa, e *sainza* taşcha, e *sainza* şcharpas, avais vus gnü mangel da chos' alchüna? E quels dischan: D' ingüna. * Matt. 10, 9.

36. Disch ad els dimena: Ma uossa, chi ha üna buorsa, la piglia, il medem eir üna taşcha; e chi non ha, venda sia rassa, e cumpra üna spada;

37. Perche eu's di, chi sto, cha eir quaist ch' ais scrit, vegna compli in mai: * Ed el ais stat nombrâ tanter ils malfatturs. Perche las chosas, chi *sun scrittas* da mai, han *lur* complimaint. * Es. 53, 12.

38. E quels dischan: Segner, mera qui duos spadas. Ed el disch ad els: E basta.

39. Lura, * siand it oura, get el seguond *se'* üsanza süil munt dels olivêrs. E seis scolars al seguittettan eir els. * Gioan. 18, 1.

40. E, siand rivâ al lö, disch el ad els: Urai, cha vus non intrat in tentamaint.

41. Lura füt el retrat our dad els, quasi per il trat d' üna peidra; e, s' aviand miss in snuoglias, oraiv' el,

42. Dschand: Bap, ah volessast tü transportar da mai quaist calisch! Impero, bricha mia vöglia, ma la tia saja fatta.

43. Ed ün angel l'apparet da tsel, il cuffortand.

44. Ed el, siand in anguoscha, oraiva plü vi' e plü datschert; e sia süjur dvantet simil' a guots da sang, chi crodaivan in terra.

45. Ed el, siand alvâ dall' oraziun, gnit el pro seis scolars, e chattet, cha dormivan per tristezza.

46. E dschet ad els: Perche dormis? Stat sü, ed orai, cha vus non intrat in tentamaint.

47. Ma, * intant ch' el favlaiv' amo,

mera ün pövel; e quel chi 's clamaiva Giuda, ün dels dudesch, giaiv' avant ad els; e 's approsmet a Gesu, per il bütschar; perche el avai' ad els dat quaist signal: Quel ch' eu vegn a bütschar l' ais.

48. E Gesu al disch: Giuda, tradeschast tü 'l figl del crastian con ün bütsch?

49. E quels *ch' eiran* della compagnia da Gesu, vezand che chosa eira per dvantar, dischan: Segner, des-san nus batter con la spada?

50. Ed ün * tschert d' els battet il serviaint del grand sacerdot, e 'l taglet via l'uraglia dretta. * Matt. 26, 51.

51. Ma Gesu respondet *ad els*, e disch: Laschai, bricha plü. Ed aviand toc l' uraglia da quel, il guarit el.

52. E Gesu disch als principals sacerdots, ed als capos del taimpel, ed als seniurs, ch' eiran gnüts conter el: Vus eschat its oura conter mai con spadas, e con astas, seo conter ün morder;

53. Intant ch' eu eira con vus iminchadi nel taimpel, schi non avais vus miss ils mans sur mai; ma quaist' ais voss' ura, e la pussanza dellas şchürezzas.

54. E quels il piglettan, e 'l manettan davent, e 'l conduettan dadaint la chasa del grand sacerdot. E Petro *al* seguittaiva da dalönsch.

55. Ed, aviand quels * invüdâ fö in mez la cuort, e siand tschantats a zer insembel, sezzet Petro in mez els.

* Marc. 14, 66.

56. Ma üna tscherta fantschella, l'aviand vis zer sper il fö, e l'aviand guardâfissdisch: Eir quaist eira con el.

57. Ma el il snejet, dschand: Duonna, eu non il cognosch.

58. E pac davo ün oter, l'aviand vis, al dschet: Eir tü est da quels. Ma Petro disch: O crastian, non sun bricha.

59. Ed infra 'l spazi quasi d' ün' ura, tschert oter affirmaiva *l' istess*, dschand: Eir quaist in vardâ eira con el; perche l' ais Galileer.

60. Ma Petro disch: O crastian, eu non sâ quai cha tü dist. E subit, favland el amo, il gial chantet.

61. E'l Segner, s' aviand vout, guardet el Petro. E Petro's tret a memoria il pled del Segner, sco el l'avaiva dit: Avant cha 'l gial chanta, tû'm snejarast trais voutas.

62. E Petro get our, e cridet sossamaing.

63. E * quels chi tgaivan Gesu, faivan giamgias d' el, *il* battand.

* Marc. 14, 65.

64. E, l' aviand covernâ *ils* *ögls*, al battaivan sün la fatscha, e'l domandaivan, dschand: Ingiavina, chi ais quel, chi t' ha battü?

65. Bleras otras chosas eir dschavian els conter el blastemmand.

66. Lura, eur füt di, ils seniurs del pövel, ils principals sacerdotes e 'ls scrivants, as rassetpan, e'l manettan in lur consistori,

67. E'l dischan: Est tû il Cristo? Di'ns quai. Ed el disch ad els: Sehabain ch'eu 's di, schi non gnis vus a crair.

68. E sch'eu 's fetsch eir qualcha domanda, schi non gnis vus am responder, ne *am* laschar ir.

69. * D' uoss' in via vain il figl del crastian a zer alla dretta vart della pussanza da Dieu.

* Matt. 26, 64.

70. E tuots dischan: Est tû dimen' il figl da Dieu? Ed el disch ad els: Vus *il* dschais; perche eu *il* sun.

71. E quels dischan: Che avains plü bsögn da perdüta? Perche nus istess l' avain udì da sia propria bocca.

CHAP. XXIII.

Cristo vain d'Erode fat beffa; e, siand da Pilato condannâ, vain el crucifichâ; siand crucifichâ vain el ris oura; moura, e vain sepuli.

LURA * tuot la quantità dad els alvet sù, e'l manet pro Pilato.

* Marc. 15, 1.

2. E comanzettan a l' achüsar, dschand: Nus avain chattâ quaist, * mettand la naziun suot sura, e seomandand da dar ils tributs a Cesare, dschand, esser el Cristo, il rai.

* Act. 17, 7.

3. * E Pilato il domandet, dschand: Est tû'l rai dels Güdeus? Ed el, respondand, disch: Tû 'l dist.

* Gioan. 18, 33.

4. E Pilato disch als principals sa-

cerdotes, ed al pövel: Eu non chat malefizi alchün in quaist crastian.

5. Ma quels faivan forza, dschand: El movainta stü il pövel, mossand per tuot la Giudea, aviand comanzâ da Galilea fin qua.

6. Lura Pilato, aviand udì *nomnar* Galilea, domandet, scha quel crastian eira Galileer?

7. Ed aviand savü, ch' el eira dalla giurisdicziun d' Erode, il tramettet el pro ad Erode, il qual eira eir el in Gerusalem quels dis.

8. Ed Erode, aviand vis Gesu, s' allegret el grandamaing; perche da bler *temp* nan desideraiv' el da'l vair; perche * l' avaiava spranza da'l vair fand qualcha miracul.

* Matt. 14, 1.

9. E'l domandet tras blers raschunamaints; ma el non al respondet inguotta.

10. E'ls principals sacerdotes e'ls scrivants comparettan *qua*, l' achüsand con grand sforz.

11. Ma Erode con seis sudats, dopo l' avair spredschiâ e fat giamgias, il vestit el con üna rass'alba, e'l turnantet a Pilato.

12. Ed Erode e Pilato dvantettan amis insembel sün quel di; perche peravant eiran els stats in disamicizia tanter els.

13. E Pilato, aviand clamâ insembel ils principals sacerdotes, e'ls magistrats, e'l pövel,

14. Disch ad els: Vus m' avais fat comparair quaist crastian avant, sco sch' el sviess il pövel, e mera, l' aviand eu in presenza vossa examinâ, non ha chattâ in el alchün malefizi da quels, dels quals vus l' achüsaiss.

15. Ma eir Erode bricha; perche ch' eu s' ha tramiss pro el; e mera, e non ais fat inguotta dad el, *per il qual el saja giudichâ* degn da mort.

16. * Eu dimena il vögl chastiar, e lura 'l liberar.

* Gioan. 19, 1.

17. Ma el stovaiva per necessità liberar ad els ün, ogni di da feista.

18. Etuot la quantità bragit dschand: Piglia quaist, e libera 'ns Barabba;

19. Quaist eira stat preschunâ per üna sediziun, fatta nella città con homicidi.

20. Per quai Pilato darcheu favlet *ad els*, desiderand da liberar Gesu.

21. Ma quels bragivan in contrari, dschand: Crucificha 'l, crucificha 'l.

22. Ed el, la terza vouta disch ad els: Impero, che mal ha fat quai? Eu non ha chattà in el malefizi alchün degn da mort. Eu dimen' il vögl chastiar, e lura liberar.

23. Ma quels faivan istanza con grand bragizi, giavüschand, ch'el gnis crucifichà; e lur bragizis, e quels dels principals sacerdots as rinforzaivan.

24. E Pilato pronunziet, cha füss fat quai ch'els giavüschaivan.

25. E liberet ad els quel, ch' eira stat preschunà per sediziun e per omicidi, il qual quels avaiavan giavüschà, e remettet Gesu a lur voluntà.

26. E, * cur quels il manaivan, pigletan els ün tshert Simon Cireneo, chi gniva dalla cuttüra, e 'l mettettan adöss la crusch, per la portar davo a Gesu.

* Marc. 15, 21.

27. Ma üna granda quantità da pövel, e da donans al seguittaivan, las qualas eir faivan cordöli, e 'l pland-schaivan.

28. Ma Gesu, s'aviand vout via ad ellas, disch: Figlias da Gerusalem, non eridarai per mai; anzi eridai per vus istess, e per voss infants;

29. Perche mera, ils dis vegnan, ch' ün vain a dir: Beadas las sterilas; e beats ils corps, chi non han parturi, e las tettas, chi non han lattantà.

30. Lura vegnan els a comanzar a dir als munts: * Croda'ns adöss; ed als muots: Cuverna'ns; * Os. 10, 8. Ap. 6, 16.

31. Perche, sch'els fan quaiestas chosas al lain verd, schi che sarà fat al sech?

32. Ma * duos oters eir, *ch' eiran* malfatturs, vegnan manats con el, per gnir fats morir.

* Es. 53, 12.

33. E, * cur els füttan its al lö, dit della chavazza, crucifichettan els qua el, e 'ls malfatturs, l' ün dalla vart dretta, e l' oter dalla sneistra.

* Gioan. 19, 18.

34. E Gesu dschaiva: Bap, * perdun' ad els; perche els non fasan quai chi fan. Lura, aviand fat parts cön sia vestimainta, han els trat las sorts.

* Act. 7, 60. † Act. 3, 17.

35. E 'l pövel staiva *qua*, guardand, ed eir ils redschadurs, insembel con il pövel faivan beffa d' el, dschand: El ha salvà 'ls oters; ch' el salva sai stess, scha pür quaiست ais Cristo, l' elet da Dieu.

36. Ma 'ls sudats eir faivan giam-gias d' el, s' approsmand, e 'l presentand aschait;

37. E dschand: Scha tü est il rai dels Güdeus, schi salva tai stess.

38. Ma qua eira eir quaiست titul sü sur seis cheu, scrit in bustaps Grecs, Romans, et Ebraics: QUAIST AIS IL RAI DELS GÜDEUS.

39. Ma l' ün dels malfatturs pichats l'ingiuriaiva, dschand: Scha tü est Cristo, schi salva tai stess e nus.

40. Ma l' oter, respondand, il slamai-va, dschand: Non hast tü temma eir briecha da Dieu, essendo nel medem supplizi?

41. E nus, in vardà, *eschan qui* güstamaing; perche nus ardschvain la degna paina da noss fats; ma quaiست non ha commiss alchün misfat.

42. Lura disch el a Gesu: Segner, at regorda da mai, cur tü vainst ad esser gnü in teis reginam.

43. E Gesu al dschet: Eu 't di in vardà, cha hoz vainst tü ad esser con mai in paradis.

44. Ma eira intuorn la sesav' ura, e * gnit şchürdüm sur tuot la terra, infin alla novavla.

* Matt. 27, 45.

45. E 'l solai s' inşchürit, e la cortina del taimpel as fendet per mez.

46. E Gesu, dopo avoir bragì con granda vusch, disch: Bap, * eu remet meis spiert in teis mans. Ed, aviand dit quaiست, rendet el sü il spiert.

* Ps. 31, 6.

47. E 'l * chapitani, aviand vis quai, ch' eira dvantà, glorifichet Deis, dschand: Vairamaing quaiست crastian eira güst.

* Marc. 15, 39.

48. E tuot il pövel, chi s' avaiava raspà pro quaiست spectacul, aviand vis las chosas, chi eiran dvantadas, turnet, as battand il pet.

49. Ma tuots seis contschaints, e las donans, chi l' avaiavan insembel seguit-tà da Galilea, as fermettan dalönseh, guardand quaiestas chosas.

50. E * mera, ün tshert hom, *clamà*

per nom Giosef, chi eira cosgliêr, hom da bain e giüst; * Marc. 15, 43.

51. Il qual non avaiua consenti al cossagl, ne a lur act; *el eira* da Arimatea, città dels Güdeus, e * spet-
taiva eir el il reginam da Dieu.

* Luc. 2, 25. 38.

52. Quaist gnit pro Pilato, e giavüschet il corp da Gesu.

53. E, l'aviand trat giò *dalla crusch*, il playet el in ün linzöl, e 'l mettet in ün monumaint tagliâ in ün spelm, nel qual ingün non eira stat amo tshantâ.

54. Ma quel di eira la preparaziun della feista, e 'l sabbat soprastaiva.

55. E las donans, las qualas eiran gnüdas insembel da Galilea con Gesu, aviand seguittâ *Giosef*, guardettan il monumaint, e co 'l corp da quel eira qua tshantâ.

56. E, siand turnadas, apparechettan ellas speziarias, ed ölis bainsavurits; e posettan il sabbat, tenor il comandamaint.

CHAP. XXIV.

Ilis angels predgian allas donans; il raschunamaint concurrü con quels, chi giaivan ad Emmaus; ascensün da Cristo.

NEL prüm di dell' eivna, la mattina zuond pro temp, quellas, e tcher-
tas *otras* con ellas, gnittan pro 'l monumaint, portant las speziarias, cha avaiavan preparâ.

2. E chattettan la peidra rodlada davent dal monumaint.

3. E, siand intrattas aint dadaint, non chattettan ellas il corp del Segner Gesu.

4. Ed, intant ch' ellas staivan perplexas da quai, mera, duos homens sopravvegnan ad ellas in vestimainta traglischainta;

5. Ilis quals, essendo quellas smarri-
das, ed, inclinand las fatschas a terra, dischan ad ellas: Perche tscherchais il viv tanter ils morts?

6. El non ais qui, ma ais resüstâ; as regordai, * co el as favlet, intant ch' el eira amo in Galilea, * Marc. 9, 31.

7. Dschand, cha stovaiva esser, cha 'l figl del crastian gnis dat in mans dels crastians pechaders, e gnis crucifichâ, ed al terz di resüstess.

8. Ed ellas as regordettan dels pleds da quel.

9. E, siand turnadas dal monumaint, referittan ellas tuot quaistas chosas als ündesch, ed a tuot ils oters.

10. Ma quellas, chidschettan quaistas chosas als apostels, eiran Maria Magdalena, e * Gioanna, e Maria, *mamma* da Giacobbo, e las otras, *chi* eiran con ellas. * Luc. 8, 3.

11. Ma lur pleds paraivan ad els ün svanatschar, e non crajettan ad ellas.

12. Impero * Petro, siand alvâ sü, currit el pro 'l monumaint; ed, aviand guardâ aint dadaint, non vazzet el oter co ils linzöls, chi giaschaivan *qua*; e get'davent, as smüravgliand in sai stess da quai, chi eira dvantâ.

* Gioan. 20, 3. 6.

13. Ma mera, * duos d' els in quel istess di giaivan in ün vih, il nom del qual *eira* Emmaus, distant da Gerusalem sesanta stadis.

* Marc. 16, 12.

14. E quels raschunaivan tanter els da tuot quaistas chosas, chi eiran dvantadas.

15. E dvantet, ch' intant els raschunaivan e discurivan insembel, s' approsmet Gesu, e 's mettet a chaminar con els.

16. Ma lur ögls eiran retgnüts, per non il cognoscher.

17. Ed el disch ad els: Che *sun* quaists raschunamaints, cha vus avais tanter vus, chaminand, e perche eschat trists?

18. E l' ün, il nom del qual *eira* Cleopa, respondand, al dschet: Tü sulet, dmurand in Gerusalem, non sast las chosas, ch' in quella sun dvantadas in quaists dis?

19. Ed el disch ad els: Qualas? E quels al dischan: Il fat da Gesu Nazareno, il qual eira ün hom profet, potent in ouvas ed in pleds, avant Dieu ed avant tuot il pövel.

20. E co ils principals sacerdots e noss magistrats, l' han dat ad esser güdichâ a mort, e l' han crucifichâ.

21. Ma nus avaiavan spranza, ch' el füss quel, ch' avess da spendrar Israel; ma eir, ultra tuot quai, schabain chi sun trais dis, cha quaistas chosas sun dvantadas;

22. Tschertas donans intanter nus ans han fat stupir; perche, siand idas la mattina a bun' ura pro' l monumaint,

23. E, non aviand chattâ' l corp da quel, sun gnüdas, dschand d' avair vis üna visiun d' angels, ils quals dischan, ch' el viva.

24. Ed alchüns dels noss sun its pro' l monumaint, ed han chattâ usche, seo las donans avaivan dit; ma non han vis Gesu.

25. Lura el disch ad els: O nars e tardants da cour a crair a tuot las chosas, cha' ls profets han dit!

26. * Non stovaiva esser, cha Cristo indüress quaistas chosas, *ed usche intress in sia gloria?* * 1 Petr. 1, 11.

27. E, comanzand da Mose, e *següind* tras tuot ils profets, declaret el ad els in tuot las scrittüras las chosas, *chi eiran* davart el.

28. Ed, essendo rivats pro' l vih, ingio giaivan, fet el vista d' ir plü navant.

29. Ma quels al fettan forza, dschand: Rumagna con nus; perche e vain saira, e' l di ais agiâ inclinâ. El dimena intret *nel albiereg*, per rumagnair con els.

30. E, cur el s' avet miss a maisa con els, piglet el il pan, e fet la benedicziun, e' laviand ruot, il distribuit el ad els.

31. E lur ögls gnittan averts, e' l cognoschettan; ma el svantet dad els.

32. E quels dischan l' ün al oter: Non ardaiva nos cour in nus, intant ch' el ans favlaiva sü la via, e 'ns avriva las scrittüras?

33. Ed in quell' istess' ura alvettan els sü, e turnettan dacheu in Gerusalem, e chattettan raspats ils ün desch, e quels *ch' eiran* con els;

34. Ils quals dschaivan: Il Segner ais vairamaing restüstâ, * ed ais apparü a Simon. * 1 Cor. 15, 5.

35. E quels eifer referittan las chosas *dvantadas ad els* sü la via, e co l' eira stat cognoschü dad els nel rumper il pan.

36. Ma, intant quels raschunaivan quaistas chosas, * Gesu istess comparet in mez d' els, e disch ad els: Pasch a vus. * Marc. 16, 14.

37. Ma quels, siand smarrits e stramits, s' impissaivan da vair ün spiert.

38. Ed el disch ad els: Perche eschat conturbats, e perche vegnan raschunamaints in voss cours.

39. Guardai meis mans, e meis peis, perche eu sun quel; * palpa'm e guarda'm; perche ch' ün spiert non ha ne charn ne ossa, seo vus vezzaiss ch' eu ha. * Gioan. 20, 20. 27.

40. Ed, aviand dit quaiast, mosset el ad els ils mans, e 'ls peis.

41. Ma, non crajand quels amo per l' allegrezza, ed as smütravgliand, disch el ad els: Avais vus qui alchüna chosa da mangiar?

42. E quels al dettan ün toc pesch ustri, ed ün flidun da meil.

43. Ed el, l'aviand tut, manget in lur presenza.

44. Lura disch el ad els: Quaists sun ils raschunamaints, ch' eu avaiva, siand amo con vus; chi stovaiv' esser, cha tuot las chosas scrittas da mai nella ledscha da Mose, nels profets, e nels psalms, gnissan complidas.

45. Lura avrit el ad els l' intellet, per incler las scrittüras.

46. E dschet ad els: Usche ais scrit, ed usche stovaiv' esser, cha Cristo indüress, ed al terz di restüstess dals morts;

47. E ch' in seis nom as predgess penitenza, e remissiun dels puchats tanter tuot ils pövels, comanzand a Gerusalem.

48. Ma vus eschat testimonis da quaistas chosas.

49. E mera, * eu tramet sur vus la promissiun da meis bap; ma vus dmurai nel città da Gerusalem, fin cha vus sajat revestits con la virtù giò dal ot. * Gioan. 14, 16.

50. Lura ils manet el oura fin in Betania, ed, aviand ozâ ils mans in ot, ils benedit el.

51. E* dvantet, ch' intant el ils benediva, as partit el dad els, e gnit portâ sü in tschel. * Marc. 16, 19. Act. 1, 9.

52. E quels, l'aviand adorâ, turnettan dacheu in Gerusalem con granda allegrezza.

53. Ed eiran da contin nel taimpel, lodand e benedind Deis. Amen.

IL SANCT EVANGELI DA NOS SEGNER GESU CRISTO

SEGUOND

S. GIOANNE.

CHAP. I.

Il pled ais dvantâ charn; perdüta da Gioanne davart Cristo; quatter scolars clamats; la schala del tschel.

NEL principi * eira il pled, e l'pled, eira † pro Deis, e l'pled eira Dieu.

* Prov. 8, 22-24. Col. 1, 17.

† 1 Gioan. 1, 1. Prov. 8, 30. Gioan. 17, 5.

2. Quel eira nel principi pro Deis.

3. * Ogni chosa ais fatta tras quel, e sainza quel ne üna chosa fatta, non ais statta fatta.

* Col. 1, 16. Ebr. 1, 2. Ap. 4, 11.

4. In el eira vita, e la vita eira la glüm della gliend.

5. E la glüm glüscha nellas schürezas, e las schürezas non l'han compraisa.

6. * L'eira ün hom, tramiss da Dieu, il nom del qual *eira* Gioanne.

* Matt. 3, 1. Marc. 1, 4. Luc. 3, 2.

7. Quaist gnit per testimonianza, a fin da dar perdüta dalla glüm, acio cha tuots crajessan tras el.

8. El non eira la glüm, anzi *eira* tramiss per dar perdüta dalla glüm.

9. La vaira glüm, la quala iglüm-na ogni crastian, chi vain nel muond.

10. L'eira nel muond, e l' muond ais fat tras quel, ma l' muond non l'ha cognoschü.

11. El ais gnü in que ch' ais sieu, e l's seis non l' han ardschvü.

12. Ma a tuots quels, chi l' han ardschvü, ils quals crajan in seis nom, ha el dat quaista raschun, d' esser fats infants da Dieu.

13. Ils quals bricha da sang, ne da voluntà da charn, ne da voluntà d' hom, ma sun nats * da Dieu.

* Gioan. 3, 5. Giac. 1, 18.

14. E l' pled ais stat fat charn, ed ha abità tanter nus, (e nus avain contemplà sia gloria; gloria, seo del

unigenit *procedü* dal bap) * plaina da grazia, e da vardà.

* Col. 1, 19.

15. Gioanne det perdüta dad el e elamet, dschand: Quaist ais quel, dal qual eu dschaiva: Quel chi vain davo mai, * m' ais miss avant; perche el eira prüim da mai.

* Gioan. 3, 31.

16. E nus tuots avain ardschvü da sia plainezza, grazia per grazia.

17. Perche la ledscha ais stat datta tras Mose; *ma* la grazia e la vardà ais dvantada tras Gesu Cristo.

18. * Ingün non vazzet ma bricha Deis; l' unigenit figl, ch' ais nel sain del bap, ais quel chi l' ha declarà.

* Matt. 11, 27.

19. E quaista ais * la testimonianza da Gioanne, cur ils Güdeus da Gerusalem tramettettan sacerdots e levits, per il domandar: Tü chi est?

* Gioan. 5, 33.

20. Ed el recognoschet, *chi el eira*, e non snejet; anzi el recognoschet, *dschand*: * Eu non sun Cristo.

* Act. 13, 25.

21. E quels il domandettan: Chi est dimena? Est tü Elia? Ed el dschet: Eu non il sun. Est tü il profet? Ed el respondet: Na.

22. Quels dimena al dschettan: Chi est, acio cha nus dettan risposta a quels, chi 'ns han tramiss, che disch tü da tai stess?

23. El dschet: * Eu *sun* la vusch da quel chi clama nel desert: Drizzai la via del Segner; seo l' profet Esaja ha dit.

* Es. 40, 3.

24. Ma quels ch' eiran stats tramiss eiran dals Fariseers.

25. E quels domandettan e l' dschettan: Perche dimena battajast, scha tü non est Cristo, ne Elia, ne l' profet?

26. Gioanne respondet ad els, dschand: Eu battai con aua; ma in

mez vus ais presaint ün, il qual vus non cognoschais.

27. El ais quel, chi vain davo mai, il qual m' ais stat miss avant, del qual eu non sun degn da' l slargiar la curaja della scharpa.

28. Quaistas chosas dvantettan in Betabara da là del Giordan, ingio Gioanne battizaiva.

29. Il di seguaint, Gioanne vèzzet Gesu, chi gniva pro el, e dschet: * Mera l' agnè da Dieu, chi piglia via il pu-cha del muond. * Es. 53, 7. 1 Petr. 1, 19.

30. Quaist ais quel, dal qual eu dschaiva: Davo mai vain ün hom, il qual m' ais miss avant; perche l' eira prüm da mai.

31. E quant a mai, eu non il cognoschaiva; ma, acio ch' el saja manifestà ad Israel, per quai sun eu gnü, battizand con aua.

32. E Gioanne det perdüta, dschand: Eu ha vis il Spiert, * ch' ais gnü giò da tschel, in sumgenschä d' üna colomba, e s' ha fermà sur el. * Matt. 3, 16.

33. E quant a mai, eu non il cognoschaiva; ma quel chi m' ha tramiss a battizar con aua m' avaiva dit: Quel, sur il qual tû vèzzèrast gnir giò il Spiert e' s' fermar, ais quel, chi battigia con il Spiert Sanct.

34. Ed eu l' ha vis, e testifich, cha quaist ais il figl da Dieu.

35. Il di seguaint as fermet Gioanne darcheu con duos da seis scolars;

36. Ed, aviand guardâ in fatscha a Gesu chi chaminaiva, dschet el: Mera l' agnè da Dieu!

37. E' ls duos scolars l' uditan favlar, e seguittettan Gesu.

38. E Gesu, s' aviand vout, è vèziand chi' l seguittaiavan, disch ad els: Che tscherchais?

39. E quels al dischan: Rabbi, (il qual, siand miss oura, vuol dir, Maister) ingio dmurast?

40. El disch ad els: Gni, e guardai. Quels *dimena* gettan, e vèzzettan ingio el dmuraiva, e stettan pro el quel di. Ma l' eira intuorn las desch uras.

41. * Andrea, frar da Simon Petro, eira ün dels duos, chi avaiavan udi *quel raschunamaint* da Gioanne, ed avaiavan seguittâ Gesu. * Matt. 4, 18.

42. Quaist chattet il prüm seis frar Simon e' l dschet: Nus avain chattâ l' Messia, (il qual, siand miss oura, vuol dir, il Cristo).

43. E' l manet pro Gesu. E Gesu, l' aviand guardâ in fatscha, disch: Tû est Simon, figl da Giona; * tû sarast clamâ Cefa, (chi vuol dir, peidra).

* Matt. 16, 18.

44. Il di seguaint volet *Gesu* ir in Galilea, e chattet Filippo, e' l disch: Seguittescha 'm!

45. Ma Filippo eira da Betsaida, dalla città d' Andrea, e da Petro.

46. Filippo chattet Natanael, e' l dschet: Nus avain chattâ quel, * dal qual Mose nella ledscha, e' ls profets han scrit, *ch' ais* Gesu, figl da Giosef, chi ais da Nazaret. * Gen. 3, 15. Deu. 18, 18.

Es. 7, 14. Mich. 5, 2. Zac. 6, 11. e 9, 9.

47. E Natanael al dschet: Po gnir bön alchün da Nazaret? Filippo al disch: Vè, e guarda.

48. Gesu vèzzet gnir Natanael pro sai, e disch dad el: Mera, vairamang ün Israelit, nel qual non ais frod alchün.

49. Natanael al dschet: Dinuonder am cognoschast? Gesu respondet, e' l dschet: Avant cha Filippo 't clammess, cur tû eirast suot il figêr, at vèzzaiv' eu.

50. Natanael respondet, e' l disch: Maister, tû est il figl da Dieu; tû est il rai d' Israel.

51. Gesu respondet, e' l dschet: Per quai ch' eu t' ha dit, ch' eu t' vèzzaiva suot il figêr, crajast tû? Tû vèzzèrast chosas plü grandas da quaistas.

52. Lura al dschet el: In vardà, in vardà 's di eu, cha d' uoss' in via vus vèzzèrat il tschel avert, e' ls angels da Dieu giand sü, e gnand giò sur il figl del crastian.

CHAP. II.

Las nozzas in Cana da Galilea; Cristo chatsch our dal taimpel quels chi vendaivan; bliers crajan in el.

E trais dis *davo* as fet nozzas in Cana da Galilea; e la mamma da Gesu eira qua.

2. Ma eir Gesu, con seis scolars füt clamâ allas nozzas.

3. E siand gnü almain il vin, al disch la mamma da Gesu: Els non han vin.

4. Gesu la dschet: Che *aise qui* tanter mai e tai, o duonna? Mi' ura non ais amo gnüda.

5. Sia mamma disch als serviaints: Fat tuot quai ch' el vain as dir.

6. Ma qua eiran ses cröjas da crap, missas seguond l' üsanza della purificaziun dels Güdeus, las qualas tгнаivan duos, o trais grandas masüras per üna.

7. Gesu disch ad els: Impli con aua las cröjas; e quels las implittan fin stüsom.

8. Lura disch el: Uossa pigliai oura, e portai via al schlerêr. E quels, portettan via.

9. E, cur il schlerêr avet insagiâ l' aua ch' eira fatta vin, (ma el non savaiva, dinuonder *quel vin* füss; ma bain savaivan ils serviaints, chi avaiavan miss aint l' aua) schi clamet el il spus;

10. E'l disch: Ogni crastian pre-sainta 'l prüm il bun vin; e, davo chi s' ha bavü largiamaing, il main bun; ma tü hast salvâ 'l vin bun infin uossa.

11. Gesu fet quaiست principi dels miraculs in Cana da Galilea, e manifestet sia gloria; e seis scolars crajettan in el.

12. Davo quaiст get el giò in Capernaum, el, e sia mamma, e seis frars, e seis scolars, e stettan qua, na blers dis.

13. Ma la pasqua dels Güdeus eira vicina, e Gesu get sü in Gerusalem.

14. E chattet nel taimpel quels chi vendaivan bouvs, e bescha, e colombs, e'ls cambiatur chi sezzaivan.

15. Ed el, aviand fat üna giaisla con cordettas, ils chatschet tuots our dal taimpel, insembl con ils bouvs, e la bescha, e spandet la monaida dels cambiatur, e cupichet las maisas.

16. Ed a quels chi vendaivan ils colombs, dschet el: Pigliai quaiст davent da qui; non farai our dalla chasa da meis bap üna chasa da marchâ.

17. E seis scolars as regordettan, chi l' ais serit: * La zelosia da tia chasa m' ha consümâ. * Ps. 69, 10.

18. Per quai ils Güdeus al respondettan, e dschettan: Che signal ans mossast, cha tü fast quaiстas chosas?

19. Gesu respondet e disch ad els:

* Disfat quaiст taimpel, ed in trais dis il vögl eu drizzar sü.

* Matt. 26, 61. Marc. 14, 58.

20. Dinuonder ils Güdeus dschettan: Quaiст taimpel ais stat edificâ in quarant' e ses ans, e tü'l dessast drizzar sü in trais dis?

21. Ma el dschaiva dal taimpel da seis corp.

22. Cur el lura füt resüstâ dals morts, as regordettan seis scolars, ch' el a-vaiva dit quaiст ad els, e crajettan alla scrittüra, ed als plds cha Gesu avaiva dit.

23. Ma, intant ch' el eira in Gerusalem alla pasqua, sün la feista, crajettan blers in seis nom, veziand seis miraculs, ch' el faiva.

24. Ma Gesu non as fidaiva dad' els, perche el ils cognoschaiva tuots;

25. E perque ch' el non avaiava bsögn, ch' alchün al dess perdüta del crastian; perche el istess cognoschaiva quai chi eira nel crastian.

CHAP. III.

Discuors tanter Nicodemo e Cristo davart il salüd; la serp nel desert; Gioanne battaja, e dà perdüta da Cristo.

MA l' eira ün hom tanter ils Fari-seers, il nom del qual *eira* * Nicodemo, redschadur dels Güdeus.

* Gioan. 7, 50.

2. Quaiст gnit pro Gesu da not, e'l disch: Maister, nus savain cha tü est ün doctur, gnü da Dieu; perche ch' ingiün non po far ils signals cha tü fast, scha Deis non ais con el.

3. Gesu respondet e 'l disch: In vardà, in vardà eu 't di, cha, sch' alchün non ais nat danöv, schi non po el vair il reginam da Dieu.

4. Nicodemo al dschet: Co po ün crastian, essendo vegl, nascher? Po el intrar üna seguonda vouta nel corp da sia mamma, e nascher?

5. Gesu respondet: In vardà, in vardà eu 't di, cha, sch' alchün non ais nat dall' aua e dal Spiert, schi non po el intrar nel reginam da Dieu.

6. Quai chi ais nat dalla charn, ais charn; ma quai chi ais nat dal Spiert, ais spiert.

7. Non at smüravgliar, ch' eu t' ha dit, chi 's stova nascher danöv;

8. * Il vent soffa ingio el vout, e tü

odast seis sun, ma non sast dinuonder el vain, ne ingio el vâ. Usche ais scodün chi ais nat dal Spiert. * Eccl. 11, 5.

9. Nicodemo respondet e 'l disch: Co's pon far quaistas chosas?

10. Gesu respondet e 'l disch: Tü est il doctur d'Israel, e non sast quai-stas chosas?

11. In vardà, in vardà eu at di, cha nus tschantschain quai cha nus savain; e testifichain quai cha nus avain vis, ma vus non ardschvais nossa testimonianza.

12. Sch'eu s'ha dit las chosas terrainas, e vus non crajais; schi co gnis a crair, sch'eu 's di las chosas celestias?

13. Ma ingün non ais it sün tschel, oter co quel, ch'ais gnü giò da tschel; cioè, il figl del crastian, chi ais nel tschel.

14. E seo * Mose ozet la serp nel desert, usche sto il figl del crastian † gnir adožâ. * Num. 21, 9. † Gioan. 12, 31.

15. Acio cha scodün chi craja in el non giaja a perder, ma haja la vita eterna.

16. Perche cha Deis ha tant amâ il muond, ch'el ha dat seis unigenit figl, acio cha scodün chi craja in el non giaja a perder, ma haja la vita eterna.

17. Perche cha Deis * non ha trammis seis figl nel muond, acio ch'el condanna il muond; anzi, acio cha 'l muond vegna salvâ tras el. * Luc. 9, 56.

18. Chi craja in el non sarà condannâ; ma chi non craja ais agiâ condannâ; per quai ch'el non ha eret nel nom del unigenit figl da Dieu.

19. Ma quaista ais la condannaziun, * cha la glüm ais gnüda nel muond, e la gliud ha amâ las schürezzas plü co la glüm; perche lur ouvas eiran malas. * Gioan. 1, 10, 11.

20. Perche * scodün, chi fa chosas malas, ödiescha la glüm, e non vain pro la glüm; acio cha sias ouvas non sajan convittas. * Giob 24, 13, 17.

21. Ma quel chi fa ouvas da vardà vain pro la glüm, acio cha sias ouvas sajan palesadas; perche ch'ellas sun fattas in Dieu.

22. Davo quaistas chosas, Gesu con seis scolars, gnit nel pajais della

Giudea; e dmuret qua con els, e battezaiva.

23. Ma Gioanne battezaiv' eir el in Enon, sper Salim; perche là eiran auas bleras, e 'l pövel gniva, ed eira battiâ.

24. Perche Gioanne non eira amo stat miss in preschun.

25. Dinuonder füt moventâ dals scolars da Gioanne üna questiuon conter ils Gûdeus davart la purificaziun.

26. E gnittan pro Gioanne, e 'l dschettan: Maister, mera quel, * chi eira con tai sper il Giordan, al qual tü dettast testimonianza, battaja, e tuots vegnan pro el. * Gioan. 1, 15, 27, 28, 34.

27. Gioanne respondet e disch: Il crastian * non po ardschaiver inguotta, scha non l'ais dat da tschel.

* 1 Cor. 4, 7.

28. Vus istess m'eschat perdüta, ch'eu ha dit: Eu non sun Cristo; ma * sun tramiss avant el. * Mal. 3, 1.

29. Quel, chi ha la spusa, ais il spus; ma * l'ami del spus, chi ais presaint, e 'l oda, s'alleigra grandamaing della vusch del spus; perquai, quaista mi' allegrezza ais complida. * Cant. 5, 1.

30. El sto crescher, ed eu gnir diminui.

31. Quel, chi vain giò dal ot, ais * sur tuots. Quel, chi ais our dallâ terra, ais dalla terra, e dalla terra tschantsch'el.

* Gioan. 1, 15, 27. 1 Cor. 15, 47.

32. E testificha quai * ch'el ha vis, ed udi; ma ingün non ardschaiva sia testimonianza.

* Gioan. 8, 26.

33. Quel, chi ha ardschvü sia testimonianza, * ha sagellâ, cha Deis ais da vardâ.

1 Gioan. 5, 10.

34. Perche quel, cha Deis ha trammis, tschantscha ils plets da Dieu; perche cha Deis non al dà il Spiert a masüra.

35. Il bap ama il figl, * e l'ha dat ogni chosa in man. * Matt. 11, 27.

36. Chi craja nel figl ha la vita eterna, ma chi non craja 'l figl, non vezzerà la vita, ma l'ira da Dieu dmura sur el.

CHAP. IV.

Il raschunamaint da Cristo con la Samaritana, e 'l früt da quel; ün figl d'ün offizial del rai vain guari.

CUR lura il Segner gnit a savair, cha 'ls Fariseers avaivan udi, cha

Gesu as faiva, e battezaiva *plü* seolars co Gioanne;

2. (Schabain cha Gesu istess non battizet, ma seis seolars.)

3. Schi bandunet el la Giudea, e get darcheu in Galilea.

4. Ma el stovaiva passar tras *il pajais da Samaria*.

5. Gnit dimena pro üna città *del pajais da Samaria*, ditta Sichar, *chi ais* sper la possessiun, * la quala Giacob det a Giosef, seis figl.

* Gen. 33, 19. Gios. 24, 32.

6. Ma qua eira la fontana da Giacob. Gesu dimena, siand stangel del viadi, sezzaiva usche sün la fontana; *ma* l'eira intuorn la sesavl' ura.

7. *Ed* üna duonna da Samaria gnit, per tour aua. E Gesu la dschet: Da'm da baiver.

8. (Perche seis seolars eiran its nella città, per comprar da mangiar.)

9. Dinuonder la duonna Samaritana al dschet: Co, siand GÜdeu, domandast tü da baiver a mai, chi sun duonna Samaritana? Perche ils GÜdeus * non han convegna con ils Samaritans. * 2 Reg. 17, 24. Luc. 9, 52. Act. 10, 28.

10. Gesu respondet e la dschet: Scha tü cognoschessast il dun da Dieu, e chi ais quel chi't disch: Da'm da baiver, schi gnissast tü stess a l'avair giavüschâ, ed el t'avess dat dall' aua viva.

11. La duonna al disch: Segner, tü non hast pür alchün vaschè da tenscher stü, e'l poz ais chafuol; dinuonder dimena hast quell' aua viva?

12. Est tü *plü* grand co Giacob, nos bap, il qual ans det quaiست poz, ed el istess bavet, e seis infants, e seis bestiam?

13. Gesu respondet e là dschet: Seodün chi baiva da quaiست aua, averà amo sait.

14. Ma, * chi vain a baiver dall' aua ch'eu vègn al dar, non averà ma bricha in eterno sait; anzi l' aua ch'eu vègn al dar, dvanterà in el üna fontana d' aua, sigliainta nella vita eterna.

* Gioan. 6, 35.

15. La duonna al dschet: Segner, da'm quaiست aua, acio ch'eu non haja *plü* sait, e non vegna *plü* qua a tour sül.

16. Gesu la disch: Vâ, elama teis marit, e vè nan qui.

17. La duonna respondet e'l dschet: Eu non ha marit. Gesu la dschet: Bain hast dit: Eu non ha marit.

18. Perche tü hast gnü tschinch marits, e quel cha tü hast uossa non ais teis marit. Quaiست hast tü dit con vardâ.

19. La duonna l' dschet: Segner, eu vez cha tü est ün profet.

20. Noss babuns han adurâ sün quaiست munt, e vus dschais, ch' in Gerusalem saja l' lö, ingio 's stov' adurar.

21. Gesu la disch: Duonna, craja'm, cha l' ura vain, cha vus non gnis ad adurar il bap, ne sün quaiست munt, ne in Gerusalem.

22. Vus adurais * quai cha vus non cognoschais; nus adurain quai cha nus cognoschain; perche l' salüd vain dals GÜdeus.

* 2 Reg. 17, 29.

23. Ma l' ura vain, ed ais agiâ al presaint, cha'ls vairs aduraturats vègnan ad adurar il bap in spiert e vardâ; perche eir il bap domanda tals chi'l aduran.

24. Deis ais spiert; per quai sto esser, cha quels chi l' aduran, l' aduran in spiert e vardâ.

25. La duonna l' dschet: Eu sà, cha'l Messia, il qual ais clamâ Cristo, ha da gnir. Cur quel sarâ gnü, vain el ans annunziar ogni chosa.

26. Gesu la dschet: Eu, chi't favel, sun quel.

27. Ed inaquella gnittan seis seolars, ed as smüravgliaivan, ch' el tschanteschess con üna duonna; impèro non disch ingiün: Che domandast? O che raschunast con ella?

28. La duonna dimena, aviand lachâ là sia sadella, get in città, e dschet al pövel:

29. Gni, guardai ün crastian, chi m' ha dit tuot quai ch'eu ha fat; non ais quaiست il Cristo?

30. Contuot gettan els our dalla città, e gnittan pro el.

31. Ma in quel intermez il rovetan seis seolars, dschand: Maister, mangia.

32. Ma el disch ad els: Eu ha da mangiar üna spaisa, la quala vus non savais.

33. Dinuonder ils scolars dschaivan l'ün al oter: L'ha forse qualcheün portà da mangiar?

34. Gesu disch ad els: Mia spaisa ais, ch'eu fetscha la voluntà da quel, chi m'ha tramiss, e ch'eu complessa si' ouvra.

35. Non dschais vus, cha sajan amo quatter mais infin alla mess? Mera, eu's di: * Ozai voss ögls, e guardai las contradas, co ellas agià sun albas da tschuncar.

* Matt. 9, 37.

36. Ma l'tschuncader ardschaiva mercede, e raspa früt per la vit' eterna; acio cha l'semnader, e l'tschuncader s'alleigran insembel.

37. Perche in quaist ais quel dit vaira: L'ün semna, e l'oter tschunca.

38. Eu s'ha tramiss a tschuncar quai, intuorn il qual vus non s'avais sfadiats; oters s'han sfadiats, e vus eschat intrats in lur fadia.

39. Ma da quella città blers dels Samaritans crajettan in el, per ils pleds della duonna, chi testificaiva: El m'ha dit tuot las chosas ch'eu ha fat.

40. Cura dimena ils Samaritans gnittan pro el, il rovettan els, da dmurar pro els; ed el dmuret qua duos dis.

41. Ed amo plü blers crajettan in el per seis pled.

42. E dschaivan alla duonna: Nus non crajain plü per teis pleds; perche nus istess l'avain udi, e savain, cha quaist ais vairamaing Cristo, il salvader del muond.

43. Ma, siand passats quels duos dis, as partit el da là, e get in Galilea;

44. Perche Gesu istess avaiva testifichâ, ch'ün profet * non ais onorâ in sia propria patria.

* Matt. 13, 57.

45. Contuot, cur el gnit in Galilea, il ardschvettan ils Galileers, aviand vis tuot las chosas, ch'el avaiava fat in Gerusalem sün la feista; perche eir quels eiran gnüts alla feista.

46. Gesu dimena gnit darcheu in * Cana da Galilea, ingio l'avaiva fat our dall' aua vin. Ma qua eira ün tschert ufficial regal, il figl del qual eira amalà in Capernaum.

* Gioan. 2, 1. 11.

47. Quaist, aviand udi, cha Gesu

eira gnü da Giudea in Galilea, get pro el, e l' rovet, ch' el gess giò, e guariss seis figl; perche el staiva per morir.

48. Dinuonder Gesu al disch: Scha vus non vezzais signals e miraculs, vus non crajais.

49. L'ufficial regal al disch: Segner, vè giò ant cha meis infant moura!

50. Gesu al dschet: Và, teis figl viva. E quel cristian crajet al pled cha Gesu l'avaiva dit, e get;

51. Ma, cur el agià gniva giò, al gnittan incooter seis serviaints e dschettan: Teis figl viva.

52. Ed el domandet ad els dall' ura ch' el staiva megl. E quels al dischan: Hêr ad uras set l'ha la feivra laschâ.

53. Dinuonder il bap cognoschet, ch'eira nell' istess' ura, cha Gesu l'avaiva dit: Teis figl viva, e crajet el e tuot sia chasa.

54. Quaist seguond signal fet Gesu darcheu, cur el eira gnü da Giudea in Galilea.

CHAP. V.

Ün amalà da 38. ans vain san; Cristo vain perseguità dals Güdeus, e mossa sia ouvra esser da Dieu, e metta nan sia divina pussanza con bleras raschuns.

DOPO quaistas chosas eira qua üna feista dels Güdeus; e Gesu get sù a Gerusalem.

2. Ma in Gerusalem, sper la *porta* della bescha, ais ün lavaduoir, dit in ebraic Betesda, chi ha 'tschinch porties.

3. In quels giaschaiva granda quantitâ d'amalats, orbs, zops, e sechs, spettand il movimaint dell' aua;

4. Perche da temp in temp gniva ün angel giò nel lavaduoir, e turblaiva l' aua; e l' prüm, chi intraiva davo l' turblamaint dell' aua, gniva san da qualunque malatia ch' el avaiava.

5. Ma qua eira ün tschert hom, chi eira stat amalà trent' ot ans.

6. Gesu, aviand vis quaist giaschair, e saviand, ch' el agià lung temp eira *amalà*, al dschet: Voust tü gnir san?

7. L' amalà l' respondet: Segner, eu non ha ingün, chi m' metta nel lavaduoir, cur l' aua ais turblada; e

cur eu vegn là, schi va aint ün oter ant co eu.

8. Gesu al dschet: Leiva stü, piglia teis let, e chamina.

9. Ed in quel istant gnit san quel crastian, e piglet seis let, e chaminaiva. Ma quel di eira ün sabbat.

10. Dinuonder ils Güdeus dschettan a quel chi eira guarì: L'ais sabbat; e non t'ais licit da tour teis let.

11. El respondet ad els: Quel, chi m'ha guarì, m'ha dit: Piglia teis let, e chamina.

12. E quels il domandettan: Chi ais quel crastian, chi t'ha dit: Piglia teis let e chamina?

13. Ma quel chi eira fat san non savaiva, chi el füss; perche Gesu s'avaiva retrat dalla quantità, chi eira in quel lö.

14. Davo quai il chattet Gesu nel taimpel, e 'l dschet: Mera, tū est guarì; non pechar plü, cha non at scuntra pē.

15. Quel crastian get, e referit als Güdeus, cha Gesu eira quel, chi l'avaiva fat san.

16. E per quai ils Güdeus perseguitaivan Gesu, e tscherchaivan da 'l mazzar; perche el avevaiva fat quellas chosas sün il sabbat.

17. Ma Gesu respondet ad els: Meis bap operescha infin uossa, ed eu operesch eir.

18. Perquai dimena bler plü * tscherchaivan ils Güdeus da 'l mazzar; siand el na solum violaiv' il sabbat, ma dschaiva eir, cha Deis *füss* seis bap, as fand ingual a Dieu.

* Gioan. 7, 19.

19. Dinuonder Gesu respondet, e dschet ad els: In vardà, in vardà's di eu, * il figl non po far inguotta da sai sves; ma *fa* quai ch' el vezza far il bap; perche las chosas cha quel fa, las fa eir il figl sumgiantamaing.

* Gioan. 8, 28.

20. Perche il bap ama il figl, e'l mossa tuot las chosas, ch' el fa; e vain eir al mossar ouvas plü da quaistas, acio vus as smüravagliat.

21. Perche, sco'l bap fa resüstar ils morts, e 'ls vivifichainta; usche eir il figl vivifichainta quels ch' el vuol.

22. Perche il bap non güdicha alchün, * ma ha dat tuot il güdizi al figl.

* Matt. 11, 27.

23. Acio cha tuots onuran il figl, sco els onuran il bap. Chi non onura il figl, non onura il bap, chi l'ha tramiss.

24. In vardà, in vardà's di eu, cha, * chi oda meis pled, e craja a quel, chi m'ha tramiss, ha la vita eterna, e non vain nel güdizi; anzi ais passà dalla mort alla vita.

* Gioan. 3, 18.

25. In vardà, in vardà's di eu, cha l'ura vain, ed ais *agià* al presaint, cha ils morts vegnan ad udir la vusch del figl da Dieu; e quels chi l'averan udida, vegnan a viver.

26. Perche, sco'l bap ha la vita in sai stess, usche ha el eir dat al figl d'avair la vita in sai stess;

27. E l'ha dat pussanza eir da far güdizi, siand el ais figl del crastian.

28. Non as smüravgliarai da quaist; perche l'ura vain, cha tuots quels, chi *sun* nels monumaints, vegnan ad udir sia vusch.

29. E * vegnan a gnir oura, quels chi averan fat bain, in restüstanza della vita, e quels chi averan fat mal, in restüstanza della condannaziun.

* Dan. 12, 2.

30. Eu non poss da mai stess far chos' alchüna; eu güdich seguond ch' eu od, e meis güdizi ais güst; perche, * eu non tscherch mia vöglija, ma la vöglija del bap, chi m'ha tramiss.

* Gioan. 6, 38.

31. Sch' eu dun perdüta da mai sves, schi non ais mia testimonianza vaira;

32. * L'ais ün oter, chi dà testimonianza da mai, ed eu sà, cha la testimonianza, ch' el dà da mai, ais vaira.

* Matt. 3, 17.

33. * Vus tramettettat pro Gioanne, ed el det testimonianza alla vardà.

* Gioan. 1, 15. 19. 29.

34. Ma eu non pigl testimonianza da crastian alchün; ma di quaistas chosas, acio cha vus vegnat salv.

35. Quel eira üna glüm, chi ardaiva, e glüschiva, e vus gurent s'allegrettat, per ün cuort temp, pro sia glüm.

36. Ma eu ha la testimonianza plü granda, co quella da Gioanne; per-

che * las ouvras, cha'l bap m'ha dat da complir, quellas ouvras, *di eu*, las qualas eu fetsch, dan perdüta da mai, cha meis bap m'ha tramiss.

* Gioan. 10, 25.

37. Ed eir il bap istess, chi m'ha tramiss, ha testifichâ da mai. Vus non udittat mâ bricha sia vusch, ne vezzettat sia sumgenscha.

38. E non avais seis pled, dmurand in vus; perche vus non crajais a quel ch'el ha tramiss.

39. Vus perscrutais las scrittüras; perche vus impissais tras quellas d'avair vita eterna, e quellas sun quellas, chi testifichan da mai.

40. E vus non volais gnir pro mai, cha vus hajat la vita.

41. Eu non pigl gloria dalla gliend.

42. Ma eu 's cognosch, cha vus non avais l'amur da Dieu in vus.

43. Eu sun gnü nel nom da meis bap, e vus non am ardschvais. Sch' ün oter vain in seis propri nom, quel gnis vus ad ardschaiver.

44. Co podais vus crair, siand piglais gloria l'ün dal oter, ma non tscherchais * la gloria, chi vain dal sulet Dieu.

* Rom. 2, 29.

45. Non s'impissarai, ch'eu as achüsa pro'l bap; l'ais ün chi's achüsa, cioè Mose, stin il qual vus avais tschantâ vossa spranza.

46. Perche, scha vus crajessat a Mose, schi gnissat eir a crair a mai; perche cha quel * ha scrit da mai.

* Gen. 3, 15. e 12, 3. e 18, 18. e 22, 18. e 49, 10. Deut. 18, 15.

47. Ma scha non crajais als scrits da quel, schi co gnis a crair a meis plets?

CHAP. VI.

Duos miraculs da Cristo vegnan qui miss nan, e la predgia dal pan ed aua della vita, e co cha quella saja incletta e tuta sü.

DOPO quaistas chosas get Gesu via nel otra riva del mâr della Galilea, *chi ais il mâr da Tiberias*.

2. E granda quantitâ al seguittaiva; perche els vezzaivan ils miraculs, ch'el faiva vi als amalats.

3. Ma Gesu get sül munt, e qua sezzaiva el con seis scolars.

4. Ma la pasqua, la feista dels Güdeus, eira vicina.

5. * Gesu dimena, aviand ozâ ils ögls, e vezziand, cha granda quantitâ

gniva pro el, dschet a Filippo: Dinuonder volain nus comprar pan, per dar da mangiar a quaiats? * Matt. 14, 14.

6 Ma'l dschaiva quaiat, per il provar; perche el savaiva quai ch'el eira per far.

7. Filippo al respondet: Pan per duatschient danêrs non gniss a bastar ad els, eir scha scodün d'els pigless dech ün pa.

8. Andrea, frar da Simon Petro, ün da seis scolars, al dschet:

9. L'ais qui ün giuvnet, chi ha tschinch pans d'üerdi, e duos peschets; ma che chosa ais quai per tants?

10. E Gesu disch: Fat cha la gliend as tschainta. Ma l'eira in quel lö erba blera. Il pövel dimena as tschantet, ed eiran in number in circa da tschinch milli.

11. E Gesu piglet ils pans, ed, aviand fat grazias, ils destruibuit el als scolars, e'ls scolars al pövel tschantâ. Il sumgiant fet el cols peschs, quant ch'els volaivan.

12. E davo chi füttan sadulats, disch Gesu a seis scolars: Raspai insembel ils toes vanzats, cha non giaja inguotta a perder.

13. Quels dimena ils respettan insembel, ed implittan dudesch channasters da toes da quels tschinch pans d'üerdi, ch'eiran vanzats a quels, ch'avaivan mangiâ.

14. Dinuonder il pövel, aviand vis il miracul, cha Gesu aivaiva fat, dschet: Tschert, quaiat ais * il profet chi dovaiva gnir nel muond.

* Deut. 18, 15. Gioan. 1, 21. e 7, 40.

15. Gesu dimena, cognoschand, chi gnissan, e'l sdrappessan, per il far ra, as retret darcheu sül munt zuond sulet.

16. E, cura füt saira, gettan seis scolars giò vers il mâr;

17. E, siand muntats nella nav, trettan els vi all'otra riva del mâr, a Capernaum, ed eira agiâ schür, e Gesu non eira gnü pro els.

18. E'l mâr, siand soffaiva ün grand vent, eira moventâ.

19. Ma, cur els avettan navigâ in circa vainch e tschinch, o trenta stadis, vezzettan els Gesu, chi chamis

naiva sül mâr, e s' approsmaiva alla nav, ed avettan temma.

20. Ma el disch ad els: Eu sun; non tmarai.

21. Quels dimena il volaivan ard-schaiver aint nella nav, ma subit rivet la nav a terra, ingiò els traivan.

22. Il di seguaint, la quantità, ch' eira restada vi all' otra riva del mâr, aviand vis, cha qua non eira otra nav, co quella suletta, nella quala eiran muntats ils scolars da Gesu, e ch' el non eira muntâ con els; anzi, cha seis scolars eiran partits sulets;

23. (Ma otras navs eiran gnüdas da Tiberias, sper il lö, ingio, aviand il Segner fat grazias, els avaivan mangiâ il pan;)

24. La quantità, *di eu*, cur l' avet vis, cha Gesu non eira qua, ne seis scolars, schi muntet eir ella nellas navs, e gnit a Capernaüm, tscherchand Gesu.

25. E, l' aviand chattâ da là del mâr, al dschetella: Maister, curest rivâ qui?

26. Gesu respondet ad els, e disch: In vardâ, in vardâ's di eu, cha vus am tscherchais, bricha per quai, cha vus avais vis miraculs; ma, siand avai vat mangiâ da quels pans, ed eschat sadulats.

27. As sfadiâi, bricha intuorn la spaisa chi pera, ma intuorn la spaisa chi dmura in vit' eterna, la quala il figl del crastian vain as dar, perche quel ha il bap, cioè Deis sagellâ.

28. Dinuonder quels al dischan: Che dessan nus far, per operar las ouvras da Dieu?

29. Gesu respondet, e disch ad els: * Quaista ais l' ouvra da Dieu, cha vus crajat in quel, ch' el ha tramiss.

* 1 Gioan. 3, 23.

30. Dinuonder quels al dischan: Che signal fast tû dimena, acio cha nus vezzan, e' t crajan? Che opere-schast?

31. Noss babuns mangettan la manna nel desert; sco ais scrit: * El det ad els da mangiar dal pan celestial.

* Exod. 16, 14. Ps. 78, 24.

32. Lura Gesu disch ad els: In vardâ, in vardâ's di eu, cha Mose non s' ha dat il pan celestial; ma meis bap as dà il vair pan celestial;

33. Perche 'l pan da Dieu ais quel, chi vain giò da tselch, e dà vita al muond.

34. Quels dimena al dischan: Segner, dà 'ns da contin quaist pan.

35. E Gesu disch ad els: Eu sun il pan della vita; * chi vain pro mai, non averà fam, e chi craja in mai, non averà mâ bricha sait. * Gioan. 4, 14.

36. Ma eu s' ha dit cha, combain vus m' hajat vis, schi non crajais pero.

37. Tuot quai cha 'l bap am dà, vain a gnir pro mai, ed eu non vögl ch' tschar oura quel chi vain pro mai.

38. Perche eu sun gnü giò da tselch, * bricha acio ch' eu fetscha mia vögliâ, ma la vögliâ da quel, chi m' ha tramiss.

* Gioan. 5, 30.

39. Ma quaist' ais la vögliâ del bap, chi m' ha tramiss, ch' eu non perda inguotta da tuot quai, ch' el m' ha dat; anzi, ch' eu il fetsch' alvar nel ultim di.

40. Ma eir la voluntà da quel, chi m' ha tramiss, ais quaista, cha seodün chi vezza il figl, e craja in el, haja la vita eterna; ed eu il vögl far restütar nel ultim di.

41. Ils Güdeus dimena brunclaivan conter el, ch' el avai va dit: Eu sun il pan, ch' ais gnü da tselch;

42. E dschaivan: * Quaist, non ais el Gesu, figl da Giosef, del qual nus cognoschain il bap, e la mamma? Co dimena disch quaist: Eu sun gnü da tselch?

* Matt. 13, 55. Marc. 6, 3. Luc. 4, 22.

43. Dinuonder Gesu respondet, e dschet ad els: Non brunclerai tanter vus.

44. Ingün non po gnir pro mai, oter co scha 'l bap, chi m' ha tramiss, il tira; ed eu il vögl far alvar nel ultim di.

45. L' ais scrit nels profets: * E tuots saran mossats da Dieu. Ogni crastian dimena, chi ha udi dal bap, ed imprais, vain pro mai.

* Es. 54, 13. Ger. 31, 34.

46. Bricha ch' alchün * haja vis il bap, oter co quel ch' ais da Dieu; quel ha vis il bap.

* Gioan. 1, 18.

47. In vardâ, in vardâ's di eu: * Chi craja in mai ha la vita eterna.

* Gioan. 3, 16. 18.

48. Eu sun il pan della vita.

49. Voss babuns mangettan la manna nel desert, e morittan.

50. Quaist ais il pan, * ch' ais gnü da tschel, acio chi averà mangià da quel, non moura.

51. Eu sun il viv pan, * ch' ais gnü giò da tschel: Sch' alchün mangia da quaist pan, schi vain el a viver in eterno. Ma'l pan, ch' eu vegn a dar, ais mia charn, la quala eu vegn a dar per la vita del muond. * Gioan. 3, 13.

52. Ils Gùdeus dimena dispittaivan tanter els, dschand: Co'ns po quaist dar sia charn da mangiar?

53. Per quai Gesu disch ad els: In vardà, in vardà's di eu, cha, scha vus non * mangiais la charn del figl del crastian, ne bavais seis sang, schi non avais la vita in vus. * Matt. 26, 26. 28.

54. Chi mangia mia charn, e baiva meis sang, ha la vita eterna; ed eu vegn a 'l far alvar sü nel ultim di.

55. Perche mia charn ais vairamaing spaisa, e meis sang ais vairamaing bavranda.

56. Chi mangia mia charn, e baiva meis sang, * dmura in mai, ed eu in el.

* 1 Gioan. 3, 24.

57. Sco 'l vivaint bap m' ha tramiss, ed eu viv tras il bap; usche, chi mangia mai, vain eir el a viver tras mai.

58. Quaist ais il pan, ch' ais gnü da tschel; bricha sco eira la manna, cha voss babuns mangettan, e morittan; chi mangia quaist pan, vain a viver in eterno.

59. Quaistas chosas dschet Gesu nella sinagoga, mossand in Capernaum.

60. Dinuonder blers da seis scolars, aviand udi quai, dschettan: Quaist favlar ais dür, chi 'l po tadlar!

61. E Gesu, cognoschand in sai sves, cha seis scolars brunclaivan da quai, dschet ad els: As schandeliza quaist?

62. Che sarà dimena, cur vus gnis a vair il figl del crastian, giand sü * ingio l' eira il prüm?

* Gioan. 3, 13.

63. Il spiert ais quel chi vivificha, la charn non gùda inguotta. Ils plets ch' eu 's raschun sun spiert e vita.

64. Ma qua sun alchüns da vus ils quals non crajan. Perche * Gesu

cognoschaiva agià da principi, chi füssan quels chi non crajaivan, e chi füss quel, chi gniss a 'l tradir.

* Gioan. 2, 24, 25.

65. E dschaiva: * Per quai s' ha eu dit, ch' ingün non po gnir pro mai, scha non l' ais dat da meis bap.

* Gioan. 6, 44, 45.

66. Da quell' ura in via blers da seis scolars as retrettan, e non giai-van plü intuorn con el.

67. Dinuonder Gesu dschet als dudesch: Non volais eir vus ir d'avent?

68. E Simon Petro al respondet: Segner, pro chi dessan nus ir? Tü hast plets della vita eterna!

69. E nus avain cret, e cognoschü, * cha tü est Cristo, il figl del vivaint Deis.

* Matt. 16, 16.

70. Gesu respondet ad els: Non ha eu elet a vus dudesch; e pür ün da vus ais ün diavel.

71. Ma el dschaiva quai da Giuda Iscariot, figl da Simon; perche quel eira per il tradir, combain ch' el eira ün dels dudesch.

CHAP. VII.

Cristo get sü a Gerusalem alla feista, na con seis paraints, ma sco adaseus, e mossa nel taimpel, e divers güdizis vegnan fats dad el; e d' alchüns vain el accettà, ma d' oters rebüttà.

DOPO quaistas chosas, giaiva Gesu intuorn per la Galilea; perche el non volaiva ir intuorn per la Giudea; siand ils Gùdeus tscherchaivan da 'l mazzar.

2. Ma la feista dels Gùdeus, cioè * dels tabernaculs, eira vicina.

* Lev. 23, 34.

3. Dinuonder seis frars al dischan: At parta da qui, e và in Giudea; acio cha teis scolars eir vezzan las ouvras cha tü fast.

4. Perche, chi tschercha d' esser cognoschü in public, non fa chos' alchüna nel azoppâ. Scha tü fast quaistas chosas; t' appalainta al muond.

5. Perche nianca seis frars non crajaivan in el.

6. Dinuonder Gesu disch ad els: Meis temp non ais amo gnü; ma vos temp ais saimper perdert.

7. Il muond non as po ödiar; ma mai ödiesch' el; * perche eu dun testi-

monianza da quel, cha sias ouvras sun malas.

* Gioan. 3, 19.

8. It vus sù a quaista feista; eu non vegn amo sù a quaista feista; perche meis temp non ais amo compli.

9. Ed, aviand dit ad els quaistas chossas, restet el in Galilea.

10. Ma, davo cha seis frars eiran its sù alla feista, lura get eir el sù, bricha palaisamaing, ma sco adascus.

11. Ils Gùdeus dimena il tscherchaivan alla feista e dschaivan: Ingio ais quel?

12. E qua eira grand brunclar dad el tanter il pövel; alchüns dschaivan: El ais bun; oters dschaivan: Na, anzi el surmaina la quantità.

13. Impero non tschantschaiva ingün dad el avertamaing, * per temma dals Gùdeus.

* Gioan. 9, 22.

14. Ma, essendo agià passà mez la feista, get Gesu sù nel taimpel, e mossaiva.

15. E 'ls Gùdeus as smüravgliavan, dschand: Co sà quaist letra, non siand stat amossà?

16. Dinuonder Gesu respondet ad els e dschet: Mia doctrina non ais mia, ma da quel, chi m'ha tramiss;

17. Sch' alchün vöul far la voluntà da quel, schi vain el a cognoscher, scha quaista doctrina ais da Dieu, o pür sch' eu tschantsch da mai stess.

18. * Chi tschantscha da sai stess, tschercha sia propria gloria; ma, chi tschercha la gloria da quel, chi l'ha tramiss, quel ais da vardà, ed ingiustia non ais in el.

* Gioan. 5, 41.

19. Mose non s'ha el dat la ledscha? E pür non metta ingün da vus la ledscha in effet. Perche tscherchais da'm mazzar?

20. La quantità respondet e dschet: * Tü hast il demuni; chi tschercha da't mazzar?

* Gioan. 8, 48. 52.

21. Gesu respondet e dschet ad els: Eu ha fat üna ouvra, et tuots s'avais smüravgliats.

22. * E pür s'ha Mose dat la circumcisiun; (bricha ch' ella saja da Mose, anzi † dals babuns,) e vus circumcidais il crastian sül sabbat.

* Lev. 12, 3. † Gen. 17, 10.

23. Scha 'l crastian ardschaiva la circumcisiun sül sabbat, acio cha la

ledscha da Mose non saja ruotta; s' adirais vus contra mai, ch' eu ha fat san zuond ün crastian nel sabbat?

24. * Non güdicherai seguond l'apparenza, ma fat güst güdizi. * Deut. 1, 17.

25. Lura alchüns da quels da Gerusalem dschaivan: Non ais quaist quel, chi tscherchan da mazzar?

26. E pür mera, el tschantscha libramaing, e quels non al dischan inguotta; han mâ ils redschadurs cognoschü vairamaing, cha quaist saja Cristo?

27. Impero nus savain dinuonder quaist ais; ma, cur Cristo vain a gnir, non vain ingün a savair dinuonder el saja.

28. Lura Gesu clamaiva nel taimpel, mossand e dschand: E vus am cognoschais, e savais dinuonder eu sun; * ed eu non sun gnü da mai stess; ma quel, chi m'ha tramiss † ais da vardà, il qual vus non cognoschais.

* Gioan. 5, 43. † Gioan. 8, 26.

29. Ma eu il cognosch; perche eu sun *procedü* dad el, ed el m'ha tramiss.

30. Per quai tscherchaivan els da 'l tour; ma ingün non al mettet man adöss; perche * sia ura non eira amo gnüda.

* Gioan. 8, 20.

31. E blers della quantità crajettan in el, e dschaivan: Cristo, cur el sarà gnü, farà el plü signals co quaist ha fat?

32. Ils Fariseers udittan la quantità, chi brunclaiva quaistas chossas dad el, e 'ls Fariseers, e 'ls principals sacerdotes tramettettan sergents per il tour.

33. Per quai disch Gesu ad els: Eu sun con vus amo pac temp; lura vegn eu pro quel, chi m'ha tramiss.

34. * Vus gnis am tscherchar, e non chatterat, ed ingio eu vegn ad esser, non podais vus gnir.

* Gioan. 13, 33.

35. Dinuonder ils Gùdeus dschettan tanter els: Ingio vain quaist ad ir, cha nus non gnin a'l chattar? Vain el ad ir pro quels, chi sun dispers tanter ils Grecs, a mossar ils Grecs?

36. Che raschunamaint ais quaist, ch' el ha dit: Vus gnis am tscherchar, e non am chatterat, ed ingio eu vegn ad esser, non podais gnir?

37. Ma nel ultim di, *chi eira* il grand di della feista, stand Gesu in pè, elamet el, dschand: * Sch' alchün ha sait, ch'el vegna pro mai, e baiva.

* Lev. 23, 36. Es. 55, 1.

38. Chi craja in mai, seo ha dit la scrittüra, schi vegnan a cular da * seis vainter flüms d'aua viva.

* Es. 44, 3.

39. Ma el disch quaist * dal Spiert, il qual gnivan ad ardschaiver quels, chi crajan in el; perche cha'l Spiert Sanet non eira amo *stat tramiss*; siand Gesu non eira amo † glorifichä.

* Gioel 2, 28. Act. 2, 17. † Gioan. 16, 7.

40. Bliers dimena della quantità, aviand udi quel raschunamaint, dschavian: Quaist ais vairamaing * il profet.

* Deut. 18, 15.

41. Oters dschavian: Quaist ais Cristo. Oters dschavian: Ma Cristo, vain el a gnir * da Galilea?

* Gioan. 1, 46.

42. La scrittüra, non ha ella dit, cha Cristo vegna a gnir dal sem da David, * e da Betlehem, il vih, ingio eira David?

* Mich. 5, 2. Matt. 2, 5.

43. Contuot * füt qua disparair tanter la quantità per el.

* Gioan. 9, 16.

44. Ed alchüns d'els il volaivan tour, impero non mettet ingün ils mans sur el.

45. Ils sergents dimena turnettan pro 'ls principals sacerdots, e pro 'ls Fariseers; e quels dschettan ad els: Perche non l'avais manà?

46. Ils sergents respondettan: Ingün crastian non ha mâ bricha tshan-tschâ seo quaist.

47. Lura ils Fariseers respondettan ad els: Eschat forse eir vus surmanats?

48. Ha alchün dels redschadurs, o dels Fariseers, cret in el?

49. Ma quaista quantità, chi non sa la ledscha, ais smaledida!

50. Nicodemo, * quel chi gniva da not pro el, il qual eira ün dad els, dschet ad els:

* Gioan. 3, 2.

51. * Nossa ledscha, condann'ella il crastian, avant ch'el saja stat udi, e cha saja cognoschü, quai ch'el ha fat?

* Deut. 17, 6.

52. Quels respondettan e'l dschet-tan: Est forse eir tü da Galilea? In-

derscha davo, e guarda, cha profet alchün mâ non alvet sü da Galilea.

53. E scodün get a chasa sia.

CHAP. VIII.

Cristo perduna ils puchats alla duonna adultera, e dà perdüta da sai stess, e dal bap; mossa eir, quals sajan sem d'Abraham ed indret libers.

E Gesu get sü'l munt dels olivêrs.

2. Ed al far del di gnit el darcheu nel taimpel, e tuot il pövel gnit pro el; ed el, s'aviand miss a zer, il mos-saiva.

3. Lura ils Fariseers, e'ls scrivants, al manettan üna duonna, ch'eira stata surpraisa in adulteri; e, l'aviand fatta star in pè *qua* in mez;

4. Dschettan els a Gesu: Maister, quaista duonna ais statta chattada sü'l fat, commettand adulteri.

5. Uossa, * Mose ans ha comandâ nella ledscha, cha da quella sort as dess accerappar; tü dimena, che disch?

* Lev. 20, 10.

6. Ma dschavian quaist, il provand, per il podair achüsar. Ma Gesu, s'aviand inclinâ giò, scrivaiva col daint sü'n la terra.

7. E, cur quels continuaivan a 'l domandar, siand drizzâ sü, dschet el ad els: Quel da vus, chi ais sainza pucha, bütta il prüm la peidra sü'n ella,

8. E, s'aviand darcheu inclinâ giò, scrivaiva el sü'n la terra.

9. E quels, aviand udi *quai*, e convits dalla conscienza, gettan oura ad ün ad ün, comanzand dals plü vegls infins als ultims; e Gesu füt laschâ sulet con la duonna, ch'eira *qua* in mez.

10. E Gesu, s'aviand drizzâ sü, e non veziand alchün, oter co la duonna, la dschet: Duonna, ingio sun quels teis achüsadurs? Non t'ha ingün condannada?

11. Ed ella disch: Ingün, Segner. E Gesu la dschet: Neir eu non at condan, vâ e d'uoss' in via non pechar plü.

12. E Gesu favlet ad els darcheu, dschand: * Eu sun la glüm del muond, chi seguittescha mai non chaminarâ nellas schürezzas, anzi averà la glüm della vita.

* Gioan. 1, 5. 7, 9. e 9, 5.

13. Lura ils Fariseers al dischan:

* Tü testifichast da tai stess; tia testimonianza non ais vaira. * Gioan. 5, 31.

14. Gesu respondet, e dschet ad els: Combain ch'eu testifich da mai stess, schi ais impero mia testimonianza vaira; perche eu sà dinuonder sun gnü, ed ingio eu vegn. Ma vus non savais, ne dinuonder sun gnü, ne ingio eu vegn.

15. Vus güdichais seguond la charn; eu * non güdich alchün. * Gioan. 12, 47.

16. E sch' eu güdich, schi ais meis güdizi vaira; perche eu non sun sulet; anzi *sun* eu, e'l bap, chi m'ha tramiss.

17. Ma eir in vossa ledscha ais scrit, * cha la testimonianza da duos crastians saja vaira. * Deut. 17, 6. e 19, 15.

18. Eu sun quel, chi testifich da mai stess; e'l bap eir, chi m'ha tramiss, testificha da mai.

19. Dinuonder quels dischan: Ingio ais teis bap? Gesu respondet: Vus non cognoschais, ne mai, ne meis bap. Scha vus cognoschessat mai, schi gnissat eir a cognoscher meis bap.

20. Quaists raschunamaints avet Gesu là, ingio eira la chascha dellas offertas, mossand nel taimpel; * ed ingün non il piglet; perche si' ura non eira amo gnüda. * Gioan. 7, 30.

21. Contuot disch Gesu darcheu ad els: Eu vegn davent, e vus gnis am tscherchar, e gnis a morir in vos pucha; là, ingio eu vegn, vus non podais gnir.

22. Ils Güdeus lura dschaivan: Vain el a mazzar sai s vess, ch'el disch: Ingio eu vegn, vus non podais gnir?

23. Ed el disch ad els: Vus eschat dal bass, eu sun dal ot; vus eschat da quaist muond, eu non sun da quaist muond.

24. Per quai s'ha eu dit, cha vus gnis a morir in voss puchats; perche, scha vus non crajais, ch'eu saia *quel*, schi gnis vus a morir in voss puchats.

25. Lura quels al dischan: Tü, chi est? E Gesu disch ad els: Eu's di eir l'istess, *ch'eu ha dit* da principi.

26. Eu ha bleras chosas da favlar, e güdichar da vus; ma quel chi m'ha tramiss ais da vardà, e * las chosas, ch'eu ha udi dad el, quellas di eu al muond. * Gioan. 3, 32.

27. Quels non inlegettan, ch'el favlaiva ad els dal bap.

28. Gesu dimena disch ad els: Cur * vus gnis ad avair adozzà il figl del crastian, lura gnis a cognoscher, ch'eu sun quel, e † ch'eu non fetsch inguotta da mai s vess; ma ch'eu tchantsch quaiastas chosas, seguond cha'l bap m'ha mossà.

* Gioan. 3, 14. e 12, 32. † Gioan. 5, 19, 30.

29. E quel chi m'ha tramiss ais con mai; il bap non m'ha laschà sulet; perche ch'eu da contin fetsch las chosas chi'l plaschan.

30. Intant ch'el raschunaiva quaiastas chosas, crajettan blers in el.

31. E Gesu disch als Güdeus, chi'l avaivan cret: Scha vus perseverais in meis pled, schi sarat vus vaira-maing meis scolars;

32. E gnis a cognoscher la vardà, e la vardà vain as far libers.

33. Quels respondettan: Nus eschan sem d'Abraham, e non avain mâ bricha servi ad alchün; schi co dist tü: Vus gnis a dvantar libers?

34. Gesu respondet ad els: In vardà, in vardà's di eu, * chi fa'l pucha, ais serv del pucha. * Rom. 6, 16. 2Petr. 2, 19.

35. * Ma'l serv non dmura in perpetu nella chasa; il figl dmura laint in perpetuo. * Gal. 4, 30.

36. Scha dimena il figl as fa libers, schi gnis vus vaira-maing ad esser libers.

37. Eu sa cha vus eschat sem d'Abraham; ma vus tscherchais da'm mazzar, perche meis pled non ha lü in vus.

38. * Eu tchantsch quai ch'eu ha vis pro meis bap, e vus eir fais las chosas, ch'avais vis pro vos bap.

* Gioan. 5, 19, 30.

39. Quels respondettan, e dschettan ad el: * Nos bap ais Abraham. Gesu disch ad els: Scha vus füssat infants d'Abraham, schi fessat vus las ouvas d'Abraham. * Matt. 3, 9.

40. Ma uossa vus tscherchais da mazzar mai, ün crastian, chi s'ha propontü la vardà, la quala eu ha udi da Dieu; quaist non fet pür Abraham.

41. Vus fais las ouvas da vos bap. Lura quels dschettan: Nus non

eschàn nats da pitanögn; * nus avain ün *sulet* bap, *chi ais* Deis.

* Es. 63, 16. e 64, 8. Mal. 1, 6.

42. E Gesu disch ad els: * Scha Deis füss vos bap, schi m'amessat vus; perche eu sun procedü, e vegn da Dieu. Perche † eu non sun gnü da mai s vess, anzi, quel m'ha tramiss.

* 1 Gioan. 5, 1. † Gioan. 5, 43.

43. Perche non incejais vus meis tschantschar? Per quai cha vus non podais tadlar meis pled.

44. Vus eschat del diavel, *chi ais* vos bap, e volais far ils desideris da vos bap; el eira ün omicider da principi innan, e * non ais stat ferm nella vardà; perche vardà non ais in el. Cur el proferescha la manzögnia, schi tschantsch' el dal sieu propri; perche el ais ün mansnêr, e'l bap della manzögnia.

* Matt. 13, 38. 1 Gioan. 3, 8. Giud. 6.

45. Ma quant a mai, per quai ch'eu di la vardà, non am crajais.

46. Chi da vus am convenscha da pucha; e sch'eu di vardà, perche non am crajais?

47. * Chi ais da Dieu, taidla ils plets da Dieu. Per quai non ils tadlais vus, perche vus non eschat da Dieu.

* 1 Gioan. 4, 6.

48. Lura ils Güdeus respondettan, e'l dschettan: Non dschain nus dret, cha tü sajast Samariter, ed * hajast il demuni?

* Gioan. 7, 18.

49. Gesu respondet: Eu non ha demuni, ma onur meis bap, e vus am disonorais.

50. Ma eu * non tscherch mia gloria; l'ais ün, chi la tschercha, e güdicha.

* Gioan. 5, 41.

51. In vardà, in vardà's di eu, scha alchün salva meis pled, schi non vain el mâ in eterno brich' a vair la mort.

52. Dinuonder ils Güdeus al dischan: Uossa cognoschain nus, cha tü hast il demuni. Abraham, e 'ls profets sun morts; e tü disch: Sch' alchün salva meis pled, schi non vain el mâ in eterno brich' ad insajar la mort!

53. Est tü plü grand co nos bap Abraham, il qual ais mort? Ils profets sun eir morts; chi fast tai s vess?

54. Gesu respondet: * Sch'eu glori-

fich mai s vess, schi non ais mia gloria inguotta; l'ais meis bap chi m'glorifica, il qual vus dschais esser vos Dieu.

* Gioan. 5, 31.

55. E pür * vus non l'avais cognoschü; ma eu il cognosch; e sch'eu dschess, ch'eu non il cognoscha, schi füss eu ün mansnêr, simil a vus; ma eu il cognosch, e salv seis pled.

* Gioan. 7, 28, 29.

56. Abraham, vos bap, * güvland, desideret da vair meis di, e 'l vezzet, e s'allegret.

* Luc. 10, 24.

57. Ils Güdeus dimen' al dischan: Tü non hast amo tschinquant'ans, ed hast vis Abraham?

58. Gesu disch ad els: In vardà, in vardà's di eu; avant ch' Abraham füss nat, sun eu.

59. Quels dimena * ozettan sü peidras, per las büttar sün el; ma Gesu as zoppet, e get our dal taimpel, passand per mez els; ed usche get el davent.

* Gioan. 10, 31. Luc. 4, 30.

CHAP. IX.

Cristo dà la vezzüda ad ün nat orb, il qual, dispiittand cols Fariseers, vain chatschà our dalla sinagoga; ma, 's dand Cristo ad el da cognoscher, l'ha el tut sü.

E passand, vezzet el ün crastian, *chi eira* orb da sia nascita innan.

2. E seis scolars il domandettan, dschand: Maister, chi ha pechâ, quai, o seis bap e mamma, ch'el ais nat orb?

3. Gesu respondet: Ne quai, ne seis bap, ne sia mamma non han pechâ; anzi *quai ais dvantà*, acio cha las ouvas da Dieu sajan manifestadas in el.

4. Eu sto operar las ouvas da quel, chi m'ha tramiss, intant ch' l'ais di; la not vain, ch'ingün non po operar.

5. Intant ch'eu sun nel muond, * sun eu la glüm del muond.

* Gioan. 1, 5, 9.

6. Aviaand dit quaistas chosas, * spüdet el in terra, e fet lozza con la spüda, ed implastret ils ögls del orb.

* Marc. 7, 33.

7. E'l dschet: Và, t' lava nel lava-duoir da Siloè; (que ais interpretà: tramiss). Contuot get el davent, e's lavet, e turnet darcheu veziaand.

8. Dinuonder ils vashins, e quels

chi avant l'avaivan vis orb, dschettan: Non ais quaist quel chi sezzaiva, e rovaiva l'almosna?

9. Alehüns dschaivan: El ais l'istess. Ils oters: El al sumaglia. Ed el dschaiva: Eu sun *quel*.

10. Al dschettan dimena: Co at sun averts ils ögls?

11. El respondet, e dschet: Ün crastian, dit Gesu, fet lozza, e m'implastret ils ögls, e'm dschet: Và via pro'l lavadoir da Siloè, e't lava. Ed eu, siand it, e'm aviand lavâ, ha surgni la vezzüda.

12. Ed els al dschettan: Ingio ais quel? El dschet: Eu non sà.

13. Ed els conduëttan pro'ls Fari-seers quel chi avant *eira stat orb*.

14. Ma eira sabbat, cur Gesu fet la lozza, ed avrit ils ögls da quel.

15. Darcheu dimena eir ils Fari-seers il domandettan, co l'avaiva recuperâ la vezzüda. Ed el disch ad els: El m'ha miss lozza süls ögls, ed eu'm lavet, e vez.

16. Alehüns dimena dels Fariseers dschaivan: Quaist crastian non ais da Dieu; perche el non observa il sabbat. Oters dschaivan: Co po ün crastian pechader far da quella sort miraculs? E * qua eira disparair tanter els.

* Gioan. 7, 12.

17. Contuot dschettan els darcheu al orb: Che dist tü dad el, ch'el t'ha avri ils ögls? El dschet: El ais profet.

18. Lura ils Güdeus non crajettan dad el, ch'el füss stat orb, ed avess recuperâ la vezzüda, fin ch'avettan clamâ il bap, e la mamma da quel crastian, ch'avaiva recuperâ la vezzüda.

19. Ed els ils domandettan, dschand: Ais quaist vos figl, il qual vus dschais esser nat orb? Co dimena vezz' el uossa?

20. E'l bap e mamma da quel respondettan ad els, e dschettan: Nus savain, cha quaist ais nos figl, e ch'el ais nat orb.

21. Ma co ch'el uossa vezza, o chi l'haja avert ils ögls, non savain nus. El ais agià in età, il domandai; el favlerà da sai stess.

22. Quaist dschettan il bap e la mamma da quel; siand * tmaivan ils

Güdeus; perche ils Güdeus avaivan agià decis, sch'alchün il recogno-schaiva per Cristo, da'l bandir dalla sinagoga.

* Gioan. 7, 13. e 12, 42. Act. 5, 13.

23. Per quai dschettan il bap e la mamma da quel: El ais agià in età, domandai ad el sves.

24. Els dimena clamettan darcheu quel crastian, chi eira stat orb, e'l dschettan: Dà gloria a Dieu; nus savain, cha quaist ais pechader.

25. Dinuonder quel respondet, e dschet: Sch'el ais pechader, non sà eu; üna chossa sà eu, ch'eu sun stat orb, ed uossa vez eu.

26. Ed els darcheu al dschettan: Che't fet el; co t'avrit el ils ögls?

27. El respondet ad els: Eu ha agià dit quai, e vus non avais tadlà; perche volais darcheu udir quai? Volais forse eir vus dvantar seis scolars?

28. Lura l'ingiuriëttan quels, e dschettan: Tü est scolar da quel; ma nus eschan scolars da Mose.

29. Nus savain, cha Deis ha favlâ a Mose; ma quaist, non savain nus dinuonder el saja.

30. Quel crastian respondet, e dschet ad els: L'ais bain da's smüravgliar da quai, cha vus non savais dinuonder el saja; e pür el m'ha avert ils ögls.

31. Ma nus savain, cha Deis * non exoda ils pechadurs; ma, sch'alchün ais prus invers Deis, e fa sia voluntà, quel exod' el.

* Giob 27, 9. e 35, 12.

Ps. 18, 41. Prov. 12, 8. e 28, 9. Es. 1, 15.

Ger. 11, 11. e 14, 12. Ez. 8, 18. Mich. 3, 4. Zac. 7, 13.

32. E non s'ha mâ brich'udi, ch'alchün haja avert ils ögls ad ün, chi ais nat orb.

33. Scha quaist non füss da Dieu, schi non podess el far inguotta.

34. Quels respondettan, e'l dschettan: Tü, quant cha tü est, est nat in puchats, e'ns mössast? E'l chatschettan oura.

35. Gesu udit, chi l'avaivan chatschâ oura, e, l'aviand chattâ, dschet el: Crajast tü nel figl da Dieu?

36. Quel respondet, e dschet: E chi ais quel, Segner, acio ch'eu craja in el?

37. E Gesu al dschet: Tü l'hast vis, e quel chi tschautscha con tai ais quel.

38. Lura dschet el: Eu crai, Segner, e l'aduret.

39. Lura dschet Gesu: * Eu sun gnü in quaist muond per far güdizi, acio cha quels chi non vezzan, vezzan; e quels chi vezzan, dvaintan orbs.

* Gioan. 5, 22. 27.

40. Ed *alchüns* dels Fariseers, ch'ei-ran con el, udittan quaiastas chosas, e dschettan: Eschan eir nus orbs?

41. Gesu dschet ad els: Scha vus füssat orbs, schi non avessat alchün pucha; ma uossa dschais vus: Nus vez-zain; per quai vos pucha rumagnia.

CHAP. X.

Cristo, disferenziand il vair bun pastur dal mercenari, e descrivand la natüra dellas nuorsas, as tir' adöss dals Güdeus ödi e calumnias.

IN vardà, in vardà, 's di eu, chi non intra tras la porta nel stavel dellas nuorsas, ma raiva aint inclur utro, quel ais ün lader, e saschin.

2. Ma chi intra tras la porta, ais pastur dellas nuorsas.

3. A quaist avr' il portnêr, e las nuorsas taidlan sia vusch, ed el clama sias nuorsas per nom, e las condüta oura.

4. E, cur l'ha laschâ oura sias nuorsas, schi va'l avant ad ellas; e las nuorsas alseguittesch; perche ellas cognoschan sia vusch.

5. Ma ellas non vegnan a seguittar al eister, anzi vegnan a fägir dad el; perche ellas non cognoschan la vusch dels eisters.

6. Quaista sumgenscha dschet Gesu ad els; ma quels non inlegettan che füssan las chosas, ch' el raschunaiva ad els.

7. Dinuonder Gesu darcheu dschet ad els: In vardà, in vardà, 's di eu, ch'eu sun la porta dellas nuorsas.

8. Quels tuots afats, chi sun gnüts ant mai, sun stats laders e sascins; ma las nuorsas non ils han tadlats.

9. Eu sun la porta; sch'alchün intra tras mai, sarà el salvâ, e vain ad intrar, ed ir our, e vain a chattar paş-chüra.

10. Il lader non vain, oter co per involar, e mazzar, e desdrüir *las nuorsas*; ma eu sun gnü, acio ch'ellas hajan vita, ed hajan abundanza.

11. * Eu sun il bun pastur; il bun

pastur metta sia vita per las nuorsas.

* Es. 40, 11. Ez. 34, 23. e 37, 24.

12. Ma'l mercenari, e quel chi non ais pastur, e del qual non sun las nuorsas, sch'el vezza gnir il luf, schi bandun' el las nuorsas, e fägia; e'l luf las sdrappa, e disperda las nuorsas.

13. Ma'l mercenari fägia, siand l'ais mercenari, e non ha chüra dellas nuorsas.

14. Eu sun il bun pastur, e cognosch mias *nuorsas*, e sun cognoschü dallas mias.

15. Sco'l bap am cognoscha, usche eu cognosch il bap; e met mia vita per *mias* nuorsas.

16. Eu ha eir otras nuorsas, chi non sun da quaist stavel; quellas sto eu eir condüir, ed ellas vegnan ad udir mia vusch; e * qua sarà üna sula scossa, ed ün sul pastur.

* Ez. 37, 22.

17. Per quaist m'ama il bap, perche * eu met mia vita, per la ardschaiver lura darcheu.

* Es. 53, 12.

18. Ingün non am la piglia, ma eu da mai stess la met giò; eu ha pussanza da la metter giò, e * ha eir pussanza da la tour darcheu. Quaist comandamaint ha eu ardschvü da meis bap.

* Gioan. 2, 19.

19. Usche * naschet darcheu disparair tanter ils Güdeus, per quaiasts plds.

* Gioan. 7, 43.

20. E blers d'els dschaivan: El ha'l demuni, ed ais our d'sen; perche il tadlais vus?

21. Oters dschaivan: Quaiasts plds non sun d'ün indemuniâ; po'l demuni avrir ils ögls dels orbs?

22. Ma gnit la *feista della dedica-zion del taimpel* in Gerusalem, ed eira d'inviern.

23. E Gesu spassegiaiva nel taimpel, nel portic da Salomon.

24. Ils Güdeus dimena l'incresettan, e 'l dschettan: Infina cura voust tgnair nossa orma suspaisa? Scha tü est Cristo, schi di'ns avertamaing.

25. Gesu respondet ad els: Eu s'ha dit, e vus non crajais; * las ouvras ch'eu fetsch nel nom da meis bap, sun quellas, chi testifichan da mai.

* Gioan. 5, 36.

26. Ma vus non crajais, perche vus non eschat da mias nuorsas, sco ch'eu s'ha dit.

27. Mias nuorsas taidlan mia vusch, ed eu las cognosch, e quellas am se-guitteschau.

28. Ed eu dun ad ellas la vita eterna, e * mâ in eterno bricha non vegnan ellas a perir, ed ingün non vain a las sdrappar da meis man.

* Gioan. 17, 11, 12.

29. Meis bap, chi'm las ha dattas, ais plü grand co tuots, ed ingün non las po sdrappar dal man da meis bap.

30. Eu e'l bap eschan * ün' istessa chosa.

* Gioan. 17, 22.

31. Per quai ils Güdeus * ozettan darcheu peidras, per l' accrappar.

* Gioan. 8, 59.

32. Gesu respondet ad els: Eu s'ha fat vair bleras bunas oubras, *procedentes* da meis bap; per quala da quellas m' accrappais vus?

33. Ils Güdeus al respondettan dschand: Nus non t' accrappain per ingüna bun' ouvra, anzi per blas-temma, e cha tü, essendo erastian, at fast Dieu.

34. Gesu respondet ad els: Non sta que scrit in vossa ledscha: * Eu ha dit: Vus eschat Deis?

* Ps. 82, 6.

35. Sch'el clama Deis quels, als quals il pled da Dieu ais stat *in-drizzâ*; e la scrittüra non po esser annullada;

36. Dschais vus ch'eu, il qual il bap ha santificâ, ed ha tramiss nel muond, blastemma, ch'eu ha dit: * Eu sun figl da Dieu?

* Luc. 1, 35.

37. Sch'eu non fetsch las oubras da meis bap, schi non am crajerai.

38. Ma sch'eu las fetsch, schabain cha vus non crajais a mai, * schi crajai allas oubras; acio cha vus cognoschat, e crajat cha 'l bap ais in mai, e ch'eu sun in el.

* Gioan. 5, 36. e 14, 10, 11.

39. Quels dimena darcheu tscherchaivan da'l tour; ma el get our da lur mans.

40. E get darcheu da là del Gior-dan, al lö, * ingio Gioanne il prüm battizzaiva, e qua dmuret el.

* Gioan. 1, 28.

41. E blers gnivan pro el, e dschai-

van: Gioanne tschert non fet alehün miracul; impero tuot las chosas, cha Gioanne dschet da quaist, eiran vairs.

42. E qua blers crajettan in el.

CHAP. XI.

Lazaro resüsta; Cristo predgia; Cajafas, non saviand, profetizescha.

MA qua eira amalà ün tschert La-zaro, da Betania, dal vih da * Maria, e da Marta sia sour.

* Luc. 10, 38, 39.

2. (Ma * Maria eira quella, chi on-schet il Segner con öli bainsavuri, e süjantet seis peis con seis chavels; della quala il frar Lazaro eira a-malà.)

* Matt. 26, 7.

3. Contuot tramettettan las sours a dir a Gesu: Segner, mera, quel cha tü voust bain, ais amalà.

4. E Gesu, aviand udi *quai*, dschet: Quaist' infirmità non ais a mort, ma alla gloria da Dieu; acio cha 'l figl da Dieu saja glorificâ tras quella.

5. Ma Gesu amaiva Maria, e sia sour, e Lazaro.

6. Cur el dimena avet incelet, ch'el eira amalà, dmuret el nel lö, ingio el eira, amo duos dis.

7. Davo quai lura disch el a seis scolars: Giain darcheu in Giudea.

8. Ils scolars al dischan: Maister, güst uossa * tscherchaivan ils Gü-deus da t' accrappar, e tü vast dar-cheu là?

* Gioan. 10, 31.

9. Gesu respondet: Non sun du-desch uras al di? Sch' alehün cha-mina da di, schi non s' intopp' el; perche el vezza la glüm da quaist muond;

10. Ma * sch' alehün chamina da not, s' intopp' el; perche el non ha la glüm.

* Gioan. 12, 35.

11. El dschet quaistas chosas, e lura davo quai disch el ad els: Lazaro, nos ami dorma, ma eu vegn per il sdasdar sü.

12. Dinuonder seis scolars dischan: Segner, sch'el dorma, schi vain el a gnir san.

13. Ma Gesu avaiva dit dalla mort da quel; ma els s' impissaivan, ch'el avess dit dal dormir del sön.

14. Lura dimena disch Gesu ad els avertamaing: Lazaro ais mort.

15. E per vus m'allegr'eu, ch'eu non eira là, acio cha vus crajat; ma giain pro el!

16. Per il qual Toma, dit Didimo, dschet als scolars, seis compagns: Giain eir nus, acio cha nus mouran con el!

17. Gesu dimena, siand gnü, chat-tet el, cha Lazaro eira agià da quat-ter dis nan nel monumaint.

18. Ma Betania eira vicin a Geru-salem, incirca da quindesch stadis.

19. E blers dels Gùdeus eiran gnüts pro Marta, e Maria, per las cuffortar davart lur frar.

20. Contuot, cur Marta udit cha Gesu gniva, al get ella incoenter; ma Maria sezzaiva in chasa.

21. E Marta disch a Gesu: Segner, scha tü füssast stat qui, schi non füss meis frar mort.

22. Impero eu sà eir al presaint, cha tuot quai cha tü giavüscherast a Dieu, el vain at dar.

23. Gesu la dschet: Teis frar vain a resüistar!

24. Marta al dschet: Eu sà, ch'el resüsterà alla resüstanza in l'ultim di.

25. Gesu la dschet: Eu sun la resüstanza, e la vita; scodün chi craja in mai, bain ch'el saja mort, vain a viver;

26. E scodün chi viva, e craja in mai, non vain mà in eterno brich' a morir. Craiast tü quaist?

27. Ella al dschet: Schi, Segner; * eu crai, cha tü est Cristo, figl da Dieu, chi avaiva da gnir nel muond.

Matt. 16, 16. Gioan. 4, 42.

28. Ed, aviand dit quaist, get ella, e clamet adascus Maria, sia sour, dschand: Il Maister ais qui, e't clama.

29. Quella, udind *quai*, alvet sü spertamaing, e gnit pro el.

30. Ma Gesu non eira amo rivâ nel vih; ma eira nel lö, ingio Marta l'avaiva insecuntrâ.

31. Dinuonder ils Gùdeus, chi eiran con ella in chasa, e la cuffortaivan, veziaand cha Maria alvet sü in pre-scha, e get oura, la seguitettan, dschand: Ella va oura pro'l monu-maint, per eridar qua.

32. Maria dimena, cur ella gnit là, ingio eira Gesu, l'aviand vis, as büttet ella avant seis peis, dschand ad el: Segner, scha tü füssast stat qui, meis frar non füss mort!

33. Cur Gesu dimena vazzet, ch'ella, e 'ls Gùdeus, chi eiran gnüts con ella, eridaivan, füt el excitâ nel spiert, e's conturblet.

34. E disch: Ingio l'avais vus tschan-tâ? Quels al dischan: Segner, vè e guarda.

35. E Gesu cridet.

36. Per il qual ils Gùdeus dschai-van: Mera, co el l'amaiva!

37. Ma alchüns d'els dschettan: Non podaiva quaist, chi * avrit ils ügls al orb, far eir, cha quaist non moriss?

* Gioan. 9, 6.

38. Dinuonder Gesu, darcheu excitâ in sai stess, gnit pro'l monumaint; ma quel eira üna spelunca, e qua eira üna peidra tschantada davant sü.

39. E Gesu disch: Pigliai via la peidra. Ma Marta, la sour del mort, disch: Segner, el odura agià; perche el ais mort agià da quatter dis.

40. Gesu la disch: Non t'ha eu dit, cha, scha tü crajast, tü vezzerast la gloria da Dieu?

41. Quels dimena piglettan via la peidra *dall'ö* ingio'l mort giaschaiva. E Gesu, aviand ozâ in ot ils ügls, disch: Bap, eu t'ingrazeh, cha tü'm hast exodi.

42. Ma eu savaiva bain, cha tü saim-per m'exodissast; ma eu ha dit *quai* per la quantità qui presainta; acio chi crajan, cha tü'm hast tramiss.

43. Ed, aviand dit quaist, clamet el ad ota vusch: Lazaro vè oura!

44. E'l mort gnit oura, aviand ils mans, e 'ls peis faschats, e la fatscha plajada in ün fazöl. Gesu disch ad els: Slargia'l our, e lascha'l ir.

45. Per il qual blers dels Gùdeus, ch'eiran gnüts pro Maria, aviand vis tuot las chosas, cha Gesu avaiva fat, crajettan in el.

46. Ma alchüns d'els gettan pro 'ls Fariseers, e dschettan ad els las chosas, cha Gesu avaiva fat.

47. E per quai ils principals sacer-dots, e 'ls Fariseers, raspettan il consistori, e dschaivan: Che fain

nus? Quaiſt crastian fa blers miraculs.

48. Scha nus il laschain usche, schi vegnan tuots a crair in el, e 'ls Romans gnaran, e desdrüeran nos lö, e nossa naziun.

49. Ed ün d'els, cioè * Cajafa, ch' eira grand sacerdot da quel an, disch ad els: Vus non avais ingüna cognoschenscha;

* Luc. 3, 2. Act. 4, 6.

50. E non considerais, * cha convain a nus, ch' ün crastian moura per il pövel, e cha tuot la naziun non pere-scha.

* Gioan. 18, 14.

51. Ma el non disch quaiſt da sai stess; ma, essendo grand sacerdot da quel an, profetizet el, cha Gesu gnis a morir per la naziun.

52. E * bricha solum per quella naziun, ma eir per raspar in ün ils infants dispers da Dieu.

* Es. 49, 6. 1 Gioan. 2, 2.

53. Da quel di dimena in via fettan els cossagl insembel da 'l mazzar.

54. Per il qual Gesu non giaiva plü avertamaing intuorn tanter ils Güdeus; ma get davent da là nella contrada vicina al desert, in üna città ditta Efram, e qua stet el con seis scolars.

55. Ma la pasqua dels Güdeus eira vicina, e blers da quella contrada gettan sü in Gerusalem, avant la pasqua, per as purifichar.

56. Els tscherchaivan dimena Gesu, ed, essendo nel taimpel, dschaivan l'ün l'oter: Che s'impara? Non vain el sün la feista?

57. Ma 'ls principals sacerdots, e 'ls Fariseers, avaivan dat uorden, cha, sch'alchün savess ingio el saja, el manifestess que, acio chi'l piglessan.

CHAP. XII.

Cristo vain onschü da Maria; intra in Gerusalem, ed ais conturbä.

GESU dimena, ses dis avant la pasqua, gnit in Betania, ingio eira Lazaro, chi eira stat mort, il qual el avaiva dsasdä sü dals morts.

2. E * qua 'l fettan els ün convit; e Marta serviva, e Lazaro eira ün da quels, ch'eiran con el a maisa,

* Marc. 14, 3.

3. E Maria piglet üna glivra d'öli

bainsavuri da nardo schet, da grand pretsch, ed onschet ils peis da Gesu, e 'ls stüjantet con seis chavels; e la chasa füt implida dall'odur del öli.

4. Per il qual ün dels scolars da quel, cioè, Giuda Iscariot, *figl* da Simon, il qual eira per il tradir, disch:

5. Perche non s'ha vendü quaiſt öli per trajä tschient danêrs, e non s'ha il pretsch dat als povers?

6. Ma 'l dschaiva quaiſt, bricha ch' el as chüraiva dels povers; ma, siand l'eira ün lader, ed avaiva * la buorsa, e portaiva quai chi's mettaiv'aint.

* Gioan. 13, 29.

7. Gesu dimena disch: Lasch la star; ella avaiva que conservä per il di da'm imbalsamar.

8. Perche * saimper averat ils povers con vus, ma mai non averat saimper.

* Matt. 26, 11.

9. Üna granda quantità dimena da Güdeus savet, ch'el eira qua; e gnittan, na solum per Gesu, ma eir per vair Lazaro, il qual el avaiva dsasdä sü dals morts.

10. Ma 'ls principals sacerdots fettan cossagl, da mazzar eir Lazaro.

11. Perche tras quel blers dels Güdeus giaivan, e crajaivan in Gesu.

12. * Il di seguint, üna granda quantità, ch'eira gnüda alla feista, aviand udì cha Gesu gniva in Gerusalem,

* Matt. 21, 8. Marc. 11, 8.

13. Piglet rams da boscha da palmas, e get our incunter ad el, e bragiva: * Osanna; benedi *saja* il rai d'Israel, chi vain nel nom del Segner!

* Ps. 118, 25, 26.

14. E Gesu, aviand chattä ün asnet, muntet sü, seguond chi l'ais scrit:

15. * Non tmair, o figlia da Sion; mera, teis rai vain, muntä sün ün pulleider d'asna.

* Zac. 9, 9.

16. Ma seis scolars non inlegettan il prüm quaiſtas chosas; ma, eir Gesu füt glorifichä, lura's regordettan els, cha quaiſtas chosas eiran scrittas dad el, e cha l'avaivan fat quaiſtas chosas.

17. La quantità dimena, chi eira con el, testifichaiva, ch'el avaiva clamä Lazaro our dal monumaint, e l'avaiva dsasdä sü dals morts.

18. Per quai eir al get la quantità

incunter; perche l'avaiva udi, ch'el
avaiva fat quaiست miracul.

19. Dinuonder ils Fariseers dschet-
tan tanter els: Vezzais, cha vus non
profittais inguotta? Mera, il muond
al vâ davo!

20. Ma qua eiran tsherts Grecs, da
quels, chi giaivan sù per adurar alla
feista.

21. Quaists dimena, siand appros-
mats via pro Filippo, ch' *eira* * da
Betsaida, città da Galilea, il rovettan,
dschand: Segner, nus volessan vair
Gesu.

* Gioan. 1, 44.

22. Filippo vain, e disch ad Andrea;
e darcheu Andrea e Filippo, dischan
quai a Gesu.

23. E Gesu respondet ad els,
dschand: L'ura ais gnüda, cha 'l figl
del crastian ha d'esser glorificâ.

24. In vardà, in vardà 's di eu, cha,
scha 'l gran da furmoint, crodâ in
terra, * non moura, schi reist' el su-
let; ma sch'el moura, schi produja 'l
bler früt.

* 1 Cor. 15, 36.

25. * Chi ama sia vita, la perderà, e
chi ödiescha sia vita in quaiست muond,
la conserverà in vit' eterna.

* Matt. 10, 39. Luc. 9, 24.

26. Sch' alchün am serva, ch'el am
seguittescha; ed, * ingio eu vegn ad
esser, qua sarà eir meis servioint; e
sch' alchün am serva, vain il bap a
l' onorar.

27. Uossa * ais mi' orma conturbada;
e che dess eu dir? Bap, salva 'm da
quaiست' ura; ma per quaiست sun eu gnü
in quaiست' ura.

* Marc. 14, 34.

28. Bap glorificha teis nom. Lura
gnit üna vusch da tshel, *chi disch*:
Ed eu l'ha glorificâ, e 'l vögl dar-
cheu glorifichar.

29. Dinuonder la quantitâ, chi eira
qua presainta, ed avaiva udi *la vusch*,
dschaiva, cha haja tunâ. Oters
dschaivan: Ün angel l'ha favlâ.

30. E Gesu respondet, e disch: Quai-
sta vusch non ais dvantada per mai,
ma per vus.

31. Uossa ais il güdizi da quaiست
muond: uossa sarà * chatschâ oura
il princip da quaiست muond! * Luc. 10, 18.

32. Et eu, * eur sarà odozâ sù sur
terra, vögl trar tuots pro mai.

* Gioan. 3, 14.

33. Ma el dschaiva quaiست, dand ad
inelcer, da qua la mort el gnis a morir.

34. La quantitâ 'l respondet: Nus
avain incelet our dalla ledscha, * cha
Cristo dmura in eterno; co dimena
dist tü, cha 'l figl del crastian sto gnir
ozâ in ot? Chi ais quaiست figl del
crastian?

* Ps. 89, 36. Es. 9, 7. Ez. 37, 25.

35. Gesu dimena disch ad els: Amo
ün pitschen *temp* ais la glüm con vus,
chaminai, intant vus avais la glüm;
cha las schürezzas non as surpren-
dan; perche, * chi chamina nellas
schürezzas non sà ingio el vâ.

* Gioan. 11, 10.

36. Intant vus avais la glüm, crajai
alla glüm, acio dvaintat * figls della
glüm. Quaistas chosas raschunet
Gesu; e lura get el davent, e 's zoppet
d' els.

* Luc. 16, 8. Ef. 5, 8. 1 Thes. 5, 5.

37. E, schabain ch'el avaiva fat tants
signals avant els, non crajettan els
pero in el;

38. Acio cha 'l pled, dit dal profet
Esaja, 's compliss: * Segner, chi ha
cret a nossa predgia? Ed a chi ais
stat revelâ 'l bratsch del Segner?

* Es. 53, 1.

39. Per quai non podaivan els crair,
perche Esaja ha dit darcheu:

40. El ha * assorvâ lur ögls, ed ha
indüri lur cour; acio cha non vezzan
cols ögls, e non inlegian col cour, e
non as converteschan, ed eu non ils
fetscha sans.

* Es. 6, 9.

41. Quaistas chosas dschet Esaja,
cur el vezett la gloria da quel, e fav-
let dad el.

42. Pür inguotta tant main blers, eir
dels principals, crajettan in el; ma
per *temma dels* Fariseers, non il con-
fessaivan els, acio cha non gnissan
bandits dalla sinagoga.

43. Perche els amaivan plü la glo-
ria avant la glieud, co la gloria avant
Dieu.

44. Ma Gesu clamet, e dschet: * Chi
craja in mai, non craja in mai, ma in
quel chi m'ha tramiss.

* Marc. 9, 37.

45. E * chi vezza mai, vezza quel
chi m'ha tramiss.

* Gioan. 14, 9.

46. Eu, *chi sun* la glüm, sun gnü nel
muond, acio cha scodün, chi craja in
mai, non dmura nellas schürezzas.

47. E sch' alchün oda meis plets, e

non eraja, schi * non il güdich eu; perche eu non sun gnü a güdichar il muond, anzi a salvar il muond.

* Gioan. 5, 45.

48. Chi spredscha mai, e non ard-schaiva meis plets, ha ün, chi'l güdicha; il pled, ch'eu ha raschunâ, sarà quel ch' il güdicherà nel ultim di.

49. Perche, eu * non ha favlâ da mai medem; ma'l bap, chi m' ha tramiss, ais quel chi m' ha ordinâ, quai ch'eu dess dir e favlar.

* Gioan. 8, 38.

50. Ed eu sà, cha seis comanda-maint ais vita eterna; las chosas dimena ch' eu raschun, usche las raschun eu, sco'l bap m' ha dit.

CHAP. XIII.

Cristo lav' ils peis dels apostels; denotescha il traditur, e predisch il fal da Petro.

MA ant la feista della pasqua, saviant Gesu, cha sia ura eira gnüda, da passar da quaist muond pro'l bap, aviand amâ ils seis ch' eiran nel muond, ils amet el infin alla fin.

2. E finida la tschaina, (aviand agiâ'l diavel miss nel cour da Giuda Iscariot, *figl* da Simon, da'l tradir.)

3. Saviant Gesu, * cha'l bap l' avaiava dat ogni chosa in man, e ch' el eira procedü da Dieu, e giaiva pro Dieu;

* Matt. 11, 27.

4. Schi alvet el dalla tschaina, e mettet davent sia rassa; ed, aviand tut ün fazöl, as tschintet el.

5. Lura mettet el aua in ün batschigl, e comanzet a lavar ils peis dels scolars, ed als süjantar col fazöl, col qual el eira tschintâ.

6. Vain dimena pro Simon Petro. Ed el al disch: Segner, am lavast tü'ls peis?

7. Gesu respondet, e'l disch: Tü non sast uossa quai ch' eu fetsch, ma vainst quai a savoir davo.

8. Petro al dschet: Tü non am laverast mâ brich' ils peis. Gesu al dschet: * Sch' eu non at lav, schi non averast tü part alchüna con mai.

* Gioan. 3, 5. 1 Cor. 6, 11. Ef. 5, 26. Tit. 3, 5. Eb. 10, 22.

9. Simon Petro al disch: Segner, bricha solum ils peis, ma eir ils mans e'l cheu.

10. Gesu al disch: Chi ais lavâ non ha bsögn oter co da lavar ils peis, ma ais tuot net; vus eir eschat nets, ma bricha tuots.

11. Perche el cognoschaiva quel, chi'l tradiva; per quai dschet el: Bricha tuots eschat nets.

12. Contuot, dopo ch' el avet ad els lavâ ils peis, ed avet tut darcheu sia rassa, s' aviand darcheu miss a maisa, dschet el ad els: Savais vus, quai ch' eu s' ha fat?

13. Vus am clamais Maister e Segner; e dschais indret; perche ch' eu il sun.

14. * Scha dimena eu, *chî sun* il Segner e'l Maister, s' ha' lavâ ils peis, dovais eir vus lavar ils peis l' ün al oter.

* Luc. 22, 27.

15. Perche eu s' ha dat ün * exaimpel, acio, sco eu ha fat, fetschat eir vus.

* 1 Petr. 2, 21.

16. In vardâ, in vardâ, 's di eu, cha'l servaint non ais plü da seis segner, ne'l mess plü da quel, chi l' ha tramiss.

17. Scha savais quaistas chosas, * beats eschat, scha las fais.* Giac. 1, 25.

18. Eu non di da vus tuots; eu sà quels, ch' eu ha elet; ma la scrittüra sto gnir complida: * Quel chi mangia il pan con mai, ha ozâ contra mai seis chalchagn.

* Ps. 41, 9, 10.

19. Già uossa 's di eu *quai*, ant cha saja dvantâ; acio eur sarà dvantâ, vus crajat, ch' eu sun *quel*.

20. In vardâ, in vardâ, 's di eu, * sch' eu tramet alchün, chi tal ard-schaiva, ardschaiva mai, e chi ard-schaiva mai, ardschaiva quel, chi m' ha tramiss.

* Matt. 10, 40.

21. Davo cha Gesu avet dit quaistas chosas, füt el conturbâ nel spiert, ed attestet e dschet: In vardâ, in vardâ, 's di eu, ün da vus vain am tradir.

22. Per il qual ils scolars as guardaivan l' ün l' oter, stand in dubi, da chi el dschess.

23. Ma * ün dels scolars, il qual Gesu amaiva, eira pozâ via sül sain da quel.

* Gioan. 19, 26.

24. Simon Petro dimena al tschögnnet, ch' el domandess, chi füss quel, dal qual el tschant-schaiva.

25. E quel *scolar*, s'aviand inclinâ sül pet da Gesu, al dschet: Segner, chi ais *quel*?

26. E Gesu respondet: L'ais quel, al qual eu vegn a dar il bacun, davo l'avair tenschü aint. Ed, aviand tenschü aint il bacun, il det el a Giuda Iscariot, *figl* da Simon.

27. E lura, davo quel bacun, intret satanas in el. Dinuonder Gesu al dschet: Fa spert, quai cha tû fast.

28. Ma ingün da quels, chi eiran a maisa, non inleget, perche el l'avai-va dit *quai*.

29. Alchüns nempe stimaivan, siand Giuda *avaiva la buorsa, cha Gesu l'avess dit: Compra 'ns las chosas, chi 'ns bsögnan per la feista; ovvero, ch'el dess qualchos' als povers.

* Gioan. 12, 6.

30. El dimena, aviand tut il bacun, get oura subit; ma l'eira not.

31. Cur el füt it oura, dschet Gesu: Uossa ais glorificâ il figl del crastian, e Deis ais glorificâ in el.

32. * E, scha Deis ais glorificâ in el, schi vain el eir al glorificar in sai sves, e bod il glorificerà el.

* Gioan. 17, 1. 5. 6.

33. Figlets, eu sun amo ün pitschen temp con vus; vus gnis am tscher-char; ma, sco eu ha dit als Güdeus, cha * là, ingio eu vegn, vus non podais gnir, usche di eu eir a vus uossa.

* Gioan. 7, 34.

34. * Eu as dun ün nouv comanda-maint, cha vus s'amat l'ün l'oter; acio, sco eu s'ha amâ, vus eir s'amat l'ün l'oter.

* Gioan. 15, 12. 17, 1 Tes. 4, 9. 1 Gioan. 2, 7. 8.

35. Da quaist tuots cognoscheran, cha vus sajat meis scolars, scha vus gnis ad avoir amur l'ün al oter.

36. Simon Petro al disch: Segner, ingio vast? Gesu al respondet: Là ingio eu vegn non am post tû uossa seguittar; ma vainst am seguittar lura davo.

* Gioan. 21, 18.

37. Petro al dschet: Segner, perche non poss eu uossa 't seguittar? * Eu vögl metter mia vita per tai.

* Matt. 26, 35.

38. Gesu al respondet: Tû metter tia vita per mai? In vardà, in vardà, di eu a tai, il gial non chanterà, infin cha tû non am hast snejà trais voutas.

CHAP. XIV.

Cristo la via, e la vardà e la vita; impromett' il Spiert S. e descriva seis uffizi.

VOS cour non saja conturbâ; vus crajais in Dieu, schi crajai eir in mai.

2. Nella chasa da meis bap sun ble-ras stanzas; scha non füss usche, gnis eu as avoir dit: Eu vegn as perderscher il lö.

3. E, cur eu vegn ad esser it, e vegn as avoir perdet il lö, vögl eu dar-cheu gnir, e s' vögl raspar pro mai; acio, * ch'ingio eu sun, sajat eir vus.

* Gioan. 12, 26.

4. Vus savais, ingio eu vegn, e savais eir la via?

5. Toma al dschet: Segner, nus non savain, ingio tû vast; co dimena podain nus savair la via?

6. Gesu al disch: Eu sun la via, la vardà, e la vita; ingün non vain pro'l bap, oter co tras mai.

7. Scha vus m'avessat cognoschü, schi cognoschessat eir il bap; e d'uossa in via il cognoschais vus, e l'avais vis.

8. Filippo al disch: Segner, muossa 'ns il bap, e quai ans basta.

9. Gesual dschet: Tant temp sun eu agià con vus, e tû non am hast cognoschü, Filippo? * Chi m'ha vis, ha vis il bap; co dimena dist tû: Muossa 'ns il bap?

* Gioan. 12, 45.

10. Non crajast tû, * ch'eu *sun* nel bap, e cha'l bap ais in mai? Ils plets, ch'eu 's rasehun, † non rasehun eu da mai stess; ma'l bap, chi dmura in mai, ais quel chi fa las ouvras.

* Gioan. 10, 38. † Gioan. 5, 19,

11. Craja 'm, ch'eu *sun* nel bap, e cha'l bap ais in mai; non bricha, schi craja 'm per quellas ouvras.

12. In vardà, in vardà, di eu a vus, chi craja in mai farà eir el las ouvras, las qualas eu fetsch; schi, el farà plü grandas co quaistas; perche eu vegn pro'l bap.

13. Ed * ogni chosa, cha vus gnis ad avoir giavüschâ in meis nom, quella vögl eu far; acio cha'l bap saja glorificâ nel figl.

* Matt. 7, 7.

14. Scha vus giavüschais chos' alchüna in meis nom, schi la vögl eu far.

15. *Scha vus m' amais, schi observai meis comandamaints;

* Gioan. 15, 10. 14. 1 Gioan. 5, 3.

16. Ed eu vögl rovar il bap, * ed el as darà ün oter confortadur, chi dmura con vus in perpetuo.

* Gioan. 15, 26.

17. Cioè * il spiert della vardà, il qual il muond non po ardschaiver; perche ch'el non il vezza, e non il cognoscha; ma vus il cognoschais; perche ch'el dmura pro vus, e sarà in vus.

* Gioan. 16, 13.

18. Eu non as vögl laschar orfans; eu vögl turnar pro vus.

19. Da qua ad ün pitschen *temp* non vain il muond am vair plü; ma * vus gnis am vair; perche eu viv, e vus eir gnis a viver.

* Gioan. 16, 16.

20. In quel di cognoscherat vus, * ch'eu *sun* in meis bap, e cha vus *eschat* in mai, ed eu in vus.

* Gioan. 10, 38.

21. Chi ha meis comandamaints, e 'ls observa, * quel ais quel chi m'ama; e chi ama mai, sarà amâ da meis bap, ed eu eir il vögl amar, e m'vögl ad el manifestar.

* 1 Gioan. 2, 5.

22. Giuda, bricha l' Iscariot, al dschet: Segner, che vould dir, cha tü't manifesterast a nus, e bricha al muond?

23. Gesu respondet e l' dschet: Sch' alchün m'ama, schi vain el ad observar meis plds, e meis bap vain a l' amar, e nus gnin a gnir pro el, ed a star con el.

24. Chi non m'ama, non observa meis plds; * e l' pled cha vus udis, non ais meis, ma del bap, chi m'ha tramiss.

* Gioan. 8, 28. 38.

25. Eu s'ha raschunâ quaistas chosas, dmurand pro vus.

26. Ma l' confortadur, cioè il Spiert Sanet, il qual il bap vain a trametter in meis nom, * quel vain as mossar ogni chosa, e vain as trar a memoria tuot las chosas, ch'eu s'ha dit.

* 1 Gioan. 2, 20. 27.

27. Eu s' lasch la pasch, eu s' dun mia pasch; eu non *la* dun, sco l' muond *la* da; vos cour non saja confortblâ, e non as spavainta.

28. Vus avais udi, ch'eu s'ha dit: Eu vegn d'avent, e vögl turnar pro vus; scha vus m'amessat, tschert vus

gnissat as allegrar da quai, ch'eu ha dit: Eu vegn pro l' bap; perche l' bap ais magiur da mai.

29. Ed uossa, eu s'ha dit quai, ant cha saja dvantâ; acio cha, eur sarà dvantâ, vus crajat.

* 30. Eu non vögl favlar plü bler con vus; * perche l' princip da quaist muond vain, e non ha inguotta via da mai.

* Gioan. 12, 31.

31. Ma *quaist* ais, acio cha l' muond cognoscha, ch'eu am il bap, e ch'eu fetsch sco l' bap m'ha ordinâ. Stat stü, giain d'avent da qui.

CHAP. XV.

Cristo tras la sumaglia della vit, e dellas perchas mossa, co ils scolars possan portar früt, e con seis exaimpel avis' el pro charità, e pazienza.

EU sun la vaira vit, e meis bap ais il vignadur.

2. El * piglia via ogni percha, chi in mai non porta früt; ma ogni percha chi porta früt nettaja el, acio ch'ella porta plü vi' e plü.

* Matt. 15, 13.

3. Vus * *eschat* uossa nets, tras il pled ch'eu s'ha dit.

* Gioan. 13, 10.

4. Dmurai in mai, ed eu vögl *dmurar* in vus; sco la percha non po portar früt da sai stess, sch'ella non dmura nella vit; usche neir vus, scha non dmurais in mai.

5. Eu sun la vit, vus *eschat* las perchas; chi dmura in mai, ed eu in el, quel porta bler * früt; perche ourdvart mai non podais far inguotta.

* Os. 14, 8.

6. Sch' alchün non dmura in mai, schi vain el büttâ oura, sco l' ram, e * secha via; lura vain *la ramma* raspada insembel, e büttada nel fö, ed ella arda.

* Matt. 3, 10.

7. Scha vus dmurais in mai, e meis plds dmuran in vus, schi domandai che vus volais, * e sarà fat a vus.

* Gioan. 14, 13.

8. In quaist ais glorificâ meis bap, cha vus portat bler früt, ed *usche* sarat meis scolars.

9. Sco l' bap m'ha amâ, ha eir eu amâ vus; dmurai in mia amur.

10. Scha vus observais meis comandamaints, schi gnis vus a dmurar in mi' amur; sco eu ha observâ l's comandamaints da meis bap, e dmur in si' amur.

11. Quaistas chosas s'ha eu raschunâ, acio cha mi' allegrezza dmura in vus, e vossa allegrezza saja complida.

12.* Quaist ais meis comandamaint, cha vus s'amat l'ün l'oter, seo eu ha amâ vus.

*Gioan. 13, 34. 1Thess. 4, 9.

13. Ingün non ha plü grand' amur co quaista, da metter sia vita per seis amis.

14.* Vus sarat meis amis, scha vus fais tuot las chosas, ch'eu's comand.

*1Gioan. 5, 3.

15. Eu non as clam plü famagls; perche l' famagl non sa quai chi fa seis segner; ma eu s'ha fat a savair tuot las chosas ch'eu ha udi da meis bap.

16.* Vus non avais elet mai, ma eu ha elet vus; e s'ha constituits, acio cha vus giajat, e portat früt, e vos früt reista; acio cha qualunque chosa vus gnis a giavüschar il bap in meis nom, el la detta a vus.

*1Gioan. 4, 10, 19.

17. Eu's comand quaistas chosas, acio cha vus s'amat l'ün l'oter.

18. Scha l' muond as voul mal, sapchat, ch'el m'ha vogliü mal ant co a vus.

19. Scha vus füssat del muond, gnis il muond ad amar quai chi füss sieu; *ma, siand vus non eschat del muond, anzi eu s'ha elets our dal muond, per quai s'voul il muond mal.

*Gioan. 17, 14.

20. As regordai dels pleds, ch'eu s'ha dit: *Il servaint non ais da plü da seis segner; sch'els han perseguittâ mai, vegnan els eir a perseguittar vus; †sch'els han observâ meis pleds, vegnan els eir ad observar ils voss.

*Matt. 10, 24. †Ez. 3, 7.

21. Ma els *vegnan as far tuot quaistas chosas per meis nom; perche els non cognoschan quel, chi m'ha tramiss.

*Matt. 24, 9.

22. Sch'eu non füss gnü, e non avess favlâ ad els, schi non avessan els alchün pucha; ma uossa *non han els schüsa alchüna da lur pucha.

*Rom. 1, 20.

23. Chi voul mal a mai, voul mal eir a meis bap.

24. Sch'eu non avess fat tanter els ouvras, qualas ingün oter non ha fat, schi non avessan els alchün pucha;

ma uossa las han els visas, ed han ödiâ mai, e meis bap.

25. Ma quaist ais, acio chi's complescha il pled scrit in lur ledscha: *Els m'han ödiâ sainza causa.

*Ps. 35, 19.

26. Ma, *cura sarà gnü l' confortadur, il qual eu's vögl trametter dal bap, chi ais il spiert della vardâ, il qual proceda da meis bap, quel vain a dar perdüta da mai.

*Gioan. 14, 17, 26.

27. E *vus eir gnis a testifichar; perche da principi innan eschat vus con mai.

*Act. 1, 8, 21.

CHAP. XVI.

Cristo predisch la crusch a seis scolars, als impromettand il confortadur, e descrivand seis offizi. Las anguöschas dels seis conqual' el ad üna duonna chi parturescha.

EU s'ha dit quaistas chosas, acio vus non sajat schandelizats.

2.* Els vegnan as bandir dallas sinagogas; schi l'ura vain, cha seodün chi's mazzerà s'impaisa da far servezzan a Dieu.

*Gioan. 9, 22.

3. Els vegnan as far quaistas chosas, siand ch'els non han cognoschü l' bap, ne mai.

4. Ma eu s'ha dit quaistas chosas, acio, cur quell'ura sarà gnüda, vus as regordat, ch'eu las ha dittas a vus; ma da principi non as dschet eu quaistas chosas, perche eu eira con vus;

5. Ma uossa vegn eu pro quel, chi m'ha tramiss, ed ingün da vus non am domanda: Ingio vast?

6. Anzi, per quai ch'eu s'ha dit quaistas chosas, schi s'ha la tristezza impli vos cour.

7. Impero as di eu la vardâ: L'ais üttel a vus, ch'eu giaja; perche sch'eu non vegn, schi non vain *il confortadur a gnir pro vus; ma, †sch'eu vegn, schi il vögl eu trametter a vus.

*Gioan. 14, 16, 36. †Act. 2, 33. Ef. 4, 8.

8. E, cur quel sarà gnü, schi vain el a convenscher il muond dal pucha, dalla güstia, e dal güdizi;

9. Dal pucha, perche ch'els non crajan in mai;

10. E dalla güstia, per quai ch'eu vegn pro meis bap, e vus non gnis am vair plü;

11. E dal güdizi, *perche il princip

da quaiſt muond ais *agià* güdichâ.

Gioan. 12, 31.

12. Eu ha amo chosas bleras as dir, ma vus non las podais uossa portar;

13. Ma, cur quel sarà gnü, cioè il spiert della vardà, schi vain el as inguidar in ogni vardà; perche el non favlerà da sai stess, ma vain a dir tuot las chosas ch'el averà udi, e vain as annunziar las chosas del avegnir.

14. Quel vain am glorifichar; perche ch'el vain a tour dal mieu, e vain as annunziar *quai*.

15. Tuot las chosas, cha'l bap ha, sun mias; per quai ha eu dit, ch'el vain a tour dal mieu, e vain as annunziar *quai*.

16. Da qui a pac *temp* non gnis vus am vair; e darcheu ün pitschen temp, schi gnis vus am vair; perche eu vegn pro'l bap.

17. Dinuonder *alchiins* da seis scolars dschettan l'ün l'oter: Che chosa ais quaiſta, ch'el ans disch: Da qui a pac *temp* non gnis vus am vair, e darcheu, ün pitschen temp, schi gnis vus am vair, e, perche eu vegn pro'l bap.

18. Dschaivan dimena: Che ais quaiſt, da qui a pac *temp*, ch'el disch? Nus non savain quai ch'el disch.

19. Gesu dimena savet, chi'l volaivan domandar, e disch ad els: Domandais vus l'ün l'oter da quai, ch'eu ha dit: Da qui a pac *temp* vus non gnis am vair, e darcheu ün pitschen temp, schi gnis am vair?

20. In vardà, in vardà, 's di eu, vus gnis a cridar, e far cordöli, e'l muond vain as allegrar, e vus averat tristezza, ma vossa tristezza sarà müdada in leidezza.

21. La duonna, cur la parturescha, sainta dolurs; perche seis term ais gnü, ma dopo ch'ella ha parturi l'infant, non as regord'ella plü della anguoscha, per l'allegrezza, chi saja nat üna creatüra umana al muond.

22. Vus dimena gnis eir uossa ad avoir tristezza, ma eu vegn darcheu as vair, e vos cour vain as allegrar, ed ingün non vain as tour via vossa leidezza.

23. E sün quel di non gnis vus am domandar inguotta. In vardà, in vardà, 's di eu, * tuot las chosas cha vus domanderat il bap in meis nom, vain el a *las* dar a vus.

* Matt. 7, 7. Marc. 11, 24. 1 Gioan. 3, 22.

24. Fin uossa non avais domandâ inguotta in meis nom: Domandai, schi gnis ad ardschaiver; * acio cha vossa leidezza saja complida.

* Gioan. 15, 11.

25. Eu s'ha raschunâ quaiſtas chosas tras sumgenschas, ma avertamaing vegn eu as raschunar dal bap.

26. In quel di gnis vus a giavüschar in meis nom; ed eu non as di, ch'eu vöglià rovar il bap per vus,

27. Perche'l bap istess s'ama; siand vus m'avais amâ, ed avais cret, ch'eu sun procedü da Dieu.

28. Eu sun procedü dal bap, e sun gnü nel muond; darcheu lasch eu il muond, e vegn pro'l bap.

29. Seis scolars al dischan: Mera, tû tschantschast uossa avertamaing, e non dist alchüna sumgenscha;

30. Uossa savain nus, cha tû fast ogni chosa, e non hast bsögn, ch'alchün at domanda; per quai crajain nus, * cha tû sajast procedü da Dieu.

* Gioan. 17, 8.

31. Gesu respondet ad els: Uossa crajais vus?

32. Mera, l'ura vain, ed ais *agià* gnüda, cha * vus sarat dispers, scodün in chasa sia, e gnis am laschar sulet; ma eu non sun sulet, perche'l bap ais con mai.

* Matt. 26, 31. Marc. 14, 27. Gioan. 20, 10.

33. Eu s'ha dit quaiſtas chosas, acio cha vus hajät pasch in mai, vus averat tribulaziun nel muond; ma stat da buna vöglià, eu ha vit il muond.

CHAP. XVII.

Oraziun da Cristo via seis bap, tant per sai, co per seis apostels, e tuots crettaivels. Il muond non ha cognoschü Dieu.

QUAISTAS chosas dschet Gesu; lura ozet el ils ögls al tschel, e dschet: Bap, l'ura ais gnüda; glorificha teis figl, acio cha eir il figl glorificha tai.

2. Seguond * cha tû l'hast dat pusanza sur ogni charn; acio ch'el

detta la vita eterna a tuots quels, cha tü hast dat. *Matt. 28, 18. Gioan. 3, 35.*

3. Ma quaiſt' ais la vita eterna, ch' els cognoschan tai, *chi est* il sulet vair Deis, e Gesu Cristo, cha tü hast tramiss.

4. Eu t' ha glorificâ in terra; eu ha compli l' ouvra, cha tü m' hast dat a far.

5. Uossa dimena, tü bap, glorificha m' pro tai stess con quella gloria, ch' eu ha gnü pro tai, ant cha 'l muond füss.

6. Eu ha manifestâ teis nom als crastians, * ils quals tü m' hast dat our dal muond. Els eiran teis, e tü 'ls hast dat a mai, e quels han observâ teis pled; ** Gioan. 6, 37, 39.*

7. Uossa han els cognoschü, cha tuot las chosas, cha tü m' hast dat, sun da tai;

8. Perche eu ha dat ad els ils plects, * cha tü m' hast dat, e quels ils han ardschvüts, ed han vairamaing cognoschü, ch' eu sun procedü da tai, ed han cret, cha tü m' hajast tramiss. ** Gioan 8, 28.*

9. Eu rouv per els; eu non rouv per il muond, ma per quels, cha tü m' hast dat; perche els sun teis;

10. E tuot mias chosas sun tias, * e tias chosas *sun* mias; ed eu sun in quels glorificâ. ** Gioan. 16, 15.*

11. Ed eu non sun plü nel muond, ma quaiſts sun nel muond, ed eu vegn pro tai. Bap sanct, conserva 'ls in teis nom, quels cha tü m' hast dat; acio chi sajan ün' istessa chosa seo nus.

12. Cur eu eira con els nel muond, ils conservaiv' eu in teis nom; eu ha perchürâ quels, cha tü m' hast dat, * ed ingün d' els non ais peri; ma solum il figl della perdiziun, acio cha † la scrittüra füss complida. ** Gioan. 6, 70. † Ps. 109, 8.*

13. Ma al presaint vegn eu pro tai, e di quaiſtas chosas nel muond; acio ch' els hajan in els mia allegrezza complida.

14. Eu ha dat ad els teis pled, * e 'l muond als ha voglû mal; perche els non sun dal muond, seo eu non sun dal muond. ** Gioan. 15, 18, 19.*

15. Eu non giavüsch, cha tü 'ls

pigliast our dal muond, ma cha * tü 'ls perchürast dal mal. ** Matt. 6, 13.*

16. Quels non sun dal muond, seo eu non sun dal muond.

17. Santificha 'ls in tia vardà; teis pled ais vardà.

18. Seo tü m' hast tramiss nel muond, ils ha eir eu tramiss nel muond.

19. E per els santifiche eu mai stess; acio cha quels sajan eir santificats in vardà.

20. Ma eu non rouv solum per quaiſts, ma eir per quels, chi vegnan a crair in mai tras lur pled.

21. Acio cha tuots sajan ün' istessa chosa, seo tü, o bap *est* in mai, ed eu *sun* in tai; acio cha quels eir sajan ün' istessa chosa in nus; a fin cha 'l muond craja, cha tü m' hajast tramiss.

22. Ed eu ha dat ad els la gloria, cha tü hast dat a mai, acio chi sajan ün' istessa chosa, seo nus eschan ün' istessa chosa.

23. Eu *sun* in els, e tü *est* in mai; acio cha quels sajan complits in ün' istessa chosa, ed acio cha 'l muond cognoscha, cha tü m' hajast tramiss, e cha tü 'ls hajast amats, seo tü hast amâ mai.

24. Bap, eu vögl, * ch' ingio eu sun, sajan eir con mai quels, cha tü m' hast dat; acio ch' els vezzan mia gloria, la quala tü m' hast dat; perche tü m' hast amâ avant il fondamaint del muond. ** Gioan. 12, 26.*

25. Bap güst! Il muond non t' ha cognoschü; ma * eu ha cognoschü, e quaiſts han cognoschü, cha tü m' hast tramiss. ** Gioan. 7, 29.*

26. Ed eu ha ad els fat cognoscher teis nom; e 'l vögl far cognoscher; acio cha l' amur, * con la quala tü m' hast amâ, saja in els, ed eu in els. ** Gioan. 15, 9.*

CHAP. XVIII.

Cristo, siand da Giuda tradi, vain prais nel üert, e da Petro vain el snejâ, e surdat a Pilato.

* **G**ESU, aviand dit quaiſtas chosas, get oura con seis scolars, e tret da là del torrent Chedron, ingio eira ün üert, nel qual intret el, e seis scolars. ** Matt. 26, 36.*

2. Ma Giuda, chi 'l tradiva, savaiv' eir

el il lō; perche Gesu s'avaiva bleras voutas raspâ là con seis scolars.

3. Giuda dimena, aviand tut la truppa, e sergents dels principals sacerdots, e dels Fariseers, gnit là con linternas, e sfaglias, ed armas.

4. Dinuonder Gesu, saviand tuot las chosas chi gnivan al seuntrar, get our e dschet ad els: Chi tscherchais?

5. Quels al respondettan: Gesu, il Nazareer. Gesu disch ad els: Eu sun *quel*. Ma Giuda, ch' il tradiva, eira eir el presaint con els.

6. Contuot, eur el avet dit ad els: Eu sun *quel*, schi gettan els inavo, e crodettan a terra.

7. El dimena darcheu domandet ad els: Chi tscherchais? Quels dischan: Gesu, il Nazareer.

8. Gesu respondet: Eu s' ha dit, ch' eu sun *quel*. Contuot, scha vus tscherchais mai, schi laschai ir quaists;

9. Acio chi's compliss quai, * ch' el avaiva dit: Eu non ha pers alehün da quels, cha tü m' hast dat.

* Gioan. 17, 12.

10. E Simon Petro, aviand üna spada, la tret, e battet il serviaint del grand sacerdot, e' l taglet giò l' uraglia dretta; ma quel serviaint avaiva nom Malco.

11. E Gesu disch a Petro: Metta tia spada nella taja; * non dess eu baver il calisch, il qual il bap m' ha dat?

* Matt. 20, 22. e 26, 42.

12. La truppa dimena, e' l chapitani, e' ls sergents dels Güdeus, piglettan Gesu e' l liettan.

13. E' l prüm il manettan els pro Anna; perche l' eira sör da Cajafa, il qual eira grand sacerdot da quel an; ed Anna il tramettet liâ a Cajafa, grand sacerdot.

14. Ma * Cajafa eira quel, ch' avai-va cusgliâ als Güdeus, chi convegna, ch' ün crastian moriss per il pövel.

* Gioan. 11, 50.

15. Ma * Simon Petro, ed ün oter scolar, seguittaivan Gesu, e quel scolar eira contschaint al grand sacerdot; per il qual el intret con Gesu nella cuort del grand sacerdot.

Matt. 26, 58.

16. Ma * Petro staiva dadour la porta. Quel oter scolar dimena, ch' eira

contschaint al grand sacerdot, get our, e favlet la portnêra, e fet intrar Petro.

* Matt. 26, 69. Marc. 14, 66. Luc. 22, 54.

17. E la fantschella portnêra disch a Petro: Non est eir tü dals scolars da quaist crastian? El disch: Eu non sun.

18. Ma 'ls serviaints, e' ls sergents staivan qua, aviand invüdâ charbuns, e' s schüdaivan, perche que faiva fraid; e Petro staiva in pè con els, ed as schüdaiva.

19. Ma' l grand sacerdot domandet Gesu davart seis scolars, e davart sia doctrina.

20. Gesu al respondet: Eu ha aver-tamaing favlâ al muond; eu ha saimper mossâ nella sinagoga, e nel taimpel, ingio 'ls Güdeus as raspan d' ogni lō; e non ha dit inguotta nel azoppâ.

21. Perche domandast tü a mai? Domanda quels, chi han udi quai, ch' eu ha dit ad els: Mera, quels san las chosas, ch' eu ha dit.

22. Ma, eur Gesu avet dit quaistas chosas, ün dels sergents, ch' eira qua presaint, al det üna schlaffa, dschand: Usche respondast tü al grand sacerdot?

23. Gesu al respondet: Sch' eu ha mal favlâ, schi da perdüta dal mal; ma sch' eu *ha favlâ bain*, schi perche m' battast?

24. Anna dimena l' avaiva tramiss liâ a Cajafa, grand sacerdot.

25. E Simon Petro staiva qua, ed as schüdaiva. Dinuonder al dschettan: Non est eir tü da seis scolars? Ed el snejet, e dschet: Eu non sun.

26. Ed ün dels serviaints del grand sacerdot, paraint da quel, al qual Petro avaiva tagliâ giò l' uraglia, dschet: Non at vèzzet eu nel üert con el?

27. E Petro darcheu il snejet, e subit il gial chantet.

28. Lura * manettan els Gesu da Cajafa nel palazzi; ma eira la mattina: e quels non intrettan nel palazzi, per non s' impalar, ma per podair mangiar la pasqua.

* Matt. 27, 2.

29. Pilato dimena get oura pro els, e dschet: Che achüsa portais vus conter quaist crastian?

30. Quels respondettan, e'l dschet-tan: Scha quaiſt non füſſ malfattur, ſchi non gnissan nus a l'avair dat a tai in man.

31. Dinuonder Pilato dschet ad els: Piglia 'l vus, e güdieha 'l seguond vossa ledscha. Ma 'ls Güdeus al dschettan: A nus non ais licit da far morir alehün.

32. Acio chi's compliss quai, cha Gesu avaiva dit, dand ad inler, da quala mort el gnis a morir.

33. Contuot, intret Pilato darcheu nel palazzi, e clamet Gesu, e'l dschet: Est tü il rai dels Güdeus?

34. Gesu al respondet: Dist tü quaiſt da tai stess, o pür t'han oters dit quai da mai?

35. Pilato al respondet: Sun eu Güdeu? Tia naziun, e'ls principals sacerdots t'han miss in meis mans; che hast tü fat?

36. Gesu respondet: * Meis reginam non ais da quaiſt muond; scha meis reginam füſſ da quaiſt muond, ſchi gnissan meis serviaints ad avair combattü, acio ch'eu non füſſ dat in man dels Güdeus; ma uossa meis reginam non ais da qui.

* 1 Tim. 6, 13.

37. Per il qual Pilato al dschet: Tü est dimena rai? Gesu respondet: Tü'l dist; perche ch'eu sun rai; per quaiſt sun eu nat, e per quaiſt gnü nel muond, per testifichar dalla vardà; scodün, chi ais dalla vardà, taidla mia vusch.

38. Pilato al dschet: Che chosa ais vardà? Ed, aviand dit quaiſt, get el danöv oura pro'ls Güdeus, e dschet ad els: Eu non chat alehün misfat in el.

39. Ma vus avais ün'üſanza, ch'eu 's libra ün sün la pasqua: Volais vus dimena ch'eu 's libra il rai dels Güdeus?

40. E tuots bragittandanöv, dschand: * Bricha quaiſt, anzi Barabba. Ma Barabba eira ün morder.

* Act. 3, 14.

CHAP. XIX.

Iſtoria della paſſiun, mort e ſepultüra da Cristo.

LURA dimena * Pilato piglet Gesu, e'l giasliet.

* Matt. 27, 26. Marc. 15, 15.

2. E 'ls sudats, aviand tessü üna

coruna da spinas, la tschantettan ad el sün il cheu, e'l mettettan intuorn üna rassa da purpura;

3. E dschaivan: Sajast salüdâ, o rai dels Güdeus; e'l daivan bachettadas.

4. E Pilato get oura danöv, e dschet ad els: Mera, eu s' il main oura, acio vus sapechat, ch'eu non chat in el alehün malefizi.

5. Gesu dimena gnit oura, portand la coruna da spinas, e la rassa da purpura. E Pilato disch ad els: Mera il crastian!

6. E 'ls principals sacerdots, e 'ls sergents, cur il vèzzettan, bragittan els, dschand: Crucificha'l, crucificha'l. Pilato disch ad els: Piglia 'l vus, e crucificha'l; perche eu non chat alehün malefizi in el.

7. Ils Güdeus al respondettan: Nus avain üna ledscha; e seguond nossa ledscha dess el morir; perche ch'el s' ha fat figl da Dieu.

8. Pilato dimena, cur l' avet udi quels pleds, tmet amo plü fieh.

9. E turnet aint nel palazzi, e dschet a Gesu: Dinuonder est tü? Ma Gesu non al det alehüna risposta.

10. Per il qual Pilato al dschet: Non am favellast tü? Non sast tü, ch'eu ha pussanza da't crucifichar, e pussanza da't liberar?

11. Gesu respondet: Tü non avesast alehüna pussanza contra mai, scha quai non al füſſ dat giò dal ot; perque ha quel chi mai t' ha dat in man, plü pucha.

12. Da quell' ura invia tscherehaiva Pilato da'l deliberar; ma 'ls Güdeus bragivan, dschand: Scha tü delibrast quaiſt, ſchi non est ami da Cesare; scodün chi's fa rai's oppona a Cesare.

13. Pilato dimena, aviand udi quaiſts pleds, manet oura Gesu, e 's mettet a zer sün la sopcha da dret, nel lö dit Lastrico; ed in ebraie Gabbata.

14. (Ma l'eira la preparaziun della pasqua, ed eira intuorn la sesav'l'ura,) e disch als Güdeus: Mera vos rai!

15. Ma quels bragittan: Davent con el, davent, crucificha'l. Pilato disch ad els: Dess eu crucifichar vos rai? Ils principals sacerdots respondettan: Nus non avain oter rai co Cesare.

16. * Contuot il det el lura ad els in man, acio ch'el gnis crucifichâ. E quels piglettan Gesu, e'l manettan d'avent.

* Luc. 23, 24.

17. Ed el, portand sia crusch, get our al lö, dit del cranio, il qual in ebraic as clama Golgota.

18. E qua 'l crucifichettan els, e con el duos oters, l'ün da qua, e l'oter dà là, e Gesu in mez.

19. Ma Pilato scrivet eir ün titel, e'l mettet sün la crusch; e qua eira serit: GESU IL NAZAREER, IL RAI DELS GÜDEUS.

20. Blers dimena dels GÜdeus legettan quaiust titel; perche 'l lö, ingio Gesu füt crucifichâ, eira vicin alla città; e quel eira serit in ebraic, in gree, ed in latin.

21. Dinuonder ils principals sacerdots dels GÜdeus dschettan a Pilato: Non scriver: Il rai dels GÜdeus; ma cha quaiust ha dit: Eu sun il rai dels GÜdeus.

22. Pilato respondet: Eu ha serit, quai ch'eu ha serit.

23. * Ma ils sudats, cur els avettan crucifichâ Gesu, piglettan seis pans, e fettan quatter parts, üna part per scodün suda; e la rassa.

* Matt. 27, 35.

24. Ma la rassa eira sainza cusdüra, tessüda tuotta da süsom fin giodim; per il qual els dschettan l'ün l'oter: Non la şharpain, ma train la sort, a chi ella ha da gnir; acio chi's compliss la scrittüra, chi disch: * Els han parti tanter els meis pans, ed han trat la sort sur mia rassa. Ils sudats dimena fettan quaiustas chosas.

* Ps. 22, 19.

25. Ma sper la crusch da Gesu stai-va sia mamma, e la sour da sia mamma, Maria da Cleopa, e Maria Magdarena.

26. Dinuonder Gesu, veziand qua presaint sia mamma, * e'l scolar, ch'el amaiva, dschet a sia mamma: Duonna, mera teis figl!

* Gioan. 13, 23.

27. Lura dschet el al scolar: Mera tia mamma! E da quell'ura in via quel scolar la piglet in chasa sia.

28. Lura, davo quai, saviand Gesu, ch'ogni chosa eira agiâ complida, acio la * scrittüra's compliss, dschet el: Eu ha sait!

* Ps. 69, 22.

29. Ma qua eira tschantâ ün vasché, plain d'aschait. Quels dimena, aviand impli con da quel aschait üna spunga, e, l'aviand missa intuorn ün isop, il sporschettan sü alla bocca.

30. Cur Gesu dimena avet tut l'aschait, dschet el: L'ais accomp! Ed, aviand inclinâ 'l cheu, rendet el sü il spiert.

31. Ma 'ls GÜdeus rovettan Pilato, ch'ün rumpess ad els las chammas, e 'ls pigless d'avent; acio cha 'ls corps non restessan sün la crusch nel sabbat; siand eira la preparaziun; perche quel di del sabbat eira grand.

32. Ils sudats dimena gnittan, e rumpettan las chammas al prüm, e lura eir al oter, ch'eira stat crucifichâ con el.

33. Ma, essendo gnüts pro Gesu, cur els vezzettan, ch'el eira agiâ mort, non al rumpettan els las chammas.

34. Ma ün dels sudats al foret la costa con üna lanscha, e subit * gnit oura sang ed aua.

* 1 Gioan. 5, 6.

35. E quel, chi ha vis quai, da testimonianza, e sia testimonianza ais vaira, e quel sa, ch'el disch chosas vairs; acio cha vus crajat.

36. Perche quaiustas chosas sun dvantadas, acio cha * la scrittüra gnis complida: Ingün öss da quel non sarà ruot.

* Exod. 12, 46. Num. 9, 12. Ps. 34, 21.

37. Ed amo ün'otra * scrittüra disch: Quels vegnan a vair in quel, chi han forâ.

* Zac. 12, 10.

38. Dopo quaiustas chosas, Giosef d'Arimatea, il qual eira scolar da Gesu, ma adascus per temma dels GÜdeus, giavüschet a Pilato da podair tour il corp da Gesu; e Pilato al permettet. Contuot gnit el, e piglet d'avent il corp da Gesu.

39. Ma gnit eir * Nicodemo, chi al principi eira gnü pro Gesu da not, portand circa tschient glivras d'üna composiziun da mirra, e d'aloë.

* Gioan. 3, 1, 2.

40. Quels dimena piglettan il corp da Gesu, e 'l plajettan in lanzöls con quellas spezchas, seguond ais l'üsanza dels GÜdeus d'imbalsamar.

41. Ma nel lö, ingio 'l füt crucifichâ, eira ün üert, e nel üert ün monumaint

nouv, ingio ingiün non eira amo stat tshantâ.

42. Qua dimena mettettan els Gesu, per causa della preparaziun dels Gûdeus, perche 'l monumaint eira vicin.

CHAP. XX.

Co la resüstanza da Cristo saja dvantada e manifestada.

MA 'l*prüm didell' eivna la mattina, siand amo schür, gnit Maria Magdalena pro 'l monumaint, e vezzet, cha la peidra eira alvada via dal monumaint. *Matt. 28, 1.

2. Per il qual ella currit, e gnit pro Simon Petro, e pro l'oter scolar * il qual Gesu amaiva, e disch ad els: Els han tut dal monumaint il Segner, e nus non savain ingio l' hajan tshantâ. *Gioan. 13, 23.

3. Petro dimena e l'oter scolar gettan our, e gnittan pro 'l monumaint.

4. Ma els curriyan ammenduos insembel; ma quel oter scolar currit avant plü spertamaing co Petro, e gnit il prüm pro 'l monumaint.

5. E, siand inclinâ, vezzet el ils lanzöls, chi giaschaivan *nel monumaint*; ma non intret l'aint.

6. E Simon Petro, chi 'l seguittaiva, gnit, ed intret nel monumaint, e vezzet ils lanzöls, chi giaschaivan là.

7. E 'l fazölet, chi eira intuorn il cheu da Gesu, il qual non giaschaiva pro 'ls lanzöls, ma eira plajâ aint da part in ün lö.

8. Lura eir l'oter scolar, chi eira gnü 'l prüm pro 'l monumaint, intret, e vezzet, e crajet.

9. Perche quels non avaivan amo cognoschenscha della scrittüra, ch'el dovess resüstar dals morts.

10. Contuot gettan ils scolars darcheu a chasa lur.

11. * Ma Maria staiva sper il monumaint, eridand our dadoura; ed, intant ch' ella cridaiva, s' inclinet ella aint nel monumaint. *Marc. 16, 5.

12. E vezzet duos angels, *vestits* ad alb; ils quals sezzaivan, l'ün dal cheu, l'oter dals peis *del lö*, ingio 'l corp da Gesu eira miss.

13. E quels la dischan: Duonna, perche cridast? Ella disch ad els: Perche cha han tut meis segner, ed eu non sa, ingio l' hajan tshantâ.

14. Ed, [■]aviand dit quaist, as volvet ella inavo, e vezzet Gesu, chi staiva *qua* in pè; ed ella non savaiva, ch' el füss Gesu.

15. Gesu la dschet: Duonna, perche eridast? Chi tscherchast? Ella, s' impissand, ch' el füss l' ortulan, al dschet: Signur, scha tü l' hast portâ via, schi di'm, ingio tü l' hajast tshantâ, sch' il vögl eu tour.

16. Gesu la disch: Maria; ed ella, * s'aviand vouta al disch: Rabboni; chi vuol dir: Maister. *Matt. 28, 9.

17. Gesu la dschet: Non am toccar; perche eu non sun amo it sü pro meis bap; ma vâ pro meis frars, e di ad els; ch' eu vegn sü pro meis bap, e pro vos bap; e * pro meis Deis, e pro vos Deis. *Efes. 1, 17.

18. Maria Magdalena gnit, annunziand als scolars, ch' ella avaiva vis il segner, e ch' el l' avaiva dit quella chosas.

19. * Ma, cura füt saira, in quel istess di, *chi eira* 'l prüm dell' eivna; e siand las portas *del lö*, ingio eiran raspats ils scolars, serradas per tema dals Gûdeus, gnit Gesu, e 's presentet *qua* in mez, e disch ad els: Pasch a vus!

* Marc. 16, 14. Luc. 24, 36. 1 Cor. 15, 5.

20. Ed, aviand dit quaist, mosset el ad els seis mans, e la costa. Ils scolars dimena, eridand vis il Segner, s' allegrettan.

21. E Gesu darcheu disch ad els: Pasch a vus! * Seo 'l bap m' ha tramiss, usche 's tramet eu. * Gioan. 17, 13.

22. Ed, aviand dit quaist, sofflet el *ad els in vista*, e dschet ad els: Ard schvai il Spiert Sanet.

23. * A chi vus gnis ad avoir perdunâ 'ls puchats, saran els perdunats, ed a chi vus gnis a 'ls avoir artgnüts, saran els artgnüts. *Matt. 16, 19.

24. Ma Toma, dit * il schemblin, ün dels dudiesch, non eira con els, cur Gesu gnit. *Gioan. 11, 16.

25. Ils oters scolars dimena 'l dschetan: Nus avain vis il Segner! Ma el dschet ad els: Sch' eu non vez in seis mans il signal dellas guottas; e sch' eu non met il daint nel signal dellas guottas, e 'l man in sia costa, schi non vögl eu crair *quai*.

26. Ed ot dis davo eiran ils scolars darcheu dadaint *la chasa*, e Toma eira con els. E Gesu gnit, essendolas portas serradas, e's presentet *qua* in mez, e dschet: Pasch a vus!

27. Lura disch el a Toma: Sporscha qua il daint, e guarda meis mans; sporscha eir il man, e metta 'l in mia costa; e non sajust incredul, anzi crettaivel!

28. E Toma respondet, e 'l dschet: Meis segner, e meis Deis!

29. Gesu al dschet: Per quai cha tü hast vis, Toma, hast tü cret; * beats quels, chi non han vis, ed han cret.

* 1 Petr. 1, 8.

30. Ma * Gesu fet eir, in presenza da seis scolars, bliers oters miraculs, ils quals non sun scrìts in quai-stdesch.

* Gioan. 21, 25.

31. Ma quaistas chosas sun scrìttas, acio vus crajat, cha Gesu ais Cristo, il figl da Dieu; acio cha, crajand, vus hajat la vita tras seis nom.

CHAP. XXI.

Appariziun da Cristo, e la predgia fatta a Petro.

DOPO quaistas chosas as fet Gesu vair danöv als scolars sper il mâr da Tiberias; e's fet vair in quai-sta maniera.

2. Simon Petro e Toma, dit il schemblin; e * Natanael, chi eira da Cana da Galilea; e 'ls *figls* da Zebedeo, e duos oters dels scolars da quel, eiran insembel.

* Gioan. 1, 45.

3. Simon Petro disch ad els: Eu vegn a peschar. Quels al dischan: Eir nus giain con tai. *Usche* gettan els oura, e muntettan spertamaing nella nav, ed in quella not non piglettan els inguotta.

4. Ma, siand gnü mattina, as presentet Gesu sün la riva; tant e tant non savettan ils scolars, ch'el füss Gesu.

5. E Gesu disch ad els: Infants, avais qualche pesch? Quels al respondettan: Na.

6. Ed el disch ad els: Büttai la rait dalla vart dretta della nav, schi gnis a chattar. Quels dimena *la* büttettan, e non podaivan trar plü, per la quantitá da peschs.

7. Dinuonder quel scolar, cha Gesu

amaiva, disch a Petro: L'ais il segner. E Simon Petro, aviand udi, chi füss il segner, tschintet intuorn sia chamischa, (perche l'eira nüd), e's büttet nel mâr.

8. Ma 'ls oters scolars gnittan sün la nav, (perche els non eiran fìch lontan da terra, ma *solum* circa duaschient bratschs muots) trand la rait *dels* peschs.

9. Contuot, cur els füttan smuntats in terra, vezzettan els ün braşchêr, tschantâ *là*, e peschs miss sù sura, e pan.

10. Gesu disch ad els: Portai qua da quels peschs cha vus uossa avais prais.

11. Simon Petro muntet *sün la nav*, e tret la rait a terra, plaina da tschient tschinquant' e trais peschs gross; e, combain eiran tants, la rait pero non as scharpet.

12. Gesu disch ad els: Gni nan, e giantai. Ma ingün dels scolars non aşchaiva 'l domandar: Tü chi est? Saviand, ch'el eira il segner.

13. Gesu dimena gnit, e piglet il pan, e det ad els, e dal pesch similmaing.

14. Quaista füt agià la terza vouta, cha Gesu as fet vair a seis scolars, davo resüstâ dals morts.

15. La, davo ch'els avettan giantâ, disch Gesu a Simon Petro: Simon da Giona, m'amast tü plü co quaists? El al dschet: Vairamaing segner, tü sast, ch'eu t'am. Gesu al disch: Paschainta meis agnels!

16. Al dschet darcheu la segunda vouta: Simon da Giona, m'amast tü? El al disch: Vairamaing segner, tü sast, ch'eu t'am. Gesu al disch: Paschainta mias nuorsas!

17. Al dschet la terza vouta: Simon da Giona, m'amast tü? Petro's contristet, ch'el l'avess dit fin a trais voutas, m'amast tü. E 'l dschet: Segner, tü sast ogni chosa, tü sast, ch'eu t'am. Gesu al disch: Paschainta mias nuorsas!

18. In vardà, in vardà, eu t di, cur tü eirast giuven, at tschintaivast, e giaivast, ingio tü volaivast; ma; cur tü sarast vegl, vainst a stender oura teis mans, ed ün otêr at tschin-

terà, e 't condüerà là, ingio tû non volessast.

19. Ma el dschet quai, dand ad in-cler, da * quala mort el gnis a glori-ficar Deis. Ed, aviand tschantsehâ quai, al dschet el: Seguittescha 'm.

* 2 Petr. 1, 14.

20. Ma Petro, s' aviand vout, vez-zet gnir davo sai il scolar * cha Gesu amaiva, il qual eir sün la tshaina eira inclinâ sün il pet da Gesu, ed avaiva dit: Segner, chi ais quel chi 't tradescha?

* Gioan. 13, 23. 25.

21. Petro, l' aviand vis, dschet a Gesu: Segner, e quai, che?

22. Gesu al dschet: Sch' eu vögl, ch' el dmura fin ch' eu vegn,

che *va quai pro* a tai? Tü seguitte-seha 'm.

23. Dinuonder quai, dir as⁷ dera-set tanter ils frars, cha quel scolar non gnis a morir; ma Gesu non a-vaiva dit a Petro, ch' el non gnis a morir; ma, sch' eu vögl, ch' el dmura fin ch' eu vegn, che *va quai pro* a tai?

24. Quai, ais quel scolar, chi testi-fica da quai, chasas; e nus sa-vain, cha sia testimonianza ais vaiva.

25. * Ma qua sun eir bleras otras chosas, cha Gesu ha fat, las qualas, scha füssan scrittas d' üna in üna, schi m' impais, cha 'l muond istess non podess tgnair aint ils eudeschs, chi gnissan scrìts. Amen.

* Gioan. 20, 30.

Fin del evangeli da S. Gioanne.

IL CUDESCH

DELS

FATS DELS APOSTELS.

CHAP. I.

Ascensium da Cristo in tshel; devoziun dels apostels; ed elecziun da Mattia in lü del tradi-tur Giuda.

EU ha fat il * prüm trattat, o * Teo-filo, davart tuot las chosas cha Gesu comanzet a far, ed a mossar,

* Luc. 1, 3.

2. Infin al di, ch' el füt raspâ in ot, dopo avoir dat * comandaints tras il Spiert Sanct als apostels, ils quals el avai v' elet.

* Matt. 28, 19.

3. Als quals el eir, dopo avoir in-dürâ, 's presantet viv, con bleras tshertas provas, essendo dad els vis per quaranta dis, e raschunand dal-las chosas *pertinentas* al reginam da Dieu.

4. E, s' achattand con *els*, ordinet el ad els, chi non as partissan da Geru-salem; ma ch' els spetlessan la pro-missium del bap, * la quala, *disch el*, vus avais udi da mai.

* Luc. 24, 49.

5. Perche * Gioanne battiet con aua, ma vus sarat battiats col Spiert Sanct, da qui a bricha blers dis.

* Matt. 3, 11.

6. Quels dimena, siand raspats, il

domendettan, dschand: Segner, vaine in quai temp a dvantar, cha tü re-stituirast il reginam ad Israel?

7. Ma el dschet ad els: E non sta a vus da savair ils temps, e las sta-giuns, las qualas il bap ha miss in sia propria pussanza.

8. Ma vus gnis ad ardschaiver la virtù del Spiert Sanct, il qual vain a gnir sur vus; e vus am sarat perdüt-tas bricha dech in Gerusalem, ma eir in tuot la Giudea, ed in Samaria, ed in fin all' extremità della terra.

9. Ed, aviand dit quai, chasas, * füt el alvâ in ot, il vezind quels; ed üna nüvla l' ardschvet, e 'l piglet our davant lur ögls.

* Marc. 16, 19.

10. E, cur els avaiavan ils ögls fiss in tshel, intant ch' el giaiva, mera, duos homens as presantettan ad els in vestimaint' alba.

11. Ils quals eir dischan: Homens Galileers, perche 's fermaiss, guardand vers il tshel? Perche Gesu, il qual ais raspâ in tshel davent da vus, vain a gnir nella medema maniera; cha vus l' avais vis ir a tshel.

12. Lura turnettan quels in Geru-

salem, giò dal munt clamâ dels olivêrs, il qual ais sper Gerasalem, la lunghezza del chamin d' ün sabbat.

13. E, cur els fütta in intrats *nella chasa*, gettan els sü nel sulêr ot, ingio dmuraivan * Petro, e Giacobbo, e Gioanne, ed Andrea, e Filippo, e Toma, e Bartolomeo, e Matteo, e Giacobbo d' Alfeo, e Simon il Zelote, e Giuda da Giacobbo. *Matt. 10, 3.

14. Tuots quaists perseveraivan d' ingual consentimaint in oraziun ed in röv, con las donans, e con Maria, mamma da Gesu, e cols frars da quel.

15. Ed in quels dis Petro, siand alvâ sü in mez ils scholars, disch: (ma la quantità dellas persunas tuottas insembel eiran intuorn tschient e vainch persunas.)

16. Homens frars, e stoai v'esser, cha quaista scrittüra s' compliss, la quala il Spiert Sanct ha predit tras la bocca da David, davart Giuda, * chi füt la guida da quels, chi piglettan Gesu; *Gioan. 18, 3.

17. Perche l' eira stat tut sü in nos nomer, ed avai v' obtgnü la sort da quaist ministeri.

18.* El dimena s'acquistet ün champ col pretsch dell'ingüstia, e, s'aviand precipitâ, crappet el per mez, e tuot seis interieur as spandet our. *Matt. 27, 5, 7, 8.

19. E *quai* ais gnü a notizia a tuots ils abitants da Gerasalem; tal cha quel champ, in lur propri linguach, ais stat clamâ Akeldama, chi vuol dir, champ da sang.

20. Perche l'ais scrit nel cudesch dels psalms: * Dvainta sia stanza deserta, e non saja qua ingün, chi avda in quella, ed † ün oter dess tour seis offizi. *Ps. 69, 26. †Ps. 109, 8.

21. Contuot, schi sto esser, ch' intanter ils homens, chi sun stats in nossa compagnia, in tuot il temp cha'l Segner Gesu ais it e gnü tanter nus;

22. Comanzand dal battaisem da Gioanne, fin al di ch'el füt raspâ in ot davent da nus, ün da quels saja fat testimoni con nus dalla resistenza da quel.

23. E fütta presentats duos, Giosef, dit Barsaba, il qual eira surnomnâ Güst, e Mattia.

24. Ed urand dschettan els: Tü Segner, chi cognoschast ils cours da tuots, mossa, qual da quaists duos tü hajast elet,

25. Per ardschaiver la sort da quaist ministeri ed apostolat, dal qual Giuda crodet giò, per ir in seis ló.

26. E trettan lur sorts, e la sort crodet sün Mattia, ed el füt tras comüna vusch miss pro als ündesch apostels.

CHAP. II.

La solennità della prüma tschinquaisma del nouv testamaint nell' effusiun del Spiert Sanct; la predgia dels apostels, salvada da Petro; conversiun dels auditurs; e comuniun dels sancts.

E cur * il di della tschinquaisma, füt rivâ, eiran els tuots insembel d' ingual consentimaint.

* Lev. 23, 15. Deut. 16, 9.

2. E dandettamaing gnit giò da tschel ün sun, sco d' ün' ora fortünusa, chi soffla, e * quella implit tuot la chasa, ingio quels sezzaivan. *Act. 4, 31.

3. Ed apparetan ad els linguas spartidas sco da fö, e *scodiina da quelas* as tschantet sur scodün d' els.

4. E tuots gnittan implits con il Spiert Sanct, e comanzettan * a tschant-schar linguas eistras, seguond cha'l Spiert daiva ad els da raschunar.

* Marc. 16, 17. Act. 10. 46.

1 Cor. 12, 10. 28. 30. e 13, 1. e 14, 2. c.

5. Ma in Gerasalem dmuraivan Güdeus, homens religios, d' ogni naziun suot il tschel.

6. Ma, siand dvantâ quel sun, as raspet la quantità, e füt confusa; perche scodün d' els ils udiva favlar in seis propri linguach.

7. E tuots s' instupivan, e s' smüra-vgliaivan, dschand l' ün l' oter: Mera, tuots quaists, chi tschant-schan, non sun els Galileers?

8. Co dimena ils udin nus *favlar* scodün in nos propri nativ linguach?

9. Nus Parters e Meders, ed Elamiters, e quels chi abitain in Mesopotamia, in Giudea, ed in Cappadocia, in Ponto, e nell' Asia.

10. Nella Frigia, e nella Pamfilia, nell' Egipto, e nellas parts della Libia, ch' ais via incunter Cirene, e nus forestêrs Romans;

11. E Güdeus e proselits, Creten-sers, ed Arabers ils udin raschunar

las chosas grandas da Dieu in noss linguachs.

12. E tuots s'instupivan e staitan suspais, dschand l'ün l'oter: Che vould esser quai?

13. Ma oters, fand giamgias, dschaitan: Els sun plains da vin dutsch.

14. Ma Petro, siand alvâ in pè con ils ündesch, ozet sia vusch e rasehnet ad els, dschand: Homens Güdeus, e vus tuots, chi abitais in Gerusalem, a vus saja quai fat a savair, ed ardschvai meis plets in vossas uraglias.

15. Perche quai non sun aivers, seo vus stimais, siand cha non ais plü co la terza ura del di.

16. Ma quai ais quai, chi füt dit dal profet Gioel:

17. * E dvanterâ nels ultims dis, disch Deis, ch'eu vögl spander oura da meis spiert sur ogni charn; e voss figls, e vossas filias profetizeran, e voss giuvens vezzeran visiuns, e voss vegls vegnan as sömgiar sömmis.

* Gioel 2, 28.

18. Ed in quels dis vögl eu spander oura da meis spiert sur meis famagls, e sur mias fantschellas, e profetizeran.

19. E vögl far strangezzas sü sura in tschel, ed insainas giò suot in terra, sang e fö e vapur da fim.

20. Il solai sarà müdâ in schürezzas, e la glüna in sang, avant cha quel grand e gloriüs di del Segner vegna.

21. E dvanterâ, cha scodün chi averâ clamâ in agüd il nom del Segner, sarà salvâ.

22. Homens Israelits, udì quai plets: Gesu il Nazareer, hom, dal qual Deis ha dat provas tschertas con potentas operaziuns e strangezzas, ed insainas, las qualas Deis fet tras el tanter vus, seo eir vus savais;

23. Quel, di eu, tras il determinâ cossagl, e la providenza da Dieu, 's füt dat in man e vus il piglettat, e tras mans dels ingüsts il tachtettat vi alla crusch, e l mazettat;

24. Il qual Deis ha sdasdâ sü, aviand slargiâ las döglias della mort, siand non eira possibel, ch'el gnis da quella artgnü.

25. Perche David disch dad el: * Eu ha tgnü da contin il Segner avant ils ögls; perche ch'el ais da mia vart

dretta, acio ch'eu non vegna moven-tâ.

* Ps. 16, 8.

26. Per quai s'ha allegrâ meis cour, e mia lingua ha güvlâ, ed eir mia charn vain ad abitar in spranza.

27. Perche tü non vainst a laschar mi'orma in lous suot terra, e non permetterast, cha teis sanct vezza corrupziun.

28. Tü m' hast fat cognoscher las vias della vita, tü vainst am implir con leidezza con tia fatscha.

29. Homens frars, bain as po dir a vus libramaing davart il patriarc David, * ch'el ais mort, ed ais sepuli, e seis monumaint ais pro nus infin a quai di.

* 1 Reg. 2, 10.

30. El dimena, essendo profet, e saviant * cha Deis l'avaiva con il saramaint impromiss, cha dal früt da seis flanes, seguond la charn, el gnis a sdasdar sü Cristo, per il far zer stin seis trun;

* Ps. 132, 11.

31. Preveziand las chosas a vegnir, favlet el dalla resüstanza da Cristo, dschand, cha si'orma non saja laschada in lous suot terra, e cha sia charn non haja vis corrupziun.

32. Quel Gesu ha Deis sdasdâ stü, dal che nus tuots eschan perdüttas.

33. El dimena, essendo stat adozzâ dalla dretta vart da Dieu, * ed aviand ardschvü dal bap l'impromissiu del Spiert Sanct, ha spans oura quai, cha vus uossa vezzais ed udis.

* Gioan. 14, 26.

34. Perche David non ais it sü in tschel; anzi el istess disch: * Il Segner ha dit a meis segner, sezza da mia vart dretta,

* Ps. 110, 1.

35. Fin ch'eu haja tschantâ teis inimis per schabell da teis peis.

36. Contuot, sapcha sgüramaing tuot la chasa d'Israel, cha quel Gesu, cha vus avais crucifichâ, ha Deis fat Segner e Cristo.

37. Ma quels, aviand udì quai chasas, füttan els compunts nel cour, e dischan a Petro, ed als oters apostels: Frars, che dessan nus far?

38. E Petro disch ad els: S'meldrai, e scodün da vus vegna battiâ nel nom da Gesu Cristo, in remissiuon dels puchats; schi gnis vus ad ardschaiver il dun del Spiert Sanct.

39. Perché a vus ais fatta l'impro-missiu ed a voss infants, ed a quels, chi *regnan a gnir* per bler temp davo, a quants il Segner nos Deis vain a clamar.

40. E con blers plets protestaiv' el *ad els*, e 'ls cuffortaiva, dschand: As salvai da quaista perversa gene-razion.

41. Quels dimena, ils quals voluntu-samaing ardschvettan seis pled, gnit-tan battiats; ed in quel di füttan aggiuntas alla baselgia in circa da traja milli persunas.

42. Ma els eiran perseverants nella doctrina dels apostels, e nella co-munium, e nel rumper il pan, e nellas oraziuns.

43. Ed ogni persuna avaiva temma; e blers signals e miraculs dvantaivan tras ils apostels.

44. E tuots quels, chi crajettan, eiran insembel, * ed avaivan ogni chosa in comunium, * Act. 4, 32, 34.

45. E vendaivan las possessiuns e bains; e 'ls distribuivan a tuots, se-guond cha scodiin avaiva bsögn.

46. E perseveraivan d'ingual con-sentimaint tuots il dis nel taimpel; * e, rumpand il pan da chasa in cha-sa, pigliaivan els spaisa insembel, con leidezza e simplicità del cour.

* Act. 20, 7.

47. Lodand Deis, ed * aviand gra-zia pro tuot il pövel. E 'l Segner mettaiva via pro alla baselgia ogni di quels, chi avaivan d'esser salvs.

* Luc. 2, 52.

CHAP. III.

Ūn miracul da Petro, e predgia penitenziala ed evangelica.

MA Petro e Gioanne giaivan sü in-sembel nel taimpel, alla * no-vav' ura, *chi ais* l'ura dell'oraziun.

2. E 's portaiva ün tschert hom, zop dal vainter da sia mamma innan, il qual ogni di eira tschantâ avant la porta del taimpel, ditta bella, per giavütschar l'almosna da quels, chi intraivan nel taimpel.

3. Quaist, aviand vis Petro e Gio-anne, ch'eiran per intrar nel taimpel, domandet dad els l'almosna.

4. E Petro, con Gioanne, aviand

guardâ in el fissamaing, disch: Guar-da a nus!

5. Ed el ils guardaiva attentamaing, spettand d' ardschaiver qualche-sa dad els.

6. Ma Petro disch: Eu non ha ne argient, ne or; ma quai ch'eu ha dun eu a tai; nel nom da Gesu Cristo, il Nazareer, leiva sü e chamina!

7. E, l'aviand tut per il man dret, l'alvantet el; ed in quel istant sias plantas, e chanvellas as fermettan,

8. Ed el con ün sagl as drizzet in pè e chaminaiva; ed intret con els nel taimpel, chaminand e saglind, e lo-dand Deis.

9. E tuot il pövel il vezett chaminar e lodar Deis;

10. E 'l cognoschettan, ch'el eira quel, chi sezzaiva sün la porta bella del taimpel, per *giavütschar* l'almosna; e füttan plains da snuizi e da stupur, per quai chi l'eira insontrâ.

11. Ed, intant cha quel zop, chi eira fat san, tгнаiva abbratschâ Petro e Gioanne, schi currit tuot il pövel stupi pro els al portie, * dit da Sa-lomon.

* Gioan. 10, 23.

12. E Petro, aviand vis *quai*, favlet el al pövel *dschand*: Homens Israe-lits, perché as smüravgliais da quaist? Ovvero, perché affissais in nus ils ögl, seo scha tras nossa pro-pria virtù o santità, nus avessan fat cha quaist chamina?

13. * Il Deis d'Abraham, e d'Isac, e da Jacob, il Deis da noss babuns, ha † glorificâ seis figl Gesu, il qual vus mettettat in man da Pilato, e snejettat avant el, schabain ch'el güdichaiva ch'el dovess esser liberâ.

* Act. 5, 30. † Gioan. 17, 1.

14. * Ma vus snejettat il sanct, e 'l güst, e giavütschettat chi 's füss dunâ ün homicider.

* Matt. 27, 20.

15. E mazettat * il princi della vita, il qual Deis ha sdasdâ sü dals morts, dal qual nus eschan perdüttas.

* Ebr. 2, 10.

16. E tras la cretta nel nom da quel, ha seis nom affermâ quaist, il qual vus vezzaiz e cognoschais, e la cretta chi ais tras quel l'ha dat quaista in-tera disposiziun da membra, in pre-senza da tuots vus.

17. Ma uossa, frars, sa eu, cha vus fettat quai * per ignoranza, seo eir voss redschadurs.

* Luc. 23, 34.

18. Ma Deis ha compli in quaista maniera las chosas, ch' el avaiava via avant annunziâ tras la bocca da tuots seis profets, cioè cha seis Cristo gnis ad indürar.

19. Contuot, as meldrai, e's converti; acio cha voss puchats sajan chassats, cur ils temps del arfraïschamaint saran gnüts dalla presenza del Segner.

20. E ch' el s' averà tramiss Gesu Cristo, chi s' ais stat representâ;

21. Il qual il tshel sto tgnair, fin al temp della restoraziun da tuottas chosas; dallas qualas Deis ha favlâ tras la bocca da tuots seis sanets profets, da principi del muond innan.

22. Perche Mose istess disch als habuns: * Il Segner, vos Deis vain as sdasdar sü ün profet our da voss frars, seo mai; tadlai quel in tuot las chosas ch' el vain as dir.

23. E dvanterà, ch' ogni orma, chi non averà tadlâ quel profet, sarà desdrütta our dal pövel.

24. Ed eir tuots ils profets da Samuel innan, e nels temps seguaints, tuots quels, chi han favlâ, han eir annunziâ quaists dis.

25. Vus eschat ils figls dels profets, e della lïa, cha Deis fet con noss habuns, dschand ad Abraham: * Ed in teis sem tuot las naziuns della terra saran benedidas.

* Gen. 12, 3. e 18, 18. e 22, 18. e 26, 4.

26. A vus ha Deis, dopo avair sdasdâ sü Gesu seis figl, tramiss il prüm, per as benedir, pür cha scodün da vus as convertescha da sias iniquitats.

CHAP. IV.

Petro e Gioanne defendan non stramantadamaing la causa da Cristo avant ils seniurs del pövel, e'l confessan; ils scolars fan oraziun, e la baselgia ais unida in müravgliusa charità.

MA, intant cha quels favlaivan al pövel, schi gnittan pro els ils sacerdots, e'l capo del taimpel, e'ls Sadduceers.

2. Avand zuond invidas, ch' els mossaiavan il pövel, ed annunziaivan in Gesu la resüstanza dels morts.

3. E mettettan ad els ils mans adöss, e'ls mettettan in preschun, fin al di seguaint, perche l'eira agià saira.

4. Ma blers da quels, chi avaiavan udi'l pled, erajettan; e'l nomer dels homens dvantet intuorn tschinch milli.

5. E'l di seguaint, ils redschadurs, seniurs e scrivants dels Güdeus as raspettan in Gerusalem;

6. Insembl con * Anna, grand sacerdot, e Cajafa, e Gioanne, ed Alexandro, e tuots quels, chi eiran dalla schlatta sacerdotala.

* Luc. 3, 2. Gioan. 11, 49.

7. Ed, aviand els fat comparair qua in mez *Petro e Gioanne*, ils domandettan els: Con che possanza, o in nom da chi avais fat quai?

8. Lura Petro, plain del Spiert Sanet disch ad els: Redschadurs del pövel, e seniurs d'Israel!

9. Siand cha nus hoz gnin examinats davart ün benefizi, *fat* ad ün crastian amalà, *per savair* co el saja fat san;

10. Schi saja a vus tuots fat a savair, ed a tuot il pövel d'Israel, cha *quai ais fat* nel nom da Gesu Cristo, il Nazareer, il qual vus avais crucifichâ, e'l qual Deis ha sdasdâ sü dals morts; tras *virtü da* quel compara quai crastian con plaina sandà in presenza vossa.

11. Quel ais * quella peidra, chi ais statta da vus edificadurs spredschada, la quala ais dvantada il cheu del chantun.

* Ps. 118, 22.

12. Ed in ingün oter non ais il salüd; perche cha non ais alchün oter nom suot il tshel, chi saja dat als crastians, tras il qual nus dessan gnir salvs.

13. Ma quels, aviand vis la libertà da Petro e da Gioanne; ed, aviand inclet, ch' els eiran glied sainza lettra, ed idiots, as smüravgliaivan els, e cognoschettan bain, ch' els eiran stats con Gesu.

14. E, veziaand els quel crastian, chi eira stat guari, *qua* presaint con els, non podaivan els dir inguotta incunter.

15. Ed, aviand ad els comandâ d'ir our dal consistori, conferivan els tanter pèr,

16. Dschand: Che volain nus far a quaists erastians? Perche l'ais contschaint a tuots ils abitants da Gerasalem, ch'ün evidaint miracul ais dad els fat; e non podain snejar quai.

17. Ma, acio cha *quaist* non as rasa oura plü fieh tanter il pövel, schi scomandain ad els con severas imnatschas, cha non favellan plü ad alchün crastian in *quaist* nom.

18. E, 'ls aviand clamats, als denunziettan els, ch'els dafat non tschanschessan, e non mossessan nel nom da Gesu.

19. Ma Petro e Gioanne, rispondand, dischan ad els: Güdichai vus, *scha'l ais güst nel conspet da Dieu, d'obedir a vus, ant co a Dieu.

* Act. 5, 29.

20. Perche, quant a nus, non podain nus interlaschar da favlar las choshas, cha nus avain vis, ed udi.

21. E quels, ils aviand danöv imnatschats, ils laschettan ir, non chattand inguotta da 'ls podair chastiar, *per chaschun del pövel; perche tuots glorifichaivan Deis per quai chi eira stat fat.

* Matt. 21, 26. Luc. 20, 6. Act. 5, 26.

22. Perche 'l crastian, via dal qual eira stat fat quel miracul della sandà, eira d'età plü co da quarant'ans.

23. Ma quels, siand stats tramiss davent, gnittan pro 'ls lur, e referittan *ad els* tuot las choshas cha 'ls principals sacerdots e 'ls seniurs avaiavan dit ad els.

24. E quels, las aviand udidas, ozettan d'ingual consens la vusch sü pro Dieu e dischan: Segner, tü *est* il Deis, chi hast fat il tsel e la terra, e 'l mâr, e tuot las choshas chi *sun* in quels.

25. Chi hast dit tras la bocca da David, teis serviant: *Perche han rumurà 'ls pövels, e 'ls pövels s'han impissats choshas vanas?

* Ps. 2, 1.

26. Ils rais della terra sun'comparrüts, e 'ls princips s'han raspats insembel conter il Segner, e contra seis Cristo.

27. Perche vairamaing contra teis sanct figl, il qual tü hast onschü, s'han raspats Erode, e Ponzio

Pilato, insembel con ils pajans, e con ils pövels d'Israel.

28. Per far tuot las choshas, *cha teis man, e teis cossagl avaiavan vavant determinâ, chi gnis fat. * Act. 2, 23.

29. Ma al presaint, Segner, guarda sün lur imnatschas, e conceda a teis serviants da tschantshar teis pled con ogni libertà.

30. Spordschand teis man, acio chi's guarescha, e 's fetschan insainas e strangezzas, tras il nom da teis sanct figl Gesu.

31. E, dopo ch'els avettan urâ, tremblent il *lö, ingio els eiran raspats; e gnittan tuots plains del Spiert Sanct, e tschantschaivan il pled da Dieu con libertà; * Act. 2, 24.

32. E la quantità da quels ch'avaiavan cret avaiav'ün istess cour, ed ün'istess'orma; ed *ingün non dschaiva ch'alchüna chosa da quai ch'el avaiava, füss sia; ma tuot las choshas eiran ad els comünas. * Act. 2, 44.

33. E 'ls apostels con granda forza daivan testimonianza dalla resüstanza del Segner Gesu; e *granda grazia eira sur els tuots.

* Act. 2, 47.

34. Perche qua non eira alchün manglus tanter els; perche cha tuots quels, chi possedaivan champs, o chasas, las vendand, portaivan il pretsch dellas choshas vendüdas;

35. E 'l mettaivan avant ils peis dels apostels; e lura gniva distribui a scodün, seguond ch'el avaiava bsögn.

36. Ma Giosef, surnomnâ dals apostels Barnaba, il qual, siand miss oura, voul dir: Figl da cuffort, levit, Ciprianer da nazium;

37. Aviand ün champ, il vendet, e portet il danêr, e 'l mettet avant ils peis dels apostels.

CHAP. V.

L'istoria d'Anania con sia duonna; ils apostels, siand prais, vegnan miss in preschun, ma liberats d'ün angel, e lura manats avant il consistori, e da Gamaliel liberats dalla mort, ma battüts.

MA ün tsebirt hom, *clamâ* per nom Anania, con Saffira, sia muglier, vendet üna possessiun,

2. E frodet dal pretsch, con sapchüda da sia muglier; ed, aviand portâ üna part, la mettet el avant ils peis dels apostels.

3. Ma Petro dschet: Anania, perche ha satanas impli teis cour, per mentir al Spiert Sanet, e frodar dal pretsch della possessiun?

4. Sch' ella restaiva, non restaiv' ella a tai? E siand vendüda, non eira ella in tia pussanza? Perche hast tut avant tai sves in teis cour quaista chosa? Tü non hast menti alla gliend, ma a Dieu.

5. Ed Anania, udind quaists plets, erodet giò, e det sü il spiert. E granda temma gnit a tuots quels, chi u-dittan quaistas chosas.

6. E 'ls giuvens, siand alvats sü, il piglettan via; e, l'aviand portâ our, il sepulittan.

7. Ma dvantet intuorn trais uras davo, cha la muglier da quel, non saviant quai ch' eira incontrâ, intret,

8. E Petro la fet risposta, *dschand*: Di'm, avais vus per tant vendü la possessiun? Ed ella respondet: Schi, per tant.

9. E Petro la dschet: Perche s' avais convgnüts insembel da provar il Spiert del Segner? Mera, ils peis da quels, chi han sepuli teis marit, *sun* avant l'üsch, e quels vegnan a't portar via.

10. Ed ella in quel istant erodet giò avant ils peis da quel, e det sü il spiert. E 'ls giuvens, siand intrats, la chattettan morta, e, l'aviand portada via, la sepulittan els sper seis marit.

11. E granda temma gnit sur la baselgia, e sur tuots quels, chi udivan quaistas chosas.

12. E blers signals e strangezzas gnivan fattas tanter il pövel tras ils mans dels apostels, e quels tuots d'ingual consens as chattaivan * nel portie da Salomon.

* Act 3, 11.

13. Ed *ingün dels oters non aschaita's compagnar con els; ma 'l pövel ils magnificaiva.

* Gioan. 9, 22.

14. E plü vi e plü gnivan pro *persunas*, chi crajaivan nel Segner, homens e donans in grand nomber,

15. Tal chi portaivan ils amalats sün las plazzas, e 'ls mettaivan sün lets e cuotchas; acio cha, cur Petro gnis, almain sia sumbriva sursumbrivess alehün d'els.

16. La quantità cir dellas cittats

circonvicinas curiva pro in Gerusalem, portand ils amalats, e quels ch' eiran tormentats dals spierts malnets ils quals tuots guivan fats sans.

17. Ma 'l grand sacerdot alvet sü, insembel con tuots quels ch' *eiran* con el, ch' eira la secta dels Sadduceers, essendo plains d'invilgia;

18. E mettettan man als apostels, e 'ls tschantettan nella preschun publica.

19. Ma * ün angel del Segner da not avrit las portas della preschun; e 'ls aviaand condüts oura, disch el *ad els*:

* Act. 12, 9.

20. It, ed as presentai nel taimpel, e raschunai al pövel tuots ils plets da quaista vita.

21. E quels, aviaand *quai* udi, intrettan sül selarir del di nel taimpel, e mossavian. Ma 'l grand sacerdot, e quels ch' *eiran* con el, gnittan, e raspettan il consistori, e tuots ils seniurs dels infants d'Israel, e tramettettan nella preschun, per far manar *nan avant els* ils apostels.

22. Ma 'ls sergents, siand rivats pro la preschun, non ils chattettan l'aint; dinuonder els turnettan, e fettan *lur* relaziun,

23. Dschand: Nus avain bain chattâ la preschun serrada con ogni diligenza, e las guardias in pè avant las portas; ma, *las* aviaand avridas, non avain nus qua chattâ alehün l'aint.

24. Ma, cur il grand sacerdot, * e 'l capo del taimpel, e 'ls principals sacerdots avettan udi quaistas chosas, eiran els in dubi davart els, che chosa quai podess esser.

* Luc. 22, 4.

25. Ma ün tschert crastian rivet qua pro, il qual referit, e disch ad els: Mera, quels homens, cha vus mettettat in preschun, sun nel taimpel, e stan *qua*, mossand il pövel.

26. Lura il capo *del taimpel*, con ils sergents, get là, e 'ls manet, na pero con violenza; perche els tmaivan il pövel, chi non gnissan accrappats.

27. Ed, ils aviaand manats, ils presentettan els al consistori, e 'l grand sacerdot ils domandet,

28. Dschand: * Non s' avain nus da-fat seomandâ da mossar in quai

nom? Ed impero mera, vus avais impli Gerusalem con vossa doctrina, e 'ns volais trar adöss il sang da quaist crastian.

29. Ma Petro e 'ls *oters* apostels, respondand, dischan: E's bsögna obedir avant a Dieu co alla glièud.

30.* Il Deis da noss babuns ha sdas-dâ sù Gesu, il qual vus mazzettat, l'aviand pendü vi' al lain. *Act. 3, 13.

31. Ma Deis l'ha * adozzâ con seis man dret, e l'ha fat princi e salvar, per dar penitenza ad Israel, e remissiun dels puchats. *Act. 2, 33.

32. E nus al eschan perdüttas da quaistas chosas cha nus dschain; * ed eir il Spiert Sanct, il qual Deis ha dat a quels chi l'obedeschan.

* Gioan. 15, 26. 27.

33. Ma quels, aviand udi *quaistas chosas*, buglivan d'ira, e consultaivan da 'ls mazzar.

34. Ma ün tshert Fariseer, *clamâ* per nom * Gamaliel, doctur della ledscha, onorâ pro tuot il pövel, siand alvâ in pè nel consistori, comandet, cha 'ls apostels gnissan ün pa manats oura.

* Act. 22, 3.

35. Lura disch el a quels *del consistori*: Homens Israelits, s' inguardai supra quaists crastians, che chosa vus farat.

36. Perche, avant quaist temp alvet sù Teuda, dschand d'esser el qualcha grand hom, via pro'l qual as raspettan intuorn quatter tshient homens; ed el gnit mazzâ, e tuots quels chi l'avaivan dat fede füttan dissipats, e redüts ad inguotta.

37. Dopo el alvet sù Giuda, il Galileer, nels dis della rasseгна, il qual sviet davo sai bler pövel, el eir perit, e tuots quels chi l'avaivan dat fede füttan dispers.

38. Uossa dimena, 's di eu, s' argtnai da quaists crastians, e lascha 'ls ir; perche, scha quaist cossagl, o quaist' ouvra ais dalla glièud, schi vain ella a gnir dissipada;

39. Ma, sch' ella pür ais da Dieu, schi non la podais vus dissipar, e 's *perchürai*, cha forse vus non vegnat chattats da combatter eir con Dieu.

40. E quels al consentittan. Ed, a-

viand clamâ 'ls apostels, ils battettan els, e 'ls comandettan, chi non favlessan nel nom da Gesu; lura ils laschettan els ir.

41. E quels gettan davent dalla presenza del consistori, * s' allegrand, d'esser stats chattats degns da gnir vituperats per il nom da Gesu.

* Ebr. 10, 34.

42. Ed ogni di nel taimpel, e per las chasas, non interlaschaivan els da mossar, e d'evangelizar Gesu Cristo.

CHAP. VI.

Set diacons vegnan elets, dals quals Stefano vain prais, e fosamaing achüsâ.

MA in quels dis, as multiplichand ils scholars, dvantet ün bruncel dels Grecs conter ils Ebreers; perche lur * vaidguas eiran spredschas nel ministeri d'imminchadi.

2. E 'ls dudiesch, aviand raspâ la quantità dels scholars, dischan: E non ais conveniaint cha nus, interlaschand il pled da Dieu, servan allas maisas;

3. Per quai, frars, guardai *da chattar* tanter vus set homens, dals quals s' haja buna testimonianza, plains del Spiert Sanct, e da sapienza, ils quals nus constitueschan sur quaist affar.

4. E quant a nus, volain nus perseverar nell'oraziun, e nel ministeri del pled.

5. E quaist discuors plaschet a tuot la quantità; e tshernettan Stefano, hom plain da cretta, e del Spiert Sanct; * e Filippo, e Prochoro, e Nicanor, e Timon, e Parmena, e Nicolao, proselit Antiochener. * Act. 8, 5.

6. Ils quals els presantettan avant ils apostels, e quels, dopo avoir urâ, han miss ils mans sün els.

7. E l' * pled da Dieu creschaiva, e'l number dels scholars as multiplicheiva grandamaing in Gerusalem; granda quantità eir da sacerdots obediva alla cretta.

* Act. 12, 24. Col. 1, 6.

8. Ma Stefano, plain da cretta e da potenza, faiva grandas strangezzas e signals tanter il pövel.

9. Ed alchüns da quels della sinagoga, ditta dels Libertiners, e dels Cireneers, e dels Alessandriners, e

da quels da Cilicia e d'Asia, alvettan sü, dispuddant con Stefano.

10. E non * podaivan resister alla sapienza ed al spiert, tras il qual el tschantschaiva. * Luc. 21, 15.

11. Lura sdasdettan els sü homens, chi dschessan: Nus l'avain udi salvar discuors da blastemina contra Mose, e contra Dieu.

12. E moventettan sü il pövel, e 'ls seniurs e 'ls scrivants; ed, al giand adöss, il sdrappettan els davent, e 'l manettan avant il consistori;

13. E presantettan fosas perdüttas, chi dschaivan: Quaist crastian non ceda d'avair discuors da blastemina contra quaist sanct lö, e la ledscha,

14. Perche nus avain udi ch' el dschaiva, cha quaist Gesu il Nazareer vegna a desdrür quaist lö, e müdar las üsanzas, cha Mose ans ha dat.

15. E tuots quels chi sezzaivan nel consistori, aviand affisâ in el ils ögls, vezzettan els sia fatscha, simila alla fatscha d'ün angel.

CHAP. VII.

La predgia da Stefano, declarand il pentateuch, q. a. ils 5. eudeschs da Mose, e co ch'el saja accrappâ.

E 'l grand sacerdot al dschet: Sun quaistas chosas in quella guisa?

2. Ed el disch: Homens, frars e baps, tadlai: Il Deis della gloria apparet ad Abraham, nos bap, intant ch' el eira in Mesopotamia, ant ch' el abites in Charan;

3. * E 'l dschet: Vâ our da teis pajais, e d'avent da tia parantella, e vè in ün pajais, il qual eu't vögl mossar. * Gen. 12, 1. 5. 6.

4. Lura * tret el our dal pajais dels Caldeers, ed abitet in Charan; e da là, dopo cha seis bap füt mort, il fet *Deis* müdar stanza, e gnir in quaist pajais, nel qual uossa vus abitais. * Gen. 11, 31.

5. E non al det alehüna ierta in quel, brich' ün pè da terra. Ma l'avai-va impromiss, da 'l dar per possesiun ad el, ed a seis sem davo el, lura ch' el non avaiva amo alehün infant.

6. Ma Deis favlet usche, cha * seis sem vegna a dmurar seo forestèr in ün pajais eister, e cha qua vegn' el

a gnir tgnü in servitü, e maltrattâ quatter tschient ans. * Gen. 15, 13. 16.

7. Ma, disch Deis, eu vögl far güdizi della naziun, alla quala els averan servi; e lura davo *quai* vegnan els a trar oura, e 'm serviran in quaist lö.

8. * E 'l det la lia della circonciun; ed usche † *Abraham* generet Isaac; e 'l circoncidet nel ottavel di; ed ** Isaac generet Giacob, e †† Giacob ils dudesch patriares. * Gen. 17, 10.

† Gen. 21, 2. ** Gen. 25, 26.

†† Gen. 29, 32, e 30, 5. e 35, 23.

9. * E 'ls patriares, portand invilgia a Giosef, il vendettan, *per gnir manâ* in Egipto, e Deis eira con el;

* Gen. 37, 28.

10. E 'l liberet da tuot sias afflicziuns, * e 'l det grazia e sapienza avant Farao, rai d'Egipto, il qual il constituit governatur sur l'Egipto, e sur tuot sia chasa. * Gen. 41, 38.

11. Ma * e gnit üna fam, e grand' anguoscha sur tuot il pajais d'Egipto, e da Canaan; e noss babuns non chattaivan victualia. * Gen. 41, 54.

12. * E Giacob, aviand udi, cha in Egipto eira gran, schi tramettet el la prüma vouta noss babuns; * Gen. 42, 1.

13. * E nella seguonda füt Giosef cognoschü da seis frars, e la schlatta da Giosef füt fatta manifesta a Farao. * Gen. 45, 4. 16.

14. E Giosef tramettet a clamar Giacob, seis bap; * e tuot sia parantella, *chi eira* da settant' e tschinch ormas. * Gen. 46, 27.

15. * E Giacob tret giò in Egipto, e morit el, e noss babuns; * Gen. 46, 5.

16. E füttan * transportats in Sichem, e tschantats nella sepultura, la quala Abraham avaiva per pretsch da danèrs comprâ dals figls d'Emmor, *bap* da Sichem.

* Exo. 13, 19. Gen. 33, 19.

17. Ma, cura s' approssaiva 'l temp dell' impromissiu, la quala Deis avai-va gürä ad Abraham, * schi creschet il pövel, e 's multiplichet in Egipto,

* Exo. 1, 7. 8. 9.

18. Fin cha alvet sü ün oter rai in Egipto, il qual non avaiva cognoschü Giosef.

19. Quaist, procedand astutamaing contra nossa schlatta, trattet mal

noss babuns, * fand *ad els* bëttar davent lur pitschens infants, acio ch'els non creschessan plü. * Exod. 1, 22.

20. * In quel temp naschet Mose, ed eira agreabel a Dieu, e füt nudriâ trais mais in chasa da seis bap.

* Exod. 2, 2,

21. Dopo lura, essendo stat miss oura, schi'l piglet aint la figlia da Faraò, e'l tret sü a sai per figl.

22. E Mose gnit mossâ in tuot la sapienza dels Egipters; ed eira potent in seis dits e fats.

23. E, * cur el füt gnü sü all'età da quarant' ans, schi'l gnit in sen d'ir a visitar seis frars, ils infants d'Israel.

* Exod. 2, 11.

24. Ed, aviand el vis ün, al qual eira fat tort, schi'l succurrit el; e fet la vendetta del chalhâ, mazzand l'Egipter.

25. Ma el stimaiva cha seis frars inlegessan, cha Deis eira per dar ad els salut tras seis man; ma quels non inlegettann *quai*.

26. E'l di seguaint compareteltanter els, intant ch'els dispittaiyan; ed el ils aviset da far pasch, dschand: O homens, vus eschat frars; perche 's fais tort l'ün l'oter?

27. Ma quel chi faiva tort a seis prossem il rebüttet, dschand: Chi 't ha constitui principi e güdisch sur nus?

28. Am voust tü mazzar sco tü mazzettast her l'Egipter?

29. E sün quaiست pled fùgit Mose, e dmuret sco forestèr nel pajais da Madian, ingio el generet duos figls.

30. * E dopo quarant' ans, l'angel del Segner l'apparet nel desert del munt Sina in üna flama da fö d'ün spinatsch.

* Exod. 3, 2.

31. E Mose, l'aviand visa, 's müraglet da quella visiun; e, cur el s'aprosmaiva per considerar, *che chosa quai füss*, schi'l füt la vusch del Segner *indrizzada*,

32. *Dschand*: Eu sun il Deis da teis babuns, il Deis d'Abraham, e'l Deis d'Isac, e'l Deis da Giacob. E Mose, da temma trembland, non aşchaiva considerar.

33. E'l Segner al dschet: Tir' oura las şarpas da teis peis; perche'l lö, sü'l qual tü stast, ais terra sancta.

34. Tschert, eu ha vis l'afflicziun da meis pövel, chi *ais* in Egipto, ed ha udi lur suspürs, e sun gnü giò per ils liberar; uossa dimena, vè, eu 't vögl trametter in Egipto.

35. Quel Mose, il qual els avaiyan snejâ, dschand: Chi 't ha constitui principi e güdisch? Quel tramettet Deis *ad els* per redschadur, e liberatur, tras il man del angel, chi l'eira apparü nel spinatsch.

36. Quel ils condüet oura, aviand fat signals, e strangezzas nel pajais d'Egipto, e nel mâr cotschen e nel desert, il spazi da quarant' ans.

37. Quel Mose, il qual disch als infants d'Israel: * Il Segner, vos Deis vain as sdasdar sü ün profet intanter voss frars, sco mai, tadlai quel;

* Deut. 18, 15.

38. * Quel ais quel, chi nella raspada nel desert, füt con l'angel, chi favlaiva ad el sül munt Sina, e con noss babuns, ed ardschvet ils plets da vita, per ils dar a nus; * Exod. 19, 3, 17.

39. Al qual noss babuns non volettan esser obediants; anzi'l rebüttettan, e 's volvettan con lur cours vers Egipto,

40. * Dschand ad Aaron: Fa'ns deis chi gijajan avant a nus; perche quant a quaiست Mose, chi'ns ha condüts our dal pajais d'Egipto, non savain nus, che chi 'l saja insonträ.

* Exod. 32, 1.

41. Ed in quels dis fettan els ün vadè, ed offerittan sacrifici al idol, e 's allegrettan nellas ouvas da lur mans.

42. E Deis as volvet inavo, e'ls surdet a servir al exercit del tschel; sco l'ais scrit nel cudesch dels profets: * Chasa d'Israel, m'offerittat vos sacrificis, ed offertas, il spazi da quarant' ans, nel desert?

* Amos 5, 25.

43. Anzi, vus portettat il tabernacul da Moloc, e la staila da vos dieu Remfan; las figüras, las qualas vus avaiyat fat per las adorar; per quai 's vögl eu transportar da là da Babilon.

44. Il tabernacul della testimonianza eira sper noss babuns nel desert; sco avaiya comandâ quel chi avaiya dit a Mose, * ch'el il fess

segund la fuorma ch'el avaiava vis.

* Exod. 25, 40. Ebr. 8, 5.

45. * Il qual eir noss babuns ardschvettan, e 'l portettan con Giosua nel pajais ch'eira stat possedü dals pajans, ils quals Deis schatschet our d'avant noss babuns, fin als dis da David.

* Gios. 3, 14.

46. Il qual chattet grazia nel conspet da Dieu, e * giavüschet da chat-tar üna stanza al Deis da Giacob.

* Ps. 132, 4.

47. Ma Salomon füt quel, chi l'edifichet üna chasa.

48. * Ma l'otissem non avda in taim-pels fats tras ouvras da mans; sco disch il profet:

* 1 Reg. 8, 27.

49. * Il tselhel ais meis trun, e la terra il schabell da meis peis; che chasa 'm volessat edificar? Disch il Segner; o qual gnis ad esser il lö da meis ripos?

* Es. 66, 1.

50. Non ha meis man fat tuot quai-stas chosas?

51. * Crastians da dür culöz, e † non circoncis da cour e d'uraglias, vus contrastais saimper al Spiert Sanct; sco fettan voss babuns, usche fais eir vus.

* Exod. 32, 9. Es. 48, 4. † Deut. 10, 16. Ger. 4, 4.

52. Qual dels profets non perseguit-tettan voss babuns? Els mazzettan eir quels chi viavant amunziaivan la vgnüda * del Güst, del qual vus al presaint eschat stats traditurs, e mor-ders;

* Act. 3, 14.

53. Vus, * chi avais ardschvü la led-scha, fand ils angels las publicaziuns, e non l'avais observada.

* Exod. 20, 1.

54. Ma quels, udind quaiastas cho-sas, * as rabgiantettan in lur cours, e sgrizchaivan ils daints conter el.

* Act. 5, 33.

55. Ma el, essendo plain del Spiert Sanct, aviand ils ögls affissats vers il tselhel, vezzet la gloria da Dieu, e Gesu chi staiva dalla vart dretta da Dieu.

56. E disch: Mera, * eu vez ils tselhels averts, e 'l figl del crastian chi sta dalla vart dretta da Dieu.

* Matt. 3, 16.

57. Ma quels, alvantand ün grand bragizi, züglettan lur uraglias, e tuots insembel d'ingual consens sa-glittan via sün el;

58. E, l'aviand chatschâ our dalla città, l'acerappettan els, e las perdüt-tas * mettettan giò lur rassas pro 'ls peis d'ün giuven, clamâ Saulo.

* Act. 22, 20.

59. Ed accrappaivan Stefano, chi clamaiva in agüd Gesu, e dschaiva: Segner Gesu, * ardschaiva meis spiert.

* Ps. 31, 6.

60. Lura, s'aviand tschantâ in snuo-glias, bragit el ad ota vusch: Segner, * non imputar ad els quaiast pucha. Ed, aviand dit quaiast, as dormenzet el.

* Matt. 5, 44.

CHAP. VIII.

Saul perseguittescha la baselgia; Samaria accetta il pled da Dieu; Simon Mago; e l'eunuc della regina Candace vain battizâ da Filippo.

MA * Saul avaiava consenti alla mort da quel. E qua in quel temp füt granda persecuziun contra la baselgia chi eira in Gerusalem, e tuots füttan dispers per las contradas della Giudea, e della Samaria, resalv ils apostels.

* Act. 22, 20.

2. Ed alchüns homens religius por-tettan a sepolir Stefano, e fettan grand cordöli per el.

3. Ma * Saul devastava la baselgia, intrand da chasa in chasa; ed, aviand trat our homens e donans, ils met-taiv' el in preschun.

* Act. 22, 4. 1 Cor. 15, 9. Gal. 1, 13. 1 Tim. 1, 13.

4. Quels dimena, chi füttan dispers, giaivan intuorn, evangelizand il pled.

5. E Filippo get giò nella città da Samaria, e predget ad els Cristo.

6. Ed il pövel d'ingual consens at-tendaiva allas chosas dittas da Fi-lippo, udind e vezziand ils miraculs ch'el faiva;

7. Perche 'ls spierts malnets gia-ivan our da blers chi 'ls avaiavan, bragind con granda vusch; blers schirats eir, e zops gnivan medgiats.

8. E qua füt grand' allegrezza in quella città.

9. Ma in quella città eira il prüm stat ün hom, clamâ per nom Simon, chi exercitaiva las arts magicas, e surmanaiv' il pövel da Samaria, dschand, ch'el füss qualcha grand hom.

10. E tuots, dal grand al pitschen,

attendaivan ad el, dschand: Quaist ais la granda potenza da Dieu.

11. Ma attendaivan ad el, per quai ch' el agià da lung temp innan ils avai' inchantats con *sias* arts magicas.

12. Ma, cur els avettan cret a Filippo, il qual evangelizaiva las chosas *appartenentas* al reginam da Dieu, ed al nom da Gesu Cristo, schi gnittan els battiats tuots, homens e donans.

13. E Simon crajet eir el; ed, essendo stat battià, schi 's tgnai' el da contin con Filippo; e, veziand el las potentas operaziuns e signals, chi gnivan fats, as stupiv' el.

14. Ma 'ls apostels chi *eiran* in Gerusalem, aviand incelet, cha Samaria avai' ardschvü 'l pled da Dieu, trametttan ad els Petro e Gioanne,

15. Ils quals, siand gnüts giò là, orettan per els, acio ch' els ardschvessan il Spiert Sanet;

16. (Perche quel * non eira amo erodà sur alchün d' els; ma sulamaing eiran els battiats nel nom del Segner Gesu.) * Act. 19, 2. Matt. 28, 19.

17. Lura mettettan els ils mans süin els, e quels ardschvettan il Spiert Sanet;

18. Ma Simon, veziand cha tras l'imposiziun dels mans dels apostels, gniva dat il Spiert Sanet, schi proferit el ad els danêrs,

19. Dschand: Dat eir a mai quaista pussanza, cha quel, al qual eu vegn a metter süi ils mans, ardschaiv' il Spiert Sanet.

20. Ma Petro al dschet: Giajan tei danêrs con tai a perdiziun, siand cha * tü hast stimà, cha 'l dun da Dieu s'acquista con danêrs! * Matt. 10, 8.

21. Tü non hast part, ne sort alchüna in quaist pled; perche tei cour non ais dret avant Dieu.

22. Contuot at meldra da quaista tia malizia; e rova a Deis, scha 't gnis forse perdunà l'impissamaint da tei cour.

23. Perche eu vez, cha tü est plain feil d' amarezza, ed in liams d' iniquità.

24. E Simon, respondand, disch: Fat vus per mai oraziun al Segner, ch' in-

guotta da quai, ch' avais dit, non vegna sur mai.

25. Quels dimena, dopo avoir testificâ, ed annunziâ 'l pled del Segner, turnettan dacheu in Gerusalem; ed evangelizettan a blers vihs dels Samaritans.

26. Ma ün angel del Segner favlet a Filippo, dschand: Stà süi, e vâ vers il mezdi, sülla via chi vain giò da Gerusalem a Gaza, la quala ais deserta.

27. Ed el, siand alvâ süi, get inavant; e mera, ün hom Etiop, eunue, barun da Candace, regina dels Etiops, chi eira superintendent da tuot ils terrors da quella, il qual eira gnü a Gerusalem per adorar.

28. Ma el turnaiva, e, sezzand süin seis charr, legiaiv' el il profet Esaja.

29. E 'l Spiert disch a Filippo: T' approsma via, e segua a quaist charr.

30. E Filippo currit via pro, ed udit, ch' el legiaiv' il profet Esaja, e 'l dschet: Inclegiast tü las chosas cha tü legiast?

31. Ed el disch: E co *las* dess eu podair *inclar*, oter co sch' alchün m' intragnida? E rovet Filippo, ch' el muntess e sezzess con el.

32. Ma 'l lö della scrittüra ch' el legiaiva eira quaist: * El ais stat manâ alla mezcha sco üna nuorsa, ed a guisa d' ün agnè, ch' ais mütt avant quel ch' il tuonda, usche non ha el avri sia bocca. * Es. 53, 7.

33. Per sia bassezza ais sia condannaziun tuta davent; ma chi requinterà sia età? Perche cha sia vita ais stata tuta via dalla terra.

34. E l' eunue respondet a Filippo e disch: Da chi, eu 't rov, disch quaist il profet? *Disch el quai* da sai stess, o pür d' ün oter?

35. E Filippo, aviand avri la bocca, e comanzand con quaista scrittüra, l' evangelizet Gesu.

36. Ed, intant ch' els giaivan süin lur viadi, rivettan els pro üna tschert' aua. E l' eunue dschet: Mera *qui* aua, che impedescha, ch' eu vegna battià?

37. E Filippo disch: Scha tü crajast con tuot il cour, schi aise licit. Ed el, respondand, disch: * Eu crai, cha

Gesu Cristo saja il figl da Dieu.

* Matt. 16, 16.

Gioan. 6, 69. Act. 9, 20. 1Gioan. 4, 15. e 5, 5.

38. E comandet, cha 'l charr as fermess; ed amenduos, Filippo e l'eunue, gettan giò nell' aua, e *Filippo* il battiet.

39. E, cur els füttan gnüts sü dall' aua, il Spiert del Segner sdrappet davent Filippo, e l'eunue non il vèzzet plü; perche el get inavant seis viadi tuot leger.

40. E Filippo's chattet in Azod; e, passand, evangelizet el a tuot las cittats, fin ch' el gnit in Cesarea.

CHAP. IX.

Conversioni e battaisem da Saulo; e co Petro haja medgià Enea, il zop, e fat resüstar Tabita.

MA * Saulo, sburfland amo imnatschas, e mazzacras conter ils scolars del Segner, gnit pro'l grand sacerdot,

* Gal. 1, 13. 1Tim. 1, 13.

2. E'l giavüschet chartas allas sinagogas in Damasco, acio cha, sch' el pür chattess alchüns da quaista secta, homens o donans, el ils maness liats in Gerusaleim.

3. Ma, * intant ch' el eira in viadi, dvantet cha, s' approsmand a Damasco, dandettamaing al splendurit intuorn üna glüm da tsel.

* Act. 22, 6. 26, 12.

4. E, siand crodâ in terra, udit el üna vusch, chi 'l dschaiva: Saul, Saul, perche 'm perseguitast?

5. Ed el dschet: Chi est, Segner? E'l Segner dschet: Eu sun Gesu, il qual tü perseguitast; e t'ais dür da trar ils chalchagns conter ils aguagls.

6. Ed el, tuot trembland, e plain da temma, disch: Segner, che voust tü ch' eu fetscha? E'l Segner al *disch*: Stà sü, ed intra nella città, schi vain a't gnir dit quai cha tü stost far.

7. Ma 'ls homens chi faivan viadi con el restettan attonits, udind bain la vusch, ma non veziand alchün.

8. E Saul alvet dalla terra; ed avrind ils ögls, non vezzaiv' el alchün; e *quels*, il manand per il man, il conduettan in Damasco;

9. E füt trais dis sainza vair, nels quals el non manget, e non bayet.

10. Ma qua in Damasco eira ün

tshert scolar, *clamâ* per nom Anania, al qual il Segner dschet in visium, Anania! Ed el dschet: Mera 'm qui, Segner!

11. E'l Segner al *dschet*: Stà sü e vâ nella strada, ditta dretta, e tshercha in chasa da Giuda ün hom, *clamâ* per nom Saulo, da Tarso; perehe, mera, el fa oraziun.

12. (Ma el avaiva vis in visium ün hom, *clamâ* per nom Anania, intrand e mettand il man sün el, acio ch' el recuperess la vezzüda.)

13. Ed Anania respondet: Segner, eu ha udi da blers da quaist hom, quant mals el haja fat a teis sanets in Gerusaleim.

14. E qui eir ha el autorità dals principals sacerdots, da far preschun tuots quels, chi claman in agüd teis nom.

15. Ma 'l Segner al disch: Vâ, perehe quaist m' ais ün vaschê elet, a portar meis nom avant ils pajans, e 'ls rais e 'ls infants d' Israel.

16. Perche eu al vögl mossar, quantas chosas el stova patir per meis nom.

17. Anania dimena get, ed intret in quella chasa; ed aviand * miss sün el ils mans, disch el: Frar Saul, il Segner Gesu, chi t'ais apparü per viadi, tras il qual tü gnivast, m'ha tramiss, acio cha tü recupereschast la vezzüda e vegnast plain del Spiert Sanct.

* Act. 8, 17.

18. Ed in quel istant al erodettan giò dals ögls sco pletschas, e subito ardschvet el la vezzüda; lura alvet el sü, e gnit battiâ.

19. Ed, aviand tut spaisa, as cuffortet el. E Saul stet alchüns dis con ils scolars, *chi eiran* in Damasco.

20. E subito as mettet el a predgiar Cristo nellas sinagogas, mossand, * ch' el saja il figl da Dieu.

* Act. 8, 37.

21. E tuot quels, chi l'udivan, as stupivan, e dschaivan: Non ais quaist quel, chi ha desdrüt in Gerusaleim quels, chi claman in agüd quaist nom? E non ais el eir gnü qui, per ils manar in preschun als principals sacerdots?

22. Ma Saul plü vi' e plü's rinforzaiva, e confondaiv' ils Güdeus, chi

abitaivan in Damasco, demonstrand cha quai *Gesu* füss il Cristo.

23. Ma, siand passats blers dis, fet-tan ils Giudeus cossagl insembel da 'l mazzar.

24. Ma lur insidias gnittan a notizia da Saulo. * Ma quels faivan la guardia allas portas, di e not, acio il possessan mazzar.

* 2 Cor. 11, 32.

25. Ma 'ls scolars, l'aviand tut da not, il laschettan a bass giò per il mür in üna chavagna.

26. E Saul, cur el füt rivâ in Gerusalem, provaiv' el da 's compagnar con ils scolars; ma tuots il tmai-van, non podiand crair, ch'el füss scolar.

27. Ma * Barnaba 'l piglet, e 'l manet pro 'ls apostels, e referit ad els, co per viadi el avaiva vis il Segner, e co el l'avaiva favlâ, e co el in Damasco avaiva libramaing tshantschâ nel nom da Gesu.

* Act. 4, 36.

28. * Ed el füt con els in Gerusalem, giand e gnand, e favland libramaing nel nom del Segner Gesu.

* Gal. 1, 18.

29. El favlaiv' eir, e dispittaiva con ils Grees; e quels tscherchaivan da 'l mazzar.

30. Ma 'ls frars, aviand savü *quai*, il condüettan in Cesarea, e *da là* 'l tramettettan els in Tarso.

31. Usche las baselgias, per tuot la Giudea, Galilea, Samaria, avaivan pasch, essendo edificadas, e chaminand nella temma del Segner, e nella consolaziun del Spiert Sanct, as multiplicaivan ellas.

32. Ma dvantet cha Petro, giand in tuorn pro tuots, gnit eir pro 'ls sancts, chi abitaivan in Lidda.

33. E qua chattet el ün crastian, *clamâ* per nom Enea, il qual agiâ d'ot ans innan giaschaiv' in let, essendo schirà.

34. E Petro al dschet: Enea, Gesu *chi ais* il Cristo, 't guarescha; leiva sü, e 't fâ svesch sü *il let*. Ed in quel instant alvet el sü.

35. E tuots ils abitants da Lidda e da Saron il vezzettan, e 's convertittan pro 'l Segner.

36. Ma in Joppe eira üna tscherta scolara, clamada Tabita; il qual *nom*,

siand miss oura, voul dir chavrioula (Dorca); quaiста eira plaina da bu-nas ouvras, e d'almonas, las qualas ella faiva.

37. Ed in quels dis dvantet ch'ella gnit amalada, e morit. E, dopo ch'ella füt lavada, gnit ella tshantada in üna sala.

38. E, siand cha Lidda eira vicin da Joppe, schi aviand ils scolars udi cha Petro eira qua, il tramettettan els duos homens, per il rovar, ch'el sainza contriar gniss fin pro els.

39. Contuot alvet sü Petro, e gnit con els. E, cur el füt rivâ, il manettan els nella sala, e tuot las vaidguas as presantettan ad el, eridand, e 'l mossand tuot la vestimainta, e las rassas, cha la Chavrioula faiva, intant ch'ella eira con ellas.

40. E Petro, aviand fat ir oura tuots, as mettet in snuoglias, e fet oraziun. Lura, siand vout vi' incoenter il corp, disch el: Tabita, leiva sü! Ed ella avrit ils ögls; ed, aviand vis Petro, alvet ella sü in sez.

41. Ed el la det il man, e la driz-zet sü; ed, aviand clamâ 'ls sancts, e las vaidguas, la presantet el *ad ellas* in vita.

42. E *quai* gnit contschaint per tuot Joppe, e blers crajettan nel Segner.

43. E Petro dmuret blers dis in Joppe, in chasa d'ün tschert Simon chönschadur.

CHAP. X.

Cornelio tras avis del angel fa clamar Petro, il qual süil comand da Dieu gnit pro el; e predgiand Petro gnit il Spiert Sanct sur Cornelio, e 'ls seis.

MA l'eira in Cesarea ün tschert hom, *clamâ* per nom Cornelio, chapitani della coorte, ditte Italiana.

2. Quel, *essendo hom* prus e da temma da Deis, con tuot sia chasa, e fand bleras almonas al pövel, e rovand Deis da contin;

3. Vezzett el eleramaing in visiun, in tuorn la novav' ura del di, ün angel da Dieu, chi intret pro el, e 'l disch: Cornelio!

4. Ed el, l'aviand guardâ fiss, e tuot spaventâ, disch: Che aise, Segner? E l'angel al dschet: Tias oraziuns, e

tias almosnas sun idas sü avant Dieu per üna regordanza.

5. Contuot, trametta uossa homens in Joppe, e fa clamar Simon, il qual ais surnomnâ Petro.

6. El albergia pro ün tschert Simon chöntschadur, chi ha la chasa sper il mâr; quel vain a't dir quai cha tü dessast far.

7. Ma, cur l'angel chi favlaiv' a Cornelio füt parti d'avent, aviand el clamâ duos da seis famagls, ed ün suda da quels chi staivan da contin pro el, *ün hom prus*;

8. Ed, aviand requintâ ad els ogni chosa, ils tramettet el in Joppe.

9. E l' di seguaint, procedand quels in lur viadi, e s' approssmand alla città, get Petro sü'l tet della chasa, intorn la * sesavl' ura, per far oraziun.

10. Ma d'vantet, ch' el avet granda fam, e desideraiva da tour spaisa, e, cur quels *da chasa* l' apparechaivan, schi al gnit ün' estase (rapto del spiert),

11. E vezett il tschel avert, ed üna vela, simila ad ün grand lanzöl, chi gniva giò sur el, liada insembel per ils quatter pizs, e laschada giò sü'n terra;

12. Nella quala eiran animals terresters da quatter peis, e bestias solvadias, e reptils, ed utschels del tschel d' ogni sort.

13. Ed üna vusch al füt *indrizzada*, *dschand*: Leiva sü, Petro, mazza, e mangia.

14. Ma Petro disch: In ingün möd, Segner! Perche ch' eu non ha mâ bricha mangiâ inguotta da malnet, ne d' impalâ.

15. E la vusch al *dschet* la seguonda vouta: Las chosas cha Deis ha purichâ, non las far tü malnettas.

16. Ma quaist d'vantet fin a trais voutas; e lura gnit la vela retratta in tschel.

17. Ma, seo Petro staiv' in dubi in sai s'vess, che chosa quella visium podess esser, ch' el avaiva vis, mera, ils homens tramiss da Cornelio, aviand domandâ davo la chasa da Simon, fütta'n avant la porta.

18. Ed, aviand clamâ *alchün*, doman-

dettan els, scha Simon, surnomnâ Petro, füss qua ad albiereg?

19. Ma, seo Petro staiva s' impisand davo la visium, al dschet il Spiert: Mera, trais homens at tscherchan.

20. Contuot, * leiva sü, e descenda, e vâ con els, sainza metter difficultâ; perche eu ils ha tramiss. * Act. 15, 7.

21. E Petro, siand gnü giò pro' ls homens, chi l' eiran stats tramiss da Cornelio, disch ad els: Mera, eu sun quel cha vus tscherchais; che ais la causa per la quala vus eschat qui?

22. E quels dischan: Cornelio chapitani, hom güst e da temma da Deis, e dal qual dà *buna* testimonianza tuot la naziun dels Güdeus, ais stat divinamaing avisâ d' ün sanet angel, da't far clamar in chasa sia, e d' udir rashunamaints da tai.

23. Contuot, ils aviand Petro invidats d' intrar *in chasa*, ils alberget el; lura il di seguaint get el con els; ed alchüns dels frars da quels da Joppe il compagnetan.

24. E l' di davo intrettan els in Cesarea. Ma Cornelio ils spettaiva, aviand clamâ seis paraints, e seis prossems amis.

25. E, cur Petro intraiva, s' aviand Cornelio fat oura incenter el, as bütet el giò avant seis peis, e l' adoret.

26. Ma Petro l' alvantet sü, dschand: Stâ sü, eir eu sun crastian.

27. E, rashunand con el, intret el e chattet blers chi s' avaivan qua raspats.

28. Ed el disch ad els: Vus savais co cha * non ais licit ad ün hom Güdeu da's compagnar con ün eister, o d' intrar in chasa sia; ma Deis m' ha mossâ a non clamar alchün crastian malnet, o impalâ. * Gioan. 4, 9.

29. Per quai eir, siand gnit tramiss a'm clamar, sun eu gnü sainza contradir. Contuot, as domand eu: Perche chaschun avais tramiss am clamar?

30. E Cornelio disch: E sun quatter dis, ch' eu fin a quaist' ura eira gegiün, ed allas nouv uras faiv' eu oraziun in chasa mia, e mera, ün hom as presantet avant mai in vestimainta splendurainta,

31. E disch: Cornelio, ti' oraziun ais exodida, e tias almosnas sun stattas regordadas nel conspet da Dieu.

32. Trametta dimena a Joppe, e clama da là Simon, surnomnâ Petro; el albiergia in chasa da Simon chöntschadur, sper il mâr; cur el sarà gnü, schi vain el at favlar.

33. Per quai tramettet eu in quel instant pro tai, e tü hast fat bain da gnir; ed uossa eschan nus tuots qui presaints avant Dieu, per udir tuot las chosas chi 't sun da Dieu ordinadas.

34. Lura Petro, aviand avri la bocca, disch: In vardà, eu comprend, cha * Deis non ha reguard alla qualità dellas persunas. * Deut. 10, 17. Giob 34, 19. Rom. 2, 11. Gal. 2, 6. Efes. 6, 9. Col. 3, 25. 1 Petr. 1, 17.

35. Anzi cha, in qualunque naziun, eli 'l temma, ed operescha giüstamaing, l'ais accettabel,

36. *Sequond* il pled ch' el ha tramiss als infants d' Israel, evangelizand pasch tras Gesu Cristo, chi ais il Segner da tuots.

37. Vus savais quai chi ais dvantâ per tuot la Giudea, * comanzand dalla Galilea, dopo 'l battaisem cha Gioanne predget; * Luc. 4, 14.

38. Co Deis ha onschü con il Spiert Sanct, e con pussanza, Gesu da Nazaret, il qual get intuorn, fand benefizis, e medgiand tuots quels chi eiran possedìs dal diavel, perche Deis eira con el.

39. E nus eschan perdüttas da tuot las chosas, ch' el ha fat nel pajais dels Güdeus, ed in Gerusalem; il qual eir quels han mazzâ, l'appendand vi' al lain.

40. Quel ha Deis fat resüstar nel terz di, ed ha fat, ch' el ais stat manifestâ;

41. Brich' a tuot il pövel, ma a perdüttas viavant da Dieu ordinadas, cioè, a nus, ch' avains mangiâ e bavü con el, dopo ch' el füt resüstâ dals morts.

42. Ed el ans ha comandâ da predgiar al pövel, e da testificar, ch' el ais quel, chi da Dieu * ais stat constitui güdisch dels vivs, e dels morts. * Matt. 28, 19. Act. 1, 8. Act. 17, 31.

43. Ad el dan testimonianza tuot

ils profets, cha scodün chi craja in el, ardschaiva remissiuin dels puchats tras seis nom.

44. Instant cha Petro avaiav' amo quaists raschunamaints, * schi crodet il Spiert Sanct sur tuots quels chi udivan il pled. * Act. 4, 31. 8, 15, 16.

45. E tuots ils fidels della circuncisiun, ils quals eiran gnüts con Petro, 's stupittan, cha 'l dun del Spiert Sanct füss spans oura eir sur ils pajans.

46. Perche ch' els ils udivan favlar *diversas* linguas, e magnificar Deis. Lura Petro comanzet a dir:

47. Po alchün seomandar l' aua, cha non vegnan battiats quaists, chi han ardschvü il Spiert Sanct, seo eir nus?

48. Ed el comandet chi gnissan battiats nel nom del Segner Gesu. Lura il rovettan quels, ch' el dmuress *qua* alchüns dis.

CHAP. XI.

Defaisa da Petro per il fat da Cornelio; l' evangelii vain predgiâ in Antiochia, ingio els il prüm vegnan clamats cristians; Agabo predisch üna fam.

MA'ls apostels, e'ls frars, chi eiran per la Giudea, inclegettan, cha 'ls pajans eir quels avaiavan ardschvü 'l pled da Dieu.

2. E, cur Petro füt it sü in Gerusalem, schi dispittavian * quels della circuncisiun con els, * Act. 10, 45.

3. Dschand: * Tü est intrat in chasa d' homens noncirconeis, ed hast mangiâ con els. * Act. 10, 28.

4. Ma Petro, aviand comanzâ *da principi*, declaret ad els davo *tuot il fat*, dschand:

5. * Eu eira nella città da Joppe, urand, ed in ün' estase vazzet eu üna visiuin, cioè, üna tscherta vela, simila ad ün grand lanzöl, il qual gniva giò, siand per ils quatter pizs laschâ giò da tselhel, e quel gnit fin pro mai. * Act. 10, 10.

6. Ed eu, guardand fiss süin quel, consideret bain, e vazzet animals terresters da quatter peis, bestias solvadias, reptils, ed utschels del tselhel;

7. Ed udit üna vusch chi 'm dschava: Petro, stâ sü, mazza, e mangia.

8. Ma eu dschet: Na, Segner;

perche inguotta da malnet, o d'impalâ, non am ais mâ brich' intrat in boeca.

9. E la vusch am respondet la segnonda vouta giò da tschel: Las chosas cha Deis ha purifichâ non las dessast tû far malnettas.

10. E quai dvantet trais voutas; lura gnit ogni chosa darcheu retratta in tschel.

11. E mera, in quel istant füttan trais homens avant la chasa ingio eu eira, tramiss pro mai da Cesarea.

12. E'l Spiert am dschet, ch'eu dess ir con els, sainza metter alchüna difficultà. Ma quaists ses frars gnittan eir con mai, e nus intrettan nella chasa da quel hom.

13. Ed el ans requintet, co l'avaiva vis in sia chasa ün angel, chi s'avaiva presantâ *ad el*, e l'avaiva dit: Trametta homens a Joppe, e fà clamar Simon, chi ais surnomnâ Petro.

14. Il qual vain at raschunar dallas chosas, tras las qualas vainst a gnir salv, tû e tuot tia chasa.

15. Ma, cur eu avet comanzâ a favlar, crodet il Spiert Sanct sur els, seo l'eira crodâ eir sur nus * da principi. * Act. 2, 4.

16. Ed eu'm regordet del pled del Segner, cur el dschaiva: * Gioanne ha battiâ con aua, ma vus sarat battiats con il Spiert Sanct. * Act. 1, 5.

17. Siand dimena cha Deis ha dat ad els il dun ad ingual seo eir a nus, chi avain cret nel Segner Gesu Cristo, schi chi eira eu, da podair impedir Deis?

18. Lura quels, aviand udi quaistas chosas, as quietettan, e glorifichettan Deis, dschand: Ha Deis dimena dat la penitenza eir als pajans, per *obtnair* la vita?

19. Ma quels; * chi eiran stats dispers tras la tribulaziun gnüda per Stefano, passettan fin in Fenizia, in Cipri, ed in Antiochia, non annunziand ad alchün il pled, oter co als Güdeus sulets. * Act. 8, 1.

20. Ma dad els eiran qua alchüns Ciprianers, e Cireners, ils quals, siand intrats in Antiochia, favlavan als Grecs, evangelizand il Segner Gesu.

21. E'l man del Segner eira con els; e grand number *du pövel*, aviand cret, s'ha converti pro'l Segner.

22. E la fama dad els gnit ad uraglia alla baselgia, chi eira in Gerusalem; dinuonder els tramettettan Barnaba, acio ch'el passess fin in Antiochia;

23. E quel, essendo rivâ là, ed aviand vis la grazia del Segner, s'allegret, ed avisaiva tuots da 's tgnair via dal Segner, con *ferm* propöst del cour.

24. Perche l'eira hom da bain, e plain del Spiert Sanct, e da cretta. E granda quantitâ füt missa via pro al Segner.

25. Lura 's partit Barnaba, per ir in Tarso a tscherchar Saulo, e l'aviand chattâ, il manet el in Antiochia.

26. E dvantet cha, per il spazi d'ün an intèr, as rassettan quels nella baselgia, e mossettan ün grand pövel, e 'ls scolars, primariamaing in Antiochia füttan nominats cristians.

27. Ma in quels dis tscherts profets trettan giò da Gerusalem in Antiochia.

28. Ed ün d'els, *clamâ* per nom * Agabo, siand alvâ sü, fet a savair tras il Spiert, ch'üna granda famgnis a gnir sur tuot il muond; la quala eir gnit suot Claudio Cesare. * Act. 21, 10.

29. Dinuonder ils scolars, scodün segund sias facultats, determinettan, da trametter *a far* ün subsidio als frars chi abitaivan nella Giudea.

30. Il qual eir els fettan, tramettand *quel* als seniurs tras ils mans da Barnaba e da Saulo.

CHAP. XII.

Erode perseguitta la baselgia, e fa decapitar Giacomo, e preschunar Petro, chi vain liberâ d'ün angel; ed Erode, magliâ dals verms, moura.

MA intuorn quel temp mettet man il rai Erode (Agrippa) ad affliger alchüns da quels della baselgia;

2. E fet morir con la spada Giacomo, frar da Gioanne.

3. E, veziand cha *quai* eira grat als Güdeus, schi get el inavant a tour eir Petro. (Ma l'eiran ils dis dels azims;)

4. E, l'aviand tut, il mettet el in preschun, il dand da perchürar a quatter squadras da quatter sudats l'üna; voliad, dopo la pasqua, dar ün spectacul al pövel.

5. Contuot gniva Petro perchürâ nella preschun; ma continuas oraziuns gnivan fattas dalla baselgia per el a Dieu.

6. Ma la not, ant ch'Erode fess ün public spectacul, dormiva Petro in mez duos sudats, liâ con duos chadainas; e las guardias avant la porta perchüravan la preschun.

7. E mera, ün angel del Segner apparit, ed üna glüm splendurit nella chasa; e l'angel, aviand battü l'flanc a Petro, il sdasdet, dschand: Leiva sü spertamaing. E las chadainas al erodettan giò dals mans.

8. E l'angel al dschet: At tschinta intuorn, e tir' aint las scharpas. Ed el fet usche. Lura al disch el: At metta tia rassa intuorn, e seguittescha'm.

9. Petro dimena, siand gnü our, il seguittaiva, e non savaiva cha füss vaira quai chi dvantaiva tras l'angel; anzi s'impissaiva da vair üna visiun.

10. Ma, cur els fütan passats tras la prüma e la seguonda guardia, schi gnittan els pro la porta da fier, chi condüta nella città, la quala da sai stess s'avrit ad els; e siand its oura, passettan els tras üna strada, ed in quel instant as partit l'angel dad el;

11. E Petro, siand turnâ in sai, disch: Uossa per tschert cognosch eu, cha'l Segner ha tramiss seis angel, e m'ha liberâ dal man d'Erode, e da tuot quai cha 'l pövel dels Güdeus spettaiva.

12. E, considerand il fat, gnit el in chasa da Maria, mamma da Gioanne, surnomnâ Marco, ingio blers frars eiran raspats, ed oraivan,

13. Ed, aviand Petro pichâ al tüsch della porta, schi s'approsmet nan üna fantschella, clamada per nom Rode, quiettamaing per tadlar.

14. Ed, aviand cognoschü la vusch da Petro, per l'allegrezza non avrit ella la porta; anzi currit aint, e referit, cha Petro stess avant la porta.

15. Ma quels la dischan: Tü-vast in fanzögnâ. Ed ella pür affirmaiva,

cha usche füss. E quels dschaivan: L'ais seis angel.

16. Ma Petro continuaiva a picchar. E quels, l'aviand avert, il vezzettan, e s'instupittan.

17. Ma el, aviand tschögnâ ad els con il man chi taschessan, requintet ad els, co 'l Segner l'avaiva trat our da preschun. Lura disch el: Referi quaistas chosas a Giacobbo ed als frars. E siand it our, get el in ün oter lö.

18. Ma, siand gnü di, füt qua ün disturbil bricha pitschen tanter ils sudats, che chosa füss dvantâ con Petro.

19. Ed Erode, l'aviand tscherchâ, e non l'aviand chattâ, dopo avoir examinâ las guardias, comandet el chi füssan manats al supplizi. Lura tret el giò da Giudea in Cesarea, e qua dmuret el *alchiün temp*.

20. Ma Erode eira grit conter ils Tirers e Sidoniers, ed avaiva nel sen da far guerra con els; ma quels d'ingual consens as presantettan ad el, ed, aviand persvas Blasto, camarier del rai, giavütschaivan els pasch; perche * lur pajais gniva nudriâ da quel del rai.

* 1 Reg. 5, 9, 11. Ez. 27, 17.

21. Ed in ün tschert di assegnâ Erode, siand vesti con üna rassa regala, e sezzand sü la sopcha da dret, schi fet el ün pled ad els.

22. E'l pövel al fet acclamaziuns, dschand: Vusch da Dieu, e bricha da crastian.

23. Ed in quel istant il battet ün angel del Segner, per quai ch'el non avaiva dat gloria a Dieu, e morit, siand magliâ dals verms.

24. * Ma 'l pled da Dieu creschaiva, e s'adampechaiva. * Col. 1, 6. Act. 6, 7. 19, 20.

25. E Bärnaba e Saul, * aviand compli il servezzan, turnettan darcheu da Gerusalem in Antiochia, aviand tut eir con els Gioanne, surnomnâ Marco.

* Act. 11, 30.

CHAP. XIII.

Paulo e Barnaba, siand separats, predgian Cristo als Güdeus e pajans; Elima, resistind a Paulo, vain chastiâ con surbantüm; e süin qual 's convertescha Sergio.

MA in Antiochia, nella baselgia chi eira qua, eiran tscherts profets

e docturs; cioè, Barnaba e Simeon, clamâ Niger, e Lucio Cireneo, e Ma-naen, figl della bêla dad Erode, il tetrare e Saul.

2. Ed, intant ch' els faivan il public servezzan del Segner, e gegûnaivan, disch il Spiert Sanct: Zavra 'm oura Barnaba e Saul per l'ouvra, pro la quala eu ils ha clamats.

3. Lura dopo avoir gegûnâ, e fat oraziun, mettettan els ils mans sün els, e 'ls tramettettan davent.

4. Quels dimena, 'siand tramiss dal Spiert Sanct, gettan giò in Seleucia, e da là navigettan els a Cipro.

5. E, siand rivats in Salamina, annunziettan els il pled da Dieu nellas sinagogas dels Güdeus; ma els avai-van eir Gioanne per minister.

6. Lura, siand passats tras l' insla fin Pafo, schi chattettan els qua ün tschert mago, ün fos profet güdeu, chi avaiava nom Bar-Gesu;

7. Il qual eira con il proconsul, Sergio Paulo, ün hom prudaint. Quaist, aviand clamâ pro sai Barnaba e Saulo, giavüschet d' udir il pled da Dieu.

8. Ma Elima, il mago, (perche usche 's mett' oura seis nom) resistiv' ad els, tscherchand da straviar il pro-consul dalla cretta.

9. E Saulo, il qual eir *füt nominâ* Paulo, siand plain del Spiert Sanct, ed aviand affisâ ils ögls in el disch:

10. O tü plain d' ogni frod, e d' ogni malizia, * figl del diavel, inimi d' ogni güstia, non voust tü mâ challar da storscher las drettas vias del Segner?

* Matt. 13, 38. Gioan. 8, 44. 1 Gioan. 3, 8.

11. Uossa dimena mera, il man del Segner *sarà* sur tai, e tü vainst ad esser orb, sainza vair il solai, fin ad ün *tschert* temp. Ed in quel instant crodet schürezza e surbantüm sur el, e, giand intuorn, tscherchaiv' el chi 'l maness per il man.

12. Lura, aviand vis il proconsul quai ch' eira stat fat, crajet el, essen-do instupi dalla doctrina del Segner.

13. Ma Paulo e seis compagns as partittan da Pafo, e rivettan per mâr in Perga da Panfilia, e Gioanne, s' aviand parti dad els, turnet darcheu in Gerusalem.

14. E quels, siand partits da Perga, rivettan in Antiochia da Pisidia, e siand intrats nella sinagoga sül di del sabbat, as mettettan els a zer.

15. E, dopo chi füt let la ledscha, e 'ls profets, schi tramettettan ils capos della sinagoga a dir ad els: Frars, scha vus avais alehün dis-cuors d' exortaziun *da far* al pövel, schi dit.

16. Lura, s' aviand Paulo drizzâ sù, ed aviand tschögnâ con il man, disch el: Homens Israelits, e *vus* chi tmais Deis, tadlai.

17. Il Deis da quaist pövel Israel tschernet noss babuns, ed adozet il pövel in sia dmura nel pajais d' E-gipto; e lura * con bratsch ozâ il tret el our da quel.

* Ex. 6, 6. 13, 14.

18. E per il spazi intuorn quarant' ans, comportet el lur costüms nel desert.

19. Lura, aviand sdrüt set naziuns nel pajais da Canaan, * schi distri-buit el ad els con la sort il pajais da quellas.

* Gios. 14, 1. 2.

20. Lura davo quai, il spazi circa da quatter tschient tschinquant' ans, det el *ad* els Güdichs, fin al profet Samuel.

21. E da quell' ur' in via * do-mandettan els ün rai, e Deis det ad els Saul, figl da Kis, hom della schlatta da Bengiamin, *ed usche pas-settan via* quarant' ans. * 1 Sam. 8, 5. e 10, 1.

22. Lura, l' aviand *Deis* miss giò, sdasdet el ad els David per rai; al qual eir el det testimonianza e disch: * Eu ha chattâ David, *il figl* da Jesse, ün hom suainter meis cour, il qual farà tuot mias voluntats.

* 1 Sam. 13, 14. Ps. 89, 20.

23. * Dal sem da quel ha Deis, se-guond si' impromissiun, sdasdâ sù ad Israel il salvader Gesu;

* Es. 11, 1.

24. Aviand Gioanne, * *chi get* avant ad el in sia vgnüda, il prüm predgiâ il battaisem della penitenza a tuot il pövel d' Israel.

* Mal. 3, 1. Matt. 3, 1.

25. E, cur Gioanne compliva seis cuors, disch el: * Chi s' impissais vus ch' eu saja? Eu non sun *quel*; ma mera, davo mai vain ün, del qual eu non sun degn da slargiar la sola dals peis.

* Matt. 3, 11. Marc. 1, 7. Luc. 8, 16. Gioan. 1, 20, 27.

26. Homens, frars, infants del sem dad Abraham, e quels intanter vus chi tmais Deis, a vus ais stat tramiss il pled da quai salüd.

27. Perche ils abitants da Gerusalem, e lur redschadurs, non aviand cognoschü quai *Gesu*, il condanand, han compli ils dits dels profets, * chi 's legian ogni sabbat. * Act. 15, 21.

28. E, combain chi non han chattâ in el alchüna chaschun da mort, schi giavüschettan els Pilato, da 'l far morir.

29. E dopo cha avettan compli tuot las chosas chi sun scrittas dad el, schi füt el trat giò dal lain, e füt tshantâ in üna sepultura.

30. Ma Deis il sdasdet sü dals morts.

31. Ed * el füt vis per blers dis da quels, ch' eiran gnüts sü con el da Galilea in Gerusalem, ils quals sun sias perdüttas avant il pövel.

* Matt. 28, 16. Marc. 16, 14. Luc. 23, 21. 22. Gioan. 19, 6.

32. E nus eir s' evangelizain l'impromissiu fatta als babuns,

33. *Dschand a vus*, cha Deis l' ha complida invers nus lur infants, aviand fat restüstar Gesu, sco l' ais eir scrit nel seguond Psalm: * Tü est meis figl, hoz t' ha eu generâ. * Ps. 2, 7.

34. E, siand ch' el il ha sdasdâ sü dals morts, per non turnar plü nella corrupziun, schi ha el dit usche: * Eu 's vögl dar las fidelas beniginitats *impromissas* a David. * Es. 55, 3.

35. Per quai disch el eir in ün oter lö: * Tü non permetterast cha teis sanet vezza corrupziun.

* Act. 2, 31. Ps. 16, 10.

36. Perche cha vairamaing David, aviand servi al cossagl da Dieu in sia età, ais dormenzâ, ed ais rivâ pro seis baps, ed ha vis la corrupziun;

37. Ma quel cha Deis ha fat restüstar, non ha vis la corrupziun.

38. A vus dimena saja fat a savoir, frars, cha tras quai s' ais annunziâ remissiu dels puchats;

39. E cha da tuot las chosas, dinuonder vus tras la ledscha da Mose non avais podü esser güstifichats, schi scodün chi craja vain güstifichâ tras quai.

40. S' inguardai dimena, cha non

vegna sur vus quai ch' ais dit nels profets.

41. * Merai, o spredschadurs, e's smü-ravgliai, e guardai, e sajat smarits; perche eu fetsch ün' ouvra in voss dis, la quala vus non gnis a crair, eur alchün la requinterà a vus. * Ab. 1, 5.

42. Ma, eur els fütan its our dalla sinagoga dels Güdeus, sch' ils rovet-tan ils pajans, cha infra l' eivna als gnissan propostas las medemas chosas.

43. E, dopo cha la raspada füt partida, blers intanter ils Güdeus, * e 'ls proselits religiüs, seguittettan Paulo, e Barnaba; ils quals, raschunand ad els, ils persvadettan da per-severar nella grazia da Dieu.

* Matt. 23, 15.

44. Ed al sabbat seguaint, quasi tuot la città 's raspet per udir il pled da Dieu.

45. Ma ils Güdeus, veziaand la quantitâ, gnittan plains d' invilgia, e contradiavan allas chosas dittas da Paulo; contradschand, e blastemmand.

46. E Paulo e Barnaba, dovrand libertà in lur tshantschar, dischan: L' eira necessari, * cha a vus il prüm s' annunziess il pled da Dieu; ma, siand cha vus il rebüttais e non as güdichais degns della vita eterna, mera, † schi ans volvain nus pro 'ls pajans. * Matt. 10, 6. Act. 1, 8. † Act. 18, 6. 28, 23.

47. Perche usche ans ha il Segner comandâ, *dschand*: * Eu t' ha tshantâ per esser glüm dels pövels, acio cha tü sajast per salüd fin all' extremità della terra. * Es. 49, 6.

48. E 'ls pajans, udind *quaistas chosas*, s' allegrettan, e glorifichettan il pled da Dieu, e tuots quels, ch' eiran ordinats alla vita eterna, crajettan.

49. E 'l pled del Segner as rasaiva oura per tuot il pajais.

50. Ma ils Güdeus instigettan las donnans religiusas ed onoratas, e 'ls principals della città, e movantettan persecuziun contra Paulo, e contra Barnaba, e 'ls schatschettan da lur confins.

51. * E quels, aviand squassâ giò la puolvra da lur peis contra els, gnittan in Iconio. * Matt. 10, 14. Act. 18, 6.

52. E 'ls seolars eiran plains d' allegrezza, e del Spiert Sanet.

CHAP. XIV.

Paulo e Barnaba schatschats d'Iconio vegnan in Listra, ingio Paulo guarescha ün zop, ed osta chi non als sacrifican offertas; e qua vain Paulo accrappâ.

MA dvantet, ch' in Iconio intrettan els medemamaing nella sinagoga dels Güdeus, e favlettan in maniera, ch' üna granda quantitâ da Güdeus e da Grees crajet.

2. Ma 'ls Güdeus increduls movantettan sü, ed inasprittan ils anims dels pajans conter ils frars.

3. Quels dimena dmurettan *qua* bler temp, favland libramaing nel Segner, il qual * daiva testimonianza al pled da sia grazia, concedand, cha tras lur mans as fess insainas, e strangezzas.

* Marc. 16, 20.

4. E la quantitâ della città füt partida; ed üna part tgaivan con ils Güdeus, e 'ls oters con ils apostels.

5. Ma, siand fat ün sforz dels Güdeus, e dels pajans, con lur redschadurs, * per far inguria als *apostels*, e per ils accrappar;

* 2 Tim. 3, 11.

6. Schi quels, aviaand inciet il fat, fugittan nellas cittats da Licaonia, Listra, e Derbe, e nel pajais d' in-tuorn;

7. E qua evangelizaivan els.

8. Ma qua in Listra eira ün hom impotent dels peis, il qual *saimper* sezzaiva, essendo zop dal vainter da sia mamma innan, e non avaiva mâ brich chaminâ.

9. Quaist udit favlar Paulo, il qual, aviaand affissâ in el ils ögls, e veziaand, ch' el avaiva cretta da gnir guarì,

10. Disch ad ota vusch: Eu 't di nel nom del Segner Gesu Cristo, stâ sü dret in pè. Ed el saglit sü, e chaminâiva.

11. E 'l pövel, aviaand vis quai cha Paulo avaiva fat, ozet sia vusch, dschand in lingua Licaonica: Ils deis, s' aviaand fats similis als crastians, sun gnüts giò pro nus.

12. E clamaivan Barnaba Jupiter, e Paulo Mercur; perche el eira il prim a tschantshar.

13. E 'l sacerdot da Jupiter, il *taim-pel* del qual eira avant lur città, manet avant la porta tors, con coru-

nas e cranzs, e volaiva sacrificar con il pövel.

14. Ma 'ls apostels, Barnaba e Paulo, aviaand udi quai, as scharpettan la vestimainta, e saglittan in mez la quantitâ, clamand,

15. E dschand: Homens, perche fais quaistas chosas? Eir nus eschan crastians, suottaposts a medemas passions sco vus; e s' evangelizain, cha da quaistas chosas vanas vus as converteschat pro il Deis vivaint, il qual ha fat il tsel e la terra, e 'l mâr e tuot las chosas chi sun in quels;

16. Il qual ha * nellas etats passadas laschâ chaminar lur vias tuot las naziuns.

* Act. 17, 30.

17. Combain ch' el non s' ha laschâ sainza testimonianza, fand del bain, ans dand giò da tsel plövgias, e stagiuns früttavlas, ed implind noss cours con spaisa e con leidezza.

18. E dschand quaistas chosas, schi apaina podettan els far interlaschar il pövel, chi non als sacrifichezzan.

19. Ma, fand quels qua qualeha dmura, e mossand, rivettan tsherts Güdeus d' Antiochia e da Iconio, ils quals persvadettan il pövel, * ed accrappettan Paulo, e 'l strozchettan our dalla città, s' impissand ch' el füss mort.

* 2 Cor. 11, 25. 2 Tim. 3, 11.

20. Ma, siand ils seolars raspats in-tuorn el, alvet el sü ed intret nella città, e 'l di seguaing partit el con Barnaba, per ir in Derbe.

21. Ed, aviaand evangelizâ a quella città, e siand fat blers seolars, turnettân els darcheu in Listra, in Iconio, ed in Antiochia;

22. Confermand ils anims dels seolars, e 'ls cuffortand da perseverar nella cretta, e 'ls *admonind*, cha * tras bleras afflicziuns sun stovan intrar nel reginam da Dieu.

* Luc. 22, 28. 29. Rom. 8, 17.

23. E, dopo chi avettan ad els * per seodüna baselgia ordinâ tras comüna vusch seniurs, aviaand orâ con gegünis, schi ils recomandettan els al Segner, nel qual els avaiavan eret.

* Act. 1, 26. e 11, 30. Tit. 1, 5.

24. E, siand passats tras la Pissidia, gnittan els in Panfilia.

25. E, dopo avair annunzià il pled in Perge, gettan els giò in Attalia.

26. E da là navigettan els in * Antiochia, dinuonder els eiran stats recomendats alla grazia da Dieu, per l'ouvra ch' els avaiavan compli.

* Act. 13, 1. 3.

27. E, siand *qua* rivats, respettan els la baselgia, e referittan * quant grandas chosas Deis avaiva fat con els, e co els avaiavan avri als pajans la porta della cretta.

* Act. 15, 4.

28. E dmurettan *qua* bricha pac temp con ils scolars.

CHAP. XV.

La sinodo in Gerusalem, raspada tras üna questün da circoncisiun, ed otras ceremonias mosaicas; Paulo e Barnaba as separan l'ün dal oter.

MA alchüns, siand gnüts giò dalla Giudea, * mossaiavan als frars: Scha vus non eschat circoncis, seguond l'üsanza da Mose, schi non podais vus gnir salvs.

* Gal. 5, 2. Fil. 3, 2.

2. Dinuonder, essendo naschüda üna sediziun e dispitta, bricha pitschna da Paulo e da Barnaba conter els; füt ordinà, cha Paulo e Barnaba, ed alchüns oters d'els, gessan sü in Gerusalem pro 'ls apostels e * seniurs, per quaista dispitta.

* Act. 11, 30.

3. Quels dimena, siand accompagnats dalla baselgia *our dalla città*, passettan tras la Fenizia, e la Samaria, e requintettan la conversiun dels pajans, e portettan granda allegrezza a tuots il frars.

4. Ed, essendo rivats in Gerusalem, füttan els ardschvüts dalla baselgia, e dals apostels, e dals seniurs; e referittan quant grandas chosas Deis avaiva fat * con els.

* Act. 14, 27.

5. Ma *dschavian*, alchüns della secta dels Fariseers, ils quals han eret, sun alvats sü, dschand, chi 's stova circoncider ils *pajans*, e comandar *ad els*, dad observar la ledscha da Mose.

6. Lura 's respettan ils apostels, e 'ls seniurs, per proveder a quaist fat.

7. E, siand moventada üna granda dispitta, alvet Petro sün pè, e disch ad els: Frars, vus savais, cha fingià dals prüms temps tschernet Deis *mai* tanter nus, * acio cha tras mia bocca

ils pajans udisssan il pled del evangeli, e crajessan.

* Act. 10, 20.

8. E Deis, chi cognoscha ils cours, ha dat ad els testimonianza, * dand ad els il Spiert Sanct, seo eir a nus;

* Act. 10, 44.

9. E non ha fat alchüna differenza tanter nus ed els; aviand * purifichà lur cours tras la cretta.

* 1 Petr. 1, 22.

10. Uossa dimena, perche provais Deis, mettand * ün giuf sül culöz dels scolars, il qual, ne noss babuns, ne nus non avain podü portar?

* Gal. 5, 1.

11. Ma nus crajain da gnir salvs tras la grazia del Segner Gesu Cristo, seo quels eir.

12. E tuot la quantità taschet, e staiva a tadlar Barnaba e Paulo, chi quintaivan, quants signals, e strangezzas Deis avaiva fat tras els tanter ils pajans.

13. E, dopo cha quels avettan taschü, comanzet Giacobbo a dir: Frars, tadlai mai!

14. Simeon ha requintà, co Deis ha il prüm visità ils pajans, per tour our da quels ün pövel, consecrà a seis nom.

15. E con quaist s'accordan ils plects dels profets; seo l'ais scrit:

16. * Dopo quaistas chosas vögl eu edificar danöv il tabernacul da David, chi ais crodà; e vögl restorarias ruinas, e 'l vögl darcheu drizzar sü.

* Amos 9, 11.

17. Acio cha il rimanent della glieud, e tuot ils pövels, chi 's elaman davo meis nom, tscherchan il Segner, disch il Segner, chi fa tuot quaistas chosas.

18. A Dieu sun contschaintas dad eterno tuot sias obras.

19. Per la qual causa eu güdich, cha non as detta molestia a quels, chi our dals pajans as converteschon pro Dieu.

20. Ma, chi's trametta ad els, ch'els s'artegnan * dallas chosas impaladas tras ils idols, dalla fornicaziun, dallas chosas † stenschantadas, e dal sang.

* 1 Cor. 8, 1. 10, 20. † Gen. 9, 4.

21. Perche, quant a Mose, agià dallas etats anticas innan ha el persunas, chi il predgian per ogni città, essendo

* ogni sabbat let nellas sinagogas.

* Act. 13, 27.

22. Lura paret que bön als apostels, ed als seniurs, con tuot la baselgia, da trametter in Antiochia, con Paulo e Barnaba, tscherts homens elets our dad els, cioè, Giuda, surnomnâ Barsaba e Sila, homens principals tanter ils frars,

23. Scrivand tras lur mans quaistas chosas: Ils apostels e 'ls seniurs, e 'ls frars, als frars intanter ils pajans, chi *sun* in Antiochia, in Siria, ed in Cilicia, salüd!

24. Siand cha nus avain incelet, ch' alchüns, partits d'avent da nus, s' han conturbats con plets, straviand vos-sas ormas, dschand cha bsögna, cha vus vegnat circoncis, ed observat la ledscha; als quals pero nus non a-vaivan dat alchüna commissiun;

25. Essendo nus raspats, ans avain nus d'ingual consens convgnüts in quaist parair, da 's trametter tscherts homens elets insembel con noss chars, Barnaba e Paulo;

26. Homens, chi han miss lur vi-tas per il nom da nos Segner Gesu Cristo.

27. Contuot avain nus tramiss Giu-da e Sila, ils quals eir a böcca 's faran incler las medemas chosas.

28. Perche cha ha parti al Spiert Sanct ed a nus, da non as metter sü alchün oter pais, co quel ch' ais necessari; *chi ais* quaista chosa:

29. * Cha vus s' arategnat dallas cho-sas sacrificadas als idols, dal sang, dallas chosas stenschantadas, e dalla fornicaziun; dallas quallas chosas vus farat bain da 's perchürar. Stat sans.

* Act. 21, 25.

30. Quels dimena, siand stats tra-miss d'avent, gnittan in Antiochia; ed, aviad raspâ la quantitâ, dettan els via la charta.

31. E, cur *quels dad Antiochia* l' a-vettan letta, s' allegrettan els del cuffort.

32. E Giuda e Sila, essendo eir quels profets, cuffortettan els ils frars con blers plets, ed ils con-firmettan.

33. E, dopo cha füttan dmurats qua

alchün temp, schi gnittan els dals frars tramiss inavo pro 'ls apostels con pasch.

34. Ma paret bön a Sila da dmur-ar qua.

35. Ma Paulo e Barnaba restet-tan qualcha temp in Antiochia, mossand ed evangelizand, con blers oters, il pled del Segner.

36. Ed alchüns dis davo, Paulo disch a Barnaba: Turnain uossa, e visi-tain noss frars in ogni città, ingio-nus avain annunziâ 'l pled del Se-gner, *per voir* co els stan.

37. Ma Barnaba cosgliaiva da tour con els * Gioanne, dit Marco.

* Act. 12, 12. 25. e 13, 5.

38. Ma Paulo güdichaiva cha non dovessan tour con els quel * chi s' avaiva parti d' els da Panfilia, e non eira it con els nell' ouvra.

* Act. 13, 13.

39. Dinuonder qua füt acerbità, tal chi 's partittan 'l ün dal oter, e Bar-naba, aviad tut Marco, naviget in Cipro.

40. Ma Paulo, aviad elet *per seis compagn* Sila, get d'avent, recoman-dâ dals frars alla grazia da Dieu.

41. E giaiva intuorn per la Siria, e Cilicia, confirmand las baselgias.

CHAP. XVI.

Paulo piglia Timoteo con el, e 'l circoncida; Lidia vain convertida; el schatscha ün spiert da Piton; vain con Sila miss in preschun; ed els sun liberats,

MA el rivet * in Derbe, ed in Listra, e mera, qua eira ün tschert seolar, *clamâ* per nom † Timoteo, figl d' üna duonna Güdea fidela, ma da bap Grec; * Act. 14, 6. Rom. 16, 21. † 1 Tim. 1, 5.

2. Dal qual il frars, chi eiran in Listra, ed in Iconio, daivan *buna* tes-timonianza.

3. Quaist volet Paulo, ch' el gess con el; ed, aviad tut, il circoncidet el, per causa dels Güdeus chi eiran in quels lös; perche tuots savaivan cha 'l bap da quel eira Grec.

4. E, passand quels per las cittats, ordinaivan ad els d' observar * ils statuts determinats dals apostels, e dals seniurs, chi *eiran* in Gerusalem.

* Act. 15, 28, 29.

5. Las baselgias dimena gnivan

confirmadas nella cretta, e crèschai-
van da di in di nel numer.

6. Lura, siand passats tras la Frigia,
e 'l pajais della Galazia, essendo
seomandats dal Spiert Sanet dad
annunziar il pled in Asia,

7. Gnittan els in Misia, e provaivan
dad ir in Bitinia; ma il Spiert da
Gesu non als permettet.

8. E, passada la Misia, gnittan els
giò in Troas.

9. Ed üna visiun apparet da not a
Paulo, ün hom Macedonier as pre-
santet *ad el*, il rovand e dschand:
Passa in Macedonia, e sueuorra 'ns.

10. E, cur el avet vis quella visiun,
schi guardettan nus da passar bain
spert in Macedonia, tschertifichats,
cha 'l Segner ans avaiva clamats là,
per evangelizar a quels *pövels*.

11. E per quai, partind da Troas,
rivettan nus per dret cuors in Samo-
tracia, e 'l di seguaint a Napoli.

12. E da là a Filippi, chi ais la pri-
ma città da quella part da Macedo-
nia, *ed ais* colonia, e dmurettan in
quella città alchüns dis.

13. E sün il di del sabbat gettan
nus our dalla città, sper il flüm, ingio
eira il lö ordinari dell' oraziun, e 'ns
aviand miss a zer, favlaivan nus allas
donans ch' eiran *qua* raspadas.

14. Ed üna tscherta duonna, *clama-
da* per nom Lidia, marchadanta da
purpura, dalla città da Tiatira, la
quala serviva a Dieu, staiva a tad-
lar. E 'l Segner avrit seis cour, per
attender allas chosas dittas da Paulo.

15. E, dopo cha füt battiada ella, e
sia famiglia, ans rovet ella, dschand:
Scha vus m' avais güdichada esser
fidela al Segner, schi intrai in chasa
mia, e dmurai *qua*. Ed ella ans obliet.

16. Ma dvantet, cur nus giaivan
all' oraziun, cha nus incontrettan
üna fantsehella, chi avaiva ün spiert
da piton, la quala con ingiavinar
faiva grand profit a seis patruns.

17. Quaista, s' aviand missa a se-
gnittar Paulo e nus, clamaiva, dschand:
Quaists crastians sun serviants del
otissem Deis, e s' annunzieschan la
via del salut.

18. E fet quaist blers dis; ma, siand
Paulo macontaint, as volvev el e

dschet al spiert: Eu 't comand nel
nom da Gesu Cristo, cha tü giajast
our dad ella. Ed el get our in quel
istant.

19. Ma ils patruns da quella, ve-
ziand cha la spranza da lur guadagn
eira svanida, pigliettan els Paulo e
Sila, ed ils trettan alla cuort avant
ils redschadurs.

20. E 'ls aviand presentats als pode-
stats, dschettan els: Quaists homens
contuorblan nossa città; perche els
sun Güdeus;

21. Ed annunzieschan üsanças, las
qualas non ais licit a nus, chi eschan
Romans, dad ardschaiver, ne dad
observar.

22. La quantità eir alvet sü tuot in-
sembel conter els, e 'ls podestats, ils
aviand scharpats las rassas, coman-
dettan, cha gnissan sfrislats.

23. E, dopo als * avair dat bleras
bottas, ils mettettan in preschun, co-
mandand al guardian da 'ls perchürar
sgüramaing;

* 2 Cor. 11, 25. 1 Thes. 2, 2.

24. Il qual, aviand ardschvü ün tal
comand, ils mettet nella plü da-
daint preschun, e serret ad els ils
peis nels tscheps.

25. Ma a mezza not, fand Paulo e
Sila oraziun, chantaivan els chan-
zuns a Dieu, e 'ls preschunêrs ils u-
divan,

26. E dandettamaing dvantet ün
grand terratreml, tal cha 'ls fun-
damaints della preschun füttan
squassats; ed in quel istant s' a-
vrittan tuot las portas, e 'ls liams da
tuots as slargettan,

27. E 'l guardian, s' aviand sdasdâ,
e vis las portas della preschun aver-
tas, tret el oura la spada, ed eira per
as mazzar, s' impissand, cha 'ls pre-
schunêrs füssan fügits.

28. Ma Paulo bragit ad ota vusch,
dschand: Non at far mal alchün; per-
che nus eschan tuots qui.

29. Ed el, aviand giavüschâ üna
glüm, saglit aint, e tuot tremblant as
büttet el giò avant ils peis da Paulo
e da Sila.

30. E 'ls aviand manats oura, disch
el: Signurs, che dess eu far per gnir
salv?

31. E quels dischan: Craja nel

Segner Gesu Cristo. schi vainst a gnir salv tii, e tia chasa.

32. E quels annunziettan il pled del Segner ad el, ed a tuots quels, chi eiran in chasa sia.

33. Ed el, ils aviand tuts in quell' istess' ura della not, lavet *ad els* las plajas. Lura in quel istant füt battià el, e tuots ils seis.

34. Lura, ils aviand manats in chasa sia, ils mettet el a maisa, e güvlaiva, dad avant con tuot sia chasa cret a Dieu.

35. Ma, cura füt di, tramettettan ils podestats ils sergents a dir *al guardian*: Lasch' ir quels homens.

36. E'l guardian referit a Paulo quaists plets, *dschand*: Ils podestats han tramiss a dir, cha vus sajat liberats; contuot schi gni oura, ed it in pasch.

37. Ma Paulo disch ad els: Dopo ans avoir publicamaing battüts, sainz' esser stats condannats in güdizi, *nus* chi * eschan Romans, ed ans han miss in preschun; ed uossa secrettamaing ans volessan els trametter oura? *Il fat non giarà usche*; anzi ch' els istess vegnan ed ans mainan our.

* Act. 22, 25.

38. Ed ils sergents referittan quaists plets als podestats, e quels tmettan, aviand inolet cha eiran Romans.

39. E gnittan, e 'ls rovettan *da 'ls perdunar*, e, 'ls aviand manats oura, ils giavüschettan els dad ir our dalla città.

40. E quels, siand gnüts our da preschun, intrettan in chasa da Lidia; ed, aviand vis ils frars, ils cuffortettan e lura 's partittan els.

CHAP. XVII.

Paulo predgia in Tessalonica; lura in Berea; sco eir in Aten, ingio alchüns crajan. i

E siand passats tras Anfipoli, e tras Apollonia, gnittan els in Tessalonica, ingio eira la sinagoga dels Güdeus;

2. E Paulo, seguond si' üsanza, intret pro els, e sün trais sabbats avet el con els raschunamaints *trats* our dallas scrittüras,

3. Declerand e proponind *ad els*, * cha stovaiva esser, cha Cristo in-

düress, e resüstess dals morts, e cha quel (il qual, *disch el*, eu s' annunziesch) saja Gesu il Cristo. * Luc. 24, 26.

4. Ed alchüns d' els crajettan, e 's compagnettan con Paulo e Sila, sco eir grand nomer da Grecs religios, e donans principalas bricha pacas.

5. Ma ils Güdeus, chi eiran increduls, siand moventats d' invilgia, piglettan con els tscherts homens mals del pövel da piazza; ed, aviand raspà ün tröp, moventettan els ün tumult nella città, ed, aviand assagli la chasa da Jason, tscherchaivan els da 'ls trar our avant il pövel.

6. Ma, non ils aviand chattats, trettan els Jason, ed alchüns dels frars, avant ils redschadurs della città, bragind: Quaists, chi han miss suot-sura il muond, sun eir gnüts qua;

7. E Jason ils ha raspats *aint*, e quels tuots fan conter ils statuts da Cesare, * *dschand* cha saja ün oter rai, cioè Gesu.

* Luc. 23, 2.

8. E moventettan sü il pövel, e 'ls redschadurs della città, chi udivan quaistas chosas.

9. Impero quels, aviand ardschvücauziun da Jason, e dals oters, schi 'ls laschettan els ir.

10. E 'ls frars subit da not tramettettan via Paulo e Sila in Berea; e quels, essendo qua rivats, gettan nella sinagoga dels Güdeus.

11. Ma quaists füttan plü generus, co ils oters, chi *eiran* in Tessalonica, e con ogni prontezza ardschvettan els il pled, * examinand iminchiadi las scrittüras, *per vair*, scha quaistas chosas staivan usche.

* Gioan. 5, 39.

12. Blers dimena d' els crajettan, e brich' ün pitschen nomer da donans Grecas onoratas, e d' homens.

13. Ma, cur ils Güdeus da Tessalonica avettan inolet, cha 'l pled da Dieu eira da Paulo stat annunzià eir in Berea, gnittan els eir là, moventand sü il pövel.

14. Ma lura ils frars tramettettan oura Paulo prontamaing, acio ch' el gess davent, fand vista *d' ir* vers il mâr, e Sila e Timoteo restettan qua.

15. E quels chi avaiyan la cura da metter Paulo in salvamaint, il condüettan fin ad Aten, ed, aviand

ardschvü *dad el commissiun, da dir a Sila ed a Timoteo, ch' els quanto prüma gnissan pro el, schi 's partittan els.*

16. Ma, intant cha Paulo ils spettai-va in Aten, schi s' exacerbaiva seis spiert in el, veziaud la città plaina dad idols.

17. Contuot raschunaiv' el nella sinagoga con ils Güdeus, e con las persunas religiusas, ed ogni di sün la piazza con quels chi al scontraivan.

18. Ed alchüns dels filosofs epicureers, e stoics, conferivan con el. Ed alchüns dschaivan: Che vould dir quaiust tshantschader? Ed ils oters: El para esser annunziadur dad eis-ters Deis; perche el evangelizaiva ad els Gesu, e la resüstanza.

19. Ed els il piglettan, e 'l manettan nel Areopago, dschand: Pod-dain nus savair che *saja* quaiusta nouva doctrina, la quala tũ prop-onast?

20. Perche tũ ans portast avant nossas uraglias chosas stranas; con-tuot volain nus savair, che vöglian dir quaiustas chosas.

21. (Ma tuots ils Ateniensers, ed ils foresters chi dmuraivan *in quella città*, non bramaivan oter, co da dir, o d' udir qualchosa danöv.)

22. E Paulo, stand in pè in mez l' Areopago, disch: Homens Atenien-sers, eu 's vez quasi massa religiüs in ogni chosa.

23. Perche, passand eu, e conside-rand vossas deitats, ha eu eir chattâ ün utêr, sül qual eira scrit: Al Deis inentschaint! Quel dimena, al qual vus servis, sainza il cognoscher, il annunziesch eu a vus.

24. Il Deis, chi ha fat il muond, e tuot las chosas chi sun in quel, es-sendo Segner del tshel, e della ter-ra, non avda * in taimpels, fats con ouvra da mans; * Act. 7, 48.

25. E non vain servì tras mans da crastians, * seo aviand bsögn dad alchüna chosa; el, chi da a tuots la vita e 'l flâ, ed ogni chosa;

26. Ed ha fat our dad ün medem sang tuot la generaziun umana, per abitar sur tuot il cres della terra, aviand determinâ ils temps ordi-

nats, * e 'ls confins da lur abitaziun; * Deut. 32, 8.

27. Acio cha tscherchan il Segner, sch' els pür forza podessan, seo con tastar, il chattar; combain ch' el non ais dalönsch da scodün da nus;

28. Perche ch' in el vivain nus, ed ans movain, ed eschan; seo eir alchüns da voss poets han dit: „Perche nus eschan eir da sia schlatta.“

29. Essendo nus dimena descendain da Dieu, schi non dessan nus stimar cha * la Deità saja sumgianta ad or, o ad argent, o a peidra; o a figüra intagliada con art, e con invenziun umana. * Es. 40, 18.

30. Contuot, aviand Deis * dissi-mulâ ils temps dell' ignoranza, schi annunziesch' el al presaint dapertuot a tuots ils crastians, chi 's meldran. * Act. 14, 16. Rom. 3, 25.

31. Perche el ha ordinâ ün di, nel qual el güdicherâ il muond con güstia, tras quel hom, il qual el ha sta-bili; dal qual el ha fat fede a tuots, l' aviand dsadâ sül dals morts.

32. Cur els udittan *menzunar* la re-süstanza dels morts, schi faivan alchüns beffa, oters dschaivan: Nus at volain udir ün'otra vouta davart quai.

33. Ed usche Paulo get' our da mez els.

34. Ed alchüns as compagnettan con el, e crajettan; tanter ils quals füt eir Dionisio, l' areopagit, ed üna duonna, *clamada* per nom Damaris, ed oters con els.

CHAP. XVIII.

Paulo a Corinto douvra seis manstêr; el visi-tescha bleras baselgias, las cunfirmand; Apollo plain da zeli predgia l' evangeli con grand früt.

MA, dopo quaiustas chosas as partit Paulo d' Aten, e gnit in Corinto.

2. Ed, aviand chattâ ün tshert Gü-deu, *clamâ* per nom * Aquila, da na-ziun Pontico, d' incuort gnü d' Italia, insembel con Priscilla, sia muglier, (perche Claudio avaiva comandâ, cha tuot ils Güdeus as partissan da Ro-ma,) s' approsmet el ad els. * Rom. 16, 3.

3. E, siand ch' el eira dalla medema art, dmuraiv' el in lur chasa, e * la-vuraiva; perche lur art eira da far tendas.

* Act. 20, 34. 1 Cor. 4, 12. 1 Tes. 2, 9. 2 Tes. 3, 8.

4. Ed ogni sabbat faiva el ün pled nella sinagoga, e manaiva sün sia chretta Güdeus e Grees.

5. Ma, cur * Sila e Timoteo füttn gnüts da Macedonia, schi eira Paulo chatsehä dal spiert, testifichand als Güdeus cha Gesu saja Cristo.

* Act. 17, 14. 15.

6. Ma, contrastand els, e blastemand, * sqasset el giò sia vestimainta, e disch ad els: Vos sang *saja* sün vos cheu, † eu *sun* net; dad uossa inavant vögl eu ir pro 'ls pajans.

* Matt. 10, 14. Act. 13, 45, 51. † Ez. 3, 18. 19.

7. E, siand parti da là, intret el in chasa dad ün tsehert, *clamâ* per nom Güst, il qual serviva a Dieu; la chasa del qual tachaiva colla sinagoga.

8. Ma * Crispo, capo della sinagoga, crajet al Segner con tuot sia famiglia; bliers eir dels Corinters, udind *Paulo*, crajaivan e gnivan battiats.

* 1 Cor. 1, 14.

9. E 'l Segner disch da not in visium a Paulo: Non tmair, ma tsehantscha, e non taschair;

10. Perche eu sun con tai, ed ingün non metterà ils mans sur tai, per t'offender; perche ch'eu ha ün grand püvel in quaiста città.

11. Contuot dmuret el *qua* ün an e ses mais, mossand tanter els il pled da Dieu.

12. Lura, cur Gallion füt proconsul dad Acaja, schi alvettan ils Güdeus sü dad ingual consens contra Paulo, e 'l manettan avant la sopcha da dret;

13. Dschand: Quaist persvada la gliend da servir a Dieu contra la ledscha.

14. E, cur Paulo eira per avrir la bocca, disch Gallion als Güdeus: Schi 's trattess dad alchüna ingiuria o misfat, o Güdeus, schi voless eu paziaintamaing udir, seguond la raschun;

15. Ma, scha la questium ais davart plets e noms, e da vossa ledscha, schi 's provedai vus; perche eu non vögl esser güdisch da quaiastas chosas.

16. E 'ls schatschet davent dalla sopcha da dret.

17. E tuot ils Grees piglettan Sostene, capo della sinagoga, e 'l battai-

van avant la sopcha da dret; e Gallion non as chüraiva da quaiastas chosas inguotta.

18. Ma, cur Paulo füt dmurâ *qua* amo bliers dis, piglet el cumgià dals frars, e naviget in Siria con Priscilla ed Aquila; s'aviand fat * tonder il cheu in Cencrea, perche l'avaiva ün vut.

* Num. 6, 18. Act. 21, 24.

19. E, siand rivä in Efeso, ils laschet el qua. Ma el intret nella sinagoga, e fet ün pled als Güdeus.

20. E quels il rovaivan da dmurar pro els plü lung temp; ma el non consentit *da far quai*;

21. Anzi piglet cumgià dad els, dschand: Eu sto a tuotta via far la prosma feista in Gerusalem; ma eu vögl darcheu turnar pro vus, schi plascha a Dieu. Usche 's partit el per mâr dad Efeso.

22. E siand gnü giò in Cesarea, get el a *Gerusalem*; lura, dopo avair salüdâ la baselgia, get el giò in Antiochia.

23. Ed, essendo *qua* dmurâ alchün temp, partit el, giand intuorn da lö in lö per il pajais da Galazia, e da Frigia, confirmand tuots ils scolars.

24. Ma ün tsehert Güdeu, il nom *del qual eira* * Apollo, da nazium Alexandrin, hom eloquent e potent nellas scrittüras, rivet in Efeso.

* 1 Cor. 1, 12.

25. Quaist eira informâ nels principis della via del Segner, e fervent da spiert, tsehantschaiva e mossaiiva diligiaintamaing las chosas del Segner, * aviand solum cognoschenscha del battaisem da Gioanne.

* Act. 19, 3.

26. E comanzet a favlar libramaing nella sinagoga. Ed Aquila e Priscilla, l'aviand udi, il piglettan con els, ed al mettettan oura plü complidamaing la via da Dieu.

27. Lura, voliad el passar in Acaja, schi il cuffortettan ils frars, e scrivetan als scolars, chi 'l piglessan aint. Ed el, siand rivä là, conferit blier a quels chi avaivan cret tras la grazia.

28. Perche con grand sforz conveneschaiv' el publicamaing ils Güdeus, demonstrand tras las scrittüras cha Gesu füss il Cristo.

CHAP. XIX.

Paulo predgia e fa miraculs in Efeso; scongüradurs vegnan chastiat, e lur eudeschs ars; Demetrio movainta sediziun contra Paulo.

MA dvantet, intant cha Apollo eira in Corinto, cha Paulo, essendo passâ tras las provincias superiuras, gnit in Efeso, ed, aviand chattâ *qua* alehüns scolars, disch ad els:

2. Avais vus ardschvü il Spiert Sanct, dopo ch'avais cret? E quels al dischan: Bler ant non avain nus udi bricha, scha saja ün Spiert Sanct.

3. E Paulo disch ad els: In che dimena eschat battiats? E quels dischan: Nel battaisem da Gioanne.

4. E Paulo dschet: *Tschert, Gioanne battizet col battaisem da penitenza, dschand al pövel, cha crajessan in quel chi gniva davo el, cioè, in Cristo Gesu.

*Matt. 3, 11. Act. 1, 5. 11, 16.

5. Ed, aviand udi *quaist*, gnittan els battiats nel nom del Segner Gesu.

6. E, dopo cha Paulo *avet ad els miss sü ils mans, †gnit il Spiert Sanct sur els, ed els favlaivan lenguas *eistras*, e profetizaivan.

*Act. 6, 6. 8, 17. †Act. 2, 4. 10, 46.

7. Ma tuots quaists homens eiran circa dudesch.

8. Lura intret el nella sinagoga, e favlaiva libramaing, raschunand il spazi da trais mais, e persvadand dallas chosas *appartenentas* al regi-da Dieu.

9. Ma, siand eh' alehüns s'indürivan, e gnivan increduls, dschand mal da quella professiun, in presenza della quantità, *schì el*, siand parti dad els, separet ils scolars, fand ogni di plets nella scoula d'ün tschert Tiran.

10. E quaist continuat el il spazi da duos ans; tal cha tuots quels chi abitaivan nell'Asia, Güdeus e Grecs, udittan il pled del Segner Gesu.

11. E Deis faiva bricha comünas potentas ouvras tras ils mans da Paulo;

12. Dasort, cha eir davent da seis corp *as portaiva stils amalats fazölets, e squassals, e las infirmitats partivan dad els, e'ls mals spierts giaivan our dad els.

*Act. 5, 15.

13. Ma alehüns dels secongüradurs Güdeus, chi giaivan intuorn, provai-

van da clamar in agtîd il nom del Segner Gesu sur quels chi avaivan ils mals spierts, dschand: Nus as secongürain tras Gesu il qual Paulo predgia.

14. E quels chi faivan quaist eiran tseherts figls da Seeva, Güdeu, principal sacerdot, *in nomer da set*.

15. Ma il mal spiert, respondand, disch: Eu cognosch Gesu, e sà chi Paulo ais, ma vus chi eschat?

16. E l'hom chi avaiva il mal spiert saglit süen els, e'ls aviand vits, fet el ad els forza; tal cha fügittan our da quella chasa nüds e plajats.

17. E quaist gnit a savoir a tuot ils Güdeus e Grecs, chi abitaivan in Efeso, e temma crodet sur els tuots, e'l nom del Segner Gesu gniva magnificâ.

18. E blers da quels, chi avaivan cret, gnivan confessand, e declarand las chosas cha avaivan fat.

19. Blers eir da quels, chi avaivan exercitâ las *arts* curiosas, portettan insembel ils eudeschs, e'ls ardettan in presenza da tuots; ed, aviand fat quint del pretsch da quels, as chattet cha gniva sün tschinquanta milli dâners d'argent.

20. Usche *creschaiva il pled da Dieu potentamaing, e's rinforzaiva.

*Act. 6, 7. 12, 24.

21. Ma, dopo cha quaistas chosas füttan complidas, as piglet Paulo avant dad ir in Gerusalem, passand tras la Macedonia e tras l'Acaja, dschand: Dopo ch'eu vegn ad esser stat qua, *schì sto eu eir vair Roma.

*Act. 18, 21.

22. Ed, aviand tramiss in Macedonia duos da quels chi'l servivan, cioè, Timoteo ed *Erasto, schì dmu-ret el amo *alchün* temp in Asia.

*Act. 13, 5. Rom. 16, 23. 2Tim. 4, 20.

23. Ma in quel temp nasetet brich ün pitschen tumult per la professiun;

24. Perche ün tschert, *clamâ* per nom Demetrio, intagliadur d'argent, chi faiva pitschens taimpels d'argent da Diana, portaiva grand profit als artischans.

25. Quaist, aviand raspâ quels, e tuot ils *oters*, chi lavuraivan da quella sort chosas, disch: Homens, vussavais,

cha dal exercizi da quaiſt' art vain nos guadagn.

26. Ma vus vezzaiss ed udis, cha quaiſt Paulo con sias persvasiuns, ha sviâ granda quantitâ, bricha solum in Efeso, ma quasi in tuot l' Asia, dschand: Cha non sajan Deis, quels chi sun fats da *lavor da mans*.

27. E non ais solum privel per nus, cha quaiſt' art particolare vegna discreditada; ma eir cha 'l taimpel della granda deessa Diana vegna quintâ per inguotta; e cha la majestâ da quella, la quala tuot l' Asia, schi tuot il muond adura, vegna büttada a terra.

28. E quels, aviand udi *quaiſtas chosas*, ed essendo plains d' ira, bragittan, dschand: Granda ais la Diana dels Efesers!

29. E tuot la città füt plaina da confusiun, ed, aviand trat a forza Gajo, ed * Aristarco, Macedoniers, compagns da viadi da Paulo, currittan els d' ingual consens con furia süil teater.

* Act. 20, 4. 27, 2. Col. 4, 10.

30. Ma Paulo volaiva intrar avant il pövel; ma ils scolars non al permettetan.

31. Alchüns eir dels Asiars, chi al eiran amis, tramettetan pro el, il rovand, ch' el non as presantess süil teater.

32. Üna part dimena bragivan üna chosa, ils oters ün' otra; perche la raspada eira confusa, e 'ls plüts non savaivan per che causa els füssan gnüts insembel.

33. Ma our dalla quantitâ füt addüt avant Alexander, il stumpland ils Güdeus inavant. Ed Alexander, aviand tschögnâ con il man, volaiva render raschun avant il pövel a lur defaisa.

34. Ma, cur els savettan ch' el füss Güdeu, schi alvet sü ün bragizi da tuots, cha bragittan il spazi intuorn da duos uras: Granda ais la Diana dels Efesers!

35. Ma il cancellar, aviand acquietâ il pövel, disch: Homens, Efesers, chi ais pür quel crastian, chi non sapcha, cha la città dels Efesers saja l' adoratura della granda deessa Diana, e della *imagna* crodada da Jupiter?

36. Contuot, essendo quaiſtas chosas sainza contradieziun, schi as stovais acquietar, e non farai inguotta mass' in prescha.

37. Perche vus avais manâ qui quaiſts homens, ils quals non sun ne sacrilegis, ne blastemmadurs da vossa deessa.

38. Scha dimena Demetrio e 'ls artischans, chi sun con el, han alchüna chosa conter alchün, schi vaine tgnü dret, e sun qua ils podestats; schi ch' els fetschan cittar l' ün l' oter.

39. E, scha vus giavütschais alchüna chosa davart oters affars, schi 's po quai decider nella raspada legitima;

40. Perche nus eschan in privel da gnir achüſats da sediziun per il di d' hoz, non aviand alchüna causa, per la quala nus possan render quint da quaiſt concuors. Ed, aviand dit quaiſtas chosas, licenziet el la raspada.

CHAP. XX.

Paulo sdaisda sü dals morts Eutico; el clama a Mileto ils seniurs d' Efeso, e fa qua üna predgia, e piglia comgiâ.

MA, dopo cha 'l tumult füt quietâ; aviand Paulo clamâ pro sai ils scolars, e 'ls aviand abbratschats, as partit el per ir in Macedonia.

2. E, dopo esser passâ tras quellas parts, e 'ls avoir con blers pleds cuffortats, gnit el in Grecia.

3. *Ingio*, cur el füt dmurâ trais mais, siand ad el miss insidias dals Güdeus, sch' el füss navigâ in Siria, schi füt il parair da turnar tras la Macedonia.

4. Ma Sopatro, Berenser, il compagnet fin in Asia; e dals Tessalonicensers * Aristarco, e Secondo, e Gajo Derbeser, e Timoteo; e da quels d' Asia † Tichico, ** e Trofimo.

* Act. 19, 29. Col. 4, 10, Act. 27, 2. † Col. 4, 7.

Tit. 3, 12. Ef. 6, 21. ** Act. 21, 29. 2 Tim. 4, 12, 20.

5. Quaiſts, siand its avant, ans spettetan in Troas.

6. E nus, dopo ils dis dels azims, partittan da Filippo, ed in cheu da tschinch dis rivettans in Troas pro els, ingio nus dmurettan set dis.

7. Ed, nel prim di dell' eivna, essendo ils scolars raspats per rumper il pan, doviand Paulo partir il di

seguint, fet el ad els ün pled, ed extendet il raschunamaint fin a mezza not.

8. Ma qua nella sala, ingio nus eiran raspats, eiran bleras glüms;

9. Ed ün tschert giuvnet, *clamâ* per nom Eutico, sezand sün la fneistra, siand crodâ in ün chiafuol sön, intant cha Paulo traiva seis discuors alla lunga, siand vit dal sön, crodet el giò dal terz plan, e gnit ozâ sü mort.

10. Ma, siand Paulo it giò bass, as bütet el sün el, ed il abbratschet, e disch: Non farai tumult; pereche si' orma ais in el.

11. Lura, essendo darcheu it sü, ed aviand ruot il pan, e tut spaisa, dopo avair amo löng raschunâ fin all' alba, as partit el usche.

12. Ma els manettan *qua* il giuvnet viv, per il qual els fütan our da möd cuffortats.

13. E nus, siand its via pro la nav, navigettan in Asso, con intenziun dad alvantar Paulo da là; pereche l'avaiva usche determinâ, voliad el far quel viadi per terra.

14. E, l'aviand incontrâ in Asso, schi il alvantettan nus, e gnittan a Mitilene.

15. E, navigand da là, rivettan nus il di seguint via inonter Chios; e l di davo manettan nus la nav vers Samos; ed, ans aviand fermats in Trogillio, rivettan nus il di seguint a Mileto.

16. Pereche Paulo avaiva deliberâ da navigar sper Efeso via, per non avair da consümar temp in Asia; pereche el festinaiva, per esser, schi füss possibel, al di dalla tschinquaima in Gerusalem.

17. E da Mileto tramettet el in Efeso, a far clamar ils seniurs della baselgia.

18. E, cur els fütan gnüts pro el, disch el ad els: Vus savais, in che maniera, * dal prim di innan ch' eu intret nell' Asia, eu sun stat con vus in tuot quel temp,

* Act. 19, 1.

19. Servind al Segner con ogni ümiltà, e con bleras larmas e provas, las qualas am sun scontradas nellas insidias dels Güdeus;

20. Co eu non m' ha retrat, da s' annunziar e da 's mossar, in publico e per las chasas, chosa alchüna da quellas chi sun nüzaivlas;

21. Testifichand als Güdeus, ed als Grecs, la conversiun pro Dieu, e la cretta in nos Segner Gesu Cristo.

22. Ed uossa mera, eu, siand liâ dal spiert, vegn a Gerusalem, non saviand las chosas chi vegnan am scontrar in quella;

23. Oter co cha 'l Spiert Sanct am da perdüta per ogni città, dschand: Cha liams e tribulaziuns spettan sün mai.

24. Ma eu non tegn quint dad inguotta, e mia propria vita non am ais chara, per accompilir con allegrezza meis cuors, e 'l ministeri, il qual eu ha ardschvü dal Segner Gesu, *chi ais*, da testifichar l' evangeli della grazia da Dieu.

25. Ed uossa, mera, eu sà cha vus tuots, tanter ils quals eu sun it e gnü, predgiand il reginam da Dieu, non gnis a vair plü mia fatscha.

26. Per quai eir as protest eu hoz, ch' eu sun net dal sang da tuots.

27. Pereche eu non m' ha trat in-avo, d' annunziar tuot il cossagl da Dieu.

28. Attendai dimena a vus istess, ed a tuot la scossa, sur la quala il Spiert Sanct s' ha constituits * ovaishs, per paschantar la baselgia da Dieu, la quala el ha acquistâ con seis propri sang.

* 1 Tim. 4, 16.

29. Pereche eu sà quai, cha, dopo mia partenza vegnan ad intrar tanter vus lufs sgiarbadars, ils quals non vegnan a schaniar la scossa;

30. E ch' intanter vus istess vegnan ad alvar sü da quels, chi vegnan a proponer chosas perversas, per trar davo sai ils scolars.

31. Per quai vagliai, 's regordand cha 'l spazi da trais ans di e not, non ha eu interlaschâ d' admonir scodün con larmas.

32. Ed al presaint, frars, as reco-mand eu a Dieu, ed al pled della grazia da quel, il qual ais potent da continuar * as edificar, ed as dar l' ierta con tuot ils santifichats.

* Act. 9, 31.

33. * Eu non ha giavüschâ l' argent, ne l' or, ne il vestimaint dad alehün.

* 1 Sam. 12, 3.

34. E vus istess savais, cha * quaists mans sun gnüts in agüd a meis bsögn, e da quels chi eiran con mai.

* Act. 18, 3. 1 Cor. 4, 12. 1 Tes. 2, 9. 2 Tes. 3, 8.

35. In ogni chosa s' ha eu mossâ, cha, s' affadiand, * as stova usche tour sù ils flaivels, e 's regordar dels plets del Segner Gesu, il qual disch, cha plü beada chosa saja il dar, co l' ardschaiver.

* 1 Cor. 9, 12.

36. E, cur el avet dit quaistas chos, as mettet el in snuoglias, ed uret con els tuots.

37. E d'vantet tanter tuots ün grand pland, e, siand büttâ vi al culöz da Paulo, il bütschaivan;

38. As condoland principalmaing per il pled ch' el als avaiva dit, cha non gnissan a vair plü sia fatscha. Ed els il compagnetan fin pro la nav.

CHAP. XXI.

Viadis da Paulo; co Agabo profetizescha davart el a Cesarea; gñand a Gerusalem vain el prais.

MA, dopo cha nus ans avettan separats dad els, navigettan nus *inavant*, e per dret cuors rivettan a Cos, e 'l di seguaint a Rodos, e da là a Patara.

2. Ed, aviand chattâ üna nav chi passaiva in Fenicia, muntettan nus sù, e fettan vela.

3. E, comanzand a vair Cipri, la lashedettan nus da man sneister, e navigettan in Siria, e rivettan a Tiro, perche qua 's dovaiva şchargiar la nav.

4. Ed, aviand chattâ 'ls scolars, dmurettan nus qua set dis; e quels, tras il Spiert, dschaivan a Paulo, ch' el non gess sù in Gerusalem.

5. Ma, dopo cha nus avettan passantâ *qua* quels dis, partittan nus, e 'ns mettetan in viadi, siand compagnats dad els tuots con las mugliers, ed infants, fin our dalla città; e, 'ns aviand miss in snuoglias sün la riva, fettan nus oraziun.

6. Lura, ans aviand abbratschats l' ün l' oter, muntettan nus nella nav; e quels turnettan pro lur chasas.

7. E nus, complind la navigaziun,

da Tiro rivettan nus a Ptolemais, ed, aviand salüdâ ils frars dmurettan nus ün di pro els.

8. Ed il di seguaint, essendo partits, rivettan nus a Cesarea, e siand intrats in chasa da Filippo, l' evangelist, chi eira * l' ün dels set, dmurettan nus pro el.

* Act. 6, 5.

9. Ma el avaiva quatter figlias verginas, las qualas profetizaivan.

10. E, dmurand nus *qua* blers dis, ün tschert profet, *clamâ* per nom Agabo, gnit giò da Giudea.

11. Ed el, siand gnü pro nus, ed aviand tut la tschinta da Paulo, 's liet el ils mans e peis, e disch: Quaist disch il Spiert Sanct: Usche vegnan a liar ils Güdeus in Gerusalem l' hom, del qual ais quaista tschinta, e vegnan a 'l surdar nels mans dels pajans.

12. Ma, cur nus udittan quaistas chosas, schi il rovettan nus e quels del lö, ch' el non gess sù in Gerusalem.

13. Ma Paulo respondet: Che fais vus, eridand, e 'm rumpand il cour? Perche ch' eu sun tuot perdert, bricha solum da gnir liâ, ma eir da morir in Gerusalem per il nom del Segner Gesu.

14. E, non podiand el gnir perivas, ans acquietettans, dschand: La voluntà del Segner dvainta!

15. E, dopo quels dis ans mettetan nus in uorden, e gettan sù in Gerusalem.

16. E con nus gnittan eir *alchüns* dels scolars da Cesarea, manand con els ün tschert Mnason, Ciprianer, ün vegl scolar, pro 'l qual nus dovaivan albergiar.

17. Ma, cur nus füttan rivats in Gerusalem, schi 'ns piglettan aint ils frars leidamaing.

18. E 'l di seguaint intret Paulo con nus pro * Giacomo, e tuots ils seniurs as chattettan qua.

* Act. 15, 13.

19. E Paulo, ils aviand salüdats, requintet ad els dad üna in üna las chosas, cha 'l Segner avaiva fat tanter ils pajans tras seis ministeri.

20. E quels, *las* aviand udidas, glorifichaivan Deis; lura dschettan els a Paulo: Frar, tü vezvast quanta

milliera e sun da Güdeus, chi han cret, e tuots sun * zelants nella ledscha.

* Rom. 10, 2. Gal. 1, 14.

21. Ma els sun stats informats davart tai, cha tü mossast tuot ils Güdeus, chi *sun* tanter ils pajans, da 's volver davent da Mose; dschand, ch' els non dessan circonceder ils figls, ne chaminar suainter las üsanzas.

22. Che 's dess dimena far? A tuot-ta via aise bsögn, cha la quantità 's raspa; perche els udittan cha tü sajast gnü.

23. Contuot fà quai cha nus at dschain: Nus avain quatter homens, chi han * ün vut sur els.

* Num. 6, 2. 13. 18. Act. 18, 18.

24. Piglia 'ls con tai, e 't purificha con els, e fà la spaisa con els; acio ch' els as tondan il cheu, e tuots cognoschan, cha non saja inguotta da quellas chosas, dallas qualas els sun stats informats davart tai; ma cha tü eir procedast observand la ledscha.

25. Ma, quant als pajans chi han cret, * avain nus scrit, aviand statui, ch' els non observan alchüna chosa tala; ma solum ch' els as perchüran dallas chosas sacrificadas als idols, e dal sang, e dallas chosas stenschantadas, e dalla fornicaziun.

* Act. 15, 20. 29.

26. Lura, pigland Paulo quels homens con el, il di seguaint, dopo s'avair purifichâ, * intret el con els nel taimpel, publichand, cha 'ls dis della purificaziun füssan complits, infina tant, cha l'offerta füt presentada per seodiün d' els.

* Act. 24, 18.

27. Ma, cur ils set dis füttan bunamaing complits, l'aviand ils Güdeus dell' Asia vis nel taimpel, moventettan els sü tuot la quantità, e 'l mettettan ils mans adöss,

28. Bragind: Homens Israelits, gni in agüd; quaist ais quel hom chi mossa da pertuot a tuots *üna doctrina*, *chi ais* conter il pövel, e contra la ledscha, e contra quaist lö; ed ultra quai ha el eir manâ Grecs aint nel taimpel, ed ha contaminâ quaist sanct lö.

29. (Perche els viavant avaiavan

vis Trofimo, Efesier, nella città con Paulo, e s'impissaiavan ch' el l'avess manâ aint nel taimpel.)

30. E tuot la città füt moventada, e dvantet ün concuors da pövel; ed, aviand tut Paulo, il trettan els our dal taimpel, e subit füttan las portas serradas.

31. Ma, cur quels tscherchaivan da 'l mazzar, schi gnit ad uraglia al chapitani della coorta, cha tuot Gerusalem füss suotsura.

32. Ed el in quel istant piglet sudats, e centurions, e currit pro 'ls Güdeus. E quels, aviand vis il chapitani, e 'ls sudats, interlaschettan da batter Paulo.

33. E 'l chapitani, siand approsimâ via, il piglet, e comandet, ch' el gnis liâ con duos chadainas; lura comandet el, chi el füss, e che chosa el avess fat.

34. Ed üna part bragivan üna chosa, ed ils oters ün' otra, nella quantità; per il qual, non podiand el savoir la tschertezza, per il tumult, comandet el, ch' el gnis manâ sün la fortezza.

35. E dvantet, cur el füt sün ils schaluns, ch' el füt portâ dals sudats, per il sforz della quantità.

36. Perche cha la quantità del pövel al seguittaiva, bragind: * Davent con el!

* Luc. 23, 18. Gioan. 19, 15.

37. Ma Paulo, cur el eira per gnir manâ aint nella fortezza, disch el al chapitani: M' aise leic da 't dir qualchosa? Ed el dschet: Sast tü Grec?

38. Non est tü quel Egipzier, il qual ils dis passats dsasdet sü, e manet nel desert quels quatter milli sachsins?

39. E Paulo dschet: Quant a mai, * sun eu ün Güdeu da Tarso, citta-din da quella, bricha pac nomnada città da Cilicia; ma eu 't rov, cha tü 'm permettast da favlar al pövel.

* Act. 9, 11. 22, 3.

40. E, 'l aviand el permiss, stand Paulo in pè süls schaluns, tschögniet el con il man al pövel. E, siand fat grand silenzio, favlet *el ad els* in lingua ebraea, dschand:

CHAP. XXII.

Paulo tschantscha in public avant ils Gideus a sia defaisa; vain battià, e 's declera esser citadin roman.

HOMENS frars e baps, tadlai quai ch'eu 's di uossa a mia defaisa.

2. (Ma cur els avettan udi, ch'el favlaiva ad els in lingua ebraea, tant plü fettan els silenzio.) Lura disch el:

3. Eu tschert sun ün Güdeu, nat in Tarso da Cilicia, e trat sü in quaiста città sper ils peis da Gamaliel, mossà seguond l'esquisita maniera della ledscha dels babuns, * zelant adoratur da Dieu, † sco vus tuots eschat hoz;

* Act. 21, 39. Gal. 1, 14. † Rom. 10, 2.

4. Chi * ha perseguittà quaiста professiun fin alla mort, mettand nels liams ed in preschun homens e donans.

* Act. 8, 3.

5. Sco am sun testimoniis il grand sacerdot, e tuot il consistori dels seniurs; dals quals eir aviand ardschvü chartas als frars, eu giaiva in Damasco, per manar preschun in Gerusalem eir quels, chi eiran qua, acio ch'els gnissan chastiats.

6. * Ma dvantet, ch'intant eu eira in viadi, e m' approsmaiva a Damasco, stül mezdi, am splendurit dandetta-maing üna granda glüm giò da tsel.

* Act. 9, 3. 26, 12.

7. Ed eu erodet in terra, ed udit üna vusch chi 'm dschet: Saul, Saul, perche am perseguittast?

8. Ed eu respondet: Chi est, Segner? Ed el am dschet: Eu sun Gesu il Nazareer, il qual tü perseguittast.

9. Ma quels chi eiran con mai vezzettan bain la glüm, e füttan spaventats; ma non udittan la vusch da quel chi tschantschaiva con mai.

10. Ed eu dschet: Segner, che dess eu far? E'l Segner am dschet: Lei-va sü, e vâ in Damasco, e qua 't sarà favlâ da tuot las chosas chi 't sun ordinadas da far.

11. Ma, siand ch'eu non vezzaiva inguotta, per la clarità da quella glüm, gnit eu manâ per il man da quels chi eiran con mai, ed usche intret eu in Damasco.

12. Ma ün tschert Anania, hom prus

tenor la ledscha, al qual tuot ils Gideus chi abitaivan in Damasco, rendai-
van testimonianza;

13. Gnit pro mai, ed essendo sper mai disch el: Frar Saul, recupere-scha la vista. Ed in quel istant ardschvet eu la vista, e 'l guardet.

14. Ed el am disch: Il Deis da noss babuns * t'ha preordinâ da cognoscher sia voluntà, e da vair † il güst, e dad udir üna vusch our da sia bocca.

* Act. 26, 16. † Act. 3, 14. e 7, 52.

15. Perche tü al dessast esser avant tuot la gliend perdüta dellas chosas cha tü hast vis ed udi.

16. Ed uossa, che sortirast? Stâ sü e sajast battià, e lavâ da teis puchats, clamand in agüd il nom del Segner.

17. Ma dvantet cha, dopo ch'eu füt turnâ in Gerusalem, orand nel taimpel, schi 'm gnit ün' estase.

18. E vezett quel Segner chi 'm dschaiva: Festina, e vâ spertamaing our da Gerusalem; perche quels non vegnan ad ardschaiver tia testimonianza davart mai.

19. Ed eu dschet: Segner, els svess san, ch'eu impreschunaiva, e bat-taiva per las raspadas quels chi crajan in tai.

20. E, cur * as spandaiva il sang da Stefano teis martir, schi eira eir eu presaint, e consentiva a sia mort, e perchüraiva la vestimainta da quels chi 'l mazzaivan.

* Act. 7, 58.

21. Ed el am dschet: Vâ, perche eu at vögl trametter pro 'ls pajans.

22. Ma quels il tadlettan fin a quaiста pled; ma lura ozettan els lur vusch, dschand: Piglia via dalla terra ün tal crastian; perche cha non as convain ch'el viva.

23. E, cur quels bragivan, e büttai-
van davent lur vestimainta, e span-
daivan la polvra nell' aria,

24. Schi comandet il chapitani, cha Paulo gnis manâ aint nella fortezza, ordinand chi 's fess inquisiziun dad el tras bastunadas, per savair per che chaschun els bragivan usche conter el.

25. Ma, cur els l'avettan liâ con las curajas, disch Paulo al centu-
rion, chi eira qua presaint: * Aise

licit a vus da giasliar ün hom Roman, e non condannâ?

*Act. 16, 37.

26. E 'l centurion, aviand udi *quai*, gnit, e referit al chapitani, dschand: Guarda quai cha tü farast; perche quaiست hom ais Roman.

27. E 'l chapitani gnit pro Paulo, e 'l dschet: Di 'm, est tü Roman? Ed el dschet: Schi, tshert.

28. E 'l chapitani respondet: Eu ha acquistâ quaiста cittedinanza per granda somma *da danêrs*. E Paulo disch: Ma eu il ha eir da nascita.

29. Dinuonder quels chi dovaivan far l'inquisiziun dad el as retrettan subit dad el; e 'l chapitani stess avet temma, saviand ch' el eira Roman; perche el l'avaiva liâ.

30. E 'l di seguaint, voliad savair la tshertezza da quai, per il qual el eir' achüsâ dals Güdeus, schi il slarget el dals liams, e comandet als principals sacerdots, ed a tuot lur consistori, da gnir insembel. Ed, aviand manâ Paulo nan pro, il presantet el avant els.

CHAP. XXIII.

Tras comand d' Anania vain Paulo battü; vain eir da Dieu cuffortâ; e tramiss in Cesarea pro 'l governatur Felix.

E Paulo, aviand affisâ ils ögls süil consistori, disch: Frars, * eu, fin a quaiست di, ha servi a Deis con ogni buna conscienza.

*2 Tim. 1, 3.

2. E 'l grand sacerdot Anania comandet a quels chi eiran sper el, da 'l batter stün la bocca.

3. Lura al disch Paulo: Deis vain at batter, parai dealbata; tü sezast per am güdichar suainter la ledscha, e, * surpassand la ledscha, comandast, ch' eu saja battü?

*Lev. 19, 35. Deut. 25, 1. 2.

4. E quels, chi eiran qua presaints, dischan: Ingiurieschast tü il grand sacerdot da Dieu?

5. E Paulo disch: Frars, eu non sa-vaiva ch' el füss grand sacerdot; perche l' ais scrit: * Tü non dessast dir mal dal princip da teis pövel.

*Exod. 22, 28.

6. Ma Paulo, saviand, cha l' üna part eira Sadduceers, e l' otra Fariseers, schi clamet el nel consistori: Homens frars, * eu sun Fariseer, figl

dad ün Fariseer; eu sun güdichâ per la spranza, e per la resüstanza dels morts.

*Act. 24, 15. 21. e 26, 5. Fil. 3, 5.

7. E, cur el avet dit quaiست, naschet dissenziun tanter ils Fariseers, e 'ls Sadduceers, e la quantità füt divisa in parts;

8. Perche * ils Sadduceers dischan, cha non saja resüstanza, ne angel, ne spiert; ma ils Fariseers confessan l' ün e l' oter.

*Matt. 22, 23. Marc. 12, 18. Luc. 20, 27.

9. E dvantet ün grand bragizi; e 'ls scrivants della part dels Fariseers, siandalvats sü, dispittaivan, dschand: Nus non chattain mal alehtün in quaiست crastian; cha scha ün * spiert, o ün angel ha favlâ ad el, schi non † combattains contra Dieu.

*Act. 22, 7. 17. 18. †Act. 5, 39.

10. Ma, dvantand la dissenziun granda, tmand il chapitani, cha Paulo gnis dad els miss in tocs, comandet el als sudats, cha gessan giò, e 'l sdrapessan our da mez dad els, e 'l manessan nella fortezza.

11. E la not seguainta 's presantet il Segner ad el, e 'l disch: Paulo, stâ da bun anim! Perche seo tü hast dat testimonianza da mai in Gerusalem, usche la stovast tü dar eir a Roma.

12. E, cura füt di, schi fettan tsherts Güdeus üna raspada, e suot execraziun fettan els il vut, impromettand da non mangiar, ne baiver, fin ch' els non avessan mazzâ Paulo.

13. E quels chi avaivan fat quaiста congiuraziun eiran plü da quaranta;

14. Ils quals gnittan pro 'ls principals sacerdots e pro 'ls seniurs, e dischan: Nus avain suot execraziun fat ün vut, da non insagiar chos' alchüna, fin cha nus non avain mazzâ Paulo.

15. Uossa dimena vus, comparai avant il chapitani col consistori, *il rovand*, ch' el daman il maina avant vus, seo per cognoscher plü perfet da seis fat; e nus, avant ch' el riva, volain esser pinats per il mazzar.

16. Ma il figl della sour da Paulo, aviand udi quaiستs insidias, gnit, e, siand intrat nella fortezza, referit el il fat a Paulo.

17. E Paulo, aviand clamâ pro sai ün dels centurions, disch: Maina quaiſt giuven pro'l chapitani, perche el ha qualchosa da'l referir.

18. El dimena, l'aviand tut, il manet pro'l chapitani, e disch: Paulo, quel preschunêr am ha clamâ, e m'ha rovâ, ch'eu't maina quaiſt giuven, il qual ha qualchosa da't dir.

19. E'l chapitani, l'aviand tut per il man, e s'aviand trats d'üna vart, il domandet el: Che chosa hast da'm referir?

20. Ed el disch: Ils Güdeus s'han convgnüts insembel, da't rovar, cha daman tü mainast giò Paulo nel consistori, seo per s'informar plü perfet da seis fat.

21. Ma tü non als dar fede; perche plü da quaranta homens d'els al han miss insidias, aviand suot execrazium fat ün vut da non mangiar, ne baiver, fin cha non il hajan mazzâ, ed uossa sun els pinats, spettand cha tü impromettast quai ad els.

22. Il chapitani dimena licenziet il giuven, al comandand da non palesar ad alchün, ch'el al avess fat a savair quaiſtas chosas.

23. Lura, aviand clamâ duos dels centurions, disch el *ad els*: Hajat perderts per las trais uras da not duatschient sudats, e settanta cavaliers, e duatschient sergents, per ir fin in Cesarea.

24. *Disch eir ad els*, cha avessan bestias perdertas, per far muntar sü sura Paulo, e'l condür salv pro'l governatur Felix,

25. *Al qual* el scrivet üna charta del infrascrit tenor:

26. Claudio Lisia, al excellentissem governatur Felix, salüd!

27. Quaiſt hom, essendo stat prais dals Güdeus, ed essendo sü'l punct d'esser dad els mazzâ, schi sun eu gnü avant con sudats, ed il ha spendrâ, aviand inclet ch'el füss Roman.

28. E, voliad savair il malefizi, del qual els l'achüsaivan, il ha eu manâ in lur consistori;

29. Ed ha chattâ, ch'el gniv' achüsâ davart las questions da lur ledscha,

e ch' in el non eira malefizi alchün degn da mort, ne da preschun.

30. Ma, am siand stat dattas ad inclêr las insidias chi füssan dals Güdeus missas a quaiſt hom, il ha eu in quel istant tramiss pro tai, ordinand eir a seis achüsadurs, da dir avant tai las chosas chi han conter el. Stâ san!

31. Ils sudats dimena, tenor ch'eira ad els stat ordinâ, piglettan con els Paulo, e'l condüettan ad Antipatris da not.

32. E'l di seguaint, aviand laschâ ils cavaliers per ir con els, turnettan els alla fortezza.

33. E quels, siand rivats in Cesarea, ed aviand dat la charta al governatur, al presantettan els eir Paulo.

34. E'l governatur, aviand let la charta, e domandâ a Paulo da quala provinza l'eira, ed aviand inclet, ch'el füss da Cilicia,

35. Al dschet el: Eu't vögl udir, cur teis achüsadurs saran eir els gnüts. E comandet, ch'el gnis perchürâ nel palazzi d'Erode.

CHAP. XXIV.

Paulo defenda sia causa avant Felix; quaiſt, desiderand da l'udir, ais convit da seis vizis, e spaventâ dal güdizi da Dieu; 's partind Felix, il lasch'el in preschun.

MA, tschinch dis davo, get giò il grand sacerdot Anania, insembel con ils seniurs, e con ün tschert Tertullo, oratur, e comparettan avant il governatur contra Paulo.

2. E quel, essendo stat clamâ, comandet Tertullo a l'achüsar, dschand:

3. Giodand nus tras tai blera pasch, ed essendo blers buns uordens fats da tai a quaiſta naziun, tras tia sapienza, recognoschain nus *quai* in tuot e pertuot con ogni ingraziamaint, excellentissem Felix.

4. Ma, acio ch'eu non at detta plü lunga molestia, schi't rouv eu cha, seguond tia buntâ, tü taidlast quai cha nus avain a't dir alla cuorta;

5. *Il qual ais*, cha nus avain chattâ quaiſt hom *esser* üna pesta, ed excitar sediziuns tanter tuot ils Güdeus chi *sun* per il muond, ed *esser* il capo della secta dels Nazareers;

6. Il qual ha eir *provâ da profanar

il taimpel; dinuonder nus, l'aviand prais, il volaivan güdichar tenor nos-sa ledscha.

* Act. 21, 28.

7. Ma il chapitani Lisia, siand gnü avant, ans ha il con grand sforz trat our dals mans, e l' ha tramiss a tai;

8. Comandand eir, cha 'ls achüsadors da quel guissan pro tai; dad el vainst tü stess a podair, tras l'examen cha tü farast, savair *la vardà* da tuot las chosas, dellas qualas nus l' achüsain.

9. E 'ls Güdeus consentittan eir quels a quaistas chosas, dschand cha füssan usche.

10. E Paulo, dopo cha 'l governatur l' avet tschögnâ ch' el tshantschess, respondet: Saviand eu, cha tü agià da blers ans innan est stat güdich da quaista naziun, schi plü animosamaing tshantsch eu a mia defaisa.

11. Siand cha tü poust gnir a notizia, cha non sun plü co dudesch dis, ch' eu get sü in Gerusalem per adorar,

12. Schi non amhan quels chattâ nel taimpel, dispittand con alchün, ne fand concuors da pövel nellas sinagogas, ne per la città;

13. Ne pon neir bricha provar las chosas, dellas qualas els uossa m' achüsan.

14. Ma, quaist at confess eu bain, cha, seguond la professiun, la quala quels claman secta, usche serv eu al Deis dels babuns, crajand a tuot las chosas chi sun scrittas nella ledscha, e nels profets;

15. Aviad spranza in Dieu, cha la resistanza dels morts, * tant güsts co ingüsts, la quala quels eir spetan, vegna a gnir.

* Dan. 12, 2. Gioan. 5, 28, 29.

16. Ed intant exercitesch eu mai stess ad avair da contin la conscientia sainza offaisa vers Deis, e vers la gleiud.

17. Ma in cheu da blers ans sun eu gnü * per far almosnas, ed offertas a mia naziun.

* Act. 11, 30. Gal. 2, 10.

18. * Las qualas fand eu, m' han els chattâ purificâ nel taimpel, sainza pövel, e sainza tumult.

* Act. 21, 26, 27.

19. E *quaists sun stats* alchüns Güdeus dell' Asia, als quals toccaiva cha comparessan avant tai, e füssan

ils achüsadors, sch' els avaiavan chosa alchüna contra mai.

20. Ovvero, cha quaists istess dian, sch' els han chattâ alchün misfat in mai, eur eu m' ha presantâ avant il consistori; *

21. Oter schi l' ais per quaist sulet pled ch' eu bragit, essendo in pè tanter els: * Eu sun hoz güdichâ da vos davart la resüstanza dels morts.

* Act. 23, 6.

22. Ma Felix, aviand udi quaistas chosas, ils remettet el sün ün oter temp, dschand: Dopo ch' eu vegn ad esser plü bain informâ da quaista professiun, eur il chapitani Lisia sarà gnü, schi vögl eu tour informaziun da voss fats;

23. Ed ordinet al centurion, cha Paulo gnis perchürâ, ma con plü libertà, e ch' el non scomandess ad alchün dels seis da l' servir, o da gnir pro el.

24. Ma alchüns dis davo, siand Felix gnü con Drusilla, sia muglier, la quala eira Güdeua, tramettet el a clamar Paulo, ed il tadlet davart la cretta in Cristo Gesu.

25. E, raschunand el dalla güstia, e dalla temperanza, e dal güdizi avegnir, respondet Felix tuot spaventâ: Al presaint vâ via; ma ün' otra vouta, eur eu vegn ad avair commodità, schi vögl eu trametter a 't clamar;

26. Sperand medemamaing chi 'l gnis dat danêr da Paulo, acio ch' el il delibaress; per la qual causa eir, il tramettand suvent a clamar, raschunaiva 'l con el.

27. Ma in cheu da duos ans, avet Felix per successur Porcio Festo; e Felix, voliand far üna chosa grata als Güdeus, laschet Paulo in preschun.

CHAP. XXV.

Paulo, siand achüsâ avant Festo, fa sia risposta; el appella da quel a Cesare; vain lura manâ avant il rai Agrippa.

FESTO dimena, siand intrat nella provinza, get trais dis davo da Cesarea sü in Gerusalem.

2. E 'l grand sacerdot, e 'ls principals dels Güdeus, comparettan avant el, contra Paulo, e 'l rovaivan;

3. Giavüschand üna grazia conter el, ch' el il fess gnir in Gerusalem; mettand insidias per il mazzar sül viadi.

4. Ma Festo respondet, cha Paulo füss perchürâ in Cesarea, e ch' el gnis bod ad ir là.

5. Contuot, quels da vus, disch el, chi poderan, vegnan giò con mai, e schi'l ais in quaiet crastian alchün misfat, ch' els l' achüsan.

6. E siand el dmurâ pro els bricha plü co ot, o desch dis, schi get el giò in Cesarea, e'l di seguaint, s'aviand tschantâ in banca da dret, comandet el, cha Paulo al füss manâ *avant*.

7. E, cur el füt rivâ, ils Güdeus chi eiran gnüts giò da Gerusalem, füttan intuorn el, portand contra Paulo bleras e greivas achüsas, las qualas però quels non podaivan provar;

8. Dschand el a sia defaisa: Eu non ha pechâ, ne contra la ledscha dels Güdeus, ne conter il taimpel, ne contra Cesare.

9. Ma Festo, voliand far üna chosa grata als Güdeus, respondet a Paulo, e disch: Voust tü ir sü in Gerusalem, e là gnir güdichâ avant mai davart quaiestas chosas.

10. Ma Paulo dschet: Eu compar avant la banca da dret da Cesare, ingio eu dess gnir güdichâ; eu non ha fat tort alchün als Güdeus, sco tü stess cognoschast quai zuond bain.

11. Perche, sch' eu pür ha misfat, o commiss chos' alchüna degna da mort, schi non recusesch eu da morir, ma sch' inguotta non ais da quelas chosas, dellas qualas quaiests m'achüsan, schi non am po ingün dar ad els in lur mans; eu appelleesch a Cesare.

12. Lura Festo, aviand conferi col cossagl, respondet: Tü hast appellâ a Cesare? Pro Cesare vainst ad ir.

13. E, dopo alchüns dis, il rai Agrippa, e Bernice, rivettan in Cesarea, per salüdar Festo.

14. E, fand qua dmura per blers dis, requintet Festo al rai l' affar da Paulo, dschand: Ün tshert hom ais stat laschâ in preschun da Felix;

15. Per il qual, cur eu füt in Geru-

salem, comparetan *avant mai* ils principals sacerdots, e 'ls seniurs dels Güdeus, giavüschand sentenza da condannaziun conter el;

16. Als quals eu respondet, cha non saja l'üsanza dels Romans da surdar alchün alla mort, ant cha l' achüsâ haja ils achüsadurs in fatscha, e chi 'l saja occasiun da 's purgiar dell' achüsâ.

17. Contuot, siand els gnüts qua, schi comandet eu, sainza contriar, il di seguaint, sezand in banca da dret, cha quel hom am gnis manâ *avant*;

18. Conter il qual ils achüsadurs, essendo comparüts, non proponittan alchün' achüsâ dellas chosas, ch' eu suspettaiva.

19. Ma els avaiavan conter el tshertas questions davart lur superstiziun, e davart ün tshert Gesu mort, il qual Paulo dschaiva esser viv.

20. Ma, stand eu in dubit, co eu dess proceder nell' inquisiziun da quaiet fat, al dschet eu, sch' el voless ir in Gerusalem, e qua gnir güdichâ davart quaiestas chosas.

21. Ma, aviand Paulo appellâ ad Augusto, per esser reservâ al güdizi da quel, comandet eu, ch' el gnis perchürâ, fin ch' eu il tramettess a Cesare.

22. Ed Agrippa disch a Festo: Bain voless eir eu udir quaiet hom. Ed el disch: Daman l' udirast.

23. Il di seguaint dimena, siand gnüts Agrippa e Bernice, con blera pompa, e siand intrats nella sala dell' audienza, cols chapitanis, e cols principals della città, füt Paulo tras comand da Festo manâ *qua*.

24. E Festo disch: Rai Agrippa, e vus tuots chi eschat qui presaints con nus, vus vezzais quaiet, al qual tuot la quantità dels Güdeus ha dat quella avant mai, in Gerusalem e qui, bragind, cha non as convegna ch' el viva plü.

25. Ma eu, aviand chattâ ch' el non ha fat chos' alchüna degna da mort, ed el istess, aviand appellâ ad Augusto, sun eu deliberâ da 'l trametter.

26. E per quai ch' eu non ha inguotta del tshert da scriver al

signur, schi l'ha eu manâ qui avant vus, e principalmaing avant tai, o rai Agrippa, acio ch'eu, siand fatta l'inquisiziun, haja qualchosa da seriver;

27. Perche am para üna chosa our da rasehun, da trametter ün preschunêr, e non dar ad incler las achüsas, *chi sun* conter el.

CHAP. XXVI.

Paulo renda quint da sia vita, e cretta avant Agrippa; el tratta dalla restistanza, ed usche vain si' innocenza testifichada.

ED Agrippa disch a Paulo: E 's permetta a tai da favlar per tai stess. Lura Paulo, aviand stais our il man, favlet a sia defaisa *in quaistu maniera*:

2. Rai Agrippa, eu am tegn per beà, da'm podair hoz purgiar avant tai dallas chosas tuottas, dellas qualas eu sun achüsâ dals Güdeus.

3. Principalmaing saviand, cha tü hast cognoschenscha da tuot las tisanzas e questiuins, chi sun tanter ils Güdeus; per quai 't rov eu, cha tü'm taidlast paziaintamaing.

4. Quala dimena saja statta, da mia giuventün' sü, mia maniera da viver, da principi innan, in mez mia naziun in Gerasalem, quai san tuot ils Güdeus;

5. Perche ch'els m' han viavant cognoschü da mia prüm' età innan, e *san* (sch'els vöglian dar testimonianza) cha * seguond la plü esquisita secta da nossa religiun, ha eu vivü, Fariseer.

* Act. 23, 6. Fil. 3, 5.

6. Ed uossa stun eu a güdizi per la spranza dell'impromissiu, fatta da Dieu als babuns;

7. Alla quala nossas dudesch schlattas, servind da contin a Dieu di e not, han spranza dad arrivar; per quella spranza sun eu, o rai Agrippa, achüsâ dals Güdeus.

8. Che? Vain que da vus güdichiâ incredibel cha Deis fetscha resüstar ils morts?

9. Uossa dimena, quant a mai, m'avaiva eu bain impissâ, ch'eu stovess far bleras chosas conter il nom da Gesu, il Nazareer;

10. Il qual eu eir fet in Gerasalem; ed aviand eu ardschvü l'autoritâ dals

principals sacerdots, * schi serret eu nellas preschuns blers dels sanets, e, cur els gnivan fats morir, schi daiv' eu eir mia vusch *lapro*.

* Act. 8, 3.

11. E bleras voutas, per tuot las sinagogas, ils constrenschai' eu con painas a blastemmar; e, siand infuriâ our da möd conter els, ils perseguittet eu fin nellas cittats eistras.

12. Il qual fand, * cur eu giaiva eir in Damasco, con l'autoritâ e commissiun dels principals sacerdots;

* Act. 9, 3. e 22, 6.

13. Vezzet eu, o rai, per viadi, stül mezdi, üna glüm plü granda co la splendur del solai, la quala giò da tschel splendurit intuorn mai, ed a quels chi faivan il viadi con mai.

14. E, siand nus tuots crodats per terra, udit eu üna vusch chi'm favlet, e dschet in lingua ebraea: Saul, Saul, perche 'm perseguittast? E t'ais dür da trar ils chalhagns conter ils aguagls!

15. Ed eu dschet: Chi est tü, Segner? Ed el dschet: Eu sun Gesu, il qual tü perseguittast;

16. Ma leiva sü, e stâ in pè; perche per quai at sun eu apparü, per t'ordinar minister, e testimoni dellas chosas, las qualas tü hast vis; e da quellas eir, per las qualas eu vegn a t'apparair;

17. At spendrand dal pövel, e dals pajans, pro'ls quals eu uossa 't tramet,

18. * Per avrir ad els ils ögls, † e 'ls convertir dallas schüzrezzas alla glüm, e dalla pussanza da satan pro Dieu; acio ch'els ardschaivan, tras la cretta in mai, remissiuun dels puchats, e la sort tanter ils santifichats.

* Es. 35, 5. e 42, 7. Ef. 1, 18. † Col. 1, 13. 1 Petr. 2, 25.

19. Per quai, o rai Agrippa, non sun eu stat disobediainst alla celestial' appariziun;

20. Anzi, * il prüm a quels da Damasco, e lura in Gerasalem, e per tuot il pajais della Giudea, ed als pajans, ha eu annunziâ, cha 's meldran, e 's converteschan pro Dieu, fand † ouvas conveniainst alla penitenza.

* Act. 9, 20. 22. 13. e 14. † Matt. 3, 8.

21. Per quaiastas chosas, m'aviand

ils Güdeus tut nel taimpel, provettan els da 'm mazzar.

* Act. 21, 30.

22. Ma, tras l' agiù da Dieu, ha eu dürrà fin a quaiet di, testifichand a pitschens, ed a grands; e non dschand inguotta dallas chosas, ordvart que cha 'ls profets e Mose han dit, chi dess d'vantar;

23. Cioè, cha Cristo gnis ad indürrar, e ch' el, *chi ais* * il prüm della resüstanza dels morts, † gnis ad annunziar glüm al pövel, ed als pajans. * 1 Cor. 15, 20. Col. 1, 18. Ap. 1, 5. † Luc. 2, 32.

24. Ma, intant cha *Paulo* dschaiva quaistas chosas a sia defaisa, disch Festoadota vusch: Paulo, tü est our da sen; la blera lettra 't fa gnir our da sen.

25. Ma el disch: Eu non sun our da sen, excellentissem Festo; anzi eu raschun plets da vardà, e d' ün sen baincompost.

26. Perche 'l rai, al qual eu eir favel libramaing, sà bain *la vardà* da quaistas chosas; perche eu non poss crair, ch' alchüna da quaistas chosas al saja azzoppada, siand eir cha quaist non ais d'vantà in ün chantun.

27. O rai Agrippa, crajast tü als profets? Eu sà cha tü crajast.

28. Ed Agrippa disch a Paulo: Bunameing cha tü 'm persvadast da gnir cristian!

29. E Paulo dschet: Chi plaschess a Dieu, cha per bler e pac, bricha sulamaing tü, ma eir tuots quels chi hoz am taidlan, d'vantessan tals quals eu sun, da quaists liams in oura.

30. E, dopo ch' el avet dit quaistas chosas, alvet sü il rai, e 'l governatur insembel, e Bernice, e quels chi sez-zaivan con els.

31. E, s' aviand retrats d' üna vart, tschantschaivan els l' ün con l' oter, dschand: Quaist hom non ha fat inguotta chi merita la mort, o preschun.

32. Ed Agrippa disch a Festo: Quaist hom podaiva gnir liberà, sch' el non avess appellà a Cesare.

CHAP. XXVII.

Paulo vain tramiss seo preschunèr a Roma per mâr; el predisch ils privels, e dan da quella navigaziun; quaist tuot dvainta, ma sainza perdita d' alchüna persuna.

MA, dopo cha füt determinà cha nus navigessan in Italia, schi gnittan

Paulo, e tscherts oters preschunèrs, consegnats ad ün centurion, *clamà* per nom Giulio, della coorta d' Augusto.

2. E, siand muntats sün üna nav Adramittena, partittan nus con intenziun da navigar sper ils lous dell' Asia via, aviand con nus * Aristarco, ün Macedonier da Tessalonica.

* Act. 19, 29. e 20, 4. Col. 4, 10.

3. E 'l di seguaint rivettan nus a Sidon, e Giulio, üsand umanità invers Paulo, al permettet dad ir pro seis amis, per ch' els avessan chüra d' el.

4. Lura, essendo partits da là, navigettan nus suot Cipro via; perche ils vents eiran contraris.

5. E, siand passats il mâr da Cilecia, e da Panfilia, rivettan nus a Mira da Licia.

6. E 'l centurion, aviand chattà qua üna nav Alexandrina, chi navigaiva in Italia, ans fet el muntar in quella.

7. E, navigand nus per blers dis plannöss, e siand apaina gnüts via incoenter a Gnido, per l' impedimaint chi 'ns daiv' il vent, navigettan nus suot Creta via incoenter a Salmona.

8. E, costeggiand sper quella con granda difficultà, gettan nus via in ün tschert lö, dit Bellport, vicin al qual eira la città da Lasea.

9. Ma, siand agià passà bler temp, ed essendo la navigaziun privlusa; perche il gegüni eira agià eir passà, schi admonit Paulo quels *della nav*,

10. Dschand ad els: Homens, eu vez cha la navigaziun sarà con burasca, e grand dan, bricha solum del charg, e della nav, ma eir da nossas proprias persunas.

11. Ma 'l centurion daiva plü fede al patrun della nav, ed al pilot, co allas chosas dittas da Paulo.

12. E, cäusa cha 'l port non eira bain commod dad invernar, füttan ils plüs del parair, da 's partir da là, per passar l' inviern in Fenice, port da Creta, chi guarda vers il vent da Libia, e vers l' occidaint septentrional; sch' els pür in alchün möd podessan rivar là.

13. Ma, s' aviand miss a soflar l' austro, pensand esser gnüts a riva da lur propöst, aviand alventà *las*

ancoras, navigettan els be sper Cretia via.

14. Ma pac davo battet via conter quella ün vent turbulent, chi s' nomina l' euroclidon.

15. Ed, essendo la nav portada via, e non podiand redscher il vent, la laschettan nus al bandun, ed *usche* gnittan nus portats inavant.

16. E, siand scurrüts suot ün' isletta, clamada Claudia, podettan nus appainà avair in nossa forza la barchetta;

17. La quala, aviand pür trat sün la nav, schi dovraivan *ils marinêrs tuots* remedis, tshintand la nav giò da suot, e tmand da batter nella sirte, laschettan els giò las velas, ed eiran usche transportats.

18. Ma, siand nus furiusamaing travagliats dalla mal' ora, schi büttettan els oura il di seguint *il charg*.

19. E trais dis davo, con noss propri mans büttettan nus *in mâr* l' üsaglia della nav.

20. E, non apparind ne solai, ne stailas, agià blers dis, e soprastand mal' ora bricha pitschna, schi füt qua tut via ogni spranza da 'ns consalvar.

21. Ma, dopo ch' els füttan stats lönch sainza mangiar, alvet sü Paulo in mez els, e disch: Homens, vus dovaivat bain crair a mai, e non partir da Creta; ed evitar quaist privel, e quaista perdita;

22. Impero al presaint as cuffort eu da star da buna vöglia; perche cha non sarà perdita della vita dad alchün da vus, ma solum della nav.

23. Perche ün angel da Deis, del qual eu sun, ed al qual eu serv, m' apparit quaista not,

24. Dschand: Paulo, non tmair, tü stoust comparair avant Cesare; e mera, Deis t' ha dunâ tuots quels chi navigeschan con tai.

25. Per quai, o vus homens, stat con bun anim, perche eu ha cretta in Dieu, cha usche dvanterà, sco m' ais stat dit.

26. Ma nus stovain gnir büttats our' in ün' insla.

27. E siand gnüda la quatordeschavla not, intant cha nus gnivan transportats qua e là sül *mâr* adria-

tico, intuorn mezzanot avettan ils marinêrs l' opiniu, cha füssan vicins a qualcha terra.

28. Ed, aviand laschâ giò il plomin, chattettan els vainch bratschs, e siand passats ün pa plü inavant, ed aviand darcheu plominâ, chattettan els quindesch bratschs.

29. E, tmand da batter via da lous seaglius, büttettan els our dalla part davo della nav quatter ancoras, spettand con desideri cha gniss di.

30. Ma, tscherchand ils marinêrs da fùgir our dalla nav, ed aviand laschâ la barchetta giò nel mâr, suot specie da volair stender las ancoras our dalla part davant della nav;

31. Schi dschet Paulo al centurion, ed als sudats: Scha quaists non reistan nella nav, schi non podais as consalvar.

32. Lura taglettan ils sudats las suas della barchetta, e la laschettan crodar giò.

33. E, spettand chi's fess di, cuffortava Paulo tuots da tour spaisa, dschand: Hoz sun quatordesch dis cha vus dmurais gegüns, spettand sainza tour inguotta.

34. Per quai s' exortesch eu da tour spaisa; perche quaist serva a vos salüd; perche chi non croderà brich' ün chavè dal cheu dad alchün da vus.

35. Ed, aviand dit quaistas chosas, piglet el pan, e^{*} rendet grazias a Dieu in presenza da tuots; lura, l' aviand ruot, comanzet el a mangiar.

^{*} Matt. 15, 36.

36. E tuots, aviand fat bun anim, piglettan eir els spaisa.

37. Ma nus eiran nella nav in tuot duatschient settant' e ses persunas.

38. E, cur els füttan sadolats con spaisa, surlevgettan els la nav, büttand il furmait in mâr.

39. E, cura füt di, non cognoschai-van els il pajais; ma s' acorschettan, *cha füss* ün tsehert ravuogl chi avaiva riva, nel qual els fettan cossagl da chatschar la nav, sch' els podaivan.

40. Ed, aviand retrat las ancoras e slargiâ ils liams dels timuns, as remettettan els alla fortuna del mâr,

ed aviand ozâ sù la vela maistra al vent, tendaivan els vers la riva.

41. Ma, siand incurrùts in ün spih, chi avaiava il mâr d' amanduos varts, * qua battet la nav conter, e la part davant, siand fichada *in quel*, dmu-raiva immobila; ma la part davo 's rumpaiva per il sforz dellas uondas.

* 2 Cor. 11, 25.

42. Ma il parair dels sudats eira da mazzar ils preschunêrs, acio ch' in-gün dad els non fùgiss con nodar oura.

43. Ma il centurion, voliad salvar Paulo, ils piglet da quel cossagl, e comandet, cha quels chi podaivan nodar as büttesan ils prüms *nel mâr*, e scampessan in terra;

44. E 'ls oters, chi sün assas, chi sün alchüns *toes* della nav; ed usche dvantet ch' els tuots as salvettan, e gnittan in terra.

CHAP. XXVIII.

Aviand Paulo fat bliers miraculs sül viadi, vain el al tandem in Roma, e predgia qua l' evan-geli duos ans.

E dopo ch' els fütan scampats, cognoschettan els lura cha l' insla as clamaiva Malta.

2. E 'ls barbars üsettan invers nus bricha comüna umanità; perche, aviand els invüidâ ün grand fö, ans piglettan els aint tuots, per la plövgia chi faiva, e per il fraid.

3. Ma, aviand Paulo raspâ a man-tun üna quantità da fruoŝchas, e las aviand missas sül fö, gnit oura üna vipra per il chod, e 'l saglit via sül man.

4. E, cur ils barbars vezettan la bestia chi 'l pendaiva giò dal man, dischan els l' ün l' oter: Quaist hom ais a tuotta via ün omicider, perche, essendo scampâ dal mâr, schi la vendetta *divina* non il lascha viver.

5. Ma Paulo, aviand squassâ la be-stia nel fö, * non indüret el mal alchün.

* Luc. 10, 19.

6. Ma quels spettaivan, ch' el infless, o crodess dandettamaing mort; ma dopo ch' els avettan löneh spettâ, ed avettan vis chi non al scontraiva alchün inconveniaint, müdettan els parair, e dschettan ch' el füss ün Dieu.

7. Ma 'l principal dell' insla, *clamâ* per nom Publio, avaiava *sias* posses-

siuns in quels contuorns; e quel ans raspet aint, e 'ns alberget trais dis amicabelmaing.

8. E s' imbattet, cha 'l bap da Publio giaschaiva in let amalâ da feivra, e da disenteria, e Paulo get a 'l chattar, ed, * aviand fat oraziun, e miss ils mans sün el, il guarit el.

* Giac. 5, 14. 15.

9. Essendo dimena dvantâ quaiŝ, schignivan eir ils oters chi avaiavan infirmitats sün l' insla, e gnivan guarits.

10. Ils quals eir ans fettan grandas onurs, e, cur nus partittan, ans fornittan els con las chosas necessarias.

11. E trais mais davo ans partittan nus sün üna nav Alexandrina, chi avaiava per insaina Castor e Pollux, la quala eira invernada sün l' insla.

12. E, siand rivats a Siracusa, dmu-rettan qua trais dis.

13. E da là navigettan nus intuorn, e rivettan a Reggio; ed ün di davo, siand alvâ l' austro, rivettan nus in duos dis a Pozzuolo.

14. Ed, aviand qua chattâ dels frars, gnittan nus rovats da dmurar pro els set dis. Ed usche eschan nus gnüts a Roma.

15. Ma 'ls frars da là, aviand udi las novas da nus, ans gnittan incunter fin al Foro Appio, ed allas Trais-Tavernas; e Paulo, cur el ils avet vis, rendet el grazias a Dieu, e chattet ardimaint.

16. E, cur nus fütan rivats a Roma, schi det il centurion ils preschunêrs in man del chapitani maggior della guardia; ma a Paulo füt concess d' abitar da per sai, con il suda chi 'l perchüraiva.

17. E, trais dis davo, clamet Paulo ils principals dels Güdeus; e cur els fütan raspats, disch el ad els: Homens frars, sainza ch' eu haja fat chos' alchüna conter il pövel, ne contra las üsanzas dels babuns, schi sun eu our da Gerusalem * fat perschunêr, e dat in man dels Romans, * *Act. 21, 33.*

18. Ils quals, * m' aviand examinâ, volaivan am liberar; perche in mai non eira alchüna cuolpa degna da mort. * *Act. 22, 24. 24, 10. 25, 8. 26, 31.*

19. Ma, s' opponind ils Güdeus, füt

eu constrict d' appellar a Cesare; bricha seo sch' eu avess d' achüsar mia naziun d' alchüna chosa.

20. Contuot, s' ha eu per quaista chaschun clamats per as vair, e per as favlar; perche * per la spranza d' Israel sun eu circondat con quai-sta † chadaina.

* Act. 26, 6. † 26, 29. Ef. 6, 20. 2 Tim. 1, 16.

21. Ma quels al dischan: Nus non avain ardschvü alchünas chartas da Giudea davart tai; eir non ais gnü ingün dels frars, chi haja referi, o dit alchün mal da tai.

22. Bain giavüschain nus d' ineler da tai, che tü t' impaissast; perche, quant a quaista secta, ans ais contschaint, cha pertuot alla vain contradit.

23. E, l'aviand dat ün di, gnittan els pro el nel albiere in grand number, ed el als declaraiva oura, e testificaiva ad els il reginam da Dieu, e tras la ledscha da Mose, e tras ils profets, della mattina fin alla saira, persvadaiv' el ad els las chosas da Gesu.

24. Ed alchüns erajettan allas chosas *dad el* dittas, ma 'ls oters non crajaivan.

25. Ed essendo in discordia l'ün con l'oter as partittan els, aviand Paulo *ad els* dit *quaist* sulet pled: Il Spiert Sanct favlet bain indret a noss babuns tras il profet Esaja,

26. Dschand: * Và pro quaist pövel, e di ad el: Vus gnüs bain ad udir, ma non gnüs a vair. * Esaj. 6, 9.

27. Perche 'l cour da quaist pövel ais ingraschantâ, ed odan greivamaing con las uraglias, e survezzan con ils ögls; cha forse els non vezzan con ils ögls, e non odan con las uraglias, e non inlegian con il cour, e non as converteschan, ed eu ils fetscha sans.

28. Contuot sapchat, cha quaist salüd da Dieu ais tramiss als pajans, ils quals vegnan eir a 'l tadlar.

29. E, cur l' avet dit quaistas chosas, gettan ils Güdeus d'avent, aviand granda dispitta tanter els.

30. E Paulo dmuret duos ans intant in aigna chasa tuta a fit, e pigliaiva sü tuot quels, chi gnivan aint pro el,

31. Predgiand il reginam da Dieu, e mossand las chosas da Gesu Cristo, con ogni libertà, sainza esser scomandâ.

Fin dels fats dels apostels.

L' EPISTOLA

DA

S. PAULO, APOSTEL, ALS ROMANS.

CHAP. I.

Da chi, e pro che Paulo saja clamâ; con üna cuorta somma del evangeli, cha nus dvaintan salvs tras la cretta in Cristo. Metta eir, cha tuots sajan pechaders, e per quai suottaposts alla maledicziun.

PAULO, serviaint da Gesu Cristo, clamâ *ad esser* apostel, * miss a part per l' evangeli da Dieu, * Act. 13, 2.

2. (Il che el avaiva viavant impromiss tras seis profets, nellas scrittüras sanctas;)

3. Davart seis figl, Gesu Cristo, nos Segner;

4. Genui dal * sem da David, seguond la charn; defini figl da Dieu in po-

tenza, seguond il spiert della santità, tras la resistenza dels morts;

* Matt. 1, 6, 16.

5. Tras il qual nus * avain ardschvü grazia ed apostolat, pro l' obediencia della cretta tanter tuot ils pajans, tras seis nom;

* Rom. 12, 3.

6. Tanter ils quals eir vus eschat clamats da Gesu Cristo:

7. A vus tuots chi eschat in Roma, amats da Dieu, * clamats sancts: Grazia e pasch a vus, da Dieu nos bap, e dal Segner Gesu Cristo. * 1 Cor. 1, 2.

8. Il prüm rend eu grazias a meis Deis tras Gesu Cristo, per tuots vus,

* cha vossa cretta ais publichada per tuot il muond. * Ef. 5, 20.

9. Perche Deis, al qual eu serv in meis spiert, nel evangeli da seis figl, m'ais perdüta, ch' eu m'ân non inter-lasch da far menziun da vus,

10. * Rovand da contin in mias oraziuns da podair gnir pro vus; scha pür, tras la voluntà da Dieu, am füss alla fin concess üna vouta la commodità da far il viadi. * Rom. 15, 23, 29.

11. Perche eu desideresch grandamaing da 's vair, per as communicar qualcha dun spiritual, acio cha vus vegnat confirmats;

12. E quai ais, per gnir cuffortà con vus insembel, * tras nossa comunità cretta, vossa e mia. * Tit. 1, 4.

13. Ma eu vögl, frars, cha vus sapchat, ch' eu ha bleras voutas proponü da gnir pro vus, acio ch' eu haja alchün früt pro vus, sco eir pro ils oters pövels; ma sun stat impedì fin uossa.

14. * Eu sun debitor als Grees, ed als barbars; als sabis ed als nars. * 1 Cor. 9, 16.

15. Usche, quant a mai, *sun eu* pinâ ad evangelizar eir a vus, chi *eschat* in Roma.

16. Perche eu non am turpai del evangeli da Cristo; perche * quel ais üna possanza da Dieu pro 'l salüd ad ogni crettaivel; al Güden il prüm, lura eir al Gree. * 1 Cor. 1, 18.

17. Perche la güstia da Dieu vain in quel revelada, dalla cretta in cretta; seguond chi l'ais scrit: * Il güst vain a viver tras cretta.

* Rom. 3, 21. Ab. 2, 4.

18. Perche l'ira da Dieu vain manifestada giò da tsel sur ogni impietä ed ingüstia della gliend, chi artegnan la vardà tras ingüstia.

19. Perche la cognoschenscha da Dieu ais manifesta in els; * cha Deis ha ad els quai manifestâ. * 1 Gioan. 1, 9.

20. Perche * las chosas invisiblas da quel, sia eterna potenza, e deità, as vezza cleramaing, essendo agià dalla creaziun del muond innan inelettas tras *sias* ouvas, acio ch' els sajan inexcusabels. * Ps. 19, 2.

21. Perche, aviand els cognoschü Deis, non l'han els pero glorificâ,

ne ingraziâ sco Deis; * anzi sun gnüts vans in lur rasehunamaints, e lur cour sainza intellet s'ha inäschüri. * Ef. 4, 17.

22. Dschand d'esser sabis, sun els dvantats nars;

23. Ed han müdâ * la gloria del incorruptibel Deis nella sumgenscha della imagna del crastian corruptibel, e dels utschels, e dellas bestias da quatter peis, e dels reptils.

* Ps. 106, 20.

24. Per quai ils ha Deis eir surdats nels giavüschamaints da lur cours al brudgöm, da vituperar lur corps l'ün con l'oter.

25. Ils quals han müdâ la vardà da Dieu in menzögna, ed han adurâ e servi alla creatüra, aviand bandunâ il creader, chi ais benedi in eterno, amen.

26. Per quai ils ha Deis surdats ad affets turpehus; perche eir lur femnas han müdâ l'üs natüral in quel, chi ais contra la natüra;

27. E sumgiantamaing ils maschels, aviand bandunâ l'üs natüral della femna, ardan in lur cupidità l'ün invers l'oter, commettand maschels con maschels la disonestà, ed arschvand in els stess il pajamaint toccant da lur errur.

28. E, sco ch' els non han fat stima da cognoscher Deis, *usche* 'ls ha Deis surdats ad ün sen reprobà, da far que chi non as convain.

29. *Essendo* plains d'ogni ingüstia, fornicaziun, noschdà, avarezza, malizia; plains d'invilgia, omicidi, contaia, ingian, malignità,

30. Portamenzögnas, maldicants, inimis da Dieu, insolents, superbis, vanaglorius, inventurs da mal, disobediants a baps ed a mammas;

31. Sainza intellet, perfids, sainza affecziun, irreeconciliabels, sainza misericordia,

32. Ils quals, aviand cognoschü 'l decret da Dieu, cha quels chi fan talas chosas sun degns da mort, bricha dech las fan, ma eir han plaschair ad oters, chi *las* commettan.

CHAP. II.

Paulo nombra sù anno plüs puchats tanter ils pajans; e vain lura süls Güdeus, cha sajan eir pechaders.

PER quai, o crastian, chi tü sajast, chi güdichast, schi est tü inexcusabel; perche, in quai tü güdichast oters, condannast tü tai stess; perche tü, chi güdichast, fast il medem.

2. Ma nus savain, cha 'l güdizi da Dieu ais seguond la vardà sur quels, chi fan tal.

3. Ma t' impaïssast tü, o crastian, chi güdichast quels chi fan tal, e 'l fast s vess, tü vegnast a fùgir al güdizi da Dieu?

4. Ovvero, spredschat tü la ricchezza da sia benignità, e da sia pazienza, e tardanza all' ira; non cognoschand, cha la benignità da Dieu at tira a penitenza?

5. Ingio tü tras tia dürezza, e cour impenitent, * at mantunast a guisa d' ün tesor ira, sün il di dell' ira, e della manifestaziun del güst güdizi da Dieu, * Deut. 32, 34.

6. * Il qual vain a render a scodün seguond sias ouvras; * Giob 34, 11. Ps. 62, 13.

7. Cioè, la vit' eterna a quels, chi con perseveranza in bunas ouvras, tscherchan gloria, onur, ed immortalità;

8. Ma a quels chi *sun* dispittus, * e non obedeschan alla vardà, anzi obedeschan all' ingüstia, *soprastà* indignaziun, ed ira. * Giob 24, 12.

9. Tribulaziun ed anguoscha *soprastà* ad ogni orma da crastian chi fa 'l mal, del Güdeu primariamaing, e lura eir del Grec.

10. Ma gloria, ed onur, e pasch, sarà a scodün chi fa 'l bain; al Güdeu primariamaing, lura eir al Grec;

11. Perche * pro Deis non ais resguard alla qualità della persuna.

* Deut. 10, 17. 2 Cron. 19, 7. Giob 34, 19.

12. Perche tuots quels chi averan pechâ sainza la ledscha, vegnan eir a perir sainza la ledscha; e tuots quels chi averan pechâ nella ledscha, saran güdichats tras la ledscha.

13. (Perche * bricha ils auditurs della ledscha *sun* güsts avant Deis; ma ils operatur della ledscha saran güstificats.

* Matt. 7, 21. Giac. 1, 22.

14. Perche, siand ils pajans, chi non han la ledscha, fan da natüra las chosas della ledscha, quels, non aviaand ledscha, sun ledscha a sai stess; *non fan da se, natüra*

15. Ils quals mossan, cha l' ouvra della ledscha saja scritta in lur cours, tras la testimonianza chi da ad els lur conscienza, e per quai, cha lur impissamaints tanter els stess s'achüsan, o eir as schüsan.)

16. Nel di * cha Deis güdicherà ils secrets della gliend, tras Gesu Cristo, seguond meis evangeli. * 1 Cor. 4, 5.

17. Mera, tü est nominâ Güdeu, e t'appozast sün la ledscha, e't glorieschat in Dieu;

18. E cognoschat sia voluntà, e discernast * las chosas contrarias, essendo mossâ dalla ledscha; -

* Fil. 1, 10.

19. E't dast da crair, d' esser guida dels orbs, glüm da quels *chi sun* nella schürezza,

20. Magister dels saimpels, doctur dels idiots, e d' avoir la fuorma della cognoschenscha, e della vardà nella ledscha;

21. Tü dimena chi mossast als oters, non mossast a tai stess? Tü chi predgiast, cha non as dess involar, invoulast?

22. Tü chi disch, cha non as dess commetter adulteri, commettast adulteri? Tü chi abomineschat ils idels, commettast sacrilegi?

23. Tü chi * t' glorieschat della ledscha, disonurast Deis tras la transgressiun della ledscha? * Rom. 9, 4.

24. Perche 'l nom da Dieu vain tras vus blastemmâ tanter ils pajans, seo * l' ais scrit. *Idem* * 2 Sam. 12, 14. Es. 52, 5.

25. Perche la circoncesiun güda bain, scha tü observast la ledscha; ma scha tü est transgressur della ledscha, schi dvainta tia circoncesiun pelliotta.

26. Scha 'ls noneirconcis observan statuts della ledscha, non vain lur pelliotta quintada circoncesiun?

27. E scha la da natüra pelliotta complescha la ledscha, non vain ella a güdichar tai, chi col bustap, e con la circoncesiun est transgressur della ledscha?

28. Perche * quel non *ais* Güdeu, chi *ais* nel apalais *ün* Güdeu; e quella non *ais* circonciasiun, chi *ais* nel apalais, nella charn; * Rom. 9, 6.

29. Ma Güdeu *ais* quel, * chi *ais* Güdeu nel azoppâ, e † circonciasiun *ais* quella del cour nel spiert, bricha nel bustap, e d'ün tal Güdeu non vain il lod dalla ghieud, ma da Dieu.

*1 Petr. 3, 4. † Col. 2, 11.

CHAP. III.

Tuots, tant Güdeus, co pajans sun pechaders. Pucha cognoschü tras la ledscha. Güstifichats tras cretta, sainza ledscha.

QUAL *ais* dimena l'avantach del Güdeu? O quala *ais* l'utilità della circonciasiun?

2. Granda in ogni maniera; il prüm in vardà, in quai cha 'ls * decrets da Dieu füttan ad els affidats. * Rom. 9, 4.

3. Perche co *aise*, * sch' alchüns sun stats increduls; † lur incredulità, dess ella annullar la fideltà da Dieu?

* Ebr. 4, 2. † 2 Tim. 2, 13.

4. *Usche* non saja; anzi saja Deis da vardà, ed * ogni crastian mansnêr, seo l'ais scrit: † Acio cha tii sajast güstifichâ in teis plds, e vendschast, cur tii vainst güdichâ.

* Ps. 62, 10. † Ps. 51, 4.

5. Ma, scha nossa ingüstia statuescha la güstia da Dieu, schi che volain nus dir? Deis, *ais* el ingüst, cur el metta sü chastiamaint? Eu favel umanamaing.

6. Lönsch davent! Uschigliö, * co gniss Deis a güdichar il muond?

* Gen. 18, 25.

7. Perche, scha la vardà da Dieu tras mia menzögna *ais* plü abundanta pro sia gloria, schi perche vegn eu amo condannâ seo ün pechader?

8. E non as *dess bler ant dir*; (seo nus eschan disfamats, e seo alchüns dischan, cha nus dian): Fain il mal, acio cha vegna il bön landroura? (La condannaziun dels quals füss güsta.)

9. Che dimena? * Avain nus qualcha preferenza? A tuotta via bricha. Perche viavant avain nus convint tuots, tant Güdeus co Grecs, ch'els sajan suot il pucha.

* Gal. 3, 22.

10. Sco l'ais scrit: * E non *ais* alchün güst, eir bricha ün. * Ps. 14, 1 e 53, 1.

11. E non *ais* ün, chi haja intelligenza, e non *ais* ün, chi tschercha Deis;

12. Tuots sun straviats, tuotsafats sun malnüz, e non *ais* ün chi fetscha bain, eir brich' ün.

13. Lur gula *ais* üna sepultura averta, els dovrän frod con lur lenguas, * tössi d'aspides *ais* suot lur lefs. * Ps. 5, 10. Ps. 140, 3.

14. * Lur bocca *ais* plaina da maledicziun, e d'aschezza. * Ps. 10, 7.

15. * Lur peis *sun* sperts a spander sang. * Prov. 1, 16. Es. 59, 7.

16. In lur vias *ais* ruina, e calamità;

17. Els non han cognoschü la via della pasch.

18. * Temma da Dieu non *ais* avant lur ögls. * Ps. 36, 1.

19. Ma nus savain, che mâ chi disch la ledscha, schi tsehantscha ella a quels chi *sun* suot la ledscha; acio cha * ogni bocca vegna zügliada, e tuot il muond saja suottapost al güdizi da Dieu.

* Ezech. 16, 63.

20. Perche * ingüta charn non sarà güstifichada avant el tras las ouvras della ledscha; perche † tras la ledscha *vain* la cognoschenscha del pucha. * Gal. 2, 16. † Rom. 7, 7.

21. Ma nossa sainza la ledscha *ais* * la güstia da Dieu manifestada, alla quala rendan testimonianza la ledscha, e 'ls profets; * Rom. 1, 17.

22. La güstia, di eu, da Dieu, tras la cretta in Gesu Cristo, vers tuots e sur tuots ils crettaivels; perche qua * non *ais* differenza;

* Rom. 10, 12. Gal. 3, 28. Col. 3, 11.

23. Perche tuots * han pechâ, e sun privats della gloria Dieu;

* Rom. 11, 32.

24. Essendo gratuitamang güstifichats tras sia grazia, tras la spendranza, chi *ais* in Cristo Gesu;

25. Il qual Deis ha viavant ordinâ *per* purgaziun con seis sang, mediante la cretta; per mossar sia güstia, tras la remissiun dels puchats * da viavant, dal temp della pazienza da Dieu; * Act. 17, 30.

26. Per mossar, *di eu*, sia güstia nel

temp presaint; acio ch' el saja güst, e güstifichand quel *chi ais* della cretta da Gesu.

27. Ingio ais dimena il lod? El ais serrà oura. Tras che ledscha? Dellas ouvas? Nà; anzi, tras la ledscha della cretta.

28. Nus dimena conclüdain, cha 'l crastian vegna güstifichâ tras cretta, sainza las ouvas della ledscha.

29. Deis, *ais el Dieu* solum dels Güdeus? Non *ais el eir* dels pajans? Tschert, eir dels pajans.

30. Siand cha Deis *ais ün* sulet, il qual güstificherà la circonscisiun our dalla cretta, e la pelliotta tras la cretta;

31. Annullain nus dimena la ledscha tras la cretta? Lönsch davent; anzi nus stabilin la ledscha.

CHAP. IV.

La güstificaziun tras la cretta vain confirmada con l'exaimpel d' Abraham, e con plüis dits della scrittüra, sainza las ouvas.

CHE volain nus dimena dir, cha nos bap Abraham haja obtgnü suainter la charn?

2. Perche, scha Abraham ais stat güstifichâ tras las ouvas, schi ha el da's gloriar; ma *d'inguotta* avant Deis;

3. Perche, che disch la scrittüra? * Ma Abraham crajet a Dieu, e *quai* al füt imputâ pro güstia. * Gen. 15, 6.

4. Ma a quel chi operescha non vain la merceda missa in quint per grazia, ma per debit.

5. Ma a quel chi non operescha, anzi craja in quel, chi güstificha l' empi, vain sia cretta imputada pro güstia.

6. Sco eir David disch, la beaden-scha saja del crastian, al qual Deis imputescha la güstia sainza ouvas, *dschaind*:

7. * Beats quels, las iniquitats dels quals sun perdunadas, e 'ls puchats dels quals sun cuverts. * Ps. 32, 1. 2.

8. Beà l' hom, al qual il Segner non imputescha pucha.

9. Uossa dimena quaista beaden-scha, va ella *solum* sün la circonscisiun, ovvero eir sün la pelliotta? Perche nus dschain, cha la cretta füt imputada ad Abraham pro güstia.

10. In che möd dimena *al füt ella* imputada? Intant ch' el eira nella circonscisiun, o nella pelliotta? Na *intant ch' el eira* nella circonscisiun, anzi nella pelliotta.

11. Lura * ardschvet el l' insaina della circonscisiun, sco ün sagê della güstia della cretta, comprovada *intant ch' el eira* nella pelliotta, afin dad esser bap da tuot quels chi crajan, siand nella pelliotta, acio cha eir ad els vegna imputada la güstia;

* Gen. 17, 10.

12. E bap della circonscisiun da quels, chi non sun solum della circonscisiun, ma sieuguan eir ils pass della cretta da nos bap Abraham, *intant ch' el eira* nella pelliotta.

13. Perche l'impromissiu dad esser ertavel del muond non *füt fatta* ad Abraham, o a seis sem, tras la ledscha, ma tras la güstia della cretta.

14. Perche, scha quels *chi sun* della ledscha *sun* ertavels, schi ais la cretta svanida, e l'impromissiu annullada;

15. Perche, * la ledscha operescha ira; perche ingio non ais ledscha, *qua* non ais neir transgressiu.

* Rom. 3, 20.

16. Per quai. * ais *l' ierta* tras cretta, afin d' esser per grazia; acio cha l' impromissiu saja ferma a tuot † il sem; bricha a quel sulamaing, *ch' ais* della ledscha, ma eir a quel, *ch' ais* della cretta dad Abraham; il qual ais bap da nus tuots;

* Gal. 3, 18. † Gal. 3, 22.

17. (Seguond chi ais scrit: * Eu t'ha constitui bap da bleras nazius), avant Dieu, al qual el crajet, il qual fa viver ils morts, e clama las chos-sas chi non sun, sco sch' ellas füssan.

* Gen. 17, 5.

18. Contra spranza sün spranza crajet el; per dvanter bap da bleras nazius, seguond chi 'l eira stat dit: * Usche sarà teis sem.

* Gen. 15, 4. 5.

19. E non siand debel nella cretta, non guardet el * sün seis corp, agià sco mort, essendo el d' età spera a tschient ans; ne sün il sain sco mort da Sara.

* Gen. 17, 17.

20. E non stet in dubi con incredulità davart l'impromissiu da Dieu;

anzi füt fortificâ tras la cretta, dand gloria a Dieu;

21. E siand plainamaing sgürâ, cha quai ch'el avaiua impromiss * füss el eir possant da far. * Es. 57, 19.

22. Dinuonder quai al füt imputâ pro güstia.

23. Ma * bricha per el sulet, sta scrit, chi 'l füt imputâ; * Rom. 15, 4.

24. Ma eir per nus, als quals sarâ imputâ; ils quals crajain in quel chi ha dsadâ sü dals morts Gesu, nos Segner,

25. Il qual ais stat dat per nossas offaisas, ed ais resüstâ per nossa güstificaziun.

CHAP. V.

Paulo nombra sü ils früts della cretta; e quant bler mal saja gnü sün nus tras Adam, e quant bler bön tras Cristo.

CONTUOT, siand güstificats tras cretta, schi avain nus pasch con Deis, tras Gesu Cristo, nos Segner,

2. * Tras il qual nus avain eir gnü nella cretta introduenziun a quaiста grazia, nella quala nus subsistin, e 'ns gloriain nella spranza della gloria da Dieu. * Ef. 2, 18.

3. E bricha solum *quaist*, ma ans gloriain eir dellas afflicziuns; savand, cha l'afflicziun * operescha pazienza. * Giac. 1, 3.

4. E la pazienza experienza, e l'experienza spranza.

5. Ma la spranza non confuonda; perche l'amur da Dieu ais spans' oura in noss cours, tras il Spiert Sanct, chi 'ns ais dat.

6. Perche, intant nus eiran amo debels, ais Cristo a seis temp mort per ils empis.

7. Perche, malapaina moura alehün per ün güst; per ün hom da bain rischess ün forsa amo da morir.

8. Ma * Deis comprova sia amur vers nus, in que cha, intant nus eiran amo pechaders, Cristo ais mort per nus; * Gioan. 15, 13.

9. Bler plü dimena, essendo uossa güstificats in seis sang, gnin nus a gnir tras el salvats dall'ira.

10. Perche scha, intant nus eiran inimis, * nus eschan stats reconciliats con Dieu tras la mort da seis figl; bler plü, essendo reconciliats,

gnin nus a gnir salvats tras la vita da quel. * 2 Cor. 5, 19.

11. E bricha solum *quaist*, ma nus eir ans gloriain in Dieu, tras nos Segner Gesu Cristo, tras il qual nus uossa avain ardschvü la reconciliaziun.

12. Per quai, sco tras ün crastian il pucha ais intrat nel muond, e tras il pucha la mort; ed in quaiست möd la mort ais trapassada sün tuot la gliend, siand tuots han pechâ; *usche ais que quia*.

13. Perche fin sün la ledscha eira il pucha nel muond; * ma il pucha non vain imputâ, scha non ais qua ledscha. * Rom. 4, 15.

14. Ma la mort regnet dad Adam fin sün Mose eir sur quels, chi non avaiavan pechâ a sumgenschla della transgressiun d'Adam, * il qual ais figüra da quel, chi dovaiva gnir.

* 1 Cor. 15, 21. 22. 45.

15. Impero la grazia non ais sco l'offaisa; perche, scha tras l'offaisa del ün quels bliers sun morts; quant plü ais abundanta invers quels *oters* bliers la grazia da Dieu, e l'ün tras la grazia d'ün crastian, Gesu Cristo.

16. Ed eir non *ais* il dun sco quai *chi* causet l'ün chi ha pechâ; perche il güdizi our d'ün' *offaisa manet* pro condannaziun; ma la grazia our da bleras offaisas pro güstia.

17. Perche, scha tras l'offaisa da quel ün, la mort ha regnä tras quel ün; bler plü vegnan quels, chi ardschaivan l'abundanza della grazia, e del dun della güstia a regnar nella vita, tras l'ün, *chi ais* Gesu Cristo.

18. Contuot, sco tras ün' offaisa *il güdizi ais passâ* sün tuot la gliend a condannaziun; usche eir tras üna güstia *ais* la grazia *passada* sün tuot la gliend a güstificaziun della vita.

19. Perche, sco tras la disobediencia d'ün crastian quels bliers sun stats constituits pechaders, usche eir tras l'obediencia d'ün vegnan quels *oters* bliers a gnir constituits güsts.

20. Ma la ledscha gnit tanter aint, * acio cha l'offaisa abundess; ma ingio 'l pucha ais abundant, ais la grazia surabundanta. * Gal. 3, 19. 23.

21. Acio, sco 'l pucha ha regnä pro

la mort; usche eir la grazia regna tras la güstia, pro vita eterna, tras Gesu Cristo, nos Segner.

CHAP. VI.

S. Paulo vain a trattar dal dun della sanctificaziun; ed exorta pro üna netta vita.

CHE dimena volain nus dir? Volain nus rumagnar nel pucha, acio cha la grazia dvainta tant plü abundanta?

2. Lönsch davent. * Nus, chi eschan morts al pucha, co dessan nus viver amo in quel? * Gal. 6, 14.

3. Non savais vus, cha * nus tuots, chi eschan battiats in Cristo Gesu, eschan battiats in sia mort? * Gal. 3, 27.

4. Contuot eschan nus con el * sepulits tras il battaisem nella mort; acio, sco Cristo ais resüstâ dals morts tras la gloria del bap, † nus eir sumgiantamaing chaminan in novità da vita. * Col. 2, 12. † Ef. 4, 22. 23. Col. 3, 10.

5. Perche, scha nus eschan implantats con Cristo alla conformità da sia mort, schi gnin nus tsehert ad esser eir a quella da sia restüanza.

6. Nus savain quaißt, * cha nos vegl crastian ais con el crucifichâ, acio cha 'l corp del pucha saja sdrüt, a fin, cha nus non servan plü al pucha. * Col. 3, 9.

7. Perche * quel chi ais mort, ais liberâ dal pucha. * 1 Petr. 4, 1.

8. Ma, scha nus eschan morts con Cristo, schi crajain nus, cha nus vegnan eir a viver con el;

9. Saviand cha Cristo, essendo resüstâ dals morts, non moura plü; la mort non signorescha plü sur el.

10. Perche, ch' el ais mort, * ais el mort al pucha üna vouta; ma ch' el viva, † viva el a Dieu.

* Ebr. 9, 27. 28. † Luc. 20, 38.

11. Usche eir vus fat quint, cha vus bain sajat morts al pucha, ma vivat a Dieu, in Cristo Gesu, nos Segner. * Gal. 2, 19.

12. Contuot non dess plü il pucha regnar in vos corp mortal, a 'l obedir in seis giavüschamaints;

13. Eir non sporscherai vossa membra, ad esser armas d' iniquità al pucha; anzi presentai vus istess a Dieu, sco da morts fats vivs, e vossa membra ad esser armas da güstia a Dieu.

14. Perche il pucha non vain a signorar sur vus, siand non eschat suot la ledscha, ma suot la grazia.

15. Che dimena? Dessan nus pechar, * siand nus non eschan suot la ledscha, ma suot la grazia? Lönsch davent. * 1 Cor. 9, 21.

16. Non savais vus, cha a qual vus as rendais famagls per l'obedir, schi eschat famagls a quel, al qual vus obedis, o * del pucha a mort, o dell' obediencia a güstia? * Gioan. 8, 34.

17. Ma ingraziâ saja Deis, cha vus eirat famagls del pucha, ma avais da cour obedi alla fuorma della doctrina, nella quala vus eschat surdats.

18. Ma, essendo liberats dal pucha, eschat vus fats famagls della güstia.

19. (Eu tschantsch in maniera da crastian, per la deblezza da vossa charn;) perche, sco vus ünsacura sporschettat vossa membra sco famaglia alla malnettischa, ed all' iniquità, per *commetter* l' iniquità; usche dovais uossa sporscher vossa membra sco famaglia alla güstia, pro sanctificaziun.

20. Perche, cur vus eirat famagls del pucha, eirat vus libers della güstia.

21. Che früt avettat vus dimena lura; chosas, dellas qualas vus uossa as turpiais? Perche la fin da quellas ais la mort.

22. Ma uossa, essendo liberats dal pucha, e fats famagls a Dieu, schi avais vus vos früt pro sanctificaziun, e la fin vita eterna.

23. Perche il salari del pucha ais la mort; ma il dun da Dieu la vita eterna in Cristo Gesu, nos Segner.

CHAP. VII.

Domini della ledscha, e co ils fidels sajan liberats; combat del spiert e della charn nels renaschüts in quaiста vita.

NON savais, frars, (perche eu favell a persunas, chi han cognoschenscha della ledscha), cha la ledscha signoresch' il crastian per tuot il temp ch' el viva?

2. Perche * la duonna maridada ais tras la ledscha obliada al marit, fin tant ch' el viva; ma, scha 'l marit moura, schi ais ella libra della ledscha del marit. * 1 Cor. 7, 39.

3. Per quai, intant cha 'l marit viva, sarà ella clamada adultera, sch' ella dvainta *muglier* d' ün oter marit; ma, cur il marit ais mort, ais ella liberada da quella ledscha; tal ch' ella non ais adultera, sch' ella dvainta *muglier* d' ün oter marit.

4. Usche dimena, meis frars, eir vus eschat dvantats * morts alla led-scha, tras il corp da Cristo, per esser d' ün oter, da quel, chi ais restüstà dals morts; acio cha nus † portan früt a Dieu.

* Rom. 8, 2. † Gal. 5, 22.

5. Perche, intant nus eiran nella charn, schi operaivan las passions dels puchats, las qualas eiran moventadas tras la ledscha, in nossa membra, * per portar früt alla mort.

* Rom. 6, 21.

6. Ma uossa, essendo morts, eschan nus absolts dalla ledscha, * dalla quala nus eiran artgnüts; tal cha nus servan in novità del spiert, e brich' in veglezza del † bustap.

* Rom. 6, 2. † Rom. 2, 29.

7. Che volain nus dimena dir? *Pro-düa* la ledscha il pucha? Lönsch davent. Schi, eu non avess cognoschü il pucha, oter co tras la led-scha; perche eu non avess cognoschü il giavüschamaint, scha la led-scha non dschess: * Non giavüschar.

* Ex. 20, 17.

8. Ma 'l pucha, aviand tut occasiun tras quaist comandamaint, ha operà in mai ogni giavüschamaint; perche, * sainza la ledscha ais il pucha mort.

* 1 Cor. 15, 36.

9. Eu d' ün temp, sainza la ledscha, eira viv; ma, essendo gnü il comandamaint, gnü il pucha darcheu viv;

10. Ma eu morit, e chattet, cha 'l comandamaint, chi ais pro * la vita, am *causet* la mort.

* Lev. 18, 5. Ez. 20, 11, 13.

11. Perche 'l pucha, aviand tut occasiun tras il comandamaint, m' ingiannet, e tras quel *am* mazzet el.

12. * Usche la ledscha ais bain saneta, e 'l comandamaint sanet, e güst, e bun.

* 1 Tim. 1, 8.

13. M' ais dimena quai, chi ais bön, dvantà mort? Lönsch davent; anzi 'l pucha; acio appara, cha 'l pucha, tras quai chi ais bön, m' opere-

scha la mort; afn cha tras il comandamaint il pucha dvainta our da möd peccaminus.

14. Perche nus savain, cha la led-scha ais spirituala; ma eu sun char-nal, vendü *ad* esser suottapost al pucha.

15. Perche, eu non cognosch quai ch' eu operesch; perche, na * quai ch' eu vögl, fetsch eu; ma quai ch' eu ödiesch, quai fetsch eu.

* Gal. 5, 17.

16. Ma, sch' eu *pür* fetsch quai ch' eu non vögl, schi consaint eu alla led-scha, ch' ella *saja* buna.

17. Ed uossa non operesch plü eu quai, anzi 'l pucha chi abita in mai.

18. Perche eu sà, cha in mai, cioè in mia charn, non abita ingün bön; perche, il volair ais qua in mai; ma da complir il bön non chat eu *il möd*.

19. Perche na il bön, ch' eu vögl, fetsch eu; ma il mal, ch' eu non vögl, quel fetsch eu.

20. Ma, sch' eu fetsch 'quai, ch' eu non vögl, schi non operesch eu plü quai; anzi il pucha, chi abita in mai.

21. Contuot am chat eu suot quaista ledscha, cha, voliad eu far il bön, schi ais il mal pro mai.

22. Perche eu am dalet vi' alla led-scha da Dieu, seguond * il crastian intern;

* 2 Cor. 4, 16. Ef. 3, 16. Col. 3, 9, 10.

23. Ma eu vez ün' otra ledscha in mia membra, chi combatta contra la ledscha da meis sen, e 'm tira in preschun suot la ledscha del pucha, chi ais in mia membra.

24. Pover mai crastian! Chi vain am trar liber da quaist corp della mort?

25. Eu rend grazias a Dieu, tras Gesu Cristo nos Segner. Eu istess dimena con il sen serv alla ledscha da Dieu; ma con la charn alla led-scha del pucha.

CHAP. VIII.

La sgürezza dels fidels, e 'ls früts del spiert in quels; dalla spranza e pazienza; dall' amur tanter Dieu e seis infants; predestinaziun.

CONTUOT non *aise* nossaj ingüna condannaziun per quels, *chi* sun in Cristo Gesu, ils quals non chaminnan seguond la charn, ma seguond il spiert.

2. Perche la ledscha del spiert della

vita in Cristo Gesu, m' ha liberâ dalla ledscha del pucha, e della mort.

3. Perche (quai ch' eira impossibel alla ledscha, siand ch' ella tras la charn eira sainza forza), aviand Deis tramiss seis propri figl in fuorma, sumgianta alla charn da pucha, e per il pucha, ha el condannâ il pucha nella charn,

4. Acio cha la güstia della ledscha's compliss in nus, ils quals non chaminain seguond la charn, ma seguond il spiert.

5. Perche quels chi sun seguond la charn, han in sen las chosas della charn; ma quels chi *sun* seguond il spiert, las chosas del spiert.

6. Perche * quai, sün che la charn pensa, *ais* mort; ma quai, sün che'l spiert pensa, *ais* vita, e pasch.

* Rom. 6, 21. Gal. 6, 8.

7. Perche 'l giavütschar della charn *ais* inimicizia contra Dieu; * perche ella non as suottametta alla ledscha da Dieu; perche ella non po que neir.

* 1 Cor. 2, 14.

8. E quels chi sun seguond la charn non pon plaschair a Dieu.

9. Ma vus non eschat seguond la charn, anzi nel spiert, scha pür il spiert da Dieu avda in vus; ma sch' alechtün non ha il * spiert da Cristo, schi non ais el seis.

* Gioan. 3, 34.

10. E, scha Cristo *ais* in vus, schi ais' bain il corp mortal per il pucha; ma il spiert *ais* vita per la güstia.

11. E, scha 'l spiert da quel, chi ha fat resüstar Gesu dals morts, avda in vus, schi vain * quel, chi fet resüstar Cristo dals morts, a vivifichar eir voss corps mortals tras seis spiert, chi avda in vus.

* 1 Cor. 6, 14.

12. Per quai, frars, non * eschan nus debiteurs alla charn, per viver seguond la charn.

* Rom. 6, 7. 18.

13. Perche, scha vus vivais seguond la charn, schi gnis vus a morir; ma, scha vus tras il spiert * mortifichais ils ats del corp, schi gnis vus a viver.

* Ef. 4, 22.

14. Perche tuots quels, chi sun condüts tras il spiert da Dieu, sun infants da Dieu.

15. Perche vus non avais ardschvü il * spiert da servitü, darcheu pro

temma; anzi vus † avais ardschvü il spiert d' adopziun, tras il qual nus clamain: Abba, bap!

* 2 Tim. 1, 7. † Gal. 4, 5, 6.

16. Quel medem spiert * da testimonianza con nos spiert, cha nus sajan infants da Dieu.

* 2 Cor. 1, 22.

17. E, scha nus *eschän* infants, schi *eschän* nus eir ertavels; ertavels da Dieu, e conertavels da Cristo; scha * pür nus indürain con el, acio cha nus eir con el vegnan glorifichats.

* 2 Tim. 2, 11.

18. Perche eu fetsch quint, cha * 'l indürar del temp presaint non *saja* zuond bricha da congualar con la gloria, chi sarà manifestada invers nus.

* 2 Cor. 4, 17.

19. Perche * il ferm desideri della creaziun spetta la manifestaziun dels infants da Dieu.

* Act. 3, 21.

20. Perche la creaziun ais suottaposta alla vanità, bricha da propria inclinaziun, ma tras quel, chi l'ha suottaposta sün spranza,

21. Cha la creaziun vegn' eir a gnir liberada dalla servitü della corruzziun, e *missa* nella libertà della gloria dels infants da Dieu.

22. Perche nus savain, cha l' intera creaziun suspüra insembel, e sainta döglias fin uossa.

23. E bricha solum *quella*, ma eir quels, chi han las primizias del spiert; nus istess, *di eu*, suspürain in nus medems, spettand l'adopziun, * la redemziun da nos corp.

* Luc. 21, 28.

24. Perche tras spranza *eschän* nus salvats; ma * spranza ch' ün vezza non ais spranza; perche quai ch' ün vezza dess el amo sperar?

* 2 Cor. 5, 7.

25. Ma, scha nus avain spranza da quai cha nus non vezzain, schi spettain nus con pazienza.

26. Medemamaing eir il spiert surleivgia nossas deblezzas; perche nus non savain che nus dessan rovar, sco's convain; * ma il Spiert istess interceda per nus con suspürs ineffabels.

* Zac. 12, 10.

27. E quel * chi perscruttescha ils cours cognoscha qual saja il pensar del spiert; perche quel interceda per ils sanets, seguond *la vöglia* da Deis.

* 1 Cron. 28, 9. Ps. 7, 9. Ger. 11, 20.

28. Ma nus savain, cha tuottas chossas coopéreschan in bain a quels, chi aman Deis, ils quals sun clamats suainter *seis* proposit.

29. Perche quels ch' el viavant ha cognoschü, * ha el eir destinâ a *dvantar* sumgiants all' imagna da seis figl, acio ch' el saja † il primogenit tanter blers frars. * Ef. 1, 5.11. † Ebr. 1, 6.

30. E quels ch' el ha destinâ, quels ha el eir clamâ; e quels ch' el ha clamâ, quels ha el eir güstificâ; e quels ch' el ha güstificâ; quels ha el eir glorificâ.

31. Che volain nus dimena dir stin quai? * Scha Deis *ais* per nus, chi *sarà* contra nus? * Num. 14, 9.

32. Quel tshert, chi non ha schaniâ seis propri figl, anzi l' ha * dat per tuots nus, co non ans dess quel eir donar tuottas chossas con el?

* Rom. 4, 25.

33. Chi voul achüsar ils elets da Dieu? Deis, quel chi güstifica?

34. Chi *sarà* quel, ch' *ils* condanna? Cristo, quel chi *ais* mort, ed ultra quai eir resüstâ; il qual *ais* eir alla dretta vart da Dieu, il qual eir interceda per nus?

35. Chi 'ns voul separar dall' amur da Cristo? *Sarà* que afflicziun, o anguosa, o persecuziun, o fam, o nûdezza, o privel, o spada?

36. (Sco l' *ais* scrit: * Per amur da tai gnin nus tuottadi fats morir; nus eschan quintats sco nuorsas da bacharia.) * Ps. 44, 22.

37. Ma in tuot quaistas chossas * eschan nus plü co venschadurs tras quel chi 'ns ha amats. * 1 Cor. 15, 57.

38. Perche eu sun persvas, cha ne mort, ne vita, ne angels, ne principats, ne pussanzas, ne chossas presaintas, ne chossas chi han da gnir;

39. Ne otezza, ne bassezza, ne alchüna otra creatüra, non ans poderà separar dall' amur da Dieu, chi *ais* in Cristo Gesu, nos Segner.

CHAP. IX.

Ils infants della charn vegnan disferenziats dals infants dell' impromissiun: e lura vain mossâ, dinuonder nus dessan tour il fondamaint dell' impromissiun.

EU di la vardâ in Cristo, eu non maint, am dand testimonian-

za mia conscienza tras il Spiert Sanct;

2. Ch' eu ha granda tristezza, e continua dölur in meis cour.

3. Perche eu desideress dad esser eu istess ün * anatema, *sparti* da Cristo, per meis frars, meis paraints segund la charn; * Ex. 32, 32.

4. Ils quals sun Israelits, dels quals *ais* l' adopziun e la gloria, e las lias e † la legislatura, e l' servezzan divin, e las impromissiuns;

* Ex. 4, 22. † Ps. 147, 19.

5. Dels quals *sun* ils babuns, e dals quals * *ais* it *oura*, suainter la charn, il Cristo, il qual *ais* sur tuots Deis, benedi in eterno. Amen. * Matt. 1, 1.12.

6. Impero * non aise usche, cha l' pled da Dieu saja *ad inguotta*; perche bricha tuots quels chi *sun* d' Israel, *sun* Israelits. * Rom. 3, 3.

7. Neir * per quai chi sun sem d' Abraham, non *sun* els *però* tuots infants; anzi: † In Isac at dess gnir nominâ il sem. * Gal. 4, 23. † Gen. 21, 12.

8. Cioè, bricha quels chi sun ils infants della charn, sun infants da Dieu; * ma 'ls infants dell' impromissiun sun quintats per sem.

* Gal. 4, 28.

9. Perche quai *ais* il pled dell' impromissiun: * Da quai temp vögl eu turnar, e Sara averà ün figl,

* Gen. 18, 10.

10. E na solum quai, ma eir * Rebecca, aviand concepi d' ün sulet, *cioè* d' Isac nos bap, *prova* quai.

* Gen. 25, 21.

11. Perche, non siand amo nats *ils* infants, e non aviand fat bain, o mal alchün; (acio cha l' proposit da Dieu, segund l' elezziun restess ferm, bricha causa las ouvras, ma tras quel chi clama.)

12. Schi la füt dit: * Il grand vain a servir al pitschen;

* Gen. 25, 23.

13. Segund chi l' *ais* scrit: * Eu ha amâ Giacob, ed ha ödiâ Esau.

* Mal. 1, 2.

14. Che volain nus dimena dir? Aise iniquità pro Deis? Lönsch davent!

15. Perche el disch a Mose: * Eu sun grazius a chi eu vögl esser grazius, e fetsch misericordia

a chi eu vögl far misericordia.

* Ex. 33, 19.

16. Contuot non ais l'elecziun da chi voul, ne da chi cuorra, ma da Dieu, chi fa misericordia.

17. Perche la scrittüra disch a Farao: * Güst a quai t'ha eu sdasdâ, per mossar in tai mia potenza, ed acio meis nom vegna predgiâ per tuot la terra.

* Ex. 9, 16.

18. Usche fa el misericordia a chi el voul, ed indüresch' el chi el voul.

19. Contuot vaint tû am dir: Perche s'almaina el amo? Chi po resistar a sia voluntà?

20. Schi, o crastian, chi est tû, chi protestast a Dieu? La chosa formada, * dscharà ella al formadur: Perche m'hast fatta usche?

* Es. 45, 9.

21. Non ha l'vaschlêr la possanza sur l'arschiglia, da far our d'una medema massa * ün vaschè ad onur, ed ün oter a disonur?

* 2 Tim. 2, 20.

22. Scha dimena Deis, voliad mossar s'i ira, e far cognoscher seis podair, ha comportâ con granda pazienza ils vaschels dell'ira, composts a perdiziun,

23. Acio ch'el eir fess cognoscher las ricchezas da sia gloria sur ils vaschels della misericordia, ils quals el ha viavant preparâ a gloria?

24. Ils quals el eir ha clamâ, cioè nus, bricha solum our dals Güdeus, ma eir our dals pajans.

25. Sco ch'el disch eir in Osea: * Eu vögl nomnar meis pövel, quel chi non ais meis pövel; ed amada, quella chi non ais amada.

* Os. 2, 23.

26. E * dvanterà, cha là, ingio ad els eira stat dit: Vus non eschat meis pövel, els saran clamats infants del Deis vivaint.

* Os. 1, 10.

27. Ma Esaja clama davart Israel: * Schabain cha'l number dels infants d'Israel füss sco 'l sablun del mâr, schi vain solum † il rimanent a gnir salv.

* Es. 10, 22. † Rom. 11, 5.

28. Perche il Segner definescha e decida il fat con güstia: Il Segner farà seguond decisiun sur la terra.

29. E sco cha Esaja avaiva dit viavant: * Scha 'l Segner dels exercits non ans avess laschâ qualcha sem,

schì füssan nus dvantats sco Sodom, e similis a Gomorra.

* Es. 1, 9.

30. Che volain nus dimena dir? Cha 'ls pajans, chi non tscherchaivan la güstia, han obtgnü la güstia; schi, la güstia chi vain tras la cretta;

31. Ma cha Israel, chi tscherchaiva la ledscha della güstia, non ais gnü pro la ledscha della güstia.

32. Perche? Per quai ch'els non l'han tscherchada tras cretta, ma sco tras ouvras della ledscha; sco * ch'els as han schampütschats nella peidra del intop.

* Luc. 2, 34.

33. Sco l'ais scrit: * Mera, eu tschaint in Sion üna peidra d'intop, ed ün sass da schandel; ma scodün chi † craja in quel, non vain a gnir in verguogna.

* Es. 8, 14. † Es. 28, 16.

CHAP. X.

Causa della ruina dels Güdeus; Cristo ais il fin dalla ledscha. Differenza della güstia della ledscha, e della cretta. La cretta vain dall'udida.

FERARS, l'affecziun da meis cour, e l'oraziun, ch'eu fetsch a Dieu per Israel, ais a seis salüd.

2. Perche eu dun ad els testimonianza, ch'els han * zeli per Dieu, ma sainza intelligenza.

* Act. 21, 20.

3. Perche, ignorand la güstia da Dieu, e tscherchand da stabilir lur propria güstia, non as han els suottaposts alla güstia da Dieu.

4. Perche l' * fin della ledscha ais Cristo, in güstia ad ogni crettavel.

* Gal. 3, 24.

5. Perche Mose descriva usche la güstia chi ais tras la ledscha: * Il crastian, chi averà fat quellas chossas, viverà tras quellas.

* Lev. 18, 5.

6. Ma la güstia, chi ais tras la cretta, disch usche: * Non dir in teis cour: Chi vain ad ir sün tschel? Quaiast ais trar Cristo a bass;

* Deut. 30, 12, 13.

7. Ovvero: Chi vain ad ir giò nel abiss? Quaiast ais trar Cristo darcheu sü dals morts.

8. Ma che disch ella? Il pled ais a tai dastrusch, in tia bocca, ed in teis cour. Que ais il pled della cretta, il qual nus predgiain;

9. Cha, * scha tû confessast con tia bocca il Segner Gesu, e crajast in teis cour, cha Deis l'ha fat resüstar dals morts, schi vainsta gnir salv.

* Matt. 10, 32.

10. Perche con il cour as craja pro güstia, e con la bocca 's fa confessiun pro 'l salüd.

11. Perche la scrittüra disch: * Scodün chi 's fida in el non vain a gnir a tuorp. * Es. 28, 16. Ger. 17, 7.

12. Perche qua non ais differenza da Güdeu e da Grec; perche * ün istess *ais* il Segner da tuots, rich in-vers tuots quels, chi 'l claman in agüd. * Act. 10, 36.

13. Perche, * scodün chi averà clām in agüd il nom del Segner, vain a gnir salv. * Gioel 2, 32.

14. Co dimena dessan els clamar in agüd quel, nel qual els non han cret; e co dessan els crair in quel, dal qual els non han udi; e co dessan els udir sainza predicatur?

15. E co dess ün predgiar, sch' el non ais tramiss? Seo l' *ais* scrit: * Quant bels *sun* ils peis da quels, chi evangelizeschan la pasch, chi evangelizeschan las bunas novas?

* Es. 52, 7. Nah. 1, 15.

16. Ma tuots non han obedi al evangeli; perche Esaja disch: * Segner, chi ha cret a nossa predgia. * Es. 53, 1.

17. Contuot *vain* la cretta dall' annunzia, e l'annunzia *vain* tras il pled da Dieu.

18. Ma eu di: Non han els forse udi? * Schi pür lur sun ais it oura per tuot la terra, e lur plets fin als extrems terms del muond. * Ps. 19, 4.

19. Ma di eu: Israel, non ha el forse comprais? Mose disch primariamaing: Eu 's vögl movantar pro zelosia tras *üna naziun*, *chi* non ais naziun; eu 's vögl clamar oura a sdegn tras ün pövel nar. * Deut. 32, 21.

20. Ed Esaja arditamaing disch: * Eu sun stat chattä da quels, chi non am tscherchaivan, dvanter manifest a quels, chi non am domandaivan. * Es. 65, 1.

21. Ma davart Israel disch el: Tuot-tadi ha eu stais our' ils mans vers ün pövel disobediaint e rebell.

CHAP. XI.

Paulo mossa, cha bricha tuot ils Güdeus sajan rebüttats; cha 'ls pajans as dessan ümiliar; eir lasch' el a savair, cha 'ls Güdeus vegnan amo a gnir vouts, as smüavgliand della misericordia e sapienza da Dieu.

CONTUOT di eu: Ha Deis rebüttä seis pövel? Lönsch davent; perche

eir eu * sun Israelit, del sem d' Abraham, della schlatta da Benjamin.

* 2 Cor. 11, 22.

2. Deis non ha rebüttä seis pövel, il qual el viavant ha tshernü. Non savais vus quai cha la scrittüra disch nell' *istoria* d' Elia? Co el clama a Dieu conter Israel, dschand:

3. * Segner els han mazzä teis profets, ed han desdrüt teis utêrs, ed eu sun restä sulet, ed els tsherchan eir mia vita. * 1 Reg. 19, 10.

4. Ma che al dschet la vusch divina? * Eu m' ha reservä set milli homens, chi non han plazä 'l snuogl al *idel* Baal. * 1 Reg. 19, 18.

5. Usche dimena eir nel temp pre-saint ais laschä alchün rimanent, seguond l'elecziun della grazia.

6. E scha l' *ais* * per grazia, schi non aise plü tras ouvas; üschigliö grazia non füss plü grazia; ma, scha l' *ais* tras ouvas, schi non aise plü grazia; uschigliö ouvra non füss plü ouvra.

* Rom. 4, 4, 5.

7. Che dimena? Israel non ha obtgnü quai ch' el tshercha: Ma l'elecziun ha obtgnü quai, e 'ls oters sun stats indürits, infin a quai st di.

8. Seguond chi 'l ais scrit: * Deis ha dat ad els ün spiert del dormir, ögls da non vair, ed uraglias da non udir.

* Es. 6, 9.

9. E David disch: * Saja lur maisa ad els per latsch, e per falla, e per intop, e per retribuiziun. * Ps. 69, 22.

10. Sajan lur ögls in schürits da non vair, ed as storscha ad els da contin la rain.

11. Contuot di eu: Han els schampütschä, acio chi crodessan? Lönsch davent; anzi * tras lur ruina *ais* il salüd *gnü* non als pajans, per ils clamar a zelosia. * Act. 13, 46.

12. Ma, scha lur ruina ais la ricchezza del muond, e lur diminuziun la ricchezza dels pajans; quant plü sarà lur plainezza!

13. Perche eu favell a vus pajans, inquant tshert * ch' eu sun apostel dels pajans, schi onur eu meis ministeri; * Rom. 15, 16. Gal. 1, 16. Ef. 3, 8.

14. *Per provar*, sch' eu in alchüna maniera podess clamar a zelosia *quels* da mia charn, e salvar alchüns d' els.

15. Perche, scha lur rebüttamaint ais la reconciliaziun del muond; schi che sarà *lur* recepziun oter, co vita our dals morts?

16. Ma, scha las primizias *sun* sanctas, schi *ais* eir la pasta *sancta*, e scha la ragisch ais *sancta*, schi *sun* eir ils rams *sancts*.

17. E, scha pür * alchüns dels rams sun ruots giò; e tü, essendo olivêr solvadi, est implantâ in lur löl, e fat participavel della ragisch, e del grass del olivêr: * Ger. 11, 16.

18. Schi non at gloriar contr' als rams; e scha pür tü 't glorieschast conter *els*, schi non portast tü la ragisch, ma la ragisch *porta* tai.

19. Contuot vainst tü forsà a dir: Ils rams sun ruots giò, acio ch'eu gniss implantâ aint.

20. Bain; els sun ruots giò tras l'incredulità, tü stast dret sù tras la cretta; non superbiar in teis sen, * ma temma, * Prov. 28, 14. Es. 66, 2.

21. Perche, scha Deis non ha schaniâ ils rams natürels, schi *guarda*, el non schanaja forsà neir tai bricha.

22. Contuot guarda la benignità, e la severità da Dieu; la severità sur quels, chi sun erodats; e la benignità invers tai, * scha pür tü persevereschast nella benignità; uschi gliö, † vainst eir tü a gnir taglià gio.

* 1 Cor. 15, 2. † Gioan. 15, 2.

23. E quels eir, scha non persevereschan nell' incredulità, vegnan a gnir implantats aint; perche Deis ais potaint da 'ls * implantar aint danöv. * 2 Cor. 3, 16.

24. Perche, scha tü est tagliâ our dal olivêr, chi da natüra *eira* solvadi, ed est conter natüra implantâ aint nel olivêr domesti; quant plü vegnan quaists, chi sun *rams* natürels a gnir implantats aint nel propri olivêr?

25. Perche, eu non vögl, frars, cha vus non sapchat quaist misteri, (acio cha vus non sajat presuntuus in vus istess), cha indüramaint ais erodâ per part sur Israel, fin cha la plainezza dels pajans saja intratta.

26. Ed usche tuot Israel sarà salvâ; seguond ch'el ais scrit: * Il spenderai vain a gnir da Sion, e vain

a tour via *our* davanti a sai las empietats da Giacob. * Es. 59, 20.

27. E quaiста sarà la lia, ch'els averan da mai, cur eu vegn ad avair tut via lur puchats.

28. Bain sun els inimis, quant al evangeli, per vus; ma, quant alla elecziun, *sun* els amats per ils babbuns.

29. Perche ils duns, e la vocaziun da Dieu sun sainza s'intrüglar.

30. Perche, sco eir vus ünsacura eirat disobediants a Dieu; ma uossa avais obtgnü misericordia, tras la disobediencia da quaists;

31. Usche eir quaists al presaint sun stats disobediants; acio cha tras la misericordia, chi s'ais stat fatta, els eir obtegnan misericordia.

32. Perche * Deis ha serrâ tuots suot la disobediencia, acio ch'el fet-scha misericordia a tuots. * Rom. 3, 9.

33. O chafuollezza dellas ricchezas, e della sapienza, e della cognoschenscha da Dieu! Quant incomprendibels sun seis güdizis, * ed imperscrutablas sias vias! * Giob 11, 8.

34. Perche, * chi ha cognoschü il sen del Segner, o chi ais stat seis cosglêr? * Es. 40, 13.

35. O * chi l'ha dat viavant chi'l dess gnir rendü? * Giob 41, 11.

36. Perche * dad el, e tras el, e per el, *sun* tuottas chosas; ad el saja gloria in eterno. Amen.

* 1 Cor. 8, 6. Col. 1, 16.

CHAP. XII.

Paulo amossa in general davart la vita cristiana, e principalmaing dalla charità.

CONTUOT, s'exortesch eu, frars, cha vus presaintat voss corps sco razional servezzen, *per* offerta viva, *sancta* e plaschaivla a Dieu.

2. E non dvantarai sumgiants a quaist muond, anzi sajat transformats tras la renovaziun da vos sen; * acio cha vus provat, quala *saja* la buna, plaschaivla, e perfetta volontà da Dieu. * Ef. 5, 18.

3. Perche * tras la grazia, chi'm ais datta, di eu a scodün ch'ais tantier vus, ch'el non haja da sai sentimaint sur quai ch'el dess avair;

anzi, ch'el saja sabi * a sobrietà, seguond cha Deis ha distribui a scodün la masüra della cretta. * Rom. 1, 5.

4. Perche, * sco nus in ün corp avain blera membra, ma tuot la membra non ha üna medemma operaziun: * Ef. 4, 7.

5. Usche nus, *chi eschan* blers, eschan ün medem corp in Cristo, e scodün *da nus* ais member l'ün del oter.

6. * Ma, aviand nus differentes duns, seguond la grazia, chi'ns ais datta, scha nus avain profezia, schi *profetizain*, seguond la proporziun della cretta, * 1 Petr. 4, 10.

7. Scha ministeri, schi *attendain* al ministeri; * medemmamaing il doctur attenda al mossar; * Ef. 4, 11.

8. E quel chi exorta, *attenda* al exortar; quel chi distribuescha, *fetscha quai* con simplicità; * quel chi presidiescha, con diligenza; quel chi fa ouvras pietusas, † con allegrezza. * 1 Cor. 12, 28. † 2 Cor. 9, 7.

9. * La charità *saja* sainza simulaziun; † ödiai il mal, e 's tgnai fermamaing vi al bön. * 1 Tim. 1, 5. † Ps. 97, 10.

10. * *As portai* l'ün l'oter affecziun in amur fraterna; prevgni l'ün l'oter in onur. * Ebr. 13, 1.

11. Non *sajat* pajers nel stüdi; *sajat* fervents nel spiert, servind al Segner;

12. Leigers nella spranza, paziaints nell'afflicziun, * perseverants nell'oraziun. * Luc. 18, 1.

13. Communichand als bsögns dels sanets, procurand * l'ospitalità. * Ebr. 13, 2.

14. * Benedi quels chi 's perseguitan; benedi 'ls, e non als smaledirai. * Matt. 5, 44.

15. S' allegrai con quels chi sun leigers, eridai con quels chi eridan.

16. * Hajat tanter vus ün medem sen; † non hajat l'anim davo chosas otas, ma 's commodai allas bassas; ** non sajat sabis pro vus istess. * Rom. 15, 5. † Ps. 131, 1, 2. ** Prov. 3, 7.

17. * Non renderai ad alchün mal per mal; procurai chosas onestas nel conspet da tuot la gliend. * Prov. 20, 22.

18. * Scha l'ais possibel, quant a vus, vivai in pasch con tuot la gliend. * Rom. 12, 14.

19. Non farai vossas vendettas, *meis chars*; anzi dat lö all'ira; perche l'ais scrit: * A mai ais la vendetta, eu vögl render; disch il Segner. * Deut. 32, 35.

20. * Contuot, scha teis inimi ha fam, schi da'l da mangiar; sch'el ha sait, schi da'l da baiver; perche, fand quaist, vainst tü a raspar brashêr sün seis cheu. * Prov. 25, 21.

21. Non esser vint dal mal, anzi venscha il mal tras il bain.

CHAP. XIII.

Exortaziun all'obediencia vers il magistrat; lura recomand' el darcheu la charità, e santità da vita.

OGNI persuna saja suottaposta allas pussanzas superiuras; perche * e non ais pussanza, oter co da Dieu; e las pussanzas chi sun, sun da Dieu ordinadas. * Tit. 3, 1. Gioan. 19, 11.

2. Tal, cha chi resista alla pussanza, resista all'ordinaziun da Dieu; e quels chi resistan vegnan ad ardschaiver güdizi sur els;

3. Perche ils magistrats non sun per spavent allas bunas ouvras, ma allas malas; ma, scha tü non voust tñair la pussanza, schi fa bain, * schi averast lod da quella; * 1 Petr. 2, 14.

4. Perche *il magistrat* ais ün minister da Dieu per tai, nel bön; ma, scha tü fast mal, schi temma; perche el non porta la spada per inguotta; anzi el ais ün minister da Dieu, vindicator in ira contra quel, chi fa il mal.

5. Perquai 's bsögna da necessitá esser soget, bricha solum per l'ira, ma eir per la conscienza.

6. Perque pajais vus eir ils tributs; perche quels sun ministers da Dieu, attendand da contin a quaist.

7. * Dat dimena a scodün il debit; il tribut, a chi *vus dovais* il tribut; la gabella, a chi la gabella; la temma, a chi la temma; l'onur, a chi l'onur. * Matth. 22, 21.

8. Non sajat in debit ad ingün inguotta, oter co da's amar l'ün l'oter; perche, chi ama l'oter, ha compli la ledscha.

9. Perche *quaists comandaints*: * Non commetter adulteri! Non mazzar! Non involar! Non dir fosa per-

düta! Non giavüschar! E scha l' *ais* alchün oter comandamaint, sun som-mariamaing comprais in quai stess: † Ama teis prossem seo tai stess.

* Ex. 20, 13. † Lev. 19, 18.

10. La charità non operescha mal alchün conter il prossem; * il complimaint dimena della ledscha *ais* la charità.

* Matth. 22, 40.

11. E quai stess *dovain nus far tant plü*, veziaand il temp; perche l' *ais* ura, cha * nus ans sdaisdan hozma sü dal sön; perche 'l salüd *ais* uossa plü dastrusch a nus, co cur nus avain cret.

* 1 Tes. 5, 6.

12. La not *ais* avanzada, e l' di *ais* vicin; * büttain via dimena las ouvas dellas schürezzas, † sajans vestits con las armas della glüm.

* Ef. 5, 11. † Ef. 6, 13, 14.

13. Chaminain onestamaing, seo da di; * bricha in magliariz, ed avrianzas; bricha in lets, e slaschügns; bricha in contesas, ed inviglia; * Luc. 21, 34.

14. Anzi * sajat revestits nel Segner Gesu Cristo, e non † hajat chüra della charn pro giavüschamaints.

* 2 Cor. 5, 3. † Gal. 5, 16.

CHAP. XIV.

Essendo grand debat davart la spaisa, ed otras ceremonias da Mose, schi mossà Paulo, co l' üna part e l' otra dess salvar in quai.

Accogliai quel chi *ais* * debel da cretta; ma bricha pro questiuus da dispittas.

* 1 Cor. 8, 9.

2. L' ün craja da *podair* mangiar d' ogni chosa; ma l' *oter*, *chi* *ais* debel, mangia be ravitschas.

3. Quel chi mangia non dess spred-schar quel chi non mangia, e quel chi non mangia, non dess güdichar quel chi mangia; perche Deis l' ha tut sü.

4. * Chi est tü, chi güdichast il famagl d' ün oter? El sta sü dret, o croda a seis propri segner; ma el vain a star ferm; perche Deis *ais* possant da l' confirmar.

* Giac. 4, 12.

5. L' ün stima ün di plü co l' oter, e l' oter stima tuot ils dis *equal*; scodün saja plainamaing sgürâ in seis sen.

6. Chi ha cas al di, l' ha al Segner, chi non ha alchün cas al di, non l' ha al Segner. E chi mangia, mangia al Segner, perche el ingrazia a Dieu, e

chi non mangia, non mangia al Segner, e pür ingraz' el a Dieu.

7. Perche, ingün da nus non viva a sai stess, ne moura a sai stess.

8. Perche, vivain nus, schi vivain nus al Segner; e murin nus, schi murin nus al Segner: Contuot, o cha nus vivan, o cha nus mouran, schi eschan nus del Segner.

9. Perche * a quai stess *fin* *ais* Cristo mort, e restüstâ, e turnâ in vita, acio ch' el signorescha sur ils morts, e sur ils vivs.

* 2 Cor. 5, 15.

10. Ma tü, perche güdichast teis frar? Ovvero tü eir, perche spred-schast teis frar? Perche * nus tuots avain da comparair avant la sopcha da dret da Cristo.

* 2 Cor. 5, 10.

11. Perche l' *ais* scrit: * *Sco* eu viv, disch il Segner, ogni sehnüogl vain as plajar avant mai, ed ogni lengua darà gloria a Dieu.

* Es. 45, 23.

12. Contuot, schi * vain scodün da nus a render quint da sai stess a Dieu.

* Matt. 13, 36.

13. Per quai, schi non güdichain plü l' ün l' oter; ma plü bod güdichai quai stess, da non metter intop, o schandel al-frar.

14. Eu sà e sun persvas nel Segner Gesu, * ch' ingüna chosa non *ais* da sai stess malnetta; ma, † chi stima alchüna chosa malnetta, a quel *ais* ella malnetta.

* Tit. 1, 15. † 1 Cor. 8, 7, 10.

15. Ma, scha teis frar vain conturbâ per la spaisa, schi non chaminast tü plü seguond la charità; non far con tia spaisa * perir quel, per il qual Cristo *ais* mort.

* 1 Cor. 8, 11.

16. Vos bain non saja dimena blastemmâ;

17. Perche il reginam da Dieu non *ais* vivanda, né bavrandà; ma güstia, e pasch, e leidezza nel Spiert Sanct;

18. Perche, chi in quai stess chosas serva a Cristo, *ais* grat a Dieu, ed approvâ dalla gliend.

19. Contuot, schi seguittain allas chosas della pasch, e dell' edificaziun tanter pèr.

20. Non desdrür l' ouvra da Dieu per amur da vivanda; * bain *san* tuot las chosas nettas; ma l' *ais* mal per il crastian chi mangia ad intop.

* Matt. 15, 11.

21. * *L'ais* bün non mangiar charn, e non baiver vin, e non *far* chos' alchüna, nella quala teis frar s' intoppa, o vain schandelizâ, o vain debel.

* 1 Cor. 8, 13.

22. Tü hast cretta? Schi l'hajast in tai stess, avant Dieu. Beà chi non condanna sai stess in quai ch'el approva;

23. Ma sch'ün sta in dubi, e mangia, schi ais el condannâ, per quai ch'el non mangia con cretta. Ma tuot quai, chi non vain dalla cretta, ais pucha.

CHAP. XV.

L'apostel continua d'exortar pro pasch e concordia, e d'avair pazienza con ils flaiels; el loda eir seis offizi d'apostel, ed imprometta da gnir pro els a Roma.

MA nus, chi eschan fermes, dovain comportar la deblezza dels debels, e non complaschair a nus istess.

2. * Scodün da nus dess complaschair al prossem, nel bün, a sia edificaziun.

* 1 Cor. 9, 19, 22.

3. Perche eir Cristo non ha complaschü a sai stess, anzi *ha fat* sco l'ais scrit: * Ils sdegn da quels chi 't sdegnan sun erodats sur mai.

* Ps. 69, 9.

4. Perche * tuot las chosas scrittass agiâ viavant, fütan scrittass per noss' informaziun; acio cha tras la pazienza, e tras la consolaziun dellas scrittüras, nus retegnan la spranza.

Rom. 4, 23.

5. Ma il Deis della pazienza, e del cuffort as detta d'avair ün medem sen tanter vus, seguond Cristo Gesu;

6. Acio cha vus d'ingual consens, con ün' istessa bocca, glorificat Deis, *chi ais* il bap da nos Segner Gesu Cristo.

7. Perquai, * s'ardschvai l'ün l'oter, sco eir Cristo ans ha ardschvüts nella gloria da Dieu.

* Rom. 14, 1. 3.

8. Ma eu di, Cristo ais stat minister della circoncisiun, per la vardà da Dieu, a ratificar las impromissiuins fattas als babuns.

9. Ed ha *raspâ* 'ls pajans, per la misericordia *da quel*, a glorificar Deis, sco 'l ais scrit: * Per quai at vögl eu celebrar tanter ils pövels, e vögl psalmiar a teis nom.

* Ps. 18, 49.

10. E darcheu disch *la scrittüra*:

* S' allegrai, o pövels, con seis pövel *insembel*.

* Deut. 32, 43.

11. E darcheu: * Tuots pövels lodai il Segner, e *vus*, pövels tuots, celebrâ 'l.

* Ps. 117, 1.

12. E darcheu disch Esaja: * E vain ad esser la ragisch da Jesse, e quel chi vain ad alvar sü per redscher ils pövels; las naziuns vegnan ad avair spranza in el.

* Es. 11, 1. 10.

13. Ma il Deis della spranza s'impla con ogni allegrezza, e pasch, in crajand; acio cha vus sajat abundants nella spranza, tras la forza del Spiert Sanct.

14. Ma, meis frars, eu sun persvas da vus, cha vus eir * sajat plains da buntà, implits con ogni cognoschen-scha, sufficiaints eir as admonir l'ün l'oter.

* 2 Petr. 1, 12.

15. Ma eu s'ha scrit, frars, ün pa plü arditamaing, sco a regordanza, tras la grazia chi 'm ais datta da Dieu;

16. Dad esser minister da Gesu Cristo * pro 'ls pajans, am prestand nel sanct servezzen del evangeli da Dieu; acio cha l'offerta dels pajans saja accettabla, santificada tras il Spiert Sanct.

* Rom. 11, 13.

17. Dimena ha eu da 'm gloriari in Cristo Gesu, nellas chosas avant Dieu.

18. Perche eu non savess dir chos' ingüna, cha Cristo non haja operâ tras mai, * all' obediencia dels pajans, tras pled e tras ouvra; * Rom. 1, 5.

19. Con potenza da signals, è da stragezzas; con la virtù del spiert da Dieu; tal, cha da Gerusalem, e dals lous dintuorn, infin all' Illiria, ha eu compli il *servezzen* del evangeli da Cristo;

20. Aviant eir in tshert möd gugent d'evangelizar, bried' ingio agiâ eira stat fat menziun da Cristo; * per non edificar sün il fondamaint d'ün oter.

* 2 Cor. 10, 15. 16.

21. Ma, sco l'ais scrit: * Quels, als quals non ais stat annunziâ *inguotta* dad el, il vezzeran, e quels, chi non han udi *favlar*, l'inelegeran. * Es. 52, 15.

22. Usche * sun eu eir bleras voutas stat impedi da gnir pro vus;

* Rom. 1, 13.

13*

23. Ma nossa, non aviand eu plü da dmutar in quaistas contradas, ed aviand agià da blers ans innan grand desideri da gnir pro vus;

24. Schi vögl eu gnir pro vus, cur eu vegn ad ir in Spagna; perche eu ha spranza, passand, da's vair, e d'esser da vus compagnâ fin là, davo ch'eu il prüm in part sarà saziâ da vus.

25. Ma al presaint * vegn eu a Gerusalem, per succuorrer als sancts.

* Act. 24, 17.

26. Perche * a *quels da* Macedonia, e d'Achaja ha plaschü da far üna contribuziun per ils povers tanter ils sancts, chi sun in Gerusalem.

* 1 Cor. 16, 1. 2.

27. Que als ha plaschü da far quai, ed els sun eir lur debitturs; perche, scha 'ls * pajans han participâ a lur bains spirituals, schi ston eir els succuorrer ad els nels charnals.

* 1 Cor. 9, 11.

28. Davo ch'eu vegn ad avair compli quaist, e consegnâ ad els quaist früt, schi vögl eu ir in Spagna, *passand* tras pro vus.

29. Ma eu sà, cha gñand eu pro vus, vegn eu a gnir con plainezza da benedicziuns del evangeli da Cristo.

30. Ma eu as rouv, frars, tras nos Segner Gesu Cristo, e tras la charità del Spiert, cha vus combattat con mai pro Deis per mai, in *vossas* oraziuns.

31. Acio ch'eu vegna liberâ dals rebels, *chi sun* nella Giudea, e cha meis succuors, chi *ais* per Gerusalem, saja accettabel als sancts.

32. Acio ch'eu, * scha plasch' a Dieu, vegna con allegrezza pro vus, e saja recreâ con vus,

* 1 Cor. 4, 19.

32. Ma il Deis della pasch *saja* con vus tuots. Amen.

CHAP. XVI.

Paulo recomanda Febe, e salüda blers, ils admonind da's perchürar dals auturs da debats.

MA eu as recomand Febe, nossa sour, chi ais diaconessa della baselgia in Cenecea;

2. Acio cha vus l'accolliat nel Segner, * sco's convain als sancts, e la

succuorrat in qualunque chosa, ch'ella averà bsögn da vus; perche ella ais statta protectura da blers, ed eir da mai stess.

* 3 Gioan. 5. 6.

3. Salü dai * Priscilla ed Aquila, meis conlavuraints in Cristo Gesu,

* Act. 18, 2. 26.

4. Ils quals han, per mia vita, sport svesse lur culöz; als quals na eu sulet, ma eir tuot las baselgias dels pajans ingrazian.

5. *Salü dai* eir la baselgia, chi *ais* in lur chasa; salü dai meis char Epeneto, il qual ais la primizia dell'Achaja in Cristo.

6. Salü dai Maria, la quala s'ha blier sfadiada per nus.

7. Salü dai Andronico, e Giunia, meis paraints e compagns da preschun; ils quals sun in renomina tanter ils apostels, e sun stats ant mai in Cristo.

8. Salü dai Amplia, meis char nel Segner.

9. Salü dai Urbano, nos conlavuraint in Cristo, e meis char Stachi.

10. Salü dai Apelle, chi ais approvâ in Cristo. Salü dai *quels* della chasa d'Aristobulo.

11. Salü dai Erodione, meis paraint. Salü dai *quels* della chasa da Narcisso, chi sun nel Segner.

12. Salü dai Trifena, e Trifosa, las qualas s'affadajan nel Segner. Salü dai la chara Perside, la quala s'ha blier sfadiada nel Segner.

13. Salü dai Rufo, chi ais elet nel Segner, e sia e mia mamma.

14. Salü dai Asimerito, Flegonte, Erma, Patroba, Erme, e 'ls frars chi *sun* con els.

15. Salü dai Filologo, e Giulia; Nereo, e sia sour; ed Olimpa, e tuot ils sancts chi *sun* con els.

16. * Salü dai l'ün l'oter con il sanet bütsch; las baselgias da Cristo as salüdan.

* 1 Cor. 16, 20.

17. Ma eu s'exortesche, frars, cha vus s'inguardat da *quels*, chi commettan las dissensiuns, e 'ls schandels contra la doctrina, la quala vus avais impris; e cha vus as retirat da *quels*.

18. Perche tals non servan a nos Segner Gesu Cristo, ma * al propri

vainter, e, con dutsch e lusingiaivel favlar, surmainan els ils cours dels saimpels.

* Fil. 3, 19.

19. Perche voss'obediencia ais divulgada tanter tuots; dinuonder eu m' alleigr per causa vossa; ma eu desideresch, cha vus sajat * sabis pro 'l bön, e saimpels pro 'l mal.

* Matt. 10, 16.

20. Ma 'l Deis della pasch vain bod a smachar satana suot voss peis. La grazia da nos Segner Gesu Cristo saja con vus. Amen.

21. * Timoteo, meis conlavuraint, e Lucio, e Jason, e Sosipatro, meis paraints as salüdan.

* Act. 16, 1.

22. Eu Terzio, chi sun stat il scrivant da quaista charta, as salüd nel Segner.

23. Gajo, meis albergiator, e da tuot la baselgia, as salüda. Erasto, il factur della città, e 'l frar Quarto, as salüdan.

24. La grazia da nos Segner Gesu Cristo saja con vus tuots. Amen.

25. Ma * a quel, chi's po confirmar seguond meis evangeli, e la predgia da Gesu Cristo, tras la revelaziun del † misteri, chi ais stat taschü per usche lung temp,

* Ef. 3, 20. † Ef. 3, 3.

26. Ed uossa manifestâ, e dat a cognoscher tanter tuots ils pövels, tras las scrittüras profeticas, seguond il comandamaint del etern Dieu, all' * obediencia della cretta;

* Rom. 1, 5.

27. * A Dieu, sulet sabi, *saja* la gloria in eterno, tras Gesu Cristo. Amen.

* 1 Tim. 1.17. Giuda, 25.

LA PRÜMA EPISTOLA

DA

S. PAULO, APOSTEL, ALS CORINTERS.

CHAP. I.

S. Paulo salüda ils Corinters, e 'ls exorta pro uniun, e mossa, quant la vanagloria da sapienza mondana saja contraria al evangeli.

PAULO, clamâ *ad esser* apostel da Gesu Cristo, tras la voluntà da Dieu; e 'l frar * Sostene,

* Act. 18, 17.

2. Alla baselgia da Dieu, la quala ais in Corinto, * als santificats in Gesu Cristo, clamats sanets; insembel con tuots quels, † ils quals in qualunque lö claman in agüd il nom da Gesu Cristo, Segner dad els, e da nus:

* 1 Tes. 4, 7. † 2 Tim. 2, 22.

3. Grazia e pasch a vus, da Dieu, nos bap, e dal Segner Gesu Cristo!

4. Eu da contin ingraz per vus a meis Deis, per la grazia da Dieu, chi s' ais datta in Cristo Gesu.

5. Per quai, cha vus eschat in el dvantats richs in ogni chosa, * in ogni doctrina, ed in ogni cognoschen-scha,

* 1 Cor. 12, 8.

6. Sco cha la testimonianza da Cristo ais statta confermada tanter vus,

7. Tal cha non as manca dun alchün, * spettand la manifestaziun da nos Segner Gesu Cristo;

* Fil. 3, 20.

8. * Il qual vain eir as confirmar infin alla fin, *acio vus sajat* sainza cuolpa nel di da nos Segner Gesu Cristo.

* 1 Tes. 3, 13. 1 Cor. 10, 13.

9. Fidel ais Deis, dal qual vus eschat clamats alla communion da seis figl Gesu Cristo, nos Segner.

10. Ma frars, eu s'exortesch tras il nom da nos Segner Gesu Cristo, * cha vus hajat tuots ün medem favlar, e cha non sajan tanter vus sectas; anzi, cha vus sajat units insembel in ün medem sen, ed in üna medemma sentenza.

* Rom. 12, 16.

11. Perche, meis frars, am ais da vus fat a savair da quels da chasa Cloe, cha sajan tanter vus contaisas.

12. Ma quai di eu, * cha scodün da vus disch: Eu sun da Paulo, ed eu † d' Apollo, ed eu da Cefa, ed eu da Cristo.

* 1 Cor. 3, 4. † Act. 18, 24.

13. Ais Cristo parti? Ais Paulo

crucifichâ per vus? Ovvero eschat vus battiats nel nom da Paulo?

14. Eu ingraz Deis, ch'eu non ha battiâ alchün da vus, oter co * Crispo e Gajo.

* Act. 18, 8.

15. Acio ch' ingün non dia, ch'eu haja battiâ in meis nom.

16. Eu ha eir battiâ la famiglia da * Stefana; nel rest non sà, sch'eu haja battiâ alchün oter.

* 1 Cor. 16, 15.

17. Perche Cristo non m'ha tramsiss per battiar, ma per evangelizar; brich in sapienza da plds; acio cha la crusch da Cristo non dvainta debila.

18. Perche il pled della crusch ais bain üna nardà * a quels, chi van a perder; ma a nus, chi dvantain salvs, † üna possanza da Dieu.

* 1 Cor. 2, 15. † Rom. 1, 16.

19. Perche l' ais scrit: * Eu vögl far perir la sapienza dels sabis, ed annullar l' incelet dels inceletavels.

* Es. 29, 14.

20. Ingio *ais* alchün sabi? Ingio *ais* alchün scrivant? Ingio *ais* alchün doctur profund da quaist temp? Non ha Deis fat dvantar narra la sapienza da quaist muond?

21. Perche, daspö * cha'l muond, nella sapienza da Dieu, non ha cognoschü Deis tras la sapienza, schi ha plaschü a Dieu, da salvar ils cretaivels tras la nardà della predgia.

* Rom. 1, 21. 28.

22. Perche * ils Güdeus domandan signals, e 'ls Grecs tscherchan sapienza;

* Matt. 12, 38.

23. Ma nus predgiain Cristo crucifichâ, chi ais ün schandel als Güdeus, ed üna nardà als Grecs;

24. Ma a quels, chi sun clamats, Güdeus e Grecs, *predgiain nus* Cristo, * possanza da Dieu, e † sapienza da Dieu.

* Rom. 1, 16. † Col. 2, 3.

25. Perche la nardà da Dieu ais plü sabia co la gliend, e la deblezza da Dieu plü ferma co la gliend.

26. Perche, frars, guardai vossa vocaziun; cha vus non *eschat* blers sabis seguond la charn, ne blers potents, ne blers nöbels;

27. Anzi * Deis ha tschernü ils ignorants del muond, per svergognar ils sabis, e Deis ha tschernü las chosas

deblas del muond, per svergognar las fermas;

* Giac. 2, 5.

28. E Deis ha tschernü que ch' ais innobel del muond, e que ch' ais spredschi, e las chosas chi non quintan, per redür ad inguotta quellas chi quintan;

29. * Acio ch' ingüna charn as gloriescha in seis conspet.

* Rom. 3, 27.

30. Ma dad el eschat vus in Cristo Gesu, il qual ans ais fat da Dieu sapienza e güstia, e santificaziun, e redemziun;

31. Acio, sco l' ais scrit: * Chi's gloriescha, as dess gloriar del Segner.

* Ger. 9, 24.

CHAP. II.

Paulo da ad incler, perche l' haja predgiâ l' evangelii con bassezza, sainza sapienza del muond.

EIR eu, frars, cur eu gnit pro vus, non gnit eu, * con excellenza da plds, o da sapienza, s'annunziand testimonianza da Dieu.

* 1 Cor. 1, 17.

2. Perche eu non m'avaiva proposet da savair tanter vus oter, co Gesu Cristo, e quel crucifichâ.

3. Ed eu sun stat pro vus con * deblezza, e temma, e tremblar.

* 2 Cor. 11, 30.

4. E meis pled, e mia predgia non *ais statta* con plds persvasivs d'umana sapienza; ma con demonstraziun da spiert, e da possanza,

5. Acio cha vossa cretta non saja in sapienza da crastians, ma in possanza da Dieu.

6. Ma nus raschunain sapienza tanter ils perfets; ed üna sapienza, chi non ais da quaist muond, ne da principis da quaist muond, ils quals sun redüts ad inguotta;

7. Ma nus raschunain in misteri la sapienza da Dieu, la secreta, la quala Deis ha avant tuot temps determinâ a nossa gloria;

8. * La quala ingün dels principis da quaist muond non ha cognoschü; perche, † sch' els l'avessan cognoschüda, non avessan els crucifichâ il Segner della gloria.

* Matt. 11, 25. † Act. 3, 17.

9. Ma l' *ais*, sco sta scrit: * Chosas cha ögl non ha vis, ed uraglia non ha udi, e non sun gnüdas in cour da crastian, quellas ha Deis preparâ a quels chi l' aman.

* Es. 64, 4.

10. Ma Deis *las* ha reveladas a nus tras seis Spiert; perche il Spiert perscruttescha ogni chosa, eir las chosas profundas da Dieu.

11. Perche tanter la gliend, chi cognoscha las chosas del crastian, * oter co il spiert del crastian, chi *ais* in el? Usche non cognoscha neir ingün las chosas da Dieu, oter co'l Spiert da Dieu.

* Prov. 27, 19.

12. Ma nus non avain ardschvü il spiert del muond, ma il spiert, il qual *ais* da Dieu; acio cha nus cognoschan las chosas, chi'ns sun dunadas da Dieu;

13. Las qualas eir nus rasehunain, * bricha con plets mossats dalla sapienza umana, ma mossats dal Spiert Sanct; adattand chosas spiritualas a chosas spiritualas.

* 1 Cor. 1, 17.

14. Ma l' crastian sensual non comprenda las chosas del Spiert da Dieu, perche chi al sun üna nardà, ed el non *las* po cognoscher; siand sun da güdiehar spiritualmaing.

15. Ma l' spiritual güdieha ogni chosa, ed el sves non vain güdiehà d' ingün.

16. Perche, * chi ha cognoschü il sen del Segner, per il podair mossar? Ma nus avain il sen da Cristo!

* Es. 40, 13.

CHAP. III.

Paulo repretta la parzialità tanter ils Corinters; Deis sulet ais l'autur del salüd, e brich' ils ministers. Fondamaint della baselgia. La sapienza da quaist muond üna nardà avant Dieu.

EIR eu, frars, non ha podü favlar a vus, sco a spirituals; anzi *s' ha parlà* sco a charnals, sco ad infants in Cristo.

2. * Eu s' ha dat da baiver lat, e non *s' ha dat* spaisa; perche vus non la podaivat amo *portar*; schi neir uossa non il podais; perche vus eschat charnals.

* Ebr. 5, 12, 13.

3. Perche, * siand tanter vus *sun* invilgia, e debats, e parzialitats, non eschat vus charnals, e non chaminais vus seguond il crastian?

* Gal. 5, 20.

4. Perche, eur l' ün disch: * Quant a mai, sun eu da Paulo; e l' oter: *Ed* eu d' Apollo; non eschat vus charnals?

* 1 Cor. 1, 12.

5. Chi ais dimena Paulo? E chi *ais* Apollo? Bain ministers, tras ils quals vus avais cret, e *quai* seguond cha l' Segner ha dat a scodün.

6. Eu ha plantà, Apollo ha sauà, ma Deis ha fat crescher.

7. Usche non ais inguotta, ne quel chi planta, ne quel chi sauva; ma Deis sulet, il qual fa crescher.

8. Ma quel chi planta, e quel chi sauva, sun istess; * e scodün vain ad ardschaiver seis propri premi, seguond sia fadia;

* Gal. 6, 5.

9. Perche nus eschan lavuraints nell' ouvra da Dieu; vus eschat il champ da Dieu, l' edifiçi da Dieu.

10. Eu, seguond la grazia da Dieu, chi m' ais datta, sco sabi architectur, ha tsechantà il fondamaint, ed ün oter edifica sü sura; ma * cha scodün guarda, co el edifica sü sura.

* Rom. 12, 3. 1 Petr. 4, 11.

11. Perche ingün non po metter oter fondamaint, co quel chi ais miss * il qual ais Gesu Cristo. * Ef. 2, 20.

12. Ma, sch' alchün edifica sün quaist fondamaint or, argent, peidras preziasas; *ovvero*, laina, fain, stubla:

13. Schi sarà l' ouvra da scodün manifestada; perche l' di la paleserà; perche ella ha da gnir manifestada tras fö; e l' fö farà la prova, qual saja l' ouvra da scodün.

14. Scha l' ouvra d' alchün, la quala el ha edifichà sül *fondamaint*, dmura, schi vain el ad ardschaiver premi.

15. Scha l' ouvra d' alchün vain arsa, schi farà el perdita; ma el sves sarà salvà, per möd però, sco tras il fö.

16. Non savais vus, * cha vus eschat il taimpel da Dieu, e cha l' spiert da Dieu avda in vus?

* 1 Cor. 6, 19.

17. Sch' alchün dazipa il taimpel da Dieu, schi vain Deis a l' dazipar; perche il taimpel del Segner ais sanct, e quel eschat vus.

18. Ch' ingün non ingianna sai stess; sch' alchün tanter vus s' impaisa esser sabi in quaist muond, ch' el as craja nar, acio ch' el dvainta sabi;

19. Perche la sapienza da quaist muond ais nardà avant Deis; perche

l'ais serit: * *El* ais, chi piglia ils sabis in lur astuzia.

* Giob 5, 13.

20. E darcheu: * Il Segner cognoseh' ils impissamaints dels sabis, e sa chi sun vans.

* Ps. 94, 11.

21. Per quai, ingiün non as dess gloriar da crastians; perche ogni chosa ais vossa,

22. Paulo, ed Apollo, e Cefa, e'l muond, e la vita, e la mort, e las chosas presaintas, e las chosas chi han da gnir; ogni chosa ais vossa;

23. * E vus *eschat* da Cristo, e Cristo ais da Dieu.

* 1 Cor. 11, 3.

CHAP. IV.

L'offizi d'ün vair minister da Cristo; ingratitude dels Corinters envers Paulo; el recomanda Timoteo.

USCHE ans stima il crastian, sco ministers da Cristo, * e dispensadurs dels misteris da Dieu.

* Luc. 12, 42.

2. Ma nel reist as retschercha dals dispensadurs, cha seodün vegna chattâ fidel.

3. Ma, quant a mai, met zuond pac pais, d'esser güdichâ da vus, o dad alchün güdich uman; schi, eu non güdich neir mai stess;

4. Perche eu non am saint nella conscienza culpabel da chos' alchüna; tant e tant, * per quai non sun eu güstificâ; ma il Segner ais quel chi'm güdicha.

* Ps. 130, 3.

5. Per quai, * non güdicherai inguotta ant il temp, fin cha non saja gnü il Segner, il qual vain a manar a glüm las chosas zoppadas dellas schürezzas, e manifesterà ils cossagls dels cours, e lura † averà seodün *seis* lod da Dieu.

* Matt. 7, 1. † Rom. 2, 29.

6. Ma, frars, eu ha vout quaistas chosas, in favlar, sün mai e sün Apollo, per amur da vus; acio cha vus imprendat da nus a non esser sabis sur quai ch'ais serit; afin da non s'inflar sü l'ün supra l'oter a causa d'ün oter;

7. Perche, chi't zaivra our *dals* oters? E * che hast tü, cha tü non hajast quai ardschvü; e, scha pür tü hast ardschvü, perche't glorieschast, sco non aviand ardschvü?

* Gioan. 3, 27. Giac. 1, 17.

8. Vus *eschat* agià sadulats, * vus

eschat agià gnüts riehs, vus *eschat* agià dvantats rais sainza nus; e füss que pür usche, cha vus füssat rais, acio cha nus eir regnessan con vus!

* Ap. 3, 17.

9. Perche eu stim, cha Deis nus apostels haja tschantâ per ils * ultims, seo crastians condannats a mort; perche nus *eschan* fats ün public spectacul al muond, als angels, ed alla gliעד.

* 1 Cor. 15, 3. 9. 10.

10. Nus *eschan* nars per Cristo, e vus sabis in Cristo; nus *eschan* debels, e vus fermes; vus *eschat* gloriats, e nus disonorats.

11. * Infin all'ura d'uossa indürain nus fam, e sait, e nüdezza; ed *eschan* maltrattats, e non avain dmura ferma.

* 2 Cor. 4, 8.

12. Ans sfadiain, * lavurand con noss agians mans. Gnd ingiuriats benedin nus; gnd perseguittats comportain nus;

* Act, 18, 3. Matt. 5, 44.

13. Siand blastemats supplichain nus; nus *eschan* dvantats seo las seuvadüras del muond, e sco la schima da tuots infin uossa.

14. Eu non scriv quaistas chosas per as far verguogna, ma s'admonesch seo meis chars infants.

15. Perche, schabain vus avessat desch milli magisters in Cristo, schi non *avais* però blers baps; seo * ch'eu s'ha generats in Cristo Gesu tras l'evangelì.

* Act. 18, 11.

16. Contuot s'exortesch eu, * sajat meis imitadurs!

* 1 Cor. 11, 1.

17. Per quai s'ha eu tramiss Timoteo, chi ais meis figl char e fidel nel Segner, il qual vain as trar ad imaint mias vias in Cristo, seo ch'eu moss dapertuot, in ogni baselgia.

18. Ma alchüns as presüman, seo sch'eu non gniss pro vus;

19. Ma bod vögl eu gnir pro vus, scha plasch' al Segner; e vögl lura cognoscher, brich' il favlar da quels chi's presüman, ma la potenza.

20. Perche il reginam da Dieu non *consista* in favlar, ma in potenza.

21. Che volais? * Dess eu gnir pro vus con la percha; ovvero, con l'amur, e l' spiert da bandusezza?

* 2 Cor. 10, 2.

CHAP. V.

Negligenza dels Corinters nel chastiar ün incast; excommunicaziun; purgiar il vegl alvam; fùgir ils mals.

A tuotta via s'oda, *cha saja* pita-nögn tanter vus; e tal pitanögn, chi non vain nominà neir tanter ils pajans; cioè, * ch'ün haja la muglier da seis bap. * Lev. 18, 8.

2. E pür eir vus as presümais, e *perche* non avais blerant fat cordöli, acio cha quel, chi ha commiss quaiست fat, füss tut our da mez vus?

3. Perche eu, * seo absaint da corp, ma presaint da spiert, ha agià güdichâ seo presaint, cha quel chi ha commiss tal in quaista maniera; * Col. 2, 5.

4. Essendo vus, e meis spiert raspats nel nom da nos Segner Gesu Cristo, * con la pussanza da nos Segner Gesu Cristo, * Matt. 16, 19.

5. Cha il tal, *di eu*, saja * dat in man da satana, alla perdiziun della charn, acio cha 'l spiert saja salvâ al di del Segner Gesu. * 1 Tim. 1, 20.

6. Vossa lodavaglia non ais buna! Non savais vus, * ch'ün pa d'alvamaint fa alvar tuot la pasta? * Gal. 5, 9.

7. Purgiai dimena il vegl alvamaint, acio cha vus sajat pasta nouva, se-guond cha vus eschat sainz' alvamaint; perche nossa pasqua, cioè Cristo, ais *usche* statta offerida sü per nus.

8. Per quai fain la * feista, bricha con vegl alvamaint, ne con alvamaint da malizia, e da noschdâ; ma con *pasta* dutscha da sincerità, e da vardâ. * Ex. 12, 15.

9. Eu s'ha scrit in quella charta, cha vus non dessat as masdar con ils pitanêrs.

10. Bricha però dafat con ils pita-nêrs da quaiست temp, o con ils avarazus, o con sgiarbaders, o con idolaters; perche uschigliö stovessat vus ir our dal muond.

11. Ma, nossa s'ha eu scrit, cha vus non dessat as masdar, * sch'alchün, chi 's nomna frar, *ais*, o pitanêr, o avarazus, o idolater, o maldicent, o avriard, o sgiarbader, non mangiarai neir bricha con ün tal. * Matt. 18, 17.

12. Perche, che'm va que pro da

güdichar eir * quels our dadoura? Non güdichais vus quels aint dadaint?

* Marc. 4, 11.

13. Ma Deis güdicha quels dadoura. * Pigliai il malfattur davent da vus!

* Deut. 13, 5.

CHAP. VI.

L'apostel reprend' ils Corinters, ch'els drettaivan ün con l'oter suot güdichs infidels; e comanda da fùgir la fornicaziun.

A sch'alchün da vus, aviand qualcha affar con ün oter, drettar avant ils ingüsts, e brich' avant ils sanets?

2. Non savais vus, * cha 'ls sanets güdicheran il muond, e, scha'l muond vain güdichâ tras vus, eschat vus indegns a far minimis güdizis? * Matt. 19, 28.

3. Non savais vus, cha nus gnin a güdichar ils angels? Quant plü *podain nus* güdichar chosas da quaiста vita!

4. Contuot, scha vus avais littas per causas da quaiста vita, schi fais zer per güdichs quels, chi nella baselgia sun ils plü spredschats?

5. Eu di *quai* per as far verguogna. Non ais usche nemain ün sabi tanter vus, il qual possa far güdizi tanter l'ün da seis frars, e l'oter?

6. Ma, frar dretta con frar, e quai avant ils infidels?

7. Tschert dimena ais que a tuotta via ün defet in vus, cha vus avais littas l'ün con l'oter; * perche non soffris vus plü bod, cha 's vegna fat tort? Perche non as laschais plü bod far qualeha dan? * Matt. 5, 40.

8. Ma vus fais tort, e dan, e quai a frars!

9. Non savais vus, * cha 'ls ingüsts non erteran il reginam da Dieu? Non s'ingiannerai: † Ne 'ls pitanêrs, ne 'ls idolaters, ne 'ls adulter, ne 'ls lascivs, ne 'ls sodomits;

* 1 Tes. 4, 6. † 1 Cor. 15, 50.

10. Ne 'ls laders, ne 'ls avarazus, ne 'ls avriards, ne 'ls blastmaders, ne 'ls sgiarbaders, non erteran il reginam da Dieu.

11. * Ma tals eirat agià alchüns; ma vus eschat lavats, ma vus eschat santificats, ma vus eschat güstificats, nel nom del Segner

Gesu, e tras il Spiert da nos Deis.

* Tit. 3, 3.

12. Ogni chosa m'ais * licita, ma ogni chosa non ais *müzzaivla*; ogni chosa m'ais licita, non vögl però ad alchüna chosa esser soget.

* 1 Cor. 10, 23.

13. Las vivandas *sun* per il vainter, e 'l vainter per las vivandas, e Deis vain a desdrüt quel, e quaiastas; ma 'l corp non ais per il pitanoön, anzi per il Segner, e 'l Segner per il corp.

14. Ma Deis, * sco el ha fat resüstar il Segner, usche vain el a far resüstar eir nus, tras sia potenza.

* Rom. 6, 5.

15. Non savais vus, cha voss corps sun membra da Cristo? Dess eu dimena tour membra da Cristo, e far landroura membra d'üna pitana? Lönsch davent!

16. Non savais vus, cha chi's congiionscha con üna pitana, ais ün istess corp *con quella*? Perche * els duos, disch *il Segner*, dvanteran ün' istessa charn.

* Gen. 2, 24.

17. Ma chi ais congiunt con il Segner, ais * ün istess spiert *con el*.

* Gioan. 17, 21. 22. 23.

18. Fügì 'l pitanoön; ogni oter pucha, cha 'l crastian commetta, ais dadour il corp; ma chi fa pitanoön pecha contra seis propri corp.

19. Non savais vus, cha * vos corp ais ün taimpel del Spiert Sanct, chi ais in vus, il qual vus avais da Dieu; e cha vus non eschat vos? * 1 Cor. 3, 16.

20. Perche vus * eschat comprats con pretsch; glorifichai dimena Deis con vos corp, e con vos spiert, ils quals sun da Dieu.

* 1 Cor. 7, 23.

CHAP. VII.

Paulo tschantscha davart il maridar; davart las vaidguas, giuverschellas; chaminar in sia vocaziun.

MA, quant allas chosas, dallas qualas m'avais scrit, *schì füss bön* per il crastian, da non toccar duonna;

2. Ma, causa il pitanoön, haja ogni hom sia muglier, ed ogni duonna seis propri marit.

3. Il marit renda alla muglier la debita benevolenza, e medemmamaing la muglier al marit.

4. La muglier non ha possanza da

seis corp, ma 'l marit; medemmamaing eir il marit non ha possanza da seis corp, ma la muglier.

5. Non as retrarai l'ün dal oter, o pür schi dvainta con consentimaint, per ün temp, afin d'attender al gegüinar, ed urar; lura turnai dacheu a star insembel; acio cha satanas non as tainta per voss' incontinenza.

6. Ma eu di quaiast sco concessiun, bricha sco comandamaint;

7. Perche eu voless, cha tuots crastians füssan sco eu *sun*; ma scodün ha seis propri dun da Dieu; l'ün in üna maniera, l'oter in ün' otra.

8. Ma eu di als nubils, ed allas vaidguas, chi 'l ais bön per els, cha stettan sco eu *stun* eir;

9. Ma, sch' els non as pon artegner, schi chi's maridan; perche megl ais as maridar, co arder.

10. Ma als maridats ordain eu, na eu, * ma il Segner, cha la muglier non as separa dal marit; * Matt. 5, 32.

11. E scha pür ella füss separada, schi ch'ella rumagna sainza 's maridar, o 's reconciliescha col marit. Il marit neir non dess inviar davent la muglier.

12. Ma als oters di eu, na il Segner: Sch' alchün frar ha üna muglier infidela *alla cretta*, ed ella consainta d'abitar con el, schi non la dess el inviar davent.

13. Medemmamaing eir la duonna, chi ha ün marit infidel, sch'el consainta d'abitar con ella, schi non il dess ella laschar ir;

14. Perche 'l marit infidel ais santifichâ nella muglier, e la muglier infidela ais santifichada nel marit; uschigliö gnissan voss infants ad esser malmets; ma uossa sun els sanets.

15. Scha l'infidel as separa, ch'el as separa; in tal cas il frar, o la sour non sun suottaposts; Deis ans ha clamats pro pasch.

16. Perche, che sast tü, muglier, scha * tü vainst a far salv il marit? Orvero, tü marit, che sast, scha tü vainst a far salv la muglier?

* 1 Petr. 3, 12.

17. Pür seguond cha Deis ha distribui a scodün, seguond cha 'l Segner

ha clamâ scodün, usche chaminai; ed usche ordain eu in tuot las baselgias.

18. Ais alchün clamâ, *essendo* circonciss, schi ch' el non as tira nan la pelliotta; ais alchün clamâ, *essendo* nella pelliotta, schi ch' el non as circoncida.

19. * La circoncisiun non ais inguotta, e la pelliotta non ais inguotta; ma 'l tuot ars l' osservanza dels comandamaints da Dieu. * Gal. 5, 6.

20. Cha scodün rumagna nella vocaziun, nella quala el ais clamâ.

21. Est tü clamâ, *essendo* famagl, non t'inchürar; ma pür, scha tü poust gnir liber, schi dovra plütost *quella commodità*.

22. Perche quel, chi ais clamâ nel Segner, *essendo* famagl, ais * ün liber del Segner; medemmamaing eir quel, chi ais clamâ, *essendo* liber, ais ün † famagl da Cristo.

* Gioan. 8, 36. † Gal. 5, 13.

23. * Vus eschat comprats con pretsch, non dvanterai famagls della glied. * 1 Cor. 6, 20.

24. Frars, ogni ün rumagna pro Deis nella *condiziun*, nella quala el ais clamâ.

25. Ma davart las verginas non ha eu comandaint del Segner; ma dun avis, seo aviand obtgnü misericordia dal Segner, d'esser seis fidel.

26. Contuot stim eu, quai saja bön pro la supstanta necessitâ; perche l'ais bön per il crastian a star usche.

27. Est tü liâ vi alla muglier; non tscherchar d'esser deliberâ; est tü liber da muglier; non tscherchar muglier.

28. Scha pür tü eir pigliast muglier, schi non pechast tü; e, scha la vergina's marida, non pech' ella; ma talas personas averan tribulaziun per la charn; ma eu as voless schaniar.

29. Ma * quai di eu, frars, il temp ais restret d'uoss in via, acio cha quels, chi han mugliers sajan seo sch'els non avessan; * Rom. 13, 11.

30. E quels chi eridan, seo sch'els non eridessan; e quels chi s'alleggran, seo sch'els non s'allegressan; e quels chi compran, seo sch'els non dovessan possedair.

31. E quels chi giodan quaiast

muond, seo non il giodand; perche * la figüra da quaiast muond passa.

* Ps. 39, 6.

32. Ma eu desideresch, cha vus sajat sainza pissèr. Chi non ais maridâ, ha chüra dallas chosas del Segner, co el possa plaschair al Segner;

33. Ma quel chi ais maridâ ha chüra dallas chosas del muond, co el possa plaschair a sia muglier.

34. L'ais differenza tanter la duonna, e la vergina. Quella chi non ais maridada ha chüra dallas chosas del Segner, acio ch'ella saja sancta da corp, e da spiert; ma la maridada ha chüra dallas chosas del muond, co ella dess esser per plaschair al marit.

35. Ma quai di eu a vos propri bain; na per as metter adöss ün latsch, ma siand decaint, e conveniaint da star vi' al Segner constan-tamaing rantats, sainz' esser distrats.

36. Ma, sch' alchün stima far chosa disonorabla invers sia vergina, sch'ella passa la flur dell'età, ed usche sto esser; ch'el fetscha quai ch'el voul, el non pecha, cha vegnan maridadas.

37. Ma, chi sta ferm in seis cour, e non ha necessitâ, ed ais patrun da sia voluntâ, jed ha determinâ quaiast in seis cour, da retgnair sia vergina; fa bain.

38. Per quai, chi marida sia vergina, fa bain, e chi non la marida, fa megl.

39. * La muglier ais liada tras la ledscha, per tuot il temp cha seis marit viva; ma, scha'l marit moura, schi ais ella libra da's maridar a chi ella voul, pür cha saja nel Segner. * Rom. 7, 1, 2.

40. Inguotta tant main ais ella plü felice, seguond meis avis, sch'ella rumagna usche; ma * m'impais d'avair eir eu il Spiert da Dieu. * 1 Thes. 4, 8.

CHAP. VIII.

Paulo mossu, cha non dessan mangiar chosas consecradas als idels, sch'els dettan con quai schandel als flaivels.

MA, quant allas chosas sacrifichas als idels, savain nus, cha nus tuots avain * cognoschenscha; la cognoschenscha infla sü, ma la charità edificha.

* Rom. 14, 14, 22.

2. Ma, * sch' alchün s' impaissa da savair qualehosa, schi non sa el amo inguotta, sco ch' ün dess savair. * Gal. c. 3.

3. Ma, sch' alchün ama Deis, schi ais quel cognoschü dad el.

4. Per quai, quant al mangiar delas chosas sacrificadas als idels, * savain nus, cha l' idel non ais inguotta nel muond, e cha *qua* non ais alchün oter Dieu, co ün.

* 1 Cor. 10, 19.

5. Perche, schabain cha sajan in tsel, ed in terra da quels chi sun nomnats Deis; (sco chi sun blers Deis, e blers signurs;)

6. Inguotta tant main, quant a nus, avain nus ün *sulet* Deis, il bap, * del qual *sun* tuot las chosas, e nus in el, ed † ün sul Segner, Gesu Cristo, tras il qual *sun* tuot las chosas, e nus tras el.

* Act. 17, 28. † Efes. 4, 6.

7. Ma la cognoschenscha non ais in tuots; anzi alchüns mangian *quellas* chosas infin uossa con conscienza del idel, sco chosa sacrificada al idel, e lur conscienza, essendo debba, *vain* * impalada.

* Rom. 14, 14, 23.

8. Ma il * mangiar non ans recomanda a Dieu; perche scha nus mangiain, schi non avain nus inguotta da plü; e scha nus non mangiain, schi non avain nus inguotta da main.

* Rom. 14, 17.

9. Ma guardai, cha forza quaiста vossa pussanza non dvainta * intop als debels.

* Rom. 14, 13, 20.

10. Perche, sch' alchün vezza tai, chi hast cognoschenscha, esser a maisa nel taimpel dels idels, non vain la conscienza da quel, chi ais debel, ad esser edificada a mangiar dallas chosas sacrificadas als idels?

11. Ed usche, tras tia cognoschenscha, perirà il frar debel, per il qual * Cristo ais mort.

* Rom. 14, 15, 20.

12. Ma, pechand usche conter ils frars, e plajand lur conscienzas debblas, pechais vus contra Cristo.

13. Per quala causa, scha 'l * mangiar da schandel a meis frar, schi non vögl eu mâ in perpetuo mangiar charn, acio ch' eu non detta schandel a meis frar.

* Rom. 14, 21.

CHAP. IX.

Paulo mossa con bleras raschuns, cha predicatur del evangeli dessan avair prevendas; üsar libertà ad edificaziun.

NON sun eu apostel? Non sun eu liber? * Non ha eu vis nos Segner Gesu Cristo? Non eschat vus mi'ouvra nel Segner? * Act. 22, 14.

2. Sch' eu non sun apostel als oters, schi 'l sun eu pür a vus; perche vus eschat * il sagê da meis apostolat, nel Segner.

* 2 Cor. 12, 12.

3. Quaist ais quai, ch' eu di a mia defaisa a quels, chi fan inquisiziun da mai.

4. Non avain nus pussanza da mangiar, e da baiver?

5. Non avain nus autorità, da manar intuorn con nus üna duonna sour, sco eir ils oters apostels, e 'ls * frars del Segner, e Cefa?

* Marc. 6, 3.

6. Ovvero, eu sulet, e Barnaba, non avain l' autorità da non lavurar?

7. Chi guerraja mâ a seis propri cuost; chi planta üna vigna, e non mangia dal früt da quella; o chi paschainta üna scossa, e non mangia dal lat della scossa?

8. Di eu quaiastas chosas seguond erastian; la ledscha, non disch eir ella quaiastas chosas?

9. Perche nella ledscha da Mose ais scrit: * Non metter sü boccal al buv chi scuda. Ha Deis chüra dels bouvs?

* Deut. 25, 4.

10. Ovvero, disch el *quai* afatta per nus? Tschert, *quaiastas* chosas sun scrittas per nus; perche, * chi ara, dess arar con spranza; e chi scuda, *dess* scuder con spranza, d' avair part da quai, ch' el ha spranza.

* 2 Tim. 2, 6.

11. * Scha nus as avain semnä las chosas spiritualas, aise granda chosa, scha nus tshuncain las vossas corporalas?

* Rom. 15, 27.

12. Scha oters han part via da quaiста pussanza sur vus, non la dessan nus avair blerant? Ma nus non avain dovrâ quaiست' autorità; anzi nus suffrin ogni chosa, * per non dar alchün disturbi al evangeli da Cristo.

* 2 Cor. 11, 12.

13. Non savais vus, cha * quels chi fan il servezzen sanct, mangian *dallas*

chosas sanctas; e cha quels chi servan al utêr, han part con l'utêr?

* Num. 18, 8.

14. Usche eir * il Segner ha ordinâ a quels, chi annuncieschan l'evangelî, ch'els vivan dal evangelî.

* Matt. 10, 10.

15. Impero eu * non ha tîsâ alchûna da quaistas chosas; ed eir non scriv quaist, acio cha vegna fat usche inversar mai; perche megl ais per mai morir, co ch' alchûn am fetscha perder meis lod.

* Act. 18, 3.

16. Perche, scha eu evangelizesch, non ha eu però da 'm gloriar; perche * necessitâ m'ais imposta, e vae a mai, sch'eu non evangelizess.

* Rom. 1, 14.

17. Perche, sch'eu fetsch quai voluntariamaing, schi ha eu premi; ma, sch'eu fetsch quai da malcontaint, * pür m'ais commissa la dispensaziun.

* 1 Cor. 4, 1.

18. Che premi ha eu dimena? Quaist, cha predgiand l'evangelî, eu fetsch, cha l'evangelî da Cristo non cuosta inguotta; per non abüsar mi' autoritâ nel evangelî.

19. Perche, combain ch'eu sun liber da tuots, pür m'ha eu fat famagl a tuots, per * guadagnar il grand nomer.

* Matt. 18, 15.

20. E * sun dvantâ als Güdeus sco Güdeu, per guadagnar ils Güdeus; a quels *chi sun* suot la ledscha, sco suot la ledscha, per guadagnar quels *chi sun* suot la ledscha;

* Act. 16, 3.

21. A quels chi sun sainza ledscha, sco sainza ledscha, (combain * ch'eu non sun sainza ledscha avant Dieu, ma suot la ledscha da Cristo) per guadagnar quels chi sun sainza ledscha.

* 1 Cor. 7, 22.

22. Eu sun dvantâ sco debel als debels, per guadagnar ils debels, * a tuots sun eu dvantâ ogni chosa, per salvar dal tuot alchûns.

* 1 Cor. 10, 33.

23. Ma eu fetsch quaist per l'evangelî, acio ch'eir eu haja part a quel.

24. Non savais vus, cha quels chi cuorran alla nouda, cuorran bain tuots, ma ün sulet porta vi' il premi? * Cuorrai in möd, cha vus portat vi' il premi!

* Fil. 3, 14.

25. Ma, scodün * chi s'exereitescha

nels combattimaints ais temperâ in ogni chosa, e quels tals *fan quai*, per ardschaiver üna corona corruptibla; ma nus *dovain far quai* per ardschaiver † üna incorruptibla.

* 1 Tim. 6, 12. † 1 Petr. 5, 4.

26. Contuot cuor eu in möd, ch'eu non *cuorra* al intschert; usche scrim eu, bricha seo battand l'ajer;

27. * Anzi, eu domeisch meis corp, e'l met in servitü, acio cha, predgiand als oters, eu sves non vegna rebüttâ.

* Rom. 8, 13.

CHAP. X.

Paulo mossa col exaimpel dels Israelits da 's perchürar da similis mistats, e principalmaing dall' idolatria, sch'els vöglian far indret la s. tschaina. Ais lubi da mangiar dal tuot; ma fûgir il schandel.

MA, frars, eu non vögl, cha vus non saphat, cha noss babuns * füttan tuots suot la nîvla, e cha tuots † passettan tras il mâr;

* Ex. 13, 21. † Ex. 14, 22.

2. E cha tuots füttan battiats in Mose, nella nîvla, e nel mâr;

3. E cha * tuots mangettan la medemma spaisa spirituala;

* Ex. 16, 15.

4. E cha tuots bavettan la medemma bavranda spirituala; perche * els bavaivan dalla peidra spirituala, chi 'ls seguittaiva; ma quella peidra eira Cristo.

* Ex. 17, 6.

5. Ma Deis non ha gnü applaschair vi' alla granda part dad els; perche els * füttan battüts nel desert.

* Num. 26, 64. 65.

6. Ma quaistas chosas dvantettan figüras a nus; acio cha nus non giavüschan chosas malas, * sco eir quels *las* giavüschettan;

* Num. 11, 4.

7. E cha vus non dvaintat idolaters, sco alchûns d'els; seguond chi l'ais scrit: * Il pövel s'ha tschantâ per mangiar, e per baiver; lura alvet el sü per far tramagl.

* Ex. 32, 6.

8. E non fain neir pitanögn, * sco alchûns d'els han dovrâ pitanögn, dinuonder in ün di erodettan vainch e traja milli.

* Num. 25, 1. 9.

9. E non tentain Cristo, * sco eir alchûns d'els *il* tentettan, dinuonder els perittan tras las serps.

* Num. 21, 5. 6.

10. E non brunclerai, * sco eir

alchüins d'els brunclettan, dinuonder els perittan tras il pirementader.

* Num. 14, 2, 29.

11. Ma tuot quaistas chosas dvan-tettan ad els per servir da figüras; e * sun scrittas per admoniziun a nus, stün ils quals s'han seuntrats ils ultims terms del muond. * Rom. 15, 4.

12. Per quai, * chi pensa star stü dret, guarda ch'el non crouda.

* Rom. 11, 20.

13. Tentamaint oter co uman non s'ha amo arprais ingün; ma Deis ais fidel, il qual non * lascherà, cha sajat tentats sur vossas forzas; ma con il tentamaint vain el a dar l'uschida, acio cha vus il possat sustgnair.

* Ps. 125, 20.

14. Per quai, meis chars, * fügen dall' idolatria!

* 2 Cor. 6, 17.

15. Eu favel seo ad inelegentaivels; güdichai vus quai ch'eu di.

16. Il * calisch della benedicziun, il qual nus benedin, non ais el la communium del sang da Cristo? Il pan cha nus rumpain, non ais el la communium del corp da Cristo?

* Matt. 26, 26.

17. Perche, l'ais ün medem pan, nus, combain blers, eschan ün medem corp; perche nus tuots pigliai part ad ün medem pan.

18. Guardai l'Israel seguond la charn; non * han quels, chi mangian ils sacrificizis communium con l'utër?

* Lev. 3, 3.

19. Che di eu dimena? Cha * l'idel saja qualchosa? O cha quai, ch'ais sacrificià als idels, saja qualchosa?

* 1 Cor. 8, 4.

20. Anzi di eu, cha las chosas cha'ls pajans sacrifican, * sacrifican els als demunis, e brich' a Dieu; ma eu non vögl cha vus hajat communium cols demunis.

* Lev. 17, 7.

21. * Vus non podais baiver il calisch del Segner, e l'calisch dels demunis; vus non podais avoir part vi' alla maisa del Segner, e vi' alla maisa dels demunis;

* 2 Cor. 6, 15.

22. O volain nus * clamar our il Segner a zelusia? Eschan nus plü fermes co el?

* Deut. 32, 21.

23. Ogni chosa m'ais licita, ma ogni chosa non ais spediainta; ogni

chosa m'ais licita, ma ogni chosa non edificia.

24. * Ingün non dess tscherchar il sieu propri, ma scodün tschercha quai chi ais per l'oter. * Rom. 15, 1, 2.

25. Mangiai da tuot quai, chi vain vendü alla mezcha, sainza far scrupel alchün per la conscienza;

26. Perche * del Segner ais la terra, e tuot quai ch'ella contegna. * Ex. 19, 5.

27. E, sch'alchün dels infidels as clama, e vus volais ir, schi mangiai da tuot quai, chi's vain tschantà avant, sainza far scrupel alchün per la conscienza.

28. Ma, sch'alchün as disch: Quaist ais dallas chosas sacrificadas als idels; schi non mangerai, per chaschun * da quel, chi s'ha quai dat ad ineler, e per la conscienza.

* 1 Cor. 8, 10, 12.

29. Ma eu di conscienza, bricha tia propria, ma quella del oter; perche * nempe dess mia libertà gnir güdichada dalla conscienza d'ün oter?

* Rom. 14, 16.

30. Seha tras grazia eu poss üsar las vivandas, perche dess eu gnir blastemmà per quai, * dal qual eu rend grazias?

* 1 Tim. 4, 4.

31. Usche dimena, * o cha vus mangiat, o cha vus baivat, o cha vus fet-schat alchün'otra chosa, schi fat tuottas chosas alla gloria da Dieu.

* Col. 3, 17.

32. Sajat sainza dar schandel, ne als Güdeus, ne als Grecs, ne alla baselgia da Dieu.

33. Sco eir eu * complasch a tuots in ogni chosa, bricha tscherchand mia propria ütilità, ma quella da blers, acio ch'els dvaintan salvs.

* Rom. 15, 2.

CHAP. XI.

Co ün as dess deportar nellas raspadas ecclesiasticas. E lura davart la s. tschaina, e l'abüs dels Corinters in quella.

SAJAT * meis imitadurs, sco eir eu sun da Cristo. * 1 Cor. 4, 16.

2. Ma eu as lod, frars, cha vus as regordais in tuot da mai, e cha vus salvais las ordinaziuns, seguond ch'eu las ha dattas a vus.

3. Ma eu vögl, cha vus sapechat, * cha'l cheu d'ogni hom ais Cristo, e

cha 'l cheu della duonna *ais* l' hom, e
 † cha 'l cheu da Cristo *ais* Deis.

* Ef. 5, 23. † Gioan. 14, 28. 1 Cor. 3, 23.

4. Ogni hom, urand, o profetizand
 con il cheu covert, fa verguogna a
 seis cheu;

5. Ma ogni duonna, urand, o profe-
 tizand con il cheu severt, fa ver-
 guogna a seis cheu; perche l' ais
 l' istessa chosa, seo sch' ella füss
 rasa.

6. Perche, scha la duonna non as
 coverna, schi ch' ella as tuonda eir.
 * Scha l' ais chosa disonesta alla
 duonna, d'esser tusa, o rasa, schi
 ch' ella's coverna. * Deut. 22, 5.

7. Perche, quant al hom, non as
 dess el covernar il cheu, essendo l' i-
 magna, e la gloria da Dieu; ma la
 duonna ais la gloria del hom.

8. Perche * l' hom non ais *tut* our
 dalla duonna, ma la duonna our dal
 hom. * Gen. 2, 22.

9. Perche eir l' hom non füt creâ per
 la duonna, ma la duonna per l' hom.

10. Per quai dess la duonna, per
 chaschun dels angels, avoir segn da
 pussanza sül cheu.

11. Inguotta tant main non *ais* ne
 l' hom sainza la duonna, ne la duonna
 sainza l' hom, nel Segner.

12. Perche, seo la duonn' *ais* *tuta*
 our dal hom, usche eir l' hom *ais* tras
 la duonna, ed ogni chosa *vain* da
 Dieu.

13. Güdichai in vus istess; aise con-
 veniaint, cha la duonna fetscha ura-
 zün a Dieu, sainz' esser coverta?

14. La natüra stess, non as moss'
 ella, cha l' ais disonur al hom, sch' el
 porta chavels lungs?

15. Ma, scha la duonna porta cha-
 vels lungs, cha *quai* l' ais onur? Per-
 che ils chavels lungs sun dats ad ella
 per coverta.

16. Ma, sch' alichün avess vöglia
 da testar, schi non avain nus
 üna tal' üsanza, ne las baselgias da
 Dieu.

17. Eu *as* declar quai, ma eu non
 as lod, cha vus gnis insembel, bri-
 cha con meldramaint, ma con pegio-
 ramaint.

18. Perche 'l prüm incleg' eu, cha,
 cur vus as raspais nella baselgia,

cha sajan tanter vus debats; ed eu
 crai quai in part.

19. Perche bsögna, cha sajan eir
 eresias tanter vus; acio cha * quels
 chi sun provats sajan manifests tan-
 ter vus. * Luc. 2, 35. 1 Gioan. 2, 19.

20. Contuot, cur vus as raspais in-
 sembel, schi non ais *quai*, *cha* vus
fais, mangiar la tschaina del Segner.

21. Perche, nel mangiar, piglia seo-
 dün viavant sia agna tschaina, e l' ün
 ha fam, e l' oter ais aiver.

22. Pür, non avais vus chasas per
 mangiar, e per baiver? Ovvero,
 spredschais vus la baselgia da Dieu,
 e fais verguogna a quels chi non
 han? Che's dess eu dir; as dess eu
 lodar in quai? Eu non as lod.

* Giac. 2, 6.

23. Perche eu * ha dal Segner ard-
 schvü, quai cha eir eu ha dat a vus;
cioè, † cha 'l Segner Gesu, nella not
 ch' el füt tradi, piglet il pan;

* 1 Cor. 15, 3. † Matt. 26, 26. Luc. 22, 19.

24. E, davo avoir fat grazias, il
 rumpet el, e dschet: Pigliai, mangiai;
 quai, ais meis corp, il qual vain
 ruot per vus; fat quai, in memoria
 da mai!

25. Medemmamaing eir *piglet* el il
 calisch, davo la tschaina, dschand:
 Quai, calisch *ais* la nouva lia in
 meis sang; fat quai, ogni vouta
 cha vus gnis a baiver, in memoria
 da mai!

26. Perche ogni vouta, cha vus ave-
 rat mangiâ da quai, pan, e bavü
 da quai, calisch, gnis vus ad an-
 nunziar la mort del Segner, fin ch' el
 vain.

27. Per quai, chi averà mangiâ
 quai, pan, o bavü il calisch del Se-
 gner indegnamaing, sarà culpabel
 del corp e del sang del Segner.

28. * Ma il crastian as dess provar
 sai stess, ed usche mangia el da
 quai, pan, e baiva da quai, calisch.

* 2 Cor. 13, 5.

29. Perche, chi mangia, e baiva in-
 degnamaing, mangia e baiva a sai
 stess il güdizi, non discernand il
 corp del Segner.

30. Per quai *sun* tanter vus blers
 flaivels, ed amalats, e blers dorman.

31. Perche, scha nus examinassan

nus istess, schi non gnissan nus güdichats.

32. Ma, essendo güdichats, schi gnin nus dal Segner * corrigits, acio cha nus non vegnan condannats con il muond. * Ebr. 12, 5-10.

33. Per tant, meis frars, gnand vus insembel per mangiar, schi's spettai l'ün l'oter.

34. E, sch' alehtin ha fam, schi ch'el mangia a chasa; acio cha vus non as raspat a güdizi. Ma quant al oter vögl eu disponer, cur eu vegn ad esser gnü.

CHAP. XII.

L'apostel mossa, co sajan da blera sort duns, e ce as dess dovrar quels.

MA, davart ils *duns* spirituals, frars, non vögl eu, cha vus sajat in ignoranza.

2. Vus savais, cha * vus eirat pajans, transportats davo ils idels müts, seguond cha vus eirat manats.

* Ef. 2, 11. 12.

3. Per quai as fetsch eu a savair * cha ingün, favland nel Spiert da Dieu, non disch, Gesu *saja* anatema; ed eir, † ch'ingün non po dir, Gesu *saja* il Segner, oter co tras il Spiert Sanct.

* Marc. 9, 39. † 2 Cor. 3, 5.

4. Ma * qua sun diversità da duns; ma ün medem Spiert.

* Rom. 12, 6.

5. Sun * eir diversità da servezzens; ma ün medem Segner.

* Ef. 4, 11.

6. Medemmamaing sun diversità d'operaziuns; ma ün medem Deis, il qual * operescha tuottas chosas in tuots.

* Ef. 1, 23.

7. Ma a scodün ais datta la manifestaziun del Spiert, a quai chi ais nüzzaivel e spediaint.

8. Perche ad ün vain dat, tras il Spiert, pled da sapienza; ed ad ün oter, seguond il medem Spiert, pled da scienza.

9. Ed ad ün oter, cretta, nel medem Spiert; ed ad ün oter, duns dellas guarischuns, tras il medem Spiert; ed ad ün oter, operar potentas operaziuns; ed ad ün oter, profezia; ed ad ün oter, discernier ils spierts;

10. Ed ad ün oter, * diversità da linguas; ed ad ün oter, l'interpretaziun dellas linguas.

* Act. 2, 4.

11. Ma tuot quaistas chosas opere-scha quel ün e medem Spiert, distribuind particularmaing *seis duns* a scodün, * sco el voul.

* Gioan. 3, 8.

12. Perche, * sco il corp ais ün *sulet corp*, ed ha blera membra, e tuot la membra da quel corp, *chi ais ün sulet*, combain cha saja blera, sun ün istess corp; usche eir *ais* Cristo.

* Rom. 12, 4.

13. Perche in ün istess Spiert eschan nus tuots battiats, per *esser ün medem corp*; * Güdeus e Grees; famagls e libers, e tuots eschan nus bavantats per *esser ün medem Spiert*.

* Gal. 3, 28. Ef. 2, 14. 15. 16.

14. Perche eir il corp non ais ün *sulet member*, ma blers.

15. Scha'l pè disch: Siand non sun man, schi non sun eu del corp; non ais el però del corp?

16. E, scha l'uraglia disch: Siand non sun ögl, non sun eu del corp; non ais ella però del corp?

17. Scha tuot il corp *füss ögl*, ingio *füss* l'udida? Scha tuot *füss* udida, ingio *füss* l'ösem?

18. Ma Deis ha uossa tschantâ scodün dels members nel corp, sco l'ha vogli.

19. E, scha tuot la *membra füss ün sul member*, ingio *füss* il corp?

20. Ma uossa *sun qua* bain blera membra, ma *l'ais ün sulet corp*;

21. E l'ögl non po dir al man: Eu non ha bsögn da tai, ne medemmamaing il cheu *dir als* peis: Eu non ha bsögn da vus;

22. Anzi, bler plü necessaria *co l'otra* ais quella membra del corp, chi para esser la plü debbla.

23. Ed a quella, cha nus stimain esser la main ondraivla del corp, mettain nus pro la plü onur; e nossas *parts* main onestas sun il plü onestamaing fittadas.

24. Ma nossas *parts* onestas non han bsögn *da quai*; anzi Deis ha temperâ il corp, dand plü grand' onur alla *part*, chi avaiava mangla-maint;

25. Acio non saja debat nel corp, anzi haja la membra tuotta üna medemma chüra l'ün per l'oter.

26. E, scha pür ün member patescha, schi compatescha tuot la membra; e

scha ün member ais onurâ, schi s' alleigra tuot la membra insembel.

27. Ma * vus eschat il corp da Cristo, e membra da *quel*, scodün per sia part. * Ef. 5, 30.

28. E * Deis ha constitui nella baselgia alchüns, il prüm apostels, segondariamaing profets, terzo docturs; lura *ha'l ordinâ* las potentas operaziuns; lura, ils duns dellas guarischuns, ils subsidis, † ils governs, las diversitats dellas linguas.

* Ef. 4, 11. † Rom. 12, 8.

29. *Sun els* tuots apostels? *Sun els* tuots profets? *Sun els* tuots docturs?

30. *Han els* tuots *ils duns* dellas potentas operaziuns? *Han els* tuots *ils duns* dellas guarischuns? Favellan tuots *diversas* linguas? *Sun els* tuots interpretadurs?

31. * Ma desiderai con arsantüm ils meglers duns; ed eu as vögl amo mossar üna via excellentissima.

* 1 Cor. 14, 1.

CHAP. XIII.

Paulo mossa, cha tuot ils duns sainza la charità sajan inguotta; e cha quella düra in eterno.

SCHABAIN ch'eu tschantschess *tuot* ils linguachs dels crastians, e dels angels, sch'eu non ha charità, schi dvaint eu ün aram resonand, ed üna schella chi clingia.

2. E, combain ch'eu avess la * profezia, ed inleghess tuots ils misteris, e tuot la scienza; e, schabain ch'eu avess tuot la cretta, tal ch'eu † trasportess ils munts; sch'eu non ha charità, schi non sun eu inguotta.

* 1 Cor. 12, 8. 9. † Matt. 17, 20.

3. E, schabain ch'eu spendess in nudriar *ils povers* tuot mias facultats, e dess meis corp ad esser ars; sch'eu non ha charità, schi non am güda quai inguotta.

4. La charità ais tarda all'ira, ais benigna; la charità non ais invilgiusa, non proceda perversamaing, non as infla sü;

5. Non operescha disonestamaing, non * tschercha sias proprias chosas, non s' exacerbescha, non s' impaisa 'l mal.

* 1 Cor. 10, 24.

6. * Non s' alleigra dell' ingüstia, ma 's tegna buna della vardâ.

* Ps. 10, 3.

7. Soffrescha ogni chosa, craja ogni chosa, ha spranza d' ogni chosa, sustain ögni chosa.

8. La charità non challa mâ brich; ma las profezias vegnan a gnir annulladas, e las linguas vegnan a tschessar, e la scienza sarâ annullada.

9. Perche nus cognoschain in part, ed in part profetizain nus.

10. Ma, cur la perfeziun sarâ gnüda, lura vain quai *chì ais solum* in part a gnir annullâ.

11. Cur eu eira ün infant, tschant-schaiv' eu seo ün infant, eu avaiya sen dad infant, eu rashunaiva seo ün infant; ma, cur eu sun dvantâ ün hom, schi ha eu dismiss las chosas dad infant, seo non siand plü d' alchün adöver.

12. Perche nus vezzain * uossa tras ün spejel, tras ün pled schür; ma lura † *gnin nus a vair* da fatscha in fatscha. Uossa cognosch eu in part, ma lura vegn eu a cognoscher, seo eir eu sun stat cognoschü.

* 2 Cor. 5, 7. † 1 Gioan. 3, 2.

13. Ma uossa restan cretta, spranza, e charità, quaiastas trais; ma la plü granda da quellas ais la charità.

CHAP. XIV.

L' apostol declera il vair üs dellas linguas, e che uorden as dess salvar nella baselgia per la commüna edificaziun; el scomand' allas donans da favlar in public.

SEGUITTAI la charità, e * bramai con arsantüm *ils duns* spirituals; ma principalmaing, cha vus profetizeschat.

* 1 Cor. 12, 31.

2. Perche, chi * tschantscha *in* linguach *eister*, non tschantscha con la gliend, ma con Dieu; perche ingün non l' inlegia, ma el rashuna misteris nel spiert.

* Act. 2, 4.

3. Ma chi profetizescha rashuna alla gliend, *in* edificaziun, ed exortaziun, e consolaziun.

4. Chi favella *in* linguach *eister* edificha sai stess; ma chi profetizescha edificha la baselgia.

5. Ma eu vögl bain, cha vus tuots tschantshat linguachs; ma bler ant, cha vus profetizeschat; perche plü grand ais chi profetizescha, co chi favella linguachs, oter co sch' el

interpretescha, acio cha la baselgia ardschaiva edificaziun.

6. Ed uossa, frars, sch'eu gniss pro vus, favland in linguachs *eisters*, che gniss eu a güdar, oter co sch'eu tschantschess con vus, o tras revelaziun, o tras scienza, o tras profezia, o tras doctrina?

7. Svess chosas sainza vita chi dan ün sun, o tüba, o citra, sch'ellas non dan distineziun als suns, schi co 's cognoscherà quai chi ais sunâ sün la tüba, o sün la citra?

8. Perche, scha la trombetta da ün sun inentschaint, schi chi s'apparecherà alla battaglia?

9. Usche eir vus, scha vus non proferis tras il linguach ün tschantschar inlegentaivel, schi co s'inelegerà quai chi sarà dit? Perche vus sarat seo scha vus favlessat in l'ajer.

10. E sun, per exaimpel, tantas manieras da favellas nel muond, ed ingüna non *ais sainza significaziun*.

11. Contuot, sch'eu non inleg quai chi voul dir la favella, schi sun eu eister a chi tschantscha, e chi tschantscha *sarà* eister a mai.

12. Usche eir vus, siand cha vus eschat desiderus da duns spirituals, schi tscherchai d'avair abundanza *da quels*, per l'edificaziun della baselgia.

13. Per quai, chi tschantscha in linguach *eister*, dess rovar, da podair l'interpretar.

14. Perche, sch'eu fetsch oraziun in linguach *eister*, schi fa bain meis spiert oraziun, ma meis intellet ais sainza früt.

15. Che *dess* eu dimena *far*? Eu vögl far oraziun con il spiert, ma la vögl eir far con l'intellet; vögl psalmiar con il spiert, ma vögl eir psalmiar con l'intellet.

16. Perche, scha tü benedeschast con il spiert, schi co dscharà quel, chi ais nel lö del idiot, amen, sün teis ingraziamaint; siand ch'el non inlegia quai cha tü dist?

17. Perche tü ingraziast bain, ma l'oter non vain edificäh.

18. Eu ingrazeh a meis Deis, ch'eu favel *diversas* linguas plü co vus tuots.

19. Ma nella baselgia vögl eu plü gudent dir tschinch plets con meis intellet, acio ch'eu mossa eir ils oters, co desch milli in lingua *eistra*.

20. Frars, * non sajat infants nel intellet; ma sajat infantets in malizia, ed *homens* perfets in intellet.

* Ps. 131, 2.

21. L'ais scrit nella ledscha: * Eu vögl favlar a quaiet pövel tras *pövels* d'eistra lingua, e tras lefs *eisters*; ed els non vegnan neir usche am tadlar, disch il Segner.

* Es. 23, 11. 12.

22. Pertant, ils linguachs sun per signal, brich'als crettaivels, anzi als infidels; ma la profezia non ais per ils infidels, anzi per ils crettaivels.

23. Scha dimena, cur tuot la baselgia ais raspad' insembel, tuots tschantschan linguachs *eisters*, e cha intran idiots, o infidels, non gnisan quels a dir, cha vus füssat our da sen?

24. Ma, scha tuots profetizeschan, e cha intra alchün infidel, o idiot, schi vain el convint da tuots, e güdichä da tuots.

25. Ed usche vegnan ils secrets da seis cour palesats; ed usche, as bütand in terra sün sia fatscha, vain el ad adurar Deis, confessand, cha vairamaing Deis saja in vus.

26. Che *aise* dimena da *far*, frars? Cur vus as raspais, ha scodün da vus, chi psalm, * chi doctrina, chi linguach, chi revelaziun, chi interpretaziun, cha as fetscha ogni chosa ad edificaziun.

* 1 Cor. 12, 8. 9. 10.

27. Sch'alchün tschantscha in linguach *eister*, *schi as fetscha* quaiet da duos, o da trais al plü, e l'ün davo l'oter; ed ün interpretescha.

28. Ma, scha non ais qua alchün, chi interpretescha, schi cha tascha nella baselgia *quel chi tschantscha linguachs eisters*, e ch'el favella a sai stess, ed a Dieu.

29. Cha tschantschan duos, o trais profets, e 'ls oters güdichan.

30. E, scha ad ün oter chi sezza ais revelada *chosa alchüna*, schi cha 'l precedaint tascha.

31. Perche ad ün ad ün podais tuots profetizar; acio cha tuots

imprendan, e tuots vegnan cuffortats.

32. E 'ls spiert da profets sun suotaposts als profets.

33. Perche Deis non *ais Dieu* da confusium, ma da pasch. * E sco's fa in tuot las baselgias dels sanets,

* 1 Cor. 11, 16.

34. Cha vossas donans tashan * nella raspadas della baselgia; perche ad ellas non ais permiss da tshan-tshar; ma *dessan* esser † soggettas, ** sco eir la ledscha disch.

* 1 Tim. 2, 11. 12. † 1 Cor. 11, 3. ** Gen. 3, 16.

35. E, scha pür ellas vögljan imprend-der qualchosa, schi dessan ellas domandar lur propri marits a chasa; perche allas donans ais chosa disonesta da favlar in baselgia.

36. Il pled da Dieu ais el procedü da vus? Ovvero, ais el pervgnü a vus sulets?

37. * Sch'alehün as stima esser profet, o inspirâ, schi ch' el recognoscha, cha las chosas, ch' eu as scriv, sun comandamaints del Segner.

* 2 Cor. 10, 7.

38. E sch'alehün ais ignorant, ch' el saja.

39. Usche dimena, meis frars, desiderai con arsantüm il profetizar, e non seomanderai il tshantschar linguachs.

40. Ogni chosa dess dyantar onestamaing, e con uorden.

CHAP. XV.

S. Paulo prova con bieras raschuns la resistanza, e mossa eir la fuorma, e con che corps nus vegnan a resüstar.

MA, frars, eu as decler l'evangelii, il qual eu s'ha evangelizâ, il qual eir vus avais ardschvü, e nel qual vus stais stabels;

2. Tras il qual vus gnis eir salvys, il salvand vus nella maniera, ch' eu s' il ha evangelizâ; o pür * cha vus avais cret in van.

* Gal. 3, 4.

3. Perche eu s'ha surdat in prüim lö quai * ch' eir eu ha ardschvü; cha Cristo ais mort per noss puchats; † seguond las scrittüras;

* Gal. 1, 12. † Ps. 22, 16. 17. Es. 53, 5, 10. Dan. 9, 26.

4. E ch' el füt sepuli, e ch' el resüstet al terz di; * seguond las scrittüras.

Ps. 16, 10.

5. E ch' el apparet a * Cefa, e lura als dudesch.

* Luc. 24, 34.

6. Davo quai apparet el in üna vouta a plü co a tschinch tshient frars, dels quals la granda part restettan vivs infin uossa; ed alehüns eir dorman.

7. Davo apparet el a Giacobbo, e lura a * tuot ils apostels *insembel*.

* Luc. 24, 50.

8. E, davo tuots, ais el apparü eir * a mai, sco ad ün infant malmadür.

* Act. 9, 4.

9. Perche * eu sun il minim dels apostels, e non sun pür degn d' esser clamâ apostel, perche ch' eu † ha perseguittâ la baselgia da Dieu.

* 1 Cor. 4, 9. † Act. 9, 1.

10. Ma, * tras grazia da Dieu, sun eu quel ch' eu sun, e sia grazia vers mai non ais statta vana; anzi eu m'ha † sfadiâ plü co quels tuots; schi brich eu, ma la grazia da Dieu, la quala *ais* con mai.

* Ef. 3, 7. 8. † 2 Cor. 11, 23.

11. Eu dimena, e quels, predgiain usche, ed usche avais vus cret.

12. Ma, scha vain predgiâ, cha Cristo saja resüstâ dals morts, schi co dischan alehüns tanter vus, cha non saja resüstanza dels morts?

13. Ma, scha non ais resüstanza dels morts, schi non ais neir Cristo resüstâ.

14. E, scha Cristo non ais resüstâ, schi *ais* dimena nossa predgia vana, vana *ais* eir vossa cretta.

15. Ed eir nus gnin chattats per fosas perdüttas da Dieu; perche nus avain dat perdüta da Dieu, ch' el haja fat rüststar Cristo; il qual el non ha fat resüstar, scha 'ls morts non resüstan.

16. Perche, scha 'ls morts non resüstan, schi non ais neir Cristo resüstâ;

17. E, scha Cristo non ais resüstâ, schi ais vossa cretta vana, e vus eschat in voss puchats.

18. Eir quels dimena chi dorman in Cristo sun pers.

19. Scha nus avain spranza in Cristo solum in quaista vita, schi eschan nus ils plü miserabels da tuot ils crastians.

20. Ma uossa ais Cristo resüstà dals morts; el * *ais* dvantà la primizia da quels chi dorman. * Act. 26, 23.

21. Perche, * sco tras ün crastian ais la mort, usche tras ün crastian † ais eir la resüstanza dels morts,

* Rom. 5, 12, 17. † Gioan. 11, 25.

22. Perche, sco cha nus tuots morin in Adam, usche saran nus tuots in Cristo vivifichats.

23. Ma * scodün in seis propri uorden: Cristo ais la primizia; lura, in sia vgnüda, *saran vivifichats* quels chi *sun* da Cristo. * 1 Tess. 4, 15, 16, 17.

24. Lura *sarà* la fin, cur el averà remiss il reginam in man da Dieu e bap, davo ch'el averà redüt ad inguotta ogni signoria, ed ogni autorità, e potenza.

25. Perche el sto regnar, * fin ch'el haja miss tuot ils inimis suot seis peis.

* Ps. 110, 1. Act. 2, 34.

26. * L' ultim inimi chi sarà sdrüt, *ais* la mort.

* Apoc. 20, 14.

27. Perche * *Deis* ha tshantà ogni chosa suot seis peis; ma, cur el disch, cha ogni chosa *al* saja suottaposta, schi aise cler cha *quai ais dit* exceptuà quel, chi l'ha suottapost ogni chosa.

* Ps. 8, 7.

28. Ma, davo cha ogni chosa al sarà suottaposta, lura vain * il figl eir el ad esser suottapost a quel, chi l'ha suottapost ogni chosa, acio cha *Deis* saja ogni chosa in tuots.

* 1 Cor. 3, 23.

29. Ushigliö, che fessan quels chi sun battiats per ils morts, scha dafatta ils morts non resüstan? Perche vegnan els eir battiats per ils morts?

30. Perche eschan eir nus ogni ura in privel?

31. Eu * mour iminchiadi; schi per la gloria da vus, ch'eu ha in Cristo Gesu nos Segner.

* Rom. 8, 36. 1 Cor. 4, 9.

32. Sch'eu, a möd da crastian, ha combattü con las bestias solvadias in Efeso, che üttel ha eu? Scha'ls morts non resüstan, schi mangiain e bavain; perche daman gnin nus a morir!

33. Non as inerrai: Malas conversaziuns corrumpan buns costüms.

34. * Vagliai güstamaing, e non pecharai; perche alchüns sun *pro vus* ignorants davart Dieu;

† eu *il* di per as *far* verguogna.

* Rom. 13, 11. † 1 Cor. 6, 5.

35. Ma dscharà alchün: Co resüstan ils morts, e con che corp vegnan els a gnir?

36. Nar, * quai cha tü semnast non vain vivifichà, sch'el non moura 'l *prüm*.

* Gioan. 12, 24.

37. E, quant a quai, cha tü semnast, schi non semnast tü il corp chi ha da nascher; ma ün granet nüd, seguond chi cada, o da formaint, o d'ün oter *sem*.

38. E *Deis*, seguond ch'el vout, al da il corp; ed a scodün dels sems *seis* agian corp.

39. Bricha ogni charn *ais* l'istessa charn; anzi, ota *ais* la charn dels crastians, ota la charn dellas bestias, ota la charn dels peschs, ota la charn dels utschels.

40. Que da eir corps celestials, e corps terrains; ma ota *ais* la gloria dels celestials, ota quella dels terrains.

41. Ota *ais* la splendor del solai, ed ota la splendor della glüna, ed ota la splendor dellas stailas; perche üna staila ais differenta dall' ota staila in splendor.

42. Usche *vain* ad esser eir la resüstanza dels morts: *Il corp* vain semnä in corrupziun, e resüsterà in incorruptibilità;

43. El vain semnä in disonur, e resüsterà in gloria; el vain semnä in deblezza, e resüsterà in forza; el vain semnä corp animal, e resüsterà corp spiritual.

44. Que da corp animal, e da corp spiritual.

45. Usche ais eir scrit: * Il *prüm* crastian Adam füt fat ün' orma vivainta; ma l' ultim † Adam ün spiert vivificant.

* Gen. 2, 7. † Rom. 5, 14.

46. Ma 'l spiritual non *ais* il *prüm*; ma il *prüm ais* l'animal, lura il spiritual.

47. Il *prüm* crastian, *essendo* our da terra, füt terrain; il seguond crastian, *chi ais* il Segner, * *ais* our da tschel.

* Gioan. 3, 13, 31.

48. Qual füt il terrain, tals *sun* eir ils terrains; e qual il celestial, tals eir *vegnan* ad esser ils celestials.

49. E, * sco nus avain portâ l'imagna del terrain, schi gnin nus eir a portar l'imagna del celestial.

* Gen. 5, 3.

50. Ma quaist di eu, frars, cha la charn e'l sang non pon erar il reginam da Dieu; medemmamaing, la corrupziun non erta l'incorruptibilità.

51. Mera, eu's di ün misteri: * Nus non gnin tuots a morir, ma bain gnin nus tuots a gnir müdats, in ün moment, in ün batter d'ögl, al *sunar dell'* ultima trombetta * 1 Tess. 4, 15. 16. 17.

52. Perche * la trombetta vain a sunar, e 'ls morts resüsteran incorruptibels, e nus gnin a gnir müdats;

* Matt. 24, 31.

53. Perche quaist corruptibel sto trar aint incorruptibilità, e quaist mortal sto trar aint immortalità.

54. E, cur quaist corruptibel averà trat aint incorruptibilità, e quaist mortal averà trat aint immortalità, lura sarà compli il pled chi ais scrit: * La mort ais travusa in victoria.

* Es. 25, 8.

55. * Mort, ingio *ais* teis aguagl? Infern, ingio *ais* tia victoria?

* Osea 13, 14.

56. Ma l'aguagl della mort *ais* il pucha, e la forza del pucha * *ais* la ledscha.

* Rom. 5, 13.

57. Ma ingraziâ saja Deis, il qual ans da * la victoria tras nos Segner Gesu Cristo.

* 1 Gioan. 5, 5.

58. Per quai, meis chars frars, stat ferm, immobil, abundants da contin nell' ouvra del Segner, saviand cha vossa fadia non ais vana nel Segner.

CHAP. XVI.

L'apostel ordaina als Corinters da far üna collecta; ils exorta pro perseveranza e charità; e 'ls salüda a nom seis, e d'oters.

MA, * quant alla collecta per ils sanets, fat eir vus sco eu ordinet allas baselgias della Galazia.

* Act. 11, 29.

2. * Ogni prüm *di* dell' eivna metta scodün da vus a part pro sai quai cha 'l sarà comod; acio, cur eu vegn, las collectas non s' hajan *pür* da far.

* Act. 20, 7.

3. E, * cur eu vegn ad esser rivâ,

vögl eu trametter quels; cha vus avais lapro approvâ, con chartas, a portar vossa liberalità a Gerasusalem.

* 2 Cor. 8, 16. 19.

4. E, scha sto esser, ch'eu giaja sves, schi vegnan quels a gnir con mai.

5. Ma eu vögl gnir pro vus, davo esser passâ tras la Macedonia; (perche eu vögl ir tras Macedonia.)

6. E forsa vegn eu a dmurar ün pa pro vus, o eir a star sur inviern; acio cha vus am compagnat ingio ch'eu vegn.

7. Perche quaista vouta non as vögl eu vair in passar tras; ma fetsch spranza da dmurar qualeha temp pro vus, * scha 'l Segner permetta.

* Act. 18, 21.

8. Ma eu starà in Efeso fin a tschinquaisma.

9. * Perche üna granda ed efficace porta m'ais averta; e *qua sun* blers adversaris.

* Act. 14, 27.

10. Ma, * scha Timoteo vain, schi guardai ch'el stetta sgür pro vus; perche el as praista nell' ouvra del Segner, sco eu istess.

* 1 Cor. 4, 17.

11. Contuot non il dess * ingün spread-schar, anzi compagnâ 'l in pasch, acio ch'el vegna pro mai; perche eu il spet cols frars.

* 1 Tim. 4, 12.

12. Ma, quant al frar Apollo, l'ha eu bler avisâ d'ir pro vus cols frars; ma el affat non ha gnü voluntà d'ir uossa; ma pür vain el ad ir cur l'avverà comodità.

13. Vagliai, stat ferm nella cretta, as deportai sco homens, as fortifichai.

14. Tuot vossas chosas as fetschan con charità.

15. Ma, frars, eu s'exortes; (vus cognoschais la famiglia da Stefana e *savais*, ch'ella ais * la primizia dell' Acaja, e ch'els s'han dedichats al servezzen dels sanets.)

* Rom. 16, 5.

16. * Cha vus eir as suottamentat ad els, ed a chi's praista ed as sfadaja nell' ouvra.

* Ebr. 13, 17.

17. Ma eu m'allegro della vgnüda da Stefana, e da Fortunato, e d'Acaico; perche quels han suppli vos manchamaint.

18. Perche quels han recreâ meis

spiert, e 'l vos. Recognoschai dimena quels tals.

19. Las baselgias dell'Asia as salüdan, Aquila e Priscilla, insembel con la baselgia, *chi ais* in lur chasa, as salüdan fiek nel Segner.

20. Tuots ils frars as saltüdan; * as salü dai l' ün l'oter con ün sanet bütsch.

* Rom. 16, 16.

21. * Il salüd da man *propri* da mai Paulo.

* Col. 4, 18.

22. Sch' alchün non ama il Segner Gesu Cristo, quel saja anatema, maran-ata.

23. La grazia del Segner Gesu Cristo *saja* con vus.

24. Mia charità *saja* con vus tuots, in Cristo Gesu. Amen.

LA SEGUONDA EPISTOLA

DA

S. PAULO, APOSTEL, ALS CORINTERS.

CHAP. I.

Paulo, aviand salüda 'ls Corinters, ingrazia Dieu, ch'el l'ha spendrà our da bler mal; as schüsa eir, perche 'l non saja gnü pro els.

PAULO, apostel da Gesu Cristo, tras la voluntà da Dieu, e 'l frar Timoteo alla baselgia da Dieu, chi ais in Corinto, con tuots ils sanets, chi sun in tuot l'Acaja:

2. * Grazia, e pasch a vus, da Dieu nos bap, e dal Segner Gesu Cristo.

* 2 Tes. 1, 2.

3. * Benedi *saja* Deis, e bap da nos Segner Gesu Cristo, il bap delas misericordias, e 'l Deis d'ogni consolaziun,

* Ef. 1, 3.

4. Il qual ans cufforta in ogni noss' afflicziun, acio cha tras la consolaziun, con la quala nus istess gnin da Dieu cuffortats, nus possan cuffortar quels, *chi sun* in qualunque afflicziun.

5. * Perche, seo l'indürar da Cristo ais abundant in nus, usche ais eir tras Cristo abundanta nossa consolaziun.

* Act. 9, 4. 2 Cor. 4, 10. Col. 1, 24.

6. Ma, saja cha nus vegnan afflits, *schì ais quai* per vossa consolaziun, e salüd; saja cha nus vegnan eir cuffortats, *schì ais quai* per vossa consolaziun, la quala operescha efficacemaing in sustegner il medem indürar, il qual eir nus patin; e nossa spranza da vus *ais* ferma;

7. Saviand cha, seo vus eschat participavels del indürar, usche *gnis*

eir *ad* esser *participavels* della consolaziun.

8. Perche, frars, nus volain, cha vus sapchat noss' * afflicziun, chi 'ns ais incontrada in Asia, co nus eschan grandamaing stats aggravats sur *nossas* forzas; tal cha nus eschan stats in grand dubi eir della vita.

* Act. 19, 23.

9. Schi, nus avaivan agià in nus svest la sentenza da mort; acio cha nus non ans confidessan stün nus svest, ma in Dieu, il qual fa restüstar ils morts;

10. Il qual ans ha deliberats, e 'ns delibera d'ün usche grand *privel* da mort; nel qual nus avain spranza ch'el eir *nel avegnir* vegna ans deliberar;

11. Ans güdand eir vus insembel tras oraziun; acio cha * per il benefizi, chi 'ns sarà *inscuntrà* tras l'oraziun da bleras persunas, vegna eir ingrazià da blers per nus; * 2 Cor. 4, 15.

12. Perche quaist ais nos lod; *cioè*, la testimonianza da nossa conscienza, cha nus in simplicità e sincerità da Dieu, bricha in * sapienza charnala, ma nella grazia da Dieu, avain conversà nel muond, ed amo plü pro vus.

* 1 Cor. 2, 4, 13.

13. Perche nus non as scrivain otras chosas, co quellas cha vus legiais, o eir svest cognoschais; ed eu ha spranza, cha vus *las* cognoscherat eir infin alla fin;

14. Scha eir vus ans avais in part cognoschüts, * cha nus sajan vos lod; sco eir † vus *eschat* il nos, sün il di da nos Segner Gesu Cristo.

* 2 Cor. 5, 12. † Fil. 2, 16.

15. E con quaista fidanza volaiva eu il prüm gnir pro vus, acio cha vus avessat üna * seguonda grazia,

* Rom. 1, 11.

16. E, *passand* da vus, transir in Macedonia, e lura darcheu da * Macedonia gnir pro vus, e da vus gnir accompagnâ in Giudea.

* 1 Cor. 16, 5.

17. Fand dimena quaista deliberaziun, ha eu dovrâ malstablezza? Ovvero, quai ch'eu deliberesch, deliberesch eu seguond la charn, tal cha saja pro mai schi schi, e na na?

18. Ma, *sco* Deis *ais* fidel, nos pled invers vus non ais stat schi e na;

19. Perche il figl da Dieu, Gesu Cristo, chi ais tanter vus predgiâ da nus, *cioè*, da mai, da Silvano, e da Timoteo, non ais stat schi e na; ma ais stat schi in el.

* 20. Perche tuot las impromissiuns da Dieu *sun* in el schi, e vaira, alla gloria da Dieu, tras nus.

21. Ma quel, chi 'ns conferma con vus in Cristo, e 'l qual ans ha un-schüts, *ais* Deis,

22. Il qual eir ans ha * sagellats, e 'ns ha dats il pain del Spiert in noss cours.

* Ef. 4, 30.

23. Ma eu clam Deis per perdüta sur mi'orma, * cha, per as schaniar, non sun eu amo gnü a Corinto;

* 1 Cor. 4, 21.

24. Bricha cha * nus signoreschan vossa cretta, ma sajan agüdants da vossa allegrezza; perche vus stais fermes nella cretta.

* 1 Petr. 5, 3.

CHAP. II.

Essendo l'incestus gnü a penitenza, exortescha Paulo la baselgia da l'ardschaiver. El mossa eir con che früt l'haja predgiâ l'evangel.

MA eu avaiva determinâ in mai stess, da non gnir darcheu pro vus con tristezza;

2. Perche, sch'eu 's conturblesch, schi chi dimena sarà quel chi vain am allegrar, oter co quel istess chi sarà stat da mai conturbâ?

3. Ed eu s'ha scrit quai istess, acio cha, cur eu vegn a gnir, * eu non

haja tristezza da quels, dals quals eu dovaiva avair allegrezza; am confidand da vus tuots, cha mia allegrezza ais *quella* da vus tuots.

* 2 Cor. 12, 21.

4. Perche our da granda afflicziun ed anguscha del cour, as scrivet eu con bleras larmas; bricha acio cha vus füssat conturbats, ma acio cha vus cognoschessat la charità ch'eu ha abundanta invers vus.

5. E, * sch' alchün ha conturbâ, schi non ha 'l conturbâ mai, anzi in part, per non aggravar, vus tuots.

* 1 Cor. 5, 1.

6. A tal basta la reprension, ch' *il ais fatta* dalla pluralità.

7. Tal cha al contrari plütost as *convain* da 'l perdunar, e 'l euffortar, cha forsa quel hom non vegna absorbâ dalla massa granda tristezza.

8. Per quai as rov eu, da comprovar invers el charità.

9. Perche a quai fin s'ha eu eir scrit, acio ch'eu cognoscha la prova da vus, scha vus sajat obediants in ogni chosa.

10. Ma a chi vus perdunais qual-chosa, schi *perdun'* eir eu; perche eir eu, sch'eu ha perdunâ chos' alchüna, a chi eu ha perdunâ, schi *l' ha eu fat* per amur vossa, nel conspet da Cristo; acio cha nus non vegnan surprais da satanas;

11. Perche sias machinaziuns non sun zoppadas avant nus.

12. Ma, essendo gnü in Troas per l'evangel da Cristo, e 'm siand pür averta * üna porta nel Segner, schi non avet eu ingün pos in meis spiert, da non avair chattâ qua Tito, meis frar;

* 1 Cor. 16, 9.

13. Anzi, aviand tut cumgiâ dad els, sun eu it inavant in Macedonia.

14. Ma ingraziâ *saja* Deis, il qual fa, cha nus saimper triumfain in Cristo, e manifesta tras nus in ogni lö * l'odur da sia cognoschenscha.

* Cant. 1, 3.

15. Perche nus eschan la bun' odur da Cristo a Dieu, tanter * quels chi vegnan salvs, e tanter quels chi van a perder.

* 1 Cor. 1, 18.

16. A quaiests vairamaing, odur da mort pro la mort; ma a quels odur

da vita pro la vita. * E chi ais sufficiaint a quaistas chosas? * 2 Cor. 3, 5. 6.

17. Perche nus non falsifichain il pled da Dieu, sêo blers oters; ma, sêo * our da sincerità, ma sêo da Dieu, favlain nus in Cristo, nel conspet da Dieu. * 2 Cor. 4, 2.

CHAP. III.

Buns impissamaints vegnan da Dieu; il bustab ed il spiert; congualaziun della ledscha al evangeli.

COMANZAIN nus danöv a recomandar nus sves? Ovvero, avain nus bsögn, sêo alehüns, da chartas da recomandaziuns pro vus, o da comandaziuns da vus?

2. * Vus eschat nossa charta, scritta in noss cours; inceletta e letta da tuot la gliend. * 1 Cor. 9, 2. 3.

3. Essendo manifest, cha vus eschat la charta da Cristo, administrada da nus; scritta, bricha con tinta, ma con il Spiert del vivaint Deis; bricha in * tablas da crap, ma † nellas tablas da charn del cour.

* Ex. 24, 12. † Ger. 31, 33.

4. Ma üna tala confidenza avain nus tras Cristo vi' a Deis;

5. * Bricha cha nus sajan sufficiaints da nus istess be da pensar chos' alchüna, sêo da nus sves; † ma nossa sufficienza vain da Dieu,

* 2 Cor. 2, 16. † Fil. 2, 13.

6. Il qual eir ans ha fats sufficiaints, *ad esser* ministers della * nouva lia, † bricha del bustab, ma del spiert; perche 'l bustab mazza, ma il spiert fa viv.

* Ger. 31, 31. † Rom. 2, 27.

7. Ma, scha 'l ministeri della mort, *chi non eira oter co* in bustabs, intagliâ in peidras, füt glorius, tal cha 'ls * infants d'Israel non podaivan guardar fiss nella vista da Mose, per la gloria da sia vista, la quala *però* dovaiva svanir,

* Exod. 34, 29.

8. Co non sarà bler plü con gloria il ministeri del spiert?

9. Perche, scha 'l ministeri della condannaziun *füt con* gloria, schi vain ad esser bler ant abundant in gloria il ministeri della * güstia. * Rom. 1, 17.

10. Perche eir quai chi füt glorificâ in quella part, non ais glorificâ a comparaziun della plü eccellente gloria.

11. Perche, scha quai chi ha da svanir *füt* per gloria; schi *ha* bler ant *d'esser* in gloria quai chi ha da dürar.

12. Contuot, aviand quaista spranza, * dovrain nus granda libertà da tshantschar,

* Ef. 6, 19.

13. E non *fain* sêo Mose, * *il qual* as mettaiva üna coverta sün la fatscha, acio cha 'ls infants d'Israel non guardessan fiss sün la fin da quai, chi avai da svanir. * Ex. 34, 33.

14. Ma lur intellets sun orbantats; perche fin ad hoz, nella lecziun del vegl testamaint, l'istessa coverta dmura, sainz' esser alvada via; la quala svanescha pür in Cristo;

15. Anzi, fin al *di* d'hoz, cur as legia Mose, schi ais la coverta tshantada sün lur cours;

16. Ma, cur * *Israel* s'averà converti vi' al Segner, † schi sarà la coverta alvada via. * Rom. 11, 23. 26. † Es. 25, 7.

17. Ma il Segner ais il spiert; ed ingio *ats* il Spiert del Segner, là *ais* libertà.

18. E nus tuots, contempland con fatscha scoverta, * in ün spejel, la gloria del Segner, gnin † transformats nell'istess' imagna, da gloria a gloria, sêo tras il Spiert del Segner.

* 1 Cor. 13, 12. † Rom. 8, 29.

CHAP. IV.

Predgia ed evangeli da Paulo; dinuonder vain la cognoschenscha del evangeli; il crastian extern ed intern.

PER quai, aviand nus quaist ministeri, seguond chi 'ns ais stat fat misericordia, schi non gnin nus almain d'anim;

2. Anzi nus avain regettâ ils zop-pels vergognus, bricha chaminand con astuzia, e * bricha falsifichand il pled da Dieu; ma ans rendand approvats nus istess ad ogni coscienza della gliend, avant Dieu, tras la manifestaziun della vardà;

* 2 Cor. 2, 17.

3. Cha scha pür eir nos evangeli ais covert, schi ais el covert tanter quels chi van a perder,

4. Tanter ils quals il Deis * da quaist muond ha orbantâ ils intellets increttaivels; acio cha la glüm del evangeli della gloria da Cristo,

il qual ais † l'imagna del invisibel Deis, non splendura ad els;

* Gioan. 12, 31. † Matt. 11, 27.

5. Perche nus non predgiain nus istess, ma Cristo Gesu, il Segner, e *cha* nus *sajan* voss serviaints per Gesu.

6. Perche Deis, * chi dschet, *cha* la glüm splendoriss our dalläs schüzrezzas, *ais quel*, chi ha fat scelarir in noss cours, per ans illüminar nella cognoschenscha della gloria da Dieu, nella fatscha da Gesu Cristo.

* Gen. 1, 3.

7. Ma nus avain quaist tesor in vasschels da terra, acio *cha* l'excellenza da quaista potenza saja da Dieu, e bricha da nus.

8. Nus eschan in ogni maniera afflits, bricha però redüts ad extremas anguoschas; perplexs, bricha però desperats;

9. Perseguitats, bricha però abandonats; * büttats giò, impero bricha pers;

* Ps. 37, 24.

10. Portand da contin in *nos* corp il morir del Segner Gesu; acio *cha* 's * manifesta eir la vita da Gesu in nos corp.

* Rom. 8, 17.

11. Perche nus, chi vivain, * eschan da contin surdats alla mort per amur da Gesu; acio *cha* eir la vita da Gesu as manifesta in nossa charn mortala.

* Ps. 44, 23.

12. Tal *cha* * la mort operescha in nus, ma la vita in vus.

* 2 Cor. 13, 9.

13. Impero, aviand nus l'istess spiert della cretta, seguond ch' ais scrit: * En ha cret, per quai ha eu favlà; schi crajain eir nus, e per quai eir favlain nus;

* Ps. 116, 10.

14. Saviand, *cha* quel chi ha fat resüstar il Segner Gesu, vain eir a far resüstar nus tras Gesu, e 'ns farà comparair avant con vus.

15. Perche * tuot quaistas chosas *sun* per vus; acio *cha* la grazia, essendo abundanta vers blers, vegna complainna tras l'ingraziamaint, alla gloria da Dieu.

* 2 Cor. 1, 6.

16. Per quai non gnin nus almain d' anim; ma, schabain nos crastian extern as disfetscha, pür as renouva * l' intern da di in di.

* Rom. 7, 22.

17. Perche nossa leiva afflicziun, * chi ais solum per ün momaint, ans prodüa ün our da möd excellent, etern pais da gloria;

* Rom. 8, 18.

18. Siand nus non guardain stün las chosas chi 's vezza; perche las chosas chi 's vezza *sun* solum per ün temp; ma quellas chi non as vezza *sun* eternas.

CHAP. V.

Chasa terraina ed eterna; chaminar tras cretta; Deis ans ha reconciliats a sai tras Cristo; l' offizi dels ministers, e da tuots fidels.

PERCHE nus savain *cha*, *scha* * quaista nossa terraina chasa da tenda vain disfatta, schi avain nus da Dieu ün edifiz, *chi ais* üna chasa, fatta sainz' ouvra da man, eterna nels tshels;

* 2 Petr. 1, 13. 14.

2. Perche in quaista * suspürain nus, desiderand da gnir survestits con nossa abitaziun, *chi ais* celestiala;

* Rom. 8, 23.

3. Scha nus pür * eir vestits non gnin chattats nüds.

* Apoc. 16, 15.

4. Perche *nus*, chi eschan in quaista tenda suspürain, siand aggravats; e per quai non desiderain nus da gnir disvestits, * ma survestits; acio *cha* quai chi ais mortal vegna travus dalla vita.

* 1 Cor. 15, 53. 54.

5. Ma quel * chi 'ns ha formats a quaist istess *ais* Deis, il qual eir ans ha dat il pain del Spiert.

* Es. 29, 23.

6. Contuot avain nus saimper anim e savain *cha*, intant nus dmurain * seo forestêrs nel corp, schi eschan nus in peregrinaziun, *absaints* dal Segner;

* 1 Cron. 29, 15.

7. Perche nus * chaminain tras cretta, e bricha tras aspet.

* Rom. 8, 23. 24.

8. Ma nus avain anim, ed * avain blier plü char da partir dal corp, e dad ir ad abitar con il Segner;

* Fil. 1, 23.

9. Per quai mettain nus eir stüdi, saja *cha* nus dmuran seo forestêrs *nel corp*, o, ans partind d'avent, da l'esser accets,

10. Perche nus * stovain tuots comparair avant la sopecha da dret da Cristo, † acio *cha* scodün ardschaiva la propria *retribuziun* dellas chosas ch' el *averà fat* nel corp, seguond

ch' el averà operâ, o bain, o mal.

* Rom. 14, 10. † Rom. 2, 6.

11. Saviand dimena il * spavent del Segner, schi persvadain nus la glieud, eschan però manifests a Dieu; ma eu ha spranza, cha nus sajan manifests eir a vossas conscienzas;

* Giob 31, 23.

12. Perche nus non ans recomandain danöv a vus, ma's dain occasiun, da's * gloriar da nus; acio cha vus possat as *gloriar* invers quels, chi's glorieschan a fatscha, e bricha da cour.

* 2 Cor. 1, 14.

13. Perche, * scha nus eschan our da sen, *schì'l eschan nus* a Dieu; e scha nus eschan in bun sen, *schì'l eschan nus* a vus.

* 2 Cor. 11, 1. 16. 17.

14. Perche l' amur da Cristo ans constrenschia,

15. Pensand usche, * cha, scha ün ais mort per tuots, dimena tuots eiran morts; e ch' el ais mort per tuots, † acio cha quels chi vivan, d' uoss' in via non vivan plü a sai stess, ma a quel chi ais mort, e resistà per els.

* Rom. 5, 15. † Rom. 6, 11. 12.

16. Tal cha nus da quai'st' ura in via non cognoschain alchün seguond la charn; e, schabain nus avain cognoschü Cristo seguond la charn, pür uossa non il cognoschain nus plü;

17. Contuot, sch' alchün *ais* in Cristo, *schì ais* el üna nouva creatüra. * Las chosas veglias sun passadas; mera, tuot las chosas sun fattas novas.

* Es. 43, 18.

18. Ma tuot *vain* da Dieu, chi'ns ha reconciliats a sai, tras Gesu Cristo; ed ans ha dat il ministeri della reconciliaziun.

19. Perche Deis eira in Cristo, ed ha reconciliâ il muond a sai, bricha imputand ad els lur fals; ed ha miss in nus il pled della reconciliaziun.

20. Nus dimena fain l' ambaschada per Cristo, sco scha Deis exortess tras nus; e s' exortain tras Cristo: Sajat reconciliats a Dieu;

21. Perche * el ha fat *esser* pucha per nus quel, chi non ha cognoschü pucha; acio cha nus füssan fats † güstia da Dieu in el.

* Es. 53, 6. † Rom. 1, 17.

CHAP. VI.

Paulo exortescha alla vita cristiana; conversaziun dels serviaints da Dieu; as retrar dals infidels.

Sco lavuraints in *sia* ouvra, s' exortain nus eir, cha vus non hajat ardschvü invan la grazia da Dieu.

2. (Perche el disch: * Eu t' ha exodì nel temp accettabel, e t' ha güdâ nel di del saltid. Mera uossa il temp accettabel; mera uoss' il di del saltid!)

* Es. 49, 8.

3. Non dand nus intop alchün in ingüna chosa, acio cha il ministeri non saja vituperâ;

4. Anzi, ans approvand in ogni chosa, sco ministers da Dieu, in blera comportanza, in afflicziuns, in necessitats, in anguoschas,

5. In bottas, in preschuns, in disturbis, in travaglias, in vigilias, in gegünis;

6. In purità, in cognoschenscha, in pazienza, in benignità, nel Spiert Sanet, in charità noninspiada;

7. In pled da vardà, * in virtù da Dieu, con † las armas da güstia a man dret, ed a man sneister;

* 1 Cor. 2, 4. † Ef. 6, 11. 13.

8. In gloria, ed in giamgia, in buna fama, ed in disfamia;

9. Sco surmanadurs, e *pür* da vardà; sco incontschaints, e * *pür* contschaints; sco quels chi mouran, e mera, nus vivain; † sco chastiats, ma bricha miss a mort;

* 2 Cor. 4, 2. † Ps. 118, 18.

10. Sco conturbats, e *pür* saimper leigers; sco povers, e *però* richantand blers; sco non aviand inguotta, e *pür* possedand ogni chosa.

11. Nossa bocca's ha averta invers vus, o Corinters; nos cour s' ha slargiâ;

12. Vus non * avais stret in nus, ma bain avais stret in vos intern;

* 2 Cor. 7, 3.

13. Ma per *far* ad egual möd, eu favel sco ad infants, as slargiai eir vus.

14. Non as gionscherai in egual cols infidels; perche, che società *aise* tanter güstia, ed ingüstia; e che communion *ha* la glüm con las schitterzas?

15. E che convenienza ha Cristo con Belial? O che part ha 'l fidel con l' infidel?

16. E che accord *ha* il taimpel da Dieu con ils idols? Perche vus eschat il taimpel del Deis vivaint; sco Deis disch: * Eu vögl avdar in mez els, e chaminar tanter *els*, e vögl esser lur Dieu, e quels saran meis pövel.

* Lev. 26, 12.

17. Per quai, * as parti davent dad els, ed as separai oura, disch il Segner, e non toccarai inguotta da malnet, ed eu as vögl raspar nan;

* Es. 52, 11.

18. * E's vögl esser bap, e vus am gnis ad esser figls, e figlias, disch il Segner, l' omnipotaint.

* Ger. 31, 1. 9.

CHAP. VII.

L'apostel continua ad exortar alla santificaziun, e retschercha eguala amur seguond sia innocenza e sincerità; eir s' alleig' el cha s' han meldrats causa sias reprehensiuns nella I. epistola.

CONTUOT, aviand nus quaistas impromissiuns, meis chars, schi 'ns nettai in d' ogni brudgögn della charn e del spiert, complind *nossa* santificaziun in temma da Dieu.

2. Ans comprendai; nus non avain fat tort ad alchün, non avain corruot alchün, non avain fat frod ad alchün.

3. Eu non di quaist a *vossa* condannaziun; perche * agià vi' avant ha eu dit, cha vus eschat in noss cours, per morir insemel, e per viver insemel.

* 2 Cor. 6, 11. 12.

4. Eu ha granda confidenza in vus, eu ha bler da 'm gloriar da vus; eu sun plain da cuffort, eu ha abundanta allegrezza in tuot *nossa* afflicziun.

5. Perche, siand nus gnüts in Macedonia, non ha *nossa* charn gnü pos alchün; ma nus eschan stats afflits in ogni maniera; * combattiments our dadoura, spavents aint dadaint;

* Deut. 32, 25.

6. Ma Deis chi cuffort' ils ümils, ans ha cuffortats tras la vgnüda da Tito;

7. E na solum tras la vgnüda da quel, ma eir tras il cuffort con il qual el ais stat cuffortà pro vus; ans referind *vossa* grand' affecziun, vos cri-

dar, voss zeli per mai; tal ch' eu m' ha amo plü fìch allegrà.

8. Perche, schabain ch' eu s' ha conturbats tras quell' epistola, schi non am inrtigl eu *uossa*, * eir sch' eu füss stat inrtiglà; perche eu vez, cha quell' epistola, bainschi per ün cuort temp, s' ha conturbats.

* 2 Cor. 2, 4.

9. Uossa m' allegr' eu, na cha vus eschat stats conturbats, ma cha vus eschat stats conturbats pro penitenza; perche vus eschat stats conturbats seguond Deis; dasort cha in chos' alchüna vus non ardschvettat dan da nus.

10. Perche la tristezza seguond Deis prodüa penitenza pro 'l salüd, della quala il crastian non s' inrtigla mâ *bricha*; ma la tristezza del muond prodüa la mort.

11. Perche mera, quaist istess, cha vus eschat stats conturbats * seguond Deis, quant stüdi non ha *quai* prodüt in vus, schi güstificaziun, schi indignaziun, schi temma, schi bramma, schi zeli, schi paina? Ad ogni maniera avais vus demossà, cha vus sajat nets in quaist affar.

* 1 Petr. 2, 19.

12. Contuot, schabain ch' eu s' ha scrit, schi non fet eu *quai*, ne per quel chi ha fat l'ingiuria, ne per quel al qual l'ais stat fatta, ma acio cha füss manifestà pro vus, nos stüdi, cha nus *avain* per vus avant Dieu;

13. Per quai eschan nus stats cuffortats, ed ultra il cuffort cha nus avain gnü da vus, ans avain nus amo plü fìch allegrats per l' allegrezza da Tito; cha seis spiert ais stat recreà da vus tuots;

14. Perche, sch' eu m' ha pro el glorià da vus in chos' alchüna, schi non sun eu gnü in tuorp. Ma sco nus s' avain favlâ tuot con vardà, usche eir quai, del qual nus ans avai van gloriats pro Tito, s' ha chattà vardà.

15. Dinuonder eir el as voul tant plü bain, dal fuond del cour, cur el as regorda * dell' obediencia da vus tuots, co vus l' avais ardschvü con temma, e con respet.

* 2 Cor. 2, 9. Fil. 2, 12.

16. Contuot m' alleig' eu, * ch' in ogni chosa eu 'm poss confidar da vus.

* 2 Tes. 3, 4.

CHAP. VIII.

L'apostel tras l'exaimpel dels Macedoners e da Cristo exorta all'almosna, ed a quel fin vegnan tramiss Tito, e duos oters frars.

MA frars, nus as fain a savair la grazia da Dieu, datta allas baselgias della Macedonia;

2. Cioè, cha in greiva prova d'afflicziun, l'abundanza da lur allegrezza, e da lur chafuola povertà, ais d'vantada abundanta nellas ricchezas da lur liberalità.

3. Perche seguond *lur* podair, eu dun perdüta, schi sur *lur* podair *sun els stats* voluntus;

4. Ans rovand con blers rövs, d'esser accettats * in grazia nella comuniun da quaista subvenziun chi *ais* per ils sanets; * Act. 11, 29. Rom. 15, 26.

5. Ed *han fat*, bricha *solum* sco nus speraivan; ma il prüim s'han els s'vess rendüts al Segner, ed a nus, tras la volontà da Dieu;

6. Tal cha nus avain exortà Tito, sco l'ha viavant comanzà, usche ch'el complescha eir amo pro vus quaista gratificaziun.

7. Ma, sco vus * eschat abundants in ogni chosa, nella cretta, e nel pled, in cognoschenscha, ed in ogni stüdi, ed in vossa charità vers nus; *schi fat* cha vus sajat abundants eir in quaista gratificaziun. * 1 Cor. 1, 5.

8. Eu non di *quai* tras comand; ma fand prova, tras il stüdi dels oters, eir dalla schettezza da vossa charità.

9. Perche vus savais la grazia da nos Segner Gesu Cristo; co el, essendo rich, s'ha fat pover per vus; acio cha vus d'vantessat richs tras sia povertà.

10. Ed eu dun cossagl in quaist; perche * l'ais nüzzaivel a vus, ils quals agià dal an passà innan avais comanzà, bricha *solum* il far, ma eir il volair. * Prov. 19, 17.

11. Ma compli al presaint eir il far; acio, sco s'ais statta la prontezza del volair, usche *as saja* il complir * seguond podair.

* Prov. 3, 9. 1 Petr. 4, 11.

12. Perche, ais qua la prontezza del anim, schi ais scodün accettabel seguond quai ch'el ha, e bri-

cha seguond quai ch'el non ha.

13. Perche, *quaist* non *d'vainta*, acio cha saja surleivgiamaint per oters, ed aggravanza per vus; ma per üna gualivaziun,

14. Cha al temp presaint vossa abundanza *vegna in agüd* a lur bsögn, acio cha eir lur abundanza *vegna in agüd* a vos bsögn, a fin cha saja egualità;

15. Seguond ch'ais scrit: * Quel chi *avaiva raspâ* bler non avet ingotta d'avanz, e chi pae, non avet manchamaint. * Ex. 16, 18.

16. Ma ingrazià saja Deis, chi ha miss nel cour da Tito l'istess stüdi per vus;

17. Perche el ha accettà l'exortaziun, ed in granda diligenza s'ha el voluntariamang miss in viadi, *per ir* pro vus.

18. Ma nus avain tramiss con el * il frar, il lod del qual in *merit* del evangeli *ais* per tuot las baselgias; * 2 Cor. 12, 18.

19. E bricha *solum quaist*; ma el ais eir dallas baselgias stat elet, *per esser* nos compagn da viadi con quaista gratificaziun, chi ais da nus administrada alla gloria del Segner istess, ed a *segn* da nossa prontezza.

20. Con regard da quaist, cha ingün non ans blasma per quaista abundanta collecta, chi ais da nus administrada;

21. * Procurand chosas onestas, bricha *solum* nel conspet del Segner, ma eir nel conspet della gliend. * Rom. 12, 17.

22. Ma nus avain tramiss con els quaist nos frar, il qual nus avain experimentà suvent in bleras chosas sco diligiaint, ed uossa l'ais el bler plü, per la granda confidenza in vus.

23. Quant a Tito, *ais el* meis compagn, e conlavuraint vers vus; quant als frars, *sun els* apostels dellas baselgias, la gloria da Cristo.

24. Demossai dimena invers els, e nel conspet dellas baselgias, la prova da vossa charità, e da nos lod davart vus.

CHAP. IX.

S. Paulo continua ad exortar ils Corinters a far quell' almosna, con impromissiu da grand premi avant Dieu.

MA dalla subvenziun chi ais per ils sanets da's scriver plü, m'ais chosa superflua;

2. Perche eu cognosch la prontezza da vos anim, per la quala eu'm gloriesch da vus pro 'ls Macedoners; *dschand* cha 'l Acaja saja perderta * dal an passà innan; e la zelosia da vus ha moventà blers. * 2 Cor. 8, 10.

3. Ma eu ha tramiss quaists frars, acio cha nos lod da vus non dvainta van in quaista part; afin cha vus sajat perderts, seo ch' eu dschet;

4. Cha, scha forsà ils Macedoners, siand gnüts con mai, non as chattan perderts, nus non reistan svergognats, (per non dir vus) pro tant ferma confidenza da *nos* lod.

5. Per quai ha eu güdichâ necessari, d'admonir ils frars, ch'els gïajan avant pro vus, e dettan complimaint alla vossa agià indichada liberalità; acio ch'ella saja pinada, cioè seo benedicziun, e bricha con avarezza;

6. Ma quaist *ais*: * Chi semna scharsamaing, tshuncerà eir scharsamaing, e chi semna liberalmaing, tshuncerà eir in benedicziun.

* Prov. 22, 9.

7. Seodün *fetscha* seo el s'ais proponü in *seis* cour, * bricha con mala vögliä, ne per necessità; perche Deis ama ün donatur leiger. * Rom. 12, 8.

8. Ma Deis *ais* potaint, da 's benedir abundantamaing con ogni grazia; acio cha, aviand saimper in ogni chosa ogni suffizienz, vus sajat abundants in ogni bun'ouвра.

9. Seo l'ais scrit: * El ha spans oura, el ha dunà als povers; sia güstia reista in eterno. * Ps. 112, 9.

10. Ma quel * chi furnescha con sem il semnader, e con pan da mangiar; quel furnescha eir per vus, e multiplia vos sem, e creschainta ils früts da vossa güstia, * Es. 55, 10.

11. In maniera, cha vus del tuot vegnat richantats pro ogni liberalità; la quala tras nus * prodüa ingraziamaint a Dieu. * 2 Cor. 1, 11.

12. Perche l'administraziun da

quaist servezzen non suppletscha solum allas necessitats dels sanets, ma l'ais eir abundant tras l'ingraziamaint da blers invers Deis.

13. Siand ch'els, tras la prova da quaista subministraziun, glorifichan Deis supra quai, cha vus as suottamettai alla confessiun del evangeli da Cristo, e communicais liberalmaing con els, e con tuots;

14. E con lur oraziuns per vus as mossan els singulara affecziun, per l'excellenta grazia da Dieu sur vus.

15. Ma ingraziâ saja Deis da seis ineffabel dun.

CHAP. X.

S. Paulo defenda sai stess e seis offizi invers quels, chi 'l columniaivan.

MA eu, Paulo, s'exortesch tras la benignità, e bandusezza da Cristo, eu chi par, tanter vus *presaint*, bain ümil, ma absaint, sun animus invers vus;

2. Eu 's rouv cha, essendo *presaint*, eu non stov'esser ardit con quella fiduzia, nella quala eu stim da proceder contr' alchüins, chi 'ns tegnan, seo scha nus chaminessan seguond la charn.

3. Perche, eir chaminand nus nella charn, pür non guerragiain nus seguond la charn;

4. Perche las armas da nossa guerra non *sun* charnalas, ma potaintas avant Dieu * alla destrucziun da fortezzas; * 1 Cor. 1, 10.

5. Nus subvertin ils discuors, ed ogni otezza chi leiva sü conter la cognoschenscha da Dieu; e preschunain ogni impissamaint all'obediencia da Cristo;

6. Ed avain perderta in man la vendetta d'ogni disobediencia, per eur voss'obediencia sarà complida.

7. Guardais vus sün las chosas *chi sun* avant ögls? * Sch' alchün as confida in sai stess, d'esser da Cristo, schi ch' el eir s'impaisa da sai medem quaist, cha seo el *ais* da Cristo, usche eir nus sajan da Cristo.

* 1 Cor. 14, 37.

8. Perche, schabain eu am gloriess eir qualehosa plü * da nossa pus-

sanza, cha'l Segner ans ha dat ad edificaziun, e bricha a destrucziun vossa, schi non füss eu in verguogna.

* 2 Cor. 13, 10.

9. Ma da mai non dess gnir fat stima, sco sch'eu be as spaventess tras chartas;

10. Perche las chartas, disch ün, sun bain greivas e fermas; ma la presenza corporala *ais* debla, e'l pled dispredschiä;

11. Il tal dess stimar quaist, cha quals nus eschan absaints nel pled tras chartas, tals *gnin* nus *ad* esser eir presaints nels fats.

12. Perche nus non rischain d'ans compagnar, ne d'ans congualar con alchüns da quels, chi 's lodan sai sves; ma quels, as masürand vi' a sai stess, e's congualand con sai stess, non han alchün intellet;

13. Ma, quant a nus, non ans volain nus gloriar * al infinit, anzi, seguond la masüra dels confins, nels quals Deis ans ha comparti *nossa* masüra, d'esser rivats infin pro vus;

14. Perche nus non ans stendain ultra *il conveniaint*, sco scha nus non füssan rivats infina pro vus; siand nus eschan rivats eir fin pro vus con *la predgia* del evangeli da Cristo.

15. Nus non ans gloriain al infinit * dellas fadias d'oters; ma avain spranza, cha, creschind vossa cretta in vus, nus vegnan amo plü magnifichats tenor noss confins, * Rom. 15, 20.

16. Cioè, cha nus vegnan ad evangelizar eir nels *lous*, chi *sun* da là da vus, e non vegnan ans gloriar nels confins d'ün oter, da chosa fatta.

17. * Ma, chi 's gloriescha, as dess gloriar nel Segner;

* Ger. 9, 24.

18. Perche, bricha quel chi loda sai sves *ais* approvà; ma * quel cha'l Segner loda.

* Rom. 2, 29.

CHAP. XI.

Ils Corinters faivan grands ils fos apostels, e sbüttaivan Paulo; ma, siand el malcontaint, als mett'el avant l'astuzia dels fos apostels; lura nombr'el nan seis lod ed indüar.

CO ch'eu desideress, cha vus am comportessat ün pa in mia * nardà! Impero vus am comportais;

* 2 Cor. 5, 13.

2. Perche eu sun zelus per vus con

üna zelusia da Dieu; perche eu s'ha spusats ad ün marit, per as presentar a Cristo sco üna casta vergine.

3. Ma eu tem cha, sco * la serp surmanet Eva con sia astuzia, usche forse vos sen vegna corruot, e *sviä* dalla simplicità, chi *dess* esser invers Cristo.

* Gen. 3, 4.

4. Perche, scha qualchün vain pro vus e predgess ün oter Gesu, il qual nus non avain predgiä, o scha vus ardschvessat ün oter spiert, il qual vus non avais ardschvü, ed * ün oter evangeli, il qual vus non avais accettä; schi il comportessat vus gugent.

* Gal. 1, 7.

5. Ma eu stim da non esser inguotta main dals plü co grands apostels.

6. E, scha pür ch'eu * *sun* imperit nel favlar, schi non il *sun* eu impero nella cognoschenscha; schi eschan nus manifests pro vus afatta ed in ogni chosa.

* 1 Cor. 1, 17.

7. O ha eu commiss pucha, in quai * ch'eu abbasset mai stess, acio cha vus gnissat adozzats? In quant ch'eu s'ha evangelizä sainza premi l'evangeli da Dieu?

* 1 Cor. 9, 6, 12.

8. Eu ha spogliä otras baselgias, pigliand salari per servir a vus;

9. E, cur eu eira pro vus, ed avaiava bsögn, * non sun eu stat greiv ad alchün; perche ils frars, chi gnittan da Macedonia, han suppli meis bsögn; ed in ogni chosa m'ha eu conservä sainza s'esser greiv, ed eir *per l'avegnir* am vögl conservar usche;

* Act. 20, 33. Fil. 4, 10, 15.

10. La vardà * da Cristo *ais* in mai, ch'eu da quaist lod non sarà privä nellas contradas dell' Acaja. * Rom. 9, 1.

11. Perche? *Forsa* per quai ch'eu non as am? Deis il sà.

12. Ma quai ch'eu fetsch, vögl far inavant, * per levar via l'ocasiun a quels chi desidereschan ocasiun; acio cha, da che els as glorieschan, els vegnan chattats sco nus eir, * 1 Cor. 9, 12.

13. Perche tals fos apostels *sun* operatur ingiannaivels, chi's transforman in apostels da Cristo.

14. Inguotta da müravaglia; perche satana stess as transforma in ün angel della glüm.

15. Que non *ais* dimena granda chosa, scha seis ministers eir as transforman in ministers da giüstia: * La fin dels quals sara seguond lur ouvras!

* Fil. 3, 19.

16. Eu di darcheu, ch'ingün non am stima per nar; non bricha, schi ardschvâ'm eir sco nar; acio ch'eu eir am gloriescha ün pa.

17. Quai ch'eu rasehun in quaista ferma fidanza da lod, non rasehun eu seguond il Segner, ma sco in nardà.

18. * Siand cha blers as glorieschan seguond la charn, schi'm vögl eir eu gloriar;

* Fil. 3, 4.

19. Perche vus eschat sabis, e comportais gugent ils nars.

20. Svess, sch'alchün as redüa in servitti, sch'alchün as maglia sü, sch'alchün as piglia, sch'alchün s'adoza, sch'alchün as batta nella vista, schi'l comportais vus.

21. Eu di *quai a meis* vituperi, sco scha nus füssan stats massa debels; ed impero, in qualunque chosa alchün as vanta, (eu di *quai* in nardà), schi am vant eir eu.

22. Els sun Ebreers? Eir eu; els sun Israelits? Eir eu; els sun sem d'Abraham? Eir eu.

23. Els sun ministers da Cristo? Eu tschantsch da nar, eu il *sun plü co els*; * in travaglias bler plü; in bottas sainza comparaziun plü; in preschuns bler plü; † in morts bleras voutas *plü*.

* 2 Cor. 6, 4. † 1 Cor. 15, 31.

24. Dals Güdeus ha eu ardschvü tschinch voutas quaranta *bottas*, main üna.

25. Eu sun stat * giasliâ trais voutas; † accrappâ üna vouta; trais voutas ha eu fat naufragio, sun stat ün di ed üna not nel chafuol *mâr*.

* Act. 16, 22. † Act. 14, 19.

26. *Sun stat suvent in viadis, in privels da flüms, in privels da saschins, in privels da mia nazium, in privels da pajans, in privels in cittats, in privels nel desert; in privels sül mâr, in privels tanter fos frars.*

27. *In fadia ed astent; suvent in vagliar, in fam ed in sait; in gegünis bleras voutas; in fraid, e nüdezza.*

28. Ultra las chosas d' uschigliö,

quai ch'eu vegn turmantâ imminchadi, e'l pissêr per tuot las baselgias.

29. * Chi ais debel, ch'eu eir non sun debel? Chi vain schandelizâ, ch'eu non arda?

* 1 Cor. 9, 22.

30. Schi convain da's gloriar, * schi'm vögl eu gloriar da chosas da mia deblezza.

* 2 Cor. 12, 5.

31. Deis, il bap da nos Segner Gesu Cristo, il qual ais benedi in eterno, sà, ch'eu non maint.

32. * In Damasco avai miss il governatur del rai Areta guardias nella città dels Damasceners, am voliand tour preschunêr;

* Act. 9, 24.

33. Ma eu füt dad üna faneistra laschâ giò dal mür, in üna chavagna; ed *usche* scampet eu da seis mans.

CHAP. XII.

Revelaziuns incontradas a Paulo, e co el saja tentâ da satana, con sia gloria nellas deblezzas, e signals da seis apostolat.

DA'm gloriar tschert non am convain tant; ma eu vögl gnir sün las visiuns, e revelaziuns del Segner.

2. Eu cognosch ün crastian in Cristo, il qual avant agiâ quattordesch ans * füt elevâ (scha nel corp, o our dal corp, eu non il sà, Deis il sà), fin al terz tschel.

* Act. 22, 17.

3. Eu sà, cha quel tal crastian, (scha nel corp, o our dal corp, eu non il sà, Deis il sà;)

4. Füt elevâ nel paradís, ed udit plets ineffabels, ils quals a crastian alchün non ais licit da proferir.

5. Da quel tal am vögl eu gloriar; ma da mai stess non am vögl gloriar, oter co da mias deblezzas.

6. Tschert, sch'eu am voless gloriar, schi non füss eu pür nar; perche eu gniss a dir la vardà; ma eu m'artegn, acio ch'ingün non stima da mai sur quai ch'el vezza vi a mai, ovvero oda da mai.

7. Ed, acio ch'eu non am adoza sur möd per l'excellenza dellas revelaziuns, schi m'ais stat dat ün aguagl nella charn, ün angel da satana, per am dar pugnadas; acio ch'eu non am adoza.

8. Per la quala causa ha eu rovâ

trais voutas il Segner, cha *quel* as partiss da mai;

9. Ma el am dschet: Mia grazia at basta; perche mia forza as complescha in deblezza. Per quai am vögl eu plü gugent gloriar plü in mias deblezas, acio cha la forza da Cristo avda in mai.

10. Per quai am dalet eu in deblezas, in ingiurias, in necessitats, in persecuziuns, in anguoschas per Cristo; perche, eur eu sun debel, lura sun eu ferm.

11. Eu sun dvantâ nar am gloriand; vus m' avais lapro constrict; perche eu dovess gnir lodâ da vus; perche * eu non sun stat inguotta main dals plü co grands apostels, schabain ch' eu non sun inguotta. * 2 Cor. 11, 5.

12. * Tschert, ils signals dad apostel sun stats miss in effet tanter vus in ogni pazienza; in insainas, e strangezzas, e potentas operaziuns; * 1 Cor. 9, 2.

13. Bler ant, in che eschat vus stats main dallas otras baselgias, oter co ch' eu non as sun greivus? Perdu-na'm quai tort.

14. Mera, * quai'st' ais la terza vouta, ch' eu sun perdert a gnir pro vus, e non as vögl esser greivus; perche eu non tscherch vossa raba, ma vus; perche ils infants non dessan far tesors als baps ed allas mammas; ma ils baps, e las mammas als infants. * 2 Cor. 13, 1.

15. E, quant a mai, zuond gugent vögl eu far sacrificis per vus, schi sacrificar mai s'vess per vossas ormas; combain ch' eu, s' amand tant feli, tant main vegn amâ da vus.

16. Ma, concess, eu non s' ha aggravats; schi forsa, essendo astut, s' ha eu prais tras ingian.

17. Ha eu trat profit da vus tras alchün da quels, ch' eu ha tramiss?

18. * Eu ha rovâ Tito, ed ha con el tramiss quai'st' frar. Tito, ha el trat profit da vus? Non avain nus chamina in ün medem spiert, nellas medemas pedatas. * 2 Cor. 8, 6. 16. 18. 22.

19. S' impissais vus dareheu, cha nus ans güstifichan avant vus? Avant Dieu in Cristo favlain nus, e tuot quai, chars, per vossa edificaziun.

20. Perche eu tem, cha forsa, eur eu vegn, eu non as chatta seo ch' eu voless, ed * eir, ch' eu da vus vegna chattâ seo vus non volessat; cha forsa non *sajan qua* contesas, zelusias, iras, dabats, smorvs, marmuogns, arroganzas, tumults; * 1 Cor. 4, 21.

21. E cha, essendo eu dareheu gnü, meis Deis non am ümiliescha pro vus; e ch' eu hagia da planscher per blers da quels, chi viavant han pechâ, e non s' han meldrats dalla malnettischa, e da pitanoegn, e dalla disolutezza ch' els han comiss.

CHAP. XIII.

S. Paulo innatscha a quels, chi non as meldran, rovand Deis per els. El serra l' epistola con exortaziun e salüds.

MERA, la terza vouta ais quai'st', ch' eu vegn pro vus. * Ogni pled vain confirmâ tras la bocca da duos, o da trais perdütas. * Deut. 17, 6.

2. Agiâ vi' avant ha eu dit, e di per la seguonda vouta, seo presaint; schi, essendo absaint, scriv eu uossa a quels chi han pechâ vi' avant, ed a tuots oters, cha, sch' eu vegn dareheu, schi non vögl eu schaniar *alchün*,

3. Siand cha vus tscherechais prova, cha Cristo * tschantescha in mai, il qual invers vus non ais debel, ma ais potaint tanter vus. * Matt. 10, 20.

4. Perche, sch' el ais stat crucifichâ tras deblezza, schi viv' el pür tras potenza da Dieu; perche eir nus eschan debels in el, ma gnin a viver con el, tras potenza da Dieu per vus,

5. * Provai vus s'vess, scha vus sajat nella cretta; fat experienza da vus s'vess! O non recognoschais vus s'vess, cha Gesu Cristo ais in vus? O pür vus sajat agiâ na da prova. * 1 Cor. 11, 28.

6. Ma eu ha spranza, cha vus vegnat a recognoscher, cha nus eschan da prova.

7. Ma eu rov Deis, cha vus non fetschat alchün mal; bricha acio cha nus paran da prova; ma acio cha vus fetschat quai chi ais bön, e * nus sajan seo na da prova. * 2 Cor. 6, 9.

8. Perche nus non podain inguotta contra la vardâ, ma per la vardâ.

9. Perche nus ans allegrain, eur nus

eschän debels, e vus eschat ferms; ma eir quai desiderain nus, vossa totala restoraziun.

10. Per quai scriv eu quaiastas chosas, essendo absaint; acio, essendo presaint, eu non stova proceder rigorusamaing, * seguond la pusanza, la quala il Segner m' ha dat, ad edificaziun, e bricha a destrucziun.

* 2 Cor. 10, 8.

11. Nel reist, frars, s' allegrai, as

fortifichai, as confortai, hajat ün medem sentimaint, e stat in pasch; e'l Deis della charità, e della pasch sarà con vus.

12. * As salü dai l' ün l' oter con il sanct bütsch; tuots ils sanets as salüdan.

* 1 Tess. 5, 26. 1 Petr. 5, 14.

13. La grazia del Segner Gesu Cristo, e la charità da Dieu, e la communion del Spiert Sanct, saja con vus tuots. Amen.

L' EPISTOLA

DA

S. PAULO, APOSTEL, ALS GALATERS.

CHAP. I.

La vocaziun da Paulo, e co ch' el repretenda ils Galaters, chi s' avaiavan laschats sviar dal evangeli, smaledind ils fos docturs; disch eir, ch' el haja ardschvü l' evangeli da Gesu Cristo.

PAULO, apostel, (bricha da crastians, ne tras alchün crastian, ma tras Gesu Cristo, e Deis, bap, chi l' ha sdasdâ sü dals morts;)

2. E tuots ils frars, chi *sun* con mai, allas baselgias della Galazia:

3. Grazia a vus, e pasch, da Dieu, bap, e da nos Segner Gesu Cristo;

4. * Il qual ha dat sai stess per noss puchats, per ans trar our dal presaint mal muond, seguond la vöglia da Dieu, nos bap,

* Tit. 2, 14.

5. Al qual *saja* la gloria da saimper a saimper. Amen.

6. Eu m' smüravagl, cha usche bod da quel, chi s' ha clamats nella grazia da Cristo, vus eschat manats via pro ün oter evangeli;

7. Il qual * non ais ün oter; be sun qua alchüns, chi † s' confuondan, e vöglian roversar l' evangeli da Cristo.

* 2 Cor. 11, 4. † Gal. 5, 10. 12.

8. Ma, scha nus s' avain evangelizâ, schi saja el * smaledi.

* 1 Cor. 16, 22.

9. Sco nus s' avain dit avant, usche di eu darcheu: Sch' alchün s' evangelizescha * oter co quai, ch'

avais ardschvü, schi saja el smaledi.

* Deut. 4, 2.

10. Perche, vögl eu uossa guadagnar la gliend, o Dieu? Ovvero, tscherch' eu da complaschair alla gliend? Ma, * sch' eu complaschess amo alla gliend, schi non füss eu serviaint da Cristo.

* 1 Tess. 2, 4.

11. Impero, frars, eu's fetsch a savair, cha l' evangeli, chi ais stat da mai evangelizâ, non ais seguond il crastian.

12. Perche eir * eu non l' ha ardschvü, ne imprais d' alchün crastian; † ma tras la revelaziun da Gesu Cristo.

* 1 Cor. 15, 1. 3. † Ef. 3, 3.

13. Perche vus avais udì *qual füt* ünsacura * mia conversaziun nel Giudaismo, co eu perseguitaiva a tuot podair la baselgia da Dieu, e la desertaiva;

* Act. 8, 3.

14. Ed avanzaiva nel Giudaismo sur blers d' egual' età in mia nazium, essendo extremamaing zelant per las tradiziuns da meis babuns.

15. Ma, cur plaschet a Dieu, (il qual * m' ha miss a part dal vainter da mia mamm' innan, e m' ha clamâ tras sia grazia,)

* Ger. 1, 5.

16. Da revelar in mai seis figl, * acio ch' eu l' evangelizess tanter ils pajans; schi subit, sainza conferir plü inavant con chärn e sang;

* Ef. 3, 8.

17. Anzi, sainz' ir sü in Gerusalem, pro quels, chi *eiran* stats apostels avant mai, get eu in Arabia, e darcheu turnet eu in Damasco.

18. Lura, in cheu da trais ans, * get eu sü in Gerusalem, per visitar Petro; e dmuret pro el quindesch dis.

* Act. 9, 26.

19. E non vèzzet alchün oter dels apostels, co Giacobbo, frar del Segner.

20. Ma quant allas chosas ch' eu as scriv, mera, nel conspet da Dieu, eu non maint.

21. Lura gnit eu nellas contradas della Siria, e della Cilizia.

22. Ma eu eira inconstschaint da fatscha allas baselgias della Giudea, chi *sun* in Cristo;

23. Ma solum avaiavan ellas udi: Quel, chi ünsacura ans persecutaiava, evangelizescha uossa la cretta, la quala el vi' avant desertaiva;

24. E glorifichaiavan Deis in mai.

CHAP. II.

S. Paulo defenda seis offizi, e doctrina; e disch co l'haja reprais Petro; eir moss' el davart la güstificaziun solum tras cretta, ed tshantscha dalla santificaziun tras il Spiert Sanct.

LURA, in cheu da quattordesch ans, get eu darcheu sü in Gerusalem, con Barnaba, aviand tut con mai eir Tito.

2. Ma *qua* get eu sü in seguit d' üna revelaziun, e communichet a quels da Gerusalem l' evangeli ch' eu predg tanter ils pajans; ed in particolar a quels chi sun in plü granda stima; acio ch' eu in alchüna maniera * non curriss, o non füss currü per inguotta.

* Fil. 2, 16.

3. Ma, nianca Tito, chi *eira* con mai, essendo Grec, füt constrict d' esser circoncis.

4. E *quai* per ils * fos frars, tramiss aint suottaman, ils quals eiran intrats spera pro, per spiar nossa † libertà, cha nus avain in Cristo Gesu, afn da 'ns metter in servitiü.

* 2 Cor. 11, 26. † Gal. 3, 25. e 5, 1. 13.

5. Als quals nus non avain cedü our da soggeziun brich' ün momaint; acio cha la vardà del evangeli dmuress ferma tanter vus.

6. Ma da quels chi vegnan stimats

esser qualchosa, (chi els ünsacura sajan stats non am importa inguotta; * Deis non ha resguard alla qualità del crastian;) a mai almain, quels chi 's crajaivan qualchosa non am communichettan inguotta;

* Act. 10, 34. Rom. 2, 11.

7. Anzi, al contrari, * aviand els vis chi 'm eira stat confidà l' evangeli della pelluotta, seo a Petro quel della circoncisiun;

* Act. 13, 46. Rom. 11, 13. 1 Tim. 2, 7. 2 Tim. 1, 11.

8. (Perche quel, chi avaiava potentamaing operà in Petro tras l' apostolat della circoncisiun, avaiava eir potentamaing operà in mai invers ils pajans;)

9. E Giacobbo, e Cefa, e Gioanne, chi vegnan tgnüts per coluonnas, aviand cognoschü la grazia chi 'm eira stat datta, schi dettan els a mai, ed a Barnaba il man, seo signal da compagnia; acio cha nus *gessan* pro als pajans, ed els pro alla circoncisiun.

10. Solum *ans* raccomandettan els, cha nus ans regordessan dels povers, e quai * ha eu am flissagià da far.

* Act. 24, 17. Rom. 15, 25. 1 Cor. 16, 1. 2 Cor. 8, 9.

11. Ma, cur Petro füt gnü in Antiochia, schi 'l resistit eu in fatscha; siand che' el eira da reprinter.

12. Perche, avant cha tsherts füssan gnüts da Giacobbo, mangiaiv' el cols pajans; ma, cur quels füttan gnüts, as retret el, ed as separet, tmand quels della circoncisiun.

13. E 'ls oters Güdeus simulaivan eir els con el; tal cha eir Barnaba eira insembel transportà tras lur simulaziun.

14. Ma, cur eu vèzzet ch' els non chaminaivan südret, seguond la vardà del evangeli, dschet eu a Petro, in presenza da tuots: Scha tü, essendo Güdeu, vivast alla pajana, e brich' alla Güdea, schi perche constenschast ils pajans, da viver seo Güdeus?

15. Nus da natüra Güdeus, e bricha * pechaders our dals pajans;

* Ef. 2, 12.

16. Saviand cha 'l crastian non vain güstifichà tras las ouvras della led-scha, ma * tras la cretta da Gesu

Cristo; schi avain eir nus cret in Cristo Gesu, acio cha nus vegnan güstifichats tras la cretta da Cristo, e bricha tras las ouvras della ledscha; perche † ingüna charn non sarà güstifichada tras las ouvras della ledscha.

* Rom. 1, 17. 3, 22. 28. † Rom. 3, 20.

17. Ma scha, tcherchand d'esser güstifichats in Cristo, gnin chattats eir nus * pechaders, *ais dimena* Cristo serviaint del pucha? Quai saja dalönsch.

* 1 Gioan. 3, 8. 9.

18. Perche, sch' eu edificch danöv las chosas ch' eu ha sdrüt, schi constituesch eu mai stess transgressur.

19. Perche tras * üna ledscha sun eu mort ad ün' *otra* ledscha, acio ch' eu † viva a Dieu.

* Rom. 8, 2. 6, 14. 6, 11. 7, 4. 6. † 2 Cor. 5, 15.

20. Eu sun * crucifichâ con Cristo; e viv, bricha plü eu, ma Cristo viva in mai; e quai ch' eu viv uossa nella charn, viv eu nella cretta del figl da Dieu, chi m'ha amâ, ed ha dat sai stess per mai.

* Rom. 6, 6. Gal. 5, 24.

21. Eu non annullesch la grazia da Dieu; perche, scha la güstia vain tras la ledscha, schi ais Cristo mort per inguotta.

CHAP. III.

Sanct Paulo declera con rascuns e col exaimpel d' Abraham, cha 'l crastian non vegna güstifichâ tras las ouvras della ledscha, ma tras la cretta; el mossa cha las ceremonias della ledscha hajan nüzia, e ch' ellas sajan chassadas.

O insensats Galaters! chi s' ha inchantats a non obedir alla vardâ; *vus*, als quals Gesu Cristo ais stat il prüm smaliâ avant ils ögls, seo crucifichâ tanter vus?

2. Quaist solum desideresch eu da savoir da vus: Avais vus ardschvü 'l * spiert tras las ouvras della ledscha, o tras la predgia della cretta?

* Act. 2, 38. 8, 15. 15, 8. Ef. 1, 13.

3. Eschat vus usche insensats, cha, aviaid comanzâ tras il spiert, vus uossa vögliat gnir perfezionats tras la charn?

4. * Avais vus indürâ tantas chosas per inguotta? Scha pür eir per inguotta.

* 2 Gioan. 8.

5. Quel dimena, chi 's compart' il spiert, e lavura tanter vus potentas

operaziuns, *fa 'l quai* tras las ouvras della ledscha, o tras la predgia della cretta?

6. Seo * Abraham crajet a Dieu, e *quai* al füt imputâ a güstia;

* Gen. 15, 6. Rom. 4, 3.

7. Vus savais pür, * cha quels chi *sun* della cretta sun infants d' Abraham.

* Rom. 4, 11. 12. 16.

8. E la scrittüra, preveziand, cha Deis güstificha las naziuns tras la cretta, evangelizet ouravant ad Abraham: * Tuot las naziuns saran benedidas in tai.

* Gen. 12, 3. 18, 18.

9. Tal cha quels chi *sun* della cretta, sun benedits col fidel Abraham.

10. Perche, tuots quels chi sun delle ouvras della ledscha, sun suot maledicziun; perche l'ais scrit: * Maledet scodün chi non perseverescha in tuot las chosas scritte nel cudesch della ledscha, per las far.

* Deut. 17, 26.

11. Ma, ch' ingün tras la ledscha non vegna güstifichâ avant Deis, *ais* manifest, perche: * Il güst viverà tras cretta.

* Ab. 2, 4. Rom. 1, 17. 4, 4. 5.

12. Ma * la ledscha non ais tras cretta; anzi: Il crastian chi averà fat quaistas chosas viverà tras quellas.

* Rom. 10, 5. 6.

13. Cristo ans ha spendrats dalla maledicziun della ledscha, essendo per nus fat maledicziun; (perche l'ais scrit: * Maledet *saja* scodün chi ais pendü vi' al lain;)

* Deut. 21, 23.

14. Acio cha la benedicziun d' Abraham scuntra allas naziuns in Cristo Gesu, afin cha nus tras la cretta ardschaivan l' impromissiun del spiert.

15. Frars! eu tschantesch nella maniera da crastians; sch' ün pact ais confirmâ, schabain cha saja ün pact da crastian, schi non il annullescha ingün, o metta pro *chos' al-chüna*.

16. Ma las impromissiuns füttañ * fattas da Abraham, ed a seis sem. El non disch: Ed als eds, seo *favland* da blers; ma seo d' ün: Ed a teis sem, chi ais Cristo.

* Gen. 17, 7.

17. Ma quaist di eu: La ledscha, * gnüda quattertschient e trent' ans davo, non annullescha il pact con-

firmâ il prim da Dieu in Cristo, per redür ad inguotta l'impromissiu.

* Exod. 12, 40. 41. Rom. 4, 13. 14.

18. Perche, * scha l'ierta *vain* tras la ledscha, schi non *vain* ella plü tras l'impromissiu. Ma Deis dunet quella ad Abraham tras l'impromissiu.

* Rom. 4, 14. 8, 17.

19. Perche dimena füt datta la ledscha? Ella füt missa via pro per las transgressiuns, fin cha 'l sem füss gnü, al qual eira stat fat l'impromissiu; essendo * publichada dals angels, tras man d'ün mediatur.

* Act. 7, 53.

20. Ma 'l mediatur non ais dad ün; ma Deis ais ün.

21. La ledscha *ais* ella dime-na *stat datta* contra las impromissiuns da Dieu? *Quai* saja dalönsch; perche, scha füss stat datta la ledscha, chi podess vivifichar, schi gniss vairamaing la giüstia-tras la ledscha.

22. Ma la scrittüra ha * serrâ ogni chosa suot il pucha, acio cha l'impromissiu füss datta als crettaivels, tras la cretta da Gesu Cristo.

* Rom. 3, 9. 11, 32.

23. Ma, avant cha füss gnüda la cretta, schi gnivan nus perchürats suot la ledscha, essendo serrats, *spettand* la cretta chi dovaiva gnir revelada.

24. Tal * cha la ledscha ais statta nos magister *spettand* Cristo, acio cha nus vegnan giüstifichats tras cretta.

* Rom. 10, 4.

25. Ma essendo gnüda la cretta, schi non eschan nus plü suot magister.

26. Perche * vus eschat tuots infants da Dieu, tras la cretta in Cristo Gesu.

* Gioan. 1, 12.

27. Perche vus tuots, * chi eschat battiats in Cristo, avais † trat aint Cristo.

* Rom. 6, 3. † Rom. 13, 14.

28. * Qua non ais ne Güdeu, ne Grec; qua non ais ne famagl, ne liber; qua non ais ne maschel, ne femna;

* Rom. 10, 12. 1 Cor. 12, 13. Col. 3, 11.

29. Perche vus tuots eschat † ün in Cristo Gesu.

* Ef. 2, 14. 15.

30. Ma, scha vus *eschat* da Cri-

sto, schi eschat vus sem d'Abraham, ed ertavels seguond l'impromissiu.

CHAP. IV.

Sanet Paulo tras üna sumgenschla declera la differenza della baselgia suot la ledscha, e suot la grazia, repressa darcheu ils Galaters, dschand, quant chars al sajan stats; e serra giò con la famiglia d' Abraham.

MA eu di, ch' in tuot il temp, cha 'l ertavel ais ün infant, non ais el inguotta different dal famagl, schabain ch' el ais patrun da tuot.

2. Anzi l'ais suot avuats, e facturs, fin al temp ordinâ viavand dal bap.

3. Usche eir nus, intant cha nus eiran infants, schi gnivan nus tgnüts in servitü suot ils * elemaints del muond.

* Col. 2, 20.

4. * Ma, cur l'ais gnü il complimaint del temp, schi ha Deis tramiss seis figl, nat d'üna duonna, suottapost alla ledscha;

* Ef. 1, 10.

5. Afin ch'el spendress quels chi eiran suot la ledscha, acio cha nus ardshyessan l'adopziun.

6. Ma, siand cha vus eschat infants, * schi ha Deis tramiss il spiert da seis figl in voss cours, chi elama: Abba, bap.

* Rom. 8, 15.

7. Tal, cha tü non est plü famagl, ma infant; e, * scha tü est infant, schi est eir ervatel da Dieu, tras Cristo.

* Rom. 8, 16. 17.

8. Ma lura vus, non cognoschand Deis, * schi servivat a quels chi da natüra non sun Deis.

* 1 Cor. 12, 2. Ef. 2, 11. 12.

9. Ed vossa, aviad cognoschü Deis; schi bler ant, essendo stats cognoschüts da Dieu, schi co as volvaivat vus darcheu inavo vi' als debels e povers elemaints, als quals, * *turnand* inavo, vus danöv volaivat servir?

* Ebr. 7, 18. Fil. 3, 14.

10. Vus observaivat dis, e mais, e stagiuns, ed ans.

11. Eu tem da vus, ch' eu m' haja forsa sfadiâ per inguotta invers vus.

12. Sajat sco eu *sun*, perche eir eu *sun* sco vus; frars, eu's rov, * vus non am avais fat alchün tort.

* 2 Cor. 2, 5.

13. Ma, vus savais, co eu per il passâ s' evangelizet * con infirmità della charn;

* 1 Cor. 2, 3. 2 Cor. 11, 30.

14. E vus non spredschezzat, ne sbüttettat mia prova, ch' *eira* in mia charn; anzi m' avais retschevü sco ün angel da Dieu, sco Cristo Gesu stess.

15. Che chosa dimena eira usche vossa beadenscha? Perche eu's dun testimonianza cha, scha *füss stat* possibile, schi s' avessat vus chavats our ils ügls, e 'ls avessat dats a mai.

16. Sun eu dimena d'vantà vos inimi, as proponind la vardà?

17. *Quels* sun zelus davo vus, * brich' onestamaing; anzi 's vöglian serrar oura, acio cha vus sajat zelus davo els. *2Cor. 11, 2.

18. Ma l' *ais* bön d'esser saimper zelus in bain, e bricha solum cur eu sun presaint pro vus;

19. Meis infantets, ils quals eu parturesch danöv, infin cha Cristo vegna formà in vus,

20. Ma eu desideress vossa d'esser presaint pro vus, e müdar mia vusch, perche eu sun perplex da vus.

21. Dit-am, *vus* chi volaivat esser suot la ledscha, non udivat vus la ledscha?

22. Perche l' *ais* scrit: Cha Abraham avet duos figls; * ün dalla fant-schella, ed † ün dalla libera.

* Gen. 16, 15. † Gen. 21, 2.

23. Ma quel chi *eira* dalla fant-schella, * füt generà seguond la charn; ma quel ch' *eira* dalla libera, füt generà tras l' impromissiun.

* Rom. 9, 8.

24. Las qualas chosas han ün senso allegoric; perche quellas *duos donans* sun las duos lias; l' üna del munt Sinai, chi generescha pro servitü, la quala ais Agar.

25. Perche Agar ais Sina, ün munt in Arabia, e corresponda alla Gerusalem del temp presaint; ed ais fant-schella, con seis infants.

26. Ma * la Gerusalem süsura ais libera; la quala ais mamma da tuots nus. * Es. 2, 2. Ebr. 12, 22. Apoc. 3, 12. 21, 10.

27. Perche l' *ais* scrit: * T' allegra, o sterila, chi non partureschast; rump' oura e bragia, tü chi non saintast döglias da part; perche plüs *saran* ils infants della bandunada, co da quella, chi avai' il marit.

* Es. 54, 1.

28. Ma nus, frars, nella maniera d'Isac, * eschan infants dell' impromissiun. * Rom. 9, 8.

29. Ma sco lura * quel, chi eira generà seguond la charn, perseguitaiva quel *chi eira generà* seguond il spiert, usche *dvaint'* eir al presaint.

* Gen. 21, 9.

30. Ma che disch la scrittüra? * Chatsch' oura la fant-schella, e seis figl; perche 'l figl della fant-schella non sarà ertavel con il figl della libera.

* Gen. 21, 10. 12. Gioan. 8, 35.

31. Usche dimena, frars, nus non eschan infants della fant-schella, ma della libera.

CHAP. V.

Sanct Paulo comand' als Galaters a perseverar nella libertà cristiana, e reprimda lur inconstanza in as laschar surmanar da quels fos docturs; mossa co ün dess dovrar quella, e quals sajan ils früts da tala.

CONTUOT stat fermes nella libertà, dalla quala Cristo ans ha liberats, e non sajat danöv liats * suot il giuf della servitü.

* Act. 15, 10.

2. Mera, eu Paulo's di cha, scha vus eschat circoncis, schi non as güderà Cristo inguotta.

3. E dacheu testifich eu ad ogni crastian chi 's circoncida, ch' el saja obligià ad observar tuot la ledscha.

4. O *vus*, chi eschat güstifichats tras la ledscha, Cristo non ha plü ingüna virtù in vus; vus eschat erodats our dalla grazia.

5. Perche nus nel spiert, tras cretta, spettain * la spranza della güstia.

* 2 Tim. 4, 8.

6. Perche * ch' in Cristo Gesu ne la circoncisiun, ne la pelliotta, non ais d'alehüna valur; ma la cretta chi operescha tras charità.

* 1 Cor. 7, 19. Gal. 6, 15.

7. Vus currivat bain; * chi s' ha dat disturbi, per non dar fede alla vardà?

* Gal. 3, 1.

8. Quaista persvasiun non ais da quel * chi 's clama.

* Gal. 1, 6.

9. * Ün pa d' alvamaaint alvainta tuot la pasta.

* 1 Cor. 5, 6.

10. Eu'm confid da vus nel Segner, cha vus non vegnat ad avair ün oter sentimaint; ma quel chi 's disturba porterà il güdizi, saja 'l chi ch' el vöglia.

11. Ma, quant a mai, frars, sch' eu predg amo la circumcisiun, schi perche vegn eu amo perseguittâ? Il schandel della crusch ais dimena tut via.

12. Ah, * füssan pür eir tagliats via quels chi's disturban! * Gios. 7, 25.

13. Perche vus eschat stats clamats pro libertà, frars, solum * non pigliarai quaiста libertà, per ün'occasiun da sgondar alla charn; ma servi l' ün l' oter tras la charità. * 1 Petr. 2, 16.

2 Petr. 2, 19. Gal. 6, 2. Giuda 4. 1 Cor. 9, 19.

14. Perche tuot la ledscha ais contgnüda in quaiست sulet pled: * Ama teis prossem, seo tai stess.

* Lev. 19, 18. Matt. 7, 12. 22, 39. Rom. 13, 8. Giac. 2, 8.

15. Cha scha vus as mordaivat, e magliaivat l' ün l' oter, schi guardai, cha vus non vegnat consumats ilsüns dals oters.

16. Ma eu di: * Chaminai seguond il spiert, e non complascharai al giavüschamaint della charn.

* Rom. 6, 12. 8, 1. 4. 13, 14. 1 Petr. 2, 11.

17. Perche * la charn giavüscha conter il spiert, e'l spiert contra la charn, e quaiستas chosas sun repugnantas l' ün' all' otra; acio cha † vus non fetschat qualunque chosa vus volessat. * Rom. 7, 23. 8, 6. 7. † Rom. 7, 15. 19.

18. Cha * scha vus eschat condüts tras il spiert, schi non eschat vus suot la ledscha; * Rom. 6, 14. 8, 2.

19. Ma manifestas sun las ouvras della charn, chi sun: Adulteri, fornicaziun, malnettischa, dissoluziun,

20. Idolatria, striögn, inimicizias, contesas, gelusias, iras, querelas dissensiuns, sectas,

21. Invilgias, omicidis, avrianzas, magliarias, e chosas a quaiستas sumgiantas; da qualas chosas eu's di vi'avant, seo eu ha agià predit, cha * quels chi fan talas chosas non erteran il reginam da Dieu.

* 1 Cor. 6, 9. Ef. 5, 5.

22. Ma * il früt del spiert ais charità, allegrezza, pasch, tardanz' all' ira, benignità, buntà, cretta, bandusezza, continenza. * Ef. 5, 9.

23. * Contra talas chosas non ais ledscha. * 1 Tim. 1, 9.

24. Ma quels chi sun da Cristo * han crucifichâ la charn con ils

affets, e con ils giavüschamaints.

* Rom. 6, 6. Gal. 2, 20.

25. * Scha nus vivain tras il spiert, schi chaminain nus eir tras il spiert.

* Rom. 8, 4. 5.

26. Non sajans vanaglorius, clamand oura l' ün l' oter, invilgiand l' ün l' oter.

CHAP. VI.

Sanct Paulo tratta in specie dalla charità vers quels chi crodan tras deblezza, vers ils pasturs, vers oters crettaivels; sco eir dalla vanità dels fos apostels, as lodand della crusch da Gesu Cristo.

FRARS, schabain alchün gniss surprais in alchün fal, schi turnantai * vus spirituals ün tal con spiert da bandusezza; aviand chüra da tai stess, cha non vegnast eir tü tentâ,

* 1 Cor. 2, 15. 3, 1.

2. Portai ils chargs ilsüns dels oters, ed usche compli * la ledscha da Cristo. * Gioan. 13, 34.

3. Perche, * sch' alchün as stima esser qualchosa, non siand el inguotta, schi ingiann' el sai stess in seis sen. * 1 Cor. 8, 2.

4. Ma cha scodün prova si' ouvra, e lura averà el il lod per risgard da sai stess sulet, e bricha per risgard d' oters.

5. Perche scodün porterà seis propri pais.

6. Ma * quel, chi ais mossâ nel pled, detta part da tuots seis bains a quel chi mossâ. * 1 Cor. 9, 11. 14.

7. Non s'ingiannarai; Deis non as lascha far beffa; perche quai cha'l crastian averà semnä, quai vain el eir a tshuncar.

8. Perche quel chi semna a sia charn, vain a tshuncar dalla charn corrupziun; ma, chi semna al spiert vain a tshuncar dal spiert vit'e-terna.

9. Ma * non perdain l' anim, fand bain; perche, scha nus non gnin stangels, schi gnin nus a tshuncar in sia propria stagiun. * 2 Tes. 3, 13.

10. Contuot, intant cha nus avain temp, schi fain del bain a tuots; ma principalmaing als * commembers della cretta. * Efes. 2, 19.

11. Vus vezzais, quant lunga charta eu s' ha scrit da meis propri man.

12. Tuots quels chi vöglian plachair seguond la charn, per bell'apparenza, as constrenschan d'esser circoncis, * solum acio ch' els non sajan perseguitats tras la crusch da Cristo.

* Fil. 3, 18.

13. Perche els istess, chi sun circoncis, non observan la ledscha; ma vöglian cha vus sajat circoncis, acio ch' els as glorieschan da vossa charn.

14. Ma, quant a mai, mâ non vöglia Dieu, ch' eu am gloriescha in oter co nella crusch da nos Segner Gesu Cristo, tras la quala il muond * ais

crucifichâ a mai, ed eu al muond.

* Rom. 6, 6. Gal. 2, 20.

15. Perche * in Cristo Gesu ne la circoncisiun, ne la pelliotta, non ais d' alchüna valor; ma † la nouva creatüra.

* 1 Cor. 7, 19. Gal. 5, 6. † 2 Cor. 5, 17.

16. E sur tuots quels chi chamine-
ran seguond quaiста regola *saja* pasch,
e misericordia; e sur * l'Israel da
Dieu.

* Rom. 2, 29. 4, 12. Gal. 3, 29.

17. Nel reist, ch' ingün non am detta molestia; perche eu port in meis corp las natts del Segner Gesu.

18. Frars, *saja* la grazia da nos Segner Gesu Cristo con vos spiert. Amen.

L' EPISTOLA

DA

S. PAULO, APOSTEL, ALS EFESERS.

CHAP. I.

Sanct Paulo giavüscha tuot bain als Efesers; ingrazia Deis per els, ch' el ils ha elets d' eterno innan, spendrats, clamats, santificats, rovand cha dessan perseverar, e rova eir Deis per els.

PAULO, apostel da Gesu Cristo, tras la voluntà da Dieu, als sanets chi sun in Efeso, e fidels in Cristo Gesu;

2. Grazia a vus, e pasch da Dieu, nos bap, e del Segner Gesu Cristo.

3. * Benedi *saja* Deis, bap da nos Segner Gesu Cristo, il qual ans ha benedits con ogni benedicziun spirituala nels *lous* celestials in Cristo.

* 2 Cor. 1, 3. 1 Petr. 1, 3.

4. Sco el * ans ha elets in el avant la fondaziun del muond, acio † cha nus sajan sanets, ed irreprensibels in seis conspet, in charità;

* 2 Tim. 1, 9. † Col. 1, 22.

5. Ans aviand * predestinats da ns tour sù per seis infants tras Gesu Cristo, a sai stess, seguond il beneplacit da sia voluntà.

* Rom. 8, 15. 29. 30. Gal. 4, 5.

6. A lod della gloria da grazia, tras la quala el ans ha fats grazius a *sai*, in quel * chi ais l' amà;

* Matt. 3, 17.

7. Nel qual nus avain la spendranza tras seis sang, la remissiun dels puchats seguond las ricchezzas da sia grazia;

8. Della quala el ais stat abundant invers nus in ogni sapienza, ed intelligenza;

9. Ans aviand dat a cognoscher il misteri da sia voluntà, seguond seis beneplacit, il qual el avaiva determinâ in sai stess;

10. *Chi ais* da raspar insembel, nella dispensaziun del * complimaint dels temps, suot ün cheu, in Cristo, † tuot las chosas, usche bain quellas *chi sun* nels tshels, co quellas *chi sun* sün la terra;

* Gal. 4, 4. † Col. 1, 20.

11. In quel, *di eu*, nel qual nus eschan * elets, essendo predestinats seguond il propöst da quel, chi operescha tuottas chosas, seguond il cossagl da sia voluntà;

* Act. 26, 18. Col. 1, 12.

12. Acio cha nus sajan a lod da sia gloria, nus chi avain vi' avant gnü spranza in Cristo.

13. Nel qual eir vus *eschat* stats elets, aviand udi ils plds della vardà, l' evangeli da vos salüd; nel qual eir, aviand cret, vus * *eschat* sigillats

con il Spiert Sanct dell' impromissiun.

* 2 Cor. 1, 22. Ef. 4, 30.

14. * Il qual ais il pain da noss' ierta, alla spendranza della possessiun acquistada, a lod della gloria da quel.

* 2 Cor. 1, 22. 5, 5.

15. Per quai, eir eu, * aviand udi vossa cretta nel Segner Gesu, e vossa charità invers tuots ils sanets;

* Col. 1, 4.

16. * Schi mâ non chall eu d'ingraziar per vus, fand memoria da vus in mias oraziuns;

* Rom. 1, 9. Fil. 1, 3, 4. 1 Tes. 1, 2. 2 Tes. 1, 3.

17. Acio cha 'l Deis da nos Segner Gesu Cristo, il bap della gloria, as dett' il spiert da sapienza, e da revelaziun, nella cognoschenscha da quel;

18. E 'ls ügls da vos intellet illüminats, acio cha vus sapchat quala *saja* la spranza da sia vocaziun, e qualas *sajan* las ricchezas della gloria da si' ierta, nels *lous* sanets;

19. E qual *saja* invers nus, chi crajain, l' excellenta grandezza da sia potenza; seguond la virtù della forza da sia pussanza;

20. La quala el ha dovrâ in Cristo, l' aviand sdasdâ stü dals morts, e fat * zer da sia vart dretta nels *lous* celestials,

* Ps. 110, 1.

21. * Sur ogni principat, e virtù, e pussanza, e signoria; ed ogni nom, chi 's nomna, bricha solum in quaiست muond, ma eir nel *muond* avegnir;

* Fil. 2, 9. Col. 2, 10.

22. Ed * aviand miss ogni chosa suot seis peis, e l' aviand dat per † cheu sur ogni chosa, alla baselgia;

* Ps. 8, 7. 1 Cor. 15, 27. Ebr. 2, 8. † Ef. 4, 15. 16.

23. * La quala ais il corp da quel, il complimaint da quel chi comple-scha tuottas chosas in tuots.

* Ef. 4, 12. 1 Cor. 12, 6. 27. Ef. 5, 23. 30. Col. 1, 18. 3, 11.

CHAP. II.

Sanct Paulò da ad incler als Efesers lur puchats, e lur deliberaziun tras Cristo; el mossa, ch' els *sajan* uossa liats insembel in Cristo cols Güdeus.

EL s' ha fat *resüstar* eir vus, * chi eirat morts nels fals, e nels puchats;

* Col. 2, 13.

2. Nels quals vus ünsacura chaminettat, seguind al cuors da quaist muond, seguond il * princi della pussanza del ajer, del spiert chi

operescha al presaint † nels infants della disobediencia;

* Es. 6, 12. Ef. 6, 12. † Col. 3, 6. 7.

3. Tanter ils quals eir nus tuots avain conversâ vi' avant nels *giavüschamaints* da nossa charn, complind ils desideris della charn, e dels impissamaints, ed eiran * da natura infants dell' ira, seo eir ils oters.

* Ps. 51, 7. Tit. 3, 3. Rom. 5, 12. 14.

4. Ma Deis, * chi ais rich da misericordia, tras sia granda charità, con la quala el ans ha amats;

* Rom. 10, 12.

5. * Eir intant nus eiran morts nels fals, ans ha vivifichats con Cristo, (vus eschat salvats tras grazia.)

* Rom. 5, 6. 8. 10. 6, 4. 5. Col. 2, 12. 13.

6. E 'ns ha fat *resüstar* con *el*, e con el ans ha 'l fat zer nels *lous* celestials, in Cristo Gesu;

7. Acio ch' el mossess nels temps avegnir las excellentas ricchezas da sia grazia, in benignità invers nus, in Cristo Gesu;

8. Perche vus eschat salvats tras la grazia, * mediante la cretta, e quai non *vain* da vus, *l' ais* il dun da Dieu.

* Rom. 4, 16.

9. * Bricha tras *ouvras*, acio ch' ingün as gloriescha.

* Rom. 3, 20. 26. 27. 4, 2. 9, 11. 11, 6.

1 Cor. 1, 30. 31. 2 Tim. 1, 9. Tit. 3, 5.

10. Perche nus eschan * la fattura da quel, essendo creats in Cristo Gesu pro bunas *ouvras*, las qualas Deis ha preparâ, acio cha nus chaminan in quellas.

* Ps. 100, 3. Es. 29, 23. Gioan. 3, 3. 5.

11. Per quai, * as regordai cha vus, vi' avant pajans nella charn chi gnivat clamats pelluotta da quella chi vain nomnada circoncesiun nella charn, fatta con il man;

* 1 Cor. 12, 2. Col. 1, 21.

12. In quel temp eirat sainza Cristo, alienats dalla republica d' Israel, e forestêrs dellas * lias dell' impromissiun, non aviand spranza, ed essendo sainza Dieu nel muond; * Rom. 9, 4.

13. Ma uossa, in Cristo Gesu, vus chi viavant eirat dalönsch, eschat ap-prosmats tras il sang da Cristo.

14. Perche el ais nossa pasch, il qual ha fat * our da duos ün; ed, aviand disfat la parait dimez, chi faiva la saiv;

* Gioan. 10, 16. Gal. 3, 28.

15. Ha el in sia charn annullâ l' inimicizia, la ledscha dels comanda-
maints, *missa* in ordinanzas; acio
ch' el creess in sai stess ils duos * in
ün crastian nouv, fand la pasch;

* Gal. 6, 15. 2 Cor. 5, 17.

16. E 'ls reconciliess amenduos in
ün corp a Dieu, tras la crusch, *
aviand mazzâ l' inimicizia in sai
stess.

* Rom. 6, 6. 8, 3. Col. 2, 14.

17. Ed essendo gnü, ha el evange-
lizâ * pasch a vus ch' *eirat* lontans,
ed a quels *chi eiran* † vicins.

* Es. 57, 19. † Ps. 148, 14.

18. Perche * tras quel avain nus,
l' ün e l' oter l' introduceziun pro l'
bap in ün spiert.

* Ef. 3, 12. Ebr. 4, 16. 10, 19. 20.

19. Contuot non eschat vus plü fo-
restêrs, ne eisters; ma * concittadins
dels sanets, e † brajada della chasa
da Dieu.

* Fil. 3, 20. † Ebr. 12, 22. 23. † Gal. 6, 10.

20. Essendo * edificâts † stül fon-
damaint dels apostels, e dels profets,
essendo Gesu Cristo stess ** la pei-
dra del cheu del chantun; * 1 Cor. 3, 9, 10.

1 Petr. 2, 4, 5. † Matt. 16, 18. Ap. 21, 14. ** Ps. 118, 22.

21. Nel qual tuot l' edifiçi baincom-
post crescha in ün * taimpel sanet
nel Segner.

* 1 Cor. 3, 17.

22. Nel qual eir vus eschat insembel
edificâts, per *esser* ün tabernacul da
Dieu, nel spiert.

CHAP. III.

Sanet Paulo declera las ricchezas da Dieu, tras
Cristo; e l' secret, e sapienza da Dieu; sgürezza
e confidenza.

PER quaiста causa eu Paulo sun il
preschunêr da Cristo Gesu * per
vus pajans;

* Col. 1, 24. 2 Tim. 2, 10.

2. Scha vus pür avais udi la dis-
pensaziun della grazia da Dieu, *
chi 'm ais stat datta invers vus;

* Act. 9, 15. 1 Cor. 4, 1. Gal. 1, 16.

3. Sco tras revelaziun m' ha el fat
cognoscher il misteri; * sco eu s' ha
scrit vi' avant cuortamaing;

* Ef. 1, 9. 10. Gal. 1, 12. Rom. 16, 25. Col. 1, 26.

4. Our dal qual vus podais, legiand,
cognoscher, *quala saja* mia intelli-
genza nel misteri da Cristo;

5. Il qual non füt fat a savair nellas
otras etats als figls della gliend, sco
uoss' ais stat revelâ als sanets apo-
stels, e profets da quel, nel Spiert.

6. Acio cha 'ls pajans * *sajan* con-
ertavels, e d' ün medem corp, e per-
snavels dell' impromissiuon † da quel
in Cristo, tras l' evangeli;

* Gal. 3, 14. 29. 30. † Ef. 2, 15. 16.

7. Del qual eu sun stat fat minister,
* seguond il dun della grazia da Dieu,
chi 'm ais stat datta, seguond la vir-
tüt da sia potenza.

* Rom. 1, 5.

8. A mai, *di eu*, * il minim da tuots
ils sanets, ais stat datta quaiста gra-
zia, d' evangelizar tanter ils pajans
las non investigablas ricchezas da
Cristo;

* 1 Cor. 15, 9. 1 Tim. 1, 13. 15.

9. E da manifestar a tuots, quala
saja la dispensaziun del misteri, il
qual da saimper nan ais stat zoppâ in
Dieu, chi ha creâ tuot las chosas tras
Gesu Cristo,

10. Acio cha nel temp presaint ve-
gna fat a savair als principats, ed
allas pussanzas, nels *lous* celestials,
tras la baselgia, la fich diversa sa-
pienza da Dieu;

11. Seguond l' etern propöst, il qual
el ha fat in Cristo Gesu, nos Segner;

12. Nel qual nus avain la libertà, *
e l' introduceziun in confidenza, tras
la cretta da quel.

* Ef. 2, 18.

13. Per la qual causa eu giavüsch,
cha vus non perdat l' anim per mias
tribulaziuns, *ch' eu indür* per vus; il
qual ais vossa gloria.

14. Per quella causa, *di eu*, inclin
eu mia snuoglia avant il bap da nos
Segner Gesu Cristo;

15. Dal qual vain nominâ tuot la
famiglia nels tshels, e sur la terra;

16. Ch' el as detta, seguond las ri-
chezas da sia gloria, da gnir forti-
fichats con virtüt tras seis spiert,
nel crastian * intern; * Rom. 7, 22. 2 Cor. 4, 16.

17. E cha Cristo avda in voss cours
tras la cretta;

18. Acio cha, essendo ragischats
aint e fondats in charità, vus possat
comprender, con tuots ils sanets,
quala *saja* la ladezza, e la lungezza,
e la profundità, e l' otezza;

19. E cognoscher la charità da
Cristo, chi supravanza ogni cogno-
schenscha; acio cha vus vegnat im-
plits fin a tuotta plainezza da Dieu.

20. Ma * a quel, chi po, seguond la
potenza chi operescha in nus, far

infinitamain sur quai cha nus giavüschain, o 'ns impissain;

* Rom. 16, 25. Giuda 24.

21. Ad el *saja* la gloria nella baselgia, in Cristo Gesu, tras tuottas generazioni da saimper a saimper. Amen.

CHAP. IV.

L'apostel exorta a bunas ouvras, referind dals divers duns e ministeris nella baselgia; lura exort' el generalmaing al exercizi della regeneraziun e nouva vita.

EU dimena, il preschunêr, s'exortesched nel Segner, * cha vus chaminat conform alla vocaziun, nella quala vus eschat clamats;

* Ef. 3, 1. Fil. 1, 27. Col. 1, 10. 1 Tes. 2, 12.

2. Con ogni ümità, e bandusezza; con pazienza, * as comportand l'ün l'oter in charità;

* Col. 3, 13.

3. As flissagiand da salvar l'uniun del Spiert tras il liam della pasch.

4. *L'ais* * ün corp sulet, ed ün sulet Spiert, sco eir vus eschat stats clamats in üna suletta spranza da vossa vocaziun; * Rom. 12, 5. 1 Cor. 12, 4, 12, 13. Ef. 2, 16.

5. * *L'ais* ün sulet Segner, üna cretta, ün battaisem;

* 1 Cor. 8, 6. 12, 5.

6. Ün Dieu sulet, * e bap da tuots, il qual *ais* sur tuottas chosas, e tanter tuottas chosas, ed in tuots vus.

* 1 Cor. 12, 6. Mal. 2, 10.

7. Ma * a scodün da nus ais dat la grazia, seguond la masüra del dun da Cristo.

* Rom. 12, 6. 1 Cor. 12, 11.

8. Per la qual causa el disch: * Essendo it sü in ot, † ha el manâ in preschun quantità da preschunêrs, ed ha dat duns als crastians.

* Ps. 68, 19. † Col. 2, 15.

9. Ma quai, el ais it sü, che chosa aise oter, co ch' el ais viavant eir gnü giò nellas plü bassas parts della terra?

10. Quel chi ais gnü giò, ais quel istess, il qual eir ais it sü sur tuots ils tschels, * acio ch'el impla tuottas chosas.

* Act. 2, 33.

11. Ed * el istess ha dat alchüns *per* esser apostels, e 'ls oters *per* esser profets, ils oters *per* esser evangelists, e 'ls oters *per* esser pasturs, e † docturs.

* Act. 21, 8. 1 Cor. 12, 28. 2 Tim. 4, 5. † Rom. 12, 7.

12. Per unir insembel ils sanets pro

l'ouvra del ministeri, l'edificaziun del corp da Cristo;

13. Fin cha nus ans incontrain tuots nell'unità della cretta, e della cognoschenscha del figl da Dieu, in ün hom perfet, alla masüra dell'età madüra del corp da Cristo,

14. Acio cha nus non sajan plü * infantets, ondiand, transportats d'ogni vent da doctrina, tras la falsità della gliend, tras *lur* astuzia al artifiz ed aguets del ingian;

* Es. 28, 9. 1 Cor. 14, 20. Ebr. 13, 9.

15. Ma cha, seguittand nus alla vardà in charità, nus creschan in ogni chosa in quel chi ais il cheu, *cioè in* Cristo.

* Ef. 1, 23. 2, 21.

16. Dal qual tuot il corp, bain compost, e miss insembel, tras tuottas giunshadüras della subministraziun, seguond la virtù *chi ais* nella masüra da scodün member, piglia la creschenscha del corp, all'edificaziun da sai stess in charità.

17. Contuot di eu quaist, e protest nel Segner, cha vus non chaminat plü, sco chaminan amo 'ls oters pajans, * nella vanità da lur sen;

* Rom. 1, 24.

18. Inschürits nel intellet, * lontans dalla vita da Dieu, per l'ignoranza chi ais in els, tras la dürezza da lur cour;

* Ef. 2, 12.

19. Ils quals, essendo dvantats insensibels ad ogni dolor, * s'han, surdats alla dissoluziun, d'operar ogni malnettischa con ün giavüschamaint insaziabel.

* Rom. 1, 24, 26.

20. Ma vus non avais usche imprais a cognoscher Cristo;

21. Scha pür vus l'avais udi, ed eschat stats in el mossats, seguond cha la vardà ais in Gesu.

22. * Da trar oura, quant alla prüma maniera da viver, il vegl crastian, il qual as corrumpa nels giavüschamaints chi surmainan,

* Rom. 6, 6. Col. 2, 11. 3, 9. Ef. 2, 2, 3. 1 Petr. 4, 3.

23. E da gnir renovats tras il spiert da vos sen;

24. E * da gnir vestits con il nouv crastian, creà seguond Deis, in giustia e santità da vardà.

* Rom. 6, 4. 2 Cor. 5, 17. Col. 3, 10.

25. Per quai, siand missa davent la

menzögna, schi favlai in vardà seodün con seis prossem; perche nus eschan * membra l'ün del' oter.

* Rom. 12, 5.

26. S' adirai, e non pechai; il solai non dess tramuntar sur voss' ira;

27. * E non darai lö al diavel.

* Giac. 4, 7.

28. Chi involaiva non dess involar plü; anzi dess el plü bod as * sfadiar, fand qualcha bun' ouvra con ils propis mans, acio ch' el haja da dar part a quel chi ha bsögn. * 2 Tes. 3, 11, 12.

29. * Ingün pled mal non giaja our da vossa bocca; ma, schi l' ais alchün bun ad edificaziun, seguond il bsögn; acio ch' el detta grazia a quels chi taidlan pro.

* Ef. 5, 4. Col. 4, 6.

30. E non conturblarai il Spiert Sanct da Dieu, con il qual vus eschat stats sigillats süil di della * spendranza.

* Es. 7, 13. 63, 10.

Luc. 21, 28. Ef. 1, 13, 14. Rom. 8, 23.

31. Saja tut via da vus ogni aschezza, ed ira, e sdegn, e bragizi, e dir mal, con ogni malizia;

32. Ma * sajat l'ün invers l' oter benigns, misericordiaivels, as perdunand l'ün l' oter, sco eir Deis s' ha perdunâ in Cristo.

* Col. 3, 12, 13.

CHAP. V.

Sanct Paulo continua ad exortar in tuots fats a viver indret: con admonir eir las donans co as dessan contegner vers lur marits, e viceversa.

SAJAT dimena * seguitadurs da Dieu, sco chars infants; * Matt. 5, 45.

2. E * chaminai in charità, sco eir Cristo ans ha amats, ed ha dat sai stess per nus in offerta e sacrifici a Dieu, in amabla savur.

* Gioan. 13, 34. 15, 12. 1 Gioan. 3, 23.

3. E, sco 's convain als sanets, pitanögn, ed ingüna malnettischa, ed avarezza, non vegna nianca nomnada tanter vus;

4. * Ne disonestà, ne nar tschant-schar, o buffunarias; las qualas chosass non as convegnan; ma plü bod ingraziamaint.

* Ef. 4, 29.

5. Perche vus savais quaist, * ch' ingün pitanêr, ne malnet, ne avarazus, † (il qual ais ün idolater,) non ha ierta nel reginam da Cristo, e da Dieu.

* 1 Cor. 6, 9. Gal. 5, 21. † Col. 3, 5.

6. Ch' ingün non as surmaina con

vans raschunamaints; perche per quaistas chosas * vain l' ira da Dieu sur ils infants della disobediencia.

* Rom. 1, 18. Ef. 2, 2.

7. Non sajat dimena lur compagns.

8. Perche vus eirat viavant schürezzâ, ma uossa *eschut* glüm nel Segner; chaminai sco * infants della glüm.

* Luc. 16, 8. Gioan. 12, 36. 2 Cor. 3, 18. 1 Tes. 5, 5.

9. (Perche cha 'l * früt del Spiert *sta* in ogni buntà, e güstia, e vardà;)

* Gal. 5, 22.

10. Provand * quai ch' ais accettabel al Segner;

* Rom. 12, 2.

11. E non sajat persnavels * dellas ouvras non früttaihlas dellas schürezzas, anzi plü bod eir reprendâ las.

* Rom. 6, 21. 13, 12.

12. Perche l'ais disonest dech da dir las chosas chi's fan dad els secretamaing.

13. Ma * tuottas chosas, essendo re- praisas dalla glüm, vegnan manifestadas; perche tuot quai chi ais manifestâ ais glüm.

* Ebr. 4, 13.

14. Per quai disch el: * At sdaisda, tü chi dormast, e leiva sü dals morts, e Cristo vain at splendorir.

* Es. 60, 1.

Gioan. 5, 25. Rom. 6, 4, 5.

13, 11, 12. Col. 3, 1. 1 Cor. 15, 34. Ef. 2, 5.

15. * Guardai dimena, co vus chaminat con diligiainta prudenza; bricha sco nars, ma sco sabis;

* Col. 4, 4.

16. Cumprand il temp, perche ils dis sun mals.

17. Per quai, non sajat imprudaints, ma intelligiaints da savair, quala *saja* la voluntà del Segner.

18. E non s' inavriarai con vin, * nel qual ais dissoluziun; ma gni plains del Spiert;

* Prov. 20, 1.

19. Favland a vus istess * con psalms, e lods, e chanzuns spiritua- las; chantand, e psalmiand con vos cour al Segner;

* Col. 3, 16.

20. Ingraziand da contin per ogni chosa a Dieu e bap, * nel nom da nos Segner Gesu Cristo.

* 1 Tes. 5, 18. Ebr. 13, 15. 1 Petr. 2, 5.

21. As suottamettand * l'ün l' oter, nella temma da Cristo.

* 1 Petr. 5, 5.

22. * Mugliers, sajat soggettas a voss marits, con al Segner.

* Col. 3, 18. Tit. 2, 5. 1 Petr. 3, 1.

23. Perche 'l * marit ais cheu della duonna, seo eir Cristo *ais* cheu della baselgia, ed el stess ais il salvader del corp,

* 1 Cor. 11, 3.

24. Ma eir seo la baselgia ais soggetta a Cristo, usche las mugliers *dessan esser soggettas* a lur marits in ogni chosa.

25. * Marits, amai vossas mugliers, seo eir Cristo ha amâ la baselgia, ed ha dat sai stess per ella;

* Col. 3, 19. 1 Petr. 3, 7.

26. Acio ch'el la santifichess, *l'aviand* * purgiada con la lavanda dell' aua, nella *virtü del pled*;

* Gioan. 3, 5. 15, 3. 17, 17. Tit. 3, 5. Ebr. 10, 22.

27. Per far comparair quella baselgia avant a sai, * gloriusa, non aviand maela, ne rappa, ne chos' alchüna tala; ma acio ch'ella füss sancta, e sainz' arpraisa.

* Cant. 4, 7.

28. Usche dessan ils marits amar lur mugliers, seo lur propriis corps; chi ama sia muglier ama sai stess.

29. Perche ingün non avet mâ in ödi sia charn, anzi la nudraja, e la perchüra zartamaing, seo eir il Segner la baselgia;

30. Perche * nus eschan membra da seis corp, our da sia charn, ed our da si' ossa.

* 1 Cor. 6, 15. 12, 27.

31. Per quai * vain il crastian a bandunar seis bap, e sia mamma, e vain as compagnar con sia muglier, e quels duos dvanteran ün' istessa charn.

* Gen. 2, 24.

32. Quaist misteri ais grand; ma eu di, a resguard da Cristo, e della baselgia.

33. Ma scodün da vus dess usche amar sia muglier, seo sai stess; ed eir la muglier dess reverir il marit.

CHAP. VI.

L'apostel exorta 'ls infants, e 'ls baps, ils serviaints, e 'ls patrums als dovairs da lur vocaziun; ed als Efesers metta 'l avant davart las armas spiritualas per combatter e venscher il diavel.

INFANTS, * obedi nel Segner a voss baps, e mammas; perche quai ais dret.

* Col. 3, 30.

2. * Onura teis bap, e tia mamma (chi ais il prüm comandamaint con impromissiuñ;)

* Exod. 20, 12. Deut. 5, 16.

3. Acio cha 't giaja bain, e cha tü sajast da lunga vita sur la terra.

4. E *vus*, * baps, non clamarai our' ad ira voss infants; ma trat els sü in disciplina, ed admoniziun del Segner.

* Col. 3, 21.

5. * Famagls, obedi a voss patrums seguond la charn, con temma e tremblazun, in simplicità da vos cour, seo a Cristo.

* Tit. 2, 9. Col. 3, 22. 1 Petr. 2, 18.

6. Bricha servind al ögl, seo per plaschair alla glicud; ma seo famagls da Cristo, fand il volair da Dieu da cour;

7. Servind con benevolenza, seo a Cristo, e bricha seo alla glicud;

8. * Saviand cha, dal bain cha scodün, o famagl, o liber ch'el saja, averà fat, schi vain el ad ardschaiver la retribuziun del Segner.

* Rom. 2, 6. 2 Cor. 5, 10.

9. E vus patrums, fat il medem invers els, interlaschand las imnatschas; saviand cha 'l Segner, vos e lur, ais nels tshels; * e cha pro el non ais resguard alla qualità dellas persunas.

* Rom. 2, 11. Col. 3, 26.

10. Nel reist, meis frars, as fortifichai nel Segner, e nella forza da sia pussanza.

11. * Trat aint tuot l'armadüra da Dieu, per podair star südret e fermes conter las insidias del diavel.

* Rom. 13, 12. 2 Cor. 6, 7. 1 Tes. 5, 8.

12. Perche nus non avain il combattimaint contra sang, e charn; ma conter ils principats, conter las pussanzas, * conter ils redschadurs del muond e dellas schürezzas da quaist temp, conter ils spierts maligns, nels *lous* celestials.

* Gioan. 12, 31. 14, 30. Luc. 22, 53. Col. 1, 13.

13. Per quai, pigliai tuot l'armadüra da Dieu, acio cha vus possat contrastar süñ il di mal, e dopo avair compli ogni chosa, restar sü dret in pè.

14. Contuot as presentai al combattimaint, tshintats con vardà intuorn ils flancs, * e vestits con il pectoral della güstia;

* Es. 11, 5. 59, 17. 1 Tes. 5, 8.

15. Ed aviand ils peis cuverts con la preparaziun del evangeli della pasch;

16. Sur tuot, pigliand il schüt della cretta, con il qual vus possat stützar tuot las frizzas da fö del malign.

17. Pigliai eir * la chaplina del salüd; e † la spada del spiert, chi ais il pled da Dieu.

* Es. 59, 17. 1 Tes. 5, 8.

† Ebr. 4, 12. Apoc. 1, 16. 2, 16. 19, 15.

18. * Urand in ogni temp, con ogni sort rövs, e supplicaziuns, nel Spiert; e per quai istess vagliand, con ogni perseveranza, ed oraziun per tuots ils sancts.

* Luc. 18, 1.

Marc. 13, 33. Rom. 12, 12. Col. 4, 1. 1 Tes. 5, 17.

19. * E per mai eir, acio chi m' vegna dat il pled con avrir sü mia bocca, per far a savair libramaing il misteri del evangeli;

* Col. 4, 2. 2 Tes. 3, 1. 2 Cor. 3, 12.

20. Per il qual eu sun ün * ambaschadur in chadaina; acio ch' eu in quel am deporta libramaing, sco 'm convain da favlar.

* 2 Cor. 5, 20. Act. 28, 20.

21. Ma, acio cha vus eir sapchat da meis stadi, e quai ch' eu fetsch; * Tichico, il char frar, e fidel minister nel Segner, as farà a savair il tuot;

* Col. 4, 6. 2 Tim. 4, 12.

22. Il qual eu ha tramiss pro vus a quai istess fin, acio cha vus sapchat da nos stadi, e ch' el cufforta voss cours.

23. Pasch saja als frars, e charità con cretta, da Dieu bap, e del Segner Gesu Cristo.

24. La grazia saja con tuots quels chi aman nos Segner Gesu Cristo, in purità incorruptibla. Amen.

L' EPISTOLA

DA

S. PAULO, APOSTEL, ALS FILIPPENSERS.

CHAP. I.

L' affecziun da Paulo vers ils Filippensers, e l' früt da sia preschun; el ils exorta a viver seguond l' evangeli.

PAULO, e Timoteo, servaints da Gesu Cristo, a tuots ils sancts in Cristo Gesu, chi sun in Filippi, con ils ovaishs, e * diacons;

* 1 Cor. 1, 2.

2. * Grazia a vus, e pasch, da Dieu nos bap, e del Segner Gesu Cristo.

3. * Eu ingrazch a meis Deis, da tuot la memoria ch' eu ha da vus;

* Rom. 1, 8. * 1 Cor. 1, 4. Ef. 1, 15. 16.

4. (Fand saimper, con allegrezza, rövs per tuots vus, in ogni mia oraziun;)

5. Per vossa communion nel evangeli, dal prüm di innan fin uossa.

6. Aviaand da quai istess fidanza, cha quel chi ha cumanzâ in vus l' ouvra buna, vain a la complir fin al di da Cristo Gesu;

7. Sco ais giüst, ch' eu haja quell' idea da tuots vus; perche eu s' ha nel cour, vus tuots chi avais part vi a mia grazia, tant in meis liams,

co nella defensiun e confirmaziun del evangeli.

8. Perche Deis m' ais perdüta, co eu s' am tuots affezionadamaing nella charità da Gesu Cristo.

9. E per quai rov eu, cha vossa charità vegna abundanta saimper da plü in plü in cognoschenscha, ed in ogni sentimaint;

10. Afin cha * vus examinat las chosas contrarias; acio cha vus sajat sincêrs, e sainza schandel, sül di da Cristo;

* Rom. 2, 18.

11. Plains da früts da güstia, * chi sun tras Gesu Cristo; alla gloria e lod da Dieu.

* Gioan. 15, 4. 5. 8. Ef. 1, 12, 2, 10.

12. Ma eu vögl, frars, cha vus sapchat, cha meis fats sun reuschits a plü grand avanzamaint del evangeli;

13. Tal cha meis liams sun gütts a palais in Cristo, in tuot la cuort, ed a tuots ils oters;

14. E bliers dels frars nel Segner, siand asgürats tras meis liams, han tut plü grand ardimaing da proponer il pled da Dieu sainza temma.

15. Vaira aise, cha *qua sun* alchüns, chi predgian eir Cristo per invilgia, e per dantigl, impero eir oters, ch' *il predgian* per bun' affecziun.

16. Quels tschert annunzieschan Cristo per discordia, bricha püramaing, s' impissand da metter pro afflicziun a meis liams.

17. Ma quaists *fan* per charità, saviaand ch' eu sun miss per defensium del evangeli.

18. Ma che? Scha pür Cristo vain annunziâ, o suot pretext, o in vardâ, o in che guisa cha saja; schi m' allegr eu da quaist, e vegn *eir* am allegrar *nel avegnir*;

19. Perche eu sa, cha quai vain am reuschir pro 'l salüd, tras vossa * oraziun, e tras subministraziun del spiert da Gesu Cristo; * 2 Cor. 1, 11.

20. Seguond l'intent e la spranza mia, ch' eu non vegn a gnir sverognâ in chos' alchüna; ma cha, con ogni libertà, seo saimper, usche eir vossa, sarà Cristo magnificâ in meis corp, o tras vita, o tras mort.

21. Perche a mai il viver *ais* Cristo, e 'l morir ün guadagn.

22. Ma eu non sa, scha 'l viver in charn am *saja* avantach; ne qual ch' eu dess tscherne;

23. Perche eu sun constrict da duos *varts*; aviaand il desideri da partir da quaist albiere, e d'esser con Cristo; *il qual am füss* lönsch il megler;

24. Ma dmurar nella charn *ais* plü necessari per vus.

25. * E quaist sa eu sgüramaing, ch' eu vegna a restar, e dmurar pro vus tuots, per vos avanzamaint, e per l'allegrezza da *vossa* cretta;

* Fil. 2, 24.

26. Acio cha vos * lod vegna abundant in Cristo Gesu, per mai, tras mia presenza danöv pro vus.

* 2 Cor. 1, 14. 5, 12.

27. Solum * as deportai conform al evangeli da Cristo; acio cha, o ch' eu vegna, e 's vezza; o ch' eu saja absaint, eu oda da voss fats, cha vus stettat fermes in ün spiert, combatand insembel d' ün medem anim, per la cretta del evangeli;

* Ef. 4, 1. Col. 1, 10. 1 Tes. 2, 12.

28. E non siand in chos' alchüna

stramantats dals adversaris; il qual ad els ais üna demonstraziun da perdziun, ma * a vus da salüd; e quai da Dieu. * Rom. 8, 17. 2 Tes. 1, 5. 2 Tim. 2, 11.

29. Perche a vus ais dat tras grazia davart Cristo, bricha dech da crair in el, ma eir d'indürar per el;

30. Aviaand l'istess combattimaint, il qual vus avais vis in mai, ed vossa udis *esser* in mai.

CHAP. II.

Sanct Paulo exorta pro charità, union ed ümiltà, con l'exaimpel da Cristo stess; lura impromett' el da trametter Timoteo, e recomanda Epafradito.

CONTUOT, scha l' *ais* alchüna consolaziun in Cristo, sch' alchün confort da charità, sch' alchüna communion del spiert, sch' alchünas cordialas affecziuns, e misericordias;

2. Schi compli mi' allegrezza, * aviaand ün medem sentimaint, ed üna charità; *essendo* d' ün anim, e s' impissand ün' istessa chosa;

* Rom. 12, 10. 16. 15, 5. 1 Cor. 1, 10. 1 Petr. 3, 8.

3. Non *fund* inguotta per dantigl, e vanagloria; ma per ümiltà, scodün da vus pretschand ün oter plü co sai stess.

4. * Non guardarai scodün sül sieu propri, ma scodün *dess guardar* eir sün quai dad oters. * 1 Cor. 10, 24. 13, 5.

5. Perche e bsüegna ch' in vus saja il medem sentimaint, il qual eir ais *stat* in Cristo Gesu;

6. Il qual, essendo * in fuorma da Dieu, schi non ha 'l salvâ per üna rapina l'esser egual a Dieu.

* Giac. 1, 1. 2.

7. * Dimpersai fet sai stess ad inguotta, aviaand tut sü fuorma da famagl, ais dvantâ alla sumgenscha della gliend;

* Ps. 22, 7. Es. 53, 3.

Dan. 9, 26. Ez. 34, 23. 24. Zac. 3, 8.

Matt. 20, 28. Luc. 22, 27. Rom. 1, 4. Gal. 4, 4.

8. E, siand chattâ nel exterior simil ad ün crastian, abbasset el sai stess, * s' aviaand fat obediaint infin alla mort, schi la mort della crusch.

* Matt. 26, 39. 42. Gioan. 10, 13. Ebr. 5, 8.

9. Per la qual causa eir Deis l' ha sül plü ot adozzâ, e * l' ha dunâ ün nom, chi *ais* sur ogni nom;

* Gioan. 17, 1. 2. 5. Ef. 1, 21. Ebr. 1, 4.

10. Acio cha * nel nom da Gesu

s' inclina ogni snuogl dellas *creatii-ras* celestialas, e terrainas, e suot terra; *Ap. 5, 13.

11. E ch' ogni lengua confessa, cha Gesu Cristo *saj'* il Segner; alla gloria da Dieu bap.

12. Per quai, meis chars, sco vus saimper m' avais obedi, bricha solum sco in mia presenza, ma eir bler plü uossa in mia assenza, schi compli vos salüd con temma, e tremblazun;

13. Perche * Deis ais quel chi ope-rescha in vus il volair, e l' operar, suainter seis beneplacit. *Ebr. 13, 21.

14. Fat ogni chosa * sainza murmurar e dubitar; *1 Petr. 4, 9.

15. Acio cha vus sajat sainz' arpraisa, e' sincêrs, * infants da Dieu sainza blasem, in mez la perversa e maligna generaziun, tanter la quala vus splenduris sco glümêras nel muond, portand *avant a quella* il pled della vita. *Matt. 5, 14, 45.

16. Acio ch' eu * am possa gloriar stül di da Cristo, ch' eu non saja currü per inguotta, ne m' haja sfadiâ in van. *2 Cor. 1, 14. Gal. 2, 2. 1 Tes. 2, 19. 3, 5.

17. E, schabain ch' eu eir * vegn, a guisa d' offerta immolâ sur l' offerta e sacrifici da vossa cretta, schi m' allegr eu, e' m' vögl allegrar con vus tuots. *2 Tim. 4, 6.

18. S' allegrai medemmamaing eir vus da quai, e s' allegrai con mai insembel.

19. Ma eu ha spranza nel Segner Gesu da 's trametter bod Timoteo; acio ch' eu eir, aviand savü da vos stadi, saja da buna vögliä;

20. Perche eu non ha alehün dad egual sentimaint, il qual sincera-maing haja chüra da voss fats.

21. Perche tuots * tsercheran il lur propri, bricha quai chi ais da Cristo Gesu. *2 Tim. 4, 10. 16.

22. Ma vus cognoschais la prova da quel, co el ha servi con mai nel evangeli, in maniera sco ch' ün infant *serva* al bap.

23. Contuot ha eu spranza da 'l trametter, subit ch' eu vegn a vair, co meis fats vegnan ad ir.

24. Ma * eu ha fidanza nel Segner, ch' eu vegn' eir bod a gnir. *Fil. 1, 25.

25. Ma eu ha stimâ necessari da trametter Epafrodito, meis frar, e compagn nella lavur, * e nella guerra, e vos apostel, † e minister da meis bsögn; * Filem. 2. † Fil. 4, 18.

26. Perche el desiderava fich da 's *vair* tuots; ed eira anguschiâ per quai, cha vus avaiat udi, ch' el füss stat amalâ.

27. Perche tshert el ais stat amalâ, bain strusch alla mort; ma Deis ha tgnü compassiun d' el, e bricha solum d' el, ma da mai eir, acio ch' eu non avess tristezza sur tristezza.

28. Per quai l' ha eu tramiss tant plü bod, acio cha, il veziand, vus s' allegrat darcheu, e ch' eu istess saja main conturblâ.

29. Redschaivâ 'l dimena nel Segner con tuott' allegrezza, * ed hajat tals in stima. *1 Cor. 16, 18. 1 Tes. 5, 12.

30. Perche l' ais stat bain strusch alla mort per l' ouvra da Cristo, aviand miss in riscio la propria vita, * per suplir il defet da vos servezzen invers mai. *1 Cor. 16, 17.

CHAP. III.

Sanct Paulo exorta, da 's perchürar dals fos docturs della ledsha; lura confess' el, ch' el non saja perfet; lascha a savair la perdiziun als fos docturs; cufforta ils crettaivels con la gloria del tsel.

Quant al reist, meis frars, * s' alle-grai nel Segner; a mai tshert non *ais* greiv as scriver las medem-mas chosas, e per vus *aise* sgür.

*2 Cor. 13, 11. Fil. 4, 4. 1 Tes. 5, 16.

2. S' inguardai dals chans, as perchürai da * noschs lavuraints, as perchürai dalla fosa circonciun.

*2 Cor. 11, 13.

3. Perche nus eschan * la circonciun, † chi servin nel spiert a Dieu, e' ns gloriain in Cristo Gesu, e non ans confidain nella charn.

* Rom. 4, 11. Col. 2, 11. † Gioan. 4, 23.

4. Combain ch' eu eir avess da 'm * confidar sün la charn; sch' alehün oter s' impaisa, ch' el possa tshan-tar sia fidanza sün la charn, schi 'l poss eu bler ant;

*2 Cor. 11, 18. 22.

5. *Eu, chi sun stat* circonciis l' otta-vel di, chi sun dalla nazium d' Israel, dalla schlatta * da Benjamin, Ebreer

derivant dals Ebreers; quant alla ledscha, † Fariseer;

Gen. 17, 12. Rom. 11, 1. † Act. 23, 6. 26, 4, 5.

6. Quant al * zeli, essendo stat persecutor della baselgia; quant alla güstia, chi *ais* nella ledscha, essendo stat irreprensibel.

* Act. 8, 3. 9, 1. 22, 3. Gal. 1, 13. 14.

7. Ma las chosas chi'm eiran guadagn, quellas ha eu salvâ per dan, per amur da Cristo.

8. Schi tschert, eu tegn eir tuot *quai-stas* chosas esser dan, per l' excellenza della cognoschenscha da Cristo Gesu, meis Segner, per il qual eu ha fat perdita da tuot *quai-stas* chosas, e las tegn per excremains, acio ch' eu guadagna Cristo;

9. E vegna chattâ in el, brich'aviand eu agiâ mia güstia, chi *vain* dalla ledscha; * ma quella, chi *vain* tras la cretta da Cristo; la güstia, chi *vain* da Dieu, mediante la cretta;

* Rom. 1, 17. 3, 21. 22.

10. Per cognoscher quel *Cristo*, e la virtù da sia resüstanza, * e la communiun da sia passiu, cur eu vegn ad esser dvantâ sumgiant a sia mort;

* 2 Cor. 4, 10. 11. Rom. 6, 3. 4. 5.

11. *Per provar*, sch' eu üna vouta poss gnir pro la resüstanza dels morts.

12. Bricha ch' eu agiâ haja obtgnü *il premi*, o ch' eu agiâ saja gnü * pro la perfecziun; ma eu vegn davo, per tscherchar d' obtgnair *il premi*; per la qual causa eir eu sun stat prais da Gesu Cristo. * Ebr. 12, 23. 1 Tim. 6, 12.

13. Frars, eu non am dun oura *per quel*, chi haja agiâ obtgnü *il premi*;

14. Ma üna chosa *fetsch eu*, smanchand las chosas chi sun davo, * ed am stendand davo las chosas chi sun avant, proseguesch eu *il cuors* vers l' insaina, al premi della superna vocaziun da Dieu, in Cristo Gesu.

* 1 Cor. 9, 26. Ebr 3, 1. Ps. 45, 11. Luc. 9, 62.

15. Perquai, * quants *chi eschan* perfets, avain nus quaist sentimaint, e scha vus s' impissais otramaing in alchüna chosa, schi vain Deis eir quai a revelar.

* 1 Cor. 2, 6. 14, 20. Rom. 14, 3. 4.

16. Impero * chaminain davo ün' istessa regola, ed ans impissain

l' istess in quai, pro 'l qual nus eschan gnüts,

* Rom. 12, 16. 15, 5. 7.

17. Frars, * sajat meis seguittadurs, e considerai quels chi chaminan usche, sco vus avais nus per exampl.

1 Cor. 4, 16. 11, 1.

18. Perche blers chaminan, dals quals eu s' ha dit bleras voutas, ed eir uossa di eu quai cridand, *ch' els sun* * ils inimis della crusch da Cristo;

* Gal. 6, 12.

19. La fin dels quals *ais* perdiziun; * il Dieu dels quals *ais* il vainter, e la gloria *dels quals ais* a lur confusiu; ils quals han l' impissamaint e l' affet davo las chosas terrainas.

* Os. 4, 7. Rom. 8, 5. 16, 18. 2 Cor. 11, 12. 15. Gal. 6, 13.

20. Perche nus vivain * nels tschels, sco in nossa città; dinuonder nus eir spettain il salvader, il Segner Gesu Cristo.

* Ef. 2, 6. Col. 3, 1. 3.

21. * Il qual vain a transformar nos corp vil, acio ch' el dvainta sumgiant a seis corp glorius, seguond la virtù tras la quala el po eir metter ogni chosa snot el. * 1 Cor. 15, 26, 27. 43. 48. 49.

CHAP. IV.

Exortaziun da Paulo pro perseveranza, concordia, ed otras virtùs; lura als ingrazch' el per ils benefizis, e 'ls salüda, e benedescha.

PER quai, meis chars frars, e desideratissims, * allegrezza, e coruna mia; stat in quaista guisa ferm nel Segner, chars vus!

* 2 Cor. 1, 14.

2. Eu exortesch Euodia, exortesch medemmamaing Sintiche, d' avair ün medem sentimaint nel Segner.

3. Eu rov eir tai, real compagn, vè in agüd a quaistas *donans*, las qualas han combattü con mai nel evangeli, insembel con Clemente, e 'ls oters meis conlavuraints, * ils noms dels quals *sun* nel cudesch della vita.

* Dan. 12, 1. Luc. 10, 20. Fil. 1, 27. Ap. 3, 5. 20, 12.

4. * S' allegrai da contin nel Segner; darcheu di eu, s' allegrai.

* Fil. 3, 1. 1 Tes. 5, 16.

5. Vossa bandusezza saja conschainta a tuot la gliend; * il Segner *ais* ardaint.

* 2 Petr. 3, 8. 9.

6. * Non sajat con ranchüra pisserus da chos' alchüna; ma sajan in ogni chosa vossas demandas fattas a sa-vair a Dieu, tras l' oraziun, e tras il röy, con ingraziamaint.

* Matt. 6, 25.

7. E la pasch da Dieu, la quala su-
pravanza ogni intellet, vain a per-
chürar voss cours, e voss impissa-
mains, in Cristo Gesu.

8. Quant al reist, frars, tuot las cho-
sas chi *sun* vairas, tuot las chosas
chi sun onestas, tuot las chosas *chi*
sun güstas, tuot las chosas *chi sun*
nettas, tuot las chosas *chi sun* ama-
blas, tuottas chosas *chi sun* da buna
fama; scha *l' ais* alchüna virtù, e
sch' *il ais* alchün lod; schi s' impissai
stün quaistas chosas;

9. Las qualas vus eir avais imprais,
ed ardschvü, ed udi *da mai*, e vis in
mai; fat quaistas chosas, * e'l Deis
della pasch sarà con vus.

* Rom. 15, 33. 2 Cor. 13, 11.

10. Ma eu m' ha grandamaing alle-
grà nel Segner, cha vus avais ünsa-
cura fat reviver la chüra da mai;
dal qual vus avaiat eir avant chüra,
ma 's mancaiva l' opportunità.

11. Eu non di *quai*, per ch' eu haja
manglamaint; perche eu ha imprais
ad esser containt nel stadi, nel qual
eu am chat.

12. Eu sa esser abbassà, sa eir a-
vair abundanza; in tuot e per tuot
sun eu mossà, ad esser saduol, ed
ad avair fam, ad avair abundanza, e
d' avair mangel.

13. Eu poss ogni chosa in Cristo,
chi 'm fortificha.

14. Inguotta tant main, avais vus

fat bain * da tour part a mi' afflicziun.

* Fil. 1, 7.

15. Ma vus eir, o Filippensers, sa-
vais, cha nel principi del evangeli,
eur eu partit da Macedonia, * ingüna
baselgia non am comunichet inguot-
ta, in regard del dar, e del avair,
oter co vus sulets.

* 2 Cor. 11, 8. 9.

16. Perche eir a Tessalonica m' a-
vais tramiss, üna e duos voutas, quai
chi 'm eira bsögn.

17. Bricha ch' eu tschercha ils pre-
saints, * anzi il früt tscherch eu,
ch' el vegna grand a vos quint.

* Rom. 15, 28. Tit. 3, 14.

18. Ma eu ha tuot ardschvü, ed ha
abundanza; eu sun commulà da
bains, aviand ardschvü da Epafrodito,
quai chi m' ais stat *tramiss* da vus,
* *chi ais* ün' odor amabla, † ün sacri-
fizi accettabel, plaschaivel a Dieu.

* Ebr. 13, 16. † 2 Cor. 9, 8. 12.

19. Ma meis Deis vain a supplir
ogni vos bsögn, seguond sias richez-
zas con gloria, in Cristo Gesu.

20. Ma al Deis, e nos bap, *saja* la
gloria da saimper a saimper. Amen.

21. Salü dai tuots ils sanets in Cristo
Gesu.

22. Ils frars chi *sun* con mai as sa-
lüdan; tuots ils sanets as salüdan, e
maximamaing quels della chasa da
Cesare.

23. La grazia da nos Segner Gesu
Cristo *saja* con tuots vus. Amen.

L' EPISTOLA

DA

S. PAULO, APOSTEL, ALS COLOSSENSERS.

CHAP. I.

Sanct Paulo salüda ils Colossensers, e loda Deis
per lur cretta; el rova, ch' el creschainta seis
duns; lura predg' el oura ed adoza la grazia da
Dieu in Cristo; tschantscha eir da sias perse-
cuziuns.

PAULO, apostel da Gesu Cristo,
tras la voluntà da Dieu, e'l frar
Timoteo;

2. Als sanets, * e fidels frars in
Cristo, chi *sun* in Colosse; grazia a

vus, e pasch, da Dieu nos bap, e dal
Segner Gesu Cristo.

* Ef. 1, 1.

3. * Nus ingraziain a Dieu, e bap
da nos Segner Gesu Cristo, fand da
contin oraziun per vus; * Ef. 1, 16. Fil. 1, 3.

4. Aviand udi da vossa cretta in
Cristo Gesu, e da vossa charità in-
vers tuots ils sanets;

5. Per la spranza chi s' ais reser-
vada nels tshels, dalla quala vus

viavant avais udi nel pled della vardà del evangeli;

6. Il qual ais gnü pro vus, sco eir per tuot il muond, e porta früt, e * cre-scha, sco eir tanter vus, dal di innan, cha vus udittat, e cognoschettat la grazia da Dieu in vardà;

* Act. 6, 7. 12, 24. 19, 20.

7. Sco vus avais eir imprais dad * Epafra, nos char confamagl, il qual ais ün fidel minister da Cristo per vus;

* Col. 4, 12. Filem. 23.

8. Il qual ans ha eir declarà vossa charità nel Spiert.

9. Perquai eir nus, dal di innan, cha nus avain udi *quai*, non chalain nus a far oraziun per vus, ed a ro-var, cha vus vegnat plains* della co-gniziun della voluntà da quel, in ogni sapienza, ed intelligenza spiri-tuala;

* Rom. 12, 2. Ef. 5, 10, 17.

10. Acio cha vus * chaminat degna-maing avant il Segner, per *al* com-plaschair in ogni chosa, portand früt in ogni bun' ovra, e creschand nella cognoschenscha da Dieu;

* Ef. 4, 1.

11. Essendo fortifichats in ogni for-za, seguond la pussanza da sia glo-ria, pro ogni comportanza, e pa-zienza, con allegrezza;

12. Rendand grazias a Dieu, e bap, chi'ns ha fats degns da participar * alla sort dels sancts nella glüm;

* Act. 26, 18.

13. Il qual ans ha spendrats * our dalla pussanza dellas schürezzas, e 'ns ha transportats nel reginam del figl da si' amur;

* Ef. 6, 12. Ebr. 2, 14. 1 Petr. 2, 9.

14. * Nel qual nus avain la redem-ziun tras seis sang; la remissiun dels puchats;

* Ef. 1, 7.

15. Il qual ais l' imagna del invi-sibel Deis, * il primogenit d' ogni creatüra.

* Apoc. 3, 14. 2 Cor. 4, 4. Ebr. 1, 3.

16. Perche ch' in el * sun stat crea-das tuottas chosas, quellas *chi sun* nels tshels, e quellas *chi sun* sur la terra, las chosas visiblas, e las invi-siblas; e truns, e signorias, e prin-cipats, e pussanzas; tuottas chosas sun stat creadas tras el, e per cha-schun dad el. * Gioan. 1, 3. 1 Cor. 8, 6. Ebr. 1, 2.

Col. 2, 15. 1 Petr. 3, 22. Rom. 8, 33. 11, 36.

17. Ed el ais avant ogni chosa,

e tuottas chosas * consistan in el.

* Gioan. 1, 4. Act. 17, 23.

18. Ed el istess ais il cheu del corp della baselgia; *el, di eu*, * chi ais il principi, il † primogenit dels morts; acio ch' el in ogni chosa tegna il prüm grà;

* Ef. 1, 22. 4, 15, 16.

† Act. 26, 23. 1 Cor. 15, 20, 23. Ap. 1, 5.

19. Perche chi ha plasehü *al bap*, cha tuotta * plainezza dess avdar in el;

* Gioan. 1, 16. 3, 34, 35. Col. 2, 9.

20. Ed, * aviand fat la pasch tras il sang della crusch da quel, as recon-ciliar tras el tuottas chosas; tant quellas *chi sun* sur la terra, co quel-las *chi sun* nels tshels. * Ef. 1, 10. 2, 14, 15.

21. E vus istess, * chi ünsacura eirat eisters, ed inimis con ils impissa-maints e las ouvras malas; * Ef. 2, 1, 2. 12.

22. S' ha 'l impero uossa reconciliats nel corp da sia charn, tras la mort, * per as far comparair avant el sancts, ed irrepressibels, e sainza cuolpa;

* Luc. 1, 75.

Ef. 1, 4. 2, 15. 5, 26, 27. Ebr. 5, 7. 1 Cor. 1, 2. Tit. 2, 14.

23. Scha pür vus perseverais nella cretta, essendo schllass, e ferm; e non siand moventats davent dalla spranza del evangeli, cha vus avais udi, il qual ais predgià tanter ogni creatüra, chi *ais* suot il tshel; del qual eu Paulo sun stat minister.

24. Uossa m' allegr eu in meis in-dürar per vus, e per mia part com-pleesch eu in mia charn * quai chi reista amo a complir dellas afflic-zions da Cristo, per il corp da quel, chi ais la baselgia.

* Ef. 1, 23. 3, 1.

2 Cor. 1, 5. 6. 4, 10, 11. Fil. 3, 10. 2 Tim. 1, 8. 2, 10.

25. Della quala eu sun stat fat mi-nister, seguond * la dispensaziun da Dieu, chi m' ais stat datta invers vus, per complir *il servezzen del pled* da Dieu;

* Ef. 3, 2.

26. * Il misteri chi ais stat zoppà da principi del muond, e da bler temp innan; ed uossa ais manifestà a seis sancts;

* Rom. 16, 25. Ef. 1, 9. 3, 9.

27. Als quals Deis ha voglù far co-gnoscher, qualas *sajan* * las richez-zas della gloria da quaist ministeri invers ils pajans; chi ais Cristo in vus, la spranza della gloria;

* Rom. 9, 23. Ef. 1, 7. 3, 8. 1 Tim. 1, 1.

28. Il qual nus annunziain, admo-

nind, e mossand ogni crastian in ogni sapienza,* acio cha nus presaintan ogni crastian perfet in Cristo Gesu; *2 Cor.11, 2. Ef. 5, 27.

29. Pro'l qual eir eu am sfadai, combattand seguond la virtù da quel, la quala operescha in mai con potenza.

CHAP. II.

Sanet Paulo comanda, ch' els dessan perseverar nella cretta, e 's perchürar dallas tradiziuns umanas, e s' artgnair dallas ceremonias mosaicas.

PERCHE eu vögl cha vus sapchat, quant granda*combatta eu ha per vus, e *per* quels *chi sun* in Laodicea, e *per* tuots quels, chi non han vis mia fatscha in charn; *Fil. 1, 30. 1 Tes. 2, 2.

2. Acio cha *lur cours vegnan cuffortats, essendo els liats insembel in charità, ed in tuot las ricchezas della complida sgürezza dell' intelligenza, pro la cognoschenscha del misteri da Dieu, e bap, e da Cristo; *2 Cor. 1, 6.

3. Nel qual sun zoppats tuots ils tesors della sapienza, e della cognoschenscha.

4. Ma quaist di eu, acio ch' ingün non ingianna vus tras ün favlar accomoda a persvader.

5. Perche, schabain ch' eu saja absaint con la charn, schi sun eu pro vus con il spiert, m' allegrand, e vezziand vos uorden, e la fermezza da vossa cretta in Cristo.

6. Contuot, *sco vus avais ardschvü il Segner Cristo Gesu, *usche* chaminai in quel; *1 Tes. 4, 1. Giud. 3.

7.*Essendo ragischats, ed edificats in el, e confirmats nella cretta; sco vus eschat stats mossats, creschind in quella con ingraziamaint.*Ef.2,21,3,18.

8. Guardai, cha qua non saja alehün, chi as surmaina tras la filosofia, e van ingian, seguond la tradiziun da crastians, seguond ils * elemaints del muond, e bricha seguond Cristo;

*Matt. 15, 2. Gal. 4, 3. 9. Col. 2, 20.

9. Perche ch' in el * avda corporalmaing tuot la plainezza della Deità. *Col. 1, 19.

10.E vus eschat complits in el, *chi ais il cheu d' ogni principat, e pusanza; *Ef. 1, 20. Rom. 8, 38.

11. Nel qual vus eschat eir stats * circonceis d' üna circonceisiun, fatta

sainza mans, con trar our il corp pechader della charn, nella circonceisiun da Cristo; *Deut. 30, 6. Ger. 4, 4.

Rom. 2, 29. 6, 6. Ef. 4, 22. Col. 3, 8. 9. Fil. 3, 3.

12. Essendo stats con el * sepulits nel battaisem; nel qual vus eschat eir insembel restüstats, tras la cretta della virtù da Dieu, chi l' ha fat resüstar sü dals morts; *Rom. 6, 3. 4.

13. Ed * ha con el vivifichâ vus, chi eirat morts nels puchats, e nella incirconceisiun da vossa charn; s' aviand perdunâ tuots ils puchats; *Ef. 2, 1. 5. 6, 11.

14. Aviand chassâ l' obligaziun, *chi eira* * contra nus nellas ordinaziuns, la qual' ans eira contraria; e quella ha tut via, l' aviand attachada vi alla crusch. *Ef. 2, 15. 16.

15. Ed, * aviand spogliâ las pussanzas, ed ils principats, *ils* ha publicamaing manats per spectacul, triumfand da quels in quella.

*Ps.68,19. Es. 53,12. Ef. 4, 8. 6, 12.

16. Ch' ingün dimena non as güdicha in mangiar, o in baiver, o per respet da * feista, o da calendas, o da sabbats; *Gal. 4, 10. Rom. 14, 3. 10, 13.

17. *Las qualas chosas sun sumbriva da quellas, chi dovaivan gnir; ma 'l corp *ais* da Cristo. *Ebr.-8,5. 10,1.

18. Ch' ingün as condanna a seis plaschair, in ümiltà, e servezzen dels angels, s' ingerind nellas chosas * ch' el non ha vis, essendo temeraria- maing scufflâ sü dal sen da sia charn; *Ez. 13, 3.

19. E non as tgnand * vi' al cheu, dal qual tuot il corp, siand furni, e bain miss insembel tras las listüras e 'ls liams, ardschaiva creschenscha da Dieu. *Ef. 4, 15. 16.

20. Scha dimena, essendo vus * morts con Cristo, vus eschat liberats dals elemaints del muond, perche, sco scha vus vivessat nel muond, as mettan els sü ordinaziuns; *Rom. 6, 3. 5. 7,4,6. Gal. 2, 19. 8.

21. Non toccar, non insajar, non tour con ils mans;

22. (Las qualas chosas tuottas van a perder tras l' üs) seguond * ils comandamaints, e las doctrinas dels crastians; *Es. 29, 13. Matt. 15, 9.

23. Las qualas chosas han bain

alchün' apparenza da sapienza, in religiun voluntaria, ed in ümiltà, ed in non schaniar il corp, *in quai chi ais* per sadular la charn; brich' in onur alchüna.

CHAP. III.

In lö della ceremonias exorta sanct Paulo al stüdi della santificaziun, e spirituala regeneraziun; e metta eir nan l'offizi da persunas da divers stüdis.

CONTUOT, * scha vus eschat restitstats con Cristo, schi tscherchai las chosas sü sura, ingio Cristo ais † a zer dalla dretta vart da Dieu.

* Rom. 6, 5. Ef. 2, 6. Col. 2, 12. † Ps. 110, 1.

2. S' impissai sün las chosas sü sura, bricha sün quellas *chi sun* sün terra.

3. * Perche vus eschat morts, e vossa vita ais zoppada con Cristo in Dieu.

* Rom. 6, 2. Gal. 2, 20.

4. * Cur Cristo, *chi ais* vossa vita, vain a comparair, lura gnis eir vus a comparair con el in gloria.

* 1 Cor. 15, 43. 1 Gioan. 3, 2.

5. * Mortifichai dimena vossa membra, *chi san* sün terra, pitanögn, malnettischa, luxuria disordinada, malgiavüschamaint, ed avarezza, *chi ais* idolatria.

* Rom. 6, 13. 8, 13. Ef. 5, 5.

6. * Per las qualas chosas vain l'ira da Dieu sur ils infants della disobediencia.

* Ef. 5, 6.

7. * Nellas qualas ünsacura eir vus chaminettat, cur vus vivaivat in quellas.

* Rom. 6, 19. 7, 5.

8. Ma uossa * mettai davent eir vus tuot quaistas chosas, ira, sdegn, malizia; ed our da vossa bocca dir mal, e favlar disonest.

* 1 Petr. 2, 1.

9. * Non mentirai l'ün incoenter l'oter, † aviand trat oura il crastian vegl con seis ats;

* Ef. 4, 25. † Ef. 4, 22. 24.

10. E trat aint il nouv, *chi's* renova pro cognoschenscha, seguond l'imagna da quel *chi l'ha creâ*;

11. Ingio non ais * Grec e Güdeu, circoncis ed incirconcis, barbar e sciter, serv e liber; ma Cristo *ais* ogni chosa, ed in tuots.

* Rom. 10, 12. 1 Cor. 12, 13. Gal. 3, 28.

12. As vestidimena, seo elets da Dieu, sanets, e chars, con avainas da * misericordia, da benignità, d'ümiltà, da bandusezza, da pazienza;

* Ef. 4, 32.

13. As comportand l'ün l'oter, e's perdunand, sch' alchün ha qualcha querela conter l'oter, seo Cristo eir s' ha perdunâ, schi *fat* eir vus il sumgiant.

14. E, sur tuot quaistas chosas, *as vesti* con charità, *chi ais* il liam della perfeziun.

15. Ed haja la presidenza in voss cours * la pasch da Dieu, pro la quala eir vus eschat clamats in ün corp; e sajat recognoschaints. * Fil. 4, 7.

16. Il pled da Cristo dess avdar in vus richamaing; in ogni sapienza s'amossand, e s'admonind l'ün l'oter; * con psalms e lods, e chanzuns spiritualas chantand con grazia da vos cour al Segner. * 1 Cor. 14, 26. Ef. 5, 19.

17. E qualunque chosa vus faivat, in pled, o in ouvra, schi * *fat* ogni chosa nel nom del Segner Gesu, rendand grazias a Dieu e bap, tras el.

* 1 Cor. 10, 31. Rom. 1, 8. Ef. 5, 20. Ebr. 13, 15.

18. Mugliers, sajat soggettas als marits, seo's convain nel Segner.

19. * Marits, amai las mugliers, e non sajat aspers conter ellas.

* Ef. 5, 25.

20. * Infants, obedi als baps e mammas, in ogni chosa; perche quaist ais plaschaivel al Segner.

* Ef. 6, 1.

21. * Baps, non clamarai oura pro ira voss infants, acio ch' els non perdän l'anim.

* Ef. 6, 4.

22. * Famagls, obedi in ogni chosa a *quels chi sun voss* patrums seguond la charn; bricha servind al ögl, seo per plaschair alla gliend; ma in simplicità del cour, tmand Deis.

* Ef. 6, 5. Tit. 2, 9. 1 Petr. 2, 18.

23. E, qualunque chosa vus faivat, schi operai da cour, *fand quai* seo al Segner, e brich' alla gliend;

24. Saviand cha dal Segner gnis ad ardschaiver la paga dell'iertä; perche vus servis a Cristo, il Segner.

25. Ma chi fa tort vain ad ardschäiver la *paga del* tort ch' el averà fat, * e non ais qua resguard alla qualità da persuna.

* 1 Petr. 1, 17. Rom. 2, 11.

26. * Patrums, fat quai *chi ais* güst e raschunaivel invers ils famagls, saviand ch' eir vus avais ün Segner nels tschels.

* Ef. 6, 9.

CHAP. IV.

L'apostel avisa d'urar, e da proceder prudain-
tamaing vers il prosem; lura tschantsch'el da
Tichico, ed Onesimo, ed als presainta ils salüds
dad oters ed ils seis.

* **P**ERSEVERAI nell' oraziun, va-
gliand in quella con ingrazia-
maint;

* Luc. 18, 1. Rom. 12, 12. Ef. 6, 18. 1 Tes. 5, 17.

2. * Rovand insembel eir per nus,
acio cha Deis avra eir a nus la
porta del pled, per annunziar il mi-
steri da Cristo, per il qual eir eu
sun in preschun;

* Matt. 13, 11.

1 Cor. 4, 1. 16, 9. 2 Cor. 2, 12.

Ef. 6, 19. Col. 1, 26. 2, 2. 2 Tes. 3, 1.

3. Acio ch'eu il manifesta, sco a
mai convain da favlar;

4. Procedai con sapienza invers
quels dadoura, comprend il temp.

* Ef. 5, 15. 16. 1 Tes. 4, 12.

5. Vos tschantschar *saja* saimper
* con grazia, condi con sal; per savair
co e 's convegna da responder a sco-
dün.

* Col. 3, 16.

6. * Tichico, il char frar, e fidel mi-
nister, e *meis* confamagl nel Segner,
as farà a savair tuot il meis stadi;

* Ef. 6, 21.

7. Il qual eu ha tramiss pro vus a
quaist' istessa fin, acio ch'eu sap-
cha vos stadi, e cufforta vos cours;

8. Insembel con il fidel e char frar
* Onesimo, il qual ais dels vos; *quels*
as faran a savair tuottas chosas da
qui.

* Filem. 10.

9. * Aristarco, preschunêr con mai,
as salüda; usche eir Marco, il cusdrin

da Barnaba; davart il qual vus avais
ardschvü comissions; sch'el vain pro
vus, schi piglia 'l sü;

* Act. 19, 29. Filem. 24.

10. E Gesu, dit Giusto, ils quals
sun della circonceisiun; quaiats su-
lets *sun* ils lavuraints nell' ouvra del
reginam da Dieu, ils quals am sun
stats ün cuffort.

11. Epafrä, *chi ais* dels vos, ser-
viaint da Cristo, as salüda; combat-
tand saimper per vus * nellas ora-
ziuns, acio cha vus stettat fermes,
perfets e complits in tuot la voluntà
da Dieu.

* Rom. 15, 30. Col. 1, 7.

12. Perche eu al dun testimonianza,
ch'el ha ün grand zeli per vus, e per
quels *chi sun* in Laodicea, e per quels
chi sun in Hierapoli.

13. Il char * Luca, il meidi, e †
Dema as salüdan.

* 2 Tim. 4, 10. 11. † Filem. 24.

14. Salüdaï ils frars *chi sun* in Lao-
dicea e Ninfa, e * la baselgia *chi ais*
in chasa sia.

* Rom. 16, 5. 1 Cor. 16, 19.

15. E, cur quaiats' epistola * sarà letta
pro vus, schi fat, ch'ella vegn' eir
letta nella baselgia dels Laodicen-
sers, e cha eir vus legiat quella, *chi as*
sarà tramissa da Laodicea. * 1 Tes. 5, 27.

16. E dit ad * Archippo: Guarda
sün il ministeri, cha tü hast ardschvü
dal Segner; acio cha tü 'l comple-
schast.

* Filem. 2.

17. Il salüd, *scrit* da man *propri* da
mai Paulo. As regordai da meis liams.
La grazia *saja* con vus. Amen.

LA PRÜMA EPISTOLA

DA

S. PAULO, APOSTEL, ALS TESSALONICENSERS.

CHAP. I.

Sanct Paulo salüda ils Tessalonicensers, e loda
Deis per lur cretta; lura lod'el ad els, ch'els
hajan, con tour sü l'evangelii, dat bun exaimpel
ad oters.

PAULO, e * Silvano, e Timoteo,
alla baselgia dels Tessalonicen-
sers, *chi ais* in Dieu bap, e nel

Segner Gesu Cristo; grazia a vus e
pascch, da Dieu nos bap, e dal Se-
gner Gesu Cristo. * 2 Cor. 1, 19. 1 Petr. 5, 12.

2. * Nus ingraziain da contin a
Dieu per tuots vus, fand da vus men-
ziun in nossas oraziuns;

* Rom. 1, 8. Ef. 1, 16.

3. Ans trand a memoria continua-

maing l'ouvra da vossa cretta, e la fadia da *vossa* charità, e la compor-tanza della spranza *cha vus avais* in nos Segner Gesu Cristo, nel conspet da Deis, nos bap;

4. Saviand, frars, amats da Dieu, * voss' eleccziun.

* 2 Tes. 2, 13.

5. Perche nos evangeli * non ais stat invers vus in plets sulamaing, ma eir in virtù, e nel Spiert Sanct, ed in granda tschertezza; sco vus savais, co nus eschan stats tanter vus per voss' amur. * 1 Cor. 4, 20. 2 Cor. 6, 6.

6. E vus eschat stats noss imitatur, e del Segner, aviand ardschvü il pled in blera affieziun, * con allegrezza del Spiert Sanct.

* Act. 5, 41. Ebr. 10, 34.

7. Tal cha vus eschat stats exam-pels a tuots ils crettaivels in Macedonia, ed in Acaja.

8. Perche bricha dech da vus ha strasunâ il pled del Segner in Macedonia, ed in Acaja; ma eir vossa cretta, la quala vus *avais* invers Deis, * ais rasad' our in ogni lō; tal cha nus non avain bsōgn da dir chos' alchüna.

* Rom. 1, 8.

9. Perche els istess requintan da nus, che intrada nus hajan gnü pro vus, e co vus sajat convertits dals idols pro Dieu, per servir al Deis vivaint e vair;

10. E per spettar giò dals tschels seis figl, il qual el ha fat resüstar dals morts, cioè, Gesu, chi 'ns delibra * dall' ira chi ha da gnir.

* Matt. 3, 7. Rom. 5, 9.

CHAP. II.

Sanct Paulo nombra sü, con quanta fai el als haja predgiâ l' evangeli; Ioda Deis, chi l'han tut sü; ed as schüsa, ch'el non ais gnü pro els.

PERCHE vus istess savais, frars, cha noss' intrada pro vus non ais statta vana;

2. Anzi, combain cha nus il prüm avettan, sco vus savais, indürâ, ed eiran stats ingiuriats in Filippi, pür avain nus libramaing tut ardimaint in nos Deis, da s' annunziar l' evangeli da Dieu * con granda combatta.

* Act. 16, 22. Col. 2, 1. Fil. 1, 30.

3. Perche noss' exortaziun non *ais procedüda* dad ingian, ne dad impu-rità, e non *ais statta* con frod;

4. Anzi, sco nus eschan stats * ap-provats da Dieu, per ans confidar l' evangeli; usche favlain nus, bri-cha sco per plaschair alla gliend, ma a Dieu, chi prova noss cours.

* 1 Tim. 1, 11. 12. Gal. 1, 10. 2, 7. Tit. 1, 3.

5. Perche eir nus * non avain mâ brich' üsâ da favlar lusingiaivel-maing, sco vus savais, ne per occa-siun d'avarezza; Deis *ais* perdüta da quai; * Act. 20, 33. 2 Cor. 2, 17. 4, 2. 7, 2. 12, 17.

6. Ne * avain tscherchâ gloria dalla gliend, ne da vus, ne dad oters; com-bain cha nus avessan podü dovrar gravità, sco apostels da Cristo;

* Gioan. 5, 41. 44. 12, 43. 2 Cor. 10, 1. 2. 10, 11.

7. Ma nus eschan stats * bandus tan-ter vus, sco üna bêla, chi zartamaing tira sü seis propis infants.

* 1 Cor. 2, 3. 2 Cor. 13, 4.

8. In quaista maniera, s' aviand zuond chars, eiran nus moventats da buna voluntà, a 's communichar, bricha solum l' evangeli da Dieu, ma eir nossas * agnas ormas, perche vus ans eirat chars.

* 2 Cor. 12, 15.

9. Perche, frars, vus as regordais da nossa fadia, e travaglia; perche, * lavurand nus di e not, per non ag-gravar alchün da vus, avain nus predgiâ pro vus l' evangeli da Dieu.

* Act. 18, 3. 20, 34. 1 Cor. 4, 12. 2 Cor. 11, 9. 2 Tes. 3, 8.

10. Vus *eschat* testimonis, e Dieu eir, co nus ans avain comportats sanctamaing, e güstamaing, e sainza blasem, invers vus chi crajais.

11. Sco vus savais cha, sco ün bap seis infants, avain nus exortâ, e cuf-fortâ scodün da vus;

12. E protestâ, * cha vus chaminat degnamaing avant Dieu, chi 's clama pro seis reginam e gloria.

* Ef. 4, 1. Fil. 1, 27. Col. 1, 10.

13. Perquai eir, non interlaschain nus da render grazias a Dieu, da quai cha, aviand vus ardschvü da nus il pled della predgia da Dieu, schi l' avais vus tut sü, * bricha sco ün pled da crastians; ma sco l'ais vairamaing, *sco* pled da Dieu, il qual eir operescha virtùdaivel-maing in vus chi crajais.

* Matt. 10, 40. Gal. 4, 14. 2 Petr. 3, 2.

14. Perche vus, frars, eschat dvan-tats imitatur dellas baselgias da

Dieu, chi sun nella Giudea, in Cristo Gesu; perche eir vus * avais indürâ da quels da vossa naziun las medemas chosas sco quels, dals Güdeus;

* Act. 17, 5.

15. Ils quals han eir mazzâ il Segner Gesu, * e lur propri profets; è 'ns han schatschats, e non plaschan a Dieu, e sun contraris a tuot la gliend;

* Matt. 23, 34. 37. Luc. 13, 33.

16. Scomandand da favlar als pajans, acio ch' els vegnan salvs, afin da * comblar saimper *la masüra da* lur puehats; ma l'ira ais gnüda sur els fin al extrem.

* Matt. 23, 32.

Act. 13, 50. 14, 5. 19. 17, 5. 13. 18, 12. 19, 9.

17. Ma nus, frars, siand privats da vus per ün momaint da temp, con la fatscha e bricha con il cour, schi avain nus tant plü fich dat premura da vair vossa fatscha, con grand desideri.

18. Perquai, avain nus voglû, eu Paulo almain, l'üna e l'otra vouta gnir pro vus; ma * satanas ans ha impedit.

* Rom. 1, 13. 15, 22.

19. Perche, * chi *ais* nossa spranza, o allegrezza, o corona da gloria? Non *eschat quella* eir vus, nel conspet da nos Segner Gesu Cristo, in sia vgnüda?

* 2 Cor. 1, 14. Fil. 2, 16. 4, 1.

20. Perche vus eschat nossa gloria, ed allegrezza.

CHAP. III.

Sanct Paulo disch, per che causa el haja tramiss Timoteo pro els, e che arsanüem el haja da gnir pro els.

PERQUAI, non podiand plü suffrir, schi avain nus applaschair, d'esser laschats sulets in Aten;

2. E tramettain Timoteo, nos frar, e minister da Dieu, e nos compagn dell'ouvra nel evangeli da Cristo, per as confermar, e s' cuffortar davart vossa cretta;

3. Acio ch' ingün non vegna comoss in quaiastas afflicziuns; perche vus istess savais, * cha nus eschan ordinats pro quaist.

* Ef. 3, 13. Ps. 34, 20

4. Perche, eir cur nus eiran pro vus, schi as dschaivan nus ouravant, cha nus gnissan a gnir afflits, sco l'ais eir scontrâ, e vus savais *quai*.

5. Perquai eir, non podiand plü suffrir, schi 'l tramettet eu, per

cognoscher vossa cretta; cha forse il tentader non s' avess tentats, e * vossa fadia non füss statta vana.

* Fil. 2, 16.

6. Ma al presaint, esendo Timoteo gnü da vus pro nus, e 'ns aviand rapportâ leidas novellas da vossa cretta, e charità; e cha vus avais da contin buna regordanza da nus, desiderand grandamaing da 'ns vair, sco eir nus vus;

7. Perquai, frars, eschan nus stats cuffortats da vus, in tuot nossa afflicziun e necessità, tras vossa cretta.

8. Perche uossa vivain nus, scha vus stais fermes nel Segner.

9. Perche, che grazias podain nus render a Dieu per vus, per tuot l' allegrezza, con la quala nus ans allegrain per vus, nel conspet da nos Deis;

10. Rovand datschert, not e di, da podair vair vossa fatscha, * e complir las chosas chi mancan amo a vossa cretta.

* Rom. 1, 10. 11.

11. Ma Deis istess, nos bap, e nos Segner Gesu Cristo, drizza nos chamin pro vus.

12. E 'l Segner as creschainta, e s' fetscha abundants in charità * l' ün invers l' oter, ed invers tuots; sco eir nus *eschun* invers vus; * 1 Tes. 5, 15.

13. Per * confirmar voss cours, *acio cha sajan* irreprehensibels in santità, nel conspet da Dieu, nos bap, nella vgnüda da nos Segner Gesu Cristo, con tuots seis sancts. Amen.

* 1 Cor. 1, 8. Fil. 1, 10. 1 Tes. 5, 23.

CHAP. IV.

Sanct Paulo exorta a santità, a charità, a pasch, ed a salvar masüra in lur cordöli per ils morts, e 'ls cufforta con la resüstanza.

MEGLINAVANT, frars, nus as rovinain, ed exortain nel Segner Gesu, cha, sco vus avais da nus ardschvü, co vus dessat chaminar, e plaschair a Dieu, vus *in quai* plü vi e plü as avanzat.

2. Perche vus savais, che comanda-maints nus s' avain dats tras il Segner Gesu.

3. Perche quaist ais la voluntà da Dieu, cioè, vossa santificaziun; acio cha vus s' artegnat dal pitanögn;

4. E cha scodün da vus sapcha

possidair seis vashê in santifica-
ziun, ed onur;

5. Bricha con affets da giavtischamaints, * sco 'ls pajans, ils quals non cognoschan Deis; * Ef. 4, 17. 18.

6. E ch' ingiün non chalcha seis prossem, ne 'l fetscha frod nels affars da *quaista vita*; perche 'l Segner ais il vindicatur da tuot quaistas chosas; sco eir nus s' avain viavant dit, e protestâ.

7. Perche Deis non ans ha clamats pro malnettischa, ma * pro santifica-ziun; * Lev. 11, 44. 19, 2. 1 Cor. 1, 2.

8. Perquai, * chi spredscha *quaistas chosas*, non spredscha ün crastian, ma Deis, il qual eir ha miss seis Spiert Sanct in nus. * Luc. 10, 16. 1 Cor. 7, 4.

9. Ma, quant all' amur fraterna, non avais vus bsögn, ch' eu as scriva da *quai*; perche vus istess * eschat mossats da Dieu, as amar l' ün l' oter.

* Ger. 31, 34.

Gioan. 6, 45. 14, 26. Ebr. 8, 11. 1 Gioan. 2, 20. 26.

10. Perche l' istess faivat vus eir invers tuots ils frars, chi *sun* in tuot la Macedonia; ma nus s' exortain, frars, cha vus *in quai* plü vi e plü as avanzat;

11. E procurai diligiaintamaing da viver quiets, e * da far voss fats, e da lavurar con voss agians mans, sco nus s' avain ordinâ;

* 2 Tes. 3, 7. 8. 11. 1 Petr. 4, 15.

12. Acio cha vus chaminat onestamaing invers quels, *chi sun* our dadoura, e non hajat bsögn da chos' alchüna.

13. Ma, frars, nus non volain, cha vus sajat in ignoranza davart quels chi dorman; acio cha vus non sajat conturbats, sco 'ls oters, chi non han spranza.

14. Perche, * scha nus crajain, cha Gesu saja mort, e saja resüstâ; schi vain Deis eir a manar con el quels chi dorman in Gesu. * 1 Cor. 15, 13. 18.

15. Perche, nus as dschain quaist tras il pled del Segner, cha nus vivaints, chi gnin a restar fin alla vgnüda del Segner, non gnin ad ir avant a quels chi dorman.

16. Perche 'l Segner istess, con acclamaziun da cuffort, con vusch d' archangel, e con la trombetta da Dieu,

vain a gnir giò da tselhel; e quels chi sun morts in Cristo resüsteran il prüim. * Matt. 24, 31. 1 Cor. 15, 52.

17. Lura nus vivs, chi gnin ad esser restats inavo, gnin con els insembel a gnir ozats sü * nellas ntivlas, ad insontrar al Segner nel ajer; ed usche gnin nus ad esser saimper con il Segner.

* Act. 1, 9. Ap. 11, 12.

Gioan. 12, 26. 14, 3. 17, 24.

18. As cuffortai dimena l' ün l' oter con quaists plets.

CHAP. V.

Sanct Paulo tschantischa davart l' ultim di, e 'l spettar ad ogni momaint bain preparâ, exortand a far onur a lur pasturs.

MA, quant als * temps, ed allas stagiuns, frars, non avais vus bsögn chi 's vegna scrit.

* Matt. 24, 3. 36.

2. Perche vus istess savais zuond bain, * cha 'l di del Segner vain a gnir sco ün lader da not. * Matt. 24, 43.

3. Perche, cur els vegnan a dir; pasch, e sgürezza; lura vain * subito a gnir sur els perdiziun, sco las dolurs da part alla duonna grvida; ed els non vegnan a scampar via.

* Luc. 21, 34. 35.

4. Ma vus, frars, non eschat nellas schütrezzas, dasort cha quel di as surprena, a guisa d' ün lader.

5. Vus tuots eschat infants * della glüm, ed infants del di; nus non eschan della not, ne dellas schütrezzas;

* Ef. 5, 8.

6. Perquai non dormin, sco 'ls oters; * ma vagliain, e sajan sobris.

* Matt. 24, 42. 25, 13.

Rom. 13, 11. 12. 1 Cor. 15, 34. 1 Petr. 5, 8.

7. Perche * quels chi dorman, dorman da not, e quels chi s' inaivran, s' inaivran da not.

* Rom. 13, 13.

8. Ma nus, essendo infants del di, eschan sobris, * vestits con il pectoral della eretta, e della charità, e per chaplina aviand la spranza del salüd.

* Ef. 6, 14. 17.

9. Perche Deis * non ans ha ordinats pro ira, ma per survgnir il salüd, tras nos Segner Gesu Cristo.

* Rom. 9, 22. 1 Petr. 2, 8.

10. * Il qual ais mort per nus, acio cha, o cha nus vagliain, o cha nus dorman, nus vivan insembel con el.

* Rom. 14, 8. 9. 2 Cor. 5, 15.

11. Perquai 's cuffortai l'ün l'oter, ed edificai l'ün l'oter, seo vus eir fais.

12. Ma, frars, * nus as rovain da recognoscher quels, chi tanter vus as sfadajan, e chi as sun tshantats avant nel Segner, e chi s'admone-schan;

13. E da 'ls avair in somma stima in charità, per lur ouvra. Vivai in pasch tanter vus.

14. Ma, frars, nus s'exortain, cha vus admoneschat * ils disordinats, cuffortat ils pusilanims, surportat ils debels, sajat paziaints invers tuots.

* 2 Tes. 3, 11. 12. Rom. 14, 1. Gal. 6, 1. 2.

15. Guardai, * ch' ingün non renda mal per mal ad alehün; anzi, procurai saimper il bön, tant l'ün invers l'oter, co invers tuots.

* Prov. 20, 22.

Matt. 5, 39. Rom. 12, 17. 1 Petr. 3, 9. Gal. 6, 10.

16. * Sajat saimper legers. * Fil. 4, 4.

17. * Non challerai mâ d'orar.

* Luc. 18, 1. Ef. 6, 18. Col. 4, 1.

18. * In ogni chosa rendai grazias;

perche tala *ais* la voluntà da Dieu in Cristo Gesu invers vus. * Ef. 5, 20.

19. Non stüzarai giò * il Spiert.

* Ef. 4, 30. 2 Tim. 1, 6.

20. Non spredscharai las profezas.

21. * Provai ogni chosa, retgnai il bön.

* 1 Gioan. 4, 1. 1 Cor. 2, 11. 15.

22. S'artgnai da tuot quai chi be para esser mal.

23. Ma 'l Deis della pasch * as santi-ficha el istess tuots plainamaing, e saja conservà intèr vos Spiert, e 'l orma, e 'l corp sainza blasem, sün la vgnüda da nos Segner Gesu Cristo.

* 1 Tes. 3, 13.

24. * Fidel ais quel chi's clama, il qual farà eir *quai*.

* 1 Cor. 1, 9. 10, 13. 2 Tes. 3, 3.

25. Frars rovai per nus.

26. * Salüdai tuot ils frars con ün sanet bütsch.

* Rom. 16, 16.

27. Eu as scongür tras il Segner, * cha quaist' epistola vegna letta avant tuots sanets frars.

* Col. 4, 15.

28. La grazia da nos Segner Gesu Cristo *saja* con vus. Amen.

LA SEGUONDA EPISTOLA

DA

S. PAULO, APOSTEL, ALS TESSALONICENSERS.

CHAP. I.

Sanct Paulo loda lur cretta, charità e pazienza, laschand a savair il güdizi final sur lur perse-guittadurs.

PAULO, e Silvano, e Timoteo, alla baselgia dels Tessalonicensers, * *chi ais* in Dieu, nos bap; e nel Segner Gesu Cristo.

* 1 Tes. 1, 1.

2. Grazia a vus, e pasch da Dieu nos bap, e dal Segner Gesu Cristo.

3. * Nus eschan obliats da render saimper grazias da vus a Dieu, frars, seo convain; perche vossa cretta crescha grandamaing, e la charità da scodiin da tuots vus ais abundanta tanter vus, l'ün vers l'oter;

* 1 Tes. 1, 2.

4. Tal cha nus istess * ans gloriain da vus nellas baselgias da Dieu, per vossa pazienza e cretta, in tuot vos-

sas persecuziuns ed afflicziuns, cha vus sustgnais.

* 2 Cor. 7, 14. 9, 2.

5. *Il qual ais* * üna demonstraziun del güst güdizi da Dieu; acio cha vus vegnat fats degns del reginam da Dieu, per il qual eir vus indürais.

* Fil. 1, 28.

6. Perche l' *ais* üna chosa güsta avant Deis, da render afflicziun a quels chi s'affligeschan;

7. Ed a vus chi eschat afflits, pos con nus, cur il Segner Gesu Cristo vain ad apparair giò da tschel, con ils angels da sia potenza;

8. Con fö flammegiand, fand vendetta vi a quels chi non cognoschan Deis, e vi a quels chi non obedeschan al evangeli da nos Segner Gesu Cristo;

9. Ils quals vegnan a portar la

paina, la perdiziun eterna, *davent* dalla fatscha del Segner, e dalla gloria da sia pussanza;

10. Cur el sarà gnü per esser glorificâ in seis sancts, e fat müravglius in tuots crettaivels (perche cha a nossa testimonianza pro vus ais stat dat fede) in quel di.

11. Per la qual causa eir nus rovin da contin per vus, cha nos Deis as fetscha degns da quaista vocaziun, e complescha tuot il beneplacit da sia buntà, e l'ouvra della cretta con potenza;

12. Acio cha saja glorificâ il nom da nos Segner Gesu Cristo in vus, e vus in el; seguond la grazia da nos Deis, e del Segner Gesu Cristo.

CHAP. II.

Sanct Paulo mossa, cha 'l di del güdizi non vegna ant cha l' anticrist non saja revelà, e chi quel saja, con sia destrucziun; ed exorta a perseveranza.

MA nus as rovin, frars, per la vgnüda da nos Segner Gesu Cristo, e per nossa reuniun con el,

2. Cha vus non as laschat bod metter giò da sen, ne conturblar tras spiert, ne tras pled, ne tras ün' epistola, sco da parte nossa tramissa, sco cha 'l di da Cristo suprastetta vicin.

3. Ch' ingün non s' ingianna tras alchüna maniera; perche *quel di non vain a gnir*, ant cha l' apostasia non saja gnüda avant, e chi non vegna manifestâ il * crastian del pucha, il figl della perdiziun;

* 1 Gioan. 2, 18. Apoc. 13, 11.

4. Quel adversari, e quel chi s' adozza sur scodün chi vain nominâ Dieu, o divinità; tal ch' el sezza nel taimpel da Dieu, sco Dieu; mossand sai stess, e *dschand*, ch' el saja Dieu.

5. Non as regordais vus cha, essendo amo pro vus, eu as dschaiva quai-stas chosas?

6. Ed uossa vus savais quai chi 'l retegna, acio ch' el vegna manifestâ a seis temp.

7. Perché agià uossa operescha il misteri dell' iniquità; *spettand* solum cha quel chi 'l retegna al presaint vegna desdrüt.

8. E lura vain a gnir manifestâ quel empi, il qual il * Segner vain a des-

drür tras il fla da sia bocca, e vain a 'l redür ad inguotta tras l'appari-ziun da sia vgnüda. * Es. 11, 4. Apoc. 19, 15, 20.

9. La vgnüda da quel *empi* sarà seguond l'operaziun da satanas, con ogni potenza, e * strangezzas, e miraculs da menzögna;

* Matt. 24, 24. Apoc. 13, 13.

10. E con ogni ingian d' iniquità, in quels chi van a perder, per quai ch' els non han ardschvü amur della vardà, per gnir salvs.

11. E pero vain Deis a trametter ad els efficazia d' error, afin ch' els crajan alla menzögna;

12. Acio cha sajan güdichats tuots quels, chi non han cret alla vardà, ma han tgnü plaschair vi all' iniquità.

13. Ma * nus eschan obliats, d' ingraziar adüna a Dieu per vus, frars amats dal Segner, da quai cha Deis s' ha elets da principi innan pro 'l salüd, in santificaziun del spiert, ed in cretta alla vardà. * 2 Tes. 1, 3. 1 Tes. 1, 4.

14. Pro 'l che el s' ha clamats tras nos evangeli, per survgnir la gloria da nos Segner Gesu Cristo.

15. Perquai, frars, stat fermes, e salvai las instituziuns, cha vus avais imprais tras il pled, o tras noss' epistola.

16. Ma nos Segner Gesu Cristo stess, e Deis e nos bap, il qual ans ha amats, ed ans ha dat etern cuffort e buna spranza in grazia,

17. Cufforta voss cours, e 's conferma in ogni bun pled, ed ouvra.

CHAP. III.

Sanct Paulo exorta d' urar per el, e per l' evangeli, e da 's retrar dalla compagnia dels loschaints, disordinats e curius, excommunichand quels; lura ils salüd' el.

NEL reist, frars, * rovai per nus, acio cha 'l pled del Segner cuorra, e vegna glorificâ, sco tanter vus.

* Ef. 6, 19. Col. 4, 2.

2. Ed acio cha * nus vegnan liberats dals crastians insolents, e mals; perche la cretta non *ais* da tuots. * Rom. 15, 31.

3. * Ma il Segner ais fidel, il qual vain as confermar, e 's perchürar dal malign.

* 1 Cor. 1, 9, 10, 13. 1 Tes. 5, 24. Gioan. 17, 15.

4. E * nus ans confidain da vus nel

Segner, cha vus fetschat e farat las chosas cha nus s' ordinain. * 2 Cor. 7, 16.

5. Ma 'l Segner vöglia drizzar voss cours pro l' amur da Dieu, e pro la paziainta aspettaziun da Cristo.

6. * Ma, frars, nus s' ordinain, nel nom da nos Segner Gesu Cristo, cha vus as retirat d' ogni frar, chi chamina disordinadamaing, e bricha seguond l' instituziun, ch' el ha ardschvü da nus; * 1 Cor. 5, 3, 4. 11. 1 Tess. 4, 11. 5, 4.

7. Perche vus istess savais, * co a vus convain da 'ns seguittar; perche nus non ans avain deportats disordinadamaing tanter vus; * 1 Cor. 11, 1. 4, 16.

8. E non avain mangiâ 'l pan, *ardschvü* d' alchün per dun; * ma con fadia e travaglia, lavurand not e di, per non aggravar alchün da vus.

* Act. 20, 24. 18, 3. 1 Cor. 4, 12. 2 Cor. 11, 9. 1 Tes. 2, 9.

9. * Bricha cha nus non hajan l' autorità; ma per as dar nus stess per exaimpel, acio cha vus ans seguitteschat.

* 1 Cor. 9, 6.

10. Perche eir, cur nus eiran pro vus, schi 's denunziaivan nus quaist, * cha chi non vout lavurar, non dess mangiar.

* Gen. 3, 19.

11. Perche nus inclegiain, cha tanter vus sajan alchüns, chi chaminan disordinadamaing, non fand lavur alchüna, ma s' occupeschon da chosas vanas.

12. Ma a tals denunziain nus, e 'ls exortain tras nos Segner Gesu Cristo, ch' els, lavurand quietamaing, mangian lur pan.

13. Ma, quant a vus, frars, * non as stanglantarai, fand bain. * Gal. 6, 9.

14. E, sch' alchün non obedescha a nos pled, *dat ad incler* tras quaist' epistola, schi notai sù ün tal, e * non conversai con el, acio ch' el as verguogna.

* 1 Cor. 5, 9. 11. Matt. 18, 17.

15. Ma pür non il tgnai per inimi, anzi avisâ 'l seo ün frar.

16. Ma 'l Segner istess della pasch detta adüna la pasch in ogni maniera. Il Segner *saja* con tuots vus.

17. * Il saltid del man *propri* da mai Paulo, chi ais ün signal in ogni epistola: Üsche scriv' eu.

* 1 Cor. 16, 21. Col. 4, 17.

18. La grazia da nos Segner Gesu Cristo *saja* con tuots vus. Amen.

LA PRÜMA EPISTOLA

DA

S. PAULO, APOSTEL, A TIMOTEO.

CHAP. I.

Sanet Paulo, dopo avair saltidâ Timoteo, l' exorta da contrastar a fos docturs, e mossa il dret adöver della ledscha; metta eir nan sia vocaziun, e co Timoteo's dess deportar.

PAULO, apostel da Gesu Cristo, tras comandamaint da Dieu, nos salvader; e del Segner Gesu Cristo, * nossa spranza; * Col. 1, 27.

2. A * Timoteo, *meis* vair figl nella cretta; grazia, misericordia e pasch da Dieu nos bap, e da Cristo Gesu nos Segner. * Act. 16, 1.

3. Seo eu t' exortet da dmurar in Efeso, * cur eu giaiva in Macedonia, fâ cha tü denunziast ad alchüns, ch' els non mossan üna doctrina diversa; * Act. 20, 3. Gal. 1, 6. 7.

4. E ch' els non attendan a fablas, ed a genealogias sainza fin; * las qualas produian plü bod questions, co edificaziun da Dieu, chi ais nella cretta. * 1 Tim. 4, 7. 6, 4. Tit. 1, 14. 3, 9.

5. Ma il fin del comandamaint * ais charità, chi proceda d' ün cour net, e da buna conscienza, e da cretta nonfintada; * Rom. 13, 8. 10. Gal. 5, 14.

6. Dalls qualas chosas alchüns, essendo sviats, as han vouts vi ad * ün van favlar; * 1 Tim. 6, 4. 20.

7. Voliand esser docturs della ledscha, non inclegian els, ne las chosas ch' els dischan, ne quellas, las qualas els conferman.

8. Ma nus savain, * cha la ledscha

ais buna, sel' alchün la dovra legitimamaing.

* Rom. 7, 12.

9. * Saviand quaist, cha la ledseha non *ais* tschantada sü per il güst, ma per ils malgüsts, e rebels, per ils empis, e pechaders, per ils scele-rats, e profans, per quels chi maz-zan baps e mammas, per omiciders;

* Gal. 3, 19, 5, 23.

10. Per pitanêrs, e per quels chi üsan con maşchels, per laders da glied, per manznêrs, per sper-gürs, e schi'l *ais* alchün'otra chosa contraria alla sana doctrina;

11. Seguond l'evangeli della gloria del beà Deis, * il qual m'*ais* stat confidâ.

* 1 Tess. 2, 4.

12. Ed ingrazeh a Cristo, nos Segner, il qual am fortificha, ch'el m'ha stimâ fidel, mettand me nel ministeri;

13. * Il qual viavant eira ün blastem-madur, e perseguittadur, ed in-giurius; ma misericordia m'*ais* stat fatta, perche eu fet *quai* ignoranta-maing, non aviad la cretta.

* Act. 8, 3. 1 Cor. 15, 9. Fil. 3, 6.

14. Ma la grazia da nos Segner *ais* supravanzada, con cretta e cha-rità, chi *ais* in Cristo Gesu.

15. Tschert *ais* quaist pled, e degn da gnir accettâ dad ogni ün, cha Cris-to Gesu *ais* gnü nel muond, per sal-var ils pechadurs, dels quals eug sun il prüm.

16. Ma per quaist m'*ais* stat fat misericordia, acio cha Gesu Cristo mossess in mai primariamaing tuot *sia* buntà, per *esser* exaimpela quels, chi per l'avegnir gnissan a crair in el, pro vita eterna.

17. Ma al rai dell'eternità, immor-tal, invisibel, * a Dieu sulsabi, *saja* onur, e gloria da saimper a saimper. Amen.

* Rom. 16, 27.

18. Eu at recomand quaist coman-damaint, o figl Timoteo, cha seguond las profezas, chi viavant sun stattas davart tai, * tü guerrajast, in *virtü* da quellas, la buna guerra;

* 1 Tim. 6, 12. 2 Tim. 4, 7.

19. * Aviand cretta e buna conscien-za; la quala, aviand alchüns büttâ via, han els fat naufragi nella cretta;

* 1 Tim. 3, 9.

20. Dels quals *ais* Imeneo, ed * Alexander, ils quals eu ha dat in man da satanas, acio ch'els vegnan chastiats, e mossats a non blastem-mar.

* 2 Tim. 4, 14. 2, 17.

CHAP. II.

Sanct Paulo exorta, chi 's fetschan rövs publices per tuots crastians; lura decler'el l'offizi dels homens, e dellas donans.

CONTUOT exortesch eu avant tuot-tas chosas, chi 's fetschan rövs, oraziuns, domandas ed ingrazia-maints per tuots crastians;

2. Per ils rais, e per tuots quels chi sun in dignità; acio cha nus pos-san manar üna tranquilla e quieta vita, in ogni pietà, ed onestà;

3. Perche quaist *ais* bun, ed agre-abel nel conspet da Dieu, nos sal-vader;

4. * Il qual voul, cha tuots crastians dvaintan salvs, e cha vegnan pro la cognoschenscha della vardà.

* 2 Pet. 3, 9.

5. Perche * l'*ais* ün *sul* Dieu, ed eir ün *sul* mediatur da Dieu, e dels crastians, cioè Cristo Gesu il cra-stian;

* Rom. 3. 29. 10, 12.

6. Il qual ha dat sai stess per pretsch da spendranza per tuots; * *seguond* la testimonianza, *reservada* a seis temp. * 1 Cor. 1, 6. Ef. 1, 9. 3. 5. 2 Tess. 1, 10.

7. Pro'l qual * eu sun constitui pre-dicator, ed apostel; eu di vardà in Cristo e non maint; mossader dels pajans in cretta, e vardà.

* 2 Tim. 1, 11. Rom. 9, 1. 11, 13. 15, 16. Gal. 1, 16.

8. Eu vögl dimena, cha 'ls homens fetschan oraziuns * in ogni lö, ozand sü ils mans nets, sainz'ira, e dispitta.

* Mal. 1, 11. Gioan. 4, 21. Esaj. 1, 5.

9. Sumgiantamaing eir, * cha las donans sajan fittadas con abit onest, con tuorp, e modestia; bricha con tscharnaglias ritschas, e con or, o con perlas, o con vestimainta pre-ziusa;

* 1 Petr. 3, 3.

10. Ma sco as convain a donans, chi fan professiun da servir a Dieu con bunas ouvras.

11. * La duonna dess imprendere con silenzi, in ogni soggeziun.

* 1 Cor. 14, 34.

12. Ma eu non permet alla duonna da mossar, ne da dovrar autorità

sur il marit; ma *ordain*, ch' ella stetta in silenzi;

13. Perche * Adam füt creâ il prüm, e lura Eva. * Gen. 1, 27. 2, 18. 1 Cor. 11, 8. 9.

14. Ed * Adam non füt surmanâ; ma la duonna, essendo statta surmanada, füt *chaschun da* transgres-siun. * Gen. 3, 6.

15. Impero vain ella a gnir salva con parturir infants, sch' ellas averan perseverâ nella cretta, e charità, e santificaziun, con onestâ.

CHAP. III.

Sanct Paulo mossa, con che qualitäts ils o-vaishs, sco eir pasturs dessan esser fittats; dals serviaints dellas baselgias, e lur mugliers.

TSCHERT *ais* quaist pled: Sch' alchün desiderescha l' offizi * d' ovaishs, schi desideresch' el üna bun' ouvra. * Act. 20, 28. Fil. 1, 1.

2. * E bsögna dimena, cha l' ovaishs saja irreprensibel, marit d' üna *suletta* muglier, sobri e vigilant, temperâ, onest, voluntus albergiadur dels forestêrs, † apt da mossar;

* Tit. 1, 6. † 2 Tim. 2, 24.

3. Brich' ardat al vin, chi non batta, bricha disonestamaing bramus del guadagn; ma benign, bricha dantiglius, brich' avarazus;

4. Chi governa bain sia propria famiglia, chi tegna 'ls infants in soggeziun, con ogni gravità;

5. (Ma, sch' alchün non sà governar sia propria famiglia, schi co averà l' chüra della baselgia da Dieu?)

6. Ch' el non saja ün novizi; acio ch' el, gnand scufflà da superbia, non crouda nel güdizi del diavel.

7. Ma sto esser, ch' el haja eir buna testimonianza * da quels da-dourvart, acio ch' el non crouda in vituperi, e nel latsch del diavel.

* 1 Cor. 5, 12.

8. Medemmamaing *bsögna*, cha 'ls * diacons *sajan* venerands, bricha dobels in plets, brich' ardats a bler vin, bricha disonestamaing bramus del guadagn; * Act. 6, 3.

9. * Ch' els retegnan il misteri della cretta in netta conscienza.

* 1 Tim. 1, 19.

10. Ma quaistas eir *sajan* il prüm provats, lura ch' els servan, scha sun irreprensibels.

11. Sumgiantamaing *sajan lur* mugliers onestas, bricha calumniaturas, sobrias, fidelas in ogni chosa.

12. Ils diacons *sajan* marits d' üna *suletta* muglier, guvernand bain ils infants, e las proprias familias.

13. Perche quels chi averan bain servi, s' acquistan ün bun grad (d' onur), e granda libertà nella cretta, chi *ais* in Cristo Gesu.

14. Eu at scriv' quaistas chosas, sperand a gnir bod pro tai;

15. E, sch' eu pür intard, acio cha tti saphast, co as stova conversar nella chasa da Dieu, chi *ais* la baselgia del Deis vivaint, la coluonna, e sustegn della vardâ.

16. E, sainz' ingüna contradiziun, grand *ais* il misteri della pietâ; * Deis *ais* manifestâ in charn, † *ais* güstificâ nel Spiert, *ais* apparü als angels, *ais* predgiâ als pajans, *ais* eret nel muond, *ais* ozâ sù in gloria.

* 1 Giovan. 1, 2. 1, 14.

Luc. 24, 51. Act. 1, 9. † Rom. 1, 4. 1 Petr. 3, 18.

CHAP. IV.

Sanct Paulo lasch' a savair, cha gnaran nels temps davo da quels, chi vegnan a scomandar la lai, e las spaisas; e comanda a Timoteo co el as dess salvar.

MA l' Spiert * disch expressamaing, cha nels ultims temps vegnan alchüns a crodar giò dalla cretta, as rantand vi a spierts surmanadurs, e vi a doctrinas diabolicas;

* 2 Tess. 2, 3. 2 Tim. 3, 1.

2 Pet. 3, 3. 1 Giovan. 2, 18. Giuda. 18.

2. Vi a *persunas*, chi vegnan a proponer chosas fosas tras ipocrisia, siand cauts e frizats in lur propria conscienza;

3. Chi vegnan a scomandar il maridar, e *comanderan* da s' artgnaur da spaisas, cha Deis ha creâ, acio cha 'ls fidels, e quels chi han cognoschü la vardâ, las giodan con ingraziamaint.

4. Perche * ogni creatüra da Dieu *ais* buna, ed ingüna non *ais* da rebüttar, essendo dovrada con ingraziamaint; * Rom. 14, 20. 1 Cor. 10, 25. Tit. 1, 15.

5. Perche ella vain santifichada tras il pled da Dieu, e tras l' oraziun.

6. Representand quaistas chosas als frars, schi sarast tti ün bun

minister da Gesu Cristo, trat sü * nels plets della cretta, e della buna doctrina, la quala tû hast bain comprais.

* 2 Tim. 3, 14. 15.

7. Ma * schivescha fablas profanas, e da donans veglias; e t' exercitescha nella pietà.

* 1 Tim. 1, 4. Tit. 1, 14.

8. Perche l'exercizi corporal ais nüzzaivel pro paca chosa; ma la pietà ais nüzzaivla pro ogni chosa, aviand l'impromissiu della vita presainta, e da quella chi vain a gnir.

9. * Tschert ais quaist pled, e degn da gnir accetà in ogni maniera.

* 1 Tim. 1, 15.

10. Perche per quaist lavurain nus, e gnin vituperats; siand nus avain spranza nel Deis vivaint, * il qual ais salvader da tuots crastians, principalmaing dels fidels.

* Ps. 36, 7. 107, 2. 6.

11. Annunzia quaistas chosas, ed ammos' las.

12. * Ingün non dess spredschar tia giuventüna; ma sajast exaimpel dels fidels, nel pled, nella conversaziun, nella charità, nel spiert, nella cretta, nella castità.

* 1 Cor. 16, 11.

13. Attenda alla lectura, all' exortaziun, alla doctrina, fin ch'eu vegn.

14. Non negliger il dun chi ais in tai, il qual t'ais stat dat * tras la profezia, † con l'imposiziun dels mans dal collegi dels seniurs.

* 1 Tim. 1, 18. 2 Tim. 1, 6. † Act. 6, 6.

15. Meditescha quaistas chosas, e t'occupescha con quellas; acio cha teis avanzamaint vegna manifestà tanter tuots.

16. Attenda a tai stess, ed alla doctrina, perseverescha in quaistas chosas; perche, fand quaist, schi vaint a far salv tai stess, e quels chi t'odan.

CHAP. V. *

Sanct Paulo exorta Timoteo, d'esser moderâ nellas reprensions; lura tschantesch el dallas vaidguas e lur offizi, seo eir dals seniurs.

NON repreneur con asprezza l'hom da temp; ma exortescha l' seo ün bap, ils giuvens seo frars;

2. Las donans da temp seo mammas, las giuvnas seo sours, in ogni castità.

3. Onura las vaidguas, chi sun vairamaing vaidguas.

4. Ma, sch' alchüna vaidgua ha infants, o abiadis, schi dessan quels il prüim imprendder a dovrar pietà invers quels da lur chasa, e render il cambi a lur padernurs; perche quaist ais bön ed agreabel avant Dieu.

5. Ma quella chi ais vairamaing vaidgua, e laschada suletta, ha spranz' in Dieu, * e perseverescha in rövs ed oraziuns, not e di;

* Luc. 2, 37. 18, 1.

6. Ma quella chi viva in dalet, vivand, ais morta.

7. Eir quaistas chosas annunzia, acio ch' ellas sajan irreprehensiblas.

8. Cha sch' alchün non proveda per ils seis, e principalmaing per quels da chasa sia, * schi ha el renegâ la cretta, ed ais për co ün infidel.

* 2 Tim. 3, 5. Tit. 1, 16.

9. Saja la vaidgua tuta sü nel number dellas vaidguas, bricha da main età da sessanta ans, la quala saja statta muglier d' ün sulet marit;

10. Chi haja testimonianza da bunas ouvras; sch' ella ha trat sü seis infants, sch' ella ha albergiâ ls foresters, sch' ella ha lavâ ls peis dels sanets; sch' ella ais gnüda in agüd als afflits, sch' ella da contin s' ha applichada ad ogni bun' ouvra.

11. Ma refüda las vaidguas plü giuvnas, perche, dopo ch' ellas han luxuriâ contra Cristo, s' vöglian ellas maridar;

12. Aviand condannaziun, perche ellas han ruot la prüma fai.

13. Ed eir, essendo, ultra quai, laschantivas, imprendan ellas ad ir intuorn per las chasas, e bricha solum sun ellas laschantivas, ma eir bajadras, e curiusas, favland da chosas chi non as convegnan.

14. Contuot vögl eu cha las vaidguas giuvnas as maridan, partureschan infants, sajan mammas da famiglia, non dettan al adversari alchün' occasiun a dir mal.

15. Perche alchünas sun agiâ straviadas davo satanas.

16. Sch' alchün hom, o duonna fidela ha vaidguas, schi vè ad ellas in agüd, e non vegna la baselgia aggravada, acio ch' ella possa a sofficienza

succuorrer a quellas, chi *sun* vaira-
maing vaidguas.

17. * Ils seniurs, chi fan bain l' offizi
della presidenza, sajan stimats degns
da dobl' onur; principalmaing quels
chi 's sfadajan nel pled, e nella
doctrina. * Rom. 12, 8. 1 Cor. 12, 28.

18. Perche la * scrittüra disch: Non
metter il boccal sün la bocca al bou
chi scuda; ed: † Il lavuraint *ais* degn
da sia paja.

* Deut. 25, 4. 1 Cor. 9, 9. † Matt. 10, 10. Luc. 10, 7.

19. Non ardschaiver ün' achüsa
conter il seniur, oter co suot duos, o
trais testimonis.

20. Reprenda nel conspet da tuots,
quels chi pechan; acio cha 'ls oters
eir hajan temma.

21. Eu 't scongür avant Dieu, e 'l
Segner Gesu Cristo, ed ils angels
elets, cha tü observast quaistas
chosas sainza pregüdizi, non fand
inguotta per parzialità.

22. Non metter ils mans sün alchün
massa bod, e non hajast part vi als
puchats dad oters: Conserva tai stess
net.

23. Non üsar plü da quinder in-
avant aua *suletta* in teis baiver, ma
üsa ün pa vin per teis stomi, e per
tias frequentas infirmitats.

24. D' alchüns crastians sun ils pu-
chats manifests, giand avant al gü-
dizi; ma in oters eir seguitteschan els
davo.

25. Las bunas ouvras d' *alchüns* eir
sun manifestas; e quellas chi sun
otramaing non pon esser zoppadas.

CHAP. VI.

Sanct Paulo admonescha la famaglia a lur
offizi, e da 's perchürar da fos docturs, e da
lur avarezza; exorta Timoteo da 's deportar
bain, e co 'l dess admonir ils richs.

TUOTS * ils famagls chi sun suot
il giuf dessan salvar lur patruns
degns d' ogni onur; acio cha non ve-
gna blastemmâ il nom da Dieu, e la
doctrina.

* Ef. 6, 5. Col. 3, 22. Tit. 2, 9. 1 Petr. 2, 18.

2. E quels chi han patruns fidels,
non ils dessan spredschar, per quai
ch' els sun frars; anzi bler ant
als dessan els servir, per quai
ch' els sun fidels, ed amats, ils quals
han ardschvü 'l benefizi. Mossa

quaistas chosas, ed exorta a *quellas*.

3. Sch' alchün mossa * diversa
doctrina, e non as tain vi als sans
pleds da nos Segner Gesu Cristo, e
vi alla doctrina *chi ais* seguond la
pietà; * Gal. 1, 6, 7. 1 Tim. 1, 3.

4. Quel ais scufflâ sù, non saviand
inguotta, ma 's constümand intuorn
domandas, e debats da plets, * our
dals quals naschan inviglia, conten-
ziun, blastemmas, mals suspets;

* 1 Cor. 8, 2. 2 Tim. 2, 23. Tit. 3, 9.

5. Vanas dispittas * da crastians
corruots del sen, e privats della
vardà, chi stiman la pietà esser
guadagn; t' retira da fals.

* 2 Tim. 3, 8, 3, 5. Tit. 1, 11, 3, 10. 2 Petr. 2, 3.

6. Ma *vairamaing* la pietà, con
contentezza del cour, ais grand gua-
dagn.

7. Perche nus * non avain portâ in-
guotta nel muond; e cler aise, cha
nus eir non podain portar our in-
guotta; * Ps. 49, 18. Giob 1, 21. Eccl. 5, 15.

8. Ma, aviand da 'ns nudriar, e
da 'ns cuvernar, schi ans dessan nus
contentar da quai.

9. Ma * quels chi vöglian gnir richs
eroudan in tentamaint, ed in latschs,
ed in blers giavüschamaints nars, e
noschaivels, ils quals fan fondar la
gliestad in destrucziun, e perdiziun.

* Prov. 15, 27, 20, 21, 23, 20.

10. Perche la ragisch da tuots ils
mals ais l' avarezza, alla quala al-
chüns, siand ardat, 's han vouts
dalla cretta, e s' han trafichats con
bleras döglias.

11. Ma tü, o crastian da Dieu, fügen
quaistas chosas; e tenda davo la güs-
tia, pietà, cretta, charità, pazienza,
bandusezza.

12. Combatta il bun combattimaint
della cretta, dà man la * vit' eterna,
pro la quala tü est clamâ, ed hast
fat la buna confessiun avant bleras
perdüttas.

* 1 Cor. 9, 25, 26. 1 Tim. 1, 18, 6, 19. 2 Tim. 4, 7.

13. * Eu at comand nel conspet da
Dieu, il qual vivificha tuottas chosas;
e da Cristo, chi perdüttet avant Pon-
zio Pilato † la buna confessiun;

* 1 Tim. 5, 21. Matt. 27, 11. † Gioan. 18, 37.

14. Cha tü observast *quaist* coman-
damaint, *essendo* sainza maela, ed

irreprensibel, * fin all' appariziun da nos Segner Gesu Cristo;

* 1 Tess. 3, 13. 5, 23. Fil. 1, 6. 10.

15. La quala a seis temp vain a mossar * il beà, e sulet prinzi, il rai dels rais, e l' segner dels signurs;

* Apoc. 17, 14. 1 Tim. 1, 11.

16. Il qual sulet ha l' immortalità, ed avda in üna glüm, pro la quala non as po gnir; * il qual ingün crastian non ha vis, ne l' po vair; al qual *saja* onur, ed imperi etern. Amen.

* Gioan. 1, 18. 1 Gioan. 4, 20.

17. Denunzia als richs nel pre-saint temp, ch' els non sajan d' anim superbi, * ch' els non tshaintan lur spranza nel intschertezza del-las ricchezas; ma nel Deis vi-vaint, il qual ans sporscha richa-

maing ogni chosa, per la giodair.

* Giob 31, 24. Ps. 62, 11. Marc. 10, 24.

18. Ch' els fetschan del bain, * ch' els sajan richs in bunas ouvras, pronts a distribuir, communicabels;

* Luc. 12, 21. Giac. 2, 5.

19. * As fand ün tesor d' ün bun fon-damaint per l' avegnir; acio ch' els possan survgnir la vit' eterna.

* Matt. 6, 20. Luc. 12, 33. 16, 9.

20. O Timoteo, * conserva il de-posit, e fùgia las profanas vanitats da plets, e las contradicziuns della fosamaing nominada scienza;

* Ap. 3, 3. 1 Tim. 1, 4. 6. 4, 7. 2 Tim. 2, 16. 18. 1, 14.

21. Della quala alchüns, fand pro-fessiun, * s' han sviats dalla cretta. La grazia *saja* con tai. Amen.

* 2 Tim. 2, 18.

LA SEGUONDA EPISTOLA

DA

S. PAULO, APOSTEL, A TIMOTEO.

CHAP. I.

Sanct Paulo, dopo il salüd, loda la cretta da Timoteo, e l' exorta da far seis offizi, e da non tour schandel vi a seis liams, ne da l' erodar giò da blers; loda eir Onesiforo.

PAULO, apostel da Gesu Cristo, tras la volontà da Dieu, seguond l' impromissiun della vita, chi *ais* in Cristo Gesu;

2. A Timoteo, il char figl, grazia, misericordia e pasch, da Dieu bap, e da nos Segner Cristo Gesu.

3. * Eu ingrazch a Dieu, † al qual eu serv agià da meis pardavants innan, in netta conscienza; seguond ch' eu mâ non interlasch da tgnair la me-moria da tai, in mias oraziuns not e di; * Rom. 1, 8. Ef. 1, 16. † Act. 22, 3. 23, 1. 24, 14.

4. Desiderus da t vair, am regor-dand da tias larmas, acio ch' eu vegna plain d' allegrezza;

5. Am trand a memoria la cretta nonfintada, chi *ais* in tai, la quala il prüm abitet in Loide tia nona, ed in * Eunice, tia mamma; ma eu sun persvas, ch' ella abitescha eir in tai.

* Act. 16, 1.

6. Per la qual causa eu at fetsch regordar, cha tü sdaisdast sü il dun da Dieu, chi ais in tai tras * l' im-posiziun da meis mans.

* 1 Tim. 4, 14.

7. Perche Deis non ans ha dat spiert da temma; ma da forza, e d' amur, e da correcciun.

8. * Non at turpiar dimena della per-dütta da nos Segner, ne da mai, seis preschunêr; anzi hajast part vi al-las afflicziuns del evangeli, seguond la virtù da Dieu,

* Rom. 1, 16. 1 Tim. 2, 6. 2 Tim. 2, 3. Fil. 1, 7. 4, 14.

9. Il qual ans ha fats salvs, e ns ha clamats tras üna sancta vocaziun; * bricha seguond nossas ouvras, ma seguond il propri propöst e grazia, † la quala ans ais data in Cristo Gesu avant ils temps del muond;

* Rom. 9, 11. Ef. 1, 4. Tit. 3, 5. † Rom. 8, 28. 1 Petr. 1, 20.

10. Ed uossa ais manifestada tras l' appariziun da nos salvader Gesu Cristo, * chi ha sdrüt la mort, ed ha prodüt a glüm la vita, e l' immorta-lità, tras l' evangeli;

* 1 Cor. 15, 54. 35. Ebr. 2, 14.

11.* Del qual eu sun tschantà predicatur, ed apostel, e doctur dels pajans. * 1 Tim. 2, 7.

12.* Per la qual causa eu eir indür quaistas chosas; ma non am turpai, perche eu sà a chi eu ha cret, e sun persvas, ch' el ais potent da cussalvar meis deposit fin sün quel di. * Ef. 3, 1.

13. Salva la fuorma dels sans plets, cha tü hast udi da mai, in cretta e charità, chi *ais* in Cristo Gesu.

14.* Cussalva il bun deposit, tras il Spiert Sanct, chi avda in nus.

* 1 Tim. 6, 20.

15. Tü sast quaist, cha * tuots quels chi *sun* nell' Asia s' han retrats da mai, dels quals ais Figello, ed Ermogene.

* 2 Tim. 4, 10. 16.

16. Conced' il Segner misericordia alla famiglia d' Onesiforo; perche bleras voutas m' ha el refraschâ, e non s' ha turpiâ da * mia chadaina;

* Ef. 6, 20. Act. 28, 20.

17. Anzi, essendo a Roma, m' ha 'l diligiainamaing tscherchâ, e m' ha chattâ.

18. Il Segner al conceda, da chattar misericordia pro 'l Segner in quel di. Quants servezzens el eir ha fat in Efeso, sast tü zuond bain.

CHAP. II.

Sanct Paulo exorta Timoteo, d' esser constant nellas afflicziuns, e guinchir las vanas e profanas dispittas; cufforta ils fidels tras lur elecziun; comanda co el dess viver e 's regular in seis offizi.

Tü dimena, meis figl, t' fortificha nella grazia chi *ais* in Cristo Gesu.

2. E las chosas, cha tü hast udi da mai in presenza da bleras perdüttas, comunichesch' las a crastians fidels, ils quals sajan * capaces a mossar eir ils oters.

* 2 Tim. 3, 2. Tit. 1, 9.

3. Contuot indüra tü las afflicziuns, sco ün bun suda da Gesu Cristo.

4. Ingün chi va alla guerra non s' impacha nellas fatschendas della vita, acio ch' el plascha a quel chi l' ha tut sü per suda.

5. Ed eir, * sch' alchün combatta, schi non vain el coronâ, sch' el non ha legitimamaing combattü. * 1 Cor. 9, 25.

6. L' ais conveniaint, cha 'l lavu-

raint chi lavura gioda il prüm ils früts.

7. Considerescha las chosas ch' eu di; perche *eu rov* il Segner chi t' detta intellet in ogni chosa.

8. At regorda, cha Gesu Cristo ais restüstâ sù dals morts, *il qual ais* our dal sem da David, seguond meis evangeli;

9. Nel qual eu indür afflicziuns fin *ad esser in preschun*, a guisa da malfattur; ma il pled da Dieu non ais liâ.

10. Perquai * indür eu ogni chosa per ils elets, acio cha quels eir obtegnan il salüd, chi *ais* in Cristo Gesu, con gloria eterna. * Ef. 3, 13. Col. 1, 24.

11. Tschert ais quaist pled; perche, * scha nus morin con *el*, schi gnin nus con *el* eir a viver;

* Rom. 8, 17. 2 Cor. 4, 10. 1 Petr. 4, 13.

12. Scha nus indürain, schi gnin nus con *el* eir a regnar; * scha nus *il* snejain, schi vain el eir ans snejar;

* Matt. 10, 33.

13.* Scha nus eschan infidels, schi reist' el fidel; e non po snejar sai stess.

* Rom. 3, 3. 9, 6.

14. Fa 'ls adimaint quaistas chosas, protestand nel conspet da Dieu, * cha non as dispitta per plets, *il che* pro inguotta *ais* nüz, anzi *ais* per metter suotsura ils auditurs.

* 1 Tim. 6, 4.

15. Stübgia da presentar tai stess approvâ avant Dieu, sco ün lavuraint chi non haja da 's turpiar, chi distribuescha indret il pled della vardâ.

16. Ma schivescha las profanas, vanas tschantseharias; perche cha vegnan ad ir inavant nel empietà.

17. E 'l pled da tals vain ad ir magliand intuorn, a guisa da gangrena, dels quals ais * Imeneo, e Fileto;

* 1 Tim. 1, 20. 6, 20.

18. Ils quals * s' han sviats giò dalla vardâ, dschand cha la restüstanza saja agiâ dvantada, e mettan suotsura la cretta d' alchüns. * 1 Tim. 6, 21.

19. Impero 'l fondamaint da Dieu sta ferm, aviand quaist sagê: Il Segner cognoscha quels chi sun seis; e, 's retira dall' iniquità scodün, chi nomna il nom da Cristo.

20. Ma in üna granda chasa non sun solum vashels d' or, e d' argent; ma eir da lain, e da terra; * ed üna part *sun* ad onur, e l'otra part a disonur.

* Rom. 9, 21.

21. Contuot, sch' alehün as purificha da quaistas chosas, schi sarà el ün vashê dad onur, sanctifichâ, ed accommodâ al servezzen del Segner, * preparâ ad ogni bun' ouvra.* 2 Tim. 3, 17.

22. Ma fùgia ils appetits della giuventüna, e * tenda davo la güstia, cretta, charità, pasch con quels chi con cour net claman in agüd il Segner.

* 1 Tim. 6, 11.

23. E * schivescha las questiuins nar-ras, e saimplas, saviand cha geneschan contesas.

* 1 Tim. 1, 4, 7.

24. Ma ün serviaint del Segner non dess dispittar; dimperse saja benign invers tuots, * apt e pront a mossar, chi comporta ils mals; * 1 Tim. 3, 2. Tit. 1, 9.

25. Chi intraguida con bandusezza quels chi 's mettan incunter, *per provar* * scha forse Deis dess ad els da 's melderar, per cognoscher la vardà;

* Act. 8, 22.

26. In maniera ch' els, siand turnats pro 'l san intellet, gnissan our dal latsch del diavel, dal qual els eiran stats prais, per *far* sia voluntà.

CHAP. III.

Sanct Paulo descriva ils ultims temps, exortand Timoteo da schivir ils surmanadurs, chi agià da seis temp eiran; mossa eir il dret adöver della sancta scrittüra.

MA sapchast quaist, cha * nels ultims dis vegnan ad esser temps difficils.

* 1 Tim. 4, 1. 2 Petr. 3, 3. Giuda 18.

2. Perche la gliend saran amatur da sai stess, avarizius, vanaglorius, superbis, blastemmadurs, disobe-diaints a baps e mammas, ingrats, sclerats;

3. Sainza affecziun natürala, man-chants della fai, calumniatur, incont-inents, crudels, sainz' amur invers ils buns;

4. Traditurs, temeraris, scufflats sü; amatur della voluptà, plü co da Dieu;

5. Aviand apparenza da pietà, * ma aviand renegâ la virtù da quella; † eir tals schivescha.

* 1 Tim. 5, 8. Tit. 1, 16. † 2 Tim. 2, 16, 23.

6. Perche del number da quaists sun quels, chi suotintran nellas chasas, e fan preschuneras duonnet-tas chargiadas con puchats, chat-schadas vi e nan con da bleras sorts giavüschamaints;

7. Las qualas saimper imprendan, e non pon mâ bricha gnir alla co-gniziun della vardà.

8. Ma, sco Janne, e Jambre, con-trastettan a Mose; usche eir quaists contrastan alla vardà; * gliend d' ün sen corruot, † reprobats circa la cretta;

* 1 Tim. 6, 5. † Tit. 1, 16.

9. Ma els non vegnan a podair ir plü inavant; perche lur nardà sarà manifestada a tuots, sco eir füt quella da quels.

10. Ma, quant a tai, * tü hast bain comprais mia doctrina, *meis* pro-ceder, *mias* intenziuns, *mia* cretta, *mia* pazienza, *mia* charità, *mia* com-portanza;

* 1 Tim. 4, 6.

11. *Mias* persecuziuns, *mias* afflic-zions, las qualas am sun incon-tradas * in Antiochia, in † Iconio, in ** Lистра; *tü sast* che persecuziuns eu ha sustgnü, e pür il Segner m' ha liberâ da tuottas.

* Act. 13, 50. † Act. 14, 5. ** Act. 14, 19.

12. Ma, * tuots quels eir, chi vö-glian viver prusamaing in Cristo Gesu, saran persequittats;

* Ps. 34, 20. Act. 14, 22.

13. Ma la gliend mala ed ingiannai-vla vegnan as impeggiorar, sur-manand, e gnand surmanats.

14. Ma tü, perseverescha nellas chosas cha tü hast imprais, e dellas qualas tü est stat sgürâ, * saviand da chi tü *las* hast impraisas;

* 2 Tim. 2, 2.

15. E cha da giuven in sü tü hast cogniziun dellas sanctas scrittüras, las qualas at pon far sabi pro 'l salüd, tras la cretta chi *ais* in Cristo Gesu.

16. * Tuot la scrittüra *ais* divina-maing inspirada, e nüzaivla a mos-sar, a convenscher, a corriger, ad intraguidar nella güstia;

* 2 Petr. 1, 20, 21.

17. Acio cha 'l crastian da Dieu saja perfet, plainamaing furni per ogni bun' ouvra.

CHAP. IV.

Sanct Paulo exorta fich a Timoteu, da far seis offiçi, e 'l lasch' a savair sia mort, e 'l comanda da gnir pro el, l' avisand da seis stadi, con salüdar tots fidels.

EU dimena * 't protest nel conspet da Dieu, e del Segner Gesu Cristo, il qual ha da güdichar ils vivs, e 'ls morts, in sia appariziun, ed in seis reginam; * 1 Tim. 6, 13.

2. Cha tü predgiast il pled, cha tü fetschast istanza a temp, ed our da temp; reprene, slamma, exorta, con ogni pazienza, e doctrina.

3. Perche cha vain a gnir il temp, ch' els non comporteran la sana doctrina, ma, pizchand ad els las uraglias, vegnan els as mantunar sü docturs, seguond lur propriis appetits;

4. E vegnan a volver las uraglias d'avent dalla vardà, * e 's volveran vi allas fablas. * 1 Tim. 1, 4, 4, 7.

5. Ma tü sajast vigilant in ogni chosa, * suffrescha afflicziuns, fà l'ouvra † d'ün evangelist, fà plaina fede da teis ministeri. * 2 Tim. 1, 8, 2, 3. † Ef. 4, 11.

6. Perche, quant a mai, * uossa uossa sun eu per gnir offeri sü a guisa d'offerta, e suprastà il temp da mia † turnada a chasa. * Fil. 2, 17. † Fil. 1, 28.

7. * Eu ha combattü la buna combatta, eu ha fini 'l cuors, eu ha salvà la cretta. * 1 Cor. 9, 24, 25.

Fil. 3, 14. 1 Tim. 6, 12. Ebr. 12, 1.

8. Nel reist, m'ais miss in salv la * coruna della güstia, con la quala il Segner vain in quel di am render, quel güst'güdisch, e bricha solum a mai, ma a tuots quels eir chi averan amâ sia appariziun. * 1 Petr. 5, 4. Giac. 1, 12.

9. Procura da gnir bod pro mai.

10. Perche Dema m' ha bandunâ, avand amâ 'l presaint muond, ed ais

it in Tessalonica, Crescente in Galazia, Tito in Dalmazia.

11. * Luca ais sulet con mai; piglia † Marco e maina 'l con tai; perche el m'ais fich nûzaivel pro 'l ministeri. * Col. 4, 13. † Act. 15, 37.

12. Ma eu ha tramiss * Tichico in Efeso. * Act. 20, 4. Ef. 6, 21. Col. 4, 7. Tit. 3, 12.

13. Cur tü vainst, schi porta *con tai* la chappa, ch' eu ha laschâ in Troas, pro Carpo, e 'ls cudeschs, principalmaing las bergiaminas.

14. Alexander, il maister d' aram, m' ha fat bler del mal; al rend' il Segner seguond sias ouvras.

15. Da quel at perchüra eir tü; perche el ha grandamaing contrastâ a noss plets.

16. Ingün non s' ha chattâ con mai in mia prüma defaisa; ma tuots m' han bandunâ; non saja ad els imputâ.

17. Ma 'l Segner ais stat con mai, e m' ha fortificâ; acio cha la predgia gniss tras mai plainamaing confirmada, e cha tuots ils pajans l' udisan; ed eu sun stat liberâ dalla gula del liun.

18. E 'l Segner vain eir am liberar d' ogni mal' ouvra, e vain am cus-salvar, e 'm *raspar* in seis reginam celestial. Ad el *saja* la gloria da saimper a saimper. Amen.

19. Salüda * Prisca, ed Aquila, e † la famiglia d' Onesiforo. * Act 18, 2. † 2 Tim. 1, 16.

20. * Erasto ais restâ in Corinto, ed eu ha laschâ † Trofimo amalâ in Mileto. * Act. 19, 22. † Act. 20, 4, 21, 29.

21. Procura da gnir avant l' inviern. Eubulo, e Pude, e Lino, e Claudia, e tuots ils frars, at salüdan.

22. *Saja* il Segner Gesu Cristo con teis spiert. La grazia saja con vus. Amen.

L' EPISTOLA

DA

S. PAULO, APOSTEL, A TITO.

CHAP. I.

Sanct Paulo metta nan las qualitats dels vairs pasturs, e comanda da star cunter als fos docturs.

PAULO, servaint da Dieu, ed apostel da Gesu Cristo, seguond la cretta dels elets da Dieu, e la

cogniziun della vardà, * chi *ais* seguond la pietà. * 1 Tim. 3, 16. 6, 3.

2. Sün spranza della vita eterna, * la quala Deis chi non po mentir, ha impromiss avant ils temps del muond; * 2 Tim. 1, 9. 10. 1 Petr. 1, 20.

3. Ed ha manifestà a seis propri temp seis pled, tras la predgia * chi m' *ais* statta affidada, tras comand da Dieu, nos salvader; * 1 Tes. 2, 4.

4. A Tito, *meis* * *vair* figl, seguond la comüna cretta; grazia, misericordia e pasch, da Dieu bap, e dal Segner Gesu Cristo, nos salvader. * 1 Tim. 1, 2.

5. Per quai t' ha eu laschà in Creta, acio cha tū mettast in üorden las chosas chi reistan da stabilir, e * *constitueschast* seniurs per ogni città, seo eu t' ha comandà; * Act. 14, 23.

6. * *Sch'* alchün *ais* irreprensibel, marit d' üna *sula* muglier, chi haja infants fidels, chi non sajan achütsats da dissoluziun, ne ostinats.

* 1 Tim. 3, 2.

7. Perche ch' ün ovaish dess esser irreprensibel, seo dispensadur della chasa da Dieu; bricha superbi, brich' irus, brich' ardat al vin, bricha chi batta, bricha disonestamaing bramus del guadagn;

8. Anzi voluntus ad albergiar foresters, ami dels buns, temperà, güst, sanct, continent.

9. Chi retegna fermamaing il fidel pled, chi *ais* seguond l' istruzziun; acio ch' el saja sufficiaint ad exortar nella * sana doctrina, ed a convenscher quels chi contradischan.

* 1 Tim. 1, 10. 6, 3. 2 Tim. 1, 13. 4, 3. Tit. 2, 1.

10. Perche * chi sun blers disobeidaints, bajaders, e surmanadurs dels anims; principalmaing quels della circoncesiun, als quals as sto zügliar la bocca; * 1 Tim. 1, 6.

11. Ils quals mettan suotsura chasas interas, mossand las chosas chi non as convegnan, * per disonest guadagn. * 1 Tim. 6, 5.

12. Ün dels, lur propri profet ha dit: Ils Cretensers *sun* saimper mansnêrs, malas bestias, vainters pajers.

13. Quaista perdüta *ais* vaira; per quella causa repretenda 'ls severamaing, acio ch' els sajan sans nella cretta;

14. Brich' attendand * a fablas giudaicas, ne a comandamaints da glieud chi refüsan la vardà. * 1 Tim. 1, 4. 4, 7.

15. * *Bain* *ais* ogni chosa netta als nets; ma als malnets, ed infidels, non *ais* inguotta net; anzi lur orma e lur conscienza *ais* contaminada;

* Luc. 4, 1. 11, 39.

Rom. 14, 14. 20. 1 Cor. 6, 12. 10, 23. 25. 1 Tim. 4, 3. 4.

16. Els fan professiun da cognoscher Deis; ma 'l * snejan con las ouvras, essendo abominabels, e rebels, e reprobats ad ogni bun' ouvra. * 2 Tim. 3, 5.

CHAP. II.

Sanct Paulo exorta Tito da mossar vegls, e giuvs, co els dessan as deportar; nombrand sü ils plü grands benefizis da Dieu, per moventar pro bunas ouvras.

MA tū, propona las chosas conveniaintas alla sana doctrina;

2. Cha 'ls vegls sajan sobris, venerabels, temperats, sans nella cretta, nella charità, nella comportanza.

3. Medemmamaing, cha las donans attempadas hajan ün deport conveniaint a santità; non *sajan* calumniaturas, bricha ardattas a bler vin, ma magistras d' onestà;

4. Acio ch' ellas mossan las giuvs ad esser modestas, ad amar lur marits, e lur infants;

5. *Ad esser* temperadas, castas, a guardar oura la chasa, *ad esser* bunas, soggettas als propri marits; acio * cha 'l † pled da Dieu non vegna blastemà.

* Ef. 5, 22. Col. 3, 18. † 1 Tim. 6, 1. 1 Petr. 3, 1.

6. Exorta sumgiantamaing ils giuvans, ch' els sajan temperats,

7. Presentand tai * stess in ogni chosa per exaimpel da bunas ouvras; *mossand* nella doctrina integrità incorruotta, gravità; * 1 Tim. 4, 12.

8. Favlar san, irreprensibel, * acio cha 'l adversari saja confus, non aviad inguotta del mal da dir da vus. * 1 Tim. 5, 14.

9. Cha * 'ls famagls sajan soggets als propri patrums, conplasmaivels in ogni chosa, bricha contradind.

* Ef. 6, 5. Col. 3, 22. 1 Petr. 2, 18.

10. Ch' els non dovran frod, ma mossan ogni buna fai; acio ch' els in ogni chosa onuran la doctrina da Dieu, nos salvader.

11. Perche * la grazia salüdaivla da Dieu ais apparüda a tuots crastians; * Tit. 3, 4.

12. Ans mossand cha, renunziand all' empietà, ed als mundans giavüschamaints, nus dessan viver nel presaint muond temperadamaing, e güstamaing, e prusamaing;

13. Spettand süin la beada spranza, e süin l'appariziun della gloria del grand Deis, e nos salvader Gesu Cristo;

14. Il qual ha dat sai stess per nus, acio ch' el ans spendress d' ogni iniquità, e 'ns purificheß *per esser ad el* * ün pövel acquistà ad agen, zeland in bunas ouvras. * Ex. 19, 5.

15. Propona quaistas chosas, ed exorta, e repretenda con ogni autorità da comandar. * Ingün non at dess spredschar. * 1 Tim. 4, 12.

CHAP. III.

Sanct Paulo comanda l' obediencia al magistrat, e mossa, cha 'l salüd vegna dalla misericordia da Dieu, e bricha tras nos merit; el exorta da schivir ils eretics.

FA 'ls regordar * cha sajan soggets als principats, ed allas pussanzas, cha sajan obediaints, preparats ad ogni bun' ouvra; * Rom. 13, 1. 1 Petr. 2, 13.

2. Ch' els non dian mal d' alchün; ch' els non sajan litigus, *ma* benigns, mossand ogni bandusezza invers tuot la glieud.

3. Perche * eir nus eiran ünsacura insensats, rebels, chi giaivan ad errur, servind a da bleras sorts giavüschamaints, e voluptats; manand la vita in malizia, ed invilgia; malvoglüts, e 'ns ödiand l' ün l' oter; * 1 Cor. 6, 11.

4. Ma, cur * la benignità da Dieu nos salvader, e sia amur invers ils crastians ais apparüda; * Tit. 2, 11.

5. Schi 'ns ha 'l fats salvs; * bricha tras ouvras güstas cha nus avain

fat; ma, seguond sia misericordia, tras la † lavanda della regeneraziun, e tras la renovaziun del Spiert Sanct;

* Rom. 3, 20. 9, 11. 11, 6.

2 Tim. 1, 9. Ef. 2, 9. † Giob 3, 3. 5. Ef. 5, 26.

6. * Il qual el ha abundantamaing spans oura sur nus, tras Gesu Cristo nos salvader; * Ez. 36, 25. Act. 2, 38. Rom. 5, 5.

7. Acio cha, siand nus güstificats tras la grazia da quel, nus sajan fats ertavels * della vit' eterna, seguond *nossa* spranza. * Rom. 8, 23. 24.

8. Tschert ais quaist pled, e quaistas chosas vögl eu, cha tü confermast; acio cha quels chi han cret a Dieu, hajan chüra d' attender a bunas ouvras. Quaistas sun las chosas bunas, e nüzaivlas alla glieud.

9. Ma fügia * las narras questiuuns, e las genealogias, e las contesas e debats circa la ledscha; perche ch' ellas sun malnüzas, e vanas.

* 1 Tim. 1, 4. 4, 7. 2 Tim. 2, 23.

10. Schivescha il crastian eretic, dopo la prüma, e la segunda admoniziun;

11. Saviand ch' ün tal ais pervers, e pecha, essendo condannà da sai stess.

12. Cur eu vegn ad avair tramiss pro tai Artema, o * Tichico, schi procura da gnir pro mai in Nicopoli; perche eu sun decis da passantar via là l' inviern. * Act. 20, 4. Ef. 6, 21. Col. 4, 6. 2 Tim. 4, 12.

13. Compagna diligiaintamaing inavant Zena, il doctur da ledscha, ed * Apollo, acio cha non als manca inguotta. * Act. 18, 24.

14. Ma ch' imprendan eir ils noss, d' attender a bunas ouvras per ils bsögn necessariis, acio ch' els non sajan sainza früt.

15. Tuots quels chi *sun* con mai 't salüdan. Salüda quels chi 'ns aman nella cretta. La grazia *saja* con tuots vus. Amen.

L' EPISTOLA

DA

S. PAULO, APOSTEL, A FILEMONE.

PAULO, * preschunêr da Gesu Cristo, e 'l frar Timoteo, a Filemone, nos char conlavruraint;

* Ef. 3, 1. 4, 1. 2 Tim. 1, 8.

2. Ed alla chara Appia, ed ad * Archippo, nos compagn da guerra, ed alla baselgia † chi *ais* in chasa tia;

* Col. 4, 16. † Rom. 16, 5. Fil. 2, 25.

3. Grazia a vus e pasc'h, da Dieu nos bap, e *dul* Segner Gesu Cristo.

4. Eu ingrazch a meis Deis, fand saimper memoria da tai in mias oraziuns;

5. Udind * tia charità, e cretta cha tü hast invers il Segner Gesu, ed invers tuot ils sanets; * Ef. 1, 15. Col. 1, 4.

6. Acio cha la comuniun da tia cretta saja efficace, nella recognoscenscha da tuot il bain chi *ais* in vus, tras Cristo Gesu.

7. Perche nus avain grand' allegrezza, e consolaziun da tia charità; perche il cour dels sanets ais stat tras tai recreâ, frar.

8. Perquai, * combain ch' eu ha granda libertà in Cristo, da 't comandar quai chi ais il dovair;

* 1 Tes. 2, 6.

9. *Pür inguotta tant main, at* rov eu plü bod tras charità, (combain ch' eu saja tal qual eu sun,) sco Paulo il vegl, ed al presaint eir preschunêr da Gesu Cristo;

10. At rov, *di eu*, per meis figl * Onesimo, il qual eu ha generâ in meis liams;

* Col. 4, 8.

11. Il qual ünsacura 't *fütt* inütel, ma uossa *ais* el nüzaivel a tai, ed a mai;

12. Il qual eu ha tramiss inavo; ma tü piglia 'l aint, cioè, meis cour,

13. Eu il volaiva tgnair pro mai, acio ch' el in teis pè am serviss nels liams del evangeli;

14. Ma eu non ha voglû far inguotta sainza teis parair, acio cha teis

benefizi non füss * sco per necessità, ma da spontanea voluntà. * 2 Cor. 9, 7.

15. Perche, forse per quaiста causa el s' ha parti *da tai* per ün cuort temp, acio cha tü l' ardschaivast in perpetuo;

16. Bricha plü sco famagl, ma da plü co famagl, sco ün char frar, a mai pustüt; ma quant plü a tai, suainter la charn, e nel Segner?

17. Contuot, scha tü 'm tgnast per compagn, schi piglia 'l stü sco mai stess.

18. Cha, seh' el t' ha fat alchün tort, o t' ais debit *qualchosa*, schi scriva quai a meis quint.

19. Eu Paulo ha scrit *quaist* con man propri, eu vögl pajar *quai*; acio ch' eu non at dia, cha tü 'm sajast debit plü co quai, cioè, tai stess.

20. Schi frar, ch' eu retschaiva *quai* nel Segner da tai; recreescha meis cour nel Segner,

21. Eu t' ha scrit, am * confidand in tia obediencia, saviand cha tü farast eir sur quai ch' eu di.

* 2 Cor. 7, 16.

22. Ma apparecha 'm nel istess temp eir albiere; perche * eu ha spranza, ch' eu † tras vossas oraziuns vegna as gnir dunâ.

* Act. 19, 29. Fil. 1, 25. 2, 24. † 2 Cor. 1, 11.

23. * Epafra, preschunêr con mai in Cristo Gesu,

* Col. 1, 7. 4, 11.

24. E Marco, ed * Aristarco, e † Dema, e Luca, meis conlavuraints, at salüdan.

* Act. 12, 12. 19, 20. † Col. 4, 13.

25. La grazia da nos Segner Gesu Cristo *saja* con vos spiert. Amen.

L' EPISTOLA

DA

S. PAULO, APOSTEL, ALS EBREERS.

CHAP. I.

L'apostel mett' avant da Cristo, ch' el saja il figl da Dieu, nos profet, rai, e sacerdot, e blier plü grand co 'ls angels.

AVIAND Deis diversas voutas, ed in * bleras manieras favlâ ünsacura anticamaing als babuns tras ils profets,

* Num. 12, 6. 8.

2. Schi favlet el in quaiста * ultims dis a nus tras *seis* figl, il qual el † ha constitui ertavel d' ogni chosa; ** tras il qual el eir ha fat il muond,

* Gal. 4, 4. † Ps. 2, 8. ** Gioan. 1, 3.

3. Il qual, essendo la splendur da sia gloria, e l' imagna da sia essenza, e, * portand tuottas chosas col pled

da sia potenza; davo avair fat a sai stess la purgaziun da noss puchats, † s' ha tshantà dalla vart dretta della majestà nels lous ils plü ots;

* Ap. 4, 11. † Ps. 110, 1.

4. Essendo fat per tant superiur als angels, quant ün plü excellent nom el ha ertâ * co quels.

* Ef. 1, 21.

5. Perche, a qual dels angels ha el mâ dit: * Tü est meis figl, hoz t' ha eu generâ? E darcheu: † Eu vegn ad esser seis bap, ed el vain ad esser meis figl.

* Ps. 2, 7. † 2 Sam. 7, 14.

6. Ed eir, cur el introdüa il * primogenit nel muond, schi disch el: † E quel dëssan adurar tuots ils angels da Dieu.

* Rom. 8, 29. † Ps. 97, 7.

7. Ma dals angels disch el: * Il qual fa seis angels vents, e seis servaints flammes da fö.

* Ps. 104, 4.

8. Ma dal figl *disch el*: * Teis trun, o Dieu, *ais* da saimper in asaimper; il scepter da teis reginam *ais* ün scepter da giüstia;

* Ps. 45, 7.

9. Tü hast amâ giüstia, ed hast ödiâ iniquità; perquai Deis, teis Deis, t' ha onschü con öli da leidezza, da plü co teis compagns.

10. E: Tü, Segner, nel principi fondettast la terra, e 'ls tshels sun ouvra da teis mans!

11. Quels vegnan a perir, ma tü dmurast; els vegnan tuots a gnir vedrüschs, a guisa d' ün vestimaint,

12. E tti vainst a 'ls plajar aint sco üna vesta, e vegnan a gnir müdats; ma tü est *saimper* quel istess, teis ans non vegnan *mâ brich* a gnir almain.

13. Ed a qual dels angels ha el mâ dit: * Sezza da mia vart dretta, fin ch' eu haja miss teis inimis *per* ün schabell da teis peis?

* Ps. 110, 1.

14. Non sun els tuots spierts * serviturs, tramiss a servir, per amur da quels, chi han dad ertar il salüd?

* Ps. 34, 8.

CHAP. II.

L' apostel comanda con bleras raschuns, da perseverar nella doctrina del evangeli, e mossa, perche Cristo saja dvantâ vair crastian.

PERQUAI stovain nus tant plü ans tgnair vi' allas chosas udidas, cha forse non ans fugian.

2. Perche, scha 'l pled * pronunziâ

tras ils angels füt ferm; ed ogni transgressiun e disobediencia ard-schvet giüsta recompensa,

* Act. 7, 53.

3. Schi co gnin nus a fügen, scha nus non pretschain ün usche grand salüd, il qual comanzet ad esser annunziâ dal Segner, ed ais stat confirmâ fin pro nus da quels chi l' avai-van udi?

4. * Rendand Deis a *quai* testimonianza, con signals e strangezzas, e diversas potentas ouvras, † e distribuziuns del Spiert Sanct, seguond sia voluntà?

* Marc. 16, 20. † 1 Cor. 12, 4. 7. 11.

5. Perche el non ha suottamiss ad angels il muond chi ha da gnir, * dal qual nus favlain.

* Ebr. 1, 2. 4. 8.

6. Ma alchün ha testificâ in ün lö, dschand: * Che ais il crastian, cha tü 't regordast d' el, o il figl del crastian, cha tü 'l reguardast?

* Ps. 8, 5. 6.

7. Tü l' hast per pac *temp* fat main dels angels; tü l' hast coronâ con gloria ed onur; e l' hast constitui sur las ouvras da teis mans; tü l' hast suottamiss ogni chosa suot seis peis.

8. Perche, in quai ch' el al suottamettet tuottas chosas, non ha el lasehâ inguotta, chi non al saja suottamiss. * Impero uossa non vezzain nus amo, cha tuottas chosas al sajan suottamissas.

* 1 Cor. 15, 25.

9. Ma bain vezzain nus Gesu, chi ais stat fat per pac *temp* main dels angels, coronâ con gloria ed onur, tras la passiun della mort, acio ch' el tras la grazia da Dieu insajess la mort per tuots.

10. Perche l' eira conveniaint a quel, per causa del qual, e tras il qual sun tuottas chosas, * voliand el condür blers infants pro gloria, da consacrar il princip da lur salüd tras indürar.

* Act. 3, 15.

11. Perche, * quel chi santifica, e quels chi vegnan santificats *sun* tuots dad ün; per quala causa el non as turpaja da 'ls clamar frars,

* Ebr. 10, 10. 14.

12. Dschand: * Eu vögl predgiar teis nom a meis frars; eu 't vögl psalmiar in mez la raspada.

* Ps. 22, 23. 26.

13. E darcheu: * Eu am vögl confidar in el. Ed eir: † Mera mai,

e 'ls infants, cha Deis m' ha dunâ.

* Ps. 18, 3. † Es. 8, 18.

14. Contuot, siand cha 'ls infants han part vi' a charn e sang; schi ha el medemmamaing surgni part vi allas istessas chosas; * acio ch' el tras la mort sdrüess quel, chi ha l' imperi della mort, cioè il diavel; * 1 Cor. 15, 54.

15. E deliberess tuots quels, chi per temma della mort, tuot *bur* vita eiran soggets a servitü.

16. Perche tschert, el non pensa ad angels, ma el pensa al sem d' Abraham.

17. Dinuonder el stovet dvantar in ogni chosa simil als frars; acio ch' el füss ün misericordiaivel, e fidel grand sacerdot invers Deis, per far la purgaziun dels puchats del pövel.

18. Perche, in quant ch' el istess füt tentâ, ed ha indürâ, po el sucuorrer a quels chi vegnan tentats.

CHAP. III.

L' apostel mossa, in che Mose e Cristo as sumaglian, ed in che Cristo saja bler plü grand co Mose; el exorta pro obediencia e perseveranza.

DINUONDER, frars sanets, chi eschat participaivels della vocaziun celestiala, considerai * l' apostel, e grand sacerdot da nossa profession, Gesu Cristo.

* Rom. 15, 8.

2. Chi ais fidel a quel chi l' ha constitui, seo *füt* eir * Mose, in tuot sia chasa.

* Num. 12, 7.

3. Perche, da plü granda gloria co Mose ais quaist stat salvâ degn, in quant plü granda gloria co la chasa stessa ha quel * chi l' ha fabrichada.

* Zac. 6, 12.

4. Perche ogni chasa vain fabrichada da qualehün; ma quel chi ha fabrichâ tuottas chosas *ais* Dieu.

5. E Mose *füt* bain fidel in tuot sia chasa, seo servaint, a testimoni-anza dellas chosas chi dovaivan gnir dittas;

6. Ma Cristo, seo figl sur sia chasa, * la chasa del qual eschan nus, scha pür nus tgnain ferm fin alla fin la fidanza, e la gloria della spranza. * 1 Cor. 3, 16.

7. Perquai, seo disch il Spiert Sanct: * Hoz, scha vus udis sia vusch,

* Ps. 95, 7.

8. Schi non indüri voss cours, seo

nella gritta, sül di del tentamaint nel desert,

9. Ingio voss babuns m' han tentâ, m' han provâ, e pür vezzettan els mias ouvras, il spazi da quarant' ans.

10. Perquai gnit eu grit stin quella generaziun, e dschet: Saimper van els ad errur col cour; eir non han els cognoschü mias vias;

11. Tal ch' eu güret in mi' ira: Els *mâ* non intreran in meis repos.

12. Guardai, frars, cha non saja forza in alchün da vus ün cour mal d' incredulità, a's retrar dal Deis vivaint;

13. Anzi s'exortai l'ün l'oter minchadi, infin cha vain dit quaist hoz, acio ch' ingün da vus non vegna indüri tras ingian del pucha;

14. Perche nus eschan fâts participabels da Cristo, scha pür nus tgnain ferm fin alla fin il prüm fondamaint;

15. Intant cha'ns vain dit: Hoz, scha vus udis sia vusch, schi non indüri voss cours, seo nella gritta;

16. Perche alchüns, l'aviand udida, *el* grittantettan; ma bricha tuots quels chi eiran gnüts our d'Egipto, *manats* da Mose.

17. Ma, conter quals as grittantet el il spazi da quarant' ans? Na conter quels chi pechettan, * ils corps dels quals crodettan nel desert?

* Num. 14, 22. 29. 31.

18. Ed a quals * güret el, cha non gnissan ad intrar in seis repos, oter co a quels increduls?

* Num. 14, 30.

19. E nus vezzain ch' els non podettan *qua* intrar per l' incredulità.

CHAP. IV.

Exortaziun da perseverar nella cretta, acio non vegnan serrats our dal etern repos. Mossa eir, che virtù il pled da Dieu haja, e cha Cristo saja il grand sacerdot.

TMAIN dimena, daspö cha reista l'impromissiu d'intrar in seis repos, cha forza alchün da vus non para esser stat inavo.

2. Perche l'ais evangelizâ a nus, seo a quels; ma il pled della predgia non güdet ad els inguotta, non siand uni nella cretta da quels, chi l'avaivan udi.

3. Perche nus intrain nel repos, * chi avain cret, seo el dschet: Tal

ch'eu güret in mi' ira, ch'els *mâ brich'* intreran in meis repos, combain las *ouvras da Dieu* finidas dal fondamaint del muond innan. * Ps. 95, 11.

4. Perche el disch in ün lö dal settavel di: * E Deis reposet al settavel di da tuot sias *ouvras*. * Gen. 2, 2.

5. Ed in quaiet lö eir: Ch'els *mâ brich'* intreran in meis repos.

6. Contuot, daspö cha reista, ch'alchüns intran in quel, e quels, als quals füt il prüm evangelizâ, per incredulità non intrettan *qua*,

7. Schi determinesch'el denovo ün di: Hoz, in David, dschand davo tant temp, sco l'ais stat dit: Hoz, scha vus udis sia vusch, schi non indüri voss cours;

8. Perche, scha Giosua ils avess miss nel repos, schi non gniss *Deis* davo quai ad avair favlâ d'ün oter di.

9. Contuot schi reista ün repos da sabbat al pövel da Dieu;

10. Perche quel chi *ais* intrat nel repos da quel, ha reposâ eir el da sias lavurs, sco Deis dallas sias.

11. Mettain stüdi dimena d'intrar in quel repos, acio ch'ingün non crouda nel medem exaimpel d'incredulità.

12. Perche'l pled da Dieu * *ais* viv, e vigoros, e bler plü tagliaint co qualunque spada chi taglia d'amenduos varts; e tenscha fin alla spartida dell'orma e del spiert, e dellas listiras e dels nizguogls; † ed *ais* ün güdisch dels impissamaints, e dellas intenziuns del cour.

* 2 Cor. 10, 4. 5. † 1 Cor. 14, 24.

13. Ed ingüna creatüra non ais zopada avant el; anzi tuottas chosas *sun* nüdas, e scovertas avant ils ögls da quel, dal qual nus favlain.

14. Aviaand nus dimena * ün grand presura da sacerdots, chi ais intrat nels tshels, Gesu, il figl da Dieu, schi tgnain ferma la confessiun;

* Ebr. 3, 1.

15. Perche * nus non avain ün grand sacerdot, chi non possa compatir a nossas infirmitats; anzi ün, chi † ais stat tentâ in ogni chosa sco nus, *ma* sainza pucha. * Ebr. 2, 18. † Luc. 22, 28.

16. * Ans approssmain dimena con confidanza al trun della grazia, acio

cha nus obtegnan misericordia, e chattan grazia per avair succuors a dret temp. * Ef. 2, 18.

CHAP. V.

L'apostel metta nan, cha Cristo saja il vair sacerdot, e reprenda 'ls Ebreers, chi non inlegiaivan ils prüms fondamaints della cretta.

PERCHE ogni grand sacerdot, tut our dalla gliend, * vain constitui per ils crastians, in quai *chi han da far* invers Deis, acio ch'el offerra offertas e sacrificis per ils puchats,

* Ebr. 8, 3.

2. Podiaand avair conveniainta compassiun dels ignorants, e quels chi van ad errur, siand eir el ais circon-dat con infirmità;

3. * E per quella ais el obliâ d'offerir *sacrificis* per ils puchats, tant per sai stess, co per il pövel. * Lev. 9, 7.

4. Ed ingün non as piglia *da sai stess* quell' onur; ma siand clamâ da Dieu, * sco Aaron. * Ex. 28, 1.

5. Üsche eir Cristo non s' ha glorificâ sai stess, per esser fat grand sacerdot; ma *quel l' ha glorificâ*, chi l' ha dit: * Tü est meis figl, hoz t' ha eu generâ. * Ps. 2, 7.

6. Sco ch'el disch eir utro: * Tü est sacerdot in eterno, seguond l' uorden da Melchisedec. * Ps. 110, 4.

7. Il qual nels dis da sia charn, aviaand * con grand bragizi e larmas offeri oraziuns, e supplicaziuns a quel, ch' il podaiva salvar dalla mort; ed, essendo stat exodi, *ais deliberâ* dalla temma; * Matt. 26, 39, 42. 44.

8. Combain ch'el ais figl, schi pür dallas chosas ch'el indüret imprendet el l'obediencia;

9. E, * siand perfet in santità, ais el dvantâ l' autor del salüd etern a tuots quels chi l' obedeschan,

* Ebr. 2, 10.

10. Gnand nomnâ da Dieu grand sacerdot, seguond l' uorden da Melchisedec.

11. Da quaiet avain nus da dir bleras chosas, e fadiusas a declarar, perche vus eschat dvantats tardants d'uraglia,

12. Perche là, ingio vus dovessat esser magisters, a motiv del temp, schi avais danöv bsögn cha's mos-san, quals *sajan* ils prüms elemaints

dellas revelaziuns da Dieu; ed eschat d'vantats tals, cha vus avais bsögn * da lat, e bricha da spaisa ferma; * 1 Cor. 3, 1. 2.

13. Perche, scodün chi üsa il lat, non ais amo perit del pled della güstia; * perche l'ais ün infant; * 1 Cor. 14, 20.

14. Ma la spaisa ferma ais per ils complits, ils quals per l'adüs han ils sentimaints exercitats, a discern il bön e'l mal.

CHAP. VI.

L'apostel exorta ils Ebreers, d'ir inavant nella cretta cristiana, mossand, cha dal spredsch da quella 's po erodar nel pucha conter il Spiert S., e cufforta quels chi persevereschan in quella.

PERQUAI, laschand d'vart il pled dels principis nella doctrina da Cristo, schi tendain alla perfecziun, bricha mettand darcheu il fondamaint della penitenza dad ouvras mortas, e della cretta in Dieu;

2. E della doctrina dels battaisems, e dell'imposiziun dels mans, e della resistanza dels morts, e del etern güdizi.

3. E quai volain nus far, scha Deis permetta.

4. Perche, * l'ais impossibel cha quels chi sun stats üna vouta illüminats, e chi han insajâ † il dun celestial, e sun stats participabels del Spiert Sanct, * Matt. 12, 31, 32. † Gioan. 4, 10.

5. Ed han insajâ il bel pled da Dieu, e las forzas del muond ventur,

6. Sch'els croudän, cha vegnan darcheu renovats pro penitenza, in quai ch'els danöv crucifichan a sai sves il figl da Dieu, e'l fan giamgias.

7. Perche la terra, chi baiva la plövgia chi vain suvent sur quella, e prodüa erba grata a quels, dals quals ella eir vain coltivada, ard-schaiva benedicziun da Dieu;

8. Ma, sch'ella porta spinas, e char-duns, schi vain ella reprobada, e vicina a maledicziun; la fin della quala ais da gnir arsa.

9. Ma, chars, nus ans persvadain da vus da chosas plü bunas, e chi tendan al salüd; combain cha nus favlain in quaista maniera;

10. Perche Deis * non ais ingüst, per smanchar voss'ouvra, e la fadia da charità, cha vus avais demossâ

invers seis nom, aviand servi, e servind amo als sancts. * Rom. 3, 4.

11. Ma nus desiderain, cha scodün da vus demossa il medem stüdi, per la plaina tschertezza della spranza fin alla fin;

12. Acio cha vus non vegnat pajers; anzi sgondat a quels, chi tras cretta e pazienza ertan las impromissiuns.

13. Perche, fand Deis las impromissiuns ad Abraham, non podiand gütrar tras alchün pü grand, schi * güret el tras sai stess, * Gen. 22, 16. 17.

14. Dschand: Tschert, eu 't vögl benedir, e't vögl multiplichar grandamain.

15. Ed usche, aviand spettâ con pazienza, obtgnet el l'impromissiun.

16. Perche, crastians gütran tras ün plü grand, ed il saramaint ais ad els per verificaziun il term d'ogni controversa;

17. Seguond il qual, voliand Deis tant plü bain demossar als ertavels dell'impromissiun, co saja immutabel seis cossagl, schi ais el intercedü con ün saramaint;

18. Acio cha, tras duos chosas immutablas, nellas qualas ais impossibel, cha Deis haja menti, nus hajan ferma consolaziun, chi eschan refügets, per obtgnair la spranza posta;

19. La quala nus avain, a guisa d'ün' ancora sgüra e ferma dell'orma, e chi intra fin dadaint la cortina,

20. Ingio ais intrat per nus, sco precursor, Gesu, seguond l'uorden da Melchisedec, fat grand sacerdot in eterno.

CHAP. VII.

L'apostel mossa co Cristo saja ün sacerdot seguond l'uorden da Melchisedec; metta eir nan, cha Cristo saja blier plü grand co 'ls sacerdots del V. T.

PERCHE * quaist Melchisedec, rai da Salem, sacerdot del otissem Deis; il qual gnit incunter ad Abraham, chi turnaiva dalla battaglia dels rais, e'l benedit; * Gen. 14, 18.

2. Al qual eir Abraham det per part la deschmä d'ogni chosa; e seis nom il prüm vain interpretâ: Rai da güstia, e lura eir: Rai da Salem, cioè, rai da pasch;

3. Sainza bap, sainza mamma, sainza genealogia, non aviand ne principi da dis, ne fin da vita; anzi fat simil al figl da Dieu, reista sacerdot in perpetuo.

4. Considerai quant grand *ais* quai, al qual * Abraham, il patriarc, det la deschema dels butins. * Gen. 14, 20.

5. Ma quels, our dals figls da Levi, ils quals obtgnettan il sacerdotadi, han bain il comand, seguond la ledscha, da tour la deschema dal pövel, cioè, da lur frars, combain derivan dals flanes d' Abraham;

6. Ma quel, chi non traiva sia schlatta dad els, ha tut deschema dad Abraham, e benedit * quel chi avaiva las impromissions.

* Rom. 4, 13.

7. Ma, sainz' alehtina contradicziun, quel chi ais plü bass vain benedi da quel chi ais plü excellent.

8. Ultra quai, qui piglian las deschemas crastians mortals; ma là *las piglia* quel, dal qual ais testifichâ ch' el viva.

9. E, per usche dir, in Abraham ha dat deschema Levi stess, chi piglia las deschemas;

10. Perche el eira amo nels flanes del bap, cur Melchisedec l' inson-tret.

11. Scha dimena il complimaint eira possibel tras il sacerdotadi levitic, (perche suot quel füt dat la ledscha al pövel), schi che faiva plü bsögn, cha alvess sü ün oter sacerdot, seguond l' uorden da Melchisedec, chi non gniss nominâ seguond l' uorden d' Aaron?

12. Perche, gniand müdâ il sacerdotadi, schi da necessitâ intra eir müdada da ledscha.

13. In fat quel, a regard del qual sun dittas quaiastas chosas, ais stat d' ün' otra schlatta, dalla quala ingün *mâ* non ha servi al utêr;

14. Perche l' *ais* cler, cha nos Segner * ais gnü da Giuda, e da quella schlatta Mose non disch inguotta da sacerdotadi. * Matt. 1, 3.

15. E quai ais eir amo plü manifest, scha leiva sü ün oter sacerdot alla sumgenscha da Melchisedec,

16. Il qual bricha seguond la led-

scha d' ün comand charnal ais stat fat *sacerdot*, ma seguond la pussanza d' üna vita immortala;

17. Perche el testificha: * Tü *est* sacerdot in eterno, seguond l' uorden da Melchisedec. * Ps. 110, 4.

18. Usche vain il comandamaint precedaint annullâ, per sia * deblezza, ed ingün nüz, * Gal. 4, 9.

19. Perche la ledscha non ha compli inguotta; ma *bainschi* l' introducziun d' üna meldra spranza, tras la quala * nus ans approssmain a Dieu; * Ef. 2, 18.

20. *Ed eir*, in quant *cha quai* non s' ha fat sainza saramaint; perche quels sun stats fats sacerdots sainza güramaint,

21. Ma quai, con güramaint, tras quel chi disch: * Il Segner ha gürâ, e non vain as impentir: Tü *est* sacerdot in eterno, seguond l' uorden da Melchisedec. * Ps. 110, 4.

22. Per tant * ais Gesu stat fat süertâ d' üna lia plü excellenta.

* Ebr. 8, 6.

23. Ultra quai, quels sun stats fats sacerdots plü *in blers*; perche tras la mort gnivan els impediti a perdütar;

24. Ma quai, siand ch' el dmura in eterno, schi ha el ün sacerdotadi, chi non passa via sü ün oter;

25. Dinuonder el eir po plaina-maing salvar quels, ils quals tras el s' approsman a Dieu, vivand saim-per * per interceder per els.

* Rom. 8, 34.

26. Perche ans convgniva d' avair ün tal grand sacerdot, *chi füss* sanct, innozaint, sainza macla, separâ our dals pechadurs, ed adozâ sur ils tschels;

27. Il qual non haja bsögn imminchadi seo quels grands sacerdots, d' offerir sacrificizis, il prüm per seis propriis puchats, e lura per quels del pövel; perche el ha fat quai in üna vouta, aviand offeri sü sai stess.

28. La ledscha constituescha grands sacerdots * crastians, chi han infirmitats; ma il pled del saramaint, fat davo la ledscha, *constituescha* il figl, chi ais perfet in santità in eterno.

* Ebr. 5, 1. 2.

CHAP. VIII.

L'apostel mossa, cha las ceremonias e 'ls sacerdots del V. T. sajan stat figüras sün Cristo, il qual, siand gnü, haja 'l alvâ via las otras chosas.

MA il principal puonch, nellas chosass sudettas, ais, cha nus avain ün tal grand sacerdot, il qual s' ha tshantâ dalla vart dretta del trun della majestâ, nels tshels;

2. Minister del * santuari, e del vair tabernacul, il qual il Segner ha drizzâ sù, e brich' ün crastian;

* Ebr. 9, 8. 12. 24.

3. Perche ogni * grand sacerdot ais constitui per offerir duns e sacrificis, dinuonder l' ais necessari, cha quaist eir haja qualchosa d' offerir. * Ebr. 5, 1.

4. Perche, sch' el füss sün terra, schi non füss el sacerdot, essendo qua eir sacerdots, chi offerran las offertas seguond la ledscha,

5. Ils quals servan all' imagina e sumbriva dellas chosas celestias; seo füt dit da Dieu a Mose, cur el eira per complir a fabbricar il tabernacul: * Ma guarda, disch el, cha tti fetschast ogni chosa seguond la norma, chi t' ais stat mossada sül munt;

* Ex. 25, 40.

6. Ma uossa *Cristo* * ha obtgnü ün tant plü excellent ministeri, quant ch' el ais mediatur d' üna meldra lia, fermada sün meldras impromissiuns.

* Ebr. 7, 22.

7. Perche, scha quella prüma füss statta sainza defet, schi non gniss tscherchâ lö ad üna seguonda.

8. Perche *Deis*, s' almantand, disch ad els: * Mera, ils dis vegnan, disch il Segner, ch' eu vögl fermar con la chasa d' Israel, e con la chasa da Giuda üna lia nouva,

* Ger. 31, 31.

9. Bricha seguond la lia, ch' eu fet con lur babuns al di, ch' eu ils piglet per il man, per ils trar our dal pajais d' Egipto; perche els non han perseverâ in mia lia, ed eu ils ha rebüt-tats, disch il Segner;

10. Ma quaista sarâ la lia, ch' eu vegn a far con la chasa d' Israel, davo quels dis, disch il Segner: Eu vögl metter mias ledschas in lur sen, e las vögl scriver in lur cour, e vögl esser lur Dieu, e quels saran meis pövel.

11. Ed els non vegnan plü a mos-sar scodün seis prossem, e scodün seis frar, dschand: Cognoscha il Segner; perche tuots vegnan am cognoscher, dal minim fin al plü grand d' els.

12. Perche eu vegn ad esser misericordiaivel a lur iniquitats, e non vögl plü regordar da lur puchats, e da lur misfats.

13. Vain tshantschâ d' üna nouva lia, schi ha 'l declarâ veglia la prüma; ma quai chi ais vegl e vedrüsich, ais vicin a svanir.

CHAP. IX.

L'apostel declera plünavant, cha 'l sacerdotadi da Cristo saja da plü del levitic. El mossa, cha Cristo saja offeri sù per pajar per noss puchats, e ch' el rova per nus in tshel, e vegna a turnar l' otra vouta.

LA prüma lia dimena avaiva eir ella ordinaziuns del servezzen divin, e 'l santuari mundan;

2. Perche ün tabernacul eira fabbrichâ, il prüm, nel qual eira il chandellêr, e la maisa, e * la presentaziun dels pans; il qual vain dit il lö sanet;

* Ex. 25, 30.

3. E, davo la seguonda cortina, eira il tabernacul, dit: Il lö santissem,

4. Ingio eira l' incensari d' or, e l' archa della lia, cuvernada con or da pertuot intuorn; nella quala eira eir * il vaschê d' or, con laint la manna; † e la dsermüglianta percha d' Aaron; ** e las tablas della lia.

* Exod. 16, 34. † Num. 17, 10. ** Exod. 25, 21.

5. E, sur quell' archa, ils cherubins della gloria, chi sursumbrivaivan il propiziatorio; da qualas chosas non ais uossa da favlar in spezial.

6. Quaistas chosas sun dispostas in tala maniera, e qua intran bain ils sacerdots d' ogni temp nel prüm tabernacul, a funzionar nel servezzen divin;

7. Ma sulet il grand sacerdot intra nel seguond üna vouta l' an, na sainza sang, il qual el offera per seis, e per ils errurs del pövel.

8. * Il Spiert Sanct declera quaist, cha la via del santissem non saja amo manifestada, intant cha 'l prüm tabernacul ais amo in seis stadi;

* Ebr. 10, 19. 20.

9. Il qual *ais* üna figüra *corresponenta* al temp presaint, nel qual s' offerra offertas e sacrificizis, chi non pon plainamaing purifichar, quant alla coscienza, quel chi fa il servezzen;

10. *Essendo chosas, chi consistan solum in spaisas, e bavrandas, ed in da blera sort lavandas, ed ordinaziuns charnalas, missas sü fin al temp della correcziun.*

11. Ma, essendo apparü Cristo, grand sacerdot dels bains venturs, schi get el tras ün tabernacul chi ais plü grand, e plü perfet, bricha fat con man, cioè bricha da quaista creaziun;

12. E bricha tras sang da boes, e da vadels; ma tras seis propri sang intret el üna vouta nel santissem, ans acquistand üna redemziun eterna.

13. Perche, * scha 'l sang dels tors, e dels boes; e † la tschendra da trimma, spansa sur ils impalats, ils santifica pro la nettischa dalla charn;

* Lev. 16, 14. 16. † Num. 19, 2.

14. Quant plü vain il sang da Cristo, il qual tras il Spiert etern ha offeri saissvess, net d' ogni cuolpa a Dieu, a purifichar vossa coscienza dallas ouvras mortas, per servir al Deis vivaint!

15. E perquai ais el ün mediatur della nouva lia; acio cha, essendo intervgnüda la mort per pajamaint dels surpassamaints, *fats* suot la prüma lia, ils clamats ardschaivan l' impromissiu dell' eterna ierta.

16. Perche, ingio l' *ais* ün testamaint, schi *aise* necessari, cha intervegna la mort da quel, chi ha fat il testamaint;

17. Perche il testamaint *ais* ferm davo la mort; siand ch' el non vala amointant cha quel, chi l' ha fat, viva.

18. Dinuonder neir la dedicaziun della prüma lia non füt fatta sainza sang.

19. Perche, davo cha tuots ils comandamaints nella ledscha fütan da Mose pronunziats a tuot il pövel, * schi piglet el il sang dels vadels, e dels boes con aua e lana titta in scharlatta, ed isop, e sprinzlet el eudesch svess, e tuot il pövel, * Ex. 24, 5, 6.

20. Dschand: Quai *ais* il sang della lia, cha Deis ha ordinä per vus.

21. Medemmamaing eir con quel sang * sprinzlet el il tabernacul, e tuot l' üsaglia del servezzen divin.

* Exod. 29, 36.

22. E bunamaing ogni chosa vain purifichada con sang, seguond la ledscha; e * sainza spander sang non dvainta remissiu.

* Lev. 17, 11.

23. L' *eira* dimena necessari, cha las chosas, chi represaint quellas in tschel, gnissan purifichadas con da quaistas; ma las celestias stess con sacrificizis plü excellents co quels;

24. Perche Cristo non ais intrat in ün santuari fat con man, chi ais la figüra del vair, ma nel tschel svess, * per comparair uossa per nus avant la fatscha da Dieu.

* Rom. 8, 34.

25. E neir acio ch' el plüs voutas offera sai stess, seo il grand sacerdot intra ogni an *üna vouta* nel santuari con sang eister;

26. (Uschigliö avess el stovü indürar plüs voutas dalla fondaziun del muond innan;) ma uossa ais el appartü, üna vouta, nel complimaint del muond, per annullar il pucha tras il sacrifici da sai svess.

27. E, seo als crastians soprasta da morir üna vouta, e davo quai il gütizi,

28. Usche eir Cristo, * essendo stat offeri sü üna vouta, per alvar via ils puchats † da blers; vain la seguonda vouta a comparair sainza pucha pro 'l salüd a quels ch' il spettan gñand.

* Rom. 6, 10. † Matt. 26, 28.

CHAP. X.

L' apostel mossa, cha tuottas offertas del V. T. sajan annulladas tras l' offerta da Cristo; e comanda als Ebreers da perseverar nella cretta e bunas ouvras.

PERCHE la ledscha, * aviand *solum* la sumbriva dels bains chi han da gnir, e na l' imagna viva svess dellas chosas, non po mä bricha tras quels sacrificizis, *chi sun* ils istess ogni an, ils quals vegnan da contin offerits, tuot santifichar quels chi van via pro;

* Col. 2, 17.

2. Uschigliö füss interlaschä da 'ls offerir; perche quels chi fan il servezzen divin, essendo üna vouta

purificats, non gnissan ad avair plü alehtina conscienza dels puchats.

3. Ma in quels *as fa* ogni an üna regordanza dels puchats;

4. Perche l' ais impossibel, cha 'l sang da tors, e da boes piglia via ils puchats.

5. Perquai, intrand nel muond, disch el: * Tü non hast voglù sacrifici, ne offerta; ma tü m' hast apparechâ ün corp; * Ps. 40, 7.

6. Tü non hast gnü ingün plaschair vi ad olocausts, e sacrificis per il pucha.

7. Lura ha eu dit: Mera, eu vegn; l' ais scrit da mai nel chapitel del eudesch: *Eu vegn* per far, o Dieu, tia voluntà.

8. Aviad dit viavant: Tü non hast voglù, ne hast gnü plaschair da sacrifici, ne d' offerta, ne d' olocausts, ne da *sacrifici* per il pucha, ils quals s' offerran seguond la ledscha;

9. Lura ha 'l dit: Mera, eu vegn per far, o Dieu, tia voluntà. El piglia via usche il prüm, per stabilir il seguond;

10. E tras quaista voluntà eschan nus santificats, tras l' offerta del corp da Gesu Cristo, *fatta* in üna vouta.

11. Ultra quai, ogni sacerdot ais in pèminchadi, administrand ed offerind bleras voutas ils medems sacrificis, ils quals mâ non pon tour via ils puchats;

12. Ma quel, aviad offeri ün sulet sacrifici per ils puchats, s' ha tschantâ in perpetuo alla dretta vart da Dieu.

13. Nel reist, spettand fin cha seis inimis vegnan miss *per* schabell da seis peis.

14. Perche, tras üna suletta offerta, ha el in perpetuo plainamaing purificâ quels, chi vegnan santificats.

15. Ma eir il Spiert Sanct ans testifica *quai*; perche, davo avair dit viavant:

16. * Quaiſt' *ais* la lia, ch' eu vögl far con els davo quels dis, disch il Segner: Eu vögl metter mias led-schas in lur cours, e las vögl scriver in lur sens; * Ger. 31, 33.

17. E non am vögl regordar plü da lur puchats, ne da lur iniquitats.

18. Ma, ingio l' *ais* remissiu da quaists, *qua* non *ais* neir plü offerta per il pucha.

19. Aviad nus dimena, frars, libertà d' intrar nel santuari in virtù del sang da Gesu,

20. *Chi ais* la via nouva e viva, la quala el ans ha dedichâ tras la cortina, cioè, tras sia charn,

21. Ed ün grand sacerdot sur la chasa da Dieu;

22. Ans approssmain via con ün cour sincêr, in plaina tschertezza della cretta, aviad ils cours sprinzlats, e *nets* da mala conscienza, e 'l corp lavâ con aua netta,

23. E tgnain ferm la confessiun da *nossa* spranza; perche * fidel *ais* quel chi ha fat las impromissius;

* 1 Cor. 1, 9.

24. Ed hajans chüra l' ün del oter, per ans moventar pro charità e bunas ouvras;

25. Non bandunain *nossa* comüna raspada, seo ais üsanza da qualchüns, ma ans exortain l' ün l' oter, * e tant plü, cha vus vezzais s' approssmar il di.

* Rom. 13, 11.

26. Perche, scha nus pechain voluntariamang, davo avair ardschvü la cogniziun della vardà, schi non ans reista plü ingün sacrifici per il pucha;

27. Ma üna spaventabl' aspettaziun del güdizi, * ed ün arder da fö, chi vain a consümar ils adversaris.

* Ezech. 36, 5.

28. Sch' alehtün ha ruot la ledscha da Mose, schi mour' el sainza misericordia, sül *dir* da duos, o trais per düttas;

29. Da quant plü greiv supplizi, stimals vus, sarà degn quel, chi averà traplá suot ils peis il figl da Dieu, ed averà tgnü * per chosa malnetta il sang della lia, tras il qual l' ais stat santificâ; ed averà ingiuriâ il Spiert della grazia?

* 1 Cor. 11, 29.

30. Perche nus savain, chi ais quel chi ha dit: A mai *appertain* la vendetta, eu vögl render, disch il Segner. Ed utro: Il Segner güdicherà seis pövel;

31. L' *ais* üna spaventabla chosa erodar nels mans del Deis vivaint!

32. Ma as regordai dels * dis del prüm, nels quals, davo esser stats illuminats, vus avais sustgnü granda combatta da patimaints; * Gal. 3, 4.

33. In part, siand vus miss in spectacul tras vituperi, e tribulaziuns; in part eir, essendo vus fats compagns da quels, chi eiran in tal stadi;

34. Perche vus avais eir indürâ con mai in meis liams, e soffert con * allegrezza, cha sdrappettan vossas rabas; saviand d' avair üna † sustanza nels tshels, chi ais meldra, e chi reista. * Act. 5, 41. † Matt. 6, 20.

35. Contuot, non büttai via vossa libertà, la quala ha granda remunera-ziun,

36. Perche vus avais bsögn da pazienza; acio cha vus, aviand fat la voluntà da Dieu, obtegnat l' impromissiu.

37. Perche da qui a bain pac temp, „vain a gnir quel * chi dess gnir e non intarderà.“ * Ab. 2, 3. 4.

38. Ed „il güst vain a viver tras cretta; ma, sch' el as retira d'avent, schi non vain m' orma ad avair in-гүйn plaschair vi ad el.“

39. Ma nus non eschan tals, da 'ns trar d'avent, pro la perdiziun; ma da crair, a guadagn dell' orma.

CHAP. XI.

L'apostel mossa, che la cretta saja, e che virtù ch' ell' haja con blers exaimpels dels vegls.

MA la cretta ais üna ferma sgü-rezza da chosas, ch' ün spranzescha; üna demonstraziun da chosas ch' ün non vezza.

2. Perche tras quella füt dat testimonianza als vegls.

3. Tras cretta inlegiain nus, * cha 'l muond saja fat tras il pled da Dieu; da sort, cha las chosas chi 's vezza non sun fattas our da chosas apparentas. * Gen. 1, 1.

4. Tras cretta * Abel offerit a Dieu ün sacrifici plü excellent co Cain; tras quella füt testifichâ, ch' el saja güst, dand Deis testimonianza causasias offertas; e tras quella, amo davo esser mort, tshantsch' el. * Gen. 4, 4.

5. Tras cretta * Enoch füt transportâ, per non vair la mort, e non füt chattâ; perche Deis l' avaiva transportâ. Perche, ant ch' el gniss

transportâ, al eira testimoniâ, ch' el avess plaschü a Dieu. * Gen. 5, 24.

6. Ma, sainza cretta ais impossibel a 'l plaschair; perche quel chi s' approsma vi a Dieu sto crair, ch' el saja, e ch' el saja premiatur a quels chi 'l tscherechan.

7. Tras cretta * Noè, siand divina-maing admoni dallas chosas, ch' amo non as vezzaiva, tmet Dieu e fabri-chet per salvamaint da sia famiglia l' archa, tras la quala el condannet il muond, e füt fat ertavel della güstia, *chi ais* seguond la cretta. * Gen. 6, 13.

8. Tras cretta * Abraham, essendo clamâ, obedit, per ir al lö, ch' el avaiva d' ardschaiver per ierta, e 's partit, non saviand ingio el gess. * Gen. 12, 1.

9. Tras cretta Abraham dmuret nel pajais dell' impromissiu, seo in *pajais* eister, abitant in tendas, con Isac e Giacob, ils conertavels dell' istessa impromissiu.

10. Perche el * spettaiva sün la città, chi ha ils fondamaints; e 'l maister della quala, e fabrichadur *ais* Deis. * Ebr. 12, 22.

11. Tras cretta eir * Sara svess ardschvet forza da fondar descendenza, e parturit ourdvard d' età; perche ella salvet per fidâ quel, chi avaiva fat l' impromissiu. * Gen. 17, 19.

12. Perquai eir dad ün, e quel agiâ * mez mort, sun nasehüts, in quantità seo las stailas del tshel, e seo 'l sablun innumerabel, chi *ais* sper la riva del mâr. * Rom. 4, 19.

13. Nella cretta sun morts tuots quaists, non aviand ardschvü las chosas impromissas; ma, las aviand visas da lontan, e las crajand, e salü-dand, ed aviand confessâ, ch' els sajan forestêrs e pellegrins sün terra;

14. Ma quels chi dischan tal demossan, ch' els tscherechan üna patria.

15. E, sch' els pür as regordaivan da quella, dinuonder els eiran gnüts oura, schi avaivan els bain temp da returnar darcheu.

16. Ma uossa desidereschan els üna meldra, cioè la celestiala. Perquai Deis non as turpaja d' els, da gnir clamâ lur Dieu; siand ch' el ha pre-parâ ad els üna città.

17. Tras cretta * Abraham, essendo provâ, offerit Isac, e quel chi avaiava ardschvü l'impromissiu offerit seis unigenit;

* Gen. 22, 1. 9.

18. *El, di eu*, al qual eira stat dit: * Vi ad Isac vain tia descendenza a gnir nominada;

* Gen. 21, 12.

19. Ed el faiva quint, cha Deis *füss* potaint; da'l sdasdar eir sü dals morts; dinuonder el eir a sumgenscha l'ha surgni.

20. Tras cretta * circa chosas chi dovaivan dvantar Isac benedit Jacob ed Esau.

* Gen. 27, 27. 39.

21. Tras cretta * Jacob, morind, benedit scodün dels figls da Giosef, ed aduret, *siand pozâ* sün la sommità da seis bastun.

* Gen. 48, 5. 16. 20.

22. Tras cretta * Giosef, trapasand, fet menziun del trar oura dels infants d'Israel, e det uorden davart si' ossa.

* Gen. 50, 24.

23. Tras cretta * Mose, siand nasschü, füt zoppâ da seis bap e da sia mamma, il spazi da trais mais; perche els vezzaivan l'infant bel, e non tmettan il † comand del rai.

* Ex. 2, 2. † Ex. 1, 22.

24. Tras cretta * Mose, essendo gnü grand, non volet esser clamâ figl della figlia da Farao;

* Ex. 2, 10. 11.

25. Pigliand letta, ant da gnir afflit con il pövel da Dieu, co d'avair per cuort temp dalet del pucha;

26. Stimand il vituperi da Cristo üna ricchezza plü granda, co 'ls tesoris d'Egipto; perche el guardai-va via sün la remuneraziun.

27. Tras cretta * bandunet el l'Egipto; sainza temma dell'ira del rai; perche el stet constant, sco veziand l'invisibel.

* Ex. 10, 28. 29.

28. Tras cretta * fet el la pasqua, e l'aspersiun del sang; acio cha quel chi desdrüaiva ils primogenits non toccess ils *Ebreers*.

* Ex. 12, 21. 22.

29. Tras cretta * passettan els il mâr cotschen, sco sün il süt; il medem provettan a far ils Egipters, e füttan najantats.

* Ex. 14, 22.

30. Tras cretta * crodet la müraglia da Gerico, siand circondatta set dis.

* Gios. 6, 20.

31. Tras cretta Rahab, la pitana, non perit con ils increduls; * siand raspet aint ils spiuns in pasch;

* Gios. 2, 1.

32. E che dess eu dir plü? Bain gniss am mancar il temp, sch'eu voless requintar * da Gedeon, † Barac, e * da Samson, e †† da Geste; da *** David, e da ††† Samuel, e dals profets;

* Güd. 6, 11. † Güd. 4, 6. ** Güd. 13, 24.

†† Güd. 11, 1. *** 1 Sam. 16, 13. ††† 1 Sam. 1, 20.

33. Ils quals tras cretta venschettan reginams, operettan güstia, obtgnettan impromissiuns, * züglettan las boccas dels leuns.

* Güd. 14, 5.

34. * Stüzettan la forza del fö, scampettan dal tagliaint dellas spadas, † guarittan d'infirmittas, dvantettan fermis in guerra, fügiantettan ils champs dad eisters *inimis*.

* Dan. 3, 25. † 2 Reg. 20, 7.

35. * Donans surgnittan tras la restüanza lur morts; ed oters füttan miss a mort con martuoiri, non accettand els deliberaziun, acio ch'els obtgnessan üna meldra restüanza.

* 1 Reg. 17, 22.

36. Oters eir provettan giamgias, e flagells; sco eir liams e preschun;

37. Gnittan accrappats, resgiats, tentats, morittan mazzats dalla spada, gettan intuorn in pels da bescha e da chavras; bsögnus, afflits, maltrattats,

38. (Dals quals il muond non eira degn); giaivan ad erramaint in deserts, e montagnas e speluncas, e nellas chavorgias della terra.

39. E pür tuots quaiats, aviand la * testimonianza tras la cretta, non obtgnettann l'impromissiu,

* Ebr. 11, 2.

40. Aviand Deis per nus provedü a qualchosa da megl, acio ch'els non gnissan al complimaint sainza nus.

CHAP. XII.

L'apostel exorta ils Ebreers a pazienza, cristiana charità, castità, pietà, e ch'els non sbüttan il pled da Dieu.

PERQUAI eir nus, pro üna tala l'ntivla da testimonis intuorn, aviand miss giò ogni fasch, e'l pucha chi ans da impach, * schi currin con perseveranza nella combatta a nus miss' avant;

* Fil. 3, 13. 14.

2. Guardand sün Gesu, il cheu e complimaint della cretta; il qual per la leidezza, ch'el eira miss' avant, indüret la crusch, spredschand il

vituperi, e's mettet a zer dalla dretta vart del trun da Dieu.

3. Perche fat quint, *chi saja* quel, chi sustgnet üna tala contradicziun da pechadurs contra sai; acio cha vus non vegnat almain d'anim, dvantand lass.

4. Vus non avais amo contrastâ fin al sang, combattand conter il pucha,

5. Ed avais smanchâ l'exortaziun, chi's favella sco ad infants: * Meis infant, non far paca stima del chastiamaint del Segner, e non perder l'anim, cur tii vainst dad el arprais;

* Pro. 3, 11.

6. Perche il Segner chastia chi el ama, e flagella ogni infant, vi al qual el ha plaschair.

7. Scha vus sustgnais il chastiamaint, schi's presainta Deis a vus sco ad infants; perche, qual ais quel infant, cha'l bap non il chastia?

8. Scha vus dimena eschat sainza chastiamaint, dal qual tuots han gnü part, schi eschat vus bastards, e bricha infants.

9. Ultra quai, nus avain gnü ils baps da nossa charn per chastiadurs, e pür ils avain nus reverits; non ans dessan nus bler ant suottametter * al bap dels spierts, cha nus vegnan a viver?

* Num. 16, 22. Eccl. 12, 9. Es. 57, 16.

10. Perche quels per pacs dis *ans* chastiettan, sco ad els paret; ma quaist *ans chastia* ad üttel *nos*, acio cha nus dvaintan participabels da sia santità.

11. Ma ogni chastiamaint per il presaint non para esser d'allegrezza, anzi da tristezza; ma davo lura rend' el ün paschaivel früt da güstia a quels, chi tras el sun stats exercitats.

12. Perquai, drizzai dareheu sü ils mans stangels, e la snuoglia sdarlossada,

13. E fat sendas drettas a voss peis; acio cha quai chi ais zop non as sloua dafatta, anzi plütost vegna san.

14. Procurai la pasch con tuots, e la santificaziun, * sainza la quala ingün non vain a vair il Segner,

* Mat. 5, 8.

15. Aviaud chüra, ch' ingün non

crouda giò dalla grazia da Dieu; * cha ingüna ragisch amara, germigliand, non contuorbla, e tras quella blers vegnan infettats.

* Deut. 29, 18.

16. Cha ingün non *saia* pitanêr, o empi, * sco Esau, il qual per üna sula vivanda vendet seis dret da primogenitura.

* Gen. 25, 33.

17. Perche vus savais, ch' el eir davo, voliaud ertar la benedicziun, füt reprobâ; siand cha la rüglenscha, non chattet lö, combain ch' el la tscherchet con larmas.

18. Perche vus non eschat gnüts * pro'l munt, chi's po toccar col man, e pro'l fö invüdâ, e pro la tschiera, e pro la schürezza, e pro'l trabagl;

* Ex. 19, 9. 11. 16.

19. E pro'l sun della trombetta, e pro la vusch dels plets, da quala quels, chi l'udittan, * giavüschettan, cha non vegna plü tschantshâ con els;

* Ex. 20, 19.

20. Perche els non podaivan comportar quai chi eira ordinâ: * Scha pür üna bestia toccess il munt, schi dess ella gnir accrappada, o sagetada;

* Ex. 19, 13.

21. E, [tant spaventabla eira l'appariziun], Mose dschet: Eu sun tuot spaventâ, e trembl!

22. Anzi vus eschat gnüts pro'l munt Sion, e pro la città del Deis vivaint, la Gerusalem celestiale, e pro la milliêra dels angels;

23. Pro l'universala raspada, e la baselgia dels primogenits, scrìts nels tschels; e pro Dieu, il güdisch da tuots, e pro'ls spierts dels güsts perfets;

24. E pro Gesu, il * mediatuor della nouva lia, e pro'l sang dell'asperziun, chi pronunzia chosas mieldras co † *quel dad Abel*.

* Ebr. 8, 6. Ex. 24, 8. † Gen. 4, 10.

25. Guardai, cha vus non sbüttat quel chi tschantsha; perche, * scha quels non scampettan via, siand sbüttettan quel, chi tschantshaiva seis comands sün terra, quant main *nus*, scha nus ans volvain davent da quel, chi tschantsha giò da tschel? * Ebr. 2, 2.

26. La vusch del qual moventet lura la terra; ma uossa ha'l annunziâ,

dsehand: * Amo üna vouta vögl eu moventar, na solum la terra, ma eir il tsel.

* Ag. 2, 6.

27. Ma quai, amo üna vouta, manaja il * subvertimaint dellas chosas moventablas, seo siand fattas; acio cha quellas, chi non as movaintan reistan fermas.

* Ps. 102, 27.

28. Perquai, aviand nus ardschvü ün reginam, chi non po gnir moventâ, schi rendain grazia, tras quala nus servin recognoschaintamaing a Dieu, con reverenza e temma;

29. Perche * nos Deis *ais* ün fô chi consüma.

* Deut. 4, 24.

CHAP. XIII.

L' apostel dà quia bellas informaziuns quanto ils costüms ed eir la doctrina. El serra l' epistola con rovar tuot bön, e salüdar.

L'AMUR fraterna dmura *tanter vus*.

2. Non smanchai da dar gugent albiereg; perche quattras han * alchüns sainza savair albergiâ angels;

* Gen. 18, 3.

3. As regordai dels preschunêrs, seo essendo compagns da preschun; dels afflits, seo siand eir vus nel corp.

4. Il matrimuni *saja* onorific pro tuots, e 'l let immaculâ; ma ils pita-nêrs, e 'ls adulterers vain Deis a güdichar.

5. *Sajan vos* custüms sainz' avarezza, sajat containts da que ch' ais presaint; perche el svesch ha dit: * Eu non at vögl laschar, e non at vögl bandunar!

* Deut. 31, 6. 8.

6. Tal cha nus podain dir con fidanza: * Il Segner ais meis agüd, ed eu non vögl tmair quai chi 'm po far ün crastian.

* Ps. 56, 5. 12.

7. As regordai da voss conducturs, chi s' han annunziâ il pled da Dieu; considerai la fin da lur demanamaint, e seguittai lur cretta.

8. Gesu Cristo *ais* her, ed hoz l' istess, ed in eterno.

9. * Non as laschai transportar tras diversas ed eistras doctrinas; perche l' ais bön, cha 'l cour vegna stabili tras grazia e na tras vivandas; dallas qualas non han ardschvü ingün üttil quels, chi allas sun its davo. * Ef. 4, 14.

10. Nus avain ün utêr, giò dal qual non han autorità da mangiar quels chi servan al tabernacul.

11. Perche * ils corps dels animals, il sang dels quals vain portâ dal grand sacerdot nel santuari per il pucha, vegnan ars dadour il champ.

* Lev. 4, 12. 21.

12. Perquai ha eir Gesu, acio ch' el santifichess il pövel tras seis propri sang, indürâ dadour la porta.

13. Giain dimena pro el our dadour il champ, portand seis vituperi!

14. Perche * nus non avain quia üna città stabla, ma tscherchain quella chi vain a gnir.

* Ebr. 11, 10.

15. Tras el dimena offerin da contin a Dieu sacrificis da lod; cioè * il früt dels lefs, chi confessan seis nom,

* Os. 14, 2.

16. E non smanchai la beneficenza, e la comunicaziun; perche tals sacrificis sun bainplaschaivels a Dieu.

17. Obedi a voss conducturs, ed as suottamettai *ad els*; perche quels vaglian per vossas ormas, seo aviand da render quint; acio ch' els fetschan quai con allegrezza, e bricha süpürand; perche quai non as *füss* d' alchün üttil.

18. Rovai per nus; schi, nus ans confidain d' avoir üna buna conscienza, desiderand da 'ns deportar onestamaing in ogni chosa.

19. Ed in pustüt as rouv eu da far quai, acio ch' eu tant plü bod as vegna restitui.

20. Ma il Deis della pasch, chi ha turnantâ dals morts nos Segner Gesu Cristo, il grand pastur dellas nuorsas, * tras il sang della lia eterna,

* Zac. 9, 11.

21. As fetscha perfets in ogni bun' ouvra, a far sia voluntà, * operand in vus quai chi ais dachar in seis conspet tras Gesu Cristo; al qual *saja* la gloria da saimper a saimper. Amen.

* Fil. 2, 13.

22. Ma frars, comportai, eu as rouv, il raschunamaint d' exortaziun; eu s' ha eir scrit be euortamaing.

23. Sapchat, cha 'l frar Timoteo ais deliberâ; con el, sch' el vain bod, as vögl eu vair.

24. Salü dai tuots voss conducturs, e tuots ils sancts. Quels d' Italia as salüdan.

25. La grazia *saja* con vus tuots. Amen.

L' EPISTOLA CATTOLICA

DA

S. GIACOBO, APOSTEL.

CHAP. I.

S. Giacobbo cufforta incunter las persecuziuns, ed arcomanda pazienza. Mossa, cha'l mal vegna da nus, e'l bôn da Dieu, e cha's dess udir il pled da Dieu, e l' obedir.

G IACOBO, serviaint da Dieu, e del Segner Gesu Cristo, allas dudesch schlattas, * chi *sun* dispersas, salüd!

* Gioan. 7, 35.

2. * Salvai per allegrezza complida, meis frars, cur vus gnis ad esser crodats in divers tentamaints,

* 1 Pet. 1, 6.

3. Saviand, cha * la prova da vossa cretta prodüa pazienza;

* Rom. 5, 3.

4. Ma la pazienza dess avair ün'ou-vra complida; acio cha vus sajat complits ed intêrs, non as mancand inguotta.

5. Scha ad alchün da vus manca sapienza, schi ch' el la giavüscha da Dieu, chi duna a tuots libramaing, e non tira sü; e'l sarà dunä.

6. * Ma ch' el la giavüscha con cretta, sainza star in dubi; perche, chi sta in dubi ais simil ad ün'uonda del mâr, chi vain dal vent moven-tada, e chatschada.

* Matt. 7, 7. Marc. 11, 24. Luc. 11, 9.

7. Schi, ün tal crastian non dess pensar, ch' el vegn' ad ardschaiver qualchosa dal Segner;

8. Ün hom dobel da cour ais instabel sün tuot sias vias.

9. Ma'l frar da bass stadi as dess gloriar da sia otezza;

10. E'l rich, da sia bassezza; perche el vain a passar via * seo la flur dell'erba.

* Gioh 14, 2.

11. Perche il solai ais alvâ con sia chalur, ed ha sechantâ l'erba, e sia flur ais crodada, e la bellezza da sia apparenza ais perida; usche vain eir il rich a spassir via sün sias vias.

12. * Beä l'hom chi soffrescha il tentamaint; perche, essendo provâ, vain el ad ardschaiver la corona

della vita, † la quale il Segner ha impromiss a quels chi l'aman.

* Gioh 5, 17. † 1 Cor. 9, 25.

13. Ingün, gñand tentâ, non dia: Eu sun tentâ da Dieu; perche Deis non po gnir tentâ al mal, ed el eir non tainta alchün;

14. Ma scodün vain tentâ, siand trat, e badantâ da seis propri giavüschamaint;

15. Lura davo, il giavüschamaint, aviand concepi, parturescha il pucha, e'l pucha, gñand compli, generescha la mort.

16. Non s' inerrai, meis chars frars!

17. * Ogni buna donaziun, ed ogni dun perfet vain giò dal ot, dal bap dellas glüms, pro'l qual non ais müdada, ne sumbriva da cambiamaint.

* Gioan. 3, 27.

18. * Da sia voluntà ans ha el generats tras il pled della vardà, acio cha nus sajan in ün tschert möd las primizias da sias creatüras.

* Gioan. 1, 13.

19. Perquai, meis chars frars, *saja* ogni crastian pront al udir, tard al favlar, tard all'ira;

20. Perche l'ira del hom non opere-scha la güstia da Dieu.

21. Perquai, * mettai davent ogni malnettischa e fetscha da malizia, ed ardschvai con bandusezza il pled implantâ in vus, il qual po salvar vossas ormas.

* Col. 3, 8.

22. Ma sajat * facturs del pled, e bricha solum auditurs, ingiannand vus stess;

* Matt. 7, 21.

23. Perche, sch' alchün ais auditor del pled, e bricha factur, schi ais el simil ad ün hom, chi considerescha sia fatscha natürala in ün spejel;

24. Nempe davo ch' el s' ha guardâ, va'l davent, e subit ha'l smanchâ, co ch' el saja.

25. Ma chi averà guardâ bain nella ledscha perfetta, chi ais la *ledscha*

* della libertà, ed averà perseverà; quel tal, non siand auditur smanchuoss, ma factur dell' ouvra, † sarà beà in seis operar.* Giac. 2, 12. † Gioan. 13, 17.

26. Sch' alchün as craja d' esser religiùs tanter vus, e non tegn' in frain sia lengua, anzi surmaina seis cour, schi *ais* la religiun da quel vana.

27. Religiun püra, e nonmaculada avant Deis e bap *ais* quaista, da visitar ils orfans e las vaidguas in lur afflicziuns, ed as conservar net dal muond.

CHAP. II.

L'apostel comanda, cha non as dess guardar la qualità dellas persunas, e mossa, cha la vaira cretta non possa esser sainza bunas ouvras.

MEIS frars, non hajat la cretta da Gesu Cristo, nos Segner della gloria, con resguard sün la qualità dellas persunas.

2. Perche, sch' in vossa raspada intress ün hom con anè d' or, in vestimaintsplendid, ed intress medemma-maing ün pover, in vestimaint trid,

3. E vus guardessat sün quel, chi porta il vestimaint splendid, e'l dschessat: Tü, sezza qui onorata-maing; ed al pover dschessat: Tü, stà là in pè, o sezza qui suot il scha-bell da meis peis:

4. Non avessat vus fat differenza in vus stess, e non füssat vus dvantats güdichs da mals impissamaints?

5. Tadlai, meis chars frars; non ha Deis elet ils povers del muond * *per dvantar* richs da cretta, ed ertavels dell' ierta, ch' el ha impromiss a quels chi'l aman? * Luc. 12, 21.

6. * Ma vus avais disonorà il pover! Ils richs, non sun els quels chi's oppriman? Non *sun els quels*, chi's tiran avant ils tribunals? * 1 Cor. 11, 22.

7. Non sun els quels, chi blasteman il bun nom, dal qual vus eschat nominats?

8. Scha vus in vardà compliss la ledscha regala, seguond la scrittüra: * Ama teis prossem sco tai stess, schi fais bain; * Lev. 19, 18.

9. Ma, scha vus avais resguard alla qualità dellas persunas, schi commettais vus pucha, e gnis convints dalla ledscha, sco transgressurs.

10. Perche, scodün chi observa tuot la ledscha, e falla in ün sulet *punct*, * quel *ais* culpabel da tuots.* Deut. 27, 26.

11. Perche quel chi ha dit: * Non commetter adulteri, ha eir dit: Non mazzar. Dunque, scha tü non commettast adulteri, ma mazzast, schi est tü dvantà transgressur della ledscha. * Ex. 20, 13, 14.

12. Usche favlai, ed usche operai, sco aviand da gnir güdichats tras la ledscha della libertà.

13. Perche * güdizi sainza misericordia *sarà* contra quel, chi non averà üsà misericordia; † ma la misericordia as gloriescha conter il güdizi. * Matt. 6, 15. † 1 Gioan. 4, 17, 18.

14. Che güda *que*, meis frars, scha alchün disch d' avair la cretta, e non ha las ouvras? Po la cretta il far salv?

15. Usche, scha ün frar, o üna sour füssan nüds, e bsögnus del nudriamaint d' imminchadi;

16. Ed * alchün da vus als dschess: It inavant in pasc, as schodai, ed as sadulai, e vus non als dais ils bsögn del corp; schi che *güdaivat ad els?* * 1 Gioan. 3, 18.

17. Usche eir la cretta, sch' ella non ha las ouvras, schi *ais* ella da sai stess morta.

18. Schi, qualehün dscharà: Tü hast la cretta, ed eu ha las ouvras; mossa'm tia cretta sainza tias ouvras, ed eu at vögl mossar mia cretta tras mias ouvras.

19. Tü crajast, chi saja ün sulet Deis; tü fast bain; eir ils demunis crajan *quai* e tremblan.

20. Ma, o crastian van, voust tü recognoscher, cha la cretta sainza las ouvras saja morta?

21. Non füt Abraham, nos bap, güstifichà tras las ouvras, * con offerir seis figl Isaac sül ütè? * Gen. 22, 9, 12.

22. Tü vezzast, cha la cretta * operaiva insembel con sias ouvras, e cha tras las ouvras la cretta dvantet perfetta. * Ebr. 11, 17.

23. Con quai füt complida la scrittüra, chi disch: * Ed Abraham crajet a Dieu, e *quai* al gnit imputà pro güstia; ed el füt clamà, † ami da Dieu. * Gen. 15, 6. † 2 Cron. 20, 7.

24. Vus vèzzais dimena, cha'l crastian vain güstificâ tras las ouvras, e bricha solum tras la cretta.

25. Sumgiantamaing eir * Rahab, la pitana, non gnit ella güstificada tras las ouvras, causa ch'ella raspet aint ils mess, e l's tramettet d'avent siin otra via? * Gios. 2, 1.

26. Perche, seo il corp sainza il spiert ais mort, usche eir la cretta sainza las ouvras ais morta.

CHAP. III.

S. Giacomo comanda, ch'ün non dess condannar oters, ma reffranar sia lingua, e's perchürar d'invilgia, e contenziuns.

MEIS frars, non sajat blers magisters; saviand cha nus gnin ad ardschaiver plü granda condanna;

2. Perche * nus fallain tuots in blears chosas. Sch' alchün non falla nel favlar, quel *ais* ün hom perfet, e po tgnair in frain eir tuot il corp.

* 1 Rais 8, 46.

3. Mera, * nus mettain ils frains nellas boccas dels chavals, acio cha'ns obedeschan, e manain tuot lur corp.

* Ps. 32, 9.

4. Mera eir las navs, schabain tant grandas, e chatschadas da vents furius, vegnan pür manadas tras ün pitschen timun, ingio voul la mira da quel chi *las* governa;

5. Usche eir la lingua ais ün pitschen member, * e's loda da grandas chosas. Mera, ün pitschen fö, e quanta laina invüd' el.

* Ps. 12, 4.

6. Eir la lingua *ais* ün fö, il muond dell'iniquità. Usche ais miss'aint in nossa membra la lingua, la quala * impala tuot il corp, ed inflamma la cuorsa della vita *umana*, chi ais inflammada dalla geenna.

* Matt. 15, 11. 18. 19.

7. Perche, ogni generaziun da bestias solvadias, e d'utschels, e da reptils, e d'animals marins, as domestia, ed ais stat domestiada tras la natüra umana;

8. Ma ingün crastian non po domestiar la lingua; l'ais ün mal irrefranabel; plain da tössi mortal.

9. Tras quella benedin nus Deis, e bap, e tras quella smaladin nus la glieud, * chi sun creats alla sumgescha da Dieu.

* Gen. 1, 26.

10. Our d'üna medema bocca pro-ceda benedicziun, e maledicziun. Que non convain, meis frars, cha quaist dvainta usche!

11. Sporsecha la fontana our d'üna medema bocca il dutsch, e'l fort?

12. Po, meis frars, ün figêr far olivas, o üna vit figs? Usche non po ingüna fontana büttar our aua insalada e dutscha.

13. Chi *ais* sabi, ed intelligiaint tanter vus? Ch'el mossa sias ouvras, tras la buna conduita in bandusezza da sapienza.

14. Ma, scha vus avais in vos cour invilgia amara, e contenziun, schi non as gloriai contra la vardà, e non menti contra quella.

15. Quaista non ais la sapienza chi vain giò dal ot; anzi *ais* terraina, animala, diabolica;

16. Perche, ingio *ais* invilgia e contenziun, - là *ais* disturbi, ed ogni mal'ouvra.

17. Ma la sapienza, chi *vain* giò dal ot, ais il prüim netta, lura paschaivla, moderada, trattabla, plaina da misericordia, e da buns früts, sainza parzialità, e sainza ipocrisia.

18. Ma il früt della güstia vain semnâ in pasc a quels, chi's rendan alla pasc.

CHAP. IV.

S. Giacomo mossa a's perchürar da mals giavüschamaints, e chi's dess servir a Dieu, e bricha güdiehar seis frar; e che chi's fa, as dess depender dalla providenza da Dieu.

DINUONDER vegnan la guerras e las contaisas tanter vus? Na da quaist, da voss dalets, * chi guerrajain in vossa membra?

* 1 Pet. 2, 11.

2. Vus bramais, e non avais; vus invilgiais, ed eschat zelus, e non podais obtegnier; vus combattais, e guerrajais, e non surgnis; per quai cha vus non domandais.

3. * Vus domandais, e non ardsehvais; per quai, cha vus domandais mal, per il spender in voss plaschairs.

* Giob. 27, 9.

4. Adulter, ed adulteras, non savais vus, cha l'amicizia del muond ais inimicizia contra Dieu? * Contuot, quel chi voul esser ami del muond, dvainta inimi da Dieu.

* Gioan. 15, 19.

5. Pensais vus, eba la scrittüra dia per inguotta: Il spiert, chi avda in nus, giavüsch' el *forza* pro invilgia?

6. Ma el da tant plü granda grazia. Perquai disch el: * Deis resista als superbis, ma da grazia als ümils.

* 1 Pet. 5, 5.

7. Contuot as suottamettai a Dieu; contrastai al diavel, schi vain el a fùgir da vus.

8. S' approssmai a Dieu, schi vain el a s' approssmar a vus. * Nettiiai voss mans, o pechadurs, e purifichai voss cours, o dobels d' anim! * Es. 1, 16.

9. Sajat afflits, e fat cordöli, e eridai. Saja vos rir converti in dölì, e l' allegrezza in tristezza!

10. S' ümiliai nel conspet del Segner, schi vain el as adozzar!

11. Non favlai mal l' ün contra l' oter, frars; chi favella conter il frar, * e güdicha seis frar, favella contra la ledscha, e güdicha la ledscha. Ma, scha tü condannast la ledscha, schi non est tü factur della ledscha, ma güdisch. * Matt. 7, 1.

12. L' ais ün *sulet* il legislatur, il qual po far salv, e metter a perder. * Ma tü, chi est tü, chi condannast ün oter?

* Rom. 14, 4.

13. Ma via, *vus* chi dschais: Hoz, o daman volain nus ir in tala città, e volain dmurar là ün an, e volain merchantar e guadagnar,

14. Chi non savais che *cha* sarà daman! Perche, che *ais* vossa vita? Schi, ella ais üna vapur, chi appara per pac *temp*, e lura svanescha.

15. In pè da dir: * Scha plascha al Segner, e *scha* nus eschan in vita, schi volain nus far quaißt, o l' oter.

* Act. 18, 21.

16. Impero uossa as lodais vus in vossa vanagloria; ogni tal lod ais mal.

17. L' ais dimena * pucha a quel, chi sa far il bön, e non il fa. * Luc. 12, 47.

CHAP. V.

S. Giacobo innatscha als richs, ed exorta ils afflits a pazienza, e mossa, eha il remedi dellas afflicziuns sajan las oraziuns.

MA via uossa richs, eridai ürland sur vossa miseria, chi vain a gnir sur vus!

2. Vossa ricchezza ais smarschida, e vossa vestimainta ais rusa dallas chêras.

3. Vos or, ed argient ha fat ruina, e lur ruina sarà in testimonianza contra vus, e vain a magliar vossas charns a guisa da fö. Vus avais fat tesoris per ils ultims dis.

4. Mera, * il salari dels lavuraints, chi han tshunc voss champs, per il qual els da vus sun stats ingiannats, clama, e 'ls † bragizis dels tshuncaders sun intrats nellas uraglias del Segner dels exercits. * Lev. 19, 13. † Deut. 24, 15.

5. Vus avais vivü sur terra in delizias, e luxuria; vus avais paschantâ voss cours seo al di d' ün convit.

6. Vus avais condannâ, vus avais mazzâ il güst; el non as resista.

7. Uossa lura, frars, sajat paziaints fin alla vgnüda del Segner! Mera, il lavuraint spetta il prezios früt della terra, ed ha pazienza, fin ch' el haja ardschvü la plövgia della prüma, e dell' ultima stagium.

8. Sajat eir vus paziaints, confermai voss cours; perche la vgnüda del Segner ais vicina.

9. Non suspürai l' ün contra l' oter, frars; acio cha vus non vegnat güdichats; mera il güdisch * sta avant la porta.

* Matt. 24, 33.

10. Meis frars, pigliai per exaimpel d' afflicziun, e da pazienza ils profets, ils quals han favlâ nel nom del Segner.

11. Mera, nus predgiain beats, quels chi han indürâ; vus avais udi dalla pazienza da Giob, e savais * la fin del Segner; perche il Segner ais grandamaing compassionaivel, e misericordiaivel.

* Giob 42, 10.

12. Ma ouravant tuot, meis frars, non gürarai, ne pro il tshel, ne pro la terra, ne alchün oter saramaint; anzi saja vos schi, schi, ed il na, na; acio cha vus non crodât suot güdizi.

13. Ais alchün da vus afflit, schi ch' el ura, ais alchün d' anim leid, schi ch' el psalmaja!

14. Ais alchün da vus amalâ, schi ch' el clama ils seniurs della baselgia, e cha quels uran per el, * l' onschand con öli, nel nom del Segner.

* Marc. 6, 13.

15. E l'oraziun della cretta salverà l'amalà, e l'Segner vain a l'avantar; e sch'el ha commiss puchats, schi al saran quels perdunats.

16. As confessai ils fals l'ün al oter, ed urai l'ün per l'oter, acio cha vus vegnat sans: Bler' efficazia ha l'oraziun del güst, fatta con zeli.

17. * Elia eira ün crastian, suotta-post a medemas affecziuns sco nus, e pür fand oraziun rovet el, cha non plova; e non plovet sur la terra

il spazi da trais ans e ses mais.

* 1 Reg. 17, 1.

18. E darcheu rovet el, e l'tschel det giò plövgia, e la terra produet seis früt.

19. Frars, sch'alehün da vus gnis svià dalla vardà, e qualchün il convertescha,

20. Schi sapcha quel, cha chi averà converti ün pechader dal errur da sia via, vain a salvar ün'orma dalla mort, * e cuvernerà blertira da puchats.

* 1 Pet. 4, 8.

LA I. EPISTOLA CATTOLICA

DA

S. PETRO, APOSTEL.

CHAP. I.

S. Petro salüda, e loda Deis per sia grazia e l'etern salüd communicà als Güdeus; ils exorta a perseveranza, santità, gratitudine e charità invers Dieu.

PETRO, apostel da Gesu Cristo a quels della * dispersiun da Ponto, da Galazia, da Cappadozia, d'Asia, e da Bitinia, chi avdan in quels lous sco foresters;

* Gioan. 7, 35.

2. Elets, seguond l'ordinaziun da Dieu bap, in santificaziun del Spiert, ad obediencia, ed a gnir sprinzlats con il sang da Gesu Cristo; grazia, e pasch a vus multiplichadamaing.

3. Benedi *saja* Deis, e l' bap da nos Segner Gesu Cristo, il qual, seguond sia granda misericordia, ans ha * regenerats a spranza viva, tras la resüstanza da Gesu Cristo sü dals morts,

* Gioan. 3, 3. 5.

4. Pro l'ierta incorruptibla, ed immaculada, chi non po serodar, * conservada nels tshels per nus,

* 2 Tim. 4, 8.

5. Ils quals nella virtù da Dieu tras la cretta eschan perchürats pro l'salüd, perdert a gnir revelà nel ultim temp;

6. Nel qual vus s'allegrais, eir scha eschat al presaint * ün pa (scha usche sto esser), conturbats in divers tentamaints,

* 2 Cor. 4, 17.

7. Acio cha la prova da vossa cretta vegna chattada bler plü preziosa co l'or chi va a perder, e pür vain el * provà tras il fù, a lod, ed onur, e gloria nell'appariziun da Gesu Cristo;

* Prov. 17, 3.

8. Il qual, sainza l'avair vis, vus amais; nel qual crajand vus s'allegrais, * schabain vus uossa non il vezzais, d'ün'allegrezza ineffabla e gloriosa,

* Gioan. 20. 29.

9. Per obtgnair il destin da vossa cretta, il salüd dellas ormas.

10. * Qual salüd han tscherchà, ed indraschi davo ils profets, chi profetizettan dalla grazia, *chi avaiva da gnir* sur vus;

* Matt. 13, 17.

11. Tscherehand cura, e che temp il Spiert da Cristo, chi *eira* in els, dess ad ineler, testifichand viavant * las passius da Cristo, e la gloria chi davo quai *avaiva da sieuguer*.

* Luc. 24, 26.

12. * Als quals füt revelà, cha bricha ad els stess, ma a nus servivan quellas chosas, las qualas uossa a vus sun stat annunziadas da quels, chi's han evangelizà tras il Spiert Sanet, tramiss giò da tschel; nellas qualas † ils angels desidereschan da guardar aint.

* Dan. 9, 24. † Ec. 3, 10.

13. Perquai, con ils flanes da vos intellet tschintats, stat sobris, ed hajat perfetta spranza nella grazia, chi vain a's gnir conferida nell' appariziun da Gesu Cristo.

14. Sco infants dell' obediencia, bricha 's conformand als giavüscha-maints del temp passâ, intant vus eirat in ignoranza,

15. Anzi, sco quel chi 's ha clamats ais sanct, usche sajat eir vus sanets in tuot *vossa* conversaziun;

16. Perche chi'l ais scrit: * Sajat sanets, perche eu sun sanct.

* Lev. 11, 44.

17. E, scha vus clamais bap quel, il qual sainza resguard alla qualità della persuna güdicha seguond l'ou-vra da scodün, schi conversai in temma tuot il temp da vossa peregrinaziun;

18. Saviand, cha bricha con chosas corruptiblas, argient, o or vus sajat spendrats da vossa vana conversaziun, mossada da man in man dals babuns,

19. Ma con il prezios sang da Cristo, sco del * agnê sainza defet, ne macla,

* Gioan. 1, 29. 36.

20. Già viavant ordinâ, ant il fondamaint del muond, ma manifestâ * nels ultims temps per amur da vus,

* Gal. 4, 4.

21. Ils quals tras el crajais in Dieu, chi'l ha sdasdâ sü dals morts, e'l ha dat gloria; usche cha vossa cretta e spranza sun in Dieu.

22. Purifichai vossas ormas nell' obediencia alla varda tras il Spiert, * pro fraterna noninspiada charità, portai l'ün l'oter amur arsainta con ün cour net;

* 1 Tim. 1, 5.

23. Essendo regenerats, * bricha da corruptibel, ma d'incorruptibel sem, tras † il viv ed in eterno permanent pled da Dieu.

* Gioan. 1, 13. † Giac. 1, 13.

24. Perche * ogni charn *ais* sco l'erba, ed ogni gloria del crastian sco la flur dell'erba. L'erba secha via, e sia flur crouda;

* Es. 40, 6.

25. Ma il pled del Segner reista in eterno, e quaist {ais il pled chi s'ais stat evangelizâ.

CHAP. II.

S. Petro exorta alla simplicità e sincerità cristiana, alla santità da vita, all' obediencia vers il magistrat e patrums, soffrind las affieziuns paziaintamaing.

CONTUOT, mettai davent ogni malizia, ed ogni frod, e l' ipocrisia, ed invilgia, ed ogni maldicenza,

2. E, sco infants nets uossa nats, hajat bramma davo 'l lat sincêr del pled, acio cha vus tras quel creschat,

3. Scha pür vus avais insajâ, cha 'l Segner ais bun.

4. Pro il qual s' approssmand, *sco pro la* peidra viva, * reprobada però dalla gliend, mo pro Deis eletta, preziosa,

* Ps. 118, 22.

5. Schi gni eir vus edificats sco peidras vivas, *per esser* üna chasa spirituala, * ün sacerdotadi sanct per offerir sacrificis spirituals, accets a Dieu tras Gesu Cristo.

* Es. 61, 6.

6. Perquai sta eir nella scrittüra: * Mera, eu tschaint in Sion la peidra del cheu del chantun, eletta, preziosa; e chi crajerà in quella, non vain a gnir in verguogna.

* Esaj. 28, 16.

7. A vus dimena, chi crajais, *ais ella* quella chosa preziosa; ma als disobediants *ais* * la peidra, cha 'ls edificadurs han reprobâ, e chi ais dvantada il cheu del chantun, † üna peidra del şchampütsch, e sass d' intop;

* Ps. 118, 22. † Es. 8, 14.

8. Ils quals s' intoppan nel pled, siand disobediants; pro'l qual els sun eir stats miss.

9. Ma vus *eschat* la generaziun eletta, * il sacerdotadi regal, il pövel sanct, il pövel acquistâ, acio cha vus predgiat las virtüts da quel, chi 's ha our dallas şchürdüms clamâ pro † sia müravgliusa glüm;

* Ex. 19, 5. 6. † Ef. 5, 8.

10. Ils quals ünsacura * non *eirat* pövel, ma uossa *eschat* pövel da Dieu; als quals ünsacura non eira stat fat misericordia, ma uossa s' ais fat misericordia.

11. Chars, eu s' exortesch, cha vus, * sco eisters e forestêrs s' artegnat dals charnals giavüschemaints, ils quals guerrajan conter l'orma.

* 1 Cron. 29, 15.

12. Hajat üna conversaziun onesta tanter ils pajans, acio ch' els là, ingio

straparlan da vus, seo da malfatturs, tras *vossas* bunas ouvras, ch' els averan vis, els glorifichan Deis nel di della visitaziun.

13. * Sajat dimena soggets ad ogni pussanza, ordinada dalla gliend, per amur del Segner; al rai seo al suprem, * Rom. 13, 1.

14. Ed als guvernatur, seo a *persunas* tramissas dad el, in vendetta dels malfatturs, ed in lod da quels chi fan bain;

15. Perche usche ais la voluntà da Dieu, cha, fand bain, vus züglat la bocca all' ignoranza della gliend narra.

16. * Seo libers, ma brich' aviad la libertà per coverta da malizia, anzi seo famagls da Dieu. * Gioan. 8, 32.

17. * Onorai tuots, amai la fradgianza, tmai Deis, dat onur al rai.

* Rom. 12, 10.

18. Famagls, sajat soggets con tuotta temma a voss patruns; bricha solum als buns e moderats, ma eir als pervers;

19. Perche quaist ais chosa grata, sch' alchün, per la conscienza da Dieu, soffrescha molestias, patind ingüstamaing.

20. Perche, che gloria *aïse*, scha vus, seo pechand, e chastiats, soffris *quai*? Ma scha vus, fand bain, e pür indürand, soffris, schi *aïs* quai üna chosa grata avant Deis;

21. Perche * pro quaist eschat vus clamats; eir Cristo ha indürâ per nus, † as laschand ün exampel, acio cha vus seguat seis pass;

* Matt. 16, 24. † Gioan. 13, 15.

22. * Il qual non fet alchün pucha, ne füt chattâ frod alchün in sia bocca;

* Es. 53, 9.

23. Il qual, siand ingiuriâ, non ingiuriava al incontra; patind, non innatschaiva, ma as remettaiv' in man da quel, chi güdicha güstamaing.

24. Il qual ha portâ el sves noss puchats in seis corp sül lain; * acio cha nus, siand morts al pucha, vivan alla güstia; tras las nattas del qual vus eschat fats sans. * Rom. 6, 2, 11.

25. Perche vus eirat seo nuorsas chi van ad erramaints; ma uossa eschat vus convertits * pro 'l pastur, ed ovaiſch da vossas ormas. * Ezech. 34, 23.

CHAP. III.

L'apostel admonescha mugliers e marits a lur devoir, e tuots as amar, ed a soffrir tuot con pazienza seguond l'exampel da Cristo.

MEDEMMAMAING * vus mugliers, sajat soggettas a voss marits; acio cha quels, scha pür sun alchüns, chi non obedeschan al pled, † vegnan tras la conversaziun dellas mugliers guadagnats sainza pled,

* Ef. 5, 22. † 1 Cor. 7, 16.

2. Aviad considerâ vossa casta conversaziun, *chi aïs* in temma;

3. L'ornamaint dellas qualas non saja l'exteriur tarseholaraïnt dels chavels, o or miss intuorn, o trar aint vestimainta,

4. Ma 'l crastian * zoppâ del cour, nell' incorruotta purità del spiert benign e paschaivel, il qual aïs da grand pretsch nel conspet da Dieu. * Ps. 45, 14.

5. Perche in quaista maniera eir ünsacura as fittaivan las donans sanctas, chi avaivan spranz' in Dieu, ed eiran soggettas a lur marits.

6. Seo cha Sara obedit ad Abraham, * il clamand segner, della quala vus eschat infants, fand bain, e non tmand alchün spavent. * Gen. 18, 12.

7. *Vus* marits, *fat* il sumgiant, abitant con *ellas* prodaintamaing, portant onur al vaschê feminin, seo * plü debel, e seo eir a conertavlas della grazia della vita; acio cha vossas oraziuns non vegnan impeditas.

* 1 Cor. 12, 23.

8. Ed in somma, * *sajat* tuots concords, compassionaivels, fraters, misericordiaivels, benevols; * Rom. 12, 16.

9. * Bricha rendand mal per mal, o ingiuria per ingiuria, anzi in contrari, dschand bain, saviand, cha vus eschat lapro clamats, acio cha vus iertat la benedicziun. * Prov. 20, 22.

10. Perche, * chi voul amar la vita, e vair buns dis, artegna sia bocca dal mal e seis lefs, cha non profeschan frod. * Ps. 34, 13.

11. Ch' el as retira dal mal, e fetscha il bön; ch' el tserchercha la pasch, e la procura.

12. Perche ils ögls del Segner *sun* sur ils güsts, e sias uraglias *attentas* a lur oraziuns; ma la vista del Segner *aïs* conter quels chi fan mal.

13. E chi's *farà* del mal, scha vus seguittais al bön?

14. Ma, scha vus pür eir indürais per la güstia, schi beats *vus*; * ma non tmai da lur spavent, e non as conturbai;

* Es. 8, 12. 13.

15. Anzi santifichai il Segner Deis in voss cours. Ma *sajat* saimper perderts per responder a vossa defaisa vers scodün, chi's domanda quint dalla spranza chi *ais* in vus, con bandusezza e temma,

16. Aviad üna buna conscienza; acio cha là, ingio straparlan da vus, sco da malfatturs, vegnan svergognats quels, chi calunnieschan vossa buna conversaziun in Cristo.

17. Perche, megl *aise*, scha pür tal' ais la voluntà da Dieu, cha vus indürat, fand bain, ant co fand mal.

18. Perche eir Cristo * ha indüra üna vouta per ils puchats, *il* güst per ils ingüsts, acio ch' el an maness via pro Dieu, † essendo mortifichà nella charn, ma vivifichà nel spiert,

* Rom. 5, 6. † Rom. 1, 4.

19. Nel qual el eir get, e predgiet als spierti chi *sun* in preschun,

20. Ils * quals ünsacura füttan rebels, cur la pazienza da Dieu spet-taiva nels dis da Noè, intant chi s' apparechaiva l' archa; † nella quala pacas ormas cioè ot füttan salvadas in mez l' aua. * Gen. 6, 3. 13. † Gen. 7, 7.

21. La figüra correspondentia alla quala uossa salva eir nus, il battai-sem, (bricha la nettischa del brudgügn della charn, ma la domanda d' üna buna conscienza vers Deis), tras la restistanza da Gesu Cristo.

22. Il qual, siand it a tsel, * ais alla dretta vart da Dieu, ed ad el † sun suottaposts angels, e ** pussanzas, e virtùs.

* Ps. 110, 1. † Rom. 8, 38. ** Ef. 1, 20. 21.

CHAP. IV.

S. Petro exorta ils fidels alla santità, e charità; ils cufforta eir incoenter las persecuziuns.

SIAND dimena cha Cristo ha indüra per nus nella charn, schi s' inarmi eir vus con il medem impissamaint; chi ha indüra nella charn, ha interlaschà da pechar,

2. Per viver il temp chi reista nella

charn, bricha plü als giavüscha-maints da gliend, ma alla voluntà da Dieu.

3. Perche ans dess bastar, il temp passà della vita * d' avoir operà la voluntà dels pajans, aviand chaminà in slaschögn, giavüscha-maints, avrianzas, convits, bavaretschs e sgrischusas idolatrias.

* Ef. 4, 17.

4. Dinuonder quels *uossa* s' instupeschan, sco d' üna chosa strana, cha vus non concurreis nella medema stravacanta dissolutezza, e's blasteman.

5. Els renderan quint a quel, chi ais perdert a güdichar ils vivs, ed ils morts;

6. Perche, per quaist ais stat predgià l' evangeli eir als morts, acio ch' els gnissan güdichats nella charn, seguond *sort* della gliend, ma vivessan nel Spiert, seguond *voluntà* da Deis.

7. Ma la fin d' ogni chosa ais vicina; *sajat* dimena temperats, e vigilants allas oraziuns.

8. Aviad ouravant tuot arsainta charità l' ün invers l' oter; perche * la charità cuvernerà blierüra da puchats;

* Prov. 10, 12.

9. *Sajat* voluntus albergiadurs l' ün del oter, sainza bruntels.

10. Seguond cha scodün ha ardschvü alchün dun, schi administrà l' ün al oter, sco buns * dispensadurs della diversa grazia da Dieu.

* Matt. 25, 14.

11. * Sch' alchün tsehantscha, *ch' el tsehantscha* sco oraculs da Dieu; sch' alchün serva, *ch' el fetscha quai* sco tras il podair cha Deis furnescha; acio cha in ogni chosa vegna glorifichà Deis tras Gesu Cristo, al qual appertain la gloria e l' imperi da saimper a saimper. Amen. * Rom. 12, 6. 7. 8.

12. Chars, non as smari da gnir miss pro'l fö; il qual ais per as provar, sco scha 's inscontress chosa stranna;

13. Anzi, in quant * vus eschat participabels allas passiuns da Cristo, schi s' allegrai; acio cha vus eir nell' appariziun da sia gloria s' alleigrat güvland.

* 2 Cor. 4, 10.

14. * Scha vus eschat vituperats per il nom da Cristo, schi beats *vus*;

perche il Spiert della gloria, e da Dieu reposa sur vus; el vain bain, quant ad els, blastemmâ; ma, quant a vus, vain el glorificâ. * Matt. 5, 11.

15. Perche, * ingün da vus non dess indürar sco omicider, o lader, o malfattur, tscherchand chosas dels oters.

* 1 Petr. 2, 20.

16. Ma, sch' el indüra sco cristian, schi ch' el non as turpaja; anzi glorifica Deis in quaista part.

17. Perche l' *ais* il temp, * cha 'l güdizi comainza vi' alla chasa da Dieu; e, † sch' el *comainza* il prüm vi' a nus, schi che fin vegnan ad avair quels chi non obedeschan al evangeli da Dieu?

* Es. 10, 12. † Luc. 23, 31.

18. E, scha 'l * güst malapaina vain salvâ, schi co vül comparair l' empi e 'l pechader?

* Prov. 11, 31.

19. Perquai dëssan eir quels, chi indüran seguond la voluntà da Dieu, * ad el recomandar lur ormas, sco al fidel creader, con far bain. * Ps. 31, 6.

CHAP. V.

L' apostel exorta ils ministers davart lur offiz, ed ils giuven, ed in general tuots a modestia ed ümiltà, ch' els vaglian per resister al diavel.

EU exortesch ils seniurs tanter vus, chi *sun* * seniur con els, e perdüta dellas passiuns da Cristo, ed insembel eir † participabel della gloria, chi vain a gnir manifestada:

* Filem. 9. † Rom. 8, 17, 18.

2. Paschantai la scossa da Dieu, chi *ais* tanter vus, aviand chüra d' *ella*, bricha sforzadamaing, ma voluntariamaing; bricha per disonest giavüsch da guadagn, ma d' anim liber;

3. E bricha sco * signorand las iertas da Dieu, ma sco ils exaimpels del tröp.

* 1 Cor. 3, 5.

4. E, cur * il grand pastur sarà ap-

parü, schi gnis vus ad obtgnair la coruna della gloria † chi non smarshescha.

* Ebr. 13, 20. † 1 Cor. 9, 25.

5. Sumgiantamaing *vus* giuven, sajat soggets als plü vegls, e tuots as suottamettai l' ün al oter; sajat fittats con ümiltà; perche * Deis resista als superbis, e da grazia als ümils.

* Giac. 4, 6.

6. Contuot, s' ümiliai suot il potaint man da Dieu, acio ch' el s' adoza cur sarà il temp.

7. Büttai tuot vos pissèr sün el; perche el ha chüra per vus.

8. * Sajat sobris, vagliai; perche vos adversari, il diavel, va intuorn a guisa d' ün leun chi sbrüja, tscherchand chiel possatravuonder.

* Luc. 21, 36.

9. * Al qual resisti, siand fermes nella cretta, saviand, cha las medemas passiuns as compleschan pro vossa fradglianza, chi *ais* nel muond.

* Ef. 6, 11, 13.

10. Ma il Deis d' ogni grazia, il qual ans ha clamats a sia eterna gloria in Cristo Gesu, davo avair indürâ pac temp; * quel as fetscha perfets, as conferma, as fortifica, as stabillescha;

* Ebr. 13, 21.

11. Ad el *saja* la gloria, e l' imperi da saimper a saimper. Amen.

12. Tras Silvano, chi *ais* frar fidel, sco eu güdich, 's ha eu scrit cuortamaing, s' exortand, e 's protestand, cha la vaira grazia da Dieu saja quella, nella quala vus eschat.

13. La *baselgia*, chi *ais* in Babilon, eletta sco *vus*, e Marco, meis figl, as salüdan.

14. As salü dai l' ün l' oter con il bütsch della charità. Pasch saja a vus tuots, chi *eschat* in Cristo Gesu. Amen.

LA II. EPISTOLA CATTOLICA

DA

S. PETRO, APOSTEL.

CHAP. I.

S. Petro, aviand salüda ils fidels, loda la grazia da Dieu, ad els comunicada tras l' evangeli, e 'ls exorta a tuottas virtùs cristianas, e mossa, quant sgür l' evangeli saja.

SIMON Petro, serviaint ed apostel da Gesu Cristo, a quels chi han obtgnü cretta ingualmaing preziosa con nus, nella güstia

da nos Deis e del Salvader Gesu Cristo;

2. Grazia e pasch as vegna multiplichada, nella cognoschenscha da Dieu, e da Gesu, nos Segner.

3. Seo cha sia divina potenza ans ha dunà tuottas chosas, chi *appartegnan* alla vita, ed alla pietà * tras la cognoschenscha da quel, chi 'ns ha clamats tras gloria, e tras virtù;

* Gioan. 17, 3.

4. Tras las qualas ans sun donadas las pli preziasas, e pli grandas impromissiuns, acio cha vus tras quellas dvaintat * participabels della natüra divina, essendo fügits dalla corruzion nel giavüschamaint, chi *ais* nel muond,

* 2 Cor. 3, 18.

5. Schi eir vus sumgiantamaing, mettand *vi a quai*st medem ogni stüdi, mettai pro a vossa cretta la virtù, ed alla virtù la cognoschenscha;

6. Ed alla cognoschenscha la continenza, ed alla continenza la comportanza, ed alla comportanza la pietà;

7. Ed alla pietà l' amur fraterna, ed all' amur fraterna la charità;

8. Perche, scha quaistas chosas sun, e 's avvanzan in vus, schi non vegnan ellas as far laschantivs, ne sterils nella cognoschenscha da nos Segner Gesu Cristo.

9. Perche quel, pro 'l qual quaist non as chatta, ais * orb, tschögliand con ils ögls, ha smanchà la purgaziun da seis anteriurs puchats.

* 1 Gioan. 2, 9. 11.

10. Perquai tant pli, frars, mettai stüdi, * da far ferma vossa vocaziun ed elecziun; perche, fand quaist, non gnis mâ brich' as intoppar.

* 1 Gioan. 3, 19.

11. Perche usche vain as gnir sporta abundantamaing l' intrada pro l' etern reginam da nos Segner Gesu Cristo.

12. Perquai non vögl eu mancar da 's trar da contin a memoria quaistas chosas; schabain vus agià eschat intelligiaints, e confirmats nella presainta vardà.

13. Ma, eu stim esser chosa raschunaivla, fintant eu sun in quaist tabernacul, da 's sdasdar sü a regordanza,

14. Saviand, cha sur cuort meis tabernacul ha da gnir miss giò; * seo

eir nos Segner Gesu Cristo 'm ha declarà.

* Gioan. 21, 19.

15. Ma eu vögl metter stüdi, cha vus, eir davo mia partenza, sajat in cas, da 's trar quaist suvent a memoria.

16. Perche, nus non s' avain dat da cognoscher la potenza, e la vgnüda da nos Segner Gesu Cristo, seguitand a fablas artliusamaing compostas; * ma aviad sves vis sia majestà con noss ögls.

* Matt. 17, 1. 2.

17. Perche el ardschvet da Dieu bap onur, e gloria, gnand drizzada ad el quaista vusch dalla magnifica gloria: * Quaist ais meis char figl, nel qual eu ha meis complaschair.

* Matt. 3, 17.

18. E nus udittan quaista vusch, tramissa giò da tshel, siand vus con el sül munt sanct.

19. Nus avain eir il pli ferm pled profetic, sün il qual vus fais bain d' esser attents, seo sün üna * glüm traglüschaina in ün lö schür, fin chi 's scalarischa il di, e la staila della daman leiva in voss cours; * Ps. 119, 105.

20. Saviand quaist il prüm, cha ingüna profezia della scrittüra * non ais da particolare interpretaziun;

* Rom. 12, 6.

21. Perche la profezia non füt üna vouta portad' avant tras voluntà umana; ma ils sanets homens da Dieu han favlâ, * prochatschats dal Spiert Sanct.

* 2 Tim. 3, 16.

CHAP. II.

L' apostel predisch davart la vgnüda da fos docturs, descrivand eir lur perdiziun.

MA qua füttan eir fos profets tanter il pövel, seo eir tanter vus * vegnan ad esser fos docturs; e quels vegnan ad introdür eresias da perdiziun, e vegnan a snejar il Segner ch' ils ha comprats, as trand adöss subita perdiziun. * Matt. 24, 11. Act. 20, 30.

2. E bliers vegnan ad ir davo lur slaschögns, tras ils quals la via della vardà vain a gnir blastemmada.

3. Per avarezza faran els merchanzia da vus con plets inspiats; sur ils quals il güdizi agià da lung temp innan non intarda, e lur perdiziun non dorma.

4. Perche, * scha Deis non ha schaniâ ils angels chi han pechâ, anzi ils † ha chatschats nel abiss, ed ils ha miss nellas chadainas della schiurezza, *per gnir salvats sù pro 'l güdizi*; * Giuda 6. † Luc. 8, 31.

5. E non schaniet il vegl muond; ma * salvet *sulet* Noè, il predicatur della güstia con ot persunas, eür el ardüet il diluvi sur il muond dels empis; * Gen. 7, 7. 23.

6. * E condannet a subversiu las cittats da Sodoma, e Gomorra, las aviand redüttas in tschendra, e mis-sas per exaimpel a quels, chi per l'avegnir gnissan a viver empia-maing; * Gen. 19, 24.

7. * E scampet via il güst Lot, chi eira travagliâ per la luxuriusa conversaziun dels scelerats. * Gen. 19, 16.

8. (Perche quel güst, abitant tanter els, per quai ch' el vezzaiva ed udiva, * tormentaiva imminchadi *sia* orma güstia per *lur* sceleratas *ouvras*.) * Ezech. 9, 4.

9. Il Segner sa trar ils prus our dal tentamaint, e reservar ils empis ad esser chastiats sül di del güdizi.

10. In pustü quel, * chi van davo la charn, nel giavüschamaint da malnettischa; e spredschan las signorias; *chi sun* perguagiats, insolents, chi non han orrur da dir mal dallas dignitats. * Giuda 4. 7. 8. 10. 16.

11. Intant cha 'ls angels, schabain sun plü grands da forza e da potenza contra quellas non dischan avant il Segner güdizi da maledicziun.

12. Ma quaiats, sco animals sainz' intellet, seguitants al impuls della natüra; nats per esser prais, ed ir a perder, blastemman nellas chosas ch' els non ineglian, ma vegnan a-fat ad ir a perder in lur corrupziun, ardshvand il pajamaint dell' iniquità.

13. *Els*, chi retegnan, *tuot* plaschair *consista* nellas delizias d' imminchadi; *chi sun* macelas e vituperis, han dalet da lur ingians, intant ch' els mangian con vus in voss convits;

14. Chi han ils ögls plains d' adulteri, e non interlaschan ma bricha da pechar; chi surmainan las ormas instablas; han il cour exercitâ nell' avarezza; infants della maledicziun;

15. Ils quals, aviand bandunâ la dretta strada, sun smarrits, seguitand la via da * Balaam, *filg* da Bosor, il qual amet il salari dell' iniquità, * Num. 22, 5. 28.

16. Ma avet la reprensiun da seis surpassamaint; ün' asna mütta, tschantshand con vusch umana, ostet la nardà del profet.

17. Quaistas sun fontanas sainz' aua, nütvas chatschadas dal trabagl, als quals vain in eterno salvâ sù il schiür dellas schiurezzas.

18. Perche, favland chosas vanas, in plets excessivs, surmainan els tras giavüschamaints della charn, e tras slaschögn quels chi eiran ün pa * fügits da tals, chi converseschan nel errur, * Act. 2, 40.

19. Impromettand ad els libertà, intant els s vess sun * famagls della corrupziun; perche, sch' ün ais vint d' alchün, schi dvaint' el seis famagl. * Gioan. 8, 34.

20. Perche, * scha quels chi sun fügits our dal brudgögn del muond, tras la cognoschenscha del Segner e Salvador Gesu Cristo, danöv vegnan intrascholats in quels e vints, schi ais l' ultima condiziun ad els pèra della prüma. * Matt. 12, 45.

21. Perche * megl füss per els da non avair cognoschü la via della güstia, co, davo l' avair cognoschüda, as volver davent dal sanct comadamaint, chi als eira stat dat. * Luc. 12, 47. 48.

22. Ma l' ais insontrâ ad els conform al vair proverb: * Il chan torna pro seis vomit, e la porcha lavada dacheu as roudla nel fango. * Prov. 26, 11.

CHAP. III.

L' apostel lascha a savair, cha vegnan a gnir sgiamgiadurs dell' impromissa vgnüda da Cristo; la quala el disch esser tscherta, e ch' ella s' approssima.

CHARS, quaiats ais agiâ la seguonda epistola, ch' eu as scriv; nell' ün' e nell' otra da quellas sdaids eu a regordanza *vos* sincêr intellet;

2. Acio cha vus as regordat dels plets, dits viavant tras ils sancts profets, e del comandamaint da nus, apostels del Segner, e Salvador.

3. Saviand quaiſt il prüm, cha * nels ultims dis vegnan a gnir ſgiamgiadurs, chi ehamineran ſeguond lur agens giavüſchamaints, * 1 Tim. 4, 1.

4. E dſcharan: * Ingio ais l' impromiſſiun da ſia vgnüda? Perche dall' ura innan, cha 'ls babuns s' han indormenzats, perseverescha tuot nel medem stadi dal principi della creaziun innan. * Esaj. 5, 19.

5. Perche quels voluntariamaing non san quaiſt, * cha tras il pled da Dieu, ils tſchels eiran da löneh nan, e la terra † prodüta our dall' aua, e tras l' aua. * Ps. 33, 6. † Gen. 1, 9. Ps. 24, 2.

6. E cha quattras il muond da lura, * ſiand cuvâtâ dall' aua, perit. * Gen. 7, 11.

7. Ma 'ls tſchels, e la terra del preſaint ſun tras il medem pled miſs in ſalv, e tgnüts sü pro 'l fö al di del güdizi, e della perdiziun dels crastians empis.

8. Ma quaiſt unic non as ſaja azzoppâ, chars, * cha avant il Segner ün di ais ſco milli ans, e milli ans ſco ün di. * Ps. 90, 4.

9. * Il Segner non intarda a *complir* ſia impromiſſiun, ſco alchüns tegnan per ün intardamaint; anzi l' ais paziant inverſ nus, † non voliand ch' alchün giaja a perder, ma cha tuots vegnan alla penitenza.

* Abac. 2, 3. † Ez. 18, 23. 32.

10. * Ma 'l di del Segner vain a gnir ſco ün lader da not, ed in quel vegnan ils † tſchels a paſſar via dandetamaing, e 'ls elemaints, ſvampats, vegnan as diſfar; e la terra, e las ouvras chi *ſun* stin quella, ſaran arſas.

* Matt. 24, 43. † Ps. 102, 27. Es. 51, 6. Ap. 20, 11. Rom. 8, 20.

11. Già cha tuot quaiſtas choſas han da gnir diſfattas, ſchi quant convaine a vus, da viver in ſancta converſaziun, ed in *ouvras da pietà*,

12. Spettand, e bramand la vgnüda del di da Dieu, sü qual ils tſchels, invüdatſ con fö, vegnan as diſfar, e 'ls elemaints inflammatſ vegnan ad alguar?

13. Ma, ſeguond l' impromiſſiun da quel, spettain nus gnand * novs tſchels, ed üna nouva terra, nels quals avda güſtia. * Esaj. 65, 17.

14. Perquai, chars, spettand vus quaiſtas choſas, ſchi mettai ſtüdi, cha vus dad el * vegnat chattats immaculatſ, ed irrepreſibels, in paſch.

* 1 Cor. 1, 8. Fil. 1, 10. 1 Tess. 3, 13.

15. E retgnai per ſalüd la pazienza da nos Segner; ſco eir nos char frar Paulo, ſeguond la ſapienza chi l' ais datta, 's ha ſcrit.

16. ſco ch' el *fa* eir in tuot *sias* epistolas, favland in quellaſ da quaiſts *puncts*; nellaſ qualas ſun alchünas choſas fadiuſas ad ineler, e quellaſ ſtorſchan ils crastians malammosats, ed instabels, ſco eir las otras ſcrittüras, pro lur propria perdiziun.

17. Vus dimena, chars, * ſaviand *quaiſtas choſas* ouravant, ſchi's perchürai, cha vus non vegnat transportats inſembel con els dal errur dels ſcelerats, e non croudât giò da voſſ' agna fermezza;

18. Anzi creſchai nella grazia, e cognoschenscha da nos Segner e Salvader Geſu Criſto. Ad el *ſaja* la gloria, uoſſa, ed in ſempiterno. Amen.

LA I. EPISTOLA CATTOLICA

DA

S. GIOANNE, APOSTEL.

CHAP. I.

L'apostel exorta a chaminar nella glüm, e da's recognoscher pechaders, con domandar perdun da noſſ puchats.

QUAI chi eira da principi, quai cha nus avain udi; quai cha nus avain vis con noſſ ögls; quai cha nus avain

* contemplâ, e noſſ mans han toc, concernent il pled della vita; * Gioan. 1, 14.

2. (E la vita * gnit manifestada, e nus avain vis, e rendain testimoni-anza, e s' annunziain la vit' eterna, † la quala eira pro 'l bap, e 'ns ais manifestada.) * 1 Tim. 3, 16. † Gioan. 1, 1. 2.

3. Quel, *di eu*, cha nus avain vis, ed udi, quel as laschain nus a savair, acio cha eir vus hajat communion con nus, e cha nossa communion *saja* con il bap, e con seis figl Gesu Cristo,

4. E nus as scrivain quaistas chosass, acio cha voss' allegrezza saja complida.

5. Ma quaiſt' ais la nouva, cha nus avain udi dad el, e la s' annunziain; cha Deis ais glüm, e cha şchütrezzas non sun in el inginas.

6. Scha nus dschain, cha nus hajan communion con el, e chaminain nellas şchütrezzas, schi mentin nus, e non procedain seguond vardà;

7. Ma, scha nus chaminain nella glüm, seo el ais nella glüm, schi avain nus communion, el e nus insembel; * e l' sang da Gesu Cristo, seis figl, ans nettaja d' ogni pucha.

* Ebr. 9, 14

8. Scha nus dschain, * cha non saja pucha in nus, schi ans ingiannain nus sves, e la vardà non ais in nus.

* 1 Reg. 8, 46. Eccl. 7, 20.

9. * Scha nus confessain noss puchats, schi ais el fidel e güst per ans perdunar ils puchats, e 'ns nettair d' ogni iniquità.

* Ps. 32, 5.

10. Scha nus dschain da non avoir pechâ, schi il fain nus mansnêr, e seis pled non ais in nus.

CHAP. II.

S. Gioanne mossa, cha Cristo rova per seis fidels in tſchel, e comanda, d' obedir a Deis, da viver in charità, e fûgir il muond; eir lasch' el a savair la vgnûda del anticrist, dal qual dëssan s' inguardar, da non gnir surmanats.

MEIS infants, eu as scriv quaistas chosass, acio cha vus non pechat; e, scha pür alchün ha pechâ, * schi avain nus ün avocat avant il bap, cioè, Gesu Cristo il güst,

* Rom. 8, 34.

2. E quel ais la reconciliaziun da noss puchats, e briaça solum dels noss, ma eir da *quels* da tuot il muond.

3. E tras quaiſt savain nus, cha nus l' avain cognoschü, scha nus observain seis comandamaints.

4. * Chi disch: Eu l' ha cognoschü, e non observa seis comandamaints, ais ün mansnêr, e la vardà non ais in ün tal.

* 1 Gioan. 1, 6.

5. Ma chi observa seis pled, schi ais l' amur da Dieu * vairamaing

complida in ün tal; da quaiſt savain nus, cha nus eschan in el. * 1 Gioan. 4, 12.

6. Chi disch da dmurar in el, dess, seo el chaminet, chaminar eir el sumgiantamaing.

7. Frars, eu non as scriv ün nouv comandamaint; anzi ün comandamaint vegl, * il qual vus avettat da principi innan. Il vegl comandamaint ais il pled, cha vus odittat da principi innan.

* 1 Gioan. 3, 11.

8. Impero eir, eu as scriv * ün comandamaint nouv, il qual ais vaira in el, ed in vus; perche las şchütrezzas passan, ed agià splendura la vaira glüm.

* Gioan. 13, 34.

9. * Chi disch, d' esser nella glüm, ed ödiescha seis frar, ais amo uossa nellas şchütrezzas.

* 1 Cor. 13, 2.

10. Chi ama seis frar, dmura nella glüm, e qua non ais intop pro el.

11. Ma, chi voul mal a seis frar, ais nellas şchütrezzas, e chamina nellas şchütrezzas, e non sa ingio el va; perche las şchütrezzas l' han orbantà ils ögls.

12. Infants, eu as scrîv; perche ils puchats sun a vus perdunats per il nom da quel;

13. Baps, eu as scriv; perche vus avais cognoschü quel, *chi ais* da principi innan. Giuvens, eu as scriv; perche vus avais vint il malign.

14. Infants, eu as scriv; perche vus avais cognoschü il bap. Baps, eu as scriv; perche vus avais cognoschü quel, *chi ais* da principi innan. Giuvens, eu s' ha scrit; perche vus eschat * fermes, e l' pled da Dieu dmura in vus, e vus avais vint il malign. * Ef. 6, 10.

15. Non amai il muond, ne las chosass chi sun nel muond; * sch' alchün ama il muond, schi non ais l' amur del bap in el.

* Matt. 6, 24. Giac. 4, 4.

16. Perche tuot quai chi *ais* nel muond, il giavüşchamaint della charn, e l' giavüşchamaint dels ögls, e la superbia della vita, non vain dal bap, ma vain dal muond.

17. E l' muond passa via e seis giavüşchamaint; ma chi fa la volontà da Dieu dmura in eterno.

18. Infants, l' ais l' ultim temp; e seo vus avais inelet, cha l' anticrist vegn' a gnir, schi uossa sun blers

antierists; dinuonder nus cognoschain, cha l' ais l' ultim temp.

19. Els sun sortits da nus, ma non eiran dels noss; perche, sch' els füssan stats dels noss, schi füssan els restats con nus; * ma *bsögnava*, eh' els gnissan manifestats; perche bricha tuots sun dels noss. * 1 Cor. 11, 19.

20. Ma, quant a vus, avais vus l' uneziun del sanct, e * cognoschais ogni chosa. * Gioan. 14, 26.

21. Quai ch' eu 's ha scrit, non ais, cha vus non sapchat la vardà; anzi per quai cha vus la savais, e cha ingüna menzögna non vain dalla vardà.

22. Chi ais il mansnêr, oter co quel chi sneja, cha Gesu saja il Cristo? Quel ais l' antierist, quel chi sneja il bap, ed il figl;

23. * Scodün, chi sneja il figl non ha neir il bap; † chi confessa il figl ha eir il bap. * Gioan. 15, 23. † 1 Gioan. 4, 15.

24. Quai cha vus dimena avais udi da principi dess dmurar in vus. Scha quai cha vus avais udi da principi dmura in vus, schi gnis eir vus a dmurar nel figl, e nel bap.

25. E quai' ais l' impromissiun, ch' el ans ha fat, cioè la vit' eterna.

26. Eu 's ha scrit quaiestas chosas davart quels chi as surmainan.

27. Ma in vus dmura l' uneziun, cha vus avais ardschvü dad el, e vus * non avais bsögn ch' alchün as mossa; ma, seo † l' uneziun istessa as mossa ogni chosa, e quella ais da vardà, e non ais menzögna, schi dmurai in el, seo quella 's ha mossà.

* Ger. 31, 33. 34. † Gioan. 14, 26.

28. Uossa dimena, infants, dmurai in el, acio, cur el sarà apparü, nus hajan fidanza, e non sajan confus pro sia presenza a sia vgnüda.

29. Scha vus savais, ch' el ais güst, schi sapchat, cha scodün chi operescha la güstia, ais naschü dad el.

CHAP. III.

S. Gioanne comanda als infants da Dieu, da 's perchüar dal pucha, e viver in pietà, e fraterna charità.

GUARDAI, che charità il bap ans ha dat, cha nus * gnin clamats infants da Dieu; perquai non ans cognoscha il muond, † perche el non ha cognoschü quel. * Gioan. 1, 12. † 16, 3.

2. Chars, uossa eschan nus infants da Dieu, ma amo non ais apparü quai cha nus gnin ad esser; ma nus savain, cha, cur quai sarà apparü, * schi gnin nus ad esser similis ad el; † perche nus gnin a 'l vair seo el ais.

* Rom. 8, 29. † Ps. 16, 11.

3. E scodün chi ha quaiста spranza in el as purificha, seo quel ais net.

4. Scodün chi fa il pucha, fa eir la transgressiun della ledscha, e 'l pucha ais la transgressiun della ledscha.

5. E vus savais, ch' el ais apparü, acio ch' el piglia via noss puchats, * e pucha alchün non ais in el.

* Es. 53, 9.

6. Scodün chi dmura in el non pecha; scodün chi pecha, non l' ha vis, e non l' ha cognoschü.

7. Infants, ch' ingün non as surmaina; chi operescha la güstia ais güst, seo quel ais güst.

8. Scodün chi fa il pucha ais dal diavel; perche il diavel pecha da principi innan. Per quai' ais apparü il figl da Dieu, * acio ch' el disfetscha las ouvras del diavel. * Gen. 3, 15.

9. Scodün, chi ais naschü da Dieu, non fa pucha; perche il sem da quel dmura in el, ed el non po pechar, per quai ch' el ais naschü da Dieu.

10. In quai' sun manifests ils infants da Dieu, e 'ls infants del diavel. Scodün chi non operescha la güstia, e chi non ama seis frar, non ais da Dieu.

11. Perche * quai' ais la nouva, cha vus avais udi da principi, cha nus dessan amar l'ün l' oter. * 1 Gioan. 1, 5.

12. E non *fetschan* seo * Cain, il qual eira del malign, e mazzet seis frar; e per che causa il mazzet el? Per quai cha sias ouvras eiran malas, e quella da seis frar güstas. * Gen. 4, 8.

13. Non as smüravgliai, meis frars, scha 'l muond as voul mal.

14. Nus savain, cha nus eschan transportats dalla mort alla vita; * per quai cha nus amain ils frars; chi non ama il frar dmura nella mort.

* 1 Gioan. 2, 9. 11.

15. * Scodün chi ödiescha seis frar ais ün omicider, e vus savais, cha ingün omicider non ha la vit' eterna dmuranta in sai. * Matt. 5, 21. 22.

16. * Vi' a quaiſt avain nus cognoſchü l'amur da Dieu, cha quel ha miſſ ſia vita per nus; eir nus deſſan metter la vita per ils frars. * Gioan. 3, 16.

17. Ma, nel cas, ch' ün ha roba del muond, e vezza ſeis frar avair bsögn, e' l serra ſias avainas; co dmura l'amur da Dieu in el?

18. Meis infants, * amain, bricha con il pled, ne con la lingua; ma con l'ouvra, ed in vardà. * Giac. 2, 15.

19. E vi' a quaiſt cognoschain nus, cha nus eſchan della vardà, e gnin a sgütar noss cours avant el;

20. Perche, ſcha nos cour *ans* condanna, ſchi ais pür Deis plü grand co nos cour, e cognoscha ogni choſa.

21. Chars, ſcha nos cour non ans condanna, ſchi avain nus confidanza in Deis.

22. * E qualunque choſa cha nus giavtſchain, *las* ardſhvain nus dad el; perche nus observain ſeis comandaints, e fain las choſas chi al ſun gratas. * Ps. 10, 17. Matt. 21, 22. Gioan. 9, 31.

23. E quaiſt ais ſeis comandaint, cha nus crajan al nom da ſeis figl Geſu Criſto, e' ns aman l' ün l' oter, ſeguond ch' el *ans* ha dat il comand.

24. * E chi observa ſeis comandaints dmura in el, ed el in quel, † e' vi' a quaiſt cognoschain nus, ch' el dmura in nus, *cioè*, vi' al Spiert ch' el ans ha dunà. * Gioan. 14, 23. † Rom. 8, 9.

CHAP. IV.

S. Gioanne comanda, ch' ün deſſ provar ils ſpierts, e viver in charità.

CHARS, non crajai ad ogni ſpiert; * ma provai ils ſpierts, ſch' els ſun da Dieu; perche blers fos profets ſun its oura nel muond.

* 1 Tess. 5, 21. Ap. 2, 2.

2. Da quaiſt cognoschais il ſpiert da Dieu: Ogni ſpiert, chi confessa Geſu Criſto, gnü in charn, ais da Dieu;

3. Ed ogni ſpiert, chi non confessa Geſu Criſto, gnü in charn, non ais da Dieu, e quel ais *il ſpiert* del anti-crist, il qual, ſeo avais udi, vain a gnir; ed uossa ais el agià nel muond.

4. Vus eſchat da Dieu, *meis* infants, e' ls avais vints; perche plü grand ais quel chi *ais* in vus, co quel chi *ais* nel muond.

5. * Quels ſun dal muond, e per quai favellan els quai ch' ais dal muond, e' l muond ils taidla.

* Gioan. 3, 31.

6. Nus eſchan da Dieu; * chi cognoſcha Deis ans taidla; chi non ais da Dieu non ans taidla. Da quaiſt cognoschain nus il ſpiert della vardà, e' l ſpiert del errur.

* Gioan. 8, 47.

7. Chars, ans amain l' ün l' oter; perche la charità ais da Dieu; e ſco-dün chi ama ais naſchü da Dieu, e cognoscha Deis.

8. Chi non ama, non cognoscha Deis; perche Deis ais la charità.

9. * In quaiſt s' ha manifestada la charità da Dieu invers nus, cha Deis ha tramiss ſeis unigenit nel muond, acio cha nus tras el vivan. * Gioan. 3, 16.

10. In quaiſt ſta la charità, * bricha cha nus hajan amà Deis, ma ch' el ha amà nus, ed ha tramiss ſeis figl, *per eſſer* † la reconciliaziun da noss puchats.

* Gioan. 15, 16. † 1 Gioan. 2, 2.

11. Chars, ſcha Deis uſche ans ha amats, ſchi ans deſſan eir nus amar l' ün l' oter.

12. Ingüin mâ non * vezzet Deis; ſcha nus ans amain l' ün l' oter, ſchi dmura Deis in nus, e ſia charità ais complida in nus.

* Gioan. 1, 18.

13. Da quaiſt cognoschain nus, cha nus dmurain in el, ed el in nus; perche el ans ha dunà da ſeis Spiert.

14. * E nus avain vis, e dain perdüta, cha' l bap ha tramiss il figl, *per eſſer* ſalvader del muond. * Gioan. 1, 14.

15. Scha qualchün confessa, cha Geſu ſaja il figl da Dieu, ſchi dmura Deis in el, ed el in Dieu.

16. E nus avain cognoschü, e cret la charità, cha Deis ha invers nus. * Deis ais la charità, e chi dmura nella charità, dmura in Dieu, e Deis dmura in el.

v. 8, v. 12.

17. In quaiſt ais complida la charità invers nus, cha * nus hajan confidanza sün il di del güdizi, cha ſeo el ais, *tals* eſchan eir nus in quaiſt muond.

* Giac. 2, 13.

18. La temma non ais nella charità; anzi la charità complida chatscha our la temma; perche la temma ha paina; e chi temma non ais perfet nella charità.

19. Nus l'amain; perche el ans ha amats il prüim.

20. Scha 'lchün disch: Eu am Deis, e vout mal a seis frar, schi ais el ün mansnê; perche, chi non ama seis frar, ch' el ha vis, co po el amar Deis, ch' el non ha vis?

21. * E quaiست comandamaint avain nus dad el, cha chi ama Deis, dess amar eir seis frar.

* Matt. 22, 37. 39.

CHAP. V.

L'apostel mossa, cha la cretta, e l'amur eterna sajan compagnadas; e che confidenza nus dessan avair in urar vi' a Dieu, e dessan urar per il frar.

OGNIÜN chi craja, cha * Gesu saja il Cristo, ais naschü da Dieu, e scodün chi ama quel chi l'ha generâ, ama eir quel chi ais generâ dad el.

* 1 Gioan. 2, 22. 23.

2. Da quaiست cognoschain nus, cha nus amain ils infants da Dieu, cur nus amain Deis, ed observain seis comandamaints.

3. Perche, * quaiست ais l'amur da Dieu, cha nus observan seis comandamaints, e seis † comandamaints non sun greivs. * Gioan. 14, 15. 21. 23. † Matt. 11, 30.

4. Perche, tuot quai chi ais naschü da * Dieu, venscha il muond; e quaiست ais la victoria, chi ha vint il muond, cioè nossa cretta. * 1 Gioan. 4, 4.

5. Chi ais quel chi venscha il muond, * oter co quel, chi craja, cha Gesu saja il figl da Dieu?

* 1 Gioan. 4, 15.

6. Quaiست ais quel, chi ais gnü con aua, e sang, cioè Gesu Cristo, bricha sulamaing con aua, ma con sang e con aua; e l'Spiert ais quel chi dà perdüta *da quai*; perche il Spiert ais la vardà.

7. Perche trais sun quels chi testifichan (in tsel, il bap, * e'l pled, e'l Spiert Sanct; e quaiست trais sun ün' istessa chosa.

* Gioan. 1, 1.

8. Trais eir sun quels chi testifichan (sün terra), il Spiert, e l' aua, e l'sang, e quaiست trais as refereschon sün quell' üna chosa.

9. Scha nus ardschvain la perdüta della gliend, schi ais pür la perdüta da Dieu plü granda; perche quaiست ais

la testimonianza da Dieu, la quala el ha testifichâ da seis figl.

10. Chi craja nel figl da Dieu, * ha la testimonianza in sai sves; chi non craja a Dieu, il fa mansnê; perche el non ha cret alla testimonianza, cha Deis ha testifichâ davart seis figl.

* Rom. 8, 16.

11. E quaiست ais la perdüta, cha Deis ans ha dat la vit' eterna, e cha quaiста vita ais in seis figl.

12. * Chi ha il figl, ha la vita; chi non ha il figl da Dieu, non ha la vita.

* Gioan. 3, 36.

13. Eu ha scrit quaiستas chosas a vus, chi crajais nel nom del figl da Dieu, acio sapchat, cha vus avais la vit' eterna, ed acio crajat nel nom del figl da Dieu.

14. E quaiست ais la fidanza, cha nus avain in el, cha, * scha nus domandain chos' alchüna seguond sia volontà, el ans exoda.

* Gioan. 3, 22.

15. E, scha nus savain, cha qualunque chosa nus giavüschain, el ans exoda, schi savain nus d'obtgnair las chosas, cha nus avain giavüschâ dad el.

16. Sch' alchün vezza seis frar commetter pucha *chi* non ais a mort, schi ch' el rova *Deis*, ed el al dunerà la vita, cioè a quels, chi non pechan a mort. * L' ais ün pucha a mort; perquel non di eu, ch' ün dess rovar.

* Matt. 12, 31. 32.

17. Tuotta iniquità ais pucha; ma l' ais eir pucha *chi* non ais a mort.

18. Nus savain, cha * scodün chi ais naschü da Dieu non pecha; ma chi ais naschü da Dieu, conserva sai sves, e l' malign non il tocca. * 1 Gioan. 3, 9.

19. Nus savain, cha nus eschan da Dieu, e cha tuot il muond giascha suot il malign.

20. Ma nus savain, cha l' figl da Dieu ais gnü, e ns ha dat intellet, cha nus cognoschan il vair; e nus eschan nel vair, in seis figl Gesu Cristo. Quaiست ais il vair Dieu, e la vit' eterna.

21. *Meis* infants, s' inguardai dals idols. Amen.

LA II. EPISTOLA

DA

S. GIOANNE, APOSTEL.

IL seniur all' eletta Kiria ed a seis infants, ils quals eu am in vardà, (e na eu sulet, ma eir tuots quels chi han cognoschü la vardà.)

2. Per amur della vardà, chi dmura in nus, e sarà con nus in eterno;

3. Grazia, misericordia e pasch da Dieu bap, e dal Segner Gesu Cristo, figl del bap, saja con vus, in vardà e charità.

4. Eu m'ha grandamaing allegrâ, ch'eu ha chattâ da teis infants, chi chaminan nella vardà, seguond cha nus avain ardschvü il comandamaint del bap.

5. Ed uossa at rouv eu, Kiria, bricha seo at scrivand ün comandamaint nouv, ma quel, cha nus avain gnü da principi, cha ans amans l' ün l' oter.

6. * E quaiſt' ais la charità, cha nus chaminan seguond seis comandamaints. Quaiſt ais il comandamaint, seo avais udi † da principi, cha vus chaminat in ella.

* 1 Gioan. 5, 3. † 1 Gioan. 2, 24.

7. Perche nel muond sun intrats blers surmanadurs, ils quals non confessan Gesu Cristo, gnü in charn; * ün tal ais il surmanadur, e l' anticrist.

* 1 Gioan. 2, 22.

8. S' inguardai bain, * cha nus non perdan quai, cha nus avain operâ; anzi, cha nus ardschaivan plaina mercede.

* Gal. 3, 4.

9. Scodün chi trapassa, e non dmura nella doctrina da Cristo, non ha Deis; chi dmura nella doctrina da Cristo ha il bap, e l' figl.

10. Sch' alchün vain pro vus, e non porta quaiſta doctrina, schi non il ardschvai in chasa, * e non il salüdai;

* Rom. 16, 17.

11. Perche, chi il salüda, piglia part vi' a sias malas ouvas.

12. Eu avess bleras chosas da's scri-ver, non vögl però *far quai* tras char-ta, e tinta; ma speresch da gnir pro vus, e favlar a bocca; * acio cha noss' allegrezza saja complida. * Gioan. 17, 13.

13. Ils infants da tia sour eletta at salüdan. Amen.

LA III. EPISTOLA

DA

S. GIOANNE, APOSTEL.

IL seniur al char Gajo, il qual eu am in vardà.

2. Char, eu desideresch, cha tü prospereschast in ogni chosa, e stettast san; seo ti' orma prosperescha.

3. Perche, eu m' ha grandamaing allegrâ, cur ils frars gnittan, e dettan perdüta da tia vardà, seguond cha tü * chaminast nella vardà. * 2 Gioan. 4.

4. Eu non ha plü granda allegrezza eo quaiſta, d' inler, cha meis infants chaminan nella vardà.

5. Char, tü fast da *vair* fidel in quai cha tü opereschast vers ils frars, e vers ils forestêrs;

6. Quals han dat testimonianza da tia charità nel conspet della baselgia; e tü farast bain da 'ls compagnar degnamaing, seo 's convain avant Deis.

7. Perche per seis nom sun els partits, sainza tour inguotta dals pajans.

8. Contuot stovain nus tour aint

quels tals, acio cha sajans agüdants della vardà.

9. Eu ha scrit alla baselgia; ma Diotrefe, il qual tschercha il primat tanter els, non ans ardschaiva.

10. Perquai, sch'eu vegn, sch' il vögl eu far regordar allas ouvras ch'el fa, sbajand da nus con mals plets; e na containt da quaist, na solum non ardschaiva el ils frars, ma impedesch' eir quels, chi 'ls vöglan *ardschaiver*, e 'ls chatscha our dalla baselgia.

11. Char, non imitar il mal, ma il

bön; * chi fa bain ais da Dieu; ma chi fa mal non ha vis Deis.

* 1 Gioan. 3, 6. 9.

12. A Demetrio vain dat buna perdüta da tuots, e dalla vardà sves; ed eir nus attestain, e vus savais, cha nossa testimonianza ais vaira.

13. * Eu avess gnü bleras chosas da scriver, ma non las vögl at scriver con tinta, e penna; * 2 Gioan. 12.

14. Ma eu speresch bod da't vair, e lura ans volain nus favlar a bocca.

18. Pasch *saja* con tai; ils amis at saltüdan. Salüda ils amis dad ün in ün.

L' EPISTOLA CATTOLICA

DA

S. GIUDA, APOSTEL.

GIUDA, serviaint da Gesu Cristo, e * frar da Giacobbo, als clamats, santificats in Dieu bap, † e conservats in Cristo Gesu:

* Luc. 6, 16. † Gioan. 17, 11. 12. 15.

2. Misericordia, pasch, e charità, saja a vus multiplichadamaing!

3. Chars, aviand miss tuot stüdi da's scriver dal comün salüd, schi m' aise appartü necessari, da's scriver, a's exortar, da proseguir a combatter per la cretta, chi ais üna vouta statta mossada als sanets.

4. Perche tseherts crastians sun gnüts spera pro, * ils quals agià vivand da lösch nan sun scrits sü pro quaista condannaziun; empis, ils quals volvan la grazia da nos Deis pro slaschögn, e snejan il sulet patrun, Dieu, e nos Segner Gesu Cristo.

* Rom. 9, 21. 22.

5. Ma eu as vögl trar adimaint *quai*, cha vus üna vouta avais savü, cha'l Segner, aviand salvà *seis* pövel our dal pajais d' Egipto, * ha davo quai sdrüt quels chi non crajaivan.

* Num. 14, 29. 37.

6. Ed ha miss in chüra nella schürezza con liams eterns, per il güdizi del grand di, * ils angels, chi non han salvà lur origine,

ma han bandunà lur propria stanza.

* Gioan. 8, 44.

7. * Sco Sodoma, e Gomorra, e las cittats là d' intuorn, las qualas, nella medema maniera sco quaists han fat pitanögn e sun crodats in innatürala charnalitä, stan statuidas per exaimpel, portand la paina del fö etern.

* Gen. 19, 24.

8. E pür, sumgiantamaing eir quaists, as sömgiant, impalan la charn, e spredschan las signorias, e dischan mal dallas dignitats.

9. Dinuonder l' archangel Michael, cur el combattaiva e dispittaiva con il diavel davart il corp da Mose, schi non aschet el slauschar üna sentenza da maldicenza, anzi dschet: * T' arprenda il Segner!

* Zac. 3, 2.

10. Ma quaists dischan mal da tuot-tas chosas, * ch' els non san; e's corrumpan in tuot quellas, ch' els da natüra san, sco ils animals sainz' intellet.

* 2 Petr. 2, 12.

11. Vae ad els; perche els sun chaminats la via da * Cain, e s' han laschats transportar † tras l' ingian della paga da Balaam, e sun perits ** tras la contenziun da Core.

* Gen. 4, 5. † Num. 22, 5. 28. ** Num. 16, 2.

12. Quaists sun maclas süin voss

pasts da charità, chi sun a maisa *con vus* sainza tuorp, e paschaintan sai s vess; * nùvlas sainz' aua, chatschadas qua e là dals vents; böschs marschs, sterils, duos voutas morts, ragischats oura; * Prov. 25, 14.

13. Uondas furiusas del mâr, chi bütтан oura la schümada da lur sporchezas; stailas straviadas, als quals ais reservâ la schürezza del-las schürdüms in eterno.

14. Ma a tals eir profetizet Enoch, * il settavel davo Adam, dschand: Mera, il Segner ais gnü con sias sanctas milliêras, * Gen. 5, 18.

15. Per far giüdizi contra tuots, e convenscher tuots ils empis tanter els, da tuot las ouvras d' empietà, chi han commiss, e da tuot las chos-as düras, cha han proferi conter el ils empis pechadurs!

16. Quaists sun bruncladitschs, al-mantadurs, chi chaminan seguond lur giavüschamaints, e lur bocca pro-ferescha chosas in plds eccessivs, els admiran las persunas per lur nüz.

17. Ma vus, chars, as regordai dels plds, predits dals apostels da nos Segner Gesu Cristo;

18. Seo els dschaivan a vus, * cha nels ultims temps vegnan ad esser sgiamgiadurs, ils quals chaminan seguond ils giavüschamaints da lur empietà. * 1 Tim. 4, 1. 2 Tim. 3, 1. 2 Petr. 3, 3.

19. Quaists sun quels, chi as sepa-ran s vess, *essendo* * sensuals, chi non han il Spiert; * 1 Cor. 2, 14.

20. Ma vus, chars, s' edificai vus istess sün vossa santissima cretta, urai nel Spiert Sanct.

21. As conservai nell' amur da Dieu, spettand sün la misericordia da nos Segner Gesu Cristo pro la vit' eterna;

22. Ed hajat compassiun d' üna part, üsand discreziun;

23. Ma fat salvs ils oters tras spa-vent, *ils* sdrappand our dal fö; ödiand eir * la rassa maclada della charn. * Ap. 3, 4.

24. * Ma a quel, chi ais potaint, da's conservar sainz' intop, e's far comparair avant sia gloria irrepre-n-sibels, con güvel, * Rom. 16, 25. Ef. 3, 20.

25. Al Dieu sulet sabi, nos Salva-der *saja* gloria, e magnificenza; im-peri e pussanza; ed uossa e per saimper. Amen.

A P O C A L I P S E,

O L A

REVELAZIUN DA S. GIOANNE, IL TEOLOG.

CHAP. I.

Sanct Gioan mossa, che saja l'ogget, autur principal, ed utilità da quaist eudesch, indirzzâ allas set baselgias dell' Asia pitschna; descriva la prüma visiun, e la persuna da Cristo, ad el apparüda con granda majestâ.

LA revelaziun da Gesu Cristo, la quala Deis l' ha dat, per far a savair a seis serviaints las chosas chi dessan dvantar in cuort temp; ed el l' ha declarada, l' aviand tramissa tras seis angel a Gioanne, seis ser-viaint;

2. Il qual ha dat perdüta dal pled da Dieu, e dalla testimonianza da Gesu Cristo, e da tuot las chosas * ch' el ha vis. * 1 Gioan. 1, 1.

3. Beà quel chi legia, e *beats* quels chi odan ils plds da quaista profe-zia, e salvan las chosas chi in quella sun scrittas; perche il temp *ais* * vicin.

* Giac. 5, 8. Ap. 22, 10. 1 Petr. 4, 7. Rom. 13, 11.

4. Gioanne, allas set baselgias chi *sun* nell' Asia; grazia a vus, e pasch da quel chi ais, * e chi eira, e chi ha da gnir; e dals set spierts chi sun avant seis trun;

* Gioan. 1, 1.

5. E da Gesu Cristo, * la fidela per-düta, † il primogenit dels morts, e'l princip dels rais della terra; quel, chi 'ns ha amats, ** e 'ns ha lavats

da noss puchats con seis sang;

* Gioan. 8, 14. Ap. 3, 14. † 1 Cor. 15, 20.

Col. 1, 18. ** Ebr. 9, 14. 1 Gioan. 1, 7. Ap. 17, 14. 19, 16.

6. * E'ns ha fats rais e sacerdots, a Dieu seis bap. Ad el *saja* la gloria, e l'imperi, da saimper a saimper. Amen.

* Ap. 20, 6. 5, 10. 1 Petr. 2, 5. 9.

7. * Mera, el vain con las nüvlas, ed ogni ügl il vezzerà, eir quels chi l'han forà tras; e tuot las nazions della terra faran cordöli sur el. Schi, Amen.

* Zach. 12, 10.

Matt. 24, 30. 26, 64. Gioan. 19, 37. Act. 1, 11.

8. * Eu sun l'Alfa, e l'Omega; il principi, e la fin, disch il Segner Deis, chi ais, e chi eira, e chi ha da gnir, l'omnipotaint.

* Es. 41, 4. 44, 6. 48, 12. Ap. 21, 6. 22, 13.

9. Eu Gioanne, chi *sun* vos frar, e nel istess temp compagn nell' afflicziun, * e nel reginam, e nella pazienza da Cristo Gesu, eira sün l' isla, clamada Patmos, per il pled da Dieu, e per la testimonianza da Gesu Cristo.

* Rom. 8, 17. Fil. 1, 7. 4, 14. 2 Tim. 1, 8. 2, 12.

10. Eu eira nel spiert sül di della domengia; ed udit davo mai üna granda vusch, sco d' üna trombetta,

11. Chi dschaiva: Eu sun l'Alfa, e l'Omega; il prüm e l'ultim; e: Quai cha tü vezzast scriva in ün cudesch, e trametta l' allas set baselgias chi *sun* in Asia: Ad Efeso, ed a Smirna, ed a Pergamo, ed a Tiatira, ed a Sarde, ed a Filadelfia, ed a Laodicea.

12. Ed eu am völvet intuorn, per vair la vusch chi avaiva favlä con mai; e'm aviand vout, vezzet eu set chandellêrs d' or.

13. Ed in mez quels set chandellêrs, ün, sumgiant ad ün figl da crastian, vesti con üna rassa lunga fin als peis, e tschintà con üna tschintà d' or intuorn il bruost.

14. E seis cheu, e seis chavels *eiran* albs sco lana alba, a guisa da naiv, e seis ügls sumagliaivan ad üna flamma da fö.

15. E seis peis *eiran* similis al bruonz chi traglüscha, ingual sco sch' els ardessan in ün fuorn; e sia vusch *eira* sco l' sun da bleras auas.

16. Ed el avai' in seis man dret set stailas; * ed our da sia bocca giaiva üna spada chi tagliaiva d' am-

menduos varts, agüzza; e sia vista *eira* sco l' solai, cur el splendura in sia forza. * Es. 49, 2. Ebr. 4, 12. Ap. 2, 16. 19, 15. 21.

17. E, cur eu l' avet vis, crodet eu giò avant seis peis, sco mort. * Ed el mettet seis man dret sün mai, dschand a mai: Non tmair; eu sun il prüm, e l' ultim; * Dan. 8, 18. 10, 10.

18. E quel chi viva; eu sun stat mort, ma mera, eu sun vivaint da saimper a saimper. Amen; e * ha las clavs della mort, e del infiern.

* Ps. 68, 21. Ap. 20, 1.

19. Scriva dimena las chosas cha tü hast vis, e quellas chi sun, e quellas chi saran d' uoss' in via;

20. Il misteri dellas set stailas, cha tü hast vis sün meis man dret; e *quel* dels set chandellêrs d' or. Las set stailas sun ils angels dellas set baselgias; e'ls set chandellêrs, cha tü hast vis, sun las set baselgias.

CHAP. II.

Cristo comanda a S. Gioanne da scriver allas baselgias d' Efeso, da Smirna, da Pergamo, da Tiatira, las exortand a perseveranza, pazienza e meldramaint.

AL angel della baselgia d' Efeso scriva: Quaistas chosas disch quel, chi tegna las * set stailas in seis man dret, il qual-chamina in mez ils chandellêrs d' or. * Ap. 1, 13. 16.

2. Eu cognosch tias ouvras, e tia fadia, e tia pazienza, e cha tü non poust portar ils mals; * ed hast provâ quels chi 's elaman apostels, e non sun; e'ls hast chattats mansnêrs; * 1 Gioan. 4, 1.

3. Ed hast portâ il charg, ed hast pazienza, ed hast lavurâ per meis nom, e non est gnü stangel.

4. Ma eu ha contra tia *quaist*, cha tü hast bandunâ tia prüma charità.

5. Contuot, at regorda dinuonder tü est crodâ giò, e't meldra, e fà las prümas ouvras; non brieda, schi vegn eu bod a gnir pro tai, e vögl mover teis chandellêr d'avent da seis lö, scha tü non at meldrast.

6. Ma tü hast quaist, cha tü ödieschast las ouvras dels Nicolaitas, las qualas eir eu ödiesch.

7. * Chi ha uraglias oda quai cha l' Spiert disch allas baselgias. A chi venscha vögl eu dar da mangiar dal

bösch della vita, chi ais in mez il paradis da meis Deis.

* Matt. 11, 15. 13, 9. 43.

8. Ed al angel della baselgia da Smirna scriva: Quaistas chosas disch * il prüm, e l'ultim, il qual ais stat mort, ed ais turnâ in vita;

* Ap. 1, 8, 17. 18.

9. Eu cognosch tias oubras, e tia afflicziun, e tia povertà (impero tû est rich;) e la blastemma da quels chi dischan esser Güdeus, e non sun; anzi *sun* üna sinagoga da satanas.

10. Non tmair inguotta dellas chosas cha tû vainst ad indürar; mera, e vain a dvantar, cha 'l diavel chat-scherà *alchiüns* da vus in preschun, acio cha vus vegnat provats, e vus averat tribulaziun desch dis; sajast fidel infin alla mort, ed eu 't vögl dar * la coruna della vita. * Giac. 1, 12.

11. Chi ha uraglias oda quai cha 'l Spiert disch allas baselgias: Chi venscha non sarà brich' offais * dalla seguonda mort.

* Ap. 20, 14. 21, 8.

12. Ed al angel della baselgia da Pergamo scriva: Quaistas chosas disch * quel chi ha la spada güzza, tagliainta d'ammenduos varts. * Ap. 1, 16.

13. Eu cognosch tias oubras, ed ingio tû avdast, cioè, là ingio *ais* la sopcha da satanas, e pür tû salvast meis nom, e non hast renegâ mia cretta nels dis chi füt mazzâ mia fidela pèrdüta Antipa pro vus, là ingio avda satanas.

14. Ma eu ha alchüinas pacas chosas contra tai, cioè, cha tû hast qui da quels, chi salvan la doctrina * da Balaam, il qual mosset a Balac da dar schandel avant ils infants d'Israel, acio ch'els mangessan chosas sacrificadas als idols, e commettessan pitanögn.

* Num. 24, 14. 25, 1. 1 Cor. 10, 7. 14.

15. Usche hast eir tû da quels chi salvan la doctrina dels Nicolaitis, il qual eu ödiesch.

16. At meldra; non bricha, schi vegn eu bod a gnir pro tai, * e vögl combatter con els con la spada da mia bocca. * Es. 11, 4. 2 Tess. 2, 8. Ap. 19, 15. 21.

17. Chi ha uraglias oda quai cha 'l Spiert disch allas baselgias. A chi

venscha vögl eu dar da mangiar della manna zoppada, e 'l vögl dar ün crap alb, e sün quel crap * ün nouv nom scrit, il qual ingün non cognoscha, oter co quel chi l'ardschaiva.

* Ap. 3, 12.

18. Ed al angel della baselgia da Tiatira scriva: Quaistas chosas disch il figl da Dieu, * il qual ha ils ügls seo flammass da fö, e 'ls peis del qual *sun* similis al bruonz chi traglüscha.

* Ap. 1, 14. 15.

19. Eu cognosch tias oubras, e tia charità, e tia cretta, e teis ministeri, e tia pazienza; e cha tias oubras ultimas supravanzan las prümas;

20. Ma eu ha contra tai alchüinas pacas chosas, cioè, cha tû laschast, cha la duonna Jezabel, la quala disch esser profeta, mossa, e surmaina meis serviaints per commetter pitanögn, * e mangiar sacrificis dels idols.

* Act. 15, 20.

21. Ed eu l'ha dat temp da 's mel-drar da seis pitanögn; ma ella non s'ha meldrada.

22. Mera, eu la fetsch erodar in let; e quels chi adultereschon con ella, in granda tribulaziun, sch'els non as meldran da lur oubras;

23. E vögl far murir della mort ils infants da quella, e tuot las baselgias cognoscheran, ch'eu sun * quel, chi sonda ils ranuogls e 'ls cours, e vögl render a scodün da vus seguond vossas oubras. * Ger. 11, 20. 17, 10. Ps. 7, 10.

24. Ma a vus oters chi *eschat* in Tiatira, chi non avais quaista doctrina, e non avais cognoschü las profunditats da satanas, seo quels tschantschan, eu di: Eu non vögl metter sün vus oter pais.

25. Impero, quai cha vus avais, quai salvai fin ch'eu vegn.

26. Ed a chi venscha, e salva fin alla fin mias oubras, vögl eu * dar pussanza sur las nazziuns.

* Matt. 19, 28. Luc. 22, 29. 1 Cor. 6, 3. Ap. 3, 21.

27. * Ed el vain a las redscher con üna percha da fier, e saran missas in tocs seo vashella da terra; seo eu eir ha ardschvü da meis bap.

* Ps. 2, 8. 9. 49, 15.

28. E 'ls vögl dar la staila della daman.

29. Chi ha uraglias oda quai cha 'l Spiert disch allas baselgias.

CHAP. III.

Il Segner comanda a S. Gioanne da scriver alla baselgia da Sarde, e da Filadelfia, e da Laodicea.

ED al angel della baselgia da Sarde scriva: Quaistas chosas disch * quel chi ha ils set spierts da Dieu e las set stailas: Eu cognosch tias ouvras cha tü hast il nom da viver, e pür est mort. * Ap. 1, 16.

2. Sajast vigilant, e conferma il rimanent chi sta per morir; perche eu non ha chattâ tias ouvras compidas nel conspet da meis Deis.

3. Contuot, at regorda quant tü hast ardschvü, ed udi; e salva *quai*, e 't meldra. Ma, scha tü non vagliast, * schi vegn eu a gnir sur tai, a guisa d'ün lader, e tü non saverast qual'ura eu vegn a gnir sur tai.

* Matt. 24, 42, 43. Luc. 12, 39, 40.

1 Tes. 5, 2. 2 Petr. 3, 10. Ap. 16, 15.

4. Impero tü hast alchünas pacas personas in Sarde, chi non han contaminâ lur vestimainta, e quellas chamineran con mai * in *vestimaint'* alba, perche ellas sun degnas.

* Ap. 4, 4. 6, 11. 7, 9, 13.

5. Chi venscha sarâ vesti con vestimaint' alba, ed eu non vögl chassar seis nom our dal eudesch della vita; anzi vögl * confessar seis nom nel conspet da meis bap, e nel conspet da seis angels. * Matt. 10, 32.

6. Chi ha uraglias oda quai cha 'l Spiert disch allas baselgias.

7. Ed al angel della baselgia da Filadelfia scriva: Quaistas chosas disch il sanet, il vardaivel, * quel chi ha la clav da David, il qual avra, ed ingün non serra; il qual serra, ed ingün non avra: * Ap. 1, 18. Es. 22, 22.

8. Eu cognosch tias ouvras; mera, eu ha miss la porta averta avant tai, la quala ingün non po serrar; perche tü hast paca forza, ed hast salvâ meis pled, e non hast renegâ meis nom.

9. Mera, eu redüj * *quels* della sinagoga da satanas, chi dischan els esser Güdeus, e non sun, anzi maintan in *tal stadi*, ch'eu vögl far ch'els gnaran, e s' inclineran avant teis

peis, e cognoscheran ch'eu t'ha amâ.

* Act. 2, 9.

10. Perche cha tü hast salvâ il pled da mia pazienza, eir eu 't vögl salvar nell'ura del tentamaint, chi vain a gnir sur tuot il muond, per provar quels chi avdan sur la terra.

11. Mera, * eu vegn bod; salva quai cha tü hast, acio ch' ingün non at piglia tia corona. * Fil. 4, 5. Ap. 1, 3. 22, 7, 12.

12. Quel chi venscha il vögl eu far üna colonna nel taimpel da meis Deis, ed el non vain mâ plü ad ir oura; * e vögl scriver sün el il nom da meis Deis, e 'l nom della città da meis Deis, † della nouva Gerusalem, la quala vain giò da tselch d'avent da meis Deis, e meis nouv nom.

* Ap. 2, 17. † Gal. 4, 26. Ebr. 12, 22. Ap. 21, 2.

13. Chi ha uraglias oda quai cha 'l Spiert disch allas baselgias.

14. Ed al angel della baselgia da Laodicea scriva: Quaistas chosas disch l'amen, la * fidela, e vardaivla perdüta; il principi della creatüra da Dieu. * Ap. 1, 5.

15. Eu cognosch tias ouvras, cha tü non est, ne fraid, ne chod; ah füssast tü pür fraid, o chod!

16. Contuot, siand cha tü est tevi, e non est, ne fraid, ne chod; schi 't vögl eu vomitar our da mia bocca;

17. Perche tü disch: * Eu sun rich, e sun dvantâ rich, e non ha bsögn d'inguotta; e non sast cha tü est quel calamitus, e miserabel, e pover, ed orb, e nüd. * 1 Cor. 4, 8.

18. Eu 't cossagl da cumprar da mai or raffinâ con il fö, acio cha tü dvaintast rich; e vestimainta alba, acio cha tü sajast vesti, e non appara la verguogna da tia nüdezza; e d'onscher teis ögls con üt dad ögls, acio cha tü vezzast.

19. * Eu reprend e chasti tuots quels ch'eu vögl bain; hajast dimena zeli, e 't meldra. * Job 5, 17.

Prov. 3, 11, 12. Ebr. 12, 5, 6. Giac. 1, 12.

20. Mera, eu stun avant la porta, e pich; sch' alchün oda mia vusch ed avra la porta, schi vögl eu * intrar pro el, e vögl tsehnar con el, ed el con mai. * Gioan. 14, 23. Can. 5, 2.

21. A quel chi venscha vögl eu * dar da zer con mai sün meis trun; seo

eir eu ha vint, e m'ha tshantâ con meis bap sün seis trun.

* Matt. 19, 28. Luc. 22, 30. 2 Tim. 2, 12. Ap. 2, 26. 27.

22. Chi ha uraglias oda quai cha 'l Spiert disch allas baselgias.

CHAP. IV.

Sanct Gioanne descriv' ün' otra visiun, ingio Deis l'appara in gloria, e quatter animals intuorn el, con vainch e quatter vegls chi 'l lodaiavan.

DOPO quaistas chosas, vezzet eu, e mera, üna porta averta in tsel; mera eir * quella prüma vusch a guisa da trombetta, ch'eu avai' udi a favlar con mai, dschand: Vè qui sü, ed eu't vögl mossar las chosas chi dessan dvantar d'uoss' in via.

* Ap. 1, 10.

2. E subit füt * eu nell'extase. E mera, ün trun eira tshantâ in tsel, sül trun ün chi sezzaiva. * Ez. 1, 26. 10, 1.

3. E quel chi sezzaiva eira nel aspet sumgiant ad üna peidra da jaspis, e sardis; ed intuorn il trun eira l'arch celestial, sumgiant in vista ad ün smaragd.

4. E qua intuorn il trun eiran vainch e quatter truns, e süls vainch e quatter truns vezzet eu zer ils vainch e quatter vegls, vestits con vestimaint alba, ed els avaiavan sün lur testas coronas d'or.

5. Ed our dal trun procedaiavan lütschaiders, e suns, e tuns; e qua eiran set lampas chi ardaivan avant il trun, las qualas sun ils * set spierts da Dieu.

* Ap. 1, 4.

6. E qua avant il trun eira sco ün * mâr da vaider, simil al cristall; e qua in mez, ingio eira il trun, ed intuorn quel, eiran quatter animals, plains d'ögls, davant e davo. * Ap. 15, 2.

7. E'l prüm animal eira simil ad ün liun, e'l seguond animal simil ad ün vadè, e'l terz animal avaiava la fatscha sco ün crastian, e'l quart animal eira simil ad ün' aglia chi s'voula.

8. E'ls quatter animals avaiavan * ses alas per ün intuorn els, ed aint dadaint eiran els plains d'ögls; e non interlaschaivan mâ, ne di, ne not, da dir: † Sanct, sanct, sanct, ais il Segner Deis, l'omnipotaint, ** chi ais, e chi ha da gnir!

* Es. 6, 2. † Es. 6, 3. ** Ap. 1, 4.

9. E, eur ils animals daivan gloria, ed onur, e grazias, a quel chi sezzaiva sül trun, a quel chi viva da saimper a saimper;

10. Schi's büttaivan ils vainch e quatter vegls giò avant quel chi sezzaiva sül trun, ed aduraivan quel chi viva da saimper a saimper; e büttaivan lur coronas avant il trun, dschand:

11. Degn est, o Segner, e nos Deis, d'ardschaiver la gloria, l'onur, e la potenza; perche tü hast creâ tuottas chosas, e tras tia voluntà sun ellas, e sun creadas.

CHAP. V.

Sanct Gioanne ha vis in quella visiun ün cudesch sigillâ, il qual ingün non füt degn da 'l avrir, oter co l'agnè, perquai vain el lodâ da tuottas creatüras.

LURA vezzet eu nel man dret da quel chi sezzaiva sün il trun * ün cudesch scrit dadaint, e dadoura, sigillâ con set sagels. * Ez. 2, 10.

2. E vezzet ün pussant angel, chi clamaiva con granda vusch: Chi ais degn d'avrir il cudesch, e da rumper sü seis sagels?

3. Ed ingün, ne in tsel, ne sün terra, ne suot la terra, non podaiv' avrir il cudesch, ne guardar l'aint.

4. Ed eu cridaiva fieh, per ch'ingün non eira stat chattâ degn d'avrir, e da ler il cudesch, ne da guardar in quel.

5. Ed ün dels vegls am dschet: Non cridar; mera, il liun della schlatta da Giuda, * la ragisch da David, ha vint, per avrir il cudesch, e rumper sü seis set sagels. * Es. 11, 1. 10. Ap. 22, 16.

6. Lura vezzet eu, e mera, in mez il trun, e'ls quatter animals, ed in mez ils vegls, ün agnè chi stiva in pè, chi paraiva esser stat mazzâ, il qual avaiava set cornas, e * set ögls, chi sun ils set spierts da Dieu, tramiss per tuot la terra.

* Gioan. 1, 29. 36. Zac. 3, 9. 4, 10. 1 Petr. 1, 19.

7. E quel gnit, e piglet il cudesch our dal man dret da quel chi sezzaiva sül trun.

8. E, eur l'avet tut il cudesch, schi's büttettan ils quatter animals, e'ls vainche quatter vegls giò avant l'agnè, aviand scodiin citras, e coppas d'or,

plainas da profüms, chi sun las oraziuns dels sancts.

9. E chantaivan üna nouva chànzun, dschand: Tü est degn d'ardschaiver il eudesch, e d'avrir sü seis sagels; perche tü est stat mazzâ, e * con teis sang ans hast cumprats a Dieu, our d'ogni schlatta, e lingua, e pövel, e naziun; *1 Cor. 6, 20. 7, 23.

Ef. 1, 7. Col. 1, 14. 1 Petr. 1, 18, 19.

10. E'ns * hast fats rais, e sacerdots, a nos Deis, e nus gnin a regnar sur terra. *1 Petr. 2, 5, 9. Ap. 1, 6. 20, 6.

11. Ed eu guardet, ed udit la vusch da blers angels intuorn il trun, ed ils animals, ed ils vegls, e lur * nomber eira desch milli giadas desch milli, e milli giadas milli;

* Dan. 7, 10.

12. Chi dschaivan con granda vusch: Degn ais l'agnè, chi ais stat mazzâ, d'ardschaiver la potenza, e la ricchezzas, e la sapienza, e la forza, e l'onur, e la gloria, e la benedicziun.

13. Eu udit * eir ogni creatüra chi ais in tschel, e sün terra, e suot la terra; e quellas chi sun nel mâr, e tuottas chosas chi sun in quels, chi dschaiva: A quel chi sezza sül trun, ed al agnè, *saja* la benedicziun, e l'onur, e la gloria, e la forza, da saimper a saimper! *Fil. 2, 10.

14. E'ls quatter animals dschaivan: Amen! e 'ls vainch e quatter vegls as büttaivan giò, ed adurettan quel chi viva da saimper a saimper.

CHAP. VI.

Sanct Gioanne metta co l'agnè haja avert ils set sagels, e che güdizis sajan gnüts sün scodün da quels.

LURA vezzet eu, cur l'agnè avet avert l'ün dels set sagels; ed eu udit ün dels quatter animals, chi dschaiva, seo con la vusch d'ün tun: Vè, e guarda.

2. Ed eu guardet, e mera ün chavagl alb; e quel chi sezzaiva sün el avai' ün balaister; ed al füt dat üna coruna, ed el get oura seo venschadur, ed acio ch'el venschess.

3. E, cur el avet avert il seguond sagè, udit eu il seguond animal, chi dschaiva: Vè, e guarda.

4. E get our' ün oter chavagl cot-

schen; ed a quel chi sezzaiva sün el füt dat, da tour la pasch davent dalla terra, acio cha *la ghieud* as mazzessan l'ün l'oter; ed al füt dat üna granda spada.

5. E, cur l'avet avert il terz sagè, udit eu il terz animal, chi dschaiva: Vè, e guarda. Ed eu vezzet, e mera, ün chavagl nair, e quel chi sezzaiva sün el avai' üna balanscha in man.

6. Ed eu udit üna vusch, in mez ils quatter animals, chi dschaiva: Üna mastüra da furmoint per ün denar, e trais mastüras da gran per ün denar, e non far dan al vin, ne al öli.

7. E, cur l'avet avert il quart sagè, udit eu la vusch del quart animal, chi dschaiva: Vè, e guarda.

8. Ed eu vezzet, e mera, ün chavagl falch; e quel chi eira sün el avai' nom la mort, e davo quella seguitaiva l'infern, e füt ad els dat pusanza sur la quarta part della terra, da mazzar con spada, con fam, e con mortalità; e tras las bestias solvadias della terra.

9. E, cur l'avet avert il quint sagè, vezzet eu suot l'utèr las ormas dels crastians mazzats * per il pled da Dieu, e per la testimonianza del agnè, la quala els avavan:

*Ap. 1, 9. 8, 3. 9, 13. 14, 18.

10. E bragivan con granda vusch, dschand: Infin cura, o Segner, *chi est* il sanct, e'l vardaivel, non fast tü güdizi, e non fast vendetta per nos sang via da quels chi avdan sur terra?

11. E füttan dattas a scodüna da quellas * rassas albas, e füt dit ad ellas chi reposessan airo qualcha temp, infin tant, chi füss eir compli *il nomber* da lur confamagls, e da lur frars, chi han da gnir mazzats seo els.

*Ap. 3, 5. 7, 9, 14.

12. Lura vezzet eu, cur l'avet avert il sesavel sagè, e mera, e dvanet ün grand terratrembel, * e l' solai gnit nair, seo ün sach fat da pails; e la glüna gnit tuotta seo sang.

* Gioel. 2, 10, 31. 3, 15. Matt. 24, 29.

13. E las stailas del tschel crodetan in terra, seo cur il figèr, gnand squassâ d'ün grand vent, lascha crodar seis fies malmadürs.

14. * E' l tshel as retret, sco ün cudesch chi vain plajâ aint; † ed ogni muntagna ed insla füt moven-tada our da seis lö. * Es. 34., 4. † Ap. 16, 20.

15. E' ls rais della terra, e' ls grands, e' ls chapitanis, e' ls richs, e' ls pus-sants, ed ogni famagl, ed ogni liber, * as zoppettan nellas speluncas, e nels spelms dels munts. * Es. 2, 19.

16. E dschaivan als munts, ed als spelms: * Crodâ'ns adöss, e zoppâ'ns dal cospet da quel chi sezza sül trun, e dall' ira del agnè.

* Os. 10, 8. Luc. 23, 30.

17. Perche' l grand di da si' ira ais gnü, e chi poderà dürar?

CHAP. VII.

Sanct Gioanne metta, co' ls angels vegnan intratgnüts sur terra fin cha' ls elets sajan segnats; sco eir la beadenscha da quels chi sun perse-guittats per amor da Cristo.

E dopo quaistas chosas, vezzet eu quatter angels, chi staivan in pè sül quatter vents della terra, acio cha non soffless vent alchün sur terra, ne sül mâr, ne sün alchün bösch.

2. Lura vezzet eu ün oter angel, chi gniva sü dal oriain, il qual avai' il sagè del Deis vivaint; ed el bragit con granda vusch als quatter angels, als quals eira dat da far dan alla terra, e' l mâr,

3. Dschand: Non far dan alla terra, ne al mâr, ne alla böscha, fin cha nus non avain * segnâ ils serviains da nos Deis sün lur frunts.

* Ez. 9, 4. Ap. 14, 1.

4. Ed eu udit il number dels se-gnats *chi eira da* tshientquaranta quatter milli segnats da tuot las schlattas dels infants d' Israel.

5. Dalla schlatta da Giuda, dudesch milli segnats; dalla schlatta da Ruben, dudesch milli segnats; dalla schlatta da Gad, dudesch milli segnats;

6. Dalla schlatta d' Aser, dudesch milli segnats; dalla schlatta da Nef-tali, dudesch milli segnats; dalla schlatta da Manasse, dudesch milli segnats;

7. Dalla schlatta da Simeon, du-desch milli segnats; dalla schlatta da Levi, dudesch milli segnats;

dalla schlatta Isaschar, dudesch milli segnats;

8. Dalla schlatta da Zabulon, du-desch milli segnats; dalla schlatta da Giosef, dudesch milli segnats; dalla schlatta da Benjamin, dudesch milli segnats.

9. Dopo quaistas chosas, vezzet eu, e mera, ün grand pövel, il qual in-giün non podaiva nombrar, da tuot las nazions e schlattas, e pövels, e linguas, ils quals staivan in pè avant il trun, ed avant l' agnè, * vestits con rassas albas, ed *avaivan* palmas in lur mans;

* Ap. 3, 5. 18. 6, 11. 7, 14.

10. E bragivan con granda vusch, dschand: * Il salüd *appertain* a nos Deis, il qual sezza sül trun; ed al agnè.

* Ps. 3, 9. Es. 43, 11. Ger. 3, 23. Os. 13, 4.

11. E tuots ils angels staivan in pè intuorn il trun, ed intuorn ils vegls, ed intuorn ils quatter animals, e' s büttettan giò sün lur fatschas, avant il trun; ed adurettan Deis,

12. Dschand: Amen, la benedicziun, e la gloria, e la sapienzâ, e l' ingra-ziamaint, e l' onur, e potenza, e la forza, *appertegnan* a nos Deis da saimper a saimper. Amen.

13. Ed ün dels vegls am fet risposta, e 'm dschet: Chi sun quaists, chi sun vestits con rassas albas; e dinuon-der sun els gnüts?

14. Ed eu al dschet: Meis Segner, tü' l sast. Ed el am disch: Quaists sun quels, chi sun gnüts dalla gran-da tribulaziun, * ed han lavâ lur rassas, e las han fat albas nel sang del agnè.

* Es. 1, 18. Ebr. 9, 14. 1 Gioan. 1, 7. Ap. 1, 5.

15. Perquai sun els avant il trun da Dieu, e' l servan di e not, in seis taimpel, e quel chi sezza sül trun vain a tender sur els * seis taberna-cul.

* Es. 4, 5. 6.

16. * Els non averan plü fam, ne sait; e non croderà plü sur els ne solai, ne chalur alchüna.

* Ps. 121, 6. Es. 49, 10.

17. Perche l' agnè, chi ais in mez il trun, vain a' ls paschantar, e' ls inguidar pro fontanas vivas dellas auas; e * Deis vain a stujantar giò ogni larma da lur ögls.

* Es. 25, 8. Ap. 21, 4. Ps. 23, 1. Gioan. 10, 11.

CHAP. VIII.

Il settavel sagè vain avert sü, e las oraziuns dels sancts vegnan offertas a Dieu; e sunan ils quatter prüms angels lur trombettas, che saja dvantâ.

E cur l' agnè avet avert sü il settavel, vel sagè, schi as fet ün silenzio in tshel il spazi circa d' üna mezz' ura.

2. Ed eu vèzzet ils set angels, ils quals stavian in pè avant Dieu, e füttan ad els dat set trombettas.

3. Ed ün oter angel gnit, e 's fermet sper l' utêr, aviand ün turibul d' or, e 'l füttan dat blers profüms, acio ch' el *ils* mettes per las oraziuns da tuots ils sancts, sün l' utêr d' or, chi eira avant il trun.

4. E 'l füm dels profüms, *dats* per las oraziuns dels sancts, get sü dal man del angel, nel conspet da Dieu.

5. Lura piglet l' angel il turibul, e l' implit con fö del utêr, e 'l büttet sün terra, e gnittan suns, e tuns, e lütschaiders, e terratrembel.

6. E 'ls set angels chi avaiavan las set trombettas, as perderschettan per sunar.

7. E 'l prüim angel sunet, e gnit üna tempesta e fö, masdats con sang; e füttan büttats sün la terra, e la terza part della terra füt arsa; la terza part della boſcha eir, ed ogni erba verda füt arsa.

8. Lura sunet il seguond angel, e füt büttâ nel mâr, sco ün grand munt chi arda; e la terza part del mâr dvantet sang;

9. E la terza part dellas creatüras chi sun nel mâr, las qualas han vita, morit, e la terza part dellas navs perit.

10. Lura sunet il terz angel, e crodet giò da tshel üna granda staila, ardand sco üna sfagliada, e crodet sün la terza part dels flüms, e sün las fontannas dellas auas.

11. E 'l nom della staila 's clama Assenz, e la terza part dellas auas dvantet assenz, e blera gliend morit da quellas auas; perche ellas eiran gnüdas amaras.

12. Lura sunet il quart angel, e la terza part del solai füt battüda, e la

terza part della glüna, e la terza part dellas stailas, acio cha lur terza part s' inſchüriss, e la terza part del di non füss cler, e la not sumgian-tamaing.

13. Ed eu guardet, ed udit ün angel, svoland per mez il tshel, e clamaand con granda vusch trais voutas: Vae, vae, vae a quels chi avdan sün la terra, per ils oters suns della trombetta dels trais angels chi han da sunar.

CHAP. IX.

Vain miss nan, co il quint angel, e 'l sesavel han sunâ las trombettas, insambel con quai chi dvantet.

LURA sunet il quint angel, ed eu vèzzet üna staila crodada da tshel in terra, ed a quel füt dat la clav del puoz del abiss.

2. Ed el avrit il puoz del abiss, ed our da quel puoz gnit sü ün füm, sumgiant al füm d' ün grand fuorn; e 'l solai e l' ajer s' inſchürir, per il füm del puoz.

3. Ed our da quel füm gnittan sün terra salips, e füt ad els dat pusanza, simila a quella dels scorpiuns della terra.

4. E füt dit ad els, cha non dessan dan all' erba della terra, ne a verdüra alchüna, ne ad alchün bösch; ma solum alla gliend chi non han * il segnal da Dieu sün lur frunts.

* Ap. 7, 3.

5. E füt ad els dat, bricha da 'ls mazzar, ma da 'ls tormentar il spazi da tshinch mais; e lur tormaint *eira* sco quel del scorpiun, eur l' ha plajâ il crastian.

6. Ed in quels dis vain * la gliend a tscherchar la mort, e non la chatte-ran, e vegnan a desiderar da morir, e la mort vain a fügen dad els. * Ap. 6, 16.

7. Ma * la sumgenscha dels salips *eira* simila als chavals perderts alla battaglia; ed *avaivan* sün lur teistas sco coronas d' or, e lur fat-schas *eiran* sco fatschas da crastians.

* Gioel 2, 4.

8. Ed avaiavan chavels, sco chavels da donans, e * lur daints eiran sco daints da liuns.

* Gioel 1, 6.

9. Ed avaiavan guarets, sco guarets da fier e 'l sun da lur alas *eira* sco 'l

sun da charra, o da blers chavals chi cuorran alla battaglia.

10. Ed avaiavan cuas, similas a *quellas dels* scorpions, ed in lur cuas eiran aguagls, e lur virtù *eira* da far dan alla gliend il spazi da tschinch mais.

11. Ed avaiavan per rai sur els l'angel del abiss, il nom del qual in ebraic *ais* Abaddon, ed in gree Apollion.

12. * Il prüm mal ais passâ; mera amo duos mals vegnan, dopo quaistas chosas. * Ap. 8, 13.

13. Lura il sesavel angel sunet; ed eu udit üna vusch our dals quatter corns del utêr d'or, chi *eira* avant Dieu,

14. La quala dschet al sesavel angel chi avaiava la trombetta: Slargia ils quatter angels, chi sun liats sül grand flüm Euftrat.

15. E füttn largiats quels quatter angels, chi eiran apparechats per l'ura, il di, il mais, e l'an; per mazzar la terza part della gliend.

16. * E l'number dels exercits della chavalleria *eira* düatschient milions: Ed eu udit lur number.

* Ps. 68, 18. Dan. 7, 10.

17. Sumgiantamaing eir vezzet eu nella visiun ils chavals, e quels chi sezzaivan, ils quals avaiavan guarets da fö, da colur, da hiacint, e da suolper, e las teistas dels chavals *eiran* sco teistas da lions; ed our da lur boccas gniva fö e füm, e suolper.

18. Da quaistas trais plajas; dal fö, dal füm, e dal suolper, chi gnivan our da lur boccas, füt mazzada la terza part della gliend;

19. Perché la pussanza dels chavals *eira* in lur boccas, ed in lur cuas; perché lur cuas *eiran* similas a serps, aviand teistas, e con quellas faivan els dan.

20. E l'rimanent della gliend, chi non füttn mazzats da quaistas plajas, non as meldret dallas ouvras da lur mans, per non adorar ils demunis, e ls idols d'or e d'argient, e d'aram, e da crap, e da lain, ils quals non pon, ne vair, ne udir, ne chaminar.

21. Neir bricha non as meldrettan

els da lur omicidis, ne da lur striögns, ne da lur pitanögn, ne da lur ladranetschs.

CHAP. X.

Co Sanct Gioanne ha vis ün grand angel con ün cudeschet, e che quel ha dit; lura vain el comandâ da travuonder il cudeschet.

LURA vezzet eu ün oter pussant angel, chi gniva giò da tschel, circondat d'üna nüvla, sül cheu del qual *eira* l'arch celestial; e sia fat-scha *eira* sco l solai, e seis peis sco * coluonnas da fö; * Ap. 1, 15.

2. Ed avaiav' in man ün cudeschet avert; ed el pozet seis pè dret sül mâr, e l sneister sün la terra;

3. E bragit con granda vusch, nella maniera sco sbrija il liun; e, cur l'avet bragi, schi proferittan ils set tuns lur vuschs.

4. E, cur ils set tuns avettan proferi lur vuschs, *eira* eu perdert per scriver; ma eu udit üna vusch giò da tschel, chi 'm dschet: * Sigilla las chosas cha'ls set tuns han profert, e non las scriver. * Dan. 12, 4, 9.

5. E l'angel, il qual eu avaiava vis star in pè sül mâr, e sün la terra, * ozet il man dret incoenter il tschel; * Dan. 12, 7.

6. E güret tras quel chi viva da saimper a saimper, il qual ha creâ il tschel, e las chosas chi *sun* in quel, e la terra, e las chosas chi *sun* in quella, e l mâr e las chosas chi *sun* in quel, cha non vegn' ad esser plü temp;

7. Ma, * cha al temp del sun del settavel angel, cur el vain a sunar, schi vegn' il secret da Dieu a gnir compli, il qual el ha annunziâ a seis serviaints, il profets. * Ap. 11, 15.

8. E la vusch ch'eu avaiav' udi giò da tschel favlet danövmaing con mai, e dschet: Vâ, piglia il cudeschet avert, *chi ais* in man del angel, chi sta sül mâr e sün la terra.

9. Ed eu get pro quel angel, dschand ad el: Da'm il cudeschet. Ed el am dschet: * Piglia'l, e travuonda'l giò, e quel vain at portar aschezza nel vainter; ma in tia bocca sara'l dutsch, sco meil. * Ez. 3, 1.

10. Ed eu piglet il cudeschet dal man del angel, e l travuondet, ed el

am füt dutsch in bocca sco meil; ma eur eu l' avet travus, sentit meis vainter aschezza.

11. Ed el am dschet: Tü stoust dar-cheu profetizar contra blers pövels, e naziuns, e linguas, e rais.

CHAP. XI.

Sanct Gioanne vain comandâ da masürar il taimpel; e che l' angel haja dit davart las duos perdüttas, e profets da Dieu! e co il settavel angel ha sunâ, e che saja dvantâ.

LURA am füt dat üna * channa, simila ad üna percha. E l' angel as presentet a mai, dschand: Stâ sü, e masüra il taimpel da Dieu e l' utêr, e quels chi aduran in quel, * Ez. 40, 3.

2. Ma interlascha il cortil dadour il taimpel, e non il masürar; perche l' ais stat dat als pajans, e quels vegnan a zampignar la saneta città il spazi da quaranta duos mais.

3. Ed eu vögl dar a meis duos testimoniis *da profetizar*; e profetizeran milli duatschient sesanta dis, vestits con sachs.

4. Quaists * sun ils duos olivêrs, e 'ls duos chandellêrs, chi stan nel conspet del Segner della terra.

* Zac. 4, 3. 11. 14.

5. E, sch' alchün ils voul offender, schi va fö our da lur bocca, e constüma lur inimis; e, sch' alchün ils voul offender, schi sto el gnir mazzâ in quaiста maniera.

6. Quaists han pussanza * da serrar il tsel, chi non eroda alchüna plövgia süls dis da lur profezia; els han mëdem mamaing pussanza sur las auas, † da las convertir in sang, e da batter la terra con qualunque plaja, ogni vouta ch' els vöglian.

* 1 Reg. 17, 1. † Ex. 7, 19.

7. E, cur els averan fini lur testimonianza, schi la * bestia chi vain sü dal abiss † farà guerra con els e 'ls venscherà, e 'ls mazzerà.

* Ap. 13, 1. 11. 17, 8. † Dan. 7, 21.

8. E lur corps morts *giasheran* sün la piazza della granda città, la quala spiritualmaing as clama Sodoma ed Egipto; ingio eir ais stat crucifichâ lur Segner.

9. E 'ls *crastians* intanter ils pövels, e schlattas, e linguas, e naziuns, vezzeran lur corps morts il spazi da

trais dis e mez, e non lascheran cha lur corps morts vegnan miss in monumaints.

10. E 'ls abitants della terra vegnan a s' allegrar d' els, e faran feista, e vegnan as trametter preschaints l' ün l' oter; per quai cha quaists duos profets averan tormentâ ils abitants della terra.

11. Ed, in cheu da traies dis e mez, intret il spiert della vita, *chi proceda* da Dieu, in els, ed els as drizzettan in pè, e grand spavent crodet sur quels ch' ils vezzettan.

12. E quels udittan üna granda vusch giò da tsel, chi dschet ad els: Gni qui sü! E quels gettan sün tsel nella nüvla, e lur inimis ils vezzettan.

13. Ed in quell' ura dvantet ün grand terratrembel, e la deschavla part della città crodet, e set milli persunas füttan mazzadas in quel terratrembel, e l' rimanent füt spaventâ, e det gloria al Deis del tsel.

14. * Il seguond vae ais passâ, e mera, bod vain a gnir il terz vae.

* Ap. 8, 13. 9, 12.

15. Lura il settavel angel * sunet, e 's fettan udir grandas vuschs in tsel, chi dschaivan: Il reginam del muond ais gnü per esser da nos Segner e da seis Cristo; ed el regnerà da saimper a saimper.

* Ap. 10, 7.

16. E 'ls * vainch e quatter vegls, chi sezzaivan nel conspet da Dieu sün lur truns, as büttettan giò sün lur fatschas, ed adoretan Deis, * Ap. 4, 4.

17. Dschand: Nus t' ingraziain, o Segner, Deis omnipotaint, * chi est, chi eirast, e chi hast da gnir; cha tü hast tut in man tia granda potenza, e t' hast miss a regnar.

* Ap. 1, 4.

18. E las naziuns s' han adiradas; ma ti' ira ais gnüda, e l' temp dels morts, nel qual convain cha quels vegnan güdichats, e cha tü dettast il premi a teis serviaints, ils profets, ed als sanets, ed a quels chi temman teis nom, pitschens e grands; e cha tü sdrüast quels chi sdrüan la terra.

19. E l' taimpel da Dieu füt avert

in tselhel, ed apparet l'archa della lia da quel, in seis taimpel, e dvan-tettan lütschaiders, e suns, e tuns, e terratrempel, e tempesta granda.

CHAP. XII.

Sanct Gioanne descriva üna nouva visiun d'üna duonna chi parturescha, e d'ün dragun chi vout magliar il figl; ma Michael ha vint il dragun, il qual vint, perseguita ils fidels.

LURA apparet üna grand' insaina in tselhel: Üna duonna vestida dal solai, suot ils peis della quala eira la glüna, e sün la teista della quala eira üna coruna da dudesch stailas.

2. Ed, essendo gravida, bragiv' ella, sentind las dolurs del part, ed eira in painas da partorir.

3. Apparet eir ün' otr' insaina in tselhel: E mera, ün grand dragun cotschen, chi avaiva set stailas, e desch cornas, e sün sias teistas eiran set coronas:

4. E sia cua straiva *davo sai* la terza part dellas stailas del tselhel, ed el las büttet in terra; e'l dragun as fermet avant la duonna chi avai-va da partorir, acio cha, cur l'avess partori, el travuondess aint seis infant.

5. Ed ella partorit ün figl, ün maschel, il qual * ha da redscher tuot las naziuns con üna percha da fier, e'l figl da quella füt sdrappâ, e portâ sü pro Dieu ed *avant* seis trun.

* Ps. 2, 9. Ap. 19, 15.

6. E la duonna fügit nel desert, ingio ella ha ün lö apparechâ da Dieu, acio ch'ella vegna qua nudriada milli duatschient sessanta dis.

7. E's fet üna battaglia in tselhel. * Michael e seis angels combattettan con il dragun; il dragun medemamaing, e seis angels, combattettan;

* Dan 10, 13. 21. 12, 1. Giuda. 9.

8. Ma non venschettan, e lur lö non füt plü chattâ in tselhel.

9. E'l grand dragun, * la serp veglia chi ais nomnada diavel, e satanas, il qual surmaina tuot il muond, füt büttâ in terra, e füttan con el büttats eir seis angels. * Gen. 3, 1. Ap. 20, 2.

10. Ed eu udit üna granda vusch in tselhel, chi dschaiva: * Uossa ais stabili il salüd da nos Deis, e la po-

tenza, e'l reginam, e la virtù da seis Cristo; perche l'achüsadur da noss frars ais büttâ a bass, † il qual ils achüsaiva avant nos Deis, di e not.

* Ap. 11, 15. † Giob 1, 9. 2, 5. Zac. 3, 1.

11. Ma quels * l'han vint, tras il sang del agnè, e tras il pled da lur testimonianza, e non han amâ lur vita, fin là *chi l'han missa vi'* alla mort.

* Rom. 8, 33. 34. 37. 16, 20.

12. Perquai, * s' allegrai, o tselchs, e *vus* chi abitais in quels. Vae a *vus*, in terra ed in mâr! Perche il diavel ais gnü giò pro vus, aviand grand' ira, saviand ch' el ha pac temp.

* Ps. 96, 11. Es. 49, 13.

13. E, cur il dragun vezzet ch' el eira stat büttâ in terra, perseguitet el la duonna, chi avai-va partori il figl maschel.

14. Ma füttan dattas alla duonna duos alas della grand' aglia, acio ch' ella svoless nel desert, in seis lö, per esser qua nudriada * ün temp, e *duos* temps e la mittâ d'ün temp davent dalla presenza della serp. * Dan. 12, 7. 7, 25.

15. E la serp büttet our da sia bocca davo la duonna aua, a guisa d'ün flüm; per far cha'l flüm la portess via;

16. Ma la terra succurit alla duonna, e la terra avrit sia bocca, e travuondet aint il flüm, cha'l dragun avai-va büttâ our da sia bocca.

17. E'l dragun s'adiret contra la duonna, e get a far guerra con ils oters del sem da quella, chi salvan ils comandamaints da Dieu, * ed han la testimonianza da Gesu Cristo.

* 1 Gioan. 5, 10.

18. Ed eu'm fermet sül sablun del mâr.

CHAP. XIII.

Sanct Gioanne descriv' ün' otra visiun d'üna bestia con set cheus, e desch cornas; ed amo d'ün' otra bestia con duos cornas.

LURA vezzet eu gnand sü dal mâr üna * bestia, chi avai-va desch cornas, e set teistas; e sün sias cornas desch coronas, e sün sias teistas ün nom da blastemma.

* Dan. 7, 7. Ap. 17, 9. 12

2. E la bestia ch'eu vezzet eira sumgianta ad ün pardel, e seis peis eiran sco *peis* d' uors, e sia bocca

seco üna bocca da liun; * e'l dragun la det sia potenza, e seis trun, e pussanza granda. *Ap. 12, 9.

3. Ed eu vèzzet üna da sias teistas seco ferida a mort; ma sia plaja mortala füt guarida, * e tuot la terra 's smüiravglet davo la bestia. *Ap. 17, 8.

4. Ed adoretan il dragun, chi avai-va dat la pussanza alla bestia; adoretan eir la bestia, dschand: Chi *ais* simil alla bestia, e chi po guerregiar con ella?

5. E füt dat ad ella üna * bocca, chi favlaiva chosas grandas, e blastemmas; e la füt datta pussanza da dürar quarant' e duos mais.

*Dan. 7, 8. 11. 11, 36.

6. Ed ella avrit sü sia bocca con blastemmas contra Dieu, per blastemmar seis nom, e seis tabernacul, e quels chi avdan in tschel.

7. E la füt dat * da far guerra con ils sanets, e da 'ls venscher; la füt medemmamaing datta pussanza sur ogni schlatta, e lingua, e naziun.

*Dan. 7, 21. Ap. 11, 7.

8. E tuots ils abitants della terra, * ils noms dels quals non sun scrìts, dal fondamaint del muond innan, nel eudesch della vita del agnè, chi ais stat mazzâ, l' adoreran.

*Ex. 32, 32. Fil. 4, 3. Ap. 3, 5. 20, 12. 21, 27.

9. Sch' alchün ha uraglias, oda.

10. Sch' alchün maina in preschun, schi vain el ad ir in preschun; * sch' alchün mazza con la spada, schi sto el gnir mazzâ con la spada. † Qui ais la pazienza, e la cretta dels sanets. * Gen. 9, 6. Matt. 26, 52. † Ap. 14, 12.

11. Lura vèzzet eu ün' otra bestia, chi gniva sü dalla terra; ed avaiva duos cornas, similas a quellas del agnè, ma tschantschaiva seco 'l dragun.

12. Ed exercitaiva tuot la pussanza della prüma bestia, in seis conspet; e faiva, cha la terra, e 'ls abitants da quella adoresan la prüma bestia, la plaja mortala della quala eira statta guarida.

13. E * faiva grandas insainas; da sort, ch' ella faiva eir gnir fö giò da tschel sün la terra, in presenza della glièud; *Matt. 24, 24.

14. E surmanaiva ils abitants della

terra per las insainas chi l' eiran dattas da far nel conspet della bestia, dschand als abitants della terra, cha fessan ün' imagna alla bestia, chi avai' *ardschwü* la plaja della spada, ed eira turnada in vita.

15. E la füt dat, da dar spiert all' imagna della bestia, dasort cha eir l' imagna della bestia tschantschess; e da far, cha tuots quels, chi non adoresan l' imagna della bestia, gnissan mazzats.

16. Faiva eir cha a tuots, pitschens e grands, richs e povers, libers e sclavs, gniss miss ün signal sün lur man dret, o sün lur frunts;

17. E ch' ingün non podess cumprar, o vender, oter co chi avess il signal, o 'l nom della bestia, o 'l number da seis nom.

18. Qui ais la sapienza. Chi ha intellet quel quinta * il number della bestia; perche l' ais ün number d' ün crastian, e seis number *ais* ses tschient sessant' e ses. *Ap. 15, 2.

CHAP. XIV.

Sanct Gioanne metta nan l' allegrezza dels serviaints del agnè; lura la ruina da Babilon, e chastiamaint dels adoratur della bestia; e co quels chi mouran nel Segner sajan beats; lura 's fa la raccolta e vendemia del muond.

LURA vèzzet eu, e mera l' agnè, chi stai' in pè sül munt da Sion; e con el *eiran* * tschientquarant' e quatter milli *persunas*, chi avaivan il nom da seis bap scrìt sün lur frunts. *Ap. 7, 4.

2. Ed eu udit üna vusch giò da tschel, * seco la romur da bleras auas, e seco la romur d' ün grand tun; e la vusch ch' eu udit *eira* seco da citarists, chi sunaivan sün lur citras; *Ap. 1, 15. 19, 6.

3. E * chantaivan üna chanzun nova avant il trun, ed avant ils quatter animals, ed avant ils vegls; ed ingün non podaiv' imprendere la chanzun, oter co quels tschient quarant' e quatter milli, ils quals sun stats cumprats our dalla terra. *Ap. 5, 9.

4. Quaists sun quels, chi non s' han contaminats con donans; perche els sun vergins; quaists sun quels, chi * seguitteschan al agnè, ingio ch' el va; quaists sun stats da Gesu † cumprats cur dalla glièud, *per esser*

primizias a Dieu, ed al agnè.

* Ap. 3, 4. † Ap. 5, 9. Giac. 1, 18.

5. Ed in lur * bocca non ais stat chat-tà menzögna; perche els sun irreprensibels avant il trun da Dieu. * Ps. 32, 2.

6. Lura vezzet eu ün oter angel, svoland per mez il tschel, aviand l'evangelì etern, per evangelizar als abitants della terra, ed ad ogni naziun, e schlatta, e lingua, e pövel.

7. Dschand con granda vusch: Tmai Deis, e dat-al gloria; perche l'ura da seis güdizi ais gnüda; * ed adorai quel chi ha fat il tschel, e la terra, e l'mâr, e las fontanas dellas auas.

* Act. 14, 15.

8. Lura seguit ün oter angel, dschand: * Crodada, crodada ais Babilon, la granda città; perche ella ha dat da baiver a tuot las naziuns del vin dell'ira da seis pita-nögn.

* Es. 21, 9. Ger. 51, 8. Ap. 18, 2.

9. E, dopo quels, seguittet ün terz angel, dschand con granda vusch: Sch' alchün adura la bestia, e sia imagna, e piglia seis signal sün seis frunt, o sün seis man;

10. Schi * vain el eir a baiver del vin dell'ira da Dieu, miss sü tuot pür nel calisch da sia ira, e sarà tormentà con fö e suolper, nel conspet dels sancts angels, e del agnè.

* Ps. 75, 9. Es. 51, 17. Ger. 25, 15.

11. * E'l füm da lur tormaint vain ad ir sü asaimper ed asaimper; e non averan pos, ne di, ne not quels chi aduran la bestia, e sia imagna, e scodün chi piglia il signal da seis nom.

* Es. 34, 10.

12. * Qui ais la pazienza dels sancts, qui *sun* quels chi observan ils comandaments da Dieu, e la cretta da Gesu.

* Ap. 13, 10.

13. Lura udit eu giò da tschel üna vusch chi'm dschaiva: Scriva: Beats ils morts, chi d'uoss' in via * mouran nel Segner; schi tschert, disch il Spiert; acio ch'els as reposan da lur fadias, e lur ouvras als seguitteschan.

* 1 Cor. 15, 18. 1 Tes. 4, 16.

14. Ed eu vezzet, e mera üna nüvla alba, e sün la nüvla sezzaiv' ün, * simil ad ün figl d'ün crastian, il qual avai-va sül cheu üna coruna d'or, e nel man üna fotsch güzzada.

* Ap. 1, 13.

15. Ed ün oter angel gnit our dal taimpel, clamand con granda vusch a quel chi sezzaiva sün la nüvla: * Metta aint tia fotsch, e tschunca; perche l'ura da tschuncar ais gnüda; perche la raccolta della terra ais secha.

* Gioel 3, 13. Matt. 13, 39.

16. E quel chi sezzaiva sün la nüvla mettet sia fotsch in terra, e la terra füt tschunca.

17. Ed ün oter angel gnit our dal taimpel, chi *ais* in tschel, aviand eir el üna fotsch güzzada.

18. Ed ün oter angel gnit our dal utêr, il qual avaiva pussanza sur il fö; e clamet con grand bragizi a quel chi avaiva la fotsch güzza, dschand: Metta aint tia fotsch güzza, e vendemia ils zocs d'üjas della vigna della terra; perche sias üjas sun madüras.

19. E l'angel mettet sia fotsch in terra, e vendemiet la vigna della terra, e büttet *las üjas* nella granda tinna dell'ira da Dieu.

20. * E la tinna gnit zampignada dador la città; ed our dalla tinna gnit sang, chi tenschaiva fin als frains *dels* chavals, milli ses tschient stadis dalönsch.

* Es. 63, 3.

CHAP. XV.

Vain miss la chanzun da quels chi han obtgnü la victoria incunter la bestia; set coppas plainas dell'ira da Dieu dattas als set angels.

LURA vezzet eu in tschel ün'otra insaina granda e müravgliusa, set angels chi avaiavan las set ultimas plajas; perche in quellas ais complida l'ira da Dieu.

2. Eu vezzet dimena * seo ün mâr da vaider, masdâ con fö, e quels, chi avaiavan obtgnü victoria sopra la bestia, e da sia imagna, e seis signal, e number da seis nom, ils quals staiavan in pè sül mâr da vaider, † aviand citras da Dieu.

* Ap. 4, 6. † Ap. 5, 8. 14, 2.

3. E chantaivan la chanzun * da Mose, serviaint da Dieu, e la chanzun del agnè, dschand: † Grandas e müravgliusas *sun* tias ouvras, o Segner, Deis omnipotaint! * * Güstas e vardaivlas *sun* tias vias, rai dellas naziuns!

* Ex. 15, 1. † Ps. 111, 2. 139, 14. ** Ps. 145, 17.

4. O Segner, * chi non at dess tmailr, e non dess glorifichar teis nom?

Perche *tü* sulet *est* sanct; tshert, † tuot las naziuns gnaran, ed adoreran in teis conspet; perche teis güdizis sun stats manifestats. * Ger. 10, 7. † Es. 66, 23.

5. E, dopo quaistas chosas, vazzet eu, e füt avert il taimpel del tabernacul della * testimonianza in tsel.

* Num. 1, 50.

6. E 'ls set angels, chi avaiavan las set plajas, gnittan our dal taimpel, vestits con linzöl net e splenduraint; e tshintats intuorn ils peis con tshintas d' or.

7. E l' ün dels quatter animals det als set angels set coppas d' or, plainas dell' ira del Deis, chi viva da saimper a saimper;

8. E 'l taimpel * füt impli con füm, *procedand* dalla gloria da Dieu, e da sia potenza, ed ingün non po-dai' intrar nel taimpel, fin cha non füssan complidas las set plajas dels angels.

* Ex. 40, 34. 1 Reg. 8, 10. Es. 6, 4.

CHAP. XVI.

Co ils set angels han spans oura lur set coppas sün terra, e che saja dvantä sün scodüna da quellas.

ED eu udit üna granda vusch our dal taimpel, chi dschaiva als set angels: It, spandai sün la terra las coppas dell' ira da Dieu.

2. E 'l prüm get, e spandet sia coppa sün la terra, e gnit * ün bignun malign e dannavel sur la gliend, chi avaiavan il signal della bestia, e sur quels chi adoraivan sia imagna. * Ex. 9, 9.

3. Lura il seguond angel spandet oura sia coppa nel mâr, e * quel as müdet in sang, seo d' ün mort, ed ogni orna vivainta morit nel mâr.

* Ex. 7, 17.

4. Lura il terz angel spandet oura sia coppa nels flüms, e nellas fontanas dellas auas; e 's convertittan in sang.

5. Ed eu udit l' angel dellas auas, chi dschaiva: Tü est güst, o Segner, chi est, e chi eirast, ed il sanct, chi hast güdichâ quaistas chosas;

6. Perche els han spans il sang dels sanets, e dels profets; tü hast ad els eir dat da baiver sang; perche els sun bain degns.

7. Ed eu udit ün oter, dalla vart del ütê, chi dschaiva: Schi tshert,

Segner, Deis omnipotaint, teis güdizis *sun* vardaivels e güsts.

8. Lura il quart angel spandet oura sia coppa sül solai, e 'l füt dat d' arder la gliend con fö.

9. E la gliend füt arsa tras la granda chalur, e blastemmettan il nom da Dieu, chi ha la pussanza sur quaistas plajas, e non as meldrettan, per al dar gloria.

10. Lura il quint angel spandet oura sia coppa sül trun della bestia, e seis reginam dvantet schür, e 'ls crastians as mordaivan las lenguas per la dölur.

11. E blastemmettan il Deis del tsel per lur dolurs, e per lur bignuns; e non as meldrettan da lur ouvras.

12. Lura il sesavel angel spandet oura sia coppa sül grand flüm Eufrat, e l' aua da quel füt sütta sü; acio cha füss apparechada, la via dels rais chi *vegnan* dal oriaint.

13. Ed eu vazzet *gnir* our dalla bocca del * dragun, ed our dalla bocca della bestia, ed our dalla bocca del † fos profet, trais spierts malnets a guisa da ranas. * Ap. 12, 9. † Ap. 19, 20. 20, 10.

14. Perche els sun spierts da demunis, ils quals fan insainas, e van oura pro 'ls rais da tuot il muond, per ils raspar alla battaglia da quel grand di del Deis omnipotaint.

15. * (Mera, eu vegn seo ün lader; beà quel chi vaglia, e perchüra sia vestimainta, acio ch' el non chamina nüd, e non as vezza sia verguogna.)

* Ap. 3, 3. 4. 18. 2 Cor. 5, 3.

16. E quels ils raspettan in ün lö, dit in ebraic Armageddon.

17. Lura il settavel angel spandet oura sia coppa nel ajer, ed üna granda vusch gnit our dal taimpel del tsel, our dal trun, dschand: * L' ais fat.

* Ap. 21, 6.

18. E dvantettan lütschaiders, e tuns, e suns, e grand terratrembel; tal cha non füt mâ brich' ün simil, ne ün usche grand, dall' ur' innan, cha gliend ais statta sün terra.

19. E la granda città füt *partida* in trais parts, e las cittats dels pövels crodettan, e la granda Babilon gnit in memoria avant Dieu, * per la

dar il calisch dell' indignaziun da sia ira.

* Es. 51, 23. Ger. 25, 15, 16.

20. * Ed ogni insla fùgit, e l's munts non füttan chattats *plü*.

* Ap. 6, 14.

21. E crodet da tschel, sün la gliend, ün'a tempesta, grossa sco dal pais d' ün talent; e la gliend blastemmet Deis per la plaja della tempesta; perche la plaja da quella eira grandissima.

CHAP. XVII.

Un angel mossa a S. Gioanne in visiun la granda pitana, insenbel con la bestia chi la porta; el da la declaranza, ed annunzia sia destrucziun.

ED ün dels set angels, chi avaiavan las set coppas, gnit, e favlet con mai, dschand: Vè, eu 't vögl mossar la condannaziun della * granda pitana, † chi sezza sün bleras auas;

* Nah. 3, 4. † Ger. 51, 13.

2. Con la quala han spitana ils rais della terra; e col * vin del pitanoön della quala sun stats inavriats ils abitants della terra.

* Ger. 51, 7.

3. Ed el am transportet nel spiert in ün desert, ed eu vezzet ün'a duonna, chi sezzaiva sün ün'a bestia da color da scharlatta, plaina* da noms da blastemma, ed avaiava set teistas, e desch cornas.

* Ap. 13, 1.

4. E quella duonna, chi eira vestida da purpura, e da scharlatta, fittada con or, e con peidras preziusas, e con perlas, avaiav ün'a coppa d' or in man, plaina d' abominaziuns, e da malnetescha da seis pitanoön.

5. E sün seis frunt eira serit ün nom: Misteri; Babilon, la granda, la mamma del pitanoön, e dellas abominaziuns della terra.

6. Ed eu vezzet quella duonna aivra dal sang dels sanets, e dal sang dels martirs da Gesu; e, l'aviand visa, am smüravglet eu con granda müravaglia.

7. E l'angel am dschet: Perche 't smüravagliast? Eu 't vögl dir il misteri della duonna, e della bestia chi la porta, la quala ha las set teistas, e las desch cornas.

8. La bestia, cha tü hast vis, eira, e non ais *plü*; ed ella * vain a gnir sü dal abiss, † e lura vain ella ad ir in perdiziun, e l's abitants della

terra, ** ils noms dels quals non sun scrirts nel cudesch della vita, dal fondamaint del muond innan, †† vegnan as smüravgliar, vezziand la bestia chi eira, e non ais, e pür ais.

* Ap. 13, 1. † Ap. 13, 10. ** Ap. 13, 8. †† Ap. 13, 3.

9. Qui ais l' intellet, chi ha sapienza; las set teistas sun set munts, süls quals la duonna sezza.

10. Sun eir set rais, ils tschinch sun crodats, l' ün ais, e l' oter non ais amo gnü, e, cur el sarà gnü, schi ha l' da dürar pac.

11. E la bestia chi eira, e non ais *plü*, ais eir quella ün ottavel *rai*, ed ais ün dels set, e va in perdiziun.

12. E las desch cornas, cha tü hast vis, sun desch rais, ils quals non han amo tut il reginam; ma vegnan a tour pussanza, sco rais, in ün istess temp con la bestia.

13. Quaists han ün medem cossagl, e vegnan a dar lur potenza ed autorità alla bestia.

14. Quaists vegnan a guerregiar con l' agnè, e l' agnè vain als vendescher; perche * el ais il Segner dels signurs, e l' rai dels rais; e quels chi *sun* con el *sun* clamats, ed elets, e fidels.

* 1 Tim. 6, 15.

15. Lura am dschet el: Las auas cha tü hast vis, ingio sezza la pitana, *sun* pövels, e quantitats, e naziuns, e linguas;

16. E las desch cornas, cha tü hast vis nella bestia, *sun* quels chi vegnan ad ödiar la pitana, e vegnan a la far deserta, e nüda, e vegnan a mangiar sia charn, e vegnan a l' arder con fö.

17. Perche Deis ha miss in lur cour d' esequir sia sentenza, e da far ün medem cossagl, e dar lur reginam alla bestia; fin cha sajan complits ils plets da Dieu.

18. E la duonna, cha tü hast vis, ais la granda città, chi ha il reginam sur ils rais della terra.

CHAP. XVIII.

Co ün angel ha annunzià l' ultima ruina da Babilon; il grand cordöli dels rais, e merchadants; ed allegrezza dels elets.

Edopo quaistas chosas, vezzet eu ün oter angel, chi gniva giò da tschel, il qual avaiava granda pus-

sanza; e la terra füt illüminada dalla gloria da quel.

2. Ed el bragit con forza, con granda vusch, dschand: * Crodada, crodada ais Babilon, la granda, ed † ais dvantada ün albiereg da demunis, ed üna preschun d' ogni utschê malnet, ed abominabel. * Es. 21, 9.

† Ap. 14, 8. Es. 13. 21. 34, 14. Ger. 50, 39. 51, 37.

3. Perche tuot las nazions * han bavü dal vin dell' ira da seis pitänögn, e 'ls rais della terra han spitana con ella, e 'ls merchadants della terra s' han richantats con l' abondanza da sias delizias. * Ap. 14, 8. 17, 2.

4. Lura udit eu ün' otra vusch da tschel, chi dschaiva: * It our da quella, o meis pövel; acio cha vus non sajat participabels da seis puchats, e non ardschaivat da sias plajas. * Es. 48, 20. Es. 52, 11. Ger. 50, 8. 51, 6, 45.

5. Perche seis puchats sun rivats l' ün davo l' oter infin al tschel, e Deis s' ha regordâ da sias iniquitats.

6. * Rendâ 'la il cambi, al pèr da quai ch' ella s' ha fat; schi, rendâ 'la seguond sias ouvras il dobel; nella coppa, nella quala ella ha miss sü a vus, la mettai sü il dobel.

* Ps. 137, 8. Ger. 50, 15.

7. Quant ch' ella s' ha glorifichada, ed ha luxuriâ, tant tormaint e cordöli dat-la; perche ella disch in seis cour: * Eu sez sco regina, e non sun vaidgua, e non vegn mâ briel' ad avair dölî; * Es. 47, 7.

8. Perquai, in ün di vegnan a gnir sias plajas; mort, e cordöli, e fam; ed ella sarà arsa con fû; perche pussant aisil Segner Deis, il qual la güdicherà.

9. * E 'ls rais della terra, ils quals han commiss pitänögn, e vivan in luxuria con ella, vegnan a cridar, e faran cordöli per ella, cur els vezzeran il füm da seis incendi; * Ez. 26, 16.

10. Stand dalönsch per temma da seis tormaint, dschand: Ah, ah! Babilon, la granda città, la pussanta città; la tia condannaziun ais pür gnüda in ün momaint!

11. * Ils merchadants della terra vegnan eir a cridar, e faran cordöli per ella; perche ingün non vain a comprar plü da lur merchanzia; * Ez. 27, 36.

12. Merchanzia d' or, d' argent, e da

peidras preziasas, e da perlas, e da biss, e da purpura, e da saida, e da scharlatta, e d' ogni sort lain odori-ferant; e d' ogni sort vuschella da lain preziusissem; e d' aram, e da fier, e da marmor;

13. E da chanella, e d' odurs, e d' ölis bainsavurits, e d' incens, e da vin, e d' öli, e da flur da farina, e da furmoint, e d' armaints, e da bestias da chargia, e da chavals, e da chara, e da sclavs, e d' ormas umanas.

14. E 'ls früts del desideri da ti' orma's partan da tai; e tuot las chosas grassas e splendidas atsun idas a perder, e tü non las chatterast mâ plü.

15. Ils merchadants da quaistas chosas, ils quals eiran richantats tras ellas, vegnan a star lönsch davent, per temma da seis tormaint, cridand e fand cordöli,

16. E dschand: Ah! ah! la granda città, chi eira vestida con biss, e con purpura, e con scharlatta, e fittada con or, e con peidras preziasas, con perlas; üna tala ricchezza ais stat ta sdrütta dech in ün momaint!

17. * Ogni directur da navs eir, ed ogni compagnia da navs, e 'ls marinêrs, e tuot quels chi trafichan sül mâr, staran lönsch davent;

* Es. 23, 14. Ez. 27, 29.

18. E vegnan a clamar, vezziand il füm del incendi da quella, dschand: Quala città eira simila a quaista granda città?

19. * E 's bütteran puolvra sün las teistas, e vegnan a bragir, cridand, e fand cordöli, e dschand: Ah, ah! la granda città, nella quala tuots quels chi avaivan navs sül mâr eiran richantats da sia magnificenza; ella ais dvantada deserta pür in ün momaint!

* Gios. 7, 6. Giob 2, 12.

20. * T' allegra da quella, o tschel; e vus sanets apostels e profets; perche Deis ha güdichâ vossa causa, fand la vendetta vi' ad ella.

* Es. 44, 23. 49, 13. Ger. 51, 48.

21. Lura ün possant angel ozet sü üna granda peidra, sco üna moula da mulin; e la büttet nel mâr, dschand: * Usche sarà con forza büttada Babilon, la granda città, e non vain plü a gnir chattada.

* Ger. 51, 64.

22. E l sun da *citarists, e da musicans, e da sunaders da flütas e da trombettas, non sarà plü üdi in tai; medemamaing non sarà plü chattâ in tai maister d' alchün' art, e non s' udirà plü in tai il sun della moula da mulin. *Es.24,8. Ger.7,34. 16,9. 25,10. Ez.26,13.

23. E non vain plü a splendorir in tai glüm d' ampula; e non s' udirà plü in tai vusch da spus, ne da spusa; perche * teis merchadants eiran ils princips della terra; perche tuots ils pövels sun stats surmanats tras teis striögn. *Es.23,8.

24. Ed in quella ais stat chattâ il sang dels profets, e dels sancts, e da tuots quels chi sun stats mazzats sur terra.

CHAP. XIX.

Deis vain glorificâ sur la pitana; l'angel non vül esser adurâ; la battaglia e victoria contra la bestia.

E dopo quaistas chosas, udit eu in ampla quantità, chi dschaiva: Alleluja! * Il salüd, e la potenza, e la gloria, e l'onur, *appertain* al Segner nos Deis. *Ap.7,10. 12,10.

2. Perche * vardaivels e güsts *sun* seis güdizis; perche el ha fat güdizi con la granda pitana, chi ha corruot la terra con seis pitanoegn, ed ha vindichâ il sang da seis serviaints, *il domandand inavo* dal man da quella. *Ap.15,3. 16,7.

3. E dschettan la seguonda vouta: Alleluja! ed il füm da quella va sü da saimper a saimper.

4. Ed ils * vainche quatter vegls, e l's quatter animals, as büttettan giò, ed adoretan Deis, sezzand sül trun, dschand: Amen, Alleluja! *Ap.4,4. 6.

5. Ed üna vusch gnit our dal trun, dschand: Lodai nos Deis, *vus* tuots seis serviaints, e *vus* chi l'tmais, pit-schens e grands.

6. Lura udit eu sco la vusch d' üna granda quantità, e sco l sun da bleras auas, e sco la romur da fermstuns, chi dschaivan: Alleluja! * Perche il Segner nos Deis, l'omnipotaint, ha regnâ. *Ap.11,15. 12,10.

7. Ans allegrain e güvlain, e dain ad el la gloria; perche * las nozzas del agnè sun rivadas, e sia muglier s'ha apparechada. *Matt.22,2. 25,10.

8. * E l'ais stat dat d'esser vestida con biss splenduraint e net; perche il biss sun las ouvras güstas dels sancts. *Ps.45,14. 15. Ez.16,10.

9. E quella vusch am dschet: Scriva: * Beats quels chi sun clamats alla tschaina dellas nozzas del agnè. Ella am dschet eir: Quaists sun ils vairs plets da Dieu. *Luc.14,15.

10. Ed eu am büttet giò avant el, a seis peis, per l'adorar. Ma el am dschet: T'inguarda, *cha tü non fetschast quai*; eu sun confamagl teis, e da teis frars, * chi han la testimonianza da Gesu; adura Deis, perche la testimonianza da Gesu ais il spiert della profezia. *1Gioan.5,10. Ap.12,17.

11. Lura vazzet eu il tschel avert, e mera, ün chavagl alb, e quel chi sezzaiva sün el as clama * il fidel, e l'vardaivel; ed el güdicha e guerraia in güstia. *Ap.3,14.

12. * E seis ögls *eiran* sco flammass da fö, e sün sia teista *eiran* bleras coronas, ed el avai' ün nom scrit, il qual ingün non cognoscha, oter co el; *Ap.1,14. 2,18.

13. Ed eira vesti con üna rassa, * titta in sang, e seis nom as clama: † Il pled da Dieu. *Es.63,2,3. †Gioan.1,1.1 Gioan.5,7.

14. E l's exercits chi *sun* in tschel al seguitaivan sün chavals albs, vestits con biss alb e net.

15. Ed our dalla bocca da quel gniva üna spada tagliainta d'amanduos varts, agüzza, da batter con quella ils pövels; * ed el vain als redscher con üna percha da fier, ed el istess vain a chalchar † la tinna del vin dell' indignaziun, e dell'ira del omnipotaint Deis. *Ap.1,16. Ps.2,9. Ap.2,27. 12,5.

†Ps.76,13. Es.63,3. Ap.14,19. 20.

16. Ed el avaiava sün sia rassa, e sün la cossa, quaiist nom scrit: * Rai dels rais, e Segner dels signurs.

*1Tim.6,15. Ap.17,14.

17. Lura vazzet eu ün angel in pè nel solai, il qual bragit con granda vusch, dschand a tuots ils utschels chi svoulan per mez il tschel: * Gni, as raspai pro l grand convit da Dieu; *Ez.39,17.

18. Per mangiar charn da rais, e charn da chapitanis, e charn da *glieud* ferma, e charn da chavals, e da quels chi sun tschantats sün els; e

charn d' ogni sort da pövels, libers e famagls, pitschens e grands.

19. Ed eu vezzet la bestia, e 'ls raïs della terra, e lur exercits, raspats per far guerra con quel chi eira tshantâ sün quel chavagl, e con seis exercit.

20. Ma la bestia füt praisa, e con ella il* fos profet, chi avaiva fat ils signals avant quella, con ils quals el avaiva surmanâ quels chi avaiavan ardschvü l' insaina della bestia, e quels chi avaiavan adorâ sia imagina; † quaists duos füttan büttats vivs nel lai del fö ardaint con suolper. *Ap. 16, 13. † Ap. 20, 10.

21. E 'l rimanent füt mazzâ con la spada da quel chi sezzaiva stül chavagl, la quala gniva our da sia bocca, e tuots ils utschels füttan sadulats da lur churn.

CHAP. XX.

Un angel lia il diavel per milli ans, e lura, gnand slargiâ il diavel, rasp' el Gog e Magog contra la baselgia; co Cristo vain a gnir a güdichar.

LURA vezzet eu ün angel, chi gniva giò da tshel, ed avaiva la clav del abiss, ed üna granda chadaina in man;

2. Ed el piglet * il dragun, la serp veglia, chi ais il diavel e satanas, il qual surmaina tuot il muond; e 'l liet per milli ans; *Ap. 12, 9.

3. E 'l büttet nel abiss, il qual el serret, e sigillet sur quel; acio ch'el non surmaness plü ils pövels fin chafüssan complits ils milli ans; e lura davo quai ha el da gnir slargiâ per pac temp.

4. Lura vezzet eu * truns, e sün quels as mettettan a zer *persunas*, allas qualas füt dat il güdizi; vezzet eir las ormas da quels chi eiran stats decapitats per la testimonianza da Gesu, e per il pled da Dieu; e chi non avaiavan ardschvü sia insaina sün lur frunts, e sün lur man, e quaists turnettan in vita, e † regnan con Cristo quels milli ans.

* Dan. 7, 9. 22. 27. Matt. 19, 28. Luc. 22, 30.

1 Cor. 6, 2. 3. † Rom. 8, 17. 2 Tim. 2, 12. Ap. 5, 10.

5. E 'l rimanent dels morts non turnet in vita, fin chafüssan complits ils milli ans. Quaista *ais* la prüma resüstanza.

6. Beà e sanct *ais* quel, chi ha part nella prüma resüstanza; sur quaists non ha pussanza la mort seguonda; ma saran * sacerdots da Dieu e da

Cristo, e vegnan a regnar con el milli ans. * Es. 61, 6. 1 Petr. 2, 9. Ap. 1, 6. 2, 11. 5, 10.

7. E, cur quels milli ans saran complits, schi sarà satanas slargiâ da sia preschun, e vain ad ir oura per surmanar ils pövels, chi *sun* sül quatter chantuns della terra, * Gog e Magog, per ils raspar in battaglia; il number dels quals *ais* sco 'l sablun del mâr.

* Ez. 38, 2. 39, 1.

8. E vegnan a gnir sù nella distaisa della terra, e vegnan ad incresar il champ dels sancts, e la chara città.

9. Ma giò da tshel vain a' gnir fö, *tramiss* da Dieu e vain als magliar.

10. E 'l diavel, chi 'ls ha surmanats, sarà büttâ nel lai da fö, e da suolper, * ingio *ais* la bestia, e 'l fos profet, e saran tormentats di e not, da saimper a saimper.

* Ap. 19, 20.

11. Lura vezzet eu ün grand trun alb, e quel chi sezzaiva sün quel; avant il qual * fügit il tshel e la terra, e non füt chattâ lö per els.

* 2 Petr. 3, 10.

12. Ed eu vezzet ils morts, grands e pitschens, chi staivan sù dret avant il trun, * e 'ls cudeschs füttan averts, ed ün oter cudesch füt avert, † chi ais *il cudesch* della vita, e 'ls morts füttan güdichats our dallas chosas scrittas nels cudeschs, seguond lur ouvras.

* Dan. 7, 10.

† Ex. 32, 32. Ps. 69, 29. Fil. 4, 3. Ap. 3, 5. 13, 8.

13. E 'l mâr det nan ils morts chi *eiran* in quel; medemmamaing la mort e l' infern dettan nan lur morts, e quels füttan güdichats, seodün seguond sias ouvras.

14. E la mort e l' infern * füttan büttats nel lai da fö. Quaista *ais* la mort seguonda.

* 1 Cor. 15, 26. 54. 55.

15. E, sch' alchün non füt chattâ scrit nel cudesch della vita, schi gnit el büttâ nel lai da fö.

CHAP. XXI.

Co sanct Gioanne ha vis üna nouva città da Gerusalem, e co in quella città saja.

LURA vezzet eu * ün nouv tshel, e nouva terra; perche il prüm tshel e la prüma terra eiran passats via, e 'l mâr non eira plü.

* Es. 65, 17. 66, 22. 2 Petr. 3, 13.

2. Ed eu Gioanne vezzet * la sancta città, la nouva Gerusalem, chi gniva

giò da tsel dalla part da Dieu, perderta sco üna spusa, fittada † per seis mari.

* Gal. 4, 26.

Ebr. 11, 10. 12, 22. 13, 14. Ap. 3, 12. † 2Cor. 11, 2.

3. Ed eu udit üna granda vusch da tsel, chi dschaiva: Mera, il tabernacul da Dieu con la gliend, ed el vain ad avdar con els, e quels saran seis pövel, e Deis istess sarà con els lur Deis;

4. * Ed el vain a süjantar sü ogni larma da lur ögls, † e la mort non sarà plü; medemmamaig ** non sarà plü cordöli, ne bragizi, ne travaglia; perche las chosas del prüm sun pasadas.

* Es. 25, 8. Ap. 7, 17. † 1Cor. 15, 26. 54. ** Es. 35, 10.

5. E quel chi sezzaiva sü trun dschet: * Mera, eu fetsch ogni chosa nouva. Lura am dschet el: Scriva! perche quaists plets sun vardaivels, e fidels.

* Es. 43, 19. 2Cor. 5, 17.

6. Lura am dschet el: L' ais fat. Eu sun l' Alfa e l' Omega, il principi e la fin; * a chi ha sait vögl eu dar per dun our dalla fontana dell' aua della vita.

* Es. 55, 1.

Gioan. 4, 10. 14. 7, 37. Ap. 1, 8. 16, 17. 22, 17.

7. Chi venscha vain ad ertar quai-stas chosas; ed eu vögl esser seis Dieu, ed el vain ad esser meis figl;

8. Ma, quant als timids, ed als increduls, * ed als pechadurs, ed als abominabels, ed als omiciders, ed als pitanêrs, ed a quels chi dan tössi, ed als idolaters, ed a tuots ils mansnêrs, lur part sarà nel lai ardant con fö e suolper, chi ais la mort seguonda.

* 1Cor. 6, 9. Gal. 5, 21. Ef. 5, 5. Ebr. 12, 14. 1Tim. 1, 9.

9. Lura gnit * ün dels set angels, chi avaivan las set coppas plainas dellas set ultimas plajas, e favlet con mai, dschand: Vè, eu t' vögl mossar † la spusa, la muglier del agnè.

* Ap. 15, 1. † 19, 7.

10. Ed el am transportet nel spiert sün ün grand ed ot munt, e m mosset la granda città, la sancta Gerusalem, chi gniva giò da tsel, dalla parte da Dieu;

11. Chi avaiva la gloria da Dieu, e sia glüm eira simila ad üna peidra preziosissima, a guisa d' üna peidra da jaspis, transparent sco cristall;

12. Ed avaiva ün grand ed ot mür; ed avaiva * dudesch portas, e sün las

portas dudesch angels, e noms scrits süsura, chi sun *ils noms* dellas dudesch schlattas dels infants d' Israel.

* Ez. 48, 31.

13. Dal oriain *eiran* trais portas, dal settentrion trais portas, da mezdi trais portas, e dal occidaint trais portas.

14. E l' mür della città avaiva dudesch fondamaints, * e sün quels *eiran* ils dudesch noms dels dudesch apostels del agnè.

* Matt. 16, 18. Ef. 2, 20.

15. E quel chi favlaiva con mai * avav' üna channa d' or, per masürar la città, e sias portas, e seis mür.

* Ez. 40, 3.

16. E la città eira da figüra quadrangulara, e sia lungezza *eira* eguala alla ladezza; ed el masüret la città con quella channa, ed *eira* da dudesch milli stadis; la lungezza, la ladezza, e sia otezza *eiran* egualas.

17. El masüret eir il mür da quella, ed *eira* da tschient quaranta quatter passa, masüra da crastian, cioè d' angel.

18. E la fabrica da seis mür eira *da* jaspis, e la città *eira* d' or pür, simil al vaider pür.

19. E 'ls fondamaints del mür della città *eiran* fittats con ogni peidra preziosa; il prüm fondamaint *eira* da jaspis, il seguond da saffir, il terz da calcedon, il quart da smaragd;

20. Il quint da sardonix, il sesavel da sardi, il settavel da crisolit, l'ottavel da beril, il novavel da topaz, il deschavel da crisopras, l'ündeschavel da hiacint, il dudeschavel d' ametist.

21. E las dudesch portas *eiran* da dudesch perlas, scodüna dellas portas eira d' üna perla, e la piazza della città *eira* d' or pür, sco vaider transparent.

22. Ed eu non vezzet in quella alchün taimpel; perche cha l' Segner, Deis omnipotaint, e l' agnè sun il taimpel da quella.

23. E la città non ha bsögn del solai, ne della giüna, acio ch' els splendoran in ella; perche la gloria da Dieu l' illümna, e l' agnè *ais* sia glümèra.

24. * E 'ls pövels vegnan a chaminar nella glüm da quella; e 'ls rais della terra vegnan a portar la gloria, e lur onur in ella.

* Es. 60, 3.

25. E * las portas da quella non saran mà serradas da di; perche † là non sarà not alchüna. * Es. 60, 11. 20. † Zac. 14, 7.

26. Ed in ella's porterà la gloria, e l'onur dels pövels;

27. * Ed inguotta da malnet, o chi cometta abominaziun, o falsità, non vain ad intrar in ella; ma solum quels chi sun scrìts nel eudesch della vita del agnè.

* Es. 35. 8. Gioel 3, 17. Ap. 22, 14. 15.

CHAP. XXII.

L' angel continua a mossar a Gioanne la bea-denscha, suot diversas figuràs; lura conferm' el quaista profezia; disch cha non as bsögna müdar in quella inguotta.

LURA am mosset el * ün flüm net d' aua da vita, cler sco cristall, il qual procedaiva dal trun da Dieu, e del agnè.

* Ez. 47, 1.

2. In mez * la piazza della città, e del flüm *corrent* da qua e da là, *eira* il bösch † della vita, chi fa dudesch früts, rendand seis früt per scodün mais; e la fronsla del bösch ais per ** la sandà dels pövels,

* Ap. 21, 21. † Gen. 2, 9. Ap. 2, 7. ** Ez. 47, 12.

3. * E qua non sarà alchüna exeraziun; ed in quella sarà il trun da Dieu, e del agnè; e seis serviaints vegnan al servir;

* Zac. 14, 11.

4. E vegnan a vair sia fatscha, e seis nom *sarà* sün lur frunts.

* Matt. 5, 8. 1 Cor. 13, 12. 1 Gioan. 3, 2.

5. E * qua non sarà not alchüna; e non averan bsögn d' ampula, ne da glüm da solai; perche † il Segner Deis vain als illüminar, e quels vegnan a regnar da saimper a saimper.

* Es. 60, 19. 20. Zac. 14, 6. 7. Ap. 21, 25. † Ps. 36, 10.

6. Lura am dschet el: Quaists plets *sun* fidels e vardaivels; e l' Segner, Deis dels spierts dels profets * ha tramiss seis angel, per mossar a seis serviaints las chosas, chi han da gnir in cuort temp.

* Ap. 1, 1.

7. * Mera, eu vegn bod; † beà chi salva ils plets della profezia da quaist eudesch.

* Ap. 3, 11. † Ap. 1, 3.

8. Ed eu Gioanne *sun quel* chi ha udi e vis quaistas chosas. E, cur eu *las* avet udidas e visas, * schi 'm büttet eu giò, per adorar avant ils peis del angel, chi m'avaiva mossà quaistas chosas,

* Ap. 19, 10.

9. Ed el am dschet: T' inguarda, *cha*

tü non fetschast quai; eu sun confamagl teis, e da teis frars profets, e da quels chi salvan ils plets da quaist eudesch; adura Deis.

10. Lura am dschet el: Non sigillar ils plets della profezia da quaist eudesch; * perche il temp ais vicin. * Ap. 1, 3.

11. * Chi ais ingüst, cha 'l saja amo plü; e chi ais contaminà, as contaminà amo plü; e chi ais güst vegna güstificà amo plü; e chi ais sanet vegna santificà amo plü. * 2 Tim. 3, 13.

12. Mera, eu vegn bod, * meis premi *ais* con mai, per render a scodün seguond cha sarà sia ouvra. * Es. 40, 10. 62, 11.

13. * Eu sun l' Alfa, e l' Omega; il principi, e la fin; il prüm, e l' ultim.

* Ap. 1, 8. 11.

14. Beats quels chi mettan in effet * ils comandaments da quels; acio ch' els hajan drets vi' al bösch della vita, ed intran tras las portas nella città.

* 1 Gioan. 3, 24.

15. Our dadoura *vegnan ad esser* ils * chans, e quels chi dan tössi, e 'ls pitànèrs, e 'ls omiciders, e 'ls idolaters, e scodün chi ama e commetta falsità.

* Fil. 3, 2.

16. * Eu Gesu ha tramiss meis angel, per as dar testimoni da quaistas chosas nellas baselgias. † Eu sun la ragsch, e la generaziun da David, la staila splendurainta, e della daman.

* Ap. 1, 1. † Ap. 5, 5.

17. E l' spiert e la spusa dischan: Vè! E chi oda dia medemmamaing: Vè. * E chi ha sait vegna; e chi vöul, piglia per dun dell' aua della vita. * Ap. 21, 6.

18. Eu protest ad ogni ün chi oda ils plets della profezia da quaist eudesch, cha, sch' alchün metta pro a quaistas chosas, schi vain Deis a trametter sur el las plajas scrittas in quaist eudesch;

19. E, sch' alchün piglia davent dals plets del eudesch da quaista profezia, * schi vain Deis a tour davent sia part dal eudesch della vita, e della sancta città, e dellas chosas scrittas in quaist eudesch.

* Ex. 32, 33. Ps. 69, 29.

20. Quel chi da perdüta da quaistas chosas disch: Tschert, eu vegn bod. Amen. Schi, vè, Segner Gesu.

21. La grazia del Segner Gesu Cristo *saja* con tuots vus. Amen.

Bible
Romansh
1870

Bible. Romansh
La Scanta Biblia. 1870.

10410 J

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

